



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





Migne, Jacques ravi

PATROLOGIÆ

CURSUS COMPLETUS,

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM.

SIVE LATINORUM, SIVE GRÆCORUM,

QUI AB ÆVO APOSTOLICO AD TEMPORA INNOCENTII III (ANNO 1216) PRO LATINIS
ET CONCILII FLORENTINI (ANN. 1439) PRO GRÆCIS FLORUERUNT :

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIMA
ECCLESIE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS, PERQUAM DILIGENTER CASTIGATA; DISSERTATIONIBUS, COMMENTARIIS, VARIISQUE LECTIONIBUS CONTINENTER ILLUSTRATA; OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS DETECTIS, AUCTA: INDICIBUS PARTICULARIBUS ANALYTICIS, SINGULOS SIVE TOMOS SIVE AUCTORES ALICUJUS MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLIFICATA ;

DUCENTIS ET AMPLIUS LOCUPLETATA INDICIBUS AUCTORUM SICUT ET OPERUM, ALPHABETICIS, CHRONOLOGICIS, STATISTICIS, SYNTHETICIS, ANALYTICIS, ANALOGICIS, IN QUODQUE RELIGIONIS PUNCTUM, DOGMATICUM, MORALE, LITURGICUM, CANONICUM, DISCIPLINARE, HISTORICUM, ET CUNCTA ALIA SINE ULLA EXCEPTIONE; SED PRÆSERTIM DUOBUS INDICIBUS IMMENSIS ET GENERALIBUS, ALTERO SCILICET RERUM, QUO CONSULTO, QUIDQUID NON SOLUM TALIS TALISVE PATER, VERUM ETIAM UNUSQUISQUE PATRUM, NE UNO QUIDEM OMISSO, IN QUODLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ SACRÆ, EX QUO LECTORI COMPERIRE SIT OBIVIUM QUINAM PATRES ET IN QUIBUS OPERUM SUORUM LOCIS SINGULOS SINGULORUM LIBRORUM S. SCRIPTURÆ VERSUS, A PRIMO GENESEOS USQUE AD NOVISSIMUM APOCALYPSIS, COMMENTATI SINT :

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS, CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS, TUM NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIÆ DECURSU CONSTANTER SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA, SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM, PRIMUM AUTEM IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE PERTINENTIBUS, COADUNATORUM.

SERIES LATINA.

IN QUÆ PRODEUNT PATRES, DOCTORES SCRIPTORESQUE ECCLESIE LATINÆ
A TERTULLIANO AD INNOCENTIUM III :

ACCURANTE J.-P. MIGNE,

Bibliothecæ Cleri universæ,

SIVE CURSuum COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIÆ LATINÆ TOMUS LXXIII

VITÆ PATRUM, SIVE HISTORIÆ EREMITICÆ LIBRI DECEM,
TOMUS PRIOR

PARISIIS,

APUD GARNIER FRATRES, EDITORES ET J.-P. MIGNE SUCCESSORES.
IN VIA DICTA AVENUE-DU-MAINE, 189, OLIM CHAUSSÉE DU-MAINE, 127.

1879

BR
60
.M4
t.73

APPENDIX
... ..

APPENDIX
AD MONUMENTA SEX PRIORUM ECCLESIAE SÆCULORUM
VITÆ PATRUM
SIVE
HISTORIÆ EREMITICÆ LIBRI DECEM

AUCTORIBUS SUIS ET NITORI PRISTINO RESTITUTI

AC NOTATIONIBUS ILLUSTRATI, OPERA ET STUDIO HERIBERTI ROSWEYDI, ULTRAJECTINI
E SOCIETATE JESU THEOLOGI.

ACCEDIT

ONOMASTICON RERUM ET VERBORUM DIFFICILIORUM, CUM MULTIPLICI INDICE,
ETIAM CONCIONATORIO,

EDITIO MEMORABILISSIMA QUÆ ANTWERPÆ PRODIIT, ANNO DOMINI MDCXXVIII, EX OFFICINA PLANTINIANA,
NUNC AUTEM ACCURATIUS REVIVISCIT,
NOVISSIME CORRIGENTE ET RECENSENTE

J.-P. MIGNE,

Bibliothecæ Cleri universæ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

TOMUS PRIOR.

PARISIIS, 1879.

APUD GARNIER FRATRES, EDITORES ET J.-P. MIGNE SUCCESSORES,
IN VIA DICTA : AVENUE-DU-MAINE, 189, OLIM CHAUSSÉE-DU-MAINE, 127.

1879

ELENCHUS OPERUM

QUÆ IN HOC TOMO LXXIII CONTINENTUR

	Col.
Prolegomena	13
Vitarum Patrum liber primus	89
— — liber secundus, sive Historia monachorum.	707
— — liber tertius, seu Verba seniorum	739
— — liber quartus.	813
— — liber quintus.	851
— — liber sextus, seu Verba seniorum	991
— — liber septimus, seu Verba seniorum	1025
— — liber octavus, sive Historia lausiaca	1065

ALPHABETUM
JORDANUS VITAE

MONITUM

Seriei Patrum quæ a Tertulliano ad Gregorium Magnum extenditur quasi coronidem imponimus Vitas Patrum Rosweydi, opus videlicet omnium votis exoptatum, laudibus commendatum. Nec a nostro proposito nobis aberrare videmur, dum sex priorum sæculorum monumentis hanc Vitarum collectionem subijcimus quarum auctores forte omnes ad illam temporis periodum, satis multi ad Patrologiam Latinam pertinent: iis qui Græce scripserunt non nisi sub antiquissimæ interpretationis larva se nunc Lectori studioso offerentibus, et quasi jus latinitatis ab hac speciali forma mutualis, donec ipsos, in serie Græca, suis locis legere liceat, propriam linguam loquentes recentiorique interpretatione donatos. M.

AD ANTONIUM DE WINGHE

ABBATEM LÆTIENSEM ORDINIS SANCTI BENEDICTI

ET RELIGIOSUM EJUS CÆTUM

Heriberti Roswendi proœmium

Annus jam agitur quartus, ex quo mihi provinciam hanc, admodum reverendissime Domine, Vitas Patrum recognoscendi imposuisti, omnem operam qua a libris qua a sumptibus, ut olim Evagrius in Syriæ eremo Vitas sanctorum Patrum non minus calamo quam vita exprimentis Hieronymo, identidem spondens. Exstimulabat te copiosus, quem ex hoc libro cujusque religiosum animum consequi posse censebas, fructus. Ego primum detrectare, causari quod alio opere distinerer, suggerere de Baronii legendis reliquiis, quem sciebam eo olim animo fuisse, ut eam ornaret provinciam; ideoque Romæ inquirendum esse, si quæ forte ornamenta reliquerit.

Primo igitur quoque tempore Romam cogitans, per illustrem et reverendissimum admodum dominum Moronatum sancti Michaelis in Gallia abbatem, etiam illustrissimum cardinalis Perronii accedentibus auspiciis, a Baronia horum studiorum consensu inquiris, si quid subsidii ad hanc rem præstantissimum Annalium scriptor reliquerit. Responsum vero hoc Roma accipitur (Epistol. Rom. ad cardin. Perron.): « Verum quidem est, ad instantiam multorum piorum fratrum fuisse animum illustrissimo cardinali Baronio S. M. amplificare et scribere in librum Vitas Patrum, quod et promisit in aliquibus suis libris; sed huc usque operi non adhibuerat manum, quia studia sua alio direxit. Præceperat quidem in eum finem procuratori ordinis Cassinensis, ut scriberet ad duo vel tria principalia monasteria sui ordinis, et inquireret an haberi possent libri impressi vel manuscripti, qui tangerent hanc materiam; et si bene memini illustrissimo cardinali Sappatz supplicavit, ut in Hispaniam scriberet pro simili inquisitione. Et existimabat aliquid se etiam reperturum in bibliotheca Vaticana; sed præventus morte exsequi non potuit. Domini non inveni nisi unum librum Vitas Patrum, impressum Lugduni anno 1522, tam mendosum ut vix possit intelligi. Hæc causa est cur illustrissimæ Dominationi vestræ nequeam satisfacere, sicut ipsa cupit, et sicut ego libenter et cum omni reverentia facerem, si mihi esset integrum. Si quis sit qui manum adhibere velit huic operi, et operam suam impendere ut perfectum reddat hoc opus, rem præstabit gratissimam Deo optimo maximo et utilissimam omnibus religiosis volentibus pie vivere. »

Hoc habito responso, cum viderem hanc provinciam mihi integram relictam, quam a me adornari optabas, omnibus aliis studiis sepositis, in unam hanc rem incubui. Et quidem tria mihi potissimum in hac recognitione præstanda esse sentiebam.

Primo, ut quoniam ab auctoribus omnis libris auctoritas, in eos non perfunctorie inquirerem. Quod qua cura præstiterim, tum manu ductione librorum scriptorum, tum historiæ variæ monitu, docebunt proxime sequentia prolegomena.

Secundo, ut textus prodiret genuinus, nullis interspersus glossematis, nullo subditio adornatus fuco. Nempe ramenta auri e venis suis sinceriora exeunt, quam a fornace aurificis mistione nescio qua subinde adulterata. Quam in rem manuscriptos undique Codices non e Belgio tantum, sed etiam ex Germania evocavi, quorum catalogum prolegomeno 24 reperies. Quæ sivi et editiones quas nancisci potui vetustissimas; imo me prope omnes, seu recentiores seu vetustas nactum esse vix dubitem asserere. Certe ad XIX diversa exemplaria indagavi et inspexi, quæ locis et annis assignatis prolegomenon 17 suggeret. His fretus subsidiis manuscripta cum impressis imprimis comparavi, nunc manuscripta cum manuscriptis, nunc impressa cum impressis quoque committens.

Tertio, ut sicubi verbum aliquod difficile occurreret, sicubi ritus aliquis rarior dubium teneret lectorem, sicubi historia perplexa sensum turbaret, difficultatem explanatione tollerem, raritatem similium adductione no-

PATROL. LXXIII.

torem facerem, perplexitatem collatis inter se historicis evolverem, omnibus denique locis tenebrosis, quantum mihi domestica suggererat facula, lucem inferrem.

Quia vero memineram Baronium hisce Patrum Vitis jam olim bene voluisse (Baron. Notat. in Martyr. Roman. 17 Jan.), quidquid ex ejus scriptis ad has Vitas illustrandas colligere potui, suis locis ejus verbis dedi, et vel eo nomine libuit magno viro parentare.

Habes, admodum reverendissime domine praelate, instituti mei rationem, habes Vitas Patrum tantopere desideratas. Quas tibi tuoque cœtui imputabil posteritas, quod favore sumpluque vestro, veste nunc prodeant cultiore.

Sed nullasne solemnibus praeceptorum more, laudum tibi tuoque cœtui licebit hic laureas texere? Non permittis Deo domesticoque sat gloriosus teste. Sustinere igitur me calamum a tuis tuorumque laudibus jubes, et ne affectus, inquis, tuus erga nos transferat te supra rei veritatem (Epist. Abbatis Winghii ad Herib.). » Ego vero, etsi de affectu testari possim, nihil me extra verum de te tuisque sentire, ne tamen in limine, quod aiunt, ad inobedientiæ lubricum offendam, jussis pareo.

Nihil dicam de religionis quo flagras studio, nihil de paupertatis quo gaudes amore, nihil de pietatis quo in Deum exæstuas ardore, nihil de præclaro tuorum regimine, quibus non verbis magis quam exemplo præis; nihil denique (de quo tamen ego copiosissime loqui, tu libentissime audire posses) de singulari tuo in minimam societatem nostram affectu, quem aninus tunicaque non minus nostratem, quam religiosa regulæ discretione præcipuè observantia (Greg. l. II Dial., c. 36). et maforte Benedictinum facit. Nihil igitur de tuis laudibus dicam, quod hæc laudum stabella semper flagella existimasti.

Sed nec te pro merito convenire licebit, religiose cœtus Lætiensis, qui disciplina vestra repræstatis nobis Tabennam Pachomii, Ammonis Nitriam, Macarii Sceten? Quos enim non una Læticia virtutum manipulos exhibuit sub Blossio? quibus non charitatis pyropis exsplenduit sub Doulletio? quo non effulsit religionis decore sub Le Francquo? Quisquis profecto Vitas Patrum leget, dum Ægypti perambulans solitudines, Paulos, Antonios, Paphnutios lustrat; dum Palæstinæ deserta pervadens, Hilariones, Hesychas, Epiphantos invisit; dum Syriæ rupes antraque perreptans, Ephræmos, Aphraates, Julianos visitat; is Lætiam oculis, Lætiam animo, Lætiam adoret vestigiis. Ibi magnorum illorum virorum imitatores, quorum sacra in religiosorum animis viget memoria, abbates inveniet. Quibus ne Winghium non minus virtutum quam dignitatis successorem accenseam, ejus non patitur modestia. Quare eum posteris, non suspectis mortuorum censoribus, laudandum relinquuo.

Fruere interea, admodum reverendissime domine praelate, cum religioso tuo cœtu hoc sumptibus tuis elimato de Vitis Patrum tomo. Cui si alter quandoque tomos accedat, qui omnia Patrum ascetica scripta uno velut fasce comprehendat, haberes quidquid ad veterum ascetism requiri possit. Quo enim hic liber ad mores efformandos exemplis præsit, alter docendo manuduceret. Sed quia scriptum memini: CÆPIT JESUS FACERE ET DOCERE (Act. I), hic nunc factorum liber præcurrat.

Quod si solito favore studia mea perrexeris proseguere, et sacræ historiæ amantes e suis singuli provinciis Sanctorum Vitas pergant submittere, dabo operam ut illæ quoque simili modo recensitæ subsequantur.

Nova Allocutio

Hæc vola mea erant anno 1615, quando ex umbra ad solem auspiciis vestris Vitæ Patrum typis Morelianis prodibant. Et jam sanctorum reliquorum Historiæ me accingebam, cum ecce tibi prodit nonnemo Ecclesiæ hostis, cui necessario occurrendum fuit. Relictis igitur sanctorum armariis ad sancitorum armamentaria me converti.

Et post tres debellatos hostes, post Historiam Ecclesiasticam et nonnulla alia patriæ data, cum jam Vitas Sanctorum in manus resumerem, et Januarius pluteum premeret, ut ad prælum adornaretur, interpellor ab accuratissimo typographo mihiq; amicissimo Balthasare Moreto, qui asserebat Vitas Patrum posci, identidemque reposci. Huic igitur operi rursus me impendi, et hos æstivos menses correctioni et editioni dedi, adjunctis singularibus tuis observationibus, bonarum spongiarum plenis.

Gratas porro nunc, uti olim, has veterum Patrum melotas denuo expumicatas, in piorum auctorum domesticum tuum cimiliarchium venturas, spem facit certam præclara illa tua sedulitas, quam in elucidando et ornando Blossio, parente Lætiensium optimo, non laboribus, non sumptibus parcens adhibes, donec tandem nova amictus synthesi post hasce Vitas, his ipsis D. Moreti amici tui typis, publico animarum bono, in lucem veniat. Quod ut cito fiat, omnes volumus.

Interea, admodum reverendissime domine, redit ad te tuamque Lætiensium coronam, qua merito gloriari potes, liber hic laborque denuo desudatus; qui priscus, qui novus tuus est totus, tuus ære libraque, mancipio tuus. Tantum oro atque obtestor, ut precibus apud Deum optimum maximum quibus vales, velis obtinere, ut hæc novantiqua editio, ad æmulandam sanctorum Patrum virtutem in omni religioso cœtu, toto orbe terrarum fecundior apparere possit.

IN VITAS PATRUM

PROLEGOMENA XXVI

Benevolo lectori salutem.

[1] Ne offendare, lector, si stylus quandoque rudior, si phrasis occurrat in Vitis Patrum et verbis seniorum incomptior; rem ipsam appende, non verba: fructum lege, non folia; florem carpe, ne volaticos desideras pappos. Præclare magna Ecclesiæ lumina, sanctus Hieronymus: « In loquendo simplicitatem excusabit sanctimoniam magnitudo (*Hieron., epist. 101, Pammach.*). Sanctus Augustinus: « Bonorum ingeniorum insignis est indoles, in verbis verum anare, non verba. Quid enim prodest clavis aurea, si aperire quod volumus non potest? aut quid obest lignea, si hoc potest, quando nihil quaerimus, nisi patere quod clausum est (*Augustin., lib. iv de Doctrina Christ., cap. 11*)? » Quibus egregie succinit illustrissimus cardinalis Baronius: « Sicut effossum informe aurum et rude eo charius esse solet, quod nihil videatur alterius metalli habere commistum, ita egregia monumenta sua ipsius vetustate atque simplicitate micantia, quibus res potius quam verba in pretio esse solent, gratiora plane erunt atque jucundiora quovis scripto recentioris auctoris, quibuscunque eloquentiam phaleris exornato. Quidquid enim obducitur fuco atque pigmentis, suspectum redditur, pulchriorque entescit ipsa sua puritate simplicitas, quæ quod mentiri nesciat, omne quamvis ad ornatum compositum velamentum abhorret (*Baronius, tom. III, anno 356*). »

Ego vero ita mecum ratiocinari soleo: Qui hæc legent, vel in Latinitatis adyta penetrarunt, vel ante Latinitatis portas etiamnum [II] exercentur et suspirant, prioribus non oberit stylus minus Latinus, cum ipsis domi suppetat, unde Latiniorem depromant; posteriores hic incunabula sua quandoque reperient, nec ipsi lingua minus prompti erubescant ad tertiata et velut offensantis linguæ fragmine dimidiata verba. Equidem solidum aurum, licet terrulenta obductum facie, caryoticis vilium Kalendarum strenis semper prætuli; venustis quidem specie, fronteque divitias mentientibus, sed tenui tamen tantum auri illitis aspergine, et hoc fuco domesticam tegentibus paupertatem.

Ne mirere quoque, lector, Vitas Patrum toties cusas, recusas, et per tot doctorum virorum transisse manus, nec nitori tamen suo pristino hactenus redditas. Sed enim considerari opto, quod monet divus Augustinus, nempe sumus, « tanquam minuscularii vectigalium conductores, vel tanquam opifices in vico argentario, ubi unum vasculum, ut perfectum exeat, per multos artifices transit, cum ab uno perfecto perfici possit. Sed aliter non putatum est operantium multitudini consulendum, nisi ut singulas artis partes cito ac facile discerent singuli, ne omnes in arte una tarde et difficile cogentur esse perfecti (*Aug., lib. vii de Civitate Dei, cap. 4*). »

Ita plerumque evenit in libris recensendis. Non ab uno aliquo, non a duobus, sed a pluribus sæpe res una perficitur; cum hic in antiquariorum præstantiam inquirat, ut typographorum castiget vitia; iste ordinis et rerum majorem rationem habet, ille historiam. Ita multorum collata manu, prout quemque genus ducit, prodit tandem aliquid accuratum.

Quod ut de editione hac spondere non audeam, ita lectorem invitare non vereor, ut editionem hanc cum aliis editionibus conferat, et arbiter sedeat operæ a singulis præstitæ.

Quæ mihi subsidia fuerint, tum a libris mss., tum ab Editis, quid alii quoque præstiterint, qui ante me hac decurrere orbita, edisseram ordine, si prius de horum librorum inscriptione, auctoribus, interpretibus, auctoritate (quæ solemuia fere præambula sunt) non omnino perfunctorie disseruero.

PROLEGOMENON PRIMUM.

Quæ horum librorum inscriptio.

[III] Dico primo, ut nunc passim, ita jam olim libri hi, (vel certe eorum pars) inscripti fuere: *Vitæ Patrum*.

1. Gelasius papa, in concilio anno Christi 494 cum LXX episcopis Romæ habito delectum habuit ecclesiasticorum librorum, decretumque condidit, quod habetur in decreto Gratiani dist. 15, cap. *Sancta Romana Ecclesia*, in quo ista habet: Vitas Patrum, Pauli, Antonii, Hilarionis, et omnium eremitarum, quas tamen vir beatus scripsit Hieronymus, cum omni honore suscipimus. »

A 2. Gennadius, de illustr. Ecclesiæ Scriptor., cap. 11, in Evagrion monacho: « Cujus etiam liber, qui attulatur *Vitæ Patrum*, velut continentissimi et eruditissimi viri mentionem facit. » Et cap. 41, de Petronio Bononiensi episcopo: « Scripsisse putatur Vitas Patrum monachorum Ægypti. »

3. Paschasius S. R. E. diaconus prologo suo in librum, quem de Vitis Patrum rogatu Martini Dumiensis abbatis Latinitati donavit: « Vitas Patrum sanctorum, Græcorum (ut cætera) facundia studiose conscriptas, jussus a te, sanctissime Pater, in Latinum transferre sermonem. »

4. Cassiodorus Instit. divin. lect. cap. 32 : « Vitas Patrum, confessiones fidelium, passiones martyrum legite constanter; quas inter alia in epistola Hieronymi ad Chromatium et Heliodorum proculdubio reperitis, qui per totum orbem terrarum florere, ut sancta imitatio vos provocans, ad cœlestia regna perducat. »

5. Sanctus Benedictus in regula sua, cap. 42 : Monachi omni tempore, sive jejunii sive prandii fuerit, mox ut surrexerint a cœna, sedeant omnes in unum, et legat unus Collationes vel Vitas Patrum, aut certe aliquid quod œdificet audientes.

6. Gregorius Turonensis, lib. I de Vita Patrum sui sæculi, in Leobardo recluso, cap. 12, cui tentatio cellulam relinquendi inaccesserat : « Ego vero suspirans non minimo dolore increpare hominem cœpi, asserens diaboli esse caliditatem librosque ei, et Vitas Patrum, ac institutionem monachorum, vel quales qui recluduntur esse debeant, vel cum quali cautela monachos vivere oporteat, abscedens ab eo direxi. Quibus relectis non solum cogitationem pravam a se discussit, verum etiam tanto sensum acumine erudit, ut miraremur facundiam locutionis ejus. »

7. Georgius Alexandrinus in Vita sancti Joannis Chrysoptomi, c. 22 : 'Εν δὲ ταῖς συντυχίαις αὐτοῦ βίον ἀγίων Πατέρων καὶ ἀναχωρητῶν, καὶ [III] τὴν τούτων πολιτείαν καὶ ἀρετὴν ἐξηγεῖτο, ὥστε ἐκ τῶν τοιούτων βημάτων πολλοὺς καταύττεσθαι καὶ πλῆθος θαυμάτων καταφέρειν ἐκ τῶν ὀφθαλμῶν αὐτῶν, ποθεῖν δὲ καὶ τὸν μονήρῃ βίον μετελλεῖν, καὶ ἀποτάξασθαι τῆς τύρης καὶ συγγύσεως τοῦ βίου. « Porro in suis familiaribus colloquiis subinde commemoravit Vitæ sanctorum Patrum et anchoretarum, eorumque conversationis ac virtutis, ita ut ejusmodi sermonibus compungerentur non pauci, ita ut ex eorum oculis uberrimæ elicerentur ac defluerent lacrymæ, et ingenti desiderio caperentur solitariam exercendi vitam, et extremum vale dicendi turbulentæ confusio vitæ hujus. »

8. Fulbertus Carnotensis episcopus, epist. 79 : « Mitto tibi Cyprianum, Porphyrium, et Vitas Patrum cum Psalterio, ut petisti. » Et in fine libri post hymnum de Nativitate Christi et Epiphania : « In Vitis Patrum veterum quiddam legi jucundum. » Ubi rhythmicè recenset Joannis Parvi seu Brevis historiolum, qui instar Angeli agere desiderabat nihil operans, quod habes apud Ruffin., lib. III, n. 56, et Pelagium, libell. X, num. 27.

Dico secundo : Quidam ex his libris inscripti quandoque fuere, Verba seniorum.

Ita Beda Martyrologio suo, 19 Julii : « Apud Thebaidam sancti Patris nostri Arsenii, de quo in Verbis Seniorum refertur, quia propter redundantem lacrymarum tergendarum sudarium semper in sinu vel in manu habuerit. » Eadem apud Usuardum, Rabanum, Adonem, Notkerum. Desumpta sunt autem ex lib. III Ruffini, num. 163, et Pelagii, libello III, n. 1.

Originem tituli hujus credo esse ex crebra verbi

mentionem in hisce libris. Apud Ruffinum, lib. III Vitarum Patrum, num. 130 : Quod verbum antequam quiescam, sero ex cordis mei recenseo veritate. » Apud Pelagium, libro V Vitarum Patrum, libello III, n. 2 : « Dic mihi aliquod verbum. » Et n. 9 : « Rogabant autem eum senes, ut faceret verbum ad fratres. » Et num. 24 : « Abba, dic mihi aliquod verbum. » Et libello V, n. 13 : « Ostende charitatem, abba, et dic mihi verbum. » Et num. 32 : « Audivi enim quia dixerit abbas Pastor, sed et alii fratres hoc verbum. » Libello VI, num. 5 : « Dicens quodam verbo, quod memoriæ dignum est commendari. » Num. 12 : « Dic mihi unum verbum. » Et apud Joannem, libro VI Vitarum Patrum, libello III, n. 4 : « Dic fratribus verbum ædificationis, pater. » Et alibi passim.

Sane jam olim profanis auctoribus verbum pro axiomaticè vel brevi sententia, qualia hæc Patrum verba sunt, usurpatum. Terentius Andria, act. 1, scen. 5 : « Miseram me, quod verbum audio? » Ubi Donatus : « Verbum pro ἀξιωμα more suo posuit. » Ibidem, act. 11, scen. 5 : « Verum illud verbum est, vulgo quod dici solet. » Ubi Donatus : « Id est, proverbium, [v] et sententia; et sic veteres verbum pro sententia. » Idem, Eunuchus, act. 1, scen. 2 : « Utinam istuc verbum. » Donatus : « Et istuc verbum, pro tota sententia. Verbum pro dicto. Sed proprie ἀξιωμα, id est sententia vel enuntiatio, quæ uno ligatur et astringitur verbo, verbum a veteribus dicebatur. » Ibidem : « Victus uno verbo quam cito. » Donatus : « Verbum dictum intelligas, quod verbo complectitur, et completæ sententiæ pronuntiationem, quod ἀξιωμα nominabatur. » Idem, Eunuchus, act. 4, scen. 5 : « Verbum, Hercle, hoc. » Donatus : « Verbum, proverbium. » Idem, Adelphi., act. 5, scena 8 : « Non meum illud verbum facio. » Donatus : « Verbum pro ἀξιωματι posuit, quod uno stringitur verbo. Ergo verbum brevis sententia, verbum dixit veram sententiam. Nam verba esse a veritate dicta, testatur Varro. »

Quæ alii verba, Cassianus scita vocat libro V Instit., cap. 24 : « Cum de Syriæ partibus Seniorum scita discere cupientes, Ægypti provinciam petissemus. »

Dicebantur etiam sententiæ. Pelagius, libello XI, n. 20 : « Loquar de verbis et sententiis Seniorum. » Quandoque sermones. Pelagius, libello IV, n. 1 : « Sedentes in navi loquebantur sermonem Patrum. » Et apud Cassianum, collat. 1, cap. 1, habes « Sermone ædificationis. »

Subinde responsa. Paschasius, cap. 44, in fine : « Hæc sapientium et spiritualium responsa Patrum. » Et Sigebertus de illustr. Ecclesiæ Scriptor., cap. 118 : « Interrogationes et responsiones. »

Item apophthegmata. Petronius, Bononiensis episcopus, apud Alphonsum Ciacconem, tractatu de sancti Hieronymi cardinalitio, ut mox citabitur prolegomeno 4, § 7. Et nuper in Bibliotheca Patrum, tomo IX, in secunda et tertia editione, liber quintus et sextus Vitarum Patrum hoc nomine editus est. Quin

et prologus Prati spiritualis, seu novi Paradisi, qui Parisiis Græce editus est anno 1604 ex Codicibus Vaticanis et viri clarissimi Francisci Olivarii, eum librum continere ait *διηγήματα τε καὶ ἀποφθέγματα ὁσίων καὶ δικαίων καὶ φιλοχρίστων πατέρων τε καὶ ἀδελφῶν* : « narrationes ac scite dicta seu apophthegmata, sacrorum, justorum Christique amantium Patrum et fratrum. »

Nonnunquam *gesta senum*, Joannes Moschus, Prati spiritualis cap. 55 : « Dedit mihi librum ad legendum, in quo *gesta senum scripta erant.* » In Græco est : Βέλιον γερωντικόν. Ita quoque nominatur apud Dorotheum in *Doctrinis*.

Dicti quandoque hi libri sunt Πατερικόν seu Πατρικόν. Ita hic post habes prologomeno 12, de Paradiso Joannis Moschi. Et alia quoque Mss. vidi quæ Πατρικόν pro titulo habent.

[vi] Quæret hic primo criticus quispiam, quæ inscriptio sit potior, Vitane, an Vitæ? Non hanc moverem quæstionem, nisi jam olim de ea quæsitum legissem apud Gregorium Turonensem. Ille igitur, præfatione in librum suum de Vita Patrum, qui liber agit de quibusdam sæculi sui sanctis viris : « Quæritur, inquit, a quibusdam, utrum Vita sanctorum an Vitæ dicere debeamus, Aulus Gellius autem et complures alii Grammaticorum Vitas dicere voluerunt. Nam Plinius auctor, in tertio Artis grammaticæ libro ait : « Vitas antiqui cujuscunque nostrum dixerunt; sed grammatici pluralem non putant habere Vitam. » Unde manifestius est, rectius dici Vitam Patrum quam Vitas, quia cum sit diversitas meritorum virtutumque, una tantum omnes vita corporis alit in mundo. »

Pro Gregorio quis adducere possit, quod habet Sosipater Charisius, lib. II Instit. gram., cap. de Interjectione : « Vita Deum immortalium. Cato senex. Ubi Statilius Maximus : Ἐκφώνησις, inquit, ἀρχαῖκή, ὡς τὸ Πόποι. Cum enim Cato de pluribus loqueretur, Vita potius dixit quam Vitæ. » Sic Flavius Vopiscus in Carino : « Maxime cum vel vivorum principum Vita non sine reprehensione dicatur. »

Olim tamen obtinuit tam apud profanos, quam ecclesiasticos scriptores, ut Vitæ dicerentur. Virgil. IV Georg. :

Quemque sibi teneras nascentem arcessere vitas.

Idem VI Æneid., de Minoe :

..... Vitasque et crimina dicit.

Et eodem libro :

Inde hominum pecudumque genus vitæque volantum.

Rursus libro eodem :

Et ni docta comes tenui sine corpore vitas
Admoneat volitare.

Cicero, de Nat. Deor. lib. I : « Deus hominum comoda vitasque tuetur. » Idem de Amicit. : « Serpit per omnium vitas amicitia. » Terentius, Adelph., act. 3, scen. 3 :

Inspicere tanquam in speculum in vitas omnium
Jubeo, atque ex aliis sumere exemplum sibi.

Capitolinus in Macrino : « Vitæ illorum principum,

A seu tyrannorum, sive cæsarum, qui non diu imperaverunt, in obscuro latent. » Et mox : « Sed ejus, qui Vitas aliorum scribere orditur, officium est digna cognitione perscribere. » Lampridius, in Alexand. Severo : « Vitas principum honorum versibus scripsit. » Divus Augustinus, de Civit., libro XXII, cap. 29 : « Unde discernimus a non viventibus corpora, nisi corpora simul vitasque videamus? » Sidonius, libro IV, epist. 14 : « Quia Christo res humanas vitasque medicaturo, putrum conscientiarum cultro squalens ulcus aperimus. » Accedunt [VII] auctoritates præcedentis conclusionis, ubi et ipse Gregorius Vitas Patrum, quas hic præ manibus habemus, ita vocat, quod eo nomine vulgatissimæ essent.

Quæret secundo religiosior alius, num Patrum nomen nimis invidiosum sit, nec ab religiosis et eremitis vel usurpandum promiscue vel admittendum? Hieronymus, libro II in epist. ad Galatas, in explanatione commatis hujus, *Misit Deus spiritum filii sui in corda nostra clamantem, Abba, Pater* (Gal. IV), creditur improbasse piam monachorum consuetudinem, qui præfectos suos honoris gratia abbates et patres appellant; præter hoc autem, etiam juramenti jus Christianis videtur ademisse. Habet enim eo loci verba hujusmodi : « Cum autem Abba, Pater, Hebræo Syroque sermone dicatur, et Dominus noster in Evangelio præcipiat nullum Patrem vocandum nisi Deum (Matth. XXV), nescio qua licentia in monasteriis vel vocemus hoc nomine alios, vel vocari nos acquiescamus. Et certe ipse præcepit hoc, qui dixerat non esse jurandum. Si non juramus, ne Patrem quidem quempiam nominemus. Si de Patre interpretabimur aliter, et de jurando aliter sentire cogemur. » Hæc ille.

Sed respondet Sixtus Senensis, lib. VI Bibliothecæ sanctæ, annotat. 279 : « Arbitror, ait, hanc periodum a seditioso quopiam monacho in fronte paginæ descriptam, et inde postea ab oscitantibus libraribus in contextum translata. Nec me falli, argumento sunt quæ Hieronymus sententia plane contraria, et ex professo scripsit libro quarto in Matthæum, ubi inquirens quomodo intelligendum sit illud Servatoris mandatum, *Nolite vocari magistri, et patrem nolite vocare vobis super terram*, etc. (Matth. XIII, 8, 9), sic ait : « Quæritur quare adversus hoc præceptum, doctorem gentium Apostolus se esse dixerit, aut quomodo vulgato sermone, maxime in Palæstina et Ægypti monasteriis, se invicem Patres vocant? quod sic solvitur. Aliud est natura esse patrem vel magistrum, aliud indulgentia; nos si hominem patrem vocamus, honorem ætati deferimus, non auctorem nostræ ostendimus vitæ. Magister quoque dicitur ex consortio veri magistri. Et æc infinita replicem, quomodo unus per naturam Deus, et unus Filius non præjudicat cæteris, ne per adoptionem dii vocentur, et filii; ita et unus pater et magister non præjudicat aliis, ut abusive appellentur patres et magistri. » Hactenus ex divo Hieronymo Sixtus.

In eandem quoque sententiam divus Augustinus,

collatione Carthaginensi tertia, capite 242 : « Honorificentiae causa patres appellamus eos qui nos vel tempore vel meritis praecesserunt. Aliud est cum quaerimus ad fidem quem habeamus patrem. Nam illud honoris est, ut quotidie senibus dicamus, pater; quotidie etiam quibusdam non nobiscum in una ecclesia, nec in iisdem sacramentis constitutis dicimus, frater. [VIII] Sodomitis etiam dixit Lot, frater (Gen. XIX) : utique ad leniendum eorum animositatem, non ad cognitam fraternitatem, et quasi unius hereditate consortium. Tollantur ergo ista. Distinguas vocabula, quae hominibus propter honorem debentur, et vocabulum quod propter salutem requirimus. »

Sed et alibi sanctus Hieronymus anachoretarum principes patres vocat epist. 22, ad Eustochium : « Macarius, Pambo, Isidorus, quos patres vocant. » Cyrillus etiam Alexandrinus epistolam quam misit ad presbyteros et diaconos, quae habetur in Actis synodi Ephesinae, parte I, cap. 2, simul inscripsit, Πατράσι μοναχοῖς, « Patribus monachis. »

Quaeret tertio fortasse curiosulus aliquis unde in plerisque libris editis quasi recto casu, vel ἀπρώτως seu indeclinabiliter Vitas Patrum inscribatur? Ita quidem editio Veneta, anno 1508, in fronte pro titulo praefert. Respondeo, videri possit ortum ex primis quibusdam editionibus, in quibus cum nullum libro frontispicium praefigatur, sed initium appellationis ducatur; vel a prologo qui in Norimbergensi, anno 1478, sic habet : *Incipit prologus sancti Hieronymi presbyteri in libros Vitas Patrum*; vel a registro, ut in Germanicis incerti loci, anno 1483 et 1485 : *In antiquorum Patrum Vitas, a beato Hieronymo conscriptas registrum*; factum videtur ut posteriores editores, Vitas Patrum, ἀπρώτως, seu inflexibiliter ceperint. Certe prima omnium editio, nullo certo anno, loco, typographo consignata aliter habet : *Incipit praefatio beati Hieronymi presbyteri in primum librum de Vita sanctorum Patrum*. Ut non immerito Galenus Westcapellus, catechesi 225 asserat se nescire qua grammatica liber hic inscribatur Vitas Patrum.

Sed non acceptam occasionem ex primis editionibus librum eum vocandi et inscribendi Vitas Patrum, vel inde patet, quod constet antiquam fuisse appellationem Vitas Patrum, etiam ante impressionem. Clarum id est Vitas Fratrum, quarum auctores hinc suum titulum videntur hausisse et adumbrasse. Et quidem diversus a diversis eo titulo liber est insignitus. Humbertus quintus magister generalis ordinis D. Dominici, dicitur Vitas Fratrum sui ordinis composuisse, ut habet frater Theodoricus de Apoldia epistola praefatoria ante Vitam sancti Dominici, 5 Augusti. Nondum vidi eum librum prodiisse eo auctore. Habeo penes me Mss. Vitas Fratrum ordinis D. Dominici, auctore Gerardo de Fracheto Dominicano, qui eum librum scripsit jussu Humberti generalis quinti anno 1260. Citat et eum Antonius Senensis in Bibliotheca scriptorum sui ordinis. Quia igitur auspiciis Humberti eum librum scripsit Gerardus, et

quia Humbertus ipse praefatur, ipsi Humberto eum fortasse tribuit Theodoricus. Nunc vero, cum Vitas has secundo [IX] typis submitto, prodiit is liber Duaci apud Balthasarem Bellerum anno 1619.

Jordanus quoque de Saxonia ordinis fratrum eremitarum sancti Augustini librum composuit, quem Vitas Fratrum inscripsit, editusque est Romae anno 1587, curante Augustino Fiviziano, ejusdem ordinis religioso, apostolici palatii sacrista, cum notis M. Antonii Maffaei Salernitani. Josephus Pamphilus episcopus Signinus in Chronico ordinis eremitarum sancti Augustini citat ex Vitis illis initium Spiritualis pulchritudinis, quod initium nunc in editis non compareret. Forte olim eo initio praefatio fuit praefixa, quae nunc deest.

Accedit etiam vetustos quosdam Mss. titulum praeferre Vitas Patrum. Ita liber Vedastinus ante annos supra dccc scriptus litteris, ut vocant, capitalibus.

Sed qua grammatica, vel qua occasione liber ille ita inscriptus? D. Georgius Colvenerius, M. N. Academiae Duacena cancellarius, existimabat, vetustissimo more ad Graecorum imitationem librum primo dictum et inscriptum, *Liber Vitas Patrum*, pro *Liber Vitae Patrum*, id est, liber qui continet Vitam Patrum; ut Vitas sit genitivus singularis, ut familias in paterfamilias. Deinde *Liber* omissum esse, simpliciterque dictum *Vitas Patrum*. Ego vero nescio an quispiam hanc antiquitatis formam in posterioribus saeculis sit admissurus. Certe Joannes Despauterius, lib. II Commentariorum grammaticorum, in prima declinatione, ait : *Liber Vitas Patrum* sic non dicitur, sed *Vitae Patrum*; legi *Vitas Patrum*, etc.

Hadrianus Courten noster, Belgique nostri in grammaticae palaestra alter Palæmon, existimat imperitiam scriptoris ex his verbis *Vita S. Patrum*, fecisse *Vitas Patrum*, probabili in primis facillique conjectura.

Mihi vero occurrebat hujus appellationis originem profluxisse ex veterum citatione, qui ita fere librum hunc citant, licet verbo addito, ut patet hic in prima conclusione, ubi Gelasius ait, « Vitas Patrum cum omni honore suscipimus. » Gennadius : « Petronius scripsisse putatur Vitas Patrum. » Paschasius : « Vitas Patrum jussus in Latinum transferre sermonem. » Cassiodorus : « Vitas Patrum proculdubio reperitis. » Sanctus Benedictus : « Legat unus Vitas Patrum. » Gregorius Turonensis : « Vitas Patrum abscedens ab eo direxi. » Hinc igitur, quia toties apud auctores legebant quidam *Vitas Patrum*, eam appellationem τεχνικῶς libro indidere. Satis autem constat ex Gennadio supra citato, librum hunc olim recte in recto inscriptum *Vitae Patrum*. Ita enim ille cap. 14, in Evagrion : « Cujus etiam liber, qui attituitur *Vitae Patrum*, velut continentissimi et eruditissimi viri mentionem facit. »

PROLEGOMENON II.

Qui horum librorum auctores.

[X] Hic vero cardo totius rei vertitur. Ut enim monetæ non tantum a pondere, sed et ab effigie suos

est valor, ita et libri pretium non tantum a mole, A sed et ab auctore aestimatur.

Quod si auctor quandoque latet, tunc investigare conabimur interpretem : qui si antiquus, si doctus, si probus, non magnopere de auctore laborabimus. Cur enim quod judiciosus interpret suo dignum stylo calamove judicavit, non vel ipsius fide recipiamus?

Quia vero multi hic libri sunt, a diversis auctoribus conscripti, et de quibusdam perplexissima res est, de singulis libris inquiram singulis prolegomenis.

PROLEGOMENON III.

Quis primi libri auctor?

Dico primi libri auctores varii sunt : quidam certi, quidam dubii, quidam incerti.

Certi auctores, suarum singuli Vitarum, sunt : 1. B Divus Hieronymus, auctor Vitarum aliquot, ut Pauli primi eremitæ, Hilarionis anachoretæ, Malchi monachi captivi, Fabiolæ, Paulæ Marcellæ Romanarum viduarum. 2. Sanctus Athanasius episcopus Alexandrinus, auctor Vitæ sancti Antonii. 3. Paphnutius, auctor Vitæ sancti Onuphrii eremitæ. 4. Sanctus Ephrem Syrus, auctor Vitæ sancti Abrahæ eremitæ, et Mariæ ejus neptis. 5. Amphilocheus Iconiensis episcopus, auctor Vitæ Divi Basilii Cæsareæ Cappadociae episcopi. 6. Antonius auctor Vitæ sancti Simeonis Stylitæ. 7. Leontius Neapolis Cypriorum insulæ episcopus, auctor Vitæ sancti Joannis Eleemosynarii patriarchæ Alexandrini. 8. Joannes Damascenus auctor Vitæ sanctorum Barlaam et Josaphat. 9. Jacobus diaconus Edessenus, auctor Vitæ sanctæ Pelagiæ. 10. Sophronius, patriarcha Jerosolymitana, auctor Vitæ sanctæ Mariæ Ægyptiacæ.

[xi] Dubius unus est Theophilus, auctor Vitæ Macarii Romani. Nam quod Baronius not. ad Martyrolog. Rom. 2 Januarii ait, Macarii Romani Vitam, quæ est in Vitis Patrum, scriptam per Theophilum, nescio an illi sit tribuenda. Habetur quidem nomen Theophili initio Vitæ Macarii, sed et nomina duorum sociorum adjunguntur, Sergii et Hygini. Et quod narratur, omnium narratur nomine, ut non proclive sit definire quis eorum trium hanc de Macario narrationem in scripta retulerit.

Imo Gratianus, in decreto 27, q. 2, cap. 26, Hieronymi nomine, Macarii e thalamo fugam citat, quod non aliunde quam ex hac Macarii Vita videtur hausisse.

Quod verò Hieronymi nomine citaverit, id errore communi factum, quo Vitæ Patrum omnes vulgo Hieronymo fuere tributæ; cujus erroris occasionem et originem vide infra, prolegom. 4, § 8.

Incerti auctores sunt reliquarum Vitarum, quæ primo libro continentur.

Sed interpellat hic D. Constantinus Cajetanus, qui in Apologia sua pro Joanne Gersen, sanctæ Euphrosynæ Vitæ certum videtur velle assignare auctorem, et quidem hæreticum. Quod equidem unde hauserit nescio, certe nullius nomen prodit auctoris. Qui ubi proditus fuerit, examinabitur ejus conditio. Et quid

obstaret, etiamsi auctor hæreticus esset, Vitam ab eo descriptam sinceram esse? Facile cuique est ἀπομαγείν.

PROLEGOMENON IV.

Quis secundi libri auctor?

De hoc potissimum libro quæstio est. Hic enim ille est quem veteres plerique, dum Vitas Patrum citant, intelligunt. Quod colligere est tum ex divo Hieronymo, epist. ad Ctesiphontem adversus Palagian., ubi ait, Joannem in ipsius libri poni principio, quem hic primum reperis; tum ex Gennadio, de illustr. Eccle. Script., cap. 40, qui asserit librum, « qui attitatur *Vitæ Patrum*, velut continentissimi et eruditissimi viri (Evagrii) mentionem facere; » qui libri hujus cap. 27 occurrit.

Tam variæ pugnantisque de auctore hujus libri (nisi velimus a singulis diversos libros scriptos vel interpolatos) sententiæ sunt, ut operæ pretium sit eas in paragraphos partiri, ut singularum momenta appareant, et justa judicii trutina expendi possint. Auspicabor a Græcis.

§ I. *Auctorem videri Timotheum episcopum Alexandrinum.*

[xii] Sozomenus, lib. vi, cap. 29 Hist. Eccl., cum de Apollone, qui in Thebaide vixerat, egisset, addit : 'Ἄλλ' οἷζ μὲν ἀγωγῆ ἐχρήτο, καὶ ἡλίμων ἦν οὐρίων καὶ παραδόξων πραγμάτων ποιητής, ἱστορεῖ Τιμόθεος ὁ τῶν Ἀλεξανδρείων ἐκκλησίαν ἐπιτροπεύσας εὖ μάλα, αὐτοῦ καὶ πολλῶν ὧν ἐπεμνήσθη, καὶ ἄλλων δοκίμων μοναχῶν τοῦς βίους διεξελθών. « Sed quænam fuerit ejus disciplinæ ratio, et quanta quamque divina fecerit miracula, Timotheus Ecclesiæ Alexandrinæ antistes accurate narrat : qui non illius modo, sed aliorum etiam complurium, de quibus facta est a me mentio, Vitas litteris persecutus est. » Atqui capite præcedenti mentio facta monachorum Joannis, Or, Amon, Beni, Theonæ, Copri, Helle, Eliæ, Apellis, Isidori, Serapionis, Dioscori et Eulogii, quorum omnium Vitæ in hoc secundo Vitarum Patrum libro habentur.

Equidem, qui Timotheum libri hujus auctorem faceret, nondum legi; visum tamen mihi fuit id quod de eo habet Sozomenus in medium producere, ut doctiorum judicio perpendi possit. Mihi certe omnino vero simile fit plerasque libri hujus Vitas ex Timotheo adumbratas. Apollonis sane Vita, quam Timotheus dicitur εὖ μάλα, seu accurate scripsisse, hoc libro, cap. 7, accurate perscriptam habes Apollonii nomine. Exstat quidem eodem modo apud Palladium Lausiac. Hist. cap. 52, sed omnino alter ab altero habet, recentior forte a vetustiore; quamquam ætate potius suppreses sunt.

§ II. *Auctorem videri Palladium Galatam Helenopoleos episcopum.*

Galenus Westcapellius, catech. 215, ubi refutat historiolum de Macario, qui dicitur e nuptiis fugisse, Palladium hujus libri auctorem videtur facere. Ait enim : « Ne in illo quidem fictitio libro, qui inscribitur, nescio qua grammatica, Vitas Patrum, quid-

quam deprehendi; ubi Palladius, utrique Macario A familiariter notus, longe alia refert. »

Equidem quod Palladius, vel quisquis libri hujus est auctor, utrique Macario familiariter notus fuerit, in hoc libro, seu Vitis Patrum non dicitur; sed in ipsa Palladii Lausiaca Historia profitetur Palladius, se Macario Alexandrino convixisse.

Sed ut Galenum errore liberem, non de Macario Ægyptio vel Alexandrino (ut Galenus videtur existimasse) narratur ea historiola, sed de Macario Romano, cujus Vitam primo libro hic reperies; habetur quoque ea de Macarii e thalamo fuga narratio in decreto 27, q. 2, cap. 26, *Scriptis*.

Quia tamen et in hoc libro, et in Lausiaca Historia, eadem fere [XIII] non tantum de utroque Macario, sed et de aliis plerisque omnibus habentur, non B inanis omnino suspicio est, vel auctorem hujus libri a Palladio, vel hunc ab illo, vel utrumque a tertio quopiam, ordine tantum mutato, quibusdam detractis vel additis, sua mutuatos.

Est quidem nonnulla in narratione diversitas, sed ea perparva. Nam in hoc libro cap. 1, quod de Joanne est, narrat auctor se cum septem fratribus Joannem accessisse; in Lausiaca autem Historia narrat auctor quod solus Joannem convenerit, et post fratribus suis sociis de eo indicaverit, qui deinde ad eum profecti sunt, ex quorum narrat ore quæ præter ea quam ipse viderat de Joanne refert. Prolegomeno 14, in interprete libri VIII.

Equidem in vetustissimo quodam libello manuscripto collegii nostri Brugensis, quo variæ sanctorum Vitæ continentur, atque inter cæteras Abrahamæ eremitæ, præmittitur ei Vitæ præfatio, Benedictus Deus, et cum hoc titulo: *Incipit prologus Palladii viri doctissimi de Vitis Ægyptiorum Patrum*, quæ quidem præfatio hic huic secundo libro præfigitur.

§ III. Auctorem videri Heraclidem Bithyniæ episcopum.

Qui hoc diserte assereret, præter Gesnerum inveni neminem. Ita enim ille Bibliothecæ suæ tom. III, tit. VII, p. 1: « Heraclidis historia non alia puto quam de Vitis Patrum. »

Trithemius, Catal. Eccl. Script., asserit Heraclidem monachum de Vita et conversatione sanctorum Patrum scripsisse: « Heraclides, inquit, monachus, vir moribus sanctus, et divinarum Scripturarum eruditione insignis, sanctorum Patrum anachoretarum, ac monachorum diligentissimus inquisitor et imitator, qui velut argumentosa apis de singulorum conversatione flores virtutum in alveolum pectoris sui confrens, mel spiritalis dulcedinis procreavit, scripsit inter alia ad ædificationem legentium opus insigne, de Vita et conversatione sanctorum Patrum in eremo, vel in cœnobiis degentium sub regula, cujus titulus est, *Paradisus*, librum I. Claruit temporibus Gratiani imperatoris anno Domini 380. »

Prodiit hic liber Parisiis, ex officina Bellovisiana apud Joannem Parvum, anno Domini 1504, cura Jacobi Fabri Stapulensis, qui hæc de eo habet in

præfatione ad lectorem: « Ex opere ipso agnosci potest quod Alexandrinus, quod Christi succensus amore, inter deserta et antra ferarum pauperiem secutus; quod Bithyniæ (ipso quidem invito ac reclamante) totius populi suffragio in episcopum successus. » Vide plura de eo apud Petrum, in Catalogo SS., libro XI, cap. 87.

Baronius, annali 388 Heraclidis Paradisum eumdem facit cum Lausiaca Historia Palladii. Sane eadem utrobique reperias. [XIV] De utroque igitur idem esto judicium, quoad libri hujus auctorem.

Idem ante Baronium senserat Aloysius Lipomanus episcopus Veronensis, tomo III de Vitis sanctorum, qui editionem Heraclidis, nonnulla interpolatione adhibita (de qua vide prolegomeno 14, ubi agitur de interprete libri VIII, cujus auctor est Palladius) Palladii nomine tomo illi III inseruit. Qui porro discutiendum sibi operæ pretium arbitratus est, unde factum sit ut ementito vero hujus libri auctore (ut ipse existimat) sub titulo Paradisi Heraclidis in lucem emergerit.

Idque primum, inquit, menti occurrit, Parisinum typographum istius commenti parentem exstitisse. Cum enim legisset is per divum Hieronymum in proœmio Dialogorum contra Pelagianos fuisse scriptum, « Palladium, servilis nequitiae virum, Origenis hæresim instaurare, » divum quoque Epiphanium in epistola ad Joannem episcopum Jerosolymitanum asserentem, « Palladium Galatam, qui olim sibi fuerat C charus, Origenis hæresim prædicare et docere, » veritus est bonus impressor, ne, si librum sub auctoris nomine evulgaret, is statim ab initio, ut ab hæretico homine conscriptus, exploderetur. Cogitavit igitur (meo iudicio) stropham illam, ut de Palladio Paradisum faceret, cujus perfacilis inversio videbatur, et tanquam ab alio compositum volumen edidit, quo doctos viros ad ejus emptionem facilius animaret. » Ita quidem Aloysius.

Cujus sane viri doctissimi studium atque industriam obscura quemque pervestigandi uti laudamus, ita hic conjecturæ felicitatem probare non possumus. Vere enim typographus librum eum Heraclidis nomine prænotatum invenit, et titulo Paradisi insignitum. Ita enim Ms. præfert quem inspexi, et jam olim a Vincentio Belvacensi in Speculo historiali, libro XVII, a capite 64, adusque 99, et Petro a Natalibus in Catalogo sanctorum, libro XI, cap. 87, eo nomine tituloque adductus est. Quin et veteribus Paradisus notus fuit. Photius enim Bibliothecæ suæ Codice 198 libri meminit qui inscriptus est Νέον Παράδεισον, id est, *Novus Paradisus*, quod de Limonario, seu Prato spiritali Joannis Moschi intelligi, declaratur sequenti Codice 199. Unde facile colligere est, si Novus aliquis Paradisus est, et Veterem aliquem fuisse, quem non alium ab hoc nostro fuisse liceat existimare.

Heraclides quoque, monachus quidam tempore Macariorum notus fuit, ut constat ex Nicephoro, lib. IX, cap. 14. Quin et Synodus ad Quercum habita,

apud Photium, Codice 59 de causa Joannis Chrysostomi, Heraclidis cujusdam meminit: ubi post primum et secundum accusationum a Joanne diacono propositarum caput [xv] examinatum subditur: « Deinde ceperunt de Heraclide et Palladio Helenopolis episcopis agere. » Diciturque Heraclides fuisse Origenista, et a Chrysostomo Ephesiorum episcopus ordinatus. Iidem conjunguntur articulo secundo in libello ab Acacio eidem synodo contra Chrysostomum oblato. Fusius de eo in Vita sancti Chrysostomi per Georgium Alexandrinum, qui ait eum in solitudine degisse solitarium.

Valde suspicor Palladium, ut tertio ex Herveti versione auctior prodiit, ex variis auctoribus esse concinnatum. Nam si Palladii primam editionem inspicias, vix tertiam eorum partem in ea invenias quam in postrema habentur. Inde prodiit Heraclidis titulo instructor aliquanto prima illa editione Palladii, minus tamen locuples quam postrema. Suspicionis meae fundus est, duplex praefatio apud Palladium, una Heraclidis, altera ipsius Palladii; ut facile fieri potuerit alterum alterius librum suo interseruisse. Sane dicitur quod habetur lib. v de Vitae Patrum, libello x, § 67, nomine Palladii, idem habetur in epistola Heraclidis Cappadociae episcopi ad Lausum praepositum ipsius Heraclidis nomine, quae epistola Lausiaca Historiae praemittitur. De varia Palladii editione vide prolegomeno 14, ubi de interprete libri viii agitur.

Nec mirum hic videri debet, a diversis, mutato nonnihil ordine, nunc imminuta, nunc auctiora eadem prodiisse, nam et in aliis hic adjunctis libris idem factitatum reperies. Quae enim libro III et VII habentur eadem fere omnia libro v et VI reperies; qui tamen libri singuli, ut singularem suum habent interpretem, ita et singulares auctores habuisse omnino mihi persuadeo, quinto et sexto fortasse exceptis, qui uterque eundem Graecum auctorem videtur habuisse, ut colligitur ex Photio; atque in hac editione tantum divisi sunt ob diversos interpretes. Vide Prolegomenon ultimum, Animadversione 4.

§ IV. Auctorem videri Evagrium episcopum Antiochenum.

Trithemius, Catalogo Scrip. Eccles., Evagrium episcopum Antiochenum Vitae Patrum primum auctorem facit: « Evagrius, inquit, monachus et discipulus sancti Macarii Aegyptii, et postea episcopus Antiochenus, vir undecunque doctissimus, et tam saecularibus quam divinis Scripturis eruditus, Graeco et Latino peritus eloquio, etiam in episcopatu prioris vitae austeritatem custodiens, tantae abstinentiae fuit, ut miraculo haberetur. Hic primus Vitam sanctorum Patrum scriptis commendavit. » Quae eadem iisdem pene verbis repetit Sixtus Senensis Bibliothecae sanctae libro IV.

Quod sane unde hauserint, suspicari non possum, cum nullus veterum, mea quidem scientia, huic auctori eas Vitae asserat. Fors iis imposuit [xvi] Evagrii nomen, quod Vitae sancti Antonii praefigitur, quam e Graeco divi Athanasii fonte, in Romanum solum Eva-

grius ille Antiochenus (ut ad Vitam sancti Antonii dicemus) deduxit. Quia igitur Evagrius hujus Vitae, quae caeteris Patrum Vitae adjungitur, et forte in nonnullis Mss. praemittitur, interpretes fuit, existimaverunt Trithemius atque Sixtus, etiam reliquarum Vitarum vel interpretem vel auctorem esse.

Labitur porro Sixtus cum Trithemio, cum Evagrius duos in unum conflant. Distinctus enim est Evagrius Episcopus Antiochenus ab Evagrio monacho et discipulo sancti Macarii Aegyptii.

Delrius noster, parte tertia Syntag. Trag. in Octaviam Senecae, actu 4 pag. 552 occasione Vitae sancti Antonii ab Evagrio hoc Antiocheno in Latinum traductae, in qua locum quemdam restituit, agit porro de alio hujus opere, nondum, ut existimabat, edito, quod hic excutiendum. « Evagrius, inquit, diaconus Theodosii senioris tempore vixit, et tres libros de Vita sanctorum monachorum, quos in Aegypto vidit, conscripsit, quos vidi Burdegalae in Bibliotheca collegii societatis Jesu, per antiquis characteribus, in membranis descripto; satis eleganti, licet rudi, stylo. In quorum libro III se a Narbona in Aegyptum navigasse scribit, et Bethlehem divum Hieronymum convenisse. Dignus scriptor, qui lucem aliquando aspiciat, alius ab illo cujus feruntur a nonnullis Patrum Vitae. »

Sed facile imponere potuit Delrio titulus Evagrii, ut existimarit alium hunc librum esse ab editis Patrum Vitae, quae divum Hieronymum in fronte praefurunt. Quod si membranas eas cum editis libris contulisset, deprehendisset statim non alias iis historias, sed eas ipsas Patrum Vitae contineri, nec ut librum a libro, ita auctorem ab auctore distinxisset. Hujus rei indicium primum cepi ex ipsis Delrii verbis, cum ait: « In quorum libro III se a Narbona in Aegyptum navigasse scribit, et Bethlehem divum Hieronymum convenisse. » Quae ipsissima narratio habetur in vulgatis Patrum Vitae; quaeque hic reperies libro IV, cap. 1 et 2, desumptaque sunt ex Severo Sulpicio, Dial. 1, cap. 2 et 3. Accedit monitio Possevini nostri in Apparatu sacro, qui in Ms. illo Burdegalensi haberi ait omnia, quemadmodum in editione Vitarum Patrum, quae divo Hieronymo tribuuntur, Lugduni apud Jacobum Hugatanum, anno Domini 1515, atque in eadem sententiam ad me perscripsit noster Fonto Ducæus Burdegalensis, ἀντίγραφον.

§ V. Auctorem videri Evagrium Ponticum.

Gesnerus, in Bibliotheca sua, et Georgius Wicelius, epistola nuncupatoria ante Historiam suam Divorum, et Joannes Molanus, cap. 13, in tractatu de Martyrologiis, et passim in annotat. ad Martyrologium Usuardi, censuere Evagrium Ponticum auctorem [xvii] esse Vitarum Patrum. Cujus sententiae quoque videtur fuisse Erasmus, cum notat ad epistolam divi Hieronymi ad Ctesiphontem, Ruffinum libri hujus interpretem statuit, quem Evagrii pleraque opera interpretatum esse asserit divus Hieronymus.

Quin et Cæsar Baronius, notat. ad Martyrolog. Rom., 17 Januarii, ubi de sancto Antonio, post re-

lata verba Gelasii ex decreto, d. 15: « Vitas Patrum Pauli, Antonii, Hilarionis, et omnium eremitarum, quas tamen vir beatissimus descripsit Hieronymus, cum omni honore suscipimus; » hæc subdit: « Ea est usus cautela Gelasius, quoniam et Evagrius Ponticus scripsit Vitas Patrum, et miscuit Origenistas nonnullos, quos idem Hieronymus notat scribens ad Ctesiphontem. » Et passim Evagrii nomine eas Vitas citat tum in Martyrologio, tum in Annalibus. In Martyrologio quidem 15 Januarii, notatione ad Isidorum; et 17 Januarii, notat. ad sanctum Antonium; et 27 Martii, notat. ad Joannem eremitam. In Annalibus vero anno Christi 1, et anno 393, et anno 394, et aliis locis.

Possevinus quoque in Apparatu sacro, in Evagrio, ait existimari eum Vitas Patrum composuisse, hoc est, primam earum partem (citatur ex vulgatissima, quam secundam voco, editione) ab initio prologi: *Benedictus Deus qui vult omnes*, usque ad caput: *De periculis in eremo*, quod præcedit Vitam sancti Pauli.

Sed et Aloysius Lipomanus, præfatione ante Palladium, quem repræsentat tomo III de Vitis sanctorum, loco illo divi Hieronymi inductus, existimavit ab Evagrio librum quasi de monachis conscriptum, qui tamen non exprimit an hujus eum libri auctorem censent; imo sentire videtur eum Evagrii librum jam non exstare.

Videamus nunc quibus hæc sententia, quæ Evagrii Ponticum libri hujus auctorem facit, argumentis niti possit.

1. Non aliud videtur Baronius sententiæ suæ argumentum habuisse quam illam divi Hieronymi epistolam ad Ctesiphontem, adversus Pelagianos, quæ libri cujusdam de Monachis seu Patrum Vitis mentionem facit. Respondeo: Non rite eam intellectam a Baronio mox ostendam, ubi Ruffinum illarum Vitarum auctorem (vel certe interpretem) ex ipsomet divi Hieronymi loco clarissime probabo.

2. Pro sententia Baronii adducere quis posset Honorium, de illustribus Ecclesiæ Scriptoribus, cap. 40, ubi ita habet: « Evagrius monachus, supradicti Macarii (Ægyptii) familiaris discipulus, divina et humana litteratura insignis, scripsit multa necessaria monachis, scilicet Vitam Patrum, et Adversum octo principalium vitiorum suggestiones. » Respondeo: Omnino vereor ne limi aliquid contraxerit hic rivulus, [xviii] qui in fonte suo fluit purius. Ita enim Gennadius cap. 11, ex quo sua corrivare solitus est Honorius: « Evagrius monachus, supradicti Macarii (Ægyptii) discipulus, divina atque humana litteratura insignis, cujus etiam liber qui attitulatur *Vita Patrum*, velut continentissimi et eruditissimi viri mentionem facit, scripsit multa monachis necessaria, ex quibus ista sunt: *Adversus octo principalium vitiorum suggestiones.* »

Nec existimo quemquam hic facile dubitaturum, potiorne Gennadio an Honorio fides sit adhibenda, cum ipse Gennadius ibidem asserat se pleraque

Græca Evagrii in Latinum sermonem transtulisse. Non absimilem Honorii vel errorem vel corruptionem vide initio libri II, notatione ad veterum de Ruffino elogium.

Omitto quod in hoc secundo libro de Vitis Patrum, cap. 27, exstet Vita Evagrii, « tanquam continentissimi et eruditissimi viri, » ut eam ibi haberi asserit Gennadius. Namejus eo in libro « spiritualium rerum scientia, et incredibilis abstinencia » commendatur, quam non est simile vero Evagrium ipsum de se historiam texuisse.

3. Quod si manuscripti quidam libri Evagrium præferunt, ut ille, de quo diximus, Burdegalensis, et qualem esse audio Parisiis apud clarissimum virum Nicolaum Fabrum, non magno opere movere debet. Duplici enim hoc causa fieri potuit, tum ex Vita sancti Antonii, quæ Patrum Vitis plerumque præmittitur, cui Evagrii tanquam interpretis titulus præfigitur, qui et aliis sequentibus post adhæsit; tum ex divi Hieronymi ad Ctesiphontem epistola male intellecta, de qua paulo post in Ruffino dicemus.

4. Locum invenio in Socrate, lib. IV, cap. 23, edit. Gr., et c. 18, edit. Lat., qui in hanc sententiam afferri posset. Ita enim capituli titulus concipitur: Περὶ τοῦ ἀγίου μονάζοντος Ἀμμωνῆ, καὶ ἐτέρων ἀγίων ἀνδρῶν κατάλογος ἐκ τῆς Ἐβραγρίου συγγραφῆς: *De sancto Ammon monacho, et aliis viris sanctis catalogus, ex Evagrii libro.* Verum in hoc capite tractatur de Ammone, Didymo, Piore, Isidoro, Pambone, Petiro, Macariis duobus, de quibus etiam agitur in hoc secundo de Vitis Patrum libro. Si igitur illa apud Socratem desumpta sunt ex libro Evagrii, ut titulus capituli præfert, videntur et hæc in Vitis Patrum ex ejus libro desumpta. Respondeo: Hæsi hic primo gradu, nec videbam qui me ab hac pedica expedirem; ubi tamen caput totum perlegi, e vestigio expeditus fui.

Nam Socrates initio capituli agit quidem de istis Patribus, sed nullam in textu mentionem facit unde ea desumpserit. Post medium capituli subjungit quædam de Vita Evagrii et ejus scriptis, inter quæ nullum numeratur quod diserte Vitas Patrum complexum fuerit. Inde ait opportunum esse tempus, « pauca ex illis quæ sunt ab eo de monachis commemorata, [xix] huic sermone attextendi. » Recenset autem ibi quædam Didactica ex libro qui *Monachus* seu *De vita in actione posita* inscribitur; item quædam ex libro, qui *Gnosticus* seu *Scientia præditus* dicitur. Et nihil eorum in hoc libro de cujus auctore controvertimus reperitur. Nicephorus quoque, lib. XI, cap. 42, enumerat scripta Evagrii, et nihil de Patrum Vitis habet; et cap. 43, citat quædam ex libro de Monachis et Gnosticis, sed nihil eorum in hoc libro comparat.

Quare quod titulus capituli habet, *ex Evagrii libro*, referendum est non ad totum caput, sed ad ea quæ textus expressis verbis monet ex Evagrii libro desumpta, Monacho scilicet et Gnostico. Et epigraphæ capituli sæpe non valde distincta, quia plerum-

que non ab auctore, sed a librario aliquo concinnatur. Sic Petrus Gillius Bosphori Thracii lib. II, cap. 10, clare deprehendit elenchos capitum historiae Sotomoni ab inscito homine factos. Nam quod clare in textu est lib. II, cap. 3, de Michaelio, illud in Hestiis esse ille ελεγχοποιός dicit esse in Sosthenio, quod Gillius ait amplius duodeviginti stadiis inde remotum. Pro Sosthenio apud Stephanum, de urbibus in Γυναϊκόπολις est Λεωσθέτιον.

Ne quis porro lectoris animo scrupulus insideat vel ob Baronii, vel aliorum auctoritatem, Vitas Patrum Evagrii Pontico asserentium, subjiciam hic librorum Evagrii Catalogum, ut is existat apud Socratem, Suidam, Nicephorum, Gennadium.

Ita igitur Socrates supra : Τούτω καὶ βιβλία ἄγαν σπουδαία συγγράμματα. Ὅν τὸ μὲν Μοναχός, ἢ περὶ B πρακτικῆς ἐπιτέγραπται, τὸ δὲ Γνωστικὸς ἢ τὸν καταξιοθέντα γνώσεως (lege ex Suida, ἢ περὶ τῶν καταξιοθέντων γνώσεως), κεφάλαια δὲ αὐτοῦ πεντήκοντα. Τὸ δὲ, Ἐπιβλητικὸς ἀπὸ τῶν θείων γραφῶν πρὸς τοὺς πειράζοντας δέξιμονας, ἐν ὅκτῳ διηρημένον μέρεσι, κατὰ τὸν ἀριθμὸν τῶν ὀκτῶ λογισμῶν. Καὶ ἑξακόσια προγνωστικὰ προβλήματα ἔτι μὴν καὶ στιγμῶν δύο, ἐν πρὸς τοὺς ἐν κοινότητι ἢ ἐν συνοδίαις μοναχούς· καὶ ἐν πρὸς τὴν παρθένον : « Libri ab illo accurate conscripti, quorum unus Monachus, sive de vivendi ratione quæ in agendo cernitur; alter Gnosticus, sive scientia præditus dicendus sit, in quo sunt capita quinquaginta, alter Antirrheticus, id est, adversus hæreses sentantes confutatio, ex sacris Litteris collecta, inque octo partes divisa, numero ὀκτὸ χωρίων ἑκάστης C nostræ apte respondentia. Sexcenta præterea problemata de rerum præsensu futurarum. His accedunt duo carminum libri : unus ad monachos qui in cœnobiis et conventibus ætatem degunt, alter ad virginem. » Quæ eadem ad verbum habes apud Suidam in Μακάριος, et apud Nicephorum, lib. XI, cap. 42.

Gennadius vero de illustribus Ecclesiæ Scriptoribus, cap. 11 : « Evagrius monachus supradicti Macarii (Ægyptii) familiaris discipulus, divina atque humana litteratura insignis. Cujus etiam liber qui attitulatur *Vitæ Patrum*, velut continentissimi et eruditissimi viri [xx] mentionem facit, scripsit multa monachis necessaria, ex quibus ista sunt :

« Adversum octo principalium vitiorum suggestiones, quas aut primus advertit, aut inter primos didicit, ex SS. Scripturarum testimoniis opposuit libros ; ad similitudinem videlicet Domini, qui tentatori suo semper Scripturarum testimoniis obviavit, ita ut unaquæque species vel diaboli, vel vitiatæ naturæ suggestionum contra se haberet testimonia. Quod opus eadem simplicitate, qua in Græco inveni, jussus in Latinum transtuli.

« Composuit et anachoretis simpliciter viventibus librum centum sententiarum, per capitula digestum.

« Et eruditis ac studiosis quinquaginta sententiarum, quem ego Latinum primus feci. Nam superiorem olim translatus, quia vitiatum per tempus et

confusum vidi, partim reinterpreto, partim emendando, auctoris veritati restitui.

« Composuit et cœnobitis et synoditis doctrinam aptam vitæ communis.

« Et ad virgines Deo sacratas libellum competentem religioni et sexui.

« Edidit et paucas sententias, valde obscuras et (ut ipse in his ait) solis monachorum cordibus cognoscibiles. Quas similiter ego Latinis edidi.»

Non hic assero quæ de eodem habet Honorius Catalogo suo de illustr. Ecclesiæ Scriptor., qui Gennadium exscribere solitus, idque subinde mutilate, ut monui hic argumento secundo.

Si Evagrius alicubi tractasset de Vitis Patrum in aliquo librorum ab auctoribus citatis assignatorum, valde simile vero est quod hoc præstitisset in libro de Monachis ; nam titulus ille in eam rem maxime quadrat; reliqui enim aliud promittere videntur quam Vitas Patrum, videlicet didactica quædam, et sententias. Sed nihil Vitarum in libro de Monachis fuisse, colligi potest ex reliquiis apud Socratem et Nicephorum, quæ tantum morales quasdam instructiones et sententias continent, quas suo loco verbis Evagrii dabimus, ubi eadem illæ sententiæ apud aliorum librorum de Vitis Patrum interpretem Evagrii senomine prodent.

§ VI. *Auctorem videri Joannem Jerosolymitanum episcopum.*

Henricus Gravius, notis ad epistolam divi Hieronymi ad Ctesiphontem, cum dicit hunc librum non esse Hieronymi vel Joannis Jerosolymitani, videtur innuere fuisse aliquos in ea sententia, ut existimaverint Joannem Jerosolymitanum harum Vitarum esse auctorem.

Qui hoc sentirent non legi, quare nec rationes eorum divinare possum. Fors inducti fuere in eam opinionem de Joanne, quia hic libro IV, cap. 35, auctor de Theodoro abbate dicit : « Meoque me [xxi] vocitans nomine dixit : Quanti, inquit, o Joannes, de Deo loquuntur? » quare eum Joannem existimaverint quorundam librorum de Vitis Patrum auctorem. Quod autem Jerosolymitanum hic potius quam quemvis alium intellexerint, ea causa esse potuit, quod liber quidam de asceticis circumferatur Joannis Jerosolymitani nomine, qui eis suspicionem ingenerare potuit eundem esse cum eo cujus libro illo quarto fit mentio.

Sed nec libri illius quarti, nec hujus secundi auctor est Joannes Jerosolymitanus. Quæ enim habentur libro IV, cap. 35, desumpta sunt ex Joanne Cassiano, lib. V Institut., cap. 35, ex quo et Severo Sulpicio totus ille liber contextus est, ut ibi ostendam. Unde et Ms. Lætiensis major quarto libro Joannem Cassianum præfigit.

§ VII. *Auctorem videri Petronium Bononiæ episcopum.*

Gennadius (non Hieronymus, ut non recte apud Antoninum, part. 2, tit. 11, cap. 11. § 5) de illustr. Ecclesiæ Scriptor., cap. 41, Petronium Bononiæ episcopum libri hujus auctorem suo tempore existima-

tum refert: « Petronius, ait, Bononiensis Ecclesiae episcopus, vir sanctae vitae, et monachorum studiis ab adolescentia exercitatus, scripsisse putatur Vitas Patrum monachorum Ægypti, quas velut speculum ac normam professionis suae monachi amplectuntur. » Similia habet Honorius Augustodunensis episcopus; Vincentius Belvacensis, in Speculo Historiali, lib. xx, cap. 25; Mombritius, tom. II de Vitis sanctorum, et Trithemius in Catalago illustr. Ecclesiae Scriptorum.

Nec aliunde quam ex Gennadio existimo deprompta quae habentur in Vita sancti Petronii, 4 Octobr., Petri Galesinii industria concinnata, ut ipse fatetur notationibus suis ad Martyrologium, licet Sigonii nomine apud Surium tomo V exstet: « Itaque in Ægyptum venit, ubi in intimam eremum penetrans, singulorum colloquio uti non destitit, quoad plane cognovit sancta eorum Vitae instituta. Inde domum reversus illam disciplinam tam vehementer amavit, ut litterarum monumentis tradiderit Monachorum Vitas, quas religiose conscriptas valdeque probatas iidem monachi amplexi sunt, quasi certas quasdam regulas, in quibus maxime eluceret omnis optima monastici instituti sui ratio. » Si tamen haec ex veteribus monumentis adumbrata sunt, non ex Gennadio, erit hoc secundum pro hac sententia testimonium.

Quia tamen Gennadius ait, *putatur scripsisse*, non omnino certum est eum Vitas Patrum scripsisse. Et ut aliquas scripserit, certe has ab eo non esse scriptas, evidenti divi Hieronymi testimonio firmari potest, qui eas alteri ascribit, uti clarum fiet § 10.

Et quidem Alphonsus Ciacco, tractatu De divo Hieronymi cardinalitio [xxii] haec citat ex ms. tractatu Petronii de selectis SS. Patrum Apophthegmatis: « Hieronymus vir in omni doctrinarum genere absolutissimus, S. R. E. presbyter cardinalis, cum ab aemulis suis accusaretur, ex voluminibus Origenis innumera in sua transtulisse opera, dixit: Laus quae debet Origeni offerri, maxima est; et cum illum in meis operibus imitatus sum, illum imitari proposui, quem nobis et omnibus prudentibus placere minime vereor. » Quae verba cum in hoc libro non exstent, certum est alium aliquem librum de Vitis et apophthegmatibus Patrum scripsisse sanctum Petronium. Quem variis litteris ex Italia evocatum nondum nancisci potui.

§ VIII. *Auctorem videri divum Hieronymum.*

Ita quidem editiones pleraeque omnes in fronte praefereunt. Et videri possunt iis nec auctores, nec astipulator es defuisse.

1. Gelasius Romanus pontifex in concilio Romano, de quo supra, Prolegom. 1, decreto de libris authenticis, ait: « Item Vitas Patrum Pauli, Antonii, Hilarionis, et omnium eremitarum, quas tamen vir beatus scripsit Hieronymus, cum omni honore suscipimus. » Quibus quidem verbis insinuare videtur Gelasius, etiam aliorum aliquot eremitarum Vitas ab Hieronymo fuisse conscriptas. Vetus quoque Vita divi Hieronymi ms.: « Plerumque eremitarum Pa-

trumque Vitas insignium veracissimo eloquio texuit historiis. » Respondeo Gelasium tantum asserere se omni cum honore omnium eremitarum Vitas, quas scripsit beatus Hieronymus suscipere, non tamen inde necessario deduci potest eum omnium eremitarum Vitas scripsisse. Scripsit praeter enumeratas disertis nominibus (excepta illa Antonii, quae ex versione Evagrii Antiocheni est, ut videre est in notationibus ad eam Vitam), Vitam Malchi captivi monachi, fors et aliorum quorundam, de quibus hunc liquide non constat. Quare recte in veteri illa Vita dicitur scripsisse « Patrum Vitas insignium, qualis Paulus, Hilarion, Malchus, » etc.

Fors editoribus a Gelasio data est occasio, ut hactenus Hieronymi potissimum titulum Vitis Patrum praefixerint. Cui et illa accedere potuit, quod in Mss. quibusdam praemissa fuerit Vita quaedam certo ab Hieronymo conscripta, et post idem Hieronymi nomen reliquis sequentibus libris applicuerint, ut de Evagrii Antiocheno hoc ipso prolegomeno 4, § 4, diximus. Sane in Ms. Laetiensi minore primo ponitur Hilarionis Vita per divum Hieronymum conscripta, inde Vitae Patrum, seu liber hic secundus cum duobus sequentibus subnectitur.

Vel certe non absonum erit dicere Gelasium censuisse Vitas Patrum ab Hieronymo compositas, cum jam olim ea opinio videatur invaluisse. Certe Graeci hunc secundum librum e Latio in Graeciam deduxerunt, et Hieronymi nomine, cujus partem Graecam nuper accepi Venetiis; et in Augustana quoque Bibliotheca quaedam fragmenta de Vitis Patrum fragmentum exstat praeter Hieronymi titulo. Quod non alia ratione contigisse existimo, quam quod libri ejus auctor incertus esset cui quisque pro captu suo auctoris nomen praefixit.

2. Cassianus, praefatione in libros Institutionum ad Castorem episcopum, inter reliquas excusationis causas, ob quas minus prompte se onus scribendi monachorum instituta suscipere exponit, ait: « Huc accedit quod super hac re viri et vita nobiles, et sermonescientiaque praecleari, multa jam opuscula desudarunt, sanctum Basilium et Hieronymum dico aliosque nonnullos; quorum anterior sciscitantibus fratribus super diversis institutis vel quaestionibus, non solum facundo, verum etiam divinarum Scripturarum testimoniis copioso sermone respondit; alius vero non solum suo elucidatione ingenio edidit libros, verum etiam Graeca lingua digestos, in Latinum vertit eloquium. » Ex cujus testimonio videtur colligi posse Hieronymum de Vitis Patrum scripsisse. Respondeo, recte quidem ex Cassiano colligi divum Hieronymum quaedam monachorum instituta et Vitas suis scriptis attigisse, seu latino ea stylo conscripserit, seu e Graeco verterit; hujus tamen libri eam auctorem esse nullo modo colligi potest.

3. Cassiodorus, Instit. divin. lect., cap. 32, sic ait: « Vitas Patrum, confessiones fidelium, passiones martyrum legite constanter, quas inter alia in epistola Hieronymi ad Chromatium et Heliodorum de-

stinata procul dubio reperitis, qui per totum orbem A terrarum floruere, ut sancta imitatio vos provocans ad cælestia regna perducatur. » Respondeo, exstare eam epistolam Hieronymi nomine initio Martyrologii Usuardi, sed nulla ibi mentio Vitarum Patrum. Ut nullo modo inde colligi possit Hieronymum vel harum Vitarum vel aliarum auctorem esse. Tantum epistola ea respicit Martyrologium quod Hieronymi nomine post epistolam eam tunc exstabat. Quodque nunc recensactus sum ex Bibliotheca Epternacensi, sane vetustissimum, ante dcccc annos, id est sancti Willibrordi tempora, scriptum. Quas igitur eo loco non refert remotissimum Vitas Patrum, sed tantum duo sequentia, confessiones fidelium, et passiones martyrum quorum brevissima in Martyrologio illo memoria, seu potius nomenclatio exstat.

4. Gratianus, in decreto, parte 2, causa 97, B quæst. 2, cap. 26, post recitata verba Nicolai I ad Carolum regem, quibus decernit « non licere, nisi ex consensu utriusque conjugis, vota continentiae suscipere; » subdit glossam, « licere, quando tantum sunt desponsati. » Probatque: « Ut enim refert beatus Hieronymus, Macarius præcipuus inter Christi eremitas, [xxiv] celebrato nuptiarum convivio, cum vespere thalamum esset ingressurus, ex urbe egrediens, transmarina petiit, et eremi solitudinem sibi elegit. » Quod in Vita Macarii Romani invenitur, quæ habetur nunc quidem libro primo de Vitis Patrum, olim forte libro secundo annexa fuit, ubi de aliis duobus Macariis agitur. Respondeo Gratianum fortassis occasionem sumpsisse Vitam Macarii tribuendi Hieronymo, quod existimaret omnes Vitas Patrum ab Hieronymo conscriptas, inductus duabus rationibus, quas jam primo argumento proxime dedimus.

5. Trithemius quoque, in Catalago Eccl. Script., Vitas Patrum Hieronymo tribuit. Et ne quis existimet de aliis eum Vitis loqui quam vulgatis, quæ Hieronymi nomine circumferuntur, earum præfationem inchoare ait, *Benedictus Deus*, a qua et vulgatæ illæ initium ducunt. Respondeo: Imposuit Trithemio vulgata editio; nam in Mss. alii auctores assignantur, uti partim vidimus, partim visuri sumus.

6. Jacobus Faber Stapulensis, præfatione ad lectorem, quam Heraclidis Paradiso Parisiis edito, de quo supra, § 3, præfixit, asserit se a quodam suorum monitum quod non rite in epistola dedicatoria Vitas Patrum Hieronymo abjudicasset, quas Hieronymus ipse a se scriptas agnosceret; quem enim alium certiore quam ipsum testem desideremus? Nam in Regula sanctimonialium, quam scripsit ad Eustochium et reliquas virgines, cap. 10, ita scribit: « Dum igitur per eremorum antra septem annis sanctos Patres degentes ibidem in terris, velut in cælis angelos assistentes assiduo labore itineris, arduisque vivendi incommodis, cæterisque innumeris calamitatibus peragrando visitarem, de quorum vita moribusque mirificis, quæ luculenter ipse perspexi, libellum compedi, qui vobis sit ut lucerna in candelabro, ad meditationem religionis et vitæ. » Quo quidem testimonio

A persuasum est Fabro, Hieronymum quoque de Vita et moribus sanctorum Patrum librum scripsisse, qui nunc desideretur; nec enim inde sequi sustinebat, eum librum qui vulgo titulo Vitarum Patrum increbuit, ab Hieronymo conscriptum esse. Primo, quia Hieronymus ipse alium earum auctorem evidentissimis indiciis designat, uti post videbimus. Secundo, quia ex Vita Joannis, quæ primo loco ponitur, discimus eum qui librum conscripsit, presbyterum non fuisse, sed solum diaconum; non senem, sed juvenem: Hieronymum autem cum deserta petiit, et presbyterum fuisse, et ætate senem, nullus forte dubitat. Ita quidem Faber.

Sed ut recte Vitas has ab Hieronymo negat esse profectas, ita non satis circumspecte citato testimonio sibi passus est persuaderi, ab Hieronymo quoque Vitas Patrum, etsi alias a vulgatis, fuisse conscriptas; cum Regulæ illæ sanctimonialium a prudentioribus viris ab opere [xxv] Hieronymiano jam pridem sint ablegatæ; et in calcem rejectæ, velut ab Hieronymi genio alienæ.

Scripsit quidem Hieronymus epistolam ad Eustochium, quæ est ordine 22, de custodienda virginitate, in qua quædam attingit de monachorum generibus, et eorum regula atque instituto. Sed nullum inde indicium colligi potest quod Hieronymus vel regulæ illius vulgatæ in calice operum ejus rejectæ, vel libri hujus auctor sit.

Quin imo Hieronymum hujus libri auctorem non esse, ex ipso Hieronymo evincitur, ut § 10 videbimus. Qui enim Hieronymus, quos ipse detexit esse hæreticos, et asserit in concilio episcoporum damnatos, in litteras mitteret, et tanquam sanctos commendaret?

Nec illa Fabri assertio est solida, qua pertendit Hieronymum et presbyterum fuisse et senem, cum ad Syriæ se recepit eremum. Imo nec senex nec presbyter tunc erat. Vide hic initio primi libri Hieronymi peregrinationem, et quæ in lege Talionis, tabula 5, pro Baronio contra Casaubonum disputavi.

§ IX. Auctorem videri Postumianum monachum.

Invenio in quibusdam manuscriptis, uti Aquicinctino, Lætiensi majore, et Camberonensi, hunc secundum librum una cum quarto ascribi Postumiano monacho. Eum titulum etiam quædam editio præferre dicitur. Nihil de eo legi quod hanc opinionem stabilire possit.

Non inanem prorsus suspicionem existimo, si quis dicat ortum hunc titulum ex Severo Sulpicio, qui in Dialogis suis Postumianum ex Oriente post triennalem peregrinationem reducem, multa de monachorum et eremitarum vita ac instituto narrantem introducit: « Postumianus, » inquit initio dialogi primi, « ab Oriente, quo se ante triennium patriam relinquens contulerat, regressus, » etc. Nam quæ hic libri quarti prioribus aliquot capitibus habentur, ea omnia compendio sublecta sunt ex primo Severi dialogo, in quo Postumianus narrator introducit.

§ X. Auctorem esse Ruffinum Aquileiensem presbyterum.

Primus, quod sciam, e recentioribus librum hunc Ruffino saltem ut interpreti (nam Evagrium quoque hujus libri auctorem facere videtur: vindicavit Jacobus Faber Stapulensis præfatione ad Paradisum Heraclidis, nixus divi Hieronymi auctoritate, qui in epistola ad Ctesiphontem contra Pelagianos. ita de Evagrio et Ruffino scribit: « Evagrius, inquit, Ponticus Hyperborita, qui scribit ad virgines, scribit ad monachos, scribit ad eam, cujus nomen nigredinis (Melaniam [xxvi] innuit nominis significatu) testatur et perfidiæ tenebras, edidit librum et sententias $\mu\pi\sigma\tau\alpha\zeta\alpha\iota\alpha$; quam nos impassibilitatem vel imperturbationem possumus dicere, quando nunquam animus ullo perturbationis vitio commovetur; et, ut simpliciter dicam, vel saxum vel Deus est. Hujus libros per Orientem Græcos, et interpretante discipulo ejus Ruffino Latinos, plerique in Occidente lectitant.

« Qui librum quoque scripsit quasi de monachis, multosque in eo enumerat, qui nunquam fuerunt, et, quos fuisse scribit, Origenistas ab episcopis damnatos esse non dubium est; Ammonium videlicet, et Eusebium, et Euthymium, et ipsum Evagrium, Or quoque et Isidorum, et multos alios, quos dinumerare tædium est, et juxta illud Lucretii:

Ac veluti pueris, absinthia tetra medentes,
Cum dare conantur, prius oras pocula circum
Contingant dulci mellis flavoque liquore;

ita ille unum Joannem in ipsius libri posuit principio quem et catholicum, et sanctum fuisse non dubium est, ut per illius occasionem cæteros, quos posuerat, hæreticos Ecclesiæ introduceret. »

Audisti divum Hieronymum, lector; quid nunc de hujus libri auctore censes, in quo omnium istorum qui enumerantur fit mentio?

Vide igitur num alii cum Baronio sint lapsi, quod existimarint hæc verba, « qui librum quoque scripsit quasi de monachis, » de Evagrio intelligenda. Sed de Ruffino intelligi debere, cujus nomen proxime præcessit, manifestum est argumentis sequentibus.

1. Quia subdit divus Hieronymus quod ille qui librum de monachis scripsit, in eo enumerat et ipsum Evagrium; videlicet cujus jam ante mentio facta. Nec simile vero, ut jam supra, § 5, dixi, suomet se ornasse præconio Evagrium, et suam quoque aliorum Vitis immiscuisse. Quod forte animadvertens Marianus Victorius Hieronymi scholiastes, existimavit secundo hoc loco alterius Evagrii distinctam ab Hyperborita mentionem fieri. Sed de Hyperborita secundo quoque loco intelligendum divum Hieronymum, nimis quam manifestum esse quisque deprehendit.

2. Quia immediate post verba hic ex divo Hieronymo reddita subjungit idem divus Hieronymus: « Illam autem temeritatem, imo insaniam ejus quis digno possit explicare sermone, quod librum Xysti Pythagoræi, hominis absque Christo atque ethnici, immutato nomine, Sixti martyris, et Romane Ecclesiæ episcopi prænotavit? » quod non de Evagrio,

Sed de Ruffino dicitur, qui Xysti Pythagoræi librum titulo Sixti martyris edidit, ut clarum est ex aliis divi Hieronymi locis, ut in XIII cap. Jerem., ubi eum nomine Grunnii perstringit, et in cap. XVIII Ezech., item ex Augustino lib. II Retractat., cap. 40 (qui deceptus ante libro [XXVII] de Nat. et Grat., cap. 64, Sixti Pontificis nomine allegarat; et ex ipsa Ruffini epistola ad Apronianum, quam interpretationi Enchiridii Sixti præfixit.

3. Quia similem fraudem subnectit hic divus Hieronymus de supposito Pamphilo in defensione Origenis: « Fecerat, ait, hoc et in sancti Pamphili martyris nomine, ut librum primum sex librorum defensionis Origenis, Eusebii Cæsariensis, quem fuisse Arianum nemo est qui nesciat, nomine Pamphili martyris prænotaret. » Atqui a Ruffino eam fraudem consutam, nimis quam notum. Meminit ejusdem fraudis divus Hieronymus ap. I. I adversus Ruffin., lib. II, et epist. 65. ad Pa. et Ocean., et in cap. XVIII Ezech., et dial. adv. Pelagianos, quam nondum detexerat divus Hieronymus, cum scriberet Catalogum Script. Eccles., ut patet ejusdem cap. 75 in Pamphilo.

Unum hoc divi Hieronymi testimonium sufficere judico, ut liber hic Ruffino asseratur. Omitto suffragari Mss. complures, ut Audomarensem notæ optimæ, et a vetusta manu, quo præcipue in recensendis his libris usus sum; ut alios quos vidisse se asserit Henricus Gravius, notis ad epist. divi Hieronymi ad Ctesiphontem, de qua jam actum.

Nescio an et Ruffinus ipse videri possit insinuare se hujus libri auctorem vel interpretem esse. Nam cap. 29 libri hujus secundi, ubi de Macario Alexandrino agit, addit: « Sed et multa, ut diximus, alia de operibus sancti Macarii Alexandrini mirabilia feruntur, ex quibus nonnulla in libro XI Eccles. Hist. inserta qui requirit inveniet. » In quo libro XI, videlicet posteriore ex duobus, ab ipsomet Ruffino ad Eusebii Ecclesiasticam Historiam (quam e Græco verterat) additis, cap. 4, habentur quædam de Macario Alexandrino, quæ hoc libro secundo de Vitis Patrum desunt; quorum primum est de cæco reluminato, qui pulvere ex cella Macarii deterso, et aqua putei quo bibere solitus erat macerato, oculos inunxit; secundum vero de lænæ catulis visu donatis, ad quæ ipsa mirabilia capite illo 29 libri secundi de Vitis Patrum videtur lectorem remittere.

Equidem Vitas Patrum scriptas esse post libros illos historiæ Ecclesiasticæ a Ruffino, partim translatos, partim compositos, ipse ejusdem libri XI, cap. jam dicto, manifeste declarat; subdit enim: « Verum si singulorum mirabilia gesta prosequi velimus, excludimur a proposita brevitate, maxime cura narrationem proprii operis mereantur. » Quod ipsum postea præstitisse, librum hunc e Græco textu concinnando, divi Hieronymi testificatione didicimus.

Quæres: unde tam incertus, etiam jam olim, hujus libri auctor fuit? Respondeo: Quia auctor nomen suum suppressit, uti et interpres, [XXVIII] cujus nomen

non nisi divi Hieronymi et paucorum Mss. indicio A novimus.

Cur autem Ruffinus nomen suum suppresserit, existimo duas rationes assignari posse. Primo : cum enim, referente Hieronymo epist. ad Ctesiphontem, constet nonnullos Origenistas hic immistos, non ausus fuit eum librum nomine suo extrudere et venditare Ruffinus, quod ipse de hæresi ea suspectus erat. Ut igitur liber hic sine ullo in limine offendiculo reciperetur, præfationem quidem præfixit, sed nomen subticuit. Eodem modo nomen suum suppressit in editione translationis librorum Origenis *περὶ ἀρχῶν*, quod Hieronymus indicat epist. 66 ad Ruffinum : « Præfatiuncula librorum *περὶ ἀρχῶν* ad me missa est, quam ex stylo intellexi tuam esse. »

Secundo, quia Ruffinus hujus libri non tam auctor B (ut jam dixi) quam interpres est : ideoque noluit eum suo nomini arrogare. Cum enim fere omnia quæ hoc libro narrantur (uno capite de Oxyryncho excepto) habeantur apud Palladium et Heraclidem, verisimile mihi sit Palladium vel Heraclidem vel alium aliquem hæc Græce edidisse, suppresso nomine, quæ Ruffinus vertit. Quæ post Palladius auctiora edidit suo nomine præfixo, et *Historiam Lausiacam* inscripsit.

Hæc nunc sufficiant de quæstione hac perplexa. R. P. Georgius Garnefelt, Carthusiæ Coloniensis alumnus, et bibliothecarius, studiis meis impense favens, in appendice sua ad Elucidationes sacras imaginum eremitarum, operose inquirat de auctoribus Vitarum Patrum, volens me sublevare, vel errantem in viam reducere. Contendit maxime, Hieronymum C in epistola ad Ctesiphontem, cum ait, « qui librum quoque scripsit quasi de Monachis, » intelligendum de Evagrion, non de Ruffino. Nihil hic addo. Judiciosus lector textum tantum inspiciat, quem hic ante dedi, et judicet : cujusvis judicio securus stabo. Et qui meminerit non semel me scripsisse Ruffinum potius interpretem quam auctorem esse, contorta ab amica manu tela evadet omnia. Nolo hic umbonem opponere amico benevolo, vel tela in amicum pectus retorquere. Nam et ipse tandem cum omnia excussit, Evagrion eum librum abrogat, et incertum ejus auctorem statuit. Quod a mente mea non abhorret, cum Ruffinum saltem ejus interpretem asseruerim. Certe Ruffini hic manum accessisse, qui perpense Hieronymi illam ad Ctesiphontem epistolam legerit, dubitare non poterit.

§ XI. Auctorem videri Valerium Asturicensem archipresbyterum.

Atque de auctoribus hisce jam ita disquisiveram, cum ecce ex Hispania mittit ad me tractatum suum de auctoribus Vitarum [xxix] Patrum R. P. Christophorus de Castro, sacræ Scripturæ in Salmanticensi Academia professor, in quo inter alia scribit in hæc verba :

« Mihi aliquando in mentem veniebat essetne auctor libri Valerius Asturicensis archipresbyter, in cujus scripta casu incidi, cum in bibliotheca ecclesiæ Toletanæ aliqua evolverem Mss. ubi vidi justum

quoddam volumen Gothicis litteris scriptum, cujus titulus erat, *Vitæ Patrum Orientalium*, sine auctore. Quod tamen inveni in præfatione scriptum a Valerio Asturicensi archipresbytero, æra 940, hoc est anno Domini 902. Exordiebatur autem a Vita Joannis, de quo liber Evagrii (verius Ruffini, ut jam probavi), sed multo longiore. Deinde habebat multas Vitas Patrum, longe diversorum ab iis qui referuntur communiter in Vitis Patrum, quam ob rem omnem meam suspicionem abjeci. » Hactenus Castrius noster.

Omnino occasio suspicandi erat, cum nomen illud præfatio præferret. Sed certissimum nobis de auctore vel interprete hujus secundi libri ex divo Hieronymo suppetit testimonium. Quin, quod liber ille Toletanus dicatur scriptus a Valerio, non statim inde sequitur eum ejus libri auctorem esse. Multi scriptores suum nomen præfigunt vel postponunt libris quos excrisperunt, etsi non composuerint, quod ignorare non potest qui vel paucos libros Mss. oculis lustravit. Cum autem liber ille Toletanus dicatur continere « multas Vitas Patrum longe diversorum ab his, » potuit Valerius ille novam collectionem Vitarum Patrum instituisse.

PROLEGOMENON V.

Quis tertii libri auctor ?

Editi hic libri pergunt erroris funem nectere, et Divum Hieronymum auctorem faciunt ; sed stylus satis arguit ejus non esse, licet tria ultima capita ex ejus epistolis desumpta sint, quæ auctorem suum venustate dictionis produunt.

Nihil subsidii ad auctorem indagandum a Mss. libris hic habeo. Nullius enim hic nomen constanter præfigitur. Vel enim qui præcedenti libro et sequenti Evagrium aut Postumianum inscribunt, hunc sine inscriptione medium transire permittunt ; vel si eodem auctores etiam huic inscribunt, erronee faciunt, ut de præcedente libro jam docui. Quod si eum qui præcedenti libro inscribitur, etiam hujus et sequentis libri auctorem esse volunt, nullum jus potius Evagrion et Postumiano, quam Ruffino, cum et hujus nomen in Mss. quibusdam præcedenti libro præscribatur.

Quid igitur ? nullus ne hic certus auctor indagari poterit ? Equidem [xxx] evenit mihi, quod olim divo Hieronymo in re non absimili ; cui cum præfatio librorum *περὶ ἀρχῶν* Origenis offerretur nullo præfixo titulo, ex stylo deprehendit Ruffini esse, ut ipse testatur epist. 66, ad eundem Ruffinum. Si idem hodie mihi, obtusioris licet naris, contigisse dixero, fortasse non omnino erravero. Sed vestigia hujus indaginis, certa satis, nisi me fallo, nunc assignabo.

Cum accurate hujus et præcedentis libri præfationem inter se conferrem, deprehendi non styli tantum paritatem, sed duo præterea, quæ me auctoris, vel certe interpretis, certiore fecerunt.

1. Ruffinus, præfatione libri præcedentis, hæc habet in commendationem monachorum : « Ut dubitari non debeat eorum meritis adhuc stare mundum. »

Ad quem eundem locum auctor respiciens, et sibi quasi epiphonematische respondens, prologum hujus secundi libri ita auspicatur: « Vere mundum quis dubitet meritis stare sanctorum? »

2. Ruffinus, præfatione eadem præcedentis libri, quædam adumbravit ex proœmio Palladii in Lausiacam Historiam: in hujus vero libri prologo ex Palladii epistola ad Lausum, quæ proœmio subnectitur, transcribit, quæ locis suis collata et notata invenies.

Quare cum una præfatio alteram respiciat ad eamque alludat, et utraque ex eodem fonte ortum habeat, parique styli decurrat alveo, existimo satis probabiliter utriusque præfationis et libri eundem auctorem vel interpretem posse statui. Unde et librum hunc Ruffino inscripsi.

PROLEGOMENON VI.

Quis quarti libri auctor?

Dico: Quartus liber ex Severo Sulpicio et Joanne Cassiano est concinnatus.

Sunt enim tantum excerpta quædam ex eorum libris, verbis pene eisdem. Loca singula, unde desumpta sunt, ad singula capita annotavimus.

Quis autem ea concinnaverit, non habeo certo dicere. Videamus tamen an et hic felici indagine possimus ad concinnatoris pervenire cubilia. Quod si non omnino pervenerimus, jucundum saltem erit pressæ legisse vestigia

Scio Gennadium, de Script. Eccl., cap. 63, tradere Eucherium Lugdunensis Ecclesie presbyterum, quædam Cassiani opuscula lato tensa sermone, angusto verbi resolvisse tramite, et in unum volumen coegisse.

Scio Cassiodorum, Instit. divin., cap. 29, affirmare Victorem quemdam Afrum, Martyritanum episcopum, Cassiani de institutione [xxx] monachorum dicta purgasse, et quæ minus erant, addidisse, non sine palmari laude.

Sed an hic liber, quem habemus præ manibus, vel libri aliqua pars, alteri eorum tribuenda sit, non ausim affirmare. At præstat hic ipsa Gennadii Cassiodorice verba subjungere, ut lector videat si quid certi de concinnatore hoc discernere possit.

Gennadius igitur hæc de Eucherio: « Sed et sancti Cassiani quædam opuscula, lato tensa sermone, idem Eucherius angusto verbi resolvens tramite, in unum coegit volumen. » Hæc Gennadius, inquit, Baronius annal. 433, ejusdem (Pelagianæ) farinae cum Cassiano; qui neciceret erroribus confutatis Eucherium expurgando contraxisse opera Cassiani, latum sermonem circumcidisse prætexuit. Ita ille.

Quod si Eucherius hujus, quod hoc libro quarto damus, compendii est auctor, eum et scalpello usum et forcipe, nunc venam incidendo, noxiumque sanguinem extrahendo, nunc luxurians capillitium circumcidendo, merito dixeris. Nam ita sanus, ita concisus hic Cassianus est, ut nullo Pelagianæ præfidentia nimio fervore vena micet, nullis prolixitatis cincinnis exuberet fastidiosa facundia. Equidem non

A video cur non possit tribui Eucherio hæc ex Cassiano concinnatio.

Nisi fortasse quispiam obstare velit quod hoc eodem compendio per Severi vineta itur, quæ et ipsa putatoria cæduntur falce. Ita quidem librum hunc quartum et Editi et Mss. ex Severo et Cassiano, tacitis tamen nominibus, adornatum exhibent. Non desunt tamen Mss., uti Camberonensis, qui librum hunc quartum ex solo Cassiano habeat expressum, omnis illis quæ ex Severo passim præmittuntur. Atque ita Eucherio hæc epitome tribui posse videri possit.

Accedit Petri Damiani non omnino vero ab simile testimonium lib. v, epist. 19: « Quod si vobis dubium videtur, saltem vestrarum partium testimonio aurem accommodate; legite Collationes Patrum, quas Eucherius Lugdunensis episcopus elimato sermone abbreviare studuit; et si nobis credere non vultis, saltem illius litteræ credite. » Agit ibi de vestitu monachorum Damianus, de quo in hoc Severi et Cassiani compendio habes cap. 15.

Quia tamen Editi omnes et plerique Mss. librum hunc ex utroque contractum representant, videndum an quod habet Cassiodorus, Divin. instit., cap. 29, de Victore quodam Afro, huc facere possit: « Cassiani, inquit, dicta Victor Martyritanus episcopus Afer ita, Domino juvante, purgavit, et quæ minus erant addidit, ut ei rerum istarum palma merito conferatur: quem inter alia de Africæ partibus [xxxii] cito nobis credimus esse dirigendum. » Forte enim additio hæc intelligi potest de Severi epitome, quæ hic Cassiani epitomæ adjuncta est. Nisi quædam addiderit iis quæ purgavit, id est, antidotum contra veneni intimationem, quod scriptis suis sparsim inserebat Cassianus, apposuerit.

Baronius supra existit at Cassiodorum spe frustratum non accepisse quod ex Africa expectabat. Siquidem Ado Viennensis episcopus, in Chronico, anno 425, ab ipso Cassiodoro id operis, ut Cassianum corrigeret, elaboratum affirmat, dum ait: « Opera illius a catholicis cautissime legenda, maxime de libero arbitrio et gratia; sed et Encratarum læresi incautius favit. Errores illius Cassiodorus Ravennatum senator purgare volens, non ad plenum omni ex parte potuit. »

Quis nunc horum excerptorum auctor statui possit, malo in medio relinquere, quam temere quid asserere.

Petrus Ciacconius, præfatione ad lectorem Cassiani, refert in Vaticana bibliotheca collectiones aliquot, et octo postremos libros Institutionum in Græcam linguam conversos esse, sed in compendium potius reductos, quam integre conversos, quem ea de re disserentem legere quisque potest.

PROLEGOMENON VII.

Quis quinti libri auctor?

Dico: Quinti libri auctor incertus.

1. Quia Sigebertus, de illustr. Ecclesie Scriptor, in Pelagio, cap. 116, librum eum vocat *De vita et*

doctrina et perfectione SS. Patrum, nec auctoris nomen exprimit.

2. Quia etiam in Photii Bibliotheca, Cod. 198, sine auctoris nomine citatur : Ἀνεγνώσθη ἀνδρῶν ἀγίων βιβλος : *Lectus est SS. virorum liber*. Eundem Græcum esse, cum eo quem nos Latine habemus, eo loco manifestabo.

Margarinus de la Bigne, catalogo seu indice chronologico in Bibliothecam Patrum, sæculo v, existimat Evagrium auctorem esse operis quod ipse tomo IX secundæ editionis edidit hoc titulo : *SS. Ægyptiorum anachoretarum apophthegmata*, quæ eadem sunt cum libro hoc v, Pelagio interprete, et vi, Joanne interprete. Ratio ejus est, quod Nicephorus, Eccles., Hist. libro xi, cap. 43, citet ex Evagrii operibus multa de Patrum dictis, quæ occurrunt in opere isto jam dicto.

Sed vereor ut labatur Margarinus.

1. Quia etsi quædam in his libris reperiantur quæ Nicephorus ex [xxxiii] Evagrii operibus citat, non reperiuntur eo modo, quasi Evagrius ea ipse referat librum velut conscribens, sed potius ex Evagrii citantur.

Ut quod Nicephorus citat ex libro Practico Evagrii senis cujusdam scitum de aridiorē diæta, habes hic libello i Pelagii, num. 4. « Dixit abbas Evagrius : Quia dicebant quidam Patrum. » Quod si Evagrius hujus libelli auctor esset, non diceret : « Dixit abbas Evagrius. »

Ibidem, num. 5. « Iterum dixit (scilicet Evagrius) : Nuntiata est cuidam monacho mors patris, » quod etiam ex Evagrio citat Nicephorus supra.

Et libello vi, num. 5 : « Dixit abbas Evagrius fuisse quemdam fratrem qui nihil habuit in substantia sua, nisi tantum Evangelium, » quæ etiam ex Evagrii Practico citat Nicephorus supra.

2. Quædam, quæ citat Nicephorus ex Evagrii libris, hic non reperiuntur. Ut, quod citat ex libro Gnostico ejus de Gregorio justo, de quatuor virtutibus cardinalibus, de Serapione, de mente spiritali cognitione imbuta, de Didymo, de Providentia et judicio, de Basilio, quod scientia meditatione augetur, de Athanasio, de mensa Moysis.

3. Quia varii citantur auctores Evagrio posteriores, ut Joannes Cassianus, Cyrillus Alexandrinus, et alii nonnulli, quos lector ipse deprehendet.

Non inutile erit hic addere quæ hac ipse de re notavit Fr. Joannes Maria Brasichellensis, sacri palatii apostolici magister, in indice librorum expurgandorum, ad tomum IX Bibliothecæ Patrum, ubi agitur de anachoretarum apophthegmatis, ubi ita commentatur : « De auctore et interprete hujus operis varie ambigitur ; auctorem quidam, et inter eos Margarinus in chronologico auctorum hujus Bibliothecæ indice, existimant fuisse Evagrium Ponticum, cujus certum est esse librum Vitas Patrum, cui hic apophthegmatum semper annectitur. Gennadius, in catalogo, hæc de Evagrio habet : « Composuit de anachoretis simpliciter viventibus librum centum

sententiarum, quem ego Latinum primus feci. Nam superiorem olim translatus ; quia vitiatum per tempus et confusum vidi, partim reinterpretando, partim emendando auctoris veritati restitui. » Hæc Gennadius. Equidem etsi velimus multas esse sententias in hoc opere ex Evagrii collectione acceptas, at sunt hic plus quam dc. Et cum hoc opere fiat mentio Theophili Alexandrini, Joannis Cassiani, Cyrilli Alexandrini jam defunctorum, certum est Evagrium Ponticum, tametsi, teste Gennadio, longa ætate vixerit, non potuisse sancto Cyrillo esse superstitem : ob quam etiam rationem exploratum est sanctum Hieronymum non esse horum apophthegmatum interpretem. Nominantur interpretes Pelagius S. R. E. diaconus, et Joannes ejusdem S. R. E. subdiaconus. De [xxxiv] quibus agit Sigebertus, de Vir. illustr., cap. 116 et 117. Hactenus magister sacri palatii. »

Qui ut recte hos libros Evagrio auctori et Hieronymo interpreti adjudicat, ita minus recte certum esse ait, librum Vitas Patrum esse Evagrii, cum potius certo constet ejus non esse. Vide dicta prolegomena i, § 5.

PROLEGOMENON VIII.

Quis sexti libri auctor ?

Dico : Sexti libri auctor incertus.

Primo, quia Sigebertus, de illustr. Ecclesiæ Scriptor., in Joanne, cap. 117, librum eum vocat *De Vita et doctrina Patrum*, nec auctoris nomen exprimit.

Secundo, quia Photius in Bibliotheca, Cod. 198, quem proximo prolegomeno citavi, hunc librum priori annectit ; quare idem de hoc ferendum judicium quod de priore.

At occurrens : Joannes Damascenus, in libro qui inscribitur, *De iis qui cum fide excesserunt ex hac vita*, refert de Macario historiam, qui ex mortui hominis cranio sciscitatus est de ejus statu, eamque citat ex Palladii Lausiaca Historia. Atqui hæc eadem historia reperitur libro hoc sexto, libello tertio Joannis, num. 16, ut et hujus libri sexti auctor videatur fuisse ipse Palladius. Respondeo : Ita quidem, hoc argumento motus, censuit Guentianus Hervetus, in præfatione versionis suæ Palladianæ, qui eam historiam haberi ait libro iv, qui *Doctrina Patrum* inscribitur, cap. *De exemplis et doctrina vitæ spiritualis* (ita concipitur et inscriptio et caput in editione Coloniensi, quæ librum sextum et quintum uno libro comprehendit) ; qui liber idem est cum hoc sexto libro.

Quod si id minus placeret, existimabat eam historiam fuisse in Lausiaca Historia tempore Damasceni, et postea ab hæretico aliquo malitiose sublatam. Quod cum dixisse credo, quod huic hominum generi omnes hæc spirituum apparitiones meræ sunt fabulæ, quique ægre ferunt vel minimam suffragiorum pro animabus defunctorum memoriam exstare.

Equidem non abhorret ab hæretico genio, cum Philisthæis puteos Israel obstruere (*Gen. xxvi*), ne aliquod inde mortalibus accedat refrigerium. Certe cum Palladius tertio prodierit, et ex postrema edi-

tione constet, primo decurtatum, inde nonnihil inter-
A polatum prodiisse, uti plenius declarabitur prolego-
mēno 14, ubi agitur de octavi libri, cujus Palladius
auctor est, interprete, existimari potest nec tertio
integer [xxxv] prodiisse, quandoquidem ea de Maca-
rio narratio, quam olim Damascenus in Lausiaca
Historia legerat, ne in hac quidem tertia editione
hodie reperitur.

Atque huic opinioni, quam priori, accedo libentius,
qua tam libri quinti quam sexti, qui pro uno
libro hactenus fuere circumlati, quod in eo narratio-
nem eam sit reperire, Palladius auctor creditur.

Accedo autem libentius :

Primo, quia liber ille quintus et sextus a nullo,
quod sciam, Lausiaca Historia dicitur, in qua tamen
eam se legisse profitetur Damascenus.

Secundo, quia in libro quinto, libello x, n. 67,
inter reliqua seniorum dicta habetur dictum quoque
Palladii. Unde colligere est librum illum non a Pal-
ladio, sed ab alio aliquo fuisse concinnatum.

PROLEGOMENON IX.

Quis septimi libri auctor ?

Dico : Septimi libri auctor incertus.

Vocat eum librum Sigebertus de illustr. Ecclesiae
Scriptor., cap. 118 : *Interrogationes et responsiones*
SS. *Aegyptiorum Patrum*, nec auctoris meminit. Et
ipse Paschasius interpres, capite 44, in fine, abso-
lute pronuntiat : « Hæc sapientium et spiritualium
responsa Patrum, » nulla auctoris notione.

PROLEGOMENON X.

Quis octavi libri auctor ?

Dico : Octavi libri auctor est Palladius Helenopo-
leos episcopus, diciturque *Lausiaca Historia*.

Clarum hoc satis ex Socrate. lib. iv, cap. 23, cu-
jus verba exprimam. Alia quædam vide in Elogiis ad
eum librum. Ait igitur : Εἰ δὲ τις βούλοιο τὰ περὶ
αὐτῶν μανθάνειν ὧν τε ἐποίησαν, ὧν τε ἐπραξαν, καὶ ὧν
πρὸς ὠφέλειαν τῶν ἀκουσάντων ἐφθέγγαντο, ὅπως τε αὐ-
τοῖς τὰ θηρία ὑπήκουον, πεπότηται Παλλαδίῳ τῷ μοναχῷ
ἴδιον μονδιδίον, δὲ Εὐαγρίῳ μὲν τις μαθητῆς, πάντα δὲ
ἀκριβῶς περὶ αὐτῶν διεξήλθεν ἐν ᾧ καὶ γυναικῶν ἐφάμιλλ-
λον τοῖς προσηρημένοις ἀνδράσιν ἐπανελομένων βίον,
μνήμην πεποήται : « Quapropter si quis studio ducit
accurate cognoscendi quas res gesserint, quo
pacto se in vita exercuerint, quæ ad audientium uti-
litatem locuti fuerint, quomodo bestię illis obtem-
perarint, legat librum a Palladio monacho, qui Eva-
grii fuit discipulus, separatim de illis editum. Nam
omnia quæ ad eos spectant, in eo sunt accurate ex-
plicata. In quo [xxxvi] etiam de mulieribus, quæ
parem vivendi rationem cum viris supra dictis exco-
lebant, sermo susceptus est. » Ex quo Tripartita
Historia lib. viii, cap. 1, et Nicephorus lib. xi,
cap. 44.

Cum autem tres sint diversæ Palladii editiones
diversis intpretibus, quæ earum videatur germa-
nior, vide prolegomeno 14, ubi de interpretibus.

PROLEGOMENON XI.

Quis noni libri auctor ?

Dico : Noni libri auctor est Theodoretus Cyri epi-
scopus, vocaturque Φιλόθεος seu Θεοφιλής.

Testatur hoc ipse epistola 82, ad Eusebium Ancy-
ræ episcopum : « Mysticum etiam scripsimus librum,
et de Providentia alia, et ad Interrogationes mago-
rum alia, et de Vitis Sanctorum, et præter hæc alia
multa. » Cujus libri nomine Philothei passim memi-
nit ipse in Hist. Eccles.

Nicephorus, lib. xiv, cap. 54, ubi inter alia de
Theodreti scriptis agit : « Et rursus, inquit, Φιλο-
θεος, hoc est, Dei amantium Historia, in qua institutum
tum eorum qui ætate sua vitam sancte transegerent
persequitur. »

PROLEGOMENON XII.

Quis decimi libri auctor ?

Dico : Decimi libri auctor est Joannes Moschus,
et inscribitur *Sophronii Limonarium*, seu *Pratum*
spirituale, seu *Novus Paradisus*.

1. Ipse nomen suum exprimit cap. 77 : « Dixit
mihi Sophronius : Vere, abba Joannes, hodie nihil
ultra studeamus. »

2. Photius, Bibliothecæ suæ Cod. 199, plenius
nomen et diversum libri titulum exhibet : Ἀνεγνώσθη
βιβλίον, τέσσαρσι καὶ τριακοσίοις διηγήμασι περιειλημένον.
Πρὸς τὴν ἀσκητικὴν δὲ καὶ τοῦτο τὰ μάλιστα συντελοῦν
ἔστι πολιτεία, τὰ αὐτὰ πως πραγματευόμενον τῷ προση-
ρημένῳ, πλὴν ὅτι τῶν μεταγενεστέρων ἀνδρῶν ἔργα τε καὶ
C πράξεις ἀξιοζηλώτους ἀναγράφει· καὶ γὰρ ἐκεῖθεν τῶν
μέχρι τῆς Ἡρακλείου ἀρχῆς καὶ ἐπιπλέον διατρεψάντων
ἀρεταῖς, ἐπέργεται τοὺς βίους. Λειμῶνα δὲ καλεῖσθαι
δίδωσιν ὁ συνταξάμενος ὄνομα τὸ βιβλίον· τινὲς δὲ αὐτὸ
καὶ Νέον ὀνομάζουσι Παραδείσιον (manuscripti quidam
Παραδείσιον, qui ad marginem manuscripti Margunῆ
vocatur Πατερικόν) Ὁ δὲ συνταξάμενος, Ἰωάννης ἂν ὄνομα
αὐτῷ, ἐξ ἐπικλησεως δὲ ἐλέγτο ὁ τοῦ Μοσχῶ, δὲ ἀπετάξατο
μὲν ἐν τῇ τοῦ ἀγίου Θεοδοσίου μονῇ, εἶτα συνδιέτρεψε
[xxxvii] τοῖς τε κατὰ τὸν Ἰορδάνην ἀνα τὴν ἔρημον ἀσ-
κουμένοις, καὶ τοῖς ἐν τῇ νεῇ Λαύρᾳ τοῦ μεγάλου Σάββα
διαθλοῦσιν. Ἐντεῦθεν δὲ τὰ τε τῆς Ἀντιοχείας κλίματα,
καὶ τὴν Ἀλεξάνδρου, καὶ τὴν περὶ αὐτὴν ἔρημον, καὶ
μέχρις Ὀάσεως ἐπελθὼν, καὶ πολλῶν καὶ μεγάλων ἀνδρῶν
ἀριστείας συναγοχῶς, τοῦτο μὲν ὄψει, τοῦτο δὲ καὶ
D νεαζύση ἀκοῇ· διὰ τὴν αὐτὴν δὲ αἰτίαν καὶ νήσοις
ἱστορησάμενος, ἐν τῷ πρὸς τὴν Ῥώμην διάπλῳ, ἐκεῖσε τε
τὰ παρακλησια διερευνησάμενος, καὶ μαθὼν, τὸ παρὸν
σύνταγμα γράφει, καὶ προσφωνεῖ Σωφρονίῳ ἢ Σωφρονῆ τῷ
οἰκίῳ μαθητῇ, καὶ ἐγγχειρῆζει αὐτῷ τοῦτο, τὴν τοῦ βίου
μελλουσαν ἐπίστασθαι πρὸς τὰ ἀμείνονα προτεθειμένος
μεταβολὴν. Πλὴν ἐξ ἀπάντων τὸ χρῆσιμον ὁ συνετός καὶ
θεοφιλῆς ἀνὴρ δρεπόμενος οὐκ ἂν τῶν συντεταγμένων
κόρον καταγνοίη : « Lectus est liber quatuor et tre-
centis constans narrationibus. Hic quoque monasticæ
potissimum vitæ conducit, eamdemque fere cum
superiore (Sanctorum virorum libro, ut Photius in-
digitat, quem hic supra quinto et sexto libro divisum
habes) pertractat, nisi quod eorum virorum dicta

factaque imitatione digna colligit, qui post insecuti A sunt. Vitas etenim narrat eorum qui jam inde usque ad Heraclii imperium et deinceps virtute magis claruerunt. *Pratum* autem titulum libro indidit auctor, quem et *Paradisum novum* quidam appellant. Scrip- tor ejus Joannes quidam Moschi cognomento, qui in beati Theodosii primum monasterio sæculum valere jubens, cum iis deinde monachis convixit, qui in deserto ad Jordanem exercebantur, quique nova in Laura magni Sabæ certabant. Unde rursus ad Antio- chiæ regiones et Alexandri urbem, proximamque eremum, ad Oasim usque delatus, multorum magnorumque virorum res præclare gestas aggregavit, quas partim oculis ipse spectavit, partim recenti tunc auditione didicit. Eadem porro de causa cum etiam insulas Romam versus navigans lustrasset, hisce B similibus ibi quoque conquisitis et cognitis, hoc opus conscripsit, quod dedicat Sophronio seu Sophronæ discipulo suo, eidemque hoc ipsum offert, cum jam animo præciperet instare vitæ hujus in meliorem commutationem. Cæterum ex his omnibus industrius quisque et Dei amans, fructum capiens, nunquam hujus scripti nimiam prolixitatem accusarit. » Quæ Photius compendio excerptit ex elogio auctoris, nunc hac secunda Moretiana editione, ejus libro ex Mss. Græcis præfixo.

3. Secunda Nicæna synodus, quæ vii est ordine inter generales, actione 4 ita habet : Τοῦ ἐν ἁγίοις πατρὸς ἡμῶν Σωφρονίου ἐκ τοῦ Λειμωναρίου. Ἔλεγεν ὁ ἀββᾶς Θεόδωρος ὁ Αἰλιώτης, ὅτι ἦν τις ἔγκλειστος εἰς τὸ ὄρος τῶν Ἐλαιῶν, ἀγωνιστῆς πάνυ, etc. « Ejusdem Patris nostri Sophronii ex libro Prato. Dicebat abbas Theodorus Aeliota quia quidam inclusus erat in monte Olivarum, valde certator, » etc. Ubi totum caput 43, quod in hoc libro habetur, Græce exprimitur. Quod idem repetitur actione 5, ubi et alia duo exempla ex eodem Limonario citantur.

[xxxviii] 4. Joannes Diaconus, lib. I, cap. 45, Vitæ sancti Gregorii Magni : « Nihilominus ex libro, qui a Græcis Λειμων dicitur, a Latinis vero intelligitur *Camprus* vel *Pratum*, præceptor meus inter alia toto orbe jam diffamata miracula interpretatus est. »

5. Joannes Damascenus, in fine primi libri, quem pro imaginibus scripsit, testimonium ex hoc libro adducit, hoc titulo : Ἐκ τοῦ Λειμωναρίου τοῦ ἁγίου πατρὸς ἡμῶν Σωφρονίου ἀρχιεπισκόπου Ἱεροσολύμων. D « Ex *Parvo Prato* sancti Patris nostri Sophronii archiepiscopi Jerosolymorum. »

6. Nicephorus, lib. viii, cap. 41 : « Multam quoque et utilem de iis (monachis) historiam Sophronius Jerosolymitanus nobis reliquit, *Prati* et *novi Paradisi* titulo, scripto et indito. »

Quæres. Qui hic liber nunc Sophronio patriarchæ Jerosolymorum inscribatur, uti a secunda Nicæna synodo, et Joanne Damasceno, nunc Joanni Moscho seu Evirato ad Sophronium sophistam? Respondet Aloysius Lipomanus, episcopus Veronensis, qui primus hunc librum edi curavit, quem Apostolica Bibliotheca suppeditavit anno 1558: « Scriptor libri

prorsus Joannes anachoreta fuit. Id tibi ex capite 77 voluminis ipsius liquido constare poterit. Photius quoque hunc ipsum auctorem libri Joannem Moschum (natione fortasse) fuisse asserit, cujus cognomen interpretes Latinus forsitan Eviratam reddidit. »

Verum Sophronio his de causis attribuitur : vel quia ad ipsum per charissimum socium inscribitur, quemadmodum et Rhetorica Ciceronis ad Herennium, et ejusdem ad Atticum epistolæ, ad Herennium et ad Atticum libri appellantur ; sic Sophronii liber hic dicatur, quia ad Sophronium dirigitur. Atque ex eo maxime, quod ad usum illius in primis conscriptus est. Namque auctor ipse in epistola quam libro præmittit, fatetur se ex hoc prato coronam Sophronio contulisse, ac per eum aliis deinceps obtulisse.

Seu quia in hoc libro dicta et gesta ipsius Sophronii pro majori parte continentur. Nam is totius itineris libri hujus auctoris fuit individuus comes ; et quæcunque ambobus ambulantis occurrerunt, vel quærentibus responderi contigit, diligentissime descripta sunt. Quare etiam hæc verba sæpissime iterata videbis : *Venimus ego et dominus meus Sophronius sophista ad abbatem talem, etc.* Etideo semper etiam plurali locutione utitur, dicens : *Perreximus, accessimus, vidimus, narravit nobis senex monasterii duz.* Per quæ omnia conspici datur, scriptorem nunquam solum fuisse in his quæ narrat perquirendis. Sicut ergo Platonis *Phædrus, Timæus, Gorgias, et Parmenites*, et Tullii liber de Senectute *Cato Major* inscribuntur a personis. [xxxix] quæ ibi colloquentes et disputantes inducuntur ; quid obstat huic libro, quin Sophronii dicatur, cum in eo is ambulans, visitans, operans, interrogans et respondens ubique fere asseratur?

Aut demum ex illa causa Sophronio ascribitur, quoniam una cum Joanne prædicto conscriptor (ut ita dicam) forte ejusdem libri fuit. Lege hujus voluminis caput 77, et in ejus principio ita scriptum reperies : « Ego et dominus meus Sophronius perreximus ad philosophi Stephani domum doctrinæ gratia, » etc. Deinde in fine ejusdem capituli hoc modo scriptum legitur : « Ista cum audivimus, innuit mihi dominus meus Sophronius, et recessimus, et dixit mihi : Vere, abba Joannes, hodie nihil ultra studeamus ; satis enim ædificati sumus. Hæc ergo scripsi mus, ut et vos pariter ædificemini. »

Una ergo ex his rationibus, seu potius omnibus simul accedentibus, jure meritoque liber iste Sophronii nomine inscriptus videtur.

Dices : In hoc libro Sophronius hic non appellatur Jerosolymorum patriarcha, sed sophista. Respondet idem Aloysius : Vocabulum hoc non in malam olim partem, sicut fit modo passim, sed in bonam accipiebatur ; nec aliud designabat, quam sapientem et prudentem hominem, qualis fuit et Libanius ille, ad quem multæ Magni Basilii epistolæ directæ fuerunt, ipsum maximis præconiis efferentes. Potuit ergo vir iste prius et monachus esse, et sophista nuncupari ; inde vero ad sanctam Jerosolymorum sedem assumi,

ex qua, tanquam digniori loco, postea denominationem acceperit.

Petes : Quo tempore viri hi qui librum conscripserunt claruerint? Respondet idem qui supra : Id pro certo non habetur. Verum cum Magni Gregorii Romani pontificis, hujus nominis primi, factum narrent, et synchronorum Cæsarum, videlicet Anastasii, Tiberii, Mauritii, et Zenonis mentionem faciant, et in sexta synodo hic liber adducatur, conjectura assequi possumus, circa annum Domini sexcentimum illum fuisse conscriptum.

Porro, ad commendationem hujus libri tandem Aloysius Lipomanus præfatur : « Liber hic, amice lector, quem tibi legendum exhibemus, Pratum spirituale nominatur, ex Græco Latinus per doctum virum Ambrosium Camaldulensem monachum redditus, quem adhuc typis excusum, non nisi vernacula, atque ea Italica lingua habuimus.

« Tanta autem spiritualium flosculorum amœnitate refertus est, ut in paradisi deliciis ortus esse videatur. In eo siquidem antiquorum monachorum, et aliorum Patrum Deo ex intimis præcordiis servientium redolet vitæ splendor, regularis disciplinæ observantia, pudicitia [XL] et continentia norma, victus et vestitus parcimonia, contra hæreticos invicta constantia, in jejuniis, vigiliis et orationibus assidua perseverantia, et erga Dominum Jesum Christum eximias et inestimabilis amor; quin etiam admirabilia quædam, ac Spiritu sancto plena responsa, quæ legentium mentes spirituali quadam dulcedine perfundunt; sanctarum denique mulierum invicta fides, castitas incomparabilis, et felix earum in Deo consummatio.

« O si tales modo inveniremus milites Christo servientes, quam illustris, quam splendida, quam decora esset Ecclesiæ nostræ facies! quam adeo dejectam et obsoletam, ac supra pelles Salomonis, atque Moysi Æthiopissam (pro dolor!) denigratam conspiciamus.

« Lege ergo lubenti animo, et fide certa opus istud, candide lector, cujus exemplum ex apostolica Bibliotheca accepimus; et ita mores et vitam tuam ad ejus lectionem compone, ut talium tantorumque virorum, quos hic descriptos invenies, dignus æmulator existas, postmodum vero eorum consortio in æterna beatitudine feliciter adjungare. Quod tibi et mihi Dominus præstare dignetur, et omnibus qui Dominam Jesum diligunt in sinceritate. Vale. »

PROLEGOMENON XIII.

Qua lingua libri hi scripti?

Dico : Plerique libri omnes Græce scripti sunt.

Patebit mox, assignatis eorum interpretibus. Equidem cum patres illi pene omnes in Oriente nati sint, celebresque vixerint, non mirum ab Orientis hominibus, Græcis maxime qui scribendi facultate pollebant, monachorum quibus convixerant acta posteris esse transmissa.

In primo libro, qui miscellus est, inter varios au-

ctores solus est divus Hieronymus, qui Latine, quod quidem constat, scripserit.

Secundum et tertium scriptum esse a Rufino, partim ex divo Hieronymo, partim ex Mss., partim ex probabili conjectura asseruimus.

An vero is ex Græco transtulerit, incertum. Divus Hieronymus videtur innuere a Rufino ipso compositum, epistola supra citata. Ait enim : « Qui librum quoque scripsit quasi de monachis, » quod tamen de libro secundo tantum capiendum, ut constat ex Patrum nominibus, quæ divus Hieronymus ex illo Rufini libro exprimit, qui suo tempore circumferebatur, quorum Vitæ in secundo tantum libro reperiuntur.

Quartus liber cum ex Severo Sulpitio et Joanne Cassiano sit concinnatus, non magno dubitandum, quin a Latino [XLI] auctore ea concinnatio facta sit, maxime cum verbis auctorum concinnator plerumque utatur.

Quinti et sexti libri Græcum auctorem esse, constat ex Photii Bibliotheca, Cod. 198, qui eos Græce legit, et styli perspicuitatem collaudat.

Septimi libri Græcum auctorem esse, indicat ipse interpres Paschasius.

Octavi libri Græcus auctor est Palladius, ut clarum est ex Socrate, prolegomeno 10.

Noni libri auctor est Theodoretus, ut supra viderimus, quem Græcum fuisse nimis quam notum.

Decimi libri auctor est Joannes moschus, quem Græce scripsisse testatur Photius; Bibliothecæ Cod.

199, hæcque de ejus stylo habet : Ἡ δὲ τοῦ λόγου ἐρμηνεία εἰς τὸ ταπεινότερον τοῦ προτέρου, καὶ ἀμαθέστερον ἀποκλίνει : « Operis autem hujus dictio, magis quam præcedentis (videlicet quinti et sexti libri hic) ad humiliorem ac rudiorem vergit stylum. »

PROLEGOMENON XIV.

Qui horum librorum interpretes?

Dico : Varii sunt horum librorum interpretes.

In primo libro hi noti occurrunt interpretes.

1. Evagrius episcopus Antiochenus, interpres Vitæ sancti Antonii monachi. Vide ad eam Vitam præludia.

2. Dionysius Exiguus interpres Vitæ sancti Pachomii. Consule præludia Vitæ illi præmissa.

3. Ursus S. R. E. subdiaconus, interpres Vitæ sancti Basilii Cæsariensis episcopi. De Urso vide notationes ad eam Vitam.

4. Gerardus Vossius interpres Vitæ sancti Ephræm.

5. Anastasius S. R. E. Bibliothecarius, interpres Vitæ sancti Joannis Eleemosynarii, patriarchæ Alexandrini. Vide ad eam Vitam præludia.

6. Jacobus Billius interpres Vitæ sanctorum Barlaam et Josaphat.

7. Eustochius interpres Vitæ sanctæ Pelagiæ.

8. Paulus Neapolis Ecclesiæ diaconus, interpres Vitæ beatæ Mariæ Ægyptiacæ.

Melchior Goldastus, tom. I Rerum Alemannica-

rum, parte 2, notis ad Hepidanum, de Vita sanctæ Wiboradæ existimat Vitam sanctæ Eugeniæ versam a Ruffino. Sed unde hoc deprompserit, equidem nescio. Possevinus, in Apparatu sacro, ait Vitam sanctæ Eugeniæ scriptam ab Ambrosio Camaldulensi abbate. An versam vult? Certe plura alia Vitas Patrum spectantia idem auctor, eodem teste, vertit.

[XLII] Secundus, tertius et quartus libri scripti sunt Latine, vel certe de versione non constat. Vel potius: quartus certo scriptus Latine, de prioribus duobus dubium. Vide dicta prolegom. 4, 5 et 6.

Quinti libri interpres est Pelagius S. R. E. diaconus.

Ita constanter Mss. Sigebertus, de illustr. Ecclesiæ Scriptoribus, cap. 116: « Pelagius diaconus Romanæ Ecclesiæ transtulit de Græco in Latinum, de Vita et doctrina, et de perfectione sanctorum Patrum libros XVI, scilicet: *de Profectu monachorum lib. 1*; *de Quietate, 1*; *de Compunctione, 1*; *de Continentia, 1*; *Contra fornicationem, 1*; *Quod monachus nihil debeat possidere, 1*; *Quod nihil per ostentationem fieri debeat, 1*; *De patientia et fortitudine, 1*; *Quod non oporteat judicare quemquam, 1*; *Quod oportet sobrie vivere, 1*; *Quod sine intermissione et sobrie oportet orare, 1*; *de Humilitate, 1*; *de Pœnitentia, 1*; *de Charitate, 1*; *de Providentia, seu Contemplatione, 1.* »

Sexti libri interpres est Joannes S. R. E. subdiaconus.

Ita omnes Mss. Sigebertus supra, cap. 117: « Joannes subdiaconus transtulit de Græco in Latinum de Vita et doctrina Patrum librum I. »

Quod vero ait Sigebertus a Joanne translatum e Græco in Latinum librum unum, cum tamen quatuor libellos transtulerit, potuit hoc contigisse quod ipse in Ms. incidit, qui libellos illos sine titulo indistinctos connectebat. Vel librum unum capit, qui quatuor libellos continet.

Adverte quis autem Pelagius hic, quis Joannes fuerit, merito quæri potest. R. P. Georgius Garnefelt, libro supra citato, censet Pelagium hunc ante S. R. E. diaconum, cum hunc librum verteret, post fuisse Romanum pontificem ab anno Domini 555, usque ad annum 559. « Ad quod sentiendum, inquit, duo me impellunt, 1^o quod fuerit linguæ Græcæ peritissimus; 2^o quod varias legationes obierit ad Ecclesiam Orientalem, de quibus nemo dabitabit, qui consulere voluerit Baronium, ab anno 538 ad annum 555. Id igitur persuasum mihi habeo, hunc Pelagium in hisce legationibus incidisse in eum librum Græcum de quo Photius meminit in Bibliotheca, Cod. 106, et hunc secum Romam comportasse, ibidemque transtulisse. At vero cum hanc versionem perduxisset usque ad libelli seu partis XVIII cap. 16 (ut est in prima editione), mox aliis negotiis præpeditus, seu potius Romana sede gubernanda eneratus, reliquum versionis opus videtur impessisse Joanni subdiacono, quem arbitror eundem esse qui Pelagiô in Romanæ Ecclesiæ primatu successit. Ita conjicere et opinor, si quid alii certius

attulerint probaverintque, lubens acquiescam. » Hactenus ille.

Septimi libri interpres est Paschasius, S. R. E. diaconus, qui [XLIII] Martini Dumiensis abbatis rogatu eum Latinitate donavit.

Ita diserte præfatio libro illi præfixa præfert. Testatur quoque Sigebertus supra, cap. 118: « Martinus episcopus transtulit, per manum Paschasis diaconi, interrogationes et responsiones plurimas sanctorum Ægyptiorum Patrum in Dumiensi cœnobio. »

Adverte hic, primo, duos fuisse Paschasios diaconos his temporibus pene suppres (nam Paschasius Ratbertus duobus sæculis posterior in hunc censum venire non potest), utrumque scriptis clarum. Primus est Paschasius S. R. E. diaconus, « cujus rectissimi (ait sanctus Gregorius lib. IV Dialog., cap. 40: et luculenti de sancto Spiritu libri exstant; » quique, eodem teste, « temporibus Symmachi apostolicæ sedis præsulis defunctus est. » Sedit autem Symmachus ab anno 499 ad annum 515. Hujus etiam meminit Sigebertus, de illustr. Eccl. Scriptor., cap. 17, et alii posteriores. Hic idem est ad quem Eugippius presbyter Vitam sancti Severini Noricorum apostoli a se conscriptam transmisit, ejusque censuræ subjecit. Nam nomen, tempus, locus et sacra functio id docent, ait Baronius tomo VI Annalium ad annum 496. Cui respondit idem Paschasius, quam epistolam Baronius ibidem exhibet. Eam hic prolegomeno 25 invenies. Secundus est Paschasius diaconus monasterii Dumiensis in Gallicia, qui suum librum de Vitis Patrum, qui in hac editione septimus est, dedicavit Martino presbytero et abbati Dumiensi; cujus Martini obitum Gregorius Turonensis, lib. V Hist. Franc., cap. 37 anno 5 Childeberti junioris statuit, cui Baronius tomo VII Annalium annum 583 assignat.

Adverte secundo, iisdem quoque temporibus duos fuisse Eugippios: Unus abbas, qui scripsit « ad quemdam Paschasium diaconum de Vita sancti monachi Severini, et claruit post consulatum Importuni junioris, Anastasio imperatore regnante, » ut ait Isidorus de illustr. Ecclesiæ Scriptor., cap. 13. Claruit igitur hic etiam post annum 509, in quem consulatus Importuni seu Opportuni incidit. Nam in epistola sua sancti Severini Vitæ præmissa ait se describere biennio post consulatum Importuni. Alius etiam abbas, « qui defloravit libros sancti Augustini episcopi Hipponensis, fuitque tempore secundi Pelagii, et imperatoris Tiberii Constantini, » ut scribit Sigebertus de illustr. Ecclesiæ Scriptor., cap. 39. Floruit igitur ille circa annum 580.

Ex his nunc facile colligi potest (quod etiam amicissimo Garnefeltio in ~~manu~~ venerat) posteriorem Paschasium interpretem esse libri septimi; in eum enim sæculum Martini Dumiensis, cui suam versionem inscribit, quadrat. Stylus quoque ejus non assurgit ad prioris Paschasis stylum. Huic priori potius tribuenda translatio Paradisi Heraclidis. De quo prolegomeno 25. Qui et S. R. E. diaconus [XLIV] fuit,

uti habemus testimonio sancti Gregorii supra. Posterior etiam diaconus fuit in cœnobio Dumiensi, sed dubito an etiam S. R. E. Vereor enim ne ex conclusione duorum Paschasiorum, posteriori titulus quoque prioris adhæserit. Atque ita impressum, quod mutare nondum sum ausus.

Octavi libri, qui a Palladio Græce scriptus, interpres est Gentianus Hervetus, canonicus Rhemensis, qui præclaram operam præstitit in hoc interpretandi genere.

Adverte hic tres diversas esse Palladii editiones diversis interpretibus.

Prima est quæ prodiit ipso typographiæ tirocinio in prima editione Vitarum Patrum, ubi nullus certus interpres assignatur. Hic liber in sequentibus editionibus Vitarum Patrum omissus est, sed anno 1547 rursus eam in sua editione, quæ Coloniae lucem vidit apud Jasparem Gennepæum, revocavit F. Theodoricus Loher a Stratis Carthusianus.

Secunda est quæ prodiit Parisiis apud Joannem Parvum, an. 1504, curatore Jacobo Fabro Stapulensi. Sed hæc alium titulum (inscribitur enim Paradisus Heraclidis) præfert; et alium, incertum pariter exhibet interpretem, quæ eadem Palladii præfixo titulo postea prodiit Venetiis anno Domini 1554, tom. III de Vitis Sanctorum per Aloysium Lipomanum collectis. Curavit autem hanc editionem opera Francisci Torres conferri cum Ms. exemplari Palladii, quod Venetiis est in Bibliotheca cardinalis Bessarionis, qui, ut ait Lipomanus, « a capite ad calcem usque utroque collato volumine, hunc eundem prorsus cum illo reperit, paucis quibusdam, iisque perexigui momenti, immutatis. Titulus etiam discrepabat, et nuncupatoria epistola, quæ non ab Heraclide Alexandrino, sed a Palladio Cappadociæ episcopo, licet in utroque volumine ad Lausum scripta videretur. His igitur paucis locellis correctis, et ad emendatissimum codicem, » ut existimabat Lipomanus, « redactis, » librum illum tomo III de Vitis Sanctorum inseruit.

Tertia est, quam hic damus, quamque suo stylo e Græco textu adornavit Historiæ Lausiæ titulo Gentianus Hervetus, et Parisiis vulgavit Bernardus Turrisanus anno 1555, quæ rursus prodiit ibidem apud Guilielmum Chaudierium, anno 1570, annotationibus quibusdam marginalibus per Fr. Thomam Beauxamis Carmelitam doctorem theologum illustrata; quæ insuper Laurentii Barrensis scholiis aucta, Historiæ Christianæ veterum Patrum inserta est Parisiis apud Michaellem Sonnum, anno 1583, item tomo VII Bibliothecæ SS. Patrum.

Quod si quis et quartam Palladii editionem venari velit, non magnopere (XLV) ei laborandum erit. Inveniet enim Ruffinum, vetustissimum Palladii interpretem, si vera est conjectura quam prolegomeno 4 § 2 et 10 expressimus.

Quæres quæ ex his sit germana Palladii historia? Respondeo: Videtur illa quam Hervetus edidit. Nam Socrates, lib. IV, cap. 18, ait se supersedere SS. Patrum Vitas describere, quod id Palladius abunde

præstiterit; et opus ejus certa nota designat, quod in ea agatur tam de mulieribus quam viris. Πάντα δὲ ἀκριβῶς περὶ αὐτῶν διεξήλθεν· ἐν ᾧ καὶ γυναικῶν ἐφάμιλλον τοῖς προειρημένοις ἐπανελομένων βίον μνήμην πεποίηται: « Omnia, quæ ad eos spectant, in eo sunt accurate explicata. In quo etiam de mulieribus, quæ parem vivendi rationem cum viris supra dictis excolebant, sermo susceptus est. » Atqui tam de mulieribus quam viris habes in Hervetina editione plenius, cum in aliis editionibus perparum de mulieribus tractetur. Vide supra Prolegomenon 4, § 3.

Noni libri interpres est idem Gentianus Hervetus, quæ cum superioris libri interpretatione una prodit.

Aloysius Lipomanus, tomo II de Vitis Sanctorum, anno 1553 Venetiis edito, inseri curavit hunc Theodoretum librum, interprete Alberico Longo Salentino, quem a viro docto Tridenti nactus fuerat.

Decimi libri interpres est Ambrosius Camaldulensis abbas. Ita enim in apostolica Bibliotheca se invenisse testatur Aloysius præfatione ad lectorem, qui primus eum edi curavit tomo VII de Vitis Sanctorum.

Dices: Joannes Diaconus, postea Romanus pontifex, in quarto libro, quem de beati Gregorii Vita scripsit, dum cap. 63 voluminis hujus mentionem facit, recensendo mirabile ejusdem sanctissimi pontificis factum, se interpretem profitetur. Ait enim: « Sed ne solis verbis tanti præsulis humilitas inculcari credatur, superest ut ex Græcorum relationibus a me nuper interpretatis eadem Patris humilitas visus operibus demonstretur, in quibus videlicet ita refertur: Enarravit nobis abbas Joannes Persa, sanctus et venerandus vir existens, de Magno Gregorio beatissimo papa Romano, dicens: Quoniam ivi Romam ad adorandos oculos sanctorum apostolorum Petri et Pauli: et una dierum, cum starem in medio civitatis, video papam Gregorium per me transiturum, et cogitavi me mittere ante eum. Cum ergo appropinquasset mihi papa, videns quia pergerem, ut mitterem me ante eum; sicut coram Deo dico, fratres, primus misit se ante me super terram, et non ante surrexit, quam ego prior surgerem, et amplexatus me cum magna humilitate, tribuit mihi per manum numismata tria, et jussit mihi dari casulam et necessitates meas omnes. Glorificavi ergo Deum, qui donavit ei talem humilitatem [XLVI] circa omnes, et eleemosynam, et charitatem. » Quam eandem historiam invenies hic cap. 151. Respondeo inveniri quidem eam eo loco, sed verbis aliis, ut duplicem interpretem liceat agnoscere.

Verum interpres iste non fuit Joannes Diaconus, sed ejus præceptor, ut ipse clare exprimit lib. II, cap. 45, Vitæ sancti Gregorii; ait enim: « Ex libro qui a Græcis Λειμων dicitur, a Latinis vero intelligitur Campus vel Pratum, præceptor meus inter alia toto orbe jam diffamata miracula interpretatus est, mihi scribens, » etc. Quare recte in plerisque editionibus est, ex Græcorum relationibus ad me nuper interpretatis; non a me, ut non recte citatur ante Pratum spi-

rituale editionis Coloniensis quod ex officina Birckmannica prodit.

Adverte librum hunc hodie in cccxix capita duntaxat distinctum legi, cum olim pluribus constiterit, ut testatur Photius Bibliothecæ suæ Cod. cic. Καὶ τὰ διηγήματα δὲ οὐχὶ τὸν ἴσον ἀριθμὸν ἐν πᾶσιν εὐρήσεις τοῖς βιβλίοις διασσωμένα· ἀλλ' ἐν τισι καὶ εἰς δύο καὶ τεσσαράκοντα, καὶ τριακοσίοις διηλωμένα: « Narrationum adhuc non eundem servatum numerum in omnibus libris deprehendas, cum in quibusdam ad duo et quadraginta supra trecentas sese extendant. » Dixerat autem initio, *quatuor et trecentis constare narrationibus.*

Cujus varietatis duplicem rationem subjungit: Τοῦτο μὲν ἐνὼν κεφαλαίων ἐπὶ διαίρεσει τοῦ ἀριθμοῦ συναφομένου, τοῦτο δὲ καὶ διηγημάτων ἐστὶν ὡς παρενόηκη: « Contingit id vel ex capitum quorundam divisione, vel certe aliorum interjectione adaucto numero. »

PROLEGOMENON XV.

Quæ horum librorum auctoritas?

De auctoritate horum librorum existimo non facile dubitatos, qui prolegomena priora legerint, in quibus viri aliquot religione spectati, pietate illustres, doctrina conspicui, partem harum Vitarum vel composuere ipsi, vel e Græco in Latinam linguam transferri curavere, uti sanctus Martinus Dumiensis abbas; vel earum lectionem religiosis suis commendarunt, uti sanctus Benedictus, Cassiodorus et Gregorius Turonensis; vel earum partem pro authenticis scripturis jama multis retro sæculis diserte recepere, uti pontifex Gelasius.

Accedit quod plerique omnes auctores nota referunt, quæ ipsi suis spectaverunt oculis, vel a fide dignis testibus hauserunt. Hieronymus enim, Ruffinus, Cassianus, Palladius, Postumianus apud Severum, Theodoretus, Moschus, Patribus illis vel annis aliquot convixere, vel eorum loca religiosa peregrinatione obierunt.

[xlvi] Jam vero Cassiodorus divin. Instit. cap. 32, quod commonitionem continet abbatis Chalcedonii et Gerontii, congregationisque monachorum, excitat eos ad diligentem lectionem Vitarum Patrum: « Quapropter, inquit, desideranter introite mysteria Domini, ut sequentibus iter indicare possitis, quia magnæ verecundiæ pondus est habere quod legas, et ignorare quod doceas. Et ideo futuræ beatitudinis memores, Vitas Patrum, confessiones fidelium, passionem martyrum legite constanter. »

Enimvero cum ex Græcis fontibus pleraque sint hausta, etsi non omnino constet de quorundam fontium origine, qui eos tamen in Latinos alveos deduxere, fuere viri graves, et ecclesiastica fulgentes dignitate, e cardineo Patrum ordine diaconi duo, Pelagius et Paschasius, unus Joannes subdiaconus. Qui cum versati fuerint in oculis pontificis, cujus unius est de fontibus aquæ vivæ, et de cisternis quæ continere non valent aquas (*Jerem.* II), ferre judicium, non video quid de eorum germanitate sit dubitandum.

Quod si alios viros graves desideres, qui Vitarum

A Patrum testimoniis usi sunt, præter ea quæ suis subinde locis notantur, hæc nunc occurrunt.

1. Gratianus in decreti parte 3, dist. 3, de Consecr., cap. 16, citat quædam ex dictis sancti Apollonii, de jejuniis quartæ et sextæ feriæ, quæ ad verbum invenies hic, lib. II, apud Ruffin., cap. 7.

2. Burchardus, lib. XIX Decretorum, qui est de Pœnitentia, citat quatuor apophthegmata ex Vitis Patrum seu verbis seniorum. Nam quod capite 52 habet, desumptum est ex Ruffino, lib. III, n. 203; quod capite 53 desumptum est, ex eodem libro, n. 131; quod capite 54 est desumptum, ex libro eodem, n. 137; quod capite 55 desumptum est, ex eodem libro, num. 141.

3. Dorotheus abbas in doctrinis quas ad fratres habuit, multa ex his libris citat. Ut doctrina prima citat quædam quæ habentur lib. III Ruffini, n. 144, et Pelagii libello XIV, n. 16. Doctrina secunda citat quod habetur apud eundem Ruffinum, libro eodem, n. 129, et Pelagium, libello XV, n. 3. Doctrina quinta citat quod habetur, apud eundem Ruffinum, libro eodem, n. 61, et Pelagium, libello XVIII, num. 9, et Paschasium, cap. 1, n. 8. Ibidem citat de Agathone quod habet Ruffinus lib. III, n. 161, et Pelagius, libello II, num. 2. Doctrina sexta citat quod habetur apud eundem Ruffinum, lib. III, n. 137, et Pelagium, libello IX, n. 3. Doctrina septima adducit id quod habet Ruffinus libro III, n. 51, Pelagius libello IV, num. 59. Sed et apud eundem Dorotheum aliosque plura loca ex his libris desumpta esse notare est.

C Dices primo: Gelasius papa, supra prolegomeno 1, eas tantum Vitas eremitarum cum omni honore suscipit, quas scripsit beatus Hieronymus [XLVIII]; at multæ aliæ his immixtæ sunt, quarum constat beatum Hieronymum non esse auctorem. Respondeo, eum quidem diserte recipere Vitas a beato Hieronymo conscriptas, sed non ideo rejicere alias. Inno videri possit Gelasius existimasse Hieronymum plures Vitas scripsisse, præterquam Pauli, Antonii, Hilarionis, quarum diserte meminit, quasque suscipit tanquam authenticas scriptas a beato Hieronymo. Nam cum addit: *Et omnium eremitarum*, hunc librum Vitarum Patrum respicere videtur qui Hieronymi esse jam tunc vulgo ferebatur. Quod intelligo maxime de secundo libro, quem etiam apud Græcos Hieronymi nomine circumferri, jam supra monui prolegomeno I, § 8.

Nec mirum quod Gelasius secundi libri auctorem existimaverit sanctum Hieronymum (licet alius nunc ejus auctor vel ipso attestante Hieronymo agnoscat) cum etiam Vitæ sancti Antonii auctorem faciat sanctum Hieronymum, quam tamen ab Athanasio Græce conscriptam, ab Evagrio Antiocheno Latinitati donatam certo nunc constat. Vide dicenda ad Vitam sancti Antonii in præludiis, not.

Dices secundo contra auctoritatem libri secundi auctore Ruffino: Beatus Hieronymus, epistola ad Ctesiphontem contra Pelagianos, gravior in Ruffinum invehitur, quod Origenistas quosdam Vitis istis inseruerit, quem locum expressum habes supra, pro-

legomeno 4, § 10. Theophilus quoque scribens ad Epiphanium, dum Ecclesiae praesidet Alexandrinae, in epistola 67 apud Hieronymum gloriatur, « quod Ecclesia Christi egredientes de cavernis suis Origenis colubros Evangelico ense truncavit, et secundum Nitriae monachorum agmen contagione pestifera liberavit. » Et infra : « Didici, ait, quod calumniatores veræ fidei Ammonius, Eusebius, et Euthymius novo pro hæresi furore bacchantes Constantinopolim navigarint. » De qua re certum facit Hieronymum Epiphanium epistola 73, et Theophilus ipse Alexandrinus epistola 69 et 72 ; ipseque pro re tam feliciter confecta Theophilo gratulatur epistolis 70, 71. Et epistola 61, ad Pammachium adversus errores Joannis Jerosolymitani, prope finem, agens de Joannis epistola : « Iste, ait, Isidorus, qui in cælum tuis laudibus tollitur, id ipsum infamatur Alexandriae, quod tu Jerosolymis. Atqui quatuor hi Ammonius, Eusebius, Euthymius, et Isidorus hoc libro occurrunt. »

Respondeo eam partem, ubi Origenistas illos indicio beati Hieronymi detegemus, minimam harum Vitarum esse. Et potuerint iidem certo tempore Origenis errore fuisse infecti, post tamen resipuisse : maxime cum eorum quidam in Græcorum Menæis compareant, et ab aliis viris sanctis fuerint laudati.

Equidem in libello Acacii, apud Photium Cod. 153, adversus [XLIX] Chrysostomum synodo ad Quercum habitæ oblato, secundum hunc articulum invenio : « Quod beatus Epiphanius propter Origenistas Ammonium, Euthymium (non rite apud Baronium, vertere Federico Metio, ex corrupto, ut apparet, codice, Eutychem), Eusebium, et Heraclidem, et Palladium noluit cum Chrysostomo communicare. » Meminit autem Hieronymus epistola illa ad Ctesiphontem Ammonii et Eusebii, quos Origenistas fuisse assertit. Ut igitur ex synodo illa discimus, eas non caruisse suspensione Origeniani erroris, ita pariter docemur, non omnino liquidam fuisse suspensionem, si Chrysostomus vir utique doctissimus atque sanctissimus cum iis communicaverit.

Nec omnino sine auctore dixi, potuisse monachos, ante Origenistas, post resipuisse. Audi Sozomenum, lib. VIII, cap. 17 :

Ἐνταῦθα δὲ συνελθὼν Θεόφιλος ἅμα τοῖς ἄλλοις, περὶ μὲν τῶν Ὀριγηνέως βιβλίων οὐδὲν ἐπεμνημόνευσε · τοὺς δὲ ἀπὸ Σκήτως μοναχοὺς εἰς μετάνοιαν ἐκάλει, μήτε μνησικακεῖν, μήτε κακῶς ποιεῖν ὑποσχόμενος. Ἐπιβοῶν τῶν δὲ αὐτοῖς συγγνώμην αἰτεῖν τῶν Θεοφίλου σπουδαστῶν, καὶ προσποιουμένων τὴν σύνοδον ἐκετεῦεν ὑπὲρ αὐτῶν, παραχθέντες οἱ μοναχοὶ καὶ τοῦτο χρῆναι ποιεῖν νομίσαντες, πολλῶν ἐπισκόπων προκαθημένων, τοῦτο δὴ τὸ σύνθημα αὐτοῖς λέγειν, κἂν ἀδικῶνται, Συγχώρησον Ἰφασαν. Θεοφίλου δὲ ἐτοίμως σπεισαμένου, καὶ τὴν κοινωλίαν αὐτοῖς ἀποδόντος, διελύθη τῶν παρὰ Σκήτιν ἀδικημάτων ἡ ἐξέτασις, ὅπερ οἶμαι οὐκ ἂν συνέβη, εἰ συμπάρησαν τοῖς ἄλλοις μοναχοῖς Διόσκορος τε καὶ Ἀμμώνιος · Ὁ μὲν γὰρ ἤδη πρότερον τελευτήσας, ἐτάφη ἐν τῇ Μωκλίου τοῦ μάρτυρος

* Vitiosa interpretatio, ut patet. Græca enim phrasis, τοῦτο δὲ..... Ἰφασαν, sic optime vertit Valesius :

Ἐπωνύμῳ ἐκκλησίᾳ · Ἀμμώνιος δὲ Ἐναγχος τῆς συνόδου παρασκευαζομένης, ἐμαλακίσθη τὸ σῶμα · περαιοθεὶς δὲ εἰς Δρῶν, γαλεπωτέρον ὑπὸ τῆς νόσου διετίθη, καὶ μετ' οὐ πολὺ τελευτᾷ τὸν βίον, καὶ πρὸς τῶν πλησίον μοναχῶν, ἐνθα δὴ κεῖται, λαμπρᾶς ἠξιώθη ταφῆς. Ὁ δὲ Θεόφιλος ὡς ἐπόθετο, λέγεται δακρύσαι καὶ εἰς πάντας εἰπεῖν, ὡς οὐδεὶς εἶη τῶν κατ' αὐτὸν μοναχῶς οἷος Ἀμμώνιος, εἰ καὶ αὐτῷ παραχρῆς αἴτιος ἐγένετο : « Hoc loco Theophilus una cum cæteris episcopis conveniens, de libris Origenis nullam quidem mentionem fecit ; sed Scetenses istos monachos ad pœnitentiam invitavit, pollicitus se neque injuriæ acceptæ fore memorem, neque mali quidquam esse facturum. Cum igitur suis clamoribus illos urgerent fautores Theophili, ut veniam peterent, et interim simularent synodum pro ipsis supplicare, monachi perturbati, atque hoc plane fieri oportere rati, multis episcopis præsidentibus, illud scilicet, quod ipsis dicere solemne est : Etiamsi injuriam fecerimus, ignosce, inquit*. Theophilus igitur illos prompte in gratiam simul et in communionem recipiente, soluta est cognitio, quæ adversus Scetenses istos instituta fuerat ; quod opinor non ita successisset, si una cum reliquis monachis Dioscorus et Ammonius adfuissent. Nam Dioscorus jam antea mortuus, in templo Mocii martyris est sepultus. Ammonius autem modo cum synodus convocaretur, corpore languere cœpit : [L] et postquam ad Quercum trajecisset, morbo gravius correptus fuit, ac non multo post finivit vitam, et apud vicinos monachos, ubi etiam jacet, splendidam sepulturam sortitus fuit. Theophilus tandem ubi id intellexisset, illacrymasse fertur, ac dixisse quod inter universos monachos suos talis non esset, qualis fuisset Ammonius, etiamsi ipsi turbarum exstitisset auctor. » Unde discimus res horum monachorum plane perplexas fuisse. Sane Georgius Alexandrinus in Vita Chrysostomi ait Ammonium et Dioscorum vita functos splendide sepultos, et miraculis claruisse.

Quidquid sit, maneat inconcussum divi Hieronymi testimonium, et ejus monitione cautius horum paucorum dicta excipiamus. Quanquam nihil in his occurrit quod sinistre sonet, excepta una forte Evagrii sententia de impassibilitate, cui suo loco opportunum antidotum apposuimus.

Christophorus Castrius noster ita huic ex Hieronymo testimonio satisfieri posse censebat, ut ex Hispania ad me scripsit. « Primum, inquit, præmittendum est, Theophili Alexandrini, et Epiphani Cyprii tempore motam fuisse quæstionem de Dei natura, utrum esset spiritualis, an membris corporeis constans. Nam simpliciores et præcipue monachi corporeum esse censebant. Unde et hæretici Anthropomorphytæ dicti sunt, et hi quidem aversabantur Origenem, quod Deum spiritum esse doceret ; sapientiores autem, ut omnes Catholici, spiritum esse prædicabant. Quare quod hac in re cum Origene sentirent, simplices illi tanquam Origenistas, hanc

id quod solemne est ipsis dicere, etiamsi injuria affecti fuerint, Parce scilicet, dixerunt. EDIT.

solam ob causam exosos habebant. Hinc factum ut Arorum virorum auctoritate, miræ cum eruditionis sanctum Epiphanium in omnibus catholice sentientem Theophilus Alexandriae episcopus Anthropomorphitarum hæresis insinularit, ut referunt Socrates lib. vi, cap. 9, Sozomenus lib. viii, cap. 14, et Nicephorus lib. xiii, cap. 12; ut etiam Joannes Jerosolymitanus Epiphanio, ut ait Hieronymus epistola 61, ad Pammachium, adversus errores Joannis Jerosolymitani; imo Rufinus eandem hæresim objecit Hieronymo, *Invectiv. lib. i.*

« Contra vero, qui Origeni infensiores erant, eos qui ejus lectioni vacabant, Catholicos alioquin, de hæresibus Origenis accusabant, ut Epiphanium Theophilum, et deinceps Chrysostomum, et monachos qui cum illis communicabant. Atque de hac re non nihil insinuat divus Hieronymus in epistola 62, ad Theophilum adversum Joannem Jerosolymitanum; in epistola quoque 68 et 70, ad Theophilum, dum illi dicit: « Ostendisti quod hucusque taciturnitas dispensatio fuit, non consensus; libere enim reverentiæ tuæ loquor. Dolebamus te nimium esse patientem, et ignorantes magistri gubernacula, gestiebamus in interitum perditorum. » Sane suspicioni dederat occasionem, quod Origeni consentiret, et ipse esset Origenista. Hoc prætextu Origenistarum, [Li] eadem qua Chrysostomum simulatione, quatuor monachos Longos montis Nitriæ, quod ab eo recessissent, quod ejus mores non probarent, insectatus est, etiam coacto exercitu Anthropomorphitarum, in quibus erat monachorum phalanx non parva zelo percita. Quos tamen fugientes excepit Joannes Chrysostomus et defendit, monito etiam Innocentio I pontifice, qui increpavit Theophilum; et ille, tandem pœnitentia ductus, monachos illos Longos sibi reconciliavit tanquam fideles et probos. Scribunt hanc historiam tussissime omnes historici Græci, Georgius Alexandrinus archiepiscopus in Vita sancti Chrysostomi, Palladius in dialogo, Socrates, Sozomenus, Simeon Metaphrastes, Leo imperator in oratione, Cassiodorus, Sulpicius, Isidorus Pelusiota, Nicephorus, quorum testimonia referre non vacat. Hi omnes commendabant monachos illos quos hæreticos putavit Hieronymus a Theophilo deceptus. » Hactenus Castrius noster; de qua tota historia vide Baronium, tomo V, anno Christi 400.

Dices tertio contra auctoritatem libri quarti, auctore Cassiano: In decreto, distinct. 15, Cassiani opuscula censentur inter apocrypha.

Respondeo cum Aloysio Lipomano, tom. VIII de Vitis Sanctorum, Romæ edito anno 1560, præfatione ante excerpta ex Cassiano, « tantum prohibita esse ob unam potissimum collationem tertiam abbatis Cheremonis de protectione Dei; quod ex beato Prospero colligere est libello contra Collatorem, in quo hominem hunc notat de gratia Dei et libero arbitrio quædam temerarie ac contra sanctæ Ecclesiæ definitiones sentientem, locum jam citatum adducens. Cujus etiam sententiæ videtur Joannes Trithemius. Quod ut quis credat facilius, adduci is potest præcla-

tum sanctitatis, qui Cassiani opera et legerunt intrepide, et ad suorum scriptorum fidem confirmandam adduxerunt in medium, atque suis etiam discipulis legenda mandaverunt. Ex his fuere divus Benedictus, Cassiodorus, Climachus, Bernardus, beatus Dominicus, divus Thomas Aquinas, aliique quos eloigiis dedimus.

« Adde quod in his Sanctorum vitis non de ecclesiasticis dogmatibus fiat disputatio, sed de justorum moribus, conversatione et exemplis tantum agatur. Igitur, qua in parte bonus est, admissus fuit; in qua malus (ea autem est supradicta collatio de protectione Dei) rejectus est. Sic et de Origenis libris fecisse videtur sancta mater Ecclesia. Nam explosis Περὶ Ἀρχῶν et aliis nonnullis ejusdem opusculis, cætera sine offensione legi videmus et audimus, et (quod magis mirere) contra hæreticorum insanias adducere non veremur. » Ita Lipomanus.

Simile non absimili in re judicium jam olim fuit Theophili Alexandrini episcopi, de quo apud Socratem, lib. vi, cap. 15: Ηἔφησε δὲ τὸ [Li] κατ' αὐτοῦ μισος, τὸ αὐτὸς αὐτὸν μηδὲν ὑποστειλάμενον, τὰ Ὀριγένους ἀσχετῶσαι βιβλία. Ἐρωτηθεὶς οὖν ὑπὸ τινος πῶς ἂ ἀπεκρήρυξε, ταῦτα ἀσπάζεται πάλιν, ταῦτα ἀπεκρίνατο. « Τὰ Ὀριγένους ἔοικε βιβλία λειμῶν πάντων ἀνθέων. εἴ τι οὖν ἐν αὐτοῖς ἐφεύρω καλόν, τοῦτο δρέπομαι. εἰ δὲ τί μοι ἀκαθάρτως φανείη, τοῦτο ῥῶς κεντοῦν ὑπερβαίνω. » « Odium contra illum inde etiam crevit, quod libros Origenis studiose legere non vereretur. Rogatus igitur a quodam cur libros quos condemnaverat de integro amplexaretur? Respondit libros Origenis similes esse prato omnibus florum generibus referto. Idcirco, inquit, si quid reperio in illis boni, illud decerpo: sin spinosi quidquam, hoc utpote aculeis pungens, missum facio. »

Nec aliter judicavit divus Hieronymus epistola 76, ad Tranquillum scribens: « Quia meæ parvitatibus quæris sententiam, utrum secundum fratrem Faustinum penitus respuendus sit (Origenes) an secundum quosdam legendus ex parte, ego Origenem propter eruditionem sic interdum legendum arbitror, quomodo Tertullianum, Novatum, Arnobium, Apollinarianum, et nonnullos ecclesiasticos Scriptores, Græcos pariter et Latinos; ut bona eorum diligamus, vitæque contraria, juxta Apostolum dicentem: *Omnia probate, quod bonum est tenete (II Thess. v).* Cæterum qui vel in amorem ejus nimium, vel in odium stomachi sui pravitate decuntur, videntur mihi illi maledicto prophetico subjacere: *Væ his qui dicunt bonum malum, et malum bonum; qui faciunt amarum dulce, et dulce amarum (Isaiæ v).* Nec enim propter doctrinam ejus prava suscipienda sunt dogmata; nec propter dogmatum pravitatem, si quos commentarios in Scripturas sanctas utiles edidit, penitus respuendi sunt. » Qui in fine hæc subjungit: « Quod si contentiosum inter se amatores ejus et obtractatores funem duxerint, ut nihil medium appetant, nec servant modum, sed totum aut probent, aut improbent, li-

bentius piam rusticitatem quam doctam blasphemiam eligam. »

Dices quarto contra auctoritatem libri octavi, auctore Palladio : Palladius hic Origenista fuit. Respondet Aloysius Lipomanus tomo III de Vitis Sanctorum : « Quod is fuerit Origenista necne, ad propositum quo hic liber scriptus est parum facit. Nam non dogmata fidei in eo, sed sanctorum Vitæ describuntur, et (ut de Eusebio Cæsariensi episcopo, qui et ipse Origenis fautor fuit, ait beatus papa Gelasius) « Propter rerum singularem notitiam, quæ ad instructionem pertinet, non videtur renuendus, » præsertim cum (ut ingenii nostri imbecillitas videre potuit) nihil hic non pium, non Christianam redolens puritatem legatur. Approbamus igitur opus, scriptorem autem Dei iudicio, coram quo ille stat, reservamus. Nam dubia pro certis asserere, nimis temerarium nobis videtur. » Ita Aloysius.

Dices quinto cum eodem Aloysio supra contra eundem librum : Verum aliud quoddam in hoc opere sese offert, quod nos magis sollicitos [LXII] reddit. Divus Hieronymus, cujus in Ecclesia tanta est auctoritas, quantam omnes scimus, in epistola quam ad Ctesiphontem scribit, suggillans Evagrium Ponticum (imo, Ruffinum, ut prolegom. 4, § 10 docui) Hyperboritam, qui librum scripsit quasi de monachis, objicit ei multos in eo libro enumeratos qui nunquam fuerint, et quos fuisse scribit Origenistas, et ab episcopis damnatos asserit; volensque apertius qui hi essent indicare, subjungit : « Ammonium videlicet et Eusebium, et Euthymium, et ipsum Evagrium, Or quoque et Isidorum, et multos alios, quos enumerare tædium est. » At hi sex, quorum in mentionem incidimus, etiam in hoc Palladii opere interseruntur, eorumque Vitæ accurate descriptæ reperiuntur. Quid igitur ad hæc dicemus? suscipimusne viros qui a tanto Patre de hæresi damnati affirmantur? Respondet idem Aloysius : Hæremus certe hoc in loco, lector candidissime. Etsi illud respondere possumus, librum duntaxat Evagrii (imo Ruffini, ut jam dixi), non autem Palladii per divum Hieronymum fuisse damnatum. Aut illos profecto eosdem non esse qui et ab Evagrio et a Palladio commemorantur, sed omnino alios. Contigit enim (teste ipso etiam divo Hieronymo et Gennadio de Viris illustribus) complures sanctos Patres, necnon monachos et anachoretas, ejusdem fuisse nominis, ut in plurimis Macariis, Paulis, Joannibus, Isidoris, Evagriis, videre licet.

At si hæc responsio tibi non satisfacit, nihil nobis dicendum superest, nisi ut **his sex** dimissis alios legere ne graveris. Longe enim absit ut nos, qui toto vitæ nostræ tempore contra hæreticos desudavimus, velimus nunc hæreticos homines in Ecclesiam introducere.

Quanquam si ex prædictis sex viris nonnulli divi Antonii discipuli fuerunt, si aliqui divi Basilii, et Gregorii Nazianzeni alumni, si summa omnes vitæ honestate præditi, et divinis charismatibus insigniti,

si miraculis clari, et optimo fine consummati, vix adduci possumus, ut credamus hos illos esse, quos divus Hieronymus hæreseos a Patribus damnatos asserit, et non prorsus alios.

Ego ut quod sentio libere fatear, postquam librum hunc Palladii ad Lausum a sanctissimo pariterque doctissimo viro, Ecclesiæ columna, Joanne Damasceno, in sermone illo aureo, *Defunctos vivorum beneficiis juvari*, inscripto, tantopere commendatum vidi, absque ullo conscientiæ scrupulo totum opus bis terque perlegi, eaque lectione cum mirificè sum delectatus, tum vero flagranti quodam cœlestium rerum desiderio totus exarsi. Tu tamen, quod probabilius et tibi tutius videtur, sequere.

Hactenus doctissimus et gravissimus vir Aloysius, qui concilio Tridentino cum aliis duobus collegis (ut ipse exprimit epistola dedicatoria [LIV] secundi tomi, Venetiis impressi 1553, de Vitis Sanctorum, ad Julium papam III) præfuit.

Dices sexto, contra Vitas omnes in genere : Epistola Adriani I papæ ad Carolum regem, qua confutat oppugnantes secundum synodum Nicænam, cap. 17, in actione 5, hoc oppugnantium argumentum citat : « Quod illi libri, Vitæ Patrum, quorum auctores ignorantur, non prorsus idonei sint ad testimonia danda, et ad hæc quæ in contentionem veniunt confirmanda. » Respondet Adrianus papa : « Vitæ Patrum sine probabilibus auctoribus minime in Ecclesia leguntur. Nam ab orthodoxis titulata et suscipiuntur, et leguntur. Magis enim passiones sanctorum martyrum sacri canones censuerunt, ut liceat eas etiam in ecclesia legi, cum anniversarii dies eorum celebrantur. » Aliud igitur est ita authenticum esse, ut in Ecclesia legatur, aliud ut a Catholicis recipiatur et legatur. Quanquam non tam ibi pontifex agat de his Vitis Patrum eremitarum, quam de omnium aliorum Patrum Vitis, quæ sine probati auctoris nomine non facile recipiebantur in Ecclesiæ lectiones.

Dices septimo, Melchior Canus libro II, cap. 6, de locis Theologicis, acer cum primis librorum censor, Gelasii testimonio eorum impudentiam retundit, qui harum rerum auctorem beatum Hieronymum pervulgarunt, quas nemo nisi rudis et elinguis ederet. Respondeo : Nec nos beato Hieronymo Vitas eas omnes arrogamus; et plerasque rudiore filo textas, si Stridonensia multitudo inspiciantur, non diffitemur. Si Canus plura voluit, nobis divi Benedicti, Cassiodori, Gregorii Turonensis, aliorumque auctoritas potior.

Dices octavo, Galenus Westcapellius, catech. 215, librum fictitium vocat, qui inscribitur, nescit qua grammatica, Vitas Patrum. Respondeo : Non vult Galenus librum hunc ita fictitium, quasi omnino fictus sit; sed tantum ita vocat ratione divi Hieronymi, cujus titulum præfert, cum ejus non sit, sed fictitio et adscitio ejus nomine venditur. Quod ad grammaticam attinet, qua dictum sit Vitas Patrum, vide prolegomenon I.

PROLEGOMENON XVI.

Quæ horum librorum utilitas ?

Ex his fontibus suos Benedictus, Cassiodorus, Martinus Dumiensis, Dominicus, alique religiosæ familiæ ductores irrigavere hortulos. Sed illustre, quod de Antonii Vita in occidentem illata narrat divus Augustinus, cum duo agentes in rebus, relictis sponsis, vitam elegerunt solitariam ; quod et hic legisse non erit inutile : « Ortus est sermo, ipso (Potitiano) narrante de Antonio [LV] Ægyptio monacho, cujus nomen excellenter clarebat apud servos tuos, nos autem usque in illam horam latebat. Quod ille ubi comperit, immoratus est in eo sermone, insinuans tantum virum ignorantibus, et admirans eandem nostram ignorantiam. Stupebamus autem audientes tam recenti memoria, et prope nostris temporibus testatissima mirabilia tua in fide recta et catholica ecclesia. Omnes mirabamur ; et nos quia tam magna erant, et ille quia inaudita nobis erant.

« Inde sermo ejus devolutus est ad monasteriorum greges et mores suaveolentiæ tuæ, et ubera deserta eremi, quorum nos nihil sciebamus. Et erat monasterium Mediolani plenum bonis fratribus extra urbis mœnia sub Ambrosio nutritore, et non noveramus. Pertendebat ille, et loquebatur adhuc, et nos intenti tacebamus.

« Unde incidit ut diceret, nescio quando se et tres alios contubernales suos, nimirum apud Treviros cum imperator pomeridiano circensium spectaculo teneretur, exiisse deambulatum in hortos muris contiguos, atque illic ut forte combinati spatiabantur, unum secum seorsum, et alios duos itidem seorsum, pariterque digressos ; sed illos vagabundos irruisse, in quamdam casam, ubi habitabant quidem servi tui spiritu pauperes, qualium est regnum cœlorum (*Matth.* v), et invenisse ibi Codicem in quo scripta erat Vita sancti Antonii. Quam legere cœpit unus eorum, et mirari, et accendi et inter legendum meditari arripere talem vitam, et relicta militia sæculari servire tibi. Erat autem ex eis quos dicunt agentes in rebus.

« Tunc subito repletus amore sancto, et sobrio pudore iratus ita sibi, conjecit oculos in amicum, et ait illi : Dic, quæso te, omnibus istis laboribus nostris quo ambimus pervenire ? quid quærimus ? cujus rei causa militamus ? Majorne esse poterit spes nostra in palatio, quam ut amici imperatoris simus ? Et ibi quid non fragile plenumque periculis ? Et per quot pericula pervenitur ad grandius periculum ? et quando istud erit ? Amicus autem Dei, si voluero, ecce nunc fio. Dixit hoc, et turgidus parturitione novæ vitæ, reddidit oculos paginis, et legebat, et mutabatur intus, ubi tu videbas, et exuebatur mundo mens ejus, ut mox apparuit. Namque dum legit et voluit fluctus cordis sui, infremuit aliquando et decrevit, decrevitque meliora ; jamque tuus ait amico suo : Ego jam abrui me ab illa spe nostra, et Deo servire statui, et hoc ex hora hac in hoc loco aggre-

diar ; te si piget imitari, noli adversari. Respondit ille, adhærere se socio tantæ mercedis, tantæque militiæ. Et ambo jam tui ædificabant turrin sumptu idoneo relinquendi omnia sua, et sequendi te.

« Tum Potitianus et qui cum eo per alias horti partes deambulabant, quærentes eos, devenerunt in eundem locum, et invenientes admonuerunt ut redirent, quoniam declinasset dies. At illi narrato placito et proposito sub, quoque modo in eis talis voluntas orta esset atque firmata, petiverunt, [LVI] ne sibi molesti essent si adjungi recusarent. Isti autem nihilo mutati a pristinis, flevērunt se tamen, ut dicebat, atque illis pie congratulati sunt, et commendaverunt se orationibus eorum, et trahentes cor in terra, abierunt in palatium. Illi autem affigentes cor cœlo, manserunt in casa. Et ambo habebant sponsas. Quæ posteaquam hoc audierunt, dicaverunt etiam ipsæ virginitatem tibi. Narrabat hæc Potitianus (*S. August., lib. viii Confess. cap. 6.*)»

Quæ quidem lectio uti Agentibus in rebus profuit, ita hæc repetita narratio Augustini animum ad meliora stimulavit, subdit enim : « Tu autem, Domine, inter verba ejus retorquebas me ad meipsum, aufere me a dorso meo ubi me posueram, dum nollem me attendere, et constituebas me ante faciem meam, ut viderem quam turpis essem, quam distortus et sordidus, maculosus et ulcerosus ; et videbam et horrebam, et quo a me fugerem non erat. Et si conabar a me avertere aspectum, narrabat ille quod narrabat, et tu me rursus opponebas mihi, et impingebas me in oculos meos, ut invenirem iniquitatem meam et odissem. Noveram eam, sed dissimulabam, et connivebam, et obliviscebam. Tunc vero quanto ardentius amabam illos de quibus audiebam salubres affectus, quod se totos tibi sanandos dederant, tanto execrabilius me comparatum eis oderam (*S. August., lib. viii Confess., c. 27.*) »

Sed jam ante urbi innotuerat Antonii Vita, felici Athanasii Romam appulsu, qui ejusdem adhuc viventis notitiam et præclara dicta factaque Romanis exposuit. Quod vitæ genus ad omnes evangelicæ perfectionis numeros attemperatum, etiam nobilissimæ Romanæ feminæ consecrari cœperunt. Tradit enim hæc de his sanctus Hieronymus : « Nulla eo tempore nobilium feminarum noverat Romæ propositum monachorum ; nec audebat propter rei novitatem, ignominiosum (ut tunc putabatur) et vile in populis nomen assumere. Hæc (Marcella) ab Alexandrinis prius sacerdotibus, papaque Athanasio, et postea Petro, qui persecutionem Arianæ hæreseos declinantes, quasi ad tutissimum communionis suæ portum, Romam confugerant, vitam beati Antonii adhuc tunc viventis, monasteriorumque in Thebaide Pachomii, et virginum ac viduarum didicit disciplinam, nec erubuit profiteri quod Christo placere cognoverat (*Hier., ad Princip., epist. 16.*) »

Hæc illa Occidentis felicia germina vel ab uno ex Oriente delato semine propagata. Fulgentius quoque in Meridie constitutus Vitas Patrum legens, ad eorum

imitationem exarsit, ut habetur Vitæ ejus cap. 12 : A « Beatus Fulgentius Ægyptiorum monachorum Vitas admirabiles legens, institutionum simul atque collationum spiritali meditatione succensus, memoratas terras navigio petere statuit, duabus videlicet ex causis, ut vel ibi deposito nomine abbatis, sub regula viveret in humilitate, vel districtioris abstinentiæ legibus subderetur. » Sed et Moschus in Oriente constitutus refert, senem quemdam, qui prope loca Jordanis [LVII] moratus fuerat, lecto exemplo de patientia senis (quod habetur in Pelagio, libello XVI, num. 13) qui latrones insecutus etiam marsupium offerebat, [quod auferre neglexerant, ad ejusdem facti æmulationem fuisse incitatum; additque: « Delectabatur senex ille ea (Vitarum Patrum) potissimum lectione, ita ut esset illi sæmpor in ore, et in corde, unde et ex ea maximum virtutis fructum acquisivit (Mosch., cap. 212). »

Quin vero tota Hispania jam olim tanti hunc librum fecit, ut in usum communem, cum jam lingua Latina iis in regionibus exolesceret, eum in Arabicam transferri curarit una cum sacris Litteris: probe intelligens quantus hinc fructus ad animos in omnem pietatem incitandos exundaret. Testatur id Heleca archiepiscopus Cæsaraugustanus circa annum 860, in additionibus ad Chronica Dextri et Maximi. « Sacræ, inquit, Scripturæ Arabice translatae a presbyteris catholicis habentur, et cum scholiis circumferuntur; præcipue Novum Testamentum, Epistolæ Pauli, Apocalypsis sancti Joannis, et liber de Vitis Patrum, et historia Latina Fl. Lucii Dextri, M. Maximi, et aliorum, et Chronicon Eusebii, et libri de Civitate Dei S. Augustini, propterea quod jam lingua Latina evanescebat. »

Plura adduci possent ad horum librorum meritum et utilitatem affirmandam; sed quibus hæc non satisfaciunt, quid tandem ?

PROLEGOMENON XVII.

De variis horum librorum editionibus Latinis.

Non hic agimus de octavo, nono et decimo libro, qui hac tantum editione nunc Vitis Patrum accedunt; sed de reliquis, qui plerique omnes in vulgatis Patrum Vitis locum obtinuerunt.

Editionum, quas quidem nancisci licuit, hunc habe indiculum.

Prima editio, in-folio, absque libri inscriptione, D nomine typographi, loco et anno editionis, typis valde informibus, quæ ita inchoatur: *Incipit præfatio.*

Secunda, in-folio, absque libri inscriptione, nomine typographi, loco et anno editionis, cujus initium: *Incipit prologus.*

Tertia, in-folio, absque libri inscriptione, nomine typographi, loco et anno editionis, quæ incipit: *Prologus in fructuosum.*

Quarta, Norimbergensis, in-folio maximo, per Antonium Coburger, anno 1478.

Quinta, Norimbergensis, in-folio minore, per Antonium Coburger, anno 1483.

[LVIII] Sexta, Germanica, ut videtur, in-folio, incerto loco et typographo, anno 1483.

Septima, Veneta, in-quarto, per Octavianum Scotum Modoetiensem, anno 1483.

Octava, Germanica, ut videtur incerto loco et typographo, in-folio, anno 1485.

Nona, Lugdunensis, in-quarto, per Nicolaum Wolff de Lutrea, et venundatur a Jacobo Huguetano, anno 1502.

Decima, Lugdunensis, in-quarto, per Jannot de Campis, anno 1507.

Undecima, Veneta, in-quarto, per Bonetum Locatellum, anno 1508.

Duodecima, Lugdunensis, in-quarto, per Stephanum Balam, anno 1509.

Decima tertia, Lugdunensis, in-quarto, per Jacobum Sachon, anno 1512.

B Decima quarta, Veneta, in-quarto, apud Nicolaum de Francofurdia, anno 1512.

Decima quinta, Lugdunensis, in-quarto, per Jacobum Miit, anno 1515.

Decima sexta, Lugdunensis, eadem forma, per Jacobum Mareschal, anno 1520.

Decima septima, Lugdunensis, eadem forma, per Antonium Vincentium, anno 1537.

Decima octava, Coloniensis, in-folio, per Gasparem Gennepeum, anno 1547.

Decima nona, Coloniensis, in folio, per eundem, an. 1548, nisi hæc eadem sit cum priore, mutato tantum titulo et anno, ut indicabo prolegomeno 20.

Vigesima, Complutensis, in-quarto, apud Joannem Gratianum, anno 1596.

C Triplicem autem inter has editiones varietatem invenio, quam distinctis prolegomenis ob oculos statuam, ut appareat quid quisque varians editor in sua adornanda Sparta præstiterit, et ne quis turbetur, si a variis varie has Vitas citatas inveniat.

PROLEGOMENON XVIII.

De prima omnium, quod sciam, editione Latina.

[LIX] Prima omnium, quod sciam, editio est in-folio, absque libri inscriptione seu titulo, absque typographi nomine, loco et anno editionis; typis plane rudibus: quæ omnia arguunt, librum hunc editum in ipsa typographiæ infantia, cum plerumque omnia illa præmissa omitti solebant, et nondum elegantiorum typorum usus esset.

Initium libri sic habet: *Incipit præfatio beati Hieronymi presbyteri, in primum librum de Vita sanctorum Patrum.* Deinde: *Benedictus Deus, etc.* Desinit totus liber in Marino monacho, cujus initium est: *Erat quidam sæcularis, finis: Ubi usque modo Christus orationibus sanctæ Virginis multa facit mirabilia, ad laudem et gloriam nominis sui, qui cum Patre, etc.*

Constat autem hæc editio omnino v libris.

Primus liber incipit a prologo (qui beato Hieronymo tribuitur, uti et totus is liber) *Benedictus Deus, etc.* Deinde a Vita sancti Joannis abbatis: *Primum igitur tanquam verum fundamentum. Finit hic liber in septem periculis itineris, quod caput ita inchoatur: In*

aliis quoque quamplurimis locis. Clauditur: *Qui nos de tantis periculis liberavit, et tanta in nobis ostendit mirabilia, ipsi gloria in sæculi sæculorum. Amen.*

Secundus liber incipit a prologo: *Vere mundum quis dubitet meritum stare sanctorum, etc.* Inde sequitur dictum primum: *Quidam sanctorum Patrum seniorum, interrogantibus se monachis de causa abstinentiæ, etc.* Finit in dicto Syncreticæ de infirmitate: *Quia interiori homini nostro sanitas inde crescit.*

Tertius liber incipit a prologo Palladii episcopi: *Multa quidem et varia diversis temporibus a diversis conscripta, etc.* Inde sequitur caput primum: *Cum primum ad Alexandriam perrexisset, etc.*; secundum caput: *Beatus autem Isidorus, etc.* Finit in dicto abbatis Sisoï: *Ignosce, mi frater, quia nondum factus sum monachus.* Inde subnectitur velut appendix narratio quædam de sancto Macario, quæ est de dæmone noctu ad ostium cellulæ ejus pulsante, cujus initium est: *Confirmatum est nobis de eo ab his qui de ore ejus audierunt, etc.* Finis: *Et accedentium ad altare vel indignitas eum, vel merita non laterent.*

Quartus liber ita inchoatur: *Incipit argumentum in librum quartum de verbis et exemplis SS. Patrum eremitarum, cujus principium Pelagius S. R. E. diaconus, extrema vero Joannes subdiaconus de Græco transtulit in Latinum, ad instructionem vitæ monachorum.* Sequitur: [LX] *Cum omnis præfatio testum opportune præveniens, etc.*, ubi dicitur liber hic divisus in decem et novem partes. Prima autem pars est *De profectu monachi.* Incipit: *Ad profectum conversationis quidam frater pervenire cupiens.* Decima nona et ultima pars: *Exempla monasticæ conversationis.* Incipit: *Duo quidam Patres rogaverunt Deum.* Finit: *Sic erit et animæ.* Additur: *Finitur liber quartus Vitas Patrum.* Inde subnectitur: *Hæc sunt verba septem quæ misit abbas Moyses abbati Pastori, in quibus continetur consummata virtus et perfectio monachi.* Primum est: *Quia debet homo quasi mortuus esse.* Septimum est: *Interrogat eum ilerum frater, dicens: Ecce homo cædit servum suum.* Finit: *Modico tempore est labor, et in sempiternum est requies.*

Quintus liber inchoatur: *Incipit prologus in quintum librum Vitas Patrum.* Initium prologi est: *Licet ab exordio conscriptionis nostræ.* Deinde: *Incipit liber quintus de conversatione et institutione sanctorum Patrum.* Initium textus est: *Replicans senex quidam beneficia per humanitatem Christi nobis exhibita.* Finis textus est: *At ille cognovit quia justa sunt iudicia Dei.* Inde subjungitur: *De sancto Martino monacho incipiendo: Erat quidam sæcularis.* Finit: *Ubi usque modo Christus orationibus sanctæ Virginis multa facit mirabilia, ad laudem et gloriam nominis sui, qui cum Patre et Spiritu sancto regnat Deus per omnia sæcula sæculorum. Amen.*

Atque ut aliquid de tempore hujus editionis investigem, hoc certo affirmare posse videor, editum hunc librum saltem ante annum 71 post 1400. Nam Dionysius Carthusianus, de quatuor novissimis artic. 52. narrat historiam Macarii de cranio sacerdo-

tis gentilis invento, eamque citat ex libro iv Vitarum Patrum, quæ in hac prima editione libro iv habetur. Obiit autem ipse, teste Trithemio in catalogo illustrium virorum, eo ipso anno. Imo et ante annum 69 post 1400 editionem eam curatam colligere est ex Ms. Cortracensi monasterii Sion. Qui liber verbotenus cum impresso hoc convenit, ut appareat ex eo exscriptum. In ejus autem Ms. fine habetur: « Completus in domo sororum beatæ Catharinæ de monte Sinai, vulgariter nuncupato de Sion, in Curtraco, anno Domini 1469, mensis Novembris die 17, ipso festo beati Niniani episcopi et confessoris. »

Atque hæc prima editio, ea forma et ordine quo eam descripsi, tertio typis fuit submissa, quas omnes tres editiones primo loco suggerit catalogus editionum jam prolegomeno 17 datus. Posteriores tamen duæ editiones summaria capitum adjecere et inseruere, quæ in harum trium prima omnium desiderantur.

PROLEGOMENON XIX.

De secunda editione Latina quæ a prima variat.

[LXI] Secunda editio (nescio an plane secunda, certe ea quæ a prima variat) est Norimbergensis, anno 1478, quæ ita in fine habet: « Anno Christi nativitatis 1478, Nonas vero Maii, ob beatorum Patrum profectum Vitam eremitarum degentium, gesta quorum haud immerito memoriter sunt commendanda, opus (Vitas Patrum appellatum) insigne a quamplurimis excerptum codicibus, per sacrarum Scripturarum viros admodum peritissimos ornatum, in oppido Norimbergensi per Antonium Coburger oppidi præfati incolam, quam compte impressum, finit feliciter. »

Nulla quoque huic editioni præfigitur inscriptio seu titulus, sed initium sumitur a præfatione, qua ille, qui primus ordinem primæ editionis immutavit, facti sui rationem reddit. Ait igitur:

« Ne occasione styli in hoc opere observati, quæ legentium aut audientium offendiculum patiat, quia non per omnia procedit, uti antea hujus materiæ exemplaria perspexit, facile veniam dabit, postquam multorum diversitatem confusam intuetur.

« Ea propter id ipsum in quatuor partes divisas differentesque distinxit, in cujus prima collegi in unum historialia. In parte secunda libellos et doctrinalia. In parte tertia de regulari observantia. Et finali parte de laude et virtutum efficacia. Ita sane ut pars prima per historias, secunda per libellos et §, pars tertia per rubricas, et quarta per rubricarum capitula distinguatur.

« Et ut clarior notitia tabulæ super eo habeatur primum numerum foliis connumeravi, adjectas vero quatuor tantummodo litteras, quatuor columnis foliorum deputavi: ita ut si versale fuerit, remissa quærat in prima medietate columnæ; si vero communis minorve littera fuerit, in altera medietate.

« Hæc exordio præsentis operis, ad generalem ejus notitiam sufficit præmississe, ad cujus complementum me promoveat illa quæ omnium est artifex,

sapientia increata, in sæculum sæculi benedicta. Amen. »

Quæ hic præfationis auctor de tabula sua dicit, intelligi non possunt, nisi ipsa editio inspiciatur. A qua tabula video omnes posteriores editiones, quæ tamen eundem libri ordinem habent, variare.

Hoc igitur servat hic editor in tabula sua :

Primo post rem, quæ ordine alphabetico in tabula exprimitur, designat litteris numeralibus folii numerum.

Secundo utitur quatuor litteris majoribus, seu capitalibus (quas in præfatione versale vocat, an quod initium versus iis solet scribi?) A, B, C, D, [LXII] et quatuor minoribus a, b, c, d. Has post folii numerum in tabula affigit pro ratione quatuor columnarum, quibus quodque folium constat. Et quidem priori medietati cujusque columnæ serviunt majores litteræ, ita ut A serviat priori medietati primæ columnæ, B secundæ, C tertiæ, D quartæ. Posteriori autem medietati cujusque columnæ serviunt minores litteræ a, b, c, d, pari tenore, ut jam dictum est de majoribus.

Hæc dicenda fuerunt, tum ne quis causaretur minus me accurate primam variationem expressisse; tum quia posteriores hujus generis editiones, vel præfationem hanc omittunt, ut editiones incerti loci anno 1483 et 1485, quæ in tabula non utuntur quatuor illis majusculis et minusculis litteris, sed post foliorum numerum totius alphabeti litteras affigunt quas et in textu exprimunt; vel præfationem certe decurtant, ut editio Veneta anni 1508 et Lugdunensis anni 1536: quæ verba illa, adjectas vero, etc., usque ad, hæc exordio, etc., omittunt, tabulamque suam dirigunt per folia tantum, sine ullis additis litteris, quod postea servarunt cæteræ editiones.

Constat autem hæc editio, ut jam dictum, quatuor partibus.

Prima pars habet initium : *Incipit prologus sancti Hieronymi, Cardinalis presbyteri, in libros Vitas Patrum sanctorum Ægyptiorum, etiam eorum qui in Scythia, Thebaida, atque Mesopotamia morati sunt; non solum quas oculis vidit, maximoque labore conspexit, verum et quam plura a fide dignis relata conscripsit notabili diligentia. Denique aliorum etiam authenticorum libellos fideliter e Græco in Latinum transtulit; et ab aliis translata pro sui perfectione huic operi inseruit.* Inde sequitur : *Benedictus Deus, etc.* Mox : *Primum igitur tanquam vere fundamentum, etc.*, ut supra in prima editione, eodemque modo finitur.

Sed hæc editio in prima parte hæc præterea habet :

Vita S. Pauli primi eremita.

Vita S. Antonii.

Vita S. Hilarionis.

Vita Malchi captivi.

Vita S. Eufrazie virginis.

Vita servi Dei, Macarii Romani.

Vita S. Posthumii.

Vita S. Onuphrii eremita.

Vita S. Pauli Simplicis.

Vita S. Paulæ.

Vita S. Pelagie.

Vita B. Mariæ Ægyptiacæ.

Vita S. Marinæ virginis.

Vita S. Euphrosynæ.

Vita S. Frontinii abbatis.

Vita S. Simeonis eremita, qui in columna stetit.

Vita B. Abrahæ eremita.

Vita B. Pachomii abbatis.

De Christiano monacho.

Vita S. Joannis Eleemosynarii.

Vita S. Eugenæ virginis.

Vita S. Basilii episcopi.

Vita S. Patris Ephræm.

Atque ita finis imponitur primæ parti.

[LXIII] Secunda pars incipit a registro secundi libri sanctorum Patrum, quod aliis omnibus editionibus hoc quidem loco deest, excepta Veneta anni 1508. In Lugdunensi 1536 ponitur registrum hoc initio totius libri post indicem generalem; in Complutensi anno 1596, in fine totius libri post indicem generalem. Inde sequitur Prologus : *Vere mundum quis dubitet, etc.* Mox : *Incipiunt adhortationes sanctorum Patrum, professionesque monachorum, cæteri quoque subsequentes libelli; quos de Græco in Latinum transtulit sanctus Hieronymus cardinalis presbyter.* Editio Lugdunensis habet *professiones loco professiones.* Inde sequitur § primus : *Quidam sanctorum Patrum seniorum, interrogantibus se monachis de causa abstinentiæ, etc.* Et subsequuntur usque ad ducentos et septem paragraphi. Inde subjiciuntur varii libelli, numero viginti, qui in prima editione vocantur novem decim partes, ubi deest unus, qui hic decimus sextus est *De penitentia*; sed prima editio eum mixtum habet cum libello septimo, qui est *De patientia*, ut et hic decimus sextus in Parisiensi editione inscribitur. Post subditur : *Incipiunt septem capitula, quæ misit abbas Moyses abbati Pimento, et qui custodierit ea, liberabitur a pœna, etc.*, ut in prima editione; sed post septimum sequuntur hic triginta duo variorum Patrum dicta, finiunturque in hoc paragrapho seu numero qui incipit : *Erat quidam in cœnobio jam senex probatissimus monachus.* Finit : *Qui protegit omnes in sinceritate et veritate sibi servientes.*

Tertia pars hoc habet principium : *Incipit tertia pars libri Vitas Patrum, videlicet de regula vel conversatione Ægyptiorum monachorum, et eorum qui degunt apud Palæstinam vel Mesopotamiam.* Prologus : *Frequenter ac sæpius a me, fratres, flagitatis.* Capitulum primum : *Ante hoc triennium.* Constat hæc pars capitulis 55, quorum ultimum est : *Quodam autem tempore quidam duo philosophi, audientes famam beati Antonii, etc.*

Quarta pars hoc modo inchoatur : *Incipit prologus sancti Paschasii, ad exhortationem sanctorum Patrum tam Græcorum quam Ægyptiorum.* Initium prologi : *Domino venerabili Patri, Martino presbytero, et abbati.* Inde titulus initii textus : *Incipit liber exhortationum, et primo contra gastrimargiam, ad evitandum gulæ desiderium.* Textus initium : *Quidam frater, quemadmodum in cella propria degere deberet.* Constat autem tota hæc pars titulis XLVI, quorum ultimus

est *De meditationibus anachoretarum*. Inde subnectitur opusculum *De laude et effectu virtutum*.

Hanc editionem, sive hujus editionis ordinem, post ad verbum prope expressere omnes sequentes (quas supra prolegomeno 17 exhibui) Coloniensi excepta, de qua mox.

[LXIII] Et quidem omnes editiones Lugdunenses præferunt epistolam dedicatorem Celsi Hugonis Disuti, in utroque jure doctoris, Cabilonensis canonici, qua reverendissimo in Christo Patri et domino D. Joanni de Ponpeto jurium celeberrimo doctori, Cabilonensi episcopo, ac abbatialis monasterii Sancti Petri prope muros Cabilonenses commendatario, administratorique perpetuo operæ suæ prætium exponit in volumine hoc edolando: « Tantis, inquit, erat mendis refertum, in hoc ut antiqui vix libri vestigia comperiat quispiam. Pro enim dictionibus, aliæ etiam diversæ positæ dictiones, sensum divi Hieronymi pervertebant. Nec deerant pro aliis syllabæ, proque veris diversa seu impressorum incuria correctorumve inertia prætermissa elementa vim dictionis ac sensum permutantia. Hoc tandem sed ut prius quam vetustissimo adhibito exemplari, tantis extersum mendis. » Cujus conatum lectori considerandum relinquo.

PROLEGOMENON XX.

De tertia editione Latina, quæ ab utraque priore variat.

Tertia editio, varians est Coloniensis anno 1547 quæ primo prodiit hoc titulo: *Prototypon veteris Ecclesiæ, continens Vitas, gesta, dictaque sanctorum Dei amicorum utriusque sexus, auctore seu rhapsodo sancto Hieronymo partim, partim aliis atque aliis, Coloniæ per Gasparem Gennepzum.*

Adornavit hanc editionem frater Theodoricus Lohher a Stratis, Carthusiæ aulæ Mariæ in Buxia prior ac provincialis visitator, eamque dedicavit reverendissimo et illustrissimo principi Othoni S. R. E. cardinali, episcopo Augustano, quem in epistola sua dedicatoria, quam Ratisponæ anno 1546 scripsit, de sua in hoc libro recensendo opera edocet.

« Vitas Patrum ego ex antiquis et fide dignis exemplaribus manuscriptis octo aut decem simul collatis, non exiguo labore utcunque recognovi, et ei integritati restituissse me puto, qua vel Hieronymo, Athanasio, Leontio, Amphilogio, Anthero, Nicephoro, Evagrius, Petronio, Eutropio, Heraclide, et id genus aliis sanctis Patribus scriptum non ambigitur.

« Deinde in certum ordinem quoad fieri potuit, juxta seriem et rationem temporum digessi, ut lector statim cognoscat quo quisque Patrum tempore per gratiam Dei in hoc illuxerit mundo, aut potius quo tempore gratia Dei luxerit in illorum singulis. Non solum autem de viris, sed etiam de claris et sanctis mulieribus, narrationis hujus seriem institui. »

Secundo vero hæc eadem editio eodem loco, et apud eundem typographum, iisdem typis prodiit

A anno 1548 qui priori proximus, hac inscriptione: *Vitæ sanctorum Patrum, veteris catholicæ atque apostolicæ Ecclesiæ dicta, gestaque insignia et admiranda excellentium [LXV] aliquot Dei amicorum utriusque sexus complectentes, auctore divo Hieronymo partim, partimque aliis atque aliis quos versa pagella nosse poteris. Accepta et approbata ab Ecclesia catholica ante annos plus mille quinquaginta.*

Atque huic editioni novam epistolam dedicatorem præmisit, quam exaravit Augustæ XII Kal. Feb., anno 1548, ad reverendissimum in Christo Patrem ac dominum D. Henricum, abbatem insignis cœnobii ordinis divi Benedicti in Wiblinghen Constantiensis diœcesis, in qua operæ suæ præstitæ hanc rationem reddit:

B « Vitas Patrum modo a plus mille erroribus qui passim intercurrerant, ad vetustissima pariter ac diversa exemplaria repurgavimus. Nam multa sunt restaurata, pleraque adjecta, nonnulla adempta, omnia denique adeo adamussim examinata, ut non modo renovatus, sed pene renatus tantus thesaurus (haud sine gravi tamen labore) ab omnibus piis merito excipi possit. Addidimus præterea novum quemdam ordinem ac novum indicem qui semper durabit. Nullis sane laboribus peperimus, quo istud tam insigne opus prodire posset emunctius ac tersius quam hactenus. »

Equidem an editio hæc secunda Coloniensis plane nova sit, an vero titulus tantum mutatus, quod Prototypi nomen minus notum esset, affirmare non possum. Certe secundæ editionis folia et typi cum prioris editionis foliis ac typis plane quadrant: omnia tantum hic est paraphrasis Cassiani et Climaci, quæ priori editioni in calce adjuncta erat, et eorum loco substituta est Vita Barlaam et Josaphat.

Quidquid sit, non dubito multum laboris insumptum a viro optimo in veteribus exemplaribus castigandis.

Constat autem hæc editio libris quinque, uti et prima editio; sed ordine multum immutato, et quibusdam ex secunda editione, et aliunde additis.

Primus liber constat tribus partibus, quarum prima est de sanctis viris; secunda de sanctis mulieribus: quæ utraque pars permixta et conflata est ex libro primo Ruffini (qui est ordine secundus in nostra editione) et aliis Vitis quæ in secunda editione post librum primum Ruffini subnectuntur; quibus præterea interserit Vitam Epicteti et Astionis, Fabiolæ, et Marcellæ. Tertia pars continet excerpta ex Severo Sulpicio, et Joanne Cassiano.

Secundus liber continet sanctorum Patrum Vitas, verba, doctrinas, et exhortationes, qui est liber tertius Ruffini in nostra editione.

Tertius liber est Palladii, isque ex antiqua versione, uti eam habet prima editio.

Quartus liber est, quem Pelagius S. R. E. diaconus, et Joannes ejusdem subdiaconus e Græco verterunt.

[LXVI] Quintus liber est breviorum sententiarum,

uti et quintus est in prima editione. Eidem adjungi- A tur liber Paschasii abbatis; inde Vita sanctorum Barlaam eremitæ, ac Josaphat.

PROLEGOMENON XXI.

De quarta hac editione Latina, quæ cum tribus præcedentibus editionibus partim consentit, partim dissentit.

Post omnes editiones jam enumeratas (quæ etsi typorum varietate ad XIX vel XX inspexerim, ad tria tamen genera, ut supra monui, referri possunt) succedit nunc quarta hæc editio, quæ et libris aliquot auctior, et auctorum stylo ad manuscripta exemplaria reformato correctior prodit. Constat autem decem potissimum libris.

Primus liber varias continet Patrum Vitas, tam virorum quam mulierum, qui asceticam excoluere, satis fuse ab auctoribus conscriptas Virorum quidem XVI.

S. Pauli primi eremitæ. S. Simeonis Stylitæ.
S. Antonii abbatis. S. Joannis Eleemosynarii.

S. Hilarionis monachi. SS. Epicteti presbyteri et
S. Malchi, captivi monachi. Astionis monachi.

S. Onuphrii eremitæ. S. Macarii Romani, servi
Dei, qui inventus est
justa Paradisum.

S. Pachomii abbatis Tabennen.

S. Abraham eremitæ. B. Posthumii, Patris quinque
millium monachorum.

S. Basilii, Cæsareæ Capadociæ archiepiscopi. S. Frontonii abbatis.

S. Ephræm Syri, diac. SS. Barlaam et Josaphat.
Edessæ.

S. Eugenæ virginis ac S. Pelagiæ meretricis. -
martyris.

S. Euphrasæ virginis. S. Mariæ Egyptiacæ meretricis.

S. Euphrosynæ virginis. S. Marinæ virginis.
S. Mariæ meretricis, nepotis Abraham eremitæ. B. Fabiolæ.

S. Thais meretricis. S. Paulæ Romanæ viduæ.
S. Marcellæ viduæ.

Potuissem plures Vitæ utriusque sexus addi, qui in eodem vivendi instituto se exercuit; sed et liber D excrevisset nimium, et extra propositum meum abiissem, quo suscepi vulgatas Patrum Vitas, quæ multorum olim manibus fuere circumlatæ, recensere et nitore suo pristino restituere.

Librum hunc primum divo Hieronymo presbytero potissimum inscripsi, tum quod Hieronymus potiores in eo partes ageret, qui [LXVII] unus plures tum virorum tum mulierum Vitas conscripsit, quam ullus alius; tum ut quam minime ab inveterata, quæ multorum etiam veterum animos occupavit, opinione recederem, qua divus Hieronymus Vitarum Patrum auctor creditus fuit. Dedi igitur hoc libro primo quidquid fere Hieronymus in eo genere præstitit.

Ne quem tamen titulus falleret, non soli Hieronymo inscripsi, sed et aliis variis, quorum nomina singulæ sibi Vitæ præferunt, quarum quidem auctores indagare potuimus. Anonymæ Vitæ eo loco sint, quo eas olim Patres esse censuerunt, qui et eas legerunt, et ex iis virtutum exempla expresserunt, licet inter receptas in Ecclesiæ lectiones referri vetuerint.

Secundus liber continet Patrum Vitas breviori stylo comprehensas, qui Ruffinum Aquileiensem presbyterum agnoscit auctorem, vel interpretem; et XXXIII capitibus absolvitur.

Tertius liber comprehendit non tam Vitas quam Verba seniorum eodem Ruffino auctore, vel interprete. Constat autem paragraphis seu numeris CCXX.

Quartus liber ex Severo Sulpicio et Joanne Casiano conflatus et concinnatus, illius quidem Dialogis, hujus vero Institutionibus et Collationibus, varia continet Patrum exempla et monita; constatque capitibus LV.

Quintus liber auctore Græco quidem incerto, certo tamen interprete Pelagio S. R. E. diacono, Verba seniorum complectitur, libellis XVIII comprehensa: quorum primus est *De Profectu Patrum*; constatque paragraphis seu numeris XVIII; secundus *De Quietate*, numerorum XVI; tertius *De Compunctione*, numerorum XXVII; quartus *De Continentia*, numerorum LXX; quintus *De Fornicatione*, numerorum XLI; sextus *De eo quod monachus nihil debeat possidere*, numerorum XXII; septimus *De Patientia seu Fortitudine*, numerorum XLVII; octavus *De eo quod nihil per ostensionem feridebeat*, numerorum XXIV; nonus *De eo quod non oporteat judicare quemquam*, numerorum XII; decimus *De Discretionem*, numerorum CXV; undecimus *De eo quod oporteat sobrie vivere*, numerorum LIV; duodecimus *De eo quod sine intermissione et sobrie debet orari*, numerorum XV; decimus tertius *De eo quod oporteat hospitalem esse, et misericordem in hilaritate*, numerorum XV; decimus quartus *De Obedientia*, numerorum XIX; decimus quintus *De humilitate*, numerorum LXXXIX; [LXVIII] decimus sextus *De Patientia*, numerorum XIX; decimus septimus *De Charitate*, numerorum XXV; decimus octavus *De Prævidentia sive Contemplatione*, numerorum XX.

Sextus liber auctore Græco quoque incerto, certo tamen interprete Joanne S. R. E. subdiacono, etiam Verba seniorum exsequitur libellis IV: quorum primus est *De Prævidentia sive Contemplatione*, estque pars ultimi libelli præcedentis. Constat autem numeris XVII; secundus *De sanctis senioribus, qui signa faciebant*, numeris XVII; tertius *De conversatione optima diversorum sanctorum*, numeris XVIII; quartus *Septem capitula verborum, quæ misit abbas Moyses abbati Pæmenio; et qui custodierit ea, liberabitur a pœna*, constatque numeris XXXVII.

Septimus liber auctorem habet Græcum incertum, certum interpretem Latinum Paschasium S. R. E.

diaconum. Continet autem verba seniorum in locos communes digesta, absolviturque capitibus XLIV.

Atque quæ hactenus enumeravimus, prioribus editionibus varie dispersa pro cuiusque concinnatoris captu prodire, quæ vulgato Vitarum Patrum libro fuere comprehensa. Nunc sequentia præterea accedunt.

Octavus liber certum auctorem agnoscit Græcum, Palladium Helenopoleos episcopum, certum quoque Latinum interpretem Gentianum Hervetum. Continet autem breves Patrum Vitas, et quarundam feminarum ascetiarum, in Lausi præpositi gratiam in unum volumen congestas, unde Lausiaca Historiæ nomen obtinuit. Absolvitur capitibus CLI.

Nonus liber Dei amantium historiam virorum pariter ac mulierum complectitur, quæ Philotheus, seu Theophiles dicitur, certo auctore Græco, Theodoro Cyri episcopo, certo quoque Latino interprete Gentiano Herveto; constatque capitibus xxx.

Decimus liber auctorem Græcum habet Joannem Moschum, interpretem Latinum Ambrosium Camaldulensem, et nomen obtinuit Prati spiritualis, quod variis sanctorum floribus niteat. Comprehendit autem capita omnino CCXIX.

Post decem hos de Vitis Patrum et verbis seniorum libros accedit Appendix, quæ quia eadem pene omnia continet prioribus libris comprehensa, ideo eam in calcem libri rejeci, et minore caractere exprimi curavi. Placuit autem hanc appendicem subnectere, quod non ingrati rem me antiquariis facturum existimarem, si veteres Palladii interpretes producerem, ut et textus varietas vel conformitas appareret, et styli quoque antiquitas representaretur. Continentur autem appendice hæc sequentia: [LXIX] Heraclidis Paradisus, incerto sed veteri interprete capitibus LVIII; Palladii Lausiaca, incerto sed veteri interprete, capitibus xx; Ægyptiorum Patrum sententiæ, auctore Græco incerto, interprete Martino Dumiensi episcopo. Constant numeris CXXIX.

PROLEGOMENON XXII.

Quid quæque editio peculiare et diversum ab aliis habeat?

Ut res hæc clare ob oculos ponatur, statui quamque editionem inter se comparare. Et ne confusio detur, per paragraphos comparationes distinguam.

§ I. Comparatio primæ et secundæ editionis.

Prima editio quinque constans libris hæc habet peculiariora et diversa a secunda editione:

Primo, totum librum tertium, seu Palladii Lausiacam, incerto sed veteri interprete.

Secundo, in libro quarto habet præfationem, quæ secundæ editioni deest. Ne quis eam desideret, ecce hic habe: « Cum omnis præfatio textum opportune præveniens, aut sequentis materiæ prædicat qualitatem, aut defensatum sui commendat auctorem; tum vero præsentis libri seriem proprio contingit hac de causa prologo indigere, quia speciales quasdam vir-

PATROL. LXXIII.

tutes, quasi pretiosos lapides, passim proponens, utilitatem suam toto in corpore lectoris oculis probatur offerre. Decem quippe et novem divisus in partes, distinctas licet videatur habere virtutes, attamen dum occasione unius plerumque virtutes cæteræ promiscue commendantur, collis inter se unionibus, hoc est, collatis ad invicem virtutibus, gemmarum spiritualium immortalis claritas sese reverberans, mutuati luminis detrimenta non novit. »

Tertio, totum librum quintum, qui continet *De cælesti Ægyptiorum Patrum conversatione breviores sententias*. Quanquam hæc sententiæ in secunda editione per varios libros sparsæ, habeantur, ut ex iis nihil in ea desideretur præter solam præfationem, quam hic repræsentō:

« Licet ab exordio conscriptionis nostræ voluntas nobis fuerit, omnia quæ de conversatione sanctorum Patrum scire potuimus, quatuor libris comprehendere; postmodum tamen considerantes singula, quantum superaddimus, ne forte legentibus aut librorum quantitas, aut sententiarum displiceret continuata numerositas. Cum enim in toto voluminis hujus corpore brevium sententiarum tanta sit copia, ut eas proluxæ sententiæ addecimare vix possint; habito nobiscum rationis iudicio, arbitrati sumus hoc modo laborem nostrum lectoris atque auditoris gratiæ commendandum. Siquidem [LXX] et breves et longæ sententiæ per quatuor anteriores libros mistim relevandi causa fastidii ponerentur, collecta vero sententiarum plurima parte in unum libellum, quasi minutia quædam, et gemmarum fragmina in massam aliquam conflarentur. Sententias autem dicimus, quantum ad numerum dictionum. Cæterum quædam inveniuntur in eis quanto verbis breviores, tanto sensibus fortiores: adeo ut si quis eas profusius exponere quærat, totus sibi adesse necessario debeat. Sane nobis aliter disponentibus, a Domino factum esse credimus ut Ægyptiorum Patrum cælestis conversatio legalium librorum numero signaretur, quos ipse Dominus de potestate Ægypti, id est tenebrarum, eripuit, et in cordibus eorum Evangelicæ legis decreta Spiritus sancti stylo conscripsit. Horum ergo intuentes exitum conversationis, fidem, propositum imitemur et studium, ut socii passionum effecti, consortes efficiamur et præmii. »

In nullo manuscripto eam præfationem inveni, uti nec breviores sententias, quibus ea præfatio præmittitur; quare existimo a primo concinnatore Vitarum Patrum, quisquis ille sit, eas sententias ex reliquis libris excerptas, quod ipsa præfatio loquitur.

Secunda editio quatuor constans partibus, hæc propria habet, quæ in prima desiderantur: primo, Vitas illas in prima parte quas prolegomeno 19 nominatim dedi, excepta Vita Marinæ, seu Marini, quam prima editio habet in fine quinti libri; secundo, totam tertiam partem, quam ex Severo et Cassiano excerptam esse docui in hac quarta nostra editione;

tertio, totam quartam partem, id est, librum Paschasii, et opusculum *De laude et effectu virtutum*.

§ II. *Comparatio primæ et tertiæ editionis.*

Prima editio nihil peculiare continet, quod non et in tertia reperitur.

Tertia vero editio hæc a prima diversa habet in primo libro, quæ tribus constat partibus. Peculiaris habet in prima et secunda parte :

Primo, omnes Vitas illas quas et secunda editio habet post Vitas a Ruffino conscriptas : quibus addit Vitam Epicteti et Astionis ; necnon *De muliere Vercellensi septies icta*, auctore divo Hieronymo et in fine quinti libri, Vitam Barlaam et Josaphat. Peculiarem etiam habet totam tertiam partem quæ continet excerpta ex Severo et Cassiano.

Secundo, in quinto libro peculiarem habet librum Paschasii.

§ III. *Comparatio primæ et quartæ editionis.*

[LXXI] Prima editio nihil habet, quod non in quarta hæc nostra reperias, excepta præfatione quam libro suo quarto (qui apud nos quintus est) præfigit, quam jam paulo ante hic expressi. Excepto item libro v primæ editionis, qui brevioribus constat sententiis. Eæ tamen sententiæ omnes aliis libris quartæ editionis intermixtæ occurrunt.

Quarta editio hæc distincta a prima habet, 1^o totum primum librum, qui variis Vitis sanctorum constat, excepta Vita sanctæ Marinæ, quæ in prima editio in calce libri v reperitur ; 2^o totum librum quartum, qui ex Severo et Cassiano conflatus est ; 3^o totum librum septimum, interprete Paschasio ; 4^o totum librum octavum, seu Palladii Lausiacam ; 5^o totum librum nonum, seu Theodreti Philotheum ; 6^o totum librum decimum, seu Joannis Moschi Pratum spirituale ; 7^o ex appendice Heraclidis Paradisum, et Ægyptiorum Patrum sententias, interprete Martino Dumisiensi.

§ IV. *Comparatio secundæ et tertiæ editionis.*

Secunda editio in fine habet opusculum *De laude et effectu virtutum*, quod deest tertiæ editioni.

Tertia editio hæc particularia continet, quæ in secunda desiderantur ; primo, Vitam Epicteti et Astionis, et Vitam Barlaam et Josaphat, et Vitas Fabiolæ et Marcellæ. Item epistolas sancti Antonii, et epistolam Macarii, et Miraculum aliquod sancti Antonii e Germanico in Latinum translatum, necnon *De muliere Vercellensi septies icta*, auctore divo Hieronymo ; secundo, totum tertium librum, quæ est Lausiaca Palladi ex veteri interpretatione ; tertio, partem libri quinti, eam videlicet, in qua continentur breviores sententiæ.

§ V. *Comparatio secundæ et quartæ editionis.*

Secunda editio nihil singulare habet, quod non in quarta reperitur. Omisi tantum ex prima parte Vitam sancti Christiani Cenomanensis, quæ nihil ad Vitas Patrum Ægyptiorum et Orientalium facit, et nescio quomodo inter has Vitas irrepserit. Ne quis tamen eam desideret, eccistam :

VITA CHRISTIANI MONACHI.

« Quidam Cenomanensis, nomine Christianus, juvenis conversus ingressus est cremitorium quoddam in archiepiscopatu Turonensi, [LXXII] quod dicitur Castinetum : ubi cum fortiter tentaretur a carne sua, affligebat se in quadragesima jejunans et abstinens se ab omni potu præter unum diem in septimana. In hieme stabat vestitus in aqua frigida usque ad collum, disciplinam sibi dabat usquequo virgæ dirumperentur. Qui cum quadam die hoc faceret, et se cecidisset usque ad sanguinem, audivit vocem a parte Occidentis dicentem : Nihil prodest tibi quod facis, iste Deus quem inclamas, non dabit tibi quod petis ; sed convertere ad me, et auxiliabor tibi. Quod ille audiens intellexit vocem esse inimici. Et cum orasset Deum ut auxiliaretur sibi contra tentationes, proposuit aggredi peregrinationem ad diversos sanctos, ut ita finiret vitam suam peregrinando. Et cum diu hoc cogitasset, accepto baculo egressus est nudis pedibus. Et cum venisset ante quamdam ecclesiam, flexis genibus rogavit Deum ut daret ei bonum consilium. Vix ab oratione surrexerat, et ecce sensit fetorem magnum, per quod intellexit diabolum astantem, qui ei suggerere relinquare habitum religionis et locum suum. Et gratias agens Domino de tali signo, reversus est ad fratres suos. Hic aliquando in festo sancti Stephani dormiebat ad matutinas. Et cum legeretur illa lectio, ubi legitur : Et lapidaverunt Stephanum, exprobratus ad hoc verbum, reprehendit se de somnolentia, dicens : Væ mihi, quia sic dormio ad obsequium Dei. Iste sanctus non dormiebat quando lapidabatur, et pro persecutoribus orabat ; et ego miser debueram rogare istum sanctum martyrem ut oret pro me. Et post hoc cœpit intentissime vigilare, et rogare sanctum Stephanum ut oraret pro se. In crastino cum esset in refectorio, antequam aliquid gustaret, venit vox ad eum, dicens : Tu intendis ad terrenas escas, et non cogitas de glorioso protomartyre qui orat pro te. Tunc aperti sunt oculi ejus, et levans oculos in cœlum, vidit martyrem orantem pro se, sicut vox ei dixerat. Quod cum dixisset, statim surrexit et petiit locum secretum in quo oraret, et dixit : Sancte Stephane, quas tibi gratias agam de tanto beneficio tuo ? Nihil habeo proprium quod tibi dem ; sed tamen hoc do tibi quod amodo pro amore tui non induar lineis, sed laneis tantum, quod et fecit. Hic cum postea moneret cæteros ut in bono proposito persistenter, narrabat, dicens : « Eram aliquando in Castineto jacens in lecto pleno paleis in solario quodam, et cum vellem repausare, sentiebam nescio quid quod se movebat sub renibus meis. Dixi quoque hoc magistro meo, sed illa motio non quievit. Quadam autem die inspirante mihi Domino, cœpi evertere paleam lecti mei ; et eversa palea cum nil invenirem, levavi unum de asseribus solarii, sub quo inveni unum pedulem, et in eodem magnam massam denariorum. Quos cum invenissem, relictis illis cucurri ad magistrum nostrum, et

confessus sum quid invenissem. Ille jussit mihi ut referrem illos ad se. Quod cum fecissem, omnes fratres jussit congregari; qui omnes excommunicaverunt illum qui hoc fecerat. Quod cum audisset carpentarius quidam, dixit [LXXIII] se hoc fecisse; et petivit veniam, humiliter correctionem promittens. Magister autem indulxit ei, et injunxit ei pœnitentiam. Sed denarios male acquisitos retinere noluit, imo divisit eos pauperibus et egentibus. » Quæ desumpta sunt ex Speculo Historiali Vincentii, lib. XXIX, cap. 11, qui ea citat ex Helinando. Idem. cap. 12, tradit quomodo Christianus iste transierit ad ordinem Cisterciensem. Vixit autem circa annum 1160.

Continet præterea secunda editio in calce libri epistolam Macarii, et opusculum *De laude et effectu virtutum*. Quæ quia didactica sunt, nec proprie ad Vitas vel verba seniorum spectant, rectius reservantur alteri asceticorum tomo, qui omnia Patrum ascetica et didactica scripta comprehendat.

Quarta editio hæc distincta a secunda habet: Primo, in primo libro, Vitam sancti Ephræm distinctam ab hactenus vulgata; et Vitam Epitecti et Astionis, et Vitam Barlaam et Josaphat; secundo, totum librum octavum, seu Palladii Lausiacam; tertio, totum librum nonum, seu Theodreti Philotheum; quarto, totum librum decimum, seu Joan. Moschi Pratum spirituale; quinto, totam appendicem.

§ VI. Comparatio tertiæ et quartæ editionis.

Tertia editio nihil peculiare diversum a quarta habet præter Vitam Christiani Cenomanensis, quam jam dixi nihil hoc facere; et *De muliere septies ieta*, auctore divo Hieronymo, quæ etiam huc non spectat; et sententias breviores, quas etiam dixi sparsim in aliis quartæ editionis libris occurrere; et epistolas sancti Antonii, et epistolam Macarii, quæ reservantur alteri Asceseos didacticæ tomo. Habet præterea miraculum aliquod sancti Antonii ex Germanico in Latinum translatum, quod nescio unde promptum sit, nec qua fide.

Quarta editio hæc distincta a tertia habet: Primo, in primo libro Vitam sancti Ephræm, distinctam ab ea quæ hactenus in aliis editionibus fuit; secundo, totum librum octavum, seu Palladii Lausiacam, auctiorem quam habeat tertia editio, ex recenti versione Gentiani Herveti; tertio, totum librum nonum, seu Theodreti Philotheum; quarto, totum librum decimum, seu Joan. Moschi Pratum spirituale; quinto, ex appendice, Paradisum Heraclidis, et Ægyptorum Patrum sententias, interprete Martino Dumisiensi episcopo.

Accedunt præterea quæ omnibus aliis editionibus desunt, prolegomena, præludia, notationes, onomasticon, et varii variarum rerum indices.

PROLEGOMENON XXIII.

De variis editionibus vulgata variaque lingua.

[LXXIV] Italica editio in-folio, Venetiis, anno 1476, apud Antonium Bartholomæi. Constat autem hæc edi-

tio sex libris. Libri plane miscelli sunt, insertis etiam quibusdam Vitis, quæ in nulla editione Latina Vitæ Patrum comparent. Primus liber auctorem præfert sanctum Hieronymum. Sed pleraque sunt aliorum auctorum, maxime Ruffini, ex secundo hic libro. Secundus liber Eradium monachum agnoscit. Est paradisus Heraclidis, cujus nomen in Eradium depravatum fuisse existimo. Tertius liber tribuitur Joanni monacho Jerosolymitano. Quartus liber ascribitur Leontio Neapoleos Cypri episcopo. Est Vita Joannis Eleemosynarii, ab eo conscripta, cui aliæ aliquot adduntur. Quintus liber inscribitur Theophilo, Sergio et Elchino. Est Vita Macarii Romani iis auctoribus, cui et alia quædam subnectuntur. Sextus liber auctorem habet Joannem Eviratium. Est Pratum spirituale Joannis Moschi.

Rursus Italica hæc editio iterata fuit in-quarto cum figuris, novo interprete Joanne Mario Verdizotto, Venetiis, ex typographia de i Guerra, 1589.

Gallica editio in-folio, cum figuris, interprete anonymo, Parisiis, anno 1494, apud Joannem du Pré. Expressa est ex secunda editione Latina. Quare quidquid dixi prolegomeno 19 continere secundam editionem Latinam, etiam hæc Gallica continet. Unde facile est ex prolegomeno 22, ubi Latinas editiones inter se et cum hac quarta comparavi, dispiciere qui hæc Gallica cum nostra quarta Latina conveniat.

Alia editio Gallica in parvo folio seu magno quarto cum figuris, Parisiis, sine indicio anni vel typographi. Plane cum præcedente convenit, et fors ea prior est.

Alia editio Gallica in-quarto, cum figuris, interprete recentiore anonymo, Parisiis, apud Guilielmum Chaudière, anno 1605. Expressa est hæc ex tertia editione Latina, continetque tantum quatuor libros, omisso toto quinto libro, et Paschasio, qui post quartum additur in Latino textu.

Alia Gallica editio in octavo, interprete M. Jacobo Gaultier, Parisiis, apud Guilielmum de la Noue, anno 1606. Continet primum (LXXV) et secundum librum juxta exemplar secundæ editionis Latinæ.

Flandrica editio in-folio parvo, sine indicio loci, per Petrum van Os, anno 1490. Constat tribus partibus varie dispositis et mistis. Continet tantum ex nostro libro primo, Vitam Pauli, sancti Hilarionis, Malchi, Onuphrii, Abrahamæ eremitæ, Simeonis Stylitæ, Thaisis meretricis, Marinæ. Librum secundum. In tertia parte continet varia exempla et dicta ex variis libris excerpta. Hæc editio etsi nullum loci indicium præferat, existimo tamen Swollæ impressum, quod librum viderim Flandricum de bono universali, seu librum Apum, impressum Swollæ, anno 1488, apud Petrum van Os, qui et hujus libri de Vitis Patrum Flandrice typographus est. Utrique libro idem in-signis affigebatur.

Alia editio Flandrica in-folio parvo, Delphis apud Henricum Eckert van Homberch, anno 1498. Constat tribus partibus, uti prior editio.

Alia editio Flandrica in-folio parvo, Leydæ apud

Joannem Seversoen, anno 1514. Sequitur priores A editiones.

Germanica editio in-folio cum figuris. Convenit fere cum Flandrica editione.

Anglicana editio in-folio cum figuris, interprete Guilielmo Capton Westmonasteriensi, Westmonasterii apud Wiinkiin de Worde, anno 1495, juxta exemplar Gallicum impressum Lugduni anno 1486. Eam editionem Lugdunensem Gallicam non vidi, sed ex Anglicani Codicis ordine video eamdem esse cum aliis editionibus Latinis Lugdunensibus. Quare editio Anglicana comprehendit omnia quæ dixi supra prolegomeno 19 comprehendere secundam editionem. Unde ex prolegomeno 22, ubi editiones omnes Latinas cum hac quarta nostra contuli, facile est videre quomodo hæc Anglicana editio cum hac nostra conveniat. Nactus sum hunc Codicem ex Carthusia Mechliniensi, admodum R. D. priore promptissime suppeditante.

PROLEGOMENON XXIV.

De manuscriptis libris, quibus ad quartam hanc editionem adornandam sum usus.

Prima mihi cura fuit, ne quid temere in textu mutarem: nihil magnopere ingenio, nihil blandientibus in speciem conjecturis dedi, Primum mihi a manuscriptis subsidium fuit, etiam e Germanica evocatis, unde mihi quinque exemplaria [LXXVI] submitit R. P. Jacobus Gretzer noster. Secundum a vetustissimis editionibus. Tertium rarissime tamen, a conjectura, non remota tamen ea, sed propinqua. Cum autem decem libros demus Vitarum Patrum, quorum tres posteriores nunc primum accedunt ex interpretatione recentiorum qui vixere Patrum memoria, non est quod omnium librorum manuscripta exemplaria exspectes. Eorum igitur tantum librorum manuscripta exspecta exemplaria qui jam olim translati fuere, quales septem priores, quique hactenus titulo Vitarum Patrum impressi sunt.

Manuscriptorum quibus usus sum, ecciste catalogus, quem do juxta vetustatem characteris, quantum quidem mihi colligere licuit, vel ex anno ascripto, vel ex characteris. Sciunt antiquarii aliquod sæculi indicium a characteris genere sumi. Cito autem eos referendo ad editionem hanc quartam.

Ms. Vedastinus, e celeberrimo sancti Vedasti monasterio membranaceus in-folio, vetustissima manu, quippe characteribus capitalibus conscriptus. Descriptus hic erat rogatu abbatis Nomedii, qui eum basilicæ sancti Medardi obtulerat. Unde Suessione, ubi insignis sancti Medardi basilica, librum hunc profectum auguror. Titulus autem libri hic erat: *Liber sermonum vel adhortationis Patrum ad profectum monachorum*. Liber autem hic ms. tantum continet ex libro nostro quinto libellos xv, et finit in numero 26 libelli xv. Quare non habet integre quæ vertit Pelagius. Finis totius libri erat: *Explicit liber quod vocatur Vitas Patrum ad profectum monachorum sive imitatores eorum*. Vix dubium mihi, ante annos dccc librum hunc conscriptum. Ex Nomedii ætate res certior statui poterit.

Ms. sancti Floriani, in-folio, membrana, vetustissimus, ante annos prope dccc scriptus. Ita enim in fine habet: *Hic liber fuit inchoatus in Hunia, in exercitu, anno Domini 819, iv Non. Junii et perfinitus apud Sanctum Florianum ii Id. Septembr. incha. xvma*. An ultimum hoc est *indict. xv?* Rectius divinaveris, in hebdomada xvma, id est, quinta decima. Atque ita Aventinus loco mox citando olim legit, cum litteræ nondum ita evanuisent. Continet ex libro primo, Vitam Pauli, Antonii, Hilarionis et Malchi. Librum secundum. Ex libro quinto nonnulla hoc titulo: *Incipiunt adhortationes sanctorum Patrum, perfectiones monachorum, quas de Græco in Latinum transtulit beatus Hieronymus*. Librum septimum. Ex appendice, Ægyptiorum Patrum sententias, hoc titulo: *Interrogationes vel responsiones Ægyptiorum Patrum, quas de Græco [LXXVI] in Latinum transtulit Martinus episcopus in monasterio Domense*.

Nota hic libri hujus meminisse Aventinum, lib. iv Annalium Boiorum, ubi agit de Ludovico Pio imperatore qui curavit ex Dalmatia, quam invaserat, profligari Lindewitum Slavum. « Hoc, inquit, bello scriptus est Codex, qui ex membranarum compactus, monstratur in monachorum monasterio, quod a patria mea decem millia passuum Occidentem versus hiemalem, in ripa Ilmi conditum exstat. Sunt in illo libro descriptæ Vitæ divorum a Paschasio e Græca lingua in Romanam translatae. Item Hilarion divi Hieronymi, adeo antiquis litteris, ut mihi reperascendum, et ad prima elementa redeundum fuerit. »

Hactenus ille. Hundius, in Metropoli suæ Salisburienensi, scribit, eum librum olim fuisse in monasterio Munichmunsteriensi in Bavaria ad Danubium infra Vohburg; sed anno 1580 se eum ibi non reperisse; existimare autem translatum esse Monachium ad Bibliothecam ducalem cum quibusdam aliis libris. Ita Hundius. Irrepsit error in Chronicon ordinis Benedict. ab admodum reverendissimo D. Auberto Miræo concinnatum, cum liber ille scriptus dicitur anno 918; omnino 819 oportuit.

Ms. Ingolstadiensis, collegii nostri in-folio, membrana, valde vetustus. Continet librum secundum, tertium, quartum.

Ms. Amandinus e celeberrimo sancti Amandi cœnobio, a vetusta manu, qui Heraclidis Paradisum continebat, sed mutilum, ad cujus tamen fidem paucula in appendice recognovi.

Ms. Audomarensis ex ecclesia collegiata sancti Audomari, vetustus, et maxime perfectus qui maximo mihi ad hanc recognitionem adjumento fuit, tum quod plures libros contineret, tum quod egregie scriptus esset. Continebat autem ex libro primo: Vitam sancti Antonii per sanctum Athanasium, interprete Evagrio; Vitam sancti Hilarionis auctore sancto Hieronymo; Vitam Malchi monachi captivi per eundem; Vitam Abrahæ eremitæ per beatum Ephræm; Vitam beati Frontonii; Vitam Marinæ puellæ; librum secundum, hoc initio: *Incipit præfatio Ruffini de Vita monachorum. Benedi-*

ctus, etc.; librum tertium, per paragraphos seu numeros ccvii; librum quartum, exceptis primis xiv capitibus, quæ ex Severo Sulpicio sunt excerpta, ea enim deerant; librum quintum, cujus titulus est: *Incipiunt adhortationes sanctorum Patrum, perfectionesque monachorum, quas de Græco in Latinum transtulit Hieronymus presbyter*. Manifesto errore. Nam idem liber [LXXVII] manuscriptus in fine libelli xviii, qui in hoc quinto libro ultimus est, hæc habet: *Hucusque de Græco in Latinum transtulit Pelagius diaconus Ecclesiæ Romanæ, et abhinc deorsum Joannes subdiaconus*. Librum sextum, interprete Joanne S. R. E. subdiacono.

Ms. Affligemiensis ex insigni abbacia sancti Petri apud Alostrum in-folio, membrana, bonæ notæ. Continet ex libro primo Vitas sancti Pauli, Antonii, Hilarionis, Malchi, Pachomii, Abrahamæ, Simeonis Stylitæ, Frontonii, Euphrosynæ, Mariæ neptis Abrahamæ, Pelagiæ, Mariæ Ægyptiacæ, Marinæ, librum secundum, quintum, sextum.

Ms. Gemblacensis, ex vetusta abbacia sancti Petri, ordinis sancti Benedicti in oppido Gemblacensi apud Namurcum, in-quarto, membranaceus, caractere vetusto. Continet tantum ex libro primo Vitas sancti Pachomii, sancti Basilii, Joannis Eleemosynarii, Mariæ Ægyptiacæ.

Ms. Crispiniensis, ex monasterio ordinis sancti Benedicti apud Valentianas, in-folio, membrana, vetusta manu. Continet ex libro primo Vitas sancti Pauli, sancti Antonii, sancti Hilarionis, Malchi, Joannis Eleemosynarii, Frontonis, Paulæ, sanctæ Marinæ; totum librum secundum; totum librum quartum; totum librum quintum; totum librum sextum.

Ms. Aquicinctinus, ex cænobio ordinis sancti Benedicti apud Duacum, in membrana, bonæ notæ, in-folio. Exhibebat hic manuscriptus ex libro primo Vitas sancti Pauli, sancti Antonii, sancti Hilarionis, Malchi, sancti Joannis Eleemosynarii, sanctæ Euphrosinæ virginis, Mariæ neptis Abrahamæ, Pelagiæ meretricis, Mariæ Ægyptiacæ, Paulæ. Exhibebat præterea librum secundum, hoc titulo: *Incipiunt actus SS. Patrum a Posthumiano monacho editi et ad Fidosum missi*. Librum tertium, qui ibi constat paragraphis seu numeris cxii. Librum quartum hoc initio: *Incipit liber Posthumiani de gestis sanctorum Patrum*. Unde occasio nata sit Posthumiano aliquos libros inscribendi. Vide dicta supra, prolegomeno 4, § 9.

Ms. Lætiensis major ex formatissimo ad regulam sancti Benedicti sub patrocinio sancti Lamberti monasterio, in-folio, pergameno, bonæ notæ. Continet autem ex libro primo Vitas sancti Pauli primi eremitæ; sancti Antonii; sancti Hilarionis; sancti Malchi, captivi monachi; sancti Simeonis Stylitæ; sancti Joannis Eleemosynarii; [LXXIX] sancti Frontonii, quam Hieronymo tribuit; sanctæ Euphrosinæ; sanctæ Pelagiæ meretricis; sanctæ Mariæ Ægyptiacæ; sanctæ Marinæ; sanctæ Paulæ. Librum secundum, qui a Ms. hoc Posthumiano monacho ascribitur, et dicitur ad Phydosum missus. Ex libro tertio, tantum

numi. 24, qui eidem Posthumiano tribuitur. Librum quartum, qui Joanni Cassiano assignatur. Librum quintum. Titulus autem hic est: *Incipiunt capitula libri sancti Hieronymi de Vita et acibus SS. Patrum eremitarum, translatus ab eo de Græco stylo in Latinum*. In medio vero libelli xvi (qui vere xviii est, sed duo libelli xiii, de Hospitalitate, et xiv, de Obedientia in hoc Ms. sunt omissi) habetur: *Hucusque Hieronymus de Græco in Latinum dicitur transtulisse, sive, ut plerique autumant, Pelagius diaconus Romanæ Ecclesiæ. Inde Joannes subdiaconus, quatuor distinguens libris idem opus*. Librum sextum.

Ms. Lætiensis minor, in-quarto, pergameno, notæ non inferioris a priore. Qui liber olim fuit Sancti Michaelis in Sarto. Continet hic liber ex libro primo, Vitam sancti Pauli primi eremitæ, auctore divo Hieronymo; Vitam sancti Hilarionis, auctore eodem; Vitam seu Pœnitentiam Thaidis, seu Thaisis; librum secundum, tertium, quartum. Ms. Bonæ Spei, ex abbacia ejusdem nominis, ordinis Præmonstratensis, apud Binchium Hannoniæ oppidum, in-quarto, forma oblonga, pergameno, caractere bono et vetere. Continet varia tantum fragmenta ex variis hinc inde libris excerpta, ex libro II et III Ruffini, item ex aliquot libellis Pelagii et Joannis.

Ms. Moretianus, in-folio, pergameno, non valde quidem vetustus, sed plurima continens, quem mihi D. Moreti filii suppeditarunt. Continet ex libro primo Vitas Pauli; Antonii; Hilarionis; Malchi; Pachomii; Abrahamæ; Joannis Eleemosynarii; Frontonii, quam Hieronymo ascribit: Euphrosynæ; Mariæ neptis Abrahamæ; Thaisis meretricis; Pelagiæ meretricis; Mariæ Ægyptiacæ; Marinæ; Paulæ. Librum secundum, quem ascribit Posthumiano monacho, et dicitur ad Phydosum missus. Librum tertium, qui etiam Posthumiano ascribitur, et ad Phydosum mittitur. Librum quartum, quem tribuit Joanni Cassiano. Librum quintum, quem de Græco in Latinum ab Hieronymo presbytero [LXXX] translatus assertit. In fine tamen libri xviii, ait, *sive ut plerique autumant, transtulit de Græco in Latinum Pelagius diaconus S. R. E.* Librum sextum, quem Joanni S. R. E. subdiacono ascribit. Ex appendice, Heraclidis Paradisum, integrum; sed eum ascribit Paschasio, vel Palladio diacono. Ita titulum concipit: *Incipit epistola Paschasii sive Paladii diaconi ad Eugippium presbyterum in libro qui vocatur Paradisus, de Miraculis sanctorum Patrum et Vita eorum*. Vide prolegomenon 25.

Ms. sancti Jacobi fratris Domini in Insula, ubi est abbacia ordinis sancti Benedicti Leodii, in-folio, pergameno, scriptus anno Domini 1312. Continet ex libro primo Vitas sancti Pauli primi eremitæ, et Malchi. Librum secundum, quintum, sextum.

Ex eadem abbacia habui libellum in-octavo, chartaceum, in quo erat Vita sancti Onuphrii, recenti manu. Distinctus hic erat stylus a vulgata Onuphrii Vita, vulgatum tamen stylum retinui.

Ms. Camberonensis, ex abbacia sanctæ Mariæ de

Camberone ordinis sancti Bernardi apud Athum, in membrana, folio, recentiore manu. Continebat ex libro primo Vitas sancti Pauli, sancti Antonii, sancti Hilarionis, Malchi, Joannis Eleemosynarii, Paulæ. Librum secundum hoc titulo : *Incipiunt actus SS. Patrum a Posthumiano monacho editi, et ad Fidosum missi*. Librum tertium. Nulli certo auctori hic inscribitur. Librum quartum, qui Posthumiano tribuitur.

Ms. Claromarescanus, ex abbacia sanctæ Mariæ de Claromaresco, juxta Audomarum, ordinis sancti Bernardi, in-folio, membrana, caractere bono, sed non valde veteri. Continebat ex libro primo Vitas Thais meretricis, Mariæ Ægyptiacæ, Marinæ puellæ. Librum secundum, nulli auctori inscriptum; librum tertium etiam anonymum; librum quartum similiter anonymum.

Ms. sanctæ Mariæ Bibrach in Germania, in membrana, folio, caractere utcumque vetusto. Continebat ex libro primo Vitas Pauli, Antonii, Hilarionis, Malchi, Frontini, Thais meretricis. Totum librum secundum, totum librum septimum Paschasii. Et quædam alia mixta ex variis libris.

Ms. Rebdorffensis in-quarto, pergamento, caractere satis recenti. Continet ex libro primo Vitas [LXXXI] Pauli, Hilarionis, Malchi, Simeonis Stylitæ, Euphrosynæ. Librum secundum, quem tribuit sancto Hieronymo; librum tertium et quartum.

Ms. sancti Petri in Munster, folio, pergamento, recentiore caractere. Continet tantum excerpta quædam ex Vitis Patrum. Ex libro primo Vitas Pauli, Antonii, Hilarionis. Quædam ex libro secundo et septimo.

Mss. Insulenses duo membranacei clarissimi viri, mihique amicissimi, Tussani *Desbarbieux*, in-folio, non valde vetusti, quorum alter continebat : Ex libro primo tantum Vitam Mariæ Ægyptiacæ, Mariæ neptis Abrahamæ, Pelagiæ meretricis, et Thais meretricis. Ex appendice solum Heraclidis Paradisum. Alter vero, ex libro primo tantum vitam sanctæ Marinæ virginis, et sanctæ Paulæ viduæ. Totum librum quintum Pelagii S. R. E. diaconi. Totum librum sextum Joannis S. R. E. subdiaconi.

Ms. Sancti Sepulcri major, ex monasterio Sancti Sepulcri, quod Cameraci est, ordinis sancti Benedicti, in-folio, chartaceus, recenti manu. Continet ex libro primo Vitas : Malchi monachi captivi, auctore divo Hieronymo; sanctæ Euphrosynæ, Thaidis meretricis, Mariæ Ægyptiacæ, Marinæ virginis. Librum secundum, quem tribuit Palladio, atque ab Hieronymo de Græco in Latinum conversum. Librum tertium, librum quartum. Ex libro quinto, qui octodecim libellis constat, habet tantum sine ulla libellorum distinctione numeros CXL. Vocanturque *Admonitiones sanctorum Patrum de diverso genere virtutum, quas Pelagius diaconus Ecclesiæ Romanæ de Græco in Latinum transtulit*.

Ms. Sancti Sepulcri minor, in membrana, in-quarto, manu quoque recenti. Complectitur autem :

ex libro primo, Vitas Malchi, monachi captivi; Frontonii, sanctæ Marinæ. Librum secundum, quem tribuit divo Hieronymo. Librum quintum, qui inscribitur : *Adhortationes sanctorum Patrum, perfectionesque monachorum, quas de Græco in Latinum transtulit beatus Hieronymus presbyter*. Rectius in fine libri decimi octavi : *Hucusque de Græco in Latinum transtulit Pelagius diaconus Ecclesiæ Romanæ, et abhinc deinceps Joannes subdiaconus*. Librum sextum.

Ms. Carthusianorum Nostræ Dominæ de Gratia prope [LXXXII] Bruxellas, in-folio, scriptus in membrana anno Christi 1460, Kal. Decembris, per Fr. Petrum Weins. Continet ex primo libro Vitas Pauli primi eremite, auctore divo Hieronymo; Antonii, auctore Athanasio, interprete Evagrio; sancti Hilarionis, auctore divo Hieronymo; Malchi captivi monachi, auctore eodem; sancti Pachomii, Abrahamæ monachi et eremite, Simeonis Stylitæ, Macarii Romani, Frontonii, sanctæ Euphrosynæ virginis, Thais meretricis, Pelagiæ meretricis, Mariæ Ægyptiacæ, Marinæ virginis, Paulæ. Librum secundum. Librum quintum. Deerat quidem suo ordine libellus decimus sextus de Pœnitentia, sed in manuscripto comprehendebatur sub libello septimo qui est de Patientia, quo titulo in nonnullis manuscriptis etiam liber XVI inscribitur. Librum sextum. Hic autem titulus libro sexto et quinto præfigebatur : *De verbis seniorum sanctorum Patrum. Quod opus de Græco in Latinum transtulit Pelagius diaconus Ecclesiæ Romanæ, extremam partem Joannes subdiaconus transtulit*.

Ms. Ruræmundanus, ex collegio nostro Ruræmundæ in pergamento, in-folio, a recenti manu : constat quinque libris, uti prima editio. Ex qua, quod pauca typographiæ infantia imprimerentur exemplaria, videtur exscriptus. In fine has præterea Vitas complectitur : Pauli primi eremite, sancti Antonii, Hilarionis, Malchi, Pachomii, Abrahamæ, Frontonii, Barlaam et Josaphat, Thaidis meretricis, Pelagiæ meretricis, Mariæ Ægyptiacæ, Paulæ.

Ms. Sionius, monasterii religiosarum de Sion, ordinis sancti Augustini Cortraci, in-folio, charta, caractere recentiore, scriptus anno 1469. Convenit plane cum prima editione, ex eaque descriptum non dubito. In fine has Patrum Vitas addit : sancti Antonii, sancti Pachomii, Epicteti et Astionis.

Atque hæc dicta sint de manuscriptis libris qui integros quosdam libros vel magnam librorum partem ex iis, quos damus, comprehenderunt; nam subinde et alia manuscripta citamus quæ vel unam Vitam aliquam, vel simile quid huc spectans tantum habent, uti invenies Bertinianum apud Audomaropolim, Laurentianum apud Leodium, Brugense societatis nostræ, et si quæ alia.

Præter hæc manuscripta Latina, nonnulla quoque Græca nactus sum, e quibus Latina sunt expressa; sed pauca, eaque satis imperfecta, quæ subinde ad lucem citata invenies. Nam alia quædam serius ad manus meas pervenere.

PROLEGOMENON XXV.

De appendice ad Vitae Patrum.

[LXXXIII] Placuit hanc appendicem reliquis de Patrum Vita libris jungere, tum ob vetustatem interpretum, tum ut lux subinde locis dubiis ex interpretationis varietate affluat, tum etiam quod quaedam, etsi paucula, hæc appendix contineat quæ in prioribus non sit reperire.

Continet autem hæc appendix tria opuscula, Heraclidis Paradisum, et Palladii Lausiacam, ex veteri utrumque interpretatione, de quibus vide dicta prolegomeno 4, § 3, et prolegomeno 14.

Quem hic damus Paradisum nomine Heraclidis, in manuscripto Moretiano inscribitur: *Paschasii sive Palladii diaconi ad Eugippium presbyterum, in libro, qui vocatur Paradisus de miraculis sanctorum Patrum et vita eorum.* Cui titulo subjungitur hæc epistola.

« Domino suo semperque charissimo presbytero Paschasius diaconus.

Frater in Christo charissime, dum nos peritiae tuæ facundia..... Sed optatis successibus eatenus ampliatur * »

[LXXXIV] Inde sequitur: *Prologus primus Paschasii, sive Palladii diaconi ad Lausum episcopum, in hoc libro, etc. Inde: Secundus prologus: Multi quidem nullus.* Inde caput primum Paradisi: *Cum primum Alexandriam.*

Similem Codicem ms. cum his titulis et præfationibus invenit Vezelii in Heduis, apud nobilissimum ejus loci abbatem Erardum Rupefortium, amicissimus mihi Lucas Holstenius, uti per litteras me monuit, si forte usui esset ad secundam hanc Moretianam editionem adornandam. Parem quoque Codicem eodem ordine digestum submisit clarissimus D. Tusanus Desbarbieux, de quo monui Prolegomeno 24.

Equidem Paschasio huic, qui Eugippii tempore vixit, liber hic velut auctori tribui non potest, cum auctor in hoc libro interloquens certo vixerit sæculo sancti Hieronymi, et Patrum magna ex parte, quorum Vitam describit. Quare recte additum sive *Palladii*; vere enim Palladius, vel Heraclides, vel quispiam alius eorum æqualis, hujus Paradisi auctor est.

An igitur Paschasius hic dicendus est vetus hujus Paradisi interpret? Nec hoc affirmare habeo. Certe nihil tale insinuat hæc Paschasii ad Eugippium missa epistola. Imo epistola hæc potius præfigenda est Vitæ sancti Severini Noricorum apostoli. Et pridem anno 1595 eam Vitæ sancti Severini præfixit doctissimus scholiastes Marcus Velserus: Epistola autem Eugippii, cui Paschasius hic respondet, exstat tomo sexto Antiquarum lectionum, pagina 455 (*Vide Patrol. tom. LXII, col. 1167*). Si aliunde probari possit Paschasium hunc interpretem esse hujus Paradisi, ei posthac inscribatur ea interpretatio. Equidem viri

* Hanc epistolam videsis Patrol. tom. LXII, col. 39. Edit.

A docti interpretatio est, nec stylus multum abludit a stylo Vitæ sancti Severini. Ego ob hanc epistolam hic fortuito præfixam, non ausus fui ei interpretationem asserere. De Paschasio hoc plura vide Prolegomeno 14.

[LXXXV] Continet præterea Ægyptiorum Patrum sententias, interprete Martino Dumiensi episcopo, quas ex Codice Bibliothecæ Toletanæ excerptas, ex Hispania ad me transmisit R. P. Christophorus a Castro Sacrarum Litterarum in Collegio nostro Salmanticensi professor. Quas etiam reperi in Codice pervetusto sancti Floriani, e Germania mihi suppeditato.

Martini Dumiensis episcopi varii meminere auctores: Isidorus, libro de Illustribus Ecclesiæ Scriptoribus, cap. 22. Sigebertus in simili Scriptorum catalogo, cap. 19 et 118. Fuit hic abbas et episcopus, qui Dumiense in Gallæcia monasterium construxit, postea episcopus Braccarensis, cujus sit honorifica mentio in concilio Toletano decimo, cap. 7 ex concilio Valentino; et in synodo Braccarensi prima, æra 598; et in secunda, æra 610, quibus præfuit. Curavit ille quidem nonnulla ex Græco verti per alios; ita enim Sigebertus supra, cap. 108: « Martinus episcopus transtulit per manus Paschasii diaconi interrogationes et responsiones plurimas sanctorum Ægyptiorum Patrum in Dumiensi cœnobio. » Quæ Paschasius ejus jussu transtulit, habes libro septimo. Fors idem Paschasius et hæc ejus rogatu transtulit. Quia tamen Martini nomine in duobus manuscriptis inveniuntur, et ipse asserit se collectionem Orientalium canonum emendasse, et ad Græcum textum rursus contulisse (quæ habetur in tomis conciliorum, post concilium Lucense II), potuit ipse e Græco et hæc transtulisse. Quare ejus nomine in appendice dedi.

PROLEGOMENON XXVI.

Varia monita ad lectorem hujus editionis.

Adverte primo, primam mihi curam fuisse ut textum cujusque auctoris perquam fidelissime ex fide veterum Codicum exprimerem, servatis phrasibus etiam minus usitatis, nec valde semper Latinis, ut et illæ seculum auctoris sui proderent.

Adverte secundo, orthographiæ eam servatam rationem, quam Typographus optimam judicavit. Quorundam tamen propriorum nominum diversas subinde orthographias reperies, sed apud diversos interpretes, ut nunc *Scete*, nunc *Seithi*, nunc *Pæmenius*, nunc *Pimenius*, et similia aliquot alia. Quæ plerumque sua interpretibus reliqui, quod singuli forte diversimode nomina illa in Græco exemplari scripta invenerint.

Adverte tertio, ne sæpius quarundam difficultatum et verborum [LXXXVI] rariorum ratio reddenda esset, quod variis locis eadem occurrerent, contentus brevi in notationibus explicatione, ad Onomasticon porro remisi, in quo plenius de iis agitur. In quo etiam

nonnulla reperies, quorum nullum in notationibus datum indicium.

Adverte quarto mirandum non esse, si compluscula eadem in diversis libris, variato tantum stylo, reperias. Evenit hoc quod olim diversi eremum obire, et Vitas dictaque Patrum vel coram vel ab aliis exceperet. Quisque quod vidit vel audivit, in commentarium retulit. Accedit, quod quidam aliorum scriba compilarunt, et præterea quaedam ex suis quoque armariolis adjungere. Dedimus igitur omnia prout apud diversos auctores et interpretes invenimus, ut suis cuique constaret labor, et plurimum testificatione plus quoque Patrum dictis accederet auctoritatis. Vide quæ de hac convenientia diximus prolegomeno 4, § 3.

Adverte quinto: sicubi ea auctorum convenientia occurrat in margine * fere notavi singulorum loca, ut se mutuo illustrarent. Qualem in multis reperies inter librum secundum Ruffini, Palladium Herveti, Heraclidis Paradisum, et Palladium ex veteri interpretatione. Ruffinum et Palladium Herveti inter se commisi; Paradisum Heraclidis per Palladium Herveti illustravi; Palladium ex veteri interpretatione cum Heraclidis Paradiso comparavi. Multa quoque eadem reperies in libro III Ruffini, Pelagio, Joanne, Paschasio, quorum concordiam in margine notatam invenies.

Adverte sexto: ut compendio convenientiam illam citarem, cum novem posteriores libri, in quibus ejusdem rei repetita narratio maxime occurrit, vel auctorem certum habeant vel interpretem, ubi auctor certus est, eum citavi; ubi de eo minus constat, interpretis nomen margini apposui. Verbigratia, quæ paria occurrunt libris secundo, tertio, qui Ruffinum agnoscunt vel auctorem vel interpretem; quarto, qui excerpta habet ex Severo Sulpicio et Joanne Cassiano; octavo, qui Palladium: nono, qui Theodoretum; decimo, qui Joannem Moschum repræsentant auctores; tantum in margine cito auctorum nomina cum capitibus vel numeris, prout cujusque liber vel per capita vel per numeros digestus hic reperitur. Rursus vero cum in margine citandi sunt liber quintus,

A sextus, septimus, qui Græcis auctoribus incertis circumferuntur, certos tamen habent interpretes, cum quintus citandus est, cito Pelagium; cum sextus, Joannem; cum septimus, Paschasium; quorum singuli suorum singulorum librorum sunt interpretes. Quia Vero Pelagius et Joannes librum quisque suum in varios libellos [LXXXVII] distinctum habet, dum eos in margine cito, libellorum simul ordinem cum dictorum numero in margine assigno.

Adverte octavo, me nunc hoc anno 1627, cum prima editio Moretiana anni 1615 distracta esset, uti et Lugdunensis Galliæ, rursus rogatu D. Balthasar Moreti Vitas Patrum recensuisse; maxime textum octavi libri per Palladium, et noni per Joannem Moschum, qui ante Græce non prodierant. Nunc Græca eorum editio Parisiensis varios interpretum errores detexit, et multis tenebrosis locis facem præluxit. Notationes quoque subinde auxi, et in primis Onomasticon, quod id multorum votum esset, maxime religiosorum, quibus non suppetit librorum copia, nec usum lexicographorum et criticorum habent, qui rem antiquariam tractant. Accessere quoque tres novi indices, unus sacrarum Scripturarum, alter concionum, et tertius auctorum in notationibus adductorum; quos reliquis ante datis insertos vel subertos invenies.

Adverte nono, etsi aliæ nonnullæ vitæ Eremitarum Orientalium hinc inde typis editæ sint, et plures ex Mss. erui possint, quia tamen institutum meum non fuit omnium eremitarum Vitas conquirere, et in unum fascem colligere, sed tantum decantatissimum Vitarum Patrum librum, qui ante centum annos toties cusus recususque fuit, recensere et illustrare; studio abstinui a reliquis indagandis. Is enim labor novum facile tomum extundere posset. Mihi nunc satis fuit SS. Patrum insistere vestigiis, qui has vitas olim et legerunt et commendarunt.

Ego vero te, mi lector, non unis votis rogatum velim ut Deum mihi tuis precibus propitium facere digneris, uti ea quæ his libris tractantur vel ex parte aliqua moribus vitæque exprimere possim; ne sim plane velut æssonans et cymbalum tinniens. Ita tibi Deus, eremitarum suffragantibus meritis, favorem omnem opemque aspiret. Vive, vale, mei apud Deum memor.

* Has notas in textum inter uncinos revocavimus.
EDR.

VITÆ PATRUM

SIVE

HISTORIÆ EREMITICÆ.

LIBRI DECEM.

Collationes Patrum, et instituta, et Vitæ eorum, et Regula S. N. P. Basilii, quid aliud sunt, nisi bene viventium et obedientium monachorum exempla et instrumenta virtutum? (*S. Benedictus, Regula suæ cap. ult.*)
O desertum floribus Christi vernans! O solitudo in qua illi nascuntur lapides de quibus in Apocalypsi civitas magni regis extruitur! O eremus familiaris Deo gaudens!
(*Hieronymus, epist. 1 ad Heliodorum, de laude eremi.*)

PRÆLUDIA AD LIBRUM PRIMUM.

Lectori.

¶ Quia divus Hieronymus hoc libro primo sæpè interloquitur. idemque, arctioris vitæ incensus desiderio, eremitas olim invisit, inque eremo annos aliquos vixit; placuit hic brevi synopsi, vitæ vitæque ejus periodos, qua peregrinationes ejus spectant, oculis sujicere; ad nonnullam eorum lucem, quæ lecturus es. Quos ex illustrissimi cardinalis Baronii laudatissimis Annalibus concinnavi, ut magno duce divi Hieronymi consectoris vestigia.

DIVI HIERONYMI PEREGRINATIO.

Divi Hieronymi primordia et profectio Gallicana. A Donatum audivit; ipsum enim suum nominat præceptorem (*Hieron., in Chron. anno 20 Constantii*), tum, ut ipse tradit (*Hier., lib. 1 cont. Pelag. et in Epist. ad Gal. cap. 11*), scholastico more lusit in controversiis declamandis. Ibi adulta ætate sacro baptismate initiatus est (*Hier., epist. 57.*): quo suscepto, paulo solutiorem vitam, quam gesserat, continuo emendavit; nam ¶ priori amissa corporis integritate, secundam, quam vocat continentiam post baptismum, servavit immaculatam totus piis officiis deditus una cum ejusdem instituti sodalibus (*Hier., Apolog. pro lib. adv. Jovin.*), singulis diebus Dominicis (ut ipse tradit [*Hieron., in Ezech. c. XL*]) in visabat in subterraneis cæmeteriis reliquias sanctorum martyrum; nihilque cæteris diebus otii sibi relinquens, totus erat in describendis libris; sic enim bibliothecam Romæ summo studio atque labore sibi confecisse testatur (*Hier. ep. 22*).

In Gallias post hæc peregrinatus cum ipso Bonoso, eadem siti librorum, Treveris sancti Hilarii libros de

Synodis manu sua descripsit; aliosque ibi positus antiquos Codices, natus opera amicorum atque inter alios Florentii, describendos curavit (*Hier.*, *epist.* 6 et 4). *Profectio Syriaca post varios orbis provincias lustratas Anno Christi 370. Baron.*, ad ann. 372. — Contigit autem post hæc ut qui semel peregrinari cœperat, proficisci quoque in Orientem in animum induxerit; id quidem cum eruditionis, tum etiam religionis causa; ut ex his, quæ gessit inspicere licet. Porro peregrinationis ejus quæ remanent vestigia assectantes, dicimus eum cum Bonoso comite e Gallis revertentem, Aquileiam pervenisse (a), consedissequæ ibi aliquo temporis spatio, fruiturus consortio sanctissimorum virorum, nimirum sancti Valeriani, ejus civitatis post Fortunatianum episcopi, Heliodori, Nepotiani, Ruffini, Chromatii, Jovini, Eusebii, Bonosi, Florentii, Nicææ subdiaconi, Chrysogoni monachi: ad quos omnes, intimæ necessitudinis testes, ejusdem Hieronymi litteræ exstant (*Hier.*, *epist.* 41, 42, 43, 44).

Horum igitur suavissima consuetudine aliquantisper detentus est sanctus Hieronymus Aquileiæ; cum inde discedere cogitur, nescio quo improviso rerum eventu, ut ipse, ex eremo ad Ruffinum scribens, testatur verbis illis: « Postquam me a tuo latere subitus turbo convulsit, postquam glutino charitatis hærentem impia distraxit avulsio (*Hier.*, *epist.* 41, » etc., tunc Aquileia recedens, in Dalmatiam, patriam solum, veniens, sororem juvenulam, ætatis lubrico lapsam, primum viro maxime pio Juliano, qui eam ad mellorem frugem restituit, deinde etiam per litteras Chromatio commendavit (*Hier. epist.* 37 et 43).

Quando autem contigerit ut ipse sic monasticæ vitæ arripuerit institutum, diligenti rerum ac temporum discussione pervestigandum est. Ceterum, quod in re dubia et incerta versemur, nitendum est conjecturis, aliisque argumentis, quantumlibet videri possint a longe petita; sic enim sæpe accidit per angustas rimulas perspicere quæ indagatur sollicitè veritas.

At, quod ad hanc rem pertinet, haud assentiri possumus affirmanti, Hieronymum cum Ruffino atque collegis, itineris sociis, primum Jerosolymam petiisse, inde vero inter se divisos, Ruffinum in Ægyptum, Hieronymum autem in diversas provincias peregrinationem instituisse atque illino deserta Syriæ petiisse (*Marian. Victor. in Vit. S. Hier.*). Nam Ruffinum Roma recessisse cum Melania profectumque in Ægyptum, indeque Jerosolymam pervenisse, cum jam sanotus Hieronymus in Syria monachus dageret, tum quæ superius dicta sunt, tum quæ dicuntur inferius, perspicue demonstrabunt. Ex peregrinatione vero ipsius Hieronymi, a se descripta, possumus pariter intelligere tempus ipsius ex Occidente in Orientem migrationis; ad Ruffinum enim, cum ille jam pervenisset in Ægyptum, ex eremo Syriæ scribit, se primo profectum in Thraciam, inde in Pontum atque Bithyniam, postea in Galatiam et Cappadociam,

A deinde per Ciliciam in Syriam descendisse, S ubi consedit in solitudine monachus (*Hier. epist.* 4). Hæc totius ejus est peregrinationis periodus, una cum fidissimis comitibus, Evagrio presbytero Antiocheno (b), Innocentio, Heliodoro, et, ut ait, cum Hyla sancti Melanii famulo.

Cum igitur reperiamus Evagrium individuum comitem fuisse sancti Hieronymi, æque etiam cum eo Hieronymum peregrinatum ex Occidente in Cappadociam, par est credere, cum de se tradat ipse Hieronymus cum eo profectum esse in Cappadociam. Hæc igitur ut asseramus, eadem certe Hieronymi atque Evagrii in Cappadociam peregrinatio persuadet. Ilucque ipsum Evagrium, de quo sanctus Basilius meminit (*Basil.*, *epist.* 8), eundem esse cum B Evagrio, Hieronymi socio atque comite, cum nomen, tum munus presbyterii, tum patria, nempe Antiochia, nec non locus ipse, unde venit, nimirum ex Italia, æque demonstrant, eundemque Evagrium illum esse, qui egregiam navaverat operam Mediolani adversus Auxentium, de quo, ad unum ex comitibus Innocentium, ante Hieronymus scripserat, nos suo loco retulimus (*Hier.*, *epist.* 49).

Quando autem acciderit Evagrium ad sanctum Basilium in Cappadociam pervenisse, ex eadem Basilii epistola possumus intelligere, qua, antequam de Evagrio faciat mentionem, de vehementi morbo, in quem tunc incidere, agit, cum ait: « Quinquaginta his diebus æger decubui, quibus mihi sedulo adfuit dilectus et omnium studiosissimus frater noster et cooperator Elpidius. Multum enim febre consumptus, penuria nutrientis materiæ, arida hac carne, ceu lucernarum papyro, circumdatus, marcida longaque ægritudine laboravi: antiquum vulnus huic accedens a cibis me abstraxit, oculis somnum ademit, tandem morti et vitæ confinem me affectit, tantum vivere permittens, quantum ad dolorem sentiendum opus est (*Basil.*, *epist.* 8). » Hæc et alia plura de eadem corporis infirmitate Basilius, quam ei contigisse superius diximus anno (*Anno 369 et 370*) quo creatus est Cæsareæ episcopus, qui numeratur Domini 370, quo pariter dixerimus Hieronymum, cum eodem Evagrio et aliis sociis, devenisse in Syriam; inde vero ejusdem provinciæ deserta petiisse, non ante (mea sententia) annum Domini trecentinum septuagesimum primum: quod quidem et insinuare videntur citatæ ejusdem superius litteræ ad Ruffinum (*Hier.*, *epist.* 4). Ex his igitur inducimur ut credamus, presentem annum esse secundum ejus in eremo incolatus.

Anno Christi 371. Baron ad. an. 372— Cum autem primum in Syriam venit, ibi cum Evagrio Antiocheno, in via comito, Antiochiæ consedit. Erat Evagrius prædives ac nobilita, dominusque villæ Maronia dictæ; ubi aliquando agens Hieronymus cum Evagrio nactus ibi sanctissimum illum Malchum monachum, totius vitæ ipsius ursorum, quam postea factus senex conscripsit, accepit: testatur id quidem Hieronymus ipse, cum ait: « Maronia triginta fere millibus ab

Antiochia, urbe Syriae, haud grandis ad Orientem A distat viculus: hic, post multos vel dominos vel patronos, dum ego adolescentulus morarer in Syria, ad papae Evagrii (c), necessarii mei, possessionem devolutus est, quem idcirco nunc nominavi, ut ostenderem, unde nossem, quod scripturus sum (*Hieron. in Vita Malchi*). » Post vero descriptam egregie vitam Malchi, ista ad postremum: « Hæc, inquit, mihi senex Malchus adolescentulo retulit, hæc ego vobis narraui senex, et castis historiam castitatis expono. » Quo plane Malchi exemplo, et aliorum plurimorum monachorum, quibus (ut vidimus) Syria tunc florebat, incaluit cor ejus ad consecrandum vitæ monasticæ institutum: cum et ad Theodosium, magni nominis virum (d), et alios præclaros anachoretas litteras dedit, petens eorum precibus solvi vinculis sæculi; ubi hæc inter alia: « Nunc vestrum est ut voluntatem sequatur effectus; meum est ut velim; obsecrationum vestrarum est ut quod velim et possim (*Hier., epist. 38*). »

Inter hæc temporis spatia, cum quid esset decernendum de statu suo Deum servosque Dei ita consuleret, agens Antiochiæ docentem audivit Apollinarem, de quo ipse ad Pammachium: « Apollinarem Laodicenum audivi Antiochiæ frequenter et colui; et cum me in sanctis Scripturis erudiret, nunquam illius contentiosum super sensu dogma suscepi. » Hæc ipse. Porro cum (ut superius dictum est) Apollinaris nondum perfecte cognitus neque damnatus esset, licenter docebat, audiebaturque licentius.

De loco vero, a sancto Hieronymo in Syriae solitudine, ad habitandum delecto, ad Chromatium scribens, ita ipse meminit: « In ea parte delatæ sunt (tuæ scilicet litteræ) quæ inter Syros et Sarracenos vastum limitem ducit. » Eadem habet ad Florentium. Chalcidicæ provincie ea erat (ut alibi ipse testatur) solitudo (*Hier., epist. 43, 6; Præf. in Abdiam*).

Fuere ejus comites Innocentius atque Hylas, accessitque postea Heliodorus. His omnibus Evagrius Antiochenus cuncta necessaria ministrabat; quin et ejus impensis Hieronymo ad scribendos libros supeditati sunt antiquarii; illis enim se ibi abundasse testatur; ejusdemque Evagrii opera, litteræ quæ diversis ex locis Antiochiam afferebantur, eidem reddebantur; vicissimque ad alios mittendas, ab ipso ille accipiebat (*Hier., epist. 41, 43, 6*).

Sed rebus in hunc modum probe dispositis, illud funestum in primis accidit, ut dulcissimo comite Innocentio morte extincto privaretur, Heliodorusque cito recesserit, spe tamen redeundi; ipse vero crebris laboraret corporis infirmitatibus. Quod sæpe queritur ad diversos amicos scribens (*Hier., epist. 41, 1, 37, 3, 37, 41*).

Quas insuper præter hæc passus sit impugnationes dæmonum, et quæ cum exercuerint prælia carnis, hic retexam ex ejusdem epistola ad Eustochium (*Hier., epist. 22*): « O quoties ego ipse in eremo constitutus, et in illa vasta solitudine, quæ, exusta solis ardoribus, horridum monachis præstat habita-

culum, putabam me Romanis Interesse delictis! Sedebam solus, qui amaritudine plenus eram; horrebant sacco membra deformia, et squalida cutis situm Æthiopicæ carnis obduxerat: quotidie lacrymæ, quotidie gemitus; et si quando repugnantem somnus imminens oppressisset, nuda humo vix ossa hærentia collidebam. De cibis vero et potu taceo, cum etiam languentes monachi aqua frigida utantur, et coctum aliquid accepisse, luxuria sit. Ille igitur ego, qui ob gehennæ metum tali me carcere ipse damnaveram, scorpionum tantum socius et ferarum, sæpe choris intereram puellarum: pallebant ora jejuniis, et mens desideriis æstuabat in frigido corpore, et ante hominem sua jam carne præmortuum [*leg., suum, jam carne præmortua*] sola libidinum incendia bulliebant. Itaque omni auxilio destitutus, ad Jesu jacebam pedes, rigabam lacrymis, orine tergebam, et repugnantem carnem hebdomadarum inedia subjugabam. Non erubesco confiteri infelicitatis meæ miseriam; quin potius plango me non esse quod fuerim. Memini me clamantem, diem crebro junxisse cum nocte, nec prius a pectoris cessasse verberibus, quam rediret, Domino increpante, tranquillitas. Ipsam quoque cellulam meam, quasi cogitationum mearum consciam, pertimescebam: et mihi metus iratus et rigidus, solus desertam penetrabam: et sicubi concava vallium, aspera montium, rupium prærupta cernebam, ibi me orationis locus, ibi illud miserrimæ carnis ergastulum; et, ut ipse testis est Dominus, post multas lacrymas, post cælo inhærentes oculis, nonnunquam videbar mihi interesse agminibus angelorum; et lætus gaudensque dicebam: *Post te in odorem unguentorum tuorum cucurrimus* (*Cant. 1*). » Hactenus ipse.

Verum non jejuniæ solum, aliasque afflictiones, ad carnis impetus infrenandos, adhibebat, sed et jure studium litterarum: unde ipse ad Rusticum scribens hæc ait (*Hier., epist. 4*): « Dum essem juvenis, et solitudinis me desertam vallarent, incentiva vitiorum, ardoremque naturæ ferre non poteram: quem cum crebris jejuniis frangerem, mens tamen cogitationibus æstuabat; ad quam edomandam, cuidam fratri, qui ex Hebræis crediderat, me in disciplinam dedi, ut post Quintiliani acumina, Ciceronis fluvios, gravitatemque Frontonis, et lenitatem Plinii, D alphabetum discerem, et stridentia anhelantiaque verba meditarer. Quid ibi laboris insumperim, quid sustinuerim difficultatis, quoties desperaverim, quoties cessaverim, et contentione discendi rursus inceperim, testis est conscientia, tam mea qui passus sum, quam eorum qui mecum duxerunt vitam. Et gratias ago Deo meo, quod de amaro semine litterarum dulces fructus carpo. » Hæc ipse.

Baron., ad an. 372 et 378. — Ex multis vero ærumnis, quibus ibi graviter afflictatus est, illæ quidem sibi maxime visæ sunt; quod Occidentalis ipse homo, collegis parum cognitus, suspectæ illis fidei habebatur. Nam eandem prorsus calumniam, quam Paulinus episcopus Antiochenus (ut vidimus ex Epipha-

nio atque Theodoro) passus est a Vitale primum, ac deinde a Flaviano, cum ab eis Sabellianus appellaretur, pati cogitur sanctus Hieronymus in Syriae solitudine apud Chalcidem in cremo agens, quod communicaret cum eodem Paulino, a Meletii, puto, studiosis exagitatus; nominatus et ipse ab iisdem Sabellianus, adeoque vexatus, ut coactus fuerit inde recedere. Tradit hæc omnia ipse (*Hier., epist. 77*) scribens ad Marcum presbyterum Chalcidensem (e).

Profectio prima Jerosolymitana.

Anno Christi 378. *Baron., ad eundem an.* — Quo autem profectus sit ipse egressus ex Syriae eremo, certe quidem Jerosolymam ante abiisse, quam Romam veniret ad Damasum, ex ipsius assertione probatur, dum in præfatione ad Paulinum in Didymi commentarium de Spiritu sancto, recedens tunc Roma post obitum Damasi, se postliminio Jerosolymam reversum affirmat; et in epistola ad Asellam, quam, Roma egressus, navem conscensurus conscripsit, ait: « *Ora autem ut de Babylone Jerosolymam regrediar* (*Hier. epist. 99*). » Quibus intelligas jam ante ipsum Jerosolymis versatum fuisse, quam Romam veniret ad Damasum. Quantum vero temporis Jerosolymis manserit, haud satis liquet.

Profectio Constantinopolitana.

Anno Christi 379. *Baron., ad eundem an.* — Gregorii Nazianzeni fama per motus, impulsusque sanctus Hieronymus, una cum collega Vincentio, e Syria, tam longinquo terrarum spatio, contulit se Constantinopolim. Quantum autem temporis contigerit Hieronymum apud Gregorium Constantinopoli commorari, exactius inquiramus, ex consignata ab ipso superius ejus scriptionis chronographia, cum testatur se illa scripsisse, Gregorio ipso jam facto Constantinopolitano episcopo. Contigit id post annum sequentem.

Quod insuper se ibi Gregorium Nyssenum cognovisse testetur, quem tempore indictæ Constantinopolitanæ synodi illuc cum aliis episcopis contigit proficisci; ex his, inquam (si a præsentis anno numeres) invenies Hieronymum tribus ferme annis Constantinopoli audisse Gregorium. Ipse vero de Gregorio Nyssenito ita meminit: « Gregorius, Nyssenus episcopus, frater Basilii Cæsariensis, ante paucos annos, mihi et Gregorio Nazianzeno contra Eunomium legit libros (*Hieron., de Script. Eccles., in Gregor. Nyssen.*) », etc.

Profectio Romana.

Anno Christi 382. *Baron., ad eundem an.* — Trecentesimus octogesimus secundus Domini annus, consulatu Syagrii secundo cum collega Antonio annotatur: quo Romæ concilium celebratum est, ex episcopis diversarum provinciarum, nempe Orientis, aliarumque catholici orbis regionum.

Sanctus Hieronymus ad Principiam scribens tradit, se quoque tum Romam ex Oriente venisse, cum iisdem sanctis episcopis; nam ait de sancta Marcella: « Denique cum et me Romam, cum sanctis pontifi-

cibus Paulino et Epiphanio, ecclesiastica traxisset necessitas (*Hier. epist. 64*), etc. Indicat his sane verbis Hieronymus, se vocatum a Damaso.

Sed quod ait venisse Romam cum iisdem nominatis episcopis, haud puto intelligendum, eum Antiochia una cum Paulino solvisse, vel cum Epiphanio e Cypro insula. Nam cum ipsius sententia, ut dictum est superius, constet ipsum apud Gregorium Nazianzenum permansisse Constantinopoli usque ad tempus, quidem Gregorius episcopatum ejus Ecclesiæ consecutus est, plane apparet eum non ante præteritum annum recessisse Constantinopoli: quem quidem haud existimo Antiochiam reversum esse, ut cum Paulino et Epiphanio se Romam conferret; sed Damasi monitum litteris venturum Romam, iter per Græciam suscepisse, eoque tempore Athenas adire voluisse. Ipsum namque petiisse Athenas, verba hæc in commentariis in Zachariam fidem faciunt: « In arce, inquit, Atheniensium juxta simulacrum Minervæ, vidi sphaeram æream gravissimi ponderis, quam ego pro imbecillitate corpusculi movere vix potui. Cum quærerem quidnam sibi vellet, responsum est ab urbis ejus cultoribus, athletarum in illa massa fortitudinem comprobari, nec prius ad agonem quemquam descendere, quam ex levatione ponderis sciat quis cui debeat comparari (*Hieron., in Zachar. cap. xii*). » Hæc ipse. Sic igitur, qui Constantinopoli recedens per Græciam in Italiam venit, iisdem episcopis eodem tempore vocatis Romam venientibus potuit occurrere. Venisse creditur et ipse vocatus a Damaso papa, qui eo in responsionibus synodalibus uteretur. Contigisse autem videtur ipsius Hieronymi et aliorum episcoporum Romam adventus autumnali tempore; nam cum ad Asellam scribens dicat, se prope triennium Romæ mansisse, minime tamen absolvissse; rursusque ejusdem Hieronymi in apologia adversus Ruffinum assertione certum sit, ipsum mense Augusto Roma profectum, certe quidem ipsum hoc anno, autumnali (ut dictum est) tempore, vel hieme Romam venisse oportuit.

Profectio secunda Jerosolymitana.

Anno Christi 385. *Baron., ad ann. eundem.* — Anni trecentissimi octogesimi quinti exordio, nempe pridie Idus Januarii, cum vacasset sedes post obitum Damasi triginta et uno diebus, Siricius Romanus ex patre Tiburtio in ejus locum subrogatus est.

Cum autem non, ut Damasus fecerat, Siricius papa in conscribendis ejusmodi litteris, Hieronymi opera uteretur, neque eum, ut ille, quod par erat, amplecteretur atque foveret, mox pontificis Romani destitutus præsidio, idem Hieronymus acerbissimos pati cœpit persecutores, illos scilicet clericos quorum mores improbos scriptis editis suggillasset. Quamobrem ut se a concitato turbine liberaret, tranquillum cogitans portum, nempe tutam Jerosolymæ mansionem, illuc navigaturus, hoc anno ab urbe recedens, navim conscensurus, ad Romanum portum se contulit. Id quidem hoc anno factum esse, ex eo perspicuum redditur; cum enim ipse testetur (*Hier. epist.*

99) se pene triennium Romæ mansisse, pariterque A post obitum Damasi recessisse, constatque ex his quæ superius dicta sunt venisse Romam sub consulatione Antonii et Syagrii, anno Domini trecentesimo octogesimo secundo, ipsum hoc anno ab urbe oportuit recessisse. Præsenti igitur anno, Augusti mense, ad Romanum portum se conferens, navem conscendit, prout ipse satis aperte demonstrat in apologia adversus Ruffinum (*Hier., lib. II advers. Ruffinum*).

Porro qui fuerint Hieronymi in navigatione comites, et quando solverit e portu, idem in apologia adversus Ruffinum his verbis describit : « Vis nosse profectionis meæ de urbe ordinem ? narrabo breviter. Mense Augusto, flantibus Etesis, cum sancto Vincentio presbytero, et adolescente fratre (Paulinianus hic erat, quem ultimo loco natum, Romæ dum B esset, ad se ut veniret accersivit) et aliis 9 monachis, qui nunc Jerosolymis commorantur, navim in Romano portu securus ascendi, maxima mesanctorum frequentia prosequente. Veni Rhegium, in Scyllæo littore paululum steti, ubi veteres didici fabulas, et præcipitem fallacis Ulyssis cursum, et Sirenarum cantica, et insatiabilem Charybdis voraginem. Cumque mihi accolæ illius loci multa narrarent, darentque consilium ut non ad Protei columnas, sed ad Jonæ portum navigarem; illum enim fugientium et turbatorum, hunc securi hominis esse cursum, malui per Malæas et Cycladas Cyprum pergere; ubi susceptus a venerabili episcopo Epiphano, cujus tu testimonio gloriaris, veni Antiochiam, ubi frui sum C communionem pontificis confessorisque Paulini; et deductus ab eo, media hieme et frigore gravissimo, intravi Jerosolymam. Vidi multa miracula; et quæ prius ad me fama pertulerat, oculorum iudicio comprobavi. » Hactenus Hieronymus de suo adventu Jerosolymam.

Peregrinatio Ægyptiaca.

Anno Christi 386. *Baron., ad eundem an.* — Cum igitur Jerosolymam sanctus Hieronymus advenisset media hieme, haud dubium ibi moratus; profectus vero est postea in Ægyptum, discendi cupiditate plectus. Nam licet orbis pene totius magister exstisset, cum eum jam pridem etiam Damasus papa consulere consuevisset, cujus nomine ad consultationes episcoporum rescribens, omnes ferme Ecclesias docuisset; ibi tamen Didymum Alexandrinum D conveniens, ipsi se tradidit, ut discipulum, sacris litteris imbuendum. Testatur id ipse ad Pamma-

chium scribens his verbis : « Jam canis spargebatur caput, et magistrum potius quam discipulum decebat; perrexi tamen Alexandriam; audiivi Didymum, et in multis ei gratias ago: quod nescivi, didici; quod sciebam, illo docente non perdidici (*Hier. epist. 65*). » Atque alibi ad eundem : « Cum essem Alexandriæ, vidi Didymum, et eum frequenter adivi, virum sui temporis eruditissimum; rogavi que cum ut quod Origenes non fecerat ipse completeret, et scriberet in Oseæ commentarios; qui tres libros me petente dictavit, quinque quoque alios in Zachariam (*Hieron., proem. in Oseam*). » Hactenus ad Pammachium. Et ad sanctam Paulam : « Denique nuper ob hanc vel maxime causam Alexandriam perrexi, ut viderem Didymum, et ab eo in Scripturis omnibus, quæ habebam dubia, sciscitarem (*Hieron., in proem. l. IV Comment. in Epist. ad Ephes.*). » Hæc ad Paulam : quibus cum nullam mentionem habeat quod eam comitatus fuerit peregrinantem in Ægyptum, nec alibi, cum de ejusdem Paulæ profectione in eandem provinciam agit, se illi comitem inhæsisse dicat (*Hier. Epist. 27*), plane conjectura ducimur, Hieronymum nequaquam cum ea peregrinationem illam suscepisse. Cæterum ad modicum temporis spatium, nempe triginta tantum diebus commoratum esse Hieronymum Alexandriæ, Ruffinus exprobrat in invectiva; sed an vere, ipse scit.

Cæterum qui aliquantisper Didymum auditurus Alexandriæ consedit, antequam rediret in Palæstinam, Ægypti monasteria peragravit; de quibus ipse : « Contendi Ægyptum, lustravi monasteria Nitriæ, et inter sanctorum choros aspides latere perspexi (*Hier., Apolog. advers. Ruffinum*). » Per aspides enim se significasse Origenistas, ipsemet alias sæpe declarat; sed nos de his suo loco pluribus.

At quid postea egerit, mox subdit : « Protinus concito gradu Bethleem meam reversus sum, ubi adoravi præsepe et incunabula Salvatoris. Vidi quoque famosissimum lacum; nee me inertem tradidi otio, sed multa didici quæ ante nesciebam. » At quænam ista? alibi declarat his verbis post recensitum reditum ex Ægypto in Palæstinam : « Putabant me homines post auditum Didymum finem fecisse discendi; veni rursus Jerosolymam et Bethleem; quo labore, quo pretio Barrabanum nocturnum habui præceptorem? timebat enim Judæos, et mihi alterum exhibebat Nicodemum (*Hier. epist. 65*). » Hæc ipse.

ROSWEYDI NOTATIO.

11 (a) *Aquileiam pervenisse.*] Summa quidem laude (ait Baronius anno Christi 372) florebat tunc Aquileiensis Ecclesia, ubi extincto Fortunatiano episcopo, Arianæ sectæ fautore, eam Arianorum labe fœdatam, Valerianus vir sanctissimus, ab omni prorsus impietatis fœce purgavit, ut idem sanctus Hieronymus tradit (*Hier. epist. 43*); ascitisque ad officia ecclesiastica viris optimis ac eruditis sic clauit, ut de eis ipse Hieronymus in Chronico ita digne meminerit : « Aquileienses clerici, quasi chorus beatorum habentur. (*Hieron., in Chron., an. 11 Va-*

lent.). » Per quos omne « Ariani quondam dogmatis virus exclusum est (*Hier., epist. 43*). » Sed et quod, qui ibi erant clerici, essent et monachi, hoc præconio ex iisdem tres potissimum laudantur in Chronico, cum ait : « Florentius [Florentinus], Bonosus et Ruffinus, insignes monachi habentur: ex quibus Florentius tam misericors in egenos fuit, ut vulgo pater pauperum nominatus esset (*Hieron., in Chron., an. 13 Valent.*). » Ab hoc adjutum Heliodorum in Orientem peregrinationem confecisse, ejusque expensis Hieronymum complures libros exscribendos

curasse, ejusdem litteræ ad eundem datæ significant (Hier., *epist.* 5, 6); quibus rursus ejusdem viri misericordia erga pauperes commendatur, illis potissimum verbis: « Prætermitto innumerabiles, quibus Christum sustentasti, pavisti, vestisti, visitasti, » etc.

(b) *Evagrio presbytero Antiocheno.*] At quod primum (notat Baronius anno Christi 372) ad Evagrium Antiochenum spectat, hunc insigniter cruditum diximus jam superius temporibus Juliani Apostatæ, eumque una cum sancto Eusebio, episcopo Vercellensi, in Occidentem venisse; idque testificatione sancti Basillii, de eo ita testantis in epistola ad Euseblum Samosatentium (*Basil. *epist.* 8*), ubi ait ipsum redeuntem ex Italia ad se litteras attulisse.

(c) *Ad papæ Evagrii.*] Baronius, anno Christi 372. Nominat Hieronymus Evagrium papam, quod cum ipse senex ea scriberet, jam ipse Evagrius factus fuerat (ut suo loco dicemus) episcopus Antiochenus. Qui post, anno Christi 389, Theodosii senioris 11, ait eundem Evagrium factum episcopum Antiochenum, ex Theodoro, libro v, cap. 23; Socrate, lib. v, cap. 15; Sozomen., lib. vii, cap. 15; Ambrosio,

A *epist.* 78. Quem idem Baronius ait saltē pervenisse ad annum 14 Theodosii ex ipso Hieronymi catalogo, De illustribus Ecclesiæ scriptoribus, cap. ultimo.

(d) *Ad Theodosium, magni nominis virum.*] Quod autem ad Theodosium (monet Baronius ad annum Christi 372) anachoretam spectat, cujus precibus adjutus sanctus Hieronymus monasticæ vitæ arduum institutum animo ardenti arripuit; idem ille est qui hoc tempore in iis regionibus egregia claruit sanctitate. Cujus res præclare gestas Theodoretus conscripsit (Theodoret., in *Philot.*, cap. 10); eumque patria Antiochenum, eo sanctitatis pervenisse tradit, ut nautæ, ejus nomine invocato, tempestatem maris ingruentem sedarent: quem Antiochiæ defunctum affirmat, sepulturaque sanctorum honorifice tumulatum.

(e) *Chalcidensem.*] Ut habet vetus exemplar, non *Celedensem*: degebat enim ipse, ut dictum est, in Syriæ solitudine Chalcidensi. Ita Baronius, ad annum Christi 378. Sed alii libri *Celedensem* præferunt, uti apud eundem occurrit epistola 79. Annianus, *Celedensis* pseudodiaconus.

INDEX VITARUM LIBRI PRIMI.

VITÆ VIRORUM

- Sancti Pauli primi eremitæ, auctore divo Hieronymo presbytero (10 *Jan.*).
 Sancti Antonii abbatis, auctore sancto Athanasio, episcopo Alexandrino; interprete Evagrio, presbytero Antiocheno (17 *Jan.*).
 Sancti Hilarionis monachi, auctore divo Hieronymo presbytero (21 *Octob.*).
 Sancti Malchi, captivi monachi, auctore divo Hieronymo presbytero (21 *Octob.*).
 Sancti Onuphrii eremitæ, auctore Paphnutio abbate, interprete anonymo (12 *Junii*).
 Sancti Pachonii, abbatis Tabennensis, auctore Græco incerto, interprete Dionysio Exiguo, abbate Romano (14 *Maii*).
 Sancti Abrahamæ eremitæ, auctore sancto Ephræm archidiacono, interprete anonymo (16 *Mart.*).
 Sancti Basillii, Cæsareæ Cappadociæ archiepiscopi, auctore Amphilochio Iconiensi episcopo, interprete Urso S. R. E. subdiacono (1 *Jan.*).
 Sancti Ephræm Syri, diaconi Edessæ, auctore Græco incerto, interprete Gerardo Vossio (1 *Febr.*).
 Sancti Simeonis Stylitæ, auctore Antonio ejus discipulo (5 *Jan.*).
 Sancti Joannis Eleemosynarii, auctore Leontio, Neapoleos Cyprorum episcopo, interprete Anastasio S. R. E. bibliothecario (23 *Jan.*).
 Sanctorum Epicteti presbyteri, et Astionis monachi, auctore incerto (8 *Julii*).

Sancti Macarii Romani, servi Dei, qui inventus est juxta Paradisum, auctoribus Theophilo, Sergio, et Hygino (23 *Octob.*).

Beati Posthumii, Patris quinque millium monachorum, incerto auctore.

Sancti Frontonii abbatis, incerto auctore (14 *Apr.*).

Sanctorum Barlaam et Josphat, auctore Joanne Damasceno, interprete Jacobo Billio (27 *Nov.*).

VITÆ MULIERUM.

- C Sanctæ Eugeniæ virginis ac martyris, auctore incerto (25 *Dec.*).
 Sanctæ Euphrasiæ virginis, auctore incerto (13 *Mart.*).
 Sanctæ Euphrosynæ virginis, auctore incerto (4 *Jan.*).
 Sanctæ Mariæ meretricis, neptis Abrahamæ eremitæ, auctore sancto Ephræm archidiacono, interprete anonymo (29 *Octob.*).
 Sanctæ Thais meretricis, auctore incerto (8 *Octobr.*).
 Sanctæ Pelagiæ meretricis, auctore Jacobo diacono, interprete Eustochio (8 *Octobr.*).
 Sanctæ Mariæ Ægyptiacæ meretricis, auctore Sophronio Jerusalemitano episcopo, interprete Paulo diacono sanctæ Neapoleos Ecclesiæ (2 *Apr.*).
 Sanctæ Mariæ virginis, auctore incerto (12 *Febr.*).
 Beatæ Fabiolæ, auctore divo Hieronymo presbytero.
 Sanctæ Paulæ Romanæ viduæ, auctore divo Hieronymo presbytero (26 *Jan.*).
 Sanctæ Marcellæ viduæ, auctore divo Hieronymo presbytero (31 *Jan.*).

DE VITIS PATRUM

LIBER PRIMUS

AUCTORE DIVO HIERONYMO PRESBYTERO
ET ALIIS VARIIS

PRÆLUDIA IN VITAM SANCTI PAULI

PRIMI EREMITÆ

SIVE

13 DE HOC IPSO PAULO EJUSQUE VITA TESTIMONIA.

Gelasius, dist. 15, cap. Sancta Romana Ecclesia. A
Vitas Patrum, Pauli, Antonii, Hilarionis et omnium eremitarum, quas tamen vir beatus scripsit Hieronymus, cum omni honore suscipimus.

Hieronymus, in Chronicis, anno 19 Constantii Junioris.

Antonius monachus, centesimo quinto ætatis anno, in eremo moritur; solitus multis ad se venientibus, de Paulo (a) quodam Thebæo, miræ beatitudinis viro, referre complura: cujus nos (b) exitum brevi libello explicavimus.

Idem, epist. 21 ad Paulum Concordiensem.

Misimus interim te tibi, id est, Paulo seni Paulum seniore (c); in quo propter simpliciores quosque multum in delectando sermone (d) laboravimus. Sed nescio quomodo, etiamsi aqua plena sit, tamen eundem odorem lagena servat (e) quo dum rudis esset imbuta est.

Idem, Catal. illustr. Ecclesiæ Script., cap. 185.
Scripsi vitam Pauli monachi.

Idem, epist. 22, ad Eustochium.

Hujus vitæ auctor Paulus, illustrator Antonius, et ut ad superioria conscendam, princeps Joannes Baptistæ.

Idem, epist. 27, ad Eustochium.

Paula sola, si dici potest, et incomitata, ad eremum Antoniorum atque Paulorum pergere gestiebat. *Paulinus, prologo vitæ sancti Ambrosii, 4 Aprilis.*

¶ Hortaris, venerabilis Pater Augustine, ut sicut beati viri, Athanasius episcopus et Hieronymus presbyter, stylo persecuti sunt vitam sanctorum Pauli et Antonii, in eremo positorum, etc.

Sidonius, carmine xvi Eucharistico, ad Faustum.

Nunc vocat in tunica nudus te Antonius illa, Quam fecit palmæ foliis (f) manus alma magistri.

ROSWEYDI NOTATIO.

(a) Paulo] Pauli primi eremitæ nativitas et obitus, quia nullis consiliis vel imperatorum annis assignata habentur, investiganda sunt ex ætate Antonii, ut recte monuit illustrissimus Baronius: Antonii vero natalem diem et mortualem, expressum habemus in Chronico Eusebii et Hieronymi, certis imperatorum annis. Quibus Christianos ex postrema Pontaci et Scaligeri editione adjungam, quia posterioribus sunt appositus, cum in Ms. vetustis desint.

Illud ante moneo, Baronium vitiosa editione Eusebii usum, quæ Antonii obitum ponit anno 21 Constantii Junioris. Quare sequar ms. Codicem amandinum Eusebii, quo utor, ab annis 1000 scriptum capitalibus litteris, quod indicium antiquitatis est. Cum quo Pontaci et Scaligeri editio hoc quidem loco conspirat. Vitiosam eam editionem esse, qua usus est Baronius, probabo fusius ad vitam sancti Antonii.

Antonii igitur natalis dies in eo assignatur anno 1 Decii imperatoris quem Pontacus statuit Christi 251, Scaliger 252; mortualis vero anno 19 Constantii Junioris, quem Pontacus statuit Christi 359, Scaliger 357. Cumque hoc posteriore loco in Chronico dicatur Antonius ætatis suæ anno 105 obiisse, juste tantum inter annum 1 Decii et 19 Constantii Junioris intercedit.

Et quidem hac ratione juxta calculum Pontaci et Scaligeri, annus 1 Decii non annumeratur inter annos ætatis Antonii. Alias enim cvi anni ætati Antonii tribuerentur. Qui tamen annumerandus sit annus 1 Decii, et non nisi cv anni inde ad 19 Constantii Junioris annum exsurgant, dicam ad vitam Antonii.

Jam vero, cum in vita Pauli dicatur Antonius fuisse x cum Paulum invisit, quo ipso tempore Paulus obiit cxiii existens annorum, ut in eadem Vita habetur; et Antonius vixerit cv annos, ut jam dictum, sequitur Antonium supervixisse Paulo annis xv.

Pauli igitur obitus statuendus est xv annis ante mortem Antonii. Cum autem Antonius obierit anno 19 Constantii seu Christi 359 secundum Pontacum, vel 357 secundum Scaligerum, manifeste deductur Paulum obiisse anno 4 Constantii, qui est Christi 344 putatione Pontaci, vel 342 putatione Scaligeri.

Unde natalis Pauli statuendus est anno 7 Alexandri imperatoris qui est annus Christi 231 juxta Pontacum, vel 229 juxta Scaligerum.

Ergo anno 5 Gordiani, qui est Christi 245 secundum Pontacum, vel 243 secundum Scaligerum, agebat Paulus annum 15, qui annorum circiter xv dicitur fuisse ab Hieronymo, cum post mortem parentum relictus est hæres.

Cum vero Hieronymus dicat in ejus Vita, cum eo-

cessisse in villam remotiorem, « cum persecutionis A procella defonaret, » scilicet Decii et Valeriani, de quibus apud eum præcedit; si ad annum 1 Decii fugam Pauli referas, qui est 254 secundam Pontacum, vel 252 secundum Scaligerum, sequitur tunc Paulum fuisse annorum XXIV.

Cæsar certe Baronius (ut in notationibus ad hanc Vitam fusiis) Pauli fugam Decii anno 1 ponit, cui parallelum facit Christi annum 253; ejusdem vero obitum statuit anno 7 Constantii, Christi vero 343. Sed inemendatum, ut dixi, secutus est Eusebii codicem, in anno mortis Antonii, quem fundum suæ structuræ statuit; quo labefactato, corruiere reliqua necesse est.

Mirus Florarii sanctorum ms. calculus, quod Pauli obitum ad Christi annum 355 refert; mirabilior vero Theodorici Loher a Stratis, qui Coloniensem editionem Vitarum Patrum curavit. Ille enim ad finem vitæ Pauli annotavit, obiisse eum circa annum Domini 287, qui erroneum eum calculum a Petro in Catalogo sanctorum, lib. II, cap. 60 accepit.

(b) Nos] Baronius, tom. III, anno Christi 343, Constantii et Constantii imperatorum 7. Cujus (Pauli) quidem vitæ historiæ, divina ¶ 5 Providentia bene consultum voluit, ut a sancto Hieronymo scriberetur, viro ab omni fabularum commento longissime abborrente, et qui non nisi sibi exploratissima, stylo suo, perpetuæ memoriæ potuerit consecrasse; cum præsertim sui sæculi res gestas conscribens, a quovis prudente mendacii redargui valuisset, atque a quolibet e vulgo homine pariter derideri; et qui sciret se adversarios emunctæ naris habere, quamlibet, levisimam licet, occasionem captantes ipsius scripta carpenti.

At (quod dolendum est) quæ tot succedentia sibi sæcula assidua lectione probarunt, et venerata sunt scripta, effugere minime poterunt nostri temporis Hagiomachos Aristarchos, ex Hippocentauro atque Fauno, quorum in ejus vitæ Actis mentio habetur, ducentes argumentum, totum id, quod scribitur ludicrum esse commentum. Hactenus Baronius.

Qui autem illi Hagiomachi sint, qui vitam hanc commentum esse censuerint ludicrum, ob memoriam in ea Hippocentauriatque Fauni, mihi inexploratum est. Imo vero ludicrum eorum argumentum esse, patebit notatione ad eum locum. Alia ratione Erasmus et Magdeburgenses Centuriatores lusisse in hac Vita volunt sanctum Hieronymum: de quo mox.

(c) Paulo seni Paulum seniore] Nam Paulus Concordiensis centenarius tantum erat, ut eadem epistola exprimitur: « Ecce jam centenus ætatis circulus volvitur. » Paulus vero, primus eremita, centum et tredecim annorum, ut habetur in ejus Vita. De Paulo Concordiensi idem divus Hieronymus de illustr. Eccles. Scrip., cap. 53, in Tertulliano: « Vidi ego quemdam Paulum Concordiæ, quod oppidum Italiæ est, senem, » etc. De eodem forte divus Hieronymus, epist. 6, ad Florentium: « Scripsit mihi et quidam de patria supradicti fratris Ruffini, Paulus senex, Tertulliani sui Codicem apud eum esse, » etc.

(d) In dejiciendo sermone.] Mirus Novatorum genius, qui volunt Hieronymum non versatum hic serio sed lusisse exercendi ingenii causa. Ita ex Erasmo Magdeburgens. centur. IV, cap. 10. Quos vel hic solus locus refutet, quo testatur se tantum abfuisse ab eo, ut rhetorum more stylum hic suum exerceret et extolleret, ut ex industria potius eum, in simpliciorum gratiam, conatus sit dejicere.

Quibus egregie annectit Alanus Copus, vir eruditissimus, dial. II. cap. 14. At isti, inquit, potius novi ex Magdeburgo rhetores, nimium in rebus seriis ludunt, et orbinefarie hic illudunt. Atque o stultum et hebetem Gelasium, qui inter Vitas Patrum hanc historiam ex Hieronymi auctoritate, non joco, sed serio, ponit (Gelas., d. 15, c. Sancta). Quæ tamen incredibilis stupiditas (sistos tam acutos disputatores audiamus) non in Gelasio solum sed in tota

Græca atque Latina Ecclesia hactenus locum habuit. Quo quid vanius dici aut fingi potest?

Quod, ut omnem aliunde auctoritatem seponamus, ipsa narrationis series, et ea præsertim clausula quæ narrationem terminat, perspicue demonstrat. « Obsecro, inquit, quicumque hæc legis, ut Hieronymi peccatoris memineris, cui si Dominus optionem daret, multo magis eligeret tunicam Pauli cum meritis ejus, quam regum purpuram cum regnis suis. » An hæc ludentis oratoris videntur? pauca certe ista verba non paucas plagas Magdeburgensibus inferunt, ut vel propter ea totam historiæ fidem labefactatam cupeant. Ecce enim memoriam et preces pro defuncto; ecce monachi vestem summo loco habitam; ecce demum monachorum merita (quos cum eorum meritis, quæ nec in eis, nec in quoquam sancto ulla esse dicunt, odiosissima isti exagitant) totis regnis ab Hieronymo præposita.

Qui si nihil aliud, quam periculosa quadam rhetorica, de tanto Patre, et tam seriis rebus ludat; tanquam vafritie sub historiæ titulo fabulam concinet; non jam dignus est cujus quisquam apud Deum reminiscatur, sed quem omnes potius boni ab eo ita illius exsecrentur.

Sed bene est, et res omnino in tuto, neque nostra defensione opus habet. Hieronymus enim quasi prævidisset, Magdeburgenses istos olim orituros, et se et Paulum suum, atque Hilarionem quoque, contra istorum ineptias et calumnias defendit. « Maledicorum, inquit, voces contemnimus, qui olim detrahentes Paulo meo, nunc forsitan detrahent et Hilarioni; illum solitudinis calumniati, huic objicientes frequentiam; ut, qui semper latuit, non fuisse; qui a multis visus est, vilis existimetur. Fecerunt hoc et majores eorum quondam Pharisæi, quibus nec Joanis eremus ac jejunium, neque Domini Salvatoris turbæ, cibi, potusque placuerunt. Verum destinato operi imponam manum, et Scyllæos canes obturata aure transibo. »

(e) Eundem odorem lagena servat.] Eadem phrasi et similitudine sæpius utitur divus Hieronymus: ut epist. 7, ad Lætiam: « Recens testa diu et saporem retinet, et odorem, quo primum imbuta est. » Idem, l. I Apolog. adversus Rufinum: « Si litteras didicisses, oleret testa ingenioli tui, quo semel fuisset imbuta. » Et in cap. 1 ad Ephesios: « Qualisque fuerit liquor, qui novæ testæ infusus est, talem diu testa et odorem retinet, et saporem » Expressum est ex illo Horat. ep. 11:

Quo semel est imbuta, recens servabit odorem
Testa diu....

¶ (f) Quam fecit palmæ foliis.] Hieronymus in ejus Vita, cap. 5: « Cibum et vestimentum ei palma præbebat. » Et cap. 40: « Contextis palmarum foliis vestiebatur. » Et cap. 13: « Quam in sportarum modum, de palmæ foliis ipse sibi contexerat. » Quam postmodum pius hæres Antonius ex intestati bonis possedit, ut habes cap. 43.

Quæret hic aliquis cur tam pauci veterum Pauli Thebæi meminerint? Respondeo, quia totam pene ætatem in eremo vixit, ignotus omnibus, sibi Deoque tantum notus. De quo non nisi Antonii relatu pauca quædam cognita. « Nam quomodo in media ætate vixerit, aut quas Satana pertulerit insidias, nulli hominum compertum habetur, » ut ait Hieronymus in prologo ad hanc Vitam. Quare ipse de principio tantum et fine Pauli pauca se scripturum proficitur, quod ea res ad suam usque ætatem ommissa fuerat. Quam causam quoque fuisse existimo cur Hieronymi adversarii jam olim, ut ante vidimus, de Paulo hoc Thebæo dubitaverint, existimantes eum non fuisse qui semper in solitudine vixerit, et cujus proinde nulli, præter unum Hieronymum meminissent.

Unde colligi quoque potest divum Hieronymum Pauli cremitæ gesta posterorum memoriæ primum scriptis prodidisse. Nam et si in Bavarica Bibliotheca quædam Græce existent, quæ cum Hieronymianis

conveniunt, paucis exceptis, quæ Hieronymus intermixta habet; ea tamen existimarim ex Latino Hieronymi textu post translata. Quod si ea Hieronymi ætate existissent, ipseque ea vidisset, eorum utique meminisset: nec dixisset, de Antonio « tam Græco quam Romano stylo diligenter memoriæ traditum; » de Paulo vero, quod « res omissa est. »

Existimo autem Hieronymum hæc sua de Paulo ex Amatha et Macario Antonii discipulis didicisse, qui illi indicarunt Paulum Thebæum principem rei eremiticæ fuisse.

Quando vero Hieronymus Vitam Pauli in litteras

A retulerit, nescio an alicunde colligi possit. Ex prologo hujus Vitæ colligitur eam scriptam, cum adhuc Amathas et Macarius, discipuli Antonii, in visiverant. Ait enim de iis: « Etiam nunc affirmant. » Quod si lectio veterum editionum et quorundam manuscriptorum librorum vera est cap. 5 hujus vitæ, videtur in Syriæ eremo eam scripssisse. Ita enim habet eo capite: « In ea parte eremi, quæ juxta Syriam Saracenis jungitur, et vidisse me monachos et videre. » Quanquam istud, *et videre*, abest a quibusdam Mss. et recentioribus editionibus.

JANUARI X

VITA SANCTI PAULI

PRIMI EREMITÆ

AUCTORE DIVO HIERONYMO PRESBYTERO

(Hujus Vitæ textum videsis inter opera sancti Hieronymi, Patrol. tom. XXIII, col. 17, a Vallarsio Maffeoque editum et annotatum. Hic tamen Rosweydi annotationes, quia maximi sunt momenti, exscribere juvat, rem lectoribus gratissimam agere arbitantes. Loca notarum initio citata asterisco notamus sicubi a Vallarsiano textu variant.)

ROSWEYDI NOTATIO.

¶ Vita] Erasmus ait tantam in exemplaribus B fuisse varietatem, ut appareat divum Hieronymum sæpius idem argumentum aliis tractasse verbis; aut alium exercendæ copiæ causa hoc fecisse. Ego vero tantam varietatem non invenio, nec in impressis, nec in manuscriptis exemplaribus. Quædam subinde verba mutata inveni, librarium vel incuria vel audacia. Sed vetustissimam semper lectionem expressi.

Sancti Pauli.] Martyrologium Romanum, 10 Januarii: « In Thebaide natalis beati Pauli, primi eremitæ, qui a sexto decimo ætatis suæ anno usque ad centesimum decimum tertium solus in eremo permansit. Cujus animam inter apostolorum et prophetarum choros ad cælum ferri ab angelis sanctus Antonius vidit. Ejus autem dies festus XVIII Kal. Februarii celebratur. » Nihil de hoc in Menologio. Menæa breve vitæ compendium habent 15 Januarii.

De eo paria cum Martyrologio Romano habet Beda, Usuardus, Rhabanus, Ado, Notkerus, præter clausulam de festo XVIII Kal. Februarii celebrato. Pauli etiam meminit Hieron. epist. 13 ad Paulinum; Cassianus, collat. 18, cap. 5 et 6; sanctus Aldelmus, de Laud. virgin., lib. 1, cap. 31; Isidorus, lib. 11, de Offic., cap. 15; Vincentius, Specul. histor. lib. 11, cap. 86, et duobus sequentibus; Antoninus, Chronic., parte 11, tit. xv, cap. 3; Petrus Equilinus, in Catalogo sanctorum, lib. 11, cap. 60.

Quod vero Petrus Galesinius, suis ad Martyrolog. Rom. notationibus 10 Januarii ait, hujus Pauli meminisse Cassiodorus lib. 1, cap. 11, Tripart. Hist., et Heraclidem multis locis, omnino labitur. Eo enim loco Cassiodorus ex Sozomeno Pauli Simplicitatis meminit. Heraclides vero, non Pauli primi eremitæ, sed etiam Pauli Simplicitatis, et aliorum Paulorum mentionem facit.

Primi Eremitæ.] Rodolphus Hospinianus, de Orig. Monach., lib. 11, cap. 1. Piamon, inquit, abbas, apud Cassianum, collat. xviii, cap. 4. eos anachoretas, id est, secessores vocat, qui prius in cœnobii instituti, solitudinis elegere secreta. Similia habet libro v Instit., cap. 36. Sed dum, subdit hæreticus, auctores horum primos scribit collat. xviii, cap. 6, vel Paulum quemdam Thebæum, vel Antonium Ægyptium, facile erroris convinci-

tur Piamon, cum neuter horum prius in cœnobii institutus fuerit.

Sed ineptit hæreticus, nullam non sanctis viris obrectandi occasionem captans. Non enim vult Piamon omnes omnino anachoretas ex cœnobiiis prodiisse, sed suo tempore ex secundissima cœnobiorum radice, sanctorum etiam anachoretarum post hæc flores fructusque prolatus esse: id est, cœnobii fuisse anachoretarum seminaria; licet Paulus et Antonius, hujus professionis principes, non e cœnobiiis, sed e domo paterna, quisque peculiari ratione, ad eremum provolarit.

A quo potissimum monachorum eremus habitare capta sit.] Varia de primo eremi habitatore opinio, quæ jam a plerisque asceticorum, scriptoribus excussa. Vide Bellarminum, tom. II, controvers. 11 gener.; lib. 11 de Monachis, cap. 39, quod est de Eremitis, ubi et hæreticorum calumnias contra hunc ordinem et statum egregie refutat.

Quod hic divus Hieronymus subdit, de Joanne, Paulo et Antonio, habet et epist. 22, ad Eustochium: « Hujus vitæ auctor Paulus, illustrator Antonius; et, ut ad superiora conscendam, princeps, Joannes Baptista fuit. »

A beato Elia et Joanne.] Hujus opinionis crebra apud sanctos Patres et historicos mentio. Basilus, epist. ad Chilonem: « Ἐνταῦθα τὸ ὄρος τὸ Καρμηλίον, ἐν ᾧ Ἡλίας αὐλιζόμενος τῷ Θεῷ εὐηρέστηκεν, etc. Ἐνταῦθ' ἡ ἔρημος, ἐν ἧ ὁ μακάριος Ἰωάννης ἀκριδοφαγῶν, μετάνοιαν τοῖς ἀνθρώποις ἐκήρυξεν, « Hic mons celebris, Carmelus, in quo Elias demoratus perplacuit Deo, etc. Hic sita eremus est, in qua beatus Joannes, esitans locustas, formulam prænitentiæ hominibus perficiendæ, sua prædicatione præscripsit et vulgavit. » Gregorius Nazianzenus, orat. v. seu apologet. post reditum ex fuga, Ἠλλοῦ περιενόουν τὸν Κάρμηλον, καὶ Ἰωάννου τὴν ἔρημον. « Elia Carmelum animo agitabam, et Joannis desertum. » Idem de iisdem, orat. xxv. Joannes Chrysostomus, homil. 69 in Matth. vestium inter monachos usum ad Elia, Elisei et Joannis Baptistæ exemplum refert. Theophylactus, in cap. 1 Lucae: « Ἐν δυνάμει καὶ πνεύματι Ἰλλοῦ ἔλθεν ὁ Ἰωάννης, διότι ἐρημίτης ἦν καὶ αὐτός, καὶ ἀπέριτος. « In virtute ac Spiritu Elia venit Joannes, eo quod eremita fuit etiam ipse, et frugalis vitæ. » Cassianus, collat. xviii, cap. 6: Vastos eremi re-

cessus penetrare non timeant, ad imitationem sci- A
licet Joannis Baptistæ, qui in eremo tota permansit
ætate; Eliæ quoque et Elisei, » etc. Vita Pachomii,
cap. 1 : « Antonius magni Eliæ atque Elisei nec
non et sancti Joannis Baptistæ æmulator existens. »
Sozomenus, libro 1, capite 12 : Ταύτης δὲ τῆς ἀρσῆτος
φιλοσοφίας ἤρξατο μὲν, ὡς τινες λέγουσιν, Ἡλίας ὁ προ-
φήτης, καὶ Ἰωάννης ὁ Βαπτιστής. « Hanc præclaram
vivendi rationem primus, uti quidam memorant, in-
stituit propheta Elias, et Joannes Baptista. » Idem
apud Niceph., lib. VIII, cap. 39.

De Elia, Hieron., epist. 13, ad Paulinum : « Nos-
ter princeps Elias, noster Eliseus, nostri duces filii
prophetarum, qui habitabant in agris et solitudini-
bus, et faciebant sibi tabernacula juxta fluentia Jordanis (IV Reg. VI). »

De Joanne, Chrysostomus, homil. 1 in Marcum :
« Sicut sacerdotum principes sunt sacerdotes apo-
stoli, sic monachorum princeps Joannes Baptista
est. » Et apud eundem, hom. de Joanne Baptista :
« Considerate, monachi, dignitatem vestram. Joannes
vestri princeps est dogmatis ; ipse monachus statim
ut natus, in eremo vivit, in eremo nutritur. » Et
Hieronimus, epist. 22, ad Eustochium, cujus verba
ante dedi.

De utroque, solitariam vitam agente, idem Hieronimus, in cap. VII Micheæ ; et Isidorus, lib. II, c. 15, de Div. Offic.

Amathas vero et Macarius discipuli Antonii] Tres
fuerunt celebres sancti Antonii discipuli de qui-
bus divus Hieronymus, in Chron., anno 19 Con-
stantii Junioris ; Christi 367 secundum Scaligerum,
vel 359 secundum Pontacum : « Sarmata, Amathas,
et Macarius, discipuli Antonii insignes habentur. »
Sed et Amathæ et Macarii meminit Palladius, Historiæ
Lausiacæ cap. 25. Porro Macarius hic Antonii
discipulus videtur fuisse Macarius Alexandrinus, de
quo Palladius, cap. 10, narrat mirandum quid, quod
coram Antonio contigit. Quem ait fuisse quoque
presbyterum Cellarum, uti alterum 26 Ægyptium
Macarium, presbyterum Scetes, de quibus plura
lib. II, hic. Quare non recte Petrus, in Catal. lib. II,
cap. 35 et 81, Macarium Ægyptium facit Antonii
discipulum.

Quorum superior magistri corpus sepelivit.] In-
telligit, opinor, Hieronymus Amatham ; ille enim
superior, seu præcessor Macarii, in hac Hieronymi
narratione. Quare miror in Vita sancti Posthumii esse,
cap. 7, infra : « Macario, de quo sæpe diximus corpus
sepelisse magistri. » Nisi quis vocem, superior,
ad proximum referri velit, qui est Macarius. Ita nul-
lus dissensus erit. Palladius, cap. 25 utriusque Anto-
nii sepelitionem tribuit : « Cum ergo venissem ad
ejus monasterium, quod est propter fluvium, in quo
sedebant ejus discipuli Macarius et Amathas, qui
eum etiam, cum dormisset, sepelierunt. »

*Principem istius rei fuisse. Quod non tam nomine
quam opinione, nos comprobamus*] Hic Codices mire
variant. Quidam habent : *Principem istius rei fuisse.*
Quod non tam opinione, quam nomine. Alii : *Principem
istius rei, non tantum nominis fuisse. Quam opinio-
nem.* Nonnulli : *Principem istius rei fuisse, sed nomi-
nis. Quam opinionem.* Quæ varietas haud dubie
nata ex sensus difficultate. Receptior lectio est,
quam in textu expressi.

De cujus etiam sensu dissensus est. Matthæus Galenus Westcapellius, cap. 4 Orig. monastic., existimat divum Hieronymum dicere Paulum Thebæum eremiticæ vitæ principem fuisse, quod non tam nomine (puta Amathæ et Macarii discipulorum sancti Antonii, qui id affirmabant) quam opinione, nos quoque probamus. Mihi videtur genuinus divi Hieronymi sensus esse, quod opinione et sententia sua Paulus princeps eremiticæ vitæ fuerit, non tantum nomine ; id est, quod vere eremiticæ vitæ princeps fuerit Paulus, non tantum ita vulgo (seu vere seu falso) nominetur.

Subterraneo specu eritum calcaneo tenuis hominem.] Talis describitur sanctus Macarius Romanus hic post in ejus Vita cap. 15 : « Capilli capitis totum viri corpus operuerunt. » Sed ille sancto Paulo Thebæo posterior ; quia vixit post imperium Juliani, ut habetur in ejus Vita. Quanquam, cum tunc valde senex fuerit, quod indicant cani in star nivis, potuit fuisse cœvus sancto Paulo. Tali capillitio et sanctus Onuphrius, infra, in ejus Vita, c. 2 : « Cui tanta capillorum prolixitas erat, ut corpus illius ipsorum diffusionem tegetetur. » Hic etiam sancto Paulo fuit posterior. Cujus et probata vita. Quare ad aliam aliquam de fictitio eremita fabulam divus Hieronymus hic respexerit.

Quia de Antonio, tam Græco quam Romano stylo.] Sancti Antonii vitam Græce scripsit sanctus Athanasius, Latine Evagrius Antiochenus, ut post fuse videndum.

Sub Decio et Valeriano persecutoribus.] Baronius, anno Christi 253, Decii primo. Cum sub Decio B et Valeriano Hieronymus Paulum dicat factum extorrem, ea de causa Valerianum apposuit, quod Decio in Persas proficiscente, ut dicemus, Valerianus Romæ principis vicem ageret, et Christianos edictis exagitaret.

Idem eodem anno. Hoc item primo Imperii sui anno Decius, comparato exercitu bellum suscepturus adversus Persas, reliquit Romæ Valerianum, cui ex Senatus consulto (ut tradit Trebellius) summam contulit potestatem ; sic enim illi censuram tribuit, ut addiderit et legum scribendarum facultatem. Indeque accidit, vi in edictis nomina inscriberentur Decii atque Valeriani. Quorum nominibus exstat edictum de persecutione adversus Christianos in Actis sancti Mercurii martyris, licet et Augusti nomen Valeriano legatur inditum. Quod tamen potius additum postea, quam tunc inscriptum putamus.

Idem eodem anno. Quamobrem actum est ut suo etiam nomine (Valeriani) inscriberentur leges, et in C Christianos promulgarentur edicta ; adeo ut eadem persecutio utriusque nomine, nempe Decii et Valeriani, censeretur, eoque nomine perseveraret in posterum ; quod eo semel eorum qui justissimi ac sanctissimi haberentur, persecutio nobilitata nominis titulo, quo religiosior ac justior haberetur, eo licentius grassaretur in Ecclesiam Christi.

Ex his igitur complures tricæ atque ambages solvuntur, dum plerique martyres in persecutione Decii et Valeriani una passi esse leguntur ; quos constat non simul eodem, sed diverso tempore imperasse, et quod nonnulli, quos perspicuum est passos esse sub Decio, iidem sub Valeriano martyrium pariter exegisse traduntur ; et quos sustulit Valeriani persecutio, iidem sub Decio et Valeriano passi legantur. Hæc qui non considerat, innumeris se ac plane insolubilibus implicet erroribus necesse est, feraturque per devia, atque multiplicibus viarum anfractibus distineatur. Vide et eundem Baronium, ad Martyrologium Romanum, 10 Augusti.

Quo tempore Cornelius Romæ, Cyprianus Carthagine.] Baronius, anno Christi 253, Decii 1. Quod ait (Hieronymus) tunc Paulum deserta petissee, cum Cornelius Romæ et Cyprianus Carthagine subiere martyrium, sic intelligendum est, eadem persecutione urgente Paulum secessisse, qua Cornelius et Cyprianus martyrio sublati sunt. Nam licet non simul regnarint Decius atque Valerianus, fueritque brevi aliquo pacis interstitio ea persecutio interrupta, tamen quod iidem edictis, quibus promulgata, etiam continuata, ac iterum repetita fuerit, una eademque censetur ; ac Decii pariter et Valeriani nomine dicta.

Cornelius Romæ.] Cornelii papæ memoria in Martyrologio Romano, 14 Septembris : « Romæ via Appia beati Cornelii papæ et martyris, » etc., quem Baronius, in Annalibus, anno Christi 253

Galli et Volusiani imp. 2, coronatum mysterio asserit.

Cyprianus Carthagine.] Et hujus celebris memoria in Martyrologio Romano, 14 Septembris : « In Africa passio sancti Cypriani, episcopi Carthaginensis, » etc., quem martyrii laurea decoratum ponit Baronius anno Christi 261.

Multas apud Ægyptum et Thebaidam ecclesias tempestas sæva populata est.] Lege apud Eusebium, lib. vi. cap. 33 et 34 epistolam Dionysii episcopi Alexandrini, qua tempestatis hujus procillas in Ecclesiam Alexandrinam accumulatur. Quas fusius explicatas habes apud Baronium, anno Christi 253, Decii 1.

Thebaidam.] Solemnis Hieronymi et supra ævi terminatio, *Thebaida*, pro *Thebais*. Sic in Vita sancti Sebastiani, 20 Januarii, *Persida* pro *Persis*. Vide, infra, Onomasticon.

Hostis callidus tarda ad mortem supplicia conquirens] Cyprianus, epist. 8, de hac persecutione Deciana : « Tormenta venerunt, et tormenta sine fine tortoris, sine exitu damnationis, sine solatio mortis ; tormenta quæ ad coronam non facile dimittant, sed tam diu torqueant quam diu dejiciant, nisi si aliquis divina dignatione subtractus, inter ipsa tormenta profecerit, adeptus gloriam, non termino supplicii, sed velocitate moriendi. » Acta M. sancti Gorgonii M. tempore Diocletiani : « Graticula non ad subitum, sed sensim paulatimque succenditur, ut martyrii labor tanto foret crudelior, quanto fuerat inter moras incendiis prolixior. »

Volentibus mori non permittitur occidi.] Cyprianus, epist. 53, ad Fortunatum et collegas ejus : « Quos videmus non animi infirmitate cecidisse, sed in prælio congressos, per imbecillitatem carnis, confessionis suæ coronam non potuisse perferre ; maxime, cum cupientibus mori non permitteretur occidi ; sed tam diu fessos tormenta laniarent, quam diu non fide, quæ munita est, vincerent, sed carnem, quæ infirma est, fatigaret. »

*Perseverantem itaque * in fide martyrem.*] Hujus et sequentis memoria martyris exstat in tabulis ecclesiasticis Romanis, 28 Julii, verbis ex hoc Hieronymi loco adumbratis. De quibus, Hieronymo quoque prævio, Baronius, anno Christi 253, Decii 1.

Inter eculeos laminasque victorem.] De tormentis his consule Onomasticon.

Jussit melle perungi.] Hujus supplicii exemplum et graphicam descriptionem habes apud Apuleium, Milesia VIII : « Arreptum servulum nudum, ac totum melle illitum, firmiter alligavit arbori ficulneæ, cujus in ipso carioso stipite inhabitantium formicarum nidificia burriebant, et ultro citroque commebant multijuga scaturigine. Quæ simul dulcem ac mellitum corporis nidorem persentiscunt, parvis quidem sed numerosis et continuis morsiunculis penitus inhaerentes, per longi temporis cruciatum, ita carnibus atque ipsis visceribus abesis, homine consumpto, membra nudarunt, ut ossa tamen viduata pulpis, nitore nimio candentia, funestæ cohererent arbori. » Referunt huc quidam cyphonismum, de quo in Onomastico.

Ignitas sartagine.] Crebra sartaginum mentio in Actis martyrum. Loca plura auctorum suggeret Onomasticon.

Alium juvenili ætate florentem.] Nicephorus, lib. VII, cap. 13 simile (si non idem) exemplum de ascete quodam habet in persecutione Diocletiani. Simile quoque habet Petrus in Catalogo sanctorum, libro VIII, cap. 70. 1^o Sept., de Niceta Nicomedie passo tempore Maximiani, qui multa alia de eodem attestat, in quibus quædam mira, nec facile omnibus probanda. Inde Marulus desumpsit quæ habet lib. v, cap. 5, ubi non recte a notatore adjectum 21 Julii ex Martyrolog. Usurdi. Nec enim eo die de hoc Niceta agitur, sed de alia virgine et martyre, socia Aquilina, de quibus in Actis sancti Christophori.

Per idem ergo tempus quo talia gerebantur.] Baronius, anno Christi 253, Decii imperatoris 1. Cæterum ex Hieronymi sententia dicendum esse, hoc ipso Decii persecutionis exordio Paulum factum extorrem, ejus auctoritate perspicue declarabimus. Cum enim dicit Paulum 113 ægisse ætatis annum, quo, eum invisente Antonio, ex hac vita decessit, cum Antonius tunc nonagenarius esset, quem vixisse idem tradit ann. cv, eumque, ejusdem Hieronymi testimonio id affirmantis in Chronico, habeatur decessisse Antonium anno 21 Constantii, atque Paulo supervivisse annos xv, colligitur Paulum obiisse anno 6 Constantii absoluto, et septimo inchoato. qui numeratur Christi annus 343. Qua ratione cum (ut dictum est) eo anno, quo Paulus obiit, esset cxiii annos natus, necesse est affirmare hoc ipso anno 253 ipsum fuisse ætatis annorum xxiii.

Tantum igitur abest (subdit idem Baronius) ut post hæc Paulus sub Valeriano solitudinem petierit, ut, si quis affirmare velit, eum xv annos natum (ut multi perperam sancti Hieronymi sententiam interpretantur) in eremum concessisse; dicere opus sit non sub Decio et Valeriano, sed sub Gordiano, quo tempore pax summa in Ecclesia erat, factum hoc esse.

Quamobrem ætas illa Pauli annorum xv non ad tempus quo secessit in solitudinem referenda est, sed quod tot annos tunc natus erat, cum parentibus fuit orbatus; idque manifeste significare voluisse Hieronymum illis verbis : « Post mortem amborum parentum, in hæreditate locupleti Paulus relictus est annorum circiter xv. » Et quod proxime dixerat, *per illud tempus quo talia gerebantur*, ad ea esse referendum, quæ subdit : *cum persecutionis procella detonaret*. Quæ sane verba, si alio accipias sensu, Hieronymum sibi ipsi repugnantem atque mendacem (quod nefas est dictu) de numero annorum Pauli in eremum secedentis efficies.

Sic igitur, ex ejusdem sancti Hieronymi sententia, præstat dicere, ipsum annum agentem xv parentibus esse orbatum; hocque anno ejus ætatis 23, ipso primo persecutionis impetu exturbatum, rus paternum prius, indeque confugisse in longe positos montes, nactumque opportunam sibi ad institutum paratam speluncam, quod superfuisset vitæ usque ad annum 113 incognitum permansisse.

Præclare quidem Baronius ita ex Antonii ætate, quam Hieronymus in Chronico expressit, Pauli quoque ætatem collegit; sed dolemus historicum præstantissimum depravato Chronici Codice usum, ut jam ante dixi. Quare tota hæc Baroniana annorum deductio, ad jam supra dicta in præludiis ad hanc Vitam exigenda est.

Qui 16 ætatis anno Paulum extorrem factum volunt, id est, post xv ætatis annos expletos, suffragatores habent omnes Martyrologos, quos superius citavimus; qui mente unanimi, consona voce, hunc de Paulo Hieronymi locum ita videntur percepisse et explicasse.

Apud inferiorem Thebaidam.] De duplici Thebaida, in Onomastico.

In villam remotiorem et secretiorem secessit.] Epistola Dionysii Alexandrini episcopi, ad Fabium Antiochenum, apud Eusebium, lib. vi, cap. 34, de hac Decianæ persecutionis procella : Ἐξέκλιον δὲ καὶ ὑπανεχώρουν οἱ ἀδελφοί. « Fratres ergo deflectere e via, et in loca separata ac solitaria se subducere. » Idem ibidem : Τίθεται λέγειν τὸ πλῆθος τῶν ἐν ἐρημίαις καὶ ὄρει πλανηθέντων, ἐπὶ λιμοῦ καὶ δίψης, καὶ κρύους καὶ νόσων, καὶ ληστῶν, καὶ θηρίων διεσθαρμμένων ; « Quid attinet percensere multitudinem eorum qui in solitudine et montibus vagi errantesque, fame, siti, frigore, morbis, latronibus, bestiis fuerunt expositi? » Contigit hæc juxta Baronium, anno Christi 253, Decii imp. 1.

Ad hæc instabat crudelitas, quæ pietatem videbatur imitari.] Henricus Gravius, diligens Hieronymi

lector, ejusque phrasium collector, ait alias legi : « Aderat, instabat crudelitate quasi pietate utebatur. » Ita et Mss. plures. Qua loquendi formula usus est L. Florus, lib. III, c. 5 : « Aderat, instabat : sævitia quasi virtute utebatur. » — Vide not. l. col. 20 Patrol. tom. cit. Ebrt.

24 Quod ad sensum Hieronymi attinet, vult Christianos titulo impietatis exagitados; et prætextu religionis in eos sævitum, ut scilicet ad gentilitatem, velut ad pietatem, revocarentur. Ita lib. I Vitæ sancti Sebastiani : « Ista est, quæ vos, c. castissimæ conjuges beatorum, per pietatis colorem; impietatem martyrum mentibus fecit tradere. » Gregorius Nysenus, in Vita Gregorii Thaumaturgi, 17 Novemb. : « Ἄλλοι δὲ πρὸς τὰς κτήσεις τῶν πιστῶν ὄρῳντες, ὡς ἂν ἐγκρατεῖς γένοιτο τῶν πραγμάτων, ἐπὶ τῷ προσήματι τῆς εὐσεβείας, ἤλαυνον τοὺς ἀνεγοµένους τῆς πίστεως. » Alii autem possessionibus fidelium inhiantes, ut rebus eorum potirentur, sub prætextu pietatis, vexabant et exagitabant eos qui fidem amplectebantur. » Non aliter Paulus a sororio exagitatus est. Quod et sanctus Adelmus, lib. I de Laud. Virgin., cap. 31, expressit : « Paulus itidem inclytus, et Patrum celebrissimus, qui a pellaci genero, cæcæ cupidinis philargyria decepto, contra jura naturæ proditus et publicatus. » Ita locus ille ex pervetusto Codice ms. Collegii nostri Antuerpiensis legendus. Acta ms. sancti Gorgonii M. tempore Diocletiani : « Pater quidem filium, frater fratrem, si illius sectæ inveniretur, velut inimicum manifesta inquisitione probebat; et ideo quisque, prout poterat, se in speluncis aut latibulis abscondebatur. »

Quam crudele autem fuerit edictum Decii, prodit Dionysius, episcopus Alexandrinus, apud Eusebium, lib. VI, cap. 34 : « Καὶ δὴ καὶ παρῆν τὸ πρόσταγμα, αὐτὸ σχεδὸν ἐκεῖνο, οἷον τὸ προῆρῆδὲν ὑπὸ τοῦ Κυρίου ἡµῶν παρὰ βραχὺ τὸ φοβερώτατον, ὡς, εἰ δυνατόν, σκανδαλισαὶ καὶ τοὺς ἐκλεκτοὺς. » Nam Decii edictum erat jam divulgatum, illudque tale profecto videbatur, quale Dominus prædixerat futurum, in quo terribilissima illa ejus propemodum explebatur sententia, nimirum Electos (si possibile esset) in errorem inductos fore. » Prodit quoque Nyssenus loco jam citato. Habes edictum Decii, quod et crudelitatem et pietatem eam spirat, in Vita sancti Mercurii martyris apud Metaphrastem, 24 Novembris.

Necessitatem in voluntatem vertit.] Cassianus, collat. XVIII, cap. 6 : « Cujus professionis (anachoreos) principes hos, quos paulo ante memoravimus, sanctum videlicet Paulum et Antonium, novimus existitisse. Qui non, ut quidam, pusillanimitatis causa, vel impatientiæ morbo, sed desiderio sublimioris profectus, contemplationisque divinæ, solitudinis secreta sectati sunt; licet eorum prior, necessitatis obtentu, dum tempore persecutionis, affinium suorum devitat insidias, eremum penetrasse dicatur.

Scalpræ, etiam incudes et malleti.] Ita vetustissimus Ms. sancti Floriani. Nempe exprimit tria præcipua cudendæ monetæ instrumenta ibidem inventa. De scalpris vide Onomasticon.

Furtivæ * monetæ officinam.] Ad eundem usum paratum fuisse putarim, inquit Erasmus, quod hodie Cumis ostenditur antrum Sibyllæ.

Igitur adamato, quasi * a Deo sibi afferentur, habitaculo.] In vita Antonii, cap. 24. Hunc Antonius locum, quasi a Deo sibi offerretur, amplexus est.

Cibum et vestimentum ei palma præbebat.] Nempe ex fructu dactylorum cibus, ex hirsutis arboris frondibus vestis.

Quæ juxta Syriam Saracenis jungitur.] Crebra hujus eremi mentio apud divum Hieronymum, epist. 6, ad Florentium : « In ea mihi parte eremi commoranti, quæ juxta Syriam Saracenis jungitur. Epist. 43, ad Chromatium, Jovinum et Eusebium : « Nam postquam, sancto Evagrino transmittente, in ea ad me eremi parte delatæ sunt, quæ inter Syros et Saracenos vastum limitem ducit. » Epist. 57, ad Da-

masum : « Et quia pro meis facinoribus ad eam solitudinem commigravi, quæ Syriam juncto Barbariæ fine disternat. » Epist. 58, ad eundem : « Christi vestem in Romana urbe suscipimus, nunc barbaro Syriæ limite teneor. » In vita Malchi, cap. 4 : « Solitudo, per quam Saraceni incertis sedibus huc atque illuc semper vagantur. » Videsis in Onomastico, Eremus.

Syri cubam * vocant.] Gravius legit gubam. Nam Syriace guba, inquit, cisternam significat Hieronymus, in cap. VI Jeremiæ : « Hoc autem Latinus lector intelligat, ut semel dixisse sufficiat : lacum, non stagnum sonare, juxta Græcos (λάκκος), sed cisternam, quæ sermone Syro et Hebraico, gebe (גֵּבָה) appellatur. » Sed facile inter seg et c commeant. Vide Onomasticon.

Quinque caricis.] Id est ficibus siccis addunt quidam in textu. Infra in Vita sancti Hilarionis, c. 3 : « Herbarum ergo succo, et paucis caricis, post triduum vel quadrimum deficientem animam sustentabat. » Consulendum Onomasticon.

Infirmos artus baculo regente sustentans.] Hieronymus, in cap. I Amos : « Ne ultimæ quidem ætatis homines, qui trementes artus baculo regente sustentent. » Idem in cap. VIII Zachariæ : « Ut nullo hoste remanente, usque ad ultimam ætatem, in utroque sexu senilis ætas perveniat, et trementes artus baculo regente sustentent. »

Hippocentaurus.] Ipse Hieronymus explicat, hominem equo mixtum. Vide Onomast.

Salutaris impressione signi armat frontem.] Vel Antonii exemplo, frontem crucis signo armare, discere hæretice. Vide Crux in Onomast.

Inter horrentia ora setis.] Erasmus ait hunc locum diversum haberi in exemplaribus, nec ullam lectionem sibi facere satis. Video aliquos libros habere senis, aliquos setis, quod posterius rectum. Vult enim Hieronymus ipsum Hippocentaurum inter ora sua horrentia setis blandum quæsisse eloquium, id est, conatum blande respondere, etsi ora horrentia setis; ideoque barbarum quid potius sonare nata, seu frangere verba, et fragore quodam promere. Nam si de sene Antonio intelligeretur, dixisset alloquium; non vero eloquium.

Verum hæc, utrum diabolus.] Cujus frustra, inquit Baronius, anno Christi 343, exigitur fides, qui de his dubitans, quidnam fuerit, num spectrum, an monstrum, liberasse voluit fidem suam.

Cæterum, nec insulsa, nec inanis fuit ipsius dubitatio, an Ægyptus, monstrorum ferax, ejusmodi quoque ex duabus speciebus mixtum animal genuisse potuerit. Quamvis enim, quod de Ixione atque Centauris postea cecinerunt figmentum esse non est qui dubitet, et secundum Celsum, de exhibendo Centauro vana sponso habeatur, cum inquit : « Si ita stipulatus fuero, te siste; et, ni steteris, Hippocentaurum dari (Aug., de Civit. Dei, l. XVIII, c. 13; l. 97; ff. de verb. oblig.); » nec sit qui exigat a natura Centauros, tanquam speciem animalis; tamen ejusmodi eandem interdum peperisse monstra, quis neget? nam sic Plinius : « Claudius Cæsar scribit Hippocentaurum in Thessalia natum, eodem die interisise, et nos principatu ejus allatum illi ex Ægypto in melle vidimus (Plin., lib. VII, cap. 3). In melle, inquam, quod ejus virtutis sit ut computrescere corpora non sinat. Et sic in melle marinum hominem, ab ultima Mauritania ad Hispanias allatum testatur Alex. ab Alexandro, solidæ fidei auctor (Alex. ab Alex., lib. III, cap. 8). Quem qui legerit, de Tritonibus, diversis in locis suo sæculo visis et captis, iisdemque vultu hominem præ se ferentibus, et corpore prorsus humano, absoluta similitudine pubetenus, postremis in piscem desinentibus, haud dubitabit in terris posse reperiri quæ maria quoque producent; cum hominis habitatio sit potius terra quam mare; ex cujus admistione cum jumento possint ejusmodi concipi monstra ac generari Faunos, Satyrosque, et Incubos.] Est frequens.

de Faunis apud antiquos historicos, subdit idem A Baronius, eodem anno (ut poetarum fabulas missas faciamus), certa que mentio. Inter quos Plinius cum dicat, præter effigiem nihil in eis esse moris humani (*Plin., lib. v, cap. 8*); cuncta hæc, quæ accidisse Antonio a Hieronymo enarrantur, miraculo evenisse dicendum est, ut de multis aliis animalibus, rationis licet expertibus, sæpe legitur, ea, veluti humano intellectu prædita, ac Dei nutu reddita pene rationabilia, qualia solent homines, exhibuisse sanctis viris ministeria. Ut (ne a Paulo recedamus) de corvo contigit, qui cum diebus singulis per tot annorum curricula, dimidium panis eidem Paulo afferre so-leret, adventu tamen Antonii (quod in admiratione fuit) integrum attulit, quo reficeretur uterque. Qui plura de his desiderat, consulat Onomasticon

Constantio.] Ita legendum, non *Constantino*, ut plerique libri habent. Nicephorus, lib. ix, cap. 19 agens de tractatu Orientis et Meridiei, et vario animalium in iisdem locis genere: « Quorum (simiarum) permultæ etiam ad nos delatæ hoc manifesto declarant. Ex quibus est etiam is qui dicitur Pan, capite, vultu, et cornibus capram referens; et ab ilibus item deorsum versum caprinis pedibus insistens; ventre autem, pectore et manibus mera simia, quem tum quoque Indorum rex Constantio misit. Quod sane animal ad tempus aliquod, cum ferretur in cavea, propter feritatem inclusum vixit. Ubi vero mortuum est, aromatibus condierunt exenteratum qui feriebant, et insolitæ formæ ostendendæ gratia Constantino-polim servatum pertulerunt. Videntur autem mihi animal hoc olim vidisse Græci, eosque insolentia aspectus exterritos, Deum sibi constituisse; cum solemnne hoc illis esset, ut quæ fidem excellerent, ea in deos referrent. Id quod in Satyro quoque ab eis est factum, qui et ipse simia est. »

Et post sanctum osculum.] Ex Apostolico videlicet usu, Rom. xvi; I Corinth. xvi; II Corinth. xiii; Thess. v; I Petri v. Vide Onomasticon.

Imo terræ terram reddas.] Cicero, Tuscul. Quæst., lib. iii, ex Euripide: « Reddenda terræ est terra. » Verba sunt Amphiarai ad matrem Achemori mærentem, quæ etiam habes apud Plutarchum, in consolatione ad Apollonium. Fortunatus, lib. iv, epitaphio 27, Euphrasiæ:

« Terræ terra redit, sed spiritus astra recepit. »

Ita legendum, non *edit*, vel *edit*.

Pallium.... ad obvolvendum corpusculum meum defer.] Vide in Onomastico *Funus*, ubi de hoc ritu, linteo vel pallio obvolvendi cadavera.

Sed ut a se recedenti mæror suæ mortis levaretur.] Baronius, anno Christi 343, non ideo tantum pallium a Paulo expetitur opinatur, sed quod, qui prophetico spiritu Athanasium noverat, et (quod levissimum videbatur) pallium donatum Antonio intellexerat; de ipso etiam summos illos tot annis exantlatos pro catholica fide labores, exsilia, fugam, ærumnas, innumerasque alias molestias minime ignoravit: quamobrem sic Athanasii pallium potius, quam aliud alterius hominis tegumentum exposcere ab Antonio visus est, ut eo saltem communicationis symbolo, et propensionis animi erga Athanasium significaret, se plurimi facere hominem, quem tot pro fide suscepta certamina illustrassent, ac proinde omnibus innotesceret, a tanto viro probari fidem, quam Athanasium tam acriter strenueque propugnaret. Quod quidem haud videbatur mediocriter esse momenti, ad erigendos titubantium animos, et roborandos illos, qui solidi in fide perstarent. Siquidem tanti facere solet populus illustrium monachorum de fide catholica testimonium, ut Ariani hoc sentientes, menti non sint veriti magnum Antonium eadem de fide secum una sentire; adeo ut eam ob causam ipsi opus fuerit, relicta intima eremi solitudine. Alexandriam usque descendere, et de catholica fide, quam coleret, publice, ne populus laberetur, specimen edere. Affirmat id sane Athanasius in Vita ipsius.

Osculatis ejus oculis, manibusque.] Obvia passim manuum oscula, non item oculorum. Et ex veneratione, et ex affectu libari solita hæc oscula: de quibus copiosius in Onomastico.

Ad monasterium, quod postea a Saracenis occupatum est.] Contigit hoc anno 20 Constantii, Christi 358. Hieronymus, in Chronico: « Saraceni, in monasterium beati Antonii irruentes, Sarmatam interfecerunt. » Cujus memoria est in Mart. Rom., 11 Octobr.: « In Thebaide sancti Sarmatæ, discipuli beati Antonii, qui a Saracenis pro Christo necatus est. »

Sabulum capiti superjaciebat.] Solemne in luctu et mærore, cinere, pulvere, arena caput aspergere. Frequens ejus in sacris Litteris memoria. Vide Onomasticon.

Vidit genubus complicatis.] Orantium solemnne is gestus, qui ab hæreticorum conciliabulis plane exsulat. Vide Onomasticon.

Hymnos quoque et psalmos ex Christiana traditione decantans.] Et hic solemnne funeris apud Christianos ritus, de quo in Onomastico.

Leones duo.] Simile leonum obsequium habes in Vita sancti Onuphrii infra, cap. ult.

Tumulum ex more composuit.] Hieronymus, epist. 49, ad Innocentium: « Clerici, quibus id officii erat, cruentum linteo cadaver involvunt, et fossam humum lapidibus construunt, ex more tumulum parant. » Intelligit per *Clericos*, copiatas seu laboratores, quibus corpora mortuorum humandi cura incumberebat. Reatinus existimat clericorum hic mentionem fieri ob psalmos decantandos, qui etsi decantati in funere ex veterum more, adjuncta tamen suadent hic copiatas intelligi, qui olim cleri quædam pars. Vide Onomasticon.

Ex inestati bonis.] Argute. Quod enim extreme pauper testamentum condant, et quid cui relinquat.

Qui patrimonia sua ignorant.] Nempe, quia ut Ovidius ait, lib. xiii *Metamorph.*

Pauperis est numerare pecus.

Et Horatius, lib. i, epist. 6:

Exilis domus est, ubi non et multa supersunt,
Et dominum fallunt, et prosunt furibus....

Qui uno filo villarum insuunt pretia.] Ex Tertuliano expressum, lib. de Habitu muliebri, cap. 9: « Uno lino decies sestertium inseritur, saltus et insulas una cervix fert. »

Ille concavis manibus naturæ satisfacit.] Idem de Diogene habet Laertius, lib. vi; et Hieronymus, l. ii contra Jovinianum, c. 9: « Quodam vero tempore habens ad potandum caucum ligneum, vidit puerum manu concava bibere. » Ita legendum ex Ms peroptimo collegii nostri Lovaniensis, non *cavum*. Quare *καύλον ἐύλινον* Mariani Victorii hic locum non habet. In Laertio pro *cauco ligno* est *καύλη*. Occurrit *cauci* vox et in Vita sancti Abrahamæ eremitæ, cap. 3, de quo post.

Auratis obvolvitis vestibus.] De vestitu mortuorum Gretzerus noster, lib. i, de Fun. Christ., cap. 5; et Kirchmannus, lib. i, c. 10, de Fun. Rom. Quod hic suggillat Hieronymus divitum corpora auratis vestibus et serico involuta, ex merito et religione tributum hoc sanctis viris, et martyribus. S. Athanasius, in Vita sancti Antonii, cap. 56: « Mos Ægyptiis est, nobilium, et præcipue beatorum martyrum corpora linteamine obvolvere. » Vide ad eam Vitam.

Hieronymi peccatoris.] Ita sæpe Patres humilitatis affectu se inscribere et subscribere soliti. Vide Onomasticon.

Tunicam Pauli cum meritis ejus.] Agnosce, hæretice, fidelium ex sanctis operibus merita; et, qui divum Hieronymum legis, æstimas; fidem quoque ejus ad animæ salutem imbebe. Discas sanctorum reliquias, vestes æstimare. Gregorius Nazianzenus orat. xxv: *Καὶ ἡ μὴλωτὴ Ἐλισαίου πλείω δυνήθησεν*

ἡ τὰ σερῶν νήματα, καὶ ὁ βιασθεὶς εἰς ἐσθῆτα χρυσός. »
 « Et Elisæi melote, quæ plus virium habuit, quam
 fila serica, et aurum vestibus per vim assutum. »
 Joannes Chrysostomus, homil. 2, ad populum Antio-
 chenum, ubi ait regem divitem Elia paupere indi-
 guisse : Οὕτω λαμπροτέρα τῆς πορφυροῦς ἡ μηλωτὴ ἦν,
 καὶ τῶν βασιλικῶν αὐλῶν τὸ σπῆλαιον τοῦ δικαίου.
 « Adeo splendidior trabea erat melote, et regalibus
 aulis justī spelunca. » Ita Theodosius Senuphii mo-
 nachī superhumeralē et baculum, galeæ lanceæque
 suæ prætulit. Acta Cyri et Joannis, apud Metaphra-

sten, 31 Januarii : « Munit caput superhumerali,
 quavis galea tutius, baculo autem munit dexteram,
 lancea longe validius, et hac ratione confidens fore,
 ut hostibus videretur terribilior, quam olim (ut aiunt)
 clava Hercules. » Similia apud Glycam, parte IV
 Annal.

(61) *Quam regum purpuram cum regnis suis*.*] Ita manuscripti, et editiones vetustiores. Recen-
 tiores substituere, cum pennis suis, nescio an aucto-
 ribus libris.

IN VITAM BEATI ANTONII PRÆLUDIA.

ILLUSTRIMUM VIRORUM DE BEATO ANTONIO B ELOGIA.

Hieronymus, de illustr. Eccl. Script., cap. 88.

Antonius monachus, cujus vitam Athanasius Ale-
 xandrinæ urbis episcopus insigni volumine prosecutus
 est, misit Ægyptiæ ad diversa monasteria Aposto-
 lici sensus sermonisque epistolas septem, quæ in
 Græcam linguam translatae sunt, quarum præcipua
 est ad Arsenoitas. Floruit sub Constantino et filiiis
 ejus regnantibus. Vixit annos centum quinque.

Idem, in Chronico anno 19 (a) Constantii.

Antonius monachus centesimo et quinto ætatis
 anno in eremo moritur, etc.

Gelasius dist. 15, cap. Sancta Romana Ecclesia.

Vitas Patrum, Pauli, Antonii, Hilarionis et omnium
 eremitarum, quas tamen vir beatus scripsit Hiero-
 nymus, cum omni honore suscipimus.

*Honorius, de illustr. Eccl. Script. c. 88, carptim ex
 divo Hieronymo.*

Antonius monachus, cujus vitam Athanasius
 insigni volumine prosecutus est, misit septem epi-
 stolas ad diversa monasteria, apostolici sensus et
 sermonis.

Trithemius, de Script. Eccl.

Antonius monachus et abbas, natione Ægyptius,
 vir sanctissimus, eremique cultor insignis, cujus præ-
 conia laudum universus personat orbis, multis reli-
 giosæ ac beatæ vitæ normam præbuit; qui etsi litteras
 non didicerit, in divinis tamen Scripturis adeo erudi-
 tus fuit, ut nullus doctorum se ei præferre præsum-
 ret. Habebat memoriam pro libris, intellectum et
 sensum pro litteris, gratiam pro studio lectionis.
 Dictavit Ægyptiaco sermone ad diversa cœnobia,
 apostolici sensus atque sermonis varias Epistolas (b).
 E quibus exstat insignis illa Ad Arsenoitas epist. 1,
 Ad alia cœnobia epist. 6. Ejus vitam beatus Athana-
 sius episcopus Alexandrinus insigni volumine,
 Græco sermone descripsit. Claruit sub Constantino
 Magno, et filiiis ejus regnantibus, anno Domini 330,
 multis coruscans miraculis.

DE SANCTO ATHANASIO (c), VITÆ HUIUS SCRIPTORE.

Menza Græcorum 17 Januarii in Vita Antonii.

Ὁ δὲ βίος αὐτοῦ συνεγράφη ὑπὸ τοῦ μεγάλου Ἀθανά-
 σιου ἐπισκόπου Ἀλεξανδρείας.

« Vita Antonii conscripta est a magno Athanasio,
 episcopo Alexandrino. »

*Gregorius Nazianzenus, oratione XXI, in laudem
 sancti Athanasii.*

Πάντα μὲν τοὶ τὰ ἐκείνου (τοῦ Ἀθανασίου) λέγειν τε
 καὶ θαυμάζειν, μακρότερον ἂν εἴη τυχόν, ἢ κατὰ τὴν
 παροῦσαν ὁρμὴν τοῦ λόγου καὶ ἱστορίας ἔργον, οὐκ
 εὐφημίας· ἃ καὶ ἰδίᾳ παραδοῦναι γραφῇ παιδευμά τε καὶ
 ἥδυσμα τοῖς εἰς ὕστερον, εὐχῆς ἔργον ἐμοί, ὡς περ ὄν
 ἐκείνος Ἀντωνίου τοῦ θελοῦ βίον συνέγραψε, τοῦ μοναχικοῦ
 βίου νομοθεσίαν ἐν πλάσματι διηγήσεως.

« Atque omnem quidem illius (Athanasii) vitam
 sermone prosequi ac laudibus efferre longius fortasse
 fuerit, quam orationis institutum ferat; atque histo-
 riæ opus fuerit, nou encomii: quam etiam, ut poste-
 ris documento atque oblectationi futuram, proprio
 scripto mandare cum primis optarem; quemadmodum
 ipse divi Antonii Vitam conscripsit, cum vitæ mo-
 nasticæ leges sub narrationis specie promulgaret. »

*Ephræm, serm. ascet. in illud: Attende tibi ipsi, cap.
 10; sive, serm. 10 de moderatione risus.*

Cujusmodi sanctus Antonius exstitit, quemadmo-
 dum et sanctus Athanasius archiepiscopus meminit
 in Vita quam de eo conscripsit.

Palladius, Histor. Lausiac. cap. 8 in Ammono.

Hoc autem miraculum (quomodo Ammon ultra
 Lycum fluvium divinitus translatus sit) narravit
 beatus Athanasius, Alexandriæ episcopus, scribens
 in Vita Antonii.

*Auctor Vitæ sancti Pachomii, interprete Dionysio
 Erigo, cap. 1.*

Cui (Antonio) sanctus Athanasius Alexandrinæ
 civitatis antistes, proprio stylo testimonium præbuit;
 dignus sane relator conversationis Antonii, qui juxta
 supplicationem fratrum, Vitam ejus pro multorum
 commoditate perscriberet et æmulandum eum viris
 spiritalibus exhiberet.

Socrates, Eccl. Histor. lib. cap. 17.

Ὅποιοι ἦν ἐπὶ τῶν αὐτῶν χρόνων καὶ ὁ μοναχὸς Ἀν-
 τονίος ἐν τῇ ἐρήμῳ τῆς Αἰγύπτου, ὡς φανερῶς τοῖς
 δαίμοσιν ἀντεπάλαιεν ἐφευρίσκων τε αὐτὸς τὰς τέχνας καὶ
 τοὺς ἄθλους, καὶ ὅπως πολλὰ ἐποίει τεράστια, περιττὸν
 λέγειν ἡμᾶς. Ἐφθασε γὰρ Ἀθανάσιος, ὁ Ἀλεξανδρείας
 ἐπίσκοπος, μονόβιβλον εἰς τὸν αὐτοῦ βίον ἐκθέμενος.

« Qualis vita et moribus Antonius monachus Alexandrinæ urbis episcopus, insigni volumine persecutus est. in solitudine Ægypti eisdem fuerit temporibus, quomodo cum dæmonibus palam et aperte dimicavit, illorum astutias et callidas pugnas deprehenderit, multa prodigia et miracula ediderit; quoniam ab Athanasio Alexandriæ episcopo in libro separatim de ejus Vita conscripto jam pridem expositum est, eadem nos commemorare plane videtur supervacaneum. »

Idem, lib. IV, cap. 18, Eccl. Hist.

Τούτου τοῦ Ἀμμοῦν τὴν ψυχὴν μετὰ θάνατον, ἀναλαμβάνομένην ὑπὸ ἀγγέλων, ὁ κατ' αὐτὸν βιώσας Ἀντώνιος ἐθεύαστο, ὡς φησὶν ἐν τῷ βίῳ αὐτοῦ ὁ τῆς Ἀλεξανδρείας ἐπίσκοπος Ἀθανάσιος.

« Hujus Ammonis animam post mortem ab angelis in cælum sublata, Antonius, qui eisdem vixit temporibus, vidit; quemadmodum ab Athanasio, Alexandriæ episcopo, in ejus Vita commemoratum est. »

Nicephorus, lib. VIII, cap. 40.

Verum hæc, tanquam gustus quidam, et exigua imago Antonii vitæ et instituti sint exposita, ut ex his universam ejus, qualis fuerit, philosophiam colligamus. Quam rebus omnibus optimus Athanasius, cui etiam fuit charissimus, copiose memoriæ posteritatis litteris mandavit; certaminibus ejus contra dæmones, et artibus, quas adversus illos adinvenit, aliisque vitæ prodigiis et rebus quibusvis conscriptis, ut liber is monastici instituti ceu finis quidam esset. *Hieronymus, Catal. illustr. Eccles. Script., cap. 88.*

Antonius monachus, cujus Vitam Athanasius,

Alexandrinæ urbis episcopus, insigni volumine persecutus est.

Idem, ibidem, cap. 87.

Fertur Athanasii historia, Antonii monachi vitam continens.

Ruffinus, lib. I Hist. Eccl. cap. 8.

De virtutibus Antonii, atque institutis et sobrietate mentis, ut in solitudine vitam degens, usus solummodo sit consortio bestiarum, et de dæmonibus crebros agens triumphos, placuerit Deo supra cunctos mortales, utque institutionis suæ præclara usque in hodiernum monachis exempla reliquerit, volentem me aliqua exponere ille libellus exclusit, qui ab Athanasio scriptus, etiam Latino sermone editus est.

Paulinus, prologo Vitæ sancti Ambrosii 4 Aprilis.

Hortaris, venerabilis Pater Augustine, ut sicut beati viri, Athanasius episcopus et Hieronymus presbyter, stylo persecuti sunt Vitam sanctorum Pauli et Antonii in eremo positurum, etc.

DE EVAGRIO PRESBYTERO, VITÆ HUIJUS INTERPRETE.

Hieronymus, Catal. illustr. Eccl. Script., cap. 125.

Evagrius (d) Antiochiæ episcopus, acris ac ferventis ingenii, cum adhuc esset presbyter, diversarum hypotheseon tractatus mihi legit, quos necdum edidit. Vitam quoque beati Antonii de Græco Athanasii in sermonem nostrum transtulit.

Similia habet Honorius, cap. 125 de illustr. Eccl. Script.

ROSWEYDI NOTATIO.

(a) Anno 19 Constantii.] Ita rectissime Eusebii Chronicon manuscriptum Amandinum, ita Pontaci et Scaligeri editio.

Baronius, tom. II, anno Decii I (quem ipse Christi annum statuit 253) investigans Pauli ad eremum fugam ex Antonii obitu, asserit ex Chronico Eusebii et Hieronymi, Antonium obiisse anno 21 Junioris Constantii; cui Constantii anno ipse post, in Annalibus, to. II, III, in annorum serie, a Christo assignat annum 357. Quod occasione investigandi ætatem Hilarionis repetit tom IV, ad annum Christi 372. Idem tamen, tomo III, anno Christi 358, Constantii 22, Antonii obitum collocat. Quod cur fecisse potuerit, mox inquiram.

Depravato Chronici Codice usum Baronium, supra dixi, ad vitam sancti Pauli, quod nunc fusius probandum.

Vulgata Chronici Eusebiani editio, quo usus Baronius, ponit Antonii natalem anno 1 Decii, Christi 254, et obitum ejusdem anno 21 Constantii junioris, Christi 364. Cum autem ex eodem vulgari Chronico, posteriore hoc loco, constet Antonium obiisse ætatis anno 105, certum est vel natalem Antonii, vel mortualem ejusdem diem male assignari in ea editione, cum a Christi anno 254, quo ponit natum Antonium, ad annum 361, quo eundem ponit denatum, intercurrant anni CVII. Quod si duos annos addas, et eum videlicet quo natus est, et eum quo denatus Antonius (qui tamen addendi videntur, cum dicatur anno 106 ætatis mortuus Antonius, non autem post annum 105), exsurgent anni CIX, cum tantum CV anni, quot Antonius vixit, deberent intercurrere vel exsurgere.

Rectissime igitur in Ms. Eusebio Amandino, ut ad Vitam Pauli dixi, Antonii nativitas consignatur anno 1 Decii, obitus vero anno 19 Constantii Junioris

imp.; atque ita justici CV anni, quibus Antonius vixit exsurgent. Nec aliter lectum in Eusebio, tempore Gregorii Turonensis. Nam ita ille libro I, cap. 58, Histor. Franc.: « Constantii Junioris anno 19, Antonius monachus transiit, ætatis anno 105. » Ita Ms. Trudonensis, cum in vulgatis male sit 100. Sed et Vincentius, Spec. hist. lib. XIV, cap. 11, ex eodem Eusebio Chronico, Antonii obitum Constantii Junioris anno 19 ponit. Quare de Antonii obitu in vulgato Eusebio metachronismus est duorum annorum si ab annis ætatis Antonii et annum nativitatis et annum obitus excludas; vel metachronismus est IV annorum, si et nativitatis et obitus annos numero annorum ætatis ejus comprehendas.

Miratus sum sane Baronium, quod, cum tomo II, anno 1 Decii, agens de Pauli eremite fuga, ibidem asserat ex Chronico Eusebii (depravato, ut diximus) Antonium obiisse anno 21 Constantii Junioris; tamen tomo III, anno 22 ejusdem Constantii, obitum Antonii ponat. Cujus rei rationem dum investigo, non aliam reperio, quam quod fortasse Baronius, tomo II, annum 1 Decii, quo natus Antonius, annis ætatis ejusdem annumeraverit: atque ita ab anno 1 Decii adusque Constantii Junioris annum 21, cum simul includendo, putatione Baroniana justici exsurgent anni CV, quæ suprema fuit ætas Antonii. Tomo vero III, videtur annum 1 Decii non annumerasse annis ætatis Antonii, sed 1 annum ætatis Antonii, a Deciani imperii anno 2 inchoasse, quare et obitum Antonii ad annum 22 Constantii Junioris eodem tomo III prorogavit.

Quod vero dixi, rectissime in Ms. Eusebio Amandino nativitatem Antonii consignari anno 1 Decii, obitum vero 19 Constantii Junioris, atque ita justos CV annos ætatis Antonii exsurgere, ita intellige, quia cum vulgatæ editiones (etiam correctiores Pontaci

et Scaligeri) inter annum 20 Diocletiani et 1 Constantini duos annos statuunt, eosque Galerio tribuant, Amandinus Codex unum tantum annum intermedium statuit, vulgatumque de Galerio paragrafum omittit. Qui et si admittatur, ejusque imperio duo anni tribuantur ante annum 1 Constantini, non necesse erit duos annos intermedios ponere inter annum 20 Diocletiani et 1 Constantini; sed primus annus Galerii concurrere potest cum 20 Diocletiani, quippe cum Diocletianus anno 30 imperii sui 20, ii Kal. Maii se imperio abdicarit, indeque annum 1 sui imperii Galerius ordiri potuit.

Et quidem non nisi unum annum debere intercedere inter annum 20 Diocletiani et 1 Constantini, probatur; tum ex ipsiusmet Eusebii Chronico, quod Diocletiani anno 19 diserte habet: « Quarto anno persecutionis Constantinus regnare orsus. » Atqui cum Diocletiani anno 19 persecutio orta sit, si ei addas ejusdem 20, et unum intermedium inter annum 20 Diocletiani et 1 Constantini; quid restat, nisi ut 1 annus Constantini, 1 sit persecutio? Tum ex Politia seu Actis sanctorum Patrum Metrophanis et Alexandri, apud Photium, in Biblioth., Cod. 256, ubi dicitur: Τρίτον δ' ἔδρη τότε ἦν ἔτος τοῦ καθ' ἡμῶν διωγμοῦ, ἐν ᾧ καὶ Κωνσταντῖος πρὸς τὴν ἀφάρτον βασιλείαν, τὴν ἐπιχρήσων ἤμειγε. « Tertius tunc agebatur annus persecutionis in Christianos excitatae, quo Constantius cum aeterno regno caducum commutavit. » Atqui si duos annos intermedios ponas inter annum 20 Diocletiani et 1 Constantini, non jam tertio persecutionis anno Constantius obierit, sed quarto, ut ex modo inita temporis ratione manifestum est. Tum ex Olympiadibus assignatis in Ms. Eusebio Amandino. Nam primus annus Olympiadis 271 consignatur anno 20 Diocletiani; secundus anno intermedio inter 20 Diocletiani et 1 Constantini; tertius anno 1 Constantini. Unde clarum evadit Eusebium non nisi unum annum inter 20 Diocletiani et 1 Constantini collocasse.

Sufficiant hæc pro modo notationum, quæ omnino dicenda fuere ad rite subducendum numerum annorum ætatis Antonii.

(b) *Varias epistolas.*] Septem enumerat hic ipse Trithemius, et unam ait scriptam ad Arsenoitas; quod verum est, coque nomine habetur secunda in editione Coloniensi. Hieronymus quoque unius tantum, tanquam præcipuæ, ad Arsenoitas meminit. Quare non recte apud Possevinum est *omnes septem epistolas scriptas ad Arsenoitas*. Quod etiam male tituli præferunt in Bibliotheca sanctorum Patrum.

Harum epistolarum non est ex Græco interpret Symphorianus Champerius, ut est apud Possevinum, sed Valerius Sarrazius, Symphoriano editionem procurante.

Quod vero Possevinus in Apparatu sacro in Antonio citat ex Trithemio, *Scriptis quoque celebre opus duorum librorum, quod Melissa, id est Apicula, nominatur*, atque Trithemium errore labi; vere labitur, si ita scripsit. Sed in Trithemio ea verba non inuenio. Suspicio hoc verbis Trithemii additum a Margarino de la Bigne in prima editione Bibliothecæ SS. Patrum, qui libros illos Antonii Melissæ, nomine Antonii Magni ediderat. Sed error correctus tomo V Bibliothecæ sanctorum Patrum secundæ editionis.

(c) *Athanasio.*] Vitæ sancti Antonii auctorem esse Athanasium nullus dubitare poterit, qui elogium præmissa legerit. Et Græce quidem nunc recens prodiit anno 1611 Augustæ Vindelicorum, curante Davide Hoeschelio; qui et interpretationem suam, et notas quasdam, Græcum maxime spectantes textum, adiecit.

Athanasio eam asserit Bellarminus noster tom. II, contr. 2, l. 2 de Monachis, cap. 4.

Primo, quia est revera insigne volumen, ut Hieronymus dicit fuisse librum illum Athanasii.

Secundo, quia continet plurima illa miracula,

quorum meminit Augustinus lib. viii Confess., cap. 6.

Tertio, quia recenset historiam illam de anima Ammonis, quam Palladius, cap. 8, et Socrates, lib. iv, cap. 18, ex libro Athanasii de vita Antonii referunt.

Quibus addi possunt et alia non minus certa testimonia.

Primo, certissimum testimonium beati Ephrem suggerit, qui ex hac vita nomine Athanasii duo loca ad verbum citat, quæ vide in notat., capite 23 et 60. Idem quoque in epist. ad Joannem monachum brevi Antonii Vitæ anacephalæosi (quæ singula in hac Vita habentur) monachos ad communem vitam hortatur.

Secundo, æque certum indicium suppeditat auctor Vitæ sancti Pachomii, quam jam olim Dionysius Exiguus interpretatus est, qui Athanasii nomine mentionem facit Ammonis et Theodori, qui in hac Antonii Vita occurrunt.

Tertio, Damascenus, orat. i, de Imaginibus, ex hac Vita locum citat, quem hic habes, c. 57. uti catena ms. in Lucam ex Græcis Patribus collecta, quæ exstat in Bibliotheca Palatina, referente Felckmanno.

Quid, quæso, testatius, ad auctori alicui librum asserendum, adduci potest? Sunt tamen hæretici, qui subdubitare non verentur an hæc, quæ hic exhibetur, Vita, sit ab Athanasio scripta. Ita Magdeburgenses, centur. iv, cap. 40, pag. 1306, nulla tamen vel ratione vel conjectura, vel auctoritate addita. Dubitat et Petrus Felckmannus Coronarius, qui nuper Athanasii Græcolatinæ editioni præfuit.

Sed non insolens, dubitare hæreticos, ubi quid eorum palato minus arridet, uti in hac vita præclara monachismi signique crucis testimonia. Verum præfractor et magis effrons incedit Rodolphus Hospinianus, de Orig. Monach., lib. iii, cap. 1 et cum eo Abrahamus Scultetus, Medull. Theolog. Patrum parte II, qui ausi fuere asserere scriptum hoc, quod hodie sub Athanasii nomine circumfertur, nullam prorsus fidem mereri, imo insulsi hominis commentum esse; qui paribus his argumentis instant, ita ut alter alterum exscripserit.

Primo, nuper enim admodum ad reliqua Athanasii opera scriptum hoc adjectum est. Græce enim non reperitur, nec in Basileensi, nec in Anglicano, nec in aliis Codicibus. Respondeo, scriptum hoc in ipsis typographi cunabulis Athanasii nomine impressum fuisse Latine in Vitis Patrum; et passim in mss. libris, iisque vetustissimis inveniri. Cujus textus Græcus anno 1611 Augustæ Vindelicorum prodiit ex ejusdem civitatis bibliotheca, curante Davide Hoeschelio, ut jam dixi. Qui et ex Anglicano Codice Henrici Savilii variantes lectiones adjecit.

Secundo, non reperiuntur in hoc scripto vitæ monasticæ leges, quas Nazianzenus scribit Athanasium suo narrationis prætextu promulgare voluisse. Respondeo: *Sanctorum Vita* (ut ait sanctus Ambrosius lib. de S. Joseph, c. 1) *cæteris norma vivendi est*. Et Hieron., epist. 2 ad Nepot., de Vita Heliod. *Normamque vitæ ejus, exemplum habere virtutum*. Idem Epist. 15, ad Narsellam, de Asellæ Vita: *Conversacionem illius perfectæ vitæ normam arbitrentur*. Et ne ab ipso Antonio discedamus: Ἔστι γὰρ μοναχὸς ἱκανὸς χαρακτήρ πρὸς ἀσκήσιν ὁ Ἀντωνίου βίος. *Perfecta est siquidem ad virtutem via, Antonium scire, quis fuerit*, ut ait Athanasius in hujus vitæ præfatione. Nec paucas sanctus Antonius monasticas leges, exhortationibus suis, quæ in hac Vita habentur, exprimit. Quod si Hospinianus, vel Scultetus, vel alius quis Calvinista, ex vitæ hujus præscripto vitam suam componeret, næ ille monasticis legibus egregie obsecutus diceretur.

Tertio, cum auctor scripti hujus demonstrare conatur, Antonium Christum in omni vitæ suæ cursu imitatum fuisse, ita pueriliter et ridicule de eo fabu-

latur, ut, nihil cum iudicio eum legisse in Athanasio merito dici queat. Respondeo, non mirum hoc a Calvinianis hominibus asseri, cum de ejus sortis hominibus, serolice insipientiam suam recognoscens, et sanctis ipsis jam olim dictum sit: *Hi sunt quos habuimus aliquando in derisum et in similitudinem improperii. Nos insensati vitam illorum æstimabamus insaniam* (Sap. v).

Quarto, falsus hic auctor dicit Antonium indoctum fuisse et litterarum imperitum, cum alii contra asserant *causidicum* fuisse, et *valde doctum*. Respondeo, Et indoctus fuit, et doctus Antonius: indoctus quidem, id est, litterarum imperitus; doctus vero Dei dono, et sagacitate animi. Quod habes in Vita per Athanasium. Nam cap. 1 dicitur quod non passus sit se *litteris erudiri*; ergo recte *litterarum imperitus* dicitur, et *indoctus*, id est, non doctus litteras, qui tamen apud eundem, capite 38, dicitur a Deo doctus, seu Θεοδιδάκτος. Quod utrumque de eo testatur divus Augustinus, prolog. lib. 1 de doctrina christiana: «Antonius, inquit, sine ulla scientia litterarum Scripturas divinas et memoriter audiendo tenuisse, et prudenter cogitando intellexisse prædicatur.»

Quod vero *causidicum* aiunt fuisse Antonium, sane *causidicus* fuerit, sed *ex eorum numero, qui æternam vitam accipiunt, et efficiuntur causidici sanctitatis* ut de sancto Tiburtio habetur in Vita sancti Sebastiani, lib. 1.

Mirum profecto mihi visum, Antonium ab aliquibus *causidicum* dici, ut citat uterque hæreticus loco jam citato, nullo addito auctore. Quod cum diu quæsissem, tandem in Hospiniano, lib. 11. de Monachatu cap. 111, video citari Suidam ad hoc propositum. Quare eum adeo. Ille vero non Antonii nostri meminit, qui ortus fuit in Ægypto in vico Coma juxta Heracleam, ut habet Sozom. lib. 1, cap. 13, et Niceph. lib. VIII, cap. 40, sed Antonii ejusdem Alexandrini qui Alexandriæ et Byzantii sororis causam egit, quique ipsius Suidæ ætate vixit. Ait enim: «Εγωγε οὖν καὶ αὐτὸς ὁμολογῶ τῷ ἀνδρὶ μεγίστῃ ἀτεχνῶς τὴν χάριν, ἣν ἀμελήσασθαι αὐτὸν εἰργασίαι τοὺς θεοὺς ἐν μακάρων νήσοις ᾗδῃ συζῆν ἡξιώμενον.» Atque ego etiam plurimum illi me debere fateor; atque ut dii gratiam illi in beatorum insulis referat, quorum contubernio fruitor, precor. » Vel potius alterius ethnici auctoris tempore, ex quo Suidas illa de eo excerpserit; nam *deos precari*, ethnicismus est. Quare quod de eo ibidem ait: Γάζαν ἀπέφηνεν ἱερατέρων πολλῶ μᾶλλον, ἢ πρότερον ἦν: «Gazam multo augustiorem fecit, quam prius fuerat;» alludit, opinor, ad Gazensia sacra, seu Marnæ idolum. Quare et præcedit de animo ejus conformato πρὸς θεοῦ θεραπειάν τῶν τε δημότηλῶν καὶ ἀποβῆγ, τότεσαν, «ad Dei cultum tam vulgarem, quam arcanum;» Dei, inquam, Marnæ seu Jovis pluvii, qui maxime Gazæ cultus, ut habetur in Vita sancti Porphyrii, apud Metaphr., 26 Febr.

Vides, lector, quid de emedullata illa medulla Sculteti, quid de monachatu seu mæchatu Hospiniani tibi promittere debeas, cum tam frivola contra receptissimam vitam, contra vetustos Patres, contra ipsam vetustatem producantur argumenta. Sed displicuit videlicet *reliquiarum cultus*, qui ex hac Vita luculenter probatur, ideoque Scultetus, cap. 16 Synthesis doct. beati Athanasii, hanc Antonii Vitam commentitii auctoris scriptum vocat.

Firmum igitur fixumque sit, Athanasium hujus Vitæ auctorem esse. An vero et finem Vitæ huic attulerit, dubitatur.

Baronius, anno Christi 343, Julii papæ 7, Constantii et Constantis imp. 7. Quod, ait, in Vita Antonii ab Athanasio conscripta, de congressu Pauli cum eo nulla penitus mentio habeatur, inde accidit, quod (ut eodem Hieronymo auctore dictum est) Athanasius res gestas Antonii, ipso adhuc vivente, scriptis commendavit, easque Romam detulit ante biennium cum a Julio papa vocatus est, quo tempore hæc de Paulo nondum acciderant (Baron., anno Christi 340

ex Hier., epist. 16). Postea vero, multis prætermisissis, appositus est ejus obitus: sed an ab eodem Athanasio, haud asserere audeam. Idem sentit Possevinus in Apparatu sacro in Antonio.

Ego vero nullum dubitationi locum invenio, quominus Athanasius finem vitæ huic attexuerit; nec invenissent, credo, Baronius et Possevinus, si præfationis Athanasii in hanc Vitam fuissent memores. Ita enim ille ad peregrinos fratres: «Quoniam igitur exegistis a me ut vobis scriberem de conversatione beati Antonii, volentibus discere quemadmodum cœperit, quive fuerit ante sanctum propositum, qualem etiam habuerit terminum vitæ.»

32 Cur vero non meminerit Athanasius congressus Antonii cum Paulo, non aliam causam invenio, quam quod non omnia Antonii gesta referat, unde peregrinos fratres monet, ut existiment se *minima audisse de maximis*. Cum ob portitoris litterarum festinationem non potuerit monachos evocare, *ut plenius aliquid addicens, munera majora transmitteret*.

Quando vero contigerit Athanasium scribere Vitam Antonii, eamque Romam deferre, quoniam ejus rei nunc aliqua mentio facta est, porro investigemus.

Baronius, anno Christi 340, Julii papæ 4, Constantini, Constantii et Constantis imperat. 4. Quam vero, inquit, proficuus fuerit Athanasii Romam accessus, vel ex eo potest intelligi, quod in urbem invexerit ipse primus Ægyptiorum monachorum institutionem, vitamque admirandam Antonii Magni, licet adhuc viventis, a se conscriptam detulerit: quod vitæ genus ad omnes Evangelicæ perfectionis numeros attemperatum, etiam nobilissimæ Romanæ semine consecrari cœperunt. Tradit enim hæc de his sanctus Hieronymus: «Nulla eo tempore nobilium feminarum noverat Romæ propositum monachorum, nec audebat propter rei novitatem, ignominiosum (ut tunc putabatur) et vile in populis nomen assumere. Hæc (Marcella scilicet) ab Alexandrinis prius sacerdotibus, papaque Athanasio, et postea Petro qui persecutionem Arianae hereseos declinantes quasi ad tutissimum communionis suæ portum, Romam confugerant, Vitam beati Antonii, tunc adhuc viventis, monasteriorumque in Thebaide Pachomii, et virginum ac viduarum didicit disciplinam; nec erubuit profiteri quod Christo placere cognoverat» (Hieron., epist. 16, ad Princip.). Hactenus ex Hieronymo Baronius.

Ex quibus quidem elucet, Athanasii quoque opera Marcellam de Vita Antonii didicisse, non tamen quod Athanasius tunc Antonii Vitam a se descriptam Romam detulerit, quam ipsius testificatione jam vidimus, post mortem demum Antonii ad peregrinos fratres fuisse perscriptam.

Præstitit igitur Romæ Athanasius, quod ante eum Alexandrini sacerdotes, quodque post eum Petrus Alexandrinus primum presbyter, deinde episcopus præstitere; ut quæ coram in Ægypto et Thebaide, vel viderant vel audierant de Antonio et Pachomio tunc adhuc viventibus, ea Romanis enarrarent. Si quis breviculis quædam ab iis comprehensa tunc velit, ne memoria exciderent; per me licet; modo Athanasio ipsi fidem habeamus, quod post mortem demum Antonii, rogatu peregrinorum fratrum, vitam ejus descripserit.

An vero anno Christi 340 Athanasius Romæ Marcellam viduam de Vita Antonii docuerit, existimo non omnino certum esse. Nam cum Baronius, tom. V, anno Christi 400 statuat Marcellæ obitum, valde longævam eam oportuit fuisse, quippe nonagenariam, si eam statuamus xx annorum, cum Athanasius primum Romam venit, anno 340. Quæ ætas si Marcellæ competit, potest dicto anno Christi 340 de Antonio ex Athanasio inauduisse.

Quod si minor ætas Marcellæ tribuenda, cum Athanasius sæpius Romam venerit, videlicet anno Christi 340, deinde 342, demum 349, potest postremo hoc anno Marcella de Antonio didicisse ex Athanasio.

Pergit Baronius occasione sancti Antonii et Mar-

cellæ, hæc contra monachorum hostes subnectere : A in reliquis omnibus cum Ecclesia catholica consentirent. At quibusnam persuasa, inquit (*Baron.*, anno 340), ejusmodi Vitæ institutum Deo gratum esse Marcella sensit, nisi ex innumeris pene miraculis, apostolicis plane signis, atque virtutibus, quas cum Antonium tum alios, divino illis calculo suffragante, assidue operari cognovit? Erat quidem in Oriente summum illud vivendi genus instar Eliæ ac Joannis Baptistæ cunctis hominibus etiam ethnicis et imperatoribus ipsis venerandum, sed et impiis quoque hæreticis reverendum, atque adeo cœlestibus civibus admirandum: utpote qui se in terris concives habere lætantes, cum eisdem tanquam gentilibus suis amice assidue versarentur. Factumque feliciter est ut Athanasio propalante inferretur, ac pariter coleretur in urbe sublime illud vivendi genus, cujus in montibus atque desertis locis tantum cernebantur impressa vestigia; nec detrectavit universus Christianus orbis in Occidente sectari quod sciret in Ecclesia Romana susceptum: quæ hæc omnia accepta fert Athanasio, cum alioqui non defuerint (quod dictum est superius) persecutionis retro temporibus, cum in urbe, tum aliis quoque in locis monachi; illos dixerim qui in similitudinem Pauli atque Antonii a persecutionibus fugientium, eadem ex causa in cryptis, antris, jugis montium, valliumque convexis recessibus delitescerent instar Eliæ a facie Achab et Jezabel fugientis, Deum propensius colerent; adeo ut licet monachi nomen visum sit urbi novum, res tamen ipsa vetus, sed in tanta Ecclesiæ pace legibus quibusdam exulta, fecundiori germine propagata.

Donatistæ hæretici, iidem et circumcelliones dicti, qui his ipsis temporibus adversus Catholicos grassabantur in Africa, primi ausi sunt, non de re ipsa, sed de nomine a piis quærere et dicere (inquit sanctus Augustinus [*August.* in *psal.* cxxxii]) consueverunt: « Quid sibi vult nomen monachorum? » et inferius: « Nobis dicunt: Ostendite ubi scriptum sit nomen monachorum? » Respondit post alia ad hæc ipse. « Quare ergo et nos non appellemus monachos, cum dicat Psalmus: *Ecce quam bonum et quam jucundum habitare fratres in unum* (*Psal.* cxxxii) ? *μόνος*, enim unus dicitur, et non unus quomodocunque, nam et in turba unus est, sed una cum multis unus d. ci potest, *μόνος*, non potest, id est solus; *μόνος*, enim unus solus est. Qui ergo sic vivunt in unum, ut unum hominem faciant, ut sit illis vere quod scriptum est: *Una anima, et cor unum* (*Act.* iv); multa corpora, sed non multæ animæ; recte dicitur *μόνος*, id est unus solus. » Et paulo post: « Merito insultant nomini unitatis, qui se ab unitate **33** præciderunt. Merito illis displicet nomen monachorum, quia illi nolunt habitare in unum cum fratribus; sed sequentes Donatum, Christum dividerunt. » Hæc Augustinus.

Probe jam vides, lector, a quorum partibus stent qui nostro hoc infelicissimo sæculo monachorum nomen adeo execrantur; et quorumnam profiteantur se esse discipulos, cum eorum sectentur impietatem, duplo quam illi plane impii, cum illi (ut ait Augustinus) nomini insultarent monachorum, quod ab unitate catholica defecissent; isti vero duplici apostasia, nempe quod ab Ecclesiæ fide et monastica observantia turpissime defecerunt: tales plane fuerunt, qui prima fecerunt fundamenta omnium hæresum, quæ hoc sæculo prodierunt. At non hæc tantum ex parte duplo (ut diximus) pejores quam Donatistæ, sed triplo; quippe qui non, sicut illi, de nomine solum moverint Catholicis quæstionem, sed rem ipsam fuerint acerbissimo odio insectati: verum et cum id agant, non verbis tantum, sed rebus moreque prædonum, in monasteria tum virorum, tum sacrarum virginum, ubicunque per vim licuerit, grassati fuerint, et debacchari non cessent, etiam quadruplo deteriores illis habendi sint. Cæterum quod ad alias res spectat, nihil est quod Sacramentarii Donatistis conferri possint, cum hi, paucis quibusdam exceptis,

A in reliquis omnibus cum Ecclesia catholica consentirent.

(d) *Evagrius*] Sæpius Hieronymus Evagrii nunc ut presbyteri, nunc ut sibi charissimi, nunc ut sancti meminit. Vide eum, epist. 5 et 6, ad Florentium; epist. 41, ad Ruffinum; epist. 49, ad Innocentium; epist. 43, ad Chromatium, Jovinum et Eusebium; item in Vita Malchi monachi captivi, c. 1; et in Chronico Eusebii, anno 2 Aureliani imperatoris, Christi 273, ubi eum ex familia Pompeiani ducis, cognomento Franci, qui Zenobiam devicit, originem ducere asseverat

Evagrium Vitæ hujus interpretem esse, clare asserit divus Hieronymus, ut vidimus in Elogio. Cui consentiunt omnia mss. exemplaria quæ Evagrii nomen huic Vitæ præfigunt.

Non defuere tamen qui Hieronymo hanc versionem vel scriptionem tribuant. Hilarion enim Veroneus, monachus Cassinensis, præfatione ante doctrinam Dorothei, Latine a se conversam, ait « Hieronymum Antonii monachi Vitam ita transtulisse, ut nihil in ea desit ex sensu, cum multa desint ex verbis. » Joannes quoque Grynaeus, præfatione *Orthodoxographiæ* ait: « Vitam Antonii *γραμμῶς* Hieronymus descripsit »

Sed majorem cuiquam dubitationem injicere possit Baronius, qui aliquam suæ opinionis rationem afferre videtur. Nam notat ad Martyrolog. Rom., 17 Jan., postquam egit de Actis Antonii ex Athanasio in Latinum sermonem ab Evagrio Antiocheno versis, ait: « Præstitit hoc ipsum idem divus Hieronymus, postulante Pammachio, ut ipse profiteretur, ad eundem scribens epist. 101, de Opt. gen. interp., quam illam esse putamus quæ habetur præ manibus. » Idem, tom. III Annal., anno Christi 358, ex divi Hieronymi epistola 101, deducit eum ex Græco vertisse Vitam sancti Antonii.

C Legi, relegi epistolam illam quam citat Baronius, non semel; nec tale quid, quale asserit, deprehendi. Sed imposuit, ut video, viro multijuga lectione occupato, non bene perlectus Hieronymus. Postquam enim divus Hieronymus versiones suas, quibus non verba verbis, sed sententias sententiis exprimebat, exemplo Ciceronis defendisset, itaque se Eusebii Chronicon ante viginti circiter annos vertisse asseruisset, ne vel ethnicis tantum, vel sua solius nitere auctoritate, addit et alterius (Evagrii scilicet, quem tamen non nominat) viri sæculo suo clari testimonium. « Verum, ne meorum, inquit, scriptorum parva sit auctoritas, quamquam hoc tantum probare voluerim, me semper ab adolescentia non verba, sed sententias transtulisse; qualis super hoc genere præfatiuncula sit in libro, quo beati Antonii Vita describitur (scilicet ab Evagrio Antiocheno, ut ipse testatur in catal. illustr. Eccles. scriptor., cap. 125) ipsius lectione cognosce. » Et subit eam præfatiunculam, quæ huic ipsi Vitæ præfigitur. « Ex alia in aliam linguam expressa ad verbum translatio, sensum operit, et veluti læto gramine sata strangulat. Dum enim casibus et figuris servit oratio, quod brevi poterat indicari sermone, longo ambitu circumacta vix explicat. Hoc igitur ego vitans, ita beatum Antonium te petente transposui, ut nihil desit ex sensu, cum aliquid desit ex verbis. Alii syllabas aucupentur et litteras, tu quære sententiam. »

Vides, lector, quid Baronium in errorem traxerit. Hæc enim verba. *Hoc igitur ego vitans, etc.*, non Hieronymi sunt ad Pammachium, sed Evagrii ac Innocentium, ut hic habes in præfatiuncula Vitæ Antonii præmissa. Cujus auctoritate suas quoque versiones tuetur Hieronymus. Si enim hæc præfatio divi Hieronymi esset, non dixisset supra: « Verum ne meorum scriptorum parva sit auctoritas, » quibus insinuat se alterius auctoritatem advocaturum.

Adde quod in prologo ad Vitam Pauli primi eremite Hieronymus ait: « Quia de Antonio tam Græce

quam Romano stylo diligenter proditum est. » A rat Athanasius, et si qua ejusmodi sunt alia. Hactenus Possevinus.

Hæc fusius aliquanto deduxi, ne temere viderer a viro magno recedere. Maneat igitur Evagrius Antiochenus Vitæ hujus interpres.

Dices. Gelasius, decret. de libr. authent. et apocr., d. 15, videtur asserere etiam Antonii Vitam a divo Hieronymo scriptam. Ait enim : « Vitas Patrum Pauli, Antonii, Hilarionis, et omnium Eremitarum, quas tamen vir beatissimus descripsit Hieronymus, cum omni honore suscipimus. »

Baronius, notat ad Martyrologium Romanum, 34 17 Januarii, ex Hieronymi epist. 101, non rite intellecta, uti jam demonstravi, existimavit factum ut Gelasius dixerit Hieronymum non tam vertisse quam scripsisse Antonii Vitam, quia non verba verbis, sed sententias reddiderit sententiis. Quod ipsum repetit tomo III Annal., anno Christi 358.

Possevinus, Apparatu sacro, in Antonio, etsi cum Baronio existimet Vitam Antonii a divo Hieronymo quoque Latinitati donatam, aliam tamen causam assignat cur Gelasius dicat eum scripsisse (non autem, vertisse) Vitam sancti Antonii. Non, inquit, solum quia sententias sententiis reddidit, ut quidam (Baronius) existimavit, verum etiam quia integriorem emisit. Antonii enim Ægypti Magni, adhuc superstitis, cum Athanasius Vitam scriberet, factum est ut eorum quæ subsecuta sunt prætermissa sint aliqua, ut et Antonii obitus incertum sit num attextus sit deinceps ab Athanasio, quem Romam attulisse res ab Antonio gestas ante biennium ejus mortis (intellige hic Possevinum de morte Pauli) nempe a Julio pont. maximo vocatum, Hieronymus narrat. Ac proinde haud mirandum si hic in vita Pauli narret quæ Athanasius omisit, de demone in hippocentauri specie, de Antonii congressu cum Paulo, de corvo panem afferente, de pallio quod Antonio largitus fue-

rat Athanasius, et si qua ejusmodi sunt alia. Hactenus Possevinus.

Ego vero, ut Evagrium Vitam vertisse Antonii clare satis, nisi me fallit opinio, probavi, quod ab Hieronymo quoque factum, non æque probatum est; ita videri alicui possit Gelasius, cum Vitam Pauli et Antonii ab Hieronymo ait descriptam, respexisse ad Pauli Vitam, in qua tanta prope Antonii quam Pauli fit mentio. Et sane Græca hujus Vitæ inscriptio in bibliotheca Bavarica utrumque præfert. Ita enim habet : Διήγησις τοῦ ἁγίου Παύλου Θεβαίου, καὶ Ἀντωνίου Αἰγυπτίου. Enarratio de sancto Paulo Thebæo, et Antonio Ægyptio.

Nisi quis forte Evagrium, Græcum hominem, et Hieronymo conjunctissimum, studiorumque ejus patronum, in vertenda Antonii Vita, Hieronymi opera usum esse velit, suaque censoriæ Hieronymi virgulæ subjecisse. Certe intermicant nescio quæ Hieronymiani styli stricturæ.

Quamquam dicere quis possit, Evagrio, etsi Antiocheno homini, Latinam dictionem æque atque Græcam familiarem fuisse, quippe qui originem ducat a Pompeiano duce, cognomento Franco, ut habet Hieronymus in Chronico, quod supra citavimus, quem Latinum hominem fuisse vero est simile.

Quidquid demum sit, existimo plerasque Patrum Vitas sine auctoris et interpretis nomine olim circumlatas, unde tam varia de auctoribus Vitarum Patrum opinio orta fuit, ut vidimus supra, in prolegomenis generalibus. Quin haec ipsam Antonii Vitam citans divus Hieronymus, epistola illa 104, cap. 2, seque interpretis præfatiuncula defendens, non meminit nominis interpretis. Unde fortassis hæc Antonii quoque Vita inter Pauli et Hilarionis Vitas olim descripta, occasionem dedit Gelasio existimandi Hieronymum quoque Vitæ Antonii auctorem esse, qui duarum aliarum auctor est.

XVII JANUARIUM.

VITA BEATI ANTONII ABBATIS

AUCTORE SANCTO ATHANASIO, EPISCOPO ALEXANDRINO

INTERPRETE EVAGRIO PRESBYTERO ANTIOCHENO.

Evagrii ad Innocentium (1) prologus

35 Presbyter Evagrius Innocentio charissimo filio in Domino salutem.

Ex alia in aliam linguam ad verbum expressa translatio, sensus operit, et veluti lætum gramen sata strangulat. Dum enim casibus et figuris servit oratio, quod brevi poterat indicari sermone, longo ambitu circumacta vix explicat. Hoc igitur ego vitans, vitam beati Antonii, te petente, ita transposui, ut nihil desit ex sensu, cum aliquid desit ex verbis. Alii syllabas aucupentur et litteras, tu quære sententiam.

ATHANASII EPISCOPI ALEXANDRINI PRÆFATIO.

Athanasius episcopus ad peregrinos fratres.

Optimum, fratres, iniistis certamen; aut æquari Ægypti monachis, aut superare nitentes virtutis instantia. Etenim apud vos jam plurima sunt monasteria; monachorum quoque nomen est celebre; et hanc voluntatem vestram juste quisque mirabitur; orantibusque vobis optatum Deus tribuet effectum. Quoniam igitur exegistis a me ut vobis scriberem de conversatione beati Antonii, volentibus discere quemadmodum cœperit, quive fuerit ante sanctum propositum, qualem etiam habuerit terminum vitæ, et si vera sint ea quæ de ipso fama dispersit, ut ad ejus æmulationem atque exemplum vos instituere possitis, magna cum lætitia suscepi vestræ charitatis imperium. Etenim mihi ingens lucrum est atque utilitas hoc

ipsum quod recorder Antonii (2) et vos cum admiratione audientes, scio ejus propositum cupere sectari : perfecta est siquidem ad virtutem via, Antonium scire quis fuerit.

Ergo ut breviter dicam, et omnibus, quæ de eo referentium sermo jactavit credite, et minima vos existimate audisse de maximis; quia non ambigo nec eos omnia potuisse **36** cognoscere, cum et ego rogatus a vobis, quantacunque per epistolam significavero, non æqualia sim ejus meritis narraturus. Sed et vos omnes hinc navigantes studiose percontamini, quo, singulis quæ norunt referentibus, congrua dignaque tanti nominis relatio compleatur. Disponebam itaque post lectionem litterarumstrarum aliquos ad me monachos invitare, et maxime eos qui crebro ad eum ire consueverant, ut plenius aliquid addiscens, munera vobis majora transmitterem. Sed quoniam et navigationis tempora labebantur, et litterarum portitor vehementissime festinabat, ideo ea quæ et ipse noveram (frequenter enim eum visitavi) [3] et quæ ab eo didici, qui ad præbendam ei aquam non paululum temporis cum eo fecit (4), dilectioni vestræ indicare properavi : utrobique curam veritatis habens, ut neque plus aliquis audiens, miraculorum congestionem non credat, nec rursus meritis ejus inferiora cognoscens, non putet dignum esse miraculo pro tanti nominis viro.

VITA

CAP. I. — Antonius (5) nobilibus religiosisque **A**ob sororem reservatis, quæ et sexu et ætate videbatur infirmior.

parentibus natus, in Ægypto oriundus fuit (6), tanta suorum nutritus cura, ut nihil aliud præter parentes domumque cognosceret. Et cum jam puer esset, non se litteris erudiri (7), non ineptis infantum jungi passus est fabulis; sed Dei desiderio flagrans, secundum quod scriptum est (*Gen. xxv*), innocenter habitabat domi (8). Ad ecclesiam quoque cum parentibus sæpe conveniens, nec infantum lascivias, nec puerorum negligentiam sectabatur; sed tantum ea quæ legebantur auscultans, utilitatem præceptorum vitæ institutione servabat; non suis, ut solet illa ætas, pro variis et delicatis cibus unquam tædio fuit; non escæ mollioris blandimenta sectatus est; his solum quæ dabantur contentus, nihil amplius requisivit.

CAP. II. — Post mortem autem parentum, annum circiter decem et octo seu viginti, cum sorore admodum parvula derelictus, et domus et sororis honestam curam gerebat. Necdum vero sex fluxerant menses, quibus ad ecclesiam (ut solebat) accurrens, recordabatur quomodo et apostoli, omnibus spreto, secuti fuissent Salvatorem (*Matth. x*): et multi, ut legitur in Actis apostolorum (*Actor. iv*), facultatibus suis venditis, pretia ad pedes eorum detulissent egentibus partienda, quæve aut quanta spes iisdem reposita esset in cælis (*Coloss. i*). Talia secum volvens, intravit ecclesiam, et accidit ut tunc evangelium legeretur (9), in quo Dominus dicit ad divitem: Si vis perfectus esse, vade, vende omnia tua quæcunque habes, et da pauperibus, et veni, sequere me, et **C** habebis thesaurum in cælo (*Matth. xix*). Quo audito, quasi divinitus hujusmodi autem memoriam concepisset, et veluti propter se hæc esset Scriptura recitata, ad se Dominicus traxit imperium; statimque regressus, possessiones quas habebat vendidit. Aruræ autem erant ei trecentæ uberes, et valde optimæ (10), quas vicinis largitus est, ne in aliquo aut sibi aut sorori molestia gigneretur. Cætera vero, quæ in mobilibus possidebat, universa vendidit: et aggregato non exiguo pretio, indigentibus dedit, paucis tamen

CAP. III. — Rursus autem ecclesiam ingressus, cum audisset Dominum in Evangelio dicentem: Nolite cogitare de crastino (*Matth. vi*), reliquam quoque portionem pauperibus distribuit; neque se versari passus est domi, sed sorore fidelibus ac notis virginibus commendata, ut earum nutrireretur exemplo, ipse jam omnibus sæculi vinculis liber, asperum atque arduum arripuit institutum.

Necdum autem tam crebra erant in Ægypto monasteria, neque omnino quisquam aviam solitudinem noverat; sed quicumque in Christi servitute sibi metipsi prodesse cupiebat, non longe a sua villula separatus instituebatur. Erat igitur in agello vicino **B** senex quidam, vitam solitariam a prima sectatus ætate: hunc Antonius cum vidisset, æmulatus est ad bonum. Et primo quidem incipiens etiam ipse, in locis paululum a villa remotioribus manebat: exinde autem, si quem vigilantem in hoc studio comperebat, procedens, quærebat ut apud prudentissimam; nec ad habitaculum suum ante remeabat, nisi ejus quem cupiebat frueretur aspectibus; et sic, tamquam munere mellis accepto, abibat ad sua. Tali ibidem institutus exordio, cum per dies singulos ita animum roboraret, ut nec opum paternarum, nec suorum meminisset affinium, omne etiam desiderium et sollicitudinem erga id quod cæperat exercebat, operabatur manibus suis, sciens scriptum esse: Qui non operatur, non manducet (*II Thess. iii*). Mercedem tamen operis sui, pretio panis excepto, egentibus largiebatur. **37** Orabat frequenter, quippe qui dicerat quod oporteret sine intermissione Dominum orare (*I Thess. v*).

Auditioni etiam Scripturarum ita studium commo- dabat, ut nihil ex ejus animo laberetur; sed universa Domini præcepta custodiens, memoriam pro libris haberet (11). Si suam vitam instituens, ab universis fratribus puro diligebatur affectu; et omnibus, ad quos studio discendi pergebat, obediens, proprias singulorum gratias hauriebat: hujus continentiam,

jucunditatem illius sectabatur; istius lenitatem, illius vigilantiam, alterius legendi æmulabatur industriam; istum jejunantem, illum humi quiescentem mirabatur; alterius patientiam, alterius mansuetudinem prædicabat. Omnium quoque vicariam erga se retinens charitatem, atque universis virtutum partibus irrigatus, ad sedem propriam regrediebatur. Ibi secum universa pertractans, omnium in se bona nitentibus exprimere. Neque vero adversum cœvos aliquando movebatur, sed ea tantummodo flamma egregio viro crescebat in pectore, ne secundus cuiquam in prædictis operibus inveniretur. Et hoc ita faciebat, ut cum omnes gloria anteiret, omnibus tamen charus esset. Nam et vicini et monachi, ad quos sæpe veniebat, Antonium videntes, Deicolam nuncupabant; indultisque naturæ vocabulis, quidam ut filium, alii ut fratrem diligebant (12).

CAP. IV. — Dum hæc gereret Antonius, quibus omnium in se provocaret affectum, inimicus nominis Christiani diabolus, impatienter ferens tantas in adolescente virtutes, veteranis eum aggressus est fraudibus. Et primo quidem tentans, si quo modo posset ab arrepto eum instituto detrahere, immittebat ei memoriam possessionum, sororis defensionem, generis nobilitatem, amorem rerum, fluxam sæculi gloriam, escæ variam delectationem, et reliqua vitæ remissionis blandimenta; postremo virtutis arduum finem, et maximum perveniendi laborem, necnon et corporis fragilitatem suggererat, et ætatis spatia prolata: propterea maximam ei cogitationum caliginem suscitabat, volens eum a recto proposito revocare.

Postquam autem diabolus orationibus ejus ad Deum, per passionis fidem se intellexit elidi, consueta adversum omnes adolescentes arma arripiens, nocturnis eum inquietabat illecebris. Et primum noctibus infesta multitudo et horribili metu sonitus eum exagitare conabatur. Per dies etiam tam apertis in eum telis irruebat, ut nullus ambigeret, quin Antonius contra diabolum dimicaret. Nam et ille cogitationes sordidas conabatur inserere, et hinc eas oratu submovebat assiduo. Ille titillabat sensus naturali carnis ardore; hic fide, vigiliis et jejuniis corpus omne vallabat. Ille per noctes in pulchræ mulieris vertebatur ornatum, nulla omittens figmenta lasciviæ; hic ultrices gehennæ flammæ et dolorem vermium recordans, ingestæ sibi libidini opponebat.

Ille lubricum adolescentiæ iter (13), et ad ruinam facile proponebat; hic æterna futuri judicii tormenta considerans, illæsam animæ puritatem per tentamenta servabat. Ista autem omnia ad confusionem diaboli fiebant; qui enim similem se Deo fieri posse existimabat, nunc ab adolescente ut miserimus deludebatur; et qui contra carnem et sanguinem sæviebat, ab homine, qui carnem portabat elisus est. Adjuvabat enim servum suum Dominus, qui nostri gratia carnem suscipiens, victoriam corpori contra diabolum largitus est, ut, singulis ita certantibus, apostolicum liceret proferre sermonem: Non

A autem ego, sed gratia Dei, quæ mecum est (I Cor. xv).

Postremo cum nec hoc argumento destruere posset Antonium draco teterrimus, et videret se semper ab ejus cogitationibus repelli, secundum quod scriptum est (Marc. ix), stridens dentibus et ejulans, qualis est, talis merito apparebat et vultu: puer horridus atque niger, ad ejus se genua provolvens, humana voce flebat, dicens: Multos seduxi, plurimos decepti; nunc autem ut a cæteris sanctis, ita et tuo sum labore superatus. Quem cum interrogaret Antonius quisnam esset, qui talia loqueretur, ait: Ego sum fornicationis amicus, ego multimoda adversum omnes adolescentes turpitudinis arma suscepi; hinc et spiritus fornicationis vocor (14). Quantos pudice vivere disponentes fefelli! quot tenuiter incipientes, ad sordes pristinas redire persuasi! Ego sum, propter quem propheta lapsos increpat, dicens: Spiritu fornicationis seducti estis (Osee iv), et revera per me et illi fuerant supplantati. Ego sum qui te ipsum sæpe tentavi, et semper repulsus sum. Cum hoc Christi miles audisset, gratias agens Deo, et largiore adversus inimicum confortatus audacia, ait: Multum ergo despicibilis, multumque contemptibilis es; nam et obscuritas tua et ætas infirmarum signa sunt rerum. Nulla mihi jam de te cura est. Dominus mihi adjutor est, et ego exultabo super inimicos meos (Psal. cxvii). Et statim, ad vocem cantantis, phantasma quod videbatur, evanuit.

CAP. V. — Hæc autem Antonii contra diabolum fuit prima victoria, imo virtus in Antonio Salvatoris: qui peccatum in carne condemnavit, ut justificatio legis in nobis completeretur, qui non secundum carnem ambulamus, sed secundum spiritum (Rom. viii). Sed neque Antonio securitatem dedit hic unus triumphus, nec diabolo semel fractæ defecere vires. Nam et iste, ut leo rugiens (I Pet. v), quærebat aditum per quem posset irrumpere; et ille Scripturarum doctus eloquio, multas esse dæmonum captiones (Ephes. vi), solerti propositum labore servabat; considerans quia posset Satanæ in carnis collectatione superatus, novarum adversus se artium machinas acrius commovere. Idcirco magis ac magis subjugabat corpus suum, ne victor aliorum, in aliis vinceretur (I Cor. ix). Disponens igitur duriori se vitæ lege constringere, cum omnes infatigabilem adolescentis mirarentur instantiam (15), sanctum toleranter ferebat laborem, quia voluntariæ servitutis longum in Dei opere studium, consuetudinem in naturam verterat.

CAP. VI. — Inediæ autem et vigiliarum in tantum patiens erat, ut incredulitatem viribus vinceret. Pernoctabat in oratione sæpissime, edebat semel in die post solis occasum, nonnunquam biduo triduoque sic permanens, quarta demum die reciebat. Sumebat vero panem et sal, potumque aquæ perparvum. De carnibus vero et vino tacere melius puto quam quidquam dicere, quando nec apud plurimos quidem monachorum istiusmodi aliquid reperitur

Quieti autem membra concedens, junco contexto atque cilicio utebatur. Nonnunquam etiam super nudam humum jacebat. unguenta penitus repudiavit. Dicebat enim minime posse utentium, et præcipue juvenum corpora roborari, si olei essent lenitate mollita; oportere vero asperos carni labores imperari, secundum Apostoli præceptum, dicentis: Quando infirmor, tunc fortior sum (*II Cor. XI*). Asserebatque sensum animi sic posse reviviscere, si corporis fuisset impetus fatigatus. Unde nec temporum longitudine laborum merita pensabat, sed amore et famulatu spontaneo semper, tanquam in principiis constitutus. ad profectum divini metus desiderium concitabat. Novisque cupiens augeri præterita, supra memorati Doctoris sermonum recordabatur, qui ait: Præterita obliviscens, et in futurum convalescens (*Philip. III*). Meminerat quoque Eliæ prophetæ dicentis: Vivit Dominus, cui asto hodie ante ipsum (*III Reg. XVII*); et disserebat cur *hodie* esset appositum, quia non computabat Elias præteritum tempus, sed tanquam quotidie in certamine constitutus, talem se præbere cupiebat, qualem sciebat dignum Dei esse conspectibus, purum corde, et paratum obedire voluntati ejus.

CAP. VII. — Igitur sanctus Antonius secum reputans oportere Dei famulum ex instituto magni Eliæ exemplum capere, et ad illud speculum vitam suam debere componere, ad sepulcra non longe a villa constituta secessit, uni de cognitis mandans ut statutis diebus sibi alimenta deferret. Et cum in una memoria (16) supra dictus frater eum clausisset, solus ibidem morabatur. Metuens ergo diabolus ne accessu temporis eremum quoque habitari faceret, ita eum aggregatis satellitibus suis, varia cæde laceravit, ut doloris magnitudo et motum auferret et vocem. Nam et ipse postea sæpe referebat, vulnera fuisse tam gravia, ut universa hominum tormenta superarent; sed Dei providentia, quæ nunquam in se sperantibus deest, conservavit eum.

Alio die, is quem supra diximus frater advenit, cibos deferens assuetos; atque eum jacentem in terra semimortuum, fractis foribus, invenit. Quem impositum humeris, ad villulæ domicilium reportavit. Quo audito, ingens vicinorum atque affinium multitudo concurrens, triste in medio positi funeris reddebat officium. Et jam media noctis parte transgressa, gravis pervigiles omnium oculos vicerat sopor. Tum Antonius anima paululum redeunte suspirans, elevavit caput; cæteris vero alta quiete prostratis, eum, a quo delatus fuerat, vigilare conspexit: eumque nutu advocans, obsecravit ut, nullo penitus excitato, ad pristinum se referret habitaculum.

CAP. VIII. — Relatus ergo, juxta consuetudinem solus iterum permanebat; et stare quidem propter recentes plagas non poterat, orans vero prostratus, post orationem clara voce dicebat: Ecce hic sum ego Antonius, non fugio vestra certamina, etiamsi majora faciatis, nullus meseperabit a charitate Christi (*Rom. VIII*). Psallebatque dicens: Si consistat

adversum me castra, non timebit cor meum (*Psal. XXVI*). Talia eo dicente, bonorum hostis diabolus, admiratus quod post tot verbera fuisset ausus reverti, congregatis canibus suis, et proprio se furore dilanians: Videtis, ait, quia nec spiritu fornicationis, nec corporis doloribus superatus, insuper audacter lacessit nos. Omnia arma corripite, acrius a nobis impugnandus est. Sentiatis, sentiat. Debet scire quos provocet. Dixit, et ad hortantis vocem audientium turba consensus, quia innumeras diabolus habet artes nocendi. Sonitus igitur repentinus increpuit, ita ut loco funditus agitato, et parietibus patefactis, multifaria dæmonum exinde turba se effunderet; nam et bestiarum et serpentium formas induentes, omnem protinus locum replevere phantasiis 20 leonum, taurorum, luporum, aspidum, serpentium, scorpiorum, necnon et pardorum atque ursorum. Et hæc singula secundum suam fremebant naturam. Rugiebat leo, occidere volens; taurus mugitu et cornibus minabatur; serpens sibilu personabat; luporum impetusingerebantur; pardus discoloriter (19) auctoris sui calliditates varias indicabat. Truces omnium vulnus, et vocis horridæ dirus auditus. Antonius flagellatus atque confossus sentiebat quidem asperiores corporis dolores, sed imperterritus durabat mente pervigili. Et licet gemitum vulnera carnis exprimerent, sensu tamen idem permansens, quasi de inimicis luderet, loquebatur: Si virium aliquid haberetis, sufficeret unus ad prælium; sed quoniam Domino vos enervante frangimini, multitudine tentatis inferre terrores, cum hoc ipsum infirmitatis indicium sit, quod irrationabilium induitis formas bestiarum. Rursumque confidens, aiebat: Si quid valetis, si vobis in me potestatem Dominus dedit, ecce præsto sum, devorate concessum. Si vero non potestis, cur frustra nitimini? Signum enim crucis et fides ad Dominum, inexpugnabilis nobis murus est. Multa contra sanctum Antonium minantes, fremebant dentibus suis, quod nullus eorum tentamenta consequeretur effectus, sed maxime e contrario gigneretur illusio.

CAP. IX. — Non oblitus Jesus (18) colluctationis servi sui, eidem protector factus est. Denique cum elevaret oculos, vidit desuper culmen aperiri, et, deductis tenebris, radium ad se lucis influere. Post cujus splendoris adventum nec dæmonum aliquis apparuit, et corporis dolor extemplo deletus est. Ædificium quoque, quod paulo ante dissolutum fuerat, instauratum est. Illico præsentiam Domini intellexit Antonius, et ex intimo pectore trahens longa suspiria, ad lumen quod ei apparuerat loquebatur, dicens: Ubi eras, bone Jesu? ubi eras? Quare non a principio affuisti, ut sanares vulnera mea? Et vox ad eum facta est, dicens: Antoni, hic eram, sed expectabam videre certamen tuum. Nunc autem, quia dicendo viriliter non cessisti, semper auxiliabor tibi, et faciam te in omni orbe nominari. His auditis, exurgens, in tantum roboratus, orabat ut intelligeret se plus recepisse tunc virium quam ante perdiderat.

Erat autem tunc Antonius annos natus triginta quin- que.

CAP. X.— Exinde cum voluntate prompta per merita religiosa succresceret, vadens ad supradictum senem, precabatur ut in deserto habitarent pariter. Causante illo senile ævum et rei novitatem, solus contendit ad montem, et cremi adhuc monachis ignotæ, vitæ rupto metu, viam conatus est pandere. Sed nec tunc cessavit infatigabilis adversarius; nam impedire ejus propositum volens, argenteum discum in itinere projecit; quo viso, Antonius callidi artificis agnovit astutiam, stansque intrepidus, et discum torvis intuens oculis, doli auctorem in phantasmate objurgabat argenti, talia secum reputans: Unde hic in deserto discus? avium hoc iter est, nulla sunt vestigia commeantium; lapsus de sarcina, præ magnitudine latere non potuit; sed et qui perdidit reversus, ob solitudinem locorum, invenisset profecto quod ruerat. Hoc artificium, diabole, tuum est, non impedies voluntatem meam, argentum tuum tecum sit in perditionem. Hæc illo dicente, discus ut fumus a facie ignis evanuit.

CAP. XI.— Dehinc non ut ante in phantasmate, sed ingentem auri massam jacentem in itinere conspexit. Verum hanc utrum diabolus simulaverit, an ad Antonium comprobandum, quia nec veris opibus inescaretur, virtus cœlestis ostenderit, ignoratur. Hoc tamen agnovimus, quia quod visum est, aurum fuit. At ille magnitudinem admiratus radiantis metalli, rapido cursu, quasi quoddam vitaret incendium, ad montem usque perrexit, ibique flumine transvadato, invenit castellum desertum, plenum (ob tempus et solitudinem) venenatorum animalium, in quo se constituit novus hospes habitavit. Statim ad ejus adventum ingens turba serpentium, quasi persecutorem passa, profugit. At ille obstructo lapidibus introitu, panes mensium sex, ut Thebæis mos est (19), secum recondens (nam crebro per annum incorrupti durare solent) necnon et exiguum habens aquæ, solitarii perdurabat; nusquam inde procedens, nunquam aliquem suscipiens, intantum ut cum bis in anno per tectum desuper panes acciperet, nullum cum deferentibus haberet alloquium.

CAP. XII.— Multis igitur, videndi eum desiderio et studio requirendi, ante ostium ejus pernoctantibus, audiebantur ut vulgi voces adversum Antonium, tam multisque dicentium: Quid te nostris ingeris habitaculis? quid tibi et deserto? Abscede a finibus alienis, non potes hic habitare, non nostras insidias sustinere. Et primo quidam, qui foris erant existimabant aliquos homines scalis appositis introisse, ibique contendere. Postquam autem per cavernas introsipientes, nullum viderunt, dæmones intellexerunt contra eum contendere. et nimio metu perterriti, Antonii auxilium flagitabant. At ille ostio propinquans ad consolandos fratres, ne timerent, atque ut inde recederent, precabatur, trepidantibusque asserebat cunctis a dæmonibus incuti metum: Signate vos, inquires, et abite securi, ipsosque se-

metipsos sinite deludere. Itaque illis revertentibus, hic remanebat illæsus, nec unquam in certamine lassabatur. Accedentium autem augmenta profectuum vel debilitas repugnantium, maximum ejus contentioni levamen addiderant, et ejus animo constantiam suggerebant. Rursusque ad eremum venientibus turbis quæ jam mortuum eum se existimaverant repleturos (20), ille psallebat intrinsecus: Exsurgat Deus, et dissipentur inimici ejus, et fugiant qui oderunt eum a facie ejus. Sicut deficit fumus, deficient; ut liquescit cera a facie ignis, ita pereant peccatores a facie Dei (*Psal. LXVII*). Et iterum: Omnes gentes circumdederunt me, et in nomine Domini vindicavi in eis (*Psal. CXVII*).

CAP. XIII.— Sic Antonius annis viginti solitarie transactis, atque ab hominum segregatus conspectibus perduravit. Cum ergo multorum et propositum imitari cupientium, et notorum multitudo ad eum concurreret, necnon et patientium infinita se caterva conglomeraret (21), tandem pene jam per vim foribus evulsis, quasi ex aliquo cœlesti aditu consecratus apparuit (22). Obstupuerunt universi et oris gratiam et corporis dignitatem, quod nec per quietem intumerat (23), nec jejuniis, dæmonumque certamine faciem ejus pallor obsederat; sed e contrario, quasi nihil temporis exegisset, antiquus membrorum decor perseveravit. Pro quanto miraculo! quæ in illo animi puritas fuit! Nunquam hilaritate nimia resolutus in risum est, nunquam recordatione peccati tristitia ora contraxit, non magnis stupentium se elatus est laudibus. Nihil in illo indecens solitudo, nihil asperum quotidiana cum hostibus bella contulerant; sed temperata mens æquali ad cuncta ferebatur examine. Plurimos igitur ab immundis spiritibus et infirmitatibus variis Dei gratia per Antonium liberavit. Sermo ejus sale conditus consolabatur mœstos, docebat inscios, concordabat iratos, omnibus suadens nihil amoris Christi anteponendum. Proponebatque ante oculos bonorum magnitudinem futurorum, et Dei clementiam, et beneficia retexebat indulta, quod proprio Filio suo non pepercerit Deus, sed pro nostra omnium salute eum tradiderit (*Rom. VIII*). Nec mora, plura audientium corda ad humanarum rerum contemptum hæc ejus suasit oratio, et habitandæ eremi istud ejus exordium fuit.

CAP. XIV.— Quid sane et in Arsinoitarum oppido (24) gestum sit, non transibo silentio. Nam cum fratres vellet invisere, et rivulum fluminis Nili, qui crocodilis et multis sævis fluminis bestiis plenus erat, transvadare esset necesse (25), tam cum comitibus suis transivit illæsus, quam inde redibat incolumis. Rursusque in pristinis laboribus perseverans, multos magisterio suo fratres confirmavit, ita ut brevi tempore plurima fierent monasteria (26). Novos antiquosque monachos, pro ætate vel tempore, paterno moderabatur affectu.

CAP. XV.— Quadam autem die, cum sanctus Antonius a congregatis fratribus rogaretur ut eis institutoria largiretur præcepta, cum prophetica fiducia

exaltans vocem, aiebat ad omnem quidem mandatorum disciplinam Scripturas posse sufficere (27); sed et hoc optimum fore, si mutuis se invicem fratres sermonibus consolarentur. Et vos ergo, inquit, ut patri referte quæ nostis, et ego quæ per longam ætatem consecutus sum quasi filii indicabo. Hoc sit autem primum cunctis in commune mandatum, nullum in arrepti propositi vigore lassescere, sed quasi incipientem augere semper debere quod cœperit, præsertim cum humanæ vitæ spatia, æternitati comparata, brevissima sint ac parva. Ita exorsus, paululum siluit; et admiratus nimiam Dei largitatem, rursus adjecit, dicens: In præsentī hac vita æqualia sunt pro rerum commutatione commercia, nec majora recipit ab emente qui vendit. Promissio autem vitæ sempiternæ vili pretio comparatur. Scriptum est enim: Dies vitæ nostræ septuaginta anni; si autem multum (28), octoginta; quidquid reliquum est, labor et dolor est (*Psal. LXXXIX*). Quando ergo octoginta, aut centum, ut multum, annis laborantes, in Dei opere vixerimus, non pari tempore regnaturi sumus in futuro; sed pro annis prædictis, omnium nobis sæculorum regna tribuentur. Non terram hæreditabimus, sed cælum; corpus quoque corruptum relinquentes, id ipsum cum incorruptione recipiemus. Ergo, filioli, non vos aut tædium defatiget, aut vanæ gloriæ delectet ambitio: Non sunt enim condignæ passiones hujus temporis, ad superventuram gloriam quæ revelabitur in nobis (*Rom. VIII*).

Nemo, cum despexerit mundum, reliquisse se arbitretur ingentia, quia omnis terra, ad infinitatem comparata cælorum, brevis ac parva est. Si ergo nec universo orbi renuntiantes, dignum aliquid habitaculis possumus compensare cælestibus, se unusquisque consideret, et statim intelliget, parvis aruris et parietibus, vel modica auri portione contempta, nec gloriari se debere, quasi magna dimiserit; nec tædere, quasi ¶ parva sit recepturus. Ut enim contemnit aliquis unam æream drachmam, ad drachmas centum aureas conquiritas, ita etiam, qui totius orbis dominium dereliquit, centuplum de melioribus præmiis in sublimi sede recipiet. Ad summum, illud perspicere debemus, quod etsi nostras velimus retentare divitias, lege mortis ab ipsis devellamur inviti, ut in libro Ecclesiasticis (*Ecccl. II*) scriptum est (29). Cur ergo non facimus de necessitate virtutem (30)? cur non ad lucranda regna cælestia ultro relinquimus quod lucis istius fine perdendum est? Nihil eorum curæ sit Christianis, quæ secum auferre non possunt; illud potius debemus expetere, quod nos ducat ad cælum, sapientiam scilicet, castitatem, justitiam, virtutem, sensum pervigilem, pauperum curam, fidem in Christo robustam, animum iræ victorem, hospitalitatem. Hæc sectantes, mansionem nobis in terra quietorum, secundum Evangelium (*Joann. XIV*), præparabimus. Consideremus Domini esse nos famulos, et servitutem debere ei a quo creati sumus. Ut enim servus præteriti gratia famulatus, præsens aut futurum non contemnit imperium, nec audet asse-

rere quod ex labore transacto instantis operis habere debeat libertatem, sed jugi studio (ut in Evangelio [*Lucæ XII*] scriptum est) eandem semper exhibet servitutem, ut et Domino placere possit, et ne metum lucretur et verbera; sic et nos divinis congruit parere præceptis, scientes quod æquus ille retributor in quo quemque invenerit, in eo sit judicaturus, quod prophetica per Ezechielem voce testatur (*Ezech. XXXIII*). Nam et infelix Judas propter unius noctis impietatem, omni præteriti temporis labore privatus est. Idcirco tenendus est continuus instituti rigor, habentibus Deum auxiliatorem, sicut scriptum est: Quia omni proponenti bonum Deus cooperatur (*Rom. VIII*).

Ad inertiam autem calcandam, Apostoli præcepta replicemus, quibus se mori quotidie testabatur (*I Cor. XV*): similiter et nos humanæ conditionis vitam ancipitem retractantes, non peccabimus. Cum enim excitati a somno, ad vesperam nos pervenire dubitemus, et quieti corpora concedentes, de lucis non confidamus adventu, et ubique naturæ ac vitæ incertæ memores, Dei nos intelligamus providentia gubernari; hoc modo non delinquemus, aut aliqua fragili cupiditate raptabimur; sed nec irascemur quidem adversus aliquem, nec terrenos congregare thesauros ambiemus: quin potius metu quotidiani recessus, et sejungendi corporis jugi meditatione, omnia caduca calcabimus. Cessabit mulierum amor, libidinis exstinguetur incendium, invicem nobis debita nostra donabimus, ante oculos semper habentes ultimæ retributionis adventum: quia major formido iudicii et pœnarum timor horridus, simul et lubricæ carnis incentiva (31) dissolvit, et ruentem animam quasi ex aliqua rupe sustentat (32). Ideoque precor ut ad finem propositi omni labore tendamus (*Philip. III*). Nemo post tergum respiciens Lot imitetur uxorem (*Gen. XIX*) præsertim cum Dominus dixerit nullum ponentem manum super aratrum et respicientem retrorsum, dignum esse regno cælorum (*Lucæ IX*). Respicere autem retrorsum nihil aliud est quam in eo pœnitere quod cœperis, et mundanis rursum desideriis obligari.

Nolite, quæso, virtutis tanquam impossibile nomen pavere, nec peregrinum vobis aut procul positum videatur hoc studium, quod ex nostro pendet arbitrio (33). Hujus operis homini inserta natura est (34), et ejusmodi res est, quæ nostram tantummodo expectat voluntatem. Græci studia transmarina sectentur (35), et in alieno orbe constitutos, inanium litterarum quærant magistros; nobis vero nulla proficiscendi (36), nulla transfretandi fluctus necessitas imminet, in omni sede terrarum constituta sunt regna cælorum. Unde et Dominus in Evangelio ait: Regnum Dei intra vos est (*Lucæ XVI*): virtus quæ in nobis est, mentem tantum requirit humanam. Cui enim dubium est quia naturalis animæ puritas, si nulla fuerit extrinsecus sorde polluta, fons sit et origo omnium virtutum? Bonam eam necesse est creaverit bonus Creator. Quod si forte cun-

ctabimur, audiamus Jesum filium Nave populo dicentem : Rectum facite cor vestrum ad Dominum Deum Israel (*Josue* xxiv). Nec Joannes dissonam tulit de virtute sententiam, prædicans : Rectas facite semitas ejus (*Lucæ* iii). Siquidem hoc est rectam esse animam, cum ejus principalis integritas nulla vitiorum labe maculatur; si naturam mutaverit, perversa tunc dicitur; si bona conditio servetur, et virtus est. Animam nostram commendavit nobis Dominus, servemus depositum quale accepimus. Nemo causari potest extrinsecus situm, quod in se nascitur: facturam suam qui fecit agnoscat, opus suum inveniat ut creavit. Sufficit nobis naturalis ornatus; ne deturpes, homo, quod tibi largitio divina concessit. Opera Dei immutare velle, polluere est.

Illud etiam sollicite providere debemus, ut tyrannicam iræ superemus insaniam, quia scriptum est : Iracundia viri justitiam Dei non operatur (*Jac.* i). Et iterum : Desiderium concupiscens parit peccatum, quo perfecto, mors gignitur (*Ibid.*). Divinæ vocis præceptum est (*Prov.* iv), ut jugi custodia tueamur animam nostram, **42** quia exercitatos ad supplantandum habemus inimicos, dæmones scilicet, contra quos nobis, secundum apostolicam contestationem, pugna sine intermissione est. At enim : Non est nobis colluctatio adversus carnem et sanguinem, sed adversus principatus et potestates hujus mundi, adversus spiritalia nequitiae in cœlestibus (*Ephes.* vi). Ingens eorum turba istum pervolat aerem, non procul a nobis hostium caterva discurrit. Et diversitatem quidem eorum non est meæ parvitatibus exponere, sed hanc majoribus concedo rationem. Quod autem in promptu est, et ignorare non expedit, dolos scilicet eorum adversum nos compositos breviter indicabo.

Hoc primum debemus mentibus affigere, nihil Deum fecisse quod malum est (37), nec ab ejus institutione dæmonum cœpisse principia : perversitas ista, non naturæ, sed voluntatis est vitium. Boni etenim, utpote a Deo conditi, ex proprio mentis arbitrio ad terras ruere de cœlis; ibique in cœni sordibus volutati, gentilitatis impias constituere culturas; et nunc de nobis torquentur invidia, atque universa mala commovere non cessant, ne pristinis eorum sedibus succedamus.

Diversa autem eorum et partita nequitia est (38). Quidam enim ad summum nocendi verticem pervenere, alii ex comparatione pejorum videntur esse leviores; atque omnes pro possibilitate virium, diversa contra singulas sumpsere certamina. Idcirco necessarium est donum spirituum discernendorum a Domino petere (*I Cor.* xii), ut possimus tam fraudes eorum quam studia pervidentes, adversus disparem pugnam unum Dominicæ crucis elevare vexillum. Hoc munere Paulus accepto, docebat dicens : Non enim ejus ignoramus astutias (*II Cor.* ii). Ad cujus exemplum etiam nos oportet ex his quæ passi sumus, mutuis nos invicem instruere sermonibus.

Hostile illis contra omnes Christianos, maxime

PATROL. LXXIII.

A vero contra monachos et virgines Christi, odium est. Eorum semitis laqueos præterdunt, eorum mentes impiis atque obscœnis cogitationibus nituntur evertere; sed nihil vobis in hoc terroris incutiant. Fidelium enim orationibus atque jejuniis ad Dominum statim corruunt; nec tamen si paululum cessaverint, prorsus plenam putetis esse victoriam. Solent etiam saucii gravius assurgere, et mutata arte pugnandi, cum in cogitatione nihil egerint, pavoribus terrent, assumentes nunc mulierum, nunc bestiarum, nunc serpentium formas, nec non et ingentia quædam corpora, et usque ad tectum domus porrectum caput, infinitas species et militum catervas. Quæ omnia ad primum quodque crucis signum evanescent (39). His quoque agnitis fallaciarum modis, incipiunt præagere, et futurorum dierum eventus velle prædicere. Cumque et in his contempti fuerint, ipsum jam suæ nequitiae principem ac totius mali summitatem, ad subsidium sui certaminis vocant.

CAP. XVI. — Crebro denique Antonius talem a se visum diabolus asserebat, qualem et beatus Job, Domino revelante, cognoverat (*Job* xli). Oculi ejus ac si species Luciferi, ex ore ejus procedunt lampades incensæ. Crines quoque incendiis sparguntur, et ex naribus ejus fumus egreditur, quasi fornacis æstuantis ardore carbonum. Anima ejus ut pruna, flamma vero ex ore ejus glomeratur. Cum hujusmodi terroribus visus est princeps dæmonum, inquit Antonius, et ingentia sæpe, ut dixi, promittens, impietatis suæ defurit lingua magniloqua. De qua Dominus triumphavit, ad Job dicens (*Ibid.*) : Arbitratur enim ferrum ut paleas, ærumentum ut lignum putridum, maria ut terram, tartarum profundi tanquam captivum æstimavit, abyssum ut deambulatorium. Per prophetam quoque increpat, dicens : Persequens comprehendam (*Ezodii* xv), et omnem orbem terrarum in manu mea ut nidum obtinebo, et ut ova derelicta auferam (*Isaiæ* x). Sic iniquus funereas evomens voces, bene viventium aliquos frequenter illaqueat, sed nos nec ejus pollicitationibus credere, nec minas formidare debemus; fallit enim frequenter, nihilque verum promittit. Nam si non mendacia cuncta loqueretur, quomodo talia et tam infinita promittens, hamo crucis ut draco aduncatus a Domino est (40), et capistro ligatus ut jumentum, et quasi mancipium fugitivum vincetus circulo, et armilla labia perforatus (*Job* xl), nullum omnino fidelium devorare permittitur? Nunc miserabilis ut passer, ad ludum irretitus a Christo est (41), nunc comites suos quasi scorpiones et serpentes, calcaneo Christianorum substratos gemit. Ille qui universa maria a se deleta plaudebat, ille qui orbem terrarum manu sua teneri pollicebatur, ecce a vobis vincitur, ecce me adversum se prohibere non potest disputantem. Contemnenda est, filioli, penitus cum inanibus verbis superba jactantia; fulgor ille, qui lucere se simulat, non veri splendor est luminis, sed quibus arsurus est indicat flammam. Nam dicto citius recedens, suarum secum refert simulacra pœnarum.

Solent etiam cum modulatione nonnunquam appa-
rentes psallere, proh nefas! ad hæc et impuro ore
sacra Scripturarum eloquia meditantur. Frequenter
enim legentibus nobis, quasi Echo ad extrema verba
43 respondent. Dormientes quoque excitant ad
orandum, ut totius noctis somnum eripiant; pleros-
que etiam, dum se in monachorum nobilium habitu
transferunt, monachos coercent, et pristina, quibus
conscii sunt, peccata imputant; sed spernendæ sunt
eorum increpationes, et admonitiones jejunandi, vi-
giliarum quoque fraudulenta suggestio. Ob id enim
familiares nobis species assumunt, ut affinitate vir-
tutum nocentes, facilius virus interserant, et inno-
centes quosque per speciem honestatis elidant. Im-
possibile postea durumque hoc studium prædicant,
ut dum onerosum esse videtur quod cæptum est, ex
desperatione tædium, et ex tædio succedat ignavia.
Idcirco propheta missus a Domino, luctuosa denun-
tians, sublimi voce dicebat: Væ qui potat proximum
suum subversione turbida (*Habac. II*). Hujusmodi
enim exhortamenta, depravatoria sunt itineris, quod
ducit ad cælum. Idcirco cum venisset Dominus
ad terras, et vera de eodæmones inviti prædicarent,
(vere enim dicebant [*Lucæ IV*]: Tu es Christus Fi-
lius Dei vivi), vociferantium ora clauderebat, qui victas
hominum linguas solvebat, ne cum præconio veri
perversitatis venena miscerent; et ut nos ejus exem-
plo, etiamsi profutura suaderent, in nullo his com-
modaremur assensum, quia profecto non congruit
nos post libertatem a Domino concessam, et Scri-
pturarum præcepta vitalia, a diabolo vivendi capere
cōsilia, qui suum deserens ordinem, sacrum Christi
temeravit imperium. Propterea etiam Dominus eum
de Scripturis loquentem jubebat tacere, quia peccato-
ri dicit Deus: Quare tu enarras justitias meas, et
assumis testamentum meum per os tuum (*Psal. XLIX*)?
Omnia dæmones simulant, colloquuntur sæpe cum
fratribus, sæpe cum turba inconditis excitant soni-
tus, manus apprehendunt, sibilant, insipienter ca-
chinnant, ut vel in puncto peccati Christianum pe-
ctus introeant. Cumque ab universis fuerint repulsi,
ad extremum debilitatem suam lamentatione testan-
tur. Et Dominus quidem quasi Deus, et suæ conscias
majestatis, obmutescere his imperabat; nos autem
vestigis sanctorum inhaerentes, eandem gradiamur
viam, qui memoratas subtilius fallacias pervidentes,
canebant: Cum consisteret adversum me peccator,
obmutui, et humiliatus sum, et silui a bonis
(*Psal. xxxviii*). Et iterum: Ego vero tanquam sur-
dus non audiebam, et sicut mutus non aperiens
os suum; et factus sum ut homo non audiens
(*Psal. xxxvii*). Christus silentium ut Dominus im-
peravit, nos diabolo nihil credamus, et vincemus.
Si orare compellunt, si jejunia suadent, non ex eo-
rum nos monitis, sed ex nostra consuetudine id aga-
mus. Denique etiam si irruentes mortem nobis in-
tentare videantur, ridendi potius sunt quam timendi,
quia cum sint debiles, minantur cuncta, nec faciunt.
Equidem de istis jam transierit me dixisse me-

A mihi, tamen eadem nunc explicanda sunt latius,
quia non mediocrem affert repetitio cautelam.

Adveniente Domino, destructus est inimicus (42),
et omne penitus ejus robur elanguit. Propter quod
pristinæ virtutis memor, quasi tyrannus jam senes-
cens, cum ruisse se videat, in perniciem grassatur
humanam; nec tamen potest firmum Deo pectus cogi-
tationum et cæterarum fraudum arte pervertere.
Nam luce clarius est quoniam adversarii nostri, cum
nec humana carne sint septi, ut causari valeant, id-
circo nos a se non posse superari, quia, clauso ostio
interiore (43), intrare non valeant. Et revera si
fuissent hoc fragili corpore colligati, observato in-
troitu, iisdem negaretur accessus. Cum autem (ut
diximus) hoc impedimento sint liberi, et obstructa
penetrent, atque in omni licenter volitent aere, ma-
nifestam est ob enervationem eorum permanere ec-
clesiæ corpus illæsum. Denique satellites impij cum
principe suo diabolo, quem Salvator in Evangelio ho-
micidam et patrem malitiæ ab initio fuisse firmat
(*Joan. VIII*), nobis adversum se dimicantibus fortiter,
nullo modo cessissent, si potestas eorum non fuisset
ablata. Nam si mentior, cur nobis, Satanas, parcis,
qui ubique discurras? cur, qui nullo clauderis loco,
adversum te bene viventium et disputantium non pô-
tes labefactare constantiam?

Sec fortasse nos diligis, quos quotidie comaris
obruere; aut credibile est te esse bonitatis magistrum,
et favere magis optimis quam nocere? Et quid tam
charum tibi esse potest quam lædere, maxime eos
qui tuis sceleribus viriliter repugnant, secundum quod
scriptum est: quia abominatio est pietas peccatori
(*Eccli. I*). Quis tam secundum ad malitiam possidet
pectus? quis tam meditatat implere conatur insidias?
Scimus te impurissimum cadaver; scimus quia idcirco
vivimus Christiani, et contra te nobis est secura con-
gressio, quia infirmatus es a Domino. Ideo de tuis
confoderis jaculis, quia minationem tuam non sequi-
tur effectus: quod si fallimur, cur cum terrore simu-
lato, cur magnitudine corporum nostram aggredieris
fidem? Si voluntatem sequitur possibilitas, tantum
tibi velle sufficiat. Is enim potentiæ mos est, non ex-
tranea fallaciæ adjuncta conquirere, sed sua virtute
implere quod cupiat. At nunc dum theatrali mutatione
formarum (44), quasi rudem infantiam scenica
44 niteris simulatione deludere, exhaustas vires mani-
festius probas. Nunquidnam verus ille angelus contra
Assyrios missus a Domino (*IV Reg. xix*), aut popu-
lorum eguit societate, aut sonitis quæsit, aut plau-
sus; et non potius tacitam exercens potestatem, cen-
tum octogintaquinque millia hostium, sermone velo-
cius, juxta jubentis Domini prostravit imperium? Vos
ergo cum fragiles sitiis viribus, perpetuus vos conse-
quitur interitus.

CAP. XVII. — At dicit aliquis: Cur diabolus egre-
diens, beati Job omnem in ruinam impulit domum
(*Job I*)? cur ejus opibus penitus dissipatis, parietum
quoque fundamenta subvertens, unum numerosæ so-
bolls coaceravisset sepulcrum (*Ibid.*, II)? cur ipsum ad

extremum diri vulneris novitate percussit? Qui hoc opponit, audiat e diverso: non diabolus potuisse hoc, sed Dominum, a quo potestas adversum nos dupliciter datur, vel ad gloriam, si probamur, vel ad poenam, si delinquimus. Quin potius ex hoc animadvertat, ne contra unum quidem hominem diabolum quidquam potuisse, si non potestatem accepisset a Domino. Nullus enim quod suae ditionis est ab alio deprecatur. Sed quid Job memoro, quem nec expectitum potuit vincere? sed nec contra jumenta quidem ejus, nec contra oves suas, sine concessu Dei propriam robur exercuit. Sic etiam in Evangelio scriptum est: Dæmones autem rogabant eum, dicentes: Si ejicis nos hinc, mitte nos in gregem porcorum (*Matth.* viii). Quomodo igitur qui porcorum expetunt mortes, imaginem Dei hominem, et tam charum Conditori animal suo valebunt jure pervertere?

Magna, dilectissimi, adversum dæmones (15) arma sunt vita sincera et intemerata ad Deum fides. Credite mihi experto: pertimescit Satanas recte viventium vigilias, orationes, jejunia, mansuetudinem, voluntariam paupertatem, vanæ gloriæ contemptum, humilitatem, misericordiam, iræ dominatum, et præcipue purum cor erga Christi amorem. Novit teterrimus coluber, ex præcepto Domini sub justorum se jacere vestigiis, qui ait: Ecce dedi vobis potestatem calcare super serpentes et scorpiones, et super omnem virtutem inimici (*Lucæ* x).

Si autem et divinationem se habere simulantes, venturos fratres nuntiaverint, et adfuerint quos venire prædixerant, nec sic fides est commodanda mendacibus: ob id enim præcessere venientes, ut credulitas sibi paretur ex nuntio, et postea aditus ex credulitate fallaciæ. Verum in hoc nullum Christiano debet esse miraculum, cum non tantum qui levitate naturæ per cuncta discurrunt, valeant pervenire gradientes; sed homines quoque equorum velocitate prævecti, nuntiant ad futuros. Non enim ea quæ nondum fieri cæpta sunt referunt, quia Deus solus conscius est futurorum (*Dan.* xiii); sed quorum conspiciunt in actu initium, eorum sibi tanquam fures apud ignaros vendicant notionem. Nam quantos nunc putatis qui possint velocitate puerili istam cœtùm nostrosque contra se sermones, ante relatum alicujus hic positi, longe manentibus indicare? Hoc quod dico vobis, perspicuum fieri potest exemplis. Si quis a Thebaide aut alicujus regionis oppido cœperit proficisci, et hunc dæmones viderint in itinere ambulantem, pernicitate memorata possunt prædicere venientem. Ita et de Nili inundatione solemni (16), cum multas in Æthiopia viderint p̄fuvias, e quibus fluvius intumescens, ultra alveum effluere consuevit, præcurrentes ad Egyptum, nuntiant amnis adventum. Hoc autem et homines, si illis celeritatis esset tanta natura, facile nuntiarent. Ut enim speculator beati David ad verticem loci celsioris ascendens (*II Reg.* xviii), prior quam hi qui in terra erant prospiciens venientes, non quædam incerta de futuris, sed de his qui venire cœperant nuntiabat; sic et dæmones cura per vigili om-

nia considerantes, rapido cursu sibi invicem nuntiant. Sed si forte contigerit ut Dei nutu ad finem cæpta non veniant, hoc est, si aut viator e media regrediatur via, aut suspensæ nubibus aquæ ad altitum cœli cædem deferantur, tunc decipientiam una cum credentibus error aperitur. Hæc gentilitatis fuere principia, his præagitorum dolis apud delubra dæmonum quondam credebantur oracula: quæ adventu Domini nostri Jesu Christi, indicto sibi silentio (17), obmutuerunt, suosque perdidere captivos. Quis (rogos) aut medicum ex observatione morborum, cum animæ æstuant incendium de venarum pulsu levi digitorum scrutatur tactu, divinam arbitratur habere notitiam? Quis gubernatorem navigationis suæ viam inter cœli sidera requirentem majestatis honore veneratur? Quis agricolam de aridis æstatis fervoribus, aut de hiemalibus aquarum largitate vel frigore disputantem, non potius experientia laudat, quam dei consecrat nomine?

Verum, ut concedamus paulisper vera dæmones nuntiare, respondete mihi, quis fructus est nostræ venientia? Nunquid aut sciens hæc aliquando laudatus, aut punitus est nesciens? In hoc unusquisque sibi præparat, seu tormenta, seu gloriam, si vel negligat Scripturarum mandata, vel faciat. Nullus ob id nostrum hanc arripuit vitam, ut habeat pæscientiam futurorum, sed ut præceptis Domini obediens, amicus esse incipiat de servo. Curandum est non præscire quæ veniunt, sed implere quæ jussa sunt; nec institutionibus bonis hanc flagitare mercedem, cum magis debeamus victoriam contra diabolum ab auxiliatore Domino postulare. Sed si forte aliquis hoc libenter assumat, ut futura cognoscat, habeat purum cor; quia credo animam Deo servientem; si in ea perseveraverit integritate qua nata est (18), plus scire posse quam dæmones. Talis erat anima Elisæi, quæ aliis incognitas virtutes faciebat.

Cap. XVIII. — Nunc jam cæteras vobis dæmonum explicabo fallacias. Solent nocte venientes, angelos Dei se fingere, laudare studium, mirari perseverantiam, futura præmia polliceri. Quos cum videritis, tam vos quam domos vestras crucis armate signaculo, et confestim solventur in nihilum: quia metunt illud trophæum in quo Salvator aereas exspoliavit potestates, eas fecit ostentui. Solent etiam variis simulationibus membra torquere, et nostris procaciter offerre se visibus, ut mentem pavore, et corpus horrore concutiant. Sed et in hoc fides Deo tutat fugat eos quasi infirma ludibria.

Non est autem difficilis bonorum spirituum morumque discretio (19), quæ sic Deo tribuente panditur: Sanctorum angelorum amabilis et tranquillitas aspectus est, quia non contendunt neque clamant, neque audiet aliquis vocem eorum; verum tacite leniterque properantes, gaudium, exultationem, fiduciam pectoribus infundunt, siquidem cum illis est Dominus, qui est fons et origo lætitiæ. Tunc mens nostra non turbida, sed lenis et placida angelorum luce radiatur; tunc anima cœlestium præfiorum aviditate flagrans, effracto (si posset) humani

corporis domicilio, et membris exonerata mortalibus, cum his quos videt abire festinat ad cælum. Horum tanta benignitas est, ut si quis pro conditione fragilitatis humanæ, miro fuerit eorum fulgore perterritus, omnem continuo ex corde auferant metum. Ita Gabriel cum Zachariæ loqueretur in templo (*Lucæ* XII); et angeli cum divinum Virginis partum pastoribus nuntiarent (*Matth.* XXVIII), et qui Dominici corporis agebant excubias, securis videntium se mentibus ostendentes, ne metuerent imperabant. Metus enim non tantum ex pavore animi, quantum ex magnarum rerum sæpe incutitur aspectu. Pessimorum vero vultus truces, sonitus horridi, sordidi cogitatus, plausus motusque indisciplinatorum adulescentum vel latronum; e quibus confestim timor animæ, sensibus torpor incutitur; odium Christianorum, monachorum mœror et tædium, suorum recordatio, metus mortis, cupidus nequitiae, lassitudo virtutis, cordis hebetatio. Si igitur post timorem horrore conceptum, successerit gaudium et ad Deum fiducia atque ineffabilis charitas, venisse sciamus auxilium, quia securitas animæ præsentis majestatis indicium est. Sic namque et Abraham patriarcha videns Deum, gavisus est (*Joan.* VIII); et Joannes cum Mariam supervenisse sentiret, quæ in sacri ventris hospitio universitatis gestabat parentem, exsultavit necdum natus in gaudium (*Lucæ* I). Si autem incussa formido permanserit, hostis est qui videtur: quoniam nec refovere novit, ut Gabriel paventem Virginem ne timeat jubet (*Lucæ* I); et sicuti pastores nuntio consolati sunt (*Ibid.*). Quinimo pavorem duplicat, et usque ad profundam impietatis foveam, ut sibi homines prosternantur impellit. Exinde misera gentilitas, dominicæ interdictionis ignara, falso dæmones deos opinata est. Christianorum autem populos his fallaciis irretiri non passus est Dominus, qui diabolum in Evangelio audacter sibi principatum omnium præsumentem repulit, dicens: Vade retro, Satana. Scriptum est enim: Dominum Deum tuum adorabis, et illi soli servies (*Matth.* IV; *Deut.* VI et X). Horum verborum etiam nobis licentia est tributa; quia idcirco locutus est talia, ut similitudo tentamentorum auctoris nostri frangeretur eloquiis.

CAP. XIX. — Illud quoque, mei charissimi, admo-
neo, ut vitæ magis sit vobis, quam signorum sollicitudo. Nullus ex vobis hæc faciens, aut ipse superbia intumescat, aut despiciat eos qui facere non possunt. Conversationem magis scrutamini singulorum: in hac vita et imitari vos quæ perfecta sunt convenit, et implere quæ desunt. Nam signa facere non est nostræ parvitatatis, sed Domini potestatis, qui ad discipulos gloriantes, in Evangelio ait: Ne gaudeatis quia dæmones vobis subjecti sunt, sed quod nomina vestra scripta sunt in cælis (*Lucæ* X). Nominum enim in libro vitæ conscriptio, testimonium est virtutis et meriti; expulsio autem Satanæ, largitio Salvatoris est. Unde his qui non in vitæ laboribus, sed in prodigiis exsultabunt, dicentibus: Nonne in

nomine tuo dæmonia ejecimus, et in nomine tuo virtutes multas fecimus (*Matth.* VII)? respondebit Dominus: Amen dico vobis, non novi vos, discedite a me, operarii iniquitatis. Non enim novit Dominus vias impiorum. Hoc ergo magnopere postulemus, ut donum spirituum discernendorum mereamur accipere; quo, secundum sententiam Scripturarum, omni spiritui non credamus (*I Joan.* IV).

CAP. XX. — Volueram quidem jam finire sermonem, et silentio premere quæcunque meæ acciderant parvitati; sed ne putetis me frustra commemorasse quæ evenire non possent, idcirco (licet insipiens fiam, tamen Dominus, qui secretæ mentis est inspector, novit non me causa jactantiæ, sed vestri gratia profectus hoc facere), pauca replicabo de plurimis. Quoties me nimiis laudibus efferre conati sunt, cum a me in nomine Domini maledicta recipe-
rent (59)! quoties augmenta Nili fluminis futura dixerunt, cum a me audirent: Et hoc ad vestram quid pertinet curam? quoties munitantes ut milites armati, scorpionibus, equis, belluis, et variis serpentibus circumdederunt me, et domum in qua eram repleverunt, cum ego e contra psallerem: Hi in curribus et hi in equis, nos autem in nomine Domini Dei nostri magnificabimur (*Psal.* XIX). Et statim misericordia Christi fugabantur. Quodam autem tempore cum ingenti luce venientes, dixerunt: Venimus, Antoni, nostrum tibi præbere fulgorem. Et ego, clausis oculis, quia lucem diaboli dedignabar aspicere, orabam, et dicto citius impiorum lumen extinguiebatur. Post menses autem paucos cum coram me psallerent, et de Scripturis sibimet sermocinantur, ego tanquam surdus non audiebam. Commo-
verunt aliquando monasterium meum (51), et ego mente immobili Dominum deprecabar. Sæpe strepitus, sæpe saltationes, sæpe sibilos ingesserunt; et me psallente, sonus eorum in voces flebiles vertebatur.

Creditisne, filioli, quod dicturus sum vobis? Vidi aliquando diabolum excelsum corpore, qui se Dei virtutem et providentiam ausus est dicere, et ait ad me: Quid vis, ut a me tibi donetur, Antoni? At ego sputaculum (52) maximum in os ejus ingeminans, totum me in eum Christi nomine armatus, ingessi: et statim ille procerus aspectu inter medias manus exolevit. Jejunanti etiam mihi visus est ut monachus; et panes offerens, his sermonibus suadebat ut vescerer, et huic aliquid indulgerem corpusculo: Et tu, inquit, homo es, et humana fragilitate circumdaris; labor paululum conquiescat, ne ægritudo subripiat. Illico luridam faciem serpentis agnovi; et cum ad consueta Christi munimenta confugerem, tanquam per fenestram fumus laberetur, evanuit. Auri quoque decipulam mihi in deserto frequenter tetendit; quod ideo offerebat, ut aut visu irretiret me aut tactu commacularet. Sæpe quoque me a dæmonibus non denego verberatum. Canebam autem sic: Nullus me separabit a charitate Christi (*Rom.* VIII). Ad cujus vocis auditum, in se invicem defurentes, non meo,

sed Domini fugabantur imperio, qui ait (*Lucæ x*): A Vidi Satanam quasi fulgur cadentem de cælo. Hæc ergo, filioli, apostolici memor eloquii, in me transformavi, ut propositum vestrum nec dæmonum terror, nec aliqua lassitudo dissolveret.

Sed quoniam ob vestram utilitatem multa memorando, insipiens factus sum, et hujus rei vobis impertiri cupio notionem, quam veram esse nullus ambigat audientium. Pulsavit aliquando dæmon monasterii ostium : egrediens, video hominem enormi sublimitate, porrectum caput usque ad cælum. Cum ab hoc quisnam esset inquirerem, ait : Ego sum Satan. Et ego : Quid, inquam, hic quæris ? Respondit : Cur mihi frustra imputant monachi ? cur mihi omnes Christianorum populi maledicunt ? Et ego : Juste faciunt, tuis enim frequenter molestantur insidiis. At ille ait : Nihil ego facio, sed ipsi se invicem turbant. Nam ego miserabilis factus sum. Rogo, nonne legisti : Quia defecerunt inimici frameæ in finem, et civitates eorum destruxisti (*Psal. ix*) ? En nullum jam habeo locum, nullam possideo civitatem, jam mihi nulla sunt arma : per omnes nationes cunctasque provincias Christi personat nomen, solitudines quoque monachorum stipantur choris. Ipsi se, quæso, tueantur, et me sine causa non lacerent. Tunc ego Dei gratiam cum alacritate miratus, sic ad eum locutus sum : Non tuæ veritati, quæ nulla est, tam novam et tam inauditam ascribo sententiam. Nam cum fallaciæ caput sis, hoc sine mendacio coactus es confiteri. Vere enim Jesus tuas funditus subruit vires, et honore nudatus angelico, volutaris in sordibus. Vix dum verba compleveram, et ille sublimis aspectu Salvatoris nominatione dejectus est.

Quæ ergo jam, o filioli, poterit residere cunctatio ? quæ trepidatio manebit ulterius ? Quis nos eorum turbo poterit convellere ? Securæ sint animæ singulorum : non sibi fingat vana cogitatio vana discrimina ; non aliquis timeat a diabolo sublatum ad præcipitia se posse deferri. Pellatur omnis anxietas ; Dominus enim, qui nostros prostravit inimicos, manens, ut promisit, in nobis (*Joan. xiv*), a variis nos Satanæ munivit incursibus. En ipse diabolus, qui hujusmodi cum suis satellitibus exercet astutias, nihil se posse contra Christianos fatetur.

Jam curæ Christianorum et monachorum sit ne per eorum inertiam vires dæmonibus præbeantur. Nam quales nos et nostras repererint cogitationes, tales se nobis præstare consueverunt. Et si quod in pectoribus malæ mentis et pavoris semen invenerint, quasi latrones, qui deserta obtinent loca, cæptos cumulant timores, et crudeliter imminentes, infelicempuniunt animam. Si autem alacres fuerimus in Domino, et futurorum bonorum cupido nos succenderit ; si semper omnia manibus Dei committamus, nullus dæmonum ad expugnandum valebit accedere ; magis enim, cum munita in Christo corda conspexerint, confusi revertentur. Ita et Job firmatum in Domino diabolus refugit ; et infelicissimum Judam exspoliatum fide, vinculis captivitatis in-

Una est ergo ratio vincendi inimicum, lætitia spiritualis, et animæ Dominum semper cogitantis jugis recordatio : quæ dæmonum ludos quasi fumum expellens, persequetur adversarios potius quam timebit. Non est enim nescius Satan ignium futurorum, et æstuantis gehennæ copiosa novit incendia.

Sed ut mea jam claudatur oratio, illud in finem commemoro : Cum aliqua se vobis obtulerit visio, audacter requirite, quis sit ille, et unde venerit ; ac sine mora, si sanctorum fuerit revelatio, angelica consolatione timor vertetur in gaudium. Si vero diaboli fuerit oblata tentatio, fidelis animæ percunctationibus evanescet ; quia maximum est securitatis indicium, interrogare quisnam est et unde. Sic et Nave filius auxiliatorem suum interrogando cognovit (*Josue v*) ; nec Daniele percontantem latere potuit inimicus (*Dan. x*).

Postquam Antonius dicendi finem fecit, lætanti-bus cunctis, in aliis virtutis cupido exardescibat, in aliis infirma refovebatur fides, ex aliorum mentibus falsæ opiniones pellebantur, ex aliorum sensibus inanum terrorum pellebatur accensio : simulque universi, cum jam dæmonum insidias contemnerent, mirabantur in Antonio tantam gratiam spirituam discernendorum, quam Domino tribuente perceperat.

CAP. XXI. — Erant igitur in monte monasteria tanquam tabernacula, plena divinis choris psallentium (53), legentium, orantium : tantumque jejunandi et vigiliarum ardorem cunctorum mentibus sermo ejus afflaverat, ut futuræ spei aviditate, ad charitatem mutuam et misericordias indigentibus exhibendas jugi studio laborarent, qui infinitam regionem quamdam, et oppidum a mundana conversatione sejunctum, plenum pietatis et justitiæ videbantur incolere. Quis tantum monachorum agmen aspiciens, quis virilem illum concordie cœtum cernens, in quo nullus nocens, nulla detractio susurronis, sed multitudo abstinentium et certamen officiorum erat, non in hanc statim erumperet vocem : Quam bonæ domus tuæ, Jacob ! tabernacula tua, Israel, tanquam nemora obumbrantia, tanquam paradisi super fluvios, tanquam tabernacula quæ fixa sunt a Domino, tanquam cedri circa aquas (*Num. xxiv*) !

CAP. XXII. — Dum hæc ita geruntur, quibus in dies beatæ vitæ studium cresceret, Antonius mansionum in cælo positarum recordans, et præsentis vitæ despiciens inanitatem, quasi parva essent quæcumque jam gesserat, separatus a fratribus instituebatur. Cumque eum sive cibum sive somnum indulgere corpusculo, aut alias naturæ necessitates, cogeret humana conditio, miro affliciebatur pudore, quod tantam animæ libertatem modici carnis termini coercerent. Nam frequenter cum fratribus sedens, a cibo cui fuerat appositus, memoria escæ spiritualis, abstrahebatur. Edebat tamen, utpote homo, sæpe solus, sæpe cum fratribus. Et cum hæc mira (ut prædixi) ageret, cum confusione animæ adhibendam inagnopere corpori diligentiam persuade-

bat dicens, nec corpus esse penitus enecandum, ne operatio contra voluntatem Creatoris dissolveretur; et nec ob id omne studium animæ conferendum, ne vitis superata corporeis, ad æternas inferni tenebras truderetur; quinimo indultum sibi in carne imperium vindicans, domicilium suum, ut apostolus Paulus (*II Cor. XII*), ad tertium cælum sublevaret. Asserebatque hoc a Salvatore præceptum, in quo ait: Nolite solliciti esse animæ vestræ quid manducetis aut quid bibatis, nec corpori quid vestiamini, quia hæc gentes quærunt; vester autem Pater novit quod indigetis his omnibus. Quærite ergo primum regnum Dei et justitiæ ejus, et hæc omnia adjicientur vobis (*Matth. VI*).

CAP. XXIII. — His rebus transactis, cum persecutio impiissima Maximiani (54) furore vesano vastaret Ecclesiam, sanctis quoque martyribus Alexandriam perductis, relicto et ipse monasterio secutus est futuras Christi victimas, dicens: Pergamus ad gloriosos fratrum triumphos, aut ipsi congregiamur, aut spectemus alios præliantes. Et amore quidem jam martyr erat, sed cum tradere se ultrò non valeret, et sociari confessoribus in metallis vel in carceribus constitutis, magna cum libertate et cura ingrediens ad judicem, exhortabatur, ne terrore impiorum subacti, Dominum negarent. Jamque sententia coronatos exultans, quasi ipse vicisset, usque ad locum felicitis sanguinis prosequēbatur. Quamobrem motus judex, ob Antonii sociorumque ejus constantiam, præcepit nullum penitus monachorum aut observare judicium, aut in civitate versari. Et cæteris quidem omnibus in illa die placuit abscondi; Antonius autem impavidus, neglecto persecutoris imperio, lavit endyten suum (55). Et alia die, stans in quodam eminenti loco, candente præcinctus veste (56), procedentem judicem suo provocabat aspectu, flagrans cupiditate martyrii: ostendebatque nobis, contemptorem penarum et mortis in Christianis animum perseverare debere, instantium, ut contristaretur quia volenti pati pro Dei nomine martyrium non dabatur. Sed Dominus qui suo regi parcebat, magistrum servavit Antonium, ut institutum (sicuti factum est) monachorum non solum oratione ejus, sed et conspectibus firmaretur. Numquam tamen a sanctorum confessorum vestigiis separatus est, quin, anxia circa eos cura et charitatis vinculis colligatus, magis carcerem patiebatur exclusus. Postquam autem persecutionis turbo defluerat, et beato episcopo Petro jam ob martyrii gloriam coronato (57), ad pristinum monasterium regressus, quotidianum fidei ac conscientie martyrium merebatur, acrioribus se jejuniiis vigiliisque conficiens (58), vestimento cilicino intrinsecus, desuper pellicio utebatur, nunquam corpus lavans, nunquam pedibus sordes abluens, nisi cum per aquas transire necessitas compulisset. Nullus denique Antonii corpus nudum, antequam moreretur, unquam vidit.

CAP. XXIV. — Quodam autem tempore, cum ab omnium se auovisset oculis, et clauso monasterio neminem omnino susciperet, Martinianus militum

præpositus (59), cujus filia immundi spiritus infestationibus quatiebatur, pulsans ostium obsecrabat, ut suo pignori subveniret, et exiens, Deum pro filia precaretur. Tum ille aperire quidem minime voluit: prospiciens vero desuper, ait: O homo, quid meum poscis auxilium? mortalis et ego sum, et tuæ socius fragilitatis; si autem credis in Christum, cui deservio, vade, et secundum fidem tuam ora Deum, et sanabitur filia tua. Confestim ille credens abiit; et invocato Jesu, filiam reduxit incolumem. Multa et alia mirabilia per illum Dominus operatus est, et merito; qui enim promisit in Evangelio, Petite, et dabitur vobis (*Matth. VII*), invento qui ejus gratiam mereretur accipere, suam potentiam non negavit.

Nam plures vexatorum ante monasterium ejus, clauso introitu, dormientes, fidelibus per eum ad Christum precibus curabantur. Hæc illi multitudo venientium, desideratam solitudinem auferens, tædio fuit.

Metuens itaque ne signorum copiosa concessio aut suos animos extolleret, aut alios plus de se quam videbant in ipso cogeret aestimare, ad superiorem Thebaidem pergere cogitavit, ubi nullus eum agnosceret. Et a fratribus acceptis panibus, sedebat super fluminis ripam, transitu navis observans. Illo talia cogitante, vox ad eum desuper facta est, dicens: Antoni, quo pergis, et quare? At ille intrepide, quasi consuetam vocem loquentis agnosceret respondit: Quoniam nonsinur: me quiescere populi, ideo ad superiorem Thebaidem ire optimum duxi; præcipue, quia ea exigor quæ virtutem meæ pusillanimitatis excedunt. Et vox ad illum ait: Si ad Thebaidem yadas, et ad pastoralia (60), ut cogitas, pergas, majorem ac duplicem sustinebis laborem. Si autem vere quiescere cupis, vade nunc ad interius desertum. Cumque Antonius diceret: Quis mihi locum avium poterit ostendere, ignarus enim sum locorum? confestim et qui loquebatur Saracenos indicavit, qui mercandi gratia ad Ægyptum venire consueverant. His appropinquans Antonius, rogavit ut se pariter abducerent in desertum Nullus obnisus est, sed tanquam a Deo missum comitem suscipientes, amplexi sunt ejus societatem.

Tribus autem diebus et noctibus itinere confecto, invenit montem (61) valde excelsum, ad cujus radices fons aquæ dulcis labebatur, et campus haud magnus totum ambiens montem, qui palmis perpaucis, et his neglectis, consitus erat. Hunc Antonius locum, quasi a Deo sibi offerretur, amplexus est. Is enim erat quem sibi ad fluminis ripam sedenti qui loquebatur ostenderat. Et primo quidem accipiens a comitibus panes, solus remansit in monte, nullo alio cum eodem conversante. Quasi propriam enim domum agnoscebat, habebat locum illum. Saraceni quoque videntes ejus fiduciam, optato per eum transitu, panes eidem cum lætitia deferebant; necnon palmarum, licet mediocri, attamen aliquanto solatio refovebatur.

CAP. XXV. — Exinde cum fratres, agnito loco, tanquam ad patrem filii, sollicite alimenta transmitterent, videns Antonius quod ob suum refrigerium

multis onerosus labor indiceretur, et parcens etiam in hoc monachis, rogavit unum de advenientibus, ut sarculum sibi, bis acutum cum frumento deferret (62). Quibus allatis circumiens montem, haud grandem culturæ aptum reperit locum, ad quem derivata aqua desuper poterat influere; ibique seminavit; atque exinde annuum sibi panem laborans, gaudebat, quod sine cujusquam molestia ex propriis manibus viveret in deserto. Sed cum rursus etiam illuc quidam venire cœpissent, misertus est lassitudini eorum, et olus in parvo terræ cespite coluit, ut post asperum iter aliquo venientes solatio refoyerentur. Hoc fratrum refrigerium et parvulam messem bestiarum, propter aquas illuc convenientes, depastæ sunt: e quibus unam apprehendens dixit omnibus: Cur me læditis, nihil

me læsæ? abite, et in nomine Domini ne huc proprietatis ulterius. Quis non credat, post hanc denuntiationem. quasi timentes, nunquam illuc bestias appropinquasse? Sic Antonio impenetrabilia montium et deserti interiora captanti, orationibus etiam dedito, introeuntes fratres magnis vix precibus extorserunt, ut olivas et legumen et oleum, quod post menses aliquot ministrabant, dignaretur accipere, et senili modicum laxaret ætati.

Proh nefas! quantas ibi conversans expertus est luctas. Vere, secundum quod scriptum est, non illi adversus carnem et sanguinem fuisse collectationem, sed adversus principatus et potestates (*Ephes.* vi); ab his qui ad eum ingrediebantur agnovimus. Illi enim tumultus et voces populi, armorumque sonitus, prorsus plenum montem dæmonum multitudine se vidisse referebant: ipsum etiam quasi contra inimicos palam resistentem et fortiter collectantem. Qui tamen et advenientes suo refovebat hortatu, et flexis genibus, armis quoque orationum omnem Satanae prosternebat exercitum. Admiratione plane dignum est, in tam immani solitudine, unum hominem nec dæmonum quotidianas expavisse congressiones, nec tantarum bestiarum, quadrupedum sive reptilium, diversæ cœsisse feritæti. Juste David cœcinxit: Qui confidunt in Domino, sicut mons Sion non commovebitur in æternum (*Psa.* cxxiv). Immobilem et tranquillam retinens animi firmitatem, et dæmones fugabat, et feras, sicut scriptum est (*Job.* v), secum pacificabat. Sed et diabolus, ut supra dictus propheta ait (*Psa.* lxxiii), observans eum, frendebat dentibus suis; et ille Salvatoris auxilio, ab universis tutus perseverabat insidiis. Quadam ergo nocte cum pervigil Antonius obsecraret Dominum, tantos in monasterium ejus bestiarum greges coacervavit, ut omnes eremi belluas (63) circum se aspiceret. Quæ cum rictu oris morsum corpori minitarentur, intellexit hostis astutias, dixitque: Si a Domino in me vobis est tributa licentia, devorate concessum; si autem dæmonum huc venistis impulsu, quantocius abite, quia Christi famulus sum. Ita factum est, et cum jubentis voce omnis bestiarum multitudo, quasi majestatis verbere cæderetur, aufugit.

Cap. XXVI. — Non multi post hæc fluxerant dies,

et alia oritur cum eodem hoste certatio. Operante illo (nam semper, ut venientibus pro his quæ sibi detulerant, aliquod munusculum rependeret, laborabat) traxit quidam sportella, quam texebat, tricinam sive funiculum (64). Ad cujus motum exurgens, vidit bestiam pubetenus humanam faciem præferentem, quæ exinde in asinum fiebatur. Post cujus aspectum, vexillum crucis in fronte sua pingens, hoc tantum ait: Christi servus sum, si ad me missa es, non fugio. Nullum in medio spatium, et statim informe prodigium dicto ocius cum satellitum turba fugit, et in medio cursu ruens extinctum est. Ista autem explosi mors atque enecati prodigii, dæmonum erat communis interitus; qui omni studio laborante, Antonium a deserto deducere non valuerunt. Mirandis plus miranda succedunt.

Cap. XXVII. — Non grande post ista tempus excesserat, et tantarum victoriarum homo fratrum precibus vincitur. A monachis enim rogatus, ut eos dignaretur invisere, una cum his profectus est, impositis camelis aqua et panibus, quia nusquam, præter monasterii locum ex quo hauserant, potabilis aqua per arenam viam reperiebatur. Verum in medio itinere bibendi subsidia defecerunt. Ardor nimius, æstus intolerabilis, mortem cuncta minitantur. Circumeunt, et quærunt saltem collectam pluviis lacunam, nihil prorsus remèdii, nihil occurrit penitus ad salutem. Camelus quasi periturus et ipse æstuans dimittitur, æstuantis pectus exurit, et sitis desperatione fervescit. Movit senem fratrum secum commune discrimen, et vehementissime contristatus ingemuit. Dehinc ad solita precum auxilia confugiens, paululum ab eis secessit; ibique, genibus fixis, supplices manus tetendit ad Dominum. Nec morâ, et ad primas rogantis lacrymas, in orationis loco fons ebulliens erupit, ibique exstincta sitis, et arenæ membra refecta sunt, et plenis utribus inventum potant camelum. Ita enim casu evenerat, ut camelus errans per eremum, dum funiculum trahit, in quodam lapide ejusdem alligatione funiculi teneretur. Tandem confecto itinere ad monachos qui invitaverant pervenit. Tunc vero quasi patri omnes obviam occurrunt et honorifico salutato in oscula ejus et amplexus certatim ruunt. Proposito ferventi gaudet Antonius; et lætantibus de adventu suo cunctis, quasi xenia (65) de monte portans, spiritualia impartitur alimenta. Laudat veterum studia, hortator novorum. Sororem quoque jam vetulam virginem videns, et aliarum puellarum magistram, mira exultatione sustollitur. Exinde, quasi diu ahesset ab eremo, rursum festinavit ad montem.

Cap. XXVIII. — Plurimis jam ad illum venientibus, cum etiam vexati a dæmonibus, malo necessitatis coacti, auderet deserta penetrare; quos ille consolans, et monachis in commune præcipiens, aiebat: Credite in Jesum fideliter: Mentem a malis cogitationibus, carnem ab immunditiis servate puram, et juxta eloquia divina, ne seducamini in saturitate ventris (*Præp.* xxiv), odite vanam gloriam, orate

sæpissime, psallite vespere, et mane, et meridie, et A mandata Scripturarum revolvite. Recordamini gestorum, quæ sancti qui que fecerunt, ut exempli memoria animam incitet ad virtutem, refrenet a vitiis. Suadebat etiam jugi meditatione retinendum Apostoli sermonem, quo ait: Sol non occidat super iracundiam vestram (*Ephes. IV*). Non tantum autem super iracundiam solem occidere non debere interpretabatur, sed et super omnia delicta hominum, ne peccatorum unquam nostrorum aut in nocte luna, aut in die sol, testes abscederent. Illius quoque admonerat præcepti memores esse, quod dicit de his: Dijudicate vosmetipsos, et probate (*II Cor. XIII*); ut rationem diei noctisque facientes, si in se delictum deprehendissent, peccare desisterent; sin autem nullus error decepisset, perseverantes instarent potius incepto, quam arrogantia tumidi aut alios contemnerent, aut sibi justitiam vendicarent, juxta supradicti Doctoris elcquium dicentis: Nolite judicare ante tempus (*I Cor. IV*); magis debere eos Christi, cui soli occulta patent, reservare judicio (*Rom. II*). Multas esse (ut scriptum est) vias quæ videntur hominibus justæ, sed fines earum ad profundum respicere inferni (*Prov. XIV et XVI*); sæpe nostra non posse nos intelligere peccata, sæpe falli in ratione gestorum; aliud esse Dei cuncta cernentis judicium, qui non ex superficie corporum, sed ex mentium judicat arcanis. Æquum autem esse nos nobis compati, et invicem onera nostra portare (*Gal. VI*), ut concessio examine Salvatori, proprias conscientias nosmetipsos judicantes intueremur.

Necnon dicebat magnam esse ad virtutem viam, si singuli vel observarent quod gererent, vel universas mentium cogitationes fratribus referrent. Non enim posse aliquem peccare, cum relaturus esset ad alium quæcunque peccasset, et subire pudorem in publicum turpia proferendi. Denique nullum peccantem coram alio audere peccare: etiamsi peccet, tamen testem vitare peccati, mentiri magis et negare, et vetus delictum novo inficiandi augere delicto. Igitur quasi sub oculis, aiebat, nostris, et cogitatu confundimur et actu, si omnia referenda faciamus, multo autem magis, si peccata nostra fideliter describentes digramus in ordinem. Tunc vero annotatio delictorum fratrum videbitur oculis. Si timebimus peccati ceras conscias (66), ipsi nos arguent apices. Et quomodo meretricibus membra miscentes, confunduntur ad præsentiam cæterorum, ita et nos erubescemus ad litteras, si hæc agamus. Hanc virtutis gradiamur viam, et corpora mentibus subjugantes, perniciosas diaboli conteramus insidias. Talibus sermonibus hortamentisque et venientes ad se monachos incitabat ad studium, et patientibus condolebat, pluresque eorum Dominus per Antonium liberavit. Nunquam tamen aut de incolumitate curatorum est inflatus ad gloriam, aut contristatus de obsessis adhuc corporibus murmuravit: magis autem eodem semper animo et vultu manens, gratias Deo referebat, suadens occupatis ut correptionem qua vexabantur, patientius

ferrent. Non enim Antonii aut cujusquam hominum omnino hanc esse medicinam, sed Dei solius, qui et quibus vellet, et quo vellet tempore daret sanitatem. Ita consolatione sua et vexatos æquanimiter ferrentationem, et jam liberatos, non sibi, sed Deo gratias referre docebat.

CAP. XXIX. — Fronto autem quidam, vir ex Pælaëstinis, qui infestissimo dæmonio vexabatur (nam et linguam ejus laniabat dentibus, et oculorum nitebatur lumen exstinguere), perrexit ad montem, rogabatque beatum senem ut pro se Dominum rogaret. Oravit Antonius, dixitque ad eum: Vade et curaberis. Illi incredulo sibi, et violenter ibidem contra præceptum remoranti, eadem geminabat Antonius, dicens: Hic curari non poteris: egredere, et calcata Ægypto, statim te misericordia Christi consequetur. Tandem credidit, et profectus est; ac visa Ægypto, secundum professionem senis, quam ei Dominus oranti revelaverat, infestatio cessavit inimici.

CAP. XXX. — Virgo vero quædam, quæ de Busiris Tripolitanæ regionis (67) civitate ibidem erat, inauditis ac flebilibus morbis laborabat. Etenim narium purgamenta, oculorum lacrymæ, aurium putridus humor in terram cadens confestim in vermes vertebantur. Augebat calamitatem corpus paralyti dissolutum, oculos quoque perversos contra naturam habens. Hanc parentes ejus deferentes, cum ad Antonium monachos ire didicissent: credentes in Domino, qui pertinacem sanguinis fluxum in Evangelio tactu fimbriæ stare præceperat (*Matth. IX*) rogaverunt ut miserabilem filiæ comitatum susciperent. Illis renitentibus cam usque ad Antonium perducere, remansere parentes ejus foris cum filia debili apud beatum confessorem et monachum Paphnutium (68), qui effossis pro Christo oculis sub Maximiano persecutore, tali dehonestamento (69) corporis plurimum gloriabatur. Pervenerunt igitur ad Antonium monachi. Cumque de morbo puellæ referre 5 disponebant, relationem eorum senis sermo prævenit; et omnem debilitatis et itineris usque ad sanctum Paphnutium causam, quasi ipse interfuisset, exposuit. Rogantibus autem eum monachis, ut parentibus cum filia permitteretur ingressus, non concessit, sed ait: Ite, et invenietis puellam, si non est mortua, curatam. Et adjecit: Nullus debet ad meam humilitatem venire, quia largitio curationum non est humanæ miseris, sed Jesu Christi misericordiæ, qui ubique in se credentibus præstare consuevit auxilium. Quamobrem et illa, pro qua petitis, suis precibus liberata est; et cum ad Dominum orarem ego, mihi præscientia sanitatis ejus indulta est. Dixit, et verba ejus puellæ incolumitas secuta est. Nam exeuntes foras ad beatum Paphnutium, et filiam sospitem, et parentes lætos repererunt.

CAP. XXXI. — Non multos autem post ista dies, cum duobus fratribus euntibus ad Antonium aqua in itinere defecisset, et uno siti mortuo, alter jaceret in terra mortem expectans, Antonius sedens in monte, celeriter ad se duos monachos vocavit, qui forte ibi-

dem sunt reperti; et festinato præcepit ut lagenam A (Math. xiv). Hæc autem Theodorus, promisso tempore non dixit, post ejus mortem retulit. aquæ assumptæ, invaderent iter quod ducit ad Ægyptum, dixitque: unus e fratribus huc advenientibus modo migravit ad Dominum; alter, si non succurreritis addetur; hoc enim mihi nunc oranti revelatum est. Sic ait; et juxta præceptum ejus monachi festinantes, extinctum corpus inveniunt, terraque id operientes, alterum refocillatum suo junxerunt comitatu. Erat autem spatium itineris unius diei. Fortasse aliquis quærat: Cur non antequam moreretur, Antonius dixerit? Incongruo prorsus Christianis argumento, quia non Antonii, sed Dei judicium fuit, qui et de recedente, quam voluit, sententiam tulit, et de sitiente revelare dignatus est. Hoc tantum in Antonio mirabile est, quod in monte remotissimo sedens, corde pervigili cuncta procul posita, Domino indicante, cognosceret.

CAP. XXXII. — Alio rursus in tempore cum sederet in monte, et oculus subito tetendisset in cælum, vidit nescio quam animam, lætantibus in ejus occursum angelis, ad cælum pergere. Cujus spectaculi novitate stupefactus, beatum dixit sanctorum chorum, oravitque ut sibi rei præsentis agnitio panderetur. Et statim vox ad eum facta est, inquiring istam esse Ammonis monachi animam (70) qui Nitriæ morabatur. Erat autem Ammon vir grandævus, qui perseveranter a pueritia usque ad senectutem in sanctitate vixerat (Ruffin., l. II. c. 28; Pallad., c. 7, 8). Itinere quoque dierum tredecim (71), a Nitria, locus in quo sedebat Antonius, dividebatur. Videntes autem eum monachi admirantem, qui venerant, deprecati sunt C ut causam hilaritatis ediceret. Quibus ait modo Ammonem quievisse quem propter frequentem ejus ad Antonium comeatum, et propter celebritatem indultorum ei a Domino signorum optime noverant.

De quibus etiam hoc unum dicendum est: Necessè ei fuit aliquando flumen nomine Lycum (72) subitis aquis inundatum transvadare (Ruffin. c. Pallad., supra); rogavitque Theodorum, qui cum ipso erat, ut paululum a suo separaretur aspectu, ne nuditatem corporis invicem uterque conspicerent. Recessit Theodorus, nihilominus ille seipsum cum nudare vellet, erubuit. Cogitantem autem eum in alteram ripam virtus divina transposuit. Rursusque Theodorus, vir et ipse Deo devotus, transiens ad senem mirari cœpit quod tam velociter fluvium transvadasset. Cumque D nihil humoris in pedibus, nulla in vestibus ejus aquæ signa conspiceret, rogavit eum ut tam incredibilem translationem quasi filio pater exponeret. Nolente illo dicere quæ acciderant, amplexus est pedes ejus, juravitque non se dimissurum, priusquam sibi id quod celabat referret. Videns ergo senex contentiose vincere volentem fratrem, exegit vicissim ab eo ut nulli hoc ante suam mortem indicaret; atque ita confessus est se subito in alteram ripam fuisse transpositum, neque omnino undis impressisse vestigia; Dominici corporis hoc tantummodo privilegium asserens, et eorum quibus ipse, ut apostolo Petro, donaverit ut aquarum levitati humanum corpus insisteret

(Math. xiv). Hæc autem Theodorus, promisso tempore non dixit, post ejus mortem retulit.

Monachi vero, quibus dixerat Antonius de morte Ammonis, notaverunt diem: et venientibus de Nitria fratribus post dies triginta, sciscitantes repperunt illo die illaque hora dormisse Ammonem, qua animam ejus ferri senex viderat; utriusque igitur puritatem mentis in Antonio mirati sunt, quomodo rei tam longe gestæ statim ad eum fuisset perlata cognitio.

CAP. XXXIII. — Archelaus quoque comes, cum eum invenisset in exteriori monte (73), rogavit ut oraret pro Polycratia (74), quæ in Laodicea erat (75) admirabili et Christo dedita virgine. Patiebatur enim pessimos stomachi et lateris dolores, quos jejuniis nimis vigillisque contraxerat, et erat penitus toto debilis corpore. Oravitque Antonius, et diem quo oratio fuerat facta annotavit Archelaus. Redit Laodiceam, et invenit virginem incolumem. Percontatus diem sanitatis, reperit tempus medelæ cum annotatione congruere 52. Et omnes admirati sunt, agnoscentes eo tempore illam a Domino fuisse a doloribus liberatam, quo orans Antonius pro ipsa bonitatem Salvatoris invocaverat.

CAP. XXXIV. — Sæpe etiam ad se venientium turbarum, ante dies et menses, et causas prædixit et tempora. Nam quosdam videndi eum tantum desiderium, alios imbecillitas, nonnullos obsessa a dæmonibus corpora pertrahebant: nemo tamen unquam vexationem aut detrimentum laboriosi itineris conquestus est, regrediebantur omnes spiritali cibo pleni. At ille præcipiebat, non suæ laudi hanc admirationem ab eis applicari debere; sed Domini, qui sui notionem hominibus pro capacitate mortalitatis indulserit.

CAP. XXXV. — Quodam autem tempore, cum exisset ad exteriora monasteria, et rogatus esset a fratribus ut in navi quadam cum monachis proficiscentibus oraret, ascendit, et solus ex omnibus odorem sensit teterrimum. Asserebant cuncti, piscium salsorum et tarichorum (76) in navi positorum hunc esse putorem. At ille alterius rei fetorem se sentire affirmavit. Adhuc loquente illo, adolescens quidam possessus a dæmone, qui procidens juxta carinam se navis absconderat repente, exclamavit. Quo statim per Antonium in nomine Domini nostri Jesu Christi curato, intellexere universi, diaboli illum fuisse putorem.

CAP. XXXVI. — Alius quoque ad eum vir, inter suos nobilis, dæmoniosus adducitur, tanta oppressus insania, ut non sciret se esse apud Antonium, nec non et corporis sui superflua comederet. Quamobrem rogatus senex ab his qui eum adduxerant ut pro illo Dominum oraret, intantum juvenis miseriam conduluit, ut tota nocte pervigilans cum eo, adversus patientis insaniam laboraret. Sed cum jam lucesceret, et obsessus, impetu in Antonium facto, vehementer eum impulisset, irasci cœperunt qui eum adduxerant, cur seni fecisset injuriam. Quibus Antonius ait: Nolite alienam culpam juveni misero ascribere: furor iste

obsidentis est, non obsessi. Idcirco autem in hanc A proruit dolens hostis audaciam, quia Dominus ad aridam regionem ire eum iussit; et expulsi Satanae indicium iste adversum me impetus fuit. Nulla post verba mora, adolescens recepto sensu, et gratias agens Deo, et locum ubi esset, agnovit, et toto Antonio complexans deosculatus est affectu.

CAP. XXXVII. — Innumera et alia istiusmodi signa sunt, quae monachorum concordiae saepe relatione cognovimus. Verum non tantum his adhibendus est stupor, quia multo plus quae sequentur conditionem nostrae fragilitatis excedunt. Hora circiter nona (77), cum ante cibum orare cepisset, raptum se sensit in spiritu, et ab angelis in sublime deferri: prohibentibus transitum aeris daemonibus, coeperunt angeli contradicentes requirere quae esset causa retinendi, B nullis existentibus in Antonio criminibus. Illis vero ab exordio natiuitatis replicare peccata nitentibus, calumniosa angeli ora clausurunt, dicentes non debere eos a natiuitate ejus delicta narrare, quae jam Christi essent bonitate sopita; si qua autem scirent ex eo tempore quo factus esset monachus (78), et Deo se consecrasset, licere proferri. Accusabant daemones multa proaciter mentientes; et cum deessent probamenta fallacibus, liber Antonio consensus aperitur. Et statim rediens in se, in eo loco in quo stare coeperat, hoc se rursus vidit esse quod fuerat. Tunc vero oblitus escae, ex illa hora noctem gemitu ac lamentatione transegit, reputans secum humanorum hostium multitudinem, et colluctationem tanti exercitus, et laboriosum per aere miter ad caelum, et hoc Apostoli dictum, quo ait: Non est nobis colluctatio adversus carnem et sanguinem, sed adversus principem potestatis hujus aeris (Ephes. vi). Qui sciens aereas potestates ob id semper tentare luctari et contendere, ne nobis liber transitus esset ad caelum, hortabatur monens: Assumite arma Dei, ut possitis resistere in die mala (Ibidem); ut nihil mali habens quod de vobis dicere possit inimicus (Tit. ii) confundatur. Nos autem apostolici sermonis recordemur, dicentis: Sive in corpore, sive extra corpus, nescio, Deus scit (II Cor. xii). Et Paulus quidem usque ad tertium caelum raptus est, ibique auditis verbis ineffabilibus, descendit; Antonius autem usque ad aereum sublatus, post colluctationem liber apparuit.

CAP. XXXVIII. — Habebat etiam istiusmodi donum: si cujus rei sedens in monte ignarus fuisset, et ejus secum inquireret notionem, oranti ei a Domino revelabatur; et erat, secundum quod scriptum est, a Deo doctus (Joan. vi; Isa. liv). Denique cum a fratribus haberetur iste tractatus, et ab eo sedule sciscitarentur quemadmodum se post corporis sarcinam anima gereret, quive ei locus post exitum concederetur; proxima nocte vox desuper nomen ejus inclamans, ait: Antoni, exsurge, exi et vide. Qui exurgens, egressus est; sciebat enim quibus respondere deberet. Et elevatis ad caelum oculis, vidit quemdam longum atque terribilem (79), caput usque

ad nubes attollentem; vidit etiam pennatos quosdam (80) se elevare cupientes ad caelum (Pallad., c. 27; Pasch., c. 19, n. 4), atque illum extensis manibus prohibere transgressum; e quibus alios apprehensos elidebat ad terram, S alios frustra retinere contendens, dolebat super se ad caelestia transvolare, et maximum gaudium mixtum mœrore victi victoresque tribuebant. Statimque ad eum vox facta est, dicens: Animadverte quod vites. Et tunc coepit illuminato corde intelligere animarum esse consensum, et diabolum prohibentem; qui et sibi retineret obnoxios, et in sanctorum, quos decipere non poterat, cruciaretur volatu. His visionum exemplis incitatus, quotidie ad meliora crescebat.

CAP. XXXIX. — Neque vero id, quod sibi revelatum fuerat, causa jactantiae fratribus indicabat; sed cum orans jugiter Dei laudare auxilium, interrogantibus compellebatur edicere; nec spirituales filios pura in Christo anima occultare quidquam volebat, praesertim cum hujusmodi signorum relatio et amorem ministraret proposito, et fructuum laboris ostenderet. Nunquam ille aut iram subita concitatus patientiam rupit, aut humilitatem erexit in gloriam. Nam omnes clericos usque ad ultimum gradum (81) ante se orare compellens, episcopis quoque atque presbyteris, quasi humilitatis discipulis, ad benedicendum se caput submittebat (82). Diacones vero, qui ad eum utilitatis causa veniebant, cum pro adjutorio eorum ejus praesentibus disputaret, ad orandum Dominum sibi praeponebat, non erubescens, et ipse discere. Nam et interrogabat frequenter eos cum quibus erat; et si aliquid ab eis necessarium audierat, se fatebatur adjutum.

CAP. XL. — Habebat autem et in vultu magnam gratiam, et admirabile a Salvatore etiam hoc munus acceperat. Si quis enim ignarus ejus, inter multitudinem monachorum eum videre desiderasset, nullo indicante, caeteris praetermissis, ad Antonium currebat, et animae puritatem agnoscebat ex vultu, et per speculum corporis gratiam sanctae mentis intuebatur. Nam semper hilarem faciem gerens, liquido ostendebat se de caelestibus cogitare, sicut Scriptura ait: Corde laetante vultus floret, et in mœrore constitutus tristatur (Prov. xvii). Ita et Jacob agnovit Laban socerum suum insidias sibi machinantem, l) dicens ad filias ejus: Non est facies patris vestri sicut heri et nudius tertius (Gen. xxxi). Sic Samuel agnovit David: Laticatos enim habebat oculos, et dentes sicut lac candidos (I Reg. xvi). Similiter agnoscebatur Antonius, quia semper eandem faciem inter prospera et adversa retinens, nec secundis extollebatur, nec frangebatur adversis. Erat enim et in vultu amabilis, et in fidei puritate mirabilis.

CAP. XLI. — Nunquam schismaticorum se miscuit communioni, antiquam eorum sciens pravitatem atque transgressionem. Nunquam Manichaeis (83) aut aliis haereticis saltem amabilia verba largitus est, nisi tantum ea quae eos possent ab iniquitatis errore

revocare, denuntians talium amicitias atque sermones perditionem esse animæ. Sic etiam Arianos detestabatur, ut omnibus diceret nec juxta eos quidem esse accedendum. Nam cum venissent quidam Ariomanitæ (84), reperta eorum post examinationem infidelissima secta, effugavit eos de monte, dicens multo serpentibus deteriores horum esse sermones. Mentientibus autem Arianis (85) aliquando Antonium ita ut se credere, admiratus eorum audaciam, et justis doloris ira commotus, rogatusque ab episcopis atque universis fratribus, Alexandriam descendit (86); ibique Ariomanitas publico sermone condemnavit, ultimam hanc esse hæresim et præcursorem Antichristi affirmans; prædicavitque in populo Filium Dei, non facturum, non ex nullis exstantibus, sed proprium, unius cum Patre substantiæ, ne creatura potius, aut adoptio, aut appellatio videretur, impium esse dicens vel mente concipere: Erat quando non erat, cum Verbum Dei Deus, qui est semper, Patri sit coæternus, quia ex eo natus est Patre, qui semper est. Unde aiebat: Cum Arianis vobis nulla sit conjunctio. Quæ enim societas luci ad tenebras? Vos fideliter credentes, Christiani estis; illi Verbum, id est Filium, qui ex Deo Patre est, creaturam docentes, nullo intervallo a gentibus separantur, qui serviunt creature potius quam Creatori, qui est benedictus in sæcula (*Rom. 1*). Ipsa, mihi credite, irascuntur elementa, et omnis contra Arianum furorem secundum Apostoli dictum, ingemiscit creatura (*Rom. VIII*), quod sibi Dominum suum, per quem omnia, et in quo omnia facta sunt (*Rom. XI*), videat aggregari.

CAP. XLII. Hæc tanti viri prædicatio exprimi non potest quantum ad fidem populos roboraverit. Lætabantur quippe hostilem et Christo inimicam hæresim anathematizari ab Ecclesiæ columna. Nulla tunc ætas, nullus sexus domi remansit. Taceo de Christianis: pagani quoque et ipsi idolorum sacerdotes ad dominicum imperium convolabant, dicentes: Precamur ut videamus hominem Dei, quia hoc apud universos conspicuum erat nomen Antonii. Ambiebant quoque saltem fimbriam vestimenti ejus attingere, multum sibi et tactum prodesse credentes. Quot tunc diabolica obsidione et variis infirmitatibus liberati! quot simulacris erepta sunt spolia! quanti etiam ab errore gentilium retracti, nostro juncti sunt gregi! Tanti certe, ut paucorum dierum spatio ex idolorum superstitione conversio omnem per annum credentium vinceret turbam. Præterea cum irruentem multitudinem comites repellerent, æstimantes tædio illi conventum populi fore, ille tranquillo animo dicebat: Nunquid hic cætus dæmonum major est turbis? nunquid obsequentium multitudo collectatorum in monte nostrorum catervis est numerosior?

CAP. XLIII. — Accidit etiam ut cum eum redeuntem circa portam prosequeremur, a tergo quædam mulier clamitaret, dicens: Exspecta, homo Dei, filia mea atrocissimo vexatur dæmonio; exspecta, obsecro: exspecta

et ego corruens inteream. Hoc audito, mirabilis senex a nobis admonitus, volens tamen et ipse, paululum substitit. Cumque appropinquante muliere puella jaceret explosa, oravit tacitus Dominum Jesum, et ad comminationem ejus statim spiritus impurus egressus est. Puella incolumis, populus in laudibus Dei, mater in gaudio fuit. Ipse autem lætabatur, quia ad desideratam solitudinem repedabat. Erat autem valde sapiens, et hoc in se mirabile habebat, quia cum litteras non didicisset, ingeniosissimus et prudentissimus erat.

CAP. XLIV. — Aliquando etenim philosophi duo (87) gentiles venerunt ad eum; putantes Antonium se posse decipere. Erat vero in superiori monte. Quos cum vidisset, paganos intellexit ex vultu; et procedens ad eos, per interpretem (88) ita cœpit loqui: Quare tam longe ad stultum hominem sapientes se vexare voluerunt? Illis dicentibus, non esse illum stultum, sed et nimium sapientem, vigilanter respondit: Si ad stultum venistis, superfluum est labor vester; si autem putatis me sapientem esse, et sapientiam habere, bonum est ut imitemini quod probatis, quia bona convenit imitari. Si ego ad vos venissem, vos imitarer: sed quia vos ad me quoad sapientem venistis, estote, sicut ego sum, Christiani. Abscesserunt philosophi, utrumque mirantes, et acumen ingenii, et dæmonum expulsionem.

CAP. XLV. — Alios quoque similiter mundi sapientes (89), qui eum irridere cupiebant, quia litteras ignoraret; tali disputatione colligavit, dicens: Respondete mihi, quid prius, sensus an litteræ? et quid Cujus exordium? Sensus ex litteris, an litteræ oriuntur ex sensu? Illis asscrentibus quia sensus esset auctor atque inventor litterarum, ait: Igitur si cui sensus incolumis est, hic litteras non requirit. Quis presentium post hanc colluctationem non exclamaverit, cum obstupuerint et ipsi qui victi sunt, tantam in imperio litterarum sagacitatem animi admirantes? Neque enim, ut in solitudine et montibus versatus, atque omnem ibidem exigens vitam, agrestis et rigidus erat, sed jucundus atque affabilis, sermonem, secundum Apostoli præceptum, divino conditum sale (*Coloss. IV*) proferebat, ita ut invidia careret, et amore omnium potiretur.

CAP. XLVI. — Inter hæc, quasi parum esset his gentilitatem fuisse separatam, et tertio venerunt viri ad eum omnis secularis prudentiæ nube cæcati, atque universis philosophiæ studiis artium suarum æstimatione doctissimi. Hi cum rationem ab eo exigent fidei, quam in Christo habemus, et niterentur arguta sophismatum interrogatione de divina cruce eum illudere, in silentium paululum voce compressa, primum eorum miseratus errorem est; deinde per interpretem, qui ejus verba diligentissime in Græcum solebat exprimere sermonem, ita exorsus est, dicens: Quid pulchrius est, quidve honestius, crucem colere, an adulteria, parricidium, vel incestum his assignare quos colitis; cum in altero sit contemptus mortis insigne virtutum, in altero turpis religio

obscentatis magistra? Quid melius est dicere quod Dei Verbum, manens ut erat, ob salutem nostram humanum corpus assumpserit, ut societate mortalitatis nos eveheret ad cœlum, parti ipesque naturæ cœlestis efficeret; an, ut ipsi asseritis, divinæ mentis haustum (90), ad terrena veneranda caput submittere, et pecudum atque serpentum formis cœlestis nomen includere? Quo ore Christianorum credulitatem audetis irridere (91), dicentium Christum Filium Dei sine sui detrimento, et cœpisse esse quod non erat, et mansisse quod fuerat; cum ipsi animam de cœlestibus detrahentes, non tantum hominum sed et serpentium et pecudum soleatis sepelire corporibus (92)? Christiana credulitas pro salute mundi Deum suum venisse testatur; vos vero innatam animam prædicantes, ultro citroque transfertis. Christiana fides, quæ omnipotentiam Dei clementiamque veneratur, consequenter incarnationem dicit Deo fuisse possibilem, ita tamen, ut non evacuaverit dignatio dignitatem; vos qui animam ex splendidissimo Dei fonte manentem turpiter decidisse jactatis, qui mutabilem et convertibilem eam post sui diminutionem audetis asserere, jam illam quoque naturam dominam sæculorum per animæ contumelias impia lingua temeratis. Imago enim, quæ secundum vos naturalem similitudinem sui retinet auctoris, cui una est ex quo defluxit eademque substantia, humilitates proprias et injurias consequenter ad suam originem remittit. Igitur animadvertite, contumelias animarum, ad patrem (ut appellatis) earum per vestram blasphemiam redundare.

Crux Christi Domini Dei nostri hic nobis ingeritur. Rogo, quæ hæc est religionis obscentitas? nonne potius est crucem aut alicujus generis mortem, ab iniquis hominibus illatam patienter sustinere, quam Isidis (93) plangere post Osirim (94) vagos incertosque discursus? Pudeat, quæso, vos insidiarum Typhonis (95); pudeat Saturni (96) fugæ et devorationis crudelissimæ liberorum. Erubescite parricidium Jovis (97) et incestum, erubescite raptum ejus et coitum mulierum atque puerorum. Ille, sicut vestri fingunt poetæ, ad explendum immanissimæ libidinis furor, molles dedit in amore vagitus; ille in Danaes (98) fluxit sinus, ipse amator et pretium; ille modulatus ales Ledaos (99) petivit amplexus; ille in proprium sæviens sexum, regium puerum ministris avibus polluit. Hæc vos creditis, hæc colitis, hæc sunt vestrorum ornamenta templorum. Æquo, deprecor, pro vestra salute, nostra dicta pensate judicio. Cuncta, an nihil credendum in libris Christianis est? Si nihil, nec crucis quoque, cui detrahitis, nomen agnoscitis. Si universa credenda sunt, cur, cum in iisdem libris cruci resurrectio copuletur, passionem divinam stolido laceratis eloquio, et non statim jungitis cæcorum visum, surdorum auditum, claudorum gressum, lepræ emundationem, serviens ambulanti Deo suo mare, dæmonum fugas, resurrectionem mortuorum et defunctorum ab inferis reditus? Hæc omnia Scripturis divinis, quas interpolatis,

inserta sunt, et iisdem voluminibus continentur præconia majestatis et mortis dedecora. Quamobrem odio, quo imbuti estis, abjecto, invenietis illico, et Deum verum esse Jesum, et salutis humanæ gratia fragilem assumpsisse naturam.

CAP. XLVII.—Vestram tamen nobis, si non pudet narrate religionem. Sed quas error infelix poterit referre culturas de tanta rerum fœditate atque vecordia? nisi forte (ut audio) fabulas asseratis deorum vestrorum, et obscentitates, et crudelitates, et vanitates, et mortes, tegentes eas allegoricis velaminibus (100); Liberæ raptum, terram (101); semiclaudum Vulcanum et debilem, ignem (102); Junonem, aerem (103); Apollinem, solem (104); Dianam, lunam (105); Neptunum, maria (106); et libidinum principem Jovem, ætherem (107) interpretantes. Nec post hanc excusationis procacitatem Deum, sed creaturas, contempto Creatore, suscipitis. Quod si pulchritudo vos elementorum ad suam traxit venerationem, modum fas erat custodire; et oportebat mirari tantum, nec colere, ne facturæ veneratio Creatoris esset injuria. Nam secundum istiusmodi, quam vos sequimini, rationem præposteram, et architecti honor migravit ad domum; et medici scientia ad remedia conferetur, omnium quoque artificum merita vel laudes ad opera transferentur. Quid ad hæc dicitis, ut agnoscamus quæ sit crucis ridiculæ vobis ignominiosa confessio?

CAP. XLVIII.—Hac disputatione convertentibus inter se philosophis oculis, simulque mussitantibus, subridens Antonius rursum per interpretem ait: Prædurum (108) namque cuncto videtur operi, quoties justo universæ rei tenore calcato, laboris merita factis magis quam factoribus astruuntur. Elementa quidem, ut memoravi, ex ipso conspectu suam comprobant servitutum. Sed quoniam vos observatione dialectica necessaria, ut putatis, quæque colligitis, hoc quoque artificio etiam nos nostram religionem compellit affirmare. Respondete mihi: Cognitio Dei quemadmodum manifestus approbatur, per collectionem verborum, an per operationem fidei? et quid antiquius (109) est, operatio fidei, an disputatio per argumenta procedens? Illis respondentibus firmiter sermonibus operationem esse, et hanc liquidam de Deo cognitionem, bene eos et ipse dixisse consensit, quia operationem, quæ ex fide descendit, animi generat affectus, dialectica vero disputatione ex artificio componentium sumpsit oppositionis exordium. Cum ego, ait, operationem fidei animo sitam quis habuerit, superflua erit verborum compositio, per quam conceptam sensu nostro credulitatem tentatis evellere, et tamen sæpe nostras explicare intelligentias non valetis. Ita solidiora sunt mentis opera, quam sophismatum fraudulenta conclusio.

CAP. XLIX.—Nos Christiani mysterium vitæ nostræ non in sapientia mundi habemus repositum, sed in virtute fidei, quæ nobis a Deo tributa per Christum est. Hanc orationis meæ veritatem, rerum, quæ quotidie geruntur, ordo commendat; nobis imperitis et litterarum vestrarum ignaris ad Dei cognitionem

ejus solum verba sufficiunt. Ecce nos tot gentilitatis A gregibus abstracti, in universum orbem quotidie propagamur; vobis vero post adventum Domini, nodosæ sophismatum defecerunt versutiæ. Ecce nos, simplicem Chisti fidem docentes, idololatriam debellavimus, et per prædicationem ignominiosæ crucis aurata templa ceciderunt. Vos, si potestis, ostendite quibus contextione verborum gentilitatem Christo præponere suaseritis. Per omnes jam terras versus Dei Filius Christus est agnitus. Nihil eloquentia sophismatum, nihil disputatio philosophiæ multitudini 56 potest obesse credentium. Crucifixum nominamus, et universi dæmones, quos vos ut deos colitis, rugiunt, atque ex obsessis corporibus ad primum dominicæ crucis signum fugantur. Ubi sunt illa fabulosa oracula? ubi Ægyptiorum incantationes (110)? quo magorum profecere carmina (111)? Certe tunc vastata sunt omnia, cum de sua Cruce mundo Christus intonuit. Nihilominus vos, prætermisissis debilitatorum catervis, gloriosam Jesu mortem irridere conamini.

Illud autem quale est, quod numquam infestatione regali concussa gentilitas, imo sæculo chara et hominum præsiidiis fulta, jam corruiat. Nos famuli Christi quo plus premimur, eo magis assurgimus et floremus. Vestra simulacra ornatis quondam septa parietibus, jam vetustate collapsa sunt. Christi vero doctrina, quæ vobis stultitia videtur et ludus, licet tyrannica persequentium principum tentamenta pertulerit, licet variis sit incursata terroribus, nullo tamen terrarum orbe concluditur, nullo gentium barbararum fine prohibetur. Quando enim divinæ scientiæ C tantus splendor illuxit? quando tot simul in se convenere virtutes? Continentia in matrimonio (112), virginitas in Ecclesia. Floret martyr pro Domino suo gloriosa constantia, quorum omnium crux Christi principium est.

Cum interim vos inter tantos virtutum choros syllogismorum retia tenditis, et veram rerum lucem tenebrosis conamini argumentationibus obvolvete, ecce nos, ut dixit Doctor noster, non in gentili persuasionem (1 Cor. ii), sed in fide apertissima suademus, quæ verborum affirmationem prævenire consuevit. Adsunt quippe patientes a dæmonibus vexati. Quos cum in medium produxisset, verba repetivit, dicens: Nunc vos collectionibus vestris, et quo vultis malefico carmine deos vestros, quos putatis, expellite; sin D autem non potestis, victas submittite manus, et ad Christi trophæa confugite, et statim Crucifixi credulitatem majestatis potentia prosequatur. Dixit, et invocato nomine Jesu, cum vitale signum in sacro numero Trinitatis pressisset in frontibus, una cum expulsis dæmonibus vana præsentium philosophorum confutata sapientia est. Expaverunt enim stupentes hominem, cui post tantum ingenium afflueret signorum divina largitio. At ille universa Christo, qui curat, ascribens, usus est affatu reciproco, et ait: Nolite me putare his sanitatem dedisse, Christus per servos suos facit ista miracula. Credite et vos, et videbitis quia devota Deo fides, non eloquentiæ vanus

tumor talia signa mereatur. Confugite ad Crucifixi legem, nosque ejus imitamini famulos; et hoc scientiæ sine contenti, nulla deinceps sæcularis imprudentiæ argumenta quærat. Hactenus Antonio dicente, miro philosophi stupore percussi, eum honorifico salutatu ab eo recedentes, multum ejus sibi fatebantur profuisse conspectum.

CAP. L. — Hoc in eo vero mirabile est, ut hominem in extremo mundi limite conditum, et favor principum, et omnis celebraret aula regalis. Nam et Constantinus Augustus (113), et ejus liberi Constans atque Constantius, talia cognoscentes, crebro ad eum, quasi ad patrem, missis litteris, obsecrabant ut reciprocis eos scriptis hilararet. At ille ejusmodi manens, qualis et antequam litteræ ad eum venissent fuerat, nec salutatione principum movebatur, et tanquam non acceptis litteris, convocatis monachis aiebat: Reges sæculi epistolas ad nos miserunt, quæ hic Christianis adhibenda miratio est? Licet enim diversa sit dignitas, attamen eadem nascendi moriendique conditio est. Ista sunt veneratione omni percolenda, illa toto animi affectu retinenda sunt, quod hominibus Deus legem scripserit, quod per Filium suum propriis Ecclesiis ditaverit eloquiis. Quæ monachis est ratio cum epistolis regum? cur accipiam litteras, quibus consueta nesciam reddere salutationis obsequia? Igitur rogatus ab universis fratribus ut Christianos reges suis litteris refrigeraret, ne scilicet per silentium ejus exasperarentur, ad susceptas epistolas convenientia rescripsit. Laudavit primum, quod Christum colerent, deinde salutaria persuasit, ne magnam putarent regiam potestatem, ne præsentis carnis imperio tumentes, et se homines esse nescirent, et judicandos a Christo obliviscerentur; ad postremum, clementiæ circa subjectos et justitiæ, curæ quoque inopum admonuit, atque unum sempiternum esse Regem omnium sæculorum Jesum Christum epistolis testatus est. His principes susceptis vehementissime lætabantur. Sancta quoque apud cunctos Antonii flagrabat opinio, ita ut ejus se filios cuperent nominari Magna etenim cum advenientibus affabilitas omnium in se studium converterat.

CAP. LI. — Postquam ergo gentiles confutati, reges admoniti, fratres ab eo sunt consolatione relevati, ad interiorem montem (114) et ad rigorem solitum regressus est, ibique sæpe cum introeuntibus deambulans ac residens stupebat, sicuti in Daniele scriptum est (Dan. viii); et interjectis horarum spatiis, consequentia respondebat, ut intelligeretur aliqua revelationis vidisse secreta. Nam et in monte positus, ea quæ in Ægypto longe gerebantur, 57 prævidens, episcopo Serapioni (115) ibi constituto narravit.

Lamentabilis sequitur visio (116), et omni lacrymarum fonte plangenda. Cum enim fratribus circa se sedentibus operaretur, intente fixit oculos in cælum, gemens atque suspirans; et post aliquantum spatium revelationis inceptæ nimio dolore contremuit; et statim fixis genibus ante Dei vultum provolutus oravit, ut clementia sua futurum scelus averteret.

Succedunt orationi lacrymæ, metus ingens invadit præsentibus, obsecrant, ut tantæ calamitatis exponeret visionem. Singultus occupant vocem, lingua fletibus præpeditur, et in medio conatu sermo gemitu interrumpitur. Vix tamen cum vociferatione luctuosa ait: Melius erat, o filioli, impendens piaculum cita morte lucrari. Sic incipiens rursus lacrymis vincitur, et inter ægra suspiria tandem pectori commodans vocem: Magnum, inquit, quoddam et universis sæculis inauditum imminet nefas. Magno fides catholica turbine subvertetur, et homines jumentis similes Christi sancta diripient. Vidi enim altare Domini mulorum circumdatum multitudine (117), qui crebris calcium ictibus omnia dissipabant. Hæc est causa gemituum meorum, quos audistis. Et facta est vox Domini dicens: Abominabitur altarium meum. Nec mora, visionem sequitur effectus; nam post annos duos (118) sæva Arianorum irrupit insania. Tunc ecclesiarum fuerunt rapinæ, tunc divinatorum temeratio vasorum, tunc pollutis ethnicorum manibus sacra polluta sunt ministeria, tunc paganorum opificum præsidia adversus Christum comparata cum assumptione palmarum (quod idololatricæ apud Alexandriam insigne est), ad ecclesiam pergere compellebantur Christiani, ut Arianorum populi crederentur (119). Proh scelus! horret animus replicare quæ gesta sunt: virginum matronarumque ereptus pudor: sanguis ovium Christi in Christi templo effusus veneranda respersit altaria; baptisterium pro voluntate gentilium pollutum est. Nihil defuit visionis veritati, ut monstravit effectus, quod calcitrantium multorum indisciplina Arianorum esset impietas.

Sed istam tristitiam consequentis revelationis prosperitate solatus est, et ait: Nolite, filioli, majori vos penitus dare; ut enim iratus est Dominus, sic rursus miserebitur, et suum cito Ecclesia recuperabit ornatum; eosque, qui in persecutionibus fidei Domini servaverint, solito videbitis fulgore relucentes. Revertentur ad foveas suas serpentes, et religio longius propagabitur; tantum videte, ne fidei vestræ sinceritas Ariana labe sordescat. Non apostolorum, sed dæmonum et patris eorum diaboli ista doctrina est; ob id per insipientiam jumentorum similis pecudum eorum expressus est animus.

CAP. LII. — Hucusque Antonius. Sed nos minime convenit diffidere, tam grande miraculum per hominem potuisse portendi. Salvatoris enim promissio est, ita dicentis: Si habueritis fidem ut granum sinapis, dicetis huic monti, Transfer te, et transferetur, et nihil impossibile erit vobis (*Matth.* xvii). Et iterum: Amen amen dico vobis, omnè quod petieritis Patrem in nomine meo, dabit vobis. Petite et accipietis (*Joan.* xvi). Ipse enim suis discipulis et universo credentium gregi nunc subjectionem dæmoniorum, nunc variarum infirmitatum pollicens curationem, aiebat: Gratis accepistis, gratis date (*Matth.* x). Numquid suæ virtutis imperio curabat Antonius? Numquid suæ possibilitatis arbitratur esse quod fecerat? Orationibus, non præceptis (120) dæmones morbi que

cesserunt, et ad Christi Dei nostri nominationem semper universa perfecta sunt. Nemo sapientum sanitarum admirationem ascribat Antonio, sed Domino Jesu, qui solitam erga creaturas suas exhibens benevolentiam, nunc quoque per electum famulum suum indulgenter exercuit. Antonius tantum orabat, et ob vitæ ejus merita cuncta Dominus largiebatur.

CAP. LIII. — Sæpe autem, et contra voluntatem, ad exteriorem montem (121) a fratribus perducebatur. Et cum iudices, qui ad interius archisterium (122) propter asperitatem itineris, et ob sequentium multitudinem, et horridam solitudinem ire non poterant, pervenirent, et quærerent ut ejus fruerentur aspectibus, nec impetrare possent, quia molestissime ferebat vexationem discursuum, ipsos catenatos, quos aut noxietas, aut vigor publicus constrinxerat, ad eum destinabant, scientes tales ab Antonio non posse contemni; quorum fletibus superatus pertraheretur ad exteriorem montem, agnoscens laborem suum utilem miseris fore; suadebatque iudicibus, qui eum invitaverant, ut in sententia proferenda, et odio et gratiæ, Dei timorem anteponerent; nec ignorare eos debere quod scriptum est: Quocumque iudicio judicaveritis, in eo iudicabitur de vobis (*Matth.* vii); attamen inter medios sermones charæ sibi solitudinis recordabatur. Post coactam itaque præsentiam, quam ducis preces, et, quod verius est, miserorum fletus extorserat, post salutaria monita, post reorum commendationem, quorumdam etiam absoluteionem, postulanti duci, ut paulo largius eidem suam præsentiam indulgeret, ait non posse se diutius ibidem morari, grato usus exemplo, quod sicuti pisces ab aqua extracti, mox in arenâ terra morentur (*Pelag.*, l. ii, n. 5), ita et monachos cum sæcularibus retardantes, humanis statim resolvi confabulationibus. Ob id ergo, inquit, convenit ut pisces ad mare, ita nos ad montem festinemus, ne tardantibus nobis aliqua propositi succedat obliquo (123). Pro tanta hominis sapientiâ dux miratus, justam de eo tulit veramque sententiam, dicens: Vere justum esse Dei famulum, nec in rustico homine potuisse tantam aliquando inesse sapientiâ, nisi divino amore regeretur.

CAP. LIV. — Præterea cum Balacius (124), qui sub Nestorio præfecto Alexandriæ dux Ægypti fuit, homo Arianae iniquitatis studiosissimus fautor, ita Christi Ecclesiam persequeretur, ut animo vesano virgines monachosque nudatos verberaret in publico, ad eum Antonius litteras misit, quarum ista sententia est: Video iram Dei venientem super te, desine persequi Christianos, ne te ira occupet, quæ proximum jam tibi minatur interitum. Legit infelix epistolam; et irrisit, atque in eam exspuens, projecit in terram; portitores quoque multis afficiens injuriis, Antonio talia renuntiari præcepit: Quoniam cura tibi tantopere monachorum est, etiam ad te mei vigoris transibit disciplina. Sed confestim minatorem oppressit supplicium, et post quinque dies os effrenatum ultio divina compescuit. Egreditur enim ad primam

mansionem Alexandriae, quae appellatur Chæreum (125), cum supradicto Ægypti præfecto Nestorio. Vehuntur equis, quos inter omnes Balacius, cujus erant, mansuetissimos nutrierat. Cum ergo pariter solito sibimet equi alluderent, mitior, quo Nestorius vehebatur, morsu repentino Balacium decussit in terram, et sic in eum inhians, femora ejus laceravit atque corrosit, ut statim relatus ad civitatem post tertium diem moreretur; universique agnoscerent minarum ab Antonio prædictarum effectum quantum consecutum, digno persecutoris sine completo.

CAP. LV. — Cæteros ad se venientes mira cum modestia Antonius admonebat, ut, oblita sæculi dignitate, remotioris vitæ beatitudinem appetere. Si qui autem majori potestate premebantur, nec poterant obtinere justitiam, ita eos obnixè defendebat, ut ipse pro illis pati videretur injuriam. Multis utilis fuit præclari senis oratio; multi, magnis divitiis et altiori gradu militiæ derelicto, ejus hæere curriculis cupiebant. Et ut infinita brevi sermone comprehendam, bonum Ægypto medicum Christus indulserat. Quis non tristitiam apud Antonium mutavit in gaudium? quis non iram vertit in pacem? quis orbitatis luctum non ad ejus temperavit aspectum? quis non mœrore paupertatis, quo premebatur, abjecto, statim et divitum despexit opulentias, et in sua letatus est paupertate? quis post lassitudinem monachus non ejus vegetatus est hortamentis? quis adolescens succensus ardoribus, non ex ejus admonitu pudicitiae amator fuit? quis vexatus a diabolo, sine medela rediit? Quis inimici cogitationibus distractus, non cæca tempestate sopita, sereno regressus est animo? Sciebat enim quo quisque laboraret incommodum, et ex viæ meritis discretionem spirituum agnoscens, adhibebat morborum, prout erant vulnera, sanitatem. Unde effectum est ut post ejus doctrinam omnes diaboli panderentur insidiæ. Multæ quoque desponsatæ puellæ (126), ad ejus conspectum ab ipso pene thalamo recedentes, in Ecclesiæ matris gremio consederunt. Quid plura? Totius orbis homines ad eum confluebant, et universarum gentium varietas bellicosissimum contra dæmones virum conspicere gestiebant. Nullus se frustra illuc venisse conquestus est, omnibus delectabile atque jucundum laboris commercium fuit. Fatigatio enim itineris emolumentum viatici reportabat, sicut rei probavit effectus. Nam post resolutionem ejus, quasi communi vulnere orbitatis excepto, proprium singuli parentem luxerunt.

CAP. LVI. — Quis autem finis vitæ ejus fuerit, dignum est et me commemorare, et vos cum desiderio audire, quia et hoc in eo imitabile cunctis fuit. Juxta consuetudinem ad visendos fratres qui in exteriori monte erant, venit, ibique a divina providentia de sua morte condiscens, ita exorsus est: Ultimam, filioli, patris audite sententiam, non enim arbitror quod in hoc sæculo iterum vos visuri simus. Cogit conditio naturæ, ut post centenarium numerum, quem annis quinque supergredior (127), jam resolver. Ita locutus, audientium pectora contristavit: gemitus

lacrymæque dicta mœrentia consecutæ sunt. Amplexabantur eum universi, quasi jam de sæculo recessurum. At ille, tanquam aliena deserens, ad propriam patriam profecturus, magna cum lætitia præcipiebat, desidiam instituto non debere subrepere, sed tanquam quotidie morituros, ut ante prædixerat, a sordidis cogitationibus animam custodire, et omnem æmulationem ad sanctos quoque convertere, ad schismaticos vero ne prope quidem accedere. Scitis enim, aiebat, eorum antiquam perversitatem; neque cum Arianis communionem jungamini, quia impietas eorum jam omnibus manifesta est. His etiam illud addebat, nullum debere Christianum, cum sæculi viderit potestates pro Arianorum et Meletianorum (128) pugnare nequitia, a Christi terrum discedere veritate; mortalium illam esse defensionem, nec diu fallacem permanere posse phantasiam. Quapropter, aiebat, custodienda est pia fides in Christo, et patrum religiosa traditio (129), quam ex Scripturarum lectione et crebro meæ parvitas didicistis admonitu.

CAP. LXVII. — Finito sermone, fratres eum vehementissime retardabant, glorioso Patris cupientes termino decorari. Sed multas ob causas, quas et silentio demonstrabat, præcipue tamen ob præsumptam Ægypti consuetudinem contradixit. Mos etenim Ægyptiis est, nobilium et præcipue beatorum martyrum corpora linteamine quidem obvolvere (130), et studium funeri solitum non negare; terra vero non abscondere, sed super lectulos domi posita reservare (131). Hunc honorem quiescentibus reddi, inveteratæ consuetudinis vanitas tradidit. De hoc Antonius sæpe et episcopos deprecatus est, ut populos ecclesiastica contestatione corrigerent; et laicos viros ac mulieres rigidius ipse convenit, dicens, nec licitum hoc esse, nec Deo placitum: quippe cum patriarcharum et prophetarum sepulcra, quæ ad nos usque perdurant, hæc facta convincerent. Dominici quoque corporis exemplum oportere intueri jubebat, quod in sepulcro positum, lapide usque ad resurrectionis diem tertium clausum fuerit (*Joan. xvi; Matth. xxvii*). Atque his modis vitium circa defunctos Ægypti (132), etiamsi sancta essent corpora, coguebat, dicens: Quid majus aut sanctius corpore potest esse Dominico, quod juxta consuetudinem gentium caterarum humo conditum esse scinus? Hæc justa persuasio multorum insitum evellit errorem, et repositis in terra cadaveribus Domino gratias pro bono magisterio retulerunt. Metuens ergo consuetudinem supradictam, ne eodem etiam circa se laberentur errore, celeriter valedicens monachis, qui confluerant, ad amicum virtutis habitaculum repeditavit.

CAP. LXVIII. — Post menses autem paucos, cum non mediocri incommodum senilia membra turbasset, vocatis ad se duobus fratribus (133), quos ibidem ante quindecim annos modico intervallo sejunctos instituerat, quique etiam ei jam seni ceperant ministrare, ait: Ego quidem, filioli, secundum eloquia Scripturarum (*Josue xxiii; III Reg. ii*), patrum gra-

dior viam; jam enim Dominus me invitat, jam cupio videre cœlestia. Sed vos, o viscera mea, admoneo, ne tanti temporis laborem repente perdati. Hodie vos religiosum studium arripuisse arbitramini, et quasi cœptæ voluntatis fortitudo succrescet. Varias dæmonum nostis insidias, vidistis eorum et impetus feroces, et vires effeminatas. Jesum suspirate, et credulitatem nominis ejus vestris figite mentibus, et a certa fide universi dæmones fugabuntur. Memento etiam admonitionum mearum et incertæ conditionis, vitam quotidie ancipitem retractate, et cœlesti vobis præmium sine cunctamine tribuetur. Schismaticorum quoque et hæreticorum venena vitate, meumque circa eos odium sectamini, quia Christi sunt inimici. Scitis ipsi quod nullus mihi nec pacificus quidem sermo cum eis aliquando fuerit, propter pravam eorum voluntatem, et pertinax contra Christum bellum. In hoc autem magis estote solliciti, ut Domini præcepta servetis, ut post mortem vestram sancti quique, quasi amicos et notos, in æterna vos recipiant tabernacula (*Lucæ xvi*). Hæc cogitate, hæc sapite, hæc retexite; et si qua mei vobis cura, si qua patris memoria est, si mihi vicarium repræstatis affectum (134), nullus ad Ægyptum meas perferat reliquias, ne vano corpus honore servetur, ne vituperati, ut nostis, a me ritus etiam circa me serventur obsequia. Hujus enim rei gratia maxime luc sum regressus. Vos igitur humo tegite, vos patris operite corpusculum, et illud quoque senis vestri custodite mandatum, ut nemo præter vestram dilectionem locum tumuli mei noverit. Confido in Domino, quia necessario resurrectionis tempore hoc corpusculum resurget incorruptum. Vestimentorum autem meorum sit ista divisio (135): Melotem et pallium tritum, cui superjaceo, Athanasio episcopo date, quod mihi novum ipse detulerat (136). Serapion episcopus (137) aliam accipiat melotem; vos cilicium habetote vestimentum, et valet, viscera mea; Antonius enim migrat, et jam non erit in præsentis sæculo vobiscum.

CAP. LIX. — Verba finierat, et osculantibus se discipulis, extendens paululum pedes, mortem lætus aspexit (138); ita ut ex hilaritate vultus ejus, angelorum sanctorum, qui ad perferendam animam ejus descenderant, præsentia nosceretur. Hos intuens, tanquam amicos videret, animam exhalavit, et additus est patribus secundum ordinem Scripturarum. Servaverunt mandata discipuli (139), involutum (ut præceperat) corpus humo operientes; et nemo interim usque ad hanc diem, præter eos, ubi sit conditum, novit. Legatarius autem Antonii benedicti, qui tritum pallium cum melote imperio ejus meruerat

accipere, Antonium in Antonii muneribus amplectitur; et tanquam magna hæreditate ditatus, lætanter per **80** vestimentum recordatur imaginem sanctitatis (140).

CAP. LX. — Hic Antonio vitæ terminus fuit, ista principia meritorum: quæ licet parviori, ut prædixi, sermone narraverim, tamen ex his potestis advertere qualiter homo Dei a pueritia ad senectam usque pervenerit; et quod omni semper dubitatione calcata, nec languori, nec longævæ quidquam ætati aliquando concesserit. Magis autem æqualitatem propositi tenens (141), nec vestimentum mutavit, nec pedes lavit, nec escam sectatus est molliorem; oculorum quoque aciem, et numerum dentium, licet paululum ob ætatem viderentur attriti, nec non et pedum incessum, totius etiam corporis firmitatem, ita contra jura naturæ meritorum gratia custodivit, ut lautorum corporum, quæ balneis atque deliciis confortentur, hilarior ejus caro videretur.

CAP. LXI. — Hoc etiam, fratres, quod per omnes provincias amor ejus fama que volitavit, quem nec librorum disseminatorum oratio luculenta (142), nec mundanæ sapientiæ disputatio, nec nobilitas generis, nec opum infinita congestio commendavit, cui omnium ore est ascribendum, nisi Christo, cujus hoc donum est? qui devotos ejus animos erga suam prævidens majestatem, hominem alio pene orbe celatum, et inter tantas positum solitumque lines, Africae, Hispaniæ, Galliæ, Italiæ, Illyrico, ipsi etiam, quæ urbium caput est, Romæ (143), ut in exordio promiserat, demonstravit. Creatoris est ista benignitas, qui famulos suos, licet nolentes, nobilitare consuevit, ut virtus possibilis nec extra humanam esse naturam sanctorum doceatur exemplis, et ad beatæ vitæ imitationem, ex fructu laboris optimus quisque impellatur.

CAP. LXII. — Hunc itaque fratribus librum magnopere perlegere curate, ut, agnita fideli vita sublimium Christianorum et monachorum, sciant quod Salvator noster Jesus Christus glorificantes se glorificat, et servientibus sibimet, non tantum regna cœlorum, sed etiam hic in ipsis montium secretis latere cupientibus, famæ tribuit nobilitatem; scilicet, ut et ipsi fruantur laude meritorum, et cæteri eorum provocentur exemplis. Si autem necessarium fuerit, det gentibus legite, ut vel sic agnoscant quia Dominus noster Jesus Christus non solum est Deus, Dei Filius, sed etiam his qui eum sollicitè colunt, et in eum fideliter credunt, hanc dedit potestatem, ut dæmones, quos illi deos esse arbitrantur, conculcent atque ejiciant, deceptores scilicet hominum, et totius corruptionis artifices.

EPILOGUS EVAGRII INTERPRETIS.

Itaque prudentes, qui legere voluerint hanc scripturam, obsecramus ut dent veniam, si Græci sermonis vim exprimere non potuimus, transferentes eum in Latinam linguam, licet contra nostrum propositum hæc fecerimus. Sed non quasi invidentes nolebamus facere, sed sufficienter sciens quantam infirmitatem sustinet Græcus sermo translatus in Latinitatem; tamen maluimus Græcum sermonem hoc sustinere, quam fraudem

pati eos laeri defici, qui quomocunque interpretatum Græcum sermonem legere possint. Deus autem omnipotens, qui tanto viro cooperatus est ad facienda talia, et nobis cooperetur ad imitandum ipsum, vel ex parte, ut in omnibus clarificetur nomen ejus per magistrum, et hortatorem, et redemptorem, et Salvatorem nostrum Jesum Dominum cum Spiritu sancto, cui est claritas et perpetua potestas in sæcula sæculorum.

ROSWEYDI NOTATIO.

¶ (1) *Innocentium.*] Editiones hic ascribunt, *A* *episcopum*, quod deest manuscriptis. Recte. Nec enim Evagrius presbyter Innocentium vocasset *charissimum filium*, uti hic habes, si tunc ille episcopus fuisset.

Sed quis hic Innocentius? Suspicio eum esse cujus meminit divus Hieronymus, epist. 41, ad Ruffinum, quem una cum Evagrion in Syria sibi socium fuisse asserit: « Innocentius enim, partem animæ meæ, repentinus febrium ardor abstraxit. Nunc uno et toto mihi lumine Evagrion nostro fruor, cui ego, semper infirmus ad laborem cumulus accessi. » Alius, opinor, est Innocentius apud Hieronymum, epist. 56, ad Apronium, quem presbyterum vocat; uti et epist. 79, ad Alipium et Augustinum. Alius item apud Palladium, cap. 103, montis Oliveti cultor, et ipse presbyter. Hunc autem Innocentium, in cujus gratiam Evagrius presbyter sancti Antonii vitam e Græco Latine vertit, existimo juniorem fuisse, nec presbyteratu initiatum. Quare eum vocat *charissimum filium*, alio utique titulo usurus Evagrius presbyter, si et ipse Innocentius, cui scribit, presbyter fuisset. Nisi forte ratione ætatis ita vocaverit.

In ejusdem Innocentii gratiam scripsit divus Hieronymus de muliere septies icta historiam, quam habes apud eundem, epist. 49, ubi eundem Innocentium vocat *charissimum*. Ne recte igitur in indice Hieronymiano Innocentius hic, cujus Hieronymus meminit, epist. 41 et 49, confunditur cum eo cujus meminit epist. 56.

Porro ex hoc Hieronymi loco discimus quo fere tempore Evagrius vitam hanc Antonii Latio dederit, videlicet cum Hieronymus in Syria eremo versabatur una cum Innocentio, vel paulo ante.

Ad hunc Evagrii prologum respicit divus Hieronymus epist. 101, cap. 2, ad Pammachium, ex eoque, tacito interpretis nomine, quædam citat, ut jam monstravi in præludivi ad hanc vitam, ubi actum est de Evagrion hujus Vitæ interprete.

(2) *Ingens lucrum est, quod recordor Antonii.*] Magni semper sancti viri habitus, ita ut etiam eorum recordatio lucro et utilitati deputaretur. In Vita sancti Pachomii, cap. 20, ait Theodorus: « Credo, quia tanti viri recordatus sum, peccata mea remittentur universa. »

(3) *Frequenter enim eum visitavi.*] Baronius, tomo III, anno Christi 338, Silvestri papæ 15, Constantini 23, existimat hoc anno, tertio videlicet et episcopatus ipsius, Athanasium Ægypti ecclesias et monasteria visitasse, ut patere ait partim ex Apologia 2 Athanasii, partim ex Vita Pachomii, cap. 27. Qui igitur Pachomium invisit, Magnum quoque Antonium, monachorum omnium fama celeberrimum, utpote antiquiorem, et vitæ præstantia sanctiorem, atque cœnobiorum omnium auctorem et principem, visitasse credendus est. Vide dicenda infra, ad cap. 58, hujus Vitæ.

Admiranda, inquit Baronius supra, plane in his quoque elucet Athanasii in omnibus spectata modestia; quippe qui res gestas Antonii scribens, nunquam de ejusmodi congressu cum eodem vel verbum facit; verum et quæ tum cum ipso, tum cum aliis viris sanctissimis transacta fuerint, haud dubium memoria digna, silentio obvoluta reliquit, ne videretur, dum aliorum præclaras res gestas contexeret suarum ipsius laudum prædicator existere, malens recte factorum periclitari memoriam quam modestiam.

(4) *Quæ ab eo didici, qui ad præbendam ei aquam*

non paululum temporis cum eo fecit.] Omnino fecit legendum. Græcus quoque textus consentit: Καὶ ἔμαθεν ἡδυνήθην παρὰ τοῦ ἀκολουθήσαντος αὐτῷ χρόνον οὐκ ὀλίγον, καὶ ἐπιχέαντος ὕδωρ κατὰ χειρὸς αὐτοῦ. Quæ habes hic Latine ab Evagrion expressa. Sed male hactenus in Editis lectum, *sect.* Quod Baronius, tomo III, anno Christi 311, Eusebii papæ 3, Constantini 6, et anno Christi 328, Silvestri papæ 15, Constantini 23, in errorem induxit, ut existimarit Athanasium sancto Antonio inservisse, et eidem aquam ferentem sedulo officio ministrasse.

Imo vero Athanasius a pueritia, degustato grammaticæ studio, Alexandro episcopo Alexandrinocœpit convivere, ut scribit Ruffinus, lib. 1, cap. 44, suæ Historiæ: « Apud quem, inquit, Alexandrum velut Samuel quidam in templo Domini nutritur, et ab eo pergente ad Patres, in senectute bona, ad portandum post se ephod sacerdotale deligitur. » Sozomenus quoque lib. II, cap. 16, ait quod Alexander ὁμοδίατον καὶ ὑπογραφεὰ τὸν Ἀθανάσιον εἶχεν, « Athanasium et convictorem suum et scribam constituit. » Et Theodoretus, lib. I, cap. 26: Συγγὴν δὲ Ἀλεξάνδρῳ τῷ πανευφύμῳ νέος μὲν ὢν τὴν ἡλικίαν. « Qui cum adolescens esset, consuetudine illius excellentis Alexandri assidue usus est. »

Quod autem hic dicitur, *ad præbendam ei aquam*, Græce est: Καὶ ἐπιχέαντος ὕδωρ κατὰ χειρὸς αὐτοῦ. *Et qui lavanti manus aquas effudit.* Simile Elisæi ministerium habetur IV Regum, c. III: Ὅς ἐπέχεεν ὕδωρ ἐπὶ χεῖρας Ἡλίου, *qui fundebat aquas super manus Eliæ.* Solemne id olim. Vide Onomasticon.

(5) *Antonius.*] Martyrologium Romanum, 17 Jan. « In Thebaide sancti Antonii abbatis, qui multorum monachorum Pater vita et miraculis præclarissimus vixit, cujus gesta Athanasius insigni volumine prosecutus est. Ejus autem sacrum corpus sub Justiniano imperatore divina revelatione repertum, atque Alexandriam delatum, in Ecclesia sancti Joannis Baptistæ humatum est. » Dies hic in Menologio Græcorum e bibliotheca card. Sirleti Latine edito desideratur. Sed memoria Antonii titulo Magni occurrit hoc eodem die in Menæis Græcorum. Et monachos olim natalem diem sancti Antonii hoc die celebrare consuevisse, testis est Cyrillus monachus in Actis sancti Euthymii 20 Januarii, quæ ante mille ducentos annos scripta.

Memineret sancti Antonii veteres Græcorum patres et historici, Chrysostomus, homil. 8, in Matthæum, sub finem; Socrat., lib. IV, cap. 25; Sozomen., lib. I, cap. 13; Theodoret., lib. IV, cap. 27; Niceph., lib. VIII, cap. 40, et alii. Ex Latinis Hieronymus, in catal. Eccles. Script., cap. 88, et alibi; Ruffinus, lib. I, Hist. suæ, cap. 8; Cassiodorus, lib. I Tripart., cap. 11, et lib. VIII, cap. 4; Augustinus, lib. I, de Doctr. Christ., in prologo, et lib. VIII Confession., cap. 6 et 12; aliique. Agit etiam de sancto Antonio Vincentius, in Spec. hist., lib. XIII, cap. 91, 92, 93, et lib. XIV, cap. 14; Antoninus, part. II, titul. 15, cap. 3 per quinque primos §; Petrus, in catalogo sanctorum, lib. II, cap. 92.

(6) *In Ægypto oriundus fuit.*] Locum natalem exprimit Sozomenus, lib. I, cap. 13. Ἐγένετο δὲ οὗτος Λιβύστιος, τῷ γένει τῶν εὐπατριδῶν, ἀπὸ Κομᾶ. Κώμη δὲ αὐτῆ ὁμοῦ Ἡρακλείας τοῖς παρ' Αἰγυπτίοις Ἀρακασί. « Erat hic quidem ortus ex genere patriciorum qui Comam (est is quidam pagus prope Herculæam apud Arcades Ægyptiis finitimos) incolebant. » Græcus textus editus habet ἄρασι, *montibus*, pro Ἀρακασί, *Arcadibus*. Sed ex versione Christophorsoni, quæ

bat dicens, nec corpus esse penitus enecandum, ne operatio contra voluntatem Creatoris dissolveretur; et nec ob id omne studium animæ conferendum, ne vitæ superata corporeis, ad æternas inferni tenebras truderetur; quinimo indultum sibi in carne imperium vindicans, domicilium suum, ut apostolus Paulus (*II Cor. XII*), ad tertium cælum sublevaret. Asserebatque hoc a Salvatore præceptum, in quo ait: Nolite solliciti esse animæ vestræ quid manducetis aut quid bibatis, nec corpori quid vestiamini, quia hæc gentes quærunt; vester autem Pater novit quod indigetis his omnibus. Quærite ergo primum regnum Dei et justitiam ejus, et hæc omnia adjicientur vobis (*Matth. VI*).

CAP. XXIII. — His rebus transactis, cum persecutio impiissima Maximiani (54) furore vesano vastaret Ecclesiam, sanctis quoque martyribus Alexandriam perductis, relicto et ipse monasterio secutus est futuras Christi victimas, dicens: Pergamus ad gloriosos fratrum triumphos, aut ipsi congregiamur, aut spectemus alios præliantes. Et amore quidem jam martyr erat, sed cum tradere se ultro non valeret, et sociari confessoribus in metallis vel in carceribus constitutis, magna cum libertate et cura ingrediens ad judicem, exhortabatur, ne terrore impiorum subacti, Dominum negarent. Jamque sententia coronatos exultans, quasi ipse vicisset, usque ad locum felici sanguinis prosequēbatur. Quamobrem motus iudex, ob Antonii sociorumque ejus constantiam, præcepit nullum penitus monachorum aut observare iudicium, aut in civitate versari. Et cæteris quidem omnibus in illa die placuit abscondi; Antonius autem impavidus, neglecto persecutoris imperio, lavit ependytem suam (55). Et alia die, stans in quodam eminenti loco, candente præcinctus veste (56), procedentem iudicem suo provocabat aspectu, flagrans cupiditate martyrii: ostendebatque nobis, contemptorem penarum et mortis in Christianis animum perseverare debere, intantum, ut contristaretur quia volenti pati pro Dei nomine martyrium non dabatur. Sed Dominus qui suo gregi parcebat, magistrum servavit Antonium, ut institutum (sicuti factum est) monachorum non solum oratione ejus, sed et conspectibus firmaretur. Numquam tamen a sanctorum confessorum vestigiis separatus est, quin, anxia circa eos cura et charitatis vinculis colligatus, magis carcerem patiebatur exclusus. Postquam autem persecutionis turbo defluerat, et beato episcopo Petro jam ob martyrii gloriam coronato (57), ad pristinum monasterium regressus, quotidianum fidei ac conscientie martyrium merebatur, acrioribus se jeuniis vigiliisque conficiens (58), vestimento cilicino intrinsecus, desuper pellicio utebatur, nunquam corpus lavans, nunquam pedibus sordes abluens, nisi cum per aquas transire necessitas compulsisset. Nullus denique Antonii corpus nudum, antequam moreretur, unquam vidit.

CAP. XXIV. — Quodam autem tempore, cum ab omnium se amovisset oculis, et clauso monasterio neminem omnino susciperet, Martinianus militum

præpositus (59), cujus filia immundi spiritus infestationibus quatiebatur, pulsans ostium obsecrabat, ut suo pignori subveniret, et exiens, Deum pro filia precaretur. Tum ille aperire quidem minime voluit: prospiciens vero desuper, ait: O homo, quid meum poscis auxilium? mortalis et ego sum, et tuæ socius fragilitatis: si autem credis in Christum, cui deservio, vade, et secundum fidem tuam ora Deum, et sanabitur filia tua. Confestim ille credens abiit; et invocato Jesu, filiam reduxit incolumem. Multa et alia mirabilia per illum Dominus operatus est, et merito; qui enim promisit in Evangelio, Petite, et dabitur vobis (*Matth. VII*), invento qui ejus gratiam mereretur accipere, suam potentiam non negavit.

Non plures vexatorum ante monasterium ejus, clauso introitu, dormientes, fidelibus per eum ad Christum precibus curabantur. Hæc illi multitudo venientium, desideratam solitudinem auferens, tædio fuit.

Metuens itaque ne signorum copiosa concessio aut suos animos extolleret, aut alios plus de se quam videbant in ipso cogeret aestimare, ad superiorem Thebaidem pergere cogitavit, ubi nullus eum agnosceret. Et a fratribus acceptis panibus, sedebat super fluminis ripam, transitum navis observans. Illo talia cogitante, vox ad eum desuper facta est, dicens: Antoni, quo pergis, et quare? At ille intrepide, quasi consuetam vocem loquentis agnosceret respondit: Quoniam nonsinur: me quiescere populi, idcirco ad superiorem Thebaidem ire optimum duxi; præcipue, quia ea exigor quæ virtutem meam pusillanimitatis excedunt. Et vox ad illum ait: Si ad Thebaidem vadas, et ad pastoralia (60), ut cogitas, pergas, majorem ac duplicem sustinebis laborem. Si autem vere quiescere cupis, vade nunc ad interius desertum. Cumque Antonius diceret: Quis mihi locum avium poterit ostendere, ignarus enim sum locorum? confestim et qui loquebatur Saracenos indicavit, qui mercandi gratia ad Ægyptum venire consueverant. His appropinquans Antonius, rogavit ut se pariter abducerent in desertum Nullus obniscus est, sed tanquam a Deo missum comitem suscipientes, amplexi sunt ejus societatem.

Tribus autem diebus et noctibus itinere confecto, invenit montem (61) valde excelsum, ad cujus radices fons aquæ dulcis labeatur, et campus haud magnus totum ambiens montem, qui palmis perpaucis, et his neglectis, consitus erat. Hunc Antonius locum, quasi a Deo sibi offerretur, amplexus est. Is enim erat quem sibi ad fluminis ripam sedenti qui loquebatur ostenderat. Et primo quidem accipiens a comitibus panes, solus remansit in monte, nullo alio cum eodem conversante. Quasi propriam enim domum agnosens, habebat locum illum. Saraceni quoque videntes ejus fiduciam, optato per eum transitu, panes eidem cum lætitia deferebant; necnon palmarum, licet mediocri, attamen aliquanto solatio refovebatur.

CAP. XXV. — Exinde cum fratres, agnito loco, tanquam ad patrem filii, sollicitè alimenta transmitterent, videns Antonius quod ob suum refrigerium

Sic et apud Spartianum in Didio Juliano: « Ubi vero A primum illuxit, Senatum et equestrem ordinem in palatium venientem admisit; atque unumquemque, ut erat ætas, vel patrem, vel filium, vel parentem affatus blandissime est. » Ubi frustra Heraldus ad Tertull., Apolog. capite 39, pro *patrem*, rescribit *fratrem*. Deceptus, opinor, quod existimarit per *parentem* hic patrem intelligi. Sed *parens* hic est cognatus, ut sæpe apud ævi istius scriptores. Lampridius in Alexandro Severo: « Jam vero ipsi milites juvenem imperatorem amabant ut fratrem, ut filium, ut parentem. » Quod ait *ut parentem*, id est, ut cognatum, non vero ut patrem. Nec enim juvenis imperator a militibus vel ætate paribus vel superioribus haberi poterat ut pater. Recte Nerva *parens* habitus, quia senex. Ausonius:

Proximus extincto moderatur sceptrâ tyranno,
Nerva senex, princeps nomine, mente parens.
(Auson., de Cæsariibus, Tetrast. 13.)

Vide Onomasticon.

(13) *Illelubricum adolescentiæ iter*.] Proprium hoc ætatis ejus epitheton. Ambrosius, de obitu Valentianiani: « Tanta enim fuit emendatio vitæ ejus, in illo omnibus lubrico adolescentiæ tempore. » Hieronymus, epist. 3, ad Rusticum: « Perfectæ quidem ætatis gradum scandere, sed lubricum iter esse, per quod ingrederis. » Idem, epist. 43, ad Chromatium: « Scitis ipsi lubricum adolescentiæ iter. »

(14) *Hinc et spiritus fornicationis vocor*.] Sic *πνεῦμα πορνείας*, *spiritus fornicationis*, Osee iv, ut hic sequitur. Palladius, cap. 86: « Ei (Evagrius) aliquando gravem exhibuit molestiam dæmon fornicationis. » In Vita Hilarionis, capite 16: « Qui habebat collegam meum, amoris dæmonem. » Venereæ autem cohortis princeps Asmodæus, de quo Tobie cap. III et VI. Serarius noster copiose. Certos dæmones certis vitiis incumbentes, ab iisque nomen sortientes, frequens apud auctores asceticos mentio. Hic post cap. 15: « Diversa autem eorum et partita nequitia est » Cassianus, collat. VI, capite 32: « Quæ vocabula non casu, nec fortuito indita illis debemus accipere » Porro de varia dæmonum distinctione et differentia, vide Gallicum libellum Joannis Maldonati nostri nomine editum, ubi eos distinguit ex nomine, ex natura, ex locis ubi versantur, ex tempore quo dominantur, ex officiis imperandi et obediendi, et ex vitiis quibus præsidet.

(15) *Cum omnes infatigabilem adolescentis mirarentur instantiam*.] Usurpat hic *instantiam*, ut in sacris Litteris usurpat II Cor. II: *Instantia mea quotidiana* pro contentione, cura, studioque magno. Sic ante, in præfatione ad hanc Vitam: « aut superare nitentes virtutis instantia. »

(16) *Et cum in una memoria*.] Græce *μνήμα*. Paulo ante vertit *sepulcrum*. Sic martyrum memoria Augustino, lib. XXII de Civ. Dei, cap. 8, de reliquiis sancti Stephaniani: « Ad ejus memoriam veniebat magnæ multitudinis concursus et accessus, » et passim apud sacros scriptores.

(17) *Pardus discoloriter*.] Ita Mss Colon. editio, *discolor a tergo*. Alii simpliciter *discolor*, deest hoc de pardo in textu Græco.

(18) *Non oblitus Jesus*.] Thyreus de Apparitionibus impersonalibus Christi, cap. 6, affert exempla aliqua, quando auditus quidem, non autem visus est Christus. Ut hoc Antonii, quando vox ad eum facta est, dicens: Ego, Antoni, hic eram. Sic et cap. 51, hic: « Et facta est vox Domini, dicens: Abominabitur altarium meum. » Vide et 12 Augusti. in Vita sanctæ Claræ, cap. 14 et 7 Martii, in Vita sancti Thomæ Aquinatis, auctore Joanne Garzone.

(19) *Ut Thebæis mos est*.] Non dubito hic per panes, qui per annum incorrupti durant, quos Thebæi sibi recondunt, intelligi *parimates*, seu, *buccellata*. Suidas: Παζμας, ὁ δίπυρος ἄρτος, *Paramus, panis bis coctus*. Vide Onomasticon nostrum.

(20) *Quæ jam mortuum eum se existimaverant reperturos*.] Ita diserte Mss. Sed Coloniensis editio et Surianus, *quidam pro quæ jam*. Quod credo substitutum, ne videretur in Prisciani regulas peccatum; quia sequitur, *reperturos*.

(21) *Nec non et patientium infinita se caterva conglomeraret*.] Deest hoc in Græco. Infra, cap. 36, de dæmonioso: « Adversus patientis insaniam laboraret. » Cape *patientes*, vel a morbis, vel a dæmonibus; nam mox sequitur: « Plurimos ab immundis spiritibus et infirmitatibus variis liberavit. » Ubi Græce: Πολλοὺς γοῦν τῶν παρόντων τὰ σώματα πάσχοντα; ἐθεράπευσεν ὁ Κύριος δι' αὐτοῦ· καὶ ἄλλους ἀπὸ δαιμόνων ἐκαθάρισε. « Multorum itaque corpora ægrotæ Dominus per ipsum sanavit; alios a dæmonibus impuris liberavit. »

(22) *Quasi ex aliquo cælesti aditu consecratus apparuit*.] Græce, Προῦλθεν ὁ Ἀγῶνιος ὡσπερ ἐκ τινος αἰθέρου μεμυσταγωγημένος καὶ θεοφορούμενος. Quare quod Græce αἰθέρου; Latine Evagrius est *cælestis aditus*.

(23) *Quod nec per quietem intumuerat*. Coloniensis editio, *inquietem*. In Græco tantum est, *μῆτε πλανήσῃ, neque obesum*. Corpora et *quiete*, sive dum non exercentur, intumescunt; et *inquiete*, sive ἀγρυπνίᾳ.

(24) *In Arsinoitarum oppido*.] Intelligit de Arsinoe, seu Crocodilorum oppido ad Nilum, in Nomo Arsinoite. Adjungit enim hic de crocodilis. Est et alia Arsinoe in Ægypto. Vide Onomasticon.

(25) *Rivulum fluminis Nili transvadare esset necesse*.] Græce: Χρείας δὲ γενομένης διελεθεῖν αὐτὸν τὸν τοῦ Ἀρσενότου διώρυγα. *Necessitate urgente, ut Arsinoiticæ præfecturæ fossam transiret*. Vide Strabonem, lib. XVII.

(26) *Plurima ferent monasteria*.] Baronius, tomo III, anno Christi 328, Silvestri papæ 15, Constantini 23. Cum vero, ait, ex omni hominum genere ad Antonium invisendum confluerent, et ab eodem ad contemptum sæculi, et perfectæ **64** vitæ studium arripiendum sedulo invitati, idem vivendi genus et institutum capesserent, complura condidit monasteria, cœnobiticæque ipse primus vitæ jecit in eremo fundamenta; adeo ut cœnobarum monachorum idem institutor sibi habitus, vel potius restitutor, si Essenorum, qui in Ægypto sub Marco primo Alexandrinorum episcopo floruerunt, ratio aliqua habenda esse videatur, quos Christianos fuisse, suo loco superius perspicue demonstravimus (Tomo I, anno Christi 64).

Porro gravioribus persecutionum procellis obortis, quibus non Christiani tantum simul agentes, et conventus publice celebrantes, sed et latentes in penetralibus aliisque latibulis quæsiti, abriperentur ad necem, intermittere illud cælestis vivendi genus oportuit; quod sanctus Antonius non modo restituit, verum longe lateque in Christianum orbem copiosissimo fetu propagavit.

Erant quidem ante Antonium, qui timore persecutionis, civitatibus derelictis, sive ruri, sive in desertis locis abditi, angelis similem vitam ducebant; quorum nonnullos ex Eusebio diximus fuisse martyrio coronatos; reperit et horum aliquos ipsemet Antonius, cum, ut illatam Ecclesiæ persecutionem vitaret (ut dictum est) in desertum locum secessit, et ab uno illorum prima rudimenta monasticæ institutionis accepit; quæ perfecit delitescens in solitudine; cum postea, divino afflatus Numine, monachos in unum collegit, et in diversa loca, tanquam in diversis alveariis apum examina, distribuit, qui sub ejus disciplina a sæculi abdicatione ad monasticam professionem amplexandam fuerant persuasi. De quibus in hac Vita, cap. 21, etc.

Qui igitur Antonium adeunte eidem se subjecere discipuli, ex iis alii in eisdem cum illo montibus monasticam exercuere disciplinam; alii vero eadem ex planta palmites succidentem, et in adversis provinciis complantantes, brevi tempore factum est

nempe hoc ipso sæculo, ut repleverint terrarum orbem A tam sancta propagine, nimirum Palæstinam, Syriam, Asiam Minorem, Cappadociam, Pontum, Armeniam, Mesopotamiam, et Boreales regiones, usque ad latrones Bessas et Dacos; de quibus sanctus Paulinus hæc cecinit in reditu sancti Nicetæ viri sanctissimi, a quo accipit quod scribit:

O vices rerum! bene versa forma!
Invii montes prius et cruenti,
Nunc tegunt versos monachi latrones
Pacis alumnos.
Sanguinis quondam, modo terra vitæ est;
Vertitur cælo pia vis latronum,
Et favet Christus supra occupanti
Regna rapinæ.
Mos ubi quondam fuerat ferarum
Nunc ibi ritus viget angelorum,
Et latet justus, quibus ipse latro
Vixit in antris, etc.
(Paulin., de reditu S. Nicetæ.)

Sed et de Bessis meminit sanctus Hieronymus, cum scribens ad Heliodorum hæc ait: « Indus, Persa, Gothus, Ægyptius philosophantur; Bessorum feritas, et pellitorum turba populorum, qui mortuorum quondam in feris homines immolabant, stridorem suum in dulce crucis frugerunt melos (Hier., epist. 3. » Et ad Lætam: « De India, Perside, Æthiopia, monachorum quotidie turmas suscipimus (Hier., epist. 7). » Eorum scilicet qui ad loca sancta visenda pietatis ergo ventitabant.

(27) Ad omnem quidem mandatorum disciplinam Scripturas posse sufficere.] Quomodo Scriptura sufficiens dicatur, agit Bellarminus tom. I Controv. I general., lib. IV, cap. 9, de verbo Dei non scripto, ad secundum argumentum.

(28) Si autem multum.] Ita hic Mss. et veteres editiones Coloniensis: Si autem in potestatis. Atque ita vulgatus noster interpres Ps. LXXXIX, ex Græco: Ἐὰν δὲ ἐν δυνατείαις. Hieronymus, epist. 21, ad Paulum Concordiensem etiam citat. Si autem multum, et epist. 34, ad Julianum: Si autem amplius. Vide eundem, epist. 139, ad Cyprianum, ubi etiam habet: Si autem multum. Citatque ex LXX, Si autem in potentibus; et ex Symmacho, Contra opinionem.

(29) Ut in libro Ecclesiasticis scriptum est.] Coloniensis editio hic in textu addit Quia nescit homo quid sit post eum in labore suo. Quod deest manuscriptis et veteribus editionibus. Certum est respici ad sensum Ecclesiasticis II, ut in textu notatum est.

(30) Cur ergo non facimus de necessitate virtutem.] Proverbialis ut apparet locutio, quam etiam Teutonismus frequenter. Utitur beatus Hieronymus epist. 10 ad Furiam: « Arripe, quæso, occasionem: et fac de necessitate virtutem. » Et apolog. 3 adversus Ruffinum: « Quin potius habeo gratiam, quod facis de necessitate virtutem. »

(31) Lubricæ carnis incentiva.] Frequens hoc incentivi vocabulum de carnis vitio. Hieronymus epist. 4, ad Rusticum monachum: « Et adolescentiæ, immo pubertatis incentiva calcantem. » Idem, in Isaïæ cap. LVII. « Corporis me superavit ardor, adolescentiæ incentiva vicerunt. » Cassianus, collat. II, c. 13: « carnalibus incentivis inquietati. » Sed idem nomen et aliis vitiis tributum. Vide Onomasticon.

(32) Et ruentem animam quasi ex aliqua rupe sustentat.] Græce est ἀποστήθων, erigit: quod Evagrius interpres adagiali, uti videtur, formula exprimit: Quasi ex aliqua rupe sustentat. Sic Ammianus, l. XXII, ait quod Eusebium alte spirantem, et summo apud imperatorem loco, « Adrastia reluctantem, præcipitem tanquam e rupe quadam egit excelsa. »

(33) Quod ex nostro pendet arbitrio.] Editiones: Quod ex nostro, Dei gratia præcedente, pendet arbitrio. Quæ verba media quamvis absint a textu Latino ms. et Græco impresso, tamen hic ex vera theologia intelligenda.

(34) Hujus operis homini inserta natura est.] Quo-

modo virtutis semina homini insita sint, explicant scholastici. Vide Onomasticon.

(3.) Græci studia transmarina sectentur.] Facit ad hunc locum, quod habet Persius satyra 6.

Et Bestius urget
Doctores Graios. Ita fit, postquam sapere urbi
Cum pipere et palmis venit nostrum hoc maris experts.

(36) Nobis vero nulla proficiscendi.] Ex hoc loco Flaccus Illyricus, catalogo testium veritatis, verius veritatis et falsitatis, lib. IV; et ex eo moderni hæretici improbant peregrinationes. Sed prave Antonii sensum detorquent. Negat Antonius peregrinationes ad Terram sanctam vel alio, simpliciter ad salutem esse necessarias. Quis Catholicorum non una cum Antonio hoc negat? Scimus omnibus in terris regnum esse cælorum, Deum ubique præsentem. Sed cur Dei peculiarium munera certo loco præstata non amplectamur? quæ cur illo loco potius quam alio præstet, quis ab eo rationem exquirat? Præclare Augustinus, epist. 137. « Ubique quidem Deus est, et nullo continetur vel includitur loco, qui condidit omnia, et cum a veris adoratoribus in spiritu et veritate oportet adorari, ut in occulto exaudiens, in occulto etiam justificet et coronet. Verumtamen ad ista quæ hominibus visibiliter nota sunt, quis potest ejus consilium perscrutari, quare in aliis locis hæc miracula fiant, in aliis non fiant? »

Sermo quoque Antonio ad monachos est, quibus non ita peregrinationes competunt, quantumvis sanctæ et laudabiles. »

(37) Nihil Deum fecisse quod malum est.] Bene subjungit dæmones non natura, sed suo vitio malos esse. Vetus apud philosophos veteres quæstio de origine mali. Perplexus in ea re Arnobius, lib. II contra Gentes. Breviter Tertullianus explicat adversus Marcionem, lib. II, cap. 14: « Nos autem adhibita distinctione utriusque formæ, separatis malis delicti et mali supplicii, malis culpæ et malis pænæ, sum cuique parti definimus auctorem; malorum quidem peccati et culpæ, diabolus; malorum vero supplicii et pænæ, Deum creatorem; ut illa pars malitiæ deputetur, ista justitiæ, mala condentis judicis adversus mala delicti. » Vide et Cassianum, collat. VIII, cap. 6, quod nihil a Deo malum creatum sit.

Mali vero originem a creatura esse elegantissimiludine explicatur in Vita sancti Auxentii: « Quomodo lux solis est communiter proposita omnibus quibus adest vis videndi; potest autem, si velit quispiam, claudens oculum separari a dono lucis; non quod sol in illo effecerit tenebras, sed quod radii splendorem aversatus, tenebras sua sponte attraxerit; et quomodo si quis domum sibi construens, nullum luci aditum præbeat intrinsecus, obscuram domum efficit; ita nos quoque in natura habentes bonum et honestum, nostro arbitrato innovamus quæ sunt præter naturam, nostra sponte malorum experientiam, in boni et honesti aversione, electione nostra et instituto fabricantes. Malum enim extra propositum, propria substantia consideratum, nullum est in rerum natura. Quidquid enim a Deo creatum est, bonum est; et omnia quæ fecit Deus, sunt valde bona (Gen. I).

(38) Diversa autem eorum et partita nequitia est.] Cassianus, collat. VII, cap. 17: « Hoc nosse debemus, non omnes dæmones universas hominibus inurere passiones, sed unicuique vitio certos spiritus incubare, et alios quidem immunditatis ac libidinum sordibus inquinari, » etc. Et eadem collat., c. 20: « Illud etiam nequaquam ignorare debemus, non esse omnes ejusdem ferocitatis et desiderii, sed ne unus quidem fortitudinis atque nequitiae. » De quo idem fusi eadem collat., c. 32, ubi dicit: « Tot esse in immundis spiritibus, quot in hominibus studia, non dubie comprobatur. » Vide Augustinum, libro X, cap. 11, de Civ. Dei, de variis dæmonum affectibus, ex Porphyrio et Iamblico. Palladius, cap. 19 et 20, in Macario Ægyptio: « Est enim ordo quoque dæ-

monum, qui dicitur igneus. Sunt enim dæmonum quoque, sicut hominum differentiae, non mutata essentia, verum mente diversa. » Vide dicta ad cap. 4, num. 14.

(39) *Ad primum quodque crucis signum evanescent.*] Nota, hæretice, signi crucis efficaciam, cujus exempla manifesta in hac Antonii Vita habes etiam cap. 18, et cap. 26, et capite 49. Plura de his in operosis Gretzeri nostri de Cruce libris. Vel ex hoc loco Flacci Illyrici redarguit mendacium, qui in catalogo testimonium veritatis, libro II, non veritus est scribere: « Multa de Antonii luctis cum Satana lego; sed nusquam de aqua benedicta, cruce, cera, et herbis sacratis. » Nempe tam oculus fuit Illyricus, ut cum variis capitibus Antonius crucis efficaciam deprædicaret, ejusque vexillum extulerit, ne unum quidem perspexerit.

(40) *Hamo crucis ut draco, aduncatus a Domino est.*] Alludit ad Jobi cap. XL, v. 20: *An extrahere poteris Leviathan hamo?* ubi in Græco: « Ἀφεῖς δὲ δράκοντα ἐν ἀγκύτρῳ; *Duces autem draconem in hamo?* Gregorius Nyssenus, orat. 1, de resurrectione Domini, per hamum divinitatem Christi qua diabolus captus est, intelligit: « Dum inhians, inquit, ad carnis escam aspirat, divinitatis hamo transfixus est, atque ita draco per hamum ductus est, ut ait Job, qui per se, quod futurum erat, prænuntians: Hamo, inquit, draconem duces. » Nec aliter Magnus Gregorius: « Leviathan iste hamo captus est, quia in Redemptore nostro dum per satellites suos escam corporis momordit, divinitatis illum aculeus perforavit. Quasi hamus quippe fauces glutientis tenuit, dum in illo et esca carnis patuit, quam devorator appeteret; et divinitas passionis tempore latuit, quæ necaret. » Qui deinde hujus hami lineam per antiquorum propaginem tortam docet. Vide eundem de hamo ad versus Jobi præcedentem. Sanctus Antonius hamo *crucem* comparat; Olympiodorus, in Catena Græcorum *clavos* ei aptat: « Is enim, ait, carne sua quasi quadam esca objecta, clavus suis, quasi hamis, piscem captavit. »

(41) *Nunc miserabilis ut passer ad ludum irretitus a Christo est.*] Ex eodem Jobi capite desumptum: *Nunquid illudis ei quasi avi, aut ligabis eum ancillis tuis?* Hoc queruntur dæmones in Vita sancti Pachomii, cap. 49: « Ex quo mirabilis incarnatio Christi facta est in terris, nos sine viribus prorsus existere cœpimus; ita ut ab his qui credunt in nomine ejus, illudamur ut passer. » Apud Clementem, libro VIII Constit. Apostol., capite 7, in obsecratione pro energumens, respiciendo ad vim exorcismorum: « Ὁ τῆν ἀνθρωποκτόνον ὄφιν δεσμώτην παραδούς ἡμῖν, ὡς στροβίλον παίδις. » Qui dedisti nobis homicidam serpentem vinculis constrictum, sicut passerem pueris. » Quam exorcismi vim contra diabolos, deos gentilium, egregie urget Tertullianus, Apolog., cap. 23: « Subiecta est Christianis divinitas vestra. » Et Cyprianus, contra Demetrianum, cap. 6: « Videbis nos rogari ab eis quos tu rogas. » Augustinus, in psalmum CIII, v. 27, de diabolo virtute Christi enervato hunc versiculum accipit: « Draco hic quem finxisti ad illudendum ei. Jam tu illud draconi; ad hoc enim hic factus est draco. » De qua illusionem consule Magistr. II sent., dist. 3, § *Ideoque*. Idem Augustinus, serm. 197, de Tempore, qui est 2 Dominicæ primæ post festum sanctissimæ Trinitatis. alia similitudine canis alligati diaboli impotentiam explicat: « Alligatus est tanquam canis innexus catenis, et neminem potest mordere, nisi eum qui se illi mortifera securitate junxerit. Jam videte, fratres, quam stultus est homo ille quem canis in catena positus mordet. Tu te illi per voluntates et cupiditates sæculi noli conjungere, et ille ad te non præsumit accedere. Latrare potest, sollicitare potest, mordere omnino non potest nisi volentem. »

(42) *Adveniente Domino destructus est inimicus.*] Mox: « quia infirmatus es a Domino. » Infra, in Vita sancti Pachomii, cap. 49: « Ex quo mirabilis incar-

natio Christi facta est in terris, nos sine viribus prorsus existere cœpimus. » Cassianus, collat. VII, cap. 23: « Virtute crucis etiam deserta penetrante, et ubique ejus gratia coruscante, retusa est nequitia dæmonum. » Vide dicta ad numerum præcedentem.

(43) *Quia clauso ostio interiore.*] In ea opinione fuit aliquando Alexander ab Alexandro, ut ipse **68** refert, Genial. diar. I. v, c. 2, nullum videlicet a lemuribus periculum esse ostiis obsecratis. Sed quam eum sua sefellerit opinio, narrat ipse eodem loco. Videsis Thyraeum nostrum, de Locis infestis, parte III, cap. 60.

(44) *Dum theatri mutatione formarum.*] Obvia similitudine diversas dæmonum species et apparitiones illustrat. Notus theatri scenæque mos, cum quis diversam formam induit personamque sustinet.

(45) *Magna adversus dæmonem arma sunt vita sincera et intemerata in Deum fides.*] Delrio noster, tom. III Disquis. Magic., libro VI, cap. 2, sect. 3. q. 3, agens de remediis supernaturalibus divinis seu ecclesiasticis contra maleficia, duo hæc remedia ponit.

Primum, inquit, remedium in hoc genere vera et viva fides, hoc est, charitate Dei et proximi vallata. Hoc scutum nobis præfert et præbet divus Paulus ad Ephesios scribens (*Ephes. VI*); hanc lorica ut Thessalonicenses induant, urget (*I Thess. V*); hanc suis discipulis commendat magnus ille Antonius. Sic Cypriano magno dæmon respondit, « se Christi fide munitis nocere non posse (*Nazianz., orat. in Cypri.*). » Sic apud Cassianum duo philosophi, cum dæmonum præstigiis Antonium perturbare non possent, comprobantur « magnam professioni Christianorum inesse virtutem (*Cassian., collat. VIII, cap. 18*). » Sic apud Cornelium Kempensem, libro II de origine et situ Frisiae, cap. 31 « Albarum nympharum præstigiæ postagnitum sincerum Dei Evangelium evanuerunt » in Frisia per chartam sancti Odulphi de Trinitate scriptam, et per præcia missam et lectam.

Secundum est vita sincera. De mandatorum Dei observantia et vitæ innocentia, quam sit efficax remedium, docere possunt divus Cyprianus ad Fortunatum, de exhortatione martyrii; Lactantius, lib. II, capite 16; et Ambrosius Ansbertus, libro V, in Apocalyp. cap. XI.

(46) *Ita et de Nili inundatione solemn.*] Infra, cap. 20: « Quoties augmenta Nili fluminis futura dixerunt! » De prædicatione dæmonum vide Onomasticon.

(47) *Indicio sibi silentio.*] Luce Evangelii coruscante, idolorum defecere oracula. Prudentius, Apoth. v. 503:

Ex quo mortalem præstrinxit Spiritus alvum,
Spiritus ille Dei, Deus; et se corpore Matris
Induit, atque hominem de virginitate creavit,
Delphica damnatis tacuerunt sortibus antra.

Vide Eusebium de Præparat. Evangel., lib. V, c. 8, qui Plutarchi librum citat de oraculorum Defectu. Vide et Suidam, in Augusto; Niceph., lib. I, cap. 17; Cedrenum, in Compend. hist. Quo illud Job cap. XL, v. 20, facere volunt interpretes: *An extrahere poteris Leviathan hamo, et fure ligabis linguam ejus?*

(48) *Integritate qua nata est.*] Ita Ms. et Græcus textus. Editi, *renata*.

(49) *Bonorum spirituum malorumque discretio.*] Delrio noster, tomo II Disquis. Magic., lib. IV, c. 1, q. 3, sect. 6, de indiciis petitis a revelationum circumstantiis, ex hac Antonii doctrina, docet advertendum an quæ initio mentem lætitia demulserat, ea sit postea in horrorem et mœrorem versa. Item num qui cœpit a principio, sensim horror amotus non fuerit, sed constans permanserit. Duæ enim sunt hæ revelationum falsarum notæ. Sin autem initio quidem homo perturbetur, et horrorem aliquid persentiscat, sed postmodum hac molestia et anxietate animi detera, dulcedine quadam interna perfundatur, signum esse divinæ consolationis. Cujus rei naturalis causa esse videtur antipathia quæ est homini cum

dæmone homicida, et sympathia quæ homini cum Angelis intercedit.

Cæterum documentum illud Antonii est accipiendum de vera interna dulcedine, quæ famem ac desiderium virtutum affert et adauget, præcipue charitatis et humilitatis. Quam limitationem merito beata Catharina Senensis adjecit: quod confirmat attestatio beatæ Angelæ Fulginatis, sibi ex visione in animo mansisse vehementius desiderium cruciatus omnes et injurias pro Deo sustinendi.

(50) *Maledicta reciperent.*] Verborum contumelias et conviciis incescere dæmones, sanctis viris olim usitatum. Sulpicius, epist. ad Bassulam, de sancto Martino: « Quid hic, inquit, astas, cruenta bestia? nihil in me, funeste, reperies. » Etiam in exorcismorum formulis convicia adhibita. Prudentius, Apotheosi, versu 474:

Intonat antistes Domini: fuge, callide serpens,
Exue te membris, et spiras solve latentes;
Mancipium Christi, fur corruptissime, vexas.

Vide Flagellum dæmonum, exorcismo 4, ubi larga conviciorum seges. Etiam ethnici diris imprecationibus dæmones excipiebant, et ita se pellere posse credebant. Ita Apollonius Tyaneus, apud Philostratum, libro II, cap. 2 Caucasii juga transiens, diabolicum phasma conviciis pepulit. De quo vide Thyraeum nostrum, de Locis infestis, parte III, cap. 56.

(51) *Commoverunt aliquando monasterium meum.*] Crebra hujus diabolicæ machinationis in Actis sanctorum memoria. Gregorius Nyssenus, in Vita Gregorii Thaumaturgi, de conclavi terræmotu concusso. Vita S. P. N. Ignatii, libro I, cap. 2, Ribadineira auctore. De toto genere infestationis dæmonum vide Thyraeum nostrum, de Locis infestis.

(52) *Sputaculum.*] Plerique Editi, *spectaculum*, male. In Græco est: 'Εγὼ δὲ τότε μάλλον ἐνεφύσησα κατ' αὐτοῦ: cui ego tum magis insufflavi. Ubi quidam Græci Codices habent, ἐνεφύνησα, *inclamavi*. Noster interpres videtur legisse ἐνεπύσσα, *insputavi*. Dæmones et *insufflari*, et *exsufflari*, et *insputari* soliti. Vide Onomasticon.

(53) *Monasteria tanquam tabernacula plena divinis choris psallentium.*] Ante, cap. 20: « Solitudines quoque monachorum stipantur choris. » Quam illustrata esset Ægypti eremum sanctorum monachorum lassibus, sanctus Joannes Chrysostomus narrat homil. 8, in Matt. cap. LI: Καὶ τὸν ἑλλῶν εἰς τὴν ἔρημον τοῦ Αἰγύπτου, παραδείσου παντὸς βελτίω τὴν ἔρημον ταύτην ὄψει γεγεννημένην, καὶ χοροῦς Ἀγγέλων μυρίους ἐν ἀνθρωπίνῳ σχήματι. « Si quis nunc ad Ægypti veniat solitudines, paradiso quovis omnem illam videbit eremum digniorem, et innumerabiles angelorum cætes in corporibus fulgere mortalibus. » Qui ibidem prosequitur et feminas hoc philosophiæ genere excelluisse. Epiphanius quoque, lib. III, hæc. 80, contra Massalianos Martyrianos: Καθὼς καὶ ἐν ἐκάστῃ μοναστηρίῳ, ἐν τε τῇ τῶν Αἰγυπτίων γῶρᾳ, καὶ ἐν πάσαις γῶραις οὕτω κάμνουσιν εἰς δικαιοσύνην, ὡς ἡ μέλιττα χερσὶ μὲν ἔχουσα τὸν κηρὸν τῆς ἐργασίας, τὴν δὲ φεκάδα τοῦ μέλιτος ἐν τῷ στόματι. μετὰ τῆς ἰδίας δμνηγόρου φωνῆς τὸν τῶν πάντων Δεσπότην κατὰ τὴν αἰσθησὶν ὑμνοῦσα. « Quemadmodum etiam in singulis monasteriis, tum in Ægyptiorum regione, tum in aliis omnibus sic laborant ad justitiam, velut apis, in manibus quidem habens ceram opificii, in ore vero guttas mellis, cum propria hymnifera voce universorum Dominum, juxta proprium sensum laudat.

(54) *Cum persecutio impiissima Maximiani.*] Baronius, tomo III. anno Christi 310, Eusebii papæ 2, Constantini imperatoris 5, ait multos Ægyptios Martyres passos hac persecutione; annum tamen certum quo quisque passus sit, incertum haberi. Inter quas et Potamena virgo, de qua Palladius, in Lausiaca. Hist. cap. 1. narrante Isidoro, qui ab Antonio, rei forsitan inspectore, cum Alexandriæ versaretur, accepit.

(55) *Lavit ependyten suum.*] Addunt editiones, id est, *scapulare*, quod manuscriptis deest. Probata tamen est interpretatio. Vide Onomasticon.

(56) *Candente præcinctus veste.*] Baronius, tomo II, ad annum Christi 256, Lucii papæ 1, Galli et Volusiani imperatorum 3, agens de nigra et alba veste, priorem quidem vult fuisse reliquorum Christianorum, posteriorem vero Ægyptiorum. Nam, inquit, Clemens Alexandrinus, Christianus pædagogus, qui Ægypti optimis moribus imbueri curavit Ecclesiam, magnopere suadet (*Clemens Alexand. Pædag. l. II*), ut fideles candidis vestimentis utantur. Cujus quidem institutione Christianos in Ægypto candidis usos esse vestibus existimamus. Hinc illud accidit, cum sanctus Antonius, martyrii subeundi immenso ardens desiderio, ut cognosceretur esse Christianus, alba induit indumenta. Hactenus Baronius. Quanquam verius fortasse dixeris Antonium alba induisse vestimenta, non ut cognosceretur esse Christianus, qui vel monachi habitu talis cognitus erat; sed ut ad

B judicem Ægyptiis alba indutis mistus securius procederet; quod monachis, qui pulla veste dignoscebantur, civitate esset interdictum, ut hoc ipso capite habes. Illud certum, pullam vestem monachorum fuisse. Apud Metaphrastem, 5 Novembris in Vita Galactionis et Epistemes, c. 2, de Honofrio monacho: « Alba veste tegens monasticam, erat animo vere monachus. » Et cap. 9: « Quorum unus chorus habebat viros visu honestos, et veste nigra indutos. » Qui esse dicuntur *qui se a mundo separant*, id est, monachi. Synesius, epist. 146, ad Joannem monachicum institutum arripientem: Καὶ φαῖόν τε δῶνιον ἀμπέγεσθαί σέ φησιν. « Et pullam te lacernam induere narrat. » Athanasius, lib. de Virgin., sive Ascetica, ὁ ἐπενοῦτης σου μέλας. « Niger tibi ependytes. » Clemens Alexandrinus, Pædagogi libro II, cap. 10, et libro III, cap. 14, Christianos ad albam vestem, relictis diversicoloribus, hortatur.

(57) *Episcopo Petro jam ob martyrii gloriam coronato.*] Petri Alexandrini episcopi et Martyris anniversaria memoria in Ecclesia Latina celebratur 26 Novem., in Græca 24 ejusdem. De corona, id est, martyrio, vide Onomasticon.

(58) *Acrioribus se jejuniis vigiliisque conficiens.*] Ad verbum periodum hanc ex hac Vita Antonii Athanasio auctore citat beatus Ephraem, serm. Ascetico in illud: *Attende tibi ipsi*, cap. 10. Ubi quod in Græco Athanasii est, et hic Latino textui deest, ὁ καὶ ἔως τελευτῆς τετήρηκε, *idque ad mortem usque servavit*, gestamen videlicet vestis cilicinæ et pelliceæ, etiam Ephraem expressit, ut patet ex Latina Gerardi Vossii interpretis versione.

(59) *Martinianus militum præpositus.*] Sic apud Ammianum, lib. xxvi. « Petronius ex præposito Martensium militum. »

(60) *Ad pastoralia.*] Græce βουκόλια. Hoeschelius vertit, *armenta boum*, non recte. Nam Bucolia, vel Bucolia locus certus in Ægypto, vel apud Alexandriam juxta mare sub rupibus, ut in Vita sancti Marci post Abdiam, anonymo auctore: vel alibi in Thebaide superiore, ut ex hac Vita videtur colligi. Vide Onomasticon.

(61) *Invenit montem.*] Secundus hic mons, ad quem secessit Antonius: cujus descriptio amplior exstat capite 26 Vitæ Hilarionis.

(62) *Utsarculum sibi, bis acutum cum frumento deferret.*] Ita distinguendus hic locus, ut impressi. Coloniensis editio et Sarius: *ut sarculum sibi bis acutum cum frumento deferret*. Ms.: *Sarculum sibi cum bis acuto ferramento deferret*. Græce δὲ κελλαν καὶ πέλεκυν καὶ στρον ὄλιγον, *ligonem, bipennem, et modicum frumenti*. Quare proba lectio cum distinctione, quam expressi. Non dubium est, *bis acutum* hic absolute positum pro bipenni. Nec enim aliud est *bis acutum* seu bipennis, quam anceps securis, seu ferramentum aliquod rusticarum utrinque incidens. In Vita Frontonii infra, cap. 1: « Deferentesque ad ere-

num secum parva olerum semina, et bisacutos, parvosque sarculos. » Vide Onomasticon.

(63) *Belluas*. Græce, βαίνας, *hyenas*.] Vide Onomasticon.

(64) *Tricinam sive funiculum*.] Græce σείραν τοῦ ἔργου, *funiculum operis*. Si quid de *tricina* invenero, dicam in Onomastico. An *trichina* τριχίνη, quasi epililis textus funiculus? Editi exhibent *tritiam*, vel *triciam*, forte a tricis dicta *tricina*.

(65) *Quasi xenia*.] Græce, Καὶ αὐτός δὲ ὡσπερ ἐφόδια φέρων ἀπὸ τοῦ ὄρους ἐξένιζεν αὐτοὺς τοῖς λόγοις. *Ipsæ quasi viatica de monte ferens, ipsos spiritualibus muneratur sermonibus*. Quidam Mss. lib. habent *crenia*, ut et veteres editiones. Vide Onomasticon. Sic Ambrosio initio exhortationis ad Virgines, *apophoreta sanctitalis*.

(66) *Si timebimus peccati ceras conscias*.] Ita recte Mss. Coloniensis editio cum antiquioribus exhibet, *maculas conscientiarum*, etc. Eadem Antonii monitionem habet Sozomenus, lib. 1, c. 13.

(67) *Busiris Tripolitanæ regionis*.] Ægypti civitas est in Busiritico Nomo regionis Tripolitanae. Quod postremum recte distinctionis causa additum; quia et alia civitas Busiris in Ægypto, extra regionem Tripolitana, quam volunt eandem esse cum Thebis seu Diospoli magna, in Thebarum seu Diospolite Nomo.

(68) *Paphnutium*.] Hujus memoria celebris in Martyrologio Romano, 4 Septemb., de quo Rufinus lib. 1 suæ Historiæ, cap. 4 et 17; Socrates, lib. 1, capite 8; Theodoretus, libro 1, cap. 7; Sozomenus, libro 1, cap. 22; Nicephorus, libro VIII, cap. 14 et 19, ubi *superiorem Thebarum* episcopum vocat. Idem de eo, cap. 49, eodem libro. Ejusdem quoque honorifica mentio in Actis Metrophanis et Alexandri apud Photium, in Bibliotheca, cod. 256. De aliis variis Paphnutiis, vide hic notationem, ad Rufin., libro II, cap. 12.

Quæ sequuntur: « Qui effossis pro Christo oculis sub Maximiano persecutore, tali dehonestamento corporis plurimum gloriabatur », desunt in Græco exemplari. Inseruit ea interpres Evagrius, ut clarius ab aliis aliquot Paphnutiis distingueretur.

(69) *Dehonestamento*.] Rarius verbum, sæculo tamen eo et veteri quoque usitatum. Sic hic, c. 37, *probamentum*. Vide Onomasticon. Vera ea martyrum gloria, vulneribus decorari, quæ sæculo dehonestamenta sunt. Illustre exemplum apud Nazianzenum, Invectiva 2 in Julianum.

(70) *Ammonis monachi animam*.] Etiam meminit Sozomenus, lib. 1, cap. 14; Socrates, lib. IV, cap. 18. Manuscripti fere semper *Amon*, non declinando. Sic et Græce Ἀμόν.

(71) *Itinere quoque dierum tredecim*.] Credo locum Antonii, qui a Nitria XIII dierum itinere distat, intelligi de monte secundo, in quo postremum habitavit. De quo supra cap. 21.

(72) *Flumen nomine Lycum*.] Palladius, capite 8, ait Lycum fluvium esse fossam magni Nili.

(73) *In exteriori monte*.] Infra, cap. 56: « Qui in exteriori monte erant. » Opponit exteriorem montem interiori et superiori. C. 51: « Ad interiorem montem regressus est. » Cap. 44: « Erat in superiori monte. »

(74) *Polycratia*.] Coloniensis editio et Surius addunt, *Publii filia*. Quod unde hauserint, nescio. Deest Mss. et Græco textui.

(75) *Quæ in Laodicea erat*.] Cum multæ sint Laodiceæ, existimo hanc Cælesyriæ esse, quæ Ægypto, in qua Antonius versabatur, vicinior.

(76) *Tarichorum*.] Ita Mss. et Græcus textus. Non recte Coloniensis editio *caricarum*. Veteres editiones cum *urio caricarum*. Nota veterum *tarichopolia*. Vide Onomasticon.

(77) *Hora circiter nona*.] Hora nona jejunium resignari solitum nimis nunc notum. Si quis plura desiderat, consulat Onomasticon.

(78) *Quo factus esset monachus*.] Ex hoc loco Belarminus, tomo IV, in Judicio de libro Concordiæ Lutheranorum, mendacio 22, colligit aliquam inter baptismum et monachorum religionem esse similitudinem; quod sicut in baptismo remittitur omnis pena peccatis debita, ita quoque in susceptione vitæ monasticæ fieri credibile est. Quod sane et sanctorum Patrum testimoniis, et sanctorum virorum exemplis, et scholasticorum doctrina egregie firmatur.

Et quidem ad Patrum auctoritatem quod attinet, Hieronymus, epist. 25, ita Paulum de obitu Blesillæ filiae solatur: *Revera, inquit, si sæculare desiderium, et (quod Deus a suis avertat) delicias hujus vitæ cogitantem mors immatura rapuisset, plangenda erat; nunc vero cum propitio Christo, ante quatuor fere menses, secundo quodammodo se propositi baptismo laverit, et ita deinceps vixerit, ut calcato mundo semper monasterium cogitaverit, non vereris ne tibi Salvator dicat: « Irasceris, Paula, quia filia tua facta est filia mea? » Eadem vim habet etiam illa ejusdem Hieronymi cohortatio ad Demetriadem, epist. 8: « Nunc, inquit, quia sæculum reliquisti, et secundo post baptismum gradu inisti pactum cum adversario tuo, dicens ei: Renuntio tibi, diabole, et sæculo tuo, et pompæ tuæ, et operibus tuis, serva fœdus quod pepigisti. » Sanctus Bernardus, lib. de Præcepto et Dispensatione, non procul a fine, non solum id docet, sed duplicem etiam a quibusdam de hoc ipso rogatus causam affert: « Audire, inquit, et hoc vultis a me, unde præter cætera penitentiarum instituta, monasterialis disciplina meruerit hanc prærogativam, ut secundum baptismum nuncupetur. 1º Arbitror ob perfectam mundi renuntiationem, ac singularem excellentiam vitæ spiritualis, qua præeminens universis humanæ vitæ generibus hujusmodi conversatio, professores et amatores suos angelis similes, dissimiles hominibus facit; imo divinam in homine reformat imaginem, configurans nos Christo, instar baptismi; et quasi denique secundo baptizamur, dum per id quod mortificamus membra nostra, quæ sunt super terram, rursum Christum induimus, complantati denuo similitudini mortis ejus. 2º Sed et quo modo in baptismo eriuimur de potestate tenebrarum, et in regnum transferimur charitatis æternæ; ita et in sancti hujus secunda quadam regeneratione propositi, de tenebris æque non unius originalis, sed multorum actualium delictorum, in lumen virtutum evadimus, redaptantes nobis illud Apostoli: *Nox præcessit, dies autem appropinquavit* (Rom. XIII). »*

Atque hæc ex sanctis Patribus nunc sufficiant. Non desunt quoque sanctorum visiones. Infra, apud Joannem Subdiacōnum, libello 1, de Contempl., n. 9: « Fuit quidam magnus inter previdentes. Hic affirmabat dicens: Quia virtutem, quam vidi stare super baptismum, vidi etiam super vestimentum monachi, quando accipit habitum spirituale. » Leontius, Neapoleos insulæ Cypri episcopus, in Vita Simeonis Sali, apud Metaphrastem, I Julii narrat quomodo Simeon et Joannes sancto habitu velut regenerandi erant; et quantam ipsi primis septem diebus in sic regenerato gloriam viderint. Sanctus Anselmus, lib. de Similitud., cap. 191, narrat de Osberno monacho, quomodo eum in extremis angelus contra diabolum peccata ante ingressum religionis commissa objicientem defenderit, quod ea fuerant professione monastica abolita. Vide et Annales Francisc., de Christophoro religioso et angeli responso.

Inter scholasticos consulendus divus Thomas 2-2, q. 189, artic. 3, ad 3, et in IV sent. distinct. 4, q. 3, art. 3, quæstiuncula 3, ad 3, ubi quod ex Vitis Patrum utrobique exemplum non assignato loco citat, est illud ipsum quod jam ex Joanne Subdiacōno produxi, quod etiam producit Thomas Waldensis tomo III de Sacramento, tit. 9, capite 80, quem vide egregie de hac re disserentem. Vide et Antoninum, Summæ parte III, tit. 16, capite 3, § 3; et Paludanum, in IV, dist. 38,

q. 3; Silvest. verb. *Religio*, dub. 23; et Platun no-
strum, lib. 1 de Bono status relig., c. 13.

Quid nunc habent hæretici, quod tantorum Patrum
auctoritati, quod testatissimis historiis, quod scho-
lasticorum receptissimæ doctrinæ opponant?

Quod autem Philippus Melanchthon in lib. Concor-
diæ Lutheranorum affi- at, docere Catholicos mo-
nasticam vitam esse meliorem baptismo, mendacium
et quidem spissum est, ut ex jam dictis patet.

(79) *Vidit quemdam longum atque terribilem.*] Vi-
sionis hujus meminit Palladius, Hist. Lausiac.
cap. 27, narrante Cronio. Non valde absimilis
visio in Vita Macarii Romani, c. 9: « Apparuit
nobis homo longa statura, quasi centum cubitorum. »

(80) *Vidit etiam pennatos quosdam.*] Idem apud Pal-
ladium, loco jam citato. In Vita Macarii Romani,
cap. 11: « In ramis autem ipsis volatilia multa, si-
milis avibus cœli. » Quod vero attinet ad animas evole-
re et evadere in cœlum cupientes, et a Stygiis por-
tentis impeditas, non una similis apud auctores exstat
visio. Eandem historiam Athanasii nomine ex hac
Vita citatam habes syntagmate de statu dormientium,
quod nuper post Viridarium suum sanctorum vulga-
vit Raderus noster, ex Codice ms. Boico et Augu-
stano, quæ Georgium Hamartolum, seu Georgium Lo-
gothetam præferbat; ut hujus etiam testimonio
Vita hæc Antonii Athanasio asseratur. In eodem
syntagmate narrat Joannes Homologetes, epist. ad
Joannem cubicularium: « Infelicem animam e corpore
jam expulsam quisque in aere ad se trahere
raptareque conatur. » Vide in eodem syntagmate
Cyrillum Magnum et Martyrium Antiochenum.

(81) *Usque ad ultimum gradum.*] Vel hinc per-
spicias veterum graduum in ordine clericorum usum
qui gradus dicti, quod gradatim ad summum fieret
ascensus. Syricus I papa, epist. ad Himerium Tarraco-
nensem episc., cap. 9 et 10, et Gratianus, dist. 77,
cap. *Quicumque*, allegat: « Postque ad diaconii gra-
dum, si se ipse primitus continentia præeunte dignum
probarit, accedat. » Concilium Braccarense I, c. 38:
Laicus per gradus eruditus ad Sacerdotium veniat.
Dionysius I papa, epist. 1 ad Urbanum prefect.
« Ad hoc divinæ dispensationis provisio gradus et
diversos constituit ordines esse distinctos, etc. Et
passim apud auctores sacros.

(82) *Ad benedicendum se caput submittebat.*] Ea
fuit veterum pietas, ut magni sacerdotum bene-
dictionem facerent, et eam submitto capite exci-
perent. Vide Onomasticum.

(83) *Manichæus.*] Augustinus, libro de Hæresibus
ad Quodvultdeum, hæc. 46: « In Græcia discipuli ejus
(Manetis) vitantes nomen insanis, quasi doctiores, et
eo ipso mendaciores, geminata n littera, Mannichæum,
quasi manna fundentem appellaverunt. » Idem, lib. xix,
cap. 22, contra Faustum Manichæum, in pronuntiatione
variaturum docet: « Neque enim addidistis in parte
prioris nominis unam litteram, ut agnosceretur manna:
sed addidistis in posteriore duas syllabas, non appellantes
Mannichæum, sed Manichæum, id est, ut idem ibidem
vertit, *insanifusorem.* »

(84) *Ariomanitæ.*] Ita Mss. Latini et Græcus textus
impressus. Coloniensis et Surius, *Arrionitæ*, vel
Arrionianitæ, non recte.

(85) *Mentientibus autem Ariani.*] Baronius, tomo
III, anno Christi 343, Julii papæ 7, Constantii et
Constantis 6: Tanti, inquit, facere solebat populus illu-
strum monachorum de fide catholica testimonium, ut
Ariani hoc sentientes, mentiri non sint veriti, magnum
Antonium eadem de fide secum una sentire, adeo ut
eam ob causam ipsi opus fuerit relicta intima eremi
solitudine, Alexandriam usque descendere, et de ca-
tholica fide, quam coleret, publice, ne populus labe-
retur, specimen edere, quam signis quoque sequen-
tibus confirmavit. Quando autem hæc contigerint,
minime liquet. Hieronymus quoque de eadem sancti
Antonii profectioe Alexandriana ad confutandos
Arianos ad Castritium scribit (*Hieron., epist. xxxiii*).

Vocatum quoque esse ab eodem sancto Athanasio
aliquando Alexandriam abbatem Pœmenem, spectatæ
sanctitatis virum, habetur in Vitis Patrum (*Vit. Patr.,
parte II*). Hactenus Baronius.

Quod ex Hieronymo hic citat Baronius, habetur
hic libro II Ruffini, n. 218. Quod vero de Pœmene
ait, vel eum fefellit memoria, vel Pœmenem eum-
dem putavit cum Pamnone. De Pamnone hoc habes
hic apud Ruffinum, lib. II, n. 164; quem eundem
esse cum Pambone, non cum Pœmene, colliges ex
Pelagii libello III, n. 14, et libello XVII, n. 2, ubi
eadem apophthegmata narratur nomine Pambonis,
quæ Ruffinus habet nomine Pammonis. Alius ab his
Piammon seu Pyaminon, de quo hic apud Ruffinum,
lib. I, cap. 31, qui Palladio, cap. 72, est Ammonas.

(86) *Alexandriam descendit.*] Cum plurimæ sint
Alexandriæ, agitur hic de Ægyptia, quæ et *Magna
Alexandria* ad distinctionem aliarum dicta.

(87) *Aliquando etenim philosophi duo.*] Baronius,
tomo III, anno Christi 328, Silvestri papæ 15, Con-
stantini imp. 23. Non Christum, inquit, colentes tan-
tum, sed et gentiles, et qui inter eos præ cæteris in
Christianam religionem oblatrare consueverant phi-
losophi, Antonium invisere, et cum eo sermones con-
ferre cupierunt. Etenim moleste ferebant illitteratorum
hominem tam eximio ferri præconio, quasi summum
philosophiæ verticem attigisset. Quod si victorias ex
hostibus armatis, crucis virtute partas, audire per-
gratum est, quanto jucundius accipi debet, absque
armis hostes Christi insuperabiles, potentia crucis
penitus demonstrare superatos? Vide Cassianum,
collat. VIII, cap. 18.

(88) *Per interpretem.*] Ordinarius Antonii interpres
videtur fuisse Isaac, de quo divus Hieronymus in
Vita sancti Hilarionis, cap. 25: « Repertis ibi duobus
fratribus Isaac et Pelusiano, quorum Isaac in-
terpres Antonii fuerat. » Quandoque, ut res ferebat,
alii ejus fuere interpretes, ut Cronius apud Palladium
cap. 26, de Actis cum sancto Elogio.

(89) *Alios quoque similiter mundi sapientes.*] Quo-
modo Antonius litteras ignoravit, vide supra ad c. I,
n. 7. Hujus historiæ apponam Græca verba, ut cum
scholio ad Synesium conferri possit. Ita apparebit
Synesium memoria lapsum, et Ammoni Ægyptio tri-
buisse, quod Ægyptio Antonio tribuendum erat; nisi
'Αμοῦν pro 'Αντωνίου; ex compendio litterarum apud
eum irreperit. Ita igitur Græca hic: 'Αλλων δὲ πάλιν
τοιούτων ἀπαντησάντων πρὸς αὐτὸν ἐν τῷ ὄρει τῷ ἔξω,
καὶ νομιζόντων χλευάζειν, ὅτι μὴ μεμάθηκε γράμματα,
λέγει πρὸς αὐτοὺς ὁ 'Αντωνίος: Ὑμεῖς δὲ τί λέγετε; τί
πρώτον ἐστὶ; νοῦς ἢ γράμματα; καὶ τί τινος αἴτιον; ὁ
νοῦς τῶν γραμμάτων, ἢ τὰ γράμματα τοῦ νοῦ; Τῶν δὲ
εἰπόντων, πρώτον εἶναι τὸν νοῦν, καὶ τῶν γραμμάτων εὐρε-
τήν, ἔφη ὁ 'Αντωνίος: Ὅτι οὐκ ἔστιν ὁ νοῦς ὑγιανεῖν, οὐκ ἀναγκαῖα
τὰ γράμματα. Quæ ita vertit Evagrius: « Alios quoque
similiter mundi sapientes, qui eum irridere cupie-
bant, quia litteras ignoraret, tali disputatione collige-
vit, dicens: Respondete mihi, quid prius; sensus, an
litteræ? et quid cujusque exordium? sensusne ex lit-
teris, an litteræ oriuntur ex sensu? Illis asserentibus
quod sensus esset auctor atque inventor litterarum,
ait: Igitur cui sensus incolumis est, hic litteras non
requirit. » Synesius vero in Dione, seu de ipsius vite
institutio, agens de ingenita quorumdam animis vi, ut
sine subsidio litterarum et scientiarum quæque tra-
ctare possint, ait: Ὅποιος Ἀμοῦς ὁ Αἰγύπτιος οὐκ
ἔφευρεν, ἀλλ' ἔκρινε χρεῖαν γραμμάτων: τοσοῦτον αὐτῷ
τοῦ νοῦ περιττὸν. « Qualis Amus Ægyptius, litterarum
usum non reperit, sed judicavit. Tanta in eo erat
mentis vis. » Ita vertit Petavius noster, quanquam
illud, οὐκ ἔφευρεν, clarius, et magis ad sensum hic
veritas, non acquisivit. Sic εὐπλοῶν usurpatur Demo-
stheni orat. contra Timocr., ubi exponit Ulpianus.
Sic Donatus apud Terentium, Eunuchus act. 2, scen.
1, *inventire* explicat acquirere.

Scholion in manuscripti Medicensi Codicis margine
obscura hæc Synesii ita illustrat: Ἐπορεύθη τὸς αὐ-

τὸν εἰ ἀναγκαῖα τὰ γράμματα, ἤδη, Ἐὶ ὁ νοῦς ἰδρῶται, Ἄ τις γρηλα γραμμάτων; Τὸ δὲ, οὐκ ἐξῆρεν ἀλλ' ἐκρίνε γρηλαν γραμμάτων, ἀντι τοῦ, οὐκ ἐγρήσατο αὐτὸς γράμματα, ἀλλ' ἀπερήνατο τούτους δεσφαι γραμμάτων, οἵτινες οὐ μέγεθος εὐτύχησαν νοῦ, ἵνα τὴν τοῦ νοῦ ἔνδειαν ἐντεῦθεν ἐπανορθῶνται. Cum quidam eum interrogaret si litterarum necessariae essent? inquit: Si mens sana est, quis litterarum usus? hoc vero, quod hic dicitur, litterarum usum non acquisivit, sed judicavit; ideo dicitur, quod ipse non usus sit litteris, sed manifestaverit eos litteris indigere, quibus parum mentis obtigit. ut inde mentis defectum supplere et corrigere possint.

(90) *Divinae mentis haustum.*] Mox ait: *animam ex splendidissimo Dei fonte manantem.* Baronius, 70 tomo III, anno Christi 328, Silvestri papae 15, Constantini imp. 14, ait: « Erant hi, ut apparet, Platonicus philosophi, qui aiebant animam esse divinae mentis manationem atque substantiam. » Vide Conimbricenses nostros, ad Aristotelis libros de Anima.

(91) *Quo ore Christianorum credulitatem audetis irridere.*] Baronius, ibid.: « Argute quidem retorquet illorum de Verbi incarnatione derisionem; nam cum unam tantum Christiani credant Dei incarnationem, eteamdem absque Verbi aliqua mutatione vel injuria; illi vero, quot homines quotque bestiae unquam fuerint, tot Dei factas esse fateri cogebantur incarnationes; cum dicerent animas divinam esse substantiam, easdemque turpes fieri et ignominiosas atque peccatis obnoxias. »

(92) *Pecudum soleatis sepelire corporibus.*] Ridet Pythagoream metempsychosim, de qua vide Conimbricenses, ad libros Aristotelis de Anima.

(93) *Isidis.*] Isis notissima Aegyptiorum dea. Nolo hic notissimas veterum fabulas veterum auctoritatibus firmare. Recentiorum omnium unus exsequentiissime de iis agit Lilius Gregorius Giralduus in deorum gentilium Historia, quem de Iside videsis, syntagmate 12.

(94) *Osirim.*] Osiris Aegyptiis fuit Dionysius seu Bacchus, frater et maritus Isidis. Vide Giralduum, syntagmate 8.

(95) *Typhonis.*] Fuit Typhon Osiridis frater, qui Osiridem discerpit. Giralduus, ibid.

(96) *Saturni.*] Notissimus hic pseudotheus, de quo Giralduus syntagm. 4.

(97) *Jovis.*] De Jovis parricidio et incesto passim poetae. Giralduus syntagm. 2.

(98) *In Danaes.*] Arnobius, lib. v et vii.

(99) *Ledæus.*] Giralduus, syntagmate 5, ubi de Castoribus seu Dioscuris agit Leda genitis.

(100) *Tegentes eas allegoricis velaminibus.*] Baronius, tom. III, anno Christi 328, Silvestri papae 15, Constantini imp. 13, ait: « Et illa confutavit Antonius, quae philosophi dicere potuissent de allegoriis, quibus iidem contegere solerent pudenda deorum, et cuncta referre ad caelestia corpora, et naturae diversos motus: ostendens magna affici ignominia Creatorem, si debitum sibi honorem et gloriam, non ipsi, sed impendant homines creaturis. » Hactenus Baronius. Porro de allegoricis deorum velaminibus agit Arnobius, lib. III et v; Clemens, Recognit. lib. x. cap. 8; Julius Firmicus, de Error. prof. relig.: Fulgentius, Mythologia; Augustinus, de Civ. Dei, lib. IV et VII; et ex recentioribus copiose Natalis Comes, lib. Mythologiarum.

(101) *Liberæ raptum terram.*] Graece: Τὴν ἀρπαγὴν Κόρης εἰς τὴν γῆν, ut recte Anglicanus Codex Augustanum supplet. Varie Latinae editiones. Quaedam, *Librum raptum terram Proserpinæ.* Coloniensis, *Liberum raptum terram Proserpinæ.* Sed intelligitur hic de Proserpinæ raptu, quæ et Libera dicta. Unde Proserpinæ interpretamentum in textum irrepsit. Vide Ciceronem, VI Verrina. Julius Firmicus, de Error. prof. relig., *Proserpinam vero liberam dicentes.* Vide Augustinum, lib. IV de Civ. Dei, cap. 10, et lib. VII, cap. 24; et Giralduum, syntagm. 6 et 8.

(102) *Vulcanum et debilem ignem.*] Veteres editiones: *Vulcanum et cibilem ignem*, manifesto errore. Graece: Καὶ Ἡφαίστου γωλότητα εἰς τὸ πῦρ ἀλληγορεῖται. *Et Vulcani claudicationem allegorice ignem explicatis*, cujus claudicationem duplici epitheto exprimit noster: *Seniclaudum Vulcanum et debilem ignem.* Minutius Felix Octavio: *Vulcanus claudus deus et debilis.* Vide Augustinum, lib. VII de Civ. Dei, cap. 16.

(103) *Junonem aerem.*] Cicero, lib. II, de Nat. deorum; Augustinus, lib. IV de Civ. Dei, cap. 10, et lib. VII, cap. 16.

(104) *Apollinem solem.*] Augustinus, lib. VII de Civ. Dei, cap. 16.

(105) *Dianam lunam.*] Augustinus, lib. VII de Civ. Dei, cap. 16.

(106) *Neptunum maria.*] Augustinus, lib. IV de Civ. Dei, cap. 10, et lib. VII, cap. 16.

(107) *Jovem ætherem.*] Cicero, lib. II, de Nat. deorum; Augustinus, lib. IV de Civ. Dei, cap. 10, et lib. VII, cap. 16.

(108) *Prædurum, etc.*] Tota hæc sententia deest Graeco, usque ad *Elementa.*

(109) *Quid antiquius.*] Baronius, tomo III, anno Christi 328, Silvestri papae 15, Constantini imp. 13. « Ab opere, inquit, et experimento ipso, veræ fidei atque religionis probationem adducit, consentientibus illis (philosophis) ipsa facta esse verbis potentiora. »

(110) *Ubi Aegyptiorum incantationes.*] Exod. VII, v. 2: *Fecerunt etiam ipsi per incantationes Aegyptiacas.* Vers. 22: *Feceruntque similiter malefici Aegyptiorum incantationibus suis.*

(111) *Quo magorum profecere carmina.*] Ovidio, Fastorum libro II, *Magicum carmen.* Juvenali satyra VI, v. 608, *Magici cantus.* Columellæ libro X, *Cantus magici.* Prudentio, περὶ στεφάνων, hymno V, v. 23, *Magicum cantamen.*

(112) *Continentia in matrimonio.*] Hujus rei exempla aliquot exstant in his libris de Vitis Patrum. Sed et aliae sanctorum Vitæ alia suggerunt, quorum catalogum aliquem texam in Onomastico.

(113) *Constantinus Augustus.*] Baronius, tomo III, anno Christi 328, Silvestri papae 15, Constantini imp. 23: « His, inquit, temporibus Antonii percelebris fama adeo percrebuerat, ut esset ubique terrarum diffusa. Nam cum Alexandria existeret, ut ex Dione diximus (Tomo I, ad annum Christi 64), totius orbis emporium, quæ natio potuit ignorasse quæ ibidem tuissent ore omnium pervulgata? Sed et quod Constantinopolim ejusdem fama pervasit, et in ipsa regia Constantini summo honore nomen Antonii haberetur, aliis quoque colendi ubique hominem amplissimum patuit omnibus aditus, ut habes hic in sine Vitæ, cap. 61. Antonii igitur virtutum vehementi fama commotus, atque in omnibus persuasus Constantinus imperator religiosissimus, atque filii ejus Cæsares, ad Deum pietatis ergo officii et amoris plenas litteras dedere, ut quem tam longe positum non liceret aspicere, atque præsentem alloqui, internuntio litterarum inviserent, et cum eo pariter loquerentur. »

Baronius quoque, anno Christi 336, Marci papae 1, Constantini imp. 31, notat ex Sozom. lib. II. c. 29, Antonium persæpe ad Constantinum imp. scripsisse pro causa Athanasii.

(114) *Ad interiorem montem.*] Supra, cap. 47, *In superiori monte.* Interior seu superior mons opponitur exteriori seu inferiori. Vide supra, cap. 33.

(114) *Episcopo Serapioni.*] Thumeos hic fuit antistes, confessione celebris et scripture. De quo divus Hieronymus, in catal. illustr. Eccl. Script., c. 99: « Serapion Ἐμοσέως episcopus, qui ob elegantiam ingenii, cognomen Scholastici meruit, charus Antonii monachi, edidit adversus Manichæum egregium librum, et de Psalmorum titulis alium, et ad 9 divinos utiles epistolas, et sub Constantio principe etiam in confessione inclutus fuit. »

(116) *Lamentabilis sequitur visio.*] Baronius, tomo III, anno Christi 339, Julii papæ 3, Constantini, Constantii et Constanti imperatorum 3: « Hicipse, inquit, annus est quo sanctus Antonius ille magnus, monachorum Pater, divino elevatus spiritu, horribilem visionem illam, de immensa Ecclesiæ clade ab Arianis inferenda, prævidit atque prædixit, biennio scilicet antequam fieret.

Meminit quoque hujus magnæ visionis Antonio demonstratæ sanctus Joannes Chrysostomus, cum primum hujuscemodi laudum præconio virum exornat: Ἐννοεῖτω τὴν μέγαν νῦν ἐν τοῖς ἀπάντων σὺμασι ὄντα, ὃν μετὰ τοὺς Ἀποστόλους ἡ Αἴγυπτος ἤνεγκε, τὸν μακάριον καὶ μέγαν Ἀντώνιον, καὶ λογίζεσθω ὅτι καὶ οὗτος ἐν ἐκείνῃ τῇ γῶρᾳ γέγονεν, ἐν ἧ καὶ Φαραῶν. Ἄλλ' ὅμως οὐδὲν παρεβλήθη, ἀλλὰ καὶ θείας ὕψεως κατηξιώθη, καὶ τοιοῦτον ἐπέδειξατο βίον, οἷον οἱ τοῦ Χριστοῦ νόμοι ζήτουσι. Καὶ τοῦτο εἴσεται τις μετὰ ἀκριβείας ἐντυγνὼν τῷ βιβλίῳ τῷ τῆν Ἱστορίαν ἐγροντε τῆς ἐκείνου ζωῆς, ἐν ᾧ καὶ πολλὴν ὄψεται τὴν προφητείαν. Καὶ γὰρ περὶ τῶν τὰ Ἀρείου νοσοῦντων προαναφερῶνσέ τε καὶ εἶπε τὴν ἐξ ἐκείνου μελλοῦσαν βλάβην γίνεσθαι, τοῦ Θεοῦ δείξαντος αὐτῷ τότε, καὶ περὶ τῶν ὀφθαλμῶν τὰ μελλόντα ὑπογράψαντος ἅπαντα. « Consideret virum, per cunctorum usque hodie ora volitantem, quem apostolis proximum Ægyptus protulit: beatum dico et magnum illum de quo sæpe audistis, Antonium; et respiciat quod hic quoque illius fuerit regionis indigena, cujus etiam Pharaos, sed nihil sit inde vitiatum. Nam et visione Dei dignus est habitus, et talem vitam prorsus ostendit, qualem leges Christi requirunt. Hoc autem facile cognoverit, quisquis eum legerit librum qui vitæ ejus textit historiam, in quo etiam prophetiam lucentem videbit. De his enim, quos Ariana pestis invasit, manifestissime prophetavit; quantaque Ecclesiis labes ab illis inmineret, docuit. Deo utique revelante hæc, et cuncta ante oculos ejus figura pingente (*Chrysost., hom. 8. c. 11.*) »

« Sed rursum (subdit Baronius) quod ad eam visionem magno sancto Antonio demonstratam spectat, illud etiam admonendum, errare eos, qui ipsam illi ostensam putarunt, antequam Arii hæresis exoriretur. Non enim emergentis hæresis, sed futuræ cladis per Arianos infligendæ, ea fuit illi visio præmonstrata. Nam longe post exortam Arii hæresim id fieri contigit, cum jam antea de cavendis atque vitandis Arianis sæpe suos admonuisset, atque ante hæc quoque scripsisset olim ad Constantinum ac filios, et secessisset in montis interiorum solitudinem, quæ quidem omnia longe post ortam hæresim Ariam acciderunt. »

(117) *Altare Domini mularum circumdatum multitudine.*] *Sozomenus, lib. vi, capite 5:* Λέγεται πρὶν κρατῆσαι τῶν ἐκκλησιῶν τοὺς ἀπὸ τοῦ Ἀρείου ἀτρέσειως, ἐπὶ τῆς Κωνσταντινοῦ βασιλείας, ὄναρ ἰδεῖν Ἀντώνιον, ἡμιόνους τὸ θυσιαστήριον λακτιζοντας, καὶ τὴν ἱερὰν τράπεζαν ἀνατρέποντας, καὶ αὐτὰ πρὸς ἑαυτὸν ἐπινοῶν καὶ ἐπιμάτων δογμάτων καταλύσεται τὴν ἐκκλησίαν ταραχῇ, καὶ ἐτεροδόξων ἐπανάστασις. Ἄλλὰ ταῦτα μὲν ἀψευδῶς τελεῖσθαι καὶ εἰρησθαι ἀπέδειξε τὰ πρὸ τοῦ, καὶ μετὰ ταῦτα γεγενημένα. « Traditum est, Antonium, priusquam Ariani essent ecclesiarum potiti gubernaculis,regnante Constantino, secundum quietem mulos astare insultantes calcibus, et sacram mensam evertentem vidisse; illicoque praxidixisse tumultum ex adulterinis permixtisque doctrinis ortum, et rebellionem ex illis qui alienam ab Ecclesia catholica opinionem tenerent excitatam, Ecclesiam Dei postea occupaturam. Atque hæc quidem verè ab eo et visa esse et prædicta, res, cum quæ ante hoc tempus, tum quæ post accidebant, manifesto declararunt.

(118) *Nam post duos annos.*] Fuit hic annus Christi 342. Julii papæ 6, Constantii et Constanti imp. 6 (ut hoc anno notat Baronius) quo Gregorius Arianus Alexandrinam cathedram invasit manu militari, ope Philagrii præfecti. Clades autem tunc

illatas describit Athanasius in epist. ad Orthodoxos: Ἡ μὲν ἐκκλησία καὶ τὸ ἄγιον βαπτιστήριον πυροπολεῖται. *Ecclesis et baptisteriis flammæ injectæ.* Pluraque alia addit plane cum his quæ in hac Vita describuntur conformia. Quanquam quod Baronius hic cladem hanc et persecutionem Arianorum ab Antonio prædictam anno Christi 342 assignat, nescio an omnino certum sit. De hoc forte in Onomastico fusius.

(119) *Cum assumptione palmarum (quod idololatriæ apud Alexandriam insigne est) ad Ecclesiam pergere compellebantur Christiani, ut Arianorum populi crederentur.*] Nihil horum in Græco textu comparet; nisi in Græcum textum irrepisse errorem asseramus, et pro ὅτε καὶ τὰ σκεῦη μετὰ βίας ἀρπάσαντας δι' ἐθνικῶν ἐπιούρων βαρπάζεσθαι, cum et vasa vi prærepta paganos portare curarunt, levi mutatione et transpositione legendum existimemus: ὅτε καὶ τὰ σκεῦη ἀρπάσαντες, μετὰ βίας δι' ἐθνικῶν ἐπιούρων βαρπάζεσθαι, cum et vasa abripientes ea cum assumptione palmarum ab ethnicis gestari curarunt. Forte quispiam malit μετὰ βίας suo loco relinquere, et post ἀρπάσαντας addere, μετὰ βίας; quod ab exscriptore omissum quis suspicari possit, ob affinitatem μετὰ βίας, quod tam propinque præcedit. Potius dicas in Græco membrum hoc de Christianis desiderari.

Quod parentheses includitur (*quod idololatriæ apud Alexandriam insigne est*) valde verisimile est esse glossema Evagrii interpretis.

Ethnicorum esse thallos, seu palmas manu gestando templum ingredi, patet apud Athanasii epist. ad solitariam vitam agentes: Ἄτερος δὲ μετὰ θάλλων εἰσελθόν, καὶ ὡς Ἑλλήν κινῶν αὐτὰ τῇ χειρὶ καὶ γλενάζων, εὐθὺς ἔσκοτώθη, καὶ οὐκ ἔβλεπεν. « Alius cum frondibus ingressus, et ut ethnicus eas manu perludibrium agitans, statim obortis tenebris, oculis caligavit. »

Sed quomodo habitus sunt Ariani, qui palmas portarent, cum id sit signum idololatriæ? Quia videlicet Ariani ethnicorum moribus se accommodabant, ut eos adjuutores contra Catholicos haberent. Apud Athanasium, supra: Τάτε γὰρ εἰδῶλα ἑαυτῶν εὐφρόμου, καὶ ἔλεγον: Ἑλλήν γέγονε Κωνσταντῖος καὶ οἱ Ἀρειανοὶ τὰ ἡμῶν ἐπέγνωσαν. « Idola igitur sua laudibus ferebant; dicebantque: Constantius ethnicus factus est, et Ariani nostra agnoscunt. » Mox de Arianis cum ethnicis ad immolationem buccellæ propensis: Τοιαῦτα μὲν οὖν δι' ἀσεβείας οἱ Ἀρειανοὶ, νομιζόντες εἰς ἡμῶν ὄβριον ταῦτα εὐθάνειν, μετὰ τῶν Ἑλλήνων ἐπραττον. « Hæc irreligiosi Ariani, quia existimabant in nostram ignominiam redundare, una cum ethnicis faciebant. »

(120) *Orationibus non præceptis.*] Recte monet Christum non oratione, sed præcepto seu jussione sanasse; sanctos oratione et precibus. Oravit quidem aliquando Christum, at non sua, sed populi causa, ut præclare docet Basilius Seleuciensis, oratione de suscitatione Lazari, in illud Joannis xi: *Jesus autem elevatis sursum oculis.* Jussione aliquando usi apostoli, ut Petrus, Actorum xi: *Et conversus ad corpus. dixit: Tabitha surge.* Sed preces præcesserant: *Petrus ponens genua oravit.* Vel etiam vocato Jesu nomine ✠ iniracula patrabant, ut ibidem habuit Basilius. Breviter Arnobius, libro i, ait Christum omnia illa quæ fecit nominis sui possibilitate fecisse. Quod post dicit: *perfecit vi sua; alios vero eadem facere sui nominis cum affectione permisit.*

Quod vero idem Basilius, oratione in Elisæum et Sunamitidem habet, quod Elisæus τὸν υἱὸν τῆς Συναμιτιδος μὴ διὰ προσευχῆς, ὡς ὁ Πέτρος ἀνέστησε τὴν Δορκάδα, ἀλλὰ τῷ νεκρῷ τοῦ παιδὸς ἑαυτὸν ἐρήπλωσεν σώματι: « Sunamitidis filium non ad vitam erexerit oratione, ut Dorcadem Petrus, sed pueri cadaveri seipsum instratum applicaverit: » intellige Elisæum figuram gessisse Christi, qui oratione non indigebat, etsi eam Elisæus adhibuerit, ut patet IV Reg. iv, 33. Vult tamen Basilius, non vi orationis illius puerum exsuscitatum, sed potius accorporatione ipsa, quæ incarnationis Christi figura erat. Vide divum Augu-

stinum, in Psalmum lxx; et Bernardum, sermone 2 A in Cantica; quare nil necesse ad ellipsin confugere, et, quasi semiplena esset, locutionem explere, μή μόνον διά προσευχῆς. Non ignoravit Basilius orationem ab Elisæo adhibitam; sed negat orationis vi puerum vitæ redditum (quo fere modo sancti miracula patrabant), sed potius corporis adæquatione, quod Christus incarnatione humanum genus erat exsuscitaturus.

(121) *Ad exteriorem montem.*] Supra, capite 33, in *exteriore monte*; opponitur *interiori* seu *superiori*. Vide ibi dicta.

(122) *Interioris archisterium.*] Intelligitur interior et princeps Antonii locus, in quo ipse versabatur. Nempe ut *exterior* et *interior mons* erat, in quo sedem collocaverat Antonius, uti jam vidimus; ita quoque *exterioris* et *interioris archisterium* habebat. Quid vero *Archisterium* sit, vide Onomasticon.

(123) *Propositi succedat oblitio.*] Græce: μή ἐπιλαθώμεθα τῶν ἔνδον, *ne eorum qui sunt intus obliviscamur*. Frequens *propositi* usurpatio pro animi obfirmatione in recto vitæ instituto et voto. Supra, cap. 28: *Proposito ferventi gaudet Antonius*. Sed infra, cap. 66, *desidiā instituto non debere subrepere*. Acta Clementis papæ martyris, de sancta Theodora: *Deo castitatis propositum profiteri persuasisset*. Hieronymus, epist. 7, ad Lætā: *vincere cupiens et virginis propositum, et matris desiderium*. Ubi propositum plane est votum, ut patet ex punitione.

(124) *Præterea cum Balacius.*] Eadem historiam de Balacio habes breviter expressam in epistola Athanasii, ad solitariam vitam agentes: Ἀντωνίου δὲ ποτε γράψαντος πεποίηκε τὸν δοῦκα Βαλάκιον καταπύσαι τῆς ἐπιστολῆς, καὶ ταύτην ἀπορῆψαι. Ἄλλ' οὐ παρεῖδεν ἢ θεῖα δίκη. Μετ' οὐ πολὺ γὰρ τὸν λεγόμενον δοῦκα ἐπικαθήμενον ἵππῳ, καὶ ἀπερχόμενον εἰς τὴν πρώτην μόνην, ἐπιστραφεὶς ὁ ἵππος, καὶ δακνὸν εἰς τὸν μηρὸν κατέβαλε, καὶ τριῶν ἡμερῶν ἀπέθανεν. « Antonii aliquando epistolam duci Balacio conspuendam abjiciendamque tradidit (Gregorius Arianus Alexandrinæ Ecclesiæ invasor). Sed hoc divina vindicta inultum non prætermisit. Siquidem non diu postea Balacii femur proficiscentis ad primam mansionem equus, cui insidebat, cervicibus retortis ita momordit, atque e dorso excussum humi afflixit, ut intra triduum proximum periret. » Ubi vides diversitatem aliquam in narratione. Nam in hac epistola dicitur Balacius læsus ab equo, cui insidebat; in Vita hac Antonii ab equo, quo Nestorius vehabatur. Quod fortassis (inquit Baronius, anno Christi 342) accidit vitio librariorum. Quanquam alii fortasse asserent eam epistolam non esse Athanasii, cum ipse Athanasius in ea passim citetur et interloquitur, quod tamen non obstare, quin Athanasii ea sit epistola, opinatur Baronius.

(125) *Ad primam mansionem Alexandriæ, quæ appellatur Chæreum.*] De Chæreo Gregorius Nazianzenus, orat. 21, in laudem Athanasii: Ποιητοῦ δὲ ἦν ἄρα καὶ τὸν Νεῖλον εἶπεῖν, τὸν χρυσοφόρον ὄντως καὶ εὐστάγυν, ἔμπαλιν ἐκ τῆς πόλεως ἐπὶ τὴν Χεραλοῦ βέοντα, ἡμερησίαν ὁδὸν, οἶμαι καὶ περατέρω. « Nilum etiam poeta quispiam diceret, illum vere aurifluum et spicis uberem, ab urbe ad Chæreum retracto cursu fluentem, diei unius itinere atque amplius. Pro mansionem, Græce est μονή. Ita et apud Athanasium, epist. ad solitariam vitam agentes; Hoeschelius divinabat νομῆν, *præfecturam*, Nil necesse. Vide Onomasticon.

(126) *Multæ quoque desponsatæ puellæ.*] Quod olim Theclæ contigit, dum sanctum Paulum concionantem audiret, ut relicto sponso terreno, cælesti se sponso dedicaret, idem plurimis virginibus ad Antonii exhortationes evenit. Supra, cap. 49, *Continentia in matrimonio, virginitas in Ecclesia*. Quæ virginitas ita post in Ecclesia floruit, ut una familia Aniciana plures Christo virgines, quam mundo consules dederit. Augustinus, epist. 179, ad Probam et Julianum, de conversione neptis Demetriadis: « Quis verbis

A explicet, quis digno præconio prosequatur, quam incomparabiliter gloriosas atque fructuosas habeat ex vestro sanguine feminas virgines Christum, quam viros consules mundus? Nam volumina temporum si magnum atque præclarum est nominis dignitate signare, quanto est majus atque præclarus, cordis et corporis integritate transcendere? Magis itaque gaudeat puella nobilis genere, nobilior sanctitate, quod sit per divinum consortium præcipuam in cælis consecutura sublimitatem, quam si esset per humanum connubium prolem propagatura sublimem. Generosius quippe elegit Aniciana posteritas tam illustrem familiam beare nuptias nesciendo, quam multiplicare pariendo; et in carne jam imitari vitam angelorum, quam ex carne numerum adhuc augere mortalium. Hæc est uberior fecundiorque felicitas, non ventre gravescere, sed mente grandescere; non lactescere pectore, sed corde condescere; non visceribus terram, sed cælum orationibus parturire. »

(127) *Quem annis quinque supergredior.*] Græce: Εἰμί γὰρ ἐγγὺς ἐτῶν πέντε καὶ ἐκατόν. *Annorum fere sum centum et quinque*. In multos annos olim eremitæ et monachi vitam producebant; ut frustra hæretici contra austeram victus rationem, quasi ita vivacitas imminuatur, deblaterent.

(128) *Meletianorum.*] Dicti Meletiani a Meletio in Ægypto episcopo. Vide Epiphanium, hæret. 68; Theodoretum, libro iv Hæret. fab., cap. 10; Historiam Tripartitam, lib. i, cap. 18.

(129) *Custodienda est pia fides in Christo, et Patrum religiosa traditio.*] Baronius, tomo III, anno Christi 358, Liberii papæ 7, Constantii imperatoris 22: « Moriturus, ait, Antonius nihil antiquius habuit, quam fidem catholicam suis præclare testatam relinquere; de cuius fidei custodia eosdem sæpius ante admonuisset. Hoc enim elogio fidem suis discipulis astantibus, quasi nobile depositum commendavit.

C Sed et præter fidem in Christum, religiosam Patrum traditionem custodiendam monet.

¶ (130) *Et præcipue beatorum martyrum corpora lintamine quidem obvolvete.*] Prudentius, hymno 10 Cathemer, qui est de defunctis:

Candore nitentia claro
Prætendere lintea mos est.

Et passim in Actis martyrum. Vide Onomasticon.

(131) *Super lectulos domi posita reservare.* Velus Ægyptiorum gentilium fuit consuetudo, ut cadavera medicata domi servarent. Cicero, i Tusc. « Condiunt Ægypti mortuos, et eos domi servant » Pomponius Mela, lib. i, cap. 9: « Mortuos nec cremare nec fodere fas putant; verum arte medicatos intra penetralia collocant. » Sextus philosophus, libro iii Pyrrhon. hypothes., cap. 24: « Ægyptii intestina extrahentes condiunt defunctos, et secum super terram habent. »

Sed et mortuos suos mensis velut convivas adhibebant. Lucianus, de Luctu: Ταριχεύει δὲ ὁ Αἰγύπτιος οὗτος μὲν τοι, λέγω δὲ ἰδὼν, ξηράνας τὸν νεκρὸν, σὺν δειπνον καὶ συμπότην ἐποιεῖσάτο. « Muria condit Ægyptius. Atque hic quidem (rem a me visam narro) desiccatum cadaver convivam et compotorem adhibet. » Silius Italicus, libro xiii:

..... Ægyptia tellus

Claudit odorato post funus stantia saxo
Corpora, et a mensis exsanguem haud separat umbram.

Ubi forte quis hæreat, quid hic sit *saxum odoratum*; et legat, *odorato succo*. Corippus, libro III de Funere Justiniani imp.:

..... et odoro balsama succo

Tempus in æternum sacrum servantia corpus.

Sed non temere Sili i lectionem sollicitem. Capio igitur *odoratum saxum* de unguento ipso cui corpus velut includitur, quodque una cum corpore ipso saxescit et lapidescit, et velut æneum redditur. Quæ Ægyptii *Gabbaras* vocant, ut habet mox citandus sanctus Augustinus, sermone 120 de Diversis, cap. 12. Unde recte Orientio, in Commonitorio, *pulvis solidans*:

Non modo quæ tumulis bene condita saxa servant, Aut Arabum solidans pulvis odorque tenet.

Ita recte quoque Arabum pro arvom legit Sirmondus noster, ad Sidonium, lib. IX, epist. 13.

Daniel Heynsius in Crepundiis Silianis pro odorato saxo suspicabatur legendum odorata taxo, id est reconditorio e taxo fabricato, et θηκαίω οὐκίματι, ut loquitur Herodotus. Claudius Dausqueius ad Silium existimat saxum odoratum dici, vel quia tale, vel quia cadaver odoribus differtum.

Dignum notatu, quod est apud Cassianum collat. xv, cap. 3, ex relatione Nesterotis abbatis, qui, cur Ægyptii cadavera condirent, et in editoribus cellulis conderent, hanc originem et causam refert. « Hunc Ægyptiis morem Nili fluminis invexit eluvies, ut quoniam universa terræ illius latitudo, instar immensi pelagi, non parvo anni tempore solita aquarum eruptione contegitur, ita ut nulla tunc cuiquam viandi copia nisi lemborum transvectione tribuatur, corpora mortuorum pigmentis condita redolentibus, in editoribus cellulis recondantur.

(132) *Vitium circa defunctos Ægypti.* Sanctorum Antonii et Athanasii mentem, quantum ad locum hunc attinet, jam olim explicuit Damascenus, orat. 1, de Imagin. : Ἴσμεν τὸν μακάριον Ἀθανάσιον, ἀπηγορευκῶτα τὸ ἐν Λάρναξι τῆναι τὰ τῶν ἁγίων λείψανα, μάλλον δὲ προστάττοντα ὑπὸ γῆν ταῦτα καλύπτειν, τὸ ἀποπον εἶδος τῶν Ἀγυπτίων καταργῆσαι βουλόμενον, οἱ τοὺς ἑαυτῶν νεκροὺς, οὐ γὰρ ὑπὸ γῆν ἐκρυπτον, ἀλλ' ἐπὶ κλινῶν καὶ σκιμποδίων ἐτίθουσι. « Scimus sanctum Athanasium sanctorum reliquias, non in urnis collocandas, sed humi condendas esse eo consilio censuisse, ut absurdum Ægyptiorum morem abrogaret, qui mortuos suos non sub terra condebant, sed in lectulis et scimpodiis collocabant. » Sic Arsenius, apud Rufinum, lib. II, n. 163, alloquens discipulos sub interminatione divini iudicii ait : « Si alicui de meo corpusculo aliquid velut reliquia dederitis. » Quod apud Pelagium, libello xv, n. 9, est : « Si permiseritis cuiquam de corpore meo aliquid facere. » Subjungam et recentiorum explicationem.

Baronius, anno Christi 358, Liberii papæ 15, Constantii imperatoris 22 : « Ob quam etiam, inquit, causam Antonium (ne scilicet æqualis sanctis in terris honor sibi impertiretur) antiquum illum in Ægypto morem inolitum, et ad Christianos propagatum, destitutum est ; quo charorum corpora nequaquam sepultura traderentur, sed pollinctorum arte delibuta, ita arida reddebantur, ut absque corruptione integra servarentur ; quæ sic reddita quasi ænea ab Ægyptiis (ut auctor est Augustinus) gabbaras dicebantur ; id, inquam, adeo displicuit Antonio, ut nec sanctorum cadaveribus id officii exhibendum esse diceret ; cum exemplo corporis Christi, sanctorum quoque corpora essent recondenda sepulcro ; quod præstare Ecclesia catholica consuevit, ut beatorum cadavera sepulcris clauderet, sed honorificentissimis tamen, nempe sacris altaribus. » Hactenus Baronius.

David Hæschelius, notis ad hanc Vitam : Mirum (inquit vir magni nominis, et iudicio eruditissimus) si Antonium humationem prorsus esse necessariam absce docuit cum profecto Josephus, Genes. L, se non terra obrui, sed loculo recondi, et ex Ægypto aliquando asportari præcepit. Verius ergo Antonium hoc tantum voluisse, mortuos longe rectius humo committi, quam, quod Ægyptii faciebant, domi conditos asservari ; idque patriarcharum et Christi exemplo confirmasse.

In describenda Ægyptiorum conditura multi sunt. Herodotus, lib. II ; et Diodorus, lib. I ; ex quibus observet, cadavera olim domi subrecta, in loculo ad parietem statuta, quod Antonii ætate mutaverat. Athanasius quippe diserte scribit lectulo imponi consuevisse. Credo, quo commodius mensæ accumberent. Huc enim ineptiarum Ægyptus descendit. Lucianus, de Luctu, se bellis hujus generis convivis et compotoribus interfuisse narrat, stantibus an cuban-

A tibus, non explicat. Paulo antiquior Silius, libro XIII, stantes habet :

. . . . Ægyptia tellus
Claudit odorato post funus stantia saxo
Corpora. . . .

Alia addi poterant, sed hæc satis superque evincunt, Antonium tantam stultitiam verius quam superstitionem ferre non debuisset.

Ex sancto Augustino, serm. de Diversis 120, qui est prior tractatus de resurrectione mortuorum, c. 12, nomen, quo cadavera sic curata appellarentur, didicimus : « Ægyptii ergo soli credunt resurrectionem, quia diligenter curant cadavera mortuorum ; morem enim habent siccare corpora, et quasi ænea reddere, gabbaras ea vocant. » Quæ mox irridens scribit : « Soli Ægyptii bene credunt resurrectionem mortuorum suorum, aliorum vero Christianorum spes in angusto est, ostendunt, apud Christianos morem, quantumvis vetitum, etiam post Antonium perseverasse. Hactenus ὁ μεγάλωνυμος, καὶ τὸν νοῦν ὀξυδερκίστατος. Atque hactenus quoque ex ore calamoque magni 24 viri Hæschelii, quem virum magnum Marcum Velsorum II verum PP. Augustanum esse nullus dubito. Adeo vir ille ubique doctrinæ suæ radiis se prodit.

Quare non improbat Antonium reliquiarum observationem et cultum, sed Ægyptiam consuetudinem, de qua jam supra ex Cicerone, Mela, Sexto Empyrico, et aliis auctoribus dictum. Vide Gretzerum nostrum, de Fun. Christ., lib. 1, cap. 7, et apolog. 2 contra Lithum Misenum, lib. II, cap. 2.

(133) *Duobus fratribus.* Intelligit, opinor, Amatham et Macariam, Antonii discipulos, quorum alter etiam Antonii corpus sepelivit ; de quibus actum ad prologum Vita sancti Pauli, primi eremitæ. Nisi forte intelligantur Isaac et Pelusianus, de quibus in Vita Hilarionis, cap. 25, quos statim a morte Antonii Hilarion in monte invenit : « Repertis ibi duobus fratribus Isaac et Pelusiano, quorum Isaac interpretis Antonii fuerat.

(134) *Repræstatis affectum.* Editi libri, *repndatis*, quod subditivum est. Proba et vera lectio, *repræstatis*, nec ubique obvium verbum. Habes in *Pandectis Florentinis*, lib. XIX, tit. 1, de action., empt et vend. ; l. 17, Lucius : *Ita ut si non integras (materias) repræstaverit.* Ubi vulgo : *Ita ut si non integras præstiterit.* Item, lib. XXXV, tit. 1, ad SC. Trebell., l. 22, *Mulier : Decrevisse divum Marcum refert fideicommissum eis repræstandum.* Utroque loco Cujacius, lib. III *Observat.*, cap. 15, corrigebat, *repræstaverit.* Sed lib. XIII *Observat.*, cap. 35, retractat suam correctionem, et retinet, *repræstat.*

(135) *Vestimentorum autem meorum sit ista divisio.* Baronius, tomo III, anno Christi 358, Liberii papæ 7, Constantii imp. 22, ait : « Sed et qui fidem catholicam suis tantopere commendavit, ejus defensores gloriosissimos confessores voluit suis exuviis honorare, dum ad testamentum fidei ejusmodi apposuit codicillum. »

(136) *Quod novum ipse detulerat.* Baronius, anno Christi 328, Sylvestri papæ 15, Constantini imp. 32, existimat Athanasium, cum tertius ejus episcopatus annus agebatur, visitasse ecclesias Ægypti, Alexandrinæ subjectas ecclesiæ. Assertit porro, quod tunc simul Antonium visitavit, ad eumque benedictionis gratia duo pallia attulit, quorum altero, ut auctor est sanctus Hieronymus (*Hier., in Vita Pauli*), Pauli primi eremitæ corpus, cum ex hac vita migrasset, ejus rogatu, festine allatum involvit ; alterum idem Antonius moriens, eidem qui dederat Athanasio ultimo legavit elogio, dicens : « Meloten et pallium tritum, cui superjaceo, Athanasio episcopo date, quod novum ipse detulerat. » Cum vero illud ab eo ad se allatum, non missum, dicat, plane significat Athanasium sanctum Antonium visitasse, nec ipsam modo, sed et monachos ejus discipulos, ecclesias atque monasteria in eremo posita, episcopali munere perlustrasse.

(137) *Serapion episcopus.*] Thmuesos videlicet in A omni Romanorum palmata potior. Nunc Athanasius Antonii legatarius in exuviis Antonii. Antonium amplectitur.

(138) *Mortem lætus aspexit.*] Baronius, t. III. anno Christi 358, Liberii papæ 7, Constantii imp. 22. « Hoc eodem, inquit, anno, sanctus ille toto orbe conspicuus, Antonius Magnus, xvi Kal. Febr., ex hac vita in cælum migravit, cum jam quintum supra centesimum vixisset annum. Hæc quidem cum Athanasius, tum Hieronymus affirmat in Chronico. »

Sed inemendato Chronico usum Baronium, dixi in præludiis ad hanc Vitam. Emendatum Chronicon obitum Antonii ponit anno 19 Constantii, cui pro vario cuiusque calculo varius Christi annus assignatur. Vide in dictis præludiis.

(139) *Servaverunt mandata discipuli.*] Baronius, supra: « Sepultus est autem, ait, Antonius incognito loco, ea nimirum ex causa, quod id ipsemet præcepisset, ut sanctus Hieronymus testatur in Hilarione (*Hieron., in Vita Hilarion., c. 26*); ne scilicet Pergamius quidam, ipsius studiosissimus, qui in illis locis ditissimus erat, sublato ad villam suam sancti corpore, martyrium fabricaret; non enim tanti se meriti esse rebatur, ut æqualem sanctis in terris honorem sibi impertiri vellet.

Verum quantumlibet id magnis contestationibus discipulos suos admonens fuerit consecutus, ut corpus suum mandaretur occulto loco sepulcro, haud tamen voluit prohibere quin honoris sanctis et Deo dilectis impertiri soliti particeps fieret, ut nempe natalis ejus migrationis dies, ex antiquo Ecclesiæ more, pervigilio et sacris cæteris ritibus coleretur. Nam de sancto Hilarione scribit Hieronymus, quod cognito, licet longe absens, Antonii obitu, illuc magno labore se contulit, ea nimirum ex causa, ut anniversariam illius dormitionis diem, eodem in quo defunctus erat loco, præviis nocturnis vigiliis celebraret: quod pium officium cum cæteri in Ægypto catholici, tum etiam universa Ecclesia catholica præstare hactenus non prætermisit. » Vide ad caput 26 Vitæ sancti Hilarionis.

(140) *Lætante per vestimentum recordatur imaginem sanctitatis.*] In Vita sancti Pauli primi eremitæ habes quam grata Antonio fuerit palmea Pauli vestis,

omni Romanorum palmata potior. Nunc Athanasius Antonii legatarius in exuviis Antonii. Antonium amplectitur.

(141) *Æqualitatem propositi tenens.*] Sequentia omnia de integritate corporis sancti Antonii habes ex hoc Athanasii scripto expressa apud beatum Ephræm, supra in elogiis. Ubi Vossius ejus interpres videtur in vitiosum Codicem incidisse, dum vertit: *aut si forte pedes aqua tingeret, pro, nec pedes lavit.* Omittitur quoque apud Ephræm de dentium numero ad extremum usque servato.

(142) *Quem nec librorum disseminatorum oratio luculenta.*] Petrus Damianus, libro vi, epist. 17, ad Arprandum monachum: « Antonius non rhetoricatur, sed toto conspicuus orbe, litteris, ut ita dicam, vitilibus legitur. » Quem vide egregie de stulte doctis, et sapienter indoctis pertractantem.

Baronius, tom. III, anno Christi 358, Liberii papæ 7, Constantii imp. 22, ait: « Licet de Antonio sanctus Athanasius tradat, nequaquam eum claruisse scriptorum librorum memoria multas tamen ex munere constat scripsisse epistolas, patria lingua; ex quibus septem in Græcum translatas fuisse, auctor est sanctus Hieronymus (*Hieron., de Script. Eccles., c. 88*). Vide præludia ad hanc Vitam.

(143) *Quæ urbium caput post Romæ.*] Vide aureolos Lipsii libros De magnitudine Romana.

Atque hæc nunc ad Vitam sancti Antonii dicta sufficient: cuius mortem etiam elementa ipsa clauso cælo luxere, teste Hieronymo (*Hier., Vitæ Hilar. c. 27*): « Porro jam triennium erat, quod clausum cælum terras illas arefecerat, ut vulgo dicerent Antonii mortem etiam elementa lugere. »

In Coloniensi editione post Vitam Antonii addebatur exemplum de divi Antonii insuperabili castitate, ex Germanico libro excerptum, quod quia in nullo manuscripto libro reperi, et fabulam potius præfert, omittendum duxi.

Quem hic epilogum Evagrii, interpretis nomine habes, suggestit unus e Ms., quanquam vereor ut Evagrii nomen ægre tueri possit; maxime si cum prologo comparetur.

OCTOBRIS XXI.

VITA SANCTI HILARIONIS, MONACHI

AUCTORE DIVO HIERONYMO PRESBYTERO.

(*Hujus Vitæ textum legere est Patrol. tom. XXIII, col. 29. Illuc igitur lectorem revocantes Rosweydi notationes hic tantum recudimus.*)

ROSWEYDI NOTATIO.

☉ *Hilarionis.*] Martyrologium Romanum, 21 Octobr. « In Cypro natalis sancti Hilarionis abbatis, cujus vitam virtutibus atque miraculis plenam sanctus Hieronymus scripsit. » Menologium Græcorum eodem die: « Commemoratio sancti Patris nostri Hilarionis. » De quo fusius in Menæis eodem die. Ubi Μεγας, Magnus nominatur, ad distinctionem puto aliorum. Nam 4 Maii habetur Hilarion Thaumaturgus. 28 Martii Hilarion Junior, abbas monasterii Pelecei. 6 Junii Hilarion Junior, abbas Dalmatarum.

De hoc nostro Hieronymus, epist. 13, ad Paulinum: « Beatus Hilarion cum Palæstinus esset, et in Palæstina viveret, uno tantum die vidit Jerosolymam, ut nec contemnere loca sancta propter viciniam, nec rursus Dominum loco dividere videretur. » Sozomenus quoque, libro v Histor. Ecclesiast., cap. 14,

describit Alaphionem avum suum ab Hilarione Christi nomine invocato a dæmonio liberatum. Quod utrumque Hieronymus hic in Vita non attingit.

De hoc eodem Hilarione Sozomenus, libro III, cap. 13, et lib. v, cap. 9; Nicephorus, libro IX, cap. 15, et libro X, cap. 8, et libro XI, cap. 29. De eodem breviter Petrus Damianus, lib. vi, epist. 17: « Hilarion Platones et Pythagoras projicit, unoque contentus Evangelio, in sepulcrali se cellulæ antro concludit. Sed ecce dæmonibus imperat, quem philosophorum studia non exornant.

Vitam hanc Hilarionis ex Latino textu Hieronymi in Græcam linguam transtulit Sophronius, ut testatur ipse Hieronymus catalogo illustrium Ecclesiæ Scriptorum, cap. 134. Exstat inter Vitas Metaphrastes nomine editas a Lipomano Hilarionis Vita e

Græco per Gentianum Hervetum translata. Sed ea Sophronii nomen non præfert. Accepi eam Græce Parisiis beneficio Sirmondi nostri, ubi nullus vel auctor vel interpres assignatur. Existimo tamen eam esse quam Sophronius ex Hieronymi textu vertit. Eodem enim ordine procedit; etsi in quibusdam subinde variet, et quædam etiam addat.

Nonna *.] Hanc allocutionem seu salutationem ante *Scripturus* præmittunt veteres editiones, et quidam manuscripti. De *Nonna* vide Onomast.

Asella.] Ad Asellam habet epistolam divus Hieronymus, tomo II, epist. 99. De ejusdem laudibus habes apud eundem, tomo I, epist. 15, ad Marcellam. Ejusdem quoque idem meminit tom. III, epistola 114, ad Principiam.

Eorum enim qui fecere virtutes, etc.] Mira hic differentia tum Editorum, tum Manuscriptorum. Quidam: « Hujus namque conversatio et abstinencia, ac præclara dona mirabilium, quæ operatus est (ut ait Crispus) tanta ac talia habentur, quantum ea vel ex parvulis verbis potuere extollere cujuscunque præclara ingenia. » Alii ut expressi. Crispus in Catilinario: « Eorum qui ea fecere virtus tanta habetur, quantum verbis ea potuere extollere præclara ingenia. » Quem etiam æmulatur Flavius Vospiscus in Probo: « Certum est quod Sallustius Crispus, quodque M. Cato et Gellus historicæ sententiæ modo in litteras retulerunt: omnes omnium virtutes tantas esse, quantas videri eas voluerunt eorum ingenia, qui uniuscujusque facta descripserint. »

Alexander Magnus.] Expressum ex Flavio Vospisco in Probo: qui superioribus subnectit: « Inde est quod Alexander Magnus Macedo, cum ad Achillis sepulcrum venisset, graviter ingemiscens: Felicem te, inquit, juvenis, qui talem præconem tuarum virtutum reperisti; Homerum intelligi volens, qui Achillem tantum in virtutum studio finxit, quantum ipse valebat ingenio.

Quem vel arietem vel pardum, etc.] Rosweyodus edidit *as loco arietem*, sicque hunc locum annotavit. Edr. — *Quem vel æs, vel pardum, vel hircum caprarum*.] Ne mirere, lector, de lectionis novitate. Vetus est lectio, quam exhibeo, ex manuscriptis deprompta, qui *æs*, et non *arietem*, exhibent. Et vero ea lectio et sacris Litteris, et Hieronymianæ menti respondet.

Nam quod habetur Danielis cap. II, v. 32, de statua: *Venter et femora ex ære*. Et v. 39: *Regnum tertium aliud æreum*; Hieronymus in commentario interpretatur de Alexandro et regno Macedonum.

Quod vero habetur Danielis cap. VII, v. 6 *Et ecce alia (bestia) quasi pardus*, idem Hieronymus de regno Macedonum interpretatur, de quo, inquit, in statua legitur: *Venter et femora ejus ex ære*.

Quod autem Daniel habet cap. VIII, v. 5: *Ecce autem hircus caprarum veniebat ab Occidente*, angelus Gabriel interpretatur, v. 21: *Hircus caprarum rex Græcorum est*. Et ibidem Hieronymus: « Hircus caprarum Alexander est rex Græcorum. »

Editores, quia sequebatur de pardo et hircu, existimaverunt et tertium animal hic jungendum; quare *æs* in *arietem* verterunt. Sed Daniel et Hieronymus per *arietem* non Alexandrum Magnum, sed Darium regem Persarum et Medorum intelligunt.

Epiphanius.] Hujus epistola de laude Hilarionis hodie, quod sciam, non exstat. De hoc Sozomenus libro VI, cap. 32: Ἐπιφάνιος δὲ ἀμφὶ Βηθανδοῦσιν μὴν κώμην, ἔθεν ἦν, Νόμου Ἐλευθεροπολείως ἐπίσκοπος. Epiphanius autem circiter Besanducem vicum, in Nomo Eleutheropolitano situm, vitam monasticam exercuit. » Eadem apud Nicephorum lib. XI, capite 39. De Epiphanio et Hilarione se invisentibus habes apophthegma apud Pelagium, libell. IV, n. 15.

Qui olim detrahentes Paulo meo.] Vide dicta ad Vitam Pauli in Præludivis n. 4.

* Vide Patrol. tom. XXIII, col. 29, not. b. Edr.

Thabatha.] Veteres editiones *Thabacha*. Ms. Sancti Floriani *Thauthac*. Sozomeno, lib. III, capite 14: Θαθαθὰ, alias Θανατά. Nicephoro, libro IX, cap. 15, *Thabasa*.

Gaza.] Palæstinæ urbs notissima.

Rosa ut dicitur de spinis floruit.] Græce est Ῥόδον ἐξ ἀκανθῶν, τὸ τοῦ λόγου. Proverbialis forma. Ammianus, lib. XVI de Euthero eunucho: « Sed inter vepres rosæ nascuntur, inter feras nonnullæ mitescunt.

Majuma.] Emporium Gazæ hic dicitur Hieronymo, quod Ptolomæo et Sozomeno, libro V, capite III, ἐπίγειον Γαζαίων, *Gazeorum navale*, in Palæstina, viginti stadiis a Gaza distans.

Et pelliceum habens ependyten.] In Vita Antonii, cap. 23: « Lavit ependiten suum. » Vide ibi, ad n. 55. Joannes Andreas, epistolarum Hieronymi vetus editor, post *ependyten* in Vita Hilarionis addit, et *eraciestem*; cujus loco apud Adonem, in Martyrologio, 21 Octobris habes, et *tenallem*. De quibus inquiremus in Onomastico.

Inter mare et paludem vasta solitudine.] Sic et infra, cap. 8 de latronibus *inter mare et paludem* discurrantibus. Plura de cremis et solitudinibus in Onomastico.

Caricas.] Sunt *caricæ* Plinio, libro XIII, cap. 5, ex ficorum genere, quas Syriæ esse peculiare ait. Casianus, collat. VIII, cap. 1, *caricas* inter eremitarum edulia refert. Supra, in Vita sancti Pauli eremita, cap. 5, *quinque caricis per dies sustentabatur*.

Fiscellas.] Manuscripti quidam et veteres editiones addunt, *hoc est sportellas*. Sit interpretationis vice. Est enim *fiscella* viminea sporta ad varium usum.

Agitator.] Editi plerique, *gladiator*. Male. Quod irrepsit, quia præcessit de gladiatorum pugna. Cicero, Academica IV: « Ego enim ut agitator callidus, priusquam ad finem veniam, equos sustinebo. »

Carice.] Editi quidam addunt, *id est, herba agresti et spinosa*, quod aut dubie ex marginali interpretatione in textum irrepsit. Est enim juncti genus acuti et durissimi, simile sparto.

Impeligne.] *Impeligo* infectio est et asperitas summæ cutis cum non levi pruritu. Quæ Lucillio libro XXX Satyr. *depeligo* dicitur. De remediis contra eam vide Plinium, lib. XX, cap. 19, et libro XXII, cap. 25, et lib. XXIII, in proœm., et cap. 7.

Eleutheropolitana.] Eleutheropolis, Palæstinæ urbs, inter Jerosolymam et Ascalonem, utrinque fere unius diei itinere dissita.

Aristænete Elpidii, qui postea præfectus prætorio fuit, uxor.] Infra, cap. 23: « Aristænete illa, cujus supra fecimus mentionem, prælecti uxor. » De Elpidio Ammianus, libro XXI: « Inter tot urgentia Hermogene defuncto, ad præfecturam promovetur Elpidius, ortus in Paphlagonia, aspectu vilis et lingua, sed simplicioris ingenii, incruentus et mitis. »

Hemilitræo.] Coloniensis editio addit (*morbo videlicet imperfectæ febris tertianæ*) quod prioris glossæ est. Frequens hoc Græcum vocabulum etiam apud Latinos scriptores. Vide Onomasticon.

Et idolum Marnas corruat.] Hieronymus, epist. 7, ad Lætam: « Jam et Ægyptus Serapis Christianus factus est, Marnas Gazæ luget inclusus, et eversio-nem templi jugiter contremiscit. » Idem, in caput XVII Isaia: « Serapium Alexandria, et Marnæ templum Gazæ in ecclesias Domini surrexerunt. »

Sancti manus deosculati sunt.] Et manus et pedes sanctorum virorum, martyrum, episcoporum, sacerdotum osculabantur olim Christiani venerationis ergo. Vide Onomasticon.

Rhinocorura.] Hieronymus, de locis Hebraicis: « Rhinocorura civitas Ægypti, cujus meminit Isaïas. Sciendum autem quod hoc vocabulum in libris Hebraicis non habetur, sed a LXX Interpretibus propter notitiam loci additum est. Quod in libro He-

braicorum nominum diximus.» Idem, in caput xxvii A
Isaïæ : « Pro torrente Ægypti, LXX Rhinocoruram
transtulerunt, quod est oppidum in Ægypti Palæ-
stinæque confinio, non tam verba Scripturarum quam
sensum verborum exprimentes. »

Ailæ.] Vetus editio *Achile*. Hieronymus, de locis
Hebraicis : « Ailat in extremis finibus Palæstinæ
iuncta Meridianæ solitudini, et mari Rubro : unde
ex Ægypto Indiam, et inde ad Ægyptum navigatur.
Sedet autem ibi legio Romana cognomento Decinia;
et olim quidem Ailat a veteribus dicebatur, nunc
vero appellatur Aila.

Adversus Gazensem duumvirum.] Erant duumviri
in municipiis instar consulum. Ad hos editio Circen-
sium spectabat, quæ refertur inter personalia mu-
nera, libro I, D, tit. 4, de muner. et honor., leg. 1,
ubi habes, *equorum Circensium spectacula*. Gaza
autem municipium erat, unde Hieronymus Italicum
municipem vocat.

Conso quasi consiliorum Deo.] Cyprianus, lib. de
Idolor. vanitate, cap. 2 : « Consus, quem Deum frau-
dis, velut consiliorum Deum, coli Romulus voluit,
postquam in raptum Sabinarum perfidia provenit.»
Idem, libro de Spectaculis, cap. 4 : « Romulus Conso
quasi consilii Deo, ob rapiendas Sabinas, Circenses
primus consecravit. » Quæ expressa sunt ex Tertul-
liani libro de Spectaculis, cap. 5. « Quanquam et
Consualia Romulo defendunt, quod ea Conso dica-
verit. Deo (ut volunt) consilii. » Augustinus, libro IV
de Civ. Dei, cap. 11 : « Ipse sit et Deus Consus, præ-
bendo consilia. » Varro, de L. L. libro V : « Consua-
lia dicta a Conso, quod tum feriæ publicæ ei Deo,
et in Circo ad aram ejus a sacerdotibus fiant ludi
illi quibus virgines Sabinæ raptæ. »

Scyphum fetilem.] Isaacus Casaubonus ad Spar-
tiani Julianum, post dicta quædam de εἰσοπτομαν-
τικῆς speciebus ὑδρομαντεῖα, κυλικομαντεῖα, et aliis :
Mīratus sum, inquit, persæpe antiquissimum mona-
chum Hilarionem, conclamatissimæ virtutis virum,
cum in Christi nomine miraculum esset editurus,
curiosorum hominum artes hoc genus esse æmula-
tum. Historiam narrat Hieronymus. Eadem in Græ-
corum Martyrologiis fuisse descripta. Unde hæc pauca
hic descripsimus : 'Ο δὲ Ἰλαρίων τοὺς παρόντας δυσ-
ωπηθεῖς, εὐθέοντο γὰρ καὶ αὐτοὶ μὴ περιδέειν οὕτως ἔχοντα
τὸν Ἰταλικόν (Christianus hic erat, qui in ludicro Circen-
si victus a contraria factione, non equorum vir-
tute, sed magicis artibus, opem ab Hilarione flens
petierat) πλησθῆναι κελεύει τὸ ποτήριον ὕδατος, ἐν ᾧ
πίνειν αὐτῷ σύνθετος (δοσράκου δὲ ἦν), καὶ εἰς γείρας
τῷ Ἰταλικῷ ἐντεθῆναι. Τοῦτο λαβὼν ἐκεῖνος, ὁμοῦ τοῦς
τε ἵππους καὶ τὸν ἵππωνα, καὶ δὴ καὶ αὐτοῦς μετὰ τῶν
ἀρμάτων τοὺς ἠνιόχους ἐνοπτρίζεται καθαρῶς ἐν τῷ ὕδατι
δεδεμένοι δὲ πάντες ἦσαν γοητεῖα τῶν ἐναντίων. Τοῦτο ἰδὼν
καὶ Θεῷ γάρον ὁμολογήσας καὶ Ἰλαρίωνι, αὐτίκα μὲν εἰς τὸν
οἶκον ἐπανήκει· λαβὼν δὲ ἐκείνου τοῦ ὕδατος, οὗ ἐν τῷ
ποτηρίῳ ἵππους πεπεδημένους εἶδε, διαβρᾶναι πάντας·
εἶτα καὶ τῷ σεβασμίῳ τοῦ σταυροῦ τύπῳ ἐπισφραγίζει·
καὶ ἀπ' ἐκείνου μεταβαίνει μὲν ἐπὶ τὸν Ἰταλικόν ἢ νίκη,
αἰσχρὴν δὲ λαμβάνει τοὺς ἀντιπάλους ἐσγάτη. Quis
neget κατοπτομαντείας his verbis describi illam spe-
ciem quæ cum aqua et cyatho perficiebatur? Hactenus
Casaubonus.

Imo vero quis non neget, hic ullam κατοπτομαν-
τείας esse speciem, cum ea non nisi malo dæmone,
maloque carmine et diabolica pactione perficiatur?
Sed quem Græce dedit locum Casaubonus, ante Latine
ex Herveti versione dabo : « Hilarion reveritus
eos qui aderant (nam ipsi quoque rogabant, ne des-
piceret sic ~~S~~ affectum Italicum), jubet aqua im-
pleri poculum, in quo ipse solitus erat bibere (erat
autem testaceum) et poni in manus Italici. Id cum
ille accepisset, simul et equos et stabulum, quin
etiam ipsos quoque aurigas cum curribus in aqua pure
aspicit : erant autem omnes ligati præstigis adversa-
riorum. Hoc cum vidisset, et Deo egisset gratias
et Hilarioni, statim quidem domum revertitur ; illa

autem aqua accepta, quos in poculo vidit equos im-
peditos, omnes aspergit, deinde etiam veneranda
signat crucis figura. Et ab illo quidem tempore vi-
ctoria transit ad Italicum, summo autem dedecore
afficiuntur adversarii. » Quis hic dæmon invocatur?
quod malum carmen occentatur? quæ diabolice
fraudes adhibentur, ut Hilarion dici possit curiosorum
hominum artes æmulatus? Fors erit ut malevolus
Casaubonus prophetiam per *Urim et Thummim*, quæ ex
splendore lapidum Rationis colligebatur, ex multorum
sententia, ad κατοπτομαντείας referat.

Quid? Hilarion maleficio solvat dæmonum male-
ficia, qui hic apud divum Hieronymum, cap. 4,
« contra dæmonum ludibria Christi crucem signavit
in fronte? » Sed et ipse Italicus protestatur, apud
Hilarionem, non esse Christiani hominis, « uti mag-
icis artibus, » atque ideo ad eum se confugisse ; et
iis tamen utatur Hilarion? Addo, « quod noluit Sanctus
antequam purgaret (a dæmone) virginem vel
adulescentem, signa jubere perquiri, ne aut solitis
incantationibus recessisse dæmon videretur, aut ipse
sermoni ejus accommodasse fidem. » Et hic diabolo
diabolum pellat.

Non ita vere Christiani, qui inimica potius scientia
quam socia conscientia dæmones pellere, maleficia
solvere sueti. Tertullianus, libro de Anima, capite
57 : « Ratio fallaciæ (magicæ) solos non fugit Chris-
tianos, qui spiritalia nequitiæ non quidem socia
conscientia, sed inimica scientia novimus : nec in-
vitoria operatione, sed expugnatoria dominatione
tractamus multiformem luem mentis humanæ, totius
erroris artificem, salutis pariter animæque vastatorem. »
Augustinus, lib. x de Civ. Dei, c. 22 : « Vera
pietate homines Dei aeream potestatem, inimicam
contrariamque pietati, exorcizando ejiciunt, non
placando : omnes tentationes adversitatesque ejus
vincunt orando non ipsam, sed suum Deum adver-
sus ipsam. » Et cap. 21 ait : « Heroas martyres non
supplicibus donis, sed virtutibus divinis Heram et
aereas potestates superasse. »

Sed maluit videlicet hæreticus Hilarionem videre
maleficum quam beneficum, apostaticum quam apo-
stolicum, malum ethnicum quam bonum Christianum.
Mirum, ni et Christum magum facturus sit, qui
sputo curandis oculis usus, quia crebra veteris super-
stitionis in magicis desputatio.

Fuerit igitur aqua scyphi fitilis ab Hilarione vel
cruce signata et benedicta, quo modo benedictum ab
eodem panem et oleum non unus in medelam accepit,
teste divo Hieronymo ; vel certe ab Hilarionis
poculo, quo ipse uti solitus, omnis aquæ vis, qualia
exempla non pauca existant apud Hagiologos.

Joannes Savaro, ad carmen xliii Sidonii, locum
hunc Hieronymi de Hilarione adducens, notat aqua
aspersos equos, ut scilicet equi Neptuno sacra aqua
Neptuno sacra pertusi, in Circo velocius currebant.
D Quod nollem viro magno excidisse. Quid enim? Vel
aqua hæc magica vi equos incitavit, aut naturali. Non
magica, ut clare contra Casaubonum monstravi; non
naturali; nec enim irrisisset adversarius, et qui dia-
bolum in Circensi studio consulebat, non opinor
idem naturale beneficium repudiasset. Imo quid ne-
cesse erat stabulum, rhedam, carcerumque repagula,
et aurigas eadem aqua aspergere, quæ nihil ad equorum
cursum conferebant? Fuit, fuit divina vis aquæ
ab Hilarione ejusque poculo consecratæ, quæ omne
maleficium a stabulo, rheda, carceribus, aurigis,
equis arceat. In hunc enim finem subsidium petebat
Italicus. Nec communi aquæ ea vis. Vide Onomasticon
in *Aqua*.

*Portenta quædam verborum, et portentosas figuras
sculptas in æris Cyprii lamina.*] Aliquando ære, ali-
quando plumbo, ad verba et figuras insculpendas usi
venefici et magi. Tacitus, *Annal.* II : « Reperiebantur
solo ac parietibus erutæ humanorum corporum reli-
quæ, carmina, et devotiones, et nomen Germanicæ

plumbeis tabulis insculptum, semiusti cineres, ac A tumquia illi mansionibus præerant, l. XII C. Theod., tabe oblitio, aliaque maleficia. »

Qui licio et lamina strictus teneris.] Ovid. lib. I Amor., eleg. 8 :

Scit bene quid gramen, quid torto concita rhombo
Licia, quid valeat virus amantis equæ.

Simili arte apud Synesium, epist. 121, ad Anastasium hydrocomeam, Ulysses Polyphemo persuadere conatus est se Galateam ei conciliaturum : 'Αλλ' ἐγὼ τοι καὶ ἐπωδὴς οἶδα, καὶ ἐρωτικῆς καταπύργας, αἷς οὐκ εἰκόσ' ἀντιστεῖν οὐδὲ πρὸς βραχὺ τὴν Γαλάτειαν. « Et enim ego cantiones quasdam scio, et nexus et amatorias illecebras, quibus vel tantillum Galatea resistere non potest. » Atque has vocat *artes pravas* Ammianus, libro xxviii, quibus usum Marinum causarum defensorum narrat : « Quem ut ausum Hispanilla cujusdam artibus pravis affectasse conjugium, transeunter judiciorum fidediscussa, supplicio lethali damnavit. »

Ut servarem eam.] Vide Serarium nostrum in cap. vi Tobia, quæstiuncula 1, ad v. 14 ubi agit de Asmodæo, quomodo in Græco textu dicatur *Saram amasse*.

Qui te mittebat.] Vide Delrium nostrum, tom. II Disquis. Magic., lib. II, parte I, q. 4, section. 7, ubi disputat, an malefici possint et soleant alios devovere, et dæmoni quasi mancipare. Vide et Tyræum nostrum, parte I disput. de dæmoniac., capite 16.

Amoris dæmonem.] Certi dæmones certis vitiis dominantur. Infra : « Habebat enim senex hanc gratiam, ut sciret cui dæmoni, vel cui vitio subjaceret. » Vita Antonii, capite 4 : « Hinc et spiritus fornicationis vocor. » Ibidem notata vide.

Noluit autem sanctus, etc.] Hoc loco persuasus Joannes Hessels a Lovanio, prælect. in librum iv Sent., censuit non licere maleficii signum destruere, ut diabolus nocere desinat. Sed receptior est contraria sententia, quam fuse probat Delrio noster, Disquisit. Magic. tomo III, libro vi, capite 2, sect. 1, q. 3, qui ad exemplum illud sancti Hilarionis respondet, duntaxat probare, quod qui Hilarioni sanctitate et dono miraculorum sunt similes, aut quando ali-quod scandali vel superstitionis augendæ subest periculum, debeant id facere, quod ad majorem Dei gloriam tendit, ut est, dæmonem oratione ejicere ; non vero probat quod, eo periculo cessante, aut quando quis non est certus de dono miraculorum (ut hodie certi nulli sunt in his partibus ubi fides propagata), ☉ non liceat illi uti remedio, quod ad manum est, et experientia frequenti comprobatum novit. Metuebat autem divus Hilarion, non, ne dæmon hoc pacto solitis incantationibus recederet, sed ne populo videretur iis recessisse ; imo neque hoc simpliciter verebatur, sed alternativa ; vel hoc, vel ne videretur ipse dictis diaboli fidem habuisse, qui negabat aliter se expelli posse, nisi signo prius ablato. Quod falsum erat, ut divus Hilarion ostendit. Et quia sponte ingressus, sponte remanebat, nec eum cogendi vim ullam magica illa signa obtinebant.

Candidatus Constantii imperatoris.] Varia *candidati* significatio ; sed hoc, opinor, loco unus e scholarium numero, qui ob corporis proceritatem ad tutelam principis eligebantur. Vide Onomasticon.

Evectionem.] Significat *evectio* cursus publici exhibitionem. Augustinus epist. 55 : « Zenobius magister memoriæ factus est, et misit nobis *evectionem* cum annonis. » Vide Onomasticon.

Consularem.] Proprie loquitur. Nam Palæstinæ provincia habebat *consularem*. De quo consule Notitiam Orientis.

Decurionibus.] In municipiis et coloniis *decuriones* consilio publico præerant, et suæ curiæ quasi senatores erant, lib. x, c. de *decurion.*, l. 32, quibus gravia incumbant munia. Existimo Constantii *candidatum* in *profectione sua decurionibus* commen da-

tumquia illi mansionibus præerant, l. XII C. Theod., de decur.

Manuque eis benedicens.] Infra, Elusates *Barech*, id est, *Benedic* Hilarioni inclamabant. Non hominibus tantum, sed et rebus inanims sancti benedicebant. Infra, hic : « In sublimi stans benedixit vineæ. » Et alibi : « Ut benedictum ab eo panem vel oleum acciperent. » Et alio loco : « Benedicto itaque oleo universi agricolæ atque pastores tangentes vulnera, certam salutem resumebant. »

Desertum Cades.] Psalmo xxviii : *Concutiet Dominus desertum Cades.* Videdivum Hieronymum, in cap. XLVII et XLVIII Ezech.

Elusam.] Græce, Λούσαν. Est Elusa oppidum Idumææ Ptolomæo. Alii ponunt in Palæstina II, alii in Palæstina I. Alia est Eluza Galliæ Narbonensis.

Colunt autem illam ob Luciferum.] Hieronymus in cap. v Amos : « Luciferum hucusque Saraceni venerantur. »

Quam futuræ Ecclesiæ lineam mitteret.] Mittere lineam ad agnoscendum speciem dictum. Volunt expressum ex Plauti *Mostellaria*. Sed ibi longe alia significatio. Ne quid dissimilem, manuscripti et veteres editiones habent *limitem mittere*, quæ fors verior lectio a Finitoribus desumpta. De utraque lectione fusius in *Onomastico*.

Ut erat coronatus.] Ex veteri sacrificantium ritu, quo sacerdotes erant coronati. Tertullianus, de Corona militis, cap. 10 : « Ipsæ denique fores, ipsæ hostiæ et aræ, ipsi ministri et sacerdotes eorum coronantur. » Plinius, lib. xvi, cap. 4 : « Deorum honoris sacrificantes (coronam) sumpsere, victimis simul coronatis. » Et libro XXI, cap. 2 : « Inter sacra tantum et bellicos honores coronis suum nomen vindicantibus. »

Et digereret in schedula.] Siste, lector, et videsis versionem Herveti ex Græco *Metaphrastis* vel *Sophronii* : « Cum vero ad monasterium quoddam primum accessisset, quod dictum est *Scindula*. » Non erravit Hervetus, sed quod in Græco invenit, expressit : Μονῆ δὲ τινὶ τὰ πρῶτα παραλαβὼν ἢ τοῦ Σκινδουλῆ λελειπτο. Vel hinc colligas *Sophronium* hæc ex Latino Hieronymi textu Græce interpretatum. Ex *schedula* fecit *Scindulam* monasterium. Similem errorem errat infra Hoc ipso capite, ubi Hieronymus habet *monachi* nomen *Sabas*, *Sophronius* vertit τὴν τοῦ Ἰῶ μονῆν, *monasterium Iba*.

Præfecti tunc uzor.] In plerisque Mss. deest *tunc*, quod editi addunt. Tamen vel subintelligendum id esse, videtur colligi ex eo quod sequitur, *sed nihil de præfecti ambitu habens* ; quare tunc videtur præfecti uxor fuisse. Quanquam si Ammianum, horum temporum scriptorem, audimus, tunc nondum erat præfectus Elpidius. Potuit ergo Hieronymus eam præfecti uxorem vocare per anticipationem, quia postea præfecti uxor fuit *Aristænetæ*.

Et justitium.] Coloniensis editio *Sic* cum interpretatione, id est *omnium rerum intermissio, et quasi publicus luctus*. Male lectum *justitium* pro *exitium*. Inde glossema quoque substituti verbi in textum irrepsit.

Fallacem Dominum meum non facio.] Visio hæc explicatur hic, infra, de ethnicis monasterium Hilarionis invadentibus. De Hilarione a Gazensibus quæsitio refert etiam Sozomenus libro v, cap. 9. Meminit effrenis audaciæ Gazeorum, tempore Juliani imp., Nasianzenus, in vectiva priore in Julianum, quæ est oratio tertiam ; et Sozomenus, libro v, cap. 8 ; et Theodoretus, lib. III, cap. 6. Ambrosius, epist. 28 : « Incensæ sunt basilicæ Gazis tempore imperii Juliani. »

Bethelium.] Varia hic lectio, quæ a scriptis, quæ ab editis libris. Lectionem *Betheliam* adstruit Sozomenus, lib. v, c. 14, de parentibus suis loquens, qui πρῶτος Χριστιανὸς ἐγένοντο ἐν Βηθελίας κώμῃ Γαζαίης « primi Christiani effecti in Bethelia, pago ditioni Gazensium subiecto. » Idem, lib. vi, cap. 32, agens de discipulis Hilarionis : Ἐπιλοσόφου δὲ ἀμφὶ Βεθελίαν κώμην τοῦ Νομοῦ Γαζης.

« Circa Bethleam vicum in Nomo Gazensi vitam traduxere monasticam. » Idem Sozomenus, priori loco ait, quod Syris *Bethelia*. id Græcis Πάνθειον esse.

Dracontium.] Meminit hujus Athanasius apologia de fuga sua, quem ait ab Arianis in exilium pulsum una cum multis aliis collegis episcopis. Quem Baronius, anno Christi 356, Liberii papæ 5, Constantii imperatoris 20, illum esse putat ejus nominis virum quem ex monacho diu reuentem, ipse Athanasius adegit tamen ut episcopatus onus susciperet. Fuit Dracontius Ἐρμουπόλεως μικρᾶς, parvæ *Hermopolis* episcopus, ut habet Athanasius in epist. ad Antiochenses.

●● *Babylonem.*] Ægypti hic civitas Babylon, apud Athrebiticum fluvium in Letupolite Nomo. Alia in Assyria Babylon.

Philonem.] Et hujus apud Athanasium jam citata Apologia mentio. Baronius ad annum proxime citatum ait, ex Hieronymi testificatione prodi, Hilarionem invisisse Christi confessores (*Dracontium* et *Philonem*) anno qui sequitur Antonii obitum, qui contigit post sequentem annum, videlicet anno Christi 358, quo Baronius Antonii obitum ponit. Quare Hilarionem putatione Baroniana invisisset hos confessores anno Christi 359.

Sed omnino aliter temporum subducenda est ratio. Nam cum ex præludiis ad Vitam Antonii pateat eum obiisse anno Constantii imp. 19 et ex Vita Hilarionis, cap. 27, constat, non nisi triennio pene elapso Hilarionem ad montem Antonii perexisse, ut ejus ibi diem natalem celebraret; nam eo capite dicitur quod « triennium erat quo clausum cælum terras arefecerat, ut vulgo diceretur Antonii mortem elementa lugere. » Atqui immediate Hilarion a monte Antonii redibat. Constat quoque ex Vita Hilarionis, capite 25, quod cum ad montem Antonii pergeret, confessores Philonem et Dracontium inviserit; et dierum ibidem ratio, quos in itinere insumpsit, subducitur. Quare si initio anni 19 Constantii, Christi 355, Liberii papæ 4, obiit Antonius, Hilarion dicendus est confessores illos invisisse anno Constantii 22, Christi 353, sub finem videlicet ejus anni, cum jam 15 Januarii instaret natalis, ad quem celebrandum properabat.

Incertus auctor vitæ Athanasii varios cum Philone et Dracontio in exilium ejectives, post mortem Constantis imp., cum Georgius pseudoepiscopus secundo Ecclesiam Alexandrinam invaderet, commemorat. Καὶ γὰρ εὐθὺς ἀπὸ τῆς Αἰγύπτου καὶ τῶν Λιβύων, ἐξώρισαν μὲν ἐπισκόπους, Ἀμμωνίον, Μωΐον, Γάϊον, Φίλωνα, Ἐρμῆν, Πλάγιον, Ψηνόστριν, Λινάμωνα, Ἀγαθώνα, Ἀγαμόρον, Μάρκον, ἕτερον Ἀμμωνίον, καὶ Μάρκον, Δρακόντιον, Ἀδέλφιον, Ἀγαθηνόδορον, καὶ πρεσβυτέρους Ἰέρακα καὶ Διδύσκορον · καὶ οὕτω πικρῶς ἤλασαν, ὡς τινὰς μὲν αὐτῶν ἐν τοῖς ὄδοις, τινὰς δὲ καὶ ἐν αὐτῇ ὑπερορίᾳ ἀποθανεῖν. « Etenim statim ex Ægypto et Libya expulerunt episcopos, Ammonium, Moem, Caium, Philonem, Hermem, Plenum, Psenosirin, Linamonem, Agathonem, Agamphrum, Marcum, alterum Ammonium, et Marcum, Dracontium, Adelphium, Agathenodorum, et presbyteros Hieracem et Dioscorum; et tam acerbe eos expulerunt, ut quidam eorum in itinere, quidam vero in ipsa expulsionem sint mortui. » Quæ desumpta sunt ex ipsius Athanasii apologia de fuga sua; quæ etiam habes apud Metaphrastem, de Vita Athanasii; et apud Socratem, libro II, cap. 22, etsi nomina quædam apud diversos diversimode legantur. Nam Athanasius habet Μωΐον pro Μωΐον, et Πηλάμωνα pro Λινάμωνα, vel Λινάβωνα, et Ἀγαθόν, Ἀναγαμόρον pro Ἀγαθώνα, Ἀγαμόρον; Ἀθηνόδορον pro Ἀγαθηνόδορον.

Loca, in quæ singuli relegati sunt, habes apud Athanasium, in epistola ad solitariam vitam agentes: Ἀμμωνίον εἰς τὴν ἄνω Ὀασιν · Μωΐον δὲ καὶ Ψηνόστριν, καὶ Νειλάμωνα, καὶ Πλάγιον, καὶ Μάρκον, καὶ Ἀθηνόδορον, εἰς τὴν Ἀμμωνιακὴν, etc. Δρακόντιον μὲν ἐπίσκοπον εἰς τὰ Ἴσημα περὶ τὸ Κλύσμα, Φίλωνα δὲ εἰς Βαβυλῶνα, Ἀδέλφιον εἰς Ψίναβλα τῆς Θρηβαίδος, Ἰέρακα τε καὶ Διδύ-

σκορον τοὺς πρεσβυτέρους εἰς Σοῖνην ἐξώρισαν. « Ammonium in superiorem Oasim: Muim, Psenosirim, Nilmona, Plenum, Marcum, Athenodorum in Ammoniacam: Dracontium episcopum in solitudinem eam, quæ circa Clysna est; Philona vero Babylonem: Adelphium in Psinabla Thebaidis; Hieracem autem et Dioscorum presbyteros in Soimem, exsilio relegarunt.

Aphroditon.] Aphroditis et Aphroditopolis quadruplex in Ægypto urbs in veteri Ægypti tabula apud Ortelium. Una juxta Athribin, in Delta, altera juxta Nilum in Heptanomia; tertia juxta Nilum in Thebaide; quarta apud Latopolim ad Nilum in Thebaide. Quæ hic intelligatur, dicam in Onomastico, ubi de eremo et monasterio Antonii.

Baisane. Hujus memoria nondum mihi alibi occurrit.

Dromadibus camelis.] Vetus editio. *dromedibus camelis.* Vide Onomastico.

Isaac et Pelusiano.] De his nihil dum reperi.

Ne Perganuis.] Occultari voluit Antonius corpus suum ex Christiana modestia et submissione, non ex contemptu reliquiarum, ut cavillantur hæretici. Notum quanta religione tunicam sancti Pauli primi eremitæ sibi vindicavit.

Martyrium fabricaretur.] Et sanctis confessoribus et martyribus ædes sacræ et martyria exstructa. Habes hic de confessore. De martyribus, Ammianus, lib. XXII: « Cineres projecit in mare; id metuens, ut clamabat, ne collectis supremis ædes iis exstruerentur ut reliquis, qui deviare a religione compulsi, pertulere cruciabiles pœnas, adusque gloriosam mortem intemerata fide progressi, et nunc martyres appellantur. »

Ad ulteriorem Oasim eremum.] Habes apud Ptolomæum, in Ægypto, *Oasim magnam et parvam.* Sed variant hoc Hieronymi loco et manuscripti et editi libri. Ms. Sancti Floriani: *Ad interius monasterium transiturus.* Vetus editio: *Ad interius monasterium Oasan transiturus.*

Gazenses cum licitoribus præfecti.] Male quidam editi, *profecti.* Intelligit præfectum Palestinæ, in qua Gaza, et lictores ejus præfecti. Quæ autem hic breviter narrat Hieronymus, paulo expressius habes apud Sophronium interpretem, vel Metaphrastem, qui auctores hujus inquisitionis Arianos et ethnicos facit: Ἐπεὶ δὲ Κωνσταντῖος μὲν σὺν τῇ ἀρχῇ κατέτρεψε καὶ τὸν βίον, Ἰουλιανὸς δὲ εἰς τὸν θρόνον τὸν βασιλικὸν εἰσεβάρη · ἀνοσιώτατα, ὃ δίκη καὶ ἀνογί, Θεοῦ καὶ θεσμῶ ἐσθελείας, ἅπερ ἐκεῖνος κακῶς ἐτυράννησε τῶν Γαζαίων ὅσοι Ἀρειανίζοντες ἔτι καὶ τὰ Ἑλληνικὰ τιμῶντες ἐπήργον κινεῖνται μεγάλῳ θυμῷ καὶ φροσύματι κατὰ τοῦ ὁσίου, καὶ πέμπουσι σὶ τινὰς τῶν ὁμοφρόνων παρὰ τὸ Βροῦγιον · ὥστε, κακοὶ αὐτὸν ἐσάτοις περιβαλεῖν. Οἱ δὲ ἀρικοῦμενοὶ λύκος ἦσαν, τὸ τοῦ λόγου, μάτην γανούν, πάλαι τοῦ ὁσίου τὴν ἐπιβουλὴν προειδότες, καὶ πρὸς τὴν Ἀῦσιν, ὡσπερ ἦδη καὶ ἐγνωρίσαμεν ἀρικοῦμενοί. Ἐκεῖνοι δὲ τὴν αἰσχύνην οὐκ ἐνεγκόντες, εἰς μεζονὰ τε διακαλονταὶ τὴν μανίαν, καὶ ἀναστρέψαντες παροξύνουσι τὸν ἀνοσιώτατον βασιλέα καταστραφῆναι μὲν εἰς αὐτῶν κρηπίδων τὴν ἐκεῖνου μονήν, καὶ τοὺς μονάζοντας πολλὰ πρότερον τιμωρηθέντας ἀπελαθῆναι, Ἰλαρίωνα δὲ καὶ Ἠσούγιον, ὅπου περ ἂν εὐρεθῶσι, τὰ βαρύτερα κολασθέντας, εἶτα καὶ αὐτῷ παραδοθῆναι θανάτῳ. Ἐλάνθανον δὲ, τὸ τοῦ λόγου, αὐτὸν διώκοντας εἰς νεφέλας, ἧ, τὸ τοῦ θεοῦ Παύλου, ἀέρα δέροντες ἡ τοξέουντες. « Postquam autem Constantius quidem simul cum imperio vitam finit, Julianus vero cum summa ●● pernicie invasit sedem imperatoriam, impiissima sunt (o Dei justitia, et patientia, et leges veræ pictatis!) quæ ille tyrannice exercuit. Quicumque ex Gazæis erant Ariani, vel in honore habebant falsam gentium religionem, magna ira et magno spiritu moventur adversus Sanctum. Et mittunt Bruchium quosdam ex iis qui eadem quæ ipsi sentiebant, utin extrema eum mala impellerent. Illi autem cum venissent, erant, ut dicitur, lupus hians temere, cum Sanctus jam diu ante eorum prævidisset insidias, et

jam Oasim venisset, ut prius diximus. Cum vero non ferrent dedecus, ad majorem accenduntur insaniam. reversi in eum, incitant impium imperatorem, ut ad fundamenta quidem usque everteretur illius monasterium, et monachi prius multis affecti suppliciis, expellerentur; Hilarion autem et Hesychius, ubicunque essent reperti, gravissime puniti, extremo deinde afficerentur supplicio. Nesciebant vero se, ut dicitur, aquilam persequi in nubibus; aut, ut divinus dicit Paulus (I Cor. IX), aerem verberare aut in eum ejaculari.

Baronius tomo IV, anno Christi 362, Liberii papæ 11, Juliani imp. 2. Quod, ait, tanto studio iidem (Gazenses) ejus necem expetiissent; ea potissimum causa intercessit, nimirum quod idem sanctus Hilarion apud eos agens insignia cum miracula edidisset, uno ex illis in theatro facti perspicuo, ab omnibus fuerat acclamatum, Marnam Gazensium deum esse superatum a Christo.

Cæterum adeo furens fuit Gazensium in Christianos persecutio, ut non tantum Hilarion cogeretur captare fugam, sed et alii omnes qui degebant in eorumdem Gazensium ditione fuga pariter atque lateribus sibi consulere sint coacti. Nam de majoribus suis hæc Sozomenus posteris commendavit: « Hujus fugæ cum alii plures meorum majorum, tum avus meus particeps fuit (Sozom., lib. v, c. 14), » etc.

Ad Maritimam urbem Libyæ Paratonium.] Ægypti urbs. Florus, libro IV, capite 11, Paratonium et Pelusium duo cornua Ægypti vocat.

Scutarius quidam.] Græce, nomine Scutarius. Sed existimo potius scutarium hic ab officio dici. Suetonio Augusto, cap. 56: « Adfuit et clientibus, sicut scutario cuidam, evocato quondam suo. »

Hesychius.] Sozomenus, libro III, c. 13 Hesycam vocat. Sic et libro VI, cap. 32: « Ἡσυχᾶς ὁ Ἰακρίωνος ἑταῖρος ἐπιλοσόφησε δὲ, οὗ καὶ ὁ διδάσκαλος. » Hesychas eo ipso in loco, in quo magister ejus vitam egit monasticam. » Eadem apud Nicephorum, libro XI, c. 39.

Methonæ.] Methone est Messeniæ urbs maritima in Peloponneso.

Vitia populis scruta vendente.] Ex Horatio expressum, epistolarum libro I, epist. 7:

Vitia vendentem tunicato scruta popello.

Ad Epidaurum Dalmatiæ oppidum. Recte Dalmatiæ additum, quia et aliæ duæ Epidauri in Peloponneso.

Boas vocant.] Isidorus, libro XII Orig., cap. 4: « Boas anguis Italiæ immensa mole, persequitur greges armentorum et bubulos, et plurimo lacte irriguis uberibus se innectit, et sugens interim, atque inde a boum populatione Boas nomen accepit. » Quæ adumbrata sunt partim ex Solino, partim ex Plinio. Solinus, c. 8: « Calabria Chelydris frequentissima est, et Boam gignit, quem anguem ad immensam molem ferunt convalescere. Captat primo greges bubulos, et si quæ plurimo lacte rigua bos est, ejus se uberibus innectit, suctuque continuo saginata, longo sæculo ita fellebri satietate ultimo extuberatur, ut obsistere magnitudini ejus nulla vis queat. Postremo depopulatis animantibus, regiones quas obsederit, ad vastitatem cogit. Divo Claudio principe in loco, ubi Vaticanus ager est, in alvo occisæ Boæ spectatus est solidus infans. Solinus Plinium, libro VIII, cap. 14, paraphrasticè expressit: « Faciunt his fidem in Italia appellatæ Boæ, in tantam amplitudinem exeuntes, ut divo Claudio principe occisæ, in Vaticano solidus in alvo spectatus sit infans. Aluntur primo bubuli lactis succo, unde nomen traxere. » Videndum an insula Boas in Dalmatia dicta sit a bois serpentibus. Certe hic apud Hieronymum serpentem boam Dalmatiæ familiarem habes. De insula Ammianus, libro XII: « Florentius contrusus est in insulam Dalmatiæ Boas. » Idem libro XXVIII « eumque (Hymettium) ad Boas Dalmatiæ locum exterminasset. » Huc quoque missus Jovianus hæreticus I. LIII C. Theod., de hæret.

Evocato præcepisset.] Editi legunt: evocato populo

præcepisset. Sed populo deest manuscriptis Latinis et Græcis. Vult serpentem ipsum evocatum.

Ea tempestate terræmotu totius orbis.] Hieronymus, in Chronico, anno Valentiniani 2: « Terræmotu per totum orbem facto, mare littus egreditur, et Sicilia multarumque insularum urbes et innumerabiles populos oppressit. Idem, in Isaia cap. xv: « Audi quemdam Areopolitem, sed et omnis civitas testis est, motu terræ magno in mea infantia, quando totius orbis littus transgressa sunt maria, eadem nocte muros illius corruisse. » Ammianus, libro XXVI: « Hoc novatore (Procopio tyranno) adhuc superstite, cujus actus multiplices docuimus et interitum, diem duodecimum Kalend. Augustas, Cos. Valentiniano primum cum fratre, horrendi tremores per omnem orbis ambitum grassati sunt subito, quales nec fabulæ, nec veridicæ nobis antiquitates exponunt. » Cujus tremoris effectus graphice ibi describit Ammianus.

In sabulo.] Plinius, libro XVII, capite 4: « Invicem sabulum album in Ticinensi, pinguisque in locis nigrum, itemque rubrum etiam multum hunc respuistum, infundendum est. » Dicitur etiam sabulo. Columella, libro IV, cap. 33 de castanea: « Sabulone humidum vel refractum topium non respuit. »

Salonis.] Salo Dalmatarum navale est Straboni. Est et Salone Plinio urbs et flumen Dalmatiæ.

In brevi lembo.] Quis non hæreat, legens apud Metaphrastem ex versione Herveti, Appellit Berbitimnon emporium Dalmatiæ. Hæsi, fateor, et vel ob eum locum Parisiis Græcum textum e manuscriptis regis evocavi, in quibus: Εἰς Βερβίτιμον ἐμπορίον τῆς Δαλματίας καταβεί. Qui non evariat a versione Herveti, nisi quod habeat Berbelimbon pro Berbitimno. Vereor ut frustra quis portum hunc in Dalmatia quærat. Suspicio mihi est, Sophronium, qui hanc Vitam ex latino Hieronymi Græce expressit, ex brevi lembo Hieronymi fecisse Berbelimbon Βερβίτιμον. Nec vanam conjecturam puto.

●● Duobus haud parvis myoparonibus.] Addit Coloniensis editio: (myoparon genus navigii est ad cursum et celeritatem paratum) quod haud dubie insertum glossematis loco. Mira hic lectio, qua in Mss. qua Editis. Quidam Ms.: myoparonibus desedromonem occurrissent, denuo hinc inde fluctus vehementes, remiges. Vetus editio: myoparonibus de se dromone occurrissent, denuo hinc inde fluctus verrente remige. Fors dromon interpretatio est myoparonis. Est enim dromon, navis ad cursum expedita, quales fere piraticæ. De myoparone plura in Onomastico.

Paphum.] Duplex Paphus in Cypro insula, Palæpaphos, et Neapaphos. Locus autem, in quo apud Paphum commoratus est Hilarion, Sozomene, libro V, cap. 9 dicitur Χάρυβρις, Charbyris, Triparite libro VI, cap. 12 Charybdis, Nicephoro, libro X, cap. 8, Charybris.

Hoc Salamina, hoc Curium, hoc Lapetha.] Tres hæ in Cypro urbes Alia Salamina et insula et urbs prope Peloponnesum. Aliud quoque Curium in Ætolis et Sabinis. Per Paphum autem quod præcessit, et tres has civitates totam Cyprî insulam designat. Est Salamina ad Orientem, Curium ad Meridiem, Lapetha ad Septentrionem, Paphus ad Occidentem.

Quæ vocantur Bucolia.] Veteres editiones Bucholia. Alii citant Bacholia. Sed Græce hic est Βουκολία, uti et supra, Vitæ sancti Antonii cap. 24, ubi Evagrius vertit Pastoralia. Vide ibi dicta ad n. 60. Plura in Onomastico.

Tunicam sacculam, cucullam, et palliolum.] Hoc Hilarionis legatum, et totus thesaurus. Ipse mox sepeliri vult in tunica cilitina, cuculla, et sago rustico. Ne fallare. ut existimes, Hilarioni, quia quædam legat, quædam in sepulchram reservat, duplicia fuisse vestimenta, vel festorum, vel munditiæ causa. Non fuere. Constat supra, nunquam vestem mutasse, nisi cum prior penitus scissa esset. Quare quæ nunc legat, recens ipsi cesserant ex ministræ morte, qui ante paucos dies obierat, ut hic habes

Et toto corpore, quasi adhuc viveret, integro.] De A incorruptis sanctorum corporibus copiose in Onomastico.

Ad adjuvandas orationes suas.] Disce, hæretice, sanctorum orationibus fidelium orationes adjuvari. Augustinus, libro xx, cap. 21, contra Faustum Manichæum triplex commodum in martyrum cultu agnoscit: « Populus Christianus memorias martyrum religiosa solemnitate concelebrat, et ad excitandam imitationem, et ut meritis eorum consocietur utque orationibus adjuvetur. » Chrysostomus, libro de Babyla martyre adversus gentiles, ex sepulcris martyrum non unam quoque utilitatem hauriri docet: Ἡ γὰρ ὄψις τῆς λαρυκαίας εἰς τὴν ψυχὴν ἐμπίπτουσα, καταπλήττει τὴν αὐτὴν καὶ διανίσταται, καὶ ὡς αὐτοῦ κειμένου συνευγομένου, καὶ παρεστῶτος καὶ ὀρωμένου, οὕτως αὐτὴν διακεῖσθαι ποιεῖ· εἶτα προθυμίας πολλῆς, ὁ τοῦτο παθῶν, πληρωθεὶς, ἕτερος ἀνθ' ἑτέρου γενόμενος, οὕτως ἐκείθεν ἀπέργεται. « Capsulæ enim aspectus in animam invadens ipsam percillit et exsuscitat, ac perinde efficit, quasi qui illic mortuus jacet preces simul fundat, præsensque adesse cernatur: deinde fit ut qui se sic affectum sentit, mira alacritate gestiens, aliusque prorsus quodammodo effectus, ita ex eo loco decedat. » Sanctorum igitur frequenta sepulcra, sanctorum venerare reliquias, sanctorum orationes implora.

Baronius, tomo IV Annal., anno Christi 372, Damasi papæ 6, Valentiniani et Valentis imp. 9. « Hoc ipso, inquit, anno Hilarion præstantissimus monachorum, post innumera miracula edita, clarissimum sanctitate ex hac vita migravit anno ætatis suæ (ut testatur sanctus Hieronymus) octogesimo. Ex cujus etiam testificatione colligitur eundem hoc ipso anno ex hac vita discessisse: siquidem ipsum tempore obitus Antonii Magni, qui contigit anno 21 Constantii imp. (hic est annus Domini 358) egisse annum ætatis 65 tradit: quibus si addas annos xv, ut pervenias ad LXXX, quo obiit, utique deduces annos ætatis ejus usque ad præsentem 372. » Hactenus Baronius. Ex cujus putatione natalis dies Hilarionis

statuendus erit anno Christi 292. Huic enim numero si octoginta annos addas, quot eum annis vixisse asserit Hieronymus, efficiuntur ad mortalem ejus diem anni CCCLXXII. Sed aliter annos Antonii numerandos esse, ad præludia in Antonium monui.

Quod si brevem annorum, Vitæ Hilarionis synopsis desideras, eccistam ex hac ipsa Vita exceptam.

Anno 16 ætatis inchoante, intrat eremum, manetque ibi ad annum 20 inclusive.

A 21 inchoante ad 26 ætatis annum inclusive, tenuit victitat, III annis in diem lentis sextario, III aliis pane arido cum sale.

A 27 inchoante ad 30 ætatis annum inclusive herbis victitat.

A 31 inchoante ad 35 inclusive sex uncias panis hordeacei in diem sumit.

A 36 inchoante ad 63 inclusive victui oleum adjicit.

A 64 inchoante ad 80 inclusive pane abstinit, sicque complevit vitæ ordinem.

Quil.us omnibus subductis justum efficies numerum octogenarium.

Sed et alia annorum ratio ex eadem vita colligi potest.

Anno 16 ætatis inchoante, seu 15 jam expleto intrat eremum.

Post 22 annos solitudinis sterili Eleutheropolitanæ partum impetrat.

63 ætatis anno, de fuga cogitat. Et post II annos e Palæstina discedit.

Post III annos a morte Antonii invisit locum Antonii.

Anno 1, manet Oasi.

Fugit in Siciliam, ibi post III annos eum Hesychius invenit.

Manet II annis Paphi in Cypro.

Manet V annis in monte.

Quibus si annum I addas, quem variis profectio-nibus impendit, conficies annos LXXX, quot eum vixisse testatur Hieronymus.

OCTOBRIS XXI.

VITA SANCTI MALCHI, CAPTIVI MONACHI,

AUCTORE DIVO HIERONYMO PRESBYTERO.

(Hujus Vitæ sextum a Vallarzio et aliis annotatum habes Patrol. tom. XXIII, col. 53. Accipe nunc Rosweydi notationes).

ROSWEYDI NOTATIO.

Malchi.] Martyrologium Romanum, 21 Octobr. D **Maroniz in Syria prope Antiochiam sancti Malchi monachi.]** De Malcho quodam Menæa 24 Novembris:

Ὁ ἅγιος Μάλχος ἐν εἰρήνῃ τελειοῦται.
Οἱ ψυχοπομποὶ συγκατέπεσαν νόες
Ψυχὴν ἀπάσαι, Μάλχε, τὴν σὴν Κυρίῳ.

« Sanctus Malchus in pace consummat.
Angeli animarum ductores simul e cælo devolarunt,
Ut animam tuam, Malche, ad Deum deducant.

An hic cum hoc nostro idem sit, dubito. Meminit Malchi cujusdam Theodoretus, lib. iv Hist., cap. 26, quem Baronius, annali 370 putat esse eum de quo agit Hieronymus. Non opinor, quia Malchus Theodoretus vixit in monte, qui imminet Antiochiæ; Malchus Hieronymi in vicu Maroniz triginta millibus ab Antiochia.

Malchum Syris regem sonare habes hic. Vide Onomastico.

Hieronymo.] Vere Hieronymus hujus Vitæ auctor.

Ipsa in catalogo illustr. Ecclesiæ Scrip., capite 135, eam inter opera sua recenset. Quare quæ apud Metaphrastem habetur tomo VII, Aloysii Lipomani ex Græco per Gentianum Hervetum translata, existimo ante ex Hieronymi Latino textu in Græcum versam.

Magdeburgenses Centuriatores, centur. 4, c. 10, Erasmus secuti, volunt Hieronymum Vitam Malchi prolixiori narratione conscripsisse, exercendi ingenii magis causa, quam rem, ut esset, simpliciter explicandi proposito. Sed recte eos suismet verbis captat Alanus Copus, dialogo 2, cap. 11: « Mirantur, inquit, quod tot hominis scelera prius commemoranda, quam damnanda censuerit Hieronymus. In qua isti querela se produnt, suamque causam; et satis se intelligere, serio et non rhetorica exercitatione Hieronymum ista agitasse. Alioqui quorsum illa contra rhetorem in ficto argumento ludentem vociferatio? » Hactenus Alanus: qui porro quinque scelera, quæ Magdeburgenses Malcho objiciunt, egregie dialogo illo II variis capitibus refutat.

Qui navali prælio.] Ambrosius, libro I Offic., cap. 10: « Qui navem in mari regere gubernaculis studet, vel remis ducere, prius in fluvio præludit. » Labitur Erasmus, qui ex hac similitudine existimavit Hieronymum subsignificare, argumentum hoc non esse serium, sed exercitandi styli causa sumptum. Quasi vero repugnet serium quid esse, et idem tamen assumi ad exercitandum stylum. Serio cogitabat Hieronymus de historiæ Ecclesiasticæ compositione; quam ut pro dignitate tractare posset, maluit ante in parvo, ut inquit, opere exerceri, quam ad latiore[m] historiam perveniret; serio utique utrobique rem acturus.

Ms. Audomarensis, initio hujus capituli, præmittit hæc verba: *Qui legis, imitare quod legis.*

Persecutionibus creverit.] Hieronymus, epist. 62, ad Theophilum adversus errores Joannis Jerosol.: « Fundendo sanguinem, et patiendū magis quam faciendū contumelias, Christi fundata est Ecclesia; persecutionibus crevit, martyriis coronata est. »

Et postquam ad Christianos principes venerit (Ecclesia) potentia quidem et divitiis major, sed virtutibus minor facta sit.] Hæretici moderni avide hæc et similia Hieronymi aliorumque Patrum loca arripiunt.

Primo, ut Ecclesiæ ornatum et vasa sacra pretiosiora improbant. Quos egregie repercutit Bellarminus noster tomo II, contr. general. IV, libro III, qui est De cultu sanctorum, cap. 6, ubi agit de ornatu templorum. Et tomo III contr. generali III, quæ est de Eucharistia, libro II, de Missa, cap. 14, ubi agit de vasis sacris. Quo etiam facit in tempore dictum apophthegma sancti Bonifacii, de quo habes de consec. dist. 1, cap. 44: « Bonifacius martyr et episcopus interrogatus, si liceret in vasculis ligneis Sacramenta conficere, respondit: Quondam sacerdotes aurei ligneis calicibus utebantur; nunc e contrario, lignei sacerdotes aureis utuntur calicibus. » Quod desumptum est ex concilio Triburiensi, cap. 18. Monere videlicet voluit vir sanctus ut aureas simul mentes ad altare sacerdotum afferant. Imitatione quadam expressit hoc apophthegma Trithemius in Chronico suo Hirsaugiensi: « Veteres olim monachi cellas quidem, ecclesias et alias mansiones habebant tenebrosas; sed eorum corda erant lucida valde in amore Dei omnipotentis, et in scientia divinarum Scripturarum. Nostri autem ecclesias, cellas, domosque, et omnes mansiones jam lucidissimas fabricant; sed corda eorum vitis et desidiosa plena, tenebrosa sunt: quoniam nec Deum, sicut debuerant, diligunt, nec lectionibus Scripturarum animum intendunt. Ita quoque cum calices essent cuprei, sacerdotes aurei fuerunt. Hodie autem calices sunt aurei, et cuprei sacerdotes. »

Secundo, ut clericorum divitias insectentur et improbant. Qua in re sequuntur veteres hæreticos, ut Arnaldum de Brixia, qui vixit an. Christi 1139, tempore Conradi regis Romanorum, qui dicebat (teste Ottone Frisingensi, libro II, cap. 20, de Gestis Fridrici imp.): « Nec clericos proprietatem, nec episcopos regalia, nec monachos possessiones habentes, aliqua ratione posse salvari. » Sequuntur et Joannem Wiclefem, cujus in concilio Constantiensi, sessione 8, damnati hi sunt articuli xxxii. Ditare clericum est contra regulam Christi xxxiii. Silvester et Constantinus errant Ecclesiam ditando. xxxix. Imperator et seculares sunt seducti a diabolo, ut Ecclesiam ditarent bonis temporalibus. » Sed recte Ambrosius, libro VIII in capite XIX Lucæ, non in divitiis crimen, sed in male utentibus ponit: « Discant divites non in facultatibus crimen hære, sed in iis qui uti nesciant facultatibus. Nam divitiæ ut impedita sunt improbis, ita bonis sunt adjecta virtutis. »

Quod si quis Isaia vaticinium, ad Ecclesiam olim sub ethnicis imperatoribus quasi derelictam, post

Christianorum imperatorum tempore exaltatam retulerit, non omnino aberrabit: *Pro eo quod fuisti derelicta, et odio habita, et non erat qui per te transiret, ponam te in superbiam sæculorum, gaudium in generationem et generationem, et suges lac gentium, et mamma regum lactaberis, et scies quia ego Dominus salvans te, et redemptor tuus fortis Jacob.* (Is. LX). Et illud ejusdem: *Et erunt reges nutritii tui, et reginæ nutrices tuæ: vultu in terram demisso adorabunt te, et pulverem pedum tuorum lingent.* (Isa. XLIX). Vide epistolam Æneæ Silvii tum cardinalis, postea Pii II pontificis, quæ inscribitur *De moribus Germaniæ*, qua refutat varias Martini Meir, qui archiepiscopo Moguntino cancellarius fuit, calumnias contra curiam Romanam, probatque variis rationibus Romanos præsules divites et potentes esse oportere, ac potissimum ad tria divitias requirit: 1º ad statum honestum et dignitatem convenientem tenendum; 2º ad alendos pauperes, et ecclesias manu tenendas; 3º ad coercendos malefactores, qui fidei sinceritati officiant. »

Maronia.] Ita manuscripti et vetus editio. Vulgo *Maronia*. Ptolemæo nota Syriæ civitas Μαρωνίας. Hic viculus dicitur. Vide Onomasticon.

Ad papæ Evagrii.] Antiochiæ episcopus fuit Evagrius, Hieronymo per familiaris, de quo ipse catalogo illust. Ecclesiæ Scriptorum, cap. 125. Vide dicta ad Præludia in Vitam sancti Antonii, n. 4. De papæ nomine in Onomastico.

Ut revera ejusdem loci indigena.] Rosweydeus habet: *et, ut rebar, pro: ut revera, lectionem quæ sequentibus annotat. Edr. — Et, ut rebar, ejusdem loci indigena.*] Ita Ms. et vetus editio. Coloniensis cum Erasmo, et revera ἀπόγθων, quod nescio an Erasmus ex ingenio, an ex Ms. substituerit. H. Gravius dicit etiam in quibusdam libris legi, *Thebastonis indigena*. Quidam Ms. pro *rebar* habet *erat*. Sed vera lectio est quam dedi. Putabat quidem Hieronymus, Malchum, qui Maroniæ versabatur, ejusdem fuisse loci indigenam, sed mox a Malcho docetur Nisibenum se esse. Labuntur cum Erasmo Centuriatores Magdeburgenses, cent. 4, cap. 10, qui aiunt Malchum oriundum ex vico Maronia.

Mi nate, Nisibem agelli colonus.] Ms. sancti Floriani: *Mi nate, Nisivelli agelli colonus*. Ms. Audomarensis: *Matheni sibi agello colonus*, quod coaluit ex *mi nato Nisibeni*. Erit forte quispiam, qui hinc *Mathe Nisibeni* exsculpat, et locum ita dictum in agro Nisibeno arioletur. Vulgo loco *Nisibeni* habetur *Maroniaci*. Apud Metaphrasten habetur *Sevennia*.

Ad eremum Chalcidos.] Est Chalcis urbs Syriæ, in regione Chalcidica. Apud Ammianum Marcellinum, libro XXIV, habes *Chalcida* Syriacam civitatem. Vide Onomasticon.

Quæ inter Immas et Beræam. 1.] Ita legendum ex Manuscriptis. Quidam Manuscripti habebant *Veræam*, solemnique quorundam veterum more, ponentium V loco B. In editionibus veteribus erat, *quæ inter Immas et Beroas*. In Coloniensi editione, *quæ inter Immam et Essam*. Abutar otio, si monstrosas quorundam manuscriptorum et editorum librorum lectiones representem. Et *Imæ* et *Beræa* in Syria, quæ huic loco quadrant. Vide Onomasticon.

Ut dum adviveret mater.] Ita manuscriptus sancti Floriani editi, *Et dum adhuc viveret mater*. Tertullianus, de Corona milit., cap. 7: « Porro si quæ aliæ idolis faciant, ad demones pertinent, quanto magis quod ipsa sibi idola fecerunt, cum adviverent. » Ubi non recte Latinius, cum adhuc viveret, reponit.

De Beræa Edessam pergentibus.] Ita recte Mss. Male Coloniensis editio: *De Berria ad Essam pergentibus*. Est Beræa hic Syriæ civitas, in Cyrrestica regione. Edessa quoque hic Syriæ est civitas.

Vicino publico itineri solitudo, per quam Sarraceni. 7.] Tenditur hæc latissima eremus ab India ad Maurita-

¹ Sic legit Rosweydeus pro *Beroam*, quæ est lectio Vallarsii, Edr.

² Loco *adhuc viveret*, quod habet Vallarsius, Edr.

niam usque et Atlanticum Oceanum, ut scribit A Hieronymus in caput XXI Isaia.

Ismaelitæ irruunt crinitis vittatisque capitibus.] Veteres editiones, *nudatisque capitibus*. Sed bene Ms. cum editione Coloniensi, *villatis*. Varius gentium habitus. Tertullianus, libro de velandis Virginibus, capite 10: « Debebunt et ipsi aliqua sibi insignia defendere, aut pennas Garamantum, aut crobylos Barbarorum, aut cicadas Atheniensium, aut cirros Germanorum, aut stigmata Britonum. » Isidorus, libro XIX Orig., § cap. 23: « Nonnullæ gentes non solum in vestibus, sed in corpore aliqua sibi propria quasi insignia vindicant, ut videmus cirros Germanorum, granos et cinnabar Gothorum, stigmata Britonum. Circumcidunt quoque Judæi præputia; pertundunt Arabes aures; flavent capitibus intextis Getæ; nitent Albani albensibus crinibus; Mauros habet tetra nox corporum, Gallos candida cutis; sine equis inertes exstant Alani; nec abest genti Pictorum nomen a corpore, quod minutis opifex B acus punctis expressos nativi graminis succos includit, ut has ad sui specimen cicatrices ferat pictis artubus maculosa nobilitas. »

Pallia et latus calliculas¹ trahentes.] Ita Ms. sancti Floriani. Veteres editiones, *calligulas*. Coloniensis editio, *caligas*. Isidorus, libro XIX Orig., c. 34: « Caliculæ ligæ vel a callo pedum dictæ, vel quia ligantur. Nam socci non ligantur, sed tantum intro mittuntur. » Notum, quam frequenter olim *g* et *c* inter se commutarint. Vide Onomast.

Longo postliminio.] Festus: « Postliminium receptum Gallus Ælius, in libro I Significationum quæ ad jus pertinent, ait esse cum qui liber ex qua civitate in aliam abierat, in eandem civitatem redit eo jure, quod constitutum est de Postliminiis. Item qui servus a nobis in hostium potestatem pervenit, postea ad nos redit in ejus potestatem, ejus antea fuit, jure postliminii. » Proprie hic usurpatur *postliminium* ab Hieronymo. Sæpe alia idem metaphoricè usurpat. Vide Onomasticon.

Et pronubante nobis mæstilia.] Vetus editio, *pronubente*.

Corpora defuncta portabant.] Plinius, lib XI, cap. 30, egregie formicarum sedulitatem describit. Inter cætera: « Sepeliuntur inter se viventium solæ, præter hominem. »

Et jugi susurro.] Alias *susurrio*. Apud Jobum, cap. IV, veteres Patres legunt, et quasi *furtive suscipit auris mea venas susurrii ejus*.

Duos camelos sedentes².] Vetus editio: *duos camelis sedentes*. Coloniensis, *duos camelis insidentes*. Sed lectio quam dedi est ex Ms. sancti Floriani, et est locutio frequens mediæ ætati. Hieronymus ipse, supra, in Vita sancti Hilarionis, cap. 9, *asinum sedens*. Ita ibi Mss. Ælius Spartianus, in Hadriano: « Sederi equos in civitatibus non sivit. » Sic Marci, cap. XI, de pullo asinæ: *quem nemo adhuc sedit hominum*. Ita citat Ambrosius, lib. IX, in cap. XX Lucæ, D initio. Vulgatus nunc, *super quem*, etc. Idem. lib. IX in Lucam initio. *Et ideo pullus sedetur asinæ*.

Pudicitia tantum conscientia pro muro septi.] Vere pudicitia reverentes sunt bestia. Non tantum pudicis sæpe non obsunt, sed et eos tuentur. Illustre exemplum in Vita Chrysanthi et Dariae 25 Octobris ubi

Daria in lupanar detrusa a leone propugnata est. Et Theclæ Martyrum fortissimæ maximeque pudicæ nunc leo, nunc læna non tantum non obfuit, sed et subsidio fuit. Vide Acta ejus 23 Septembris. Frequens Hieronymo phrasis, *pro muro esse*, proverbii specie. Vide Onomasticon.

Apprehensum mordicus catulum.] Ita vetus editio, et manuscripti. Coloniensis editio, *apprehensos mordicus catulos*. Videri alicui possit non temere numero singulari *catulum* positum. Sunt enim, qui semel tantum a læna partum edi velint, etiam ratione allata. Plinius, libro VIII, cap. 16: « Semel autem edi partum, lacerato unguium acie utero in enixu, vulgum credidisse video. » Sed subdit ibidem Plinius diversam aliorum sententiam: « Aristoteles diversa tradit, etc. Is ergo tradit lænam primo fetu parere quinque catulos, ac per annos singulos uno minus, ab uno sterilesce. » Unde si læna hic *catulum* non *catulos* extulit, fuerit hic ultimus lænæ partus.

Camelos, quos ob nimiam velocitatem dromedarios vocant.] Vopiscus Aureliano: « Victa igitur Zenobia cum fugeret camelis quos dromadas vocitant. »

Et nova sitarcia refocillati³.] Hæc vera scriptio et lectio. Quidam libri editi addita interpretatione habent: *Et nova sitarcia, id est, annona refocillati*. Occurrit hæc vox in Bibliis, sed varie a variis scripta. I Reg. IX: *Panes defecerunt de sitarcis nostris*, ubi LXX habent *ἀργετα*, vasa. Regia editio, *sistartii*; Lovaniensis, *cistarcis*; Parisiensis, *sitarchis*. Sed bene Romana, *sitarcis*, a *σῖτος* et *ἀργετα* annonam *sufficere*. Vox hæc Latine usurpata Apuleio, Milesia 2; Augustino, tom. IX, in tractatu de Cantico novo; Isidoro, libro XX, capite 9, Orig. *Sitarcia nautarum sunt, ab eo quod sulæ sunt*, sed verum etymon ex Græco dedimus.

Sabinianum Mesopotamiae ducem.] Ita Mss. et veteres editiones. Coloniensis. *Sabinum*; Lugdunensis, *Sabaudianum*. Sed rectum *Sabinianus*. Quem tamen Ammianus, libro XVIII, non Mesopotamiae ducem, sed Magistrum militiæ in Oriente et Mesopotamia ponit. « Rebus per Mesopotamiam in hunc statum deductis, etc., stetit sententia ut Sabinianus victus quidem senex et bene nummatus, sed imbellis et ignavus, et ab impetranda magisterii dignitate per obscuritatem longe discretus, præficiendus Eois partibus mitteretur. »

Non tamen me ei credens ut sorori.] Hieronymus, epistola 2, ad Nepotianum: « Hospitium tuum aut raro aut nunquam mulierum pedes terant. Omnes puellas et virgines Christi aut æqualiter ignora, aut æqualiter dilige, ne sub eodem tecto mansites, nec in præterita castitate confidas. Nec Sampsonem fortior, nec Davide sanctior, nec Salomone potes esse sapientior. Memento semper quod paradisi colonum de possessione sua mulierejecerit. » Apud eundem, tom. IX, in regula monacharum quæ inscribitur Eustochio et reliquis virginibus, ficto Hieronymi nomine, cap. 18: « Nihil periculosius viro quam mulier; nec mulieri quam vir; uterque palea, uterque ignis. » Bernardus, serm. 56 in Cantica: « Cum femina semper esse, et non cognoscere feminam, nonne plus est quam mortuum suscitare? Quod minus est, non potes; et quod majus est, vis credam tibi? »

¹ Vallarsius legit *Caligas*. EDIT.

² Vallareius, *duos camelis insidentes*. EDIT.

³ Vide Patrol., tom. XXIII, col. 59, not. f. EDIT.

VITA SANCTI ONUPHRII (1);

ERĒMITÆ.

AUCTORE PAPHNUTIO (2), ABBATE, INTERPRETE ANONYMO.

Prologus interpretis anonymi.

Beati Onuphrii Vitam inter Græcorum commenta scriptam nuper reperi, ut quondam a venerabili ac prudentissimo viro, scilicet Gregorio (3), ipsius gesta narrante, cognovi. Hanc Paphnutius, vir quoque sanctissimus, Græco sermone rexit ab exordio. Quem ego secutus, e Græco transtuli in Latinum, largiente Domino ut ejus probabilis vita secundum vires meas manifestata, admirationem legentibus præbeat et imitationem. Non perpendite, quæso, mei sermonis rusticitatem, sed tanti laboris animo revolvi longanimitatem: quam vir Deo plenus patienter sustinuit, dum mundanæ varietatis gloriam sprevit, et cæleste regnum districtè vivendo sibimet hæreditavit.

VITA.

Beatæ memoriæ Paphnutius quædam cogitationum et actuum suorum secreta taliter reseravit, dicens:

CAP. I. — Quodam die, dum ego Paphnutius solus tacitusque sederem, cogitavi in corde meo quod deserta peterem, et universa loca sanctorum monachorum, pieque conversationis habitum lustrarem, ac qualiter Deo ministrarent, considerarem. Unde factum est ut tacitus iter arriperem, et in eremum cursu desiderabili properarem. Panes itaque cum aqua exigua mecum portavi, ne deficerem a labore itineris cepti. Quarto autem die peracto, alimenta quæ mecum sumpsi defecerunt, meaque membra nullo victu refocillata vires perdiderunt. Moxque divina illustrante gratia, mors imminens ablata est; assumptisque viribus iter arripui, atque dies alios quatuor nihil gustando peregi. His itaque completis, nimium fessus, humo prostratus jacui velut mortuus. Extemplo quoque cælesti solatus adjutorio, assistere mihi vidi virum, gloria mirabilem, splendore terribilem, pulchritudine laudabilem, magnitudine procedentem, aspectu præclarum. Quem ut aspexi, vehementer obstupui; sed tamen ille vultu placido accedens, nunc manus, nunc labia mea tetigit, mihi que vires potenter restauravit (*Joannes, libello III, n. 12*). Continuo lætus surrexi, Deoque favente, per solitudinem exinde decem et septem dierum cursum direxi, quousque ad locum quem Dominus mihi famulo suo indigno providebat ostendere, perveni; illic ab itineris labore cessavi.

CAP. II. — Igitur dum fessus requiescerem, et quam ægre (4) profectus essem cogitarem, virum procul aspectu terribilem vidi, in modum bestię pilis undique circumseptum; cui tanta scilicet capillorum prolixitas erat, ut corpus illius ipsorum diffusionem te-

geretur (5). Pro vestimento quoque foliis herbisque utebatur, quibus subteriora renum (6) tantummodo cingebat. Tali viso homine, nimio perterritus sum terrore, anxiatu ultra quam credi potest timore et admiratione, quoniam tam mira forma meis oculis nunquam fuit ostensa in humana specie. Quid facerem ignoravi; sed quantum valui, fugam petii, montemque propinquum concito cursu ascendi; ibique tremefactus corruui, atque me sub frondium densitate a facie illius abscondi, multa dans suspiria.

Defeci pene ætate et labore abstinentiæ. Hic vero dum me cernebat in monte jacentem, voce nimia clamavit, et dixit: Vir Dei, descende de monte. Noli timere; ego enim sum homo passibilis tibi similis. His itaque consolatus verbis, mentem recipi, moxque descendi, et ad virum sanctum perveni, atque pedibus ejus me timidus prostravi. Ille quoque me prohibens ante se jacere, Surge, inquit, surge; tu enim es Dei servus, et vocaris Paphnutius, sanctorum amicus. Statim surrexi; et quamvis fessus, tamen lætus ante eum sedi, jam ferventi desiderio, quis ipse, et qualis ejus esset vita, cupiens dignoscere, dicens: Ecce votum adimplevit, qui me per hanc eremum direxit. En artus mei fatiscientes ali-quod sentiunt solatium, sed mens sitibunda non adhuc invenit refrigerium. Idcirco te, senior, corde devoto deprecor, atque per illum, ob cujus amorem hujus solitudinis deserta habitas, te contestor, ut unde sis aut quomodo voceris, seu quando hæc advenaris, apertis mihi verbis denunties. Et vir Dei recognoscens quam libenti animo sententiam sui laboris audirem, dixit mihi:

CAP. III. — Quoniam te, frater dilecte, avida mente vitæ meæ longas ærumnas velle scire video, repetere me tibi non dubites has ab exordio. Ego,

licet immeritus, vocor Onuphrius. Et ecce non minus sunt quam septuaginta anni (7), quod in hoc deserto laboriose vixi. Cum feris conversatus sum crebrius, pro parte comedi jugiter herbarum fructus, in montibus et in speluncis et in vallibus meum reclinavi miserabile corpus. Tot annis neminem nisi te solum adspexi, alimentum a nullo hominum sumpsi, in monasterio Hermopolim dicto nutritus, in provincia Thebaida (8) nominata, ubi simul pene centum monachi degebant. Porro vita illorum talis existit, ut more et actione æquanimiter omnes viverent, et uno corde et uno spiritu, jugo ac disciplinæ sanctæ regulæ colla submitterent, atque fluctus hujus sæculi omnino non formidarent. Quidquid uni placebat, cunctis placebat. Mente sancta, fide pura, charitate perfecta ante Deum incedebant, cui die noctuque omni mansuetudine et patientia ministrare non cessabant. Tanta his erat taciturnitas cum abstinentia, ut nullus auderet nisi cum justa interrogatione, vel recto responso, reddere verbum. Ibi quoque pabulum sanctæ doctrinæ ab adolescentia suscepi; ibi regularis vitæ normam a fratribus didici, a quibus amabiliter diligebam; ab his, qualiter instituta mandatorum Dei servare de berem, diligenter instruebat.

CAP. IV. — Profecto vitam beati Patris nostri Eliæ venerabiles fratres meos audivi frequenter laudare, qui se in eremo in tanta abstinentia et oratione studuit affligere, ut maximam virtutem a Domino meruisset accipere: et igneo curru transvectus, spiritus sancti dona quæ habuerat, discipulo impartiri, ac adhuc longævus senio; mortis pœnam non videre. Insuper ad exemplum, beatum Baptistam Joannem protulerunt, qui in novi Testamenti serie clarissimus effulsit, perque plurima annorum spatia divino mancipatus officio, corpus suum maceravit, donec in Jordanis unda Redemptorem mundi baptizare dignus existeret, atque ipsum Dei Agnum esse digito suo demonstraret.

CAP. V. — Ego vero cum talia eos recitantes audirem, dicebam illis: Quare, seniores mei, vitam et miracula eorum obstupescitis? aut cur illorum facta tam assidue commemoratis? An sunt vobis fortiores, qui desertum habitant, an leviores? At illi respondentes, dixerunt: Fili, fortiores nobis sunt, quia sine adjutorio humano vivunt. Nos itaque alter ab altero conspicimur, pariterque divinum officium a nobis celebratur. Si quando cibum cupimus, paratam reperimus; si quando infirmitas aut aliqua corporis imbecillitas irrepserit, statim cura fratrum cum omni sollicitudine nos adjuvat. In ædificiis lucide constructis habitamus, in quibus et ab æstu solis cooperti sumus, et ab inundatione pluriæ, et a turbine venti ac tempestate manemus defensi. Monachi vero, qui in deserto sunt, nihil consolationis nisi a Deo recipiunt. Si quando angustias aut tribulationes perpessi fuerint, vel cum diabolo antiquo humani generis inimico pugnare cœperint, quis eis astat? quo adjuvantur? Sed quibus humanum deest sola-

tium constat eos habere divinum (9). Et si esuriunt, quis eis panem dabit? Si sitiunt, quis eis aquam tribuit, ubi panis et aqua non est? Maximus labor in desertis locis esse non dubitatur, ubi nihil necessarium reperitur. Primum ergo, quando in solitudine definiunt habitare, in Dei timore certant firmiter stare. In fame et siti, in labore et passione corpora sua cruciant; contra diabolicas insidias viriliter dimicant; et ut vincant, contra tela nequissimiligneæ gladiis spiritualibus pugnant. Antiquus etenim ille hostis, totius inventor iniquitatis, studet eos subvertere, et in consortium malitiæ suæ implicare, atque de bona voluntate, quam inchoabant, retrahere; et mentes eorum mundanis voluptatibus iterum irretire ut in opere **■●■** cœpto fatiscant persistere. Omnipotens ergo Deus, qui non derelinquit sperantes in se, circumdat eos armis suæ potentiæ, ut hos incurisio Satanae non valeat prosternere, quos protegit celsitudo divinæ misericordiæ. Quapropter ad eos angeli Dei jugiter mittuntur, ac per manus illorum quæcunque necessaria crebrius eis administrantur. Aquam de petra hauriunt, quod interpretatur Christus. Scriptum est enim: Sancti qui sperant in Domino, habebunt fortitudinem, assumunt pennas ut aquilæ; volabunt, et non deficient; current, et gressus eorum non labentur (*Isa. xl*). Et alibi: Qui sitiunt, de superno fonte condiuntur (10), et herbarum folia in ore eorum tanquam favus mellis dulcescunt. Si autem aliquando diabolus adversus eos colluctatur, protinus surgunt: manus suas ad Dominum expandunt, preces ante divinam majestatem fideliter fundunt; mox auxilio cœlesti sublevantur, et dolosa jacula inimici penitus destruantur. Non intelligis, fili, qualiter in Psalmo legitur: Quoniam non in finem oblivio erit pauperis, patientia pauperum non peribit in æternum (*Psal. ix*)? et iterum: Exaudivit eos Dominus in die tribulationis, et de omni angustia liberavit eos (*Psal. cvi*). Enimvero unusquisque propriam mercedem accipiet, secundum suum laborem (*I Cor. iii*). Beatus est enim vir qui semper est pavidus, et voluntatem Dei in hac præsentī vita et fragili studiosus agit (*Prov. xxviii*). Certissime scias, o fili, quoniam angeli Dei sanctis ac justis viris quotidie famulantur, atque virtute superna corpora et animæ illo jurum giter illuminantur.

CAP. VI. — Tali denique ratione ego pauper Onuphrius a sanctissimis Patribus in meo monasterio subtiliter instructus, cœpi tacita mente tractare quàm gloriosa felicitate perfruuntur in cœlis qui certamina laboriosa propter amorem Domini tolerant in terris: cor meum ardebat, mens mea desiderabiliter fervebat mundi gaudia penitus spernere, patriæ cœlesti totis viribus appropinquare, sicut Psalmista edocet, dicens: Mihi autem adhærere Deo bonum est, ponere in Domino Deo spem meam (*Psal. lxxii*).

CAP. VII. Dumque hæc sollicitus excogitarem, nocte silenti concitus surrexi, parvum panem

mecum detuli cum exiguis leguminibus, ut vix A usque in quartam diem sufficeret; sicque secundum Dei dispensationem et ejus pietatem profectus sum, ut mihi ostenderet meae habitationis locum. Egre-diente autem me de monasterio in montana, veni in desertum; cogitansque ut manerem ibi, continuo lumen splendidum ante me, quasi obvians mihi, vidi. Quo viso, valde timui. Idcirco quoque putavi me debere ad monasterium regredi, unde exivi. Extemplo autem de radio præclari luminis vir aspectu pulcherrimus accessit ad me, et dixit mihi: Noli pavescere, ego enim sum Dei angelus, tibi ad custodiendum ab ortu tuo (11) providentia divina destinatus, ut jubente Deo tecum manerem, et te in hanc eremum ducerem. Perfectus esto, humilis incedecoram Domino, cum gaudio labora, cortuum in omni custodia conserva, vive sine querela, in bono opere persevera. Ego vero te non derelinquam, donec animam tuam in præsentiam summæ majestatis offeram. Hæc locutus est mihi angelus, iter inceptum mecum comitatus.

CAP. VIII. — Pergebamus ita simul sex milliaria vel septem, et ad quamdam venimus speluncam nimis decoram. Appropriavi, volens sciscitari, si forte quispiam intus maneret. Secundum consuetudinem monachorum clamare cœpi, benedictionem humillime petii (12). Inde virum sanctissimum exire vidi, quem prostratus humo tenus adoravi. Ille veromanus suas mihi porrexit, de terra me elevavit, osculum mihi pacis tribuit (13), atque dixit: Tu es enim frater meus, eremiticæ cooperatores vitæ, o fili, in-gredere. Deus tibi concedat, ut timor ejus in te permaneat, opus tuum in illius conspectu complaceat. Statim cum eo specum introivi, diesque plures apud illum pausavi, opera ejus cupiens discere, et solitariam habitationem curiosius investigare; ipse quoque ut meum desiderium agnovit, consilium honorabile mihi præbuit; ac qualiter insidias diaboli superare deberem, verbis charitativis gratanter patefecit. Transactis itaque quibusdam diebus, talibus admonuit me verbis, dicens: Fili, surge, mecum perge; interiora deserti debes intrare, et in alia spelunca solus habitare: ibi si viriliter dimicas, omnia dæmoniorum tentamenta superas. Idcirco vero Deus in hoc deserto vult te probare, si mandatis ejus fideliter velis obedire. Fidelia omnia mandata ejus, confir-D mata in sæculum sæculi, facta in veritate et æquitate (*Psal.* cx). Vir autem sanctus hæc dicens, surrexit, et mecum in interiora deserti iter quatuor dierum perrexit. Quinta vero die devenimus in locum qui (14) Calidiomea dicitur, ibi palmæ propinquæ erant. Tunc vir Dei inquit: Ecce, fili, vide locum quem tibi Dominus præparavit ad manendum. Fuit autem ille mecum spatio triginta dierum, edocens me servare cauta diligentia (15) doctrinam Dei mandatorum. Quibus ita peractis, oratione sua sancta Domino **102** me commendavit; et separatus a me, ad propria remeavit. Per singulos vero annos solitudo erat me visitare, ac quali industria et simplicitate

deberem vivere, divinis alloquiis non cessabat ad-monere.

CAP. IX. — Quodam autem tempore, juxta consuetudinem ad me veniens, inter verba salutationis prostratus in terram corruit: Dominoque remittens animam, obdormivit. Quod cum viderem, nimis sum contristatus; et devolutus humi, lacrymis obortis uberrime flevi. Corpus ejus mox accepi, et secus Calidiomeam terræ commendavi.

CAP. X. — Dum autem ego Paphnutius a viro sanctissimo Onuphrio, rationis hujus loquelam audirem, inquam ad eum: Pater sancte, laborem esse non modicum jam sentio, quem pro nomine Christi tolerasti in hac eremo. Vir sanctus respondit: Mihi, frater, crede dilectissime: in deserto sustinui, et B sapius putarem me morte superari. Abspes etiam (16) multoties vitæ, ut vix halitum in corpore sentirem remanere. Per diem æstu et igne solis ardentis urebar, per noctem rore et pruina infectus, fame et siti defectus. O quanta et qualia passus sum! Non sufficit, neque quempiam decet plagas ac labores enarrare, quos homo moriturus pro Dei viventis amore debet tolerare. Reddet Dominus mercedem laborum sanctorum suorum (*Sap.* x). Cujus divitiæ sicut non augentur, ita nequaquam minuentur. Per quem enim famem, sitim, frigus et æstum, atque multigenarum cruciamenta molestiarum sustinui, potens est cum divitiis cælestibus inter angelorum ceteras me consolari: alimenta vero sprevi corporalia, ut dignus acciperem spiritualia. Sanctus enim angelus quotidie panem mihi offerebat, et aquam pro mensura ministrabat, ut corpus meum confortaretur, ne deficeret, et jugiter in laude Dei perseveraret. Arborea palmarum ibidem constitutæ erant, quæ duodecies in anno dactylorum fructus germinabant (17). Quos per singulos dies colligens, pro pane edebam, mixtos herbarum foliis, et erant in ore meo tanquam favus mellis. Nam in Evangelio legitur: Non in solo pane vivit homo, sed in omni verbo quod procedit de ore Dei (*Matth.* iv). Frater Paphnuti, si implere studes voluntatem Dei, omnia tibi necessaria præparantur ab eo. Unde ipsa Veritas admonet, dicens: Ne solliciti sitis animæ vestræ quid manducetis, aut quid bibatis, neque corpori vestro quid induamini, scit enim Pater vester quia D his omnibus indigetis. Quærite primum regnum Dei et justitiam ejus, et hæc omnia adjicientur vobis (*Matth.* vi).

CAP. XI. — Cumque hoc a beato viro Onuphrio intentius auscultarem, mirans in sermonibus et actibus ac laboribus illius, dixi: Pater benigne, die Dominico vel Sabbato communionem percipiebas (18) ab aliquo? At ille respondens, ait: Omni die Dominico vel Sabbato angelum Domini paratum invenio, sacrosanctum corpus et sanguinem Domini nostri Jesu Christi secum deferentem: de cujus manu mihi pretiosissima donantur munera. vitæque meæ salus perpetua. Verum etiam omnes qui vitam spiritalem ducunt in eremo monachi tali participan-

tur gaudio. Hi vero sancti eremitæ, qui hanc solitudinem habitant, si fortasse aliquando videre hominem desiderant, illico in cælum ab angelo deportantur: visionem illic animæ justorum, fulgentium sicut sol in regno Patris eorum, ibi multitudinem contemplantur angelorum, suasque animas cœtibus mixtas beatorum. Quare omnes qui in agone contendunt, tota mente, toto corde, totis viribus in bono opere fervent, quatenus gloriam cœlestis patriæ cum Christo et cum sanctis mereantur possidere. Ista denique omnia, venerando Onuphrio narrante, cognovi juxta summitatem ipsius monticelli (19), ubi obviavit mihi. Ita videlicet gaudium meum impletum est, ut omnem adversitatem, quam in itinere tuleram, traderem oblivioni.

CAP. XII. — Credo, inquam, Pater, inter felices me deputari, quia videre te et opera tua egregia promerui. Verba tua nimis pulchra, omni dulcedine mellita, ita mei penetrant cordis intima, ut possim dicere cum Psalmista: Quam dulcia faucibus meis eloquia tua, super mel et favum ori meo (*Psal. cxviii*)! Qui ait: Fili, mecum vade; locum meæ habitationis conspice, parcamus paululum verbis. Continuo surrexit, præivit; secutus sum. Duxit me secum quasi trium milliariorum iter: venimus Calidiomeam in spiritalem locum, arboribus palmarum gratanter ornatum. Ibi preces Domino fudimus; eisque completis in terram sedimus, in divinis altercantes eloquiis. Sole jamjamque in occasum verso, vidi panem positum cum aqua exigua. Vir etenim Dei sentiens me fatigari, dixit mihi: Profecto, fili, cerno te periclitari, nisi cibum capias. Surge ergo et comede. Cui inquam: Vivit Dominus (*III Reg. xvii*), et benedictus Dominus Deus meus, in cujus conspectu erimus; non manduco, neque bibo, donec charitate pura pariter cibum sumimus. Igitur vix eum coegi ut faceret quod volui. Verumtamen ut meum agnovit desiderium, panem fregit, tribuit mihi; manducavimus et saturati sumus. **✠** nobisque fragmenta superferunt edentibus. Noctem illam insomnem pene duximus, divinisque laudibus immorati sumus.

CAP. XIII. — Mane facto, post horam orationis, videbam vultum ejus pallore ita mutatum, et quid acciderit quæsivi ab eo. Qui ait: Non expavescas, frater Paphnuti, quoniam omnipotens Deus recto itinere in hanc solitudinem direxit te, ut honorifice sepelias me, atque corpus nœum commendes terræ. Hac etenim hora anima carnis vinculis absolvitur; atque ad creatorem suum in cœleste regnum deportatur. Frater amantissime, (scio namque desiderium tuum) quando redieris in Ægyptum, memorare mei in præsentia fratrum tuorum, et in conspectu omnium Christum colentium. Hæc est postulatio mea (20); quam impetravi a Domino Deo. Si quis oblationem ob amorem nominis mei ante conspectum Domini nostri Jesu Christi, et ad laudem ejus (21) immolat, ab omni tentatione diaboli, et a vinculo pravitatis humanæ liber existit, atque cum sanctis angelis in

regno cœlorum æternæ hæreditatis capax fiet. Si quis vero oblationem non valet offerre, vel præ inopia redimere, is in nomine Domini et ad honorem illius eleemosynam (22) pauperi tribuat, et ego orabo pro eo in conspectu Dei, ut dignus in cœlestibus vita superna perfrui valeat. Si quis neque oblationem, nec eleemosynam potest offerre, pro charitate mea incensum Domino Deo nostro in odorem suavitatis accendat, et ego rogo pro eo, ut gaudium perenne possideat. Cui inquam: Pater mi, ne irascaris si loquar: Si incensum nec quis habet, nec facultatis aliquid, unde Deum placare potest (23), ut tamen tua benedictione non careat, in quacunque tribulatione te invocat? Tunc ille respondit: Si quis pauper in deserto, vel in aliquo alio loco oblationem aut eleemosynam, seu incensum non habeat ad immolandum, surgat, et manus suas ad Dominum extendat, ter Dominicam orationem, id est, Pater noster, pro me cum intenta mente, et in nomine sanctæ Trinitatis psallat. Ego vero pro ipso ad Dominum intercedo, ut vitæ cœlestis mereatur particeps fieri cum omnibus sanctis Dei.

CAP. XIV. — Iterum dixi ad eum: Domine, si dignus essem, aut si donis gratiæ tuæ mihi liceret, post obitum tuum locum istum libentissime obtinerem. At ille ait: Nequaquam tibi, fili, conceditur, nec idcirco misit te Deus in peregrinationem istius solitudinis, ut hic obtineres locum habitationis; sed ut cum justis qui in deserto sunt gratuleris: et intimare ea studeas mundo, quæ cognovisti in eremo. In Ægyptum perge: ibi esto usque ad finem vitæ tuæ; opus bonum perfice, et accipies coronam perpetuæ gloriæ.

CAP. XV. — Hæc cum homo Dei loqueretur, advolutus sum pedibus ejus, dicens: Pater chare, scio enim quia quidquid petieris a Deo, dabit tibi Dominus propter immensum laborem certaminis longissimi, quo corpus tuum afflixisti septuaginta annis pro nomine Domini: præbe ergo mihi munera tuæ sanctæ benedictionis, quatenus tibi in virtute efficiar similis, et tua interventione spiritus meus dirigatur et in futuro tecum participari merear. Qui mox econtra respondens, protulit ista: Paphnuti, ne contristeris: petitio tua, tribuente Domino, erit stabilis. Sta in fide, viriliter age, oculos cum mente ad Deum erige, in mandatis corroborare, bonum facere impiger contende, et vitam æternam apprehende (*I Cor. xvi*). Protegant te angeli Dei, et conservent te ab omni consilio pravitatis, ut purus ante Deum et immaculatus in die sui examinis inveniaris. Post hæc surrexit, et ad Dominum lacrymans oravit, ger uaflexit, atque subito dixit: In manus tuas, Deus, commendo spiritum meum. Cumque hæc dixisset, lumen splendidum corpus ejus obumbravit, et in ipsius claritate luminis anima sancta carne soluta est.

CAP. XVI. — Repente vero vocem angelorum multorum audivi, laudantium Deum, et in discessu sanctissimæ animæ sancti Onuphrii, æthera scilicet angelicis canticis resonantia (24), gaudium ineffabile

astris intulerunt, per quem cœlestes exercitus animam militis inclyti cœllis invexerunt. Mox oculi mei fletu profluunt, interiora gemitus producunt, lacrymarum rivi manarunt, planctus mei miseri Paphnutii exuberant: illud flebilis planxi, quia quem vix inveni, diutius habere non potui. Deinde tunicam (25) meam per dimidium seidi, una parte indutus sum, in alteram collocavi corpus beatum, et sepelivi illud in sepulcro quod excisum erat de petra. Tunc videns me solum remanere, iterum cœpi lugere. Ita mœrens surrexi, specusque illius habitaculum intrare volui.

Denique me astante, ipsa spelunca cecidit cum magna ruina, et palmæ radicitus erutæ simul procubuerunt. Cognovi itaque ego Paphnutius, quid non esset voluntas Domini, me in loco illo habitare; recessi inde, in Ægyptum redii: ibique Ecclesiæ retuli quæ vidi et audivi.

Sanctus igitur Onuphrius obiit mense Junio, die undecimo (26), id est, III Idus ejusdem mensis. Ibi beneficia ejus præstantur usque in præsentem diem; ad laudem et gloriam Domini nostri Jesu Christi, cui est honor et potestas in sæcula sæculorum. Amen.

ROSWEYDI NOTATIO.

104 (1) *Onuphrii*.] Apud Metaphrastem [1 Junii dicitur *Honophrius*. Martyrologium Romanum, 11 Junii « In Ægypto sancti Onuphrii anachoretæ, qui in vasta eremo sexaginta annos vita religiose peregit, et magnis virtutibus ac meritis clarus migravit in cœlum, cujus insignia gesta Paphnutius abbas conscripsit. » Menologium Græcorum, eodem die: « Sancti Patris nostri Onuphrii Ægyptii, qui cum esset in cœnobio in urbe Hermopoli Thebarum, et audiret de Elia prophetæ et Joannis præcursoris Vita, egressus ex cœnobio habitavit eremum annos sexaginta, hominem omnino non videns. Ubi post admirabilem vitæ monasticæ conversationem in cœlum migravit, quem magnus Paphnutius sepelivit Cujus dies natalis celebratur 12 Junii in sanctissimo ejus oratorio, in monasterio sancti Alipii. » Eadem in Menæis, sed quibusdam additis, quæ non exscribo, ne notæ excrescant.

Alius est Onuphrius, cujus mentio exstat apud Metaphrastem in Actis SS. Galationis et Epistemis martyrum, 5 Novembris, quæ recitat Lipomanus tom. V, et Surius tom. VI. Qui vixit eo tempore quo gentilium in Christianos persecutio sæviebat. Menologium sub Decio eorum martyrium ponit. Vixit autem apud Emesam Phœnicæ, quæ ad montem Libanum est. Non fuit ille segregatus ab hominum consortio, ut noster hic. Ejus precibus Leucippe, ante sterilis, prolem impetravit Galationem.

(2) *Paphnutio*.] Varii fuerunt Paphnutii, de quibus vide hic ad librum II Ruffini, cap. 13. De Paphnutio confessore dixi ad Vitam sancti Antonii, capite 30, n. 68. Acta hæc Paphnutio auctore (quo tamen Paphnutio, nondum mihi constat) habes etiam apud Metaphrastem, sed Timothei anachoretæ Vita, et quibusdam aliis intermistis, quæ recitat Lipomanus tom. VI, et Surius tom III, Junii 14, Gentiano Hervey interprete. Sed et aliam interpretationem Actorum Onuphrii, quibus etiam intexta est Timothei anachoretæ vita, accepi ex monasterio sancti Jacobi Leodii, sed vulgatam hæctenus in Vitis Patrum malui nunc retinere, cujus quidem nullum Ms. Latinum exemplar habui, sed Græcum tamen textum e Boica Bibliotheca accepi.

(3) *Gregorio*.] Quis hic Gregorius sit, nondum mihi liquet.

(4) *Ægre*.] Vetus editio, *peragre*. Intelligit per hoc, ut opinor, procul: nisi forte ibi legendum *peragre*. Sane *peragre* se profectum viribus deficientibus, testatur ipse capite præcedente.

(5) *Uti corpus illius ipsorum diffusionem tegetur*.] Hieronymus, prologo in vitam sancti Pauli primi eremitæ: « Subterraneo specu crinitum calcaneo tenus hominem. » In Vita Macarii Romani infra, capite 15: « Capilli capitis totum viri corpus operuerunt. »

(6) *Subteriora renum*.] Intelligit pudenda tantum foliis herbisque velata.

(7) *Septuaginta anni*.] Ita vett. editiones cum coloniensi. Martyrolog. Rom., Menologium Græcum, Menæa et Metaphrastes habent *sexaginta anni*.

(8) *In monasterio Hermopolim dicto nutritus, in provincia Thebaida*.] Græce est: ὄκουν γὰρ πρώτῃ ἐν ἀβαγῆ μοναστηρίῳ Θεβαίων γῶρας ἐπιλεγόμενου τοῦ ἐρημοπολίτου. « Habitavi prius in abage monasterio, regionis Thebaidis, quæ dicitur eremopolites. » Non dubium corruptum esse ἐρημοπολίτου pro Ἐρημοπολίτου. Quomodo et in Menæis restituendum ἐν Ἐρημου πόλει Θεβῶν, pro ἐρήμου πόλει. Apud Metaphrastem est: « Habitavi autem antea in sancto monasterio, quo nomine appellatur Eriti Hæmopolitani Thebarum regionis, » sine dubio corrupte. Ex Herveti versione *in sancto monasterio*, apparet eum reperisse in Græco ἐν ἀβαγῆ μοναστηρίῳ, quomodo forte ante legendum pro ἐν ἀβαγῆ μοναστηρίῳ.

(9) *Quibus humanum decet solatium, constat eos habere divinum*.] Hoc expertus est sanctus noster Xaverius, qui cum Romæ esset, humanum habebat solatium a sociis: at dum inter barbaros et feras solus versatur, ad Deum confugit, qui mirificis eum gaudiis perfudit.

(10) *Qui sitiunt, de superno fonte condiuntur*.] Nondum mihi locus hic in sacris Litteris occurrit. Paulo aliter citat Metaphrastes, et ex Isaia ait desumptum.

(11) *Angelus tibi ad custodiendum ab ortu tuo*.] Angeli custodis meminere varii Patres. Hieronymus, libro III, Comment. in Matth. capite XVIII. « Magna dignitas animarum, ut unaquæque habeat ab ortu navitatis in custodiam sui angelum delegatum. » Idem, in c. LXVI Isaia: « Quod autem unusquisque nostrum habeat angelos, multæ Scripturæ docent. E quibus illud est: Nolite contemnere unum de minimis istis, quia angeli eorum vident quotidie faciem Patris, qui est in cælis (Matth. XVIII). Et puella Rhode Petrum apostolum nuntiante, alii angelum ipsius esse credebant (Act. XII). Sin autem hoc de minimis dicitur, et de uno homine, quanto magis de omnibus sanctis, et præcipue de apostolis, sentiendum est? quorum angeli quotidie vident faciem Patris, juxta illud quod scriptum est: Circumdant angelus Domini in circuitu timentium eum (Psal. CXXXII). Et Jacob de se loquitur: Angelus qui liberavit me (Gen. XLVIII). Isti sunt, qui ascendunt et descendunt super Filium hominis. » Apud Augustinum, libro Soliloquiorum, cap. 32: « Facis, Domine, Angelos tuos spiritus propter me (Psal. CXXX), quibus mandasti ut custodiant me in omnibus viis meis, ne forte offendam ad lapidem pedem meum (Psal. XC). Hi enim sunt custodes super muros civitatis tuæ novæ Jerusalem. »

(12) *Benedictionem humillime petii*.] Bene addit, secundum consuetudinem monachorum. Nihil frequentius in his Vitis quam ut adventans hospes benedictionem ab hospite excipiente petat.

(13) *Osculum mihi pacis tribuit*.] Solent olim adventantes excipere osculo ii, apud quos divertunt. Vide Onomasticon.

(14) *Calidiomea*.] Non dubito quid interpretes in Cædicem Græcum depravatum inciderit, et *Calidiomea* ortum ex Καλῆς, véα, vel simili. Certe Græce hic est, καλοῦ μισθῶ. Sic et cap. 9: « Et secus Calidiomeam

terre commendavi, ubi Græce, Καὶ κατεθέμην τὸ A
λείψανον αὐτοῦ πλησίον τῆς ἐμῆς καλύβης. « Et posui
105 reliquias ejus juxta meam calybam sive tugurium. » Et cap. 12 : « Venimus Calidiomeam, in spiri-
ritalem locum, arboribus palmarum gratanter orna-
tum. » Græce : Κατελάβομεν καλύβην σεμνοτάτην ἔγρου-
σαν καὶ φοίνικα πλησίον ἐστάσαν. « Venimus ad caly-
bem seu tugurium maxime religiosum, quod pal-
mam juxta consistentem habebat. »

(15) *Cauta diligentia.*] Vetus editio : *cautem dignitatem.*

(16) *Abspes eram.*] Ita recte manuscripti, et vetus editio ; Coloniensis, *ab spe eram.* Dictum *abspes*, ut *ezspes*.

(17) *Quæ duodecies in anno dactylorum fructus germinabant.*] Infra, apud Joannem, libello III, n. 2, nomine anonymi, eadem res paulo clarius proponitur. « Inveni istam palmam afferentem mihi botryones duodecim dactylorum. Per singulos menses affert mihi unum botryonem, qui mihi sufficit triginta diebus, et post hunc maturatur alter. »

(18) *Die Dominico vel Sabbato communionem percipiebas.*] Aliqui libri, et *Sabbato.* Græce est : Πῶθεν κοινωνεῖς ; Σαββάτω ἢ Κυριακῇ ; *Quando communicas? Sabbato, an Dominico?*

(19) *Juxta summitatem ipsius monticelli.*] Græce : Ἐπὶ κάτωθεν τοῦ πτερυγίου τοῦ ὄρους. Hoc tantum loco mihi lectus *monticellus* a monte, pro monticulo.

(20) *Hæc est postulatio mea.*] Singulare omnino Onuphrii privilegium et apud Deum gratia. In Florario sanctorum ms. breve hujus privilegii compendium : « Migravit a sæculo anno salutis 370. Hic enim petiit et obtinuit a Domino ut si quis memoriam ejus fecerit seu oblationes, aut pauperes paverit in nomine ejus, aut memoriæ suæ librum scripserit,

dimittantur illi universa peccata. Et cum anima exierit de corpore, erit munda a peccatis, quasi modo genitus infans. » Privilegia autem hæc, quia in quibusdam libris verba variant, sane semper intelligenda.

(21) *Et ad laudem ejus.*] Ita est in editione Coloniensi. Veteribus deest.

(22) *Is in nomine Domini et ad honorem illius elemosynam, etc.*] Ita editio Coloniensis. Vetus : *ille pro amore meo in nomine Domini elemosynam.*

(23) *Unde Deum placare potest.*] Ita Coloniensis editio. Vetus : *Unde te placere potest.*

(24) *Æthera scilicet angelicis canticis resonantia.*] Refertur quidem *æther* inter anomala masculini generis plurali carentia, hic tamen ejus neutrum plurale habes quod et alibi ex æthere et aere invenies. Vide Onomasticon.

(25) *Tunicam.*] Græce λευκὸν ἄριον. Haud dubie intelligitur *lebinotarium*, ut apud Metaphrastem est. Quod et alibi hic occurrit. Vide Onomasticon.

(26) *Dic undecimo.*] Ita omnes editiones, et Florarium sanctorum ms. Græce tamen est δωδεκάτη, *duodecimo.* Atque ita Martyrologium Romanum, Menologium Græcum et Menæa. Apud Metaphrastem est : « Erat autem dies sextus quidem decimus Pauli, nonus autem Junii mensis apud Romanos. » Quod quomodo intelligendum sit, vide in Onomastico in mensium tabula.

Quod Florarium sanctorum ms. annum obitus Onuphrii ponit 370 ; nescio unde hauserit.

Manuscriptus Leodiensis Sancti Jacobi, ultimo capite, habet de leonibus sepulcrum unguibus suis Onuphrio effodientibus, cujus mentionem feci ad Vitam sancti Pauli primi eremitæ. cap. 13, n. 50. Deest hoc huic Vitæ, et apud Metaphrastem.

IN VITAM SANCTI PACHOMII ^(a) PRÆLUDIA.

ILLUSTRIMUM VIRORUM DE SANCTO PACHOMIO ELOGIA.

Sozomenus, Hist. Eccl., lib. III, cap. 13.

106 Πάχωμιος ἀρχηγὸς ἐγένετο τῶν καλουμένων Ταβινισιωτῶν. σχῆμα δὲ τοῦτο ἦν καὶ πολιτεία ἐν τισὶ παρηλλαγμένη τῆς ἄλλης μοναχικῆς, πρὸς ἀρετὴν μέντοι ὄρωσα, καὶ τὴν ψυχὴν προσεθερίζουσα, τῶν ἐπὶ γῆς καταπρονεῖν. ἄνω δὲ ὄρεῖν, ἵν' εὐμαρῶς ἐπὶ τὰ οὐράνια χωροῖται, ἡγίκα τοῦ σώματος ἀπαλλαγείη, etc.

« Pachomius præses fuit eorum qui vocantur Tabinisiotæ. Quibus quidem habitus erat et vitæ institutio a reliquorum monachorum disciplina in quibusdam rebus discrepans, in virtutis contemplatione aciem mentis defigens : animum sic tum ad rerum terrenarum despicientiam, tum ad cælestium indagationem excitans, ut cum e corporis custodia migraret, aditum ad cælum haberet perfacile. » etc.

Gennadius, de illustr. Eccles. Script., cap. 7.

Pachomius monachus, vir tam in docendo quam in signa faciundo apostolicæ gratiæ, et fundator Ægypti cænobiorum. Scripsit.

Regulam (b) utrique generi monachorum aptam, quam angelo dictante perceperat. Scripsit et

Ad collegas præposituræ suæ epistolas (c), in quibus alphabetum mysticis tectum sacramentis, velut humanæ consuetudinis excedens intelligentiam, clausit, solis, credo, eorum gratiæ vel meritis manifestatum.

C Unam *ad Abbatem Syrum*, Unam *ad Abbatem Cornelium*.

Ad omnium monasteriorum præpositos, ut in unum antiquius monasterium, quod lingua Ægyptiaca *Baum* vocatur, congregati, Paschæ diem velut æterna lege celebrent, epistolam unam.

Similiter et ad diem remissionis, quæ mense Augusto agitur, ut in unum Præpositi congregarentur, epistolam unam. Et

Ad fratres qui foras monasterium missi fuerant operari, epistolam unam.

Trithemius, libro de Script. Eccles.

107 Pachomius abbas, et monachorum sui temporis institutor permagnificus, fundator multorum cænobiorum, ac vir sanctissimæ conversationis, multis in vita et post mortem coruscans miraculis, cum esset vir doctus, et in divinis Scripturis eruditus ; scripsit ad ædificationem fratrum multas epistolas, de quibus subjectæ referuntur :

Ad Cornelium abbatem, epist. 1 ; *Ad Lyrum abbatem*, epist. 1 ; *Ad præpositos cænobiorum*, epist. 1 ; *Ad fratres operantes*, epist. 1 ; *Regulam quoque monachorum*, lib. 1.

Claruit sub Valentiniano et Theodosio principibus, anno 390.

DE DIONYSIO EXIGUO HUIUS VITÆ INTER-
PRETE.

Cassiodorus, Instit. divin. cap. 23.

Dionysius monachus, Scythæ natione sed moribus omnino Romanus, in utraque lingua valde doctissimus, reddens actionibus suis, quam in libris Domini legerat æquitatem; qui Scripturas divinas tanta curiositate discusserat atque intellexerat, ut undecunque interrogatus fuisset, paratum haberet competens sine aliqua dilatione responsum; qui mecum dialecticam legit, et in exemplo gloriosi magisterii plurimos annos vitam suam, præstante Domino, gloriose transegit. Pudet me de consorte dicere quod in me nequeo reperire.

Fuit enim in illo cum sapientia magna simplicitas, cum doctrina humilitas, cum facundia loquendi parcitas; ut in nullo se vel extremis famulis anteferet, cum dignus esset regum sine dubitatione colloquiis. Interveniatur pro nobis, qui nobiscum orare consueverat; ut cujus hic sumus oratione suffulti, ejus possimus nunc meritis adjuvari.

Qui petitus a Stephano episcopo Salonitano, ex Græcis exemplaribus *Canones Ecclesiasticos* (d) moribus suis, ut erat planus atque disertus, magnæ eloquentiæ luce composuit, quos hodie usu celeberrimo Ecclesia Romana complectitur. Hos etiam oportet vos assidue legere, ne videamini tam salutares Ecclesiasticas regulas culpabiliter ignorare.

Alia quoque multa ex Græco transtulit in Latinum (e), quæ utilitati possunt Ecclesiæ conyenire. Qui tanta Latinitatis et Græcitatatis peritia fungebatur, ut quoscunque libros Græcos in manibus acciperet, Latine sine offensione transcurreret, iterumque Latinos Attico sermone relegeret, ut crederes hoc esse conscriptum, quod osejus inoffensa velocitate fundebat.

Longum est de illo viro cuncta retexere, qui inter reliquas virtutes hoc habuisse probatur eximium, ut cum se totum Deo tradidisset, non aspernaretur sæcularium conversationibus interesse. Castus nimium, cum alienas quotidie videret uxores; mitis cum fere gentium vesano turbine pulsaretur. Fundebat lacrymas motus compunctione, cum audiret garrula verba lætitiæ. Jejunabat sine exprobratione prandentium, et ideo convivii gratanter intererat, ut inter corporales epulas inquisitus, spirituales copias semper exhiberet. Quod si tamen aliquando comederet, parvo quidem cibo, sed tamen escis communibus utebatur.

¶ Unde summum genus æstimo patientiæ, inter humanas esse delicias, et abstinentiæ custodire mensuram. Sed, ut bona mentis ejus infucata laude referamus, erat totus Catholicus, totus paternis regulis perseveranter addictus, et quicquid possunt legentes per diversos quærere, in illius scientia cognoscebatur posse fulgere. Cujus nomini aliqua pravi homines calumniose nituntur ingerere, unde sua videantur errata aliquatenus excusare. Sed ille jam sæculi perversitate derelictus, præstante Domino, in Ecclesiæ pace sepultus, inter Dei famulos credendus est habere consortium.

V. Beda, de ratione Temp., cap. 45.

Primi decemvennalis circuli versu temporum ordo præfigitur, quem Græci calculatores a Diocletiani principis annis observavere; sed Dionysius, venerabilis abbas Romanæ urbis, et utriusque linguæ, Græcæ videlicet et Latine, non ignobili præditiis scientia, *Paschales scribens circulos*, noluit eis (sicut ipse testatur) memoriam impii persecutoris innectere, sed magis eligit ab incarnatione Domini nostri Jesu Christi tempora prænotare, quatenus exordium spei nostræ notius nobis existeret, et causa reparationis humanæ, id est, passio Redemptoris nostri evidentius eluceret.

Sigebertus, catalogo illustr. Eccles. Script., cap. 27.

Dionysius abbas Romanus, cognomento Exiguus, gemina scientia Græcæ et Latine clarus, transtulit de Græco in Latinum *Proterii* (f) *Alexandrini episcopi scripta* ad Leonem papam de celebrando Pascha in anno Domini 455. Transtulit etiam de Græco in Latinum *librum Gregorii Nysseni de conditione hominis* (g), et *Vitam Pachomii abbatis* (h). Scripsit et ipse, post Cyrillum, *Cyclum quinque cyclorum*, incipiens ab anno nati Jesu Christi 532 qui est ultimus annus magni cycli, qui est annorum DXXXII semel exacti a nativitate Christi, e.c.

Trithemius, libro de Script. Eccles.

Dionysius, abbas Romanus, cognomento (ut fertur) Exiguus, vir certe ingenio et scientia magnus atque clarissimus, in Scripturis sanctis eruditus, et in disciplina sæcularium litterarum nobiliter doctus, Græco et Latino eloquio clarus, computista et calculator temporum egregius. Scripsit Latino sermone nonnulla opuscula, de quibus ego tantum reperi subjecta: *Cyclum Paschalem magnum annorum DXXXII*, lib. I;

De ratione festi Paschatis, lib. I; *Paschatis festi rationem*.

De cæteris (i) nihil reperi. Transtulit autem de Græco in Latinum: *Vitam sancti Pachomii abbatis*; *librum quoque Gregorii Emisseni, de conditione hominis*; et *scripta Proterii, Alexandrini episcopi, ad Leonem papam* (j). *Et quædam alia* (k).

Inchoavit autem Cyclum suum anno Domini 53, qui fuit ultimus annus magni cycli paschalis, qui semel exactus in eundem semper revertitur.

Claruit ergo sub Justiniano imp. magno, anno Domini 540.

Idem de Viris illust. ord. sancti Benedicti, lib. II, cap. 4.

Dionysius, abbas Romanus, cognomento Exigui, vir in divinis Scripturis valde eruditus, et in sæcularibus litteris peritissimus, calculator et geometer insignis, Græco et Latino instructus eloquio: qui doctrinæ suæ magnam apud veteres auctoritatem consecutus, edidit non spernenda opuscula, de quibus pauca ad meam notitiam pervenerunt:

De ratione Paschæ librum. ¶ *Cyclum quoque magnum quingentorum triginta duorum annorum. Epistolas etiam nonnullas composuit.*

De Græco in Latinum transtulit: *Scripta Proterii Alexandrini ad Leonem papam de Pascha celebrando*;

Et librum Gregorii Emisseni de hominis conditione; A Vitam quoque sancti Pachomii Latinam fecit.

Claruit anno Domini 570.

Baronius, Notat. ad Martyrol. Rom. 14 Maii.

Pachomii præclaras res gestas Græce conscriptas Dionysius, abbas Romanus, Exiguus cognomento, Latine convertit ante annos plus mille ac centum.

ROSWEYDI NOTATIO.

(a) *Pachomii.*] Martyrologium Rom. 14 Maii : « In Ægypto, sancti Pachomii abbatis, qui plurima in ea regione monasteria erexit, et regulam monachorum scripsit, quam angelo dictante didicerat. » Menologium Græcum, 15 Maii : « S. P. N. Pachomii Tabennesiotæ. Fuit Pachomius sanctus ex Thebaide inferioris Ægypti, Constantini Magni temporibus. Habuit autem parentes idolorum cultores: conversus autem ad Christi fidem baptismum suscepit, et monasticam vitam amplexus ad eremum accurrit, ubi perfectam vitam assecutus, virtutibus et miraculis clarus, multos sibi sectatores effecit, ut antequam ex hac vita decederet, monachorum, qui per illum effecti sunt, mille et quadringentorum numerus effectus sit. » Menæa etiam, 15 Maii, accuratius compendit vitam ejus comprehendunt. De hoc etiam Beda, Usuardus, Rhabanus, Ado, Notkerus, qui sua ex Gennadio, quæ habes in elogiis, expresserunt.

De hoc eodem Pachomio Palladius c. 38; Sozom., libro III, cap. 13; Niceph., lib. IX, capite 14; Vincentius, Spec. histor. lib. XVII, capite 82, et lib. XVIII, cap. 47; Antonin., part. II, tit. 15, cap. 11, § 1; Petrus Equilinus episcopus in Catal. sanctorum, lib. IV, c. 171.

Nomen Pachomii, monachorumque ab eo institutum disciplinam, Athanasius primus in Urbem advexit, ut auctor est sanctus Hieronymus, ep. 16, ad Principiam.

De tempore ejus obitus Sigebertus Miræi, in Chronico, anno 8 Arcadii et Honorii, quem Christi statuit 405, aliis editionibus sequenti anno ponentibus : « Pachomius abbas annum 110 agens, in virtutibus consummatur. »

Alius est Pachomius confessor apud Heraclidem, in Paradiso, cap. 11, qui in Scete vixit; qui Palladio, Lausiaca Historiæ cap. 29, dicitur Pachon. de quo Pachomio Petrus, supra, libro IV, cap. 172.

Alius quoque Pachomius episcopus et martyr apud Eusebium, libro VIII eccles. Hist., cap. 14, de quo Petrus, supra, lib. XI, c. 32.

(b) *Regulam.*] Regulæ hujus aliquod breviarium habes hic in Vita Pachomii, cap. 22. Integram eam primus, quod sciam, edidit Achilles Statius Lusianus, Romanis hæredum Antonii Bladii typis, anno Domini 1575; deinde anno 1588. Petrus Ciaccon eam correctiorem typis quoque Romanis dedit, et Cassiano a se recensito adjunxit.

Ipsam Pachomii regulam Ægyptiæ scriptam, translata in Græcum, Latine reddidit sanctus Hieronymus, rogante Silvano monacho, eo tempore quo sancta Paula ex hac luce migravit, Honorio VI et Aristeneto coss., anno Domini, juxta Fastos Onuphrii, 404.

(c) *Epistolas.*] Nulla harum epistolarum, quarum quidem mihi notitia sit, præter præliminæ ante alia opuscula, hodierno exstat.

(d) *Canones ecclesiasticos.*] Prodiere hi olim canones Moguntia in-folio, anno 1525; deinde Lutetia Parisiorum in-8º, anno 1609, in qua posteriori editione ex bibliotheca Nicolai Fabri habes ipsius Dionysii epistolam ad Stephanum episcopum Salonitanum, qua breviter exprimit, quidquid canonum ipse converterit ac ediderit. « Ac in primis quidem canones 110 Apostolorum e Græco; deinde regulas Nicænae synodi, et deinceps omnium conciliorum, sive quæ antea, sive quæ postmodum facta sunt,

Exstat ejus præfatio ante Vitam sancti Pachomii : habes eam in prima parte Vitæ sanctorum Patrum, cap. 54. Miramur eam a Lipomano et Surio prætermissam; quæ, ut tanti viri ingenii laudatissimi monumentum, prætereunda non fuit; qualis enim quantum sanctitate et eruditione fuerit, consule Cassiodorum illi æqualem, lib. Instit. ad lect. divin.

usque ad synodum c. pontificum, qui apud Constantinopolim convenerunt, sub ordine numerorum, id est a primo capitulo usque ad 162, sicut habentur in Græca auctoritate, digessimus. Tum sancti Chalcedonensis concilii decreta subdentes, in his Græcorum canonum finem esse declaramus. Ne quid præterea notitiæ vestræ credamur velle subtrahere, statuta quoque Sardicensis concilii atque Africani, quæ Latine sunt edita, suis a nobis numeris cernuntur esse distincta. »

(e) *Multa ex Græco transtulit in Latinum.*] Quæ illa sint, quia Cassiodorus non exprimit, habes ea hic partim apud Sigebertum, partim apud Trithemium.

(f) *Proterii.*] Scripta hæc, seu epistolæ ad Leonem papam nunc non exstant. Quot fuerint, et quid continerint, clarius explicant sequentes auctores. Sigebertus, in Catalogo illustr. Ecclesiæ Scriptorum, cap. 26. « Proterius, Alexandrinus episcopus, scripsit et ipse ad Leonem papam, dubitantem de celebrando Pascha illius anni; qui cum esset embolismalis, putabatur ab aliquibus esse communis. » Annus ille erat 455, ut hic habet Sigebertus in Dionysio Exiguo. De eodem Proterio etiam Isidorus, Catalogo illustrium Ecclesiæ Scriptorum, cap. 10. « Proterius, Alexandrinæ antistes Ecclesiæ, scripsit epistolam ad Leonem Romanæ Sedis episcopum, de festivitate Paschali. Hunc autem Leonis Augusti temporibus Dioscori hæretici successores, auctore Timotheo, seditione facta crudelissime peremerunt, ipsumque Timotheum sibi pro Alexandrino episcopo posuerunt. » Trithemius, catalogo illustrium Eccl. Scriptorum : « Proterius episcopus Alexandrinus, vir tam in divinis Scripturis, quam in sæcularibus litteris eruditissimus, theologus et computista insignis, quem Leonis Augusti temporibus, successores Dioscori hæretici, seditione facta auctore Timotheo crudeliter peremerunt, ipsumque Timotheum in locum ejus pro Alexandrino episcopo idolum erexerunt. Scripsit inter cætera : *Ad sanctum Leonem papam, de celebratione Paschæ*, epist. III; *Ad Hilarium, de eadem re*, epist. I : Quoniam sanctitas vestra orta, epistolas plures ad diversos; et quædam alia.

Claruit sub Leone imp., an. Domini 460.

(g) *Librum Gregorii Nysseni de Conditione hominis.*] Prodiit hic liber Dionysio Exiguo interprete inter Nysseni opera ex Episcopii officina, anno 1562, cui non est præfixa Joannis Cononis epistola, qua se interpretationem eam nonnihil emendasse quibusdam in locis profitetur, idque de fragmento Græco, ut existimavit Lewenclavius. Alteri enim Nysseni libro ibidem ea epistola præfixa est. Deinde idem Lewenclavius typis Joannis Oporini Basileæ, anno 1567, in-8º, hunc eundem Nysseni librum Græco-latine e sua versione dedit. Non recte apud Trithemium est Emisseni pro Nysseni.

(h) *Vitam Pachomii abbatis.*] Hæc est illa quæ hactenus inter Vitas Patrum fuit circumlata. Eamdem ex Græco transtulit Gentianus Hervetus, quam habes apud Aloysium Lipomanum, tom. VI de Vitis Sanctorum, et Laurentium Surium, tomo III, quæ hac nostra multo est auctior. De qua vide hic, infra, post numerum 2.

(i) *De cæteris.*] Exstat in Bibliotheca nostra Lovaniensi Dionysii Exigui Ms. epistola ad Eugypium monachum.

Citatur et ejusdem epistola ad Petronium episcopum, apud Petavium, in Epocha annorum.

(j) *Leonem papam.*] Ex hoc Trithemii loco Genebrardus, Chronologiae suae lib. III. existimavit Dionysium hunc vixisse tempore Leonis I papae: quod non rite intelligens Trithemium, crederet Dionysium librum suum, quem ex Proterio verterat, Leoni papae dedicasse. Non hoc vult Trithemius, sed potius Dionysium vertisse Proterii librum, quem ipse Proterius Leoni papae miserat. Ita enim ille et hic, et clarior in catalogo illust. Eccles. Scriptorum, in Proterio: « Scripsit (Proterius) inter caetera *Ad sanctum Leonem papam, de celebratione Paschae* epistolas III.»

Gravius labitur Lewenclavius, qui Dionysium Nysseni de opificio hominis interpretem existimavit vixisse annis abhinc cccc.

(k) *Et quaedam alia.*] Invenio, praeter jam citata, Proclum Constantinopolitanum Graecolatium, Dionysio Exiguo interprete, cum praeliminari ejusdem epistola ad Felicianum et Pastorem, quem edidit Joannes Sichardus in Antidoto contra haereses, infol., Basilicae, apud Henricum Petrum, anno 1528, quem post Latine tantum Bibliothecae Patrum, tomo III, inseruit Margarinus de la Bigne.

Habes in eodem Antidoto *duas Cyrilli Alexandrini epistolas ad Successum episcopum Isauriae Diocesa-*

riensem *ex Dionysii Exigui interpretatione*, cum ejusdem praefatione ad Joannem et Leontium; quarum epistolarum non meminere auctores hic citati, qui catalogum illustr. Ecclesiae Script. texuere.

Lovanii, in collegio nostro, est *ejusdem Dionysii versio ms. operis Nysseni de Natura hominis.*

■■■ Atque hactenus tum de Pachomio ipso, tum de vitae ejus interprete. Sed quis vitae ejus auctor?

Aloysius Lipomanus, tomo VI de Vitis Sanctorum, et Laurentius Surius, tomo III, Vitam Pachomii Metaphrastae inscribunt auctori. Sed longe vetustior hujus Vitae auctor indagandus est. Siquidem Metaphrastes vixit circa annum 930, Dionysius vero Vitae hujus interpres circa annum 530.

Auctor Graecus, quique est, fuit ipsi Pachomio synchronus. Nam. cap. 40 Vitae hujus, ait se accepisse quae scribit ab iis qui Pachomio convixere.

Metaphrastes, etsi ad verbum, ut a primo auctore Vita composita est, eam exprimat, multa tamen capita inserta habet quae apud Dionysium vetustum interpretem non comparent: qualia sunt apud Metaphrastes capita omnia a 40 usque ad 57 inclusive; item a 73 ad 78 inclusive; rursus caput 85 et 86; postremo 90. Unde videtur Metaphrastes in perfectiora exemplaria incidisse.

MALI XIV

VITA SANCTI PACHOMII ABBATIS TABENNENSIS,

AUCTORE GRÆCO INCERTO, INTERPRETE DIONYSIO EXIGUO ABBATE ROMANO.

PROLOGUS DIONYSII EXIGUI INTERPRETIS.

Dominæ (I) venerandæ mihi, et in Christo quoque magnificentissimæ Dionysius Exiguus.

Pio venerationis vestrae proposito, qua valui facultate, respondi, sancti Pachomii Vitam, sicut in Graeco reperta est, fide translatoris exsolvens: in qua re cum diu me morantem vestra compulisset auctoritas, integrum non erat ut qui reus jam sponsonis existiteram, promissa differrem, praesertim vobis, quae votum potius quam vires attendere consuevit. Plura namque per Christi gratiam legenda simul atque imitanda peragenſes, avida voluntate beatorum Patrum cupitis instituta cognoscere, quatenus eorum studiis facta propria componentes, futuris saeculis documentum divini muneris singulare praestetis; fatemini quippe maximam vos operam dare virtutibus, quas diligitis in conversatione sanctorum, quibus etiam illustrium operum qualitate cohaeratis; quia virtutem nullus amat, nisi qui sequitur, et similitudo morum magnum profert conjunctionis indicium: sicut e contrario vita dispar grandis est et in ipsa sanguinis affinitate ■■■ discordia. Sic frequenter inter propinquos prava succedunt odia, sic jurgia nascuntur infensa, sic usque ad sanguinem saevit inexplebilis et caeca malitia, dum bonis invident pravi, liberalibus cupidi, quietissimis turbulenti, studiosis inertes, placidis implacabiles, tranquillis immites, modestis temerarii, sapientibus stulti, simplicibus callidi, mitissimis quoque furiosi. Sed melius horum mores apostolica tuba redarguit; nam cum novissimorum pericula temporum gentium Doctor exprimeret, intulit, dicens: *Erunt enim homines semetipsos amantes, cupidi, elati, superbi, blasphemii, parentibus non obedientes, ingrati, scelesti, sine affectione, sine pace, criminales, incontinentes, immites, sine benignitate, proditores, protervi, tumidi, voluptatum amatores magis quam Dei* (II Tim. III). Hic beatissimus Paulus quae superius diffuse protulit, mira brevitate collegit; ostendens eos ideo tales fore, quia voluptatum amatores existerent, et quia vitiosissimis se cupiditatibus subjugarent. Hinc enim mala cuncta proveniunt, dum Deus contemnitur, voluptates vero amantur. Per has diabolus illicit ut decipiat, delectat ut fallat, blanditur ut perimat; et ne futura praesentibus, caelestia terrenis, aeterna brevibus anteponantur, insistit: *Voluptatum*, inquit, *amatores magis quam Dei, habentes speciem quidem pietatis, virtutem autem ejus abnegantes* (Ibid.), hoc est, tantum nomine videntur esse Christiani, non opere, qui etiam velut interiores hostes pejus quam exteriores saeviunt, et in Ecclesia constituti pia Ecclesiae membra discernunt. Quos Apostolus nos protinus vitare praecipit, ut ab eorum so-

cietate, non tam locorum quam morum dissimilitudine dividamur. Nec videatur cuiquam mirum, quod huiusmodi pestes (2) justis hominibus adversentur, quando pleni dolis, pleni fallacis sibi quoque non parcant, et secum ipsi plerumque dissentiant. Tales expertus vir beatus atque gloriosus genitor vester (3) Dominus noster, non solum patienter ac fortiter insectationes eorum semper pro justitia pertulit, sed etiam felice sine pro veritate (quæ Christus est) constanter atque sublimiter totius mundi adversa superavit. Cuius perfectam vitæ regulam sanctorum meritis propemodum consonantem nimis exopto perfectorum virorum docta atque facunda oratione perscribi, ut tanta claritudo vestri generis, tantumque decus ex aliqua noscatur parte, et virtus admiranda viri vix antiquis effabilis, quæ favente Christo a vobis hæreditario jure perficitur, lectionis officio posteris intimetur.

Prologus auctoris.

Dominus noster Jesus Christus, sapientiæ fons, et scientiæ verum lumen, verumque Dei patris Verbum, per quod facta sunt omnia, sciens infirmitatem nostram ad peccata pronam atque præcipientem, plura circa nos remedia suæ pietatis ostendit. Abraham namque pater noster, cum divinis jussis obtemperans, filium suum offerret in sacrificio, placuit Deo, et merito fidei mox et hæredem recepit et præmium (*Gen. xxii*). Cui etiam per semetipsum Deus juravit, dicens: Nisi benedicens benedixero te, et multiplicans multiplicabo te sicut stellæ cæli in multitudinem, et sicut arenam quæ est ad oram maris innumerabilis. Et iterum: In semine tuo benedicentur omnes gentes terræ (*Ibid.*). De quo semine manifeste nos edocet Apostolus, dicens: Non dicit et seminibus, quasi in multis, sed quasi in uno, et semini tuo, quod est Christus (*Gal. iii*). Omnes etiam sancti prophætæ, tantæ salutis arcanum revelante Spiritu sancto, prævidentes, scientesque Deum nullo modo posse mentiri, ad sanandos languores nostros cælestem medicum nuntiabant esse venturum, atque ut celeri præsentia sua prospiceret humano generi, continua supplicatione poscebant. At misericors Deus, qui pia vota semper antevenit, nec unquam deserit eos qui se toto corde quesierint, promissiones suas novissimis diebus implevit, mittens Filium suum natum ex muliere, factum sub lege, **¶ 13** qui pro similitudine mortalitatis nostræ carne pateretur, eumque qui habebat mortis imperium sua morte destrueret (*Hebr. ii*). Denique divinitate sua manens impassibilis, a corruptione atque interitu nos redemit, et a vinculis absolvit insolubilibus inferorum; perfectaque dispensatione nostræ redemptionis, omnibus gentibus per lavacrum regenerationis peccatorum indulgentiam contulit, cunctosque ad veram fidem per doctrinam apostolicam confluentes, juxta illud quod in Evangelio ait, Euntes docete omnes gentes, baptizantes eos in nomine Patris, et Filii, et Spiritus sancti (*Matth. xxviii*), gremiis infinitæ pietatis suæ amplexus est.

Igitur cum per universam terram Evangelii præconia coruscarent, et plures in adoptionem filiorum per gratiam Christi concurrerent, inimicus humani generis vehementer exarsit; multoque severiora tentationum prælia, quam prius servis Dei excitaverat, nisus est commovere; suspicatus infelix quod posset nobis iter indulgentiæ cælestis obstruere. Sed hac ipsa intentione sua deceptus est et elisus. Adjutorio namque divini muneris, a fidelibus et vigilantibus virum ejus proteruntur insidias, ut ipsi quidem confusio, famulis autem Christi perennis gloria comparetur. Nam juxta Domini permissionem, cum ad examen patientiæ ac fidei eorum qui spiritualia bella prudenter exercent, pagani imperatores existerent, et ubique contra Christianos persecutionis procella desæviret; multi apud Ægyptum martyres sancti per varia supplicia usque ad mortem in Christi nomine perstiterunt, et simul cum Petro Alexandriæ civitatis episcopo, perpetuæ coronas et immortalia præmia sunt adepti.

Crescebat autem in dies fidelium multitudo, et per omnia loca mirabiliter augebatur; nec non ecclesiæ quam plurimæ et martyrum memoriæ construebantur impensius; monasteria quoque frequentissima eorum qui continentiam studentes, renuntiaverunt sæculo, solitudinis ipsius secreta decorabant. Hi namque qui de gentibus in Christo crediderant, considerantes martyrum passiones, eorumque sincerum circa Christum confessionis affectum, cœperunt et ipsi per gratiam Domini sanctorum vitam conversationemque sectari, et hujus institutionis esse, ut etiam his illud aptaretur Apostoli: Circueverunt in montibus, in pelibus caprinis, egentes, angustiati, afflicti, quibus non erat dignus mundus, in solitudinibus errantes et montibus, in speluncis et cavernis terræ (*Hebr. xi*). Quietem denique solitudinis appetentes, gaudia propriæ salutis ac fidei divino munere sunt consecuti, cæterisque mox exempla sublimioris vitæ sacratorisque præbuerunt. Omnibus enim terrenis exuti negotiis, adhuc morantes in corpore, angelorum simulati sunt sanctitatem: per quam fastigia scandentes celsa virtutum, ultra admirationem enituerunt mortalium, ita ut in nullo prorsus antiquissimis Patribus inferiores existerent: æquiparantes etiam illorum merita qui pro nomine Christi Jesu Domini nostri certaverunt usque ad sanguinem, invisibilium hostium McLimina destruentes, de quibus ait Apostolus: Non est nobis colluctatio adversus carnem et sanguinem, sed adversus principatus et potestates, contra mundi rectores tenebrarum harum, contra spiritalia nequitiae in cælestibus (*Ephes. vi*). Quorum multiformes præcaves incursus, et caput serpentis antiqui fortiter conterentes, sempiternis præmiis sunt potiti, de quibus scriptum est: Quod oculus non vidit, nec auris audivit, nec in cor hominis ascendit quæ præparavit Deus diligentibus se (*Isa. lxiv; I Cor. ii*).

VITA.

CAP. PRIMUM. — Erat per id tempus beati Antonii Vita cunctis ad imitandum præclare proposita, qui magni Eliæ atque Elisæi, necnon et sancti Joannis Baptistæ æmulator existens, secreta interioris eremi studio sectatus est singulari, vitamque cœlestium in terris gessit amore virtutis. Cui sanctus Athanasius, Alexandrinæ civitatis antistes, proprio stylo testimonium præbuit : dignus sane relator conversationis Antonii, qui juxta supplicationem fratrum, vitam ejus pro multorum commoditate perscriberet, et æmulandum eum viris spiritalibus exhiberet. In quo opere sancti quoque Patris Ammon (4) meminit, a quo per Dei gratiam primum jacta sunt fundamenta conversationis eorum fratrum qui nunc in monte Nitriæ commorantur, necnon et Theodorum, sanctum admodum virum, qui cum sene præfato fuerat, idem nobis pontifex indicavit; quem singulari ac perfecto proposito et fide non ficta Deo subditum multiplicia retulit diaboli machinamenta superasse. Igitur ubique divina gratia copiose diffusa, illud quod in Psalmis scriptum canitur, declaravit expletum : Visitasti terram, et inebriasti eam, multiplicasti locupletare eam (*Psal. Lxiv*). Nam pro tristitia et gemitu, gaudium provenit et lætitia; et pro sollicitudine atque miseria, felicitas securitasque successit.

Hinc itaque Patres monachorum, viri mirabiles, in universis propemodum regionibus ■ ■ ■ ■ ■ existerunt, quorum nomina in libro viventium probantur ascripta. Paucissimi sane tunc adhuc per Ægyptum et Thebaidam monachi esse ferebantur. Post persecutionem namque Diocletiani et Maximiani crudelium principum, multitudo gentium intravit (*Rom. xi*), sicut divinitus præordinatum est, et fecunditas Ecclesiæ fructus amplissimos cœpit exhibere, sanctis episcopis juxta doctrinam tunc apostolicam iter fidei sincera quoque conversatione monstrantibus.

CAP. II. — Per idem tempus Pachomius quidam, secundum ritum ac traditionem parentum gentilis, apud Thebaidam commanens, divina gratia gubernante, Christianus effectus est. Hic ab adolescentia sua præcipuam frugalitatis dicitur arripuisse virtutem. Idcirco autem pro gloria Christi, qui nos de tenebris vocavit ad lucem, et pro utilitate eorum qui ista lecturi sunt, strictam conversationem ejus quæ fuerit a parvulo, refero, quia a tanta perfectione ejus initia quoque ipsa non discrepant.

CAP. III. — Hic etenim cum adhuc puer esset, cum parentibus suis ad simulacrum quoddam dæmonis super ripam Nili fluminis collocatum, tanquam victimas oblaturus advenit. Cumque sacerdos impurissimus sacra sacrilega solito celebrare voluisset, præsentia Pachomii dæmonis prorsus evanescere præstigia. Tum diu multumque idem sacerdos hæsitans, in modum simulacri, quod colebat, mansit immobilis; vehementer admirans cur solemnia dæmones

responsa non redderent : tandemque immundo spiritu revelante, cognovit pueri Pachomii causa insolita provenisse silentia, atque in hæc verba prorupit attonitus : Quid inimicus deorum huc venit? procul hinc eum procul pellite, et quantocius amovete. Quod cum parentes ejus audissent, eumque suo conspexissent separari consortio, mœrore magno repleti sunt : eo præcipue, quod inimicus deorum tali fuisset contestatione declaratus. Ambigebant ergo parentes ejus, quid de eo fieret, quia et antea cum paululum degustasset de vino libationis dæmonum, protinus evomuerat illud. Hæc itaque cum se viderent non posse discernere, quieverunt. Instabant autem ut Ægyptiacis imbueretur litteris, et antiquorum studiis informaretur.

CAP. IV. — Eodem tempore Constantino post persecutionem in imperio perdurante (5), et contra tyrannum Maxentium (6) gerente prælium, præcepta regalia cucurrerunt (7), ut lectissimi quique juvenum ad tirocinii militiam ubique tenerentur (8) : inter quos et Pachomius annos natus viginti detentus est, ut ipse postea retulit. Cumque navi fuisset inter alios ad peregrina transvectus, ad civitatem quamdam (9) vespera urgente delati sunt. Cives ergo loci illius, videntes tirones arctius custodiri (10), et quid illis accidisset edocti, pietate moti sunt, et, juxta mandatum Christi solatia in maximo mœrore positus, et necessaria corporis attulerunt. Tunc Pachomius animadvertens quod ab eis factum est, nimis admirans, ab his qui simul aderant inquiri qui sint viri isti, sic erga misericordiam atque humilitatem prompti ac faciles; audivitque Christianos esse, qui circa omnes, et maxime peregrinantes, impenderent prona liberalitatis officia. Sciscitabatur autem quid ipsa sibi velit appellatio nominis Christiani; dictumque est ei et homines esse pios, et veræ cultores religionis, credentes in nomine Jesu Christi filii Dei unigeniti, cunctisque pro viribus beneficientes, et sperantes a Deo retributionem bonorum operum in futura vita percipere. Hæc audiens Pachomius, corde compunctus est; et illustratus divino lumine, Christianorum miratus est fidem; atque divini timoris igne succensus, paululum præsentium conspectibus sese subtraxit; et ad cælum manus elevans, ait : Omnipotens Deus, qui fecisti cælum et terram, si respiciens respexeris ad precem meam, et sancti tui nominis mihi veram contuleris perfectamque regulam, atque ab hac me compede mœroris exemeris, servitio tuo me tradam cunctis diebus vitæ meæ, et spreto sæculo jugiter tibi adhærebo. Quæ cum orasset, ad suos reversus est comites; et die sequenti de civitate illa profecti sunt. Cumque diversa loca navigio circumirent, si quando Pachomium voluptas corporis et mundana titillasset illecebra, nimis aversabatur, sponsonis suæ memor, qua se Domino servituum esse devoverat. Nam divina gratia suffra-

gante, jam ab annis puerilibus amator exstiterat ac castitatis.

CAP. V. — Igitur Constantinus imperator pietate ac fide, qua Christo credidit, victoriam de hostibus consecutus, tirones jussit absolvi. Sic Pachomius optata sibi libertate concessa, protinus ad Thebaidis ulteriora regreditur, et ingressus ecclesiam, quæ est in vico, cui cognomen est Chinoboscium (11), fit illico catechumenus, et post paululum gratiam lavacri vitalis adipiscitur. Et ipsa nocte, qua mysteriis sacris imbutus est, vidit in somnis veluti rorem cælitus allapsam suam replese dexteram, et in mellis (12) crevisse pinguedinem; audivit quoque vocem dicentem sibi: Considera, Pachomi, quod geritur. Est enim ¶ 115 hoc signum gratiæ, quæ tibi a Christo collata est. Hinc itaque divino inflammatus affectu, et ex dilectionis jaculo salubri vulnere sauciatus, totum se disciplinis atque institutionibus divinis subjugavit.

CAP. VI. — Audivit autem quemdam anachoretam, cui nomen erat Palæmon (13), intra eremi secreta Domino servientem; ad quem confestim, cum eo cupiens habitare, perrexit, et pulsans ostium cellulæ ejus, precabatur ingressum. Cui senex aliquantulum patefaciens aditum, dixit: Quid vis? aut quem quæris? Erat enim severo aspectu, propter quod multo tempore solitarius vitam rigidæ conversationis exegerat. Respondens autem Pachomius, ait: Deus me misit ad te, ut monachus fiam. Cui senior: Non potes hic, inquit, monachus fieri; non enim parva res agitur, si veri monachi conversatio casta pensetur; nam plures huc dudum venientes, affecti tædio, perseverantiæ non tenuere virtutem. Et Pachomius: Non sunt, inquit, æquales omnium mores. Idcirco precor ut me digneris excipere, et processu temporis tam voluntatem meam quam possibilitatem plenius approbabis. Et senior ait: Jam tibi præfatus sum quod hic fieri monachus nullo modo possis. Perge magis ad aliud monasterium, et cum tantisper ibidem continentiae operam dederis tunc ad me regredere, teque sine mora suscipiam. Verumtamen adverte quod dico. Ego hic, filii, satis frugaliter vivo. Nam nimis ardua et durissima conversatione me castigo, nullius rei ciborum utens, nisi tantum panis et salis. Oleo autem et vino in totum prorsus abstineo. Vigilo dimidium noctis, quod spatium vel in oratione solempni, vel in meditatione divinæ lectionis insumo; interdum quoque totam noctem duco pervigilem. Hæc autem audiens Pachomius, expavit, ut solent pueri magistrorum vereri præsentiam; sed gratia Domini roboratus, omnem hunc laborem tolerare proposuit, senique respondit: Credo in Domino Jesu Christo, qui mihi fortitudinem patientiamque præstabit, ut dignus efficiar tuis adjutus precibus, in sancta conversatione per omnia vitæ meæ curricula permanere.

CAP. VII. — Tunc sanctus Palæmon spiritualibus oculis intuens Pachomii fidem, tandem patefecit aditum; eumque suscipiens, habitu monachi conse-

PATROL. LXXIII.

cravit (14). Morabuntur ergo simul, abstinentiæ atque precibus operam dantes. Terebant quoque ciliis, et laborabant manibus suis, juxta beatum Apostolum, non tantum pro sua refectioe vel requie, sed ut haberent unde tribuerent necessitatem patientibus (*Ephes. iv*). In vigiliis etiam cum nocturnas orationes celebrarent, si quando senior vidisset somno Pachomium premi, educens eum foras, arenam portare præcipiebat de loco ad alterum locum; et tali exercitio mentem ejus gravatam somni pondere sublevabat, instituens ac formans eum, ut sollicitus esset in precibus, dicens ei: Labora, Pachomi, et vigila, ne quando (quod absit) ab hoc nunc incepto proposito te amoveat is qui tentat, et inanis fiat labor noster. Quæ cuncta Pachomius obedienter ac sollicitè suscipiens, ac de die in diem sanctæ continentiae profectibus crescens, venerabilem senem nimis alacrem lætumque reddebat, ita ut Christo semper pro conversatione ejus gratias ageret.

CAP. VIII. — Per idem tempus sacratissimus dies Paschalis advenerat, et ait ad Pachomium senior: Quoniam cunctorum Christianorum universalis est ista festivitas, nobis quoque para quæ usui nostro sunt congrua. Tunc ille promptus ad obtemperandum, id quod sibi præceptum est implevit; præter solitum namque parumper accipiens olei, cum salibus tritis admiscuit. Lapsanas enim, id est, agrestia olera (15), et herbas alias præter oleum consueverant edere. Cum ergo præparasset, ait ad senem: Feci quod tua paternitas imperavit. Cumque post orationes beatus Palæmon accessisset ad mensam, vidissetque olei apparatus cum salibus, fricans manibus frontem, et ubertim fundens lacrymas, ait: Dominus meus crucifixus est, et ego nunc oleum comedam? Cumque rogaret eum Pachomius ut modicum quid ex eo sumeret, nullatenus acquievit. Tunc pro more sale et pane allato ad manducandum pariter consederunt. Quæ senex crucis Christi signo, sicut consueverat, benedicens, cibum uterque sumpserunt, Domino gratias (ut par fuerat) humiliter exhibentes.

CAP. IX. — Una vero dierum, cum vigilantes simul Palæmon et Pachomius accenderent ignem, quidam frater superveniens, apud eos manere voluit. Qui cum susceptus esset, inter verba (ut fieri solet) erupit, et dixit: Si quis fidelis est ex vobis, stes super hos carbones ignis, et orationem Dominicam sensim lenteque pronuntiet. Quem beatus Palæmon intelligens superbiæ tumore deceptum, commonuit dicens: Desine, frater, ab hac insaniam, nec tale quid ulterius loquaris. Qui correptione senis non solum non profecit in melius, sed plus elatione mentis inflatus, super ignem stare cœpit audacter, nullo sibi penitus imperante; eratque conspicere, quomodo cooperante inimico humani generis, et Domino permittente, nequaquam perustus fuerit ignis attacku. Hoc ipsum ¶ 116 vero quod gessit impune, ad augmentum profecit ejus insaniam, secundum quod scriptum est: Ad pravos pravos vias mittit Dominus

(*Prov. xxviii; Eccli. ii*). Hoc itaque cum fuisset factum, postera die idem frater mature proficiscens, ac velut exprobans eis, aiebat: Ubi est fides vestra? Post non multum vero temporis cernens diabolus, eum sibi per omnia mancipatum, et facile ad quæ vellet facinora eum posse compellere, transfiguravit se in mulierem pulchram, splendidis vestibus adornatam, et cœpit ostium cellæ ejus vehementer extundere. Qui cum aperuisset, ait ei diabolus in habitu mulieris immutatus: Obsecro te, quia nimis a creditoribus urgeor, et metuo ne me aliqua pericula comprehendant, recipias me in tuam cellulam, quoniam debitum solvere nequeo, quatenus per te salva facta, gratias referam; Deus enim me direxit ad te. Qui a cæcitate mentis penitus obscuratus, nec valens discernere quis esset, qui sibi talia loqueretur, diabolus miser in suum recepit exitium. Tunc hostis nostræ substantiæ, videns eum ad omne scelus esse præcipitem, immisit ei turpem concupiscentiam. Qui mox cessit inimici suggestionibus, et ejus quasi muliebres petivit amplexus. Quem spiritus immundus invadens, elisit atrociter; et revolutus super pavementum, veluti mortuus diu multumque permansit. Post aliquantos autem dies tandem in se reversus, et dementiæ propriæ sero pœnitens, ad sanctum Palæmonem venit; et cum magno fletu quid sibi accidisset exposuit, vociferans et dicens: Agnosco, Pater, agnosco, quod ego causa perditionis mæ existam. Bene enim me commonere dignatus es, sed ego infelix, qui te audire contempsi. Quapropter obsecro ut me sanctis orationibus tuis adjuvare digneris, ne sub ingenti periculo constitutum discerpat inimicus et perimat. Cumque ista cum lamentis prosequeretur et fletibus, et sanctus Palæmon beatusque Pachomius lacrymas pro eo funderent patientis affectu, subito correptus ab immundo spiritu, de conspectu eorum prosiliit, et per deserta discurrens, agebatur infrenis. Pervenit autem ad civitatem Panos (16) nomine, ac deinceps in fornace balnei per amentiam sese præcipitans, incendio protinus interiit.

CAP. X. — Hæc audiens vidensque Pachomius, magis ac magis incubuit abstinentiæ tenere mensuram; et cum in omnibus, tum maxime in orationibus animum servare pervigilem, juxta illud quod scriptum est: *Omni custodia serva cor tuum (Prov. iv)*. Intantum, ut eum senex miraretur attonitus, quia non solum consuetam abstinentiæ regulam alacer extrinsecus exsequebatur, sed etiam intrinsecus conscientiam suam juxta cœlestium formam studebat exigere purissimam, sicut beatus Apostolus dicit: *Gloria nostra hæc est, testimonium conscientiæ nostræ (II Cor. i)*, certus ex hoc magnam sibi in cœlestibus parare mercedem. Nam et cum divinas Scripturas legeret, memoriæque mandaret, non id passim negligenterque faciebat, sed unumquodque præceptum solerter examinans, ac pia mente pertractans, studebat in dies opere perficere, quæ memoria retentabat. Præcipue vero humilitatis ac pa-

tientiæ munere, et erga Deum proximumque purissima dilectione præ multis nitebatur excellere. Hæc autem aliaque ejus plurima didicimus a sanctis hominibus Dei, qui simul cum eo multo tempore sunt morati; quibus etiam vitæ spiritualis exempla contulerat, post lectionem divinæ legis ea quæ ad ædificationem animarum pertinent diligenter exponens. Quæ quia multa sunt, et vires nostræ parvitatibus excedunt, non omnia præsentis stylo perscripsimus. Non enim sumus idonei, tanti viri merita eloquio pari depromere.

CAP. XI. — Igitur erga locum montis, ubi sancti morabantur, plena spinis eremus adjacebat; ad quam sæpe Pachomius veniens ligna legere, super spinas nudis pedibus incedebat; et cum infingeretur ei plurimæ, lætabatur, patienter ac fortiter ferens, recolens quod Dominus noster in cruce clavis fuerit dignanter affixus. Diligebat autem anachoresim plurimum, frequenter expetens solitudinem. Et illic diu in oratione persistens, Domino supplicabat, ut a tantis se fraudibus clementer eriperet.

CAP. XII. — Quodam vero tempore contigit ut Pachomius procul a cella sua progressus, veniret ad quemdam vicum, cui nomen est Tabennense (17), in quo tunc nullus penitus habitator existebat. Ubi cum pro more diutius in orationibus perduraret, vox ad eum cœlitus delata est, dicens: Mane hic, o Pachomi, et monasterium construe. Venturi sunt namque ad te quamplurimi, tua cupientes institutione proficere; quibus ducatum præstabis, juxta regulam quam monstravero tibi. Et protinus apparuit angelus Domini, deferens ei tabulam, in qua erat omnis forma institutionis ascripta, qua docendi forent, quicumque ad ejus magisterii studia pervenissent. Quam regulam Tabennenses hodieque custodiunt, eodem cibo semper utentes et habitu, ipsam quoque disciplinam sollicita circumspectione servant. Nam monachi qui ibidem commanent, non solum more, sed et robore corporis et locorum situ præ cæteris longe diversi sunt, et necesse est eos diversam quoque regulam custodire.

Hanc ergo vocem Pachomius mentis sinceritate discernens, quam illi divina gratia et merita vitæ contulerant, agnovit ad se cœlitus delatam, regulasque valde mirabiles approbavit. Tunc reversus ad venerabilem senem Palæmonem, retulit quemadmodum voce sit divina commonitus, obsecrans ut secum pariter veniret ad locum quo possent Domini mandata explere. Qui nolens eum in aliquo contristare, utpote charissimum filium, precibus ejus illico paruit, atque ad præfatam villam cum eo pervenit, modicamque ibi cellulam construens, lætabantur in Domino, promissionum ejus beneficia præstolantes. Post aliquantum vero temporis ait Palæmon ad Pachomium: Quoniam cerno gratiam a Deo tibi collatam, et deinceps istic permanere disponis, veni, statuamus inter nos pactum, ut non dividamur ab invicem, sed quandiu in hac luce versamur, visitatione nos consolemur assidua. Utrisque placuit hæc pactio,

quam omni tempore vitæ suæ tam beatus senex A ptum. Sed beatus Pachomius ad humiliandum corpus proprium induebat se plerumque cilicio.

CAP. XIII. — Inter hæc venerabilis idem Palæmon dolore splenis, qui ex nimia continentia illi provenerat, toto corpore gravi cœpit ægritudinis incommodo laborare. Nam sumebat escam, potu sæpius abstinens; item solummodo bibebat, nihil cibi percipiens. Rogatus igitur ab aliquibus fratribus, quia eum gratia visitationis advenerant, ne penitus corpus debile frangeret, sed ei aliquantulum solatii pateretur impendi, tandem cessit orantibus, ut victu congruo attenuata membra refoveret. Sed non hoc diutius pertulit. Nam graviore solito dolore splenis expertus, relicta ciborum insolentia, ad antiquum victum sine dilatione revertitur, dicens: Si martyres Christi alii per frustra lacerati, alii capite cæsi, nonnulli etiam ignibus sunt cremati, et tamen usque ad finem fortiter pro fide toleraverunt, cur ego patientiæ præmia, parvis cedens doloribus, impatienter abjiciam, et desiderio vitæ præsentis afflictiones momentaneas inaniter expavescam? Denique suadentibus acquievi cibos insolitos sumere, qui mihi dolores auxerunt potius quam ullam requiem præstiterunt. Recurram igitur ad prisca remedia, et continentia subsidia non relinquam, in quibus est (ut ego certus sum) omnis post Deum requies et vera lætitia. Non enim propter homines hæc arma suscepi, sed ob amorem Christi his certare disposui. Sic itaque viriliter agens, intra mensem dierum valido languore consumptus est. Ad quem Pachomius veniens, fovebat eum ut patrem, deosculans pedes ejus, atque complectens; et veluti valefaciens, sic eum videbatur affari. Venerabilis autem senex, omni virtutum gratia cumulatus, et plenus dierum, sicut scriptum est, quievit in pace (*Job XLII*). Tunc sanctus Pachomius corpus ejus sepelivit: cujus anima suscepta choris angelicis, ad cælos evecta est. Quo peracto, Pachomius ad proprium diversorium revertitur.

CAP. XIV. — Et non post multum temporis, germanus ejus, Joannes nomine, cuncta de illo comperiens, venit ad eum. Quem cum vidisset, gavisus est plurimum. Nam ex quo baptizatus in Christum crediderat, et solitariam vitam elegerat, nullum suorum viderat propinquorum. Igitur Joannes, ut vere Pachomii frater, imitator ejus effectus, cum eo permansit, unum habentes idemque propositum, eundemque circa Deum dilectionis affectum. Et quia in lege Dei diebus meditabantur ac noctibus, nullis terrenorum negotiorum curis eorum animi deprimebantur. Nam etsi quidquam supererat illis ex his, quæ suis manibus operabantur, id continuo distribuebant egentibus; ut juxta præceptum Domini Jesu Christi de crastino minime cogitarent (*Matth. VI*). In tantum vero vestimentorum penuria sese constrinxerant, ut numquam lebitone alio uterentur, nisi cum indumenti sordes necessitas coegisset eluere. Lebiton (18) autem linea vestis erat, instar colobii, qua monachi utuntur hodieque per Thebaidem et Egy-

ptum. Sed beatus Pachomius ad humiliandum corpus proprium induebat se plerumque cilicio. Et per annos quindecim, post illos ingentes sudores atque labores eximios vigiliarum et abstinentiæ, non jacens somnum capiebat noctibus, sed in medio cellulæ suæ residens, adeo ut nec dorsum saltem parieti pro sustentatione reclinaret. Cumque nimis ex hoc affligeretur, ferebat tamen æquanimiter hunc laborem, spe quodammodo prælibans illam requiem, quæ sibi parabatur in cælis. Plurimorum namque Patrum considerans instituta, dabat semper operam, cum proprio fratre ad majora virtutis augmenta consurgere. Operabantur etiam sedilia, et unusquisque sicut poterat, ita vivebat, cum summa scilicet humilitate et patientia, et fide non ficta.

B CAP. XV. — Inter hæc Pachomius iterum divinitus admonetur pro regulis quibus deberent institui qui erant per eum Domino credituri; cœpitque cum germano suo habitaculum in quo manebant capacius reddere, et ædificiis ampliare quam plurimis, eorum (ut diximus) gratia qui sæculo renuntiantes, I I S ad serviendum Christo erant sine dubitatione venturi; quatenus essent spatia digna membrorum (19), in quibus eorum possit recipi multitudo. Cum ergo sanctus Pachomius in majus, ut dictum est, locorum ambitus extenderet, et monasterii membra dilataret, idem frater ejus solitudinem atque anachoresim cogitans, habitaculi diligebat angustias; et nimium indigne ferens, erat enim natu major, ait beato Pachomio: Desine ab hac intentione tua; quid agis rem superfluam, inaniter tæmetipsum dilatare contendens. Qui cum hæc audisset, graviter quidem tulit quod insolitam audisset injuriam; verum tamen nihil omnino ei respondit, sed mansuete sustinens, sese continuit. Consequenti vero nocte ad inferiora domus descendens, cujus aliquam partem ipse construxerat, prostravit se in orationem; cœpitque flere vehementer, ac dicere: Væ mihi, quia prudentia carnis adhuc in me sibi vindicat locum. Adhuc enim secundum carnem ambulo, sicut nuper expertus sum. Tantæ namque conversationis instituta suscipiens, æquum non est ut me modo impatientia præcipitet, modo mœror vexet, modo furor exagitet, quamvis jure ac merito videar irasci. Miserere mei, Domine, ne peream, ne diaboli deceptus fraude succumbam. Si enim me tua gratia deseruerit, et aliquam in me partem suorum actuum repererit inimicus, durissimæ ejus servituti subjiciar, quia scriptum est: A quo quis superatur, huic et servus addicitur (*II Pet. II*). Et iterum scriptum est: Si totam legem quis impleverit, offendat autem in uno, factus est omnium reus (*Jac. II*). Credo, Domine, quod miserationes tuæ multæ sunt; quæ me nullis meritis subnixum abjuvant, viamque sanctorum tuorum per te illuminatus ingrediar; et in anteriora me semper extendens, obliviscar ea quæ retro sunt (*Philip. III*). Sic enim famulorum tuorum chorus, qui tibi a sæculo placuit, tuo protectus auxilio, diaboli vitavit incursum, longe lateque pro multorum salute mirabili de-

core resplenduit. Ego autem, Domine, quomodo alios docere tentabo, quos per me ad monachorum propositum vocare dignaberis; cum nec passiones carnis, quæ adversus animam militant, ante devicerim, nec legem tuam immaculata mente servaverim? Sed confido, Christe, quod tua mihi virtus in omnibus semper assistat, eaque geram quæ tuis conspectibus placeant. Remitte, clementissime Deus, remitte, precor, omnia peccata mea, et cor meum tua jugiter inspectione purifica. Hæc igitur cum lacrymis Domino confitebatur et fletibus, tota nocte pervigil in oratione consistens; et præ nimietate sudoris atque lacrymarum (nam tempus erat æstatis) ita pavementum ubi oraverat humectum reddidit, ut fusa illic aqua crederetur. Consueverat autem stans in oratione manus expandere, quas per aliquot horarum spatia minime colligebat; sed extensione diuturna, veluti cruci confixum corpus retinebat immobile, et sic animum suum ad vigilandum in precibus excitabat. Et quamvis esset in omni virtutum genere præpotens, incredibili tamen humilitate et mira mansuetudine cum suo germano cohabitans, eum per omnia sustinebat. Qui non post multum temporis, vitæ præsentis cursum implevit. Cujus funus debito curavit honore Pachomius. Nam totam noctem super ejus cadaver psalmis egit hymnisque pervigilem; et animam quidem ejus Domino commendavit, cui et ipse crediderat, corpus vero sollicitè reddidit sepulturæ.

CAP. XVI. — Tunc infatigabilis Pachomius arcta et singulari conversatione semetipsum affligens, studebat integrum se atque immaculatum in omnibus exhibere. Si quando namque eum cogitatio pulsasset illicita, mox eam divino munere repellebat, atque in timore Domini perseverabat affixus, æternarum memor pœnarum, et dolorum sine fine manentium, ignis scilicet illius inextinguibilis, et vermis nunquam omnino morientis. Cum his itaque Pachomius modis et ab illicitis abstinere, et ad meliora proficeret, dilatandi monasteria curam gerebat immodicam pro susceptione multorum: cui diabolus vehementer cœpit obsistere, stridensque super eum dentibus, veluti singularis ferox (20), tentationes ei varias excitabat, si forsitan adversus eum fraudis suæ reperisset ingressum. Sed hic scuto fidei communitus, vigilanter inimici declinabat insidias, sanctas

Scripturas memoria retinens atque decantans.

CAP. XVII. — Quadam vero die, cum Pachomius supplicaret Domino, et genua vellet in oratione curvare, ante conspectum ejus dæmonum præstigiis lacus apparuit. Hujuscemodi namque figuras inanes atque superfluas, hostis humani generis semper exhibere festinabat, ut aliqua subreptione vel fraude mens orantis a propria intentione distracta, preces Domino purissimas offerre non posset. Pachomius ergo dæmonum machinas, Christo revelante cognoscens, pariterque despiciens, maxima fidei capiebat augmenta; hos quidem constanter arguens, Deum vero solita gratiarum actione benedicens.

Consueverat quoque sanctus vir procul ■■■ a mo-

nasterio suo causa orationis ad loca remotiora descendere. Qui cum exinde reverteretur, immundi spiritus illudentes, frequenter eum facto velut ordine precedebant, exhortantes alter alterum, quasi ante judicem directis agminibus, ac dicentes: Date locum homini Dei. Pachomius autem spe Christi Redemptoris armatus, spernebat eorum ridiculosa figmenta, et ac si canum latratus ineptissimos deputabat. Qui magnam viri considerantes instantiam, quod in nullo prorsus tantis luctaminibus frangeretur, irruunt super eum magno cuneo conglobati; et circumdantes ejus habitaculum, visi sunt illud a fundamento convellere, ita ut putaret sanctus locum penitus fuisse collapsum. Qui manens intrepidus, consuetam citharam spiritualis plectri modulatione pulsabat, ingenti voce decantans: Deus noster refugium et virtus, adiutor in tribulationibus, quæ invenerunt nos nimis; propterea non timebimus dum turbabitur terra (*Psalm. xlv*). Quo psallente, protinus est facta tranquillitas, et impetus inimicorum velut fumus evanuit: paululum quidem recedentes, ut canes qui cum fatigati fuerint, ad præsens videntur abscedere, sed impudentiores postea revertuntur; nam cum idem sanctus post orationes ad opus solitum consedisset, instar galli gallinæ nimie magnitudinis coram eo visus est inimicus, crebras iterans voces, et clamores inconditos excitans; deinde insiliens in eum, suis velut unguibus fœde laceravit. Qui signo crucis frontem suam muniens, exsufflavit in eum (21), moxque fugatus est. Intelligebat enim cunctas inimici versutias; et timore divino præditus, illusiones ejus pro nihilo computabat. Unde frequenter ab eo laccessitus in nullo laccessere poterat; sed tanquam turris inexpugnabilis, patientissimus ad omnia certamina perdurabat.

Rursus alio tempore cohortes dæmonum, tali genere phantasmatis sanctum Dei famulum tentare moluntur. Plures enim convenientes in unum, arboris folium corameo magnis funibus colligare videbantur, et summo conanime trahere, dextra lævaque ductis ordinibus; ac sese mutuo cohortantes, sic insistere nitebantur, ac si magni lapidis moverent pondus immensum. Hoc autem nequissimi spiritus idcirco faciebant, ut mentem ejus, si possent, in risum forte resolverent, et invenirent unde illi exprobrarent. Quorum Pachomius impudentiam cernens, ingemuit; atque ad Dominum solitis precibus convolvit, statimque virtute Christi totus eorum cuneus est ad nihilum redactus.

Frequenter enim cum resideret ad mensam, Deoque gratias ageret, apparebant illi in habitu pulcherrimarum mulierum, specie differentium, et procaci ac fœdanuditate conspicuæ, eidem astare videbantur, et ex appositis velle contingere. Sed a thlela fortissimus, quamvis sentiret ex hoc ipso molestiam, tamen exteriores oculos claudens, et interiores ad Dominum reserans, eorum molimina proterebat. Aderat enim misericors Dominus, qui etiam nunc contritis ac rectis corde cunctis adesse dignatur, et dicit: Nolite timere,

ego vobiscum sum omnibus diebus usque ad consummationem sæculi (*Matth.* xxviii), suumque fidelem famulum servabat in omnibus.

CAP. XVIII. — Alia quoque vice, cum idem sanctus gravibus diaboli molestiis urgeretur, sic ab eo est crudeliter cæsus, ut a vespera usque mane, totum corpus multis esset verberibus exaratum. Et quam doloribus cruciaretur immanibus, nulla tamen desperatione penitus frangebatur: sed memor erat Domini, qui servos non deserit in tentatione. Tunc quidam monachus, (22) Apollo nomine, gratia visendi venit ad eum. Cui Pachomius loquens ea quæ pertinent ad salutem, insidias diaboli multiformes esse pronuntians, cœpit etiam illa quæ circa se gerebantur exponere, quantaque sibi per eorum acerbitates illata essent ~~verbera~~, recensere. Ad quem monachus ait: Viriliter age, et confortetur cor tuum, venerabilis Pater. Sciens enim diabolus quia si te suis cedentem conflictibus vicerit, consequenter etiam nos, qui pro virum possibilitate certaminum tuorum sectatores existimus, quique maxima per te capimus exempla virtutum, perfacile superabit; idcirco te vehementer impugnare non desinit. Sed tu, Domini protectione munitus, impetum ejus fortiter excipe; ne, quod absit, et pro nobis cogaris reddere rationem. Nam si tu, qui nobis gratia divina prælatus es, aliqua desidia cesseris, multis occasionem ruinæ causamque præstabis. Hæc audiens Pachomius, grandes accepit vires adversus dæmonum insidias; et glorificans Deum de fratris præsentia, precabatur eum ne se desereret. Exinde memoratus Apollo sæpe veniebat ad senem. Qui post aliquantum temporis, dum solito Pachomium visitans, paucis cum eo diebus remoratus esset, valida infirmitate correptus, humanis rebus excessit, juxta votum senis dies suos perfecta conversatione consummans. Sepelitur itaque sanctis manibus, psalmis ab eo et hymnis et canticis spiritalibus ex more celebratis.

CAP. XIX. — ¶ Tantam vero post hæc fiduciam beatus Pachomius apud Dominum acquisierat, et ita spe divina magnificus habebatur, ut sæpenumero calcaret serpentes et scorpiones, et per omnia maneret illæsus; nec non crocodili, si quando necessitas fluvium transire compelleret, eum cum summa subjectione portabant, exponentes eum ad locum quocunque præcepisset. Super his ergo Deo gratias referens, quod ab universis inimici fraudibus servaretur illæsus, orabat, dicens: Benedictus es, Domine Deus patrum nostrorum, qui non despexisti humilitatem meam, neque sivistis me nimis intrinsecum decipi vel illudi fraude diaboli; sed misericorditer ignorantiam meam discutiens tenebras, docuisti me facere voluntatem tuam. Nam cum pusillus essem et abjectus, ac vitæ meæ penitus nescius, timoris tui sensum mihi largitus es, ut tenebras exteriores et supplicia æterna devitans, te veram lucem gaudiumque perenne cognoscerem.

CAP. XX. — Cum ergo se videret assidua dæmonis impugnatione pulsari, tanquam fortissimus athleta

animis alacer pro vitæ sanctitate certabat, postulans a Domino ut si fieri posset, quod modum humanæ fragilitatis excederet, necessitatem somni superaret (*Ruff.*, l. III n. 35), quatenus diebus ac noctibus vigilans, adversariorum machinamenta destrueret, sicut scriptum est: Persequar inimicos meos, et comprehendam illos; et non convertar, donec deficiant. Affligam illos, nec poterunt stare: cadent sub pedibus meis, et præcinxisti me virtute ad bellum (*Ps.* xvii). Postquam vero hæc petitio ejus, quantum conditio permisit humana, completa est, invisibilem hostem tanquam videns sustinuit, in eloquiis celestibus se perseveranter exercens. Preces autem ejus incessabiles erant, ut Domini voluntas in omnibus impleretur.

CAP. XXI. — Quodam autem tempore, cum Pachomius vigilaret in oratione, apparuit illi angelus Domini, dicens: Voluntas Domini est, o Pachomi, ut ei pura mente deserviens, multitudinem congreges monachorum, et juxta formam quæ tibi ostensa est, cunctos instituas, ac Deo exhibere contendas. Acceperat enim dudum tabulam (23), in qua erant hæc adnotata:

CAP. XXII. — Singulis juxta vires suas edere concedas et bibere, et pro modo vescentium, laborare compellas; et neque comedere modeste, neque jejunare prohibeas. Validioribus quidem, et comedentibus, validiora opera; leviora vero infirmioribus et abstinentibus imponas.

CAP. XXIII. — Facies autem diversas cellulas, et ternos per unam cellulam manere constituas. Omnium vero cibus in uno loco paretur atque consumatur.

Induantur autem noctibus lebitones lineos (24), præcincti lumbos, habeantque singuli melotem (25), id est, caprinam pellem confectam albam, sine qua neque comedant, neque dormiant.

Accedentes tamen ad communionem sacramentorum Christi, et cingulos solvant, et melotem deponant, cucullis utentes tantummodo.

Hoc etiam præceptum erat, ut juxta numerum elementorum et Græcarum litterarum, xxiv monachorum turmæ constituerentur, ita ut singulis turmis imponerentur singularum nomina litterarum, id est, ab α, et deinceps usque ad ω, ut cum interrogaret archimandritam de aliquo in multitudine tanta, facili responsione cognosceret Verbi gratia, cum diceret qualiter esset α, vel ζ, et rursus λ, vel ρ, vel σ (26), proprio quodam signo nominis litteræ, uniuscujusque turmæ mores exprimeret, simplicioribus et innocentioribus τ, nomen imponens, difficilioribus autem et tortuosis, ξ, competenter accommodans; ita ut pro modo conversationis et propositi, singulis turmis litterarum elementa concinerent, solis spiritalibus hæc ipsa quæ significarent scire valentibus.

Sed et hoc in illa tabula ferebatur ascriptum, ut peregrinus alterius monasterii, si veniret habens habitum diversum, nullus cum eo conederet, excepto eo qui iter agens id observare non posset.

Qui vero semel ad hoc intraret monasterium, ut

ibi jugiter permaneret, per tres annos a studiis sa-

cratoribus arceretur, operaretur tantum opera sua simpliciter, et ita post triennium stadium certaminis introiret.

Cum autem comederent, capita sua cucullis operirent (27), ne frater fratrem videret manducantem; et ut nullus comedens loqueretur, nec præter mensam suos alibi circumferret aspectus.

Necnon ab angelo, qui cum Pachomio loquebatur, hoc quoque constitutum est, ut diurnæ orationes XII (28) fierent, et vespertinæ XII, et nocturnæ XII.

Cumque Pachomius diceret, paucas orationes esse, respondit angelus: Has constitui, quas possent infirmiores absque labore perficere; cæterum qui perfecti sunt, hac lege non indigent. Apud se namque in propriis constituti cellulis, orare non desinunt, qui puritate mentis et divina contemplatione pascuntur.

Cumque hoc dixisset, nuntius cælestis abscessit; et Pachomius solite Deo gratias **¶** referens, de visione certus est redditus, quam trina revelatione cognoverat. Cœpitque suscipere cunctos, qui per pœnitentiam se Dei miserationibus offerebant; quos etiam post longam conversationis experientiam monachorum cœtibus aggregabat, instruens eos mundi illecebras fugere, sanctisque semper institutionibus inhærere, primitus admonens ut generaliter monachus universo mundo renuntiet, deinde, juxta Evangelicum præceptum (*Lucæ* XXIV), parentibus suis, et ad postremum sibimetipsi, ut ita possit tollere crucem suam, et Christi vestigia veneranda sectari.

Tali utique beati senis admonitione formati, fructus pœnitentiæ dignissimos afferebant, maxime considerantes eum jam ætate defessum, infatigabili studio spiritualis vitæ servare propositum. Non solum namque se districtiori regulæ subdidit, sed et totius monasterii sollicitudinem curamque portabat, ultra vires omnibus servare contendens. Ad horam namque convivii ipse parabat mensam fratribus, et solita exhibebat officia. Nec non in hortulis serebat olera, quæ suis manibus irrigabat. Si quis etiam monasterii pulsasset ostium, vigilanter occurrens, prompte responsa reddebat. Infirmis autem diebus obsequabatur et noctibus; et in his omnibus exemplum se maximum suis discipulis offerebat. Quapropter hi qui nuper ad Domini servitium veniebant, alacriores ad omnia pietatis officia reddebantur: quos tamen beatus senex, quia talium sollicitudinum munus adhuc obviare non poterant, securos esse ab universis distentionibus admonebat, dicens: In quo vocati estis fratres, viriliter in eo persistite, psalmos dicite, libros alios, et præcipue sanctum Evangelium, memoria retinete. Sic enim servientes Domino, et juxta mandata ejus invicem diligentes, vos quidem eritis perfecti; meum vero spiritum per omnia refovebitis, præsertim si cœlestia præcepta fueritis sollicitius executi.

CAP. XXIII. — Erant autem tres hi viri qui primitus ad Pachomium convenerant, quorum ista sunt nomina. Psenthesus, Suris et Obsis. Quibus Dei ver-

bum Pachomius frequenter insinuans, multum eos juverat, et ad æmulationem spiritualis operis incitaverat. Qui etiam contemplantes, vitam senis specimen esse virtutis, nimis admirabantur, dicentes: Errant valde qui putant homines exinde jam a natiuitate parentum, quodam privilegio beatos existere, ut arbitrii libertas adimatur, et peccatores per pœnitentiam non possint operam dare virtutibus. Ecce enim manifestissimam in hoc venerabili patre Pachomio Domini conspiciamus largitatem, qui cum de parentibus ortus sit gentilibus et profanis, ad tantam beatitudinem divini cultus se extendit, ut omnia Christi mandata perfecit. Unde certum est, et ex nobis quicumque voluerint, adjuvante Dei gratia, normam sancti viri posse subsequi, sicut et ipse perfectissimorum patrum æmulatus est sanctitatem. Denique, quid est aliud quod in Evangelio scriptum est, dicente Christo: Venite ad me omnes, qui laboratis et onerati estis, et ego reficiam vos (*Matth.* XI); nisi ut iniqua projicientes onera, quæ deprimunt genus humanum, bono incommutabili sine detractione jungamur? Et ideo perseveremus usque in finem cum hoc sene, ut conglorificari cum ipso in illa perenni beatitudine mereamur; nam recte nos instruit ad omnia, non solum verbo, sed etiam, quod est efficacius, proprio mirabiliter informat exemplo. Tunc accedentes ad sanctum Pachomium, dicunt ei: Pater venerabilis, cur solus monasterii sollicitudinem sustines? Quibus ille respondit: Nemo jugum subito jumentis imponens, laborare compellit, et tanto premere onere, quo sub fasce deficiant; sed paulatim assuescit ea, levioribus exercens ante ponderibus, usque dum valeant, et opportune possint ad opera graviora consurgere. Eodem modo nos quoque convenit mensuram ipsam, qua nos mensus est Christus, sic agere vobiscum, ut de vestra per omnia gaudeamus firmitate. Clementissimus autem Deus, qui nunquam preces humilitatis meæ despicit, corda vestra in sua disciplina corroboret, ut omne opus bonum perficere cum patientia et longanimitate possitis, sanctorum Patrum vestigia subsequentes, ut sinceram ac Deo placitam conversationem vestram videntes alii ad Christi servitium veniant, curamque monasterii patris æquo labore sustentent.

CAP. XXIV. — Regulas igitur eis quas acceperat, tradidit, scilicet ut haberent moderatum cibum, vilissimum vestitum, somnum etiam competentem. Unde factum est, ut juxta voluntatem Domini, qui omnes homines convocat ad salutem, cunctaque bonorum incrementa largitur, ad senem plurimi convolarent, volentes pariter commorari: inter quos erat Pegasus, et Cornelius, Paulus quoque, et Pachomius alter, et Joannes, qui omnes immaculatam fidem beati Patris et doctrinam salutiferam libenter amplexi sunt. Statuitque ut hi qui poterant monasterii suscipere curam, et ita in brevi multiplicatus est monachorum numerus. **¶** Proinde cum solemnitas ex more deposceret ut mysteriorum cœlestium participes fierent, ex proximis viculis presbyteros

convocabant, qui eis festivitatem lætitiæ spiritualis implerent. Non enim patiebatur idem senex, inter eos esse quempiam, qui clericatus officio fungeretur. Dicebat enim, multo melius esse atque commodius monachis, non solum nullius prorsus honoris quærere primatus et gloriæ, verum etiam occasiones hujusmodi de cœnobiis amputare, quoniam frequenter hinc inter fratres contentiones et æmulationes inutiles nascerentur. Sicut enim scintilla ignis cum in messem ceciderit, non cito restinguitur, et interdum totius anni fructus exurit; ita cogitatio feralis ambitus, si in mentes irrepserit monachorum, ut vel primi cupiant esse, vel clerici, nisi cito suggestionis hujus ardorem de suo corde pepulerint, illico perdent continentiam multis laboribus acquisitam. Oportet ergo cum omni mansuetudine et puritate communicantes Christi ecclesiis clericos venerari, quia hoc expedit monachis, nullas autem religiosas appetere dignitates. Si vero repererimus aliquos ex monachis jam pridem clericos ab episcopis ordinatos, amplectamur eorum ministerium; quia et in veteri Testamento non omne vulgus sacrum præsumebat officium, sed hi tantum qui erant de tribu Levi ad hæc obsequia nascebantur. Si quando autem extraneus frater advenerit, de quo certum est, quod sacerdotii fungatur officio, non exprobremus ei, tanquam qui sacra jura persuaserit, et his se ministeriis insolenter ingesserit. Quomodo namque hoc de eo suspicabimur, quem nos ad celebranda cœlestia sacramenta enixius obsecremus? Imo magis ut patrem, et nobis in hac re obedientem, plus honorare nos convenit, utpote qui sanctorum vestigia sectetur, et illibatum Deo munus offerre non desinat, maxime si conversatio ejus exspectata cunctis est et probata. Si vero, quod absit, in aliquo delicto putatur esse collapsus, de eo nos judicare non possumus. Deus enim iudex justus, constituit episcopos super eos iudices, qui beatorum apostolorum successores et imitatores existunt, qui possunt spiritali examini discere negotia singulorum, et æquum de eis ferre iudicium. Nos autem compatiamur ex imo pectore talibus: quia et misericordes nos Dominus esse commonet (*Matth. vi*), cui supplicare jugiter oportet, ne nos in aliquam tentationem patiatur induci. Hæc a memorato Patre non solum dicebantur viriliter, sed et cum omni sollicitudine servabantur. Si quando denique venisset ad eum clericus, qui sub ejus regula vellet vivere, dignitati ejus honorem reddebat ecclesiæ debitum; ille vero monachorum serviens institutis, tanquam patri se multa humilitate subdebat.

CAP. XXV. — Omnes autem Christi famulos beatus Pachomius adeo diligebat, ut eis semper compareretur paterno affectu. Senibus etiam et ægro tantibus, nec non et parvulis, misericordiæ opera propriis manibus ingerebat, præ cæteris eorum mentes munime spiritali corroborans. Cumque in fide et in opere multi proficerent, et magnus fratrum numerus augetur, omnes propemodum satagebant æmulatores esse virtutis. Constituit igitur ex eis præ-

positos (29), qui sibi ad lucrandas animas, quæ ad eum quotidie confluebant, adjuutores existerent. Plurimis enim (sicut dictum est) ad eum venientibus, et multipliciter in opere spiritali crescentibus, magna quædam conversationis eorum videbatur esse diversitas. Quibus senex juxta datam sibi divinitus regulam, gratia Christi se per omnia moderante, pro viribus et ingeniis singulorum mensuras et formas operum custodire censebat: aliis quidem, ut labore manuum victum quærerent; aliis, ut fratrum occuparentur obsequiis, nec iisdem cunctis temporibus vescerentur, sed unusquisque pro labore suo vel studio, continentiam moderamina retineret. Sollicitudinem vero totius dispensationis erga fratres atque peregrinos eisdem commisit, qui se in ordine sequebantur. Universos autem monachos promptos esse ad obedientiam commonebat, ut hoc compendio facile perfectionis apprehenderent celsa fastigia, cordaque sua in timore Christi diligenter excolerent. Sic enim Deo potius quam sibi viverent, dum fructus obedientiæ supplices exhiberent. Hic autem pater venerabilis, quamvis esset spiritalibus actibus occupatus, si quando tamen acciderat ut abesset is cui monasterii curam commiserat, sic adimplebat omnia solus, velut omnium famulus. Et hoc agebat sine aliqua ostentatione vel jactantia, quæ magnas spiritalium virorum solet evacuare virtutes. Nam summa mentis humilitate cunctos ædificabat in Domino, utiliter universa dispensans. Omnia quoque monasteria sollicitè circuibat, usque dum rursus ad eosdem filios suos paterno repedaret affectu. Quos inveniens in opere Dei sollicitè vigilare, gaudebat, multumque profectuum eorum lætabatur augmentis.

CAP. XXVI. — Quodam vero tempore, videns aliquos mediocres homines in vicinis locis dum pascere pecora, a communione sacramentorum Christi abstinere, nec divinorum frui **123** lectione voluminum, qui per omne Sabbatum atque Dominicum solemniter ubique recitantur, iniit consilium cum S. Aprione Tentyrorum episcopo (30), ut in vico eorum jam pene deserto construeretur ecclesia, ad quam convenirent, et mysteria divina perciperent. Quod ubi factum est, cum nec dum essent ordinati clerici, qui solemnia plebi peragerent, ipse ad horam conventus ecclesiæ cum monachis occurrebat salutiferas plebi paginas relegens; quia, ut dixi, nondum ibidem lectores fuerant constituti, nec alii clerici, qui ministeria sacra celebrarent. Quamdiu ergo presbyter et reliquus ordo clericorum aberat, Pachomius veniebat, et sic alacriter ac inverecunde lectoris implebat officium, et ita mentis ac corporis oculos habebat intentos, ut videntes eum populi, non hominem, sed Dei angelum crederent. Unde plures intitutione ejus ab errore conversi, facti sunt Christiani. Erat enim circa proximi charitatem valde perfectus, et intantum in misericors, ut si quando vidisset aliquos diaboli fraude deceptos, eosque non verum Deum colere, sed vanis inservire simulacris,

super eorum perditione ingemiseret fortiter, et a ubertim lacrymas pro eorum salute funderet.

CAP. XXVII. — Per idem tempus Alexandrinæ ecclesiæ sanctus episcopus Athanasius præerat, vir omni virtute mirabilis. Qui cum solemniter superioris Thebaidæ circuiret Ecclesias, et salutari doctrina in fide Christi plebem institueret, accidit ut ad loca Tabennensium navigio perveniret. Quod ubi Pachomius agnovit, statim cum universis monachis in ejus properavit occursum; omnesque gaudentes et exultantes, cum psalmis et hymnis summum Christi suscepere pontificem; et erat ingens multitudo fratrum qui de ejus adventu lætabantur in Domino. Pachomius vero non se ostendebat antistiti memorato, sed ex industria subtrahens se, in monachorum turmis occuluit, ex hac videlicet causa, quod antefatus Tentyrorum episcopus de eo sanctum Athanasium sæpius exorabat, virum dicens esse mirabilem, et vere famulum Dei, quem ad honorem sacerdotii dignissime promoveret. Id ergo sciens Pachomius, non ei se manifeste monstravit, inter monachorum agmina delitescens, usque dum idem præteriret episcopus, quem intantum venerabatur, ut nullum præstantiorem ipsis temporibus hominem diceret. Compererat enim sanctam vitam ejus et persecutiones innumeras, quas ab Arianis pro Christi pertulerat confessione; charitatem quoque, quam erga universos, et maxime monachos, exhibebat, intento mirabatur animo, eumque toto cordis affectu venerabatur. Nec solum hunc diligebat ardentius; sed et omnes rectæ fidei viros summo studio præferebat. Hæreticos autem detestabatur plurimum, et maxime Origenem, velut blasphemum ac perfidum, vehementer horrebat: qui prævius Arii Meletiique declaratus, sub Heracla (32) venerabili Alexandrinæ civitatis episcopo, de ecclesia pulsus est, qui que sacræ Scripturæ dogmatibus exosa atque detestanda, quæ nonnullorum corda subverterent, expositionibus suis admiscuit. Et sicuti solent qui venena temperant, amaritudinem melle contegere; sic iste proprii virus erroris, cælestium verborum dulcedine liniens, exitiosa rudibus dogmata propinavit. Quapropter universos fratres sollicitius admonebat, ut non solum ipsi Origenis commenta (33) non legerent, sed neque legendibus quidem aures penitus admoverent. Unde fertur aliquando reperisse volumen ejus, et in aquas misisse continuo, testatus his verbis: Nisi scirem nomen Dei in eo esse conscriptum, omnes gurrulitates blasphemiarum ejus ignibus concremassem. Adeo rectæ fidei erat amator, æmulatorque veritatis. Sicut autem inimicis Ecclesiæ odio adversabatur hostili, ita Catholicorum probabatur ad gaudere profectibus et ipsum Christum redemptorem omnium, se in sacerdotibus ejus in Ecclesiæ throno testabatur cernere. Si quando vero fratrem detrahentem cuiquam pro quolibet negotio cognovisset, non solum non credebatur ei, sed etiam avertens se mox ab eo, veluti a facie serpentis concitus abscedebat, illud Psalmographi frequenter insinuans: Detrahentem proximo

suo occulte, hunc persequabar (Psal. c.) Nullus (aiebat) bonus de ore suo profert quidquam mali, nec sanctis patribus venenato ore prorsus obloquitur. De qua re multis quidem Scripturis Dei monstrabat indignantis offensam, præcipue tamen Mariæ proferebat exemplum, quæ mox ut adversus Moysen querelas obtreactionis effudit, perfusa lepra divinum iudicium vitare non potuit. Hæc docens, utilitatem maximam audientibus conferebat (Num. 12).

CAP. XXVIII. — Comperit autem germana soror ejus institutionem senis præclaram atque sublimem (Ruff. l. III, n. 34); cupiensque videre eum, ad monasterium ejus adventit. Quod ubi agnovit Pachomius, hujuscemodi responsum ei per ostiarium direxit: Ecce, soror, audisti de me quod vivam et incolumis existam; perge igitur in pace, nec contristeris quod te non videam corporalibus oculis. Quod si volueris hanc conversationem sequi, quam teneo, ut possis apud Dominum misericordiam reperire, cogita tecum diligenter et tracta; et si cognovero hoc sanctum cordi tuo sedisse propositum, præcipiam fratribus meis ut tibi procul ædificent mansionem, in qua cum disciplina verecundiaque persistas. Nec dubito quod alias exemplo tuo Dominus advocabit, quæ tecum maneant, et per te mereantur salutis æternæ invenire subsidium. Nullam namque requiem in hoc corpore mortis habere poterit homo, nisi qui piis operibus Deo placuerit. Hæc audiens soror ejus, flevit amare: et compuncta divinitus, ad exhortationem saluberrimam mox appulit animum seque Christo servire professa est. Hanc ergo mentem germanæ suæ Pachomius agnoscens, Deo gratias egit, qui ei promptam largitus est voluntatem, et protinus religiosioribus imperat fratribus ut ei procul a se monasterium construant. Quod ubi factum est, et illa secundum timorem Dei vitam duceret, convenerunt ad eam aliæ plurimæ, et brevi tempore magnæ multitudinis mater effecta est. Quas instruens et docens, ut cor a cupiditatibus carnalibus abstrahentes, ad cælestia et mansura semper attollerent, ipsa et vivendo pariter et loquendo salutis eis itinera demonstrabat. Sanctus autem Pachomius cuidam Petro, ætate jam grandævo, et veneranda senectute conspicuo, præcepit ut interdum famulas Dei visitaret, et sancta exhortatione sustolleret. Habebat enim cum mortificatione passionum omnium, etiam sermonem (sicut scriptum est) sale conditum, eratque oculis mentis et corporis valde castissimus, qui sæpenumero virginibus Christi de sanctis Scripturis loquebatur (Coloss. IV), et insinuabat ea quæ pertinent ad salutem. Pachomius vero descripsit eis regulas, quibus utentes, jugiter conversationis suæ momenta dirigerent. Exceptis enim melotis, quas feminæ non habent, omnis institutionis earum forma monachis probabatur esse consimilis. Si quis autem de fratribus habebat in monasterio feminarum propinquam aliquam vel sororem eamque visitare voluisset, mittebatur cum eo unus ex senioribus probatæ vitæ; et primum quidem videbat eam quæ sororibus præerat, et deinde sub ejus præsen-

tia et aliarum quæ erant provectoris ætatis, sororem suam vel proximam frater cum omni pudore et gratia sanctitatis cernebat, nihil ei deferens, nec prorsus ab ea quidquam accipiens. Non enim proprium quid habebant quod sibi mutuo largirentur; eratque satis utrisque, solum visitationis officium, memoriaque futurorum cum spe felicitatis æternæ. Si quando vero vel ad structuram, vel ad aliam rem feminæ monachis indigerent, eligebantur magnæ conversationis viri, qui fratribus ad quæsitâ præessent officia; et cum timore Domini laborantes, refectionis hora revertebantur ad monasterium, caventes apud eas quidquam cibi potusque percipere.

Una vero regula tam virorum quam feminarum hodieque perdurat, nisi quod feminæ melotis (ut diximus) minime utuntur (*Pallad. c. 39*). Quod si defuncta esset virgo, curantes funus ejus reliquæ, cunctaque quæ ad sepulturam pertinent adimplentes deferebant usque ad ripam fluminis, quod utraque monasteria dividit, psalmos ex more canentes. Tunc transeuntes monachi cum ramis palmarum et olivarum frondibus, psallentes transvehebant eam, et in sepulcris suis cum hilaritate condebant.

CAP. XXIX. Hæc talis ac tanta conversatio longe lateque crebrescens, sanctique Pachomii nomen ubique perveniens, universos ad agendas Deo gratias excitabat. Non pauci quoque contemnescentes hujus mundi negotia, singulare monachorum conversationem et spiritalia studia diligebant: inter quos et Theodorus (34), adolescens annorum ferme XIV, Christianis ortus parentibus, et secundum sæculum valde claris, hoc modo conversus est. Undecimo die mensis Tibi, id est, octavo Id. Jan. (35) quædam apud Ægyptum celebratur ex more festivitas. Cernens itaque domum suam nimis amplam ac splendidam, ac bonis omnibus abundantem, per Dei gratiam corde compunctus, talia secum cœpit volvere: Quid tibi proderit, infelix Theodore, si totum mundum lucratus fueris (*Matth. XVI*), et temporalibus utens usquequaque deliciis, ab illis æternis bonis et immortalibus excludaris? Nullus enim potest et præsentibus deliciis perfrui, et perennis gloriæ præmia promereri. Super his ergo fortiter ingemiscens, penetralia suæ domus ingressus est; et procidens in faciem suam, cum lacrymis ait: Omnipotens Deus, qui occultorum es cognitor, tu scis quia nihil horum quæ sunt in hoc sæculo, amori tuo præpono. Propter quod obsecro te misericors, ut in voluntate tua me dirigas, illuminans animam meam miseram, ne in æternæ mortis contenebrata peccatis obdormiat, sed redempta tuo munere, per omnia te collaudet atque glorificet. Hæc eo orante, venit mater illius, et invenit oculos ejus plenos lacrymis, et ait: Quis te contristavit, charissime fili, ut sequestreris a nobis? Nam solliciti ac dolentes ubique te quærebamus, ut nobiscum pariter epulareris. Qui respondit: Perge, quæso, mater, et cibum sume, quia ego nunc manducare non possum. Nec acquievit precibus ejus, ut cum ea comederet.

125 Et cum ad scholam ambularet ut litteras disce-

ret, jejunabat usque ad vesperam. Frequenter autem et biduana jejunia transigebat, per duos annos omnibus pretiosis et delicatioribus cibis abstinens, seque ad perfectam continentiam, quantum ætas illa patiebatur extendens. Cœpit itaque secum tractare, quatenus monasterium expeteret, sanctæque se regulæ manciparet. Et deserens omnia quæ habebat, quosdam religiosos viros reperit, optima institutione viventes; habitavitque cum eis, in Domini timore proficiens.

CAP. XXX. — Quodam vero tempore, contigit ut post orationem vespertinam, cum monachi resedisent, et divina consuete meditarentur eloquia, unus ex eis disputans, audiente quoque Theodoro, tabernaculum veteris Testamenti et sancta sanctorum ad novos referret populos, ad circumcisionem scilicet atque præputium, dicens quod exterius tabernaculum figuram gereret prioris populi Judæorum, interius autem, quod est sancta sanctorum, vocationem præsignaret omnium gentium, quæ et sacrorum aditus meruisset accessum, et majorum mysteriorum participes exstitisset. Pro hostiis enim animalium, et pro arca in qua erat manna, et virga Aaron quæ frondebat, et tabulæ testamenti, pro thuribulo quoque et mensa et candelabro ac propitiatorio, Deus Verbo nobis in sua incarnatione clementer apparuit, et illuminavit nos lumine suæ præsentia; nostrorumque factus est propitiatio peccatorum, et pro manna corpus proprium largitus est ad edendum. Hæc cum monachis qui præsentibus aderant, idem frater religiose dissereret, addidit dicens: Hanc interpretationem a sancto patre nostro Pachomio didici, qui in Tabennensi monasterio monachos primitus congregavit, cum quibus in dies, Domino auxiliante, profeci. Et credo, quia tanti viri recordatus sum (36), peccata mea remittentur universa. Audiens ista Theodorus, accensus est animo, et intra semetipsum precatus est, dicens: Domine Deus, si talis est vir justus in terris, dignum me fac, ut eum videam, et sequens vestigia ejus, universa mandata perficiam; salvus quoque factus, bona tua, quæ diligentibus te promisisti, promerear. Hæc dicens cum lacrymis, vincebatur amore divino fortiter sauciatus. Post aliquot autem dies venit ad eos quidam venerabilis vir, Pegasus nomine, longæva senectute decoratus, ut visitaret fratres, simulque qualiter agerent scire desiderans. Quem valde Theodorus precabatur, ut se comitem susciperet, et ad sanctum Pachomium perducere dignaretur. Qui nihil differens, eum secum gratanter assumpsit. Cumque pervenissent ad locum, Theodorus adoravit Dominum, dicens: Benedictus es, Domine, qui sic celeriter orationem peccatoris audisti; et sicut abs te poposceram, desiderium meum complere dignatus es. Accedens ergo ad ostium monasterii, mox ut vidit Pachomium, cœpit flere præ gaudio. Ad quem venerabilis pater ait: Noli, filii mi, plangere, quia et ego homo peccator sum, licet Dei opus aggressus sim: et hæc dicens, introduxit eum in monasterium. Qui cum fratrum multitudinem vidis-

set, illuminatus mente, circa divinum cultum pio zelo vehementer incaluit, ac processu temporis magna in virtutibus incrementa percepit. Erat enim largitate divini muneris præditus, et in operibus bonis ac verbis multum prudens; et humilitate atque contritione cordis valde mirabilis, in jejuniis sedulus, in vigiliis intentus, in oratione sollicitus, nunquam penitus omittens, quo minus spiritualis gratiæ majora munera sectaretur. Consolabatur autem plurimos mærore depressos; et eos qui aliquo peccato devierant, admonitione humili atque benevola corrigebat.

CAP. XXXI. — Denique tam præclaram ac fulgentem conversationem ejus Pachomius cernens, satis eum dilexit, et in corde suo conseruit. Audiens autem mater ejus quod apud beatum Pachomium inoraretur, ad eum protinus advolat, secum deferens episcoporum scripta, quæ præcipiebant ut ei eius filius redderetur. Hanc ergo susceperunt virgines in monasterio, quod a virorum, ut supra dictum est, haud procul aberat; quæ mox mittit epistolas sancto Pachomio, similiter obsecrans, ut filium proprium videre permitteret (*Ruffin.*, l. III, n. 31). Tunc advocans Theodorum Pachomius, ait ad eum: Comperi, fili, quod huc mater tua venerit, et te videre desideret: ecce nobis et episcoporum litteras attulit. Pergens itaque satisfacito matri, maxime propter sanctos pontifices, qui nobis per eam dignati sunt scripta dirigere. Respondit Theodorus: Prius me, venerabilis pater, certum facito, quod post tantam spiritualium rerum cognitionem, si videro eam, non dabo inde rationem Domino in die judicii, et quod præcipis faciam. Hanc enim juxta mandatum Christi cum toto mundo deserui. Et quomodo eam in offensionem fratrum nunc audebo conspicerè? Nam si prius, ante manifestationem tantæ gratiæ, filii Levi parentes proprios ignorarunt, ut justificationes legis implerent (*Exodi xxxii*; *Deut. xxxiii*; *Levit. xxi*), quanto magis ego, qui tanti muneris particeps factus sum, parentes non debeo divinæ præponere charitati, dicente Domino in Evangelio: Qui diligit patrem aut matrem super me, non est me dignus (*Matth. x*)? Dicit ei Pachomius: Si probas id tibi non expedire, fili mi, non te cogo. Hoc autem eorum est qui perfecte renuntiant huic mundo, et seipsos sibi penitus abnegant. Oportet enim monachos, inutiles et sæculares salutationes et colloquia vana diffugere, et his qui membra Christi sunt pia mente sociari. Si quis autem passione quadam sæculi captus, dicit: Parentes caro mea sunt, eos diligere debeo, audiat beatum Petrum apostolum prædicantem: A quo quis superatur, huic et servus efficitur (*II Pet. ii*). Qui ergo vincitur amore carnis, servus sine dubio est carnis. Cumque non acquievisset Theodorus matri se præsentare, decrevit et illa in ipso monasterio cum Christi permanere virginibus, hæc apud se pertractans: Si voluntatis Domini fuerit, inter alios saltem monachos videbo eum: et propter hanc occasionem, meam quoque lucrabor animam, dum in hac sancta conversatione persisto. Constat igitur eos qui rigo-

rem pro nomine Christi, non pro vana laude custodiunt, plurimas utilitatis causa virtutes cæteris adhibere, licet videantur ad breve tempus nonnullos offendere.

CAP. XXXII. — Igitur sicut hujus studium ad æmulationem eorum qui meliora cupiunt imitari protulimus, ita negligentias aliquorum justum credimus intimari, ad cautelam eorum qui ista lecturi sunt. Quidam monachi secundum carnem viventes (*Coloss. iii*), nec veterem hominem curantes exuere, sanctum Pachomium fortiter affligebant; frequenter itaque salutaribus eos monitis alloquens, nullum penitus profectum eorum sentiebat. Unde tristis et anxius, Domino pro eis supplicabat impensius, dicens: Dominator Domine, tu præcepisti nobis diligere proximos ut nos ipsos (*Levit. xix*; *Matth. xix*). Quia ergo secreta cordis mei agnoscis, obsecro, ne me clamantem ad te pro eorum salute despicias; sed misertus eorum, da illis timorem tuum, ut divinam tuam potentiam cognoscentes, in veritate tibi deserviant, spe promissionum tuarum per omnia roborati; quia nimis affligitur anima mea pro eis, et omnes sensus mei turbantur usquequaque. Hæc dicens, siluit. Post aliquot vero dies videns quod nec per orationem meliores effecti sunt, iterum stans ad orationem, pro eis Domino supplicavit; et quasdam privatas ac proprias regulas eis orandi atque vivendi tradidit, ut saltem quasi servi statuta complentes, paulatim consuescerent ad filiorum munus affectionis industria pervenire. Qui cernentes se post concupiscentias suas ire non posse, præsentiamque sancti Pachomii formidantes, spiritu timoris, non illius casti, decepti sunt; et abierunt retro post Satanam, conversationem ejus admirabilem non ferentes. His itaque recedentibus, grex universus in sui status integritate permansit, magis ac magis ad incrementa virtutum assurgens, sicuti solent in agris optima frumenta lætius efflorescere, cum fuerint ab eis zizania radicitus amputata. Hæc autem retuli, volens ostendere quia sicut nihil obest hominibus sæculo deditis, si se tradiderint monachorum institutis, ita nihil utilitatis affert monachis professio venerabilis, si negligentes existunt; sed nec oratio paterna, nec condescensio eos poterit adjuvare torpentes.

CAP. XXXIII. — Confessor interea Dionysius presbyter et œconomus, id est, dispensator Ecclesiæ Tentyrorum, amicissimus sancti Pachomii, comperit ab aliquibus quod ex aliis monasteriis ad eum venientibus, non concedat cum suis fratribus vesci, sed eos sequestrato loco juxta monasterii fores excipiat. Contristatus itaque plurimum super hac re, venit ad eum; et increpantis potius assumens animum quam monentis, aiebat: Non recte facis, abba, charitatem fratribus debitam non æqualiter omnibus exhibens. Qui correctionem ejus cum multa longanimitate patientiaque suscipiens, ita respondit: Novit Dominus propositum meum, et paterna tua cognoscit affectio, quod nunquam cujuslibet animam cupiam contristari, nec dicam spernere. Quomodo igitur hoc

auderem agere, ut meum contra me Dominum provocans irritarem, qui manifeste testatur in Evangelio dicens: Quamdiu fecistis uni ex minimis fratribus meis, mihi fecistis (*Matth. xxv*)? Accipe itaque satisfactionem meam, venerabilis pater, quia non velut vitans atque spernens eos qui huc veniunt, hoc quod asseris facio: sed quia in cœnobio congregationem suscepi, plurimos qui nuper conversi sunt, et diversos eorum mores esse cognosco. Nonnullos autem novi intantum ipsius conversationis ignaros, ut nec monachorum habitum noverint. Inter quos sunt parvuli, tanta simplicitate viventes, ut nec dexteram valeant scire, neque sinistram. Idcirco credidi esse commodius, ut supervenientes fratres seorsum susciperentur, in honore maximo constituti. Hinc ergo non aestimo patribus vel fratribus qui ad nos divertunt, ullam contumeliam fieri, sed magis debitam reverentiam commodari: præsertim cum statutis horis ad reddendum nobiscum Deo vota sua conveniant, et post hoc singuli ad loca destinata concurrant, quieti operam dantes, me secundum Deum sollicitius usibus  eorum necessaria providente. Hæc audiens præfatus presbyter, omni eum laude dignissimum comprobavit, certo cognoscens quod secundum Deum cuncta ageret; multumque relevatus sancti Pachomii satisfactione, lætus remeavit ad propria.

CAP. XXXIV. — Mulier autem quædam in eadem Tentyrorum civitate patiebatur fluxum sanguinis et hac infirmitate jam prolixo tempore laborabat. Hæc audiens Pachomium Dei esse cultorem, sanctaque conversatione mirabilem, insuper et Dionysium presbyterum amicum ejus esse charissimum, rogat eum ut sui misereatur, et quasi per occasionem necessariam ad se Pachomium convocet. Qui precibus mulieris flexus, hoc agere non moratur. Cum ergo venisset Pachomius ad ecclesiam, et post orationem Dionysium salutasset, juxta eum protinus assedit. Dumque loquerentur ad invicem, mulier fiducia fidei roborata, credensque dicenti Christo: Confide, filia, fides tua salvam te fecit (*Matth. ix*), post tergum ejus latenter accessit, et cucullum, quod operiebat caput ejus, tremens attigit; statimque sanata est. Et procidens in faciem suam, adoravit Dominum, glorificans ejus clementiam, quod tanta per servos suos beneficia credentibus contulisset. Tunc sanctus vir Dionysius factum sentiens, benedixit mulieri, et protinus ad sua repedavit.

CAP. XXXV. — Aliquando vero necessitas exegit ut sepius munimine monasterium vallaretur, in quo opere laborantibus fratribus, ipse lætus ferebat maximum auxilium.

Post aliquantos autem dies monachus quidam presbyter, multorum fratrum pater existens, qui solitus erat sanctum Pachomium crebro visitare, venit ad eum cum uno fratre, propter contentionem quæ in monasterio orta fuerat, ex hac videlicet causa: is ipse frater, qui cum eo pervenerat, molestus erat ei nimium, clericatus desiderans dignitatem: quem

sciens indignum tali munere, diverso modo ne hoc ipsum fieret differebat. Et cum amplius importunitatem ejus ferre non posset, venit ad sanctum Pachomium: cuncta quæ negotii erant eidem pandens, certus quod ipse solus contentiones hujusmodi posset absolvere. Qui cum causam penitus cognovisset, ait presbytero: Nonne ad hoc venisti, ut per me cognosceres Domini voluntatem? Audi ergo me, et da ei quod postulat, nihil in hac parte desperans. Fortassis enim per hoc officium liberabitur anima ejus de captivitate diaboli. Sæpe namque contingit ut homo malus affectus beneficiis, ad bonos se conferat mores. Desiderium namque meliorum pium novit ingenerare propositum, his duntaxat animabus, quæ non usque Badeo negligentiae torpore prolapsæ sunt, ut possint studere virtutibus. Nos ergo, frater, hoc agere decet, quod Deo placeat. Sic enim dilectio ejus in nobis esse probabitur, si compatiamur alterutrum. Hoc accepto responso, senior fecit quod sibi fuerat imperatum. Sed frater ille voti compos effectus, ad beatum Pachomium reversus est, jam mente sobrius atque compunctus, et cadens in faciem, confitebatur dicens: O homo Dei, multum sublimatus es a Deo, qui discernens ea quæ pertinent ad salutem, malum in bono vicisti. Si ergo non fuisses erga me mitis atque longanimis, sed aliquid in me rigidum protulisses, ab hoc discedens habitu, a Deo prorsus alienus efficerer. Nunc autem benedictus tu Domino, per quem anima mea salva facta est. Tunc allevans eum de terra venerabilis senex, hortabatur sedulo, ut vitam sumeret congruam dignitati, ne quando negligens, perpetua in futuro tormenta sentiret. Et osculatus eum, dimisit in pace, quem etiam usque ad fores monasterii prosecutus est.

CAP. XXXVI. — Adhuc autem sancto Pachomio ibidem stante, ecce vir a longe festinus veniens, ad ejus vestigia provolvitur, obsecrans ut filiam suam a dæmonio vexatam, per Christi gratiam curare dignaretur. Quo relicto præ foribus ingressus, ipse tale ei responsum per ostiarium dirigit: Non est nobis consuetudo cum mulieribus loqui; sed si quid habes ex vestimentis ejus, mitte nobis, quod in nomine Domini benedicentes, tibi protinus remittam; et credimus in Christo quod filia tua isto modo ab inimici liberetur incursu. Cumque tunica puellæ sancto fuisset allata, severe nimis intuitus ait: Non est ejus iste vestitus. Affirmante vero patre atque dicente ejus esse, respondit ei: Et ego novi quod ejus sit; sed virginitatem suam Deo dedicans, non servavit sanctioni puritatem: propter hoc ejus inspiciens tunicam, et intelligens castitatem suam minime custodisse, non ejus esse testatus sum. Spondeat itaque tibi in conspectu Domini deinceps vivere continenter, et propitiabitur ei Christus, sanamque restituet. Pater igitur indignans et mœrens, filiam suam perscrutatus est, et sic esse ut sanctus Pachomius dixerat puellæ confessione cognovit. Quæ cum juramento pollicita fuisset nunquam se talia gerere velle, pro ea vir beatus Domino supplicavit, benedicensque oleum misit.

Quo peruncta, sine mora curata est, et glorificabat Dominum jugiter, quod non solum dæmone, sed etiam detestabili conversatione caruisset, et in reliquum continentiae se studiis per Christi mancipasset auxilium.

CAP. XXXVII. — Tali igitur opinione de sancto viro ubique currente, alius nihilominus qui filium suum a dæmonio possessum, sine intermissione deflebat, nec eum perducere poterat ad monasterium, genu nixus supplicabat Pachomio, ut pro eo precaretur omnipotentiam Christi. Qui cum orasset, dedit ei benedictum panem, sollicitè præcipiens ut ante cibum ex eo paululum semper energumenusumeret. Cumque esurisset filius ejus, ex ipso pane particulari ei tradidit, sed non permisit immundus spiritus ut exinde omnino gustaret; ex aliis autem panibus qui erant appositi manus suas implevit, cœpitque comedere. Pater ergo benedictum panem per frusta minuens, in interioribus palmarum, sublatis exinde ossibus, immisit; et has ei tantum modo palmas apposuit, ut nesciens id quod factum est, benedictionem percipere mereretur. Quas adaperiens, ille frusta quæ injecta fuerant projiciebat; et ipsas exsecratus palmas, nihil penitus escæ volebat accipere. Cumque pater eum sine cibo manere diebus plurimis compulisset, fame coactus, ex benedicto pane percepit; ac protinus somno detentus, a maligno spiritu liberatus est. Quem secum pater ad sancti Pachomii vestigia perduxit, laudans et glorificans Deum, qui per servos suos operatur magnalia et gloriosa, quorum non est numerus. Alias quoque sanitates plurimas in virtute sancti Spiritus vir beatissimus faciens, non extollebatur, nec unquam cor ejus elatum est. Habebat autem hanc a Domino gratiam, ut idem semper et æqualis esset in omnibus, animumque in disciplina Domini sollicitum retineret. Et si quando poscens aliquid a Domino, petitionis suæ non consequeretur effectum, non contristabatur omnino, sed patientissime sustinebat, sciens hoc expedire vel sibi vel omnibus, quidquid divina misericordia censuisset: quia frequenter intentione sincera videmur postulare contraria, quæ Domini bonitas, cum non concedit, præstare dignatur; et tunc potius clementer exaudit, cum vota nostræ ignorantiae nocte velata non perficit.

CAP. XXXVIII. — Quidam denique juvenis, Silvanus nomine, de scena conversus, ad sanctum Pachomium venit, volens in ejus monasterio commorari. Qui cum susceptus esset, infectus perversa consuetudine sæculi, nullis disciplinæ regulis poterat coerceri; salutemque propriam negligens, dies suos vanitatibus pristinis atque ridiculis occupabat: adeo ut nonnullos ex fratribus everteret, et ad studium simile commoveret. Quod plurimi non ferentes, sancto Pachomio suggerunt ut eum de monasterio pelli præciperet. Ad quam rem non eis annuit; sed æquanimitè ferens, admonuit præfatum fratrem ut se corrigeret, et antiquæ conversationi renuntiaret. Pro quo etiam jugiter Domino supplicabat, ut ei compunctionem cordis solita pietatis abundantia largiretur.

Cumque memoratus juvenis in propria persisteret pravitate, et aliis exemplum perditionis ostenderet, ad postremum visum est omnibus ut a sancta congregatione velut indignissimus arceretur. Sed beatus Pachomius hoc idem credidit differendum. Quem etiam mitissima atque sapientissima correptione conveniens, et cœlestibus erudiens institutis, ita divino timore succendit, et sic anima ejus futurorum fide compuncta est, ut se deinceps abstinere non posset a lacrymis. Emendatus itaque per omnia, magnum cæteris documentum conversionis exhibuit. In omni namque loco et in omni operatione flebat jugiter; et nec tunc quidem, cum cibum inter fratres caperet, a lamentatione cessabat. Quæ res etiam permovit multos ex monachis, qui et dixerunt: Tandem a planctu te cohibe, nec tanta, quæsumus, afflictione dejicias. Qui respondit: Conor quidem, sicut jubetis, a lacrymis temperare, nec possum. Pectus enim meum veluti quædam flamma comburens, quietum me esse non sinit. Rursum ipsi dixerunt: Apud te in secreto tuo, vel certe in orationibus plangito; cum vero convenimus ad mensam, cibum sumere debes, et a fletibus abstinere. Nam possibile est animam et sine istis exterioribus lacrymis semper in compunctione persistere: quia plures e fratribus videntes te flentem, manducare non possunt. Et cogebant eum fateri, cur ita se suis dilueret fletibus. Tunc ait ad eos: Non vultis ut plangam, cum videam me foveri multis obsequiis sanctorum fratrum: quorum et pulvis pedum mihi venerandus est, nec eis me conferre dignum prorsus existimo. Non ergo plangam, quod homo de scena multis peccatis obnoxius, officia tanta percipiam? Timeo valde ne, sicut Dathan et Abiron, me quoque profanum hiatu suoterra deglutiat (*Num. xvi*). Illi namque impiis ausibus manibusque pollutis sancta sibi met usurpare tentaverunt; ego vero post tantam cognitionem divini muneris, animæ meæ salutem desideriosa conversatione neglexi. Ideo quippe ista recolens, non erubesco flere coram omnibus, quia multa facinora mea esse cognosco, quæ jugibus lacrymarum fontibus debeam expiare. ¶ Quod si ipsam miseram animam meam per lamenta diffunderem, nihil facerem magnum, quia nullum pro factis meis in præsentem dignum possum reperire supplicium.

Cumque per dies singulos idem frater ad meliora proficeret, omnesque propemodum in humilitate superaret, ita de eo sanctus Pachomius cœpit coram omnibus dicere: Testor vos, fratres ac filii, coram Deo et sanctis ejus angelis, quia ex quo cœnobium hoc fundatum est, nullum de fratribus qui mecum sunt vel fuerunt, humilitatem meam secutum esse cognosco, nisi unum tantummodo. Quo fratres, audito, nonnulli putabant hunc unum esse Theodorum, alii Petronium, alii vero Orsesium. Cumque rogaret Theodorus eum, ut quis ille esset depremeret, et sanctus vir indicare differret, rursus eum Theodorus vehementer urgebat. Alii quoque majores ex fratribus plurimum precabantur ut diceret quis esset cui testimonium tale perhiberet. Tunc respondit Pachomius:

Si scirem eum de quo dicturus sum vanæ gloriæ A stimulis incitari, nunquam eum ostenderem; sed quia proculdubio credo quod per Christi gratiam quantum laudis ei accesserit, tantum ipse munus humilitatis acquireret, idcirco, ut eum possitis imitari, sine metu palam beatificare non desino. Tu quidem, Theodore, et quicumque tui sunt similes, fortiter in monasterio certantes, diabolum vinxistis ut passerem (37), et sub vestris pedibus allistis eum, per Dei gratiam contulcantes ut pulverem: sed si (quod absit) neglexeritis in aliquo, consurgens is qui sub vestigiis vestris est, adversus vos gravi furore bacchabitur. Juvenis autem Silvanus, quem dudum propter negligentiam de monasterio pellere volebatis, ita prostravit inimicum, et a suis sensibus effugavit, ut nusquam coram eo compareat, altaque humilitate B eum per omnia superavit. Et vos quidem fratres habentes opera justitiæ, in his quæ gessistis, gloriosi confiditis; hic autem quanto fortius pugnat, tanto se deteriorem omnibus judicat, ex tota mente totaque virtute inutilem se reprobumque pronuntians. Ideo denique et lacrymas habet in promptu, quia semetipsum nimis humiliat et inclinat, nec alicujus momenti quod gesserit existimat. Diabolum autem nil ita reddit invalidum, sicut humilitas de corde puro, cui tamen correctionis opera probantur adjuncta. Sic itaque viriliter antefatus juvenis Silvanus per octo annorum curricula Deo militans, cursum vitæ suæ finivit in pace. De cujus exitu testatus est beatus Pachomius, quod multitudine sanctorum angelorum cum magna letitia sumentes animam ejus, velut C electam hostiam Christi conspectibus obtulerunt.

CAP. XXXIV. — Eodem tempore Panos civitatis episcopus, Varus nomine (38), per omnia venerabilis ac Deo deditus, rectæque fidei ferventissimus amator existens, audivit dispositionem conversationis Pachomii. Quem missis epistolis evocavit, plurimis verbis exorans ut etiam circa civitatem ejus monasteria optata construeret. Cumque multis ex causis precibus acquievisset episcopi, dum properat ad eum, justum credidit ut per iter omnia monasteria quæ ab eo curabantur, inviseret. Et cum uni ex ipsis monasteriis propinquasset, cujusdam fratris occurrit exequiis, qui vitam suam negligenter consumpserat. Fratres autem ipsius monasterii funus prosequen- D tur honorifice, psalmos solitos concinentes, præsentibus quoque defuncti parentibus ac propinquis. Qui cum vidissent Pachomium, feretrum continuo deposuerunt, ut tam pro mortuo quam pro se Domino supplicaret. Qui mox ut orationem debitam Deo persolvit, conversus ad fratres ait: Desinite psallere. Præcepitque defuncti vestimenta splendida, quibus indutus erat, auferri: quæ coram omnibus fecit exuri, et ita cadaver efferrî jussit, ac præter aliquam psalmodiam sepeliri. Igitur fratres cum parentibus ejus et universis qui tunc aderant, novum genus spectaculi contuentes, et obstupefacti nimium, precabantur senem, ut consuetam super eum psalmodiam celebrari permetteret. Quibus cum non acquievisset,

coeperunt parentes defuncti, culpantes eum, dicere: Quid est hoc spectaculum novum? Quis mortui non misereatur, licet sit inimicus? Sufficiens per se est ipsa calamitas. Noli, quæsumus, inferre mortuo, quod nec belluæ facerent, nec tuam condebet penitus sanctitatem. Nam et nos hinc notamur maximo opprobrio, aliaque quamplurima suspicionum probra nascuntur. Utinam numquam ad hunc locum venissemus! utinam nec iste monachus fuisset effectus! non hunc æternum dolorem nobis infligeret. Rogamus ergo ut solitam psalmodiam defuncto restituas. Qui respondens ait: Vere, fratres ac filii, plus vobis præsentis mortui misereor, intantum ut vobis de visibili re ac temporali curantibus, ego de invisibili ejus substantia sollicitudinem geram, et idcirco hæc erga eum fieri decernam. Et vos quidem majores illi dolores per hunc honorem, quem putatis, acquiritis; ego autem quantulamcunque ei requiem vel satisfactionem (39) per hanc injuriam præparo. Propter quod non curo pro hoc exanimi 130 corpusculo, sed pro immortalis ejus anima satago, quæ et hanc carnem rursus in resurrectione receptura est incorruptam et integram. Alias autem si hoc quod vultis annuero, veluti placens hominibus judicabor; atque ut ad præsens vobis satisfecisse videar, id dispicio, quod ei prodesse poterit in futuro. Fons enim bonitatis Deus noster existens, occasiones quærit, per quas opulenta super nos data pietatis suæ effundat, remittatque nobis peccata, non solum in hoc sæculo, sed etiam in futuro. Nam cum dicat in Evangelio, qui blasphemaverit in Spiritum sanctum, non remittetur ei, neque in hoc sæculo, neque in futuro, dat indubitanter intelligi quod sunt quædam delicta, quæ possunt et post hanc vitam, si pro eis supplicetur, ignosci (Matth. XII). Nos ergo quos dignos judicavit Christi potentia divinæ suæ dispensationis exercere medicinam, si non unicuique congruens adjutorium proferamus, profecto veluti contemptores æstimabimur, et audiemus illud quod scriptum est in prophetia (Act. XIII; Habac. 1): Videte contemptores et admiramini, et disperdimini. Et ideo, quæso, sinite defunctum a propriis malis aliquatenus exui, et quantulamcunque requiem in illo futuro examini promereri. Sepelite ergo eum sine psalmis, ut dixi. Potens est etenim Deus benignus et clemens, D multumque misericors, pro supplicatione nostræ parvitatæ eum in æternam suam requiem collocare. Hæc cum dixisset, abierunt, et secundum quod venerabilis Pater præceperat, eum in monte, ubi erant parata monumenta, sepelire curaverunt.

CAP. XL. — Moratus est autem sanctus ibidem cum monachis duobus diebus, docebatque in primis singulos timorem Domini, deinde qualiter adversus diabolum dimicare deberent, et insidias ejus per Christi possent declinare gratiam.

Tunc nuntiatur ei quod frater quidam de Chinosciolorum monasterio gravi infirmitate detentus, benedictionem precis ejus ultimam postularet. Hæc audiens homo Dei, confestim secutus est eos qui

hæc sibi retulerant. Cumque concitus proficisceretur, et duobus vel tribus millibus abesset a monasterio quod petebat, audivit suavissimam vocem in aere personantem; suspiciensque vidit ipsius fratris animam veloci cursu ab angelis Domini laudantibus ad beatam vitam perennemque sustolli. Comites autem Pachonii cum neque vocem audirent, nec quidquam sentirent penitus, sed tantummodo cernerent eum ad Orientem diu suspicere, dicunt ei: Cur stetisti, Pater? Properemus, ut possimus occurrere. Qui respondit: Frustra jam currimus; hoc enim est quod diu considero, quemadmodum frater ipse ad gaudia perpetua deducatur. Quem cum rogarent ut eis exponeret quomodo vidisset animam, quantum poterant audire, narravit eis ex his quæ ipse conspexerat. Quidam igitur ex his euntes ad memoratum monasterium, et diligenter inquirentes qua hora frater ille dormisset, ea quæ a sancto didicerant viro, vera omnia cognoverunt. Hæc autem retulimus duabus ex causis: primum, volentes ostendere beatum senem nimium fuisse perspicacissimum, gratiamque possedisse propheticam, ac longe posita intellectualibus oculis prævidisse; deinde, ut tales semper imitantes, malorum consortia sollicitè vitaremus. Et de his quidem nobis hactenus dicta sufficiant.

CAP. XLI.—Sanctus ergo Pachomius ad antefatum episcopum cum suis monachis veniens, ab eo in summa veneratione susceptus est. Nam festivitatem maximam in ejus celebravit adventu, deditque ei loca ubi sperata monasteria conderet, sicut dudum per scripta rogaverat, quæ etiam venerabilis vir cum alacritate construxit. Et cum maceriarum munimen in circuitu duceret, ne quis facile posset irrumpere, quidam pestilentes homines, quos diaboli cæcavit invidia, nocte venientes, quæ constructa fuerant destruebant. Sed non in longum malignitatis eorum pœna dilata est. Nam cum senex discipulos suos ad tolerantiam commoneret, et illi nequissimi juxta consuetudinem convenissent, ut facinorum suorum cœpta perficerent, ab angelo Domini protinus exusti sunt, et velut cera a facie ignis ad nihilum sunt reducti. Fratres ergo velociter universum consummaverunt ædificium; in quo beatus Pachomius constituit monachos, religiosos viros, quibus Samuelem præposuit, hilarem virum, et dono frugalitatis eximium. Quia vero prædicta monasteria in suburbano fuerant instituta, idem sanctus ibi voluit manere diutius, usque dum hi quos ordinaverat, Christi munere firmarentur.

CAP. XLII.—Interea philosophus quidam civitatis ipsius, audita servorum Dei opinione, venit ad eos, scire volens quid essent, quidve profiterentur; et videns aliquos ex monachis, ait ad eos: Vocate mihi Patrem vestrum, quia de rebus necessariis cum eo disputaturus sum. Cum cognovisset autem sanctus vir quia philosophus esset, misit ad eum Cornelium et Theodorum, præcipiens eis ut ad ea quæ sciscitaverit prudenti responsione satisfacerent. Egressus igitur ad eum philosophus ait: Multus ad nos sermo

delatus est, quod sapientiæ geratis studium, et juxta religionem vestram, quietem diligatis impensius, insuper etiam prudenter his qui proponunt aliquid satisfacere videamini, et ideo de his quæ legistis vos interrogare disposui. Cui Theodorus: Profer, ait, quod vis. Et philosophus: Habes, inquit, tu mecum disceptationem, ut quæ fuerint quæsitæ dissolvas? Cui Theodorus respondit: Exprime jam quod intendis. Tunc philosophus ait: Quis, non natus, mortuus est? Quis rursus natus, a morte subtractus est? Quis autem, cum sit mortuus, non est fetore corruptus? Et ait Theodorus: Non grandis, inquit, hæc propositio tua, o philosophe; nam facile quod inquiris solvam. Qui non natus, mortuus est, habetur Adam protoplastus. Qui vero natus est, nec tamen mortuus est, existit Enoch, qui Deo placuit, atque translatus est. Qui mortuus est autem, nec fetore ullo corruptus, uxor est Loth, quæ conversa in statuam salis (*Gen. xix*), quæ usque nunc in eo habitu pro incredulorum perdurat exemplo. Et ideo consilium do tibi, o philosophe, ut has ineptas propositiones tuas et inanes deserens questiones, ad verum Deum quem colimus, te sine dilatione convertas, remissionemque peccatorum tuorum pro æterna salute percipias. Ad hæc philosophus obstupefactus, nihil inquisivit ulterius; sed discedens, acumen viri, responsionemque tam celerem paratamque miratus est.

CAP. XLIII.—Proinde Pachomius in iisdem monasteriis nuper exstructis, diebus plurimis immortus est. Exinde profectus est, atque ad illud monasterium, quod sub ejus erat ditione, pervenit. Quem cum fratres omnes, in occursum ejus properantes, summa veneratione susciperent, infantulus quidam de ipsa congregatione, qui inter alios occurrerat, clamare cœpit ac dicere: Vere, Pater, ex quo hinc ambulasti, nullus nobis olera nec legumen aliquod coxit. Ad quem sanctus grata mente respondit: Non contristeris, fili mi, ego jam coquam. Ingressusque monasterium, post orationem venit ad coquinam; et inveniens fratrem qui coquinæ præerat, psiathos (id est, tegetes) operantem, quas mattas vulgus appellat, ait ad eum: Dic mihi, frater, quantum temporis habes, ex quo non coxisti fratribus olera vel legumina? Qui respondit: Sunt fere duo menses. Et sanctus Pachomius ait: Quare contra præceptum facere voluisti, ut tanta fratrum negligenter utilitas? Qui sub humili satisfactione respondit: Optaveram quidem, venerabilis Pater, quotidie implere ministerium meum; sed quia quidquid coquebam, non consumebatur a fratribus, quia omnes abstinent (soli quippe pueri aliquid cocturæ percipiunt), ne tanto labore paratæ projicerentur expensæ, propterea pulmentum non coxi. At ne otiosus essem, psiathos (40) elegi cum fratribus texere, sciens unum de his qui mihi deputati sunt ad opus hujusmodi posse sufficere, ut parvas escas, id est, olivas et herbulas ad refectio-nem fratribus pararet. Hæc audiens Pachomius: Et quot sunt, inquit, psiathi, quos te fecisse dixisti? Qui

respondit : Quingenti. Et ille : Defer, inquit, huc omnes, ut videam. Qui cum fuissent allati, protinus eos igne supposito iussit exuri. Tunc ait illis : Sicut vos traditam vobis erga dispensationem fratrum regulam despexistis, sic ego passim labores vestros incendio concremavi, quatenus cognoscatis quam perniciosum sit Patrum instituta convellere, quæ pro animarum salute provisæ sunt. An ignoratis quod gloriosum sit semper abstinere præsentibus? Nam si quis ab ea re quæ in ejus est potestate divina consideratione se continet, magnum consequitur a Domino præmium. Ab ea vero re, cujus utendi licentiam non habet, quadam noscitur necessitate cohiberi; et ideo propter abstinentiam coactam atque inutilem frustra videtur expectare mercedem. Denique cum plures escae appositæ fuerint, si fratres parcius his utuntur propter Deum, tunc apud Deum sibi maximam spem reponunt. De cibis autem quos non vident, nec eis ad percipiendum facultas ulla tribuitur, quomodo pro parcimonia præmium conceditur? Ideoque propter exiguos sumptus tanta fratrum non debuit intermitteri commoditas.

CAP. XLIV. — Hæc cum loqueretur ad eos, et sufficienter eorum delicta corripere, ostiarius ad eum festinus ingressus est, magnos viros et anachoretas egregios indicans advenisse, qui eum videre desiderarent. Quos illico iussit intrare, debitaque reverentia salutans eos, post orationem per fratrum ducebat cellulas, et omnia eis monasterii loca monstrabat. Qui rogaverunt senem ut cum eo de quibus cuperent rebus secreto loquerentur. Tunc vero duxit eos seorsum, seditque cum eis. Illis autem de rebus abditis atque arcanis altius disputantibus, cœpit sanctus Pachomius odorem sentire terribilissimum. Videbat enim eos exulto satis uti sermone, et in Scripturis sanctis paratos existere, nec poterat de intolerantia fetoris aliquid vel cogitare, vel dicere. Ubi ergo de divinis eloquiis diutius disputarent, et hora nona jam refectio- nis tempus indiceret, surgentes ipsi, mox abire voluerunt. Quos sanctus vir enixius orabat ut cibum pariter sumerent. Qui noluerunt penitus acquiescere, dicentes festinare se ante occasum solis **132** ad propria remeare. Et vale dicentes ei, sine mora profecti sunt. Tunc sanctus Pachomius volens certius causam fetoris agnoscere, in orationem prosternitur, exorans Dominum quatenus sibi quales essent pandere dignaretur. Moxque cognovit quod impietatis eorum dogmata, quibus probabantur imbuti, tantam perniciem de eorum cordibus exhalarent. Nec mora, viros ipsos insequitur, et apprehensis ait : Unum volo vos interrogare sermonem. Qui dixerunt : Interroga. Numquid, ait, Origenis commenta legistis? Qui negantes, dicebant : Nequaquam. Quibus ait : Ecce contestor vos coram Domino, quod omnis homo qui legit Origenem, et consentit his quæ prave disseruit, in profunda perveniet inferorum, hæreditasque ejus erunt vermes et exteriores tenebræ, quibus iniquorum animæ sine fine punientur. En ego, quod mihi manifestatum est a Domino, vobis sollicite nuntiavi.

Ex hoc innocens ero; vos videritis, si ea quæ sunt recta respueritis. Quod si mihi vultis acquiescere, Deoque placere per omnia, cunctos Origenis libros in flumen mergite, ne ab illis vos ipsi mergamini. Hæc dicens, discessit ab eis. Et rediens ad exercitium solitæ virtutis, reperit fratres in oratione consistere, cum quibus alacriter hymnos cantilenæ spiritalis explicuit.

CAP. XLV. — Monachis igitur ad vescendum convenientibus, venerabilis senex in cellulam, ubi consueverat supplicare Domino, se recepit. Et obserans ostium orabat intente, memor visionis quam aliquando conspexerat; et obsecrabat Dominum, quatenus ei declararet statum monachorum qui futurus esset, vel quid post ejus obitum in tanta congregatione contingeret; et ab hora nona usque ad illud tempus quo frater qui nocturnis orationibus præerat vocem mitteret, et ad preces solitas excitaret, instantiam suæ supplicationis extendit. Cumque precaretur attentius, subito circa mediam noctem visionem cernit, quæ eum juxta petitionem propriam de statu posteriorum suorum plenius edoceret. Nam monasteria sua vehementius dilatando, nonnullosque pie victuros et continenter agnovit, neglecturos etiam plurimos didicit, suamque salutem penitus esse perdituros. Vidit ergo, sicut ipse narravit, multitudinem monachorum in valle quadam profundasatis atque caliginosa consistere, et alios exinde velle conscendere, nec valere, quia occurrebant ex adverso sibi, nec invicem dignoscere poterant, nec de profundo illo et tenebroso loco prorsus emergere: alios autem frustra conatos præ lassitudine ruere, atque ad inferos pervenire; alios, jacentes, miserabili ac lacrymosa voce deflere; nonnullos vero cum maximo labore conscendere, quibus in ascensu ipse lux protinus occurrebat, in qua constituti referebant Deo gratias quod evadere potuissent. Ita Pachomius intellexit quæ novissimis essent eventura temporibus; cæcitatemque mentis eorum qui post futuri sunt, et errorem cordis, bonorumque defectum valde doluit; maxime vero, quod præpositi tunc negligentes ac desidiosi forent, nec in Deo confiderent, sed concordia discordiose uterentur, placentes stultæ multitudini, et ostentantes habitum monachorum, nullaque bona opera præferentes. Semel autem pessimis primatum tenentibus, ipsumque nomen sanctæ conversationis ignorantibus, necesse est æmulationes ac jurgia generari, et quis præsit ac major sit, ambitiosa lite contendere; et reprobari quidem bonos, ac malos eligi; nec probitate morum, sed antiquitate vel ordine unumquemque velle cæteris anteferri. Unde neque aliqua bonis viris loquendi fiducia suberit pro utilitate communi, sed erunt in silentio et quiete, aut certe sub colore honestatis magnis persecutionibus affligentur. Et quid est opus singula recensere, cum omnia pene quæ sunt regulis subnixæ divinis, humanis commutabuntur illecebris? Tunc Pachomius exclamavit ad Dominum, cum lacrymis dicens: Omnipotens Deus, si sic erit, ut quid permisisti cænobia ista constitui? Si enim in tempo-

re novissimo, quicumque fratribus præerunt perversi A futuri sunt, quales erunt illi qui sub eorum regimine versabuntur? Cæcus enim si cæco ducatum præbet, uterque in foveam cadit (*Matth.* xv). Heu me! quia frustra et supervacue laboravi. Memento, Domine, studiorum meorum, quæ tuo munere perfecisti; memento famulorum tuorum, qui tibi tota mente deserviunt; memento testamenti tui, quod usque ad consummationem sæculi a tuis promisisti custodiri cultoribus. Tu nosti, Domine, quia ex quo suscepi hunc habitum monachi, nimis humiliatus sum in conspectu tuo, nunquam satiatus sum pane, et aqua, vel qualibet creatura alia quam fecisti.

Hæc eo dicente, vox ad eum facta est, dicens: Ne glorieris, Pachomi, cum sis homo; et indigeas misericordia, quia cuncta quæ condidi, mea miseratione B subsistunt. Qui confestim prostratus in terra, misericordiam Domini postulabat, dicens: Omnipotens Deus, veniant mihi miserationes tuæ, et vivam (*Psal.* cxviii); et ne auferas misericordias tuas a me, quia misericordia et veritas tua semper susceperunt me (*Psal.* xxxii). Scio enim ego, Domine, quia **133** nutant et claudicant universa sine protectionis tuæ auxilio. Hæc cum dixisset, astiterunt super eum angeli lucis; et juvenis in medio eorum, ineffabili pulchritudine atque claritate resplendens, qui instar solis ex se fulgoris radios emittebat, habens super caput coronam spineam. Et levantes a terra Pachomium angeli, dicunt ei: Quoniam petisti a Domino misericordiam, ecce venit tibi misericordia tua, Deus gloriæ Jesus Christus Filius Dei Patris unigenitus, C qui missus est in hunc mundum, et pro salute generis humani crucifixus est, spineam ferens in capite coronam. Et Pachomius ait: Oro Domine, nunquid ego te crucifixi? Et Dominus placidior ait ad eum: Non tu quidem crucifixisti me, sed parentes tui. Verumtamen animæquior esto, et confortetur cor tuum, quia posteritas tua manebit in sæculum, nec usque in finem mundi deficiet; ipsique qui post te futuri sunt, de profunda illa caligine liberabuntur, quotquot vixerint abstinenter, et curam salutis propriæ gesserint. Modo namque qui præsentia tua se continent, tuarum sequentes exempla virtutum, maxima gratiæ luce resplendent; post te vero, qui in hujus sæculi caligine fuerint immorati, quia prudenter intelligent quæ petenda sunt, quæve fugienda, et spontanea voluntate nullo humanitus utentes exemplo, de tantis exsilierint tenebris, omnemque justitiam servantes, æternam vitam toto corde dilexerint; amen dico tibi quia cum istis erunt qui nunc tecum in summa continentia et sanctitate præclari sunt, eandemque salutem ac requiem sortientur. Hæc dicens Dominus, ascendit in cælum. Sic autem illustratus aer est, ut splendor lucis illius non possit humanis sermonibus explicari.

CAP. XLVI. — Tunc sanctus Pachomius super his quæ sibi ostensa sunt, vehementer admirans, ad nocturnam synaxim cum universa fraternitate convenit. Et officio sancto solemniter adimpleto, cuncti

monachi juxta consuetudinem coram sene ad audiendum verbum Dei constiterunt. Qui aperiens os suum, docebat eos, dicens: Filioli mei, quantacunque vobis est virtus atque possibilitas, pro salute vestra certate fortiter, et adversus armatum hostem viriliter dimiccate: prius quam veniat tempus, quod nosmetipsos, si tamen inertes fuerimus ac desides, miserabili lamentatione plangamus. Non negligamus dies nostros, quos largitus est nobis Dominus; sed operemur in eis cum omni alacritate virtutem. Dico enim vobis, quoniam si sciretis quanta sanctis in cœlestibus bona parata sunt, et quæ tormenta maneat eos, qui a virtutis itinere deviaverunt, cognitaque veritate, non in ea digne versati sunt, summis utique viribus æterna supplicia vitantes, hæreditatem illam beatam, quæ Dei famulis promissa est, festinaretis adipisci: quam nemo, nisi malus ac perditus, fugit ac negligit; quia quid amittat, penitus nescit; quem jam jamque resipiscere oportet, et terrenis absolvi cupiditatibus, ut mala præterita deflendo jugiter, indulgentiam Domini consequatur, et sic ad meliora conversus, iter suum dirigat, quatenus in exitu vitæ lætus existens, ad cœlestem Regem cum magna laude perveniat; quando terrestre hoc habitaculum deserens anima, ad cognitionem suæ substantiæ properat; quando cœlestibus sociata virtutibus, ad Patrem luminum pervenire festinat. Quid extollitur homo per vanam gloriam? Quid erigitur pulvis? Quid superbit terra et cinis (*Eccli.* x)? Plangamus nos ipsos potius dum tempus habemus, ne cum fuerit expleta singulis terminata dilatio, tunc inveniamur tempus pœnitentiæ exposcere, quando jam accipere non meremur. In hac enim vita nobis peccata deflere permissum est; in inferno autem, sicut a sancto David propheta didicimus, quis confitebitur Deo (*Psal.* vi)? Nimis anima illa probatur infelix, et omni lacrymarum fonte plangenda, quæ sæculo renuntians, iterum sæculi actibus implicatur, et inutilibus dudum curis exuta, rursum redit ad duræ servitutis obsequia. Et ideo, charissimi fratres, ab hoc instabili mundo, et post paululum transituro, perpetuam beatamque vitam nobis non patiamur auferri. Vereor autem, et totus penitus intremisco, ne carnis nostræ parentes usi sæculi rebus, et vitæ præsentis occupati negotiis, D qui putabant nos deseruisse mundi mala, et ab hinc jam vita frui perpetua, suo nos judicio condemnent, dicentes nobis: Quomodo lassati estis in semitis vestris (*Sap.* v), tantis obsessi miseriis? Ex vestra namque tam magna tristitia, nobis etiam mœror accessit, et pœnis nostris vester ignis adjectus est. Rami quippe nostri facti sunt inutiles, nec fructus quos in flore monstraverunt ediderunt. Sed et illud propheticum ne nobis ingerant, expavescio: Ideo in deprædationem venerunt dilecti, facti sunt abominabiles, et corona capitis eorum sublata est. Civitates ad Austrum sitæ, clausæ sunt, nec est qui aperiat eas (*Jerem.* xliii). Tollatur enim impius, ne videat gloriam Dei (*Isa.* xxvi, secundum *Septuag.*).

Hæc cogitantes, fratres mei, totis certemus viribus, a cogamus, hunc terminum sermonibus nostris imponimus. Deus pacis et gratiæ confirmet vos atque corroboret in timore suo, fratres. Amen. Hæc dicens, sine mora surrexit, et commendans eos Domino, profectus est.

Ante omnia præ oculis habeamus ultimum **134** diem, et momentis singulis æternorum dolorum supplicia formidemus. His enim causis anima se consuevit agnoscere, corpusque proprium jejuniis ac vigiliis deprimens, ipsa in mœrore luctuque continuo perseverat, donec Spiritus sancti calore succensa, supernæ contemplationis mereatur auxilium, et a contagiis exsoluta terrenis, divinis jugiter exsatiatur alloquiis. Alias etiam qui semper hæc cogitat, puritatem mentis obtinet, humilitatem cordis acquirit; vanam gloriam respuit; omni sæculari prudentia carere contendit. Philosophetur ergo, charissimi fratres, anima spiritalis quotidie adversus crassam carnis suæ materiam; omnique circumspeditione cum ea taliter agat, quatenus ad meliora sibi consentiat. Et cum vespere pervenitur ad stratum, singulis membris corporis sui dicat: Donec simul sumus, obedite mihi suadenti quæ recta sunt, necumque Domino cum alacritate servite. Manibus quoque suis dicat: Veniet tempus quando jactantia vestra cessabit, quando pugillus administrator iracundiæ non erit, quando palmæ, quæ ad rapinas extensæ sunt, conquiescent. Pedibus dicat: Erit quando ad iniquitatem non valebitis prorsus excurrere, quando pravitatis itinera non poteritis intrare. Cuncta quoque membra sua similiter alloquatur, et dicat eis: Antequam mors nos ab invicem dirimat, et separatio quæ per peccatum primi hominis accidit, impleatur, certemus fortiter, stemus perseveranter, viriliter dimicemus, sine torpore atque pigritia Domino serviamus, usque dum rursus adveniat, et temporales abstergens sudores nostros, ad immortalia nos regna perducatur. Fundite lacrymas, oculi, demonstra, caro, tuam nobilem servitutem, collabora mecum in precibus, quibus Deo confiteor, ne, cum requiescere vis atque dormire, perpetua nobis cruciamenta conquiras. Et ideo vigila semper in operibus tuis, quia si te sobrie gesseris, bonorum tibi retributio copiosa proveniet. Quod si neglexeris, tormentorum genera miseranda te succident; et tunc audietur ululatus animæ deflentis ad corpus: Heu me! quia colligata sum tibi, et propter te pœnam perpetuam condemnationis excipio. Si hæc intra nos assidue retractemus, efficiemur vere templum Domini, et Spiritus sanctus habitabit in nobis, nec ulla nos Satanæ poterit ulterius circumvenire versutia (*I Cor. IV*). Super decem millia ænonb pædagogorum magistorumque doctrinam, timor Domini per cogitationes hujuscemodi nos erudiet, prudentesque custodiet: et quæcumque forsitan humano sensu non valemus attingere, hæc nobis Spiritus sanctus inspirabit. Nam quid oremus, ut beatus ait Apostolus, sicut oportet, nescimus; sed ipse Spiritus postulat pro nobis gemitibus inenarrabilibus (*Rom. VIII*). Erant quidem et aliaplurima quæ diceremus; sed ne vos multum laborare

cogamus, hunc terminum sermonibus nostris imponimus. Deus pacis et gratiæ confirmet vos atque corroboret in timore suo, fratres. Amen. Hæc dicens, sine mora surrexit, et commendans eos Domino, profectus est.

CAP. XLVII. — Cumque pergeret ad monasterium, cui cognomen erat Tabennense, cum Theodoro et Cornelio, cæterisque quam plurimis fratribus, substitit parumper in itinere, velut interrogans alique de quodam secreto negotio; et cognovit in spiritu unum de mandatis quæ præfixerat in monasterio, fuisse neglectum. Præceperat enim fratribus qui in pistoria arte laborabant, ut si quando facerent oblationes, nihil loquerentur supervacuum, sed apud semetipsos salutaria meditarentur eloquia. Vocavit ergo Theodorum, qui ipsius monasterii curam gerebat, et dicit ei: Vade secreto, et sollicitius inquire, quid fratres sero, cum oblationes facerent, sunt locuti; et quidquid deprehenderis, ad me referre curabis. Qui pergens, diligenter investigavit omnia, et ea quæ didicit sancto Pachomio nuntiavit. Qui dixit: Num existimant fratres quod traditiones quas eis dedimus servandas humanæ sint, et nesciunt quod pro contemptu etiam minimi mandati magna pericula negligentes maneant? Nonne VII diebus Israel silentium circa Jerichuntinam civitatem concorditer tenuit, deinde tempore constituto totus populus exclamans civitatem protinus cepit; et ita præceptum Dei, quanquam datum per hominem, nulla dissimulatione contempsit? Nunc ergo vel deinceps monachi præcepta nostra custodiant, ut hoc eis peccatum negligentiae remittatur, siquidem et nos ipsi quæ aliis indicimus omni sollicitudine custodimus.

Tunc ingressus monasterium, post orationem venit ad fratres, qui psiathos operabantur, sedensque cum eis, cœpit et ipse texere. Transiens autem puerulus qui constitutus erat ad obsequium ejus, qui septimanam faciobat (41), intendit texentem beatum Pachomium, et dicit ei: Non bene, Pater, operaris, alio modo abbas Theodorus intexit. Et mox surgens ait ad puerum: Ostende mihi, fili, quomodo texere debeam. Et cum didicisset ab eo, sedit rursus ad opus suum, mente tranquillus, et in hoc **135** facto superbiæ spiritum comprimens. Nam si secundum carnem quantulumcunque saperet, nequaquam pueri monitis acquiesceret; sed potius increpasset eum, quod ultra ætatem suam loqui præsumeret.

CAP. XLVIII. — Alio vero tempore, cum se removisset ab omni conspectu, et in secreto suo moraretur, introivit ad eum diabolus habitu simulato, et ex adverso consistens: Ave, inquit, Pachomi. Ego sum Christus (42), et venio ad te fidelem amicum meum. Tunc ipse, revelante sibi Spiritu sancto, visionem renuens inimici, cogitabat intra se, atque dicebat: Adventus Christi tranquillus est, et visio ejus omni timore libera, et gaudio plena est; protinus enim et humanæ cogitationes abeunt, et desideria æterna succedunt; ego autem nunc turbatus, variis cogitationibus æstuo. Et continuo surgens, et

Christi signo se muniens, extendit manus suas ut ipsum comprehendere. Et exsufflans in eum dixit: *Discede a me, diabole, quia maledictus es tu, et visio tua, et artes insidiarum tuarum, nec habes locum apud famulos Dei; et factus veluti pulvis, cellulam ejus molestissimo fetore complevit, ita ut ipsum corrumpere aerem, voce magna proclamans: Modo te lucratus essem, et sub meam potestatem redegissem, sed præcelsa est virtus Christi: ideo deludor a vobis in omnibus. Veruntamen quantum possum, vos impugnare non desinam; oportet enim me opus meum sine intermissione complere. Pachomius ergo confortatus Spiritu sancto, confitebatur Domino, gratias ei agens de miris erga se beneficiis atque muneribus.*

CAP. XLIX — In hoc etiam monasterio quadam nocte cum Theodoro deambulans, subito procul intuitus est grandem phantasiam, multa seductione compositam. Erat enim in habitu mulieris, excedens omnem humanam pulchritudinem, ita ut formæ ejus expositio et visus exponi non posset. Hanc videns etiam Theodorus, turbatus est valde, et vultus ejus immutatus est. Quem venerabilis senex videns nimium formidare: *Confide in Domino, ait, o Theodore, nec aliquatenus expavescas. Hæc dicens, stetit in oratione, supplicans Domino, ut stupenda illa phantasia divinæ majestatis præsentia solveretur. Cumque simul orarent, cæpit illa proxima fieri, quam præcedebat plurima dæmonum multitudo. Cum ergo preces suas Pachomius explicasset, illa veniens, ait ad eos: Quid superflue laboratis, dum contra me nihil agere potestis? Ego namque potestatem accepi a Domino tentare quos volo. Et interrogavit eam Pachomius, dicens: Quid vis esse, vel unde venis, aut quem tentare tu quæris? Quæ ait: Ego sum diaboli virtus, et mihi est caterva dæmonum tota subiecta. Ego sum quæ sancta lumina in terram præcipito, et caligine mortiferæ voluptatis involvo. Ego Judam quoque decepi, et ab apostolatus dejeci fastigio. Et te igitur, o Pachomi, expetivi a Domino, et impugnare non cesso: nec possum amplius opprobria dæmonum sustinere, quod universis impugnationibus ac præliis meis superiorem te esse demonstraveris. Nullus enim me, sicut tu, sine viribus reddidit. Nam juvenibus et senibus, necnon et pueris doctrina tua me subdidit; et ut ab eis penitus conculcer, effecit: tantum congregans contra me exercitum monachorum, et muro inexpugnabili Dei timore circumdans ita, ut ministri mei non valeant ex vobis quemquam sua multiplici fraude seducere. Hæc autem nobis omnia contingunt propter Verbum Dei, factum hominem, qui vobis potestatem tribuit nostram proculcare virtutem. Et Pachomius ait: Quid igitur? Me solum, sicut dixisti, tentare venisti, an non alios? Et te, ait, et qui tui sunt similes. Iterum sanctus vir interrogavit eam, dicens: Ergo et Theodorum? Illa respondit: Et Theodorum expetivi, et potestatem accepi tentare vos, sed appropinquare vobis penitus nequeo. Et interrogantibus eam cur*

non posset id agere, respondit: *Si vobiscum pugnavero, non parva vobis utilitatum commoda ministrabo, maxime tibi, o Pachomi, qui ad tantam celsitudinem pervenisti, ut corporeis oculis gloriâ Domini dignus sis habitus intueri. Sed nunquid in perpetuum cum tuis monachis habitabis, quos nunc et orationibus protegis, et exhortatione corroboras? Erit tempus post obitum tuum, quando inter eos, prout libuerit, debacchabor, et agam de his quæcunque placuerint mihi. Tu namque facis ut nunc a tanta monachorum congregatione conculcer. Et sanctus vir: Nonne scis, inquit, infelix, quod forsitan post nos meliores erunt, qui Christo sincera voluntate servientes, eos qui ad disciplinam Domini confugerint, et doctrinis spiritalibus imbuant, et piis exemplis ædificent. Novi, ait illa, quod contra caput tuum modo mentitus sis. Tunc Pachomius ait: Tu mandacii principatum geris, nam præscire nihil omnino præuales. Hoc enim solius Dei est, et majestatis ejus ac potentiæ proprium, cuncta prænoscere. Quæ respondit: Secundum præscientiam quidem, ut dicis, penitus nihil novi, conjiciendo tamen plurima cognosco. Et sancto Pachomio sciscitante, quomodo conjiciat, ait illa: Ex præcedentibus quæ sunt ventura, considero. Et vir sanctus ait ad eam: Quomodo conjicere possis, exprime. Et illa: Omnis, inquit, rei principium processu temporis ad constitutum tendit augmentum, deinde ad detrimentum divergit. Sic ergo et in hac divina vocatione conjicio, quæ inter initia sua cælesti roborata præsidio, signis et prodigiis, variisque virtutibus crevit. Cum igitur senescere cæperit, a propriis minuatur incrementis, aut temporis diuturnitate lassescens, aut negligentia torpore deficiens, tunc adversus hujusmodi potero prævalere. Sed et nunc opus meum est, supplantare quos possum, magnosque viros tentare non desino. Cui Pachomius ait: Si, ut dicis, magnos viros tentare non desinis, propriumque opus tuum animarum perditionem esse professa es, utpote quæ cunctos excellis in malitia dæmones, dic quomodo nunc adversus Dei famulos non potes prævalere? Et illa: Jam tibi, inquit, ante prædixi, ex quo mirabilis incarnatio Christi facta est in terris, nos sine viribus prorsus existere cæpimus; ita ut ab his qui credunt in nomine ejus illudamur ut passeris (43). Verumtamen etsi infirmi sumus redditi, non usque adeo gerimus otia, ut non quos possumus decipere moliamur. Nunquam quippe quiescimus adversari generi vestro, serentes malas cogitationes in animabus eorum qui contra nos decertare contendunt. Et si nobis titillantibus annuere eos ex parte aliquid senserimus, tunc amplius nequissimas cogitationes immittimus, et diversarum voluptatum incendia ministramus; et ita præliantes acerrime, subintramus eos, nostræque plenius potestati subjicimus. Si vero viderimus ea quæ suggeruntur a nobis, eos e contrario non solum non suscipere, verum nec libenter attendere, fideque quæ in Christo est, vigilanter et sobrie se munire, sicut fumus dissipatur in aere, sic*

ab eorum cordibus pellimur et fugamur. Non omnibus etiam viribus nostris permittimur cum omni homine congedi; quia non omnes possunt nostros impetus sustinere. Nam si concederetur nobis passim contra omnes nostra fortitudine depugnare, multos possemus, qui nunc tuo foventur labore, decipere. Sed quid agimus? quia juvantur precibus tuis, et virtute atque potentia Crucifixi muniuntur. Tunc sanctus Pachomius voce magna cum gemitu dixit ad eam: O indormitabilis nequitia vestra, quæ nunquam adversus genus humanum sævire desistit, donec iterum divina virtus, id est, Dei Filius de cælis adveniens, ex integro vos consumat et perdat. Hæc dicens, increpavit catervam dæmonum sub nomine Christi. Quæ mox dissipata est, et ad nihilum dissoluta.

Mane autem facto, convocans Pachomius omnes fratres, qui vel sanctitate vitæ, vel antiquitate temporis præcedebant, exposuit eis cuncta quæ viderat atque audierat a malignis spiritibus. Insinuavit etiam per epistolas suas absentibus, muniens eos in disciplina atque timore Domini, et instruens providenter, ut in nullo prorsus phantasiis dæmonum cedant, nec insidiarum multiformium præstigia extimescant. Qui videntes et audientes quæ per divinam gratiam ab eo miracula gerebantur, corroborati atque solidati fide, cum omni alacritate laborem continentiæ sufferebant.

CAP. L. — Interea alicujus fratris, qui patientiæ senis æmulus et imitator erat, cum staret ad orationem, percussit scorpius pedem; et adeo virus infudit, ut usque ad cor ejus dolor excurreret, et spiritum paulo minus exhalaret. Qui licet sit affectus extremo cruciatu, non tamen se commovit a loco suo, donec finiretur oratio: pro quo statim Pachomius preces Christo fudit, et pristinae sanitati restituit.

CAP. LI. — Theodoro quoque gravis passio capitis inflicta, dolores acerrimos excitabat. Qui cum rogaret Pachomium, ut eum suis relevaret orationibus, ait ad eum: Putasne, fili, quod alicui contingat dolor, aut passio, aut aliquid hujusmodi sine permissione Dei? Idecirco in dolore sustine, et in humilitate tua patientiam habe; et quando voluerit Dominus, conferet tibi sospitatem. Quod si te diutius probare dignatur, esto gratus, ut fuit perfectissimus et patientissimus Job, qui multas tribulationum et cruciatuum tentationes excipiens, Dominum benedicebat. Et sicut ille, tu quoque pro doloribus tuis majorem requiem a Christo percipies. Bona quidem est abstinentia, et in oratione perseverantia; tamen infirmus magis præmium adipiscitur, cum longanimis et patiens invenitur. Et quia nobis de magnanimis viris sermo processit, necessarium reor, unius adhuc viri tolerantiam, quæ cunctam laudem transcendit humanam, præferre in medium pro utilitate multorum.

CAP. LII. — Zachæus quidam monachus, post longa continentiae tempora, regio morbo correptus, sequestratam a fratribus habuit cellulam, tota vita sua pane tantum et sale contentus. Semper autem psia-

thios operabatur; tantamque contritionem propter Dominum sustinebat, ut sæpe numero funiculos intorquens, compungerentur manus ejus, et sanguinis guttæ effluerent, intantum, ut ex ipso opere magna viri tolerantia monstraretur. In tanta igitur infirmitate corporis constitutus, nunquam fratrum collectam deseruit, sed ad explendas omnes diurnas orationes, sollicitè convolvavit, adeo ut nunquam dormiret interdiu. Consueverat autem per singulas noctes priusquam caperet somnum, quædam de Scripturis sanctis meditari; totaque membra sua Christi signaculo muniens, glorificabat jugiter Dominum, et ita paululum quiescebat. Deinde circa noctis medium surgens, usque ad matutinas orationes alacer permanebat. Hujus aliquando manus quidam frater inspiciens, operis nimietate atque violentia fortiter sauciatus, et respersas sanguine, dicit ei: Quid ita pater durissimo labore te discrucias, maxime tali infirmitate depressus? An forte metuis ne apud Deum contrahas offensam, vel otii crimen incurras, si non sedulo fueris operatus? Scit Dominus quid pateris, et quia nemo tantis tribulationibus afflictus, ullum valet opus attingere, præcipue tu, qui nulla necessitate constringeris. Nam si peregrinis post Deum sufficientiam pauperibusque largimur, quanto magis tibi tanto Patri cum devotione maxima serviemus? Ad quam ille respondit: Impossibile est mihi non operari. Et frater ait: Si hoc, inquit, tibi placet, saltem manus tuas oleo perunge, ne tantum sanguinem profluentes in labore deficiant. Qui consilio ejus acquiescens, fecit quod hortatus est eum; et intantum vulneratæ manus ejus gravatæ sunt, ut nequaquam posset ferre cruciatu. Ad quem visendum beatus Pachomius veniens, causamque cognoscens, ait ei: Putabas, frater, quod te oleum posset juvare? Quis enim te coegit ita sedulo laborare, ut sub prætextu operis, in hoc visibili oleo magis quam in Deo spem tuam poneres? Aut nunquid impossibile est Deo sanare te? Aut ignorat ægritudines singulorum, nostrisque commonitionibus indiget? vel despicit nos qui est natura misericors? Sed utilitatem considerans animarum nostrarum, sinit ad momentum nos pati tristitiam, ut tolerantiae perpetua præmia largiatur. Super ipsum igitur omnem curam nostram sollicitudinemque jactemus; et quando voluerit, vel quomodo judicaverit, ipse terminum doloribus nostris benignus imponet. Qui respondens, ait: Ignosce mihi, venerabilis pater, et ora pro me Dominum, ut et hoc mihi delictum remittere pro sua pietate dignetur.

Asseverabant etiam plurimi de hoc sene, quod per annum integrum se deflevit, post biduanum jejunium parum cibi percipiens. Hunc sanctus Pachomius monachis proponebat, velut exemplum bonorum operum, firmamentumque virtutum. Ad quem etiam eos qui erant in mœrore positi, dirigebat, quia habebat et consolatorium verbum, sicut nullus alius. Qui usque ad finem fortiter decertans in senectute sancta,

pro doloribus tantis æterna solatia recepturus, ad celestia regna transivit.

CAP. LIII. — Certus itaque Pachomius, quod talentum sibi creditum nunquam prorsus absconderat, sed omnibus prærogans, et hunc et alios quamplures perfectæ conversationis ad Christum ante præmiserat, diem festum læta mente celebrabat super tantis ac talibus fructibus a Domino sibi concessis, de quibus noster hic sermo diu productus est, Deo gratias referens. Post beatissimum vero Paschalis festi diem, multis fratribus ad Dominum præmissis, ad postremum ipse quoque sanctus Pachomius infirmatus est; et ministrabat ei Theodorus, cujus sæpe meminimus. Et quamvis esset toto corpore nimis attenuatus ac debilis, faciem tamen habebat hilarem atque fulgentem, ita ut ex hoc quoque videntibus piæ mentis ac sincerissimæ conscientiæ suæ monstraret indicia. Ante duos ergo dies sanctæ dormitionis suæ, convocans universos fratres, ait ad eos: Ego quidem, charissimi, viam patrum securus ingredior, nam video me a Domino protinus evocari. Vos ergo me mentote verborum quæ a me frequenter audistis, et vigilantes in precibus, sobrii estote in operibus vestris. Nulla sit vobis conjunctio cum sectatoribus Meletii, vel Aarii, vel Origenis, seu cæteris Christi præceptis adversantibus. Cum illis autem conversamini, qui Dominum metuunt, et possunt prodesse vobis conversatione sancta, et animabus vestris spiritualia præstare solatia. Ego namque jam delibor, et tempus meæ resolutionis instat (*II Tim. iv*). Eligite igitur ex vobis fratrem, me præsentem, qui post Deum præsit omnibus, curamque vestrarum gerat animarum. Quantum vero mea discretionem perpendo, Petronium ego ad hoc opus idoneum judico, vestrum autem est quod expedit vobis eligere. Receperunt ergo et in hoc obedientissimi filii consilium patris. Erat enim Petronius potens in fide, humilis in conversatione, intellectu prudentissimus, bonis moribus, discretionem perfectus. Pro quo precem Domino sanctus Pacho-

mius fudit, quia et ipsum in monasterio, cognomento Chinobosciorum ægrotare compererat. Cui, licet absenti, ~~¶ 38~~ cunctam fraternitatem commendavit in Domino, mittens ad eum protinus ut veniret. Et signaculo Christi se muniens, atque angelum lucis qui fuerat ad se directus, aspectu intuens hilari, sanctam reddidit animam, quarto decimo die mensis Pachon, secundum Ægyptios, quod est juxta Romanos, ad septimum diem Iduum Maiarum (44).

Cujus venerabile corpusculum discipuli ejus, sicut debebat pro more curantes, totam noctem super illud duxere pervigilem, psalmos hymnosque canentes, sequenti vero die sepelierunt eum in monte, ubi fuerat constitutum. Illi autem qui missi erant ad sanctum Petronium, eum deduxerunt, adhuc infirmitate ipsa laborantem. Qui paucis diebus totam fraternitatem gubernans, et hic in pace defunctus est, relinquens post se virum justum et acceptum Deo, Orseium nomine (45).

CAP. LIV. — Hæc igitur nos ex multis eorum meritis descripsimus pauca, et ex magnis parva digessimus, non ut illis honor aliquis præstaretur; nec enim fas est eos indigere præconiis, quibus sufficiens est æterna laus et indeficiens gloria, quam coram Christo et sanctis angelis ejus adepti sunt, et plenius cum suis corporibus in resurrectione omnium consequentur. Fulgebunt enim sicut sol in regno Dei (*Matth. xiii*), qui glorificantes se glorificare testatus est (*I Reg. ii*): sed et nos æmulatores eorum pro nostris efficiamur viribus, cum vitas eorum præclarissimas agnoscentes, eas imitari Christo donante contendimus, precibus semper adjuti beatorum patrum, patriarcharum, prophetarum, apostolorum, martyrum, omniumque sanctorum, per quos omnipotens et clemens Deus noster, beata et cœterna et consubstantialis et inseparabilis Trinitas, Pater, et Filius, et Spiritus sanctus, glorificatur jugiter et collaudatur, quia ipsi debetur omnis laus et gloria in sæcula sæculorum. Amen.

ROSWEYDI NOTATIO.

(1) *Dominæ*.] Totus hic prologus interpretis deest editioni Coloniensi. Habetur in Mss. et veteribus editionibus. Sed in editionibus non recte est *Dominæ*, tanquam si viro alicui primario hæc Vita inscribatur. Imo vero vel ipsa dedicatio et constructio *Dominæ* legendum suadent, ut habent manuscripti sancti Laurentii Leodii et Gemblacensis.

Sed quæ hæc *Dominæ*? Difficile est divinare. Suspicio tamen Gallam indicari, Symmachi consulis et Patricii filiam, claris ortam natalibus, et religione præstantem, quæ Dionysii hujus Exigui tempore vixit Romæ in monasterio ad sancti Petri ecclesiam. Ducor duobus sequentium numerorum argumentis, quibus Symmachi delstores, et ejusdem gloriosum pro Christo martyrium designantur.

Gallæ hujus celebris memoria in Martyrologio Romano, 5 Octobris: « Romæ sanctæ Gallæ viduæ, filiæ Symmachi consulis, quæ viro suo defuncto, apud ecclesiam beati Petri multis annis, orationi, elemosynis, jejuniis, aliisque sanctis operibus intenta permansit: cujus felicissimum transitum sanctus Gregorius papa descripsit. » Quanquam de die obitus sanctæ Gallæ disceptat Arnoldus Wion Ligni vitæ parte II, libro III, ad diem 6 Aprilis, quo ejus obitum conti-

gisse ex sancto Gregorio probat. Et 5 Octobris potius diem Translationis vel Commemorationis ejus esse contendit.

De ea sanctus Gregorius, libro IV Dial., cap. 13: « Gothorum namque temporibus Galla, hujus urbis nobilissima puella, Symmachi consulis atque Patricii filia, intra adolescentiæ tempora marito tradita, in unius anni spatio ejus est morte viduata, et ad Petri apostoli ecclesiam monasterio se tradidit, » etc. Ex hoc cæteri recentiores sua desumpsere. Petrus in catalogo sanctorum, lib. IX, c. 25; Trithemius, de Viris illust. ord. sancti Benedicti, lib. III, c. 13.

Scripsit quoque Fulgentius egrégiam ad Gallam de consolatione super morte mariti, et statu viduarum epistolam, in qua inter cætera: « Disce igitur tu quoque nihil de nobilitate generis assignare. Et licet avo, patre, socero, marito consulibus pridem fueris inter sæculares illustris, nunc in eo te illustrem fieri cognosce, in quo tibi virtus humilitatis accrescit. » Ubi etiam se ad Probam sororem ejus (quia videlicet in eodem monasterio uti sorores vivebant) scripturum asserit: « Disposuimus etiam (si Dominus voluerit, et si vixerimus) ad sororem tuam, sanctam Christi virginem Probam, quam Dominus hoc tem-

pore præcipuum in urbe Roma dare dignatus est A virginitalis et humilitatis exemplar, de jejunio et oratione aliquid scribere. Quo tempore etiam Eusebius ad Probam virginem scripsit librum Theaurorum ex Augustino, ut testatur Cassiodorus Divin. lect. cap. 23.

Alia est, opinor, Galla senior, Q. Aurelii Symmachi senioris cons. ordinarii et præfecti urbis neptis, cujus ipse meminit libro vi, epist. 32, quamque nepoticulam suam vocat.

Alia quoque Galla, Eucherii, post Lugdunensis episcopi, uxor, cujus dum de Eucherio agit, meminit Ado in Martyrologio, 16 Novembr., et Petrus in catalogo sanctorum, lib. x, cap. 67.

Alia est, de cujus sepulcro agit Gregorius Turenensis de Gloria confess., cap. 36, quæ sepulta fuit in ecclesia sancti Venerandi in Arvernia; quam Baronius, in Martyrologio, eandem cum priore putavit. Sed ea inclusa fuit Lugduni, hæc in Arvernia sepulta.

Alia item Galla vidua cum filia Simpliciola, quam sanctus Augustinus laudat epistola 103, quæ in Africa vixerunt.

(2. *Quod hujusmodi pestes.*) Statim infert: « Tales expertus vir beatus, atque gloriosus genitor vester, Dominus meus. » Intelligit, opinor, ¶ delatores Symmachi et Boetii, de quibus ita Procopius, lib. 1 de Bello Gothico: Σύμμαχος καὶ Βοῆθιος ὁ τοῦτου γαμβρὸς, εὐπατριῶται μὲν τὸ ἀνέκαθεν ἦσαν· πρώτως δὲ βουλῆς τῆς Ῥωμαίων καὶ ὑπάτου ἐγενέσθησαν· ἄμφω τε φιλοσοφίαν ἀσκήσαντες, καὶ δικαιοσύνης ἐπιμελησάμενοι οὐδενὸς ἦσαν· πολλοῖς τε αὐτῶν καὶ ξένων γράμματι τὴν ἀπορίαν ἰασαμένω· καὶ δόξης ἐπὶ μέγα γωρήσαντες, ἄνδρας ἐς φθόνον τοῦς πικροτάτους ἐπιγατήτην, οἷς δὴ σκυροφαντοῦσι Θεοδῶριος ἀναπειθεῖς ἄτε νεωτέρους πράγμασιν ἐγγειροῦντας τῷ ἄνδρῳ τοῦτω ἔκτεινε καὶ τὰ γράμματα εἰς τὸ δημόσιον ἀνάγραπτα ἐποίησατο. « Symmachus, et hujus gener Boetius, a suis majoribus gentis nobilitatem adepti, inter Romanos et senatorios viros principes erant, et consularis utriusque dignitate perfuncti, philosophiæ super cæteros, et æquitati studuerunt, multisque tam civium quam externorum inopiæ succurrendo salutem fuisse. Hi postquam ad ingentem gloriam evasere, deterrimos quosque in sui invidiam concitarunt. Nam his calumniatoribus Theodoricus rex persuasus, Symmachum Boetiumque, perinde ac rebus novis studentes, occidit, eorumque bona omnia publicavit. » Meminit et delatorum suorum Boetius, lib. 1 Consol. Philos., pros. iv. Symmachi et Boetii jussu Theodorici occisorum mentionem facit Anastasius Bibliothecarius, in vitis pontificum in Joanne I, et Paulus diaconus, Historia miscellæ lib. xv.

(3) *Genitor vester.*] Fuerit hic Q. Aurelius Memmius Symmachus, ex consul ordinarius et patricius, ad quem exstat epistola Ennodii, libro vii, epist. 23, cujus etiam lib. viii, epist. 28, idem meminit. Theodoricus quoque rex eidem scribit apud Cassiodorum libro ii, epist. 14, et lib. iv, epist. 6 et 51. Ejusdem apud eundem mentio inter Senatores, quibus examen Prætextati et Basilii, qui magiæ arcescebantur, demandatum lib. iv, epist. 22. Meminit et Symmachi Hormisda papa, epist. 37 et 66 quas habes inter decretales pontificum epistolas.

Intelligi autem hic a Dionysio Symmachum, Gallæ genitorem, qui martyrium pro Christo sustinuit videtur colligi ex verbis sequentibus: « Non solum patienter et fortiter insectationes eorum semper pro justitia pertulit, sed etiam felici fine pro veritate (quæ Christus est) constanter atque sublimiter totius mundi adversa superavit. »

(4) *Aimmon.*] Habes de eo et Theodoro apud Athanasium in Vita Antonii, cap. 32. In veteribus Editionibus deest hic integra linea post fundamenta, videlicet, *conversationis eorum fratrum, qui nunc in monte Nitriæ commorantur.*

(5) *Constantino post persecutionem in imperio perdurante.*] Ita Mss. et veteres Editiones. In Coloniensi

deest *post persecutionem*; et male ibi *properante pro perdurante*. Intellige de persecutione Diocletiani et Maximiani, quæ duravit decem annis, ut est apud Eusebium libro viii, capite 37, Hist. Ecclesiast., et in Chronico. Incepit ea persecutio anno 19 Diocletiani, et duravit ad annum 6 Constantini (justus enim ita annorum denarius exsurgit) quo Maxentius occisus, ut habet incorruptum Eusebii Chronicon Amandinum manuscriptum, et Pontaci et Scaligeri editum. Recte igitur *post persecutionem*, scilicet Diocletiani et Maximiani. Nam licet illi secundo persecutionis anno purpuram deposuerint, ut habet Eusebii Chronicon, eorum tamen nomine sæviebat persecutio per sequentes imperatores et cæsares, qui tamen omnes extincti intra illud decennium. Nam Severus cæsar primo anno Constantini interfectus est, Galerius Maximianus 3 Constantini, Maximinus 4 ejusdem anno moriuntur. Maxentius Constantini anno 6 superatus occubuit. Ipse Herculius Maximianus Constantini anno 2 occisus. Ita annos hos digerit

Eusebii ms. Chronicon Amandinum, cui Hieronymus multa, ut fatetur in præfatione, inseruit. Ut mirum non sit si de morte Maximini Chronicon dissentiat ab Eusebii Historia ecclesiastica, qui libro ix, c. 8, Maximini mortem refert post mortem Maxentii. « Οὗ δ' ἀνατολῆς οὐ πολλὸν ἐπέζησας ἐκείνου χρόνον. « Orientis (tyrannus Maximinus) non longo tempore post illius (Maxentii) occasum in vita manens. » Et Baronius Maximini mortem affert ad annum Constantini. Quidquid sit, post Maxentii necem cessavit persecutio. Nam etsi Maximinum post Maxentium vixisse ponamus cum Eusebio in Historia sua ecclesiastica, idem tamen eodem loco testatur, quod edictum pro Christianis dederit. Et licet usque ad Constantini annum 10 vixerit Diocletianus, quia tamen imperio privatus vivebat, cessavit, ut dixi, persecutio anno 6 Constantini. Vide Baronium, tomo III, ad annum 7 Constantini.

(6) *Tyrannum Maxentium.*] Nulli hactenus editi libri tyranni nomen expressere. Expressit manuscriptus sancti Laurentii. Etiam *tyranni* nomine absolute posito Prudentius, libro 1 contra Symmachum, v, 483, intellexit Maxentium:

Mulvius exceptum Tiberina in stagna tyrannum
Præcipitans....

Baronius, anno Christi 316 Silvestri papæ 3 Constantini imp. 11, quia in vulgatis hactenus tyranni nomen defuit, referebat ad Licinium. Sed Maxentium intelligendum, ut manuscriptus jam citatus præfert, probatur, quia hic post dicitur quod Constantinus jussit *tirones absolvi*. Non uno integro igitur anno duraverit bellum quo tirones militaverint, si, dum adhuc tirones existerent, militia soluti sint, cum tirocinium uno tantum anno duret, ut mox dicitur sum. Jam vero bellum contra Maxentium non duravit uno anno; contra Licinium vero annis aliquot.

Pachomium bello Maxentiano non Liciniano militasse, manifeste deducitur ex ipsius Vita Pachomii, et Eusebii ac Sigeberti Chronico. Nam cum cap. 4 Vitæ Pachomii dicatur ipse Pachomius fuisse xx annorum cum in tirocinium ascriptus est, et in Sigeberti Chronico dicatur Pachomius annum agens 110, in virtutibus consummatus, seu obiisse, et anno obitus ejus ibidem annus 405 Christi assignetur; bellum vero Maxentianum in Eusebii Chronico notetur anno Christi 315, juste colliges anno xc inter annum Christi 315 (quo bello Maxentiano Pachomius tiro existens annorum xx militavit) et annum Christi 305 (quo ipse obiit), Jam si addas xx annos, quot natus erat, cum reclusus est in numerum tironum, recte statues eum annorum cx obiisse. Et per consequens natalis ejus statui poterit anno Christi 395 qui est 8 annus imperii Diocletiani.

(7) *Præcepta regalia cucurrerunt.*] Baronius, anno Christi 316, Silvestri papæ 3, Constantini imp. 11,

« Hic ille. inquit. plane annus esse videtur, qui dum cogitaverit, eamque existimaverit civitatem ad ad sequens praelium Licinius ubique delectum haberi juberet, et tirones describi, in Ægypto inter alios magnus ille Pachomius, tunc adhuc ethnicus, militiæ ascriptus est. »

Posset ex Baronii mente, qui Pachomium meruisse 140 vult æra sub Licinio, huc referri quod habet Zosimus libro II Historiæ suæ, ubi agit de bellico Licinii apparatu: Λιπέριπεν ἀγγέλους κατὰ τὰ ἔθνη: « Dimisit ad nationes hinc inde nuntios. »

Sed non recte Baronium colligere, ipse textus evincit, qui clare insinuat Constantini præcepta regalia cucurrisse, cumque jussisse tironum delectum agi. Ita enim habet: « Itaque Constantino post persecutionem in imperio perdurante, et contra tyrannum gerente praelium, præcepta regalia cucurrerunt, ut lectissimi quique juvenum ad tirocinii militiam ubique tenerentur. » Nec enim hic Licinius tyranni titulo afficeretur, et ibidem vocarentur ejusdem regalia præcepta.

Vix dubito, Baronio occasionem fuisse referendi hunc tironum delectum ad Licinium, quod Licinio Ægyptus parebat, ut insinuat Sozomenus libro I, cap. 11, et Zosimus libro II. Quomodo enim Constantinus delectum jussisset agi in provincia adversarii sui? Recte quidem ita Baronius subduxisset, modo hic ageretur de bello Liciniano contra Constantinum. Sed cum jam probaverimus agi hic de bello contra Maxentium, et verba de tironum delectu modo data a Constantino eum indictum clare significant; etsi Ægyptus Licinio cecidisset et pareret, quia tamen bello contra Maxentium Licinius cum Constantino conspirabat, potuit delectus utriusque nomine in Ægypto profuisse indictus.

(8) Ad tirocinii militiam ubique teneretur.] Ita quandoque opus fuit, ut milites et tirones in subituro delectu, ne refugerent, teneri et prehendi debuerint. Livius libro III: « Quemcumque lictor jussu consulis prehensisset, tribunus mitti jubebat. » Vide Lipsium, de Militia Romana, libro I, dialog. 4.

(9) Ad civitatem quamdam.] Metaphrastes habet, oppidum quoddam Thebarum.

Baronius, anno Christi 316, Silvestri papæ 3, Constantini imp. 11. « Haud otiosum, inquit, erit locum perscrutari, in quo Pachomius, Christianorum ibi agentium admiratus collatam in gentiles etiam homines charitatem pariter ac pietatem, Christianæ religionis concepit affectum, qui velut semen diligenter excultum, in ingentem arborem excrevit.

« Thebarum civitatem unam illam fuisse cum scribat auctor (Metaphrastes) in mentem revoco, eamque civitatem existimo, quæ Oxyrynchus dicta, diversis sanctorum virorum ac mulierum, pro status cujusque diversitate, classibus abundabat (Evagrius, in Vitis SS. Patrum, cap. 5;) quæque erat sanctissimorum virorum asylum, et collectio civium beatorum; quorum præclarissimæ virtutes, cum in omnibus actionibus elucerent, in suscipiendis tamen hospitibus, solis instar radiorum adeo effulgebant, ut etiam gentiles homines in maximam sui admirationem adducerent, et ad capessendum Christianam fidem eorum animos provocarent. »

Ita quidem Baronius, qui Thebarum civitatem idem existimat atque Thebaidis civitatem; quod nescio an omnino hic admittendum sit. Quidquid sit, Oxyrynchum non esse eam civitatem ad quam venerit quamque transierit Pachomius, vel inde probari potest:

Primo, quod dicatur navi, vespera urgente, ad civitatem delatus: atqui Oxyrynchus procul a mari et a Nilo dicitur: diciturque Ptolomæo Oxyrynchitis nomi μέσον μητρόπολις mediterranea metropolis.

Secundo, quod dicatur ad peregrina transvectus pervenisse ad civitatem Thebarum: atqui Oxyrynchus in Thebaide est, ex qua provincia Pachomius oriundus, et militiæ ascriptus est.

Baronio duas causas fore, ob quas de Oxyryncho

ad quam Pachomius appulerit.

Primo, quod Metaphrastes dicat fuisse oppidum quoddam Thebarum. Sed inde non posse colligi Oxyrynchum, jam dixi.

Secundo, quod Evagrius, imo Rufinus (Ruf., hic, lib. II, c. 5, de Vit. PP.), ut in prolegomenis docui, in Vitis sanctorum Patrum, cap. 5, paria quædam habeat de Christianorum benignitate et hospitalitate quæ dicit se suo tempore Oxyrynchi expertum cum iis quæ olim Pachomius ait se invenisse in Thebarum quadam civitate. Sed non inferiora beneficentiæ officia a Christianis etiam aliis locis præstita, et quidem Pachomii ætate, narrat Eusebius libro IX cap. 7. ut non potior ratio sit de Oxyryncho quam alia aliqua civitate cogitandi.

Quare existimo, cum multæ Thebæ sint, unam Thebarum civitatem fuisse, ad quam ex Thebaide et Ægypto solvens cum reliquis tironibus, et ad Constantinum properans pervenerit Pachomius, et eam Christianorum expertus fuerit charitatem.

(10) Videntes tirones arctius custodiri.] Metaphrastes: « Cum cives vidissent eos in satis tuta esse custodia, » ex veteri Romano ritu, quo tironibus custodes dati. Servius ad lib. VII Æneid. « Ante urbem pueri Romani anno 47 militabant, quo etiam solo sub custodibus agebant. » Cicero, in Cæliana: « Nobis quidem olim annus erat unus ad cohibendum brachium toga constitutus, ut exercitatione ludoque campestri tunicati uteremur; eademque erat, si statim mereri stipendia cœperamus, castrensium ratio ac militaris. » Plautus, Mostellaria, act. 1, scen. 2:

Ad legionem cum itant, administrum eis danunt

Tum aliquem cognatum suum.

Eatenus abeunt a fabris.

Unum ubi emeritum est stipendium, igitur tum

Specimen cernitur, quo eveniat ædificatio.

(11) Chinoboscium.] Non recte in veteri editione Cynobostium. Et cap. 53, Thyrobostium. Hic, infra, cap. 40: « Frater quidam de Chinobosciorum monasterio. » Et cap. 53: « Quia et ipsum in monasterio, cognomento Chinobosciorum, ægrotare comperat. » Χηνοβοσκία Chenoboscia urbs est Thebaidos, ita forte dicta, quod ibi anseres pascere. Vide Onomasticon.

(12) Et in mellis.] Ita in primitiva Ecclesia baptizati mellis et lactis dulcedinem gustabant. Tertullianus, de Corona militis, cap. 3, agens de baptismi cæremoniis, postquam jam de baptismo ipso egit. « Inde suscepti lactis et mellis concordiam præstantus. » Idem libro I contra Marcionem, cap. 14, agens de deo Marcionis, qui alias creaturam Dei respiciens, in suis sacramentis tamen eam non respuebat, sed Ecclesiæ ritus æmulabatur: « Sed ille quidem usque nunc nec aquam reprobat Creatoris, qua suos abluit; nec oleum, quo suos ungit; nec mellis et lactis societatem, qua suos infat. » Beata Agnes, teste Ambrosio, serm. 90, dicebat: « Lac et mel ex ore ejus suscepti. »

Hieronymus, adversus Luciferianos, c. 4, ex Traditione in Ecclesiis hoc observari docet, simulque mysterium explicat, ut scilicet recens baptizati meminerint se instar infantum esse. « Nam et multa, inquit, alia, quæ per traditionem in Ecclesiis observantur, auctoritatem sibi scriptæ legis usurpaverunt, velut in lavacro ter caput mergitare, deinde egressos lactis et mellis prægustare concordiam ad infantie significationem. » Infantum autem propria est innocentia. Unde Clemens Alexandrinus, libro I Pædag., cap. 6, viros innocentes et justos ab Homero dici γαλακτοπόρους, lacte vescentes, advertit.

Originem hujus rei existimo manasse ex illo Exodi III: Educam de terra illa in terram bonam et spatiosam, in terram quæ fluit lacte et melle. Quod Clemens Alexand., sup., ad catechesin perfectam refert.

Aliam nec valde ab similem consuetudinem notat

Hieronymus fuisse in Occidentis Ecclesiis, ut videlicet recens Christo renati vinum et lac degustarent, quo rationale lac et sapientiam desiderare discerent. Quod originem ex illo Isaiaë LV traxit: *Venite, emite absque argento, et absque ulla commutatione vinum et lac.* In quem locum ita scribit Hieronymus: « Quod vinum miscuit et Sapientia in cratere suo, omnes stultos sæculi, in undique sapientiam non habentes provocans ad bibendum. Et non solum vinum emamus, sed et lac: quod significat innocentiam parvulorum. Qui mos ac typus in Occidentis Ecclesiis hodie usque servatur, ut renatis in Christo vinum lacque tribuatur. De quo lacte dicebat et Paulus: *Lac vobis potum dedi, non solidum cibum* (I Cor. III). Et Petrus: *Quasi modo nati parvuli rationale lac desiderare* (I Pet. II). Unde et Moyses vinum et lac in Christi intelligens passione, mystico sermone testatur: *Gratiosi oculi ejus a vino, et candidi dentes ejus a lacte* (Gen. XLIX). »

Sane cum jam per baptismum renati instar infantum sint, recte supra dixit Tertullianus Ecclesiam lactis et mellis societate suos *infantare*. Et Paulinus, epist. 12, sacro tinctos fonte, *infantes* vocat:

Inde parens sacro ducit de fonte sacerdos
Infantes niveo corpore, corde, habitu.

Unde hodieque in Ecclesia catholica, Dominica in Albis, dum baptizati olim albam vestem deponebant, canitur: *Quasi modo geniti infantes rationabile sine dolo lac concupiscite.*

(13) *Palæmon.*] Hujus memoria exstat in Martyrologio Romano 11 Januarii: « In Thebaide sancti Palæmonis abbatis, magistri sancti Pachomii.

(14) *Habitu monachi consecravit.*] Adverte, hæretice, quanta fuerit olim sacræ monachorum vestis reverentia, ut ea laici religioni consecrarentur. Vide de initiatione et consecratione monachi apud Dionysium Areopagitam Ecclesiast. hierarchiæ c. 6, ubi inter cætera habes *vesti mutationem*, dum quis in monachum consecratur. Tertullianus, libro de velandis Virginibus, cap. 3: « O sacrilegæ manus, quæ dicam Deo habitum detrahere potuerunt. » Hieron., epist. 15, ad Marcellam: « Tunicam fusciorum induta se repente Domino consecravit »

(15) *Lapsanas enim id est agrestia olera.*] Ita Editi omnes et Mss. Solent quandoque auctores etiam in textu verborum difficiliorum explicationem adungere, quod videtur hic factum. Cassianus, libro IV Instit., cap. 41: « Illud quoque arduum atque sublime genus continentie similiter prætermittens, in qua summæ reputentur deliciae, si herba sale condita, quam lapsanum vocant, aqua diluta, ad refectonem fratribus apponatur. » Idem, libro eodem, cap. 22: « Apud quos secta singulis mensibus porrorum folia, lapsania, sal frictum, olivæ, pisciculi minuti saliti, quos illi mænidia vocant, summa voluptas est. » Vide proverbium, *Lapsana vivere*, de tenui et paupere victu. Dioscorides, libro II, capite 142, λαψάνην vocat.

(16) *Ad civitatem Panos.*] Panos Ægypti urbs est in Thebaide, quæ Πανόπολις Ptolomæo; quam et *Chemnim* dictam volunt.

(17) *Tabennense.*] Cassianus, libro IV Inst., cap. 1: « Quædam scilicet de Ægyptiorum, quædam de Tabennensiotarum regulis admiscentes: quorum est in Thebaide cœnobium, quanto numero populosius cunctis, tanto conversationis rigore districtius. Si quidem in eo plusquam quinque millia fratrum sub uno abbate reguntur. »

(18) *Lebitone.*] Quid *lebiton* sit, ipse hic explicat: « *Lebiton*, inquit, linea vestis erat, instar colobii, qua monachi utuntur hodieque per Thebaidam et Ægyptum. » Hic, infra, cap. 22, in regula Pachomii: « Induantur autem noctibus lebitones lineos. » Hieronymus, præfatione in regulam sancti Pachomii, *lebitonarium* vocat: « Nihil habent in cellulis præter psisthium, et duo lebitonaria (quod Ægyptiis monachis genus vestimenti est sine manicis). » Isidorus, lib. XIX Orig., cap. 22: « *Lebitonarium* est colobium

Asine manicis, quali monachi Ægyptii utuntur. » Vide Onomasticon.

De colobio Cassianus, libro I Instit., cap. 5: « Colobii quoque lineis induti, quæ vix ad cubitorum ima pertingunt » Quid autem diversus hic monachorum, qui sub regula Pachomii vivebant, habitus designet, vide apud Sozomenum, lib. III, c. 14, et infra in Onomastico.

(19) *Quatenus essent spatia digna membrorum.*] Mox: « et monasterii membra dilataret. » Notum verbum, sed non omnis ejus significatio æque nota. Veteres *membrum* pro parte ædium vel cubiculo usurpabant. Plinius, libro II, epist. 17: « Cubiculo ad hæret dormitorium membrum, transitu interjacente. » Idem; libro V, epist. 6: « Multa in hac membra. » Columella, libro I, cap. 6, « membra villæ » in tres partes, « urbanam, rusticam, et fructuariam » dividit. Sidonius, libro II, epist. 2: « Effectit membrum bene frigidum. » Cassiodorus, in Psalmum CXLVIII. « Dicimus unum esse palatium, quod multis membris, multis spatiis ambiatur. » Occurrit etiam aliquoties apud jurisconsultos veteres.

(20) *Veluti singularis ferus.*] Habetur psalmo LXXIX *singularis ferus*, ubi in Græco est, μονός ἄγριος. Intelligitur de certo aprini generis animante. Vide Onomasticon.

(21) *Ersufflavit in eum.*] Infra, cap. 48: « Et exsufflans in eum dixit. » Dæmones ab usque primitiva Ecclesia ad hanc ætatem exsufflari soliti. Vide Onomasticon.

(22) *Apollo.*] Varii fuere Apollines, vel Apollones, vel Apollonii monachi. Quis hic fuerit, difficile est distincte dicere.

(23) *Acceperat enim dudum tabulam.*] De regula illa, quam in tabula scriptam ab angelo accepit, habes hic, supra, cap. 12, in textu. De regula eadem vide in præludiis ad hanc Vitam, n. 2. Accipit videlicet Pachomius veluti alter Moyses, in deserto divinas leges, quibus suos ad vitam terris perfectam beatamque ducendam imbueret.

(24) *Lebitones lineos.*] Vide hic, supra, ad caput 14, n. 18.

(25) *Et melotem.*] Et hic rursus explicatio obscurioris vocis in textu apponitur, *id est, caprinam pellem.* Hieronymus præfatione in regulam sancti Pachomii: « Et caprinam pelliculam quam meloten vocant. » Cassianus, libro I Instit., c. 5: « Ultimus est habitus eorum pellis caprina, quæ melotes vel pera appellatur.

(26) *Et rursus λ vel ρ vel σ.*] Ita constanter ms. Coloniensis editio: *Et rursus: Salutate ρ, vel σ.* Sic in Palladio, cap. 38 *Saluta ρ.* Quidam manuscripti ad longum omnia nomina exprimunt: *Et rursus labda, ro, vel simma.* Ita Ms. Gemblacensis. In Manuscripto sancti Laurentii est: *Et rursus lauta, ro, vel simma.* Sozomenus, lib. III Eccles. Hist., c. 19, ait in Tabula Pachomii, quam ab angelo accepit, scriptum fuisse: Πᾶσαν δὲ τὴν συνοικίαν εἰς εἰκοσιτέσσαρα τάγματα διελθὲν, καὶ ἐπονομάσαι τὰ τὰ τοῖς Ἑλλήνων στοιχείοις, καὶ ὅποις ἔχει βίους καὶ ἔθους ἐκάστην τάγματι τὴν προσσηγορίαν ἐφαρμόσαι, ὅσων ἀπλουστέρους α ἢ ι ἀποκαλοῦντας, σκολίους δὲ ζ ἢ ξ, καὶ ἄλλους ἄλλως, καθὼς ἐλαμβάνειν εὐστοργίαν ἐστὶ πρὸς τὸ σῆμα τοῦ γράμματος τὴν προαίρεσιν τοῦ τάγματος. « Postremo ut totus conventus in quatuor et viginti classes distribueretur, et singulæ singulis litteris Græcis vocarentur, verbi gratia, ut simpliciores vocarentur α vel ι, ut vafri ζ vel ξ ut alii aliarum litterarum nominibus appellarentur quemadmodum forma litterarum rationem vitæ classis cujusque apte videretur exprimere. »

(27) *Cum autem comederent, capita sua cucullis operirent.*] Cassianus, libro IV Instit., cap. 17, de Ægyptiis monachis et maxime Tabennensiotis: « Tantaque vescentibus eis silentii hujus disciplina servatur, ut cucullis ultra oculos palpebras demissis, ne scilicet liber aspectus habeat curiosius copiam evagandi, nihil amplius intueantur, quam mem-

sam, et appositos in ea vel quos in ea capiunt cibos. **A** cunctos Origenis libros in flumen mergite, ne ab illis vos ipsi mergamini. »

(28) *Necnon ab angelo, etc., ut diurnæ orationes XII, etc.*] Cassianus, libro II Instit., capite 1, meminit duodenarii psalmorum numeri, tam in vespertinis, quam in nocturnis solemnitatibus custoditi : « Qui, inquit, intemeratus nunc usque perdurat, quia non humana adiventione statutus a senioribus affirmatur, sed cœlitus angeli magisterio patribus fuisse delatus. » Vide, infra, Palladium capite 38.

(29) *Præpositos.*] Hieronymus, præfatione in regulam sancti Pachomii : « Qui (Tabennenses monachi) habent per singula monasteria patres et dispensatores, et hebdomadarios, ac ministros, et singularum domorum præpositos. »

(30) *Aprione Tentyrorum episcopo.*] Coloniensis editio pro *Aprione* habet *Pycerio*. Nomen Aprionis occurrit in inscriptionibus antiquis apud Gruterum, p. 695.

P. LIVIO ARTICVLO

APRIO PATER L. D. AB

HEREDIBUS

Occurrit etiam in iis *Aprius*. Apud Athanasium, Apolog. 2 de fuga sua, pag. 618, est *Saprius* episcopus. Et ibidem, pag. 596, est *Aprianus* inter episcopos, qui subscripsere Sardicensi concilio.

(31) *Per idem tempus.*] Baronius, tomo III, anno Christi 328, Silvestri papæ 15, Constantini imp. 23. « Hoc, inquit, anno Athanasius, qui ante superiorem annum creatus episcopus Alexandrinus, mox lacesit Meletianorum calumniis, convenientibus Eusebianis, anno proximo elapso (ut vidimus) laborantibus iis pro restitutione Arii Alexandriam, in præsentem usque annum dire exagitatus est: repulsis his, persuasoque Constantino, tandem quievit, nactusque nunc primum hosce tranquillitatis dies Aleyonios diutius expectatus, ut susceptum episcopale munus, uti par erat, obiret: quod magis sibi necessarium visum est, opus aggreditur, perdifficile quidem, nempe ut universam eandemque amplissimam Alexandrinæ Ecclesiæ subjectam perlustrando diocesim, quod hæresis et schisma, pravique mores in Ecclesia corripissent, vigilantissimo studio restauraret, restitueretque in eis fidem et pacem exsulem, moresque corruptos Ecclesiastica disciplina componeret, etc. Hujus quidem peregrinationis ex episcopali susceptæ munere ipse meminit, etc.

« Cum igitur sanctus Athanasius (*Athanas. apol. 2*) cunctas ex officio visitaret Ecclesias, non in civitatibus tantum, oppidis atque vicis positas, sed et quæ in solitudinibus desertisque locis penes sanctos monachos erant, invisit; et visitatione eadem ad monasterium sancti Pachomii pervenit.

Qui igitur anno primo belli Liciniani Pachomius natus erat annos XX, eo anno scilicet qui Domini numeratur (sicut dictum est superius) 316, erat hoc anno ætatis annorum XXXII. habens monasticæ institutionis annos XII. Quamobrem quod ipse in Actis illis *senex* sit dictus, veneratione potius quam ætate sic nominatus apparet. ut pote quod Pater multorum monachorum effectus erat, qui et ipsi egregia floruerunt sanctitate. » Hactenus Baronius.

Sed Pachomii anni reformandi sunt ad jam dicta superius, cap. 4, n. 6, ubi probavimus Pachomium bello Maxentiano militasse, quod gestum est anno Christi 312. Unde hoc anno 328 (quo eum existimat Baronius ab Athanasio visitatum) fuerit annorum XXXVI.

(32) *Heracla.*] Fuit hic Alexandrinæ civitatis episcopus, de quo Eusebius in Chronico, anno 8 Alexandri imp.: « Alexandrinæ Ecclesiæ duodecimus episcopus ordinatur Heraclas annis XVI. Ejusdem meminit Eusebius, libro VI, capite 12, 14, 24 et 28 ecclesiast. Histor. Exstat hujus memoria in Martyrologio Romano 14 Julii: « Alexandriæ sancti Heraclæ antistitis, ob cujus celeberrimam opinionem Africanus historiographus memorat se Alexandriam ad eum visendum properasse. »

(33) *Origenis commenta.*] Infra, cap. 45: « Quod si mihi vultis acquiescere, Deoque placere per omnia,

cunctos Origenis libros in flumen mergite, ne ab illis vos ipsi mergamini. »

Baronius, anno Christi 402, Anastasii papæ 5, Arcadii et Honorii imp. 8. De eodem quoque, ait, Origenis *περι αρχων*, errorum fonte, puto intelligendum, quod reperitur in gestis beati Pachomii, ipsum execratum esse monachos legentes libros Origenis. Circumferebantur enim libri illi *περι αρχων* per Ægypti monasteria, qui auctoritate Didymi eos notationibus illustrant apud nonnullos magno erant in pretio. Unde et factum est, ut idem Pachomius, ex hac vita migraturus, quasi testamento Origenis errores damnatos reliquerit. Quod posterius in hac Vita habes, capite 53.

(34) *Theodorus.*] De eo Gennadius in catalogo illustrum Ecclesiæ Scriptorum, capite 8: « Theodorus presbyter, successor gratiæ et præposituræ supradicti abbatis Pachomii, scripsit ad alia monasteria sanctarum Scripturarum sermone digestas, in quibus **B** tamen frequenter meminit magistri et institutoris sui Pachomii, ac doctrinæ ejus ac vitæ proponit exempla, quæ ille ut doceret angelo administrante didicerat: simul et hortatur permanendum in proposito cordis et studii, et redire **143** in concordiam et unitatem eos qui post abbatis obitum discessione facta, a certu semetipsos absciderant unitatis: sunt autem hujus exhortationis epistolæ tres. »

Theodori hujus memoria agit in Græca Ecclesiæ 15 Maii, ut habet Menologium Græcum: « Eodem die Theodori sanctificati. Hic beatus Theodorus cum Dei legem meditatus esset, castissimo animo **totus** purus effectus, et vas utile ac sanctificatum ostensum est, supergrediens visibilium rerum sensum, cum sancto Pachomio, et contubernio et moribus conjunctus: et vere dignus qui sanctificatus appellaretur, quippe qui miraculorum operatione dives factus est. Cum igitur tam bene vitam egisset, in summa senectute migravit ad Dominum. » Quæ etiam habes, quibusdam additis, in Græcorum Menæis, ubi 16 Maii dies ejus festus notatur. Ut error in Menologium irrepissis videatur, ubi dies 16 Maii omittitur: qui signandus erat, et Theodoro adscribendus. Ejusdem mentio est in Menæis, in Vita sancti Pachomii 15 Maii, ubi dicitur etiam *ὁ ἡγιασμένος*, sanctificatus.

(35) *Undecimo die mensis Tybi, id est, octavo id. Januar.*] Ne mirere undecimum diem Tybi mensis Ægyptiorum respondere diei sexto Januarii Romanorum mensis, seu VIII Iduum Januariarum. Nam Ægyptii mensem suum Tybi auspicabantur sexto Kalendarum Januariarum, seu 27 Decembris. Jam vero a 17 Decembris ad sextum Januarii habes 14 dies. Vide in Onomastico Mensium tabulam.

(36) *Et credo quia tanti viri recordatus sum.*] Ita Athanasius memorie sancti Antonii multum tribuit. Supra in præfatione ad ejus Vitam: « Etenim mihi ingens lucrum est atque utilitas hoc ipsum quo recordor Antonii. » Ex sanctorum memoria triplex in se desiderium agnoscit Bernardus, serm. 5 in festo omnium sanctorum: « Plane quod eorum memoriam veneramus, nostra interest, non ipsorum. Vultis scire quantum interest nostra? Ego in me, fateor, ex hac recordatione sentio desiderium vehemens inflammari, et desiderium triplex. » Reliqua apud eum vide.

(37) *Diabolum vixistis ut passerem.*] Ipse diabolus, infra, cap. 49, suam infirmitatem et captivitatem fatetur: « Ex quo mirabilis incarnatio Christi facta est in terris, nos sine viribus prorsus existere cupimus; ita ut ab his qui credunt in nomine ejus illudamur ut passerem. » Simile habet supra Athanasius, in Vita sancti Antonii, cap. 16. Aliam et contrariam de illusionem passeris, qua diabolus peccatores prava consuetudine victos tenet iisque illudit, historiolum et similitudinem habet Edinerus in Vita sancti Anselmi, libro II, cujus dies festus occurrit 21 Aprilis: « Alia vice conspexit puerum cum avicula in via ludentem, quæ avis pedem filo annexam habens, sæpe,

tum laxius ire permittebatur, fuga sibi consulere cupiens, avolare nitebatur. At puer filum manu tenens, retractam usque ad se dejiciebat, et hoc ingens gaudium illi erat. Factum est id frequentius. Quod pater aspiciens, miseræ condoluit avi, ac ut rupto filo libertati redderetur, optavit. Et ecce filum rumpitur, avis avolat, puer plorat, pater exultat. Et vocatis nobis : Considerastis, inquit, jocos pueri ? et confessis considerasse, ait : Simili consideratione jocatur diabolus cum multis hominibus, quos suis laqueis irretitos pro sua voluntate in diversa vitia pertrahit. Sunt enim quidam, ut verbi gratia dicam, aut avaritiæ, aut luxuriæ, et similibus flammis succensi, et ex magna consuetudine illis addicti. His contingit aliquando ut sua facta considerent, defleant, seque amodo a talibus cessaturos sibi promittant. En more avis se volare liberos autumat. Sed quia pravo usu irretiti ab hoste tenentur volantes, in eadem vitia dejiciuntur. Fitque hoc sæpius, nec omnimodis liberantur, nisi magno conatu per respectum gratiæ Dei, filum pravæ consuetudinis dirumpatur. » Quod etiam habes apud Anselmum, lib. de Similitudinibus, cap. 189. et Antoninum, tom II Chronic., tit. xvi, cap. 11, § 2, paulo explicatius.

(38) *Panos civitatis episcopus, Varus nomine.* Apud Metaphrastem est, cap. 61, *Civitatis episcopus nomine Panuarius*, quod haud dubie ex *Panos* et *Varus* depravatam.

(39) *Ego autem quantulumcumque ei requiem vel satisfactionem.* Apud divum Gregorium, libro IV Dialog., cap. 50, inquit Petrus an prosit animabus mortuorum, si corpora in ecclesia sint sepulta? Respondet divus Gregorius : « Quos gravia peccata non deprimunt, hoc prodest mortuis, si in ecclesia sepeliuntur, quod eorum proximi, quoties ad eadem loca sacra conveniunt, suorum quorum sepulcra conspiciunt, recordantur, et pro eis preces Domino fundunt. Nam quos peccata gravia deprimunt, non ad absolutionem potius quam ad majorem damnationis cumulum, eorum corpora in ecclesiis ponuntur. » Quod posterius membrum tribus sequentibus capitibus per exempla probat. Totum eum locum expressum habes in responsione Nicolai I pontificis ad consulta Bulgarorum, cap. 99.

Quo modo autem obsit malis sacra sepultura, explicat idem Gregorius, cap. 53, dicens : « Ex qua re, Petre, collige, quia his, quos peccata gravia deprimunt, si in sacro loco sepeliri se faciant, restat ut etiam de sua præsumptione judicentur, quatenus eos sacra loca non liberent, sed etiam culpa temeritatis accusent. »

Quo modo etiam divus Thomas, in Supplemento, q. 74, art. 11, ad 5, respondens priori loco Gregorii ait : « quod sepultura in sacro loco, impio defuncto non nocet, nisi quatenus hanc sepulturam sibi indignam propter humanam gloriam procuravit. » Quem

A vide ea quæstione egregie disputantem utrum cultus exsequiarum defunctis prosint.

Atque ad horum sanctorum doctorum mentem, mens quoque Pachonii revocanda est. Huc etiam referri potest, quod habet Joannes, infra, libello I, qui est de Prævidentia, n. 13, ubi Nilopoli dives damnatus honorifice sepelitur, ut qui parum boni vivens in hoc sæculo fecerat, parum quoque boni in hoc sæculo reciperet. Contra vero eremita sanctus a belluis comeditur, quia parum culpæ in hac vita contraxerat, quæ ita expiatur.

(40) *Psiathos.* Infra, cap. 47 : « Venit ad fratres, qui psiathios operabantur. » Et cap. 52 : « Semper autem psiathios operabatur. » Sunt autem *psiathi*, *psiathii*, et *psiathia* mattulæ. Ridicule quædam editiones *ciathos* habent. Occurrit sæpe hæc vox in his Patrum Vitis. Vide Onomasticon.

(41) *Qui septimanam faciebat.* Dicebatur hic *hebdomadarius*, cui *minister*, uti et hic, adjuungebatur. Hieronymus, præfatione in Regulam sancti Pachonii : « Habent per singula monasteria III patres, et dispensatores, et hebdomadarios, ac ministros. »

(42) *Ego sum Christus.* Simili fraude apparuit sancto Martino, ut est apud Severum Sulpicium, de Vita sancti Martini, cap. 25.

(43) *Illudamur ut passeret.* Vide dicta supra ad Vitam sancti Antonii, cap. 16, n. 41.

(44) *Quarto decimo die mensis Pachon, secundum Ægyptios, qui est juxta Romanos ad septimum diem Iduum Maiarum.* In veteri editione pro Pachon est *Chon*. Sed rectum est *Pachon*, ut habent manuscripti, qui notus est mensis apud Ægyptios. Recte autem dies Ægyptii mensis assignatus respondet diei mensis Romani ibidem positi. Siquidem primus dies Pachon incipit juxta Romanos die 26 mensis Aprilis quare dies 14 mensis Pachon respondet septimo Iduum Maiarum, seu Maii 9; nam a die 25 Aprilis usque ad 9 Maii sunt dies XIV. Vide in Onomastico tabulam mensium.

(45) *Orsesium nomine.* De eo Gennadius in catalogo illustrium Ecclesiæ Scripturum, cap. 9 quem ipse Orsesius vocat : « Orsesius monachus, amborum, id est Pachumii et Theodori collega, vir in sanctis Scripturis ad perfectum instructus, composuit librum divino conditum sale, totiusque monasticæ disciplinæ instrumentis constructum; et ut simpliciter dicam, in quo totum pene Vetus et Novum Testamentum compendiosis dissertationibus, juxta monachorum duntaxat necessitatem, invenitur expositum, quem tamen vice testamenti prope diem obitus sui fratribus obtulit. » In Regula Pachonii per Achillem Statium edita vocatur *Orsesius*; occurrit apud Pelagium, infra, libello XI, n. 37, et libello XV, n. 51, *Orsesius* Orisesis regulas de institutis monasticis habes tomo V Bibl. Patrum.

MARTII XVI.

VITA SANCTI ABRAHÆ (1), EREMITÆ,

AUCTORE SANCTO EPHRÆM (2) DIACONO, INTERPRETE ANONYMO (3).

Prologus auctoris.

Fratres mei, cupio vobis enarrare conversationem bonam perfecti atque admirabilis viri Abrahæ, quam sic inchoavit, ut in consummatione ejus gloriam perpetuam mereretur. Sed paveo admirandam et luculen-

tam de eo historiam texere, cum imaginem virtutum ejus considero. Ecce enim conversatio quidem viri perfecta est optima, ego vero infirmus et rusticus. Equidem imago virtutis ejus admiranda ac splendida, colores autem verborum quibus depingenda est, admodum tristes ac tetri sunt. Attamen licet imperitus, vel ex parte tentabo, quanquam comprehendere, perfecte non valeam, enarrabo tamen, in quantum sufficio de eodem viro disserere; quoniam qui secundus Abraham meruit nuncupari, non facile humano ore potest referri. Exstitit enim nostris temporibus, angelicam vitam in terris agens. Acquisivit autem patientiam, quasi adamas fortissimus, per quam cœlestem gloriam adipisci meruit. Et quia a juventute castitatis pudicitiam conservavit, templum sancti Spiritus factus est, tanquam sanctificatum vas: et ita semetipsum exhibuit Deo, ut eum habitatorem in mentis suæ hospitio haberet.

VITA.

CAPUT PRIMUM. — Hic itaque beatus Abraham habuit parentes valde locupletes, qui cum tenere ac supra modum diligentes, ita ut etiam affectum humanum eorum dilectio transcenderet, desponsaverunt ei puellam adhuc in pueritia constituto (4), expectantes ac desiderantes in aliqua eum dignitate sæculari proficere. Sed hic longe aliter sentiens, in ipso primo adolescentiæ gradu ecclesiarum conventicula jugiter frequentabat; et quæcunque ibi ex divinis Scripturis recitabantur, aurem libenter accommodans audiebat, et in cordis sui memoriam ita recondebat, **145** ut etiam cum absens esset ea quæ didicerat meditatione intentissima ruminaret. Cumque memorati parentes ejus tempus nuptiarum propinquabile (5) judicarent, compellebant cum matrimonio vinculis obligari. Sed cum hæc ille primo renueret, postmodum molestiam eorum jugem sedulamque non ferens, pudoris verecundia superatus, acquiescere perurgetur. Cum itaque, celebratis nuptiis, sponsa die septimo (6) in thalamo resideret, repente quasi lux quædam in corde ejus divina gratia refulsit, quam veluti ducem quemdam sui voti inveniens, illico exsiluit, et secutus est, et ab urbe egreditur.

CAP. II. — Duobus autem fere millibus procul a domo sua cellulam vacantem reperit: ubi se constituens, et glorificans Deum cum ingenti lætitia permanebat; stuporem vero maximum, tam parentibus suis quam vicinis, de hoc facto incusserat. Qui exeuntes, in diversa dispersi, ubique Dei hominem requirebant. Post dies autem decem et septem in memorata cellula eum orantem reperiunt. Beatus autem vir, cum eo stupore percussos aspiceret: Quid me, inquit, vos admirantes aspicitis? Glorificate potius misericordissimum Deum, qui me ex cœno iniquitatum mearum eripuit: et orate pro me, ut jugum hoc suavissimum, sub quo me indignum suscipere dignatus est Dominus, usque in finem valeam bajulare, conversationemque meam beneplacitam secundum voluntatem ejus possim in omnibus coaptare. Qui cum omnes eum audientes, respondissent Amen, deprecatus est eos ne ei vellent crebro molestiam obtentu visitationis inferre. Quibus recedentibus, aditum cellulæ suæ obstruxit: et concludens semetipsum intrinsecus, parvissimum fenestræ foramen reliquit, per quod alimenta die consueta reciperet.

Itaque mentem ejus remotam a turbulentis interpellationibus, divina gratia illustrabat; proficiensque quotidie in optima conversatione, primum quasi fundamentum vitæ suæ continentiam possidebat; necnon vigiliis et orationibus, cum fletu et humilitate atque charitate, studebat. Cumque per omnem locum de eo sancta opinio divulgaretur, cuncti audientes, ad videndum eum, et ut ædificarentur ab eo, undique confluebant. Sermo quoque ejus sapientiæ ac scientiæ et consolationis a Deo affluenter datus est, qui in mentibus audientium quasi luminare lucidissimum radiabat.

CAP. III. — Contigit autem anno duodecimo renuntiationis ejus, ut parentes ejus ex hac vita recedentes, aurum ei copiosum prædiaque magna relinquerent. Qui rogans amicum quemdam admodum sibi charum, ad distribuenda universa indigentibus ac pupillis officium religiosum illi injungit, ne ipsius orationibus impedimentum hujus rei gratia gigneretur. Et cum hoc fecisset, securus animo et mente quieta permansit. Hoc enim bono viro maximum studium erat, ut cor ejus nullis terrenis negotiis vinciretur; et idcirco super terram nihil aliud possidebat, excepto uno sago, unaque nihilominus tunica cilicina qua utebatur. Caucum (7) quoque permodicum, in quo edere seu bibere solitus erat, habebat; necnon et unum psiathium (8), in quo cubitare consueverat. Cum his autem omnibus humilitatem supra modum et charitatem ad omnes æqualiter possidebat; nec proponebat in honore locupletum pauperi, nec principem subjecto, vel nobilem ignobili præferere; sed omnes similiter diligens, honorabat universos, sine cujusquam acceptione personæ. Nec aliquando quemquam procaciter increpabat, sed erat sermo ejus charitate et suavitate conditus. Quis audiens ejus eloquium, satiari potuit aliquando de his quæ aliquando ex sermonis ejus dulcedine proferebantur? vel quis vultum illius, sanctitatis imaginem præferentem, respiciens, non magis videndi eum sæpius desiderium sumpsit? In omni tempore, abstinentiæ suæ regulam quam semel arripuit, non mutavit (9): quinquaginta annos institutum proprium, omni alacritate complevit, et ob nimium amorem ac desiderium quod habebat in Christo, omne ævum temporis illius quasi dies pau-

cidos reputabat; et totus rigor acerrimæ conversacionis ejus apud eum pro nihilo videbatur.

CAP. IV — Erat autem haud procul ab urbe illa vicus admodum spatiosus ac magnus, in quo universi pariter a minimo usque ad maximum pagani crudelissimi existebant. quæ ab idolorum cultu nullus omnino valebat avertere. Nonnulli quidem presbyteri et diaconi, in hoc ipsum illic ordinati et directi ab episcopo, sine ullo salutis eorum fructu recedebant, nequaquam afflictionis ferentes laborem: quia non solum non suaderi et ad consensum animus eorum ferox non poterat flecti, verum etiam persecutiones in eos qui se monebant ac seditiones vehementissimas concitabant. Sed turba nihilominus monachorum semel atque iterum adire nitentes, nihil penitus pro conversione eorum agere potuerunt, Porro una die residens cum clericis suis episcopus, beatissimi hujus viri habuit mentionem, dixitque ad eos: Ego talem virum temporibus istis meis videre non potui, ita in omni opere bonitatis perfectum, et sic cunctis virtutibus adornatum, in quo elegit Deus habitare, ut habetur nunc sanctissimus Abraham. Respondentes autem clerici verum esse eum Dei famulum monachumque perfectum affirmabant. Et episcopus: Volo, inquit, eum in vico illo gentilium ordinare presbyterum; potest enim eos patientia ac nimia charitate ad Deum convertere. Et consurgens protinus, ad cellulam sancti viri cum suis proficiscitur clericis. Cumque salutasset eum, statimque de gentilibus vici illius insinuat, ut ad eos ob salutem eorum pergeret rogans. Qui cum audisset, tristis vehementer effectus, ait ad episcopum: Quæso, inquit, Pater sanctissime, permitte mihi ut meas iniquitates defleam, neque hujusmodi negotium infirmo et exiguo existenti injungas. Ad quem rursus episcopus dixit: Per Dei gratiam, inquit, potens es; ne velis ergo in hac bona obedientia fieri cunctabundus. Cui vir beatus iterum respondens dixit: Obsecro sanctitatem tuam ut me mala mea plangere permittas. Et ait ad eum episcopus: Ecce totum mundum et quæ in eo sunt reliquisti, et vitam crucifixam amplexatus es; attamen cum hæc universa compleveris, agnosce te obedientiam, quæ cunctis virtutibus eminet, non habere. Hæc ille cum audisset, cœpit flere amare, dicens ad eum: Quid sum ego, cœnis mortuus (1 Reg. xxiv)? et quæ est vita mea, quoniam talia de me, o sanctissime Pater, judicasti? Cui ait episcopus: Ecce hic residens, tuam solummodo salutem acquiris; ibi autem plurimi per te, divina gratia operante, salvandi sunt, quoscumque ad Dominum Deum converteris. Considera itaque unde amplio rem mercedem habeas, utrum si te ipsum salvaveris solum, an si plurimos tecum ad salutem adduxeris. Tunc beatus vir Dei flens, ait: Fiat voluntas Domini; verum tamen propter obedientiam, quocumque jusseris, pergam.

CAP. VI. — Educens ergo eum de cellula in civitatem illico introduxit; ibique per impositionem manus presbyter ordinatus (10), statim ad vicum

paganorum sine mora dirigitur. Quo dum sanctus Abraham pergeret, precabatur Dominum, dicens: Clementissime ac benignissime Deus, respice infirmitatem meam, gratiamque tuam cœlestem ad meum præsidium dirige, ut glorificetur nomen tuum sanctum. Perveniens autem ad vicum, vidensque omnes in insania idolatriæ vehementer esse detentos, ex imo pectore ingemiscens, graviter flevit; et elevans oculos suos ad cælum, dixit: Tu solus qui sine peccato es, Deus, ne despicias opera manuum tuarum. Festinanterque direxit nuntium in civitatem ad amicum illum charissimum sibi, ut pecuniam ex reliquiis patrimonii sui afferret. Quam cum accepisset, inter paucos dies construxit ecclesiam. Et velut sponsam optimam, multo eam mirificoque decoravit ornatu. Attamen dum ædificaretur, quotidie homo Dei per media simulacra gentilium transiens, nihil penitus loquebatur, nisi in corde suo orabat solummodo, gemitusque cum fletu mittebat ad Dominum. Postquam vero ecclesia est consummata, quasi munus quoddam cum multis lacrymis obtulit Deo; ibi genibus positus, has preces suppliciter in sua oratione profudit: Tu, inquit, omnipotens Fili Dei vivi, qui totum mundum erroris depressum caligine, ad cognitionem luminis tui per tuam præsentiam deduxisti, hunc quoque populum tuum dispersum congrega in sinum Ecclesiæ tuæ, et illumina oculos mentis eorum, ut respientes simulacrorum culturam, te solum amatorem hominum ac benignum Deum cognoscant.

Cumque hanc orationem finisset, continuo egressus ab ecclesia, perrexit ad templum gentilium, arasque eorum et simulacra manibus suis evertit atque destruxit. Quod factum cum cerneret turba gentilium, quasi agrestes feræ insilium, eumque lacera tum multis verberibus fugaverunt. Ipse autem clam nocte in ecclesia residens, plagarum suarum lacerationem non curans, sed tantummodo cum fletibus ac gemitibus, ut salvi fierent, Dominum precabatur. Facto autem mane advenientes pagani, inveniunt hominem Dei orantem; et nimio stupore perculsi, quasi enei (11) quidam effecti sunt. Unde et ad ecclesiam quotidie veniebant, non tamen orationis gratia, sed ut oculis suis ecclesiæ contemplantes ornatum ac pulchritudinem, delectarentur. Cœpit itaque quadam die vir beatus Abraham deprecari eos, ut agnoscerent Deum. Illi vero sæviores effecti fustibus eum quasi lapidem quemdam atque exanimem ceciderunt; et deinde, pedibus ejus fune ligatis, extra vicum traxerunt, lapidibus obruentes; mortuumque eum arbitantes, seminecem reliquerunt.

Media autem nocte in semetipsum reversus, cœpit flere vehementissime, ac dicere: Ut quid, Domine, despexisti humilitatem meam, et quare faciem tuam avertis a me? et cur repellis animam meam; et despexisti, Domine, opera manuum tuarum? Et nunc, Domine, respice super servum tuum, et exaudi deprecationem meam, et corrobora me; 147 et absolute servos tuos a vinculis diaboli, et præsta eis ut cognoscant te quoniam tu es solus, et præter te non

est alius Deus. Deinde consurgens ab oratione, intra- A vit in vicum; ingressusque ecclesiam, Domino psalmos canebat. Rursus autem facto diluculo, venientes viderunt eum. Et stupefacti atque in insaniam versi, nulla habentes viscera misericordiæ, acerrimis illum tormentis crudeliterque conficiunt; et solito funibus alligatum, extra vicum traxerunt.

CAP. VI. — Hæc autem cum per triennium pateretur, quasi verus adamas tolerabiliter perdurabat; nec tot tantisque insectationum tribulationibus cessit; sed cum cæderetur, cum traheretur, cum persecutiones pateretur, cum lapidaretur, cum fame et siti laboraret, in omnibus his quæ ei acciderant, nunquam ad iracundiam provocatus, nunquam ad indignationem commotus est; nunquam pusillanimitate distabit, nunquam tædio fatigatus est; sed cum B aspera omnia pateretur, magis ac magis amor ejus in eos et charitas augebatur. Modo admonebat, modo blandiebat, modo blandimentis suavissimi eloquii liniebat. Et quidem seniores, veluti patres rogabat; juvenes ut fratres, adolescentes ut filios; cum e contrario ab eis subsannaretur, irrideretur, atque mille opprobria pateretur.

CAP. VII. — Quadam igitur die habitatores vici illius congregati, nimioque stupore mirantes ac perterriti, ad invicem colloquentes: Cernitis, inquirunt, tam magnam patientiam viri, et ineffabilem circa nos charitatem, quomodo in tantis tribulationibus quas ei intulimus nequaquam ex hoc loco discesserit, neque alicui nostrum malum verbum locutus sit, neque aversus est a nobis, sed cum gaudio magno sustinuerit universa. Unde nisi esset (ut asserit) Deus verus quem prædicat, et regnum et paradus, ultio quoque malorum, non hanc tribulationem pateretur inaniter. Illud etiam considerandum, quoniam deos nostros, cum esset solus, evertit, et in nullo eum lædere valuerunt. Vere servus Dei est homo hic, et cuncta vera sunt quæ de eo fama dispersit. Venite itaque, credamus in Deum quem prædicat. Et hæc inter se colloquentes, pariter omnes in ecclesiam pergunt, clamantes atque dicentes: Gloria Deo cælesti, qui misit famulum suum, ut nos ab errore salvaret.

CAP. VIII. — Tunc beatus homo Dei hæc videns, lætitia ingenti repletus est, et facies ejus quasi ros matutinus mutata est. Aperiensque os suum, ait ad D eos: Patres mei, fratres ac filii, venite, demus gloriam Deo, qui illuminare dignatus est oculos mentis vestræ, ut eum possitis agnoscere: et percipite signaculum vitæ ut purificemini ab immunditia idolorum: et credite ex toto corde et animo, quod unus sit Deus cæli et terræ et omnium quæ in eis sunt, sine initio, inenarrabilis et incomprehensibilis, dator luminis, et amator ac redemptor hominum, terribilis ac suavis; et in Filium ejus unigenitum, qui est sapientia ejus; et in Spiritum sanctum, qui vivificat omnia, ut cælestes ex terrenis effecti, vitam cælestem possitis adipisci. Respondentes autem universi, dixerunt: Ita pater noster, ita dux vitæ nostræ, quem-

admodum denuntias nobis et doces, ita credimus et facimus. Et confestim sanctus Abraham assumens sacrum baptismum, baptizavit eos in nomine Patris, et Filii, et Spiritus sancti, a minimo usque ad maximum. Erant autem usque ad mille animas. Deinde per singulos dies divinas Scripturas eis legebat, docebat eos de regno Dei, de paradisi deliciis, de gehennæ suppliciis, de justitia, de fide et charitate. Illi vero, sicut bona terra percipit semen bonum, et affert fructum, aliud centesimum, aliud sexagesimum, aliud trigesimum (*Matth. XII*); ita verba ejus libentissime audientes, atque in timore Domini proficientes, fructus largissimos afferebant. In conspectu autem eorum quasi angelus Dei videbatur, et quasi quædam ædificii ligatura. Sic enim charitas eorum B circa ipsum erat per doctrinam sermonis dulcissimi, ut ex hoc Deum credere viderentur.

CAP. IX. — Completo igitur anno, postquam crediderunt, vir beatus Abraham non cessabat diebus singulis verbum eis Domini prædicare. At ubi eorum studium circa Deum fidemque firmissimam vidit, et quod erga eum nimia essent charitate connexi, et honorem sibi maximum exhiberent, verens ne obtentu eorum abstinentiæ suæ regulam destruere cogeretur, et quocumque modo mens ejus terrenis curis astringeretur, consurgens in medio noctis, hanc orationem fudisse fertur ad Dominum: Tu solus sine peccato, Deus, qui, cum sis sanctus, requiescis in sanctis, qui solus amator es hominum ac misericors Dominus, qui mentis oculos hujus multitudinis illuminasti, qui eos ab adversarii vinculis absolvesti, qui implicatos eos ab simulacrorum erroribus convertisti, et tuæ cognitionis eis scientiam tribuisti; quæso, Domine, ut usque in finem regere eos et conservare digneris, et auxilium tuum gregi huic optimo, quem possidere voluisti, perpetuo copiosumque clementer impertias; et quasi muro validissimo eos gratia bonitatis tuæ circumdes, et cor eorum semper illumines, ut ea quæ sunt tibi placita perficientes, æternam vitam percipere mereantur; mihi quoque infirmissimo adminiculum tribuas, neque reputes in peccatum quod ab eis festino discedere. Tu enim nosti, omnium cognitor, quod te solum desidero, et te mihi Dominum esse cognosco. Consummataque oratione discedens, tertio consignavit vicum D Christi signaculo; abiitque latenter in alium locum, et quibus potuit latebris occultavit.

CAP. X. — Mane autem solito more ad ecclesiam turbæ conveniunt. Cumque eum minime reperissent, maximo stupore percussi, et quasi errantes oves, diversis locis pastorem proprium perquirebant, non minus ululantes cum lacrymis inclamant. Cum autem diutissime perquirendo eum invenire non possent, nimio mœrore dejecti, confestim, quod eis acciderat, pergentes episcopo nuntiaverunt. Qui cum hoc agnovisset, ipse quoque admodum tristis effectus, statim plurimos ad requirendum Dei hominem destinavit, maxime ob consolationem gregis ejus, eo quod cerneret eos flebiliter contristari. Cumque ab om-

nibus tanquam lapis pretiosissimus quæreretur, et A prorsus inveniri non posset, habito consilio cum clericis suis, episcopus memoratum vicum ingreditur. Cœpitque ad eos consolatorium proferre sermonem, et dolorem maximum, quem de discessu hominis Dei conceperant, blanda prædicatione lenire. Cernens autem in fide Christi eos firmissimos, elegit ex eis viros probabiles, quos presbyteros ac diaconos lectorumque constituit. Audiens vero hoc sanctissimus Abraham, vehementer gavisus est; et glorificans Deum, dixit: Quid retribuam tibi, Domine Deus meus, benignissime Pater, atque amator hominum suavissime, pro omnibus quæ retribuisti mihi? Honorifico et glorifico dispensationem tuam. Tunc continuo ad pristinam cellulam revertitur. Fecit igitur alteram extrinsecus cellulam, et semetipsum magna cum lætitia in interiore conclusit. O miraculum, charissimi, laudibus plenum et gloriæ sempiternæ! In tantis namque afflictionibus, quas in sæpe dicto vico perpessus est, nunquam abstinentiæ suæ regulam fregit, neque in dexteram vel sinistram ab ea divertit. Gloria et magnificentia Deo, qui ei talem tolerantiam tribuit, qua et alios possit convertere, et sui propositi gratiam custodire.

CAP. XI. — Cernens autem diabolus, bonorum hominum æmulus, quod tantas in eum tribulationum molestias excitans, non in desidiam Dei hominem trahere, non in aliquo mentem viri Dei valuisset a Domino separare; et, quod majus est, sicut aurum in fornace pressuris fulgentior redderetur atque in majorem patientiam et alacritatem charitatis proficeret, vehementer irritatus et acriter efferatus, adversus eum cum magna phantasia (12) advenit, ut saltem sic ei pavorem incutiens, decipere eum posset ac fallere.

CAP. XII. — Igitur cum staret in medio noctis ac psalleret, repente lux copiosa, veluti solis, in cella ejus refulsit, et vox quasi cujusdam multitudinis audita est, dicens: Beatus es, Abraham, vera beatus es et fidelis, nullusque sicut tu in omni conversatione inventus est, qui omnes voluntates meas explesti. Protinus autem vir sanctus dolum maligni cognoscens, exaltavit vocem suam, ac dixit: Obscuritas tua tecum sit in perditionem, o plene dolo atque fallacia. Ego enim homo peccator sum, habens tamen spei præsidia, per gratiam Dei in nullo tuas insidias pertimescam. Neque enim plurimæ phantasiæ pavorem mihi incutiunt. Nomen siquidem Domini mei et Salvatoris Jesu Christi, quem dilexi et diligo, mihi validissimus murus est, in quo te increpo, immunde canis, ac ter miserande. Et dicente eo hæc, confestim ut fumus ab oculis ejus evanuit. Sanctus autem Dei famulus cum multa alacritate tranquilloque animo benedicebat Dominum, quasi qui nullam phantasiam vidisset.

CAP. XIII. — Rursus vero post dies paucos orante eo noctu, tenens securim diabolus, cellulam ejus conabatur evertere. Et cum jam putaretur perforasse eam, voce magna clamavit et dixit: Festinate, amici

mei, festinate celeriter, atque introeuntes, vitam ejus violenter eripite. Ait autem contra eum beatus Abraham: Omnes gentes circumdederunt me, et in nomine Domini vindicabor in eis (*Psal.* cxvii). At ille protinus cum hanc vocem audisset, evanuit, cella autem beati viri integra atque illæsa permansit.

CAP. XIV. — Item post paucos dies cum media nocte psalleret, psiathium suum, super quod consistebat, cœpit vehementer flamma comburere. Tunc ille intrepidus ignem conculcans, dicebat. Super aspidem et regulum ambulabo, leonem et draconem conculcabo (*Psal.* xc); et omnem virtutem inimici, in nomine Domini mei Jesu Christi, qui mihi præbet auxilium, superabo. Diffugiens itaque Satanas, voce magna proclamabat: Ego te, inquam, mala morte devincam, inveniamque artes, quibus te conteram, qui me nunc quasi contemptibilem reputas.

CAP. XV. — Quadam die igitur cibum eo sumente, transfiguratus dæmon in habitu adolescentis, cellulam ejus ingreditur, et appropinquans. **149** caucum ejus nitebatur evertere. Vir autem Dei manu illud retinens, manducabat intrepidus. Tunc exsiliens diabolus, aliam phantasiam repente confingit; et ecce quasi candelabrum statuens ante eum, et lucernam desuper ardentem, ore polluto ac fetido psalms cantabat voce magna: Beati, inquam, in via immaculati, qui ambulant in lege Domini (*Psal.* cxvi). Cumque ex eodem psalmo verba plurima cecinisset, nullum ei sermonem sanctus ille respondit, donec cibum solitum percepisset. Postquam vero de mensa surrexit, cum omni constantia ait ad eum: Canis immunde et ter miserande, atque infirmissime et mendacissime, si nosti quod beati sunt, cur eis molestus es? Nam beati sunt revera omnes, qui ex toto corde diligunt Deum. Respondens autem diabolus, ait: Idcirco illis infestus sum, ut superem eos, ut ab omni opere bono præpediti, meis facinoribus socientur. Cui vir beatus ita respondit: Non tibi bene sit maledicte, ut quempiam timentium Deum superare vel impedire prævaleas, nisi forte eos qui tibi similes existentes a Deo propria voluntate discedunt. Illos vincis ac fallis, quoniam Deus non est in eis. Ab his autem qui diligunt Deum, tanquam fumus a vento, exhalescis ac deficis. Una siquidem eorum oratio sic te persequitur ac deturbat, quemadmodum pulvis a vento insectatus dispergitur. Vivit autem Deus meus, qui est benedictus in sæcula, qui est gloriatio mea, quia non te pertimescam, etiam si omni tempore hic constiteris. Sic autem pro nihilo te spernam, veluti si unus catulus contritus ab aliquo contemnatur. Hæc eo dicente, confestim ille (ut solebat) evanuit.

CAP. XVI. — Rursus post dies quinque, cum psalmodiam suam noctis tempore consummasset, aliud phantasiæ argumentum ab inimico confingitur. Ecce enim quasi turba plurima cernitur advenisse; et velut trahentes invicem, cum clamoribus se mutuo cohortantur, ut homo Dei in foveam projiceretur. Quos circumpiciens vir beatus: Circumdederunt me,

inquit, sicut apes favum, et exarserunt sicut ignis in spinis, et in nomine Domini vindicabor in eis (*Psal. cxvii*). Tunc Satanas exclamans, ait: Heu! heu me! quid tibi de cætero faciam nescio. Ecce enim me in omnibus victum ac superatum intelligo, et universas vires meas esse despectas, et me undique conculcatum. Verumtamen nec sic quidem a te aliquando discedam, donec superans, humilem te mihi que subjectum faciam. Vir autem Dei ait ad eum: Anathema tibi et omni virtuti tuæ, pollutissime dæmon; gloria autem et honor Domino soli sancto ac sapienti Deo, qui nobis dilectoribus suis te tradidit conculcandum. Et idcirco versutias tuas subsannamus atque contemnimus. Agnosce itaque, infirmissime atque infelicissime dæmon, quia nos neque te, neque tuas pertimescimus phantasias.

CAP. XVII. -- Per multum autem tempus diversis argumentis ac machinis contra virum fortissimum dimicans, non quivit cogitationibus ejus solidissimis, saltem pavorem certans incutere. Magis autem præliando, alacritatem in eo et charitatem apud Deum maximam suscitabat. Diligens namque Deum ex toto animo, et conversationem suam secundum voluntatem ejus instituens, affluenter gratiam divinam promeruit: et propterea non valebat diabolus lædere eum. Perseveranter namque pulsaverat, ut ei thesauri divinæ gratiæ panderentur. Cumque patefactus fuisset ingressus, tres sibi inde pretiosissimos lapides sumpsit, fidem, spem et charitatem, quibus in eo perfecte ac firmiter virtutes reliquæ ornabantur. Texens quoque pretiosissimam coronam bonis operibus, Regi regum Domino, a quo munus acceperat, offerebat. Quis enim sic ex toto corde Deum et proximum tanquam seipsum dilexit (*Lucæ x*)? Aut quis ita laborantibus compatiebatur et misericors existe-

bat? Quem aliquando monachum audiens bene conversari, non pro eo deprecatus est Dominum, ut liber ab omnibus diaboli laqueis servaretur, et cursum vitæ suæ inculpabiliter consummaret? Aut quem peccatorum vel impium audiens, pro eo, ut salvaretur, cum lacrymis diebus ac noctibus Dominum non postulabat? Et in omni tempore institutionis suæ non præterivit eum sine lacrymis dies. Labia sua non solvebat facile in risum. Non appropinquavit oleum corpusculo ejus: facies, vel etiam pedes, a die conversionis suæ nunquam diluti sunt. Sic namque se exhibebat, tanquam quotidie moriturum.

CAP. XVIII. -- O vere, fratres, gloriosum miraculum, in tanta abstinencia, jugibusque vigiliis, flelibus mixtis, chamcuniis (13) quoque et contritione corporis nunquam omnino lassatus est, nunquam infirmatus segnitia obtorpuit, nunquam tædio fatigatus est: sed veluti esuriens quisquam aut sitiens, sic ille aviditate quadam sustinens omnia, nunquam sui propositi potuit mens ejus dulcedine satiari. Erat autem aspectus ejus quasi flos quidam immarcescibilis, atque in facie ejus puritas animi noscebatur. Sed et totum corpusculum ejus, quasi nihil egisset, validum ac robustum apparuit, utpote qui divina gratia in omnibus frueretur, et jucunditate spiritualis lætitiæ potiretur. In hora namque dormitionis suæ ita splendidissimus vultu apparebat, quasi qui nequaquam vitæ suæ tempus in abstinencia peregisset. Sed et aliud in eo per dispensationem miraculum gestum est. In omnibus siquidem quinquaginta annis abstinentiæ suæ, vestem cilicinam, qua indutus fuerat, non mutavit.

Reliqua de Vita Abraham et ejus nepte vide infra, inter Vitas seminarum.

ROSWEYDI NOTATIO.

(1) *Abrahæ.*] Memoria hujus habetur in ecclesiasticis tabulis. Ita enim Martyrologium Romanum 16 Martii: « In Syria sancti Abrahamæ eremitæ, cujus res gestas beatus Ephraim diaconus conscripsit. » Menologium Græcorum 29 Octobris: « Natalis sancti Patris nostri Abrahami. » Fusius eodem die in Menæis, ubi et Maria neptis ejus jungitur.

(2) *Ephraim.*] Auctor hic Actorum sancti Abrahamæ, ut Mss. præferunt, et editio Coloniensis; quæ etiam hoc auctore habes apud Lipomanum, tomo II, qui ea ex Vitis Patrum editionis Coloniensis desumpsit. Nam quæ in aliis editionibus habentur, in fine decurtata sunt. Desunt enim tria ultima capita post Vitam Mariæ neptis Abrahamæ, quæ ibidem hæc juncta est. Meminit ejusdem idem Ephraim in libello, qui *Testamentum Ephraim* inscribitur.

Metaphrastes quoque ejusdem res gestas fusius enarravit, quas habes apud Lipomanum, tomo VI, et Surium, tomo II.

Meminit de Abraham sancti Ephraim discipulo Sozomenus, libro III, cap. 15, et Nicephorus, lib. IX, capite 16.

(3) *Interprete anonymo.*] Eadem hæc Acta ex nova Gerardi Vossii interpretatione prodire hic proxime elapsis annis, inter opera beati Ephraim, tomo III.

(4) *Desponsaverunt ei puellam adhuc in pueritia constituto.*] Saltem septennes esse oportebat, ut contraherent sponsalia, ut notat Barnabas Brissonius de ritu nuptiarum. Modestinus jurisconsult., lib. IV Differentiarum, l. In sponsal., d. De ritu nupt. « In spon-

salibus contrahendis ætas contrahentium definita non est, ut in matrimoniis. Quapropter a primordio ætatis sponsalia effici possunt; si modo id fieri ab utraque persona intelligatur, id est, si non sint minores quam septem annorum. » Quæ verba certam nominatim sponsalibus contrahendis præscriptam ætatem non fuisse significant.

Quoniam quod ad legis Papiæ præmia attinet, ea demum sponsalia probari admittique Augustus constituit, quibus biennio post justæ ac legitimæ nuptiæ accedere possent. Ut proinde minores natu decem annorum virgines frustra sponsæ haberentur. Cujus rei constituendæ causa fuit, quod sponsaliorum obtentu, quæ ad exitum et effectum brevi perducere per sponsarum immaturam ætatem non poterant, legi fraudem fieri animadvertisset. Dio, libro cix, in Actis anni 736: « Ὡς δὲ οὖν βρέφη τινὲς ἐγγυώμενοι τὰς μὲν τιμὰς τῶν γαμικῶτων ἐκαρποῦντο, τὸ δὲ ἔργον αὐτῶν οὐ παρέργοντο, προσέταξε μηδεμίαν ἐγγύαν ἰσχύειν μὴ ἦν οὐδὲ δύο ἔτην διελθόντων γαμήσαι τις· τοῦτο δὲ δεκτικὸν πάντως ἐγγυᾶσθαι, τῷ (sic) γέ τι ἀπ' αὐτῆς ἀπολάσσοντα· δώδεκα γὰρ ταῖς κόραις εἰς τὴν τοῦ γάμου ὥραν ἔτη πλήρη, καθάπερ εἶπον, νομίζεται. Quæ verba hæc Brissonius reddidit, quod ea ab interprete Xylandro minus fideliter et plane versa essent: « Quoniam autem quidam infantes puellas dependentes præmiis quidem conjugum fruebantur, cæterum effectum rei et conjugum opus non præstabant, ea sponsalia vires nullas habere constituit, post quæ duobus transactis annis sponsa duci minime posset; hoc est ut omnino

decennis virgo desponderetur, siquidem ex ea com-
modi quid sponsus capere vellet. Duodecimo namque
anno virgo matura viro, et nubilus, ut jam ante dixi,
existimatur. » Quæ adducit etiam, iisdem pene verbis
Zonaras, tom. II Annalium, et mentem Dionis clare
proponit. Hoc ipsum strictim tangit Suetonius Au-
gusti cap. 34: « Cumque etiam immaturitate spon-
sarum, et matrimoniorum crebra mutatione viri legis
eludi sentiret, tempus sponsas habendi coarctavit. »
Quo pertinet Cæii locus, l. pœn., d. De sponsal., quem
ex ejus lib. 1, ad l. Juliam et Papiam Pandectarum
concinnaiores delibantur: « Sæpe justæ ac necessa-
riæ causæ non solum annum vel biennium, sed etiam
triennium aut quadriennium, et ulterius trahunt
sponsalia, veluti valetudo sponsi sponsæve, vel mor-
tes parentum, aut capitalia crimina, aut longiores
peregrinationes, quæ ex necessitate fiunt. » Vide
etiam Cujacium, libro XVI Observat., cap. 55.

(5) *Propinquabile.*] Alias, *propinqui habite*. Tunc
delendum, memorari parentes.

(6) *Die septimo.*] Ita Ms. Audomarensis, et Meta-
phrastes. Deest impressis. Exprimatur hic ritus qua-
rundam gentium septem diebus nuptias celebran-
tiam, Gen. xxix, 27, de nuptiis Jacob et Liæ: *Imple
hebdomadam dierum hujus copulæ.* Judicum xiv,
12: *Quod si solveritis mihi intra septem dies convi-
vii.* Et vers. 17: *Septem igitur diebus convivii febat
ante eum.* Tobie viii, 23: *Adjuravit Raguel Tobiam,
ut duas hebdomadas moraretur apud se.* Nempe, ait
Serarius noster, epulum nuptiale in decimum quar-
tum diem porrigitur, propter duplicatam scilicet
lætitiâ ob nuptias et dæmonium illud expulsam.
Augustinus, q. 85 in Genesim: « Quod ait, *Con-
summa septimanam istius*, ad nuptiarum celebratio-
nem pertinet, quæ septem diebus celebrari solent. »
Hieronymus, tradit in Genes.: « Dicitur eja socero
Laban ut septem dies pro nuptiis prioris sororis
expleat. » Obtinuit is mos apud Orientales, et apud
Judeos etiamnum servatur. Ex hac Vita colligitur
etiam viguisse apud Ægyptios.

(7) *Caucum.*] Ita Ms. Audomarensis; uti et hic infra,
cap. 15, Editiones, *catinum*. Usurpatur hæc vox tum
a Græcis, tum a Latinis. Glossæ Græcolatine, *Καῦμα,
patera*. Suidas: *Καυίον παρ' ἡμῶν, κάλις δὲ παρὰ σο-*

φοῖς. Quod vulgo *caucum* doctioribus dicitur *calix*.
Marcellus Empiricus, cap. 25: « Vermis terrenus
exfoditur, et in ligneo cauco ponitur, si fieri potest,
fisso, et ferro illigato. » Hieronymus, libro II contra
Jovinianum, cap. ix: « Quodam vero tempore ha-
bens ad potandum caucum ligneum, vidit puerum
manu concava bibere. » Ita ibi legendum **151**
esse, ex Ms. monui, supra, ad Vitam sancti Pauli
primi eremite, cap. 14, n. 55. Vide Onomasticon.

(8) *Psiathium.*] Frequens hæc dictio apud Asceticos
scriptores de lecto et mattula Ascetarum. Hæc ead-
em Vita, cap. 14, pro *psiathio* alia editio habet *mat-
tulam*. Vide dicta ad Vitam Pachomii, cap. 43, n. 40.

(9) *Abstinentiæ s:æ regulam, etc., non mutant.*] **B**
Ephraim sermone ascetico sive de vita monastica:
« Sancti probatissimique olim Patres, jactis firmiter
unius regulæ fundamentis, canonem, quem semel
arripuerant, ad finem usque vitæ retinuerunt. Nam
alii quinquaginta annis, alii pluribus. » etc. Idem
sermone parænetico de Adventu Domini: « Canonem
unum retine, sicut etiam sancti fecerunt Patres, qui
ad quinquaginta et ultra annos non mutarunt cano-
nem ac regulam. »

(10) *Per impositionem manus presbyteri ordinatus.*] **I**
Ita ipsis apostolorum temporibus ordinatio presbyte-
rorum manuum impositione seu *χειροθεσίᾳ* est facta:
(1 *Timoth.* iv, 14: v. 22.) Vide Onomasticon.

(11) *Ençi.*] Ita scribendum et legendum. Hactenus
editum *enci*. Quod etsi intelligi possit, quod instar
æris præ stupore dirigerint, non tamen ita scribit
auctor. Græce est *ἐνεός*. Est autem Græcis *ἐνεός; per-
cussus*. Hesychius, *ἐνεός, ἐκπληκτός*. Vide Onomast.

(12) *Cum magna phantasia.*] Id est, apparatu. Ni-
cephorus, libro xi, cap. 18, de Valente imperatore:
« Cum autem Epiphanius festus dies adesset, cum
universa, quam secum habebat phantasia, inanique
et splendida pompa in Ecclesiam venit. » Græce est,
ὄν τῇ περὶ αὐτὸν φαντασίᾳ.

C (13) *Chameuniis.*] Ita legendum. Quæ vox etiam
in manuscripto sæpe depravata est. Vetus editio
habet, *Cammeniis*. Coloniensis, *Caumeniis*. Quod
postremum ortum ex transpositione litterarum, quæ
in quibusdam valde solemnibus fuit.

JANUARI I.

VITA SANCTI BASILII (1), CÆSARÆ CAPPADOCIÆ ARCHIEPISCOPI, AUCTORE AMPHILOCHIO (2), ICONII EPISCOPO, INTERPRETE URSO (3) S. R. E. SUBDIACONO.

PRÆFATIO INTERPRETIS.

Beati Basilii, Cæsareæ Cappadociæ præsulis, Vitam me in Latinam vertisse dictionem, secundum postulationem tuam, cognosce. Neque enim inobediens esse tibi debeo, qui omnibus fratribus meis et proximis debitor sum. Sed utinam tam bene quam prompte, tam utiliter quam feliciter, quod postulasti, fecerim executus: præsertim cum necessario super hoc fueris exhortatus, et ut tantus vir apud Latinos, quemadmodum apud Græcos, celebris habeatur, jure satageris. Denique licet ejus quædam salutifera scripta sermo Latinus habeat, vita tamen illius quam sit admirabilis hactenus ignoratur. Et certe satis incongruum est quod docuerit sciri, et quid fuerit operatus nesciri: cum sanctus vir, utpote imitator illius de quo Lucas scribit, quia cœpit Jesus facere et docere (*Act.* 1), non solum verba Dei docebat homines, sed, ut magnus vocaretur in regno cœlorum, antea faciebat. Fruere igitur salubrius doctrinis ejus; et ne forte dicas illum docuisse et non fecisse, jam nunc scies quia fecit quod docuit, et de cætero habebis quod imiteris.

152 Licet ante hoc opus ego non præsumpserim aggredi, putans, ut ipse nosti, ab alio jam translatum, in quo merito ipse me reprehendi. Nunquidnam quia Scripturam sacram quidam interpretati sunt, idcirco posteriores interpretes hanc minus interpretati sunt? Si hoc esset, eandem sacram Scripturam Latinitas ex ipso Hebraico fonte per beatum Hieronymum Ecclesiae Romanae presbyterum (4), et divinae Bibliothecae cultorem, hactenus non hausisset.

Verum diligenter inquirens, nihil scriptum de Vita hujus sancti apud Latinos inveni, nisi duo miraculorum ejus (8), id est, de puero Christi negatore liberato, et muliere a peccatis erepta; quæ tamen adeo depravata reperi, ut rursus ea interpretari quam emendare maluissem.

Sane notandum est, quia cum quidam legunt in his Actibus quæ sanctus Amphilochius scripsit, discrepasse autumant ab his quæ sanctus Gregorius Nazianzenus in epitaphio (6) hujus magni viri commemorat, cum alter forte tacuerit quod alter non tacuit, id ipsum nobis inter Evangelistas reperientibus. Præsertim cum et idem Amphilochius, qui super tanti viri vita scripserint, hæc expositurus apte designet.

Prologus auctoris.

Charissimi, non inconveniens erat, sed justum, devotos filios super obitu patrio contristari, et ei dona lacrymarum offerre, quod hactenus compatiens egimus. At vero postquam luctus turbinem, secundum quod scriptum est, deposuimus, ad gratificam supplicationem omnium Domino Christo Deo nostro rependendam commoti sumus; operæ pretium duxi, tam memorabilem Vitam, quam vera miracula pastoris et magistri nostri Basilii, ne diutino transcurso temporis oblivioni profundæ tradantur, scripturæ fore mandanda.

Tribus enim sacratissimis et egregiis viris, Gregorio videlicet, qui in theologia claruit (7), et Gregorio memorabili Nysseorum (8) civitatis episcopo, sed et beato Ephræm (9), aliis atque aliter sermonibus epitaphicis tantum virum fulgidum exhibentibus, visum est et mihi tanquam abortivo, ut cum Apostolo dicam, cum præ manibus acceperem narrationes quæ ab utrisque admirandis viris editæ sunt, ea quæ his deesse videbantur supplere, more scilicet devoti filii debitum patri præsentantis, deorsum quædam, ut æstimari potest, assequens, et certam scientiam percipientis. Novit enim, novit nubes abscondere solem, et morosus bonarum narrationum transcursum facile introducit oblivionem.

Magnus igitur exstitit pastor noster, et famosus mundo Basilius cælestium virtutum consermocinator, angelorum ordinum comminister, prædicabilis Ecclesiae doctor, incorrupta dogmatum orthodoxorum columna; qui naturam existentium enucleatius explanavit, qui pessimum Trinitatis apostatam Julianum (10) deposuit, qui Valentis os (11) blasphemum obstruxit, qui Arianorum expresse nequissimum errorem devastavit, qui Christianorum liquido stabilivit rectam opinionem. Pastor acceptabilis Ecclesiae populi, regalis sacerdotii consors, circumamictus veritate Christi, ovium aries, divinae fidei magister inclutus; qui et vivens et post obitum magnis coruscavit miraculis, qui Deo odibilis Juliani, ut dictum est, extolentis in altum cornu, et loquentis adversus Deum iniquitatem, corruptionem oratione sua paravit. Interea Valens accipiens indigne Imperialem purpuram, et Arianorum nequam sensui patrocinium præstans, venit ad illustrem, quæ apud nos est, Cæsaris urbem. Verum qualiter, vel qua causa, non est præsentis temporis enarratio. Sed ad propositum redeamus; virtutes illius, quas a vulva usque ad finem habuit, narraturi.

VITA.

CAPUT PRIMUM. — Basilius solus super terram A per duodecim (15) moderatus est annos, Julianus, qui ad breve tempus Christianus fuit, atque Libanius (16). Hic autem præ omnibus admirabilis vir posuit in corde suo non participari panem vel vinum, donec ex superna provisione sapientiæ penetraret arcana. Moratus autem in eruditionibus quindecim annos, et omnem gentilem philosophiam transcurrens, in fine astronomiam quoque ac geometriam, et optima quæque legens, cum nullo modo valuisset per ea invenire omnium conditorem, quadam nocte vigilante illo, divinus quidam splendor inquit ut transcurreret nostræ religionis scripturam.

Surgens ergo properavit Ægyptum (17), et accedens ad quemdam Archimandritarum, nomine Porphyrium (18), petivit dari sibi sacros libros ad perceptionem divinorum dogmatum. Et hoc percepto mansit illic, dans operam meditationi divinorum eloquiorum, aqua et oleribus educatus. Anno vero

integrò ibidem moratus, et veritatis rationem fide A considerans, perseveravit scrutatus verbum veritatis, et petivit se dimitti Jerosolymam causa orationis (19) iturum, et illic miracula inspecturum, qui exoratus dimisit eum.

CAP. II. — Rediens autem illo, ubi Græcorum institutus est philosophia, cœpit persuadere multis philosophis et multitudini gentilium ostendere Christum, demonstrans illis viam salutis. Requirebat vero et præceptorem suum Eubulum (qui erat dux verbi) in vicissitudinem studiorum, quibus ab ipso fuerat institutus, ad trahendum eum et inclinandum immaculatæ fidei, utpote ipse bene currens ad eam. Omnesque docebat, qui philosophia imbuti erant, illum sequi quasi magistrum. Requirens autem eum in omnibus scholis, invenit in proastio (20) cum philosophis. Nihil erat enim apud eos studii quam dicendi quid ac audiendi novum. Disputante autem illo, reprehendit eum astans Basilius. Et quidam eorum qui cum ipsis erant dixit: Reprehendit te quis, o philosophe? Qui ait: Aut Deus, aut Basilius. Recognoscens ergo eum, et hos qui secum erant dimittens, aderat cum Basilio, et tribus diebus jejuni perseverantes, questiones invicem proponebant. Interrogavit itaque Eubulus Basilius: Quæ est definitio philosophiæ, Basili? Qui ait: Prima definitio philosophiæ, meditatio mortis. Ille vero admirans, ait: Quis est mundus? Ait: Qui est super mundum. Et dulces quidem sunt mundi sermones, ipse vero mundus vehementer amarus, si quis hunc vitiose retineat. Et alia est voluptas corporis, et alia incorporalis naturæ. Et pariter hæc cuiquam inesse impossibile constat. Nemo enim potest duobus dominis servire (*Matth.* vi). Verum, quantum virtus suppeditat, frangimus esurientibus panem scientiæ, et eos qui per malitiam quorumdam sine tecto sunt, per virtutem ducimus sub tectum. Si vero eum nudum videmus, amictu circumdamus, et domesticos seminis non despiciamus. Cumque dixisset hæc, imaginans ei parabolice Salvatoris nostri misericordiam, quam circa nos per penitentiam operatur, tres tabulas (21) sensim proponit in proforibus mentis, unam quidem in superioribus portarum virtutes ferentem, prudentiam videlicet, fortitudinem, temperantiam, et justitiam. In sinistra vero parte seductionem. Porro hinc et inde intemperantiam, profanationem, linguositatem, suasionem, et hujuscemodi examen malorum. Pœnitentiam autem decenter astantem intrepidam, hilarem, lenem, et contrariis quidem adversantem, populo vero bona omnia imprecantem. Præterea juxta hanc, abstinentiam, sagacitatem, clementiam, pudicitiam, pudorem, humanitatem, et multorum bonorum plebem. Sensus vero hujus historiæ videntibus quidem est monitio, audientibus autem zeli potioris occasio. Hæc et ipse ego videns delectatus sum, et in hoc ductus sum, o Eubule. Sunt quippe in nobis non imagines neque ænigmata, sed ipsa liquido veritas ad salutem adducens. Resurgemus

• Hoc caput deest in Vitis Patrum.

PATR. LXXIII.

enim omnes, hi in vitam æternam, hi in opprobrium et confusionem perpetuam: et astabimus ante tribunal Christi (*II Cor.* v), quemadmodum docent nos magniloqui prophetæ, Isaias, Jeremias, Ezechiel, Daniel, et David rex, et egregius Paulus. Et post hos ipse Dominus pœnitentiæ dator, et hujus recompensator, qui ovem perditam requisivit (*Matth.* xviii), qui recedentem a paternis sinibus cum multis divitiis puerum, et his luxuriose consumptis postea redeuntem, fame tabefactum, germane amplexus est, et adornans fulgida stola et annulo ac vestibus pretiosis, suadet nihil puero peccanti, non sævire, sed veluti fratri veniam dare (*Lucæ* xiv); sic absque invidia Dominus excellens bonitatem æqualem his, qui circa 154 undecimam horam venerunt, mercedem B dat (*Matth.* xx). Ipse et nobis pœnitentibus, et respicientibus, ex aqua et Spiritu sancto regenerationem donabit, quia nec oculus vidit, nec auris audivit, nec in cor hominis ascendit quæ præparavit Dominus diligentibus se (*I Cor.* ii). Horum ergo sensu intellecto, Eubulus ait: O Basili, cœlestis Trinitatis assertor, per te credo in unum Deum Patrem omnipotentem, et cætera; exspectans resurrectionem mortuorum, et vitam venturi sæculi, amen. Opere autem ostendam tibi fidem quæ in me est: quoniam, omnibus quæ mihi adsunt in manibus tuis datis, residuo vitæ meæ tempore, si placitum in conspectu Dei fuerit, tecum ero, suscepta ex sancta aqua seu Spiritu regeneratione. Ait autem Basilius: Benedictus Dominus Deus noster, ex hoc nunc et usque in sæculum, o Eubule, qui illustravit lumen verum in mente tua, et transtulit te a multorum errore deorum in agnitionem misericordiæ suæ. Porro si, ut fassus es, mecum pariter esse vis, ostendam tibi quo salutis nostræ modo provideamus, a vinculis istius sæculi liberandi. Venundemus omnia quæ nobis insunt, et tribuamus egenis, sicque demum ad sanctam civitatem pergamus, inspectores per nos efficiendi patrum ibidem miraculorum, et acquiramus fiduciam apud Deum. Taliter itaque ambo rebus suis pie distributis, sola ex his indumenta, quæ sancto baptismati præparari solent, ementes, Jerosolymam tendunt, convertentes ad Dominum gentilium multitudinem copiosam.

CAP. III. — Pervenientes vero ad Antiochi urbem, D diverterunt ad receptaculum quoddam. Filius autem hospitis, nomine Philoxenus, sedebat præ foribus in meditatione multa: erat autem hic discipulus Libanii sophistæ, a quo susceperat versus Homericos ad transferendum eos in rhetoricos. Et cum in multa tribulatione consisteret, laborando deficiebat; quem aspiciens Basilius dixit ad eum: Quare ita tristis es, adolescens? Ait: Quæ mihi utilitas erit, si dixerò tibi? Perseverante autem Basilio, et ei prodesse pollicente, dixit ei tam sophistam, quam etiam versus, et quia propter hoc laboro. Qui susceptis versibus cœpit dicere horum translationem. At vero adolescens stupefactus pariter et gavisus, in scriptis ex-

poni eam rogavit. Qui scripsit horum solutionem in tribus editionibus: puer autem suscepit eos gaudens, et diliculo pergit ad Libanium, et dat ei versuum enucleationem. Accipiens autem Libanius, et consternatus super translatione, dixit: Per divinam Providentiam nullus præsentium sapientium tale quid potest interpretari. Unde ergo est horum innovator? ait puer: Peregrinus quidam veniens ad hospitium meum, paratissime disseruit mihi horum dissolutionem. Nihil ergo negligens Libanius, cursim ad hospitium venit, et videns Basilium una cum Eubolo, et recognoscens eos, obstupefactus est pro inspirato utriusque adventu. Rogavit autem eos divertere in domum suam; et hoc consecutus, rogavit etiam ut suavem seum conditam sumerent escam. Qui pane et aqua, secundu consequentiam quæ ab ipsis tenebatur, mensurate perceptis, gratias egerunt Deo, et omnium datori bonorum. Paratissime itaque Libanius cœpit cum iis quærere, ac protendere verbositates rhetoricas. Illi autem proposuerunt ei de fide sermonem. At vero Libanius sentiens quæ dicebantur: Nondum est, inquit, tempus hujus operationis; cum autem jusserit superna Providentia, non est qui resistat. Sed quia in maximis mihi profuisti, o Basili, disputare quoque ad novitios meos ne dedigneris. Qui celeriter congregatis juvenibus, docebat eos munditiam animæ et impassibilitatem corporis, gressum mitem, vocem temperatam, sermonem ordinatum, cibum et potum imperturbabilem, coram senioribus silentium, ante sapientiores auditionem, circa prælatos subjectionem, circa æquales seu minores charitatem non fictam, pauca effari, plura vero intelligere; non exasperari sermone, non superabundare loquelis, non esse promptos ad risum, pudore ornari, cum mulieribus impudicis non colloqui, deorsum visum habere, sursum animam; fugere contradictiones, non didascalicam sequi dignitatem, nihil æstimare a quibuscumque collatos honores. Quod si quisquam vestrum aliis etiam prodesse potest, a Deo mercedem expectet, et æternorum bonorum vicissitudinem a Christo Jesu Domino nostro. His dictis, Basilium ad discipulos Libanii, et miris ab omnibus laudibus cumulatus, una cum Eubulo carpebat iter.

CAP. IV — Cumque Jerosolymam pervenissent, et omnem locum sacrosanctum fide et amore perlustrassent, et in eis Deum, qui super omnia est, adorassent, manifesti facti sunt episcopo civitatis, nomine Maximino (22). Et huic procidentes, postulaverunt adipisci divinam regenerationem in Jordane (23) flumine. Quos intuens sanctus hic vir Dei, gratia plenus, adimplevit petitionem ipsorum, et una cum fidelibus viris venit ad Jordanem. Cum autem Basilium accessisset ad ripam, projicit se super humum, et cum lacrymis et clamore valido patebat signum suæ fidei revelari. Et mox cum tremore consurgens **155** deponit vestimenta sua, et cum eis proculdubio veterem hominem, sic demum descendens in aquam orabat, et accedens sacerdos baptizavit eum. Et ecce fulgur ignis præfulsit eis, et columba (24) ex

A eo veniens descendit in aquam, et turbata aqua convolvit in cælum; hi vero qui astabant tremefacti glorificaverunt Deum; baptizatus autem Basilium exivit ab aqua. Admirans autem Maximinus Basilium dilectionem quam in Deum habebat, et oratione fusa super eum induit vestibus resurrectionis Christi. Baptizavit autem et Eubulum, et ungens etiam sancto chrismate (25), tradidit vivificam communionem, et rogavit Basilium Dei sacerdos post orationem sumere cibum, quod et fecit dicens: Domine Jesu Christe Deus noster, ita credo evangelicæ voci tuæ, et spero in benignitate tua, ait, manducans et bibens, vincam resistantem nobis diabolum cooperatione Spiritus sancti tui. Stupefactus autem sacerdos Dei in fide illius, reversus est cum eis in sanctam civitatem. Anniversario vero tempore illic demorantes, communi consilio venerunt Antiochiam, et Basilium a Meletio (26) ejusdem urbis episcopo ad diaconi ordinem promotus, et Proverbiorum (27) sermonem interpretatus, multa est admiratione proventus.

CAP. V. — Post non multo tempore transacto, properavit una cum Eubulo ad Cappadocensium regionem; et cum jam jamque ingressuri essent Cæsariensium civitatem, in visione noctis revelatus est tunc episcopo ipsius urbis, Eusebio (28) nomine, horum adventus, et quod Basilium ejus esset futurus successor. Qui expergefatus vocavit principem ecclesiasticæ administrationis, et quosdam venerabilium clericorum, et misit eos ad orientalem portam urbis, dicens eis visionem; cumque irent ad portam, obvii fuerunt eis, cum ingrederentur. Quos videntes et agnoscentes, rogaverunt ut ascenderent ad episcopum. Cumque intrarent, intuitus eos sanctissimus episcopus, et stupefactus in similitudine visionis, Deo gratias egit. Interrogavit autem unde venirent, et quo abirent, et quæ eorum essent vocabula, et discens, dixit diaconibus præbere quæ ad requiem eorum congruerent: qui adducentes eos ad insigne habitaculum (29), omnia obtulerunt ad suavitatem eorum. Eadem autem hora advocans sanctissimus vir lectissimos cleri et civitatis, enarravit eis ea quæ a Deo fuerant sibi revelata. Qui una voce dixerunt: Veraciter et hoc digna est munda vita tua, ut divinitus de cælo revelaretur is qui post te futurus est pontificalem thronum ornare. Unde nihil hæsitans fac quod tibi videtur. Episcopus autem advocato Basilio una cum Eubulo, cœpit scrutari cum eis sacras Scripturas; et admirans pelagus sapientiæ quæ inerat illis, et habitis eis idoneis assistoribus, non post multum temporis obiit. Conventientes ergo episcopi ad synodum (30), cum operatione Spiritus sancti eligunt Basilium ad thronum episcopalem. Qui videlicet consecratus gubernabat Ecclesiam Dei providentia.

CAP. VI. — Post aliquod vero tempus postulavit a Deo quo concederet sibi gratiam sapientiæ et intellectus, ut offerret per propria verba sua incruentum Deo sacrificium, et veniret in præsentiam sancti Spiritus: et post sex dies, velut in excessu mentis

adventa Spiritus sancti factus, septimo die cœpit ministrare Deo per singulos dies, et post aliquod tempus fide ac oratione multa, inchoavit propria manu scribere missæ mysteria. Et quadam nocte astans ei Dominus in visu cum apostolis propositionem panis faciens in sancto altari, erexit Basilium, dicens ei : Secundum petitionem tuam repleatur os tuum laude, ut per propria verba tua incruentum offeras sacrificium. Qui non ferens oculis visionem, surrexit tremefactus, et accedens ad sanctum altare cœpit dicere ac scribere in charta, ita : « Reple os meum laude (31), ut laudem gloriam tuam, Domine Deus, qui creasti nos, et adduxisti ad vitam hanc ; » et reliquas sanctæ missæ orationes. Et post finem orationum exaltavit panem (32), proluxe orans et dicens : « Attende, Domine Jesu Christe, Deus noster, de sancto habitaculo tuo, et veni ad sanctificandum nos, qui sursum cum Patre sedes, et hic nobiscum invisibiliter ades, et dignare potenti manu tua tribuere nobis et per nos omni populo sancta sanctis. » Populus respondit : « Unus sanctus, unus Dominus Jesus Christus cum sancto Spiritu in gloria Dei Patris. Amen. » Et dividens panem in tres portiones, unam quidem suscepit cum timore multo, aliam vero servavit ad conspeliendum sibi (33), tertiam autem positam (34) super columbam auream, suspendit super altare. Eubulus autem et cleri principes simul præ foribus templi stantes, videbant lumen intelligibile in templo, et homines clarissime candidatos, et vocem populi glorificantis Dominum, et Basilium altari astantem ; et consternati super visione, ceciderunt in faciem, cum lacrymis glorificantes Dominum. Cum autem exisset Basilium, ceciderunt ad pedes. Qui interrogavit causam adorationis et adventum eorum. Illi vero dixerunt gloriosissimum miraculum quod viderunt in templo. Tunc Basilium extense gratias **158** agens Domino, enarravit gloriosissima. Et advocato aurifice, fecit columbam de auro mundissimo, et in ea posuit portionem, suspendens super sanctam mensam, instar sanctæ illius columbæ quæ apparuit in Jordane Domino baptizato. Hoc autem facto, repromisit sermonem exhortationis se dicere ad populum ; et collocata est infinita multitudo in ecclesia, inter quos erat vir magnus, Dei cultor Ephræm (35), de quo postmodum enarrabimus, qualiter ex apparitione divina inspector factus fuerit memorandi Basilii.

CAP. VII. — Itaque cum divinum celebraretur officium, Hebræus (36) quidam, ut Christianus, se populo miscuit, ordinem officii et donum communionis explorare volens, et videt infantulum membratim incidi in manibus Basilii ; et communicantibus omnibus venit et ipse, et data est ei in veritate caro ; deinde adest et calici, qui erat sanguine plenus, et ipsius particeps est effectus. Atque ex utroque conservatas reliquias, pergens in domum suam, ostendit uxori suæ, ad confirmationem eorum quæ dicebantur, enarrans quæ propriis viderat oculis. Credens ergo quod reuera horrendum sit et gloriosum

Christianorum mysterium, in crastinum adit Basilium supplicans ei quo sine dilatione acciperet in Christo signaculum. Qui nihil negligens, solitas grates ei, qui omnes vult salvari, referens, baptizavit eum cum omni domo sua credentem in Dominum.

CAP. VIII. — Helladius (37) autem sanctæ recordationis, qui inspector et minister fuit miraculorum quæ ab eo patrata sunt, quiq̄ post obitum ejusdem apostolicæ memoriæ Basilii sedem illius suscipere meruit, vir et miraculis clarus, atq̄e omni virtute ornatus, retulit mihi quia cum senator quidam fidelis, nomine Proterius (38), pergeret ad sancta et percolenda loca, et ibidem filiam suam tondere (39), et in unum venerabilium monasteriorum mittere, et sacrificium Deo offerre voluisset, diabolus, qui ab initio homicida est, invidens ejus religioso proposito, commovit unum ex servis ejus, et hinc ad puellæ succendit amorem. Hic itaque cum tanto voto esset indignus, et non auderet propositurum saltem contingere, alloquitur unum ex detestandis maleficis, repromittens illi ut si forte arte sua posset illam commovere, multam ei auri tribueret quantitatem. At vero veneficus dixit ad eum : O homo, ego ad hoc impos existo ; sed si vis, mitto te ad provisorum meum diabolum, et illi faciet voluntatem tuam, si tu duntaxat feceris voluntatem ejus. Qui dixit ad eum : Quæcunq̄e dixerit mihi, faciam. Ait ille : Abrenuntias, inquit, Christo in scriptis ? Dicit ei : Etiam. Porro iniquitatis operarius dicit ei : Si ad hoc paratus es, cooperator tibi efficiar. Ille autem ad ipsum : Paratus sum, tantum ut consequar desiderium. Et facta epistola, pessimæ operationis minister ad diabolum destinavit eam, habentem dictatum hujusmodi : « Quoniam dominus et provisorio meo oportet me dare operam, quo a Christianorum religione discedant, et ad tuam societatem accedant, ut compleatur portio tua, mihi tibi præsentem, meas deferentem litterulas, cupidine puellæ sauciatum. Et obsecro ut hujus voti compos existat, ut et in hoc glorier, et cum affluentiori alacritate colligam amatores tuos. » Et data ei epistola, dixit : Vade tali hora noctis, et sta supra monumentum alicujus pagani, et erige chartam in aera, et astabunt tibi qui te debent ducere ad diabolum. Qui hoc alacriter gesto, emisit misererrimam illam vocem, invocans diaboli adjutorium ; et continuo astiterunt ei principes potestatis tenebrarum, spiritus nequitiae (*Ephes. vi*), et suscepto qui fuerat deceptus, cum gaudio magno duxerunt eum ubi erat diabolus, quem et monstraverunt ei super excelsum solium sedentem, et in gyro ejus nequitiae spiritus circumstantes ; et susceptis venefici litteris, dixit ad infelicem illum : Credis in me ? Qui dixit : Credo. Dixit ei diabolus : Tergiversatores estis vos Christiani, et quidem quando me opus habetis, venitis ad me ; cum autem consecuti fueritis effectum, abnegatis me et acceditis ad Christum vestrum, qui cum sit bonus atq̄e misericors, suscipit vos. Sed fac mihi in scriptis tam Christi tui et sancti bapti-

smatis voluntariam abrenuntiationem, quam in me per sæcula spontaneam repromissionem, et quia mecum eris in die iudicii simul perfruiturus æternis suppliciis, quæ mihi sunt præparata. At ille exposuit propriæ manus scriptum, quemadmodum fuerat expetitus. Rursusque ille corruptor animarum draco destinat dæmones fornicationi præpositos (40), et exardescere faciunt puellam ad amorum pueri, quæ projecit se in pavementum, et cœpit clamare ad patrem : Miserere mei, miserere, quia atrociter torqueor propter talem puerum nostrum. Compatere visceribus tuis, ostende in me unigenitam tuam paternum affectum, et junge me puero, quem eligi. Quod si hæc agere nolueris, videbis me amara morte post paululum mortuam, et rationem dabis Deo pro me in die iudicii. ¶ 57 Pater autem cum lacrymis dicebat : Heu mihi peccatori ! quid est quod contigit miseræ filiæ meæ ? quis thesaurum meum furatus est ? quis filiæ meæ injuriam intulit ? quis dulce oculorum meorum lumen exstinxit ? ego te semper supercœlesti sponso consiliatus sum desponsare Christo, et Angelorum contubernio sociam constituere, et in psalmis et hymnis et canticis spiritualibus canere Deo accelerabam, tu autem in lasciviam petulantia insanisti. Dimitte me, sicut volo, cum Deo contractum facere, ne deducas senectutem meam cum mœrore in infernum, neque confusione nobilitatem parentum tuorum operias. Quæ in nihilum reputans quæ a patre sibi dicebantur, perseverabat clamans : Pater mi, aut fac desiderium meum, aut prius paxillum mortuam me videbis. Pater itaque ejus in magna demeritatione constitutus, tam immensitate mœstitiæ absorptus, quam amicorum consiliis acquiescens se admonentium ac dicentium expedire potius voluntatem puellæ fieri, quam sese manibus interficere, consensit, et præcepit fieri desiderium puellæ potius, quam eam exitiabili tradere morti. Et mox protulit puerum qui quærebatur, simul et propriam genitam, et dans eis omnia bona sua, dixit : Salve nata vere misera ; multum lamentaberis repœnitens in novissimis, quando nihil tibi proderit. Porro nefandi matrimonii conjugio facto, et diabolicæ operationis completo facinore, et pauco tempore prætereunte, notatus est puer a quibusdam, quod non ingrederetur ecclesiam, neque attrectaret immortalia et vivifica sacramenta, et dicunt miserandæ uxori ejus : Noveris quia maritus tuus, quem elegisti, non est Christianus, sed extraneus est a fide, et penitus est alienus. Quæ tenebris et dira plaga referta, projecit se in pavementum, et cœpit unguis semetipsam discerpere, et percutere pectus atque clamare : Nemo unquam qui parentibus inobediens fuit, salvus factus est. Quis annuntiabit patri meo confusionem meam ? Heu mihi infelici in quod perditionis profundum descendi ! quare nata sum ? vel nata quare non statim indireptibilis [Gr. ἀνάρπαστος, abrepta] facta sum ? Hujusmodi ergo eam complorantem seductus vir ejus agnoscens, venit ad eam, asseverans non se ita rei veritatem habere : quæ in refrigerium

suasoriis ejus verbis deveniens, dixit ad eum : Si vis mihi satisfacere, et infelicem animam meam certificare, cras ego et tu pergemus unanimiter ad ecclesiam, et coram me sume intemerata mysteria, et taliter mihi poteris satisfacere. Tunc coactus dixit ei sententiam capituli. Protinus ergo puella feminea infirmitate deposita, et consilio bono accepto, currit ad pastorem et discipulum Christi Basilium, adversus tantam clamans impietatem : Misericordiam mihi miseræ præsta, sancte Dei, miserere mei, discipule Domini, quæ contractum cum dæmonibus feci. Miserere mei, quæ proprio patri facta sum inobediens. Et cognita illi fecit rei gestæ negotia. Porro sanctus Dei, convocato puero, sciscitabatur ab eo si hæc hujusmodi essent. Qui ad sanctum cum lacrymis ait : Etiam, sancte Dei. Nam etsi ego tacuero, opera mea clamabunt. Et enarravit ei et ipse malignam diaboli operationem, qualiter ab exordio usque ad finem fuerit subsecutus. Tunc dicit ei : Vis converti ad Dominum Deum nostrum ? Qui dixit : Etiam volo, sed non possum. Dicit ei : Cur ? Respondit : In scriptis abrenuntiavi Christo, et fœdus pepigi cum diabolo. Dicit ei sanctus : Non tibi sit curæ : benignus est Deus noster, et suscipiet te penitentiam agentem. Benignus enim est super malitiis nostris. Et projiciens se puella ad pedes ejus, evangelice rogabat eum, dicens : Discipule Christi Dei nostri, si quid potes, adjuva nos. Dicit sanctus ad puerum : Credis posse salvari ? At ille dixit : Credo, Domine ; adjuva incredulitatem meam (Marci ix). Et confestim apprehensa manu ejus, et facto super eum Christi signo simul et oratione, retrusit illum in uno loco, intra quem sacri habebantur amictus (41). Et data ei regula oravit et ipse pro illo per tres dies. Post quos visitavit eum, et dixit : Quomodo te habes, fili ? Dicit ei puer : In magna sum, domine, defectione. Sancte Dei, non suffero clamores, pavores, jacula, et lapidationes ipsorum. Tenentes enim propriæ manus meæ scripturam, objurgantur in me, dicentes : Tu venisti ad nos, non nos ad te. Et dicit ei sanctus : Noli timere, fili mi, tantummodo crede. Et data ei modica esca, et facto super eum Christi denuo signo et oratione, inclusit eum ; et post paucos dies visitavit illum, et dixit : Quomodo te habes, fili ? Ait : Pater sancte, a longe clamores eorum audio simul et minas ; nam non video illos. Et rursus dato ei cibo, et effusa oratione clausit ostium, et discessit. Præterea quadragesimo die abiit ad eum, et dicit illi : Quomodo te habes, frater ? Respondit et dicit ei : Bene, sancte Dei. Vidi enim te hodie in somnis pugnantem pro me, et vincentem diabolum. Mox ergo secundum consuetudinem facta oratione eduxit illum, et duxit illum ad cubiculum suum. ¶ 58 Mane autem facto, convocato tam venerabili clero quam monasteriis et omni Christo amabili populo, dixit eis : Filii mei dilecti, universi gratias agamus Domino ; ecce enim futurum est ut ovem perditam pastor bonus super humeros suos imponat (Lucæ xv), et reducat Ecclesiæ ; et nos oportet pervigilem ducere noctem, et

deprecari voluntatem ipsius, ut non vincat corruptor animarum. Quo protinus acto, et promptissime populo congregato, per totam noctem una cum bono pastore deprecati sunt Deum, cum lacrymis pro ipso clamantes, Kyrie eleison. Et diluculo una cum omni multitudine populi assumit sanctus puerum, et tenens dexteram manum ejus, duxit eum in sanctam Dei ecclesiam cum psalmis et hymnis. Et ecce diabolus, qui vitæ nostræ semper invidet, si hanc sine tristitia viderit, cum tota perniciosa virtute sua venit, et puero invisibiliter comprehenso, voluit rapere illum de manu sancti; et cœpit puer clamans dicere: Sancte Dei, auxiliare mihi, et adeo contra illum impudenti instantia venit, ut ipsum egregium Basilium simul cum illo impelleret et subverteret. Conversus ergo sanctus ad diabolum ait: Impudentissime, et animarum violator, pater tenebrarum et perditionis, non tibi sufficit tua perditio, quam tibimet ipsi et his qui sub te sunt acquisisti, sed adhuc non quiescis, et Dei mei plasma tentando? Diabolus vero dixit ad eum: Præjudicas mihi, Basili, ita ut multi ex nobis audirent voces ejus. At vero sanctus Dei ad illum: Increpat, inquit, tibi Dominus (*Judæ epist.*), diabole. At ille: Basili, præjudicium mihi facis. Non ivi ego ad eum, sed ille venit ad me, abrenuntiando Christum, mecumque est sponse pactuatus, et ecce scriptum habeo et in die iudicii coram communi iudice deferam illud. Sanctus autem Domini dixit: Benedictus Dominus Deus meus, non deponet populus iste manus ab excelso cœli, nisi reddideris scriptum. Et conversus dixit plebi: Tolle manus vestras in cœlum, universi clamantes cum lacrymis, Kyrie eleison. Cumque staret populus hora multa extensas habentes manus in cœlum, ecce scriptum pueri in aerem deportatum, et ab omnibus visum venit, et positum est in manus egregii patris nostri pastoris Basilii. Suscepto autem illo, gratias egit Deo, gavisusque vehementer una cum universa plebe, dixit ad puerum: Recognoscis litterulas has, frater? At ille dixit ad eum: Etiam, sancte Dei, propriæ manus meæ scriptura est. Et dirupta scriptura introduxit eum in ecclesiam, et dignus habitus est sacris interesse missarum officii, et participatione sacrorum mysteriorum, et muneribus Christi. Et facta susceptione magna recreavit universum populum, et ducto puero et instructo, atque data ei decenti regula, tradidit eum uxori ejus, indesinenter glorificantem et laudantem Deum. Amen.

CAP. IX. — Enarravit autem et hoc prædictus nobilis vir Helladius, quoniam una dierum resplendente, sanctus pater et magnus Basilius profectus est de civitate nostra, nemini dicens quo esset iturus. Et ingressus coram nobis dixit: Filii mei, sequimini me, ut videatis mecum gloriam Dei, et admiremur discipuli magistrum. Mox ergo ut proficisci cœpit de civitate nostra communis pater noster, agnovit eum per virtutem Spiritus sancti Anastasius (42) presbyter, et dicit nominatim quidem uxori suæ, usu autem sorori (43): Ego vadam ad culturam agri, domina

ami soror, sed surge et orna domum tuam, et circa horam nonam tolle thuribulum et cereos (44), obviam vade sancto Basilio archiepiscopo; venit enim applicare in domo nostra. Illa autem tremefacta super tam gloriosum dictum, fecit ut edocta est; erat autem illa virgo pudice vivens quadraginta transiens annos cum conjugate suo conservans secretum, sterilem se simulans hominibus. Obvians autem nobis cum debita modestia, congruentem salutationem tribuens primum quidem benedicatur a sancto Patre nostro; deinde dicit illi: Quomodo habes, domina Theognia (45)? Illa vero, stupefacta de vocatione nominis, dicit ei: Bene, sancte Dei. Dicit illi sanctus Pater noster: Ubi est dominus Anastasius presbyter, frater tuus? Dicit ei: Maritus meus est, domine, et ivit ad colendam terram. Qui dixit: In domo tua est, et ne fatigeris. Verecunda ergo mulier non solum de verbo hoc, atque vocabulo nominis sui, verum etiam quod dixerat ei deifer Pater noster, quoniam quidem mulier existeret nomine, soror vero usu, et stupefacta, tremoreque concussa, cecidit in terram, clamans et dicens: Sancte Dei, ora pro me peccatrice, quia magna et miranda intueor opera. Et facta super illam benedictione, coram omnibus dixit ei: Extende pannum inter brachia tua. Et cum extendisset, jussit effundi carbones de thuribulo in pannum, superponens incensum; et ante omnes ibat, et venientibus nobis in domum presbyteri, obviavit: et ipse deosculans honorabiles ejus pedes, dedit illi in Domino salutationem, et dicit ei presbyter: Unde mihi hoc ut veniat sanctus Dei ad me? Et dicit ei Pater noster: Bene te invenit, discipule Christi; eamus et faciamus sanctam Dei missam. Erat enim ipse presbyter Dei jejunans per **159** singulos dies, absque Sabbato et Dominica, non contingens aliquod nisi panem et aquam. Et pergentibus nobis ad ecclesiam, præcepit presbytero, ut missas caneret. Ille autem ait ad eum: Sancte Dei, sicut doces, qui malus est a meliore benedicatur. Dicit ei sanctus pater noster: Cum omnibus studiis tuis habeto obedientiam. Consentiens autem presbyter astitit ad sanctam missam, et tempore exaltationis vivificæ corporis Domini nostri Jesu Christi vidit sanctus Dei, et quidam de dignis, sanctum Spiritum descendantem in specie ignis, circumdantem presbyterum, et sanctum altare. Communicantes autem, et gratias agentes Domino, ivimus in domum presbyteri, et sumentes escam, dixit illi sanctus Dei: Refer mihi unde tibi thesaurus iste, et quæ est vita tua? Dixit ei presbyter: Ego, sancte Dei, peccator sum, subjacens publicis tributis. Habeo juga boum duo, unum quidem ego duco (46), alterum autem mercenarius meus, et unum quidem est in administratione peregrinorum, unum autem in administratione vectigalium, et est confamula mea hæc, ministrans hospitibus et mihi. Dicit illi: Voca illam sororem, juxta quod et est, et dic mihi actus tuos. Dicit ei presbyter: Non possideo bonum super terram, extraneus sum omnium virtutum. Dicit ei communis Pater noster: surge et eamus simul; et

ducit illam in unam cellulam domus ejus, et dicit ei : Aperi januam. Et dicit ei : Sancte Dei, ne jubeas ingredi, quoniam necessaria est domus (47). Dicit ei sanctus : Et ego ad hoc opus veni. Nolente ergo presbytero aperire clave, sermone aperuit Pater noster egregius, et ingressus invenit illic virum ulcerosum, cui defluerant plurima corporis sui membra, et nullus eum sciebat illic esse, nisi presbyter et hujus soror. Dicit ei sanctus Pater : Quare voluisti abscondere thesaurum istum? Dicit ei presbyter : Furiosus est, domine, et injuriosus, et timui ne forte caderet in verbo. Dicit ei pater : Bene certasti in illum, sed dimitte me nocte ista ministrare illi, ut et ego per te mercedem consequar. Et dimittentes sanctum cum ulceroso in cellulam, nec vocem habente loquendi prae imbecillitate passionis, claudentes ostium discessimus. Medicus autem vulnerum, faciens super eum orationem, per totam noctem deprecans Deum, omnem languorem et omnem infirmitatem sanans, curavit eum. Dicit ergo nobiscum presbyter : Gloria tibi, Deus, qui facis mirabilia timentibus te, et orationes eorum exaudis. Ecce medicus aegrotum fecit sanum. Et statim clamavit sanctus Dei ut aperiremus januam. Eduxit itaque ulcerosum totum sanum, non habentem cicatricem in corpore suo, loquentem clare, et glorificantem Deum. Hoc autem magno miraculo facto, reversi sumus in civitatem nostram, cum gaudio laudantes et benedicentes Deum, cui est honor et gloria in saecula saeculorum. Amen.

CAP. X. — Mulier quaedam (48) nobilis genere, et divitiis saecularibus orta, et vanitatis hujus mundi composita, et in omnibus superexaltata, et vidua effecta, indecenter devoravit pecuniam, luxuriose vivens, styppo semetipsam subjiciens, nulla quae Deo sunt placita agebat, sed porcorum similitudine in sterquilinio pervoluta. Nutu quidem Dei aliquando in semetipsam reversa, immensurabilem ejus facinorum illuminata mente, taciturno silentio recordabatur multitudinem peccatorum suorum, et dolenter plorabat dicens : Vae mihi peccatrici, quomodo reddam rationem de multitudine peccatorum meorum : spirituale templum corrupti, habitantem in corpore animam coinquinavi. Vae mihi, vae mihi, quid operabar? quid mihi contigit? dicam sicut metetricem illam, aut sicut publicanum illum peccasse? [Alius interp. addit : Sed nemo sicut ego peccavi, maxime post sanctum baptismum. Quomodo ergo certa ero quia poenitentem me suscipiet Deus?] Haec omnia intra se considerante, ille qui omnes vult salvos facere, et in censuram veritatis reducere, et neminem vult perire, in ejus memoriam reducere dignatus est, quae a juventute sua perpetrarat peccata. Et sedens ea quae ab adolescentia sua usque ad senectutem fecerat delicta, scripsit in charta. Novissime vero scripsit magnum quod fecerat pessimumque peccatum, et plumbo bullavit (49) chartam illam. Praevidens vero tempus aptum, quando sanctus Basilius solitus erat orationis causa ad ecclesiam accedere, praecurrens subito, jactavit chartam illam ante pedes

ejus ; et prosternens se ante faciem ejus, dicebat Miserere, miserere mihi peccatrici, sancte Dei, super omnibus peccatis. Stans vero beatissimus ille, sollicitate inquirebat ab ea quidnam esset ejus mugitus et ululatus. Illa dixit : Ecce, sancte Dei, omnia peccata et delicta mea scripsi in hac charta, et bullavi ; tu autem, sancte Dei, bullam istam minime movcas, sed tantummodo de tuis sanctis orationibus omnia haec dele. Magnus quidem sanctus Basilius elevans chartam illam, et attendens in caelum dixit : Tibi, Domine, soli sunt opera istius manifesta, tu quidem mundi hujus abstulisti peccata, et de sola ista anima facilius delere potes. Omnia quidem nostrorum facinora dinumerata sunt apud te ; tu enim misericordia immensa es, et investigabilis. ¶ Et haec dicens Bintroivit in sanctam ecclesiam, tenens praefatam chartam in manibus ; et prosternens se coram altari, et per totam noctem, et in crastinum per tota missarum solemnia deprecans Deum. Et accersita feminilla, porrigit ei chartam, et dixit ad eam : Audisti, mulier, quia nullus potest demittere peccata nisi solus Deus? Illa dixit : Audivi, Pater, et ideo te promovi, Pater, ad intercedendum apud Deum misericordissimum pro me. Et haec dicens, solvit chartam et reperit eam totam deletam. Remanserat enim magnum illud peccatum, quod fecerat, solum scriptum. Videns autem illa hoc peccatum minime deletum, percutiens se in pectore, angustiari coepit, ceciditque ante pedes ejus, cum lacrymis clamans, et dicens : Miserere mihi, serve Dei excelsi, et sicut de omnibus peccatis meis certamen habuisti, et exauditus es, et pro hoc solo intercedere vales, ut ipsum peccatum deleatur. Sanctus vero Basilius lacrymatus est praemisericordia, et dixit : Surge, mulier, et ego homo sum peccator, necesse habens indulgentiam. Qui delevit, remisit tibi peccata quae voluit ; potens est enim Deus et hoc unum peccatum auferre a te, ille qui abstulit peccata mundi : si amodo observaveris, et in viis Domini ambulaveris, non tantum indulgentiam habebis, sed et gloria dignaberis. Vade autem in eremum, et illic invenies sanctum hominem nominatum inter omnes sanctos Patres, nomine Ephraem. Illi porrige hanc chartam, et ipse intercedet, et obtinebit apud Dominum pro te. Tunc mulier commendavit se sancto Dei episcopo, et cucurrit in eremum, et pertransiit longitudinis iter. Pervenit ad magnum et mirabilem eremitam, nomine Ephraem, et pulsans januam clamabat dicens : Miserere mihi, miserere, sancte Dei. Ille vero praevidens in spiritu, pro qua petitione advenerat, dicit ei : Vade, mulier, quoniam ego peccator homo sum, necesse habeo et ego adiutorium. Illa autem jactavit chartam dicens : Sanctus Basilius archiepiscopus misit me ad te, ut depreceris Deum, ut peccatum quod in hac charta scriptum est, deleatur. Reliqua vero plura peccata sanctus Basilius orans delevit, et tu, sancte Dei, de uno delicto ne pigriteris intercedere ad Deum, quia ad te missa sum. Tunc confessor ille dixit : Non, filia. Nunquid qui de

multitudine illorum facinorum potuit obtinere apud Deum, et de hoc uno non potest intercedere et obtinere? Vade etenim, ne tardaveris, ut eum jungere debeas, priusquam anima ejus de corpore proficiscatur. Tunc mulier illa commendavit se sancto confessori Ephræm, reversa est in Cæsaream. Cum autem ingressa esset urbem, obviavit corpus deducentibus sancti Basilii, et videns prostravit se in terram, cœpit clamare adversus sanctum Dei, dicens: Væ mihi peccatrici, væ mihi consumptæ, væ mihi, sancte Dei, pro hoc direxisti me in eremum, ut de me sine fatigatione proficisceres; et ecce sine operibus reversa sum, in vanum devorans tantæ multitudinis pelagi viam iteranti. Videat Dominus Deus, et judicet inter me et te, quoniam potuisti intercedere et obtinere apud Deum, nisi ad alium me dirigeres. Et hæc dicens, jactavit præfatam chartam supra stratum, in quo ducebatur corpus sancti Basilii. Et minutius referebat rei eventus coram omni populo. Unus quidem ex clero volens cognoscere quodnam esset peccatum illud, elevans chartam illam et solvens, reperit eam totam deletam, et mundam, clamans voce magna illi femine: O mulier, charta ista scripta non est; quid enim in tali labore et angustia consumeris, nesciens magnalia Dei in te facta, et investigabilem ejus misericordiam. Multitudo quidem populi videntes tale gloriosum miraculum et magnum, glorificabant Deum, qui potestatem talem habet, ut in terris remittat omnium peccata; et daret gratiam servis suis, ut post discessum eorum sanent omnem languorem, et omnem infirmitatem, remittendique omnium delictorum facinora potestatem concessit his qui rectam fidem Domino conservant, certantes in bonis operibus, et glorificantes Deum et Dominum nostrum Jesum Christum.

CAP. XI.—Fratres (50), narrationem volo facere de Basilio, nobili scilicet, et Ephræm Syro. Et quædam quidem ex Patris nostri, quædam autem ex non mentientis ore sancti et mirabilis Ephræm audivi. Est vero ita:

Ephræm nobilis existens in eremo, quædam quidem illustratione sancti Spiritus videns, quædam vero ex desiderio et interrogatione ediscens miranda nobis nostri Patris Basilii, sine intermissione rogabat revelari sibi (51), qualis esset Magnus Basilius. In exstasi ergo factus, vidit columnam ignis, cujus caput pertingebat ad cælum, et vox desursum dicens: Ephræm, Ephræm, quemadmodum vidisti columnam hanc ignis, talis est et magnus Basilius. Et statim tollens interpretem, eo quod nesciret loqui linguam Græcam, venit in magnam ecclesiam magni nominis Cæsareæ, et pervenit in sanctam festivitatem **IC** Theophaniæ, et ingrediens occulte vidit procedentem in ecclesia magnum Basilius, et dixit sequentibus se: Quoniam in vanum laboravimus; puto enim, frater iste, in tali ordine existens, non est juxta quod vidi. Erat enim circumdatus stola candida, et circa eum venerandus clerus candidatus et obsequens ei. Et stans in loco absconso ecclesiæ as-

pexit ordinem, dicens in semetipso: Nos qui portavimus pondus diei et æstus, nihil proficimus; et hic in tali obsequio et honore humano, columna ignis exstitit! miror. Hæc eo dicente, mittit sanctus archidiaconum suum, dicens: Vade contra portam occidentalem, et in angulo ecclesiæ invenies abbatem cum alio quodam, habentem cucullam, raribarbiam, pusillum, et cætera vultus ejus, et dices ei: Ingredere sacrarium (52), invitat te pater tuus archiepiscopus. Et discens per interpretem dictam, respondit dicens: Errasti, frater, nos hospites sumus. Et pergens archidiaconus renuntiavit hæc magno Basilio sacros libros recitanti. Videt sanctus Ephræm linguam igneam loquentem per os ejus, et dicit diacono: Vade, et dices domino Ephræm, jube intrare in sanctum tribunal (53); vocat te archiepiscopus ut ingrediaris in sanctum tribunal. Stupefactus ergo super his sanctus, glorificans Deum, et faciens mentem (54), respondens ei dixit: Veraciter magnus Basilius, veraciter columna ignis Basilius, veraciter Spiritus sanctus loquitur per os ejus. Rogavit autem archidiaconum ut renuntiaret ei, quoniam magis post missas (55) in secretario salutabo eum. Ingrediens ergo post absolutionem missæ in secretarium, vocavit sanctum Ephræm, et in Domino osculum (56) tradidit ei. Dicit illi: Bene venisti, quia multiplicasti discipulos Christi in Ecclesia, et dæmones expulisti per Christum, in quo est labor tuus. Pater, venisti videre peccatorem hominem. Det tibi Deus mercedem secundum laborem tuum. Et respondens ei honorabilis Ephræm, et dicens omnia quæ in corde suo versabantur, una cum abbate qui cum illo erat communicavit in sanctas manus ejus, et faciente eo charitatem dixit sanctus Ephræm: Pater honorande, unam peto gratiam abs te, et hanc concede dari mihi. Qui dixit ad eum: Jube, dic quæ videntur tibi, multa enim tibi debeo: et maxime propter laborem tuum, et tui adventus. Dicit ei Ephræm: Scio Pater sancte, quia quæcunque petis a Deo, concedet tibi; volo ut depreceris Deum, ut loquar Græce (57). Qui dixit ei: Super potentiam meam petiisti; sed quia fideliter petiisti, veni Pater, et eremi præceptor, deprecemur Dominum, potens est enim facere voluntatem tuam. Scriptum est enim: *Voluntates timentium se faciet, et orationes eorum exaudiet, et salvos faciet eos (Psal. XLIV)*. Et facientibus orationes per plurimas horas, surgens dixit magnus Basilius: Quare, domine Ephræm, non accipis consecrationem presbyterii, quoniam congruit tibi? Dicit ei per interpretem: Quoniam peccator sum. Respondit illi: Utinam peccata tua ego haberem! Et dicit ei: Mittamus genuflexionem, et jacentibus super pavementum, posuit manum super sanctum Ephræm magnus sacerdos, et dixit orationem diaconii, et dicit illi: Jube, subleva nos. Repleta ergo lingua ejus, dicit sanctus Ephræm Græca lingua: Salva, miserere, suscipe, et conserva nos Deus in tua gratia; et consummatum est quod scriptum est: Tunc saliet sicut cervus claudus, et aperta erit lingua

balbatientium (*Isa. xxxv*). Et loquente eo Græce, A terpretem diaconum, et ipsum presbyterum (58), ipsa hora glorificaverunt Dominum, qui omnia potest, et exaudivit orationes timentium se. Et spiritaliter lætantes per tres dies, et consecrans illum in-

ROSWEYDI NOTATIO.

(1) *Basilii*. Martyrologium Romanum 1 Januarii : « Cæsareæ in Cappadocia depositio sancti Basilii episcopi, cujus celebritas xviii Kalendas Julii, qua die ordinatus fuit episcopus, potissimum recolitur. » De qua ejus ordinatione in episcopum ibidem 14 Junii : « Cæsareæ in Cappadocia ordinatio sancti Basilii episcopi, qui tempore Valentis imperatoris doctrina et sapientia insignis, omnibusque virtutibus ornatus, mirabiliter effulsit, et Ecclesiam adversus Arianos et Macedonianos mira constantia defendit. » Menologium Græcum, 1 Januarii : « Eodem die, commemoratio S. P. N. Basilii. » In Menæis, eodem die, fusius de eo agitur. Cujus etiam memoria cum Gregorio Nazianzeno theologo, et Joanne Chrysostomo ibidem celebratur 30 Januarii, et utroque loco *magni* (μεγάλου) epitheto honestatur. Evagrius, in Gnostico, Basilium vocat *veritatis columnam*. Ita refert Nicephorus, lib. vi, § 2 cap. 43. Gregorius Nyssenus, in Encomio Ephræm, ait Basilium esse *os Ecclesiæ, auream doctrinam lusciniæ*. Ipsi Ephræm dicitur in encomio ejus, ἡ βᾶσις τῶν ἀρετῶν, βίβλος τῶν ἐπαύλων, *gressus virtutum, liber laudum*. Qui et aliis præclaris elogiis eum ibi exornat. Theodoretus, lib. iv, cap. 19. Ὁ τῆς οἰκουμένης φωστῆρ : *præfulgidum lumen orbis universi*. Varia ejus elogia vide initio Operum ejus. Res ejus præclare gestas laudatissimis suis Annalibus intexuit cardinalis Baronius. Qui ex veteribus Basilii encomium scripserint, declarat hic ipse Amphilocheus in Prologo.

(2) *Amphilocheio*.] Martyrologium Romanum, 23 Novembris : « Iconii in Lycaonia sancti Amphilocheii episcopi, qui sanctorum Basilii et Gregorii Nazianzeni in eremo socius, et in episcopatu collega, post multa certamina pro catholica fide suscepta, sanctitate et doctrina clarus quievit in pace. » Menologium Græcum eodem die : « Natalis S. P. N. Amphilocheii, episcopi Iconii, sub Theodosio imp. Magno, vir divinarum litterarum peritia, et sanctitate vitæ, rectæ et catholicæ fidei sinceritate insignis, Basilii Magni amicitia et testimonio commendatus. Hic libros orthodoxam fidem continentes conscripsit, et ad summam senectutem provectus in pace quievit. » Fusius de eodem in Menæis die eodem.

Amphilocheium Vitæ hujus auctorem esse, jam olim ante annos dccc existimavit Ursus S. R. E. subdiaconus cardinalis, qui eam tunc Latinitate donavit, de quo plura numero 3, et Sigebertus, catalogo illustrium Ecclesiæ Scriptorum, cap. 7 : « Amphilocheus, Iconii episcopus, scripsit vitam Basilii Cæsariensis episcopi. » Eam etiam Sixtus Senensis, lib. iv Bibl. Sanctæ Amphilocheio tribuit. Et eo auctore recitat eam Vincentius, in Spec. hist. lib. xiv. capitibus 78, 79, 80; Antonius, part. II, tit. ix, cap. 4, § 1 et 2; Petrus, episcopus Equinus, in catalogo sanctorum, lib. II, cap. 28. Ejus exemplar Græcum nomine Amphilocheii insignitum accepi Parisiis ex bibliotheca regia.

Baronius tamen in Martyrologio Romano, ad diem 1 Januarii ait : « Exstat Amphilocheii nomine scripta Vita Basilii, quæ tamen prudentiorum omnium sententia, alterius cujuspiam potius quam Amphilocheii æqualis Basilio esse putatur, cum aliqua illic habeantur, quæ illi minus convenire videntur. » Idem in Annalibus, tomo IV, varios in Vita hac nævos notat, quos singulos hic suis locis indicabo, ut magno hoc censore sincera ab interpolatis discernas.

Jam olim Glycas, cum videret hanc Vitam Amphilocheii nomine circumferri, eam Amphilocheio abjudicavit, hoc potissimum argumento : « Quanquam, inquit (*Glyc., IV part. Annal.*), perscriptum reperimus in libro de sancti Basilii miraculis, quæ magnus

ille vir Amphilocheus litteris commendasse perhibetur, mandato perpetuæ Virginis Deiparæ per sanctum Mercurium, Magni Basilii precibus, desertorem hunc tractatum fuisse : non tamen hæc narratio meretur, ut ei continuo fidem adhibeas. Quam ob rem istud ? quoniam in eodem scripto legimus Magnum Basilium Cæsareæ pontificem id temporis fuisse, cum eas regiones imperator improbissimus contra Persas expeditione suscepta peragraret. At vero aliter eximius ille Gregorius cognomento Theologus memoriæ prodidit. Nam si Basilium, hoc ita narrante, in Ponto debebat sub initium imperii Valentis, qui aliquanto post tempore regnavit, cum Cæsareæ pontifex esset Eusebius : multo minus Juliano imperante Basilium antistitis munere fungebatur. De quo satis evidenter apparet Julianum iter per Cappadociam facientem, neque Basilium istic pontificem reperisse, neque ipsius ecclesiæ minatum esse. Consimili modo nec precatus est hoc nomine Deum Basilium pontifex, nec ad tollendum e medio desertorem Mercurius ille Christi testis fuit ablegatus. Quippe si hoc pacto res gesta fuisset, obscurum non esset in hodiernum usque diem, a quo Julianus telo confixus fuerit. Nam jaculo trajectum constat, auctore facti prorsus incognito. »

Cujus sententiæ etsi Baronius, tomo IV, anno Christi 363, arcedat : « At ipse tamen, inquit, Glycas haud in eo nobis probari potest, cum eam ob causam, quod ea commentitia Amphilocheii nomine scripta haberentur, derogat penitus fidem historiæ, quæ auctoritate Helladii citati a Damasceno (*Damasc., de Imagin., orat. 1*), quem ipse non vidit, aliter tamen rem gestam recitantis, egregie testata redditur. »

Quidquid sit de dissensione narrationis ab Helladio et Amphilocheio institutæ (si tamen diversorum auctorum ea sit narratio, et non potius Amphilocheus Helladium integre expresserit, quem Damascenus compendiose citat), certe in hac Ursi interpretatione ea historia non comparet, ut ejus rationem reddere minime cogamur.

Etsi certior et solidior Vita Basilii ex ipsius et Gregorii Nazianzeni scriptis et aliis synchronis auctoribus colligi possit, quod fere in Annalibus suis præstat Baronius, et jam præ manibus habet doctorum Ecclesiæ, aliorumque aliquot Vitas noster Petrus Halloix; quia tamen nobis nunc propositum fuit, non quid de quoque sancto undequè indagari possit, hic exprimere, sed potius Vitas Patrum, quæ toties typis excusæ sunt, et in multorum manibus versantur, atque a doctis viris citantur, recensere, dubia in iis explicare, notare apocrypha; permisi hanc quoque Vitam inter cæteras suum tenere locum præmittens tamen hanc Baronii monitionem, quam habet tomo IV, anno Christi 378, Damasi papæ 42, Valentis 15, Gratiani 12, Valentiniani imp. 3 :

« Quæ Amphilocheii falso nomine fertur Vita Basilii, haud digna satis habetur, quæ eruditorum auribus ingeratur, nisi adeo sint perspicaces, qui in eis quæ sint vera a falsis disquirere ac discernere valeant. Complura enim ibi vera esse, inficias nemo iverit, ut ea præsertim quæ ab amobus Gregoriis, Nazianzeno atque Nysseno, necnon ex Ephræm esse noscuntur accepta, vel ab Helladio mutuatus est auctor. » Hactenus Baronius.

(3) *Urso*.] Baronius, ad Martyrologium Romanum, 1 Januarii : « Dedit, inquit (Vitam Basilii ab Amphilocheio, ut creditur, scriptam) Latinitati Ursus S. R. E. subdiaconus, cujus præfationem, quæ desideratur in cæteris, legimus in veteri manuscripto Codice nostræ bibliothecæ, quam possidemus liberalitate piæ me-

moræ optimi ac eruditissimi viri Achillis Statii Lusitani.

« In iisdem præterea quædam miracula ejusdem Basilii, Helladio auctore scripta habentur, in Latinum versa ab Anastasio Bibliothecario, temporibus Nicolai I, Romani pontificis, cujus ibidem habetur præfatio ad prædictum Ursum conscripta. » Hactenus Baronius.

Ex his colligimus Ursi Vitæ hujus interpretis ætatem, cum **163** Anastasius floruerit circa ann. Domini 860.

Cæterum doctus hoc Baronii indicio, exstare Romæ Ursi præfationem in Vitam Basilii, quæ nondum lucem vidisset, Romam scripsi ad R. P. Andream Zazzaram, congregationis Oratorii prælustre decus, qui statim eam ex manuscriptis Codicibus exscribendam curavit, mihi que transmisit. Qua accepta, deprehendi stylum aliquanto meliorem esse quam textus vitæ Basilii in vulgatis hactenus Patrum Vitis exhibeat. Quare et textum Vitæ Basilii eodem interprete indicem evocavi, quem hic repræsentō.

Ne fallere tamen, octo tantum priora capita cum præfatione Ursi nomine insignita, ad me Roma missa sunt. Reliqua tria indidem accepi ex Manuscriptis congregationis Oratorii, sed Ursi nomen non præferbant, ut dubitem an ex ejus officina sint. Sane Ursum etiam illa transtulisse, saltem 10, ipse indicium facit præfatione hac, n. 5. An vero hæc ex ejus translatione sint, affirmare non habeo.

(4) *Hieronymum Ecclesiæ Romanæ presbyterum.*] Vides jam olim, etiam Ursi interpretis hujus ætate, invaluisse opinionem eam de presbyteratu Romano Hieronymi. Quam etiam refert Vita Hieronymi manuscriptorum, quæ penes me est. Sed ipse Hieronymus contrait, qui Antiochiæ se ordinatum asserit; ita tamen, ut nulli certæ ecclesiæ adstringi cogeretur. Ita enim ipse epist. 61, ad Pammachium adversus errores Joannis Jerosolym., loquens de Paulino Antiocheno episcopo: « Num rogavi te ut ordinaret? Si sic presbyterium tribuis, ut monachum nobis non auferas. tu videris de judicio tuo. Sin autem sub nomine presbyteri, tollis mihi, propter quod sæculum dereliqui; ego habeo quod semper habui, nullum dispendium in ordinatione passus es. »

Quod si quis forte Hieronymum vocari velit Romanum presbyterum, quia Damaso pontifici ab epistolis fuit, non valde abnuero.

(5) *Nisi duo miraculorum ejus.*] Ergo ætate Ursi, nihil Latine ad ejus manus, de Vita et miraculis Basilii auctore Amphilochio pervenerat, præter duo illa miracula quæ hic habes, cap. 8 et 10; quæ quia styli ruditate offendebant, paulo ipse cultius ea conatus est exprimere.

(6) *In epitaphio.*] Basilii epitaphium seu oratio funebris a Gregorio Nazianzeno conscripta, habetur tomo I Operum Nazianzeni, oratione 20. Idem quoque epitaphium seu carmen funebre de eodem composuit, quod exstat tomo II Operum Nazianzeni, carmine xiv.

(7) *Gregorio videlicet, qui in theologia claruit.*] Nicephorus, libro xi, cap. 19: « Gregorius, qui a veteribus Nazianzenus, a nobis autem, quod tali cognomine dignus sit, Theologus est vocatus. »

(8) *Gregorio memorabili Nysseorum.*] Gregorii Nyssei orationem, qua fratris sui laudes et memoriam concelebrat, habes inter ejusdem Opera, Laurentio Sifano interprete. In ea Basilium Moysi, Samueli, Eliæ, Joanni Baptistæ, et Paulo, ob singulares cujusque virtutes et actiones comparat.

(9) *Beato Ephræm.*] Habes Basilii encomium ab Ephræmo scriptum inter Opera Ephræm, tom. III, Latinitati donatum a Gerardo Vossio, cujus encomii meminit ipse Ephræm, in oratione in xl Martyres.

(10) *Apostatam Julianum.*] Respicit, opinor, ad historiam de Juliani morte, quæ Basilii precibus impetrata dicitur ab Helladio apud Damascenum, orat. I, de imag. Quæ paulo aliter in vulgato Amphilo-

chio narratur. Sed deest ea in hac Ursi cardinalis versione. De morte Juliani vide accurate inquirentem Baronium, tom. IV, an. Christi 363, Liberii papæ 12, Juliani imp. 2.

(11) *Qui valentis os.*] Quam constans Basilius contra Valentem perstiterit, describit Gregorius Nazianzenus, oratione funebri in laudem Basilii, Ephræm oratione de ejusdem laudibus; Sozomenus, lib. vi, cap. 15; Socrates, libro iv, cap. 21; Theodoretus, lib. iv, cap. 17; Gildas, Sapiens, orat. in Eccles. Ordin.; Nicephorus, lib. xi, cap. 18. Vide Baronium, tom. IV, ad an. Christi 370.

(12) *Verborum palmas.*] Vulgatæ editiones, *sermonum manus*. Græcæ est, λόγων παλάμας, *sermonem, palmas*. Uterque interpretes legit λόγων παλάμας. Chrysostomus, homil. 2, de Machab., quæ est ordine 49, tomo I editionis Frontonianæ: Ἀλλὰ καθάπερ χεῖρὶ τῆ παρακλήσει τῶν λόγων. Sed quasi manibus cohortatione verborum. Idem, homil. 1, de Machab., quæ est in eadem editione ordine 44: Ἐνῆκεν ἀντὶ χειρῶν τῆ λόγων πρὸς αὐτὸν χρησαμένη παρακλήσει καὶ συμβουλῇ: Pro manibus eum verbis cohortationis usa impulit.

(14) *Athenas.*] Gregorius Nazianzenus, oratione funebri in Basilium, ex qua Nicephorus, lib. xi, capite 17. Ante tamen Cæsareæ et Constantinopoli operam litteris dederat, ut idem Gregorius testatur.

Ut hic *Athenæ* dicuntur verborum mater, sic Gregorius loco proxime citato vocat eas τῶν λόγων ἑσάρως, *litterarum sedem* seu *domicilium*. Libanius, declamat. 29, τῶν λόγων ἐργαστήριον, *sermonum officinam*.

(14) *Eubulo.*] Sozomenus, lib. vi, cap. 18, alios Basilio et Gregorio Nazianzeno præceptores assignat: Ἄμφω νέοι ὄντες, Ἰμερῶ καὶ Προαιρεσίῳ τοῖς τότε δοκιμωτάτοις σοφισταῖς ἐν Ἀθήναις ἐφοίτησαν. μετὰ ταῦτα ἐν Ἀντιοχείᾳ Λιβανίῳ τῷ Σύρῳ. « Ambo cum adhuc adolescentēs essent, Himerio et Proæresio, sophistis id temporis facile præstantissimis, se in disciplinam Athenis tradebant; postea autem Antiochiæ Libanio Syro. » Baronius, tomo III, anno Christi 354, levi memoriæ vel calami lapsu, Libanium Athenis cum Himerio docentem ex Sozomeno statuit.

(15) *Qui throni Apostolicigubernacula duodecim.*] Non unius tantum Amphilochii opinio, Gregorium Nazianzenum duodecim annis ecclesiæ Constantinopolitanæ præfuisse. Ita enim et Menæa, 30 Januarii, in memoria sanctorum trium Ecclesiæ Doctorum: Προέστη δὲ καὶ Κωνσταντινουπόλεως ἐκκλησίας ἡρόνους δώδεκα: « Præfuit ecclesiæ Constantinopolitanæ annos duodecim. » Intelligit annos quibus ibi vixit, et ecclesiam eam contra Arianos propugnavit.

(16) *Libanius.*] Sozomenus, supra, ad n. 14, Libanium Basilii magistrum fuisse asserit.

(17) *Surgens ergo properavit Ægyptum.*] Constat ex Nazianzeni oratione funebri jam ante citata, Basilium peregrinationes aliquas suscepisse: Ἐπειτα ἐκδημίαι τινές, ἐπειδήγε ἡμᾶς οὐκ εἶχε, τῶν ἀναγκαίων ὑπολαμβάνουσι καὶ οὐκ ἀπὸ σκοποῦ τῆς προκειμένης φιλοσοφίας. « Ac deinde, quoniam me carebat, necessarias quasdam peregrinationes, minimeque a propositæ sibi philosophiæ scopo alienas inivit. » Nicetas, Gregorii commentator, existimat Basilium profectum Seleuciam ad Theclæ templum, vel orandi causa, vel etiam quietæ ac tranquillæ vitæ studio.

Sed profectionis suæ in Ægyptum ipse Basilius duabus epistolis meminit. Ac in primis epist. 165, **164** ad Eustachium philosophum, nondum bene doctus Basilius pene in fortunæ offensacula referebat, quod longa peregrinatione Eustachium minime reperisset, nec in patria, nec in Syria, nec in Ægypto. Clarius animi sui æstum et peregrinationes ad veritatem inquirendam susceptas exprimit ipse epist. 79, ad Eustathium episcopum Sebastiarum: Ἐγὼ πολὺν χρόνον προσαναλώσας τῇ ματαιότητι, καὶ πᾶσαν σχεδὸν τὴν ἑμαυτοῦ νεότητα ἐναφανίσας τῇ μα-

ταιοπονία, ἢν εἶχον προσδιατρέβων τῇ ἀναλήψει τῶν μαθημάτων τῆς παρά τοῦ Θεοῦ μαρτυρήσεως σοφίας, ἐπειδὴ ποτε ὡσπερ ἐξ ὑπνου βαθεῖος διαναστάς, ἀπέβλεψα μὲν πρὸς τὸ θαυμαστὸν φῶς τῆς ἀληθείας τοῦ εὐαγγελίου, κατείδον δὲ τὸ ἄγρηστον τῆς σοφίας τῶν ἀρχόντων τοῦ αἰῶνος τούτου τῶν καταργουμένων, πολλὰ τὴν ἐλεηνήν μου ζοήν ἀποκλαύσας ἠγχομένη δοθῆναι μοι χειραγωγόν πρὸς τὴν εἰσαγωγὴν τῶν ὁγμάτων τῆς εὐσεβείας, καὶ πρὸς πάντων ἐπιμελὲς ἦν μοι, διὀρθωσὶν τινα τοῦ ἤθους ποιήσασθαι, πάλιν γρόνον ἐκ τῆς πρὸς τοὺς φαύλους ὁμιλίας διαστραφέντος.

Καὶ τοίνυν ἀναγνοὺς τὸ εὐαγγέλιον, καὶ θεασάμενος ἐκεῖ μεγίστην ἀφορμὴν εἰς τελείωσιν τὴν διάπρασιν τῶν ὑπαρχόντων, καὶ τὴν πρὸς τοὺς ἐνδεεῖς τῶν ἀδελφῶν κοινωνίαν, καὶ ὅλως τὸ ἀφροντιστικὸν εἶναι τοῦ βίου τούτου, καὶ ὑπὸ μηδεμίαν συμπαιδείαν πρὸς τὰ ὅδε τὴν ψυχὴν ἐπιστρέφειν, ἠγχομένη εὐρεῖν τινα τῶν ἀδελφῶν, ταύτην ἐλόμενον τὴν ὁδὸν τοῦ βίου, ὡς τε αὐτῷ συνδιαπεραιωθῆναι τὸν βαθὺν τοῦτον τοῦ βίου κλύδωνα· καὶ δὲ πολλοὺς μὲν εὔρον κατὰ τὴν Ἀλεξάνδρειαν, πολλοὺς δὲ κατὰ τὴν λοιπὴν Αἴγυπτον, καὶ ἐπὶ τῆς Παλαιστίνης ἐτέρους, καὶ τῆς κοίτης Συρίας καὶ Μεσοποταμίας, ὧν θαύμαζον μὲν τὸ περὶ τὴν διαίταν ἐγκρατέως, θαύμαζον δὲ τὸ καρτερικὸν ἐν πόνοις. « Ego sane posteaquam multum temporis vanitati impendissem, et omnem prope juventutem inani studio attrivissem quo tenebar, cum apprehendendis infatuatae a Deo sapientiae disciplinis immorabar, tandem aliquando, ubi velut ex gravi somno expergefactus a evangelicæ veritatis admirabile lumen respexi, agnovique inutilitatem sapientiae principum hujus sæculi, qui abolentur, deplorata plurimum miserabili mea vita, ductorem mihi dari optabam, qui ad pietatis me dogmata introduceret. Et cum primis hoc mihi curæ, ut morum correctionem aliquam instituerem, quos per diutinam consuetudinem cum improbis contractam pervertebam. Lecto itaque Evangelio, animadversoque illic, quod plurimum occasiois et momenti afferat ad perfectionis studium si quis bona sua vendat, deque illis egenis fratribus communicet, et prorsus nulla teneatur vitæ istius cura, nec patiatur mentem suam aliqua rerum præsentium affectione turbari, optabam dari aliquem ex fratribus, cui istud vitæ genus arrideret, quo una cum profundum vitæ hujus pelagus superaret liceret. Inveni sane multos apud Alexandriam, nec paucos apud reliquum Ægyptum, deinde et alios in Palæstina, et Cælesyria, et Mesopotamia quorum admiratam sum cum in servanda diæta temperantiam tum in obeundis laboribus tolerantiam.

(18) *Porphyrium.*] In Menæis Græcorum invenire est varios sanctos Porphyrios, sed nescio an ullus eorum huic historiæ quadrat.

(19) *Jerosolymam causa orationis.*] Jam olim peregrinatio hæc celebris vel ab ipso Christi in cælum ascensu. Hieron., epist. 17, ad Marcellam: « Longum est nunc ab ascensu Domini usque ad præsentem diem per singulas ætates currere, qui episcoporum, qui martyrum, qui eloquentium in doctrina ecclesiastica virorum venerint Jerosolymam, putantes minus se religionis, minus habere scientiæ, nec summam, ut dicitur, manum accepisse virtutum, nisi in illis Christum adorassent locis, de quibus primum Evangelium de patibulo coruscaverat. » Variâ exempla Jerosolymam orationis causa tendentium vide apud Gretzerum nostrum, libro 1 de Peregrinat. cap. 4, et aliquot seqq.

(10) *In proastio.*] Alia versio, in suburbano. Sæpe ætatis mediæ interpretes retinent Græcum vocabulum. Infra, apud Ruffinum, l. III, n. 16. Vide Onomasticon.

(21) *Tres tabulas.*] Alia versio tres catinos. Græce est, τρεῖς πίνακες. πίναξ et tabulam, et discum seu catinum Græcis sonat. Sed recte hic noster tabulam vertit. Adumbratunt ex tabula Cebetis, ubi tres sunt περιβολοὶ seu septa, uti hic tres tabulæ. Habes ibidem etiam virtutes et vitia, uti hic.

(22) *Maximino.*] Hieronymus, in Chronico, *Maximum* vocat, anno 11 Constantii et Constantis, cui

Christi annum assignant 349: « Quadragesimus Maximus post Macarium Jerosolymorum episcopus moritur. » Baron., tom. III. anno Christi 331, Silvestri papæ 18, Constantini imp. 26, Maximi subrogationem in sedem Jerosolymitanam ponit. De eo etiam Sozomenus, libro II, cap. 19.

(23) *In Jordane.*] Fuere olim qui ob aquas Jordanis baptismo Christi consecratos, in Jordane quoque baptizari expetierint. Tali desiderio flagrasse Constantinum Magnum, narrat Eusebius in ejus Vita, libro IV, cap. 62.

(24) *Et columba.*] Ita jam ante Spiritus sanctus, dum Christus a Joanne baptizaretur, apparuit. Cujus rei rationem aliquam assignat Nicephorus, l. I, cap. 18: « Factum id cum propter volucris ipsius puritatem, tum quod ea olim diluvii finem læto prædixit nuntio. »

Uti hic Basilio, ita non raro aliis sanctis columba in baptismo apparuit. Et vetus olim in quibusdam Ecclesiis mos fuit, columbam super baptisteria appendere, ut habetur in synodo Constantinopolitana sub Menna Constantinopolitano episcopo celebrata, actione 5, quem locum vide hic, infra, citatum, ad n. 34.

(25) *Et ungens etiam sancto chrismate.*] Sacri hujus chrismatismatis in baptismo et post baptismum usus etiam nunc ab ipsis Ecclesiis primordiis in ecclesia catholica durat. De quo consule Bellarminum, tom. III, contr. Gen. II, lib. II.

(26) *A Meletio.*] Nicephorus, libro XI, c. 17: « Basilius a Meletio Antiochiæ episcopo diaconus creatus, postea patriæ suæ Cæsareæ Cappadocum antistes factus, cum cura et fide Ecclesiis præfuit. »

(27) *Proverbiorum.*] Inter opera Basiliæ exstat in Proverbiorum principium tractatus.

(28) *Eusebio.*] Nicephorus, libro XI, cap. 18: « Eusebio, qui ante Basilium Ecclesiæ Cæsariensis gubernator fuit, dissidium quoddam cum Basilio etiam diacono intercessit. » Ubi narrat postea

Basilium Eusebio reconciliatum, et eidem in cathedra episcopali successisse.

(29) *Ad insigne habitaculum.*] Alia editio: *ad insigne xalam.* Græce est, ἐν ἐπισήμῳ διαίτη, quod alter interpretes deflexit in *xalam*, ut subinde *δα* in *ζα* commigrare solet. Vide Onomasticon.

(30) *Synodum.*] Quæ hæc synodus fuerit, nondum mihi liquet. Forte intelligit tantum synodum de congregatione hac episcoporum, qua ad creationem Basiliæ in episcopum conveniunt.

(31) *Reple os meum laude.*] Hæc prima hic ex Liturgia Basiliæ citata verba, non invenio in ejusdem Liturgia Parisiis Græce edita typis regis anno 1560.

165 Sed non mirum, tanto temporis spatio aliquid in Liturgiis immutatum esse, aliquid additum, aliquid demptum. Quin et sæpe diversa ejusdem Liturgiæ Græca deprehenduntur exemplaria. Sane editio Græca Morelliana Liturgiæ Chrysostomi, valde dissidet a versione Latina Erasmi.

Quæ hic sequentia ex Liturgia Græca Basiliæ citantur verba, habes in editione Morelliana pene eadem. Verba in Vita hac citata habent ita Græce: Πρόσχες Κύριε Ἰησοῦ Χριστέ ὁ Θεὸς ἡμῶν ἐξ ἁγίου κατοικητηρίου σου, καὶ ἐλθέ εἰς τὸ ἀγιασάσαι ἡμᾶς ὁ ἄνω τῷ Πατρὶ συγκληθήμενος, καὶ ὡς ἡμῖν ἀόρατος συνῶν, καὶ καταξίωσον τῇ κραταιᾷ σου χειρὶ μεταδοῦναι ἡμῖν καὶ δι' ἡμῶν παντὶ τῷ λαῷ, τὰ ἅγια τοῖς ἁγίοις. Ὁ λαὸς, εἰς ἄγρος, εἰς κύριος Ἰησοῦς Χριστὸς εἰς δόξαν Θεοῦ Πατρὸς. ἀμήν. Quæ ita Latine reddidit Ursus: *Attende, Domine Jesu Christe Deus noster, de sancto habitaculo tuo, et veni ad sanctificandum nos: qui sursum cum Patre sedes, et hic nobiscum invisibiliter ades; et dignare potenti manu tua tribuere nobis et per nos omni populo sancta sanctis.* POPULUS RESPONDIT: *Unus sanctus, unus Dominus Jesus Christus cum sancto Spiritu in gloria Dei Patris. Amen.* Jam vero Græca Basiliæ editionis Morellianæ vix dissident a superioribus. Πρόσχες Κύριε Ἰησοῦ Χριστέ ὁ Θεὸς ἡμῶν ἐξ ἁγίου κατ-

οικτηρίου σου, καὶ ἀπὸ θρόνου δόξης τῆς βασιλείας σου, καὶ ἐλθὲ εἰς τὸ ἀγίασαι ἡμᾶς ὁ ἄνω τῷ Πατρὶ συγκαθήμενος, καὶ ὡς ἡμῖν ἀοράτως συνῶν καὶ καταξιώσων τῇ κραταιᾷ σου χειρὶ μεταδοῦναι ἡμῖν τοῦ ἀχράντου σώματος σου καὶ τοῦ τιμίου αἵματος, καὶ δι' ἡμῶν παντὶ τῷ λαῷ.

(32) *Exaltavit panem.*] De elevatione panis seu Eucharistiæ in missa, vide Claudium Santesium, de Eucharistia, repetitione ix, quæ est de Adoratione Eucharistiæ, cap. 7.

(33) *Ad conseplendum sibi.*] Fuit olim quorundam consuetudo, ut Eucharistiam etiam mortuis ingereant et conseplentur, quam abrogavit concilium Carthaginense III, can. 6: « Placuit ut corporibus defunctorum Eucharistia non detur; dictum est enim a Domino: *Accipite et edite* (Matth. xxvi). Cadavera autem nec accipere possunt, nec edere. Cavendum est etiam ne mortuos baptizari posse fratrum infirmitas credat, cum Eucharistiam mortuis non dari animadverterit. » Subscripsit huic concilio sanctus Augustinus; et idem canon repetitur in concilio Hipponensi, cap. 5, et in concilio Antissiodorensi, anno 540, can. 12, et in concilio generali vi (quod est Constantinopolitanum III), quod celebratum est in Trullo anno Christi 680, Agathonis papæ anno 3, Constantini Pogonati (cum solus regnavit), anno 13, ubi canon 83 ita habet: Μηδεὶς τοῖς σώμασι τῶν τελευτώντων τῆς εὐχαριστίας μεταδίδωτω· γέγραπται γὰρ· Ἀβέετε, φάγετε· τὰ δὲ τῶν νεκρῶν σώματα οὐδὲ λαβεῖν δύνανται, οὐδὲ φαγεῖν. « Nemo mortuorum corporibus Eucharistiam communicet. Scriptum est enim: *Accipite, et comedite* (Matth. xxvi). Mortuorum autem corpora non possunt accipere nec comedere. » Frustra est Petrus Crespetius in Summa catholica, qui existimavit de hac re agere Cyprianum, lib. 1, ep. 2, et lib. iv, epist. 6. Nam cum ait Cyprianus: « Non morientibus, sed viventibus communicatio a nobis danda est », agit ibi de lapsis, quibus non tam morientibus vult communionem dandam, quam viventibus, scilicet cum jam respiscerent et pararent se ad quotidie imminentea martyria.

(34) *Super columbam.*] Columbæ olim et super altaria et super baptisteria in memoria Spiritus sancti appensæ. Hinc clerici Antiocheni epistola ad Joannem Constantinopolitanum episcopum, contra Severum episcopum suum hæreticum: Τὰς γὰρ εἰς τύπον τοῦ ἁγίου Πνεύματος χρυσᾶς τε καὶ ἀργυρᾶς περισσεῖρας, προεμαίνας ὑπερανῶ τῶν θεῶν κολυμβηθρῶν, καὶ θυσιαστηρίων, μετὰ τῶν ἄλλων ἐσπετερίσατο, λέγων, οὐ γρήνα· ἐν εἶδει περισσεῖρας ὀνομαζέσθαι τὸ ἅγιον Πνεῦμα. « Columbas aureas et argenteas, in formam Spiritus sancti super divina lavacra et altaria appensas, una cum aliis sibi appropriavit, dicens non oportere in specie columbæ Spiritum sanctum nominare. » Lecta est hæc epistola in synodo Constantinopolitana, act. 5: quæ synodus habita est Constantinopoli post obitum Agapeti, tempore interregni pontificii sub Menna Constantinopolitano episcopo, anno Christi 536. Eadem hæc citantur in synodo generali vii (quæ est in Nicæna), act. 5.

(35) *Ephræm.*] Narratio, quæ hic de sancto Ephræm promittitur habetur infra, cap. 11.

(36) *Hebræus.*] Exemplum hoc, quo Christus forma pueri in Eucharistia monstratur, ex hac Vita citat divus Thomas, opusculo LVIII, cap. 11. Similem habet visionem Paschasius libro de corpore et sanguine Domini, cap. 14, quæ oblata fuit Plego presbytero, cum Christum forma pueri in altari vidit et amplexus est: « Quatenus, inquit Paschasius, et veritas patresceret in ostensio, et sacerdotis desiderium implere ex miraculo, nostraque fides firmaretur ex relatu. » Quod exemplum ex Paschasio citat divus Thomas, supra, ubi non recte *Egidius* legitur loco *Plegus*.

(37) *Helladius.*] Vitam sancti Basilii fuisse scriptam ab Helladio ejus discipulo et successore, testatur Joannes Damascenus, oratione 1 de Imagin., ubi

Alex ea sequentem historiolam citat: Ὅτι δὲ οὐ καινὸν ἐφευρέθη τὸ τῶν εἰκόνων, ἀλλὰ ἀρχαῖον, καὶ τοῖς ἀγίοις καὶ ἐκκρίτοις πατράσιν ἐγνωσμένον τε καὶ εἰθισμένον. ἄκουε· γέγραπται ἐν τῷ βίβῳ Βασιλείου τοῦ μάκαρος, τῷ δι' Ἑλλάδος τοῦ αὐτοῦ μαθητοῦ καὶ διαδόχου τῆς αὐτοῦ ἱεραρχίας, ὡς παρεστῆκει ὁ ὄσιος τῆ τῆς Δεσποίνης εἰκόνι. ἐν ἧ καὶ ὁ χαρακτηριστὴς ἐγγέγραπτο Μερκουρίου τοῦ αἰοδήμου μάρτυρος· παρεστῆκει δὲ ἐξαιτῶν Ἰουλιανῶ τοῦ ἀθεοτάτου, καὶ ἀποστάτου τυράννου ἀναίρεσιν· ἐξ ἧς εἰκόνος ἐμυθῆ, ταύτην τὴν ἀποκάλυψιν· εὐρα γὰρ πρὸς μὲν βραχυῶ ἀσανῆ τὸν μάρτυρα. μετ' οὐ πολὺ δὲ τὸ δόρυ ἡμαγμένον κατέγοντα: Quod autem imaginum institutio non nova, sed prisca sit, et apud sanctos et eximios Patres nota et usitata, discite ex iis quæ in Vita beati Basilii ab Helladio ejus discipulo, in pontificatu successore conscripta sunt. Pius enim vir, ut ipse narrat, Domine nostræ astabat imagini, in qua Mercurii etiam celebris martyris figura descripta erat Astabat autem supplicans, ut impius Julianus apostata tolleretur. Ex qua quidem imagine didicit quid esset eventurum. Vidit autem Martyrem exiguum ad tempus ab oculis suis evanescentem, non autem multo post hastam cruentam tenentem.

(38) *Proterius.*] Hæc narratio apud solum invenitur Amphiloichium.

(39) *Tondere.*] Alia editio, *consecrare*. Græce est: ἀποβρῖζει, *tondere*. Nempe quia per tonsuram Deo consecranda virgo erat, ideo alter interpretes vertit, *consecrare*.

(40) *Dæmones fornicationi præpositos.*] Vide dicta supra ad Vitam sancti Hilarionis, cap. 16, num. 35.

(41) *Intra quem sacri habebantur amictus.*] Alia versio: *uno loco interioris sacri periboli*. Græce est: Ἐν ἐνὶ τόπῳ ἑσω τῶν ἱερῶν περιβόλων. Alter interpretum retinuit Græcum vocabulum, alter rem explicuit.

(42) *Anastasius.*] Hæc narratio apud unum est Amphiloichium.

(43) *Usu autem sorori.*] Insigne exemplum castitatis conjugalis, quod miraculo probatum, dum ignem sinu illaso gestat Theognia. Uti hic ex thuribulo prunæ in sinum Theogniæ ad castitatis testimonium injectæ, ita in Vita Joannis Eleemosynarii, cap. 45, habes simile continentiæ exemplum et miraculum de abbate, qui Porphyriam meretricem convertit.

Quæ ante uxores, post sorores et erant et dicebantur, cum mariti ad sacros ordines transibant. Idacius, in Chronico ms., apud Sirmundum nostrum, de Paulini episcopi Nolani uxore: « Terasia de conjugata facta soror. » Fortunatus, libro 1, carm. 15, de Placidina Leontii Burdigalensis episcopi conjugate:

Quæ tibi nunc conjux, est modo chara soror.

(44) *Tolle thuribulum et cereos.*] Ut in deorum cultu olim thus, lucernæ, et faces, eadem in imperatorum veneratione adhibita. Herodianus, in Commodo, de Lucilla sorore ejus, Καὶ τὸ πῦρ προσέκομπευεν αὐτῆς, et *ignis eam præcedebat* Quem honorem negatum Marcie Commodi concubinae idem refert; Pertinacem quoque hoc principatus insigne non permisisse sibi præferri. M. quoque Antoninus libris vitæ suæ, λαμπρᾶς inter imperii insignia ponit. Persarum regi prælatum ignem docet Xenophon, libro VIII. De Asiaticis quoque insinuat Ammianus, l. XIII. Vide Lipsium ad lib. 1 Annalium Taciti.

Sic lampades imperatori Constantinopolitano et imperatrici prælate, ut habet Codinus, de Offic. aulae Palatinæ, et Theodorus Balsamo mox citandus

Hinc res hæc ad viros primarios abit, maxime patriarchas et primarios episcopos. Theodorus Balsamo, de Privileg. patriarch., lib. VII Juris Græcorum: Ἐπεὶ δὲ τινες λέγουσιν ὡς οὐκ ἐφεῖται τῷ Ἀλεξανδρείας ἢ Ἀντιοχείας τυχόν, μετὰ λαμπάδος παραρχαῖς τὰς ὁδοπορίας ποιεῖν εἰς τὴν τῶν πόλεων βασιλεύουσιν ἢ εἰς ἑτέραν διοίκησιν, παρὰ τὰς ἀπονεμθείσας ἀπὸ τῶν κανόνων αὐτοῖς· ἡ γὰρ λαμπάς τοῦ διδασκαλικοῦ (φασίν) ἐστὶν ἀξιώματος, παρ' ἐνορίαν δὲ

διδάσκειν οὐκ ἐφέται ἀρχιερεῖ, κατὰ τὸν κ' κανόνα τῆς Ἀλίας ἐν τῷ Τροῦλλῳ ἐγίας καὶ οἰκουμένης ἐκτῆς συνόδου. « Quia vero nonnulli dicunt non esse permissum Alexandrino vel Antiocheno, verbi gratia, ut cum lampade vel face patriarchali faciat iter ad urbem imperatoriam, vel aliam dioccesim, exceptis illis provinciis, quæ per canones eis attributæ sunt. Quippe fax, inquit, ad officium doctoris spectat. Extra provinciam vero docere, non permissum est pontifici, secundum canonem 20 habitæ in Trulla sanctæ atque universalis sextæ synodi. » Apud quem plura vide de harum lampadum prælatione, et qui ea uti possint. »

(45) *Theognia.*] Alia versio, *Theogenia*. Sed Græce est Θεογνία.

(46) *Ego duco.*] Alia versio, *ego mino*. Græce est : Τὸ μὲν ἐν ἐγῶ ἐλάωνω.

(47) *Quoniam necessaria est domus.*] Alia versio, *Quia necessaria sunt domus*. Græce est : Ὅτι γρηλα ἐστὶ τοῦ οἴκου.

(48) *Mulier quædam.*] Non absimilis historia occurrit in Vita sancti Joannis Eleemosynarii, infra, cap. 51.

(49) *Bullavit.*] Alia versio, *sigillavit*. Græce est : ἐδοῦλλωσεν, *Bullare*. pro sigillare frequens vox mediæ ætati. In Vita Joannis Eleemosynarii, infra, c. 51. « Non potes scribere, et bullare, et asferre mihi? » Et post : « Dat ei proprium pictacium bullatum. »

(50) *Fratres.*] Hoc caput Amphilochio asserit ms. codex Græcus, quo usus est Gerardus Vossius, et vocat « Comparisonem ac similitudinem sanctorum Patrum Basilii et Ephræm Syri. » Præmittit eam Vossius ante opera Ephræm. Quædam hoc capite contenta etiam ipse Ephræm describit in encomio sancti Basilii.

(51) *Rogabat revelari sibi.*] Vide Delrio nostrum, tom. II Disquis. Magic., lib. IV, cap. 1, quæstione 3, sect. 1, ubi agit, *An revelatio a Deo peti possit*.

(52) *Sacrarium.*] Alia versio, *presbyterium*. Græce est, ἱερατεῖον.

(53) *In sanctum tribunal.*] Græce : εἰς τὸ ἅγιον βῆμα. Erat βῆμα certus locus in templis antiquorum juxta altare. Vide Onomasticon.

(54) *Et faciens metanoeam.*] Græce, καὶ ποιῆσας μετάνοιαν. Alia versio : *et genuflectens*. Recte expressit phrasim Græcam istius sæculi, quo βαλεῖν μετάνοιαν erat « genuflectere, honoris causa ad alicujus pedes se abjicere, et venerabundo animo prosternere, benedictionem petere. » Occurrit in Vita sancti Chrysostomi, quam citat Joannes Damascenus orat. 1, de Imagin. βαλὼν μετάνοιαν τῷ Ἰωάννῃ. Joanni venerabundus ad pedes accidens. Ubi non recte Franciscus Zinus verterat : *Joanni desiderium injiciens*. Vide Jacobum Billium, ad locum citatum Damasceni.

(55) *Post missas.*] Alia versio : *post ministrationem*. Græce μετὰ τὴν λειτουργίαν.

(56) *Osculum.*] Alia versio, *salutationem*. Utrumque verum fuit. Nam osculo se salutabant. Ipse Ephræm in Panegyrico in laudem Basilii in hac ipsa re : « Cumque me apprehendisset, sancto suo osculo consalutavit. »

(57) *Græce.*] Baronius, tomo IV, anno Christi 370, Damasi papæ 4, Valentiniani et Valentis imp. 7. « Ad-dunt, inquit, nonnulli tunc temporis sanctum Basi-

lium eam Ephræm fuisse gratiam impertitum, ut Græce dicta intelligeret, atque Græce pariter loqueretur. Sed quoniam nihil de his ipse Ephræm, qui testatur sibi Basilium per interpretem esse locutum, libentius dicere pertermitimus, pauciora potius referre contenti, quæ omni sunt fide munita, atque acceptatione dignissima, quam plura veritate nuntiantia inculcare. » Hactenus Baronius.

Historia tamen hæc, quæ hic Amphilochii auctoris nomine circumfertur, habetur etiam in Menologio Græco ms. quod est apud cardinalem Cremonensem, inter Vitas a Basilio imp. (quem VIII laudat synodus) cum suis iconibus collectas, ubi ita habes : « Atque ut magis etiam mortalibus prodesse posset (Ephræm) cum Cæsaream venisset, a Basilio Magno creatus presbyter, repente linguam Græcam (cujus erat, ut homo media Syria natus, prorsus rudis et expers) callere cœpit. » Quæ ex manuscripto citata habes apud Gerardum Vossium initio tomi I Operum sancti Ephræm.

(58) *Presbyterum.*] Idem testatur jam proxime citatum Menologium. Sozomenus tamen, libro III, cap. 5, narrat Ephræm in ordine clericali ad diaconatum solum elatum.

Atque hactenus Vita sancti Basilii, uti eam Roma ex congregatione Oratorii accepi, interprete Urso, S. R. E. subdiacono. Quæ plane convenit cum ea quæ hactenus barbaro et rudi stylo, incerto interprete, in Vitis Patrum est divulgata. Nisi quod in ea in fine addatur seu interseratur historia, *de Joseph Hebræo medico, et morte Basilii*, quæ hic deest. In hac contra habes caput 3. *Quomodo Basilius Antiochiam pervenerit, et Libanii discipulos instruxerit*, quod caput deest in Vitis Patrum, ut appareat Vitam hanc olim per varia fragmenta descriptam et translata.

Integram Vitam Basilii Græce scriptam, et Amphilochii nomine insignitam, accepi Parisiis ex Bibliotheca regia, quam jam olim vertit nescio quis, cujus interpretationem habeo ex codice Marchianensi vetustissimo, quæ stylo convenit cum ea quæ in Vitis Patrum est, rudem plane et impolitam. In Græco tamen exemplari caput unum est, *De miraculo Basilii in Petrum fratrem suum et ejus uxorem*, quod etiam in illa versione deest.

Græca hæc Vita, et Latina vetus innominati interpretis versio, continet hæc præterea capita, quæ et in hac Vita Basilii, interprete Urso, et in illa quæ in Vitis Patrum hactenus fuit, desunt : *De mystica revelatione et morte Apostatae Juliani*. Item, *De scriptura, quam mulierculæ fecit*. Ad hæc, *Quomodo Spiritus sancti adventum vidit, et de quodam diacono, et Libanio Sophista*. Præterea, *De quibusdam gentilibus, et interpretatione Hexaemeri*. Deinde, *Quomodo ductus est Antiochiam, et de filio Valentis*. Denique, *De Valente Deo odibili, seu apertione ecclesiarum in Nicæa*.

Surius offensus impolitiam veteris versionis, quam manuscriptam integram habuit, excepto capite jam dicto, *De Petro fratre Basilii*, eam stylo Latiniore reformavit, et tomo suo primo de Vitis sanctorum I Januarii inseruit. Sed quia ipsi exemplar Græcum defuit, dum insistit confragosis veteris versionis vestigiis, non potuit non subinde cespitare. Sed alias hæc de re accuratius.

VITA SANCTI EPHRÆM (1) SYRI

DIACONI EDESSÆ (2),

AUCTORE GRÆCO INCERTO (3), INTERPRETE GERARDO VOSSIO (4).

CAPUT PRIMUM. — Sanctus hic Pater noster Ephræm, A ex Oriente oriundus, Syrus genere, piis parentibus natus in Edessa (5). Vixit temporibus Constantini Magni regis, et aliorum qui post ipsum regnarunt. Abstinens a puero ab omni re mala. Cujus parentes eo adhuc puero, per somnium videlicet visionem conspexerunt, quod ex ore ipsius Ephræm vitis adscenderet (6) valde frugifera, quæ excrescebat, et replebat omnem sub celo regionem: veniebantque cuncta volatilia cœli, et comedebant de fructu vitis, et præter quæ comedebant, adhuc superabat fructus. Hic ab ætate juvenili eremum incoluit, compunctionis sibi abyssum vindicans, per quam et divinam Spiritus sancti gratiam suscepit.

CAP. II. — De quo, quidam divino afflatus spiritu, B per somnium vidit virum terribilem, tenentem chartæ volumen, et interrogabat: Quis, putas, accipere et custodire illud poterit? factaque est vox ad eum: Nullus alius, nisi Ephræm servus meus. Quo quidem astante, et os aperiente, illudque devorante, illico fons sermonum a Deo proficiscentium scaturiit, compunctio et pœnitentia plenus, timorem commemorans judicii, et secundi cum majestate adventus universorum Regis et Domini Jesu Christi, veri Dei nostri, ut reddat unicuique secundum opera sua (Matth. xvi; Rom. ii). Præterea etiam divinatorum dogmatum rectitudinem ac veritatem libris mandavit.

CAP. III. — Alius autem quidam sanctorum senum, C rursus in visione vidit angelorum agmina (7) ex cœlis divino jussu descendentia, et in manibus caput, id est volumen intus et extra conscriptum tenentia. Et dicebant inter se: Cui debet liber iste committi? Et alius quidem hunc, et alii alios nominabant. Alii autem responderunt dicentes: Vere sancti et justi sunt isti: verumtamen nemini hoc volumen credi poterit, nisi Ephræm miti et humili corde. Viditque senex quod sancto Ephræm tradidisset 168 caput. Et surgens mane, audivit ex ore ipsius aptissimos pro aliorum instructione sermones, omnis compunctionis et timoris divini, velut ex fonte aliquo scaturiente, profluentes. Et agnovit senex, a Spiritu sancto illa suggeri, quæ ex illius ore manabant.

CAP. IV. — Captus est autem desiderio sanctus hic Pater noster Ephræm visendæ Edessenorum urbis (8), oravitque Deum dicens: Domine Jesu Christe, dignare me videre civitatem illam, et cum ingrediar, D obviam mihi habere merear hominem ejusmodi, qui necum a Scriptura sermonem exordiat. Et ingre-

dienti jam ei in locum, et pertranseunti portam civitatis, occurrit mulier (9), quæ in civitate erat meretrix: quam aspiciens servus Dei Ephræm, indoluit, sic secum loquens: Domine Jesu Christe, despexisti preces servi tui Ephræm; quo pacto enim hæc de Scriptura mecum disserat? Substitit autem meretrix, intuens illum. Ad quam sanctus: Dic mihi, puella, quid subsistis, et ita intentis in me intueris oculis? Cui respondens meretrix, ait ad eum: Intueor te, quia ego mulier ex te viro sumpta sum. Tu autem ne me intuearis, sed terram ex qua tu vir sumptus es. Quæ cum audiret servus Dei Ephræm, suscepit, et glorificavit Deum, qui talem ei sapientiam dederat, ut ejusmodi ab ipsa responsum acciperet. Et cognovit suam a Deo nequaquam fuisse spre- tam orationem. Veniensque in urbem, diversatus est ibi.

CAP. V. — Casu autem juxta ejus hospitium alia meretrix (10) habitabat: quæ, cum ille per complures dies in urbe commoraretur, dixit ad eum: Benedic, domine abbas. Et fixis oculis fenestram intuens, vidit illam prospicientem, aitque ad eam: Deus benedicat tibi. Ad quem illa: Quid tuo deest septo atque domicilio? Cui sanctus: Tres lapides et argilla modica, ut fenestra obstruatur, per quam prospicis. Cui ipsa respondit, dicens: Cum primum te alloquor, rejicis me, ego dormire tecum cupio, et tu vel a collo- cutione me excludis? Respondens autem illi servus Dei Ephræm, ait: Si mecum dormire velis, veni quod dixerō tibi, ut ibi simul dormiamus. Ad quem meretrix: Dic mihi, inquit, locum, et veniam. Et sanctus ad illam: Si condormire mihi cupias, non poteris alio in loco, nisi in urbe media. Respondens autem illa, dixit ad illum: Et non erubescimus conspectum hominum? Et respondens magnus Ephræm, dixit ei: Si homines erubescimus, multo magis Deum erubescere simul et timere oportebit, qui novit etiam occulta hominum, quoniam ipse est, qui veniet judicaturus mundum, et redditurus unicuique secundum opera sua (Rom. ii). Hæc audiens meretrix, compuncta est ex verbis illius; et accedens procidit ante pedes ejus, plorans, dicensque: Serve Dei, deduc me in viam salutis, ut a multis meis malis operibusque improbis liberer. Sanctus autem senex multis eam admonens ex sacra Scriptura, confirmansque illius pœnitentiam, misit ipsam in monasterium, et salvavit ejus animam ex cœno flagitiorum.

CAP. VI. — Et discedens a civitate illa, venit Cæsaream Cappadociæ, ubi ingressus templum, reperit

Sanctum Basilium archiepiscopum concionantem ad A populum, et cœpit magna voce beatissimus Ephræm prædicare eum. Dicebant autem quidam de turba : Quis est iste peregrinus, qui sic laudat episcopum ; quippe adulatur ipsi potius, ut aliquid ei largiatur. Peracta autem jam concione, ait Basilius : Accersite ad me hominem, qui insistebat laudando me. Et accersito eo, dicit ipsi : Quid ita instanter vociferabaris laudando me, domine Ephræm ? Respondens autem sanctus senex, dixit : Ideo perseverabam clamando, et laudando te, quia aspiciebam immaculatam columbam (11) stantem in humero tuo dextero, et in aures tibi suggerentem quæ populo concionabaris. Magnus autem Basilius Spiritu sancto plenus, ipsum agnovit, et dixit ad eum : Tu ne Ephræm es Syrus ? Vere quemadmodum intellexi, sic et in te B

comperi, quietis amator. Scriptum habetur in propheta David : Ephræm fortitudo capitis mei (Ps. LIX, CVII). Nam mansuetudo tua atque clementia, et simplicitas clara est, velut lumen apparens omnibus.

CAP. VII.—Alibi rursus transeunte sancto Ephræm, fraudulenter accessit ad ipsum meretrix (12), quæ assentatorie eum ad turpem pertrahere nitebatur commisionem: sin minus, saltem ut ad indignationem ipsum commoveret, quod nemo unquam illum vidisset iratum. Qui dixit ad illam : Sequere me. Cum autem jam appropinquaret ad locum a magna civitatis turba frequentatum, dixit ad eam : Isto in loco veni, faciamus uti cupis (Pelag., libello x, n. 24). At illa videns turbam, dicit ad eum : Quomodo poteri-

mus istud hic agere, in tanta hominum presentia ? nonne nos pudet ? Et ait ad illam : Si homines erubescis, quanto magis erubescere oportet Deum, abscondita tenebrarum redarguentem (I Cor. IV). At illa confusa, re infecta abiit, nihil perficere cum illo valens, et ne ad iram quidem eum concitare.

CAP. VIII.—**169**Atque ista sunt certamina Magni Ephræm. Vir enim erat clemens ac patiens, mansuetus, purus ac simplex, in cognitione divina velut omni fūco carens, secundum quod scriptum est (Job. 1), demissus atque modestus, humilis et compunctione plenus, supra fidem; ut etiam ipso tacente, vel ex solo aspectu (13) intuentes ipsum docere videretur. Totus precibus ad Deum fundendis intentus erat. Hic igitur sanctus pater noster, post vitam bene beateque peractam, et cum se exemplum divinæ virtutis exhibuisset, plurimosque sanctæ doctrinæ sermones exposuisset, præscius sui obitus, composuit testamentum ad discipulos, et quoscunque monachos, de futuris eos commonefaciens, et sic modicum ægrotans, quievit in Domino, a monachis eremi sepulturæ traditus. Precibus igitur et intercessione sancti Ephræm, dignetur et nos peccatores Christus Deus noster facere imitatores divinæ vitæ ipsius, per quam consequi possimus misericordiam, et remissionem peccatorum nostrorum, in quæ collapsi sumus. Quoniam ipsi Christo et Deo nostro convenit omnis honor et adoratio, cum Patre, et sancto ac vivifico Spiritu, in sæcula sæculorum. Amen.

ROSWEYDI NOTATIO.

(1) *Ephræm.*] Martyrologium Romanum, 1 Februarii : « Sancti Ephræm Edessenæ Ecclesiæ diaconi, qui post multos labores pro fide Christi susceptos, sub Valente imperatore sanctitate et doctrina conspicuus quievit in Domino. » Menologium Græcum, 18 Januarii : « Natalis sancti Patris reverendissimi Ephræm Syri, ex patria Edessa, in cuius laudem exstat sermo sancti Gregorii Nysseni. » Eiusdem eodem die breve in Menæis habes elogium.

(2) *Diaconi Edessæ.*] Ita Hieronymus Catalogo illustrium Ecclesiæ Scriptorum, c. 115 : « Ephræm Edessenæ Ecclesiæ diaconus, multa Syro sermone composuit ; et ad sanctam venit claritudinem, ut post lectionem Scripturarum publice in quibusdam ecclesiis ejus scripta recitentur. Legi ejus de Spiritu sancto Græcum volumen, quod quidam de Syriaca lingua verterat, et acumen sublimis ingenii etiam in translatione cognovi. Decessit sub Valente Principe. » Palladius quoque, cap. 101. Lausiacæ historiæ *diaconum Ecclesiæ Edessenæ* vocat.

(3) *Græco incerto.*] Inventa est hæc Vita Romæ in D vetustissimis Mss. Græcis Vaticanis et aliis anonyma; nisi quod in vetustissimo manuscripto Græco Cod. Bibliothec. Cryptæ fer., sub litt. xx, ejusmodi inscriptio reperitur : Περὶ τοῦ Κυροῦ Ἐφραίμ. ἱε. τοῦ Ἀμφιλοχίου ἐπισκόπου. De Domino Ephræm, forte, *Amphilochoii episcopi.*

Habes egregium Ephræm encomium a Gregorio Nysseno Græce conscriptum, Gerardo Vossio interprete, inter Opera Ephræm, et in postrema Nysseni editione : qui testatur, ex variis scriptis Ephræm Vitam ejus se concinnasse, et sedulæ instar apis, ex plurimis floribus favam spirituales confecisse. Metaphrastes quoque vitam Ephræm conscripsit, quam habet Lipomanus tomo V de Vitis sanctorum, et Sarius tomo I. De Ephræm quoque Vincantius, in Spec.

historial. lib. XIV, cap. 86 ; Antoninus, part. II, tit. IX, cap. 4, § 1 et 2. Petrus episcopus Equilinus in Catalogo sanctorum, lib. III, cap. 70, qui sua demumpserunt ex Vita sancti Basili per Amphilochoium, quæ in ejus Vita præcedente habes cap. 11.

(4) *Gerardo Vossio.*] Fuit hic doctor Theologus, præpositus Tungrensis, patria Borchlonius, e comitatu Lossensi, diocesis Leodiensis. Qui multis annis Romæ vixit, et varia Patrum Opera e Græcia in Latinum deduxit. Quorum, qui volet, catalogum reperiet in fine tomi III Operum S. P. N. Ephræm.

(5) *Natus in Edessa.*] Itæ etiam Metaphrastes. Sozomenus, libro III, cap. 15, Nisibi natum ait : Ὁς ἔκ Νισιβῆς ὄν, τῶν τῆδε ἐπιγυρωτῶν τὸ γένος εἶγεν : « Qui Nisibi natus, genus ex illius urbis indigenis duxit. »

(6) *Vitis ascenderet.*] Eadem visionem habes assertore Gregorio Nysseno in encomio sancti Ephræm, et Metaphraste in ejus Vita, et Menologio Græco manuscripto cardinalis Cremonensis, capite ultimo præcedentis Vitæ citato.

(7) *Angelorum agmina.*] Et hujus visionis assertorem habes Nyssenum jam citatum, et Metaphr.

(8) *Visendæ Edessenorum urbis.*] Non ex novitate quadam, sed desiderio invisendi loca sancta, et haberiendi aliquam utilitatem ex consortio sapientum; et eam quoque aliis impartendi. Nyssenus supra ; « Hisce vero de causis eo concessit, ut loca ibi sancta inviseret, tum ut sapientem aliquem conveniret virum ac cognitionis ipse fructum vel caperet, vel aliis præberet. » Eo animo Ephræm properasse Edessam, refert etiam Metaphrastes.

(9) *Occurrit mulier.*] Eadem habes apud Gregorium Nyssenum in encomio sancti Ephræm, item apud Metaphrastem.

(10) *Alia meretrix.*] Hanc historiam, opinor, respicit Gregorius Nyssenus in encomio sancti Ephræm,

dum ait : « Ex impudica pudicam, ex lasciva gravem, ex inquinata puram castamque reddidit. » Tota est apud Metaphrastem, ubi quod hic est *tuo septo*. ibi est *tuo cibo*.

(11) *Immaculatam columbam.*] Idem narrat Gregorius Nyssenus in encomio Ephræm, et habes etiam apud Metaphrastem.

Simile habes in Vita sancti Gregorii apud Joannem Diaconum, libro iv, cap. 69, ubi Petrus Diaconus, qui sancti Gregorii familiarissimus fuit, narrat, quod « super caput (Gregorii) ipse Spiritum sanctum

in similitudine columbæ tractantis frequentissime perspexisset. » Et sequenti capite subdit Joannes Diaconus : « Hinc est quod consuetudinaliter Spiritus sanctus in specie columbæ super scribentis Gregorii caput depingitur. »

(12) *Meretrici.*] Idem habes infra, libro v De Vitis Patrum; apud Pelagium, libello x, n. 21.

(13) *Vet ex solo aspectu.*] Nyssenus, supra : « Aspectusque ejus angelicus sufficiens erat, qui per se absque ulla oratione intuentes ad commiserationem permoveret. »

JANUARIUM V.

VITA SANCTI SIMEONIS (1), STYLITÆ (2).

AUCTORE ANTONIO (3) EJUS DISCIPULO.

CAPUT PRIMUM. ¶ Sanctus Simeon ex utero matris suæ electus est a Domino, et meditabatur parere et placere illi : erat autem isti pater Susocion (4) nomine, et nutriebatur a parentibus suis. Qui cum factus fuisset annorum tredecim, pascebat oves patris sui; et videns ecclesiam (5), relictis pecoribus, ingressus est, audivitque Apostolum ibi legi. Interrogansque unum seniore, ait : Domine, quid est istud quod legitur? senex respondet ei : Pro substantia animæ ut discat homo timere Deum ex toto corde, et ex tota mente sua (*Ducæ* x). Dixit beatus Simeon : Quid est timere Deum? Dixit ei senior : Quare me flagitas, fili? Et ille : Quasi Deum, inquit, interrogo te. Ista enim quæ a te audio, discere volo, quia ignarus sum et stultus. Respondit ei senior : Si quis jejunaverit jugiter, et obsecrationes fecerit per momenta, et humiliaverit seipsum omni homini, et non dilexerit aurum, neque parentes, neque vestimenta, neque possessiones, et honorat patrem et matrem, et sacerdotes Dei prosequitur, hic hæreditabit regnum æternum; et qui econtrario ista non custodit, hic hæreditabit tenebras exteriores, quas paravit Deus diabolo et angelis ejus (*Matth.* xxii, xxv). Ista omnia, fili, in monasterio exaggerantur. Audiens hæc beatus Simeon, cecidit ad pedes ejus, dicens : Tu es pater meus et mater mea, et doctor operum bonorum, et dux ad regna cælorum. Tu enim acquisisti animam meam, quæ jam mergebatur in perditionem. Dominus reddat tibi vicissitudinem pro anima mea. Ista sunt enim quæ ædificant. Ego autem jam nunc vadam, sicut docuisti, in monasterium, ubi Deus voluerit : et fiat voluntas ejus in me. Dixit illi senior : Fili, priusquam ingrediaris monasterium, audi quæ dico. Tribulationem habiturus es; necesse est enim te servire et viligare in nuditate, et indesinenter sustinere mala : et iterum confortandus es, vas pretiosum Deo.

CAP. II.—Et statim exiens beatus Simon de ecclesia, ibat in monasterium sancti Timothei (6) magnifici viri (7); et procidens ante fores monasterii, jacebat per dies quinque non manducans neque bibens.

Et die quinta egrediens abbas Timotheus interrogavit eum, dicens : unde es, fili? aut quos parentes habes qui sic afflicti es? aut quod est nomen tuum, ne forte aliquid mali gesseris, aut forsitan servus sis, et dominum tuum fugias? Tunc beatus Simeon cum lacrymis dixit : Nequaquam, domine, sed opto ut sim servus Dei, si ipse voluerit, quia volo servare animam meam perditam. Jube ergo me introire in monasterium, et omnibus deservire; noli me foris diutius dimittere. Tunc apprehensa manu ejus, introduxit eum abbas in monasterium, dicens fratribus : Filioli mei, ecce trado vobis istum fratrem, docete eum canones monasterii. Fecit autem in monasterio quasi menses quatuor, serviens omnibus sine querela, in quibus Psalterium ex integro memoriæ commendavit, quotidie percipiens cibum divinum. Cibum vero quem simul cum fratribus accipiebat, tacite pauperibus erogabat, non sollicitus de crastino. Fratres ergo ad vesperam, ille vero septimo die cibum sumebat.

CAP. III.—Una autem dierum ingressus ad puteum aquam haurire, sumpsit funem de situla, unde fratres aquam hauriebant, et involvit eum toti corpori suo nudo a renibus usque ad collum; et ingressus, dicit fratribus : Exivi haurire aquam, et non inveni funem in situla. Et illi dixerunt : Tace, frater, ne forte agnoscat abbas, quousque tempus prætereat. Putrefactum est autem corpus ejus de obligatione et asperitate funis, quia ¶ secabat eum usque ad ossa; ingressus est enim in carnem ita, ut vix appareret. Quadam autem die exeuntes aliqui de fratribus, invenerunt eum cibum suum dantem pauperibus; et regressi, dixerunt abbati : unde nobis adduxisti hominem istum? Non possumus abstinere sicut ille; de Dominica enim in Dominicam jejunat, cibos quos accipit pauperibus erogat : sed et fetor gravissimus egreditur de corpore ejus, ita ut nullus juxta eum stare possit; et cum ambulat, vermes de corpore ejus cadunt, lectusque ejus plenus est vermibus. Tunc exiens abbas invenit sicut illi dixerunt;

cui ait : Fili, quid est quod dicunt fratres de te? Non A tibi sufficit jejunare sicut nos? An non audivisti Evangelium, de doctoribus dicens (*Matth. x*), quia non est discipulus super magistrum : erit autem omnis perfectus, si sit sicut doctor ejus? dic mihi, fili, fetor iste unde procedit? Stans beatus Simeon, nihil respondit. Et iratus abbas, jussit eum spoliari, et invenerunt funem circa corpus ejus, ita ut nihil pareret de eo nisi summitas tantum. Exclamans autem abbas voce magna, dixit : unde nobis advenit iste homo, destruere volens regulam monasterii? Rogo ergo te, discede hinc, et perge quo vis : cum multo tamen dolore et labore tulerunt a corpore ejus funem, de quo erat involutus, una cum carne ejus putrida. Facientes autem illi studium per multos dies, sanaverunt eum.

CAP. IV.—Sanatus autem post hæc, exivit de monasterio, nullo sciente ; et ingressus est puteum desertum, ubi non erat aqua, non longe a monasterio, ubi immundi spiritus inhabitabant. Et ipsa nocte revelatum est abbati quod multitudo populorum circumdarent monasterium suum cum fustibus et gladiis, dicentes : Da nobis servum Dei Simeonem, Timothee. Sin autem, incendemus te cum monasterio tuo, quoniam exasperasti hominem justum. Qui evigilans, ait fratribus : Filioli mei, visionem ejus, ita ut multum turbatus sum in ea. Et in alia nocte vidit multitudinem virorum fortium astantium et dicentium ei : Da nobis servum Dei Simeonem ; dilectus est enim Deo et angelis ; quare illum vexasti ? major te est apud Deum ; omnes enim angeli contristantur propter C illum. Ipsum autem præponere habet Deus in mundo, ita ut per illum multa signa fiant, qualia nemo fecit. Tunc exurgens abbas, cum magno timore dixit fratribus : Requirit mihi hominem illum, et adducite in hunc locum, ne forte omnes moriamur propter illum. Vere enim sanctus Dei est ; mirabilia enim magna vidi et audivi de illo. Tunc omnes monachi exierunt cum quærere, et omnia perlustrantes et non inventes, renuntiaverunt abbati dicentes : Nullum locum reliquimus, ubi eum non quæsissemus, nisi tantum in deserto puteo. Respondit abbas : Rogo vos, fratres, ite ad perquirendum eum, sed et ego vadam vobiscum. Vere sanctus et servus Dei est. Et sumens secum quinque ex illis, venit ad puteum. Et faciens orationem, descendit cum fratribus D in puteum. Vidensque illum beatus Simeon, cœpit rogare, dicens : Rogo vos, servi Dei, dimittite me una hora, ut reddam spiritum meum ; adhuc enim modicum, deficiens est. Valde autem fatigatur anima mea, quoniam exasperavi Dominum. Dixitque ad illum abbas : Veni, serve Dei, ut deducamus te in monasterium ; cognovi enim de te quia servus Dei es. Illo vero nolente, adducunt eum vi ad monasterium, et omnes prosternunt se ad pedes ejus, flentes et dicentes : Peccavimus in te, famule Dei, indulge nobis. Beatus autem Simeon gemebat, dicens : Quare gratis infelicem et peccatorem ? Vos autem estis servi Dei et Patres. Stetit autem ibi quasi annum unum.

CAP. V.— Post hæc egressus occulte, pergit non longe a monasterio, ibique multo tempore fuit, ædificavitque sibi clausuram ex lapide sicco (8), ibique fuit annos tres. et veniebant ad eum multi ad orationem. Deinde fecit columnellam cubitorum quatuor, stetitque in ea annos quatuor. Crescebat autem de eo fama sancta per orbem terræ, et faciunt ei columnam habentem cubitos duodecim, et stetit in ea annos duodecim. Rursumque fecerunt columnam cubitorum viginti, stetitque in ea annos duodecim. Tunc congregati sunt omnes habitatores loci illius, et ædificaverunt juxta ipsam columnam basilicas duas, et columnam cubitorum triginta, et super ipsam stetit annos quatuor, et cœpit virtutes facere. Multi languidi veniebant ad eum, et dæmonia habentes, et B curabat eos : cæci visum recipiebant, debilius manus restituebantur, surdi auditum recipiebant, leprosi mundabantur. Multas hic gentes inclinavit ad fidem Christianam, id est, Sarracenos, Persas, Armacenos (9) et Laotos (10), similiter et Allophylos. Audientesque de eo et de virtutibus ejus, conveniebant et adorabant eum.

CAP. VI.—Tunc invidus diabolus transformavit se in speciem angeli, fulgens in splendore cum equis igneis. Et currus igneus apparuit juxta columnam, ubi stabat beatus Simeon  illuxitque cum fulgore et splendore quasi specie Angeli fulgens. Et dixit diabolus blandis sermonibus : Simeon, audi verba mea, quæ tibi Dominus mandavit. Misit me angelum suum cum curru igneo et equis igneis, ut rapiam te, quomodo rapui Eliam (*IV Reg. 11*). Tempus tuum jam est. Et tu similiter ascende jam mecum in currum, quia Dominus cœli et terræ transmisit hunc. Ascendam pariter in cœlos, ut videant te angeli et archangeli cum Maria matre Domini, cum apostolis et martyribus, confessoribus et prophetis, quia gaudent videre te, ut ores Dominum qui te fecit ad imaginem suam. Etiam locutus sum tibi, ne tardes ascendere. Simeon completa oratione dixit : Domine, vis rapere me peccatorem in cœlum ? Et elevans dexterum pedem ut ascenderet in currum, levavit dexteram manum, et fecit signaculum Christi. Cum signum crucis fecisset, continuo diabolus nusquam comparuit, cum argumento suo evanuit sicut pulvis ante faciem venti. Tunc intellexit Simeon artem esse diaboli,

CAP. VII.— Reversus ergo in se, dixit pedi suo : Non reverteris retrorsum hinc, sed stabis hic usque ad obitum meum, donec accersiat Dominus me peccatorem. Interea diabolus in frigore apposuit vulnus super femur ejus, et putrefactum est ita ut multitudo vermium scatescens de eo, descenderet de corpore ejus, decurreretque de pedibus ejus in columnam, et de columna in terram. Anno autem integro stetit in columna super unum pedem. Quidam autem juvenis astitit ei, Antonius nomine, qui vidit et scripsit hæc. Juxta præceptum illius colligebat vermes, qui cadebant ad terram, porrigebatque illi sursum. At ille ponebat eos sibi in ipso vulnere, ad similitu-

dinem justī Job, dicens : Manducate quod vobis Dominus dedit.

CAP. VIII. — Audiens autem Basilicus rex Sarcenorum (11) famam ejus, venit ad eum. Videns autem illum stantem sursum et orantem, subito cecidit vermis de corpore ejus. At ille currens apprehendit eum in fide, et posuit super oculos suos (12). Et videns Simeon, ait : Quare hoc fecisti, vir illustris, et me gravasti ; vermis est enim de corpore meo putrido. Et cum hæc audisset rex Basilicus, aperiens manum suam, invenit margaritam pretiosissimam. Et dixit ad beatum Simeonem : Non est vermis putridus, sed margarita pretiosissima ; cui ille respondit : Homo, secundum fidem tuam data est tibi, et benedicatur in manibus tuis omnibus diebus vitæ tuæ. Et ita ingressus est homo ille plenus fide.

CAP. IX. — Post multum vero temporis, audiens mater (13) ejus famam de eo, venit videre eum ; sed prohibita est videre eum, quia locum illum mulier non ingrediebatur (14). Cum autem audisset beatus Simeon vocem matris suæ, dixit ei : Sustine, mater, modicum tempus, et simul nos videbimus, si Deus voluerit. At illa hæc audiens, flere cœpit, et rogare ut eum videret, et solutis crinibus, increpabat eum, dicens : Fili, quare hoc fecisti ? pro utero quo te portavi, satiasti me luctu : pro lactatione qua te lactavi, dedisti mihi lacrymas ; pro osculo quo te osculata sum, dedisti mihi amaras cordis angustias ; pro dolore et labore quem passa sum, imposuisti mihi sævissimas plagas. Et tantum locuta est, ut nos omnes faceret flere. Audiens beatus Simeon vocem genitricis suæ, posuit faciem suam in manus suas, et ploravit amare, mandavitque illi, dicens : Domina mater, quiesce modicum tempus, et videbimus nos in æterna requie. At illa cœpit dicere : Per Christum qui te plasmavit, si est possibilitas videndi te, in tanto tempore alienum a me, permitte me videre te, aut si non, vel vocem tuam audiam, et statim moriar, quia pater tuus in tristitia propter te mortuus est. Et nunc ne in me ipsa amaritudine perdas, fili. Hæc dicens, præ tristitia et planctu in somnum conversa est : habebat autem tres dies et tres noctes, non cessans deprecari eum. Tunc beatus Simeon oravit ad Dominum pro illa, et statim reddidit spiritum. Colligentes vero corpusculum ejus, adduxerunt in conspectu ejus. Et ille flens, ait : Dominus suscipiat te in gaudio, quia tribulata es propter me, et portasti me in utero mensibus novem, atque lactasti simul etiam et nutristi cum labore. Hæc eo dicente, matris vultus sudabat, et corpus ejus commotum est, nobis omnibus inspicientibus. Ille autem elevans oculos ad cælum, dixit : Domine Deus virtutum, qui sedes super Cherubim, et scrutaris fundamenta abyssi, qui cognovisti Adam antequam esset, qui promisisti regni cælorum divitias diligenti tui, qui locutus es Moysi in rubo ignis (Exod. III), qui benedixisti Abraham patrem nostrum (Gen. XII), qui introducis in paradysum animas justorum,

et animas impiorum mergis in perditionem, qui duos leones humiliasti, et fortia Chaldæorum incendia mitigasti servis tuis (Dan. vi), qui Eliam corvis deferentibus escam pavisti (III Reg. xvii), suscipe animam ejus in pace, et colloca eam in locum patrum sanctorum, quia tibi est potestas in sæcula sæculorum.

CAP. X. — Post hos vero dies rursus fecerunt ei columnam habentem cubitos quadraginta, et **173** stetit super ipsam annos sedecim usque ad obitum suum. In quo tempore draco grandis nimis habitabat juxta eum in partibus Aquilonis, unde nec herba ibidem nascebatur, cui etiam intravit lignum in oculo dextero. Et ecce quadam die veniebat cæcus ille draco, et trahens se applicuit ad habitaculum in quo vir Dei morabatur, totus in gyrum se complians, quasi veniam poscens, humiliatoque capite jacebat. Quem beato Simeone intuente, statim exivit de oculo ejus lignum habens cubitum unum. Videntes autem omnes, glorificaverunt Deum, tamen ab eo fugerunt propter metum. Sed bestia ipsa involvit se, et mansit in uno loco immobilis, quandiu omnis populus pertransiret. Deinde surgens, adoravit ostium monasterii fere per duas horas, et sic reversa est in cubile suum, et neminem læsit.

CAP. XI. — Mulier quædam sitiens nocte, venit ad hydriam aquam bibere, in qua erat parvulus serpens ; et bibens, deglutivit illum, et crevit in utero ejus. Sed multi medici, et incantatores, et magi, adhibentes studium, nihil profecerunt. Post aliquod vero tempus adducitur ad sanctum Simeonem : at ille jussit eam poni in terram, et de aqua monasterii in os ejus mitti. Tunc exclamavit fortiter, et statim exivit de ore ejus serpens, cujus longitudo erat cubitorum trium. Eadem hora crepuit serpens, qui etiam ad multorum testimonium suspensus est ibi septem diebus. Et sana facta est mulier ex illa hora.

CAP. XII. — Virtutes ejus quamvis alicujus facundia enumerare vix valeat, tamen prout sunt vires, omnino silentio eas tegi minime patiar. Factum est autem ut aqua in loco non inveniretur, et totus populus periclitabatur, et omnia animalia præ aquæ penuria. Videns vero sanctus Simeon contritionem eorum, stetit ad orationem. Circa decimam autem diei horam subito dirupta est terra, et factum est chaos magnum ab Orientali parte ipsius monasterii : et inventa est quasi spelunca, inestimabiliter multam habens aquam. Tunc jussit fodi septem cubitis, et ex eo tempore superabundavit aqua in illo loco usque in præsentem diem.

Quo in tempore expetentes quidam de longe orationem ipsius et opera, meridiana hora diverterunt paululum ad umbraculum arboris propter æstum ad repausandum. Cumque sederent, ecce subito prægnans cervæ præteribat secus illos, et dixerunt ad illam : Per orationem sancti Simeonis te conjuramus : modicum sta, ut te comprehendamus. Quæ stetit eadem hora. Apprehendentesque eam, occiderunt, et comederunt partem aliquam ex ea. Statimque obtuerunt, et sic veniebat, sicut et cervæ illa. Curren-

tes autem, venerunt ad sanctum Simeonem, portantes A corium ejus, et fecerunt ibi duos annos, et vix aliquando sanitatem recipere potuerunt. Iniquum est enim peccatum eorum recitare. Corium autem cervæ suspenderunt ibi ad testimonium multorum.

CAP. XIII. — Sed et pardus immanis erat in locis illis, qui et homines et animalia interficiebat, et in gyro omnia vastabat Venientes autem homines loci illius ad sanctum Simeonem, nuntiaverunt ei quod tanta ac talia mala pardus operaretur. Tunc sanctus Simeon jussit de terra vel de aqua monasterii aspergi in illa loca. Et factum est. Exquirentes vero postmodum, invenerunt ipsum pardum jacentem mortuum, et omnes glorificaverunt Deum Simeonis.

CAP. XIV. — Quemcunque tamen sanabat, præcipiebat illi, dicens: Vade in domum tuam, et honori- B fica Deum qui te sanavit, et ne audeas dicere quod te Simeon curaverit, ne tibi subito deterius contingat: et ne præsumas jurare per nomen Domini, quia grave peccatum est: sed in me humili et peccatore jura sive juste sive injuste (15). Quam ob causam omnes Orientales et barbaræ gentes, quæ sunt in illis regionibus, per eum jurant.

CAP. XV. — Latro quidam de Antiochia, qui nominabatur Jonathas (16), multa mala faciens, cum a multis persequeretur, nec posset se jam ab illis abscondere, quasi leo a facie multorum persequentium fugiens, subito ingressus est monasterium; et amplexus columnam sancti Simeonis, cœpit amarissime flere. At ille dixit ei: Quis es? aut unde venisti homo, aut cur hic introisti? At ille: Ego sum Jonathas C latro, qui omnia mala feci, veni hic pœnitere. Ait itaque sanctus Simeon: Talium est regnum cœlorum (Matth. XIX). Sed ne velis me tentare, ne iterum inveniariis in sceleribus ipsis quæ reliquisti. Hæc illo loquente, ecce officiales (17) veniebant ab Antiochia, dicentes: Trade nobis inimicum et maleficum Jonathan, ne subito commoveatur civitas in seditionem. Bestiæ enim paratæ sunt ad devorandum eum. Respondit eis beatus Simeon: Filioli mei, ego non adduxi eum huc: quoniam qui adduxit eum, major nobis est, et istis talibus subvenit, etenim talium est regnum cœlorum. Et si potestis intrare, rapite eum hinc. Ego autem non possum, quia timeo eum qui illum misit ad me. Audientes autem hæc viri illi, regressi sunt cum timore ¶ 4 magno, et renuntiaverunt omnia Antiochiæ; sed Jonathas latro per septem dies amplexans et tenens columnam, dicit ad beatum Simeonem: Domine, si jubes, ambulare volo. Respondit illi justus: Iterum in ipsa mala festinas? Dixit illi Jonathas: Non, domine, sed tempus meum impletum est. Et sic loquens cum eo, reddidit spiritum. Et volentibus eum sepelire juxta monasterium, ecce alii officiales veniebant ab Antiochia propter illum, et cœperunt clamare et dicere: Da nobis inimicum nostrum, omnis enim civitas turbata est propter illum. Respondit ei beatus Simeon: Qui illum adduxit, venit cum multitudine cœlestis militiæ, qui potens est in tartarum mittere civitatem

vestram cum habitantibus in ea, qui etiam hunc reconciliavit sibi: et ego timui ne subito occideret me; ne ergo amplius fatigetur me humilem et pauperem. Et ita cum timore regressi sunt, nuntiantes omnia quæ viderant et audierant.

CAP. XVI. — Post paucos vero annos, factum est una die, hoc est, sexta Sabbati, et inclinavit se ad orationem, sustinens tres dies, id est, sexta, Sabbato, et Dominico. Tunc ego pavefactus ascendi ad ipsum, et steti in conspectu ejus, dixique ad eum: Surge, domine, benedic nos, quoniam populus tres dies et tres noctes habet, exspectans benedictionem a te; et non respondit mihi. Et rursus aio ad eum: Quare me contristas, domine, aut quid offendi? Supplico, mitte mihi manum, aut forsitan jam a nobis migrasti? Et sentiens quod non loquebatur mihi, cogitavi ut nulli dicerem, quia timebam illum tangere. Et stans quasi hora media, inclinavi me, et posui aurem meam ad auscultandum, et non erat flatus, nisi tantum quasi odor multorum aromatum ascendebat de corpore ejus, et sic intellexi quia requievit in Domino. Et hebefactus, planxi amarissime; et inclinans me, osculatus sum oculos ejus (18), et barbam complexus crinesque capitis ejus. Et increpans dixi: Cui me, domine, derelinquis? vel ubi requiram tuam angelicam doctrinam? Quale responsum reddam pro te? aut cujus anima respiciat columnam sine te, et non lugeat? Quale responsum reddam infirmis, quando veniunt et requirunt te hic, et non inveniunt? Quid dicam, aut quid loquar ego humilis? Hodie video te, crastina vero considero ad dexteram sive ad sinistram, et non invenio te. Aut quo amictu operiam columnam tuam? Heu me, quando veniunt aliqui de longe quærentes te, et non inveniunt! Et præ multa tristitia obdormivi. Statimque apparuit mihi, dicens: Non derelinquam columnam hanc, nec locum et montem hunc benedictum, in quo illuminatus sum; sed descendens, satisfac populo, et annuntia de me Antiochiæ secreta ne tumultus fiat in populo. Ego enim requievi, sicut Dominus voluit; tu autem ne cesses ministrare in hoc loco, et reddet tibi Dominus mercedem in cœlis. Exsurgens autem a somno, pavefactus dixi: Domine, memento mei in requie sancta tua. Et sublevans vestimenta ejus, procidi ad pedes ejus, et osculatus sum vestigia illius; et tenens manus ejus, posui super oculos meos, dicens: Benedic, obsecro, mi domine. Et iterum flevi et dixi: Quales reliquias tollam a te in memoriam? Et hæc dicens, motum est corpus illius. Ego autem timui tangere eum.

CAP. XVII. — Et ut nemo sciret, descendi celeriter, et fidelem fratrem misi Antiochiam ad episcopum (19). Qui statim veniens cum tribus episcopis, et cum illis Ardaborius magister militum (20) cum suis, tendentes cortinas circa columnam ejus, defixerunt vestimenta sua. Erant autem conficta ab auro. Et deponentibus eum juxta altare ante columnam, colligentibusque se, aves volabant super columnam, clamantes et quasi lugentes, ita ut omnes viderent.

Planctus etiam populi et jumentorum resonabat per A milliaria septem. Sed et montes, et campi et arbores contristati sunt circa loca illa; ubique enim nebula tenebrosa facta est per circuitum. Ego autem considerabam Angelum (21) venientem ad visitandum eum. Circa horam septimam seniores septem loquebantur cum angelo, vultus cuius erat sicut fulgur, et vestimenta sicut nix. Et vocem ejus in timore et tremore tandiu consideravi, quandiu audire potui: quid tamen fuisset, ignoro.

CAP. XVIII. — Cum autem jaceret sanctus Simeon in feretro, volens papa Antiochiæ de barba illius pro benedictione aliquod contingere, extendit manum, statimque arefacta est: multæque obsecrationes et orationes fiebant ad Deum pro eo, et sic restituta est manus ejus.

CAP. XIX. — Supponentes autem corpus feretro, cum psalmis et hymnis (22) duxerunt Antiochiam. Omnis autem populus, qui erat per circuitum regionis illius, plangebat, quod patrocinium tantarum reliquiarum tolleretur ab eis, et quod episcopus Antiochiæ jurasset, ut nemo tangeret corpus illius.

CAP. XX. — Venientes vero in quintum milliarium ab Antiochia, in vicum qui vocatur Meroe (23), nullus potuit movere eum. Tunc quidam  homo, annis quadraginta surdus et mutus, subito cecidit ante feretrum, et cœpit clamare et dicere: Bene venisti,

serve Dei, tuus enim adventus me salvabit; et si meruero vivere, ego tibi serviam omnibus diebus vitæ meæ. Et elevans se, apprehendit unum de burdonibus qui portabant feretrum (24), statimque movit se de loco isto. Et ita sanus factus est homo ex illa hora. Peccatum autem hominis illius tale erat: Hic amabat uxorem alienam, et volens eam adulterare, non potuit; et mortua est, et posita in monumento. At ille ivit, et violavit sepulcrum ejus; statimque obmutuit, et surdus factus est, et obligatus est in illo loco annis quadraginta.

CAP. XXI. — Tunc exeuntes omnes de civitate Antiochiæ, suscipiunt super argentum et aurum corpus sancti Simeonis, cum psalmis et hymnis, et cum multis lampadibus (25) portaverunt in ecclesiam majorem, et inde in aliam ecclesiam, quæ vocatur Pœnitentia. Multæ etiam virtutes fiunt ad sepulcrum ejus, magis quam in vita sua; et homo qui sanus factus est, ibi servivit usque in diem mortis suæ. Multi autem obtulerunt thesauros episcopo Antiochiæ pro fide, poscentes reliquias de corpore ejus; sed propter jurandum minime præstitit.

Ego humilis et peccator Antonius, in quantum potui, lectionem hanc breviter exposui. Beatus autem qui habet illam scriptam in libro, et legit in ecclesia et in domo Dei; et cum memoriam ejus fecerit, mercedem ab Altissimo recipiet: cui est honor, potestas, et virtus in sæcula sæculorum. Amen.

ROSWEYDI NOTATIO.

(1) *Simeonis Stylitæ.*] Martyrologium Romanum, 5 C Januarii: « Antiochiæ sancti Simeonis monachi, qui in columna stans multos annos vixit: unde et Stylitæ nomen accepit. Cujus vita et conversatio exstitit admirabilis. » Menologium Græcorum, 1 Septembr.: « Commemoratio sancti Patris nostri Simeonis Stylitæ, qui fuit sub imperatore Leone Magno, et Martyrio Antiochenæ urbis pontifice, a provincia Ciliciæ, ex castello Sesan, qui monasticam vitam ingressus in columnam ascendit, in qua quadraginta septem annos stetit, et multis per eum editis miraculis in pace quievit. » Quæ verbotenus sunt in Menæis, ubi pro *Sesan.* est *Σισᾶν.*

Tres fuere Simeones Stylitæ, qui non recte quandoque a viris doctis confunduntur. Trium insimul meminit Triodium pag. 32: Οὐρανός τετραπόστηρος ἐπάνη ἐν γῆ, ἢ δις δύο αὐτῆ Συμεώνιος ὁμωνύμια, οἱ ἐν τοῖς στύλοις τρεῖς εἰσι, καὶ εἰς ὁ Σάλος. « Cælum quatuor instructum luminibus in terra apparuit; bis bina ipsa Simeonia cognominatio, quorum in columnis tres sunt, et unus Salus. » Trium quoque Stylitarum meminere Menæa.

Noster hic, de quo agimus, senior est, cujus meminit Theodoretus in Philotheo, cap. 26, qui eum Cilicem dicit ex Sesa vico, et pastorem ovium. De eo quoque Evagrius, libro 1 Histor. Eccles., cap. 13 et 14; Theodorus Lector, lib. 1 Collect.; Nicephorus, lib. xiv, cap. 51, qui a Theodoro in Philotheo, et a Simeone Metaphraste vitam ejus scriptam refert. Prioris exstat inter opera Theodreti, non item posterioris, nisi hæc quæ Antonium auctorem habet, etiam titulum Metaphraste olim prætulit. Eiusdem etiam meminit Eulogius archiepiscopus Alexandriae, oratione 9, apud Photium, Cod. 230; Metaphrastes in Vita Theodosii Cœnobiarchæ, 11 Januarii, et in Vita Danielis Stylitæ, 11 Decemb.; Gregorius Turonensis, De gloria Confess., cap. 26; Suidas, in Συμεών; Cedrenus, in Compendio Historiæ, anno 25 Theodosii Junioris; Glycas, iv parte Annal.

Hic primus absolute dicitur *Stylites* (licet Suidas eum etiam Θαυμαστόν admirabilem vocet), alii cum additione aliqua.

Ut secundus, in Menæis, 24 Maii: 'Ο ἐν θαυμαστῷ ὄρει: in admirabili monte. Qui junior fuit sub Justino seniore, ut ibi notatur; qui in Menologio, 24 Maii dicitur *Stylites admirabilis*; in synodo v, quæ est II Nicæna, actione v: Συμεών Στυλιτῆς, ὁ εἰς τὸ θαυμαστὸν ὄρος: *Simeon Stylita, qui in mirabili monte fuit.* Ubi etiam sub Justino juniore dicitur vixisse a Joanne Damasceno, orat. 3, de Imaginibus, Συμεών τοῦ θαυμαστοῦ ὄρους: *Simeon admirandi montis quod, ut scribit Evagrius, lib. vi Hist. Eccles., cap. 22 (qui eum novit) Ἐν κλονι ἐστὼς ἀνωτάτω τοῦ ὄρους ἀκρωπέας, Stetit in columna, in summo montis vertice posita.* De quo etiam Nicephorus, lib. xviii, cap. 24.

Tertius in Menæis, 26 Julii, notatione πρεσβυτέρου καὶ ἀρχιμανδρίτου, presbyteri vel senioris et archimandritæ afficitur. An hic idem sit cum aliquo duorum præcedentium, vel cum eo de quo Moschus in Prato Spirituali, cap. 57, qui quadraginta milliaribus ab Ægis civitate Ciliciæ vixit, et fulmine ictus interiit, mihi incertum est.

Si diversus, quartus Simeon Stylita apud Moschum fuerit, cujus nulla nec in Menæis, nec in Menologio exstat memoria.

Error in primis est in Menologio, 24 Maii, ubi cum agatur de Simeone Stylita juniore, tempore Justiniani, male assignatur de eo agere Theodoretum, cum ille de seniore agat. Quod forte Baronium quoque in errorem induxit, cum, notat. in Martyrol. Rom., ad diem v Januarii, ait de seniore Stylita agi in Menologio, 24 Maii, et de juniore 1 Septembris. Nam contra affirmari oportuit.

Hujus egregia sanctitas toti orbi innotuit. Imago ejus Romæ in vestibulis offinarum ad tutelam figebatur, ut est apud Theodoretum, supra Genoveva quoque in Galliis divinitus eum velut præsentem novit, ut habent ejus Acta, 3 Januarii. Exstat ad eum

Theodosii junioris epistola in Actis concilii Ephesini. A tomo V, cap. 15, edit. Pelt. Scripsit quoque ad eum Leo Magnus imp., teste Evagrio, lib. II Hist., cap. 9.

De tempore, quo vixit, ex Theodoretto, inquit Baronius, ejus primordia colligi possunt, dum ait columnam jam incoluisse temporibus Meletii episcopi Antiocheni, qui sub Valente Imp. vixit desinitque ab humanis eo anno quo celebrata est magna synodus Constantinopolitana, Siagrius et Euchario coss., qui numeratur annus a Christo, juxta veriores chronographos, 381. Supervixit autem Simeon, ut ait Cedrenus, usque ad annum 4 Leonis Magni imp., quod etiam colligitur ex Actis Danielis Stylitæ. Est annus is a Christo 460, qua ratione jam centenario major obdormisse dignoscitur. Apud Nicephorum in margine habetur vixisse Simeonem 103 annos, sed nihil tale in textu.

Evagrius summam Vitæ ejus severe actæ ita colligit lib. I, cap. 13. Διέτριψε τόνον ἐν σαρκὶ τόνδε τὸν βίον διαδέλων ἔτη ἑξ καὶ πενήκοντα. Ἐν μὲν τῷ πρώτῳ φροντιστηρίῳ, ἔβη τὰ θεῖα κατηχήθη, ἔτη ἑνέα· ἐν δὲ αὐτῇ καλούμενῃ Μάνδρα, ἑπτὰ καὶ τεσσαράκοντα· ἐν τινὶ μὲν στενωπῷ ἔτεσι δέκα τὸν ἀγῶνα διανύσας· ἐν δὲ κλειστροῦ ἑπτὰ καὶ ἐν τεσσαρακονταπήγῃ, ἔτη τριάντα. « Iste Simeones hoc severum vivendi genus in carne traducens, vitam ad lvi annos propagavit. Nam in monasterio, in quo primum divinas vivendi præceptiones didicit, annos vixit ix. In Mandra autem, sic enim vocatur, xlvi, atque horum annorum x in loco admodum angusto confecit; in columnis arctioribus vii; denique in columna quadraginta cubitorum, xxx. » Eadem habet Nicephorus, libro xiv, cap. 51, in quo error in numerum irrepit. Nam pro undetriginta scribendum triginta. Quæ putatio si vera est, non potuit pervenisse ad centesimum annum. Alioqui necesse esset asserere eum, cum xlv erat annorum, primum ingressum esse monasterium. Quod non quadrat cum Vita hic ab Antonio scripta, qui eum statim ab adolescentia ingressum esse monasterium scribit.

Ex quo hæc Vitæ summa colligitur: Cum erat tredecim annorum, pascebat oves. Inde videtur ingressus monasterium, ubi vixit anno i; inde iii annis in clausura; post iv annis in columna cubitorum iv; iterum vii annis in columna cubitorum xii; rursus xii annis in columna cubitorum xx; post iv annos in columna cubitorum xxx; demum xvi annos in columna cubitorum xl. Atque ita exercitationis anni exsurgunt lvi, haud multum differentes a numero Evagrii.

Apud Theodoretum habetur, quod ii annos mansit in primo monasterio; x annis in monasterio Heliodori; iii annis in vico Telanesso; xxviii annis in columna, in id tempus quo Theodoretus ejus Vitam scripsit. Hic tantum habentur anni xlviii exercitationis, sed eo tempore adhuc vivebat.

Cedrenus, in Compendio historiæ, ait, an. 25 Theodosii Junioris eum columnam ascendisse, et an. 4 Leonis vita functum. Ex quo intervallo juxta computum Annalium Baronii conficiuntur tantum anni xxviii.

Contra calumniosiores Magdeburgenses Stylitam hunc egregie defendit illustrissimus cardinalis Belarminus, tom. II Controv. general. II, De monachis, c. 39; et Alanus Copus, dial. II, c. 18.

(2) Stylitæ.] Ducitur a grammaticis ἐστύλος et ἐστύλη ab eadem origine ἵστημι, sto. Suidas: Στυλίτης, ὁ ἐπὶ κλονοῦ ἱστάμενος, Stylitia qui columnam insistit. Quis primum apud Romanos super columnam cellulam struxerit, docet nos Asconius in Ciceronis orationem in Q. Cæcilium, quæ Divinatio in Verrem dicitur: « Mænius cum domum suam venderet Catoni et Flacco censoribus ut ibi basilica edificaretur, exceperat jus sibi unius columnæ, super quam tectum projiceret ex provelantibus tabulis, unde et ipse et posterius ejus spectare munus gladiatorum possent, quod etiam tum in foro dabatur. » Unde ab eodem Mænio dicta sunt Mæntiana. Festus: « Mæntiana edificia a Mænio

sunt appellata; is enim primus ultra columnas extendit tigna, quo ampliarentur superiora. » Glossæ: Mæntianum, ἑξώστρα. Mæntianus, ἐκθέτης.

(3) Antonio.] Auctor Vitæ hujus est non incertus, ut putavit Baronius, sed Antonius, qui ipse nomen suum declarat cap. 7. « Quidam autem juvenis astitit ei, Antonius nomine, qui vidit et scripsit hæc. » Et capite ultimo: « Ego humilis et peccator Antonius, in quantum potui, lectionem hanc breviter exposui. » De hoc puto intelligere Evagrius, libro I Hist. Eccl., cap. 13. Τοῦτου τὰς θεοσημείας γέγραφε μὲν καὶ τις τῶν αὐτόπτων γενομένων, γέγραφε δὲ, καὶ λογίως ἀπέπετο καὶ Θεοδώριτος ὁ τὴν Κυρῆστων ἐπισκοπήσας: « Hujus res gestas litteris prodidit cum alius quidam, qui eum oculis aspexisset; tum Theodoretus ecclesiæ Cyrenensis episcopus eadem diserite exposuit.

(4) Erat autem isti pater Susocion.] Vetust editio: Erat autem iste filius Susocion.] A nullo alio scriptore patris hoc nomen exprimitur. Tantum dicitur fuisse ex vico Sesan vel Sisan, quem vicinum suæ regioni et Cilicum ait Theodoretus. Sisan vicum habet etiam Theodorus Lector, libro primo Collectan.

Ms. Leodiensis sancti Laurentii et in patris nomine variat, et matris quoque nomen exprimit: « Is erat filius cujusdam Isici nomine, mater autem ejus Mathana dicta est. »

(5) Ecclesiam.] Theodoretus ait fuisse ecclesiam sanctorum Martyrum.

(6) In monasterium sancti Timothei.] In Theodoro nomen hujus viri non exprimitur. Exprimuntur aliorum virorum monasteria, ut Ammiani et Eusebii; Eusebonæ et Abitonis, item Heliodori. Cui posteriori quedam conveniunt, quæ hic habentur de Timothei monasterio.

(7) Magnifici viri.] Magnificus hic est, qui magna signa et miracula facit. Vide Onomasticon.

(8) Clausuram ex lapide sicco.] In Menæis, 22 Februarii, in Vita Thalassii et Lininæi est ἐρηλιθός. Quod Longus et Hervetus simpliciter lapidem vertunt, in Theodoretis Philotheo, cap. 22, si tamen ἐρηλιθός in ejus textu Græco fuit. Suidas: Ξυρός λίθος, ὁ ἄνευ πηλοῦ κτιζόμενος· ἦν γὰρ λίθῳ ἐρηρῷ διεσκευασμένον τὸ φρούριον, ἐκ μεγάλων λίθων συνηρμοσμένον. « Siccum saxum, quod sine luto edificiis adhibetur. Erat lapide sicco castellum interpolatum, ex magnis saxis coagmentatum. » Apud Theodoretum in Philotheo, cap. 18, in Eusebio: Lapidibus ne luto quidem conjunctis. Contra est in eodem Theodoro, cap. 29, luto et lapidibus, quod in Menæis, πηλῶ καὶ λίθοις.

(9) Armacenos.] Armaca Antonino Cappadociæ urbs. Sed magis hic puto intelligi Armenios, ut habet Theodoretus.

(10) Laotos.] Gentem hanc nullibi invenio. Auritum populum vox Græce sonat An iidem qui Panotii? Isidorus, lib. xi Orig., cap. 3: « Panotius apud Scythiam esse ferant tam diffusa aurium magnitudine ut omne corpus ex eis contegant. πᾶν enim Græco sermone omne, ὠτα aures dicuntur. » Quas hæc Vita gentes habet, Sarracenos, Persas, Armacenos, Laotos, et Allophylos, eorum loco apud Theodoretum habes Ismaelitas, Persas, Armenios, Iberos, Homeritas. Iidem apud Cedrenum exceptis Homeritis; nisi quis suspicari velit apud eum ὀσημέρας, quætidianos, ex Homeritis depravatam; vel contra apud Theodoretum. Vt potius Cedrenus sua expressit ex posteriore loco Theodreti, ubi Homeritas omittit, licet priore loco eos aliis adjungat.

(11) Basilicus rex Saracenorum.] Quærendum in historiis. Habet Theodoretus, quod prefectus quidam unius tribus seu phylarchus Saracenorum Simeonem accesserit; sed sine nomine, et in alia re.

(12) Et posuit super oculos suos.] Ritus venerationis hic est, quo rem sibi oculos contra charam indicabant. Sic cap. 17: « Manus ejus posui super oculos meos dicens: Benedic, obsecro, mi, domine. »

(13) Mater.] Gregorius Turonensis, de Gloria confessorum, cap. 26: « Legitur in ejus (Simeonis Sty-

litæ) Vitæ libro. Nullam unquam mulierem post conversionem oculis attentis inspexit; postquam vero columnæ editori se sanctitate fervens invexit, non modo extraneæ mulieri, verum etiam nec propriæ matri se videndum permisit. »

(14) *Quia locum illum mulier non ingrediebatur.*] Idem habet Theodoretus. Item Evagrius, libro 1, cap. 14; et Nicephorus, lib. xiv, cap. 51; et Gregorius Turonensis, supra, qui mirum quid de mulieris cuspium temeritate refert: « Ferunt, inquit, quamdam mulierem indutam fuisse veste virili, et in basilicam ingredi voluisse columnæ Tractavit secum misera agere posse per indumentum quod latere posset Altissimum, ignorans illud Apostoli: *Quia Deus non irridetur* (Gal. vi), et licet ibi veniens ad templum erexit pedem, ut sanctum ingrederetur limen, tamen protinus retrorsum ruens cecidit, et mortua est; satisque fuit populis ne hæc ultra mulier ulla præsumeret, cum in istam cerneret ultio- nem pessime irrogatam. »

(15) *In me humi i et peccatore jura, sine juste, sive injuste.*] Sane hoc capiendum; nec enim injuste jurandum. Vult tantum pravam jurandi per Deum abrègare temeritatem, suum potius nomen ei exponens Huc spectat pœna cujusdam apud Theodoretum, qui votum teste Simeone factum violaverat, in cujus ore et pectore caro avis lapiduit.

(16) *Jonathas.*] De hoc non memini legere, fors nec alius quispiam In Græco est Ἀγόνατος, sine genibus, quod illi latroni cognomen fortasse an ex eventu adhæsit. Unde depravate primo scripseret *Gonathas*, inde *Jonathas*.

(17) *Officiales.*] Ita vocabant ministros, publicos. Sic officium frequenter apud Auctores accipitur.

(18) *Osculatus sum oculos ejus.*] Ritus venerationis, qua præstantissima quæque membra et partes corporis osculo delibabant. Sanctus Hieronymus, in Vita sancti Pauli primi eremitæ, cap. 11: « Osculatus ejus oculis manibusque. » Sic mox ex humilitate: « et osculatus sum vestigia illius. »

(19) *Ad episcopum.*] Is tunc erat Martyrius, ut constat ex Evagrjo et Nicephoro, supra.

(20) *Ardaborius magister militum.*] Apud Evagrium, lib. 1, cap. 13: Ἀρδαβουρῶν δὲ αὐτῶν ἐφῶν στρατηγούντων ταγματῶν: « Ardabutio præterea præfecto præsidiorum in Oriente. » Idem apud Nicephorum, supra.

(21) *Angelum.*] Solemnem pompam exhibitam a cœlitibus ipsa die, qua triumphans cœlum conscendit Simeon, Daniel Stylita longe lateque absens agnovit, ut habetur in Vita ejus per Simeonem Metaphrastem

conscripta 11 Decemb. Eadem de Simeonis triumpho visio oblata fuit sancto Auxentio cum esset in Bithynia, ut habent ejus Acta apud Metaphr. 4 Febr.

(22) *Cum psalmis et hymnis.*] Mox, capite 22: « Cum psalmis et hymnis, et cum multis lampadibus portaverunt in ecclesiam majorem. » Sanctus Hieronymus, in Vita sancti Pauli primi eremitæ. c. 13: « Hymnos quoque et psalmos ex Christiana traditione decantans » Frequens in primorum Christianorum ritus in his Vitis occurrit.

(23) *Meroe.*] Vicus quinque millibus ab Antiochia, uti hic dicitur, distans. De hac Stephanus: Ἔστι δὲ Μερὴ κατὰ ἀνατολὰς τῆς περὶ Δάφνην Ἀντιοχείας· τὸ ἔθνικόν Μεροατος, ἢ Μερούσιος, κατὰ τὸ τῆς ἑορτῆς ὄνομα· καὶ τὸ κτητικόν, Μερουσιακός: « Locus ad Orientem non longe a Daphne Antiochiæ, cujus gentile, Meroæus vel Merusius, secundum festi nomen; possessivum, Merusiacus. »

(24) *De burdonibus, qui portabant feretrum.*] Etsi burdo ambiguum sit vocabulum, clarum hic intelligi de animali, quia in Græco μούλαι. Isidorus, lib. xii Orig., cap. 1: « Burdo, ex equo et asina. » Glossarium: « Burdo, ἡμίονος ἐξ ἵππου καὶ ὄνου θηλείας. » sic « Mulus ἡμίονος ἐξ ἵππου θηλείας καὶ ὄνου, » quod apud Varronem est II de RR., cap. 8: « Ex equa et asino fit mulus; contra ex equo et asina hinnus. » Burdonum mentio fit in l. 49 d. De legat., libro III.

(25) *Cum multis lampadibus.*] Et lampadibus, et cereis, et facibus, et scolacibus funera religiose olim celebrata. Acta sancti Cypriani: « Cum cereis et scolacibus. » Male hactenus ibi obtinuit, *scholaribus*, ut ex vetustis libris docui in notationibus ad Martyrologium Adonis, 14 Septembris, in martyrio sancti Cypriani.

Omisit Auctor hic, uti et Theodoretus, de obedientia ejus erga monachos Ægypti, de qua ita Suidas: Συμεών, ὁ θαυμαστός, περὶ οὗ οἱ ἐν Αἰγύπτῳ μοναχοὶ μαθόντες ὅτι ἐπὶ κίονος ἵσταται, μεμφόμενοι τῷ ξένῳ, πρῶτος γὰρ αὐτὸς τοῦτο ἐποίησεν, ἀκοινωνήσαν αὐτῷ ἔπεισαν, εἶτα ἐγνωκότες τὸν βίον τοῦ ἀνδρὸς καὶ τὸ ἄτυχον, πάλιν αὐτῷ ἐκοινωνήσαν· ὁ δὲ Μαρκιανὸς ὁ βασιλεὺς ἐν σχήματι ἰδιώτου πρὸς αὐτὸν ἀφανῶς παρεγένετο. « Simeon mirabilis ille, de quo cum Ægyptii monachi intellexissent eum in columna stare, insolitam rem aversati, quod primus id attentasset, eum suo cœtu excluserunt. Post autem, cognita viri vita, et animo fastus experte, rursus eum susceperunt. Marcianus vero imperator hominis privati habitu clam eum adiit. » Quæ fusius deducta vide apud Evagrium, lib. I, c. 13; et Niceph., lib. xiv, cap. 51.

JANUARIJ XXIII.

VITA SANCTI JOANNIS (1), ELEEMOSYNARIJ,

AUCTORE LEONTIO (2), NEAPOLEOS CYPRORUM EPISCOPO,
INTERPRETE ANASTASIO (3) S. R. E. BIBLIOTHECARIO.

PRÆFATIO ANASTASII INTERPRETIS AD DOMINUM (4) NICOLAUM PAPAM.

✠ Cogitante me, ac diu tacite sollicitèque mecum considerante, quid in domo Dei commodius ac dignius operari possem, ne ea videlicet præsumerem quæ mihi ex ministerio credita non sunt, nec rursus illa arriperem quæ ingenioli mei vires excedunt, secundum illud Salomonis: *Mel invenisti, comede quod*

sufficit tibi, ne forte satiatus evomas illud (Prov. xxv). Et alibi : Altiora te ne quæsieris, et fortiora te ne scrutatus fueris (Eccl. III); ecce subito quidam strenui ac studiosi viri me cohortari voluerunt, ut in Latinum sermonem verterem Leontium de Vitæ residuis (5) Joannis Alexandrini antistitis, quem Græci propter multiplicem compassionem, quam erga omnes possidebat, merito et absolute Eleemona, id est, misericordem appellant, quatenus tantus vir non tantum sermone Græco, verum etiam Latino eloquio pollentibus utilitati esset et commodo.

Quapropter quia me dignum ad tantum opus atque idoneum minime perspexi, *levavi oculos meos in montes unde veniret auxilium mihi* (Psal. cxx); sicque solatia patrum et orationes adhibens, tam proficuum virum non passus sum celare Latinis. Sed licet membranas inciderim, scedulas præparaverim, non tamen hunc in Codicem conficere ausus sum, antequam a dominatione vestra, o millies beate, licentiam adipisci promerui. Neque enim fas est ut absque vicario Dei (6), absque clavigero cæli, absque curru et auriga spiritualis Israelis, absque universitatis pontifice, absque unico papa, absque singulari pastore, absque speciali Patre, absque te omnium arbitro aliquid consummetur aut divulgetur. Tu enim tenes claves David (Lucæ xi), tu accepisti claves scientiæ. In arca quippe pectoris tui tabulæ testamenti et manna cælestis saporis requiescunt. Tu enim quod ligas, nemo solvit; quod solvis, nemo ligat; qui aperis, et nemo claudit; claudis, et nemo aperit (Matth. xvi). Vicem namque in terris possides Dei.

¶ Cum autem hunc beatum in Latinum verterem eloquium, nec Græcorum idiomatica, nec eorum ordinem verborum sequi potui vel debui. Non enim verbum e verbo, sed sensum e sensu excerpti. Sed nec Latinas regulas usquequaque servare curavi, dum tantum intentio mea illo tenderet, ex quo utilitas nasceretur legentibus. Qua de re, coangelice domne, non personam tantillitatis meæ intrens, non astutiam investigans, non verborum phaleras requirens, sed potius pio cordis oculo profectum legentium prænosens, ut tantus vir tanquam exemplar et speculum sit omnibus, vestra apostolica auctoritate translationem hanc, si vestro arbitrio placet, firmate; si displicet, emendate; dummodo Latinitas se tanto non doleat esse sale privatam, quo Græcia se gaudet optime conditam.

Suscipe ergo sanctum a peccatore interpretatum; et noli attendere per quem translatus sit, sed quis translatus sit. Neque enim propter fistulam plumbeam (7) aquam limpidissimam despicias, neque propter spinas quæ producunt, rosam quæ producitur spernis. Custos denique et amator tuus, quando voluit, Pharaoni (Gen. xli) et Nabuchodonosor (Dan. iv) iniquis regibus somnia, quibus futura prænoscerentur, ostendit; et Caipham impium quod expediebat protulit (Joan. xi): quinimo et quando voluit, asinæ loqui articulata voce permisit (Num. xxii).

Salve, Præsul amate Deo, per sæcula salve,
Totius atque orbis papa beate vale.

Prooemium auctoris.

Intentio quidem una est nostra quoque et eorum qui ante nos fuerunt studiosorum, et sanctorum virorum, super præsentem memorabilis viri Vitæ narratione; id est, ut ex hoc omnibus quidem imitatio pia et utilitas fiat, gloria autem et magnificentia sanctæ et adorandæ Trinitati referatur; et in hoc, sicut et in omnibus, quæ semper in generationem et generationem propria luminaria ostendit, ad illuminandos qui in tenebris et in umbra mortis sedent (Luc. 1) et peccati. Quoniam vero amici Christi non valde miramur, qui ante generationem nostram fuerunt viri, qui Deo placita conversatione vixerunt; sed de diabolica operatione illos sermones semper dicimus ad alterutrum, quia sub viris qui ante nos fuerunt, non erat ita iniquitas hominum multiplicata sicut modo, ut prædixit divina Scriptura, eo quod abundavit iniquitas, refrigescit charitas multorum (Matth. xxiv); ideo non valemus ad eorum consurgere meritum: hujus rei gratia ad præsentem sanctæ hujus Vitæ narrationem ex parte venimus ad ostendendum etiam diebus nostris volentes, et propositum suum cogentes, excellentiores nobis demonstrari, et angustam et arctam viam posse incedere (Matth. vii) et obstruere os loquentium iniqua (Psal. lxi), et animæ nocuos intellectus.

Jam quidem et alii ante nos optima atque excellentissima de hoc admirabili viro et summo sacerdote Joanne philosophati sunt, potentes existentes in opere et in sermone. Dico enim Joannem et Sophronium (8) Dei cultores, et amatores virtutum, et pietatis propugnatores; attamen quamvis tales essent, de dignitate et merito studii viri istius et ipsi omiserunt, et id ipsum perpessi sunt, quod nonnulli studiosi agricolæ, vineam uberem et fructuosam vindemiantes; nam relinquunt utique ex fructu benedictionem, etiam nolentes, retro se sequentibus egenis eligentibus vineam, ex quibus sumus et nos minimi. Nam et omnes sancti isti, quamvis omni fortitudine sua fructiferam hanc olivam, quæ in domo Dei, ut ait Psalmista (Psal. li), plantata est, propter multiplices revera olivas, quæ in ea sunt, zelo Dei vindemiare studuerint, attamen latuit eos multus olivæ fructus, Domino dispensante. Nostram ergo vilem et frigidam alacritatem suscipite, ut duo viduæ minuta (Lucæ xxi); non enim illis detrahentes, neque qui possimus eorum a Deo donatam sapientiam imitari, justi gesta scripturæ tradere festinavimus; sed primo quidem ut quod intelligimus non justum esse, ea quæ possunt utilitatem audientibus facere, silentio occultare;

ne et nos incidamus in iudicium servi illius (*Matth. xxv*), qui talentum in terra **¶** **SO** abscondit. Secundo autem, ut in hac narratione nostra correctiores et delectabiles historiæ conscribantur, quæ scriptæ non sunt ab optimis viris, in laudibus sanctissimi revera atque beatissimi Joannis. Deinde vero, quia sapientes et potentes in sermone, amatores historiæ erant, sapienter et sublimiter materiam depinxerunt: quod maxime et peramplius erexit nos ad præsentem sollicitudinem, ut eo qui inest nobis, pedestri, deformi, humilique caractere enarraremus, ut posset et idiota et sine litteris de his quæ dicuntur proficere.

VITA.

CAPUT PRIMUM. — Cum pervenissem Alexandriam ego indignus ad amplectendos sanctos et victores martyres Cyrum et Joannem (9), et eorum jucundis epulis et refectioe frueremur, convenientibus et colloquentibus ibidem quibusdam viris venerabilibus atque philochristis (10), et disputaremus de Scripturis et de animæ institutione, venit ad nos quidam peregrinus petens eleemosynam. Dicebat enim se nuper de captivitate Persarum ereptum. Accidit igitur ut nullus de considentibus inveniretur habens pretium aut nummum. Unus ergo de considentibus habebat illic astantem mercenarium, callide datorem, accipientem tres tantum nummos per singulos annos, et habentem uxorem et duos filios. Cumque recessisset qui petebat, persecutus est eum ingeniose, et abstulit a se quam ferebat cruciculam argenteam (11) et dat ei, dicens se non habere aliud aliquid usque ad siliquam unam (12) in vita sua. Ego igitur de hoc quod acciderat, imo quod gestum videram, per gratiam Dei considerans quod fecerat, et compunctus, enarravi statim prope sedenti, Mennæ nomine, viro industrio et timenti Deum, qui et erat ordinans dispensationem sanctissimæ ecclesiæ sub nobili et beatissimo Joanne patriarcha. Qui cum me intuitus esset admirantem et laudantem eum qui eleemosynam fecerat, dixit mihi: Ne mireris, eo quod ex traditione et doctrina hujusmodi actionis operator existit. Et dicente me ad eum, Quomodo? propter charitatem prodesto mihi. Ipse respondens ait: Sanctissimo ter beato patriarchæ nostro ministrans pertransiit Joanni, et tanquam filius proprius patris industriam suscepit, dicente sancto ad eum: Humilis Zacharia, esto misericors; et verbum habes ex Deo per infelicitatem meam, quia neque in vita mea neque post mortem deerit a te Deus: quod servatusque hodie. Multas enim benedictiones mittit ei Deus, sed non dimittit quidquam, quod non statim det pauperibus, propemodum constringens et in nihilum redigens domum suam. Multoties autem in exultatione invenierunt eum quidam, dicentem Deo: Sic sic, aut tu mittendo, aut ego dispergendo; videbimus vero quis vincat. Liquet enim quoniam tu dives, Domine, et vitæ nostræ ministrator es. Porro est quando juxta eventum non habet ad horam aliquid quod det a se petenti; et tristatus dicit ad tabernarium aut ad negotiatorem: Da mihi unum tremissem (13), et serviam tibi uno mense vel duobus, ut vis et ubi vis, quoniam esuriunt valde qui in domo mea sunt. Et sumens dat egeno, rogans ut nemini dicat. Cum ergo sensisset meidem Dei cultor Mennas (14), tanquam

Evangelium audientem se, dicit mihi cum compunctione: In hoc miraris, Domine? Jam si invenisses sanctorum patriarcham, quid? Aio ei: Quid amplius viderem? Tunc dixit mihi: Crede per indulgentiam Dei. Ipse me fecit presbyterum, et vicedominum (15) sanctissimæ ecclesiæ, et vidi in eo opera, universam pene naturam excedentia. Et si dignatus fueris in servilia tua hodie veniendo, sanctificare nos, enarrabo tibi gesta, quæ ipse inspector eorum factus aspexi. Cumque hoc dixisset, tenui manum et erexit eum; apprehendensque, duxit me in a Deo servatam domum suam. Iaque cum voluisset nobis mensam dignatus apponere, dixi ad eum: Non justum est, o Domine, animæ cibum relinquere, corpus ante animam reficere, sed magis cibum qui non perit, sumamus, et postmodum corpori necessitatem præstemus. Cum ergo cœpisset vitam sancti sine mendacio recitare, Primum, inquit, et præcipuum bonum ejus fuit, quoniam omnimodis non juravit. Petii igitur chartam et atramentarium, et quæ dicebantur, per ordinem annotabam.

CAP. II. — Promotus ergo, et in throno residens in amica Christi magna civitate Alexandria, decreto divino veraciter, et non ex hominibus, neque per homines, hoc primum forte factum et præmium omnibus demonstravit. Mittens enim mox dispensatores, et eum qui dicebatur super pacem (16), dicit coram omnibus ad eos in honorabili secreto (17): Non justum est, fratres, nos ante alterius cujusquam curam habere quam Christi. Omni vero multitudine quæ convenerat, audito verbo compuncta ac sustinente, dicit iterum ille beatus: Euntes ergo per totam civitatem, conscribite **¶** **SO** mihi usque ad unum omnes dominos meos. Illis autem non intelligentibus qui hi essent, sed rogantibus dicere, et mirantibus quinam patriarchæ domini existerent, respondit rursus angelicum illud os, et ait: Quod vos egenos et mendicos vocatis, illos ego dominos et auxiliares prædico. Ipsi enim nobis vere et auxiliari, et cœlo regnum donare poterunt. Et cum hoc multa velocitate vidisset factum Christi imitator, præcepit eis per singulos dies stipendia tribui, et per proprium dispensatorem præbens eis sufficientem necessitatem: plus autem erant quam septem millia quingenti. Tunc quasi pastor verus et non mercenarius, cum sacro suo ovili et cum convenientibus, sanctis viris episcopis ad ecclesiam sanctam pergens consecratus est divino iudicio (18).

CAP. III. — Justum vero est et hoc gestorum ejus non postponere bonum. In crastinum enim iterum

mittens per totam civitatem eosdem Dei amicos, A
 œconomos et cancellarios (19), et reliquos quibus
 erat dispositio civitatis credita, non permisit mensuram
 qualemcunque, vel pondus: parvum vel magnum
 in tota civitate; sed omnia in una Campana state-
 ra (20), modio et artabe (21), vendere et emere con-
 testabatur, scribens in subscriptione sua conditionem
 per omnem regionem, habentem formam hanc:
 « Joannes humilis et exiguus servus servorum Do-
 mini nostri Jesu Christi, omnibus sub paupertate
 nostra degentibus, quique ab eodem Domino et Deo
 nostro regimini, hæc: Egregio beato Paulo, per eum
 qui in eo loquebatur, Christum jubente, et omnibus
 legem ponente, Obedite præpositis vestris et subja-
 cete eis; ipsi enim pervigilant, quasi rationem pro
 animabus vestris reddituri (Hebr. XIII): credit tan-
 tillitas mea, verbo divino obedientes vos, suscipere
 petitiones nostras ut ex Deo, et non ex homine, unde
 hoc sciens, moneo charitatem vestram, ut nequa-
 quam in quopiam vestrum appareat hujusmodi
 prævaricatio. Denique, ut ait divina Scriptura, Sta-
 teram magnam et parvam odio habet Deus (Prov. XI).
 Si vero quis apparuerit post præsentem subscrip-
 tionem nostræ conditionem, istiusmodi crimen in-
 cidens, universas facultates suas indigentibus, non
 volens, sine mercede, apponet. » Ergo, ut dignum
 memoria, et hoc ipsum publicum præceptum hic
 ponere festinavimus.

CAP. IV. — Relatum est autem aliquando huic di-
 vinitus sapientiam consecuto, quod per xenia eccle-
 siæ rectores empti personas acciperent circa dispo-
 sitiones captivorum. Quos nihil negligens, convocavit;
 et neminem penitus exasperans, superavit
 mercedes quæ eis prius dabantur, ponens verbum,
 quatenus munera a quolibet omnimodis non accipe-
 rent: Quoniam, inquit, ignis consumet domos mu-
 nera accipientium. Ex tunc igitur per gratiam Dei
 abundaverunt domus eorum, ita ut quidam ex eis
 additæ sibi mercedis quantitatem dimitterent.

CAP. V. — Discens vero aliquando iterum ille ter-
 dives, quod quidam injurias paterentur ab adversariis
 suis, et volentes adire eum, timore cancellariorum
 et ecclesiæ defensorum (22) atque ei astantium
 prohiberentur, consideravit tale quid Deo acceptum
 negotium; et quarta et sexta feria publice ponens
 sellam et duo scamna, sedebat ante ecclesiam, collo-
 quens quibusdam strenuis viris, aut sancta Evange-
 lia præ manibus tenens, nullum tanti obsequii appro-
 pinquare sibi permittens, excepto uno defensore
 ecclesiæ, licentiam et confidentiam dare festinans se
 adire volentibus; quibus et confestim quod dignum
 erat, per ecclesiæ defensores faciebat; et præcipie-
 bat ut nemo eorum gustaret, quoadusque ordinarent
 capitulum. Et audientibus dicebat: Si nos homines
 existentes, permissionem semper pro petitionibus
 nostris habemus ingrediendi domum Dei, et petiti-
 ones nostras notas facere ei, videlicet intractabili ac
 omni creaturæ supereminenti, atque operam damus
 quo preces nostræ impleantur, nec non et rogamus

eum, ne tardet, sed illud Prophetæ dictum protinus
 exclamamus: Cito anticipet nos misericordia tua,
 Domine (Psal. LXXVIII): quomodo, putas, nos conser-
 vorum nostrorum petitiones cum omni festinatione
 debemus peragere, memores Domini dicentes: In qua
 mensura mensi fueritis, remetietur vobis (Matth. VII).
 Et Prophetæ iterum perhibentis: Quemadmodum
 perfecisti, erit tibi? Una ergo dierum simili modo hic
 mirabilis procedens, et in solito loco præsidens usque
 ad horam quintam, et nemine accedente, mœstus
 et collacrymans recessit; nullo autem audente eum
 interrogare causam mœroris, sanctus Sophronius ait
 ad eum secreto (illic enim erat tunc): Quæ causa est,
 Dei curator, retinentis animum tuum sanctum tristi-
 tiæ? omnes quippe nos repente conturbavit. Qui dixit
 ei mansueta voce: Hodie (23) humilis Joannes qua-
 lem cunque mercedem a quopiam non habuit, neque
 Christo pro innumeris peccatis ejus aliquid obtulit,
 sicut nec aliquando. Cui sanctus Sophronius divini-
 tus inspiratus, respondit (mox enim intellexit cau-
 sam ob quam idem tristabatur patriarcha): Hodie
 quidem gaudere et lætari oportet, beatissime;
 veraciter enim beatissimus es, ita pacificans a Christo
 creditum tibi gregem, ut nullam habeat contra
 proximum suum litem aut dubietatem, sed velut an-
 gelos sine litigio et sine judicio homines esse fecisti.
 Ille autem vere mitis pastor, credens quod dictum
 erat verum esse, oculos in cœlum extendens,
 dicebat: Gratias ago tibi, Deus, quia et immeritam
 pusillanimitatem meam sacerdotio fungi, et me exi-
 guum et peccatorem, sacerdotem tuum vocari, et
 pascere rationabilem gregem tuum dignatus es. Mox
 ergo pusillanimitate omni deposita, gaudium in hu-
 militate multum illi adfuit. Hunc vero (ut quidam
 aiunt) in hoc imitatus est Constantinus, qui post
 Heraclium imperatorem exstitit, cujus et filius erat.

CAP. VI. — Hujus sancti patriarchæ temporibus
 ascendentes Persæ (24) captivaverunt et deprædati
 sunt Syriam. Itaque pene omnes qui effugiebant
 manus Persarum, ad nomen hujus ter beati, tanquam
 ad portum sine fluctu accurrebant, ab eo et ipsi
 suffragio et susceptione perfrui postulantes. Quos
 beatus iste hospitio recipiebat, et consolabatur non
 tanquam captivos, sed quasi natura veraciter fratres.
 Continuo ergo plagatos quidem et infirmos in xeno-
 dochiis et nosocomiis fecit recumbere, præcipiens
 curam eis et medicinam gratis impendi; et tunc
 recedere, quando unusquisque eorum propria volun-
 tate vellet. Eorum vero, qui cum sani essent et ege-
 ni, veniebant ad rogam (25), masculis quidem singu-
 las siliquas dabat; mulieribus autem et puellis, tan-
 quam infirmioribus membris, binas. Venientibus
 autem quibusdam indutis ornamentis aureis et dex-
 tralibus, et quærentibus eleemosynam, referebant de
 eis patriarchæ hi quibus erat roga credita. Ad quos
 beatus ille torvo oculo ac severa voce usus, quan-
 quam mitis esset et visus hilaris, dixit: Si quidem
 humilis Joannis, imo Christi dispensatores vultis
 esse, divino præcepto sine calliditate obedite, di-

centi : Omni petenti te da (*Lucæ vi*). Si autem venientes curiose investigaveritis, Deus curiosorum ministrorum non indiget, neque humilis Joannes. Si enim quæ dantur mea existerent, et mecum nata essent, fortasse bene in meis tenax existerem. Si vero quæ dantur Dei sunt, utique in suis præceptum suum custodiri vult. Si autem ex incredulitate aut modica fide illud timetis, ne forte multitudo eorum quibus dantur, superet introitum pecuniarum; ego vestræ pusillæ fidei communicari non patior. Etenim si beneplacito Dei actum est ut essem ego indignus dispensator ejus munerum, si totus mundus congregaretur Alexandriæ eleemosynæ indigens, immensos thesauros Dei non angustabunt, neque sanctam ecclesiam.

CAP. VII.—Cumque istos dimisisset, universam quæ circumdederat illos defectionem et modicam fidem scindens, loquebatur his qui ei consedebant, et admirabantur de a Deo data ei compassione : Cum essem, inquit, in Cypro adhuc juvenis quasi annorum quindecim, video una noctium in somnis puellam quamdam, cujus species supra solem splendebat, ornatam supra omnem humanum sensum, quæ venit et stetit ante lectum meum, et pulsavit me in lateri e. Expergefactus vero, video eam in veritate stantem, et æstimavi eam esse mulierem; figura igitur crucis signatus, dixi ei : Quæ es tu? et quomodo ausa es intrare super me dum dormire? Habebat et coronam de olivarum ramis super caput suum. Tunc illa hilari vultu et subridendo labiis dicit mihi: Ego sum prima filiarum regis. Cumque hæc audissem, statim adoravi eam. Tunc dicit mihi : Si me possederis amicam, ego te ducam in conspectu imperatoris. Etenim nemo habet potestatem apud eum, sicut ego. Ego quippe feci eum in terris hominem fieri et salvare homines. Et hæc dicens, disparuit. Ego vero in memetipsum reversus, intellexi visionem, et dixi : Credo, Compassio ac Eleemosyna est, et ideo habet in capite ex olivæ foliis coronam. Etenim veraciter compassio et benignitas erga homines Deum carne vestiri fecit. Statim ergo vestivi me, et nullum domus meæ excitans, in ecclesiam abii. Erat enim jam aurora. Et cum irem obviam fratri frigore vexanti (26), expoliavi me indumento caprino, et dedi ei, dixique intra me : Ecce in hoc sciam si utique vera est visio quam vidi, an dæmoniaca. Et veritate testante, necdum ecclesiam comprehenderam, et subito obvians mihi quidam, albis indutus vestibus, dat mihi ligaturam (27) centum numismatum, dicens : Accipe hæc, frater, et dispensa ut vis. Ego autem præ gaudio statim hæc suscipiens, reversus sum, volens reddere ei ligaturam illam, quasi nihil indigens, et amplius non vidi aliquem. Tunc dixi mihi : Veraciter non erat phantasia. Ex illa ergo hora sæpe dabam aliquid fratribus, et dicebam : Videbo si mittat Deus mihi, ut dixit, centupla. Et cum tentassem Dominum, malefaciens, et satisfactus essem diversis modis per eas res, dixi : Cessa, misera anima, tentando intentabilem. Tot igitur certitu-

dines habente ex Deo humili anima mea, hi increduli fortasse hodie venerunt, et me in diffidentiam secum cadere hortabantur.

CAP. VIII. — Adhuc (28) existente eadem populi multitudine in civitate, quidam peregrinorum videns tantam ejus compassionem, voluit tentare eum; et indutus vestimenta vetera, adiit eum, euntem ad visitandos qui in nosocomio jacebant. Bis enim per hebdomadam vel ter ibat illuc. Et dicit ad eum : Miserere mei, quoniam captivus sum. Dicit datori : Da ei sex numismata. Deinde cum hæc accepisset, vadit et mutat habitum, et obviat ei aliunde, et procidit ei, dicens : Miserere mei, quia coarctor. Dicit denuo patriarcha datori : Da ei sex nummos aureos. Cum ergo isset, dicit ille distributor ad aurem illius patriarchæ : Per orationes tuas, domine, idem ipse accepit secundo. Fecit vero seipsum patriarcha tanquam nesciret. Venit itaque tertio iterum accipere, et tetigit dator patriarcham qui aurum ferebat, significans quod ipse esset. Tunc respondit ei Dei amicus, ille veraciter misericors : Da ei duodecim numismata ne forte Christus meus sit, et tentet me.

CAP. IX. — Nauclerus quidam peregrinus damna pertulit; et accedens hunc beatum virum, rogabat eum multis lacrymis, ut compateretur ei, sicut et omnibus aliis. Præcepitque eum accipere quinque libras auri. Cumque accepisset has, abiens erit enthecā (29), et misit in navim. Mox accidit ut extra pharum (30) naufragium pertulisset; navim vero non perdidit. Accessit iterum ad eum, de bona ejus voluntate præsumens, et dixit : Miserere mei, ut Deus mundi misertus est. Cui ille patriarcha dixit : Crede, frater, nisi miscuisses pecuniæ ecclesiæ illas pecunias quæ tibi remanserant, nullatenus naufragium pertulisses. De malis enim habuisti eas, et perditæ sunt cum eis et quæ fuerunt ex bonis. Verum præcepit denuo dari ei decem libras auri, denuntians, ei ne commiseret eis alias pecunias. Emens præterea enthecā, et navigans uno die, vento valido flante, projectus est in terram; et omnia perdidit, et ipsam navem, et non sunt salvatæ nisi animæ tantum. Voluit ergo præ confusione et angustia idem nauclerus necare seipsum; sed Deus qui semper salutem hominum providet, revelavit hoc beato patriarchæ. Et cum audisset quod acciderat ei, nuntiat ei venire ad se nihil omnino dubitans. Tunc aspexit se pulvere, et tunicam scindens, indecenter accedit ad eum. Cumque vidisset eum in tali habitu ille sanctus, redarguit eum, et dixit : Misereatur tui Dominus benedictus Deus. Credo ei quod ab hodierna die nequaquam naufragium incidas, usquequo moriaris. Hoc vero tibi contingit, eo quod et ipsa navis tua ex injustitia esset possessa. Mox ergo jussit tradi ei unam magnam navim, plenam frumento viginti millium modiorum, de illis navibus quæ sanctissimæ ecclesiæ subjectæ ministrabant. Quam recipiens, exiit Alexandria; et affirmabat ipse nauclerus, asseverans : Viginti diebus ac noctibus vehemēti vento navigavimus, non valentes omnino scire quo issemus,

neque per stellas, neque per loca, excepto quod gubernator videbat illum patriarcham secum tenentem temonem, et dicentem sibi : Ne timeas, bene navigas. Igitur post vigesimam diem apparuimus in insulis Britanniae; et descendentes nobis in terram, invenimus illic famem magnam. Cum ergo dixissemus primo civitatis, quod frumentum in navi portaremus, dixit : Bene Deus adduxit vos. Quidquid vultis, eligit; aut per singulos modios numisma unum, aut ejusdem ponderis accipite stannum. Elegimus itaque dimidium sic, et dimidium sic. Rem autem vadit dicere sermo, inexpertis munerum Dei incredibilem quidem et sine fide, his vero qui experientiam miraculi ejus habent, credibilem atque acceptam. Navi praeterea Alexandriam cum gaudio reversa quievimus in Pentapoli (31); et asportavit nauclerus de illo stanno, ut venundaret illud. Habebat enim illic antiquum socium in negotiis petentem ex eodem stanno. Dat ei in sacco quasi quinquaginta libras. At ille volens probare speciem si bona esset, solvit illud in igne, et invenit argentum purum. Putavitque se esse tentatum, et retulit eisaccum dicens : Deus indulgeat tibi. Nunquid invenisti me impostorem erga te, quia tentando argentum pro stanno dedisti mihi? Expavescens vero de sermone illo nauclerus, dicit : Crede, ego pro stanno illud habeo. Si vero ille qui fecit de aqua vinum (*Joan. II*), ipse per orationes patriarchae fecit et stannum argentum, nihil mirum. Et ut satisfaciam, veni ad navim, et videbis caetera istius metalli socia, quod accepisti. Ascendentes itaque, invenerunt stannum argentum optimum factum. Et non est peregrinum miraculum, o philochristi. Qui enim quinque panes multiplicavit (*Joan. VI*), et rursus aquam Aegypti transmutavit in sanguinem (*Exodi VII*), et virgam in serpentem transmutavit, et transtulit flammam in rorem (*Dan. III*), facilius et hoc tam gloriosum miraculum operatus est, quatenus et famulum suum  ditaret, et nauclero misericordiam suam praestaret.

CAP. X. — Descendente sanctissimo isto viro aliquando in ecclesiam Dominico die, accessit ad eum homo, qui multas possederat facultates : et fures ingressi domum ejus, despoliaverunt eum usque ad stramentum; et cum multa quaestio esset facta, et non invenisset qui haec perpetraverant, compulsus est multa nimis paupertate, deprecari cum magna reverentia sanctissimum illum patriarcham, dicens ei et calamitatem suam. Misertus ergo illius multum (tuerat enim ex clarissimis et magnis principibus) dicit ad aurem illius cui aurum creditum erat, ut daret ei quindecim libras auri. Cum autem has daturus abiret, apprehendit consilium logothetae (32) et aetonomi; et ex diabolica operatione invidentes, non dederunt ei nisi quinque libras. Cum ergo reverteretur de collecta (33) idem honorabilissimus archiepiscopus, dat ei in scriptis mulier vidua habens unicum filium, notitiam xenii (34) quinque centenariorum auri. Cum autem suscepisset, et honorabile secretum dimississet, convocavit dispensatores.

A et dixit eis : Quot libras dedistis illi qui ad me accessit? Qui dixerunt : Domine, ut jussit sacratissima sanctitas vestra, quindecim libras. Cum autem cognovisset per inhabitantem in se gratiam, illos esse mentitos, adducit eum qui acceperat, et interrogavit eum quid accepisset? Illo vero dicente quinque libras, proferens de honoranda manu sua ille sanctus pittacium (37), quod sibi traditum fuerat, dixit eis : A vobis exquirat Deus et illa alia decem centenaria, quoniam si dedissetis quindecim libras, ut dixit humilitas mea, qui attulit quinque centenaria, quindecim daret. Et ut certos vos faciam, mittens adducam quae has attulit. Et mittens duos venerabiles viros, ut accersirent reverendam feminam, quae in baptisterio pittacium ei porrexerat, cui et indicat, dicens : Benedictionem, quam Deus sibi offerendam misit in cor tuum, ferens tecum, veni ad humilitatem meam. Quae cursim surgens, apprehendit vestigia sancti viri una cum quantitate auri. Cum ergo suscepisset ille patriarcha oblationem, et orasset super eum, et super filium ejus sufficienter, dixit : Obsecro te, nonna (36), haec tantum voluisti dare Christo an aliud aliquid? cum autem sensisset deiferum, illud quod fecerat cognovisse, tremore compressa, dixit : Per sanctas domini mei orationes, et sanctum meum Mennam (37), quindecim centenaria scripseram in pittacio; et ante unam horam cum stare in synaxi, ut darem hoc tibi Domino meo, dissolvens illud, importune legi. Ego enim indigna ancilla tua scripsi hoc propria manu, et inveni decem deleta a seipso. Tunc stupefacta intra memetipsam, dixi : Utique non est voluntas Dei ut dem nisi quinque. Dimittente autem patriarcha reverendam illam feminam, ceciderunt ad pedes ejus dispensatores, qui transgressi sunt voluntatem ejus, petentes indulgentiam, et affirmantes nihil tale se ulterius acturos fore.

CAP. XI. — Intuens Niceta patricius (38) hujus viri virtutibus pleni magnanimitatem, et sine parcitate manum expansam, et tanquam ex fonte jugiter omnibus praestantem instinctu quorumdam diabolium imitantium, subit ad sanctum, et dicit ei : Regnum arcatur, et pecunia eget. Jam, quia sine parcitate erogantur, quae deferuntur tibi pecuniae, da eas imperio, da eas in publicum saccellum. Ille vero de hoc quod dictum fuerat, imperturbatus manens, dicit ad eum : Non justum est ut arbitror, domine patrici, ea quae super caelesti Regi oblata sunt, terrestri dare. Si vero et omnino tale aliquid judicasti, crede, humilis Joannes ex eis nummum non dabit tibi; sed ecce sub humili lectulo meo est apotheca Christi, ut volueris fac. Surgens itaque statim patricius, vocat de suis hominibus qui portare deberent, et imponit super eos pecunias totas, non relinquens ex eis nisi unum centenarium, Et cum descenderent qui portabant hujusmodi pecuniam, ascendebant quidam alii portantes pusillas lagunculas, habentes pecunias missas patriarchae de Africa, superscriptas alias quidem MEL OPTIMUM, alias autem MEL SINE FUMO. Cum

ergo descendens patricius legeret superscriptiones A lagenarum, insinuat patriarchæ ut sibi mitteret de tali melle, quo ad opus suum uteretur. Noverat enim eum mali esse immemorem. Ascendente igitur qui lagunculas habebat creditas, et responsa reddente, et indicante pecunias esse pro melle in vasis, statim vere mitis pastor misit ei unam lagunculam, superscriptam MEL OPTIMUM, faciens ei et pittacium, continens ita : « Dominus qui dixit : Non te deseram neque derelinquam (*Hebr. xiii ; Jos. i*), sine mendacio est ; et Deus verus ; idcirco Deum, qui omnibus escam et vitam præbet, homo corruptibilis constringere non potest. Vale. » Præcepit autem abeuntibus et portantibus lagunculam, ut dicerent ei ut ante se faceret eam aperiri, et dicerent ei quod omnes quas viderat deferri lagunculas pecuniis essent pro melle repletæ. Contigit **ISS** ergo sedente eo ad mensam, ut nuntiaretur adesse eos qui lagunculam portabant, et pittacium patriarchæ. Ascendentibus itaque eis, cum vidisset unam tantum lagunculam, dixit eis patricius : Dicite ei : Credo, domine, magnam iracundiam adversum me retines, nam unam solam non mitteres mihi. Tradito autem pittacio eodem, et bullam (39) dissolventibus, et evacuanti- bus coram omnibus pecuniam, agnovit et reliquas lagunculas, quas vidit, similiter plenas esse. Cum ergo legisset quod homo corruptibilis Deum constringere non posset, compunctus de sermone, dixit : Et vivit Dominus, neque Niceta constringet eum, homo etenim et ipse peccator et corruptibilis est. Et relin- quens mox prandium, et sumens secum quotquot C pecunias ab honorando Patre abstulerat, et lagunculam quæ ab eo transmissa fuerat, et de suo centenaria tria, apprehendit honoranda ejus vestigia nullo in obsequium proprium sumpto ; sed in humilitate multa ascendens, rogabat eum, quasi aliis accusanti- bus motum, indulgentiam a Deo exposceret, satisfaciens ei quod etsi pœnitentiam ei daret, prompte hanc susciperet et custodiret. Admirans autem archiepiscopus velocem viri conversionem, nihil de commisso conquestus est, sed et magis consolabatur eum verbis consolatoriis. Talis autem amborum confirmata est ex tunc a Deo charitas, ut compater supradicti fieret patricii.

CAP. XII — Qui Abraham in hoc quod expediebat D tentavit, ut ejus fidem soli Deo cognitam universus mundus discens imitaretur (*Gen. xxi*), tentavit et memorabilem istum Joannem. Modus autem illius tentationis forma utilitatis sanctis ejus ecclesiis exstitit. Est autem forma hæc : Inæstimabili multitudine fugientium a Persis, sicut jam dictum (*Supra c. 6*), et adveniente Alexandriam, et sterilitate multa ciborum facta, eo quod non subiret fluvius Nilus secundum consuetudinem, et auro cuncto erogato quod possederat patriarcha, misit et mutuo accepit a multis philochristis circa decem centenaria. Et his iterum consumptis, et adhuc fame manente, et de cætero mutuum dare ei nullo volente, sed omnibus pertinaciam famis timentibus, et neces-

sitate compresso eorum qui ab eo alebantur, et in multa cura et oratione beato perseverante. sensit quidam civitatis habitator eam quæ circumdederat sanctissimum illum ariditatem et omnimodam egestatem : bigamus existens, desiderat diaconus sanctæ ecclesiæ fieri. Et per necessitatem quæ sanctum undique circumdederat, volebat suadere ei ut eum consecraret ; fecitque ei deprecationem, continentem ita (in facie quippe ei non audebat tale aliquid dicere) : « Sanctissimo et ter beato Patri patrum Joanni vicario Christi, deprecatio et postulatio a Cosma (40) indigno servo servorum sanctitatis vestræ. Ediscens, sanctissime domine, quæ obtinet honorandum caput tuum secundum permissionem Dei, imo pro peccatis nostris, escarum penuriam, non justum existimavi B servus tuus, in refectioe conversari, domino meo in subtilitate (41) manenti. Sunt igitur indigno servo tuo frumenti ducenta millia modiorum, et auri libræ centum octoginta, quas rogo dari Christo per te dominum meum : tantum ego indignus in ministerio vestri diaconatu frui merear, ut per talem cum te domino sancti altaris ministrationem, emundet a peccatorum meorum luxuria. Dicit enim vere Dei prædicator sanctus Apostolus, quoniam ex necessitate et legis translatio fit (*Hebr. vii*). » Hæc suscipiens divinitus sapiens, et virum advocans, ait ad eum : Tu es qui preces nobis per notarium tuum et filium misisti? Quo dicente : Etiam, domine, misit omnes foras beatus et misericordissimus, nolens coram omnibus hunc confundere, et cœpit dicere ad eum : Oblatio quidem tua valde justa et temporaria necessaria, sed maculosa est ; et nosti quod in Lege ovis sive parva, sine magna, nisi immaculata esset, non in sacrificium offerebatur (*Levit. xxii*) ; et ideo ad sacrificium Cain non respexit Deus (*Gen. iv*). Quoniam vero dixisti, frater, quod ex necessitate et legis translatio fiat, de lege veteri hoc dicit Apostolus ; nam quomodo ait frater Domini Jacobus, quod quicumque observaverit totam legem, offendat autem in uno, factus est omnium reus (*Jac. ii*)? De fratribus vero meis egenis et de sancta Ecclesia, Deus qui eos nutrit ante quam ego et tu nasceremur, ipse et nunc nutriet eos : tantum, si sermones ejus illæos custodierimus. Ille enim qui tunc quinque panes multiplicavit (*Joan. vi*), potest et decem horrei mei modiis benedicere. Quapropter illud dico ad te, fili, quod in Actibus apostolorum dictum est : Non est tibi portio neque hæreditas in hac parte (*Act. viii*). Cumque hunc tristem et sine effectu dimisisset, nuntiatur ei duas Ecclesiæ magnarum navium ad terram esse submissas, quas miserat in Siciliam propter frumentum. Hæc autem audiens ille beatus cadens in terram, gratias egit omnipotenti Deo, dicens : Gratias refero tibi, Domine, quoniam non permisisti servo tuo pecuniis vendere gratiam tuam. Vere inquirentes te, Domine, et sanctæ Ecclesiæ tuæ regulas custodientes, **ISS** non deficient omni bono (*Psal. xxxiii*).

CAP. XIII. — Quibusdam duobus clericis in cul-

pam cadentibus, hoc est, manum in alterutrum injicientibus, hos excommunicavit canonicè per aliquot dies. Horum quidem unus libenter suscepit increpationem, et cognovit culpam suam; alter vero malitiosus existens, gaudens præceptum suscepit. Occasionem enim quærebat miser, ne ingrederetur ecclesiam, sed licentiam haberet perseverandi in nefandis actibus suis. Irascebatur autem contra sanctum patriarcham, et quantum in se erat, minabatur ei nocere. Quidam vero dicebant, et ipsum esse qui prodiderat pecunias Ecclesiæ ad patricium Nicetam (*Sup.*, c. 11), quas et rapuit manu, ut præscriptum est. Nuntiatum est igitur quod ille mali memor malitiam reservaret, et non rectam erga beatum hunc voluntatem haberet. Ille autem vere pastor, memor dicti illius: Quis infirmatur, et ego non infirmor (*II Cor.* xi)? et iterum: Vos qui potentes estis, debetis infirmitates impotentium portare (*Gal.* vi; *Rom.* xv), voluit hunc accersire, et decenter admonere, et solvere eum ab excommunicatione; videbat enim lupum conantem rapere ovem. Dispensatione vere Dei actum est ut innosceret omnibus patriarchæ immemor mali animus. Oblitus est accersire eum, et solvere ab excommunicatione. Cum ergo ad sanctum Dominicum diem pervenisset, et sancto altari astitisset (42), ut increpationem sacrificium offerret, jam diacono generalem orationem pene consummante, sanctum velum exaltaturo (43), in mentem malitiæ immemoris venit; et statim divini præcepti recordans, asserentis: Si offers munus tuum ad altare, et ibi recordatus fueris, quia frater tuus habet aliquid adversum te, relinque ibi munus tuum (*Matth.* v), etc. intimat diacono facienti orationem, quam diaconus solitus facere erat, ut reinciperet a capite (44); et si impleteret, iterum recapitularet, usque dum perveniat ejus sanctificatio. Finxit enim se, tanquam si eum ventris necessitas compulisset. Et veniens in honorabile cimiliarchium (45), misit statim fere viginti hebdomadarios, quærentes jam dictum mali modi clericum (18). Intentio enim pastoris hæc erat, ut educeret de ore leonis ovem. Deus vero, qui voluntatem timentium se facit, fecit præmanibus inveniri mox clericum. Et veniente eo, et veritati testimonium præhibente, prior patriarcha genu flexit, dicens: Indulge mihi, frater. Veritus ergo illius honorabile pontificium, et eorum qui aderant præsentiam, magis vero timens iudicium Dei, et horrens ne forte descenderet ignis de cælo eadem hora et consumeret eum, videntem honorandam illam canitiem humi jacentem, genu flexit et ipse, petens veniam et misericordiam. Et dicente patriarcha: Deus nobis omnibus indulgeat, surrexerunt et ingressi sunt ambo ecclesiam; et tunc cum multo gaudio et lætitia astitit sancto altari, cum munda conscientia valens dicere Deo: Dimitte nobis debita nostra, sicut et nos dimittimus debitoribus nostris (*Matth.* vi). Ita autem sana ex tunc et compuncta mente factus est lector ille, ut presbyterii consecratione potiri mereretur.

A CAP. XIV.—De ferri quidam sanctorum Patrum (47) dixerunt: Angelorum quidem est nullatenus litigare, sed in omnimoda et perpetua pace consistere; hominum vero est altercari quidem, sed statim reconciliari; dæmonum autem est litigare, et totum diem transire irreconciliatos. Hoc propterea præfati sumus, amatores Christi, propter præsentem narrationem. Placuit huic aliquando nobili, una cum commemorato Niceta patricio, de quadam publica re altercari. Modus autem litigii erat talis; necessarium est enim dicere, cum sit animæ utilis: Patricius quidem disponere volebat forum propter lucra publica; patriarcha autem id non patiebatur, pauperum in hoc procurans salutem. Multum ergo contra se secreto contententes (48), et inflexibiles manentes, recesserunt ambo ab invicem irati et irreconciliati. Erat autem hora quinta, et quidem patriarchæ erat refragatio et amaritudo pro mandato Dei, patricii autem propter pecuniaria lucra erat. Tamen ait ille justus: neque pro rationabili, neque pro irrationabili occasione debet homo irasci. Adveniente ergo hora undecima, mandat per archipresbyterum una cum clero patriarcha patricio hoc dignum memoria verbum: Domine, sol ad occasum est. Cum autem hoc verbum ille audisset, non tolerans cordis sui ardorem, sed tanquam divino igne inflammatus, sancti sermone compunctus est, infectusque lacrymis statim totus factus est; et surgens, venit ad beatum hunc. Quem cum vidisset, ait: Bene venisti, fili Ecclesiæ, obediens voci ejus (*Ephes.* iv). Mittentibus igitur amobus metancæam (49), et amplexantibus alterutrum, sederunt. Et aperiens os suum patriarcha, dixit: Crede mihi, domine, nisi quia vidi te valde tribulatum de hoc, jam non pigritarer ego venire ad claritatem tuam. Etenim Dominus et Deus noster ipse circuibat civitates et castella et domos, visitando homines. Omnibus autem humilitate summi sacerdotis ædificatis, et admiratione plenis, respondit **¶** ad eum patricius: Crede, Pater, quia ulterius non capient aures meæ eorum verba, qui litigiosas mihi suggerunt res. Tunc sapiens doctor dixit ei: Crede, fili et frater, si omnibus his voluerimus credere, multorum peccatorum erimus domini, maxime in tempore hoc, quando facti sunt multi hominum invicem odientes. Multoties enim et mihi suadere tentaverunt hi qui suggerebant mihi dispositiones rerum; et cum facerem sæpe finem, ut seductus fueram, postmodum alii quidam suggerebant mihi, quod fuerim deceptus in capitulo; cum ergo secundo et tertio hoc fuerim perpeccatus, dedi terminum mihi metipsi absque utrorumque parte, ne darem definitionem alio in capitulo. Quod si qui suggerebant mihi, mentirentur, ipsi pœnam solverent, quam accusatus ferret, si contra eum calumnia veraciter fuisset injecta. Et ex eadem die improvide suggerere mihi contra aliquem omnino aliquid nullus jam ausum habet, quod deposco et moneo magnum decorem tuum, fili, similiter facere. Sæpe enim et cædes injustas faciunt, qui sublimitatem creditam habent,

si fuerint verbis suasoriis commoti, et si sine cruciatu reciderint quæ ad eos veniunt capitula. Et patricius tanquam a Deo jussus, pactus est ejus mandatum se custodire omni tempore illæsum.

CAP. XV. — Iste memorabilis habebat quemdam nepotem, nomine Georgium (50). Una itaque dierum faciens iste cum quodam civitatis tabernariorum rixam, conviciis ab eo severe affectus est: qui amare dolens, non solum quia publice, verum etiam quia a viliori inhonoratus esset, maxime vero, quia erat nepos patriarchæ, subiit ad eum in conclavi, eo in secreto morante, flens vehementer. Cum autem hunc ita æstuantem et lacrymantem vidisset mitissimus patriarcha, interrogat causam detinentis eum anxietatis, scire hanc volens. Cumque ille non posset præ amaritudine, quæ circumdederat eum, exprimere sermonem, hi qui præsto fuerunt quando eum exonorari a negotiatore contigerat, cœperunt recitare archiepiscopo causam: Et quia non debuerat, inquit, ita sanctitas vestra contemni, ut proprios suos ac propinquos a despectis exonorari pateretur hominibus. Ille autem verus medicus, volens primo veluti emplastro quodam curare nepotis sui furiam, et tamen tanquam ferro incisionem et liberationem passionis, per sapientissimum os suum huic afferre, talibus verbis cœpit exstinguere morbum, et dicere: Et omnino ausus est aliquis os aperire, et contradicere tibi? Crede, fili mi, patri tuo, quoniam faciam in eo hodie rem, ut tota Alexandria miretur. Cumque vidisset eum remedium recepisse, et tristitiam cunctam projecisse, putantem videlicet quod ageret contra eum qui se contumeliis affecerat, et faceret eum flagellari per eum qui super forum erat constitutus, et variis pompis dehonestari, dicit ei, deosculans pectus ipsius: Fili mi, si ex veritate humilitatis meæ nepos existis, præpara te ipsum et flagellari, et convicia pati ab omni homine. Vera enim cognatio non ex sanguine et carne, sed ex virtute mentis agnoscitur. Confestim igitur accersivit eum qui super capones erat constitutus, et præcepit ei ne ab illo capone acciperet neque consueta sua, neque publica, neque pensionem ergasterii ejus. Et ipse enim sanctissimæ Ecclesiæ erat. Et omnes expavescentes immobilem longanimitatem ejus, intellexerunt esse hoc quod dixit: Quoniam faciam in eum rem, ut miretur tota Alexandria, videlicet quia non solum vicissitudinem non reddit, verum etiam pro ultione adjutorium impendit.

CAP. XVI. — Nuntiatum est aliquando huic beato, quod quidam clericorum malitiam in corde adversus quemdam reservaret, et irreconciliatus ei permaneret. Ille vero quærebat hujus nomen et gradum nosse. In crastinum ergo die Dominico didicit hunc, Damianum quidem nomine, diaconum vero esse officio. Præcepit itaque archidiacono ut sibi, quando idem Damianus ad ecclesiam veniret, demonstraret. Igitur cum in crastinum statio Dominico die fieret, venit et diaconus ad stationem; et videns archidiaconus, ostendit eum patriarchæ. Ob eam enim tan-

tummodo controversiam astabat tunc pontifex sancto altari; quid vero vellet facere, nulli credidit. Cum ergo venisset diaconus Damianus, ut susciperet ab eo sanctam communionem secundum proprium gradum, tenuit manum illius ille sanctus, et dixit: Vade prius reconciliari fratri tuo; et tunc veniens, digne suscipe immaculata, immemor malitiæ, Christi mysteria. Reveritus ergo coram tanta multitudine clericorum contradicere illi, maxime in tali loco et in tali horrenda hora, spondit hoc facere, et tunc de sanctis misteriis dedit ei. Igitur ex tunc omnes clerici et laici custodiebant se, ne inter se malitiam retinerent, timentes ne et ipsos confunderet, triumpharetque quemadmodum et illum diaconum.

CAP. XVII. — Habebat quidem sanctissimus hic vir scientiam divinarum Scripturarum; non autem in sapientia sermonis, has tanquam ex inani gloria memoriter dicens, sed per eandem ipsam operum actionem, et mandatorum observationem; et in secreto quotidiani consilii sui nullus sermo otiosus audiebatur, nisi forte ordinatio rei civilis exigeret, sed aut relationes sanctorum Patrum, aut scripturales quæstiones, aut dogmatica problemata, propter multitudinem nec nominandorum hæreticorum qui regionem circumdederant. Si vero alicui aliquis detrahere inciperet, hunc patriarcha per alteram sermocinationem, ut sapiens, ingeniose removebat; et si iterum permaneret, nihil quidem ei dicebat; sed hunc annotans, præcipiebat hebdomadario ne sineret ulterius eum intrare cum his qui nuntiabantur, quatenus per eum cæteros temperaret atque erudiret.

CAP. XVIII. — Definitionem autem et aliam, quam affectavit hic sanctus, non est justum postponere. Audiens quod postquam coronatus est imperator (61), nullus universi senatus et astantium exercituum antiquum memoriale aliquod nuntiet, sed mox hi qui dicuntur monumentorum ædificatores sumant quatuor vel quinque minutias marmorum pusillas de diversis coloribus, et ingrediantur ad eum, et dicant: Domine, quali metallo imperium tuum jubet fieri monumentum tuum; insinuantes videlicet ei quia tanquam homo corruptibilis et transitorius curam habeto tuæ ipsius animæ, et pie regnum dispone; imitabatur et iste beatus veraciter hanc dignam laudem traditionem, et præcepit sibi monumentum ædificari, ubi et reliqui prædecessores ejus patriarchæ jacebant; imperfectum vero manere usque ad obitum suum, ut imperfecto existente, per celebrem festivitatem, assistente clero, ingredienti qui dicebantur studiosi (52), dicerent ad eum: Domine, monumentum tuum imperfectum est, præcipe ergo ut consummetur, eo quod nescias qua hora fur veniat (Matth. xxiv). Hoc autem faciebat ille sanctus ut ita fieret, volens imitationem bonam et post se futuris relinquere patriarchis.

CAP. XIX. — Domino ob multitudinem peccatorum nostrorum permittente, propria templa quæ erant Jerosolymis, a percutiendis a Deo Persis cremari, discens hic sanctissimus patriarcha in multa

egestate esse sanctum Modestum patriarcham Jerosolymorum (53), ad horum relevationem et reedificationem mittit ei numismata mille, et mille saccos plenos frumento, et mille legumina, mille libras ferri, mille restes siccatorem piscium, qui menomenæ (54) dicuntur, mille vascula vini, et mille Ægyptios operarios, mittens ei per litteras : « Da mihi veniam, vere Christi operator, nihil dignum templis Christi mittenti. Vellem enim, crede mihi, si esset conveniens, et ipse eo venire, et ipse operari in domo sanctæ Christi resurrectionis. Verumtamen illud rogo honorandum caput tuum, et nullatenus hoc imputes minimo nomini exiguitatis meæ, sed hoc potius petas a Christo, et ibi me conscribat ubi veraciter conscriptio beata consistit. »

CAP. XX. — Arripit ille sanctus et hoc, bonum dico, videlicet quod infimo stratu recumberet, et vilibus operimentis in cellula sua uteretur. Quod cum audisset quidam possessorum civitatis, ascendens ad eum, et ridens quod opertorio scisso et laneo tegeretur, transmisit ei coopertorium numismatum triginta sex, rogans multum eum ut eo cooperiretur ad memoriam, inquit, mittentis. Ille vero hoc suscipiens, propter multam viri postulationem coopertus est hoc una nocte, per totam pene noctem dicebat ad semetipsum, ut recitabant cubicularii ejus : Quis dicet, quod humilis Joannes (habebat enim semper verbum istud in ore) pallio triginta sex numismatum tegatur, et fratres Christi frigore necentur ? Quanti sunt modo qui dentibus strident præ glacie ? quanti sunt modo qui psiathum (55) habentes subter dimidium, et supra dimidium, et non possunt extendere pedes suos, sed dormiunt ut glomus trementes (56) ? Quanti in monte dormierunt incœnati, et sine lucerna, habentes duplicem cruciatum tam ex frigore quam ex jejunio ? Quanti desiderant saturari de foliis olerum, quæ projiciuntur de coquina mea ? Quanti vellent tingere panem suum in zemate (57) quod projiciunt coqui mei ? Quanti cupiunt vel odorare vinum, quod funditur in cellario meo ? Quanti sunt in civitate ista in hac hora peregrini, non habentes ubi hospitentur, et in foro jacent, fortasse et pluvia madefacti ? Quanti, putas, habent totum mensem, vel etiam duos, non gustantes oleum. Quanti sunt qui non habent alterum vestimentum in æstate, et alterum in hieme, et ita miseriis affliguntur ? Tu vero expectans etiam æternam jucunditatem assequi, et vinum bibis, et pisces immenses devoras, et in cubiculis demoraris, modo autem cum omnibus malis et in coopertorio triginta sex numismatum te calefacis ? Veraciter ita vivens et in tali laxatione conversans, non expectabis illic præparatis gaudiis frui, sed audies utique quod et dives ille audivit (*Lucæ* xvi) : **Recepisti bona in vita tua, pauperes vero mala ; nunc ego consolantur, tu vero cruciaris. Benedictus Deus, humilis Joannes alia nocte non cooperietur illo. Justum est enim, et bene acceptum Deo, ut tegantur centum potius quadraginta quatuor fratres et domini tui, quam tu infelix. Venundabantur enim quatuor**

rachanellæ (58) numismate uno. Mox ergo transmisit illud in crastinum, ut venundaretur. Et videns is qui obtulerat, emit illud triginta sex numismatibus, et rursus obtulit patriarchæ. Cum vero in crastinum vidisset illud, emit hoc similiter, et rursus obtulit patriarchæ, deprecans ut tegetur ab eo. Cum autem tertio hoc fecisset, dicit ei gratulabundus ille sanctus : Videbimus quis deficiet, ego an tu. Erat enim opulentus valde, et suaviter quasi vindemiabat eum ille sanctus, paulatim ab eo multa auferens ; et dicebat semper quod posset aliquis intentione dandi pauperibus exspoliare divites, et ipsum etiam hypocamismum (59) ab eis benevole auferre, et non peccare, et maxime si sunt aliqui immisericordes et avari. Duo enim lucratur talis : unum quidem, quia animas illorum servat ; alterum autem, quoniam et ipse ex hoc mercedem non modicam habet. Attulit autem ad credulitatem verbi et testimonium verax, quod circa sanctum Epiphanium et Joannem (60) episcopum Jerosolymorum factum est, quomodo sanctus Epiphanium per artem tulit argentum patriarchæ, videlicet Joannis ejusdem, et dedit egentibus.

CAP. XXI. — Dignum et congruum prædicto capitulo referebat semel coram omnibus iste sanctus, dicens : Habebam, inquit, quemdam ministrum in apotheca mea in Cypro fidelem valde, et virginem usque ad obitum suum. Hic ergo narrabat mihi quia in Africa existente me facta est res hujusmodi : Permanebam enim, ait, cum quodam teloneario, divite vehementer et immisericordi. Semel ergo pauperibus in hieme sedentibus ad solem, seque calefacientibus, cœperunt singuli domos eleemosynatorum collaudare, et pro eis orare per singulos eorum, similiter et domos eleemosynam non facientium vituperare. Inter quæ venit in medium eorum et nomen senioris mei telonearii, et cœperunt singuli interrogare proximum : Vere tu, frater, accepisti aliquando de domo illa benedictionem ? Et omnibus interrogantibus invicem, nullus inventus est accepisse aliquando de domo ejus aliquid. Dicit ergo unus ex eis : Quid dabitis mihi, et ego accipiam hodie ex eo benedictionem ? Et facientibus cum eo pactum, venit et stat foris portam domus, exspectans quando ad domum suam reverteretur. Ex dispensatione Dei pervenerunt simul, ipse ingrediens portam, et animal portans siligines a mancipio (61) causa prandii ipsius. Videns igitur egenum, non inveniens lapidem, per furorem arripit siliginem de clitella, et jactavit in faciem ejus. Ille vero suscepit eam, et abiit ut satisfaceret confratribus suis, quod ex eisdem manibus accepisset eam. Itaque post duos dies ægrotavit infirmitate ad mortem idem telonearius, et vidit in somnis seipsum rationem ponentem, et omnes actus suos super stateram appendere : in una quidem acie (62) congregabantur Mauri quidam deformes, altera autem acies aliorum quorumdam erat candidiorum et terribilium specie. Qui nihil inveniunt boni, ut et ipsi appenderent econtra adversum mala opera quæ collecta erant a Mauris in acie ipsorum,

nimis tribulabantur et tristabantur, et mente con-
sternebantur ad alterutrum, et dicebant : Ergo ne
nihil habemus hic? Tunc dicit unus eorum : Vere
nihil habemus, nisi unam siliginem, quam dedit
ante duos dies Christo, et ipsam non voluntarie. Et
mittentibus eis siliginem, æqualitas facta est. Tunc
dicunt teloneario hi qui apparuerunt ei candidati :
Vade, et auge ad siliginem hanc, nam vere Mauri
isti te apprehendent. Ejulans ergo, agnovit quæ visa
sunt ab eo non esse mendacia, sed veracia. Omnia
vero quæ a juventute sua commiserat, et quorum
ipse erat oblitus, videbat Æthiopes illos congregare,
et deportare ad librum, et dicebat : Vave (63), si
una siligo quam jactavi per furorem ita profuit, a
quantis malis se liberat qui dat in simplicitate sua
bona indigentibus? Et de cætero ita modestus et
prudens atque summus eleemosynator factus est, ut
etiam corpori proprio non parceret.

Contigit enim aliquando secundum consuetudinem
procedere eum diluculo ad teloneum, et obviat ei
nauta, qui a naufragio nudus ut natus est evaserat;
et cecidit ante eum, rogans ut protectionem apud
eum impetraret. Hic ergo putans quod egenus esset,
exspoliavit se esophorium (64) suum, quod illius
melius erat, et dat ei, rogavitque eum ut hoc ipse
vestiretur. Pergens vero ille et erubescens vestiri
hoc, dedit illud venditori ut venundaretur. Et cum
recederet telonearius, vidit hoc suspensum, et trista-
tus est vehementer; et ascendens domum suam,
nihil passus est gustare; sed claudens ostium con-
clavis sui,  sedebat plorans et cogitans: Quia
non fui dignus, inquit, ut mei memoriam haberet
egenus. Cum ergo anxietate, obdormivit; et ecce
vidit quemdam speciosum tamquam solem, feren-
tem crucem super caput suum et esophorium, quod
dederat nautæ, assistentem sibi et dicentem : Quid
ploras, domine Petre? Hoc enim erat ei nomen.
Ille vero dixit, ut ad Deum disputans : Quia, Do-
mine, ex quibus largiris nobis, damus alicui, et in
turpe lucrum vertunt accipientes. Tunc dicit ei :
Cognoscis hoc? Et ostendit ei quia deintus vestitus
esset ejus esophorio. Dicit ei : Ecce ego illo vestior,
ex quo dedisti mihi hoc; et gratias ago voluntati
tuæ bonæ, quoniam frigore affligebar, et tu coope-
rasti me. Ad se ergo reversus, admiratus est, et
cœpit beatificare egenos et dicere : Vivit Dominus,
si inopes Christus meus sunt, non moriar, et flam
tanquam unus ex eis.

Accersito vero notario suo, quem et emerat, dicit
ei : Secretum volo credere tibi; et crede, si propa-
laveris me, barbaris vendam te, aut si non audieris
me. Dat vero ei decem libras auri, et dicit ei : Vade,
et eme tibi negotium; et sume me, et duc in sanctam
civitatem, et vende me cuilibet Christiano, et pre-
tium da pauperibus. Notario autem recusante, dicit
ei iterum : Quoniam si me non vendideris, ego ven-
dam te barbaris, ut prædixi tibi. Obedivit ergo ei
notarius; et pervenientibus eis ad sancta loca, inve-
nit idem notarius amicum suum charum, fabrum ar-

gentarium, qui damna inciderat. Ad locutionem vero
venientibus ambobus, dicit ei notarius : Audi me,
Zolle, et eme servum unum, quia habeo tam bonum,
ut dicat homo quod patricius sit. Et audiens argen-
tarius quod servum haberet, admiratus est, et dicit
ei : Crede mihi, quia non possideo unde emere pos-
sim. Dicit ei rursus notarius : Accipe mutuum, et
eme eum, multum enim est bonus, et benedicet tibi
Deus per eum. Acquievit ergo ei, et emit eum sordi-
dis vestibus indutum, numismatibus triginta. Relin-
quens autem eum notarius, abiit Constantinopolim,
satisfaciens quod nulli hoc manifestaret, et quod de
pretio nequaquam sibi retinendo aliquid defraudaret,
sed hoc totum pauperibus daret. Ergo aliquando
idem Petrus coquinam faciebat domino suo, ali-
quando autem lavabat pannos ejus, nunquam ali-
quando in quolibet horum assuetus. Afflixit autem
se ipsum et jejuniis multo. Cum vero vidisset se be-
nedici dominus ejus super omnem benedictionem,
dicit ei, verecundatus enormem ejus virtutem et hu-
militatem : Volo, humilis Petre, liberare te. et ut sis
de reliquo frater meus. Ille vero noluit. Viderat au-
tem eum frequenter convicia perferre, et percuti a
conservis suis. Habebant autem eum tanquam amen-
tem, ita ut et nomen ei imponerent Amentis. Quo-
tiescumque ergo tribulabant eum conservi sui, et
dormiebat in tribulatione, apparebat ei qui in Africa
illi apparuerat, vestitus esophorio ejus, tenens et
illa triginta numismata in manu, dicens ei : Noli
mæstus esse, frater Petre, ego suscepi et pretium
tui, sed sustenta usque dum cognoscaris.

Post aliquod vero tempus, venerunt a patria ejus
quidam argenti venditores, ut orarent ad loca sancta;
et invitavit eos ad prandium dominus domini Pe-
tri; et cum ministraret, statim ille cognovit eos. Ipsi
autem dum pranderent, cœperunt affigurare eum, et
invicem ad aures dicere : Quam similis puer iste do-
mino Petro teloneario. Ille vero occultabat, quantum
poterat, vultum suum. Iterum ergo comedentibus
eis, cœperunt dicere ad eum qui eos invitaverat :
Vere putamus, res tibi magna evenit, domine Zoile;
etenim, nisi erramus, publicam personam in mini-
sterio tuo habes. Neque enim sciebant certius, quia
erat de coquina et jejuniis commutatus vultus ejus.
Diu igitur considerantibus eum, dicit unus ex eis :
Vere dominus Petrus est, surgam et tenebo eum.
Valde enim imperator audiens, tristatur de eo, quia
dudum non comparuit. Foris itaque stans audivit
hæc; et ponens catinum a se, non est ingressus, sed
recto cursu cucurrit ad portam. Erat itaque ei qui
eum tunc habebat ostiarius mutus et surdus a na-
tivitate, qui per nutum tamen aperiebat et claud-
ebat. Festinans ergo servus Dei exire, dicit surdo et
muto: Tibi dico in nomine Christi. Ille vero audivit
statim, et dixit : Etiam, domine. Iterum vero ille ad
eum : Aperi. Respondit mutus et surdus secundo :
Ego, domine. Statim ergo surrexit, et aperuit ei. Et
exeunte eo, subiit ostiarius, et clamavit coram om-
nibus gaudens et exultans; quia audivit et locutus

est, Domine, Domine. Porro omnibus qui in eadem A domo erant perterritis, quoniam audiebant eum loquentem, iterum dicit ille quondam mutus: Ille qui coquinam faciebat, exiit currens, sed videte ne forte fuga lapsus sit, magnus enim servus Dei est. Quando discedebat, dixit mihi: Tibi dico in nomine Domini; et mox vidi de ore ejus exeuntem flammam, et tangentem aures meas: et statim audivi, et locutus sum. Et ¶ exsistentes et sequentes eum cuncti, ulterius non viderunt eum. Tunc penitentiam omnes agebant, qui in domo illa erant, et ipse dominus ejus qui Petrum emerat, quia in tali exhonorantia humiliasset eum, et maxime hi qui vocabant eum Amentem.

Hæ sunt beatissimi a Deo honorati Joannis patriarchæ narrationes. Non solum enim de vita sua B contentus erat voientem proficere ædificare, verum etiam de Deo acceptis et veracibus relationibus suis, et dicebat semper hæc audientibus: Si proprio sanguini non pepercerunt quidam hominum, sed hunc dederunt in manus fratrum, imo Christi, quomodo putas nos cum alacritate et humilitate debemus de facultatibus nostris dare Christo et egenis atque pauperibus, ut recompensationem recipiamus a justo et mercedum redditore Deo, in illa timenda et horrenda retributionis die? Qui nunc seminat parce, parce et metet, et qui seminat in benedictionibus, id est, large et magnanimitèr, multipliciter et metet (II Cor. IX); hoc est, bona illa hæreditabit quæ omnem mentem transcendunt.

CAP. XXII. — Omnibus ergo rectis moribus iste C sanctus adornatus, nec hoc carebat; valde enim diligebat eloqui de actibus sanctorum Patrum, et eorum qui eleemosynæ cultores fuerunt. Unde cum una dierum recitaret de vita sancti Serapionis, qui vocabatur Sindonius, et inveniret eum (ut fertur) amictum suum dedisse egeno (Pallad., cap. 83), et iterum paululum processisse illinc, et frigus patienti obviasse, et illi tunicam præbuisse, et quia nudus sedebat, tenens sanctum Evangelium; et interrogatus a quodam: Quis te exspoliavit, abba? demonstrans sanctum Evangelium, ait: Iste; et alio tempore hoc ipsum Evangelium vendidisse, et dedisse eleemosynam, et discipulo suo dicente: Abba, Evangelium ubi est? et illo dicente ad eum: Crede, fili, qui dixit mihi: Vende quæ habes, et da pauperibus D (Matth. XIII), ipsum vendidi et dedi eis, ut in die iudicii habeamus fiduciam abundantiore apud Deum; et quia alias iterum vidua mulier petisset ab eodem sancto Serapione eleemosynam, quoniam esuriebant filii ejus, et non habente eo aliquid omnino, tradidit se ei, ut venderet eum ad mimos Græcos, quos et Christianos fecit in paucis diebus.

Hæc legens sanctus de sancto Serapione, stupefactus et miratus sancti industriam, totus lacrymis infectus vocavit omnes dispensatores proprios, legit et eis omnia de sancto Serapione, et dicit ad eos: Vavæ, o philochristi, quod prodest homini colloquenti de actibus sanctorum Patrum? Credite mihi,

quia usque hodie putabam quod vel aliquid facerem, datis quas habere possum pecuniis; nesciebam autem quod et seipsos venderent, quadam compassionem superati.

CAP. XXIII. — Semper quidem honorabat monachicum schema sanctus hic, et colebat et compatiebatur, ubi maxime aspiciebat monachum corporalibus utilitatibus angustatum. Habebat autem et hoc super multos præcipuum, quia accusationem qualemcumque, sive mendacem, sive veracem, non suscipiebat contra aliquem circumamictum monachico habitu. Semel enim evenit ex immissione quorundam criminorum, pertulisse eum aliquid tale: Quodam monacho gyrante in civitate cum puella una juvencula, et petente eleemosynam per dies aliquot, quidam qui hoc viderant, scandalizati, et existimantes quod mulier ejus esset, attulerunt patriarchæ contra eum querelas, dicentes: Propter quid, a Deo honorate, derogat talis angelicæ monachicæ vitæ schemati, puellam quamdam habens mulierem? Mox ergo Dei famulus, putans prohibere contra Deum commissa peccata, tanquam qui ad hoc ab eo esset provectus, præcepit mulierem quidem flagellis cædi, et separari ab eo; ipsum autem verberari, et in carcere secreto recludi. Dum ergo cum omni celeritate jussio sancti in opus procederet, apparuit ei nocte per visum monachus, ostendens ei dorsum suum putrefactum (non parcentes enim ceciderant eum Ecclesiæ defensores) dicens ei: Ita placet tibi, domine patriarcha; hac una vice errasti ut homo; crede mihi, quia de proximo est vita et mors. Et hæc dicens, discessit ab eo. Mane autem facto, recordatus est ille beatus visionis nocturnæ, et sedebat super lectulum suum mæstus; mittitque statim, et convocat per cancellarium suum monachum de loco in quo erat reclusus, cogitans intra se beatus ille patriarcha si similis esset illi qui nocte sibi apparuerat. Cum ergo venisset cum labore multo (neque enim propter plagas moveri poterat), cumque vultum ejus vidisset patriarcha, remansit sine voce immotus; non valens loqui: sola autem manu sua innuit ut sederet prope se in lectulo suo. In semetipsum vero reversus et signatus, rogavit monachum, præcinctum lintheo, ut sine verecundia despoliaret se, quatenus videret dorsum ejus, si ita esset sicut et in somnis viderat. Vix ergo suaviter id ageret, despoliavit se. Cum vero despoliaretur ut monstraret dorsum suum viro sancto, per admirandum Dei ¶ consilium solutus est quo erat indutus amictus, et cecidit in terram, et viderunt eum omnes esse eunuchum. Sed quia recens erat, nulli hoc existebat manifestum. Videntibus ergo eum omnibus et sancto pontifice, et maxime dorsi ejus perniciose verbera, mittens mox, segregavit illos qui hunc inconsiderate tractaverunt. Venerabilissimo autem monacho complura rationabatur, in ignorantia dicens se in eum peccasse, et in Deum verum. Et in hoc admonebat eum ille sanctus: Non, inquit, o fili, ita sine custodia in civitatibus conversari oportet eos qui sancto

angelico vestro indumento circumamicti sunt, ma-
xime et feminam circumducere ad scandalum alio-
rum videntium. Tunc monachus cum omni humili-
tate rationem reddebat sancto, dicens: Crede, do-
mine, non mentiar. Gazæ eram ante paucos dies;
et exeunte me de civitate, ut venire et salutarem
sanctum abbatem Cyrum (65), obviavit mihi hæc
bene visa puella foris portam, vespere incumbente;
et accurrens ad pedes meos, rogabat ut mecum am-
bularet. Dicebat enim se Hebræam esse, et velle
fieri Christianam; et cœpit eadem narrare verbis
horribilibus, ut non permitterem perire eam. Ti-
mens itaque ego iudicium Dei, sumpsi eam, æsti-
mans quod non immitteret tentationem Satanas
spadonibus. Nesciebam vero quod nemini parcat.
Igitur venientibus nobis, sanctissime Pater, et ora-
tionem perficientibus, baptizavi eam ad sanctum ab-
batem Cyrum, et gyrabam cum ea in simplici corde,
exposcens modicum sumptum, quatenus introduce-
rem eam in monasterium. Cum hæc audisset patri-
archa, dixit: Papæ! quot absconsos servos habet
Deus, et nescimus nos humiles? Et enarrabat his qui
præsto erant visionem quam viderat nocte de eo. Et
protulit patriarcha centum numismata de manu, da-
turus ei: Dei autem amicus ille vere monachus, non
passus aliquid accipere ex eis, dignum memoria
verbum ad patriarcham locutus est, dicens: Ego
hoc non postulo, domine; monachus enim si fidem
habet, horum non indiget. Si autem horum eget, fi-
dem non habet. Quod maxime amplius satisfecit
omnibus qui audierant quod servus Dei iste mona-
chus esset. Genuflexit igitur patriarchæ, et exiit in
pace. Extunc igitur plus honorabat et hospitio re-
cipiebat monachos, et bonos æstimatos et malos:
et ædificabat mox xenodochium seorsum, et appel-
lavit hoc Receptaculum omnium monachorum.

CAP. XXIV. — Mortalitate aliquando civitatem
comprehendente, ibat et ipse sanctus, ut videret
funerum obsequia. Valde enim dicebat hoc esse pro-
ficuum, et sepulcrorum considerationem. Multoties
vero assidebat et his qui, morituri, vexationem in
exitu animæ patiebantur; et ipse eorum oculos pro-
priis manibus claudebat, memoriam habere ex hoc
sempiternam volens, et curam proprii exitus. Præci-
piebat autem et collectiones pro defunctis impigre
(66) et sine dubio perficere. Etenim dicebat quia
ante paucum tempus captivus ductus est ad Persas
quidam, et descendens in Persidam, retrusus est in
carcerem qui appellabatur Lethe, hoc est, oblivio.
Quidam ergo fugientes illinc, venientesque in Cy-
prum, et interrogati a parentibus illius, si forte vi-
dissent eum, respondentes dixerunt eis, quia nos
propriis manibus sepelivimus eum. Non autem erat
iste de quo interrogabant eos, sed alius indissimiliter
eum similans. Dixerunt vero eis et mensem, et diem
obitus ipsius. Illi vero tanquam pro mortuo faciebant
ei tres collectas per singulos annos. Post quatuor
itaque annos venit in Cyprum, fuga lapsus a Persis.
Dixerunt ergo ei sui: Vere, frater, nos audivimus

PATROL. LXXIII.

quod mortuus esses, et memoriam tui faciebamus ter
in anno. Cum ergo audisset quod in anno ter face-
rent pro eo memoriam, interrogat eos in quo die, et
in quo mens: hæc celebrarent. Et illis dicentibus,
sanctis Theophaniis, et Dominica sancta atque sancta
Pentecoste (67), dixit ille: Quia tribus istis temporibus
anni veniebat quidam candidatus ut sol, et dissolve-
bat me a vinculis ferreis et a custodia; et movebar
deambulando tota die, et nemo recognoscebat me,
et in crastinum inveniebar vincula ferrea portans.
Dicebat igitur sanctus episcopus quia ex hoc disci-
mus habere dormientes quietem, quando pro eis col-
lectas facimus.

CAP. XXV. — Quod in Actibus apostolorum audivi-
mus factum (Act. iv), hoc frequenter et huic com-
patientissimo accidebat. Videntes enim multi indesi-
nentem ejus et inscrutabilem circa gentes compas-
sionem, movebantur multoties ad vendenda multa
de substantiis suis; et ferentes, præbebant Dei de-
voto ministro. Unde et quidam veniens una dierum,
offerebat ei septem libras auri et dimidiam, satisfac-
ciens sancto, quod non possideret aliud aliquid in
auro. Petebat autem ab eo cum multis genuflexioni-
bus ut oraret quatenus Dominus Deus filium ejus
salvaret. Habebat enim unum solummodo filium quasi
annorum quindecim, ut reduceret navim ejus cum
bono ab Africa, illuc enim abierat. Accipiens igitur
summus sacerdos quantitatem auri de manu ejus,
miratus est cum tam esse magnanimum ad offerendam
totam quantitatem auri quam possidebat.

Oravit quidem ei (68) et in facie multum, et sic eum
dimisit. Tamen propter ejus multam fidem, posuit
subtus sanctam mensam ligaturam quantitatis auri
patriarcha in oratorio cubiculi sui, et synaxim fecit
statim perfectam super eam pro illo qui hanc obtule-
rat, satis abundeque Deum rogans quatenus et filium
ejus salvaret, et navem cum salute reduceret, secun-
dum quod fuerat postulatus ab illo. Necdum ergo
triginta transactis diebus, defunctus est filius homi-
nis illius qui obtulerat septem libras et dimidiam
patriarchæ; et in tertia die mortis pueri, recepit et
navim suam ab Africa, in qua erat et frater germanus,
ejusdem viri creditor. Et veniens juxta Pharum, re-
tulit quomodo navis naufragium pertulit, et perdidit
totum quo erat plena, et quod non essent salvatæ nisi
animæ, et una scapha vacua. Cum ergo et hunc casum
didicisset evenisse sibi dominus navis et pater pueri,
secundum verbum Prophetæ, paulo minus in inferno
habitavit anima ejus (Psal. xciii); nondum enim
tribulatione filii sui extincta, comprehendit eum et
navis; relata sunt itaque omnia quæ acciderant ei
patriarchæ, et pene plus quam is qui hæc perpessus
fuerat in tristitia morabatur, maxime propter filium
ejus unicum. Nesciens ergo quid faceret, rogat mise-
ricordissimum Deum, ut consolaretur virum immensa
pietate sua. Convocare enim eum, et consolari in fa-
cie sanctus erubescerebat: verum tamen mandavit ei
ut nullatenus desperaret neque enim sine justo judi-
cio Deum facere aliquid, sed omnia in hoc quod ex-

pedit, quod nos ignoramus. Ergo ut non perdat mercedem, quam fecit in septem et dimidia libra auri, et fidem quam possidebat circa sanctum patriarcham; jam vero ut et nos in tentationibus, quæ nobis eveniunt, quando aliquid boni fecerimus, imperturbati et gratias referentes ad Deum permaneamus; vidit in somnis jam dictus vir philochristus postera nocte quemdam, quasi in habitu sanctissimi patriarchæ, dicentem sibi: Ut quid tribularis, frater, et mœrore dissolveris? Nonne tu me rogasti ut peterem a Deo, ut salvus fieret filius tuus? Ecce salvus factus est. Crede mihi, si viveret, pravus et immundus homo fieret. Et de navi tua, vere, nisi Deus placaretur pro bono quod fecisti parvitati meæ, sententia erat data, quatenus tota, ut jacet, cum animabus in profundum pergeret, et perderes fratrem tuum. Sed surge, et glorifica Deum, qui dedit tibi eum, et salvavit filium tuum mundum de hoc sæculo vano. Evigilans itaque vir, invenit eor suum consolatum, et universam tristitiam ejus ejectam; et indutus vestimenta sua, venit cursim ad honorabilissimum patriarcham, et jactat se ad pedes ejus, gratias agens Deo et ei, et narrans visionem quam viderat. Quam audiens justissimus, dixit: Gloria tibi, benigne et misericors Deus, qui et deprecationem peccatorum exaudis. Iterumque ad hominem dixit: Nequaquam, o filii, gratiam hanc orationi meæ ascribas, sed Deo et fidei tuæ, hæc enim omnia ista impetrare valuit. Erat enim valde humiliter sentiens sanctas, verbis scilicet atque prudentia.

CAP. XXVI. — Pergebat aliquando hic beatus ad visitandos pauperes, in locum qui dicitur Cæsarium; illic enim eis fecerat quasi tholos (69) quosdam prolixos, ligneis tabulis pavimento strato ad requiescendos eos, et simul cum storeis et rachanis (70) per totam hiemem, cum quodam episcoporum eorum qui cum eo erant, amatore pecuniæ, passibili modo presso. Dixitque beatus patriarcha ad eum: Ama ac honora, frater Troile, fratres Christi; hoc enim ei erat nomen. Nuntiaverunt enim quidam patriarchæ quod triginta libras auri portaret in ipsa hora domesticus ejusdem episcopi Troili, ut emeret speciem argenti anaglyphi, gratia mensæ suæ. Episcopus autem tanquam veritus sermonem patriarchæ, imo ad horam calefactus, singula dari omnibus fratribus præcepit ei qui triginta libras illas portabat. Celeriter ergo hujusmodi auri quantitas erogata est. Recedentibus itaque utrisque, patriarcha scilicet, et qui invitam (ut ita dicam) eleemosynam fecerat, episcopo Troilo in propriis episcopis velut quædam amens et animæ periculosa in eum cogitatio irruit, propter pecuniarum dationem; horroris et amoris pecuniæ, et crudelitatis et negligentiae genimen eum sequebatur, febre extra naturam mixta, propter quod ægrotus invitatus in lectum cecidit. Hebdomadario ergo a sanctissimo patriarcha ad eum veniente, et ad mensam ejusdem patriarchæ eum invitante, recusavit, frigore enim et febre se vexari pro quadam causa dicebat. Igitur cum hoc audisset patriarcha, mox agnovit cau-

sam, quia propter exitum viginti librarum, infirmatus est ille invitus eleemosynator. Erat enim (ut prædictum est) valde immisericors, et amator pecuniæ. Non sufferens ergo beatus se quidem super mensam reficere, illum autem super lectum cruciari graviter, pervenit celeriter ad eum. Ille vero sine superbia, et dixit ad eum hilari vultu: Fac charitatem, fili Troile. Estimas quod in veritate dixerim tibi fratribus hujusmodi dare? crede mihi, per jocum dixi tibi dare. Ego enim volui præstare eis singula numismata propter sanctam festivitatem; sed quia non habebat distributor meus secum sufficientem quantitatem, hujus rei gratia mutuum dedisti eam mihi, et ecce attuli tibi illas triginta libras. Ut vero vidit quantitatem episcopus in honorabili manu sapientis exitantis medici et pastoris, febris quidem subito disperebat, frigus etiam recedebat, fortitudo quoque et corporis ejus calor ad eum revertebantur: ut ex hoc non posset latere hanc esse causam repente comprehendentis eum commutationis. Suscipiens ergo aurum ab honorandis manibus patriarchæ, et nihil omnino contradicens, expectabat ab eo patriarcha conscriptionem abrenuntiationis mercedis earum quæ datæ sunt triginta auri librarum. Fecit autem hoc cum gaudio Troilus episcopus, scribens propriis manibus ita: Deus, domino meo Joanni beatissimo patriarchæ hujus Alexandrinorum magnæ civitatis, da mercedem triginta librarum quæ datæ sunt tibi, quoniam ego recepi mea. Hoc scriptum itaque sanctus accipiens, sumpsit secum et eundem episcopum ad prandium, ut enim jam dictum est, statim sanus factus est. Volens ergo mercedis redditor Deus corripere eum, simul autem et ad miserationem contribulorum et compassionem erigere, ostendit ei eadem die dormienti post prandium patriarchæ in somnis, qua mercede privatus esset. Vidit enim (ut ait) domum, cujus pulchritudinem atque magnitudinem non potest ars hominum imitari, et januam hujus totam auream, et super januam titulum conscriptum: MANSIO ÆTERNA, ET REQUES THOLI EPISCOPI. Cum ergo hoc, inquit, legissem, gavisus sum, sciebam enim donandam mihi ab imperatore talis domus epulationem. Nondum autem hujusmodi tituli superscriptionem perlegeram, et ecce quidam regius cubicularius, habens secum et alios obsequi divini; et cum pervenisset ad talem nitentis domus januam, dixit ad proprios officiales: Deponite mihi titulum. Et cum deposuissent, iterum dixit: Mutate eum, et ponite quem misit orbis terrarum rex. Et attulerunt et affixerunt aliud aspiciente me, superscriptum ita: MANSIO ÆTERNA AC REQUES JOANNIS ARCHIEPISCOPI ALEXANDRIÆ, EMPTA LIBRIS TRIGINTA. Et cum hoc vidisset, surrexit a somno, et magno summoque pastori quæ visa sunt ei in somnis emarravit. Proficiens ea de causa Troilus episcopus, factus ex tunc eleemosynator magnificus.

CAP. XXVII. — Dominus qui divitias in tempore quodam beato Job abstulit, fecit simile et huic omni bonitate pleno, sancto patriarchæ Joanni. Navibus

enim sanctissimæ ecclesiæ comprehendentibus violentam hiemem, in loco qui dicebatur Adria (71), projecerunt omnia sua, quæ naves portabant; erant vero omnes naves simul. Erat autem summa multa valde enthecarum suarum; habebant enim tantum vestimenta et argentum, et alias res altiores, ut computaretur pondus quod ivit in perditionem quantitatis centenariorum triginta quatuor. Plus enim erant quam tredecim naves, capientes per singulas decem millia modiorum. Venientibus vero Alexandriam et pergentibus, statim reliqui creditores et primi nautæ in ecclesiam confugerunt. Sanctus vero hoc audlens, et causam propter quam fugerant, mittit eis verbum manibus suis conscriptum, habens ita: « Dominus dedit, fratres; Dominus, ut voluit, abstulit; sicut Domino placuit, ita factum est: sit nomen Domini benedictum (Job. 1). Exite, filii, nihil ex hoc veriti: Dominus enim sollicitus erit de crastino. » Ascendit itaque pene dimidium civitatis in secretum: die autem altero volentes (72) consolari nobilem istum; ipse vero præoccupans, cœpit omnibus dicere: Nequaquam, o filii et fratres, causa navium difficultatis tristemini; nam humilis Joannes, credite, inventus est culpabilis; quippe nisi extollentiam haberem, nullo modo hoc ferrem. Sed quia extollebar in his quæ Dei erant, et æstimabam quod magna opera facerem, dans quæ hominum erant, hoc mihi evenit; volens ergo Deus ut hoc intelligerem, ista permisit. Eleemosyna enim non vigilantem plerumque in extollentiam elevat: invitus vero casus humiliat sustinentem. Ait enim divina Scriptura: Paupertas virum humiliat. Et iterum David hoc sciens, dicebat: Bonum mihi quod tu humiliasti me, ut discam justificationes tuas (Psal. cxviii). Dum enim malis factus sum obnoxius, quia dationem per vanam gloriam perdebam, et quoniam per vitium meum perditæ sunt tantæ pecuniæ, habeo nunc iudicium animarum quæ in arcto sunt. Verum, dilectissimi, qui tunc tempore justus illius Job fuit Deus, et nunc idem ipse est, qui non propter egestatem meam, sed ob indigentium necessitatem, non derelinquet nos. Ipse enim dixit: Non te deseram, neque derelinquam (Hebr. xiii). **¶ 95** Et rursus: Quærite primum regnum Dei, et justitiam ejus, et hæc omnia adjicientur vobis (Matth. vi). Volentes ergo consolari eum civitatis habitatores, ut dictum est, ipsi magis inventi sunt e contra consolationem ab ejus beatitudine recepisse. Nimis ergo breve tempus præterit, et in duplum restituit Deus novo nostro Job facultates, et iterum erat ipse magnanimus circa misericordiam, fortasse autem et religiosior quam antea fuerat.

CAP. XXVIII. — Ad extremam paupertatem pervenienti cuidam de domesticis ministris, propria manu iste sanctus, ut nullus sciret, duas libras auri dedit; et audiens ab accipiente: Quoniam hæc accipiens, domine, ulterius non habeo vultum intendendi in honorabilem et angelicam faciem tuam, vere dignum laude, ut sapiens, locutus est verbum: Nondum, inquit, sanguinem meum pro te, frater, effudi, sicut

A mandavit mihi Dominus meus et omnium Christus Deus (Joan. x).

CAP. XXIX. — Districtus quidam ab his qui pensionem exigebant, cum non haberet quod daret (erat enim regio in magna difficultate, eo quod fluvius Nilus secundum consuetudinem non irrigaret aquis terram) ipse abiens deprecatus est ducem quemdam magnatorum, ut mutuas sibi daret quinquaginta libras auri; et dicebat se dare pignora, si vellet, dupla. Repromisit ergo dux dare ei, ad præsens vero distulit. Exactoribus ergo constringentibus eum, vadit ipse, ut omnis ad portum a quo cuncti recipiuntur, videlicet ad mitissimum et dignum admiratione patriarcham. Et nondum pene propriam necessitatem ei narraverat, dixit sanctus ad eum: Do, fili, si volueris, et quo vestior, vestimentum. Etenim cum admirabilibus suis bonis et hoc possidebat, quod non posset videre aliquem de necessitatibus lacrymantem, et non statim se propriis rigaret lacrymis: unde et mox petitionem volentis ab eo mutuum accipere adimplevit. Et sequenti nocte videt dux quod staret super altare quidam, cui offerebant multi oblationes; et per unam quam ponebant, accipiebant centum pro ipsa de altari. Erat autem et patriarche post tergum ejus. Jacebat ergo una oblatio ante eos in uno somno, et dicit quidam duci: Vade, domine duc, accipe oblationem illam, et offer ad altare, et tolle pro ea centum oblationes. Illo vero pigritante, occurrit patriarcha, licet post eum staret, et tulit hanc ante eum, et obtulit, et accepit, sicut omnes, centum de altari. Evigilans itaque, non poterat discernere somnium. Misit autem et adduxit eum qui volebat mutuum accipere, ut præstaret ei. Et cum venisset, dicit ei dux: Accipe quod petisti mutuum. Respondens ille, dixit ei: Ante tulit mercedem tuam dominus patriarcha. Etenim te domino differente me, compulsus sum ad illum tanquam ad portum confugere, multa enim erat vis inquietudinis exactorum. Cum ergo audisset hoc, statim recordatus est somnii, et dixit: Vere bene dixisti: Quia ante tulit mercedem tuam. Ante tulit enim, et væ illi qui vult facere bonum, et differt. Et enarravit ei et omnibus somnium quod viderat.

CAP. XXX. — Pergente aliquando sancto ad templum sanctorum victoriosorum martyrum Cyri et Joannis, in gloriosa eorum memoria orationis gratia, exeunte portam civitatis, suscepit eum mulier prociens, et dicens: Vindica me, quoniam injuriam patior a genero meo. Quibusdam ergo de obsequio ejus, qui habebant confidentiam apud eum, dicentibus: Quia cum reversus fueris, causam ejus facies. Respondit sapientissimus: Et quomodo Deus orationem nostram suscipiet, si ego istam postposuero? Quis mihi spondit ut vivam ego in crastinum? et ibo ad Christum, pro ea rationem redditurus? Et non recessit de loco illo, usque dum quod satis ei erat fieri faceret.

CAP. XXXI. — Ad voluntatem igitur memorabilis hujus, quæ tota in Deo erat, misit ei Deus viros sapientes et semper memorandos, Joannem et Sophro-

nium. Consiliarii enim erant veraciter boni, quibus et tanquam patribus indiscrete obediebat, et gratias agebat, tanquam constantibus maxime et viriliter agentibus militibus pro pietate religionis. Etenim sancti Spiritus virtute freti, et cum Severianitis (75) ac cæteris circa regionem existentibus immundis hæreticis sapientia sua ac disputationibus pugnant habentes et conflictum, multa quidem castella, pluresque ecclesias, similiter et monasteria ab ore tallium bestiarum, tanquam boni pastores, evellere studuerunt, propter quod et maxime plurimum honorabat sanctos hos ille vere sanctissimus.

CAP. XXXII. — Si vero alicubi aliquem durum et inhumanum et percussorem circa proprios servos sentiebat ille beatus, hunc primo convocabat, et cum multa lenitate rogabat, dicens: Fili, venit quidem ad aures B peccatrices meas quod ex operatione inimici modicum durius circa proprios pueros tuos feraris; sed, rogo, des locum iræ. Non enim ut percutiamus eos, dedit nobis hos Deus, sed ut serviant. Fortasse vero nec propter hoc, sed ut sustententur a nobis, ex quibus **196** Deus præstitit nobis. Quid enim (edic mihi) et dedit homo: et emit eum qui ad imaginem et similitudinem Dei creatus et honoratus est? Nunquid enim tu, dominus ejus, aliquid plus possides in proprio corpore, manum aut pedem, vel auditum, aut animam? Nunquid non similis est tibi per omnia? Audi lumen gloriosum, Paulum dicentem: Quotquot in Christo baptizati estis, Christum induistis (*Gal. III*). Non est Judæus neque Græcus, non est servus neque liber, omnes enim vos unum estis in Christo. Si ergo C apud Christum æquales sumus, et ad invicem æquales efficiamur. Etenim Christus formam servi assumpsit, docens nos non superbire contra servos nostros. Unus enim est Dominus omnium, in cælis habitans, et humilia respiciens: non dixit sublimia, sed humilia (*Psal. CXII*). Quantum enim aurum dedimus, ut honorificatum et emptum nobiscum eum sanguine divino et Dominico, nobis servituti subjiciamus? Propter eum cælum, propter eum terra, propter eum stellæ, propter eum sol, propter eum mare et quæ in eo sunt. Est autem verum, quia et angeli ei ministrant, propter eum Christus pedes servorum lavit, propter eum crucifixus est, et cætera omnia propter eum passus est. Tu autem eum qui D a Deo honoratur inhonoras, et quasi non sis ejusdem naturæ, non parcens feris? Dic, obsecro, velles, quoties culpam admittis, et mox redderet tibi Deus? Nequaquam. Dic, quomodo oras quotidie, dicens: Dimitte nobis debita nostra, sicut et nos dimittimus debitoribus nostris (*Matth. VI*)? His et his similibus verbis de habitante in se thesauro monens hunc absolvit; et nisi didicisset istum emendatum, præparabat et instruebat servum afflictum, ut fugam arriperet, et venditionem peteret; et hunc comparans justus, statim liberum statuebat.

CAP. XXXIII. — Audiens aliquando cujusdam elemosynatoris puerum orphanum derelictum, parentibus suis morientibus, et in multa paupertate con-

versari hunc; dicebant enim hi qui in testamento patris ejus inventi sunt testes, quia non dimisit ei, domine, pater ejus moriens usque ad unum numisma; sed habens decem libras auri, adducit eum ipsa hora quando testamentum scribebat, et dicit ei: Has decem libras habe, fili mi. Quid, vis dimittam tibi istas, an vis Dominam meam Dei genitricem curatorem et provisorem? Pueri vero eligente sanctam Dei genitricem, præcepit dare cuncta pauperibus. Et ecce, inquit, sanctissime, in multa inopia consistit, nocte ac die domum Domine nostræ non deserens. Cum ergo hæc audisset a scientibus sanctus hic, nemini aliquid dicens, adducit quemdam tabellionem; et narrabat ei rem, dans ei terminum ut nulli crederet quam præcepit ei facere rem, dicens ei: Vade, et in veteribus chartulis scribe testamentum cujusdam nomine Theopenti; et fac in eadem charta me et patrem pueri consobrinos fratres, et vade, et dic juveni: Scis, frater, quod genus existens patriarchæ, non debueras ita in paupertate versari? et ostende ei chartam, et dic: Quoniam si erubescis, ego ordino causam tuam apud patriarcham, et vide quid tibi dicet. Cum ergo omnia quæ jussa sunt ei a patriarcha tabellio fecisset, venit ad eum dicens: Quia factus est puer mihi, ut ego loquar causam suam domino, et magnas gratiarum actiones referebat mihi. Dixit itaque sanctus: Vade et dic ei: Quia locutus sum patriarchæ. Et dixi: Quoniam et ego scio quia habuit consobrini mei filium, sed ex vultu hunc non recognosco. Bene ergo facis, adducens hunc ad me. Adducens ergo eum, porta et chartam tecum. Cum vero pervenissent, tulit eum secreto ille justus, et cæpit deosculari eum, et dicere: Bene venit filius consobrini mei. Ditavit igitur eum, et uxori tradidit in Alexandria, et domum et omnia quibus opus habuit donavit ei, demonstrare festinans quoniam non derelinquet Dominus sperantes in se (*Judith. VI*).

CAP. XXXIV. — Imprætermisse autem et hujus mandati curam habuit hic admirabilis, legem ponentis: Volenti mutuare a te ne avertas aliquando (*Deut. XV; Luc. VI*), non prohibuit aliquem hujusmodi ab eo suffragium postulante. Unde hoc sciens quidam malignus et impostor, petiit ab eo ut sibi mutuas daret viginti libras auri. Erat autem de his qui dicuntur Gallodromi (14). Contemnens ergo sanctum quemadmodum et alios multos, dicebat: Quia nihil mihi dedit. Quæsierunt itaque Ecclesiæ pastores et ordinatores ut in carcerem hunc mitterent, et publicarent ejus substantiam. At imitator dicentis, Estote misericordes, sicut et Pater vester misericors est (*Lucæ VI*), qui suum solem oriri facit super bonos et malos, et pluit super justos et injustos, nequaquam illis consensit, ut eum affligerent. His autem turbantibus contra eum, utpote qui patriarchæ illuserat, et dicentibus ad eum dem sanctum: Non justum est, domine, ut quod pauperes acciperent, hic luxuriosus accipiat, respondit econtra ille ter beatus, dicens: Credite, fratres, quia si extra voluntatem acciperetis aliquid ab eo, duo mandata transgrederemini, et

unum adimplebitis quando et ad pauperes data fuerit hujusmodi quantitas. Unum quidem, quia apparebitis impatientes circa damnum, et efficiemini aliis forma mala; alterum autem, quoniam non obedientes eritis Domino Deo, dicenti: Ab eo qui abstulerit tua ne repetas (*Luc. vi*). Expediit ergo, o filii, ut efficiamur omnibus exemplum patientiæ. Etenim Apostolus dicit: Quare non magis injuriam sustinetis? quare non magis fraudem patimini (*I Cor. vi*)? Et bonum est quidem veraciter, fratres, omni petenti dare, excelsius autem et honorabilius et non petenti; ei autem qui aufert vestimentum sine voluntate a nobis dare et tunicam, angelicæ vere naturæ imitatio, imo divinæ est. Ex his enim quæ habemus Dominus præcepit benefacere proximo: Bonum, inquit, facies fratri tuo, juxta quod possidet manus tua, non ex his quæ ex lite et contentione et ab injuriam passo auferuntur.

CAP. XXXV. — Senex quidam magnus, quasi annorum sexaginta, audiens tales res beati, voluit tentare eum, si posset verbis suaderi, et ad scandalum facile inclinari, et ut contigit, si condemnaret aliquem. Et habitans prius in monasterio abbatis Seridonis (75), exiit et venit Alexandriam; et sumit conversationem hominibus quidem reprehensibilem, sed Deo gratam, qui dat (ut ait David) singulis secundum cor eorum (*Psal. xix*). Ingressus itaque civitatem, scribit omnes quæ notæ erant meretrices, et cœpit laborare opuscula, et accipere per singulos dies siliquam unam. Cum ergo occumberet sol, manducabat unius ærci lupinos (76), et intrabat ad unam meretricum, et dabat ei aëros nummos, et dicebat: Dona mihi noctem istam, et noli fornicari. Et manebat juxta eam nocte illa, observans eam ne fornicaretur. Stabat ergo a vespere in uno angulo cellulæ ubi dormiebat mulier, psallens et orans pro ea, et mittens genuflexiones usque ad auroram; et exiens, accipiebat verbum ab illa quod nulli diceret actionem ejus. Ita agebat semper, quousque una earum manifestavit vitam ejus, quod non, ut fornicaretur, intraret ad eas, sed ut salvaret. Oravit senex, et cœpit mulier a dæmonio vexari, ut per illam cæteræ timerent, et non manifestarent eum omni tempore vitæ ejus. Dicebant ergo quidam ei quæ a dæmonio vexabatur: Quid est? Reddidit tibi Deus quoniam mentita es. Ut fornicetur enim ingreditur pessimus iste, et non est aliud aliquid. Jam enim et sanctus Vitalius (hoc quippe nomen erat ei) volens hominum gloriam fugere, et animas a tenebris revocare, dicebat audientibus cunctis, cum laboraret in opere, et solveret vesperi: Eamus modo, domina talis exspectat nos. Ubi ergo erat ordo ipsius? Multis ergo criminantibus et illudentibus ei, dicebat: nunquid ego non vestio corpus ut omnes? Aut monachis solis iratus est Deus? Vere et ipsi homines sunt ut omnes. Dicebat itaque ei quidam: Accipe tibi unam mulierem, abba, et muta vestimentum tuum, ut non blasphemetur Deus per te, et habebis judicium quæ scandalizantur animarum. At ille respondebat eis ite-

rum, dicebatque se demonstrans quasi iratum: Vere non obaudiam vobis, ite a me. Modo nihil aliud faciam, ut vos non scandalizemini, nisi accipiam mulierem, quatenus curam habeam domus, et faciam malos dies. Qui vult scandalizari, scandalizetur, et det frontem in parietem. Quid vultis ex me? Nunquid judices constituti estis super me a Deo? Ite, de vobis curam habetote, vos pro me Deo non reddetis rationem. Unus est iudex, et sancta dies judicii, qui singulis reddet secundum opera eorum. Dicebat autem hæc clamans. Quidam ergo ecclesiæ defensorum, hæc multoties audientes ab eo, referebant patriarchæ quod fiebat. Deus vero sciens quod nollet ille sanctus offendere abbatem Vitalium, induravit cor ejus, ne crederet eis. Recordabatur enim ante memorati eunuchi; sed increpavit vehementer eos qui contra Vitalium abbatem accusationem ei afferebant, dicens ad eos: Quiescite accusare monachos. An nescitis quod circa sanctæ memoriæ Constantinum (77) imperatorem actum fuisse, conscriptiones quæ de eo leguntur contineant? Quoniam, ait, quidam non timentes Deum, cum celebraretur secunda Synodus in Nicæa (78), cœperunt contra se dare in scriptis famas turpes beato illi imperatori, quidam clerici quidem existentes, quidam monachi, et ad faciem adducens sanctus Dei Constantinus accusatorem et accusatum, utrumque audivit. Et cum invenisset multas talium criminationum veras esse, afferens ardentem cereum, incendit omnes quæ datæ sunt in scriptis malas opiniones, dicens: Vere si propriis oculis vidissem sacerdotem Dei, vel aliquem eorum qui monachico habitu circumamicti sunt, peccantem, chlamydem meam explicarem, et cooperirem eum, ne ab aliquo videretur. Nam et in servum Dei illum, videlicet eunuchum, ita putastis, et misistis me extra viam, et feci animæ meæ peccatum magnum. Confundens ergo eos multum, absolvit. Servus autem Dei Vitalius a propria operatione non cessabat. Deprecabatur ergo ut quibusdam post mortem ejus in somnis manifestaret Deus, ut non imputaretur in peccatum his qui scandalizabantur in eum, eo quod rem quam agebat dicerent scandalo esse plenam, et non haberet homo peccati judicium ex ea, quidquid locutus fuisset. Multas igitur de talibus mulieribus in compunctionem induxit hæc operatio ejus, et maxime quando videbant eum nocte extendentem manus et orantem pro unaquaque earum: propter quod quædam earum a fornicatione cessabant; quædam vero accipiebant viros, et pudice conversabantur; quædam vero et modis omnibus mundum relinquentes, singularem vitam ducebant. Nullus tamen scivit usque ad ejus dormitionem quod ipsius admonitione et oratione impudicæ muliercula: a fornicatione cessarent.

Unde quodam die exeunte eo a prima talium mulierum dilectulo, obviat ei quidam homo immundus, intrans ad fornicandum cum ea; et cum vidisset sanctum Vitalium ex ea egredientem, dedit ei alampam in faciem, dicens ad eum: Usquequo, pessim

illusor Christi, non emendas te ab his nequitiis tuis? Qui dixit ad eum : Crede mihi, accipies alapam a me humili, ut tota Alexandria colligatur ad clamores tuos. Nondum brevi tempore transacto, dormivit cum pace in cellula sua sanctus Vitalius, nemine sciente omnino. Habebat enim valde pusillam cellulam, super locum qui dicitur Porta solis (79). Unde et plerumque, cum collecta celebraretur juxta cellam ejus in ecclesia Metræ (80), convenientes quædam muliercularum harum, ad alterutras dicebant : Eamus, eamus, iterum abbas Vitalius collectam habet. Et venientibus eis, curabat eas. Igitur dormiente eo, ut prædictum est, in propria cellula, et nullo sciente, mox quidam dæmon tanquam Æthiops deformis, astat ei qui dederat alapam abbati Vitalio, et dat ei alapam, dicens : Suscipe alapam quam misit tibi abbas Vitalius. Et cadens, statim cœpit spumare. Congregata est igitur, secundum prophetiam Vitalii, pene tota Alexandria in violentiam quam patiebatur a dæmone ; et maxime quia sonitum datæ ei alapæ audierunt quidam, quasi ad unius jactum sagittæ. Post aliquantas vero horas in mentem rediens is qui patiebatur, scidit vestimenta pectoris sui, et cucurrit ad cellulam, clamans et dicens : Culpam feci tibi, serve Dei Vitali, miserere mei. Cucurrerunt verò cum eo omnes audientes. Cum pervenisset ad cellulam sancti, exiit iterum dæmonium, jactans eum omnibus aspicientibus. Et cum ingrederentur intro hi qui cum eo cucurrerunt, invenerunt sanctum stantem in geniculis suis, et orantem, et animam Domino tradentem, et in pavimento scripturam hujusmodi : *Viri Alexandrini, nolite ante tempus aliquid judicare, quoadusque veniat Dominus* (I Cor. iv). Confitebatur vero et homo, qui a dæmonio vexabatur, quod sancto fecerat, et quod dixerat sanctus ei. Recitata sunt ergo beatissimo Joanni patriarchæ omnia quæ circa sanctum Vitalium acta sunt ; et descendens cum clero, venit ad corpus sancti Vitalii ; et cum vidisset superscriptionem, dixit : Vere hanc humilis Joannes per Deum evasit, nam alapam quam accepit qui patitur ego acciperem.

Tunc itaque omnes fornicariæ, et quæ abrenuntiaverunt ex eis, et viros susceperant, cum cereis et lampadibus præibant eum flentes, et dicentes : Perdidimus salutem nostram et doctrinam. Enarrabant enim jam conversationem ejus omnibus, et, Quoniam non propter turpem rem ad nos intrabat ; et quia nunquam aliquando vidimus eum super latus dormientem, aut unam ex nobis tenentem manu sua. Et reprehendentibus eas quibusdam et dicentibus : Quare hæc non omnibus dicebatis, sed scandalizabatur in eo tota civitas? enarrabant jam capitulum, quod circa eam gestum est, quæ a dæmonio vexationem sustinuit, et quia hoc timentes tacebamus. Sepulto ergo eo in multo honore, permansit is qui ab eo correctus et sanus factus est, faciens memoriam ejus. Postmodum autem et renuntiavit sæculo, ingressus monasterium abbatis Seridonis in

Gaza, et suscepit cellulam abbatis Vitalii secundum fidem, et in ea permansit usque ad mortem suam. Et sanctissimus patriarcha multas gratias egit Deo, quia non permisit eum peccare in servum suum Vitalium. Multi autem multum ex tunc in Alexandria profuerunt sibi, et hospitio recipiebant monachos : et monebantur ut non condemnaretur aliquis ab eis sicut evenerat. Fecit autem et sanitates post mortem honorabile nomen sancti Vitalii per divinam gratiam : cujus orationibus det nobis Dominus bonam conversationem, et misericordiam in die, quando manifestabit abscondita hominum, et nuda faciet consilia cordium (I Cor. iv).

CAP. XXXVI. — Præcipiens aliquando dari cuidam petenti eleemosynam, decem nummos æreos tantum, convicia ab eo patiebatur in facie atrociter ille beatus, quia non dederat ei quotquot voluit. His autem qui de obsequio erant, quærentibus cedere eum qui conviciabatur, increpavit eos vehementer patriarcha, dicens : Sinite eum fratres : habeo ego sexaginta annos, blasphemans per opera mea Christum, et unum convicium non portabo ab isto? Et præcepit datori solvere sacculum, ut sine ret pauperem tollere quantum vellet pretium.

CAP. XXXVII. — Si vero aliquando audiebat sapientissimus, quoniam eleemosynator est talis, adducebat eum in hilaritate seorsum, et dicebat ei : Quomodo factus es eleemosynator? naturaliter, an te ipsum violenter cogens? Unde quidam qui ab eo interrogabantur, verecundati, occultabant quidem, quidam autem dicebant ei. Propter quod unus interrogatus a sancto, respondit ita : Crede mihi, domine, quia nihil do aut facio boni; verumtamen ipsum quod facio et præbeo, ex quibus Deus et orationes tuæ largiuntur, ita facere assuevi. Eram prius valde immisericors et crudelis, et semel damna pertuli, et in subtilitatem deveni : cœpit cogitatio mea dicere mihi : Vere si esses eleemosynator, non relinqueret te Deus. Statui ergo per singulos dies dare quinque æreos nummos pauperibus ; et cum cœpisset dare, statim Satanus prohibebat me, dicens : Vere quinque nummi isti sufficiunt domui ad olera, aut ad balneum percipiendum ; et statim, tanquam si de faucibus natorum meorum privarem eos, nihil dabam. Cum ergo vidissem quod superarer a vitio, dico puero meo : Per singulos dies furare, me nesciente, quinque nummos, et da eleemosynam. Sum ego enim trapezita, domine. Ille vero benefaciens, cœpit furari denos (81). Erat autem quando et siliquam. Cum ergo vidisset quia benedicebamur, et divitiis abundabamus, cœpit et tremisses furari, et dare. Semel itaque admirans benedictiones Dei, dixit ei : Vere multum profuerunt, fili, quinque nummi illi. volo ergo ut des decem. Tunc dicit mihi et puer subridendo : Vade, ora furtis meis. Nam vere hodie non haberemus quem manducassemus panem. Sed si est fur justus, ego sum. Tunc ergo dixit, quoniam tremissia dabat et siliquas etiam, ex fide illius, assuevi, domine, de animo dare. Edificatus ergo san-

ctus valde, dixit ad eum: Crede mihi, multas con- A
versationes Patrum legi, tale aliquid non audiui.

CAP. XXXVIII.—Malitiam reservantem quemdam illustrium, contra alium principem, audiens hic magnus Joannes, monuit eum sæpe, et suasit ad concordiam, et non potuit eum convertere ad pacem. Semel ergo mittit et adducit eum sanctus, quasi pro re publica: et facit missas in oratorio suo, nullum habens nisi ministrum suum (82). Cum ergo sancta benedixisset patriarcha, et orationem Dominicam inchoasset, cœperunt dicere tres tantum illi, Pater noster. Et cum pervenisset ad sermonem, quo dicitur, Dimitte nobis debita nostra, sicut et nos dimittimus debitoribus nostris, innuit domestico patriarcha, ut taceret. Siluit ergo et patriarcha, et remansit princeps solus, dicens versum: Dimitte nobis, sicut et B
nos dimittimus. Et statim conversus sanctus, dicit ei mansueta voce: Vide in quali terribili hora quid dicas Deo: Quoniam sicut ego dimitto, ita et tu dimitte mihi. Tanquam ab igne statim cruciatum ferens prædictus princeps, cecidit in faciem ad pedes sancti, dicens: Quæcunque jusseris, domine, faciet servus tuus. Et reconciliatus est inimico suo ex tunc cum omni veritate.

CAP. XXXIX.—Superbum autem si videbat aliquem beatus, hunc quidem non arguebat in facie: quando autem eum in secreto suo sedentem videbat, afferebat de humilitate sermones, ut per tale magisterium sensim percuteret superbum, et modestum faceret, dicens ita: Miror, domini mei, quomodo non recordatur misera anima mea humilitatis quæ demonstra- C
vit nobis super terram apparere Filium Dei, sed intumesco et extollor super fratrem meum, si fuero modicum aut pulchrior eo, aut ditior, aut gloriosior, aut principatum officii cujuscunque habuero, non intelligens/divinam vocem, quæ dicit: Discite a me quia mitissimum et humilissimum corde, et invenietis requiem animabus vestris (Matth. xi); neque sanctorum voces cogitans, quoniam quidam terram (Gen. xviii), quidam cinerem, quidam vermem et non hominem (Psal. xxi), quidam aut impeditioris et tardioris linguæ (Exod. iv) se nominabant: et quia Isaias, quando Deum videre meruit, ut capit homo, tunc immunda labia se habere pronuntiavit (Isa. vi). Quid enim et sum humilissimus? Nonne de luto fictus sum, unde sunt et lateres? Nonne omnem quam puto habere gloriam, ut flos fœni marcessit (Isa. xl)? His ergo et D
hujusmodi, et aliis pluribus verbis sapientissimus, quasi de se dicens, eum qui languorem inflationis et superbiæ habebat cauterio comburens, proderat ejus animæ. Intelligebat enim is qui ulcus habebat quod de eo patriarcha hæc intimaret.

CAP. XL. — Et hoc frequenter ille a Deo honoratus, afferebat in medium, ad humilitatis argumentum, dicens: Quod si considerassemus et cogitassemus Dei erga nos misericordiam et bonitatem, nec in celos sublevaremus oculos nostros, sed semper in humili habitu ac prudentia degeremus. Ut enim præteream, qualiter non existentes ut essemus produxit

nos fictor, et peccato et inobedientia deceptos iterum vivificavit, et 300 proprio sanguine redemit a morte, et omnem terram et ipsum cœlum in obsequium hominum subdidit, sed et nunc qualiter peccantes non dissipat, sed longanimiter magis expectat immobilis illa natura, et patiens ille oculus, et nobis plerumque blasphemantibus ipse consolatur et blanditur per miserationem suam, desursum pluvias propter vitam nostram tribuens, quantos malos operarios, pergentes ut occidant aut furentur, tegit et non tradit, ne capiantur et puniantur? quantos existentes in navibus in pelago, ut prædentur obviantes sibi naves, et occidant qui in eis sunt, non permittit in profundum demergi, sed imperat mari ne absorbeat eos, expectans conversionem malitiæ ipsorum? quanti pejerant corpus (83) et sanguinem ejus sacrosanctum, et patitur et longanimiter agit, non reddens eis hic aliquid difficile? quantos in itinere latrocinantes non tradit in cibum obviantibus sibi bestiis? quantos euntes in concava terrarum, et itinerum seditiones operantes, protegit, ut non consumantur a custodientibus canibus, vel etiam hominibus? Et me interdum aut cum meretrice recumbente, aut cum his qui se inebriant, aut cum turpia loquentibus conversante, aut cætero quolibet sæculi hujus implicato peccato, apis quidem circumfertur, et valles et alveos circuit, quærens colligere fructum, ut dulce faciat mihi guttur, quod fœda et iniqua pronuntiat; uva autem festinat per calorem maturari, ut repleat os et lætificet cor, quod factorem suum prævaricatum est. Flores invicem se præoccupant, ut delectent oculos, qui fornicationibus et alienis mulieribus ad luxuriam incurrunt. Ficus turbatur (84), quatenus perveniat, ut repleat manum per magnitudinem, et os per dulcedinem, quod tenet et basiat alienam mulierem. Talla ergo, inquit, opera fratres agentes, et tales retributiones recipientes a bonigno Deo, qualem debueramus habere prudentiam, considerantes novissimam nostram et horrendam horam? Multum enim de memoria mortis et exitu animæ disputabat semper ille beatus, ita ut frequenter quidam ad eum superbo schemate intrarent et ridenti vultu, et inconsiderato oculo; et exirent humili more, et compuncta facie, et lacrymantibus oculis. Propter quod et dicebat: Quia (ut æstimo ego humilis) sufficit ad salutem assidue et dolenter cogitare, et sollicitudinem habere de morte, quoniam nemo nobis in illa hora compatietur, aut comitabitur ex vita ista, nisi opera bona nostra. Et quomodo angelis venientibus et properantibus turbatur tunc anima, si inventa non fuerit præparata? quomodo rogat ut addatur sibi modicum tempus vitæ, et audiet: Quid enim? Tempus quod vixisti, bene consumpsisti? Et iterum dicebat tanquam de semetipso: Quomodo, humilis Joannes, transire poteris bestias arundineti (Psal. lxxvii), quando obviabunt tibi exactores? Væ qualis timor et tremor obtinet animam tunc rationem ponentem, tantis exquisitoribus tam amarj et immisericordibus? Etenim sanctus iste in

memoria semper retinebat quod sancto Simoni qui in columnis stetit (85), per revelationem factum est notum: Quia (ut ait) exeunte anima e corpore, obviat ei cum ascenderit a terra in cœlum, chori dæmonum, singuli in proprio ordine. Obviat ei chorus dæmoniorum superbæ, investigat eam, si habeat opera eorum. Obviat chorus spirituum detractionis: aspiciunt si quando oblocuta sit, et pœnitentiam non egerit. Obviat iterum superius dæmones fornicationis: scrutantur si recognoscant in ea voluptates suas. Et quando a terra usque ad cœlum misera anima positura rationem pervenerit, seorsum ab ea sancti angeli stabunt, et non adjuvabunt eam nisi bonitates suæ. Hæc considerans hic nobilis, perterritus pro tali hora et sollicitus factus est, ferens in memoriam et sancti Hilarionis eloquium (*Vita Hilarionis*, c. 38): quia cum e vita egressus esset, formidavit et dixit animæ suæ: Octoginta annos, o humilis anima, habes serviens Christo, et times exire? Exi, quia misericors est. Et dicebat sibi patriarcha: Si is qui octoginta annos servivit Christo, et mortuos suscitavit, et signa fecit, timuit amaram illam horam, quid habes tu, humilis Joannes, dicere aut facere, quando obviaverint in faciem tuam crudeles illi et immisericordes exactores et inquisitores? Ad quantos poteris rationem reddere, ad eos qui exquirunt de mendacio, ad eos qui de detractione, ad eos qui de crudelitate, ad eos qui de avaritia, ad eos qui de memoria mali, ad eos qui de odio, ad eos qui exquirunt de perjurio? Et dementatus dicebat: Deus, tu eos increpa, nam omnis fortitudo hominum eis resistere non valet. Tu, Domine, da nobis ductores sanctos angelos, qui custodiant et gubernent nos; multa enim est contra nos eorum insania, multus tremor, multus timor, multum periculum pelagi aeris hujus. Si enim de civitate in civitatem super terram ambulantes, deprecamur eos qui nobis ductores sunt, ne in præcipitia cadamus, aut in agrestium bestiarum loca, aut in flumina infinita, aut in inaccessibiles et invios montes, aut in latronum manus, aut in eremum incomprehensibilem ☩ aut in aquosam, et pereamus. Quot ductoribus fortibus et divinis custodibus opus habemus, pergentes longa via hac et æterna, videlicet, quæ ex corpore est egressio, et ad cœlum ascensio? Hæ sunt sapientia plenæ beati ad se et ad omnes doctrinæ; hæ sunt ejus quotidianæ curæ atque meditationes.

CAP. XLI. — Multam autem et de sancta statione curam habebat, et sollicitudinem demonstrabat. Una enim dierum volens multos resecare, ut non egredierentur post solutionem sancti Evangelii de ecclesia, et otiosis sermonibus pro oratione vacarent, quid fecit? Reliquit mox, postquam lectum est sanctum Evangelium, ecclesiam; et ipse exiit, et sedit cum turba. Omnibus vero obstupentibus, dixit ad eos justus: Filioli, ubi oves, illic et pastor. Aut intrate intro, et ingrediemur; aut manete hic, et hic manebo. Ego propter vos descendo in sanctam ecclesiam, nam poteram facere mihi missas in epi-

scopio. Semel ergo et bis fecit hoc ipsum schema ille beatus. Erudit et in hoc plebem magnifice, et emendavit; timebant enim, ne iterum id ipsum schema faceret eis ille semper memorandus.

CAP. XLII. — Loqui autem in sacrario omnino non permittebat, sed in conspectu omnium foras mittebat eum, dicens: Si quidem ut oraes venisti huc, in hoc mentem tuam et os tuum vacare exopta; si vero propter locutionem, scriptum est: Domus Dei domus orationis vocabitur (*Matth.* XXI); noli ergo facere eam speluncam latronum.

CAP. XLIII. — Hoc autem erat admirabilius sanctissimi hujus patriarchæ, quoniam nec monachicam vitam ducens, neque in clero moratus in ecclesia, sed et feminæ legitime dudum conjunctus (86), ita tenuit vigorem ecclesiæ ab ipso initio quo patriarcha consecratus est, et in talem sublimitatem exaltatus est, ut multos eremitarum et in arcta vita degentium superaret.

CAP. XLIV. — Volens autem nec hujus boni esse inexpers, videlicet monachicæ vitæ connumerationis, studet rem tamen: Congregans duos ordines sanctorum monachorum, statuit in eis omnem utilitatem tribui de villis suis in civitate sua: et faciens eis cellulas in duobus oratoriis Dominæ nostræ sanctæ Dei genitricis, et sancti Joannis, quæ ipse a fundamentis ædificaverat, dicens amantissimis Deo monachis ita: Ego post Deum utilitatem corporalem vestram procurabo, vos autem spiritualis habetote meæ curam salutis. Vespertina et nocturna vigilia mihi apud Deum imputetur: quidquid vero in cellulis vestris officii feceritis, pro vestris sit animabus. Hoc autem fecit, volens sollicitiores efficere Dei amicos monachos. Unde et permansit Deo talis grata constitutio ordinum; et ad similitudinem monasterii ex his civitas pene vivit, in diversis locis pervigiles hymnodias Deo referens.

CAP. XLV. — Et hoc beatus iste ita omnes docebat, et contestabatur dicens: Nullatenus aliquando hæreticorum communionis, imo coinquinationis participemini, etiam si omni vita vestra ex aliqua impulsione vel necessitate communionem catholicæ Ecclesiæ non invenientes, sine communionem peremeritis. Si enim, ait, uxorem corporalem legitime possidentes, in regione aliqua longinqua absque ista tempore multo morantes, relinquere hanc et alii copulari, a Deo et legibus prohibemur, si vero hoc egerimus, punimur; quomodo putas, Deo per rectam fidem et catholicam Ecclesiam conjuncti, ut ait Apostolus: Aptavi vos uni viro virginem castam exhibere Christo (*II Cor.* XI), si orthodoxam et sanctam fidem adulteraveritis per communionem hæreticorum, non in futuro sæculo tormenti, quod expectat hæreticos, erimus facti participes? Communio enim, ait, ideo dicitur, eo quod communem faciat, et firmet communicantem quibus communicat. Ne igitur, quæso, ait, o filii, hujusmodi oratoriis applicetis.

CAP. XLVI. — Cum omnibus bonis suis et hoc

beatus hic possidebat, quod (ut dictum est) non A
condemnaret proximum, nec condemnantes recipe-
ret. Dicam vero et ejus doctrinam de hoc omnibus
proficua: Juvenis quidam rapiens monacham,
fugit Constantinopolim. Hoc dicens justus, tristis
factus est usque ad mortem. Tempore vero aliquo
transacto, consedente eo una dierum in honorabili
cimiliarchio cum quibusdam clericis, et sermonem
animæ utilem movente, venit in medium et memo-
ria juvenis qui ancillam Dei rapuerat, et cœperunt
qui sancto considebant anathematizare talem juve-
nem, tanquam qui duas animas perdiderat, suam
videlicet et sanctimonialis. Compescuit ergo et rese-
cavit eos beatus, dicens: Ne sic, filii, ne sic; nam
ostendam vobis quia et vos duo peccata facitis:
unum, quia transgredimini mandatum dicentis: B
Nolite judicare, ut non judicemini (*Matth.* vii); deinde,
quia nescitis certius si usque hodie peccent, et
non pœniteant.

Legi enim vitam Patris aliquid tale habentem:
quia in civitate quadam duo monachi abierunt in
ministerium. Et cum transiret unus per locum, cla-
mabat ei una fornicaria, dicens: Salva me, Pater, ut
Christus meretricem. Ille vero hominum confusio-
nem omnino non curans, dixit ei: Sequere
me. Et tenens eam per manum ejus, exiit publice
de civitate, omnibus aspicientibus. Facta est ergo
fama quia abbas accepit mulierem domnam Por-
phyriam (ita enim vocabatur mulier). Pergentibus
ergo eis, ut mitteret eam in monasterium, invenit
mulier in una ecclesia puerum in terram projectum, C
et sustuliteum ut nutrirer illum. Itaque post annum
quidam venerunt in patriam, ubi erat abbas et Por-
phyria, quæ fuerat de meretricibus; et videntes
eam habere puerulum, dicunt ei: Veraciter bonum
abbati pullum genuisti. Nondum enim sanctum sche-
ma acceperat. Euntes ergo Tyrum qui viderant eam
(inde enim abbas tulerat illam), diffamaverunt,
quia genuit de abbate Porphyria, et nos vidimus
puerulum oculis nostris simulantem ei. Quando ergo
cognovit ex Deo abbas obitum suum; dicit nonnæ
Pelagiæ, sic enim mutavit nomen ejus, quando tra-
didit ei sanctum schema: Eamus Tyrum, quia ha-
beo illic responsum, et volo ut venias mecum. Illa
vero non valens contradicere ei, secuta est eum: et
venerunt ambo, habentes et puerulum septem an-
D
norum existentem. Cum ergo ægrotasset abbas in
infirmirate ad mortem, ascenderunt ad visitationem
ejus de civitate usque ad centum animas. Et dicit:
Afferte prunas. Itaque cum venisset thuribulum (87)
plenum prunis, tulit et evacuavit eas in vestimen-
tum suum, et dixit: Credite, fratres, quia sicut Deus
rubum custodivit incombustum ab igne, sicut nec
tunicam hanc meam incenderunt prunæ istæ, ita
nec ego agnovi peccatum mulieris, ex quo natus
sum. Et omnes mirati sunt, quomodo non ardebat
vestimentum ab igne; et glorificaverunt Deum ha-
bentem occultos servos. Ex occasione autem nonnæ
Pelagiæ quondam meretricis, aliæ fornicariæ secutæ

sunt eam, abrenuntiantes mundo, cum ea pergentes
in monasterium ejus. Servus enim Dei monachus,
qui totonderat eam, postquam satisfacit omnibus,
tradidit Deo spiritum in pace. Ideo, inquit, dico vo-
bis, filii, ne præcipites ad condemnanda et judi-
canda sitis aliena. Multoties enim peccatum fornicationis
vidimus, pœnitentiam vero ejus, quam fecit
occulte, non aspeximus. Et est quia furtivi facien-
tem quemdam vidimus, suspiria vero et lacrymas
quas produxit Deo nescimus. Et nos quidem ha-
bemus eum qualem vidimus illum, furem, aut forni-
catorem, aut perjurum; apud Deum vero recepta est
occulta ejus confessio et pœnitentia, et est ab ipso
pretiosus. Omnes igitur admirabantur super doctrina
industrii pastoris hujus atque magistri.

CAP. XLVII. — Duobus clericis calceamenta fa-
cientibus, et juxta se laborantibus, unus quidem
habebat filios multos, et uxorem, et patrem, et ma-
trem: vacabat vero ecclesiæ sine intermissione, et
omnes post Deum alebat de arte sua. Alter vero
quamvis doctior esset illo, eo quod non permaneret
in ecclesia, sed etiam Dominicis diebus laboraret,
nec seipsum tantum nutrire valebat. Invidebat ergo
iste vicino suo. Et una vice non sufferens invidiam,
dicit ei cum ira: Unde tu sic dives factus es? Ego
vero vacans plus arti meæ quam tu, in paupertatem
deveni. Dicit vero ei, volens facere eum vacare eccle-
siæ: Invenio pretium in terra, et inde paulatim
dives factus sum; sed si vis, semper voco te, et veni
mecum; et quidquid invenimus, accipies dimidium.
Cum ergo acquiesceret ille, et sequeretur cum eun-
tem ad ecclesiam, sine intermissione benedixit ei
Deus, et divitem fecit eum. Tunc dixit ei ille bonus
consiliarius: Vidisti, frater, unum mendacium pro-
pter Deum (88) quantum profuit animæ tuæ et sub-
stantiæ tuæ? Crede, nihil inveniebam aliquando in
terra, ut aestimasti gratia pretii; sed quoniam dixit
Dominus: Quærite primum regnum Dei et justitiam
ejus, et hæc omnia adjicientur vobis (*Matth.* vi);
idcirco occasionem feci, tantum ut seducerem te;
et ecce non sine causa laboravi, sed invenisti, et
superinvenisti. Hoc igitur discens sanctus patriar-
cha, fecit illum bonum consiliarium presbyterum,
tamquam dignum; erat enim lector.

CAP. XLVIII. — Et quidem hactenus ante memo-
Dratus Dei cultor Mennas, qui fuerat vicedominus
sanctissimæ ecclesiæ Alexandrinorum magnæ civi-
tatis, enarravit nobis. Sequentia autem vilitas mea
depinxit; quædam vero a quibusdam, quibus digne
credendum est, audivi. Dicentibus ergo nobis in præ-
dictis in quodam capitulo (*Sup.*, c. 11), quod multa
spirituali dilectione patriarcha et Niceta patricius
ad invicem colligati essent, dignum indicium talis
exhibitionis præsens existit capitulum.

Quando, permittente Deo (89), pro peccatis nostris,
futurum erat ut traderetur Alexandria sine Deo Per-
sis, reminiscens pastor dicentis: Cum persecuti vos
fuerint in civitate ista, fugite in aliam (*Matth.* x),
fugam arripuit in propriam patriam, videlicet in

Cyprum, in civitatem suam. Unde occasione accepta, præfatus Niceta patricius dixit ad sanctum: Obsecro, si inveni gratiam ante te, ne dedigneris fatigari usque ad reginam civitatem, et bene acceptas preces tuas donare piissimis imperatoribus. Ille vero multæ fidei 203 viri consentiens, obediens ad hoc factus est Deo et voluntati ejus, et a se datum honorem quantum erat circa beatum ostendere volente. Fatigata igitur navi multipliciter a ventorum, in qua sanctus cum patricio erat, et in profundum mittenda, videt sæpe memoratus patricius, et optimates qui cum eo erant, una nocte, in qua tempestas facta est, patriarcham modo quidem cum pauperibus per navim ubique circumcurrentem, modo autem iterum cum eis manus in cælum extendentem, et ab alto adjutorium abstrahentem. **B** Cumque in Rhodum (90) pervenissent ascendentes, videt expergesfactus a Deo vocatus hic quemdam eunuchum coruscantem forma, et aureum sceptrum in dextra tenentem, assistentem sibi et dicentem: Veni, jube (91), Rex regnantium quærit te. Nihil ergo statim negligens, advocat patricium Nicetam, et dicit ei cum multis lacrymis: Tu quidem, o domine, ad terrenum imperatorem me vocasti: sed præveniens cœlestis, ante vocavit exiguitatem meam. Et retulit et eunuchi, imo angeli visionem, quæ apparuerat sibi. Gavisus ergo et tristis factus idem gloriosissimus vir, impedire sanctum non potuit. Abunde igitur sanctis ejus repletus orationibus, et imperatoribus has deferens, cum multo honore redire ei in Cyprum jussit.

CAP. XLIX. — Adveniente ergo eo in propriam civitatem, quæ Amathunta (92) vocabatur, testamentum proprium scribere cito ministris suis præcepit. Velociter vero et sine dilatione chartam et calamum præsentantibus, præcepit sacrum illud os scribere sic: « Joannes servus, propter eam vero quæ supposita est mihi sacerdotii dignitatem, Dei gratia liber. Gratias ago, Deus, tibi, quoniam exaudisti miseriam meam, rogantem bonitatem tuam, ne inveniretur morienti mihi nisi unus tremissis. Inveniente enim me in honorabili episcopio sanctissimæ Ecclesiæ Alexandrinorum magnæ civitatis, quam per indulgentiam Dei suscepi, quando in ea consecratus sum episcopus, circiter octoginta centenaria auri, et quæ intraverunt mihi ab amicis Christi, pene numerum **D** hominis transcendunt; in seipsam mentem colligens, et cognoscens hæc omnia dominatoris omnium esse, festinavi ea quæ Dei erant Deo dare. Unde et quod remansit mihi hoc tremisse, Dei et hoc existens, jubeo dari his qui sunt Dei. » O gloriosa res! o devotionem sancti! Non attendit, sicut debuisset, suis; quod faciunt multi qui in divitiis sunt, qui Dei dona aut ex injustitia collecta, tanquam propria, et tanquam si ea secum ferre possunt, thesaurizant, et non large egenis præbent; sed illa quærebat quæ semper manent, et aliquando non minuuntur. Unde sine mendacio repromissionibus non est fraudatus, quæ assederant, ex persona Dei, quoniam qui glorificant me,

A glorificabo (*I Reg. II*). Vere enim magnifice glorificavit sanctum hunc, qui in suis semper bonis glorificatus est Dominus. Non enim ferens nobilis hic, temporali vita sua conquiescere sancta et digna laude bona, quid egit? Xenodochia, gerontocomia, atque monasteria a fundamentis ædificans, et choros sanctorum monachorum statuens, incessabilem veræ justitiæ memoriam possidet, per ea quæ celebrantur in eis bona opera. Quod enim de his qui mala agunt, et successores propriorum malorum post mortem in vita hac relinquunt, ait Domino plenus Apostolus: Quoniam quorundam peccata manifesta sunt, præcedentia ad judicium; quosdam autem et subsequuntur. Hoc contra (93) de hoc beato dicendum est: Quoniam quorundam justitiæ manifestæ sunt præcedentes in regnum cœlorum (*I Tim., v*), quosdam autem et subsequuntur, de quibus unus et iste existit. Et quoniam non fabula, neque ad gratiam est, quod dictum constat, testimonium nobis perhibeat plane quod mox in pretiosa ejus dormitione gestum est prodigium. Tradente enim eo et commendante propriam animam in manu Domini, ut ait alicubi sacra Littera: Justorum animæ in manu Dei sunt (*Sap. III*), et hanc ei ut sacrificium immolatum offerente, cum recondendum esset honorabile ejus corpus horrifice, et cum congruo sacerdotibus ritu in quodam oratorio sancti miraculorum factoris Tychonis (94), fit quoddam tale signum gloriosum.

CAP. L. — Jacebant in quodam tumulo, ubi et justus hic reponendus erat, duorum quondam episcoporum, qui ante dormierant, sancta veraciter corpora sanctorum: quæ et in natura exanimi interim degentia, tanquam si viva revera essent, æqualem sancto honorem tribuerunt. Cum enim beati corpus inter duos illos componendum esset, honorantes summum pastorem pastores, et multam ejus fiduciam apud Deum reverentes, simul et mirantes, Dei jussione tanquam vivi corpora sua separantes (95), in medio sacrum hunc susceperunt, honorem et ipsi ei præceptione Dei sicut a Deo honorato offerentes, et omnibus statim ostendentes quæ a Deo ei donata est gloriam atque sublimitatem. Quod maximum et gloriosissimum miraculum, non unus, neque decem, neque contum viderunt, sed omnis turba quæ convenit ad pretiosam ejus sepulturam.

CAP. LI. — 204 Aliud autem ejus gloriosius, quod quidem adhuc vivens in carne cœpit miraculum, sed postquam migravit ad Deum, complevit, sermo commemorare tentabit. Mulier quædam de ea quæ sanctum protulit civitate existens, cum audisset eum venisse a Rhodo (96), et angelum ei ibidem apparuisse, et vocationem ad communem Dominum ei denuntiasse, peccamen gravissimum in se recognoscens, quod nec auditus hominum posse intrare affirmabat, fidem inambiguam sumens, ad sanctum cursim pervenit; et pedes ejus comprehendens, cum lacrynis multis clamabat, et dicens secreto sancto: Peccatum, o ter beate, habeo misera, quod ad aures hominum venire non potest, et scio quod, si vis,

potes id mihi indulgere; dixit enim vobis Dominus: Quoniam quaecunque solveritis super terram, erunt soluta, et in caelis; et quaecunque ligaveritis super terram, erunt ligata et in caelis (*Math. xviii*); et quorum remiseritis peccata, remittuntur eis; et quorum retinueritis, retenta sunt (*Joan. xx*). Hæc verba audiens a muliere sanctus, et timens, si petitionem ejus refutaret, noxius ejus tormenti fletet, dum posset liberari a proprio peccato per fidem habebat in eum, dicit ad eam humiliter: Si utique credis, o mulier, Deo, quod per infelicitatem meam ignoscatur tibi crimen quod dicis, confitere mihi hoc. Quæ dixit: Non possum, domine, dicere id, neque enim potest auditas hominum portare illud. Dicit ad eam iterum sanctus: Et si erubescis, vade et scribe illud, si nosti litteras, et fer mihi. Illa iterum respondit: Vere, domine, non possum. Expectans ergo modicum quid tacens, dixit ei: Non potes scribere et bullare, et afferre mihi? Tunc dixit ei: Possum, domine, hoc facio, rogans honorabilem et coangelicam animam tuam ne solvatur, neque ullo modo inveniatur a quolibet pittacium (97) hoc aliquando. Verbum igitur accipiens a Deo honorabilis quod nullus homo solveret aut legeret ejus pittacium, abiens scripsit propria manu peccatum, et bullans portavit beato. Suscipiens ergo sanctus pittacium, post quinque dies ad Dominum profectus est, nemini aliquid de hujusmodi pittacio aut disponens, aut indicans. Mulier itaque fortuito, imo dispensatione Dei, non existens in civitate die in qua translatus est in pace de sæculo isto ad aliud patriarcha, volente et in hoc demonstrare Deo quantam apud eum, utpote proprius famulus, fiduciam possidebat. Sed post unam diem reconditionis pretiosi ejus lipsani (98) adveniens, cum audisset dormitionem ejus, amens et desipiens propemodum facta est, existimans pittacium quod dederat, in episcopo relictum, omnibus faceret culpam ejus manifestam. Cito ergo resiliens, et priorem fidem suam indubitabilem super animam resumens, arcam a Deo honorati apprehendit; et, sicut viventi ei veraciter, ita turbata perhibebat: Homo Dei, tibi hoc peccatum non potui enarrare, eo quod supra modum existeret grave, et ecce nunc omnibus factum est forsitan manifestum et cognitum; utinam non tibi rem meam manifestassem. Heu! heu mihi! putans confusionis absolutionem invenire, confusio omnibus facta sum; pro medela blasphemiam recepi. Quid mihi ad te opus erat secretum animæ meæ patefacere? Tamen non deficiam neque diffidam, neque removebo a tumultu lacrymas, usque dum satisfactionem de petitione mea accepero. Neque enim mortuus es, sancte Dei, sed vivis. Scriptum est enim quia justi in perpetuum vivent (*Sap. v*). Iterumque eadem verba assumens, dicebat: Nihil homo Dei, peto a te, nisi ut certum facias cor meum quidnam de dato tibi pittacio factum sit? Deus ergo qui dixit aliquando ad Chananzæm: Fides tua te salvam fecit (*Math. xv*), ipse et hanc certam fecit, Tribus enim diebus perseverans ad sepulcrum sancti, et cibum

A aut potum omnino nongustans, tertia nocte, dum rursus cum lacrymis eosdem duos ac fideles sermones beatissimo diceret, ecce egreditur Dei famulus de tumultu suo, oculatim apparens cum duobus episcopis, qui cum eo jacebant, uno hinc, et altero hinc aspirantibus (99), et dicit ad eam: Usquequo, mulier, hos qui hic sunt commoves, et non dimittis eos quiescere? Infuderunt enim stolas nostras lacrymæ tuæ. Et hæc dicens, dat ei proprium pittacium bullatum, dicens: Suscipe, recognoscis hoc? solve, aspice. Et in seipsam ex visione veniens, vidit iterum sanctos ingredientiens in proprium locum: et solvens, invenit litteras suas deletas, et subscriptionem sub eis habentem sic: *Propter Joannem servum meum, deletum est peccatum tuum*. Quis loquetur potentias Domini, o amici et fratres? Qui ita misericors et amator hominum faciens voluntatem timentium se, et glorificans glorificans eos? Non autem in hoc loco solum, in quo pretiosa dormitio ejus facta est, gratia quam habuit apud Deum, manifesta est, sed ubique longius claruit.

CAP. LII.—Eadem enim die in qua ad Deum ex hac vita beatus iste profectus est, quidam eorum qui angelicam vitam et schema monachicum habent, vir admirabilis et industrius, Sabinus nomine, Alexandriae habitans, vidit quasi in excessu mentis factus, divinitus honoratum Joannem de proprio episcopio egredientem cum clero omni cerea portantem, et ad imperatorem euntem, tanquam eunucho quodam (ut ipse dicebat Sabinus) cubiculario hunc vocante, postquam januam episcopii exiit, quod significat proprii corporis separationem, et unam puellam ut solem, susipientem eum, et manu tinentem, et super caput coronam ex oleæ ramis circumamictam. Mox ergo agnovit sanctus Sabinus migrationem patriarchæ ad Dominum ipsa hora fuisse factam. Quapropter adnotantes quidem mensem et diem, erat enim celebris, videlicet sancti martyris Mennæ (100), quibusdam venientibus de Cypro percunctantes quidam qui habitabant Alexandriae de migratione sancti patriarchæ, agnoverunt veram fuisse visionem, eo quod eadem hora fieret in qua obiit beatus et maxime de exemplo puellæ quæ manu tenebat eum. Acceperat enim repromissiones ab ea sanctus, sicut in præcedentibus verbis Vitæ diximus (*Sub. D c. 7*): Quia si me possides amicam, ego te ante imperatorem introducam, quod et revera facit.

CAP. LIII.—Non autem ex hoc tantum omnes satisfactionem acceperunt, quod eleemosyna et misericordia quam habuit circa egentes, eum in cælorum regnum deduxerunt; sed quia alius eorum qui habitabat civitatem Alexandriam, timens Deum, vidit ipsa nocte in qua et sanctus Sabinus, omnes pauperes et orphanos atque viduas, oleæ ramos bajulantes, et in patriarchæ obsequio euntes, et ad ecclesiam pergentes. Non solum duo, aut decem, aut centum satisfactiones sunt, per quas scimus clare quoniam sanctorum numerum meruit memorabilis hic: sed ecce et aliæ, quas subsequens forma ostendit.

CAP. LIV.--Hymnodia enim anniversaria post multum temporis dormitionis sancti celebrata, in templo superius memorati sancti Tychonis (*Sup.*, c. 49), ubi pretiosum lipsanum beatissimi patriarchæ Joannis repositum est: erat autem quæ colebatur sacra vigiliæ hymnodia annuæ recordationis sancti miraculorum factoris Tychonis. Is quis est miraculorum Dominus, volens ostendere omnibus quali honore servum suum sanctum Joannem dignum fecerit, placuit, de honorabili ejus lipsano unguenti saniferam suavitatem emanare, qua universi in lætitia freti gloriam retulerunt Patri et Filio et Spiritui sancto; vero scilicet Deo nostro, qui proprios sanctos gloria glorificat infinita.

CAP. LV.—Et nullus, o amici Christi, tanti miraculi incredulus sit. Etenim usque nunc videtur in amica Christi Cypriorum insula, in diversis sanctis tabernaculis Dei gratiam operantem, et tanquam ex fontibus unguentorum suavitatem de pretiosis eorum lipsanis profluentem, ad gloriam ejusdem bonitatis, et ad honorem sanctorum ejus, atque alacritatem et zelum

A bonum qui post futuri sunt hominum: quatenus secundum imitationem eorum conversantes, eisdem et nos honoribus digni efficiamur a justo mercedum retributore Deo. Efficiamur igitur, dilectissimi, et nos consummatores præscriptarum rectitudinum sanctissimi hujus Patris nostri Joannis: et quasi incolæ existentes et peregrini in vita ista, in æternum thesaurizemus futurum, per largam quæ indigentibus tribuitur donationem (*I Cor. IX*). Etenim, secundum divinitus inspiratum Apostolum, qui seminat in benedictionibus, de benedictionibus et metet (*I Cor. II*); et pro corruptibilibus incorruptibilia, pro temporalibus æterna, quæ oculus non vidit, nec auris audivit, et in cor hominis non ascenderunt quæ præparavit Deus diligentibus se: quæ omnes nos impetremus per gratiam et misericordiam Jesu Christi Domini nostri, cum quo est Patri una cum sancto Spiritu gloria et honor et imperium, nunc et semper in sæcula sæculorum. Amen.

ROSWEYDI NOTATIO.

(1) *Joannes*.] Martyrologium Romanum, 23 Januarii: « Alexandriæ sancti Joannis Eleemosynarii, ejusdem urbis episcopi, misericordia in pauperes celeberrimi. » Menologium Græcum, 12 Novembris: « Commemoratio S. P. N. Joannis archiepiscopi Alexandrini, cognomento Eleemonis. Hic fuit Cyprius genere, Epiphaniæ illius regionis ducis filius: qui cum omnem diligentiam atque operam ad virtutis studium et Dei gratiam conciliandam contulisset, propter vitæ splendorem, Heraclio imp. petente, factus est archiepiscopus Alexandrinus. Itaque ut lucerna in candelabro posita eluxit, multisque annis in sacerdotio transactis, multa efficiens miracula, abunde pauperibus et egenis vitæ necessaria suppedians. Unde Eleemonis cognomentum accepit, omnibus, et ipsis etiam infidelibus venerabilis migravit ad Dominum. » Eadem eodem die reperiuntur in Menæis, pauculis additis.

Quod Baronius ad dictum 23 Januarii diem ait, Græcos etiam eodem die de eo agere, licet natalis dies sit 3 Februarii, nescio unde hauserit. Jam vidimus ex Menæis et Menologio, 12 Novembris memoriam ejus apud Græcos celebrari. Et infra in 206 Vita, cap. 52, dicitur Joannes obiisse die sancti Mennæ, Memnam autem Megalomartyrem habes in Menæis, et Menologio, 11 Novembris, eodem cum Joanne mense, die vix differente.

Addit ibidem Baronius: Puto hanc, inquit, ipsam (23 Jan.) esse diem ordinationis ejus, quam et natalem dici consuevisse et solemniter etiam celebrari, supra diximus, dum egimus de cathedra sancti Petri. In Annalibus tamen, tomo VIII, anno Christi 620, Bonifacii V papæ 3, Heraclii imp. 11, ait diem anniversariam quo obiit, esse 23 Januarii.

(2) *Leontio*.] Sigebertus, catalogo illust. Ecclesiæ Script., cap. 57: « Leontius Neapolis Cypriorum insulæ episcopus, scripsit Vitam Joannis Alexandrini episcopi, qui ob eximiam in pauperes misericordiam agnominatur Eleemosynarius. » Trithemius catalogo illust. Ecclesiæ Scriptorum, de eo etiam agit et nihil præter hanc vitam ex ejus scriptis citat.

Plura Leontii opera enumerat septima generalis synodus, act. IV. Οὗτος ὁ ἀγνωσθεὶς πατήρ, ἐν μιᾷ τῶν πόλεων Κύπρου ἱεροπρεπεῶς διέτρεψε· καὶ πολλὰ ἐγκώμια καὶ πανηγυρικοὺς λόγους αὐτοῦ ἔγομεν· μεθ' ὧν καὶ εἰς τὴν μεταμόρφωσιν τοῦ Σωτῆρος ἡμῶν· συνεγράψατο δὲ καὶ τὸν βίον τοῦ ἁγίου Ἰωάννου ἀρχιεπισκόπου Ἀλεξανδρείας, τοῦ Ἐλεήμονος, ἐπὶ μὴν καὶ τοῦ ὅσπου Συμεῶν τοῦ Σαλοῦ, καὶ ἕτερα ἅτινα· καὶ ἐν πᾶσι τοῖς λόγοις αὐτοῦ ὀρθόδοξος

γινώσκειται. Ἦκμαξεν δὲ κατὰ τοὺς χρόνους Μαυρικίου τοῦ βασιλέως. « Hic qui lectus est Pater, in una urbium Cypri, decore sacratissimo claruit. Et multa præconia, et festivos sermones ejus habemus, cum quibus est etiam sermo ejus in Transfigurationem Salvatoris nostri. Conscripsit autem et Vitam sancti Joannis archiepiscopi Alexandriæ, cognomento Eleemonis, id est, Misericordis; quin et sancti Simeonis Simplicis, et alia quædam. Atque in omnibus sermonibus suis orthodoxus cernitur. Floruit autem temporibus Mauricii imperatoris. » Anastasius Bibliothecarius, in sua versione vii synodi, post Simeonem addit eum scripsisse, « turbationesque propter Christum circa ea tempora in ecclesia factas, » quod hic deest in Græco. Quare vel ipse perfectus Græcum exemplar nactus fuit, vel certe τοῦ Σαλοῦ, quod epitheton est Simeonis, quo simplex et stultus Syris designatur, ipse metaphorice explicat. Ex Græco τοῦ σάλος. Nam σάλος; Græcis *jaclatio, turbatio*. Quare forte nihil deest textui Græco, sed Anastasius lapsus fuerit ambiguo vocabuli σαλοῦ et σάλου.

Quæ res Baronio, tom. VIII, anno Christi 594, et anno 620 labendi occasionem præbuerit, ut existimarit Leontium hunc historiam sui temporis scripsisse incipientem a Mauritio narrare eas quæ fuerunt in Ecclesia perturbationes. Eadem habet Possevinus noster in Apparatu Sacro. Quare liber ille forte non excidit, nec alicubi delitescit, quia nunquam forte scriptus fuit. Nec recte priore loco apud Baronium et apud Possevinum dicitur Leontius Constantiæ episcopus, imo Neapolis fuit. Vide Onomasticon in *Neapolis*.

Habes in eadem synodo, actione eadem, citatos aliquot libros Leontii contra Judæos pro Christianorum apologia, ex quibus etiam quædam adducit Joannes Damascenus orat. 1 et 3 de imagin.

Baronius, notatione ad Martyrologium Romanum 23 Januarii, existimat duplicem Leontii editionem et translationem esse inter se diversam; in quarum altera aliqua habentur quæ in altera desiderantur. Est quidem duplex editio, et translatio Vitæ Joannis Eleemosynarii, sed diverso auctore: una auctorem habet Leontium, quæ hactenus existit in Vitis Patrum, et habetur tomo II Lipomani. Altera auctorem habet Metaphrastem, quam habes apud Lipomanum, tomo V et Surium, tomo I.

(3) *Anastasio*.] Sigebertus, supra, cap. 104: « Anastasius, jubente Nicolao papa, transtulit in Latinum Vitam Joannis Eleemosynarii, scriptam Græce

Leontio episcopo. » Idem de eo habet Trithemius, A supra, ubi plura alia ab Anastasio e Græco translata recenset.

(4) *Domnum.*] Ita manuscrip. Gemblacensis et Aquic., deest hæc inscriptio Editis. *Dominus* olim usurpatum, cum de hominibus ageretur loco *Dominus* quod soli Christo venerationis ergo reservabant.

(5) *Leontium de Vitæ residuis.*] Leontius agit de Vitæ residuis Joannis Eleemosynarii, quæ videlicet a Joanne et Sophronio ejus Vitæ prioribus scriptoribus fuerant prætermissa, ut ipse Leontius asserit sequenti præmio.

(6) *Absque vicario Dei.*] Egregia hic habes pontificis elogium, quod sit « vicarius Dei, claviger cœli, auriga spiritualis Israelis, universitatis pontifex, unicus papa, singularis pastor, specialis Pater, omnium arbiter. »

(7) *Propter fistulam plumbeam.*] Non absimilis apud divum Augustinum, libro IV de Doct. Christ. similitudo : « Bonorum ingeniorum insignis est indoles, in verbis verum amare, non verba. Quid enim prodest clavis aurea, si aperire quod volumus non potest? aut quid obest lignea, si hoc potest? quando nihil quærimus, nisi patere quod clausum est. »

(8) *Joannem et Sophronium.*] Horum de Joanne Eleemosynario scripta nondum mihi videre contigit. Horum et mentio infra, cap. 31.

(9) *Cyrum et Joannem.*] Infra, cap. 30 : « Ad templum sanctorum victoriosorum martyrum Cyri et Joannis. » Martyrologium Romanum, 31 Januarii : « Romæ, via Portuensi sanctorum martyrum Cyri et Joannis, qui post multa tormenta pro confessione Christi capite truncati sunt. »

(10) *Philochristis.*] Editi hæctenus *philosophis*. Sic et inf., cap. 12, et *mutuo accepit a multis philochristis*. Cap. 22, *Vaxæ, o philochristi*. Et cap. 25 : *Vidit in somnis jam dictus vir philochristus*. Nempe *philochristus* est amator Christi, ut hic explicatur cap. 44 : *Hoc præterea præfati sumus amatores Christi*.

(11) *Cruciculam argenteam.*] Ecce morem Christianorum e collo gestandi cruciculas. Vide Onomast.

(12) *Usque ad siliquam unam.*] Isidorus, l. XVI Orig., cap. 24 : « Siliqua, vigesima quarta pars solidi est, ab arboris semine vocabulum tenens. »

(13) *Tremissem.*] Editi libri addunt, *id est, tertiam partem solidi aurei*. Quod interpretamenti vice in textum irrepsit. Isidorus, ubi supra : « Tertiam partem (solidi) ideo dixerunt tremissem, eo quod solidum faciat ter missus. » Inf., cap. 37, *tremissia*.

(14) *Mennas.*] Narravit hic Leontio Acta omnia Joannis Eleemosynarii, quæ habentur a cap. 2 usque ad 48, ut ibi in textu dicitur.

(15) *Vicedominum.*] Id est, œconomum seu dispensatorem ecclesiæ; paulo ante de eodem : *Cui et erat ordinans dispensationem sanctissimæ ecclesiæ*. Vide Onomast.

(16) *Super pacem.*] Intelligit diaconum, qui ante sacrum pronuntiabat, *εὐχηνικὴν pacifica*, quæ erant certæ formulæ, quas habes in Euchologio. Vide Onomasticon.

(17) *In honorabili secreto.*] Metaphrastes, τῶν ἀπὸ τοῦ σεκρέτου, qui erant a secreto.

(18) *Consecratus est divino judicio.*] Baronius, tomo VIII, anno Christi 610, Bonifacii IV papæ 4, Heraclii imp. 1, Joannis in patriarcham Alexandrinum consecrationem ponit.

(19) *Cancellarios.*] Infra, cap. 5, *cancellariorum, et ecclesiæ defensorum*. Et cap. 23. *Convocat per cancellarium suum monachum*. Apparet hic officium esse ecclesiasticum. Vide Onomasticon.

(20) *In una Campana statera.*] Editi : *in una campana, id est, justa et æquali statera*. Isidorus, lib. XVI Orig., cap. 24 : « Statera campana a regione Italie nomen accepit, ubi primum ejus usus repertus est. Hæc duas lances non habet; sed virga est signata

libris et unciis, et vago pondere mensurata. Unicuique autem ponderi certus est modus, nominibus propriis designatis. »

(21) *Modio, et artabe.*] Editi : *modo, et artaba, id est mensura modios tres continente, et tertiam partem modii, quæ est explicatio artabæ*. Quam explicacionem in margine habebat manuscrip. Aquicinct. Isidorus, lib. XVI Orig., cap. 25 : « Artaba mensura est apud Ægyptios, sextariorum LXXII, composita ex numero, propter LXXII gentes vel linguas quæ orbem impleverunt. »

(22) *Ecclesiæ defensorum.*] Infra, cap. 23, *ceciderrant eum ecclesiæ defensores*. Et hoc officium est ecclesiasticum. Vide Onomasticon.

(23) *Hodie.*] Tale olim Titi imperatoris dictum apud Suetonium in Tito, c. 8, quod in Metaphraste est, Τὸ μὴ βασιλεύσαι σήμερον ἐπεὶ μηδὲνα εὐεργετήσαμεν.

(24) *Persæ.*] Contigit hæc Persarum incurso et depredatio in Syriam anno Christi 614, Bonifacii papæ 4, Heraclii imp. 5, ut habet Paulus Diaconus historia Miscella ex Theophane, lib. XVIII : « Anno V imperii Heraclii ceperunt Persæ Jordanem bello, et Palæstinam, et sanctam civitatem, et multos in ea per Judæorum manus interfecerunt, id est (ut quidam aiunt) millia nonaginta; isti enim ementes Christianos, prout unusquisque habere poterat, occidebant eos; Zachariam vero Jerosolymitanum præsulem comprehensum et pretiosa et vivifica ligna sanctæ crucis cum multa præda abduxerunt in Persidem. » Hujus calamitatis miseriam deflet Antiochus monachus Palæstinæ variis homiliis. Vide Baronium, dicto anno Christi, et Adonem in Martyrol., 14 Septemb.

(25) *Rogam.*] Ita recte Ms. Aquic. et editiones vet. cum Coloniensi. In Ms. Gemblacensi est, *rogandum*, male. Mox : *quibus erat roga credita*.

(26) *Vexanti.*] Ita manuscrip. Aquicinct. Editi, *vexato*. Sed solemne hujus ævi scriptoribus ita similia verba usurpare. Ita sæpe in sequentibus libris *tribulantes pro tribulati*.

(27) *Ligaturam.*] Græce Metaphrastes : ἀπόδεσμον. Infra, cap. 25, *ligaturam auri*.

(28) *Adhuc.*] Editi, *Adrione*. Quod unde irreperit, nescio.

(29) *Enthecam.*] Vet. editio et Coloniensis, *antheam, id est archam*. Nota jurisconsultis entheca, et posterioris ævi scriptoribus. Cassianus, libro IV Instit., cap. 14 : « Cumque totam enthecā cœnobii suam credat esse substantiam. » Hic, infra, cap. 27 : « Erat autem summa multa enthecarum suarum. »

(30) *Pharum.*] Ita uterque manuscrip., et Metaphrastes Græce φάρων. Male in Editis, *forum*. Intelligit locum prope Alexandriam notissimum. Idem habes infra, cap. 25.

(31) *Pentapoli.*] In Metaphraste est *Decapoli*.

(32) *Logothetæ.*] Editi vet., *Logothetæ, id est rationalioris*. Coloniensis., *ratiocinatoris*. Manuscrip. Aquicinct. superscribat, *id est causarum et sermonum positoris*. Erat logothetarum certum inter ecclesiasticos officium, de quo plura in Onomastico.

(33) *Collecta.*] Ms. Aquic. superscribat : *id est, distributiones ad pauperes*.

(34) *Notitiam Xenii.*] *Notitia*, hic est *pittacium*, ut mox sequitur. Apud Metaphrastem Græce est γέγραπην, *chartam*.

(35) *Pittacium.*] Sæpius hæc vox hic occurrit. Significat parvam schedulam. Vide Onomasticon.

(36) *Obsecro te, nonna.*] Ita recte uterque Manuscrip. et vet. editio. Non recte in Coloniensi, *nonne*. Hoc loco nonna notat dominam. Eadem vox et alibi in his libris occurrit. Infra, cap. 46, *nonna Pelagia*.

(37) *Et sanctum meum Mennam.*] Intelligit, opinor, Mennam œconomum ecclesiæ tempore Joannis nostri, ut habetur supra, cap. 1. Notus alias Mennas sanctus martyr.

(38) *Niceta patricius.*] Videlicet, *Alius Gregoræ*

patricii per Alexandriam et Pentapolim, ut habet historia Miscella ex Theophane, anno I Heraclii, libro xviii, apud Paulum Diaconum.

Quod Nicetas regnum arctari dicit, eo facere existimat Baronius, tomo viii, anno Christi 610, Bonifacii V papæ 3, Heraclii imp. 11, quod habet Paulus Diaconus in historia Miscella, libro xviii: « Anno 12 imperii Heraclii, mense Aprili, die 4, indictione 10, imperator Heraclius, celebrata solemnitate Paschali, mox secunda feria vesperi motus est contra Persidem. Sumptis autem mutuo venerabilium domorum pecuniis aporia coarctatus, accepit etiam ecclesiæ magnæ multa candelas ferentia, simul et alia vasa ministratoria. Quibus conflatis, exarari fecit in his nummos aureos et argenteos plurimos. »

Porro, subdit Baronius, collectio ejusmodi pecuniarum non facta est Constantinopoli tantum, sed et in aliis totius imperii civitatibus, in quibus pretiosum aliquid inventum esset. Legati sunt in Orientalem plagam ab imperatore quæstores viri quidem insignes. Alexandriam autem et in universam Ægyptum missus est Nicetas patricius. Hic igitur cum Alexandrinæ ecclesiæ pecunias in fiscum inferre conaretur, nactus est adversantem Joannem Alexandrinum episcopum, qui cuncta solebat in pauperes erogare, cum negaret se daturum quod suum non esset, sed pauperum.

Sed pace Baronii diximus, non quadrant hæc cum ætate et historia Joannis. Siquidem Paulus Diaconus eam pecuniæ exactionem ponit anno 12 Heraclii, Baronius vero, anno 11 ejusdem imp. At vel ipso Baronio ibidem teste, Joannes anno 11 Heraclii obiit. Accedit quod tam Leontius quam Metaphrastes in Joannis Vita asserunt, post hanc Joannis et Nicetæ de pecunia contentionem, eos amicos inter se vixisse, adeo ut Joannes post factus sit ejus compater, an liberos ejus e sacro fonte suscipiens? Et ipsa Leontii et Metaphrastæ narratio satis indicat hanc contentionem non ultimo Joannis anno, sed longe ante contigisse.

(39) *Bullam.*] Manusc. Aquic. superscribit, *id est sigillum.* Infra, c. 51, *Bullare*; item *pittacium bullatum.* Sæpius hæc vox in variis auctoribus eo significatu occurrit, uti et in Vita sancti Basilii, supra, cap. 10: Vide Onomasticon.

(40) *Cosma.*] Jam ante Joannis tempora invaluerat in ecclesia Alexandrina labes Simoniaca, ad quam exstirpandam Gregorius papa, libro xi, epist. 49, indict. 6, Eulogium Alexandrinum episcopum hortatur.

(41) *Subtilitate.*] Editi *subtilitate, id est tenuitate et paupertate.* Inf., cap. 38, rursus eodem significatu occurrit.

(42) *Et sancto allari astitisset.*] Græce apud Metaphrastem: Ἀπὸς δὲ τοῦ βήματι παραστάς. Quod Hervetus vertit: *cum ipse autem astaret in tribunali,* imo *allari*; ita enim Græcis in re sacra βῆμα accipitur.

(43) *Sanctum velum erallaburo.*] Metaphrastes clarius: Κατ' αὐτὴν τὴν ὥραν, ἐν ἣ τὸ ἱερόν καταπίετασμα τῶν θείων ἀφαιρέται δούρων: « Ea ipsa hora, in qua sacrum velum aufertur a sanctis donis. » Sicin Guilielmo Bibliothecario, de Vitis pontiff., cap. 112, in Stephano VI, *velthera circa altare* habes: « Contulit in eadem basilica apostolorum (Jacobi et Philippi) cortinam lineam unam, velothera serica tria in circuitu altaris. » Atque ibidem sæpius habes vela circa altaria.

(44) *Intimal diacono facienti orationem, quam diaconus solitus facere erat, ut reinciperet a capite.*] Metaphrastes: Δηλοῖ τῷ διακόνῳ τὴν συναπτήν αἰτήσιν ἐπαναλαβὴν: *Significat diacono ut conneram resumat petitionem.* Anastasius interpres videtur legisse, συναπτήν pro συναπτήν. Nisi potius Paraphrastem egerit. Nam συναπτήν a diacono dici solita oratio, quæ et διακονικὰ dicebatur, quod forte hic in Græco fuit. De utraque vide Euchologium.

(45) *Cimiliarchium.*] Occurrit et infra capite 46.

A Editi: *cimiliarchium, id est secretarium principale, et ita in manusc. Aquic. superscriptum erat.* Proprie *κεφαλαιοαρχεῖον cimeliarchium* est vestiarius seu archivum cimeliorum, ubi ornamenta et donaria ecclesiæ reponerentur. Anastasius Bibliothecarius, in Vitis pontificum, cap. 72, in Severino: « Sigillaverunt omne vestiarius ecclesiæ, seu cimilia episcopii, quæ diversi Christianissimi imperatores seu patricii et consules pro redemptione animarum suarum beato Petro apostolo reliquerant. » *Cimelia* hæc, vestiariorum gazæ dicuntur Guilielmo Bibliothecario in Vitis pontiff., cap. 112, in Stephano VI: « Quid mirum si vestiariorum gazas ablatas reperit, qui sacraria perquirens, de pluribus donariis et ecclesiarum ornamentis pene nihil invenit. »

(46) *Nali modi clericum.*] Quod explicat manusc. Aquic. superscribendo: *id est, malos mores habentis.* Græce forte fuerit *κακότροπον.*

(47) *Deiferi quidem SS. PP.*] Cujus hæc sententia sit, nondum mihi compertum.

(48) *Multum ergo contra se secreto contendentes.*] Editi: *Coram secretario contendentes.* Ms. Gemblac., *contra se acriter contendentes.* Manuscrip. Aquic., *coram secreto contendentes.*

(49) *Mittentibus igitur ambobus metanoeam.*] Editi addunt: *id est similitudinem sive recognitionem.* Quid sit *ἐλλεῖν μετάνοιαν*, jam explicui ad vitam sancti Basilii, cap. 11, num. 54. Infra, capite 35, *Et mittens genuflexiones.*

(50) *Georgium.*] Ita uterque Manusc.; ita et Metaphrastes. Coloniensis editio, *Gregorium.* Baronius, tomo VIII, anno Christi 620, Bonifacii V papæ 3, Heraclii imp. 11, quia apud Nicephorum in Chronico, Joannem Georgium in episcopatu Alexandrino sequitur, existimat hunc illum esse consobrinum ejusdem Joannis, de quo hic agitur. Rationem conjecturæ suæ addit; quod antiquitus in more esset positum Ecclesiæ Alexandrinæ, ut defunctis illis episcopis, qui præstantiores fuissent, et eam illustrassent

C Ecclesiam, aliquis ex eorum propinquis successor eligeretur, ut vidimus de Cyrillo nepote Theophili in locum ejus subrogato (*Baron., c. 4, an. 412*). Hactenus Baronius.

Valde ego dubito an ea tunc ætate esse potuerit Georgius Joannis nepos, ut episcopi Alexandrini munere fungi posset, quem hoc capite flentem instar pueri vel adolescentis habemus.

(51) *Postquam coronatus est imperator.*] Quod de more hoc, dum coronatus est imperator, hic dicitur, non memini alibi legere. Consulto hoc imitatus est Joannes Eleemosynarius, et post eum alii aliud non abstmile excogitarunt. Illustre exemplum edidit Maxilianus I imperator, cui cum displicisset palatium, quod apud Cenipontem fabricabatur, allam se domum, quæ magis placitura erat, ædificaturum se esse affirmabat. Eaque die sarcophagum cum omni supellectile libitinaria clam parari jussit, eumque omnibus expeditionibus secum vexit, et quam diligentissime singulis noctibus conservari jussit. Arbitrabantur plerique aulici, thesaurum aliquem illic conservari; alii nonnihil librorum quibus historiæ veteres continerentur. Cæsar vero subridendo, in rei cujusdam sibi omnium charissimæ ustum, deferri illum dicebat. Ita refert Reinhardus Lorichius Hadamarius.

Sed olim Philoromus presbyter Galata annos sex in sepulchris mortuorum habitasse dicitur, ut mortis formidinem superaret. Palladius, cap. 113. Heraclides, cap. 32.

(52) *Studiosi.*] Quid hic in Græco fuerit, divinare non possum. Σπουδατο: respondet Latino verbo. Sed qui hi studiosi? Metaphrastes habet: *Qui præfecti erant operi.*

(53) *Sanctum Modestum patriarcham Jerosolymorum.*] Ita legendum ex manuscripto Aquicinctino. Vetus et Coloniensis editio, *sanctum et modestum.* Modesti hujus sapiens meminit Antiochus monachus

Lauræ Sabæ abbatiss, qui hoc tempore vixit, in epistola ad Eustathium præpositum monasterio Datale-næ Ancyra civitatis Galatiæ, quam habes in eisdem Antiochi Pandectæ In qua hæc huc facientia: « Modestus sanctitatis eximia vir (de quo non semel dictum) non eorum modo providam gerit curam sollicitus, quæ per hanc vastam eremum sparsim disjecta sunt, monasteriorum, sed et moderandæ huic civitati, ac universæ circum finitimæ regioni solerter prospicit, Deo eidem cooperante in omnibus. Hic enim ad vivum nobis exprimit imaginem novi cuspisiam Beseleelis, aut certe Zorobabelis. Gratia etenim plenus Spiritus sancti, templa Salvatoris nostri Jesu Christi, quæ quidem barbarico igne conflagrarunt, in sublime erigit omni prorsus digna veneratione, puta ædes sanctæ Calvariæ, ac sanctæ Resurrectionis, domum insuperdignam omni honore venerandæ Crucis, quæ mater ecclesiarum est, sed et sanctæ Assumptionis ædem a fundamentis exædificavit; adeo ut per hæc læta initia de futuris quoque spes amplissimas concipiamus, **200** idque vel ob eos maximo qui huc sperantur venturi ab externis regionibus, sancta hæc loca ut adorent, ut omnes in commune glorificemus Deum. »

Patriarcham Jerosolymorum, et alii auctores Modestum ponunt præfuisse Jerosolymorum ecclesiæ. Acta Anastasii Persæ, 22 Januarii: « De eo refert ad Modestum, qui sedi præerat apostolicæ. » Suidas in Heraclio: Εἰς τὰ Ἱεροσόλυμα ἀφίκετο, καὶ Μοδέστῳ ἀρχιερεὶ καὶ τῷ αὐτοῦ κληρῶ ταῦτα ὑπέδειξεν. « Jerosolyma profectus Modesto pontifici et ejus clero monstravit. » Menæa Græcorum diem illi assignant 16 Novembris, et Ἱεροσόλυμον ἀρχιεπισκοπον, Jerosolymorum archiepiscopum vocant.

Baron., t. VIII, anno Christi 616, Deusdedit papæ 2, Heraclii imp. 7. Quod, ait, Zacharias viveret, non alius admissus est Jerosolymorum episcopus, cum non liceret in eodem loco episcopus duos esse; licet ob episcopalem præfecturam idem, vivente adhuc Zacharia, fuerit nominatus Jerosolymorum præfectus, ut in Actis sancti Anastasii martyris, dum agitur de ejus baptismo post Zachariæ reditum per Modestum Jerosolymis exhibitum. Sed revera si non episcopus, loco tamen episcopi, usquedum idem postliminio rediit Zacharias, Modestus illam administravit ecclesiam, cuncta restituens.

Hujus autem cladis Jerosolymitanæ, quo Zacharias pontifex quoque abductus est, meminit Paulus diaconus l. xviii Historicorum. « Anno quinto imperii Heraclii ceperunt Persæ Jordanem bello, et Palæstinam et sanctam civitatem, et multos in ea per Judæorum manus interfecerunt, id est, ut quidam aiunt, millia nonaginta. Isti enim ementes Christianos, prout unusquisque habere poterat, occidebant eos. Zachariam vero Jerosolymitanum præulem comprehensum, et pretiosa et vivifica ligna cum multa præda adduxerunt in Persidem. »

(54) *Mille restes siccatorem piscium, qui menomenæ.* Ab hoc reste, quo siccati pisces et alia colligantur, existimo hodieque vulgo dici, *een rist* vel *rest buckingh, een rist aiupn.*

Menomenas existimo esse, quas Plinius, lib. xxxi, cap. 11, *Menas* vocat.

(55) *Psiathum.* Ms. Aquic. superscribit, *id est mattam.* Jam aliquoties de eo dictum. Vidi Onomasticon.

(56) *Ut Glomus trementes.* Ita Editi et Manuscriptus Gemblac.; sed in manuscr. Aquic. est, *ut glomus trementes.*

(57) *Zemate.* Ita Ms. Aquic., et superscribit, *id est jactura aquarum ubi carnes coquantur, vel fermento aut fæce.* Ms. Gemblac. *Zimate.* Editi, *schemate,* male. Vide Onomasticon.

(58) *Rachanellæ.* Ita uterque Ms., et Aquicinct. superscribit, *id est panniculi.* Editi: *recanellæ,* male. Formantur *rachanellæ* a *rachanæ,* ut infra vocantur,

A cap. 26. Quanquam utrumque puto esse *πάρι.* Vide Onomasticon.

(59) *Exspoliare divites, et ipsum etiam hypocamissium, etc.]* Sane intellige: ipse se explicat, cum dicit *benevole* auferendum. Nec enim furandum ut quis eleemosynas largiatur. Augustin., serm. 35, de verbis Domini: « Hoc (*Facite vobis amicos de mammona iniquitatis* [Lucæ xvi]) quidam male intelligendo rapiunt res alienas, et aliquid inde pauperibus largiuntur, et putant se facere quod præceptum est, etc. De justis laboribus facite eleemosynas. Ex eo quod recte habetis, date, etc. Nolite velle eleemosynas facere de fenore et usuris. Fidelibus dico. »

Hypocamissium. Manuscript. Gemblacens., *ypocamissium.* Ms. Aquicinct. *ypocamissium,* cum superscriptione, *id est vestimentum, quod subtile camissium est,* quod post in omnes textus editos irrepit.

(60) *Quod circa sanctum Epiphanium et Joannem.* De hac historia vide Vitam sancti Epiphanii 10 Jan.

(61) *A mancipio.]* Id est pistrino. Hoc paucis notum. Vide Onomasticon.

(62) *In una quidem acie.]* An intelligit lancem trutinæ? An in Græco erat *ζάλαγξ,* ambiguum vocabulum, quod et trutinam et aciem exercitus significat? Vide Onomasticon.

(63) *Vavæ.]* Editi veteres *ve ve.* Colon. *Papæ 1*

(64) *Esophorium.]* Manuscr. Aquic. explicat, *id est vestimentum interius, quod interula, vel fibula collo appensa vocatur.* Vide Onomasticon.

(65) *Et salutarem sanctum abbatem Cyrum.]* Explicatius Metaphrastes: *ad adorandum sanctum Cyrum et Joannem.* Erat horum celebris Alexandria memoria, et templum quoque iis dicatum. Vide sup. cap. 1, n. 9.

(66) *Impingere.]* Ita recte in manuscriptis. Vetus editio, *impingere.* Coloniensis, *injungere.*

(67) *Sanctis Theophaniis, et Dominiæ sancta, atque sancta Pentecoste.]* Triplici hoc tempore pro eo qui defunctus putabatur collectæ factæ. Simile exemplum de vinculis captivi solutis, dum sacrum pro eo tanquam defuncto fieret, habet Gregorius hom. 37, in Evang.

(68) *Oravit quidem ei.]* Puto intelligi, *oravit pro eo.* Infra, c. 37, *Vade, ora furtis meis.*

(69) *Tholos.]* De hoc ædificii genere vide Onomasticon.

(70) *Cum storis et rachanis.]* Manuscr. Aquicinct. *cum toris et rachanis:* Ms. Gemblac., *cum storis et rachanis.* Vetus editio, *cum storis et raconis* Coloniensis, *cum storis et ræcis.* Dicuntur hic *rachanæ,* unde supra, cap. 20, dictæ sunt *rachanellæ.*

(71) *Adria.]* Coloniensis editio, *Adhira.* Sed uterque Ms. ut impressi.

(72) *Volentis.]* Ita uterque Manuscr. Editi, *volentis.* Sed mutarunt veriti barbarismum. Sic infra, capite 33, initio, *audiens pro audivi.*

(73) *Severianitis.]* Intelligit, opinor, Acephalos, hæreticos, qui paulo ante tempora Joannis Eleemosynarii orti circa annum 513 a Severo Antiocheno episcopo, de quo Evagrius, Hist. eccl., lib. III. capite 33 et 34.

(74) *Gallodromi.]* Ms. Aquic. superscribat: *mangones discurrentes et fraude decipientes.* Ita et textus editionis veteris et Coloniensis. Sic apud Palladium, cap. 15 et 16, est *σπανοδρόμος,* quod virtutum mercatorem negotiantem in Hispania.

(75) *Scridonis.]* Infra hoc capite: *Ingressus monasterium abbatiss Seridonis in Gaza.* Occurrit sanctus Seridon vel Siridon episcopus in Martyrologio Romano 2 Januarii.

(76) *Unius arei lupinus.]* Ita supplet manuscr. Aquic. quod deest Editis. Ms. Gemblac. habet, *unius nummi arei pretium.*

(77) *Constantinum.]* Habetur historia apud Sozomenum, lib. 1, cap. 16; Theodoretum, libro 1, capite 11.

(78) *Secunda synodus in Nicæa.]* Imo prima generalis in Nicæa, nisi forte ante eam aliqua particu-

laris synodus ibi habita sit. Vel intellige secundam A synodum in Nicæa respectu synodi apostolorum, quæ omnium prima generalis fuit.

(79) *Porta Solis.*] Locus Alexandriae, cui proxima est ecclesia sancti Metrae, ut hic sequitur.

(80) *In ecclesia Metrae.*] Editio Coloniensis, in *ecclesia metrae*. Vetus, in *ecclesia metrae*. Manusc. Aquicinctinus, in *ecclesia metrae*. Manusc. 210 Gemblacensis in *ecclesia meretriculæ*. Metras, seu Metranus martyr Alexandriae, 31 Januarii. Martyrologium Romanum, 31 Januarii: « Alexandria natalis sancti Metrani martyris, qui sub Decio imp. cum ad jussionem paganorum nollet impia verba proferre, illi totum ejus corpus fustibus colliserunt, vultumque et oculos præacutis calamis terebrantes, ipsum extra urbem cum cruciatibus tulerunt, ibique lapidibus oppressum interemerunt.

(81) *Denos.*] Ita uterque Ms. Editi, *Denarios*. Jubebat dominus ut quinque nummos furaretur, ille denos furabatur.

(82) *Facit missas in oratorio suo, nullum habens nisi ministrum suum.*] Ecce usum in Ecclesia celebrandi missas privatim.

(83) *Pejerant corpus.*] Ita uterque manusc. Vetus editio, *petierant corpus*. Coloniensis, *indigne percipiunt corpus*.

(84) *Ficus turbatur.*] Ita vetus et Coloniensis editio, et manusc. Aquicinct. At in manusc. Gemblac. est, *ficus tunditur*.

(85) *Simeoni, qui in columnis stetit.*] Visio hæc deest in Vita Simeonis Stylitæ, sup. Ait autem eum stetisse in *columnis*, quia varias columnas institit idem Simeon. Vide supra, in Vita ejus, cap. 5.

(86) *Feminæ legitime dudum conjunctus.*] Non ait feminæ conjunctum cum patriarcha esset, sed dudum, et jam olim. Clare Metaphrastes initio Vitæ ejus.

(87) *Thuribulum.*] Simile castitatis exemplum sup., in Vita sancti Basilii, cap. 9.

(88) *Untum mendacium propter Deum.*] Cave intelligas ulla unquam ratione mentiendum. Ipse se explicat quomodo piam hanc fraudem intellexerit, etsi alter verum in terra pretium inventum existimabat.

(89) *Quando permittente Deo.*] Baron., t. VIII, anno Christi 620, Bonifacii V papæ 3, Heraclii imp. 11. « Porro, inquit, qui exscripsit ex prototypo Metaphrastes paraphrasticæ aliquid addidisse ad Acta Leontii, non negamus, ut quæ postea addidit haud veritate constantia verbis istis: « hic revera bonus pastor, divinus inquam patriarcha, credens Principi pastorum Christo, qui jubet: *Si persecuti fuerint vos in una civitate, fugite in aliam* (Matth. x): cum esset Alexandria tradenda Persarum manibus, divina providentia illinc quidem recedit, migrat autem in suam patriam Cyprum, suum ei corpus largiturus, ut quæ eum aluerat; præciserat enim jam appropinquare decessum. »

« Hæc, inquam, ab ipso addita, nulla est apud me dubitatio. Etenim Persarum incursionem factam in Ægyptum diu ante contigisse certum est ex iis quæ superius dicta sunt, quo tempore ipse nequaquam suam reliquit ecclesiam, et si latebras, ne captivus duceretur, captasse potuit. Cæterum hujus Alexandria profectiois alia causa longeque diversa fuit. Cum enim virtutem tanti viri Nicetas patricius cognovisset, optavit eum ducere ad imperatorem Constantinopolim, quo ab ipso percepta benedictione, securior ille ad Persicum bellum proficisceretur. Id quod demonstrant ipsius verba Leontii, quæ sequuntur. » Hactenus Baronius.

Optassem equidem, Baronio in memofia hæsisse, quod scripserat in Martyrologio Romano ad diem 23 Januarii, ubi ait duplicem esse editionem et translationem Actorum Joannis; non de periodo illa, quasi a Metaphraste inserta sit, illi in mentem venisset. Nam et Leontius, quem hic edimus, eandem perio-

dum habet, ut nulla mihi dubitatio sit quin et Metaphrastes eam ex Leontio hauserit.

Etsi vero anno 6 Heraclii (cui Baron. Christi annum 615 assignat) habeat Paulus Diaconus in Historia miscella, l. xviii, Persas Ægyptum depopulatos, tamen statim ad propria redierunt. Post vero imminabat gravis tempestas, qua non tantum opes, sed et vita Christianorum periclitabatur; de qua idem Paulus: « Anno 11 imperii Heraclii durus Chosroes jugum suum super omnes homines fecit in effusione sanguinis et ratione tributorum. » Atque eam tempestatem fugit Joannes noster, qua occasione arrepta (ut narrat Leontius et Metaphrastes) Niceta patricius eum ad imperatorem deducere voluit, qui se jam ad bellum contra Persas accingebat, ut illi videlicet benedictionem suam impertiretur.

(90) *In Rhodum.*] Ita uterque manusc. Edit., *interdum*. Notissima insula Rhodus.

(91) *Veni jube.*] Ita Manusc. Aquicinct. Gemblacensis, *veni*. Editi, *venire juberis*. Vox hæc *jubeo*, a posterioris ævi Scriptoribus varie usurpata. Aurelius Victor: « Maximianum imperatorem jubet. » Idem: « Cæsarem jubet. » Quod Casaubonus, notis ad Ælium. Verum Spartiani, capit pro *creat*. Sic non *jubere* dictum notat pro *prohibere*, in Alexandro Severo Spartiani.

(92) *Amathunta.*] Ita formabantur hoc sæculo nomina. *Amathus* Ptolomæo est oppidum Cypri, ut a *Persis Persidos* formabant *Persida* nominandi casu, ita ab *Amathus Amathuntis* formarunt *Amathunta*, etiam nominandi casu.

(93) *Hoc e contra.*] Totum hoc membrum contrarium, et tamen sensui necessarium, deest omnibus editionibus. Supplevi ex utroque Manuscripto.

(94) *Tychonis.*] Manusc. Aquicinct., *Thiconis*. Manusc. Gemblacens., *Tichonis*. Editi, *Tyronis*. Omnino *Tychonis* legendum cujus memoria exstat in tabulis ecclesiasticis. Martyrologium Romanum, 16 junii: « Amathuntæ in Cypro sancti Tychonis episcopi tempore Theodosii junioris. » Menologium Græcum et Mænæa, 16 Junii.

(95) *Corpora sua separantes.*] Etiam in primogenia Ecclesia simile quid factum. Tertul. l. de Anima c. 51: « Est et alia relatio apud nostros, in cæterio corpus corpori juxta collocando, spatium recessu communicasse. Si et apud ethnicos tale quid traditur, utique Deus potestatis suæ signa proponit, suis in solatium, extraneis in testimonium. » Similia exempla in aliis sanctorum vitis legisse videor. Vide Gregor. Turonensem de Gloria confess., c. 32. de duobus amantibus, ubi sepulcra a se invicem exarata se junxere.

(96) *A Rhodo.*] Ita uterque Ms. Editi, *Arbodo*, pessime.

(97) *Pittacium.*] Ita uterque Ms. Editi, *peccatum*. Sed *pittacium* rectum esse, suadent sequentia. Scribitur plerumque *pyctacium* vel *pictacium*. πικτις est libellus, epistola, tabella. Vide Onomast. Simile exemplum in Vita Basilii, supra, cap. x.

(98) *Lipsani.*] Ita recte uterque Ms. Et Aquic. superscribat: *id est, corporis vel reliquiarum*. Vetus editio, *lipsam*. Unde Coloniensis fecit, *ipsa*.

(99) *Uno hinc et altero hinc aspitantibus.*] Ita Manuscriptus Aquicinctinus. Editi: *uno hinc et altero inde ei assistentibus*. Ex lectione Aquicinctini Codicis fors quis divinabit legendum, *stantibus* vel *aspeclantibus*. Repræsentavi veterem lectionem, si forte proba sit, et alibi etiam reperiat. Invenio in Glossis Isidori: *Aspita, ruina*. Ita et in Glossario Ms. Camberonensi.

(100) *Sancti martyris Mennæ.*] Festum ejus occurrit in Menologio et Mænæis 11 Novembris. Et tamen in iisdem Joannis festum ponitur 12 Novembris. An hoc factum ex translatione festi, quod *Mennas* celeberrimus erat martyr toto Oriente notus? Ut Joanni diem sequentem dederint?

VITA SANCTORUM
EPICTETI PRESBYTERI
 ET
ASTIONIS MONACHI (1),
AUCTORE INCERTO.

CAPUT PRIMUM.—Temporibus Diocletiani profanissimi imperatoris (2), erat quidam presbyter in partibus Orientis, nomine Epictetus, religiosam vitam agens, et castus in omni sua conversatione existens. Hic namque a parva ætate in servitio Domini nutritus, exercebatur in omnibus justificationibus Jesu Christi (*Psal. cxviii*). Cum autem ad maturam pervenisset ætatem, ut Samuel quondam ephod sacerdotale promeruit portare (*I Reg. ii*), eo quod multa signa ac prodigia per eum divina gratia in omnibus operabatur. Denique cæcorum sæpe oculos orationibus illuminabat, sed et leprosos ad se venientes emundabat, paralyticos sanabat, ac de obsessis corporibus dæmonia effugabat.

CAP. II.—Igitur una e diebus, dum solus sua in cella resideret, ac solitas orationes Christo exhiberet, quadam puella comitis cujusdam filia, omnibus membris præter linguam tota mortua ad eum perducitur. Cumque pro foribus ejus pater filiam posuisset, ingressus ipse ad sanctum, genibus ejus subito advolutus, taliter clamans et dicens: Miserere mei, o homo Dei excelsi, eo quod Deus tuus, totus misericors et miserator a servis suis pronuntiatur. Ne velis me, quæso, projicere a facie tua, cum ille gratanter suscipiat omnes ad se confugientes. Ego enim unicam habeo filiam annos fere xv ætatis agentem, sed hæc per triennium temporis a nimia paralyti dissoluta est. Itaque non dubito quod ille qui xii annorum fluxum sanguinis restrinxit (*Matth. ix*), poterit, si voluerit, et filia: meæ per te integram incolumitatem præstare, eo quod fidei ipsius nos vovimus, et filii sanctæ Ecclesie existimus, atque in nomine Patris et Filii et Spiritus sancti sumus baptizati. Hoc audiens sacerdos Domini, jussit puellam intro ad se perducere. Quam cum ante ipsius pedes pater posuisset, taliter pro ea homo Dei preces profudit ad Dominum Deum dicens: Deus æternæ, agitator cherubim, qui de cælo descendisti, ut paradiso exulatum in antiquam reduceres possessionem, qui per humanitatis tuæ dispensationem nostram infirmitatem suscepisti, ut te nos in nostris vasis fictilibus possidere promereamur, quæso, Domine, quæso, dignare respicere in fidem famuli tui; et sicut filiam archisynagogi de mortis januis revocasti ad vitam (*Marc. v*), ita et nunc hujus uni-

acum pignus per tuam gratiam recuperare in priorem habitum dignare, ut agnoscat hæc generatio incredula et perversa, sanctum et terribile nomen tuum colere, et enarrare mirabilia tua in omni tempore. Et finita oratione, desanctificato oleo puellæ membra universa perunxit. Quæ hanc sanitatem ac medelam consecuta, una cum parentibus suis Dominum benedicebat. Tunc sanctus Epictetus præcepit patri puellæ dicens: Si cupis, o charissime mi, ut nulla de reliquo infirmitas seu vexatio aliqua in domo tua prævaleat, per singulas septimanas cum omni tua familia dominica sacramenta cum devotione intima et mundo corde percipere festina. Hæc cum dixisset, lætum eum et bono animo cum omnibus ad propria abire imperat.

CAP. III.—Item alio tempore, dæmoniacus quidam ad eum deductus. Quem cum secum degere Dei homo fecisset, cœpit triduum taliter diabolus ad eum vociferari et dicere: O crux, o tormenta, quæ sine causa patior. Quam bene mihi semper in Phrygiæ partibus erat, quomodo quotidie hominibus meum sacrificium ritumque suadebam? in quantis itaque honoribus ego miser illic degebam, sed nunc usque non intellexi, eo quod levitate quadam inde recessi et huc perveni. Ego (3) namque sum ille, qui per Montanum plurima verba, et blasphemia plena protuli. Ego per Maximillam diversa perpetravi scelera. Ego totam illam regionem ad meam culturam sordesque detraxi. Ego per Arium Alexandrinam urbem invasi, atque ut Filium Dei vivi creaturam diceret, persuasi. Ego per Manem Manichæorum hæresim institui, atque ut mihi jejunia consecrarent, ostendi. Ego per Donatum totam Africam devastavi. Et ecce, nunc ab uno famulo tuo ut mancipium fugitivum ligatus teneor, o Christe. Hæc et plura horum dæmone vociferante, a beato viro increpat, tertio die a suo domicilio recessit, purgataque persona Christo Domino gratias referebat.

CAP. IV.—Alio rursus tempore cæca mulier ad eum perducta est, et stans coram ipso, taliter deflebat dicens: Qui sis, agnosco; sed et quantum apud Deum valeas, credo. Ne ergo velis despiciere fletum meum, nec in vanum ducere obsecrationem meam. Totius namque provinciæ hujus medici suam in me prudentiam industriamque exercentes, in nullo pro-

desse potuerunt ; sed et quantum in me suam artem A demonstraverunt, in tantum ego misera doloribus dissolvebar. Unde obsecro sanctitatem tuam ut digneris tantummodo dexteram tuam super oculos meos in nomine Christi tui imponere, et credo quod mox meorum luminum visio per te mihi tribuatur. Tunc sanctus Epictetus admirans hujus feminae fidem, dexteram suam super oculos ejus posuit, glorificans Domini bonitatem, et dicens ad eam : Secundum quod credidisti, o filia, fiat tibi. Adhuc verba in ore Christi sacerdotisolvebantur, et repente patefactis oculis mulier lumen aspexit, clamans et dicens : Gloria tibi, Deus Christianorum, qui non despicias peccatores in errore positos, sed propter magnam misericordiam tuam suscipis et salvas ad te convertentes se. Et cum hæc dixisset, statim cum universa domo sua credit in Deum Salvatorem. Et quia satis longum est, si velimus universa mirabilia quæ per eum Dominus operatus est studioso lectori exponere, hæc interim pauca de multis in transcurso perstrinxisse sufficiat. Nunc vero ad propositum opus revertamur.

CAP. V.—Una itaque e diebus, dum quidam adolescens nimium decorus vultu, et pulcher aspectu, Astion nomine, visitationis gratia ad eum devenisset atque juxta se eum sedere beatus presbyter rogasset, ponens manum super caput ejus, cepit eum blandis sermonibus taliter ad fidem Domini cohortari dicens : Quis, inquit, es tu, o dulcissime filii, et unde venis, aut quo vadis? aut cujus filius seu generis sis indica mihi. At ille respondens dixit ad eum : Originem vel genus meum, qualiter beatitudini tuæ exponam, o beatissime pater, ignoro. Hoc ergo quod scio, tantummodo breviter et in transcurso tibi indicabo. Pater meus primarius urbis hujus et nimium ditissimus habetur ; mater vero de illustrium genere et Juliani senatoris exstitit filia, qui me quotidie quasi unicum pignus ac pretiosissimam inspiciunt, margaritam. Et sanctus ad hæc : Bene dixisti, mi nate, quia velut margaritam inspiciunt ; non enim jam habent ; sed inspiciunt tantummodo, eo quod benedicta anima tua pretiosior omni margarita omnique metallo habetur Christo, quam sibi ipse Salvator noster jam in suum ministerium et ad serviendum elegit, ut video. Veni ergo, mi nate, et respue ea quæ in mundo hoc habentur, ut cum sanctis omnibus illa in futuro percipias quæ hic non videntur. Ista enim omnia quæ D hic intuentur, transitoria sunt et peritura ; illa autem quæ Deus sibi servientibus præparavit, manent in æternum, quomodo et ipse manet in æternum. Nam aurum hoc, filii, quod videtur, non est verum, sed quædam vanitas est phantasiæ, per quam in hoc mundo illuduntur animæ justorum. Similiter et argentum quod istis oculis cernitur, falsum possidet nomen, quod ab omnibus fabricatur et limatur, tantummodo ut decipiat rapaces et suadeat insipientes. Veni ergo, et audi me, filii dulcissime, et ego tibi ostendo quale aurum tibi est eligendum, vel quale argentum sit concupiscendum, illud scilicet quod Dominus noster atque Salvator in se credentibus im-

partitur dicens : Suadeo tibi emere a me aurum ignitum probatum, ut locuples fias et vestimentis albis induaris, ut non appareat confusio nuditatis tuæ (Apoc. III). Aurum ergo hoc ignitum probatum Christus Dominus noster est. Et, filii, qui voluerit eum in sede sui pectoris habere, statim divitias cælestes promerebitur, et vestimentis albis induetur, id est, fide, spe et charitate, per quas de reliquo non hunc visibilem mundum tantum, sed et diabolum, quem vos ut dominum colitis, cum universis angelis ejus poteris superare. Nam et pater tuus iste qui videtur, filii, non est verus pater, sed omnipotens dicitur Deus Pater tuus, et ideo alius dicitur ille, et alius iste pronuntiatur. Ille **213** namque invisibilis et inenarrabilis existit, hic vero visibilis et corruptibilis est. Ille B incomprehensibilis permanet et immortalis, hic corruptibilis et mortalis in omnibus degit. Per illius igitur dispensationem constant universa, per istius vero ordinationem nihil permanet stabilitum. Ille jussit, et factus es ; mandavit, et in utero matris formatus es ; præcepit, et egressus es ; imperavit, et ad hanc juvenilem ætatem perductus es. Et quidem iste visibilis pater honorandus est, filii, non tamen sicut ille ; eo quod ille ad imaginem et similitudinem suam nos condidit et creavit, intellectum quoque ac prudentiam donavit, sensum pervigilem, et memoriam honorum habere concessit, atque super omnia opera sua nos constituit dominatores, ex servis in filios et fratres atque amicos nos sibi per suam gratiam adoptavit ; et ideo hunc verum patrem, qui nobis tanta præstitit bona, semper convenit, filii, agnoscere et adorare. C Nam et isto visibili patri ad hoc tantum honor est deferendus, quod servi ministerium erga nos sæpe exercuit in parva ætate constitutos, frequenter nos dum pavit, sæpius dum sollicitus fuit ad ea quæ infantia nostræ erant necessaria, dum osculata est caro quæ carnis sunt, dum sollicitudinem habuit pro visceribus propriis. Ecce itaque pro talibus causis honor ei deferendus est.

Sed et mater nostra alia habetur, filii. Non hæc visibilis, sed immortalis permanet ; et quæ digne Salvatori nostro est desponsata, atque per angelos est adornata, per prophetas exornata, per apostolos glorificata, per martyres et confessores exaltata, atque in Christo, et per Christum in cælesti thalamo est elevata, quæ et ab hominibus hæc sancta mater D Ecclesia pronuntiatur. Cujus vox, ut turturis habetur, ad cujus labia distillant aromata, scilicet apostolorum doctrina. Cujus oculi, duo sunt cæli luminaria ! **214** cujus dentes sunt candidi, et quasi lavacro ascendentis. Quem mysticum sensum viginti quatuor libri (4) sacratissima habent in figura. De cujus manibus stillat myrrha, quod est justitia et fides vera. Cujus decem digiti, decalogi virtutem continent et sacramentum. Cujus ubera duo sunt Testamenta, Moysaica scilicet lex, et Evangelii gratia. Cujus pedes similes sunt aurichalco ; cujus venter et interiora sacratissimi fontem Baptismi et omnium gentium declarant regenerationem. Veni ergo, dulcissime mi

nate, et hujus verissimæ matris tuæ ubera suge; et acquiescens monitionibus, respue quæ in hoc sæculo videntur, ut illis frui merearis, quæ in futura vita suis filiis se Deus repromisit donare. Sed et verum Patrem nostrum audi dicentem: Exi de terra tua, et de cognatione tua, et veni in illam terram, quam demonstravero tibi (*Gen. xii*); in terram scilicet viventium, et regionem sanctorum: in terram fluentem lacte et inelle, id est, in doctrina apostolorum et prophetarum. Et cum universa quæ tibi præceperat expleveris, tunc tradet possessiones paradisi, pandet tibi sacramenta cælestia, donabit regni cælorum gloriam, demonstrabit apostolorum immensam lætitiã, martyrum choros, angelorum atque archangelorum frequentiam sæpius declarabit. Sed super hæc omnia, ut filium et fratrem te sibi per gratiam adoptabit. Hæc audiens juvenis sapientissimus, procidit ad senis genua, et rogare eum cœpit, ut illi se potius offerret, cui ipse ab ineunte ætate deserviret, qui et tantæ potentæ et magnitudinis solus haberetur. Et quia propter servos seu ministros, quia ad ejuserant obsequium, ne quispiam eorum hæc patri indicaret, amplius nihil Astion in die illa ad hominem Dei locutus est.

CAP. VI. — Alia vero die surgens primo diluculo, et apud prudentissimam, ad eundem locum unde hesternæ die cælestes flores fuerat depastus, properavit. Et ingressus in mansionem sacerdotis Domini, taliter eum salutavit, dicens: Ave, o apostole Christi, et tui Testamenti minister. Et sanctus ad hæc: Ave et tu, juvenis, qui martyrii stolam et coronam variis gemmis contextam in capite gestas. Cumque juxta se eum sedere fecisset, taliter ad eum locutus est: Quid est, fili? Semen Dominicum, quod hesternæ die in terram cordis tui per divinam gratiam seminavimus, ascendit ad fructum, an adhuc infidelitatis vitio detinetur? Et Astion ait: Ut novit beatitudo tua, o sanctissime pater, unicus mei genitoris, nimiumque charus existo; et satis timeo, si Christianus effectus fuero, ille præ nimia desperatione, aut spiritu violenter careat, aut in profundum maris semetipsum præcipitet; et aut vere, quod absit, propter me amens efficiatur; atque unde mihi salutem spero devenire, illi mortem perpetuam et gehennæ præparem ignes. Ergo si dignaris consilium meum accipere, facito interim quæ dico. Jube me hodie feri catechumenum, et impone mihi jejunium in quantos volueris dies, et post dies definitos mihi sacramentum baptismatis tribue. Cumque omnia quæ Christianæ pertinent religioni explevero, tunc precor ut pariter ab hac urbe ambo egrediamur, et in regionem longinquam, ubi nos Spiritus sanctus perduxerit, properemus, ne immaculatam conscientiam meam per suas lacrymas polluat pater. Cumque in prudentissimo juvene, quæ disposuerat ipse, consummata fuissent, post dies paucos, oratione ad Christum præmissa, ambo ab urbe egrediuntur: et descendentes navim, in Scytharum fines ingressi sunt, atque in Almiridensium civitatem (5)

devenerunt, ubi nullus erat qui eos vel eorum patriam posset agnoscere.

CAP. VII. — Igitur cum hanc sanctam fugam beatissimi viri perpetrassent, cœperunt parentes sancti Astionis per diversa loca eum requirere, et nomen ejus, huc illucque discurrentes, cum nimio mœrore inclamare. Siquidem pater ejus vociferabatur, dicens: Fili dulcissime, et unicum meum pignus, Astion charissime, quid tibi factum est, vel qualis fera te subito devoravit, ut nec parum aliquid reliquiarum tuarum potuerim reperire? O baculus senectutis meæ, et viscerum meorum lumen, ubi te jam ulterius requiram nescio, et in quam regionem propter te meos mittam famulos ignoro. Tu enim eras urbis hujus pretiosissima margarita, tu inter tuos cives ut columba pulcherrima incedebas; tu ut radius solis inter omnes fulgebas; tu ut splendidissima luna inter populare vulgus coruscabas; tu inter sapientes sapientior existebas. Et quid multa? Per tua melliflua verba universos ad tui amoris desiderium provocabas. Hæc quidem pater. Sed et mater scindens vestimenta sua, ac feriens manibus pectus, tali modo deflebat, dicens: Quis te a me separavit, vel quis seduxit? seu qualis avis demens de gremiis rapuit, o dulcissime fili Astion, ignoro. Sed, ut suspicor, forte ille Christianorum Deus, unum misit de suis, et pervertit cor tuum, et abalienavit te a nobis. Et nunc vae mihi miseræ soli, eo quod infinita tristitia, et intolerabilis dolor me apprehendit, et tantorum annorum labor inanis inventus est. Cecidit corona capitis mei. Aruit siquidem fructus ventris mei, et sedeo ut civitas desolata. Mater fui usque hodie per te, fili mi, ac regina, et nunc te amittens, nec reginæ gloriam, nec matris gaudium habeo. Sed et tu, nate dulcissime, arbor fuisti, et excisa es; margarita, et a Galicæis (6) furatus es; gemma pretiosa, et in obscuro collocatus es; ut lampas, et extincta es; columna eras, et dejectus es; regalis statua, et eversus es. Et quid multa? Homo fuisti, et in momenti hora, ut suspicor, subito mortuus es. Et nunc propter te, fili mi, amens effecta sum, ut nec vel vitam, vel nomen meum intelligam. Hæc et hujusmodi verba pater ejus et mater dicentes, nullo modo se poterant a mœrore maximo relevare.

CAP. VIII. — Igitur cum in memorata urbe, sancti Dei homines mansiones sibi aptas invenissent, in ea gratiarum actiones soli Deo exhibebant. Et quia scriptum est: Non potest civitas abscondi super montem posita (*Matth. v*), neque divina gratia latere sub modio, cœpit iterum cælestis virtus per sanctum Epictetum plura signa et prodigia in regione Scytharum, quam ea quæ in Orientis partibus fecerat operari. Nam una dierum quædam mulier ad eum veniens, obtulit ei filium suum, annorum fere xv, mutum et surdum, et aridum existentem; projiciensque eum ad pedes sancti Epicteti, taliter ad illum loquebatur, dicens: Unde adveneris nescio, vel de qua regione existas ignoro. Hoc autem tantummodo credo, quia si vis, potes languentibus sanitatis me-

delam præstare, eo quod habitus tuus atque religio Nazareni illius te esse discipulum declaret. Audivimus quidem quanta signa et prodigia alii de numero tuo in illius sunt nomine operati. Ergo quia unus ex illius discipulis haberi, subveni infirmitatibus nostris. Prædica nobis de mirabilibus illius, expone de natione ipsius, seu divinitatis sacramentum, ut et nos servi ejus per te officii mereamur. Hæc audiens sacerdos Domini, taliter mulieri locutus est, dicens : Si credere vis mulier in eum quem ego prædico Deum, et nullum deinceps infidelitatis vitium in animo tuo resederit, sed credideris ex toto corde tuo quod ipse sit conditor cæli et terræ, maris quoque et fontium aquarum, et omnium quæ in eis sunt, erit quod petisti. Nec enim longe est ab unoquoque nostrum, eo quod in ipso sumus, vivimus, et movemur (Act. vii). Hæc dicens, puerum dissolutum jubet elevari; et sublevatis oculis ad cælum, taliter pro eo Dominum deprecabatur, dicens : Omnipotens Deus, qui es immensus et invisibilis, inenarrabilis quoque et incomprehensibilis, salus Christianorum, infirmantium medicus, gubernator navigantium, periclitantium portus, lumen cæcorum, pes claudorum, via errantium, respice, quæso, Domine, super hunc famulum tuum, et solve vinculum linguæ illius ad laudem nominis tui. Aperi quoque aures ipsius, ad audiendum tua cœlestia sacramenta. Sana universa membra ejus contrita, tam animam quam etiam corpus, sicut illius paralytici quem post triginta et octo annos tuus venerabilis adventus integra donavit sanitate (Joan. v), ut agnoscant nomen tuum qui te non noverunt, et credant quia tu es solus et verus Deus, qui regnas et permanes una cum Patre et Spiritu sancto in sæcula sæculorum. Expleta oratione, expulit ter in os infantis, atque interrogans eum, dixit : Fili, in quem Deum nos convenit credere, in idola quæ ab hominibus fiunt, aut in Jesum Christum crucifixum, qui te nodie sanare dignatus est? At ille cum magna voce exclamavit dicens : In Jesum Christum nos convenit credere, o beatissime, qui tanta beneficia semper et usque in præsentem diem in hominibus operatur. Cumque hoc miraculum cerneret Almiridensium multitudo, dedit gloriam Deo, et plusquam mille animæ in illa die crederunt in Dominum Salvatorem.

CAP. IX. — Non solum igitur sanctus Epictetus, sed et beatissimus Astion plurima miracula in nomine Domini operabatur. Denique collata est eis plurima gratia adversus omnes infirmitates, sed et contra dæmones maxima illis potestas tributa est. Una igitur e diebus, dum ad hauriendum aquam pergeret ad Danubium, occurrit ei homo qui a dæmonio vexabatur. Et approprians juxta illum, et orans pro eo sufficiens, salutare signum in fronte ejus fecit, et per universa membra ejus depinxit. Qui eadem hora egressus est ab eo. Fugiens autem diabolus, dicebat : Fides tua, o Astion, ac puritas mentis, magnam adversus genus nostrum a Salvatore accepit potestatem. Et hæc dicens, nusquam comparuit.

CAP. X. — Item alio tempore vidit hominem qui de nimia altitudine lapsus, semimortuus a parentibus in domum propriam ducebatur. Cumque intueretur illos de repente facti nimium lamentari, pia miseratione commotus, secessit in quemdam locum occultum; et stans, taliter Dominum nostrum pro eo precatus est, dicens : Christe Deus, qui per beatum Paulum apostolum, Eutychem de fenestra ruentem a mortis januis revocasti ad vitam (Act. xx), et qui Æneæ ab annis LXXX in grabato jacenti, per sanctum Petrum stabilitatem tribuisti membrorum, et claudo ex utero matris existenti integram sanitatem præstitisti (Act. iii), et nunc, quæso, Domine, respice super istum hominem, qui per diaboli operationem a tanta cecidit altitudine; dona ei integram sanitatem, facitoque eum esse de numero gregum tuorum, quia tu es pastor noster, verus Dominus, qui in tuo sancto Evangelio locutus es, dicens (Joan. x) : Ego sum pastor bonus, et cognosco meas oves, et cognoscunt me meæ. Sicut novit me Pater, et ego agnosco Patrem, et animam meam pono pro ovibus meis. Oratione finita, accedens juxta hominem, taliter ad eum locutus est, dicens : In nomine Jesu Christi surge et ambula. Et apprehensa ejus manu dextera elevavit eum; et protinus consolidatæ sunt bases ejus et plantæ, et exsilivit et ambulavit. Et veniens una cum parentibus suis usque ad habitaculum sanctorum, exclamavit magna voce, dicens : Unus Deus Epicteti et Astionis, vere unus Deus Christianorum; ideoque non recedo hinc, nisi hodie Christianus cum meis parentibus fuero effectus. Tunc sacerdos Domini assumens hominem, cum universis qui aderant, eadem hora catechumenos effecit, et post paucos dies sacramentum eis baptismi tradidit.

CAP. XI. — Alio quoque tempore, dum ad hauriendam aquam ex flumine ipse beatissimus Astion, sine jussione vel commendatione senis perrexisset, turpis quedam cogitatio in via eunte illo, mentes ejus subito invasit. Et cum per triduum hic talis ac tantus vir non potuisset de suo pectore eam extrudere, nimium tristis effectus est, et vultus ejus valde pro hoc permanebat confusus. Quem intuens venerabilis senior, ait ad eum : Quid est hoc, fili, quod sic tristem te intueor, et insolito mœrore aspicio confectum? Hæc siquidem tristitia, quæ te nunc detinere videtur, non est illa quam sancti solent habere in vultu, vel pœnitentes pro sua communi salute; sed puto hanc esse illam mortiferam tristitiam, quæ aut apostatam Judam (Matth. xvii), vel Achitophel consiliatorem Absalonis necavit (III Reg. xvii). Tunc ille : Ante hoc triduum, quando tua venerabilitas cum hominibus illis de cœlesti mysterio loquebatur, pudore vetante, ego, te nesciente, ad hauriendam aquam ad fluvium perrexi. Eunte me vero in via, turpis quedam et satis sordida cogitatio, et, ut puto, per diabolum in mentem mihi ascendit. Et nunc itaque, ecce jam per triduum, quantum valeo cum lacrymis et oratione Scripturarum laboro ad expellendam eam, et nullo modo valeo superare. Tunc sanctus Epictetus

terribilem ei suum vultum ostendens, et indignans A quodammodo adversus dæmonem, taliter ad eum locutus est, dicens: Et quare absque mea sententia ostium cellulæ egressus es, vel sine oratione Christi sacerdotis perrexisti ad fluvium? An ignoras quia commendatio præpositi semper junioribus murus inexpugnabilis, et lorica fidei, ad superandum diabolum existit? Et hæc dicens, jubet eum pariter secum in oratione ante Dominum prosternere. Cumque diu multumque Salvatoris 216 misericordiam peccati fuissent, et finita oratione ex solo surrexissent, vidit beatus Astion puerum quemdam nigrum cum ignea facula de suo sinu egrédientem, ac talia sibi dicentem: Confessio tua, Astion, magnas meas contrivit hodie vires, et una oratio vestra me inermem in omnibus reddidit ac desolatum. Ideoque egressus hinc, B intrabo in cor Latroniani ducis (7), et excitabo eum adversum vos celeriter, et per varia suppliciorum genera vos expendet, eo quod ingressi estis, ut quidam latrones sive malefici, in provinciam ipsius, et multos homines a cultura deorum ipsius per veneficia vestra avertentes, Deo vestro sociatis. Et hæc dicens dæmon, ultra non comparuit.

CAP. XII. — Igitur cum hujuscemodi spiritalibus exercitiis sancti Dei famuli conversarentur, et Salvatore nostro Jesu Christo in psalmis et orationibus unanimiter deservirent; ac multa mirabilia non solum in hominibus, verum etiam et in pecoribus divina gratia per eosdem operaretur, subito adventit Latronianus dux in Almiridensium civitatem. Et cum per triduum opera publica et imperialia ministeria C quæ ibidem erant pervidisset, quarta die nuntiaverunt ei quidam de officio de beatissimis viris, dicentes ei, et quod malefici sunt et magi, multos per sua veneficia averterent jam a sacrificiis deorum. Hæc cum ille audisset, continuo imperat aliquos ex questionariis, ut post solis occasum pergerent ad habitaculum sanctorum, et comprehensos eos ferro victos perducerent in custodiam carceris. Cum ergo comprehensi beatissimi viri, in vinculatorium (8) ducebantur, psallebant dicentes: Deus noster refugium et virtus, adjutor in tribulationibus quæ invenerunt nos nimis (Psal. XLV). Et iterum: Dominus virtutum nobiscum, susceptor noster Deus Jacob (Ibid.). Rursumque: Multæ tribulationes justorum, et non impiorum; sed tamen ex omnibus his liberabit eos Dominus. Custodit Dominus omnia ossa eorum, unum ex his non conteretur (Psal. xxxiii). Cumque ingressi fuissent in carcerem, totam noctem more sibi solito in psalmis et orationibus transegerunt. Post expletam autem vigiliarum solemnitatem, hoc modo sanctus Epictetus ad beatum Astionem locutus est, dicens: Si nos, o dulcissime fili, crastino die interrogaverit judex, dicens: Quod genus, vel quæ nomina vestra, vel ex qua provincia estis, et unde huc venistis? nos nihil illi penitus respondeamus; neque genus ei, vel nomina nostra indicemus; sed nec patriam, unde sumus oriundi, illi fateamur; nisi hoc tantum dicamus, quia Christiani sumus, et hoc nomen nobis, hoc ge-

nus, hoc patria; et nihil aliud sumus, quam veri Dei cultores. Et iterum: Si nobis post hanc confessionem supplicia jusserit adhiberi, nihil aliud in tormentis positi dicamus, nisi: Domine Jesu, tua voluntas semper fiat in nobis.

CAP. XIII. — Igitur alia die, primo diluculo jubet Latronianus dux tribunal præparari in media civitate, et præconibus imperat ut cum nimio clamore ad tam nefandum et horridum spectaculum multitudinem populi invitarent. Et facta jam hora diei tertia, quasi furibunda bestia Latronianus procedit. Et populo undique exspectante, sedens pro tribunali jubet adduci sanctos in conspectu suo. Cumque exhibiti coram eo astarent, mox ut vidit eos, a pavore nimio totus obrigit; non enim poterat intendere in sanctos, eo quod instar solis, præ nimia gratia quam gerebant, fulgebant facies eorum. Erat siquidem sanctus Epictetus annorum fere sexaginta, statura procerus, barba proluxa, et splendore canicie decoratus. Similiter et beatissimus Astion monachus, statura et ipse procerus existebat; sed et nimium pulcher ac delicatus, et quasi triginta quinque annos ætatis agens. Cumque unius horæ spatium transisset, interrogavit eos Latronianus dux, dicens: Quæ sunt vocabula vestra, quod genus, seu de quali provincia vos estis oriundi, nobis in conspectu hujus multitudinis explanate. Respondentes sancti, dixerunt: Nos Christiani sumus, et de parentibus nati Christianis, atque de Christianorum patria nos sumus oriundi. Latronianus dux dixit: Ego nomina vestra interim volui audire. Nam eo quod de illa maledicta perfidia estis, et ego novi, et universi circumstantes. Ad hæc sancti martyres dixerunt: Nos Christiani sumus, et Jesum Christum Dominum nostrum, in cujus potestate cuncta habentur, agnoscimus et adoramus, universa idola tua abominamur, dicente Scriptura: Similes illis fiant qui faciunt ea, sed et omnes qui confidunt in eis (Psal. cxiii). Hæc audiens dux, nimium iratus est, et imperat ut expoliatos fortiter verberarent. Cumque a ministris Christi martyres cæderentur, oculorum suorum obtutum elevantes ad cælum, taliter dicebant: Domine Jesu, magister noster, tua voluntas fiat in nobis. Sed cum diu multumque cæderentur, et nihilejus immanitas adversus Dei cultores prævaluisset, taliter iratus contra eos Latronianus locutus est, dicens: Ubi est mirabilis ille vester defensor, quem sine cessatione 217 vobis in auxilium invocastis? Veniat itaque nunc, et si potest, de meis vos eripiat manibus. Sancti martyres dixerunt: Christiani sumus, o tyranne, fiat voluntas Dei nostri in nobis. Hæc cum audisset Latronianus, jussit eos in eculeum levari, et fortiter unguis ferreis radi. Cumque raderentur, iterum dicebant: Christiani sumus, o tyranne Latroniane, fiat voluntas Dei nostri in nobis. Tunc deinde jussit tyrannus ut lampades ardentes, cum adhuc in eculeo penderent, ad latera eorum applicarent. Cumque et hoc tormenti genus magnanimiter tolerarent, dicebant: Christiani sumus, o tyranne, fiat voluntas Dei in

nobis. Et cum jam hora septima facta fuisset, jussit eos Latronianus de eculeo deponi, et in custodiam carceris perduci.

CAP. XIV. — Unus autem ex quæstionariis, nomine Vigilantius, audiens hunc versiculum sanctos martyres in tormentis positos, frequenter et sæpius iterare, id est, Christiani sumus, o tyranne Latroniane, fiat voluntas Dei nostri in nobis, existimans quod aliquam magnificæ præcantationis in se haberet virtutem, quia dicebant nullo modo posse meditantibus eum dolorem sentire, cæpit hunc ipsum versiculum incessabili meditatione ruminare, infra domum et in plateis, dormiens atque exurgens, et in omni tempore decantare. Cumque per triduum jugiter non quiesceret decantando, quarta demum die cæpit voce publica proclamare, dicens: Ego Christianus sum, o tyranne Latroniane, fiat voluntas Dei nostri in nobis. Et perveniens ad beatissimos martyres in custodia carceris, signaculum vitæ ab eis promeruit percipere; et cum omni domo sua credens in Deum Salvatorem, beatorum sancta corpora ipse postmodum cum honore maximo sepelivit.

CAP. XV. — Igitur post quintam demum diem, sedens iterum Latronianus dux pro tribunali, jussit sanctum Epictetum presbyterum, et Astionem monachum in conspectu suo perduci. Cumque a ministris dæmonum ducerentur, psallebant, dicens: In te inimicos nostros ventilabimus, Domine, et in nomine tuo spernemus insurgentes in nobis. Non enim in arcu nostro speramus, et gladius humanus nequam salvare nos poterit; sed dextera tua, et brachium tuum, et illuminatio vultus tui, quoniam tu complacuisti in nobis (*Psal. XLIII*). Cumque ante subsellium profanissimi ducis Christi martyres astitissent, ait ad eos Latronianus dux: Acquiescitis mihi, et sacrificatis diis, an adhuc in vestra insania perduratis? Sanctus Epictetus respondit: Sæpius nos interrogasti, frequenter nobis blanditus es, multotiesque dona plurima et honores nobis maximos promisisti et tamen penitus nihil aliud a nobis audire potuisti, nisi quia Christiani sumus, et ecce nunc hoc ipsum iterare non quiescimus. Cum autem audisset Latronianus hæc omnia verba, dedit mugitum ut leo; et exclamans voce magna, taliter ad suos milites locutus est, dicens: Velociter, o ministri hujus splendidissimi culminis, sal et acetum huc afferte, et prioribus eorum lacerationibus confricite, simulque picem et adipem in cacabum æneum mittite, et cum cæperit fortiter ebullire, eos in eundem mittite. Et sancti hæc audientes dicebant. Christiani sumus, o tyranne, fiat voluntas Dei in nobis. Cumque hoc tormenti genus pro Christi nomine magnanimiter tolerassent, et in nullo penitus læsi fuissent, imperat sevissimus tyrannus ut inde eos ejicerent, et in custodiam carceris denuo perducerent: Ne forte, inquit, et constantiam eorum nobis ignominiam et Christianis audaciam generare videatur. Et sic jussit ut per xxx dies nullus ad eos introiret, neque ab aliquo cibus potusque deferretur. Sed athletæ Christi de plenu-

dine verbi divini, et de illo pane qui de cælo descendit, quotidie reficiebantur, atque indesinenter psallebant, dicens: Deus misereatur nostri, et benedicat nobis; illuminet vultum suum super nos, et misereatur nostri; ut cognoscamus in terra viam tuam, in omnibus gentibus salutare tuum.

CAP. XVI. — Igitur cum in urbe Almiridensium sancti martyres hæc tormenta pro Christi nomine tolerarent, quidam peregrinus quodam die videns beatissimum Astionem ante tribunal judicis consistentem, et cognoscens quis cujusque generis haberetur, festinanter navigans in partibus Orientis descendit, et veniens in civitatem unde erat oriundus, nuntiavit patri ejus et matri hæc universa quæ illi acciderant, dicens eum cum sene quodam Christiano, Epicteto nomine, in martyrio consistere. Similiter nomen civitatis in qua essent, diligentissime eos edocuit. At illi hæc audientes, mox ad genua sibi ista referentis advolvuntur; et fortiter eum rogare cæperunt, ut ea quæ vera essent eis diceret. At ille jurejurando vera hæc esse affirmabat. Tunc cæpit dicere pater ejus: Si ego infelix meritis fuero ut videam faciem filii mei, quidquid illud est quod mihi mandaverit et docuerit, hoc sine aliqua mora facturum sum. Similiter vero et mater dicebat: Ego miserabilis et humiliata per omnia, si illum adhuc in hoc corpore merita fuero intueri, et domum universamque meam substantiam derelinquam, et illi soli adhærebo, eo quod super hæc omnia ipse solus mihi charior et dulcior habeatur. Quod et si me imperaverit fieri Christianam, nec hoc recusabo facere, et cum ipso postmodum, si voluerit, parata sum tormenta sustinere, et mortem gratanter accipere. Et hæc dicentes, universam substantiam suam ac divitias sub actoribus et procuratoribus reliquerunt. Et egressi cum tribus pueris de domo sua, navim protinus conscenderunt, et navigare cæperunt, ut in Scytharum terram atque in Almiridensium civitatem devenirent. Cujus provincie tunc pontifex et præpositus sanctarum Dei ecclesiarum, beatissimus Evangelicus (9) habebatur.

CAP. XVII. — Igitur expleto numero triginta dierum, jussit tyrannus ut sancti martyres coram se exhiberentur. Qui cum hilari animo et vultu splendido coram illo constitissent, sic ad eos Latronianus dux locutus est, dicens: Sæpius vos de nominum vestrorum vocabulo interrogavi, vel genere, seu unde estis oriundi, et nunquam mihi veritatem dixistis. Nunc itaque, cum nec patriam novi, nec genus agnosco, sed nec nomina vestra potui addiscere, hoc cogitavi apud memetipsum, dicens: Eo quod nihil aliud vos esse videmini, nisi corporei dæmones, qui sine nomine vel genere esse noscuntur; et ideo secundum quod digni estis, hoc vos vocabulo nuncupabo. Et adjecit dicere ad eos: Dicite mihi vos, o corporei dæmones, si non sacrificatis immortalibus diis, facio hodie ut capita vestra abscindantur. Christi martyres dixerunt: Nos Christiani sumus, et in nomine Christi dæmones, quos vos ut deos adoratis et colitis, nos de obsessis corporibus effugamus. Utinam in te

daemon pessimus non habitaret. Hoc audiens vesanus A in ille, et horrendus, nimium efferatus est; et iussit ministris suis ut cum lapidibus ora sanctorum contunderent. Deinde imperavit ut virgas afferrent fraxineas, et si ex eis tam diu eos verberarent, quandiu spiritum exhalarent. Beatissimi vero athletæ Christi taliter patientes, nihil aliud dicebant, nisi: Domine Deus noster, tua voluntas fiat in nobis. Sed cum diu multumque caderentur, et semper hilares magnanimesque in confessione Domini perdurarent, videns minister ille diaboli eo quod nullo modo prævaluisset ejus insania contra ipsorum constantiam, iussit ministris scelerum duci eos foris civitatem, et capita eorum gladio amputari. Cumque ducerentur psallebant, dicentes: Laudate nomen Domini, laudate, servi, Dominum (*Psal.* CXXXIV), quia facta est voluntas Dei nostri in nobis per omnia.

CAP. XVIII.— Cum autem pervenissent ad locum ubi feriendi essent, stantes contra partem Orientis, expansis manibus, et sublevatis oculis in cælum, taliter Dominum oraverunt, dicentes: Benedictus es, Domine Deus patrum nostrorum, et laudabilis, et superexaltatus in sæcula, eo quod non humana, sed tua voluntas per omnia facta est in nobis. Tu es enim qui doces in te credentes, ut faciant voluntatem tuam, et ut annuntient mirabilia tua in omni tempore, eo quod Spiritus tuus sanctus gubernat unumquemque in honore secundum propositum cordis sui, et secundum propriam voluntatem. Tu es enim qui Abraham secundum tuam voluntatem semper gubernasti, Isaac sanctificasti; et cum Jacob colluctatus es, imponens illi nomen novum Israel; qui Joseph a persuasionibus Ægyptiæ et blandimentis castum custodisti, et Susannam similiter a pollutione insidiatorum immaculatam conservasti; qui sanctorum prophetarum tuorum corda purificasti, et beatissimorum apostolorum mentes per donum sancti Spiritus illustrasti, dicens ad eos: Accipite Spiritum sanctum (*Joan.* xx); qui athletas tuos per gratiam tuam coronasti, et pro nomine tuo dimicantibus semper victoriam condonasti; qui nos humillimos et peccatores famulos tuos ad hanc patriam perduxisti, ut annuntiemus in ea, ac prædicemus Evangelii tui doctrinam, his qui in ea habitant; qui noster gubernator ac magister, ac bonus provisor in omnibus exstitisti; qui usque ad hanc horam secundum tuam voluntatem nos semper gubernasti. Quæsumus, Domine, ut digneris nobis sanctos tuos angelos transmittere, qui nos liberent et defendant ab adversariorum potestate, et victores nos ac triumphatores per tuam gratiam usque ad thronum tuæ majestatis perducant. Sed et viros hujus regionis seu civitatis conserva in timore tuo, protege in misericordia tua, custodi in bonitate tua, gubernare secundum voluntatem tuam: benedic pusillis eorum cum magnis, atque pro honore quem nobis propter nomen sanctum tuum exhibuerunt, repræsentare eis mercedem in beatitudine sempiterna. Tribue quoque nobis fiduciam, ut quotiescunque divinam tuam majestatem exoraverimus, adimpleas petitiones nostras

in bono. Et nunc, quæsumus, Domine, suscipe nos in manibus tuis sempiternis, et introduce nos in Jerusalem cælestem, quæ est mater omnium sanctorum, cujus ipse es lumen, et sponsus, conditor quoque ac fabricator, ut una cum angelis et archangelis, patribus, patriarchis, prophetis, 219 apostolis, martyribus, confessoribus, jugiter collaudemus et glorificemus Patrem, et Filium, et Spiritum sanctum in sæcula sæculorum.

CAP. XIX. — Et cum respondissent circumstantes, Amen, rogare cœpit carnifices sanctus Epictetus, ut ante se prius beatum percuterent Astionem. Sed cum ille diceret: Quia te primum decet, o beatissime Pater, hanc salutiferam propriamque propitiationem mereri, sanctus Epictetus respondit: Veterana, inquit, calliditas serpentis, satis subtilis et circumventosa est, fili; et ideo quod nunc jubeo fieri, pro tua salute ac mea requie habetur. Hodie namque decem et septem annos per divinam gratiam munus castum immaculatumque te servavi, et modo vis ut in puncto unius horæ tantorum annorum laborem perdam? Non ita. Quod enim cupio facere, mi fili, per inspirationem Spiritus sancti facio. Sic enim Abraham in holocaustum Isaac filium obtulit; Jephthæ filium Domino in sacrificium exhibuit; Petrus quoque Stephanum ante se in cælestibus præmisit. Et quamvis ego non possim esse incredulus de bonitate Dei, eo quod potest te et sine mea præsentia in omnibus conservare, sicut et usque in hodiernam diem custodivit immaculatum; tamen agnoscere debes, eo quod bonus pastor semper pro ovibus suis animam ponit (*Joan.* x). Ergo quod facio, pro me et te facio, fili. Noli igitur a modo de mea societate dubitare. Credo enim quod jam sanctus Michael cum angelis, et Abel cum prophetis, Petrus quoque cum apostolis, Stephanus cum martyribus, Daniel cum confessoribus, in occursum tibi venerint, fili, qui te nunc in suis gremiis suscipiant, et usque ad thronum Christi Salvatoris nostri cum hymnis et canticis spiritualibus perducant. Hæc et horum ampliora audiens beatissimus Astion, respondit, dicens: Fiat voluntas Dei et tua, o sacerdos Dei, ac venerande pater. Et faciens signaculum crucis in fronte sua, taliter oravit ad Dominum, dicens: Quoniam tu es protector meus, Domine, in manus tuas commendo spiritum meum (*Psal.* xxx). Et hæc dicens, statim a spiculate caput ejus amputatur. Hoc cum factum fuisset, cernens sanctus Epictetus, dedit gloriam Deo. Et projiciens se super corpusculum ejus, rogare cœpit a carnificibus ut quomodo jaceret super cadaver sancti martyris, sic et ipsum percuterent. Quod cum expletum fuisset, intuentes universi qui aderant Christiani pariter ac gentiles, de bono magistro Epicteto, ac de perfecta discipuli obedientia, cum lacrymis Deo gratias retulerunt.

CAP. XX. — Et dum illi darent Deo gloriam et honorem, ecce subito corpora sanctorum martyrum in modum nivis visa sunt candida; atque præ nimietate splendoris, quasi solis radii esse videbantur. Omnes

qui a quacunque infirmitate detenti esse videbantur, statim ut cadavera ipsorum ex fide contingebant, seu cum veneratione deosculabantur, continuo universa anxietas seu dolor ab eis fugabatur. Circa solis vero occasum veniens Vigilantius cum omni domo sua et cum aliis Christianis, occulte tulit corpora sanctorum martyrum : et perfundens ea myrrha et aromatis pretiosissimis, in loco congruo et aptissimo cum hymnis et psalmis, et cum magna devotione sepelivit. In quo loco multa signa et prodigia ad laudem nominis Christi usque in præsentem diem celebrantur. Latronianus vero superveniente nocte invaditur a pessimo dæmone, et surgens primo diluculo venit in prætorium, atque ibi positus cœpit plurima amentia inaniaque verba proferre ; deinde arrepto gladio, priores quosque de officio suo insequi et vulnerare ; super alios vero ut canis rabidus insilire, atque aliorum indumenta dilanians, huc illucque discurrere. Hoc illi intuentes et videntes, quia amens et insanus exstiterit, despoliantes illum, pugnis ac verberibus mactare fortiter cœperunt, ac deinde ligatis ejus manibus ac pedibus in parvissimo domicilio projece- runt. Qui post biduum suffocatus a dæmone, violenter spiritum exhalavit.

CAP. XXI. — Igitur cum dies tertia passionis sanctorum martyrum illuxisset, et Vigilantius ad sepulcrum eorum orationis gratia devenisset, subito apparuit ei beatus Astion, et dicit ad eum : Genitores mei ad quærendum me de patria nostra hodie huc sunt venturi. Rogo igitur te, frater charissime, festina descendere ad portum, et suscipe eos in domum tuam, atque per omnia consolare eos, eo quod propter me valida sunt tristitia macerati ; sed et in postremo de Salvatoris nostri fide atque diversis magnalibus facias eos monere. Hæc et plura horum audiens Vigilantius, dedit gloriam Deo, et statim cum festinatione ad fluvium descendit. Et ecce, circa horam tertiam cernit naviculam parvam subito applicuisse ad portum. Cumque egressi de navi epibatæ (10) fuissent, cœperunt a circumstantibus ibidem viris sollicite inquirere, si aliquis eorum aliquando audisset ibidem, aut vidisset juvenem, Astion nomen habentem. Cumque multi multa de eo dicerent, Vigilantius supervenit, et dixit : Ego vere vidi et novi eum. Sed interim venite in domum meam, et quiescite ☩☩☩ pusillum, eo quod valde fatigati estis in navi, et postmodum, si vultis, ego vos ad eum, cum opportunum fuerit, sine aliqua mora perducam. At illi procidentes ad genua ejus cœperunt fortiter plantas ejus constringere, osculantes atque obsecrantes, ut si possibile sibi esset, antequam cibum caperent, perducerent eos ad illum. Et Vigilantius ad hæc : Facite prius interim quæ rogo, ut et ego vestram petitionem atque voluntatem impleam. Cumque domum ipsius ingressi fuissent, et ad mensam consedisent, cœpit mater sancti Astionis ad Vigilantium taliter dicere : Si mihi locum demonstraveris, o dulcissime frater, ubi nunc meus unicus demoratur Astion, hodie coronam auream capiti tuo imponam. Similiter quoque et pater

A ejus dicebat : Ego si illum per te, o juvenis, merear hodie videre, indumenta auro texta te adoperiam, atque dimidium honorum meorum tibi condonabo. Ad hæc Vigilantius respondit : Ille ante triduum hinc egressus, in regionem ambulavit longinquam, atque dimidium substantiæ suæ una cum domo mihi cum quadam chartula commendavit, dicens : Si aliquis venerit, missus a patre meo ad quærendum me, introduce eum in hanc domunculam meam, et dicit ei : Hæc dicit Astion monachus : Sustine me hic quoad usque redeam ad te cum salute. Quod et si volueris hæres meæ substantiæ esse, festina universa illa quæ in hoc libro scripta sunt adimplere, et esto feliciter nihil dubitans. Et mater : Quæ dicitur, inquit, regio illa, quo porrexit dulcissimus meus et unicus Astion ? B Vigilantius respondit : Regio robustorum, seu fortium virorum. Et mater : Sunt aliqui homines ibidem commanentes ? Vigilantius respondit : Plures et valde nobiles habentur, quorum possessio paradisis dicitur ; quorum tabernacula ex lumine sunt constructa ; quorum vita Deus est, et conversatio immortalis existit ; quorum vestes sanguine sunt respersæ, et in capite coronæ ex auro purissimo cum gemmis variis fabricatæ habentur. Sed et Rex nimium potentissimus ac metuendus est in eadem regione, cujus nomen Deus deorum et Dominus dominantium appellatur ; cujus nuntii angeli dicuntur justitiæ, quorum vestis una est omnibus, et tactus eorum igni assimilatur urenti. Sed et senatus hujus imperatoris valde clarus habetur ; et media pars prophetæ nuncupatur, alii vero apostoli pronuntiantur. Sed et civitas istius C Regis valde est præclara, nomenque ejus Christicolis pronuntiatum, cuius murus ex auro purissimo est constructus, habens portas duodecim et in ipsis singulæ dependent margaritæ, atque singuli ex senatoribus per singulas sedent indesinenter (*Apoc. xxi*). Et prima quidem porta dicitur Petri, secunda Pauli, tertia Andreae, quarta Joannis, quinta Jacobi, sexta Philippi, septima Bartholomæi, octava Thomæ, nona Matthæi, decima Thadæi, undecima Simonis, duodecima Matthiæ. Sed et templum mirificum est in ea, habens Sancta sanctorum et altare aureum ; ante cuius conspectum vir quidam astat mirificus, tenens decem chordarum psalterium, ac jugiter ibidem degentes ad laudem Regis illius cohortatur, dicens : Laudate Dominum de cœlis, laudate eum omnes angeli ejus, laudate eum omnes virtutes ejus (*Psal. cxlviii*). Hujus itaque nomen, David filius Jesse pronuntiatum. Sed et plateæ hujus civitatis ex auro purissimo sunt stratæ, cuius fluvius vitam æternam emanat, cuius pomifera per singulos menses reddunt fructos suos, et folia eorum ad medicamentum procedunt animarum ; cuius lumen inenarrabile est, et portæ nunquam clauduntur, eo quod nunquam ibi nox erit, nec ullæ tenebræ habentur, sed semper gaudium et perpetua lætitia ibidem jugiter commoratur. Et mulier ad hæc respondit : Et non intellexisti, charissime frater, a quo vocatus illic meus Astion perrexit, ne in aliqua culpa deprehensus sit, vel ne quispiam ex comitibus aut e senatori-

bus qui illic demorantur eum convocavit, et sibi forsitan præ nimia pulchritudine ejus in filium eum adoptavit? Et Vigilantius: Ab ipso, inquit, principe regionis illius cum multo honore et comitatu ibidem vocatus perrexit. Ego siquidem tunc ministros ipsos videre non potui; attamen sicut ipse mihi referebat, valde pulcherrimo ac splendido vultu habebantur, gerentes aurea arma et hyacinthina indumenta. Et quia in hac nostra regione fideliter ex toto animo quæ sibi ab illo injuncta fuerant adimplevit, hac de causa eum illuc per suos ministros dicebat vocatum fuisse, ut principatum ei videlicet, super decem civitates, condonaret. Et mater: Putas igitur in tanta gloria nunc ibidem positus habet memoriam nostri? Et Vigilantius: Ille quidem memoriam vestri nimium habet in mente, et valde cupit vos juxta se habere semper, si tamen ea quæ scripta sunt in libro illo quem mihi reliquit adimplere volueritis. Et mater ad hæc: Age, ergo, et depositum nobis celeriter repræsentata. Et hæc dicentes, et mensa pariter consurgunt.

CAP. XXII. — Tunc Vigilantius assumens eos, in cellam sanctorum martyrum introduxit; et ostendens eis dominicam crucem et sacrosanctum **✠** Evangelium Christi, ait ad eos: Hæc sunt quæ Astion filius vester mihi dereliquit. Si ergo mysterium hujus divinæ virtutis et ea quæ in hoc codice scripta sunt, feceritis, profecto videbitis eum, et cum ipso in perpetuum eritis in illa regione. Hæc audiens pater ejus, accepit Evangelium Christi præ manibus, et aperiens pervenit ad eum locum ubi Dominus Jesus locutus est ad discipulos suos, dicens: Amen, amen dico vobis, quod vos qui secuti estis me, in regeneratione cum sederit Filius hominis in sede majestatis suæ, sedebitis et vos super sedes duodecim judicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam æternam possidebit. Multi autem sunt primi novissimi, et novissimi primi (*Matth. XIX*). Et pater: Quis est, inquit, iste Dominus Jesus, et qui sunt qui secuti sunt eum? sed et qui sunt illi qui jubentur relinquere patrem aut matrem, uxorem et filios, propter nomen meum? Quos dicit percepturos esse in futura beatitudine vitam æternam? Quæsumuste, frater charissime, ut si aliquid in his quæ vera sunt nosti, nobis explanare non pigriteris. Aperiens autem Vigilantius os suum, et incipiens a Scriptura ista, evangelizavit illis Dominus Jesum Christum, qualiter ab origine mundi omnia per ipsum facta sunt, et qualiter hominem ad imaginem et similitudinem suam fecerit, et in paradysum deliciarum posuerit; et quomodo unam costam tulerit de latere ipsius, et finxit eam in mulierem: sed et quomodo propter serpentem Adam de paradiso deliciarum in hanc terram mortalium expulit; et qualiter Eva, quia ipsi serpenti magis obedire voluit quam Domino Deo suo, anxietatibus et doloribus in parturitione est condemnata; sed et qualiter sancti prophetæ ante primum adventum Filii Dei ve-

nientes, prædicaverunt eum esse venturum, et non sunt recepti; vel quomodo Dominus Deus noster Jesus Christus, qui est unicus Patris, Verbum ac Sapientia, virtus scilicet ac splendor gloriæ, dignatus sit in novissimis diebus, de Spiritu sancto et Maria semper virgine in mundo nasci; et quomodo illos qui secuti sunt eum, discipulos suos fecit esse, et mittens eos ad prædicandum verbum salutis gentibus, apostolis imposuerit nomen: sed et quod regni sui participes eos effecerit, qui hujus sæculi contempserint vanitatem, et ipsum solum super amorem propinquo rum diligere. Cuiusque hæc et horum ampliora sapienter eis Vigilantius disseruisset, iterum venerunt in locum illum ubi scriptum est: Et dixit Jesus discipulis suis: Amen amen dico vobis, quia omnis qui me confessus fuerit coram hominibus, confitebor et ego eum coram Patre meo, qui est in cælis; qui autem negaverit me coram hominibus, denegabo et ego eum coram Patre meo, qui est in cælis. Nolite igitur arbitrari, quia veni pacem mittere in terram; non veni pacem mittere, sed gladium. Veni enim separare hominem adversus patrem suum, et filiam adversus matrem suam, et nurum adversus socrum suam, et inimici hominis domestici ejus. Qui amat patrem aut matrem plus quam me, non est me dignus. Et qui non accipit crucem suam, et sequitur me, non est me dignus. Et qui invenit animam suam, perdet eam. Et qui perdiderit animam suam propter me et Evangelium meum, inveniet eam (*Matth. X*). Et iterum: Cum autem tradiderint vos apud reges et præsides, nolite cogitare, quomodo aut quid loquamini. Non enim vos estis, qui loquimini, sed Spiritus Patris vestri qui loquitur in vobis. Tradet autem frater fratrem in mortem, et pater filium; et surgent filii in parentes, et morte eos afficient; et eritis odio omnibus, propter nomen meum. Qui autem perseveraverit usque in finem, hic salvus erit. Rursumque perveniens in ultimam partem sancti Evangelii, cæpit secundum Joannem iterum legere, dicens: Pater, quos dedisti mihi, volo ut ubi ego sum, et illic sint mecum, ut videant claritatem meam, quam dedisti mihi, quia dilexisti me ante constitutionem mundi (*Joan. XVII*). Et denuo: Ut omnes unum sint, sicut tu, Pater, in me, et ego in te, ut et ipsi in nobis unum sint, ut credat mundus quia tu dedi eis, ut sint unum, sicut et nos unum sumus. Ego in eis, et tu in me, ut sint consummati in unum, et cognoscat mundus, quia tu me misisti, dilexisti eos, sicut et me dilexisti.

CAP. XXIII. — Hæc et ampliora horum dum legisset pater, ad Vigilantium ait: Precor, frater charissime, iterum explana nobis diligentius ea quæ modo legimus, eo quod nos penitus in his verbis nihil intelligimus. Vigilantius respondit: Illos quos dicit Dominus Jesus noster: Quia qui me confessi fuerint coram hominibus, confitebor et ego eos coram Patre meo, qui est in cælis; qui autem denegaverint me coram hominibus, denegabo eos et ego coram Patre

meo, qui est in cœlis; nos sumus qui in eum credimus, et in nomine sancto ejus speramus. **222** Si ergo evenerit tempus persecutionis, et dixerint nobis principes hujus sæculi : Abnegate Deum vestrum, et adorare nobiscum idola, qui sunt magni dii nostri, qui et universa fecerunt; si eis non consenserimus, vel quæ jusserint non fecerimus, sed pro nomine ejus tyrannorum minas tormenta que toleraverimus, continuo et ipse in illa sua felici regione, ooram Patre et coram sanctis suis angelis confitebitur nos, id est, amicos, et nimium charos sibi constituet nos. De quorum numero exstitit nunc ille vester unicus et nimium sanctus Astion. Nam ante hos paucissimos dies, dux provincie istius Latronianus, dum compelleret eum ut abnegaret Jesum Christum, verum illum quem nos dicimus imperatorem cœlestem, ut consentiret ejus voluntati et demonibus famulatum exhiberet, ille nullo modo acquiescens jussibus ejus parere, fortis in fide sua, et nimium magnanimus adversus ea quæ sibi ingerebantur mala, cum alio quodam venerabili sene Christiano, Epicteto nomine, perstitit usque in finem immobilis in sua sancta confessione. Hoc intuens ejus imperator ille cœlestis, et valde admirans de benevolentia et sincera ipsius erga se dilectione, mittens suos ministros, hoc est, salutiferos angelos, cum ingenti eum honore in illam civitatem ubi ipse demoratur assumpsit, ut illi præmia sempiterna, pro eo quod viriliter contra ipsius adversarios decertatus sit condonaret. Et ideo tam Astioni vestro quam ejus similibus, aptantur ea quæ legisti sacramenta : Ut omnes, inquit, unum sint, sicut tu Pater in me, et ego in te; et ipsi in nobis unum sint, ut credat mundus quia tu me misisti; et ego claritatem quam dedisti mihi dedi illis, ut sint unum, sicut et nos unum sumus. Ideo quicumque meruerint esse de numero Astionis vestri, o honorabilis pater, Salvatoris nostri martyres vocitantur.

CAP. XXIV. — Et mater ad hæc : Ne, inquit, mortuus est, et non vis nobis facere manifestum? Vigilantius respondit : Mortui nos sumus, qui in hac mortali carne degimus, et in hoc sæculo vano, absque notitia nostri factoris existere videmur. Nam vera vita ibi est, et verus cibus potusque ibidem habetur, ac dignitas sine fine, his qui meruerunt eam accipere; ibi est ubi semper immortalitas regnat, et perpetua gaudia commorantur. Tunc mater : Volebam, inquit, modo eum videre in illa gloria consistentem. Putasne agnoscere me habeat, eo quod genitrix ejus fuerim aliquando? Aut forte in tanto honore ibidem positus, ut dicis, modo inspicere contemnet, eo quod pulchritudinem mei vultus, ipsam lugendo amisi? Et Vigilantius : Si feceris itaque quæ scripta sunt in hoc libro, quem mihi dereliquit sanctus Epictetus et Astion, et credideris ex toto corde in Jesum Christum regem ipsius, in quem et iste credidit, poteris eum videre. Sin vero nolueris credere, impossibile est ut tu illum videas, vel matrem suam nominet aliquando, eo quod incredula exstitisti in mandatis Patris ipsius. Et mater : Ecce, inquit, pater

A ipsius iste est. Vigilantius respondit : Verum Pater ejus ille est, qui et Dominus, cum quo nunc demoratur, qui et tanta bona ei in futura beatitudine condonavit. Et iste vero mortalis est, et mortales filios habet; et dum putatur stare, subito cadit; dum dicit se vivere, repente moritur, eo quod nec iste illum Patrem verum agnoscit, quem ille agnovit, de quo scriptum est : Pater noster, qui es in cœlis, sanctificetur nomen tuum.

CAP. XXV. — Igitur cum per unam septimanam inter se disputarent et Christi mirabilia dicerent ad invicem et libenter audirent, Dominica die adveniente, ambo pariter crediderunt in Christum. Quos assumens Vigilantius, perduxit ad quemdam presbyterum sanctum, nomine Bonosum, qui persecutionis atrocitatem devitans, in quodam secreto loco occulte degebat. Qui orans pro eis sufficienter, et catechizans eos eadem hora catechumenos fecit. Igitur cum inde egressi fuissent, cœperunt dicere ad Vigilantium : Ecce adimplevimus ea quæ in libro illo quem nobis dedisti continentur : veni modo, et thesaurum illum ostende nobis, quem Astion noster, ut ipse affirmasti, tibi commendavit. Et Vigilantius : Sequimini me, ego eum vobis sine mora aliqua demonstrabo. Sed interim eum habeo absconditum, et nescio, si modo possum eum inde ejicere. Ergo, si vobis placet, de noctibus eamus ad locum, et usque ad lucem ibidem permaneamus operantes, forsitan poterimus eum invenire, eo quod satis illum in profundo abscondi. Et cum sol declinasset, assumens eos Vigilantius, foras civitatem cum illis egreditur. Et pervenientes ad sepulcrum sanctorum, admonet eos secum totam noctem in orationibus vigilare. Cumque jam aurora ascenderet, et lucere inciperet dies, ecce vident subito circa se lumen refulsisse immensum, ac nimium suavitatis odorem fragnare, sanctosque martyres, qui jam dormierant, in corpore juxta se consistere, ac Dominum secum collaudare. Tunc sanctus Astion irruens in amplexibus matris **223** suæ, cœpit osculari eam, dicens : Bene advenisti ex Orientis partibus, o discipula Christi, et mea mater Marcellina. Similiter et beatissimus Epictetus apprehenso capite viri ejus, exosculabatur eum, dicens : Lætare in Domino, o dulcissime frater Alexander, eo quod dignus habitus es in numero fidelium deputari, et perennem beatitudinem promereri. Sed et ad Vigilantium dixerunt : Gaude et tu in Domino, o dulcissime frater Vigilanti, eo quod dignus effectus es ut impleatur in te, quod scriptum est : Quia qui converti fecerit peccatorem ab errore viæ suæ, salvabit animam ejus a morte, et operit multitudinem peccatorum.

CAP. XXVI. — Tunc sanctus Astion hoc modo cœpit dicere ad matrem : O dulcissima ac benedicta domina mea mater, illa omnia quæ in sacrosancto Evangelio Christi Domini nostri scripta sunt, vera sunt et firma. Festina ergo ea sine mora aliqua adimplere, ut ea quæ illic scripta sunt consequi promerearis. Igitur portionem mihi de tua substantia

obtingentem, pro mea requie (11) ac tua salute pau- A peribus divide ac distribue, ut sic merearis cum justitiæ corona et bonis operibus decorata ad nos pervenire. Et mater: Bene, inquit, haberis a Rege tuo, seu a familiaribus ejus, dulcissime fili? Respondit Astion: In tantum dego bene, ut qualiter tibi exponam nesciam; filium namque suum Dominus ac Deus noster, ex servo per suam gratiam me adoptavit, in civitate sua mansionem mihi tribuit, in palatio suo militare me fecit, inter senatores maximam dignitatem mihi condonavit, paradisi amœnitatem mihi ad delicias tradidit. Sed et ministri ejus tanquam de suis me habere dignati sunt, ac diligunt. Pergo namque cum eis per singulos dies ad visitandum infirmos, ad elevandum elisos, ad illuminandum cæcos, ad salvandum periclitantes in mari, ad expugnandum gentes barbaras præliantes in terra, ad consolandum mœstos, ad defendendum impotentes, atque effugandos dæmones de obsessis corporibus, in nomine Domini nostri Jesu Christi. Sed et quotidie de vobis mihi præcipiunt, dicentes: Admone patrem tuum et matrem, ut ad hæc perveniant loca. Et mater: Agnoscunt itaque nos, fili mi? Respondit sanctus Astion, et dixit: Nimum vos diligunt et agnoscunt, domina mater: tantum si vestra voluntas est agnoscere eos, ut ad illam beatitudinem sine aliqua dubitatione possitis pervenire. Et mater, præ nimio gaudio ferienspectus suum, dicebat: Putas quandoque infelix et misera illuc perveniam? Et beatissimus Astion respondit: Si credideris perfecte in Jesum Christum Dominum ac Deum nostrum, quemadmodum credidit Vigilantius, atque omnia bona tua distribueris indigentibus, sine dubio et vivere et exultare habes mecum in illa, in qua et ego dego, beatitudine sempiterna. Cumque his et hujuscemodi verbis athletæ Christi instructi essent, recesserunt ab eis

CAP. XXVII. — Igitur cum quadragesima dormitionis eorum dies illuxisset, et Christi pontifex Evangelicus in urbem Almiridensium devenisset, assumens eos Vigilantius una cum sancto presbytero

Bonoso, ad eum perduxerunt, exponentesque illi per ordinem cuncta quæ acta fuissent, rogabant ut in numero fidelium eos Christo consecraret. At ille nimum gavisus in Domino, assumens eos, et orans pro eis sufficienter, sacramentum baptismi tradidit. Et exultans cum eis per dies octo, in aliam civitatem quæ in proximo habetur, remeavit. Cumque sacerdotes Domini inde remeasset, taliter ad Vigilantium Alexander et Marcellina dicere cœperunt: Multa beneficia tua erga nos habentur, o dilectissime et nimum nobis amabilis frater, eo quod per tuam salutiferam doctrinam jugum diaboli meruimus evadere, et ad Christi Salvatoris nostri notitiam pervenire. Siquidem nimis existis in sapientia gloriosus in sancta ecclesia, præclarus in doctrinæ gratia; perfectam habens dilectionem erga sancti Evangelii religionem, et nimum amorem in peregrinorum susceptione, inenarrabilem benevolentiam circa impotentium defensionem, seu infirmorum visitationem; fervens fidei calore erga idolorum destructionem, vel sanctorum martyrum amorem; ac secundum tui nominis sacramentum, vigilans existis in cunctis bonis operibus propter Dei amorem. Igitur nihil aliud est de te pronuntiandum, nisi eo quod unus ex intimis Dei amicis haberis. Et hæc dicentes, tam eum quam sanctum ac venerabilem presbyterum Bonosum ducentes secum ad propriam civitatem, hilares animo, et perfecti in Domino remearunt; atque universa bona sua egentibus distribuentes, glorificabant Deum Patrem omnipotentem, qui eos de tenebris ad cognitionis suæ lumen perducere dignatus est.

C Pertulerunt autem martyrium sancti atque athletæ Christi, Epictetus presbyter et Astion monachus in Almiridensium civitate, octava die mensis Julii, temporibus Diocletiani tyranni, sub duce Latroniano. Secundum nos vero, regnante in cælis Jesu Christo Salvatore nostro, quem decet gloria et imperium una cum Patre et Spiritu sancto, in sæcula sæculorum. Amen.

ROSWEYDI NOTATIO.

324 (1) *Epicteti presbyteri et Astionis monachi.*] Illorum sanctorum nullibi in tabulis Ecclesiasticis mentionem invenio, præterquam in Florario sanctorum manuscripto, ubi ita habetur 8 Julii: « In Oriente sanctorum martyrum Epicteti et Astionis pro Christo interfectorum sub Diocletiano imp., quorum miri actus et passiones leguntur. Passi sunt anno salutis 290. » Idem dies assignatur in Martyrologio Usuardi aucto a Carthusianis Coloniensibus anno 1521. Ex hac autem Vita citat exemplum Speculum exemplorum, distinct. 8, quæ est ex Vitis Sanctorum, exemp. 21, quod hic habetur cap. 11.

Hujus Vitæ nullum exemplar manuscriptum habui, præter unum ex ecclesia Sancti Salvatoris Ultrajecti, a recenti manu. Nullum quoque impressum, præter unum Coloniense in Vitis Patrum. Nam reliquæ editiones hac Vita carent.

(2) *Diocletiani profanissimi imperatoris.*] Editus addebat: qui regnavit circa annos Domini 190, quod deest manuscripto, et plane erroneus est numerus.

(3) *Ego.*] Quæ sequuntur usque ad *Ecce* deerant in edito. Quædam ex narratis historicis conveniunt quidem temporibus Diocletiani, et eo superioribus;

quædam tamen videntur Diocletiano posteriores. Unde colligeretur assumendum hic aliquod accessisse.

(4) *Viginti quatuor libri.*] Varie olim numerus initus sacrorum librorum; pro qua varietate locus hic intelligendus est.

(5) *Almiridensium civitatem.*] Scythiæ civitatem esse, Vita hæc indicat. Vide Onomast.

(6) *Galilæis.*] Ita olim vocati Christiani. Lucianus, in Philopatr. Vide Onomasticon.

(7) *Latroniani ducis.*] Scythiæ hoc tempore dux vel preses fuit iste Latronianus. De quo porro inquirendum.

(8) *Vinculatorium.*] Carcerem intelligit. Sic Græci vocant δεσμωτήριον, quod ibi δεσμῶν vinculorum copia.

(9) *Evangelicus.*] Diversissima Scytharum natio. Quidam ante tempora Diocletiani, quidam post conversi. Jam Scythæ aliqui ad Christum conversi erant tempore Tertulliani, ut constat ex libro ejus adversus Judæos, cap. 7 et 8. Imo sanctus Philippus dicitur Scythiæ fidem intulisse, ut habet breviarium Romanum, 1 Maii, ut non mirum sit imperante Diocletiano Evangelicum fuisse Scythiæ episcopum.

(10) *Epibatæ*] Ita Hirtio dicuntur, qui navalibus A jori videlicet gloria accidentali. Nam scitum illud ex operis æs merent. Hic nautæ intelliguntur. Augustini serm. 22 de verbis Apost. « Injuriam facit martyri, qui orat pro martyre. »

(11) *Pro mea requie.*] Sane hæc intellige, pro ma-

OCTOBRIS XXIII.

VITA SANCTI MACARII ROMANI ⁽¹⁾

SERVI DEI,

QUI INVENTUS EST JUXTA PARADISUM,

AUCTORIBUS THEOPHILO, SERGIO, ET HYGINO (2).

CAPUT PRIMUM. — Gloria et magnificentia Deo soli B benignissimo, qui per innumerabilia miraculorum exempla nos tepidos et indignos quotidie invitat ad beatæ vitæ cœlestis gaudia. Nos itaque miseri et humiles monachi Theophilus, Sergius et Hyginus, deprecamur vos omnes sanctissimos patres et fratres, ut accommodetis aures his, quæ vobis narraturi sumus de vita et conversatione sanctissimi Macarii Romani, qui apparuit nobis prope paradisum ad viginti milliaria. Et hoc rogamus, ut fidem dictis adhibeatis, qui quidem multo melius nobis fuisse credimus sub silentii portu innoxios remanere, quam falsitatis reos puniri.

CAP. II. — Igitur nos prætitulati fratres, Theophilus, Sergius et Hyginus propitia Divinitate abrenuntiantes sæculo, venimus ad monasterium, quod est in Mesopotamia Syriæ in medio duorum fluminum Tygris et Euphratis, 225 in quo vir clarissimus Asclepion hegumenus (3), multorum existit Pater monachorum. Ibi denique conjungentes, a prænominate Patre et omni cœtu fratrum gratanter suscepti, ac jugo regulæ colla submittentibus, communi vita conversati sumus.

CAP. III. — Factum est autem tempore longo post hæc, hora nona quadam die synaxi expleta (4) accedentes ad Euphratis fluminis littus, consedimus ibi, aliquandiu inter nos de sustentia et conversatione simul et labore servorum Dei disputatum est. Tunc mihi misero Theophile venit in mentem cogitatio; et respondens, dixi fratribus meis Sergio et Hygino: Velle mihi adest, o fratres dilectissimi, cunctis vitæ meæ diebus ambulare, illoque ire, ubi cœlum terræ se conjungit (5). At illi: Te, inquiunt, frater Theophile, ut fratrem spiritalem semper habuimus, et priorem, et amodo nullatenus a te separabimur; nobis enim verba tua placent: idcirco, ubi corde concepisti, perge; et nos in vita et morte tecum erimus. Itaque surgentes de loco, intravimus monasterium: factaque vespera, omnique diurni officii oratione completa, cæteris quiescentibus clam monasterio egressi sumus. Post hæc vero decem et septem dies ambulantes, conjunximus Jerusalem (6), et sanctam resurrectionem Jesu Christi et crucem adoravimus.

Deinde exeuntes in Bethlehem, vidimus et salutavimus sanctum præsepe, ubi Christus nasci dignatus est, et ubi stella magos adduxit, Christo munera deferentes; et vidimus locum mirabilem ubi angelus cum multitudine exercitus cœlestis, gloriam in altissimis Deo canebat, qui locus ad duo milliaria longe a Bethlehem situs est. In montem quoque Oliveti ascendimus, et in ipso loco sancto adoravimus, ubi Christus pedibus stetit, quando elevatus est, et a nube susceptus ascendit ad cœlos. Exinde Jerusalem reversi adoravimus Deum, et consignantes nos et commendantes Christo et sanctis ejus (7), exivimus non habentes jam animum et mentem in hoc sæculo.

CAP. IV. — Igitur nos Christi comitante gratia, viam continuo aggredientes, ac quinquagesimo die fluminis Tygris alveum pertranseuntes, terram Persarum ingressi sumus, et venimus in campum magnum et planitiosum vocabulo Assia, in quo martyr Christi Mercurius (8) apostatam Julianum peremisse legitur. Deinde civitatem Persidis, nomine Kitissefodo (9), intrantes, in qua tres pueri, Ananias, Azarias, Misael, requiescunt, non longe a Babylone, adoravimus ibi; et in eodem loco manducantes, et Domino laudis hymnum offerentes, mansimus dies aliquot. Inde profecti post menses quatuor, pertransivimus Persidis regionem, et Indiæ terram sumus ingressi. Ingredientes vero domum quamdam, et neminem ibi habitatorem reperientes, duos ibidem fecimus dies. Et ecce tertia post hæc die, apparuerunt adventantes duo armati, vir et femina; nos vero nimio terrore perterriti, surreximus, illisque obviam ire deliberavimus. Ipsi autem nos videntes, simul et exploratores esse credentes, concito gradu per viam qua venerant redierunt; et post aliquantulum congregati, de suis quasi tria millia Æthiopes advenerunt. Qui festinanter domum, in qua eramus orantes, vallo circumdantes, nosque cuncti aspicientes, per quatuor ejusdem domus angulos ignem copiosum applicuerunt, vivos nos cremare nitentes. Quod nos ut aspeximus, timore valido exterriti, Christum omnium Salvatorem invocavimus, et in medium illorum prosilivimus. Tunc ipsi lingua sua multum

* Sequentia desunt in Menæis, et a viris quibusdam doctis censentur apocrypha.

invicem murmurantes, diuque contra nos frendentes, cum neque nos illos, nec ipsi nos ullatenus intelligere possemus, comprehendentes nos, in obscuro clausurunt carcere. Sedentibus ergo nobis in tenebris, non erat qui panem vel aquam tribueret. Nos denique cum lacrymis omnipotentis Dei creatoris omnium misericordiam invocare haud omisimus. Facientibus autem nobis ibi dies aliquot, iterum congregati, cum nos fame et siti exanimis credidissent, circumdederunt carcerem. Sed cum orantes nos aspexissent, aperiētes januam eduxerunt nos; et cum multum inter se murmurantes loquerentur, novissime cum lignis agrestibus (10) cædentes nos acriter, de finibus suis ejecerunt, et octoginta dies sine cibo explevimus, sicut testis est nobis Deus.

CAP. V. — « Ejecti itaque a finibus illis, iter fecimus dies multos in Orientem, et devenimus in locum admirabilem, et campum gloriosum, qui arboribus altissimis plenus, et mellifluis fructibus abundabat. Denique nos glorificantes et laudantes Deum, manducavimus dulcifluos fructus, et saturavimus nos valde. Itaque exeuntes inde, terram Chananæorum (11) ingressi sumus, qui ab aliis Cynocephali dicuntur; et videntes illos, in aspectu eorum valde mirati sumus. Ipsi vero cum mulieribus suis et parvulis, subtus in petris habitantes, nos omnino non tetigerunt, Christi nos protegente gratia.

CAP. VI. — « Inde igitur profecti contra Orientem, cum centum et decem dies eos pertranseuntes iter nostrum fecissemus, intravimus terram gentis quæ nominatur Pichiti (12); ipsa vero gens in statura et altitudine sua non plus quam mensuram unius cubiti habebat. Et videntes nos, timore percussis fugerunt. Nos autem Deum collaudantes, qui de illorum manibus nos liberavit, cursum nostrum quotidie acceleravimus.

CAP. VII. — « Post hæc autem devenimus in montes altissimos terribilesque, ubi sol non intrat, nec arbor nec herba crescunt; ibi ergo serpentes innumerabiles, et dracones et aspides, sed et basiliscos, et viperas, et unicornes, et bubalos vidimus multos; alias quoque bestias mortíferas multas, et venenosa animalia, quorum nomina vel naturam penitus ignoramus. Dextera igitur Dei nos protegente, illæsi pertransivimus illa; sed et sibilos draconum et serpentium per viginti continuos dies in auribus habuimus, et non nisi aures obturantes illos ferre quivimus.

CAP. VIII. — « Interea in locum incidimus terribilem, rupes habentem asperrimas, in altum erectas, et in ima descendentes. Nos ergo septem dies ibi fecimus, ultra progredi non valentes. Septima autem post hæc die apparuit cervus ante nos ambulans rugiendo, quem surgentes secuti sumus. Iter autem facientes, multo majores invenimus ante nos rupes. Nos vero maximo cum labore et angustia exinde evasimus, et venimus in campum planum et magnum,

in quo elephantorum magna multitudo stabat, et per medium illorum illæsi transivimus. Post hæc itaque minime nobis apparuit via. Tunc nos cum lacrymis clementiam Domini invocantes, et per novem dies sine cibo per devia ambulantes, conjunximus tandem in locum planitie largum, qui fructibus plurimis abundabat. Jam ergo tenebræ densissimæ cuncta illa repleverant loca; nec aliquid lucebat, sed nebulae obscurissimæ erant. Tunc nos nimium turbati et afflicti, cadentes in terram cum planctu valido orantes clamavimus ad Deum, et in eodem loco dies septem complevimus, non manducantes nec bibentes, nec lumen cæli videntes. Nobis autem valde afflictis, et in oratione persistentibus, post dies septem adfuit columba, quæ nobis appropinquans, ac diu circa nos

volitans, et pennulas fortiter percutiens, quasi ad ambulandum nos confortabat. Tunc nos Deo agentes gratias, surreximus, illaque præcedente, per devia iter fecimus; et ecce ante nos maximam invenimus absidam (13), in circuitu scriptam. Videntes vero scripturam illam, gavisi sumus, et collaudavimus Dominum. Hæc autem erat scriptura: *Absidam istam fecit Alexander Philippi Macedo imperator, quando persecutus est Darium regem Persarum. Qui terram hanc ingredi voluerit, ad manum sinistram vadat; ad dexteram enim terra invia, et rupibus et angustiis est plena.*

CAP. IX. — « Nos igitur ad lævam intrantes, ambulavimus dies multos. Et factum est post quadraginta dies, euntibus nobis venit pessimus et intolerabilis fetor, ex quo velut exanimis effecti, et cadentes in terram, oravimus Dominum, ut jam clementer recipi juberet animas nostras. Post modicum vero surgentes a terra, aspeximus lacum magnum, et multitudinem serpentium in eo ignitorum; et ex ipso lacu exierunt voces, et audivimus ululatum et planctum magnum, quasi populi innumerabilis, et de cælo vox sonuit, dicens: *Locus iste judicii et pœnarum est, in quo cruciantur qui Christum negaverunt.* Nos autem vocem hanc audientes, et pectora percutientes cum lacrymis et timore nimio ipsum transivimus lacum, et venimus inter montes duos altissimos, et in medio ipsorum apparuit nobis homo longa statura (14), quasi centum cubitorum, et ipse catenis constrictus æreis, toto ligatus erat corpore. Duæ autem catenæ de una corporis parte, in monte uno erant fixæ, et duæ in monte altero, et ignis maximus in circuitu ejus ex omni parte. Vox autem clamoris illius audiebatur, quasi per quadraginta milliaria. Qui ut nos vidit, plorans et ejulans fortissime exclamavit: *crudeliter enim ab igne cremabatur.*

CAP. X. — « Cumque nos talia cerneremus, valde pertimimus; et cooperientes facies, a longe ipsos transivimus montes; et ecce in alium continuo devenimus locum, ubi rupes multæ et profunditas magna erat. Ibi etiam quamdam vidimus feminam crinibus solutis stantem, toto corpore a maximo et terribili dracone involutam. *Quandocunque ergo ad loquendum os suum aperire voluisset, caput suum draco confestim in os ejus mittens, linguam ipsius*

mordebat. Capilli autem hujus mulieris ad terram A usque descendebant. Cumque in illam mirantes et pavidi aspiceremus, subito de ipsa profunditate val-
lis miserabiles audivimus voces, dicentes : Misere-
re nobis, miserere, Christe, Fili Dei altissimi. Nos ita-
que vehementer exterriti, ponentes genua in ter-
ram oravimus, dicentes cum lacrymis : Domine,
qui nos creasti, tolle animas nostras, quoniam ju-
dicia tua oculi nostri viderunt in terra.

CAP. XI. — « Surgentes autem, ingenti luctu et
mœrore simul et timore venimus in locum alium, in
quo arbores multas et maximas vidimus, habentes
similitudinem flicorum : ☩☩ in ramis autem ipsis
volatilia multa, similia avibus cœli (15), voce hu-
mana fortiter clamabant, dicentia : Parce nobis,
Domine, qui plasmasti nos ; parce nobis, misericors, B
quia peccavimus ante faciem tuam, super omnem
terram. Nos autem oravimus, dicentes : Domine
misericordissime, ostende nobis ista, quæ vidimus,
miracula tua, quoniam ignoramus quid sint. Venit
ergo vox dicens . Non est vestrum nosse mysteria
quæ vidistis, viam pergitte vestram.

CAP. XII. — « Inde igitur cum ingenti pavore
egressi, devenimus ad locum honorabiliorem ac spe-
ciosissimum, in quo quatuor viri stabant, habentes
figuras venerabiles, tanquam mira pulchritudine de-
coras, ut credi aut fari omnino facile vix possit : isti
siquidem coronas aureas, gemmis et lapidibus hono-
rifice compositas, in capitibus habebant, et in mani-
bus palmas aureas gestabant ; ignis vero maximus C
ac terribilis ante illos, et spathas acutissimas ante
se tenebant. Nos vero ista cernentes, ac valido per-
culsi timore, exclamavimus ad illos, dicentes : Do-
mini et servi Dei excelsi, miseremini nostri, ut spa-
thæ et iste ignis nobis non prævaleant nocere. At
illi respondentes nobis, dixerunt : Nolite timere,
viam quam vobis Deus demonstravit, ite securi :
nos enim Dominus in isto posuit loco, ut viam hanc
servaremus et custodiremus, usque in diem judicii,
quando orbem terræ judicaturus adveniet.

CAP. XIII. — « Hæc nos audientes a sanctis viris
illis, ac de longe eos salutantes, pertransivimus lo-
cum ipsum, et per quadraginta continuos dies ambul-
lavimus, nullum omnino cibum sumentes, aquam
tantum bibentes. Ambulantibus ergo nobis, subito vo-
ces populi innumerabilis (16) audivimus psallentium,
et odor suavissimus, quasi balsami optimi et pretio-
sissimi, venit nobis, et sicut de mellis favo dulcis-
simo, os nostrum indulcoravit. De suavissimo igitur
odoris nectare, ac cœlestis melodia cantilenæ sopor
nos arripuit. Post modicum autem surgentes e som-
no, vidimus ante nos ecclesiam, mirabili ornatu
decoratam, ac pretiosissimam, quæ tota quasi crys-
tallina videbatur, in medio autem ipsius ecclesiæ
altare honorificum, et de altari aqua egrediebatur,
quæ lactis candidissimi colorem habebat. Nos autem
aquam ipsam in veritate lac speravimus. In circuitu
vero fontis illius stabant viri sancti et honorabiles,

et cantabant canticum cœleste, id est, voces cheru-
bim. Nos autem hæc intuentes, timuimus valde. Ipsa
vero ecclesia a parte Meridiana similitudinem habe-
bat lapidis prasini pretiosi, a parte Australi colorem
sanguinis mundissimi prætendebat, a parte autem
Occidentali tota erat alba, instar lactis et nivis can-
didissimæ : stellæ super ipsam ecclesiam plus quam
hujus mundi sidera lucebant, sol ibi septempliciter
lucebat et calebat, quam in hujus terræ regione ; al-
pes et arbores omnes plus altæ, et folia ac fructus
plures et dulciores, quam istius mundi arbores ha-
bebant ; sed et aves cœli aliter resonabant, quam
aves terræ istius : omnis autem terra ipsa duplices
habebat colores, id est, una facies alba erat ut nix,
et alia rubicundissimis coloribus erat. Nos igitur
stupentes, et in eodem loco adorantes, ac ipsos
viros salutantes, cum timore egressi, cœptum iter
arripere festinavimus.

CAP. XIV. — « Denique post hæc centum impleti
sunt dies, ut Dominus testis est nobis, quod nullo
refecti sumus cibo, aqua nos frequentius refocillan-
tes : cum ecce subito euntibus nobis, venit populi
innumerabilis multitudo virorum ac mulierum ob-
viam, in unum conglobati ; non autem inter illos
longiorem præterquam unius cubiti staturam vidi-
mus. Igitur visis illis, valde pertinuimus. Tunc mi-
serabilis ego peccator Theophilus dixi fratribus meis
Sergio et Hygino : Solventes capillos nostros, venia-
mus adversus eos ; forsitan fugient a nobis, et libera-
bit nos Dominus de manibus illorum. Quod cum ipsis
visum fuisset bonum, solutis fasciis et capillis no-
stris, irruimus super eos repente, ipsi autem hoc
cernentes, confestim filios suos arripientes, striden-
tesque dentibus, citius aufugerunt omnes. Nos autem
Dominum collaudavimus, qui eripuit nos ; et trans-
euntes flumen, invenimus herbas candidas et albas,
sicut lac ; dulces velut mel. altas vero usque ad unum
cubitum. Manducantes itaque de herbis mellifluis,
ac nos saturantes ex eis, gratiarum actiones Crea-
tori omnium obtulimus, qui nos per tanta servavit
pericula, ac gratuita nos sua gratia nutrebat. Nos
interea iter agentes per devia, subito semitam in-
venimus speciosam ; et cadentes in terram, adora-
vimus et collaudavimus Dominum misericordem,
qui eam nobis demonstravit. »

CAP. XV. — Igitur per dies plurimos ipsam viam
sequentes, tandem ad speluncam pervenimus hono-
rabilem. Tunc signaculo sanctæ crucis membris un-
dique munitis, in eandem ingressi sumus cryptam,
sed nullum ibi invenientes habitatorem, diximus in-
ter nos : Munditia hæc non est, nisi de manu homi-
nis. Maneamus ergo hic, usque ad ☩☩ vesperam,
et videre habebimus loci hujus habitatorem. His ergo
dictis, una hora, utpote lassus, resedimus, et subito
odore suavissima perfusi, obdormivimus. Rursum
igitur parvo intervallo excitati a somno, foras spe-
luncam exivimus, et contra Orientem respeximus ;
et ecce subito figuram hominis a longe properantis
vidimus, cujus capilli capitis, instar lactis candidis-

simi aut nivis, quasi in aera volantes, totum viri corpus operuerunt. Ipse autem mox, ut nosa longe respexit, semetipsum in terram projecit protinus, ac rursum elevans se, ad nos ita clamare cepit : Si vos ex Deo estis, sanctæ crucis signaculo munite vos, ad me usque properantes ; sin autem ex diabolo, fugite a meo Dei servo. Hæc eo dicente, tali voce affatus sumus : Benedic nobis, Pater sancte, et noli turbari, quoniam et nos servi sumus Jesu Christi, Domini et Salvatoris nostri. Renuntiavimus siquidem sæculo huic vano, factique sumus monachi. Talia ut audivit, illico ad nos venit ; et manus suas ad cælum elevans, diutius oravit ; et surgens ab oratione, capillos ab ore et facie sua tollens, benedixit nos. ac locutus est nobis. Ipsius vero capilli capitis ac barbæ (17) erant candidi ut lac, faciesque ejus sicut vultus angeli. Erat enim sicut lignum secus aquarum decursus plantatum (*Psal. 1*), et præ senectute nimia, oculi ejus non aperiebantur, eo quod supercilia eos cooperiebant ; unguæ quoque manuum ejus ac pedum longæ nimis, barba vero et capilli, corpus ejus omne circumdederunt : loquela illius exilis, et quasi de profunditate emissa ; cutis faciei ejus quasi pellis testudinis.

CAP. XVI. — Tunc ipse cum lacrymis ad nos exorsus est ita : Fratres mihi benedicti, unde estis ? vel unde huc advenistis ? dicite nobis qualiter se habeat genus humanum, vel quomodo fides Christianorum, et si Sarraceni vel ethnici hactenus Christi populo persecutionem ingerunt. Nos itaque ut interrogati sumus, ei per ordinem responsum dedimus, simul dicentes angustias et pericula, quæ per omnem passum sumus viam, et quia voluntas ac desiderium esset ire ubi cælum terræ se jungit, aperuimus. Ipse autem ad hæc respondens, ait : Filioli mei charissimi, audite me. Ab isto loco ultra ad paradisi loca non potest ire homo carne vestitus. Ego enim peccator exiguus, valde in hac etiam voluntate laboravi, cupiens ultra procedere, ut finem terræ ac poli cernere quavissem, sed nocte quadam astitit mihi in visu Domini angelus, dixitque ad me : Ne ultra procedas, neque Dominum tentare præsumas. Cui ego : Quam ob causam, inquam, mi Domine, in antea pergere non licet ? At ille : De isto, inquit, loco viginti sunt milliaria usque ad paradysum, ubi Adam et Eva in deliciis erant. Posuit denique Dominus ante eundem paradysum cherubim cum ignea rhomphea (18) atque volubili, ad custodiendum vitæ lignum (*Gen. iii*) ; et habet a pedibus usque ad umbilicum similitudinem hominis, pectus sicut pectus leonis, manum sicut crystallum, habens gladium ut servet paradysum, ne aliquis illuc proximare valeat. Ego itaque hæc audiens ab angelo, amplius non respondi, nec ultra procedere tentavi. Igitur ego Theophilus, et itineris mei socii ac fratres, ista a sancto audientes, prostrato omni corpore, collaudavimus Dominum, et ipsum servum Christi salutavimus.

CAP. XVII. — Vespere autem facto, dixit nobis : Fratres mei dilectissimi, exite foras cellulam, et

expectate paululum ; habeo enim leones duos, qui per diem foras ambulantes (19), sero ad me revertuntur, ne ipsis subito venientibus, mali aliquid patiamini ab eis. Nobis ergo cum pavore paululum exeuntibus, leones rugiendo extemplo advenerunt, et ipsum sanctum Dei adoraverunt. Ipse vero manus super eos ponens, ac colla demulcens, ait illis : Filioli mei, boni fratres tres de sæculo venerunt ad nos, ne faciatis illis malum. Continuo nos advocans, dixit : Fratres, venite, et jam timere nolite. Nos vero cum pavore nimio intrantes, salutavimus illum, et vespertina synaxi celebrata, resedimus, glandes ac herbarum radices pro cibo sumentes, et aquam bibentes cum silentio. Mane autem facto, locuti sumus viro sancto, dicentes : Pater sancte et domine, obsecramus tuam beatitudinem, ut conversationem tuam nobis enarres, et quomodo huc, aut unde venisti, et quo nomine voceris, edicito nobis.

CAP. XVIII. — At sanctus nobis tale dedit responsum : Ego, inquit, mi amantissimi fratres et filii, Macarius vocor, in regali civitate natus et nutritus, filius viri Romani, qui inclytus fuit, et in imperiali pollebat civitate. Cum autem pueriles excessissem annos, me renuente ac nolente, pater meus desponsavit mihi uxorem, diemque statuit nuptiarum. Interea thalamo adornato, cum jam frequentia populi fuisset invitata, et sponsa sedente, pater meus hilarior effectus, cunctos invitatos hortatur ad voluptatem convivii. Omnibus autem, qui aderant, jocos ac saltationibus intentis, furtim exivi, et domum viduæ cujusdam familiaris intravi, ac septem dies cum illa latitans permansi. 229 Ipsa autem diebus singulis domum patris mei ingressa, audivit quæ de mea inquisitione loquebantur ; et veniens, cuncta mihi replicans dixit. Pater autem meus cum me undique requirendo non inveniret, flevit amarissime, sed et mater, ac tota familia. Octava exinde die, id est, nocte Dominica, mulierem illam salutavi, et egressus in publicam viam, inveni virum quemdam canitie venerabilem, quasi ad ambulandum paratum stantem. Quem adorans, dixi : Quo pergere habes, senior sancte ? At ille hilari vultu ad me conversus, dixit : Quo tu ire desideras, ego tecum ire dispono, eo quod itinera ipsa mihi oppido sunt cognita. Tunc ego confortatus, cepi hominem sequi. Per domus vero exinde intrantes vicinas, per viam panem rogavimus accipere, et accepimus. Per plurimos autem dies ambulantes, tandem pervenimus ad locum tormentorum, et intravimus angustias viarum omnium, unde vos venire dixistis. Cum ergo ad triginta milliaria prope locum istum venissemus, quadam die sedentibus nobis, inter ipsa mutua colloquia, repente socius meus disparuit. Tunc ego nimium turbatus, et quo me verterem, ignarus, cadens in terram, plangebam validissime. Et ecce confestim sine mora is qui ante disparuit cum magna claritate apparuit, et ita affatus est me : Noli turbari, dilectissime, ego enim sum angelus Raphael (20), in adjutorium tibi missus, qui te huc perduxit præcepto Altissimi. Do-

minus autem viam tuam prosperam fecit. Loca siquidem tenebrarum, loca tormentorum, loca pœnarum pertransisti, in lucem venisti, fontem aquæ vivæ et loca justorum vidisti; idcirco noli timere, sed surgens, viam tuam proficiscere. Quo dicto, rursus qui apparuit, disparuit.

CAP. XIX. — Ego vero interea viribus receptis, surgens ambulare cœpi, et a longe onagrū intuitus, clamavi, dixique illi: Ave, per Christum, qui te creavit, ostende mihi viam, per quam ambulem; ipse autem concite occurrens, ingressus est ante me per semitam quamdam parvulam et angustam. Quem ego subsecutus sum, sicque duos complevimus dies, simul ambulantes. Die autem tertia, aspeximus cervum miræ magnitudinis a longe. Quem onager videns et pertimescens, declinavit a me; iterum ego solus relictus, angustiatus sum, viam omnino non habens. Tunc contra cervum clamans, dixi: Quia adiutorium mihi tulisti, per Deum te conjuro, semitam mihi ostende. Ad hanc vocem veluti animal domesticum ad me declinans, angustum ingressus ad callem, post tergum me semper aspiciens. Sic ergo tres simul ambulavimus dies. Tum ecce quarta die immensum ac terribilem offendimus draconem, mediam distentum per viam. Quem ut cervus vidit, repente fuga elapsus evasit. Ego interim timore valido percussus, in terram cecidi; deinde confortatus in Domino, surrexi, ac me signo sanctæ crucis muniens ad draconem dixi: Deum omnipotentem time, et noli mihi nocere. Tunc ipse terribiliter de terra se erigens, humana me affatus est voce, dicens: Veni, benedicte domine, tu enim es servus Dei altissimi Macarius. Angelus autem sanctus Raphael, figuram et vultum tuum mihi demonstrans, præcepit concite ut tibi occurrerem, atque perducerem in locum a Deo tibi præparatum. Ego itaque quarto hodie die te hic exspectavi, nihil omnino comedens. Hac vero nocte innube lucidissima te sedentem aspexi, simul et vocem desuper audivi, dicentem mihi: Accelera ut cripias Macarium servum Dei, qui adest, ut tibi prædixi. Quapropter surgens, sequere me, ne dubites; sed veni, et locum monstrabo tibi, ubi Dominum debeas collaudare. His ergo dictis, quasi vir juvenis apparuit, et mecum ad speluncam hanc usque pervenit. Cumque ingressi fuisset, repente evanuit.

CAP. XX. — Tunc ego peccator in parte altera prospexi duos leonis catulos jacentes, mater autem illorum juxta illos mortua jacebat. Quam ego foras ejiciens, sepelivi, et Dominum collaudans, glorificavi, qui tanta in mirabilia fecit, et de tam gravibus angustiis liberavit, ipsos autem leunculos, frondes arborum decerpens ac illis porrigens, ut proprios enutriverit filios; sicque duos annos insimul quiete habitantes complevimus. Cum ecce post hæc laqueus diaboli, cujus nunquam a servis Dei cessat invidia, adfuit. Nam die quadam, hora quasi septima, e spelunca foras egressus, sole fervescente resedi: tunc subito subtile (21) fasciolum et oculis

A delectabile juxta me in terra positum aspexi. Ego vero in memetipso cogitans dixi: Unde in hac solitudine fasciolum? Æstimans tamen quia in veritate esset fasciolum, oblitusque ego miserimus me signo crucis munire, quoniam quidem sacrosanctæ crucis signaculum omnem inimici enervat phantasiam, misi manum, et levans fasciolum reportavi in speluncam. Altera nihilominus die egressus, calceos (22) femineos reperi jacentes in terra: sed nec tunc miser ego insidias diaboli advertens, nec crucis vexillo me muniens, calceos levavi, et in speluncam portans, fasciolo junxi. 230 Tertia autem jam die iterum exiens, diabolum in decore vel specie mulieris, vestibus pretiosis indutæ, stantem inveni: ego vero miserabilis nec sic quidem laqueos inimici recordans, nec aliquo modo me signans, sed credens in veritate quia mulier esset, aio ad illam: Unde huc advenisti? aut quis te in hanc adduxit solitudinem? Illa continuo flere amarissime cœpit. Tunc ego misellus, simul cum illa veluti compatiendo valde ploravi. Post hæc respondens dixit: Ego miserima, o pater sanctissime, filia sum viri Romani; quæ cum me invitam ac nolentem desponsasset juveni cuidam nobilissimo Romano, ac dies nuptiarum veniret, et thalamum ac convivium ordinarent, inter nuptias ipsas sponsus meus disparuit. Cumque turbati omnes, huc illucque eum inquirendo, turbarentur, ego gavisæ effecta, clam exii; et nocte eadem iter arripiens, nec itineris duce aliquo modo habens, per angusta montium ac vallium errando hucusque perveni. Hæc ego cum audissem, et omnia ita esse credidissem, simul et sponsam meam fore sperans, per manus apprehendi illam, et in hanc introduxi speluncam: lacrymæ vero ab ejus oculis nullatenus cessabant. Tunc ego miseriis et lacrymis ejus compatiens, et valde super eam dolens, sedere eam juxta me feci: similiter et glandes illi ad manducandum præbui, non enim insidias diaboli intellexi, neque ullatenus crucis me signo munivi; sed similiter sedentes, diutius colloquia habuimus. Tunc cœpi quasi de labore nimio somno gravari; at illa manibus suis mea omnia membra mulcendo palpavit, et eo amplius somno gravatus sum. Quid morer? miser ego, qui antea nunquam cum femina peccare consensi, in somnis me peccatum perpetrasse cognovi; nam subito expegefactus e somno, quasi cum femina discoopertum me in terra jacentem inveni, ipsa jam vero non apparuit.

CAP. XXI. — Tunc infelix ego insidias diaboli sero advertens, foras speluncam citius exivi, et pectus feriens, ingentes lacrymas fudi. Ipsi interea leones, qui mecum aderant, meum intelligentes delictum, quantocius fugerunt a me. Hæc autem cum cernebam, fugisse scilicet leones, cum luctu nimio ac dolore, cœpi Christi misericordiam devote invocare, quatenus et mihi pœnitentiæ normam ostenderet, ac leones redire juberet. Nec mora, clementissimus Pater, qui me ad pœnitentiam servare voluit, illos confestim fecit redire leones, mecumque ingressi in

hanc speluncam, humum pedibus suis ad unius staturam hominis aggerebant; ego autem hæc intelligens, collotenus ipsam intravi fossam, ipsis impetrans leonibus ut in eodem me sepelirent loco. Quod cum factum fuisset, annos tres sepultus in eadem fossa peregi. Interea ingenti pluvia descendente, rupta est spelunca desuper caput meum ubi stabam, et lucem vidi, et foras manus emittens, herbas quæ in circuitu super caput erant, decerpsi et comedi. Tribus itaque annis evolutis, adfuerunt leones, et lumen circa me videntes, effodiebant humum in qua me sepelierunt, ego quidem toto corpore sanus egressus sum, virtutem pristinam in me sentiens. Tunc glorificans Dominum meum Jesum Christum, exivi de spelunca, ponensque genua mea in terra, quadraginta dies et quadraginta noctes in eodem immobilis permansi loco, collaudans et obsecrans Deum, et gratiarum actiones offerens, qui tanta misericordiarum munera nobis peccatoribus jugiter præstat.

CAP. XXII. — His ergo completis diebus, respexi in speluncam, et ecce quatuor anguli ejusdem speluncæ lumine cœlesti resplenduerunt valde; et vidi Salvatorem Christum in schemate viri, quasi auream habentem in manibus virgam, ac dulcisona voce mirabilem cantum personantem; vox autem illius vehemens et fortis, quasi mille hominum audiebatur. Cum vero jam melodiam cœlestis cantici explerentur, repente vox tribus vocibus insonuit, dicens: Amen, et in sempiternum amen. In ipsa igitur hora egressus a spelunca Salvator, scandeat ad æthera, et ecce continuo maxima ignis columna, quasi nubes valida, intravit speluncam, et facta sunt tonitrua, et immensæ coruscationes, et omnia cœli volatilia secundum proprias audivi voces canere, dicentia: Sanctus, sanctus, sanctus, Dominus Deus. Ego itaque dum hæc cernerem, simulque audirem, propter visionis magnitudinem territus valde sum, et in extasi raptus, cecidi in terram, et octo dies inde permansi, tunc namque intellexi quia Salvator mundi Christus Dominus hanc ingressus speluncam benedixerit, illamque sanctificaverit. Tunc ego introgressus in eam, pro ignorantia propria ac negligentia, cœpi satisfacere, collaudans et glorificans Christum Salvatorem ac Redemptorem nostrum, et creatorem omnium, qui tanta me sustinuit patientia, et perduxit ad pœnitentiam, et rursus talem mihi demonstravit clementiam. Quando autem hæc acta sunt, septem in hac spelunca, ætatis vero quadraginta annorum habebam.

Ecce nunc vobis, velut filiis charissimis, omnem

ROSWEYDI NOTATIO.

(1) *Macarii Romani.*] Nulla hujus mentio in Martyrologio Romano. Menologium Græcorum, 23 Octobris: « Eodem die commemoratio S. P. N. Macarii Romani. » Menæa fuse eodem die Acta ejus expriment, quæ cum his nostris plane conveniunt. In Menæis tamen peregrinatio et itinerum difficultates, quas tres peregrinantes Vitæ hujus auctores subiере, omittuntur. Unicuique Vita hujus Ms. exemplar habuit ex abbatis Einhamensi, caractere plane recenti.

PATROL. LXXIII.

A vitam meam in veritate enarravi. Vos ergo, si pugnas vel insidias maligni hostis sufferre potestis, considerate, et hic nobiscum manete, sin alias, ad monasterium, de quo egressi estis, revertimini, et Dominus sit in itinere vestro.

CAP. XXIII. — Nos autem cum ista e sancto Dei audissemus, cadentes in terram, glorificavimus Dominum, qui facit mirabilia solus, et ad sanctum servumque Christi locuti sumus Macarium, dicentes: Pater beatissime Macari, ora pro nobis ad Dominum, ut ad nostrum remeare possimus monasterium, atque conversationem tuam sanctam per omnes Christi Ecclesias enarrare, credimus enim quia Dominus idcirco nos perduxit ad te. Tunc senior diutius super nos orationem fudit, et fusa oratione, benedixit atque osculatus est nos omnes, et commendavit Christo, ut in pace dirigeret viam nostram, deinde tradidit nos leonibus illis, præcipiens eis ut transducerent nos, quousque loca tenebrarum pertransiremus, ubi pridem septem dies et totidem noctes in tenebris jacuimus. Dimissi ergo a servo Christi sancto Macario, prospere ad absidam Alexandri pervenimus, ubi leones salutantes nos, concito gradu reversi sunt ad servum Dei.

CAP. XXIV. — Igitur favente Christo Deo, sine angustia aliqua nostram ambulavimus viam, et introcuntes terram Persarum, venimus in campum mirabilem, qui dicitur Assia, ubi sanctus Mercurius interfecit apostatam Julianum, et ingressi denuo sumus civitatem Kitisefodo, in qua pueri tres requiescunt, non longe a Babylone. Post hæc Tigridis flumen pertranseuntes, quintodecimo die intravimus Jerusalem, et ad sepulcrum Domini nostri Jesu Christi, per cuncta loca sancta sanctorum orantes, gratiarum actiones Christo Salvatori omnium libavimus qui nos sua gratia incolumes servavit euntes et redeuntes. Inde igitur egressi, veloci cursu ad nostrum pervenimus monasterium; et nostrum hegumenum, et fratres nostros omnes in pace et sospitate reperientes, per ordinem quæ vidimus et audivimus mirabilia, et misericordias Domini, sed et vitam et conversationem beatissimi Macarii illis enarravimus. Quotquot autem hæc audiebant, laudabant et glorificabant, et hymnum dicebant Deo Patri omnipotenti, et Filio ejus unigenito, Domino ac Salvatori nostro, nec non et Spiritui vivificatori et illuminatori animarum nostrarum, qui trinus in personis, unaque Deitate nominatur, vivit et regnat ubique Deus benedictus et laudabilis, nunc et semper, per immortalia sæcula sæculorum, Amen.

Baronius in Martyrologio Romano, ad diem 11 Januarii, existimat de hoc Macario Romano agere Palladium, dum cap. 123 enumerat eos qui ad Pinianum maritum parvæ Melaniæ, quæ nunc in Sicilia, nunc in Campaniæ agris exercebatur, accesserunt: « Similiter, inquit, etiam quidam nomine Macarius ex vicaria. » Baronius hic intelligit vicariam præfecturam, recte, quod ex ea monasticam vitam amplexus sit.

Non existimo tamen Macarilium hunc nostrum Romanum eundem esse cum Macario Palladii; imo potius Macarium Palladii esse eum cujus meminit Rufinus in apologia sua. Vide dicenda ad Palladium. Baronius ait Acta hæc, auctore Theophilo, minus probari; quæ autem in Actis offendant non exprimit. Ego ea passus sum in hac editione comparere, quia hactenus in omnibus editionibus prodierunt. Et vero Menæa Græcorum ea quoque suo inserunt officio, et Gratianus xxvii, q. 2, cap. 26, ex eis testimonium citat. Acta igitur hæc cum Menæis comparavi, ut appareat in quibus Græci cum Latinis conveniant. Erunt fortasse qui ea saltem amplectenda censeant, in quibus utriusque consentiunt. Vertit ea ex Menæis Raderus noster, et Viridario suo Sanctorum, parte I, inseruit.

Quod si divus Hieronymus in Vita Pauli primi eremitæ ad hanc historiam (in qua, cap. 15, dicitur « quod barba et capilli corpus ejus omne circumdederunt ») respicit, ubi ait in prologo, inquirens de primo eremico cultore: « Nonnulli et hæc et alia, prout vellent tulit, jactitant, subterraneo specu crinitum calcaneo tenus hominem, et multa, quæ persequi otiosum est, incredibilia fingentes. Quorum quia impudens mendacium fuit, ne refellenda quidem sententia videtur; » si, inquam, Hieronymus ad hanc historiam respicit: omnino vetus est fabula, et ejus judicio explosa.

(2) *Theophilo, Sergio et Hygino.*] Ita auctores hos expriment Menæa. Editi Latini pro *Hygino* exhibent *Thimum*, Ms. *Gunnun*.

(3) *Asclepien Hegumenus.*] Menæa: Ἐκ τῆς μονῆς τοῦ ἁγίου Ἀσκληπιοῦ, ex sancti *Asclepii canobio*. Theodoretus in Philotheo, cap. 25, meminit Asclepii admirabilis monachi, decem stadiis a Cittica vico, ubi Zebinas sepultus, et Polychronius ejus discipulus videtur vixisse. Sed cum illi ætate Theodoreti 289 vixerint, antiquiorem aliquem Asclepium fuisse existimo, qui huic monasterio in Mesopotamia sito præfuerat, a quo et nomen accepit.

(4) *Hora nona quoddam die synaxi expleta.*] De hora nona, qua synaxis solvi solet, et jejunium resignari, vide Onomasticon.

Omnia hæc sequentia capita, quibus lunulas curavi præfigi, quæ stupendas continent peregrinationes, desunt Menæis. Existimo tamen fuisse in exemplari prototypo, ex quo Menæa suam de Macario historiam hausert. Sed ommissa in Menæis esse, quod Vitam Macarii non spectarent. Certe Menæa horum trium sequentes peregrinationes satis his verbis insinuant: Καὶ τῆς πορείας ἀρξάμενοι ἀλλεπάλληλα, ἠδρισκὸν δεῖνά, πῆ μὲν ἐξ ἀνθρώπων, πῆ δὲ ἐκ θηρίων ἠλιθόμενοι κακορροῦμενοι (sic), καὶ αὐτοὶ ἐστὶν ὅτε τῆς ἐκ τῶν ἀγρίων βοτάνων τροφῆς στερούμενοι. « Iter auspiciati alia ex aliis mala experti sunt, modo ab hominibus, modo a feris illata, nonnunquam ab herbarum agrestium pastu retardati. » Quibus apparet Menæa paucis hæc peregrinantium incommoda, quæ aliquot sequentibus capitibus narrantur, exprimere.

(5) *Ubi cælum terræ jungitur.*] Fuit veterum multorum sententia, planam esse terram, nec antipodes ullos esse; atque ita cælum alibi terræ jungeretur. Quin multi paradysum certa terræ regione statuerunt, sublimiore, ubi cælum terræ jungitur. Alcimus Avintus, lib. 1 de Genesi:

Ergo ubi transmissis mundi caput incipit Indis,
Quo perhibent terram confinia jungere cælo,
Lucus inaccessa cunctis mortalibus arce
Permanet.....

(6) *Conjunctimus Jerusalem.*] Phrasis istius sæculi. Sic ante, cap. 2, ibi denique conjungentes. Sic post: *conjunctimus tandem*, id est, pervenimus. Quam frequens olim fuerit Jerosolymitana peregrinatio, patet variis horum librorum locis. Vide Onomasticon.

(7) *Consignant nos, et commendantes Christo, et sanctis ejus.*] Religiosus antiquorum patrum mos ad

ingressum itineris signare se signo crucis, et Deo sanctisque iter suum commendare.

(8) *Asia, in quo martyr Christi Mercurius.*] Certum, in Perside Julianum occisum. Vide Baronium, tomo IV, anno Christi 363, Liberii papæ 12, Juliani imp. 2, varie inquirentem de percussore Juliani.

(9) *Kitisséfodo.*] Existimo hic intelligi Ctesiphontem Persidis civitatem. Quod autem addit Ananiam, Azariam, et Misaelem hic quiescere, nescio unde hauserit. Martyrologium Romanum, 16 Decembris: « Trium puerorum Ananiæ, Azariæ, et Misaelis, quorum corpora apud Babyloniam sub quodam specu sunt posita. » Certe Ctesiphon non procul a Babylonia, uti etiam hoc loco in Vita Macarii dicitur.

(10) *Lignis agrestibus.*] Intelligit, opinor, rudia et impolita ligna. An Phalanges Plinii, lib. vii, cap. 56, quibus olim prælia committebant Afri?

(11) *Chanaxorum.*] Mirum hoc, nec alibi mihi lectum, Chanaxos eosdem esse cum Cynocephalis.

(12) *Pichiti.*] Manuscriptus *Pytici*. Unde quis forte formet *Pythecos*, unde *Cercopytheci*. Sed *Pichiti* habent veteres editiones et Manuscr. addit: et hi alio nomine vocantur *Pigmæi*.

(13) *Absidam.*] Manuscriptus addit, *id est arcum*. Olim et *absis*, et *absida* æque erant in usu. Vide Onomasticon.

(14) *Homo longa statura.*] Non novum, pœnarum locis vel a diabolo infestatis monstra quædam apparere. In Vita Antonii, cap. 38: « Vidit quemdam longum atque terribilem caput usque ad nubes attolentem. »

(15) *Volatilia multa similia avibus cæli.*] In Vita sancti Antonii, cap. 38: « Vidit etiam pennatos quosdam se elevare cupientes ad cælum. » Quod apud Paschasium, cap. 19 n. 4, « tanquam aves inquietas animas volantes vidit Antonius. »

(16) *Subito voces populi innumerabilis.*] Multorum opinio fuit, animas quasdam versari in campo antecessissimo. Ita Beda, lib. v Hist. Anglicæ, cap. 13; Dionysius Carthusianus, in dial. de Judicio particulari, art. 31; et Ludovicus Blosius, Monili spirituali, cap. 13. Vide Bellarminum, tom. II, contr. gen. iii, quæ de Purgatorio, lib. II, cap. 7; Suarezium, in III part., disp. 46.

(17) *Ipsius vero capilli capitis ac barbæ.*] Ita hæc Macarii delineatio ad verbum est in Menæis Græcis: Ἦσαν δὲ αἱ τρίχες αὐτοῦ λευκαὶ ὡσεὶ γαῖον· τὸ δὲ σῶμα αὐτοῦ, ὡς δέρμα γελῶντος· ἐκ δὲ τοῦ πολλοῦ γήρωτος, πελασμέναι ἦσαν αἱ ὀφθαλμοὶ αὐτοῦ ἐπάνω τῶν ὀφθαλμῶν αὐτοῦ, καὶ οἱ ὄνυχες τῶν χειρῶν καὶ τῶν ποδῶν αὐτοῦ πλεον εἶχον τῆς σπιθαμῆς· αἱ δὲ τρίχες τοῦ πώγωνος αὐτοῦ, μέγρι τῶν ποδῶν αὐτοῦ.

(18) *Cherubim cum ignea rhomphæa.*] Variæ de cherubim paradisi custodibus opinio. « Non est credendum, inquit Theodoretus, cherubim dicere virtutes quasdam invisibiles, ut quidam existimant, quoniam invisibilis natura nihil isthic contulisset, cum visio sensibilis esse deberet, qui ipsum Adam extereret. Non igitur gladius illè flammæ naturaliter dignus erat, sed visu talis; neque cherubim erant animalia, sed talia videbantur. » Addit porro: « Et statuit Cherubim, » Genesis III dictum, « ut indicet potentem quamdam et terribilem visionem, et formam, perinde ac si quædam animalia in ingressu paradisi collocasset, quibus inde arceretur Adam. » In eadem opinione fuit Theodorus Heracleæ episcopus, itemque Procopius Gazæus. Vide Pereritium nostrum, ad cap. Genesis III.

(19) *Qui per diem foras ambulantes.*] Contrâ aliorum morem: « Leo, » ait Hieronymus III cap. II Nahum, « semper noctibus circuit. » Et Psalmo ciii: In ipsa (nocte) pertransibunt omnes bestiæ saltus.

(20) *Raphael.*] Dux hic fuit Macario, ut olim Tobie.

(21) *Fasciotum.*] Menæa, σουδάριον.

(22) *Calceos.*] Manuscript., *caligas*. Nempe caligæ erant olim calceorum loco. Sic auctor. cap. XII, *Calcea te caligas tuas*.

VITA BEATI POSTHUMII ⁽¹⁾,

PATRIS QUINQUE MILLIUM MONACHORUM,

INCERTO AUCTORE.

Prologus.

Quoniam desiderio desiderasti semper audire quæ sancta sunt; et nos, ne silentio tempora peragantur, curare debemus: idcirco de operibus Domini tacere non possumus, quæ in servis suis indesinenter ostendit. At primum, de sancto Posthumio Dei servo sciendum, quo ordine eum Dominus ad suam vocare dignatus est gratiam, sicut referentium jactavit oratio, qui conversionis ejus ordinem noverunt. Hæc vestrae dilectioni scriptis intimare curavi, quomodo per rusticos Dominus credentibus in se manifestavit regni sui mysterium.

VITA.

§§ CAPUT PRIMUM. — Erat Posthumus Mempheus A genere, gentilis natus, ab infantia innocens, ignarus litterarum, et ab omni peritia alienus Ægyptiorum, ab eorum gentilium delubris semper extraneus. Fuerat restium spatarius (2), nunquam se adolescentium gregibus commiscuit, nec publici usus fabulas aliquando cognovit, pes ejus ad saltandum non est commotus. In vita sua nunquam de ore ejus turpis sermo processit, neque avaritia in cor ejus aliquando ascendit. Ad feminam oculos suos, cum adhuc esset in sæculo, non levavit; mendacium omni virtute vitavit; discordiam vel odium adversus proximum suum, neque contra extraneum, noverat; custodiebat pacem in animo suo per omne tempus.

CAP. II. — Cum ergo hæc ab eo gererentur, et annorum esset triginta septem, placuit Deo eripere eum de corruptione peccatorum, et ad incorruptionem vitæ æternæ evocare. Unde fertur introisse ad eum angelum Domini, quando ipse plectam (3) de spato plectebat. Atque ad eum angelus: Posthumi. At ille ait: Quid est? Et dixit ad eum angelus Domini: Quid est in manu tua? Ille ait: Funis plectacius. Et dixit ad eum angelus Domini: Deum excelsum, qui habitat in cælo, nosti? Posthumus dixit: Domine, nescio si est Deus in cælo; sum enim rusticus, et nulla est mihi sapientia. Arti meæ inservio ab infantia mea, et nihil ab urbanis hominibus audivi quod dicerem, sed et publicum semper fugi accessum. Dixit ad eum angelus: Ora Deum, et dabitur tibi sapientia et intellectus. Posthumus dixit: Deum non novi orare, nescio enim quid dicam. Et accepit angelus folium lauri, et scripsit in eo verba orationis, et dedit illud Posthumio, dicens: Manduca illud, et erit amarum in ore tuo sicut fel, ventremque tuum implebit obsecrationibus sapientiæ, et dabit tibi formam orationis et sanæ doctrinæ. Et accipiens Posthumus, manducavit: et factum est os ejus amarum. Porro venter ejus dulcedine impletus est, et magni-

ficavit Dominum valde. Vere autem credidimus in eo impletum illud prophetæ Ezechielis (*Ezech. III*), vel Joannis apostoli (*Apoc. x*), qui librum de manibus angelorum accipientes, comederunt et adimpleti sunt sapientia ad prophetandum.

CAP. III. — Item angelus Domini tetigit labia Posthumii. Et depulsa amaritudine, lingua ejus de Deo loquebatur ingentia. Dixitque ad eum angelus: Posthumi, fige genua tua in terra, et faciem tuam ad Orientem, et tunc dabitur tibi a Deo quemadmodum possis orare. Et posuit Posthumus genua sua in terram, faciem quoque etiam ad Orientem, et infusa est ei oratio, et ait: Benedicam te, Domine Deus omnipotens, rex cælestis, qui ignorantibus te nomen tuum innotescere facis, per Dominum nostrum Jesum Christum Filium tuum, nomen tuum efficiens manifestum, ut populum tibi congregaret ex omnibus gentibus adoptivum. Nam volens mundo succurrere labore laboranti, propter generis humani salutem, unico Filio non pepercisti. Per eum ergo te obsecro, et tuam misericordiam, ut mihi cæco verum lumen in tenebris constituto ostendas. Tu enim, Domine, nosti quia nullum sciebam omnino sermonem, et dignatus es donare quod loquerer ad te, et docuisti me quibus te rogarem. Ex me ipso cognosco, Domine Deus meus, quia vere cæci vident, surdi audiunt, mutorum linguæ solvuntur, claudi ambulant, leprosi mundantur, pauperes evangelizantur, peccatores vocantur (*Matth. XI*). Quis eram ego, quia recordatus es mei? In quo prævalet apud te pusillanimitas mea, quia requisisti me? Quare nunc peto ut a sordibus me abluas peccatorum naturalis miseriam meam, quæ me longo tempore pressit; vivebam enim eruditus a parentibus infideliter more gentilium tanquam socius jumentorum. Misisti tu mihi angelum tuum, et percussisti femur meum, aperuisti que mihi saxeam pectus. Væ tacenti de te, quia ignis ustione trucidatur in sempiternum. Ecce in brevi cognovi

quoniam non est gaudium impiis apud te, nec peccatoribus lætitia post obitum veniet; nisi ad te convertentur, salvi esse non possunt. Et quoniam non est visum tibi perdere me, Domine redemptor humilitatis meæ, ostende mihi in melius, ut in pleno cognoscam Dominum et Salvatorem Jesum, et quod non est alius absque te, qui es benedictus in sæcula. Hæc oratio sancti Posthumii prima, per quam eum introduxit angelus Domini ad viam fidei requirendam.

CAP. IV. — Erat intentus ex hoc beatus Posthumius, quando ad eum angelus Domini remeare posset: fretus ex hoc sperabat, quod esset eum Dominus semper visitaturus. Cum autem pauci dies transissent, ecce Posthumius juxta consuetudinem suam restim torquebat ex junco. Et ingressus angelus Domini ad eum, ait: Ave, Posthumi. Statimque pavementus surrexit Posthumius. Et ait illi angelus: Vis ducam te ad virum sacerdotem Dei, qui te baptizet in nomine Patris et Filii et Spiritus sancti? Et respondit Posthumius: Domine mi sancte Dei, hoc est mihi optabile jucundumque valde, ut plene me viam doceas Dei, et quæ sit perfecta salus operum supernorum. Et apprehendit eum angelus Domini a vertice capilli capitis ejus, et duxit eum ad quemdam nomine Priscum (4), sanctum virum et timentem Deum. Aitque illi: Hunc doce quæ sit via Domini, sapientiæ et intellectus, et baptiza eum in nomine Patris et Filii et Spiritus sancti. Porro sacerdos Domini audiens, gratulatus est valde; sed sacerdos non intellexit angelum Dei esse, qui introduxit eum ad se. Statimque angelus in splendida mutatus effigie refulsit in faciem sacerdotis in albis vestibus, vultuque decoro. Tunc Christi sacerdos timore perterritus cecidit consternatus in terra. Rursumque angelus erexit eum, et ait: Ne timeas; conservus enim tuus et omnium fratrum tuorum ego sum (*Apoc. xii*). Oportuit enim tibi manifestare gloriam Dei nostri, ut scias quo modo hunc doceas verbum Domini, erudiens eum secundum salvationem ejus, ut vivat in æternum coram Domino. Hæc dicens, discessit ab eis.

CAP. V. — Priscus autem episcopus accepto secum Posthumio, docuit eum jejunare. Cui manum imponens, catechumenum fecit; atque ita velociter baptizavit, docens eum symbolum Sacramenti. Qui mox, ut baptizatus est, impletus est Spiritu sancto, et dixit hanc orationem: Gratias tibi ago, Domine Jesu Christe, qui per Spiritum sanctum reconciliare me dignatus es Deo Patri, et redemisti me a morte et a pœna æterna: quam non credentes in te consequuntur, peccatorum suorum ponderibus aggravati. Sunt autem peccata plumbo graviora, quibus ego lætor extractus, et de omnibus iniquitatibus et necessitatibus liberatus, exulto. Vere enim personarum acceptio apud Deum non est (*Act. x*), sed misericordia multiplex. Quomodo igitur indignus ego ad sedes accederem creaturæ tuæ, nisi tu me cœlesti digito tangeres, fœnum male aridum, quod in corporis materia habitare præceperas? velociter mihi voluisti subvenire, inimi-

cum legistua, qui mihi in carne dominabatur, subvertens: a sordibus aqua, Spiritus sancti regeneratione, mundasti. Loquitur in me anima renovata, quæ longo tempore inter oves perditas jacebat abjecta. Accepto signo lætatus sum quasi nominis magni: census imperatoris (5) militi infixo reparatur in gratiam. Quasi mutus accepi vocem. Loqui cupio filiis tuis, et hunc narrare in confessione, quoniam absolvisti captivum migrantem. Quæsisisti stultum per sapientiam, vitam donasti, egentem ditasti, mortuum resuscitasti, longe positum appropinquare tuæ majestati fecisti, alienum a conversatione Israel, socium sanctorum tuorum per Christi gratiam esse voluisti. Ideo confiteor tibi, et psalmum dicam nomini tuo, cum me docueris ordinem; psallam tibi, et benedicam nomini tuo in æternum, et in sæcula sæculorum.

CAP. VI. — 235 Igitur Posthumius baptismum consecutus, litteras nesciebat; sed tamen nomen Domini fidei augmento et robore de die in diem crescebat. Accendebatur fraternæ studio charitatis, humilitatis vinculo ad universos colligatus fuerat fratres. Charitatis jugum vehementer amabat: cunctosque fratres, qui aderant, ecclesiæ proxima loca inhabitantes, sollicite requirebat. Studiose psalmos dicebat; corpus vero suum jejuniis affligebat, in oratione Dei quotidie pernoctabat. Agrestes edebat herbas, et aquam frigidam bibebat. Cilicio corpus operum fatigabat, per eremum currens, ut miserum frangeret corpus, asserens esse peccatum, aliquando ab opere si vacasset. Verbositatem sermonis cavebat, divinis libris accommodabat aurem, jurare omnino detestabatur: mundum se in omni oratione sua exhibebat, plangere non desinebat: nam cum frequentia pateretur in corpore dæmonum tentamenta, ad nota orationum præsidia convolabat. Et ne amplius somno indulgere videretur, ut mortalia membra foeveret, paululum super saxa requiescebat, ut cum duritia lectuli doloribus ageret corpus, statim ad Dei consurgeret opus. Panem etiam suum ad mensuram accipiebat, et aquam ad mensuram bibebat. Nunquam pleno ventre a mensa recessit, nec sitim suam unquam satiavit, dicens, Non esse dignum si carnis voluntas esset impleta. Obedientiam vero et fecit, et docuit, patientia vero superbos et iracundos homines humiliter mitigavit. Sed quando Satanas suggestionibus suis cupiebat propositum ipsius impedire, oculos in cœlum levabat, et statim sanctum adesse sibi sentiebat auxilium. Talis ejus vita usque ad senectam fuit, qualis ab initio fuit, cum hæc gererentur in eo, ut omnino usque ad extremum, suum despiceret corpus.

Et si quando infirmitas febrium aut stomachi dolores gravi tormento eum afficerent, non dedit indulgentiam morbo infirmitatis, nec calidis usus est rebus, nec jejuniâ minoravit, æstimans quod si corpori calido cibo consuleretur, a Domino redemptio animæ non daretur. Nam si aliquando valetudo gravis debilia genua fatigaret, ita ut ad vigiliis Posthumius exurgere non valeret, orando et psallendo in

stratu suo non desinebat. Si lingua præsi siccaretur, cordis intima rugiebant, ne silentio ejus hostis animæ diabolus lætaretur, aut in opere Dei vir sanctus negligens inveniretur. Sed cum in tam districtiori vita Posthumius permaneret, ad baptizatorem suum perrexit, et ab eo commendatoriam orationem poposcit, et sine aliquo victu eremi petivit arcana: ibique multo tempore demoratus, innumeras dæmonum insidias pertulit. Sed Dominus, qui de mundo venerabilem converterat virum, quotidie cor ejus armabat ad sustinendas versutias dæmonum.

CAP. VII. — Nota igitur facta est sancto Macario, scilicet beati Antonii discipulo, conversatio Posthumii, et celebre ejus factum est nomen, visumque est illi ad hunc abire in eremum. Nam idem Macarius ab illustri viro Antonio monachorum fere quinquaginta millia susceperat gubernanda. Ejusdem igitur Macarii exitus de sæculo appropinquabat, et Dominico gregi, quis post ejus excessum magisterii nomine subrogaretur, inquirebatur. Sanctus itaque Macarius cum ad sanctum venisset Posthumium, excepit eum libenter, præcipue cujus jam ab angelo famam audierat. Non ergo ille ut hospes, sed ejus subtiliter explorare propositum venerat. Porro Macarii aspectibus, Posthumii complacuit conversatio, et eum suadere cœpit, ut sancti Antonii anachoretarum principis non gravaretur visitare reliquias. Sed cum omni virtute reniteretur, et abire penitus nolisset, in somnis Posthumius sine aliquo cunctamine ire jussus, divinæ contradicere non poterat majestati. Itaque cum Macario aggreditur iter, multitudinem congregationis monachorum, quæ a solo gubernatur Macario, ingressus, de quo sæpe (6) diximus corpus se pelisse magistri, cum spiritus ejus vocatus est ex sæculo.

Qui cum se in extremo vitæ istius temporalis aspiceret, advocato ad se sancto Posthumio, ita exorsus est ei: En frater, tempus resolutionis meæ instat; quapropter audiens bonum testimonium de te, finem senectutis meæ debilitatis supposui gressibus ad pertingendum usque ad te. Nunc igitur bene fecisti venire mecum. Suscipe ergo paterno amore gregem Dei ad regendum. Noli quærere quod tibi utile est, sed quod multis, ut salvi fiant (1 Cor. x); ne ergo neges suscipiendi honoris gratiam, mercedem a Domino recepturus tempore opportuno.

Tunc sanctus Posthumius pedibus ejus provolutus, ait: Charissime Pater, quomodo mihi tam magnæ multitudinis curam imponis, rustico homini, litteras nescienti? Provide igitur ex eis meritum hominem, qui possit cum sollicitudine tantas animas regere populorum. Tunc Macarius ait Posthumio: Excusationes non audio, neque causas recipio; hi enim omnes sub tua ditione manebunt, nec alius est tantæ abstinentiæ vir, qui possit istius populi gubernare 236 animas, ac sollicitè pertractare. Et ut certius dicam, dilectissime frater, te electione sua Dominus designavit ad suscipiendum hunc ministerii locum: nequaquam ergo cœlesti poteris contradicere jussioni.

A Nihil ex hoc Posthumius locutus est Macario; sed dum ejus verba secum in animo volveret, Macarius emisit spiritum; statimque populorum ingens turba intente ad funus currunt. Ibi psallentium multitudo, diversis hymnorum vocibus; quasi uno ore laudes Deo canebant, donec corpus ad sepulcrum deduceretur humandum: nemo tamen vehementer dolebat, eo quod sanctus Maerius tam velociter monasterium relinqueret, quoniam Dominus similem ei Posthumium gregi suo magistrum providerat.

CAP. VIII. — Tribus ergo diebus post sancti Macarii decessum orabat Posthumius, ut acciperet de cœlo fontem doctrinæ per Jesum in Spiritu sancto, ut posset tantam populorum militiam docere prudentiam. Tertio igitur die venit ad eum secundum consuetudinem, qui eum converterat angelus, et locutus est ad eum; et constituit eum monasteriorum doctorem et principem, in eum locum a quo Macarius recesserat; deditque ei formam spiritualium præceptorum, et abiit. Porro Posthumius congregatis fratribus cunctis, aperiens os suum, locutus est eis, dicens:

Audite, filioli, verbum quod Dominus locutus est vobis, præclaram præceptorum justitiam et charitatis regulam sensibus nostris volens infundere. Paterna enim voce loquor ad vos in nomine Domini nostri Jesu Christi, et Spiritus Dei nostri. Accepi enim formam de manu angeli, ut dicam universa quæ acciderint sensui meo, ad vestram ædificationem. Intente igitur præbete aures: Deus ipse mandavit quod de ore meo procedit.

C Prima est enim mandati confederatio, in omnibus vos obedire majoribus.

Secunda mandati est subjectio, ut in timore casto servitiis Domino.

Tertia positio est, ut temperanter et pie et juste vivatis in hoc sæculo (Tit. II).

Quarta mandati ratio, ut corpora vestra affligatis per omnia, quo possitis acquirere animarum salutem domando jejuniis, ac mortificando carnem, quia hæc est delectatio bonorum operum.

Quinta constitutio, orationi frequenter instare, sicut et Apostolus indesinenter orare nos jubet (1 Thess. v). Orantes quippe semper ac jejunantes, et fidei dona in memoria mentium tenebimus infixæ, ut possimus scaturlentium dæmonum superare naturam.

D Sequitur aliud genus erroris, in quo majus est animæ damnum, superbiæ malum per omnia esse cavendum: hæc angelum in primordio mundi de cœlo dejecit, et novimus superbiæ originale esse peccatum. Ad quam excludendam de cogitationibus nostris Deum semper deprecemur, ut donetur nobis forma humilitatis.

Accedit et alia infestatio mortis in corpore, si de sæculari vitiorum causa monachorum sollicitet quemquam.

Funiculum vero charitatis ante omnia inter vos habete, fide continua in spe manentes, quoniam ad regnum Dei festinatis æternitatis. Cura ergo disciplinæ monachorum perfecta est dilectio. Hæc vincula

charitatis et pacis exornant sine avaritia. Igitur in dilectione sincera modus sufficiens est presentibus; et qui invicem diligunt, filii regni vocabuntur. Perfectius invicem diligentes, ipsi sunt qui manducant panem in regno Dei sine macula (*Lucæ xiv*). Perfecti ergo eritis, si mundum sacrificium charitas in odorem suavitatis zelo succundet. Gaudebit enim Dominus Jesus in vobis, quia fecistis fideliter quod ipse mandavit. Nam prima legis in monte Sina ordinatio hæc ad Moysen data est: Diliges, inquit, Dominum Deum tuum ex toto corde tuo, et ex tota anima tua (*Deut. vi; Luc. x; Levit. xix*). Secunda: Diliges proximum tuum, sicut teipsum. Vacat enim dilectio Dei, nisi jungatur et proximi. Plenum enim præceptum veritatis, ut maneat in sensu individua regula charitatis. Tunc ergo dilectio beata erit in pleno, si colla obedientiæ posueritis proposito.

Obedientia quoque in congregatione laudatur. Nihil vobis proderit, filioli, si diligitis invicem, et non vultis invicem obedire. Dilectio sine obedientia faciet criminis, et conscientia ægrum. Quomodo enim gramen seminales impedit fructus, sic inobediens homo frustra jejunat, et orationis nullum accipit fructum. Igitur qui in uno esse concupiscunt, et vivere mente communi disposuerunt, hi consiliis majoribus serviant. Quidquid ex consiliis processerit Patrum, hoc faciat quia perfectione adhuc procul est. Quicumque frater oneris quidpiam collo suo portaverit, nec quidem sustinet, de humero suo onus exstare, si abbas præsens fuerit, reperiens aquam scativam sive germinantem (7), præter abbatis consilium diverterit ad bibendum, aut alterius fratris secum comitantis, etiam junioris, peccatum fecisti, qui præter benedictionem aquam potasti. Quod si calor solis exarserit, et volueris bibere, et abbas ad te domandum prohibuerit; si vel mente murmuraveris, deliquisti. Deinde si in via calcaveris spinam, non est educenda, donec abbas præceperit.

Procul ab invicem contextas vites sternite.

Cum ad dormiendum seceditis, interstitium cubitus habeatur unius; ne, dum ad invicem proximant corpora, nutriantur libidinis incentiva.

Porro negotium noctis, propter lucifugas dæmones et noctipetas, in spiritali opere peragatur. Experrectis autem nulla de sæcularibus causa ingerenda, donec ad galli cantum, fraternalium orationum communis hora succedat. Alterius vocis cantus alterum non excitet ad orandum; sed cum suum pectus tundere cœperit, qui primum experrectus est, provocetur etiam ille qui dormit, exurgere. Sæpe enim Satanas somno animam captam nocturnis involvit tenebris. ut ab orationis patrocinio separata sit, operante diabolo socio tenebrarum. Ideo dico vobis, filioli, vigilate, quia nescitis qua hora fur veniet animarum (*Matth. xxiv*).

Studete igitur complacere Deo, conversationem habentes spiritalem. Divina mandata in dilectione Dei cum sapientia, legis præcepta in tabulis cordium vestrorum sint; nec quidem amplius sapiatis quam sim-

ilitas confirmat Scripturarum Dei. Multi autem de Deo aliter sentientes, exciderunt a dilectione ipsius et proximorum suorum. Qui autem hujusmodi sunt, audiant Baruch prophetam dicentem: Pax justitiæ, et honor pietatis (*Baruch v*). Sic enim videns populi sui dilectionem fraternitatis esse incorruptam, inter cunctos facit eos amicitiae Dei fieri socios. Quoniam qui diligunt Deum, secundum boni operis gloriam, ipsorum in operibus bonis irritam faciunt vitam istius mundi, profanantes quidquid ex diabolo est cogitationum malarum in cordibus Dei servorum; quoniam cupiunt anachoretarum perfrui vita, si corpus abdicant adhuc in terra positi, jam cœlestibus delectentur, nihil terrenum prorsus exquirant, ut jam sæcularium tenebrarum causas concupiscant ac prosternentes.

Verum quia cœlestibus regionibus apti, vos satis placere convenit Creatori, virgines mente et corpore permanentes, fructus fidei et limam sermonis quam maxime conservantes; nefas est enim ut monachum quis reprehendat in modico vel in maximo. Irreprehensibiles enim nos esse oportere, Apostolus docet (*Coloss. iv*), et ut sermo noster in gratia sale semper sit conditus, scilicet condimento quo nos Evangelista condidit, dicens: Vos estis sal terræ (*Matth. v*). Quod peto ut non in vobis evanescat, ne forte, cum evanuerit, extra congregationem multitudinis foras projiciatur, linguis inimicorum quotidie concalcandum.

Hæc autem obsecro, filioli, secundum formam quæ mihi data est de manu angeli, fugere linguam detrahentium iniquorum, qui mordaci dente, etiam sine causa, Ecclesiæ Christi insultare festinant.

Dissensiones, quas habetis inter vos, projicite ab invicem, scientes Dominum nostrum non esse dissensionis, sed pacis (*I Cor. xiv*). Si qua igitur scandala, inimico suggerente, frater habet adversus fratrem, propter obedientiam, fide exstante, dimittat; quoniam ego non ex me loquor, sed ex Deo, qui in manu nuntii sui docuit me.

Et si obedientiam prælato præbueritis, hospitalitatem peregrinanti, ex præcepto Domini facitis.

Si fieri potest, nullo pacto miles Dei debet irasci, non solum ad socios, verum etiam ad extraneos.

In quocunque negotio, nullus sæcularium servum Dei audeat judicare, quia inter se et illum distat. Non patiaris conjugatum judicio tecum contendere; melius est enim monacho fraudem et injurias sustinere, quam ut audiatur vox militis Christi in clamore.

Non decet monachum causa pecuniæ esse negotiatorem, sed cœlestium bonorum lucra mercantem. Prædicet verbum salutis, animas invitet ad cœlum, ad nihilum deducat sæculi desiderium. Cor enim Christianum exsulta, maxime servi Dei, tyrannum fraudatorem animarum, divinæ virtutis oratione expugnat.

Quod si terrores aliquos intulerint, currat ad auxilium crucis, statim ille recedet: versutia ejus crebris orationibus et jeuniis devincitur. Filioli, quid ad vestram pertinet curam, si adversus vos conveniant

dæmonum castra, potestis et vos multis adjuvari a
agminibus angelorum. Sed cum dæmonum cater-
væ crescere cœperint, oculos vestros ad cælum le-
vetis, dicentes: Domine Jesu Christe, adjuva infir-
mitatem meam. Tunc sermo vobis prophetæ Elisæi
conveniat adversus eos qui de Samaria comprehen-
dere eum venerant, qui terrenti se puero suo re-
spondit: Aperi, Domine, oculos servi tui, et videat
quod plures sunt nobiscum quam cum illis. Statim
ergo ad adjuvandum vos, angelorum Dei legiones
advenient, qui fidei vestræ auxilium præbeant.

CAP. IX. — Hæc sunt, filii, mandata, quæ ut
pusillanimitas cordis invenit, vobis de dia-
boli certaminibus explanavi. Nolo autem ea quæ
nobis ipso immittente acciderunt silentio præterire
ut et vos possitis malitiis ejus resistere.

Quadam die in monte sedenti mihi, ingens velut
militum turba occurrit. Quos dum oculis cernere
venientes a longe, Satanæ angelos statim esse co-
gnovi. Ego autem deposito omni terrore, genibus
provolutus humo, ut secederent orabam, Dominum
invocans Redemptorem. Tunc turba quæ venerat,
velut stipula, quæ a vento rapitur, nusquam com-
paruit. Gratias ergo egi Domino per Jesum Christum
Dominum nostrum, quod meo certamini finem im-
posuit cito, et orationem meam illico exaudivit.
Multas itaque insidias passus sum, et ex omnibus
me eripuit Dominus. Unde et vos, filii, constantes
estote, quia mitis est Dominus ad liberandum nos.
Amate ergo Dominum, odite malignum, et Deus
misericordiæ erit vobiscum, ut possitis ejus insidias
evadere. Amen.

ROSWEYDI NOTATIO.

(1) *Posthumii*.] Aliæ editiones habent *Posthumii*.
De hoc nihil mihi occurrit vel in tabulis ecclesias-
ticis, vel apud historicos. Multa hic affinitas cum *Pachomio*,
ejusque regula. Et cum *Pachomius* dicitur
quibusdam *Pachumius*, vereor ne *Posthumius* ex
Pachumio irrepserit.

(2) *Spatharius*.] Ita omnes editiones. *Mox, plectam de
spatho plectebat*. Nothæ, *spathulæ palmarum*. Levit.
xxiii. Et ex palmis fere restes suos et plectas plectebat
eremitæ. Alias existimabam legendum *sparta-
rius*, quasi qui e sparto restem plectat, qui Polluci,
lib. vii, cap. 33, dicitur *σπαρτοπλόκος*.

(3) *Plectam*.] *Mox, funis plectacius*, a Græco *πλεκτόν*
id est, plexum seu flexum. Quæ vox non raro in his
libris occurrit.

(4) *Priscum*.] Hic dicitur *sacerdos*; sequenti ca-
pite, *episcopus*.

(5) *Uensus imperatoris*.] Videtur hæc periodus me-
lioris styli fragmentum esse. Fors ex eleganti aliquo
Patre adumbratum. Alludit ad militiam, cum nomen
imperatoris militi inscribatur. Ut hic de ove et

militæ, sic apud Augustinum, epist. 50: « Sic error
corrigenus est ovis, ut non in ea corrumpatur si-
gnaculum Redemptoris. Neque enim si quisquam
regio caractere a signato desertore signetur, et ac-
cipiat indulgentiam, atque ille redeat ad militiam,
ille autem esse in militia in qua nondum erat inci-
piat, in aliquo eorum character ille rescinditur, an
non potius in ambobus agnoscitur, et honore debi-
to, quoniam regius est, approbatur? »

(6) *De quo sæpe*.] Hinc apparet auctorem hujus
Vitæ et alias sanctorum Vitas consarcinasse. De
Macario, qui Antonium dicitur sepelisse, vide supra
prologum in Vitam sancti Pauli primi eremitæ, n. 6.

(7) *Aquam scativam sive germinantem*.] Ipse ex-
plicat quid scativa sit aqua, nempe quæ scaturit et
germinat. An ex sua origine? Nisi forte corruptam
aquam intelligat, et scatentem vermibus. Vel *stativam*
quis legat, ut in Martyrol. Adonis, 30 Julii ex Ms. re-
posui, quæ fere lutulenta. Sic alius lutulentam aquam
bibit in Vita Pauli primi eremitæ, cap. 5.

APRILIS XIV.

VITA SANCTI FRONTONII

ABBATIS

AUCTORE INCERTO.

Prologus.

Quoniam sæpe desiderastis audire quæ sancta sunt, et ego placide disposui operari, jam non in pellibus
caprarum, sed auro et argento gemmisque pretiosissimis decrevi construere templum Dei, ut et nos tan-
quam lapides vivi ædificemur in domum spiritualem, ex operibus meliorum proficientes in Christo Jesu
Domino nostro (1 *Pet.* ii); quid nunc apud Nitriam gestum sit, referam; et non præteribo veritatem ullo
modo, quoniam satis ædificat monachos præsens opusculum.

VITA

CAPUT PRIMUM. — Igitur Frontonius, verus Dei ser-
vus, studio Dei timoris de die in diem proficiens, pu-
blicam communemque vitam perhorrescens, 239

aviam desiderans solitudinem, convocatis ad se fra-
tribus, dixit (erant enim cum eo viri circiter septua-
ginta): En quid nobis et mundo damnabili, cujus

operibus renuntiare omni modo condecet, ut cœlestem consequamur vitam? Quapropter pergamus ad eremum, nihil nobiscum ferentes, ad acquirendam cœlestem gloriam, et superiorem investigemus ex virtutibus disciplinam. His dictis universi consensere; deferentesque ad eremum secum parva olerum semina, et bis acutos, parvosque sarculos (2), unde humum defoderent, profecti sunt, et venerunt ita in eremum: rursusque Frontonius ait: Dominus in Evangelio ait: Nolite cogitare quid manducetis, aut quid bibatis, aut quo operiamini; hæc enim omnia gentes mundi quærunt. Quærite primum regnum Dei, et justitiam ejus, et hæc omnia adjicientur vobis (*Matth. vi*). Tencamus promissum, et invenimus in nobis opus Domini conservatum. Omnes ergo habitabant in eremo, in opere Domini jugiter laborantes, et in agone spirituali proficientes; adjuvabat enim Dominus servos suos. Ipse vero Frontonius non pro se tantum, sed pro cunctis orabat, sciens scriptum esse: Non quærens quod mihi utile sit, sed quod multis, ut salvi fiant (*I Cor. x*).

CAP. II. — Cumque in eadem eremo longo tempore morarentur, tentare eos adversarius Christianorum cœpit, ut cogitarent in corde suo quod debuissent in sæculo demorari, quia Anachoretarum vita durissima est, et nemo eam potest sufferre. Murmurare ergo in cordibus suis, dicentes: Quid est, quod voluit Pater noster Frontonius, ut habitemus in eremo? Nunquid illi qui in urbibus et in castellis habitant, Deum videre non possunt; et qui in eremo habitant, soli vident? nonne eos boni actus commendant? quisnam poterit cibo vivere angelorum? Ecce morimur fame; defectus vigiliarum non capit labor, sed acriora nos frangunt jejunia, fiuntque debilia genua, ut unusquisque nostrum non possit stare.

CAP. III. — Audiens Frontonius eorum murmur, antequam ad eum convenirent dicentes aliquid, ipse præveniens eos ait: Quousque irritatis Deum murmurantes in cordibus vestris, et dicentes: Nunquid qui eremum inhabitant, hi tantum sunt Dei servi! et quis ex cibo poterit vivere angelorum! Conveniamus ad abbatem, et loquamur ad eum, ut habitemus in civitate: quia si qui nos illic viderint, opportune nobis juxta Dei votum dirigunt escas, prout cuique Dominus dederit facere. Illud autem scitote, quia non necabit Dominus fame animam justi. Ecce oculi Domini super timentes eum, ut alat eos fame (*Psal. xxxii*). Et illud non memoramini scriptum, quod ait Apostolus: In fame et siti (*II Cor. xi*)? Sed vobis quoque in eremo nunquam defuerunt radices herbarum, nec mansistis aliquando jejuni. Recordamini autem quia antea locutus sum vobis: Nolite cogitare quid manducetis, aut quid bibatis, aut quo operiamini, hæc enim omnia gentes mundi quærunt (*Matth. vi*). Novit Dominus cibum dare timentibus se. Quærite primum regnum Dei, et justitiam ejus, et hæc omnia adjicientur vobis. Si enim Dominus volatilia pascit, et corvos non deserit, quomodo nos derelin-

quere poterit, ipsum jugiter in mente habentes, eumque assidue orantes? Certe si fame defecerimus in eremo, nos Dominum accusemus, et impropere mus ei, cum ad ipsum venerimus dicentes: Credidimus Evangelio tuo, ubi dixisti quod universos in te credentes cœli pabulo pasces: fecimus cuncta quæ præcepisti, speravimus in te, et tu nos despexisti. Sed quia ibi nos probasti, hic magis, ut probes veritatem, redde quod promisisti. Nolite ergo murmurare adversus Deum, ne murmurantes, sicut patres nostri in hoc deserto, a serpentibus pereatis. Quod si expectaveritis Dominum, quando voluerit, dabit bona timentibus se. Quo dicto, siluerunt omnes paululum a murmuratione sua: erant tamen in mœrore positi.

CAP. IV. — Ego vero proposui universa breviter exsequi, et cuncta sermone rustico comprehendere quæ cum suo prosequi titulo fas est; et per hujusmodi libelli sententias ac syllogismos dulci eloquio currere, prout potest unusquisque lector audire. Redeamus ad ordinem cœpti opusculi, ut non nostra videamur asserere.

CAP. V. — Pergit itaque angelus, missus a Domino ad quemdam divitem nocte, et dicit illi: Tu epularis in divitiis splendide, et servi mei in eremo indigent pane; surge ergo diluculo, et mitte servis meis escas ex omnibus quæ tibi dedi, quia procuratorem te posui gregis mei, qui te cœlo lactante jugiter pavi, nec unquam dimisi. Ita ergo placuit mihi ex eleemosyna tua reficere pauperes meos, qui in deserto spiritualiter vivunt, et se mihi suo Domino crediderunt; idcirco faciassermone, quem modo, missus a Domino, loquor ad te. Quod nisi feceris, dissipasti fœdus pacificum Domini Dei tui.

CAP. VI. — At ille tanto terrore conventus, ex illo somno expergiscitur; consurgensque mane, convocatis necessariis amicis, servisque suis fidelibus, locutus est ad eos, dicens: Jacenti mihi nocte in lecto, quidpiam soporis ceperam; et ecce subito nuntius astitit, dicens: En tu epularis in divitiis tuis splendide, servi vero mei in deserto indigent panibus. Surge ergo diluculo, et mitte servis meis escas ex omnibus quæ dedi tibi, quia procuratorem te posui gregis mei. Ecce mittere quæro; sed ubi morerentur servi Dei, ignoro. Cupio præceptum implere admonitus: sed quis mihi, ad quem dirigam locum, ostendet? Convenit me angelus, præcepit et Deus. Sed vos, qui seniores estis, ostendite locum. Et nemo valuit illi indicare locum, quia in abdito montis manebant, et nemo ubi morarentur agnoverat.

CAP. VII. — Igitur altera nocte duriori comminatione conventus, plagisque confossus dives ille, corripitur et urgetur, ut servis Dei dirigeret escas. Iterum diluculo consurgens, a prioribus amicis quærebat consilium, ut sibi dicerent, aut certe ab aliis inquirerent, ubi servi Dei morarentur. Aiebat quoque ista cum maximo fletu, plagas ostendens, quibus de manu angeli fuerat nocte correptus. Sed cum nemo posset locum habitationis servorum Dei ei ostendere,

unus qui præ cæteris majoris erat consilii, respondit et ait : Si volueris accipere consilium meum, charissime, forsitan erit hoc tibi salubre. Sunt tibi camelii septuaginta, onera eos ex omnibus bonis, quibus intelligis Dei famulos posse vesci; et dirige camelos per viam, nemine ducente. Et si ex Deo hoc factum est imperium, animalia tua salva regredientur ad te : si vero tibi ex diabolo jactura imminet, libenter tolera flagella temporis, quam acriori forte cæde corripiaris. Quod si hoc tibi consilium displicet, quære alium qui poterit dare melius responsum. Hæc dicens, conticuit, sed ipsi diviti et qui cum eo erant hujuscemodi consilium bene placuit. Oneravit ergo sexaginta quinque camelos (3) ex his quæ servi Dei comedere possent; quinque vero camelorum cibaria facta imposuit, escam cunctorum animalium, in maximo dolore dicens : Si quis invenerit eos, et eorum exposuerit onera, visis cibariis miserebitur eis, et dabit eis manducare. Et cum ingenti fletu uno ordine innectens chordas, direxit eos per viam, commendans Domino, ut si ex Deo esset imperium, remearent celeriter cum salute. Nullus vero ducator (4) cum animalibus abiit.

CAP. VIII. — Et quando egressi sunt januam, dimisit servulus primum camelum, cujus ducalem (5) tenebat, quem cæteri sequebantur, et abierunt per viam juxta præcinctum montis (6), euntes soli. Sed nescio an soli camelii pergere poterant, sed Domini nuntio præeunte, viam directam (ut intellectum est postea) abierunt et quarto die confecto itinere, hora nona agentibus opus Dei fratribus, sicut quidam postea retulit nobis, ecce primus ante fores accubavit camelus : sed campanæ sonitum (7) audire non potuit perstrepsens sonus hymnorum. Abbas tamen quoniam prope ostium erat, ipse prior vidit, et gavisus est valde. Angustus enim erat introitus monasterii, et solus abbas fores suo statu claudebat, cæterisque interpositis fratribus tacuit, nihil respondens donec hymni complerentur. Tunc completo hymnorum ordine advocatis fratribus, pene impropersans, ait : Ubi sunt murmuraciones vestræ ? Ecce Dominus impropersio forti nobis escas ab alto misit, cui voluit viro prudenti imperans adduxit nobis camelos onustos. Venite, deponamus onera, ut possint refici animalia lassa. Tunc omnes mira gratulatione læti, communiter gratiarum actionem Deo reddiderunt, et gaudentes deponebant onera camelorum. Supra quinque vero camelos, reseratis sarcinis, cibaria reppererunt. Abluentes igitur animalium pedes, de stratorum fecerunt præsepia; et apposuerunt eis escas, quas ipsi sibi apportaverant, necnon et ipsi etiam discurrebant per omnes montis anfractus, notas inqui-

rere herbas, ut laborantia animalia escis pluribus recicerentur.

CAP. IX. — Mane autem facto, abbas consilium utile eligens, et avaritiam omnino spernens, medietatem sumpsit escarum, aliam vero partem dividens, super camelos omnes, ne alii viderentur portare, et fieret aliis injuria, omnibus medium imposuit onus, velut eulogias (8) revocans Domino rerum, ut avaritiæ legem scinderet, et medietatem oblationis proprio domino camelorum reddidisset. Erant igitur supradicti amici cum domino camelorum, consolantes eum de animalium tantorum periculo, simulque Dominum deprecantes, ne accideret innocenti viro tanta jactura. Octava autem die, cum essent omnes in unum collecti, jejuni; unus qui leves actinnulas aures habebat, per flamina ventorum campanulæ rapiens sonitum, paululum reticuit; et cum bene tandem sonantem comprehenderet, ait : Puto quod ex altitudine montium campanæ sonantis motus auditur. Tunc omnes egressi senserunt camelorum adventus; gratulando mirabilis accidit lætitia, secunda vero de consolatione viri. Nam qui defuncta animalia aut perdita jam lugebat, gaudens de receptis animalibus lætabatur. Venerunt omnes illæsi, non tristes vultu, nec maciem necessitatis habentes. Suscepit ergo camelos suos homo ille, cum magna gratiarum actione : et visis oneribus, multo amplius recreatus, exsultat. Tunc et illos amicos, et pauperes plures, ad prandium nobile vocat, easdemque eulogias indigentibus distribuit quas acceperat. Sed et amicis qui aderant ex eis largitus est; et ipse quoque benedictionem sanctæ jucunditatis accipiens, gaudebat in Domino.

CAP. X. — Ex illo igitur anno, usque in mortem Frontonii, sic dives ille notato tempore, quando primum miserat, escas necessarias ipsis dirigebat; et aliis sic divitibus Dominus imperabat, ut ex omnibus dapibus irrigati, nihil Dei servi cum sancto Frontonio minus haberent. Vigilabant in operibus Dei filii cum Patre, spiritualibusque eos admonens dapibus, implebat quotidie sermone celesti; exultansque lætabatur in Domino, qui sibi talem dederat intellectum, ut avia solitudinis loca digna quæsisset.

CAP. XI. — Legendum hoc tradite, multorum ad ædificationem monachorum. Ille enim magis erit melior in conspectu Dei, non quicumque legerit, sed qui credendo Dei servis sic fecerit. Mercedem autem a Christo Jesu Domino nostro recipiet, qui eleemosynam pauperum non despexerit, et servos Dei directo corde intuitus fuerit, in gloria Domini nostri Jesu Christi, cui est honor et gloria in sæcula sæculorum. Amen. Hæc sub Antonino (9) imperatore gesta sunt, tertio decimo anno imperii ejus.

ROSWEYDI NOTATIO.

(1) *Frontinii.*] Aliis *Fronto* dicitur. Martyrologium Romanum, 14 Aprilis : « Alexandriæ sancti Frontonis abbatis, cujus vita sanctitate et miraculis claruit. » Eadem apud Usuardum et Adonem. Addit Beda : « Qui septuaginta ferme Pater exstitit monachorum. » Rhabanus et Notkerus fusius aliquanto rem narrant,

ex hoc loco, ut apparet, depromptam. Miror unde in Florario Sanctorum manuscripto : « Obiit anno salutis 174. » De hoc Petrus in catalogo sanctorum libro XI, cap. ultimo, num. 120. Cavendus lapsus Petri, lib. IX, cap. 109, et Antonini, in Chron., parte I, tit. VI, cap. 26, § 1, qui confundunt Acta hujus Fron-

tonii cum Actis Frontonis discipuli sancti Petri, episcopi Petragorici. Distinguendi sunt, et unius Vita ab alterius separanda.

Recte advertit Petrus Maturus noster, Antonini commentator, quæ de camelis hic narrantur non convenire Galliæ regionibus, nisi dicatur, inquit, hujus Vitæ auctorem, quicumque ille, camelos pro jumentis sarcinariis quibuscumque usurpasse.

Sed, ut dixi, Frontones hi duo distinguendi quorum unus in Galliis floruit, alter in Ægypto, ubi camelorum usus. Frontonis Galli memoria celebris existat 25 Octob. in Martyrologio Romano.

Alius quoque Fronto martyr unus ex XVIII martyribus Cæsaraugustanis, de quo in Martyrologio Romano, 16 Aprilis, et Prudentius, hymn. 4 περὶ 333-344. Petrus, in catalogo sanctorum, lib. IV, cap. 56.

(2) *His oculos, parvosque sarculos.* Bisacuta seu bisacutus hic peculiare instrumentum est, ut et in Vita sancti Antonii, cap. 25, n. 62. Glossarium Camberonense manuscriptum: « Bisacuta, ferramentum quoddam utrinque incidens. » Plane qua forma bipennis dicitur, quasi bis pennatum seu acutum.

(3) *Sexaginta quinque camelos.* Ita manuscr. Andomarenensis, et vetus editio. Rhabano et Notkero *quinque* deest. Requiritur hoc ad numerum septuaginta. Nam mox alia quinque sequuntur.

(4) *Ducator.* Ita usurpabant pro *duclar*. Tertullianus, libro adversus Judæos, cap. 13: « Cum ducator ejus in ea pati haberet. »

(5) *Ducalem.* Eadem forma, qua ante *ducator*. Sic *ducatio*, apud Tertullianum, de Corona milit., cap. 11: « Vel ipse hæc præstruxerim, et cæteras officiorum coronarum causas, quibus familiarissima ista ducatio necessitatis. »

(6) *Juxta præcinctum montis.* Ita Ms. Vetus editio: *juxta præcinctorium montis*. Coloniensis, *juxta prædictam viam montis*.

(7) *Campanæ sonitum.* Hinc apparet jam olim gregebis tintinnabula apposita. Vide Onomast.

(8) *Eulogias.* Frequens vox hæc Græca apud Latinos scriptores pro *benedictionibus* seu *munere benedictionis*. Vide Onomast.

(9) *Hæc sub Antonino.* Ita Manuscript. et Coloniensis. Male in veteri editione, *Antonio*.

NOVEMBRIS XXVII.

VITA (1) SANCTORUM BARLAAM (2) EREMITÆ ET JOSAPHAT INDIAE REGIS,

AUCTORE SANCTO JOANNE DAMASCENO (3),
INTERPRETE JACOBO BILLIO (4) PRUNÆO.

Prologus auctoris.

342 Quicumque spiritu Dei aguntur, hi sunt filii Dei, ut ait Apostolus (*Rom. VIII*). Illud porro Spiritu sancto donari, et filios Dei fieri, expetendorum omnium extremum est (*Nazianz., orat. de Athanas.*); et quo cum ventum fuerit, conquiescit omnis contemplatio, quemadmodum divinis Litteris proditum est. Hanc igitur excellentem, et expetendarum omnium rerum supremam beatitudinem, sancti omnes, qui ab ævo condito exstiterunt, per virtutum cultum ac studium divino beneficio consecuti sunt; ut qui partim martyrium subierint, atque ad sanguinem usque adversus peccatum in acie steterint, partim religiosæ ac Deo devotæ vitæ certamen exanlarint, arctamque viam tenuerint, animique destinatione martyres exstiterint.

Quorum luculentas virtutes ac præclara facinora (hoc est et eorum qui martyrio perfuncti sunt, et eorum qui per religiosam exercitationem angelicum vitæ genus imitando expresserunt) litterarum monumentis commendare, atque ob virtutis exemplum ad posteras ætates transmittere, a divinis apostolis, et beatis patribus Christi Ecclesia accepit, hoc videlicet ad nostri generis salutem velut lata lege promulgantibus. Et enim via ea quæ ad virtutem ducit, aspera est atque ardua et permolesta, iis præsertim qui nondum sese totos ad Deum transtulerunt, verum adhuc vitiorum animique perturbationum tyrannide conflictantur. Quo fit ut multis ad eam illecebris indigeamus, nimirum et consiliis ac cohortationibus, et exemplis eorum qui hanc viam priores inierunt.

Id quod etiam minore cum molestia ad eam attrahit, efficitque ne ob vitæ difficultatem animis frangamur ac desperatione afficiamur. Siquidem ei quoque cui ardua et difficilis via ineunda est, non perinde quispiam monendo ac cohortando, ut eam ingrediatur, persuaserit. At cum multos ostendit qui eam confecerint, ac tandem percommodum diversorium nacti sint, tum vero magis eum adducet, ut eandem quoque viam capessat.

Hic igitur ipsæ quoque regulæ insistens, ac præterea impendens ignavo illi servo periculum metuens, qui

talentum a Domino acceptum in terram abdidit, quodque ei quæstus faciendæ causa datum erat ita occultavit, ut nihil ex eo lucri faceret (*Matth. xxv*), historiam animabus utilem, ad me usque allatam silentio minime præteribo, quam mihi pii quidam viri interioris Æthiopiæ (quos Indos vocant) ex veris commentariis translata narraverunt. Hæc porro ad hunc modum se habet.

VITA.

CAPUT PRIMUM.—India, quæ ingens ac frequentissima est regio, procul ab Ægypto distat, atque undique **213** ab Ægypti parte mari alluitur, a continente autem ad Persidis fines accedit. Ea porro atra idololatriæ caligine olim obducebatur, atque extrema barbarie scatebat, nefariisque flagitiis addicta erat. Posteaquam autem unigenitus Dei Filius (*Joan. 1*), qui est in sinu Patris, signentium suum peccati servitute oppressum indigno animo cernens, misericordia erga ipsum commotus, instar nostri excepto peccato apparuit, ac Patris throno relicto, nostræ salutis causa (hoc est ut nos in cælis habitaremus, atque a veteri lapsu excitaremur, ac peccato liberati priorem adoptionem reciperemus), in Virginis corpore habitavit, atque expletis omnibus carnis propter nos assumptæ muneriibus, crucem ad mortem suscipiens, ac terrenis mirandum in modum cum cælestibus conjunctis, a morte ad vitam rediens, et cum gloria in cælos ascendens, et in Patris dextra magnifice sedens, Spiritum paraclitum discipulis, a quibus conspectus fuerat, pro eo ac promiserat, in ignearum linguarum forma misit, ipsosque ad omnes gentes legavit, ut eos qui in ignorantia tenebris sedebant (*Luc. 1*), illuminarent, atque in Patris et Filii et Spiritus Sancti nomine baptizarent, adeo ut deinceps illi, partim Orientales sedes, partim Occidentales regiones, quæ ipsis obtigerant, circumirent, ac Septentrionalia et Meridionalia climata peragrarent, ut imperatum munus exsequerentur, tum sanctissimus quoque Thomas (5), unus ex duodecim Christi apostolis, in Indiam, salutiferæ doctrinæ illic prædicandæ causa missus est. Domino autem cooperante, ac sermonem per sequentia signa confirmante (*Marci ult.*), gentilitiæ superstitionis tenebræ depulsæ sunt, atque illi simulacrorum sacrificiis et cultu liberati, ad rectam fidem se adjunxerunt. Sicque apostolicis manibus velut reficti, Christo per baptismum conciliati sunt; ac tacitis incrementis augescentes in fide, ab omni labe aliena proficiebant, ecclesiasque per totam regionem exstruebant.

Cum autem etiam in Ægypto monasteria exædificari, ac monachorum ingentia agmina cumulari cœpissent, atque eorum virtutis et vitæ rationis, ad angelorum imitationem accedentis, famæ orbis terrarum fines pervasisset, atque ad Indos usque pervenisset, ipsos quoque ad ejusdem vitæ studium excitavit, adeo ut complures ipsorum, relictis omnibus rebus, in solitudines concederent, atque in mortali corpore eorum qui corporis expertes sunt vitæ rationem susciperent. Cum igitur res præclaro statu essent, atque aureis pennis (6) ut dici solet, in

cælum plerique convolarent, exurgit quidam rex in eadem regione. Apbenn (7) nomine, vir opibus quidem ac potentia, victoriisque et hellica fortitudine, corporisque proceritate insignis, ac præterea vultus elegantia clarus, atque ob mundanos ocissimeque marcescentes rerum successus insolenter efferens; cæterum, quantum ad animam attinebat, extrema paupertate laborans, ac multis malis constrictus et enectus, quippe qui gentilium partes teneret, ac superstitioso idolorum errori magnopere addictus esset. Porro cum rex in magnis deliciis ac vitæ oblectamentis et voluptatibus versaretur, nec res ulla esset quæ non ex ipsius voluntate ac cupiditate succederet. unum id demum erat, quod ipsi lætitiæ interrumpere, animumque ipsius curis pulsaret, **B** nimirum sterilitatis malum. Nam cum filiis careret, hæc eum cura sollicitum habebat, quoniam pacto his vinculis solveretur, ac susceptis liberis patris nomen obtineret, quo videlicet apud plerosque nihil est optatius. Atque hujusmodi rex hic erat, eaque mente ac sententia.

At illustrissima Christianorum natio, et monachorum cætervæ, regis cultum ac venerationem pro nihilo ducentes, nec ipsius minas metuentes; per Dei gratiam amplissimos progressus faciebant, ut qui in multitudinem omni sermone majorem excrescerent, ac parvam omnino regis rationem haberent, iis autem rebus quæ ad Dei cultum pertinebant singularem in modum dediti essent. Ac propterea permulti ex iis qui ad monasticum ordinem sese contulerant, omnia quidem ea quæ in vita jucunda sunt peræque contemnebant. soliusque pietatis amore tenebantur, ac mortis pro Christo subeundæ siti, futuræque beatitudinis cupiditate flagrabant. Eoque nomine, non timido ac dubitante animo, verum perquam fidenti ac libero salutiferum Christi nomen prædicabant, Christumque unum in ore habebant, atque fluxam et caducam præsentium rerum naturam, futuræque vitæ firmitatem et immortalitatem omnibus palam apteque demonstrabant, ac velut subsidia quædam, et semina ipsis porrigebant, quorum ope ad Deum sese conferrent, vitamque in Christo absconditam consequerentur (*Coloss. III*). Ex quo effectum est ut multi, suavissima illa doctrina percepta, ab æterbis erroris tenebris abscederent, atque ad dulcem veritatis lucem sese adjungerent, usque adeo, ut nonnulli etiam illustres viri ac senatores, abjectis hujus vitæ sarcinis, in monachorum album sese ascriberent.

Rex autem ubi hæc intellexit, ingenti **244** iracundia commotus, atque indignatione fervens, sta-

tim edicto sanxit ut Christiani omnes pietatem ejurare cogerentur. Ac deinceps nova suppliciorum genera commiscebatur, atque inusitata mortis genera minabatur; litterasque ad omnes regionis ditioni suæ subjectæ partes mittebat, quibus et præfectis et ducibus imperabat ut tormentis atque iniquis cædibus in homines pietate præditos grassarentur. Præsertim autem in præstantissimos quosque monastici ordinis excandescebat, atque implacabile adversum eos bellum excitabat. Ob eamque causam priorum plerique animo vacillabant: alii autem, quia cruciatibus ferendis impares erant, nefario ipsius imperio parebant. At vero monastica classis duces atque antistites, partim ipsius iniquitatem coarguentes ac refutantes, martyrio vitam finiebant, atque ad sempiternam beatitudinem perveniebant, partim in soliditibus et montibus sese occultabant, non tormentorum quæ ipsis denunciabantur metu, verum diviniore quodam consilio ac providentia.

CAP. II.—Cum itaque hujusmodi caligo Indorum regionem invasisset, ac pii et sancti viri undique vexarentur, impietatis autem propugnatores opibus ac potentia florerent, atque cruoribus et victimarum nidore ipse quoque aer inficeretur, unus e regionum satraparum principibus, animi fortitudine, corporisque magnitudine ac pulchritudine, cæterisque aliis rebus, quibus corporis elegantia et animi generositas, tanquam certis quibusdam notis exprimi solent, alios omnes antecellebat. Quamobrem cum impium illud edictum audisset, inani hac atque humi serpente gloria et deliciis valere jussis, ad monachorum cœtum sese aggregavit, atque in locis solitariis exsulans, jejuniis et vigiliis, ac diligenti oraculorum divinorum meditatione sensus suos apprime repurgabat, animumque ab omni vitiosa affectione solutum et abductum, ea luce quam tranquillitas a vitiosis affectionibus parit illustrabat. Rex autem, cum eum majorem in modum diligeret, atque in honore ac pretio haberet, ut hoc audivit, de amici jactura dolorem animo cepit, vehementiusque adversus monachos exarsit. Atque cum homines ad eum conquerendum quaquaversum misisset, et, quemadmodum vulgo dicitur, nullum non lapidem movisset (8) quo eum inveniret, aliquando post illi qui ad eum investigandum missi fuerant, ut eum in solitudine commorari senserunt, ita perscrutati sunt, ut tandem eum arriperent, atque ad regis tribunal sisterent. Rex autem, cum eum qui quondam splendidis vestibibus utebatur, atque in magnis deliciis vitam exigebat, tam viliter et abjecte amictum, ac religiosæ exercitacionis asperitate afflictum, vitæque solitariæ signa haud obscure gestantem conspexisset, mœrore simul atque iracundia implebatur, atque ex utroque affectu temperato sermone, ita eum allocutus est:

O vecors et demens, quid te adduxit ut honorem cum ignominia, et illustrem gloriam cum turpi ac dedecoris pleno habitu commutares? Siccine tu, qui regno meo præeras, atque in copias meas imperium militare obtinebas, teipsum puerorum ludibrium ef-

fecisti, ac non modo meæ amicitiaæ memoriam ex animo procul eiecisti, verum etiam adversus ipsam naturam impetum fecisti, ac ne tuorum quidem filiorum miseratione affectus, tum opes, tum omnem vitæ splendorem pro nihilo putasti, tantamque ignominiam tam luculenta gloria potioem et præstabiliorem habuisti? Quidnam te ad hoc impulit, cujusnam lucri spes, ut eum qui Jesus nominatur omnibus diis atque hominibus anteponeres, ad duram hanc et superstitiosam vitæ rationem suavissimæ hujusce vitæ oblectamentis anteferres?

Hac oratione audita, vir ille Dei, lepida simul ac placida, et æquabili voce ad hunc modum respondit: Si sermones mecum conserere in animum inducis, o rex, fac hostes tuos e medio tribunali submoveas, ac tum de his rebus quas intelligere cupis tibi respondebo. Illis autem præsentibus nullus mihi ad te sermo erit. Citra sermonem autem excrucia, obtrunca, fac denique quidquid lubet. Mihi enim mundus crucifixus est, et ego mundo, ut ait meus magister (*Gal. vi*). Cumque rex dixisset: Quinam tandem sunt hi hostes mei, quos me hinc ablegare jubes? Iracundia, inquit ille, et cupiditas. Nam eæ primum quidem ab omnium rerum parente atque architecto ita productæ sunt, ut naturæ opitularentur, ac nunc etiam eandem iis operam præbent, qui non ut carni, sed ut spiritui consentaneum est, vivunt. In vobis autem, qui prorsus carnales estis, nec ullam spiritus partem habetis, adversariæ exstiterunt, eaque quæ inimicis et hostibus conveniunt, exsequuntur. Cupiditas etenim, cum ei a vobis opera datur, voluptatem excitat: cum autem aboletur, iracundiam. Proinde facessant ipsæ hodierno die abs te; præsentem autem ad eorum quæ a me dicentur auditionem ac iudicium, prudentia et justitia. Nam si iracundiam et cupiditatem de medio sustuleris, atque earum loco prudentiam et justitiam induxeris, verè omnia tibi dicam. Atque rex his verbis est usus: En petitioni tuæ cessi, atque cupiditatem et iracundiam e concilio ejicam; daboque operam ut prudentia et justitia interponantur.

Jam igitur absque ullo metu mihi expone unde tibi hic error abortus sit, ut ea quæ in vana spe posita sunt, iis rebus quæ manibus tenentur, atque oculis cernuntur, anteponas. Respondens autem eremita dixit:

Si intelligere cupis, o rex, unde hoc primum mihi animo injectum fuerit, ut caducas res contemnerem, ac me totum sempiternarum rerum spei traderem, audi. Olim, cum adhuc juvenili ætate essem, bonum ac salutare verbum audivi, cujus vis majorem in modum me rapuit, ipsiusque memoria, divini cujusdam seminis instar, pectori meo insita ita permansit, ut nunquam a me divelli potuerit; adeo ut et radices egerit, et germen ediderit, ac maturo tempore fructum in me tulerit. Hujus autem verbi hæc vis erat: Excordes, inquiebat ille, ac stolidi homines, animo ita comparati sunt, ut ea quæ sunt, perinde ac si non sint, aspernentur; ea autem quæ non sunt, perinde

ac si sint, amplectantur, ac mordicus retineant. Qui autem eorum quæ sunt dulcedinem minime degustavit, is eorum quæ non sunt naturam perfectam habere non poterit. Hanc porro nisi exploratam habuerit, quonam modo ea contemnet ac pro nihilo putabit? Porro per ea quæ sunt, hæc oratio sempiternas res, atque a jactatione alienas intelligebat: per ea autem quæ non sunt, hanc vitam et delicias, ac mendacem prosperitatem: quibus, o rex, heu! cor tuum male affixum est: egoque item quondam ea complectebam. Verum hujus sermonis vis, animum meum sine ulla intermissione vellicans, mentem, quæ mei principatum tenet, ad id quod melius erat, eligendum excitabat. Cæterum lex peccati, cum mentis meæ lege pugnans, ac velut quibusdam compedibus me vinciens, per affectum erga res præsentis captivum tenebat.

Cum autem Salvatoris nostri benignitati ac bonitati me ex hac acerba captivitate vindicare placuit, atque ipse menti meæ ad superandam peccati legem robur addidit, oculosque meos aperuit, ut mali ac boni delectum haberem; tum scilicet, tum, inquam, animadverti ac vidi, præsentia omnia vanitatem et afflictionem spiritus esse (*Eccli. i.*), quemadmodum etiam sapientissimus Salomon quodam loco dixit. Tum peccati velamen e corde meo sublatum est, atque obscuritas ea quæ ex corporis crassitie animo meo incumberebat discussa et dissipata, atque cujusnam rei causa procreatus sum agnovi; mihi que faciendum esse ut per mandatorum observationem ad summum illum rerum omnium effectorem ascendam. Quapropter relictis omnibus rebus, eum secutus sum. Gratiisque Deo per Jesum Christum Dominum nostrum ago, quod me ex luto et lateritio labore, ac creduli et pestifero tenebrarum hujus sæculi principe liberarit, viamque mihi compendiariam et proclivem ostenderit, per quam in hoc fictili corpore angelicam vitæ rationem amplexari possim. Cujus adipiscendæ studio, arctam hanc et angustam viam ingrediendam mihi duxi (*Matth. vii.*), sic videlicet animo constitutus, ut præsentium rerum vanitatem atque instabilem earum jactationem et conversionem vehementer improbem, neque adduci possim ut credam aliud quidquam præter id quod vere bonum est bonum appellandum esse. A quo tu, o rex, misere te abruptisti ac sejunxisti. Eaque de causa nos etiam a te disjuncti ac distracti sumus, quoniam tu in perspicuum et indubitatum exitium ruis, ac nos in idem periculum præcipites ferri cogis. Nam quandiu in sola mundi militia censebamur, nullam officii partem prætermittebamus. Ac tu quoque optimus testis eris, nos nec negligentiae, nec socordiae nomine unquam esse notatos ac reprehensos.

Posteaquam autem id quoque, quod omnium bonorum caput est, hoc est pietatem, nobis extorquere, Deique detrimento (quod detrimentorum omnium extremum ac gravissimum est) nos afflicere studuisti, nobisque interim honores ob eam causam in nos colatos atque amplissima beneficia in memoriam revo-

cas, qui fieri potest ut non optimo jure te veri boni inscitia laborare dicam, ut qui omnino hæc inter se componas, pietatem scilicet erga Deum cum humana amicitia et gloria instar aquæ defluente? Quonam item modo in hac re socii tibi futuri sumus, ac non contra tum amicitiam, tum honorem, tum liberorum amorem, etsi quid aliud majus esset, aspernabimur, cum te, o rex, in Deum scelerate gerere conspiciamus, qui tibi ipsum esse et spiritum ducere præbuit, qui est Christus Jesus omnium Dominus: qui cum principio careat, ejusdemque cum Patre æternitatis sit, cælosque ac terram sermone procreavit, hominem tamen **2.16** suismet manibus effinxit eumque immortalitate coornavit, regemque omnium rerum quæ in terra sunt constituit, eique quod omnium rerum præstantissimum erat, hoc est paradisum, tanquam regiam quamdam aulam attribuit. At ille invidia deceptus, et in fraudem inductus, et voluptatis illecebris delinitus (*Gen. iii; Sap. iii*), his omnibus misere dejectus est; et qui prius beatus censebatur, miserum spectaculum præbebat, lacrymisque ob acceptam calamitatem dignus erat. Verum enimvero is qui nos effinxerat ac procreaverat, benignis rursus oculis manuum suarum opus conspiciatus, nullam divinitatis suæ mutationem suscipiens, nostræ salutis causa, id quod nos sumus citra peccatum, factus est, atque crucem et mortem sponte subiens, hostem eum qui jam inde ab initio generi nostro invadebat prostravit, nosque acerba illa captivitate liberatos in priorem libertatem, pro sua erga nos bonitate, restituit, eoque rursus unde nos inobedientia exturberaverat, ob suam erga nos humanitatem, reduxit, majoreque quam antea honore persecutus est.

Hunc igitur qui nostra causa tot cruciatus pertulit, tantisque rursus nos beneficiis affecit, hunc, inquam, ipse rejicis, atque ejus crucem dicteris insectaris, totusque corporis deliciis, ac perniciosis affectibus affixus, ignominiosa ac turpitudinis plena simulacra deos appellas. Nec te ipsum duntaxat a cælestium bonorum conjunctione abstraxisti; verum etiam omnes, qui tuis imperiis obtemperant, ab ea removes, atque in animæ periculum conjicis. Quocirca velim noscas me minime commissurum ut tibi paream, in eademque tecum erga Deum ingratitude verser; atque eum qui præclare de me meritis est, mihi que salutem attulit, abjurem, etiamsi feris me lacerandum et absumendum objicias, aut gladio, aut igni me addicas, quæ quidem in tua potestate sita sunt. Neque enim mortem exstimesco, nec præsentia expeto, quippe quæ perquam imbecilla et vana esse compertum habeam. Quid enim in ipsis utilitatis est? quid quod stabile sit ac diuturnum? Neque id solum, verum etiam, tum quoque cum adsunt, ingens ipsis ærumna conjuncta est, ingens mœror, ingens et perpetua sollicitudo, siquidem eorum voluptati ac perceptioni nihil non mœstitiæ ac doloris adnexum est: ipsorum divitiæ, paupertas sunt; ipsorum sublimitas, extrema dejectio. Quisnam autem eorum mala enumerando consequi possit? Quæ

quidem patris verbis theologus meus (9) mihi demonstravit, his verbis utens: Totus mundus in maligno positus est (*1 Joan. v et ii*). Ac rursus: Nolite diligere mundum, neque ea quæ in mundo sunt. Quoniam omne quod in mundo est, aut est concupiscentia carnis, aut concupiscentia oculorum, aut superbia vitæ. Et mundus transit, et concupiscentia ejus. Qui autem facit voluntatem Dei, manet in æternum. Hanc igitur ego bonam Dei voluntatem quærens, omnia pro derelicto habui, cum iisque me coniuncti qui eadem cupiditate tenentur, atque eundem Deum expetunt. Inter quos non simulas est, non livor, non mærores et curæ; sed omnes idem curriculum obeunt, ut ad sempiternas eas mansiones perveniant, quas luminum Pater iis a quibus amatur præparavit (*Jac. i. 1 Cor. iii*). Hos ego pro parentibus, hos pro fratribus, hos pro amicis et familiaribus habeo. Ab iis autem qui quondam amici mei ac fratres erant elongavi fugiens, et mansi in solitudine (*Psal. lxxii*), Deum expectans, qui salvum me fecit a pusillanimitate spiritus, et tempestate.

Hæc cum ita commode ac jucunde a Dei homine dicta essent, rex iracundiâ quidem impellebatur, ac sanctum virum acerbis suppliciis excruciare cupiebat; rursus autem se reprimebat, atque id aggredi cunctabatur, venerandam ipsius dignitatem ac splendorem veritus. Sermonem vero excipiens, his eum verbis est allocutus:

Undique, o miser, exitio tuo studuisti, ut qui ad ipsum, fortuna, ut videtur, te impellente, tum mentem tum linguam acueris, ac proinde obscuram quamdam atque inanem verborum naniam effuderis. Ac nisi sermonis principio me tibi facturum recepissem, ut e medio concilio iracundiam depellerem, nunc carnes tuas in ignem conjecissem. Quoniam autem ipse antevertens, tibi que cavens, hujusmodi verbis me obvinxisti, audaciam tuam ob pristinam meam erga te amicitiam fero. Quamobrem exsurge, atque ab oculis meis profuge; non jam te videbo, sed male mactabo.

Ita egressus Dei homo in solitudinem secessit, mærore quidem eo nomine affectus, quod martyrium minime obiisset, cæterum nullo non die, quantum ad conscientiam attinet, martyrio fungens, atque adversus principatus et potestates, adversus mundi rectores tenebrarum hujus sæculi, adversus spiritualia nequitia, ut ait beatus Paulus, dimicans (*Ephes. vi*). Cum igitur ille abiisset, rex graviore iracundiâ concitatus, acriorem persecutionem adversus inonasticum agmen exercere, majoreque honore simulacrorum cultores ac sacerdotes afflicere cepit.

CAP. III. — Cum autem rex in tam gravi errore atque impostura versaretur, nascitur ei elegantissima forma filius, atque ex ea pulchritudine quæ ipsi affusa erat in quod futurum erat præsignans. Sic enim sermone ferebatur in illa terra puerum pari pulchritudine ac venustate nusquam exstitisse. Rex autem ob pueri nativitatem maximo gaudio perfusus, eum Josaphat nominavit; atque ad idolorum templa de-

mensis se contulit, ut demeritoribus sacrificia offerret, laudesque ad edendam grati animi significationem persolveret: ignorans nimirum quisham honorum omnium vere auctor esset, ad quem spirituale sacrificium adhiberi deberet. Ille igitur rebus inanibus et surdis illi ortum acceptum ferens, quaqua versum missis nuntiis plebem ad ejus natalitia celebranda cogendam curabat. Ac cernere erat omnes regis metu confluentes, secumque ea quæ ad sacrificium accommodata erant afferentes, pro cujusque scilicet facultatum modulo, atque erga eum benevolentia. Præsertim autem ipse stimulos eis ad munificentiam admovebat, ut qui quamplurimos et maximos boves mactandos offerret. Atque ad hunc modum luculentissimo festo peracto, omnes, tam qui senatorii ordinis erant magistratuque fungebantur, quam militum manum atque etiam plebeios et ignobiles amplissimis dotis prosequeretur.

In ipso autem natalitiorum filii solemnibus die, delecti viri circiter quinquaginta, qui in ea Chaldæorum sapientia, quæ in conspiciendis notandisque sideribus versatur, studium atque operam collocarent, ad regem convenerunt. Quos cum rex propius ad se accedere jussisset, de singulis percunctabatur quidnam puer in lucem editus futurus esset. Illi autem longa consideratione habita, futurum dicebant ut opibus ac potentia floreret, atque omnes qui regnum ante ipsum obtinuissent superaret. Unus vero astrologus, qui socios omnes suos eruditione anteibat, his verbis usus est: Quantum ex siderum cursu addiscere possum, o rex, filii qui nunc ex te ortus est amplitudo atque profectus non in tuo regno erit, sed in altero præstantiore, atque incomparabiliter excellentiore. Atque ipsum Christianorum quoque religionem quam tu insectaris arrepturum existimo, nec eum ab hoc scopo ac spe aberraturum puto. Hæc scilicet dixit astrologus, ut olim Balaam (*Num. xxiii*), non quod astrologia veritate nitatur, sed quod Deus ut omnis impiis excusatio amputaretur, veritatem per ipsos adversarios ostenderet.

Rex autem, ut hæc intellexit, ejusmodi nuntium graviter ac molesto animo excepit, voluptatemque suam mæstitia interrumpi sensit. Nihilominus tamen, in privata quadam civitate, pulcherrimo palatio constructo, splendidaque domo elaborata, illic filium collocavit, jussitque ut exactis primis ætatis annis, nullis ad eum accessus pateret. Atque pædagogos ipsi et ministros ætate florentes eximiaque forma præditos constituens, hoc ipsis mandavit, ut nihil eorum quæ in hac vita molesta sunt perspectum ipsi facerent, non mortem, non senectutem, non morbum, non paupertatem, non quidquam aliud molestiæ; quodque ipsi oblectationem interpellare posset; verum omnia jucunda et cum suavi fructu conjuncta proponerent, ut in his ipsius animus cum voluptate ac deliciis versans, nihil omnino rerum futurarum cogitatione complecti posset, ac ne verbo quidem tenuis de Christi religione ipsiusque decretis quidquam audiret. Nam hoc præ omnibus rebus ipsi oc-

cultare in illino habebat, astrologi nimirum vaticinium veritas. Quod si ministrorum aliquem in motum incidere contigisset, eum statim illinc ejici jubebat, alterumque nitidum optimeque valentem ipsi substituebat, ut nequid omnino salebrosi atque acerbi in filii oculos incurretet. Ad hunc modum se rex gerebat, atque hæc cogitabat et agebat. Videntis enim non videbat, et audiens non intelligebat.

Cum autem certior factus fuisset monachos nonnullos (quorum ne vestigium quidem ullum reliquum esse putabat) adhuc superesse, iracundia testuabat, atque acerrimo impetu in eos ferebatur, ac præcones passim tota urbe et regione procurare imperabat, qui edicerent ne monasterii ordinis quisquam usquam omnino post triduum inveniretur; quod si inveniretur, flammis addiceretur. Hi enim sunt, inquit, quorum auctoritate populus adducitur ut etiam qui cruci suffixus est pro Deo colat. Interea autem hujusmodi quiddam accidit, quod majorem ipsi indignationem excitavit, eumque monachis infensio-rem reddidit.

CAP. IV.—Inter homines dignitate præditos quidam erat qui primas in aula obtinebat, vir elegantis vita, ac fidei pietate, quique salutis suæ operam summò studio dabat: occulte tamen, ob regis metum. Quamobrem nonnulli, ob eam qua apud regem pollebat auctoritatem ipsi invidentes, eum criminari student, ac summopere laborabant. Et quidem cum rex aliquando satellitum manu pro suo more septus, ad venationem profectus fuisset, in venatorum numero probus ille vir erat. Cum autem ipse solus ambularet (divino, ut opinor, consilio ita ferente), hominem inter densas arbores humi prostratum, ac pede a fera quadam graviter contitum, offendit. Qui quidem ipsum prætereuntem intuens, precibus ab eo contende-
bat ne se præteriret, verum calamitatis suæ miseratione afficeretur, atque in domum suam abducendam curaret. Simul etiam illud adjunxit, suam operam ipsi non prorsus inutilem atque inanem fore. Præclarus autem ille vir ei dixit: Equidem ipse virtutis studio atque amore te assumam, tuique quam maximam potero curam geram. Verum quæ tandem est hæc utilitas quam abs te ad me redituram esse ais? Pauper autem ille et imbecillis: Ego, inquit, ætate læsis medicor. Nam si quando in verbis colloquiis vulnus aliquod aut afflictio inveniat, contentaneis medicamentis ea curo, ac ne malum ulterius serpat prohibeo. Pius itaque ille vir, quanquam id quod dixerat nullius momenti duceret, tamen divini mandati causa eum in domum suam deferri, etque quam par erat curam adhiberi jussit. At invidi et livore perciti homines, de quibus ante locuti sumus, iniquitatem quam jam pridem parturiebant in lucem proferentes, ipsum apud regem hoc nomine accusant, quod non solum amicitiam ipsius oblitus, deorum cultum neglexisset, atque ad Christianam religionem animum inflexisset, verum etiam adversus ipsius majestatem gravia moliretur, popularem scilicet turbam pervertens, omniumque benevolen-

tiam sibi concilians. Quod si pro certo scire cupis, inquit, nihil nos fingere atque comminisci, privatum ei, tentandi ipsius causa, dic te relicta patria religione ac regni gloria. Christianam fidem amplecti habitumque monasticum, quem olim tanquam parum honestum persecutus es, induere velle. Nam qui hæc adversus virum illum scelerate confingebant, ipsius animi institutum ad compunctionem propensissimum exploratum habebant; nec dubitabant quin si hæc verba a rege audiret, statim ipsi quod præstantius esset suadens, auctor futurus esset ut iis quæ recte consultata essent, nullam moram afferret, atque hinc vera esse quæ dicebant invenirentur.

Rex autem, qua vir ille erga se benevolentia esset minime ignorans, ea quæ dicebantur probabilitate omni carere ac falsa esse censebat. Neque sibi faciendum esse ducebat, ut ea temere susciperet, verum rem ipsam atque objectum crimen exploraret. Quapropter cum eum remotis arbitris accivisset, tentandi ipsius causa ita eum est allocutus: Nosti, o amice, quoniam modo adversum eos qui monachi dicuntur atque adeo adversum omnes Christianos me gesserim, nunc autem eo nomine penitentia ductus atque præsentium rerum pertæsus, ad spes illas quas eos commemorantes audivi, nempe immortalis cujusdam regni, quod in alia vita futurum est, me conferre cupio (nam præsens regnum morte omnino interrumpitur); istud autem me nullo alioqui modo consequi, ac voti mei compotem esse posse existimo, nisi Christianus fiam, regnique mei gloriæ ac reliquis hujusce vitæ jucunditatibus et voluptatibus dicta extrema salute, illos religiosæ vitæ cultores, et monachos, quos inique et scelerate expuli, quocunque tandem in loco sint, inquirens, ipsis me admisceam. Ad hæc, quid ipse ais? et quid mihi faciendum censes? dic queso, per veritatem ipsam te obtestor. Non enim me fugit te supra omnes mortales veri studiosum, atque animi probitate præditum esse. Bonus autem ille vir, ut hæc audivit, abstrusam fraudem nullo modo agnoscens, animi compunctione affectus est, lacrymisque profusus, simplici animo respondit: Rex, æternum vive, bonum et salutare consilium iniisti. Qui enim querit, inquit ille, ipsum inveniri potest, tamen ipsum omnibus viribus querendum est: Qui enim querit, inquit ille, ipsum inveniet (Lucæ xi). Præsentium autem rerum fructus licet in speciem oblectet ac voluptatem afferat, pulchrum tamen est eum propellere ac propulsare. Etenim noster tum denique est, cum est; et quos oblectat, multo magis rursus excruciat. Nam et ipsius suavitatis et molestiæ umbra imbecilliores sunt, ac velut navis in mari cursum tenentis, aut avis aerem peragrantis vestigia quam occissime evanescent (Sap. v). Contra, futurorum spes, quam Christiani prædicant, firma ac tutissima est, tametsi in mundo pressuram habeat (Joan. xvi). Ac jucunditates quidem eæ quibus nunc fruimur breves sunt, illic autem nihil omnino præter supplicium ac nunquam finitendos cruciatibus accersunt. Harum enim rerum suavitas fluxa et

temporaria est, acerbitas autem sempiterna : Christianorum contra labor quidem temporarius est, voluptas autem et utilitas immortalis. Quamobrem feliciter velim cedat bonum tuum consilium. **249** Pulchrum est enim, ac valde pulchrum, ea quæ interitu obnoxia sunt cum sempiternis commutare.

His verbis auditis, rex vehementer quidem indignatus est; cæterum iracundiam compressit, neque ipsi tum quidquam locutus est. At ille, ut qui prudens ac sagax esset, regem sua verba graviter et moleste accepisse animadvertit, versutoque animo id duntaxat egisse, ut ipsius animum exploraret; domumque reversus, in mœrore atque languore versabatur, addubitans videlicet quonam modo regis animum mitigaret, atque impendens sibi periculum effugeret. Cum autem insomnis noctem totam exigeret, ejus qui pedis infractione laborabat in mentem ipsi venit, eumque ad se accitum ita est allocutus: Memoria teneo, te mihi hoc dixisse, quod noxiis verbis medearis. Ille autem: Est ita, inquit, et si opus est, scientiæ meæ specimen edam. Senator autem sermonem excipiens, ipsi veterem suam erga regem benevolentiam et auctoritatem quam apud eum obtineret exposuit, recentemque item sibi versuto animo adhibitum sermonem, et quemadmodum ipse quidem probe respondisset, ille autem ipsius sermonem molesto animo accipiens, per vultus mutationem, iram in intimo pectore latitantem ostendisset.

Pauper autem ille et infirmus, re cum animo suo considerata, dixit: Noscas oportet, vir illustrissime, regem malam ac sinistram adversum te opinionem concepisse, nempe quod ipsius regnum occupare studeas, atque tentandi tui studio ea dixisse quæ dixit: quamobrem fac exurgas, ac tonso capite, splendidisque his vestibis abjectis, atque induto cilicio, cum primum luxerit, ad regem adeas. Hoc autem sciscitante quidnam sibi sic habitus velit, responde: De iis rebus de quibus mecum hesternò die collocutus es, o rex, en adsum, paratus te in hac via quam ingredi constituisti sequi. Nam etsi deliciæ ac voluptates jucundæ sunt, absit tamen ut eas post te retineam. At vero virtutis iter, quod ingredi paras, licet arduum et asperum sit, tamen, modo tecum sim, facile et proclive ac jucundum erit. Ut enim me oblectamentorum hujus vitæ socium habuisti, ita etiam molestiarum habiturus es, quo etiam in futurorum bonorum societatem tecum veniam. Præclarus igitur ille vir infirmi hominis verba comprobans, fecit quemadmodum ipse monuerat. Eum itaque rex videns atque audiens, hac quidem de causa delectatus est, ipsius nimirum erga se benevolentiam admirans; atque falsa esse quæ adversus eum ad se delata fuerant intelligens, majore cum honore atque apud se auctoritate ac familiaritate donavit. Cæterum adversus monachos rursus ira exarsit, eorum scilicet hæc præcepta esse dicens, ut homines ab hujusce vitæ voluptatibus abstineant, atque incerta spe, tanquam per somnium, sese illud sinant.

Cum autem rursus ad venationem egrederetur,

duos monachos per desertum iter facientes cernit. Quos statim comprehendit, et ad currum suum adduci jussit. Atque iracundis oculis eos intuens, ignemque, ut dici solet, spirans (10): An non audiistis, inquit, o impostores et circumscriptores, præcones meos aperte proclamantes ne quis vestri diabolici instituti post triduum in urbe aut ulla regni mei regione inveniretur, aut alioqui prorsus igni cremaretur? Monachi autem: En, inquit, pro eo ac jussisti, ex urbibus tuis ac regionibus excedimus. Verum cum longum nobis iter propositum sit, ut ad fratres nostros proficiscamur, ac cibo careamus, hac via incedimus, ut nobis viatica suppetant, nec fame absumamur. Rex autem inquit: Qui mortis minas metuit huic cibos comparare minime vacat. Monachi autem: Recte dixisti, o rex, inquit: qui mortem metuunt, id curant, quonam pacto eam effugiant. Quinam autem hi sunt, nisi qui fluxis rebus intabescunt, easque ad stuporem usque mirantur? Qui quidem cum in altera vita quidquam boni sese consecuturos esse desperent, a præsentibus divelli nequeunt, ob eamque causam mortem timent. At nos qui jam pridem mundum et ea quæ in mundo sunt odio prosequimur, arctamque et angustam viam Christi causa ingredimur, nec mortis metu, nec præsentium rerum cupiditate afficimur; verum futurarum duntaxat rerum desiderio tenemur. Quoniam igitur mors ea quam nobis infertis ad sempiternam præstantiorem vitam transitus efficitur, idcirco cupiditati potius nobis est quam terrori.

Hic rex per solertiam, videlicet monachos arripere cupiens, dixit: Quid? An non paulo ante vos secedere dixistis, ut meo imperio pareatis? Quod si mortem minime timetis, quid est quamobrem fugam ineatis? En hæc quoque frustra et inaniter jactantes, mentiti estis. Responderunt monachi: Non idcirco fugimus quod denuntiatam nobis abs te mortem pertimescamus; verum tui miseratione commoti, ne graviorem condemnationem tibi accersamus, secedere in animum induximus. **250** Nam alioqui, quantum ad nos attinet, nullo modo minas tuas expavescimus. Ad hæc rex ita commotus, ipsos exuri jussit. Sicque Dei famuli extremo vitæ die functi, martyrii coronam per ignem adepti sunt. Statimque edictum promulgatum est, ut si quis monachus inveniri posset, sine ulla inquisitione trucidaretur. Atque ita nullus hujusmodi ordinis in illa regione reliquus factus est, nisi qui in montibus, et speluncis, et cavernis terræ sese occultarant. Verum hæc hæc hactenus.

CAP. V. — At regis filius, de quo initio nobis oratio instituta est, in palatio quod ipsi exstructum fuerat ita manens, ut a nemine adiri posset, juvenilem ætatem tandem attigit (cum interea omnem tam Æthiopicam quam Persarum doctrinam percepisset) prudens et cordatus, atque omnibus virtutum dotibus illustris. Quin naturales etiam quæstiones præceptoribus suis proponebat; adeo ut ipsi quoque adolescentis ingenium animique acumen admirarentur, rexque etiam

ipse ex vultus ipsius venustate, animique habitu, in stuporem traheretur. Mandabat autem his qui cum eo versabantur ut darent operam ne quid prorsus eorum quæ in hac vita molesta sunt intelligeret, nec omnino quod mors præsentis voluptates exciperet. Cæterum inani spe nitebatur, atque (ut proverbio dicitur) in cælum sagittas mittere (11) conabatur. Quoniam enim modo mors humanæ naturæ incognita esse posset? Itaque ne pueri quidem cognitionem effugit. Nam cum animum summa sagacitate ornatum et instructum haberet, secum ipse considerabat quidnam patrem adduxisset ut ipsi omnium aditum interdiceret, nec quemlibet ad se accedere pateretur. Perse enim intelligebat hoc citra patris imperium non fieri. Cæterum ipse interrogare verebatur, tum quod minime vero consentaneum esse diceret, quin pater ea quæ ipsi conducerent animadverteret; tum quod illud secum reputaret, si id de patris voluntate fieret, quantumlibet ipse percontaretur, se tamen rei veritatem minime intellecturum esse. Quapropter ex aliiis, ac non a patre hæc scire constituit. Itaque cum unum e pædagogis reliquis chariorem ac familiariorem haberet, eumque majore adhuc benevolentia sibi devinxisset, atque amplissimis muneribus affecisset, ab eo sciscitabatur quidnam regem impulsisset ut eum in hoc septo inclusum teneret. Illud etiam adjugebat: Si mihi aperte hoc exposueris, omnibus te antepo nam, perpetuæque amicitiae fœdus tecum feriam. Pædagogus autem, ut qui etiam ipse prudens et cordatus esset, puerique sagacitatem ac numeris omnibus absolutam prudentiam exploratam haberet, neque sibi ab eo periculum ullum conflatum iri existimaret, omnia ei sigillatim exposuit, nempe et persecutionem adversus Christianos, ac potissimum adversus eos qui se pietati colendæ totos devovissent promulgatam, et quemadmodum ab omnibus finitimis locis expulsi et ejecti fuissent, atque item ea quæ ipso in lucem edito astrologi prædixissent. Ne igitur, inquit, audita eorum doctrina, eam religioni nostræ præferas, idcirco a rege data opera est, ne multi tecum consuetudinem habere, sed pauci omnino. Ac nobis etiam atque etiam mandavit, ut studeremus ne quid hujusce vitæ molestiarum per nos intelligeres.

Hæc ut adolescens audivit, nullum alterum verbum adjunxit. Cæterum salutaris sermo ipsius pectus tetigit, ac Paracliti gratia spirituales ipsius oculos aperire aggressa est, eum ad verum Deum, tanquam porrecta manu ducens, quemadmodum orationis progressu demonstrabimus. Cum autem rex ipsius pater crebro eum viseret (singularis etenim ipsius erga eum amor erat), quadam die his verbis ad eum filius usus est: O here ac rex, aliquid ex te scire cupio, cujus causa perpetuus mœror, atque omnis intermissionis expers sollicitudo animum meum exest ac conficit. Pater autem ex hoc ipso sermone intimis visceribus discruciat, ait: Dic mihi, charissime fili, quisnam sit hic mœror qui te obsidet, ac statim eum in gaudium commutare studebo. Tum puer: Expone, inquit, quidnam causæ sit cur hic detinear, atque

inter muros et januas abs te concludar, eoque statu sim, ut a nemine adiri ac cerni queam. Quoniam, o fili, inquit rex, nolo quidquam videas quod pectori tuo molestiam afferat, tibi que voluptatem interpellat. Siquidem hoc ago ac specto, ut in perpetuis deliciis, atque omni gaudio animique voluptate, omne vitæ tempustraducas. At velim scias, o here, inquit filius ad patrem, me hoc modo non in gaudio atque animi voluptate, sed potius in afflictione atque ingenti angustia vitam agere; adeo ut ipse quoque cibus ac potus fastidio mihi et acerbitati sit; etenim gestit animus ea quæ extra has januas sunt perspicere. Quamobrem si me læte ac jucunde vivere cupis, jube me arbitrato meo foras progredi, atque earum rerum quarum prospectus mihi negatur spectaculo animum oblectare.

Hæc ut rex audivit, mœstitia affectus est, illudque cogitabat fore, ut si illi quod petebat denegaret, majorem ei mœrorem ac sollicitudinem afferret. Quocirca se quæ grata ipsi essent facturum dixit. Ac statim eximios equos ac satellitum manum regiae dignitati congruentem parari jussit, eique foras, quoties vellet, progrediendi potestatem fecit. Iis autem qui cum eo versabantur summopere mandavit ut curarent ne quid injucundi obviam haberet; verum quidquid pulchrum et amœnum ac jucundum esset, ipsi ostenderent; choreasque in viis agitent, suavissimisque cantionibus operam darent, ac varia spectacula constituerent, ut ipse mentem his rebus occuparet atque oblectaret.

Cum igitur regis filius ad hunc modum foras crebro progrediretur, quadam die ministrorum oblivione factum est ut duos viros perspiceret, quorum alter lepra, alter cæcitate laborabat. Quos conspicatus, atque animi mœstitia affectus, ab iis qui secum erant quinam hi essent, et quodnam grave hoc spectaculum esset, percontatus est; illi autem, cum id quod in ipsius aspectum venerat occultare non possent, has humanas calamitates esse responderunt, quæ ex corrupta materia, et corpore vitiosis humoribus pleno, mortalibus contingere solent. Tum ille: Cunctisne hominibus hæc accidere consueverunt? Non cunctis, inquit illi, verum iis duntaxat quorum valetudo propter improbos humores depravata sit. Rursum igitur sciscitari perrexit adolescens: Si non omnes homines in has calamitates incidere consueverunt, sed quidam duntaxat, exploratumne est quinam sint quos malorum acerbitates arrepturæ sint; an contra citra ullam distinctionem atque ex improvise conflantur? Et quis tandem hominum, responderunt illi, futura perspicere ac perfecte intelligere queat? Hoc enim humanæ naturæ captum excedit, ac solis immortalibus diis attributum est. Hic percontandi quidem finem fecit regis filius; verum ex hujusmodi spectaculo dolorem animo cepit, reique novitate ita affectus est, ut oris ipsius forma immutaretur.

Rursum autem foras progrediens, in capularem quemdam senem incidit, rugata facie, fractis ac dis-

solutis tibiis, curvo corpore, capite prorsus cano, A qui præterea dentibus carebat, atque concisum quidam et interruptum loquebatur. Stupore itaque correptus, cum hominem eum proprius ad se adduci jussisset, eos qui tum aderant interrogabat ecquidnam tam insolens spectaculum esset. Illi autem dixerunt: Hic ætate valde provectus, ac paulatim decedentibus ipsi viribus, membrisque imbecillitatem contrahentibus, ad hanc quam cernis ærumnam pervenit. Et quisnam, inquit ille, ipsius finis est? Nihil aliud, inquit illi, quam mors ipsum excipiet. Omnibusne hominibus, inquit ille, hoc propositum est, an quibusdam duntaxat contingit? Responderunt illi: Nisi mors antevertens aliquem hinc abducatur, fieri non potest quin temporis progressu status hujusce periculum non faciat. Tum adolescens: Quo B anno hoc cuiquam contingit? atque prorsusne mori necesse est, neque ars ulla est qua mortem effugiamus, atque in hanc calamitatem minime incidamus? Dicunt ei: Octogesimo, aut centesimo anno ad hanc senectutem homines perveniunt, ac deinde moriuntur, nec aliter fieri potest. Debitum enim naturale mors est, hominibus ab initio impositum, neque ulla ratione ipsius adventus vitari potest.

Hæc omnia, ut sagax ille ac prudens adolescens audivit atque intellexit, intimo corde ingemiscens, dixit: Acerba hæc vita est, atque omni dolore ac mœstitia plena, si res ita se habet. Et quonam modo quispiam in incertæ mortis expectatione, cujus adventus non modo vitari non potest, sed etiam, ut dixistis, incertus est, securo animo erit? Abiitque C hæc secum volvens atque assidue considerans, mortisque memoriam identidem animo repetens, ac deinceps in doloribus animique consternatione vivens, atque in perpetuo mœrore degens. Atque apud se dicebat: Ergone mors me aliquando corripiet? Et quisnam erit qui mei post mortem meminerit, cum tempore omnia oblivione contriverit? Num præterea morte functus in nihilum dissolvatur; an contra, altera quædam vita est, et alter mundus? Hæc et his similia perpetuo cogitans, pallore conficiebatur. Præsente tamen patre, si quando ad eum veniret, hilarem ac mœrore vacuum animum præ se ferebat, quod scilicet ea quæ cogitabat ad ipsius cognitionem venire nollet. Incredibilem autem in modum aliquem nancisci cupiebat, qui ipsius pectori certam fidem face- D ret, ac bonum sermonem ipsius auribus instillare posset.

Quocirca de pædagogo eo cujus ante mentionem fecimus rursus querit num quem norit qui ad eam rem cujus cupiditate flagrabat adjumento ipsi esse, ipsiusque mentem gravibus cogitationibus æstuantem, atque hujusmodi curam abjicere nequeuntem, confirmare possit. Ille autem ea quæ prius dicta fuerant, in memoriam rursus ipsi revocans, dicebat: Jam quoque prius tibi exposui quemadmodum pater tuus sapientes illos viros ac pietati colendæ devotos, qui de hujusmodi rebus disputant, partim obtruncant, partim irato atque infenso animo expulerit, nec

ullum ejusmodi in tota hac undique regione cognosco. Quo quidem nomine magna ille molestia impletus, gravique animi vulnere affectus, ei similis erat qui ingentem thesaurum amisit, atque in ejus investigatione mentem totam occupatam ac defixam habet. Ac proinde in perpetuo languore et sollicitudine versabatur, omnesque mundi jucunditates et voluptates in ipsius oculis piaculi cujusdam et execrationis instar erant. Cum autem hoc animi statu esset, ac magno cum gemitu bonum invenire cuperet, insomnis ille oculus, qui omnia cernit, atque omnes salvos fieri, et ad veritatis agnitionem venire vult (*I Tim. II*), ipsum aspexit, suamque ipsi consuetam benignitatem ostendens, quodnam iter tenendum esset, hoc modo demonstravit.

B CAP. VI. — Erat enim eo tempore monachus quidam divinarum rerum peritus, vitæque ac sermone ornatus, atque in omni monastica vivendi ratione summopere versatus: unde oriundus, aut ex quo genere, dicere nequeo, verum in solitudine quadam Sennaaritudis terræ domicilium habens, ac sacerdotii dignitate præditus. Huic porro seni Barlaam nomen erat. Hic igitur cum divino quodam admonitu, quonam statu regis filius esset comperisset, e solitudine egressus, ad cultam et habitabilem terram profectus est; mutatoque habitu suo, atque indutis mundanis vestibus, et conscensa navi, ad Indorum regnum se contulit, ac mercatorem se esse fingens, in eam urbem in qua regis filius palatium habebat, ingreditur. Per multosque dies illic commoratus, quæ rerum ipsius status esset diligenter exquisivit, e quonam essent qui propius ad eum accedere solerent: cum igitur pædagogum eum de quo superius nobis mentio facta est ipsi omnium familiarissimum esse intellexisset, seorsim eum conveniens, his verbis usus est:

Scias velim, domine mi, me mercatorem esse, atque ex longinqua regione venisse, eximique pretii lapidem habere, cui nullus unquam similis inventus est, quemque nemini adhuc ostendi. Tibi autem hoc declaro, quod te prudentem ac cordatum virum esse videam, ut me ad regis filium introducas, ipsique eum dono dem. Siquidem bona omnia incomparabiliter antecellit. Nam et iis qui cordis oculis capti sunt, sapientiæ lucem affert, et surdis aures aperit, et mutis vocem impertit, et ægrotantes in sanitatem asserit, et stultos sapientia donat, et dæmones pellit, ac denique quidquid pulchrum et expetendum est, domino suo uberrime suppeditat. Ait ad eum pædagogus: Te quidem hominem gravis atque constantis animi esse video; cæterum verba tua immodicam quandam jactantiam præferunt. Quod enim excellentes atque ingentis pretii lapides et uniones viderim, quonam modo enumerando recensere queam? nec tamen unquam aut vidi aut audivi qui eas quas commemorasti vires haberent. Verumtamen eum mihi ostende, ac si talis est qualem ais, sine ulla cunctatione ad regis filium te introducam, qui te maximis honoribus ac beneficiis ornabit. Prius-

quam autem per ipsum oculorum obtutum, qui falli A nequit, dicta tua confirmaris, fieri non potest ut domino meo ac regi de re incerta et incognita hæc tam immodica ac prætumida renuntiem. Dixit autem Barlaam : Recte dixisti, te hujusmodi vires ac facultates nec unquam perspexisse, nec audisse. Etenim oratio ad te mea non de re vulgari, sed ingenti quadam et admiranda est. Quod autem eum cernere quæsi- visti, audi quid dicam.

Lapis hic summi pretii, præter eas quas dixi vires et facultates, hanc etiam habet. Eum enim prompte ac facile prospicere non potest, qui sanum ac firmum oculum, corpusque purum atque ab omni spurcitie alienum non habet. Nam si quis, his duabus rebus non recte comparatis, in hunc pretiosum lapidem oculos temere ac petulanter injiciat, ipsa quoque scilicet qua præditus est cernendi vi ac mente insuper mulcabitur. Ego porro, utpote medicinæ minime rudis et ignarus, oculos tuos parum sanos esse conspicio : ac proinde vereor ne hanc quoque quam habes cernendi facultatem amittas. Verum de regis filio audivi, eum tam vitæ castitate præditum esse, tam pulchros ac perspicaces oculos habere. Quocirca thesaurum hunc ipsi ostendere minime dubitabo. Quamobrem ne commiseris ut hoc negligas, ac re tanti momenti dominum tuum prives. Ille autem ad eum dixit: Si hæc ita se habent, ne mihi lapidem ostendas, siquidem plurimis peccatis vita mea inquinata est, ac præterea ne oculos quidem satis sanos habeo. De hac autem re dominum meum regem certiore facere minime cunctabor. Hoc sermone habito, ad regis **553** filium ingressus, omnia ei sigillatim exposuit. Ille autem ut præceptoris verba audivit, spirituali quadam lætitia et voluptate pectus suam afflari sensit; ac velut numine correptus, hominem celeriter introduci jussit.

Ut igitur ingressus est Barlaam, eique quam conveniebat pacem dedit, sedere jussus est. Cumque præceptor secessisset, Josaphat ad senem dixit: Velim mihi pretiosum illum lapidem ostendas, de quo magna et admiranda abs te commemorari præceptor meus mihi narravit. Barlaam autem suam ad eum disputationem ad hunc modum auspicatus est: Haudquaquam æquum est, o rex, ad illustrem tuam excellentiam quidquam falso et inconsiderate a me dici. **D** Omnia enim quæ de me ad te allata sunt vera atque ab omni dubitatione aliena sunt. Verum nisi prudentiæ tuæ prius periculum fecero, nefas est hoc **mysterium** tibi declarare. Ait enim Dominus meus: **Exiit qui seminat seminare.** Et dum seminat, alia **quidem** ceciderunt secus viam, et volucres cæli comedunt illa. Alia ceciderunt super petrosa, ubi **non** erat terra multa, et confestim exorta sunt, eo **quod** non haberent terram multam. Sole vero exorto **æstuaverunt**, et quia non habebant radicem, aruerunt. Alia autem ceciderunt inter spinas, et surgentes spinæ suffocaverunt ea. Alia postremo ceciderunt **in terram bonam**, et dederunt fructum centuplum

(*Matth. XIII*). Quocirca si in corde tuo frugiferam ac bonam terram invenero, divinum semen in te conjicere, atque ingens mysterium tibi aperire minime dubitabo. Si autem petrosa ea et spinea fuerit, viaque a quolibet calcata, omnino salutare hoc semen haudquaquam serere, ipsumque avibus et feris, ante quas margaritas projicere mihi prorsus interdictum est, in prædam objicere præstiterit. Verum de te meliora ac saluti viciniora confido: nempe quod et lapidem qui pretium omne superat videbis, ac per luminis ipsius splendorem hoc consequeris, ut ipse quoque lumen efficiaris, fructumque centuplum feras. Etenim tua causa longam viam conficere studui, ut quæ nunquam vidisti, tibi ostenderem, atque ea docerem quæ nunquam audisti.

B Dixit autem ad eum Josaphat: Equidem ipse, venerande senex, incredibili quodam, atque ejusmodi, quod nullo modo coerceri queat, desiderio teneor, novum quemdam ac bonum sermonem audiendi. Atque ignis in pectore meo incensus est, qui me ad necessarias quasdam quæstiones intelligendas vehementer inflammat. Cæterum adhuc hominem nancisci mihi non licuit, qui de hac re certam mihi fidem facere posset. Quod si sapientem quemdam, et doctrina præditum virum nactus fuero, ac salutarem sermonem audiero, nec avibus, ut opinor, nec feris eum tradam; nec rursus petrosus et spineus, ut tuis verbis utar, ero. Quin potius et candido ac sincero animo eum excipiam, et erudite ac diligenter conservabo. Tu vero si quid ejusmodi nosti, ne quæso id reticeas, verum mihi narres. Quamprimum enim e longinqua regione te venisse audivi, animi voluptate affectus sum, atque in bonam spem veni fore ut opera tua id quod cupiebam consequerer. Eoque nomine statim te ad me introduxi, comiterque tanquam familiarium meorum et æqualium aliquem excepi. Atque utinam spe mea minime fallar! Dixit autem Barlaam: Præclare, atque ut regia magnificentia dignum erat, hoc fecisti, ut non ad externæ vilitatis speciem animum adjiceres, verum abstrusæ spei te ipsum traderes.

Erat enim aliquando magnus quidam et illustris rex, cui, cum in aureo curru, satellitum manu regis majestati digna cinctus iter faceret, contigit ut duos viros, laceris ac sordidis vestibus, atque ore macie confecto, ac majorem in modum pallido, obvios haberet. Regi porro exploratum erat eos corporis afflictatione ac vitæ Deo consecratæ laboribus carnes suas ita confecisse. Ut igitur eos vidit, e curru statim desiliens, atque humi prostratus, eos adoravit: ac deinde surgens, amicissime complexus est, et salutavit. Proceres autem ipsius ac præfecti hoc moleste tulerunt, eum facinus regia gloria indignum admisisse existimantes. Verum cum coram ipsum reprehendere minime auderent, cum germano ipsius fratre agebant, ut regem admoneret, ne diadematis amplitudinem et sublimitatem ad hunc modum dedecore ac contumelia afficeret. Cum itaque ipse hæc fratri dixisset, atque intempestivam et

præposteram ipsius humilitatem accusasset, responsum ipsi rex dedit, quod a fratre minime intellectum est.

Mos enim regi erat ut cum aliquem morte multaret, præconem cum tuba, quæ quidem mortis idcirco dicebatur, ad ipsius fores mitteret, atque ex tubæ illius clangore omnes ei moriendum esse intelligebant. Itaque cum advesperasset, lethalem tubam ad fratris sui fores clangorem edituram rex misit. Ut igitur ille hanc tubam audivit, desperata salute per totam **254** noctem domesticis rebus consuluit. Mane autem atra ac lugubri veste indutus, cum uxore ac liberis ad palatii fores flens ac lamentans profectus est. Cum autem rex ipsum ad se admisisset, atque ita ejulantem vidisset, his verbis usus est: O stulte ac demens, si fratris tui, cum quo idem tibi genus et par honor est, in quem nullius omnino sceleris tibi conscius es, præconem ita extimui; quonam modo mihi reprehensionis notam idcirco inussisti, quod Dei mei præcones, qui mortem, ac Domini in quem me multa et gravia scelera perpetrasse scio pertinendum adventum mihi quavis tuba vocalius altiusque denuntiant, humiliter ac demisse salutarim? En igitur ut tuam dementiam coarguerem, hac ratione usus sum, quemadmodum etiam eos qui tibi ut me reprehenderes, in animum induxerunt, statim stolidos et amentes esse demonstrabo. Atque ita curatum et utiliter instructum fratrem suum, domum remisit.

Jussit autem e ligno quatuor arcas effici: quarum cum duas undique auro contextisset, fetidaque cada-
verum ossa in eas injecisset, aureis seris eas obfirmavit; reliquis autem duabus pice ac bitumine oblitis, pretiosisque lapidibus et exquisitis unionibus, omnique unguentaria fragrantia impletis, asperisque funibus constrictis, proceres eos, a quibus obvirorum illorum occursum reprehensus fuerat, ad se accivit, ipsisque quatuor has arcas proposuit, ut quanti hæ, quantique illæ pretii essent aestimarent. Illi autem duas eas quæ inauratæ erant, maximi pretii esse asserebant; neque enim aliter fieri posse inquiebant, quin in ipsis regię coronæ ac cingula recondita essent. Eas contra quæ pice ac bitumine oblitæ erant, viles omnino ac nullius pretii esse aiebant. Rex autem ipsis dixit: Ne me quidem fugiebat, vos hoc dicturos esse; nam sensibilibus oculis ea quæ in sensum cadunt perspicitis. Atqui non ita faciendum est; verum interioribus oculis sive pretium, sive utilitatem et fœditatem, quæ intus condita sunt, spectare oportet. Ac protinus inauratas arcas aperiri jussit. Quibus patefactis, gravis quidam ac teter odor exhalavit, atque injucundissimum spectaculum oculis objectum est.

Ait itaque rex: Hic eorum typus est qui cum splendidis et illustribus vestibus utantur, atque ob ingentem gloriam in potentiam insolenter se efferant, intus tamen foetidus cadaveribus ac flagitiis pleni sunt. Post autem, cum eas quæ pici ac bitumine oblitæ erant, aperiri jussisset, omnes eos qui aderant,

A splendore atque odoris suavitate quæ in ipsis recondita erat oblectavit. Dixitque eis: Scitis cuius rei hæ arcæ similes sint? humilibus nimirum atque abjectis illis viris, vilibusque vestibus indutis, quorum vos externum habitum intuentes, contumeliæ ac probro mihi duxistis, quod ante eos in terram me abjecissem. Ego autem eorum dignitatem, atque animorum pulchritudinem spiritualibus oculis considerans, ex ipsorum contactu gloriam contraxi, eosque quavis corona et quavis regia purpura præstantiores existimavi. Ad hunc igitur modum pudorem ipsis incussit, eosque in his rebus quæ in aspectum cadunt minime oberrare docuit, verum iis animum adungere quæ intellectu percipiuntur. Itaque ad pii et sapientis regis similitudinem ipse quoque accessisti; ut qui bona spe nixus me susceperis, quæ quidem, ut opinor, minime te fallat. Dixit autem ad eum Josaphat: Hæc omnia pulchre atque concinne dixisti. Verum illud scire aveo, quisnam sit tuus Dominus, quem tu orationis initio de illo seminatore verba fecisse dicebas.

CAP. VII. — Rursus igitur sermonem assumens Barlaam, dixit: Si quisnam Dominus meus sit intelligere cupis, Dominus Jesus Christus est, unigenitus, inquam, ille Dei Filius, ille beatus et solus potens, ille Rex regum et Dominus dominantium, qui solus habet immortalitatem, ac lucem habitat inaccessibleem, qui cum Patre et Spiritu sancto glorificatur (*1 Tim. vi*). Neque enim ex eorum numero sum qui multos hos et petulantes deos colunt, atque hæc animæ expertia et surda simulacra venerantur; verum unum Deum agnosco et confiteor, qui in tribus personis, hoc est Patre et Filio et Spiritu sancto, atque una natura et essentia, in una gloria et regno minime diviso glorificatur. Hic igitur in tribus personis unus Deus, principii ac finis expers (*Naz., orat. 2, de Pasch.*), sempiternus, increatus, immutabilis, corpore vacans, invisibilis, circumscriptione carens, animi comprehensionem fugiens, solus bonus ac justus est, qui omnia, tam quæ oculis cernuntur quam quæ oculorum obtutum fugiunt, ex nihilo in ortum produxit.

Primum scilicet invisibilem ac cœlestium virtutum innumerabilem quamdam multitudinem a materia et corpore secretam, hoc est administros divinæ majestatis spiritus; deinde autem mundum hunc in aspectum cadentem, hoc et cœlum, ac terram, et mare; quem etiam lætissima luce coornavit, cœlum nempe sole ac luna et sideribus, terram autem omnis generis **255** stirpibus ac variis animalibus, mare denique numerosissimis piscium generibus. Hæc omnia ipse dixit, et facta sunt: ipse mandavit, et creata sunt (*Psal. cXLVIII*). Post autem hominem suismet manibus effingit, sumpto nimirum a terra ad corporis compositionem luto, animam autem rationis et intelligentiæ particeps per suam insufflationem ipsi tributa, quæ quidem ad Dei imaginem et similitudinem effecta esse scripta est (*Gen. 1*): ad imaginem videlicet, propter vim intelligendi atque

arbitrii libertatem; ad similitudinem autem, propter A virtutis ipsius, quoad ejus fieri potest, imitationem. Hunc porro hominem, arbitrii libertate atque immortalitate donatum, eorum quæ in terra sunt regem constituit; atque ex ipso feminam, quæ ipsi auxilio esset, ipsi similem effecit.

Consititque in Eden ad Orientem paradiso, voluptatis omnis atque oblectamenti pleno, hominem, quem effinxerat, in ipso collocavit; sic quidem, ut divina bonitas omnia ligna quæ illic erant sine nullo impedimento eum percipere juberet; unius autem duntaxat degustatione ipsi interdiceret (quod quidem lignum scientiæ boni et mali appellatum est), his verbis utens: Quacunque die comederitis ex eo, morte moriemini. Enimvero unus ex prædictis angelicis copiis, qui uni agmini præerat, cum naturalis vitii ne minimum quidem vestigium a creatore accepisset, verum boni causa procreatus fuisset, libera mentis inductione a bono in malum deflexit, atque insolentia elatus, adversus Dominum ac Deum rebellare voluit. Ac propterea ex ordine suo ac dignitate expulsus est, atque pro beata illa gloria et angelico nomine, diaboli ac Satanæ nomen consecutus est. Deus enim ipsum, et cœlesti gloria indignum, præcipitem e cœlo exturbavit. Cum eo porro simul avulsa et ejecta est ingens angelorum qui ipsi suberant multitudo: qui quidem mentis inductione mali effecti, ac boni loco principis sui defectionem secuti, dæmonum nomen, ut impostores ac circumscriptores, acceperunt.

Diabolus igitur, abjurato prorsus bono, malaque C natura assumpta, invidiam adversus hominem concepit (*Sap. 11*), propterea quod seipsum e tanta gloria ejectum, illum autem ad tantum honorem subvectum perspiceret: eumque e beata illa vivendi ratione dejicere moliebatur. Quare serpentem imposturæ suæ officinam nactus, per eum feminam convenit. Cumque eam spe divinitatis adduxisset, ut interdictum lignum degustaret, per eam postea etiam Adamum (nam hoc primo homini nomen fuit) in fraudem impulit. Porro autem, ut primus homo contra divinum imperium interdictam plantam degustavit, a summo parente atque architecto e deliciarum paradiso exterminatur, atque beatæ illius et ab exitio immunis vitæ loco in hanc (heu!) miseram vitam incidit, ac postremo morte multatur. Atque D hinc vires nactus diabolus, et victoria elatus, aucto hominum genere, omne improbitatis genus ipsis in animum injecit. Ex quo factum est ut Deus ingentem peccati impetum coercere ac reprimere volens, terræ diluvium induxerit, atque omnem animam viventem exstinxerit (*Gen. vii*). Cum autem unum duntaxat in illa ætate justum virum invenisset, hunc cum uxore ac liberis in arca quam servatum, solum in terra constituit. Posteaquam autem rursus homines numero augeri cœperunt, Dei oblivione capti sunt, atque ad graviolem impietatem proruperunt, ut qui diversis peccatis in servitutem se addixerint, atque in varia errorum generâ distraxerint.

Alii enim casu ac fortuito omnia ferri, providentiæque expertia esse censuerunt; tanquam scilicet nullus Dominus sit qui ea regat ac moderetur. Alii fatum invexerunt, natalitiisque sideribus omnia commiserunt. Alii multos deos malos, ac multis vitiosis affectionibus laborantes coluerunt, quo videlicet suarum affectionum et gravium flagitiorum defensores et patronos eos haberent. Quorum etiam formas pictura exprimentes, surdas statuas ac sensu carentia simulacra in altum erexerunt, eaque in templis inclusa coluerunt et adorarunt, servientes nimirum creaturæ potius quam Creatori. Quidam enim solem et lunam ac sidera, quæ Deus ad lucem terreno huic mundo afferendam posuit, coluerunt: quæ quidem anima et sensu carent, ac Creatoris providentia illuminantur et conservantur, non autem quidquam per se virium habent. Alii autem ignem et aquam ac reliqua terræ elementa, quibus nec anima nec sensus inest. Neque eos qui anima et ratione præditi sunt ejusmodi rebus cultum adhibere puduit. Alii feris, et reptilibus, et pæcudibus, et quadrupedibus animantibus venerationem tribuerunt: hinc scilicet sese rationis magis expertes ostendentes quam ea ipsa quæ colebant. Alii turpium quorundam et abjectorum hominum formas depinxerunt, eosque deos appellarunt, partim masculos, partim feminas: quos etiam ipsimet adulteros, et homicidas, et iracundos, et invidos, et furiosos, et parricidas, et fratricidas, et fures, 256 et raptores, et claudos, et debiles, et veneficos, et insanos esse tradiderunt, atque horum nonnullos mortem obiisse, nonnullos fulmine percussos fuisse, nonnullos hominibus serviisse, atque exsules exstitisse, nonnullos vulnera accepisse, ac lamenta edidisse, atque ob improba et fœda flagitia in animalia sese immutasse. Quo fiebat ut homines ab ipsis diis occasionem sumentes, omni impuritatis genere sese contaminarent. Ac tum horrenda quidem caligo genus nostrum tenebat; neque erat qui intelligeret, nec qui Deum requireret (*Psal. xiiii*).

Ea autem ætate Abraham solus inventus est qui animæ sensum firmum ac valentem haberet, atque ex rerum conditarum prospectu conditorem agnosceret. Nam cum cœlum, ac terram, et mare, solem item et lunam ac reliqua considerasset, hujusmodi ornatum concinnitatis plenum admiratus est. Cumque mundum, et ea quæ in ipso sunt, conspexisset, non casu ac fortuito ea exstitisse atque conservari existimavit. Nec rursus terræ elementis, aut inanimis simulacris ornatus hujusmodi causam ascripsit; sed Deum verum per hæc agnovit, atque universi effectorem et conservatorem esse intellexit. Deus autem ejus probitatem animi atque candorem, rectumque judicium comprobans, seipsum ei patefecit (non quidem ut natura est, neque enim fieri potest ut creata natura Deum cernat, verum per dispensatorias quasdam Dei visiones, quemadmodum ipse novit), pleniorque sui cognitionem in ipsius animo inserens, gloria eum affectit, sibi que famulum ascivit. Qui quidem per successionem his qui ab

ipso promanarunt transmissa pietate, eos veri Dei A cognitione instruxit. Eamque ob causam Dominus semen ipsius in infinitam multitudinem excrescere voluit, populumque sibi peculiarem appellavit (*Gen. xv; I Pet. II*); eosque Ægyptiæ gentis, ac tyranni Pharaonis servitute pressos, editis horrendis atque admirandis signis et prodigiis per Moysen et Aaronem, viros sanctos ac prophetiæ dono præditos, eduxit (*Exodi xv*). Quorum etiam opera Ægyptios, pro eo atque ipsorum improbitas merebatur, excruciat; et Israelitas (sic enim populus ille, qui ab Abrahamo ortum duxit, vocabatur) siccis pedibus per Rubrum mare, scissis videlicet aquis, atque tum a dextra tum a sinistra muri instar effectis, trajecit. Cum autem Pharao et Ægyptii a tergo eossequerentur, reversæ aquæ eos prorsus deleverunt. Ac postea, cum per maxima miracula divinosque prospectus, quadraginta annorum spatio populum in deserto deduceret, ac cœlesti pane eum aleret, legem (quæ futurorum typus atque adumbrati) erat) lapideis tabulis divinitus inscriptam dedit, eamque Moysi in monte tribuit (*Exodi xxxi*). Quæ quidem ab omnibus simulacris et flagitiosis actionibus abducebat, solumque verum Deum venerari docebat. Sic igitur per ingentia miracula ipsos in bonam quamdam terram induxit, quam olim patriarchæ illi Abrahamo se ipsius semini daturum receperat. Ac longum esset commemorare quot quamque magna et admiranda et illustria atque eximia beneficia, quæ numerum omnem excedunt, in eos contulerit. Quibus omnibus id agebatur, ut ab omni nefario cultu et flagitio genus humanum abstraheret, atque in veterem statum revocaret. Nihil secius tamen adhuc natura nostra erroris libertati serviebat, ac per diaboli tyrannidem mors in homines regnum obtinebat, omnesque divina sententia condemnatos in infernum trans mittebat.

Cum igitur in ejusmodi calamitatem ac miseriam venissemus, minime nos despexit is a quo effici atque in ortum producti fuimus; neque manum suarum opus funditus perire sivit. Verum benigna Dei ac Patris voluntate unigenitus Filius, et Dei Verbum, qui est in sinu Patris; ille, inquam, ejusdem cum Patre ac Spiritu sancto substantiæ, ille ævo omni antiquior, ille principii expers, qui in principio erat, et apud Deum ac Patrem erat, et Deus erat, ad servos suos indulgenter se demittit; et quidem ita, ut hæc demissio nec verbis declarari, nec mente comprehendi possit. Nam cum Deus perfectus esset, perfectus homo ex Spiritu sancto et sancta Maria virgine Dei genitrice efficitur, non ex viri semine aut voluntate aut concubitu (*Joan. I*), in labis omnis experte Virginis utero conceptus, sed ex Spiritu sancto, quemadmodum ante conceptionem archangelorum unus missus est, qui novam illam et admirandam conceptionem Virgini nuntiaret. Et enim Dei Filius ex Spiritu sancto sine semine conceptus est: compactaque sibi in Virginis utero carne animata anima rationis ac mentis particeps, prodiit

in una persona, et duabus naturis, perfectus Deus, et homo perfectus; matris virginitatem etiam post partum ab omni labe conservans. Atque iisdem omnino quibus nos, excepto peccato, passionibus obnoxius effectus (*Heb. IV*), infirmitates nostras suscepit, ac morbos nostros portavit (*Isa. LIII*). Quoniam enim per peccatum mors in mundum introierat (*Rom. V*), necesse erat ut qui redemptionis munere perfuncturus erat, ab omni peccato purus esset, peccatique morti minime obnoxius.

Triginta porro annis cum hominibus versatus, in Jordanis undis a Joanne viro sancto, ac prophetarum omnium præstantissimo, baptizatus est. Eoque baptizato vox ejusmodi de cœlo a Deo Patre delata est: Hic est Filius meus dilectus, in quo mihi bene complacui (*Lucæ III*): atque Spiritus sanctus columbæ specie in ipsum descendit. Ac deinceps magna et admiranda signa efficere cœpit, mortuos videlicet ad vitam revocans, cæcis lucem afferens, dæmones in fugam vertens, surdos et claudos curans, leprosos purgans, atque inveteratam naturam nostram undique renovans, operibusque erudiens, ac virtutis viam edocens, atque a corruptione abstrahens, et ad sempiternam vitam iter monstrans. Unde etiam duodecim discipulos elegit (*Matth. XIX*), quos apostolos nominavit, ipsisque negotium dedit ut cœlestem vitæ rationem prædicarent, quam ut in terra ostenderet, ac nos humiles et terrenos per incarnationem suam cœlestes efficeret, venerat.

At vero admirandæ ipsius ac Deitati consentaneæ vitæ atque infinitorum miraculorum invidia et furore commoti Judæorum pontifices ac principes, apud quos scilicet commorabatur, et ad quorum utilitatem admiranda hujusmodi signa et prodigia perpetrarat, beneficiorum omnium immemores, eum morte multarunt, uno nimirum ex ipsius discipulis ad ipsum prodendum arrepto, comprehensumque ipsum genibus dederunt, ipsum, inquam, qui omnium vitæ erat, ac sponte hæc suscipiebat. Hac enim de causa venit, ut nostra causa omnia perpeteretur, quo videlicet nos a vitiosis affectionibus in libertatem vindicaret. Cum autem multa in eum suppliciorum generis exercuissent, eum ad extremum cruce condempnarunt. Atque omnia in carnis, quam ex nobis assumpserat, natura pertulit: divina interim ipsius natura ab omni perpeessione libera manente. Nam cum duplici natura præditus esset, hoc est divina, et ea quam a nobis assumpserat, humana quidem natura perpeessa est, divinitas autem perpeessione immunis et immortalis erat. Cruci igitur in carne affixus est innocens Dominus noster Jesus Christus. Peccatum enim non fecit, nec inventus est dolus in ore ejus (*Isa. LIII; Rom. V*); proindeque morti obnoxius non erat. Quandoquidem, ut jam dixi, mors per peccatum in mundum introivit. Verum nostra causa carne mortem oppetiit, ut nos a mortis tyrannide redimeret. Descendit ad inferos, iisque contritis, eas quæ ab orbe condito illic inclusæ tenebantur, animas liberavit. In sepulcro conditus, tertia die resurrexit, cum

scilicet mortem superasset, victoriamque nobis adversus eam donasset, atque immortalitatis largitor immortalitatem carni conciliasset, discipulis visus est, ipsisque pacem impertivit (*Joan. xx*; *Act. i*), ac per eos universo mortalium generi.

Post quadraginta autem dies in cœlos ascendit, atque in Patris dextra sedet, rursumque venturus est judicare vivos et mortuos, ac reddere unicuique juxta opera sua (*Psal. lxi*). Post gloriosam autem suam in cœlos ascensionem, sanctissimum Spiritum ad sanctos suos discipulos in ignis specie misit; cuius instinctu peregrinis linguis loqui cœperunt, quem admodum ipse dabat eloqui illis. Hinc igitur per ipsius gratiam in omnes gentes dispersi sunt, atque orthodoxam fidem prædicaverunt, baptizantes eos in nomine Patris et Filii et Spiritus sancti, et docentes servare omnia Salvatoris præcepta (*Matth. xviii*). Ad hunc igitur modum gentes a recta via aberrantes illustrarunt, ac supersitiosum idolorum errorem de mediis sustulerunt. Quamvis autem hostis, cladem suam indignissime ferens, nunc quoque bellum adversus pios excitet, stultis videlicet ac stolidis persuadens ut idolorum cultum adhuc retineant, imbecilla tamen ipsius vis effecta est, atque ipsius framæ per Christi potentiam in finem defecerunt. Et tibi Dominum meum ac Deum et salutis auctorem paucis verbis declaravi; plenius autem eum cognoscas, si ipsius gratiam in anima tua acceperis, divinoque beneficio tibi contigerit ut ipsius servus sis.

CAP. VIII. — Hæc verba ut regis filius audivit, ipsius animus lumine perstrictus est, ac prælæticia e solio suo exsurgens, Barlaamque complectens, dixit: Fortasse, nisi me conjectura fallit, vir præstantissime, hic est inestimabilis ille lapis quem non abs re occultum tenes, nec cuilibet promiscue ostendis, verum iis demum qui sanis ac firmis animi sensibus præditi sunt. Ecce enim ut hæc verba auribus excepi, suavissima lux pectus meum subiit, et grave illud mœroris velamen, quod jam pridem animo meo undique incumbibat, statim sublatum est. Si igitur recte conjicio, fac, quæso, sciam. Sin autem aliquid his quæ abs te commemorata sunt præstantius nosti, ne cuncteris id mihi rursus aperire.

Rursum igitur respondit Barlaam: Ita sane, mi domine ac rex, hoc est illud magnum mysterium, quod absconditum est a sæculis et generationibus, in extremis autem temporibus hominum generi patefactum (*Coloss. i*). Cujus declarationem olim per Spiritus divini gratiam multi prophetæ ac justi viri prædixerunt, multifariam multisque modis edocti (*Hebr. xi*), atque alta voce annuntiantes. Cumque salutem omnino futuram prospicerent, ejusque cernendæ cupiditate tenerentur, non tamen eam perspexerunt; verum ultima hæc generatio divino beneficio salutis auctorem suscepit. Quamobrem qui crediderit, et baptizatus fuerit, salvus erit (*Marc. xvi*).

Dixit autem Josaphat: Omnia ea quæ abs te dicta

sunt sine ulla dubitatione credo, eumque quem annuntias Deum gloria afficio. Hoc unum peto, ut sine ullo errore cuncta mihi declares, quidque mihi faciendum sit exacte doceas. Atque etiam quidnam baptismus sit quem ab iis qui fide præditi sunt accipiatis, deinceps fac intelligam.

Ille autem ad eum respondit: Sanctæ hujus et incontaminatæ Christianorum fidei velut radix ac certum fundamentum divini baptismi gratia est, ut quæ omnia a nativitate contracta peccata expiet, atque ea inquinamenta quæ ex vitio conflata sunt prorsus expurget. Sic enim Salvator mandavit, ut per aquam ac Spiritum regeneremur, atque ad veterem dignitatem redeamus: per orationem videlicet ac salutarem invocationem, ad aquam accedente Spiritu sancto. Baptizamus igitur juxta Salvatoris sermonem in nomine Patris et Filii et Spiritus sancti (*Matth. xxviii*). Atque ita Spiritus gratia in ejus qui baptizatur anima immoratur, eam illustrans, ac divinam reddens, atque imaginem illam ac similitudinem Dei, ad quam condita est, ipsi instaurans. Ac deinceps, veteribus omnibus vitii operibus abjectis, novæ vitæ cum Deo pactum inimus (*Naz., orat. de sanct. Baptism.*), ac puriorem vivendi rationem auspicamur: quo nimirum etiam cohæredes eorum efficiamur qui ad immortalitatem regenerati sunt, ac sempiternam salutem consecuti sunt. Citra baptismum autem fieri non potest ut quisquam bonam spem consequatur, quamlibet etiam pios omnes pietate antecellerit. Sic enim Deus Verbum, qui, ut generi nostro salutem afferret, humanitatem suscepit, dixit: Amen dico vobis, nisi quis regeneratus fuerit ex aqua et Spiritu sancto, non intrabit in regnum cœlorum (*Joan. iii*). Quamobrem ante omnia te rogo, ut animo fidem accipias, ac statim ardentissimo quodam desiderio ad baptismum accedas, nec ullam omnino moram adhibeas. Periculosa siquidem est dilatio, propterea quod præstitutus morti dies incertus est. Josaphat autem ad ipsum dixit: Et quænam bona illa spes est, cujus fieri posse negasti ut quisquam citra baptismum compos fiat? Quidnam etiam illud est, quod cœlorum regnum appellas? Undenam item Dei humanitate induti verba audivisti? Quinam rursus est incertus morti præstitutus dies, de quo ingens sollicitudo pectus meum subiens, mœroribus ac doloribus carnes meas conficit, atque adeo ipsum osium robur exest? Denique utrum morientes in nihilum dilabimur, an contra post præsentem peregrinationem alia vita superest: hæc et his consentanea ex te scire avebam.

Barlaam hujusmodi responsum his verbis dedit: Bona ea spes, de qua locutus sum, regni cœlestis est. Ea autem est ejusmodi, ut nulla omnino humana lingua explicari possit. Ait enim Scriptura: Quæ oculus non vidit, et auris non audivit, et in cor hominis non ascenderunt, præparavit Deus diligentibus se (*Isa. lxiv*; *I Cor. ii*). Cum autem abjecta hac crassa carne, beatitudinem illam divino beneficio consecuti fuerimus, tum ille, cujus beneficio spes

nostra nos minime fefellerit, nos docebit, efficietque ut bonorum illorum gloriam, omnem mentis captum superantem, lucem illam quæ nulla oratione exprimi potest, vitam illam quæ morte non interrumpitur, ac denique illam cum angelis vitæ consuetudinem cognoscamus. Nam si hoc divinitus consequamur, ut cum Deo, quantum humanæ naturæ fas est, consuetudinem habeamus, omnia ea quæ nunc nobis ignota sunt ab eo sciemus. Hoc enim, Scripturis divinitus inspiratis edoctus, omnium maxime cælorum regnum esse duco, nempe ad sanctæ, et quæ vitæ initium dedit, Trinitatis contemplationem accedere, atque incomparabili ipsius lumine purius illustrari, ac revelata facie (*II Cor. III*) ipsius gloriam omnem verborum facultatem superantem contueri. Nec vero mirandum est, gloriam illam ac lucem et arcana bona nullis verbis declarari posse; neque enim ampla et eximia essent, si nos terreni et mortales, ac gravem hanc et affectionibus obnoxiam carnem gestantes, ea tum cognitione percipere, tum verbis exprimere possemus. Quæ cum explorata tibi sint, ea fide sola citra ullam dubitationem accipe, atque ab omni fictione abhorre; illudque stude, ut per bona opera immortalem illam gloriam arripias. Qua cum tibi potiri contigerit perfectius hæc cognosces.

359 Quod autem ex me quæсивisti, quomodo nos incarnati Dei verba audierimus, hoc habeto, nos per sacrosancta Evangelia ea quæ ad theandricam, hoc est Dei cum homine conjuncti, dispensationem pertinent, didicisse. Nam ita sanctus ille liber appellatur, ut qui immortalitatem et statum a corruptione alienum, et sempiternam vitam, et peccatorum remissionem, et cælorum regnum, nobis qui mortales interituque obnoxii ac terreni sumus, fauste annuntiet. Quem quidem scripserunt qui spectatores ac ministri Verbi fuerunt. De quibus superius dixi, quod Salvator noster Christus discipulos et apostolos elegerit. Qui quidem nobis post gloriosam Dei in cælos ascensionem, ipsius in terra vitæ rationem; et doctrinam ac miracula, quantum ab hominibus præstari poterat, litterarum monumentis mandarunt. Sic etenim in extrema libri sui parte eximius ille inter divinos evangelistas dixit: Sunt et alia multa, quæ fecit Jesus, quæ si scribantur per singula, nec ipsum arbitror mundum eos qui D scribendi sunt capere posse libros (*Joan. XXI*).

In hoc igitur divino Evangelio, tum incarnationis, tum declarationis, tum miraculorum, tum præceptorum ipsius historia, Dei spiritu exarata continetur. Ac deinde supplicii illius ab omni labe remoti, quod Dominus nostra causa subiit, sanctæque triduo post resurrectionis, atque in cælos ascensionis, ac denique illustris ac metuendi ipsius secundi adventus mentio habetur. Rursum enim Dei Filius cum gloria, omni sermone præstantiori atque ingenti cælestis militiæ multitudine in terram venturus est, ut de mortalium genere sententiam ferat, atque unicuique pro eo ac gessit, rependat

(*Lucæ XXI*). Etenim cum Deus hominem ab initio effinxisset (quemadmodum etiam jam tibi exposui) insufflavit in eum spiraculum vitæ (*Gen. II*), quæ quidem anima rationis atque intelligentiæ particeps appellatur. Quoniam autem morte damnati sumus, omnibus nobis mori necesse est; nec fieri potest ut hic calix hominem ullum prætereat. Nihil autem est aliud mors quam animi a corpore disjunctio. Ac quidem illud corpus, quod e terra effectum est, posteaquam ab animo sejunctum est, in terram, ex qua sumptum fuerat, revertitur, ac corruptum dissolvitur (*Gen. III; Eccli. III*). Anima autem immortalis cum sit, eo proficiscitur quo summus ille effector imperat, vel, ut rectius loquar, quemadmodum ipsa sibi, cum adhuc in carne versaretur, hospitium præparavit. Ut enim quisque vitæ munere hic functus fuerit, illic recepturus est.

Denique confectis longis temporum curriculis, Deus noster cum metuenda et sermonis facultatem superante gloria ad iudicium de orbe ferendum veniet. Cujus metu cælorum virtutes commovebuntur, atque omnis angelorum exercitus tremore correptus coram ipso astitit (*Luc. XXI*): tum videlicet, cum in archangeli voce ac divina tuba mortui ad vitam redibunt, ac tremendo ipsius throno sistentur (*I Thess. IV*). Est autem resurrectio, animæ rursus cum corpore conjunctio. Quocirca hoc ipsum corpus, quod interit ac dissolvitur, ita resurget, ut deinceps interire nequeat (*I Cor. XV*). Nec vero huic rei fidem ullo modo abrogare in mentem tibi veniat. Neque enim ei qui ipsum primum e terra effluxit, posteaquam in terram ex qua sumptum est rediit, juxta Creatoris sententiam rursus ad vitam excitare impossibile est. Nam si quod Rex Deus ex nihilo in ortum produxerit, tecum reputes, istud satis magno argumento tibi futurum est. Etenim sumpta terra, quæ prius non erat, hominem procreavit (*Gen. II*). Quoniam igitur modo e terra homo factus est? Quoniam modo ipsa ex nihilo producta est? Quoniam item fundamento nititur? Quoniam denique modo ex ipsa infinita tum brutorum, tum seminum, tum stirpium genera producta sunt? Quinetiam in nostro quoque ortu velim hoc consideres. An non enim per exiguum semen in terram, hoc est in vulvam ipsum excipientem emittitur? Unde igitur hæc tanta animalis effectio?

Quamobrem ei qui omnia ex nihilo produxit, atque etiamnum producit, minime impossibile est corporea ea quæ morte extincta atque corrupta sunt, e terra ad vitam revocare, ut unusquisque consentaneam operibus suis mercedem recipiat (*II Cor. V; Psalm. LXI*). Laboris enim est, inquit ille, præsens tempus; futurum autem, mercedis. Alioqui, ubinam Dei justitia erit, nisi sit resurrectio? Siquidem multi probi viri, cum in hac vita multas calamitates ac multa supplicia tulissent, per vim tandem de medio sublatis sunt. Nonnulli contra impii ac facinorosi homines, in deliciis ac prosperis rerum successibus præsentem vitam consumpserunt: at Deus, ut qui

simul et bonitate et iustitia præstet, resurrectionis ac referendarum rationum diem constituit, ut, cum quæque anima corpus suum receperit, improbus quidem et sceleratus, qui hic omnia secunda ac læta habuerit, illic scelerum pœnas luat; probus contra eorum quæ inique gesserit, pœnis in hac vita persolutis, illic bonorum hæreditatem consequatur. Audient enim, inquit Dominus, qui in monumentis **260** sunt, vocem Filii Dei. Et exhibent, qui bona fecerunt in resurrectionem vitæ; qui autem mala egerunt, in resurrectionem iudicii (*Joan. v*). Quo scilicet tempore sedes quoque collocabuntur, atque Antiquus dierum (*Dan. vii*), rerumque omnium parens et architectus præsidebit. Ac libri aperientur, in quibus omnium nostrum actiones, sermones, cogitationes inscriptæ continentur. Atque **B** igneus fluvius rapido cursu volvetur, cunctaque quæ in abstruso delitescunt, patefient. Non illic patronus, aut verborum lenocinium, aut falsa excusatio, aut opum potentia, aut dignitatum fastus, aut amplissimæ munerum largitiones rectum iudicium suppressere poterunt: verum incorruptus ille ac verus iudex ad iustitiæ laudem omnia perpendet, hoc est, et actionem, et sermonem, et cogitationem. Ac proficiscentur qui virtutibus operam dederunt ad sempiternam vitam, et lucem omnem orationis vim excedentem, ut cum angelis oblectentur, atque arcanis bonis fruantur, sanctæque Trinitati pure astent; qui autem turpibus flagitiis sese devinxerint, atque omnes impii et peccatores ad sempiternum cruciatum, qui quidem gehenna dicitur, et exte- **C** riores tenebræ, et insomnia vermis, et stridor dentium, aliaque innumera tormenta.

Quorum omnium nullum æque grave et acerbum est, atque a Deo abalienari, et a dulcissima ipsius facie abjici, gloriaque illa quæ nullis verbis exponi potest orbari, atque inspectante universo orbe traduci, et ignominia quæ nunquam finem habitura sit notari. Posteaquam enim horrenda illa sententia edita fuerit, omnia deinceps immutabilia, et conversionis omnis expertia manebunt: sic videlicet, ut nec vita læta iustis finem habitura, nec afflictio et pœna peccatoribus terminum acceptura sit. Neque enim sublimior post eum alter iudex est, nec per sequentia opera purgatio, nec præstitutus emendationis terminus, nec alia ulla iis qui in cruciatu versabuntur ars et ratio, quippe cum supplicium una cum ipsis in sempiternum duret.

Quæ cum ita sint, quales tandem nos in sanctis conversationibus ac piis actionibus esse oportet, ut digni habeamur venturas minas effugere, atque a dextris Filii Dei stare (*II Pet. iii*)? Nam hæc iustorum statio est, quemadmodum contra miserrima ad sinistram pars peccatoribus assignata est. Post autem Dominus justos Patris sui benedictos vocans (*Matth. xxxv*), in perpetuum regnum introducet; peccatores autem cum ira et execratione a suavi et tranquilla facie sua abjectos (quo nihil gravius et

acerbius excogitari potest) ad sempiternam pœnam ablegabit.

CAP. IX — Josaphatautem his ad eum verbis usus est: Magnas quasdam et admirandas res, magnoque metu ac tremore dignas mihi, o homo, narras, si quidem hæc ita se habent, atque postquam fatis concesserimus, et in cinerem ac pulverem dissoluti fuerimus, resurrectio et regeneratio futura est, rerumque in vita gestarum examen ac merces. Verum quo argumento hæc probas? et quoniam ei rei quæ nondum oculis perspecta est auditæ atque intellectæ usque adeo firmam et indubitam fidem adhibuistis? Nam quæ jam gesta ac re ipsa declarata sunt, etiamsi ipsi minime videritis, at ab iis qui ea viderunt, ac memoriæ prodiderunt, audivistis. Quoniam autem modo de rebus futuris tam magna et prætumida prædicantes, certam de iis fidem nacti estis.

Respondit Barlaam: Ex iis quæ jam contigerunt, de futuris etiam certam fidem nactus sum. Nam qui hæc prædicarunt, nec ulla in re a vero aberrarunt, verum per signa et prodigia, variasque virtutes sermonibus suis robur conciliarunt, iidem etiam de futuris nos admonuerunt. Quemadmodum igitur hic nihil præposterum ac fictum docuerunt, verum omnia ea quæ ab ipsis dicta et facta sunt, sole clarius effulserunt, eodem quoque modo illic vere omnia tradiderunt. Quæ quidem etiam ipse Dominus noster ac herus Jesus Christus, tum sermone, tum opere confirmavit. Amen enim, inquit, dico vobis, quia venit hora, quando mortui audient vocem Filii Dei, et qui audierint, vivent (*Joan. xii*). Ac rursus: Venit hora, in qua omnes qui in monumentis sunt audient vocem Filii Dei. Et procedent qui bona fecerunt in resurrectionem vitæ; qui vero mala egerunt, in resurrectionem iudicii (*Lucæ xx*). Ac rursus ait: De mortuorum autem resurrectione non legistis quod dictum est vobis a Deo, dicente: Ego sum Deus Abraham, Deus Isaac, et Deus Jacob? Deus porro mortuorum Deus non est, sed viventium. Ut enim colliguntur zizania, et comburuntur, sic erit in consummatione sæculi hujus (*Matth. xxix*). Mittet Filius Dei angelos suos, et colligent de regno ejus omnia scandala, et eos qui faciunt iniquitatem. Et mittent eos in caminum ignis: illic erit fletus et stridor dentium. Tunc iusti fulgebunt sicut sol in regno Patris eorum.

Hæc dicens addidit: Qui habet aures audiendi, audiat (*Luc. ii*). His igitur pluribusque aliis **261** verbis Dominus corporum resurrectionem declaravit. Reipsa autem sermonibus suis fidem astruxit, cum mortuos ad vitam revocavit, ac sub terrestris vitæ suæ catastrophæ Lazarum quemdam amicum suum, qui jam quatruiduo mortuus erat, ac fœtebat, e monumento vocavit, eumque qui animam efflaverat, vivum exhibuit (*Joan. xi*). Quin ipse quoque Dominus perfectam, nec jam morti subjectam resurrectionem auspicatus est: quippe qui morte in carne degustata, triduo post ad vitam rediit, ac mortuorum primogenitus effectus est (*I Cor. xvi*). Quanquam enim alii

quoque a morte ad vitam excitati sunt, morte tamen rursus functi sunt, nec futura veræ resurrectionis imaginem exhibere potuerunt. Solus autem ipse resurrectionis illius auctor ac princeps exstitit, ut qui immortalis resurrectione ad vitam redierit. Hæc illi etiam qui ab initio spectatores ac ministri verbi fuerunt, prædicarunt. Ait enim beatus Paulus, qui non ab hominibus, sed e cælo vocatus est (*Gal. 1*) : Notum vobis facio, fratres, Evangelium quod annuntiavi vobis. Tradidi enim vobis in primis quod et accepi, quod Christus mortuus est pro peccatis nostris secundum Scripturas, et quod sepultus est, et quod resurrexit, secundum Scripturas (*Rom. iv*). Si autem Christus prædicatur quod resurrexit a mortuis, quomodo dicunt quidam, quod resurrectio mortuorum non est? Nam si mortui non resurgunt, nec Christus quidem resurrexit. Si autem Christus non resurrexit, inanis est fides vestra. Adhuc estis in peccatis vestris. Si in hac tantum vita sperantes sumus in Christo, miserabiliores sumus omnibus hominibus. Nunc autem Christus resurrexit a mortuis, primitiæ dormientium. Quoniam quidem per hominem mors, per hominem autem resurrectio mortuorum. Ut enim in Adam omnes moriuntur, ita in Christo omnes vivificabuntur (*I Cor. xv*). Et paucis interjectis : Oportet enim, inquit, corruptibile hoc induere incorruptionem, et mortale hoc induere immortalitatem. Cum autem mortale hoc induerit immortalitatem, tunc fiet sermo qui scriptus est, Absorpta est mors in victoria. Ubi est mors victoria tua? Ubi est mors stimulus tuus? Destruetur autem prorsus ac delebitur mortis potentia, ut quæ jam vim suam non exerat, verum deinceps hominibus immortalitas atque incorruptilitas sempiterna concedatur. Erit igitur, erit, inquam, sine ulla dubitatione mortuorum resurrectio, idque certissime credimus. Quinetiam rerum in vita gestarum, examen ac præmia et pœnas fore perspectum habemus, in metuendo videlicet adventus Christi die (*I Pet. ii*), in quo cæli igne solventur et elementa ardore contabescent, ut theologi cujusdam verbis utar. Novos autem cælos, ac novam terram secundum ipsius promissionem expectamus. Nam quod illic operum præmia et pœnæ sint, nihilque omnino bonorum vel malorum negligatur, verum et actionum, et verborum, et cogitationum merces recondita sit, ex his Christi verbis constat: Quicumque potum dederit uni ex minimis istis calicem aquæ frigidæ, tantum in nomine discipuli, non perdet mercedem suam (*Matth. x*). Ac rursus ex his : Cum venerit Filius hominis in majestate sua, et omnes angeli cum eo, tunc sedebit super sedem majestatis suæ, et congregabuntur ante eum omnes gentes, et separabit eos ab invicem, sicut pastor segregat oves ab hædis. Et statuet oves quidem a dextris suis, hædos autem a sinistris. Tunc dicet Rex his qui a dextris erunt: Venite, benedicti Patris mei, possidete regnum vobis paratum a constitutione mundi. Esurivi enim, et dedistis mihi manducare; sitivi, et dedistis mihi bibere; hospes eram, et collegistis me; nudus, et cooperuistis me; infirmus, et

visitastis me; in carcere eram, et venistis ad me (*Matth. xxv*). Cur his verbis utitur, nisi quia beneficia, quæ a nobis in egentes conferuntur, sibi asciscit? Et alio loco ait: Omnis quicumque confitebitur me coram hominibus, confitebor et ego eum coram Patre meo, qui est in cælis (*Luca xii*).

En per hæc omnia, ac plura alia, firma et certa esse bonorum operum præmia declaravit. Quemadmodum etiam contra improbarum actionum pœnas illic reconditas esse denunciavit, per admirandas scilicet et eximias parabolas quas ille sapientiæ fons prorsus sapienter exposuit. Etenim divitem quemdam inducit (*Luca xvi*), purpura et bysso indutum, ac quotidie splendide epulantem; tenacem autem atque a misericordia remotum, adeo ut pauperem quemdam, Lazarum nomine, ad fores suas jacentem despiceret, ac ne ipsas quidem mensæ suæ micæ ei impertiret. Utroque igitur extremo vitæ die functo, pauper quidem ille atque ulcerosus in Abrahamæ sinum delatus est (quo nempe vocabulo proborum virorum sedem declaravit), dives contra acerbissimo flammæ supplicio in inferno addictus est. Ad quem etiam Abraham his verbis utebatur: Recepisti bona in vita tua, et Lazarus similiter mala. Nunc autem ipse consolatur, tu vero cruciaris.

262 Rursus alio loco cælorum regnum homini regi simile esse ait qui filio suo nuptias fecit (*Matth. xxii*). Per nuptias porro futura lætitia et claritas indicatur. Etenim ad humiles ac terrenis affectibus imbutos homines verba faciens, ab iis rebus quæ ipsis usitate ac familiares erant, parabolas ducebat: non quod nuptias et mensas in ævo illo esse ostenderet, sed ad eorum crassitiam sese demittens, his vocabulis utebatur, ut futura ipsis perspicua faceret. Omne itaque, inquit, rex ille sublimi præconio ad nuptias invitavit atque ut bonis illis ad satietatem usque fruierentur.

Multi autem eorum qui invitati fuerant, ire neglexerunt: verum se ipsos partim in agris, partim in negotiationibus, partim in uxoribus nuper acceptis occupantes, nuptialis thalami splendore caruerunt. Illis autem sua sponte a suavissima illa lætitia exclusis, alii vocati sunt, atque impletæ sunt epulæ discumbentibus. Ingressus autem rex ut videret discumbentes, vidit illic hominem non vestitum veste nuptiali. Et dixit ei: Amice, quomodo huc intrasti, non habens vestem nuptialem? At ille obmutuit. Tunc dixit rex ministris: Ligatis pedibus ac manibus ejus tollite eum, et mittite in tenebras exteriores. Illic erit fletus et stridor dentium. Per hos porro qui nuptiis interesse recusarunt, nec ei a quo vocabantur ullo modo morem gesserunt, illi significantur qui ad Christi fidem minime accurrerunt, verum aut in idolorum cultu, aut in aliqua hæresi perstiterunt. Per eum autem qui veste nuptialis consentanea carebat, isdem intelligitur, qui fide quidem præditus fuit, cæterum spiritualem vestem impuris flagitiis conspurcavit, meritoque proinde a nuptialis thalami lætitia submotus est.

Quin aliam quoque hujusmodi parabolam eodem

pertinentem attulit, propositis nimirum decem quibusdam virginibus, quarum quinque prudentes erant, et quinque fatuæ (*Matth.* xxv). Quæ quidem fatuæ, acceptis lampadibus suis, non sumpserunt oleum secum, prudentes autem sumpserunt. Hoc autem loco per oleum probarum actionum possessionem significavit.

Media autem nocte, inquit, clamor factus est: Ecce sponsus venit, exite obviam ei. Porro per mediam noctem diei illius incertitudinem indicavit. Tunc surrexerunt omnes virgines illæ; et quæ paratæ erant, exierunt obviam sponso, et intraverunt cum eo ad nuptias, et clausa est janua. Quæ autem imparatæ erant (quas etiam idcirco non abs re stultas appellavit), cum lampades suas exstingui perspicerent, ad oleum emendum sese contulerunt. Posteaque, clausis jam foribus, accedentes, clamabant, dicentes: Domine, Domine, aperi nobis. Ipse autem respondens, dixit eis: Amen dico vobis, nescio vos. Ex his omnibus perspicue constat, improbis actionibus, atque adeo sermonibus, ipsisque etiam cogitationibus, suam esse mercedem constitutam.

Dixit enim Salvator: Dico vobis, quod omne verbum otiosum quod locuti fuerint homines, reddent de eo rationem in die iudicii (*Matth.* xii). Ac rursum: Vestri vero et capilli capitis omnes numerati sunt (*Matth.* x). Quo scilicet loco per capillos minutissimas etiam considerationes animique cogitationes significavit. Consentanea autem his quoque beatus Paulus tradit: Vivus est, inquit, sermo Dei, et efficax, ac penetrabilior omni gladio ancipiti, et pertinens usque ad divisionem animæ et corporis, spiritus quoque et compagum ac medullarum, et discretor cogitationum et intentionum cordis. Et non est ulla creatura invisibilis in conspectu ejus, omnia autem nuda et aperta sunt in oculis ejus, ad quem nobis est sermo (*Hebr.* iv).

Hæc etiam prophetæ longis ab hinc temporibus, Spiritus sancti gratia illustrati, apertissime nuntiaverunt. Ait enim Isaias: Ego opera illorum novi, et reddam eis. Ecce venio ut congregem omnes gentes et linguas; et venient, et videbunt gloriam meam; et erit cælum novum, et terra nova, quæ ego faciam manere coram me. Et veniet omnis caro, et adorabit me in conspectu meo, dicit Dominus; et exhibunt, et videbunt cadavera hominum, qui prævaricati sunt in me. Nam vermises eorum non morietur et ignis eorum non exstinguetur. Et erunt usque ad satietatem visionis omni carni (*Isa.* lxvi). Ac rursum de die illo ait: Et involvetur cælum sicut liber, omnes stellæ cadent sicut folium de vinea. Ecce enim dies Domini venit plenus furore et ira, ad ponendam terram in solitudinem, et peccatores ejus conterendos ex ea. Quoniam stellæ cæli et splendor earum non expandent lumen suum. Et obtenebrabitur sol in ortu suo, et luna non splendebit in lumine suo. Et quiescere faciam superbiam infidelium, et arrogantiam fortium humiliabo (*Isa.* xlii). Ac rursus ait: Væ qui trahitis iniquitatem in funiculis vanitatis, et quasi vinculum plaustrum,

peccatum. Væ qui dicitis malum bonum, ponentes amarum in dulce, et dulce in amarum. Væ qui potentes estis ad bibendum vinum, et viri fortes ad miscendam ebrietatem. Qui justificatis impium pro muneribus, et justitiam **263** justis aufertis ab eo. Qui declinatis iudicium pauperum, et diripitis substantiam egenorum, ut si vobis orphanus in prædam. Et quid facietis in die visitationis? et ad quem confugietis in auxilium? et ubi derelinquetis gloriam vestram, ne in visitationem incidatis? Propter hoc, sicut devorat stipulam lingua ignis, et calor flammæ exurit, sic radix eorum quasi favilla erit, et germen eorum ut pulvis. Abjecerunt enim legem Domini exercituum, et eloquium sancti Israel blasphemaverunt (*Isa.* v).

Eodem accedit, quod ait alius propheta: Juxta est dies Domini magna et velox nimis. Vos diei Domini amara, tribulabitur fortis. Dies iræ dies illa, dies tribulationis et angustiae, dies calamitatis et miseriæ, dies tenebrarum et caliginis, dies nebulae et turbinis, dies tubæ et clangoris super civitates munitas, et super angulos excelsos. Et tribulabo malignos, et ambulabunt cæci, quia Domino peccaverunt; et effundetur sanguis eorum sicut humus, et corpus eorum sicut stercora. Sed et argentum eorum, et aurum eorum non poterit liberare eos in die furoris Domini. In igne zeli ejus devorabitur omnis terra, quia consummationem cum festinatione faciet cunctis habitantibus terram (*Soph.* i). Insuper etiam David rex et propheta ad hunc modum clamat: Deus manifeste veniet, Deus noster, et non silebit. Ignis in conspectu ejus exardescet, et in circuitu ejus tempestas valida. Advocabit cælum desursum, et terram discernere populum suum (*Psal.* xlix). Ac rursum: Exsurge, Deus, inquit, et judica terram, quoniam cogitatio hominis confitebitur tibi (*Psal.* lxxvii). Ac rursum: Tu reddes unicuique juxta opera sua. Complura autem etiam alia hujusmodi, tum Psalmista, tum omnes prophetæ divino Spiritu edocti, de futuro iudicio ac mercede prædicarunt. Quorum sermones Salvator quoque certissime confirmans, nos mortuorum resurrectionem, rerumque in vita gestarum mercedem, atque immortalem futuri sæculi vitam credere docuit.

CAP. X.—Josaphat autem ingenti ob hæc verba animi compunctione plenus, lacrymis perfundebatur, atque his ad senem verbis usus est: Omnia mihi perspicue declarasti, ac horrendam hanc et admirandam narrationem luculenta oratione complexus es. His itaque nobis propositis, quid tandem faciendum est, ut ea supplicia quæ sceleratis hominibus parata sunt effugiamus, ac justorum gaudium consequamur?

Respondit Barlaam: Litteris sacris proditum est (*Act.* ii), quod cum Petrus, qui apostolorum princeps vocatus est, plebem doctrina instrueret, corde compuncti sunt, quemadmodum scilicet tu quoque hodierno die. Cumque dixissent: Quid faciemus? Petrus ad eos dixit: Pœnitentiam agite, et baptizetur unusquisque vestrum in remissionem peccatorum, et accipietis donum Spiritus sancti. Vobis enim est pro-

missio, et filiis vestris. et omnibus qui longe sunt, quoscumque advocaverit Dominus Deus noster. En igitur ipse misericordiam suam divitias in te effudit, teque qui animo ac voluntate procul ab eo dissitus eras, et alienis, non dicam diis, sed pestiferis dæmonibus, et surdis ac sensus expertibus stultis cultum adhibebas, accivit. Quocirca ante omnia ad eum qui te vocavit accede, a quo veram tam eorum quam oculis cernuntur, quam quam ab oculorum sensu remota sunt, cognitionem consequeris. Quod si posteaquam vocatus es accedere, recusas, aut moras nectis, justo Dei iudicio exhaeres eris, ac repudiaberis, quia ipse repudiasti. Ad hunc enim modum ipse quoque apostolus Petrus ad quemdam discipulum dixit: * Ego autem credo quod et obedivisti vocationi, et adhuc sincerius obediens, crucem tolles, Deumque ac Dominum te vocantem sequeris, qui te a morte ad vitam, et a tenebris ad lucem invitat. Nam profecto Dei ignoratio, animæ caligo ac mors est; et simulacra colere ad naturæ exitium, amentiam omnem excedit.

Quos quidem homines cuius rei similes esse dicam? et quam imagine eorum stoliditatem tibi ob oculos ponam? Sed tamen exemplum quoddam tibi proponam, quod mihi a viro quodam summa sapientia prædico commemoratum est. Aiebat enim, simulacrorum cultores aucupi similes esse, qui cum lusciniam, perexiguam aviculam, cepisset, gladiumque arripisset ut eam jugularet ac comederet, ea concessa sibi articulata voce, ad aucupem dixit: Quidnam, o homo, ex mea nece ad te utilitatis rediturum est? neque enim per me ventrem tuum explere poteris. At si me vinculis liberaveris, tria præcepta tibi tradam: quibus si parueris, magnis per omnem vitam commodis afficeris. Ille autem ex ipsius sermone admiratione commotus, sese facturum recepit, ut si novum aliquid ab ea audiret, statim eam libertate donaret, ac missam taceret. Conversa itaque lusciniæ, homini ait: Nunquam rem quam consequi nequeas aggredere. Nunquam rei præteritam te pœniteat. Rei incredibili nunquam fidem adhibe. Hæc tria mandata serva, **264** et præclare tecum agetur. Ille autem horum verborum sagacitatem ac prudentiam admiratus, eam vinculis solutam in aerem emisit. Lusciniæ itaque periculum facere cupiens an ille verborum eorum quam audierat vim intellexisset, atque aliquam ex ipsis utilitatem percepisset, per aerem volitans, ad eum dixit: Proh! quam nihil est in te consilii, o homo! qualem thesaurum hodie amisisti! Est siquidem in meis visceribus unio, struthionis ovum magnitudine excedens. Quam ut ille audivit, mœrore conturbatus est, eumque pœnituit quod lusciniæ ex ipsius manibus effugisset. Atque eam rursus arripere tentans, dixit: Veni, quæso, in ædes meas; atque ubi præclare et humaniter a me accepta fueris, honorifice te dimittam. Lusciniæ autem ipsi dixit: Nunc plane te stolidum ac vecordem esse scio. Nam posteaquam ea que ad te dicta sunt prompto animo

excepisti, ac libenter audiisti, nihil ex eis emolumenti consecutus es. Admonui enim te, ne ob rem præteritam pœnitentia ducereris; et ecce mœrore conturbatus es, propterea quod e manibus tuis fugam me subduxerim, pœnitentia videlicet ob rem præteritam affectus. Præcepi tibi ne ea quam assequi non posses aggredere, et tamen arripere me conaris, cum iter meum assequi nequeas. Ad hæc id quoque tibi edixi, ne incredibili sermoni fidem arrogares, et tamen in visceribus meis unionem staturæ meæ modum excedentem inesse credidisti; neque tantulum tibi prudentiæ fuit, ut intelligeres me totam ad ovi struthionis magnitudinem minime accedere. Quonam itaque pacto tantum unionem corpusculum istud caperet?

Ad hunc igitur modum illi quoque in summa stultitia versantur, qui in simulacris confidunt. Nam ea manibus suis effecerunt, et opera digitorum suorum adorant, dicentes: Hi opifices nostri sunt. Qui fit igitur ut eos quos effecerunt et condiderunt, opifices suos esse censeant? Quin etiam cum ea magno studio custodiant, ne a furibus subripiantur, tamen salutis suæ custodes nuncupant. Atqui, quam hæc stultitia est, illud non intelligere fieri non posse, ut qui sibi ipsis opem ferre ac se tueri nequeunt, alios tueri ac servare possint? Ac præterea opes suas effundunt, dum statuas et simulacra dæmonibus excitant, eosque bonorum datores esse nungunt, ab iis ea sibi dari quam nec ipsi unquam habuerunt, nec unquam habituri sunt. Eoque nomine scriptum est: Similes illis fiant, qui faciunt ea, et omnes qui confidunt in eis (*Psal. cxiii*). Qui quidem aurifice mercede conducto simulacrum manu effecerunt, ac prono corpore ipsum adorarunt. Humeris illud tollunt ac proficiscuntur; si autem ipsum uspiam collocarint, illic manet, nec moveri potest. Et quantumlibet quis ipsi clamaverit, non exaudiet, nec ex calamitatibus eum eripiet. Quamobrem confundantur qui in sculptilibus confidunt: et qui dicunt iis quam conflata sunt: Vos dii nostri estis. Immolaverunt enim dæmoniis, et non Deo, diis quos ignorabant. Novi recentisque venerunt, quos non coluerunt patres eorum. Generatio enim perversa est, nec jam fides ipsis inest (*Deut. xxxii*).

Ex hac igitur perversa et incredula generatione Dominus te vocat, his verbis utens: Exi de medicorum, ac separare, et immundum noli tangere, verum a generatione hac perversa te eripe (*Num. xvi*). Surge et ambula, quia non habes hic requiem (*Mich. ii*). Etenim multiplex deorum, qui a vobis coluntur principatus præposterus est, et cum dissidio conjunctus, atque ejusmodi, qui nullo modo consistere queat. Apud nos autem non sunt dii multi, nec Domini multi, verum unus Deus Pater, ex quo omnia, et nos in ipsum; et unus Dominus Jesus Christus per quem omnia, et nos per ipsum (*I Cor. viii*), qui est imago Dei invisibilis, primogenitus omnis creaturæ, et omnium sæculorum, quoniam in ipso creat

sunt omnia, tam quæ in cœlis quam quæ in terra, tam visibilia quam invisibilia, sive throni, sive dominationes, sive principatus, sive potestates (*Coloss. 1*). Omnia per ipsum facta sunt, et sine ipso factum est nihil quod factum est (*Joan. 1*); et unus Spiritus sanctus, in quo omnia, qui Dominus est, et vivificat, qui Deus est, et divinitatem affert, Spiritus bonus, Spiritus rectus, Spiritus paraclitus, Spiritus adoptionis filiorum. Horum unusquisque Deus est, si separatim consideretur: ut Pater, sic Filius; ut Filius, sic Spiritus sanctus. Unus autem Deus in tribus personis, una natura, unum regnum, una potentia, una gloria, una substantia: quæ personarum ratione dividitur, sed Deitatis respectu una est. Unus enim est Pater, cui proprium est genitum non esse. Unus item unigenitus Filius, cui proprium est genitum esse. Unus denique Spiritus sanctus, cui proprium est processisse. Sic enim nos ex lumine, hoc est ex Patre, lumen, id est Filium, in lumine (*Psal. xxxv*), hoc est Spiritu sancto, cernentes, in tribus personis unam divinitatem laude ac gloria afficimus. Atque ipse verus ac solus Deus est, qui in Trinitate agnoscitur; quoniam ex ipso, et per ipsum, et in ipso omnia sunt (*Rom. xi*).

Hujus beneficio et gratia ipse quoque, cum de tuo statu certior factus esset, missus sum, **245** ut ea te docerem quæ didici, atque ab ineunte ætate usque ad hanc canitiem servavi. Quocirca si credideris, et baptizatus fueris, salvus eris; si autem non credideris, condemnaberis (*Marc. xvi*). Nam ea quæ hodie non die cernis, et quibus gloriaris, hoc est, gloria, et deliciæ, et opes, et omnis hujusce vitæ impostura, jam jamque præteribunt, teque invitum etiam ac repugnantem hinc ejicient.

Ac corpus quidem per exiguo sepulcro includetur, solum relictum, atque omni amicorum et cognatorum cœta destitutum. Facessent autem mundi jucunditates, atque ingens quædam insuavitas ac fetida corruptio præsentis pulchritudinis et fragrantiae loco tibi undique affundetur. Anima vero tua inferno addicta, in inferiores terræ partes usque ad postremam resurrectionem conjicietur. Quo scilicet tempore anima recepto corpore suo a Domini facie projicietur, ac gehennæ, cujus flamma sempiterna est, mancipabitur. Hæc tibi, atque etiam longe his graviora contingent, si in infidelitate perstiteris.

Si autem ei qui te ad salutem invitat, prompto animo parueris, atque ad eum cupido et læto animo accurrens, ipsius lumine signatus fueris (*Psal. iv*), eumque ita sequaris, ut a tergo minime respectes, atque, omnibus rebus abjectis et contemptis, ipsi soli adhæreas, quantam inde fiduciam ac lætitiâ consequeris, audi: Si sederis, securus eris; si dormieris, jucunde conquiesces: nec timebis terrorem supervenientem, nec impiorum dæmonum impetus (*Prov. iii*), verum confidenter ut leo incedes (*Prov. xxviii*), ac cum lætitiâ et sempiterna exultatione vives. Etenim super caput tuum exultatio et laus et lætitiâ te comprehendet. Effugiet dolor, et mœror,

et gemitus. Tunc erumpet quasi manelumen tuum, et sanitas tua citius orietur. Et anteibit faciem tuam justitia tua, et gloria Domini colliget te. Tunc invocabis, et Dominus exaudiet: clamabis, et dicet: Ecce adsum (*Isa. lxiii*). Ego enim sum, qui deleo iniquitates tuas, et non memorabor. Tu vero memor esto, et judicemur. Dic tu iniquitates tuas, ut justificeris (*Isa. xliiii*). Si fuerint peccata tua ut coccinum, quasi nix dealbabuntur. Et si fuerint rubra quasi vermiculus, velut lana alba erunt. Os enim Domini locutum est (*Isa. i*).

CAP. XI.—Ait ad eum Josaphat: Hæc tua verba præclara et admiranda sunt; eaque credidi, et credo, omnemque idolorum cultum ex animo odi ac detestor. Etenim prius etiam quam ad me accederes, oblique quodammodo ac dubitanter erga ea afficiebatur animus meus. Nunc autem posteaquam eorum vanitatem, hominumque qui ea colunt stultitiam ex te intellexi, perfecto odio ea insector, ac Deo vero me in servitutem addicere gestio, modo me ipse, hominem indignum, ob iniquitates meas minime submoveat, verum pro sua, ut doces, benignitate mihi omnia condonet, meque servum sibi asciscere dignetur. Jam itaque baptismum suscipere paratus sum, atque omnia quæ præscripseris servare. Quidnam autem mihi post baptismum faciendum est? Satisne est ad salutem credere ac baptizari? an etiam alia quædam adjungere necesse est?

Dixit autem ad eum Barlaam: Audi quid tibi post baptismum faciendum sit: nempe ut ab omni peccato, et ab omni vitiosa affectione abstineas, atque orthodoxæ fidei fundamento virtutum studium superstruas. Quoniam fides sine operibus mortua est (*Jac. i*), quemadmodum etiam operare mota fide. Ait enim Apostolus (*Gal. v*): Spiritu ambulate, et desideria carnis ne perficiatis. Manifesta sunt opera carnis, quæ sunt adulterium, fornicatio, immunditia, luxuria, idolorum servitus, veneficia, inimicitiae, contentiones, æmulationes, iræ, rixæ, dissensiones, sectæ, invidiæ, homicidia, avaritia, maledictiones, amor voluptatum, ebrietates, comessiones, et his similia, quæ prædico vobis, sicut prædixi, quoniam qui talia agunt regnum Dei non consequentur. Fructus autem Spiritus est, charitas, gaudium, pax, longanimitas, benignitas, bonitas, fides, mansuetudo, continentia, sanctificatio animæ et corporis, cordis afflictatio et contritio, eleemosyna, injuriarum oblivio, humanitas, vigilia, sincera de omnibus præcedentibus peccatis pœnitentia, compunctionis lacrymæ, luctus tum pro suis, tum pro aliorum peccatis, aliaque ejusdem generis: quæ quidem tanquam gradus et scalæ inter se cohærentes, atque aliæ ab aliis suffultæ, animum in cælum subvehunt. En hæc sunt quæ post baptismum amplecti jubemur, atque ab aliis quæ cum his pugnant abstinere.

Quod si post acceptam veritatis cognitionem priora mortua opera rursum arripiamus, ac canis instar ad nostrum vomitum revertamur (*II Pet. ii*), illud nobis usu veniet, quod a Domino dictum est

(*Lucæ xi*) : Cum enim, inquit, exiverit immundus A spiritus ab homine (per baptismi scilicet gratiam) ambulat per loca inaquosa, quærens requiem, et non invenit. Per moleste autem ferens se diutius tecti ac laris expertem esse, **266** ait : Revertar in domum meam unde exivi. Et veniens invenit eam scopis mundatam et ornata, cæterum inanem ac vacantem, ut quæ gratiæ cultum atque operationem minime susceperit, nec se ipsam virtutum opibus cumularit. Tunc vadit, et assumit secum septem alios spiritus nequiores se, et ingressus habitat illic. Et fiunt novissima hominis illius pejora prioribus. Siquidem baptismus priorum quidem omnium peccatorum syngraphas aqua obruit, ac prorsus delet et obliterrat, atque in posterum firmissimus nobis murus est ac turris, et forte telum ad prælium cum hoste conserendum. Non tamen arbitrii libertatem tollit, neque peccata ea quæ post baptismum contrahuntur remittit, nec secundam in piscinam immersionem continet. Unum enim baptismum consistemus ; ac proinde summa diligentia cavere debemus ne in novas sor-des incidamus, verum Domini mandata capessamus. Nam cum ipse apostolis dixisset: Ite et docete omnes gentes, baptizantes eos in nomine Patris, et Filii et Spiritus sancti, non hic constitit, verum adjecit, Docentes eos servare omnia quæcunque præcepi vobis (*Marc. xvi*).

Mandavit porro ut spiritu pauperes simus (*Matth. v*) (tales enim beatos, cælestique regno dignos esse pronuntiat). Deinde ut in præsentis ævo lugeamus monet, quo videlicet in futuro consolatione afficiamur. Mox ut mites simus, ac justitiæ fame et siti te-neamur. Tum ut misericordes et liberales, atque ad commiserationem propensi simus. Cordis item puritate præditi, atque ab omni inquinamento carnis et spiritus abstinentes. Pacifici etiam tum erga alios, tum ipsi cum animis nostris; nimirum id quod deterius est præstantiori subjicientes, atque intestinum ac perpetuum bellum recto judicio comprimentes. Postremo, ut omnem persecutionem et afflictionem et probrum justitiæ causa pro ipsius nomine nobis illatum sustineamus, quo sempiternum gaudium in præclara illa donorum distributione consequamur. Quin etiam cum adhuc in mundo versaretur, ad hunc modum suos hortabatur : Luceat lux vestra coram hominibus, ut videant opera vestra bona, et glorificent Patrem vestrum qui in cælis est (*Matth. v*).

Etenim Moysis quidem lex antiquitus Israelitis data dicebat : Non occides, Non mæchaberis, Non furtum facies, Non falsum testimonium dices. Christus autem ait : Omnis qui irascitur fratri suo sine causa, reus erit judicio. Qui autem dixerit, Fatue : reus erit gehennæ ignis. Ac rursum : Si offers munus tuum ad altare, et illic recordatus fueris quod frater tuus habet aliquid adversum te, relinque illic munus tuum ante altare, et vade prius reconciliari fratri tuo. Et quicumque viderit mulierem ad concupiscendam eam, jam mæchatus est eam in corde suo (spurcitiem nimirum animæ, ac libidinis assensum, adulterium

vocans). Ad hæc, cum lex perjurium prohibeat, Christus jurare omnino vetat, nec quidquam aliud per-mittit, quam, Est, est ; Non, non. Oculum pro oculum et dentem pro dente, illic ; hic autem : Quicumque per-cusserit te in dexteram maxillam, præbe ei et alteram. Et qui tecum vult iudicio contendere et tur-cam tuam tollere, dimitte et ei pallium. Et quicumque te angariaverit mille passus, vade cum illo alia die. Qui petit a te, da ei. Et volentem a te mutuari r-avertas.

Audistis quia dictum est: Diliges proximum tuum - et odio habebis inimicum tuum. Ego autem dico vob : Diligite inimicos vestros, benefacite his qui oderunt vos, et orate pro persequentibus et calumniantibus v- ut sitis filii Patris vestri qui in cælis est, qui solem suum facit oriri super bonos et malos, et pluit super justos et injustos (*Luc. vi*). Nolite iudicare, ut n- judicemini. Dimittite, et dimittetur vobis. Nolite th-aurizare vobis thesauros in terra, ubi ærugo et tin- demolitur, et fures effodiunt et furantur. Thesaurizate autem vobis thesauros in cælo, ubi neque ærugo, t- que tinea demolitur, et ubi fures non effodiunt n- et furantur. Ubi enim est thesaurus tuus, ibi et cor-tuum. Ne solliciti sitis animæ vestræ quid manducetis, neque corpori vestro quid induamini ; scit enim Pater vester cælestis quoniam his omnibus indigetis. Quare qui animam et corpus dedit, prorsus etiam cibum et indumentum dabit ; ille, inquam, qui cœli aves nutrit, et agri lilia tanta pulchritudine ornat. Quærite autem primum regnum Dei et justitiam ejus, et hæc omnia adjicientur vobis. Nolite solliciti esse de crastino, nam crastinus dies sibi ipsi sollicitus erit (*Matth. vi*).

Omnia quæcunque vultis ut faciant vobis homines, eadem et vos facite illis (*Luc. xviii*). Intrate per angustam portam, quia lata est porta, et spatiosa via, quæ ducit ad mortem, et multi sunt qui intrant per eam. Quoniam angusta est porta, et stricta via, quæ ducit ad vitam, et pauci sunt qui inveniant eam (*Matth. vii ; Luc. xiii*). Non omnis qui dicit mihi Domine, Domine, intrabit in regnum cælorum, sed qui facit voluntatem Patris mei, qui in cælis est (*Matth. vii*). Qui diligit patrem aut matrem plus quam me, non est me dignus. Et qui diligit filium aut filiam plus quam me, non est me dignus. Et qui non **267** accipit crucem suam, et sequitur me, non est me dignus (*Matth. x*). En hæc omnia, et his similia, Salvator apostolis mandavit, ut fide præditos docerent. Atque hæc omnia nobis observanda sunt, si quidem nobis cordi sit perfectionem adipisci, et justitiæ coronas ab omni corruptione alienas consequi quas reddet Dominus in die illa justus iudex omnibus his qui ipsius adventum dilexerint (*II Tim. iv*).

Dixit autem ad eum Josaphat: Ergo cum tam perfecta doctrina purissimam vitam desideret, dic, quæso, si mihi ab uno vel duobus mandatis aberrare contigerit, an propterea toto scopo aberrabo, spesque mea omnis iuavis futura est ?

Respondit Barlaam : Non est quod ita existimes ;

nam Deus Verbum, qui salutis nostræ causa humanitatem induit, ingentem naturæ nostræ imbecillitatem et æruinam exploratam habens, ne in hac quidem partem incurabili morbo laborare permisit; verum, ut sapientissimus medicus, lubricæ nostræ ac peccandi cupidæ voluntati pœnitentiæ medicamentum admiscuit, eam videlicet ad peccatorum remissionem prædicans. Posteaquam enim veritatis agnitionem suscepimus, ac per aquam et Spiritum sanctificati, atque ab omni peccato et spurcitie sine ullo labore purgati sumus, si nobis in aliqua peccata labi contigerit, non quidem superest jam altera per baptismum regeneratio (*Hebr. vi*), quæ in piscinæ aqua per Spiritum comparatur, ac perfecte nos instaurat (hoc enim beneficium semel duntaxat conceditur), verum per asperam pœnitentiam, et calentes lacrymas, et labores ac sudores, propter viscera misericordiæ Dei nostri, purgationem ac peccatorum remissionem consequimur. Etenim per Domini gratiam lacrymarum fons baptismus appellatur, tametsi alioqui labore ac tempore opus habeat. Ac complures e multis peccatis eripuit, quoniam nullum peccatum est quod Dei benignitatem vincat, si quidem prius respuerimus, ac delictorum maculas lacrymis eluamus, ne alioqui mors antevertens, nos scelerum maculis inquinatos hinc ejiciat. Non enim est in inferno pœnitentia nec confessio (*Psal. vi*). Quandiu autem vitæ usura fruimur, dummodo orthodoxæ fidei fundamentum firmum maneat, etiamsi trabium aliquid aut recti labefactetur, quod per peccata corruptum est, pœnitentiæ adjuvamento sarcire ac renovare licet. Neque enim miserationum Dei multitudo numerari potest, nec misericordiæ ipsius magnitudo in mensuram cadit (*Psal. cxliv*). Peccata contra, quæcunque tandem illa fuerint, mensuræ ac numero subjiciuntur. Quo fit ut ea, cum in mensuram ac numerum cadant, immensam Dei misericordiam atque innumerabiles miserationes vincere nequeant.

Ac proinde ob peccatorum multitudinem animum despondere minime jubemur, sed Dei bonitatem agnoscere, ac peccata nostra condemnare, quorum remissio propter Christi benignitatem proposita est, qui pro sceleribus nostris sanguinem suum effudit. Porro cum ex multis Scripturæ locis pœnitentiæ vim addiscamus, tum potissimum ex Domini nostri Jesu Christi actionibus ac parabolis. Ex tunc enim, ait, coepit Jesus docere, et dicere: Pœnitentiam agite, D appropinquavit enim regnum cœlorum (*Matth. iii*). Quin etiam in parabola filium quemdam inducit, (*Luc. xv*), qui cum acceptis paternis opibus in longinquam regionem profectus fuisset, easque in omni luxu atque intemperantiæ genere consumpsisset, postea, regiæ illa fame laborante abiit, et adhæsit uncivium regionis illius. Qui etiam illum in agrum, ut porcos, hoc est asperrimum et exsecrandum peccatum, pasceret, misit. Cum itaque multis calamitatibus affectus fuisset, atque in tantam miseriam venisset, ut ne porcorum quidem siliquis ipsi ventrem suum implere liceret, tandem aliquando hanc usque

A adeo gravem ignominiam agnoscens, vitamque suam lugens, dicebat: Quanti mercenarii in domo patris mei abundant panibus, ego autem fame pereo. Surgam, et ibo ad patrem meum, et dicam ei: Pater, peccavi in cœlum et coram te, jam non sum dignus vocari filius tuus, fac me sicut unum de mercenariis tuis. Et surgens venit ad patrem suum. Cum autem adhuc longe esset, vidit illum pater suus, et misericordia motus est, ac accurrens cecidit super collum ejus, et osculatus est eum, atque in pristini honoris locum restituit, et ob ipsius inventionem lætissimum festum celebravit, occiso vitulo saginato. En hanc parabolam de iis qui a peccatis resiliunt, atque ad pœnitentiam accurrunt, nobis commemoravit. Quin etiam bonum quemdam pastorem rursus inducit (*Luc. B xv*), qui cum centum oves haberet, atque unam amississet, relictis nonaginta novem, ad conquirendam eam quæ aberrabat profectus est, donec eam invenisset, atque humeris sublatam, cum iis quæ minime aberraverunt conjunxisset. Qui etiam hoc nomine amicos ac vicinos ad convivium ob eam inventionem celebrandum invitavit. Ita, inquit Salvator, gaudium erit in cœlo super uno peccatore pœnitentiam agente, quam super nonaginta novem justis, qui non indigent pœnitentia.

Atque adeo discipulorum princeps Petrus, illa inquam fidei petra, ipso salutiferæ passionis tempore certo quodam consilio aliquantis per a Deo desertus (nempe ut humanæ imbecillitatis vilitatem ac miseriam perspectam haberet), eo peccati prolapsus est, ut Dominum abjuraret (*Luc. xxii*). Post autem confestim, inquit, verborum Domini recordatus, foras exivit, et flevit amare, ac per calentes illas lacrymas acceptum detrimentum sarcivit, victoriamque in alteram partem inflexit. Nam cum rei militaris peritus esset, etiamsi cecidit; non tamen animo fractus est, nec salutis suæ spem abiecit: verum resiliens, acerbissimas ex oppresso pectore lacrymas profudit, ac statim ut eas hostis conspexit, non secus atque vehementissimæ cujusdam flammæ ardore ambustis oculis, pedem retulit, procul fugiens, atque horrendum in modum ejulans. Contra autem ille principem rursus locum tenuit; quemadmodum totius orbis magister institutus fuerat, ita etiam pœnitentiæ exemplar effectus. Post resurrectionem autem, cum Christus tertio ad eum dixisset, Petre, amas me? triplicem abjuramentum correxit, respondens scilicet, Etiam, Domine, tu scis quia amo te.

Ex his igitur omnibus, aliisque quamplurimis, atque adeo numerum omnem superantibus exemplis, lacrymarum ac pœnitentiæ vim intelligimus. Tantum opera detur, ut ipsa, quemadmodum rationi consentaneum est, fiat, hoc est ex affectu peccatum exsecrante, ipsumque odio insectante, atque condemnante, ac lacrymas emittente, quemadmodum ait propheta David: Laboravi in gemitu meo, lavabo per singulas noctes lectum meum, lacrymis meis stratum meum rigabo (*Psal. vi*). Ac tum peccatorum purgatio per Christi cruorem in misericordiæ ipsius magnitu-

dine ac miserationum multitudine continget. Ipsius enim hæc verba sunt : Si fuerint peccata vestra sicut coccinum, quasi nix dealbabitur ; si autem ut vermiculus, quasi lana alba erunt.

Operæ pretium est itaque ut posteaquam veritatis cognitionem accepimus, atque regenerationem et filiorum adoptionem consecuti sumus, divinaque mysteria percepimus, omni studio ac diligentia provideamus, ne corruamus. Neque enim cadere atletam decet, quandoquidem multi, cum cecidissent, sese erigere minime potuerunt. Etenim alii, cum januas vitiosis affectionibus aperuissent, atque arctissimo nexu ipsis hæsisent, non jam ad pœnitentiam sese convertere potuerunt. Alii autem morte prius abrepti quam contractas vitiorum sordes per pœnitentiam abstersissent, condemnati sunt. Propterea periculosum est in vitium, quodcumque tandem illud sit, labi. Cæterum, si labi contigerit, statim enitendum est ut resiliamus, rursumque ad præclarum certamen obeundum stemus. Et quoties cadere contigerit, toties etiam statim usque ad extremum vitæ diem curandum est, ut resurgamus, atque in procinctu stemus. Convertimini enim ad me, et ego convertar ad vos, ait Dominus (*Zachar. 1*).

CAP. XII. — Ad hæc autem Josaphat dixit : Quanam igitur ratione seipsum quispiam post baptismum ab omni peccati labe purum servabit? Nam etsi peccantibus, ut ipse ais, pœnitentia patet, tamen labore et fatigatione, ac fletu et luctu opus est : quæ quidem ejusmodi mihi esse videntur, ut non ea multi facile consequi possint. Quocirca viam potius nancisci cuperem, qua sincere atque exacte Dei præcepta servarem, nec ab iis deflecterem, nec post priorum peccatorum veniam impetratam, suavissimum illum Dominum ac Deum ad iracundiam provocarem.

Respondit autem Barlaam : Recte hæc dixisti, domine mi ac rex, atque hoc mihi pergratum est ; verum arduum est, ne dicam impossibile, ut quispiam in igne versetur, nec tamen fumo offundatur. Eodem item modo arduum est ac perquam difficile ut qui hujusce vitæ negotiis tanquam vinculis quibusdam strictus tenetur, ejusque curis ac tumultibus distinctetur, atque in opibus ac deliciis vivit, sine ulla inflexione mandatorum Dei viam peragret, purumque seipsum atque incolumem ab iis servet. Ait enim Dominus (*Matth. vi*) : Nemo potest duobus dominis servire. Aut enim unum odio habebit, et alterum diligit ; aut uni adhærebit, et alterum contemnet. Non potestis Deo servire et mammonæ. Quin etiam charus ipsius discipulus Joannes evangelista et Theologus in epistola sua ait : Nolite diligere mundum, neque ea quæ in mundo sunt. Quoniam omne quod est in mundo, aut concupiscentia carnis est, aut concupiscentia oculorum, aut superbia vitæ, quæ non est ex Patre, sed ex mundo est. Et mundus transit et concupiscentia ejus. Qui autem facit voluntatem Dei, manet in æternum (*I Joan. ii*).

Hæc igitur cum divini ac divinitus inspirati patres nostri animadvertissent, atque illud apostoli audissent,

quod per multas tribulationes oportet nos intrare in regnum cœlorum (*Act. xiv*), in id omni animi contentione incubuerunt, ut post baptismum, immaculatum ac labis omnis expers incorruptionis indumentum conservarent. Ac proinde quidam eorum alterum etiam baptismum insuper assumpserunt, hoc est, eum qui in sanguinis profusione, ac martyrio situs est. Baptismus enim hic quoque appellatus est, et quidem præstantissimus, ac summa veneratione dignus, neque enim posterioribus peccati sordibus inquinatur. Quem etiam Dominus meus accipiens, baptismum merito nuncupavit. Deinde ipsius imitatores effecti, primum quidem ipsius spectatores, et discipuli, atque apostoli, deinceps autem universus sanctorum martyrum chorus, idolorum cultoribus, regibus ac tyrannis seipsos pro Christi nomine objicientes, omnia suppliciorum genera sustinuerunt, feris videlicet objecti, atque igne cremati, et gladiis obruncati. Cumque præclaram confessionem edidissent, et cursum consummassent, ac fidem servassent, justitiæ palmam consecuti sunt, angelorum contubernales, et Christi cohæredes effecti. Quorum virtus usque adeo emicuit, ut in omnem terram eorum sonus exierit, et in fines orbis terræ fulgor eorum (*Psal. xviii*), quæ recte cum virtute gesserunt, rutilarit. Horum non verba duntaxat et opera, sed ipse quoque cruor et ossa, omni sanctitate plena sunt. Dæmones namque per vim in fugam vertunt ; atque iis qui cum fide accedunt, incurabiles alioqui morbos profligant. Quin vestes quoque ipsæ, et si quid aliud ad pretiosa eorum corpora propius accessit, omnibus venerationi sunt.

De quibus longa oratione mihi opus esset, si præclara eorum facinora sigillatim exponere vellem. Posteaquam autem crudeles illi ac belluini tyranni misere, ut eorum improbitas merebatur, perierunt, persecutioque finem accepit, ac pii imperatores totius orbis imperio potiti sunt, succedentes alii, ac zelum illum divinamque cupiditatem sibi imitandam proponentes, eodemque timore sauciam animam habentes, illud optime secum considerabant atque spectabant, ut ab omni spurcitie puram animam ac corpus Deo exhiberent : sic nimirum se comparantes, ut omnes vitiosarum affectionum actiones amputarent, seipsosque ab omni carnis et spiritus inquinamento repurgarent. Quoniam autem hoc non alia ratione, quam per mandatorum Christi observationem, a se præstari posse intelligebant, mandatorum porro observationem ac virtutum cultum in mediis mundi tumultibus ægre consequi se posse perspiciebant, novum quoddam atque ab aliis diversum vitæ genus sibi ipsis instituerunt, ac juxta divinam vocem, relictis omnibus rebus, hoc est parentibus, liberis, amicis, cognatis, opibus, deliciis, cunctisque mundi commodis contemptis, in solitudines, tanquam exsules quidam, sese contulerunt, egentes, angustii, afflictii, quibus dignus non erat mundus (*Hebr. xi*) : in solitudinibus errantes, in montibus, et speluncis, et in cavernis terræ, ac seipsos ab omnibus terrenis jucun-

ditatibus et voluptatibus procul removentes, atque A modo fecisse, quæ ipsi a Deo præcepta essent, verum multo plura esse quæ sibi deessent, quam quæ jam præstitissent. Rursum is qui in religiosa exercitiatione, ob corporis fortasse imbecillitatem inferior erat, seipsum nihili pendebat, ac miserum dicebat, animi scilicet ignaviæ, ac non naturæ imbecillitati defectum suum assignans. Ita alii aliis, atque omnes omnibus modestiores se præbebant. Inanis porro gloriæ affectus, aut hominibus placendi studium, quoniam tandem pacto in illis inesset, quippe qui hac de causa orbem fuga reliquerant, atque in desertis morabantur, ut virtutes suas non hominibus, sed Deo, a quo virtutum quoque præmia sperabant, demonstrarent. Illud quippe probe norant, religiosa exercitia, quæ inanis gloriæ causa obeuntur, mercede carere, ut quæ non Dei, sed humanæ laudis causa fiant. Ac proinde hujusmodi homines duplici detrimento afficiuntur, dum nimirum corpus conficiunt, nec tamen mercedem ullam ferunt. Qui autem celestis gloriæ desiderio flagrant, atque ad eam omni celeritate contendunt, terrenam omnem et humanam aspernantur.

Quod ut facerent, duplex eos causa impellebat : altera, ut vitiosarum affectionum materias minime cernentes, earum cupiditates radicitus ex animis suis evellerent, earumque memoriam oblitterarent, ac divinarum et cælestium rerum amorem et desiderium in seipsis insererent; altera, ut per afflictionem corpus conficerent, animoque ac voluntate martyres effecti, ea gloria, quam ii qui martyrio perfuncti sunt, obtinent, minime carerent; verum cum ipsi quoque, quantum in se esset, Christi passionem expressissent, ipsius quoque regni participes essent. Ad hunc igitur modum optima consideratione adhibita, monasticam ac solitariam vitam consecrati sunt.

Atque alii quidem sub dio durantes, solis æstu, atque asperissimis frigidibus ac pluviis, et ventorum turbinibus afflictabantur. Alii constructis tuguriis, aut in speluncis et antris sese occultantes, vitam agebant. Sicque virtutem colentes, omnem carnalem consolationem et quietem ad extremum usque repudiarent, crudis oleribus et herbis, aut pomis, aut etiam sicco ac durissimo pane vitam tolerantes; nec suavium ciborum qualitati duntaxat nuntium remittentes, sed præ exuberanti quadam continentia magnitudinem animi sui ad ipsam quoque quantitatem extendentes. Tantulum enim duntaxat, etiam ex ipsis vilibus maximeque necessariis cibis percipiebant, quantum ad tolerandam famem satis esset. Quidam enim eorum integram hebdomadam per inediam transigentes, Dominico demum die cibum admittebant. Quidam bis tantum hebdomada quaque ipsius meminerant; alii alternis diebus sub vesperam edebant, sic ut cibum duntaxat degustarent; precibusque ac vigiliis propemodum cum angelis quoque certantes, atque auri et argenti possessione, emptio-nibusque et venditionibus prorsus valere jussis, inter homines omnino se esse obliviscebantur.

Invidiæ autem et animi elationi, quæ potissimum bonorum operum comites esse solent, locus inter eos nullus erat. Neque enim is qui in vitæ monasticæ exercitiationibus inferiorem locum tenebat, adversus eum cujus illustrior virtus erat, livoris cogitationem in animum admittebat: nec rursus eum qui virtutibus pollebat arrogantia et fastus adversus imbecilliores efferebat, atque in hanc fraudem impellebat ut proximum nihili penderet, aut de religiosa exercitiatione gloriaretur, ob eaque quæ cum laude præstitisset, magnifice atque arroganter de se sentiret. Nam qui virtute alterum antecellebat, id totum non suis laboribus, sed Dei virtuti ascribens, humili mente hoc sibi persuadebat, se nihil omnino efficere, verum multo plura sibi præstanda esse, juxta illud quod ait Dominus: Cum feceritis omnia quæ præcepta sunt vobis, dicite: Servi inutiles sumus, quæ debuimus facere tecimus (Luc. xvii). Ac quidam etiam hoc sibi persuadebant, se ne ea quidem ullo

modo fecisse, quæ ipsi a Deo præcepta essent, verum multo plura esse quæ sibi deessent, quam quæ jam præstitissent. Rursum is qui in religiosa exercitiatione, ob corporis fortasse imbecillitatem inferior erat, seipsum nihili pendebat, ac miserum dicebat, animi scilicet ignaviæ, ac non naturæ imbecillitati defectum suum assignans. Ita alii aliis, atque omnes omnibus modestiores se præbebant. Inanis porro gloriæ affectus, aut hominibus placendi studium, quoniam tandem pacto in illis inesset, quippe qui hac de causa orbem fuga reliquerant, atque in desertis morabantur, ut virtutes suas non hominibus, sed Deo, a quo virtutum quoque præmia sperabant, demonstrarent. Illud quippe probe norant, religiosa exercitia, quæ inanis gloriæ causa obeuntur, mercede carere, ut quæ non Dei, sed humanæ laudis causa fiant. Ac proinde hujusmodi homines duplici detrimento afficiuntur, dum nimirum corpus conficiunt, nec tamen mercedem ullam ferunt. Qui autem celestis gloriæ desiderio flagrant, atque ad eam omni celeritate contendunt, terrenam omnem et humanam aspernantur.

Ex hujusmodi porro hominibus alii sic degunt, ut in secessu ac solitudine pietatis certamen obeant, et ab hominum contubernio per omne vitæ tempus sese removeant, atque ad Deum appropinquent. Alii procul inter se constructis ædiculis, Dominicis diebus unam et eandem ecclesiam pergunt, ac divina mysteria, hoc est incruentum puri corporis ac pretiosi sanguinis Christi sacrificium percipiunt: quæ quidem Dominus piis in peccatorum remissionem, ac tum animi tum corporis illuminationem et sanctificationem donavit. Atque divinorum oraculorum exercitiatione, mirabilibusque consiliis et cohortationibus mutuos se epascentes, et occulta hostium bella patefacientes (ne quis videlicet luctandi adhuc ignarus ab iis superetur), domum rursus singuli redeunt, virtutis mel in pectorum suorum favis studiosè recondentes, suavissimumque fructum ac celesti mensa dignum excolentes; alii autem cœnobiacam vitam consecrantur.

Qui quidem maximo numero in unum coacti, unius præfecti atque antistitis (qui omnibus virtute præstat) imperio se ipsos subdunt: ac voluntatem suam obedientiæ mucrone prorsus truncantes, seque velut emptitia mancipia ultro reputantes, non jam sibi ipsis vivunt, sed ei cui ob Christi amorem sese submiserunt, vel ut aptius loquar, vivunt jam non sibi ipsis, vivit autem in his Christus (Gal. ii), quem rebus omnibus abjuratis secuti sunt. Nam in hoc demum secessus a mundo consistit, ut propter earum rerum quæ natura sublimiores sunt cupiditatem voluntarium sui ipsius odium quispiam concipiat, ac naturam abjuret. Hi igitur angelorum instar in vita versantur, psalmos videlicet et hymnos concordibus animis Domino canentes, et confessorum nomen propter obedientiæ certamina obtinentes. In quibus etiam Dominicum illud oraculum expletur: ubicunque fuerint duo vel tres congregati in nomine meo,

illic sum in medio illorum (*Matth. xviii*). Quibus ver-
bis non hoc duntaxat numero eos qui in ipsius no-
mine congregantur circumscripsit, verum per duos
aut tres indefinitum numerum significavit. Nam
sive pauci sive multi ob sanctum ipsius nomen in
unum conveniant, eique ardenti amore cultum adhi-
beant, illic eum in medio servorum suorum adesse
minime dubitamus.

Per hæc exempla, et per hujusmodi coitiones et
actiones, terreni cœlitum vitam imitati sunt, ut qui
in jejuniis, et precibus ac vigiliis, in calentibus la-
crymis et luctu ab omni animi distractione libero in
peregrinatione ac mortis memoria, in lenitate ani-
mique affectu ab iracundia remoto, in laborum si-
lento, in paupertate atque inopia, in castitate ac pu-
dicitia, in humilitate et quiete, ac denique in perfe-
cta erga Deum et proximum charitate præsentis vitæ
curriculum confecerint, angelosque moribus expres-
serint. Ob eamque causam Deus miraculis ac signis
variisque virtutibus eos exornavit, effecitque ut ad-
mirandæ eorum vitæ rationis sono, ipsi quoque orbis
terrarum fines personent. Ac si unius ipsorum, hoc
est Antonii, qui etiam monasticæ vitæ auspex ac
princeps exstitisse dicitur, vitam tibi sigillatim ex-
ponerem, nimirum ex una arbore fructum eorum qui
ejusdem generis ac speciei ☉☿☿☿ sint, dulcedinem
prorsus intelligeres, quodnamque ille exercitationis
religiøsæ fundamentum jecit, et quodnam fastigium
struxit, et quantas a Salvatore gratias consecutus
est. Plerique etiam alii post eum eodem certamine
perfuncti, ad easdem coronas et eadem præmia per-
venerunt.

Beati certe illi ac ter beati, ut qui Dei amore fla-
grarunt, atque ob ipsius charitatem omnia pro nihilo
duxerunt. Siquidem lacrymas profuderunt, diuque
ac noctu in luctu versati sunt, ut perpetuam conso-
lationem adipiscerentur; se ipsos ultro depresse-
runt, ut illic in altum attollerentur; carnes suas fame
ac siti et vigiliis confecerunt, ut illic paradisi deli-
ciæ et exsultatio ipsos exciperent. Spiritus sancti ta-
bernaculum per cordis puritatem exstiterunt, quem-
admodum scriptum est: Inhabitabo in ipsis et inam-
bulabo (*II Cor. vi*). Se ipsos mundo crucifixerunt
(*Ephes. vi*), ut ad Christi dexteram starent; lumbos
suos in veritate succinxerunt, atque in promptu
semper lampades habuerunt, immortalis sponsi ad-
ventum exspectantes (*Matth. xxv*). Nam cum mentis
oculis præditi essent, horrendum illum diem semper
prospiciebant: atque tum futurorum bonorum, tum
futuri supplicii contemplationem ita in corpore de-
fixam gerebant, ut ab ipsa nunquam divellerentur.
Atque hic laborare studuerunt, ut sempiternæ glo-
riæ compotes essent. Perturbationum expertes, non
secus atque angeli, fuerunt; ac nunc cum illis quo-
rum vitam imitati sunt, choreas agunt. Beati illi ac
ter beati, quoniam firmis mentis oculis præsentium
rerum vanitatem, atque humanæ prosperitatis incer-
titudinem et inconstantiam perspexerunt, eaque re-
jecta, sempiterna bona sibi ipsis condiderunt, ac vi-

tam eam quæ nunquam occidit, nec morte inter-
rumpitur, arripuerunt.

Hos igitur admirandos et sanctos viros nos quoque
indigni ac despicabiles imitari studemus; verum eo-
rum vitæ cœlestis fastigium minime assequimur, sed
pro infirmitatis nostræ ac miseræ facultatis modulo
eorum vitam exprimimus. Atque ipsorum habitum
gerimus, etiamsi opera non assequamur. Etenim di-
vinam hanc professionem peccatum propulsare, atque
incorruptionis per divinum baptismum nobis concessæ
sociam et opitulatricem esse perspectum habemus.
Ac beatorum illorum virorum sermonibus adducti,
caducas atque interitui obnoxias hujusce vitæ res
magnopere condemnamus, in quibus nihil firmum et
æquabile, quodque eundem semper statum retineat,
inveniri potest: verum omnia vanitas sunt et affli-
ctio spiritus (*Eccle. ii*); multas temporis puncto mu-
tationes ferens: siquidem in somniis, et umbris, ac
ventis aerem perflantibus imbecilliora sunt. Quorum
parva et brevis voluptas, imo non voluptas, sed fraus
quædam et impostura perversitatis mundi, quem nullo
modo diligere, verum potius ex animo odisse atque in-
sectari docemur (*I Joan. ii*). Ac sane odio ac detestatio-
ne dignus est: nam quidquid amicis suis dono dat,
idem rursus animo irato eripit, atque omni bono spo-
liatos, ignominiaque indutos, gravibusque sarcinis
onustos ad sempiternam calamitatem transmittit. Et
quos in sublime attollit, extremæ humilitati atque af-
flictioni obnoxios quamprimum reddit, hostiumque
suorum ludibrio exponit. Hujusmodi enim sunt ipsius
beneficia, hujusmodi ipsius munera. Amicorum enim
suorum hostis est, omnibusque qui ipsius voluntati-
bus obsequuntur, insidias struit: horrendum videlicet
in modum eos qui ipsi innituntur, conturbans, et
eorum qui fiduciam suam in eo collocant nervos
omnes elidens. Cum stultis fœdus sancit, falsasque
pollicitationes inicit, hoc tantum animo, ut eos ad se
pertrahat. Illis autem sincero animo sese ad ipsum
adjungentibus, improbus ipse ac mendax esse com-
peritur, nihil eorum quæ pepigerat præstans.

Nam cum jucundis cibis eorum fauces hodie deli-
nivit, cras eosdem hostibus suis devorandos objicit.
Hodie regem aliquem creat, et cras eundem in mise-
ram servitutem addicit; hodie innumeris bonis floren-
tem reddit, cras mendicem et mancipiorum manci-
pium; hodie insignem coronam ipsius capiti imponit,
cras ipsius faciem terræ allidit; hodie ipsius collum
splendidis dignitatum honoribus exornat, cras eum-
dem ferreis catenis vinctum dejicit. Ad breve tempus
omnium amorem ac benevolentiam ipsi conciliat; ali-
quanto post autem eidem omnium odium et execra-
tionem conflatur. Hodie ipsum voluptate afficit, et cras
eundem luctibus ac lamentis conficit. Quemnam au-
tem etiam ipsis finem imponat, audi. Incolas enim ge-
hennæ eos a quibus adamatus est miserandum in
modum efficit. Hæc semper ipsius mens ac sententia
est, hoc institutum. Nec eos qui præterierunt luget,
nec eorum qui relictis sunt commiseratione afficitur.
Illis enim gravi detrimento mulctatis, retibusque sui

inclusis, ad hos rursus artem suam transferre nititur, neminem videlicet, qui periculosos ipsius laqueos effugiat esse cupiens.

Quamobrem eos qui tam pestifero ac **273** crudeli domino serviunt, quique a bono ac benigno per summam dementia se ipsos removens, rebus presentibus inhiant et intabescunt, nec futura ullo modo cogitant, verum ad corporeas quidem voluptates sine ulla intermissione sese conferunt, animas autem suas fame confici, et innumeris malis conflictari sinunt, homini a furentis unicornis facie fugienti similes esse censeo, qui cum clamoris ipsius sonum atque horrendos mugitus ferre nequeat, magno impetu, ne ipsi in prædam cedat, aufugit. Dum autem celeriter currit, in ingentem quamdam scrobem ruit, ac ruendo manus extendens, arborem quamdam arripit, eamque arctissime retinet, atque gradu quodam affirmatis pedibus, pacata deinceps omnia, atque ab omni periculo aliena esse arbitratur. Respiciens autem, duos mures cernit, alterum candidum, alterum atrum, arboris illius quam arripuerat radicem perpetuo cori odentes, jamque pene eam amputantes. Atque insuper, coniectis in imam scrobem oculis, horrendum draconem conspicit, aspectu ipso ignem spirantem, ac torvis oculis ipsum intuentem, horrendaque ipsi devorando inhiantem. Ac rursus in gradu illo, cui pedes ipsius innitebantur, oculorum acie defixa, quatuor aspidum capita videt, e pariete, in quo consistebat, prominentia. Sursum autem oculos convertens, non nihil mellis ex arboris illius ramis stillans perspicit. Quocirca calamitatum earum quibus undique obsidebatur et urgebatur, ommissa consideratione, nimirum quonam pacto externe quidem unicornis vehementi furore percitus eum devorare quæreret, ab inferiore autem parte acerbus draco eum deglutire vehementer expeteret, ac rursus arbor ea quam arripuerat jam jamque amputanda esset, pedes denique ipsius lubrico et infido gradui inniterentur; horum inquam tantorum periculorum oblitus, in exigui illius mellis dulcedine percipienda se ipsum occupavit.

Hæceorum qui presentis vitæ ludibriis intabescunt figura est: cujus quidem explanationem protinus tibi exponam. Unicornis igitur mortis typum gerit, quæ semper mortalium genus persequitur, atque arripere contendit. Scrobs autem mundus est, qui omnis generis malis ac mortiferis laqueis scatet. Arbor ea quam compressis manibus tenemus, et quæ a duobus muribus indesinenter arroditur, cujusque hominis vitæ curriculum est: quod quidem per diei ac noctis horas absumitur et conficitur, ac paulatim ad excisionem accedit. Quatuor autem aspides, humani corporis super quatuor lubrica et instabilia elementa constitutionem designant: qui cum immoderate se habent ac perturbantur, corporis compages dissolvitur. Ad hæc igneus ille ac truculentus draco, horrendum inferni ventrem adumbrat, qui eos suscipere gestit qui presentes voluptates futuris bonis anteponunt. Mellis vero guttula distillans,

mundi jucunditatem et dulcedinem significat, per quam ille amicos suos ludificans, eos salutis suæ prospicere minime sinit.

CAP. XIII. — Hanc parabolam majorem in modum comprobans Josaphat, dixit: Quam verus hic sermo est, ac concinnitatis omnis plenus! Quamobrem ne te, quæso, hujusmodi figuras mihi assidue demonstrare pigeat, quo certo intelligam qualis nostra vita sit, et quas res amicis suis accersat. Dixit autem senex: Similes rursus sunt ii qui voluptatum hujus vitæ amore capti, earumque suavitate deliniti, res fluxas et imbecilles futuris atque a jactatione alienis antiquiores habuerunt, homini, qui tres amicos habuit, ex quibus duos quidem ingenti animi affectu colebat, ac vehementer amabat, adeo ut ad mortem usque pro ipsis dimicare ac pericula quævis adire minime recusaret, tertium autem admodum aspernabatur, ita ut nec honorem unquam, nec quam par erat benevolentiam ipsi præstaret, sed exigam quamdam duntaxat, eamque fictam ac simulatam amicitiam exhiberet. Venerunt autem quodam die immanes atque horrendi milites, qui eum summa cum festinatione ad regem traherent, ut decem millium talentorum, quæ debebat, rationem redderet. Ille igitur in summam angustiam redactus, aliquid quærebat, qui in metuenda illa rationum apud regem redditione opem ipsi ferret. Currens itaque ad primum, omniumque aliorum charissimum amicum, ad eum ait: Non te fugit, o amice, quem admodum tua causa vitam meam semper in discrimen adduxerim; nunc autem hodierno die, urgente necessitate, ope tua atque auxilio indigeo. Equid ergo te mihi auxilio forte polliceris? et quænam in te, vir charissime, spes mihi constituta est? Respondens autem ille, ait: Amicus tuus non sum, o homo, nec qui sis novi. Sunt enim mihi alii amici, quibuscum hodie oblectari me oportet, quosque in posterum pro amicis habiturus sum. Quare duo tantum cilicia tibi porrigo, ut ea in via qua pergis habeas, quæ etiam ipsa nihil tibi emolumenti allatura sunt; nec est quod a me quidquam **273** exspectes. Hæc ille audiens, ac de auxilio, quod ab eo exspectabat, spem omnem abiciens, ad secundum amicum se confert, ad eumque ait: Recordare, amice, quantum a me honoris et beneficiorum acceperis. Hodierno autem die in maximam calamitatem et afflictionem prolapsus, opitulatore aliquo opus habeo. Quidnam igitur adjumenti nunc mihi afferre queas, fac sciam. Ille autem ait: Hodie mihi per negotia tecum certamen subire minime licet. Curis enim et sollicitudinibus undique urgeor, atque in afflictione sum. Paulum tamen tecum pergam, quamvis nihil hinc commodi ad te rediturum sit; ac post statim domum reversus, negotiis meis operam dabo.

Inanibus igitur manibus homo inde reversus, atque omni ex parte auxilio destitutus, de vana spe quam in perfidis et ingratis amicis suis collocarat, et de inutilibus laboribus, quos pro suo erga eos amore susceperat, se ipsum deplorabat. Pergit autem

etiam ad tertium amicum, quem nec ullo unquam loco habuerat, nec lætitiæ suæ socium asciverat. Atque ad eum pudibundo et in terram dejecto vultu his verbis usus est: Vix mihi ad te loquendi facultatem es concedit. Etenim illud perspectissimum habeo, me nunquam tibi benigne fecisse, nec amico erga te animo fuisse. Cæterum, quoniam gravissima calamitate oppressus in reliquis meis amicis nullam salutis spem inveni, ad te accedo, teque rogo atque obsecro, ut si exiguam aliquam opem mihi afferre queas, ne id, ingratitude meæ memor, facere recuses. Ille autem hilari et amœno vultu ait: Sane sincerissimum amicum meum te esse profiteor, atque exiguæ illius tuæ erga me beneficentiæ memor, eam tibi hodierno die cum fenore rependam. Quocirca ne metuas ac pertimescas. Nam ego ante te proficiscar, regemque tuo nomine obsecrabo, ne te hostium manibus dedat. Quare fac bono animo sis, vir amicissime, nec te mœrore exerceas. Tum ille compunctione affectus, et lacrymis perfusus, dicebat: Heu me miseram, quidnam prius dessebo ac lamentabor? Vanamne meam in immemores et ingratos falsos illos amicos benevolentiam condemnabo? an potius insanam eam ingratitude, qua in hunc verum et sincerum amicum usus sum, insectabor?

Josaphat autem hunc sermonem non sine admiratione suscipiens, ejus explicationem requirebat. Dixit itaque Barlaam: Primus amicus, opum copia est, et divitiarum amor, ob quem homo in sexcenta pericula incidit, ac multas ærumnas perfert. Cum autem extremus vitæ dies clausus est, ex illis omnibus opibus, præter inutiles quosdam pannos, qui ad funus adhibentur, nihil omnino secum accipit. Secundus autem amicus, uxor ac liberi sunt, cæterique cognati et familiares, quorum affectione ac benevolentia constricti tenemur, ut ab his divelli vix queamus, ac præ eorum amore corpus etiam et animam nostram negligamus. Ex ipsis porro nemo in mortis hora utilitatis aliquid percipit, nisi quod ad sepulcrum usque duntaxat cadaver comitantur, ac protinus domum reversis, suis curis ac negotiis operam dant, memoriam ejus, qui quondam ipsis charus erat, non minus oblivioni, quam corpus sepulcro relinquentes. At vero tertius amicus, qui contemptui ac fastidio erat, cæjusque aditum horremus et aversamur, optimorum operum chorus est, hoc est fides, spes, charitas, misericordia, benignitas, reliquosque virtutum cœtus: qui quidem ante nos, cum e corpore excedimus, proficisci, ac nostra causa Deum precibus inflectere, atque ab hostibus nostris et horrendis exactoribus, qui de referendis rationibus acerbam nobis in aer litem movent, ac crudeliter nos arripere contendunt liberare potest. Hic nimirum est candidus ille ac probus et gratus amicus, qui quamlibet etiam exiguum bonum nostrum opus memoria tenet, ac cum fenore nobis illud rependit.

CAP. XIV. - Rursum igitur Josaphat dixit: Utinam tibi a Domino Deo tuo omnia fausta et jucunda sint, hominum sapientissime. Siquidem optimis tuis

aptisque sermonibus animum meum exhilarasti. Quocirca vanitatis hujus mundi rursum imaginem mihi exprime, et qua ratione hanc vitam in pace ac securitate peragere queam.

Excipiens igitur sermonem Josaphat, ait: Hujus quoque quæstionis similitudinem audi. Urbem quamdam magnam exstitisse accepi, in qua cives hoc in more atque instituto positum habebant, ut peregrinum quemdam et ignotum virum, ac legum et consuetudinum civitatis omnino rudem et ignarum acciperent, eumque sibi ipsi regem constituerent, penes quem per unius anni curriculum rerum omnium potestas esset, quique libere et sine ullo impedimento quidquid vellet, faceret. Post autem, dum ille omni prorsus cura vacuus degeret, atque in luxu et deliciis sine ullo metu versaretur, perpetuumque sibi regnum fore existimaret, repente adversus eum insurgentes, regiamque ipsi vestem detrahentes, ac nudum per totam urbem tanquam in triumphum agentes, in magnam quamdam ac longe remotam insulam eum relegabant, in qua nec victu nec indumentis suppetentibus, fame ac nuditate miserrime premebatur, voluptate scilicet atque animi hilaritate, quæ præter spem ipsi concessa fuerat in mœrorem rursus præter spem omnem et expectationem commutata.

Contigit ergo ut pro antiquo civium illorum more atque instituto, vir quidam magno ingenii acumine præditus ad regnum ascisceretur. Qui statim subita ea felicitate, quæ ipsi obtigerat, haud quaquam præceps abreptus, nec eorum qui ante se regiam dignitatem obtinerant, misereque ejecti fuerant, incuriam imitatus, animo anxio ac sollicito id agitabat, quonam pacto rebus suis optime consuleret. Dum ergo crebra meditatione hæc secum versaret, per sapientissimum quemdam consiliarium, de civium consuetudine ac perpetui exsilii loco certior factus est, quonam pacto sine ullo errore ipse sibi cavere deberet intellexit. Cum igitur hoc cognovisset, futurumque prope diem ut ad illam insulam ablegaretur, atque adventitium illud et alienum regnum aliis relinqueret, patrefactis thesauris suis, quorum tunc promptum ac liberum usum habebat, aurique atque argenti, ac pretiosorum lapidum ingenti mole famulis quibusdam, quos fidissimos habebat, tradita, ad eam insulam ad quam abducendus erat præmisit. Vertente autem anno cives, commota seditione, nudum eum, quemadmodum superiores reges, in exsilium miserunt. Ac cæteri quidem amantes, et brevis temporis reges, gravissima fame laborabant: ille contra qui opes suas præmiserat, in perpetua rerum copia vitam ducens, atque infinita voluptate fruens, perfidorum ac sceleratorum civium metu prorsus abjecto, sapientissimi consilii sui nomine beatum se prædicabat.

Hic porro per civitatem vanum hunc atque impostorem mundum intellige. Per cives autem, principatus et potestates dæmonum, ac mundi rectores tenebrarum hujus sæculi, qui nos per voluptatis molli-

tiem inescant, atque in animum nobis inducunt ut **A**ri erant, ita evehens, ut ipsis ab omnibus honor tribuatur.

de rebus caducis et interituris, velut de immortalibus cogitemus, tanquam scilicet earum fructus nobis perpetuus ac sempiternus futurus sit. Cum igitur ad hunc modum decepti atque in fraudem impulsus sumus, nec de certis illis ac sempiternis ullum unquam consilium iniimus, nec nobis in futurum ævum quidquam recondidimus, repentinus nobis mortis interitus ingruit (*Prov. 1*). Ad tum demum nudos nos, atque omnibus hujus vitæ rebus spoliatos improbi illi ac sævi tenebrarum cives accipientes, ut qui tempus illis omne impenderimus, in terram tenebrosam et obscuram abducunt, in terram sempiternæ caliginis, ubi lux non est, nec mortalium vitam intueri licet (*Job. x*). Per probum vero consiliarium, qui prudenti ac perquam sapienti illi regi omnia vere aperuit, ac sublata consilia tradidit, me vilem et humilem homunculum intellige, qui huc idcirco venio, ut tibi viam bonam et ab omni errore liberam commonstrem, teque ad sempiterna et nunquam finienda dona traducam, illucque omnia tua recondere suadeam, contraque te ab impostore hoc mundo abducam. Quem quidem ipse quoque aliquando misere amabam, ejusque voluptates et oblectamenta complectebam. Cæterum cum rectis mentis oculis animadvertissem, quemadmodum in his rebus universa mortalium vita conteritur, aliis nimirum accedentibus, aliis decedentibus, nec ullo omnino firma et stabili sede constituto, hoc est, nec divitibus et copiosis in opibus, nec potentibus in potentia, nec sapientibus in sapientia, nec iis quibus prospere res succedunt, in prosperitate, nec luxui deditis in luxu et cupidis, nec iis qui secure sibi vivere videntur, in inani sua et imbecillissima securitate, nec in ulla alia re ex iis qui laudibus efferuntur. Verum hæc res torrentium aquarum in profundum mare labentium transitui similis est; eodem enim modo fluxa sunt et fragilia omnia præsentia. Hinc scilicet hæc omnia vana esse, neque quidquam utilitatis habere intellexi. Quin potius quemadmodum priora omnia oblivione obruta sunt (sive gloriam dixeris, sive regnum, sive dignitatum splendorem, sive potentiæ amplitudinem, sive tyrannorum audaciam, sive quid aliud ejusdem generis) eodem modo præsentia quoque tandem vetustas obscurabit. Quorum in numero cum ipse quoque sim, consuetæ immutationi prorsus subijcior. Ut enim iis qui ante me exstiterunt, præsentium rerum voluptatibus perpetuo frui minime concessum est, sic ne mihi quidem concedatur. Animadverti enim, quemadmodum tyrannus hic ac turbulentus mundus homines tractet, eos nimirum huc atque illuc invertens, hos scilicet ex opibus ad egestatem, illos rursus ex gravissima paupertate ad gloriam, hos e vita ducens, illos rursus eorum loco in vitam inducens; sapientes quosdam et ingeniosos viros improbens ac rejiciens, eosque qui in honore ac splendore erant, contemptos et despicabiles reddens; alios contra insipientes ac stolidos in gloriæ throno collocans, eosque qui abjecti et obscuro

Ac cernere est, hominum genus ita comparatum esse, ut ante credulem ipsius tyrannidem nihil omnino firmum ac stabile habeat. Quemadmodum enim columba aquilam aut accipitrem fugiens, locum subinde commutat, ac nunc quidem in hac arbore, nunc autem in illo frutice, ac deinde in rupium cavernis, ac variis spinis pedem affligens, nec tutum usquam perfugium inveniens, in perpetua jactatione atque ærumna versatur: eodem modo se habent, qui res præsentibus ad stuporem usque mirantur, quippe qui inconsiderato quodam impetu misere laborent, nec quidquam omnino firmum aut stabile habeant, nec ad quem finem perventuri sint, intelligant, nec quo tandem vana vita, cui, perquam infeliciter ac misere mala bonis præferentes, ac probitatis loco vitium consecrantes, sese subjecerunt, eos ducat; nec quoniam frigidus multorum ac miserorum laborum suorum fructus excepturus sit, hoc est, propinquusne an alienus, ac persæpe ne amicus quidem aut notus, verum inimicus et hostis.

Hæc, inquam, omnia, et quæ his consentanea sunt, cum ipse in animæ meæ foro disceptassem, totius vitæ meæ, quam in rebus vanis consumpsi, ac terrenis laboribus addictus transegi, odium me cepit. Cumque eorum amorem ex animo excussissem et ejecissem, ea sese oculis meis obtulerunt, quæ vere bona sunt, hoc est, Dei metu præditum esse, atque ipsius voluntati obsequi. Nam hoc bonorum omnium caput esse compertum habui. Hoc enim sapientiæ initium esse dicitur, atque adeo perfecta sapientia. Etenim mœroris expertis vita est, atque ab omni offensione libera iis qui eam amplectuntur, et qui ei tanquam Domino ianitur, tuta et ab omni periculo immunis. Cum itaque animum meum ad erroris omnis expertem mandatorum Domini viam adjecissem, nihilque in ipsis obliquum et anfractuosum, ac voraginibus et scopulis et sentibus et tribulis plenum esse certo comperissem, verum eam omnino planam et æquabilem esse; eorum quidem qui hanc ingrediuntur per clarissimas contemplationes oculos oblectantem, pedibusque pulchritudinem conciliantem, atque eos ad præparationem Evangelii pacis calceantem, me ipsum prioris imposturæ ac stolidæ fraudis nomine miserum existimavi, ac per rectam illam incedere aggressus sum: quam etiam optimo jure rebus omnibus antetuli, atque collapsam et dirutam animæ meæ domum instaurare cœpi.

Cum ergo ad hunc modum rebus meis consulere, ac mentis lubricum corrigere studerem, sapientis cujusdam magistri vocem audivi, hæc mihi inclamantis: Egre dimini, inquit, omnes, quos salutis cupiditas tenet, atque a mundi vanitate vos removete, transit enim ipsius figura (*I Cor. v. 7*): Jam jamque, et ecce non erit. Irretortis oculis excedite; nec tamen inanes et vacui, veram sempiternæ vitæ viaticis ferentes. Etenim longum iter vobis ineundum est, quodque multo hujus vitæ viatico opus habeat; atque ad

sempiternum locum, duas regiones, in quibus mansiones multæ sint (*I Cor. II*), habentem. pervenietis. Quarum alteram quidem Deus iis qui ipsius amore flagrant, ejusque mandatis obtemperant, præparavit, omnibus bonis florentem et circumfluentem.

Ad quam qui divino beneficio admittuntur (*Isa. xxxv*), in sempiterna incorruptione degunt, ut qui immortalitate interitus omnis experte fruuntur, unde effugit dolor, tristitia et gemitus. Altera autem quæ tenebris et calamitate, ac dolore conferta est, diabolo et angelis ejus parata est. In quam etiam conjiciuntur, qui per flagitiosas actiones eam sibi conciliaverunt, atque ab interitu aliena et sempiterna bona cum præsentibus commutarint, totosque sese ignis æterni pabulum effecerint?

Hac ego voce audita, atque ipsius veritate intellecta, in hoc unum opus incubui, ut ad illud hospitium pervenirem quod omni dolore et mœstitia vacat, tantaque contra securitatem ac tantis bonis scatet: quorum cognitio nunc mihi duntaxat ex parte est, ut qui spiritualis ætatis ratione puer sim, ac velut per speculæ duntaxat et ænigmata res futuræ vitæ perspiciam. Cum autem venerit quod perfectum est, ac facie ad faciem cognoscam, tum demum evacua-bitur quod ex parte est (*I Cor. XIII*). Quo circa gratias ago Deo per Jesum Christum Dominum nostrum. Etenim lex spiritus vitæ in Christo Jesu, a peccati et mortis lege me liberavit, oculosque meos aperuit, ut carnis affectum in mortem esse, spiritus autem affectum vitam et pacem, liquido cernerem (*Rom. VIII*). Quemadmodum igitur ergo præsentium rerum cognita vanitate, perfecto odio eas habui, eodem modo, ut de ipsis existines, te moneo, atque erga eas, non secus ac alienas, et quam primum diffluxuras afficiaris; atque hinc ereptis omnibus facultatibus, in immortalis ævo, ad quod tibi sine ulla mora proficisci necesse est, thesaurum qui furto compilari nequeat, et opes quæ exhauriri nullo modo possint, tibi recondas (*Luc. XII; Matth. VI*), ut cum eo accesseris, haudquaquam penuria labores, verum opibus circumfluas, quemadmodum tibi aptissimam imaginem superius proposui.

CAP. XV.— Dixit autem Josaphat ad senem: Quam igitur ratione pecuniarum thesauros illuc præmittere queam, ut eorum, cum hinc abcessero, fructum ab omni furto et interitu alienum nanciscar; quoniamque item pacto meum in res præsentibus odium demonstrare, resque sempiternas consequi possim, aperte mihi velim explices. Ait igitur Barlaam: Divitiæ ad sempiternam regionem per pauperum manus præmittuntur. Ait enim quidam sapientissimus propheta, Daniel nomine, ad regem Babylonis: Propter hoc, rex, consilium meum tibi placeat, et peccata tua elemosynis redime, atque injustitias tuas in miserationibus pauperum (*Daniel IV*). Quin etiam Salvator his verbis utitur: Facite vobis amicos de mammona iniquitatis, ut cum defeceritis, recipiant vos in æterna tabernacula (*Luc. XVI*). Multaque de elemosyna et largitione erga pauperes

in Evangelico volumine inculcat (*Matth. XXV*). Ad hunc scilicet modum quam tutissime fortunas tuas omnes per egentium manus illuc præmiseris. Nam quidquid in eo beneficii contuleris, Dominus sibi ascissens, magno cum sænore tibi rependet. Etenim eos qui ipsius amore præditi sunt, beneficiorum remunerationibus semper superat. Ad hunc, inquam, modum hujus sæculi, cui diu jam non sine ingenti afflictione servisti, surreptis thesauris, ex his præclare viaticum tibi in futurum comparabis, atque alieno eos eripiens, tibi ipsi prius recondes, per fluxa nempe et caduca hæc bona, ea quæ firma et stabilia sunt emens. Deinde autem, Deo tibi opem ferente, hujus mundi incertitudinem et inconstantiam perspicies: omnibusque rebus valere jussis, ad futurum te transferes, atque ea quæ prætereunt ipse præteriens, iisque rebus quæ in spe positæ ac firmæ sunt, te addicens, tenebrasque cum mortis umbra relinquens, odioque tum mundum tum mundi principem insectans, carnemque interitui obnoxiam hostem tibi esse ducens, ad lucem inaccessibilem accures (*I Tim. VI*), cruceque humeris sublata, Christum irretortis oculis sequeris, ut etiam cum ipso glorificeris, vitæque, non jam caducæ et fallacis hæres efficiaris.

Josaphat itaque ad eum ait: Istud ipsum, nempe omnia pro nihilo putare. atque usque adeo asperum vitæ genus suscipere, quemadmodum superius dixisti, vetusne institutum est, ab apostolorum doctrina manans, an recens mentis vestræ solertia excogitatum; tanquam scilicet hoc, ut melius ac præstantius, vobis amplexandum duxeritis?

Senex autem ait: Non recens inductam legem tibi affero (absit istud), verum antiquitas nobis traditam. Dixit enim Dominus ad divitem quemdam, qui ex ipso percontabatur quidnam sibi faciendum esset ut vitam æternam consequeretur, jactabatque se cuncta quæ in lege scripta erant servasse. Unum tibi deest, vade, vende omnia quæ habes, et da pauperibus, et habebis thesaurum in cælo, et veni, ac, sublata cruce, me sequere. At ille, his auditis, mœstitia affectus est. Erat enim admodum dives. Cum igitur Jesus eum mœrere affectum vidisset, dixit: Quam difficile est illi qui pecunias habent intrare in regnum Dei; facilius enim est camelum per foramen acus transire, quam divitem intrare in regnum Dei (*Marc. X; Luc. XVIII*). Hoc igitur mandato audito, sancti omnes id studuerunt, ut ab hujusmodi opum difficultate sese abstraherent, ac per largitionem erga pauperes, dispersis omnibus facultatibus, sempiternisque divitiis sibi ipsis reconditis, crucem sustulerunt, Christumque secuti sunt; sic nimirum ut quidam, velut jam a me dictum est, martyrio perfungerentur, quidam autem religiosæ vitæ exercitatione concertarent, atque, quantum ad vere hujusce philosophiæ rationem attinet, nihilo illis inferiores essent. Quocirca illud scias velim, Regis nostri ac Dei mandatum hoc esse, per quod homines sempiternorum bonorum participes redduntur.

Cum igitur, inquit Josaphat, tam antiqua et necessaria hujusmodi philosophia sit, quid causæ est quamobrem hodierna die pauci sint qui hanc vitam imitantur?

Respondit senex: Multi quidem eam imitati sunt, et etiamnum imitantur. At multo plures cunctantur, ac moras nectunt. Pauci enim sunt, ut ait Dominus, qui per arctam et angustam viam incedant; qui autem per facilem et latam, quam plurimi (*Matth. vii; Luc. xxiii*). Nam qui semel pecuniarum cupiditate, et vitiorum quæ ex voluptatibus oriuntur, amore correpti, vanæque et inani gloriæ addicti sunt, vix ab ipsis divelli possunt, ut qui alieno domino, quique omnia, contra ac Deus, imperat, atque ipsos tanquam catenis quibusdam victos tenet, ultra se ipsos manciparit. Animus quippe, cum semel salutis suæ spem abjecerit, habenas suas aversis a ratione cupiditatibus permittens, quaqua versum fertur. Ac proinde Propheta offusam hujusmodi animis amentiam deplorans, caliginisque ipsos urgentis crassitiem lugens, his verbis utebatur: Filii hominum, usquequo gravi corde? ut quid diligitis vanitatem, et quæritis mendacium? Quemadmodum etiam quidam sapientum magistrorum nostrorum, vir rerum divinarum peritissimus, eandem cum Propheta cantilenam canens, ac quædam a seipso adjungens, tanquam ex alta quadam et editissima specula omnibus inlclamat: Filii hominum, usquequo gravi corde? ut quid diligitis vanitatem, et quæritis mendacium (*Psal. xliiv*); magnum nimirum aliquid hanc vitam, et delicias, et exiguam gloriolam (et mendacem prosperitatem esse existimantes (*Nas., ora. de suis ser. et ad Julium Erisotem.*)? Quæ quidem non magis eorum sunt qui fruuntur quam qui ea in spe habuerunt; nec rursus horum magis quam eorum qui ea quidem unquam exspectarunt, et quæ non secus ac pulvis a turbine ad alios atque alios subinde perflantur, ac vicissim jactantur, aut fumi instar defluunt, ac velut insomnium homines ludificantur, et ut umbra retineri nequeunt ac denique ita natura comparata sunt, ut nec cum absunt, ea se habituros esse homines desperent, nec cum adsunt, possidentibus certa et stabilia sint.

Cum igitur ad hunc modum Salvator præcipiat, prophete et apostoli prædicent, ac sancti omnes viri tum re ipsa, tum sermone ad virtutis viam ab omni errore maxime immunem nos impellant, etiamsi pauci hanc teneant, contra autem multi latam atque in exitum ducentem sibi deligant, non tamen propterea divinæ hujus philosophiæ institutum minoris æstimandum est. Ut enim sol, cum illuminandi causa exoriens radios suos affluenter emittat, omnesque ad excipiendum lumen cohortetur, si quidam clausis oculis splendorem ipsius intueri nolint, non propterea reprehensionem meretur, aut a reliquis negligi debet, nec splendoris ipsius gloria ob illorum stultitiam in contemptu versatur; quin potius illi quidem se ipsos lumine orbantes, tanquam cæci, parietes palpant, atque in multas trobes præcipientes ruunt, multisque spinis eorum oculi punguntur; sol contra splendorem suum retinens, eos illustrat qui ipsius

lumen detecta facie contuentur: ad eundem quoque modum Christi lumen omnibus quidem illucet, splendoremque suum nobis affatim impertit; at vero pro sua quisque cupiditate animique alacritate ipsum percipit. Nam nec ille justitiæ sol ullum ex his qui colorum aciem in ipsum intendere cupiunt beneficio eo privat, nec rursus vim infert qui suapte sponte tenebras eligunt; verum suæ quisque liberæ voluntati et electioni, quandiu in hac vita est, relinquitur.

Cum autem Josaphat quidnam arbitrii libertas atque electio esset quæreret, respondit senex: Arbitrii libertas est animæ ratione utentis voluntas, sine ullo impedimento ad id quod vult, hoc est sive ad virtutem, sive ad vitium, incitata, atque a summo illo parente et architecto ita effecta. Rursum, Arbitrii libertas est intellectualis animæ pro suo arbitratu agitatio. Electio autem est earum rerum quæ in arbitrio nostro sitæ sunt, cum consilio conjuncta appetitio. Siquidem rem eam quæ inuito consilio melior judicata est, eligentes appetimus. Consilium est investigatrix appetitio de rebus gerendis, quarum penes nos potestas est. Deliberat enim quispiam expediatne aliquid agere, necne. Deinde, quod præstantius est, judicat, ac judicium efficitur. Mox autem afficitur, atque id quod ex consilio judicatum est, amat, ac sententia dicitur. Nam si ita judicet ut tamen erga id quod judicatum est, minime afficiatur, hoc est, id minime amet, sententia haudquaquam appellatur. Tum post affectionem fit electio. Nam electio nihil aliud est quam e duabus rebus propositis alteram præ altera amplecti et eligere. Atque illud vel ex ipsa etymologia perspicuum est, electionem esse consilium cum dijudicatione conjunctum. Προαιρετόν enim est alterum præ altero electum. Nemo porro quidquam adhibito iudicio alteri præfert, nisi prius consilium inierit; nec rursus eligit, nisi prius judicavit. Nam quoniam non ea omnia quæ nobis recta et præclara esse videntur in opus perducere studemus, tum denique electio et eligendum efficitur id quod ex consilio propositum est, cum appetitionem comitem asciverit.

Ex quo concluditur, electionem esse appetitionem cum deliberatione conjunctam earum rerum quæ in nostra potestate sitæ sint. Etenim id quod ex consilio præpositum est, eligentes appetimus. Omne quippe consilium actionis causa et propter actionem suscipitur. Ita consilium quidem electionem antecedit, electio autem omnem actionem. Quocirca non modo actiones, sed ea etiam quæ animo agitantur (quæ quidem electiones exhibent), tum coronas, tum pœnas accersunt. Etenim electio in his rebus quæ in arbitrio nostro sitæ sunt versans, tum peccati, tum justi operis origo est. Nam quarum rerum facultates penes nos sunt, harum etiam actiones facultatibus consentaneæ penes nos sunt. Quamobrem cum facultates virtuti consentaneæ in nostra potestate sint, in nostra quoque potestate virtutes sint necesse est. Proprie enim in arbitrio nostro consistunt ea omnia quæ animam attingunt, et de quibus deliberamus.

Ad hunc igitur modum libere consultantibus hominibus, ac libera item voluntate eligentibus, quatenus quispiam eligit, hactenus quoque divinam lucem percipit, atque in philosophiæ studiis progressus facit. Varia enim electionum sunt genera. Et quemadmodum quidam aquarum fontes e terræ visceribus scaturientes, partim e superficie terræ oriuntur, partim aliquanto profundius, partim profundissime; atque harum aquarum aliæ e propinquo emanant gustuque dulces sunt, aliæ ex imo exeunt ac salsæ aut sulphuræ sunt, atque item aliæ uberrime fluunt, aliæ paulatim stillant; eodem modo in electionibus quoque cogita, alias celeres ac perquam fervidas esse, alias segnes et frigiditas, ac rursus alias ad virtutem omnino propensas, alias ad vitium omnibus viribus inclinatas. Igitur quales earum affectiones sunt, tales quoque ad agendum impetus consequuntur.

CAP. XVI. — Dixit autem ad senem Josaphat: Suntne etiam alii nonnulli, qui eadem quæ tu prædicent, an vero tu hodierno die solus es qui hæc doces, ac præsentem vitam usque adeo aversandam atque odio insectandam esse mones?

Ille autem ad hunc modum respondit: In hac vestra infelicissima regione neminem novi. Nam patris tui tyrannis innumeris mortis generibus eos mulcavit, deditque operam ne prorsus inter vos divinæ cognitionis prædicatio audiretur. Apud reliquas autem nationes hæc cantantur ac celebrantur, ab aliis quidem rectissima ratione, ab aliis autem perverse, quippe cum animarum nostrarum hostis eosa recta via transversos egerit, atque in alienas opiniones dividerit, eosque loca quædam divinæ Scripturæ aliter quam germanus sensus ferat, interpretari docuerit. Cæterum una est veritas, quæ ab illustribus apostolis et divinis patribus prædicata est, et in catholica, atque ab extremis orbis finibus ad extremos usque fines diffusa Ecclesia sole splendidius lucet. Quam quidem ego ut tibi prædicarem ac traderem, ad te missus sum.

Dixit autem ad eum Josaphat: Nihilne horum pater meus unquam didicit?

Respondit senex: Perspicue quidem, atque ut par erat, nihil didicit. Oclusis enim sensibus, bonum de industria repudiat, atque in malum libera animi inductione propendit.

At vellem, inquit Josaphat, ille quoque hac doctrina imbueretur.

Respondit senex: Hæc apud homines sunt impossibilia; apud Deum autem nihil est quod fieri non possit (*Matth. xix*). Ecquid enim scis futurumne sit ut patri tuo salutem afferas, atque admirando modo patris tui pater tandem voceris? Narratum enim mihi est regem quemdam existisse, qui præclare admodum regiam suam dignitatem administrabat, leniterque ac placide populum qui ipsius ditioni atque imperio suberat tractabat, in hac autem una re labebatur, quod divinæ cognitionis lumine careret, atque

idolorum cultu constrictus teneretur. Erat autem ei probus quidam consiliarius, ac tum erga Deum pietate, tum cæteris virtutibus ornatissimus, qui cum regis errore angeretur, eumque permoleste ferret, atque ipsum hoc nomine coarguere in animo haberet, tamen hac de causa sese reprimebat, quod vereretur, et sibi et sociis suis perniciem accerseret, eamque utilitatem quæ ex ipso ad alios promanabat amputaret. Occasionem autem nihilominus querebat, qua commode ipsum ad bonum pertraheret. Dixit igitur nocte quadam ad eum rex: Ades dum, egrediamur, ac civitatem circumeamus, num forte aliquid quod in rem futurum sit perspiciamus. Cum autem illi per urbem obambulant, lucis splendorem per foramen quoddam radiantem cernunt: cui, cum oculos adjecissent, subterraneum quoddam et cavernosum domicilium conspicantur, in quo præsidebat vir quidam extrema inopia laborans, ac vilibus quibusdam et laceris pannis indutus. Astabat autem ipsius uxor, vinum ipsi temperans. Cumque ipse perculum manibus accepisset, illa suave quoddam carmen canens, voluptatem ipsi afferebat, saltans nimirum, ac maritum laudibus deliniens. Rex igitur aliquantisper hæc perspicens, mirabatur quod cum tanta egestate premerentur, ut nec domus nec vestis ipsis suppeteret, tamen usque adeo lætam et hilarem vitam ducerent. Atque ad primum suum consiliarium his verbis utitur: O rem miram, o amice! quod scilicet, nec mihi, nec tibi, vita nostra, quamvis alioqui tanta gloria et deliciis et voluptate undique collucens, usque adeo unquam placuerit, ut vilis hæc et ærumnosa vita vecordes istos oblectat et exhilarat, ut quæ, tametsi alioqui aspera et aversanda, facilis ipsis ac blanda videatur. Opportunam autem horam nactus princeps ille consiliarius, inquit: Tu vero, o rex, cujusmodi tandem horum vitam esse existimas? Omnium, inquit ille, quas unquam viderim, insuavissimam et miserissimam, execrationeque dignam et aversandam. Tunc ait ad eum  primarius ille consiliarius: Ad eundem ita modum mihi crede, o rex, ac multo etiam acerbior vita nostra iis esse videtur, qui sempiternam illam gloriam, ac bona illa quæ omnem mentis captum superant, contemplantur atque cognoscunt. Atque auro rutilantes aedes, ac præclara hæc indumenta, cæteræque vitæ deliciæ, iis qui cælestium tabernaculorum non manu factorum, vestisque divinitus contextæ, ac diadematum corruptionis omnis expertium, quæ rerum omnium architectus ac Dominus diligentibus se præparavit, stercoribus et cæno fetidiores videntur (*I Cor. ii*). Quemadmodum enim isti iudicio nostro ac sententia desipiunt, ita etiam, ac multo magis, nos qui in mundo oberramus, atque in mendaci hac gloria, stultisque deliciis nobis placemus, in eorum oculis qui bonorum illorum dulcedinem degustarunt luctu et lacrymis digni sumus. His autem verbis præstantior rex, inquit: Quam igitur illi sunt qui præstantiorem nobis vitam agunt? Omnes, inquit ille, qui sempiterna caducis et fragili-

bus prætulerunt. Cumque rex rursus quænam sempiterna illa essent quæsisisset; respondit ille: Regnum ab omni successione alienum, ac vita morti minime obnoxia, et opes egestatem non metuentes, lætitia item et oblectatio ab omni mœstitia et dolore sejuncta, parque perpetua, et ab omni inimicitia et contentione libera. His bonis, quibus divinitus frui contigerit, beati illi ac sæpe beati; vitam enim omni labore et mœstitia vacuum in omne ævum ducent, omnibus regni Dei jucunditatibus et oblectamentis sine ullo labore fruentes, ac cum Christo in perpetuum regnantes. Cumque rex dixisset: Quisnam tandem hæc consequi promerebitur? respondit ille: Omnes qui vitam illuc ducentem arripuerint; aditu enim nemo prohibetur, qui modo voluerit. Tum rex: Et quænam, inquit, est via qua illuc itur? Respondit ille præclari animi vir: Cognoscere solum verum Deum, et Jesum Christum unigenitum ipsius filium, et sanctum ac vivificum Spiritum (*Joan. xvii*).

Rex igitur, regia sane prudentia prædictus, ad eum inquit: Et quidnam hactenus te prohibuit, quominus mihi hæc exponeres? Neque enim hæc cunctatione ac dilatione mihi digna esse videntur, si quidem vera sunt. Quod si dubia sunt, sedulo et accurate investigandum est, quoadusque eacitra ullam ambiguitatem ac dubitationem inveniamus. Non negligentia et socordia factum est, ait ille, ut tibi hæc exponere cunctarer, cum vera sint atque ab omni dubitatione remota; verum quod excellentem gloriæ tuæ magnitudinem vererer, atque illud metuerem; ne tibi gravis ac molestus essem. Quocirca si mihi famulo tuo hoc imperas, ut te de his rebus in posterum submoneam, imperio tuo obsequar. Sane, inquit rex, non interdum solum, sed etiam qualibet hora mihi harum rerum memoriam renova. Neque enim negligenter ac perfunctorie, verum summo studio ac fervore his rebus animum intenderè oportet. Audivi igitur, ait Barlaam, hunc regem deinceps pie ac religiose vitam instituisse, præsentisque vitæ curriculo placide ac tranquille confecto, sempiternam beatitudinem consecutum esse. Quamobrem si quis etiam patrem tuum de his rebus tempestive admoneat, fortassis intelliget atque exploratum habebit quantis malis implicitus teneatur, atque ab iis esse avertens, quod bonum est, amplectetur (*II Pet. i*). Nam in præsentia quidem cæcus est, et manu tentans, ut qui vero lumine sese orbarit, atque ad impietatis tenebras transfugerit.

Dicit autem ad eum Josaphat: De patre meo, quod Dominus jusserit, fiat. Nam ipsi, velut etiam abs te dictum est, ea omnia possibile sunt, quæ apud homines impossibilia esse videntur. Ego vero per eximios ac singulares tuos sermones, vanitatis præsentium rerum pertæsus, ab his quidem omnino animum abducere constitui, ac tecum, quidquid mihi vitæ superest, traducere, ne per fluxa et fragilia sempiternorum bonorum et omni interitu alienorum fructu excidam.

Respondit senex: Si hoc feceris, prudentissimo

A cuidam juveni, quem copiosis atque illustrissimis parentibus natum esse intellexi, similem te præbebis. Cui cum pater nobilis cujusdam atque in primis copiosi viri filiam insigni pulchritudine præditam despondisset, ac de hujusmodi matrimonio cum filio sermonem conseruisset, quidque in animo haberet exposuisset, hæc ut ille audivit, quasi absolum quiddam ac præposterum, hujusmodi rem excutiens, relicto patre profugit. Cumque iter faceret, apud senem quemdam pauperem, ut a diei æstu sese recrearet, divertit.

Filia porro senis illius quæ unica illi virgo erat, pro foribus sedens, manibus operabatur, ore autem Deum sine ulla intermissione laudabat, ex intimo pectore gratias ipsi agens. Ipsius autem laudem juvenis audiens, ait: Quodnam, o puella, tuum institutum est? Et quam ob causam, cum in tanta vilitate et inopia verseris, tanquam ob ingentia beneficia accepta, horum auctorem laude afficis? Ipsa autem ad eum respondit: An nescis quod quemadmodum exiguum pharmacum e magnis plerumque morbis hominem eripit, eodem modo etiam ob parvas res Deo gratias agere, ingentia bona conciliat? Ego igitur pauperis senis filia, ob exigua hæc gratias ago ac Dominum laudibus afficio, illud nimirum exploratum habens, quod qui hæc dedit, majora quoque dare potest. Atque hæc quidem de rebus externis ac minime nostris, ex quibus nec his qui multa possident fructus ullus, imo etiam sæpe damnum oritur, nec his qui pauciora acceperunt, incommodum ullum ac detrimentum existit, quippe cum utriusque eandem viam obeant, atque ad eundem finem contendant. At in iis quæ magis necessaria majorisque momenti sunt, multis maximisque, atque adeo innumeris beneficiis a Deo affecta sum; etenim ad Dei imaginem condita, ipsiusque cognitione imbuta, et ratione præter omnia animantia exornata, et ex morte, per viscera misericordiæ Dei nostri ad vitam revocata sum, ac percipiendorum ipsius sacramentorum potestatem accepi. Denique paradisi porta patefacta est, liberum mihi, si quidem voluero, aditum præbens. De tot igitur ac tantis beneficiis, quorum pauperes æque ac divites participes sunt, dignas Deo gratias agere prorsus nequeo. Quod si exiguam hanc quoque laudem ei qui me tot muneribus cumulavit minime obtulero, quam tandem excusationem babitura sum?

Juvenis autem ingentem hanc prudentiam admirans, accito ipsius patre: Da mihi, inquit, filiam tuam (siquidem ipsius prudentiam ac pietatem amore complector). Senex autem ait: Non licet tibi, qui divitibus et copiosis parentibus ortus es, hanc pauperis viri filiam accipere. Rursus autem juvenis ait: Certè hanc accipiam, nisi tu prohibeas. Etenim filia quædam nobilis ac dives mihi desponsa fuerat; verum ea repudiata atque abjecta, in fugam me dedi. Contra filia tuæ, ob ipsius erga Deum pietatem ac prudentiam amore corruptus, matrimonio cum ea jungi paratus sum. Senex autem ad ipsum ait: Eam

tibi dare nequeo, ut in paternam domum abducas, atque a meis ulnis abstrahas, unica enim mihi est. At ego, inquit juvenis, apud vos manebo, vestramque vitæ rationem suscipiam; ac postea, luculenta veste abjecta, senis illius vestes petiit, iisque se induit. Cumque ille ipsum diu multumque tentasset, variisque modis ipsius animum explorasset, ut eum mentis gravitate præditum esse cognovit, nec stulto quodam amore obsessum filiam suam in matrimonium petere, verum pietatis studio pauperem vitam amplectari, eamque gloriæ suæ ac nobilitati anteferre, arrepta ipsius manu in conclave suum eum intro-luxit, et ingentes opes illic reconditas, atque innumerabilem pecuniarum molem, quantamque juvenis ille nunquam viderat, ipsi commonstravit. Aitque ad eum: Fili, hæc omnia tibi dono do, propterea quod mearum opum hæres esse in animum induxisti. Qua hæreditate percepta, ille omne terræ divites et claros homines superavit.

CAP. XVII. — Dixit autem Josaphat ad Barlaam: Apte sane hæc etiam narratio rerum mearum statum exprimit, ac proinde de me quoque hæc abs te dicta esse existimo. Verum quodnam tandem est illud experimentum per quod animi mei constantiam exploratam habere cupis?

Respondit senex: Equidem ipse etiam periculum feci, et intellexi quanta in te mentis prudentia atque constantia, quamque rectus et integer tibi animus sit; verum actionis tuæ finis hæc confirmabit. Hujus rei gratia flecto genua mea ad Deum nostrum (*Ephes. III*), qui in Trinitate celebratur, ad eum, inquam, qui omnia, tam quæ aspectu sentiuntur quam quæ oculorum sensum fugiunt procreavit; qui vere ac sempiternus est, nec gloriosi status sui aut principium unquam habuit, aut finem habiturus est: ad illum, inquam, metuendum atque omnium rerum præpotentem, bonumque et ad miserationem propensum, ut cordis tui oculos illuminet, detque tibi spiritum sapientiæ et revelationis ad ipsius agnitionem, ut cognoscas quæ sit spes vocationis tuæ, et quæ divitiæ gloriæ hæreditatis ipsius in sanctis, et quæ supereminens illa magnitudo potentiæ ipsius in nos qui credimus, ut jam non sis hospes et advena, sed civis sanctorum et domesticus Dei (*Ephes. I*), superædificatus super fundamentum apostolorum et prophetarum, ipso summo angulari lapide Jesu Christo, in quo omnis ædificatio constructa crescit in templum sanctum in Domino (*Ephes. II*).

Josaphat autem ingenti animi compunctione affectus, dixit: Hæc scilicet omnia ipse quoque scire gestiens, abs te peto, ut et divinæ gloriæ divitias, et ipsius potentiæ excellentiam mihi declares.

Dixit autem ad ipsum Barlaam: Deum supplex rogo ut hæc te doceat, atque hujusmodi rerum cognitionem animo tuo inserat. Quandoquidem apud homines ipsius gloria ac potentia nullo modo commemorari potest, quamvis etiam omnes omnium hominum, tam qui nunc sunt quam qui aliquando fuerunt, linguæ in unum coeant. Deum enim, inquit evange-

lista et theologus (*Joan. I*), nemo vidit unquam. Unigenitus Filius, qui est in sinu Patris, ipse enarravit. Ejus porro qui oculorum obtutum fugit, atque immensus est, gloriæ et majestatem, quia tandem eorum qui e terra concreti sunt, comprehensam habere queat, nisi ipsi arbitrato suo eam patefecerit, quemadmodum scilicet prophetis suis et apostolis patefecit? Nos autem tum ex eorum prædicatione, tum ex ipsa rerum natura, quantam assequi nobis datur, eam discimus. Ait enim Scriptura: Cæli enarrant gloriæ Dei, et opera manuum ejus annuntiat firmamentum (*Psal. XVIII*). Ac rursus: Invisibilia ipsius a creatura mundi, per ea quæ facta sunt, intellecta conspiciuntur, sempiterna quoque ipsius potentia et divinitas (*Rom. I*).

Quemadmodum enim quispiam domum præclare ac summa arte constructam, aut vasculum eleganter concinnatum perspiciens, architectum aut fabrum statim ob animum sibi proponit sic etiam ego ex nihilo effictus, atque in ortum productus, etiam si fictorem ac productorem meum cernere nequeam, tamen ex aptissima maximeque admiranda mei structura ad sapientiæ ipsius cognitionem veni, non quatenus est, sed quatenus intelligere queo: nempe quia non casu ac fortuito productus sum, nec a me ipso exstiti, verum ipse arbitrato suo me effinxit: sic nimirum ut me rerum omnium conditarum principem constituerit, quibusdam autem inferiorem fecerit, ac contritum etiam divino suo imperio me ex hac vita educens, ad alteram vitam finis expertam ac sempiternam transferat. Quibus omnibus in rebus providentiæ ipsius viribus oblectari nequeo, nec mihi quidquam, vel quantum ad staturam, vel quantum ad formæ figuram attinet, adjicere aut subtrahere, nec ea quæ in me vetustate confecta sunt, renovare, nec quæ labefactata et corrupta sunt, in integrum restituere. Neque enim mortalium ullus unquam fuit, qui horum quidquam efficere posset, non rex, non sapiens, non dives, non potens, non denique alius quispiam humana studia consecrans. Nullus enim, inquit ille, regum, aut eorum qui in sublimitate sunt, aliud habuit nativitatis initium. Unus enim est omnium introitus ad vitam, et idem exitus (*Sap. VII*).

Quamobrem ex iis quæ ad me pertinent, ad magnificentiam summi illius architecti cognitionem, velut porrecta manu ducor. Præterea autem aptissimam rerum omnium conditarum structuram atque conservationem consideravi, nempe quod suapte quidem natura cuncta mutationi atque conversioni subjecta sunt, nimirum ea quæ mente prædita sunt, ratione voluntatis, progressusque in bono aut recessus a bono; ea autem quæ in sensum cadunt, ratione ortus et interitus, accretionisque, et imminutionis, et mutationis ejus quæ in qualitate posita est, ac denique localis motus. Ac per ea tacitis quibusdam vocibus prædicant se a Deo creatore ac mutationis omnis et conversionis experte procreata esse, atque contineri et conservari, semperque gubernari. Quoniam enim alioqui modo naturæ inter se pugnantibus ad unum,

mundi ornatum omnibus numeris absolvendum in A unum coiissent, ac dissolutionis expertes permansissent, nisi vis quaedam omnipotens hæc et copulasset, et sempera dissolutione aliena conservaret. Quonam enim pacto, nisi voluntas ipsius ita tulisset, aliquid mansisset? aut quonam pacto, ut Scripturæ verbis utar, quod ab eo minime vocatum est, conservari potuisset?

Nam cum navis remoto gubernatore consistere nequeat, verum statim pessum eat; nec ulla, quantumlibet exigua, domus stare possit, nisi sit aliquis qui ipsius curam gerat, quonam tandem pacto mundas, opus usque adeo ingens, atque ita præclarum et admirandum, sine eximia aliqua et ingenti atque admiranda gubernatione sapientissimaque providentia, tam diuturno temporis spatio constitisset? Ecce enim B quantum jam temporis fluxit, ex quo cælum est, nec tamen obscuritatem contraxit, nec terræ vis tandiu parens elanguit, nec fontes, ex quo orti sunt, scaturire destiterunt, nec mare tot fluvios excipiens mensuram suam excessit, nec solis ac lunæ cursus immutationem ullam subierunt, nec diei ac noctis ordines inversi sunt. Ex his nimirum omnibus Dei potentia et magnificentia, quæ omnem orationis facultatem superat, nobis declaratur, prophetarum atque apostolorum testimonio confirmata. Verum ipsius gloriam nemo unquam pro dignitate cogitare aut collaudare poterit. Siquidem divus Apostolus, ille, inquam, qui Christum in seipso loquentem habebat (II Cor. xi), cum ea omnia, tam quæ intellectu percipiuntur, quam quæ sensibus subjecta sunt, cum animo suo considerasset, dixit: Ex parte cognoscimus, et ex parte prophetamus: cum autem venerit quod perfectum est, evacuabitur quod ex parte est (I Cor. xiii). Ac propterea ex immensis sapientiæ ipsius opibus admiratione ac stupore perculsus aperte exclamavit: O altitudo divitiarum sapientiæ et scientiæ Dei! quam incomprehensibilia sunt iudicia ejus, et investigabiles viæ ejus (Rom. xi)!

☪☪☪ Quod si ille qui ad tertium usque cælum pervenerat, atque arcana verba audierat (II Cor. xii), hujusmodi voces emisit; cœquis mei similibus in tantorum mysteriorum abyssum oculos advertere, atque aliquid pro dignitate, non dicam dicere, sed ne quidem cogitare poterit, nisi ipse sapientiæ subministrato atque insipientium corrector dederit? Etenim in D ipsius manu et nos et sermones nostri sunt, et omnis prudentia ac solertiæ scientia. Atque ipsius beneficio veram earum rerum quæ sunt cognitionem habemus, mundique concretionem intelligimus, elementorum vires, temporum initium et medietatem et finem, partium anni vicissitudines, ac tempestatum mutationes: quoniam omnia in modo et mensura constituit. Siquidem multum posse, ipsi semper præsto est; et brachii ipsius robori quis resistet? Etenim tanquam momentum stateræ, si est ante eum orbis terrarum, et tanquam gutta roris matutini, quæ descendit in terram. Sed miseretur omnium, quia omnia potest, et dissimulat peccata hominum pro-

pter pœnitentiam. Neminem enim ex iis qui ad ipsum accurrunt, execratur, nec aversatur solus ille bonus, atque animorum amans Dominus (Sap. xi). Benedictum sit nomen gloriæ ipsius sanctum, et laudabile, et superexaltatum in sæcula. Amen (Dan. iii).

CAP. XVIII. — Dixit autem ad eum Josaphat: Si diuturno tempore tecum reputasses, vir sapientissime, quonam pacto propositarum quæstionum solutionem mihi perspicuam redderes meo quidem iudicio id melius præstare non potuisses, quam ea mihi, quæ nunc exposuisti commemorans: quippe qui omnium quidem rerum effectorem et conservatorem Deum esse docueris, majestatisque ipsius gloriam omnem mentis humanæ captum excedere, clarissimis rationibus demonstraris; neque ulla alia ratione quemquam eam consequi posse, nisi cui ipse arbitrato suo eam patefaciat. Quo quidem nomine eloquentissimam tuam sapientiam majorem in modum admiror.

Sed illud velim mihi dicas, vir beatissime, quoniam ipse ætate sis, et quibus in locis commoreris, quosque philosophiæ socios habeas, siquidem anima mea tuæ arctissime hæret, atque per omne vitæ tempus ne latum quidem unguem a te discedere cupio.

Ait autem senex: Annos, ni fallor, quinque et quadraginta natus sum, atque in terræ Sennaar desertis vitam dego. Commilitones porro eos habeo, qui ad superni itineris cursum mecum laborant ac certant.

Quid ais? inquit Josaphat. Mihi enim septuaginta C annos excedere videris. Quid igitur est, quamobrem te quadraginta quinque tantum annos habere dicas? neque enim hac in re mihi vera loqui videris.

Dixit autem ad eum Barlaam: Si annos meos ab ipso vitæ ortu nosse quæris, recte sane eos plusquam septuaginta esse coniecisti. At mihi quidem nullo omnino modo inter vitæ annos censentur, qui in hujus mundi vanitate consumpti sunt. Nam cum, peccatis in servitute addictus, carni viverem, quantum ad interiorem hominem attinet, mortuus eram. Quamobrem mortis annos, vitæ annos nunquam appellarim. Ex quo autem mundus mihi crucifixus est, et ego mundo (Gal. vi), atque exuto veteri homine, qui secundum erroris desideria corrumpitur, non jam carni vivo, sed vivit in me Christus; quod autem vivo, in fide vivo Filii Dei, qui dilexit me, et pro me seipsum tradidit (Ephes. iv): hos vitæ annos et salutis dies optimo jure vocaverim. Quos quidem quinque et quadraginta esse asserens, consentanea ratione, ac non absurde, horum numerum tibi dixi. Quin tu quoque ea semper mente ac sententia sis velim, nimirum ut eos qui quantum ad omne probum opus mortui sunt, peccatis autem vivunt, atque eorum qui humi provoluti sunt principi obsequuntur, et in voluptatibus ac pestiferis cupiditatibus vitam absumunt, nullo modo vivere existimes, verum eos extinctos esse tibi persuadeas, vitæque functioni mortuos. Nam peccatum immortalis animæ mortem esse sapiens quidam non immerito pronuntiavit. At-

que etiam his verbis Apostolus utitur : Cum servi A essetis peccati, liberi eratis justitiæ. Quem ergo fructum habuistis in his in quibus nunc erubescitis ? Finis enim illorum mors est. Nunc autem liberati a peccato, servi autem facti justitiæ, habetis fructum vestrum in sanctificationem, finem autem vitam æternam. Stipendia enim peccati, mors ; gratia autem Dei, vita æterna, in Christo Jesu Domino nostro (Rom. vi).

Dixit autem ad eum Josaphat : Quandoquidem vitam quæ in carne ducitur, vitam esse minime censes, par est igitur ut ne mortem quidem hanc quem omnes subeunt mortem esse censeas.

Respondit senex : Sine ulla dubitatione de his quoque ita censeo, quippe qui temporariam hanc mortem minime pertimescam, imo nec omnino mortem B eam appellem, si quidem me per divinorum præceptorum viam incedentem arripuerit, quin potius transitum a morte ad præstantiorem et perfectiorem vitam atque in **283** Christo absconditam (Coloss. iii). Cujus quidem consequenda cupiditate flagrantis optimi viri, præsentem hanc vitam permolestè ferebant. Unde etiam ait Apostolus : Scimus enim quoniam si terrestris domus nostra hujus habitationis dissolvitur, ædificationem ex Deo habemus, domum non manufactam, æternam in cælis. Nam et in hoc ingemiscimus, habitationem nostram, quæ de cælo est, superindui cupientes, si tamen vestiti et non nudi inveniamur (II Cor. v).

Nam et qui sumus in hoc tabernaculo, ingemiscimus gravati, eo quod nolumus exspoliari, sed supervestiri, ut absorbeat quod mortale est a vita. Ac rursum : Infelix, inquit, ego homo, quis me liberabit de corpore mortis hujus (Rom. vii) ? Et alio loco : Cupio dissolvi, et esse cum Christo (Philip. i). Et propheta David : Quando veniam, et apparebo ante faciem Dei (Psal. xli) ? Quando autem ego quoque omnium infirmus corpoream mortem nullo modo extimescam, hinc facile tibi intelligere licet, quod patris tui minis contemptis ac pro nihilo habitis, intrepide ad te accesserim, ut salutiferam doctrinam tibi exponerem ; tametsi aliqui compertissimum haberem fore ut si hæc rescisceret, sexcentis me, si fieri posset, mortibus afficeret. Verum ego Dei sermonem omnibus rebus anteponeo, ipsoque frui cupiens, nec temporariam hanc mortem perhorresco, nec eam D hujusmodi nomine appellandam duco, Domini scilicet mandato obtemperans dicentis : Nolite timere eos qui occidunt corpus, animum autem non possunt occidere ; sed potius timete eum qui potest animam et corpus perdere in gehennam (Matth. x).

Hæc, inquit Josaphat, veræ vestræ philosophiæ præclara facinora, terrenorum hominum qui a præsentem hac vita vix avelli possunt, naturam longe multumque superant. Ac vos beati, qui hac strenuissima mente præditi estis. Quinam porro tibi ac sociis tuis in hujusmodi solitudinis victus sit, atque item unde, et cujusmodi vobis vestes suppetant, vere mihi expone.

Barlaam autem dixit : Victus quidem nobis ex po-

mis, et stirpibus, quas solitudo, cœlesti rore perfusa, et creatoris imperio parens, alit, nobis suppetit. Ob quæ nemo est qui adversum nos pugnam ineat atque contendat, majoremque partem, ut avaritiæ lex præscribit, arripere quærat ; verum uberrime omnibus illaboratus cibus, et extemporalis mensa proponitur. Quod si quando piorum fratrum, qui nobis vicini sunt, aliquis panis benedictionem afferat, hunc tanquam ad eorum qui cum fide obtulerunt, benedictionem a divina providentia missum suscipimus. Vestes autem nobis ex asperis ciliciis et ovium pellibus sunt, vetustæ omnes, atque ex variis pannis consutæ, imbecillam nostram carnem atterentes. Etenim eadem nobis est tum æstatis tum hiemis vestis. Quam etiam ut semel induimus, exuere postea nobis non licet, quousque vetustate confecta prorsus deleatur. Ad hunc enim modum et frigoris et æstus molestiis corpus afflicta, futuræ immortalitatis vestem nobis comparamus.

Cumque hic Josaphat quævisset undenam vestem illam qua indutus erat sibi comparasset, respondit senex : A quodam piorum fratrum eam, cum ad te profecturus essem, utendam accepi ; neque enim par erat ut cum ea quam ferre soleo veste accederem. Quemadmodum enim quispiam charissimum quemdam cognatum in alienam regionem captivum abductum, illinc educere cupiens, abjecta veste sua, atque hostium suscepta persona, ad eorum regionem sese confert. variisque artibus propinquum suum ex acerba tyrannide in libertatem asserit ; eodem modo ego quoque de tuis rebus certior factus, hæc habitu C suscepto veni, ut divina prædicatione pectus tuam consererem, atque a truculenti principis mundi servitute te vindicarem. Ac nunc per virtutem divinam, quantum quidem in me fuit, ministerio meo perfunctus sum. Etenim ipsius cognitionem tibi annuntiavi, ac prophetarum et apostolorum prædicationem exposui, vereque ac sine ullo errore præsentium rerum vanitatem demonstravi, quantisque malis hic mundus scateat, eos qui ipsi obtemperant in fraudem inducens, variisque modis irretiens. Deinceps igitur, eo unde huc veni, revertendum est, ac tum alieno habitu deposito, meum induam.

Obsecravit autem senem Josaphat, ut se ipsi cum consueta veste ostenderet. Cum itaque Barlaam vestem eam quam gerebat exisset, horrendum Josaphat spectaculum sese obtulit. Etenim tota carnis ipsius qualitas [*πιότης fortasse legendum, id est, pinguedo*] absumpta erat, ac pellis ex solis æstu atque ardore circum ossa tensa erat, non secus ac si quis pellem subtilibus calamis tetendisset. Pannoso porro ac perquam aspero cilicio e lumbis usque ad genua cingebatur, idemque pallium humeris gerebat.

Admiratus itaque Josaphat hujusmodi vitæ duritiam et asperitatem, atque ex ingenti et ea singulari tolerantia stupore affectus ingemuit, profusisque lacrymis ad senem ait : Quoniam ea tibi huc veniendi causa fuit, ut me ex acerba diaboli servitute extraheres, beneficio tuo extremam **284** manum impo-

ne, atque animam meam de custodia educ (*Psal.* A. *cxli*), ac me itineris tui socium adhibe, ut mundi impostura prorsus liberatus, tum denique salutaris baptismi sigillum accipiam, sociumque me tibi admirandæ hujus philosophiæ atque eximie exercitationis præbeam.

Dixit autem ad eum Barlaam : Capræ hinnulum dives quispiam olim alebat : cum autem ipse crevisset, naturali affectu pertractus solitudines expetebat. Egressus igitur quodam die, caprearum gregem pastui operam dantem invenit, atque ad eas sese adjungens, per agros et campos oberrabat, ac sero quidem domum se referebat ; mane autem famulorum negligentia foras egrediebatur, atque cum silvestribus capris se aggregabat. Porro cum illæ pabulatum longius processissent, ipse quoque eas comitatus est. At vero divitis illius viri famuli, re cognita, concensis equis eas a tergo insecuti sunt, ac suam quidem capream vivam captam, domumque reductam posthac ita tenuerunt, ut nulli ad eam aditus pateret ; reliquum autem gregem partim trucidarunt, partim male multarunt. Eodem modo ne nobis accidat metuo, si mihi te comitem adjungas. Hoc est, ne et tuo contubernio priver, et ingentes sociis meis calamitates, ac sempiternam patri tuo condemnationem accersam. Vult itaque te Dominus nunc quidem divini baptismi sigillo consignari, atque hic manentem omni pietatis generi studere, præceptisque suis operam dare. Posteaquam autem illius bonorum omnium datoris munere occasio sese obtulerit, tum demum et ad nos venies, et per reliquum omne hujusce vite tempus nobiscum deges. Ac Domini benignitate fretus, haudquaquam dubito quin in futura vita ita conjugamur, ut nunquam develli possimus.

Josaphat autem lacrymis rursus pertusus, ad eum ait : Si Domino ita placet, ipsius voluntas fiat. Quocirca cum divino baptisate me initiaveris, pecuniæque a me et vestes, tam ad tuum quam ad sodalium tuorum victum ac vestitum acceperis, in religioso exercitationis locum, divinæ pacis presidio septus, abscede ; meaque causa sine ulla intermissione Deum roga, ut ne spe mea frustrer, verum primo quoque tempore ad te pervenire, atque in alta quiete utilitatem ex te percipere possim.

Barlaam autem ait : Quin Christi quidem sigillum accipias, nihil est quod prohibeat. Quare te ipsum jam adorna, ac Deo juvante Christianæ fidei sacris initiaberis. De iis autem pecuniis, quas te tum mihi, tum sodalibus meis daturum dixisti, qui tandem fieri possent ut tu qui pauper es, divitibus eleemosynam impertias ? Siquidem divitum est de pauperibus bene mereri, non autem contra pauperum de locupletibus et copiosis. Nam sodalium omnium meorum postremus opibus omnino te superat. Verum divinis miserationibus fretus, hoc mihi persuadeo, te propediem locupletissimum fore. Quod cum contigerit, minime ad largiendum promptus ac proclivis eris. Dixit autem ad eum Josaphat : Expone mihi, quæso, quonam pacto sodalium tuorum extremus opibus me

antecellat, cum paulo ante tu eos in magna inopia vivere atque extrema paupertate conflictari dixeris. Quidnam item sit, quamobrem nunc me pauperem appelles, cum autem amplissimis opibus præditus fuero, minime liberalem fore dicas, qui nunc ad largiendum promptus ac propensus sum.

Respondit Barlaam : Non eos paupertate conflictari dixi, sed inexhaustis potius opibus florere. Nam opibus opes semper adjungere, nec cupiditatem tanquam freno coercere, verum sine ulla satietate plura appetere, extremæ paupertatis argumentum est. Contra, qui sempiternarum rerum cupiditate præsentia omnia contemnunt, eaque pro stercoribus ducunt, ut Christum solum lucentur (*Philip.* III), omnique ciborum et indumentorum excusa atque in Deum projecta cura, majorem ex inopia voluptatem capiunt quam quisquam eorum qui mundi amore flagrant, ex opum et pecuniarum abundantia capiat ; quique arplissimas virtutum divitias sibi aggeserunt, atque immortalium bonorum spe sese alunt, hos ego optimo jure te atque adeo quovis terreno rege locupletiores dixerim. Quod si, Deo tibi favente, tu quoque spirituales hujusmodi divitias arripueris, eas summo studio ac diligentia servabis, ac semper, et quidem merito, augere cupies, nec ullam omnino earum partem effundere sustinebis. Nam in hoc demum veræ divitiæ sitæ sunt. Earum autem opum quæ in sensum cadunt, moles detrimento potius quam commodo amicos suos affecerit. Quare non abs re eas extremam paupertatem appellavi, quas celestium bonorum amatores, rebus omnibus remisso nuntio, ita fugiunt, ut quispiam serpentem fugit. Si vero eum hostem, quem mei piæ exercitationis socii et commilitones jam obruncarunt, ac pedibus proculcarunt, vivum rursus abs te acceptum ad ipsos detulero, bellorumque ac perturbationum causa ipsis fuero, prorsus ipsis exitiosus nuntius ero. Quod quidem absit ut faciam.

☩☩☩ Idem autem de indumentis etiam intelligas velim. Nam eos qui vetustatis labem et corruptelam exuerunt, atque inobedientiæ vestem, quantum in ipsis fuit, deposuerunt, Christum autem tanquam vestimentum salutaris, et pallium lætitiæ iuduerunt ; quonam tandem modo rursus pelliceis tunicis induerem, ipsisque ignominie amictum imponerem ? Quin potius, cum sodales meos, ut qui pia et religiosa solitudinis exercitatione contenti sint ; eamque pro verissimis deliciis ducant, nullis omnino ejusmodi rebus indigere compertum habeam, pecuniis et vestibus, quas te ipsis daturum dicebas, in pauperes distributis, fac tibi ejusmodi thesaurum in futurum recondas, qui nullo modo surripi possit, Deum scilicet in ipso per illorum preces opitulatorem tibi adjungens. Sic enim hoc consequeris, ut opes ad optima quæque tibi adjumento sint. Ac deinde, cum Spiritus armaturam acceperis, et lumbos in veritate succinxeris, ac justitiæ loriceam indueris, et salutis galeam capiti tuo imposueris, et pedes in Evangelii pacis præparationem calcearis, si leique scutum ac

Spiritus gladium, quod est verbum Dei, manibus A sumptis (*Ephes. vi*), atque undique te præstantissimis armis instruxeris ac muniveris, ita demum fidenti animo ad bellum cum impietate committendum egredere, ut ea in fugam versa, atque ipsius duce diabolo in terram alliso, a dextra Domini manu quæ vitæ principium affert, victricem coronam consequaris.

CAP. XIX. — Cum Barlaam hujusmodi doctrinis ac salutiferis sermonibus regis filium imbuisset, atque ad divinum baptismum præparasset, eique, ut consuetudo fert, ad aliquot dies jejunare ac precibus incumbere præcepisset, ad eum crebre ventitare non desinebat, atque omnia orthodoxæ fidei dogmata ipsi tradebat, divinumque Evangelium exposebat, ac præterea apostolicas cohortationes et prophetarum loca ipsa explanabat. Nam cum vir ille divinitus tradita doctrina polleret, omnem tam veteris quam novi Testamenti scriptum memoriter recitabat. Cumque divino Spiritu incitatus ferretur, adolescentem veræ Dei notitiæ luce collustravit. Eo autem die quo baptizandus erat, docendi causa his ad eum verbis utebatur : En Christi sigillum accipere. atque dominici vultus lumine consignari (*Psal. iv*), Deique filius, ac vivifici Spiritus templum effici properas.

Quocirca in Patrem et Filium et Spiritum sanctum crede, sanctam, inquam, ex qua vita initium duxit, Trinitatem, quæ in tribus personis et una divinitate celebratur, ac, quantum quidem ad personas et personales proprietates attinet, distincta est, quantum autem ad essentialia, conjuncta et copulata : unum Deum ingenitum agnoscens, atque unum Filium unigenitum, Dominum nostrum Jesum Christum, lumen de lumine, Deum verum de Deo vero, genitum ante omnia sæcula. (Etenim ex bono Patre bonus Filius genitus est, et ex unigenito lumine sempiternum lumen effulsit, ex vera vita vivificus fons prodiit, et ex ipsamet potentia, Filii potentia emicuit, qui est splendor gloriæ [*Hebr. i*], et Verbum vere subsistens, qui in principio erat, et apud Deum erat, et Deus erat [*Joan. i*], principii expers et sempiternus ; per quem omnia facta sunt, tam quæ oculis cernuntur quam quæ cerni nequeunt.) Et unum Spiritum sanctum, ex Patre procedentem, agnoscens, Deum perfectum, et vitam afferentem, ac sanctitatem præbentem, eadem voluntate præditum, omnipotentem eandem æternitatem habentem, vere subsistentem. Ad hunc igitur modum Patrem et Filium et Spiritum sanctum adora, in tribus personis seu proprietatibus, atque in una divinitate. Communis enim his tribus est divinitas, atque una ipsorum natura est, una substantia, una gloria, unum regnum, una potentia, una auctoritas. Commune autem est Filio et Spiritui sancto, quod ex Patre sunt : at vero Patri proprium est ingenitum esse, Filio genitum esse, Spiritui denique processisse.

Sic igitur hæc crede : at generationis aut proces-

sionis modum comprehendere minime studeas (neque enim comprehendi potest), verum integro corde ac sine ulla supervacanea investigatione illud tene, nimirum Patrem et Filium et Spiritum sanctum omnibus modis unum esse, excepta ingenti proprietate, et generatione, et processione ; illudque item, unigenitum Filium ac Dei Verbum, et Deum, salutis nostræ causa Patris decreto, ac Spiritus sancti adjuncta opera, in terram descendisse ; sine semine in sanctæ Virginis ac Dei genitricis Mariæ utero per Spiritum sanctum conceptum, ac sine ulla labe genitum, perfectumque hominem effectum ; illudque præterea, ipsum perfectum Deum, ac perfectum hominem esse, ex duabus naturis, hoc est divinitate et humanitate, ac in duabus naturis intelligentia et voluntate et operatione et arbitrii libertate præditis, atque omni ratione perfectis, juxta normam ac rationem utriusque naturæ, hoc est divinæ et humanæ consentaneam, una autem ☩☩☩ composita persona. Hæc, inquam, simpliciter atque sine ulla curiosâ investigatione accipe : nec illud intelligere stude, quoniam pacto Dei Filium seipsum exinaniverit, atque ex virgineis sanguinibus homo sine semine atque corruptione factus fuerit ; aut quoniam pacto duæ naturæ in unam personam convenerint. Nam hæc quæ divinitus nobis a Scriptura sancta dicta sunt, fide tenere docemur : modum autem nescimus, nec exponere possumus.

Crede Filium Dei, qui per viscera misericordiæ suæ homo factus est, omnes eas humanas affectiones, quæ naturales sunt, nec vitio dantur, suscepisse. Fama enim, quantum ad humanam naturam attinet, ac siti laboravit, et dormivit, et in angore versatus est, et pro nostris iniquitatibus ad mortem ductus, crucique affluxus, ac degustata morte sepultura affectus est, divina interim natura ab omni perpeffione ac mutatione libera manente. Nullum enim omnino perpeffionem ipsius naturæ ab omni perpeffione alienæ attribuimus ; verum in ea natura quam assumpsit eum passum et sepultum esse agnoscimus, ac divina gloria a morte ad vitam et immortalitatem excitatum esse, atque in cælos ascendisse, tandemque rursum cum gloria venturum esse, ut de vivis ac mortuis sententiam ferat, atque unicuique pro eo ac merito est rependat (*Matth. xvi* ; *Apoc. xxii*). Resurgent enim mortui, et excitabuntur qui in monumentis sunt. Atque illi quidem qui Christi mandata observaverint, et in recta fide ex hac vita excesserint, sempiternam vitam hæreditario possidebunt ; qui autem in peccatis sese corruerint, atque a recta fide deflexerint, ad sempiternum supplicium abituri sunt (*Joan. v*). Crede nec ullam mali essentialiam, nec regnum ullum esse ; nec principii expers illud esse statue, aut in seipso exstitisse, vel etiam a Deo ortum traxisse (procul a te sit hæc absurditas), verum opus nostrum ac diaboli hoc esse, quod nostra incuria et negligentia obrepit, propterea quod libero arbitrio præditi sumus, ac sponte nostra tam bonum quam malum eligimus. Ad hæc unum baptisma ex aqua

et Spiritu sancto in peccatorum remissionem confi-
tere.

Atque insuper ab omni labe pura Christi mysteria accipe, certissime credens, Dei nostri corpus et sanguinem esse, quæ hominibus fide præditis, ad peccatorum veniam dono dedit. Christus enim ea nocte qua tradebatur, testamentum novum discipulis suis et apostolis, ac per eos omnibus qui in ipsum credituri erant (*I Cor. xi*), in hæc verba sanxit: Accipite et manducate, hoc est corpus meum quod pro vobis frangitur in remissionem peccatorum. Eodemque modo sumptum calicem ipsis porrexerat, dicens: Hic est sanguis meus novi testamenti, qui pro vobis effunditur in remissionem peccatorum. Hoc facite in meam commemorationem. Ipse igitur Dei sermo vivus et efficax (*Hebr. iv*), atque sua virtute nihil non efficiens, per divinum ac sacrosanctum sermonem, ac Spiritus sancti adventum, ex oblationis pane et vino corpus suum ac sanguinem efficit, atque immutat, et iis a quibus cupido animo percipitur sanctitatem et lucem affert.

Venerandam characteris Domini, hoc est, Dei Verbi, humanitate nostra causa induti, effigiem adora, cum fide exosculans, atque ita existimans te ipsummet creatorem in imagine contueri. Siquidem imaginis honor, ut a sancto viro proditum est (*Basil., lib. de Spiritu sancto, cap. 18*), ad exemplar refertur. Exemplar porro est id cuius imago effingitur, atque ab eo derivatur. Etenim cum picturam in imagine cernimus, ad veram formam, cuius imago est, mentis oculis transimus. eum qui nostra causa carnem sibi adiunxit pie adorantes; non ipsi quidem picturæ divinitatem attribuentes, verum ut incarnati Dei imaginem, pro nostro erga eum, qui nostra causa etiam usque ad servi formam sese exinanivit, amore ac benevolentia complectentes. Eodemque modo etiam puræ ipsius Matris, atque omnium sanctorum effigies, eadem ratione complectens, atque item vivificæ ac venerandæ crucis typum fide adorans, exosculare, ob Christum videlicet ac Deum et mundi Salvatorem, qui salutis nostræ causa carne in ipsa suspensus est, nobisque ad victoriam adversus diabolum obtinendam hoc signum dedit. Cohorrescit enim ille ac tremore afficitur, ipsius vim intueri minime sustinens. In his dogmatibus, atque hujusmodi fide baptizaberis eam mutationis omnis expertem, atque ab omni hæresi puram usque ad extremam vitæ spiritum retinens: omnem autem doctrinam, atque omnia dogmata, quæ huic a reprehensione alienæ fidei adversantur, exsecrare, atque ab alienationem a Deo esse existima. Ait enim Apostolus: Etiamsi Angelus de cælo evangelizet vobis præterquam quod evangelizavimus vobis, anathema sit (*Gal. i*). Neque enim aliud est Evangelium, aut alia fides, præter eam quæ ab apostolis prædicata, atque a divinis Patribus in variis conciliis confirmata est.

Hæc cum dixisset Barlaam, atque illud fidei symbolam, quod in Nicæno concilio editum est, regis alio exposuisset, in nomine  Patris et Filii et

A Spiritus sancti, eum in piscina quæ in ipsius horto erat baptizavit, ac super eum Spiritus sancti gratia venit. Cumque ad ipsius cubiculum rediisset, atque incruenti sacrificii sacrum peregrisset, immaculata Christi mysteria ipsi impertivit. Posteaque ille spiritu exultabat, Christum Deum laude atque gloria afficiens.

Dixit autem ad eum Barlaam: Benedictus Deus, et Pater Domini nostri Jesu Christi, qui pro ingenti sua misericordia regeneravit in te spem vivam, in hæreditatem incorruptibilem, et incontaminatam, et immarcescibilem, conservatam in cælis in Christo Jesu Domino nostro per Spiritum sanctum (*I Pet. i*). Hodierno enim die a peccato liberatus, accepto sempiternæ vitæ pignore, Deo mancipatus es; ac relictis tenebris lumen induisti adoptatus in libertatem gloriæ filiorum Dei: Quotquot enim, inquit ille, receperunt eum, dedit eis potestatem filios Dei fieri, his qui credunt in nomine ejus (*Joan. i*). Itaque non jam servus es, sed filius et hæres Dei, per Christum in Spiritu sancto (*Gal. iv*). Quocirca, charissime, id stude ut mundus et immaculatus ipsi inveniaris, supra fidei fundamentum proba opera exstruens. Fides enim sine operibus mortua est, quemadmodum et opera sine fide (*II Petr. iii; Jac. ii*).

Atque ut jam prius me ad te dicere memini, deposita jam omni malitia, veterisque hominis, qui secundum erroris desideria corrumpitur (*Ephes. iv*), operibus omnibus odio habitis, tanquam modo genitus infans, rationale et sine dolo virtutum lac sugere concupisce (*I Pet. ii*), ut in eo crescas, atque ad mandatorum Dei cognitionem pervenias in virum perfectum, in mensuram ætatis plenitudinis Christi (*Ephes. iv*); ut non jam sis parvulus sensibus, vitiosarum affectionum fluctibus ac tempestate jactatus et circumactus, verum malitia quidem parvulus sis, ad bonum autem firmam ac solidam mentem habeas, atque ut dignum est ea vocatione qua vocatus es, in mandatorum Domini observatione verseris, excussa nimirum atque a te remota prioris vitæ vanitate, quemadmodum gentes ambulant in vanitate sensus sui, obscuratum habentes intellectum, alienati a gloria Dei, cupiditatibusque suis et motibus a ratione aversis subjecti. Tu vero quemadmodum ad Deum vivum et verum accessisti, sic etiam ut filius lucis ambula. Fructus enim Spiritus est in omni bonitate, et justitia, et veritate (*Gal. v*). Atque illud operam da, ne novum eum hominem, quo hodie indutus es, priori posthac vetustate labefactes, verum quotidie in justitia et sanctitate et veritate renoveris. Nam hoc nemo non potest, si velit, quemadmodum audisti, quod potestatem dederit filios Dei fieri, his qui credunt in nomine ejus (*Joan. i*). Quapropter non jam hoc dicere possumus, nos virtutes adipisci minime posse. Proclivis enim ac facilis via est; atque etiam ob corporis afflictionem arcta quodammodo et angusta dicta est (*Matth. xi*), tamen ob futurorum suorum spem iis recta et clara est, qui non stulte ambulant, verum Dei voluntatem exacte intelligunt, atque ad dimicandum

adversus diaboli hostis verstias ipsius armaturam A atque omni vitiosa consuetudine te remove, ac potius induunt, et in oratione atque obsecratione, cum patientia et spe in hoc ipsum invigilant (*Ephes. vi*).

Ac proinde facito ut quemadmodum a me audisti et eruditus es, firmumque fundamentum jecisti, in ipso abundes, crescens videlicet et proficiens, ac boni militis officio fungens, fidem habens, et bonam conscientiam proborum operum testimonio confirmatam (*I Tim. vi*) ; justitiam colens, pietatem, fidem, charitatem, patientiam, lenitatem; vitam sempiternam, ad quam vocatus es, apprehendens ; omnem autem voluptatum ac vitiosarum affectionum cupiditatem, non modo quantum ad actionem, sed etiam quantum ad cogitationem, procul a te removens, ut animam tuam ab omni spurcitie puram Deo exhibeas. Non enim actiones duntaxat, verum etiam cogitationes B nostræ apud Deum in numerato sunt, coronasque aut supplicia nobis conciliant. Siquidem Christum simul cum Patre ac Spiritu sancto in puris cordibus habitare perspectum habemus. Ac rursus illud non ignoramus, quod quemadmodum fumus apes, eodem modo pravæ cogitationes divini Spiritus gratiam a nobis propellunt.

Quamobrem summo studio in hoc enitere, ut omni vitiosa cogitatione ex animo tuo extincta et deleta, optimas quasque cogitationes in ea inseras, templumque Spiritus sancti te ipsum efficias. Siquidem per cogitationes ad actiones ipsas venimus ; atque omne opus a cogitatione animique agitatione progrediens, parvum primo initium arripit, ac deinde tacitis incrementis augescens, ingens ad extremum efficitur. Ob C eamque causam, nullo modo permitte ut improba consuetudo tibi dominetur ; verum donec recens est, parvam radicem e pectore tuo evelle ? ne alioqui cum pullularit, ac radices suas alte infixerit, postea non nisi longo tempore, ac magno cum labore extirpari possit. Ob id enim majora peccata quotidie ad nos aditum habent, atque in animas nostras imperium obtinent, quoniam iis quæ minora esse D videntur, hoc est improbis cogitationibus, inhonestis sermonibus, malisque colloquiis consentanea correctio minime adhibetur. Ut enim in corporibus qui parva vulnera negligunt saniem plerumque ac mortem sibi ipsis accersunt, ad eundem modum etiam in animis hoc usu venit, ut qui minima vitia ac peccata nihili pendunt, graviora sibi invehant. Quatenus autem graviora peccata ipsis oboriuntur, contracto tandem habitu anima in contemptum cadit. Impius enim, inquit ille, cum in profundum venerit, contemnit (*Proverb. viii*). Ac deinceps, ut sus in cœno volutari gaudet (*II Pet. ii*), sic etiam anima illa pravæ consuetudini immersa, ne peccatorum quidem fetorem sentit, verum potius ipsius gaudet et oblectatur, vitiumque instar boni cujuspiam arctissime retinet. Atque ut etiam aliquando, recepta meliori mente, scelerum suorum sensu afficiatur, non tamen sine magno labore ac sudore a prava consuetudine, cui ultro ac sponte se in servitutem addixit, liberatur.

Quocirca omnibus viribus ab omni mala cogitatione

atque omni vitiosa consuetudine te remove, ac potius virtutibus assuesce, easque ita cole atque exerce, ut earum habitus tibi comparetur. Nam si paulum laboris in ipsis susceperis, atque earum habitum contraxeris, postea, Deo juvante, citra laborem ullum proficies. Siquidem virtutis habitus animæ insitus, utpote naturalem cum ea cognationem habens, Deique ope adjutus, vix omnino mutationem ullam recipit, atque in primis firmus est, quemadmodum vides fortitudinem et prudentiam, temperantiamque item ac justitiam, vix omnino mutationem ullam admittere, propterea quod animæ habitus et qualitates et operationes sint, eam penitus penetrantes. Nam cum vitii affectiones, quæ nobis non naturales, sed adventitiæ sunt, posteaquam ad habitum pervenerint, vix omnino dimoveri possint, quid afferri potest, quin virtus, quæ et naturaliter nobis a summo illo parente et effectore insita est, ipsiusque ope et adjumento nititur, si nobis non nihil laborantibus per habitum in anima radices egerit, multo minus immutari queat ?

CAP. XX. — Unde etiam mihi quidam ipsius cultorem hujusmodi narravit : Cum, inquit, firmissimum divinæ contemplationis habitum mihi comparassem, ipsiusque meditatione anima mea tincta esset, hujus rei periculum aliquando facere cupiens, mentem meam ita continui, ut eam pro suo more meditationi sese adjungere minime sinerem. Quod quidem id eam perægre ac permolestè ferre intellexi, atque ad eam effrenata quadam cupiditate properare, nec ad contrariam ullam cogitationem ullo modo inflecti posse. At cum habenas ipsi non nihil permissem, statim ad studium suum et operam celerrimo cursu ferebatur ; exstabatque id quod ait Propheta : Quemadmodum desiderat cervus ad fontes aquarum, ita desiderat anima mea ad te, Deus. Sitivit anima mea ad Deum fontem vivum (*Psal. xli*). Ex his igitur omnibus demonstratum est in nobis hoc situm esse, ut virtutem adipiscamur ; idque nostri arbitrii ac potestatis esse, eamne amplecti, an contra peccatum ipsi anteferre velimus. Et quidem ii qui vitio in servitutem E addixerunt, ægre ab eo abstrahi possunt, quemadmodum a me superius dictum est.

Tu vero, qui per viscera misericordiæ Dei nostri eo liberatus es, ac per Spiritum divini gratiam Christum induisti, fac te totum ad Dominum transferas, nec vitiosis affectionibus januam ullo modo aperias, verum animam tuam suavi virtutum odore ac splendore coornatam, sanctæ Trinitatis templum reddas, atque in ipsius contemplatione omnes mentis tuæ facultates occupes. Nam cum is qui cum terreno regedigit atque colloquitur beatus ab omnibus prædictis non est dubium quin is cui divino beneficio contigit ut mente cum Deo colloquatur, consuetudinem que cum eo habeat, omni beatitudine cumuletur. cum ita sint, eum semper ob oculos tibi propone, atque cum ipso colloquere. Quanam autem ratione cum Deo colloqueris ? Nimirum per orationem et obsecrationem ad Deum appropinquans. Nam qui ardentem

cissimo desiderio ac purgato pectore orat, atque ab omnibus rebus ex materia concretis et terrenis abducta mente, tanquam coram Deo astat, ac cum metu et tremore preces ad eum adhibet, hic nimirum cum eo consuetudinem habet, facieque ad faciem cum eo colloquitur.

Siquidem bonus noster Deus ac Dominus ubique adest, eos qui sincero ac puro animo ipsum precantur exaudiens, quemadmodum ait Propheta: Oculi Domini super justos, et aures ejus in preces eorum (*Psal.* xxxiii). Quo fit ut Patres hominis cum Deo conjunctionem orationem esse definiant, eamque angelorum opus ac futuræ lætitiæ præludium appellent. Siquidem in hoc potius quam in ullis aliis rebus situm esse cœlorum regnum censent, ut quis ad sanctam Trinitatem appropinquet, eamque contempletur. Quam quidem ad rem cum precandi assiduitas mentem velut manu ducat, non abs re beatitudinis illius præludium ac velut effigies quædam appellata est. Verum non omnis oratio ejusmodi est; sed ea demum hoc nomine nuncupanda est, quæ Deum, qui orationis materiam suppeditat, magistrum habet, quæque supra terrena omnia assurgit, atque cum Domino Christo sine ulla intermedia re versatur.

Hanc velim tibi acquiras, atque in ea provehi contendas. Etenim ipsa hanc vim habet, ut te a terra in cœlos subvehere possit. Cæterum non temere, ac sine ulla præparatione in ipsa progressus facies; verum ita demum, si animam tuam ab omnibus vitiosis affectionibus prius repurgaris, eamque ab omni improba cogitatione detersam, puri cujusdam ac recens abstersi speculi instar effeceris, et ab omni injuriarum recordatione atque ira (quæ majori quam reliqua omnia impedimento est quo minus preces nostræ ad Deum sublimes ferantur) teipsum procul removeris, cunctisque qui te læserint, offensionem ex animo remiseris, atque per eleemosynas et pauperum miserationes, orationi velut pennas quasdam additas, eam Deo cum calentibus lacrymis obtuleris. Ad hunc quippe modum orans, iisdem verbis uti poteris, quibus beatus ille David, qui rex erat, ac sexcentis curis distrahebatur, nihiloque secius tamen animam suam a vitiosis affectionibus perpurgaverat, ad Deum utebatur, dicens: Iniquitatem odio habui, et abominatus sum, legem autem tuam dilexi. Septies in die laudem dixi tibi, super judicia justitiæ tuæ. Custodivit anima mea testimonia tua, et dilexit ea vehementer. Appropinquet deprecatio mea in conspectu tuo, Domine; juxta eloquium tuum da mihi intellectum (*Psal.* cxviii).

Sic videlicet clamante te, Deus exaudiet, et adhuc loquente te dicet: Ecce adsum (*Isa.* lxxxv). Quocirca, si hujusmodi orationem adeptus fueris, beatus eris. Neque enim fieri potest, quin is qui cum hujusmodi animi alacritate Deum orat atque obsecrat, quotidie novos in virtute progressus faciat, atque omnes hostis laqueos superet. Nam qui mentem suam, ut cujusdam viri sancti verbis utar, excalefecit, animamque suam erexit, atque in cœlum se transtulit,

sicque Dominum suum invocat, sceleraque sua in memoriam revocat, ac de eorum remissione cum Deo colloquitur, calentissimisque lacrymis eum obsecrat, ut pro sua benignitate propitium ac facilem se ipsi præbeat, ex hujusmodi sermonum et cogitationum usu et consuetudine hoc consequitur, ut omnem hujusce vitæ curam deponat, atque humanis affectionibus superior existat, dignusque habeatur qui Dei congerro appelletur. Quo quid beatius aut sublimius contingere possit? Utinam itaque Dei beneficio beatitudinis hujusce compos fias!

Ecce enim mandatorum Domini viam tibi demonstravi, nec quidquam subtraxi, quominus omne Dei consilium tibi annuntiarem. Ac jam quidem ego ministerium meum absolvi (*Act.* xx). Superest, ut succinctis lumbis mentis tuæ, instar sancti illius qui te vocavit, ipse quoque in omni vitæ tuæ ratione sanctum te præberis. Sancti enim estote, quoniam ego sanctus sum, dicit Dominus (*Levit.* xix). Atque etiam apostolorum princeps ad hunc modum loquitur: Si Patrem invocatis eum qui sine personarum acceptione secundum cujusque opus judicat, in timore incolatus vestri tempore conversamini, scientes quoniam non corruptibilibus auro et argento liberati estis de vana vestra conversatione paternarum traditionum, sed pretioso sanguine quasi agni incontaminati et immaculati Jesu Christi (*I Pet.* i).

Hæc igitur omnia in mente condita sine ulla intermissione recordare, Dei metum et horrendum ipsius tribunal, et splendorem eum quem justus in futuro ævo accepturi sunt, ac contra peccatum in teteris tenebris mœrorem; presentium item rerum imbecillitatem et vanitatem, ac futurorum æternitatem semper ob oculos habens: illudque præterea, quod omnis caro feni instar est, et omnis gloria ejus tanquam flos feni. Exsiccatum est fenum, et flos ejus decidit. Verbum autem Domini manet in æternum (*Isa.* xl). Hæc semper meditare (*I Tim.* iv); et pax Dei tecum sit (*Philip.* iv), quæ te illuminet, et sapientia instruat, et ad salutis viam ducat, improbamque voluntatem procul a tua mente depellat, atque animam tuam crucis signo imprimat, ne ullum perversi spiritus scandalum ad te propius accedat, verum divino beneficio in omni virtutum perfectione futurum illud ac finis et successionis expertum regnum adipiscaris, ac beatæ et vitæ initium afferentis Trinitatis, quæ in Patre et Filio et Spiritu sancto glorificatur, lumine collustreris.

CAP. XXI. — Cum hujusmodi doctrinis, ad mores informandos accommodatis, præstantissimus senex regis filium instruxisset, ad suum hospitium se contulit. At adolescentis ministri et præceptores frequentem ipsius in palatium ingressum perspicientes, admiratione afficiebantur. Unus autem ex iis qui priorem inter eos locum obtinebat et quem ex velut fidelissimum ac sui studiosissimum filii sui palatio præferebat, Zardan nomine, regis filium his verbis allocutus est: Non te fugit, here, quanto patris tui et uafficiar, quaque erga eum fide sim, eoque etiam nomine

me tanquam fidissimum famulum tibi administrum esse jussit. ¶ Nunc autem exterum hunc virum crebro tecum colloqui videns, illud vereor ne Christianæ religionis, quam pater tuus ingenti odio insectatur, cultor sit; sicque ego capitali sententiæ obnoxius reperiar. Proinde vel de eo patrem certiore fac, vel posthac cum eo colloqui desine; vel certe, ne in reprehensionem incurram, a facie tua me ablega, atque alium qui mihi subrogetur a patre tuo postula.

Regis autem filius ad eum dixit: Hoc primum, o Zardan, faciamus. Velo quodam obductus sta, ipsiusque ad me sermones audi, atque ita quidnam tibi faciendum sit exponam.

Cum igitur Barlaam ad ipsum accessurus esset, Zardane intra velum introducto, ad senem ait: Divinam tuam doctrinam mihi summatim repete, quo firmiter pectori meo inseratur. Excepto igitur sermone, Barlaam longam de Deo atque erga eum pietate orationem habuit, quodque eum solum ex toto corde, et ex tota anima, et ex tota mente amare, ipsiusque mandata cum timore ac desiderio observare oporteret (*Matth.* xxii); quodque ipse esset qui omnia, tam quæ in cernendi sensum cadunt quam quæ ab oculorum sensu remota sunt, condidisset. Ac deinde primi hominis effictionem, mandatumque ipsi datum, latamque in eum, ob violatum edictum a creatore, sententiam commemoravit. Deinceps bona ea recensuit, quibus nos, rejecto ipsius mandato, nosmet exclusimus. Mox earum molestiarum mentionem fecit, quæ postquam ab illis bonis excidimus, misere nos invaserunt. Tum autem ea quæ ad benignitatem et amorem erga hominum genus pertinebant subjunxit, nempe quonam modo summus ille opifex salutis nostræ curam gerens, magistros ac prophetas Unigeniti incarnationem prædicantes miserit. Deinde etiam ipsius descensum, incarnationem, beneficia, miracula, tolerataque pro nobis ingratitude vitio laborantibus supplicia, crucem, lanceam, voluntariam mortem, ac denique nostram in integrum restitutionem et revocationem, atque ad primum bonum reditum; ac post ea cælorum regnum, quod homines eo dignos manet, reconditum improbis cruciatum ignem nunquam extinguendum, perpetuas tenebras, immortalem vermem, cæterasque omnes pæras, quas ii qui peccati servitute se constrinxerunt, sibi ipsis aggererunt. Hæc cum oratione prosecutus esset, ac sub finem in doctrinam ad mores accommodatam delapsus fuisset, multaque de vitæ puritate verba fecisset, præsentiumque rerum vanitatem damnasset, eorumque qui his totos se addicunt miseriam coarguisset, orationem tandem precatione conclusit, a Deo nimirum ipsi firmam et constantem orthodoxæ fidei confessionem, vitamque ab omni reprehensionis nota immunem, ac purissimam muneris sui administrationem optans. Ac postea precationi fine imposito, ad hospitium suum rursus se recepit.

Regis autem filius, accito Zardane, quid animi haberet periclitans, dixit: Audisti quæ mihi tabula iste

A dixerit, me videlicet inani suo verberum lenocinio in fraudem inducere studens, ac jucunda hæc oblectatione et amentate privare, atque ad perigrini Deicultum traducere? Zardan autem, Quidnam, inquit, tibi visum est, o rex, famulum tuum tentare? Perpectum enim habeo viri sermones pectus tuam altissime penetrasse. Nam nisi ita esset, non tam libenter ac perpetuo cum eo sermones misceres. Et quidem nos istiusmodi prædicationem haudquaquam ignoramus. Verum ex quo tempore pater tuus atrocissimam adversus Christianos persecutionem excitavit, illi hinc expulsi sunt, atque ipsorum prædicatione conticuit. Quod si tibi dogma hoc arridet, ipsiusque duritiem et laborem subire potes, faustum sane ac felix sit id quod animo tuo insedit. Ego autem quid tandem faciam, qui hujusmodi duritiem ne adversis quidem oculis intueri possum, ac regis metu animum doloribus atque acerbitatibus distractum habeo? Quam apud eum excusatione utar, qui ipsius imperia neglexi, atque huic viro ad te aditum permisi?

Dixit autem ad eum regis filius: Equidem nihil aliud quod ingenti tuæ erga me benevolentiam satis præmii afferret agnoscens, hoc unum beneficio tuo majus reperi, nimirum ut tibi bonum illud, quod naturam superat, perspicuum reddere studerem, hoc est, ut quem ad finem procreatus sis intelligeres, ac creatorem agnosceres, relictisque tenebris, ad lucem accurreres. Atque in hac spe eram, fore ut simul atque de ea aliquid audiisses, ardentissima quadam cupiditate illam sequereris. Verum spe mea, ut video, falsus sum, ut qui ad ea quæ dicta sunt tepide effectum te conspiciam. Regi autem ac patri meo si hæc indicaveris, nihil aliud hinc consequeris, quam ut ipsius animum curis ac mœroribus conficias. Verum si candido ac sincero in eum animo es, cave ne ipse antequam commoda occasio se obtulerit, quidquam hujusmodi ex te resciscat. Hac oratione ad eum habita, tanquam in aquam seminare (12) videbatur. Neque enim sapientiæ ad stolidum ¶ animum aditus unquam patebit.

Postridie autem Barlaam ad eum accedens, de discessu suo sermonem ingerebat. Ille autem ab eo divelli minime sustinens, animo excruciabatur, lacrymisque totus perfundebatur. Senex vero cum longum ad eum sermonem habuisset, eumque ut firmissimus in bono perstaret obtestatus esset, verbisque ad cohortandum accomodatis ipsius pectus confirmasset, precibus ab eo contendebat ut læto atque hilari animo discedendi potestatem ei faceret. Illud etiam adjungebat, eam brevi inter se conjunctionem mutuam fore, quæ dissidii omnis experta esset. At regis filius, cum nec diutius seni negotium facessere, nec eum expetito itinere prohibere posset, ac præterea metuens ne Zardan ille regem de eo certiore faceret, ac suppliciis eum afficeret, his ad eum verbis usus est: Quandoquidem ita tibi hoc animo insidet, spiritualis Pater ac præceptorum optime, mihi que omnis boni auctor, ut me in mundi vanitate versantem deseras, atque ad spiritualis quæ

tis locum proficiscaris, non ultra te retinere atque A impedimento tibi esse audeo. Abi igitur Dei ceptus, ac meæ miseræ in præclaris tuis ad Dominum precibus memoriam ne intermittas, quo tandem ad te pervenire ac faciem tuam perspicere queam.

Unam autem rem a te postulo, nimirum, ut, quoniam pro tuis religiosæ vitæ sodalibus nihil accipere voluisti, saltem pro te exiguum aliquid pecuniæ in victum ac vestem in indumentum accipias. Ille autem ad eum respondit: Cum pro fratribus meis nihil a te acceperim (neque enim illi aliquid ex hujus mundi rebus, a quibus ultro sese removerunt, accipere opus habent), quonam tandem pacto mihi id acquiram, quod ipsis interdixi? Nam si pecuniarum possessio bona esset, illis certe ante me eas impertiissent. Quoniam autem exitiosam earum possessionem esse B scio, nec illos, nec me item hujusmodi laqueis implicato¹.

Cum igitur ne hoc quoque ipsi persuadere potuisset, ad alteram petitionem rursus se convertit, simplexque ab eo petiit ne preces suas omnino negligeret, nec se omni mœstifiæ genere profligaret, verum ut detritum illud et asperum, ac vetustate confectum pallium (tum ad religiosæ magistri sui vitæ refricandam memoriam, tum ad præsidium adversus omnes Satanæ afflatus) sibi relinqueret, atque ipse pro eo aliud acciperet: quo scilicet, inquit, id quod a me datum fuerit, perspicens, humilitatis meæ memoriam retineas.

Ait autem senex: Vetus meum ac detritum pallium tibi dono dare, aliudque novum indumentum accipere, mihi non licet, ne exigui mei laboris mercedem hic recepisse divina sententia pronuntiet. Cæterum, ne tuam animi alacritatem retundam, vetusta, nec a meis quidquam diversa, ea indumenta sint, quæ mihi abs te porrigentur. Regis itaque filius, cum asperos quosdam ac vetustos pannos quæsivisset, eosque seni dedisset, ipsius veste invicem accepta, magnam inde lætitiâ concepit, quavis purpura ac regio ornamento citra omnem comparationem præstantiorem eam existimans.

Divinissimus autem Barlaam jam jamque discedere cupiens, ea quæ ad discessum pertinebant loquebatur, postremamque hanc ipsi doctrinam adhibuit. Charissime frater, inquit, ac suavissime fili, quem ego per Evangelium genui (I Cor. iv), scis cui Regi nomen dedisti, et cum quo pacta inivisti. Quare firma ea sæves necesse est, atque omnia militiæ munia, quæ in hujusmodi pactorum charta, præsentate ac testante, atque etiam pacta ipsa litteris mandante universo cœlesti exercitu, promisisti, alacri animo exsequaris. Quæ quidem si præstiteris, beatus eris. Quocirca tibi providendum est ne quid præsentium rerum Deo, ipsiusque bonis anteponas. Quid enim rerum præsentium tantum terroris afferre potest, quantum ignis æterni cruciatus, qui ita ardet, ut interim lucis omnis expers sit, nec unquam exurendi finem faciat? Ac rursus, quodnam est hujus mundi

¹ Hoc intellige de divitiis, quibus aliquis abutitur.

bonum, quod tanta animum voluptate perfundat, ut Deus se ipsum iis a quibus diligitur donans: cujus et pulchritudo sermone omni præstantior est, et potentia invicta, et gloria sempiterna, et cujus bona ea quæ ipsius amicos manent, omnia quæ oculis cernuntur incomparabiliter antecellunt: quæ oculus non vidit, nec auris audivit, nec in cor hominis ascenderunt (I Cor. ii)? Quorum utinam tibi robustissima Dei manu septo ac munito hæredem esse contingat!

Regis autem filius lacrymis perfusus, angebatur, ac summa molestia afficiebatur, ut qui ab amantissimo patre ac præstantissimo magistro relinqui minime sustineret. Et quisnam, inquebat, o Pater, tuas partes explebit? aut quem tandem hujusmodi pastorem ac duce[m] consequi potero? et quonam solatio desiderium tui lenibo? Ecce enim me impròbum ac rebellem servum ad Deum adduxisti, atque in filii et hæredis classe collocasti, ac me perditum atque omnibus bestiis prædam expositum exquisisti, et cum iis Dei ovibus quæ minime aberraverant copulasti (Luc. xv), atque compendiarium veritatis viam mihi demonstrasti (Psal. lxxxv), meque de tenebris et umbra mortis eduxisti (Lucæ, i), ac pedes meos e lubrica et exitiosa ac perversa et curva via extraxisti. Magna et admiranda mihi a te bona orta sunt, atque ejusmodi, ut singularem eorum magnitudinem nulla oratio consequi possit. Magnorum igitur ipse quoque pro me exiguo homunculo ipsius beneficiorum utinam sis particeps! atque id quod meæ gratiarum actioni deest expleat Dominus, qui solus beneficiorum relatione eos qui ipsius amore præditi sunt superat.

Barlaam autem, ipsius lamentationes amputans, surrexit, atque ad orandum se comparavit, manibusque in cælum sublatis, his verbis usus est: Deus et Pater Domini nostri Jesu Christi, qui ea quæ prius tenebris obducta erant, luce perfudisti, atque res omnes conditas, tam quæ aspectu sentiuntur quam quæ ab oculorum sensu remotæ sunt, ex nihilo produxisti, qui figmentum tuum convertisti, nec nos post insipientiam nostram abire permisisti, gratias tibi agimus, ac tuæ potentiae et sapientiae, hoc est Domino nostro Jesu Christo, per quem etiam sæcula fecisti (Heb. i), nosque prolapsos et jacentes excitasti, et delinquentibus peccata remisisti, errore vagantes reduxisti, captivos redemisti, morte extinctos per Filii tui ac Domini nostri pretiosum sanguinem ad vitam revocasti.

Te igitur invoco, atque unigenitum Filium tuum et sanctissimum tuum Spiritum. Respice in oratione præditam hanc ovem, quæ per me indignum hominem ad altare tuum accedit, atque ipsius animam per virtutem ac gratiam tuam sanctifica. Visita vineam hanc (Psal. lxxix), quæ per Spiritum sanctum tuum plantata est, atque hoc ei da, ut justitiæ fructum ferat; corrobora eum, pactum tuum in ipso confirmans; ac per boni tui Spiritus sapientiam eum a diaboli fraude atque impostura eripe. Doce eum fa-

cere voluntatem tuam (*Psal. cxlii*), et auxilium tuum a
ab eo ne auferas (*Psal. l*). Atque et ipsi et mihi
servo inutili, bonorum tuorum quæ finem nesciunt,
hæreditatem consequi beneficio tuo contingat. Quo-
niam benedictus es et gloriosus in sæcula. Amen
(*Dan. iii*).

Absoluta autem oratione. conversus, ipsum jam
cælestis Patris filium exosculatus est, pacemque ipsi
ac sempiternam salutem precatus, ex aula excessit,
lætusque abiit, gratia Deo agens, cujus favore iter
ipsi ex animi sententia successerat.

CAP. XXII. — Josaphat autem, posteaquam exiit
Barlaam, precibus sese dedit, calentissimisque la-
crymis profusus ad hunc modum locutus est: Deus,
in adjutorium meum intende. Domine, ad adjuvan-
dum me festina (*Psal. lxiix*). Quoniam tibi derelictus
est pauper: orphano tu eris adjutor (*Psal. ix*). Res-
pice in me, et miserere mei (*Psal. lxxxv*), qui omnes
vis salvos fieri, et ad agnitionem veritatis venire (*II
Tim. i*). Serva me, quæso, indignum licet homuncu-
lum atque corrobora, ut in sanctorum mandatorum
tuorum via ambulem. Quoniam ego imbecillis ac mi-
ser sum, nec iis viribus, ut boni quidquam facere pos-
sim. Tu vero salutem mihi asferre potes, qui omnia,
tam quæ oculis cernuntur quam quæ cerni nequeunt,
contines atque conservas. Ne me post improbas car-
nis meæ voluntates abire sine; verum doce me facere
voluntatem tuam (*Psal. cxlii*), atque in sempiternam
ac beatam vitam me conserva. O Pater, et Fili, et
divine Spiritus, consubstantialis, ac divisionis ex-
pers Divinitas, te invoco, te gloria afficio. Te enim laudat
quidquid creatum est, ac te gloria afficiunt intelle-
ctuales ac corpore vacantes virtutes in sæcula.
Amen.

Deinceps igitur quam diligentissime se ipsum con-
servabat, atque ita comparabat, ut et animæ et cor-
poris puritatem acquireret, atque in continentia, et
orationibus, obsecrationibusque, per totum noctis
curriculum sese prorogantibus, vitam duceret. Nam
cum plerumque diurno tempore, tum ob eorum qui
cum ipso versabantur, contubernium, tum etiam in-
terdum ob regis ad eum accessum, aut quod ipse ab
eo acciretur, sese interrumpi videret, nox ipsi, quod
diei deerat, supplebat, ut qui in precibus et lacrymis
ad diluculum usque starct, ac Dei opem imploraret.
Unde etiam prophetica illa vox in ipso implebatur: **D**
In noctibus extollite manus vestras in sancta, et be-
nedicite Dominum (*Psal. cxlii*).

Zardan autem ille, cum hujusmodi ipsius vitæ ra-
tionem intellexisset, summaque inde mœstitia affice-
retur, gravibusque animi curis vexaretur, nec quid
faceret haberet, ad extremum mœrore oppressus,
simulato morbo, in suas ædes concessit. Quod ut rex
comperit, alium quemdam ex his, quos fidissimos
habebat, misit, qui ipsius loco filio ministraret. Ipse
autem valetudinis Zardanis curam gerens, celeberrim-
um ad eum medicum mittit, eumque ut summam
ad ipsius curationem sollicitudinem adhibeat rogat.

Medicus igitur, quoniam eum regi gratum et acce-

ptum esse perspiciebat, sedulo eum invisebat. Cum-
que ipsius statum accurate considerasset, regi confe-
stim indicavit, **293** se nihil quod morbum ipsi
accerseret in eo reperire potuisse; ac proinde ita exi-
stimare eum aliquo animi mœrore affectum in mor-
bum incidisse. Rex autem, his verbis auditis, hoc ar-
bitratus est eum a filio asperius acceptum fuisse,
atque hac de causa concepto mœrore recessisse. Quid-
nam autem id esset deinceps scire cupiens, Zardani
se eum, ut oborti morbi causam intelligeret, cra-
stino die invisurum significavit.

Zardan autem hujus promissi certior factus, sta-
tim ut diluxit, indumentis acceptis, ad regem profi-
ciscitur, eumque simul atque ingressus est, humi
prostratus adoravit. Rex autem: Quid, inquit, tibi
vim attulisti, ut ad me accederes? Nam ipse ad te
proficisci, meumque erga te amorem omnibus decla-
rare in animo habebam. Ille autem respondit: Mor-
bus meus, o rex, non ex eorum numero est quibus
homines laborare solent, verum ex animi mœstitia
et anxietate corde in dolorem prolapsa corpus quo-
que condoluit. Amentia porro mihi ducendum esset,
si cum ita me haberem, non ut servum decet, ad te
accederem; verum ut regia tua majestas ad me famu-
lum veniens sese fatigaret, expectarem. Percontante
autem rege quidnam eum in hunc mœrorem conje-
cisset, respondens Zardan: Magnum, inquit, pericu-
lum mihi impendet, magnisque suppliciis ac multis
mortis generibus dignum me agnosco, quoniam præ-
ceptis tuis negligenter obsequendo ingentem tibi
jam jamque mœrorem accersivi.

Rursum autem ex eo quærente rege quænam hu-
jusmodi negligentia esset, in quam incidisset, quod-
que periculum illud in quo versatur: In custodia
domini mei filii tui, inquit, negligentem me præbui.
Improbis enim quidam ac præstigiator ingressus,
de Christianæ religionis doctrina ad eum verba fecit.
Posteaque regi, quos ad ipsius filium senex sermones
habuisset sigillatim exposuit, quantamque ille ex ipsis
voluptatem cepisset, quodque prorsus Christo se ad-
dixisset. Quin etiam senis nomen ipsi indicavit,
Barlaam ipsum nuncupari dicens. Nam etiam antea
rex de Barlaam, ac summa religiosæ ipsius vitæ as-
peritate, multa auditione acceperat. Ut autem hæc
ad regis aures pervenerunt, tantus ei mœror obortus
est, ut totus concuteretur, iracundia æstualet, atque
hoc nuntio pene exanimaretur. Ac statim Arachen
quemdam, qui etiam secundum ab eo dignitatis gra-
dum obtinebat, primusque in omnibus arcibus con-
siliis erat, ac præterea astrologiæ scientiam tenebat,
ad se accivit, eique magnocum mœrore atque animi
consternatione quod acciderat narravit. Ille autem
ipsius perturbatione animique confusione conspecta:
Mæsto, inquit, o rex, ac perturbato animo esse de-
sine; neque enim me ipsum de sententia deducturum
diffido, quin potius illud certissimum habeo, brevi
fore ut ille impostoris illius doctrinam abjuret, tuæ-
que voluntati morem gerat.

Cum igitur his verbis Araches regem ad animi hi-

laritatem convertisset, ad hujusmodi negotii considerationem animum adjecit. Ac primum, o rex, inquit, hoc agamus : demus operam ut pestiferum illum Barlaam arripiamus. Quod si consequamur, a scopo, mihi crede, non aberrabimus, nec spe nostra falleremur. Nam ille ipse, aut verbis ad persuadendum accommodatis, aut variis tormentorum instrumentis impulsus, invitus etiam ac repugnans, falsa et erroris plena verba sua esse confitebitur, atque dominum meum filium tuum de sententia dimovebit, adducetque ut patris dogmatibus hæreat : sin autem illum arripere nequeamus, alium ego senem eremitam novi, Nachor nomine, qui Barlaamita prorsus similis est, ut vix ab illo internosci possit. Hic porro eandem nobiscum doctrinam profitetur, eumque in mathematicis magistrum habui. Ad hunc igitur ego noctu me conferam, eique omnia sigillatim exponam, ac deinde rumore hoc sparso, Barlaamum scilicet comprehensum esse, ipsum exhibebimus. Qui etiam ipse Barlaami sibi nomen attribuens, se Christianorum sacra colere simulabit, eaque intueri ac defendere præ se feret. Ac postea, longa disputatione habita tandem fractus, manus dabit. Quod cum filius tuus perspexerit, hoc est, Barlaamum victum esse, ac doctrinam nostram palmam tulisse, non est dubium quin ad victorum partes sese adjuncturus sit. Quam etiam ad rem istud magni momenti est, quod ille majestatem tuam veretur, tibi que obsequi magnopere studet. Adde quod ille etiam qui Barlaami personam geret, respiscet, seque in errore versatum esse affirmabit.

Hoc sermone rex delectatus est, hominisque consilium optimum esse judicavit, inani videlicet spe nixus. Quocirca cum Barlaamum nuper recessisse compersisset, eum comprehendere festinabat. Itaque militibus ac centurionibus missis, varios itinerum exitus occupavit, ea autem via quam ex omnibus suspectiorem habebat, ipse, conscensis equis, cum omni celebritate persequabatur, atque omni ratione assequi cogitabat. Cæterum, cum sex totos dies inani labore sese fatigasset, ipse quidem in regio quodam palatio, quod ruri situm erat, remanet. Arachen autem cum equitibus haud paucis ad ipsam usque Sennaaritudem solitudinem conquirendi Barlaami causa misit. Qui cum ad eum locum pervenisset, omnium incolarum animos perturbavit; atque cum illi virum eum a se visum esse negassent, in solitudinem, ut pios viros venaretur, sese contulit. Cumque solitudinem illam magna ex parte peragrasset, ac montes cinxisset, vallesque quasdam minime tritas, et accessu difficiles, cum ea hominum manu quam secum habebat, pedibus pervasisset, ad tumulum quemdam profectus, in ejus fastigio eremitarum turmam inambulantem cernit; nullaque interposita mora, eos ad se adduci jubet. Milites itaque celerrimo cursu, atque alios alios antevertere contententes, tumulum petunt. Eoque cum pervenissent, circumdederunt eos tanquam canes multi (*Psal.* XXI), aut tanquam pestiferæ quedam et immanes belluæ; atque ipsos tum oris

Aspecie, tum habitu venerandos, solitariæque exercitationis notas in vultu ferentes, comprehendunt, raptatosque Arachi exhibent; sic animo comparatos, ut nec ullo modo perturbarentur, nec ignavum aliquid ac triste vel præ se ferrent, vel loquerentur. Qui autem ipsos omnes tanquam antistes præibat, ex cilicio contextam peram, quorundam sanctorum Patrum, qui ex hac vita discesserant, reliquiis confertam gestabat.

Conspectis autem ipsis Araches, ut Barlaamum minime vidit (nam eum norat) mœrore conturbatus est, atque ad eos dixit: Ubinam est impostor ille qui regis filium in errorem induxit? Is autem qui peram gestabat respondit: Non est ille inter nos, absit (siquidem, Christi gratia pulsus, a nobis fugit), verum apud vos domicilium habet. Eum ergo, inquit dux, nosti? Certe, inquit eremita, eum qui impostor dicitur novi, hoc est diabolum, qui in medio vestri habitat, atque a vobis adoratur et colitur. Hic dux: De Barlaam ego quæro, deque eo percontabar ubinam esset. Monachus autem: Cur igitur, inquit, præpostere locutus es de eo qui regis filio imposturam fecit me interrogans? Nam si Barlaamum quærebas, omnino ita loqui oportebat: Ubinam ille est qui regis filium ab errore in viam reduxit, ac salute donavit? Nam ille frater noster est, ac religiosæ exercitationis socius. Multi autem jam dies sunt cum eum non vidimus. Tum Araches: Domum illius, inquit, mihi demonstra. Respondit monachus: Si ipsi vos videre cordi esset, obviam vobis ipsemet prodisset, nobis autem ipsius domum indicare minime licet.

Qua de causa indignatione percitus dux, atque irato ac furioso vultu eum intuens, ad eum dixit: Novis et inusitatis vos mortis generibus nunc inactabo, nisi statim Barlaamum mihi exhibueritis. Et quid, inquit monachus, in nobis perspicis, cujus studio et amore ab hac vita ægre divellamur, mortemque a te nobis invehendam pertimescamus? Quin potius gratiam tibi habituri sumus, quod virtutis studio hærentes e vita eduxeris. Neque enim incerta exitus alea parvum nobis metum injicit, quod scilicet, quo statu nos arreptura mors sit, minime compertum habeamus; ne forte aut voluntatis lubricum, aut quidam diaboli impetus instituti nostri constantiam inflectat, aliterque nobis quam ut pactis cum Deo a nobis initis consentaneum est, aut sentire aut facere persuadeat. Quocirca cum ea quæ vobis ipsis pollicebamini consequi jam omnino desperetis, sine ulla cunctatione quod lubet facite. Neque enim pii fratris nostri domicilium, quamvis nobis cognitum, ostendemus, nec alia ulla vobis ignota monasteria prodemus, ut videlicet hac ratione mortem turpiter effugiamus: quin potius præclare mortem oppetemus, ut prius virtutis sudores, si nunc fortitudinis animi cruorem Deo offerentes.

Hanc eorum sermonis libertatem sceleratus ille minime ferens, verum ex hujusmodi animi magnitudine gravissima iracundia commotus, multis eos verberibus ac tormentis affecit. Quæ tamen illi sic

perulerunt, ut eorum animi robur ac fortitudo ipsi quoque tyranno admirationem moveret. Cum autem multis illatis suppliciis eos tamen flectere non potuisset, nec quisquam inter eos inventus esset qui Barlaamum ipsi ostendere sustineret, arreptos eos ad regem duci, atque inter eundem percuti contumeliosisque affici iubet, reliquiarum etiam peram interim gestantes.

CAP. XXIII. — Interjectis itaque haud paucis diebus, ad regem ipsos adduxit, deque eorum statu eum certiore fecit. Ac deinde ipsi acerbissima iracundia inflammato eos sistit. Quibus perspectis, ipse indignatione aestuans, furentis hominis speciem praebebat. Cumque ipsos crudelissime caedi iussisset, posteaquam plagis atrocem in modum concisos vidit, vix tandem ex ingenti furore emergens, carnificibus verberandi finem facere imperavit, atque ad eos ait: Quanam de causa haec mortuorum ossa gestatis? Si eorum, ad quos pertinet desiderio haec fertis, hac ipsa hora vos etiam cum illis collocabo, ut, votorum vestrorum compotes effecti, gratiam mihi habeatis. Divinae autem illius cohortis dux atque antistes regias minas pro nihilo ducens perinde ac si nihil ipsi adversi contigisset, libera voce ac splendido vultu, gratiamque in ipsius anima insidentem significante, ad hunc modum respondit: Haec pura et sancta ossa idcirco circumferimus, ut admirabilem virorum, quorum ipsa sunt, desiderium utcuque leniamus, eorumque religiosam exercitationem, Deoque charam vitam nobis in memoriam revocemus, atque ad ejusdem vitae studium nos ipsos excitemus, ac requiem eam et delicias eas in quibus nunc versantur ob oculos nobis proponentes, ipsos quidem beatos praedicamus, nos autem ad sequenda eorum vestigia nos ipsos mutuo acuimus. Quin etiam mortis memoriam, quae permagnam utilitatem affert, atque ad religiosam vitae certamina promptos nos ac velut pennatos reddit, vobis hinc comparamus, ac praeter ea ex eorum contactu sanctitatem haurimus.

Rursam igitur rex: Si, inquit, mortis recordatio vestra sententia utilitatem parit, quidnam causae est cur non in corporum potius vestrorum ossibus, quae vestra sunt, ac propediem interibunt, quam in his alienis atque corruptis hanc memoriam usurpatis?

Respondit monachus: Cum quinque causas attulerim quamobrem reliquias circumferamus, tu ad usum tantaxat respondens, cavillis in nos uteris. Verum expressius, mihi crede, eorum qui jam desecerunt ossa mortis memoriam representant, quam eorum qui hujus vitae usura fruuntur. Caeterum quoniam tu de his ita statuis, atque ossa ea quae in carne tua sunt mortem tibi oculis objiciunt, qui fit ut ipse jam jamque venturae mortis memor, tuis rebus recte non consulas, verum animam tuam omni flagitiorum generi addictam habeas. Dei aut cultores ac pietatis studiosos, qui te nihil laeserunt, nihil praesentium rerum tecum commone habent, aut tibi eripere contendunt, simulantem et crudelem in modum de medio tollas?

Rex autem ait: Vos ut pestiferos homines ac populi seductores suppliciis afficio, quoniam omnes in fraudem impellit, atque a vitae jucunditatibus avocatis, ac pro dulci vita et suavissima cupiditate huc eos adigitis, ut duram et sordidam atque ærumnosam hanc vitae rationem amplectentur, deorumque honorem Jesu tribuendum esse praedicatis. Quocirca, ne populus, imposturam vestram sequens, desertam terram relinquat, atque a patriis diis deficiens, alienum adoret, suppliciis vos ac morte multare dignum esse judicavi. Monachus autem inquit: Si omnes bonorum hujusce vitae participes esse cupis, cur non omnibus ex æquo delicias et opes tuas impertis? Verum alii quidem quamplurimi paupertate conflitantur, tu vero ipsorum facultates per vim ereptas tuis adjungis? Ex quo perspicuum est te salutis populi cura minime tangi, verum carnem tuam saginare, materiam videlicet corrosuris vermibus praeparantem. Ac propterea omnium Deo abjurato, eos qui non sunt, et qui omne flagitiorum genus invenerunt, deos appellasti, ut dum ad eorum imitationem libidinose ac flagitiose vivis, id assequaris, ut deorum imitator esse praediceris. Nam quid afferri potest, quin quae vestri dii fecerunt, eadem quoque homines, qui ipsis animum adjiciunt, faciant? Quapropter in magno profecto errore versaris, o rex. Vereris autem ne quosdam populares tuos adducas, ut nostris decretis assentientes, a tuo imperio desciscant, atque ad ejus qui omnia continet ac tueretur partes se adjungant. Cupis enim multos te avaritiae tuae ministros habere, ut ipsi quidem ærumnas subeant, tibi autem eorum opera quaestus augeantur: quemadmodum videlicet si quispiam canes aut aves ad praedam cicuratas alens, eos quidem ante praedam demulceat, posteaquam autem aliquid arripuerint, ex ore praedam ipsis extorqueat. Ad eundem enim modum tu quoque multos habere cupiens, qui tibi partim e terra, partim e mari tributa et vectigalia deferant, ais quidem tibi eorum salutem curae esse, caeterum sempiternum ipsis, priusquam etiam tibi ipsi exitium accersis, tibi quoque illud satis est, ut opes quovis stercore ac curno viliores tibi affluant, nec animadvertis te luminis loco tenebras complecti. Verum ex hoc gravi somno, quaeso, emerge, clausosque tuos oculos aperi, ac Dei nostri gloriam, omnibus undique illucentem, cerne, tandemque aliquando ad te ipsum redi. Intelligite enim, inquit, insipientes in populo, et stulti aliquando sapite (*Psal.* xxxix). Illud scias, alium deum non esse praeter Deum nostrum (*Psal.* xvii), nec ullam, nisi in ipso salutem.

Rex autem: Stultis, inquit, his tuis nugis finem impone, ac mihi protinus Barlaamum ostende, aut alioqui ejusmodi poenarum instrumenta experieris, quorum nunquam abs te periculum factum est. Fortissimus autem ille, ac praestanti animi magnitudine monachus, caelestisque philosophiae amator ob regias minas nullo modo de sententia dimovebatur, sed intrepido pectore stans, dicebat: Ea quae

a te jubentur, o rex, facere, minime a nobis indictum est, sed quæ a Domino nostro imperata sunt; qui nos temperantiæ studere, atque omnes voluptates et cupiditates in potestate tenere, fortitudinemque colere, ac laborem omnem et afflictionem justitiæ causa sustinere docet. Quo igitur graviora nobis pietatis causa mala intuleris, eo præclarius de nobis meritis fueris. Quocirca quidquid lubet fac; neque enim committimus ut aliquid quod a recto abhorreat faciamus, ac peccato nos addicamus. Nec enim leve hoc scelus esse putes, si colluctatorem ac commilitonem nostrum tibi in manus tradamus. Verum hoc nomine minime nos irridebis, quamvis etiam sexcentas mortes nobis inferas. Neque enim adeo ignavus sumus, ut tormentorum tuorum metu philosophiam nostram prodamus, atque aliquid divina lege indignum perpetremus. Adversus hæc quæcunque tormentorum instrumenta nosti, ea expedias licet. Nobis quippe vivere Christus est, ac mori præstantissimum lucrum (*Philip. 1*).

Ob hujusmodi verba rex furore inflammatus, theologas eorum linguas amputari jubet, oculosque erui, manusque simul ac pedes truncari. Qua sententia pronuntiata, lictores et satellites circumstantes inhumane ac crudeliter ipsos demutilabant. Ac linguas quidem eorum uncinis ex ore extractas belluina quadam feritate abscindebant, oculos autem ferreis ungibus eruebant, ac denique instrumentis quibusdam eorum manus ac pedes luxantes, amputabant: at beati illi ac venerandi et generosi viri, tanquam ad epulas vocati, strenuo et forti animo ad cruciatus accedebant, mutuis cohortationibus sese acuentes, atque ad mortem pro Christo subeundam forti atque intrepido animo pergentes.

In hujusmodi variis suppliciiis sacrosancti monachi (13), numero decem et septem, fortes ac tolerantia præditas animas suas Domino commendarunt. Ex quo perspicue constat animum pietate præditum vitiosis affectionibus imperare, quemadmodum quidam a nostris decretis alienus prodidit (*Josephus*), senis sacerdotis ac septem filiorum certamina commemorans, qui una cum matre pari omnino sententia prædita pro patriæ legis defensione dimicarunt. Quibus tolerantia et animi magnitudine nihilo inferiores hi eximii Patres ac supernæ Jerusalem cives existerunt.

CAP. XXIV. — His igitur pia morte perfunctis, rex ad primarium consiliarium suum Arachendixit: Quoniam prius consilium minime successit, ad posterius animum adjice, ac Nachorem accersendum cura. Araches igitur, intempesta nocte ad ejus speluncam se contulit, siquidem in solitudine habitabat, divinationi operam dans. Cumque ipsi consilium id omne quod cepissent declarasset, simul atque diluxit, ad regem se recepit. At tum quæsitis rursus equis, ad investigandum Barlaamum sese abire simulavit. Cum autem exiisset, ac loca solitaria perstraret, virum unum ex voragine quadam egredientem conspicit. Quem cum persequi jussisset, ipsius

A comites eam celeritatem adhibuerunt ut hominem arripere eumque ad ipsum adducerent. De quo cum quisnam esset, quamque religionem coleret, et quonam nomine vocaretur, quævisisset, Christianum ille se esse professus est, Barlaamumque nuncupari (quemadmodum videlicet ab ipsis instructus fuerat) quo nomine gaudio perfusus Araches, ut quidem præ se ferebat, accepto eo, quamprimum ad regem revertitur, eique ipsum exhibet. Aitque rex audientibus iis qui astabant: Tunc es ille dæmonis administer Barlaam? Ille autem respondit: Dei administer sum, ac non dæmonum, quamobrem ne me conviciis incessas. Plurimas enim mihi gratias agere debes, quoniam filium tuum errore atque impostura liberatum ad Dei cultum erudivi, atque cum vero Deo in gratiam reductum omni virtutis genere institui. Rursum autem rex irati animi speciem præferens, dixit: Par sane erat ut, tibi sermonis omnis ac defensionis facultate præcisa, sine ulla interrogatione te morte multarem. Verum pro mea humanitate tantisper te fero, quousque ad certum diem de te quæstionem habuero. Ac siquidem mihi obtemperandum duxeris, veniam obtinebis; sin minus, pessimam mortem oppetes. Hæc locutus, Arachi eum tradit, mandatque ut eum quam diligentissime custodiat.

Postridie autem illinc ad palatium suum reversus est. Repente igitur captum esse Barlaamum rumore ferebatur adeo ut ipse quoque regis filius hæc re audita gravissimo animi dolore afficeretur, nec ullo modo lacrymis moderari posset, verum gemitibus ac luctibus Deum obsecraret, ipsumque ut seni opem ferret obtestaretur. Nec vero lugentem eum bonus ille Deus despexit; benignus enim est iis qui ipsius opem in die tribulationis expectant, atque eos qui ipsius metu præditi sunt agnoscit. Unde etiam juvenis per nocturnum visum omnia declarat, roburque ipsi addit, atque ad pietatis certamen eum confirmat. Expectatus itaque cor suum paulo ante mœstitia ac dolore profligatum, lætitia et fiducia suavissimoque lumine  perfusum reperit. Rex autem his ita gestis, atque inita hujusmodi cogitatione, gaudebat, præclara consideratione se uti existimans, amplissimamque Arachi gratiam habens. Verum, ut divini Davidis verbis utar, mentita est iniquitas sibi (*Psal. xxix*), atque justitia adversus iniquitatem palmam tulit, prorsus videlicet eam sternens ac dejiciens, peritque memoria ejus cum sonitu (*Psal. ix*)! quemadmodum sermonis progressu a nobis ostendatur.

Biduo quippe post rex ad filii palatium accessit, eoque ipsi obviam prodeunte, pater eum suo more minime osculatus est, verum, indignanti atque irato similis, in regium cubiculum ingressus, mœsto vultu consedit. Ac deinde accito filio, his ad eum verbis utitur: Fili, quænam hæc fama est, quæ ad aures meas permeavit, animumque meum merore conficit? neque enim existimo ullum unquam hominem ob filii ortum tantogaudio perfusum fuisse, quantam ego tua causa voluptatem percepi; nec rursus ul-

lum unquam tantum mœroris ex filio contraxisse A credo, quantum nunc ex te contraxi. Meam enim canitiem dedecore affectisti, ac lucem oculorum meorum abstulisti, nervorumque meorum robur excidisti. Timor enim, quem tua causa timebam, evenit mihi : et quod verebar, accidit mihi. Factusque sum hostibus meis in ludibrium, et in risum adversariis meis (*Job. III*). Stulta mente ac puerili animo impostorum verbis fidem adhibuisti, atque improborum et malevolorum hominum consilium consilio meo antiquius habens, ac deorum nostrorum cultum relinquens, ad alieni Dei cultum te contulisti. Quidnam tibi, fili, in mentem venit, ut hæc faceres; ac tu, quem in omni securitate alere me sperabam, quemque senectutis meæ baculum ac robur habiturum optimumque regni mei successorem relicturum B me existimabam, inimici atque hostilis in me animi argumentum exhibere minime dubitares?

An non consentaneum erat ut mihi potius pares, meaque secreta sequereris, quam versipellis ac putidi senis nugis stultisque sermonibus cederes, qui tibi hoc in animum immisit, ut pro dulci vita acerbam susciperes, ac pro suavissimis deliciis duram illam et asperam viam, quam Mariæ filius tenere admonet, ingredereris? An non autem etiam summorum deorum iram pertimescis, ne fulmine te feriant, aut tonitruo interimant, propterea quod repudiatis ac pro nihilo habitis iis qui nos tot tantisque beneficiis affecerunt, ac regio diademate ornarunt, gentesque numerosissimas ditioni nostræ atque imperio subjecerunt, ac denique ut precum mearum C et orationum opera gignereris, ac dulcissimæ hujus lucis particeps fieres, præter spem effecerunt, ei qui cruci affixus est arctissime te conjunxisti, inanibus videlicet ipsius cultorum promissis deceptus, qui nova quedam sæcula confingunt, mortuorumque corporum resurrectionem nugantur, aliaque sexcenta, ut stolidis hominibus fucum faciant, introducunt?

Verum nunc saltem, charissime fili, si quid mihi patri tuo obtemperandum putas, prolixis his nugis longum valere jussis, benignis diis, quæso, sacrificia, atque eos plurimis victimis et sacrificiis placare studeamus, ut errati veniam ab ipsis impetres, siquidem hanc vim illi habent, ut et beneficiis et suppliciiis afficere possint.

Ac nos eorum quæ diximus exemplum tibi sumus, D qui ipsorum beneficio ad hoc imperium pervenimus, atque hanc ipsis beneficii vicem rependimus, ut et eorum cultoribus honorem tribuamus, et eos qui adduci nequeunt ut ipsi sacrificent, suppliciiis excruciemus. Multas igitur hujusmodi nugas commemorante rege, ac nostra quidem dogmata suggillante et traducente, idolorum autem cultum laudibus et encomiis prosequente, divinissimus juvenis rem eo loco esse videns, ut non jam angulum et latebras, verum candelabrum potius ac speculum desideraret (*Math. v*), quo omnibus in perspicuo esset, libertate ac fiducia plenus, ad hunc modum locutus est :

Quod a me factum est, o here, haudquaquam

inticias iverim. Tenebris enim fuga relictis, ad lucem accurri, ac relicto errore ad veritatem me adjunxi : nuntioque dæmonibus remisso, ad Christi ordines me contuli, qui Dei Patris Filius ac Verbum est, cujusque verbo omnia ex nihilo in ortum producta sunt, quique efficto e terra homine vitalem ipsi spiritum insufflavit, eumque in voluptatis paradiso, ut illic degeret, collocavit. Cumque ipsius mandatum violasset, mortique proinde obnoxium se reddidisset, atque horrendi mundi principis potestati subjecisset, non tamen omnia facere destitit, quo eum ad pristinam dignitatem revocaret. Ac propterea ille rerum omnium conditarum effector generisque nostri architectus, nostra causa homo effectus est, atque in terram veniens, et e sancta B Virgine nascens, cum hominibus consuetudinem habuit (*Baruch. III*). Ac pro nobis ingratis servis Dominus mortem subiit, et quidem mortem crucis (*Philipp. II*), ut videlicet peccati tyrannis de medio tolleretur, priorque condemnatio deleteretur, ac cœli portæ nobis rursus paterent. Nam illuc naturam 238 nostram evexit, atque in gloriæ throno collocavit, regnumque finis experts, iis qui ipsius amore prædicti sunt, donavit, bonaque omni sermone atque auditu præstantiora (*I Cor. II*). Ipse enim est fortis ille, ac solus potens, Rex regum et Dominus dominantium (*Apoc. XIX*), cujus robur invictum est, et potentia ejusmodi quæ omnem ingenii conjecturam excedat; qui solus sanctus est, et in sanctis requiescens; qui cum Patre et Spiritu sancto glorificatur; in quorum nomine baptizatus sum, et quos confiteor, celebro atque adoro, unum Deum in tribus personis, consubstantialem, ac confusionis expertem, increatum, immortalem, sempiternum, infinitum, ab omni circumscriptione remotum, corpore vacantem, a perturbationibus et mutatione atque conversione alienum, omni termino carentem, bonitatis et justitiæ ac sempiternæ lucis fontem, rerum omnium conditarum, tam quæ cerni possunt quam quæ oculorum sensum fugiunt, effectorem, atque omnia continentem et conservantem, omnibus prospicientem, atque in omnia regnum et imperium obtinentem. Neque enim sine ipso res ulla facta est, nec sine ipsius providentia quidquam conflare se consistere potest. Ipse siquidem est omnium vita, omnium coagmentatio, omnium illuminatio, totus D dulcedo, ac totus sine ulla saturitate desiderabilis (*Cant. v*), omniumque rerum expetendarum summus vertex. Quocirca Deum hunc, quia tanta bonitate ac potentia præditus est, relinquere, atque impuros dæmones vitiorumque omnium architectos colere, surdisque ac mutis statuis, quæ nec aliquid sunt nec erunt, cultum ac venerationem tribuere, cujus tandem, o pater, stultitiæ ac dementiæ fuerit? Ecquando enim vox ab ipsis audita est? Ecquando vel exiguum iis, qui preces ad ipsos adhibebant, dederunt? Ecquando ambularunt, aut sensum ullum acceperunt? Nam neque hi qui stabant sessionis unquam meminerunt, nec qui sedebant stantes unquam

visi sunt. Horum turpitudinem ac fetorem et stuporem, atque etiam dæmonum in ipsis operantium, ac per ipsos imposturam vobis facientium, infirmitatem atque imbecillitatem, cum a viro sancto intellexissem, eorumque improbitatem rejecissem, ac perfecto odio insectatus fuisset, ad Deum vivum ac verum me adjunxi, ipsique ad extremum usque vitæ spiritum serviam, quo etiam in ipsius manus spiritus meus veniat.

Cum igitur tanta bona, quæque nulla oratione explicari possint, mihi occurrissent, gaudebam quidem me improborum dæmonum servitute liberatum, atque ab horrenda captivitate revocatum, ac Domini vultus lumine (*Psal. iv*) collustratum esse: illud autem me angebat, animumque meum distrahebat, quod tu, dominus ac pater meus, hujusmodi beneficiorum minime particeps esses. Verum animi tui in sententia tua pertinaciam metuens, mœrorem meum pectore premebam, quod tibi stomachum movere minime vellem. Deum autem orare atque obsecrare non intermittebam, ut a longinquo exsilio, quod tibi ipsi accersivisti, cum pietatis fugitivus, vitique omnis et impietatis minister effectus es, te revocaret. Quoniam autem tu ipse, o pater, res meas in apertum protulisti, quæ mea omnino sententia sit, audi: Pacta cum Deo meo inita non frangam; non, inquam, per eum qui me pretioso cruore suo a servitute vindicavit. Quamobrem, cum quid animi habeam tibi exploratum sit, negotium tibi ipsi facessere desine, a præclara confessione me deducere moliens. Nam quemadmodum si cælum manu arripere, aut totum mare exsiccare in animum induxeris, irritus atque inutilis tibi hic conatus fuerit, eodem modo hoc quoque irritum tibi fore persuade. Ac propterea, aut ipse consilio meo obsequens, ad Christum te adjunge, ut bona ea quæ cogitationem omnem superant percipias, sociique inter nos, ut naturæ, ita etiam fidei simus, aut a tua filietate, mihi crede, abscedam, puraque conscientia Deum meum colam.

Hæc igitur omnia ut rex audivit, impotenti furore confestim percitus, iracunde ad eum loquebatur, dentibusque furentis instar frendens, his verbis usus est: Quisnam alius mihi tantorum malorum auctor est; ut ego ipse, qui te tanto amore complexus sum, eaque tua causa feci, quæ nullus unquam pater fecit? Qua etiam de causa mentis tuæ perversitas ac perversitas, ex licentia mea collectis viribus, ut in meum caput insanires, fecit. Non abs re igitur in ortu tuo astrologi malum et improbum virum atque arrogantem, et adversus parentes contumacem te foredixerunt. Atsi nunc quoque commiseris ut consilium meum frustra cadat, hostilem in te animum geram, atque ita te multabo, ut ne in hostes quidem suos tantæ sævitæ specimen quisquam exhibeat.

Rursum autem ille: Quidnam est, o rex, cur iracundia inflammeris, eoque nomine discrucieris, quod tanta bona divinitus sim consecutus? Et quis unquam pater filii felicitate dolere atque augi visus

est? Aut quonam modo pater ille, ac non potius hostis ~~200~~ vocandus sit? Quo circa nec ego posthac te patrem appellabo, verum a te abscedam, non secus atque is qui serpentem fugit: siquidem te salutis meæ invidere, meque in exitium per vim impellere perspectum habuero. Nam si mihi vim afferre, ac tyrannice mecum agere velis, quemadmodum etiam dixisti, nihil aliud, mihi crede, hinc lucris facies quam ut patris loco, tyrannus et carnifex appelleris. Quandoquidem facilius tibi fuerit aquilæ vestigia consequi, ac per ipsum aerem volare, quam me de meo in Christum fide ac præclaro fœdere cum ipso inito deducere. Verum intellige, o pater, atque, ista oculorum mentis lippitudine et caligine discussa, suspice, ac Dei mei lumen, omnes undique collustrans, intuere, atque ipse tandem aliquando suavissimo illius splendore illuminare. Ut quid enim te ipsum carnis affectionibus ac voluntatibus totum te tradidisti, nec ullo modo ex ipsis emergis? Illud intellige, quod omnis caro fenum est, et omnis gloria ejus tanquam flos feni. Exsiccatum est fenum, et flos ejus decidit; verbum autem Domini mei, quod omnibus annuntiatum est, manet in æternum (*I Pet. ii*).

Quid igitur ita perditæ atque insane gloriam eam retines et amplecteris, quæ instar recentium florum marcescit atque deletur, et execrandas ac fetidas delicias, ventrisque et eorum quæ infra ventrem sunt affectiones, quæ quidem ad aliquod tempus stultorum sensus oblectant, cæterum amarius felle postea digeruntur, tum nimirum cum umbræ istæ, atque inanis hujusce vitæ insomnia præterierint, atque in perpetuo ignis nunquam exstinguendi ac tenebrosi cruciatu eorum amatores, et qui iniquitati operam dant, provolventur, ubi in somnis vermibus absque ullo fine ipsos corrodet, ac perpetuus ignis in infinita sæcula eos concremabit? Inter quos, o rem gravem, tu quoque conclusus, ob scelerata consilia tua gravi pœnitentia afficeris, atque hos dies multum requires, meorumque verborum recordaberis. Verum nihil ex ejusmodi pœnitentia utilitatis percipies, siquidem in inferno pœnitentiæ atque confessioni locus non est (*Psal. vi*).

Nam præsens tempus labori præstitutum est, futurum autem mercedi. Ac profecto etiam si præsentibus voluptates fluxioni et interitui minime subjectæ essent, verum cum dominis suis in æternum durarent, non tamen propterea eas Christi beneficiis ac bonis omni cogitatione præstantioribus anteferre oportebat? Nam quanto sol profunda nocte clarior est atque splendidior, tanto quoque atque etiam multo magis bona ea quæ Dei amore præditis promissa sunt quovis terreno regno illustriora et magnificentiora sunt. Proindeque omnino consentaneum erat ea quæ majora et præstantiora sunt inferioribus ac vilioribus antiquiora habere. Cum autem omnes hujusce vitæ res et corruptioni obnoxie sint (*Job. xiv*), et insomnii atque umbræ instar prætereant ac deleantur (*Psal. cxliii*), adeo ut instabilibus potius auris, et

navis per mare currentis vestigiis, quam hominum prosperitati fides habenda sit; quæ tandem simplicitas, vel ut rectius loquar, stultitia et dementia hæc est, ea quæ caduca et imbecilla corruptionique obnoxia sunt, imo nihil prorsus sunt, iis quæ a corruptione aliena ac sempiterna sunt, potiora ducere, ac propter caducarum rerum fructum, bonorum illorum fructu ab omni successione remoto privari? An non hæc, o pater, intelliges? An non prætereuntia præteribis, atque ad ea quæ fixa et certa sunt, animum adjunges? An non patriam peregrinationi antepones, lucem tenebris, spiritum carni, vitam æternam umbræ mortis, ea quæ non dilabuntur fluxis et fragilibus? An non ex atroci hac horrendi mundi principis, hoc est perversi diaboli servitute, fuga te subduces, teque ad bonum et ad misericordiam propensissimum Dominum conferes? An non a multorum commentitiorum deorum cultu te ipsum abduces, atque uni vivo ac vero Deo cultum adhibebis? Nam etsi in Deum peccasti, cum multas in eum blasphemias effudisti, atque ipsius servos gravibus tormentis excruciatos necasti, non tamen dubito quin te ad meliorem mentem redeuntem suscepturus sit, omniaque delicta tua e memoria ejecturus. Non enim mortem peccatoris, sed magis ut convertatur et vivat, ille vult (*Ezech. xviii*), qui ut nos a recta via aberrantes requireret, ex ea sublimitate quæ nullis verbis exponi potest descendit, crucemque et mortem nostra causa pertulit, ac nos qui sub peccato venditi eramus, pretioso suo sanguine redemit. Ipsi laus et gloria in sæcula sæculorum. Amen (*Rom. vii*).

Rex autem stupore simul atque ira correptus est: illud nempe, ob filii prudentiam, atque ejusmodi sermones, qui nullo pacto refelli possent; hoc autem, quia ipsius deos traducere ac criminari non desinebat, totamque ipsius vitam suggillabat ac proscindebat. Atque hujusmodi quidem sermonis splendorem ob internam tenebrarum crassitiam haudquaquam admisit. Cum autem ob amoris a natura insiti affectum in ipsum animadvertere, aut eum malo aliquo multare non posset, rursusque ipsum de **300** sententia dimovere se posse prorsus desperaret, veritus ne si plaribus eum sermonibus lacerasset, eo libere ac fidenter loquente, deosque suggillante atque cavillis insectante, majore ipse iracundia inflammatus, hostile aliquid in eum designaret, irato animo surgens secessit, his duntaxat verbis utens: Utinam nunquam natus fuisses, nec in lucem prodiiisses, si quidem futurum erat ut in deos tam impius et contumeliosus esses, atque a paterna amicitia et admonitione abscederes. Verum adversarii deos quorum invictum robur est, non perpetuo subsannabunt, nec diu gaudebunt, nec eorum præstigiæ vim habituræ sunt. Nam nisi mihi dicto audientem atque erga deos gratum te præbueris, multis prius ac variis tormentis affectum acerbissima morte te de medio tollam, nec tecum ut cum filio, sed ut cum hoste aliquo ac rebeli agam.

Cap. XXV. — His minis cum in eum pater usus

esset, atque iratus secessisset, filius in cubiculum ingressus, sublati ad sui certaminis arbitrum oculis ex intimo corde exclamavit: Domine Deus meus, dulcis spes, minimeque mendax promissio, ac firmum eorum qui se tibi totos devoverunt perfugium, propitio ac benigno oculo pectoris mei contritionem cerne, nec me derelinquas, nec discedas a me (*Psal. xxxvii*); verum, juxta pollicitationem tuam, ab omni mendacio alienam, mecum, hoc est, cum indigno atque abjecto homunculo sis. Te enim rerum omnium conditarum effectorem et gubernatorem agnosco et confiteor. Quocirca in hac præclara confessione velim me confirmes, ut ad extremum usque spiritum in ea permaneam. Respice in me, et miserere mei (*Psal. xxiv*); mihi que asta, illæsum atque incolumem ab omni Satanæ operatione me conservans. Respice, o Rex, siquidem anima mea vehementi tui desiderio flagrat, atque ita incensa est, tanquam in sitis ardore in terra inaquosa, te immortalitatis fontem concupiscens (*Psal. lxxii*). Ne tradas bestiis animam confitentem tibi: et animæ pauperis tui ne obliviscaris in finem (*Psal. lxxiii*). Verum mihi beneficio tuo contingat ut per omnem vitæ cursum pro tuo nomine tuaque confessione omnia perpetiar, meque totum tibi immolem. Te enim robur afferente, imbecilles etiam viribus pollent, quoniam tu solus invictus es propugnator, ac Deus misericors, quem quidquid creatum est, benedicit ac celebrat in sæcula sæculorum. Amen.

Hac oratione functus, divinam consolationem in pectus suum illabi sensit; fiduciaque perfusus, totam noctem in precibus traduxit. Rex autem cum de filii statu cum Arache sermones contulisset, ipsique rigidam ipsius libertatem animique in sententia pervicaciam declarasset, hoc consilium capit, ut quam fieri posset amicissime atque obsequiosissime cum eo colloqueretur, blanditiis videlicet perfecturum se sperans ut eum ad se pertraheret. Crastino itaque die ad filium se confert, ac propius sedens, ipsum accersit, atque complectitur et exosculatur, leniterque ac placide irrepens: O charissime et amantissime fili, inquit, patris canitiem honore affice, precibusque meis auditis accede, ac diis sacrificium adhibe. Sic enim et illos benignos et faciles habiturus es, et dierum diuturnitatem, gloriamque omnem, et inoffensum regnum, omnisque generis bona ab ipsis percipies, et mihi patri tuo per omnem vitam charus eris; ac denique hoc assequeris ut omnes homines te in honore habeant, laudibusque efferant. Siquidem ad laudem adipiscendam magni interest patri obedire, ac præsertim in iis rebus, quæ ad bonum et ad deorum benevolentiam spectant. Quidnam autem, fili, censes, utrumme me consulto ac de industria a bona via deflexisse, atque contrariam ingredi maluisse, an vero boni ignorance et imperitia me ipsum pestiferis dogmatibus dedidisse? Certe si me sponte ac de industria, contra quam utile sit, mala bonis præferre, mortemque vitam potius ha-

bere existimas, vehementer, o filii, a recto iudicio aberrare videris.

An non vides quot ærumnis et afflictionibus me ipsum persæpe tradam, tum in expeditionibus adversus hostes, tum in publicorum negotiorum procuratione meipsum occupans, adeo ut famem etiam ac sitim, cum ita necesse est, perferam, ac pedibus ambulem, humique somnum carpam? Opum autem et pecuniarum tanta in me contemptio ac despicientia est, ut interdum profusa manu palatii mei thesauros exhauriam, quo amplissima diis delubra exstruam, omnique ornatu illustrem, aut pecuniarum aggeris militibus liberalissime distribuam. Cum itaque tantus in me voluptatum contemptus, tanta in periculis tolerantia sit, si Galilæorum religionem, ea quam manibus tenemus præstantiorem esse cognoscerem, an non summo studio id agerem, ut contemptis omnibus rebus, salutem mihi compararem? Sin autem mihi boni ignorantem atque imperitiam vitio vertis, illud tecum reputa, quot noctes insomnis exegerim, quæstione aliqua proposita, et quidem interdum haud admodum necessaria, nullam omnino mihi requiem concedens, priusquam perspicuam et accommodatissimam ipsius solutionem invenissem.

Quocirca cum caducarum harum rerum ne minimam quidem contemnendam ducam, verum omnino conducibiliter atque ad omnium utilitatem eam excutiam et absolvam (sic enim inter omnes constare arbitror, neminem omnium qui sub sole sunt, arcinarum rerum cognitionem accuratius unquam investigasse quam ipse fecerim), quonam pacto res divinas, et ea quæ venerari ac deorum honore afficere oportet, contemnenda duxissem, ac non potius omnino studio, omnibus viribus, toto denique animo ac tota mente in eorum investigatione tempus atque operam posuissem, ut quæ vera et maxime consentanea sunt, invenirem? Etenim magno cum labore sic ea quæsi, ut et multas noctes ac multos dies in his consumpserim, et multos item sapientes et eruditos viros ad consilium adhibuerim, atque etiam cum multis eorum qui Christiani appellantur sermones contulerim. Ac per impigram conquisitionem et ardentem investigationem, via veritatis a me inventa est, sapientum virorum atque tum doctrina, tum ingenio præditorum testimonio confirmata. Quorum hæc sententia est, nullam aliam esse præter eam quam hodierno die tenemus, summos deos colentes, ac dulcem et cum voluptate conjunctam vitam omnibus hominibus ipsorum munere concessam, ac jucunditate animique oblectamento perfusam artissime complectentes. Quam quidem Galilæorum duces et antisites stulte repulerunt, adeo ut suave hoc lumen, atque omnes voluptates, quas nobis frændas dei concesserunt, alterius cujusdam incertæ vitæ spe prompto animo abjiciant, nescientes videlicet, nec quid dicant, nec de quibus affirmant (*I Tim. 1*).

Tu vero, charissime filii, patri tuo, qui per accuratam ac verissimam investigationem id quod vere

bonum est invenit, obtempera. En enim demonstratum est me nec sponte nec per ignorantem a bono aberrasse, verum et illud invenisse et accepisse. Cupio autem te quoque in stulto errore minime versari, verum meis vestigiis hæerere; quamobrem fac patrem tuum verearis. An nescis quantum bonum sit patri obtemperare, atque ipsi in omnibus rebus obsequi, quemadmodum contra quam exitiosum et execrandum patris animum exacerbare, ipsiusque jussa pro nihilo habere? Omnes enim qui hæc fecerunt, malo mortis genere interierunt. Quo in numero, filii, utinam ne censearis! verum ea quæ parenti grata sunt, faciens, bonorum omnium compos fias, regnique mei hæres sis.

Magnanimus autem, ac vere nobilis adolescens, cum supervacaneam patris orationem ac stultum consilium audisset, atque flexuosi serpentis artes animadvertisset, nempe quod a dextris laqueum pedibus ipsius parasset, id scilicet agens ac moliens, ut divinam ipsius animam inflecteret, atque ipsi ad propositam palmam impedimentum afferret, illud Domini præceptum sibi ante oculos posuit: Non veni mittere pacem, sed gladium. Veni enim separare filium adversus patrem suum, et filiam adversus matrem suam, et quæ deinceps sequuntur (*Math. x*).

Illudque item: Qui amat patrem aut matrem plus quam me, non est me dignus. Ac rursus illud: Quicumque me negaverit coram hominibus, negabo etiam eum coram Patre meo, qui in cælis est. Hæc cum secum ipse reputasset, divinoque metu animam constrinxisset, illud Salomonis dictum perquam tempestive usurpavit: Tempus amandi, et tempus odiendi; tempus belli, et tempus pacis (*Eccle. III*). Ac primum quidem mente ad hunc modum precatus est: Miserere mei, Deus, miserere mei, quoniam in te confidit anima mea; et in umbra alarum tuarum sperabo, donec transeat iniquitas. Clamabo ad Deum altissimum, Deum qui bene fecit mihi (*Psal. LVI*); ac reliqua quæ deinceps in psalmo sequuntur.

Post autem ad patrem his verbis usus est: Patrem quidem colere, atque ipsius imperiis parere, ipsique amico et benevolo animo inservire, communis magister noster docet (*Exod. xx*), ut qui naturalem hujusmodi charitatem in animis nostris inseverit. At cum parentum amor atque erga eos benevolentia animæ ipsi periculum creat, eamque a summo illo effectore procul removet, hunc affectum prorsus excindere jubemur, ac nullo modo iis qui nos a Deo abstrahunt cedere ac manus dare, verum eos odisse et aversari: quamvis etiam is qui execranda præcipit pater sit, quamvis mater, quamvis rex, quamvis denique penes eum vitæ nostræ potestas sit. Quæ cum ita sint, paternæ benevolentie causa Dei jacturam facere prorsus nequeo; ac proinde tum tibi ipsi, tum mihi negotium facessere desine; verum mihi morem gere, ac vivum et verum Deum ambo colamus. Nam quæ nunc veneraris, simulacra sunt, hominum manibus effecta, spiritus expertia et surd

nihilque omnino aliud quam exitium et sempiternum cruciatum cultoribus suis accersentia.

Sin autem id recusas, quidquid lubet, mihi infer, servus enim Christi sum. Ac neque blanditiis neque tormentis ab ejus **302** amore desciscam : quem-admodum etiam pridie tibi dixi, Domini mei nomen interponens, ac sermonem interposito jurejurando confirmans. Quod autem nec te sponte male agere, nec rursus ignoratione a bono aberrare dixisti, verum ingenti ac laboriosa investigatione hoc cognovisse, nempe bonum esse simulacra colere, ac libidinum voluptatibus affixum esse, certe te sponte male agere dicere haud nequeo. Quod autem magna inscitiae caligine circumfusum sis, ac tanquam in tractabilibus tenebris ambulans, ne minimum quidem luminis splendorem perspicias, ob idque, recta via amissa, in præcipitia et barathra oberres, id vero certissimum ac compertissimum habeo, teque etiam, o pater, id intelligere cupio. Ac propterea tenebras lucis loco tenens; ac mortem vitæ instar complectens, utilia consilia iniisse, fructuosasque cogitationes suscepisse tibi videris. At non ita est, non inquam est ita. Nam nec ea quæ veneraris dii sunt, sed dæmonum statuæ, omnem eorum execrandam operationem intus continentes; nec rursus vita ea quam suavem et voluptariam appellas, jucunditatisque omnis et hilaritatis plenam esse censes, ejusmodi naturam habet, sed si veritatis judicio standum est, execranda ac modis omnibus aversanda est. Quamvis enim ad aliquod tempus fauces deliniant, post tamen, ut a magistro meo dictum est, felle amarius digeritur, gladioque ancipiti acutior est.

Et quomam tandem pacto ejus mala tibi recensere possem? Dinumerabo ea, et super arenam multiplicabuntur (*Psal.* cxxxviii); diaboli enim hamus est, execranda voluptate, tanquam illecebra quadam obductus, per quam eos qui in fraudem inducuntur, ad imum inferni gurgitem trahit. Bona autem a Domino meo promissa, quæ quidem tu incertæ vitæ spem nuncupasti, ab omni mendacio et mutatione aliena sunt, finem nesciunt, corruptioni subjecta non sunt: denique nulla est oratio, quæ illius gloriæ et jucunditatis, illius inenarrabilis gaudii ac perpetuæ lætitiæ magnitudinem exprimere queat. Omnes enim, quem-admodum ipse vides, morimur, nec est homo qui vivat, et mortem visurus non sit (*II Reg.* xiv; *D Psal.* lxxxviii); futurum est autem ut rursus ad vitam redeamus, tum nimirum, cum Dominus Jesus Christus Dei Filius in gloria, quæ nullis verbis declarari potest, ac tremenda potentia veniet (*Matth.* xxv), ille, inquam, Rex regum ac Dominus dominantium (*Apoc.* xix), cui omne genu flectetur, cælestium, terrestrium, et infernorum (*Philip.* II); qui que tantum omnibus pavorem commovebit, ut etiam ipsæ cælestes vii tutes obstupescant (*Luc.* xxi). Astabunt porro ei cum timore millia millium, et decies centena millia angelorum et archangelorum, cunctaque metu ac tremore plena erunt (*Dan.* vii). Unus enim archangelorum buccina clanget; ac statim cælum

sicut liber involvetur, terra autem effracta omnium hominum, qui unquam a primi hominis Adami ortu usque ad diem illum fuerunt, corpora sursum emittet, ac tum omnes, qui ab orbe condito morte functi sunt, in ictu oculi ad Domini tribunal sententur, atque unusquisque rerum in vita gestarum rationem reddet (*I Cor.* xv). Tunc justus, qui in Patrem et Filium ac Spiritum sanctum crediderunt, atque in probis actionibus præsentis vitæ curriculum confecerunt, solis instar fulgebunt (*Matth.* xiii). Quomam autem pacto gloriam eam quæ ipsos exceptura est, tibi commemorabo? Nam etiamsi ipsorum splendorem ac pulchritudinem solis lumini, aut etiam clarissimæ fulgetræ comparem, nihil tamen, quod huic splendori par sit dixero. Oculum enim non vidit, nec auris audivit, nec in cor hominis ascenderunt quæ Deus in cælorum regno, in incomparabili luce, in arcana et finis experte gloria, iis qui ipsius amore præditi sunt præparavit (*I Cor.* ii). Ac justus quidem ejusmodi bona atque ejusmodi beatitudinem consequentur.

Qui autem verum Deum abjurarunt, ac fictorem et opificem ignorarunt, impurosque dæmones coluerunt, ac surdis simulacris venerationem tribuerunt, voluptatumque hujus vanæ vitæ cupiditate flagrarunt, atque in vitiosarum affectionum cæno porcorum instar sese volutarunt suasque animas vitii omnis officinam effecerunt, nudi et aperti stabunt, ignominia suffusi, mæsti, ac tum gestu, tum re ipsa miserabiles. Atque omnes ipsorum sermones, et actiones, et cogitationes ante ipsorum ora venient; ac deinde post gravissimam ignominiam atque intolerandum illud probrum gehennæ igni nunquam extinguendo, ac lucis omnis experti, exterioribus tenebris, dentium stridori, ac venenato vermi addicentur. Hæc illorum portio erit, hæc hæreditas: in his per sempiterna sæcula versabuntur, scelerum pœnas dantes, propterea quod bonis iis quæ in pollicitatione recondita erunt, propter brevem voluptatem repudiatis et abjectis, æternum sibi ipsis supplicium accersiverunt. Fro his igitur, hoc est, ut et gaudium illud omni sermone præstantius consequamur, et arcana illa gloria fruamur, angelosque splendore adæquemus, ac bono et dulcissimo Domino fidenti animo astemus, atque atrocissimas et nunquam finiendas pœnas, et acerbissimam illam infamiam effugiamus, quas non **303** pecunias, quæ non corpora, imo etiam ipsas animas profundere par fuerit? Quis tam ignavi animi est, quis tam excors, quin sexcentas temporarias mortes subire in animum inducat ut a sempiterna et finis omnis experte morte liberetur, beatamque et ab omni interitu remotam vitam hæreditario possideat, ac sanctæ et vitæ initium afferentis Trinitatis lumine collustretur?

CAP. XXVI. — Hæc verba cum rex audiisset, filii que firmitatem atque constantiam perspexisset, nec blanditiis, nec sermonum lenocinio, nec denique suppliciorum minis cedentis, orationis quidem illius probabilitatem, ac responsa quæ refelli non possent, admirabatur, atque etiam a propria conscientia, quæ ipsum vera et justa dicere demonstrabat, coargueba-

tur; verum a prava consuetudine atque a vitiosis affectionibus, quarum habitum contraxerat, et quæ eum velut camo et freno coercebant, nec veritatis lumen perspicere sinebant, in diversum trahebatur. Ac propterea nullum non lapidem, ut dici solet, movens, in eo quod prius sibi proposuerat hærebat, consilium nimirum, quod cum Arache ceperat, in opus perducere cupiens. Itaque ad filium ait: Oportebat quidem, fili, te meis imperiis omnibus in rebus simpliciter obsequi. Quoniam autem pro tua duritia atque contumacia mihi ita vehementer restitisti, hoc unum contendens, ut tua sententia majoris apud te, quam omnia alia, ponderis atque auctoritatis esset, age, inani contentione valere jussa, rationibus ad persuadendum aptis agamus. Ac quia Barlaam, a quo tibi fucus factus est, vinctus a me tenetur, amplissimo cœtu habito, atque omnibus tum nostris tum Galilæis in unum coactis præconibusque disertis verbis edicere jussis, ne quisquam Christianorum ullius periculi metu afficiatur, verum omnes omni metu vacui per sodalitia et cognationes in unum coeant, communi consilio rem consideremus. Atque aut vos et vester Barlaam, nobis in sententiam vestram adductis, ea quæ optatis consequimini; aut contra vos in sententiam nostram adducti, jussis meis sponte ac prompto animo parebitis.

Prudens autem revera et cordatus juvenis per visum quod divinitus ipsi contigerat, regis versutia cognita, ait: Domini voluntas fiat, sitque quemadmodum jussisti. Ipse autem bonus Deus ac divinus hoc nobis concedat, ne a recta via aberremus; nam in ipso confidit anima mea, et ipse mei miserebitur. Tunc igitur rex, omnes tam idolorum cultores quam Christianos in unum conveniri jubet, litteris nimirum quaquaversum missis, ac præconibus qui per omnia oppida proclamarent, ne quis Christianorum, tanquam inopinati aliquid perpessus, in metu versaretur; verum omnes per sodalitia et cognationes in unum coirent, quod veritatis studiosa, ac non coacta et violenta inquisitio una cum eorum duce atque antesignano Barlaamo futura esset. Eodemque modo idolorum etiam cultores ac sacerdotes, Chaldæorumque et Indorum sapientes, qui in universo ipsius imperio erant, quosdamque etiam augures, et præstigiatores, ac vates convocavit, ut adversus Christianos victoriam obtinerent.

Et quidem ingens ad regem execrandæ ipsius religionis multitudo confluit: Christianorum autem unus tantum, Barachias nomine, inventus est, qui Barlaamo (ut quidem existimabatur) suppetias ferret. Nam pii viri partim extremo vitæ die functi fuerant, a furiosis scilicet urbium prætoribus obruncati; partim impendentium periculorum metu in montibus ac speluncis delitescebant; partim denique regis minas pertimescentes in lucem prodire minime audebant. verum nocturni pietatis cultores erant, in occulto dumtaxat Christum colentes, non autem libere ipsius fidem profitentes. Ille autem solus, utpote generoso animo præditus ad propugnandam veritatem acces-

sit. Cum igitur rex in alto atque edito solio consedisset, filium una sedere jussit. At ille pro suo erga patrem honore ac reverentia id facere recusavit, atque in terra non longe ab eo sedit. Astiterunt igitur viri infatuatæ a Deo sapientiæ periti, quorum, ut Apostoli verbis utar, insipiens cor erravit (*I Cor. 1*). Putantes enim se esse sapientes, stulti facti sunt, et mutaverunt gloriam incorruptibilis Dei in similitudinem corruptibilium hominum, et quadrupedum, et serpentium (*Rom. 1*). Hi, ut cum regis filio, atque iis qui ab ipsius partibus stabant, sermonem consererent, in unum convenerunt. Atque in eis illud adagium implebatur: Caprea cum leone pugnam iniit (*14*). Etenim ipse Altissimum posuerat refugium suum, et in alarum ipsius umbra sperabat (*Psal. xc*). Illi autem in hujus sæculi principibus qui destruuntur, ac mundi principe tenebrarum, cui se ipsos misere subjecerunt, fiduciam suam collocabant (*Psal. lvi*; *Ephes. vi*).

Producitur itaque Nachor, qui Barlaamum se esse simulabat. Ac rex quidem hoc sibi propositum habebat; verum sapiens Dei providentia cœlitus aliud administrabat. Astantibus enim his omnibus, rex ad oratores suos et philosophos, vel potius plebis seductores et stolido corde præditos, ait: **304** En vobis certamen, et quidem maximum propositum est. Duorum enim alterum vobis continget, nempe ut vel doctrina nostra confirmata, errorisque convicto Barlaamo ipsiusque sociis, maximam gloriam et honorem tum a nobis tum a senatu consequamini, ac vitricibus coronis ornemini; vel fracti ac superati, cum omni ignominia gravissimam mortem oppetatis, atque omnes vestræ facultates populo addicantur, quo memoria vestra prorsus a terra deleatur. Nam et corpora vestra bestiis devoranda objiciam, et liberos vestros perpetua servitute multabo.

Hac oratione a rege habita, ipsius filius his verbis usus est: Æquam sententiam hodierno die tulisti, o rex, eamque velim Deus confirmet; atque ego eadem magistro meo dico. Conversusque ad Nachorem, qui Barlaam esse putabatur, ad eum ait: Non te fugit, o Barlaam, in qua gloria quibusque deliciis me inveneris. Tu tamen permultis sermonibus me adduxisti ut a patriis legibus et institutis abscederem, atque ignotum Deum colerem. arcanorum quorundam videlicet ac sempiternorum bonorum spe mentem meam ad sequenda tua dogmata, et exacerbandum patris mei ac domini animum me pertrahens. Quocirca ita existima, te nunc velut in trutina stare. Nam si ex proposito certamine superior discesseris, eam scilicet quam mihi tradidisti doctrinam veram esse demonstrans, atque eos qui hodierna die nobis adversantur, in errore versari ostendens, tu quidem majorem quam ullus unquam habuerit, gloriam referes, ac veritatis præco vocaberis; atque ego in tua doctrina perstabo, Christumque, quemadmodum prædicasti, ad extremum usque spiritum colam. Sin autem, sive dolo, sive serio ac vere superatus, ignominiam mihi conflaveris, contumeliam meam

statim ulciscar. Etenim meismet manibus cor tuum A ac linguam evellam, eaque cum reliquo tuo corpore canibus in prædam dabo, ut tuo exemplo omnes regum filiis imposturam minime facere condiscant.

His verbis auditis, Nachor ingentem tristitiam ac mœrorem concepit, ut qui seipsum in foveam quam fecerat incidere, ac laqueo quem absconderat implicari, suoque gladio se confodi perspiceret. Cum igitur rem secum reputasset, ad filii regis partes, ut impendens vitæ discrimen effugeret, sese potius adjungere, ipsiusque dogmata confirmare statuit, quod videlicet ille optimo jure supplicio eum afficere posset, si quidem ipsius animum offendisset. At id totum divinæ providentiæ erat, quæ religionis nostræ decreta sapienter per adversarios confirmabat. Nam cum idolorum antistites et Nachor sermones conserere inciperent, ut Barlaam ille, cum sub Balaac Israelem quondam execrari ac diris devovere constituisset, multis tamen eum ac variis benedictionibus cumulavit (*Num.* xxii), ad eundem etiam modum Nachor insipientibus ac stolidis sapientibus vehementer oblucebatur. Cum enim rex in throno sederet, atque ipsius filius, uti jam a nobis dictum est, ipsi assideret, eique etiam stulti rhetores astarent, qui ut gladium linguas suas ad opprimendam et everendam veritatem acuerant (*Psal.* lxxiii), quique, ut cum Isaia loquar, laborem parturiunt, et iniquitatem pariunt (*Isaiæ* lix), plebis etiam ad certaminis spectaculum innumerabilis multitudo confluxisset, ut utra pars victoriam adipisceretur cognosceret, rhetorum unus, qui omnibus doctrina præstabat, ad Nachorem dixit: Tune es ille usque adeo audax, atque in deos nostros contumeliosus Barlaam, qui charissimum regis filium in ejusmodi errorem conjecisti. eumque crucifixum colere docuisti? Respondit Nachor: Sane, ego sum Barlaam, qui deos tuos, quemadmodum dixisti, nihili pendo, quique regis filium non in errorem conjeci, sed errore liberavi, atque ad verum Deum adjunxi. Tum rhetor ille ad hunc modum locutus est: Quoniam magni et eximii viri, a quibus omnis sapientia et scientia inventa est, sublimes deos atque immortales eos nuncupent, omnesque orbis terræ reges et illustres viri ipsos colant ac venerentur, quonam modo ipse linguam adversus eos acuis, atque omnino eo audaciæ prorumpis, ut hæc D proferas? Quonam item argumento probas eos deos non esse, sed eum qui cruci affixus est? Excipiens autem sermonem Nachor, rhetorem quidem illum nullo responso dignatus est; verum cum plebi silentium manu indixisset, atque os suum, tanquam illa asina Balaam, aperuisset, ea quæ dicere minime instituerat prolucutus est, aitque ad regem: Ego, rex, Dei providentia in mundum veni; conspectoque cælo, terra, mari, sole, ac luna, reliquisque ejusmodi rebus, earum ornatum admiratus sum. Mundum autem, eaque omnia quæ ipsius complexu continentur, necessario moveri conspiciens, eum a quo movetur et conservatur Deum esse intellexi. Etenim

quidquid movet eo quod movetur fortius est; et quod continet atque conservat fortius est eo quod continetur et conservatur. Quocirca ipsum Deum esse dico qui omnia 305 procreavit atque conservat, quique principiis expers est, et sempiternus et immortalis, et nulla re indigens, omnibusque perturbationibus ac defectibus sublimior, hoc est ira et oblivione atque ignorantia, reliquisque omnibus rebus generis ejusdem. Per ipsum autem omnia coagmentata et concreta sunt (*Psal.* xv). Nec vero sacrificiis aut libaminibus, aut ulla alia re in aspectum cadente opus habet (*Act.* xvii), verum contra omnes eo opus habent.

CAP. XXVII. — His ita de Deo commemoratis, quemadmodum ipsius beneficio mihi de ipso loqui concessum est, ad humanum genus veniamus, ut quinam ipsorum veritatis, quinam erroris participes sint conspiciamus. Illud enim, o rex, inter nos constat, tria in mundo hominum genera esse, nimirum eos qui apud vos deorum cultores dicuntur, et Judæos, et Christianos. Ac rursum eorum qui multos deos colunt triplex genus esse, nempe Chaldæos, Græcos et Ægyptios. Nam hi reliquis nationibus plurimum deorum cultus et adorationis duces ac magistri fuerunt. Quocirca quinam ipsorum in veritate, quinam in errore versentur, videamus. Ac Chaldæi quidem Deum ignorantes, post elementa aberraverunt, resque conditas Creatoris loco colere cœperunt: quarum etiam cum formas quasdam effecissent, eas cœli, et terræ, et maris, et solis, ac lunæ, reliquorumque elementorum et siderum figuram appellarunt, easque res in templis conclusas adorant, ac deos appellant. Quos etiam diligenter ac studiose servant ne a furibus subripiantur. Nec illud ipsis in mentem venit, quidquid servat eo quod servatur majus esse, et item eum qui aliquid efficit eo quod efficitur præstantiorem esse. Nam si ipsorum dii ea imbecillitate sunt, ut saluti suæ consulere nequeant, quonam tandem pacto aliis salutem afferent? Itaque magno errore Chaldæi lapsi sunt, mortuas et utilitatis expertes statuas venerantes. Atque etiam mihi mirari subit, o rex, quonam modo ii qui apud eos philosophorum nomen obtinent, illud haudquaquam animadvertent, elementa quoque interitui obnoxia esse. Quod si elementa interitui omnino obnoxia ac subjecta sunt, qui tandem dii esse queant? Quod si elementa dii non sint, quonam modo statuz, quæ eorum nomine construuntur, dii erunt?

Ad ipsa igitur elementa, o rex, accedamus, ut ea deos non esse demonstremus, sed corruptioni ac mutationi subjecta, atque ex nihilo in ortum veri Dei jussu producta esse, qui quidem corruptionis et imutationis expers est, et invisibilis, contraque ipse omnia cernit, et arbitrato suo immutat atque convertit. Quid igitur de elementis dico?

Qui cælum deum esse arbitrantur, errant. Nam ipsum converti, ac necessario moveri, atque ex multis rebus constare videmus; propterea enim 306 id est mundus appellatur. Mundus porro artificis cu-

justam constructio est. Quod autem constructum A est, principium ac finem habet. At cœlum una cum sideribus suis necessario movetur; siquidem astra certo ordine ac spatio impulsa, a puncto in punctum, partim occidunt, partim exoriuntur, certisque temporum spatiis iter suum obeunt, ut æstates et hiemes, quemadmodum ipsis a Deo imperatum est, efficiant. Nec leges sibi juxta inevitabilem naturæ necessitatem constitutas cum cœlesti ornatu infringunt. Ex quo perspicuum est, cœlum non deum, sed Dei opus esse.

Qui autem terram deam esse censent, errant. Videmus enim eam ab hominibus injuria affici, et eorum imperio subjectam esse, effodi etiam et contaminari, atque inutilem fieri. Nam si igne torceatur, emoritur, siquidem ex testa nihil oriri potest. Ac præterea si imbribus nimium perfundatur, tum ipsa, tum ipsius fructus corrumpuntur. Quin ab hominibus reliquisque animantibus proculcatur, interfectorum sanguine inquinatur, effoditur, completur, cadaverum theca efficitur. Quæ cum ita sint, fieri non potest ut terra dea sit, sed res a Deo ad hominum usum effecta.

Eodem modo, qui aquam deam esse putant, errant. Nam ea quoque ad hominum usum procreata est, eorumque dominationi subest. Contaminatur etiam et labefactatur, et cum igne coacta est, immutatur: alios atque alios subinde colores sumit, utpote quæ et frigore concreseat, et ex cruore spurcitiem contrahat, et ad impurarum omnium rerum ablutionem adhibeatur. Ex quo liquido constat aquam deam esse non posse, sed Dei opus.

Jam vero qui ignem deum esse arbitrantur, ipsi quoque errant. Etenim ignis ad hominum usum creatus est, ipsorumque dominationi subest, et ab ipsis ad omnis generis carnes, partim elixandas, partim assandas, atque etiam ad mortua corpora concremanda, e loco in locum circumfertur; atque insuper multis modis corrumpitur, et ab hominibus extinguitur; ac proinde ignis deus esse non potest, sed Dei opus.

Ad eundem etiam modum qui ventorum flatum deum esse existimant, errant. Perspicuum enim est ventum alteri inservire, 306 atque hominum causa ad transvehendas naves ac frumenta comportanda, reliquosque ipsorum usus a Deo conditum esse. Huc accedit, quod pro Dei jussu atque imperio tum augetur tum imminuitur. Quare fieri non potest ut ventus Deus sit, verum Dei opus.

Porro qui solem deum esse putant, ipsi quoque errant. Siquidem eum necessario moveri perspicimus, atque a puncto in punctum migrare et commutari, et occidere et exoriri, ut ad hominum utilitatem stipites et plantas calore afficiat, atque insuper eum divisionem cum reliquis sideribus habere, ac multis partibus cœlo minorem esse, luceque interdum defici, nec ullum imperium et principatum obtinere. Ex quo illud planum est fieri non posse ut sol deus sit, sed Dei opus.

Consimili etiam modo ii qui lunam deam esse opinantur, errant. Nam ipsam necessario moveri et immutari videmus, atque a puncto in punctum migrare, et ad hominum utilitatem nunc exoriri, nunc occidere, ac sole minorem esse; augeri etiam atque imminui, ac deliquia interdum pati. Quare fieri non potest ut luna dea sit, verum Dei opus.

Denique qui hominem deum esse arbitrantur errant. Nam eum necessario moveri, et ali, et invitum etiam senescere videmus, atque interdum delectari, interdum mœrore affici, ciboque ac potu et veste indigere. Iracundum etiam atque invidum esse, et libidine incitari, et pœnitentia duci, ac multis defectibus laborare. Verum multis etiam modis corrumpitur, nimirum ab elementis, et animantibus, ac postremo a morte ipsi imminente. Ex quo efficitur ut homo deus esse nequeat, sed Dei opus. Quocirca ingenti errore Chaldæi lapsi sunt, dum opinionum suarum commenta sequuntur. Elementa enim, in quæ interitus cadit, ac mortuas statuas venerantur, nec se in deorum numerum ea referre sentiunt.

Ad Græcos jam veniamus, ut si quid forte de Deo recte sentiant videamus. Græci igitur sapientiæ laudem sibi arrogantes, stultiore etiam Chaldæis se præbuerunt, complures videlicet deos inducentes, partim masculos, partim feminas, vitiosarum omnis generis affectionum, ac scelerum architectos. Etenim ridicula, et stulta, et impia, orex, Græci induxerunt, eos qui non sunt juxta perversas suas cupiditates deos appellantes, ut nimirum eos vitii patronos ac defensores habentes, adulteria perpetrent, rapiant, trucidant, atque atrocissima quæque scelera committant. Nam cum ipsorum dii hujusmodi flagitia designarint, quonam pacto ipsi quoque non eadem perpetrabunt? Ex his igitur erroris studiis et institutis, hominibus bella et cædes, atque acerbas captivitates crebro experiri contigit. Quin etiam, si de ipsorum diis sigillatim verba facere velimus, ingentem absurditatem perspecturus es.

Siquidem Saturnum ipsi ante omnes deum inducunt, eique filios suos mactant. Qui quidem ex Rhea multos filios habuit, quos etiam ipse furore percitus devorabat. Aiunt autem Jovem ipsi genitale membrum abscidisse, atque in mare projecisse, ex quo Venerem ortam esse fabulantur. Jupiter autem patrem suum vinculis constrictum, in tartarum præcipitem dedit. Vides errorem ac libidinem, quam adversus deum suum invehunt. Non enim fieri potest ut deus catenis vinciat, ipsique genitales partes amputentur? O singularem amentiam! Quis mente præditus hæc dixerit?

Secundus Jupiter inducitur, quem in omnes deos suos regnum tenere aiunt, atque in varias animantium figuras immutari, ut mortalibus mulieribus stuprum inferat. Etenim eum in taurum sese immutasse tradunt, ut Europa potiretur; in aurum, ut Danae; in cygnum, ut Leda; in satyrum, ut Antiope; in fulmen, ut Semela. Ac postea multos ex iis filios exstitisse, Bacchum scilicet, Zethum, Am-

phionem, Herculem, Apollinem, Dianam, Perseum, Castorem et Pollucem, Helenam, Minoem, Rhadamantum, Sarpedonem, et novem item filias, quas Musas nuncupant.

Ac demum de Ganymede sermonem inducunt. Hinc itaque, o rex, hominibus contigit, ut ad dei sui imitationem hæc omnia imitentur, atque adulteri essent, et insano masculorum amore tenerentur, et alia horrenda flagitia perpetrarent. Quoniam igitur modo fieri potest ut Deus adulter sit, aut pædico, aut parricida?

Quin Vulcanum etiam quemdam deum esse tradunt, eumque claudum, malleumque ac forcipem tenentem, et ferariæ arti victus causa operam dantem. Ergo rerum penuria laborabat. Atqui a Deo abhorret, claudum esse, atque hominum ope indigere.

Ad hæc Mercurium etiam nobis deum inducunt, qui cupidus sit, et fur, et avarus, et magus, et versipellis, ac sermonum interpres. Quod quidem item in Dei naturam minime cadit.

Æsculapium insuper in deorum numero habent, qui medicus erat, et pharmaca conficiebat, atque emplastra, victus parandi causa (nam in egestate versabatur) componebat, post autem eum propter Tyndarei Lacedæmonii filium a Jove fulmine percussum interiisse narrant. Quod si Æsculapius, cum deus esset, ac fulmine percuteretur, sibi ipsi opitulari nequivit, qui tandem aliis opem ferre poterit?

Mars etiam ab iis deus belli studiosus et iracundus, ac pecudum aliarumque rerum cupidus inducitur. Quem item postea, cum Venerem constupraret, a puero Cupidine ac Vulcano vinculis astrictum fuisse dicunt. Qui igitur Deus is esse queat, qui cupiditate flagrat, ac bellis delectatur, adulteriumque perpetrat, ac vinculis constringitur?

Rursum autem Bacchum inter deos numerant, nocturna festa celebrantem, temulentiae magistrum, aliorumque uxores abstrahentem, furore æstuantem, fugientem, ac postremo a Titanibus obruncatum. Quod si Bacchus cum interimeretur, sibi ipsi opitulari non potuit, verum et furore præceps agebatur, et ebrietati studebat, et profugiebat, quonam pacto deus esse queat?

Tum autem Herculem inducunt, qui se vino obruat, atque in furem ruat, suosque filios jugulet, ac deinde flammis absumptus intereat. Qui autem Deus esse is queat, qui se vino obruit, ac liberos suos obruncat, ignisque ardore conflagrat? Aut quo tandem modo aliis auxilio esse poterit, qui sibi auxilium afferre non potuit?

Præterea Apollinem inducunt, invidia laborantem, atque arcum et pharetram. ac nonnunquam etiam citharam et tibiam tenentem, hominibusque quæstus causa vaticinia edentem. Egebat igitur. Atqui fieri non potest ut Deus egeat et invideat, et citharædus sit.

Eodem etiam modo Dianam ipsius sororem inducunt, venationi studentem, atque arcum et phare-

trasm habentem, solamque cum canibus vagantem, ut cervum aut aprum intercipiat. Quonam igitur modo dea erit venatrix mulier, et cum canibus oberans?

Postremo Venerem etiam deam esse adulteram dicunt. Aliquando enim cum Marte concubuit, aliquando cum Anchise, aliquando cum Adonide, cujus etiam mortem deplorat, amasium suum requirens. Quin etiam eam ad inferos descendisse aiunt, ut Adonidem a Proserpina redimeret. Vidistine unquam, o rex, dementiam hac majorem? deam nimirum inducere, quæ adulterii crimine se obstringat, et ploret ac lamentetur.

Adonidem autem etiam deum venatorem inducunt, eumque ab apro percussum violenta morte interiisse aiunt, nec in hujusmodi calamitate opem sibi ipsi afferre potuisse. Quonam itaque pacto hominum curam geret adulter et venator, quique violenta morte interiit?

Hæc omnia ac multa alia ejusmodi adhuc sceleriora et sceleratiora, o rex, de diis suis Græci inducunt, quæ nec dicere, nec memoria ullo modo usurpare fas est. Unde homines a diis suis occasionem arripientes, omne sceleris et libidinis atque impietatis genus perpetrarunt, horrendis flagitiis suis terram et aerem contaminantes.

Ægyptii autem eos stultitia et stoliditate superantes, gravius quam ullæ aliæ nationes aberrarunt. Neque enim Græcorum deos venerari satis habuerunt; verum insuper bruta animantia, tam terrestria quam in aquis degentia, tam stirpes quam plantas in deorum numero habuerunt, atque omni insanie ac libidinis genere gravius quam ullæ terræ nationes sese conspurcarunt. Antiquitus enim Isidem colebant, virum simul ac fratrem Osiridem habentem, qui a fratre suo Typhone obruncatus est. Eaque de causa Isis cum filio suo Oro in Byblum Syriæ fugit, Osiridem quærens, atque acerbè lamentans, quoad tandem Orus crevisset, ac Typhonem de medio sustulisset. Ergo nec Isis fratri suo ac viro supplicat ferre potuit, nec Osiris, cum a Typhone trucidaretur, sibi ipsi auxilio esse potuit, nec denique Typhon fratricida, cum ei ab Oro et Iside exitium afferretur, seipsum a morte vindicare. Et tamen cum hi ob hujusmodi calamitates ad hominum notitiam pervenissent, a stultis Ægyptiis dii habiti sunt.

Quin neque his aut reliquis gentium numinibus contenti, bruta enim animantia invexerunt. Nonnulli etenim ipsorum ovem, alii hircum, alii vitulum et suem, alii corvum et accipitrem, alii vulturem et aquilam, alii crocodilum; quidam felem, et canem, et lupum, et simiam, et draconem, et aspidem; alii cepas, et alia, et spinas, cæterasque res conditas coluerunt. Nec homines miseri nihil omnino virium his omnibus rebus inesse sentiunt. Nam cum deos suos ab aliis hominibus et comedi, et igne cremari, et jugulari atque corrumpi videant, non tamen proinde eos deos non esse intellexerunt.

Quocirca magno errore tum Ægyptii, tum Chal-

dæi, tum græci lapsi sunt. deos hujusmodi inducentes, atque ipsorum statuas efficientes, surdaque et sensus expertia simulacra **308** pro diis habentes. Ac demiror quo pacto, cum deos suos ab artificibus secari, et dolari, ac truncari, atque temporis longinquitate inveterascere et immutari, atque igne conflari cernerent, hinc eos minime deos esse non animadvertent. Nam qui in suæ salutis negotio nullam vim habent, quonam tandem modo hominum salutem consulent? At vero poetæ ipsorum, et philosophi tam Chaldæorum quam Ægyptiorum, cum versibus suis ac litterarum monumentis deos suos exornare studuerunt, eorum ignominiam magis detexerunt, nudamque omnium oculis proposuerunt. Nam cum hominis corpus, quamvis alicui multis partibus constet, nullum tamen membrorum suorum abjicit, verum firmissimam cum ipsis omnibus conjunctionem habens, secum ipsum concordat, qui tandem in Dei natura tanta pugna et discordia futura est? Nam si una deorum natura esset, deus deum insectari, aut obtruncare, aut malo aliquo mulctare minime debebat. Quod si dii a diis vexati, et interempti, et spoliati, ac fulmine percussi sunt, non jam una eorum natura est, sed distinctæ voluntates atque omnes exitiosæ ac pestiferæ.

Ex quo concludendum est neminem eorum deum esse. Perspicuum est igitur, o rex, omnem eorum de deorum natura disputationem erroris plenam esse. Quonam autem pacto ii qui apud Græcos sapientiæ atque doctrinæ fama floruerunt, illud minime intellexerunt, eos qui leges tulerunt suismet legibus judicari? Nam si leges justæ sunt, iniusti omnino ipsorum dii sunt, qui contra legum præscripta mutuo sese interfecerint, atque in veneficia, et adulteria, et furta, et præposteræ libidines prouerint. Sin autem recte fecerunt, leges certe iniquæ sunt, utpote adversus deos constitutæ. Nunc autem leges præclaræ ac justæ sunt, ut quæ et virtutes laudent, et vitia prohibeant; deorum autem, quos ipsi colunt, iniqua sunt opera: quare iniquitiam ipsorum dii sunt omnesque impii ac morte multandi, qui ejusmodi deos inducunt. Nam si ea quæ de ipsis litterarum monumentis prodita sunt, ficta et fabulosa sunt, nihil aliud sunt quam meri sermones; si autem naturalia, non jam dii sunt qui hæc fecerunt ac perpassi sunt; quod si allegorico sensu ea dicuntur, fabulæ sunt, ac nihil præterea. Demonstratum est itaque, o rex, hos omnes cultus, qui multis diis tribuuntur, erroris atque exitii opera esse (neque enim deos appellare convenit qui videntur ac non vident; verum eum qui cum ipse cerni nequeat, omnia cernit), Deumque qui omnia condidit, colendum esse.

Veniamus igitur, o rex, etiam ad Judæos, ut quidnam ipsi quoque de Deo sentiant videamus. Nam ipsi ab Abraham. Isaac et Jacob oriundi, Ægyptum incoluerunt. Illinc autem Deus eos in manu potenti et brachio excelso, per Moysen ipsorum legislatorem eduxit, ac per multa prodigia et signa suam ipsis potentiam declaravit. Verum ipsi quoque perfidos

PATROL. LXXIII.

atque ingratos sese præbentes, gentium deos sæpe numero adorarunt, prophetasque ad se missos ac justos viros morte affecerunt. Ac deinde, posteaquam ita Dei voluntas tulit, ut Filius suus in terram veniret, eum contumelia affectum, Pontio Pilato Romanorum duci tradiderunt, crucisque supplicio condemnarunt, nulla videlicet ipsius beneficiorum atque innumerabilium miraculorum, quæ inter ipsos designarat, habita ratione, suoque scelere perierunt. Nam nunc quoque solum quidem omnipotentem Deum colunt, sed non secundum scientiam, siquidem Christum filium Dei negant (*Rom. x*), gentilibusque similes sunt, etiamsi ad veritatem, a qua procul se removerunt, propius aliquanto accedere videantur. Ac de Judæis hactenus.

B At Christiani a Domino nostro Jesu Christo doctrinæ suæ originem ducunt. Hic autem Dei altissimi Filius in Spiritu sancto creditur. Qui quidem humanæ salutis causa de cælo descendit, atque ex sancta Virgine genitus est, ac sine semine et correptione carnem suscepit, hominibusque apparuit, ut eos a falso multorum deorum cultu revocaret. Atque admiranda incarnationis suæ dispensatione perfunctus mortem sponte, atque ingenti quodam consilio, per crucem degustavit. Triduo autem post resurrexit, atque in cælos ascendit. Cujus præsentis gloriæ ex Scriptura, quæ apud eos Evangelica vocatur, si eam legere in animum induxeris, perspicere licet, o rex. Hic duodecim discipulos habuit, qui post ipsius in cælum ascensum in orbis terræ provincias exierunt, ipsiusque augustam amplitudinem promulgarunt: quemadmodum etiam unus ex ipsis regiones nostras peragravit, ut veritatis dogmata prædicaret (*Supra c. 1*); unde etiamnum ii qui prædicationis eorum justitiæ administram operam navant, Christiani appellantur. Atque hi sunt qui veritatem supra omnes terræ nationes invenerunt. Siquidem Deum rerum omnium conditorem atque architectum in Filio unigenito et Spiritu sancto agnoscunt, nec præter eum ullum alium Deum venerantur. Habent autem Domini Jesu Christi **309** mandata cordibus suis insculpta, eaque custodiunt, mortuorum resurrectionem ac futuri sæculi vitam expectantes. Non adulterii, non fornicationis crimine sese devinciunt, non falsum testimonium dicunt, aliena non concupiscunt, patri et matri honorem tribuunt, proximos amant, justum judicium ferunt: quæ sibi ipsis fieri nolunt, aliis non faciunt; eos a quibus læduntur obsecrant, ac sibi eorum amicitiam conciliant. Inimicos beneficiis afficere student, lenes et faciles se præbent, ab omni iniquo concubitu atque ab omni impuritate abstinent, viduam non contemnunt, pupillo mærorem non inferunt, qui habet non habenti prolixè subministrat. Peregrinum si viderint, tecto admittunt, ejusque non secus ac veri et germani fratris adventu delectantur. Non enim carnis, sed animi ratione fratres se vocant. Vitam suam Christi causa profunderè parati sunt: nam ipsius præcepta firme observant, sancte videlicet ac juste, quemadmodum

48

Dominus Deus ipsis imperavit, viventes: gratias ipsi A omni hora in omni cibo et potu, ac reliquis bonis agentes (*Ephes. v*). Vere enim hæc veritatis via est, quæ quidem eos qui eam ingrediuntur, ad sempiternum regnum, quod a Christo in futura vita promissum est, tanquam porrecta manu ducit.

Atque ut intelligas, o rex, me hæc ex cerebro meo minime fingere, si ad Christianorum Scripturas oculos adjeceris, me nihil a veritate alienum loqui reperies. Quare præclare filius tuus intellexit, optimoque jure Deo vivo cultum adhibere didicit, ut in futuro ævo salutem obtineat. Magna etenim atque admiranda sunt quæ a Christianis tum dicuntur tum geruntur. Neque enim hominum, sed Dei verba proloquuntur, reliquæ autem nationes errant, ac sibi ipsis imposturam faciunt, siquidem in tenebris ambulantes, ebriorum instar in seipsos impingunt. Atque hic sit, o rex, meæ ad te orationis finis, quam quidem veritas in mente mea dictavit. Desinant itaque væcordes tui sapientes adversus Dominum nugari. Nam vobis Deum creatorem venerari, atque ipsius verbis ab interitu alienis aurem accommodare expedit, ut condemnationem ac supplicium effugientes, vitam interitus expertem hæreditario possideatis.

CAP. XXVIII. — Hæc posteaquam a Nachore commemorata sunt, rex iracundia æstuabat; rhetores autem ipsius et sacerdotes muti stabant, ut qui nihil contra, præter infirmos quosdam ac nullius momenti sermunculos, afferre possent. At vero regis filius spiritu exsultabat, atque hilari vultu Dominum celebrabat, qui iis quorum fiducia in ipso posita est, C in rebus perplexis et impeditis exitum dat, quique etiam per inimicum et hostem veritatem confirmabat, efficiebatque ut et qui erroris antesignatus erat rectæ doctrinæ patronum se præberet.

Rex porro, quamvis alioqui Nachori vehementer irasceretur, nullo tamen eum malo afficere potuit, propterea quod lege coram omnibus ante promulgata, ei pro Christianis libere verba facere permisisset. Cæterum ipse ~~persepe~~ sermonibus ipsius oblectans, eum per signa quædam admonebat, ut illam pugnandi acrimoniam remitteret, atque rhetorum disputationi manus daret. At ille vehementius invalescebat, omnes ipsarum propositiones atque argumenta refutans, errorisque, quo tenebantur, D fraudem ac fallaciam detegens. Cum autem pene ad vesperam usque disputatio producta fuisset, rex concionem solvi jussit, tanquam scilicet postridie rursum de hac re agitari vellet.

Josaphat autem regem ita est allocutus: Ut primo iuste omnia geri jussisti, o rex, ita justitiæ quoque finem impone, duorum alterum faciens, nempe ut vel magistrum meum hac nocte tecum manere permittas, ut de his rebus de quibus crastina die cum iis qui nos bello lacescent verba facienda sunt una dispiciamus, ac tu item tuos assumens, arbitrato tuo cum illis ea quæ in rem futura videbuntur mediteris; aut tuos mihi hoc nocte concedens, meum accipe. Quod si utriusque apud te sint, meus nimirum in afflictione et

metu, tui autem in lætitia et animi remissione, æquum mihi iudicium istud esse non videtur, sed principatus licentia, et pactorum violatio. Rex itaque hujus orationis lepore victus, assumptis sapientibus et sacerdotibus suis, Nachorem filio concessit, hac nimirum spe fretus, fore ut ea quæ pollicitus fuerat præstaret.

Regis itaque filius in palatium suum proficiscitur non secus atque Olympicus quidam victor, superatis adversariis, secum Nachorem habens. Quem cum, remotis arbitris, accivisset, his ad eum verbis usus est: Ne me, qui sis, ignorare existimes. Certissimum enim habeo te divinissimum Barlaam haud quaquam esse, verum Nachorem astrologum. Ac miror quid vobis in mentem venerit, ut hujusmodi B fabulam fingeretis, atque hoc vobis persuaderetis, vos eas clarissima die oculis meis tenebras objecturos esse ut pro ove lupum acciperem. Verum non abs re proverbio fertur, Cor stulti vana cogitare. Atque hæc quidem cogitatio et consilium vestrum rancidum sane ac prorsus stolidum erat, opus autem quod ipse egisti, omni prudentia et sagacitate plenum est, 310 ac propterea gaude, Nachor, et exulta.

Multas enim tibi hoc nomine gratias habeo, quod veritatis patrocinium hodierno die suscepisti, nec sceleratis verbis ac versuta simulatione labia tua contaminasti; quin potius ea multis sordibus expurgasti, falsorum nimirum deorum errore confutato, atque Christianorum dogmatum veritate confirmata. Ego vero duplici de causa, ut te mecum adducerem, C operam dedi; altera, ne te rex privatim tenens, supplicio afficeret, propterea quod non ea es locutus quæ ipsi grata essent; altera ut hodierno tuo beneficio gratiam tibi rependam. Quonam autem tandem pacto istud? Nimirum te admonens, ut a prava et periculosa hac via, quam ad hunc usque diem tenuisti, deflecta, ac rectam et salutarem semitam ingrediaris: quam quidem non ignorans, sed sponte malum amplectens, effugisti, in iniquitatis barathra et præcipitia te ipsum impellens. Intellige itaque, o Nachor, cum prudens et sagax sis, ac Christum solum et vitam apud ipsum abstrusam elucrari stude, fluxis his et caducis contemptis ac pro nihilo habitis. Non enim in æternum vives; sed, cum mortalis sis, D jam jamque hinc habiturus es, quemadmodum et omnes, qui ante te exstiterunt. Atque, o te miserum! si, ubi justum iudicium, ac justa operum merces est, gravem peccati sarcinam tecum ferens abeas, nec eam prius abjeceris, cum abjicere proclive sit.

Nachor itaque ob hujusmodi sermones animo compunctus, his verbis usus est: Recte dixisti, o rex, recte inquam. Nam ipse quoque verum et ab omni mendacio alienum Deum, per quem omnia facta sunt, novi; atque item futurum iudicium scio, ex multis videlicet Scripturæ sacræ verbis id edoctus, verum improba consuetudo, atque antiqui supplantatoris versutia cordis mei oculos cæcavit, densasque animo meo tenebras offudit. Nunc autem ad verbum tuum abjecto tenebroso velamine, ad vultum tuum

lucem accurram: fortasse enim mei miserelitur, A pœnitentiæque janua mihi improbo ac rebeli servo aperiet. Quanquam mihi fieri non posse videtur ut peccatorum meorum, quæ arena graviora sunt, et eorum quæ tum sciens tum ignorans perpetravi, veniam obtineam.

Hac oratione audita, regis filius statim exsurgit, atque animo incalescit, animumque Nachoris ad desperationem propendentem recuperare atque erigere incipit. Nulla enim, o Nachor, inquit, nulla de hac re dubitatio animum tuum subeat. Scriptum est enim (Joan. viii) posse Deum etiam ex his lapidibus excitare filios Abraham. Quod quidem, ut aiebat pater Barlaam, quid aliud est, quam quod homines deploratæ improbitatis atque omni iniquitatis genere contaminati salutem consequi possint, Christique filii effici, qui pro sua summa et incredibili humanitate omnibus sese ad meliorem frugem recipientibus cœlestes portas patefecit? Neque enim cuiquam omnino salutis aditum præclusit, verum eos quos scelerum pœnitent misericordi animo suscipit; obeamque causam iis qui hora prima, et tertia, et sexta, et nona, et undecima ad vineam accesserunt, æqua merces attribuitur, quemadmodum Evangelicis scriptis proditum est (Matth. xx). Ac proinde etiamsi ad hunc usque diem in peccatis consenueris, tamen si ferventi animo accedas, eadem quæ ii qui ab adolescentia certamen subierunt præmia consequeris. Hæc et multa alia cum divinissimus juvenis ad Nachorem in malis inveteratum de pœnitentia locutus fuisset, ipsique veniam spondidisset, Christumque facilem ac propitium ipsi fore promisisset, illudque pro certo affirmasset, eum pro sua bonitate semper peccatoris pœnitentiam suscipere paratum esse, ægram ipsius animam, tanquam medicamentis quibusdam emolliens, ipsum prorsus in sanitatem asseruit.

Statim enim ad eum Nachor dixit: Tu quidem, o animo etiam quam corpore nobilior, qui admirabilibus his mysteriis præclare imbutus es, ad extremum usque in præclara confessione velim maneat, nec eam aut ullum tempus, aut ullus modus e tuo pectore evellat. Ego autem hac ipsa hora proficiscar, ut salutem meam quæram, mihi que Deum, quem ad iram provocavi, per pœnitentiam propitium ac facilem reddam. Non enim posthac, nisi tibi aliter videatur, regis faciem conspiciam. Ingenti autem animi lætitia effectus regis filius, atque hunc sermonem libenter excipiens, ipsum complectitur et exosculatur, attentisque ad Deum fuis precibus, eum e palatio emittit.

Egressus autem Nachor, animo compunctus in densissimam solitudinem cervi instar prosiliit, atque in monachi cujusdam, qui sacerdotii dignitate ornatus erat, speluncam se confert in qua ille propter imminentem metum delitescerebat. Atque ante ipsum ferventissimo pectore hami sese provolvit, ipsiusque pedes, instar videlicet veteris illius meretricis (Lucæ vii) perfundit, ac divinum baptismum

exposcit. Sacerdos itaque, utpote divina gratia plenus, ingentem animo voluptatem cepit, eumque confestim, ut mos ferebat, per dies haud paucos Christianæ fide rudimentis institutum, divino baptismate perficit in nomine Patris et Filii et Spiritus sancti (Marc. ult.). Mansit autem cum illo Nachor, perpetua ob ea peccata quæ perpetrarat pœnitentia ductus, Deumque benedicens, qui neminem perire vult, verum omnium resipiscentiam exspectat, atque eos qui pœnitentiam agunt humane ac benigne excipit (II Pet. iii; Ezech. xviii).

Rex autem, cum de Nachoris rebus mane certior factus fuisset, ac spe sua excidisset, et præterea sapientes suos ac stolidos oratores nullo negotio superatos fuisse conspexisset, in magna animi anxietate versabatur; eosque, cum graves prius contumelias ac dedecora ipsis intulisset, ac nonnullos etiam bubulis nervis atrocem in modum lacerasset, ipsorumque oculos fuligine illevisset, a se ablegavit. Ipse autem falsorum deorum imbecillitatem damnare incœpit, etiamsi alioqui nondum ad Christi lucem plene ac perfecte oculos conjicere in animum induceret. Etenim densa caliginis nubes ipsi undique affusa cordis ipsius oculos adhuc tenebat. Cæterum non jam sacerdotes suos in honorem habebat; nec festa et libamina simulacris suis peragebat, verum animo in utramque partem vacillabat: hinc nimirum deorum suorum imbecillitatem improbens, illinc autem Evangelicæ vitæ sinceritatem reformidans, pravaque consuetudine ita constrictus, ut ab ea vix avelli posset. Siquidem corporearum voluptatum servituti majorem in modum addictus erat, vitiosisque affectionibus prorsus operam dabat, captivi instar ductus, atque absque vino, ut Isaia verbis utar (Isaiæ li), ebrius, et ab improba consuetudine tanquam freno quodam retractus.

Cum igitur rex cum duplici cogitatione ad hunc modum luctaretur, nobilissimus ipsius filius ac vere regio animo præditus, in suo palatio quietus degebat, naturæ suæ generositatem, modestiamque et constantiam per opera cunctis declarans. Nam theatra et equorum certamina, et venationum exercitationes, et inania omnia juvenilis ætatis studia, et imposturas quibus stulti animi deliniuntur et inescantur, nihili omnino ducebat; verum ex Christi mandatis omnino pendebat, ac divino amore sauciatus, eum expetebat, qui vere expetendus est, totus suavis ac totus desiderabilis (Cant. v), atque hujusmodi, ut sine ulla saturitate exspectatur.

In memoriam autem rediens magistri sui Barlaam, atque ipsius vitam sibi ante oculos proponens, ipsius amore animum suum demulceri sentiebat, ac quonam pacto ipsum videret, summo studio curabat; atque ipsius sermones sine ulla intermissione in corde suo circumferens, erat tanquam arbor secus aquarum decursus plantata, perpetuoque irrigata, ac tempestivos domino fructus afferens. Multas enim animas diaboli laqueis eripuit, Christoque servatas obtulit, siquidem multi ad eum sese conferentes,

salutaribus sermonibus fruebantur. Ex quibus non pauci, fuga relicto errore ad salutarem doctrinam accurrebant. Alii autem, rebus hujus vitæ longum valere jussis, monasticam palæstram capescebant. Ipse autem orationibus et jejuniis operam dabat, identidemque hanc vocem ad Deum mittebat: O Domine mi, o Domine mi ac Rex, cui ego credidi, ad quem ego profugi, atque errore liberatus sum, dignam famulo tuo Barlaamo mercedem repende, pro eo quod mihi oberranti te, qui via, vita et veritas es (*Joan.* xiv), demonstravit. Ac mihi hoc concede, ut rursus illum in corpore angelum, quo mundus dignus non est (*Heb.* xi), conspiciam, atque cum eo quod mihi vitæ superest conficiam, ut vitæ ipsius vestigiis insistens, tibi Deo ac Domino placeam.

CAP. XXIX.— Eo autem tempore publicum falsorum deorum festum in urbe illa erat. Regem porro huic festo interesse ac copiosissimis victimis illud exornare oportebat. Verum cum sacerdotes ipsum in deorum cultu segnem ac tepidum esse conspicerent, id verebantur, ne ad templum venire negligeret, sicque ipsi muneribus iis quæ a rege accipere consueverant, cæterisque preventibus orbarentur. Surgentes itaque, ad speluncam quandam in vastissima solitudine sitam proficiscuntur, in qua vir quidam magicis artibus deditus, atque falsi idolorum cultus acerrimus propugnator habitabat, Theudas nomine, quem etiam rex singulari honore completebatur. charumque magistrum existimabat, ipsius nimirum vaticiniis regnum suum omnium rerum copia florere, atque in dies augeri diceñs. Cum igitur sacerdotum cultores ad ipsum venissent, ejus opem atque auxilium implorabant, eique deorum improbationem in quam rex inciderat exponebant, quæque regis filius fecisset, et quemadmodum Nachor ad ipsius voluntatem atque sententiam concionem habuisset. Ac nisi tu ipse venias, inquebant, nobisque opem offeras, spes omnis extincta est, omnisque deorum cultus ac veneratio periit. Nam tu unicum nobis calamitatis solatium relictus es, atque in te uno spes omnes nostras positas habemus.

Theudas itaque cum satanico eo exercitu quem secum habebat in expeditionem pergit, atque adversus veritatem arma comparat: accitis nimirum multis pravis spiritibus, quos ad res improbas prompte ac libenter auxiliarem manum afferre norat, et quos ipse semper ministros adhibuerat, his comitatus ad regem accedit.

Ut autem ipsius adventus regi nuntiatus est, atque ipse palmarum virgam manu tenens, ovinaque pelle indutus ingressus est, rex e throno suo exsiliit, ipsique obviam prodiit, eumque osculatus est. Cumque cathedram afferri jussisset, ipsum prope se collocavit. Posteaque Theudas his ad regem verbis utitur: Rex, in æternum vive, maximorum deorum favore ac benevolentia septus. Ad me enim allatum est te ingens certamen adversus Galilæos iniisse, ac luculentissimam palmam retulisse. Eoque nomine huc

* Memoriam lapsus est.

veni, ut, ad edendam grati animi significationem, festum una celebremus, atque eleganti forma præditos adolescentes ac formosas puellas diis immortalibus immolemus, taurosque centum, ac plurima alia animalia ipsis offeramus, quo eos quoque in posterum invictos adjutores habeamus, qui nobis universum vitæ curriculum planum et æquabile reddant.

Ad hæc rex: Minime vero, inquit, o senex, vicimus, minime, inquam, vicimus; verum nullo potius negotio victi sumus. Nam qui a nobis stabant, repente adversum nos exstiterunt, ac velut furore et insania laborantem atque imbecillam nostram aciem nacti, prorsus eam fregerunt ac prostraverunt. Nunc autem, si qua tibi facultas et vis suppetit, qua tu humi jacenti religioni nostræ opitulari, eamque

rursum excitare queas, velim exponas. Theudas autem regi ad hunc modum respondit: Galilæorum contentiones atque inanes sermones, o rex, minime pertimesce. Quæ enim sunt ea quæ ab ipsis afferuntur, quantum quidem ad viros ratione ac prudentia præditos attinet? Meo quidem judicio facilius deiciantur, quam folium a vento excussum. Neque enim vel conspectum meum sustinebunt, tantum abest ut sermones conserant, atque ad mecum disputandum pedem conserant. Cæterum, ut et propositum istud certamen, et quidquid aliud in animo habuerimus, recto cursu feratur, resque nobis ex animi sententia succedant, fac publicum hoc festum exornes, deorumque benevolentiam, tanquam firmissima quædam arma induas, ac tum fausta omnia habiturus es. Hæc cum ille jactasset, qui, ut cum Davide loquar, in malitia potens erat, atque iniquitatem tota die meditabatur (*Psal.* li), turbidamque, ut Isaiæ * verbis utar, subversionem amico suo propinabat (*Habac.* ii), improborum spirituum, quos ipse comites habebat, ope atque adjumento perfecit, ut rex cogitationes eas quæ ipsum salutis submonebant prorsus e memoria ejiceret, eisdemque, quibus solebat studiis sedulo hæreret. Ac proinde cum regis litteræ quaquaversum comessent, quibus omnes ad execrandum deorum festum convenire jubebantur, cernere erat ingentem hominum multitudinem confluentem, atque oves et boves, variaque animalia secum adducentem.

Cum igitur omnes coiissent, surgens rex, una cum impostore Theuda ad templum profectus est, ut tauros ac permulta animantia immolarent. Sicque, nefarium et execratione dignum festum celebrabant; adeo ut et brutorum animantium mugitibus tota urbs personaret, et victimarum nidore ipse quoque aer inficeretur. His ad hunc modum confectis, cum improbi spiritus de Theudæ victoria majorem in modum gloriarentur, sacerdotesque gratias ipsi habuissent, rex rursus ad palatium se recepit, atque ad Theudam: En quemadmodum jussisti, nihil omnino studii a me prætermisum est, quod quidem ad festi splendorem, et sacrificiorum magnificentiam pertineret. Jam itaque tempus est ut quæ mihi promisisti

expleas, filiumque meum, qui a religione nostra descendit, a Christianorum errore vindices, ac cum benignis diis in gratiam reducas. Nam ego cum artem omnem adhiberim, atque omnem lapidem moverim, nullam tamen morbi medicinam reperi, sed ipsius mentem omnibus rebus superiore esse perspexi. Nam si blande ac leniter cum eo agere institui, ne sic quidem eum mihi ullo modo animum adjicere comperi. Rursum si severe atque acerbe eum accepi, in pervicaciam potius inde ipsum attolli conspexi. Quamobrem calamitatem eam quæ mihi accidit, sapientiæ tuæ committo. Ac siquidem ea ope tua et auxilio liberatus, filium meum mecum rursus deos meos colentem, atque voluptuariæ hujus vitæ cupiditatibus ac regni voluptatibus fruentem video, auream tibi statuam erigam, efficiamque ut posthac in sempiternum idein tibi diis honor a cunctis tribuatur.

Theudas igitur attentam aurem diaboli subjiens, atque ab illo improbum ac pestiferum consilium edoctus ipsique linguæ atque oris operam navans, ad regem ait: Si filium tuum in potestatem tuam redigere, ipsiusque in pugnando pervicaciam inanem reddere cupis, ars a me excogitata est, cui oblectari nullo modo poterit, verum durus ipsius animus facilius emollietur, quam cera ingenti rogo admota. Rex itaque vanum hominem inani tumore inflatum fidens, ad voluptatem statim animique lætitiæ sese convertit, sperans videlicet, petulantem illam et audacem linguam animum divinitus edoctum ac philosophiæ plenum superaturam esse. Cumque quænam illa ars esset ex eo sciscitaretur, tum Theudas, tamquam novacula acuta dolum contexit (*Psal. LXXII*), callideque pharmaca comparat. Atque improbam technam, diabolique consilium, quæso, perspice. Omnibus, inquit, o rex, qui filio astant atque inserviunt, ab eo procul disjunctis, pulchra et perquam eleganti forma præditas mulieres, atque ad pelliciendos animos adornatas, cum eo perpetuo versari, ipsique ministrare, vitæque consuetudinem et contubernium cum eo habere jube. Ego autem uno ex iis spiritibus, quos ad res hujusmodi comparavi, ad eum postea submisso, acriorem voluptatis ignem excitabo. Ac simul atque vel cum una sola hujusmodi muliercula rem habuerit, nisi tibi omnia ex animi sententia fluant, erit jam cur me contempnas, atque ut nullius usus hominem, non honoribus, sed maximis suppliciis afficiendum ducas. Nihil enim masculorum animos perinde allicere ac demulcere solet, ut feminarum conspectus. Atque ut sermonibus meis fidem adhibeas, historiam hanc velim audias.

CAP. XXX. — Rex quidam cum mascula prole careret vehementer animo angebatur, eamque calamitatem haud parvam existimabat. Hoc igitur cum statu esset, filium in lucem edidit, eoque nomine summa voluptate perfusus est. Dixerunt autem ad eum eruditi quidam medici, fore ut si puer intra duodecim annos solem aut ignem videret, lumine prorsus orbaretur, id enim ex oculorum ipsius situ designari. Quæ cum pater audisset, cubiculum quod-

dam obscurum ex rupe quadam condidisse, filiumque illic una cum nutricibus inclusisse fertur, nec ante duodecim annos exactos ullum omnino ipsi lucis splendorem ostendisse. Confecto autem hujusmodi temporis curriculo, filium, qui nihil omnino rerum mundanarum ad hunc usque diem perspexerat, ex hoc cubiculo educit; ac tum ipsi omnia, juxta suum quodque genus exhiberi ac demonstrari jubet, viros nimirum in uno loco, in alio feminas, aliunde aurum, alia ex parte argentum, uniones et lapides exquisiti pretii, vestes luculentas et elegantes, curruos insigni pulchritudine simul cum regis equis aureo freno instructis, cum aulæis purpureis, ac sessoribus armatis, boum item armenta, et pecudum greges; atque, ut summatim dicam, omnia certo ordine puero demonstrabat. Percontante autem eo quonam singulæ res nomine appellarentur, regis satellites ac stipatores uniuscujusque nomen exponebant. Cum autem mulierum nomen scire cuperet, tum regis armiger lepide ac festive, dæmones eas appellari dixit, a quibus hominum mentes in errorem traherent. Pueri autem pectus earum amore atque cupiditate vehementius quam ullius alius rei desiderio illectum ac delinitum est. Cum igitur omnibus rebus peragratis ad regem eum adduxissent, ac rex ex ipso quidnam ex omnibus rebus quas vidisset ipsi magis errideret, quævisisset: Quid, inquit, aliud quam dæmones illi qui homines in fraudem inducunt? Neque enim illius rei ex his omnibus quas hodierno die vidi perinde atque eorum amore animum rex incensus est. Atque hunc pueri sermonem meus ille admiratus est, quamque violenta ac tyrannica res feminarum amor esset, hinc judicavit. Quocirca tu quoque non ulla alia ratione quam ista te filium tuum in potestatem redacturum putes.

Rex hoc consilium excipit, atque confestim ad eum delectæ puellæ præstanti atque egregia forma inducuntur. Quas etiam cum ipse eleganti ornatu illustrasset, atque omnino ad pelliciendum juvenis animum instruxisset, omnes ipsius famulos et ministros e palatio ejicit, easque in eorum locum substituit. Hæ itaque ipsi undique hærebant, eumque complectebantur, atque ad nefarium concubitum exstimulabant, per omnes videlicet gestus ac sermones ipsum ad voluptatem provocantes. Neminem alium habebat quem conspiceret, cum quo colloqueretur, aut cœnaret, ipsæ enim omnia ipsi erant. Atque hæc quidem rex faciebat. Theudas autem rursus ad pestiferam suam speluncam profectus, libros qui res hujusmundi efficere poterant, in manus sumit: evocatumque unum ex improbis spiritibus ad Christi militem bello lacessendum emittit, nesciens scilicet miser ille quantum sui risum excitaturus, quantumque simul cum universa sua diabolica cohorte infamiæ notam subiturus esset. Improbus autem spiritus, aliis insuper nequioribus spiritibus assumptis, ad generosi adolescentis cubiculum se confert, in eumque impetum facit, vehementissimam carnis fornacem succendens. Ac diabolus quidem internas ipsi flam-

mas admovebat, puellæ autem, ut corporis pulchritudine insignes, sic animo deformes improbam materiam externe suppeditabant.

At vero pura illa anima pestiferi spiritus impetum agnoscens, ac præposterum cogitationum bellum, quod magno ac vehementi **§ 4** adversum se impetu veniebat, conspiciens, perturbabatur, tantoque malo liberari, purumque sese Christo exhibere cupiebat, nec sanctam illam stolam, qua eum baptismi gratia induerat, libidinis cæno contaminare. Confestim itaque amoris amorem, hoc est impudico divinum opponit, sibi que pulchritudinem illam ac gloriam omni sermone præstantiorem, quam puræ animæ in Christi sponsi nuptiis, ex quibus illi qui nuptialem tunicam conspurcarint ejicientur, vinctisque manibus et pedibus in exteriores tenebras protrudentur, habitaturæ sunt (*Math. xxii*), in memoriam revocat. Hæc cum animo suo considerans, et lacrymas profundens, pectus verberabat, improbas illas cogitationes, non secus ac fucos quosdam in fugam vertens. Deinde surgens, ac manus attollens, calentibus lacrymis ac gemitibus Dei opem atque auxilium implorabat, iisque verbis utebatur: Omnipotens Domine, qui solus viribus polles, atque ad misericordiam proclivis es, Domine, inquam, spes desperatorum et eorum qui auxilio carent, mei, quæso, inutilis tui servi nunc recordare, facili que ac propitio oculo me intueri, animamque meam a diabolica framea eripe, ac de manu canis unicum meam, nec me in hostium meorum manus incidere permittas (*Psal. xxi*). Non supergaudeant mihi qui oderunt me inique (*Psal. xxxiv*); nec me in iniquitatibus corrumpi sinas, corpusque meum, quod tibi castum exhibere promisi, probro et contumelia afficere. Te enim concupisco, te que adoro, Patrem, et Filium, et Spiritum sanctum, in sæcula.

Cumque Amen subjunxisset, divinam consolationem cœlitus ipse sibi advenire sensit, atque improbæ cogitationes sese subdulerunt. Ipse autem ad matutinum usque tempus in precibus perstitit; intellectisque versipellis hostis technis atque artibus, corpus suum tum cibi penuria, tum siti aliisque afflictionum generibus premere cœpit, in orationibus erecto corpore pernoctans, sibi que ipsi pacta ea quæ cum Deo inierat in memoriam reducens, atque tum eorum qui justitiam coluerint futurum splendorem animo et cogitatione informans, tum denuntiata improbis gehennam aperte sibi ob oculos proponens. Quod scilicet ea de causa faciebat ne hostis inertem ac solutam ipsius animam nactus, pravæ cogitationes ipsi nullo negotio insereret, animique ipsius puritatem turbaret et inficeret. Cum igitur hostis omnino mente concideret, seque strenuum juvenem dejecturum prorsus diffideret, ad aliam callidiorum fraudem sese confert (ut qui semper malus sit, nec unquam aliquid moliri, atque incommodum aliquod et detrimentum afferre intermittat), in id omni studio incumbens, ut quæ sibi a Theuda mandata fuerant exsequatur. Itaque rursus hujusmodi pharmaca comparat.

Ad juvenem enim ex puellis illis una omnium formosissima ingreditur, quæ etiam regis cujusdam filia erat, captiva que a patria sua abducta, regi Abenner, præstantissimi cujusdam muneris instar, oblata fuerat: quam pater, ut eximia pulchritudine præditam, ad labefactandum ac dejiciendum filii animum miserat. Hanc impostor ille subit, ipsique ejusmodi sermones suggerit qui animi ipsius prudentiam ac sapientiam perspicue declararent, siquidem diabolus omnes ad vitium accommodatas artes facile ac prompte exercet. Postea que regis filium a dextris adortus, puellæ amorem ipsi inserit, ob ipsius videlicet prudentiam et gravitatem, atque etiam ob eam causam, quod cum ea nobilitate esset, atque e regia stirpe prodiisset, patria tamen simul ac gloria orbata esset. Ad hæc hujusmodi quoque cogitationes ipsi subserit, ut eam ab insano idolorum cultu liberaret, Christianamque efficeret.

Hæc autem omnia versuti draconis technæ erant. Nam cum regis filius animo ita comparatus et constitutus esset, ut nullam obscenam cogitationem aut libidinosum amorem ad puellam vacillantem in seipso perspiceret, verum ipsius duntaxat calamitate animæ que exitio se commoveri sentiret, rem hanc diabolicum commentum esse minime animadvertibat. Siquidem revera caligo ille est, ac lucem assimilat. Ut enim regis filius puellam alloqui divinæ que cognitionis oracula ipsi exponere cœpit: Agnosce, inquam, o mulier, Deum in omne ævum viventem, nec te idolorum errore detineri sine, verum Dominum rerum omnium effectorem intellige, ac beate eris, immortalis sponso adjuncta; multa, inquam, ejusmodi cum ipse dixisset, statim improbus spiritus mulieri in mentem immittit, ut fraudis laqueos explicaret, ac Deo charam illam animam ad libidinis foveam præcipitem traheret. quemadmodum videlicet olim generis humani auctorem Evæ opera e paradiso ac Deo misere exterminavit, eum que beate atque immortalis vitæ loco morti addixit.

Posteaquam igitur puella verba illa omni sapientia referta audivit, pro sua stultitia ea non intellexit, verum hujusmodi responsum edidit, quale ab ea edi consentaneum **§ 5** erat, quæ diaboli lingua atque os erat; atque: Si salutis meæ, o domine, cura tangeris, ac me Deo tuo conciliare, abjectæ que animæ meæ salutem afferre studes, fac tu quoque uni meæ petitioni annuas, ac statim patriis omnibus diis meis repudiatis, Deo tuo me adjungam, ipsum que ad extremum usque spiritum colam. Ita tu salutis meæ, atque ad Deum conversionis, mercedem referes.

Cum autem ille quænam hæc petitio esset quævisset, tum illa et habitu, et aspectu, et sermone, ac denique omni ex parte sese ad alliciendum ipsius animum comparans: Matrimonio, inquit, mecum conjugere, atque ego imperiis tuis lubens obsequar.

At ille: Incassum, inquit, o mulier, duram hujusmodi petitionem mihi proposuisti. Nam quanquam ingenti salutis tuæ cura teneor, te que ex mortis et

exitii voragine extrahere cupio, mihi tamen corpus meum perfectum concubitum inquinare nimis grave est, imo prorsus impossibile.

Illa vero planam ipsi viam ad scelus sternens: **Ecquid**, inquit, hujusmodi sermone uteris, qui omni sapientiæ genere polles? **Ecquid**, inquam, hanc rem spurcitiem ac fœdum concubitum appellasti? Neque enim ipsa quoque Christianorum librorum ignara atque expers sum, verum et multos in patria mea libros perlegi, et sæpe cum Christianis sermones contuli. **Quid igitur?** Nonne in quodam librorum vestrorum scriptum est: Honorabile connubium et torus immaculatus (*Hebr. xii*)? Ac rursus: Melius est nubere quam uri (*I Cor. vii*)? Ac rursus: Quod Deus conjunxit, homo non separet (*Matth. xvi*)? Nonne omnes veteres justi, tam patriarchæ quam prophetæ legitimo matrimonio copulatos fuisse Scripturæ vestræ docent? Nonne **Petrus** ille, quem apostolorum principem fuisse prædicatis, uxorem habuisse scribitur (*Luc. iv*)? **Quid igitur** te adduxit, ut rem hujusmodi spurcitiem appellares? Magnopere sane mihi a dogmatum vestrorum veritate aberrare videris.

Cui ille respondit: Ita profecto, mulier, hæc se habent, quemadmodum abs te dictum est. Licet enim quibuslibet matrimonio copulari, exceptis tamen iis qui virginitatem Christo semel promiserint. Ego enim ab eo die quo per divini baptismi lavacrum a juventutis et ignorantiae meæ peccatis purgatus sum, purum meipsum Christo exhibere pollicitus sum. Quoniam igitur modo pacta ea quæ cum Deo sanxi dissolvere atque infringere audebo?

Rursus autem ad eum mulier his verbis usa est: **Sit** sane de hac re ut ipse vis. At exiguam alteram, ac nullius momenti cupiditatem meam exple, si quidem animæ meæ salutem afferre tibi cordi est. Hac duntaxat nocte mecum rem habe, atque effice ut et ego tua pulchritudine fruam, ac tu rursus formæ meæ elegantia explearis. Quod si feceris, hoc tibi polliceor, me simul atque dies illuxerit, Christianam religionem suscepturam, atque omnem deorum meorum cultum fuga relicturam esse. Atque ob hujusmodi consilium, non modo veniam, sed etiam beneficia, salutis meæ causa, a Deo tuo consequeris. Gaudium enim, inquit Scriptura tua, est in cælo super uno peccatore pœnitentiam agente (*Lucæ xix*). Nam si ob scelerati hominis respicientiam lætitia in cælo excidatur, quod afferri potest quin hujus respicientiæ auctori magnum præmium debeatur?

Ita certe res se habet, nec est quod dubites. **Quid?** An non apostoli quoque religionis vestræ duces, complura certo consilio faciebant, divinum præceptum majoris præcepti causa interdum violantes? An non Paulus Timotheum, præstantioris consilii causa, circumcidisse dicitur (*Act. xvi*); atqui circumcisio apud Christianos in crimine censetur; nec tamen ille hoc facere dubitavit. Atque alia hujusmodi permulta in Scripturis tuis reperies. Quocirca, si serio animæ meæ salutem afferre cupis, exiguam hanc meam cupiditatem exple; et ego, quanquam alioqui perfecto

matrimonii nexu tecum copulari cupiens, tamen quoniam id tibi minime gratum est, non jam tibi vim afferam, verum quidquid animo tuo insederit, posthac faciam. **Tu** igitur ne me quoque prorsus abjicias et exsecreris, verum in hac una re mihi obsequens salutem mihi affer, atque a superstitioso errore me libera, tu autem deinceps per omnem vitæ cursum quæ tibi visa fuerint facias licebit.

His verbis utens (nam et habebat qui ipsi suggereret, cui etiam aures clam admovebat, atque Scripturarum peritus est ille vitii artifex diabolus), his, inquam, verbis utens, eumque demulcens, ac retia et laqueos ipsi tum a dextris, tum a sinistris undique nectens, animi ipsius turrim labefactare, institutique ipsius nervos debilitare, ac voluntatem et sententiam B emollire incipiebat. Vitii autem sator, ac proborum virorum hostis, labantem ipsius animum conspiciens, ac summa inde lætitia perfusus, statim pestiferos spiritus qui una cum illo aderant appellat: **Cernite**, inquit, quoniam pacto puella ita ea perficere contendat quæ a nobis perfici nequiverunt. **Agite igitur**, acriter nunc in eum impetum faciamus. Neque enim ad explendam ejus a quo missi sumus voluntatem aliud æque opportunum tempus nanciscemur. Hæc cum versipellis ille ad socios dixisset, in Christi militem insiliunt, omnes animi ipsius vires perturbantes, atque acerrimum puellæ amorem ipsius pectori inserentes, vehementissimamque libidinis ignem in ipso inflammantes.

Ille autem cum seipsum vehementer uri, captivumque ad peccatum trahi perspiceret, atque cogitationes suas, puellæ salutem conversionemque ad Deum ipsi proponentes, flagitium tanquam hamum quemdam esca occultare, hostisque instinctu sibi negotium facessere, perinde videlicet ac scelus minime esset, servandæ animæ causa cum muliere semel rem habere, in hujusmodi animi anxietate consiliique penuria alto pectore ingemiscens, seipsum statim ad orationem confert, atque uberes lacrymarum rivos ex oculis profundens, ad eum qui salutem iis qui in ipso confidunt afferre potest clamabat: **In te, Domine**, speravi, non confundar in æternum (*Psal. xxx*); neque irrideant me inimici mei, dextræ tuæ hærentem; verum hac hora pro tua voluntate mihi asta, vias meas dirigens, ut sanctum tuum et gloriosum ac formidandum nomen in me famulo tuo illustretur, quoniam benedictus es in sæcula. Amen (*Psal. xxiv*).

Cum autem per aliquot horas cum lacrymis preces fudisset, genuaque persæpe flexisset, in terram se prostravit, paulamque obdormiscens seipsum a quibusdam horrendis viris arripi videt, regionibusque quibusdam, quas nunquam viderat, peragratis, in amplissimum campum perduci, pulchris floribus atque ingenti suavitate præditum, ubi et plantas omnis generis cernebat, inusitatis quibusdam et admirandis fructibus, tum visi jucundissimis, tum perceptu suavissimis redundantes. Arborum porro folia ex tenuissima quadam aura dulcem sonum edebant, ac dum impellerentur, inexplibilem odoris fragrantiam emit-

tebant. Quin etiam sedes illic sitæ erant, auro atque ingentis pretii lapidibus structæ, luculentum sane splendorem afferentes; lectique item illustres, miris quibusdam stragulis, atque elegantia omnem orationis facultatem superante coornati. Ad hæc aquæ profluebant perquam limpida, oculosque ipsos oblectantes. Tum autem per ingentem atque admirandum hunc campum horrendi illi viri eum in urbem quamdam introduxerunt, inenarrabili splendore rutilantem, ex pellucido quidem auro muros, ex lapidibus autem a nemine unquam visis pinnas ac propugnacula exstructa habentem. Et quis tandem est qui urbis illius pulchritudinem ac splendorem sermone consequi possit? Lux porro superne radiis identidem micans, omnes ipsius vicus implebat, atque alati quidam exercitus lucidi omnes in ea morabantur, ejusmodi cantum edentes, quem nunquam mortalis auris audivit. Vocemque dicentem audiit: Hæc eorum qui justitiam coluerint est requies, hoc eorum qui Domino suæ vitæ rationes probarint oblectamentum. Hunc autem ex illo loco eductum terribiles illi viri retrorsum ducere velle dicebant. At ipse jucunditate illa lætitiæque animi omnino raptus: Ne me, quaeso, inquiebat, ne me inquam hac lætitia, quæ nullis verbis exprimi potest, private; verum hoc mihi concedite, ut in uno amplissimæ hujusce civitatis angulo degam. Illi autem ad hunc modum respondebant: Fieri nunc minime potest ut hic sis: hoc autem multis laboribus ac sudoribus tandem consequeris, si quidem tibi ipsi vim intuleris.

Hoc sermone habito, ac maximo illo campo rursus peragrato, eum in tenebrosa loca, omnisque mæroris plena, atque cum eo splendore, quem prius conspexerat, ac lætitia illa e diametro pugnantia, duxerunt. Etenim obscura prorsus ac tenebrosa caligo erat, atque afflictione ac tumultu totus ille locus redundabat. Illic ignis fornax accendebatur, et carnicum vermium genus serpebat, ultricesque virtutes fornaci imminabant. Ac nonnulli miserum in modum igni conflagrabant, voxque hujusmodi audiebatur: Hic sceleratorum locus est, hic eorum cruciatus qui fœdis flagitiis seipsos contaminarunt. Post autem ab his qui eum illuc introduxerant, ex eo loco eductus est. Statimque ad sese rediens, toto corpore contremiscebat, lacrymæque fluminum instar ex ipsius oculis fluebant; atque omnis impudicæ illius puellæ, reliquarumque aliarum, pulchritudo quovis cœno et sanie fetidior ipsi visa est; memoriaque ea quæ viderat recolens, tum bonorum illorum cupiditate tum dolorum illorum metu correptus, in lecto jacebat, sic effectus, ut nulla ipsi exsurgendi potestas esset.

Ut autem de adversa filii valetudine ad regem allatum est, statim ad eum profectus quidnam ipsi accidisset percontabatur. Ille autem quidnam vidisset exponit, aitque: Cur pedibus meis laqueum parasti, et incurvastis animam meam (*Psal. lvi*)? Nisi enim Dominus adjuvisset me, paulo minus habitasset in inferno animæ mea (*Psal. xxxix*). Verum quam bonus

Israel Deus his qui recto sunt corde, qui etiam eripuit humilitatem meam de medio catulorum leonum, dormivi conturbatus (*Ps. lxxi*). Sed visitavit me Deus salvator meus, mihi que quantis ii qui eum ad iracundiam provocant bonis sese privent, quantisque rursus tormentis obnoxios se redant demonstravit.

At nunc, o pater, quoniam tu aures tuas oclusisti, ne vccem meam bona atque utilia tibi occinentem audires, ne me saltem quo minus rectam viam cæpessam impediās. Hoc enim cupio, hoc expeto, ut omnibus rebus liberatus, ad ea loca contendam, in quibus Barlaam Christi famulus habitat, ac cum eo quod mihi reliquum est vitæ conficiam. Quod si me per vim retinere in animum induxeris, quam primum me mœrere ac tædio exstinctum videbis. Ita fiet ut nec tu pater jam appelleris, nec me filium habiturus sis.

CAP. XXXI. — Rursum igitur ingens regem mœstitia invasit; rursus omnem vitæ suæ spem despondere cœpit; atque acerba secum animo agitans, in palatium suum abiit. At vero improbi illi spiritus, qui adversus divinam juvenem a Theuda missi fuerant, ad eum pudore suffusi redeunt, atque quamvis alioqui mendacio gaudeant, acceptam tamen cladem confitentur. Quippe perspicua cladis signa in scelerato suo vultu gerebant. Ille autem: Usque adeone inquit, imbecilles ac miseri estis, ut adolescenterum unum vincere minime potueritis? Tunc improbi spiritus virtute divina ex cruciati, veritatem inviti in lucem protulerunt, his verbis utentes: Christi potentia ac passionis ipsius signo, quod Crucem appellant, ne tantillum quidem oblectari possumus. Nam cum ea effingitur, statim quotquot aeris principes ac mundi rectores tenebrarum sumus (*Ephes. vi*), quam celerrime fugimus, ac prius etiam quam ea plane ac perfecte expressa sit, propulsamur. Quamobrem nos quidem in hunc juvenem impetu facto, graviter eum perturbavimus; verum ille cum Christi opem implorasset, ac crucis signo se ipsum munivisset, nos irato animo propulit, atque firmissimum sibi præsidium comparavit. Ac proinde nulla interposita mora instrumentum illud arripuimus, cujus opera etiam princeps noster primum hominem aggressus est, eumque potestati suæ subjecit. Et quidem profecto nos quoque vanam adolescentis spem pro nihilo ducebamus; verum ad auxilium rursus accitus Christus, cœlestis iræ igni nos exustos in fugam vertit. Quare stat sententia non ultra ad eum accedere. Ad hunc scilicet modum improbi spiritus Theudæ ea quæ contigerant perspicue declararunt.

Rex autem omni ex parte animo hærens, consilioque destitutus, Theudam rursus accersit, ad eumque ait: Omnibus iis quæ docuisti, vir sapientissime, perfectis et absolutis, nihil tamen utilitatis consecuti sumus. Nunc igitur, si quod tibi aliud consilium superest, illud experiamur. Fortasse enim aliquam depellendi mali rationem nanciscemur.

Cum autem Theudas, ut cum ipsius filio in collo-

quum veniret petiisset, mane rex, eo secum assumpto, ad visendum filium proficiscitur. Cumque prope eum consedisset, eum alloqui, ac probris insectari, atque ipsius contumaciam animique rigiditatem accusare cœpit. Illo vero recta dogmata rursus confirmante, Christique amore nihil antiquius habendum esse clamante, Theudas in medium prodiens, his verbis usus est: Quidnam, o Josaphat, quod in immortalibus diis nostris reprehendendum sit invenisti, ut tu ab eorum cultu discederes, ac regis patris tui animum ita offendendo totius populi odium tibi commoveres? An non ab iis vitam accepisti? An non ipsi patri te dono dederunt, auditis videlicet ipsius precibus, eoque sterilitatis vinculis soluto? Cum autem multos inanes sermones, ac multas inutiles quæstiones ille inveteratæ improbitatis homo proponeret, atque de Evangelii prædicatione argumenta necleret, hoc videlicet animo, ut eam suggillaret, atque idolorum cultum confirmaret, ille superni Regis filius, atque illius urbis, quam non homo, sed Deus construxit (*Hebr.* viii), civis, posteaquam sese paulisper continuisset, tum demum ad Theudam ait:

Audi, o imposturæ vorago, ac palpabilibus tenebris caliginosior, semen Babilonicum, atque Chalanicæ turris exstructorum, quorum causa mundus confusus est, nepos (*Gen.* xi); vane, inquam, atque infelix senex, qui gravioribus quam quinque illæ divino igne concrematæ urbes sceleribus te constrinxisti. Ecquid salutis prædicationem, per quam ea quæ tenebris circumfusa erant, lucem acceperunt, per quam errantes viam invenerunt, per quam ii qui perierant, ac misera servitute premebantur, in pristinum statum restituti sunt, cavillis insectari conaris? Cedo utrum tandem ex his duobus præstantius est, nempe omnipotentem Deum cum unigenito Filio et Spiritu sancto colere, Deum, inquam, increatum et immortalem, bonorum omnium fontem, cuius nec imperium ac robur conjectura percipi, nec gloria mente comprehendere potest, cui angelicorum ac cœlestium ordinum millia millium, et decies **318** millia millium astant, cuius gloriæ cælum et terra plena sunt, per quem omnia ex nihilo in ortum producta sunt, per quem mundus continetur ac conservatur, ipsiusque providentia gubernatur, colere ac venerari; an vero pestiferos dæmones atque inanima simulacra, quorum laus et gloria adulterium est, ac puerorum constupratio, cæteraque flagitia quæ de diis vestris in superstitionis vestræ voluminibus conscripta sunt?

Non vos pudet, miseri, atque ignis sempiterni cibus, Chaldaicique generis similitudinem gerentes, non vos, inquam, mortuas statuas humana manu extructas adorare pudet? Cæsus enim lapidem aut lignum ac fabrilis arte politum, deum nuncupatis: ac deinde eximium taurum, aut aliud fortasse et pulcherrimum cuiusque generis animantibus assumptis, mortuo numini, qua vœcordia estis, immolatis. Atque victima deo tuo præstantior est. Nam illum homo elaboravit, Deus autem animal procreavit. Ac propterea etiam brutum animal te, qui ratione præditus es,

prudentia et sagacitate antecellit. Illud enim eum a quo alitur novit, tu contra ejus, a quo ex nihilo productus es, cuiusque beneficio vivis et conservaris, ignoratione laboras. Ac deum appellas quem paulo ante ferro verberari, atque igne conflari, et malleis tundi videbas, quem argento atque auro cinxisti, atque a terra in altum sustulisti; posteaque in terram abjectus abjecti lapidis abjectior es adorator, non Deum adorans, sed mortua et animæ expertia manuum tuarum opera. Imo vero, ne mortuum quidem æquum est simulacrum appellare, verum novum quoddam ac tanta amentia dignum nomen excogitare par est. Nam lapideus comminuitur, testaceus confringitur, ligneus corrumpitur, æreus rubigine inficitur, aureus et argenteus igni conflatur. Quin etiam dii tui partim exiguo ac vili, partim summo pretio venduntur. Neque enim ipsis divinitas, sed materia pretium dat. Atqui Deum quisnam emere aut vendere queat? Jam quonam pacto Deus appellatur qui motus expertus est? An non illud cernis, nec eum qui stat unquam sedere nec eum qui sedet, unquam stare?

Pudeat te, o vecors manum ori appone, o stulte, qui res hujusmodi laudas. Etenim a veritate aversus, falsis picturis deciperis atque in fraudem induceris, statuas videlicet effingens, rebusque manu tua effectis Dei nomen attribuens. Resipisce, miser, atque illud intellige, te deo abs te facto antiquiorem esse. Cujus tandem furoris ista sunt? Hocine tibi persuasisti, te, cum homo sis, Deum efficere posse? Qui tandem istud fieri queat? Quocirca non hominem efficis, verum hominis aut cuiuspiam animantis formam, non lingua, non faucibus, non cerebro, non ulla aliqua interna parte præditam: ac proinde ne hominis quidem aut animantis similitudo est, sed inutilis omnino res ac vanitatis plena. Quid igitur rebus sensus expertibus blandiris? Quid mente carentibus et inutilibus assides? Nisi latomi, aut architecti, aut malleatoris ars adesset, deum non haberes. Nisi custodes præsto essent, deum tuum amisisses. Nam quem sæpe stolidorum hominum copiosissima urbs tanquam deum, ut ab eo custodiat, obsecrat, cum eo ipso pauci custodes, ne surripiatur, remanent. Ac si quidem ex argento vel auro constet, diligenter custoditur; si autem ex lapide, aut argilla, aut alia quadam viliori materia, seipsum custodit. Ita de vestra sententia valentior est is qui ex argilla quam qui ex auro conflatus est.

An non igitur optimo jure vos stultos et cæcos ac stolidos homines irridere, vel potius luctu prosequi possumus? quippe opera vestra furorem potius quam pietatem redolent. Nam qui rei militari studet, statuas ad militaris speciei similitudinem expressam, ac certo loco positam, Martem nuncupat. Qui autem mulierum amore ad insaniam usque flagrat, animæ suæ cupiditatem pictura informans, vitium suum deum efficit, Veneris scilicet nomine eum appellans. Alius rursus temulentiae suæ causa, efflicto simulacro, Bacchum ipsum nominat. Eodemque modo aliorum vitiorum cupidi, eorum simulacra constituerunt,

vitiisque suis deorum nomen imponunt. Eaque de causa apud eorum aras libidinosæ saltationes existunt, ac meretricii cantus, furiosique impetus. Quisnam autem execrandum eorum flagitium deinceps commemorare queat? Aut quis fœdissimam ipsorum libidinem oratione complectens, os suum conspurcare sustineat? Verum hæc omnibus perspicua sunt, etiam si ipsi taceamus. Hi tui dii sunt, o statuis tuis stupidior Theuda. Hos ut adorem, hos ut venerer admones. Tuæ profecto improbitati ac stultæ sententiæ consentaneum est istud consilium; at similis ipsis tu fias, atque omnes qui confidunt in eis (*Ps. cxiii*).

Ego autem Deum meum colam, meque totum ipsi consecrabo; Deo, inquam, creatori, **319** ac rerum omnium gubernatori, per Dominum nostrum Jesum Christum, spem nostram, per quem etiam ad lumen Patrem in Spiritu sancto accessum habuimus, per quem ab acerba servitute in ipsius sanguine liberati sumus (*Ephes. ii*). Nisi enim ipse etiam usque ad servilem formam sese abjecisset (*Philip. v*), haudquaquam id consecuti essemus, ut in filios adoptaremur. Quippe nostra causa se ipse abjecit, nec Deitatem rapinam arbitratus est, sed quod erat permansit, et quod non erat assumpsit. Consuetudinem cum hominibus habuit (*Baruch. iii*), carne sua in crucem ascendit, triduo in sepulcro conditus est, ad inferos descendit, inde eos quos sub peccato venditos horrendus mundi princeps victos tenebat, eduxit. Quidnam igitur hinc detrimenti tulit, quod eo nomine eum cavillis insectari videris? An non perspicis in quot fœda et obscena loca radios suos sol demittat, quotque fetida cadavera conspiciat? An hinc labem aliquam contrahit? An non potius ea quæ sordida ac putida sunt exsiccant atque constringit, quæ caliginosa sunt illuminant, atque interim ipse prorsus incolumis ac labis omnis expers manet? An non item ignis ferrum, quod sua natura nigrum ac frigidum est, assumens, prorsus inflammat atque candefacit, nec interim ferri proprietates ulla ex parte recipit? Non enim eo malleis contuso aliquid perpetitur aut detrimenti quidquam accipit.

Quocirca si hæc quæ creata sunt, eamque naturam habent ut aliquando intereant, ex viliorum ac deteriorum rerum contagione nullo incommodo afficiuntur, quatandem ratione, o stolidè ac saxeo corde prædite, irridere me idcirco audes, quod Filium ac Deum Verbum a paterna gloria nullo modo discessisse, sed cum Deus esset, humanæ salutis causa corpus humanum assumpsisse dicam, ut homines divinæ ac spiritualis naturæ participes efficeret, nostramque substantiam ex subterraneis inferni partibus eductam, cœlesti gloria exornaret, atque item ut tenebrarum hujus sæculi principem, susceptæ carnis tanquam illecebris quibusdam inescatum superaret, genusque nostrum ex ipsius servitute ac tyrannide liberaret? Unde etiam crucis tormentum sine perpeccatione subiit, duas videlicet suas naturas declarans. Ut enim homo in crucem agitur, ut Deus autem soli tenebras offundit, terram quatit, ac multa

corporum morte functa e sepulcris excitat (*Lucæ xxiii*). Rursum, ut homo moritur; ut autem Deus, spoliato inferno, ad vitam redit. Ob idque etiam clamavit Propheta: Infernus in amaritudine fuit, occurrens tibi deorsum. Siquidem in amaritudine fuit atque illus est, cum nudum hominem sese accepisse putans, in Deum incidit, ac repente inanis et captivus exstitit. Resurgit itaque ut Deus; atque in cœlum, unde nullo modo digressus fuerat, ascendit, ac nostram despicibilem atque omnibus inferiorem naturam omnibus superiorem reddidit, immortalique gloria rutilantem in gloriæ throno collocavit. Quidnam igitur hinc Deo Verbo detrimenti conflatum est, quod tu eum maledictis atque contumeliis insequi non erubescis? Utrum, quæso, ex his duobus præstantius est. nempe hæc confiteri, atque hunc bonum hominumque amantem Deum venerari (qui justitiam mandat, continentiam præcipit, puritatem præscribit, ad misericordiam propensum esse docet, fidem præbet, pacem prædicat, ipsamet veritas et nominatur et est, ipsamet charitas), hunc inquam venerari; an contra improbos et plurimis flagitiis devinctos, ac tam rebus ipsis quam nominibus fœdos et obscenos deos tuos? Væ vobis, o saxis duriores, et brutis amentiores, atque exitii filii, ac tenebrarum hæredes. Beatus autem ego ac Christiani omnes, qui bonum ac benignum Deum habemus. Nam qui ei cultum adhibent, etiamsi ad breve aliquod tempus in hac vita rebus adversis conflictentur, at immortalam tamen mercedis fructum in sempiternæ ac divinæ beatitudinis regno percipient.

Dixit autem ad eum Theudas: En illud perspicuum est, multos et magnos et sapientes viros atque interpretes, ac tum virtute tum doctrina admirabiles, religionem nostram instituisse, omnesque orbis terræ reges ac principes eam ut præclaram atque omni periculo vacuam excepisse; Galilæorum contra doctrinam rusticorum quosdam ac pauperes et abjectos viros, eosque perpaucos, nec plures quam duodecim, prædicasse. Num igitur ignobilium ac rusticorum prædicatio multorum ac magnorum virorum, quique tanta sapientiæ laude floruerunt, legibus atque institutis potior habenda est? Quid autem habes unde hos vera dicere, illos mentiri demonstres?

Rursum igitur regis filius respondit: Asinus es, o Theuda, ut dici solet, lyram audiens (15), atque intellectus expers manens; vel, ut rectius loquar, aspis, aures obturans, ne præclare incantantium vocem exaudias (*Psal. lvii*). Recte igitur de te a propheta dictum est: Si mutare queat Æthiops pellem suam, ac **320** pardus varietates suas, tu quoque stulte et cæce, benefacere poteris, cum mala didiceris. Quin te vis veritatis sensu afficit? Nam hoc ipsum quod ais, a multis admirabili sapientia præditis viris nefarios tuos cultus laudari, atque a multis regibus confirmari, contraque Evangelicam prædicationem a paucis, iisque obscuris viris prædicari, id vero tum religionis nostræ vim, tum improborum vestrorum dogmatum imbecillitatem ac perniciem

demonstrat: quippe cum doctrina vestra, quamvis A eruditos patronos ac firmos adutores habeat, debilitetur tamen et exstinguatur; nostra autem religio, licet omni humano subsidio careat, sole tamen clarior luceat, orbemque totum occupavit: nam si ab oratoribus et philosophis edita fuisset, regesque ac principes adutores habuisset, dicere fortasse, vir improbe, potuisses, humanam potentiam id totum præstitisse. Nunc vero sanctum Evangelium a vilibus piscatoribus conscriptum, atque ab omnibus tyrannis vexatum, nihilo tamen secius totum orbem obtinere perspicimus (in omnem enim, inquit ille [*Psal.* xviii; *Rom.* x], terram exivit sonus eorum, et in fines orbis terræ verba eorum), quid jam aliud dicere possis, quam divinam et invictam potentiam esse, salutis humanæ causa cultum suum confirmantem? B Ecquod autem, o vecors, argumentum iis quæ jam allata sunt præstantius quæris, quo tuos mentiri, nostros vera loqui probem? Nam nisi tua omnia nugæ ac figmenta essent, profecto cum tantis humanis viribus nitantur, minime imminuerentur ac debilitarentur. Vidi enim, inquit ille, impium superexaltum et elevatum sicut cedros Libani: et transivi, et ecce non erat; quæsi eum, et non est inventus locus ejus (*Psal.* xxxvi). De vobis, qui insani idolorum cultus propugnatores estis, hæc dixit Propheta: Jam jamque enim, et non invenietur ipsius locus; sed sicut deficit fumus, deficiet, et quemadmodum deficit cera a facie ignis, sic peribitis (*Psal.* lxxvii).

Contra de Evangelica Dei cognitione dixit Dominus: Cælum et terra transibunt, verba autem mea C non transibunt (*Lucæ* xxi). Ac rursus Propheta his verbis utitur: In principio tu, Domine, terram fundasti, et opera manuum tuarum sunt cæli. Ipsi peribunt, tu autem permanes, et omnes sicut vestimentum veterascent. Et sicut opertorium mutabis eos, et mutabuntur; tu autem idem ipse es, et anni tui non deficient (*Psal.* ci). Ac divini quidem adventus Christi præcones, et sapientes orbis terrarum piscatores, qui ex erroris ac fraudis voragine omnes extraxerunt (quos quidem tu, qui peccati vere servus es, aspernaris ac nihili pendis), per signa et prodigia solis instar in mundo fulserunt, cæcis lucem donantes, surdis auditum, claudis gressum, mortuis denique vitam impertientes. Nam vel eorum duntaxat umbræ omnes hominum morbos profligabant D (*Act.* v). Dæmones quos vos ut deos metuitis, non modo ab humanis corporibus depellebant, sed etiam crucis signo ex ipso terrarum orbe fugabant: cujus ope atque adjumento omnem quidem magiam deleverunt, veneficiaque omnia irrita reddiderunt. Atque illi quidem humana infirmitate per Christi virtutem ad hunc modum sanati, rebusque omnibus conditis renovatis, tanquam veritatis præcones ab omnibus iis qui sapientia præditi sunt laudantur, admirationique habentur. Quid autem habes, quod de sapientibus atque oratoribus tuis, quorum Deus sapientiam stultam fecit, de illis, inquam, diaboli patronis in medium afferas? Quid memoria dignum mundo reliquerint,

expone. Quid de ipsis quod prædices, habes, nisi demeritiam ac turpitudinem, inanemque artem, verborum elegantia fœtidæ suæ religionis cœnum contendentem?

Quin etiam ex poetis tuis, quicumque ab ingenti furore atque insaniam vel tantulum emergere potuerunt, id quod verius erat dixerunt, nempe eos qui dii appellantur homines exstitisse, ac propterea quod quidam eorum urbibus ac regionibus imperarunt, quidam autem aliud quiddam nullius pœne momenti, dum viverent, effecerunt, homines errore lapsos, deorum nomine eos appellasse. Principio enim Seruch (16) ille statuas invenisse litterarum monumentis proditus est. Siquidem eos qui antiquitus vel strenui animi, vel amicitia, vel cujuspiam alterius virtutis opus memoria dignum edidissent, statuis ornasse dicitur. Posterius autem, majorum mentem ignorantes, nempe quod memoria duntaxat causa iis qui laude dignum aliquid effecissent statuas et columnas erexissent, dæmonis vitii auctoris opera paulatim aberrantes, homines iisdem passionibus obnoxios ac corruptioni subjectos, tanquam immortales deos adorarunt, sacrificiaque ipsis ac libamina excogitarunt: dæmonibus videlicet in statuis habitantibus, atque hujusmodi honorem et sacrificia ad sese pertrahentibus. Illi itaque eos qui Deum in notitia habere minime probant (*Rom.* i), duplici de causa ut se deos esse existiment adducunt: altera, ut ipsi hoc nomine celebrentur, gaudent enim ipsi, utpote fastu atque arrogantia pleni, cum ipsis tanquam diis honor tribuitur; altera, 331 ut eos quos in fraudem induxerint ad præparatum sibi sempiternum ignem trabant. Eoque nomine omni flagitii ac turpitudinis genere ipsos erudierunt, adeo ut eorum fraudi atque imposturæ semel addicti homines, mentis tenebris circumfusi, atque ad malorum colophonem venientes, sui quisque vitii ac suæ cupiditatis statuam fixerint, deumque nominarint. Qua quidem in re, cum erroris sui nomine execrandi sint, tum vero ob earum rerum quas adorant absurditatem majori execratione dignos se præbuerunt. Id autem tandiu locum habuit, quoad Dominus per viscera misericordiæ suæ nos qui ipsius fide præditi sumus, ex improbo ac pestifero hujusmodi errore liberavit, veraque Dei cognitione imbuit. D Neque enim in alio illo salus est, nec præter ipsum solum qui mundum effecit, ac virtutis suæ verbo omnia portat (*Hebr.* i), alius deus aut in cælo aut in terra est. Verbo enim Domini, inquit ille, cæli firmati sunt, et spiritu oris ejus omnis virtus eorum (*Psal.* xxxii); atque omnia per ipsum facta sunt, et sine ipso factum est nihil quod factum est (*Joan.* i).

Theudas autem cum hæc verba audivisset, atque hujusmodi sermonem divinitus infusa sapientia plenum esse cerneret, tanquam tonitruum sono percussus, silentio tenebatur. Tandem autem aliquando miseriam suam agnoscens (obtenebratos enim cordis ipsius oculos salutaris doctrina tetigerat) ingenti an-

teactæ vitæ pœnitudine affectus est ; atque condemnato idolorum errore, ad pietatis lucem accurrit, ac deinceps a scelerata et execranda vitæ ratione usque adeo sese removit, tantumque cum turpibus animi affectionibus magicisque artibus bellum gessit, quantum ante amoris fœdus cum ipsis ferierat. Nam tum in medio concilio stans, præsidente rege, magna voce exclamavit : Vere, o rex, spiritus Dei in filio tuo habitat, vere fracti ac superati sumus, nec defensionem ullam habemus, nec ad ea quæ ab ipso commemorata sunt, vel oculos ipsos obvertere possumus. Magnus igitur revera Christianorum Deus est, magna ipsius fides, magna mysteria.

Conversus itaque ad regis filium, ait : Dic, quæso, o claro ac illustri animo prædite, Deusne me excepturus est, si ab improbis actionibus abscedens, ad eum me convertero ? Sane, inquit veritatis præco, sane, inquam, te excipiet, omnesque item qui ad ipsum sese converterint. Nec vero vulgari modo excipiet ; verum ut filio e longinqua regione redeunti (*Lucæ xv*), hoc est, a scelerata vitæ ratione ad meliorem frugem sese convertenti, obviam prodibit, eumque amplectetur et exosculabitur ; ac peccati fœditate detracta, statim ipsi vestimentum salutaris imponet, charissimaque gloriæ stola eum induens, mysticum supernis virtutibus epulum peraget, ob receptam videlicet ovem perditam festum diem celebrans (*Ibid.*). Ipse enim Dominus ingens in cœlo gaudium esse dixit super uno peccatore pœnitentiam agente. Ac rursus : Non veni vocare justos, sed peccatores ad pœnitentiam (*Lucæ v*). Et per prophetam : Vivo ego, dicit Dominus ; nolo mortem peccatoris, sed magis ut convertatur a via sua et vivat. Convertimini a via vestra mala, et quare moriemini domus Israel ? iniquitas iniqui non nocebit ei in quacunque die conversus fuerit ab iniquitate sua, et fecerit justitiam, et in mandato vitæ ambulaverit, vita vivet, et non morietur. Omnia peccata quæ admisit, non memorabuntur, quia iudicium et justitiam fecit, in ipsis vivet (*Ezech. xxxiii*). Ac rursus per alterum prophetam exclamat : Lavamini, mundi estote, auferite malum cogitationum vestrarum ab oculis meis, quiescite agere perverse, discite benefacere. Si fuerint peccata vestra sicut coccinum, tanquam nix dealbabitur ; et si fuerint rubra velut vermiculus, sicut lana alba erunt (*Isaiæ i*). Cum igitur hæ pollicitatione: iis qui ad meliorem frugem sese receperint, a Deo propositæ sint ; ne cuncteris, o homo, nec moram ullam adhibeas ; verum ad Christum benignum Deum nostrum accede, et illuminare, et facies tua non confundetur (*Psal. xxxii*). Nam simul atque in divini baptismatis piscinam immersus fueris, tota veteris hominis spurcicies, atque universa scelerum sarcina in aqua sepelietur, atque in nihilum dilabatur ; tuque novus illinc ac recens, atque ab omni labe purus conscendes, nullam peccati labem aut rugam tecum ferens. Ac deinceps in te situm erit ut purgationem per viscera misericordiæ Dei nostri hinc contractam tuearis atque conserves.

Theudas igitur his verbis institutus, statim ex aula excedit, atque ad sceleratam speluncam suam profectus. magicos libros suos tanquam sceleris omnium primitias, ac diabolicorum arcanorum thesauros, excussit. Ipse autem ad sacrosancti illius viri, ad quem etiam Nachor perrexerat. antrum sese confert, rerumque suarum omnium statum ipsi exponit, capiti suo terram aspergens, gravesque gemitus edens, ac se ipsum lacrymis perfundens, nefariaque sua flagitia seni ordine commemorans. Ille autem, ut qui salutis animæ afferendæ, atque ex versipellis draconis faucibus eripiendæ peritissimus esset, salutaribus verbis eum demulcet, ac velut excantat, veniam spondet, ac propitium et facilem ipsi iudicem fore pollicetur. Ac postea cum eum Christianæ fidei rudimentis imbuisset, multorumque dierum jejunium ipsi indixisset, eum divino baptismo lustravit. Ac deinceps per omnem vitæ cursum ille sincero animo de admissis sceleribus pœnitentiam egit, lacrymisque ac gemitibus Deum placare studuit.

CAP. XXXIII. — Quæ cum ad hunc modum evenissent, rex consilii inopia undique destitutus, in gravi plane mœrore versabatur, animoque magnopere jactabatur. Coacto autem rursus senatu, quidnam de filio suo faceret dispiciebat. Cum autem multi multas sententias in medium protulissent, Araches ille, de quo superius mentionem fecimus, qui et ducum omnium clarissimus erat, et principem in senatu locum obtinebat, his ad regem verbis usus est : Quidnam, o rex, filio tuo facere oportuit quod non fecerimus, ut ad sequenda nostra dogmata, deosque nostros colendos eum induceremus ? Verum, ut video, impossibilia aggredimur : siquidem a natura ipsi, aut etiam fortasse a fortuna, pervicacia et animi durities insita est. Itaque si ipsum suppliciis ac cruciatibus afficere in animum induxeris, tum ipse naturæ hostem te præbebis, patrisque nomen amittes, tum ipsius jacturam facies, ut qui pro Christo mortem appetere paratus sit. Reliquum est igitur ut hanc rationem in eas, nempe ut regnum cum eo partiaris, eique in ea parte quæ ad eum attinuerit regii muneris administrationem committas. Ac si quidem negotiorum natura, rerumque mundanarum cura eum ad institutum nostrum vitæque genus amplectendum pertraxerint, res nobis ex sententia succedet. Mores etenim in animo vehementer corroborati ægre expungi atque oblitterari possunt, verborumque potius blanditiis quam vi commutantur. Sin autem in Christianorum religione perstiterit, illud ipsum certe, quod filio non sis orbatus, mœrorem tuum aliqua ex parte mitigabit. Hanc orationem cum Araches habuisset, omnes ipsius sententiam comprobaverunt, ac proinde rex se ita acturum assensit.

Itaque postridie cum illuxisset, filium accivit, eumque ita est allocutus : Hic mihi, o nate, postremus ad te sermo est, cui nisi quamprimum parueris, atque in hac saltem rectoris mei dolorem leniveris, non ultra, mihi crede, indulgenter tecum agam. Percontante autem illo quod sibi hoc sermone vellet :

Quoniam, inquit ille, multis susceptis laboribus A et lenitate venerationem ac terrorem sibi commovere perfractum et contumacem te ad omnes reperi, ut qui nullis unquam sermonibus meis parendum tibi duxeris, age, diviso imperio meo id faciam, ut tu separatim degas, ac regnum geras. Ita jam tibi, quam cupis, viam ingredi tuto licebit. Divina autem illa anima, quanquam alioqui regem hoc sibi labefactandi sui instituti causa proponere compertum haberet, obtemperandum tamen duxit, hoc scilicet animo, ut ex ipsius manibus elapsus, viam quam expe-tebat ingrederetur. Sermonem igitur excipiens ad regem ait: Equidem ipse divinum illum virum qui mihi salutis iter commonstravit quaerere gestiebam, rebus-que omnibus valere jussis, cum eo quidquid mihi vitæ reliquum est traducere. Verum quoniam per te, o pater, mihi ea quæ cordi sunt, facere minime licet, hac B in re tibi morem gero, siquidem in his rebus in quibus perspicuum exitium atque abalienatio a Deo non proponitur, patri obtemperare pulchrum est.

Rex itaque summa lætitia perfusus, regionem omnem imperio suo ad dictioni subjectam in duas partes dividit, filiumque regem creat, ac diademate exornat, regiaque omni gloria insignitum in eam regni partem quæ ipsi attributa erat cum luculenta satellitum manu emittit; principibus autem ac ducibus, reique militaris præfectis et satrapis, si quorum voluntas ita tulisset, cum filio suo ac rege proficiscendi potestatem facit. Atque ingentem quandam ac numerosissimam urbem, in qua regiam sedem haberet, assignat, omniaque ea quæ regibus conveniunt ipsi impertit. Tum igitur regiam auctoritatem ac potestatem nactus Josaphat, cum ad eam urbem in qua ea quæ ad regnum gerendum pertinebant parata erant venisset, dominicæ passionis signum, hoc est, venerandam Christi crucem in singulis urbis turribus collocavit. Idolorum autem delubra et aras deiecit, atque a fundamentis ipsis eruit, nullas videlicet impietatis reliquias linquens.

Atque in media urbe ingens ac præclarum templum Christo Domino excitavit, plebique imperavit, ut ad eum locum crebro commeans, Deo per crucis adorationem cultum adhiberet. At tunc ipse ante omnes in medium prodiens, intentissimo animo preces fundebat, omnesque eos qui sub ipsius potestate ac ditione erant monebat, obsecrabat, nihil denique prætermittebat, quo ipsos a superstitioso errore abstraheret, atque ad Christum adjungeret: idolorum cultus fraudem atque imposturam indicabat. Evangelii prædicationem exponebat, Dei verbi plenam indulgentiæ demissionem commemorabat, adventus ipsius miracula prædicabat, crucis supplicium, per quod salutem consecuti sumus, declarabat, resurrectionis vim atque in cælos ascensionem narrabat, denique tremendum illum diem annuntiabat secundi ipsius horrendi adventus, atque tum recondita piis bona, tum eos cruciatus qui impios ac sceleratos manent. Hæc omnia perquam lenibus ac blandis verbis complectebatur. Neque enim tam potestatis amplitudine ac regia magnificentia quam modestia

cupiebat. Quæ etiam res omnes ad eum magis pertinebat, nimirum quod, ut vita et actionibus admirandus, ita etiam animo facilis ac modestus esset. Ex quo effectum est ut potentia magna a modestia et mansuetudine subsidium nacta, omnes eo adduceret, ut ipsius verbis parerent.

Siquidem in tam brevi adeo temporis curriculo, plebs omnis ipsi subjecta, tam oppidani quam finitimi divinis ipsius sermonibus in Christiana religione instituebantur, ac falsum multorum deorum cultum ejurabant, et ab idolorum sacrificiis et execrando eorum cultu sese abrumpebant, atque ad fidem erroris expertem sese conferebant, ipsiusque doctrina innovati, ad Christum adjungebantur. Omnes autem sacerdotes et monachi, ac nonnulli episcopi, qui ob patris ipsius metum in montes et speluncas sese abdididerant, e latibulis suis exeuntes, læto animo ad eum proficiscebantur. Ipse vero iis qui Christi causa tantis molestiis et acerbitatibus, totque calamitatibus affecti fuerant, obviam prodiens, eos honorifice excipiebat, atque in palatium suum introducebat, pedes ipsorum lavans, squalidam comam abstergens atque omni officii genere ipsos complectens. Post autem ecclesiam recens a se constructam dedicandam curat, atque episcopum quemdam, qui fidei Christianæ causa multis ærumnis conflictatus fuerat, sui que episcopatus thronum amiserat, antistitem in eo instituit, virum, inquam, sanctum, et ecclesiasticorum canonum peritum, divinoque zelo prorsus flagrantem. Ac tum piscina ex tempore facta, eo, qui ad Christum sese converterant, baptizari jubet. Et quidem principes ac magistratus primi baptizati sunt, post autem qui militaris ordinis erant, ac reliquum vulgus. Ac qui baptismum suscipiebant, non modo animarum sanitatem consequiebantur, verum etiam quicumque corporis morbis et febribus laborabant, abjecta omni adversa valetudine, tum animo puro, tum integro corpore e piscina revertebantur, percepta videlicet tum animorum tum corporum sanitate.

Ob eamque causam ingens hominum multitudo ad regem Josaphat undecunque confluebat, pietatis doctrina ab eo imbui exposcens, atque omnia idolorum templa evertiebantur, omnesque opes ac pecuniæ in fanis reconditæ abstrahiebantur, eorumque loco sacrosancta templa Deo exædificabantur, opesque illas ingentisque pretii vestes ac thesauros rex Josaphat ipsis assignabat, vilem scilicet ac supervacaneam illam materiam hac ratione utilem ac fructuosam efficiens. Execrandi porro dæmones, qui in fanis illis et altaribus commorabantur, atrocissimum in modum vexabantur, ac fugabantur, coortamque sibi calamitatem audientibus multis clamabant. Atque finitima illa universa regio tenebrosa ipsorum fraude atque impostura liberabatur, ac Christianorum fidei ab omni labe ac reprehensione liberæ luce collustrabatur.

Siquidem ipse quoque rex omnibus virtutis exem-

plar erat, ac permultos ad eandem voluntatem et sententiam excitabat et inflammabat. Hujusmodi quippe principatus atque imperii natura est; semper enim subditi ad eum qui rerum potitur sese componunt, eaque amare ac consecrari solent, quibus principem delectari sentiunt. Hinc, Deo adjuvante, pietas ipsis augebatur, novosque in dies progressus faciebat, ac rex in Christi mandatorum observationem totus incumberebat, atque ex ipsius charitate pendebat. Eratque verbi gratiæ dispensator, ac multarum animarum gubernator, ad Dei portum eas appellens. Etenim illud exploratum habebat, omnium regionum munerum hoc primum et præstantissimum esse, ut homines ad Dei metum ac justitiæ cultum erudiat: quod etiam ipse faciebat, seipsum videlicet ad imperio tenendas animi perturbationes comparans. subditosque suos admonens, atque optimi naucleri instar justitiæ clavum sedulo tenens. Nam hæc demum veri regni lex ac norma est, nimirum voluptatibus imperare, iisque dominari, quemadmodum ipse etiam faciebat. Quippe nec de majorum nobilitate, nec de regia gloria, in qua versabatur, ullo modo sese efferens (quandoquidem luteum omnes generis auctorem habemus, ejusdemque argillæ pauperes æque ac divites sumus), verum in humilitatis abyssum mentem suam assidue conjiciens, futuramque beatitudinem animo et cogitatione complectens, inquilinum hic seipsum esse ducebat; ea autem propria esse statuebat, quibus post hujus vitæ peregrinationem frueretur. Cum autem hæc præclare gessisset, atque omnes quibus præerat, a veteri atque a patribus tradito errore liberatos, ejus qui nos pretioso suo sanguine ex mala servitute redemit servos effecisset, postea id animo agitare cœpit ut beneficentiæ ac largitionis virtutem excoleret. Nam temperantiam quidem ac justitiam numeris jam omnibus absolverat, ut qui et temperantiæ corona redimitus, et justitiæ purpura convestitus esset. Illud igitur animadvertēbat, terrenarum opum inconstantiam profluentium aquarum cursum imitari: quocirca illic eas recondere properabat, ubi neque tinea neque rubigo demolitur, nec fures effodiunt ac furantur; itaque sine ulla parcimonia pecunias omnes in pauperes distribuere cœpit. Illud enim perspectum habebat, ei qui ad ingentem potentiam pervenerit curandum esse ut eum cujus beneficio potentiam consecutus sit pro viribus initetur; hac porro ratione eum ad Dei imitationem accessurum esse, si nihil misericordia potius atque antiquius ducat. Quamobrem pietatis opes, quæ et hic futuræ voluptatis spe animum oblectant, et illic speratæ beatitudinis fructu animum exhilarant, super aurum et lapidem pretiosum sibi aggerebat. Postea carceres suos perscrutans, tum iis qui ad metalla damnati erant, tum iis qui a creditoribus strangulabantur, ac denique omnibus omnia copiose subministrabat. Orphanorum omnium et viduarum ac pauperum pater erat, indulgens inquam ac benignus pater, atque ita comparatus, ut seipsum beneficio af-

ficere existimaret, cum in eos beneficii aliquid conferret. Nam cum animo liberalissimo ac vere regio præditus esset, egentibus omnibus affatim tribuebat; quod scilicet infinitis partibus majorem mercedem hinc speraret, cum tempus illud advenisset quo merces actionibus rependenda esset.

Cum autem hujusmodi ipsius fama brevi quaquaversum sparsa esset, omnes ad eum tanquam aliquo unguenti odore concitati, quotidie confluebant, ut tum corporum, tum animarum paupertatem excuterent; atque ipse omnibus in ore erat. Neque enim terror ac tyrannica vis populum pertrahebat, verum desiderium ac sincerus erga eum amor, qui quidem divinitus atque ex præstantissima ipsius vitæ ratione in omnium animis insitus erat. Tum igitur, tum, inquam, ii quoque qui sub patris ipsius imperio erant, ad eum potius sese adungebant, omnique abjecto errore, veritatem prædicabant. Ac domus quidem Josaphat crescebat et invalescebat; domus autem Abenner decrescebat ac debilitabatur, quemadmodum scilicet de Davide ac Saule in Regum libro proditum est (*II Reg. 11*).

CAP. XXXIV. Hæc rex Abenner conspiciens, tandem aliquando recepta mente, falsorum deorum suorum atque inanis imposturæ imbecillitatem condemnavit. Ac rursus coarctis senatorii ordinis principibus, quæ ipse in animo haberet, in lucem protulit. Omnibus autem eadem confirmantibus (visitavit enim eos Oriens ex alto (*Lucæ 1*), hoc est, Salvator, exaudita videlicet famuli sui Josaphat oratione), rex de his rebus filium certiores faciendum esse censuit. Itaque postridie epistolam ad eum scribit, hoc exemplo:

« Rex Abenner charissimo suo filio Josaphat salutem.

« Cogitationes multæ, o charissime filii, animum subeuntes, eum gravissime conturbant. Etenim nostra omnia instar fumi deficere atque evanescere, ac contra religionem tuam sole clarius fulgere conspiciens, ea quæ a te mihi dicta sunt vera esse sensi; quodque densæ scelerum et impietatis tenebræ nos ita obruebant, ut in veritatem oculos conjicere, atque omnium rerum parentem et architectum agnoscere minime possemus, verum lucem usque adeo splendidam abs te nobis demonstratam, oclusis de industria oculis perspicere recusaremus, atque te multis malis afficeremus, et (o me miserum!) haud paucos Christianos crudelem in modum trucidaremus: qui quidem invicta potentia ipsis opem ferente corroborati, ad extremum usque spiritum adversum immanitatem nostram dimicarunt. Nunc vero, detracta ex oculis nostris crassa illa caligine, exiguum quemdam veritatis radium cernimus, priorumque vitiorum poenitudo animum subit. Verum hunc quoque splendorem alia horrenda desperationis nubes exoriente opprimere atque extinguere conatur, mihi videlicet peccatorum meorum multitudinem ob oculos proponens, quodque jam ego Christo odio atque execrationi sum, eaque in causa, ut jam ab ipso recipi

nequeam, ut qui adversus eum rebellarem, ipsique bellum indixerim. Quid igitur spei, o suavissime fili, ad hæc dicas, fac quamprimum sciam, ac quid mihi patri tuo faciendum sit doce, atque ad ejus, quod in rem meam futurum sit, cognitionem me tanquam porrecta manu fac ducas. Vale. •

Hanc epistolam cum Josaphat accepisset, quæque in ea continebantur legendo **325** peragrasset, voluptate simul et admiratione animus ipsius impletus est. Atque in cubiculum suum confestim ingressus, et ante Dominicam effigiem in faciem abjectus terram lacrymis perfundebat, simul et Domino gratias agens, et ad ipsius laudationem exultationis labia movens, hisque verbis utens :

Exaltabo te, Deus meus Rex, et benedicam nomini tuo in sæculum, et in sæculum sæculi. Magnus es, Domine, et laudabilis valde, et magnitudinis tuæ non est finis (*Psal. cXLIV*). Et quis loquetur potentias tuas, auditas faciet omnes laudes tuas (*Psal. cv*)? Qui convertisti petram in stagna aquarum, et rupem in fontes aquarum (*Psal. cxIII*). En enim etiam rupes hæc, ac rupe durius patris mei pectus, tua voluntate ceræ instar emollitum est. Potes enim etiam ex lapidibus excitare filios Abrahamæ (*Matth. III*). Gratias tibi ago, benigne Domine ac Deus misericordiæ, quoniam in peccatis nostris lenitate usus es, atque etiamnum uteris, et ad hunc usque diem impunitos nos reliquisti (*Basil. . lib. Const. c. 1*). Nam nos quidem jam pridem a tua facie abjici merebamur, atque in hac vita publica infamia notari, quemadmodum scelerati illi Pentapolitæ, qui igni ac sulphure conflagrarunt (*Gen. xix*). At patientia et incomparabilis lenitas tua benigne nobiscum egit. Gratias tibi ago indignus ego ac despicibilis, etiamsi benignitati tuæ laudandæ ac celebrandæ impar sum. Ac te Domine Jesu Christe, invisibilis Patris Fili ac Verbum qui omnia verbo produxisti, ac voluntate tua contines et tueris, qui in ligno extensus es, ac fortem vixisti (*Matth. xii*), iisque qui ab eo vincti tenebantur, sempiternam libertatem attulisti ; te inquam per miserationes tuas obtestor, ut nunc quoque invisibilem et omnium rerum effectricem manum tuam extendas, ac servum tuum et patrem meum ex gravi illa diaboli captivitate prorsus liberes, teque sempiterna vita præditum, et verum Deum ac solum immortalem et æternum Regem esse apertissime ipsi ostendas. Contritionem quæso animi mei propitio ac placido oculo aspice, ac pro ea tua pollicitatione, in quam mendacium non cadit, a meis partibus sta, qui te rerum omnium effectorem, conditorem, et gubernatorem confiteor et agnosco. Fluat in me saliens aqua tua (*Joan. iv*), deturque mihi sermo in apertione oris (*Ephes. vi*), ac mens in te angulari lapide recte defixa, ut ego, inutilis servus tuus, patri meo incarnationis tuæ mysterium, uti par est, exponere, atque a vano pestiferorum dæmonum errore per potentiam tuam ipsum abducere, tibi que Deo ac Domino, qui non vis mortem peccatorum, sed eorum resipiscenciam ac pœnitenciam expectas (*Ezech. xviii*), conciliare queam. Quoniam tu gloriosus es in sæcula sæculorum. Amen.

Cum ad hunc modum orasset, atque hoc sibi persuasisset, se voti sui compotem futurum, Christi misericordia fretus, illinc cum regio satellitio excessit, atque ad patris palatium sese contulit. Ut autem pater de filii adventu certior factus est, statim obviam ei prodit, atque ipsum complectitur et exosculatione, deque ipsius adventu maxima voluptate afficitur, publicumque ac solemne festum celebrat. Quid autem postea? Remotis arbitris, una consident. Et quis tandem eos sermones, quos tum filius ad regem habuit, et quanta cum sapientia disseruit, ulla oratione complecti queat?

Quid enim aliud loquebatur, quam quæ ipsi a divino Spiritu, per quem piscatores universum mundum Christo irretierunt, et litterarum expertes eruditus viris doctrina præstiterunt, instillabantur? Per ejus gratiam ipse quoque eruditus et instructus, ad regem verba faciebat, scientiæ luce eum collustrans. Ac prius quidem, cum ut patrem a superstitioso errore abstraheret, diu multumque laborasset, nihil non dicens aut faciens, quo ipsius animum ad se alliceret, frustra tamen canere ac surdo loqui videbatur. At cum Dominus afflictionem servi sui Josaphat inspexit, atque, exauditus ipsius precibus, clausas patris ipsius januas patefecit (voluntatem enim, inquit ille [*Psal. cxlv*], timentium se faciet, et deprecationem eorum exaudiet), tum denique rex ea quæ dicebantur facile intelligebat, adeo ut, opportunum tempus nactus filius per Christi gratiam adversus improbos spiritus qui patris animo dominabantur victoriam adipisceretur, ipsumque illorum errore atque impostura omni ex parte liberaret, salutaremque doctrinam perspicue ipsi traderet ac cœlesti et vivo Deo ipsum conciliaret.

Principio enim altius exorsus, ipsi magnas et admirandas res quas prius nec intellexerat, nec cordis auribus perceperat, annuntiavit. Etenim longam ad eum de Deo orationem habuit, piamque doctrinam ipsi ostendit (nempe, quod non sit alius deus sursum, præter unum Deum, qui in Patre et Filio ac Spiritu sancto agnoscitur), ac multa item theologiæ arcana ipsi aperuit. Posteaque etiam ea quæ ad rerum conditarum tam invisibilium quam visibilium procreationem attinebant exposuit : nimirum quo pacto summus ille parens et **326** opifex rebus omnibus ex nihilo productis, hominem ad imaginem et similitudinem suam effinxerit, ipsumque arbitrii libertate donatum, eorum quæ in paradiso pulchra erant participem fecerit, unius tantum arboris gustu ipsi interdicto, hoc est ligni scientiæ. Quo quidem mandato violato, eum e paradiso exterminavit. Unde et ipse, et uxor, ea quam cum eo habebant conjunctione lapsi, in hos, multos errores inciderunt, peccato videlicet in servitutem addicti, mortique per diaboli tyrannidem obnoxii effecti. Qui quidem hominibus semel in potestatem suam redactis, hoc egit, ut Dei ac Domini oblivione prorsus caperentur,

ipsisque persuasit ut per exsecrandam idolorum A adorationem sibi cultum adhiberent.

At vero Deus creator noster, miseratione commo- tus, benigna Patris voluntate ac Spiritus sancti ad- juncta opera, ex Virgine sancta nostri instar in lu- cem edi voluit: cumque cruciatus affectus fuisset is qui a perpeſsione immunis erat, triduo post a mor- te ad vitam excitatus, nos a priori multa et condem- natione liberavit, præstantiorique gloria donavit. Siquidem in cœlum ascendens, simul nos eo unde descenderat, evexit. Quem etiam rursus venturum credimus, ut figmentum suum ad vitam revocet, atque unicuique secundum ipsius opera reddat. Po- stea de illo cœlorum regno, quod eos qui id prome- rentur manet, verba fecit, atque arcana illa bona, reconditamque item improbis pœnam proposuit, ni- B mirum ignem nunquam exstinguendum, exteriores tenebras, immortalem vermem, cæteraque tormen- torum genera, quæ peccati servi sibi ipsis recondi- derunt. Hæc omnia quam plurimis sermionibus, ac Spiritus sancti gratiam abunde ipsi inesse testanti- bus, prosecutus, tum demum impervestigabile divi- næ benignitatis pelagus enarravit, quamque ille eorum qui ad eum sese convertunt po- nitentiam libenter expectet, quodque nullum scelus sit quod ipsius misericordiam superet, si quidem ad melio- rem frugem redire in animum inducamus. Quod cum multis exemplis ac scripturæ testimoniis decla- rasset, orationi finem imposuit.

CAP. XXXV. — Rex autem divinitus tradita hac sapientia compunctus, ingenti voce ac ferventissi- C mo animo Christum Salvatorem confitetur, atque ab omni superstitioso errore abscedit: vivificæque crucis signum inspectantibus omnibus adoratur, et au- dientibus omnibus Deum verum ac Dominum no- strum Jesum Christum prædicat. Atque commemo- rata priori sua impietate, et adversus Christianos crudelitate et immanitate condemnata, ingens ad pietatem portio efficitur. Exstabatque id quod a Paulo dictum est: Ubi abundavit iniquitas, illic et superabundavit gratia (*Rom. v.*). Cum igitur sapien- tissimus Josaphat etiam ad rei militaris duces et sa- trapas, atque ad omnem denique populum de Deo atque erga ipsum pietate multa verba faceret, et quasi ignea lingua præclarum aliquid ac modulatum caneret, superveniens Spiritus sancti gratia omnes D ad celebrandam Dei gloriam excitabat; ita ut uni- versa multitudo una voce clamaret: Magnus Chri- stianorum Deus est, nec præter Dominum nostrum Jesum Christum, qui cum Patre et Spiritu sancto glorificatur, alius Deus est.

Divino porro zelo impletus rex Abenner, in aurea illa et argentea idola, quæ in ipsius palatio erant, acri animo impetum facit, eaque omnia dejecit, posteaque in minutas partes redacta pauperibus distribuit; sic nimirum utilia ea reddens, quæ prius utilitate omni ac fructu carebant. Quin etiam ipse cum filio idolorum templa et aras omnes obsidens, a fundamentis ipsa eruit, eorumque loco templa Deo

extruxit. Nec vero in urbe duntaxat, sed etiam in tota regione eandem operam sedulo navabant. Per- versi autem spiritus, qui in aris domicilium habe- bant cum ululatu pellebantur, invictamque Dei no- stri potentiam tremulo clamore testabantur, omnis- que vicina regio, ac multæ item finitimæ gentes ad piam fidem sese conferebant. Tum igitur, cum divi- nissimus ille episcopus, de quo superius verba feci- mus, accessisset, rex Abenner fidei Christianæ ele- mentis imbuitur, ac divino baptismo in nomine Pa- tris et Filii et Spiritus sancti, perficitur. Ac Josaphat ex divina piscina ipsum excipit, res sane om- nium maxime nova. Patris enim pater existit, et ei a quo carnali modo progenitus fuerat spiritualem regenerationem conciliat. Etenim cœlestis Patris fi- lius erat, divinæque profecto radicis divinissimus fructus; radicis, inquam, illius quæ clamat: Ego sum vitis, vos palmites (*Joan. xv.*).

Ad hunc modum rex per aquam ac Spiritum rege- neratus, ejusmodi voluptate quæ nulla oratione expli- cari potest afficiebatur; simulque etiam cum ipso uni- versa civitas ac finitima regio divino baptismo dona- batur, lucisque filii existebant qui prius in tenebris versabantur. Atque omnis morbus et omnis a dæmo- nibus invecta calamitas procul ab iis qui fide præ- diti ~~327~~ erant propellebatur, omnesque tum ani- mus tum corporibus integri atque incolumes erant. Multaque item alia miracula fidei confirmandæ causa edebantur, ecclesiæ etiam ædificabantur, et episcopi qui metu delitescebant, in lucem prodibant, suasque ecclesias recipiebant. Ac præterea alii, tum ex sacer- dotum tum ex monachorum ordine, ad pascendum Christi gregem instituebantur. Porro rex Abenner ad hunc modum ab improba et flagitiosa vitæ ratione sese removens, ac de perpetratis sceleribus pœniten- tiam agens, regium omne imperium filio tradidit, ipse autem in solitudine degens, caputque cinere sine ulla intermissione aspergens, et graves gemitus edens ac sese lacrymis abluens, solus cum eo solo qui ubique præsens est colloquebatur, noxarum suarum veniam ab eo petens. Quin in tantam compunctionis atque humilitatis abyssum sese demisit, ut ipsum quoque Dei nomen labiis usurpare recusaret, ac vix tandem a filio admonitus, illud pronuciare auderet. Tanta autem ac tam præclara in eo vitæ commutatio fuit, ac tanta cum laude virtutis iter tenuit, ut priorum iniquitatum ignorantiam pietatis magnitudine supe- raret. Cum autem quatuor annos hoc pacto in po- nitentia et lacrymis atque omni virtutis genere tran- segisset, in lethalem morbum incidit. Cum autem ipsi vitæ finis immineret, in metu animique anxietate ~~versari~~ cœpit, mala ea quæ a se perpetrata fuerant ~~in~~ in memoriam revocans. At Josaphat consolatoris ~~oratione~~ oratione coortum ei mœroris onus sublevavit, hi- verbis utens: Quare tristis es, o pater, et quare teip- sum conturbas (*Psal. xli.*)? Spera in Deo, et confite- ~~ri~~ ipsi, qui est spes omnium finium terræ, et in mar- ~~longe~~ longe (*Psal. lxiiv.*), qui per prophetam clamavit: Lavamini, mundi estote, auferte malum cogita-

tionum vestrarum ab oculis meis discite benefacere. Et si fuerint peccata vestra sicut coccinini, tanquam nix dealbantur; et si fuerint rubra sicut vermiculus, tanquam lana alba erunt (*Isaiæ* 1). Quocirca ne timeas, o pater, nec dubio animo sis; neque enim eorum qui ad Deum sese convertunt, peccata, immensam ipsius bonitatem vincunt. Illa enim quocunque tandem numero fuerint, sub mensuram cadunt, hanc autem nec metiri nec numerare quisquam potest. Quocirca fieri non potest, ut quod mensuræ subijcitur, id quod nulla mensura comprehendi potest, superet.

Hujusmodi verbis ad consolandum accommodatis, ipsius animi leniens, ac velut excantans, eum ad bonam spem revocavit. Deinde pater, extensis manibus, gratias ipsi agebat, ac bene precabatur, diemque eum quo ipse in lucem editus esset laudibus efferebat, his verbis utens: Dulcissime filii, filii inquam, qui non tam meus es quam cœlestis Patris, quamnam tibi gratiam referam? quibus te benedictionibus prosequar? quas Deo tua causa gratias agam? Perieram enim, ac tua opera inventus sum; peccato mortuus eram, et revixi (*Lucæ* xv); hostis et perduellis Dei, et in gratiam receptus sum. Quid igitur tibi pro his omnibus rependam (*Psal.* xxx)? Deus est qui satis amplis præmiis te remunerari queat. Hoc sermone habito, cum charissimum filium sæpius exosculatus fuisset, ac deinde preces fudisset, atque, in manus tuas, o benigne Deus, commendo spiritum meum, dixisset, in pœnitentia animam suam Domino reddidit.

Filius autem Josaphat patrem mortuum lacrymis prosecutus, justisque ipsi persolutis, corpus ejus in piorum virorum sepulcris condidit. Nec tamen ipsius corpus regia veste obvolvit, sed pœnitentiæ vestimentis exornavit. Atque ipse in sepulcro stans, ac manus in cœlum tendens, lacrymasque ex oculis fluvii instar profundens, his verbis ad Deum clamavit:

Gratias tibi ago, Deus Rex gloriæ, qui solus potens et immortalis es, quoniam orationem meam minime despexisti, nec lacrymas meas pro nihilo duxisti: verum servum tuum ac patrem meum a scelerata vendi ratione advocatum, ad te omnium Salvatorem pertrahere voluisti, eum videlicet ab idolorum errore abducens, atque ipsi hoc donans, ut te Deum verum ac benignum intelligeret. Ac nunc, o Domine Deus, cujus bonitatis pelagus pervestigari nequit, in loco pascuæ, in loco refectiois, ubi vultus tui lux splendet, eum colloca; nec antiquarum ipsius iniquitatum recordare, sed pro ingenti tua misericordia peccatorum ipsius chirographum dele, ac debitorum ipsius chartas concerpe, sanctosque tuos, quos et igne et gladio de medio sustulit (*Psal.* LXXVIII), cum ipso in gratiam reduc eisque, ne ipsi infensos et iratos sese præbeant, impera. Omnia quippe tibi omnium Domino possible sunt, hoc uno excepto, quod quin te eorum qui sese ad te convertunt misereat, facere non potes. Misericordia enim tua in omnes diffusa est, atque iis a quibus invocaris, salutem

PATROL. LXXIII.

Affers, Domine Jesu Christe, quoniam decet te gloria in sæcula. Amen.

Hujusmodi preces et orationes Deo offerebat, septem dies a sepulcro omnino non discedens, nec cibi quidquam aut potus admittens, nec rursus somno corpus recreans, ~~328~~ verum et lacrymis solum rigans (*Psal.* CXLII), et cum luctibus omnem orationis facultatem superantibus in oratione perstans. Octavo autem denique die in palatium reversus, opes omnes ac pecunias pauperibus distribuit; adeo ut nullus jam qui rerum inopia premeretur, superesset. Paucisque diebus in hujusmodi ministerio exactis, omnes thesauros exhaustit: id videlicet agens, ne angustam portam introire paranti pecuniarum moles impedimentum afferret.

CAP. XXXVI. — At vero quadragesimo a paterni obitus die memoriam ipsius celebrans, magistratus omnes ac militaris classis et plebei ordinis haud paucos convocat: atque in regio throno sedens, cunctis audientibus hanc orationem habuit: En, ut ipsi cernitis, Abenner rex ac pater meus, haud secus ac pauperum quivis mortem obiit. Ac nec divitiæ, nec opes, nec regi gloria, nec rursus ego patris amantissimus filius, nec reliquorum ipsius amicorum ac cognatorum quisquam opem ipsi et auxilium afferre, atque ab inevitabili sententia ipsum eximere potuit; verum ad illud tribunal, ut præsentis vitæ rationem reddat, proficiscitur, neminem omnino qui ipsi opituletur secum ducens, iis duntaxat exceptis (quæcunque tandem illa fuerint) quæ ab eo gesta sunt. Hoc autem ipsum quoque omnibus qui mortalem naturam

nacti sunt contingere natura comparatum est, neque aliter fieri potest. Nunc igitur audite me, o filii ac fratres, plebs Domini, et sancta hæreditas, quos Christus Deus noster pretioso sanguine suo redemit, atque a veteri errore et adversarii servitute in libertatem vindicavit. Vos meam inter vos vitæ rationem nostis: nempe quod ex quo tempore Christi cognitionem consecutus, divinoque beneficio ipsius servus effectus sum, omnibus aliis rebus contemptis atque odio habitis, ipsius duntaxat cupiditate flagravi; idque unum mihi in votis fuit, ut ex hujus vitæ tempestate, atque inani perturbatione ac tumultu egressus, solus cum ipso solo consuetudinem haberem. atque in summa animi tranquillitate Deo meo ac Domino servirem. Verum me patris mei in diversum nitentis voluntas retinuit, præceptumque illud, quod patribus honorem haberi jubet (*Deut.* v). Unde Dei gratia et adjumento incassum minime laboravi, nec hujusmodi dies frustra consumpsi; verum et illum, et vos omnes, Deo conciliavi, eumque solum Deum verum, ac rerum omnium Dominum cognoscere docui non quidem ego istud faciens, sed gratia Dei mecum, qui me etiam e superstitioso errore atque idolorum cultu eripuit, ac vos, o plebs mea, gravi et acerba captivitate liberavit. Jam igitur tempus est ut ea quæ Deo pollicitus sum expleam. Tempus, inquam, est ut quo ipse me ducet proficiscar, eaque vota quibus me ipso obstrinxi persolvam. Nunc itaque vobis-

cum ipsi considerate quem vobis præesse ac regnum A obtinere velitis. Jam enim in Domini voluntate perfecti estis, nec quidquam ex ipsius præceptis vobis occultum est. In his ambulate, nec vel ad dexteram vel ad sinistram declinate. Ac Deus pacis velim sit cum omnibus vobis.

Hæc ut plebs audivit, tumultus statim ac strepitus, ingensque clamor et confusio exorta est, plorantibus omnibus, atque orbitatem suam deplorantibus. Quin etiam præter luctus et ejulatus illud etiam jurejurando affirmabant, sese illum minime dimissuros, sed re- tenturos, nec secedendi potestatem ullo modo ipsi facturos. Sic clamante populo, atque omnibus magistratibus, excipiens rex populares compescit, silentiumque ipsis imperat, seque illorum contentioni cedere atque obtemperare asserens, eos, quamvis alio- B qui mœrentes atque ejulatus signa in genis ferentes, domum remittit. Ipse autem unum ex principibus, quem ipse tum pietatis, tum vitæ sanctitatis nomine pluris omnibus faciebat, admirationeque prosequetur, hoc est Barachiam, cujus etiam superius, cum Nachor Barlaamum se esse simulans cum philoso- phis disputavit, verba fecimus, quemque solum zelo divino penitus flagrantem ab ipsius partibus stetisse, atque ad disputationem adversus illos ineundam par- tatum fuisse diximus, hunc, inquam, remotis arbi- tris, assumptum, blande ac leniter allocutus est, obnixeque precibus, ut regnum acciperet, atque in timore Dei plebem suam regeret obsecrabat quo ipse ad expeditum iter se accingeret.

Ut autem eum renuentem, atque istud omnino re- pudiantem vidit, hisque verbis utentem: O rex, quam istud tuum iudicium iniquum est, quam tuus sermo divino mandato parum consentaneus; nam cum pro- ximum non secus ac te ipsum amare docearis, qua tandem ratione sarcinam eam, quam tu abjicere stude- des, mihi imponere festinas? nam si regio munere fungi bonum est, ipse quod bonum est retine; sin autem officiculum istud ac scandalum animi est, quid mihi illud objicis, ac me in fraudem inducere cupis? Ut, in- quam, eum his verbis utentem et asseverantem vidit, cum eo quidem colloqui destitit: ipse 329 autem in- tempesta nocte epistolam ingenti sapientia plenam, at- que ad omne pietatis genus impellentem, ad populares suos exarat, nempe quam de Deo sententiam tenere, quam ipsi vitam, quas læudes, quas denique gratiarum D actiones offerre deberent, præscribens. Ac postea, ne quemquam alium præter Barachiam ad regiam digni- tatem admitterent prohibebat. Hac epistola in cubi- culo suo relicta, inscientibus omnibus egreditur. Nec tamen efficere potuit ut ipsius discessus ad extremum usque incognitus esset. Nam simul atque illuxit, ea res audita perturbationem ac luctum plebi attulit, omnesque summa celeritate ad eum investigandum perrexerunt, ipsius fugam omni ratione occupare cogitantes. Quo etiam factum est ut studium ipsius frustra minime cesserit. Nam cum itinera omnia oc- cupassent, ac montes omnes obsedissent, inviasque valles peragrassent, in torrente quodam insum manus

in cælum tendentem, ac sextæ horæ preceationem persolventem invenerunt.

Conspecto autem eo, circumfusi statim, cum la- crymis eum obsecrabant, ac discessum ipsi obje- ctabant. At ille, Quid, inquit, inanem laborem suscipitis? Nec enim est quod vos me regem ultra habituros esse speretis. Nihilo secius tamen eorum ingenti contentioni cedens, ad palatium revertitur, coactisque in unum omnibus, quid in animo haberet declaravit, ac postea interposito etiam jurejurando sermonem confirmavit, nempe se posthac ne unum quidem diem cum ipsis fore: Ego enim, inquit, meo erga vos ministerio perfunctus sum, nec quidquam prætermisi, nec subterfugi, quominus annuntiarem vobis (Act. xx), ac docerem testificans omnibus in Dominum nostrum Jesum Christum fidem, ac peni- tentiæ viam ostendens. Ac nunc ego viam hanc in eo, quam jam pridem expetebam, nec ultra faci- em meam quisquam vestrum videbit. Quapropter, ut divini Apostoli verbis utar, contestor vos ho- die die, quod mundus ego sum a sanguine om- nium vestrum. Non enim subterfugi, quominus an- nuntiarem vobis consilium Dei.

Hæc illi audientes, ac sententiæ ipsius firmitatem exploratum habentes, nempe quod cum a suscepto consilio revocare minime possent, orbitatem quidem suam deplorabant, nec tamen ullo modo eum de sententia deducebant. Tum autem rex Barachiam il- lum, de quo supra locuti sumus, manu tenens: Hunc, inquit, o fratres, hunc vobis regem creo.

Cumque ille ejusmodi rei vehementer oblucretur, invitum eum ac repugnantem in regio throno collo- cat, ipsiusque capiti diadema imponit, atque annu- lum regium ipsi in manum præbet. Atque ad Orien- tem stans, pro rege preces fudit, hoc videlicet a Deo postulans, ut Dei fidem constanter teneret, ac Christi mandatorum iter ab omni flexu alienum inveniret. Ad hæc pro clero etiam atque universo grege preceatus est, opem videlicet et auxilium ac salutem ipsis a Deo petens, atque ut quidquid ipsi postularent ad utilitatem moderaretur.

Hac oratione habita, conversus ad Barachiam, ait: En tibi, frater, hoc præcipiam quod Apostolus testatus est: Attende tibi ipsi, et universo gregi in quo te Spiritus sanctus regem posuit, ut Christi po- pulum, quem proprio sanguine acquisivit, regas (Act. xx). Et quemadmodum Deum ante me cogno- visti, cumque puro animo et conscientia coluisti, ita nunc quoque majori studio in hoc incumbere, ut ipsi vitæ tuæ rationes probes. Quo enim majus a Deo imperium consecutus es, eo quoque majora ipsi rependas oportet. Ac proinde gratitudinis debitum ei cujus beneficiis auctus es persolve, sancta ipsius præcepta custodiens, atque ab omni via in exitium ducente deflectens. Ut enim in iis qui navigant, cum nauta quispiam peccat, exiguum iis qui simul navi- gant detrimentum affert; cum autem gubernator, universæ navi exitium accersit, ita etiam in regno usu venit. ut cum quispiam eorum, qui subsunt

peccat, non tam alium quam seipsum lædat; sin autem rex ipse peccet, totum regnum labefactat ac detrimento afficit. Quapropter, ut ingentes rationes redditurus, si quid eorum quæ opus sint prætermiseris, magno studio magnaque cura te ipsum in bono custodi, voluptatem omnem ad peccatum te pertrahentem odio insectare. Ait enim Apostolus: Pacem sectamini cum omnibus, et sanctificationem, sine qua nemo videbit Deum (*Heb. xii*). Rerum humanarum circulum animadvertite, quo pacto videlicet in orbem volvatur, alias atque alias alio atque alio modo eas ferens ac torquens; illudque stude, ut in varia earum mutatione pium animum constanter retineas. Siquidem una cum rebus commutari, dubiæ atque instabilis mentis argumentum est. Tu vero fac in virtute firmus sis, ac prorsus stabilitus. Ob temporariam et caducam gloriam inani tumore minime insolesce; verum, repurgato animo, naturæ tuæ vilitatem cogita, vitæque hujus brevitatem atque adjunctam carni mortem cogita. Hæc enim si consideres, in superbiam haudquaquam incidēs, sed Deum verum ac **330** cœlestem Regem metues, sicque præclare ac feliciter tecum agatur. Beati enim, inquit ille, omnes qui timent Dominum, qui ambulant in viis ejus (*Psal. cxxxvii*). Ac rursum: Beatus vir qui timet Dominum, in mandatis ejus volet nimis (*Psal. cxl*). Quænam autem præ cæteris præcepta tibi servanda sint, audi: Beati misericordes, quoniam ipsi misericordiam consequentur (*Lucæ vi*). Ac rursum: Estote misericordes, sicut et Pater vester cœlestis misericors est. Hoc enim præceptum ab iis potissimum exposcitur qui in summo imperio constituti sunt.

Ac sane qui magnam potentiam nactus est, eum a quo hujusmodi potentiam accepit pro viribus imitari debet. Hæc porro in re Deum maxime imitabitur, si misericordia nihil potius antiquiusque habeat. Hæc accedit quod subditos nihil æque ad benevolentiam allicit, ut beneficii gratia egentibus concessa. Nam obsequium illud quod ex metu oritur, adumbrata est adulatio, per fictum honoris vocabulum eos qui animum ipsi adjiciunt, ludificans ac circumscribens. Atque is qui invito animo paret, oblata occasione seditionem excitat; qui autem benevolentiam vinculis constrictus tenetur, firmam ei qui rerum potitur obedientiam præstat. Quæ cum ita sint, da operam ut egentibus facilis ad te accessus sit, iisque qui inopia conflictantur, aures tuæ pateant, ut tu quoque apertas Dei aures invenias. Nam quales nos ipsos conservis præbuerimus, talem etiam erga nos Dominum nanciscemur, et quemadmodum audierimus, audiemur, et quemadmodum viderimus, a divino et omnium rerum conspectore oculo videbimur. Quamobrem ante misericordiam misericordiam conferamus. ut simile per simile recipiamus.

Quin etiam aliud quoque præceptum cum superiore isto conjunctum, ipsique cognatum audi: Dimittite, et dimittetur vobis. Quod si non miseritis hominibus delicta ipsorum, nec Pater vester cœlestis peccata vestra vobis remittet. Ob idque ne iis a

quibus offensus fueris injuriæ memorem te præbeas; verum cum ipse peccatorum tuorum veniam postules, iis etiam qui in te peccant ignosce. Remissioni enim remissio rependitur; et si cum nostris conservis in gratiam redeamus, Dominus quoque suam in nos iracundiam comprimet. At contra nostra adversus eos qui aliquid in nos admiserunt sævitia hoc efficit, ut peccatis nostris nulla venia tribuatur (*Matth. xviii*). Quemadmodum audis quidnam illi qui decem talentorum millia debebat acciderit, nempe quod ob suam in conservum crudelitatem, tanti debiti exactionem sibi ipsi renovarit. Quare magnopere nobis providendum est, ne hoc quoque nobis usu veniat. Quin potius debitum omne remittamus, atque omnem iram e pectore ejiciamus, ut nobis quoque multa nostra debita remittantur. Præter hæc omnia, ac præ omnibus rebus bonum depositum custodi, hoc est piam fidei doctrinam, in qua institutus et eruditus es (*II Tim. i*). Illudque cave, ne ullum hæresis zizanium in vobis enascatur: verum purum ac doli expers divinum semen conserva, ut uberem atque amplam segetem Domino exhibeas, cum ad exposcendam rerum ab unoquoque in vita gestarum rationem, consentaneamque actionibus nostris mercedem referendam veniet. Quo quidem tempore justii fulgebunt sicut sol, sceleratos autem caligo ac sempiterna ignominia obruet (*Matth. xiii*). Ac nunc, o fratres, Deo vos commendo, et verbo gratiæ ipsius, qui potens est superædificare, et dare vobis hæreditatem in sanctificatis omnibus (*Act. xx*).

Hæc cum dixisset, positus genibus suis, quemadmodum scriptum est, cum lacrymis rursum oravit, atque conversus Barachiam, quem regem designarat, omnesque eos qui magistratu fungebantur, exosculatus est. Tum vero res lacrymis sane digna contigit. Omnes enim ipsum circumstantes (non secus ac si hoc duntaxat viverent, quod cum eo essent, ac simul atque ab eo disjungerentur, vitam amisissent) quid non dicebant quod ad ciendam misericordiam pertineret? aut quid relinquebant quo eorum luctus augeri posset? ipsum exosculabantur et complectebantur, mentisque impotes præ dolore erant. Væ nobis, clamabant, quam gravi calamitate opprimimur! Dominum eum appellabant, patrem, salutis auctorem, bene de se meritum. Per te, inquebant, Dei cognitionem accepimus, errore liberati sumus, ab omnibus malis conquievimus. Quid jam nobis post discessum tuum futurum est? Quænam mala nos arripient? Hæc cum dicerent, pectora feriebant, camque quæ eos invaserat calamitatem deplorabant. At ille consolatoria oratione ingentem eorum ejulatum comprimens, illud pollicebatur, se (quoniam corpore jam non poterat) spiritu cum illis fore. Hoc sermone habito, spectantibus omnibus e palatio excedit; ac statim omnes desperato reditu eum sequebantur, atque ex urbe, ut quam jam conspicere minime possent, profugiebant. Posteaquam autem civitate egressi sunt, vix tandem atque ægre acrius eos ipso admonente, atque etiam asperiorum

interdum objurgationem adjungente, ab eo distracti sunt, atque inviti revertentur, identidem oculos reflectentes, **III** ac pedibus inter ambulandum offendentes. Nonnulli autem ex iis qui ferventiori animo præditi erant, lugentes eminus ipsum sequebantur, quoadusque nox oborta eos inter se disjuncti.

CAP. XXXVII. — Generosus igitur ille vir ex aula egressus est, perinde lætus atque alacris, ut cum quispiam e longinquo ac diuturno exsilio in patriam se refert. Atque externe quidem eas quibus uti solebat, vestes gerebat, interne autem cilicium illud quod Barlaam ipsi dono dederat. Porro nocte illa in pauperis cujusdam viri domunculam se conferens, vestes eas quibus indutus erat abjicit, postremumque illud beneficium egenti tribuit. Cumque ad hunc modum tum illius tum multorum aliorum pauperum precibus Dei opem atque auxilium sibi accivisset, ejusque gratia et præsidio tanquam salutis vestimento ac lætitiæ pallio sese induisset, ad solitariam vitam excessit, non panem, non aquam, non quidquam aliud ex iis quæ ad victum necessaria sunt secum ferens, nulumque aliud indumentum gerens, præter asperum illud cilicium, de quo paulo ante mentionem feci. Etenim singulari quodam desiderio, ac divino immortalis regis Christi amore saucius, toto animo in id quod amabat incumberebat, totus extra se raptus, ac divinitus immutatus, Deique charitate omni ex parte correptus. Fortis enim, inquit ille, sicut mors dilectio (*Cant.* VIII). Tantam videlicet ipse ex divino amore temulentiam contraxerat, tantaque siti æstuebat, instar scilicet illius qui dicebat: Quemadmodum desiderat cervus ad fontes aquarum, ita desiderat anima mea ad te Deus. Sitivit anima mea ad Deum fontem vivum (*Psal.* XLII). Et quemadmodum anima illa, quæ hujusmodi charitate vulnerata erat in Cantico canticorum ait: Vulnerata charitate ego sum (*Cant.* I). Ac rursus: Ostende mihi faciem tuam, et fac me audire vocem tuam; vox enim tua dulcis, et facies tua decora.

Hujusce omni sermone præstantioris pulchritudinis Christi desiderio, tanquam igne quodam in pectore accepto, apostolorum chorus, ac martyrum agmina, omnia ea quæ oculis cernuntur contempserunt, atque omni huic fluxæ et caducæ vitæ innumera tormentorum et mortis genera prætulerunt, divinæ pulchritudinis amore flagrantibus, atque ingentem Dei Verbi erga nos amorem cum animis suis reputantes. Hunc ignem cum præclarus etiam, ac corpore quidem nobilis, cæterum longe nobiliore ac magis regio animo præditus vir in seipso accepisset, terrena omnia prorsus aspernatur, omnes corporis voluptates proculcat, opes et gloriam atque humanos honores pro nihilo ducit, diadema et purpuram abjicit, aranearum telis viliora ea existimans, atque ad omnia dura et acerbæ monasticæ vitæ studia prompto animo sese tradit, illud Psalmistæ clamans: Adhæsit anima mea post te, o Christe, suscipiat me dextera tua (*Psal.* LXII).

Cumque ad hunc modum, oculis a tergo minime

contortis, in intimam solitudinem se contulisset, atque caducarum rerum confusionem, tanquam molestissimam quamdam sarcinam et catenam excussisset, spiritu lætabatur, conjectisque in Christum, cujus desiderio ardebat, oculis; ad eum, tanquam ad præsentem atque ipsius vocem audientem clamabat, eumque alloquebatur, his videlicet verbis utens: Ne jam quæso, o Domine, oculus meus hujusce vitæ bona videat; nec præsens vanitas mentem meam a suscepto itinere abstrahat; verum, Domine mi, oculos meos spiritualibus lacrymis imple, gressusque meos dirige, famulumque tuum Barlaam mihi commonstra. Mihi, inquam, eum per quem mihi salus parta est ostende, ut solitariæ ac monasticæ vitæ sinceritatem per ipsum addiscam, ac non ob hostilis belli imperitiam in fraudem inducar. Da mihi, Domine, viam meam nancisci, per quam te adipiscar, quoniam anima mea tui desiderio saucia est, teque salutis fontem ardentem sitit.

Hæc secum perpetuo volvebat, atque ad Deum loquebatur, per orationem ac sublimissimam contemplationem ipsi sese conjungens. Atque ita contento gressu cœptum iter exsequebatur, ad locum eum in quo Barlaam degebat pervenire contendens. Herbis porro iis quæ in deserto existebant alebatur. Neque enim, ut jam a me commemoratum est, præter corpus ac pannos illos quibus indutus erat, quidquam aliud secum ferebat.

Cæterum cum exiguum ac nullius omnino momenti victum ex herbis sibi pararet, aquæ penuria prorsus laborabat, quod videlicet solitudo illa aquæ experta esset. Cum igitur sole jam sub meridiem vehementer ardente iter faceret, vehementius ob æstum in arida regione siti flagrabat, atque extrema et gravissima ærumna vexabatur. Verum cupiditas naturam vincebat, ac sitis ea divina qua affliciebatur sitis aquæ flammam minuebat.

At vero ille boni inimicus et invidus diabolus, hujusmodi animi institutum atque usque adeo ardentem ipsius erga Deum charitatem indignissimo animo perspicens, multas ipsi in solitudine tentationes excitabat, regiæ nimirum ipsius gloriæ splendidissimæque **III** satellitum manus, qua ipsius latus cingi solebat, atque amicorum item et æqualium memoriam ipsi refricans; illudque item ipsi ob animum proponens, omnium animas ex ipsius anima pendere, ac reliquas denique alias hujusce vitæ oblectationes ipsi objiciens. Ac deinde virtutis asperitatem, atque ingentes ejus sudores ipsi proponebat, corporis item imbecillitatem et inexpertas atque insuetas ærumnas, et temporis longinquitatem, ac præsentem sitis oppressionem, quodque nulla ex parte consolatio nulla ipsi exspectanda esset, aut tanti laboris tantæque fatigationis finis. Ac denique ingentem in ipsius animo, quemadmodum quodam loco de magno Antonio proditum est, cogitationum pulverem commovebat.

Ut autem ad labefactandum ipsius animi institutum imbecillum hostis ille se vidit, Christum enim ipse sibi

ob animum proponens, atque ipsius desiderio inflammatus, speque egregie confirmatus, ac fide subnixus, illius instinctus et consilia pro nihilo ducebat), pudore suffusus est, utpote ad primum, ut dici solet, impetum prostratus. Quapropter alteram viam inire cœpit (multas quippe ipsi vitii semitas habet), ac variis spectris eum evertere atque in metum conjicere nitebatur. Nonnunquam enim ater ipsi, ut est, apparebat; nonnunquam rursus districtum, gladium tenens, in eum impetum faciebat, seque eum, nisi quamprimum ab instituto resiliret, percussurum minabatur. Quandoque rursus variarum bestiarum formam subibat, adversus ipsum rugiens ac perquam horrendum mugitum et strepitum edens: atque etiam in draconis et aspidis et reguli formam sese subinde immutabat. At præclarus ille ac strenuissimus pugil tranquillo animo consistebat, ut qui Altissimum perfugium suum posuisset (*Psal.* xc). Ac mente excubans, pestiferumque spiritum irridens, dicebat: Non me fugit, o impostor, quinam sis, qui hæc in me excites: nimirum qui jam inde ab initio mortalium generi perniciem moliaris, nec unquam improbitati studere ac nocumentum inferre desinas. Ac sane quam pulchre tibi hic habitus quadrat! Nam hoc ipso quod bestias et reptilia imitaris, mentis tuæ feritatem et perversitatem, voluntatisque ad noxam ac pestem inferendam promptitudinem demonstras. Quid igitur, o miser, ea aggredieris quæ conficere non potes? Ex quo enim has artes atque hæc spectra a tua improbitate proficisci comperi, nulla jam hinc sollicitudine afficior, Dominus mihi adjutor: et ego despiciam inimicos meos (*Psal.* cxvii). Et super aspidem et basiliscum, quorum in similitudinem expressisti, ambulabo, atque Christi potentia corroboratus, leonem et draconem conculcabo (*Psal.* xc). Confundantur et erubescant omnes inimici mei, confundantur et erubescant valde velociter (*Psal.* vi).

Hac oratione utens, crucisque signo, hoc est invictis armis seipsum cingens, omnia diaboli spectra irrita reddidit. Confestim enim bestię ac reptilia instar fumi evanuerunt, et sicut fluit cera a facie ignis (*Psal.* lxxvii). Ipse autem Christi potentia confirmatus, læto animo proficiscebatur, Deoque gratias agebat. At etiam complures ac varię bestię, variique generis serpentes et dracones, quos solitudo illa nutriebat, ipsi occurrentes, non jam per inane spectrum, sed re vera ab ipso cernebantur. Ex quo efficiebatur ut metus quidem ac laboris via plena esset, ipse autem utrumque animo et cogitatione superaret. Nam et metum claritas, ut Scripturę verbis utar, foras mittebat (*IJoan.* iv), et laborem cupiditas levabat. Ad hunc itaque modum cum multis et variis calamitatibus et ærumnis per dies haud paucos colluctatus, ad Sennaarididem illam solitudinem in qua Barlaam habitabat pervenit. Ubi etiam aquam nactus, flammam restinxit.

CAP. XXXVIII. — Josaphat autem biennium integrum in hac vastissima solitudine mansit, huc atque illuc oberrans, nec Barlaamum inveniens, Deo

nimirum hic quoque animi ipsius firmitatem ac strenuitatem explorante. Ac sic, sub dio degens, tum æstu conflagrabat, tum frigore obrigebat, præstantissimum illum senem velut quemdam ingentis pretii thesaurum quærere nunquam intermittens. Multas porro pestiferorum spirituum tentationes, ac multa prælia sustinebat, multosque item labores, ob herbarum, quibus de more victitabat, penuriam perfebat; quoniam scilicet has quoque solitudo ea, ut quæ siccitate laboraret, parce admodum produceret. Verum adamantinus atque invictus ipsius spiritus, amore ac desiderio ardens, hujusmodi molestias facilius ferebat quam alii voluptates ferre soleant. Quocirca divina ope minime caruit; verum secundum dolorum ipsius ac laborum multitudinem (*Psal.* xxxiv) allatę a Christo, cujus cupiditate flagrabat, consolationes, tam noctu quam diu animum ipsius exhilarabant. Confecto autem biennii curriculo, Josaphat quidem perpetuo circumibat, eum quem expetebat quærens, atque ad Deum lacrymas fluminis instar profundens, meditabatur clamans: Ostende mihi, Domine, **☩☩☩** mihi, inquam, eum ostende, qui mihi tui nominis cognitionem ac tanta bona conciliavit, nec propter peccatorum meorum multitudinem tanto bono me priva; verum hoc concede, ut et ipsius conspectu fruam, et idem cum eo religiosę exercitationis certamen subeam.

Dei autem favore speluncam quamdam invenit, pervestigata videlicet eorum qui eo se conferebant semita; atque monachum quemdam solitarium vitę genus colentem nanciscitur, eumque maximo cum animi fervore complexus et osculatus, ubinam Barlaam habitaret, sciscitabatur, simulque ipsi rerum suarum statum exposuit. Cum igitur ex ipso ubi viri illius quem quærebat domus esset intellexisset, eo quam celerrime, non secus ac peritissimus quispiam venator feram nactus, se contulit, peragratisque alterius cujusdam senis admonitu aliquot passuum millibus, lætus ac spei robore septus incedebat, æquenimirum ac puer, qui patrem quem jam pridem non vidit brevi se conspecturum sperat. Nam cum divinus amor animum semel obsederit, multo acrior ac ferventior eo esse solet qui a natura manat.

Astat itaque speluncę foribus, iisque pulsatis, Benedictus, inquiebat, o pater, benedic, inquam. Ut autem Barlaam hac voce audita ex antro egressus est, cum per spiritum agnovit, qui ob admirandam illam mutationem, qua a priore illo vultu ac florente juvenilis ætatis pulchritudine demigrarat, ab extremo aspectu vix agnosci poterat, ut qui tum ex solis æstu atrorem contraxisset, et pilis abundaret, ac genas macie confectas, oculosque alte depressos, et palpebras lacrymarum fluentis undique attritas, atque ingenti famis afflictione perustas haberet. At vero Josaphat spiritualem patrem statim agnovit, utpote iisdem oris lineamentis præditum. Confestim itaque senex versus Ortum stans, Deo precem cum gratiarum actione conjunctam adhibuit. Dictoque Amen, in mutuos

amplexus statim ruerunt, diurnam cupiditatem si- A spirituale colloquium inierunt, salutares ac cœlesti ne ulla satietate explentes.

Cum autem abunde sese complexi fuissent, atque consultassent, sedentes inter se colloquebantur. Ac sermonem exorsus Barlaam, his verbis usus est: Præclare fecisti, qui huc veneris, dilecte fili, fili, inquam, Dei, ac cœlestis regni hæres per Dominum nostrum Jesum Christum, quem dilexisti, atque caducis et fragilibus bonis non abs re chariorem habuisti, ac, prudentis et sapientis mercatoris instar omnibus facultatibus venditis, margaritam pretium omne superantem emisti, ac thesaurum qui surripi non possit (*Matth. xv*), in agro mandatorum Domini absconditum nactus, omnia dedisti, nec rei ulli ex iis quæ jam jamque effluxuræ sunt pepercisti, quo agrum illum tibi comparares. Det tibi Dominus pro fluxis B et caducis æterna, pro iis quæ interitui obnoxia sunt ea in quæ nec interitus nec vetustas cadit.

Velim autem mihi dicas, charissime, quonam pacto huc accesseris, quique post discessum meum rerum tuarum status fuerit, atque tuasne pater Deum norit, an vero nunc quoque eadem, qua prius, dementia abreptus, a dæmonum fraude atque imposturæ captivus abducatur. Hæc percontante Barlaamo, Josaphat altius repetito sermone, quænam sibi post ipsius digressum contigissent, quamque prosperum rebus cursum Dominus ad id usque tempus quo rursus inter se convenissent tribuisset, sigillatim exposuit.

Senex itaque hæc audiens, voluptate simul atque admiratione affectus est, calentesque lacrymas mitens, dicebat: Gloria tibi sit, Deus noster, qui tui C amore præditis semper præsto es, atque ipsis opitulans. Gloria tibi, Christe, Rex omnium ac Deus optime, quoniam benigna tua voluntas ita tulit, ut semen illud quod in servi tui Josaphat animum jecistis centuplicatum fructum afferret, te videlicet, animarum nostrarum agricola et Domino dignum. Gloria tibi, Paraclete bone ac sanctissime Spiritus, quoniam quam tu sanctis tuis apostolis gratiam tribuisti, hanc etiam huic impertiendam duxisti: atque ingentem hominum multitudinem ipsius opera superstitioso errore liberasti, ac vera Dei cognitione illustrasti.

Ad hunc modum Deo ab utroque gratiæ agebantur; ipsisque ita inter se colloquentibus, ac Dei gratia exsultantibus, adfuit vespera. Proinde ad orationem consurgentes, consuetum precationum pensum per- D solverunt. Ac postea, cum cibo recreandum corpus esset, Barlaam magnificam mensam apposuit, spiritualibus videlicet epulis confertam, ejus autem consolationis, quæ sensibus percipitur, quam minimum sane participem. Cruda enim duntaxat olera erant, ipsiusmet manibus consita et exulta, palmæque perpaucæ, quæ in ea solitudine inveniebantur, ac denique silvestres herbæ. Cum igitur gratias Deo egissent, appositisque epulis corpus refecissent, atque aquam e propinquo fonte bibissent, ei rursus, qui manum aperit, et implet omne animal benedictione (*Psal. cxliv*), gratias egerunt. Ac 334 deinde consurgentes, posteaquam nocturnas preces absolverunt,

sapientia plenos sermones per totam noctem contententes, quoadusque auroræ exortus ad consuetarum rursus orationum memoriam ipsos revocaret.

Mansit autem ad hunc modum diuturno tempore cum Barlaamo Josaphat, admirabilem hanc atque humana conditione præstantiorem vitam colens, ac tanquam patrem et præceptorem cum omni obedientia et humilitate ipsum sequens: sic nimirum, ut ad omne virtutis studium exerceatur, atque quonam pacto cum spiritualibus et invisibilibus spiritibus luctandum esset, edoceret. Ex quo illud consecutus est, ut vitiosas omnes affectiones exstingueret, carnisque affectum spiritui, non secus ac servum domino, subjiceret, deliciarum omnium animique remissionum oblivione caperetur, somno tamquam improbo mancipio imperaret. Atque, ut brevi perstringam. tanto studio in solitariæ vitæ certamen incumberebat, ut ipse quoque Barlaam, qui permultum temporis in ea contriverat, miraretur, ipsiusque acrimoniæ concederet. Tantulum enim duri illius atque consolatione carentis cibi admittebat, ut vitam duntaxat toleraret, nec committeret, ut per ultro accersitam mortem præmiis iis sese orbaret, quæ virtutum cultui ac studio tribuuntur. Sic autem naturam nocturnis excubiis subiciebat, ac si nulla omnino carnis et corporis parte constaret. Oratio porro perpetuum ipsius studium erat: universumque vitæ tempus in spiritualibus ac cœlestibus contemplationibus insumebatur; adeo ut nec horam unam, imo nec ullum omnino temporis punctum, ex quo in ea solitudine habitavit deperderet. Ac sane hoc demum vere monastici ordinis munus est, nunquam a spirituali opere vacuum inveniri. Quod quidem generosus ille et expeditus cœlestis itineris cursor egregie præstitit, atque animi sui ardorem ab initio ad extremum usque perpetuo conservavit, ascensiones in corde semper disponens (*Psal. lxxxiii*), ac de virtute ad sublimiorem virtutem transiliens, desideriumque desiderio, ac studium studio indesinenter adjungens, quoad tandem ad speratam beatitudinem pervenit.

CAP. XXIX. — Cum itaque hoc pacto Barlaam et Josaphat una versarentur, ac pulchro inter se certamine contenderent, ab omni cura et hujusce vitæ perturbatione immunes, mentemque ab omni confusione puram ac sejunctam habentes, post multos ab ipsis pietatis causa susceptos labores, quodam die senex accersito spirituali filio, quem per Evangelium genuerat, hujusmodi spiritualem sermonem aggressus est:

Jam pridem, o amice Josaphat, te in hac solitudine habitare oportebat, atque hoc mihi oranti Christus de te pollicitus fuerat fore ut te ante extremum vitæ diem viderem. Vidi itaque quemadmodum cupiebam; vidi, inquam, te a mundo et mundi rebus avulsum, ac Christo minime dubio ac vacillanti animo conjunctum, atque ad perfectam plenitudinis ipsius mensuram progressum. Nunc igitur, quandoquidem mortis meæ tempus instat, atque collectanea et mihi

æqualis ea cupiditas, quæ ut cum Christo essem, **A** eam ob causam Domino obstricti sumus, quod cum semper me tenuit, jam expletur, tu quidem corpus meum terra conde, pulverique pulverem redde. Post autem ipse in hoc loco hære, susceptum spiritualis vitæ genus persequens, meæque tenuitatis memoriam retinens. Vereor enim ne tenebrosam dæmonum agmen animo meo propter ignorantiarum mearum multitudinem impedimentum afferat.

Tu vero, fili, ne religiosæ exercitationis laborem metuas, neque ad temporis longitudinem ac dæmonum insidias elanguescas; quin potius ipsorum imbecillitatem, Christi virtute communitus, audax irride; ad laborum autem duritiam, ac temporis diurnitatem animo ita comparato esto, tanquam quotidie discessum e vita expectans, atque eundem diem tibi vitæ monasticæ, tum initium, tum finem esse existimans. Sic semper ea quæ a tergo sunt obliviscens, atque ad ea quæ a fronte sunt te ipsum extendens, ad destinatum persequere, ad bravium supernæ vocationis Dei in Christo Jesu (*Philip. III*), quemadmodum sanctus Apostolus his verbis hortatur: Non deficiamus; sed licet is qui foris est homo noster corrumpatur, tamen is qui intus est renovatur de die in diem. Nam quod momentaneum est et leve tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur. Quæ enim videntur temporalia sunt, quæ autem non videntur, æterna (*II Cor. IV*).

Hæc cum animo tuo reputans, vir charissime, viriliter age et confortare (*Psal. XXVI*), atque ut egregius miles, id da operam, ut ei qui te militem scripsit placeas (*II Tim. II*); nec quamvis imbecillitatis ac languoris cogitationes improbus ille spiritus tibi immittat, institutique tui nervos frangere ac debilitare studeat, ipsius insidias pertimescas, illud Domini præceptum **☩☩☩** cogitans, in mundo pressuram habebitis: sed confidite, ego vici mundum (*Joan. XVI*). Quocirca gaude in Domino semper, quoniam ipse te elegit, atque a mundo se junctum ante faciem suam posuit. Ipse autem, qui te vocatione sua sancta vocavit, prope est semper. Nihil itaque sollicitus sis, sed in omni oratione atque obsecratione cum gratiarum actione petitiones tuæ innotescant apud Deum (*Philip. IV*). Ipse enim dixit: Non te deseram, nec derelinquam. Hæc itaque in vitæ duritia ac religiosæ **D** exercitationis vilitate tecum ipse reputans, in animi voluptate versare, Domini Dei nostri memoriam retinens. Memor enim, inquit, fui Dei, et delectatus sum (*Psal. LXXVI*).

Cum autem rursus adversarius aliud in te belligenus excogitaverit, sublimes nempe atque arrogantes cogitationes proponens, regni que terreni gloriam quam reliquisti, cætera que quæ in mundo sunt tibi in oculis collocans, salutiferam doctrinam clypei instar obtende, dicentem: Cum feceritis omnia quæ præcepta sunt vobis, dicite: Servi inutiles sumus, quoniam id quod facere debuimus, fecimus (*Lucæ XVII*). Et quidem quis nostrum debitum illud, quo

eam ob causam Domino obstricti sumus, quod cum dives esset, propter nos egenus factus est, ut nos ejus paupertate divites essemus, et qui a perpeccatione immunis erat, ut vitiosis affectionibus nos liberaret, cruciatus subiit (*II Cor. VIII*), persolvere potest? Quod enim beneficium est servum eadem perpeti quæ Dominus perpessus sit? Atqui nos permultum ab ipsius cruciatibus remoti sumus. Hæc tecum reputa, cogitationes destruens, et omnem altitudinem extollentem se adversus scientiam Dei, et in captivitate redigens omnem sensum in obedientiam Christi (*II Cor. X*). Et pax Dei, quæ exsuperat omnem sensum, custodiat cor tuum, et cogitationes tuas in Christo Jesu (*Philip. IV*).

Hæc oratione a Barlaamo habita, Josaphat infinitam vim lacrymarum profudit, sic nempe, ut tanquam ex uberrimo fonte scaturientes, ipsum prorsus, ac terram in qua sedebat, proluerent. Atque ipse, hujusmodi dissidium deplorans, perquam ardentem ab eo contendebat, ut postremi illius itineris comitem se adhiberet, nec post ipsius discessum in mundo jam remaneret, his verbis utens: Ecquid, o pater, tui duntaxat, ac non proximi rationem habes? Quoniam autem modo hac in re perfectæ charitatis officio fungeris (pro eo atque a Christo dictum est, Diliges proximum tuum sicut te ipsum), cum tu quidem ad requiem pergas, me autem in opprobrio atque ærumna relinquant, ac priusquam in religiosæ vitæ certaminibus, ut par est, exercitatus sim, variasque hostium insidias compertas habeam, ad singularem pugnam cum ipsis ineundam me objicias? Et quo quidnam aliud contingere potest, nisi ut veteratoris ipsorum artibus prosternar, atque ut imperitis ac timidis gladiatoribus usu venire solet, sempiternam animæ mortem oppetam? Ad Dominum, quæso, roga atque obsecra, ut me quoque tui e vita discessus socium asciscas, id ut facias, per eam ipsam spem quam habes fore ut laboris mercedem percipias, te obtestor. Hoc, inquam, a Deo precibus contende, ut ne unicum quidem diem post tuum discessum in hac vita peregriner, atque in densissima hac solitudine oberrem.

Hæc cum Josaphat plorans diceret, senex placide ac leniter ipsum reprimens, Dei iudicium, inquit, quæ mentis humanæ captum excedunt, oblectari minime debemus. Nam ego, cum de hac re multas ad Deum preces fudissem, eumque cui nulla vis afferri potest, velut per vim adigere tentassem, ut ne inter nos disjungeremur, ab ipsius bonitate hoc didici, minime tibi nunc conducibile esse carnis onus abjicere, verum in religiosa exercitatione tandiu permanere, quoad splendidiorem coronam tibi texueris. Nondum enim pro ea quæ tibi parata est mercede satis decertasti; verum paulum adhuc labores oportet, ut lætus in Domini tui gaudium intres. Nam ego quidem jam pene centenarius, annos quinque et septuaginta in hac solitudine confeci. Tibi vero, etiamsi non tanta temporis mora futura est, at certe ad id spatium, ut jubet Dominus, propius accedas

necesse est, quo iis nulla ex parte inferior sis, qui diei et æstus pondus pertulerunt (*Matth. xx*). Quapropter, o amice, quæ a Deo decreta sunt, prompto ac lubenti animo accipe. Nam quæ ipse decrevit, quis tandem mortalium dissipare queat? Atque ipsius gratia conservatus, tolerantiam præsta.

Illud etiam cura, ut adversus inimicas cogitationes animo excubes, ac mentis puritatem, non secus ac quemdam ingentis pretii thesaurum, salvum et incolumem serves, ad sublimiorem actionem et contemplationem in dies teipsum provehens, ut illud in te impleatur, quod Dominus amicis suis promisit, his verbis utens: Si quis diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus (*Joan. xiv*). Hæc, ac multo his plura sanctissima illa anima, ac theologica lingua digna locutus senex, moerentem ipsius animum lenivit. Deinde ad quosdam fratres, longo intervallo **336** ab ipso dissitos, eum amandat, ut ea quæ ad sacrosanctum sacrificium conficiendum accommodata erant afferret. Et quidem Josaphat præcinctis vestibus quam celerrime hoc ministerium exsequitur; verebatur enim ne absente Barlaam debitum naturæ munus persolveret, ac Domino spiritum reddens, grave sibi detrimentum inferret, siquidem et verborum ac extremarum allocutionum et orationum ipsius expers fuisset.

Cum igitur longinquum illud iter fortissimo animo confecisset, atque ea quæ ad sacrosanctum sacrificium opus erant attulisset, divinissimus Barlaam incruentum sacrificium Deo obtulit; perceptisque Christi ab omni labe puris mysteriis, ac Josaphato item impertitis, spiritu exsultavit, sumptoque de more cibo, salutaribus rursus sermonibus ipsius animum alere cœpit, his verbis utens: Non jam, charissime fili, nos in hac vita eadem domus ac mensa conjunget, jam enim ultimam patrum meorum viam ingredior. Quocirca tibi faciendum est ut per mandatorum divinorum observationem, atque in hoc loco ad extremum usque vitæ diem commorationem, tui erga me amoris specimen exhibeas; sic nimirum vitæ tuæ rationes instituens, quemadmodum didicisti, nec unquam abjectæ atque ignavæ animæ meæ memoriam intermittens. Multum itaque vale, atque in Christo delectare, atque exsulta, quoniam terrena et interitui obnoxia cum sempiternis et ab interitu alienis bonis commutasti; ac propinqua est operum tuorum merces, ac jam jamque adest qui mercedem refert. Qui quidem ad inspiciendam eam vineam, quam excoluisti, veniet, tibi pro ea exulta mercedem amplissimam præbebit. Fidelis enim sermo, ut clamat divinus Paulus apostolus (*I Tim. i*), atque omni acceptione dignus: Si commorimur, et convivemus; si sustinemus, et conregnabimus, in sempiterno illo ac finis experte regno incomparabili luce collustrati, atque vere beatæ ac principis Trinitatis illuminatione donati. Hæc Barlaam ad vesperam usque, ac per totam etiam noctem, Josaphato loquebatur effusissime lacrymanti, atque hujusmodi

A disjunctionem ægerrimo animo ferenti. Jam autem lucente die manus atque oculos in cœlum sustulit, Deoque gratias reddens, hoc sermone usus est.

Domine Deus meus, qui ubique præsens es, atque omnia imples, gratias tibi ago, quoniam humilitatem meam respexisti (*Psal. l*), atque hoc mihi concessisti, ut in orthodoxa tua fide, et mandatorum tuorum via, hujusce peregrinationis cursum absolverim. Ac nunc, optime Domine, atque ad misericordiam propensissime, in æterna tabernacula tua me recipe, nec ea memoria retine quæ vel sciens vel insciens in te peccavi. Conserva autem etiam fidelem hunc servum tuum cui me inutilem famulum tuum præesse voluisti. Ab omni vanitate atque adversarii vexatione ipsum exime: illudque effice, ut nodosissimis iis laqueis quos diabolus ad eorum omnium quibus salus cordi est offensionem expandit sublimior existat. Omnem impostoris potentiam, omnipotens Deus, a servi tui facie dele; atque eas ipsi vires affer, ut pestiferum hostis animarum nostrarum caput proculcet. Spiritus tui sancti gratiam ex alto in eum demitte, atque ad invisibiles conflictus robur ipsi adde, ut victoriæ coronam a te consequatur, ac nomen tuum, o Pater, ac Filii tui, et Spiritus sancti, in ipso celebretur, quoniam te decet laus et gloria in sæcula. Amen.

Hac precatione habita, cum paterno affectu Josaphatum complexus, atque osculo sancto exosculatus fuisset, ac sese crucis signo muniisset, pedesque extulisset, ingenti lætitia perfusus, non secus ac si amici quidam accessissent, ad beatum iter, atque ad recipienda beatæ illius vitæ præmia profectus est, senex plane, ac spiritualium dierum plenus.

CAP. XL. — Josaphat autem summa cum veneratione atque ejulatu patrem complexus, lacrymisque abluto ipsius corpore, atque aspero illo cilicio, quod ab eo in aula acceperat, involuto, consuetos psalmos recitat, per totum diem ac totam noctem simul et canens, et pretiosum beati viri corpus lacrymis rigans. Postridie autem effosso juxta speluncam sepulcro, ac sacro corpore reverenter admodum gestato, spiritualem patrem egregius et charissimus filius inhumavit, ardentiusque animo inflammatus, atque ad orationem seipsum quam maxime contendens, his verbis usus est:

D Domine Deus meus, exaudi orationem meam qua clamavi ad te, miserere mei, et exaudi me, quoniam te ex animo quæro: exquisivit te anima mea, ne avertas faciem tuam a me, et ne declines in ira a servo tuo. Adjutor meus esto, ne derelinquas me, neque despicias me, Deus salutaris meus. Quoniam pater meus et mater mea dereliquerunt me, tu autem, Domine, assumpsisti me Legem pone mihi, Domine, in via tua, et dirige me in semitam rectam propter inimicos meos. Ne tradideris me in animas tribulantium me (*Psal. xxvi*), quoniam in te projectus **337** sum ex utero. De ventre matris meæ Deus meus es: ne discesseris a me (*Psal. xxi*). Quoniam præter te non est mihi adjutor. En in miserationum tuarum

abyssos spem animæ meæ defixi. Vitam meam gubernas, qui res omnes conditas sapientiæ providentia, omni sermone præstantiori, moderaris. Et notam fac mihi viam, in qua ambulem; atque ut bonus ac benignus Deus, per famuli tui Barlaam preces ac supplicationes me servas, quoniam tu Deus meus es, ac te glorifico Patrem, et Filium, et Spiritum sanctum in sæcula. Amen. Hac oratione perfunctus, juxta sepulcrum flens consedit, ac sedens obdormivit. Atque formidans illos viros, quos prius conspexerat, ad se venientes, seque ad maximum illum et admirandum campum ducentes, atque in illustrissimam illam ac splendidissimam civitatem introducentes, intueri sibi visus est. Cum autem ipse portam ingrederetur, alii ipsi obviam fuerunt, ingenti lumine perfusi, coronasque ejusmodi pulchritudine collucentes, quæ nulla oratione exprimi possit, et quales nunquam mortales oculi conspexerunt, manibus tenentes. Percontante autem Josaphat cum junctam essent splendidissimæ illæ coronæ quas perspiceret: Tua quidem una est (responderunt illi) tibi ob multas eas animas quibus salutem attulisti confecta, nunc vero ob religiosæ vitæ exercitationem, cui das operam, studiosius et accuratius adornata, si quidem strenuo animo eam ad extremum usque peragraris. Altera autem tua quoque ipsa est; verum patri tuo, qui ab improba vivendi ratione opera tuâ deflexit, sinceroque animo respicit, ac sese ad Dominum convertit, eam præbeas oportet; Josaphat autem eam rem moleste ferre videbatur. Et qui fieri potest (inquirebat) ut pater meus unius duntaxat pœnitentiæ gratia, paria mihi, qui tot ac tantos labores exantlavi, beneficia consequatur? Hæc ut dixit, Barlaam confestim sibi videre visus est, velut probris se insectantem, ac dicentem: Hi sunt, o Josaphat, sermones mei, quos quondam ad te habui: nimirum fore ut cum ad ingentes opes pervenisses, non jam liberalis ac profusus esses, ac tu ob id verbum ancipiti animo eras. Nunc autem quonam pacto parem tibi honore patrem esse moleste tulisti, ac non potius hoc nomine lætitiæ animo concepisti, quoniam multæ tuæ pro eo fusæ preces exauditæ sunt? Josaphat autem, pro eo ac solebat, ad eum dixit: Ignosce, pater, ignosce. Ubinam autem habitas, fac intelligam. Tunc Barlaam: In hac pulcherrima atque ingenti civitate domicilium nactus sum, in medio urbis vico, immenso lumine coruscanti. Rursum autem Josaphat sibi cum eo agere videbatur, ut ab eo in ipsius tabernaculum abduceretur, comiterque hospitio exciperetur. Ille autem nondum tempus adesse respondit, ut ad illa tabernacula veniret, quippe qui corporis sarcina adhuc preméretur. Quod si forti animo, inquit, in sancto vitæ genere, velut tibi mandavi, perstiteris, aliquando post venies, atque eadem tabernacula et eandem lætitiæ aggloriam consequeris, mecumque in sempiternum eris. Experrectus autem Josaphat, animum illa luce atque omni sermonis facultate sublimiori gloria perfusum

adhuc habebat, ac multa cum admiratione ad grati animi significationem Deum laudibus efferebat.

Mansit autem ad extremum usque vere angelicam in terra vitam ducens, ac duriori religiosæ exercitationis genere post senis discessum utens. Nam cum anno ætatis vigesimo quinto regnum terrenum reliquisset, monasticæque vitæ certamen subiisset, quinque et triginta annos in vastissima ea solitudine, perinde ac si nulla carnis parte constaret, humana conditione sublimiorem vitam egit: sic nempe, ut multas quidem hominum animas a pestifero serpente prius abstraxerit, Deoque integras et incolumes servaverit, eaque in re apostolicam gratiam consecutus sit, animique etiam inductione martyr exstiterit, ac Christum in regum ac tyrannorum oculis et aspectu fidenti animo confessus sit, vocalissimumque ipsius majestatis præconem sese præbuerit; multosque rursus pravos spiritus in solitudine profligarit, omnesque Christi vi ac potentia superarit, cœlestisque beneficii atque gratiæ uberrime particeps factus sit. Unde etiam animi oculum ab omni terrena caligine purum habebat, ac futura tanquam præsentia prospiciebat, Christusque ipsi rerum omnium instar erat, Christum expetebat, Christum non secus ac præsentem cernebat, Christi pulchritudinem nunquam non intuebatur, juxta illud Prophetæ: Providebam Dominum in conspectu meo semper, quoniam a dextris est mihi, ne commovear (*Psal.* xv). Ac rursus: Adhæsit anima mea post te, me suscepit dextera tua (*Psal.* xxvi). Etenim re vera ipsius anima post Christum adhæsit, firmissimo nexu ipsi copulata. Neque enim ab admiranda illa operatione descivit, nec religiosæ suæ exercitationis regulam immutavit. Quin potius ab initio ad finem usque, atque ab ineunte ætate usque ad tam provecctam ætatem eandem animi alacritatem retinuit: ~~333~~ imo, ut rectius loquar, ad sublimiorem quotidie virtutem processit, ac puriorem divino beneficio contemplationem consecutus est.

Denique cum ad hunc modum vixisset, et usque adeo dignam vocatione sua operam ei a quo vocatus fuerat reddidisset, mundumque sibi ipsi ac seipsum mundo crucifixisset, ad Deum pacis in pace migrat, atque ad Dominum, cujus perpetua cupiditas eum tenuerat, proficiscitur, vultuique Domini pure ac sine ullius rei interposito apparet, eaque jam ipsi præparata gloriæ corona exornatur, idque divinitus consequitur, ut Christum cernat, cum Christo sit, Christi pulchritudine perpetuo exsultet, in cujus manus commendata anima, ad vivorum regionem transiit, ubi epulantium sonus, ubi lætantium habitatio est (*Psal.* xli).

Præclarum autem ipsius corporis vir quidam sanctus, qui non longe ab eo habitabat, quique iter ipsi ad Barlaam prius demonstrarat, divino quodam admonitu, ea ipsa hora, qua morte functus est, adfuit, eo sacrosanctis cantibus ornato, profusisque lacrymis, quæ ipsius erga Josaphat amoris indices essent, aliisque omnibus rebus quæ apud Christianos

in more atque instituto posita sunt confectis atque absolutis, in patris Barlaami monumento eum condidit. Par siquidem erat ut quorum animæ in perpetuum simul futuræ erant, eorum etiam corpora conjungerentur.

Cujusdam autem formidandi viri, qui id in somnis serio imperabat, monachus ille qui ipsum funere extulerat obtemperans, in Indiæ regnum se confert, regemque Barachiam conveniens, de omnibus Josaphati rebus certiore ipsum facit. Ille autem nulla interposita mora cum ingenti populi multitudine iterum, atque ad speluncam tandem pervenit, ac sepulcrum intuetur, illicque calentissimis lacrymis fuis integumentum tollit, cernitque Barlaamum et Josaphat membra composito habitu sita habentes, corporaque nihil a pristino colore immutata, verum integra et prorsus incolumia, una cum indumentis. Hæc igitur sacrosanctarum animarum tabernacula, suavissimum odorem emittentia, nec fœdi quidquam exhibentia, præclaris oculis imposita, rex in patriam suam transfert.

Ut autem ea res ad plebis aures pervenit, innumerabilis multitudo ex omnibus urbibus ac finitimis locis ad beatorum illorum corporum conspectum et adorationem confluit. Ubi etiam sacrosanctis hymnis eorum causa decantatis, copiosisque lampadibus accensis, apte illic quispiam ac perquam accommodate dixisset, Lumina circa luminis filios et hæredes.

ROSWEYDI NOTATIO.

339 (1) *Vita.*] De historia hac placet illustrissimi cardinalis Bellarmini iudicium, qui, libro de Script. Eccles., in Joanne Damasceno, ita disquirat: Dubitatio existit an hæc narratio sit vera historia, an potius conficta ad erudiendos nobiles adolescentes, qualis est Vita Cyri apud Xenophontem. Cæterum veram historiam esse constat ex eo quod sanctus Joannes Damascenus in fine historiæ invocat sanctos Barlaam et Josaphat, quorum res gestas scripserat, et Ecclesia catholica in Martyrologio descriptos veneratur die 27 Novembris eosdem sanctos Barlaam et Josaphat.

Billius interpres ita ratiocinatur: Quod ad ipsam historiæ veritatem attinet, ob quasdam causas, quas nihil hoc loco commemorare attinet, videri fortasse nonnullis potuisset, hoc opus non tam veram historiam esse, quam sub historiæ specie tacitam vitæ monasticæ atque ad Christianam perfectionem exactæ collaudationem, nisi auctor sub finem eam se ab hominibus a mendacii crimine alienis accepisse testaretur. Ei ergo, præsertim asseveranti, diffidere, hominis esse mihi videretur plus suis suspicionibus quam Christianæ charitati, quæ omnia credit, tribuentis.

Ego vix dubito quin totius historiæ fundamentum verum sit. Forte disputationes quædam de quibusdam fidei mysteriis ab auctore vel additæ, vel dilatæ. Nam qui potuit Josaphat, recens ad fidem conversus, tot Scripturæ locis se communire, qui nunquam ea legerat?

Habes totam hanc Vitam et historiam apud Vincentium, in Spec. histor. lib. xv, per capita LXIV distinctam, qui antiquam versionem paululum contraxit.

Magis contraxit Petrus in catalogo sanctorum lib. x, cap. 114. Habes integram ex antiqua versione in Vitis Patrum ex Coloniensi editione, et apud Lipomanum, tom. V.

Luculenter autem simul ac magnifice in ea ecclesia quæ ab ipsis fundamentis a Josaphat exstructa fuerat, eorum corpora condita sunt. Multa porro miracula, morborumque depulsiones, tum in corporum transvectione, tum in eorum inhumatione, tum etiam posteris temporibus, Dominus per pios famulos suos effecit. Veditque rex ac vulgus omnes virtutes eas quæ per ipsos edebantur. Ac plerique e finitimis nationibus infidelitatis ac ignorationis Dei morbo laborantes per ea signa quæ in monumento fiebant ad fidem accesserunt. Atque omnes qui ipsius Josaphat vitam ad angelorum imitationem expressam, atque a teneris unguibus ardentem ipsius erga Deum amorem cernentes atque audientes, admiratione corripiebantur, Deum in omnibus celebrantes, qui se amantibus opem et auxilium nunquam ferre desinit, eosque amplissimis beneficiis remuneratur.

Hic præsentis libri finis est, quem pro mea virili conscripsi, quemadmodum a præclaris viris qui mihi hæc haud falso tradiderunt accepi. Utinam autem vos, qui hanc animis utilem historiam legitis atque auditis, ad eorum partem asciscamini, qui Deo vitæ suæ rationes probaverunt, per orationes et intercessionem beatorum virorum Barlaam et Josaphat, de quibus hæc historia contexta est in Christo Jesu Domino nostro, quem decet honor, imperium, majestas et magnificentia, cum Patre et Spiritu sancto, nunc et semper in sæcula sæculorum. Amen.

(2) *Barlaam, etc.*] Martyrologium Romanum, 27 Novembris: « Apud Indos Persis finitimos, sanctorum Barlaam et Josaphat, quorum actus mirandos sanctus Joannes Damascenus conscripsit. » Florarium sanctorum ms., 29 Septembris: « Josaphat regis et confessoris. » Et 27 Decemb.: « Josaphat regis et eremite anno salutis 383. » Quam ætatem unde Florarium hauserit, nescio. Menæa quoque solius Josaphat meminere, 26 Augusti: Τοῦ ἁγίου Ἰωσήφ υἱοῦ Ἀβενήρ τοῦ βασιλέως.

(3) *Joanne Damasceno.*] Joannem Damascenum Vitæ hujus seu historiæ auctorem esse, his rationibus tuetur Billius:

Primo, quia Trapezuntius vir natione Græcus, et magni non intersuos tantum, sed etiam inter nostros nominis, non alium quam Damascenum ejus auctorem protulit.

Secundo, ipsa phrasis, reliquis ipsius operibus quam similima, Damascenum auctorem testatur.

Tertio, ad eam opinionem confirmandam illud mihi magni momenti est, quod ut in libris De orthodoxa Fide, ac reliquis pene omnibus Damascenus multa e Basilio, Gregorio Nazianzeno, aliisque ejusdem notæ Patribus, libenter corrogat, atque integros sæpe versus, imo etiam totas periodas ab ipsis mutuatur; eodem modo in hac quoque historia, multa ex iisdem auctoribus, suppresso interim nomine, produci animadverti, ac præsertim ex Nazianzeno, ut c. 7, 8, 10, 14, 15, 17, 20, 24, ac plerisque aliis locis.

Quarto, non solum ab illis lubenter mutuo sumit, sed etiam multa quoque affert ex libris De orthodoxa fide ad verbum transcripta, ut ea omnia quæ cap. 15 de arbitrii libertate disputat. Quod quidem, ut opinor, non tam aperte faceret, nisi tanquam suo jure iis, ut suis, uteretur.

Quinto, cap. 19, disputatio ea de imaginibus, quæ

Damasceni ætate fervebat, in eadem sententia non a parum me confirmat.

Ut autem hæc omnia prò Damasceno faciunt, ita hanc historiam Joannis Sinaitæ minime esse, apertissime convincunt.

Primo, nam cum ille Theodosii senioris tempore fuerit, ut patet ex lib. XIII histor. Miscell. Pauli Diaconi, quonam pacto in hac historia quam auctor ex India transvectam testatur, Nazianzenum, cujus scripta vixdum in hominum manibus versabantur, citare potuisset, atque etiam eo antiquiorem episcopum, ac Valentis tempore vita functum Basilium, suppresso licet nomine, cap. 19, ubi de imaginibus tractat, et cap. 34, ubi Josaphat eam ad Deum orationem habet, quam ex Constitutionibus Basilii, capite 4, perspicue hausit?

Secundo, quonam modo Barlaamum de imaginibus ad regis filium disserentem induceret, cum ea quaestio nondum eo tempore excitata fuisset? Hactenus Billius.

Bellarminus, libro de Script. Eccles., in Joanne Damasceno, argumentum objicit et solvit de auctore Damasceno: « Historia, inquit, Barlaam et Josaphat insignis et utilis est. Sed quia Barlaam, dum instruit discipulum suum Josaphat, jubet eum credere in Spiritum sanctum ex Patre et Filio procedentem, dubitatio exorta est an hoc opus esse potuerit Joannis Damasceni, qui libro I De fide orthodoxa, cap. 11, docet Spiritum sanctum non procedere ex Filio, sed, per Filium. Sed responderi potest, in historia Barlaam particulam illam, ex Filio, videri additam ab aliquo. Nam in nova editione per Billium castigata, non habetur, ex Filio. » Hactenus Bellarminus.

Invenitur tamen hæc historia in variis Bibliothecis mss. Græcorum inscripta Joanni Sinaitæ. Ita Bibliotheca Sfortiana, num. 63, ut notat Baronius ad diem 27 Novembris, et ipse Billius eidem inscriptam invenit in codice Græco clarissimi viri Fumæi.

(1) *Jacobo Billio.*] Notus hic vir, variis ex Græca in Latinam linguam interpretationibus, vir vere catholicus, nobilis Gallus, et abbas sancti Michaelis in Eremo, in Britannia minore.

Exstat et alia antiqua versio, quam volunt esse procuratam a Georgio Trapezuntio. Ejus nomine editur in editione Damasceni, anno 1548, Basileæ, ex officina Henrici Petri.

Mihi videtur vetus translatio multo antiquior Trapezuntio. Nam invenitur ea in manuscriptis membranaceis; et jam ante annos CCC ea translatione usus est Vincentius in Speculo historiali, supra citato. Trapezuntius vero Patrum memoria vixit, nondum et annis elapsis.

Quisquis vetus interpretes sit, de ejus versione ita Billius: De Trapezuntii versione nihil aliud dicam, nisi eam mihi quidem antea sempervalde rudem et impolitam visam fuisse, post autem (ubi per

Joannem a sancto Andrea, virum ut optimum et doctissimum, ita etiam optimorum ac doctissimorum librorum copia instructissimum, exemplaris Græci copia facta est) innumeris etiam locis vitiosam. Quod quidem lubentius certe nimie festinationi, quam Græci sermonis ignorantioni tribuendum putarem, nisi nimis multa loca essent, in quibus vix festinationis excusatione inscientiæ notam interpres deprecari queat. Quæ res suspicionem mihi nonnullam injiceret Trapezuntium fortasse versionis hujusce parentem non esse, nisi in quibusdam etiam aliis eum Græca persæpe non satis assecutum esse comperissem. Utcunque se res habeat, novam translationem habes, si nihil aliud, præcedenti profecto, nisi fallor, paulo clariorem ac fideliolem.

(5) *Thomas.*] Thomam Indiæ fidem annuntiase testatur Dorotheus in Synopsi, qui corpus ejus requiescere scribit in *Calamine civitate Indiæ.*

(6) *Atque aureis pennis.*] Proverbium hoc rarius, nec facile obvium.

(7) *Abenner.*] Mentio hujus in Menæis Græcis, 26 Augusti ratione Jcsaphat filii, ubi scribitur Ἀδενήρ.

(8) *Nullum non lapidem movisset.*] Proverbium hoc occurrit rursus infra, cap. 26. Habes apud varios auctores. Euripides in Heraclidis dixit Πάντα κινῆσαι πέτρον.

(9) *Theologus meus.*] Ita Joannes evangelista κατ' ἔξοχῆν dictus. Vide Suidam.

(10) *Ignemque, ut dici solet, spirans.*] Et hoc proverbii speciem habet.

(11) *In cælum sagittas mittere.*] Reperire est apud Suidam et Zenodotum: Εἰς τὸν οὐρανὸν τοξεύεις, in cælum jacularis.

(12) *In aquam seminare.*] Theognis:

Ἴσον καὶ σπείρειν πόντον ἄλλος πολιτῆς.

Par ut qui æquoreis semina mandat aquis.

(13) *Sacrosancti monachi.*] De his, opinor, Martyrologium Romanum, 3 Augusti: « Apud Indos Persis finitimos passio sanctorum monachorum, et aliorum fidelium, quos Abenner rex persequens Ecclesiam Dei, diversis affectos suppliciiis cædi jussit. » Nisi in Martyrologio intelligantur ii de quibus supra in hac vita, cap. 1.

(14) *Caprea cum leone pugnam iniit.*] Apud Suidam senarius: Μὴ πρὸς λέοντα δορκὰς ἀφορμαὶ μάγης. Ne cum leone caprea pugnam sumpsero.

(15) *Asinuses lyræ audiens.*] Notissimum vulgo: Ὅνος λυρᾶς, videlicet ἀκρατῆς: Asinus lyræ auscultator. Vide Paræmiographos.

(16) *Seruch.*] An Sarug intelligit filium Reu, Genesis xi? Certe Epiphanius in Panarii principio originem idololatriæ deducit a Thare et Seruch. Thare autem Sarug avum habuit in Latino Bibliorum textu. Et qui in Latino textu est Sarug, in Græco est Σαρροῦ, ut nullum dubium sit, quin Damascenus ad locum illum Bibliorum et Epiphanius respiciat.

DECEMBRIS XXV.

VITA SANCTÆ EUGENIÆ (1), VIRGINIS AC MARTYRIS,

AUCTORE INCERTO.

CAPUT PRIMUM. — In septimo consulatu suo Commodus (3) imperator direxit illustrissimum virum Philippum (5) ad Ægyptum, ut præfecturam ageret Alexandriae, et omnes potestates quæ per totam Ægyptum administrabantur ejus arbitrio deservirent

Hic itaque cum uxore Claudia, cum duobus filiis Avito et Sergio, et cum filia Eugenia, ab urbe Romana ad urbem Alexandriam dum venissent, et Romana gravitate ageret præfecturam, atque omnem provinciam Ægypti Romanis legibus adornaret, cum-

ctisquidem magicam curiositatem sectantibus finem **A** imposuit, Judæos vero nec nuncupationem nominis habere permisit, Christianos autem procul ab Alexandria tantum debere esse constituit. Ipse vero plus licet philosophorum amicus quam fautor idolorum, Romanis tamen superstitionibus, ac si religiosus cultor, instabat, non rationi, sed traditioni concordans.

CAP. II. — Eugeniam igitur filiam suam dum litteris liberalibus perfectissime docuisset, et tam Latino eam quam Græco eloquio instruxisset, etiam philosophiam doceri permisit. Erat enim acris ingenii, et tam memoriæ capax, ut quidquid audiendo semel vel legendo potuisset arripere, perpetuo retineret. Erat autem Eugenia pulchra facie et eleganti corpore, sed pulchrior mente, et formosior castitate. **B** Igitur cum quintodecimo ætatis suæ anno ab Aquilio, Aquilii (5) consulis filio peteretur sponsa, interrogatur a patre utrum petenti juveni illustrissimis orto natalibus consentiret? Illa respondit: Maritus moribus, non natalibus eligendus est; ipso enim, non parentibus ejus utendum est. Igitur cum aliis atque aliis poscentibus animo castitatis **341** obsisteret, pervenit ad manus ejus beatissimi Pauli apostoli doctrina; et licet sub paganissimis parentibus ageret, esse tamen cœpit animo Christiana.

CAP. III. — Et quoniam jussi fuerant Christiani ab Alexandria urbe discedere, rogat parentes ut spectandi gratia permitteretur prædia sua in suburbano Alexandriae posita circumire. Cumque statim ut poposcerat impetrasset, et ab urbe properaret ad villam, audit Christianos psallentes atque dicentes: Omnes dii gentium dæmonia, Deus autem noster cælos fecit (*Psal.* xcvi). Hæc ita audiens suspiravit et flevit, et dicit ad eunuchos pueros nomine Protum et Hyacinthum: Scio vos necum litteris eruditos et digna simul et indigna hominum legimus gesta, philosophorum quoque syllogismos vano labore constructos studio scrupulosissimo transegimus: Aristotelica argumenta et Platonis ideas, et Epicuri sectas, et Socratis monita et Stoicorum; et ut breviter cuncta complectar, quidquid cantat poeta, quidquid orator invenit, quidquid philosophus cogitat, una hac sententia excluduntur, qua tripudiantes Christianos audimus psallere: Omnes dii gentium dæmonia, Deus autem noster cælos fecit. Confessio et pulchritudo in conspectu ejus, sanctitas et magnificentia in majestate ejus. Igitur jubet conferre sermonem: et Apostolus legitur, et Propheta laudatur; fit concordia fidei, et qua arte ad penetralia sapientiæ divinæ absque sui separatione perveniant, consilio ardenti definitur. Dominam me, inquit, vobis usurpata potestas attribuit, sed sororem sapientia fecit. Simus ergo fratres, sicut divina sapientia ordinavit, non sicut se jactat humana temeritas. Pergamus pariter ad Christianos, et sicut ordinavero, properemus. Helenum audio dici episcopum, cujus est habitatio illa in qua die noctuque audiuntur Deo suo cantare, quos etiam nos, quoties transimus, psallentes audimus.

A Sed hic episcopus variis dicitur Ecclesiæ suæ occupationibus detineri. His autem qui in divinis laudibus vacant, Theodorum quemdam presbyterum constituit, cujus tanta miracula narrantur, ut etiam cæcos suis orationibus illuminet, et dæmones effuget, et infirmantibus afferat sanitatem: sane ad diversorium hujus congregationis, in quo Deo canitur, nullam patitur venire feminarum. Hoc ergo considerans, tondere me arbitror, ut crastina nocturna profectio ordinata per ipsos nobis transitum præbeat. Vobis itaque duobus juxta basternam (6) ambulantis, et cæteris præcedentibus ad locum deponar a vobis; et vacua pertranseunte basterna, nos tres (7) herili habitu simul ad Dei homines properemus. Placuit utrisque consilium; et sequenti nocte, sicut ordinaverat, adimpletur.

CAP. IV. — Tantam autem credentibus sibi Christus gratiam exhibere dignatus est, ut eadem hora qua ad monasterium pervenerunt, sanctus Helenus superveniret episcopus. Et quia mos est apud Ægyptum, quando circumcunt monasteria episcopi, psallentium eos sequatur exercitus; supervenit idem Helenus Heliopolis episcopus, et cum eo amplius quam decem millia virorum, psallentium ac dicentium: Via justorum recta facta est, et iter sanctorum præparatum. Audiens hæc Eugenia, dixit ad socios: Considerate vim carminum, et videtis ad nos respicere quidquid modulatis vocibus psallunt. Denique cum de Deo vero noster tractatus in dispositione mutui sermonis haberetur, audivimus hoc cantare: **C** Quoniam omnes dii gentium dæmonia, Deus autem noster cælos fecit. Et ecce nunc arripientibus nobis iter, quo recedere cupimus a culturis idolorum, et ut ad Christianam culturam perveniamus, gratiam promereri, ecce millia hominum nobis occurrunt, una voce clamantium et dicentium: Via justorum recta facta est, et iter sanctorum præparatum. Intellegamus ergo quo pergat hic populus; et si ad hoc habitaculum vadunt quo nos ire disposuimus, jungamur canentibus turbis, et advenientibus computati, ingrediamur ut socii, quousque notitias colligamus.

CAP. V. — Igitur cum se junxissent psallentibus, inquirunt qui esset senior, qui solus vehiculo aselli uteretur in medio populi sequentis et præcedentis; audiunt quod hic esset Helenus episcopus, ab infantia **D** Christianus: qui dum infantulus in monasterio cresceret, tantæ sanctitatis virtutibus augebatur, ut si quando missus fuisset ignem (8) e vicino petere, ardentem prunas vestimento deferret illæso. Denique ante, inquit, paucos dies venit quidam magus, qui verborum argumentis populum Dei conabatur evertere, dicens falsum istum esse episcopum, se missum esse a Christo ad docendum. Hic autem erat versutissimus, et de Scripturis divinis populum seducebat. Denique omnis turba Christianorum accessit ad hunc, quem videtis, Patrem nostrum, et dicit ei: Audivimus Zarcam, quod ipse sit missus a Christo: constitue diem in quo eum aut recipias tibi socium, aut, si potes, convincas falsa dicentem. Igitur constituitur

dies et locus in medio Heliopolis civitate : venit Zareas magus cum artibus suis, **342** venit et Helenus episcopus cum orationibus suis. Cumque populum salutasset, ait : Nunc probabitur spiritus qui sunt a Deo (*I Joan. iv*). Et conversus ad Zaream, cœpit verborum ingens habere luctamen ; sed quia versutus erat nimis, et concludere eum sermonum ratione non potuit, respiciens populum fortiter lædi, quod Zareas superior abscederet in verbis, modicum silentium postulavit, et ait ad populum : Pauli apostoli in hac parte monita omnino tenenda sunt ; dicit enim Timotheo discipulo suo : Noli verbis contendere ; ad nihil enim utile est, nisi ad subversionem audientium (*II Tim. ii*). Sed ne hoc testimonium non quasi cauti, sed quasi timidi proferamus, accendatur ignis in media civitate, et ingrediamur pariter flammam : et qui ustus non fuerit, credamus quod hunc miserit Christus. Tunc omnibus sententia placuit. Statim denique ignis copiosus accensus est. Tunc beatus Helenus jubet Zaream introire flammam. Cui Zareas inquit : Ingredere tu primus, qui hoc proposuisti. Consignans se igitur beatissimus pater Helenus, expansis manibus ingentes flammam intrat (**9**) ; et stans illic dimidia fere hora, neque capillis, neque vestimentis ex aliqua parte violatis, ut Zareas quoque intraret similiter imperabat. Sed Zareas reluctare cœpit et fugere. At ubi invitum illum populus in ignibus tradidit, statim eum circumdans flamma cœpit exurere. Et immittens se sanctus Helenus, licet semiustum, vivum tamen eripuit, quem cum dedecore eliminavit populus de finibus regionis hujus. Hunc, sicut videtis, quotidie quocunque perrexerit, in Dei laudibus populus comitatur.

CAP. VI. — Audiens hæc beata Eugenia, ingemuit et procidit ad pedes ejus, qui sibi retulerat ista, et ait : Obsecro te ut me illi una cum istis duobus fratribus meis insinues, ex idolis enim converti volumus ad Christum. Et quia simul hoc definivimus, et fratres sumus, etiam hoc ab eodem impetrare volumus, ut nunquam nos patiatur ab invicem separari. Et ille : Nunc, inquit, silete, quousque ingressus monasterium ad quod pergit paululum requiescat, et cum opportunum fuerit, intimabo ei omnia secundum verbum tuum. Interea dum appropinquasset monasterio ad quod pergebat, ecce et illi egrediuntur obviam patri, hymnum Deo dicentes : Suscepimus, Deus, misericordiam tuam in medio templi tui (*Psal. xlviii*). Ingredientibus episcopo et populo, etiam ingreditur Eugenia, cum Hiacyntho et Proto comitibus suis, tantum ei nota cum quo sermonem habuerat.

CAP. VII. — Perfectis igitur matutinis laudibus, paululum requievit episcopus, et jussit sibi ad sextam præparari, ut divina mysteria celebraret, ut dum sextam cœpisset, nona ad refectionem jejunantium opportune perveniret. Requiescens autem episcopus somnium vidit, in quo ad simulacrum femine ducebatur, ut illi sacrificaret. Tunc dixi, inquit, in somnio his qui me tenebant : Permittite me ut loquar cum dea vestra. Et cum me permisissent loqui, dixit ei :

Cognosce te creaturam Dei esse, et descende, et noli te permittere adorari. At illa, his auditis, descendit, et secuta est me, dicens : Non te deseram, quousque me creatori meo restituas et conditori. Igitur cum ista in animo episcopi volverentur, accessit ad eum Eutropius, cum quo locuta fuerat Eugenia, et dixit ei : Tres pueri fratres unanimiter culturam simulacrorum relinquentes, Christo servientium numero in isto monasterio se sociari desiderantes, et hodie vestigia tua prosequentes, huc ingressi sunt : poscentesque me, cum lacrymis postulaverunt, ut mereantur notitiæ tuæ beatissimæ revelari. Tunc beatus Helenus dixit : Gratias tibi, Jesu bone, refero, qui me prævenire fecisti hujus rei notitiam. Tunc convocari ad se præcepit pueros ; et apprehendens manum Eugeniæ fudit orationem. Quam cum complisset, tulit sequestratim eos, et gravissimo vultu quidnam dicerentur interrogat, vel cujus nationis essent credidit inquirendum. Ad hæc Eugenia respondit : Cives, inquit Romani sumus : unus ex his duobus fratribus meis Protus dicitur, alius Hyacinthus, ego vero Eugenius nuncupor. Cui beatus Helenus dixit : Recte te Eugenium vocas ; viriliter enim agis, et confortetur cor tuum pro fide Christi. Ergo recte vocaris Eugenius. Nam et hoc scias, quia Spiritu sancto nos et te Eugeniæ corpore ante prævidimus, et qualiter huc veneris, et quod isti tui sint, non me passus est præterire. Sed hoc mihi Dominus revelare dignatus est, quod gratissimum ei habitaculum in corpore tuo præparasti, custodiendo virginitatis præmium, et præsentis temporis blandimenta fallacia respuendo. Scito autem te pro castitate multa passuram : sed non te deseret ille cui te ex integro tradidisti. Ad Protum autem et Hyacinthum conversus, ait : In corpore servitutis positi, ingenuam dignitatem animi tenuistis fortiter et tenetis. Unde vobis, me tacente Christus Dominus loquitur, dicens : Amen, amen dico vobis, jam non dicam vos servos, sed amicos (*Joan. xv*). Unde et vos beatos annuntio, quia concordastis Spiritui sancto, quia **343** unanimiter consensistis monitis Salvatoris, simul ad gloriam pervenientis illam percepturi. Hæc beatus Helenus, nullo alio teste præter Deum, locutus est in medio et jussit eam sic in virili habitu permanere ; et non eum deseruerunt, quousque baptismatis sanctificatione instructi, monasterio ad quod festinaverunt sociarentur.

CAP. VIII. — Redeamus autem ad illud tempus, quo Protus et Hyacinthus auferentes Eugeniæ, abierunt. Basterna igitur, jumentis ambulantiibus et pueris qui præibant, vacua pervenit ad matrem. Videntes autem eminus properantes pueros, et basternam venientem, occurrerunt cum gaudio universi ; et invenientes vectorium vacuum, omnes simul mugitum reddiderunt, sit quoque repente totius civitatis strepitus. Quis enim audire poterat prefectum filiam charissimam perdidisse ? Erat itaque planctus inestimabilis, fletus immensus : lugebant universi confusi : parentes filiam, sororem fratres, servi domi-

nam; et tenebat universos mœror, et infinita animi A tribulatio. Fitque per totam provinciam inquisitio, interrogantur aruspices, inquirantur pithones; sacrificiis quoque et sceleratis superstitionibus dæmonia interrogantur, ut quo venisset Eugenia indicarent. Hoc solum omnes dicebant, quod eam dii de cœlo rapuissent. Credidit factum pater; et fletum ad consolationem revocans, dat festa responsis, et deorum numero consecrans, ex auro puro ejus fecit fieri simulacrum: quod ita cœpit excoli, ut non minorem honorem quam diis suis exhiberent. Mater tamen ejus Claudia, et fratres Avitus et Sergius, nulla poterant ratione consolationem accipere, sed erant intolerabiliter lugentes eam.

CAP. IX. — Beata autem Eugenia virili habitu et animo, in prædicto virore monasterio permanebat: B atque ita in divinis eruditionibus profecit, ut intra secundum annum omnes scripturas Dominicas memoria retineret. Tanta in ea erat animi tranquillitas, ut unam illam omnes dicerent ex numero esse angelorum. Quis enim deprehenderet quod esset femina, quam virtus Christi et virginitas immaculata protegebat, ut mirabilis esset et viris? Sermo enim ejus erat humilis in charitate, clarus in mediocritate, vitiiis carens, et facundiam fugiens, omnes in humilitate superabat. Nullus illa ad orationem inveniebatur anterior, efficiebatur autem omnibus omnia: tristem consolabatur, læto congaudebat, irascentem uno sermone suo mitigabat; superbientem ita suo ædificabat exemplo, ut ovem subito e lupo factam se credere delectaretur. Tantam a Deo et gratiam consecuta, ut C quemcumque in dolore positum visitasset, omnis statim dolor recederet, et omnis salubritas adveniret. Comites autem ejus Hyacinthus et Protus comitabantur eam, et erant in omnibus obtemperantes ei.

CAP. X. — Tertio igitur anno conversionis ejus, abbas qui præerat fratribus in monasterio, migravit ad Dominum. Post cujus abscessum omnibus visum est ut sibi beatam Eugeniā eligerent abbatem. Tunc beata Eugenia metuens se feminam contra regulam viris præponi; item timens ne omnes unanimitè deprecantes sperneret, ait ad eos: Obsecro vos ut Evangelium in præsentem adhibeatis. Quod cum fuisset allatum, dixit: Quotiescumque Christianis aliquid eligendum est, Christus est ante omnia auscultandus. Videamus ergo in hac electione vestra quid ipse præcipiat, ut et vestris jussis, et ipsius monitis intendamus. Et revolvens Codicem, venit ad locum, et cœpit legere, dicens: Dixit Jesus discipulis suis: Scitis quia principes gentium majores sunt his quibus dominantur, et principatum eorum gerunt (*Matth. xx*). Apud vos autem non est sic; sed si quis in vobis vult primus esse, sit vester ultimus; et si quis inter vos voluerit esse dominus, sit vester servus (*Lucæ xviii*). Et his dictis, adjecit: Ecce, inquit, et vestris jussis obtemperans, decrevi primatum suscipere, et Domini jussionibus obedire, ultimum me vestræ charitati constituo. Exhilaratur omnium causa in consensu ejus: ipsa tamen ante omnes opus monasterii

quod infima solebat exercere persona suscepit; in omnibus aquam portare, ligna concidere, munditias adhibere. In eo denique loco habitaculum sibi elegit, ubi ostiarius monasterii manebat, ne vel ipso se superiorem ostenderet. Sane, refectionem fratrum sollicitè curabat, et psallendo Deo ordinem fortiter custodiebat; et tertiæ, sextæ, nonæ, vespertinis vel nocturnis atque matutinis horis tam cautissime insistebat, ut videretur jam perisse Deo, si horarum vel quidpiam spatii absque divinis laudibus aliqua præteriisset. Ita denique in hoc opere esse Deo charior cœpit, ut dæmones ex obsessis corporibus pelleret, et cæcorum oculos aperiret. Sed quia multa singulatim narrare intendo per ordinem, quantum permittit brevitatis, accedamus.

CAP. XI. — Matrona quædam Alexandrina, cæteris matronis præstantior, nomine Melanthia, audiens opinionem ejus, venit ad eam, quia quartana gravissime et jam per annum et eo amplius vexabatur. Quam cum beata Eugenia oleo perunxisset, omnem continuo ~~344~~ violentiam fellis evomit. Et sanissima reddita, pedibus ad suum diversorium properavit, quod in vicino monasterii possidebat. Ordinat interea munera, scyphos argenteos tres implet solidis, et hos sanationis suæ gratia mittit ad beatam Eugeniā. Cui gratanter remittens quæ miserat, ait: Abundamus, et superabundamus omnibus bonis. Unde te, parens charissima Melanthia, ut ista egentibus magis ac necessitatem patientibus dividas, hortor et moneo.

CAP. XII. — Audiens Melanthia, contristata est; et veniens, cœpit rogare et ampliora promittere. Fit assidua circa beatam Eugeniā, et in nullo deprehendens quod esset femina, elegantia decipitur juventutis. Videns eam, juvenem per veritatem putabat esse terrenum; se autem non sanctitate ejus, sed aliqua arte existimans fuisse salvatam, in concupiscentia ejus elabitur; et putans amplioris pecuniæ cupidior, cœpit infinita offerre, et ampliora promittere. Cumque sæpius eadem precaretur, et grato animo oblata sibi ab Eugenia cerneret reddi, declinat ad majorem interitum, ægritudinem simulans. Quam cum beata Eugenia rogatu visitaret, sedenti ante lectum suum sanctæ Eugeniæ talia cœpit producere: intolerabilis circa te amor pectus meam D exagitat, nec ullum remedium fatigationi meæ reperire potui, nisi ut te omnium rerum mearum dominum instituam. Quid te ipsum vanis et inanibus abstinentiis crucias? Ecce possessionem locupletatio infinita, et ecce auri pondus immensum, et argenti ministerium copiosum, et familiæ infinitus est numerus: dignitas generositatis est mihi; hoc anno absque filiis viduata sum, succede pro eis in facultatibus meis, et non solum rerum mearum, sed meum esto jam dominus. Cumque hæc et his similia loqueretur, dixit ad eam Eugenia: Recte nomen tuum nigredinis testatur perfidiam; magnum enim te diabolo habitaculum præparasti: discede a servis Dei, deceptrix et illecebrosa Melanthia; nos enim aliter mi-

litamus. Habeant opes tuæ tui similes dominos, nos A delectat mendicare cum Christo. Affatim dives est, qui cum Christo pauper est. Fugiant a te imagines concupiscentiæ, non est enim salutis tuæ ista quæ te invasit insania. Draconis habitaculum facta, venenum effundis; sed nos, Christi invocato nomine, venenorum tuorum virus evadimus, et misericordiam Domini invenimus.

CAP. XIII. — Tunc illa deceptionis suæ pudorem non ferens, sperans se detegi, nisi prior ipsa detegeret, reversa Alexandriam, adire præfectum statuit, hoc ordine dicens: Scelestem juvenem, simulantem Christianam religionem incurri; et dum medendi gratia, qua dicitur posse infirmitatibus prodesse, ad me venire permetterem, unam me ex illis existimans de quarum pudore bacchatur, ausus est impudenter B alloqui, et verbis procacibus ad crimen hortari; et nisi dedissem vocem in præsentem, et ancillæ meæ fuisset liberata solatio, more barbarico suæ me libidini captivasset. Audiens hæc præfectus, nimio furore inflammatur, et jubet ad loca monasterii destinari, qui eum vinctum ferro cum omnibus commorantibus deponeret. Deponuntur itaque omnes in vinculis; et quia unius carceris eos non ferebat locus, per diversas custodias dividuntur. Post hæc statuitur dies funeris, in quo alii ad bestias, alii vero ad ignes, alii ad diversa supplicia damnarentur. Fit rumor immensus, impudens quoque fama cunctam Ægypti peragravit provinciam. Omnes credunt, omnes condemnant, et omnibus verisimile videtur Melanthiam illustrem feminam mentiri non posse. Quid multa? Venit dies C funerum constitutus, et in qua universæ civitates in vicino positæ conveniunt, ut viderent ferarum tradi morsibus corruptores: introducuntur in catenis, et a collaribus ferreis cum beata Eugenia; et nullo agnoscente quod esset femina, clamor populi diversis sententiis ingruerat. Tunc jubetur adduci propinquus, ut non per internuntios eam præfectus audiret, sed ex ore ejus addisceret veritatem. Aptantur equulei et verbera, flammæ, tortores, et cætera quæ solent abscondita cordis exsculpere, præparantur.

CAP. XIV. — Tunc præfectus Philippus dixit: Dic, sceleratissime Christianorum, hoc vobis Christus vester tradidit in mandatis, ut operam corruptionibus datis, et pudorem atque verecundiam matronalem fraudulenta astutia capiatis? Dic nunc, furcifer, D quæ te temeritas coegit, ut illustrem feminam Melanthiam appeteres, et ingressus sub specie medici, castitatem generosissimam ad lupanariam ignominiam provocares? Audiens hæc beata Eugenia, capite demisso, ne possit agnosci, taliter dedit præfecto responsum: Dominus meus Jesus Christus, cui ego servio, castitatem docuit, et integritatem corporis custodientibus vitam promittit æternam. Hanc autem Melanthiam falsam testem nunc possumus declarare, sed melius est ut nos patiamur mala quam illa, dum convicta fuerit, aliquid patiat, ne et fructus patientiæ nostræ deperat; sed tamen, si per victoriam principum testetur vestra sublimitas quod

non in eam ipsam retorqueatis sententiam, et hæc fallax testis nihil patiat, nunc probabimus crimen quod nobis objicit, redundare in eam.

At ubi testatus est per principum salutem præfectus, promittens ad omnia quæ postulabat effectum, dixit Eugenia: O Melanthia nigredinis nomen, et tenebrosa Melanthia, applicari fecisti aculeos, suspendi præcipis Christianos. Damna, percutere, incendere, bene nos accipis; non tamen tales habet famulos Christus, quales tu testaris. Tamen adduci præcipe ancillam, quam testem nostri criminis esse dixisti, ut ex ore ejus possit denudari mendacium. Cumque applicata fuisset in conspectu judicis, cœpit dicere: Istum juvenem impudicissimum, frequenter quidem circa viles personas detectum in adulteriis, ipsa impunitas ad hoc eum perduxit, ut etiam dominæ meæ circa primam horam diei cubiculum impudenter ingressus, primo quidem sermone quasi pro salute ejus veniret indicaret; secundo pro sua concupiscentia; et tertio etiam ad violentiam, si cursim ego ingressa familiam non vocassem, quæ hodie hujus criminis testis est. Tunc præfectus ex familia adesse jubet aliquos, qui ita gestum esse suo testimonio confirmarent. Cumque applicarentur singuli ita esse ut illa dixerat testabantur. Tunc judex vehementer commotus, ait: Quid ad hæc, infauste, dicturus es, quem tot revincunt testes, tantaque indicia manifestant?

CAP. XV. — Ad hæc beata Eugenia ait: Tempus loquendi est, quia tempus tacendi transiit (*Eccli. III*). Optaveram quidem crimen objectum in futuro iudicio denudari, et castitatem meam illi soli ostendere, cuius amore servanda est. Tamen ne glorietur in servos Christi fallax audacia, et paucis pandam verbis veritatem, non ad jactantiam humanæ declamationis, sed ad gloriam nominis Christi. Tanta enim est virtus nominis ejus, ut etiam feminæ in timore ejus positæ virilem obtineant dignitatem; et neque ei sexus diversitas fide potest inveniri superior, cum beatus Paulus apostolus, magister omnium Christianorum, dicat quod apud Dominum non sit discretio masculi et feminæ, omnes enim in Christo unum sumus (*Galat. III*). Hujus ergo normam animo fervente suscepi, et ex confidentia quam in Christo habui, nolui esse femina, sed virginitatem immaculatam tota animi intentione conservans, virum gessi constanter in Christo. Non enim infrunitam honestatis simulationem assumpsi, ut vir feminam simularem; sed femina viriliter agendo, virum gessi, virginitatem quæ in Christo est fortiter amplectendo. Et hæc dicens, scidit a capite tunicam, qua erat induta, et apparuit femina. Et statim ad præfectum ait: Tu mihi quidem secundum carnem pater, Claudia mater est, et fratres hi duo qui tecum sedent, Avitus et Sergius. Ego autem Eugenia filia tua, quæ pro amore Christi mundum omnem cum deliciis suis respui tanquam stercus. Ecce Protus et Hyacinthus eunuchi mei, cum quibus scholam Christi ingressa sum: Christus autem tam idoneus ibi exstitit, ut victicem libidinum omnis pol-

lutionis me faceret per misericordiam suam, cui exhibeas, vel, deposita dignitate, etiam propriis facultatibus cedas. »

CAP. XVI. — Agnoscentes itaque pater filiam, et sororem fratres, servi dominam, currunt statim ad eam; et effundentes lacrymas in conspectu populi, amplexibus ejus incumbunt. Nuntiatur factum Claudiæ matri, et statim cursu concito ad spectaculum venit. Deferuntur vestimenta auro texta, et licet invita, induitur, atque in excelso tribunali posita, in sublime attollitur, et ab omni populo clamatur: Unus Christus, unus et verus Deus Christianorum. Sane sacerdotes et episcopi, qui cum multo populo Christiano ante amphitheatrum erant, et dum fuissent interfecti hi qui accusabantur, ab eisdem sepelirentur, ingrediuntur, Deo hymnum dicentes, atque omnes una voce clamantes: Dextera Domini glorificata est in virtute, dextera manus tua, Domine, confregit inimicos. Tollitur ergo in triumpho Eugenia; et ne tanto gaudio populi ejus defuisset probatio castitatis, visus est ignis de caelo descendens, qui ita circumdedit domum Melanthiæ, ut nec vestigium alicujus rei quæ ad eam pertinebat remanserit. Fit gaudium populi cum timore Dei; ecclesia quæ jam, quasi viduata, octavo anno clausa fuerat, reseratur. Revocatur Christianorum populus, baptizatur præfectus in fascibus constitutus, baptizantur filii ejus, baptizatur mater ejus Claudia. Restituit privilegia Christianis, et mittit relationem ad Severum imperatorem de Christianis, et memorat satis reipublicæ Christianos prodesse, ideo debere eos absque persecutione aliqua in urbibus habitare. Consentit relationibus imperator, et fit tota Alexandrina civitas quasi una ecclesia. Eratque omnibus civitatibus gaudium, et dignitas Christiani nominis florescebat.

CAP. XVII. — Sed quia semper sanctitatem æmulatio sequitur inimici, et contra bonitatem pugnat malitia: consilio diaboli aliqui ex honoratis Alexandriæ, cultores idolorum, accipientes 346 ægre quod Christianis privilegia tribuisset, venientes ad regem, dixerunt statum reipublicæ conturbatum a Philippo, qui cum nono anno in fascibus irreprehensibiliter administraverit, nunc decimo anno (10) perdidit omnia. Denique deorum immortalium deseruit cæremonias, et omnem civitatem ad culturam cujusdam hominis quem Judæi occiderunt convertit. Non est legibus vestris ulla reverentia. Passim quisque ut voluerit templa reverenda ingreditur, non ut colendi benevolentiam prætendat, et non ut deos esse quos colimus credat; sed ut dicat infinitas blasphemias, saxa aut metalla potius quam divini nominis signa. Hæc et similia multa dicta sunt Severo et Antonino Augustis. Qui commoti (11), direxerunt ad eum hujuscemodi decreta: « Divus parens noster, Commodus quondam Augustus, non ut præfectum, sed ut regem (12) te Alexandriæ ordinavit atque constituit, ut dum in vita maneres, successorem nullum susciperes. Unde his beneficiis ejus superaddere cupientes, statuimus ut diis omnipotentibus solitam culturam

CAP. XVIII. — Accepta igitur hac Augusti auctoritate, simulat ægritudinem, quousque universa distraheret, et donaret per omnem provinciam ecclesiis et pauperibus. Ipse autem præfectus in timore Dei et in cultura Christi etiam alios confortabat in Christo. Interea omnis Alexandria conspirat in episcopatum ejus (13), et cœpit eum respublica habere præfectum, quia successor ei nondum venerat, et ecclesia habere episcopum, quia merito fidei sibi eum elegerat sacerdotem. Duravit autem in episcopatu unum annum et menses tres.

CAP. XIX. — Post hæc autem spatia temporum, veniens Perennius præfectus (14), dum Alexandriæ quereretur percutere eum, et non posset, quia omnis civitas in amore ejus durabat, immisit ei qui se fingerent Christianos, et ingredientes, percusserunt eum (15) in oratione Dominica constitutum. Post traduntur percussores præfecto Perennio. Ille autem conscius jussionis suæ et quasi audiendos custodiæ mancipavit, post paucos autem dies principum indulgentia relaxatos dimisit. Beatissimus autem Philippus post percussuram tribus diebus in corpore esse permissus est, non ad aliud, nisi ad corda dubia confirmanda; nam ut migraret ad Dominum, martyri se noluit corona fraudari, et ipse hanc ut reciperet oravit. Nam qui in corpore positus dæmonia fugabat, et illuminabat oratione cæcos, quanto magis se nolisset palma privari? Poterat utique quod volebat impetrare sine dubio; et ita recepit ut particeps nominis Philippi, esset particeps et coronæ; et susciperent martyres collegam, quem merito Ecclesia susceperat sacerdotem. Juxta atria itaque ibi sancta Eugenia filia ejus monasterium Christi virginibus collocaverat, illic suum jussit collocari corpusculum, in quo loco beatissima Claudia xenodochium fabricabat, et constituit prædia quæ susceptionibus peregrinantium deservirent; ipsa autem cum Avito et Sergio filiis, et cum beata Eugenia regressa est Romam.

CAP. XX. — Igitur filios Philippi cum omni gaudio senatus recepit Romanorum, et unum proconsulem Carthaginem, alium vicarium Africæ dirigunt. Ad beatam autem Eugeniæ cum multæ matronæ convenirent, et pene omnes virgines, quascunque potuisset, notas aut amicas, faceret etiam Christo credere, et in virginitate dominica permanere; quædam ex regio genere virgo, Basilla nomine, cupiebat eam attingere. Sed quia causa nominis Christiani ad eam ire non poterat, rogabat per internuntium fidelem, ut eam de religione Christiana instrueret. Tunc beata Eugenia convocat ad se beatissimos comites suos Protum et Hyacinthum, et dicit eis: Accingimini militia ad quam vos convocat Christus; quo vos Basillæ offeram sub specie muneris, ut vos eam in Christo faciatis ancillam. Fit itaque hujus muneris gratia; et suscipit Basilla quasi famulos, sed eos quasi apostolos honorabat. Vacabat autem cum eis omni hora; et quasi eunuchos servitio habens, non diebus, non

noctibus a colloquiis Dei et orationibus cessabat. Igitur Cornelius cum esset in urbe Roma sacræ legis antistes, pervenit ad eam latenter, et baptizavit eam. Confirmata autem beata Basilla in timore Dei, procurante misericordia Christi, pene omnibus noctibus mutuis se fruebantur aspectibus ipsa et beata Eugenia.

CAP. XXI. — Omnibus itaque viduis Christianis conventus erat ad beatam Claudiam, et omnibus virginibus conventus erat ad beatam Eugeniā. Sanctus autem Cornelius papa urbis Romæ, omni vespere Sabbati quæ lucescit in Dominico die, dabat eis noctem hymnis pervigilem, et pullorum canoribus noctis quiete agebat ejus sacrosancta mysteria, et ita confirmabat eas sabbato. Eugenia autem et Basilla, ut memoravi, omnibus se pene noctibus fruebantur in Christo, et alterno se eloquio renovabant. O quantas per Eugeniā virgines Salvator invenit! 347 quantas etiam per Basillam Christus sponsas obtinuit! quantæ per Claudiam viduitatem prompta voluntate servarunt! quanti juvenes per Protum et Hyacinthum Christo Domino crediderunt!

CAP. XXII. — Valeriano itaque et Gallieno impetrantibus, orta seditio de Christianis est, eo quod Cyprianus Carthaginem everteret, et Cornelius Romam. Data est ergo auctoritas ad Paternum proconsulem, ut Cyprianum occideret. Cornelius autem quia a multis Romanis etiam illustribus fovebatur, erat in abditis. Tunc beata Eugenia videns Basillam, ait: Revelatum est mihi a Domino quod pro virginitate passura sis. Et Basilla ad Eugeniā respondit: Et C mihi, inquit, dignatus est Dominus demonstrare quod martyrii coronam duplicem capias: unam quam apud Alexandriam pro justis laboribus acquisisti; et aliam, quam in effusione tui sanguinis consecutura es. Tunc beata Eugenia expandens manus suas, dixit: Domine Jesu, Altissimi Filius, qui ad salutem nostram venisti per virginitatem matris, tu per virginitatis præmium omnes quas mihi credidisti perduc ad regnum gloriæ tuæ.

CAP. XXIII. — Residentibus autem sanctis virginibus Christi, quæ erant cum Eugenia et Basilla, dixit omnibus beata Eugenia: Ecce vindemiæ tempus est, in quo succiduntur botri, et pedibus conculantur, sed post hæc regalibus conviviis apponuntur. Absque eorum sanguine nulla potestas imperii, nulla illustris dignitas decoratur: et vos palmites mei, et meorum viscerum botri, estote parati in Domino. Virginitas enim est primæ virtutis indicium Deo proximum, similis angelis, parens vitæ, amica sanctitatis, via securitatis, domina gaudii, dux virtutis, fomentum et corona fidei, adminiculum et subsidium charitatis. Nihil ita nobis laborandum, nihil ita est enitendum, nisi cum virginitate vivamus, aut quod est gloriosius, pro virginitate etiam moriamur. Quæ sunt hujus mundi blandimenta fallacissima, et cum gaudio temporali veniunt, et cum perpetuo dolore discedunt: faciunt momentaneum risum, ut æternum fletum infligant; tribuunt fugi-

PATROL. LXXIII.

tivos flores, ut marcidiores perseverantes advecent: mentiuntur securitatem transeuntis temporis, ut perpetui sæculi cruciatibus tradant. Ideoque charissimæ virgines, quæ mecum in agone virginitatis nunc usque accurristis, permanete in amore Domini, quem cœpistis. Tempus flendi temporaliter, sine fastidio et horrore sufferte, ut tempora gaudii æterni cum omni possitis dilectione suscipere. Ego enim commendavi vos Spiritui sancto, et credo quod vos mihi integras omnes illibatasque constituat. Nolite itaque faciem meam ex hoc corporaliter quærere, sed gesta et actus per spiritum contemplantini. Et his dictis, osculata est universas, et flentes fortissimo animo consolabatur. Dicentibus autem sibi vale invicem Basilla et Eugenia, oratione facta discedunt.

CAP. XXIV. — Ecce eodem die perrexit una ex ancillis ad Pompeium sponsum Basillæ, quæ et dixit: Quia te dominam nostram Basillam novimus ab imperatore meruisse, sextus et eo amplius est annus quam tu in tenero ætatis anno ut postea acciperes distulisti; sed patruelem ejus Helenum scies esse Christianum, et hanc ita factam Christianam, ut tibi omnino non nubat. Nam et duos eunuchos Protum et Hyacinthum simulavit se illi donum offerre Eugenia, quos illa quasi dominos excolit, et quotidie pedes eorum ac si deorum immortalium osculatur, quia ipsi auctores sunt artis magicæ, quam Christiani committunt. His auditis, Pompeius statim cucurrit ad Helenum patruelem ejus; qui et nutritor ejus erat et tutor, et dicit ei: Intra hoc triduum nuptias meas celebrare disposui, pro qua re fac me videre sponsam meam, quam mihi domini rerum invictissimi principes fieri conjugem præceperunt. Ille, his auditis, agnovit proditum negotium, ait ad eum: Quousque anni transirent infantiæ ejus, meam circa eam tutelam pro germanitate patris ejus, et pro ipso nutrimento exercui; nunc vero quia cœpit sui esse arbitrii, in sua vult esse potestate. Unde si illam videre desideras, ejus erit arbitrii, non mei imperii.

CAP. XXV. — Audiens hæc Pompeius, vehementius cœpit ardere; et pergens ad Basillæ domum, ut nuntiaretur janitoribus imperabat. Cui ista sunt a Basilla mandata: Causam te videndi penitus nullam me habere cognoscas, neque audiendi, neque salutandi. His auditis, turbatus est vehementius; et omni pene senatorum favore usus, prostravit se coram imperatore, dicens: Subvenite Romanis vestris, sacratissimi principes, et deos novos quos Eugenia secum adduxit ab Ægypto veniens, ab hac urbe separate. Diu est enim quod hi qui Christiani dicuntur reipublicæ nocent: qui irrident legum nostrarum sacrosancta cæremonia, et omnipotentes deos nostros, ac si vana simulacra, despiciunt. Jura quoque ipsius naturæ pervertunt, separant conjugium, gratiam sponsarum sibi associant: et dicunt iniquum esse, si sponsum suum sponsa accipiat. Quid faciemus, piissimi imperatores? Inveni 348 sunt dii qui homines prohibeant, et quibus ista videbunt, si nati nom-

fuerint quibus valeat imperari? Ubi reparatio Romanarum virium? ubi Romani exercitus rediiva certamina? Pro quibus victrices dextræ vestræ hostium cervices inclinabunt, si jam uxores habendæ non erunt, si sponsas amittimus, et tacemus?

CAP. XXVI. — Hæc et his similia dum prosequeretur, et omnis senatus ea flebili querela depromeret, decrevit Gallienus Augustus (16), ut aut sponsum suum Basilla acciperet, aut gladio interiret; Eugeniæ vero aut sacrificare diis, aut crudeliter interire; et dedit licentiam ut quicumque Christianum penes se absconderet puniretur. Convenitur Basilla, ut sponsum recipiat. Dicit se illa Regem regum habere sponsum, qui est Christus Filius Dei. Et cum hæc dixisset, gladio transfossa est. Tenti statim Protus et Hyacinthus, trahuntur ad templum; sed orationem illis facientibus, simulacrum Jovis ad quod ducebantur sacrificare, cecidit ad pedes eorum; et ita comminutum est, ut ubi fuerit, non pareret. Non virtuti divinæ, sed magicæ arti hoc imputans, jubet eos decollari Nicetius urbis præfectus.

CAP. XXVII. — Qui etiam accersitam ad se Eugeniæ cepit de magicis artibus ab ea flagitare sermonem. At illa constanter os suum aperiens, dixit: Polliceor tibi quod ars nostra vehementior magis est: nam magister noster habet Patrem sine ulla matre, et matrem absque patre. Denique sic cum genuit Pater, ut omnino feminam nunquam sciret; sic eum genuit mater, ut masculum omnino non nosset: hic ipse habet uxorem virginem, quæ illi quotidie filios creat, etiam innumerabiles ei filios parit, quotidie suam carnem ejus carnibus conjungit. Oscula ejus circa eam sine intermissione sociantur, in amore suo invicem omnino perdurant, et tanta integritate subsistunt, ut omnis virginitas, et omnis charitas, et omnis integritas ex eorum conjugio dirimatur.

CAP. XXVIII. — Audiens hæc Nicetius, obstupuit; et ne ad imperatorem perveniret quod eam libenter audiret, jussit eam ad templum duci Dianæ; et ita spiculator imminens, dixit ei: Redime vitam tuam, patrimonium tuum, Eugeniæ, et sacrificæ deæ Dianæ. Tunc beata Eugeniæ expandens manus suas, cœpit orare ac dicere: Deus, qui cordis mei arcana cognoscis, qui virginitatem meam sinceram in tuo amore servasti, qui me Filio tuo Domino meo Jesu Christo sociare dignatus es, qui Spiritum sanctum tuum in me regnare fecisti, adesto mihi nunc in confessione nominis tui, ut confundantur omnes qui adorant hoc idolum, et qui gloriantur in simulacris suis. Et dum oraret, fit terræmotus in eodem loco; et ita templi ipsius fundamenta mersa sunt cum ipso idolo, ut

nihil aliud remanserit, nisi sola ara, quæ fuit ante januam templi, ad quam stabat beata Eugeniæ. Hæc in insula Lycaonia gesta sunt coram omnibus qui sequebantur agonem Eugeniæ. Fit concursus populi Romani, et varia acclamatio. Alii dicunt innocentem, alii magam. Nuntiantur ista præfecto, præfectus imperatori manifestat. Imperator eam jubet ligari saxo, et præcipitari in Tiberim; sed statim saxum disruptum est. Beata vero Eugeniæ ita sedens, super fluviali aqua efferebatur, ut omnibus Christianis appareret illum fuisse cum Eugeniæ in flumine, ne absorberetur qui fuerat cum Petro in mari, ne mergeretur.

CAP. XXIX. — Item inde sublata, in thermarum Severianarum fornacibus mittitur: quæ sic statim extinctæ sunt, ut thermarum calor refrigesceret, et omnia incendia lignorum ad nihilum devenirent. Sic denique chaos fecerunt, ut ulterius exhiberi non possent. Mittitur post hæc in custodiam tenebrarum, et per decem dies jubetur nullum cibum accipere, et lumen penitus non videre. Ibi autem tantus quotidie abundavit splendor, ut dum egrederetur beata Eugeniæ, quasi lumen aliquod radiaret. Apparuit autem illi Salvator, ferens in manu panem nivei candoris et immensæ suavitatis et gratiæ, et dixit ei: Eugeniæ, accipe cibum de manu mea; ego sum Salvator tuus, quem tota mentis animique intentione dilexisti, et diligis. Eodem die te in cælis recipiam, quo ego descendi ad terram. Et hæc dicens, abcessit. Ipso autem die Natalis Domini missus est gladiator, qui eam in custodia positam percussit; et sublatum est corpus ab affinibus Christianis, et positum est non longe ab urbe via Latina in prædio ejus proprio, ubi multorum sanctorum ipsa sepelierat membra.

CAP. XXX. — Claudia autem mater ejus, cum ad ejus sepulcrum fleret, apparuit ei vigilanti in medio noctis silentio, auro texta cyclade induta, cum multo populo virginum, et dixit ei: Gaude et lætare, quia et me introduxit Christus in exultationem sanctorum, et patrem meum in patriarcharum numerum. Ecce die Dominico et te suscipiet in gaudium sempiternum. Commenda filiis tuis fratribus meis custodire signaculum crucis, et efficiantur nostri participes. Ecce, loquente ea, facta est claritas, 349 quam oculus ferre non poterat; et angeli transeuntes, hymnum dicebant Deo inenarrabilibus vocibus. Hoc solum intelligebatur, quod nomen Jesu Christi et Spiritus sancti in ipsis laudibus resonabant. Gloria et honor Patri, et Filio, et Spiritui sancto, et nunc, et semper, et in sæcula sæculorum. Amen.

ROSWEYDI NOTATIO.

(1) *Eugeniæ.*] Martyrologium Romanum 25 Decembris: « Romæ in cœmeterio Aproniani sanctæ Eugeniæ virginis, quæ tempore Gallieni imperatoris post plurima virtutum insignia, post sacros virginum choros Christo aggregatos, sub Nicetio urbis præfecto diu agonizans, novissime gladio jugulata est. » Monolog. Græcorum 24 Decemb., Acta ejus compendiose retexens: « Certamen sanctæ Eugeniæ

martyris et sociorum. Hæc fuit sub Commodo imperatore filia Tribuni in Urbe Roma. Missus autem pater ab imperatore in civitatem Alexandriæ, ut tribunatus magistratum gereret, secum vexit uxorem et filios, quorum una fuit beata Eugeniæ: quæ cum literas edisceret, et in multorum librorum lectione versaretur, incidit in epistolas sancti apostoli Pauli, ex quibus Christi fidem didicit. Itaque patrios tumultus

et mundi fallaciam derelinquens, cum duobus eunuchis ad monasterium quod est ante civitatem Alexandriae se contulit, virili habitu induta. Accepta igitur hospitio ab Heleno episcopo, causam addens quare illuc venisset, divino baptismo cum iis quos secum duxerat dignata est, et in ordinem monachorum aggregata, et post aliquod tempus, monasterii curam sibi creditam suscepit. Ubi propter miracula quæ per illam Deus efficiebat facta est familiaris mulieri cuidam ordinis senatorii, quæ Melanthia vocabatur: accusata postea est ab illa, quasi ad coitum illam provocasset, crimen obiciens, quod illius naturæ repugnabat; existimans enim marem esse propter speciem habitus, ejus pulchritudine vulnerata, cum sæpe periculum faciens ab ea repulsa esset, detulit illam ad Philippum tribunalum. Cum vero pater illam accersiri jussisset, veritas detecta est, non solum quod in habitu viri esset mulier, sed etiam quod tribuni esset filia: quare patrem, matrem, et multos ex familia, ad Christianorum fidem attraxit; et pater quidem tribuni dignitate deposita baptizatus est, postea et martyrii perfectionem assecutus, irruentibus in eum in templo idolorum infidelibus, qui et illum gladiis interfecerunt: sancta vero Eugenia Roman adducta est cum matre et fratribus, Proto et Hyacintho eunuchis, qui obruncati sunt; ipsa vero saxo gravi alligata in Tiberim flumen projecta est, atque illinc servata, gladio consummationem accepit. » Menæa quoque 24 Decembris, aliquod iambis Vitam ejus perstringunt.

Acta ejus descripta a Metaphraste exstant apud Lipomanum, tomo V, et Surium, tomo VI, interprete Gentiano Herveto. Hæc vero plane cum Actis a Metaphraste allatis consentiunt, eodem ordine digesta; ut vel hæc antiqua translatio sit e Metaphraste presius expressa, vel certe hic translator et Metaphrastes ex eodem fonte hauserint, quod posterius forte verius; cum et nova Metaphrastæ translatio quædam habeat fusius dicta, quædam antiqua hæc translatio, quæ in nova desunt.

Nisi quis malit Metaphrastem Latinum hunc textum in Græcum vertisse, cum eodem procedat ordine, et subinde videatur Latinum textum non bene percepisse. Sane quod hic dicitur c. 1, de septimo consulatu Commodi, ipse de septimo imperii Commodi anno intellexit, plane erronee, ut mox dicam. Auctores quoque sequentes, qui Metaphraste antiquiores fuere, meminerunt Eugeniæ quæ verisimile est eòs ex hoc Latino fonte deduxisse.

Meminit Eugeniæ, ut celeberrimæ martyris, Alcimus Avitus episcopus Viennensis, in carmine ad Fusciam sororem de laude castitatis lib. vi c. 20; Fortunatus, libro viii, carm. 4, de Virginitate; Aldelmus quoque de Laude virginitatis.

(2) *Incerto.*] Ita inscripsi, quia nullius auctoris nomen nec in Manuscripto, nec in Editis inveni. Video tamen a Goldasto, tom. I, part. II, Rerum Alemannicarum, notis in Hepidannum de vita S. Wiboradæ, lib. I, cap. 27, Acta Eugeniæ citari interprete Ruffino. Quod si ex Mss. ipse hausit, facile consentio. Certe stylus non abludit a stylo Ruffini.

(3) *In septimo consulatu Commodi.*] Annus is est secundum Baronium, tomo II, Christi 194, qui erat 13 imperii Commodi. Sed idem Baronius, anno Christi 188, imperii Commodi 7, præfecturam Augustalem Ægypti Philippo decretam ponit. Nam licet, inquit, post exactum annum septimum Commodi illa potius dicatur, id accidit quod non simul ac ab imperatore electus esset nomen consequeretur et munus, sed cum Alexandriam ingrederetur, idque lege Augusti factum Ulpianus affirmat (*L. unte., ff. De offic. præf. Aug.*).

Sequitur hic Baronius Acta Eugeniæ per Metaphrastem Græcis tradita, quæ loco septimi consulatus, septimum imperii annum expriment.

Sed ea Metaphrastæ Baronique positio cum Actis ipsis seu Latinis seu Græcis nullo modo convenit. Si-

quidem hic, cap. 17, dicitur a gentilibus Philippus, cum persecutio a Severo excitata est, novem annis Ægypto irreprehensibiliter præfuisse, et decimo perdidisse omnia, quod videlicet tunc catholicis faveret. Eadem habes apud Metaphrastem. Jam vero plures anni quam decem intercedunt inter septimum annum imperii Commodi (quo voluit Philippo Ægypti præfecturam delatam) et decimum annum imperii Severi (quo voluit eandem eidem præfecturam abrogatam). Nam cum annus 7 imperii Commodi respondeat apud Baronium anno Christi 188; et decimus annus Severi anno Christi 204, clarum est inter utrumque Christi annum, etiam exclusive sumptum, intercedere annos xv, vel exurgere annos xvii, si uterque extremus annus connumeretur. Atque decimo præfecturæ suæ anno dicitur Philippus ab administratione sua submotus.

Quare rectissime Latinus textus præfecturam Ægypti delatam Philippo statuit septimo consulatu Commodi, id est, anno 13 imperii Commodi, cui respondet annus Christi 194; atque rectissime quoque decimo anno præfecturæ suæ æ privatus dicitur Philippus, id est anno decimo imperii Severi, Christi 204. Nam ab anno Christi 194 ad annum Christi 204 justos decem annos habes.

350 Atque ex his apparere sinceritas Actorum Latinorum præ Græcis. Quibus optassem magnum Baronium, ut fere alias solet, relictis depravatis Græcis, instituisse.

(4) *Philippum.*] Baronius, tomo II, anno Christi 204, Zephyrini papæ 2, Severi imp. 10, ait hallucinatus esse qui putarunt hunc eundem fuisse cum Philippo imperatore; inter quos Credenus est, in Maximino, quos Zonaras jure redarguit in Philippo imp., ut idem Baronius notat ad diem 13 Sept.

(5) *Aquilio Aquilii.*] Vetus editio, *Aquilio Aquilini*. Baronius tomo II, anno Christi 188 legit *Acilio*, qui hoc anno consulatum gessit una cum Commodo: nisi dixerimus, inquit, hunc esse aliquem ex suffectis Consulibus. Testatur enim Dio, Commodum (quod nunquam ante factum fuerat) in annum unum viginti quinque consules designasse. Sed cum nomen conveniat consul ordinarii, haud alius consul quaerendus suffectus.

Quod Baronius ibidem existimat Eugeniæ desponsam Aquilio consuli, existimo eum sumpsisse ex Metaphraste, ubi dicitur *Aquilius Eugeniæ despondisse*, sed intelligi, non sibi, sed filio, ut Latinus hic textus habet. Nam parentes filii sponsas spondebant, despondebant.

(6) *Basternam.*] Paulo post vocat *vectorium*. Ammianus, lib. xiv. « Quo comitatu matronæ complures, opertis capitibus, et basternis, per latera civitatis cuncta discurrunt. » Vide Onomasticon.

(7) *Basterna nos tres.*] Ita recte Ms. Male in editis, *basternos tres*.

(8) *Ignem.*] Similis narratio de Heleno abbate habetur lib. II de Vitis Patrum, cap. 9, ubi isdem, uti hic, verbis: « ardentis prunas vestimento ferebat illæso. » Uter ex altero sumpserit, non facile dixerò. Potius vel hinc colligas Ruffinum etiam hujus Vitæ auctorem esse, ut lib. II de Vitis Patrum. Eandem historiolum de Hellene habet Palladius c. 59.

(9) *Flammas intrat.*] Frequens ea ad ignem provocatio, cum argumenta alia ad fidem probandam et propagandam desunt, in sacris historiis. Exempla varia congesti in dissertatione mea *De fide hæreticis servanda*, cap. 12.

(10) *Nunc decimo anno.*] Baronius, tomo II, anno Christi 204, Zephyrini papæ 2, Severi imperatoris 10. Haud adeo mirum, inquit, videri debet tam diu Philippum in ejus muneris functione perseverasse. Cum enim ea maximi omnium momenti esset Augustalis dicta præfectura (Ægypti) quam veluti Romani imperii obsidem sibi Augustus servaverat, nec quempiam Senatorum ad eam mitti debere sanciverat, sed ex equestri ordine aliquem virum optimum qui nul-

las unquam principatus amore turbas ciere posset, nactus semel quempiam fidelissimum virum, ea praelectura dignum, imperator haud facile dimovebat; quod paci et securitati Romani imperii id expedire potissimum sciret, cum Ægypti essent omnium studiosissimi novarum rerum, atque levissimi animi ad concitandas turbas et rebellandum. Sed hæc Dio pluribus (*Dio, Hist. Rom. l. xv*).

(11) *Qui commoti.*] Baronius, tomo II, anno Christi 204, Zephyrini papæ I, Severi imp. 10, persecutionem a Severo excitatam ponit. Movisse quoque, ait, videtur stomachum Severo ad persecutionem fidelium excitandam, quod intelligeret nobilissimam omium Ægypti praelecturam Augustalem administrantem Philippum jam Christianum redditum esse. Hactenus Baronius. Cum dicatur hoc capite vitæ decimum annum esse, quo Philippus praelecturam suscepit, non quadrat hic computus cum anno septimo Commodi, quo dicitur praelecturam suscepisse.

(12) *Ut Regem.*] Baronius, supra, anno Christi 204. Quod autem in ea epistola Severus dicat, (apud Metaphrastem ex versione Herveti.) : «Te tanquam regem potius quam praelectum elegit Ægypti præsidentem;» illud plane comprobatur quod in hæc verba scribit Tacitus : «Ægyptum jam inde a divo Augusto equites Romani obtinent loco regum. Ita visum expedire provinciam aditu difficilem, annonam fecundam, superstitione ac lascivia discordem, et nobilem et insciam legum, ignaram magistratum domi retinere (*Tacit., lib. xvii*).»

(13) *In episcopatum ejus.*] Baronius, tomo II, anno Christi 204, Zephyrini papæ 2, Severi imp. 10, ait corrigendum in Actis Philippi quod dicitur factum fuisse episcopum Alexandrinum. Nam (inquit Notat. ad diem 13 Septemb.) ejus praelectura sæcularis, et non sacerdotalis fuit. Eusebius etenim cum tam in Chronico quam in historia textit seriem episcoporum Alexandrinorum, Nicephorus episcopus, et Nicephorus Callistus, et alii qui id ipsum præstiterunt, nullus ipsorum inter Alexandrinos episcopos adnumerat Philippum.

(14) *Perennius præfectus.*] Ita Ms. In editis, He-

rennius. Apud Metaphrastem, *Terentius*. Baronius, anno proxime notato: Quod *Lætum*, inquit, Eusebius nominat (*Euseb., l. vi, cap. 2*), idem fortasse *Terentius Lætus* dictus est. *Perennium* habent *Menæa*, manuscripti, Ado, et Usuardus in *Martyrologio*. Occurrit etiam his temporibus *Herennius Celsus*, apud Trebellium Pollionem in XXX tyrannis in Æmiliano. Unde videtur colligi posse *Herennium* tunc Augustalem Ægypti præfectum fuisse.

(15) *Percusserunt eum.*] Baronius, tomo II, anno proxime citato: Quod vero, ait, Eusebius, de martyribus in Ægypto passis agens, nullam de Philippo hujus martyrio mentionem habuerit, inde fortasse accidit; quod cum necis ipsius causa præterit. Quod enim a sicariis clam occisus esset, nec publica aliqua quæ sciretur Christiani nominis confessio præcessisset, ab eo prætermisus esse videri potest, cum alioqui permulta majoris quoque momenti ab eo (ut in singulis fere annis videre est) esse silentio prætermisum nullum sit dubium.

Memoria hujus exstat in *Martyrologio Romano*, 13 Septembris: «Alexandriæ natalis beati Philippi, patris sanctæ Eugeniæ Virginis. Hic dignitatem præfecturæ Ægypti deserens, baptismi gratiam assecutus est: quem in oratione constitutum jussit Terentius præfectus ejus successor gladio jugulari.» Vide *Menologium Græcorum*, supra, in *Eugenia*, et *Menæa*, 24 Decembris, post Acta Eugeniæ duos iambo de Philippo habent.

(16) *Decrevit Gallienus Augustus.*] Baronius, tomo II, anno Christi 262, Dionysii papæ 2, Valeriani et Gallieni imp. 8. Quod, ait, spectat ad martyres Romæ passos, quod nonnulli sub Gallieno imperatore martyrium subiisse dicantur, non id accidit, ut cessante Valeriano, in martyrio fuerint coronati, quando quidem (ut dicemus) Gallienus, capto ab hostibus Valeriano parente, mox persecutionem cessare jussit, datis pro Christianis edictis; sed quod solus Gallienus Romæ imperaret, Valeriano agente cum exercitu in Oriente, idcirco plerique martyres sive Romæ, sive alibi, sub Gallieno passi dicuntur, et inter alios clarissima femina Eugenia virgo.

MARTII XIII.

VITA SANCTÆ EUPHRASIÆ (1),

VIRGINIS,

AUCTORE INCERTO.

361 CAPUT PRIMUM.—In diebus Theodosii, imperatoris piissimi, fuit vir quidam in regia civitate senator nomine Antigonus, eratque imperatori genere et societate conjunctus, sermone sapiens simul et opere, et bona semper præcipue suadens, et pie Romanis legibus Lyciæ negotia gubernans. Erat autem et compassibilis homo, cunctis necessaria præbens. Diligebatque eum princeps non solum tanquam parentem ac senatorem, sed etiam tanquam Christianum, et pium, et semper consilia utilia proferentem. Erat autem hic locuples vehementer, ita ut civitas regia alium divitiis, sermone et opere similem non haberet. Hic accepit uxorem ex genere proprio, ex eodem imperiali sanguine descendentem, cui nomen Euphrasia, mulier religiosa, et timens Dominum nimis

et ecclesiæ vacans, et offerens Deo preces cum lacrymis. Hæc multos in opere Dei fecit idoneos, multasque oblationes in ecclesiis et sanctuariis (2) offerebat. Vehementer eam diligebat imperator et Augusta, præcipue quod ex eorum genere erat necnon et moribus composita, et honesta, et valde religiosa. Nata est autem eis filia, et vocaverunt eam nomine matris suæ Euphraxiam.

CAP. II. — Cumque habuissent hanc filiam, una dierum dixit Antigonus Euphraxiæ: Nosti, soror mea Euphraxia, quia nihil est ista vita, nihil divitiarum, nihil vanitas hujus sæculi temporalis. In octoginta namque annis hominis tempus impletur cum ruina, divitiarum autem in cælo repositæ in infinita sæculorum sæculis timentibus Deum manent; et privamus nos illis divi-

tiis, mundanis cogitationibus obligati; et in fallacia A positi temporalium divitiarum, dies nostros frustra consumimus, nihil animabus nostris utiliter acquirantes. Audiens autem hæc Euphraxia, dixit Antigono viro suo: Et quid jubes, domine mi, ut faciamus? Cui dixit Antigonus: Unam filiam per Deum acquisivimus, quæ sufficit nobis, et nequaquam ultra conveniamus infelicitati ac miseriæ sæculi. Audiens hæc Euphraxia, consurgens extendit manus ad cælum, et ingemiscens dixit viro suo Antigono: Benedictus Deus, qui dignum te fecit timore suo, et ad cognitionem veritatis adduxit. Vere, domine, sæpius supplicavi Deo, ut cor tuum illuminaret, et mentem tuam pro hac causa faceret elucescere, sed hoc tibi pandere non præsumpsi, quia vero ipse fecisti principium, jube me ut loquar. Cui dixit Antigonus: Dic, B soror mea, quod vis. Respondit: Nosti, domine meus, quia ante multas generationes Apostolus testatur, et dixit: Tempus breve est: reliquum est, ut qui habent uxores, tanquam non habentes sint (*I Cor. vii*). Deficit enim hujus sæculi cupiditas. Ad quam enim utilitatem erunt ista pecunia et tanta abundantia possessionum? Nihil eorum est quod nobiscum poterit descendere in infernum. Cum bono ergo consilio tuo festina multa dare pauperibus, ut non illud consilium quod tractasti inveniatur infructuosum. Audiens autem Antigonus, glorificavit Deum.

CAP. III. — Cum igitur adeptus esset optimam conversationem, et multa pauperibus erogasset Antigonus, unum solummodo annum vivens, postquam suæ renuntiavit uxori, vitam suam pie disponens, complete anno defunctus est, et sepultus in pace. Tunc C imperator pariter et Augusta fleverunt eum, tanquam ex eorum genere descendente, virum justum et religiosum. Compatiebantur enim et Euphraxiæ, non solum tanquam propriæ consanguinæ, sed etiam quia erat juvenula. Duobus namque annis et tribus mensibus vixit cum viro suo; nam uno anno ex constituto ab alterutro abstinentes, sicut fratres vixerunt. Igitur sepulto Antigono, ab imperatore et Augusta multum consolabatur 352 Euphraxia. Illa vero sumens propriam suam filiam, dedit eam in manus imperatoris et Augustæ; et prostrata ad pedes eorum, cum clamore et magno gemitu dixit: In manus Dei et vestras hanc orphanam nunc commendo. Memoriam ergo habentes Antigoni, qui fuit D vester, suscipite eam atque tuemini, et estote ei in loco patris et matris. Multi autem flumina lacrymarum et voces emisissent audientium, ita ut etiam principes lugerent.

CAP. IV. — Post paucum vero tempus a luctu aliquanto quiescentem Antigoni, suavitatis imperator ei ut filiam suam Euphraxiam cuidam senatori ditissimo daret uxorem. Et factum est ut arrhas Euphraxia acciperet. Susceptis arrhis, puellæ ætas exspectabatur. Erat enim nimis infantula, quando susceptis arrhas, quasi annorum quinque. Post aliquantulum vero tempus cogitavit ipse senator, ut uxorem Antigoni sibi crederet copulari; et per preces aut per

mulieres matronas persuasit Augustæ ut sine notitia principis mitteret, et Euphraxiæ conjugii verba nuntiaret. Quæ cum audisset, amare flevit, et dixit mulieribus quæ fuerant destinatæ: Væ vobis in futuro sæculo, quæ mihi talia persuadetis, et ad talia concurritis contra mulierem, quæ secundum Deum vivere festinat. Recedite a me, quoniam extraneam congregationem vestram nunc egistis. Illæ vero deformatæ discedentes, nuntiaverunt Augustæ quæ gesta sunt. Cognoscens autem imperator quod factum fuerat, graviter invecus est in Augustam; et indignatus adversus Augustam, dixit: Vere, Augusta, extraneam rem ab hac conversatione fecisti. Hæc sunt opera Christianæ Augustæ? Sic promisisti Deo pie regnare? sic recordaris Antigoni, qui nobis semper utilis permansit? Alienam rem nostro imperio egisti, quod mulierem in puellari ætate constitutam, quæ pene solummodo uno anno cum viro vixit, et mox ex constituto propter cælestis regnum se ab utrisque separaverunt, tu rursus ad mundum redire compellis? et neque timuisti Deum, hanc iniquitatem volens facere? Quis satisfaciet hominibus, quia non per me factum est hoc? Indecentem et incongruam fecisti rem, quod nec oportuit ut meum audiret imperium, propter sincerissimum meum amicum maxime Antigonom.

CAP. V. — Audiens hæc Augusta, et vultum nimis confusionis mutans, sicut lapis fere per duas horas sine voce permansit. Et facta est magna tristitia inter imperatorem et Augustam, propter Euphraxiam Antigoni conjugem. Tunc Euphraxia agnoscens quia magna tristitia propter eam inter imperatorem et Augustam fuisset effecta, vultu omnino demisso, tristis facta est usque ad mortem, et de civitate volebat discedere. Tunc flens acriter, dixit Euphraxiæ filiæ suæ: Filia mea, habemus in Ægypto copiosam magnamque substantiam: veni, eamus illuc, et visitemus patris tui possessiones: et mea omnia tua sunt, filia mea. Tunc ergo cum filia sua Euphraxia de regia civitate discessit, principe nesciente, et venit in Ægyptum; illic quoque morabatur, et sua prædia crebro visitabat. Et profecta est in interiorem Thebaidem cum procuratoribus suis atque ministris, habentibus curam suarum rerum. Quæ etiam illic vacans in sanctuariis, et multas oblationes illic offerens per monasteria virorum ac mulierum, multas pecunias erogabat.

CAP. VI. — Erat autem monasterium mulierum in una civitate, habens architria (3) centum triginta, de quibus magnas et mirabiles virtutes homines prædicabant. In illo namque monasterio nemo gustabat vinum, nulla illarum pomum edere, aut uvas, aut ficus, aut aliquid hujusmodi bonorum, quæ terrena nascuntur ubertate, gustabat. Quædam autem earum abrenuntians sæculo, neque oleum edere volebat, quædam earum a vespera usque ad aliam vesperam jejunium protrahebat; aliæ vero post biduum edebant, aliæ vero post triduum. Nulla earum pedes suos abluebat: aliquantæ vero audientes de balneo

loqui, irridentes, confusionem et magnam abominationem se audire judicabant, quæ neque auditum suum hoc audire patiebantur. Unaquæque vero earum stratum in terra habebat, cilicium parvulum unius cubiti latitudinis, et longitudinis trium et paululum in ipsis requiescebat. Erant autem et vestes earum, de cilicio usque deorsum, obstringentes pedum extremitates. Quantumcumque poterat, unaquæque laborabat. Et cum aliquam earum aliquando contigerat infirmari, non ei fomentum aut adjutorium aliquod medicinæ conferebatur; sed si quam contigisset ægrotari, tanquam maximam benedictionem a Deo accipiebat, et tolerabat languorem, donec eam medicina dominica præveniret. Nulla earum januas exibat. Erat autem janitrix, per quam responsa omnia fiebant, matura; multæque sanitates ibi fiebant.

CAP. VII. — Harum quidem Euphraxia diligens consilium sanctarum mulierum, propter mirabilem conversationem earum, sæpius ad ipsum monasterium pergebat, thymiamaque illic offerebat et cereos. Una quidem dierum rogabat abbatissam et priores monasterii, dicens eis: Parvam benedictionem volo absque terrore vestro præbere, reddituum auri viginti aut triginta librarum, ut oretis pro ista famula vestra, et pro Antigono patre ejus. Cui abbatissa respondit: Domina mea matrona, ancillæ tuæ non egent redditibus, neque pecuniam concupiscunt. Propterea namque omnia reliquerunt, et cuncta despiciunt in hoc sæculo, ut æternis bonis frui mereantur, et nihil possidere volunt, ne cælesti regno priventur. Sed ne te contristem, aut sine fructu dimittam, paucum oleum ad candelas et thymiam in oratorium confer, et hoc erit nobis pro mercede justitiæ. Et his oblatis, rogabat Euphraxia abbatissam, ut omnes serores orarent pro Antigono et filia ejus Euphraxia.

CAP. VIII. — Una vero dierum Euphraxiæ infanti abbatissa dixit, tentando: Domina mea Euphraxia, diligis monasterium nostrum et omnes sorores? Illa respondit: Etiam, domina, diligo vos. Dixit ei abbatissa rursus cum joco: Si nos diligis, esto nobiscum in nostro schemate. Cui infantula dixit: Vere si non contristaretur mater mea, ulterius non egrediar de loco isto. Cui abbatissa dixit: Inter nos et sponsum quem plus amas? Puella dixit: Neque illum novi, neque ille me; vos autem novi, et vos amo. Dicit mihi: Vos autem quem diligitis, me an illum? Illa vero dixerunt: Nos te diligimus, et Christum nostrum. Puella vero respondit: Ego vero et vos diligo, et Christum vestrum. Sedebat vero Euphraxia mater ejus, et fluminum lacrymarum ejus non erat modus. Libenter enim audiebat verba puellæ abbatissa, quia cum esset etate infantula, talia loquebatur. Nondum enim septem annos impleverat, dum cum abbatissa loqueretur hujuscemodi verba. Tunc ingemiscens mater, et amare deflens, ad filiam suam dixit: Filia mea, veni, pergamus ad domum, quia jam vespera est. Cui puella dixit: Ego hic maneo cum domina abbatissa. Dixit abbatissa puellæ: Vade, domina, in

domum tuam, non potes hic manere. Non enim quisquam manere potest hic, nisi se devoverit Christo. Cui puella respondit: Ubi est Christus? Illa gratanter ei dominicam imaginem demonstravit. Pergens autem Euphraxia, osculata est dominicam figuram; et conversa, dixit abbatissæ: Vere et ego me voveo Christo meo, ut ulterius cum domina mea matre non vado. Dixit ei abbatissa: Filia, non habes ubi hic maneas, et non potes hic manere. Puella dixit: Ubi vos manetis, et ego maneo. Et cum jam vespera esset, et multum mater ejus coegisset atque abbatissa ut ambularet, nequaquam potuerunt eam tollere de monasterio. Multum ergo crebris diebus mater ejus atque abbatissa ei blandiebantur, et persuaderenequiverunt ut de monasterio potuissent eam expellere.

Novissime vero dixit abbatissa puellæ: Filia, si vis hic permanere, litteras habes discere et Psalterium, et usque ad vesperam habes jejunium ducere, sicut universæ sorores. Puella dixit ei: Ego et jejunium, et omnia disco, solummodo dimittite me hic esse. Dixit ergo abbatissa matri ejus: Domina mea matrona, dimitte hanc hic; video enim quia gratia Dei illuxit in ea; et justitia patris, et honestas tua, et orationes utrorumque vestrum æternam vitam providere ei noscuntur.

CAP. IX. — Surgens igitur Euphraxia, et assumens filiam suam, ad dominicam eam imaginem adduxit; et extendens manus ad cælum, cum magno clamore et fletu clamavit, dicens: Domine Jesu Christe, habe curam istius infantulæ, quia te concupivit et tibi se commendavit. Et conversa, dixit ad filiam suam: Euphraxia, filia mea, Deus qui fundavit immobiles montes, et te quoque in suo timore confirmet. Et cum hæc dixisset, in manibus eam tradidit abbatissæ; et deflens, pectusque suum tundens, ita recessit a monasterio, ut omnis congregatio cum ea ploraret.

CAP. X. — Alia vero die abbatissa sumens Euphraxiam, introduxit eam in secretarium, et facta oratione super eam, induit eam indumento monachali; et extendens manus ad cælum, pro ea supplicavit, dicens: Rex sæculorum, qui in ea cœpisti opus bonum, tu perface hoc in pace; da ut ambulet secundum nomen tuum, et fiduciam inveniat in conspectu tuo semper ista infantula. Tunc et Euphraxia mater ejus orans, dixit: Filia mea, amas hoc schemate vestiri? Cui Euphraxia dixit: Utique, mater mea, quia sicut agnovi ab abbatissa, et dominæ sorores dixerunt, hoc schema pro arrhis præbet diligentibus se Dominus Jesus Christus. Cui mater sua dixit: Cui desponsata es, ipse faciat te thalamo suo dignam. Et hoc dicens, et orans pro filia sua, valedixit abbatissæ et sororibus, et osculata est filiam suam. Et egressa, juxta morem circuibat, præbens pauperibus quod indigebant.

CAP. XI. — Ubique autem divulgabatur Euphraxiæ optima conversatio, quantum confert et monasteriis et venerabilibus locis, ita ut imperator audiret, et omnis senatus eam nimis amarent, atque glorificarent.

carent Deum. Audiebant enim quod nec piscem gustaret, nec vinum biberet; sed post tanta dona quæ universis conferebat et gloriam, a vespera usque ad vesperam jejunium faciebat, aliquando sumens legumen, aliquando olera.

CAP. XII. — Post paucos autem dies evocans abbatissa matrem puellæ, dixit ei secrete: Domina, aliquam rem volo tibi dicere, non te conturbet. Cui respondit: Domina mea, quod jubes dic. Dixit abbatissa: Vidi enim in somnis Antigonum virum tuum in magna gloria constitutum, et rogavit Dominum Jesum Christum ut egrediaris de corpore tuo, et de cætero sis cum illo, et fruaris illa gloria, quam Antigonus meruit vir tuus. Audiens autem hæc, reversa est in domum suam matrona, ut religiosa femina; et non solum non est turbata, sed lætitia magna gavisa est. Orabat enim ut ab humana vita discederet, et de cætero esset cum Christo, et mox vocans filiam suam, dixit ad eam: Filia mea, sicut mihi dictum est a domina mea abbatissa, vocavit me Christum, et appropinquerunt dies obitus mei. Ecce omnem substantiam meam et patris tui dedi in manus tuas: dispensa eam pie, ut cœlestem possis habere hæreditatem. Audiens hæc Euphraxia a matre sua, cœpit ingemiscere et flere, dicens: Væ mihi, quia peregrina sum et orphana. Dicit ei mater sua: Filia habes Christum pro patre et sponso, ideo nec peregrina es nec orphana: habes et dominam abbatissam pro matris officio. Vide, filia, festina quod promisisti adimplere. Deum time, et omnes sorores honora, serviens eis cum omni humilitate. Nunquam in corde tuo cogites: de sanguine regio sum; nec dicas: Debent mihi servire. Pauper esto in terra, ut in cœlo diteris. Ecce omnia sub manibus tuis habes. Possessiones et pecunias in monasterium confer, pro patre tuo et pro me, ut inveniamus misericordiam apud Deum, et liberemur ab æterno supplicio. Hæc præcipiens filiæ suæ, tertia die defuncta est, et sepeliverunt eam in monasterio in monumento.

CAP. XIII. — Audiens imperator quia mortua fuisset Euphraxia uxor Antigoni, revocans senatorem cui desponsata fuerat filia ejus, indicavit ei, dicens: Quia puella conversa est in monasterio. Ille vero rogavit imperatorem ut per veredarios scriberet puellæ, eique præciperet ut ad civitatem veniret, et nuptias celebraret. Suscipiens autem Euphraxia imperatoris epistolam, manu propria epistolam aliam rescripsit, sic habentem: « Domine imperator, suadesne ancillæ tuæ ut respuam Christum, et homini corruptibili et vermibus consumendo conjungar, qui hodie est, et cras non est? Absit ab ancilla tua ut hanc iniquitatem faciam. Quapropter, imperator domine, non ulterius vos vir ille fatiget, ego enim Christo consensi, et impossibile est eum me negare; sed supplico potestati vestræ ut memoriam parentum meorum habeatis. Idcirco tolle omnem substantiam, et dispensa pauperibus simul et orphanis, et da universa ecclesiis. Novi enim quia recordaberis parentum meorum, maxime patris mei. Audivi enim quia in

palatio nunquam a te dividebatur. Horum ergo recordationem habens, substantiam hanc bene dispone. Omnes constitutos sub jugo servitutis manumitte, et eis legitima concede. Manda actoribus patris mei ut omne debitum dimittant agricolis, quod a die patris mei usque ad hanc diem reddebant, ut sine sollicitudine mearum terrenarum rerum consistens, Christo sine quolibet servire valeam inpedimento, cui animam meam commendasse cognoscar. Orate pro ancilla vestra, tu et Augusta, ut mereatur Christo servire, prout dignatur ancillam suam. » Deinde signans epistolam, veredario dedit. Qui revertens, obtulit imperatori relegendam epistolam. Quam solvens et relegens in secreto cum Augusta, multas lacrymas ambo effuderunt, nimis orantes pro Euphraxia. Mane autem facto, convocans imperator omnem senatum et patrem pariter Euphraxiæ sponsi, jussit coram epistola legere. Illi vero audientes epistolam, omnes sunt lacrymis repleti, et velut ex uno ore dixerunt: Vere, domine imperator, filia est Antigoni et Euphraxiæ genus tuum, et ex sanguine ejus est hæc puella. Vere religiosorum parentum religiosa est filia, sanctæ radicis sanctus est ramus; et omnes quidem ex quadam concordia glorificaverunt Deum, et pro puella pariter oraverunt, et nequaquam ulterius senator ille visus est importunus.

CAP. XIV. — Imperator ergo cuncta disponens pie, et res puellæ bene distribuens, et ipse defunctus est, et cum suis patribus sepultus est in pace. Euphraxia vero magnificabatur, et secundum Deum conversabatur, abstinens ultra mensuram suam. Erat enim annorum duodecim, et ad certamina se fortiter exercebat. Et primum quidem a vespera usque ad vesperam comedebat, deinde post biduum, postea post triduum. Nulla alia præter illam triclinia mundabat et cubacula sororum sternebat: aquam ad ~~355~~ coquinam ipsa portabat. Hæc autem consuetudo erat in monasterio; si quando contingerat aliquam sororem tentari a diabolo per somnum, mox abbatissæ pandebat. Illa vero cum lacrymis Deum postulabat ut diabolus ab ea recederet. jubebatque ut lapides portaret, et substratum sub sago cinerem super cilicium spargeret, et ita dormiret usque ad decimum diem. Una vero dierum ipsa a diabolo tentata est, et superposuit stratui suo cinerem. Videns autem abbatissa cinerem sub stratu Euphraxiæ, risit et ait ad unam sororem seniore: Vere hæc puella tentari cœpit, et orans abbatissa, dixit: Deus, qui creasti eam secundum tuam voluntatem, tu eam in tuo timore conforta. Et vocans eam abbatissa, dixit ad eam: Quare non indicasti mihi tentationem diabolicam? Illa vero cadens ad pedes abbatissæ, dixit: Ignosce mihi, domina mea, quia confusa sum indicare tibi hanc causam. Dixit ad eam abbatissa: Filia mea, ecce pugnare cœpisti; viriliter age, ut vincas et coroneris.

CAP. XV. — Post paucos vero dies denuo tentata est, et narravit alicui sorori, nomine Julis, quæ multum diligebat Euphraxiam, quæ etiam in certa-

minibus eam exercebat. Dixitque ei Julia : Domina mea Euphraxia, non abscondas hoc abbatissæ ; sed refer hoc, ut oret pro te. Omnes enim tentamur a diabolo ; sed speremus in Christi nomine, quia vincimus eum. Ergo soror mea non moreris, sed indica abbatissæ causam, et noli confundi. Audiens autem hæc Euphraxia, gratias egit Juliæ, et dixit ad eam : Adjuvet te Deus, soror, quia ædificasti me, et meam animam confortasti. Vere ingredi, et causam dominæ abbatissæ pronuntio. Dixitque Julia : Etiam sic fac ut oret pro te, et adjiciat tibi abstinentiam. Illa vero ingrediens, indicavit abbatissæ causam. Dixitque ei abbatissa : Non pertimescas, filia, omne bellum diaboli, quo contra nos nititur. Certa igitur fortiter immobili animo, et non prævalebit adversum te. Multum enim ab eo tentanda es ; sed certa, ut vincas, ut victorias et triumphum accipias a sponso tuo Christo, et quantum potes adice abstinentiæ tuæ. Qui enim præcipue decertat, præcipua dona percipiet. Post aliquantulum vero temporis spatium interrogavit eam abbatissa, dicens : Post quot dies comedisti, filia ? Puella dixit : Post tres dies, domina mea. Dixit ei abbatissa : Adjice adhuc unum diem. Illa vero jussionem ejus cum lætitia magna suscipiens, discessit.

CAP. XVI.—Cumque facta esset ænorum viginti, ætate confortabatur et prævalebat. Erat enim nimis speciosa, tanquam vera matrona, et sanguine regio procreata. Denuo autem tentata, indicavit abbatissæ causam. Dixitque ei abbatissa: Noli timere, filia, Deus tecum est. Erat autem in aula monasterii acervus lapidum. Volens autem abbatissa tentare Euphraxiam, et ad Matris provocare obedientiam, dixit ei: Veni, filia mea, istos lapides transporta hinc, et pone eos juxta clibanum. Euphraxia vero mox accessit lapides transportare: erant autem et grandes lapides inter eos, quos duæ sorores vix poterant agitare. Illa vero super humeros suos arripiebat eos, nullo adjutorio opus habens. Erat autem juvenis et valde fortis, nec dixit abbatissæ: Adjuvet me alia soror. Nec dixit: Grandes sunt lapides, non prævaleo. Nec dixit: Jejuna sum et deficio, et opus hoc grande est ; sed cum fiducia jussionem per obedientiam adimplevit.

CAP. XVII.—Alia vero die dixit abbatissa ad eam : Non est justum ut lapides isti juxta furnum sint positi sed reporta eos in locum suum. Illa vero denuo confidenter jussionem abbatissæ suæ complevit. Hoc ergo opus viginti dies jussit eam facere, ut patientiam ejus comprobaret. Omnes itaque sorores videbant quod fiebat, et puellæ obedientiam admirabantur. Aliæ quoque sorores deridebant, aliæ acclamabant : Viriliter age, Euphraxia. Triginta vero dies impleti sunt. Denuo divini operis celebratione facta, die quadam pergente Euphraxia ut lapides portaret, dixit ei abbatissa : Dinmitte, filia, hoc ministerium, et tolle farinam et consperge, et coque panes in furno, ut inveniariis ad vesperum in ministerio sororum. Illa vero cum magna lætitia et gaudio jussa complevit.

CAP. XVIII.—Rursus diabolus inveniens eam va-

cantem, hujusmodi tentationem ei immisit, quod quasi ille senator cui fuerat desponsata, superveniens cum auxilio multo, abstraheret eam de monasterio, et ea sublata abiret. Quæ cum jaceret in cubili suo, violenter proclamabat. Abbatissa vero et aliæ sorores ex-pergefactæ, audierunt ejus violentiæ vocem. Et excitantes eam, dixerunt : Unde est tibi hæc anxietas, filia? Illa vero repente somnium recitavit. Abbatissa vero excitans sorores, stetit in oratione. Post completum vero ministerium usque ad horam tertiam, tenens Codicem Euphraxia, stabat legens sedentibus, et postea stans ad horam tertiam in ministerio. Post completionem vero tertiæ, mox Euphraxia sororibus necessaria parabat, munditiam in triclinio faciens, et lectos sternens, aquam implens, et ad coquinam portans ; ligna frangens, et legumina coquens ; farinam confermentans, et coquens panem in clibano. Et dum hæc omnia faceret, nec in nocturna psalmodia deerat, nec in tertia, nec in sexta, nec in nona, nec in vespera. Nam postquam complevit vespertinas orationes, per se ministerium faciebat inferendo. Cum qua etiam et laborabat Julia, satis enim diligebat Euphraxiam.

CAP. XIX.—Denuo siquidem diabolus per somnum vehementer eam tentans, ei certamen immisit maximum. Quæ mox anxietatis suæ certamen abbatissæ confessa est. Pro qua dum oraret abbatissa, dixit ei : Filia mea Euphraxia, tempus certaminis est. Vide ne molliat diabolus mentem tuam, et perdas laborem tuum. Adhuc enim parvo tempore dimicans tecum, dum fuerit superatus a te, rursus effugiet. Dicebatque ei simul Julia : Domino et soror mea, si modo ei non repugnamus et vincimus, in senectute quale bellum cum eo faciemus? Cui respondit Euphraxia: Vivit Dominus, soror Julia, qua si mihi præceperit abbatissa, non gustabo in tota septimana panes, donec eum Domino adjuvante vincam. Cui Julia dixit: Si tu hoc potes implere in terra, beata eris in cælo. In isto namque monasterio nulla potuit sine cibo totam septimanam permanere, nisi domina nostra abbatissa. Tunc ingressa Euphraxia, nuntiavit tentationem diaboli per somnum abbatissæ, eamque rogavit ut ei præciperet quatenus totam hebdomadam sine cibo persisteret. Cui abbatissa dixit : Fac quidquid tibi videris facile esse, filia mea. Deus qui creavit te confirmet te, et contra diabolum donet tibi victoriam. Cœpit igitur Euphraxia totam septimanam jejunare, et neque psallendi officium dereliquit, nec sororum ministerium, ita ut omnes tolerantiam ipsius mirarentur, et pulchritudinem simul et juventutem ætatis. Dicebant autem quædam de collegio earum : Habemus hodie annum, custodientes Euphraxiam, et sedentem eam non vidimus, neque per diem neque per noctem, nisi solum quando requiescebat in loco suo nocte. Nunquam enim sedit, vel quando etiam panem comedit. Omnes ergo sorores diligeabant Euphraxiam quia se ita humiliter exercebat, et cum studio famulatum sororibus exhibebat, dum præcipue utique de sanguine imperiali descenderet. Pro qua re

intente nimis pro ea orantes, rogabant Dominum ut **A** nus ejus, et usque ad ejus calcaneum traxit, et pervenit usque ad tibiam. Quæ cum vidisset crudelissimum vulnus valde, et sanguinem vehementer effusum, projiciens securim angustiata et in terram prostrata est. Julia vero cucurrit, et clamans, sororibus nuntiavit quia Euphraxia accipiens securim, de securi mortua est. Cumque concursu clamor factus fuisset universarum, circumstabant eam paucæ simul et flebant. Tunc accedens abbatissa, aquam in faciem ejus misit (4); et consignans eam atque complectens, ait ei: Filia mea Euphraxia, cur angustiata es? Recrea te, et loquere sororibus. Illa vero respiciente, abbatissa dixit: Domine Jesu Christe, sana ancillam tuam, quoniam propter te multa patitur. Et cum ligasset pedem ejus de panno cilicino, levavit eam: et dans ei manum, ducebat eam ad monasterium. Illa vere respiciens ligna projecta, dixit sororibus: Vivit Dominus meus, nisi collegero ligna, et septimanam meam complevero (5), non ascendam. Cui Julia dixit: Noli, domina soror, non vales; dimitte, ego colligam ea, tu ascende, requiesce propter dolorem. Illa vero non acquievit, sed complens manus suas lignis, sic ascendit. Cui tamen diabolus non pepercit. Nam cum ascendisset superiores gradus scalæ, calcans summitatem tunicæ suæ, super ipsum lignum ruit quod portabat, et fixum est lignum in aspectu ejus, ita ut sorores crederent quia lignum ejus oculum penetrasset. Tunc exclamans Julia, ait ad eam: Domina mea, tibi dixi quia non potes requiescere, et non me audisti. Cui dixit Euphraxia: Caute subtrahe a me lignum, oculus meus sanus est. Traxit ergo ab ea lignum, et sanguinis facta est effusio vehemens. Abbatissa vero deferens oleum, et facta oratione, supposuit ei manum; rursumque dixit ad eam: Vade ad stratum tuum, requiesce, et ego dominabus sororibus ministerium tuum injungo. Euphraxia vero dixit: Vivit Dominus meus, quia non requiesco, donec officium meum complevero. Multum enim rogabatur a sororibus ut requiesceret propter plagas quas habebat, et passa non est; sed sic ulcerata, ex utraque plaga sanguine procurrente, stabat ministerium faciens sororibus, et neque in opere Dei deerat, nec in alio ministerio.

CAP. XX. — Fuit autem inter eas quædam, nomine Germana, quam dicebant ex ancilla ortam. Hæc invidiam habens adversus Euphraxiam, insurrexit adversus eam in coquina secreta, et dixit ei: Dic, Euphraxia, ecce tu semel in septimana comedis secundum regulam abbatissæ, et nos hoc non possumus adimplere. Si coactæ fuerimus ab abbatissa, quid faciemus? Cui Euphraxia respondit: Domina mea, domina nostra abbatissa dixit ut unaquæque sicut poterit deceret. Non enim sine necessitate hoc jugum imposuit. Dixit ei Germana: Impositrix et omni calliditate plena, quis nesciat quia sub ingenio hoc agis, ut post persuasionem abbatissæ tu ei succedas? Credo in Christo, quia te nunquam dignabitur ad abbatissæ venire locum. Audiens hæc Euphraxia, prostravit se ad pedes ejus, et dixit ad eam: Ignosce mihi, domina mea, et ora pro me. Cognoscens autem abbatissa quod fuerat factum, Germanam coram omnibus vocavit, dixitque ei: Ancilla nequam, et a Deo extranea, quid tibi nocuit Euphraxia, quia festinasti studium ejus obrumpere? Aliena es a sororum concilio, indigna es a ministerio, et collegio sororum extranea. Cui multum supplicabat Euphraxia, quatenus illi veniam largiretur; et non eam flexit, donec implerentur dies triginta. Trigesimo vero die videns Euphraxia quia nil rogando proficeret, assumens secum Juliam et seniores feminas monasterii, deposcebat ut rogarent abbatissam, quatenus ei reconciliaretur. Quo facto, evocavit eam abbatissa coram omnibus, dixitque ei: Nonne dijudicasti in corde tuo ut studium puellæ hujus abscinderes, nec cogitasti quia dum esset matrona, et ex imperiali genere constituta, humiliavit semetipsam, et propter Deum servivit tibi? Omnibus ergo rogantibus pro Germana placata est.

CAP. XXI. — Tunc diabolus contra Euphraxiam certamina non cessavit committere. Nimis enim furebat contra eam, et cito perduci volebat ad finem. Una quidem dierum, cum ad hauriendam aquam descendisset ad puteum, arripiebat eam diabolus cum lagena, et dejecit eam deorsum in puteum, ita ut nausearet Euphraxia, et perveniret caput ejus ad fundum. Elevata vero de aqua, et tenens funem situlæ, ita clamavit de puteo: Christe, adjuva me. Qua voce facta, cognitum est quia Euphraxia corruisset in puteum, et concurrentes sorores cum abbatissa abstraxerunt eam de puteo. Quæ surgens exinde, et semetipsam consignans, subrisit et ait: Vivit Christus meus, quia non me vincis, diabole, neque cedo tibi. Usque nunc quidem unam lagenam portabam cum aqua in coquinam; ab hodie vero duas lagenas aquam portabo. Et ita fecit.

CAP. XXII. — Videns itaque diabolus quia eam in puteo necare non valuit, rursum alia vice cum descendisset ligna incidere, cumque jam pauca incidisset, astitit diabolus observans eam. Et dum levasset securim ut lignum incideret, colligavit diabolus ma-

nus ejus, et usque ad ejus calcaneum traxit, et pervenit usque ad tibiam. Quæ cum vidisset crudelissimum vulnus valde, et sanguinem vehementer effusum, projiciens securim angustiata et in terram prostrata est. Julia vero cucurrit, et clamans, sororibus nuntiavit quia Euphraxia accipiens securim, de securi mortua est. Cumque concursu clamor factus fuisset universarum, circumstabant eam paucæ simul et flebant. Tunc accedens abbatissa, aquam in faciem ejus misit (4); et consignans eam atque complectens, ait ei: Filia mea Euphraxia, cur angustiata es? Recrea te, et loquere sororibus. Illa vero respiciente, abbatissa dixit: Domine Jesu Christe, sana ancillam tuam, quoniam propter te multa patitur. Et cum ligasset pedem ejus de panno cilicino, levavit eam: et dans ei manum, ducebat eam ad monasterium. Illa vere respiciens ligna projecta, dixit sororibus: Vivit Dominus meus, nisi collegero ligna, et septimanam meam complevero (5), non ascendam. Cui Julia dixit: Noli, domina soror, non vales; dimitte, ego colligam ea, tu ascende, requiesce propter dolorem. Illa vero non acquievit, sed complens manus suas lignis, sic ascendit. Cui tamen diabolus non pepercit. Nam cum ascendisset superiores gradus scalæ, calcans summitatem tunicæ suæ, super ipsum lignum ruit quod portabat, et fixum est lignum in aspectu ejus, ita ut sorores crederent quia lignum ejus oculum penetrasset. Tunc exclamans Julia, ait ad eam: Domina mea, tibi dixi quia non potes requiescere, et non me audisti. Cui dixit Euphraxia: Caute subtrahe a me lignum, oculus meus sanus est. Traxit ergo ab ea lignum, et sanguinis facta est effusio vehemens. Abbatissa vero deferens oleum, et facta oratione, supposuit ei manum; rursumque dixit ad eam: Vade ad stratum tuum, requiesce, et ego dominabus sororibus ministerium tuum injungo. Euphraxia vero dixit: Vivit Dominus meus, quia non requiesco, donec officium meum complevero. Multum enim rogabatur a sororibus ut requiesceret propter plagas quas habebat, et passa non est; sed sic ulcerata, ex utraque plaga sanguine procurrente, stabat ministerium faciens sororibus, et neque in opere Dei deerat, nec in alio ministerio.

CAP. XXIII. — Rursus itaque alia vice, cum ascenderet cum Julia in solarium tertium (6), arripiebat eam diabolus, præcipitavit eam deorsum. Et cum exclamasset Julia, concurrentes sorores crediderunt se Euphraxiam mortuam invenire. Quæ surgens, occurrit eis. Quam suscipientes, introduxerunt eam ad abbatissam; interrogavitque eam si in aliquo fuisset læsa. Cui Euphraxia respondit: Vivit Dominus, domina mea, quia nec quomodo cecidi novi, nec quomodo surrexi. Audiens abbatissa quia de tanta altitudine corruens nihil esset læsa, glorificavit Deum, dicens: Vade, filia ad opus tuum, et erit Dominus tecum.

CAP. XXIV. — Rursus ergo inimicus volens eam occidere, sic adoriebatur. Cum Euphraxia ollam ferventem teneret, in qua olus coquebat, ut effunderet

coctionem olerum in vasculo, ablatis pedibus a diabolo, retrorsum cadens, ollæ illius coctionem in faciem suam fudit. Et dum omnes sorores in hoc facto expavescerent, exsiliens Euphraxia, subrisit, et ait ad eas : Ut quid turbatæ estis? Abbatissa vero videns quia non fuisset læsa, respexit in ollam, et vidit quia quod remanserat esset fervens. Et conversa dixit Euphraxia : Vere, domina mea, quia velut aqua frigida venit in faciem meam. Admirata est vero abbatissa, et intuens in eam dixit : Filia, Deus te custodiat, et tibi sine intermissione tolerare in sud timore concedat. Et ingressa abbatissa oratorium, convocavit priores seniores (7), dixitque eis : Nostis quia Euphraxia promeruit gratiam Dei? Cognovistis enim quia nec præcipitata contristata est, neque nimietate fervoris exusta est. At illæ dixerunt : Vere ancilla Dei est Euphraxia, et curam ejus habet Dominus ; ~~in~~ in hujusmodi tentationibus liberata est a Domino.

CAP. XXV. — Omnis itaque civitas atque provincia consuetudinem habebat ut infantes male habentes in illud deducerent monasterium, ad ancillas Dei miracula facientes, et suscipiebat eos abbatissa, et ingrediebantur in oratorium; et supplicabant pro eis Dominum, et mox ab omni languore sanabantur infantes, et recipiebant eos matres proprie sanos, proficiscentes atque glorificantes Deum. Erat autem quædam in monasterio mulier energumena, ab infantia obligata in monasterio, quatenus salvaretur, quæ habebat spiritum immundum dæmonem, ligatis manibus, et spumam faciens, et dentibus suis stridens, multumque clamans, ita ut omnes audientes eam timore conciderent. Et cum frequenter abbatissa cum senioribus sororibus prosalute ~~358~~ ejus orasset, nihil promeruit : quapropter nec valebant se ad eam jungere, ut ei vel cibum offerrent. Erat autem ligatum quoddam vasculum in fune, et ipso vasculo legumina vel panes mittebant, et appendebatur ipsum vasculum, et sic ei de longe porrigebatur, et ita vescebatur. Frequenter autem abjiciens ipsum vasculum, cum virga jaculabatur in faciem offerentis sibi cibum.

CAP. XXVI. — Una vero dierum factum est ut intraret ostiaria, et diceret abbatissæ : Domina mea, mulier quædam infantulum adduxit, et stans foris ad januam, deflet. Est autem infantulus quasi annorum ~~D~~ circiter octo, paralyticus, surdus et mutus. Videns autem abbatissa, spiritu sibi revelante, quia gratiam promeruisset a Domino contra dæmones Euphraxia, dixit ostiariæ : Voca mihi Euphraxiam. Quæ cum venisset ante abbatissam, dixit ei : Vade, suscipe infantem a matre sua, et defer huc. Illa vero egressa, et videns infantulum paralyticum et trementem, miserata est super eum ; et ingemiscens dolenter, signavit infantem, et dixit ei : Qui te creavit, ipse te sanet, fili. Et sumens eum, pergebat ad abbatissam. Infans vero dum portaretur ab Euphraxia sanatus est, et clamavit matri suæ. Videns autem Euphraxia quia infantulus cœpisset loqui, perterrita projecit

eum in terram. Infantulus autem mox exsurgens, cucurrit ad januam, quærens matrem suam. Currens autem ostiaria, nuntiavit abbatissæ quod factum est. Quæ cum vocasset matrem infantis, dicit ei : Dic mihi, inquit, soror, tentare nos venisti? Respondit autem mater infantis, dicens : Per Dominum nostrum Jesum Christum, domina mea, quia neque ambulavit, neque locutus est hic infans usque in præsentem horam. Sed cum suscepisset eum hæc domina soror, mox locutus est. Illa vero projiciens eum in terram, stetit obstupefacta; infantulus vero surgens, venit ad me ancillam tuam. Dicit ei abbatissa : Ecce ergo habes eum sanum, tolle eum, et vade in pace. Quo assumens filium suum, pergebat, glorificans Deum.

CAP. XXVII. — Rursum ergo abbatissa dixit ad seniores sorores : Quid vobis de Euphraxia videtur? Cui respondentes, dixerunt : Vere ancilla Dei est. Vocavitque eam, et dixit ei : Filia mea Euphraxia, volo ut huic patienti (8), quæ in monasterio est, permanas cibum offeras, si non times eam. Cui Euphraxia respondit : Non timeo, domina mea, quidquid mihi præcipis. Sumens ergo Euphraxia quiddam vasculum, misit in illud legumen et fragmen panis, et obtulit ei. Illa vero repente dentibus stridens, et valde fremens, fecit impetum super eam : et apprehendens illud vasculum, volebat confringere. Euphraxia vero apprehendens manum ejus, dixit : Vivit Dominus Deus, si te posuero in terram, tollo virgam dominæ abbatissæ, et sic te flagellabo, ut nunquam præsumas hoc agere. Videns autem quia prævaluisset patienti, quievit. Postquam autem cessavit, cœpit Euphraxia blandiri, et dicere : Sede, soror, comede et bibe, et noli turbari. Illaque sedit, comedit, et bibit, et requievit. Ab illa hora jam illi cibus cum virga dabatur. Omnes autem sorores videntes quod fecerat Euphraxia, orabant pro ea ad Dominum. Cum vero cœpisset moveri et indignari, dicebant ad eam sorores : Quiesce soror, et noli malignari; nam si venerit domina Euphraxia, flagellabit te; et repente quiescebat.

CAP. XXVIII. — Rursum autem Germana invidia mordebatur, et cor ejus urebatur, dicebatque sororibus : Nisi fuisset Euphraxia, non inveniebatur alia quæ cibum ei offerret? tollam cibos, et ego ministro. Sumens ergo cibos ejus, accessit ad patientem, et dicit ei : Accipe cibos, soror, et comede. Illa vero continuo exsiliens in eam, vestes ejus conscidit; et conterens eam, projecit in terram; et irruens super illam, cœpit manducare carnes ejus. Clamore autem facto, et nulla præsumente ei appropinquare, currens Julia ad coquinam, dixit Euphraxiæ : Festina, domina, quia Germana a patiente dilacerata est. Currens autem Euphraxia, tenens manus patientis et guttur, eripuit ab ea Germanam cruentatam et dilaceratam. Cui dixit Euphraxia : Bene fecisti, quia sic contrivisti sororem? Illa vero stabat spumam faciens, et dentibus stridens. Dixit ei Euphraxia : Ab hac hora si maligna fueris erga sorores, non tibi cedo, neque misereor; sed virgam dominæ meæ abbatissæ tollam,

et cum ea te sine misericordia flagellabo. Illa vero **A** sedens, repente cessavit.

CAP. XXIX. — Mane autem facto, completo sacro officio, et egredientibus eis ab oratorio, visitans Euphraxia patientem, invenit eam disruptam vestem suam in terram projecisse, et sedentem super eam, et colligentem sterces, et comedentem. At Euphraxia ut vidit, flevit, et quæ facta fuerant abbatissæ nuntiavit. Convenientes vero sorores, invenerunt eam nudam, et colligentem phlegma, et comedentem. Dixit autem abbatissa ut daretur ei alia tunica, et vestiretur. Sumens itaque Euphraxia tunicam, et parapsidem cum legumine, et fragmen panis, obtulit ei, et dixit : Accipe, soror, et vesti **359** te, et gusta, quare sic te deturpas? Quæ sumens, comedit et bibit. Et induens eam, ministravit ei. Euphraxia vero **B** lacrymis non cessavit, usque ad vesperam pro ea gemens. Quo cum pervenisset, mox supplicabat Domino cum lacrymis, ut illa patiens sanaretur. Diluculo vero abbatissa vocans Euphraxiam, dixit ei : Cur me celasti, preces offerens Deo pro hac patiente? Si manifestasses mihi, et ego sine dubio venirem. Cui Euphraxia dixit : Ignosce mihi, domina, vidi eam turpiter positam et infirmam, et dolui super eam. Abbatissa vero dixit : Habeo tibi aliquid confiteri, et vide ne Satanas tentet te, et elatio tibi generetur. Ecce tibi Christus potestatem circa eos dedit, ut ejicias eos. Audiens hæc Euphraxia, misit cinerem super caput suum; et prosternens semetipsam in terram, clamavit dicens : Quæ sum ego infelix et immunda, **C** ut dæmonem tantum expellam, quem orantes per tantum tempus non potuistis expellere? Dicit ei abbatissa : Filia mea, te sustinebat hoc tempus, copiosa est tua merces in cælo. Ingressa autem Euphraxia monasterium, projecit semetipsam ante altare, supplicans Deo, ut precibus ejus sanaretur, et de excelso daretur auxilium. Et surgens a pavimento orans, rursus ibat ad patientem, jussione abbatissæ, et omnes sorores sequebantur eam, ut mirarentur quæ facienda erant. Ad quam accedens, ait : Sanet te Dominus meus Jesus Christus, qui te creavit. Et mox signum crucis fecit in fronte ejus. Mox autem clamavit coram omnibus : Oh! quomodo ab ista improprice et fallace exeo, habitans in ea plurimos annos, et nullus me expellere potuit, et hæc immunda atque luxuriosa conatur persequi me? Cui Euphraxia dicit : Non ego te persequor, sed Christus omnium Deus. Dixit ei dæmon : Non exeo, immunda, non enim accepisti potestatem ejiciendi me. Euphraxia dixit : Ego immunda sum, et omni malignitate plena, ut tu quoque testaris; verumtamen, jubente Domino, egredere ab ea. Nam si sumo baculum abbatissæ, flagellabo te. Cæterum resistente dæmone, et exire nolente, sumens Euphraxia abbatissæ baculum, dixit ei : Exi, aut certe torqueo te. Respondit ei : Quomodo ab ea egredi poterò, cum ab ea recedere non possim? Mox igitur Euphraxia cœpit cædere. Et cum tertio percussisset, dixit : Egredere **D** a figmento Dei, spiritus immune. Increpet te Domi-

nus Jesus Christus. Dæmon dixit : Non possum exire ab ea, quid me persequeris? ubi habeo proficisci? Euphraxia dixit : In tenebras exteriores, in ignem æternum, in infinita tormenta, parata tibi et patri tuo Satanæ, et facientibus voluntatem ejus. Omnes itaque sorores stabant respicientes in eam, et non præsumebant propius appropinquare. Euphraxia vero dure certabat cum dæmone resistente. Et respiciens in cælum, dixit : Domine Jesu Christe, noli me in hac hora confundi, ut non vincat me hic dæmon immundus. Et continuo dæmon spumans, et stridens factus, clamans voce magna, egressus est a muliere, et ab ea hora sanata est. Cucurrerunt autem sorores, glorificantes in hoc Deum, magnus enim timor obtinuerat omnes. Euphraxia vero tulit mulierem, et abluit eam aqua, et induit eam vestimento, et duxit ab abbatissam : quæ una cum sororibus introduxerunt eam in monasterium, et gloriam dederunt Deo pro facto miraculo.

CAP. XXX. — Ab illa vero hora humiliavit se amplius Euphraxia, et sine somno tota nocte persistebat : omnem vero hebdomadam jejunabat, ut consueverat, sine defectu faciens cunctis sororibus ministerium, et cum omni studio atque lætitia in mansuetudine atque humilitate degebat. Una vero dierum abbatissa vidit visionem, et conturbata est vehementer. Rogare autem cœperunt eam omnes sorores, supplicantes et dicentes : Confitere nobis, domina abbatissa, cur sic ingemiscis, et nostras animas simul affligis. Et dixit : Non me cogatis usque in crastinum. Dixerunt ei seniores sorores : Crede, domina, quod si non annuntiaveris nobis, tribulationem magnam animabus nostris ingeris. Abbatissa dixit : Ego quidem quod futurum est, usque in diem crastinum dicere non volebam; sed quia cogitis me, nunc audite : Euphraxia nos deserit, cras enim hac vita privabitur; nulla vero indicet ei ne contristetur. His itaque dictis, magnus ejulatus per multas horas factus est. Una autem sororum cum cognovisset, currens ad furnum, invenit Euphraxiam panes coquentem, cui Julia aderat secundum consuetudinem. Dixit ergo illa soror quæ venerat : Cognosce, domina Euphraxia, quia intus magnus luctus est apud abbatissam propter te, et apud sorores. Audientes autem hæc Julia et Euphraxia, stupefactæ sunt, et diutius steterunt. Post hæc autem Julia dixit : Putasne auditu audivit abbatissa, quia ex missione illius qui aliquando sponsus fuerat tuus, jussit imperator te adduci ex monasterio, et propterea lamentantur? Cui Euphraxia respondit : Vivit Dominus meus **360** Jesus Christus, quia si omnia fundamenta terræ moveantur, non mihi persuadere prævalebunt, ut Christum Dominum meum derelinquam. Verumtamen domina mea Julia, dum coquantur panes, vade, vide fletus istos, vide quid contigerit, ne anima mea perturbetur. Illa vero pergens et stans foris ante januas, audivit somnium abbatissam hoc modo referentem : Vidi, inquit, quasi duos cujusdam schematis viros huc advenientes, qui quæ-

rebant Euphraxiam tollere, dixeruntque mihi : Dirige eam, opus habet. Rursum ergo et alii venientes, dixerunt mihi : Assumens tecum Euphraxiam, deduc eam ante Dominum. Quam mox assumens, properavi cum eis. Et cum venissemus ad quamdam portam, cujus gloriam enarrare non valeo, sponte nobis aperta est. Et ingressæ sumus, et vidimus ibi inenarrabile palatium cœleste, in quo et solium nuptiale non manu factum. Ego quidem interius appropinquare non potui. Euphraxiam vero assumens, obtulerunt Domino : et procidens, osculata est pedes ejus immaculatos. Vidi ibi dena millia angelorum, ac multitudinem sanctorum innumerabilem ; et omnes stabant respicientes ; et vidi, et ecce mater Domini assumens Euphraxiam, adduxit eam ad thalamum nuptialem, in quo decoris coronam parabat, et audivi vocem ad Euphraxiam dicentem : Ecce merces tua. Nunc itaque perge, post decem dies veniens, fruiere his in sæculis infinitis. Et ideo quia hodie nona dies est, ex quo visionem vidi, cras morietur Euphraxia.

CAP. XXXI. Audiens hæc Julia recitantem secreta abbatissam, tundens pectus suum et faciem, amare deflens venit ad clibanum ; et cum vidisset eam flentem Euphraxia, dixit ad illam : Conjuro te per Filium Dei, soror Julia, indica mihi quid audisti, et quare plangis. Dixit ei Julia : Plango, domina mea, quia hodie separabimur a te ; sicut enim audivi a domina mea abbatissa, cras ex hoc corpore exhalabis. Quod dum Euphraxia audisset, angustiatâ est, et pusillanimis facta, cecidit. Sedebat autem juxta eam Julia flens. Cui Euphraxia dixit : Soror, da mihi manum tuam, et leva me, et duc me ubi ligna sunt posita, et ibi me pone ; et tolle panes de clibano, et porta in monasterium. Fecit Julia hæc, et abbatissæ non indicavit. Cum ergo jaceret Euphraxia in pavimento clamavit : Cur, Domine, abominatus es me peregrinam et orphanam ? Cur despexisti me ? Ecce tempus quando debebam cum diabolo pugnare, et anima mea a me expetitur. Misericors esto in me ancilla tua, Domine Jesu Christe, dimitte vel unum annum, quatenus defleam peccata mea, quia sine pœnitentia sum, et ab omni pœnitentia nudata. Non est in me opus salutis : nam nemo in inferno confitebitur tibi. Non est pœnitentia in sepulcro, non possum post mortem lacrymis prævalere ; non enim qui in inferno sunt laudabunt te, Domine, sed viventes laudabunt nomen sanctum tuum. Dona mihi vel adhuc unum annum, ut pœnitentiam agam, quia desolata sum sicut ficus sine adjutorio. Cum ergo defleret, audiens quædam sororum, indicavit abbatissæ atque sororibus, quia Euphraxia prostrata in reposito lignorum, ita clamaret. Dixitque Julia : Vere, domina, audivit quia moritur ; propterea lamentatur. Dixit ergo abbatissa sororibus : Quis annuntiavit ei, et animam ejus afflixit ? Quis indicavit ei, et cor ejus attrivit ? Nonne vos rogavi, ne diceretis ei, donec ejus hora veniret ? Cur hoc fecistis et afflixistis animam ejus ? Ite, et adducite eam mihi. Illæ vero pergentes, dixerunt ei : Veni, domina Euphraxia, vo-

cat te abbatissa. Illa vero egressa est, plorans atque conturbata : et ingressa, astitit abbatissæ, deflens atque mœrens, et gemitibus nimis afflicta. Abbatissa vero respiciens eam, dixit : Quid habes, filia, quia sic ingemiscis ? Euphraxia dixit : Plango me, domina mea, quia scivisti me morituram, et non indicasti mihi, ut plangerem peccata mea, dum sim ab omnibus peccatis coinquinata. His dictis, se prostravit in pavementum, et tenuit pedes abbatissæ, per quam omne consilium ejus alacriter est perductum. Clamavitque Euphraxia et dixit : Miserere mei, domina, et deprecare Dominum, ut mihi concedat vel unum annum, quia sine pœnitentia sum, et nescio quæ me tenebræ cooperiant. Dixit ei abbatissa : Vivit Dominus, quia cœlesti senatu dignam te fecit rex tuus Christus. Et cœpit omnibus recitare, quibus bonis habet frui Euphraxia. Et rogabat eam, ut pro ipsa Dominum supplicaret, quatenus ejus particeps esse mereretur. Orabat enim ut cum ea conversaretur in Christo ; et ipsis donis quibus ipsa erat fruitura, et ipsa frueretur.

CAP. XXXII.—Euphraxia vero jacens ad pedes abbatissæ, cœpit tenere frigus et rigorem ; post paululum vero vehemens eam febris invasit. Abbatissa vero sororibus ait : Sumite eam, et ingrediamur in oratorium, quia jam appropinquat hora ejus. Posuerunt ergo eam in oratorium, et observabant eam usque ad vesperam. Vespere autem facto, cum hora sumendi cibum jam advenisset, præcepit eis abbatissa ut egrederentur, solummodo Juliam secum retinens ne aliqua hora relinquerent Euphraxiam ; et clausis januis, usque mane fuerunt cum ea. Julia vero rogabat Euphraxiam, dicens : Domina mi soror, non obliviscaris mei : memento quod inseparabiliter tibi conjuncta sum semper super terram ; supplica Deo pro me, ut me non separet a te. Memento quia ego tibi providi bona certamina. Deprecare Dominum, ut me absolvat ab hac sarcina carnis, ut merear tecum abire cum fiducia. Mane vero facto, abbatissa videns quia in novissima respiratione esset Euphraxia ut moreretur, mandavit sororibus per Juliam, dicens : Venite, filiæ meæ, valefacite ei ; quia jam defecit. Quibus venientibus, valedixerunt ei, flentes dicentesque : Memento nostri, domina soror Euphraxia, nomen benedictum a Deo, qui te dilexit. Post omnia autem venit illa quæ diu passa a dæmone fuerat, et per eam salva facta est : et lugens sicut et omnes, osculabatur manus ejus, dicens : Istæ manus quantum mihi indignæ et peccatrici ministraverunt ! per Deum et per istas manus dæmonium expulsum est a me. Et cum Euphraxia respondere non posset, dixit ei abbatissa : Filia mea, non misereris vel hujus sororis ? Quare non loqueris ei, quæ propter te ita tribulatur ? Euphraxia vero respondit ad eam : quare meluges, domina soror ? Dimitte me requiescere, quia deficio ; verum tamen tu benedic Deum, et ipse te conservabit. et dixit : Ora pro me, quia magnum certamen est in anima mea in hac hora. Cum ergo orasset abbatissa, et omnes respondissent Amen, reddidit animam. Erat

autem annorum triginta : sepelieruntque eam in tumulo, ubi et genitrix ejus Euphraxia requiescebat ; et glorificaverunt Deum, quia promeruissent habere sororem apud Deum.

CAP. XXXIII. — Julia vero magistra ejus, tribus diebus flens, ab ejus tumulo non recessit ; hæcenim docuerat eam litteras et psalterium et multum eam diligebat, cum ejus esset discipula, atque ex genere imperatoris. Quarta vero die læta facta Julia, accessit ad abbatissam, et dixit ei : Domina mea, ora pro me, quia vocavit me Christus, intercedente pro me beata Euphraxia. Et hæc dicens, osculata est cunctas sorores. Quinta autem die post obitum Euphraxiæ, defuncta est et magistra ejus Julia, et sepulta est in sepulcro ubi posita erat beata Euphraxia.

CAP. XXXIV. — Post triginta vero dies evocans abbatissa monasterii priores, dixit ad eas : Filiae meæ, eligite vobis matrem, et constituite in locum meum, quæ vobis præesse possit. Illæ vero responderunt : Domina, pro qua causa hoc dicis denuntia nobis ; nunquam enim famulabur tuis hoc dixisti. Dixit eis abbatissa : Vocavit me Dominus. Supplicavit enim pro me domina Euphraxia, et multum laboravit in suis precibus, quatenus ego coelestem thalamum promererer. Nam et Julia per sanctam Euphraxiam particeps ejus effecta est, et ingressa est in illud palatium non manufactum ; et ego festino digna fieri, et cum eis locum habere. Audientes sorores de Euphraxia et Julia, quia in maxima esset gloria, gaudebant, et orabant pariter, ut et ipsæ C

ergo unam sororum, nomine Theogeniam, quæ eis præesset. Quam evocans abbatissa ad se, dixit ad eam : Ecce testimonium bonum quod sorores omnes de te dederunt, et posuerunt te ad principatum et præsulatum traditionis divinæ legis et consequentia nostra. Conjuro te per intemeratam Trinitatem et consubstantialiam, ne istius mundi quæras divitias aut possessionem, neque occupes sorores ad terrenas sollicitudines : sed magis ut contemnentes temporalia bona, perpetua mereantur accipere. Et rursum sororibus dixit : Quomodo perfecte nostis vitam et conversationem Euphraxiæ, estote imitantes eam, ut participes ejus efficiamini. Et cum dixissent omnes Amen, valedicens eis, intravit oratorium ; et claudens januas, præcepit ut usque ad diluculum nulla Billarum intraret. Mane autem facto ingressæ, invenerunt eam obdormisse in Domino ; et hymnum dicentes Domino, reposuerunt eam in sepulcro ubi beata Euphraxia condita erat. Ab illa autem die nequam in illo tumulo alia sepelierunt corpora.

CAP. XXXV. — Multa vero signa et sanitates fiebant in memorato sepulcro, et expulsi dæmones clamabant : Quia post mortem prævalet contra nos Euphraxia, et persequitur nos ? Hæc est revera Vita Euphraxiæ matronæ, quæ celesti senatui interesse promeruit. Festinemus igitur et nos, tam fratres quam sorores, hujusmodi conversationem habere, et sectari humilitatem, obedientiam, laborem, mansuetudinem, longanimitatem, ut et nos ita angelorum conversationem mereamur, et cum gaudio magno fruamur Salvatore Domino nostro Jesu Christo. Cui est honor et gloria in sæcula sæculorum. Amen.

ROSWEYDI NOTATIO.

☩ (1) *Euphrasie*.] Martyrologium Romanum, 13 Martii : « In Thebaide depositio sanctæ Euphrasie virginis. » Usuardus de eadem hac die. Menologium Græcorum 25 Julii : Eodem die sanctæ Euphrasie, filie Antigoni cujusdam senatorii ordinis, et Euphraxiæ sub Theodosio imp. cujus erat consanguinea : mortuo autem Antigono, mater Euphraxia Theodosio illam commendavit, qui senatorio cuidam viro despondit. Illa vero discedens cum matre in Thebaidem Ægypti profecta, ad monasterium ingressa in quo erant virgines centum et quatuor, parem angelis vitam ducentes, æmulata earum virtutem, a monasterio ipso discedere passa non est : erat autem tunc virgo sexdecim annos nata. Mater vero illinc discedens, Orientis monasteria obeundo, possessiones multas et beneficia indigentibus contulit. Post hæc cum in morbum incidisset, reversa est ad mansionem in qua filiam reliquerat ; cumque omnes facultates suas filie commisisset, requievit in Domino. Euphraxia vero cum bona omnia pauperibus et ecclesiis Dei distribuisset, monasticæ vitæ exercitationem egregie amplexa, tantum in virtute profecit, et necessitates corporis subjugavit, ut per quadraginta quinque dies immobilis steterit, intentis ad cælum manibus. Itaque propter excellentem virtutem beata Euphraxia miraculorum gratiam accepit, qua multos a variis languoribus liberavit, et ipsa beatum finem assecuta, ad Dominum translata est. »

Euphrasie res gestas habent omnes editiones, excepta prima Vitarum Patrum, ex quibus et ms. Codice Surius mutato stylo descripsit tom. II. Ego veterem styllum retinui, ex voto multorum vivorum doctorum. Joannes Damascenus ex ejus Actis, ut legitime scriptis, petit auctoritatem orat. 3de imagini-

bus, ubi hæc Græcæ citat : Λέγει ἡ διάκονος τῷ κοράσιῳ, Ὑπάγε κυρία μου εἰς τὸν οἶκόν σου, ὅτι οὐ δύνασαι ἔδω παραμεῖναι · οὐδὲ γὰρ δύναται τις ἔδω παραμεῖναι, ἰάν μὴ συντάξῃται τῷ Χριστῷ. Λέγει αὐτῇ τὸ κοράσιον, Ποῦ ἐστὶν ὁ Χριστός ; Ἡ διάκονος ἐπέδειξεν αὐτῇ τὸν δεσποτικὸν χαρακτήρα, καὶ στραφεῖσα λέγει τῇ διακόνῳ, Ἀληθῶς κἀγὼ τῷ Χριστῷ συντάσσομαι, καὶ οὐκέτι ἀπέροχομαι μετὰ τῆς κυρίας μου · καὶ πάλιν ἀναστῆσα ἡ Εὐφραξία, καὶ λαβοῦσα τὴν θυγατέρα ἑαυτῆς, παρέστησεν εἰς τὸν δεσποτικὸν χαρακτήρα · καὶ ἐκτείνασα τὰς χεῖρας αὐτῆς εἰς τὸν οὐρανὸν ἐβόησε μετὰ κλαυθμοῦ, Κύριε Ἰησοῦ Χριστέ, σοὶ μελήσει περὶ τοῦ παιδίου, ὅτι σὲ ἐπόθησεν, καὶ σοὶ παρέθετο ἑαυτήν. « Diaconissa vero ad puellam : Abi, inquit, domum tuam, quia non potes hic permanere ; neque enim in hoc cuiquam licet commorari, nisi cum Christo conjungatur. Puella autem : ubi est, inquit, Christus ? At illa ostendit ei Domini imaginem. Cui puella conversa : Vere, inquit, ego cum Christo conjungor, neque amplius cum hera mea discedam. Et rursum consurgens Euphraxia, filiamque suam apprehendens, dominicæ imagini ipsam admovit, manibusque sublatis in cælum magna voce clamavit : Domine Jesu Christe, puella tibi erit curæ, quando te concupivit, seque ipsam dicavit tibi. » Quæ Damascenus compendio excerptis ex Actis Græcis Euphraxiæ, quæ in hæc Vita Latina fusius habes narrata cap. 8 et 9.

Claruit temporibus Theodosii imp., uti patet ex ipsa Vita et Menologio.

Alia ab ista est Euphrasia Nicomediensis, quæ mira arte elusit procaciam lascivientis juvenis, de qua Nicephorus lib. vii, cap. 13. Mensæ Euphrasiam Nicomediensem martyrem tempore Maximiani imp. habent 19 Januarii.

(2) *Sanctuariis.*] Ita, opinor, vocat *σεμνεῖα, monasteria*. Sic cap. 5: « Quæ etiam illic vacans in sanctuariis. »

(3) *Architria.*] An intelligit cellulas? In Vita sancti Antonii cap. 53, habes *archisterium*, de interiore et primaria Antonii cella.

(4) *Aquam in faciem ejus misit.*] Affusa aqua frigida exanimati ad se redibant. Unde proverbium, *Aquam aspergere*, id est, animos addere. Mox in Vita Euphrosynæ, cap. 15: « Jactavit in faciem ejus aquam.

(5) *Et septimanam meam complevero.*] Inde occur-

runt apud varios scriptores *hebdomadarii seu septimanarii*. Vide Onomasticon.

(6) *Solarium tertium.*] Ergo plura erant in una domo solaria, id est tabulata. Alias *solarium*, id est suprema contignatio soli exposita, unum tantum erat.

(7) *Priores seniores.*] Mox, cap. 27 et 30 *seniores sorores*. Sæpe occurrunt *seniores* tam inter viros quam inter mulieres, in his Vitis.

(8) *Patienti.*] Id est, *energumena*. Clarum ex cap. 25.

JANUARI I.

VITA SANCTÆ EUPHROSYNÆ (1), VIRGINIS, AUCTORE INCERTO.

CAPUT PRIMUM. — **363** Fuit vir in Alexandria nomine Paphnutius (2), honorabilis omnibus, et custodiens mandata Dei. Hic accepit conjugem dignam generis sui, et ipsam honestis moribus plenam, sed sterilis non pariebat. Vir autem ejus nimis fluctuans, eo quod non haberet cui omnes facultates dimitteret, ut post obitum suum bene et congrue suam substantiam gubernaret, indigentibus non cessabat ministrare nocte et die, ecclesiisque adhærens, jejuniis et orationibus orans et petens a Deo dari sibi filium. Similiter et uxor ejus doloribus afficiebatur maxime, videns virum suum fluctuantem nimium, multam et ipsa etiam pecuniam erogans pauperibus et in oratoriis, poscens adimplere desiderium suum. Similiter autem et vir ejus circueiens quærebat invenire aliquem hominem dignum Deo, qui posset precibus suis effectum desiderii ejus perficere. Et ita perambulavit in monasterio, in quo ejusdem monasterii patrem magnum dicebant apud Deum. Illicque ingressus, et multam pecuniam offerens, multam etiam fiduciam ab abbate et universis fratribus consecutus est.

CAP. II. — Post multum vero temporis indicavit abbati causam desiderii sui: qui compatiens illi, postulavit a Domino dari illi fructum ventris; et amborum orationes exaudiens Deus, largitur unicam filiam. Videns autem Paphnutius abbatis conversationem, nunquam a monasterio recedebat. Unde et conjugem suam introduxit, ut benediceretur ab abbate et a fratribus. Tollens autem infantulam a lacte, et facta annorum septem baptizata est, imposueruntque illi nomen Euphrosynam. Gaudebant autem super illam parentes ejus, quia erat accepta Deo et pulchra facie.

CAP. III. — Facta autem annorum duodecim, mater ejus migravit de hoc sæculo. Remansit autem pater ejus, erudiens eam litteris et lectionibus, cæteraque hujus mundi sapientia. Puella vero tantam excipiens disciplinam, ita ut miraretur pater illius prudentiam. Opinio autem ejus peragravit totam ci-

vitatem, et de sapientia ejus et de doctrina, et quia erat pulchra nimis, et composita vultu et animo. Multos autem excitavit ad accipiendum eam filiis suis, et multis decertantibus cum patre ejus, pervenire ad finem non poterant, sed tamen ipse dicebat: Domini voluntas fiat. Unus autem exsuperans omnes in honore et divitiis, accersivit patrem illius, et postulabat ab eo ut daret filiam ejus filio suo in matrimonio, et concessit.

CAP. IV. — Post multum vero temporis accipiens eam Paphnutius, cum esset annorum octodecim, abiit in monasterium cum ea, in quo consueverat, multamque iterum pecuniam largitus est ad necessaria fratrum. Dixitque abbati: Fructum orationum adduxi tibi, ut ores pro ea; quia jam ad nuptias eam tradere volo. Jussit autem abbas eam introduci in xenodochia monasterii, locutusque est cum ea, et benedicens exhortatus est eam de castitate, et humilitate, et patientia timoris Domini: faciens ibi tres dies, aurem ponebat quotidie ad psalmos, et videns singulorum conversationem et spirituale propositum, mirabatur eorum vitam, dicens: Beati sunt viri isti, qui et in hoc sæculo similes angelis, et post hæc vitam æternam consequuntur. Et cæpit cor ejus esse sollicitum in zelo timoris Dei.

CAP. V. — Post tres autem dies dixit Paphnutius ad abbatem: Veni, Pater, ut salutet te ancilla tua, et ora pro ea, quia ambulare volumus in civitatem. Cum autem venisset abbas, projecit se puella ad pedes ejus, dicens: Obscuro te, Pater, ora pro me, ut lucretur Deus animam meam. Extendensque manum suam benedixit eam, dicens: Deus, qui cognoscis hominem antequam nascatur, **364** tu hujus ancillæ tuæ curam habere digneris, ut mereatur portionem et consortium habere in regno cælorum. Et commendantes seni, abierunt in civitatem: pater vero illius si aliquando inveniebat monachum, hunc adducebat ad domum suam, rogans ut oraret pro ea. Una autem die anniversaria, quando ordinatus est

abbas monasterii, de quo supradiximus, misit abbas unum e fratribus ad Paphnutium, ut invitaret eum ad solemnitatem abbatis : qui abiens in domum ejus, requisivit eum. Pueri autem dixerunt ei : Processit.

CAP. VI. — Audiens vero Euphrosyna, et advocans illum fratrem, cœpit eum interrogare : Dic mihi pro charitate, domine mi frater, quanti fratres estis in monasterio. At ille dixit : Trecenti quinquaginta duo. Dixit ei puella : Qui voluerit venire illic ad conversionem, suscipit illum abbas vester? Respondit ei : Etiam cum multo gaudio suscipit illum, maxime propter vocem Domini, qui dixit : Qui venit ad me, non ejiciam foras (Joan. vi). Dicit ei Euphrosyna : Omnes in ecclesia vestra psallitis, et æqualiter jejunatis? Dicit ei monachus ille : Communiter quidem psallimus, jejunia vero unusquisque quomodo vult, aut quantum valet, ut non fiat contumax voluntatis conversatio, sed proprii arbitrii et spontanea voluntate. Omnem ergo perscrutans monachorum conversationem, dixit ad monachum : Volebam abire, et pervenire ad hujusmodi inenarrabilem vitam; sed timeo inobediens esse patri meo, quia pro vana et caduca hujus sæculi substantia cupit me tradere viro. Dicit ei monachus : Soror, non permittas ut polluat homo corpus tuum, et tradas talem pulchritudinem pati opprobrium, sed desponsa te Christo, qui tibi potest pro ipsis omnibus transeuntibus dare regnum cœlorum, et consortium angelorum. Occulte autem exiens, vade ad monasterium, mutato habitu sæculari indue vestem monachalem, ut possis evadere. Quæ cum hæc audis set, placuit illi, et dixit ad eum : Et quis me habet tondere? Nolebat a laico tonderi, qui non servat fidem. Dicit ei monachus ille : Ecce pater tuus veniet mecum ad monasterium, et faciet ibi tres dies vel quatuor. Tu autem adduc unum de monachis, et quomodo voles, occurret tibi cum magno gaudio.

CAP. VII. — Hæc et his similia illo dicente ad Euphrosynam, venit Paphnutius, et videns monachum, interrogavit eum, dicens : Quid ad nos fastidium sumpsisti, domine? Et dixit ad eum : Anniversaria dies est monasterii, misit me abbas ut venias et accipias benedictionem. Gavisus est autem Paphnutius, ingressusque cum eo in naviculam, abierunt in monasterium. Cum autem esset ibi, mittens Euphrosyna unum famulum fidelissimum, dixit : Vade in monasterium Theodosii, ingressusque ecclesiam, monachum quem ibi inveneris adduc tecum. Misericordia autem Dei ecce quidam monachus veniebat de monasterio, vendens quæ secum habebat. Et videns eum puer, rogavit eum ut veniret ad Euphrosynam. Qui cum venisset, videns eum puella, surgens salutavit eum, dicens : Ora pro me, Pater; et orans benedixit eam, et sedit. Dixit autem Euphrosyna : Domine mi, ego habeo patrem Christianum et servum Dei, possessorem substantiæ nimis; habuitque uxorem quæ me genuit, quæ jam transivit de hac vita. Vult autem pater meus pro omnibus rebus suis tradere me sæculo huic iniquo, et ego nolo inquinari in eo, sed ti-

meo inobediens esse patri meo, et quid faciam nescio. Totam enim noctem absque somno transivi, postulans Deum ut ostenderet animæ meæ misericordiam suam; et mane facta, placuit mihi mittere in ecclesiam, et adducere unum fratrem, ut audirem ab ipso verbum salutis, et quid facere debeam. Postulo autem te, Pater, pro mercede animæ tuæ, scio quia a Deo missus es, doce me quæ Dei sunt. Dicit ei senior : Dominus dicit : Si quis non abrenuntiaverit patrem, et matrem, et fratres, et filios, insuper et propriam animam, non potest meus esse discipulus (Lucæ xiv). Ego tibi plus dicere nescio. Tamen si potes ferre tentamenta carnis, relinque omnia, et fuge facultates patris tui, quæ multos inveniunt hæredes. Ecce ptochia (3), hierocomia (4), xenodochia, monasteria, viduæ, pupilli, peregrini, infirmi, captivi, ubi voluerit et placuerit patri tuo, relinquet; tu sola, ne perdas animam tuam. Dicit ei puella : Confido in Deum et orationibus tuis, quia laborare habeo pro anima mea, Deo auxiliante. Dicit ei senex : Talia desideria a firmitate non decidunt; modo enim est tempus penitentiae. Dicit ei Euphrosyna : Et ideo te fatigavi, ut impleas desiderium meum; et facta oratione benedicas me, et abscidas comam capitis mei. Et exurgens senior, facta oratione absceidit comam capitis ejus, induitque eam tunicam schematis (5), et orans pro ea dixit : Deus qui liberavit omnes sanctos suos, ipse custodiat te ab omni malo. Et hæc dicens senex, discessit ab ea, et ambulabat in via sua gaudens.

365 CAP. VIII. — Euphrosyna vero cogitans in semetipsa dixit : Si ambulavero in monasterio puellarum, pater meus requirens iuveniet me, et violenter trahet me inde propter sponsum meum. Proinde pergam ad monasterium virorum, ubi nullus suspiciet me esse. Et hæc dicens projecit vestem muliebrem, induitque se virilem, et sero facto exivit de domo sua, accipiens secum quingentos solidos, et abscondit se in aliquo loco per totam noctem. Mane autem facta, venit pater ejus in civitatem; volente autem Deo, statim in ecclesia ambulavit. Euphrosyna igitur pervenit ad monasterium illud, ubi et pater ejus erat notissimus, et nuntiavit per ostiarium abbati, dicens : Eunuchus quidam de palatio veniens, ante ostium stat, cupiens loqui tecum. Egresso autem abbate, projecit se Euphrosyna in terra, et facta oratione sederunt. Dicit ei senex : Quid est quod huc venisti, fili? Dicit ei Euphrosyna : Ego quidem de palatio fui eunuchus, et desiderium habui semper conversationem monachorum, et civitas nostra nunc valde habet hoc studium conversationis. Notum autem factum est mihi de bona vestra conversatione, et cupio habitare vobiscum. Habeo enim et possessiones multas, et si dominus dederit requiem, adduco eas huc. Dicit ei senex : Bene venisti, fili: ecce monasterium; si placet, habita nobiscum. Et dicit ei senex ille : Quod est nomen tuum? Dicit ei : Smaragdus. Dicit ei abbas : Juvenis es, non potes solus sedere, opus est tibi habere magistrum, ut discas regulam et conversatio-

nem monachorum. Qui dixit abbati : Sicut jubes, domine mi, sic facio. Et protulit quingentos solidos in manu abbatis, dicens : Accipe interim istos, et si videro quia possim sufferre hic, venient et illa reliqua. Vocavit abbas unum fratrem, nomine Agapitum, virum sanctum, et impassibile; tradidit in manus ejus Smaragdum, dicens : Amodo hic erit filius tuus et discipulus ; talem eum consigna, ut exsuperet magistrum. Et flexis genibus, facta oratione, consignavit eum. Et respondentibus omnibus Amen, suscepit eum Agapitus in cellam suam. Et quia habebat vultum decorum Smaragdus, dum veniebat in ecclesiam ad deprecandum Deum, multos diabolus incitabat adversus decorem vultus illius per malas cogitationes, ita ut omnes molesti essent abbati, qui talem pulchritudinem introduxisset in monasterium. Abbas autem hæc audiens, vocavit Smaragdum, et dixit ei : Pulchra est facies, fili, infirmis fratribus ; volo autem ut sedeas solus in cella tua, et ibi psallas, et ibi manduces, non tamen egressurum te inde alicubi. Et præcepit Agapito ut præpararet cellam solitariam, et in ea degeret Smaragdus. Fecit autem Agapitus omnia quæ sibi a Patre monasterii fuerant imperata, et introduxit Smaragdum in cellam solitariam, et erat ibi orationibus vacans, jejuniisque et vigiliis nocte ac die operam dabat, serviens Domino in simplicitate cordis, ita ut miraretur prædictus frater, qui eum susceperat, et omnibus fratribus retulit ejus constantiam, et omnes collaudabant Deum, qui in infirmitate talia operatur.

CAP. IX. — Paphnutius autem pater illius, cum reversus esset domi, festinus ingressus est cubiculum, in quo filia ejus manere solita erat, et non inventa, tristis mœrensque effectus cœpit perquirere anxius servos et ancillas quid de Euphrosyna actum esset. Pueris autem dicentibus : Quia nocte vidimus eam, mane autem non comparuit. Et putavimus quod pater illius infantuli qui eam desponsaverat, venerit et tulerit eam. Et misit servos suos ad domum illius, et non invenerunt eam. Audiens sponsus illius et pater ejus, contristati sunt valde, et venientes ad Paphnutium, invenerunt eum vehementer afflictum, jacentem in terra, et dixerunt ei : Forsitan aliquis seduxit eam, et fugit cum illa. Statimque servi illius cum equis per totam Alexandriam missi sunt. Erant autem ibi et naves, intrantesque in eas requirebant per vim. Et scrutantes monasteria puellarum, eremos, et speluncas, per domos amicorum et vicinorum ; et non reperta, tanquam mortuam lugebant eam, socer nunc, sponsus sponsam fiebat ; pater filiam lugens, dicebat : Heu ! heu ! filia dulcissima ? heu me ! oculorum meorum consolatio mea ! Quis meam invasit facultatem ? quis meam possessionem sparsit ? quis vineam meam siccavit ? quis meam lucernam exstinxit ? quis spem meam fraudavit ? quis pulchritudinem filiae meae violavit ? quis putas lupus agnam meam dissipavit ? qualis locus talem vultum tetigit ? qualis pelagus captivam ducit illam imperialem faciem ? Illa generositatis constitutio, illa malorum consolatrix, illa

laborantium requies, gementium portus erat. Terra, nec celes sanguinem meum, donec videam quid Euphrosynæ filiae meae contigerit. Hæc et his similia Paphnutio prosequente, elevaverunt omnes qui aderant voces, et flebant, ita ut omnis civitas lamentaretur eam.

CAP. X. — Non sufferens autem Paphnutius, nec inveniens consolationem, perrexit ad memoratum senem, de quo supra diximus, ac procidens ad pedes ejus, dixit : Peto ne cesses orare, ut inveniat labor orationum tuarum ; nescio enim quid acciderit filiae meae. Audiens autem venerabilis senex, contristatus est valde, et jussit ad se omnes fratres venire, et dixit eis : Ostendite charitatem, fratres ; postulemus a Domino ut dignetur nobis ostendere quid factum sit de filia amici nostri Paphnutii. Et jejunantes omnes, et orantes, et tota hebdomada nihil eis revelatum est de Euphrosyna, sicut solebat, quando aliunde rogabant Deum. Oratio enim Euphrosynæ erat ad Deum die noctuque, ne manifestam eam faceret in vita sua Deus. Cum autem nec seni neque alicui fratri revelatum esset, cœpit consolari eum abbas : Noli deficere, fili, a disciplina Domini, quia quem diligit Dominus corripit (*Prov. III*). Et hoc scias, quia sine voluntate Dei unus passer non cadet in terra (*Lucæ XII*), quando magis filia tua ? Absque nutu illius nihil provenit. Scio enim quia bonam partem sibi elegit, propterea de ea nihil nobis revelatum est. Scio enim, quod absit, si in malis operibus incidisset, nunquam Deus despexerat tantum laborem fratrum. Habeo fiduciam in Domino, quia in hac vita ostendat eam tibi Deus. Audiens hæc Paphnutius, recepit consolationem, gratias agens Deo, et orans quotidie, bonis operibus et eleemosynis intentus erat.

CAP. XI. — Post aliquantos vero dies visitabat monasterium, commendans se in orationibus fratrum. Una autem die veniens ad abbatem, projecit se ad pedes ejus, dicens : Ora pro me, Pater, quia non possum sufferre dolorem de filia mea, sed magis ac magis de die in diem renovatur et crescit vulnus meum, et tribulatur anima mea. Videns autem eum senex nimis afflictum, dicit ei : Vis colloquium habere cum uno fratre spirituali, qui venit de palatio Theodosii ? ignorans quod ipsa esset filia ejus. Dixit ei Paphnutius : Volo. Et vocavit abbas Agapitum, dixitque ei : Tolle Paphnutium et introduc eum in cellam Smaragdi. Et introduxit eum in cellam Smaragdi, nihil ei antea innotescens. Cum autem vidisset subito patrem suum, cognoscens eum, tota lacrymis repleta est. Paphnutius autem sperabat esse compunctionem ; non enim cognovit eam, quia species vultus emarcuit præ nimia abstinentia, vigiliis et lacrymis. De cuculla autem operuit faciem suam, ne aliquo modo agnosceret eam. Facta autem oratione sederunt. Cœpit autem ei loqui de futuri regni beatitudine et gloria sempiterna, quomodo per humilitatem et castitatem, atque sanctam conversationem, per eleemosynam et charitatem, ad eam quis possit

pertingere. Et de contemptu sæculi, nec diligendos esse filios plus quam Deum, qui omnium exstitit factor. Apostolicam quoque scripturam interpretans, quomodo tribulatio patientiam operatur, patientia probationem (*Rom. v*). Videns vero patrem suum in gravi mœrore, compatiebatur illi.

CAP. XII. — Sed timens ne agnosceretur, et impedimentum ei faceret, volens autem eum consolari, dixit ei : Crede mihi quod non despiciet te Deus. Et si in perditionem anima esset filię tuæ, manifestaret eam tibi Deus, ut nec illa a diabolo retenta inferret tibi et sibi luctum perpetuum. Sed credo in Deum, quia bonum consilium elegit sibi, sicut jam dixi, secundum vocem Evangelii, qua dicitur : Qui diligit patrem aut matrem super me, non est me dignus (*Math. x*); et, Si quis non abrenuntiaverit omnibus quæ possidet, non potest meus esse discipulus (*Lucæ xiv*). Potens est autem Deus, et in hoc sæculo manifestare eam tibi. Sine jam, sine : quid temetipsum interficis contristando? Sed age gratias Deo, nihil desperans. Nam Agapitus magister meus, multoties nimis tristis dicebat mihi : Quia venit quidam nomine Paphnutius operibus bonis intentus, qui filiam suam tanquam mortuam luget, nesciens quid ei acciderit, et nimia lamentatione affligitur : maxime quia unica erat illi, et cum lacrymis project se ad pedes abbatis, ut per ejus orationes et omnium fratrum Deus patefaceret. Ita et tu roga Deum propter eam, et ego, quamvis indignus et malorum meorum conscius, sæpius deprecatus Dominum, ut dignetur dare tibi sufferentiam et longanimitatem, et quod expediat adimpleat tam de te quam de filia tua. Propter hoc et frequenter te videre volui, et colloqui tecum, ut aliquam consolationem per me humilem forsitan invenires. Ut autem non agnosceretur per multa colloquia, dixit ad Paphnutium : Vale, domine mi. Et dum recedere vellet Paphnutius, anima illius compatiebatur illi, facies ejus pallebat, et replebatur lacrymis. Præ nimio autem jejunio et diuturna inedia sanguinem vomebat. Multum igitur confortatus Paphnutius in admonitione ejus, discessit ab ea. Et veniens ad abbatem, dixit : Ædificata est anima mea de illo fratre, et ita sum lætus effectus in gratia Dei ex consolatione ejus, tanquam invenissem filiam meam. Commendans se in orationibus abbatis et omnium fratrum, reversus est in domum suam, magnificans Deum.

CAP. XIII. — Complens autem Smaragdus in cella solitaria triginta et octo annos, incidit in infirmitate, qua et mortuus est. Quanquam 367 vero die secundum consuetudinem venit Paphnutius invisere monasterium, et post orationem et salutationem fratrum dixit seni : Si jubes, Pater, mitte me Smaragdum videre, quia valde desiderat eum anima mea. Vocatoque Agapito præcepit ei ducere Paphnutium ad visitandum Smaragdum. Introiens Paphnutius in cellam ubi æger jacebat, cæpit eum osculari lacrymans, et dicens : Heu me ! ubi sunt promissiones tuæ, ubi verba dulcia, quod mihi futuram videndam oculis

meis promittebas filiam meam ? Ecce non solum illam non videbo, sed tu, in quo consolationem modicam habebam, derelinques nos. Heu me ! quis jam consolabitur senectutem meam ? Ad quem ibo, quis mei adjutor erit ? Duplex malum quod lugeo : triginta ei octo anni sunt quod perdidit filiam meam, nihil mihi de ea revelatum est, quod die nocteque orabam, nec similem illius inveni, detinet me incomparabilis dolor. Quid sperem amodo ? ubi consolationem inveniam ? jam descendam lugens in infernum. Videns autem eum Smaragdus vehementer plorantem, et nullam consolationem accipientem, ait ad eum : Quid turbaris et temetipsum interficis ? Numquid invalida est manus Domini, aut quidquam est Deo difficile ? Jam pone finem tristitiæ. Recordare quomodo patriarchæ Jacob manifestaverit Deus Joseph, quem quasi mortuum lugebat (*Gen. xlvi*). Sed obsecro te ut per tres dies me non deseras neque derelinquas. Hæsitans autem Paphnutius intra semetipsum per triduum, dicens : Forsitan ei Deus revelaverit de me. Tertio autem die dixit ad Smaragdum : Expectavi sicut rogasti, domine mi frater, et non discessi alicubi per tres continuos dies.

CAP. XIV. — Cognoscens autem Smaragdus, qui et Euphrosyna, quia instabat dies dormitionis ejus, vocavit Paphnutium, et dixit ad eum : Quia omnipotens Deus bene disposuit meam miseriam, et adimplevit desiderium meum, quod ad finem usque viriliter certando perduxi, non mea virtute, sed ejus adjutorio, qui me custodivit ab insidiis inimici : peracto cursu superest mihi corona justitiæ. Nolo autem te jam esse sollicitum pro filia tua Euphrosyna, ego enim sum illa misera, et tu es pater meus. Ecce jam vidisti, et satisfactum est tibi, sed nemo hoc sciat, et non permittas ab alio corpus meum nudari et lavari, sed a temetipso hoc facias. Et quia promisi abbati habere multas possessiones, et si potuissem sustinere et perdurare in loco isto, adducerem eas hic, imple ergo quod promisi, quia venerabilis est locus iste, et ora pro me. Hæc dicens tradidit spiritum Kalendis Januarii.

CAP. XV. — Dum audisset talia verba Paphnutius, et vidisset quia obdormivit, commota sunt viscera ejus, ceciditque in terram, et factus est velut mortuus. Accurrens autem Agapitus, videns quoque quia defunctus esset Smaragdus, et Paphnutium jacentem in terra semivivum, jactavit in faciem ejus aquam (6), et elevavit eum dicens : Quid habes, domine mi Paphnuti ? Ait autem Paphnutius : Dimitte me ut hic moriar, vidi enim mirabilia hodie. Surgens autem irrui in faciem ejus, multitudinem lacrymarum infundens, clamabat dicens : Heu me ! filia mea dulcissima, quare ante non manifestasti mihi ut ego quoque tecum morerer spontanea voluntate ? Væ mihi ! quomodo latuisti ? quomodo pertransisti insidias adversariorum, et nequitas spirituales tenebrarum vitæ hujus, et introisti in vitam æternam ?

CAP. XVI. — Hæc Agapitus audiens, et cognoscens tam mirabilem causam, stupefactus est, et currens

nuntiavit omnia abbati. Veniens autem abbas cecidit super eam, et ejulans dicebat : Euphrosyna sponsa Christi, et filia sanctorum, ne obliviscaris conservorum tuorum et hujus monasterii, sed ora pro nobis ad Dominum Jesum Christum, ut faciat nos viriliter certando pervenire ad portum salutis, et portionem habere secum et cum sanctis suis. Et jussit ut congregarentur omnes fratres, ut cum honore debito sanctum corpus illius sepulturæ traderetur. Dum autem congregati adessent, et vidissent tam stupendum miraculum glorificabant Deum, qui etiam in femineo sexu fragili tanta miracula operatur. Quidam autem frater unum habens oculum, osculatus est vultum ejus cum lacrymis, statimque ut eam tetigit, oculus ei restitutus est. Et videntes omnes fratres qui aderant hoc quod factum est benedixerunt

Deum, gratias agentes ei cujus sunt omnia quæ bona sunt. Multumque confortati et ædificati, sepelierunt eam in monumento patrum. Pater vero ejus omnia quæ habuit, in ecclesia et xenodochio et monasterio offerens, conversus est in eodem monasterio, et plurimam partem substantiæ suæ ibidem offerens in eadem cella ibidem demoratus est, in eodem psiathio (7) dormiens in quo Euphrosyna.

Vixit autem Paphnutius in sancto proposito annos decem, et emigravit ad Dominum : juxta filiam suam sepelierunt eum glorificans Deum abbas cum omni congregatione. Dies autem migrationis eorum ad Dominum celebratur in eodem monasterio usque in præsentem diem, glorificantes Deum Patrem, et Filium, et Spiritum sanctum, cui est honor et gloria in sæcula sæculorum. Amen.

ROSWEYDI NOTATIO.

(1) *Euphrosynæ.*] Martyrologium Romanum, 1 Januarii : « Alexandriæ depositio sanctæ Euphrosynæ virginis, quæ in monasterio virtute abstinentiæ et miraculis claruit. » Menologium Græcorum, 25 Septembris : « Natalissanctæ matris nostræ Euphrosynæ, beati Paphnutii Egyptii filiæ. » Menæa, 25 Septembris versibus iambis Vitam breviter exprimunt.

Galesinius, notat. ad Martyrol., ait hanc etiam ab aliis dictam *Euphrasiam*, ejusque mentionem esse apud Damascenum in extremo tertio libro de Imaginibus. Recte quidem *Euphrasiæ* seu *Euphraxiæ* apud Damascenum mentio, sed non *Euphrosynæ*, quæ ab illa diversa est. Dies autem natalis *Euphrasiæ* occurrit 13 Martii. Vide hic paulo ante in *Euphrasia*.

Euphrosynæ Vitam habes per Metaphrastem apud Lipomanum, tomo VI, et Surium, tom. I. Hæc quam damus hactenus inter Vitas Patrum fuit circumlata. Comparavimus eam cum veteribus editionibus et Ms.

(2) *Paphnutius.*] Menologium Græcorum, 25 Septemb. « Eodem die commemoratio beati Paphnutii, patris Euphrosynæ. » In Menæis eodem die de eodem.

(3) *Ptochia.*] Mira hic variorum librorum lectio. Pleræque editiones habent *tapetia*, ineptissime. In manuscripto Audomarensi erat *topchia*. Indubie *p* transponendum legendumque *ptochia*, πτωχία, id est *pauperum domus*. Solent subinde Latini auctores Græcis vocabulis uti, cum Latina versio commoda non occurrit.

(4) *Hierocomia.*] Ita Ms. Bertinianus. Prima editio, *ierocomia*, quod ortum ex *scriptione ierocomia*. Intellico *hierocomia*, ubi curantur qui *sacro morbo*, ἐσθῆ νόσῳ, laborant.

(5) *Tunicam schematicis.*] Σχημα Græcis monachi habitus. Vide Onomasticon.

(6) *Jaclavit in faciem ejus aquam.*] Ita olim examinationis frigida affundi solita. Supra, Vita Euphrasiæ, cap. 22 « aquam in faciem ejus misit. »

(7) *In eodem psiathio.*] Ms. Bertinianus : *in eadem phisiata*. Editi, *in eodem stratu*. Recta lectio *psiathium*, id est mattula, ut jam sæpe dictum. Vide Onomasticon.

OCTOBRIS XXIX.

VITA

SANCTÆ MARIÆ MERETRICIS (1),

NEPTIS ABRAHÆ EREMITÆ,

AUCTORE SANCTO EPHRÆM ARCHIDIACONO,

INTERPRETE ANONYMO.

Hæc est pars Vitæ sancti Abraham, quæ habetur supra, col. 281.

CAPUT PRIMUM. — Volo autem, dilectissimi, unanimitati vestræ etiam aliud admirandum negotium, quod in senectute sua vir beatus gessit, enarrare. Est enim sapientibus ac spiritualibus viris plenum ædificationis, nec non humilitatis atque compunctionis exemplum. Res vero gesta hujusmodi est :

CAP. II. — Habuit vir beatus Abraham carnis propinquitatem germanum : quo defuncto, unica filia ejus annorum septem relinquitur. Quam cum paren-

tibus orbatam noti amicique patris ejus viderent, patruo ejus sine mora producunt. Cumque eam senior cerneret, in cella sua exteriori jubet includi. Erat autem in medio utriusque cellulæ fenestra permodica, per quam docebat eam psalterium aliasque scripturas, et cum eo in laudibus Domini vigilabat, et psalmos nihilominus concinebat, atque in omni abstinentia æmulari suum patrum nitebatur. Alacriter quoque in arrepto instituto proficiens,

universas virtutes animi festinabat implere. Vir namque sanctissimus incessanter pro ea cum lacrymis Dominum deprecabatur, ne mens ejus cura terrenorum actuum implicaretur, eo quod ejus pater moriens infinitas pecunias ei reliquisset: quas mortuo germano, et filia ejus ad se confugiente, confestim famulus Christi distribui jussit egenis atque orphanis. Hæc quoque patrum suum precabatur quotidie, ut pro se Dominum oraret, quatenus a cogitationibus pessimis et diversorum laqueorum diaboli eriperetur insidiis. Constanter igitur instituti sui regulam obtinebat. Exsultabat autem patrus ejus, quod sic eam promptam sine ulla hæsitatione in cunctis virtutibus cerneret promoveri, in lacrymis scilicet, in humilitate, in modestia, in quiete: et quod his sublimius est, erga Deum eximia charitate. Viginti siquidem annis cum eo in abstinentia degens, velut agna pudicissima atque incontaminata columba convixit. Quo tempore annorum expleto, sæviebat adversus eam diabolus, et insidias solitas prætendebat, quomodo eam posset suis cassibus irretire, ut saltem sic mœstitiâ sollicitudinemque beato viro posset incutere, et quantulumcunque mentem ipsius a Domino separare.

CAP. III. — Erat autem quidam professione tantummodo monachus, qui sub obtentu ædificationis ad eum sæpius pergere solebat. Sed et illam beatam per fenestram nihilominus contemplando, luxuriæ stimulis agitatus, cum ea colloqui cupiebat, amor namque libidinis cor ejus quasi ignis succenderat. Insidiabatur ei quoque multo temporis spatio, ita ut unius anni circulus volveretur, donec cogitationem ejus verborum suorum mollitie enervaret. Denique aperiens cellæ suæ fenestram, egreditur ad eum, qui eam protinus scelere iniquitatis atque libidinis contaminavit ac polluit. Postquam vero tanti peccati facinus perpetravit, expavit cor ejus; conscindensque cilicium quo erat induta, faciem suam manibus verberabat, cupiens nimio mœrore se morti tradere. Atque anxietatis oppressa pondere, dum deliberationis portum non cerneret, diversis cogitationum æstibus fluctuabat; plangebaturque se non esse quod fuerat, et cum ejulatu sæpius proferens: Ego, inquit, jam me ex hoc mortuam sentio: perdidit dies meos et laborem abstinentiæ meæ, orationum lacrymæ, vigiliarumque opera ad nihilum sunt deducta; Deum meum exacerbavi, et meipsam interemi. Heu me miseram! omni lacrymarum fonte plangendam! Sanctum patrum meum amarissimo mœrore depressi, opprobrium animæ meæ operuit me, illusio diaboli facta sum. Quid mihi infelici jam ultra vivere? Heu me! quid egi? Heu me! quid factum est mihi? Heu me! quid mali perpessa sum? Heu me! unde et qualiter corruui? Quomodo obscurata est mens mea? Non intellexi quomodo lapsa sum, non cognovi quomodo contaminata sum, nescio quomodo cor meum nubes tenebrosa contexit, quomodo potui ignorare quid gererem? Ubi abscondar? vel quo pergam,

aut in quam foveam memetipsam præcipitem? Ubi est magisterium sanctissimi patrum mei? Ubi monita collegæ ejus Ephræm? qui me docebant in mea virginitate perdurare, exhortantes ut impollutam animam immortalis sponso servarem. Sponsus etenim tuus, dicebant, sanctus et zelans est. Heu me! quid agam? Non audeo jam cælum aspicere, cum apud Deum et homines me mortuam esse cognoscam. Jam enim ad fenestram illam propinquare non audebo. Quomodo ego peccatrix et plena immunditiæ sordibus rursus cum sancto patrum meo loqui tentabo? Quod et si ausa fuero, nonne ignis ex fenestra exsiliet, qui me confestim exuret? Melius est ergo mihi abire in aliam patriam, ubi nullus est qui me possit agnoscere, eo quod semel jam mortua sim, nec ultra mihi spes salutis relicta sit. Consurgens autem, protinus perrexit in aliam civitatem, atque in stabulo (2) se quodam, mutato pristino habitu, collocavit.

CAP. IV. — Verum cum hæc ruina præfatæ femine contigisset, hujusmodi visio beato viro ostenditur per soporem. Vidit namque draconem terribilem atque immanem, aspectuque ipso fœtidissimum, et in fortitudine sibilantem; quasi exeuntem de quodam loco, et usque ad cellulam suam venientem, et reperisse ibi columbam, atque glutissæ eam, et rursus in suam foveam remeasse. Expergefactus autem, contristatusque vehementer, flevit amare; existimans Satanæ persecutionem adversus Dei Ecclesiam concitari, et plerosque a fide veritatis averti, vel ne schisma aliquod in sancta Ecclesia gigneretur. Provolutus itaque genibus, precatus est Dominum, dicens: Tu qui es præsciis universorum Deus, amator hominum, tu nosti quid sibi velit hæc visio. Rursus post duos dies, vidit eundem draconem simili modo ad cellam suam venisse, et posuisse caput sub pedibus ejus, fuisseque diruptum; columbam vero illam quam devoraverat, vivam in ventre ejus repertam; et extendisse manum suam, vivamque eam recepisse. Expergefactus autem, vocabat beatam illam semel atque iterum, putans eam in cellula esse, et dicebat: Cur te piguit, filia Maria, sic etenim fuit vocitata, jam duobus diebus os tuum in Dei laudibus aperire? Sed cum responsum ei nullum daretur, et quod eam per biduum psallentem solito more non audiret, animadvertit visionem suam ad illam certissime pertinere. Tunc ingemuit ac flevit amare; et profundens lacrymas, ait: Heu me! quia agnam meam lupus crudelissimus rapuit, et filia mea captiva effecta est. Exaltans quoque vocem suam, cum lacrymis dixit: Salvator mundi Christe, converte ad me agnam meam Mariam, atque in ovile vitæ eam restitue, ut non senectus mea cum mœrore de hoc mundo recedat. Ne despicias deprecationem meam, Domine, sed mitte velocius gratiam tuam, ut ejicias eam de ore draconis incolumem. Itaque duo dies qui ei per visionem revelati sunt, duorum annorum curriculo finiuntur, quibus lubricam vitam neptis ejus, quasi in ventre atrocissimi

draconis exegit; sed sanctus homo per omne tempus die noctuque nunquam pro ea Dominum deprecando animum relaxavit.

CAP. V. — Post duos vero annos, cum ubi esset et quemadmodum se gereret comperisset, rogabat quemdam sibi notissimum ut usque ad eam pergeret, et cuncta cognosceret diligenter. Pergens itaque ille quem miserat, et omnia sub veritate, et quia ipsam quoque vidisset, renuntians, rogatus a sancto viro, habitum ei detulit militem, et equum ad sedendum. Ostio itaque patefacto egreditur, statimque habitu militari induitur, camelauchium (3) quoque longum capiti suo, ut facies ejus velaretur, imposuit; sed et solidum denariorum unum secum portans, ascendensque equum, concitus properabat. Tanquam quispiam patriam cujuslibet vel civitatem cupiens explorare, habitum incolarum loci illius, ne facile agnoscat, assumit: sic beatus iste Abraham inimici habitu, ut eum in fugam verteret, utebatur. Venite igitur, admiramini, dilectissimi fratres, hunc secundum Abraham. Primus quidem Abraham egressus ad praelium regum, percutiensque eos, Loth nepotem suum reduxit: hic vero secundus Abraham contra diabolum profectus est ad bellum, ut eo devicto, neptem suam cum majori triumpho revocaret.

Itaque cum pervenisset ad locum divertit in stabulum; ac sollicitis oculis huc atque illuc circumspiciens, ut eam videret, perquirebat. Deinde cum multa hora præterisset, et videndi eam minime tribueretur occasio, subridens, ait ad stabularium: Audi, inquit, o amice, quod habes puellam optimam; quam si jubes, libentissime perviderem. Qui cum ætatis ejus intueretur canitiem, et senectutem annorum numerositate jam fessam, quod ob luxuriam eam videre cuperet non sperans, sic responsum dedit: Est, inquit, ut tibi compertum est, etiam supra modum speciosa. Erat siquidem Maria hæc pene supra quam natura exegit, formæ pulchritudine decora. Cumque senior nomen ejus requireret, Mariam vocari ille respondit. Tunc hilari vultu: Quæso, inquit, ut mihi præsentiam ejus exhibeas, ut possim cum ea hodie epulari, multum namque ex auditu comperi ipsam laudari puellam. Quæ cum vocata adesset, atque in habitu meretricum sanctus eam patruus ejus vidisset, pene totum corpus ejus præ dolore solutum est, amaritudinemque animi læto vultu celavit; et lacrymas erumpentes virili sexu retinuit, ne forte si eum femina cognovisset, fugæ præsidium flagitaret.

CAP. VII. — Residentibus itaque eis atque bibentibus, cœpit cum ea vir mirabilis ludere. Quæ consurgens, complexa cervicem ejus, oculis demulcebat. Cumque oscularetur eum, odorata ejus corpusculum suavissimo odore abstinentiæ fragrare, recordata est dierum quibus cum summa abstinentiâ vixerat; et quasi quodam telo percussa in animo vehementer ingemuit, lacrymasque profudit; et tanquam vim cordis non sufferens, in hæc verba prorupit: Væ, væ mihi miseræ soli! Tunc stabularius

A stupefactus, ait: Quid est, domina Maria, quod subito in tam gravissima suspiria prorupisti? Hodie duobus annis hic permanes, et nunquam ex te gemitus vel tristior sermo auditus est: nunc vero quid tibi contigerit, nescio. Quæ respondit ad eum: Beata essem, si ante triennium fuisset defuncta. Ad hæc beatus senior, ne agnosceretur, veluti cum quadam serenitate ait ad eam: Modo cum lætitiæ nos intersumus, tu peccata tua commemorare venisti? O admiranda clementiæ tuæ dispensatio, Deus altissime! Putasne puella non dixit in corde suo, Quomodo aspectus viri hujus, patrum mei aspectum simulat? Sed solus tu amator hominum, Deus, a quo est omnis bona sapientia, ita dispensasti, ne eum posset agnoscere, et fortasse confusione turbata effugeret. Hoc autem non ob aliud est credendum, nisi quia lacrymæ famuli tui, patrum ejus, hujuscemodi apud te obtinere locum, ut ex impossibilibus possibilitia facere dignareris. Proferens itaque sanctus vir solidum quem attulerat, stabulario dedit, dixitque ei: Fac nobis, quæso, amice, optimam cœnam, ut cum puella epulari possim; longi namque itineris intervallo, amore ejus adveni. O vera sapientia secundum Deum! o vere intellectus spiritalis! o vere prædicanda salutis discretio! quinquaginta annis abstinentiæ suæ nequaquam panem gustaverat; nunc carnes sine hæsitatione, ut salvaret animam perditam, manducavit. Sanctorum angelorum chorus, super hac discretione beati hujus ovans, vehementer stupuit, quæ alacriter sine ulla dubitatione manducavit ac bibit, ut animam in limo defixam abstraheret. O sapientia sapientium, et intellectus intelligentium! O discretio discernentium! Venite, admiramini super hac imperitia, venite, expavescite super hac differentia, quomodo perfectus hic et sapiens ac discretor et prudens, idiota et indiscretor effectus est, ut ex ore leonis animam absorptam crueret, et ex vinculis et carcere tenebroso animam abstrusam ac vinctam absolveret.

CAP. VIII. — Igitur postquam epulati sunt, provocabat eum puella ad cubandum, ut in cubiculum introirent. At ille: Eamus, inquit. Cumque introisset, cernit lectum in sublimi stratum, in quo statim resedit alacriter. Quomodo te appellem, vel quomodo te nominem, perfectissime athleta Christi, vehementer ignoro. Continentem te asseram, an incontinentem? sapientem, an insipientem? discretorem, an indiscretorem? Quinquaginta annos conversationis tuæ, super psiathium (4) cubitaveras; et quomodo nunc super hujuscemodi lectum constanter ascendis? Sed hæc universa fecisti ad laudem et gloriam Christi, et mansionum iter longissimum arripiendo et carnes comedendo, et vinum bibendo, et in stabulum divertendo, ut salves animam perditam. Nos autem si saltem verbum utilitatis loqui cum proximo volumus, cuncta importune discernimus.

CAP. IX. — Sedente eo itaque super lectum, ait ad eum puella: Veni, domine, ut calcamenta de pedibus tuis auferam. At ille ait ad eam: Observa, inquit,

ostium diligenter, et abstrahas ea. Volebat vero puella primo discalceare eum; sed cum ille non pareretur, obseratis ostiis venit ad eum. Cui senior: Domina, inquit, Maria, appropinqua mihi. Cumque appropinquasset, tenuit firmiter manum ejus, quasi qui putaretur osculari eam. Auferens quoque camelachium a capite suo, et erumpens vocem in fletum, ait ad eam: Filia mea Maria, non me agnoscis? viscera mea, nonne ego sum qui te nutrivit? quid tibi factum est, o filia mea? quis te interfecit? ubi est ille habitus angelicus quem habebas, filia mea? ubi est continentia? ubi fletus? ubi vigiliae? ubi chameuniæ (5)? A celsitudine cœli in hanc foveam quomodo devoluta es, filia mea? cur, quando peccasti, non mihi indicasti? non mihi illico retulisti? et ego certe pro te penitentiam agerem cum dilectissimo meo Ephræm. Quare sic fecisti? aut quare me ita deseruisti, et in hanc me mœstitiam intolerabilem deduxisti? Quis autem sine peccato est, nisi solus Deus? Cumque hæc aliaque multa dixisset, tanquam lapis immobilis in manibus ejus remansit, timore pariter et confusione suppleta. Rursus autem beatissimus vir cum lacrymis adjecit, dicens: Non loqueris mihi, o filia mea Maria? Non loqueris mihi, pars viscerum meorum? nonne propter te, filia mea, huc adveni? Super me sit hoc peccatum, o filia mea; ego in die judicii pro te reddam rationem Domino, ego pro peccato hoc satisfaciam Deo. Usque ad medium itaque noctis hujuscemodi verbis consolabatur eam, et cum lacrymis uberrimis admonebat. Cumque parumper fiduciam percepisset, taliter flens ad eum locuta est: Non valeo te, inquiens, propter confusionem vultus mei attendere. Et quomodo possum orationem Deo fundere, quando sic immunditia cœni hujus polluta sum? Et sanctus vir ad eam: Super me, inquit, sit iniquitas tua, o filia mea; ex manibus meis peccatum hoc Deus requirat: solummodo audi me, et veni, eamus in locum nostrum. Ecce enim et charissimus Ephræm pro te nimium dolet, tuique causa sedule Dominum deprecatur. Noli diffidere, filia, de clementia Domini; licet tua sint peccata velut montes, sed illius misericordia omnem supereminet creaturam. Sicut legimus, accessit mulier immunda ad mundum, et non eum inquinavit, sed ab eo potius ipsa mundata est: lacrymis pedes Domini lavit, capillisque suis extersit (*Lucæ vii*). Si potest scintilla pelagus inflammare, possunt et peccata tua ejus munditiam inquinare: non est novum cadere in lutamine; sed malum est jacere dejectum. Revoca unde extuleras pedem fortiter: te cadente risit inimicus, sed fortioerem te sentiat resurgentem. Misere, quæso, senectutis meæ; doleas pro canitie meæ labore, obsecro, et exurgens, veni ad cellulam mecum. Noli timere; lubricum enim est genus mortalium; sed sicut citius cadit, sic iterum velocius per Dei adjutorium surgit, qui peccantes non vult mori, sed sanari et vivere (*Ezech. xvii*). Illa vero ait ad eum: Si scis quia penitentiam agere possum, et satisfactionem meam suscipiat Deus, ecce ut ju-

bes, veniam: præcede, et ego sequar sanctitatem tuam, et exosculor vestigia tua, quia sic super me doluisti, ut ex voragine immunditiæ hujus educeres me. Et ponens caput suum ad pedes ejus, tota nocte flebat, dicens: Quid tibi, Domine, Deus meus pro omnibus his retribuam?

CAP. X. — Diluculo autem facto, ait ad eam beatus Abraham: Surge, filia, et eamus hinc ad cellulam nostram. Quæ respondens, dixit ad eum: Habeo hic modicum auri, et aliquid vestimentorum, quid de his jubes fieri? Respondens autem beatus Abraham, dixit: Relinque hic omnia hæc, quæ ex parte maligni quæsita sunt. Et surgentes exierunt. Statimque imponens eam super equum, trahebat præcedens quemadmodum pastor cum invenit ovem perditam, cum gaudio super humeros suos tollit (*Luc. xiii*); ita beatus Abraham gaudens in corde suo iter cum nepte faciebat. Cumque venisset ad proprium locum, illam quidem ubi ipse fuerat, interiori cellula reclusit, ipse vero in cella exteriori permansit. Hæc itaque induta bilicio, in humilitate animi et cordis atque oculorum fletibus perdurabat, vigiliis quoque atque arctissimis abstinentiæ laboribus semetipsam conficiens, et cum modestia et quiete ad Dominum indesinenter proclamans, facinus proprium spe firmissima veniæ plangebatur, tam sapienter jugiter obsecrationibus vacans, ut nullus, quamvis sine visceribus, non compungeretur, cum voces fletus ejus audiret. Quis enim sic immisericors est inventus, qui lamentantem eam agnoscens, ipse quoque non fletet? Aut quis de ejus vera cordis compunctione non egit gratias Deo nostro? Penitentia siquidem ejus, si nostris supplicationibus comparatur, omnem mensuram doloris excedit. Sic enim impensius Dominum precabatur ut sibi ignosceretur quod gesserat, ut etiam signum, si suscepta fuisset ejus penitentia, divinitus postularet. Clementissimus itaque Deus, qui neminem vult perire, sed omnes ad penitentiam reverti (*I Tim. ii*), ita condignam satisfactionem ejus recepit, ut orationibus ejus post triennii plenitudinem sanitas plurimis redderetur. Impensius namque ad eam turba populi confluebat, quæ pro illorum salute Dominum efficaciter precabatur.

CAP. XI. — Beatus autem Abraham alios decem annos in hac vita perdurans, et cernens optimam penitentiam ejus, glorificansque Deum, septuagesimo vitæ suæ anno quievit in pace. Quinquaginta siquidem annos magna cum devotione, atque humilitate cordis et charitate non ficta, institutum suum implevit.

CAP. XII. — Personam hominis nunquam accepit, sicut apud plurimos fieri consuevit, ut unum quidem amore præferant, alium vero despiciant, neque regulam absententiæ suæ mutavit, non pigritia obtorpuit, non segniter egit, sed ita semper exstitit quasi quotidie moriturus. Hic fuit modus beatissimi Abraham, et hæc conversatio et certamina tolerantiae ejus. Ita enim in certaminis acie contra adversarium stetit, ut nequaquam se post tergum converteret; sed neque in tribulationibus quas in vico perpressus est, neque

in prælio cum phantasiis dæmonum dimicans, relaxavit animum suum, vel in aliquo trepidavit. Maximum autem atque admirabile certamen hoc fuit, quod erga beatissimam Mariam gessit, quomodo per sapientiam spiritualem, prudentiam, inquam, et imperitiam, per indifferentiam et incontinentiam de voragine iniquitatis eam abstraxit. O miraculum! In ipsum cubile draconis ingressus est, ibique eum pedibus conculcavit, et ex medio dentium ejus escam eripuit. Hi agones et sudores beati viri exstiterunt.

CAP. XIII. — Et hoc quidem ita conscribimus ad consolationem et devotionem omnium qui volunt pie et alacriter vitam suam instituere: et ad laudem et gloriam Dei, cujus gratia affluenter nobis cuncta quæ opportuna sunt conceduntur; in alio vero volumine reliquas ejus virtutes descripsimus. Hora autem illa quando quievit migraturus ad Dominum, pene universa civitas congregata est. Et unusquisque eorum cum omni devotione castissimo ejus corpori appropinquans, benedictionem sibi ex vestimentis ejus diripuit. Et si in quocunque languore id quod direptum est contigit, sine aliqua mora sanitas subsecuta est.

CAP. XIV. — Vixit etiam Maria alios quinque annos, sicut supra modum vitam suam instituens, et diebus ac noctibus in lamentatione magna lacrymisque perseverans, Dominum precabatur, ut plerique prætereuntes locum illum per noctem, et audientes vocem fletuum ejus, nihilominus verterentur in plantum, et fletum suum ejus fletu copularent. Hora autem dormitionis ejus, qua ex hac vita assumpta est, omnes qui viderunt eam, præter splendorem vultus ejus, gloriam Domino retulerunt.

CAP. XV. — Heu mihi (6), dilectissimi, quoniam hi quidem dormierunt. et ad Dominum cum omni fiducia perrexerunt; quorum mens in nullo prorsus mundanis negotiis colligata est, sed in sola Domini charitate. Ego **ⲉⲓⲓ** vero impromptus atque imparatus mea voluntate permansi, et ecce comprehendit me

Ahiems, et infinita tempestas nudum me atque spoliatum absque perfectione honorum operum inveniet.

CAP. XVI. — Admiror in memetipso, charissimi, quomodo quotidie delinquo, et quotidie poenitentiam ago; per horas ædifico, et per horas constructa subverto. Ad vesperam dico: Sequenti die poeniteo; mane autem factus, elatus diem prætereo. Rursus ad vesperam dico: Noctu vigilabo, et cum lacrymis obsecrabo Dominum, ut peccatis meis propitius sit; cum autem nox advenerit, somno potius occupor. Ecce qui mecum acceperunt pecuniam die ac nocte negotiari contendunt, ut et laudem præconii consequantur; et decem civitatibus præsent; ego ob pigritiam meam occultavi eam in terra, et Dominus meus propinquavit venire; et ecce contremiscit cor meum, et defleo dies negligentiam meam, non habens qualem excusationem obtendam.

CAP. XVII. — Miserere mei, qui solus sine peccato es Deus, et salvum me fac, qui solus benignus es et clemens; quia præter te benedictum Patrem, et unigenitum Filium tuum qui incarnatus est propter nos, et Spiritum sanctum qui vivificat omnia, alium nescio, neque in alium credo. Et nunc memento mei, amator hominum, et deduc me de carcere iniquitatum mearum, quia utrumque tuum est, Domine, et quando voluisti me in hunc mundum intrare, et quando ex eo migrare præceperis. Memorare mei indefensi, et salva me peccatorem; et gratia tua, quæ mihi in hoc sæculo opitulatio, refugium, et gloriatio facta est, ipsa me sub alas in illa die horrenda atque C terribili protegat. Tu enim agnoscis, qui esscrutator cordis et renum, quod multas pravitates et scandalorum tramites, impudentium vanitatem et hæreticorum defensionem contempsisti. Et hoc non ex me, sed ex gratia tua, per quam illuminata est mens mea. Unde obsecro, sancte Domine, salva me in regno tuo, et dignare me benedicere cum omnibus qui placuerunt ante te, quoniam decet te gloria, adoratio et magnificentia, Patrem et Filium et Spiritum sanctum. Amen.

ROSWEYDI NOTATIO.

(1) *Mariæ meretricis.*] Festum hujus in nullis tabulis ecclesiasticis invenio certo die assignatum, nisi quod in Menæis 29 Octobris *Mariæ* Abrahæ jungitur. Et simul hactenus Vita Abrahæ et Mariæ neptis ejus impressa fuit, auctore Ephræm. Distinxi, ut viros ascetas a feminis ascetriis separatos haberes.

(2) *Stabulo.*] Id est diversorio vel meritorio. Unde infra, cap. 6, *stabularius*.

(3) *Camelauchium.*] Ita legendum. Editi, *calaman-chum*, id est *pileum*. Occurrit et infra, capite 9, ubi Coloniensis editio, *calamanen* habet. Vide Onomasticon.

(4) *Super psiathium.*] Vetus editio, *super humi spatium*. Sed jam ante sæpius in aliis Vitis *psiathium* occurrit, ut de lectionis veritate nullum sit dubium.

(5) *Chameuniz.*] Vetus editio, *continentiæ*. Coloniensis, *caumentæ*. Vera lectio, quam dedi. Sunt *χამეუნია*, *humicubationes*. Supra, Vita Abrahæ, cap. 18, *chameuniis quoque et contritione corporis nunquam omnino lassatus est*. Vide Onomasticon.

(6) *Heu mihi.*] Tria sequentia capita desunt tam apud Ephræm, tom. III, in Vita Abrahæ, nec se ea in Græcis exemplaribus reperisse testatur Ephræmi interpres Vossius, quam apud Metaphrastem, tomo VI Liponani, et tomo II Surii. Deerant etiam in Manuscriptis nostris. Sed quia Coloniensis editio hæc habet, etiam expressi. Vossius existimat clausulas has, ex aliis Ephræmi locis, quibus similia quædam habet, concinnatas esse.

VITA SANCTÆ THAISIS (1),

MERETRICIS,

AUCTORE INCERTO.

CAPUT PRIMUM. — 374 Fuit quædam meretrix, **A** Thais nomine, tantæ pulchritudinis, ut multipropter eam vendentes substantiam suam ad ultimam pervenirent paupertatem; sed et lites inter se consequentibus amatoribus suis, frequenter sanguine juvenum puellæ limen replebatur. Quæ cum abbas Paphnutius audisset, sumpto habitu sæculari et uno solido, profectus est ad eam in quadam Ægypti civitate deditque ei solidum pro mercede peccati. Ac illa accepto pretio, ait: Ingrediamur domum. Tunc ille ingressus, ut lectum pretiosis vestibibus stratum conscenderet, invitabat eam, et dixit: Si est interius cubiculum, in ipso eamus, illa dixit: Est quidem, sed si homines vereris, nec in isto exteriori cubiculo ullus ingreditur; si vero Deum, nullus est locus qui divinitatis ejus oculis abscondatur. Quod cum audisset senex, dicit ei: Et scis esse Deum? Cui illa respondit: Et Deum scio et regnum futuri sæculi, nec non et tormenta futura peccatorum. Dicit ei: Si ergo hæc nosti, cur tantas animas perdidisti, ut non solum pro tuis, sed et pro illorum criminibus reddita ratione damneris? Quod cum Thais audisset, provoluta ad pedes Paphnutii monachi cum lacrymis exorabat, dicens: Pœnitentiam injunge, Pater; confido enim remissionem te orante sorti; horarum tantum trium inducias peto, et post hoc quocunque jusseris, veniam; et quodcunque præceperis, faciam. Cumque locum illi abbas Paphnutius constituisset, quo venire deberet, illa discedens, collectis omnibus quæcunque ex peccato susceperat, prolatisque in media civitate populo spectante igni supposuit, clamans: Venite omnes qui peccastis mecum, et videte, quomodo ea quæ mihi contulistis exuram. Erat autem pretium librarum quadraginta.

CAP. II. — Quæ cum omnia consumpsisset, in locum quem abbas constituit ei, perrexit: quam ille, reperto virginali monasterio, in cellula parva ducens, ostium cellulæ plumbo signavit parvamque reliquit fenestellam, per quam ei victus modicus inferretur, jussitque ei omnibus diebus parum panis et paululum aquæ a sororibus monasterii ministrari. Cum autem discederet ostio plumbato, ait ad illum Thais: Quo

respondit: In cella, ut digna es. Cumque iterum quemadmodum Deum oraret requireret, dicit ei: Non es digna nominare Deum, nec in labiis tuis nomen divinitatis ejus adducere, sed nec ad cœlum manus expandere, quoniam labia tua iniquitate sunt plena, et manus tuæ sordibus inquinatæ; sed tantummodo sedens contra Orientem respice, hunc sermonem solum frequenter iterans: Qui plasmasti me, miserere mei (2).

CAP. III. — Cum ergo tribus annis ita fuisset inclusa, condoluit abbas Paphnutius, et mox profectus est ad abbatem Antonium, ut ab eo requireret si peccata ejus remisisset ei Dominus, an non. Cum ergo pervenisset, et tantam illi causam subtiliter narrasset, convocatis discipulis suis abbas Antonius præcepit ut illa nocte omnes vigilarent, et in oratione singillatim persisterent, quatenus alicui ex eis declararet Deus causam pro qua abbas Paphnutius venerat. Itaque cum singuli secessissent, et incessanter orarent, abbas Paulus, major discipulus sancti Antonii, vidit subito in cœlo lectum pretiosis vestibibus adornatum, quem tres virgines, clara facie fulgentes, custodiebant. Cum ergo ipse Paulus diceret: Non est largitio hæc alterius nisi Patris mei Antonii; vox ad eum facta est: Non est Patris tui Antonii, sed Thais meretricis est. Quod cum manifeste abbas Paulus retulisset, cognita Dei voluntate abbas Paphnutius discessit, et reversus ad monasterium in quo fuerat inclusa, ostium quod obstruxerat dissipavit; illa vero, ut **375** adhuc ita permaneret inclusa, postulabat; cum vero aperuisset ostium dixit ei: Egredere, quoniam remisit tibi Deus peccata tua. Illa respondit: Testor Deum, quia ex quo hic ingressa sum, omnia peccata mea velut sarcinam statui ante oculos meos, et non discesserunt peccata mea ab oculis meis, sed flebam semper illa conspiciens. Cui abbas Paphnutius ait: Non propter pœnitentiam tuam remisit tibi Deus, sed quia horum cogitationem semper habuisti in animo. Et cum eam inde eduxisset, quindecim tantum diebus Thais vixit, et sic pausavit in pace.

ROSWEYDI NOTATIO.

(1) *Thais.*] Hujus commemoratio est in Menologio Græcorum 8 Octobris: « Natalis sanctæ Thaisæ, quæ fuerat meretrix. Hæc ab adolescentia fuit a propria matre depravata; itaque officinam diaboli se constituit. Sed a viro sancto Paphnutio capta est. Conversa igitur, et pœnitentia scelerum compuncta et omnia sua quadringentarum pretio aestimata

pauperibus distribuit, et seipsam in cella quadam inclusit, ubi, lacrymis et gemitibus ex profundo cordis emissis, clamabat: Qui plasmasti me, miserere mei. In hac exercitatione annos tres transegit: unde egressa jussu abbatis post quindecim dies excessit. » Quæ ad verbum desumpta sunt ex Menæis, in quibus tamen Paphnutio patria assignatur, quæ

hic deest. Dicitur enim ibi Σιδώνιος, *Sidonius*, Florarium Sanctorum ms., 28 Augusti: «Thaisis peccatricis conversio.» Et 8 Octobris: «Sanctæ Thaisis peccatricis depositio per sanctum Paphnutium conversa a studio meretricio. Quam ille reperto virginum monasterio, in cellulam parvam recludens, ostium plumbo sigillavit, et parvam ei fenestram dimisit, per quam ei cibus modicus deferretur. Post trium vero annorum pœnitentiam abbas Paphnutius rediens, post revelationem sibi a Deo de illa factam, ostium quod plumbo signaverat, dissipavit, dixitque ei: Egredere, quia dimisit tibi Deus peccata tua.

A At illa, Testor, inquit, Deum, quia ex quo huc ingressa sum, ex omnibus meis peccatis quasi sarcinam feci mihi, et ante oculos meos statui. Et sicut non recessit anhelitus de naribus meis, ita nec quidem uno momento usque ad hanc horam peccata mea recesserunt a me. Claruit anno salutis 344.»

Vita hæc in quibusdam Manuscriptis separatim ponitur, in aliis interseritur aliis libris, ut libro II, cap. 16, ratione Paphnutii qui eam convertit. Dedi separatim, ut femina feminis jungeretur.

(2) *Qui me plasmasti, miserere mei.*] Eadem Thaisiæ orationem habes in Menæis et Menologio.

OCTOBRIS VIII.

VITA SANCTÆ PELAGIÆ (1), MERETRICIS,

AUCTORE JACOBO DIACONO (2), INTERPRETE EUSTOCHIO (3).

PROLOGUS INTERPRETIS.

Verba sacerdotis tanti, et celata Latinis,
Eustochius Christi transtuli subsidio.

Sed vos, lectores, mecum pensate laborem,
Et memores nostri fundite verba Deo.

Praefatio auctoris.

376 Magnas semper Domino nostro gratias referre debemus, qui non vult perire peccatores in mortem, sed omnes per pœnitentiam converti cupit ad vitam (*I Tim. II*). Audite ergo miraculum quod gestum est in diebus nostris. Visum est mihi peccatori Jacobo scribere vobis fratribus sanctis, ut audiendy vel legendo sciatis, et animabus vestris maximum consolationis auxilium acquiratis. Misericors enim Deus, qui nullum hominem vult perire, statuit in hoc sæculo ut per satisfactionem delicta donentur, quia in futuro justum iudicium erit, in quo recipiet unusquisque secundum opera sua. Nunc ergo silentium mihi præbete, et intuemini mecum omni diligentia cordis, quia relatio nostra compunctione satis uberrima plena est.

VITA.

CAPUT PRIMUM. — Sacratissimus episcopus Antiochiæ civitatis convocavit ad se omnes prope se existentes episcopos, pro certa quadam causa: unde convenerunt episcopi numero octo, inter quos fuit et sanctissimus Dei vir Nonnus (4), episcopus meus vir mirificus et efficacissimus monachus, de monasterio quod dicitur Tabenensiotarum. Propter incomparabilem enim ejus vitam et decoratissimam conversationem raptus est de monasterio, et episcopus ordinatus. Congregatos ergo in prædicta civitate, jussit nos episcopus ipsius civitatis manere in basilica beatissimi martyris Juliani (5). Ingressique successimus, ubi et cæteri qui convenerant episcopi ante januam ipsius basilicæ resederunt.

CAP. II.—Quibus sedentibus, aliqui episcopi domini meum Nonnum rogabant ut aliquid ab ipso docerentur; statimque ex ore suo sanctus episcopus cœpit loqui ad ædificationem et ad salutem omnium

B qui audiebant. Cunctis vero nobis admirantibus sanctam doctrinam ejus, ecce subito transiit per nos prima mimarum Antiochiæ; ipsaque est prima choreuriarum pantomimarum (6), sedens super asellum; et processit cum summa phantasia, adornata ita, ut nihil videretur super ea nisi aurum et margaritæ et lapides pretiosi; nuditas vero pedum ejus ex auro et margaritis erat cooperta: cum qua maxima erat pompa puerorum et puellarum in vestibus pretiosis amicta, et torques aurea super collum ejus. Quidam præcedebant, alii vero sequebantur eam: pulchritudinis autem decoris ejus non erat satiety omnibus secularibus hominibus. Quæ tamen transiens per nos, totum implevit aerem ex odore musci (7), vel cæterorum suavissimorum odoramentorum fragrantia. Quam ut viderunt episcopi ita 377 nudo capite et omni membrorum compage sic inverecunde transire cum tantis obsequiis ut nec vela-

men super caput positum, nec super scapulas, ta-
centes ingemuerunt, et quasi a peccato gravissimo
averterunt facies suas.

CAP. III. — Beatissimus autem Nonnus intentissi-
me eam et diu respiciebat, ita ut posteaquam trans-
isset, intueretur et respiceret eam. Et postea avertit
faciem suam, dicens ad circumsedentes episcopos :
Vos non delectati estis tanta pulchritudine ejus ? Illis
vero nihil respondentibus, posuit faciem super genua
sua, et in manuale sanctum quod tenebat sanctis ma-
nibus suis, et sic omnem sinum suum replevit la-
crymis, et suspirans graviter, dixit iterum ad epi-
scopos : Non delectati estis tanta pulchritudine ejus ?
Illis vero nihil respondentibus : Vere, ait, ego valde
delectatus sum, et placuit mihi pulchritudo ejus,
quoniam istam habet Deus præponere et statuere in
conspectu tremendæ et admirabilis sedis suæ, judica-
turustam nos quam episcopatum nostrum. Et iterum
dixit ad episcopos : Quid putatis, dilectissimi, quan-
tas horas fecit in cubiculo suo hæc mulier, lavans
et componens se, cum omni sollicitudine animi et
intentione ad spectaculum ornans se, ut corporali
pulchritudini et ornatui nihil deesset, quatenus om-
nibus placeret, ne turpis videretur esse suis amato-
ribus, qui hodie sunt, et crastino non sunt ? Ergo et
nos habentes patrem in cælis omnipotentem, spon-
sam immortalem, donantem bene custodientibus
promissiones, quæ habent divitias cælestes et æterna
præmia, quæ aestimari non possunt, quæ oculus
non vidit, nec auris audivit, nec in cor hominis as-
cenderunt, quæ præparavit Deus diligentibus se.
C Quid enim plura loquor ? habentes repromissionem,
faciem illam magnam et splendidam, et inæstimabilem
sponsi vultum videre, cui Cherubim respicere
non audent, non ornamus neque detergimus sordes
de miseris animabus nostris, sed dimittimus eas ne-
gligenter jacere.

CAP. IV. — His omnibus dictis, apprehendit me
peccatorem diaconum, pervenimusque in hospitium
ubi nobis fuerat cellula data. Et ingressus cubiculum
suum, jactavit se in pavimento, et faciem suam ad
terram ; percutiensque pectus suum, lacrymabatur,
dicens : Domine Jesu Christe, ignosce mihi peccatori
et indigno, quia unius diei ornatus meretricis super-
venit ornatum animæ meæ. Quali vultu respiciam ad
te ? aut quibus sermonibus justificer in conspectu
tuo ? Non enim occultabo cor meum ante te, quon-
iam prospicis secreta mea. Et vœ mihi peccatori et
indigno, quoniam ante altare tuum assisto, et non
offero pulchram animam qualem expetis a me. Illa
enim promisit placere hominibus, et fecit ; et ego
promisi tibi placere, et mentitus sum propter pigritiam
meam. Nudus sum tam in celo quam in terra,
non adimplens præcepta mandatorum tuorum. Ergo
non est mihi spes ex operibus bonis, sed spes mea
in misericordia tua, qua confido pluari. Hæc vero
illo dicente, et horum causa plurimum ululante,
eodem die vehementer festa celebravimus.

CAP. V. — Superveniente autem die, quæ est Do-

minica, postquam complevimus nocturnas orationes,
dicit ad me sanctus Nonnus episcopus : Tibi dico,
frater diacone, vidi somnium et fortiter conturbor,
quod non possum discernere illud. Qui mox dicit
ad me vidisse se in somnis, quomodo ad cornu al-
taris staret nigra columba, multis sordibus involu-
ta, quæ circumvolabat me, et fetorem ac squalorem
sordium ejus ferre non valebam. Illa vero circum-
stetit me, donec dimissa est oratio catechumenorum
(8). Postquam vero proclamavit diaconus catechu-
menis : Procedite, statim nusquam comparuit. Et
post missam fidelem et completionem oblationis,
cum dimissa esset ecclesia, egrediente me limitem
domus Dei, venit denuo ipsa columba multis sordi-
bus involuta, et iterum circumvolabat me. Ego vero
extendens manum, apprehendi eam, et jactavi in
concham, quæ erat in atrio sanctæ ecclesiæ, et di-
misit in aqua omnes sordes suas quibus obvoluta
erat, et ascendit de aqua candida sicut nix : quæ et
volans, in excelsum ferebatur, et omnino ab oculis
meis sublata est. Cum ergo narrasset somnium
sanctus Dei Nonnus episcopus, apprehendit me : et
pervenimus ad majorem ecclesiam cum cæteris
episcopis, et salutavimus episcopum civitatis.

CAP. VI. — Et ingrediens, omnem populum ec-
clesiæ hortatus est, qui ingressi sederunt super
thronos suos ; et post omnem canonicam celebratio-
nem vel lectionem sancti Evangelii, idem episcopus
civitatis porrigens sanctum Evangelium beatissimo
Nonno, hortabatur eum ut verba faceret ad populum.
Cui aperiens os suum loquebatur sapientiam Dei,
quæ habitabat in eo, quoniam nihil compositionis,
aut philosophiæ, aut indiscretum alloquebatur, nihil
in se habens humanæ naturæ superfluum : sed re-
pletus Spiritu sancto, arguebat et commonebat ple-
bem, sincerissime loquens de futuro judicio, et per-
petuis bonis quæ reposita sunt. Cuncta ergo plebs
compuncta est ex 378 verbis, quibus locutus est
per eum Spiritus sanctus, ita ut pavimentum sanctæ
Ecclesiæ inundaret populi lacrymis.

CAP. VII. — Gubernatione vero misericordiæ di-
vinæ contigit, ut conveniret ad eandem ecclesiam
et meretrix hæc, de qua factus est nobis sermo ; et
quod mirum est, catechumena, cui nunquam accessit
sollicitudo peccatorum, nec aliquando ad Dei con-
venisset ecclesiam, subito compuncta est timore
Domini, cum argueret sanctus Nonnus populum, ita
ut desperaret de se, ipsa mulier plangens flumina
lacrymarum fundebat, nec ullo modo a fletu conti-
nere se poterat. Et statim præcepit duobus pueris
suis, dicens : Sustinete in hoc loco ; et dum egressus
fuerit sanctus Nonnus episcopus, sequamini eum, et
inquirete ubi maneat, et venite et renuntiate mihi.
Pueri vero fecerunt sicut præcepit eis domina sua ;
et sequentes nos, venerunt in basilicam beatissimi
martyris Juliani, ubi nobis hospitium seu cellula
erat. Et regressi, venerunt, dominæ suæ dicentes :
Quoniam in basilica beatissimi martyris Juliani manet.
Quo illa audito, statim transmisit diptychum

tabularum (9) per eosdem pueros, ita continentem : **A** te exspectabant opera ista, scio quod os meum eris. « Sancto discipulo Christi, peccatrix et discipula diaboli. Audivi de Deo tuo, quod cœlos inclinavit, et descendit super terram, non propter justos, sed ut peccatores salvaret (*Matth. ix*); intantum humiliatus, ut publicanis appropinquaverit, et in quem cherubim respicere non audent, cum peccatoribus conversatus sit. Et tu, domine meus, qui multam sanctitatem habes, etsi carnalibus oculis ipsum Dominum Jesum Christum, qui se illi mulieri meretrici Samaritanæ manifestavit ad puteum (*Joan. iv*), non aspexisti, tamen verus cultor illius es, sicut a Christianis audivi referentibus. Si vero illius Christi verus es discipulus, non me respuas, per te desiderantem videre Salvatorem, ut per te merear videre vultum sanctum suum. » Tunc rescripsit ei sanctus **B** Nonnus episcopus : « Quæcunque es, manifesta es Deo, et tu, et tractatus tuus, et voluntas tua. Attamen dico tibi, ne **valis** tentare humilitatem meam, ego enim sum homo peccator servus Dei. Si pro certo habes desiderium divinitatis, virtutem adipiscendi et fidem, et me vis videre, sunt mecum episcopi alii; veni, et ante eos me videbis, nam sola me videre non poteris. » Cum hæc relegisset meretrix, gaudio repleta, cursu venit ad basilicam beati martyris Juliani, et nuntiavit nobis de præsentia sua. Quo audito sanctus Nonnus episcopus, vocavit ad se omnes qui illic aderant episcopos, et jussit eam venire ad se. Quæ accedens ubi congregati erant episcopi, jactavit se in pavementum, et apprehendit pedes beati Nonni episcopi, dicens: Rogo te, domine meus, imitare magistrum tuum Dominum Jesum Christum, et effunde super me tuam bonitatem, et fac me Christianam. Ego enim sum, domine meus, pelagus peccatorum et abyssus iniquitatis. Peto me baptizari.

CAP. VIII. — Cum vix eam persuasisset sanctus Nonnus episcopus surgere a pedibus suis, cum surrexisset, dicit ad eam : Canones (10) sacerdotales continent non baptizari meretricem, nisi fidejussores præstiterit, ut non se iterum in ipsis malis revolvat. Quæ audiens talem episcopi sententiam, jactavit se iterum in pavementum, et apprehendit pedes sancti Nonni, et ipsos lacrymis suis lavit, et capillis suis extergebat, dicens: Rationem reddas Deo pro anima mea, et tibi ascribam iniquitates factorum meorum, si distuleris me iniquam et turpissimam baptizare. Non invenias portionem apud Deum cum sanctis, nisi me nunc feceris alienam malorum operum meorum. Neges Deum, et idola adores, nisi me hodie in sponsam Christi renasci feceris, et obtuleris Deo. Tunc omnes episcopi et clerici qui convenerunt, videntes talem peccatricem pro Deitatis desiderio talia loquentem, admirantes dicebant nunquam se talem vidisse fidem et desiderium salutis, sicut hujus meretricis. Et statim me transmiserunt peccatorem diaconum ad episcopum civitatis, ut hæc omnia ei insinuarem, et unam de diaconissis (11) iuberet ejus beatitudo transmittere mecum. Qui audiens, lætatus est gaudio magno, dicens: Bene, pater honorabilis,

Et statim transmisit mecum dominam Romanam primam diaconissarum. Quæ veniens, invenit eam adhuc ad pedes sancti Nonni episcopi, cui vix persuasit surgere a pedibus suis, dicens: Surge, filia, ut exorcizeris. Dixitque ei: Confitere omnia peccata tua. Quæ respondit: Si perscrutata fuero scientiam cordis mei, non invenio in me aliqua opera bonorum actuum. Peccata enim mea scio, quod arena maris graviora sint; aqua enim perparva est præ mole peccatorum meorum. Confido vero de Deo tuo, quod dimittat pondus iniquitatum mearum, et respiciat super me. Tunc dixit ad eam sanctus Nonnus episcopus: Dic quod sit nomen tuum? Quæ respondit: Naturali nomine Pelagia vocata sum a parentibus meis; cives vero Antiochiæ Margaritam me vocant, propter pondus ornamentorum quibus me adornaverunt peccata **379** mea. Ego enim eram ornamentum et comptum ergasterium diaboli. Iterum dicit ad eam sanctus Nonnus episcopus: Naturali nomine Pelagia vocaris? Quæ respondit: Ita, domine. Quo audito, sanctus Nonnus episcopus exorcizavit eam, et baptizavit; et imposuit ei signum Domini, tradiditque illi corpus Christi. Fuitque illi pater spiritalis sancta domina Romana, prima diaconissarum: quæ accipiens eam, ascendit in catechumenum (12), eo quod et nos ibi maneremus. Tunc dicit ad me sanctus Nonnus episcopus: Tibi dico, frater diacone, lætemur hodie cum angelis Dei, et oleum extra consuetudinem sumamus in cibo, et vinum cum lætitia spiritali accipiamus, propter salutem hujus puellæ.

CAP. IX. — Sumentibus vero nobis cibum, audiuntur voces subito, velut hominis qui violentiam patitur: diabolus enim clamavit, dicens: Væ, væ! quid patior a decrepito sene isto? Non tibi sufficiens triginta millia Sarracenorum, quos mihi abrupisti et baptizasti, et obtulisti Deo tuo? Non tibi sufficiebat Heliopolis, quoniam cum et ipsa mea esset, et omnes qui in ea habitabant, me adorarent, tu mihi abrupisti et obtulisti Deo tuo? Sed et nunc maximam spem meam abstulisti a me, jam nunc non fero machinationes tuas. O jam quid patior a damnabili isto! Maledicta dies illa, in qua natus es tu: flumina lacrymarum infirmo hospicio inundant, jam spes mea abstracta est. Ista omnia clamabat diabolus, et lamentabatur ante januas, et audiebatur ipse ab omnibus hominibus. Et iterum repetens, ad neophytam puellam dixit: Hæc mihi facis, domina mea Pelagia, et tu meum Judam imitaris? Ille enim gloria et honore coronatus, et apostolus constitutus, tradidit Dominum suum, ita et tu mihi fecisti. Tunc dicit ad eam sanctus Nonnus episcopus: Signa te cruce Christi, et abrenuntia ei. Quæ signavit se in nomine Christi, et insufflavit in dæmonem, et statim nusquam comparuit.

CAP. X. — Post biduum ergo, dormiente ea cum sancta Romana commatre sua in cubiculo suo, apparuit diabolus nocte, et suscitavit ancillam Dei Pe-

lagiam, et dicebat : Rogo te, domina mea Margarita, Annuquid non ex auro et argento ditata es ? nunquid non ex auro et gemmis pretiosis adornavi te ? Rogo te, quid te contristavi ? Responde mihi, ut satisfaciam tibi, tantum ne me facias opprobrium Christianorum. Tunc ancilla Dei Pelagia signavit se, et exsufflavit in dæmonem, dicens : Deus meus, qui eripuit me de medio dentium tuorum, et induxit in celestem thalamum suum, ipse tibi resistet pro me. Et statim nusquam comparuit diabolus.

Cap. XI. — Tertia vero die, posteaquam baptizata est sancta Pelagia, rogavit puerum suum, qui præerat rebus ejus omnibus, et dicit ad eum : Vade in vestiarium meum, et scribe omnia quæ sunt tam in auro quam in argento, vel in ornamentis aut vestibus pretiosis, et affer mihi. Puer fecit sicut præcepit ei domina sua, et omnem substantiam suam detulit. Quæ statim vocavit sanctum Nonnum episcopum per sanctam Romanam commatrem suam, et omnem substantiam suam posuit in manibus ejus, dicens : Hæ sunt, domine, divitiæ quibus ditavit me Satanas : has trado in arbitrio sanctitatis tuæ, et quod nosti expedire, facias ex eis, mihi enim optandæ sunt divitiæ Domini mei Jesu Christi. Qui statim vocavit custodem ecclesiæ seniore[m] ; et ipsa præsentem, omnem substantiam ejus in manibus illius tradidit, dicens : Adjuro te per inseparabilem Trinitatem, ne quid hinc in episcopium aut in ecclesiam ingrediatur, sed magis viduis et orphanis et pauperibus erogetur, ut quod male attractum est, bene distribuatur, et divitiæ peccatricis fiant thesauri justitiæ. Si vero spreto sacramento, sive per te, sive per quemlibet alium subtraxeris de his quidquam, anathema ingrediatur domum ejus, et cum illis habeat partem qui dixerunt : Crucifigatur, crucifigatur. Illa vero convocavit omnes pueros et puellas suas, et liberavit omnes : donavitque tortos (13) aureos eis de manu sua, dicens : Festinate, et liberate vos de hoc sæculo nequam, pleno peccatis, ut sicut fuimus in hoc sæculo simul, ita simul permaneamus sine dolore in vita illa quæ est beatissima.

Cap. XII. — Octava vero die, quando habebat depositionem albarum facere, surgens nocte, nobis ignorantibus, deposuit vestem baptismatis sui, et induit tunicam tricinam (14), et birram (15) sancti Nonni episcopi, et ex illa die nusquam comparuit in civitate Antiochia. Quam sancta Romana flebat amarissime, et sanctus Nonnus consolabatur eam, dicens : Noli flere, filia, sed lætare gaudio magno, quoniam Pelagia optimam portionem elegit, sicut Maria, quam Dominus præfert Marthæ in Evangelio. Illa autem abiit Jerosolymam, et construxit sibi cellulam in monte Oliveti, ubi Dominus oravit.

Cap. XIII. — Post aliquantum vero temporis convocavit episcopus civitatis omnes episcopos, ut unusquisque reverteretur ad propria. Post triennium aut quadriennium temporis, desideravi ego Jacobus diaconus proficisci Jerosolymam, ut ibi adorationem resurrectionem Domini nostri Jesu Christi, et

petii episcopum meum, ut me permitteret ire. Dum me permisisset ire, dicit ad me : Tibi dico, frater diacone, dum perveneris Jerosolymam, require ibi quemdam fratrem Pelagium, monachum et eunuchum, qui multos annos habitabat in solitudine clausus, quasi eum visitaturus ; vere enim poteris ab eo juvari. Hæc autem omnia dicebat mihi de ancilla Dei Pelagia non manifeste.

Cap. XIV. — Pervenit ergo Jerosolymam, et adoravi sanctam resurrectionem Domini nostri Jesu Christi : et alia die requisivi servum Dei. Et accessi, et inveni eum in monte Oliveti, ubi Dominus oravit, in modica cellula undique circumclusa, et parvam fenestellam habuerat in pariete. Et percussi ostium fenestellulæ, et statim aperuit mihi, et cognovit me : ego vero non cognovi eam. Quomodo enim poteram cognoscere illam, quam antea videram inæstimabili pulchritudine, jam facie marcidam factam præ nimia abstinentia ? Oculi vero ejus sicut fossæ videbantur. Quæ dicit ad me : Unde venis, frater ? Ego respondi et dixi : Missus sum ad te, jubente Nonno episcopo. Quæ ait ad me : Oret pro me, quoniam vere sanctus Dei est. Et statim clausit ostiolum fenestellæ, et cœpit psallere horam tertiam. Ego vero oravi juxta parietem cellulæ ejus, et recessi, multum juvatus de angelica visione ejus. Reversus vero Jerosolymam, cœpi per monasteria ambulando visitare fratres.

Cap. XV. — Magna vero ferebatur fama per monasteria de domino Pelagio : propterea deliberavi etiam iterato ad eum redire, et salutaribus doctrinis ejus refici. Cumque ad cellulam suam pervenissem, et pulsare, imo nominatim eum interpellare præsumerem, nihil respondit. Expectavi secunda die et tertia perseverans, et proprio nomine Pelagium interpellans, neminem audivi. Quare intra me dixi : Aut nemo est hic, aut recessit qui hic erat monachus. Nutu vero Dei monitus, iterum dixi : Considerem ne forte mortuus sit ; et aperui ostiolum fenestellulæ, et prospexi, et vidi eum mortuum, et clausi ostiolum ; et de luto replens diligenter, cursu veni Jerosolymam, et nuntiavi commanentibus, quod sanctus Pelagius monachus mirabilia faciens requievisset. Tunc sancti patres venerunt cum diversis monasteriis monachorum, et sic solutum est ostiolum cellulæ ; et delatum est foras sanctum corpusculum ejus, quod auro et lapidibus pretiosis condigne posuerunt. Et dum sancti patres ungerent corpus myrrha, tunc cognoverunt quod fuisset mulier : qui volentes miraculum abscondere, sed populum ipsum latere non poterat, exclamaverunt voce magna, dicentes : Gloria tibi, Domine Jesu Christe, qui multas divitias abscondas habes super terram, non solum viriles, sed etiam muliebres. Divulgatum est autem omni populo, et venerunt omnia monasteria virginum, tam de Jericho, quam ex Jordane, ubi Dominus baptizatus est, cum cereis, lampadibus et hymnis ; et sic depositæ sunt sanctæ reliquiæ ejus, portatæ a sanctis patribus.

Hæc vita meretricis, hæc conversatio desperatæ

cum qua et Dominus nos faciat invenire misericordiam suam in die iudicii; quoniam ipsi est honor et gloria, potestas et imperium in sæcula sæculorum. Amen.

ROSWEYDI NOTATIO.

(1) *Pelagiæ.*] Martyrolog. Romanum, 8 Octobr. « Jerosolymis sanctæ Pelagiæ cognomento Pœnitentis. »

(2) *Jacobo Diacono.*] Ita auctor seipsum vocat hic in præfatione.

(3) *Eustochio.*] Ita interpres suum nomen exprimit in prologo, qui deest edit. Colon., sed habetur in Ms. sancti Audomari, et vett. edit.

(4) *Nonnus.*] De hoc Martyrologium Rom. 2 Decembris: « Edessæ sancti Nonni episcopi, cujus precibus Pelagia pœnitens ad Christum conversa est. »

(5) *Juliani.*] Varii occurrunt Juliani in Martyrologio. Existimo hic intelligi unum ex iis qui passi sunt in Syria, in qua Antiochia.

(6) *Prima choreutiarum pantomimarum.*] Ita emendavi ex conjectura. Loco *choreutiarum*, vetus *thorentiarum*; Coloniensis *thorentiarum*. Ms. sancti Audomari: *Prima chaos in theatrum pantomimi*. Erunt forte qui loco *thorentiarum* divinent legendum *theatricarum*. Noti γορευται Platoni et Aristoteli, qui et cantabant et saltitabant. Talis hæc Pelagia pantomima choreutria.

(7) *Musci.*] Infra, in Vita sanctæ Marcellæ, c. 3, *fragrare musco mure*. Vide Onomasticon.

(8) *Dimissa est oratio catechumenorum.*] Mox sequitur, *missa fidelis seu fidelium*. Ita olim officium divinum erat distinctum, ut pars vocaretur *missa catechumenorum*, pars *missa fidelium*.

(9) *Diplychum tabularum.*] Erant Diptycha bifores tabellæ ad varium usum. Vide Onomast.

(10) *Canones.*] Vetitum olim canonibus, ne quis ad baptismum admitteretur sine patrino seu fideiussore, quod multo accuratius observatum in meretricibus et histrionibus, quorum conversio magis erat dubia.

(11) *Diaconissis.*] Diaconissæ antiquitus baptizandas mulieres velabant.

(12) *Catechumenum.*] Intelligit locum catechumenorum in ecclesia, qui distinctus erat a loco fidelium.

(13) *Tortos.*] Ita vetus editio. Colon., *torques*.

(14) *Tricinam.*] Addunt Editi, *id est, cilicinam*.

(15) *Birram.*] Birra nunc vestem pretiosam nunc vilem significat. Vide Onomasticon.

APRILIS II.

VITA

SANCTÆ MARIE (1) ÆGYPTIACÆ,

MERETRICIS

AUCTORE SOPHRONIO (2) JEROSOLYMITANO EPISCOPO,

INTERPRETE PAULO (3) DIACONO SANCTÆ NEAPOLEOS ECCLESIAE.

PRÆFATIO INTERPRETIS.

Domino gloriosissimo ac præstantissimo regi Carolo.

¶ Sciens gloriosissimam majestatem vestram tam divinis eloquiis, quam sanctorum præcedentium exemplis valde delectari, cum jamdudum libellum conversionis Mariæ Ægyptiacæ, cum tomulo de cujusdam vicedomini (4) pœnitentia, domino meo obtulerim, quia ille ipse casu quodam deperit, nunc interim jussui vestro in eodem restaurando devotus obedivi. Obsequii quoque et devotionis meæ fuit ut non simplicem tantum memoratæ rei textum exhiberem, sed et alia quæsitu digna superadjicerem, de venerandis scilicet constitutis (5) et gestis præsulum Romanæ Ecclesiæ: quorum sanctionibus quam reverenter Ecclesia utatur, majestas vestra optime novit. Hoc autem brevitatis compendium servus vester ideo sumpsit, ut serenitas vestra, quam Reipublicæ fascibus valde oneratam attendo, cui sparsim diversa non vacat percurrere scriptorum volumina, quasdem consuetudines ecclesiasticas in brevi, quasi in quodam Enchiridio inclusas, tenere possit, et quia secundum regalem industriam domini mei in hoc fervore didici, ut facta dictave vestra juxta auctoritatem irrefragabilem dirigere, et quid erga cultum divinum tenendum, quidve rejiciendum sit, sollicitè disquirere et perscrutari, elucubrationis sit assiduæ, qualiter ejus divinitatis ope muniti, prosperis successibus ad omnia currere mereamini.

Prologus auctoris.

¶ Secretum regis celare, bonum est; opera autem Dei revelare et confiteri, honorificum est (Tob. xii). Ita enim legitur, angelum dixisse Tobia post oculorum amissionem, gloriosamque illuminationem, et post illa transacta pericula, e quibus liberatus, consecutus est Dei pietatem. Etenim regis secretum manifestare, nocivum et valde periculosum est; et Dei gloriosa silere opera, magnum est animæ detrimentum. Propter quod ego divina tegere silentio dubitans, et pigri servi metuens condemnationis imminens

judicium, qui a domino talentum accipiens, fodiens in terram abscondit, et datum ad operationem celavit extra negotiationem (*Matth.* xxv), sacram ad me prolatam narrationem nequaquam silebo. Sed nullus mihi sit incredulus scribenti de eis quæ audiui, nec quisquam me mentiri æstimet, de rei magnitudine dubitans. Mihi enim absit sacris mentiri rebus, et adulterari verbum, ubi Deus memoratur. Ejus autem, qui minima intelligit, et indignius de Dei magnitudine, qui carnem assumpsit, et incredulus est ista dicenti, non mihi pertinebit periculum. Si qui autem illi sunt qui hujus scripturæ legerint textum, gloriosamque rei admirationem sane credere renuerint, et illis Dominus misereatur, faciatque capaces sancti verbi, ne rei existant Dei miraculorum, quæ plura in suis fieri prædestinavit electis: quoniam et ipsi humanæ naturæ infirma considerantes, impossibilia decernunt ea quæ de hominibus sanctis gloriosa dicuntur. Assumam de cætero narrationem, ipsam rem referens, quæ in hac nostra generatione facta dignoscitur, quam sacer vir, divina et agere et docere educatus, narravit. Sed ut supra dictum est, nullus hæc ad incredulitatem trahat, considerans impossibile fieri in hac nostra generatione tam grande miraculum, quia gratia Dei per omnes generationes in sanctas pertransiens animas, amicos Dei facit et prophetas, quemadmodum Salomon secundam Deum edocuit (*Sap.* vii). Tempus namque est sacræ proferre narrationis initium, magnum virileque certamen venerabilis Mariæ Ægyptiacæ videlicet qualiter expleverit tempora vitæ suæ.

VITA.

CAPUT PRIMUM. — In monasterio Palæstinorum fuit A vir vitæ moribus et verbo ornatus, qui ab ipsis cunabulis, monachicis est actibus diligenter instructus, et conversationibus veraciter educatus, nomine Zosimas (6). Et nullus nos æstimet dicere Zosimam illum in prædicationis erroneæ dogmatibus accusatum sectæ alterius: alius enim hic, et alius ille, et multa inter utrosque distantia, licet unum uterque sortiti sint vocabuli nomen. Hic itaque Zosimas ab initio in uno Palæstinorum conversatus est monasterio, et omnem pertransiens monachicam disciplinam, in abstinentiæ opere omnium factus est probatissimus. Omne enim præceptum sibi traditum canonis ab his qui ab infantia educati sunt, luctam perfectæ disciplinæ monachicæ irreprehensibiliter conservabat. Multa etiam et ipse sibi adjiciens superaddidit, B cupiens carnem spiritui subjugare. Nec enim in aliquo offensus comprobatur. Ita enim fuit in cunctis perfectus monachicis actibus, ut multoties multi monachi de prædicti loci monasteriis et de longinquis partibus ad eum confluentes, ejus exemplis atque doctrinis se constringerent, et ad illius imitationem abstinentiæ se multo magis subjugarent.

CAP. II. — Hæc itaque omnia in se habens, a meditatione sacri eloquii nunquam discessit, sed in stratis suis quiescens, sive surgens, aut operam tenens manibus, vel cibum, si conveniebat ut sumeret, bonum, quo ille uti consueverat, spiritualiter utebatur, unum opus habebat intacitum et nunquam deficiens, pallere frequenter et meditationem facere sacri eloquii. Multoties enim asserunt quia et divinæ illustrationis dignus effectus, a Deo sibi visiones ostensæ sunt, et mirum non est nec incredibile. Si enim, ut ait Dominus, beati mundo corde, quoniam ipsi Deum videbunt (*Matth.* v); quanto magis qui suam purificaverint carnem, sobrii semper, animorumque pervigiles, oculos divinæ prospiciunt illustrationis, visionis indicium hinc præparatæ futuræ bonitatis accipientes? Dicebat autem ipse Zosimas, ab ipsis,

ut ita dicam, maternis ulnis in hoc esse monasterio traditum, et usque ad quinquagesimum tertium annum in eo cursum monachicum peregisse. Post hæc autem pulsatus est a quibusdam cogitationibus, quasi jam in omnibus esset perfectus, alterius non indigens in ullo doctrina. Hæc autem, ut dicebat, in se cogitabat: Nunquid est in terris monachus, qui novum aliquid possit tradere mihi, juvare me valens in aliquo quod ignorem, aut quod ego in monachico non expleverim opere? Nunquid invenitur eorum qui solitudinem duxerunt vir qui prior me in actibus sit? Hæc et his **SSS** similia eo cogitante, astitit quidam et dixit ei: O Zosima, bene quidem, et sicut possibile fuit homini, decertasti, bene cursum monachicum consummasti. Tamen nullus est in hominibus qui se perfectum esse demonstrat. Major enim lucta præsens quam illa quæ præterit, licet tu nescias. Ut autem cognoscas quantæ sint et aliæ viæ salutis, egredere de terra et de cognatione tua, et de domo patris tui, ut Abraham ille patriarcharum eximius (*Gen.* xii), et veni ad monasterium quod juxta Jordanem adjacet flumen.

CAP. III. — Mox igitur secutus dicentem, egressus de monasterio, in quo ab infantia conversatus est, et perveniens ad Jordanem, fluvium omnium sanctiorem, dirigitur ab eo qui vocavit eum in monasterium in quod illum Deus venire præcepit. Pulsans igitur monasterii januam, loquitur prius monacho qui januam observabat, et ille nuntiavit eum abbati. Qui suspiciens eum, habituque et specie religiosum conspiciens, postquam flexit genu, ut mos est monachis, accepta oratione, hoc eum interrogavit: Unde frater, advenisti? et quam ob rem apud humiles te conjunxisti monachos? Zosimas autem respondit: Unde quidem veni, non puto necessarium dicere; ædificationis autem gratia, Pater, adveni. Audi de vobis magnalia et laude digna, et posse Deo animam sociari. Dixit autem ei abbas: Deus, frater, qui solus sanat animæ infirmitatem, ipse te et nos doceat

divina mandata, et dirigat omnes ad ea facienda quæ opportuna sunt. Homo enim hominem ædificare non valet, nisi unusquisque attendat semetipsum frequenter, et sobrio intellectu quod expedibile est operetur, Deum habens cooperatorem. Tamen quoniam, ut dixisti, charitas Christi te videre nos humiles monachos perduxit, mane nobiscum, si ob hoc venisti, ut omnes nos nutriet pastor bonus sancti Spiritus sui gratia, qui animam suam dedit liberationem pro nobis, et proprias oves vocat ex nomine (*Matth. xx; Joan. x*). Hæc dicente abbate, flectens iterum Zosimas genua, accepta oratione, respondit Amen, et mansit in eodem monasterio.

CAP. IV. — Vidit autem ibi seniores actibus et visione splendentes, spiritu ferventes, et Dominoservientes. Psallentia (7) ibi erat, incessabiles totius noctis habens stabilitates, et in manibus semper operatio, et in ore psalmi divini absque diminutione. Sermo ibi otiosus non proficiebat: cogitatio auri argenteque, aut rei alicujus apud illos non erat; expensa anni totius, aut mensura, vel temporalis vitæ meditationes, doloribus congruæ, nec nomen apud illos cognoscebatur; sed unum erat primum solummodo, quod festinabatur ab omnibus; ut unusquisque mortuus esset corpore, sicut semel sæculo, et eis quæ in sæculo sunt mortificatus, et jam non vivens. Cibum autem habebant indeficientem, divinitati eloquia; nutriebant vero corpus pane et aqua, ut multo magis apud divinam clementiam apparerent efficaces.

CAP. V. — Hæc Zosimas, ut dicebat, perspicuus, ædificabatur valde, prætendens se ad perfectionem, et crescere faciens proprium cursum, cooperatores inveniens, optime divinum innovantes paradysum. Transactis autem aliquot diebus, appropinquavit tempus, quando sacra jejunia Christianis traditum est celebrare, et purificare se ipsos ob divinæ passionis diem resurrectionisque salutationem. Regia (8) autem monasterii nunquam aperiebatur, sed semper erat clausa, et absque ulla perturbatione monachi cursum suum explebant; nec enim erat licitum aperire aliquando, nisi fortassis monachus propter aliquod opus necessarium adveniebat. Solitarius enim erat locus ille, et plurimis vicinorum non solum inusitatus, sed et incognitus. Canon autem talis a priscis servabatur temporibus: propter quod, ut considero, Deus Zosimam perduxit in idem monasterium.

CAP. VI. — Dehinc ergo referam qualiter ipsius monasterii servabatur traditio. Dominica quam primam jejuniorum hebdomadam nominari mos est, agebantur divina sacramenta consuete, et unusquisque particeps efficiebatur vivifici ac intemerati corporis et sanguinis Domini nostri Jesu Christi. Et solito modicum cibum sumentes, congregabantur omnes in oratorium, et curvatis genibus, factaque suppliciter oratione, salutabant se invicem monachi, et unusquisque genuflexo publice amplectebatur abbatem, postulantes orationem, ut haberent ad inchoatum certamen eum cooperatorem et comitatorum. His ita se habentibus, fores monasterii patefie-

bant, et psallentes consona voce: Dominus illuminatio mea et salus mea, quem timebo? Dominus defensor vitæ meæ, a quo trepidabo? etc. (*Psal. xxvi*), exhibant unum multoties aut duos monasterii custodes relinquentes, non ut custodirent ea quæ intus erant reposita (non enim erant apud illos aliqua furibus congrua), sed ne oratorium absque divinis relinquerent solemnibus. Unusquisque autem se annonabat (9), prout poterat aut volebat. Nam unus portabat corpori ad mensuram sufficiens (10), alius carycas, alius palmarum fructus dactylos, alius vero legumina aquis infusa, alius nihil præter corpus proprium et vestimentum quo utebatur. Nutriebantur autem, quando necessitas exigebat naturæ herbis quæ nascebantur per solitudinem. Canon autem erat unusquisque sibi ipsi et lex absque prævaricatione, ut non cognosceret aliquis consocium, qualiter abstinebat, aut quomodo agebat. Jordanem enim mox transmeantes, longe ab invicem se sequestrabant, et nullus se jungebat ad socium, civitatem æstimantes solitudinem. Sed et si unus ex ipsis a longe venientem ad se aliquem videbat, mox declinabat de itinere, et ad aliam partem pergebat. Vivebat autem sibi et Deo, psallens frequenter et constituto gustans tempore cibum. Ita omnia jejunia celebrantes, revertebantur ad monasterium ante vivificum diem resurrectionis Domini et Salvatoris nostri Jesu Christi, quam festam Dominicam cum ramis palmarum celebrare sancta accepit Ecclesia. Revertentibus autem, unusquisque habens proprii laboris testem propriam conscientiam, cognoscentem qualiter operatus est, et qualia laborum semina seminavit. Et nullus ullo modo interrogabat alium, quomodo aut qualiter laboris certamina consummasset.

CAP. VII. — Hic est itaque hujus monasterii canon, et ita perfecte et optime custodiebatur. Unusquisque enim, ut dictum est, per solitudinem Deoungebatur, et in semetipso decertabat, ne hominibus placeret, sed soli Deo. Illa enim quæ propter homines fiunt, et quæ ut hominibus placeant aguntur, non solum non proderunt facientibus, sed et per multa damna efficiuntur agentibus obnoxia. Tunc itaque Zosimas consueta monasterii lege transmeavit Jordanem, modicum quid pro corporis necessitate deportans congrua, et vestem qua utebatur; et canonem quidem celebrabat, solitudinem pertransiens, et tempore escæ necessitatem faciebat naturæ. Sedebat autem nocte in terra, modicum quiescens, et somnum ad modicum gustans, quocumque eum vespertinum reperiebat tempus. Diluculo autem prope-rare incipiebat, semper incessabile idem habens propositum, in desiderium habens, ut dicebat, introire in solitudinem, sperans invenire aliquem patrem in ea habitantem, qui eum posset aliquid ædificare, sicut desiderabat, et sine cessatione iter agebat, ac si apud aliquem manifestum festinans. Viginti autem dierum exigens iter, cum sextæ horæ tempus advenisset, stetit modicum ab itinere: et conversus ad Orientem, agebat solitam orationem. Consueverat

enim constituto diei tempore figere itineris cursum, et stans psallere, et genuflexo orare. Dum autem psalleret, et in cœlum inspiceret intentis obtutibus, vidit a parte dextra, ubi orabat, umbram quasi humani corporis apparentem; et primo quidem conturbatus est, ac contremuit, phantasium alicujus spiritus existimans se vidisse, signo autem crucis semuniens, et a se timorem projiciens (jam enim et orationis ejus finis instabat), convertens oculos, vidit aliquem in veritate properantem ad partem Occidentis. Mulier autem erat, quod videbatur, corpore nigririmo, præ solis ardore denigrata, et capillos capitis habens ut lana albos, modicos et ipsos, non amplius quam usque ad cervicem descendentes.

CAP. VIII. — Hoc itaque Zosimas videns, et desideratæ dulcedinis gavisus effectus, cœpit festinanter currere in eam partem, ubi et aliud quod apparuit festinabat. Gaudebat enim gaudio magno. Non enim viderat in spatio dierum illorum speciem hominis, aut animalium, vel volucrum, bestiarumque formam. Desiderabat enim cognoscere quæ vel qualis bestia esset quæ videbatur, sperans quoniam majorum alicujus efficeretur profectus. Illa autem ut vidit contra Zosimam venientem, cœpit fugiens currere apud inferiorem solitudinem. Zosimas autem ætatis senectam obliviscens, et laborem non reputans itineris, tetendit rapidissimo cursu, desiderans conspiciere fugientem. Hic enim persequeretur; illa autem progrediebatur. Erat autem cursus Zosimæ velocior, et paulo efficiebatur propinquior. Ubi autem appropiavit, ut jam etiam posset vox audiri, cœpit, has voces emittens, clamare Zosimas cum lacrymis: Cur me fugis decrepitem ac peccatorem, serve Dei? Vere sustine me per Deum, quicumque es, pro cujus nomine hanc inhabitas solitudinem. Sustine me infirmum et indignum. Sustine me pro spe, quam habes pro tanti laboris remuneratione. Sta, et tribue orationem et benedictionem seni per Deum, qui neminem aliquando projecit. Hæc cum lacrymis Zosima postulante, venerunt currentes in quemdam locum, in quo quasi aridus torrens designabatur, in quo fuisse torrentem consideravit; sed locus ille talem convenit, ut haberet similitudinem, quomodo in terra illa apparebat. Ut venerunt itaque in prædictum locum, illud quod fugiebat descendit, et iterum ascendit in partem aliam. Zosima: autem clamans et nusquam progredi valens, stetit in aliam partem torrentis, qui speciem videbatur habere torrentis, et addidit **SSS** lacrymas lacrymis, et suspiria suspiriis ampliavit, ut multo magis ex propinquo stridore luctus audiret.

CAP. XI. — Tunc illud corpus quod fugiebat, vocem talem emisit: Abba Zosima, ignosce mihi propter Deum, quoniam manifestare me tibi conversa non possum. Mulier enim sum, et omni corporeo tegmine nuda, ut ipse vides, et corporis turpitudinem habens intactam. Sed si vis peccatrici mulieri orationem vere tribuere, projice mihi indumentam quo circumdatus es, ut possim muliebrem infirmitatem operire ad te convertens, et tuas acci-

piam orationes. Tunc tremor nimiusque metus et mentis excessus accepit Zosimam. Strenuus enim erat vir ille valde, et divinitatis dono prudentissimus, et cognovit quia ex nomine non vocasset eum quem nunquam viderat, de quo nec unquam audierat, nisi manifestissime providentiæ gratia fuisset illustrata. Fecit autem cum festinatione quod jussum est, et exuens se pallio quo erat indutus, terga versus projecit ei. Illa accipiens, in quantum potuit tegens partem corporis, quam oportet plus tegi cæteris, præcinxit se, et conversa ad Zosimam, ait ei: Quid tibi visum est, abba, peccatricem videre mulierem? Quid quæris a me videre aut discere, quia tantum non pigritasti tolerare laborem? Ille autem in terra prostratus, poscebat benedictionem secundum morem accipere. Prostravit autem se et ipsa, et utrique jacebant in terra, unus ex alio benedictionem poscens.

CAP. X. — Post multarum autem horarum spatia dixit mulier ad Zosimam: Abba Zosima, tibi compegit benedicere et orare; tu enim presbyterii honore fultus es, et plurimis jam annis sancto assistis altari, et donis divinitatis Christi secreta rimaris. Hæc verba Zosimam in magnum timorem et certamen magis inducebant, et tremens senex sudoris guttis infundebatur. Dicit autem ei defessus viribus et quasi halitu jam conclusus: Manifesta jam quidem es ex ipsa visione, o spiritualis mater, quoniam tu ad Dominum profecta es, et fortiori parte mortua es. Manifesta autem plus omnium tributa est tibi gratia, ut me vocares ex nomine, quem nunquam vidi. Sed quia gratia non ex dignitate cognoscitur, sed ex animarum actibus significari consueta est, benedic propter Deum, et orationem tribue indulgentiæ tuæ perfectionis. Stabilitati autem senis sancti compassa, dixit: Benedictus Dominus, qui salutem procurat animarum, et Zosima respondente Amen, surrexerunt utrique de terra. Et ait mulier seni: Homo, quam ob rem ad me peccatricem venisti? Tamen quoniam quidem te gratia Spiritus sancti direxit, ut aliquod ministerium exhibeas meæ exiguitatis corpori congruum, dic mihi, quomodo hodie Christianissima regitur tribus, quomodo imperatores, quomodo sanctæ Ecclesiæ pascitur grex? Zosimas autem respondit hoc verbum: Mater, tuis orationibus sanctis pacem stabilem Deus largitus est; sed suscipe indigni monachi consolationem, et per Dominum ora pro omni mundo, et pro me peccatore, et non hujus cursus et itineris labor sine fructu mihi efficiatur tantæ solitudinis via. Et illa respondit ad eum: Te quidem oportet, abba Zosima, sacerdotii, ut dixi, habentem honorem, pro omnibus et pro me orare, in hoc enim et vocatus es; sed quia obedientiæ præceptum habemus, quod mihi a te jussum est, bona faciam voluntate. Et hæc dicens, ad Orientem conversa, et elevatis in excelsum oculis, manibusque extensis, cœpit orare motu tantum laborum in silentio, voxque penitus non audiebatur ut posset intelligi. Unde et Zosimas nulla potuit verba ex ipsa oratione agnoscere. Stabat autem, ut dicebat

tremens, terram conspiciens, et nihil ullo modo loquens. Jurabat autem, Deum testem verbi proponens, quoniam ut vidit eam perseverantem in orationis constantia, paululum elevatis ab aspectu terræ oculis, vidit eam elevatam quasi cubitum unum a terra, et in aere pendentem orare. Hic autem ut vidit, nimio pavore correptus, prostravit se in terram, sudore suffusus, et nimium perterritus, nihil dicere præsumebat, in seipso autem dicebat : Domine, miserere mei.

CAP. XI. — In terra autem prostratus jacens, scandalizabatur in mente, putans ne spiritus esset qui se fingeret orare. Conversa autem mulier, erexit monachum dicens : Quid te, abba, cogitationes tuæ perturbant scandalizari in me, quia spiritus sum, et fictam orationem facio ? Satisfactus esto, homo, peccatricem me esse mulierculam, tamen sacro sum circumdata baptisate ; et non sum spiritus, sed favilla et cinis et totum caro, et nihil spiritualis phantasie aliquando vel ad mentem reducens. Hæc dicens, signo crucis signat frontem suam, oculosque et labia ; simulque et pectori vexillum crucis insigens, ita dixit : Deus, abba Zosima, de adversario et inmissionibus ejus liberet nos, quoniam multa super nos est invidia ejus. Hæc audiens senex, prosternit se, et apprehendit pedes ejus, dicens cum lacrymis : Obsecro te per Dominum Jesum Christum, verum **SSS** Dominum nostrum, qui de virgine nasci dignatus est, pro quo hanc induta es nuditatem, pro quo has carnes expendisti, ut nihil abscondas a servo tuo, quæ es, et unde, et quando vel ob quam causam **OO** multitudinem hanc inhabitasti, sed et omnia, quæ circa te sunt, edicito mihi, ut Dei magnalia facias manifesta. Sapientia enim abscondita et thesaurus occultus quæ utilitas in utrisque ? sicut scriptum est (*Eccli. xx*) ? Dic mihi omnia propter Deum ; nec enim pro gloriatione aut ostentatione aliquid dicis, sed ut mihi satisfacias peccatori et indigno. Credo enim Deo, cui vivis, cum quo et conversaris, quoniam ob hujusmodi rem directus sum in hanc solitudinem ut ea quæ circa te sunt Deus faciat manifesta. Non enim nostræ virtutis est iudicii resistere Dei. Nisi fuisset acceptabile Christo Domino manifestare te et qualiter decertasti, nec teipsam permiserat videri ab aliquo, nec me confortaret tantam properare viam, nusquam valentem progredi, aut potentem de cella mea procedere.

CAP. XII. — Hæc eo dicente, sed et alia plura, elevans eum mulier, dixit : Vere erubesco, ignosce, abba meus, dicere tibi turpitudinem meorum actuum ; tamen quia vidisti nudum orpus meum, denudabo tibi et opera meorum actuum, ut cognoscas quam turpis luxuriæ et opprobrio confusionis repleta est anima mea. Non enim, ut tu ipse considerasti, propter aliquam gloriam, quæ circa me sunt, volo narrare. Quid enim potero gloriari, quæ diabolus vas fui electionis effecta ? Scio autem quia si cœpero narrare ea quæ sunt de me, fugies a me, quasi quis fugiat a facie serpentis, auribus non valens audire, ob inexpedibilia quæ

sum operata. Dicam autem, nihil negans, sed verius referam, supplicans te prius ut non deficias orare pro me, ut misericordiam merear et inveniam in die iudicii. Et senex suffusus lacrymis, flebat. Tunc cœpit mulier narrare ea quæ de se erant, ita dicens :

CAP. XIII. — Ego, Pater, patriam quidem Ægyptum habui : parentibus autem meis viventibus, duodecimum agens ætatis annum, affectum illorum spernens, Alexandriam veni, et quomodo quidem virginitatem meam in primis violaverim, et qualiter indesinenter et insatiabiliter vitio libidinis subjugata jacuerim, erubesco considerare. Hoc enim non breve est dicere : illud autem citius dicam, ut possis cognoscere insatiabilem vitii mei ardorem, quem habui in amorem stupri. Decem et septem et eo amplius annos transegi publice in incendio jacens luxuriæ. Non propter alicujus donum virginitatem meam perdidit ; neque enim ab aliquibus dare volentibus aliquid accipiebam ; hoc enim libidinis furore succensa considerabam, ut amplius ad me facerem currere, gratis implens stupri mei et sceleris desiderium. Neque vero consideres quia pro divitiis nihil accipiebam ; mendicans enim vivebam, aut multoties stuppam filando. Desiderium enim, ut dixi, habebam insatiabile, ita ut indesinenter me in sterquilinio luxuriæ volutarem. Et hoc mihi erat placabile, et hoc vitam existimabam, si indesinenter naturæ injuriam pergissem. Hoc modo me vitam ducente, vidi in quodam æstus tempore multitudinem Libyorum et Ægyptiorum quasi ad mare concurrentem. Reperi itaque aliquem, et interrogavi : Ubi festinant viri isti, qui currunt ? Dixit autem mihi : In Jerosolymam omnes ascendunt ob sanctæ crucis exaltationem, quæ post aliquot dies solito celebratur. Dixi autem ei et ego : Putas suscipient me, si voluero ire cum ipsis ? Et ille dixit : Si habes naulum, nullus te prohibebit. Dixi ei : Vere, frater, naulum vel sumptum non habeo. Vadam autem et ascendam in unam navim, quam conduxerunt. Et licet renuant, memetipsam tradam ; corpus enim meum in potestate habentes, pro nauulo accipient. Propterea autem cum eis volui ambulare (abba meus, ignosce) ut multos haberem cooperatores in meæ libidinis passione.

CAP. XIV. — Dixi tibi, mi domine senex, ignosce mihi, ne compellas me meam dicere confusionem. **D** Contremisco enim, novit Dominus, maculant enim et ipsum aërem isti sermones mei. Zosimas autem terram lacrymis infundens, respondit ad eam : Dic propter Deum, o mater mea, dic, et ne prætermittas sequentiam tam salutiferæ narrationis. Illa autem adjungens priori narrationi, addit hæc : Ille autem adolescens audiens sermonum meorum obscuritatem (14), ridens discessit. Ego autem fusum, quem manu tenebam, projiciens (hunc enim post tempus conveniebat me tenere), cucurri ad mare, ubi illos perspexi currentes, et vidi juvenes aliquot in littore stantes, numero quasi decem, satis corpore vultuque acerrimos, et ad id quod mihi erat placabile, optimos. Erant autem et alii, qui jam naves ascende-

rant Impudenter autem, ut mihi consuetudo erat, in medio eorum me irruenter dedi, dicens : Accipite et me vobiscum quo pergitis, non enim ero vobis implacabilis. Sed et alios sordidiores proferens sermones, omnes ad ridendum commovi. Illi autem inerubescens motum meum videntes, accipientes **SSS** me, in naviculam portaverunt. Exinde autem navigationem cœpimus. Quæ autem post hæc acta sunt, quomodo tibi enarrare poterò, o homo Dei? Quæ lingua dicere potest, vel auris valet audire ea quæ in navicula vel itinere facta sunt? quomodo ad peccandum et volens miseros ego compellebam nolentes. Non est narrabilis, sed inenarrabilis nequissima species, cujus tunc sum infelicibus magistra sceleribus effecta. Ergo nunc satisfactus esto, quia stupesco, quomodo meas mare illud sustinuit iniquitatum luxurias, quomodo terra non aperuit os suum, et in infernum viventem me demersit, quæ tantas in laqueum mortis induxi animas. Sed, ut arbitror, meam Deus, qui neminem vult perire, sed omnes fieri salvos (*I Tim. II.*), requirebat pœnitentiam. Non enim vult mortem peccatoris, sed longanimitè expectat, sustinens conversionem (*Ezech. xviii*). Sic itaque cum magna festinatione ascendimus Jerosolymam; et quantos quidem dies ante festivitatem in civitate commemorata sum, similibus nequissimis vacavi operibus, magisque pejoribus. Non enim sufficiens fui juvenibus mecum in mari luxuriantibus et in itinere, sed et alios multos peregrinos et cives in mei scelere actus congregans, coinquinavi seducens.

CAP. XV. — Quando autem venit sanctæ exaltationis festivas pretiosæ crucis, ego quidem, sicut et prius, præibam, juvenum illaqueans et capiens animas. Vidi autem primo dilliculo omnes ad ecclesiam unanimiter concurrentes. Abii et ego, currens cum currentibus, et veni cum illis in atrium templi; et cum venisset hora exaltationis divinæ crucis, impingebam et impingebam, repellebarque quodammodo, festinans ingredi cum populo, coactor usque ad januam templi cum his qui ingrediebantur, cum magna laboris tribulatione appropinquans et ego infelix : quando autem ingredi volebam, illi quidem omnes sine impedimento ingrediebantur, me autem divina aliqua virtus prohibebat, non indulgens introitum. Mox igitur repulsa, eiciebar foras: et ejecta, inveniebar sola in atrio stans. Considerans autem per muliebrem infirmitatem hoc mihi accidere, iterum aliis me immiscendo, vim mihi quodammodo faciebam introeundi, sed enim laborabam in vacuum.

CAP. XVI. — Ut enim limina vestigio contingebam, omnes interius recipiebantur, nullum habentes impedimentum, me autem solam non recipiebat; sed quasi militaris multitudo esset taxata ut mihi ingredienti aditum clauderet, ita me repentina aliqua prohibebat virtus, et iterum inveniebar in atrio. Hoc ter et quater passa et facere conans, nihilque proficiens, desperans de cætero, et amplius nusquam

PATROL. LXXIII.

A progredi valens (factum quippe fuerat corpus meum a vi comprimendum valde contractum), recedens discessi, et steti in quodam angulo atrii templi; et vix aliquando, ob quam causam prohibebam videre vivificum lignum in cogitationem reduxi. Tetigit enim mentem et cordis mei oculos intellectus salutis, recogitans quia squalida actuum meorum scelera mihi introeundi aditum obserabant. Cœpi itaque flens nimium conturbari et pectus tundere, atque suspiria de profundo cordis proferens, et gemens ejulansque prospexi in loco in quo stabam, sursum imaginem sanctæ Dei genitricis stantem, et aio, ad eam intendens et indeclinanter attendens: Domina virgo, quæ Deum genuisti secundum carnem, scio quia nec condecens nec opportunum sit me sic horridam adorare imaginem tuam vel contemplari oculis tantis sordibus pollutis, quæ esse virgo dignosceris et casta, quæ corpus et animam habes immaculatam: justum est me luxuriosam a tua purissima castitatis munditia abominari et projici. Tamen quoniam, ut audivi, ob hoc effectus est Deus homo, quem ipsa digna genuisti, ut peccatores vocaret ad pœnitentiam, adjuva me solitariam et nullum habentem adjutorium, percipe confessionem meam, et mihi licentiam tribue ecclesiæ patefactum ingredi aditum, et non efficiar aliena a visione pretiosissimi ligni, in quo affixus Deus homo, quem concipiens ipsa virgo peperisti, et proprium sanguinem dedit pro mea liberatione. Jube, o Domina, et mihi indignæ ob divinæ crucis salutationem januam pateferi, et te ex te genito Christo dignissimam do fidejussorem, quia nunquam ultra meam carnem coinquinabo per horrida immistionum ludibria; sed mox ut filii tui, Virgo sancta, videro lignum, sæculo et actibus ejus, et omnibus quæ in eo sunt renuntio, et continuo egredior ubicunque ipsa ut fidejussor me duxeris.

CAP. XVII. — Hæc dicens, et quasi aliquam satisfactionem recipiens, fidei succensa calore, et de pietatis visceribus Dei genitricis præsumens, movi me de eodem loco, in quo stans feci orationem; et veniens, iterum ingredientibus me miscui, et ultra non erat qui me repelleret, neque qui me prohiberet appropinquare januis, quibus in templum introbant. Accepit ergo me tremor validus **SSS** et extasis, et tota ex omnibus tremebunda turbabar. Itaque conjungens me ad januam, cujus mihi aditus primo claudebatur (quasi omnis virtus quæ prius ingredi me prohibebat, post autem viam ingrediendi pararet), ita absque impedimenti labore introivi, et sic intra sancta sanctorum reperta sum, et pretiosi ac vivifici crucis ligni adorare mysterium digna habitasum: et tunc vidi Dei sacramenta, et qualiter est paratus suscipere pœnitentes. Tunc projiciens me coram in terram, et sanctum illud exosculans pavementum, exhibam. Currens autem ad illam quæ me fidedixit, veni restans. Conjunxi igitur me in illum locum ubi fidedictionis conscriptum erat chirographum, et genu curvans coram vultu sanctæ Virginis

Dei genitricis, his imprecata sum verbis: Tu quidem A semper, o benignissima Domine, tuam ostendisti pietatis misericordiam: tu non indignam supplicationem projecisti; vidi gloriam quam peccatores merito non videmus, gloriam omnipotentis Dei qui per te suscipit peccatorum poenitentiam. Quid amplius peccatrix et misera valeo recordari aut enarrare? Tempus est jam implere quæ fidedixi, fide dilectionis tuæ placita. Nunc ubi tibi complacet, dirige me. Esto mihi salutis ducatrix, et veritatis magistra, præcedens me in viam quæ ducit ad poenitentiam. Et hæc dicens, audivi vocem alicujus a longe clamantis: Jordanem si transieris, bonam invenies requiem. Ego autem hanc vocem audiens, et pro me factam credens, lacrymans exclamavi, et ad Dei genitricis imaginem prospiciens vociferavi: Domina, Domina, Regina totius orbis, per quam humano generi salus adventit, noli me derelinquere. Et hæc dicens, de atrio templi sum egressa, et festinanter ambulabam. Exeunte autem me, vidit me quis, et dedit mihi tres nummos, dicens: Accipe hæc, nonna (12): ego autem accipiens, tres ex eis panes comparavi, et hos accepi benedictioni mei itineris congruos. Interrogavi eum qui panes vendebat: Unde et qualis via esse noscitur, homo, quæ ducit ad Jordanem? Et cognoscens portam civitatis quæ in illa latera pergit, currens iter agebam plorans.

CAP. XVIII. — Interrogationi autem interrogationem annectens, reliquum diei consumpsi iter prope-rans: erat autem hora diei tertia, quando pretiosam et sanctam crucem videre merui. Et sole jam ad occasum declinante, ecclesiam beati Joannis Baptistæ positam juxta Jordanem conspexi, et in eodem templo ingressa adorans continuo in Jordanem descendi, et ex illa sancta aqua manus et faciem lavi. Communicavi autem vivifica et intemerata Christi Domini sacramenta, in eadem sancta præcursoris et Baptistæ Joannis basilica, et tunc unius panis medietatem comedi, et ex aqua Jordanis bibi, in terra nocte quiescens. Lucescente in crastino in partem aliam transivi, et iterum petii ductricem meam ut me dirigeret ubi ei placitum esset. Deveni autem in hanc solitudinem, et ex tunc usque hodie elongavi fugiens, expectans Deum meum, qui salvos facit pusillos et magnos, qui convertuntur ad eum (*Psal.* LIV). Zosimas dixit ad eam: Quot anni sunt, o domina, ex quo hanc inhabitas solitudinem? Respondit mulier: Quadraginta septem anni sunt, ut considero, ex quo de sancta civitate egressa sum. Dixit autem Zosimas: Et quid invenire ad esum potuisti, o mi, aut invenis, Domina. Respondit mulier: Duos semis quidem panes Jordanem transmeavi deportans; et qui post modicum arefacti quasi lapides obdurerunt, et modicum quid usque ad aliquos annos comedens transegi. Dixit autem Zosimas: Et sic absque dolore transisti tanti temporis longitudinem? nihil repentinæ immutationis et conturbationis sensisti calorem? Illa dixit: Rem nunc me interrogas, quam dicens valde contremisco, si ad commemorationem venero

tantorum quæ sustinui periculorum, et cogitationum quæ inique perturbaverunt me: timeo enim ne ab eisdem aliquam patiar tribulationem. Dixit Zosimas: Nihil relinquant, o domina, quæ non indices. Semel enim in hoc te manifestam cognovimus ordine, omnia te indimute oportet nos edocere.

CAP. XIX. — Illa autem dixit ei: Crede, abba, decem et septem annis feris immansuetis et irrationalibus eluctans desideriis, dum cibum initiabam, desiderio mihi erant carnes; concupiebam pisces quos Ægyptus habebat; desiderabam etiam vinum delectabile mihi; multum enim delectabar in vino, et superabundantius usque ad ebrietatem bibebam, et nunc mihi erat valde in desiderio, eo quod multum uterer, dum essem in sæculo. Hic autem aquam omnino non habens, vehementissime urebar, et sustinebam necessitatis periculum. Fiebat mihi et de luxuriosis canticis nimium desiderium, perturbans et reducens ad memoriam dæmoniorum cantica decantare, quæ in sæculo dediceram. Mox autem lacrymans, et pectus meum percutiens, meipsam ad memoriam reducebam de convenienti fidedictionis quam feceram, egrediens contra hanc solitudinem. Veniebam autem per ~~333~~ cognitionem ante imaginem sanctæ Dei genitricis, quæ me et in fide sua suscepit, et ante illam plorabam, ut effugaret a me cogitationes quæ miserrimam meam animam affligebant. Quando autem superflue dolenterque lacrymabar, et viriliter pectus meum tundebar, tunc videbam lumen undique circumfulgens me, et serenitas mihi quædam stabilis mox fiebat. Cogitationes autem quæ ad fornicationem iterum compellebant me, quomodo tibi enarrare possum? Abba, ignosce. Ignis intus infelix corpus meum nimis succendebat, et totam me per omnia exurebat, et ad desiderium commisionis trahebat. Dum ergo mihi talis ascenderet cogitatio, prosternebam meipsam in terram, et lacrymis terram infundens, ipsam mihi veraciter astare sperans, quæ me fidedixerat, minanti me compellatione exaggerare furentem, quasi prævaricanti, et pœnas prævaricationis mihi imminentes ira mucronis contra me agentem. Non enim ante surgebam de terra, nisi prius illa dulcissima lux illuminaret me solito, et cogitationes me perturbantes effugaret. Semper itaque cordis mei oculos ad illam fidejussorem meam sine cessatione erigebam, deprecans eam auxiliari mihi in hac solitudine et poenitentia. Habui ergo adjutricem et coadjutricem ipsam, quæ genuit castitatis auctorem, et sic decem et septem annorum curriculis cum multis, ut dixi, usque hodie periculis eluctata sum. A tunc ergo adjutorium meum Dei genitrix astitit mihi, per omnia in omnibus me dirigens. Dixit autem Zosimas: Non habuisti cibum aut vestimentum? Et illa dixit: Panes quidem illos, sicut jam dixi, decem et septem expendens annis, deinde nutriebar herbis quæ inveniebantur per solitudinem. Indumentum autem quod habui, transmeato Jordane nimia vetustate scissum et consumptum est. Multam ergo glaciali frigore et æstus ardore necessitatem su-

stinui, concrementa æstus incendio, et nimio frigoris A tempore gelu rigescens et tremens, multoties in terram cadens absque spiritu jacebam immobilis, multis et diversis necessitatibus et tentationibus immensis eluctans, per omnia usque in hanc diem virtus Dei multis modis miseram animam meam et corpus meum custodivit. Recordans enim de qualibus malis liberavit me Dominus, esca nutritior inconsummabili, et satietatis possideo epulas spem salutis meæ. Nutrior autem et cooperior tegmine verbi Dei, qui continet omnia (*Deut. viii*). Non enim in solo pane vivit homo (*Matth. iii*), et non habentes operimentum petra circumdati sunt tegmine hi qui se peccati expoliaverunt tunica (*Job. xxiv, juxta lxx*).

CAP. XX. -- Audiens autem Zosimas quoniam B Scripturarum testimonia proferebat ex libris Moysi videlicet et beati Job sive Psalmorum, dixit ad eam : Psalmos, o mater, didicisti, vel alios libros sacræ Scripturæ legisti? Illa autem hoc audiens, subridens dixit ad eum : Crede mihi, non vidi hominem ex quo Jordanem transivi, nisi te hodie : sed neque feram aut aliud animal quaecunque, ex quo in hanc deveni solitudinem. Litteras autem nunquam alicubi didici, sed neque psallentem aut legentem aliquem auscultavi. Sermo autem Dei vivus et efficax intellectum intrinsecus docet humanum (*Heb. iv*). Huc usque finis eorum quæ mea sunt. Nunc autem obsecrans quæso te per incarnationem Verbi Dei et ores pro me luxuriosa. Et cum hæc dixisset, cucurrit senex et genua flexo se in terram prosternere, vociferans et dicens : Benedictus Dominus Deus qui facit mirabilia magna solus, gloriosa et vehementer stupenda quibus non est numerus (*Job, ix*). Benedictus es, Domine Deus, qui ostendisti mihi quanta largiris timentibus te. Vere enim non derelinquis quærentes te, Domine (*Psal. ix*). Illa autem apprehendens senem, non permisit in terram perfecte prosterni, sed dixit ei : Hæc quæ audisti, homo, obtestor te per Dominum Salvatorem nostrum Jesum Christum, nemini dixeris, quoadusque Deus de vinculo carnis absolvat me. His omnibus acceptis in pace, et iterum hoc eodem tempore adveniente anno apparebo tibi, et videbis me, Dei nos gubernante gratia. Fac autem propter Dominum, quod nunc tibi injungo, ut sacris jejuniis recurrentibus anni venturi non transeas Jordanem, ut consuetudinem habetis in monasterio. D Stupebat autem Zosimas, audiens quoniam et canonem monasterii inscia quasi quæ nosset dicebat; nihilque aliud clamabat nisi gloriam Dei, qui majora quam petitur diligentibus se largitur. Illa autem dixit : Sustine ut dixi, abla, in monasterio; neque etsi exire volueris quoquam, valebis. Vespere autem sacratissimo Dominicæ cænæ, divini corporis et vivifici sanguinis portionem in vase sacro dignoque tanti mysterii affer, et sustine me in parte Jordanis quæ conjungitur sæculo, et veniens vivifica accipiam dona. Ex quo enim in ecclesia beatissimi Præcursoris, priusquam transirem Jordanem, communicavi, deinceps usque nunc nunquam communicavi, nun-

quam usque nunc sanctificationis hujus usam portionem; et ideo, deprecor, meam ne spernas petitionem, sed per omnia ipsa vivifica atque divina mysteria affer in ea hora, qua Dominus discipulos divinæ cænæ participes fecit. Joanni autem abbati monasterii, in quo habitas, edicto : Attende tibi ipsi et gregi tuo; aliqua enim fiunt ibi emendatione indigentia. Sed nolo te hæc nunc ei dicere, sed quando tibi præceperit Deus. Hæc dicens, orationem a sene postulando, in interiorem solitudinem velocius festinavit.

CAP. XXI. -- Zosimas autem prosternens se osculabatur terræ locum, in quo ejus vestigia steterant, dans gloriā Deo : immensasque gratia agens, reversus est, laudans et benedicens Dominum Deum nostrum Jesum Christum. Iterum autem remeans ejusdem solitudinis iter, quo venerat, conjunxit in monasterio eo tempore, quo consueverat ii qui in eodem morabantur. Et totum quidem annum illum tacuit, minime audens quidpiam dicere ex his quæ viderat; in seipso autem deprecabatur Deum, ut iterum ei ostenderet desiderabilem vultum. Suspirabat autem, annui cursus considerans tarditatem. Quando autem advenit sacra jejuniorum initiata prima Dominica, mox post solitam orationem alii quidem psallentes exierunt : ipse autem modica febris infirmitate detentus, mansit intus in monasterio. Recordatus est autem Zosimas sibi prædictum sanctæ illius, quia neque volens exire valebis. Aliquantis autem elapsis diebus, ab infirmitate sublevatus, in monasterio conversabatur. Quando reversi sunt monachi sacratæ cænæ vespere, fecit quod ei jussum est : et mittens in modico calice intemerati corporis portionem et pretiosi sanguinis Domini nostri Jesu Christi, posuit in canistro carycas paucas et palmarum fructus, id est dactylos, et parum lenticulæ infusæ in aquis; et venit tarde, et ad ripam Jordanis sedebat, adventum sanctæ præstolans. Beatissima autem illa tardante muliere, Zosimas non dormitavit, sed sollicite attendebat solitudinem, sustinens quod videre desiderabat. Dicebat autem in semetipso : Nunquid veniens, dum ne non invenit, reversa est? Hæc dicens, flebat; et elevans in cœlum oculos, suppliciter Deum deprecabatur, dicens : Non me alienes, Domine, iterum videre, quam me videre tribuisti. Non vadam vacuus, peccata mea portans in increpatione.

CAP. XXII. -- Hæc orans cum lacrymis, alia in eum cogitatio incidit. Quid itaque si venerit, faciet? quomodo transiet Jordanem, quia navicula non est? qualiter ad me indignum perveniet? Heu me infelicem! heu quis me tam justæ speciei alienavit? Hæc sene cogitante, ecce sancta illa advenit, et in parte alia fluminis stetit, unde venerat. Zosimas autem videns eam, surrexit gaudens, et exultans nimis glorificabat Deum. Lucta autem certaminis in ejus fluctuabat cogitationis intentione, quia non potest Jordanis transire fluente. Et respiciens senex, vidit eam vexillo crucis aquas Jordanis signantem. Totius

enim tunc noctis tenebras splendor illuminabat lunæ, quia tempus recursus illius erat. Statim autem ut signum crucis impressit, ascendit super aquas; et ambulans super liquidum æquoris fluctum, veniebat quasi per solidum iter. Zosimas autem stupens, et genua flectere nitens, clamans desuper aquas prohibuit, dicens: Quid facis, abba, quia et sacerdos Dei es, et divina portas mysteria? Qui statim obedivit dicenti. Illa autem descendens de aquis, dixit seni: **B**enedic, Pater, benedic. Ille autem cum magna festinatione respondit (stupor enim nimius invaserat eum in tam glorioso miraculo), et dixit: Vere non mentitur Deus, qui pollicitus est sibi similes esse eos qui semetipsos purificant. Gloria tibi, Christe Deus noster, qui ostendisti mihi per ancillam tuam hanc, quantum mea consideratione inferior sum mensura veræ perfectionis. Hæc eo dicente, postulavit mulier ut sanctum diceret. Symbolum et sic Dominicam inchoaret orationem. Et expleto Pater noster, sancta, sicut mos est, pacis osculum obtulit seniori; et sic vivifica mysteriorum suscipiens dona, in cælum extensis manibus ingemiscens cum lacrymis, ita clamabat: Nunc dimittis, Domine, ancillam tuam secundum verbum tuum in pace; quia viderunt oculi mei salutare tuum (*Luc. 11*). Etseni dixit: Ignosce, abba, et aliud meæ petitionis imple mandatum. Vade nunc ad monasterium, Dei pace gubernatus; recursu autem anni advenientis iterum veni in illo torrente, in quo tecum sum prius locuta. Per omnia non omittas, sed propter Deum veni: et videbis me iterum, qualiter Deus voluerit. Ille autem respondit ad eam: **C** Utinam esset possibile nunc tua sequi vestigia, et tui pretiosissimi vultus visione frui! Oro, mater, ut unam senis petitiunculam facias, et modicum cibi ex eo quod huc attuli, digneris accipere. Et hæc dicens, ostendit ei quod secum detulerat canistrum. Illa autem extremis digitis lenticulam contigit, et tria tollens grana proprio intulit ori, sufficere dicens gratiam Spiritus, ut custodiret animæ substantiam immaculatam. Tunc dicit seni: Ora pro me propter Deum, et meæ memor esto semper infelicitatis. Ille pedes ejus sanctos contingens, **391** cum lacrymis deprecabatur, ut oraret pro Ecclesia, et pro imperio, et pro se, et sic dimisit eam abire flens et ejulans. Non enim audebat eam multum detinere, quæ nec, si vellet, poterat detineri.

CAP. XXIII. — Illa autem crucis iterum impressione Jordanem signans, ascendit ambulans super liquidum elementum, et transivit sicut ante veniens fecerat. Senex autem reversus est gaudio et tremore repletus. Et semetipsum reprehendebat, poenitens, quia nomen sanctæ ut cognosceret, non inquisivit; sperabat tamen advenienti hoc consequi anno.

CAP. XXIV. — Transacto autem eodem anni cursu, venit iterum in vastam deserti solitudinem, expletis omnibus secundum consuetudinem, festinabat ad gloriosam illam visionem intuendam. Perambulans autem solitudinem, et non inveniens aliqua cupiti loci indicantia signa, dextra lævaque aspiciens, in-

autem oculorum deducens, et lustrans ubique sicut citissimus venator, sicubi suavissimam comprehenderet feram. Ut autem nihil ullo modo vidit ququam moventem, cœpit seipsum lugens infundere lacrymis. Tunc elevans oculos, orabat dicens: Obsecro mihi ostende, Domine, in corpore angelum, cui totus comparari indignus est mundus.

CAP. XXV. — Hæc orando, pervenit ad locum, qui in similitudine fuerat designatus torrentis, et in extrema ejus parte superiore vidit splendentem solem; et aspiciens, vidit sanctæ mortuum jacens corpus, et manus, ut oportet, sic compositas, et ad Orientem jacens corpus aspiciens. Currens autem, lacrymis lavit beatissimæ pedes, non enim aliud corporis membrum audebat contingere. Lacrymans autem aliquandiu, et psalmos dicens tempori et rei congruentes, fecit sepulturæ orationem, et dicebat sibi ipsi: Forsitan non complacet sanctæ hæc fieri. Hæc eo cogitante, designata scriptura erat in terra, ubi hoc legebatur: « Sepeli, abba Zosima, miseræ Mariæ corpusculum. Redde terræ (13), quod suum est, et pulveri adjice pulverem. Ora tantum pro me propter Dominum transeunte mense Parmothi (14) secundum Ægyptios; qui est secundum Romanos Aprilis die nona, id est, v Idus Aprilis salutiferæ passionis, post divinæ et sacræ cœnæ communionem. »

CAP. XXVI. — Has senex cum legisset litteras, cogitabat quidem prius quisnam esset qui scripsit: illa enim, ut dixerat, litteras ignorabat. In hoc tamen valde exsultans gaudebat, quia ejus sanctum didicit nomen. Cogitavit vero quia mox ut divina in Jordane mysteria participavit, in eadem hora in locum illum venit, ubi mox de hoc mundo transivit, et idem iter, quod Zosimas per dies viginti ambulans vix consummavit laborans, unius horæ cursu Maria consumpsit, et statim migravit ad Dominum. Glorificans autem Zosimas Dominum, et lacrymis corpus ejus infundens: Tempus est, inquit, miser Zosima, quod tuum est, perfice. Sed quid faciam infelix, quia unde fodere valeam, non habeo? Deest sarculum, non est rastrum, nihilque ex omnibus habeo præ manibus. Hæc illo in corde suo dicente, vidit parvum lignum et modicum jacere: quod assumens, cœpit fodere. Valde autem durior erat terra, et multum fortissima

D et nequaquam valebat fodere, quia et jejunio confectus, et longi itineris fatigatione nimis erat defectus. Laborabat enim, et suspiriis nimis urgebatur, et sudoribus madefactus, ingemuit graviter ex ipso cordis sui profundo. Et respiciens, vidit ingentis formæ leonem juxta corpus sanctæ stantem, et ejus plantas lambentem. Videns autem, contremuit præ pavore grandissimæ feræ illius, præcipue quia audierat sanctam feminam illam dicentem quia nunquam aliquam feram viderat. Signo autem se crucis confirmavit undique credens quia illæsum custodire valet eum virtus jacentis. Leo autem cœpit innuere seni, blandis eum nutibus salutans. Zosimas autem dixit leoni: Quoniam a Deo missus venisti, maxime

ferarum, ut hujus Dei famulæ corpus terræ com-
mendetur, exple opus officii, ut possit sepeliri ejus
corpusculum. Ego enim senectute confectus non valeo
fodere, sed nec congruum quid habeo ad hoc
opus exercendum; et iterum tanti itineris longitu-
dine properare non valeo ut afferam. Tu divino jussu
hoc opus cum unguis facito, ut commendemus ter-
ræ hoc sanctum corpusculum.

CAP. XXVI. — Continue autem, juxta senis ser-
monem, leo cum brachiis fecit ipse foveam, quanta
ad sepeliendum sanctæ corpusculum sufficere posset.
Senex vero lacrynis pedes sanctæ abluens, et mul-
tipliciter effusa prece exorans pro omnibus eam tunc
et amplius pro se exorare, operuit terra corpusculum
nudum, astante leone, sicut eam prius repperat, et
nihil aliud habens, nisi illud scissum vestimentum,
quod ei jam ante projecerat Zosimas, ex quo Maria
quædam sui corporis textit membra. Deinde recedunt

ROSWEYDI NOTATIO.

(1) *Mariæ.*] Martyrologium Romanum, 2 Aprilis :
« In Palæstina depositio sanctæ Mariæ Ægyptiacæ,
quæ Peccatrix appellatur. » Menologium Græcorum
1 Aprilis : « Sanctæ matris nostræ Mariæ Ægyptiacæ,
quæ cum decem et septem annos lascivam et turpem
vitam duxisset, conversa in meliorem statum, talis
evasit, ut miraculis etiam multis virtutem suam com-
probaverit; siquidem quadraginta septem annis ita
vixit, ut neminem nisi ipsum Deum spectatorem
habuerit. »

Claruit Maria Ægyptiaca temporibus Justini se-
nioris imperatoris, circa annum Domini 520. Vixit
iisdem fere temporibus alia item ex meretrice pœ-
nitens Maria dicta, Tarsensis patria, quæ in monaste-
rio apud Ægas posito exercuit vitam monasticam. De
qua mentio habetur in Prato spirituali, cap. 21.

(2) *Sophronio.*] Sophronium hujus Vitæ auctorem
esse testatur Nicephorus, libro VII, cap. 5. Citatur
eadem Sophronio auctore in Nicæna synodo II, act.
4, et a sancto Joanne Damasceno in oratione 3 de
Imaginibus. Meminit ejusdem Triodiam, ubi agit in
quinta feria quintæ hebdomadis quadragesimalis de
Andrea Cretensi archiepiscopo, auctore magni cano-
nis : « Ἐποίησε δὲ τοῦτον, ὅτι καὶ ὁ πατριάρχης Ἱεροσο-
λύμων ὁ μέγας Σοφρόνιος τὸν τῆς Αἰγυπτίας Μαρίας βίον
συνεγράψατο· κατανύξιν γὰρ καὶ οὗτος ὁ βίος προβέβλη-
ται ἄπειρον, καὶ πολλὴν τοῖς ἑπτακόσι καὶ ἑκατόνισι
παραμύθων δίδωσιν, εἰ μόνον τῶν φαύλων ἀποστῆναι
βόλουντο : « Fecit autem hunc canonem eo tempore,
quo magnus Sophronius patriarcha Jerosolymitanus
Vitam Mariæ Ægyptiacæ litteris mandavit. Quæ et
ipsa compunctionis plenissima est, lapsisque et pec-
catoribus multum consolationis offert, si modo a
pravis operibus desistere velint. »

Hujus Sophronii anniversaria memoria agitur a
Latinis 11 Martii. Martyrologium Romanum : « Jer-
osolymis sancti Sophronii episcopi. » Menologium
Græcum eadem die : « Sancti patris nostri Sophro-
nii patriarchæ Jerosolymitani, ex civitate Damasco,
multiplici eruditione, divinarum litterarum senten-
tia et pietate insignis. » De ejus episcopatus initio
vide Baronium anno 633; deque ejusdem obitu ano-
636. De Sophronio quoque agit Histor. Miscell.,
lib. XVIII, anno 20 Heraclii imp., et lib. XIX, anno
26 ejusdem. Cedrenus, anno 20 ejusdem imp.; et
Zonaras, in III parte Annal. in Heraclio.

pariter; et leo quidem in interiora solitudinis quasi
ovis mansueta abscessit; Zosimas autem reversus est,
benedicens et laudans Deum, et hymnum laudis de-
cantans Christo Domino nostro. Veniens au-
tem in cœnobio, omnia eis ab initio retulit, et nihil
abscondit ex omnibus quæ vidit et audivit, ut om-
nes audientes magnalia Dei, nimio stupore admira-
rentur, et cum timore et amore magna fide celebra-
rent beatissimæ sanctæ transitus diem. Joannes au-
tem abbas invenit quosdam indigentes emendari,
juxta sanctæ illius sermonem, et hos, miserante Do-
mino Deo, convertit. Zosimas autem in eodem de-
gens monasterio, implevit annos centum, et tunc
migravit ad Dominum in pace, gratia Domini nostri
Jesu Christi, cui cum Patre gloria et honor et im-
perium una cum sancto vivificatore et adorando
Spiritu, nunc et semper et in sæcula sæculorum.
Amen.

NOTATIO.

(3) *Paulo.*] Sigebertus, catalogo illustr. Ecclesiæ
Scriptorum, cap. 69 : « Paulus diaconus Neapolita-
næ ecclesiæ transtulit de Græco in Latinum Vitam
sanctæ Mariæ Ægyptiacæ. »

Eadem carmine expressit Hildebertus episcopus
Cenomanensis, ut refert Henricus a Gandavo, cata-
logo illustr. Scriptorum, cap. 8 : « Hildebertus ex
Cenomanensi episcopo archiepiscopus Turonensis,
qui claruit tam prosa quam metro, scripsit eleganti
metro Vitam Mariæ Ægyptiacæ, » cujus exemplar
ms. penes me est.

(4) *Vicedomini.*] Intelligit Theophilus, cujus festum
occurrit die 4 Februarii. Cujus historiam habes
apud Surium, tomo I, sed alio interprete. Vide
Onomasticon.

(5) *Constitutis.*] Quæ hæc constituta sint, mihi
non liquet.

(6) *Zosimas*] Alii *Sosimus*. Martyrologium Rom.,
4 Apr. « In Palæstina sancti Zosimi anachoretæ, qui
funus sanctæ Mariæ Ægyptiacæ curavit.

(7) *Psallentia.*] Ita nunc loquebantur. Sæpe oc-
currit *psallentium* apud Gregorium Turonensem.
Vide Onomasticon.

(8) *Regia.*] Ita Ms. Aliæ editiones : *janua*. Intel-
ligit primam monasterii januam, quæ *Regia* diceba-
tur. Vide Onomasticon.

(9) *Annonabat.*] Ita Ms. Surius : « annonam fere-
bat. » Alia versio : « vitæ necessaria ferebat. »

(10) *Corpori ad mensuram sufficiens.*] Surius :
« Aquam corpori ad mensuram sufficiens. » Alia ver-
sio : « Parvum panem ad fragilitatem corporis sus-
tentandam. » Ut suspicer in textu nostro omissum
paximatum quod alia versio interpretatur *parvum
panem*.

(11) *Obscuritatem.*] Ita tres Mss. Surius et aliæ
editiones, *scurrilitatem*. Sed Paulus obscuritatem
seu *obscurritatem* a scurra formaverit.

(12) *Nonna.*] Ita Mss. Vetus editio, *numos*. Su-
rius, *mater*. Vide Onomasticon.

(13) *Redde terræ.*] Similis sententia in Vita san-
cti Pauli primi eremite.

(14) *Parmolhi.*] Ita Ms. In Surio est *Parmathi*, et
in margine *Parmenuthi*. Vetus editio : *Parmenothi*.
Pharmuthi est octavus mensis Ægyptiorum. Vide in
Onomastico tabulam mensium.

VITA SANCTÆ MARINÆ (1),

VIRGINIS,

AUCTORE INCERTO.

CAPUT PRIMUM.— **393** Erat quidam sæcularis habens unicam filiam parvulam. Ipse converti cupiens, commendavit eam cuidam parenti suo, et abiit ad monasterium, quod longe erat de civitate milliaria triginta duo. Et ingressus persciebat omne opus quod erat monasterii, ita ut abbas ejus amplius eum quam cæteros qui in monasterio erant diligeret, eo quod fidelis esset et obediens. Contigit autem, post aliquod tempus, ut recordaretur charitatis filiae suæ, et cœpit contristari atque affligi intra se, Et cum per multos dies hoc faceret, vidit eum abbas ejus tribulantem, et dixit ei : Quid habes, frater, quod sic tristis ambulas? dic mihi, et Deus qui consolatur omnes, dabit tibi auxilium. Tunc ille procidens cum lacrymis ad pedes ejus, dixit : Habeo unum filium in civitate quem reliqui parvulum, et recordatus, affligor propter eum. Et noluit indicare ei quod puella esset. Abbas vero ejus ignorans quod esset, et nolens eum amittere, quia necessarius erat monasterio, dicit ei : Si diligis eum, vade, et adduc eum huc, et sit tecum. Et abiens adduxit eam, dicebaturque Marina. Et mutavit ei nomen, et vocavit eam Marinum. Et dedit eam ad discendas litteras intra monasterium, et erat cum ea : nullusque agnovit de fratribus quod puella esset, sed vocabant eam omnes Marinum. Et dum esset annorum quatuordecim, cœpit eam docere pater suus viam Domini, et dicebat ei : Vide, filia, ut nullus cognoscat mysterium tuum usque in finem tuum, et sollicita sis ab insidiis diaboli, ne seducaris ab eo, et istud sanctum monasterium videatur per nos solvi, ut in conspectu Christi cum sanctis angelis ejus coronam, et non cum impiis æternam damnationem accipiamus. Et alia multa docebat eam per singulos dies de regno Dei.

CAP. II. — Dum autem facta esset annorum decem et septem, defunctus est pater ejus. Remansit vero hæc sola in cella patris sui, et ipsa observavit se in omnibus doctrinis patris sui, et erat obediens omnibus in monasterio, ita ut ab abbate suo et ab omnibus diligeretur. Habebat autem monasterium par boum et carrum, quia vicinum habebat mare, ubi erat emporium ad millia tria; et ibant monachi, et afferebant quæ necessaria erant monasterio. Una vero die dicit abbas ejus : Frater Marine, quare et tu non vadis cum fratribus et adjuvas eos? Quæ respondit : Jussisti, Pater? Erat autem in ipso emporio pandochium (2). Cœpit ergo frater Marinus frequenter pergere cum carro, et si faciebat tarde ad rever-

tendum, manebat in ipso pandochio cum cæteris monachis.

CAP. III.—Contigit autem per insidias inimici, ut pandox ille haberet filiam virginem. Ad quam ingressus miles aliquis, concubuit cum ea, et concepit puella de illo milite. Et dum cognitum fuisset a parentibus ejus, cœperunt affligere puellam, dicentes : Dic nobis de quo concepisti? Respondit eis : De illo monacho, qui dicitur frater Marinus, qui hic frequenter cum carro mansit, ipse me oppressit, et concepi. Statim autem perrexerunt parentes ejus ad monasterium, et dicunt abbati : Ecce, domine abba, quid fecit monachus tuus Marinus? quo modo decepit filiam nostram? Dicit eis abbas : Sinite, videamus si manifesta sunt quæ dicitis. Et veniente eo dicit ei abbas ejus : Frater Marine, tu hoc scelus operatus es in filia eorum? Stans diutius cogitavit, intra se ingemiscens dixit : Peccavi, Pater, pœnitentiam ago huic peccato; ora pro me. Ad iracundiam autem commotus abbas, jussit eum contundi et affligi. Et ait : In veritate dico, quia tu qui hoc malum operatus es non manebis in hoc monasterio. Et jactavit eam foras. Ipsa vero nunquam ulli confessa est mysterium suum, sed abiens jactavit se ante fores monasterii, et jacebat super terram in pœnitentia, affligens se tanquam **394** ipsa peccasset, et ab ingredientibus fratribus postulabat ut vel una buccella panis ei daretur. Hoc faciens per tres annos, non recessit de monasterio. Pandochis vero filia peperit filium masculum, et ablactavit, et adduxit eum mater puellæ secum, et jactavit eum ibi ante monasterium, et dicit ei : Ecce, frater Marine, quomodo nosti nutrica filium tuum. Et reliquit eum ibi, et abiit. Sancta virgo suscipiens, tanquam proprium filium, de ipsa buccella panis, quam accipiebat ab introeuntibus in monasterium, nutricabat filium alienum. Factum est hoc per alios duos annos.

CAP. IV. — Postmodum autem videntes fratres, misericordia compuncti, ingressi ad abbatem rogare cœperunt ut eum reciperet in monasterium, dicentes : Abba, indulge et suscipe fratrem Marinum. Ecce quinque anni sunt, quod in pœnitentia ante januam monasterii jacet, et non recessit unquam hinc. Suscipe eum in pœnitentiam, sicut Dominus noster Jesus Christus præcepit. Vix autem cœgerunt eum, et jussit eum ingredi, et vocavit eum ad se, et ait : Pater tuus fuit vir sanctus, quod tu nosti, et parvulum introduxit te in hoc sanctum monasterium

et non est operatus quidquam mali, quod tu cogitasti, et fecisti: nec aliquis in hoc sancto monasterio. Nunc autem ingressus es cum filio tuo quem de adulterio habes, unde oportet te pœnitere. Grave enim peccatum fecisti. Et hoc tibi jubeo, ut omnes munditias monasterii tu solus quotidie facias, et aquam ad necessaria purganda portes, et calcearium (3) omnibus per singulos dies tu perficias, omnibusque servias, in hoc enim habebis meam gratiam. Sancta vero libenti animo suscipiens, omne opus quod ei jussum perficiebat.

CAP. V. - Contigit autem eam intra paucos dies dormire in Domino. Euntes vero fratres, nuntiaverunt abbati dicentes: Frater Marinus defunctus est. Dicit eis abbas: Videte, fratres, quale peccatum fuit, ut nec meruerit pœnitentiam, Sed tamen ite, lavate eum, et sepelite longe a monasterio. Et euntes, dum lavant eum, cognoverunt eum quia femina esset. Et cœperunt omnes emittere voces, et tundentes se, clamabant: Quia talis conversatio et patientia sancta inventa est in ea, cujus mysterium nullus agnovit, et sic ab eis afflictâ fuisset. Et venientes cum lacrymis, dicunt abbati: Abba, veni et vide fratrem Marinum. Dicit eis: Quid est hoc? Fratres dicunt iterum: Veni et vide mirabilia Dei, et vide quid de te

Agas. Ille territus perrexit, et venit ad corpus. Et levans pallium, unde coopertum erat, vidit quia mulier esset; et irox cecidit, et caput suum percutebat in terram: et vociferabatur dicens: Conjuro te per Jesum Christum Dominum, ne me condemnes ante conspectum Dei eo quod afflixerim te, quia ignorans feci. Tu, domina, non dixisti mysterium tuum, et ego non cognovi in veritate sanctam conversationem tuam. Et jussit sanctum corpus ejus intra monasterium in oratorio reponi.

CAP. VI. - Eadem vero die puella illa arrepta a dæmonio venit ad monasterium, et confitebatur crimen quod admiserat, et de quo concepisset. Et in septima die repausationis ejus in Domino. ibi intra oratorium liberata est a dæmonio. Audientes autem qui erant in ipso emporio, et vicina monasteria, mirabilia quæ facta fuerant, accipientes cruces et cereos, cum hymnis et canticis et psalmis, benedictentes Deum, venerunt in eodem monasterio, et oratorium ingressi ubi corpus ejus requiescebat, benedixerunt Deum. Ubi usque modo Christus orationibus sanctæ virginis multa facit mirabilia, ad laudem nominis sui. Qui cum Patre et Spiritu sancto vivit et regnat Deus, per omnia sæcula sæculorum. Amen.

ROSWEYDI NOTATIO.

(1) *Marinz.*] Tres *Marinas* in tabulis Ecclesiasticis invenio, *Alexandrinam*, *Antiochenam*, *Hispanam*, sed valde inter se confusas, ut difficile statuere sit an duæ tantum, an tres fuerint. Videamus de singulis, et eas inter se comparemus, collatis auctoribus.

Marinæ nostræ, quæ *Alexandrina* est, memoria certo die consecrata invenitur in Menæis 12 Februarii, ubi *Maria* primo, deinde mutato habitu *Marinus* dicitur. Nulla ejus in Menologio mentio, sed alterius *Marinæ* virg. et mart., 17 Julii, quæ Latinis *Margareta* dicitur.

Apud Latinos vereor ut certi quid statui possit. Nam valde variant tam vetusta quam recentiora Martyrologia quoad diem, quoad locum, quoad martyrii lauream, ut hæc nostra *Marina*, quæ virgo tantum fuit, videatur cum alia aliqua, quæ et virgo et martyr fuit, ex nominis affinitate confusa.

Cujus varietatis et confusionis occasionem inde ortam existimo, quod sancta *Margareta* virg. et mart. *Antiochena* a Græcis *Marina* dicta sit. Inde *Beda*, *Rabanus*, et *Nothkerus*, qui *Marinam* martyrem habent 18 Junii, apud *Antiochiam* sub *Olybrio* præfecto, eamdem eodem loco, *Margaretæ* nomine habent 13 Julii. Et quidem *Rabanus* et *Notkerus* ibi eundem quoque præfectum *Olybrium* exprimunt, Romanum autem Martyrologium *Margaretam* habet 20 Julii.

Usuardus vero ex prima recensione *Molani* habet 18 Junii: « *Alexandriæ* passio sanctæ *Marinæ* virg. » quod in *Usuardo* ex secunda *Molani* recensione omittitur; nec ulla fit in ea editione mentio *Marinæ*, quæ *Alexandriæ* sit passa.

Sed *Molanus* tam in prima quam secunda *Usuardi* recensione, 20 Julii, non in textu *Usuardi*, sed in additionibus, *Margaretæ* diem festum ponit, de qua in annotatione ex secunda recensione dicit *Usuardum* nomine *Marinæ* habere 18 Junii, quod intellige de *Usuardo* ex prima ejus recensione; nam in secunda, ut dixi, omittitur.

Qui porro in annotationibus secundæ recensione ad 20 Julii addit, fortassis incuria scriptoris 18 Junii vitiose irrepsisse *Alexandriæ*. Nam *Beda*, inquit,

eo die secundum historiam habet, in *Antiochia*. Unde apparet *Molanum* utrobique *Marinam* et *Margaretam* pro eadem accepisse.

Qui rursus in additionibus ad *Usuardum* tam primæ quam secundæ suæ recensione, 13 Julii, ait *Margaretam* eo die apud multos coli. Et eo die manuscriptus meus *Usuardus* diserte *Margaretam* habet, atque ita cum *Beda*, *Rabano*, *Notkero* de *Margaretæ* diē consensit.

Nondum igitur *Marinæ* nostræ festum diem excusis quatuor vetustis Martyrologii scriptoribus, certum apud Latinos habemus; imo ne quidem ejus memoriam.

Habetur quidem in *Adone* vulgato, 18 Junii: « In *Alexandria* sanctæ *Marinæ*, virginis et mart., et *Balbinæ*. » Sed præfixa hic est stellula a *Mosandro*, *Adonis* editore, quod id in aliis tribus Manuscriptis, quibus ipse usus est, non esset, præterquam in uno a *Benedictino* quodam aucto. Et certe in meis duobus vetustissimis Manuscriptis nulla hic *Marinæ* nostræ apud *Adonem* mentio; quare nec quod martyr dicatur, *Adoni* est imputandum, ut hic putavit *Baronius*. Imo vero quia martyr dicitur, capiendum erit de *Marina* seu *Margareta*, ut *Molanus* ad *Usuardum* cepit: et pro in *Alexandria*, ponendum erit in *Antiochia*, loco cujus non rite apud *Galesinium* est, in *Achaia*.

Ita in Manuscripto *Adone* nulla *Marinæ*, nulla quoque *Margaretæ* memoria. Nam quod in editione *Mosandri* *Margarita* habetur 13 Julii, ibi quoque stellula præfixa est, quod id aliis Mss. deesset.

Quis igitur dies *Marinæ* nostræ apud Latinos assignabitur? Habetur quidem in Martyrologio Romano *Baronii* 18 Junii: « *Alexandriæ* passio sanctæ *Marinæ* virginis, » quam *Baronius* ibi putat *Marinam* nostram esse. Sed quomodo illi passio convenit? cur non potius de *Marina* seu *Margareta* virgine et martyre accipiatur, uti præeunt *Beda*, *Rabanus*, *Notkerus*?

Nisi velimus tres hos Martyrologos *Marinam* seu *Margaretam* virg. et mart. cum *Marinæ* nostræ tan-

tum virg. confudisse, quandoquidem iidem rursus A esse cum Marina virgine, quæ hic in Patrum Vitis de Margareta agent 13 Julii.

Atque ita 18 Junii in Martyrologio Romano legendum erit, *Alexandriæ sanctæ Marinæ virg.*, omiſſa *passionis* voce, uti jam olim Bellinus in Martyrologio Rom. expressit. Ita quoque habet Usuardus meus manuscriptus. Nisi quis *passionem*: et quod *martyr* dicitur interpretari malit, quod multa a fratribus suis religiosis passa sit, uti 9 Jan. Basilissa dicitur *martyr*, quia multa passa fuit, etsi non affecta martyrio. Certe Florarium manuscriptum sanctorum, 18 Junii nostram Marinam etiam cum *passionis* voce agnoscit. Ait enim: « Alexandriæ passio sanctæ Marinæ virginis, cujus gesta habentur circa finem quinti libri de Vitis sanctorum Patrum. » Intelligit editionem primam Vitarum sanctorum Patrum; nam ibi in fine quinti libri habetur.

De Marinæ nostræ virginis translatione Venetias Martyrolog. Rom., 17 Julii: « Venetiis translatio sanctæ Marinæ virg. ; » quod a Baronio additum existimo Martyrologio Romano, ex Petri Aquilini catalogo Sanctorum. l. vi, cap. 108, nam in Martyrologio Romano Bellini non habetur.

Aliam Marinam virg. et mart. exhibet Martyrolog. Romanum Baronii 18 Julii: « Gallæciæ in Hispania sanctæ Marinæ virg. et mart. ; quod in nullo antiquo Martyrologio reperio, nec quidem Romano Bellini, ut a Baronio ex Hispanicis scriptoribus insertum existimem Martyrologio Romano. Unde fortassis non frustra dubitant quidam, num hæc Hispanica Marina eadem sit cum alterutra Marinarum jam assignatarum, id est vel Alexandrina vel Antiochena. Refert enim Villegas in Flore sanctorum Hispaniæ, parte 1, 18 Julii, quosdam esse qui hanc censeant eandem

occurrit. Sed cum ea virgo tantum fuerit, non etiam martyr qualis Hispana Marina existimatur, minus videtur eorum sententia probabilis.

Alios esse refert, qui hanc eandem faciant cum Marina seu Margareta virgine et martyre quæ passa est Antiochiæ. Et quidem Molanus in annotationibus ad Usuardum, 20 Julii ex secunda recensione asserit Hispanos in lectionibus 18 Junii (*puto Julii*) habere, Marinam fuisse ex Antiochia Gallæciæ, et cum nulla Antiochia sit in Gallæcia, non videtur improbabile Margaretam ab Hispanis coli, sed Marinæ nomine. Favet huic sententiæ, quod in eumdem pene diem utriusque festum incurrat. Nam Marina seu Margareta Antiochena in Menologio ponitur 17 Julii, in Martyrologio Romano 20 Julii; Hispana autem in Martyrologio Romano 18 Julii; in Thesaurio concionat 19 Julii.

Villegas tamen supra, et Thesaurus concionatorum Thomæ de Trugillo, tomo III, 19 Julii quædam Marinæ Hispanæ propria assignant, ut clibanum, in quem conjecta dicitur. et fontem in quo quædam ejus interventu miracula ferunter perpetrata, quæ eruditi viri qui vicini sunt viderint quo referri debeant.

(2) *Pandochium.*] Ita Manuscripti. Coloniensis editio, *pandocium*, id est *taberna*. Vetus, *homo manens nomine pandox*. Rectum est *pandochium*, *πανδοχειον*, taberna. Sic *pandox*, tabernarius.

(3) *Calcearium.*] Ita Coloniensis editio. Vetus, *calcarium*. Intelligit, opinor, ministerium aliorum calceos purgandi. In Ms. est *caldarium* vel *caliclarium*. An igitur intelligitur ministerium quædam præparandi? vel fratrum caliculos eluendi?

VITA BEATÆ FABIOLÆ,

AUCTORE DIVO HIERONYMO PRESBYTERO,

(Hujus epistolæ textum legere est Patrol. tom. XXII, col. 690.)

RŌSWEYDI NOTATIO.

400 *Fabiolæ.*] Dies obitus ejus ignoratur, nec C in tabulis ecclesiasticis exstat memoria.

Apud nos.] Cato, oratione de Dote, apud Gellium, lib. x, cap. 23: « In adulterio uxorem tuam si deprehendisses, sine judicio impune necares: illa te, si adulterares, digito non auderet contingere, neque jus est. » Vide Cod. lib. ix: ad l. Juliam, de adulterio et stupro. Alia lex apud Christianos.

Laterani.] Erat hic Plautius Lateranus, de quo Tacitus lib. xv, et Arrianus, lib. ii, cap. 1. Ædium Laterani meminit Juvenalis sat. 10, et Julius Capitolinus in M. Antonio Philosopho: « Educatuſ est in eo loco in quo natus est, et in domo avi sui Veri juxta ædes Laterani. » Idem in Vero imper. meminit Sextilii Laterani consulis.

Staret in ordine penitentium.] Baronius, tom. VI, anno Christi 390, Siricii papæ 4, Valentiniani 15, Theodosii 12, imp. post narratam Theodosii imp. penitentiam subdit: Quam vigeret hoc tempore in Ecclesia severitas publicæ penitentiae, a quo non liberaret excusaretve nobilitas, dignitas, neque sexus, plane declaratur alio exemplo clarissimæ feminæ Romanæ, Fabiolæ nomine, quæ adhuc supererat Fabiorum antiquæ familiæ nobile germen. Hanc contigit ob secundas nuptias post divortium factum cum priori viro illicite contractas, hisce ferme diebus, publicam Romæ agere penitentiam.

Clinicum.] Infra, in Vita Paulæ, num. 5: « Quis clinicorum non ejus facultatibus sustentatus est? »

Clinicus est, *κλίνη*, lectus, detinet, nec inde se præ ægritudine movere potest. Vide Onomasticon.

Peragrabat ergo insulas, et totum Etruscum mare.] Baronius, tomo V, anno Christi 390, Anastasii papæ 1, Arcadii et Honorii imp. 4 Ex quibus, inquit, plane intelligis quam brevi tempore ex Ægypti vinea plantatæ in Romano solo propagines extenderint usque ad mare, et intra mare in insulis palmites suos. Propagatos autem ad posteros etiam, qui erant in Tyrrenis maris oris et insulis, monachos; et ipsam Gorgoniam insulam, ubi unum tantum fuisse Rutilius tradit (*Rutil.*, lib. i *Itiner.*), pluribus esse monachorum germinibus auctam, ex litteris sancti Gregorii papæ (*Greg.*, lib. i, *epist.* 48) possumus perspicue intelligere, dum de Palmariæ et aliarum insularum monachis meminit, necnon de pluribus monasteriis in insula Gorgonia congregatis, et postea ad meliorem formam per ipsum Gregorium restitutis.

Erupisse Hunnorum examina.] Hieronymus in Chronico, anno 48 Valentis: « Gens Hunnorum D Gothos vastat: qui a Romanis sine armorum depositione suscepti, per avaritiam Maximi ducis, fame ad rebellandum coacti sunt. » Vidè Orosium, lib. vii, cap. 33.

Baronius, tomo V, anno Christi 295, Siricii papæ 11, Arcadii et Honorii imp. 1. Hoc anno Fabiola, inquit, clarissima femina, quæ concesserat Jerosolymam, ut ibi reliquum vitæ ageret, horum grassatione perterrita, una cum aliis navim conscendere, et in

Italiam remeare compulsus est. Vide ibi plura de Hunnorum eruptione et grassatione.

Aberat tunc Romanus exercitus, et bellis civilibus in Italia tenebatur.] Baronius, loco proxime citato: Quem enim secum Theodosius in Occidentem adversus Eugenium tyrannum Orientis exercitum duxerat, Stilico Theodosii defuncti voluntatem Italia detinebat. De Romano illo exercitu et bello contra Eugenium, vide eundem Baronium, tomo IV, anno Christi 394 et seq.

Herodotus.] Lib. 1, et initio IV, qui eos Scythas vocat, et XXVIII annis Asiam tenuisse narrat.

Ob nimiam auri cupiditatem.] Baronius, tomo V, ante citato: Cupidissimum sane omnium mortalium hoc genus hominum esse, Ammianus, cum eorundem mores pluribus scribit, affirmat (*Ammian., lib. xxxi*).

Erat in illo tempore quædam apud nos dissensio.] Baronius, tomo V, anno Christi 395, Siricii papæ II, Arcadii et Honorii imp. I. Quænam, inquit, essent dissensiones illæ, quibus in Palæstina inter se invicem fideles altercabantur studio indefesso, superiori dicta sunt tomo (*Baron., tomo IV. anno Christi 392, 393, 394*), fuisse nimirum Origenistarum improbitate conflatas quibus Joannes episcopus Jerosolymorum, Evagrius Ponticus, Palladius Galata, Isidorus Alexandrinus, et Ruffinus Aquileiensis in primis studebant

Dormivit illa.] Baronius, tomo V, anno Christi 400, Anastasii papæ III, Arcadii et Honorii imp. 6, obitum Fabiolæ ponit, atque ita colligit: Hoc anno, inquit, defunctæ sanctæ Fabiolæ spectatæ egregiequæ sanctitudinis, et generis claritudine celebris viduæ sanctus Hieronymus rogatus ab Oceano epitaphium scripsit: cujus exordium cum ita diversa tempora numeret, quo potissimum anno id acciderit circumscribit, dum ait: « Plures anni sunt quod 400 superdormitione Bresillæ Paulam venerabilem feminam recenti

adhuc vulnere consolatus sum; quartæ ætatis circulus volvitur, ex quo ad Heliodorum episcopum, Nepotiani scribens epitaphium, quidquid habere potui virium in illo tunc dolore consumpsi; et ante ferme biennium Pammachio meo pro subita peregrinatione Paulinæ brevem epistolam dedi, erubescens ad disertissimum virum plura loqui, etc. Paulo vero. post: « In præsentiarum tradis mihi Fabiolam, laudem Christianorum, miraculum gentilium, luctum pauperum, solatium monachorum, etc. (*Hieron., epist. 30*). Cum igitur ipse sanctus Hieronymus quatuor annos numeret ab obitu Nepotiani; duos vero a dormitione Paulinæ, præsentem annum Fabiolæ funeri ipsum ascribere, ex iis quæ superius dicta sunt satis manifestum apparet, ut de his nec levis quidem dubitandi relinqui possit occasio.

Nisi quod cum reperias in litteris sancti Hieronymi post decem annos, nempe post urbis excidium, scriptis ad Marcellinum et Anapsychiam, de Fabiola tanquam vivente mentionem haberi (ad quam idem sanctus Hieronymus duos in Ezechielem libros a se conscriptos misisse testatur (*Hieron., epist. 8; præfat. in lib. I. in Ezech.*), quos non nisi post excidium urbis ipsum elucubrasset liquet), affirmare necesse est, aliam illam ab hac fuisse Fabiolam, minoremque dicendam; nec quidem mirum, cum et duas Paulas, totidemque Melanias, seniores ac juniores, eodem tempore liceat numerare.

Furius.] Vide Livium, lib. v, cap. 49; Florum, libro I, cap. 13.

Papirius.] Livius, lib. x, cap. 39; Florus, lib. I, cap. 16.

Scipio.] Florus, libro II, cap. 18; Orosius, lib. VI, cap. 5.

Pompeius.] Florus, lib. III, cap. 5; Appianus, in Mithridatico: et Plutarchus, in Vita Syllæ.

JANUARI II XXVI.

VITA SANCTÆ PAULÆ ROMANÆ VIDUÆ

AUCTORE DIVO HIERONYMO PRESBYTERO.

(*Hujus epistolæ textum videsis Patrol. tom. XXII, col. 878.*)

ROSWEYDI NOTATIO.

Paulæ.] Martyrologium Romanum 26 Januarii: « Apud Bethleem Judæ dormitio sanctæ Paulæ viduæ, matris Eustochii virginis Christi. Quæ cum esset e nobilissimo senatorum genere, renuntians sæculo, et facultates suas pauperibus distribuens, ad præsepe Domini se recepit: ubi multis virtutibus prædita, et longo coronata martyrio, ad cælestia regna transivit: cujus vitam virtutibus admirandam sanctus Hieronymus scripsit. » Nata est Paula Romæ patre Rogato, matre Blesilla, ut hichabes c. 2, cujus natalen anno 11 Constantii, Christi 351, ponunt.

Alia est Paula junior, hujus neptis ex Toxotio filio et Læta genita, uti hic habes, cap. 23.

Fugiendo gloriam.] Sallustius in Catilinario: « Itaque quo minus gloriam petebat, eo magis illam assequabatur. » Nazarius in Panegyrico Constantini: Nusquam gradum extulisti, quin ubique te gloria quasi umbra comitata sit.

Blesillam.] Baron., tomo IV, anno Christi 382, Damasi papæ 16, Gratiani 16, Valentiniani 7, Theodosii 4, imp. Quod, ait, pertinet ad Blesillam, tantæ hæc virtutis fuit, ut viginti annorum vidua a

viro relicta, quocum mensibus tantum septem vixerat, magis, inquit Hieronymus (*Hieron., epist. 25*), ipsam deploraverit amissam virginitatem, quam mariti obitu doluerit.

At quonam modo ad mundi contemptum hanc idem sanctus Hieronymus instituerit, ipse ad Eustochium sororem scribens docet his verbis: « Memini me ante hoc ferme quinquennium, cum adhuc Romæ essem, et Ecclesiasten sanctæ Blesillæ legerem, ut eam ad contemptum mundi hujus provocarem, et omne quod in mundo cerneret, putaret esse pro nihilo, rogatum ab ea, ut in morem commentarioli obscura quæque dissererem, ut absque me posset intelligere quæ legebat. Itaque quoniam in procinctu nostri operis subita morte subtracta est, etc. (*Idem, epist. 116.*)

Porro quantæ hujus adolescentulæ viduæ virtutes extiterint, idem sanctus Hieronymus in consolatione de obitu ejus ad Paulam matrem conscripta pluribus docet (*Idem, epist. 25*).

Fuisse autem excultam Græcis ac Latinis litteris, idem affirmat, cum ait: « Si Græce loquentem au-

disses, Latine eam nescire putares. Si in Romanum sonum lingua se verterat, nihil omnino peregrini sermo redolebat. » Sed et de eadem subdit: « In paucis non dicam mensibus, sed diebus ita Hebrææ linguæ vicerat difficultates, ut in discendis canendisque Psalmis cum matre contenderet. »

Inter quatuor Paulæ filias, nempe Paulinam, Eustochium, Blesillam. atque Ruffinam, primam omnium Blesillam contigit ex hac vita migrasse, ut idem sanctus Hieronymus ad Pammachium scribens affirmat (*Idem, epist. 26*). De cuius ad Christum conversione exstat ejusdem ad sanctam Marcellam epistola, ubi agit de ægrotatione Blesillæ (*Idem, epist. 23*). Hactenus Baronius.

De ejus obitu idem Hieronymus, epist. 10, ad Furiam: « Blesillamque prætereo, quæ maritum suum, tuum secuta germanum, in brevi vitæ spatio tempora virtutum multa complevit »

Paulinam.] Baronius, *ibid.* De Paulina ejusdem sanctæ Paulæ filia, sorore Blesillæ, exstat in ejus dormitione sancti Hieronymi epistola ad Pammachium consobrinum sanctæ Marcellæ, ut diem sanctus Hieronymus tradit (*Idem, epist. 56, 25, 50*), qui fuit ejus Romæ condiscipulus.

Eustochium.] Baronius, *ibid.*: De Eustochio minores sunt omnes laudes sancto proposito quod suscepit, et vitæ instituto quod arripuit, quas inajoribus in dies virtutum incrementis adauxit, ac tandem feliciter consummavit. De qua ad Pammachium hæc Hieronymus: « Quid Eustochio fortius, quæ nobilitatis portas et arrogantiam generis consularis virginali proposito fregerit, et in urbe prima primum genus subjugaverit pudicitie (*Idem, epist. 26*)? » Hanc altiore gradum cæteris conscendentem idem sanctus Hieronymus scripto ad ipsam de Custodia virginitatis libello adjuvit (*Idem, epist. 22*). Quidnam autem terribile acciderit Prætextatæ amitæ, virginem a suscepto proposito abripere conanti, narrat sanctus Hieronymus epistola ad Lætam hæc probe scientem (*Idem, epist. 7*), quæ Paulam filiam natam ex promissione martyris virginem permansuram Deo dicaverat adhuc tenellam.

Ruffinam.] Baronius *ibid.*: Quarto loco nata Rufina, nupta est viro clarissimo Aletio; quæ immaturo funere, inquit Hieronymus (*Idem, epist. 27*), pium matris animum consternavit. Hujus præclaras virtutes sanctus Paulinus Nolanus episcopus scripsit in consolatione obitus ejus ad Aletium virum ipsius (*Paulin., epist. 31*). Porro hæc minor natu, nondum nupserat, quando ab urbe recessit Paula mater Jerosolymam prefectura; sed jam nubilis facta, ut testatur sanctus Hieronymus (*Hieron., epist. 27*), femina matris educatione sanctæ æque viro sancto conjuncta; de qua idem Paulinus: « Est enim conjux fidei, soror virginitatis, filia perfectionis; cui Paula mater, soror Eustochium, tu maritus (*Paulin., epist. 31*). »

Toxotium.] Baronius *ibid.*: Toxotius duxit uxorem Lætam, Albinii filiam, ethnici hominis, et gentilitiæ superstitionis pontificis, ex quibus genita est Paula junior. Mirandum plane accidit, ut pia conversatione Toxotii atque Lætæ, Albinus pontifex, Christianæ religionis hostis implacabilis, admirante præ miraculo urbe, jam evaserit Christianus, ut idem sanctus Hieronymus narrat his verbis, scribens ad ejus filiam Lætam de Paula filia: « Quis inquit, hoc crederet, ut Albinii pontificis neptis de promissione martyris nasceretur? ut præsentem et gaudentem avo, parvula adhuc lingua balbutiens, Christi Alleluia resonaret? ut virginem Christi in suo gremio nutriret senex? Et bene feliciterque expectavimus. Sancta et fidelis domus virum sanctificat infidelem. Jam candidatus est fidei, quem filiorum et nepotum credens turba circumdat. Ego puto etiam ipsum Jovem, si habuisset talem cognationem, potuisse in Christum credere (*Hieron., epist. 7*). » Hæc ipse. Grande sane miraculum, potuisse senem renasci denuo, atque idolorum pontificem in extrema fidelium classe pro-

ferri, et incipere discere religionis elementa, qui apud suos sacrorum agebat antistitem, et decrepitum senem a nepte infantula balbutiente depromptum reddere Alleluia, quam ipsam mater Læta sanctissima femina cupida despondere virginem Christo, ab eodem sancto Hieronymo petiit et accepit de institutione ejusdem filiæ epistolam paræneticam: qua ipsa quantum profecerit, illud modo satis sit indicasse, eandem ætate auctam ad aviam Paulam Jerosolymam navigasse, ibique cum sancto Eustochio in sancta Deo dicata virginitate consenuisse (*Idem, epist. 7*).

Clinicorum.] Male in quibusdam codicibus, clericorum. Supra, in Vita Fabiolæ, num. 6: « Quem numquam et clinicum non Fabiolæ vestimenta texere? » Vide Onomasticon.

Cumque Orientis, etc.] Baronius, tomo IV, anno Christi 382. Damasi papæ 16, Gratiani 16, Valentiniani 7, Theodosii 4, imperatorum, 4 ¶ ¶ Orientis et Occidentis episcopos ad Romanum concilium convenisse asserit.

Exacta hieme.] Baronius *ibid.*: Non tantum episcoporum adventus Romam ad concilium significatur, sed tempus quo Romæ manserunt, pariter innotescit, nempe commemoratos esse Romæ usque ad sequentis anni veris tempus.

Descendit ad portum.] Baronius, tomo IV, anno Christi 385, Siricii papæ 1, Valentiniani 10, Theodosii 7, imp., hoc anno Paulæ profectionem, qua Jerosolymam petiit, ponit. Ut autem, inquit, hæc certo cognoscas quod ad tempus pertinet, illud in primis accipe. Cum idem sanctus Hieronymus affirmet defunctam esse Paulam coss. Honorio VI et Aristæneto; rursumque dicat eandem Jerosolymis commorata esse annos viginti, utique affirmare necesse est hoc anno eam Jerosolymam profectam esse, etc.

Quod autem ad Paulæ ex urbe profectionem spectat, dignum plane Christiana spectaculum Roma tunc vidit, feminam consularem, patriæ parentumque splendorem, divitias, charaque pignora amplius non reversuram relinquere, atque una cum filia Christo dicata ad Christi cunabula per tot maris spatia et vitæ discrimina navigare, etc.

Ad insulam Pontiam.] De insulis Pontiis Plinius l. III, cap. 6; Mela, l. II, c. 7; Suetonius, in Caligula, cap. 15.

Flaviæ Domitillæ.] Eusebius, in Chronico, anno Domitiani 16: « Scribit Brutius, plurimos Christianorum sub Domitiano subisse martyrium. Inter quos et Flaviam Domitillam. Flavii Clementis consulis ex sorore neptem, in insulam Pontiam relegatam, quando se Christianam esse testata est. » Idem de ea Histor. Eccl. l. III, cap. 19. Vide de ea Martyrol. Rom. et Annales Baronii.

Segor vitulam conternantem.] Hoc loco conternantem intelligit τριετή, trium annorum. Vide divum Hieronymum in locis Hebraicis, in Zoara et Baba. Vide etiam Onomasticon.

Errore Dosithei.] Ex primis hæreticis fuit Dositheus, a quo hæresis Dositheorum. Vide Hieronymum, contra Luciferianos.

Nanque cernebat.] Baronius, tomo IV, anno Christi 385, Siricii papæ 1, Valentiniani 10, Theodosii 7, imp. His similia narrat sanctus Hilarius, libro de Synodis, necnon sanctus Paulinus, in Natali 7 sancti Felicis; atque Severus, Dial. l. III, qui de feminis arreptitiis illud addunt, quod licet pedibus suspensæ essent, deorsum capite, nihilominus vestes inhærent divino miraculo pedibus, quo femineo esset pudori consultum. De his fortasse Hieronymus, apolog. adversus Ruffin. « Vidi multa miracula, et quæ prius ad me fama pertulerat, oculorum judicio comprobavi. »

Campos Taphneos.] Ita Surius et Reatinus. Vetas editio: Thaneos sine campis, jungendo cum terram Gessen.

Episcopo Isidoro confessore.] Hujus memoria oc-

currit in Romano Martyrol. 2 Januarii: « Nitriæ in Ægypto beati Isidori, episcopi et confessoris. » Non recte hic Reatinus intelligit Isidorum Pelusiotam.

Arsatas.] Vetus editio et Reatinus, *Arsenius*. Existimo intelligi *Arsacium*, de quo Palladius Lausiæ. Hist. cap. 7, ubi Serapionem ei jungit, uti hic Hieronymus. Nisi intelligatur *Arsisius*, de quo etiam Palladius c. 7 et 117; Sozomenus, l. III, c. 13, et lib. VI, c. 30, ubi etiam Serapionis junctim meminere. H. Gravius divinabat *Arsenitas*. An intelligit *Arseniotas*? Sed illa gens est Integra a loco sic dicta. Non dubito quin particulare alicujus hic nomen Hieronymus posuerit, quod adjuncta succident.

Quidam veterator callidus.] Baronius, tomo IV, anno Christi 388, Siricii papæ 4, Valentiani 13, Theodosii 10, imp. Sed et Palladius ei (Evagrio) inhærens ejusdem quoque morbi (Origenistarum) contagione contabuit; de quo Hieronymus adversus Pelagianos agens hæc habet: « Palladius servulis nequitiae eandem hæresim instaurare conatus est, et novam translationis Hebraicæ mihi calumniam struere; num et illius ingenio nobilitatique invidimus? Nunc quoque mysterium iniquitatis operatur, » etc. (*Hieron. proœm. advers. Pelag.*) Ob quam etiam causam sanctus Epiphanius eundem in Palæstina ista docentem deplorans, ait: « Palladium vero Galatam, qui quondam nobis charus fuit, et nunc misericordia Dei indiget, cave, quia Origenis hæresim prædicat et docet, ne forte aliquos de populo tibi credito ad perversitatem sui inducat erroris (*Apud. Hieron., epist.* 60). » Hæc ipse scribens ad Joannem Jerosolimitanum episcopum, cum idem Palladius jam deseruisset eremum Nitriæ, et morbi causa, ut ipse testatur (*Pallad., in Lausiæ., cap.* 22), abiisset in Palæstinam; ubi aliquandiu moratus, hæreses docebat Origenis: quem cavendum Epiphanius Joannem ejus loci episcopum quam primum admonuit. Cum vero Origenistarum nullum alium nominet, nisi Palladium, certe etsi alii essent eadem labe conspersi, tamen non alium quam ipsum id muneris subisse, ut Origenis deliramenta doceret, satis apparet. Quamobrem Origenistam illum, quem sanctam Paulam

tentasse Hieronymus scribit, neminem certe præter Palladium tunc in Palæstina morantem fuisse conspicio.

Globos mihi Stoicorum.] Censebant Stoici, bonorum animas post hanc vitam in cœlestibus globis habitare. Vide Lipsium, *Physiol.* lib. III, dissert. 14.

Græco sermone respondit.] Gravius Græce hic notat: Οὐδὲν ἐμοὶ γέγονε γέρον. Apud Plutarchum, de Consolatione ad Apollonium, Diogenes moribundus a medico excitatus, rogatusque, μή τι περὶ αὐτὸν εἶη χλευσόν; Οὐδὲν, εἶρη « an gravius aliquid ipsi accidisset; respondit: Nihil esse mali. »

Jurulentias carniū.] Editi omnes, *virulentias*. Vide Reatinum, qui hoc conatur interpretari. Sed *jurulentia* sæpe Hieronymo usurpata. Sic lib. I in Jovinianum: « jurulentias carnis ingestas. » Et in cap. XL Ezech. « holocaustorum cineres, et carniū jurulentias. » Item in cap. IV Zachariæ: « Et pro jurulentia carniū varios cœperunt flores gestare virtutum. » Celsus, lib. II, cap. 27: « Caro omnis jurulenta. » Ut omnino vix dubitandum sit, quin *virulentia* ex affinitate *jurulentia* sit nata.

Dormivit.] Baronius, tomo V, anno Christi 404, dormitionem Paulæ ponit; colligens id, uti ait, *ex ratione temporis*. Quod ita cape. Hieron. scribit Paulam obiisse « Honorio Augusto sexies et Aristæneto coss., VII Kal Febr., tertia Sabbati. » Ex hoc notato characterismo diei hebdomadæ, recte colligit Baronius consulatum Honorii VI et Aristæneti incidere in annum Christi 404, cum non inciderit « in tertiam Sabbati dies septima Kal. Februariarum (id est, 26 Jan.) anno 405, vel 403, vel alio quopiam anno his proximo, sed tantum 404; unde constat apud Eusebium Scaligeri consulatum istum Honorii et Aristæneti male conferri in annum Christi 405, et apud Eusebium Pontaci pejus in annum 407 Recte quoque Dionys. Petavius noster, in splendido opere de Doctrina temporum, cum anno 404 copulavit hunc consulatum. posita littera dominicali C ante bisextum. Quod etiam Setho Calvisio in mentem venerat.

JANUARIi XXXI.

VITA SANCTÆ MARCELLÆ, VIDUÆ

AUCTORE DIVO HIERONYMO PRESBYTERO.

(*Hujus vitæ textum videsis Patrol. tom. XXII, col. 1087.*)

ROSWEYDI NOTATIO.

421 *Marcellæ.*] Martyrologium Romanum, 31 Januarii: « Romæ sanctæ Marcellæ viduæ, cujus præclaras laudes beatus Hieronymus scripsit. » Celebris ejus memoria in variis divi Hieronymi scriptis.

Septimo mense] Hieronymus, *epist.* 10, ad Furiam, hinc etiam comparisonem (uti et hoc ipso capite mox) inter Marcellam et Annam evangelicam instituit: « Sufficit tibi sancta Marcella, quæ respondens generi suo, aliquid nobis de Evangelio retulit (*Lucæ II*). Anna septem annis a virginitate vixerat cum marito; ista septem mensibus. Illa Christi expectabat adventum; ista tenet quem illa susceperat. Illa vagientem canebat; ista prædicat triumphantem. Illa loquebatur de eo omnibus qui expectabant redemptionem Israel; hæc cum redemptis gentibus clamitat: *Frater non redimit, redimet homo (Psal. XLVIII)*. Et de alio psalmo: *Homo natus est in ea, et ipse fundavit eam Altissimus (Psal. LXXVI)*.

Cumque eam Cerealis.] Baronius, tomo IV, anno Christi 398, Damasus papæ 9, Valentiniæ et Valentis imp. 12. Sexto (ait) die post parentis (Valentiniani senioris) obitum opera Cerealis avunculi, Valentiniæ (Junior) tum quadrimus, Justinæ filius, Augustus solemniter nuncupatus est (*Socrat., lib. IV, c. 26*).

Quod autem ad Cerealem avunculum spectat, penes quem tanta inesse videbatur creandi novi imperatoris auctoritas, non alius hic putandus est ab illo qui sub Constantio præfecturam urbanam gessit, et sub eodem postea consulatum; alius enim ab isto nullus reperitur clarus memoria hoc tempore Cerealis. Huncigitur ipsum esse jure dixerimus, quem nuptias quæsisse sanctæ Marcellæ, sanctus Hieronymus meminit (*Hieron., epist.* 16. *Est hæc Vita*).

Cujus clarum inter consules nomen est] Baronius ibid.: Quod autem consulatum hunc gessisse dicat, contigit ille anno Domini 358, una cum Daciano col-

lega. Cujus et hujusmodi reperitur inscriptio in basi statuae ipsi dicatae Romae, in *ædibus Cevalis, via Julia* :

NERATIVS CEREALIS V. C.
CONS. ORD. THERMARVM
RESTITVTOR CENSUIT.

Exstat et alia in via lata ejusdem sententiæ inscriptio de restitutione thermarum facta per Cerealem consulem; atque alia rursus, qua de ejusdem præfectura urbana mentio habetur, superius, tomo III, secunda editione, suo loco restituta, quæ errore posita erat tempore Constantini (*Baron., anno 353*).

Porro ex amplissimo Cerealis nomine et auctoritate metire sanctæ Marcellæ, clarissimæ femine, excellentem inter omnes Romanas mulieres amplitudinem, quæ eo majoribus crevit accessionibus, quo propter Christum ab ipsa magis despecta est, ut vere non in urbe tantum, sed toto Romano orbe effulserit egregium Christianæ pietatis exemplum.

Fragrare musco mure.] Vita Pelagiæ supra, capite 2: « Totum implevit aerem ex odore musci. »

Papaque Athanasio.] Baronius, tom. III anno Christi 340, Julii papæ 4, Constantini, Constantii, Constantis, imp., 1. Quam, proficius fuerit Athanasii Romam accessus, vel ex eo potest intelligi, quod in urbem invexerit ipse primus Ægyptiorum monachorum institutionem. Vitamque adinirandam Antonii Magni, licet adhuc viventis, a se conscriptam detulerit; quod vitæ genus ad omnes evangelicæ perfectionis numeros attemperatum, etiam nobilissimæ Romanæ femine consecrari cœperunt. Hactenus Baronius.

Non dubium quin Marcella de Vita Antonii multa ex Athanasii aliorumque sacerdotum Alexandrinorum relatione didicerit; nondum tamen tunc Athanasius Vitam sancti Antonii conscripserat. Vide dicta supra ad Vitam sancti Antonii in Præludivis, n. 3.

Quasi ad tutissimum religionis portum Romam confugerant.] Ita semper olim factum, ut Romam tanquam ad aliarum ecclesiarum metropolim in fidei rebus concursus sit. Vide Athanasii epistolas ad Julium et Marcum pontifices, et passim Baronius in Annalibus.

Turritæ.] Id Magdalene significat cognomen. Nam מרגל *Magdal, sive מרגל Migdal*, ab Hebræis *Turris* dicitur: unde *Magdalene*, id est, *Turritæ* nomen derivatur, quod indicat sanctus Hieronymus epistola 140 ad Principiam, in explanatione psalmi XLIV: « Magdalena, inquit, vere πρυτανίς, vere turris candoris et Libani, quæ prospicit faciem Damasci, sanguinem videlicet Salvatoris, ad sacri pœnitentiam provocantem. »

Denique cum et me Romam.] Baronius, tomo IV, anno Christi 382, Damasi papæ 16, Gratiani 16, Valentiniani 7, Theodosii 4, imp. Hoc anno Romæ concilium celebratum est ex episcopis diversarum provinciarum, nempe Orientis, aliarumque catholici orbis regionum, etc. Indicat his sane verbis Hieronymus se vocatum a Damaso.

De toto hoc Hieronymi itinere, et Romam appulso, vide dicta supra ex Baronio in præludivis ad librum 1, ubi de Hieronymi variis peregrinationibus actum.

Convenit.] Quam Marcella discendi cupidissima fuerit, testatur idem Hieronymus, præfat. in epist. Pauli ad Galatas: « Scio equidem ardorem ejus, scio fidem (quam flammam semper habeat in pectore) superare sexum, oblivisci hominis, et divinorum voluminum tympano concrepante, rubrum hujus sæculi pelagus transfretare. Certe cum Romæ essem, nunquam tam festina me vidit, ut non de Scripturis aliquid interrogaret; neque vero more Pythagorico, quidquid responderam, rectum putabat; nec sine ratione præjudicata apud eam valebat auctoritas, sed examinabat omnia, et sagaci mente universa pensabat ut me sentirem non tam discipulam habere quam judicem. » Quæ facili vel memoriæ lapsu vel calami exerratione Baronius, loco mox citando, existimavit

de Albina Marcellæ matre ab Hieronymo dicta. Sed clarum de Marcella ibi eum agere, cum Albina jam esset mortua, ut ibidem habetur.

Baronius, tomo IV, anno Christi 382, Damasi papæ 16, Gratiani 16, Valentiniani 7, Theodosii 4, imp. Sancta Marcella, ait, non semper cum quid addiscere vellet, eum (Hieronymum) præsens adibat, sed per epistolam id etiam facere consuevit, ut idem sanctus Hieronymus tradit (*Hieron., epist. 147*). Docuit eam inter alia plurima decem voces, quibus apud Hebræos Dei nomen appellatur (*Epist. 136*). Explicavit eidem dictiones Hebraicas, Alleluia, Maranatha necnon Diapsalma (*Epist. 137*) Græcam vocem (*Epist. 158*); ac tractatum de Blasphemia 499 in Spiritum sanctum (*Epist. 147*). Disseruit et de aliis variis quæstionibus (*Epist. 148*.)

Navem plenam blasphemiarum.] Intelligit Ruffini Romam appulsum. Hieronymus, Apolog. lib. II: « O tiremem locupletissimam, quæ Orientalibus et Ægyptiis mercibus Romanæ urbis ditare venerat paupertatem:

Tu maximus ille es,
Unus qui nobis scribendo restituis rem.

Ergo nisi de Oriente venisses, eruditissimus vir haberet adhuc inter Mathematicos. » Insinuat, opinor, Macarium Romanum, quem Gennadius catalogo illustrium Ecclesiæ Scriptorum, cap. 28 ait librum composuisse contra Mathematicos, quique Ruffino per familiaris fuit. Et paulo post: « Te multo tempore Pharus docuit, quod Roma nescivit, instruxit Ægyptus quod Italia hucusque non habuit. » Vide hic, infra, in præludivis ad librum II, Ruffini peregrinationem.

Fictus ariolus stultorum verberet nates.] Ita legendum, non *nares*, ut habet Erasmus et Reatinus, et reliquæ editiones. Ipse Hieronymus, lib. II in Jovianum: « In circulis platearum quotidie fictus ariolus nates verberat. » De verberere natium habes apud Lucianum in Vita Peregrini. Vide Onomasticon.

Tunc discipulus δῆλιος, et vere nominis sui, etc.] Baronius, tomo V, anno Christi 397, Siricii papæ 13, Arcadii et Honorii imp. 3. Quænam, ait, hæc sancti Hieronymi veluti ænigmatibus obumbrata locutio? Quid per discipulum δῆλιος, et vere nominis sui, si in talem magistratum non impigisset? Alludit plane auctor ad descriptionem illam Ruffini ad Macarium scriptam de adulteratione librorum Origenis. Romæ editam, ad sternendam viam ejusdem Origenis erroribus ad quem etiam præfationem πρὸς ἀρχῶν inscripsit; qui cum Macarius diceretur, vere (inquit Hieronymus) δῆλιος; iste dicendus, hoc est beatus, nempe Macarius ex nomine, nisi in talem incidisset doctorem. At quisnam iste Macarius fuerit, consule a nobis notata ad Romanum Martyrologium (*Die II Jan.*), ut ab aliis ejusdem nominis sanctis viris ipsum scias discriminare. Hactenus Baronius.

Sed non recte Baronius Macarium hunc Ruffini d. distinxit a Palladii Macario, et confudit cum Macario Romano, de quo supra lib. I. Vide ibi dicta, n. 1.

Tunc sancta Marcella.] Baronius, ibid.: Immenso tunc quidem periculo Romana fluctuavit Ecclesia, cum hæresum ille thesaurus (libri Origenis πρὸς ἀρχῶν) manibus clericorum circumferretur, ab imprudentibusque laudaretur, exscriberetur, vipereoque fetu multiplicaretur ubique: adeo ut, nisi Christi promissionibus firmissimo fundamento snper firmam petram Ecclesia Romana in Petro consolidata fuisset, ejus casus jure timeri potuisset, ipsaque tunc naufragium expavisset navicula Petri, nisi Christus navigaret in ea (*Lucæ XI*). Plane accidit ut sicut cum Christus Phariseorum exagitaretur opprobriis, extollens vocem quædam mulier magnificare eum intrepide cœpit; ita Romanæ femine confessione fides catholica ab Origenistarum blasphemis vindicaretur illæsa: dum confundens sapientiam sapientium, silentibus iis quorum muneris erat exurgere, et stare pro muro

domus Israel, excitavit Dominus spiritum feminæ. A Etenim exsurgens tunc mulier, nova Debora, phalanges evertit Chananæorum.

Ac simplicitati illuderet episcopi.] Baronius, *ibid.* : Suggillat sanctus Hieronymus Siricii Papæ simplicitatem, non dolum. Dum enim non adduci posset, ut crederet, in Christianis adeo fama conspicuis hæresis occultari venenum, ex probitate animi sui nesciens (ut ait) mala existimare de aliis haud confestim spiritualis gladio potestatis (ut par erat) deforme monstrum exstinxit, neque citissime damnavit igni versionem illam veneno refertam *περι ἀργύρου* Origenis. Licet et aliqua saltem ex parte excusationem illam prætexere jure potuisset, quod exemplo evangelici patrisfamilias usque ad messem siverit zizania crescere, ne cum eis evelleret triticum; expectans nimirum, ut qui vere essent hæretici, perspicue matura segete, certioribus signis fierent manifesti. Etenim cum ejusmodi hominum genere negotium erat, qui venerant in vestimentis ovium, cum intrinsecus essent lupi rapaces, affectataque sanctitate, nec ea quidem vulgari, sed quæ esset toto orbe spectata, aspidum ova foverent.

Ceterum quod haud velociter Siricius periclitanti occasione Origenis errorum occurrit Ecclesiæ, quam citius, nempe anni sequentis exordio, ex hac vita sublatus est, erectusque super cathedram Petri acerrimus oppugnator Origenistarum hæreticorum, Anastasius papa. Sæpe quidem ante pavendis est demonstratum exemplis, ut pontifices illi, qui causam fidei paulo segnius tractaverunt, ac remissius curaverunt, a Christo primario omnium pastore fuerint quam celeriter ex hac vita subducti, adeo ut manifeste fuerit declaratum, summo jugique studio, specialique diligentia semper invigilasse super Romanam Ecclesiam divinam providentiam, ne qua vel levi saltem suspitione hæreticæ contagionis aspergeretur.

Cernentes hæretici.] Baronius, supra : Ex paucis his possumus intelligere, Marcellam valide egisse atque restituisse certamen; insuper et hostes in fugam convertisse. Etenim ipsi ab ea palam defecti, negaverunt Periarchon hæresum promptuarium sua ipsorum opera in Latinum esse conversum, et inflicti sunt pariter se ea cum Origene sentire; atque præ se ferentes catholicam disciplinam, ut catholicæ Ecclesiæ communicantes, quæsierunt a Romano pontifice litteras communicatorias, quo earum justificatione se probarent ubique esse catholicos, ac ita his muniti litteris, ab urbe probati catholici discessisse videntur.

Impetrant ecclesiasticas epistolas.] Baronius, *ibid.* : Quod ad Ruffinum spectat, etsi profecturus Aquileiam, solum patrium petierit, et acceperit ab ipso Siricio Romano pontifice communicatorias litteras, Catholicis tantum (ut sæpius diximus) impertiri solitas, minime cessit culpæ Siricio. Nam cum ipsa hæretica interpretatio Periarchon Origenis, nomine careret auctoris, nec a quo præfatio illa esset scripta liqueret, nihil est, quod Ruffinum nondum detectum, imo catholicum se clamantem, et ab omni hæresi se alienum extrinsecus profitentem, a catholica communione extorrem facere deberet. Nec Romanæ sedis moris est non victum quempiam condemnare.

Cæterum ostentare solitum fuisse Ruffinum acceptam Siricii epistolam, quo se catholicum esse omnibus demonstraret, testatur sanctus Hieronymus in apologia adversus eum conscripta, cum ait : « Siricii jam in Domino dormientis profers epistolam, et viventis Anastasii dicta contemnitis? » Hæc ipse. Re enim postea ab Anastasio bene comperta, accepit quam inveniit Ruffinus ipse sententiam.

Succedit in pontificatum ejus vir insignis Anastasius.] Baronius, *ibid.* : Anno Christi 398, Anastasii papæ 1, Arcadii et Honorii imp. 4. Invenit hic, ait, apostolicam sedem, ipsam Petri naviculam, cujus sumpsit regendum clavum, turbinibus agitatam hæreticorum, cum (ut dictum est pluribus anno supe-

riori) Ruffinus cum Melania inferens se in urbem, in eam invexit hæreses Origenis, edito a se Latine reddito ejusdem auctoris Periarchon, novo equo Trojano, hostibus intus referto, sed religione velato hæresumque dicendo theca, ex qua expositæ sunt in Romana Ecclesia dolosæ merces : quarum mercatores etiam eo dementia prolapsi sunt, ut in Apostolicum usque thronum eas inferre tentaverint, una reclamante Marcella, extollenteque vocem cum muliere evangelica (*Lucæ xi*).

Tali quidem statu fluctuantem Romanam Ecclesiam Anastasium reperisse, sanctus Hieronymus, in epistola ad Principiam (quæ est hæc ipsa Marcella Vita) indicati (*Hieron., epist.* 16). Hujus autem (Anastasii) quæ partes fuerint, idem sanctus Hieronymus ad Demetriadem ita scribit (*Idem epist.* 8) : « Dum esset parvula, et sanctæ ac beatæ memoriæ Anastasii episcopus Romanam regeret Ecclesiam, de Orientis partibus hæreticorum sæva tempestas, simplicitatem fidei, quæ Apostoli voce laudata est (*Rom. xii*), polluere et labefactare conata est. Sed vir ditissimæ paupertatis, et apostolicæ sollicitudinis, statim noxium percutit caput, et sibilantia hydræ ora compescuit. »

Damnationis hæreticorum hæc fuit principium.] Subdit Baronius : Quid autem actum sit cum Anastasius papa sedere cepit, rem brevi summa ita ad Principiam scribens sanctus Hieronymus amplexus est, cum ostendit sanctam Marcellam in causa fuisse, ut Origenis hæresis Romæ damnaretur.

Ut absentes damnari.] Baronius, *ibid.* : Anno Christi 397, Siricii papæ 13, Arcadii et Honorii, imp. 3, ait : Addit (Hieronymus) eo a sancta Marcella proventum esse negotium, quod cum intellexissent hæretici, sese jam manifeste Romæ detectos esse, vocati licet ab Anastasio successore Siricii, cum venire penitus recusassent, absentes damnari meruerint : ut plane cunctis perspicue apparuerit non dormire, neque dormitare, qui custodit Israel, licet interdum illi dormirent quibus vigilandi munus incumbit.

Hujus tam gloriosæ victoriæ origo Marcella est.] Baronius, *ibid.* : Quam egregie divini iudicii pondere certamen fuit æqua lance pensatum, dum per feminam dissipari delegit, quod duce femina per suos diabolus fuerat machinatus ! Melania (quod et superius est demonstratum) vexillum impietatis pietatis tamen caractere notatum, erexit, prægrandi dispendio catholicæ veritatis. Nam sub eo etiam paulo post Pelagius hæresiarcha ordines duxit. Hinc illa justa quærela sancti Hieronymi, dum totius hujus militiæ recenset antesignanos : « Quid, inquit, volunt miseræ mulierculæ, oneratæ peccatis, quæ circumferuntur omni vento doctrinæ, semper discentes et nunquam ad scientiam pervenientes (*II Tim. iii*) ; et cæteri muliercularum socii prurientes auribus, ignorantes quid audiant, quod loquantur (*Hieron., epist., ad Ctesiph., adv. Pelag.*), » etc. Subdit enim pererudite catalogum præcipuarum hæresum, quæ prævia semper aliqua cum hæresiarcha muliere, infeliciter prodierunt. Sed feminam feminæ, et Melaniæ Christus Marcellam opposuit, quæ et victricia erexit de damnata impietate trophæa.

Obsideri Romam.] De tempore hac urbi funestissimo, vide Baronium, *ibid.* : Anno Christi 410, Innocentii papæ 9, Honorii 16, Theodosii 3, imp., cum ab Alarico Gothorum rege urbs capta.

Marcellæ quoque domum.] Erat hæc in Aventino. Hieronymus, *epist.* 151 : « Quod si exemplaria libuerit inveniari, vel a sancta Marcella, quæ manet in Aventino, vel a Lot temporis nostri, Domnionem viro sanctissimo accipere poteris. »

Cumque et illam et te ad beati apostoli Pauli basilicam.] Baronius, *ibid.* : Anno proximo citato : Qui ergo inventa vasa sacra barbari, ut illæ servarent, attulerunt ea in basilicam sancti Petri ; iidem Gothi inventas sanctissimas feminas atque cognitatas, viva pretiosiora Christi vasa, ad apostoli Pauli basilicam

via Ostiensi positam perduxerunt, quo (ut eventus A docuit) custodirentur intactæ.

Post aliquos dies.] Baronius, *ibid.* : Cæterum paucos post dies eamdem sanctam Marcellam ex hac vita migrasse, idem sanctus Hieronymus docet Qui hoc tempore cum elucubraret commentarios super Ezechielem, uno eodemque nuntio obsidionem urbis, eamdemque captam audivit, simulque sanctæ Marcellæ atque chari Pammachii ad Deum transitum; nam ibi ista ipse præfatur : (*Hieron., præfat. in lib. 1 comment. in Ezech.*) Transire, inquit, cupiebam (post interpretationem scilicet elaboratam in Isaiam) et extremam (ut dicitur) manum operi imponere propheta. Et ecce subito mors mihi Pammachii atque Marcellæ, Romanæ urbis obsidio, multorumque fratrum et sororum dormitio nuntiata est. Atque ita consternatus obstupui, ut nihil aliud diebus ac noctibus, nisi de salute omnium cogitarem, neque in captivitate sanctorum putarem esse captivum: nec possem prius ora reserare, nisi aliquid certius dicerem, dum inter spem et desperationem sollicitus pendeo, aliorumque

malis me crucio. Postquam vero clarissimum terrarum omnium lumen extinctum est, imo Romani imperii truncatum caput, et (ut verius dicam) in una urbe totus orbis interiit, *obmutui, et humiliatus sum, et silvi de bonis* (*Psal. xxxviii*), etc. Hæc Hieronymus: quibus significat, paulo post expugnatam urbem, sanctam Marcellam diem clausisse extremum, cujus memoriam reddunt ecclesiasticæ tabulæ anniversaria die, sed non qua ipsa obiit, verum qua decentiori sepultura donata, translata est, pridie Kal. Februarii, cum Pammachi, qui eodem tempore obiit, dies natalis agatur tertio Kalend. Septemb. Qui igitur sanguine conjuncti erant, et vitæ sanctæ instituto collegæ (ambo enim monasticam excoluerant disciplinam) iidem obierunt hoc eodem anno.

De his post tot tantaque superius dicta, illud satis ad utriusque laudem, quod sanctus Hieronymus in præfatione ad eosdem in Daniele: « Obsecro (inquit) vos, Pammachi *ῥιλομαθέστατι*, et Marcella, unicum Romanæ sanctitatis exemplar, junctos fide et sanguine, ut conatus meos vestris orationibus adjuvetis. »

DE VITIS PATRUM LIBER SECUNDUS, SIVE HISTORIA MONACHORUM

AUCTORE RUFFINO AQUILEIENSI PRESBYTERO.

PRÆLUDIA IN LIBRUM SECUNDUM.

Lectori.

424 Quia hic duo sequuntur libri, Ruffino vel auctore vel interprete (de qua re disseruimus Prolegomeno 4, § 10) placuit hic, quod et primo libro in Hieronymo præstitimus, ex magni historici Annalibus Ruffini peregrinationem seligere, eamque verbis Baronianis repræstare [*F.* repræsentare]. Sicubi quid obscurum, vel si qua in re non omnino inter nos convenit, Notatio et lucem obscuritati, et diversæ opinionis rationem dabit.

Quia vero Baronius existimavit Ruffinum Melaniæ hæsisse lateri, ejusque peregrinationis fuisse comitem, utriusque peregrinationes velut rotam rotæ intexuit, nec eas nunc mihi disparare placuit, sed ut Baronio visum, connexas exhibeo; etsi nulla Melaniæ hoc libro fiat mentio, sed de ea octavo demum libro in Paladii historia Lausiaca disertim agatur.

Toto quidem hoc libro Ruffinus (si tamen auctor ejus et non potius interpres est) suam per Ægyptum peregrinationem describit: **425** quam Baronius ex hoc libro non attingit; quia existimavit, libri hujus auctorem fuisse Evagrium, de quo aliter sentiendum docuimus, prolegom. 4, § 5. Si tamen Ruffinus libri hujus auctor, peregrinationem ejus per Ægyptum toto hoc libro leges; si interpres, Ruffini variam peregrinationem ex variis collectam, his præludiis habes expositam.

RUFFINI ET MELANIÆ (a) PEREGRINATIO.

Profectio Ægyptiaca.

Hoc anno Christi 372, Damasi papæ 5, Valentis imp. 9 quo, ut dicemus, defuncto Magno Athanasio,

dira persecutio exagitavit ecclesiam Alexandrinam, totamque Ægyptum, ipsum Hieronymum ex Syriæ solitudine ad Ruffinum Ægyptum petentem, et mona-

chos illic confessores invisentem, scripsisse, litteræ A (b) tunc ab eo datæ significant, etc.

Instituisse vero ejusmodi peregrinationem Ruffinum una cum Melania Romana clarissima femina Jerosolymam, sed in Ægyptum primo ad invisendos illic agentes sanctos monachos navigasse, idem sanctus Hieronymus (c) ad Florentium, necnon ad Ruffinum (d) scribens, duabus epistolis declaravit (*Hieron., epist.* 5, 41), quas ex Syriæ solitudine dedit. Accedunt his alii testes; confirmat enim hoc ipsum de peregrinatione Ruffini cum Melania sanctus Paulinus (e) in epistola ad Severum (*Paulin., epist.* 9), necnon Palladius (f) de eadem Melania agens.

Quonam vero potissimum tempore ejusmodi Ruffini cum Melania peregrinatio acciderit, diversæ ea de re reperiuntur sententiæ; nam Palladius ipso exordio Valentis imperii (g) id factum esse, affirmare videtur (*Palladius in Lausiæ., cap.* 33); sed apud sancti Hieronymi Chronicon anno decimo ejusdem imperatoris hæc leguntur: « Melania nobilissima mulierum Romanarum, et Marcellini quondam consulis filia (h), unico prætore tunc urbano (i) filio derelicto, Jerosolymam navigavit, ubi tanto virtutum præcipueque humilitatis fuit miraculo, ut Theclæ nomen acceperit. » Hæc ibi: quæ intelligenda putamus, non cum primum Roma profecta est, sed cum ex Ægypto Jerosolymam pervenit. Nam quod spectat ad profectionem in Ægyptum, cum ipsius Ruffini, necnon Palladii (j) assertione constet Melaniam ac ejus comites, vivente adhuc Athanasio, fuisse Alexandriæ, quem liquet tunc ipso anno ex hac vita migrasse, utique ante decimum Valentis annum eam cum suis Ægyptum profectam esse, affirmare necesse est. Quod enim contigerit, ipso vivente adhuc sancto Athanasio, Melaniam Alexandriam pervenisse, Palladius ex eo perspicue demonstrare videtur, cum ait Melaniam ab ipso Athanasio donatam esse ovina pelle, quam dono acceperat a Macario abbate, oblata ipsi munere a leone pro gratiarum actione de catulis cæcis ab ipso luci redditis; cujus rei adeo admirandæ Ruffinus historiam narrat, qui et ait se præsentem fuisse cum persecutio est illata monachis post Athanasii obitum ab Arianis: « Ea enim, inquit, quæ præsens vidi, loquor, et eorum gesta refero, quorum in passionibus socius esse promerui (*Ruffin., l. II, cap.* 4). » Hæc ipse. De eadem Melaniæ peregrinatione dum Palladius agit (*Pallad. in Lausiæ., cap.* 2, Lipom., t. III), ait eam duce Isidoro eremum Ægypti lustrasse, et inter alios magni nominis monachos 436 invisisse Pambonem, eidemque pro monachorum usu donasse trecentas libras argenti.

Cum autem (quod diximus) tunc contigerit Hieronymum eam epistolam scribere ad Ruffinum, cum ille inviseret monachos persecutione vexatos (quod hoc ipso anno factum est post obitum Athanasii, de quo paulo post dicturi sumus) affirmandum videtur hoc eodem quoque anno a sancto Hieronymo ad Ruffinum eas litteras datas esse, ubi inter alia: « Audio te, inquit, Ægypti secreta penetrare, monacho-

rum invisere choros, et cœlestem in terris circumire familiam (*Hier., epistola* 41). » Et inferius: « Rursum suspensam voto nutante mentem, quidam Alexandrinus monachus (k), qui ad Ægyptios confessores, et voluntate jam martyres, pio plebis jamdudum fuerat transmissus obsequio, manifestus ad credulitatem nuntii auctor impulerat. » Et paulo post: « Ruffinum Nitriæ esse, et ad beatum perrexisse Macarium, crebra commeantium multitudo referebat. » Hæc ipse.

Quibus omnibus redditur manifestum Melaniam cum Ruffino hoc anno, superstite adhuc Athanasio, Alexandriam pervenisse, et sanctum Hieronymum (ut dictum est) post Athanasii obitum, excitata hoc anno ab Arianis persecutione in ecclesiam Alexandrinam et incolas eremi, illam ad Ruffinum epistolam conscripsisse ex Syriæ eremo, ubi agebat subægyptans, etc.

Quam autem diximus Melaniam cum Ruffino atque sociis ante obitum Athanasii certum esse Alexandriam ex urbe venisse, quonam potissimum tempore id accidisse putandum? Si Palladio assenserimus affirmanti id factum circa exordia Valentis imperii, ipsum Ruffinum adjungere possemus astipulatorem, ubi ait annis sex (l) se Alexandriæ commoratum esse, et postea iterum ad aliquot dierum spatium illuc reversum commorari contigisse (*Ruffin. in Hieron. in vect.* 2). Sed hoc rursus dissuadet ut credamus, quod ex nuper citata Hieronymi epistola ad Ruffinum inauditum antea et inopinatus adventus ejus in Ægyptum et quam recentissimus fuisse videtur, ut superius dictum est, etc.

Baronius. post multa, anno eodem. — Quod autem ad Ægypti monachos spectat dirissime a Lucio exagitato; Ruffinus, qui cum Melania in Ægypto agebat, hæc de illis scriptorum monumentis posteris legenda tradidit: (*Ruffin., l. II. c.* 3, 4) « Inde post fugas civium et exilia, post cædes et tormenta flammæque quibus innumeros confecerat, ad monasteria (m) furoris sui arma convertit, vastat eremum, et bella quiescentibus indicit. Tria millia simul, aut eo amplius viros per totam eremum secreta et solitaria habitatione dispersos oppugnare pariter aggreditur: mittit armatam equitum et peditum manum: tribunos, præpositos, et bellorum duces, tanquam adversus barbaros pugnaturus, eligit. Qui cum venissent, novam belli speciem vident, hostes suos gladio objectare cervices, et nihil aliud dicere, nisi: Amice, ad quid venisti? Per id tempus patres monachorum (n), vitæ et antiquitatis merito, Macarius, Isidorus, aliusque Macarius, atque Heraclides et Pambus Antonii discipuli per Ægyptum, et maxime in Nitriæ deserti partibus habebantur viri, qui consortium vitæ et actuum non cum cæteris mortalibus, sed cum supernis angelis habere credebantur. Quæ præsens vidi, loquor; et eorum gesta refero, quorum in passionibus socius esse promerui. » Et in epistola ad Anastasium Romanum pontificem hæc item se passum esse gloriatur, cum ait: « Quamvis igitur fides

nostra persecutionis hæreticorum tempore, cum in A sancta Alexandrina Ecclesia degeremus, in carceribus et in exsiliis, quæ pro fide inferebantur, probata sit, tamen et nunc si quis est qui vel tentare fidem nostram cupiat, sciat, etc.

At hæc de se summa jactantia ab ipso Ruffino esse commenta, exclamat sanctus Hieronymus, cum his recitatis ipsius verbis, sic subdit: Miror quod non adjecerit, *Vinctus Jesu Christi*; et: *Liberatus sum de ore leonis*; et: *Alexandriæ ad bestias pugnavi*; et: *Cursum consummavi, fidem servavi; superest mihi corona justitiæ*. Quæ  malum, exsilia, quos iste carceres nominat? Pudet me apertissimi mendacii, quasi carceres et exsilia absque judicium sententiis irrogentur. Volo tamen ipse scire carceres, et quarum provinciarum se dicat exsilia sustinuisse. Et B utique habet copiam de multis carceribus in infinitis exsiliis unum aliquod nominandi. Prodat nobis confessionis suæ Acta, quæ hucusque nescivimus, ut inter alios Alexandriæ martyres hujus quoque gesta recitemus, et contra latratores suos possit dicere: De cætero nemo mihi molestus sit, ego enim stigmata Domini nostri Jesu Christi in corpore meo porto (*Gal. vi*). Hæc Hieronymus (*Apolog., lib. II*).

Certe quidem Melania clarissima femina, consulis Marcellini neptis (o), antiqua nobilitate et filii præfecturæ urbanæ (p), magistratu toto Romano orbi notissima, apud quam primum locum Ruffinus obtinebat, omnium præfectorum, quocumque pergeret, frequentabatur obsequiis; tantumque abfuit ut vel ipsi vel alicui ex ejus familia irrogata exsilia fuerint, C quod Ruffinus jactat, ut etiam qui persecutionem fidei causa paterentur, ad ipsam tanquam ad asylum confugerent, ab eademque pariter in tuto collocarentur, atque etiam alerentur, ut quæ de ea proxime dicturi sumus, cum ipsa processit ad judicem, fidem certam faciunt. At cur Ruffinus, sicut aliorum, non etiam suam recensuit confessionem exemplo Pauli apostoli? quod præsertim sciret rem tantam haud ab adversariis facile ratam fore habendam absque aliqua certiori probationis fide, cum aliqui aliorum confessiones adeo exacte (q) describat?

Si qua tamen tunc Alexandriæ contigit Ruffini confessio, ea tantum fuisse existimatur (r), cum provocata Melania ad judicium, quod faveret Orthodoxis, ipse putetur eam comitatus esse: sed dimissa D illa quantocius, utique et qui cum ea erant, rediere domum. Sed de his satis.

Baronius, paulo post anno eodem. — Sed quod silentio Ruffinus præterit, dignum memoria tunc officium exhibitum a Melania nobilissima Romana femina, his ex Paulino jungamus; scribens enim ad Severum, inter alia digna præconia Christianæ feminae consularis hæc habet:

« Tempore illo Valentis, quando Ecclesiam Dei vivi furor Arianorum, rege ipso impietatis satellite, persequeretur, hæc erat princeps et particeps cunctis pro fide instantibus; hæc fugatos recipiebat, aut apprehensos comitabatur. Sed cum eos recepisset

in latebram, qui propter insignem fidem et majori hæreticorum odio infestabantur, et occultantium tangebantur invidia, gravi tunc seditione diabolicis facibus inflammata, quasi contra legem publicam contumax, protrahi ac pati jussa est quæ illos manebant, nisi prodere maluisset. Processit impavide, cupida passionis, et injuria publicationis exultans, quamvis non expectasset trahi, tracturos antevolans ad judicem; qui confusus veneratione præsentis, non executus est infidelitatis iram, dum fidei miratur audaciam.

« Eadem tempestate per triduum quinque millia monachorum latentium panibus suis pavit (*Matth. xiv; Marc. vi; Lucæ ix*): ut per ejus manum iterum Dominus Jesus pristinum numerum in deserto pasceret, tanto quidem nunc impensiori clementia, quanto minori licentia fovebantur occulti, quam illi quondam, qui ad Dominum voluntarie in libertate et pace convenerant. Sed hæc nec timida deprehendi, interdictum securæ præbebat officium, nec volens gloria operationis agnosci, tamen operis magnitudine prodebatur, totidem apud homines testimoniis gloriosa, quot pastis, Deo conscio (*Paulin., epist. 10*). » Hæc Paulinus, mirifica prædicatione tam egregia facta celebrans, quæ sane gesta esse in Ægypto (s), non autem in Palæstina, illud persuadet, quod nullibi tam ingens numerus monachorum simul collectorum nisi in Ægypto fuerit reperiri. Mansisse quidem ipsam Melaniam in Ægypto mensibus octo (t), Palladius docet (*Palladius, in Lausiac., cap. 33*). Porro ab his diversa esse noscuntur quæ de ejusdem Melaniæ officiis, quibus prosecuta est in Palæstina relegatos confessores, idem Palladius tradit, quæ paulo post narraturi  sumus. Ut autem tam ingenti opere, in occultandis atque pascendis monachis quinque millibus in deserto, veluti contumeliis provocatus præfectus, libens ejus responsionibus cesserit, summa feminae claritudo, quæ apud hostes quoque reverentiam sibi conciliabat, in causa fuit. Erat quidem Melaniæ nomen (ut dictum est) non Romæ tantum, sed ubique locorum Romani imperii cognitum, atque in honore habitum, tum nobilitate generis, tum egregiæ pietatis præstantia; de qua hæc idem qui supra Paulinus: « Mulier celsiore gradu ad humilitatis cultum ob amorem Christi dejecta sublimiter, ut viros desides in infirmo sexu fortis argueret, arrogantes in sexu utroque personas, pauperata dives, et nobilis humiliata confunderet. Igitur Marcellino consule avo (u), de ambitu generis et opum luxu in teneris adhuc annis nuptias passa, et brevi mater, sed infelicitate mortalium non longum potita est, ne diu terrena diligeret. Nam præter alias orbitates, quas irritò in foetibus abortivis labore, adhuc marito particeps deflevit, ita crevit ærumnis, ut duos filios et maritum intra anni tempus amitteret, unico tantum sibi parvulo ad memoriam potius, quam ad compensationem affectuum derelicto (*Paulin., epist. 10*): » Hæc et alia de ipsa Paulinus, etc.

Porro Melaniæ filio hoc tempore præturam urbanam fungenti (v) junctum fuisse constat in matrimonium Albinam, Melania vero junior ejus neptis Pinniano in matrimonium tradita fuit (*Pallad.*, cap. 33); sed de his inferius.

Laudat sanctus Hieronymus feminæ summam constantiam (x), quod simul siccis oculis sepelisset virum suum ac duos filios (*Hieron.*, *epist.* 25); uno vero superstite derelicto, peregrinata fuerit in Ægyptum primo, inde Jerosolymam; ibique ad quinque lustra esse commorata, Paulinus tradit (*Paulin.* ad Sever., *epistola* 10); amplius vero annos duos, nempe viginti septem (y), Palladius affirmat (*Palladius*, in *Lausiac.*, cap. 33).

Porro Melaniæ in Ægypto commoratio magnum plane cum ipsi tum Ruffino attulit detrimentum: B siquidem cum Didymo Alexandrino magni nominis viro, et ob eximiam conjunctam cum oculorum cæcitate peritiam plane cunctis admirabili, intimam consuetudinem habentes, propinante illo ipsis sitiensibus, quem mirifice prædicabat, Origenem suum, hauserunt isti una cum dulci potu venenum, etc. Qui sic eorum animis Periarcho Origenis infudit, ut eo tanquam magno thesauro ditati, cuperent totum catholicum orbem locupletari; sed plane aspidis ova foverunt; quibus ruptis, prodire serpentes, quorum lethali veneno quam plurimi misere periire. At de his inferius suis locis pluribus agendum erit: hæc modo satis in his quæ spectant ad Melaniæ et Ruffini consuetudinem cum Didymo in Ægypto hoc tempore, quo illuc sunt peregrinati.

Profectio in Palæstinam.

Anno Christi 372. — Melania hoc eodem anno, quo ex Petri Alexandrini litteris vidimus Ægypti episcopos et monachos relegatos esse Diocæsaream oppidum in Palæstina situm, illis ministratura, magno fidei ardore succensa, Jerosolymam profecta est. Quid vero ipsa ibi egerit, Palladius docet his verbis (*Pallad.*, *Lausiac.*, cap. 33): « Post hæc autem, cum Alexandria præfectus Augustalis Isidorum, Pithimum [Euthymium] (z), Adelphium, Paphnutium, Pambonem, inter quos etiam senem Ammonium unam habentem auriculam, et duodecim episcopos, presbyterosque, et alios quosdam usque ad centum duodecim numero circa Palestina Diocæsaream daranasset exsilio: istos hæc beatissima omnes secuta est, et propriis facultatibus eis ministerium suum præbuit. Cumque ab illis qui in memoratorum custodia erant prohiberetur hæc facere (sicut mihi et ipsi sæpe referebant, nam et ego sanctum Pithimum et Isidorum et Paphnutium vidi), benedicta tunc illa, sumpta veste servili circa vespertinas horas, omnia eis vitæ necessaria afferebat.

439 « Quo cognito, Palæstinæ provinciæ consularis, credens quod sinus suos posset fumo quodam atque terrore ex pecunia ejus implere, jussit eam (ignota enim ipsi erat) corripere et in carcerem trudi. Ex quo loco tunc ei per internuntios quosdam sancta illa mandavit: Ego, inquit, illius filia, et

PATROL. LXXIII.

illius conjux fui, ancilla vero nunc Christi sum; ne ergo me ob vilitatem præsentis habitus contemnendam putaveris, quia facile extollere, si velim, me possum; nec terrere igitur me in aliquo vales, neque quidquam mihi de meis rebus auferre. Atque ideo ne fortassis ignorans periculum aliquod aut crimen incurras, idcirco ista tibi mandavi; quasi quæ diceret: Interdum enim necesse est adversus impudentes hæc agi, et veluti accipitre vel cane contra eos arrogantia uti, quæ congruo tempore superbos comprehensura imitatur. Talibus ergo verbis mox ipse territus judex, excusavit eidem factum suum; et ita eam, ut meruerat, honoravit; et jussit, ut ad illos viros, quoties vellet, accederet. » Hactenus de illius ministerio exhibitio confessoribus.

Profectio Jerosolymitana et ibidem commoratio.

Anno Christi 372. — De commoratione ejus Jerosolymis sic mox subdit: « Hæc autem, revocatis ab exsilio memoratis viris, monasterium apud Jerosolymam sibi fecit, in quo viginti et septem annorum tempus implevit, quinquaginta secum sorores virgines habens. Erat etiam cum ea Ruffinus quidam nomine, Italus, civis ex Aquileiensi oppido, vir nobilium et in proposito singularis fortium morum, qui ad presbyteratum postea meruit pervenire; quo nullus mansuetior, fortior, et placidior, tanquam omnia sciens, in sexu virili potuit inveniri. » Hæc quidem de Ruffino Palladius, de Origenis sectatore Origenista, Hieronymo eam ob causam perinfensore; ut non mireris, si qui Ruffinum immensis laudibus ornat, Hieronymum eodem in commentario contumeliis laceret. Sed de Palladio suo loco plura inferius, qui de instituto Melaniæ atque Ruffini toto illo temporis spatio, quo vixerunt Jerosolymis, ista subdit:

« Isti igitur in viginti et septem annis omnes apud Jerosolymam sanctos, atque peregrinos episcopos et monachos, virginesque (hoc enim voverant Deo) suscipere propriis sumptibus ac fovere consueverunt, omnesque ad se venientes meliores tantarum ac talium rerum contemplatione fecerunt. Illos enim quadringentos numero monachos, qui propter Paulinum (Antiochenum episcopum scilicet) se ab Ecclesia separabant, sanctæ rursus Ecclesiæ reddiderunt. Omnes etiam præter hos perversæ sectæ homines et contra Spiritum sanctum sacrilego ore certantes, ad Ecclesiam nostram, vera suadendo, ac jugiter cunctos docendo, revocaverunt, honorantes quidem ac sæpe pascentes ejusdem loci clericos: et hæc pariter facientes, vitam suam pio studio finierunt, nulli quidem ex se vel levem dantes scandalum suspicionem, totum vero orbem terrarum spiritali ædificatione plenissimum relinquentes. » Hactenus Palladius.

Baron., ad annum Christi 385. — Cæterum ratione Melaniæ, quam Paula Jerosolymam secuta est, calumniam passus est Hieronymus, quam inter ea quæ in ipsum post Damasi obitum a calumniantibus fuere objecta, ac stimulante odio atque invidia perpetrata.

ta, idem ipse ea epistola, quam, navim in portu Romano consensurus, conscripsit ad Asellam, exactim recenset; ubi inter alia (*Hieron., epist. 99*): « Nihil mihi aliud objicitur, nisi sexus meus; et hoc nunquam objicitur, nisi cum Jerosolymam Paula et Melania proficiscuntur. » Et post: « Nullæ aliæ Romanæ urbi fabulam præbuerunt, nisi Paula et Melania: quæ, contemptis facultatibus, pignoribusque desertis, crucem Domini, quasi quoddam pietatis levavere vexillum. Si balneas peterent, unguenta eligerent, divitias et viduitatem haberent materiem luxuriæ et libertatis; dominæ vocarentur et sanctæ: **430** nunc in sacco et cinere formosæ volunt videri, et in gehennam ignis cum jejuniis et pædore descendere, videlicet non licet eis applaudente populo, perire cum turbis. » Quod ad Melaniam spectat, cum eam viduam nominet, haud dubium ipsum intelligere de Melania seniori; junioris enim vivebat adhuc vir Pinianus. Nec sic quidem ejus hic meminit, quasi tunc Romæ esset, quam jam plures ante annos vidimus in Ægyptum primo, inde vero Jerosolymam esse profectam, ibique in præsentem vitam agere: sed idcirco ejus meminit sanctus Hieronymus, quod tum ejus migrationis Jerosolymam occasione, tum Paulæ idem iter capessentis, quo et tenebat ipse Hieronymus, detractores eam calumniandi ansam arripissent. At subdit:

« Si gentiles hanc vitam carperent, si Judæi haberent solatium non placendi eis quibus displicet Christus. Nunc vero, proh nefas! homines Christiani, prætermissa domorum suarum cura, et proprii oculi trabe neglecta, in alieno oculo festucam quærent (*Lucæ vi*): lacerant sanctum propositum, et remedium pœnæ suæ arbitrantur, si nemo sit sanctus, si omnibus detrahatur, si turba sit pereuntium, si multitudo peccantium. Tibi placet lavare quotidie, alius has mundities sordes putat; tu attagenem ructas, et de comeso acpensere gloriaris, ego faba ventrem impleo; te delectant cachinnantium greges, me Paula Melaniaque plangentis; tu aliena desideras, illæ contemnunt suam; te delibuta melle vina delectant, illæ potant aquam frigidam suaviorem; tu te perdere existimas, quidquid in præsentem non habueris, comederis, devoraveris, illæ futura desiderant, et credunt vera esse quæ scripta sunt. Esto inepte et inaniter, quibus resurrectio corporum persuasit, quid ad te? nobis e contrario tua vita displicet. Bono tuo crassus sis, me macies delectat et pallor. Tu tales miseros arbitraris, nos te miserabiliorem putamus. Par pari refertur, et invicem nobis videmur insanire.

« Hæc, mi domina Asella, cum jam navim conscenderem, raptim flens dolensque conscripsi; et gratias ago Deo meo, quod dignus sim quem mundus oderit. Ora autem ut de Babylone Jerosolymam regrediar; ne mihi dominetur Nabuchodonosor, sed Jesus filius Josedech (*Aggæi ii*); veniat Esdras, qui interpretatur Adjutor, et reducat me in patriam meam. Stultus ego, qui volebam cantare canticum

A Domini in terra aliena, et deserto monte Sina Ægypti auxilium flagitabam (*Jerem. xlii*); non recordabar Evangelii, quia qui de Jerusalem egreditur, statim incidit in latrones, spoliatur, vulneratur, occiditur (*Luc. x*). Sed licet sacerdos dispiciat atque levites, Samaritanus ille misericors est; cui cum diceretur, *Samaritanus es, et dæmonium habes* (*Joan. xiii*); dæmonium renuens, Samaritem se non negavit, quia quem nos custodem, Hebræi Samaritem vocant. Maleficum quidam me garriunt, titulum fidei servus agnosco. Magum vocant et Judæi Dominum meum (*Marc. iii*). Seductor et Apostolus dictus est. Tentatio me non apprehendat nisi humana (*I Cor. x*). Quotam partem angustiarum perpessus sum, qui cruci milito? Infamiam falsi criminis imputarunt; sed scio per bonam et malam famam (*II Cor. vi*) perveniri ad regna cælorum. Saluta Paulam et Eustochium, velit nolit mundus, in Christo meas. Saluta matrem Albinam sororemque Marcellam, Marcellinam quoque et sanctam Felicitatem; et dic eis: Ante tribunal Christi simul stabimus: ibi apparebit qua mente quis vixerit. Memento mei, exemplum pudicitiae et virginitatis insigne, fluctusque maris tuis precibus mitiga. » Hactenus Hieronymus ad Asellam.

Quod vero vides nullam ab eo salutationem impertiri Melaniæ, satis indicatur quod dictum est, ipsum intelligere ea epistola de Melania seniore jam diu ante Jerosolymam profecta, ibique commorante.

Ruffini et Melaniæ miserabilis lapsus.

C *Baronn., ad annum Christi 393.* — Porro quomodo postea præcipui Hieronymi adversarii et Origenistarum patroni fuerint ipse Ruffinus atque Melania, habet ipse epistola ad Pammachium **431** de optimo genere interpretandi, ubi pseudomonachi fraudes detegit: « Hæc non est illius culpa, cujus sub persona alius agit tragœdiam, sed Ruffini et Melaniæ magistrorum ejus, qui illum magna mercede nihil scire docuerunt (*Hieron., epist. ci*). » Proh dolor! tanto totius catholicæ Ecclesiæ scandalo, ita mutatus est in inimicum Hieronymo amicus charissimus ille Ruffinus, cui quam arctis amicitiae vinculis et insolubilibus necessitudinis nexibus ipse Hieronymus astrictus esset, vel uno saltem illo declarat elogio, cum eum una cum Melania visitantem Ægypti monasteria e solitudine Syriæ litteris invisens, atque salutans, inter alia plurima amoris signa sic ait: « Credas mihi, frater, non sic tempestate jactatus portum nauta prospectat; non sic sitientia imbres arva desiderant; non sic curvo assidens littori anxia filium mater exspectat, postquam me a tuo latere subitus turbo convulsit, postquam glutino charitatis hærentem impia distraxit avulsio (*Hier., epistola xli*), » etc. Quanta enim animi sollicitudine salvum sibi cuperet quod haberet, neve propter absentiam aliquod vel leve saltem pateretur dispendium amicitiae, pertimesceret; ad finem illud, quod memoria tenacius retineret, apposuit: « Obsecro te, ne amicum qui diu quaeritur, vix invenitur, difficile

servatur, pariter cum oculis mens amittat. Fulgeat, **A** cui libet, aurum, et pompaticis ferculis corusca ex sarcinis metalla radient; charitas non potest comparari, dilectio pretium non habet; amicitia quæ desinere potest, vera nunquam fuit. » En quibus ipse circumdat vallis amicum, ne eos, volens licet, transilire absque ignominia nota valeret. Sed secutus alienos Ruffinus infelix, terga vertit amico, mrensque tranfuga in castris hostium, inde in amicum ac fratrem furens, prodit dux impiorum armatus, nulla prorsus alia causa compulsus, quam ut adversantes catholice veritati Origenis errores salvos servet atque propugnet: ipsum quidem haud segniter, vel loco novissimo, sed inter primos militasse, Epiphanius dicta epistola ad Joannem indicare videtur, dum inter tot defensores Origenis ipsum tantum **B** nominat, ac bene precatur his verbis: « Te autem, frater, liberet Deus, et sanctum populum Christi qui tibi creditus est, et omnes fratres qui tecum sunt, et maxime Ruffinum presbyterum, ab hæresi Origenis, et ab aliis hæresibus et perditione earum (*Hieron., epist. lx.*) » Hæc Epiphanius.

Sed majori me dolore sauciat, angore cruciat, atque mærore consternit Melaniæ acerbissimus casus. Hæccine vidua illa clarissima, ornamentum Romanarum feminarum, decus summum Christianorum, vivumque exemplar Christianæ philosophiæ, quæ insigne illud Romæ specimen edidit, cum eodem tempore maritum ac duos charissimos liberos siccis penitus oculis sepelivit? cujus incredibilem sanctitatem admiratus prædicans quondam ipse Hieronymus, aliisque imitandam proponens, illa tantæ fiduciæ effatus est verba: « Sancta Melania nostri temporis inter Christianos vera nobilitas, cum qua tibi Dominus (Paulam alloquitur) mihi que concedat in die sua habere partem, calente adhuc mariti corpusculo, et necdum humato, duos simul perdidit filios (*Hieron. epist. xxv.*) » etc. Sed plane quod subditur in femina gloriosius, cum de victa victrice omnium urbe triumphans, superatoque insito a natura unice prolis amore, Roma spreta, unico ibi relicto filio, exsul mundi, cæli civis, victrix etiam ventorum et fluctuum, ingruente jam hieme (ut ait) Jerosolymam navigavit.

Quam ob causam jure meritoque idem sanctus Hieronymus tantarum rerum admiratione stupens, **D** eam dignam existimavit ut Theclæ nomine nuncuparet (*Hieron., in Chronic.*); nobiliorem titulum non inveniens quo Melaniam decoraret, quam nomen sanctissimæ virginis, primogenitæ Pauli, et primæ martyris inter feminas, utpote quæ Romæ prima omnium clarissimarum mulierum Romanarum, spernendæ pro Christo urbis, contemnendi divitias, deserendi filios, petendique Jerosolymam exemplum dedit, cæterisque ad ipsum præstandum, forte **433** aggressa facinus, viam aperuit, cum ipsa prima reliquas Romanas nobiles feminas antegressa, relicta Ægypto, transmissoque mari, in littore Palæstino, terra promissionis, possessione sanctorum, felicior quam Maria in terra deserta, tympanum pulsans pœnitentiæ,

præcinerit Domino canticum novum, quam aliæ illustres Romanæ feminae, veræ redditæ Israelitæ, virgines atque viduæ secutæ, choros ducentes, easdem cum ea concinere Christo vincenti laudes. Sed probata ad aquas contradictionis (o fallaciam incredibilem hostis humani generis!) decepta, superata defecit; tantaque onusta adeo pretiosis mercibus navis (ita namque navi institoris comparatur divino eloquio mulier fortis) in ipso tranquillitatis portu (quis credat?) est passa naufragium, cum incauta in syrtes Origenis impexit: Origenisque sic conspersa fuligine, conversa est ex Noemi in Mara, et ex Thecla rediit in Melaniam; a fuscidine ductum nomen infautum. Ista patitur humana conditio; ut nihil quilibet, dum vivit, vendicet sibi tutum.

Reditus Romam.

Anno Christi 397.—Qui sequitur Christi annus 397 consulatu Cæsarii et Attici, Fastis ascribitur, quo hæreses Origenis sub pietatis involucro per Ruffinum presbyterum Aquileiensem e Palæstina cum Melania Romam redeuntem inferuntur in urbem; propinataeque aureo calice Babylonis, antequam inebriarentur illis fideles, detectæ atque explosæ fuerunt. Hæc autem quo modo se habuerint, dicendum per singula; sed ante omnia, quæ sunt temporis elucidanda.

Ruffinum quidem individuum Melaniæ comitem cum ea in Ægyptum profectum (*aa*) et in Palæstinam, ibique apud eam, usque dum illic mansit, Jerosolymis vitam transegisse, quæ dicta sunt superius ex Hieronymo satis significant; at ea demum remeante Romam, ejusdem assectatum esse vestigia, Palladii atque Paulini (*bb*) testificatione exploratum habetur; ait enim Palladius: « Erat etiam cum ea Ruffinus quidam nomine, civis Italus ex Aquileiensi oppido, vir nobilium et in proposito singulari satis fortium morum; qui et ad presbyteratum postea meruit pervenire; quo nullus mansuetior, fortior, et placidior tanquam omnia sciens, in sexu virili potuit inveniri. Isti igitur in viginti et septem annis, omnes apud Jerosolymam sanctos atque peregrinos episcopos, monachos, virginesque (hoc enim voverant Deo) susceperes suis propriis sumptibus (*Pallad., in Lausiac., c. 33, apud Lipom., tom. III.*) » etc. Agitque paulo post de eorumdem reditu Romam, de quo et nos itidem. Hæc Palladius de Ruffino, eidem in Origenis erroribus concors, ut superius pluribus demonstratum est. Sed et Paulinus comitem Melaniæ Ruffinum appellat (*Paulin., ad Sever., epistola 9*), quem et haud hactenus satis sibi compertum laudat. Sanctus Hieronymus etiam post hæc ad eundem Ruffinum Romæ agentem litteras dedit (*Hieron., epist. 66*), ut plane nullum sit dubium (*cc*) contigisse adventum Ruffini Romam quando illuc etiam ipsa Melania remeavit. Sed quoto potissimum anno Domini Melaniam in urbem redire contigit, id quidem est accuratius exquirendum.

Jam suo loco satis liquido superius demonstratum est, ipsam una cum Ruffino in Ægyptum primo, indeque Jerosolymam migrasse anno Domini trecentesimo septuagesimo secundo, impp. Valentiniani atque

Valentis nono. Sed quot annos in hac peregrinatione et commoratione insumperint, diversæ sententiæ sunt ejusdem Palladii atque Paulini, siquidem ille (ut nuper vidimus) viginti septem numerat annos, Paulinus vero viginti quinque. Sed hujus explorator atque solidior fides est; nam accepit hæc ipse ab eadem Melania, quam redeuntem Romam (ut proxime dicturi sumus) Nolam divertentem excepit **433** hospitem. Verum ex eo quoque certior Paulini testificatio redditur, et Palladii assertio de annis viginti septem exploditur: quod cum constet, hos adhuc in vita agente Siricio papa repetiisse Romam, si dixerimus ad numerum annorum a Palladio præscriptum ipsorum esse prorogatum adventum, utique affirmandum esset non sub Siricio, sed sub ejus successore Anastasio eorumdem reditum contigisse. Ex Paulini ergo sententia, qui numerat Melaniæ ab urbis absentia quinque lustra, dicendum est eamdem hoc ipso anno Romam quasi postliminio rediisse.

Recessisse autem Ruffinum e Palæstina cum pace sancti Hieronymi, utriusque testificatione asseritur; recitat enim ipse sanctus Hieronymus ejusdem Ruffini verba in posteriori apologia, quæ sunt hujusmodi: « Vos nobis pacem proficiscentibus dedistis. » Respondit ipse: « Pacem dedimus, non hæresim suscepimus: junximus dextras, abeuntes prosecuti sumus, ut vos essetis catholici, » etc. Melaniæ autem ad urbem reditus Palladius ejusmodi foris prætensam affert causam; « Post multum vero temporis (inquit) cum audisset, cuidam nupsisse neptem suam Melaniam (juniorum dictam) viro, renuntiare autem post nuptias sæculo huic velle cognovisset, metuens ne qui malæ vitæ homines ac malæ sectæ perversæque doctrinæ eidem jungerentur, ob hoc ipsum cum jam admodum senex, hoc est, sexaginta esset annorum, de Cæsariensium civitate ad urbem Romam intra dierum viginti spatium navigavit (*Pallad., ubi supra c. 33*). » Hæc Palladius de asserta et vulgata forinsecus reditus causa. Cæterum ejusdem cum Ruffino in Origenis erroribus (ut pluribus dictum est superius) convenientiam causam exstitisse eidem ad urbem veniendi, oratio præmissa declarat. Erat his quidem in optatis ut quibus faverant et quas foverant toto illo tempore, Origenis sententiæ (quarum complures essent defensores in *Ægypto* consistentes monachi, et inter eos celebriores Evagrius et Isidorus, atque inter episcopos nobilis sedis Joannes Jerosolymorum antistes), eadem Romanæ sedis episcopi, ut sic ab universa reciperentur Ecclesia, probarentur assensu. Sed quanta id sit elaboratum industria, et quibus vellentis una cum his palliata decore hæresis se in urbem intulerit, videamus.

Atque primum, quæ sanctus Paulinus de Melaniæ reditu, qui eam suscepit Nolæ, describat in epistola ad Severum, hic reddamus: « Addidit (inquit) Dominus hanc gratiam de muneribus et litteris tuis, ut ad eos potissimum dies nobis frater Victor occurreret, quibus sanctam ipsam (Melaniam scilicet) ex Jerusalem post quinque lustra remeantem excepimus. At

quam tandem feminam? (si feminam dici licet tam viriliter Christianam). Quid hoc loco faciam? Vetat fastidii intolerabilis metus voluminibus adhuc addere; sed personæ dignitas, imo Dei gratia, postulare videtur ut commemorationem tantæ animæ prægressus non raptim omittam, sed paulisper ad eam tibi narrandam (*Paulin., ad Severum epist. 10*), etc. » Prosequitur nobile genus ejus referre, utpote quæ habuerat Marcellinum consulem ordinarium avum, qui una cum Probino consulatum gesserat anno Domini trecentesimo quadragesimo primo, et ejus in vita Christiana sectanda ardens studium, et alia plura de ipsa, quæ nos suo loco superiori ordine temporis collocavimus; ac demum de ejusdem, cum rediit, impulsu Neapolim, ista subdit: « Neapolim urbem brevi spatio a Nolana, qua degimus, civitate distinctam advecta est. Ubi filiorum nepotumque occursum excepta, mox Nolam ad humilitatis nostræ hospitium festinavit, quo nobis advenit ambizioso ditissimorum pignorum vallata comitatu.

« Vidimus gloriam Domini in illo matris et filiorum itinere quidem uno, sed longedispari cultu, macro illam et viliore asellis burrico sedentem, tota hujus sæculi pompa, qua honorati et opulenti poterant, circumflui senatores prosequerantur, carrucis nutantibus, phaleratis equis, auratis pilentis, et carpentis pluribus, gemente Appia atque fulgente; sed splendoribus vanitatis prælucebat Christianæ humilitatis gratia. Admirabantur **434** divites pauperem, profani sanctam, et illos nostra pauperes ridebat. Vidimus dignam Deo hujusmodi confusionem, purpuream, sericam, auratamque supellectilem pannis veteribus et nigris servientem. Benediximus Dominum, qui humiles et excelsos facit sapientes, esurientes implet bonis, et divites dimittit inanes (*Lucæ 1*). In istis tamen divitiis eadem die de maternis bonis pauperem spiritum stupebamus, qui magis sancta matris inopia, quam sua visibili abundantia gloriabantur. Id ipsum autem gloria Domini videbatur operari, quod egenulæ nostræ divitias in ejus filiis intuebamur; ut jam hinc fructum fidei suæ caperet, cum victoriam suam de hujus sæculi vanitate ipsa despectaret, cominus videns omnia quæ propter Christum reliquerat et contemnere perseverarat. Illi sericati et pro suo quisque sexu toga aut stola soliti splendere filii, crassam illam veluti spartei staminis tunicam et vile palliolum gaudebant manu tangere, et vestimenta sua velleribus, auro, et arte pretiosa pedibus ejus substernere, pannisque contegere gestiebant; expiari se a divitiarum suarum contagio judicantes, si quam de vilissimo ejus habitu aut vestigio sordem colligere mererentur.

« Tugurium vero nostrum, quod a terra suspensum cœnaculo uno, porticu cellulis hospitalibus interposita, longius tenditur, quasi dilatatum gratia Domini, non solum sanctis qui illam plurimi comitantur, sed etiam divitum illorum clateris non incapaces angustias præbuit; in quo personis puerorum ac virginum choris vicina Dominædii nostri Feli-

cis culmina resultabant; neque e diverso habitatio-
nis ejusdem, dissoni licet præposito, hospites obstre-
pebant, sed et in illis religiosa modestia imitabatur
nostræ silentium disciplinæ; ut si dissimularent
concinere vigilantibus pigro ventre sopiti, tamen non
auderent piis vocibus dissonare, fideli timore com-
potiti, qui placitis psallentium vocibus, compresso
sæcularium turbarum tumultu, etiam taciti concie-
nebant. Verum ut ad perfectam Domini columbam
recurrat, scito nunc istam tantam in sexu infirmi-
tatis virtutem Dei, cui refectio in jejunio, requies in
oratione, panis in verbo, habitus in panno, lectus
in sagulo et centone durus in terra fit mollis in lit-
tera, qua rigidi cubilis injuriam mitigat lectionis
voluptas, et sanctæ animæ in Domino vigilare, re-
quiescere est.

« Hanc ergo filia Sion hactenus habuit et deside-
rat, nunc filia Babylonis habet et admiratur; quia
jam et ipsa urbs in pluribus filia Sion est quam filia
Babylonis; et ideo miratur in humilitatis obscuro et
veritatis luce viventem, et fidei incitamenta divitibus,
angustiarum solatia pauperibus ministrantem, quan-
quam illa quietis et latebræ suæ apud Jerusalem in
Romanis modo turbis æstuans clamat: *Heu me!*
quia incolatus meus prolongatus est (Ps. cxix); ideo-
ne dilata sum, ut nunc habitarem cum habitantibus
Cedar? Hoc enim nomine apud Hebræos (ut comperi)
significatur obscuritas. Quare ita illi gratulandum de
memoratis virtutibus puto, ut de præsentis sede ti-
meatur, ut tam insignis anima plus Romæ conferat
quam de Roma trahat, et sic sedeat super flumina
Babylonis, et recordetur Sion (Psal. cxxxvi), et or-
gano corporis sui suspensio ab inimicæ omnibus Ba-
bylonis insidiis et illecebris, in sui propositi tenore,
velut in salicibus genuino semper humore viventibus,
constituta virere non desinat, et permanente
fidei constantia, virtutisque gratia, folium ejus non
defluat, et sicut vita ejus in itinere aspectatur, ita et
laus in exitu canatur. » Hucusque Paulinus de ad-
ventu Melaniæ Romam: quam quidem urbem cum
sic nominet filiam Babylonis, ut tamen in pluribus
dicat eam præferre filiam Sion, facile puto intelli-
gis, ea nominis unius urbis varietate discriminatos
esse gentiles a Christianis; nimirum ut ea ex parte
Roma Babylon dicatur, ubi adhuc in ea gentilitia vi-
geret impietas; Sion autem in pluribus, utpote quæ
Christianis abundaret, in quibus cultus religionis
veræ micaret; ut plane ex tanti viri sententia valeas
intelligere quo sensu a Joanne in Apocalypsi Roma
sit Babylon nominata*. At de his satis tomo primo
Annalium actum est.

Sed ad Melaniam redeamus: quam cum sic a
Paulino laudatam vides, ne mireris: his quidem ipsa
atque majoribus digna præconiis videbatur nescientibus
435 quæ paucis arbitris in Palestina non tam
ab ipsa quam per ipsam a suis consociis de inducen-
dis in Ecclesiam erroribus Origenis, refragante sancto
Hieronymo, ac penitus obnitente sancto Epipha-

* Vide hoc explicatum in notis Rosweydi ad epist.

nio, gesta essent. Quomodonam, quæso, Paulinus
sciret quæ nec qui Jerosolymis essent nosse potue-
runt? ut superius est demonstratum in controversia
illa habita inter sanctum Epiphanium et Joannem Je-
rosolymitanum episcopum, Origenistarum patronum
negantem tamen se Origenis errores defendere, quæ
litteris sancti Hieronymi uni innotuere Pammachio.
Vides igitur Paulinum horum omnium penitus igna-
rum adeo mirifice Melaniam jure laudasse; sed et
ejus in via comitem immensis præconiis, aliis ad
eumdem Severum datis litteris, celebrasse Ruffinum,
in quorum celebrationem omnium conversa fuisse
studia Christianorum, quis poterit dubitare (Paulin.,
epist. 9)? En vides, quibus qualibusve anteambulo-
nibus inferatur in urbem hæresis Origenis, ut plane
B pro miraculo dicendum fuerit, si, audito sonitu tubæ,
fistulæ, et citharæ, sambucæ, et psalterii, sympho-
niæ, et omnis generis musicorum, non adoraverint
omnes statuam auream (Dan. iii); si, inquam, quos
sanctissimorum virorum etiam audirent encomiis
pene divinis efferrî, æque plausibus non exceperint,
et obviis quoque manibus, quod ab illis sanctitatis
titulo foris inscriptum offerretur, omnes non acce-
ptarint, etc.

Accepit tunc idem Paulinus a Melania per breve
segmentum ligni sanctissimæ crucis, missum sibi a
Joanne Jerosolymorum episcopo. Testatur id quidem
ipse Paulinus, cum ex eo quid modicum sumptum,
nomine Therasiæ suæ, mittit ad socrum ipsius Severi
Bassulam, dum hæc ait: « Partem particulæ de li-
gno divinæ crucis, quod nobis donum benedicta Me-
lania ab Jerusalem munere sancti inde episcopi
Joannis attulit, hoc specialiter sorori nostræ venera-
bili Bassulæ misit conserva communis. Sed quod
alteri vestrum datur, utriusque vestrum est, quia in
utroque vestrum una ratio manet, et sexum evacuat
fides, qua in virum perfectum ambo concurritis. Ac-
cipite ergo ab unanimis fratribus, in omni bono ve-
strum sibi consortium cupientibus. Accipite magnum
in modico munus; et in segmento pene atomo ha-
stulæ brevis, sumite monimentum præsentis et pi-
gnus æternæ salutis. Non angustetur fides vestra
carnalibus oculis parva cernentibus; sed intenta acie
totam in hoc minimo vim crucis videas. Dum videre
vos cogitatis lignum illud, quo salus nostra, quo Do-
minus majestatis affluxus, tremente mundo, pepende-
rit; exsultetis cum tremore: recordemur et petras
fissas ad hujus affectum crucis, et saltem saxorum
æmulatione præcordia nostra findamus timore divino
(Paulin., ad Sever., epistola 11), » etc.

Quod rursus ad idem lignum sanctissimæ crucis
a Melania Paulino datum spectat, ingens plane ex
ipso contigit edi miraculum, cum incendio flagrante
feno referta casa, in Paulini ipsius hospitium conversa
flamma cuncta impetu violento depascente, oblato
ab ipso globis igneis eodem ligno crucis, incendium
protinus resilierit, atque penitus extinctum fuerit.
Quod ipsum perpetua memoria consecrandum mira-

10 Pauli, et Anticapelli ejus, c. 5.

culum, ipse Paulinus versibus cecinit (*Paulin., in Natali 10 S. Felicis*).

Donatus est præterea idem Paulinus ab eadem Melania tunica, innocuorum agnorum contexta vellere: quam idem ipse, cum accepisset a Severo, pallium ex pilis camelorum hirsutum eidem dono misit; de qua post alia sic ad ipsum scripsit: « Nos, inquit (*Paulin., ad Sever., epistola 10*), neque verbis, neque rebus digna pensantes, unica tamen facultate nobis charitatis, qua vobis sola pares sumus misimus tunicam, quam ab usu meo, ut de stercore vilitate collectum pannum dignare suscipere. Nam vel hoc innocentiae tuæ congruit, quod de tenero agnorum vellere contexta blanditur tactibus. Addo autem adhuc pretio ejus et gratiæ, quod quo dignior probetur usu tuo, de sanctæ et illustris in sanctis Dei feminae Melaniæ benedictione mihi pignus est. Unde te dignior visa est, cujus fides illi magis quam noster sanguis propinquat. » Hæc Paulinus, quibus quidem postremis verbis se Melaniæ sanguine fuisse conjunctum significat.

Contigerat autem haud pridem ante adventum Melaniæ Nolam mitti ab eodem Severo ad ipsum Paulinum libellum scriptum de rebus gestis sancti Martini, quem Melaniæ illum avide cupienti se legisse testatur, necnon ostendisse sancto Nicetæ Dacorum episcopo, qui hoc eodem tempore pietatis ergo in Italiam peregrinatus fuit; ait enim ea epistola ad Severum reddita: « Martinum enim nostrum illi (nempe Melaniæ) studiosissimæ talium historiarum ipse recitavi: quo genere te et venerabili episcopo atque doctissimo Nicetæ, qui ex Dacia Romanis, merito admirandus advenerat, et plurimis Deo sanctis, in veritate non magis tui prædicator, quam mei iactans, revelavi (*Paulin., Epistola 10*), » etc.

Hoc ipso quidem anno contigisse magni illius Nicetæ adventum, ex numero natalium sancti Felicis a Paulino editorum rectam exploratamque possumus deducere rationem. Nam cum ipse, scribens ad Severum (*Paulin., Epist. 9*), testetur quolibet anno se statuisse conscribere versibus ejusdem Felicis natalitium, plane ex numero eorundem annos quoque licebit suo ordine adnumerare. Sed cum in nono a Paulino edito Natalitio mentio habeatur de posteriori ejusdem Nicetæ adventu Nolam, eumque contigisse dicat anno quarto a priori ipsius adventu, affirmare opus est ipsum ejus priorem adventum tempore quo natalitium quintum elaboravit accidisse. De ejus enim posteriori adventu, quo meminit de priori, isti sunt versus (*Paulin., in Natali 9*):

Venisti tandem quarto mihi redditus anno
Sed grates Christo, quia te vel sero revexit.

Cum igitur hac ratione priorem ejus adventum contigisse oportuerit tempore quinti editi natalitii in quem Domini annum illuc potissimum inciderit, hoc exquirendum est. Numeranda quidem esse natalitia illa Paulini ab ultimo anno, quo adhuc detentus in Hispania Romam parabat adventum, ex ipso satis intelligi potest. Fuit ille annus Domini (ut vidimus)

trecentessimus nonagesimus tertius. Sequenti autem cum jam ad natalem diem sancti Felicis Nolam se contulisset, secundum ordine edidit natalitium. Cum vero (ut ejus testificatione liquet) jam annum apud eundem sanctum Felicem egisset in ipso agro Nolano, quando et legationem ab episcopis Africanis suscepit, qui fuit annus Domini trecentessimus nonagesimus quintus, tertium ab eo scriptum est natalitium; sequenti vero anno, nempe superiori, quartum. Unde hoc ipso anno Domini trecentesimo nonagesimo septimo, ipsum quintum elucubratum fuisse natalitium necessario dicendum est: quo tempore et Nicetæ adventum contigisse, æque opus est affirmare, cum a quinto natalitio usque ad nonum numerus ille perficiatur annorum quatuor, quo Nicetas reditum in Italiam prorogavit, etc.

Jam vero, ubi satis apud Paulinum Nolæ consedi- mus, Melaniam cum Ruffino redeuntem in urbem prosequamur. Qui enim diu ab urbe absentes Jerosolymis tanquam in spiritali quadam academia, ut veram excolerent sapientiam, quinque (ut vidimus) lustris consederant, cum primum Romam venerunt omnium plane oculos pro admiratione in se converterunt. Læti jam illi videre præsentem, quæ de iisdem absentibus summo sæpe præconio fama detulerat; sed non videre tantum, verum et audire solliciti; sicque ab ore ipsorum tanquam a cœlesti quodam illato Romam oraculo pependere. Cum ipsi, quam ex Origenis libris didicerant, Stoica indolentia perfectissimæ et ad omnes numeros absolutæ vitæ Christianæ specimen edentes, maxima apud Christianos omnes qui Romæ erant, perpaucis eruditissimis exceptis, quos antea sanctus Hieronymus litteris monuisset, existimatione fuerunt. Cum sic igitur animos civium erga se suosque esse propensiores et optime effectos Ruffinus intellexisset, e vestigio impietate referta allata secum ex Ægypto primum, inde Jerosolymis, scrinia reserat, indeque depromit pestiferas merces, sed ita fallaciis obvolutas et auro cælatas, ut bene prudentes et sapientes quoque eadem decipere potuissent.

De impulsu autem horum in Romanum portum agens sanctus Hieronymus, hæc per antiphrasim (*Hieron., Apol. lib. II*): « O triremem locupletissimam, quæ Orientalibus et Ægyptiis mercibus Romanæ urbis ditare venerat paupertatem.

. Tu maximus ille es
Uaus qui nobis scribendo restituis rem.

Ergo nisi de Oriente venisses, eruditissimus vir haberet, adhuc inter mathematicos. » Et paulo post: « Te multo tempore Pharus docuit quod Roma necivit, instruxit Ægyptus quod Italia hucusque non habuit, » etc.

Melania recedit ab urbe in Siciliam et revertitur Jerosolymam.

Anno Christi 408. — Hoc item anno (Christi 408, Innocentii Papæ 7, Honorii 14, Theodosii 1, impp.) qui urbis obsidionem præcessit, Melania Romana vidua, de qua sæpe superius mentio facta est, antiqui

vaticinii ante annos quadringentos (ut ait Palladius) A editi memor, distractis prædiis, una cum Melania nepte, Pinianoque ejusdem Melaniæ viro, et Albina nura, evasura cum illis imminentem orbis cladem, Roma recedens, Jerosolymam se iterum contulit, ubi post dies quadraginta ex hac vita migravit. Hæc ex Palladio (*Pallad., in Lausiac., cap. 33*) qui et tradit ejusmodi propheticæ oraculo ab ea Romæ evulgato, atque sæpius inculcato, complures Romanorum civium Christianorum ad rerum temporalium contemptum inductos esse, consultius existimantes amore Christi, spe supernæ retributionis, prodigere in pauperes suas divitias, quam eas ad barbarorum prædæ relinquare: quo nomine, cum rei eventus verum probasset oraculum, immensas Deo gratias egere. Major quoque vis inerat ad hæc suadenda Melaniæ orationi, quod dicitaret (ut existimabat) una cum urbe orbem pariter ruiturum.

Quod autem idem Palladius ait, una cum Melania recessisse Roma Melaniam juniorem ipsius neptem, et virum ejus Pinianum, necnon nurum Melaniæ Albinam, cognationem Melaniæ sic accipias. Filius ejus unicus illi relictus duxit uxorem Albinam, ex qua Palladius ait genitam esse Melaniam juniorem, senioris Melaniæ neptem, quæ in matrimonium collocata est Piniano, cujus socrus Albina fuit (*Palladius, in Lausiac., cap. 33*); quod vero ei inhæreret loco matris, sanctus Augustinus ad ipsam scribens, Pinianum ejus filium nominat, et frequenter his uti nominibus consuevit (*Aug., epistola 227*). Hic rursus attende, diversam prorsus hanc Albinam nurum C Melaniæ ab illa fuisse Albina matre sanctæ Marcellæ, de qua sæpe sanctus Hieronymus; quam ante plures annos ex hac vita migrasse, ejusdem sancti Hieronymi testificatione didicimus. Quæ autem acciderint, cum hi, quos hoc anno ab urbe diximus recessisse, in Africam trajecerunt, sequenti anno pro ratione temporis dicturi sumus. Sed hic Palladium corrigere, dum ait Melaniæ filium valde juvenem comitatum esse proficiscentem Melaniam in Siciliam usque; nam quomodo valde juvenis, cum constet ante annos circiter quadraginta Melaniam seniore viduam esse relictam? vel quomodo in Siciliam usque eam tantum comitatus, qui cum illis navigavit in Africam, ubi et defunctus est? Id constat ex litteris Augustini atque Paulini, de quibus anno sequenti dicturi D sumus, ex quibus longe verior de rebus gestis Melaniæ ac Piniani et sociorum historia accipitur, quam ex Palladio, qui nullam penitus de Africa habuit mentionem, quo hos omnes anno sequenti esse profectos liquet, atque ibi diutius commoratos.

438 Hoc ipso anno (Christi 409, Innocentii papæ 8, Honorii 15, Theodosii 2, imp.) Pinianus vir clarissimus una cum Melania seniore, et Melania juniore conjugæ, atque socru Albina junioris matre Melaniæ, cum anno superiori distractis bonis quæ Romæ et in Italia habebat, adnavigasset Carthaginem, ibi ex congestis pecuniis locupletans ejus Ecclesiæ pauperes, inde ad sanctum Alipium Tagastam

A profectus est (*Hieron., in Isa. lib. x, præf.; Palladius, in Lausiac., cap. 9*). Ad quos omnes sanctus Augustinus, cum primum eorum adventum audisset, litteras dedit, quibus se excusat, quod propter ingruentem duram hiemem, et statum Hipponensis ecclesiæ titubantem, ad eos invisendos minime accedere valuisset. Exstat ipsa epistola, cujus est titulus ad Albinum, Pinianum, et Melaniam (*Aug., epistola 227*); sed pro Albino, Albinam, restituendum puto; quod ejus nominis femina ejusdem Piniani socrus una cum ipsis profecta est in Africam, ut tum ex Palladio, tum ex ejusdem Augustini testificatione satis apparet, etc.

Accidit autem, dum iidem in Africa morarentur, filium senioris Melaniæ vita fungi: quod unicum B amissum pignus ita mater modeste flevit, ut magno exemplo fuerit Christianæ constantiæ. De qua summa cum laude rei spectator sanctus Augustinus ad Paulinum Nolanum episcopum scripsit. Non exstat quidem epistola ipsa; sed ex redditus ad eum ejusdem Paulini litteris, hæc omnia, ab aliis silentio obruta, perspicua satis fiunt. Ait enim Paulinus: « Quia docuisti me in spiritu veritatis salvare [servare] moderandi in occiduis mortalibus animi temperamentum; et quod et illam beatam matrem et aviam Melaniam flevisse carnalem obitum unci filii, taciturno quidem luctu, non tamen sicco a maternis lacrymis dolore vidisti (*Apud Aug., epist. 249*). » Appellat Melaniam matrem et aviam, matrem quidem respectu defuncti filii, aviam respectu Melaniæ neptis; sed pergit Paulinus: « Cujus quidem modestas et graves lacrymas sicut propior et æqualior animæ ejus spiritus altius intellexisti, et perfectæ in Christo femina, salva virilis animæ fortitudine, cor maternum de cordis tui similitudine melius ex æquo statu contemplatus es, ut eam primum pro naturali affectione permotam, deinde causa potiore compunctam flevisse perspiceres, non tam illud humanum, quod unicum filium conditione mortali defunctum in præsentis sæculo amississet, quam quod propemodum in sæculari vanitate præventum, quia necdum illum deseruerat senatoriæ dignitatis ambitio, non juxta sanctam votorum suorum avaritiam cogitare assumptum, ut de conversionis gloria transisset ad gloriam resurrectionis, communem cum matre requiem coronamque capturus, si in hujus sæculi vita matris exemplo saccum togæ, et monasterium senatui prætulisset. Verumtamen idem vir (ut et antea retuli) ex voto sanctitatis tuæ his operibus locupletatus abscessit, ut maternæ humilitatis nobilitatem si veste non gesserit, tamen mente prætulerit.

« Ita enim, secundum verbum Domini, mitis moribus fuit et humilis corde, ut non immerito credatur introisse in requiem Domini, quoniam sunt reliquiæ homini pacifico, et mansueti possidebunt terram (*Matth. xi*), placentes Deo in regione vivorum. Nam certe et illud Apostoli non solum tacito mentis affectu, sed et conspicuis religiosis implevit officio; et cum esset aliorum hujus sæculi in ordine et honore

collega, non tamen ut gloriosus terræ alta saperet; **A** sed et Christi perfectus imitator, humilibus consentiret, et tota etiam die misereri et commodare persisteret (*Rom.* xii). Unde et semen ejus potens in terra factum est (*Psal.* xxxvii) inter eos qui terræ fortes nimium elevati sunt (*Psal.* xlvi); et etiam de beatissima familiæ ac domus ejus visitatione sanctum hominis meritum reveletur. *Generatio* (inquit) *rectorum benedicetur* (*Psal.* cxi); gloria non caduca, et divitiæ non labentes in domo ejus; domus quæ ædificatur in cœlis non labore manuum, sed operum sanctitate. Sed cesso plura de memoria tam dilecti mihi quam devoti Christo hominis enarrare, cum et præstitis litteris non pauca super eo narrasse me repetam, et nihil possim de beata hujus filii matre et sanctorum patre radice ramorum Melanio melius aut sanctius prædicare, quam sanctitas tua in eam profari. **B** et disputare dignata est; ut quia ego peccator immunda labia habens, nihil dignum loqui potueram, ut longinquus a meritis fidei ejus animæque virtutibus, tu ille vir Christi doctor in Ecclesia veritatis, procurante in melius Dei gratia, parareris dignior tam virilis in Christo animæ prædicator, qui et mentem ejus divina virtute firmatam (ut dixi) spiritu propiore conspiceres, et mixtam cum virtute pietatem eloquio digniore laudares. **C** Hactenus Paulinus de Melania orbata filio.

Quod vero ad senioris Melaniæ filios reliquos spectat, jam diximus duos ex eis uno ferme tempore cum patre esse sepultos, unicum autem masculum tantum ei relictum fuisse, quem Jerosolymam petitura Romæ reliquisset, sanctus Hieronymus auctor est (*Hier.*, epistola 25), huncque ipsum esse quem in

Africa vita functum diximus. Cæterum et filias illi fuisse superstites cum Jerosolymis Romam rediit, sanctus Paulinus testatur dum de iisdem magna pompa matri occurrentibus sermonem habet (*Paulin. ad Sever.*, epistola 10). Porro Melariæ huic filio, de quo agimus, uxorem fuisse Albinam nomine, Palladius tradit (*Pallad.*, in *Lausiaca.*), quod et nos superius diximus. Sed in eo omnino Palladium jure correximus ex Paulino et Augustino, dum ait filium hunc senioris Melaniæ valde juvenem secutum matrem fuisse in Siciliam usque, cum regressa illa est Jerosolymam; nam ex his quæ dicta sunt satis liquet ipsum matrem secutum in Africam, ibique diem clausisse extremum. Sed et illud (quod majoris momenti est) cujus causa hæc notissima ex Paulino de obitu filii Melaniæ recensuisse voluimus; quod cum ipsa hoc tempore sancti Augustini atque Paulini præconio extollatur. argumento esse ipsam maculas illas quæ ei ex patrocinio Origenis errorum inhæserant penitus diluisse, postquam jam illos Romæ ab Anastasio papa et Italiæ episcoporum concilio damnari comperit. Cæterum cum (ut dictum est) ipsa Melania senior quam citius orbata filio navigaverit Jerosolymam, qui remanserunt, Pinianus et socii, esse morati in Africa, in Actis Melaniæ junioris traduntur. Inde vero eosdem profectos esse Alexandriam, ac postea Jerosolymam concessisse, liquet. Melania autem senior (inquit Palladius) cum Jerosolymam pervenisset, intra quadraginta dies ex hac vita migravit, et (ut par est credere) jam ante reconciliata sancto Hieronymo, qui ibi et peregrinationis ejus sociis et consanguineis familiarissime usus esse videtur, et ex ejus ad Augustinum epistola intelligi potest (*Hieron.*, epist. 79).

ROSWEYDI NOTATIO.

Memineris, lector, Baronium, cum hic passim Palladii Lausiacam citat, usum esse editione Aloysii Lipomani, quæ exstat tomo ejus III de Vitæ Sanctorum, Venetiis anno 1554, in-4^o impresso. Qui textus perparum dissidet ab Heraclidis Paradiso, impresso in folio Parisiis anno 1504. Utroque multo integrior est editio Palladii per Gentianum Hervetum Parisiis anno 1555, in-4^o, accurata. Vide Prolegomenum generale 14, ante primum librum.

(a) *Ruffini et Melaniæ.*] Baronius passim Ruffini et Melaniæ peregrinationem eandem facit. Quod equidem nescio an omnino probari possit. Cum enim triplex eorum conjuncta statuatur peregrinatio, primo Roma in Ægyptum, inde ex Ægypto Jerosolymam, tertio Jerosolyma Romam, quam postea sequitur solius Melaniæ regressus Jerosolymam, certe prima peregrinatio conjuncta, ut eam Baronius statuit, stare non potest. Nam cum ipse anno Christi 372, Damasi papæ 6, Valentis imp. 9, ex Palladio colligat, Melaniam non nisi 8 mensibus in Ægypto versatam, vel itaque inde cum Ruffino Jerosolymam commigrasse; Ruffinus autem, invectiva 2 (ut hic, littera l, exhibemus) se 4.40 scribat sex annis Alexandriæ versatum; sequitur Ruffinum vel ante in Ægyptum venisse, si post Melaniæ octimestrem Ægypti lustrationem cum eadem Jerosolymam concessit; vel certe annis aliquot, videlicet quinque cum quatuor mensibus Melaniam ad Jerosolymitanam peregrinationem secutum.

Nunc vero certo constat ex Hieronymo, quod Ruffinus et Melania simul ex Ægypto Jerosolymam commigrarunt. Quare si Melania octo tantum mensibus ex Baronii sententia in Ægypto hæsit, Ruffinus vero sex annis Alexandriæ versatus est, sequitur eos non simul peregrinationem Ægypticam instituisse. Quod si Baronius octo tantum mensibus Ruffinum quoque

in Ægypto versatum credidit, sine teste id credidit, ut infra fusius in hisce notationibus, littera l, declarabitur.

Quod si plures annos Melaniam statuas in Ægypto versatam (quod an statuendum sit, videbitur littera l), tunc forte existimari possit Ruffinum et Melaniam simul Roma in Ægyptum solvisse. Quod tamen quam solide existimari possit nondum video.

Nec tertia Ruffini et Melaniæ juncta peregrinatio, qua simul dicuntur Jerosolyma Romam profecti, omnino certa, ut post videbimus, litt. bb.

Quare de sola secunda junctim instituta peregrinatione, qua ex Ægypto Jerosolymam ad stativam eremitica contenderunt, certum divi Hieronymi epist. 5 ad Florentium habemus testimonium.

(b) *Litteræ.*] Hieron., epist. 41 ad Ruffinum: « Audio te Ægypti secreta penetrare, monachorum invisere choros, et cœlestem in terris circumire familiam. Prima inopinati gaudii ab Heliodoro fratre mihi est nuntiata felicitas. Non credebam certum, quod certum esse cupiebam, præsertim cum et ille ab alio se audisse diceret, et rei novitas fidem sermonis auferret. Rursum suspensam voto nutante mentem Alexandrinus monachus, qui ad Ægyptios confessores, et voluntate jam martyres, pio plebis jam dudum fuerat transmissus obsequio, manifestus ad credulitatem

nuntii auctor impulerat. Fateor et in hoc meam labasse sententiam; nam cum et patriam tuam ignoraret et nomen, in eo tamen plus videbatur asferre, quod eadem asserebat, quæ jam alius indicaverat. Tandem plenum veritatis pondus erupit Rufinum enim Nitriæ esse, et ad beatum perrexisse Macarium, crebra commeantium multitudo referebat. Hic vero tota credulitatis frena laxavi. » Quod autem hic habet Hieronymus de Nitria et Macario a Rufino visitatis, testatur ipse tum in *invektiva 2*, tum lib. II *Histor. Eccl.*, cap. 3 et 4.

(c) *Hieronymus*.] *Epist. 6 ad Florentium* Jerosolymis agentem: « Et quia frater Rufinus, qui cum sancta Melania ab Ægypto Jerosolymam venisse narratur, individua mihi germanitatis charitate connexus est, quæso ut epistolam meam huic epistolæ tuæ copulatam ei reddere non graveris. »

(d) *Rufinum*.] Jam ante, litt. b, locum hunc Hieronymi habes.

(e) *Paulinus*.] *Epist. 9, ad Severum*: « Adnotationem direxi ad Rufinum presbyterum sanctæ Melaniæ spiritali via comitem. »

(f) *Palladius*.] Ipse, *Histor. Lausiacæ* cap. 33, ex editione Lipomani, qua Baronius usus est.

(g) *Exordio Valentis imperii*.] Ita de tempore hoc Palladius Lipomani; quem citat Baronius, seu Heraclides: « Quæ (Melania) vigesimo ac secundo ætatis suæ anno ad viduitatem redacta, Divinitatis amore æterno sponso meruit copulari, usque in finem vitæ suæ diligens eum. Quæ nulli secreta animi sui prodens (prohibebatur enim inter principia Valentis imperii), procuratore ante filio suo constituto, ea quæ habere in mobilibus videbatur, cum certis pueris ac puellis in navim misit. » Palladius Herveti tempus ita exprimit: « Prohibebatur enim iis temporibus, Valente tenente imperium, » nullam temporis determinationem indicans. Græce est: Ἐκώλυτο γὰρ ἐν τοῖς καιροῖς Οὐάλεντος, ἀρχὴν ἔχοντος τῆς βασιλείας. Quod duplici modo verti potest: vel, « Prohibebatur enim Valentis temporibus initium tenentis imperii; » vel,

« principatum tenentis imperii. » Quare cum Græcus textus ambiguus sit, et diversus interpret diversimode eum ceperit, difficile est ex eo statuere de tempore profectiois Melaniæ, qua Roma Jerosolymam solvit. Si initio Valentis imperii, quarto videlicet Valentis anno, vel proximo aliquo eam profectioem Melaniæ status, juxta eum tota Melaniæ ætas, id est nativitas, annus viduitatis, et profectiois digerendæ erunt. Si vero decimo Valentis anno ea profectio collocetur, aliter omnia digerenda.

(h) *Filia*.] Alii *neptem* vocant. Vide post ad numerum 21.

(i) *Prælore tunc urbano*.] Hæc quomodo legenda et intelligenda sint, vide ad litt. u.

(j) *Ruffini, necnon Palladii*.] In Rufino, lib. II, cap. 4, *Hist. Eccl.* (qui hic locus mox in textu citatur) nulla Athanasii et Melaniæ mentio; ut inde colligi non possit Melaniam vivo Athanasio Alexandriam pervenisse. In Palladio 44 quoque (quia locum non assignabat Baronius) diu hanc historiam quæsi, nec aliam in vulgato editionis Hervetianæ codice reperi, quam Melaniam accepisse pellem illam ab ipso Macario, nulla Athanasii facta mentione. Palladius quidem editionis Lipomanicæ cap. 6 (quem habes apud eum tom. III de Vitis Sanctorum, quoque usum video Baronium) narrat Melaniam ab Athanasio pellem ovinam accepisse, quam ille non a Macario, sed a Marco acceperat; non tamen dicit quod eam acceperit in hac peregrinatione. Quanquam si revora ab ipso Athanasio accepit pellem illam, vix potuit aliter fieri quin hac peregrinatione acceperit. Nam etsi Athanasius aliquando Romæ fuerit, tunc Melania vel non nata, vel plane puella fuerat. Nam ultimus Athanasii Romæ discessus contigit anno Christi 349, Julii papæ 13, Constantii imp. 13; Melania vero vel nata

A circa annum Christi 347, si initio Valentis imperii, quarto videlicet anno ejus Jerosolymitana profectio statuatur; vel etiam posterius, si decimo Valentis anno eam ponas.

Diversam hanc Palladianæ editionis narrationem de pelle ovina, quam una dicit datam Melaniæ a Macario, altera ab Athanasio, visum indicare; ne si quis forte Hieronymi Chronicon tueri velit, quod decimo anno Valentis ponit Melaniæ profectioem in Ægyptum, quo jam Athanasium obiisse ponit Baronius, turbetur ea Palladii editione, quæ narrat Melaniam pellem eam accepisse ab ipso Athanasio.

(k) *Quidam Alexandrinus monachus*.] An Piammon, vel aliquis ex ejus sociis? Equidem Piammon apud Cassianum, collat. VIII, cap. VII, ubi de sanctis monachis tum sub Lucio in Pontum et in Armeniam relegatis, interloquens ait: « Temporibus siquidem Lucii, qui Arianae perfidiæ episcopus fuit sub Valentis imperio, dum diaconiam nostris fratribus deferretis, his videlicet qui de Ægypto et Thebaide fuerant ob catholicæ fidei perseverantiam metallis Ponti atque Armeniæ relegati, licet cœnobiorum disciplinam in quibusdam civitatibus rarissimam viderimus, anachoretarum tamen apud illos ne ipsum quidem nomen auditum fuisse comperimus. » Certe de iisdem confessoribus Hieronymus intelligendus. Nam ut iis qui in Ponto et Armenia versabantur deferretur diaconia, necesse fuit transire Syriam et eremum Chalcidias, in qua Hieronymus versabatur.

(l) *Annis sex*.] Rufinus, *invektiva secunda*, suam Alexandriæ et in Ægypto commorationem ita describit: « Cæterum iste (Hieronymus) qui in tota vita sua non totos triginta dies Alexandriæ, ubi erat Didymus, commoratus est, per totos pene libellos suos longe lateque se jactat Didymi Videntis esse discipulum, et καθῆγγήν, id est, præceptorem in Scripturis sanctis habuisse Didymum. Et omnis ista jactantia uno mense quæsita est. Ego qui sex annis Dei causa commoratus sum, et iterum post intervallum aliquot aliis diebus, ubi Didymus, de quo tu solo te jactas, et ubi alii nihilominus illo non inferiores, quos tu ne facie tenus quidem nosti, Serapion et Menites, viri natura et moribus et eruditione germani, ubi Paulus senex Petri martyris discipulus, et ut ad eremi magistros veniam, quibus et attentius et frequentius vacabamus, ubi Macarius Antonii discipulus, et alter Macarius, et Isidorus, et Pambus omnes amici Dei* qui nos hæc docebant, quæ ipsi a Deo discebant, quantam ego, si hoc ita deceret aut expediret, de his omnibus habere jactantiæ materiam possem. Sed erubesco hic etiam retexens, dum volo tibi ostendere non ut tu dicis nostro ingenio magistros, sed, quod plus doleo, magistris defuisse ingenium nostrum. » Cur hæc Rufino de se asserenti non credamus? Accedit vel ipsius Hieronymi antagonistæ testimonium, qui, apol. lib. II, in Rufinum ita habet: « Te multo tempore Pharus docuit quod Roma nescivit, instruxit Ægyptus quod Italia hucusque non habuit. » Quibus verbis insinuat Hieronymus Rufinum et Alexandriæ (quam per Pharum designat) et apud Ægypti monachos operam dedisse studii. Et cum dicit *multo tempore* apud Pharum fuisse, indicat sex illos annos quibus se Alexandriæ fuisse scribit Rufinus.

Nec huic rei refragatur epistola Hieronymi 46. Nam etsi concedamus, ex Palladii sententia Melaniam in Ægyptum profectam circa exordia Valentis imperii (id est, anno tertio vel quarto imperii, cum persecutionem suam instituire cœpit, quod Palladius insinuare videtur supra, litt. g), nihil exinde sequitur contra epistolam illam divi Hieronymi. Nec enim constat quod Rufinus simul cum Melania in Ægyptum sit profectus. Et demus id constare, nihil tamen incommodi inde oriatur, cum potuerit annis aliquot in Ægypto esse Rufinus, antequam ad Hieronymum certa fama perveniret, quod ipse Hieronymus

* De his et aliis Rufin., lib. II, c. 4 et 8 *Hist.*

mus eadem epistola, cum diversis id nuntiis diverso A tempore ait se accepisse, satis insinuat.

(m) *Ad monasteria.*] Huc forte referendum, quod Hieronymus habet in Chronico anno 12 Valentis: « Multi monachorum Nitriæ per tribunos et milites cæsi. » Ibid.: « Valens lege data ut monachi militarent, 442 nolentes fustibus jussit interfici. »

(n) *Patres monachorum.*] Ita vocabantur vitæ et antiquitatis merito commendabiles. Longiorem horum catalogum habet Ruffinus, lib. II Hist. Eccl., cap. 8, quos dicit a se visos. « Florebat Ægyptus ea tempestate non solum eruditus in Christiana philosophia viris, verum etiam his qui per vastam eremum commanentes, signa et prodigia apostolica, simplicitate vitæ, et cordis sinceritate faciebant. Ex quibus interim, quos ipsi vidimus, et quorum benedicti manibus meruimus hi sunt: Macarius de superiori eremo, aliusque Macarius de inferiori, Isidorus in Scitis, Pambus in Cellulis, Moyses et Benjamin in Nitria, Sybrion [*Al.*, Scyrion] et Elias et Paulus in Apeliote, alius Paulus in Focis, Pœmen et Joseph in Pispiri, qui appellabatur mons Antonii. Sed et alios quamplures hujusmodi viros in Ægypti partibus habitare, fideli comperimus auditu. Ut vere completeretur Apostoli dictum, quia *ubi abundavit peccatum, superabundavit et gratia* (Rom. v.) Etiam invectiva 2 meminit Macariorum, Isidori, et Pambi; quibus in eremo magistris dicit se attentius et frequentius vacasse. Ibidem dicit se Alexandriæ operam dedisse Didimo, Serapioni, Menitæ, et Paulo, Petri martyris discipulo. Meminit et Didymi magistri sui libro XI Hist., cap. 7: « Nec enim qui vivæ vocis ejus (Didymi) ex parte aliqua fuimus auditores; et ea quæ a nonnullis, dicente eo, descripta legimus, longe majorem gratiam et divinum nescio quid ac supra humanam vocem sonans, in illis magis sermonibus, qui ab ore ipsius proferebantur, agnovimus. » Subdit postea Ruffinus, unde colligimus eum etiam in Mesopotamiam peregrinatum: « Habuit autem per idem tempus etiam Mesopotamia viros nobiles, eisdem studiis pollentes: quorum aliquantos ipsi per nos apud Edessam et in Carrarum partibus vidimus, plures autem auditione didicimus.

(o) *Consulis Marcellini neptis.*] Vide infra ad litt. u.

(p) *Filii præfecturæ urbanæ.*] Vide infra ad litt. v.

(q) *Adeo exacte.*] Imo vero non valde exacte describit Ruffinus Arianorum persecutionem, jussu Valentis in Orthodoxos institutam, ut patet ex Socrate, lib. IV, cap. 16, 17, 19; Sozomeno, lib. VI, cap. 19, 20; Theodoretto, lib. IV, cap. 18, 19, 20; Gregorio Nazianzeno, oratione in laudem Athanasii, qui multo plura enormiter ab Arianis acta enumerant. Quin ipse Ruffinus nec constantiæ quidem et munificentiæ meminit, quam Melania (cujus tamen lateri sæpe inhærebat) in Ægypto et Palestina monachis exhibuit, quam referunt Paulinus, epist. 10, et Palladius cap. 125. Petrus quoque Alexandrius episcopus, epistola sua apud Theodoretum lib. IV, cap. 20 narrat horrenda Arianorum facinora in Catholicos; inter alia, « Presbyteros et diaconos XIX ad incolendam Heliopolim urbem Phœnicæ transportatos, inde ad metalla in Pheno et Proconneso, inter quos monachi XXIII, etc., undecim Ægypti episcopi missi Diocæsaream, etc., clericos Antiochenos Neocæsaream urbem Ponti relegant. » Epiphani., hæc. 68, præter alia tradit, « nonnullos damnatos ad bestias. » Cassian., collat. VIII, cap. 7, meminit quorundam « ad metalla Ponti et Armenia relegatorum. »

(r) *Ea tantum fuisse existimatur.*] Si ubique Melaniæ fuit in peregrinatione socius, ut a plerisque creditur, omnino eadem vel etiam majore (quod facilius in viros quam feminas, maxime illustres, sævitur) persecutionis procella jactatum fuisse existimari potest. Quanquam cum ipse asserat lib. II, cap. 4, se in passionibus socium fuisse patribus, cur decredamus? certe Socrates, lib. IV, cap. 19, Ruffino ea de se narranti non discredidit.

(s) *Gesta esse in Ægypto.*] Assentior Baronio hæc gesta esse in Ægypto, non ob eam tamen rationem, quasi in tota Palæstina non fuerit tantus monachorum numerus, qui ad millia quinque exresseret, sed quod verisimile sit hæc gesta esse in Nitria, Ægypti loco, quam constat lustratam esse a Melania, teste Palladio Lipomani cap. 33, Herveti 117, et in qua, Hieronymo teste, epist. 22 ad Eustochium de custodia virginitatis, constat « eodem in loco circiter quinque millia divisim cellulis habitasse. » Quod etiam hic habes apud Ruffinum, lib. III, n. 219, ex eodem Hieronymo depromptum.

(t) *Mensibus octo.*] Nihil tale apud Palladium. Tandem ait sex mensibus in monte Nitriæ hæsisse. Omnino, si recte colligo, pluribus mensibus Melania in Ægypto degit; imo vero annis aliquot ibi degisse, ita licet colligere:

1º Quia Ruffinus dicitur Baronio ejus fuisse comes; at ille sex annis se vel in sola Alexandria ait mansisse 2º Hieron., epist. 41 ad Ruffinum ait se tribus diversis nuntiis accepisse eum in Ægypto versari: ab Heliodoro; a monacho Alexandrino, qui ad Ægyptios confessores, et voluntate jam martyres pio plebis jam dudum fuerat transmissus obsequio; ex relatione crebræ commeantium multitudinis. Atqui inter Alexandriam, unde monachus ille veniebat, et per Syriam et eremum Chalcidis 443 properabat in Armeniam et Pontum, ubi confessores erant, et inter eremum Chalcidis ubi Hieronymus versabatur, maxima distantia est, ut menses insumendi sint, antequam Alexandria perveniatur Chalcidem. Quod si jam dudum monachus ille transmissus fuerat, nec tamen tunc certior erat Hieronymus de Ruffini in Ægypto incolatu, nisi accederet crebra commeantium multitudo, quæ id confirmabat, certum est multo plus temporis hæsisse Ruffinum et Melaniam in Ægypto.

(u) *Marcellino consule avo.*] Baronius, anno Christi 372, Damasi papæ 6, Valentiniiani et Valentis 9. Quod eam dicat habuisse Marcellinum avum consulem, Hieronymus *Aviam* ejus appellat (*Hier., in Chron.*), at Ruffinus Paulino consentit, qui etiam eam *neptem* Marcellini consulis nominat (*Ruffin., invect. 1 in Hieron.*). Palladius vero res ab ea gestas describens, cum Hieronymo Marcellini *Aviam* vocat (*Pallad., in Lausiaca., cap. 33*). Gessisse reperitur consulatum ordinarium Marcellinus cum collega Probino anno Domini 341, ut legitimi Fasti consulares indicant.

Arnoldus Pontacus, notis suis in Hieronymi Chronicon, ait Fastos consulares utrumque ferre posse, ut Melania et Marcellini quondam consulis filia fuerit et neptis. Duo enim, ait, hujus nominis reperiuntur consules ordinarii, quorum unus fuit ante centum annos (ita transponenda verba in Pontaco) collega Aureliani, circa annum 278 Christi, alter Probini circa annum 343 (*Baron. 341*).

Addit idem Pontacus: Forsan vocabulum *Aviæ* sumitur pro *nepte*; eadem ratione qua Galli vocant nepotes *petits-fils*, et neptes *petites-filles*.

(v) *Præturam urbanam iungenti.*] Vult illustrissimus cardinalis Baronius Melaniam vel Roma in Ægyptum solvisse, vel potius, ut ipse Hieronymum interpretatur, ex Ægypto Jerosolymam profectam, cum filius ejus prætura urbana fungeretur. Et sane Hieronymus in Chronico id videtur asserere, Valentis imp. anno 10. « Melania nobilissima mulierum Romanarum, et Marcellini quondam consulis filia, unico prætore tunc urbano filio derelicto, Jerosolymam navigavit; ubi tanto virtutum, præcipueque humilitatis fuit miraculo, ut Theclæ nomen accepit. »

Dubium videri possit quomodo Melaniæ filius præfectura tunc urbana fungeretur. cum puer imo pene infans esset?

Certum enim est, cum Melania discessit Roma Jerosolymam, filium ejus paucorum annorum fuisse, puerum potius quam virum. Ruffinus *Invectivarum*

lib. II. « Etiam nec illud ejus admirabile factum si-
lendum est, ne pudorem incutiamus audientibus, quod Marcellini consulis neptem, quam Romanæ nobilitatis primam, parvulo filio Romæ derelicto, Jerosolymam petiisse, et ibi ob insigne meritum virtutis Theclam nominatam, in ipsis Chronicis suis scripserat, post id de exemplaribus suis erasit, cum actus suos vidisset districtioris disciplinæ feminæ displicere. » Paulinus, epist. 10 ad Severum : « Ita crevit ærumnis, ut duos filios et maritum intra anni tempus amitteret, unico tantum sibi parvulo ad memoriam sibi potius quam ad compensationem affectum derelicto. » Et infra : « Itaque luctuosa ambitu trium funerum comes, vidua pariter et orbata, Romam venit, cum unico suo, inextore potius quam solatore lacrymarum ; sive infans ante sui sensum mala sentiens, jam saperet alienam lugere mortem, qui adhuc vitam suam nosse nesciret ; sive ignara male securus infantia, miserabili ludo inter matris lamenta rideret. » His edocta documentis non finiri B sæculo fragili, et spem tantum in Deo ponere, quem solum amittere inviti non possumus, salutarem sibi filioque scientiam induit, ut parvulum suum negligendo diligeret, et dimittendo retineret, firmius habitura absentem, quem Domino commendasset, quam complexura præsentem, si sibi credidisset. »

Quia ergo adhuc parvulus erat, etiam necesse fuit ei procuratorem et tutorem constitui. Heraclides seu Palladius Lipomani et Baronii, cap. 33, agens de profectioe ejus cum Roma solvit : « Procurator ante filio suo constituto. » Et cap. 42, cum jam Jerosolymis versaretur, et largas elemosynas distribueret : « Cui parentes quoque ejus, ac filii procuratores ipsius, ex facultatibus propriis multa præbebant. » Palladius, Herveti cap. 117 : « Cum curasset ut filii sui nominaretur tutor. » Græce : Πουήσατα ἱστῶρον τῶν υἱῶν αὐτῆς νομοασθῆναι. Item cap. 118 : « Suppeditantibus ei consanguineis, et ipso filio, et curatoribus quotannis pecunias. » Græce : Χρηγούτων ἐπὶ καὶ τῶν πρὸς γένος, καὶ αὐτοῦ τοῦ υἱοῦ, καὶ τῶν ἰσῶν ἐπιτρόπων τὰ χρήματα.

Quare in prima editione mea harum Vitarum, existimavi errorem irrepsisse in Hieronymi Chronica, et etiam contra omnium Mss. fidem (quorum tamen summa apud me solet esse auctoritas) unica litterula mutata apud Hieronymum legebam, *prætori* et non *prætoris* ; ut Melania Roma profecta sit filio unico Romæ derelicto *prætori urbano*, videlicet tanquam tutori, non vero ipso *prætoris urbano* tunc existente. »

Nunc vero re penitus perspecta, stet sua veteribus libris fides, retineamusque *prætoris*, et Melaniæ filio *et*si puero præturam delatam dicamus. Plane primæ dignitates (etsi rariis) quandoque posterioribus temporibus fuere pueris delatæ in gratiam familiæ vel parentum bene de republica meritorum. Sic Honorius Theodosii **444** imp. filius infans consul creatus. Claudianus, panegyrico de quarto Honorii consulatu :

Inter cunabula consul
Proverberis, signans posito modo nomine fastos,
Donaturque tibi, qui te produxerat annus.

Unde in edicto Theodosii (L. 1 de his qui relig. contend., Cod. Theod.), quo hæreticos coeruit scribens ad Eusignium præfectum prætorio : « Honoris nob. puero et Evodio coss., » quibus assignant annum Christi 366. Ita Theodosius junior Arcadii filius nondum triennis consul fuit cum Rumorido, quibus consignant annum Christi 303. De Olybrio puero consule Hieronymus epistola ad Demetriadem : « Pius filius, vir amabilis, clemens dominus, civis affabilis, consul quidem in pueritia, sed morum bonitate senator illustrior (Hieron., epist. 8). » Boetius, duos liberos etiam pueros coss. vidit. Philosophia eum solans, copulatam hunc consulatum ei ingerit : « Cum duos pariter

A coss. liberos tuos domo provehi sub frequentia Patrum, sub plebis alacritate vidisti (Boet., de Consol. lib. II, Pros. 3). » Pueros tunc fuisse, liquet ex sequentibus : « Quid dicam liberos consulares, quorum jam ut in id ætatis pueris, vel paterni vel aviti specimen elucet ingenii (Idem, pros. 4). » Fugerat Baronium pueros quandoque consules fuisse (Baron., t. VIII, an. Christi 526) ; unde consulares hic interpretabatur consulis filios. Sed revera duos hos coss. Symmachum et Boetium Boetii senioris filios rectissime Fastis restituit Sirmondus noster (Sirmondus, ad epist. 1 lib. VIII Ennodii), qui horum avus paterque hactenus crediti sunt. Incidit horum consulatus in annum Christi 522.

Ergo ut consules illis temporibus pueros, atque adeo in infantes, creatos fuisse constat, ita prætores eadem ætate renuntiatos aliquando fuisse mirum non est. Neque enim jurisdictionis, aut magnæ cujuspiam administrationis causa hi legebantur, sed spectaculorum, hoc est impensarum, quas vel ipsi, vel eorum nomine patres senatores sustinebant. Creabantur enim prætores ex ordine senatorio, ut lex 1 Cod. Theod., de Prætor. et Quæstor. declarat. Boetius, lib. III Consol., prosa 4 : « Atqui prætura, inquit, olim magna potestas, nunc inane nomen, et senatorii census gravis sarcina. » Ubi non rite Bernarius *præfectura* legit. Symmachus in adoranda filii prætura, ludorumque apparatu, totum se fuisse, multis epistolis testatur, ut lib. IV, epist. 59, ad Eufrasium : « E re nata opportunum videtur diligentiam tuam precibus ambire, ut in prætoriam filii mei functionem, visu et cursu nobiles equi præparentur. » Idem eidem commendat duabus sequentibus litteris. Meminit idem prætoris dignitatis filii lib. VIII, epist. 21, 70, 71. Quantum Symmachus impenderit in ludos prætorios filii, exprimit Olympiodorus Thebæus Historiarum ejus sæculi scriptor, apud Photium, cod. 80, ubi agit de opibus et censu civium Romanorum, et de impensis ludorum prætoriorum. Ait igitur Symmachum in præturam filii centenarios auri vicenos impendisse, id est aureorum millia circiter ducenta ; Maximum in filii item prætura quadragenos auri centenarios, hoc est, aureorum millia quadraginta.

His pensis mirum nunc videri non debet, si nobilissimus ditissimusque Melaniæ Romanæ filius, in prætorem etiam nunc puer electus fuerit.

Lapsus est ex eodem Hieronymi loco in Chronico Gregorius Turonensis, lib. I Hist. Franc., c. 40, qui existimavit Melaniæ filio nomen fuisse *Urbanum*, cum Hieronymus de *prætoris urbano* intelligendus sit. Locum Hieronymi ex Chronico ita ille expressit et circumscripsit : « Melania vero matrona nobilis et incola urbis Romanæ, Jerosolyma ob devotionem abiit, Urbano filio Romæ relicto. Quem ita se in cuncta bonitate ac sanctitate omnibus præbuit, ut Thecla vocaretur ab incolis. » Omisit ut vides, *prætoris*.

(x) *Summam constantiam.*] Hieron., epist. 25 : D « Sancta Melania nostri temporis inter Christianos vera nobilitas, cum qua tibi Dominus mihi que concedat in die sua habere partem, calente adhuc mariti corpusculo, et necdum humato, duos simul perdidit filios, etc.

(y) *Viginli septem.*] Ita quidem Palladius. Sed Paulinus, epist. 9, ad Severum, dicit per quinque lustra hæsisse Jerosolymis, id est annis xxv.

(z) *Pithymum.*] Baronius, posuit *Euthymium*. Sed rectum *Pithymus*, seu *Pissimius*, ut patet ex textu Græco Palladii.

(aa) *Cum ea in Ægyptum profectum.*] Incertum hoc, an Rufinus Roma in Ægyptum profectus sit una cum Melania. Nec Hieronymus hoc insinuat. Vide dicta litt. a.

(bb) *Palladii atque Paulini.*] Neuter habet, quod Rufinus una cum Melania Jerosolymis Romam sit profectus. Solum meminere Melaniæ in hac profe-

ctione. Narrat quidem Palladius cum Melania fuisse A et Heraclides simpliciter dicant Cæsarea Romam appulisse. Sed interpretandi sunt per Neapolim, ex Paulino qui præsens fuit.

(cc) *Ut plane nullum sit dubium.*] Imo vero maximum dubium hæret. Nec enim negamus Ruffinum tunc Romæ fuisse, cum ad eum scripsit Hieronymus eam epistolam, sed quod non simul cum Melania Romam iverit. Ruffinum enim jam antea videtur Romam evocasse domestica necessitas, cum Aquileiam ipsi proficiscendum fuit. Melania Romam profecta occasione neptis suæ, ut patet supra ex Palladio.

DE RUFFINO PRESBYTERO EJUSQUE LIBRO ILLUSTRIVM VIRORVM ELOGIA ET TESTIMONIA.

DE RUFFINO ELOGIA.

Hieronymus, epist. 5, ad Florentium.

445 Et quia frater Ruffinus (a), qui cum sancta Melania ab Ægypto Jerosolymam venisse narratur individua mihi germanitatis charitate connexus est, quæso ut reddere meam huic epistolæ tuæ copulatam ei reddere ne graveris. Noli nos ejus æstimare virtutibus. In illo conspicies expressa sanctitatis vestigia, et ego cinis et vilissima pars luti, et jam favilla, dum vertor, satis habeo si splendorem morum illius imbecillitas oculorum meorum ferre sustineat. Ille modo se lavit, et mundus est, et tanquam nix dealbatus. Ego cunctis peccatorum sordibus inquinatus, diebus ac noctibus opperor cum tremore reddere novissimum quadrantem.

Idem, appendice ad Chronicon Eusebii, anno 14 Valentiniani.

Florentinus Bonosus et Ruffinus insignes monachi habentur. E quibus Florentinus tam misericors in egenes fuit, ut vulgo pater pauperum nominatus sit.

Paulinus, epist. 9, ad Severum.

Ipsam annotationem, quam commonitorii vice miseris, litteris meis inditam direxi ad Ruffinum presbyterum, sanctæ Melaniæ spiritali via comitem, vere sanctum, et pie doctum, et ob hoc intima mihi affectione conjunctum. Si ille has quæ merito te permovent de annorum sive regnorum non congruente calculo, hiantis historiæ causas non ediderit, qui et scholasticis et sæcularibus litteris Græce juxta ac Latine dives est, vereor ne apud alium in his regionibus frustra requiramus.

Cassianus, lib. vii de Incarnat., cap. 27.

Ruffinus quoque Christianæ philosophiæ vir, haud contemnenda Ecclesiasticorum doctorum portio.

Gelasius pont., in Concilio Romano LXX epp.

Item Ruffinus vir religiosus plurimos ecclesiastici operis edidit libros, nonnullas etiam scripturas interpretatus est. Sed quoniam beatus Hieronymus in aliquibus eum de arbitrii libertate notavit, illa sentimus quæ beatum Hieronymum sentire cognoscimus.

Sidonius, lib. ii, epist. 9, ad Donidium.

Quos inter Adamantius Origenes, Turriano Ruffino interpretatus, sedulo fidei nostræ lectoribus inspiciebatur. Pariter et prout singulis cordi diversa

censentes sermocinabantur, cur a quibusdam protomystarum, tanquam scævus cavendusque tractor improbaretur; quanquam sic esset ad verbum sententiam translatus, ut nec Apuleius Phædonem sic Platonis, neque Tullius Ctesiphontem sic Demosthenis in usum regulamque Romani sermonis exscriperint.

Gennadius, de illustribus Ecclesiæ Scriptoribus, cap. 17.

Ruffinus Aquileiensis Ecclesiæ presbyter, non minima pars fuit doctorum Ecclesiæ, et in transfereundo de Græco in Latinum elegans ingenium habuit. Denique maxima parte Græcorum bibliothecam Latinis exhibuit: Basilii scilicet Cæsariensis Cappadociæ episcopi; Gregorii Nazianzeni eloquentissimi hominis; Clementis Romani Recognitionum libros; **446** Eusebii Cæsariensis Palæstinæ Ecclesiasticam Historiam; Xysti sententias; Evagrii sententias.

Interpretatus est etiam Sententias Pamphili martyris adversus Mathematicos.

C Horum omnium quæcunque præmissis prologis Latinis leguntur, a Ruffino interpretata sunt; quæ sunt sine prologo, ab alio translata sunt, qui prologum facere noluit.

Origenis autem non omnia, quia et Hieronymus aliquanta transtulit, quæ suo prologo discernuntur.

Proprio autem labore, imo gratia Dei et donis exposuit idem Ruffinus Symbolum, ut in ejus comparatione alii nec exposuisse credantur.

Disseruit et Benedictionem Jacob super Patriarchas triplici, id est, historico, morali et mystico sensu.

Scripsit et epistolas ad timorem Dei hortatorias multas, inter quas præeminentillæ quas ad Probum dedit.

Historiæ etiam Ecclesiasticæ, quam ab Eusebio scriptam et ab ipso interpretatam diximus, addidit decimum et undecimum librum.

Sed et obtrectatori opusculorum suorum respondit duobus voluminibus, arguens et convincens, et Dei intuitu et Ecclesiæ utilitate auxiliante Dominus ingenium agitasse, illum vero æmulationis stimulo incitatum ad obloquium stylum vertisse.

Honorius, de illustribus Ecclesiæ Scriptoribus, cap. 17.

Ruffinus Aquileiensis Ecclesiæ presbyter, non mi-

nima pars doctorum Ecclesiae, in transferendo de A Græco in Latinum elegans habens ingenium, maximam partem Græcorum bibliothecæ Latinis exhibuit : Basilii videlicet Cæsariensis episcopi ; Gregorii Nazianzeni eloquentissimi hominis ; Clementis Romani Recognitionum libros ; Eusebii Cæsariensis Palæstinæ historiæ novem libros, quibus duos addidit ; Sixti Philosophi (b) sententias adversus Mathematicos.

Origenis autem non omnia, quia et Hieronymus aliquanta transtulit.

Symbolum sic exposuit, ut in ejus expositione alii nec exposuisse credantur.

Disseruit et Benedictionem Jacob super patriarchas triplici modo, id est historico, morali et mystico sensu.

Scrpsit et epistolas ad timorem Dei hortatorias multas.

Suo obtrectatori duobus voluminibus respondit.

DE HOC IPSO LIBRO TESTIMONIA.

Ruffinus, lib. II, Hist. Eccl. cap. 4.

Postquam mentionem fecit duorum Macariorum, Heraclidis et Pambo, et quædam Macarii miracula narravit, subdit : « Verum si singulorum mirabilia gesta prosequi velimus, excludemur a proposta bre-

ROSWEYDI NOTATIO.

(a) *Ruffinus.*] Vides, lector, quæ de Ruffino scribat Hieronymus, antequam arctissima illa dulcissimaque necessitudo versa fuit in odiosam calumniam. Quis non cum Augustino exclamet? « O misera et miseranda conditio! o infida in voluntatibus amicorum scientia præsentium, ubi nulla est præscientia futurorum! etc. Quis denique amicus non formidetur, quasi futurus inimicus, si potuit inter Ruffinum et Hieronymum hoc, quod plangimus, exoriri? etc. Quando non, cui non, ubi non homini formidanda pernicies, cum eo tempore, quo abjectis jam sarcinis sæcularibus, jam expediti Dominum sequebamini, et in ea terra vivebatis simul in qua Dominus humanis pedibus ambulans, *Pacem meam*, inquit, *do vobis, pacem relinquo vobis* (Joan. XIV), viris ætate maturis et in eloquio Domini abundantibus, vobis accidere potuerit? Vere *temptatio est vita hominis super terram* (Job. VII). Heu mihi! qui vos simul alicubi invenire non possum; forte, ut moveor, ut doleo, ut timeo, procliderem ad pedes vestros, flerem quantum valerem, rogarem quantum amarem; nunc unumquemque vestrum pro seipso, nunc utrumque pro alterutro, et pro aliis, ac maxime infirmis pro quibus Christus mortuus est; qui vos tanquam in teatro vitæ hujus cum magno sui periculo spectant, ne de vobis ea conscribendo spargatis quæ quandoque concordēs delere non poteritis (Aug., *epist. 15 ad Hieron., et apud Hieron. epist. 93.*) »

(b) *Sixti philosophi.*] Clare apparet, qui Honorius Gennadium solitus sit sublegere. Sed quod supra, prolegomeno 4, § 5, monui, vel Honorium corruptum esse, vel Gennadium ab eo perfunctorie lectum, idem hic usu venit. Nam Sixti et Pamphili martyris sententias in unum conflant. Nec enim Sixtus adversus Mathematicos scripsit, sed Pamphilus martyr, ut distincte habet Gennadius.

(c) *Proprii operis.*] Videtur hic insinuare Ruffinus, se, cum historiam Ecclesiasticam scriberet (in qua obiter sanctorum Patrum, qui in eremo floruerunt, facit mentionem) in animo habuisse proprio opere

vitæ, maxime cum hæc narrationem proprii operis (c) mereantur. »

Hieronymus, epist. ad Ctesiphontem adversus Pelagianos, cap. 2.

Qui (Ruffinus) librum quoque scripsit quasi de monachis, multosque in eo enumerat qui nunquam fuerunt (d); et quos fuisse scribit, Origenistas (e) ab episcopis damnatos esse non dubium est; Ammonium videlicet, et Eusebium, et Euthymium (f), et ipsum Evagrium (g), Or (h) quoque et Isidorum (i), et multos alios quos enumerare tædium est. Et juxta illud Lucretii :

Ac veluti pueris absinthia terra medentes

Cum dare conantur, prius oras pocula circum

447 Contingunt dulci mellis flavoque liquore.

Ita ille unum Joannem (j) in ipsius libri posuit principio, quem et catholicum et sanctum fuisse non dubium est, ut per illius occasionem, cæteros, quos posuerat, hæreticos Ecclesiae introduceret.

Decreti III parte cap. 3, de Consecr., cap. 16 (k), ex dictis sancti Apollonii.

Jejunia sane legitima, id est, quarta et sexta feria non sunt solvenda, nisi grandis aliqua necessitas fuerit, quia quarta feria Judas de traditione Domini cogitavit; et sexta crucifixus est Salvator. Videbitur ergo qui in his diebus sine aliqua necessitate solverit statuta jejunia, vel cum tradente tradere Salvatorem, vel cum crucifigentibus crucifigere.

fusius eorum gesta pertractare : quod eum præstitisse discimus sequenti divi Hieronymi testificatione, quanquam librum hunc non tam a Ruffino compositum quam ex Græco Palladii, vel Heraclidis, vel anonymi textu ab eodem expressum, mihi sit verisimile. Vide dicta prolegomeno 4.

(d) *Qui nunquam fuerunt.*] Tales hoc libro, qui nunquam fuerint, deprehendere non possum, cum vix ullus occurrat cui non et alii auctores testimonium dicant. Unam Oxyrynchum excipio civitatem, cujus nomen et episcopatus etsi apud historicos et Patres inveniatur, nihil tamen de historia, quæ hic narratur, memini legere. Neminem tamen scio de ea nunquam dubitasse. Quin et Baronius eam Annalibus suis intexit, tomo III. anno Christi 316, Silvestri papæ 3, Constantini imp. 11.

(e) *Origenistas.*] Consule quæ diximus prolegomeno generali 15.

(f) *Ammonium videlicet, et Eusebium, et Euthymium.*] De his habes hic cap. 23.

(g) *Evagrium.*] De hoc cap. 27.

(h) *Or.*] De hoc cap. 2.

(i) *Isidorum.*] De hoc ejusque monasterio agitur, cap. 17.

(j) *Joannem.*] Hic c. 1 occurrit, et divus Hieronymus hunc in libri principio positum asserit.

(k) *Ex dictis.*] Notatum in Decreto ad hoc caput : « Caput hoc habetur apud Palladium in vita Apollo abbat. » Ita notatum tempore Gregorii XIII, postquam Palladius ex versione Herveti prodiit, apud quem, cap. 52, eadem res habetur, etsi aliis verbis. Apud Palladium ex veteri versione nulla hujus rei mentio Sed narratio hæc, tum re, tum verbis iisdem, desumpta est ex hoc libro, cap. 7, quem Ruffinus ex libro Græco, ut existimo, anonymo vertit. Nam quod nunc Palladio auctore, cap. 52, habetur ex versione Herveti, etiam habes Heraclide auctore, incerto interprete, cap. 2. Vide prolegomena de Ruffino, Palladio et Heraclide.

HISTORIA MONACHORUM

(Exstat cum notis Rosweydi Patrol. tom. XXI, a col. 387 ad col. 402.)

DE VITIS PATRUM LIBER TERTIUS,

SIVE

VERBA SENIORUM,

AUCTORE PROBABILI

RUFFINO (1) AQUILEIENSI PRESBYTERO.

Prologus.

492 Vere mundum quis dubitet meritis stare sanctorum (2), horum, scilicet, quorum in hoc volumine vita præfulget, qui omnem luxuriæ notam tota mente fugerunt, mundoque relicto, eremi vasta secreta rimantur, ibique per terribiles rupes, formidolosis antris excubantes, non esuriunt neque sitiunt, quia dextera Dei sustentat et pascit eos. Horum meritis sublevis; horum supplicationibus peccatorum veniam merearis, mi domine Fidose (3). Non ergo spernas simplicitatem et impolitos sermones; nec enim mei operis est divinæ doctrinæ scripturæque sophistice et eloquenter signare sermones, sed suadere mentes hominum, in fide et operibus veritatis. Patrum denique, sanctorum patriarcharum, et prophetarum, id est Abraham, Isaac, et Jacob, Moysi, et Æliæ et Joannis ideo descripta est fides et conversatio, non tantum ut illos glorificaremus quos certe Deus glorificaverat, et in regno suo gloriosos habebat; sed ut legentibus posteris conferrent veritatis doctrinam et exempla salutis.

VERBA SENIORUM.

1. Quidam sanctorum seniorum Patrum, inter-**A** se abscindere possit. Nec non etiamsi quid pravam rogantibus se monachis de causa abstinentiæ, dixit: Oportet, filioli, ut odio habeamus omnem requiem præsentis vitæ; sive delectationes corporeas ac ventris suavitatem, et honorem ab hominibus non requiramus, et dabit nobis Dominus Jesus cœlestes honores, et requiem in vita æterna, gloriosamque lætitiâ cum angelis suis.

2. Idem autem senior dixit: Quia naturaliter inest homini esurire, oportet autem sumere cibum ad necessitates corporis sustentandas, non tamen in passione, seu saturitate ventris. Nam et somnus naturaliter inest homini, sed non in satietate sive resolutione corporis, quo possimus humiliare passiones ac vitia carnis. Satietas enim somni mentem sensumque hominis stupidum pigrumque reddit; vigiliæ autem tam sensum quam etiam mentem subtiliorem ac puriorem efficiunt. Ita enim et sancti Patres dixerunt, quia vigiliæ sanctæ purificant et illuminant mentem. Sed etiam irasci naturaliter inest homini, non in commotione passionis, sed ut irascatur contra semetipsum ac vitia sua, ut facile emendare et a

et contra præcepta Dei videamus agere alios, oportet nos contra vitia eorum vehementer quidem irasci, ipsos **493** vero diligenter corripere, et increpare, ac monere, ut emendati salventur, et ad vitam æternam perveniant.

3. Erat quidam senior in eremo interiori, per multos annos in abstinentia et in omni studio spiritali nimis laborans (*Pelag., libel. vii. n. 25*). Advenientesque ad eum quidam fratres, admirati sunt ejus perseverantiam, dicentes: Quomodo toleras istum tam aridum et squalidum locum, Pater? Quibus ille respondens, ait: Omnis labor totius temporis quo hic dego nondum unius horæ tormentorum æternorum gehennæ spatium habet. Oportet, inquit, nos in parvo tempore vitæ illius sustinere laborem, et macerare passiones corporis nostri, ut inveniamus in illo futuro ac æterno sæculo, quod nunquam deficit, perpetuam repausationem.

4. Referebant nobis sancti seniores de quodam fratre, dicentes, quomodo quodam tempore ita impugnabatur a dæmonibus, ut statim hora diei prima

tantam famem et defectionem corpori ejus facerent, A ut penitus sustinere non posset (*Pelag., libel. 1, n. 58*). Verumtamen ille dicebat in corde suo : Quia qualitercunque esurio, oportet me vel usque ad horam tertiam expectare, et tunc cibum sumere. Cumque facta fuisset hora tertia, iterum dicebat cogitationibus suis : Etiam et nunc violenter oportet me sustinere usque ad horam sextam. Cumque advenisset hora sexta, infundebat panem in aquam, dicens : Dum hic panis infunditur, oportet me etiam horam nonam expectare. Cumque hora nona advenisset, secundum consuetudinem complebat omnes orationes suas et psalmodiam secundum regulam, et ponebat panem ut comederet. Hoc ergo per plurimos dies sustinuit. Quadam ergo die similiter ab hora prima usque ad nonam fecit; cumque hora nona B sedisset ut cibum caperet, vidit de sportella (ubi panis, id est, paximatia [4] reposita erant) surrexisse fumum magnum, et egressum esse per fenestram cellulæ ejus. Itaque ex illo die, nec esuries nec defectio corpori facta est, sed magis ita corroboratum est in fide et abstinencia cor ejus, ut etiam nec post biduum delectaret eum cibum accipere. Ita gratia Dei auxiliante certamini ejus, per patientiam suam frater exstinxit gastrimargiæ, id est gulæ et concupiscentiæ passionem.

5. Egressi sunt aliquando de monasterio fratres, ad visitandum eos qui in eremo commorabantur Patres (*Pelag., libello x, num. 92*). Cum autem venissent ad quemdam eremitam seniore, suscepit eos cum grandi gaudio, et sicut consuetudo est, C apposuit eis mensulam. Videns enim eos fatigatos de itinere, ideo ante horam nonam fecit eos reficere, et quidquid habebat in cella sua, apposuit ut ederent, et repausavit eos. Facto autem vespere, orationes et psalmos secundum consuetudinem compleverunt. similiter etiam et nocte fecerunt. Supradictus autem senior separate in alio loco quiescebat sibi, et audiebat loquentes inter se, et dicentes : Quoniam isti eremite magis et melius ad refectionem cibantur quam qui in monasteriis conversantur. Hæc autem senior audiens tacuit. Et cum illuxisset dies, arripuerunt iter ut ad alium eremitam pergerent, qui in vicino ejusdem senis habitabat. Cum autem egrederentur, dixit eis senior : Salute eum ex me, et dicite ei : Observa, et noli irrigare olera. Cum autem D pervenissent ad illum seniore alium, dixerunt ei mandatum. Ipse vero intellexit causam, et tenuit eosdem fratres, deditque eis ut operarentur texentes sportas, sedensque cum eis ipse, non cessavit de opere manuum. Vespere autem ad luminaria addidit super consuetudinem alios psalmos, et post completas orationes dixit eis : Nos quidem consuetudinem non habemus cibari quotidie, sed propter vestrum adventum oportet nos hodie cœnare : et apposuit eis panes siccos, et sal, dicens : Quia propter vos debemus amplius aliquid cœnare; misit autem modicum acetum, et sal, et modicum olei; et cum surrexissent de mensula, cœpit iterum psallere usque ad

prope lucem; et dixit eis : Non possumus propter vos omnem canonem psallere, ideoque repausate modicum, quia de itinere fatigati estis. Cum autem factum fuisset mane hora prima, voluerunt recedere ab eo, sed non permisit eos senior, dicens : Magis jubete facere nobiscum aliquantos dies; non enim dimitto vos hodie, sed propter charitatem teneo vos vel alios tres dies. Illi autem hæc audientes, surrexerunt nocte, et antequam illucesceret, latenter fugerunt ex eodem loco.

6. Quidam de sanctis senioribus salutandi causa profectus est ad alium seniore eremitam, qui cum omni gaudio suscepit eum, pro cujus adventu paravit ad refectionem lenticulæ cibum coctum, dixeruntque inter se ut prius ex more complecerent orationes et psalmodiam, et postea cibum caperent. Cum autem ingressi fuissent, psallebant, totumque psalterium compleverunt. Nam et de Scripturis sanctis, tanquam legentes, duos prophetas absentes habentes, recitaverunt. Jamque dies abierat, nox similiter recedebat. Dum ergo orarent et intente psallerent, illuxit alia dies, et tunc intellexerunt quod jam nox transisset. Iterum ~~494~~ autem inter se de verbo Dei loquentes, et spiritales sibi sensus exponentes, factum est ut circa horam nonam salutantes se invicem, ita reversus est qui venerat senex ad cellulam suam. Nam refectionem cibi qui paratus fuerat, obliti sunt accipere, dum cibum spiritualem perceperunt; vespere autem facto, invenit senior ollam plenam sicut parata fuerat; et contristatus, dixit : Heu ! quomodo obliti sumus pulmentum istud.

7. Referebat nobis abbas Zenon, quia aliquando dum proficisceretur ad Palæstinam, fatigatus de labore itineris, resedit sub arbore (*Pelag. libel. IV, n. 17*). Erat autem in proximo ager plenus cucumeribus. Cogitavit autem in corde suo, ut surgeret, et tolleretur sibi ad refectionem de ipsis cucumeribus : Nihil enim, inquit, grande est quod habeo tollere. Respondensque ipse sibi in cogitationibus suis, ait : Quia fures præcipientibus iudiciis in tormenta mittuntur, oportet et ego meipsum probare, si possim sustinere tormenta, quæ latrones patiuntur. Surgens autem eadem hora, stetit in æstu quinque dies, frixitque corpus suum, et dixit cogitationibus suis : Quia non possum sustinere tormenta, ideo oportet me furtum non facere, sed magis exercere secundum consuetudinem opera manuum, et de laboribus meis reficere, sicut sancta Scriptura dicit in psalmis : Labores manuum tuarum quia manducabis, beatus es et bene tibi erit (*Psal. cxvii*), quod certe quotidie in conspectu Domini psallimus.

8. Discipulus cujusdam sancti senioris impugnabatur a spiritu fornicationis, sed, auxiliante gratia Domini, resistebat viriliter pessimis et immundis cogitationibus cordis sui, jejuniis et orationibus, et in opere manuum affligebat se vehementer. Beatus autem senior videns eum ita laborantem, dixit ei : Si vis, o fili, deprecor Dominum, ut auferat a te istam impugnationem. Ille vero respondens, dixit :

Video, Pater, quia etsi laborem sustineo, sentio tamen fructum in me perficere bonum, quia per occasionem impugnationis hujus, et amplius jejuno, et amplius in vigiliis et orationibus tolero. Verumtamen deprecor te, ut exores pro me misericordiam Domini, ut det mihi virtutem, quatenus possim sustinere et certare legitime. Tunc senior sanctus dixit ei : Ecce nunc cognovi, fili, quia fideliter intelligis quod hoc spiritale certamen per patientiam ad salutem æternam animæ tuæ proficiat. Ita enim sanctus Apostolus dixit : Bonum certamen certavi, cursum consummavi, fidem servavi ; de cætero, reposita est mihi corona justitiæ ; non solum autem mihi, sed et omnibus qui diligunt adventum ejus (*II Tim. iv.*)

9. Et alius etiam frater vehementer impugnabatur ab immundo spiritu fornicationis. Exurgens autem noctu abiit ad quemdam sanctum et probatum in virtutibus seniore, et confessus est ei quia patiebatur impugnationem a spiritu fornicationis. Hæc cum audisset senior, consolabatur eum, docens spiritualibus verbis de virtute patientiæ, dicens, sicut scriptum est, Viriliter agite, et confortetur cor vestrum, omnes qui speratis in Domino (*Psal. xxvi.*). Reversus est frater ad cellulam suam, et ecce iterum impugnatio insistebat ei. Ipse autem festinavit denuo pergere ad supradictum seniore. Videns autem eum senior, iterum docebat eum ut patienter et indefesse sustineret, dicebatque ei : Crede, fili, quoniam mittet tibi Dominus Jesus Christus auxilium de cælo sancto suo, ut possis superare passionem hanc. Confortatus autem frater, monente sancto seniore, remeavit ad cellulam suam, et iterum impugnatio valde conturbabat cor ejus. Et statim eadem hora noctis reversus est ad seniore, et deprecabatur eum ut intentius pro eo Dominum exoraret. Dixit ei senior : Ne pertimescas, fili, neque resolvaris, neque abscondas cogitationes tuas ; ita enim confusus spiritus immundus discedit a te. Nihil enim ita alidit virtutem dæmonum, quomodo si quis secreta immundarum cogitationum revelaverit sanctis ac beatissimis patribus. Viriliter age, fili, et confortetur cor tuum, et sustine Dominum (*Psal. xxvi.*). Ubi enim durior est pugna, ibi gloriosior erit et corona. Denique sanctus propheta Isaias dicit : Nunquid invalida est manus Domini ad salvandum, aut aggravata est D auris ejus, ut non exaudiat (*Isaiæ lxx*) ? Considera ergo, fili, quia certamen tuum exspectat Dominus, tibi que contra diabolum dimicanti parat æternitatis coronam. Ideo monet nos sancta Scriptura, dicens : Quia per multas tribulationes oportet nos introire in regnum cælorum (*Act. xiv.*). Hæc autem audiens frater, confirmatum est cor ejus in Domino, et permansit apud seniore, noluitque ultra reverti ad cellulam suam.

10. Beato abbati Moysi, qui habitabat in loco qui appellabatur Petra, quodam tempore intantum imposuit durissimam impugnationem dæmon fornicationis, ut non prævaleret sedere in cellula sua, sed

Abiit ad sanctum abbatem Isidorum, et retulit ei violentiam impugnationis suæ (*Pelag., libello xviii, num. 12*). Cumque de Scripturis sanctis abbas Isidorus proferens testimonia, consolaretur eum, et ut ad cellulam suam reverteretur rogaret eum, noluit abbas Moyses pergere ad cellulam suam. Tunc abbas Isidorus pariter cum abbate Moysæ ascenderunt in superiora cellulæ suæ. Et dixit ei Isidorus : Respice ad **435** Occidentem, et vide. Cumque respiceret, vidit multitudinem dæmonum vehementer cum furore perturbari, et quasi ad prælium præparatos, festinantesque pugnare. Dixit autem ei abbas Isidorus : Respice iterum ad Orientem, et vide. Cumque respiceret, vidit innumerabilem multitudinem sanctorum angelorum, gloriosum et splendens super lumen solis cælestium virtutum exercitum. Ait autem ei abbas Isidorus : Ecce quos in Occidente vidisti, ipsi sunt qui etiam impugnant sanctos Dei. Nam quos ad Orientem conspexisti, ipsi sunt quos ad adjutorium sanctis suis mittit Deus. Cognosce ergo quia plures sunt nobiscum, sicut dicit Elisæus propheta (*IV Reg. vi.*). Verum etiam sanctus Joannes dicit : Quia major est qui in nobis est, quam qui in hoc mundo (*I Joan. ii.*). Et his auditis confortatus in Domino sanctus abbas Moyses, reversus est in cellulam suam, gratias agens, et glorificans Domini nostri Jesu Christi bonitatis patientiam.

11. Erat quidam frater in eremo Scythiæ promptus et alacer in opus Dei, et spiritali conversatione (*Pelag. libell. v, n. 22*). Huic autem inimicus generis humani diabolus immisit cogitationes, ut recordaretur cujusdam notæ sibi mulieris pulchritudinem, et conturbaretur in cogitationibus suis vehementer. Contigit autem, ex dispensatione Domini Jesu, ut alius quidam frater de Ægypto veniret ad visitandum eum in charitate Christi. Et dum inter se loquebantur, evenit sermo ut diceret ille frater de Ægypto : Quia mortua est illa mulier. Ipsa autem erat, in cujus amore impugnabatur supradictus frater. Hæc cum audisset ille, post paucos dies abiit ad locum illum ubi positum erat corpus illius defunctæ mulieris, et aperuit noctu sepulcrum ejus, et cum pallio suo tersit saniem putredinis ejus, et reversus est ad cellulam suam, ponebatque fetorem in conspectu suo, et dicebat cogitationibus suis : Ecce habetis desiderium quod quærebatis, satiate vos ex eo, et ita in illo fetore cruciabat semetipsum, usquequo cessaret ab eo sordidissima impugnatio.

12. Duo fratres monachi abierunt in proximam civitatem, ut distraherent quæ manibus suis per totum annum operati essent (*Pelag., libell. v, n. 27*). Unus autem ex eis egressus est ut quædam sibi necessaria emeret, alius autem solus in hospitio remansit, et instigante diabolo cecidit in fornicationem. Cum autem reversus venisset frater, dixit ei : Ecce distraximus quæ necessaria erant, revertamur nunc ad cellulam nostram. Respondens autem frater dixit ei : Non possum reverti. Cumque deprecaretur eum

frater suus dicens : Quapropter non reverteris ad A cellulam? Ille confessus est ei, dicens : Quia ego cum discessisti a me, cecidi in fornicationem, ideo nolo reverti. Volens autem lucrari et salvare animam ejus frater suus, cum sacramento dixit ei : Quia et ego cum separatus fuisset a te, lapsus sum similiter in fornicationem; verumtamen revertamur ad cellulam, et ponamus nos in pœnitentiam ¹. Omnia enim possibilis sunt Deo (*Lucæ* 1); ut pœnitentibus nobis indulgentiam donare dignetur, ut in æterno igne tormentis et pœnis inferni in tartaro non cruciemur : ubi pœnitentia non est, sed ignis semper sine cessatione, et dira tormenta. Ita ergo reversi sunt ad cellulam suam. Abierunt autem ad sanctos Patres, et prostraverunt se ad vestigia eorum, cum multo ulu- B latu et lacrymis gementes, et confessi sunt illis quæ evenisset eis ruinæ tentatio. Quidquid autem præceperunt sancti seniores, et docuerunt eos in causa pœnitentiæ, ita omnia fecerunt. Ille ergo alius frater, qui non peccaverat, pro fratre qui peccaverat pœnitentiam agebat, quasi et ipse peccasset, eo quod multam charitatem circa eum haberet. Videns autem Dominus laborem charitatis ejus, infra pauca tempora revelavit sanctis Patribus qualis esset causa, et quia propter charitatem illius qui non peccaverat, et se affixerat pro salutē fratris, idcirco indulgentiam donavit ei Dominus qui peccasset. Ecce hoc ita sicut scriptum est : Quia posuit animam suam pro salute fratris sui (*I Joan.* 11).

13. Alius etiam frater molestiam sustinebat a spiritu fornicationis. Abiit autem ad quemdam probatissimum seniore, et precabatur eum dicens : Pone tibi sollicitudinem, beatissime Pater, et ora pro me, quia graviter me impugnat passio fornicationis (*Pelag., libel. v, n. 16*). Hæc cum audisset senior, orabat intente, diebus ac noctibus pro eo deprecans Domini misericordiam. Iterum autem veniebat idem frater, et rogabat seniore, ut magis intentius pro eo oraret. Similiter autem cum omni sollicitudine beatus senior orabat intentius pro eo : frequenter autem venientem ad se monachum videns senior et deprecantem se ut oraret, valde contristatus mirabatur quia non exaudiret Dominus orationem ejus. Eadem autem nocte revelavit ei Dominus quæ circa illum monachum erat negligentia et ignavia resolutio, et delectationes corporeæ cordis ejus. Ita autem D ostensum est sancto seniori : Vidit sedentem illum monachum, et spiritum fornicationis in diversis mulierum formis ante illum ludentem, **496** et ipsum cum eis delectari. Videbat autem et angelum Domini astantem et indignantem graviter contra eundem fratrem, quia non surgebat neque prosternebat se in orationibus ad Deum ; sed magis delectabatur in cogitationibus suis. Hæc autem ostensa sunt per revelationem sancto seniori. Cognovit autem quia culpa et negligentia illius monachi erat, ut non exaudirentur orationes ejus ; et tunc dixit senior ei : Quia tua culpa est, frater, qui condelectaris cogitationibus

A malis, impossibile est enim discedere a te spiritum fornicationis immundum, aliis orantibus et Deum pro te deprecantibus, nisi et tu ipse laborem assumas, in jejuniis, et orationibus, et vigiliis multis, cum gemitu deprecans ut misericordiam suam, et adjutorium suæ gratiæ præbeat tibi Dominus Jesus Christus, ut possis resistere cogitationibus malis. Nam et medici, qui corporibus hominum medicamenta conficiunt et adhibent, quamvis omnia cum summa diligentia faciant, verumtamen si ille qui infirmatur, a noxiis cibis, vel de aliis quæ solent lædere infirmitates, abstinere noluerit, nihil ei proficit cura, et diligentia, et sollicitudo medicorum. Similiter etiam et in animæ languoribus eveniet. Licet enim omni intentione, et ex toto corde sancti Patres, qui sunt medici spirituales, exorent misericordiam Domini Salvatoris nostri pro eis qui orationibus eorum se postulant adjuvari, nisi et ipsi cum omni intentione mentis, tam in orationibus quam in omni opere spirituali quæ Deo placita sunt fecerint, non eis proficiunt negligentibus et resolutis, et de salute animæ minime cogitantibus, orationes sanctorum. Et hæc audiens frater, compunctus est corde, et cum omni sollicitudine, secundum doctrinam senioris, tam in jejuniis quam in orationibus et vigiliis semetipsum afflixit, et meruit misericordiam Domini. Et recessit ab eo spiritus immundæ passionis.

14. Erat quidam monachus, et habitabat in eremo. Quædam autem puella ex genere et cognatione ejus, post plurimos annos comperit in quo loco supradictus monachus habitaret, et instigante diabolo abiit in desertum requirens eum (*Pelag., libell. v, n. 24*). Quo invento, ingressa est cellulam ejus, asserens ei quia ex genere et parentela ejus fuisset, mansitque ibi apud eum, et cecidit in ruinam peccati cum ea. Erat autem alius monachus, et ipse in eremo degens, qui cum ad refectionis horam venisset, gello (5) cum aqua, quem ad potum sibi præparaverat, vertebat se, et tota illa aqua fundebatur in terram. Hoc autem per aliquot dies, cum ad refectionem venisset, ita fiebat, et effundebatur aqua in terram, ut non posset bibere. Cogitavit autem apud semetipsum, ut abiret ad illum alium monachum, et diceret ei de gellone qui vertebat se, et tota aqua effundebatur. Igitur cum in itinere, vespere facto, in quodam antiquo et diruto templo idolorum dormiret, audivit dæmones inter se loquentes : Quia in ista nocte præcipitavimus illum monachum in fornicationem ; et hæc audiens, admirabatur. Cum autem illuxisset dies, pervenit ad monachum, et invenit eum gravissima tristitia oppressum, et dixit ei : Quid faciam, frater, quia qua hora reficere voluero, statim gello, quem ad usum aquæ habeo, vertit se, et effunditur aqua, et non habeo quid bibere? Tunc respondit ei supradictus monachus, dicens : Tu quidem venisti ad me interrogare, quia gellunculus vertit se, et effunditur aqua ? Ego autem quid habeo facere, quia hac nocte cecidi in fornicationem ? Respon-

¹ Nota, non licitum esse mendacium officiosum ; fors spiritualiter se fornicatum intelligit.

densque frater, dicit ei : Ego et hoc jam cognovi. Dixit autem ei ille : Et unde hoc potuisti cognoscere ? Et ille ait : Dum in itinere noctu quiescerem, audivi dæmones inter se loquentes et gloriantes de lapsu tuo, et nimis contristatus sum. Tunc respondit ei ille monachus, dicens : Ecce ego egredior, et vado in sæculum. Hæc ille audiens, deprecabatur eum, dicens : Noli hoc agere, frater, sed magis patienter sustinens permane in hoc loco. Nam mulierem expellamus, et revertatur ad locum suum. Manifeste enim ista exquisitio ars maligni diaboli est. Magis autem oportet ut maneat in hoc loco in afflictione cordis et corporis, et cum intimi cordis gemitu ac lacrymis usque ad exitum vitæ deprecare Domini ac Salvatoris nostri pietatem, ut possis invenire misericordiam in die illo terribili magni iudicii Dei.

15. Erat quidam frater in eremo, habitabat autem in loco qui dicebatur Cellia, et impugnabant eum dæmones in passione fornicationis. Cogitavit autem apud semetipsum, dicens : Quia forsitan oportet me magis in opere manuum laborare, ut exstinguatur carnalis sensus meus. Erat autem idem frater arte figulus. Exurgens autem fecit in luto, et plasmavit quasi figuram mulieris, et dixit cogitationibus suis : Ecce uxor tua, necessarium est ergo ut super consuetudinem addas in opere manuum tuarum; et post aliquantos dies iterum similiter fecit ex luto, et plasmavit quasi filiam sibi, et dixit cogitationibus suis : Ecce generavit uxor tua filiam, necessarium **497** est ergo ut magis magisque amplius exerceas opera manuum, ut possis pascere et vestire, et te, et uxorem, et filiam tuam; et ita præ nimio labore maceravit corpus suum, ut non prævaleret jam supportare tantum laborem. Tunc dixit cogitationibus suis : Quia si non præuales nimium istum sustinere laborem, neque mulierem requiras. Videns autem Deus fervens propositum mentis ejus pro certamine castitatis, abstulit ab eo molestiam impugnationis dæmonum. Et glorificavit Deum super magnitudine gratiæ ejus.

16. Quidam frater interrogabat beatum abbatem Pœmenem, dicens : Quid faciam, Pater, quia impugnat me passio fornicationis, et rapior in passionem furoris ? Et respondens dixit ei sanctus senior : Ideo utique David propheta dicebat : Quia leonem quidem percutiebam, nam et ursum frequens suffocabam (*1 Reg. xvii*). Hoc autem ita intelligitur, quia furorem ab animo meo abscindebam, fornicationem autem in laboribus affligebam.

17. Dicebant sancti seniores Patres de quodam monacho jam seniore in Scythi eremo commanente, quomodo servus quorundam erat, et per singulos annos descendebat de eremo in Alexandriam, ubi commanebant domini ejus, deferens eis pensionem, sicut solent servi dare dominis suis (*Pelag., libell. 15, num. 31, nomine Olympii*). Sed domini ejus magis reverentiam pro timore Dei habentes circa eum, honorabant occurrentes et salutantes eum, petentesque ut pro eis Dominum exoraret. Ille autem mittebat

A aquam in pelvim, et festinabat lavare pedes dominorum suorum, cum omni humilitate obsequium eis exhibere cupiens. Ipsi vero volebant acquiescere ut pedes eorum ablueret, sed dicebant : Noli, beatissime Pater, gravare animas nostras. At ille respondens dicebat ei : Ego servus vester sum, nam vos esse dominos meos omnipotens Deus constituit; et gratias ago dominio vestro, quia dignati estis me permittere ut serviam Deo vivo et vero, creatori ac dominatori cœli et terræ, et imo detuli vobis pensionem servitutis meæ. Domini autem ejus contendebant, nolentes accipere quam detulerat pensionem. Respondens autem monachus dixit eis : Si nolueritis accipere pensionem meam, ita decrevi ut non revertar in eremum, sed hic in præsentem permaneo, et servio vobis. Hæc autem audientes domini ejus, acquieverunt suscipere pensionem, ne contristaretur, sed magis ut reverteretur ad loca eremi ad cellulam suam. Illud autem quod in pensionem suam etiam nolentibus dabat dominis suis, statim ut accipiebant, pauperibus erogabant. Interrogantes autem eundem seniore fratres, dixerunt ei : Obscramus te, Pater, ut dicas nobis cur cum tanta intentione pro servitio tuo pensionem etiam nolentibus et nimis resistentibus tibi dominis ingessisti ? Ad hæc respondens senior dixit : Ego, fratres, ideo festino pro servitio, quod tanquam dominis meis debeo pensionem per singulos annos adimplere eis, ut quidquid jam cum adjutorio Domini in jejuniis et orationibus, seu in sanctis vigiliis, vel in omni opere spirituali. Christo Domino adjuvante, laboravero, hoc mihi in æterna vita, et ad salutem animæ meæ proficiat, ne forte si pensionem pro servitio meo minime intulero, jam totus spiritalis labor meus ad illorum mercedem proficiat, qui me permiserunt Christo Domino deservire, et spiritaliter conversari.

18. Erant duo fratres, secundum carnem quidem germani, verum tamen uterque in spiritali proposito monachi existentes, insidiabaturque eis malignus diabolus, ut quomodocunque eos separaret ab invicem (*Pelag., libell. xv, num. 89*). Quadam igitur die ad vesperam, secundum consuetudinem ille junior, frater accendens lucernam posuit super candelabrum. Faciente autem malitia dæmonum, ruit candelabrum, et exstincta est lucerna. Per hanc occasionem insidiabatur eis malignus diabolus, ut in litem eos incenderet; surgensque senior cœpit percutere cum furore fratrem suum. Ille vero prostratus in terram, deprecabatur germanum suum, dicens : Magnanimus esto, domine, et ego rursus accendo lucernam. Ergo quia non respondit ei turbulentum sermonem, statim malignus spiritus confusus recessit ab eis. Et pergens eadem nocte nuntiavit principi dæmonum, dicens : Quoniam propter humilitatem illius monachi, qui prostratus in terra veniam postulabat a fratre suo, non prævalui in eis. Vidensque Deus humilitatem ejus, effudit super eum gratiam suam; et ego sentio me valde torqueri atque cruciari, quoniam non prævalui eos separare ab invicem. Hæc autem omnia

verba audiens sacerdos idolorum qui ibi commane-
bat, compunctus est in timore Domini et amore Jesu
Christi; considerans enim quoniam magis seductio et
perditio animarum est cultus idolorum, relinquens
omnia, festinanter perrexit ad sanctos Patres ad
monasterium, et retulit eis omnia quæ per **498**
malitiam dæmones inter se loquebantur. Cumque
monitis salutaribus instruxissent eum sancti Patres
de doctrina Domini Salvatoris, baptizatus est; et sancti
propositi monachorum vitam arripuit, et adjuvante
et cooperante gratia Dei, factus est probatissimus
monachus, tantumque veneratus est et tenuit virtu-
tem humilitatis, ut omnes nimiam humilitatem ejus
admirarentur. Dicebat enim, quoniam omnem virtu-
tem adversariorum nostrorum dæmonum solvit
humilitatis intentio. Denique et Dominus noster Je-
sus Christus per humilitatem triumphavit diabolum,
et omnem ejus virtutem contrivit. Addebat etiam
dicens, quoniam frequenter audisset dæmones inter
se loquentes, quia quando ad iracundiam succendi-
mus corda hominum, si quis sustinuerit patienter
convicia injuriarum, et conversus magis rogaverit ea
quæ ad pacem sunt, dicens: Quia ego peccavi, statim
sentimus omnem nostram virtutem marcere, quia
approximat eis gratia divinæ potentiae.

19. Referebat autem beatus senior Pœmen fratri-
bus, dicens: Quoniam fuit quidam nuper monachus
in Constantinopoli temporibus Theodosii imperatoris
(*Pelag., libell. xv, num. 66*). Habebat autem parva
cella foris civitatem prope proastium (6), qui vocatur
in Septimo (7), ubi solent imperatores egressi de
civitate libenter degere. Audiens autem imperator
quod ibi esset quidam monachus solitarius, qui nun-
quam egrediebatur de cella, cœpit deambulando per-
gere ad eum locum ubi erat supradictus monachus,
præcepitque sequentibus se enuchis ut nullus ap-
proximaret ad cellulam monachi illius. Ipse autem
solus perrexit, pulsavitque ostium. Surrexit autem
monachus, et aperuit ei, et non cognovit eum quod
esset imperator. Tulerat enim sibi coronam de capite
suo, ut non cognosceretur. Post orationem autem
sederunt pariter, et interrogavit eum imperator di-
cens: Quomodo sancti Patres degunt in Ægypto?
Respondensque monachus, ait: Omnes exorant
Deum pro salute vestra. Aspiciebat autem imperator
intente cellulam ipsam, et nihil in eaviderit, nisi pau-
cos panes siccos in sporta pendentes, et dixit ei:
Da mihi benedictionem, abba, ut reficiamus. Statim-
que festinavit monachus, et misit aquam et sal, et
misit buccellas, et comederunt pariter, porrexitque
ei calicem aquæ, et bibit. Tunc Theodosius impera-
tor dixit: Scis quis ego sum? Respondens monachus
dixit: Nescio quis sis, domine. Dixit ei: Ego sum
Theodosius imperator, et ob devotionem veni huc.
Hoc cum audisset monachus, prostravit se ante illum.
At ille dixit ei: Beati estis vos, monachi, qui, securi
ac liberi de negotiis sæculi, tranquilla et quieta per-
fruinini vita, et solummodo de salute animarum
vestrarum habetis sollicitudinem, quomodo ad vitam

æternam et ad cœlestia præmia pervenire possitis. In
veritate enim dico tibi quia certe in regno natus sum,
et nunc in regno dego, et nunquam sine sollicitudine
cibum capio. Post hæc autem valde honorifice salu-
tavit eum imperator, et ita egressus est ab eo. Eadem
autem nocte cœpit intra se cogitare famulus Dei, di-
cens: Quoniam non oportet jam me in hoc loco esse;
multi enim non solum de populo, sed etiam de pa-
latio et de senatoribus quamplurimi exemplum im-
peratoris secuti, ad videndum me venturi sunt, et
honorem mihi tanquam servo Dei deferendo non
cessabunt. Et illi quidem hæc propter nomen Domini
facturi sunt, ego autem timeo ne forte diabolus ma-
lignus mihi subripiat (8), et libenter incipiam eos
suscipere, et condelectetur cor meum laude et ho-
nore eorum, et per hæc jam incipiam virtutem hu-
militatis perdere, et laudibus atque honoribus homi-
num delectari. Hæc igitur omnia homo Dei secum
cogitans, eadem nocte fugit inde, et perrexit in
Ægyptum ad sanctos Patres in eremo. Itaque consi-
deremus, dilectissimi fratres, quanta sollicitudine
virtutem humilitatis custodire famulus Dei studuit,
ut in cœlesti regno æternam gloriam pro labore sanctæ
vitæ suæ, quem propter nomen Domini exercue-
rat, percipere a Christo Domino mereretur.

20. De hoc autem ipso sancto Pœmene referebant
alii sancti seniores dicentes: Quia quodam tempore,
cum advenisset iudex provinciae, audissetque sanctam
opinionem beati Pœmenis, desiderabat videre eum,
misitque nuntium ad deprecandum ut susciperet eum
(*Pelag., libell. viii, num. 13*). Beatus autem Pœmen
contristatus est valde, cogitans apud semetipsum:
Quia si cœperint personæ nobiles venire ad salutan-
dum et honorandum me, manifestum est quia et alii
multi etiam populares homines frequentabunt me;
et necesse est ut per hoc perturbetur secreta vitæ
meæ conversatio, et humilitatis gratiam, quem cum
labore tanto, auxiliante Domino, a juventute mea
studui custodire, forsitan surripiente maligno diabolo
perdam, et vanæ gloriæ incurram laqueos. Hæc
ergo apud semetipsum pertractans, definivit quatenus
excusaret magis, et non susciperet **499** iudicem.
Contristatus autem iudex, quia non eum suscepisset,
ait ad officium suum: Quoniam non merui videre ho-
minem Dei, peccatis meis imputo. Verumtamen ni-
mis desideravit per quamcumque occasionem videre
sanctum virum. Excogitavit ergo hujuscemodi cau-
sam, quæ occasionem ei præberet videndi eum. Com-
prehendens enim filium sororis beati Pœmenis, misit
in carcerem, ut per istam occasionem aut susciperet
iudicem, aut certe ipse veniret ad rogandum iudicem.
Dixitque ad officium suum: ut non contristetur
sanctus senior, mandate ei si voluerit venire ad me,
necesse est ut statim educamus eum de carcere. Talis
enim est causa ejus, quæ non possit impune transire.
Audiens autem hæc mater juvenis, id est, soror san-
cti Pœmenis, abiit in eremum ubi erat frater suus,
stabatque ad ostium cellulæ ejus cum multo fletu et
ululatu, rogans eum ut descenderet ad iudicem, et

rogaret pro filio suo. Beatus autem Pœmen non solum ad eam nihil dixit, sed nec ostium ei aperuit ut egrederetur ad eam. Tunc cœpit illa maledicere ei, ac dicere : Durissime et impiissime, et ferrea viscera gerens, quomodo te tantus dolor fletus mei non flectit ad misericordiam, quoniam unicum ipsum filium habeo, quem in periculo mortis video constitutum ? Tunc senior mandavit ei per fratrem qui ei ministrabat, dicens : Vade, dic ei : Pœmen filios non genuit, et ideo non dolet. Hęc audiens iudex, dixit amicis suis : Scribite ad eum, ut vel epistolam precatoriam faciat ad me, quatenus possim eum dimittere. Tunc jam quamplurimis suadentibus, sanctus senior scripsit ad iudicem, dicens : Jubeat nobilitas tua diligenter requirere causam illius, et si quid dignum morte admisit, moriatur, quatenus in hoc præ-

21. Fuit etiam de magnis patribus quidam senior, nomine Agathon, nominatissimus in virtute humilitatis et patientiæ (*Pelag., libell. x, num. 10*). Quodam autem tempore perrexerunt ad visitandum cum fratres. Audiens enim de eo quod magnam humilitatem habuerit, volentesque probare, si vere humilitatis patientiam possideret, dixerunt ei : Multi scandalizantur in te, Pater, quia nimis vitio superbiæ tenearis, et ideo alios despicias, et pro nihilo eos habeas, sed et detractiones adversus fratres non cesses loqui : affirmant etiam quamplurimi quod hęc ideo agas, quia fornicationis vitio tenearis, et ne solus videaris errare, idcirco aliis non cesses detrahare. Ad hęc respondens senior, ait : Hęc omnia quæ dixistis vitia in me esse cognosco, nec possum negare tantas iniquitates meas ; proci densque pronus in terram, adorabat eosdem fratres, dicens : Deprecor vos, fratres, ut intentius pro me misero et multis peccatis obnoxio Christum Dominum exorare non cessetis, ut indulgentiam tribuat iniquitatibus meis multis ac malis. Ad hęc supradicti fratres addentes, dixerunt ei : Non te lateat etiam hoc, quia hæreticum te esse quamplurimi affirmare volunt. Hoc autem cum audisset senior, dixit eis : Licet in aliis multis peccatis obnoxius sim, tamen hæreticus penitus non sum : absit hoc ab anima mea. Tunc omnes fratres qui ad eum venerant, prostraverunt se in terram ad pedes ejus, obsecrantes eum, ac dicentes : Precamur te, abba, ut dicas nobis cur tanta vitia et peccata dicentibus nobis de te, in nullo commotus es ; de verbo autem hæretici valde te commovisti, et abominatus es, nec suffere potuisti auditum ? Dixit eis senior : Illas priores culpas et peccata propter humilitatem sustinui, ut peccatorem me esse crederetis. Novimus enim quod si custodiatur humilitatis virtus, magna salus est animæ. Nam Dominus et Salvator noster Jesus Christus, cum ei Judæi multas contumelias et convicia irrogassent, patienter cuncta toleravit, ut nobis humilitatis præberet exempla. Immissi enim

A falsi testes, multa adversus eum falsa dixerunt, et usque ad mortem crucis patienter cuncta sustinuit. Ita enim et apostolus Petrus prædicabat, dicens : Christus passus est pro nobis, vobis relinquens exemplum, ut sequamini vestigia ejus (*1 Pet. 11*). Oportet igitur ut patienter cum humilitate cuncta adversa sustineamus. Sermonem autem, quem objecistis de hæresi, non potui sustinere, et valde abominatus sum, quia hæresis separatio est a Deo. Hæreticus enim separatur a Deo vivo et vero, et conjungitur diabolo et angelis ejus. Alienatus enim a Christo, jam non habet Deum quem exoret pro peccatis suis, quia ex omni parte periit. Si autem conversus fuerit ad veram et catholicam sanctæ Ecclesiæ fidem, suscipitur a bono et pio Salvatore nostro Christo, et reconjungitur Deo vero creatori et Salvatori nostro Christo, qui est in Patre Filius semper cum sancto Spiritu. Ipsi gloria in sæcula sæculorum. Amen.

22. Consilium inter se habuerunt seniores Patres, et omnes monachi habitantes in eremo Scythi, et consenserunt ut Pater Isaac **500** presbyter eis ordinaretur in ecclesia quæ in ipsa eremo sita est, ubi convenit die et hora statuta multitudo monachorum, qui in illa eremo conversantur (*Pasch., c. 33, n. 2*). Audiens autem supradictus abbas Isaac hujuscemodi consilium, fugit in Ægyptum, et abscondit se in quodam agro inter fruteta, arbitrans indignum se esse honore presbyterii : quamplurimi autem fratres monachi sequebantur, ut comprehenderent eum. Cum autem applicuissent ad vesperam in eodem agro prolongius, ut reficerentur fatigati de itinere (erat enim nox), dimiserunt asellum qui eis sumptus portabat in itinere ut pasceret. Cum autem pasceret asellus, pervenit in locum ubi supradictus abbas Isaac latitabat. Cumque illuxisset dies, requirentes monachi asellum, pervenerunt ad eundem locum ubi se senior occultaverat, et admirantes valde dispensationem divinam, comprehendentes ligare et constringere eum voluerunt, et ita perducere. Venerabilis autem senior non permisit, dicens : Jam non possum contradicere vobis, quia forsitan voluntas Dei est ut licet indignus suscipiam ordinem presbyterii.

23. Erant autem duo fratres monachi pariter in cella commorantes, quorum humilitatem et patientiam multietiam de sanctis Patribus collaudabant. Audiens vero quidam sanctus vir, voluit probare si veram perfectamque humilitatem haberent ; venit ergo ad visitandum eos. Cumque cum gaudio suscepissent eum, et ex more complerent orationes et psalmodiam, egressus foris cellulam vidit parvum hortum ubi sibi olera faciebant. Apprehensoque baculo, cum toto impetu cœpit omnia olera cædendo confringere, ita ut nihil omnino remaneret. Videntes autem supradicti fratres, nihil penitus dixerunt, sed nec vultum tristem aut turbatum habentes. Et rursus ingressi cellulam, vespertinas orationes complentes, adorantes eum dixerunt : Si præcipis, domine, ibimus, ut eum qui remansit caulem coquentes gustemus, quis jam hora est ut cibum sumamus. Tunc senior adoravit

eos, dicens: Gratias ago Deo meo, quia video Spiritum sanctum requiescere in vobis; et ideo hortor vos ac monacho, fratres charissimi, ut usque in finem custodiat sanctæ humilitatis et patientiæ virtutem, ut ipsa in regno cœlesti vos magnos et sublimes in conspectu Domini faciat apparere.

24. Erat quidam in cœnobio jam senex et probatissimus monachus, et incurrit gravissimam ægritudinem; confectusque nimia et intolerabili infirmitate, per longum tempus laborabat in doloribus multis, nec invenire poterant fratres, qualiter succurrerent ægritudini ejus, quoniam ea quæ necessitas infirmitatis ejus expetebat, non habebant in monasterio. Audiens autem quædam famula Dei de afflictione infirmitatis ejus, deprecabatur Patrem monasterii, ut eum ad cellulam suam tolleret, ut ministraret ei, maxime autem quia facilius invenire posset in civitate quæ necessaria ægritudini ejus videbantur. Præcepit ergo Pater monasterii ut portarent eum fratres ad cellulam famulæ Dei. Ipsa vero cum omni veneratione suscipiens senem propter nomen Domini ministrabat ei pro retributione mercedis æternæ, quam credebat a Christo Salvatore nostro recipere. Cumque per tres et amplius annos sedit obsequeretur famulo Dei, cœperunt homines mente corrupti secundum scabiem mentis suæ suspicari quod non sinceram haberet senior conscientiam de virgine, quæ ministrabat ei. Audiens autem hæc senior, exorabat divinitatem Christi, dicens: Tu Domine Deus noster, qui solus nosti omnia, et vides quia multi sunt dolores ægritudinis et miseriæ meæ, et afflictionem consideras tantæ infirmitatis, quæ me ita per tantum consumpsit tempus, ut necessarium habeam obsequium hujus famulæ tuæ, quæ mihi propter nomen tuum ministrat; tribue ei, Domine Deus meus, condignam mercedem in vita æterna, sicut dignatus es promittere propter bonitatem tuam his qui propter nomen tuum exhibent egenis et infirmis suum ministerium. Cum autem proximasset dies transitus ejus, convenerunt ad eum quamplurimi sancti seniores fratres de monasterio, et dixit eis senior: Obsecro vos, domini, et patres, et fratres, ut cum defunctus fuero, tollatis baculum meum et plantetis eum super sepulchrum meum, et si radices fecerit, miseritque fructum, tunc scietis quia munda est conscientia mea a famula Dei, quæ mihi ministrabat. Si autem non fronduerit, scitote quia non sum mundus ab ea. Cum ergo vir Dei exiisset de corpore, secundum præceptum ejus sancti Patres plantaverunt baculum ejus super sepulchrum ipsius, et fronduit, accedenteque tempore protulit fructum; et admirati sunt omnes, glorificantes Deum. Ad tale enim miraculum, etiam de vicinis regionibus multi convenientes magnificant gratiam Salvatoris, nam et nos ipsam arbusculam vidimus; et benediximus Dominum, qui protegit in omnibus in sinceritate et veritate sibi servientes.

25. Quodam tempore ad beatum abbatem Apollonium duxerunt quemdam vexatum, qui fortiter a dæmonio torquebatur (*Pelag., libell. xv, n. 65*).

A Cumque per triduum observarent, qui cum eo venerant, obsecrantes senem ut eum in nomine Christi fuis ad Deum precibus curaret; respondens senior, dixit eis non esse se hujus meriti, ut dæmonibus imperaret. Cum autem persisterent qui venerant, rogantes eum, et flentes nimis deprecantes, tandem acquievit. Cum autem in nomine Domini Salvatoris nostri imperaret dæmoni, dicens: Exi, immunde spiritus, de plasmate Dei. Tunc respondens dæmon dixit ei: Ego quidem imperante virtute Christi egredior, tamen interrogabo te sermonem ut dicas mihi: Quid est quod scriptum est in Evangelio (*Matth. xxv*): Qui sunt hædi, et quæ sunt oves? Respondens autem senior dixit ei: Hædi quidem injusti sunt, inter quos et ego sum peccator, qui multis peccatis obnoxius sum; oves autem Deus novit quæ sunt. Tunc exclamavit dæmon voce magna, dicens: Propter humilitatem tuam stare omnino non possum, et statim egressus est de homine quem obsederat. Videntes autem omnes qui astabant, dederunt gloriam Deo.

26. Referebant sancti seniores nobis dicentes: Quia fuit quidam monachus in eremo Scythi; venit autem ad visitandos sanctos Patres in loco qui dicitur Cellia, ubi multitudo monachorum divisim habitabat cellulis. Cumque non inveniret ad præsens cellulam ubi posset manere, quidam de senioribus habens aliam vacantem cellulam, dedit ei, dicens: Interim repausa in hac cellula, donec invenias ubi possis manere. Cumque ad visitandum eum conveniret quamplurimi fratres, desiderantes ab eo audire verbum salutis æternæ; habebat enim spiritualem gratiam docendi verbum Dei; videns ille senior, qui ei ad habitandum præstiterat cellam, invidiæ livore cor ejus vulneratum est, et indignari cœpit ac dicere: Quoniam ego tantis temporibus in hoc loco habito, et ad me non veniunt fratres nisi rarissime, et hoc in diebus festis et ecce ad istum impostorem pene quotidie fratres quamplurimi vadunt; dixitque discipulo suo: Vade, et dic ei ut egrediatur de cellula illa, quoniam necessaria mihi est. Cum autem perrexisset discipulus ejus ad illum fratrem, dixit ei: Mandavit abbas meus sanctitati tuæ, jube ei per me mandare qualiter habeas, audivit enim te infirmari. Ipse vere remandavit ei dicens: Ora pro me, domine Pater, quia valde stomachum doleo. Reversus autem discipulus dixit abbati suo: Nimis rogat sanctitatem tuam, ut vel duos dies jubeas ei inducias dare, ut possit sibi aliam cellam providere. Transactis autem tribus diebus, iterum misit discipulum suum, dicens: Vade dic ei ut egrediatur de cellula mea; nam si rursus distulerit, dices ad eum, quia continuo venio, et cum baculo cædendo expello eum de cella mea. Pergens autem discipulus ad supradictum fratrem dixit ei: Quoniam valde sollicitus est abbas meus de infirmitate tua, ideo misit me requirens si melius habeas. At ille respondens dixit: Gratias ago, domine sancte, charitati tuæ, quia sollicitus es de me, verumtamen precibus tuis melius habeo. Reversus autem discipulus, dixit abbati suo: Etiam et nunc

deprecatur sanctitatem tuam dicens, ut usque ad diem Dominicam exspectes, et statim egrediatur. Cum autem advenisset Dominicus dies, et non egrederetur, accipiens vectem senior, inflammatus invidiae et iracundiae spiritu, pergebat ut caedendo expelleret eum de cella sua. Accedens autem discipulus ejus dixit ei: Si jubes, Pater, praecedo te, et video, ne forsitan aliqui fratres ad salutandum eum venerint, et si viderint te, scandalizentur. Praecessit ergo discipulus et ingressus ad eum dixit: Ecce abbas meus venit ad salutandum te, egredere ergo celerius, et cum gratiarum actione occurre ei, qui pro nimia charitate et dilectione venit ad te. Qui statim surgens cum nimia alacritate occurrit ei. Cumque vidisset eum antequam approximaret ad eum, prostravit se pronus in terram, adorabatque senem cum gratiarum actione, dicens: Retribuat tibi Dominus, charissime Pater, bona aeterna pro cellula tua, quam mihi propter nomen ejus praestitisti, et in caelesti Jerusalem inter sanctos suos Christus Dominus tibi gloriosam et splendidam praepararet mansionem. Haec autem audiens senior, compunctus est corde, et projiciens baculum recurrit in amplexus ejus, et osculatus est eum, et invitavit illum ad cellulam suam, ut pariter cum gratiarum actione sumerent cibum. Vocavit autem senior supramemoratum discipulum suum, et interrogavit eum, dicens: Dic mihi, fili, si dixisti verba isti fratri, quae propter cellulam mandavi ut diceres ei. Tunc discipulus ejus confessus est ei, dicens: Vere, domine, dico quia propter humilitatem quam tibi exhibere debeo tanquam Patri et domino, ideo non audebam respondere tibi aliquid quando me mittebas ad eum; verum tamen nihil eorum dixi ei quae mandabas ad eum. Haec audiens senior, statim prostravit se ad pedes eius dicens: Ex hodierna die tu meus pater esto, et ego discipulus tuus; quoniam te festinante et moderante ac cum timore et charitate Dei agente, et meam et illius fratris animam de peccati laqueo Christus Dominus liberavit. Pro fide enim et sancta sollicitudine et intentione discipuli qui perfecte in charitate Christi diligebat abbatem suum, et anxie timebat, ne per invidiae et iracundiae vitium, aliquid tale ageret pater suus spiritualis, ut perderet omnes labores sanctos, quos ab ineunte aetate in Christi servitio, pro vitae aeternae praemiis laboraverat. Ideoque Dominus donavit gratiam suam, ut in pace Christi pariter laetarentur.

27. Dicebant sancti seniores de discipulo abbatis Pauli, nomine Joannes, quoniam magnam haberet humilitatem, et virtutem obedientiae, ut etiam difficiles causas imperante ei abbate, in nullo penitus contradiceret (*Pelag., libell. 14, n. 4*), sed nec leviter in aliquo mnrmuraret. Cum autem necessarius esset in monasterii utensilibus fimum boum, misit eum abbas in proximum vicum, ut requireret ibi fimum boum, et cum celeritate afferret ad monasterium. Erat autem in loco illo mala bestia, laena. Statim ergo egressus discipulus ejus Joannes, ibat secundum

praeceptum abbatis; cumque pergeret, dixit abbati suo: Domine pater, audivi quamplurimos dicentes quia in illo loco mala bestia laena sit. Tunc senior, quasi joculariter dicit ei: Si venerit super te, tene et alliga eam, et adduces eam tecum. Cum autem venisset ad locum jam vespere, statim egressa laena irrui super eum, et ille comprehendens tenere eam voluit, illa vero excutiens se, de manibus ejus aufugit. Sequebatur autem ille dicens: Quia abbas meus praecipit ut alligatam te perducam ad eum. Continuo autem stetit bestia, et tenens eam, revertebatur ad monasterium. Dum autem retardaret in itinere, abbas nimis sollicitus pro eo, tristabatur graviter; et ecce subito supervenit discipulus ejus tenens ligatam laenam. Quod cum vidisset senior, admiratus valde, gratias agebat Salvatori nostro Domino. Dicit autem discipulus ejus: Ecce, domine, sicut praecipisti, adduxi laenam ligatam. Volens autem humiliare sensum ejus senior, ne extolleret se in cogitationibus suis discipulus suus, ait ei: Sicut tu insensibilis es, ita etiam et istam insensibilem bestiam adduxisti; solve ergo, et dimitte eam, ut pergat ad locum suum.

28. Quidam de sanctis senioribus misit discipulum suum ad hauriendam aquam (*Joannes, libell. 11, n. 17*). Prolongius autem erat puteus a cella senioris. Oblitus est autem secum tollere funem discipulus ejus, de quo hauriret aquam. Cumque pervenisset ad puteum, contristatus est valde, quia longe erat cellula eorum; quid ageret, quo se verteret, nesciebat, dubitabat enim ad cellulam sine aqua reverti. Tunc anxius nimis, prostravit se in orationem cum lacrymis dicens: Domine, miserere mei secundum magnam misericordiam tuam (*Psal. 1*); qui fecisti caelum et terram, mare, et omnia quae in eis sunt, qui fecisti mirabilia magna solus, miserere mei propter servum tuum qui misit me, et cum exsurrexisset ab oratione, exclamavit dicens: O putee, putee, servus Christi abbas meus misit me, ut hauriam aquam. Statim autem ascendit aqua sursum usque ad os putei, et cum implesset lagenam suam frater, accessit glorificans potentiam Domini Salvatoris; aqua autem putei reversa est in locum suum.

29. Fuit quidam frater in monasterio, nomine Eulalius, nimis gratia humilitatis ornatus (*Pelag., libell. xv, n. 86*). Si quid igitur, ut solet, culpabile admisissent fratres negligentiores, excusantes culpas suas, supradictum fratrem asserebant esse culpabilem. Cumque argueretur a senioribus fratribus, non negabat, sed prosternebat se in terram, et adorans eos, se dicebat peccasse, et negligenter fecisse. Cum autem iterum ac frequenter accusarent eum, et secundum regulam monasticam biduana ac triduana jejunia ei indicerentur, ille omnia patienter tolerabat. Ignorantes autem fratres quia haec omnia pro humilitatis virtute patienter sustineret, convenientes pariter, et maxime seniores fratres ad Patrem monasterii, dixerunt: Considera, Pater, quid faciendum sit, quandiu enim possumus sustinere negligentias et damna quae

frater ille Eulalius facit in monasterio? Jāth pene omnia vasa et utensilia monasterii confracta sunt, et exterminata per negligentiam ejus. Quomodo ergo iste talis tolerandus est? Respondens Pater monasterii ait: Interim paucos dies sustineamus fratrem, et postea ordinabimus de eo quod competit fieri. Hæc dicens dimisit fratres. Ingressus vero cellulam prostravit se in orationibus, obsecrans misericordiam Domini, ut ei manifestare dignaretur quid ordinare aut definire posset de sæpe dicto fratre: tunc revelatum est ei quid ageret. Convocavit ergo omnes fratres abbas, dixitque eis: Credite mihi, fratres, quia magis opto mattulam fratris Eulalii cum humilitate et patientia ejus quam omnia opera eorum duntaxat qui, murrurantes in cordibus suis, operantur in monasterio. Ut autem ostendat vobis Dominus quale meritum **503** habet ipse idem frater apud Deum, præcipio vobis ut deferantur mihi mattulæ omnium fratrum: quas cum detulissent, jussit ut accenderent ignem, et misit in eum omnium fratrum mattulas, quæ statim combustæ sunt, præter mattulam fratris Eulalii, quæ integra reperta est, et non est combusta. Cumque hoc vidissent fratres omnes, timuerunt valde, et prostraverunt se in terram, veniam et indulgentiam a Christo Domino postulantes, et collaudantes admirabantur nimis patientiam et humilitatem fratris Eulalii. Denique ex eo honorabant et magnificabant eum, tanquam unum de magnis Patribus; istos autem honores et laudes non poterat sustinere frater Eulalius, dicens: Væ mihi infelici, quia perdidit humilitatem meam, quam tantis temporibus acquirere, auxiliante et adjuvante me Christo Domino, festinavi. Consurgens itaque nocte, egressus de monasterio fugit in eremum, ubi nullus eum agnosceret, et ibi in spelunca habitavit. Noluit enim temporales hominum laudes, sed cælestem æternamque gloriam a Salvatore nostro Christo in futuro sæculo percipere.

30. Beati abbatis Anastasii laudabilem humilitatem et patientiæ virtutem oportet ut cognoscamus, quatenus admirabilem magnanimitatem et tranquillitatem animæ ejus considerantes, imitemur exemplum (*Pelag., libell. xvi, n. 1, nomine Gelasii*). Hic itaque Anastasius habebat Codicem in pergamenis valde optimis scriptum, qui decem et octo valebat solidis, totum enim vetus et novum Testamentum scriptum habebat. Cum autem quidam frater venisset ad eum visitandi gratia, vidit in cellula ejus Codicem ipsum, et concupivit, furatusque est eum, et abiit. Supramemoratus autem abbas Anastasius, cum requisisset eadem die ad legendum Codicem suum, et non invenisset, intellexit quia frater ille furatus esset eum, et noluit mittere post ipsum, nec requirere eum, ne post furtum etiam et perjuriam adderentur. Descendens autem frater ille in eam quæ in proximo erat civitatem, voluit distrahere Codicem illum, petebat autem in pretio ejus solidos sedecim. Dicit ei ille qui eum emere volebat: Da mihi Codicem, ut possim probare si tanti pretii valet; dedit ergo ei Codi-

cem ut probaret eum. Statim autem frater ille cum ipso Codice perrexit ad sanctum Anastasium, et rogabat eum dicens: Jube considerare, Pater, Codicem istum, et æstimare eum si valeat solidos sedecim, quoniam tantum pretii petit qui distrahit illum. Dixit autem abbas Anastasius: Quia bonus est Codex, et valet tanti. Reversus autem qui eum emere volebat, dixit distrahenti: Ecce accipe pretium, quia ostendi Codicem abbati Anastasio, et dixit mihi: Quia bonus est Codex, et valet tanti. Interrogavit autem frater ille si nihil beatus Anastasius dixit aliud. Cui respondens ille ait: Crede mihi quia nihil penitus mihi aliud dixit. Hæc cum audisset frater ille, dixit ei: Quia jam recogitavi, frater, et nolo distrahere Codicem meum; compunctus enim corde, festinanter perrexit ad abbatem Anastasium, et prostravit se in terram ad pedes ejus, et precabatur cum fletu et lacrymis pœnitendo, ut resusciperet Codicem suum, sed non acquiescebat ei abbas, dicens: Vade cum pace, frater: ecce jam cum voluntate mea habeto ipsum Codicem. Ille autem persistebat cum lacrymis petendo eum dicens: Quia si non susceperis Codicem, domine Pater, nullo modo requiescet anima mea. Post hoc ille recepit Codicem suum; nam frater ille permansit apud beatum Anastasium in cellula ejus, usque in exitum vitæ suæ.

31. Fuit quidam eremita, Pior nomine, de antiquis Patribus, quem beatus Antonius adolescentem in sancto proposito monachorum instruxit: demoratus est autem apud beatum Antonium annos paucos. Cumque viginti et quinque esset annorum, abiit ad alium secretum eremi locum, ut solitarius habitaret, hoc etiam volente et consentiente beato Antonio. Dixitque ei sanctus Antonius: Vade, Pior, et habita ubi volueris; et cum tibi per aliquam rationabilem occasionem revelaverit Dominus, venies ad me. Cum autem pervenisset hic ipse Pior ad locum qui situs est inter Nitriam et eremum Scythi, effodit puteum, cogitans apud semetipsum: Quoniam qualemcunque aquam invenero, oportet me ipsa contentum esse; quod et factum est, ad augmentum meritorum ejus talis occasio; tantum enim salsa et amara inventa est aqua, ut si quis ad eum visitandi gratia veniret, in proprio vasculo sibi aquam deportaret. Remoratus est in eodem loco annis triginta. Dicebant ergo ei fratres ut recederet de loco ipso propter amaritudinem aquæ; ipse autem dixit eis: Si amaritudinem et laborem fugimus abstinentiæ, et volumus in hoc mundo quietem habere, post exitum vitæ hujus non percipiemus illa æterna et vere dulcia bona, nec fruemur illis perpetuis beati paradisi deliciis.

Dicebant ergo fratres quia tantum unum paximum et quinque olivas in cibo accipiebat, et hoc deambulando foris.

Etiam et hoc affirmabant de eo multi sanctorum Patrum, quia triginta et amplius **504** annis, ex quo egressus est de domo parentum suorum, nunquam ei suasum fuisse, etiam cum defunctos audisset parentes suos, ut pergeret ad requirendum seu visitan-

dum propinquos (*Pelag., libell. iv n. 34*). Verumtamen soror ejus cum esset vidua, habens duos filios jam adolescentulos, misit eos in eremum ad requiringendum fratrem suum Pior. Qui cum diversa monasteria circuissent, requirentes eum, vix tandem inveniētes illum dixerunt ei : Nos filii sororis tuæ sumus, quæ nimio desiderio optat te videre ante exitum suum. Ipse vero non acquievit petitioni eorum. Perrexerunt autem adolescentes ad hominem Dei beatum Antonium, indicantes ei pro qua causa venerant. Misit autem beatus Antonius, et vocavit eum ad se, dixitque ei : Quare, frater, tanto tempore non venisti ad me ? Qui respondens, dixit ei : Præcepisti mihi, beatissime Pater, ut cum per aliquam occasionem revelasset mihi Dominus, venirem ad te, et ecce usque hactenus non mihi revelatum est. Dixit ei beatus Antonius : Vade ut videat te soror tua. Tunc assumpsit secum alium monachum, et perrexit ad locum et domum sororis suæ ; et stans foris prope januam atrii, clausis oculis, ut non videret sororem suam stetit. Illa autem veniens projecit se ad pedes ejus, de nimio enim gaudio angustiata est. Dicit ei Pior : Ecce ego sum Pior frater tuus, vide ergo me quantum volueris, et post hoc statim reversus est ad eremum in cellulam suam. Hoc autem fecit ad erudiendum monachos ut non daretur eis licentia, cum libitum eis fuerit visitare parentes vel propinquos suos.

23. Etiam abbas Joannes, qui commanebat in monte qui vocatur Calamus, habebat sororem, quæ ex infantia in sancto proposito conversabatur, ipsa enim erudit et docuit fratrem suum eundem abbatem Joannem ut relinqueret vanitates sæculi hujus, et ingrederetur monasterium. Cum autem ingressus fuisset monasterium, per viginti et quatuor annos non est egressus de monasterio, nec visitavit sororem suam : illa vero nimis desiderabat videre eum ; nam frequenter scribebat et mittebat ad eum epistolam, petebatque ut ante exitum ejus de hoc corpore veniret ad eam, ut in charitate Christi de præsentia sua lætaretur. Ille autem excusabat, volebatque de monasterio egredi. Venerabilis autem famula Dei et soror ejus iterum scripsit ad eum dicens : Quia si nolueris venire ad me, necesse habeo ut ego veniam ad te, ut post tantum temporis adorare merear sanctam charitatem tuam. Hæc cum audisset supradictus Joannes, contristatus est nimis, et cogitabat apud semetipsum, dicens : Quoniam si permisero ut ad me veniat soror mea, de cætero licentia datur ut et alii parentes et propinqui nostri veniant ad visitandum me ; ideoque tractavit apud se ut magis ipse pergeret et visitaret sororem suam ; accepit etiam alios duos secum fratres de monasterio. Et cum venisset ad januam monasterii sororis suæ clamavit, dicens : Benedicite, et audite peregrinos. Egressa est autem soror ejus cum alia famula Dei, et aperuit januam, et penitus non cognovit fratrem suum ; ipse autem cognovit sororem suam, sed non est locutus

verbum, ne forte cognosceret in voce eum. Monachi vero qui cum ipso erant, dixerunt ad eam : Rogamus te, domina mater, ut jubeas nobis aquam dare ad bibendum, quia de itinere fatigati sumus. Cum autem accepissent, et bibissent, facientes orationem, et gratias agentes Deo, discesserunt et reversi sunt ad monasterium suum. Post aliquantos autem dies iterum scripsit ad eam soror sua ut veniret et videret eum ante exitum suum, et orationem faceret in monasterio ejus. Tunc ille rescripsit ad eam, et direxit epistolam per monachum de monasterio suo, dicens : Quia præstante gratia Christi ego veni ad te, et nullus me cognovit ; ipsa vero egressa es ad nos, et dedisti nobis aquam, et accepi de manibus tuis, et bibi, et gratias agens Domino reversus sum in monasterium ; sufficiat ergo tibi quia vidisti me, et non sis ulterius mihi molesta, sed ora pro me incessanter ad Dominum nostrum Jesum Christum.

33. Sed et alius quidam monachus abiit ad sororem suam, ut visitaret eam, audierat enim eam ægotantem in monasterio (*Pelag., libell. iv, n. 61*). Erat autem ipsa famula Dei nominata in sancta conversatione ; itaque non acquievit illa suscipere et videre fratrem suum, ut non per occasionem ejus ingrederetur monasterium feminarum, sed mandavit ei, dicens : Vade, domine frater, et ora pro me ; præstante enim gratia Dei et Salvatoris nostri, videbo te in futuro sæculo in regno Domini nostri Jesu Christi.

34. Etiam de abbate Theodoro oportet nos exempla virtutum proferre. Hic itaque beatus Theodorus discipulus fuit sancti Pachomii viri de sanctis Patribus, qui fuit Pater infinitæ multitudinis monachorum, multorumque monasteriorum pater in partibus Thebaidæ¹. Cum enim in omnibus sanctitatis fulgeret virtutibus, etiam prophetiæ gratiam a Domino promeruit, multa enim futura revelabat ei Dominus. **505** Quodam autem tempore supradicti Theodori soror germana venit ad monasterium, in quo idem beatus Theodorus conversabatur, ut post multa tempora videret germanum suum. Cumque nuntiassent ei de adventu sororis ejus, misit continuo duos monachos, qui observabant ad januam monasterii, mandavitque per eos sorori suæ, dicens : Ecce, soror, audisti et cognovisti quia vivo, ne contristeris, quia minime me vidisti, sed magis considera vanitatem et instabilitatem præsentis mundi, et converte cor tuum, et apprehende sanctæ vitæ conversationem, ut possis pervenire ad æternam vitam, et ad cœlestia bona, quæ præparavit diligentibus se Dominus, et facientibus mandata ejus. Tracta ergo apud te, quia hæc est sola vera et firma spes, ut faciat homo præcepta Dei, ut mereatur homo pervenire ad gloriosa et æterna promissa Domini Salvatoris nostri Christi. Hæc autem cum audisset illa, statim compuncta est corde, lacrymasque fundebat in conspectu Domini, et post paululum ingressa est in monasterium virginum famularum Dei, quod in

¹ Supra, l. i, in Vita sancti Pachomii, c. 28, dicitur de sorore Pachomii.

eodem vico constructum erat, et procedenti tempore multiplicabatur in sancto proposito famula Christi.

Hæc itaque gesta cum audisset mater eorum, deprecata est episcopos, et dederunt ei epistolas ad supradictum sanctum Pachomium Patrem monasteriorum pro filio ejus (*Supra, l. 1, in Vita sancti Pachonii, cap. 31*). Cumque venisset, applicuit in monasterio famularum Dei, et direxit epistolam ad Patrem monasterii, obsecrans ut videret filium suum. Beatus autem Pachomius vocavit ejus filium Theodorum, et dixit ei: Audiui, fili, quia mater tua advenit propter te. Itaque propter epistolas episcoporum qui scripserunt ad me, vade, et videat te mater tua. Dixit ei Theodorus: Præcepisti mihi, domine, ut videam matrem meam; si ergo abiero videre eam post tantam scientiam spiritualem, vereor ne culpabilis inveniar apud Deum; etenim oportebat me fortitudinem animi mei ad exemplum aliorum fratrum demonstrare. Audiens autem mater quia non acquievit videre eam, nimio affectu fervens in filium, noluit remeare ad domum suam, sed permansit in monasterio virginum, dicens: Quoniam si permansero hic, sæpe etiam videbo filium meum, cum inter alios fratres egredietur ad necessarias monasterii causas, et monitis et exhortatione ejus proficere possum in sancta conversatione, doctrinaque ejus spiritualis confirmabit cor meum, ut merear pervenire ad æternam requiem quam promisit Dominus noster Jesus Christus diligentibus se.

Multa autem et magnifica per sanctum Pachomium fecit Dominus mirabilia. Nam et a dæmonibus obsessos frequenter invocato Christi Domini nomine curavit. Multis etiam diversas ægrotudines sustinentibus, et paralyticis, orationibus ejus misertus est Dominus.

35. Multo tempore beatus abbas Pachomius contra immundissimas dæmonum impugnationes certamen bonum certavit, sicut athleta veritatis, tanquam et beatus Antonius (*Supra, l. iv, in Vita sancti Pachonii, cap. 20*). Denique intentissimis precibus exoravit Dominum ut somnum non caperet per aliquod tempus, quatenus diebus ac noctibus pervigil permaneret contra adversarios dæmones dimicando, donec prosterneret et superaret eos, sicut dicitur in psalmo: Et non convertar, donec deficiant (*Psal. xvii*). Præstitit ergo, et concessit ei Dominus petitionem ejus. Impossibiles enim et imbecilles sunt dæmones, cum quis nostrum ex tota fide et ex tota intentione cordis fervente sancto desiderio, et adjuvante nos virtute Salvatoris nostri Jesu Christi, contendimus contra eos.

Referebant autem nobis fratres de eodem beatissimo Patre Pachomio, qui fuit, ut diximus (*In Vita Pachonii per Metaphr. c. 55, apud Surium, tom. III, Matii 14*), monasteriorum multorum in regione Tabennensiotarum præpositus. Referebant ergo de eo quoniam frequenter dicebat fratribus: Quia (sicut mihi testis est Dominus Deus) sæpe audiui immundos spiritus dæmonum loquentes inter se diversas ac

varias artes suas, quas contra servientes Deo, maximeque contra monachos habent. Quidam enim dicebant: Quia ego certamen contra durissimum hominem habeo, et quoties ei immitto perversas cogitationes, ille statim surgit, et prosternit se in oratione, cum gemitu orans ad esse sibi divinum auxilium. Ego autem minime illo exurgente cum grandi confusione egredior. Item alius dæmon dicebat: Ego ad illum quem observo, cum ei cogitationes immisero in corde, consentit, et suscipit, et facit eas. Sæpe enim exardescere eum in iracundia facio, et in contentiones rixæ, et pigritiam orationis, et dormitionem in psalmodia, et non contradicere mihi. Ideoque, fratres mei dilectissimi, semper oportet ut custodiatis sensum et animum vestrum, invocantes nomen Domini nostri Jesu Christi, et secundum præcepta Dei conversamini tam in orationibus quam psalmodia, sicut dicit Apostolus: Instantes orationi, et vigilantes in ea. Ideoque cum compunctione et timore cordis vigilantibus non prævalebunt nocere nobis adversarii et immundissimi dæmones. Ipse autem beatus Pater Pachomius docebat fratres, ut semper memores essent verbi Dei, in salutem animarum suarum. Postmodum vero discedebat unusquisque fratrum in cellulas suas, operantes manibus suis, et meditantes quæ de sacris Scripturis didicerant. Impossibile est enim aliquem apud eos verbum otiosum loqui, sed ea tantum quæ de sanctis Scripturis didicerant erant inter se conferentes, et exponentes de capitulis Scripturarum, quæ ad timorem Domini confirmarent et illuminarent animas eorum.

36. Fuit quidam vir magnus de sanctis senioribus, cui talem gratiam donaverat Christus, revelante ei Spiritu sancto, ut videret quod alii non videbant (*Joan., lib. 1, n. 3*). Referebant ergo sancti seniores quia aliquando quamplurimi sedebant fratres, et simul loquebantur inter se, et conferebant de sanctis Scripturis quæ ad salutem pertinent animarum. Stabant autem circa eos sancti angeli lætantes in hilari vultu, considerantes, delectabantur enim de eloquiis Domini. Cum autem alius quodcumque inter se loquerentur, statim sancti angeli recedebant longius indignantes contra eos; veniebant autem porci sordidissimi et morbo pleni, et volutabant se inter eos: dæmones enim in specie porcorum delectabantur per superflua et vaniloquia eorum. Beatus autem senior hæc videns, abiit in cellulam suam, et per totam noctem cum grandi fletu et ululatu gemendo deflebat miserias nostras. Exhortabatur ergo sanctos Patres per monasteria, et commonebat fratres, dicens: Cavete, fratres, a multiloquio, et ab otiosis sermonibus linguam prohibete, per quam malus interitus animæ generatur, et non intelligimus quoniam per hæc et Deo et sanctis angelis odibiles sumus. Dicit enim Scriptura: Per multiloquium non effugies peccatum (*Prov. x*). Hæc enim infirmam et vacuam efficiunt mentem atque animam nostram.

37. Fuit quidam vir in palatio sublimis, sub Theo-

doslo imperatore, nomine Arsenius, cujus filios, id est Arcadium et Honorium Augustus de baptismo suscepit (*Pelag., libell. xv, n. 6*). Hic itaque Arsenius desiderio divini amoris accensus, relinquens omnem sæculi gloriam temporalem, perrexit ad eremum Scythi, ut inter sanctos Patres secretam et quietam ab omni strepitu hujus mundi ageret vitam, ut separatus ab illecebris et delectationibus corporalibus, cum tota mentis intentione adhæreret Domino Salvatori, sicut scriptum est: Adhæsit anima mea post te, me suscepit dextera tua (*Psal. LXII*). Dicebant ergo de eo sancti seniores quia sicut cum in sæculi conversatione esset, nimis pretiosis vestimentis præ omnibus utebatur, ita postmodum, in eremo Scythiæ degens, studebat ut ab omnibus monachis viliora et despectiora vestimenta haberet.

38. Dicebat etiam abbas Daniel quoniam sanctus Arsenius referebat fratribus dicens, quasi de alio audisset, sed quantum datur intelligi, ipse talem vidit visionem (*Pelag., libell. xviii, n. 2*): Sedebat, inquit, quidam de senioribus monachis in cellula sua, et subito venit ad eum vox dicens: Egredere foras, et ostendam tibi opera hominum. Et surrexit, inquit, et egressus est foras. Duxit autem eum, et ostendit ei Æthiopem nigrum cum securi cædentem ligna, et facientem grandem sarcinam, et tentabat sublevare sarcinam illam, et præ magnitudine non poterat portare eam; sed redibat, et cædebat iterum alia ligna, et addebat super sarcinam illam. Iterum autem ostendit ei alium hominem stantem super lacum, et haurientem aquam de lacu, et mittentem eam in collectaculum, et de alia parte per foramina defluebat aqua desubter in eodem loco. Iterum dixit ei: Veni, sequere me, et ostendam tibi aliud. Et vidit quasi quoddam ædificium templi, et duos sedentes in equis, portantes super scapulas suas uterque lignum unum, id est, perticam longam, volentes pariter ingredi portam templi illius, et non permittebat eos lignum quod ex adverso portabant, ingredi per portam illam; non enim humiliabat se alter alteri, sed contendebant utrique, pariter ingredi volentes; et non prævalebant, nec enim humiliabat se unus eorum, ut alteri locum daret. Exponit ergo ei has visiones, dicens: Hi qui lignum portant hi sunt qui habent jugum sanctum monachorum; sed justificantes seipsos in cordibus suis cum exaltatione superbiæ, non humiliantur invicem, noluerunt enim ambulare in humilitate viam Salvatoris Domini nostri Jesu Christi, qui dixit: Discite a me quia mitis sum et humilis corde, et invenietis requiem animabus vestris (*Matth. xi*). Ideoque propter superbiam cordis sui remanserunt foris, de regno Regis cælorum Christi exclusi. Qui autem cædebat ligna, et super sarcinam adhuc addebat, homo est qui oneratus est multis peccatis, et super sarcinam peccatorum suorum addit semper alia peccata: quem oportebat magis ut pœnitentiam ageret de prioribus peccatis; sed negligens vitia emendare peccatorum priorum, magis et alia addit supra priora peccata. Ille autem

qui aquam de lacu hauriebat, ~~507~~ homo est qui aliqua bona operatur, sed quia mala etiam amplius per peccata operatur, et ideo pereunt et delentur etiam bona opera quæ facit. Oportet ergo hominem, sicut ait Apostolus, cum timore et tremore salutem suam operari (*Philipp. ii*).

39. Dicebat autem abbas Daniel de abbate Arsenio (*Pelag. libell. iv, n. 5*), quia cum operaretur sportas ex palmarum foliis, mittebat aquam in pelvim, ut infunderentur palmæ; et cum feteret brumosa (9) aqua odore, non permittebat ut aliam aquam mutarent, sed super illam fetidam, aliam addebat aquam, ut semper feteret. Interrogabant autem fratres eum, dicens: Cur non permittis, Pater, ut aqua mutetur, sed pessimo fetore tota cellula tua repletur? Respondens autem beatus senior ait: Quoniam propter thymiamata, et muscata (10), et alia diversa quibus in sæculari conversatione sine intermissione fruebar, oportet nunc me, dum in hoc corpore sum, sustinere istiusmodi fetorem, pro suavissimo illo odore, ut in die iudicii de illo gehennæ inenarrabili fetore liberet me Dominus, et non cum illo divite, qui epulabatur in isto mundo deliciose et splendide, condemnetur anima mea (*Lucæ xvi*).

40. Quidam de fratribus dixit beato Arsenio (*Pelag., libell. v, n. 32*): Ecce, beatissime Pater, meditari festino de Scripturis sanctis, quæ didici, et non sentio compunctionem in corde meo, quoniam non intelligo virtutem divinæ Scripturæ, unde et valde contristatur anima mea. Respondens autem beatus Arsenius ait: Oportet te, fili, incessanter meditari eloquia Domini; audivi enim quia dixit beatus abbas Pœmen et alii multi sanctorum Patrum, quoniam incantatores illi qui serpentes solent incantare, non intelligunt ipsi verba illa quæ loquuntur, sed serpentes audientes intelligunt virtutem verborum illorum, et conquiescunt, et subduntur eis. Sic etiam et nos faciamus: quamvis enim non valeamus intelligere divinarum Scripturarum virtutem, tamen dæmones audientes, divini verbi virtute terrentur, et effugati discedunt a nobis non sustinentes eloquia Spiritus sancti, quæ per servos suos prophetas et apostolos locutus est.

41. Quodam tempore cum in vicinio beati Macarii homicidium fuisset perpetratum, et cuidam innocenti homini impingeretur crimen admissum (*Ruffin., l. ii, cap. 28, in Macario Ægyptio, pene ad verbum*), surgens ille qui calumniam patiebatur, fugit ad cellulam beati Macarii: adfuerunt etiam et illi qui eum perurgebant, et alligabant eum, dicens, periclitari seipsos, nisi comprehenderent et legibus traderent homicidam; ille vero cui crimen impingebatur, cum sacramentis affirmabat consciuum se non esse sanguinis illius. Et cum diu ab utraque parte certamen haberetur, interrogavit sanctus Macarius ubi sepultus esset, qui dicebatur occisus; cumque designassent ei locum, cum ipsis pergit ad sepulcrum, atque ibi fixis genibus invocato Christi nomine, ait ad eos qui assistebant: Nunc Dominus ostendet si vere

reus est hic qui a vobis perurgetur; et elevata voce ex nomine clamabat defunctum. Cumque ei de sepulcro vocatus respondisset, ait ad eum sanctus Macarius: Per fidem Christi te obtestor ut dicas nunc si ab isto homine qui in te insimulatur occisus es. Tunc ille clara voce de sepulcro respondit, dicens, non se esse ab eo interfectum. Et cum obstupefacti omnes decidissent ad terram, ac pedibus ejus volverentur, rogare eum cœperunt, ut interrogaret illum a quo esset occisus; tunc sanctus vir ait: Hoc ego non interrogabo; sufficit enim mihi ut liberetur innocens, non est autem meum ut reus prodatur, forsitan enim compungetur adhuc pro scelere quod commisit, et aget pœnitentiam, ut salvetur anima ejus.

42. Alio itidem tempore, cum sancto Macario quidam frater uvam detulisset, ipse qui secundum charitatem non quæ sua sunt, sed quæ alterius cogitaret (*Philip. II*), ad alium fratrem eam detulit, qui infirmior præ ægritudine videbatur (*Ruffin., l. II, cap. 20 in Macario Alexandrino. pene verbotenus*). Tunc infirmus gratias egit Deo pro fratris officio, et suscepit eam, et ipse nihilominus plus de proximo quam de semetipso cogitans, ad alium detulit eam infirmum fratrem; et iterum ille ad alium, et sic cum per omnes cellulas, quæ longe a semetipsis erant per eremum dispersæ, uva illa circumlata esset ignorantibus eis, qui eam primus misisset, ad ultimum defertur ipsi qui eam miserat. Gratulatus autem sanctus Macarius, quod tantam videret in fratribus abstinentiam, tantamque charitatem, ad aciora semetipsum spiritualis vitæ exercitia extendit.

43. Illud etiam ad fidem confirmatum nobis de eo est ab his qui ex ore ejus audierunt, quoniam quodam tempore nocte in specie monachi dæmon ad ostium cellulæ ejus pulsaverit, dicens: Surge, abba Macari, et eamus ad collectam, ubi fratres ad vigiliam congregantur (*Ruffin., l. II, cap. 29, ad verbum*). Sed ille gratia Dei repletus falli non potuit; intellexit enim diaboli esse fallaciam, et ait: O mendax, et veritatis inimice; quid enim tibi consortii, quid societatis est cum collecta et congregatione sanctorum? At ille ait: Latet ergo te, o Macari, quod sine nobis nulla collecta sagitur, nullave congregatio monachorum? veni denique, et videbis ibi operam nostram. Dixit autem sanctus Macarius: Imperet tibi Dominus, dæmon immunde (*Judæ epist.*). Et conversus ad orationem, petit a Domino ut sibi ostenderet si hoc verum esset, quod gloriatus est dæmon. Abiit ergo ad collectam, ubi jam vigiliæ a fratribus celebrabantur, et iterum in oratione Dominum deprecabatur, ut ei veritatem verbi hujus ostenderet; et ecce videt quasi parvulos quosdam pueros Æthiopes nigros per totam ecclesiam discurrere huc atque illuc, et velut volitando deferri. Discurrentes autem illi Æthiopes pueri, singulis quibusque fratribus in oratione positos atque psallentibus alludebant, et si cui de eis oculos duobus digitulis compressissent, statim dormiebat; si cui vero in os immersissent digitum,

oscitare eum faciebant. Item post psalmum, cum ad orandum se projecissent fratres, percurrerant iterum singulos, et ante alium quidem jacentem in oratione, quasi in mulieris speciem vertebantur, ante alium quasi ædificantes, et portantes aliquid, aut diversa quæque agentes apparebant; et quæcunque dæmones quasi ludentes formassent, hæc orantes illi in cordis sui cogitatione versabant. Ab aliquantibus tamen fratribus, ubi aliquid horum agere cœpissent, quasi violenter repulsi, præcipitati dejiciebantur, ita ut nec ante eos stare aut transire auderent, aliis vero etiam supra cervices et dorsa ludebant. Hæc cum vidisset sanctus Macarius, ingemuit graviter, et lacrymas profundens ad Deum, dixit: Respice, Domine, et ne sileas, neque mitigeris Deus; sed exsurge, et dispergantur inimici tui, et fugiant a facie tua, quoniam anima nostra repleta est illusionibus (*Psal. LXXXII, LXXXVII*). Post orationem autem examinandæ veritatis gratia, seorsum vocatis singulis quibusque fratribus, ante quorum faciem viderat dæmones diverso habitu et variis imaginibus ludentes requirit ab eis si in oratione vel ædificandi cogitationes habuerint, vel iter agendi, vel alia diversa, quæ unicuique per dæmones imaginata viderat: et singuli eorum ita confitebantur in corde suo fuisse cogitationes, sicut ille arguebat. Et tunc vere intellectum est, quod omnes malæ et superflue, et vanæ cogitationes, quæ vel psallentes, vel somniorum aut orationum tempore unusquisque in corde suo conceperit, illusionem et instinctum dæmonum fiant. Nam ab his qui omni custodia servant in timore et amore Domini cor suum, illi tenebrosi Æthiopes, et hæc quas emittunt cogitationes repelluntur; Christo enim mens conjuncta, et præcipue in tempore orationis intenta, nihil malum, nihilque superfluum recipit.

44. Quidam frater requisivit abbatem Sisoium, quemadmodum in cella propria degere deberet (*Pasch., cap. I, num. 1*). Cui ille respondens dixit: Comede panem tuum cum sale et aqua, et non erit tibi necessitas aliquid coquendi, aut longius evagandi.

45. Requisitus abbas Pœmen quemadmodum oportet jejunare (*Pelag., libell. X, num. 44*), respondit: Ego volo monachum ita esse quotidie parum comedentem, ut non satietur, nam biduana et triduana jejunia vanæ gloriæ vacant. Hæc enim omnia examinaverunt sancti Patres, et invenerunt quia bonum est quotidie jejunare et parum comedere, ut possit et quotidie esurire. Hanc enim viam regiam levem nobis esse demonstraverunt.

46. Abbas Silvanus dum cum discipulo suo Zacharia ad quoddam monasterium pervenisset, antequam egrederentur, fecerunt eos monachi parum comedere (*Pelag., libell. IV, num. 40*). Postquam ergo egressi sunt, invenit discipulus ejus aquam, et volebat bibere. Cui abbas Silvanus: Zacharia, hodie jejunium est. At ille dixit: Nunquid hodie non comedimus, Pater? Et dixit ei senex: Illa esca charitatis erat, filii, nos autem nostrum jejunium teneamus.

47. Quidam de fratribus in Panepho ad abbatem Joseph perrexerunt, ut eum requirerent de susceptione fratrum, si liceret cum his illo tempore vel fiduciam habere, vel lætitiā (*Pelag., libell. XIII, num. 1*). At ille antequam requirerent eum, dicit discipulo suo: Quod facturus sum hodie, fili, ne mireris; et posuit duo sedilia illis qui venerant, et dicit eis: Sedete. Et posuit unum a dextris suis, et alterum a sinistris; et ingressus cellulam suam misit sibi vestimenta corrupta, et egressus transiit in medio eorum: et iterum ingressus misit alia meliora, quibus solebat die festo uti, et egressus est postea ad eos: iterum autem ingressus quotidiano vestimento suo vestitus, venit et sedit inter eos. Illi autem mirati sunt et obstupuerunt propter hoc factum. Dicit eis senex: Vidistis quid feci? Cum autem illi annuissent, dicit eis: Et quid feci? Et dicunt ei: Primum vestimento corrupto usus es, et postea alio meliori. Et dicit eis: Nunquid mutatus sum ex illo inhonesto, aut ex illo meliore? Dicunt ei: Non. Quibus senex ait: Si ergo idem ego sum in utrisque, et non sum mutatus, et sicut illud primum non me nocuit, ita nec secundum mutavit: sic ergo debemus facere in occursione fratrum, ut quando eorum præsentia est, cum fiducia et lætitiā suscipiamus **509** eos, quando autem soli sumus, opus est ut luctus et abstinentia permaneant in nobis. Illi vero audientes quæ in cordibus suis habebant, antequam requirerent eum, glorificaverunt Deum, et læti discesserunt.

48. Dicebat unus ex Patribus: Quia invenitur homo multum comedens, et adhuc esuriens se continet ne satiatur; alter autem parum comedit, et satiatur (*Pelag., libell. x, n. 99*). Qui ergo multum comedit, et adhuc esuriens se continet, majorem mercedem habet, quam ille qui parum comedit et satiatur (*Pasch., c. 1. n. 3*).

49. Dixit quidam senex: Ne quod desideraveris aliquando manduces. Comedens autem quod tibi a Domino transmissum fuerit, gratias age sine intermissione (*Pasch., c. 1, n. 4*).

50. De quodam sene referebant fratres, quia desiderasset cucumerem: quem cum attulisset, suspendit ante oculos suos; et ne vinceretur a cupiditate, non tetigit eum, sed magis agebat pœnitentiam, puniens semetipsum ob hoc, quia ipsum desiderasset (*Pelag. libell. IV, num. 60*).

51. Quidam ex senioribus factus est infirmus, et per multos dies non poterat escam ullam percipere. Compulit autem eum discipulus suus, dicens: Si jubes, Pater, facio tibi parum placentæ; et ut annuit ei, fecit (*Pelag., libel. IV, n. 59*). Erat autem ei vasculum parvum habens mel, et aliud vas simile habens oleum de lini semine expressum, et erat fetidum, et in re nulla alia proficiebat, nisi forte in lucerna: et deceptus frater misit in escam senis de illo, sperans quia mel misisset; cum autem gustasset senex, nihil locutus est, sed tacens comedit: tertia vero vice cum ei daret, dixit ei: Non possum comedere, fili. Ille vero tanquam volens adhortari eum,

A dixit: Ecce, abba, bona sunt, et ego comedo ex ipsis; et postquam gustavit, et sensit rem quam fecerat, cecidit in faciem, dicens: Væ mihi, abbas, quoniam occidi te! istud peccatum posuisti super me, quia locutus non es. Dicit ei senex: Non contristeris, fili, propter hoc; si enim voluisset Deus ut bonum comederem, tu mel misisses, et non hoc quod misisti.

52. Dixit abbas Pœmen: Nisi Nabuzardan princeps cocorum venisset in Jerusalem, templum Domini non arsisset igne (*IV Reg. xxv*). Hoc autem est, quia nisi desiderium gastrimargiæ in animam veniret, sensus hominis non succenderetur impugnatione diaboli (*Pelag., libel. IV, n. 29*).

B 53. Abbas Macarius quotiescunque cum fratribus facta charitate reficiebat, hoc in proprio corde statuerat, ut quantos vini calices oblatos hausisset, tantis diebus nec et ipsam aquam gustaret omnino (*Pelag. libel., IV, n. 26*). Cum ergo ei fratres vinum porrigerent, cum gaudio sumebat, ut postea se siti maceraret. Quod cum discipulus ejus didicisset, paterfacto senis consilio, ne ei vinum porrigerent, conjurabat, tormenta illi potius esse quam pocula manifestans.

54. Facta congregatione in ecclesia cum esset festivitas, et cæteri monachi comederent, unus ministrantibus dicit: Quia nihil coctum comedo, sal mihi deferri præcipito (*Pelag., libel. VIII, n. 21*). Quo verbo minister audito, cum clamore audientibus cæteris alii imperavit, dicens: Quoniam coctum ille frater non comedit, parum illi salis afferto. Tunc beatus Theodorus dixit: Oportuit te magis, frater, carnes in cella tua comedere, quam hunc præsentibus fratribus audire sermonem.

55. Quidam peregrinus frater venit ad abbatem Silvanum in monte Sina (*Pelag., libell. x, n. 69*), et vidit quod fratres operarentur, et dicit eis: Quare operamini escam quæ perit? Maria enim bonam partem elegit (*Lucæ x*). Tunc senex dicit discipulo suo Zachariæ: Da illi Codicem ut legat, et mitte illum in cellulam, quæ nihil habet. Hora autem nona circumspiciebat frater ille viam, si forte vocaret eum senex ad comedendum. Postquam vero transiit hora nona, venit ad senem, dicens ei: Nunquid hodie non comederunt fratres, abba? Cumque senex fateretur, ait ille: Quare me non vocasti? Tunc dixit ei abbas Silvanus: Tu homo spiritualis es, et non habes necesse hanc escam: nos autem tanquam carnales opus habemus comedere; ideo operamur, tu autem bonam partem elegisti. Legis enim omni die, et non vis carnalem escam accipere. Quod cum audisset, cœpit pœnitere ac dicere: Indulge mihi, abba. Tunc respondit illi Silvanus: Ergo necessaria est Martha Mariæ, propter Martham enim et Maria laudatur.

56. Abbas Joannes (11) dicebat fratri suo majori: Vellem enim securus esse, sicut et angeli securi sunt, nihil operantes, sed Deum semper tantummodo col-

laudantes¹. Et projecto pallio suo, egressus est in eremum; factaque illic septimana, regressus est ad fratrem suum. Cum autem pulsaret ostium, et non illi aperiret frater, dicens: Tu quis es? At ille dixit: Ego sum Joannes. Illo autem non aperiente, rogabat, dicens: Ego sum. Et noluit illi ostium aperire, usquequo illucesceret. Mane autem facta dixit ad eum: Homo es, et necesse habes operari, ut pascaris. Tunc ille projecit se ad pedes ejus, et dixit: Indulge mihi, abba.

57. Quidam frater impugnabatur a spiritu blasphemiae, et erubescere dicebat, et quoscunque audisset magnos senes, pergebat **SIO** ad eos ut illos declararet, sed mox cum pervenisset, iterum verecundabatur illis dicere. Cum ergo frequenter ad abbatem Pœmenem veniret, vidit eum senex habentem cogitationes, et dicit ei: Ecce, frequenter venis ad me habens cogitationes, et sic iterum remeas tristis tecum illas reportans; dic ergo mihi, fili, quid habes. At ille dixit (*Pasch.*, c. 1, n. 5): In blasphemia impugnat me diabolus, et erubescere dicebat; et mox ut aperuit causam, levior impugnatio ejus apparuit. Et dicit ei senex: Non contristeris, fili. Quando hæc cogitatio ad te venit, dic: Ego causam non habeo, blasphemia tua super te sit, Satanas, hanc enim causam anima mea non vult. Quamcunque autem causam anima non voluerit, non diu permanebit, et ita sanus factus frater ille discessit.

58. Dixit abbas Moyses: Per has quatuor res passio gignitur: per abundantiam escæ et potus, et per satietatem somni, et per otium et jocum, et ornatis vestibus incedendo (*Pasch.*, c. 1, n. 6).

59. Dixit abbas Pœmen: Quemadmodum imperatoris spatharius semper illi assistit armatus, ita et animam adversus dæmonem hujusmodi oportet esse semper paratam (*Pelag.*, libell. v, n. 8).

60. Dixit quidam senex: Sicut venenata animalia fortiores herbæ vel pigmenta expellunt, ita cogitationes sordidas oratio cum jejuniis repellit.

61. Abbas Macarius, dum in illa solitudine (in qua solus erat) maneret (*Pelag.*, libell. xviii, n. *Pasch.*, c. 1, num. 8), inferior autem plena esset multis fratribus, sero per viam circumspiciebat, et vidit dæmonem venientem in figura hominis, vestitum tunica linea perforata, et per singula foramina, vascula parva dependebant, et dixit illi senex: Quo vadis, maligne? Et respondit ei: Vado commovere fratres hos qui sunt inferius. Cui senex dixit: Et propter quid tot vascula fers tecum? At ille dixit: Gustum fero fratribus, et ideo tanta fero, ut si unum displicuerit, ostendam aliud, et si illud non placet, porrigam aliud; et fieri non potest, nisi unum ex ipsis aliquod placeat eis. Et hæc dicens discessit. Permansit autem senex iterum viam circumspiciens, usquequo rediret, et cum rediret, dicit ei: Salveris. Dicit et ille: Quomodo istud mihi verbum dicis, quia omnes mihi contrarii facti sunt, et nullus meis consiliis acquiescit? Et dicit ei senex: Ergo nullum habes amicum? At ille

respondit: Unum habeo amicum, vel ipse consentit mihi, et quoties me viderit, huc atque illuc cito convertitur. Cumque nomen ejus ab eo requisisset, ait: Quia Theopemptus (12) dicitur. Discedente illo mox surrexit abbas Macarius, et descendit ad inferiorem eremum. Quod cum audissent fratres, egressi sunt illi obviam, et unusquisque sperans quod apud se maneret, præparavit se. At ille requirens cellam Theopempti, ad eum profectus est. Cumque cum gaudio illum suscepisset, et essent utriusque simul soli, dixit ei senex: Quemadmodum est tecum, fili? At ille respondit: Orationibus tuis bene sum. Et ait senex: Non te impugnant cogitationes? At ille respondit: Interea bene sum. Erubescere dicebat; et dixit ei senex: Ecce quot annos sum in solitudine, et ab omnibus honoror, et in hac ætate cum sim senex, molestant me cogitationes meæ. Respondit Theopemptus: Crede mihi, abba, quia similiter et mihi faciunt. Tunc senex singulas cogitationes quasi se impugnantes fingebat, usquequo totum illi Theopemptus confiteretur. Post hæc dixit ei: Quemadmodum jejunas? At ille dicit ei: Usque ad nonam. Cui senex ait: Usque ad vesperam jejuna, et de Evangelio vel de aliis Scripturis sine cessatione semper aliquid meditare; et quoties tibi aliqua immunda cogitatio supervenerit, nunquam deorsum aspicias, sed sursum, et mox Dominus tibi adjutor est. Et mox ita discessit abbas Macarius in propriam solitudinem. Iterumque viam circumspiciens, vidit dæmonem redeuntem, et requirit eum: Quo vadis? At ille respondit: Simili modo commovere fratres. Cum autem reverteretur, requisivit eum, quemadmodum agerent fratres. At ille dixit: Male, quoniam omnes agrestes effecti sunt, et quod de omnibus pejus est, eum quem habui amicum et obedientem mihi, ipse nescio quomodo conversus est, et omnibus amplius asperior mihi visus est. Et juravit non ibi accedere, nisi post multum tempus: et hæc dicens, discessit.

62. Quidam frater requisivit quemdam senem, dicens: Quid faciam, Pater, quia non possum sufferre cogitationes? Cui senex dixit: Ego in hac causa nunquam impugnatus sum (*Pelag.*, libell. v, n. 31). Scandalizatus autem frater, ipse venit ad alterum senem, et dixit ei: Ecce quid dixit mihi senex ille? Scandalizatus sum in ipso, quoniam super naturam humanam locutus est. Dixit ei ille senex secundus: Non simpliciter tibi dixit ille homo Dei hunc sermonem. Vade ergo, et age pœnitentiam apud ipsum, ut dicat tibi virtutem verbi illius. Reversus ergo frater, venit ad senem, et cœpit ei dicere: Indulge mihi, abba, quoniam insipienter egi, ut tibi vale non dicerem, et sic egrederer. Sed rogo te, explana mihi quomodo non es impugnatus? Dixit ei senex: Ex quo factus sum monachus, non sum satiatus neque pane, neque aqua, neque somno, et horum omnium cogitatio non me permisit **SII** habere pugnam, quam tu dixisti. Et egressus est ab eo frater ille juvenis ab eo.

¹ *Pelag.*, libell. x, n. 27. In Editis est hic textus Pelagii. Posui ut in *Mss.*

63. Interroganti iterum cuidam super cogitationes, **A** Dominum deprecatur. Quibus verbis mulier recreata dixit abbas Pœmen : Monachus si ventrem suum et linguam tenuerit, et vagationem non fuerit sectatus, confidat quia non morietur, sed vivet in perpetuum (*Pasch.*, c. 1, n. 9).

64. Duo fratres ad abbatem Eliam venerunt impugnati a cogitationibus suis (*Pasch.*, c. 1, num. 10); et videns eos senex quod essent corpulenti, tanquam ad discipulum suum subridens, ait : Vere, frater, ego erubesco pro te, quia sic enutristi corpus tuum, cum certe profitearis te monachum, pallor enim et macies cum humilitate decus est monachi.

Item dixit : Quia monachus edens multum, et operans multum, non confidat; qui autem parum edit, etiam si parum operetur, confidat, et viriliter agat.

65. Abbas Arsenius dum sederet in campo (*Pall.*, canopo), quædam mulier virgo, dives, timensque Deum, ac propterea abbatis Arsenii fama comperta, de Romana civitate, ut eum videre mereretur advenit in Alexandriam (*Pelag.*, libell. II, n. 7). Quæ cum honorifice a Theophilo fuisset suscepta, ipsius civitatis archiepiscopo, rogavit eum, quatenus persuaderet beatum Arsenium ut eam suscipere dignaretur. Ipse igitur ad eum profectus est, dicens : Quædam mulier Romana, et dignitate, et opibus, et opinione cæteras antecellens, videre te ac benedici desiderans de tam longinqua regione pervenit, cui occurras exposco. Sed cum non acquievisset occurrere ei Arsenius, illa cognoscens hoc, animalia sua sternere præcepit, dicens : Confido in Deo meo, quia videbo illum, nec ab hac intentione fraudabor. Non enim homines veni **C** conspicere, quia et in nostra supersunt civitate, sed prophetam videre desideravi. Cum ergo venisset ad cellam beati Arsenii, contigit ut foris illum deambulantem conspiceret. Ac mox ante pedes ejus in faciem prona prosternitur. Quam ille cum festinatione suscitans, ita compellebat, dicens : Si faciem meam tantum videre desideras, ecce, intuere. Illa vero præ verecundia oculos non audebat attollere. Dicit ei senex : Si quid de meis actibus comperisti, hoc debueras intueri. Quomodo ergo et tantum pelagus navigare præsumpsisti? An ignoras te mulierem esse, quibus quocumque non licet exire? An ideo huc venisti, ut Romam rediens, aliis te feminis glorieris vidisse Arsenium, ut fiat pervium mare ad me venientium feminarum? At illa respondens, ait : Si vult Deus, nullam huc venire permittat. Sed ut pro me **D** ores, et in memoria me habere digneris, exoro. Cui Arsenius dixit : Oro Deum meum, ut deleat tuam ex corde meo memoriam. Quo illa verbo percepto, in civitatem regrediens, ægritudine præ tribulatione correpta est. Ad quam cum visitationis causa venisset episcopus, et quid rei esset inquireret, illa sermonem senis, quem ultimum de memoria sui dixerat, enarravit, ac propterea se velle mori præ tristitia confitetur; sed episcopus tali eam consolatur alloquio : Nunquid nescis te esse mulierem? Et quia per feminam solet inimicus hominem impugnare, ideo vultum tuum de corde suo delere dixit. Nam pro anima tua

Dominum deprecatur. Quibus verbis mulier recreata est.

66. Dicebat abbas Moyses : Si voluerit imperator inimicorum civitatem aliquam expugnare, prius escam eorum et aquam interdicit, et ita inimici ejus fame ac penuria compulsi subjiciant se regno ejus (*Pelag.*, libell. IV, n. 19). Et ita passiones carnales, si in jejuniis et fame velis vivere, deterescunt, et non sunt fortes adversus animam. Quis enim tam fortis ut leo? Et tamen propter ventrem suum intrat in caveam, et omnis virtus ejus humiliatur.

67. Quidam juvenis volebat renuntiare mundo, et frequenter egressum revocabant eum cogitationes, involventes eum variis negotiis, erat enim dives (*Pelag.*, libell. xrv, n. 4; *Pasch.*, c. 2, num. 1). Una ergo die egressum eum dæmones circumdederunt, et multum pulverem ante eum excitaverunt. Ille vero confestim exspolians se, et jactans vestimenta sua currebat nudus ad monasterium. Declaravit autem Deus uni seni, dicens : Surge et accipe athletam meum. Exurgens ergo senex, obviavit illi nudo, et cognoscens causam admiratus est, et dedit illi habitum monachilem. Quando autem veniebant aliqui fratres ad ipsum senem, perquirere eum de conditionibus variis, respondebat eis; de renuntiatione autem sciscitantibus dicebat : Hunc requirite fratrem, quia ego ad renuntiationem ipsius nondum perveni.

68. Quidam frater renuntiavit sæculo : et cum dispersisset res suas pauperibus, quædam sibi retinuit in propria ratione, et venit ad abbatem Antonium (*Pelag.*, libell. VI, n. 1). Quod cum senex comperisset, dixit ei : Si vis, vade in vico, et eme tibi carnes, et impone tibi corpori tuo nudo, et veni ad me. Cum ergo hoc fecisset frater, tam canes quam aves omne corpus suum propter carnem rapiendam, tam dentibus quam unguibus diruperunt. Cum ergo venisset ad Antonium, requisitus est si fecisset quod ei præceperat. Illo autem demonstrante corpus suum laceratum, dicit ei sanctus Antonius : Quicumque renuntiant **S** sæculo, et volunt adhuc habere pecunias, sic a dæmonibus lacerantur.

69. Quidam frater requisivit senem, dicens : Vis ut retineam mihi duos solidos propter infirmitatem corporis (*Pelag.*, libell. VI, num. 22)? Et videns senex cogitationes ejus, quod vellet retinere eos, dixit : Retine. Reversus ergo in cellam frater, cœpit cum cogitationibus propriis colluctari, dicens : Putas benedixit mihi senex an non? Exurgens ergo iterum venit ad senem, rogans et dicens : Propter Deum dic mihi veritatem, quia conturbor a cogitationibus meis, propter illos duos solidos. Dicit illi senex : Quia vidi cogitationem tuam volentem retinere eos, dixi tibi ut retineres, nam non est bonum tenere plus quam necesse est corpori. Duo ergo solidi sunt spes tua; et si contigerit ut pereant, nunquid Deus non cogitat de nobis? Jacta ergo cogitationem tuam super Deum, quoniam ipsi cura est de nobis.

70. Quidam monachorum Serapion tantum Evangelium possidens, vendidit illud, et esurientibus de-

dit, dignam memoriam sermonem imitans: Ipsum, inquit, verbum venundavi, quod mihi semper dicebat: Vende quæ possides, et da pauperibus (*Pelag., libell. vi, num. 5*).

71. Cum quidam vir rogaret abbatem Agathonem, ut pecuniam illius susciperet in propria ratione, nolebat ille, dicens: Non est necesse mihi, quia opera manuum mearum me pascunt (*Pelag., libell. vi, n. 17*). Cum autem illa persistens diceret: Vel propter indigentem dignare suscipere, respondit: Duplex vecundia est, quia non indigens suscipio, et aliena præstans, vanæ gloriæ subjacebo.

72. Dicebat abbas Paulus: Si aliquas res voluerit monachus in cella sua habere, præter eas sine quibus non potest vivere, frequenter cogitur de cella sua egredi, et ita a dæmone decipitur (*Pasch., c. 2, n. 2*). Hæc autem ipse Paulus observans in una quadragesima, cum sextario lenticulæ et parvo aquæ vasculo perduravit, et unam mattam faciens, eandem texebat et retexebat, ne tantummodo foris exiret.

73. Abbas Macarius cum esset in Ægypto, et egressus fuisset de cella sua, reversus invenit quemdam furantem id quod in cella sua habebat (*Pelag., libell. xvi, num. 6; Pasch., c. 3, n. 1*). Stetit ergo et ipse tanquam peregrinus, et caricavit (13) animal cum illo cum multa requie et perduxit eum, dicens: Nihil in hunc mundum intulimus. Dominus dedit, Dominus abstulit, sicut et ipse voluit, ita factum est (*Job 1*). Benedictus Dominus in omnibus (*Tim. vi*).

74. Quidam frater veniens ad cellam cujusdam magni senis, ingrediebatur, et furabatur ei victum (*Pelag., libell. xvi, n. 19; Pasch., c. 3, n. 2*). Cum autem videret senex, non arguebat illum, sed amplius operabatur, dicens: Puto, frater ille necessarius est. Habebat autem grandem tribulationem senex ex penuria panis. Cum autem idem senior moreretur, et circumdassent eum fratres, ille videns eum fratrem qui solebat furari ei panem suum, dicit ei: Accede hæc ad me, frater; et apprehendit manum ejus, et oculatus est, dicens: Gratias ago manibus istis, fratres, quia per eas arbitrorme intrare in regnum cælorum. Ille autem compunctus de hoc verbo, et agens penitentiam, factus est ipse strenuus monachus ex actibus senis quos vidit.

75. Abbas Agathon dispensabat semetipsum, et in omnibus cum discretione pollebat, tam in opere manuum suarum quam in vestimento. Talibus enim vestibus utebatur, ut nec satis bonæ, nec satis malæ cuiquam apparerent.

76. Dixit quidam senex: Ira per has quatuor res exsurgit: per cupiditatem avaritiæ, dando et accipiendo; et si quis propriam sententiam amans, ut nec satis bona nec satis mala cuiquam appareat, defendat; et si quis vult se honoribus sublimari; et si quis se doctorem esse velit, et plus omnibus sapientem sperat (*Pasch., c. 6, n. 1*). Ira etiam per hæc quatuor humanos sensus obcurat: Si odio habuerit homo proximum suum, aut si illi inviderit, aut si pro nihilo duxerit, aut si detraxerit ei. Ideo autem passionis hujus retributio

quatuor modos habet: Primum ex corde, secundum ex facie, tertium ex lingua, quartum ex facto. Si ergo potuerit quis ita portare malum, ut ne ingrediatur in cor, non pervenit usque ad faciem: si autem venerit in faciem, custodiat linguam ne loquatur illud. Quod si locutus fuerit, vel hoc custodiat ne reddat in facto, sed mox dimittat. Tres enim gradus hominum sunt in passione iræ. Nam cui voluntarie nocetur et injuriatur, et parcat proximo suo, hic secundum naturam Christi est. Qui autem non lædit, nec lædi vult, hic secundum naturam Adam est. Qui vero nocet aut injuriatur, aut calumniam ingerit, aut usuras exigit, hic secundum diabolum est.

77. Quidam ex fratribus passus ab alio injuriam, venit ad abbatem Sisoium (*Pelag., libell. xvi, n. 10; Pasch., c. 7, n. 1*), et contumeliæ genus exponens, addebat: Cupio me vindicare, Pater. Senex autem rogare eum cœpit, ut relinqueret Deo vindictam. At ille inquit: Non desistam, nisi fortiter vindicavero. Cui senex ait: Quatenus semel hoc in animo statuisti, vel nunc oremus. Exurgens autem senex, his verbis cœpit orare: Deus, jam non es nobis necessarius, ut pro nobis sis sollicitus, quia nos 513 ipsi sicut frater iste dicit, et volumus et possumus nos vindicare. Quod cum ille frater audisset, ante pedes senis effusus veniam postulabat, promittens se cum illo cui irascebatur nunquam certaturum.

78. Quidam frater, dum ab altero injuriaretur, venit et nuntiavit seni (*Pasch., c. 7, num. 2*). Cui ille respondit: Satisfac cogitationi tuæ, quoniam non vult te frater injuriari, sed peccata tua. Nam in omni tentatione quæ tibi contingit per hominem, non arguas eum, sed tantummodo dic: Quia propter peccata mea contingunt mihi hæc.

79. Dicebat frequenter abbas Pæmen: Malitia nunquam te exsuperet. Si quis tibi malum fecerit, tu illi bonum redde, ut per bonum vincas malum (*Pelag., libell. x, n. 53; Pasch., c. 7, num. 3*).

80. Quidam frater, quanto plus eum aliquis injuriabatur aut deridebat (*Pelag., libell. xvi, n. 12; Pasch., c. 7, n. 4*), tanto plus ille gaudebat, dicens: Isti sunt qui nobis occasionem præbent ad profectum nostrum; qui autem beatificant nos, conturbant animas nostras. Scriptum est enim: Quoniam hi qui beatificant vos, decipiunt vos (*Isaiæ III*).

81. Alter senex, si quis detraxisset ei, ille festinabat (si vicinus ei erat) per seipsum bene illum remunerari: quod si longius manebat, trans mittebat ei munera (*Pasch., c. 7, n. 5*).

82. Quidam frater rogabat abbatem Sisoium, dicens: Si latrones aut barbari super me irruerint, occidere me volentes, et ego si prævalere potuero, jubes occidam eos? Cui ille respondit: Ne facias omnino; sed totum Deo te committe. Quidquid enim tibi adversi contigerit, profiteri hoc tibi propter peccata tua venire, divinæ enim dispensationi debes totum ascribere.

83. Erat quidam eremita magnus, in monte qui dicitur Athlibeus, et venerunt super eum latrones

(*Pasch.*, c. 8, n. 2). Cum autem ille vocem fecisset, a quamvis habeat ingressum ornatum, per posticia tamen a latronibus expugnatur (*Pelag.*, *libell.* viii, n. 2). Quos transmissos in civitatem iudex misit in carcerem. Fratres ergo illi mœsti facti sunt, quia propter ipsos latrones traditi essent iudici; et venientes ad abbatem Pœmenem, renuntiaverunt ei factum. Qui scripsit ad eremitam, dicens: Reminiscere, prima proditio unde facta est? et tunc videbis secundam. Nisi enim proditus fuisses ab interioribus tuis, secundam proditorem nunquam perpetrasses. Quo ille sermone cum compunctus esset, in omni illa regione nominatus, et per multum tempus non exiens, surrexit statim et venit in civitatem, et excutiens latrones publice de carcere, liberavit eos a tormentis.

84. Cujusdam philosophi discipulus peccavit (*Joannes*, *libell.* 4, n. 12); et cum sibi indulgeri vellet, dicit ei philosophus: Non tibi indulgeo, nisi in his tribus annis portaveris onera aliorum. Cui reverso post tres annos, cum jam peccato satisfecisset, dicit ei philosophus: Nec nunc tibi adhuc indulgeo, nisi aliis tribus annis dederis his mercedem qui te injuriis et conviciis affligunt. Quod etiam cum ille compleret, remisso peccato ejus, dicit ei magister suus: Veni modo et ingredere Atheniensium civitatem, ut illic sapientiam possis discere. Erat autem ibi quidam senex sapientia studiosus, et sedebat ad portam, omnesque ingredientes experiendi causa conviciis affligebat (14); qui cum idem juveni illic ingredienti faceret, ille exorto cachinno risit. Cui senex ait: Quid est hoc quod agis? ego te injurior, et tu rides? Cui juvenis ait: Et non vis ut rideam, cum tribus annis mercedem dederim ut hoc paterer quod hodie a te gratis patior? Tunc senex dixit ei: Ingrede ergo civitatem, quia dignus es. Hoc autem solebat abbas Joannes referre, et his ipse addebat, dicens: Hæc est porta Dei, per quam patres nostri per multas tribulationes et injurias gaudentes ingressi sunt civitatem Dei.

85. Quidam frater requisivit senem, dicens: Da mihi, pater, unam rem quam custodiam, et salver per eam. Respondit ei senex: Si potueris injuriari et affici conviciis, et portare ac tacere, magna est hæc res, et super alia mandata (*Pelag.*, *libell.* xv, n. 83).

86. Interrogantibus quibusdam fratribus abbatem Moysen sermonem, ille hortatus est discipulum suum Zachariam ut eis aliquid diceret. Tunc ille pallium suum deposuit subtus pedes suos, et conculcavit illud, et dixit: Nisi quis sic fuerit conculcatus, monachus esse non potest (*Pelag.*, *libell.* xv, n. 17).

87. Dicebat abbas Macarius: Ille vere est monachus, qui se in omnibus vincit. Nam si quis alium arguens ad iracundiam movetur, propriam passionem implet. Nec enim ut alterum salvet seipsum debet perdere.

88. Quemdam fratrem sub præsentia abbatis Antonii alii fratres collaudabant; sed cum tentasset eum senex, reperit quod non sufferret injuriam. Et dicit ei senex: Tu quidem frater similis es ædificio quod

quamvis habeat ingressum ornatum, per posticia tamen a latronibus expugnatur (*Pelag.*, *libell.* viii, n. 2).

89. Quidam frater requisivit abbatem Isaac, dicens: Abba, quare te ita dæmones timent (*Pelag.*, *libell.*, num. 22, nomine *Isidori*)? Respondit senex: Ex quo factus sum monachus, statui apud me ut iracundia mea foris guttur meum non procederet; **514**; et ideo timent me dæmones.

90. Cum venisset quidam de patribus ad abbatem Achillam (*Pelag.*, *libell.* iv, n. 9), vidit eum sanguinem expuentem, et requisivit quid hoc esset. At ille respondit: Sermo erat fratris qui me contristaverat, et repugnavi ut non illum dicerem, sed petivi Dominum, ut tolleret a me, et factus est ille sermo sanguis in ore meo, et postquam exspui, requievi; sed et ipsam tristitiam et sermonem istum oblitus sum.

91. Quidam fratres venerunt ad quemdam sanctum senem, sedentem in solitudine (*Pelag.*, *libell.* xv, n. 14); et invenerunt infantes pecora pascentes, et aliquoties inter se loquentes verba turpia. Postquam autem de singulis cogitationibus requirentes, a sene acceperunt responsum, dicunt ei: Quemadmodum potes sustinere, abba, voces infantium istorum, et nec præcipis eis ut non ita vociferentur? Et dicit eis senex: In veritate, fratres, plurimos dies habuit cogitatio mea volens illis aliquid dicere, sed redargui memetipsum, reputans mihi: Si parum hoc non porto, quomodo, si major mihi tentatio advenerit, portabo? Et ideo illis nihil dico, ut fiat mihi consuetudo portandi.

Item dixit: Si quis linguam suam non tenuerit in tempore iræ, nec passionem carnis suæ aliquando poterit continere.

92. Abbas Joannes dum sederet inter fratres (*Pelag.*, *libell.* xvi, n. 3), et singuli eum de propriis cogitationibus inquirerent, atque ille responsum omnibus daret, quidam senex ex invidia dicit ei: Sic est hic Joannes quomodo mulier meretrix ornans semetipsam, ut congreget sibi amatores. Cui abbas Joannes ait: Verum dicis, abba, et non est aliter; nam et hoc ipsum Deus tibi revelavit. Respondit illi iterum ille senex, dicens. Nam et vas tuum, Joannes, veneno plenum est. At Joannes ait illi: Sic est, abba, ut dixisti, et hoc dicis, quia illa tantummodo quæ deforis sunt vides; nam si ea quæ intrinsecus sunt videres, quanto plus haberes quod diceres? Et post hoc quidam ex discipulis ejus dixit ei: Non es conturbatus interius, abba, in verbis senis hujus? Cui ille respondit: Non: sed sicut sum deforis, ita sum deintus.

93. Erat quidam senex in Ægypto, et antequam veniret illuc abbas Pœmen, grandi veneratione habebatur ab omnibus (*Pelag.*, *libell.* xvii, n. 8). Cum autem abbas Pœmen de Scythi illuc subiisset, multi, relicto illo sene, veniebant ad hunc, et propterea cœpit illi invidere et detrudere. Quod audiens abbas Pœmen, contristatus est et dixit fratribus suis: Quid facimus? quia in tribulationem miserunt nos ho-

mines, ut illum senem tam sanctum relinquerent, et nos qui nihil sumus respicerent? Quomodo sanabimus hunc virum magnum? Venite ergo, faciamus parvas escās, et portantes pergamus ad eum, et parum vini, ac pariter cum eo gustemus, forsitan in hoc possumus animum ejus placare. Profecti ergo pulsaverunt ostium ejus. Audiens vero discipulus illius senis dixit: Qui estis? At illi dixerunt: Dic abbati tuo quoniam Pœmen venit, ut benedicatur ab eo. Quod cum ille per discipulum suum audisset, respondit ad eum: Vade, dic eis: Ite hinc, non enim mihi vacat. Illi tamen restiterunt mœsti [*Al. in æstu*], dicentes: Quia non hinc discedimus, nisi digni fuerimus adorare eum. Quorum cum ille humilitatem et patientiam pervidisset, compunctus aperuit ostium, et osculantes se invicem, gustaverunt pariter. Dixit ergo eis ipse senex: In veritate non sunt ea sola quæ audivi de vobis, sed et centuplum opera vidi in vobis. Et ab illo die amicus charissimus factus est ei.

92. Abbas Muthues aliquando ædificavit sibi cellulam in loco qui dicitur Heracleona (*Pasch., c. 10, n. 1*). Et dum ibi a multis molestaretur, alterum locum introgressus est, et similiter etiam ibi construxit habitaculum. Sed per insidias diaboli quidam frater inventus est ibi, qui per invidiam semper iram cum eo habuit: propter quod surrexit inde, et ad proprium reversus est vicum, et fecit sibi illic quoque cellulam, et reclusit se in eam. Post tempus autem aliquantulum congregati sunt senes de illo loco unde egressus est, ducentes secum etiam illum fratrem cum quo habuit litem, quatenus rogarent eum ut rediret ad cellulam suam. Postquam autem in vicinum locum venerunt, tam melotes suas quam illum fratrem ibidem dereliquerunt; ipsi vero profecti sunt ad senem, et pulsantibus illis, aperta fenestra respexit eos, et cognovit, et dixit eis: Ubi sunt melotes vestræ? At illi responderunt: Ecce hic in vicino sunt una cum fratre illo, qui tecum iram habebat. Hoc postquam senex audivit, et illos cognovit, præ gaudio ostium, per quod ingressus fuerat, cum securi confregit, et egressus cucurrit usque ad locum ubi erat ille frater, et cœpit ipse prior pœnitentiam apud eum agere, et amplexatus est eum, et introduxit illos in cellam suam, et per tres dies convivatus est cum eis, qui nunquam habebat consuetudinem ut jejunium solveret. Et postea surrexit, et profectus est cum illis.

93. Abbas Agathon solebat dicere: Nunquam litem habens cum aliquo dormivi; sed nec permisi aliquem mecum litem habentem dormire, quantum ad virtutem meam pertinuit, nisi prius cum illo in pace reverterer (*Pelag., libell. xvii, n. 6*).

96. Erant duo senes in una cella pariter sedentes, et nunquam inter se vel qualemcumque parvam contentionem habuerant (*Pelag., libell. xvii, n. 22*). Dixit ergo unus ad alterum: Faciamus et nos vel unam litem, sicut et alii homines. At ille alter dixit ei: Nescio quemadmodum sit lis. Dixit ei ille:

¹ In editis est hic textus Pelagii, posui ut in Ms.

A Ecce ego pono laterem in medio, et dico: Quia meus est, et tu dic: Quia non est tuus, sed meus. Et ex hoc fit contentio et rixa. Et cum posuissent laterem in medio, dicente uno: Quia meus est; ille alter primo respondebat: Ego meum esse spero. Cum ille alter iterum diceret: Non est tuus, sed meus, tunc ille respondit: Et si tuus est, tolle illum. Quo dicto, non invenerunt quemadmodum litigarent.

97. Quodam tempore orante beato Macario abbate (*Joanne, libell. iii, n. 17*), vox ad eum personuit, dicens: Macari, necdum ad mensuram duarum mulierum pervenisti, quæ in proxima pariter habitant civitate. Quo audito, senex exurgens, arrepto baculo, in designatam pervenit civitatem. Cumque ostium quæsita domus atque inventæ pulsaret, egressa una ex illis, cum magna exultatione eum suscepit. Quas utrasque senex convocatas ita allocutus: Propter vos tantum laborem veniens ex solitudine longinqua sustineo, ut opera vestra cognoscerem; quæ mihi vos condicite ac narrate. Cui illæ sic dixerunt: Crede nobis, sanctissime Pater, quia nec presenti nocte a maritorum lectulis fuimus separata. Qualia ergo opera a nobis exquiris? Sed senex in precibus persistebat ut ei vitæ suæ ordinem declararent. Cui tunc illæ compulsæ dixerunt: Nos nulla inter nos sumus parentelitatis affinitate conjunctæ: contigit autem ut duobus fratribus jungeremur, et cum his quindecim annis in domo una pariter permanentes, neque turpe verbum altera dixit ad alteram, neque litem aliquando commisimus, sed in pace hactenus viximus, et pari consensu tractavimus, quatenus, pariter relictis maritis, in congregatione religiosarum virginum proficisceremur, et multis precibus hoc a conjugibus non valuimus obtinere. Quo non adepto, inter nos et Deum posuimus testamentum, ut usque ad mortem nostram sæculare verbum non loqueremur omnino. Quæ cum audisset beatus Macarius, dixit: In veritate non est virgo, neque maritata, neque monachus, neque sæcularis; sed Deus tantum propositum quærit, et spiritum vitæ omnibus ministrat.

98. Quidam frater, dum esset in cœnobio, et frequenter ad iram moveretur (*Pelag., libell. vii, n. 33*), dixit ad semetipsum: Vadam in solitudinem; et cum non habeam cum quo litigem, forsitan requiescet a me hæc passio¹. Cum autem egressus esset, et mansisset solus in spelæo, quadam die cum vas aqua repletset, et posuisset in terram, subito versatum est. Cumque tertia vice repletset, ac similiter contigisset, arrepto ipso vase, fregit illud iratus. Cum autem ad se reversus fuisset, cogitabat quia a spiritu iracundiæ esset deceptus, et dixit: Ecce et solus sum, et tamen ab iracundia victus sum. Revertar in cœnobium, quia ubique pugna opus est et patientia, et maxime Dei auxilium. Et ita exurgens, reversus est ad locum suum.

99. Beatus Macarius de semetipso referebat, di-

cents : Dum essem juvenis, et tamen in cella reside-
rem, invitum me tenentes clericum ordinaverunt in
vico (*Pelag., libell. xv, n. 25*). Cum autem nolens illic
esse, in vicum alterum effugissem. et quidam mihi
sæcularis religiosus opere meo vendito ministraret,
contigit quamdam virginem perstrum ventris onus
accipere. Quæ dum a parentibus a quo fuisset com-
pressa requiritur, dixit illa : Anachoreta ille vester
hoc in me facinus perpetravit. Egressi vero parentes
puellæ, comprehendentes me suspenderunt meo collo
vasa fictilia, et per singulas semitas circumducebant
me cæde mactantes, atque insuper his vocibus insultan-
tes : Hic monachus filiæ nostræ vim intulit. Cum-
que me usque ad necem fustibus pene multassent,
quidam ex senioribus dixit ad eos : Usquequo hunc
peregrinum monachum cæde mactatis ? Sed et mini-
strante mihi sequente et rubore perfuso, injurias
irrogabant, dicentes : Ecce quid fecit hic pro quo tu
testimonium perhibebas ? parentes autem puellæ dix-
erunt : Nulla hunc ratione dimittimus, nisi pro ali-
mentis puellæ præstandis aliquis pro ipso satisfactor
accesserit. Quod dum ministranti mihi ut faceret in-
nuissem, interposita me sua fide suscepit. Itaque re-
gressus ad cellulam. quantascunque inveni sportellas
ei contribuebam, quibus venditis, victum mihi con-
jugique meæ ministraret. Dicebam autem : Ecce,
Macari, invenisti tibi uxorem, necesse est ergo ampli-
us operari, ut eam valeas enutrire. Et tam diebus
quam noctibus operabar, ut ei quotidie victum mi-
nistrarem. Sed quando miseræ tempus pariendi ad-
venit, diebus plurimis parere cruciata non potuit.
Quæ, quid fecisset requisita, respondit : Quia anachore-
tæ illi causam non habenti crimen imposui.
Nam me juvenis vicinus noster ille compressit. Quod
cum ille qui mihi ministrabat, audisset, gaudio reple-
tus advenit, infelicem illam puellam, priusquam
fateretur, quod tibi calumniam frustra **516** con-
textuit, parere nullatenus potuisse vociferans, sed et
omnes vicinos venire, et te commissi veniam postulare.
Quæ ergo cognoscens, ne me et ipsi homines molestarent,
festinus abscedens in hunc locum perveni ; et hæc est causa mei in istis locis adventus.

100. Quidam frater requisivit abbatem Pæmenem,
dicens : Quid faciam, Pater, quoniam conturbor a
tristitia ? Dixit ei senex : Neminem pro nihilo aspicias,
nullum condemnes, nulli detrahas, et dabit tibi
Dominus requiem (*Pasch., c. 39, n. 2 ; Pelag., libell. ix, n. 8 ; Append. Mart., n. 39*).

101. Dicebat abbas Pæmen de abbate Isidoro,
quia solus ipse se cognovisset (*Pasch., c. 11, n. 3*).
Nam quoties illi cogitatio sua dicebat : Quia magnus es ;
tunc et ipse respondebat ad se : Nunquid talis sum
qualis Antonius, aut certe abbas Pambo, vel reliqui
patres, qui Deo placuerunt ? Quoties ergo hæc cogitabat,
requiescebat. Quando vero dæmon conturbans eum
suggerebat ei desperationem et pœnas, dicens : Quoniam
post hæc omnia iturus es in tormenta, dicebat iterum
ipse : Quia quamvis ego in tormenta mittar, tamen vos
subtus me invenio.

102. Abbati quoque Moysi frequenter apparuerunt
dæmones maledicentes ei, ac dicentes : Prævaluisti
nobis, Moyses, et nihil tibi possumus facere, quoniam
quoties te in desperationem humiliare volumus, exaltaris ;
quoties autem exaltaris, ita te humilias, ut nullus de
nobis accedat ad te (*Pasch., c. 11, n. 4*).

103. Cum quidam frater abbatem Sisoium frequenter
talem sermonem requireret, dicens : Quid faciam,
Pater, quoniam cecidi ? respondit, Surge (*Pasch., c. 11, n. 5*).
At ille respondit, Exsurrexi ; et iterum se cecidisse
confessus est. Ait senex : Et iterum surge. Cum autem
frater frequenter se surrexisse et frequenter se
cecidisse narraret, eodem sermone senex utebatur
exclamans : Non cesses exurgere, fili. Cui frater ait :
Usquequo possum surgere, Pater, explana. Tunc
senex ait : Quousque aut in bono opere, aut in malo
deprehensus occumbas. In quo enim opere homo
deprehensus fuerit, in eo iudicabitur.

104. Quidam senex tentabatur a cogitationibus
graviter per annos decem, ita ut jam desperaret,
dicens : Perdidi jam animam meam ; sed quia semel
perii, revertar ad sæculum (*Pelag., libell. vii, n. 42*).
Cum autem proficisceretur, venit ad eum vox,
dicens : Decem anni in quibus certatus es (15),
coronæ tuæ erunt. Revertere ergo in locum tuum,
et ab omni mala cogitatione libero te. Et statim
regressus, permansit in incepto opere. Non est ergo
bonum desperare se quemquam propter cogitationes.
Illæ enim magis nobis coronas provident, si
utiliter eas pertractantes transierimus.

105. Quodam tempore abbas Antonius, dum resideret
in eremo, spiritu tentatus acediæ, cogitationibusque
diversis implicatus, dicebat ad Deum : Domine,
salvari desidero, sed cogitationes variæ non me
permittunt (*Pelag., libell. vii, n. 1*). Quid faciam
in tribulatione mea, vel quomodo salvari valeam,
dignanter ostende. Et post paululum surgens, quem-
dam sibi similem conspicatur sedentem, torquentem
funiculum, et surgentem ex opere, et orantem. Erat
autem angelus ad emendationem Antonii destinatus,
a quo etiam hunc sermonem audivit : Et tu ita faciens,
Antoni, salvaberis. At ille summo gaudio cum-
mulatus, accepta confidentia salvatus est.

106. Quidam frater requisivit senem, dicens :
Quid faciam, Pater, quoniam nulla opera facio
monachi, sed in negligentia constitutus comedo, et bibo,
et dormio, et de hora in horam transgredior de cogitatione
in cogitationem, et propterea contristor et deficio.
Cui senex ait : Tu sede in cella tua, et fac quod
potes sine perturbatione animi, et confide in Deum,
quia qui sedet in cella sua propter Deum, invenietur
in loco illo ubi est abbas Antonius (*Pelag., libell. vii, n. 34*).

107. Alter frater requisivit abbatem Achillam,
dicens : Cur sedens in cella mea patior acediam ?
Cui senex ait : Quia necdum vidisti requiem, fili,
quam speramus, neque tormenta quæ timemus. Si enim

ea diligenter inspiceres, etiam si vermibus plena esset cella tua usque ad collum, tu tamen in ipsis jaceres permanens sine acedia (*Pelag., libell. vii, n. 28*).

108. Quidam frater abbatem Antonium requisivit, dicens: Quid observando, Deo placebo? Respondit senex: Quod dico tibi, custodi. Quocumque vadis, Deum semper habeto præ oculis tuis. Et quocumque opus exerces, sume ex divinis Scripturis exempla; et in quocumque loco rescederis, ne inde citius movearis, sed patienter in eodem loco consiste. Hæc enim tria custodiens, salvus efficieris (*Pelag., libell. i, n. 1*).

109. Quidam frater, cum expetisset sermonem ab abbate Moyse, dicit ei senex: Vade, et sede in cella tua. Cella autem tua omnia te potest instruere, si ibi permanseris. Sicut enim piscis ex aqua eductus statim moritur; ita et monachus perit, si foris cellam suam voluerit tardare (*Pelag., libell. ii, n. 1, nomine Antonii, Vita Antonii, c. 52*).

110. Quidam frater requisivit abbatem Pœmenem: Si melius est remotius an cum aliis manere (*Pasch. c. 12, n. 2*)? Respondit senex: Homo si seipsum reprehendit, ubique potest persistere; si autem se magnificat, nunquam stat. **S** **I** **Q**uidquid enim boni fecerit homo, ne exsultet in eo, quia mox perdet illud.

111. Aliquando venit ad abbatem Zenonem in Syria aliquis frater Ægyptius (*Pasch., c. 12, num. 4*), et cœpit cogitationes proprias accusare præsentem sene. Ille autem admirans dixit: Ægyptii virtutes quas habent celant, et vitia quæ non habent, manifestant. Syri autem et Græci virtutes quas non habent prædicant, et vitia quæ habent abscondunt.

112. Quidam senex dixit: Qui ab hominibus amplius honoratur aut laudatur, non parvum animæ damnum patitur; qui autem penitus ab hominibus non honoratur, desuper gloriam a Deo accipiet (*Pelag., libell. xv, num. 56; Pasch., c. 13, num. 1*).

113. Idem dixit: Fieri non potest ut simul et herba nascatur et semen; ita impossibile est ut laudem et gloriam sæcularium habentes, simul etiam et fructum faciamus cœlestem (*Pelag., libell. viii, n. 20, nomine Syncreticæ; Pasch., c. 12, n. 2*).

114. Idem dixit: Sicut thesaurus manifestus minuitur, ita et virtus deperit publicata. Nam sicut cera a facie ignis solvitur, ita et anima per laudem resoluta, perit ab intentione sua (*Pelag., libell. viii, n. 10, nomine Syncreticæ*).

115. Idem dixit: Quando cogitatio vanæ gloriæ vel superbiæ te impugnat (*Pelag., libell. xv, num. 54; Pasch. c. 11, num. 3*), perscrutare teipsum, si omnia Dei mandata servasti, si inimicos tuos diligis, si gaudes in gloria inimici tui, et contristaris in dejectione ejus; si apud te habes: Quoniam servus inutilis sum, et plus omnibus hominibus peccans; et neque tunc tamen aliquid grande sapias, tanquam

aliquid boni feceris, sciens quod elata cogitatio omnia illa bona dissolvit.

116. Quidam senex, cum venisset ad alium senem, dicit ei: Ego jam mortuus sum sæculo huic (*Pelag., libell. xi, n. 38; Pasch., c. 12, num. 5*). At ille alter respondit: Ne confidas in teipsum, donec egrediaris de corpore hoc. Nam etsi tu dicas: Quoniam mortuus sum: diabolus tamen necdum est mortuus, cuius innumerabilia sunt artis mala.

117. Quidam senex cum quinquaginta annis esset in deserto, neque panem gustans, neque aquam ad satietatem accipiens, dicebat ipse: Quia occidi vanam gloriam et avaritiam¹. Quod cum audisset abbas Abraham, venit ad eum, et requisivit illum sermonem si ipse dixisset. At illo confitente, dixit ei Abraham: Ecce dum per viam ambulas, vides lapides et fragmenta laterculorum, et inter hæc massam auri, nec potest cogitatio tua illud simile illis aliis judicare? Dixit ei senex: Non, sed iterum pugno cum cogitationibus meis. Ecce enim vivit avaritia, sed ligata est.

Item dixit abbas Abraham: Hic diligit te et laudat, alter vero te horret et detrahit; si utrique veniunt ad te, non utrosque æqualiter aspicias? Dixit ei senex: Non, sed iterum pugno cum cogitatione mea, ut et illum diligam quem horreo. Cui abbas Abraham ait: Ecce ergo vivunt in te passiones adhuc, sed ligatæ sunt a sanctis, quæ tibi forte propter vitam tuam permanent.

118. Quidam senex habitabat in inferioribus partibus eremi, et sedebat quiescens in spelunca, unus autem sæcularis religiosus ministrabat ei (*Joan., libell. iv, n. 35; Pasch. c. 12, num. 7*). Contigit autem ut filius sæcularis istius infirmaretur. Multis ergo precibus postulabat senem, ut veniret in domum suam, et faceret orationem pro infante. Exurgens autem senex, ambulabat cum eo. Ille autem præcessit, et ingressus in domum suam dixit: Venite in occursum anachoretæ. Quos cum vidisset de longe egressos cum lampadibus (16), sensit quod ad se venirent. Despolians itaque se vestimenta sua, misit in flumen, et cœpit ea lavare, stans nudus. Ille autem qui ministrabat ei, videns hæc erubuit, et rogavit homines, dicens: Revertimini, senex enim noster sensum perdidit. Et veniens ad eum, ait illi: Abba, ad quid hoc fecisti? Omnes enim qui te viderunt, dixerunt: Quia dæmonium habet senex. Cui ille: Et ego hæc volebam audire.

119. Cum quidam iudex provinciæ abbatem Moyse vellet adorare, audiens ille fugiebat de loco suo (*Pelag., libell. xiii, n. 13*). Et cum obviam forte illi fuisset, requisivit iudex ab eo, dicens: Dic nobis ubi est cella abbatis Moysis? At ille respondit: Quid illum vultis videre hominem stultum et hæreticum? Quod cum audisset iudex, veniens ad ecclesiam, retulit clericis, dicens: Ego quidem diversa audiens de abbate Moyse, volui ab eo benedici; sed quidam veniens mihi obviam monachus, retulit de eo quod esset

¹ *Pelag., libell. x, n. 15*. In Editis est hic stylus Pelagii. Posui ut in Mss.

hæreticus. Quod cum audissent clerici, contristati sunt; et cœperunt interrogare eum qualis esset monachus ille qui hoc dixisset. Ille autem respondit: Senex erat, et veterrimis indutus vestimentis, longus et niger. Et tunc cognoscens ex relatione eorum, quia ipse erat Moyses, satis miratus discessit.

120. Abbas Sisoïus cum habitaret in monte in quo erat beatus Antonius reclusus (*Joan., libell. II, n. 13*), quidam sæcularis ad eum cum parvo filio percipiendæ benedictionis gratia properabat. Contigit autem ut infans moreretur in via. Quem pater sine ulla perturbatione mentis sublatum, cum fide portavit ad senem; ingressusque cellulam, tam **SIS** se quam infantem projecit in terram, ut est moris postulantium benedictionem. Oratione autem expleta, exurgens pater egressus est foras, filii corpusculo derelicto ante pedes abbatis; quem cum adhuc senex orandi causa jacere speraret: Surge, inquit, fili, et egredere; defunctum enim esse nesciebat. Confestimque puer exurgens, egressus est. Cumque vidisset pater ejus, obstupuit, regressusque in cellulam, adorato sene, tam causam filii quam luctum cum fide narravit. Sed senex valde mœstus effectus est, non enim a se quidquam tale volebat audiri factum. Sed per discipulum suum homini illi ne cuiquam usque ad transitum suum hæc diceret, imperavit.

121. Cum quidam sæcularis in ecclesiam veniens, ab immundo spiritu teneretur (*Joannes, libell. II, n. 4; Pasch., c. 14, n. 2*), et omnes orationem fecissent, et nullatenus spiritus immundus ab eo egrederetur, dicunt ergo inter se fratres: Quid possumus huic spiritui facere? nemo potest illum excutere, nisi abbas Besarion. Sed si dixerimus hoc illi, nec ad ecclesiam acquiescet venire, sed faciamus taliter, quoniam ante omnes solet ad ecclesiam venire, hunc qui patitur faciamus sedere, et postea dicamus abbati: Abba, suscita hunc dormientem. Fecerunt ita. Et veniente abbate Besarione, steterunt omnes in oratione, et dicunt ei: Abba, suscita etiam istum dormientem. Ille autem excitavit eum, dicens: Surge, et egredere foras, et mox ab eo egressus est spiritus immundus, et sanus effectus est ex illa hora.

122. Erat quidam habens filium paralyticum in Ægypto, et attulit eum in cellam beati Besarionis abbatis, et reliquit eum super ostium plorantem, et discessit longe (*Joan., libell. II, n. 7, nomine Macarii*). Cœpit ergo infans flere. Cum autem senex per fenestram vidisset eum, dixit: Quis te huc detulit, fili? Cui infans respondit: Pater meus detulit me, et ipse discessit. Cui senex dixit: Surge, et adjungere illi, et mox sanus effectus surrexit, et pervenit ad patrem suum.

123. Dixit abbas Muthues: Quantum homo Deo appropinquaverit, tantum se peccatorem videbit (*Pelag., libell. xv, num. 28*). Isaias enim propheta videns Dominum, miserum se et immundum vocavit. Nos ergo non simus hic sine sollicitudine. Dicit enim Scriptura: Qui stat, videat ne cadat (*I Cor. x*). Incerti ergo navigamus in hoc mundo. Sed nos quidem

quasi in tranquillo mari navigare videmur, sæculares verò quasi in periculosis locis (*Pelag., libell. XI, 34, nomine Syncreticæ*). Nos quasi in die, sole justitiæ illustrati; illi vero in ignorantia, quasi per noctem. Sed frequenter contingit ut sæcularis in tenebrosa nocte navigans, vigilans autem et clamans, propriam navim salvet; nos autem dum in tranquillo navigamus, sæpius ex ipsa securitate negligimus, et perimus, humilitatis gubernaculum relinquentes; sicut enim impossibile est navim firmam fieri sine clavis, ita impossibile est hominem sine humilitate salvari.

124. Abbas Macarius, dum diliculo palmarum folia portans, ad cellam suam reverteretur, occurrit ei diabolus cum falce præacuta, volensque eum percutere, non valebat (*Pelag., libell. xv, num. 26; Pasch., c. 13, num. 6*). Qui exclamans dixit: Magnam a te vim patior, o Macari, qui cum te cupio nocere, non valeo; dum quæcunque tu facis, ego magis ex opere facio. Tu ergo jejunas interdum, ego nullo unquam cibo reficior. Tu sæpe vigilas, me vero sopor nunquam oppressit. Sed in una re me vincis, ipse profiteor. Cum ab eo rem ipsam beatus Macarius requisisset: Humilitas tua, dixit, sola me vincit. Hæc dicente inimico, et extendente beato Macario manus suas ad orationem, spiritus immundus inter auras evanuit.

125. Quidam ex senibus monachorum eremita fuit, quem quidam a spiritu malo correptus, et spumans, fortiter eum in maxillam percussit; seæx autem præbuit illi alteram maxillam ut feriret; diabolus autem non sufferens incendium humilitatis ejus, statim discessit (*Pelag. libell., xv, num. 53*).

126. Quidam ex Patribus dicebat: Omnis labor monachi sine humilitate vanus est. Humilitas enim præcursor est charitatis, sicut Joannes erat præcursor Jesu, omnes trahens ad eum; ita et humilitas attrahit ad charitatem, id est, ad ipsum Deum, quia Deus charitas est (*Pasch., c. 13, num. 7*).

127. Quodam tempore abbas Macarius dum ad montem Nitriæ ascenderet, discipulo suo ut parum præcederet imperavit. Qui cum ante illum pergeret, obvium habuit quemdam sacerdotem idolorum, cursu concito venientem, et lignum grande portantem. Cui exclamans ait: Quo curris, dæmon? At ille iratus, tantis eum plagis affecit, ut exanimem pene relinqueret; et relicto eo sacerdos iterum currebat; progressusque parum, obviam beato Macario, qui ait ad eum: Salveris, laborator, salveris. At ille admiratus, respondit: Quid in me boni conspexisti, ut me salutes? Cui senex ait: Quia vidi te laborantem, et curris ignoranter. Cui sacerdos dixit: Et ego salutatione tua compunctus magnum servum Dei te cognovi; nam alter nescio quis miserabilis monachus occurrens mihi injurias fecit, sed et ego plagas illi pro verbis imposui. **SIS** Tunc apprehendens pedes beati Macarii clamabat, dicens: Nisi me monachum feceris, non desistam. Pergentesque pariter venerunt

ad locum, ubi cæsus frater jacebat : quem utrique A tollentes, quoniam gradi non poterat, manibus in ecclesiam pertulerunt. Cum autem fratres vidissent sacerdotem illum beatum Macarium comitantem, stupefacti, cum admiratione monachum illum perficiunt, et multi propter illum ex paganis facti sunt Christiani. Dicebat ergo abbas Macarius : Quia sermo superbus et malus etiam bonos viros convertit ad malum, sermo vero humilis et bonus etiam malos mutat in melius.

128. Sæpe dicebat beatus Antonius : Nisi pistor molæ oculos operiret (17), mercedem suam recipiens ipse consumeret (*Pelag., libell. xv, n. 80 ; Pasch., c. 15, num. 1*). Ita et nos per Dei dispensationem tegumen accipimus, ut ea quæ operamur bona non valeamus attendere, ne nos ipsos beatificantes possimus extolli, et mercedem propriam amittamus. Nam et ob hoc quando relinquimur in sordidis cogitationibus, necesse est ut hoc tantummodo provideamus, ut nos ipsos et nostram sententiam condemnemus, ne ea, quæ sunt in nobis sordida, illud parvum bonum opus nostrum in nobis obscurant. Nunquam enim homo bonus est, etiam si bonus esse desideret, nisi Deus habitaverit in ipso, quia nemo bonus nisi solus Deus. Oportet ergo ut nos ipsos veraciter semper incusemus. Quando enim se quisque reprehendit, mercedem propriam non amittit.

129. Item beatus Antonius retulit vidisse omnes laqueos inimici super universam terram extentos. Et cum suspirans dixisset : Quis hos poterit transire? vocem ad se dicentem audivit : Humilitas sola pertransit, Antoni, quam nullo modo valent superbi contingere.

130. Item beatus Antonius, dum in cella propria oraret, venit ad eum vox dicens : Antoni, nondum pervenisti ad mensuram coriarii, qui est in Alexandria (*Pasch., c. 15, num. 2*). Quo audito senex surgens mane, arrepto baculo, in civitatem Alexandriam festinus venit. Cumque ad designatum hominem fuisset ingressus, ille viso tanto viro obstupuit. Cui senex dixit : Refer mihi opera tua, quia propter te relicto deserto huc veni. Qui respondens ait : Nescio me aliquando aliquid boni perpetrasse : unde et ex cubili proprio mane consurgens, antequam in opere meo resideam, dico quod omnis hæc civitas a minore usque ad majorem ingrediuntur regnum Dei propter D justitias suas, ego autem solus propter peccata mea pœnam ingrediar sempiternam. Quod verbum antequam quiescam sero, ex cordis mei recensio veritate. Quod audiens beatus Antonius, respondit : In veritate, fili, sicut bonus aurifex sedens in domo tua cum requie regnum Dei adeptus es ; ego autem veluti sine discretionem omne tempus meum in solitudine conversatus, necdum verbi tui assumpsi mensuram.

131. Quidam frater requisivit abbatem Pœmenem (*Pasch., c. 15, num. 3*) dicens : Quid est, Pater, quod ait Apostolus : Omnia munda mundis (*Tit. III*)? At ille

¹ *Pelag., libell. IX, n. 9*. In Editis erat hic stylus Pelagii. Posui ut in *Mss.*

dixit ei : Si quis ad hunc sermonem poterit pervenire ut eum intelligat, videbit se minorem esse totius creaturæ. Cui frater : Et quomodo possum me minorem videre ab eo qui homicida est? Respondit senex : Si potuerit homo ad hunc sermonem Apostoli pervenire, et viderit hominem qui forte occidit alium, dicit in semetipso : Iste quidem hoc solum peccatum fecit, ego autem omni hora homicidium committo, meipsum peccando interficiens. Et cum frater requireret quomodo hoc possit fieri, respondit : Hæc sola justitia est hominis ut semetipsum reprehendat. Tunc enim justus est, cum sua peccata condemnat.

132. Cum sederent quidam fratres prope abbatem Pœmenem. unus alium quemdam fratrem laudavit, dicens : Bonus est ille frater, quoniam mala horret. Cui senex ait : Et quid est mala horrere? At ille nesciens quid ei responderet, petebat dicens : Dic mihi, abba, quid est malum horrere? Cui senex ait : Ille horret mala, qui sua peccata propria horret, et omnem fratrem suum beatificat et diligit.

133. Quidam frater requisivit abbatem Pœmenem, dicens : Quomodo potest homo vitare ne loquatur malum de proximo suo (*Pasch., c. 16, num. 1*)? Respondit senex : Ego et proximus meus duæ imagines sumus ; cum ergo meam prospexero, et reprehendero me, invenitur imago fratris mei apud me venerabilis. Quando autem meam laudavero, tunc fratris mei imaginem pravam respicio. Tunc ergo de alio non detracto, si semper meipsum reprehendo.

134. Dixit abbas Hyperichius (18) : Melius est comedere carnes et vinum bibere, quam comedere in vituperatione carnes fratrum. Sicut enim susurrans serpens Evam de paradiso excussit, ita qui de fratre suo detrahit, non suam solum, sed et audientis animam perdit (*Pelag., libell. IV, n. 51, 52*).

135. Solebat dicere abbas Joannes : Parvam sarcinam dimisimus, id est nos ipsos reprehendere : et gravem portare elegimus, id est ut nos justificemus, et alios condemnemus.

520 136. Peracta congregatione semel in Scythi, dum Patres de multorum vita et de rebus plurimis loquerentur, abbas Pior tacebat¹. Postea vero egressus tollens saccum implevit eum arena, et portabat in dorso suo, et iterum in alio parvo panno misit alteram arenam, et portabat ante se. Videntes autem cæteri fratres, requisierunt ab eo quod esset hoc exemplum ; et respondit, dicens : Iste saccus, qui habet multam arenam, mea peccata sunt, quoniam plurimæ sunt iniquitates mææ, et ecce dimisi ea post dorsum meum, nolens illa videre, ut pro illis doleam vel plangam. Et ecce pauca hæc delicta fratris mei ante oculos meos posui, et crucior in ipsis condemnans fratrem. Sed non oportet sic judicare, sed magis ante me adducere, et de ipsis cogitare, et rogare Deum, ut indulgeat mihi. Quod audientes Patres, dixerunt : In veritate hæc est via salutis.

137. Venit aliquando abbas Isaac in cœnobium²,

² *Pelag., libell. IX, n. 3*. In Editis est hic stylus Pelagii. Posui ut in *Mss.*

et vidit illic fratrem negligentem, et iratus jussit eum expelli de cœnobio. Cum ergo egrederetur ad habitaculum suum, venit angelus Domini, et stetit ante ostium cellule ejus, dicens: Non te permittam ingredi. At ille rogabat ut ejus culpa manifestaretur. Et respondit angelus, et dixit: Deus transmísit me, dicens: Vade, et dic Isaac: Ubi jubes ut mittamus illum fratrem qui peccavit? At ille mox egit pœnitentiam, dicens: Peccavi, Domine, indulge mihi. Et dixit illi angelus: Exsurge, indulget tibi Deus. Sed ne iterum hoc facias, ut quemcunque condemnes, antequam Deus illum judicet. Tulerunt homines judicium, et non mihi illud permittunt, dicit Dominus: hoc autem dictum est, quia si contigerit de illis perfectis aliquem vel in parvo peccare, mox prodatur.

138. Contigit fratri cuidam culpa in cœnobio: et dum a cæteris increparetur, ad abbatem profectus est Antonium. Et assecuti sunt eum fratres volentes eum reducere, cœperuntque ei culpas exprobare. Ille vero fecisse culpam denegabat. Inventus est ibi abbas Paphnutius, cui cognomen erat Cephalas, qui talem retulit in congregatione fratrum inauditam parabolam: Vidi, inquit, in ripa fluminis hominem usque ad genua in limo demersum: venientes autem quidam ut eum porrecta manu extraherent, usque ad collum demerserunt. Tunc beatus Antonius de beato Paphnutio ait: Ecce homo qui ex veritate potest animas salvare. Quo fratres illius sermone compuncti agentes pœnitentiam, eum qui discesserat ad cœnobium revocaverunt.

139. Dixit quidam de senioribus: Si videris aliquem peccantem, ne mittas culpam in eum, sed in eum qui impugnat eum, dicens: Væ mihi, quia iste nolens victus est, sicut et ego; et plange, et inquire Dei solatium, quia omnes decipimur.

140. Quidam Timotheus anachoreta, negligentem fratrem aliquem audiens, interrogante ipsius abbate quid illi fratri faceret, dedit consilium ut eum expelleret de cœnobio. Cum ergo ille fuisset expulsus, tentatio venit ad Timotheum; et cum ploraret in conspectu Dei, et diceret: Miserere mei, venit ad eum vox dicens: Timothee, ideo tibi hæc causa venit, quia fratrem tuum in tempore tentationis suæ despexisti.

141. Quidam ex Patribus in exstasi positus, vidit quatuor ordines ante Deum¹. Et primus quidem erat hominum infirmantium et gratias agentium Deo; secundus vero erat eorum qui hospitalitatem sectantur, et in hoc stant et ministrant; tertius vero illorum qui solitudinem sectantur, et non vident homines; quartus vero illorum qui propter Deum et obedientiam solliciti, et subjecti sunt patribus. Erat ergo illis tribus ordinibus hic ordo superior, qui obedientiam exhibebat, et utebatur torque aurea, et majorem gloriam præ cæteris possidebat. Dixit autem senex ei qui sibi hoc in exstasi demonstrabat: Quare hic ordo quartus majorem cæteris gloriam habet? Ille

¹ *Pelag., libell. xiv, num. 19.* In Editis est hic stylo Pelagii. Posui ut in *Mss.*

A autem respondit ei, dicens: Quia isti alii omnes habent aliquam requiem adimplendo, quamvis in bonis operibus, voluntates suas; obediens autem, propriam voluntatem relinquens, pendet in patris voluntate jubentis, et ideo majorem præ cæteris gloriam est sortitus.

142. Quidam senex dixit: Quia si quis fratri suo injunxerit causam cum timore Dei, et cum humilitate. sermo ille, qui propter Deum egreditur, compellit fratrem obedire, et facere quod injunctum est ei (*Pelag., libell. xv, n. 75*). Si autem jubere quis cupiens, non secundum timorem Dei, sed ex auctoritate et propria voluntate fratri voluerit imperare, qui videt absconsa cordis, non illum permittit ut audiat, ne faciat quod illi præceptum est, quia manifestum est opus Dei, quod fit propter Deum, et manifesta est hominis auctoritas quæ per jactantiam ordinatur. Quæcunque enim ex Deo sunt, a principio humilitatem habent; quæ autem ex auctoritate et iracundia, vel conturbatione, ex inimico sunt.

143. Abbas Silvanus habebat discipulum, nomine Marcum, cujus obedientia erat magna, et propterea senior diligebat eum (*Pelag., libell. xiv, n. 5*). Habebat autem et alios undecim discipulos, qui contristabantur eo quod illum plus diligeret. Quod postquam alii senes audierunt, mœsti venerunt ad eum, ut ei renuntiarent quia fratres illi qui cum eo erant contristabantur. Sed antequam illi aliquid faterentur, ipse cum illis ad singulorum cellas profectus est, et unumquemque nomine proprio vocavit, dicens: Egredere foras, frater, quia opus te habeo; et nullus ex illis voluit egredi. Venerunt autem post omnes ad cellam Marci, et cum pulsassent ostium, vocavit abbas Silvanus nomen ejus; ille autem mox ut audivit vocem senis, foras egressus est. Et ingressus abbas in cellam Marci, quoniam scriptor erat, reperit quaternionem quem scribebat, et invenit quod in qua hora vocatus est, litteram quam faciebat, mediam dereliquit, tantummodo ut obedientiam adimpleret. Noluit autem post auditam vocem senis litteram² quam cœperat percomplere. Unde illi alii senes dixerunt ei: In veritate, quem tu diligis et nos jam diligimus, quia et Deus eum propter suam obedientiam diligit.

144. Quidam senex solitarius habebat quemdam ministrantem sibi, manentem in vico (*Pelag., libell. xiv, num. 16*). Cum autem ille tardasset per dies aliquot, et seni necessaria defecissent, et neque quod operaretur haberet, et quo reficeretur, et propter hoc tristaretur, dixit discipulo suo³: Vade in vicum. At ille respondit: Quod vis, Pater, faciam. Timebat autem frater accedere ad vicum propter scandalum, et tamen ut obediret Patri, promisit se iturum. Dixit ei senex: Quia confido in Deo patrum nostrorum quod protegat te ab omni tentatione. Et facta oratione transmisit eum. Cum autem venisset frater in vicum, et requisisset quo maneret ille qui seni ministrabat, inventa domo, cum pulsasset

² *O* interponunt Editi, et ita in *Pelag.*

³ In Editis ad verbum ex Pelagio; posui ut in *Mss.*

ostium, contigit ut nemo ex illis inveniretur in domo, præter unam filiam illius ministrantis. Quæ cum aperuisset ostium, et frater eandem pro patre ejus requireret, cur tot diebus tardasset, illa hortabatur eum ingredi domum simul, et trahebat eum. Cum autem ille non acquiesceret, illa invaluit, et traxit eum ad se. Cum autem vidisset ille quia ad peccatum trahebatur, et urgebant eum cogitationes, ingemuit, et clamavit, dicens ad Deum : Domine, propter orationem ejus qui me misit, salva me in hac hora. Et cum hoc dixisset, subito inventus est ad flumen juxta monasterium suum, et reversus est ad Patrem suum sine macula.

145. Duo fratres carnales venerunt in quoddam monasterium habitare, et unus ex ipsis erat religiosus valde alter habens obedientiam grandem (*Pelag., libell. xiv. num. 17*). Cum ergo abbas præciperet illi : Fac hoc, et faceret. Et iterum : Fac illud, et faceret. Et in hoc glorificabatur in monasterio, quod talem obedientiam haberet. Invidens vero frater ejus ille religiosus [abstinens apud *Pelag.*] dixit intra semetipsum ¹ : Tentabo hunc fratrem meum si habet certam obedientiam ; et veniens ad abbatem dixit ei : Transmite fratrem meum mecum, quoniam necessarius sum in quodam loco. Et dimisit eum abbas. Cum autem pariter proficiscerentur, volens tentare eum, cum pervenissent ad flumen in quo erat multitudo crocodilorum, dixit ei : Descende in fluvium, et transi ; et descendit ille, et venerunt crocodili, et cœperunt lingere corpus ejus, et non ei nocuerunt. Quod cum vidisset ille, dixit ei : Ascende de fluvio, et eamus ; et dum irent, invenerunt corpus mortuum jacens in via. Et dixit ille religiosus : Si haberemus aliquid ex veteramentis, mitteremus super illud. Cui frater dixit : Oremus, si forte suscitet eum Deus. Et stantibus illis in oratione, suscitatus est mortuus, et laudavit se ille religiosus, dicens : Propter religionem meam surrexit hic mortuus. Manifestavit autem Deus Patri in monasterio eorum omnia, et quemadmodum tentavit fratrem de crocodiliis, et quomodo mortuus surrexisset. Et postquam venerunt in monasterium, dixit abbas ad istum religiosum : Quare hæc fecisti fratri tuo ? Cognosce quia propter obedientiam ejus surrexit mortuus ille.

146. Quidam ex senibus de Scythi discipulum suum transmisit in Ægyptum, ut ei camelum deduceret, qui sportellas quas fecerat, portaret in Ægyptum. Cum autem deduceret camelum, alter senex obvians eum dicit ei : Si scissem, frater, quando ibas in Ægyptum, dixissem tibi ut et mihi alterum camelum adduceres. Quod cum ille frater proprio abbati dixisset, præ multa charitate dicit ei : Vade, fili, et duc camelum ad illum, dicens ei : Quia necdum parati sumus, comple necessitatem tuam, et vade tu cum ipso camelo usque in Ægyptum, et iterum reduce nobis camelum, ut et nostra vasa portemus. Cum ergo fecisset frater sic, et ivisset ad illum senem, dicens : Abbas Pambos dicit : Quia nos necdum pa-

Arati sumus, tolle et comple necessitatem tuam. Caricavit autem senex camelum, et ivit in Ægyptum. Cum autem discarricasset iterum ille frater reducebat camelum, et dixit : Ora pro me, Pater. Cumque senex requisisset quo pergeret, respondit : In Scythim vado, ut etiam nostras sportellas huc afferam. Quod cum audisset senex, compunctus cœpit pœnitere, dicens lacrymando : **522** Indulgete mihi, dulcissimi, quia charitas vestra fructum meum abstulit.

147. Alter senex cum perfecisset sportellas suas (*Pelag., libell. xvii. num. 16*), et jam retinacula misisset earum, audivit vicinum suum dicentem : Quid faciam, quoniam nundinæ prope sunt, et non habeo unde mittam retinacula in sportellas meas. Et mox ingressus dissipavit propria retinacula, et attulit ad fratrem, dicens : Ecce ista superflua habeo, tolle et mitte in sportellas tuas, et ita præ nimia charitate fecit ut fratris opera complerentur, sua autem imperfecta reliquit.

148. Abbas Joannes gratia charitatis omnem malitiam est oblitus. Hic cum a fratre quodam mutuasset solidum unum, et comparasset linum unde operaretur, venit unus frater petens eum parum lini, ut faceret sibi saccum ; at ille dedit ei cum gaudio. Item alter venit petens eum linum, et dedit ei. Nec non et aliis plurimis venientibus et petentibus, dedit omnibus cum gaudio. Post hoc ille qui mutuaverat solidum, venit repetens eum. At ille dixit : Ego vado, et afferam tibi. Et non habens unde redderet, surrexit, et profectus est ad abbatem Jacobum, ut peteret eum quatenus redderet illi a quo mutuaverat. Et dum iret per viam invenit solidum jacentem, et non eum tetigit ; sed facta oratione reversus est in cellulam. Et cum iterum frater ille repeteret rationem suam, dicit ei : Undecunque modo defero illum. Et iterum profectus invenit solidum, ubi antea positus erat ; et facta oratione, reversus est, et ecce iterum venit frater ille molestans eum pro solido. Tunc senex dixit modis omnibus : Modo vado, et affero illum : et dum proficisceretur invenit eodem loco solidum jacentem ; et facta oratione tulit eum, et venit ad abbatem Jacobum, et dicit ei : Abba, veniens ad te, inveni hunc solidum in via. Fac ergo charitatem, et prædica hic in civitate, ne forte aliquis perdiderit illum, et si inventus fuerit dominus ejus, redde illum. Profectus est ergo senex, et per tres dies prædicavit, et nemo inventus est qui perdidisset solidum illum. Tunc ergo Joannes dicit ad abbatem Jacobum : Si nemo illum perdidit, redde illum fratri illi, quoniam debeo illi ; et veniens ad te mutuare, aut certè tollere in charitate, et redde illi debitum meum, inveni illum. Et miratus est senex quemadmodum et debens et inveniens, non statim tulit eum, et reddiderit, nisi bis reversus esset, et tertio prædicasset. Hoc autem erat ejus mirabile, quia si quis volebat ab illo aliquid mutuari, non dabat per manus suas, sed dicebat fratri : Vade,

¹ In Editis ad verbum ex *Pelag.* ; dedit ex *Mss.*

et tolle tibi quod opus habes. Et cum reportaret iterum, dicebat : Vade et reporta in loco unde tuleras. Si autem nihil detulisset, nihil ille penitus dicebat.

149. Abbas Pœmen dicebat : Voluntatem tuam nunquam adimpleas, sed magis humilia te ipsum, ut facias voluntatem proximi tui ¹.

Item abbas Pœmen quando vocabatur ut extra voluntatem suam comederet, ibat plorans, ne inobediens fratri suo contristaret eum.

Idem mactans propriam voluntatem humiliatus, voluntatem sequebatur alterius.

150. Quidam anachoreta sedebat in spelæo juxta cœnobium multas virtutes faciens (*Pelag., libell. XIII, n. 8; Pasch., c. 18, num. 1*) ; et cum aliqui monachi venissent de cœnobio, compulerunt eum hora non consueta comedere. Et post hoc dicunt ei fratres : Contristatus es aliquid, abba, quia hodie extra consuetudinem fecisti ? Quibus ille respondit : Tunc mihi est tribulatio, quando propriam fecero voluntatem.

151. Abbas Paphnutius non gustabat vinum aliquando (*Pelag., libell. XVII, n. 42*). Semel autem ambulans devenit super latrones ; et cum in via eos invenisset bibentes, cognitus est a principe latronum, qui sciebat eum quod vinum non hiberet : sed videns quia ex labore itineris fatigatus esset, implevit calicem grandem vino, et gladium tenens in manu sua, dixit seni : Nisi biberis hunc calicem, occidam te. Cognoscens senex quia ex mandato Dei vult facere, volens eum lucrari, tulit, et bibit. Princeps autem latronum cœpit ei dicere : Indulge mihi, abba, quoniam tribulavi te. Cui senex ait : Confido in Deum meum, quia propter unum calicem vini faciat tecum misericordiam, et in præsentis sæculo et in futuro. Dicit ei princeps latronum : Et ego confido in Deo quia ab hodie nemini malefacio. Et sic lucratus est senex omne collegium latronum.

152. Erant duo fratres : unus ex ipsis senex erat, qui rogabat juniorem, dicens : Rogo ut pariter habitemus, frater (*Pelag., libell. XVII, num. 14*). Ille autem respondit : Ego peccator sum, et non potes tecum habitare. Ille vero rogabat eum, dicens : Possumus. Erat autem ille senior mundus, et nolebat audire quia monachus habebat aliquando cogitationem pravam. Et dicit ei ille junior : Permite quiescere hac una septimana, et iterum loquemur. Cum ergo post septimanam senex venisset ad eum, ille volens experiri eum, dixit ei : In grandem tentationem incidi in septimana hac, abba. Profectus enim in vicum propter **523** necessitatem, peccavi. Et dixit ei senex : Et vis pœnitere ? Cum autem ille promississet, ait senex : Ego tecum porto medium peccati illius. Tunc ille frater dixit : Modo possumus ambo pariter manere. Et manserunt pariter usque ad tempus transitionis suæ.

153. Quidam senum dicebat : Quidquid horret homo, alii omnino ne faciat (*Pelag., libell. I, n. 21; Pasch. c. 16, num. 2*). Horres enim, si quis detrahit

tibi ? tu ne detrahas alteri. Horres, si quis tibi calumniam fecerit, vel si quis tibi aliquid abstulerit ? et tu sive hoc, sive alia his similia ne facias alicui. Qui enim hoc verbum servaverit, potest illi sufficere ad salutem.

154. Abbas Pœmen et abbas Nuph, postquam in desertum venerunt, desiderabat mater eorum videre eos, et sæpe veniebat ad eorum cellam, nec tamen potuit illic contemplari eos (*Pelag., libell. IV, n. 33*). Captato itaque tempore, occurrit eis cum ad ecclesiam festinarent ; qua visa, reversi velociter ostium cellæ clauserunt, illa autem stans foris cum lacrymis quærebat eos. Tunc abbas Nuph egressus ad beatum Pœmenem, ait : Quid faciemus de hac matre nostra, quæ plangit ad ostium ? Tunc exurgens abbas Pœmen vadit ad ostium ; quo non aperto, audiens eam jugiter lamentari, dixit ei : Cur tantos clamores, cum jam ætate defessa sis, et planctus effundis ? Illa autem voce filii cognita, amplius exclamavit, dicens : Quoniam vos videre desidero, filii. Quid est enim si vos videro ? nonne sum vestra genitrix ? nonne ves his meis lactavi uberibus ? Jam omni morarum contractione repleta sum, et audita voce tua omnia viscera mea præ desiderio conturbata sunt. Cui Pœmen ait : Hic nos magis, an in futuro sæculo videre desideras ? At illa dixit : Quid ergo si vos hic non videro, quasi illic pro certo visura sim ? Senex autem respondente : Quod si te hic cohibere potueris, ne nos videas, illic nos procul dubio semper videbis. Tunc illa discessit cum gaudio, dicens : Si pro certo illic vos visura sum, hic vos videre jam nolo.

155. Joannes minor Thebæus, discipulus abbatis Ammonis, per duodecim annos cuidam seni infirmanti fecit obsequium (*Pelag., libell. XVI, n. 4; Pasch. c. 19, num. 2*). Senex tamen cum vidisset eum laborantem, nunquam illi sermonem blandum aut placidum locutus est. Cum autem transiret de corpore, sedentibus aliis senibus, tenuit manum ejus, et dixit ei tertio : Salveris, Salveris, Salveris. Et tradidit illum senibus, dicens : Iste non homo, sed angelus est, qui tot annis mihi infirmanti, nec tamen bonum sermonem a me audiens fecit obsequium.

156. Abbas Agathon veniens in civitatem, ut opera sua venderet, invenit quemdam peregrinum jacentem in angiportu infirmum, nullum habentem qui ei curam adhiberet ; et permansit ibi senex, et condixit sibi cellam, et ex opere manuum suarum præstabat infirmo illi obsequium. Permansit autem ibi mensibus quatuor, donec sanaret infirmum : et sic ad cellam suam regressus est.

157. Quidam magnus senex infirmanti discipulo suo dixit : Non contristeris, fili, ex infirmitate vel plaga corporis tui, summa enim religio est ut in infirmitate quis agat Deo gratias (*Pelag., libell. VII, n. 16 nomine Syncreticæ; Pasch., c. 20, n. 1*). Si ferrum es, per ignem æruginem amittis ; si vero aurum es, per ignem probatus a magnis ad majora procedis. Ne anxieris ergo, frater ; si enim Deus te vult

¹ *Pelag., libell. IV, n. 30. In Editis hic stylo Pelag. Dedi ex Mss.*

in corpore torqueri, tu qui sis, qui moleste feras? **A** nus venit. In hoc sermone reddito spiritu, omnis Sustine ergo, et roga Deum ut quæ ipse vult illa concedat.

158. Senex quidam cum frequenter infirmaretur corpore et langueret, contigit ut uno anno nulla eum valetudo contingeret. Et propterea flebat, et graviter ferebat, dicens: Reliquisti me, Domine, et noluisti me præsentem hoc anno visitare (*Pelag., libell. VII, n. 41*; *Pasch., c. 20, num. 2*).

159. Quidam senex cum moreretur in Scythi, et circumdassent lectulum ejus fratres, et composuissent eum atque plangerent, aperuit ille oculos suos et risit: et iterum aperuit et risit; et tertio similiter fecit (*Pelag., libell. XI, n. 52*). Cum autem rogarent eum fratres, dicentes: Dic nobis, abba, cur nobis flentibus ipse rides? Respondit et dicit eis: **B**rimo risi, quia omnes timetis mortem; et secundo risi, quia non estis parati; tertio vero risi, quia de labore vado ad requiem.

160. Abbas Pammon in ipsa hora quando transibat jam de corpore, dixit aliis viris sanctis astantibus sibi: Ex quo veni, fratres, in hunc locum eremi, et ædificavi mihi hanc cellulam, extra opera manuum mearum nescio me panem gustasse, nec pœnitui super sermonem quem locutus sum, usque in hanc horam; et tamen sic vado ad Deum, tanquam si nec inciperem colere eum (*Pelag., libell. I, n. 16*).

161. Abbas Agathon dum moreretur, per tres dies oculos apertos tenuit non eos movens (*Pelag., libell. XI, n. 2*). Fratres autem tangentes eum dixerunt: Ubi nunc es, abba? At ille dixit: In conspectu iudicii Dei sto. Et dicunt ei fratres: Nunquid et tu times? Quibus ille respondit: Interea quantum fuit ad virtutem meam, semper consideravi ut mandata Dei mei facerem: sed homo sum, et unde scio, si opera mea placent Deo? Cui fratres dixerunt: Non confidis quod opera tua secundum **524** Deum sunt? At ille respondit: Non confido in conspectu Dei, quia aliud est iudicium Dei, et aliud hominum.

162. Abbati Sisoio cum tempus dormitionis ejus advenisset, et multi illic senes convenissent, videntur faciem ejus fulgere quodam radiantem; et dicit eis ipse: Ecce abbas Antonius venit ad nos (*Joann., libell. III, n. 6*). Et post parum ait: **D**Ecce et chorus prophetarum. Et iterum facies ejus clariore luce aspersa est, et dicit eis: Beati quoque apostoli adsunt, visusque est cum quibusdam loqui. Cum ergo postularent ab eo Patres ut cum quibus loqueretur ediceret, ait ille: Angeli, inquit, venerunt auferre animam meam; et supplico illis ut paululum me pro pœnitentia agenda sustineant. Dicunt autem ei Patres: Tu jam non indiges pœnitentiam agere, abba. At ille respondit: In veritate dico vobis quia nec initium pœnitentiæ me reminiscor arripuisse. Ex quo dicto senserunt quod in timore Domini esset perfectus. Tunc in splendore solis ejus effigie reluctente, dicit ad eos ipse: Videte, videte quia Domi-

nus venit. In hoc sermone reddito spiritu, omnis locus ille grato odore repletus est.

163. Beatus Arsenius, dum tempus ejus ut migraret de hoc sæculo approximaret, dicebat ad discipulos suos: Nemo super me faciat charitatem, nisi in sola oblatione; ego si feci charitatem, invenio illam (*Pelag., libell. X, n. 9*).

Turbatis autem discipulis ejus, quasi jam tempore propinquante dicit eis: Necdum hora mea venit; cum autem venerit, non tacebo (*Pelag., libell. XV, n. 9*). Sed tamen stabitis mecum in divino iudicio ante tribunal Christi, si alicui de meo corpusculo aliquid velut reliquias dederitis. Illis autem respondentibus: Et quid faciemus, Pater, quia nescimus hominem sepelire? Respondit ille: Nunquid nescitis funem in pedibus meis mittere, et ita me ad montem trahere?

Pili autem oculorum ejus ex jugi fletu ceciderunt. Nam per omne tempus vitæ suæ sedens et operans, pannum in sinu suo habebat propter lacrymas defluentes ex oculis ejus (*Pelag., libell. III, n. 1*).

Dum ergo moreretur (*Pelag., libell. XV, n. 9*), cœpit flere, et cum fratres illius requirerent dicentes: Quid fles, Pater? nunquid et tu times? Ille respondit: In veritate timeo; et iste timor qui nunc mecum est, semper in me fuit ex quo factus sum monachus. Cum autem vidisset abbas Pœmen quia transiit, dixit: Beatus es, abba Arseni, quia te tantum in hoc sæculo planxisti. Qui enim hic se non planxerit, illic in perpetuum lugebit. Aut ergo hic ex voluntate, aut illic pro tormentis impossibile est hominem non plangere.

164. Beatus Athanasius episcopus rogavit aliquando abbatem Pammon ut iret in Alexandriam (*Pelag., libell. XVII, n. 11*). Qui descendens cum fratribus, cum vidisset quosdam sæculares, dicit eis: Surgite, et salutate monachos, ut benedicamini ab eis ¹. Frequenter enim isti loquuntur cum Deo, et eos eorum sanctum est. Et cum vidisset ibi mulierem theatricam, lacrymatus est. Et requisierunt astantes cur plangeret. At senex respondens, dixit: Duæ me res ad has lacrymas compulerunt: una quidem, perditio illius mulieris; secunda vero, quia ego tantam curam non habeo placendi Deo, quantum habet hæc mulier ut hominibus turpibus placeat.

165. De quodam sene dicebatur, quia quoties illi sua cogitatio dicebat. Dimitte hodie, et cras pœnitabis, ipse iterum respondebat: Non ita; sed hodie debemus pœnitere, et cras voluntas Dei fiat in nobis (*Pelag., libell. XI, n. 44*).

166. Quidam ex Patribus de aliquo referebat episcopo, et quod audisset duos de plebe sua viros nimis impuritatis adulteros (*Joan., libell. I, n. 16*; *Pasch., c. 23, n. 1*). Rogavit ergo Deum, ut si ita esset agnosceret. Cum ergo post oblationem consecratam unusquisque ad communionem accederet, per singulorum facies intelligebat et animas. Peccatorum enim facies nigras inspiciebat ut carbonem, et ocu-

¹ *Pelag., libell. III, n. 14. Simile in Vita Pelagiæ, cap. 3.*

los eorum sanguine repletos; alios vero vidit clara facie, et vestibus albis indutos. Cum autem corpus Domini suscepissent, in quorundam vultibus lumen, in quorundam flamma videbatur. Ut autem agnosceret de illis quorum crimina audierat, communionem illis porrexit; et vidit unum ex eis clara facie et honorabili, albisque vestibus circumdatum; alterum vero nigrum, et horribili vultu. Et postquam divini gratiam mysterii perceperunt, illum vis quædam luminis illustrabat, istum vero alium quasi flamma succendebat. Oravit autem episcopus de singulis quæ ei ostensa fuerant se doceri. Astitit autem angelus Domini, dicens ei: Omnia quæ de ipsis audisti vera sunt; sed ille unus in suis sordibus permanet, et in voluntate peccandi, ideo illum nigra facie et flamma succendi vidisti. Ille vero alter similis ei quidem erat, sicut audieras; sed ideo illum clara facie illustrari vidisti, quia recordatus de his quæ primum fecit, abrenuntians illis malis operibus, cum lacrymis et gemitibus Dei misericordiam postulabat, promittens ut si præterita ei fuissent remissa peccata, ulterius ad eadem non rediret. Et ideo prioribus deletis criminibus, ad hanc gratiam quam vidisti, pervenit. Cum autem episcopus de gratia Dei miraretur, eo quod non solum de tormentis tam turpis vitæ hominem eruerit, sed etiam tanto honore decoraverit, respondens, angelus, dixit: Bene miraris; homo enim es, nam Dominus noster ac vester naturaliter bonus et humanus est, cessantibus a peccatis; peccatis enim se per confessionem non solum peccata dimittit, sed etiam honore efficit dignos. Sic enim dilexit Deus hominem, ut unigenitum suum Filium pro peccatoribus destinaret, et pro ipsis daret ad mortem (*Joan.* III). Qui ergo dum inimici ejus essent, mori pro ipsis elegit (*Rom.* v), quanto magis quando illi proprii fiant. Hoc ergo scias quia nullum peccatum humanum bonitatem Dei vincit, si tantummodo per penitentiam unusquisque ea quæ prius fecerat, aboleverit mala; misericors enim Deus, et infirmitatem humani generis scit, et passionum fortitudinem, et diaboli virtutem vel malitiam. Et cadentibus quidem hominibus in peccatum, tanquam filiis indulgens sustinet emendationem; pœnitentibus vero tanquam languidis compatitur, et mox solvens peccata eorum, justorum etiam illis præmia tribuit. Audiens vero hæc episcopus, miratus est nimis, et glorificabat Deum.

167. Abbas Paulus Simplex habebat hanc gratiam, ut ingredienti in ecclesiam aspiceret, et ex ipsa facie eorum uniuscujusque cogitationes, seu malæ essent seu bonæ, sentiret (*Pelag., libell. xviii, num. 20; Pasch. c. 23, num. 2*). Cum ergo venissent ad ecclesiam, et ingrederentur, senex vidit eos clara facie et læto animo ingredi, et angelos eorum pariter cum gaudio cum ipsis. Unum autem nigrum vidit, et nebulosum habentem corpus, et dæmones hinc atque inde trahentes eum ad se misso freno in naribus, et angelum sanctum ejus a longe sequentem tristem. Beatus ergo Paulus cœpit flere amarissime, et pectus

Asuum tundeit e. sedens ante ecclesiam, propter eum quem talem viderat. Omnes autem alii senes videntes eum sic flentem cœperunt rogare ut si quid in ipsis vidisset manifestaret, aut cum eis ingrederetur in congregationem; ille autem nolebat ingredi, sed semper flebat propter eum quem sic viderat. Post paululum autem cum absoluta congregatione discederent, iterum omnium vultus circumspiciebat, si tales egrederentur, quales ingressi sunt, et vidit illum quem ante viderat, nigrum et nebulosum, egressum de ecclesia clara facie, et candido corpore, et dæmones a longesequentes eum, sanctum autem angelum ejus prope eum, hilarem et gaudentem super eum nimis. Tunc Paulus exurgens cum gaudio vociferabatur, benedicens Deum, ac dicens: Quanta misericordia et benignitas Dei est: quanta miseratio ejus est. Et ascendens in altiorem locum, magna voce dicebat: Venite, et videte opera Dei (*Psal. xlv*); venite et videte quemadmodum vult omnes homines salvos fieri, at ad agnitionem veritatis venire (*I Tim. II*). Venite adoremus eum, dicentes: Quia tu solus potes peccata tollere. Cum autem omnes convenissent, exposuit eis Paulus quem vidisset antequam ingrederentur in ecclesiam, et quem postea; et petebat illum fratrem quem sic viderat, ut ei manifestaret cogitationes suas et actus, vel quemadmodum tantam commutationem illi Deus donasset. Ille autem ante omnes cœpit referre, dicens: Ego sum homo peccator, et in multis temporibus istis semper fornicationem gessi. Ingressus autem nunc in ecclesiam Dei, audi vi verba Isaïæ prophetæ, magis autem Dei per ipsum loquentis: Lavamini, mundi estote, et tollite malitias de animabus vestris ante conspectum oculorum meorum. Discite benefacere; querite judicium. Et si fuerint peccata vestra tanquam coccinum, velut nix dealbabitur; et si volueritis et audieritis me, bona terræ comedetis (*Isaïa I*). Ego autem miser et fornicator, compunctus in hoc sermone prophetæ, et ingressus intra pectus meum, dixi ad Deum: Domine, tu es qui venisti salvare peccatores. Hæc ergo quæ nunc per prophetam promissisti, opere comple in me indigno peccatore. Ecce enim amodo profiteor tibi, et ex toto corde confiteor, quia hoc ulterius non faciam malum, sed renuntio omni injustitiæ, et amodo servio tibi in conscientia munda. Ab hodie ergo, Domine, et ab hac hora suscipe me pœnitentem, et adorantem te; et renuntiantem omnibus peccatis. Juravi et statui apud me servare omnes tuas justificationes (*Psal. cxviii*). Sub hac ergo sponsione egressus sum de ecclesia, statuens apud me, nihil de prioribus peccatis ulterius facere. Tunc omnes senes exclamaverunt dicentes ad Dominum voce magna: Quam magnificata sunt opera tua Domine! omnia in sapientia fecisti (*Psal. ciii*).

168. Abbas Joseph (19) dum cum aliis senibus ad abbatem Pœmenem venisset (*Joan., libell. II, n. 10*), quidam ex parentibus prædicti senis attulit infantem, cujus facies per corruptionem fuerat depravata, et

sedens pater ejus cum eo foris ad monasterium, plorabat. Cum autem unus senex ad vocem flentis egressus esset, et interrogabat eum cur ploraret; ille respondit: Parens sum istius abbatis Pœmenis, et ob hoc veni ut hunc infantem, quem tentatio conterit, vidisset, et timuimus illum usque nunc huc afferre, quia non vult videre nos; et nunc si cognoverit quia hic sum, **526** adhuc expellet me hinc. Ego autem videns vos, Patres, qui modo ad eum venistis, præsumpsi venire huc. Quomodo vis ergo, abba, miserere mei, et tolle infantem hunc, et defer intus tecum, ut oret pro eo. Quem cum senex attulisset in cellam, sapienti usus est consilio: non illum primo obtulit abbati Pœmeni, sed a minoribus fratribus incipiens, dicebat: Signate hunc infantem, fratres, facientes orationem, similiter rogans per singulos senes. Post omnes detulit illum ad abbatem Pœmenem; at ille volebat eum contingere. Cum autem rogaret eum, ut sicut omnes, ita et ille oraret. Exurgens senex ingemuit, et oravit, dicens: Deus, sana facturam tuam, ne dominetur illi inimicus. Et signavit infantem, moxque patri sanus est redditus.

169. Requisitus quidam ex patribus, si perfectum bonum esset egestas, respondit: Magna res est penuria; nam qui eam voluntarie sustinet, tribulationem quidem carnis habet, animæ vero suæ invenit requiem.

170. Quidam frater requisivit senem, dicens: Si paucos nummos mihi debet frater, jubes ut repetam eos? Cui senex ait: Semel tantummodo dic illi cum humilitate (*Pasch.*, c. 5, num. 2). At ille dixit: Quod si semel dixerō, et nihil mihi dederit, quid faciam? Tunc senex ait: Ulterius nihil ei dicas. At ille dixit: Et quid faciam, quia non possum vincere cogitationem meam, nisi fuero illi importunus. Dixit ei senex: Dimitte cogitationem tuam crepare; tantummodo ne contristes fratrem tuum, quia monachus es.

171. Quidam frater requisivit senem, dicens: Quomodo potest anima humilitatem adipisci? Ille respondit: Si sua tantummodo, et non alterius mala consideret (*Pasch.*, c. 13, n. 10).

Dicebat autem: Quia perfectio hominis humilitas est. Quantumcunque enim deposuerit se homo in humilitatem, tantum provehitur in honorem. Sicut enim superbia si ascenderit in cælum, usque ad inferos deducitur; ita humilitas, si descenderit usque ad infernum, tunc exaltatur usque ad cælos (*Pelag. libell. xv, n. 77; Pasch.*, c. 13, num. 5).

172. Abbas Macarius (20) dum ambularet in deserto, caput cujusdam hominis aridum invenit in terra¹. Quod postquam baculo suo convertit, vocem visum est emittere. Quod senex quisnam esset interrogat; at ille respondit: Ego quidem princeps eram sacerdotum idolorum, qui in hoc loco habitabant. Tu autem es abbas Macarius spiritu divino repletus. Quacunque enim hora misertus eorum fueris qui in pœna sunt, et pro eis oraveris, consolationem aliquam sentiunt². Cui senex: Et quæ est consolatio

¹ Joan., libell. III, n. 16, paulo aliter narrat.

A vestra, vel pœna? responde. At ille altius ingemiscens: Quantum, inquit, cælum distat a terra, tantum ignis est altus, in quo medio sumus a pedibus usque ad caput undique perfusi, nec cuiquam licet faciem alterius intueri, sed facies nostro dorso conjunctæ sunt. Cum ergo oras pro nobis, ex parte videmus alterutrum, et hoc nobis pro consolatione constat. His auditis, lacrymas fudit, dicens: Væ diei illi in quo homo mandata Dei transgressus est! Et iterum ab eo, si esset altera pœna major inquirat. Cui ille respondit: Sunt nobis alii multo inferius. Cumque qui essent illi interrogaret, dixit: Nos quidem, qui Deum non cognovimus, misericordiam quantulamcunque patimur; illi vero qui cognitum negaverunt, gravioribus et ineffabilibus pœnis subtus nos cruciantur. Quibus auditis, beatus Macarius capite altius terræ defosso discessit.

173. Quidam frater requisivit a senē, dicens: Abba, cur a dæmonibus tam graviter impugnamur? Respondens senex, dixit: Quia arma nostra projicimus a nobis, id est, patientiam, humilitatem, mansuetudinem, atque obedientiam (*Pelag., libell. xv, num. 58; Pasch.*, c. 25, num. 1).

174. Quidam frater requisivit abbatem Sisoium, dicens: Putas, abba, sic modo persequitur nos diabolus, sicut antiquos Patres? Respondit: Magis nunc persequitur nos, quia appropinquante pœnarum tempore magis angustiat, nec tamen infirmos quosque dignatur appetere, quos ubi voluerit cito subvertit, sed fortes viros ac magnos aggreditur (*Pelag., libell. xv, n. 45; Pasch.*, c. 25, num. 2).

175. Quidam fratres requisierunt abbatem Silvanum, per quam viam adeptus esset tantam prudentiam. Respondit eis ille, dicens: Nunquam dimisi morari cogitationes malas in corde meo, quæ Deum provocarent ad iram (*Pelag., libell. XI, n. 29*).

176. Beatus Antonius dicebat: Si potest fieri, quantos passus ambulet monachus, vel quot calices aquæ bibit in cella sua, debet senioribus declarare, ut non deviet in ipsis.

177. Abbas Pœmen dixit: In nullo sic gaudet inimicus, quomodo in illo qui non vult cogitationes suas manifestare.

178. Quidam frater dixit ad senem: Ecce, abba, frequenter interrogo seniores Patres ut dicant mihi commonitionem pro salute animæ meæ, et quidquid dixerunt mihi, nihil retineo (*Pelag., libell., x, n. 92*). Erant autem seni duo vasa vacua, et dixit ei senex: Vade, et affer unum ex illis vasis, et mitte aquam, et lava illud, et effunde, et pone nitidum in locum suum. Fecit ergo ita frater semel et bis, et dixit ei senex: utraque vasa simul affer. Et cum attulisset, dicit ei: Quale est ex utrisque mundus? Respondit frater: Ubi aquam misi, et lavi. Tunc senex dixit ei: Sic est et anima, fili, quæ frequenter audit verba Dei, quamvis **527** nihil retineat ex his quæ interrogat, tamen plus mundatur quam illa quæ non requirit.

² Sane hæc intelligenda. Vide notat.

179. Quidam senex dixit : Quando opera bona A exercet monachus, veniens diabolus locum non invenit in eo, et statim discedit ; si autem malum opus exercet, veniens frequenter Spiritus Dei, et videns malum opus, non ad eum accedit, sed recedit. Si autem ex toto corde iterum requisitus fuerit, cito revertetur (*Pasch.*, c. 26, num. 3).

180. Quidam senex dixit : Usque tunc debet laborare monachus, usquequo possideat Christum (*Pasch.*, c. 28, num. 3). Qui autem semel illum adeptus fuerit, jam non laborat. Permittit tamen Dominus laborare electos suos, ut rememorentur tribulationum labores, unde semetipsos custodiant; timentes ne tantos labores amittant. Nam et filios Israel ideo Deus per desertum quadraginta annos circumduxit, ut rememoratis tribulationibus, non redirent retrorsum. B

181. Quidam frater interrogavit senem, dicens : Dic mihi, Pater, quare nunc laborantes in conversationibus monachi non accipiunt gratiam, sicut antiqui Patres? Cui senex dixit : Tunc tanta charitas erat, ut unusquisque proximum suum sursum traheret; nunc vero postquam charitas refrixit, et totus mundus in maligno positus est, singuli proximos suos ad inferiora deducunt, et ideo sic gratiam non sortimur (*Pelag.*, libell. xvii, num. 19; *Pasch.*, c. 28, num. 4).

182. Quidam frater requisivit senem, dicens : Putas, abba, cognoscunt sancti viri quando venit in eos gratia? Respondit senex, dicens : Non semper cognoscunt. Nam cujusdam magni senis discipulus cum peccasset in aliqua re, iratus senex dixit ei cum clamore : Vade, et morere. Et statim ille cedit et defunctus est. Cumque senex vidisset eum mortuum, timor ingens irruit super eum, et cum magna humilitate oravit rogans Deum, et dicens : Domine Jesu Christe, resuscita illum, et jam ulterius sine consideratione talem non loquar sermonem; et cum hæc dixisset, statim surrexit discipulus ejus. C

183. Abbas Pœmen dixit : Homo qui alios docet, et non facit ea quæ docet, similis est fonti alto, qui omnium res lavat, et omnes satiat potu, se ipsum autem lavare non potest, sed habet et immunditias et sordes limorum (*Pelag.*, libell. x, num. 50).

Idem dixit. Doce animam tuam servare quæ lingua tua alios docet.

184. Quidam anachoreta cum venisset ad abbatem Pœmenem, suscepit eum senex cum lætitia (*Pelag.*, libell. x, num. 39). Et cum se alterutrum amplexi fuissent, cœpit anachoreta de Scripturis sanctis, et de rebus cœlestibus conferre. Tunc senex vertit faciem suam ad alium fratrem, et nullum dedit anachoretæ responsum. Ille vero videns quod non loqueretur cum eo, egressus est tristis, et dicit discipulo illius : Sine causa tantum itineris et laboris assumpsi, ut venirem ad eum qui mihi loqui dedignatur. Ingressus autem discipulus ad abbatem Pœmenem dixit : Propter te huc venit abbas iste, homo tam magnus, tantam gloriam in locis suis habens, et tu non vis loqui cum ipso? Respondens senex D dixit : Iste homo de superioribus est, et cœlestia loquitur; ego autem de inferioribus sum et terrena vix loqui possum : si mihi locutus fuisset aliquid de passionibus monachi, forsitan et ego respondiis illi; si autem de cœlestibus loquitur, ego me nescire confiteor. Egressus ergo discipulus, dicit ad anachoretam : Senex iste noster non vult de altioribus quæstionibus loqui; sed si quis ei de passionibus locutus fuerit, respondet illi. At ille compunctus in hoc sermone, ingressus ad senem dixit : Quid faciam, abba, quia dominantur mihi passionibus cordis mei? Tunc senex respexit eum gaudens, et dixit : Modo bene, Pater, venisti. Aperio ergo os meum, et imple illud bonis tuis. Et hoc sermone adjutus est anachoreta, et dixit : In veritate, bona est hæc via quam tenes, et vera, et agens seni gratias, reversus est in propriam regionem.

185. Quidam senex dixit : Si quis aut de Scripturis aut de quacunque causa locutus fuerit, ne contendas cum eo; sed si quidem benedicit, consenti ei; si vero male, dic ei : Tu scias quomodo loquaris (*Pasch.*, c. 31, n. 1). Hoc observans, et humilitatem possidebis, et odium evitabis; nam si persistas contendens, et vis defendere sermonem tuum, nascetur scandalum. De quacunque ergo causa si non observaveris contentiones, nullo modo requiem possidebis.

186. Quidam frater interrogavit senem dicens : Usquequo est observandum silentium, Pater? Respondit senex : Usquequo interrogaveris. In omni enim loco si taciturnus fueris, requiem possidebis (*Pasch.*, c. 32, num. 3).

187. Quidam senex dicebat : Sicut apis quocunque vadit, mel operatur; ita et monachus quocunque pergit, si propter opus Dei perrexit, dulcedinem bonorum actuum semper potest perficere (*Pasch.*, c. 32, n. 7, nomine Amponis).

188. Abbas Muthues venit aliquando de loco qui vocatur Ragitham, in partibus Gebalonis : erat autem cum eo etiam discipulus ejus (*Pelag.*, libell. xv, num. 17; *Pasch.*, c. 33, num. 3). Videns autem eum episcopus loci illius, tenens eum, invitum presbyterum fecit. Et dum pariter commemorarentur, episcopus dicit ei episcopus : Indulge mihi, abba; scio enim quia hanc causam nolebas, sed ego a te benedici desiderans hoc præsumpsi. Cui senex pro humilitate ait : Et mea cogitatio parum volebat; sed in hoc laboro, quia dividi habeo a fratre qui mecum est, et solus non sufficio orationes meas implere. Dicit ei episcopus : Si scis eum esse dignum, ordino ego et illum. Respondit abbas Muthues : Si quidem dignus sit, nescio : unum autem scio, quia melior me est. Ordinavit autem et illum : utrique tamen ipsi ita permanserunt usque ad finem suum, ut ad altare, quantum ad oblationem sacrandam, nunquam accederent. Unde dicebat senex : Confido in Deum meum, quia non habeo grande iudicium propter hanc ordinationem, quia oblationem non mihi præsumpsi offerre. Nam ordinatio hæc illorum est qui sine culpa sunt justi et immaculati, ego autem bene me cognosco.

189. Quidam frater beatum Macarium postulabat, ut ei sermonem diceret, per quem posset salvari. Cui senex ait : Oportet fugere homines, et sedere in cella, et pro peccatis jugiter lamentari; et quod super omnes virtutes est, tam linguam coercere quam ventrem.

190. Abbas Arsenius, dum adhuc sæcularis in palatio moraretur, oravit Dominum, dicens : Domine, ostende mihi viam per quam possim salvari (*Pelag., libell. II, n. 3*). Et audivit vocem, dicentem sibi : Arseni, fuge homines, et salvaberis. Cum ergo recessisset in solitudinem, et eundem sermonem oraret; rursus audivit sibi vocem dicentem : Arseni, fuge, tace, et quiesce. Hæc sunt principia salutis.

191. Cum ad eundem Arsenium Theophilus archiepiscopus venisset aliquem ab eo audire sermonem B ædificationis (*Pelag., libell. II, n. 4*), tunc sanctus Arsenius ait cunctis qui aderant : Si dixero vobis aliquid, custodietis? Quod cum illi gratanter promisissent, addidit ille : Quocumque loco audieritis Arsenium, illuc ulterius ne accedatis.

Item cum eum vellet archiepiscopus videre, misit primo videre si aperiret ei. At ille remandavit ei, dicens : Si solus veneris, aperio tibi; si autem cum pluribus, ultra hic non sedebit Arsenius. Quod cum audisset archiepiscopus, cœptum distulit iter, ne propter se loco illo eremita discederet.

¹192. Quidam fratres dum ex Thebaida linum pergerent comparare, dixerunt ad invicem : Per hanc occasionem beatum videbimus Arsenium. Cumque ad speluncam ejus pervenissent, nuntiavit ei discipulus suus Daniel. Cui ille ait : Vade, fili, et susceptis eis obsequium præbe; me autem permitte cælum aspicere, et dimitte eos redire; nam faciem meam non videbunt.

193. Cum quidam ad eundem beatum Arsenium ex fratribus advenisset volens videre eum, pulsavit ostium². Abbas autem Arsenius sperans suum esse discipulum, aperuit ei. Sed postquam alterum esse conspexerat, mox se in terram projecit in faciem. Illo autem ut surgeret postulante, respondit Arsenius, dicens : Non hinc exurgam, nisi discesseris. Per multas autem horas rogatus a fratre, non acquievit surgere, quousque discederet ille.

Quotiescunque autem idem beatus Arsenius in ecclesiam cum aliis Patribus convenisset, post columnam sedebat, ne aut ipse alterius, aut alter illius faciem inspicere posset (*Pelag., libell. xv, n. 10*).

³194. Abbas Besarion dum ambularet cum discipulo suo per eremum (*Joan., libell. III, n. 1; Pasch., c. 34, n. 3*), venerunt ad quamdam speluncam; et ingressi, ibi invenerunt fratrem sedentem et funiculum operantem, qui neque respexit ad eos, neque salutavit, neque aliquid locutus est eis. Dixit ergo abbas Besarion ad discipulum suum : Eamus hinc, quia hic senex non vult loqui nobiscum. Et

¹ Hic in editis intercedit alius de Arsenio numerus, videlicet de arundineto. — Diversus stylus in Editis. Posui ex Mss. Pasch., c. 31, num. 2.

A profecti sunt ad abbatem Joannem. Cum autem reverterentur, venerunt ad eandem speluncam, et ait Besarion ad discipulum suum : Ingrediamur iterum ad hunc fratrem, si forte vel modo persuadeat illi Deus ut loquatur nobiscum. Et cum ingressi fuissent, invenerunt corpus tantummodo mortuum, et ingemiscens dixit discipulo suo : Veni, frater, componamus illud, quia propter eum huc nos Dominus transmisit. Cum autem sepelirent, invenerunt quod mulier esset, et admirati sunt, et dixerunt : Quemadmodum et mulieres colluctantur, et vincunt dæmonia. Et collaudantes atque glorificantes Deum qui est omnium protector, recesserunt de loco illo.

195. Venerunt aliquando duo quidam juvenes ad beatum Macarium (*Joan., libell. III n. 2*), unus quidem ad plenum doctus, alter vero adhuc insipiens⁴. Et provoluti pedibus ejus, postulabant ut secum eos habitare permitteret. Quos cum vidisset quasi corpore deliciosos, existimavit eos eremum ferre non posse. Dixitque ad eos : Hic, fratres mei, non potestis manere. Et illi dixerunt : Si tecum non possumus habitare, Pater, quid ergo faciemus? Quo ille audito, cœpit intra se ita reputare : Si illos hinc eiecero, scandalum patientur; nunc dicam illis : Venite, construite vobis cellulam, si potestis. Cumque illi locum sibi tantummodo demonstrari rogarent, duxit eos et ostendit eis petram, qua incisa sibi habitaculum præpararent, et lignis allatis de palude contegerent. Arbitrabatur autem Macarius, confestim illos pro injuncto labore discedere. Illi vero interrogaverunt eum, dicentes : Quid operis exercere jubes nos, Pater? Tunc ille sublatis foliis, funiculum illis intexere ostendit, quem pro victu eos distrahere commonuit, et ita ab eis discessit. At illi cum summa patientia, quæcumque eis fuerant imperata, perfecerunt. Videns ergo eos senex in operibus bonis quotidie succrescere, et frequenter in ecclesiam cum silentio in orationibus persistere, desiderabat scire vera opera eorum. Septimana ergo integra juvenavit, et rogavit Dominum, ut sibi opera eorum dignaretur ostendere. Et post hæc profectus est ad eos, pulsavitque ostium speluncæ eorum. Quo aperto, et viso homine Dei, adoraverunt utrique in terra. Et postquam facta ex more oratione consederunt, ille major innuit minori, et egressus est foras. Ipse autem sedebat torquens funiculum, nihil loquens omnino. Hora vero nona pulsavit ostium frater junior, et ingressus est cum cibo, quo reficerentur. Eodem nutu jussus, mensulam parvulam cum tribus paximatiis apposuit, tacensque stetit. Cumque comedissent, dixerunt ad beatum Macarium : Discedis, Pater, an non? Et ille illic se quiescere velle respondit. Tunc illi mattulam in uno angulo ad opus ipsius collocarunt, ipsi vero in altero angulo quieverunt, quasi ad dormiendum se projecissent. Iterum ergo Macarius rogavit Dominum, ut ei opera ipsorum declararet. Et ecce velut dissipato

² Diversus stylus in Editis. Posui ex Mss.

³ Hic in Editis additur numerus alius de Arsenio.

⁴ Diversus hic in Editis stylus.

tecto, lux clara cellulam illam quasi media dies A implevit. quam tamen illi non senserunt; sed postquam arbitrati sunt senem dormire, surgentes in orationem sese dederunt, extendentes manus ad cœlum, quos quidem ille quid facerent intuebatur, illi autem illum videre non poterant. Intentius autem senex respiciens, vidit tanquam muscas dæmones venientes in illius minoris ore atque oculis residere volentes, sed angelus Domini rhomphæa ignea armatus, tam illos circumdabat et defendebat, quam dæmones repellebat et ejiciebat; ad majorem vero accedere nullo modo prævalebant. Prope vero jam luce, projecterunt se in eodem stratu suo. Tunc Macarius velut evigilans surrexit, similiter surrexerunt et ipsi, quasi de longo somno excitati. Et accedens senior frater ad senem dixit: Vis, pater, vel duodecim psalmos canamus. Cumque psallerent, de ore junioris fratris per singulos versus fax ignis egressa ascendebat ad cœlum. Item et major cum decantaret, quoties ad psallendum labia deducebat, velut funiculus ignis de ore ejus similiter tendebatur ad cœlum. Postquam vero expleverunt matutinos, egressus Macarius obsecrabat eos, ut pro se orare dignarentur; illi vero tacentes, ad ejus pedes sunt provoluti, seipsos orationibus illius commendantes. Et cognovit senex, quoniam major quidem esset in timore Dei perfectus, minorem vero adhuc dæmones impugnarent. Post paucos vero dies major frater receptus est in pace, tertio die etiam minor est eum assecutus.

196. Abbas Moyses (*Pasch.*, c. 35, n. 1) commonebat fratres, dicens: Quatuor sunt monacho principalia observanda; id est, tacendi, servandi mandata Dei, humiliandi semetipsum, et angustia paupertatis. Oportet ergo monachum ut semper luceat, semper suorum sit memor peccatorum, et omni hora ponat sibi mortem ante oculos suos.

197. Sancti Patres congregati prophetaverunt de ultima generatione, ex quibus unus præcipuus, nomine Squirion [*Vulgati*, Isquirio], dixit: Nos quidem adhuc mandata Dei implemus (*Joan.*, libell. I, n. 14). Interrogaverunt eum alii Patres, dicentes: Quid hi, qui post nos futuri sunt? At ille respondens dixit: Media forte complebunt mandata Dei, et æternum requirunt Deum. Dixeruntque sancti Patres: Post hos autem qui veniunt, quid facturi sunt? Respondens dixit: Homines generationis illius mandatorum Dei opera non habebunt, et præcepta Dei obliviscuntur. Superabundabit autem tunc iniquitas, et refrigeret charitas multorum (*Matth.* xxiv). Veniet vero super eos tentatio, et qui inventi fuerint in illa tentatione probati, et nobis et Patribus nostris meliores existent, et feliciores, et probabiliores.

198. Quidam frater abbatem requisivit Agathonem (*Pelag. libell.* x, n. 1; *Pasch.* c. 42, n. 1), dicens: Volo, Pater, manere in congregatione cum fratribus: dic mihi quomodo habitem cum eis? Respondit ei senex: Observa hoc præ omnibus, ut qualis primo die ingredieris apud ipsos, talis etiam reliquos peragas dies cum humilitate.

199. Quodam tempore Mazices (21) cum supervenissent in Scythi, et multos ex Patribus interfecissent (*Pelag.*, libell. xv, n. 11; *Pasch.*, c. 42, n. 4), abbas Pœmen cum alio abbate seniore se, nomine Nub, et cum aliis quinque Patribus fugiens inde, venit in locum Therenuthi (22); et invenerunt ibi templum quoddam desertum, manserunt in eo septem diebus pariter, donec cognoscerent ubi mansurus esset unusquisque in 530 Ægypto. Dicit ergo eis abbas Nub: Septimana hac unusquisque requiescat apud se, et cum altero non loquatur. Cum autem sic facerent, erat in templo illo statua cujusdam idoli. Abbas ergo Nub exsurgens mane lapidabat eam, et vespere veniens dicebat ad eam: Peccavi, indulge mihi. Et per totam septimanam similiter fecit. Die autem Sabbati cum pariter convenissent, dicit ei abbas Pœmen: Quid voluisti hac tota facere septimana, ut homo fidelis idolo diceres: Indulge mihi. Dicit ei senex: Hæc ego propter vos feci: dicite mihi, nunquid hoc idolum quando lapidabam, locutum est, aut iratum? Et iterum quando indulgentiam petebam, nunquid exaltavit se, aut gloriatum est? Cui abbas Pœmen respondit: Non utique. Tunc senex dixit: Fratres, ecce, sumus septem: si vultis ergo ut pariter maneamus, sit idolum istud nobis exemplum, ne quando injuriatus aliquis irascatur; nec quando ab eo venia petitur, gloriatur vel extollatur. Sin autem ita non vultis, unusquisque ubi vult pergat. At illi projicientes se in terram, responderunt se ita facturos, et sic permanserunt per multos annos cum multa humilitate et patientia. Quatuor horis dormiebant in nocte, et quatuor psallebant, et quatuor operabantur; in die vero usque ad horam sextam operabantur, deinde usque ad nonam legebant; et post hoc victum sibi præparabant, colligentes quasdam herbas terræ.

200. Fuerunt et alii septem similiter probatissimi viri, qui in ea eremo, quæ Sarracenis contigua est, habitabant; cellulis quidem haud longe a se divisas, sed ipsi vinculo charitatis connexi: quorum unus vocabatur Petrus, alius Stephanus, tertius Joannes, quartus Georgius, quintus Theodorus, sextus Felix, septimus Laurus. Hic ergo in sterili ac vastissima solitudine, et pene hominibus inhabitabili commorantes, semel sibi in septimana videndos se præbebant. Sabbatorum namque die, hora diei nona conveniebant singuli de locis suis ad locum sibi conductum, deferentes unusquisque, si quid invenire poterat. Et unus quidem deferebat nuces, alius lactarones (23), alius dactylos, alius ficus, alius herbas visibiles, id est, lapsanum, pastinacas, caricas et petroselinum. Iste quippe erat præcipuus eorum victus: panem namque et oleum vel potum extra usum habebant. Tantummodo enim supradictis herbis et pomis sustentabantur. Vestimentum eis palma solummodo præbebat, aqua in illis locis minime inveniebatur. Neque enim aliter potabantur quam exeuntes mane, ac discurrentes per diversas herbas colligentes rorem, qui affluentissime ibi cadit, et inde tantummodo

bibebant. Cumque (ut diximus) in unum conyeni-
rent locum, agentes Deo gratias sumebant cibum. Post refectionem vero usque ad vesperam sedentes meditabantur de Scripturis sanctis. Non enim discurrebat inter eos sæcularis fabula, non cura sæculi, non actio terrenarum rerum, sed solummodo collatio spiritualis, regni cœlestis desiderabilis commemoratio, futura beatitudo, gloria justorum, pœna peccatorum, sanctorumque quies. Hæc commemorantes suspirabant ex imo pectore, et flebant uberrime. Cumque per totam noctem pervigiles manerent celebrantes Domino laudes: die Dominico, hora nona, loquendi secum et videndi se terminum capiebant. Redibat enim unusquisque ad cellam suam, in qua solus soli Dei diebus ac noctibus vacabat. In his igitur studiis eos positos Sarraceni late per eremum discurreres repererunt, et irruentes supra eos de eremo ejecerunt, atque ligantes eos pedibus suspenderunt, multisque injuriis afflictos ad extremum focum subtus eos de herbis amarissimis congesserunt, ubi incredibiliter cruciati, lumen oculorum ex amaritudine fumi amiserunt. Et postquam multis tormentis eos afflixerunt, semivivos eos dimiserunt; ex quibus unum novimus in quodam loco plurimo postea supervixisse tempore, cæteri vero ubinam fuerint devoluti penitus ignoramus.

201. Interrogavit quidam frater abbatem Pœmenem¹, dicens: Quid est quod Dominus in Evangelio dicit: Majorem hac charitatem nemo habet, quam ut quis animam suam pro amico suo ponat (*Joan. xv*); quomodo hoc fiet? Respondit senex: Si quis audit verbum malum a proximo suo, et cum possit ipse similia illi respondere, tolerat tamen in corde suo, et vim laboremque sibi facit, ne forte respondeat illi malum et contristet illum, iste animam suam ponit pro amico suo.

202. Dixit quidam senex: Si non recordatur homo suos actus in oratione, in vanum laborat cum orat². Quando enim voluntatem peccandi quis dimiserit, et ambulat permanens in timore Dei, istum mox cum gaudio suscipit Deus.

203. Sanctum senem requisivit frater (*Append. Mart.*, n. 36), dicens: Quid faciet homo in omni tentatione veniente super se, et in omni cogitatione immissa ab inimico? Respondit: Plangere debet in conspectu bonitatis Dei, ut succurrens auxilietur ei. Scriptum est **531** enim: Dominus mihi adjutor est, et ego despiciam inimicos meos (*Ps. l. cxxii*).

204. Quidam senex dixit: Sicut ad succensam ollam muscæ non appropinquant; si vero tepida fuerit, insident in ea, et faciunt vermes; ita et monachus succensum igne divini amoris fugiunt dæmones, tepidum vero illudunt et insequantur (*Pasch. c. 39, n. 3, nomine Pimenii*).

205. Abbas Silvanus dum sederet in spelæo, factus

¹ Pelag., libell. xvii, n. 10; Pasch., c. 37, n. 3.

² Joannes, libell. iv, n. 4, nomine Moysis; Append. Mart., n. 35. In Editis alio stylo.

A in extasi pendebat in faciem suam³. Et post aliquot horas surgens plangebatur vehementer. Astans autem discipulus ejus, dixit ei: Quid habes, Pater? At ille tacens plangebatur. Cum autem compelleret eum discipulus, ut diceret ei quid plangeret, dixit ei: Ego ad iudicium raptus fui, fili, et vidi multos de habitu nostro monachili euntes ad supplicium, et multos laicorum euntes in regnum Dei. Et hæc dicens senex, lugebat graviter.

206. Quidam senex dixit fratri: Omni die vicinam tibi mortem esse cogita; quasi jam clausus sis in monumento, nihil de hoc sæculo cures⁴. Timor Dei jugiter permaneat in te, in omni hora. Crede te hominibus omnibus inferiorem esse. Non detrahas alicui, quia Deus cognoscit omnia; sed esto pacificus cum omnibus, et dabit tibi Dominus requiem semper.

207. Cum quidam fratres quemadmodum orarent beatum Macarium requisissent (*Pelag., libell. xii, n. 10*), respondit illis, dicens: Non sunt necessaria nobis superflua verba; sed extendere tantum manus ac dicere debemus: Deus, quomodo vis, et sicut tibi placet, ita fiat. Si autem tentatio irruerit, aut impugnatio, dicendum est: Deus, auxiliare nobis; ipse enim scit quæ nobis expediant.

208. Abbas Joannes dicebat: Similis debet esse monachus homini sedenti sub arbore, qui respiciens feras diversas et serpentes venientes ad se, cum non potuerit eis resistere, ascendit in arborem ut evadat. Ita et monachus sedeat in cella sua, et respiciens pravas cogitationes venientes super se, et cum non potuerit eis resistere, confugiat per orationem ad Dominum, et salvabitur.

209. Idem dixit: Similis debet esse monachus homini habenti a sinistra ignem, et a dextra aquam: quoties enim succensus fuerit ignis, tollit de aqua et exstinguit illum. Sic oportet et monachum facere omni hora, ut quandocunque cogitatio turpis succensa fuerit ab inimico, tunc aquam orationis effundat, et exstinguat illam.

210. Abbas Zenon dum esset in Scythi (*Pelag., libell. xviii, num. 7*), egressus est nocte de cella sua ambulare per eremum; et factum est, dum longius processisset, erravit tres dies et noctes ambulans, et cecidit fatigatus usque ad mortem. Et ecce stetit ante eum infans, habens in manu sua panem, et dixit ei: Exsurge, et comede. At ille exsurgens oravit; sperabat enim phantasiam esse. Cui infans dixit: Bene fecisti quod orasti; modo ergo surge et comede. Cui abbas Zenon non acquievit, nisi secundo ac tertio orasset. Et cum ille laudaret quia orabat, jam tunc surrexit et comedit. Post hæc dixit ei infans: Quantum plus ambulasti, tantum longius es a cella tua: sed surge, sequere me, et mox inventus est ante cellam suam. Dixit ergo ei senex: Ingredere in cellam

³ Pelag., libell. iii, num. 15; atque ejus stylo hic in Editis. Posui ex Mss. Append. Mart., n. 13.

⁴ Pasch., c. 43, n. 2, nomine Silvani. Append. Mart., n. 108.

meam, et fac orationem. Et ingresso sene in cellam suam, ille non apparuit.

211. Abbas Daniel referebat de beato Arsenio, eo quod Sabbatorum die vespere solem relucentem post dorsum suum dimittebat in oratione persistens, extendensque ad cælum manus non desistebat orare, nisi iterum sequenti die sol surgens oculos ejus implesset (*Pelag., libell. xii, n. 1*).

Cæteras autem noctes pervigiles ducebat, et prope diluculo, cum vellet parum pro naturæ fragilitate quiescere, dicebat somno: Veni, male serve; et mox claudens oculos, quiescens subripebat parum somni sedendo, et statim exsurgebat (*Pelag., libell. iv, num. 2*).

Hic ipse Arsenius totum tempus vitæ suæ sedens ad opus manuum, pannum habebat in sinu propter lacrymas, quæ ob desiderium æternæ vitæ crebro currebant ex oculis ejus (*Pelag., libell. iii, n. 4; Ruffin., sup., n. 163*).

212. Quidam fratres, cum ad abbatem Lucium advenissent¹, requisivit eos senex, dicens: Quid soletis manibus vestris operari? At illi dixerunt: Nos nihil manibus nostris operamur, sed secundum quod dicit Apostolus, sine cessatione oramus (*I Thess. v*). Quibus senex dixit: Non manducatis? At illi professi sunt: Etiam. Dixitque eis: Quando ergo comeditis, quis pro vobis orat? At illi conticuerunt. Et iterum requisivit eos, dicens: Nunquid dormitis? Cumque illi se dormire dixissent, dixit eis: Quando ergo dormitis, quis orat pro vobis? Et non invenerunt quid responderent ei. Tunc dixit eis: Indulgete ergo mihi, quoniam non facitis sicut dicitis. Ego autem dicam vobis quemadmodum manibus meis operans sine cessatione oro. Sedeo enim de mane usque ad horam constitutam, et pauca palmarum folia infundo, et facio exinde funiculos, et interim oro, dicens: Miserere mei, Deus, secundum magnam misericordiam tuam, et secundum multitudinem miserationum tuarum, dele iniquitatem meam (*Psal. l*). Cumque **532** percomplevero opera manuum mearum, et fecero aliqua vasa aut paucos funiculos, et emero ex eis nummos decem, ex ipsis nummis duos do pauperibus, et reliquos comedo. Quando ergo comedo aut dormio, tunc illi pro peccatis meis sine cessatione implent orationem meam.

213. Abbas Macarius, dum semel de Scythi portaret sportellas quas texerat, grandem habens viæ laborem, resedit, et dixit: Deus, tu scis, quia amplius non valeo ambulare. Et mox inventus est ad fluvium, unde adhuc multis aberat intervallis (*Joan., libell. ii, n. 6*).

214. Abbas Ammon veniens in deserto ad quemdam locum haurire aquam, vidit basiliscum; et jactans se in faciem suam, dixit: Domine, aut ego moriturus sum, aut ista bestia. Mox basiliscus per virtutem Dei dissipatus est.

215. Abbatis Besarionis discipulus, nomine Dulas,

¹ *Pelag., libell. xii, n. 9*. Atque ejus stylo hic in Editis.

A cum quadam die cum ipso pariter juxta littus maris ambularet, contigit eum multum sitire, et dixit seni: Sitis me macerat, Pater (*Joan., libell., ii, n. 1*). At beatus Besarion, facta oratione, jussit eum aquam de mari tollere et bibere. Quod cum fecisset, et dulcissimam aquam reperisset, vasculum quod secum portavit implevit. Quod cum vidisset abbas Besarion, dixit ad eum: Quare implesti vas aqua, fili? At ille dixit: Indulge mihi, Pater, timui enim ne forte in antea sitiam. Cui senex dixit: Indulgeat tibi Dominus, fili; quia et ubique Deus est, et potest tibi dulcem aquam præstare.

216. Quidam frater volens discedere in solitudinem², a matre propria prohibebatur. Ille vero dicebat matri suæ: Permite me, mater; salvare enim volo animam meam. Cum autem non posset retinere eum mater, dimisit eum. Ille vero veniens in solitudinem, per negligentiam omnem vitam suam consumebat. Contigit autem ut moreretur mater ejus. Et post tempus aliquod factus est et ipse ægrotus, et raptus in extasi ad judicium, invenit matrem cum his qui judicabantur. Illa autem cum vidisset eum, obstupuit, dicens: Quid est hoc, fili? et tu in hoc loco deductus es condemnandus? Et ubi sunt illa verba quæ solebas dicere: Quoniam salvare volo animam meam? Erubescens ergo ille in verbis quæ audiebat, stabat nihil habens quod responderet. Et ecce voce facta ut hic revocaretur, tanquam altero jussu ex conobio fratrum transire, reversus ad se, omnia quæ cognoverat, quæque audierat astantibus referebat. Ad confirmationem sane verborum suorum rogavit ut aliquis ex astantibus iret ad monasterium, ut videret si transisset frater ejusdem nominis, de quo audierat; qui profectus, invenit ita. Ipse vero postquam sanus effectus est, recludit se, et sedit cogitans de salute sua, pœnitens et lacrymans super his quæ fecerat prius in negligentia. Tanta autem erat ei compunctio, ut cum multi eum rogarent paululum requiescere, ne forsitan noxium aliquid pateretur per incessantem fletum, ille nollet, dicens: Si matris meæ improprium non portavi, quemadmodum præsentem Christo et angelis ejus in die judicii aut impropria aut tormenta portabo?

217. Quidam frater sedebat in Ægypto in magna humilitate præcipuus (*Pasch., c. 24, n. 2*), et habebat sororem in civitate meretricem, quæ multis animabus perditio fuerat. Frequenter ergo monebant senes fratrem illum, et vix potuerunt ei persuadere ut veniret ad eam, quatenus per admonitionem ejus posset peccatum quod per eam fiebat evincere. Cum autem veniret ad locum, quidam ex notis eum videns, præcessit, et nuntiavit illi, dicens: Ecce frater tuus venit ad te de eremo. Illa autem hæc audiens, præ gaudio relictis amatoribus suis quibus ministrabat, capite discooperto ad occurrendum fratri egressa est. Et dum vidisset eum, tentaretque eum complecti, dixit ei ille: Soror mea charissima, parce

² *Pelag., libell. iii, n. 20*. Atque ejus stylo hic in Editis. Posui ex Ms.

animæ tuæ, quoniam multi propter te pereunt. Considera quanta habeas tormenta præparata, nisi cito pœnitere festinaveris. Illa autem contremiscens dixit ad eum: Et scis, frater, quia est mihi salus vel modo? Cui ille dixit: Si volueris, est tibi adhuc salus. Illa autem jactans se ad pedes fratris sui, petebat ut eam secum duceret in desertum. Cui frater dixit: Vade, cooperi caput tuum, et sequere me. Cui illa, Eamus, ait, velociter; oportet enim me deformare, et inter homines nudo capite ambulare, quam in officinam peccati mei iterum ingredi. Dum autem pariter ambularent, monebat eam frater ad pœnitentiam. Videns autem ille quia quidam fratres obviarent sibi, dixit ad eam: Quoniam necdum omnes sciunt quod soror mea es, secede parum de via, donec transeant. Quod cum fecisset, postquam transierunt illi, vocavit eam frater suus, dicens: Veni, soror, eamus viam nostram. Illa autem non respondit ei. Perquirens ergo ille diligenter sororem suam, invenit eam mortuam et vestigia pedum ejus plena sanguine; erat enim discalceata. Tunc ille flens et ejulans nuntiavit senioribus omnia quæ facta fuerant: at illi contendebant inter se de salvatione ejus. Manifestavit autem Deus uni seni de ipsa, quia quod nulla illi cura fuit de rebus corporalibus, sed ut vulnus proprium sanaret, neglexit omnia sua, et suspiravit **533** graviter et flevit propter peccata sua, propterea suscepisset Deus pœnitentiam ejus.

218. Quodam tempore (24) cum beatus Antonius a sancto Athanasio Alexandriae episcopo propter confutationem hæreticorum in urbem esset adductus (*Ex Hieron., epist. 33, ad Castrulium*), perrexit ad eum Didymus vir eruditissimus. captus oculis. Cumque multa de Scripturis sanctis loquerentur, inter cæteras sermocinationes quas de sanctis Voluminibus habebant, cum Antonius miraretur ingenium ejus, et acumen animi collaudaret, sciscitans, ait ad eum: Non tristis es quod oculis carnis careas? Et cum ille præ pudore reticeret, secundo tertioque eum interrogans Antonius, tandem elicuit ut mœrorem animi simpliciter fateretur. Cui Antonius ait: Miror prudentem virum ejus rei dolere damnum, quam fornicæ, et muscæ, et culices habent (25); et non po-

¹ Ad verbum pene ex D. Hieron., epist. 4. ad Rusticum.

ROSWEYDI NOTATIO.

(1) *Ruffino.*] Vide prolegomenon 5 generale, initium horum librorum.

(2) *Vere mundum quis dubitet meritis stare Sanctorum.*] Vel hinc aliquo modo colligi potest, libri hujus auctorem esse Ruffinum, ut prolegomeno 5 tetigi. Repetit enim hic Ruffinus quæ dixerat prologo libri prioris: vel potius ejusdem libri prologo epiphonemate respondet. Cum enim illic dixisset: « ut dubitari non debeat eorum meritis adhuc stare mundum, » nunc infert epiphonemate, ad prius dicta alludens: « Vere mundum quis dubitet meritis stare sanctorum? »

Ut porro prioris libri prologus in quibusdam ad Palladii præmium in Lausiacam Historiam alludit, ita hic apertius communia quædam habet cum epistola Palladii ad Lausum, quæ post præmium ibidem ponitur, quæ singulatim jam subjungo.

PATROL. LXXIII;

atius lætari illius possessione, quam sancti et apostoli meruerunt. Melius enim multo est spiritu videre quam carne; et illos oculos possidere, in quos peccati festuca non possit incidere, quam illos qui solo visu per concupiscentiam possunt hominem in interitum gehennæ mittere.

219. Quidam frater (26) ex Nitria parciore magis quam avarior, et nesciens triginta argenteis Dominum Jesum venditum, centum solidos, quos lina texendo collegerat, moriens dereliquit (*Ex Hieron. epist. 22, ad Eustoch., de custod. virgin.*). Initum est autem consilium inter monachos (nam eodem in loco circiter quinque millia divisim cellulis habitabant [27]) quid facto opus esset. Alii pauperibus distribuendos esse censebant, alii dandos ecclesiæ, nonnulli parentibus ejus remittendos. Macarius vero, et Pambo, et Isidorus, et cæteri seniores Patres, sancto in eis loquente Spiritu, decreverunt infodiendos esse cum domino suo, dicentes: Pecunia tua tecum sit in perditionem (*Act. viii*). Sed ne hoc crudeliter quisquam putet factum, tantus terror et pavor per totam Ægyptum cunctos monachos invasit, ut unum solidum dimisisse, grandis apud eos sit criminis.

220. Erat quidam adolescens Græcus in Ægypto constitutus in cœnobio¹, qui nulla continentia, nulla operis magnitudine flammam poterat carnis extinguere. Cumque ad Patrem monasterii hæc ejus tentatio fuisset perlata, hac ille eum arte salvavit. Imperavit cuidam viro gravi et aspero, ut jurgiis atque conviciis insectaretur adolescentem, et post irrogatam injuriam primus veniret ad querimoniam. Cumque imperata sibi perficeret, insuper vocati testes pro eo loquebantur, qui contumeliam adolescenti fecerat. At ille cœpit flere contra mendacium: quotidie gemitus, quotidie lacrymæ fluebant; sedebat solus, quia amaritudine repletus erat, omnique auxilio destitutus ad Jesu pedes jacebat. Quid multa? ita totus annus deductus est: quo expleto, interrogatus adolescens super cogitationibus pristinis, an si adhuc molestiæ aliquid sustineret, respondens dixit: Pater, vivere mihi non licet, quemadmodum fornicari libet? Ita ergo spiritali Patre procurante adolescens superata libidine salvatus est.

« Non ergo spernas simplicitatem et impolitos sermones. » Palladius initio Lausiacæ Hist., epistola ad Lausum: « neque respuas rudem et inornatam dictionem. »

534 « Nec enim mei operis est divinæ doctrinæ scripturæque sophisticæ et eloquenter signare sermones. » Palladius ibidem: « Non est enim divinæ doctrinæ, ornata et ad ostendendam sapientiam composita uti oratione. »

« Sed suadere mentes hominum in fide et operibus veritatis. » Palladius ibidem: « Sed verbis persuadere veritatis. »

« Patrum denique sanctorum patriarcharum et prophetarum Abraham, Isaac, et Jacob, Moysis, et Eliæ, et Joannis ideo descripta est fides, » etc. Palladius, ibidem: « Nam ii quoque, qui Patrum Vitas conscripserunt, Abraham, et Isaac et Jacob, et Moy-

sis, et Eliæ, et Joannis, et eorum qui deinceps consequuntur, non narrarunt ut eorum illustretur gloria, sed ut prodessent iis qui eas legerent. »

(3) *Mi domine Fidose.*] Putabam primo, *Phidose* legendum Græco vocabulo, quod scirem simile nomen alibi esse, ut Phidus episcopus Joppæ in concilio Ephesino, et Phidus diaconus in Vita sancti Euthymii 20 Januarii. Et Athanasius, epistola de Synod. Arim. et Seleuc., habet quemdam Φιδήσιον, *Phideliu*m episcopum pro quo apud Socratem, libro II, cap. 32, est Φιλιδῖος, *Philedius*. Sed variis excussis, nihil inveni quod huc faceret. Tandem cum attente Palladium legerem (ex quo videbam prologum hunc adumbratum, et in eo tam in Proœmio quam epistola ad Lausum aliquoties occurreret *fidelissimus*; in proœmio, *Fidelissimique et religiosi imperii splendor Lause*; in epistola, *Ilæc ergo cum scias, fidelissima Lause*; et cap. 19, 20, et 34, *hominum fidelissime Lause*, ubi in Græco est πιστότατε, videbatur mihi Ruffinus *fidosum* postuisse pro *fidelissimo*, et ita Lausum occulte insinuare. Nec enim puta Ruffinum nomen suum libro huic præfixisse, cum ex alio vel verterit, vel alterius librum cum præfatione ediderit.

Atque ut prologum hunc in manuscriptis et editionibus omnibus, excepta prima inveni, ita eum hic dedi. Prima tamen editio sequentia post *Fidose* ita accipit, et auctiora exhibet; quæ hic subjungo, ne quid desiderares omissum.

« Beatifico siquidem et admiror laudabile propositum tuum, ut dignum est; quoniam cum plurimi religiosam vitam professi circa vana et inania præsentis sæculi studium suum impendant, et juxta prophetæ oraculum, lapides sanctuarii dispersi sunt in capite omnium platearum, ex hoc valde gaudeo, quod tu verbo ædificationis, et sanctæ Scripturæ doctrina informari desideras, sanctorumque Patrum considerationes et instituta perquiris.

« Igitur vigesimum in episcopatu agens annum, desideranti tibi spiritualium virorum, quos in Dei rebus spectatos vidi et audivi, vitam moralemque doctrinam præsentis libelli compendio declarare tentabo, quatenus in proposito pietatis dux tibimetipsi bonorum operum, et eorum qui tecum sunt, et qui post te erunt, doctor efficiaris imperitorum.

« Sed oro te, ne spernas simplicitatem eloquii, nec politi a me exigas styli venustatem. Nec enim operis est divinæ Scripturæ, sophisticæ et eloquenter signare sermones, sed suadere mentes hominum in fide et operibus veritatis, secundum quod scriptum est: *Aperi os tuum verbo Dei (Prov. xxvi)*; et iterum: *Non aspernas verba seniorum, et ipsi enim didicerunt a patribus suis (Eccl. viii)*.

« Denique sanctorum patriarcharum et prophetarum, Abraham scilicet, Isaac, Jacob, Moysi, Eliæ, et Joannis ideo a præcedentibus descripta est fides et conversatio, non tantum ut illos glorificarent, quos certe Dominus glorificaverat, et in regno suo gloriosos habebat; sed ut legentibus posteris conferrent veritatis doctrinam, et exempla salutis.

« Accipiens ergo a nobis non diserta, sed fortia; vera, non fucata; sanctos imitare quos legis, prædica quos diligis. Ex hoc enim auditores tui, facti amatores Christi, proficient ad æternam salutem. »

Atque ex his manifestus quoque evadit, quomodo Ruffinus prologum hunc ex Palladii Proœmialibus expresserit. Conferantur inter se, et non vanam conjecturam meam esse tute deprehendes.

(4) *Paximatia.*] Panes sunt Ægyptiis monachis in usu. Vide Onomasticon.

(5) *Gello.*] Post *gellunculus*. In Pelagio, libello v, num. 24, est *suriscula*. Intelligitur vas aquarium. Vide Onomasticon.

(6) *Proastium.*] Mira hic mss. librorum lectio. Audomaren. *prastro, qui vocatur isentimo*. Aquic. *proastion, qui vocatur setimo*. Editi, *prope prascium* vel *prastium*. Cædrenus, anno 20 imperii Theodosii junioris, eandem historiolum narrat, ubi Græce est ποζ-

σταιον. Et infra, apud Pelagium, libello xv, n. 66, in hac eadem re, *suburbanum*. Supra in Vita sancti Basilii c. 2, etiam habes *proastium*. Vide Onomasticon.

(7) *Septimo.*] Intelligitur septimum clima seu regio Constantinopoleos, quod in proastio seu suburbio erat. Aliquando Græcum vocabulum Latini servant, et vocant *hebdomon*. Vide Onomasticon.

(8) *Subripiat.*] Id est, *sebrepat*. Editi addunt, *maritum*. Sic supra, apud Ruffinum, lib. II, cap. 15. « Huic quodam die Satanas subripere volens. »

(9) *Brumosa.*] Ita Ms. Editi fere, *bramosa* et *bramosa*. Intelligitur autem aqua crassa et fetida. Glossæ Isidori: *Bromosa, immunda*. *Brumosus, annosus, resinusus*. *Brumalia, resinosu pluvia*. Vide Onomasticon.

(10) *Muscata.*] Varia hic lectio in Mss. *musica* in Aquicinct. *Musaco* in Audomaren. Supra, in Vita Pelagiæ, cap. 2: « Quæ tamen transiens per nos, totum implevit aerem ex odore musci. » In Vita Marcellæ, cap. 3, *fragrare musco muro* [In edit. Vallars., num. 3, *fragrare mure*.] Vide Onomasticon.

(11) *Abbas Joannes.*] Fulbertus, Carnotensis episcopus, in fine epistolarum suarum, post hymnum de Nativitate Christi et Epiphania, ex hoc loco, vel ex Pelagio, infra, libell. x, num. 27, hanc de Joanne Parvo narrationem ita versibus et rhythmis sæculi sui reddidit:

In Vitis patrum veterum quidam legi jucundum,
Exemplo tamen habile, quod vobis dico rhythmicæ.
Joannes abba parvulus statura, non virtutibus,
Ita majori socio, quicum erat in eremo,
Volo, dicebat, vivere secure, sicut Angelus,
Nec vesta nec cibo frui, qui laboretur manibus.
Respondit frater: Moneo, ne sis incepti properus,
Quod tibi postmodum sit non cœpisse satius.
At ille: Qui non dimicant, non cadit neque superat.

Et nudus eremum interiorem penetrat,
Septem dies gramineo nix ubi durat pabulo:
Octava fames imperat, ut ad sodalem redeat:
Qui sero clausa janua, totus sedet in cellula,
Cum minor voce debili appellat: Frater, aperi;
SSS Joannes opis indigus notis assistit foribus:
Ne spernat tua pietas, quem redigit necessitas.
Respondet ille deintus: Joannes factus est angelus,
Miratur cœli cardines, ultra non curat homines.

Foris Joannes excubat, malamque noctem tolerat
Et præter voluntariam hanc agit penitentiam.
Facto mane recipitur, satisque verbis uritur,
Sic intentus ad crustula, fert patienter omnia.
Refocillatus Domino grates agit ac socio,
Dehinc rastellam brachii tentat movere languidis.
Castigatus angustia de levitate nimia,
Cum angelus non potuit, vir bonus esse didicit.

(12) *Theopemptus.*] Ita Θεόπεμπτος vocatur in Mœnæis Græcis 19 Januarii in Vita Macarii Ægyptii. In Mss. et Editis varie hoc nomen depravatur, *Theopenlus, Theopentius*.

(13) *Carricavit.*] Gloss. vett., *Carrico, onero*.

(14) *Conviciis affligebat.*] De hoc Atheniensium more habes apud Gregorium Nazianz. oratione in Dlaudem divi Basilii. Vide in Onomastico *Depositio*.

(15) *Certatus es.*] Alias, *certasti*. Sed sæpius hæc forma loquendi eo sæculo usitata in his libris occurrit.

(16) *Cum lampadibus.*] Viris in dignitate constitutis, vel sanctitate eminentibus occurrerant cum igne cereis, lampadibus, thymiamate. Vide dicta ad Vitam sancti Basilii, cap. 9, n. 44. Consule et Onomasticon.

(17) *Pistor molæ oculos operiret.*] Deest prior pars hujus numeri in manuscriptis usque ad *Nunquam*. Editi eam habent, quare reliqui. Sed qui *oculi molæ*? Legendum existimo, *pistor molæ, oculos animalis operiret*. Ita Pelagius libello xv, numero 80.

(18) *Hyperichius.*] Hoc numero in Editis varia comprehendebantur apophthegmata brevia, quæ iisdem verbis habentur in Pelagio libello IV, a numero 45 usque ad num. 54 inclusive, nomine Hyperichii, exceptis duobus ultimis, qui sub *Incerti* titulo habentur. Substitui hic quod erat in Mss.

(19) *Joseph.*] Ms. Aquic., *Jusefel.* Ms. Audomar., *A* *Tusefel.* Alii, *Josephel.*

(20) *Macarius.*] Numerus hic et historiola Macarii hoc modo in Ms. Aquicinct. erat concepta: « Abbas Macarius dum ambularet per desertum, hominem quemdam mortuum primum in terra invenit jacentem, et posito baculo suo super eum, ait: In nomine Jesu Christi surge. Et statim qui jacebat mortuus, surrexit, et jactavit se ad pedes sancti Macarii. Et cœpit proclamare quemadmodum ducebatur ab angelis Satanae ad locum tormentorum, et propter petitionem ejus fuisset ab Æthiopia dimissus. Cui, cum interrogaret Macarius in quo loco fuisset destinatus, ille alte ingemiscens, ait: Quantum cœlum distat a terra, tantum ignis est altus, in quo medio eram missus. His autem auditis senex lacrymas effudit, dicens: Væ homini illi, qui mandata Dei transgressus fuerit. Quæ in textu edito sunt de refrigerio damnatorum, non valde quadrant cum placitis theologorum scholasticorum. Eadem historiola, paulo aliter narrata, habetur etiam infra, apud Joannem, libello III, n. 16, ubi notationem vide.

(21) *Mazices.*] Impressi, *Mazines*, Ms. Aquic., *Amazones.* Sed legendum *Mazices.* Apud Pelagium est, *gens Mazicarum.* Vide Onomasticon.

(22) *Therenuthi.*] Ita legendum, ex Pelagio, libell. xv, n. 2. constat. Ms. et Impressi, vel *teneritudinis*, vel *terenitudinis*, vel simile quid depravatum. Vide Onomasticon.

(23) *Lactorones.*] Ita Impressi. Ms. Aquicin., *lactopones*, qui totum locum ita legit: « Alius lactopones, alius dactylos, alius ficus, alius herbas usibiles, id est lapsanium, pastenacas, scarvitas, et petroselinum. » MS. Audomar. priora deerant, reliqua ita legit: « lapsanium, pastanacas, carricas ex petris » Colon. editio: « lapsanium et pastenatas, cucurbitas et petroselinum. » Aliquæ editiones *caricas* omittunt. Omnino difficile hic divinare. An *lacterones* sunt lactuca, a lacte? an decurtatum ex Græco γαλακτέρονες, quod tamen non memini legisse. Forte etiam *scarvitæ* proba vox, unde Gallis *chervis*, inter herbas usibiles. Vide Onomasticon.

(24) *Quodam tempore.*] Desumptum hoc ex divo Hieronymo, epist. 33, ad Castrutium; quæ hic tamen in fine, desunt Hieronymo. « Quam illos qui solo visu per concupiscentiam possunt hominem in interitum gehennæ mittere. » Ruffin., lib. II Eccl. Hist., cap. 7; Socrat., lib. IV, cap. 20; Hieron., in præfat. Di-

dymi de Spiritu sancto: « Didymus vero meus oculum habens sponsæ in Cantico canticorum, et illa lumina quæ in candentes segetes sublimari Jesus præcepit, procul altius intuetur. » Et epist. 32, ad Abigaum: « Sed illum te oculum habere lætare, de quo in Cantico dicitur canticorum: *Vulnerasti me, soror mea sponsa, uno de oculis tuis (Cant. IV).* »

(25) *Quam formicæ et muscæ et culices habent.*] Hieron. epist. 32, ad Abigaum, quæ est consolatoria super cæcitate: « Nec doleas si hoc non habeas quod formiculæ, et muscæ et serpentes habent. » Ubi etiam refert, quosdam mundi philosophos, « ut totam cogitationem ad mentis cogent puritatem, sibi oculos eruisse. » Et lib. II in Jovinianum: « quosdam legimus sibi effodisse oculos. » Cicero, lib. V de Fin.: « Democritus, qui vere falsove dicitur oculis se privavisse. » De eo idem, v. Tuscul., Gellius, lib. X, c. 7; Tertullianus, Apolog. cap. 46.

(26) *Quidam frater.*] Huc fortasse facit quod habet divus Hieronymus, ep. 4, ad Rusticum: « Vidimus nuper et planximus Croesi opes unius morte deprehensas, urbisque stipes quasi in usus pauperum congregatas stirpi et posteris derelictas. Tunc ferrum quod latebat in profundo, supernatavit aquæ (IV Reg. VI), et inter palmarum arbores myrrhæ amaritudo monstrata est (Ezod. XV). Nec mirum; talem et socium et magistrum habuit, qui egentium famas suas fecit esse divitias, et miseris derelicta in suam reservavit miseriam. Quorum clamor tandem pervenit ad cœlum, et patientissimas Dei vicit aures; ut missus angelus pessimus Nabal Carmelo (I Reg. XXV), diceret: *Stulte, hac nocte auferent animam tuam a te, quæ autem præparasti cujus erunt (Lucæ XII)?* ubi tralatitè ferrum pro latenti gravique monachi iniquitate accipe: et amaritudinem aquæ a Moyse prope septuaginta palmas inventam pro crimine, quod palmis velut sanctitatis umbra obtegatur.

Nescio an per socium et magistrum suggillet Ruffinum, quem Grunnii nomine designat, de quo in eadem epistola: « Hic bene numatus plus placebat in prandiis. Nec mirum, si qui multos inescare solitus erat, facto cuneo circumstrepentium garrulorum procedebat in publicum, intus Nero, foris Cato. »

(27) *Nam eodem loco circiter quinque millia divisim cellulis habitabant.*] Supra, lib. II, qui primus Ruffini est, in prologo: « Commanent autem per eremum dispersi et separati in cellulis. » Non frustra dixit, *divisim cellulis*, ut Cellia seu Lauram insinuaret.

DE VITIS PATRUM LIBER QUARTUS,

AUCTORIBUS (1) SEVERO SULPICIO (2) ET JOANNE CASSIANO (3).

Excæpta hæc sunt ex Severi Sulpicii dialogo 1, et Joannis Cassiani Institutis et Collationibus.

Prologus.

536 Frequenter ac sæpius a me, fratres, flagitatis ut vobis gratia ædificationis, regressus de partibus transmarinis, edisseram meæ peregrinationis historiam, vel qualiter in Oriente fides Christi floreat, quæ sit principum pax, quæ sanctorum quies, quæ instituta monachorum, quæ eremitarum vita vel conversatio. Si vel in

eremo vivere Christianis licet, quantisque signis ac virtutibus in servis suis Christus operetur, quemadmodum etiam mihi prospera navigatio fuerit, qui vel quo me iter terrenum perduxerit. Vestris ergo adiutus orationibus faciam ut desiderare vos video, et quæso ut libentissime ad ea quæ narro aurem accommodetis ¹.

¹ Sever. Sulpic., dialogo I cap. 1, quædam hujus Prologi verba habet. Intelligenda omnia nomine Posthumiani, qui interloquitur.

CAPUT PRIMUM.

De monacho solitario qui in finibus Cyrenorum in parvo tugurio commanebat.

Ante hoc triennium, quo tempore hinc abii (Sever. Sulpic. dialogo 1, c. 2), ubi a Narbona navim solvimus, quinto die portum Africæ intravimus, adeo prospera Dei nutu navigatio fuit. Libuit animo adire Carthaginem, loca visitare sanctorum, et præcipue ad sepulcrum Cypriani martyris adorare. Quinto decimo igitur die ad portum regressi, profectique in altum Alexandriam petentes, reluctantæ Austro, pene in Syrtim illati sumus: quod providi nautæ caventes, jactis anchoris navim sistunt. Sub oculis autem terra continens erat, in quam scaphis egressi, cum vacua omnia ab humano cultu cerneremus, ego studiosius explorandorum locorum gratia, longius processi. Tribus fere a littore millibus parvum tugurium inter arenas conspicio, cujus tectum, quasi carina navis, erat contiguum terræ, satis firmis tabulis constructum. Non quod ibi imbrium ulla vis timeatur; fuisse autem illic pluviam nec aliquando quidem auditum est; sed quod ventorum tanta vis est, ut si quando vel clementiore celo aliquantum spirare flatus cœperit, majus in illis terris, quam in ullo mari naufragium ~~537~~ sit. Nulla ibi germina, sata nulla proveniunt: quippe in instabili loco arentibus arenis, ad omnem morum ventorum cedentibus. Verum ubi adversa quædam a mari promontoria ventis resistunt, terra aliquantulum solidior herbam raram atque hispidam gignit, ea ovibus est pabulum satis utile. Incolæ loci illius lacte vivunt. Qui solertiores sunt, vel ~~538~~ (ut ita dixerim) ditiores, hordeaceo pane utuntur. Et ibi sola messis est, quæ celeritate proventus, per naturam solis sive aeris, ventorum casus evadere solet. Quippe fertur a die jacti seminis, trigesimo die maturescere. Consistere autem ibi homines non alia ratio facit, quam quod omnes tributo liberi sunt. Extrema siquidem Cyrenorum ora est deserto illi contigua, quod inter Ægyptum et Africam interjacet; per quod olim Cato Cæsarem fugiens duxit exercitum.

Ergo ut ad tugurium illud, quod eminus conspexeram, pertendi, invenio ibi senem in veste pellicea, molam manu vertentem. Consalutatus, accepit nos benignissime. Ejectos nos in illud littus exponimus; et ne statim repetere cursum possemus, maris mollitie detineri. Egressus in terram, ut est mos humani ingenii, naturam locorum, cultumque habitantium voluisse cognoscere; Christianos nos esse, id præcipue quærere, an essent aliqui inter illas solitudines Christiani. Tunc vero ille flens præ gaudio, ad genua nostra provolvitur, iterumque ac sæpius nos deosculans, invitat ad orationem. Deinde expositis in

A terram ferinis pellibus, facit nos discumbere; apponit prandium sane locupletissimum, dimidium panem hordeaceum. Eramus autem nos quatuor, ipse erat quintus. Fasciculum herbæ etiam intulit, cujus nomen mihi excidit, quæ menthæ similis est, exuberansque foliis saporem mellis præstabat. Hujus prædulci admodum suavitate et delectati sumus, et satiati. Septem enim diebus apud illum fuimus. Postera igitur die, cum aliqui ex incolis ad nos confluere cœpissent, cognoscimus illum hospitem nostrum esse presbyterum, quod summa nos dissimulatione ille celaverat. Deinde cum ipso ad ecclesiam processimus, quæ fere duobus millibus a conspectu nostro, interjectu montis, exclusa aberat. Erat autem vilibus texta virgultis, non multo ambitiosior, quam nostri hospitis tabernaculum: in quo vix quis, nisi curvus, poterat consistere. Cum hominum mores quæreremus, illud præclarum animadvertimus, nihil eos neque vendere, neque emere. Quid sit fraus atque furum nesciunt: aurum atque argentum neque habent, neque habere cupiunt. Nam cum ego presbytero illi decem aureos obtulissem, refutavit. Et cum nollet eos accipere, aliquantulum vestimentorum ei indulsimus. Quod cum ille benigne accepisset, revocantibus nos ad mare nautis, discessimus ab eo.

CAPUT II.

De dictis Origenis, quod hæretica sint.

Prospero igitur cursu (Severus Sulp., dialogo 1, c. 3), septimo die Alexandriam pervenimus, ubi fœda inter episcopos atque monachos certamina gerebantur, ex ea occasione vel causa, quod congregati in unum sæpius sacerdotes, frequentibus decrevisse synodis videbantur, ne quis Origenis (4) libros legeret aut haberet, qui tractator sanctarum Scripturarum peritissimus habebatur, sed episcopi quædam in libris illius insanis scripta memorabant. Quæ assertores Origenis non ausi defendere, ab hæreticis potius fraudulentè inserta dicebant; et ideo non propter illa quæ in reprehensionem merito vocarentur etiam reliqua esse damnanda cum legentium fides facile posset habere discrimen, ne falsa sequeretur, et tamen catholice disputata retineret. Non esse autem mirum, si in libris neotericis et recenter scriptis fraus hæretica fuisset operata, quæ in quibusdam locis non timuisset impetere Evangelicam veritatem. Adversum hoc episcopi obstinatius renitentes, pro potestate cogebant recta etiam universa cum pravis, et cum ipso auctore damnare, quia satis super his sufficerent libri, quos ad se jam recepisset Ecclesia; respuendamque esse penitus lectionem quæ plus esset nocitura insipientibus quam profutura sapientibus. Mihi autem ex illis libris quædam curiosius

indaganti, admodum multa placuerunt : sed aliqua reprehendi, in quibus illum prava sensisse non dubium est, quæ defensores ejus falsata contendunt. Ego miror unum eumdemque hominem tam diversum a se esse potuisse ut in ea parte qua probatur neminem post apostolos habeat æqualem ; in ea vero qua jure reprehenditur, nemo deformius doceatur errasse. Nam cum ab episcopis excerpta ex libris illius multa legerentur, quæ contra catholicam fidem scripta constarent, locus ille vel maximam parabat invidiam, in quo editum legebatur : Quia Dominus noster Jesus Christus sicut pro redemptione hominis in carnem venisset, crucem pro hominis salute perpessus, mortem pro hominis æternitate gustasset ; ita esset eodem ordine passionis etiam diabolus redempturus, quia hoc bonitati illius pietatique congrueret, ut qui perditum hominem reformasset, prolapsum quoque angelum liberaret. Cum hæc atque alia hujusmodi ab episcopis proderentur, ex studiis partium orta est magna seditio. Quæ cum reprimi sacerdotum auctoritate non posset, sævo exemplo ad regendam Ecclesiæ disciplinam præfectus assumitur : cujus terrore dispersi fratres, ac per diversas oras monachi sunt fugati, ita ut, propositis edictis, in nulla constare sede sinerentur. Illud autem me admodum permovebat, quod Hieronymus vir maxime catholicus, et sacræ legis peritissimus, Origenem secutus primo tempore putabatur : quem nunc idem ipse Hieronymus præcipue et omnia illius scripta damnaret. Nec vero ausus sum de quoquam temere judicare : præstantissimi tamen viri doctissimique ferebantur in hoc certamine dissidere. Sed tamen sive illud error est, ut ego sentio ; sive hæresis, ut putatur, non solum reprimi non potuit multis animadversionibus sacerdotum, sed nequaquam tam late se potuisset effundere, nisi contentione crevisset. Istiusmodi ergo turbationem cum veni, Alexandria fluctuabat. Me quidem episcopus illius civitatis benigne admodum, et melius quam opinabar excepit, secumque tenere tentabat. Sed non fuit animus ibi consistere, ubi recens fraternæ cladis fervebat invidia.

CAPUT III.

De conversatione Hieronymi Jerosolymitani.

Igitur inde egressus (*Sever. Sulp., Dialogo 1, c. 4*), Bethleem oppidum petiit, quod ab Jerosolymis sex millibus separabatur : ab Alexandria autem sedecim mansionibus abest ecclesia loci illius, quam Hieronymus presbyter regebat. Nam parochia est episcopi, qui Jerosolymam tenet. Mihi jam pridem Hieronymus, superiore illa mea peregrinatione compertus, facile obtinuerat ut nullum præter illum mihi expectandum rectius arbitrarer. Vir enim præter fidei meritum, dotemque virtutum, non solum Latinis atque Græcis, sed et Hebraicis etiam litteris eruditus est, ut se illi in omni scientia nemo audeat comparare. Nam sex menses apud ipsum fui conversatus. Cui jugis adversum malos pugna, perpetuumque certamen concivit odia perditorum. Vere foteor, pinxisse

A mihi videtur in aliquibus opusculis vitia multorum (*Hier., epist. 22 ad Eustochium, de custod. Virgin.*) ; imo quod nihil penitus omisit, quod non carperet, laceraret, exponeret ; præcipue avaritiam, nec minus vanitatem insectatus est. Multa de superbia, non pauca de superstitione disseruit. Cæterum de familiaritatibus virginum et monachorum, atque etiam clericorum, quam vera, quam fortia disputavit ? unde a quibusdam dicitur non amari. Oderunt eum hæretici, quia eos impugnare non desinit. Oderunt eum clerici, quia vitia eorum insectatur et crimina. Sed plane eum boni homines admirantur et diligunt. Nam qui eum hæreticum esse arbitrantur, insanunt. Vere dixerim, catholica hominis scientia, sana doctrina est : totus semper in lectione, totus in libris est. Non die, non nocte quiescit ; aut legit aliquid semper, aut scribit. Quod nisi mihi fuisset fixum animo, et promissum, Deo teste, ante propositum, eremum adire, vel exiguum temporis punctum a tanto viro discedere noluissem. Huic ergo traditis atque commissis omnibus meis, omnique familia, quem me contra voluntatem animi mei secuta tenebat implicitum, exoneratus quodammodo gravi fasce penitus ac liber, egressus sum ad Alexandriam. Visitatis ibi fratribus, ad superiorem inde Thebaidam, id est ad Ægypti extrema contendendi. Ibi enim vastæ patentis eremi solitudinis plurimum ferebantur habere monachorum. Longum est, si omnia cupiam referre quæ vidi : pauca namque perstringam.

CAPUT IV.

C *Quod abbates fratribus suis eorum licentia in eremo constitutis victum administrant.*

Haud longe ab eremo contigua Nilo (*Sever., Sulp., dialog. 1, c. 5*), multa sunt monasteria : habitant in uno loco plerumque centeni, quibus summum jus est sub abbatis imperio vivere, nihil arbitrio suo agere, per omnia ad nutum illius potestatemque pendere. Ex his ergo si qui majorem virtutem mente conceperint, ut acturi solitariam vitam se ad eremum conferant, non nisi permittente abbate discedunt. Hæc illorum prima virtus est, parere alieno imperio. Transgressis ergo ad eremum abbatis illius ordinatione, panis et quilibet alius cibus ministratur.

CAPUT V.

D *Quod frater in eremo pascitur pane cælico.*

Casu per illos dies quibus illuc adveneram (*Severus Sulp., dialog. 1, c. 5*), cuidam solitario qui nuper ad eremum secesserat, neque amplius ab hoc monasterio quam sex millibus tabernaculum sibi constituerat, panem abbas per duos pueros miserat. Quorum major habebat ætatis annos quindecim, minor duodecennis erat. His ergo inde redeuntibus, aspis miræ magnitudinis venit obviam : cujus occursum nihil perterritis, ubi ante pedes 539 eorum venit, quasi incantata carminibus, cærulea colla deposuit ; minor ex pueris manu eam apprehensam ac pallio involutam, ferre cœpit ; deinde monasterium quasi victor ingressus, in occursum fratrum capti-

vam bestiam, resoluto pallio, non sine jactantiæ tu-
torem deposuit. Sed cum infantium fidem atque vir-
tutem cæteri prædicarent, abbas ille altiori consilio,
ne infirmior ætas insolesceret, utrumque virgis com-
pescuit, multum objurgatos cur ipsi quod per eos
operatus fuerat Dominus prodidissent; opus illud
non suæ fidei, sed divinæ fuisse virtutis; discerent
potius Deo in humilitate servire, non in signis et
virtutibus gloriari, quia melior esset infirmitatis
conscientia virtutum vanitate. Hoc ubi ille frater au-
divit solitarius, et periclitatos infantulos serpentis
occursu, et ipsos insuper multa verbera victo ser-
pente meruisse, abbatem obsecrat, ne sibi post hæc
ullus panis aut cibus aliquis mitteretur. Jamque oc-
tavus dies fuerat emensus quo se homo Christi infra
periculum famis ipse concluderat. Arebant membra
jejunio, sed deficere mens celo intenta non poterat.
Corpus inedia fatiscebat, fides firma durabat: cum
interim admonitus abbas ille per Spiritum ut disci-
pulum visitaret, pia sollicitudine cognoscere cupiens
qua vitæ substantia vir fidelis aleretur, qui mini-
strari sibi panem ab homine nolisset, ad requiren-
dum eum ipse abbas proficiscitur. At ille, ubi emi-
nus senem venire conspexit, occurrit ei obviam,
agit gratias, ducit ad cellulam. Cum ingressi pariter
ambo, conspiciunt palmiciam sportam, calido pane
congestam, foribus affixam de poste pendere; ac
primum panis calidus sentitur odore, tactu vero ac
si ante paululum foco esset ereptus, ostenditur.
Ægyptii tamen panis forma non cernitur. Obstupe-
facti ambo, munus cœleste cognoscunt, cum ille hoc
abbatis adventu præstitum fateretur, abbas vero il-
lius fidei ac virtuti ascriberet; ita ambo cœlestem
panem cum magna exultatione fregerunt. Quod cum
abbas ad monasterium post regressus fratribus retu-
lisset, tantus omnes incenderat ardor animarum, ut
certatim ad eremum et sacras solitudines ire propere-
rent.

In hoc monasterio duos ego jam senes (5) vidi
(*Ibid.*, c. 6), qui per quadraginta annos ibi degere,
ita ut nunquam inde discesserint, ferebantur. Siqui-
dem id de eorum virtutibus, et abbatis ipsius testi-
monio, et omnium fratrum audierim sermone con-
sono celebrari, quod unum eorum sol nunquam vi-
disset epulantem, alterum nunquam vidisset iratum.
Sed quia unius eremitæ cognovistis virtutem, refe-
ram vobis adhuc pauca de pluribus.

CAPUT VI.

*Quod leona tanquam animal mansuetum a sene
escam cepit.*

Ego ubi primam partem eremi ingressus sum (*Se-
ver. Sulp., dial. 1, cap. 7*), duodecim fere a Nilo
millibus (habebam autem unum ex fratribus ducem
locorum peritum) pervenimus ad quemdam senem
monachum, sub radice montis habitantem: ibi,
quod in illis locis rarissimum est, puteus erat.
Bovem unum habebat, cujus hic erat totus labor,
impulsa rotali machina aquam producere, nam mille
aut amplius pedum profundum putei ferebatur. Hor-

tus et illic erat multis oleribus copiosus. Id quidem
contra naturam eremi, ubi omnia arentia, exusta
solis ardoribus, nullius unquam seminis vel exiguam
radicem ferunt. Verum hoc sancto illi labor cum pe-
cude communis, et propria præstabat industria; fre-
quens enim irrigatio aquæ tantam pinguedinem are-
nis dabat, ut mirum in modum virere atque fructi-
ficare hortuli illius olera videremus. Ex his ergo una
cum domino suo bos ille vivebat; nobis quoque ex ea
copia cœnam sanctus ille dedit. Post cœnam autem,
jam inclinante vespera, invitat nos ad arborem pal-
mæ, cujus interdum pomis uti solebat, quæ fere
duobus millibus aberat. Nam hæc tantum in eremo
arbores, licet raræ, habentur tamen: quod utrum
solers antiquitas procuraverit, an solis natura gignat,
ignoro; nisi Deus præscius futurorum habitandam
quandoque sanctis eremum, hæc servis suis præpa-
raverit. Ex majore enim parte, quæ inter illa consi-
stunt secreta, cum alia germina nulla succedant, ista-
rum arborum pomis ibi aluntur. Ergo ubi ad illam,
ad quam nos hospes noster ducebat, arborem, per-
venimus, leonem ibi offendimus. Quo viso, ego et
ille dux meus intremuimus; sanctus ille incunctanter
accessit; nos licet trepidi, secuti sumus. Fera, ab eo
imperata, modesta discessit et constitit, dum ille at-
tigua ramis humilioribus poma decerperet. Cumque
palmis plenam manum obtulisset, occurrit bestia, ac-
cepitque tam libere quam nullum animal domesticum.
Et cum comedisset, abscessit; nos hæc intuentes,
et adhuc trementes, facile potuimus agnoscere quanta
in illo virtus fidei, et quanta in nobis esset infirmitas.

CAPUT VII.

Quod lupa a sene pascitur, furti rea veniam precatur.

540 Alium atque singularem virum vidimus, in
parvo tugurio, in quo non nisi unus recipi posset, ha-
bitantem (*Severus Sulp., dialogo 1, c. 8*). Huic lupa
solita erat astare cœnanti, nec facile unquam bestia
fallebatur, quin illi ad legitimam horam refectio-
nis occurreret; et tam diu pro foribus exspectaret, do-
nec ille panem, qui in cœna supererat offerret, illa
manum ejus lambere solita, atque ita quasi impleto
officio et præstita consolatione discedebat. Sed forte
accidit ut sanctus ille, dum fratrem qui ad eum ve-
nerat deducit abeuntem, diutius abesset, et non nisi
sub nocte remearet, interim bestia ad consuetum il-
lud tempus cœnæ occurreret; vacuum cellam, cum
familiarum patronum abesse sentiret, ingressa est,
curiosius explorans ubinam esset habitator. Casu
contigua cum panibus quinque palmicia fiscella pen-
debat; ex his unum sumit, et devorat, deinde perpe-
trato scelere discessit. Regressus eremita, vidit spor-
tulam dissolutam, non constante panum numero.
Damnus rei familiaris intelligit, ac prope limen panis
assumpti fragmenta cognoscit. Sed non erat incerta
suspicio, quæ furtum persona fecisset. Ergo cum
sequentibus diebus secundum consuetudinem bestia
non veniret, nimirum audacis facti conscia ad eum
venire dissimulans, cui fecisset injuriam, ægre pa-
tiebatur eremita se alumne solatio destitutum: po-

stremo illius oratione revocata, septimum post diem affuit, ut solebat, ante fores cœnanti. Sed ut facile cerneret verecundiam pœnitentis, non ausa propius accedere, dejectis profundo pudore in terram luminibus, quod palam licebat intelligi, quamdam veniam precabatur. Quam illius confusionem miseratus eremita, jubet eam propius accedere, ac manu blanda caput triste permulcet; deinde pane duplicato ream suam refecit: ita indulgentiam consecuta, officii consuetudinem deposito mœrore reparavit. Intuemini, quæso, Christi etiam in hac parte virtutem, cui sapit omne quod brutum est, cui mite est omne quod sævit: lupa officium præstat, bestia furti crimen agnoscit, lupa conscio pudore confunditur: vocata adest, caput præbet; et habet sensum indultæ sibi veniæ, sicut pudorem gessit errati. Tua hæc virtus, Christe; tua hæc sunt, Christe, miracula. Etenim quæ in tuo nomine operantur servi tui, tua sunt mirabilia; et in hoc ingemiscimus, quod majestatem tuam feræ sentiunt, homines non verentur. Ne cui autem hoc incredibile videatur, majora adhuc memorabo. Fides Christi adest me nihil fingere, sed quæ mihi bene comperta sunt explicabo.

CAPUT VIII.

Quod quinque catuli leonum cæci per anachoretam illuminati sunt.

Habitabant plerique in eremo sine ullis tabernaculis, quos anachoretas vocant (*Severus Sulp., dialogo 1, cap. 9*). Vivunt herbarum radicibus, nullo unquam certo loco consistunt, ne ab hominibus visitentur. Ad quemdam igitur hoc ritu atque hac lege viventem, duo ex Nitria monachi, licet longe diversa regione, tamen quia olim ipsis in monasterii conversatione charus et familiaris fuisset, auditis ejus virtutibus tetenderunt. Quem diu multumque quæsitum, tandem mense septimo repererunt in extremo illo deserto quod est Memphis contiguum demorantem, quas ille solitudines jam per annos duodecim dicebatur habitare. Qui licet omnium hominum vitaret occursum, tamen agnitis fratribus non refugit, seque charissimis per triduum non negavit. Quarto die aliquantulum progressus, cum prosequeretur abeuntes, lænam miræ magnitudinis ad se venire conspiciunt. Bestia, licet tribus repertis, non incerta quem peteret, anachoretæ pedibus advolvitur, ac deinde præcedentem sequuntur. Nam illa præiens et subinde restans, in eos intendebat, ut facile posset intelligi id eam velle, ut quo illa ducebat, anachoreta sequeretur. Quid multis? ad speluncam bestię pervenitur, ubi illa adultos jam quinque catulos malefeta nutriebat. Qui ut clausis luminibus ex alvo matris exierant, cæcitate perpetua tenebantur. Quos singulos de rupe prolatos, ante anachoretæ pedes mater exposuit. Tunc demum sanctus advertit quid bestia postularet; invocatoque Christi nomine, contrectavit manu clausa lumina catulorum; ac statim cæcitate depulsa, apertis oculis bestiarum diu negata lux patuit. Ita fratres illo anachoreta, quem desideraverant, visitato, fructuosa laboris sui

mercede ad monasterium redierunt, et fidem sancti gloriamque Christi quam ipsi viderant enarraverunt.

CAPUT IX.

Frater quidam ibicis exemplo didicit quid de herbis edere, quidve respuere deberet.

Fuit et alius in illis regionibus anachoreta, qui in ea parte, quæ est Syenes, habitabat (*Severus Sulp., dialogo 1, c. 10*). Hic cum primum se ad eremum contulisset, herbis herbarumque radicibus, quas prædulcis interdum et saporis eximii fert arena, victurus, ignarus germinis eligendi, nociva plerumque carpebat; nec erat facile vim radicum sapore discernere, quia omnia æque dulcia, sed pleraque occultiore natura virus lethale cohibebant. Cum ergo edentem vis interna torqueret et immensis doloribus vitalia universa quaterentur, ac frequens vomitus cruciatibus non ferendis ipsam animæ sedem, stomacho jam fatiscente, dissolveret, eremita omnia penitus quæ essent edenda formidans, nihil jam atrectare aut gustare audebat. Septimum quoque jejunos diem, spiritu jam deficiente, ducebat, cum ad eum fera, cui ibicis est nomen, accessit: huic propius astanti, fasciculum herbarum, quem collectum pridie attingere eremita non audebat, objecit. Sed fera quæ virulenta erant ore discutiens, quæ innoxia noverat eligebat. Ita vir sanctus ejus exemplo quid edere, quid respuere deberet edoctus, et periculum famis evasit, et herbarum venena vitavit.

CAPUT X.

Frater quidam quinquaginta annis in monte Sina constitutus, non patitur aliorum fratrum accessus.

Sed longum est de omnibus qui eremum incolunt comperta nobis memorare (*Sever. Sulp., dialogo 1, c. 11*). Annum integrum et septem fere menses intra solitudinem constitutus exegi, sæpius tamen cum illo sene qui puteum et bovem habuit habitavi. Duo beati Antonii monasteria adii, quæ hodieque ab ejus discipulis incoluntur. Ad eum etiam locum in quo beatissimus Paulus primus eremita est diversatus, accessi: jugum Sina montis vidi, cujus cacumen, cælo pene contiguum, nequaquam adiri potest. Inter hujus montis secessus anachoreta esse aliquis ferebatur, quem diu multumque quæsitum videre non potui. Qui fere jam ante quinquaginta annos a conversatione humana remotus, nullum vestis usum habebat, sed setis corporis sui tectus erat. Hic itaque quoties eum religiosi viri adire voluerunt, cursu rapido avia petens, occursum fugiebat humanum. Uni tantummodo ferebatur se ante quinquennium præbuisse videndum qui, credo, potenti fide id obtinere promeruit. Cui inter multa colloquia percontanti cur homines tantopere fugeret, respondisse illi perhibetur: Qui ab hominibus frequentatur, non potest ab angelis visitari. Unde non immerito recepta opinione multorum, fama vulgaverat, sanctum illum ab angelis visitari.

Ego autem a Sina monte digressus (*Ibid.*), ad Nilum flumen regressus sum, cujus ripas frequentibus monasteriis consertas, utraque ex parte lustravi

et plerumque vidi, ut dudum dixeram, uno in loco habitare centenos, sed et bina et terna millia in iisdem viculis agere constabat. Nec sane ibi minorem putatis diversantium in multitudine monachorum esse virtutem, quam eorum esse cognovistis, qui se ab humanis cœtibus removerunt. Præcipua, ut jam dixi, et prima ibi virtus, obedientia. Neque enim ibi aliter quis adveniens, a monasterii abbate suscipitur, quam qui tentatus fuerit et probatus, nullum unquam recusaturus, licet arduum et difficile, indignumque abbatis imperium.

CAPUT XI.

Obedientiæ incredibilis magna miracula.

Referam vobis duo incredibilis obedientiæ magna miracula (*Sever. Sulp., dialogo 1, c. 12*). Igitur cum quidam frater sæculi actibus abdicatis, monasterium magnæ dispositionis ingressus, suscipi se rogaret in congregationem, abbas cœpit ei multa proponere: graves esse illius disciplinæ labores, sua vero dura imperia, quæ nullius facile posset implere patientia; aliud potius monasterium, ubi facilioribus legibus viveretur, expeteret, et non tentaret aggredi quod non posset adimplere. Ille vero his terroribus nihil permoveri, sed magis omnem obedientiam ita polliceri cœpit, ut si eum abbas in ignem ire præciperet, non recusaret intrare. Quam illius professionem ubi abbas accepit, non cunctatus probare, jubet eum in clibanum, qui coquendis panibus parabatur, intrare. At ille non distulit parere præcepto, sed statim medias flammæ nihil cunctatus ingressus est. Quæ mox tam audaci fide victæ, velut illis quondam Hebræis pueris, cesserunt, et confestim fugit incendium. Et ipse qui ingressus est, et putabatur arsurus, velut frigido rore perfusum se esse miratus est. Sed quid mirum, si tuum, Christe, tironem ignis ille non tetigit, ut nec abbatem pigeret dura mandasse, nec discipulum pœniteret obedientiam explese. Hinc ergo intelligendum est quantum obedientia obtinere apud Deum mereamur, dum ille qui eo quo advenerat die tentatur infirmus, per agilitatem obedientiæ perfectus inventus est. Merito felix, merito gloriosus, probatus obedientia, glorificatus est passione.

CAPUT XII.

Aliud miraculum obedientiæ.

Quidam itidem frater in eodem monasterio ad eundem abbatem recipiendus **542** advenerat (*Sever. Sulp., dialog. 1, c. 13*). Cum prima ei lex obedientiæ proponeretur, ac perpetem polliceretur ad omnia vel extrema patientiam, casu abbas storacinam virgam aridam manu gerebat: hanc fixit in terram, atque illi advenæ id operis injunxit, ut tam diu virgulæ aquam irriguam ministraret, donec (quod contra naturam erat) virga arida in solo arête viresceret ¹. Subjectus ille frater duræ legis imperio, aquam propriis humeris quotidie convehebat, quæ a Nilo flumine per duo fere millia petebatur. Jamque emenso anni spatio, labor non cessabat operantis, de fructu

¹ Simile apud Pelag., libell. iv, num. 3.

A operis spes esse non poterat, tamen obedientiæ virtus in labore durabat. Sequens quoque annus, vano labore tantum effectum fratris eludit. Tertio demum anno, succedentium temporum labente curriculo, cum neque nocte neque die aquarius ille cessaret, virga floruit. Ego ipse ex illa virgula arbusculam vidi, quæ hodieque intra atrium monasterii ramis vibrantibus quasi in testimonium manens, quantum obedientia meruit, et quantum fides posset, ostendit.

CAPUT XIII.

Dæmonia ejiciens etiam a dæmone possidetur, sine tamen salubri restituitur.

Quidam ex sanctis Patribus fugandorum de corporibus obsessis dæmonum incredibili præditus potestate, multa signa faciebat (*Sev. Sulp., dialog. 1, cap. 14*). Non solum enim præsens, neque verbo tantum, sed et absens quoque, interdum, cilicii sui fimbriis aut epistolis missis obsessa corpora curabat. Hic ergo mirum in modum frequentabatur a populis, ex multis locis ad eum venientibus: taceo de minoribus; præfecti, comites, atque diversarum judices potestatum, præ foribus illius sæpe jacuerunt. Hic enim omni potu in perpetuum penitus abstinuit, ac pro cibo septem tantum caricis sustentabatur. Interea sancto viro, ut ex virtute honor, ita ex honore vanitas cœpit subrepere. Quod malum ubi ille primum potuit in se sentire grassari, diu multumque discutere conatus est, sed repellere penitus non potuit. Ubique nomen ejus dæmones fatebantur. Excludere a se confluentem populum non valebat: virus interim latens serpebat in pectore, et cujus nutu ex aliorum corporibus dæmones fugabantur, se ipsum occultis cogitationibus vanitatis purgare non poterat. Totis igitur precibus conversus ad Dominum, oravit, ut, permissa in se diaboli potestate, similis illis fieret quos ipse curaverat. Quid multis? ille præpotens, ille signis atque virtutibus toto Oriente vulgatus, ille ad cujus limina populi ante confluerant, correptus a dæmone est; ac retentus in vinculis, omnia illa quæ energumenus solent fieri perpeusus, quinto demum mense purgatus est non tantum dæmone, sed quod illi erat utilius atque optatius, etiam vanitate.

CAPUT XIV.

Eremita ad sæculum rediens quomodo punitus est.

Adolescens quidam prædives opibus (*Sev. Sulp., dialog. 1, cap. 15*), genere clarus, habens uxorem et filium parvulum, cum in Ægypto tribunus esset et frequentibus adversum Blembos [*Forte, Blemyes*] expeditionibus quædam eremi contigisset, sanctorum etiam tabernacula complura vidisset, a beato Joanne eremita verbum salutis accepit. Nec moratus inutilem militiam cum vano honore illo contemnere, eremum constanter ingressus, brevi tempore in omni genere virtutum perfectus emicuit ². Potens jejuniis, humilitate conspicuus, fide firmus, facile se antiquis monachis studio virtutis æquaverat. Cum interim subiit eum cogitatio injecta per diabolum, quod rectius

² De eo Ruffinus, lib. II, c. 1.

esset ut rediret ad patriam, filiumque unicum ac domum totam cum uxore salvaret: quod utique et acceptius Deo foret, quam si solum se sæculo eriperet, et salutem suorum negligeret. Istiusmodi ergo falsæ justitiæ colore superatus, post quadriennium cellam suam atque propositum eremita deseruit. Sed ubi ad proximum monasterium, quod a multis fratribus habitabatur accessit, causam discessionis atque consilium quærentibus confitetur. Renitentibus cunctis, et præcipue loci illius abbate, male animo fixa sententia non potuit evelli. Igitur infelici se obstinatione proripiens, cum dolore omnium digressus est a fratribus. Et vix a conspectu eorum abscesserat, mox impletur dæmone, cruentasque spumas ore provolvens, suis dentibus seipsum lacerabat. Deinde ad idem monasterium fratrum humeris reportatus, cum coerceri in eo immundus spiritus non valeret, necessitate cogente ferreis nexibus alligatus, pedes cum manibus vinciuntur. Non immerita pœna fugitivo. Post biennium vero oratione sanctorum ab immundo spiritu liberatus, ad eremum, unde discesserat, mox regressus, et ipse correctus est, et aliis futurus pro exemplo, ne quem aut falsæ justitiæ umbra, aut incerta mobilitas inutili levitate compellat semel cœpta deserere.

CAPUT XV.

De habitu vel vestimento Ægyptiorum monachorum.

548 Sunt præterea quædam in ipso Ægyptiorum habitu non tantum ad curam corporis quantum ad morum formulam congruentia (*Cassian., l. I Instit., c. 4*). Cucullis namque per parvis indesinenter utuntur diebus ac noctibus, scilicet ut innocentiam et simplicitatem parvulorum jugiter custodire etiam imitatione ipsius velaminis commoneantur.

Colobiis quoque lineis induuntur (*Ibid., c. 5*), quæ vix ad cubitos usque pertingunt, nudas de reliquo circumferunt manus, ut amputatos eos habere actus et opera mundi hujus suggerat abscissio manicarum.

Post hæc angusto palliolo tam amictus humilitate quam vilitate pretii, colla pariter atque humeros tegunt, quod mafortes tam nostro quam ipsorum nuncupatur eloquio (*Ibid., c. 7*).

Ultimum est habitus eorum pellis caprina, quæ melotes appellatur (*Ibid., c. 8*). Qui tamen habitus pellis caprinæ significat mortificata membra omni D petulantia carnalium passionum, debere eos in summa virtutum gravitate consistere.

Calceamenta quoque (*Ibid., c. 10*), velut interdicta Evangelico præcepto recusantes (*Matth. et Luc. x*), eum infirmitas corporis vel matutinus rigor hiemis sævit, seu meridiani æstus fervor exegerit, tantummodo muniunt pedes. Quibus tamen caligis quamquam licito utantur, utpote Domini mandato concessis (*Act. XII; Marc. vi*), nequaquam tamen pedibus eas inhærere permittunt, cum accedunt ad celebranda seu ad percipienda sacrosancta mysteria, illud etiam existimantes secundum litteram custodiri debere, quod dicitur ad Moysen et ad Jesum filium

Nave: Solve corrigiam calceamenti tui, locus enim in quo stas terra sancta est (*Exod. III; Josue v*).

CAPUT XVI.

De canonico orationum modo, et perfecta abrenuntiatione sæculi.

Itaque per universam Ægyptum et Thebaidam, ubicumque habentur monasteria, legitimum orationum modum in vespertinis conventibus seu nocturnis vigiliis tenent (*Cass. l. II Instit., c. 3*). Non enim illic quisquam congregationi fratrum interesse permittitur, nisi prius universis facultatibus suis reddatur extraneus. Et qui ingressus in congregationem fuerit, sic obedire cogitur cunctis, ut redeundum sibi secundum sententiam Domini ad infantiam pristinam noverit, nihil sibi consideratione ætatis vel annorum numerositate præsumens, quam in sæculo inaniter consumptam se reputat perdidisse; sed pro rudimentorum merito et tirocinii novitate, quam se gerere in Christi militia recognoscit, subdere se etiam junioribus compellitur.

Igitur per universam (ut diximus) Ægyptum duodenarius psalmorum numerus (*Ibid., c. 4*), tam in vespertinis quam in nocturnis solemnitatibus custoditur, ita duntaxat, ut post ipsos psalmos duæ lectiones, una veteris, alia novi Testamenti, subsequantur. Qui modus antiquitus constitutus, idcirco per tot sæcula intemeratus perdurat, quia non humana ad inventionem statutus a senioribus affirmatur, sed cœlitus angelico ministerio Patribus antiquis fuisse delatus.

CAPUT XVII.

Ubi angelus in congregatione seniorum duodecim psalmos visus fuit cantasse.

Nam cum, in primordiis fidei (*Cass., l. II Instit., c. 5*), pauci quidem, sed probatissimi viri, monachorum nomine censerentur, quique jam normam vivendi a successoribus apostolorum susceperant, secedentes in secretiora suburbiorum loca, agebant vitam tanto abstinentiæ rigore districtam, ut omnibus stupori esset tam ardua conversationis eorum professio. Hi ergo venerabiles Patres, pervigili cura posteris consulentes, qui modus quotidiano cultui per universum fraternitatis corpus decerni deberet, tractaturi omnes in unum locum conveniunt, ut hæreditatem pietatis ac pacis successoribus suis absolutam ab omni dispensationis lite transmitterent, verentes ne qua in quotidianis solemnitatibus inter viros ejusdem culturæ dissonantia vel varietas exorta, quandoque in posterum erroris noxii germen emitteret. Cumque pro suo unusquisque fervore, diverso modo psalmorum numeros institueret, et alii quinquagenos, alii sexagenos psalmos; nonnulli vero nec hoc quidem contenti numero transcendendi eum debere censerent, essetque inter eos pro religionis gloria pia contentio, ita ut tempus vespertinæ solemnitatis sacratissimæ quæstioni succederet; repente unus in medio eorum psalmos Domino cantaturus exurgit. Cumque, admirantibus cunctis, undecim psalmos, orationum inter-

jectione distinctos, contiguis versibus parili pronuntiatione cantasset, duodecimum sub Alleluia responsione consummans, ab universorum oculis repente subtractus, quæstioni pariter et cærimoniis finem imposuit.

Exhinc sancti qui aderant seniores, intelligentes angelico magisterio congregationibus fratrum generalem canonem non sine dispensatione Domini constitutum, decreverunt hunc numerum tam in vespertinis quam in nocturnis vigiliis custodire (*Ibid.*, c. 6).

544 Has igitur prædictas orationes hoc modo incipiunt atque consummant (*Cass.*, lib. II *Instit.*, c. 7), ut finito psalmo, quem Gloria subsequitur, non statim ad incurvationem genuum corruant, sed antequam genua flectant, paulisper orant; et stantes in supplicatione, majorem partem horarum expendant. Itaque post hæc puncto brevissimo procedentes ad terram, velut orantes tantum divinam clementiam, cum summa rursus velocitate consurgunt; ac iterum expansis manibus, eodem modo quo prius stantes oraverunt, suis precibus intentius immorantes. Dicunt enim ipsi, in terra diutius procumbentem monachum, quasi in oratione enixius laborantem, non solum diversis cogitationibus, sed etiam somno gravius impugnari. Experimento didicimus quod plerique non tam orationis gratia quam refectionis obtentu in terram prostrati, diutius videntur orationem protrahere.

CAPUT XVIII.

Quanta discretio et observantia in oratione tenenda sit.

Cum igitur prædictas solemnitates, quas illi synaxeos vocant, celebraturi conveniunt (*Cass.*, lib. II *Instit.*, c. 10), tantum præbetur a cunctis silentium, ut cum in unum tam numerosa fratrum multitudo conveniat, nullius vox, excepto canentis, personet. In qua oratione non sputum emittitur, non excreatio obstrepat, non oscitatio somnolenta trahitur; nullaque vox absque sacerdotis precem concludentis auditur. Cum autem ille qui orationem collecturus est e terra surrexerit, ita ut nullus nec antequam inclinetur ille, genu flectere, nec cum ex terra surrexit, morari præsumat. Ideo enim orationes illi celeri fine concludunt, ne forte immorantibus eis diutius, redundantia quædam sputi seu phlegmatis interrumpat orationis excessum; et idcirco dum adhuc fervet, velut de faucibus inimici velociter rapienda est. Qui cum sit nobis semper infestus, tunc maxime assistit infestior, cum contra se offerre nos Domino preces videt.

Quamobrem utilius censent, breves quidem orationes, sed creberrimas fieri (*Ibid.*, c. 11). Meliusque esse dicunt, decem psalmi versus cum contritione cordis et cum rationabili assignatione cantare, quam totidem psalmos cum confusione mentis effundere.

CAPUT XIX.

Quod in responsione Alleluia non dicatur psalmus, nisi qui hoc titulo prænotatur.

Illud quoque apud eos omni observantia custoditur (*Cass.*, lib. II *Instit.*, c. 11), ut in responsione

Alleluia nullus dicatur psalmus, nisi is qui in titulo suo Alleluia inscriptione prænotatur.

Nullum etiam tempus ab operis exercitatione vacuum transire concedunt (*Ibid.*, c. 12,) quia non solum ea quæ diei splendor emittit omni instantia manibus exercere contendunt; sed etiam illa operationum genera sollicita mente perquirunt, quæ ne ipsius quidem noctis densissimæ tenebræ valeant impedire, credentes se tanto sublimiorem spiritalium contemplationum puritatem mentis intuitu quæsuros, quanto diutius fuerint erga operis studium ac laboris intenti.

Hoc quoque nosse debemus (*Ibid.*, c. 18), a vespera Sabbati, quæ lucescit in diem Dominicum, ad vesperam sequentem, apud eos genua non curvari, sed nec totis quidem quinquagesimæ diebus.

CAPUT XX.

De opere manuum, et cur tertia, sexta, et nona psallatur.

Ita namque ab eis incessanter operatio manuum privatim per cellulas exercetur (*Cass.*, lib. III *Instit.*, c. 2), ut psalmore quoque vel cæterarum Scripturarum studium per totum diei spatium jugiter meditantibus, in his officiis quæ nos statuto tempore celebramus, totum diei tempus absumant.

Tertiam vero horam, et sextam, atque nonam, trinis psalmis quotidie finiunt (*Ibid.*, c. 3). His enim tribus temporibus etiam Danielem prophetam quotidie fenestris apertis in cœnaculo preces Domino fudisse cognoscimus (*Daniel.* vi). Nec immerito hæc specialius tempora religiosis sunt officiis deputata, in his siquidem promissionum perfectio, et summa nostræ salutis est adimpleta. Hora namque tertia, repromissus olim per prophetas Spiritus sanctus, super apostolos descendit, linguarumque omnium eis scientiam dedit (*Act.* ii). Hora autem sexta, immaculata hostia Dominus noster Jesus Christus oblatus est Patri, crucemque pro totius mundi salute conscendens, humani generis delevit peccata (*Coloss.* ii). Eadem quoque hora Petro in excessu mentis vocatio gentium, per submissionem vasis evangelici cœlitus delati, et purificatio omnium generum animantium in eodem vase consistentium, delata ad eum voce divinitus revelatur, dicente ei: Surge, Petre, occide et manduca (*Act.* x). Quod vas quatuor initiis de cœlo summissum, non aliud quam Evangelium designare manifeste cognoscitur. Hora vero nona Christus inferna penetrans, inextricabiles tartari tenebras coruscatione sui splendoris exstinxit (*Matth.* xxvii); portasque æreas ejus effringens, et seras ferreas conterens, captivitatem **545** sanctorum quæ clausa tenebatur, secum transvexit ad cœlos, igneaque rhomphæa submota, antiquum incolam paradiso restituit. Eadem quoque hora Cornelius centurio in precibus persistens (*Act.* x), commemorationem orationum et eleemosynarum suarum ante Deum factam ab angelo sibi loquente cognoscit. Quibus testimoniis liquido comprobatur non immerito sanctis et apostolicis viris has horas religiosis obsequiis consecratas

a nobis quoque observari similiter oportere : qui nisi A velut lege quadam solvere hæc pietatis officia saltem statutis temporibus adigamur, totum diei spatium oblivione aut desidia vel vanis occupationibus involuti, absque orationis interpellatione consumamus.

CAPUT XXI.

Cum quanta discretione et cautela suscipiantur in monasterio abrenuntiantes sæculo.

Cum igitur quis renuntiaturus sæculi negotiis, in monasterium se suscipi rogaverit (*Cass., l. iv Instit., c. 3*), non ante admittitur quam diebus decem vel eo amplius pro foribus monasterii excubans, indicium perseverantiæ suæ, pariter humilitatis ac patientiæ demonstraverit. Cumque omnium fratrum prætereuntium genibus provolutus, et ab universis B refutatus atque despectus sit, quasi qui non causa religionis, sed necessitatis obtentu monasterium optet intrare, injuriis quoque multis affectus, experimentum dederit constantiæ suæ ; et qualis futurus sit in tentationibus, opprobrii tolerantia declaraverit ; atque ita postmodum susceptus, diligentia summa perquiritur ne de facultatibus suis inhæserit ei vel unius nummi contagio. Scient enim eum sub monasterii disciplina diuturnum esse non posse, sed nec humilitatem aut obedientiam obtinere, si in conspectu ejus quantulumcunque pecuniæ latitaverit.

Quamobrem ita nudatur unusquisque, cum receptus fuerit, omni pristina facultate, ut ne ipsum quidem vestimentum quo indutus est habere permittatur ulterius (*Ibid., c. v*) ; sed in conventu fratrum productus in medium, exiit propriis indumentis, ac per manus abbatis induitur monasterii vestimentis, ut per hoc non solum se universis rebus suis antiquis noverit spoliatum, sed etiam omni mundiali fastu deposito, ad Christi paupertatem et inopiam se descendisse cognoscat.

Illa vero quæ posuit vestimenta (*Ibid., c. 6*), tandiu reservantur in monasterio, donec profectus et conversationis ejus ac tolerantiam virtutem evidenter agnoscant. Et si posse eum ibi perdurare perspexerint, tunc indigentibus eadem vestimenta largiuntur ; sin vero in quadam illum murmuratione vel qualibet inobediencia deprehenderit, exuentes eum monasterii, quibus indutus erat, vestimentis, et revestitum antiquis, quæ servata fuerant, depellunt de congregatione.

Cum igitur quis susceptus, et hac perseverantia (qua diximus) fuerit comprobatus, ac depositis propriis indumentis, habitu monasteriali fuerit accinctus (*Ibid., c. 7*), non statim congregationi fratrum commiseri permittitur ; sed deputatur alicui seniori, qui seorsum non longe a vestibulo monasterii commanens, habet curam peregrinorum atque advenientium deputatam, eisque omnem diligentiam susceptionis et humanitatis impendit. Cumque ibidem cum ipso integro anno deserviens, absque ulla querela suum circa peregrinos exhibuerit famulatum, doctus per hæc prima institutione humilitatis, admiscetur posthæc congregationi fratrum.

Ac demum docetur primitus suas vincere voluntates, et ea illi sæpius imperare student, quæ senserint animo ejus esse contraria (*Ibid., c. 8*). Pronuntiant enim nullatenus posse monachum prævalere vel iræ, vel tristitiæ, vel spiritui fornicationis, nisi prius dixerit mortificare per obedientiam suas voluntates ; sed nec humilitatem quidem cordis veram, nec cum fratribus concordiam firmam posse retinere, nec in monasterio diutius permanere eum qui voluntates suas non didicerit superare.

CAPUT XXII.

Quod nullus in monasterio sine jussione seniorum agere aliquid præsumat.

Post hæc tanta observantia apud eos obedientiæ regula custoditur (*Cass., l. iv Instit., c. 10*), ut juniores absque præpositi sui scientia vel permisso nec ad ipsas quidem naturales necessitates progredi præsumant ; et sic universa præcepta, quæ eis ab abbate fuerint imperata, complere festinant, tanquam si ex Deo sint cœlitus edita, ut aliquando etiam impossibilia sibi imperata, ea fide ac devotione suscipiant, ut tota virtute perficere ea et consummare nitantur.

Itaque considerantes intra cubilia sua, et operi ac meditationi studium pariter impendentes (*Ibid., c. 12*), cum signum aliquod audierint ad orationem eos seu ad opus aliquod invitans, certatim de cubilibus suis unusquisque prorumpit, ita ut ille qui scripturas exercet, cum repertus fuerit inchoasse litteram, finire non audeat ; sed in eodem puncto quo C ad 546 aures ejus sonitus pulsantis signi advenit, summa velocitate prosiliens, ne tantum quidem moræ ei interponat, quantum cœpti apicis consummet effigiem.

Illam sane virtutem inter cæteras institutiones eorum magnam esse cognovimus (*Cass., lib. iv, c. 13*), quod nulli fiscellam, nulli peculiarem sportam, nec aliquid aliud quasi proprium possidere liceat, sed nec verbo quidem audeat quis dicere aliquid esse suum.

CAPUT XXIII.

De tribus granis lenticulæ negligentem dimissis.

Igitur in septimana cujusdam fratris, qui officio coquinæ deserviebat (*Cass., lib. iv Instit., c. 20*), cum præteriens præpositus monasterii, tria grana lenticulæ jacere vidisset in terra, quæ fratri festinanti ad coctionem præparandam, inter manus, quando aqua lavabatur, elapsa fuerant, confestim super hoc abbatem consuluit. Tunc frater ille, velut intervorsor et neglector sacri peculii judicatus, ab oratione suspensus est : cujus negligentiam reatus non aliter ei remissus est, nisi cum publica pœnitentia diluisset.

CAPUT XXXIV.

De duobus monachis, in quorum septimana lignum deficit.

Novi alios fratres (*Cass., lib. iv Instit., 21*), in quorum septimana cum accidisset tanta lignorum penuria, ut non esset penitus unde soliti cibi fratribus pararentur, et donec possent cœmpta deferri, ut

xerophagia contenti essent abbatis fuisset auctoritate præceptum; essetque hoc universis placitum, nec quisquam posset ullum coctionis sperare pulmentum; illos, velut qui fructu ac mercede sui laboris et obsequii fraudarentur, si in ordine vicis suæ cibos fratribus non secundum consuetudinem paravissent, tantum sibi spontanei laboris ac sollicitudinis indixisse, ut in illis aridis ac sterilibus locis, in quibus ligna nisi de fructiferis arboribus excidantur, omnimodis nequeunt inveniri, neque enim in illis locis ulla reperiuntur fruteta silvestria. Igitur per extensa avia discurrentes fratres illi, et in eremum, quæ versus mare Mortuum tenditur, abeuntes, festucas tenues ac spinulas, quas ventus huc illucque disperserat, colligentes, cunctam solemnitatem ciborum spontaneis obsequiis præparaverunt. Tanta namque fide hæc sua munera fratribus exhibuerunt, ut etiam cum illos honeste posset vel lignorum excusare penuria, vel abbatis imperium, pro suo fructu atque mercede noluerint abuti licentia.

CAPUT XXX.

De beato Joanne, qui habitabat juxta Lyco oppidum.

Necessarium reor huic operi commemorationem facere beati Joannis (*Cass., lib. iv Instit., c. 23; Ruff., lib. II, cap. 1*), qui commoratus est juxta Lyco, quod est oppidum Thebaidæ, quique propter obedientiæ virtutem usque ad prophetiæ gratiam sublimatus. Sic enim per totum claruit mundum, ut et regibus mundi hujus merito suo redderetur illustris. Nam cum in extremis, ut dixi, Thebaidæ partibus commaneret, non ante præsumebat Theodosius imperator ad præpotentium tyrannorum bella procedere, quam illius animaretur oraculis atque responsis. Quibus confidens, velut cœlitus sibi delatis, trophæa de desperatis bellis atque hostibus semper reportavit.

CAPUT XXVI.

De obedientia ejusdem Joannis.

Hic itaque beatus Joannes ab adolescentia sua usque ad perfectam ac virilem ætatem cuidam seniori deserviens (*Cass., lib. iv Instit., c. 34*), donec ille in hujus vitæ conversatione duravit, tanta ei humilitate inhæsit, ut ipsi quoque seni stuporem summum obedientia illius incuteret. Cujus hanc virtutem, utrum de vera fide ac profunda cordis simplicitate descenderet, volens senex manifestius explorare, ei plura, etiam superflua et impossibilia, frequentius injungebat, ex quibus pauca narrabo. Sumpsit namque de lignario suo virgultum senex, quod olim excisum usibus foci fuerat præparatum, cum hoc coram ipso infixisset in terram, præcepit ei ut, advecta aqua, quotidie illud bis irrigaret. Quod præceptum veneratione solita sine ulla impossibilitatis consideratione adolescens suscipiens, ita quotidianis diebus explevit, ut aquam per duo milliaria indesinenter apportans, nullatenus lignum cessaret rigare; atque per totum anni spatium, non infirmitas corporis, non occupatio necessitatis ullius intercedens, ab observantia præcepti hujus potuit eum impedire. Cumque hanc sedulitatem tacitus

senex latenter diebus singulis explorasset, et videret eum simplici cordis affectu mandatum suum, velut divinitus imperatum, servare, miserans tandem tam longi laboris ejus perseverantiam, accedens ad aridum virgultum, dixit: O fili Joannes, misitne radices hæc arbor, an non? Cumque ille nescire se dixisset, senex, velut tentans si jam suis radicibus teneretur, evulsit coram ipso virgultum; et projiciens longius illud, præcepit discipulo ut deinceps rigare cessaret.

CAPUT XXVII.

De immani saxo, quod idem Joannes per obedientiam advertit.

547 Itaque cum jam fama obedientiæ ejus per monasteria universa fragraret (*Cass., lib. iv Instit., c. 25*), quidam fratres probationis, imo ædificationis ejus causa venerunt ad senem. Tunc senex vocans discipulum suum, ait ad eum: Curre, Joannes, et saxum illud huc adolve quantocius. Qui confestim saxum immane, applicita nunc cervice, nunc toto pectore, tanto nisu atque conatu provolvere contendebat, ut sudore membrorum suorum, non solum totum infunderet vestimentum, sed etiam saxum ipsum suis cervicibus humectaret. In hoc quoque parum metiens impossibilitatem præcepti vel facti, pro reverentia senis et obsequii simplicitate sincera, qua credebat tota fide, senem nihil posse incassum ac sine ratione præcipere. Hucusque abbatis Joannis pauca de multis dixisse sufficiat; nunc abbatis Mutii factum dignum memoria comprehendam.

CAPUT XXVIII.

De mirabili patientia abbatis Mutii.

Hic namque abbas Mutius, abrenunciare desiderans huic mundo, monasterium petiit (*Cass., lib. 4 Instit., c. 27*). Qui tam diu pro foribus monasterii cum parvulo filio octo circiter annorum excubavit, donec suscipi mereretur. Cumque tandem recepti fuissent, confestim ab invicem separati sunt, ne scilicet jugi visione parvuli, reminisceretur pater quam abjecerat facultatem; et quemadmodum divitem se jam non esse sciebat, ita et patrem se esse nesciret. Quod ut plenius probaretur, utrum ipse plus faceret affectione sanguinis an obedientiæ, negligebatur parvulus, pannis potius quam vestimentis indutus. Sed et colaphis atque alapis expositus diversorum, quos plerumque sub oculis suis pater innocenti parvulo etiam gratis cernebat inferri, ita ut nunquam genas ejus nisi lacrymarum sordentibus vestigiis videret infectas. Cumque taliter infans sub oculis ejus per singulos dies ageretur ille pro amore Christi et obedientiæ virtute, rigido semper et immobili viscere perduravit. Non enim reputavit jam suum filium, quem secum pariter obtulerat Christo, nec curabat de presentibus ejus injuriis. Sed magis exultabat quod ille nequaquam distractionem mentis illius atque immobilem rigorem emolliret. Quod videns Pater monasterii, ad comprobendam magis ejus constantiam, cum vidisset quadam die infantem plorare, simulans se iratum, præcepit patri ejus ut tollens eum, jacta-

ret in aquam. Tunc ille velut a Domino hoc sibi esset præceptum, confestim celeri cursu rapiens filium, ad ripam fluminis jactaturus advexit. Quod profecto furore fidei et obedientiæ ejus fuisset opere consummatum, nisi procurati fuissent ab abbate fratres qui sollicitè ripam fluminis possiderent ad parvulum eruendum, projectumque jam quodammodo de fluminis alveo parvulum confestim rapuerunt et cum summa devotione præcepto patris completo, ab effectu operis revocaverunt.

Cujus fides atque obedientia et devotio in tantum fuit Deo accepta (*Ibid.*, c. 28), ut statim divino testimonio comprobata sit. Revelatum namque est continuo seniori hac eum obedientia Abrahæ patriarchæ opus implese. Cumque, brevi tempore exacto, idem abbas migraret de sæculo, hunc patrem Mutium pro obedientia cunctis fratribus proponens, successorem sui atque abbatem monasterio reliquit.

CAPUT XXIX.

De monacho cujusdam comitis filio, qui sportas per plateas jussus fuerat portare.

Novimus quemdam fratrem, secundum sæculi hujus ordinem, summæ familiæ, nam patre comite et ditissimo oriundus fuit (*Cass.*, lib. iv *Instit.*, c. 29). Qui relictis parentibus cum ad monasterium pervenisset, ad comprobendam ejus humilitatem, statim ei a seniore præceptum est ut decem sportas grandes, quas necesse non erat tunc vendere, cervicibus suis impositas, distrahas per plateas circumferret; adjecta conditione, quo diutius in hoc officio ipse detineretur, ut si forte unus eas emere pariter voluisset, non cederet, sed sigillatim eas quærentibus venderet. Quod ille tota devotione complevit; et omni verecundia pro Christi desiderio calcata, sportas humeris suis imponens, et per plateas portans, statuto pretio distraxit, et pecuniam ad monasterium reportavit.

CAPUT XXX.

De abbate Pinuphio, qui pro humilitate fugiens, de monasterio longius secessit.

Vidimus et abbatem Pinuphium (*Cass.*, lib. iv *Instit.*, c. 30), qui cum esset immanis monasterii presbyter, quod est in Ægypto, non longe a Panephyssi civitate, et pro ipsa reverentia vel vitæ suæ vel ætatis vel sacerdotii, cunctis honorabilis existeret; videns se pro hoc ipso humilitatem tenere non posse, occulte fugiens de cænobio, secessit solus in Thebaidis ultimas partes; ibique deposito indumento 548 monachorum, assumpta sæculari veste, monasterium Tabennensitarum expetivit, quod sciebat cunctis monasteriis esse districtius, et in quo se pro longitudine regionis credidit ignorandum. Ubi dum diutissime pro foribus perseverans, cunctorum fratrum genibus provolutus, ut susciperetur summis precibus ambivit. Cumque multo despectu probatus, et tandem fuisset admissus, continuo ut seni, nullique operi penitus apto, horti cura diligentiaque mandatur. Quam ille operam sub alio fratre juniore, qui eum sibi creditum retinebat, exercens, sic eidem subdebatur, ut non solum ea

quæ ad horti diligentiam pertinebant, sed etiam universa officia, quæ erant cunctis fratribus aspera vel indigna, tota quotidie sedulitate compleret: complura vero etiam nocte consurgens, ita furtim nullo teste operatur, ut penitus auctorem operis nemo deprehenderet. Cumque ibidem triennio delitescens, per universam Ægyptum dispersis ubique fratribus quæreretur, a quodam tandem visus fratre, qui de Ægypti partibus advenerat, vix potuit pro humilitate habitus sui ac vilitate officii, quod gerebat, agnosci; nam sarculo deorsum incurvus, præparabat oleribus terram; deinde stercus humeris suis apportans, eorum radicibus ingerebat. Cumque hæc intuens frater, super agnitione ejus diutissima hæsitacione fuisset detentus, propius tandem accedens, non solum vultum, sed etiam sonum vocis ejus diligenter explorans, ad pedes ejus cominus se projecit. Tunc fratres stupere cœperunt, et inquirere cur hoc fecisset ei qui, apud ipsos velut nuper de sæculo egressus, habebatur extremus. Cumque eis frater ille rei ordinem et nomen ipsius abbatis indicasset, majori miraculo sunt percussi, quoniam et apud ipsos magna opinio fuerat compertus. Tunc ignorantia suæ veniam ab eo postulabant, quod eum tanto tempore inter juniores ac parvulos deputassent. At ille flebat multum et lugebat, quod scilicet invidia diaboli fuisset proditus, nec licuisset ei diutius in tali humilitate atque abjectione perdurare. Tunc eum fratres invitum ac flentem ad proprium monasterium reduxerunt, custodientes cum summa diligentia, ne similiter quoque delapsus aufugeret.

Ubi cum fuisset modico tempore demoratus (*Cassian.*, l. iv *Instit.*, c. 31), eodem rursus humilitatis desiderio accensus, captans nocturna silentia, ita defugit, ut jam non vicinam provinciam, sed incognitas regiones expeteret. Nam conscendens navim, in Palæstinæ partes commeare curavit, credens se tutius latiturum, si ad illa semetipsum asportasset loca, in quibus nec nomen quidem suum fuisset auditum. Quo cum advenisset, nostrum monasterium protinus expetivit, quod non longe erat a spelæo in quo Dominus noster ex Virgine nasci dignatus est. In quo monasterio modico tempore supradictus abbas Pinuphios delitescens, secundum sententiam Domini, tanquam civitas supra montem posita, diutius abscondi non potuit (*Matth.* v). Nam continuo quidam fratrum, qui ad loca sancta de Ægypti partibus orationis causa venerant, agnitionem eum cum multa prece et maxime invitum, ad suum iterum cænobium revocaverunt.

CAPUT XXXI.

Exhortatio optima ad novitium monachum.

Hunc igitur senem, pro illa quæ nobis fuerat apud ipsum in nostro monasterio familiaris amicitia, cum post hæc in Ægypto requisivissemus, contigit ut nobis illic commorantibus, fratrem quemdam in monasterio suo reciperet (*Cass.*, lib. iv *Instit.*, c. 32). Cui miram exhortationem sub nostra præsentia indidit, quam mihi animus fuit huic opusculo intexere. Ait

ergo ad eum : Nosti, filii, quot diebus pro foribus excubans, hodie sis receptus. Cujus difficultatis causam primitus debes agnoscere. Poterit enim tibi in hac vita quam ingredi concupiscis multum conferre, si, ratione ejus agnita, ad servitium Christi sicut oportet accesseris.

Sicut namque immensa gloria fideliter servientibus Deo ac secundum institutiones hujus regulæ ei coherentibus repromittitur in futurum (*Ibid.*, c. 33), ita poenæ gravissimæ præparantur his qui tepide eam negligenterque fuerint executi; et secundum hoc quod professi sunt, vel quod ab hominibus esse creduntur, fructus etiam congruos sanctitatis eidem exhibere neglexerint. Melius est enim non vovere, quam vovere et non reddere (*Eccles.* v); et maledictus qui facit opus Domini negligenter (*Jerem.* XLVIII). Igitur ob id a nobis diutissime refutatus es, non quia tuam vel omnium salutem non toto desiderio cupiamus amplecti, sed ne temere receptus, et nos apud Deum levitatis, et te reum gravioris supplicii fecerimus, si ad præsens facile susceptus, nec pondus professionis hujus intelligens, vel destitutor posthæc, vel tepidus exstitisses.

Noveris ergo hodierna die te huic mundo et actibus ejus esse defunctum (*Cass.*, lib. IV *Instit.*, c. 34); teque secundum Apostolum, mundo huic esse crucifixum, tibi que hunc mundum (*Gal.* VI). Sed forte dicis : Quomodo quis vivens potest esse crucifixus? Audi breviter rationem.

Crux nostra timor Domini est (*Cass.*, lib. IV *Instit.*, c. 35). Sicut enim quis crucifixus jam non pro animi sui motu membra sua quoquam movendi vel convertendi habet potestatem, ita et nos voluntates nostras ac desideria, non secundum id quod nos delectat ad præsens, sed secundum præceptum Domini, quo nos constrinxit, applicare debemus. Et sicut ille qui patibulo crucis affligitur non jam præsentia contemplatur, nec de suis affectionibus cogitat, nulla jam possidendi concupiscentia permovetur, seque cum adhuc spirat in corpore, cunctis elementis credit esse defunctum; ita nos quoque timore Domini oportet esse crucifixos omnibus carnalibus vitiis, et illuc semper habere oculos mentis nostræ defixos, quo nos sperare debemus momentissimis esse migraturos.

Cavendum est ergo ne quid aliquando eorum præsumamus que renuntiantes abjecimus (*Cass.*, lib. IV *Instit.*, c. 36). Non enim qui cæperit hæc, sed qui perseveraverit in his usque in finem, hic salvus erit (*Matth.* X, XXIV).

Versutus enim serpens calcanea nostra semper observat (*Cass.*, lib. IV *Instit.*, c. 37), id est, insidiatur exitui nostro, et usque ad finem vitæ nos semper supplantare conatur; et idcirco bene cœpisse nihil proderit, si bene consummatum non fuerit (*Gen.* 3).

Quapropter, secundum Scripturæ sententiam, ingressus ad serviendum Domino (*Cass.*, lib. IV *Instit.*, c. 38), sta in timore Domini, et præpara animam

tuam non ad requiem, non ad delicias, sed ad tentationes et angustias (*Eccles.* II); per multas enim tribulationes oportet nos introire in regnum Dei (*Act.* XIV). Angusta namque est porta, et arcta via quæ ducit ad vitam, et pauci sunt qui inveniunt eam (*Matth.* VII).

Principium ergo nostræ salutis timor Domini est (*Cass.*, lib. IV *Instit.*, c. 39). Per hunc enim et initium conversionis, et virtutis custodia acquiritur. Qui cum penetraverit hominis mentem, contemptum omnium rerum parit, et mundi gignit horrorem. Contemptu autem ac privatione omnium facultatum, humilitas vera acquiritur. Humilitas autem his indicibus comprobatur : primo, si mortificatas in se monachus omnes habeat voluntates; secundo, si actus et cogitationes non celaverit seniore; tertio, si nihil suæ discretioni, sed iudicio ejus universa committat; quarto, si in omnibus præceptis servet obedientiæ mansuetudinem, et patientiæ constantiam; quinto, ut nulli inferat injuriam, sed et illatas sibi patienter toleret; sexto, si nihil agat præter regulæ exempla; septimo, si, ad omnia quæ sibi imperantur, velut operarium malum se judicaverit et indignum; octavo, si semetipsum cunctis inferiorem pronuntiet; nono, si linguam suam cohibeat, et non sit clamosus in voce; decimo, si non sit facilis ac promptus in risu. Talibus namque indicibus humilitas vera dignoscitur.

Sed et hæc quoque tibi in congregatione necessario custodienda sunt (*Cass.*, lib. IV *Instit.*, c. 41), ut scilicet secundum Psalmistæ sententiam, sis tanquam surdus non audiens, et sicut mutus non aperiens os suum (*Psal.* XXXVII), nihil discernens, nihil dijudicans ex his quæ tibi fuerint imperata.

Ergo patientiam tuam non debes sperare de aliorum virtute (*Ibid.*, c. 42), id est, ut tunc eam tantummodo possideas, cum a nemine fueris irritatus.

Principium nostræ salutis (sicut jam dictum est) timor Domini est (*Ibid.*, c. 43). De timore Domini nascitur compunctio salutaris; de compunctione cordis procedit contemptus omnium facultatum ac nuditas; de nuditate humilitas procedit; de humilitate generatur mortificatio voluntatum; de mortificatione voluntatum extirpantur universa vitia; expulsiōne vitiorum virtutes fructificant atque succrescunt; pullulatione virtutum puritas cordis acquiritur; puritate cordis apostolicæ charitatis perfectio possidetur.

CAPUT XXXII.

De monacho qui ante constitutam horam peregrinos reficere coegit.

Cum de Syriæ partibus Ægypti provinciam petissemus (*Cass.*, lib. V *Instit.*, c. 24), quidam monachus senex probatissimus gratifice nos suscipiens, refectio-nem nobis ante constitutam horam jejunii præparavit. Percontantibus ergo nobis cur ante canonicam refectio-nis horam nos prandere cogeret, respondit et ait: Jejunium, fratres, semper est mecum; vos autem continuo dimissurus, mecum jugiter tenere non poterō. Itaque Christum in vobis suscipiens, reficere

sum deo; et cum vos deduxero, districtiorem jejunii in memetipso potero compensare. Non enim possunt filii sponsi jejunare, donec cum illis est sponsum; cum autem discesserit, tunc licito jejunabunt (*Luc. v; Matth. ix*).

CAPUT XXXIII.

De monacho qui nunquam solus escam sumere solitus erat.

Vidimus et alium in solitudine commorantem (*Cass., lib. v Instit., c. 26*), qui nunquam solus cibum sumere consueverat; sed etiam si per totos quinque dies ad ejus cellulam nullus ex fratribus advenisset, refectiorem jugiter differebat, jejunus permanens, donec Sabbatorum vel Dominico die congregationis obtentu **550** procedens ad ecclesiam, peregrinum quempiam reperisset; quem exinde reducens ad cellulam suam, cum ipso pariter sumebat cibum.

CAPUT XXXIV.

De Machete sene monacho.

Vidimus et alium senem (*Cass., l. v Instit., c. 29*), Machetem nomine, solitarium, cui hanc gratiam donaverat Dominus, ut si quando in conventu fratrum per totam noctem et diem agitaretur collatio spiritalis, nunquam ille somno opprimeretur; si quis vero detractionis verbum seu otiosum tentasset inferre, statim ille in somnum concidebat.

Huic etiam seni (*Ibid., c. 32*), cum aliquando epistolæ patris ejus ac matris amicorumque multorum de provincia Ponti transmissæ fuissent, accipiens grandem fasciculum litterarum, diuque apud semetipsum volvens, dixit: Quantarum cogitationum causa erit mihi istarum lectio, quæ me vel ad inane gaudium, vel ad tristitias infructuosas impellent? Quantis diebus horum recordatione qui scripserunt, intentionem pectoris mei a proposita contemplatione revocabunt? Et hæc volvens in suo pectore, non solum nullam resolvere epistolam definivit, sed ne ipsum quidem fasciculum resignare; ne scilicet eorum qui scripserunt, vel nomina recensendo, vel vultus recordando, a spiritus sui intentione cessaret. Itaque ut eum constrictum acceperat, igni tradidit cremandum: *Ite*, inquit, cogitationes patriæ, pariter cremamini, nec me ulterius ad ea quæ fugi revocare tentetis.

CAPUT XXXV.

De Theodoro abbate.

Vidimus et alium abbatem Theodorum (*Cass., lib. v Instit., c. 33*), summa sanctitate ac scientia præditum non solum in actuali vita, sed etiam notitia Scripturarum, quam ei non tam studium lectionis contulerat, quam sola puritas cordis. Hic cum explanationem cujusdam obscurissimæ quæstionis inquireret, septem diebus ac noctibus in oratione infatigabilis perstitit, donec solutionem propositæ quæstionis Domino revelante cognosceret. Hic idem beatus Theodorus, cum inopinatus ad meam cellulam intempesta nocte venisset, quidnam novus adhuc eremita solus

¹ Auctor se Joannem vocat. Est Joannes Cassianus.

agerem, paterna curiositate latenter explorans, cumque ego, jam finita vespertina solemnitate, lassum corpus cœpisset reficere, et me incubantem psiathio reperisset; protrahens ex intimo corde suspiria, meoque me vocitans nomine, dixit: Quanti, inquit, o Joannes¹, de Deo loquuntur, eumque in semetipsis amplectuntur, et tu fraudaris isto lumine, inertis sopore solutus? Itaque excitato me, salubriter deinceps vigilare compulit.

CAPUT XXXVI.

De anachoretis in vastissima eremo habitantibus.

Itaque, cum de Palestinæ monasteriis ad oppidum Ægypti quod Diolcos appellatur, venissemus, ibique plurimam turbam cœnobii disciplina constrictam vidissemus (*Cass., lib. v Instit., c. 36*), alium quoque ordinem, qui excelsior habetur, id est, anachoretarum, cunctorum præconiis instigati, sagacissimo corde videre properavimus. Hi namque in monasteriis primum sub districtione regulæ diligenter edocti, durissimis dæmonum præliis congressuri, penetrant eremi profunda secreta. Hujus ergo propositi viros comperimus citra [*Al.*, circa] Nili fluminis alveum commorari, in loco qui uno latere Nilo flumine, alio maris vastitate circumdatus, insulam reddit, nullis aliis hominibus quam monachis secretum expetentibus optabilem. Nec enim cuiquam culturæ aptam esse terram illam salsitas soli ac sterilitas patitur arenarum. Ad istos ergo summo desiderio festinantes, supra modum summos eorum labores, quos in solitudine tolerant, admirati sumus. Nam ipsius aquæ tanta penuria constringuntur, ut tali diligentia dispensent, quali nemo facit pretiosissimum vinum. Tribus namque millibus et eo amplius, eam de Nilo flumine necessariis usibus apportant; quod tamen intervallum, arenosis divisum montibus, laboris difficultate gravissima duplicatur.

CAPUT XXXVII.

De Archebio monacho.

His igitur visis, cum nos imitationis eorum ardor accenderet (*Cass., lib. v Instit., c. 37*), unus eorum probatissimus eremita, Archebius nomine, humanitatis gratia perduxit nos ad suam cellulam. Qui cum comperisset nos ibidem velle commorari, finxit se eundem locum velle derelinquere, ac nobis cellulam suam, velut exinde migraturus, cœpit offerre. Dicebat autem hoc se facturum, etiam si nos non advenissemus. Tunc susceptam cellulam ipsius cum omnibus utensilibus possedimus. Erat itaque illic paucis diebus, quibus construendæ cellæ pararet impendia, de illo loco discedens. Reversus post hæc, aliam sibi summo labore construxit, quam rursus non longe post supervenientibus fratribus similiter **551** charitatis causa cum universo tradidit instrumento. Ipse vero erga opus charitatis infatigabilis perseverans, tertiam sibi cellam, ubi commaneret, instruxit.

CAPUT XXXVIII.

De duobus adolescentibus qui ficus ad ægrotum ferentes in itinere defuncti sunt.

Quidam autem frater (*Cass.*, lib. v *Instit.*, c. 40), cum ficus de Mareote, abbati Joanni in eremum Scythim detulisset, ille statim eas ad senem quemdam, qui in interiore deserto mala valetudine laborabat, per duos adolescentulos misit, siquidem decem et octo millibus longe ab ecclesia commanebat hic solitarius. Qui adolescentes, acceptis pomis, cum ad prædicti senis tenderent cellulam, infusa repente densissima nube, tramitem recti itineris perdidierunt. Cumque tota die ac nocte discurrerent per aviam eremi vastitatem, nequaquam potuissent eremitæ ægrotantis cellulam invenire, tam itineris lassitudine quam inedia sitique confecti, fixis in terram genibus, dum orarent, spiritum Domino reddiderunt. Qui post hæc vestigiorum indicia diutissime perquisiti, quæ in locis illis arenosis tamque nivibus impressa designantur, donec ea levi flatu ventorum tenuis arena discurrerent cooperiret, inventi sunt tandem sicut oraverant jacentes, et ficus intactas, ut acceperant, reservantes. Elegerunt enim animam magis quam fidem depositi perdere, nescilicet absque jussu abbatis quidquam victus præsumerent; vitamque potius voluerunt amittere temporalem, quam senioris violare mandatum.

CAPUT XXXIX.

Quanta sit jugitas operum apud Ægypti monachos.

Per totam itaque Ægyptum monachi nullo modo patiuntur esse otiosi (*Cass.*, lib. x, *Instit.* c. 22), sed victum suum labore manu consequuntur; et non solum de laboribus suis peregrinos et advenientes fratres secum reficiunt, sed etiam per loca Libyæ, quæ fame laborant, necnon etiam per civitates his qui in carceribus et diversis vinculis tenentur, immanem conferunt alimoniam substantiam, de fructu manuum suarum rationabile sacrificium Domino tali oblatione se offerre credentes.

Dicunt enim operantem monachum dæmone uno pulsari semper, otiosum vero innumerabilibus spiritibus devastari (*Ibid.*, c. 23).

CAPUT XL.

De abbate Paulo.

Denique abbas Paulus probatissimus Patrum (*Ibid.*, c. 24), cum in eremo vastissima consisteret, quæ D Porphyrio nuncupatur, tantum palmarum fructibus et horto modico sustentabatur; nec poterat aliud unde sustentaretur operis exercere, eo quod ab hominibus vel habitabili terra amplius quam septem mansionibus aberat in deserto. Hic ergo ne momentum temporis penitus otiosus stare, colligebat palmarum folia; et quotidianum pensum, velut exinde sustentandus, ipse a semetipso exigebat jugiter. Cumque opere totius anni spelunca ejus fuisset impleta, et non haberet qui hoc distraheret, neque ipse otiosus posset manere, totum quod sollicita cura laboraverat, annis singulis igne supposito concremabat. Intantum probans, sine opere manuum nec in loco

A posse monachum perdurare, nec ad perfectionis culmen aliquando conscendere.

CAPUT XLI.

De fratre blasphemato, qui intolerabili æstu libidinis urebatur.

Novi alium fratrem qui probatissimo cuidam seni, vitio carnis semetipsum gravissime confessus est impugnari; intolerabili namque æstu libidinis urebatur (*Cass.*, lib. xii, *Instit.*, c. 20). Tunc senex velut spiritalis medicus, interiorem causam et originem morbi hujus protinus pervidens, graviterque suspirans, ait: Nequaquam, filii, tam nequam spiritui te Dominus permisisset, nisi aliquid blasphemasses in eo. Quod frater audiens, statim procidit ad pedes ejus in terram, summaque admiratione percussus, confessus est in Filium Dei cogitatione impia blasphemasse. Unde perspicuum est eum qui in Deum blasphemus existit, tanquam qui irroget illi injuriam, perfectionis integritate privari, et sanctificationem castimoniam non mereri.

CAPUT XLII.

Ubi plurimi convenerunt seniores ad sanctum Antonium gratia consolationis.

Quodam autem tempore convenerunt plurimi seniorum ad beatum Antonium, commorantem in Thebaidæ partibus, perfectionis inquisitione et colationis gratia (*Cassian. Collat.* ii, cap. 2). Cumque a vespertinis horis usque ad lucem fuisset protracta collatio, quæstio discretionis maximum noctis spatium consumpsit. Nam diutissime inter eos quærebatur quanam virtus vel observatio monachum a diaboli laqueis custodire posset illæsum, vel certe ad Deum recto tramite firmoque gressu perduceret. Cumque pro captu mentis suæ unusquisque sententiam proferret in medium; et alii quidem hoc in juniorum vigiliarumque studio collocarent, alii in nuditate et contemptu rerum, alii remotiorem vitam et eremi secreta censerent: et nonnulli in primis sectanda charitatis, id est, humanitatis officia definirent; quia ipsa pie erga fratres et peregrinos studio susceptionis impenduntur. Cumque in hunc modum pia contentione decertarent, essetque jam noctis maximum tempus consumptum, respondens demum beatus Antonius universis, dixit: Omnia quidem hæc quæ dixistis, necessaria sunt et utilia sitientibus Deum: sed his principalem tribuere gratiam, nequaquam nos innumerabiles multorum fratrum casus et experimenta permittunt. Nam sæpe vidimus fratres has observationes tenentes, repentino casu deceptos, eo quod in bono quod cœperant, discretionem minime tenuerunt. Nec etiam alia causa lapsus eorum deprehenditur, nisi quod minus a senioribus instituti, nequaquam potuerunt rationem discretionis hujus adipisci, quæ viam regiam docet monachum semper incedere, et nec excessu continentiam modum transire permittit, nec deflectere ad vitia concedit. In omnibus ergo quæ agimus, discretio anteposenda est. Manifestissime enim declaratur nullam sine discretionis gratia perfecte posse vel

perfici vel stare virtutem. Et hæc dicente Antonio, A universorum sententia definitum est, discretionem esse quæ fixo gradu intrepidum monachum perducit ad Deum, et prædictas virtutes jugiter conservet illæsas. Omnium namque virtutum genitrix et custos atque moderatrix discretio est.

CAPUT XLIII.

De Herone sene.

Et ut hæc exemplis certioribus approbemus (*Cassian., collat. II, cap. 5*), referam vobis de quodam sene, Herone nomine, qui discretionem minime retinens, omnes pristinos labores perdidit, et insuper miserabiliter vitam finivit. Ante paucos etenim dies illusionem diaboli a summis ad ima dejectus est. Hic itaque quinquaginta annis in eremo commoratus, singularem vitæ distractionem tenuit, et solitudinis secreta miro fervore ultra omnes sectatus est. Hic igitur post tantos labores ab insidiatore delusus, gravissimo lapsu corruens, cunctos in eremo constitutos luctuoso dolore percussit. Qui minime cecidisset, si bonum discretionis tenere voluisset. Tanto siquidem rigore animi sui immutabilem jejunii continentiam semper exercuit, et solitudinis ac cellulæ secreta jugiter sectatus est, ut nec die sancti Paschæ rigorem abstinentiæ solveret. Cumque omnes eremitæ pro tanta solemnitate ad ecclesiam pariter convenissent, solus ille non adfuit, ne quantalacunque perceptione leguminis parvi, a suo proposito videretur relaxasse: qua præsumptione deceptus, angelum Satanae velut angelum lucis suscipiens cum summa veneratione, ejusque præceptis obediens, semetipsum in puteum profundissimum præcipitem jactavit, magnum scilicet virtutis suæ meritum probaturus. cum inde exisset illæsus: de quo puteo cum grandi fratrum labore semivivus extractus, vitam tertia die finivit; et quod his deterius est, ita in deceptionis suæ obstinatione permansit, ut ei nullatenus potuisset persuaderi, quod dæmonum calliditate fuisset delusus.

CAPUT XLIV.

De duobus monachis, qui euntes per desertum, decreverunt non sumere cibum, nisi Deus illis transmitteret.

Quid dicam de illis duobus fratribus qui habitantes ultra illam eremum (*Cassian., Collat. II, cap. 6*), ubi quondam fuerat beatus Antonius commoratus, D minus tanta discretionem permoti, euntes per extensam solitudinis vastitatem, nullam escam penitus sumere decreverunt, nisi quam per semetipsum illis Dominus præstisset? Cumque errantes eos per desertum, et deficientes jam fame, conspexissent a longe Mazices, quæ gens cunctis nationibus immanior atque crudelior est: non eos ad effusionem sanguinis desiderium prædæ, sed sola ferocitas mentis instigat. Visis ergo eis contra naturam ferocitatis suæ cum panibus illis occurrerunt: tunc unus ex illis fratribus subveniente discretionem, velut a Deo porrectos sibi panes cum gratiarum actione suscepit, reputans escam sibi divinitus ministrari, nec sine Dei jussu

PATROL. LXXIII.

factum esse dicens, ut illi qui semper hominum sanguine gauderent, nunc deficientibus eis vitæ substantiam largirentur. Alius vero recusans cibum, velut ab homine sibi oblatum, inedia labore consumptus, mortuus est: quorum scilicet quamvis initia ex reprehensibili persuasionem descenderint, unus tamen subveniente discretionem, id quod incaute conceperat, emendasse cognoscitur: alius autem stulta præsumptionem perdurans, mortem quam Dominus ab eo avertere voluit, ipse sibi conscivit.

CAPUT XLV.

De monacho qui, deceptus a diabolo, voluit filium suum immolare.

Quid etiam de illo monacho commemorem, cujus nomen, quia adhuc superest, sileo (*Cassian., collat. II, cap. 7*). Qui dum longo tempore ~~553~~ dæmonem in angeli suscepit claritate, revelationibus ejus sæpe deceptus, credidit eum internuntium esse justitiæ. Nam per omnes noctes in cellula ejus lumen absque ullius lucernæ officio præbebat diabolus: ad extremum vero jussit eum ut filium suum, qui cum eo pariter in eodem monasterio commanebat, devotus Deo offerret victimam, ut scilicet hoc sacrificio Abrahamæ patriarchæ meritis coæquaretur. Cujus verbis ille intantum est seductus, ut hoc confestim opere perfecisset, nisi puer de cella manibus ejus elapsus, concitus aufugisset.

CAPUT XLVI.

De monacho cui ostendebat diabolus exercitum Christianorum et Judæorum.

Fuit et alius monachus (*Cassian., collat. II, cap. 8*), qui nimiam semper tenuit abstinentiam, quique per annos multos singulariter in cella reclusus, per paucis imitabilem exhibuit abstinentiam. Hic ad extremum ita est diabolicis revelationibus delusus, ut post annuos labores atque virtutes, quibus alios monachos excesserat, ad Judaismum et circumcisionem carnis miserabiliter sit lapsus. Post multa namque tempora diabolus, velut nuntius veritatis, ostendebat illi per vana somnia et per quasdam inanes revelationes, Christianorum atque monachorum exercitum tenebrosorum ac tetrum, omnique macie tabidum atque deformem; et econtra ostendebat illi Judæorum plebem summa lætitia tripudiantem, ingentique lumine coruscantem. Ac proinde commonebat eum, ut si mallet beatitudinis illorum particeps effici, circumcisionem quoque suscipere festinaret. Ex quibus profecto constat quod ex memoratis viris tam lugubriter nemo fuisset illusus, si rationem discretionis assequi laborasset. Quamobrem in quantis perniciosum sit discretionis gratiam non habere, multorum casus experimentis declarat.

CAPUT XLVII.

De abbate Serapione.

Abbas Serapion solebat frequenter junioribus fratribus, instructionis gratia, de seipso narrare (*Cassian., collat. II, cap. 11*), dicens: Cum adhuc essem puerulus, et cum abbate Theone commanerem, hæc mihi consuetudo erat inimico imminente, ut post-

27

quam refecissem cum sene hora nona, unum paximatum quotidie in sinu meo latenter absconderem: quem sero, ignorante sene, occulte comedebam. Quod furtum licet quotidie perficerem, expleta tamen concupiscentia fraudulenta, ad me ipsum revertens, super admissio furto acrius cruciabar, quam super esum illius fueram jucundatus. Cumque istud molestissimum opus singulis diebus explere non sine cordis mei dolore compellerer, et clandestinum furtum patefacere seni confunderer, contigit per Dei providentiam, quosdam fratres ædificationis obtentu cellulam senis avidissimos expetisse. Cumque refectione transacta, confabulatio spiritalis interesse cœpisset, respondensque senex propositis interrogationibus eorum, degastrimargiæ vitio et occultarum cogitationum exponeret, ad ultimum intulit, dicens: Nihil sic noxium est monachis, et lætificat dæmones, quam si celent cogitationes suas spirituales Patres. Tunc ego compunctus corde, existimavi seni secreta pectoris mei patefacta, et in occultos primum gemitus excitatus, deinde cordis mei compunctione crescente, in apertos singultus lacrymasque prorumpens, cœpi amarissime flere; et continuo ejeci de sinu meo paximatum quod vitiosa consuetudine clanculo paraveram comedendum. Cumque in medium proferens quomodo quotidie involvens cum occulte ederem, prostratus in pavimento, cum veniæ postulatione confessus sum; et ubertim profusis lacrymis, orationibus eorum veniam apud Deum postulabam. Tunc senex dixit: Confide, fili, quia liberavit te a captivitate ista confessio tua; victorem namque adversarium tuum hodie triumphasti, validius eum tua confessione elidens, quam ipse fueras ab eo tua taciturnitate dejectus. Et idcirco post hanc publicationem tuam iste malignus spiritus non dominabitur tibi, nec in te latibulum sibi teterrimus serpens hactenus usurpabit, quia de tenebris cordis tui per hanc confessionem projectus est. Necdum senex hæc verba compleverat; et ecce statim velut lampas magis accensa, de meo sinu procedens, tanto fetore cellam replevit, ut vix in ea residere possemus. Resumensque senex, dixit: Ecce probavit tibi Dominus veritatem sermonum meorum, ut passionis illius incensorem de corde tuo confessione salubri fugatum oculorum fide perciperes, patefactumque hostem nequam locum in te ulterius habiturum, aperta ejus expulsionem cognosceres. Itaque secundum sententiam senis, ita est in me virtute confessionis dominatio diabolica extincta, ut nunquam mihi ulterius nec memoriam concupiscentiæ hujus tentaverit inimicus ingerere.

CAPUT XLVIII.

De monachis a Saracenis interfectis.

In Palæstinæ partibus (*Cassian.*, collat. vi, cap. 1) juxta vicum Thecæ (6), qui Amos prophetam meruit procreare, solitudo vastissima est, usque Arabiam ac mare Mortuum (quo ingressa deficient fluenta Jordanis, et cinis Sodomorum) amplissima extensione porrecta pertingens. In hac solitudine

summæ sanctitatis monachi diutissime commorantes repente sunt a discurrentibus interempti Sarracenis. Quorum corpora tam a populo regionis illius, quam ab universa Arabum plebe, tanta veneratione sunt percepta, ut innumeri populi concurrentes ex utraque parte gravissimum sibi certamen pro reliquiis eorum indixerint, pie inter se pro sancta rapinæ devotione decertantes, quinam justus mereretur eorum sepulturam ac reliquias possidere; illis scilicet de vicina commoratione ipsorum, aliis de originis propinquitate gloriantibus.

CAPUT XLIX.

De abbate Daniele.

Inter cæteros eremitas, abbatem quoque vidimus Danielem, æqualem cæteris in omnibus virtutibus, sed peculiarius gratia humilitatis præditum (*Cassian. collat. iv, cap. 1*). Qui merito puritatis ac mansuetudinis suæ, a sancto Paphnutio ejusdem solitudinis presbytero, ad diaconii officium est præelectus. Instantum enim idem beatus Paphnutius virtutibus ipsius aggaudebat, ut quem vitæ meritis et gratia parem sibi noverat, cœquare sibi etiam sacerdotii ordine festinaret. Denique optans sibi meti successorem dignissimum providere superstes, presbyterii honore eum provexit. Qui tamen prioris consuetudinem humilitatis non omittens, nihil unquam sibi illo præsentate de sublimioris ordinis adjectione donavit; sed semper abbate Paphnutio offerente spirituales hostias, ille velut diaconus in prioris ministerii permansit officio. In quo tamen beatum Paphnutium, cum talis vir esset ac tantus, ut in multis etiam præsentiam gratiæ possideret, hæc spes de substitutionis electione frustrata est. Nam non longe post hunc ipsum quem sibi paraverat successorem, ante se ad Deum præmisit.

CAPUT L.

De abbate Sereno.

Summæ sanctitatis et continentiæ virum, nominisque sui speculum, abbatem vidimus Serenum, quem singulari veneratione præ cæteris admirati sumus (*Cassian.*, collat. vii, cap. 1). Cui supra omnes virtutes quæ non solum in actu ejus vel moribus, sed etiam ipso vultu per Dei gratiam refulgebant, ita est peculiari beneficio donum castitatis infusum, ut nec se ipsis quidem naturalibus incentivis inquietari vel in sopore sentiret. Ad quam tamen carnis puritatem quomodo pervenerit, quia supra conditionem humanæ naturæ videtur, necessarium esse reor explicare.

Hic igitur beatus Serenus (*Ibid.*, cap. 2), pro interna cordis atque corporis castitate, nocturnis diurnisque precibus, jejuniis quoque ac vigiliis infatigabiliter insistens, cum se vidisset orationum suarum obtinuisse vota, cunctosque æstus in corde suo concupiscentiæ extinctos, velut suavissimo gustu puritatis accensus in majorem suam sitim zelo castitatis exarsit, et intensioribus cœpit jejuniis atque obsecrationibus incubare, ut mortificatio passionis hujus, quæ interiori homini solo dono Dei fuerat attributa,

ad exterioris etiam puritatem eatenus perveniret, ut ne ipse quidem vel ullo simplici ac naturali motu, qui etiam in parvulis atque lactentibus excitatur, ulterius pulsaretur. Cumque petitioni cœptæ supplicatione jugi ac lacrymis indefessus insisteret, adveniens ad eum angelus in visione nocturna, eique velut aperiens uterum, quamdam ignitam carnis strumam de ejus visceribus evulsit atque projecit, suisque locis, ut fuerant, omnia intestina restituens, dixit ad eum: Ecce, inquit, incentiva carnis tuæ abscisa sunt, et obtinuisse te noveris hodierno die perpetuam corporis puritatem, quam fideliter postulasti. Hæc de gratia Dei, quæ memorato viro peculiariter attributæ est, breviter dixisse sufficiat.

Cæterum cum ad eum die quadragesima venissemus (*Ibid.*, c. 2), ac de diversis quæstionibus eum flagitaremus, ad extremum de impugnatione dæmonum eum requirebamus. Tunc ille, ut semper erat, placidissimo vultu respondens (*Ibid.*, c. 22), dixit: Non enim dæmones habere potestatem quemquam hominum lædendi, exemplum beati Job manifesta ratione demonstrat (*Job II*), ubi non amplius eum tentare audeat inimicus, quam divina ei dispensatione conceditur.

CAPUT LI.

De eo quod non eandem vim habeant nunc dæmones contra monachos, quomodo anteriori tempore.

Satis tamen nobis experientia nostra et seniorum nostrorum relatione compertum est non eandem vim dæmones nunc habere contra monachos, quam anteriori tempore inter anachoretarum principia, in quibus adhuc raritas monachorum in eremo commanabat (*Cassian.*, coll. VII, cap. 23). Tanta namque tunc erat dæmonum feritas, ut vix paucissimi tolerare habitationem solitudinis possent. Siquidem in ipsis cœnobiis, in quibus commorabantur decem vel duodecim, ita eorum atrocitas grassabatur, et frequenter **555** visibiles sentiebantur aggressus, ut non audent omnes pariter noctibus obdormire; sed vicissim aliis degustantibus somnum, alii vigilias celebrantes, psalmis et orationibus seu lectionibus inhærebant. Cumque illos ad soporem naturæ necessitas invitasset, expergefatis aliis ad eorum qui dormituri erant custodiam, similiter vigiliæ tradebantur. Unde dubitari non potest unum e duobus nunc esse; aut enim virtute crucis etiam deserta penetrante, et ejus gratia ubique coruscante, retusa est nequitia dæmonum; aut negligentia nostra illos ab impugnatione pristina reddidit lentiores, dum dedignantur adversum nos illa intentione configere, qua tunc contra illos probatissimos Christi milites sæviebant.

Cæterum corporaliter traditos Satanæ vel infirmitatibus magnis etiam viros sanctos novimus (*Cassian.*, coll. VII, cap. 25), pro levissimis quibusque delictis, cum in illis nec tenuissimum quidem peccatum aut maculam in illo iudicii die patitur invenire divina clementia, ut eos tanquam aurum probatum, ad illam perpetuitatem gloriosam, nulla indigentes pœnali purgatione, transmittat, juxta illud: Vir justus

probatur in fornace humiliationis (*Eccl. XXVII*). Et illud: Quem enim diligit Dominus, corripit; flagellat autem omnem filium quem recipit (*Heb. XII*; *Prov. III*).

Quod nostris quoque temporibus satis evidens ostendit et aperta probatio in abbate Paulo vel Moyse, qui habitaverunt locum hujus solitudinis qui Calamus nuncupatur (*Cassian.*, coll. VII, cap. 26). Nam Paulus commoratus est in eremo quæ adjacent Panephyssi civitati, quam solitudinem jam olim factam aquæ salsissimæ inundatione cognovimus: quæ quoties flaverit spiritus Aquilonis, de stagnis impulsæ ac superfusæ adjacentibus terris, ita omnem illius superficiem contegit regionis, ut antiquos ibidem vicos, qui olim hac ipsa de causa omni sunt habitatore deserti, faciat velut insulas apparere.

CAPUT LII.

De abbate Paulo.

Hic igitur abbas Paulus in tantam cordis puritatem quiete solitudinis silentioque profecerat, ut non dicam vultum femineum, sed ne vestimenta quidem sexus illius conspectui suo pateretur offerri (*Cassian.*, coll. VII, cap. 26). Nam cum quadam die pergeret ad cujusdam senioris cellam, casu mulier ei obviavit: quam cum vidisset, tanta fuga ad suum rursus monasterium, prætermisso quod arripuerat itinere, cucurrit, quanta nullus a facie leonis vel immanissimi draconis aufugeret. Quod licet zelo castitatis et puritatis ardore sit factum, tamen quia non secundum scientiam præsumptum est, sed observantia disciplinæ excessus est moderatus, ne elatio eum invaderet, talique confestim correptione percussus est, ut totum corpus ejus paralyseos valetudine solveretur, nullumque in eo membrum penitus suum officium prævaleret explere. Siquidem non solum pedes ac manus, sed etiam linguæ motum, ipsæque aures ita auditus proprii amiserunt sensum, ut in eo nihil amplius ex homine quam immobilis statuæ figura remaneret. Et ad hoc redactus est, ut infirmitati ejus nullo modo virorum diligentia deservire sufficeret, nisi sola ei muliebris sedulitas ministraret. Nam portato eo ad monasterium sacrarum virginum, cibus ac potus femineo ei ingerebatur obsequio; explendisque omnibus naturæ necessitatibus, eadem illi diligentia per annos ferme quatuor, id est, usque ad vitæ suæ terminum serviebat. Qui cum tanta esset membrorum omnium debilitate constrictus, ut nulli in eo artus vivacem motum retentarent, tanta ex eo virtutum gratia procedebat, ut cum de oleo quod corpore suo tetigerat ungerentur infirmi, statim a cunctis valetudinibus curarentur; ita ut super hac ejus valetudine evidenter claresceret, et debilitatem membrorum ejus amore Domini contributam, et sanitatum gratiam pro testimonio et manifestatione meritorum ejus Spiritus sancti virtute paratam.

CAPUT LIII.

De abbate Moyse.

Secundus vero, quem diximus, Moyses in hac

eremo commoratus (*Cassian.*, *collat.* VII, *cap.* 27), cum et ipse singularis et incomparabilis vir esset, ob reprehensionem unius sermonis, quem contra abbatem Macarium durius protulit, tam diro dæmoni est confestim traditus, ut humanas egestionem ori suo ingereret. Quod flagellum purgationis divinam ei intulisse dispensationem, ne vel momentanei peccati macula in eo resideret, velocitate curationis ejus demonstratum est. Nam continuo abbate Macario in orationem prostrato, dictu citius malignus spiritus ab eo fugatus discessit.

Ex quo manifeste perpenditur, non debere eos abominari vel despici quos videmus diversis tentationibus vel malignis spiritibus tradi (*Ibid.*, *c.* 28); quia duo hæc credere immobiliter nos oportet: primo, quod sine Dei permissu nullus omnino tentetur; secundo, quod omnia quæ a Deo nobis inferuntur, velut a piissimo patre ac clementissimo medico, pro nostris utilitatibus irrogentur.

CAPUT LIV.

De monacho, qui in solitudine noctu vidit multitudinem dæmonum.

556 Quidam autem frater (*Cassian.*, *collat.* VIII, *cap.* 16), cum per solitudinem iter ageret, advesperante die speluncam quamdam reperiens, ibidem substitit. Ubi dum psalmos ex more cantaret, tempus mediæ noctis excessit. Cumque finita vigilia, refecturus lassum corpus, paululum resedisset, repente cœpit innumerabiles catervas dæmonum undique confluentium intueri; quæ infinita constipatione procedentes, aliæ præbant principem suum, aliæ sequebantur: qui princeps eorum, et magnitudine procerior cunctis, et aspectu terribilior videbatur. Cumque in quodam solio sublimissimo consedisset, uniuscujusque actus diligenti examinatione cœpit discutere; illosque qui necdum se circumvenire æmulos suos potuisse dicebant, velut inertes, a conspectu suo cum injuria jubeat expelli, spatia tanti temporis et opus inaniter expensum cum fremitu furoris eis exprobrans. Illos vero qui nuntiabant se consignatos sibi homines decepisse, summis laudibus cum exultatione ac favore cunctorum, ut fortissimos pugnatōres, ad exemplum cunctorum, gloriosissimos coram omnibus emittebat. Inter quos cum quidam nequissimus spiritus, utpote magnum triumphum nuntiaturus, lætior advenisset, nomen monachi optime cogniti designavit, asserens se post quinque [*Cassian.*, quindecim] annos, quibus eum jugiter obsideret, vix eadem nocte in ruinam fornicationis mersisse. Super cujus relatione cum immane cunctorum gaudium fuisset exortum, summis a principe eorum laudibus elevatus, magnisque præconiis coronatus abscessit. Aurora itaque superveniente, cum omnis multitudo dæmonum ab oculis ejus evanisset, dubitans frater ille de assertione spiritus immundi, memor etiam evangelicæ sententiæ, quod in veritate non stetit, et quia non estve-

ritas in eo; et cum loquitur mendacium, ex propriis loquitur (*Joan.* VIII): Pelusium petiit, ubi illum fratrem noverat commorari, quem malignus spiritus asseruit esse deceptum. Erat etiam ibi et alius frater illi notissimus, quem interrogans de eodem fratre, reperit quod eadem nocte, qua teterrimus ille dæmon ruinam ejus suo principi nuntiaret, monasterio pristino derelicto, vicum petiisset, et in fornicationem miserabiliter cecidisset. Hæc autem audiens frater, suspirans et flens, reversus est in locum suum.

CAPUT LV.

De duobus philosophis, qui ad sanctum Antonium perrexerunt.

Quodam autem tempore duo quidam philosophi audientes famam beati Antonii, perrexerunt ad eum (*Cassian.*, *collat.* VIII, *cap.* 18). Qui cum inter se quædam quæstiones habuissent, despicientes philosophi sanctum Antonium, velut imperitum et sine litteris virum, reversi sunt ab eo. Volentes autem eum, si nihil amplius potuissent lædere, vel de cellula ejus magicis præstigiis et circumventione dæmonum perturbare, immiserunt ei nequissimos dæmones ad impugnationem, hac invidia et livore perculti, eo quod multi hominum ad illum, velut Dei famulum, quotidie convenirent. Cumque, illo nunc quidem imprimente pectori suo et fronti signaculum crucis, nunc vero orationi suppliciter incubante, nec appropinquare quidem durissimi dæmones eidem auderent, revertebantur ad eos qui illos direxerant, sine effectu. Tunc illi alios rursus, quasi potentiores, miserunt. Cumque et illi fatigati revertissent, iterum alios nihilominus potentiores ac vehementiores adversus militem Christi destinaverunt, qui nihil penitus prævaluerunt, Antonio viriliter reluctantante. Eo itaque nihil profecerunt tales tantæque eorum insidiæ, tota magica arte et necromantia quæsita, ut per hæc evidentissime comprobarent magnam virtutem inesse professioni Christianorum, quibus illæ tam sævæ umbræ nihil Antonium, non solum lædere, sed nec puncto quidem de habitaculo suo valuerunt perturbare.

Pro hac ergo admiratione stupefacti philosophi (*Ibid.*, *c.* 19), confestim ad sanctum Antonium venerunt, impugnationum suarum magnitudinem et causas atque insidias livoris sui ei patefecerunt, Christianos se fieri protinus poposcerunt. Cumque diem ab illis proditæ impugnationis requireret, indicaverunt; asseruit autem se beatus Antonius amarissimis cogitationum stimulis tunc fuisse pulsatum.

Eundem beatum Antonium ita nonnunquam in oratione novimus perstitisse (*Cassian.*, *collat.* IX, *cap.* 31), ut eodem in excessu mentis frequenter orante, cum solis ortus cœpisset infundi, audierimus eum in fervore spiritus sic proclamantem: Quid me impedis, sol, qui ad hoc oriris, ut me ab hujus veri luminis abstrahas claritate.

ROSWEYDI NOTATIO.

557 (1) *Auctoribus.*] Inscripti libri hujus quarti Auctores Severus Sulpicius et Joannem Cassianum, quia ex eorum libris hic liber verbis eorum excerptus est. Quis excerpserit, non plane constat. Vide dicta in prolegomeno generali 6.

(2) *Severo Sulpicio.*] Varia ejus elogia habes initio operum ejus, a variis doctis viris adornatorum. Dabo tantum hic ea quæ Dialogorum, ex quibus hæc excerpta sunt, mentionem faciunt. Gelasius Decreti part. 1, dist. 15, cap. 3 : « Opuscula Posthumiani et Galli apocrypha. » Hieronymus, lib. xi, in Ezech. c. xxxvi, post enumeratos errores Millenariorum sectatores, addit : « Et nuper Severus noster, in dialogo, cui Gallo nomen imposuit. »

Ne mirere Severi Dialogos, in quibus Posthumianus et Gallus interloquuntur, numerari a Gelasio papa inter apocrypha. Continent enim quosdam naves, quos vide notatos in indice librorum expurgandorum a F. Joanne Maria Brasichellensi, magistro sacri Palatii, et apud Bellarminum in libro de Scriptoribus Ecclesiasticis, et Baronium variis locis in Annalibus, et Possevinum nostrum in Apparatu sacro. Nulli tamen nævi in his excerptis occurrunt.

Porro de anno quo Severus Sulpicius Dialogos suos conscripsit, ita Baronius, tomo v, anno Christi 402, Innocentii papæ 1, Arcadii et Honorii imp. 8. Quoto, inquit, Domini anno Severus dialogum illum scripserit, ex his pariter intelligi potest. Nam cum idem dicat sanctus Hieronymus, eos *nuper* a Severo conscriptos, constetque commentarios in Ezechielem, ubi de his agit, ut quo quo a Gothis capta est urbs, esse conscriptos (ut ex ejus in libris illis affixis præfationibus apparet), nempe post octo ab hoc tempore annos, utique fatendum est longe post obitum sancti Martini eam a Severo scriptionem elucubratam; licet profectio illa Posthumiani in Orientem, a qua sumit dialogorum exordium, contigerit vivente sancto Martino, anno videlicet quo ob Origenistas contigit Alexandrinam ecclesiam turbis exagitari.

Idem Baronius, tomo V, anno Christi 431, Cælestini papæ 8, Theodosii 24, Valentiniani 7, imp., ostendit Severum Sulpicius Dialogorum auctorem diversum esse a Severo Sulpicio episcopo Bituricensi. Qua in relapsi erant Severi commentatores, Carolus Sigonius, Petrus Galesinius, et Victor Giselinus. Quod etiam notavit Josephus Scaliger, prolegomenis ad libros de Emendatione temporum, et Nicolaus Faber in Opusculis posthumis, schediasmate de Dionysio Areopagita, qui hunc nostrum Severum ait fuisse monachum Primuliacensem.

Posthumiani, qui Severi Dialogis interloquitur, in Ægyptum peregrinatio describitur primo Severi dialogo, cujus excerpta hic legis. Quæ quo anno Christi existimetur contigisse, vide hic notationem ad caput 2, num. 4. Labitur Reatinus Victorius in Vita sancti Hieronymi, qui existimavit Severum in Ægyptum profectum, cum ipse Posthumiani profectionem narret.

(3) *Joanne Cassiano.*] Et hujus elogia varia habes ante ejus Opera ab Henrico Cuyckio et Petro Ciaccono expolita, qui simul monent quid in operibus Cassiani cavendum. Nihil in his excerptis censoria virgula dignum occurrit. Porro de Cassiani in Ægyptum profectione, ita Baronius, anno Christi 401, Innocentii papæ 3, Arcadii et Honorii imp. 10, postquam egit de Cassiano ad Innocentium papam in causa Joannis Chrysostomi legato misso : Cæterum, inquit, post hæc Cassianus profectus in Ægyptum, ibi monasticam vitam excolere cœpit, indeque scribendi Collationes Patrum hausit argumentum. Exstat Isidori Pelusiotæ ad Cassianum epistola (*Isid. Pelus. lib. 1, epist. 309*), cum aggressus esset vitam monasticam profiteri, qua cum in primis sibi coercedam esse linguam admonuit. Hactenus Baronius.

Quæ Baroniana de Cassiani in Ægyptum profectio putatio, non video qui cum Cassiani scriptis

cohæreat. Ille enim se a pueritia ait inter eremitas versatum. Ita enim scribit præfatione ad Castorem episcopum, quam libris suis de Institutis Cænobiorum præmisit, cum causas adfert cur minus idoneus nunc sit ad monastica Ægyptiorum monachorum instituta recolenda et recolligenda : « Secundo, quod ea quæ a pueritia nostra inter eosdem constituti, atque ipsorum incitati quotidianis exhortationibus et exemplis, vel agere tentavimus, vel didicimus, vel visu percipimus, minime jam possumus ad integrum retinere, tot annorum curriculis ab eorum consortio et imitatione conversationis abstracti. » Unde quoque colligitur, non esse eundem cum nostro Cassianum, ad quem scribit Isidorus Pelusiotæ.

(4) *Origenis.*] Baronius, tomo V, anno Christi 399, Anastasii papæ 2, Arcadii et Honorii imp. 5. Accidit autem, cum librorum Origenis causa tot tantæque turbæ concitatæ essent Alexandria, atque in universa Ægypto per Theophilum ejus civitatis antistitem aliosque episcopos adversus monachos scriptorum Origenis fautores, Posthumianum illum, qui apud Severum cum Gallo dialogum **558** agit, Alexandriam appulisse, compluraque eorum quæ inter ambas adversas partes transacta fuerunt, præsentem conspexisse. Solvens enim Narbona in Africam, ad tumulum sancti Cypriani martyris invisendum perrexit : inde vero Cyrenensium legens oras in Ægyptum pervenit, Jerosolymam profecturus visendorum causa locorum sanctorum, etc. Cujus in Ægyptum Jerosolymamque peregrinatio, etsi non hoc anno, haud tamen multo post contigisse potuit.

(5) *Duos ego jam senes.*] Quod hic de duobus senibus narratur sine nomine, hoc de Pæasio et Joanne ita narrat Cassianus, lib. v. Instit. cap. 27. « Ad senem Pæasium in eremo vastissima commorantem cum senex Joannes magno cœnobio ac multitudini fratrum præpositus advenisset, et ab eo velut ab antiquissimo sodale perquireret, quidnam per omnes quadraginta annos, quibus ab eodem separatus in solitudine minime a fratribus interpellatus egisset : Nunquam me, ait, sol rescipientem vidit. Et ille : Nec me, inquit, iratum. » Idem habetur apud Pelagium, libello iv, num. 24.

(6) *Juxta Thecuvicum.*] Martyrologium Romanum, 28 Maii : « Thecua in Palæstina sanctorum monachorum martyrum, qui tempore Theodosii Junioris a Sarracenis occisi sunt : quorum sacras reliquias accolæ colligentes, summa veneratione illas habuerunt. » Ubi Baronius notat : Hi illi esse videntur de quibus agit Joannes Cassianus, in coll. vi, c. 1, 2 et seq.

Idem Baronius, tomo V, anno Christi 410, Innocentii papæ 9, Honorii 16, Theodosii 3, imp., Cassianus, inquit, integra collatione vi, in eo argumento versatur, ut doceat cur Deus sanctos viros ab impiis necari permittat. Erat plane quæstio ista versata ore omnium his temporibus ob ingruentia ubique mala, et barbaros longe lateque grassantes. De ea enim non Cassianus tantum egit, sed eadem occasione etiam Augustinus, in epistola ad Victorianum (*August., epist. 122*), quod ille inter alia interpellasset : « Quare et servi Dei barbarorum ferro perempti sunt, et ancillæ Dei captivæ ductæ. » Quæ itidem pluribus tractat ad Marcellinum in commentariis de Civitate Dei. Hactenus Baronius.

Existimat ibidem Baronius, eodem tempore cladem Ægypto illatam a barbaris, probatque ex litteris Augustini ad Victorianum : « Totus quippe mundus tantis affligitur cladibus, ut pene pars nulla terrarum sit ubi non talia qualia scripsisti committantur atque plangantur. Nam ante parvum tempus etiam in illis solitudinibus Ægypti, ubi monasteria separata ab omni strepitu quasi securæ debebant, a barbaris intercepti sunt fratres (*August., epist. 122*). »

Cassianus tamen, qui hoc tempore in Ægypto vivebat, nullam mentionem facit deprædationum per barbaros monasteriis Ægypti illatarum. Nam post-

quam narravit de monachis in Palæstinæ partibus occisis, subdit : « Mœsti ad sanctum Theodorum, singularem in conversatione actuali perreximus virum. Hic namque morabatur in Celliis, qui locus intra Nitriam et Scythin situs, et a monasteriis quidem Nitriæ quinque millibus distans, octoginta millium solitudine ab eremo Scythi, in qua commorabamur, interveniente discernitur (*Cassian.*, coll. vi, cap. 1). » Atqui præcipua Ægypti monasteria erant in Scythi, Nitria et Celliis.

Quare quæ divus Augustinus habet de Ægypti monasteriis devastatis, intellige de iis quæ erant in

A extremitate et limite Ægypti. Colligo ex divo Hieronymo, epist. 82, ad Marcellinum : « Hoc autem, inquit, anno, cum tres explicassem libros (*Ezechielis* videlicet) subitus impetus barbarorum, de quibus tuus dicit Virgilius (*Æneid.* iv) :

... Lateque vagantes
Barcæi....

Et sancta Scriptura de Ismael : Contra faciem omnium fratrum suorum habitabit (*Gen.* xvi) : sic Ægypti limitem Palæstinæ, Phœnices, Syriæ percurrit, et instar torrentis cuncta secum trahens, ut vix manus eorum misericordia Christi potuerimus evadere.

DE VITIS PATRUM LIBER QUINTUS,

SIVE

VERBA SENIORUM,

AUCTORE GRÆCO INCERTO (a),

INTERPRETE PELAGIO S. R. E. DIACONO (b).

PRÆLUDIA AD LIBRUM QUINTUM.

DE LIBRI HUIUS APUD GRÆCOS INSCRIPTIONE, MATERIA, DIVISIONE, UTILITATE.

Photius (c) patriarcha Constantinopolitanus Bibliothecæ suæ cod. 198.

550 Legimus Sanctorum Virorum Librum, qui B ipsorum vitas et recte facta narrabat, ad spirituale profectum atque utilitatem.

Epitoma autem erat, ut apparet, et comprehensio magni, quem vocant, Limonarii, (seu Prati spiritualis) quo et vitæ opera narrantur, tum Magni Antonii et æqualium, tum eorum qui post eos floruerunt. Quem admodum et qui dictus est Hortulus novus, his recentiorum ad ætatem usque Heraclii, et paulo etiam viciniorum Vitas, religiosasque exercitationes describit.

Verum hic liber in duo et **560** viginti contractus, argumenta eorum cujusque utilitatem et obtinendi rationem, variis narrationibus expositam habet.

I. Igitur horum caput admonitio est ad perfectionis profectum, et a variis quidem illa instituta personis. C

II. Tranquillæ vitæ ac solitariæ fructum ostendit.

III. De continentia agit, quam non in victu duntaxat, sed et in reliquis animi motibus similiter exercendam docet.

IV. Ut se munire quisque debeat adversus insurgentes a fornicatione pugnas.

V. De paupertate, utque vitare avaritiam oporteat.

VI. De patientia et fortitudine.

VII. Nihil esse per ostentationem agendum.

Ἀνεγώσθη ἌΝΔΡΩΝ ἌΓΙΩΝ ΒΙΒΛΟΣ, πολιτείας τε αὐτῶν καὶ κατορθώματα πρὸς ψυχικὴν προκοπὴν καὶ ὠφέλειαν ἀπαγγέλλουσα.

Συγκεφαλαίωσις δ' ἦν, ὡς εἶπε, καὶ σύνοψις τοῦ ΜΕΓΑΛΟΥ καλουμένου ΛΕΙΜΩΝΑΡΙΟΥ, ὃ ἀπαγγέλλει τοὺς βίους καὶ τὰ ἔργα τῶν περὶ Ἀντωνίων τὸν Μέγαν, καὶ τοὺς ἑξῆς ἀκμασάντων. Ὡσπερ γὰρ τὸ καλούμενον ΝΕΟΝ ΠΑΡΑΔΕΙΣΙΟΝ [*Al.*, παράδεισιν], τὰς τῶν ἔτι νεωτέρων μέχρις Ἡρακλείου τοῦ βασιλέως, καὶ μικρόν ἔτι προσωτέρω πολιτείας καὶ τοὺς ἀσκητικούς ἀγῶνας ἀναγράφει.

Ἄλλ' οὖν τὸ προκείμενον βιβλίον εἰς δύο καὶ εἴκοσι συγκεφαλαιοῦμενον ὑποθέσεις, ἐκάστη αὐτῶν καὶ τὸ γρησμον καὶ τὴν κτῆσιν διαφόροις διηγήμασιν ἐμφανίζει.

Ἐν τῷ μὲν πρώτῳ κεφάλαιον παραίνεσιν εἰς προκοπὴν τελειότητος ἐκ διαφόρων προσώπων περιέχει.

Τὸ δεύτερον δὲ, τὸ ἀπὸ τῆς ἡσυχίας δείκνυσι κέρδος.

Τὸ τρίτον περὶ ἐγκρατείας διαλαμβάνει, καὶ ὡς δεῖ τὴν ἐγκράτειαν μὴ βρώμασι [*Al.*, βρωμάτων] μόνον, ἀλλὰ καὶ τῶν λοιπῶν τῆς ψυχῆς κινήματων ὁμοίως ποιῆσθαι.

Τὸ δὲ τέταρτον, πῶς δεῖ ἀσφαλιζεσθαι ἡμᾶς πρὸς τοὺς ἀπὸ τῆς πορνείας ἐπανισταμένους ἡμῖν πολέμους.

Τὸ δὲ πέμπτον, περὶ ἀκτιμοσύνης, καὶ ὡς δεῖ καὶ τὴν πλεονεξίαν φυλάττεσθαι.

Περὶ ὑπομονῆς δὲ καὶ ἀνδρείας τὸ ἕκτον.

Καὶ τὸ ἕβδομον, ὅτι δεῖ μηδὲν πρὸς ἐπιθειξιν ποιεῖν.

Καὶ τὸ ὄρθρον, ὅτι οὐ δεῖ τινα κρῖνειν.

Περὶ διακρίσεως δὲ τὸ θ'.

Τὸ δὲ δέκατον, περὶ τοῦ δεῖν ἀεὶ νήφειν.

Καὶ τὸ ἐνδέκατον, ὅτι δεῖ ἀδιαλείπτως καὶ ἐν νήφει προσεύχεσθαι.

Καὶ τὸ δωδέκατον, ὡς φιλοξενεῖν δεῖ καὶ ἔσσειν ἐν Διαρρήτῃ.

Περὶ ὑπακοῆς ἐκδιδάσκει [Αί., καὶ διδασκαλίας] τὸ τρισκαίδέκατον.

Τὸ δὲ τεσσαρεσκαίδέκατον, περὶ ταπεινοφροσύνης.

Καὶ τὸ πεντεκαίδέκατον, περὶ ἀνεξικακίας.

Περὶ ἀγάπης δὲ τὸ ἑξακαίδέκατον.

Τὸ μὲν τοι ἑπτακαίδέκατον, περὶ διορατικῶν.

Καὶ τὸ ὀκτωκαίδέκατον, περὶ σημιοφόρων γερόντων.

Τὸ δὲ θ' , περὶ πολιτείας θεοφίλους διαφόρων πατέρων.

Καὶ λοιπὸν τὸ εἰκοστὸν, ἀποφθέγματα τῶν ἐν ἀσκήσει γηρασάντων.

Εἶτα τὸ πρῶτον καὶ εἰκοστὸν διαλέξεις εἰσάγει γερόντων περὶ λογισμῶν πρὸς ἀλλήλους.

Καὶ τὸ ἐπὶ πᾶσι δεύτερον καὶ εἰκοστὸν, Ἑσυχίου πρεσβυτέρου Ἱεροσολύμων γνώμας περιέχει.

Ἐν οἷς καὶ ὁ συμπᾶς τοῦ βιβλίου ἀπαρτίζεται λόγος.

Χρειωδέστατος καθεστῶς, εἴπερ τι ἄλλο, τοῖς ἐπὶ τῷ κληρῷ τῶν οὐρανῶν τὸν βίον ἀσκουμένοις.

Ἔχει καὶ κατὰ τὴν ἐπαγγελίαν, καὶ τὸ σαφές, καὶ τ' ἄλλα τοιοῦτος, οἷος ἂν γένοιτο ἀνδράσιν ἀρμόζων πρὸς μὲν τὸν κατὰ λόγους ἀγῶνα μὴδ' ἐπεστραμμένοις, πάντα δὲ τὸν πόνον καὶ τὴν σπουδὴν εἰς τὴν ἐπὶ τοῖς ἔργοις ἀσκησάντων ἀναδεχόμενοις.

A VIII. Non oportere quamquam iudicare.

ix. De discretionē.

x. Sobrium (sive circumspectum) semper esse oportere.

xi. Assidue esse et cum attentione precandum.

xii. Hospitalitatem esse ac misericordiam cum hilaritate exercendam.

xiii. Obedientiam docet.

xiv. De humilitate.

xv. De malorum tolerantia.

xvi. De dilectione.

xvii. De iis qui visiones viderunt (d).

xviii. De senibus qui miracula patrarunt.

xix. De variorum sanctorum Patrum vita Deo grata.

xx. Aliquot eorum qui in monastica exercitatione consenuerant, scite dicta.

xxi. Collationes continet senum inter ipsos de suis considerationibus.

xxii. 561 Ad hæc omnia et ultimum caput sententias continet Hesychii presbyteri Jerosolymitani. Quibus et liber hic totus absolvitur.

Utilissimus profecto iis, si quis alius, qui ad cœlestem hæreditatem parandam vitam suam componunt.

Adhibet idem quam promiserat, perspicuitatem quoque; alioqui cœtera talis, qualis iis aptus sit viris, qui non de verbis laborent, sed omnem operam atque conatum in operibus exercendis ponant.

C

ROSWEYDI NOTATIO.

(a) *Græco incerto.*] Græcum aliquem hujus libri auctorem esse satis constat ex Photio, qui Græco exemplari usus, et interprete qui ex Græco vertit; incertum tamen esse, quidquid aliqui divinarint, Photius indicat, qui nullius nomen exprimit. Vide dicta proleg. gener. 7, 8.

(b) *Pelagio.*] Consule quæ de hoc notavi prolegomeno generali 11.

(c) *Photius.*] Certum est, librum, cujus Photius Græce suo tempore exstantis meminit, hunc eundem esse, quem hic Latine habes, translatum partim a Pelagio, S. R. E. diacono, libro hoc v, partim a Joanne subdiacono S. R. E., libro iv, quem librum, qui apud Græcos et Latinos unicus est, in duos distinximus ob diversos interpretes, ita nobis Sigeberto Gemblacensi præeunte libro De viris illustribus cap. 116, 117.

Citat tamen duo Photius, quæ Latino exemplari videntur deesse. Primo deest hic liber, quem Photius vocat, numero 21 qui *Collationes continet senum inter ipsos, de suis considerationibus.* Non enim ille hoc quidem loco comparare videtur, sed habetur hic in fine libri vii, a Paschasio S. R. E. diacono e Græco translato, hoc titulo: *De meditationibus xii anachoretarum*, quod Græce exstat in Augustana Bibliotheca, cod. 78, n. 2, diciturque in Catalogo ejusdem Bibliothecæ: *Narratio de xii Patribus, qui convenerunt de suis ipsorum recte factis.* Secundo deest hic liber quem Photius habet numero 22. Non enim hic habes *gnomas seu sententias Hesychii*, sed prodire eæ tum Græce tum Latine duabus centuriis, ad Theodulum,

separatim vulgatæ a Joanne Pico Lutetiæ, anno Christi 1563 typis Frederici et Guilielmi Morellii, post opuscula Marci anachoretæ; si tamen eadem sententiæ illæ sunt, quas Photius citat cum libro Hesychii edito.

(d) *De iis qui visiones viderunt.*] Ita διορατικῶν vertit Schottus noster, et inde librorum editorum corrigendam ἐπιγραφὴν existimavit. Videndum num potius ex Editis hæc versio sit interpolanda: *De prævidentia (seu pervidentia) et contemplatione.* Nam διοράω est *transpicio*, quo Latino verbo utitur Lucretius et Lactantius, vel *perspicio*. Unde διορατικός, *perspicax ad internoscendum*, uti usurpat Chrysostomus, Damascenus, Aphrodisæus. Vide Budæum. Hinc in Athanasio, de Vita sancti Antonii: Ἐγὼ γὰρ πιστεύω, ὅτι καθαρῆουσα ψυχὴ πανταχῶθεν, καὶ κατὰ φύσιν ἐστῶσα, δύναται, διορατικῆ γεννομένη, πλείονα καὶ μακρότερα βλέπειν τῶν δαιμόνων. Quæ vertit David Hæschelius: « Persuasissimum enim habeo, animum a perturbationum sordibus vacuum, et natura constantem, dono perspicacitatis imbutum, longe plura et remotiora quam dæmones perspicere posse. » Sozomenus, l. 1, c. 13, de sancto Antonio: Εἰ δὲ καὶ τούτου, φησί, μέλει τῷ, καθαρῆου τὴν ψυχὴν τοῦτ' ἔστι δύνασθαι διορατικῆν αὐτὴν ποιεῖν, καὶ τῶν ἐσομένων ἐπιστήμονα, τοῦ Θεοῦ τὸ μέλλον προαναφαίνοντος: Quod si hujus rei (dicere solitus est) cura cuiquam sit, animum omni labe purget; nam illud solum posse eum perspicacem efficere, et rerum futurarum scientem, Deo videlicet quod futurum sit præsignificante. »

VERBA SENIORUM.

LIBELLUS PRIMUS.

De profectu Patrum.

563 1. Interrogavit quidam abbatem Antonium (*Ruffin.*, l. III, n. 108), dicens: Quid custodiens placebo Deo? Et respondens senex dixit: Quæ mando tibi, custodi. Quocunque vadis, Deum semper habe præ oculis tuis: et in his quæ agis, adhibe testificationem sanctorum Scripturarum; et in quocunque loco sederis, non cito movearis. Hæc tria custodi, et salvus eris.

2. Interrogavit abbas Pambo abbatem Antonium (*Append. Martini*, n. 54), dicens: Quid faciam? Respondit ei senex: Noli esse in tua justitia confidens; neque pœnitearis de re transacta, et continens esto linguæ tuæ et ventris.

3. Dixit sanctus Gregorius: Quia hæc tria exigit Deus ab omni homine qui est baptismum consecutus: id est, fidem rectam ex tota animæ et virtute, linguæ **B** continentiam, et castitatem corporis.

4. Dixit abbas Evagrius (1): Quia dicebant quidam Patrum quod sicior et non inæqualis (2) victus charitati conjunctus, citius introducat monachum in portum impassibilitatis (3).

5. Iterum dixit: Nuntiata (4) est cuidam monacho mors patris sui. Ille autem ait ad eum qui nuntiabat sibi: Desine, inquit, blasphemare; meus enim pater immortalis est.

6. Dixit abbas Macarius abbati Zachariæ: Dic mihi, quod est opus monachi? Dixit ei: Me interrogas, Pater? Et dixit ei abbas Macarius: Certus sum de te, fili Zacharia, est enim qui me pulsat ut interrogem te. Dixit ei Zacharias: Quantum ad me, Pater, hoc **C** puto quoniam quicumque semetipsum necessitatibus subjecerit atque coegerit, ipse est monachus.

7. Dicebant de abbate Theodoro, cui est prænomen de Pherme (5), qui hæc tria capitula habuerit supra multos, id est, nihil possidendi, abstinendi, homines fugiendi.

8. Dixit abbas Joannes Nanus: Ego volo hominem ex omnibus virtutibus percipere. Itaque per singulos dies surgens mane, de omni virtute sume principium et mandatum Dei custodi in magna patientia, cum timore et longanimitate, in charitate Dei, cum proposito animæ et corporis, et humilitate multa: in patientia, in tribulatione cordis et observationis, in oratione multa et supplicationibus, cum gemitibus: in puritate et munditia linguæ, et **D** custodia oculorum, injuriam patiens, et non irascens; pacificus, et non reddens malum pro malo; non attendens ad vitia aliorum, neque teipsum exaltans; sed esto subditus et humilior omni creaturæ, renuntiando omni materiæ corporali, et his quæ secundum carnem sunt, in cruciatu, in certamine, in humilitate spiritus, in bona voluntate et abstinentia spirituali; in jejuniis, in patientia, in fletu, in certamine pugnæ, in discretionis judicii, in

A castitate animi, in perceptione boni cum quiete, et opere manuum tuarum; in nocturnis vigiliis, in fame et siti, in frigore et nuditate, in laboribus, includens te sepulcro tanquam jam mortuus, ut videatur tibi esse proxima mors omni die.

9. Dixit abbas Joseph (6) Thebæus: Quia tres ordines sunt honorabiles in conspectu Domini. Primus est, quando homo infirmatur, et adjiciuntur ei tentationes, et cum gratiarum actione suscipit eas. Secundus autem est, quando aliquis omnia opera sua facit munda coram Deo, nihil habens humanum. Tertius vero, quando aliquis sedet in subjectione et præceptis Patris spiritualis, et omnibus propriis renuntiat voluntatibus.

10. Narravit abbas Cassianus de quodam Joanne abbate, qui erat primus congregationis, quod magnus quidem fuerit in vita sua (*Cassian.*, lib. v *Instit.*, cap. 28). Hic autem cum moriturus esset et discessurus cum hilaritate et proposito mentis ad Dominum, circumsteterunt eum fratres, rogantes verbum aliquod compendiosum et salutare loco hæreditatis sibi ab eodem relinqui, per quod possent ascendere ad perfectionem, quæ est in Christo. Ille autem ingemiscens, ait: Nunquam feci propriam voluntatem, nec aliquem docui quidquam, quod ego prius ipse non fecerim.

11. Frater interrogavit senem, dicens: Quæ res sic bona est, quam faciam, et vivam in ea? Et dixit senex: Deus solus scit, quod bonum est; sed tamen audivi quia interrogavit unus Patrum abbatem Nistronem magnum, qui erat amicus abbatis Antonii, et dixit ei: Quod opus est bonum ut faciam? Et ille respondit ei: Non sunt opera omnia æqualia. Scriptura dicit (*Gen. xxiii*): Quia Abraham hospitalis fuit. et Deus erat cum **563** eo. Et Elias diligebat quietem et Deus erat cum eo. Et David humilis erat, et Deus erat cum ipso. Quod ergo vides secundum Deum velle animam tuam, hoc fac, et custodi cor tuum.

12. Dixit abbas Pastor: Quia custodire, et semetipsum considerare, et discretionem habere, hæc tria operationes sunt animæ.

13. Frater quidam interrogavit eum, dicens: Quomodo debet homo conversari? Respondit ei senex: Vidimus Danielelem, quia non est inventa accusatio ejus, nisi de servitio quod exhibebat Deo suo.

14. Dixit iterum: Quia paupertas, tribulatio, et discretio, hæc sunt operationes solitariae vitæ (*App. Mart.*, num. 8, *titulo Moysis*). Scriptum est enim (*Ezech. xiv*): Quia si fuerint hi tres viri, Noe, Job, et Daniel: Noe personam habet nihil possidentium, Job autem personam tribulantium, Daniel vero discernentium. Si ergo sunt hæc tres actiones in homine, Deus habitat in eo.

15. Dixit abbas Pastor: Quia si duas res oderit monachus, potest liber esse ab hoc mundo. Et dixit

frater : Quæ sunt istæ ? Et dixit senex : Carnalem A repausationem et vanam gloriam.

16. Dicebant de abbate Pambo (*Ruffn.*, l. III, n. 160), quia in ipsa hora qua discedebat ex hac vita, dixit astantibus sibi viris sanctis : Quia ex quo veni in hunc locum solitudinis, et fabricavi mihi cellam, et habitavi, extra laborem manuum mearum non recolo me comedisse panem, neque pœnituisse de sermone, quem locutus sum usque in hanc horam. Et sic vado ad Dominum, quomodo qui nec initium fecerim serviendi Deo.

17. Dixit abbas Sisois : Esto contemptibilis, et voluptates tuas post tergum tuum projice ; et esto liber et securus a sæcularibus curis, et habebis requiem.

18. Abbas Chame cum esset moriturus, dixit filiis suis : Nolite habitare cum hæreticis ; neque habeatis notitiam iudicum ; neque sint manus vestræ apertæ ad aliquod congregandum, sed sint magis extensæ ad tribuendum.

19. Frater interrogavit senem : Quomodo venit timor Dei in hominem ? Et dixit senex : Si habet homo humilitatem et paupertatem, et non iudicet alterum, sic venit in eo timor Domini (*Pasch.*, c. 21, n. 2).

20. Dixit senex : Timor, et humilitas, et egestas victualium, et plactus maneant in te (*Pasch.*, c. 21, n. 3).

21. Dicebant ergo quidam senum : Quidquid odio habes, alii ne facias (*Ruffn.*, l. III, n. 153 ; *Pasch.*, c. 16, n. 2). Si odis qui tibi male loquitur, neque tu male loquaris de aliquo ; si odio habes qui tibi calumniam facit, neque tu facias alicui calumniam ; si odio habes qui te in calumniam ducit, aut injuriis appetit, aut aufert quod tuum est, aut aliquid tale facit, tu nihil horum facias cuiquam. Qui ergo hoc verbum custodire potest, sufficit ei ad salutem.

22. Dixit senex : Vita monachi hæc est, opera, obedientia, meditatio, et ut non iudicet, aut non obloquatur, aut non murmuret. Scriptum est enim : Qui diligitis Dominum, odite malum (*Psal.* xcvi). Monachi vita hæc est, non ingredi cum injusto, neque videre oculis suis mala, neque curiose agere, neque scrutari, neque audire aliena ; neque manibus rapere, sed magis tribuere ; neque superbire corde ; neque cogitatione malignari ; neque ventrem im- D plere ; sed cum discretione omnia agere. Ecce in his est monachus.

23. Dixit senex : Roga Deum, ut det luctum in corde tuo et humilitatem ; et respice semper in peccatis tuis, et non iudices alios ; sed esto subjectus omnibus, et ne habeas amicitias cum muliere, neque cum puero, neque cum hæreticis. Abscinde a te fiduciam, et retinelinguam tuam et ventrem, et abstine a vino. Et si quis loquitur tecum de quacunque causa, noli contendere cum eo. Sed si bene dicit, dic : Etiam. Si autem male, dicei : Tu scis quod loqueris. Et ne contendas cum eo de his quæ locutus est, et tunc erit mens tua pacifica.

LIBELLUS SECUNDUS.

De quiete.

1. Dixit abbas Antonius : Sicut pisces, si tardaverint in sicco, moriuntur ; ita et monachi tardantes extra cellam, aut cum viris sæcularibus immorantes, a quietis proposito revolvuntur (*Ruff.*, l. III, n. 109, nomine Moysis ; et in *Vita Antonii*, cap. 52). Oportet ergo sicut piscem in mari, ita et nos ad cellam recurrere ; ne forte foris tardantes, obliviscamur interioris custodiae.

2. Dixit iterum : Qui sedet in solitudine, et quiescit, a tribus bellis eripitur ; id est, auditus, locutionis, et visus ; et contra unum tantummodo habebit pugnam, id est, cordis.

3. Abbas Arsenius (*Ruff.* l. III, n. 190), cum adhuc B esset in palatio, oravit ad Dominum, dicens : Domine, dirige me ad salutem. Et venit ei vox, dicens : Arseni, fuge homines, et salvaberis. Idem ipse discedens ad monachilem vitam, rursum oravit, eundem sermonem dicens. Audivitque vocem dicentem sibi : Arseni, fuge, tace, quiesce ; hæc enim sunt radices non peccandi.

4. Venit aliquando beatæ memoriæ Theophilus archiepiscopus ad abbatem Arsenium, cum quodam iudice (*Ruff.*, l. III, n. 191). Et interrogavit 564 senem archiepiscopus, volens audire ab eo sermonem. Paulisper autem tacens senex, postea respondit ad eum, dicens : Etsi dixero vobis, custodietis ? Illi autem promiserunt se custodire. Et dixit eis senex : Ubiunque audieritis Arsenium, nolite approximare. C Alia autem vice volens archiepiscopus videre eum, misit primum videre, si aperiret ei. Et mandavit ei, dicens : Si venis, aperio tibi. Sed si tibi aperuero, omnibus aperio, et tunc jam ultra hic non sedebo. Hæc ergo audiens archiepiscopus, dixit : Si cum persecuturus vado, nunquam vadam ad hominem sanctum.

5. Venit aliquando abbas Arsenius in quodam loco, et erat ibi arundinetum, et motum est a vento. Et dixit senex ad fratres : Quis est motus hic ? Dicunt ei : Arundines sunt. Dicit eis senex : Vere, quia si quis sedet cum quiete, et audierit vocem avis, non habebit cor ejus eandem quietem, quanto magis habentes sonum arundinum harum ?

6. Dicebant autem de eo quia erat cella ejus longe in millia triginta duo, et non exibat cito, sed alii ei faciebant ministeria. Quando vero in solitudinem reductus est locus qui vocatur Scythi, exivit plorans et dicens : Perdidit mundus Romam, et monachi Scythi.

7. Sedente eodem abbate Arsenio aliquando in Canopo (*Ruff.*, l. III, n. 65), venit una matrona virgo de Roma, dives valde, et timens Deum, ut videret eum, et suscepit eam Theophilus archiepiscopus. Illa autem rogavit eum ut ageret cum sene, ut videret eum. Qui abiens ad eum rogavit, dicens : Aliqua matrona venit de Roma, et vult videre te. Senex vero non acquievit ut veniret ad eum. Cum ergo hæc renuntiata fuissent supradictæ matronæ, jussit sterni

animalia, dicens: Credo in Deum, quia videbo eum. **A** non habens mulierem, nisi forte in solitudine? Dicit ei senex: Ergo in solitudinem me tolle.

14. Dixit abbatissa matrona: Multi in monte positi ea quæ popularia sunt agentes, perierunt. Melius est enim ut cum multis sis, et solitariam vitam agas voluntate, quam cum solus sis, esse cum multitudine proposito mentis.

565 15. Dixit senex: Semper debet monachus emere quietem sibi, ut contemnat etiam si corporale contingat evenire dispendium.

16. Narravit quidam: Quia tres studiosi diligentes se, facti sunt monachi. Et unus ex eis elegit litigantes in pace reducere, juxta illud quod scriptum est: Beati pacifici (*Matth.* v). Secundus vero visitare infirmos. Tertius vero abiit quiescere in solitudine.

B Primus ergo laborans propter lites hominum, non poterat omnes sanare. Et tædio victus, venit ad eum, qui serviebat infirmis, et invenit etiam ipsum animo deficientem, et non prævalentem mandatum perficere. Et concordantes hi duo, abierunt videre illum qui in eremo discesserat, narraveruntque ei tribulationes suas. Et rogaverunt eum, ut dissereret eis quid ipse profecerit. Et reticens paululum, mittit aquam in scyphum, et dicit eis: Attendite in aquam. Et erat turbulenta. Et post modicum rursus dicit: Attendite modo, quomodo limpida facta est aqua. Et cum intenderent in aquam, vident quasi in speculo vultus suos. Et tunc dicit eis: Sic est qui in medio hominum consistit; a turbulencia enim non videt peccata sua; cum autem quieverit, et maxime in solitudine, tunc delicta sua conspicit.

LIBELLUS TERTIUS.

De Compunctione.

8. Dixit abbas Evagrius: Abscinde a te affectiones multorum, ne mens tua in perturbatione fiat, et quietis dissipet modum.

9. Frater quidam applicuit in Scythi ad abbatem Moysen, petens ab eo sermonem. Et dixit ei senex: Vade et sede in cellula tua, et cella tua docebit te universa.

10. Dixit abbas Moyses: Homo fugiens hominem similis est uvæ maturæ; qui autem cum hominibus conversatur, sicut uva acerba est.

11. Dixit abbas Nilus: Imperforabilis manet a sagittis inimici, qui amat quietem: qui autem miscetur multitudini, crebra suscipiet vulnera.

12. Dixit abbas Pastor: Initium malorum est distendere mentem. Dicebat iterum: Quia bonum est fugere corporalia. Quando enim est homo juxta corporale bellum, assimilatur viro stanti supra lacum profundissimum, ut qua hora visum fuerit inimico ejus, facile eum deorsum impingat. Si autem a corporalibus longe fuerit, assimilabitur viro longeposito a puteo, ut vel si trahat cum inimicus projicere deorsum, dum eum violenter trahit, Deus ei auxilium dirigit.

13. Dicebat aliquando Abraham discipulus abbatis Sisois ad eum: Pater, senuisti, eamus parum juxta mundum. Dicit ei abbas Sisois: Ubi non est mulier, ibi eamus. Dicit ei discipulus ejus: Et ubi est locus

1. Dicebant de abbate Arsenio quia toto tempore vitæ suæ sedens ad opus manuum suarum, pannum habebat in sinu propter lacrymas quæ crebro currebant ex oculis ejus (*Ruff.*, lib. III, num. 163, 214).

2. Frater quidam interrogavit abbatem Ammonem. dicens: Dic mihi aliquod verbum. Dixit ei senex: Vade, et talem fac cogitationem tuam, sicut faciunt iniqui qui sunt in carcere. Illi enim interrogant homines: Ubi est judex, et quando veniet? et in ipsa expectatione pœnarum suarum plorant. Ita et monachus debet semper suspectus esse, et animam suam objurgare, dicendo: Væ mihi, quomodo habeo astare ante tribunal Christi; et quomodo habeo ei actuum meorum reddere rationem? Si igitur semper sic meditatus fueris, poteris salvus esse.

3. Dixit abbas Evagrius: Cum sedes in cella, collige ad te sensum suum, et memor esto diei mortis. Et tunc videbis corporis tui mortificationem. Cogita cladem, suscipe dolorem. Horreat tibi mundi istius vanitas. Esto modestus et sollicitus, ut possis semper in eodem quietis proposito permanere, et non infirmaberis. Memorare etiam eorum qui in inferno sunt. Cogita apud te ipsum quomodo sunt ibi modo animæ et in quam amaro silentio, aut in quo pessimo gemitu, vel in quali metu atque certamine, aut in quali expectatione et dolore, et sine mitigatione infinitas

lacrymas habentes animæ. Sed et diei resurrectionis memor esto, et illud divinum, horrendum, atque terribile imaginare iudicium. Adduc ad medium repositam peccatoribus confusionem, quam passuri sunt in conspectu Christi et Dei, et coram angelis et archangelis, potestatibus, et universis hominibus; sed et supplicia omnia, ignem æternum, vermem immortalem, tartarorum tenebras, et super hæc omnia dentium stridores, et timores, et tormenta. Adduc etiam et bona quæ sunt justis reposita, fiduciam ante Deum Patrem et Christum ejus Filium, coram angelis et archangelis, et potestatibus, atque omni plebe; regnum cælorum, et dona ejus, gaudium et requiem. Utrorumque horum commemorationem habe apud te, et super iudicia quidem peccatorum ingemisce, plora, vestire luctuum imaginem, metuens ne et tu ipse in his corruas; super bona vero justis reposita, gaude, exsulta, et lætare. Et his quidem frui festina, ab illis vero effici alienus. Vide ne obliviscaris aliquando, sive intra cellam tuam sis, sive foris alicubi; et memoriam horum ne abiciat mens tua, ut per hæc saltem sordidas et noxias cogitationes effugias.

4. Dixit abbas Elias: Ego tres res timeo (*Append. Mart., n. 97, tit. Senis*). Unam, quando egressura est anima mea de corpore; aliam quando occursurus sum Deo; tertiam, quando adversum me proferenda est sententia.

5. Sanctæ memoriæ Theophilus archiepiscopus cum moriturus esset, dixit: Beatus es, abba Arseni, quia semper hanc horam ob oculos habuisti.

6. Dicebant fratres quia manducantibus aliquando fratribus in charitate, risit unus frater ad mensam. Et videns eum abbas Joannes, fleuit, dicens: Quid putas habet frater iste in corde suo, quia risit, cum debuisset magis flere, quia charitatem manducat.

7. Dixit abbas Jacobus: Quia sicut lucerna obscurum cubiculum illuminat, ita timor Dei, si venerit in corde hominis, illuminat eum et docet omnes virtutes et mandata Dei.

8. Interrogaverunt quidam Patrum abbatem Macarium Ægyptium, dicentes: Quomodo corpus tuum, et quando manducas, et quando jejunas, siccum est? Et dixit eis senex: Sicut lignum in manu hominis, cum quo frutices in igne versantur atque reversantur, semper ab igne consumitur; ita si homo mundaverit mentem suam in timore Dei, ipse timor Dei etiam ossa ejus consumit.

9. Miserunt aliquando senes de monte Nitriæ ad abbatem Macarium in Scythi, rogantes ut veniret ad eos; alioquin sciret omnem multitudinem, si ipse ad eos non veniret, ad ipsum esse venturam, quoniam desiderabant videre eum antequam migraret ad Dominum. Qui cum venisset in montem, congregata est omnis multitudo fratrum ad eum. Rogabant autem eum senes ut faceret verbum ad fratres. Ille autem lacrymans ait: Ploremus, fratres, et producant oculi nostri lacrymas, antequam eamus hinc, ubi lacrymæ nostræ corpora comburant. Et flevit omnes, et

acciderunt proni in faciem, dicentes: Pater, ora pro nobis.

10. Præteriens aliquando abbas Pastor in Ægypto, vidit mulierem in monumento sedentem et flentem amare, et dixit: Si veniant omnia delectabilia mundi hujus, non transferent animam illius a luctu. Ita et monachus debet semper luctum habere in semetipso.

11. Alia vice transibat cum abbate Anub in partibus Diolci, et venientes circa monumenta, viderunt mulierem nimis cædentem se et flentem amare. Qui stantes intendebant in eam. Paululum autem procedentes, occurrerunt cuidam, et interrogavit eum abbas Pastor, dicens: Quid habet mulier ista, quod sic plorat amare? Dixit ei: Mortuus est maritus ejus, et filius, et frater. Et respondens abbas Pastor, dixit abbati Anub: Dico tibi, quia nisi homo omnes voluntates carnis suæ mortificaverit, et possederit luctum hunc, non potest monachus fieri. Tota enim vita mulieris istius et mens in luctu est.

12. Dixit iterum abbas Pastor: Luctus duplex est qui operatur, et custodit.

13. Frater interrogavit eum (*Append. Mart., n. 34*), dicens: Quid facio? Dicit ei: Quando venit Abraham in terram repromissionis, monumentum sibi comparavit, et per sepulcrum terram in hæreditatem percepit. Et dixit ei frater: Quid est sepulcrum? Et dixit senex: Locus flendi et lugendi.

14. Sanctæ memoriæ Athanasius rogavit abbatem Pambo ut descenderet de eremo ad Alexandriam¹; qui cum descendisset, vidit ibi mulierem theatricam, et lacrymatus est. Interrogatus autem ab iis qui aderant, quare fuerit lacrymatus, ait: Duæ, inquit, res me moverunt. Una de illius perditione; alia, quia ego non habeo tale studium placendi Deo, quale habet ista ut hominibus turpibus placeat.

15. Abbas Silvanus sedens aliquando cum fratribus, factus est in excessu mentis, et cecidit in faciem suam (*Ruff., lib. III, num. 205; Append. Mart., num. 48*). Et post multum surgens plorabat. Et rogaverunt eum fratres, dicentes: Quid habes, Pater? Ille autem tacebat et flebat. Compellentibus autem eum, dixit illis: Ego ad iudicium raptus sum, et vidi multos de habitu nostro euntes ad tormenta, et multos sæculares euntes ad regnum. Et lugebat senex, et nolebat deinceps exire de cella sua. Sed si exire cogebatur, operiebat capiti faciem suam, dicens: Quid necesse est videre lumen istud temporale, in quo nihil est utile?

16. Dixit sanctæ memoriæ Syncretica: Labor est et magnum certamen impiorum qui convertuntur ad Deum, et postea inenarrabile gaudium. Sicut enim qui ignem accendere volunt, prius fumantur, et ex fumi molestia lacrymantur, sicque obtinent quod volunt. Etenim scriptum est: Quia Deus noster ignis consumens est: ita oportet et inos divinum ignem cum lacrymis atque laboribus in nobis ipsis accendere.

17. Dixit abbas Hyperichius: Nocte et die labora-

¹ Ruff., lib. III, n. 164. — Simile in vita Pelagiæ, cap. 3.

monachus vigilans, in orationibus permanens; pun-
gens autem cor suum producit lacrymas, et celerius
provocat Dei misericordiam.

18. Applicuerunt fratres ad abbatem Felicem, ha-
bentes secum aliquos sæculares, et rogaverunt eum,
ut diceret eis sermonem. Senex autem tacebat. Illis
autem diutius rogantibus dixit ad eos: Sermonem
vultis audire? Qui responderunt: Etiam, Pater. Dixit
ergo senex: Modo non est sermo. Quando autem in-
terrogabantur seniores, et faciebant fratres quæ di-
cebant eis, tribuebat Deus quomodo loquerentur.
Nunc autem quoniam interrogant quidam, non autem
faciunt quæ audiunt, abstulit Deus gratiam a seni-
bus, ut non inveniunt quid loquantur, quoniam qui
operetur non est. Quæ cum audissent fratres, inge-
merunt, dicentes: Ora pro nobis, Pater.

19. Narraverunt de abbate Hor (9), et de abbate
Theodoro, quia misissent caprinam pellem in oella
sua, et dixerunt sibi adinvicem: Si nos visitaverit
Deus modo, quid faciemus? Et flentes reliquerunt lo-
cum ex lateribus, et sic recesserunt in cellis suis
(*Append. Mart., num. 47*).

20. Narravit quidam senex quod aliquis frater cum
converti voluisset, et prohiberet mater sua (*Ruff.,
lib. III, n. 216*), ille non quiescebat ab intentione sua,
dicens: Salvare volo animam ~~587~~ meam. Illa vero
multum resistens, cum desiderium ejus impedire non
posset, postea permisit. Abiens autem factus mona-
chus sub negligentia vitam suam expendit. Contigit
autem, ut mater ipsius moreretur; et post tempus ali-
quantum etiam ipse infirmatus est infirmitate magna.
Et cum factus fuisset in excessu mentis, raptus est
ad iudicium, et invenit matrem suam cum his qui
iudicabantur. Illa autem ut vidit eum, obstupuit, et
dixit: Quid est hoc, fili? Et tu in locum hunc con-
demnatus iussus es venire? Ubi sunt sermones tui,
quos loquebaris, dicens: Salvare volo animam meam?
Confusus autem in his quæ audierat, ipso dolore stu-
pidus factus est, et stabat non habens quid matri suæ
respondere posset. Juxta dispensationem autem mi-
sericordiæ Dei, posteaquam hæc vidit, contigit ut
repararetur, et evaderet ab instanti infirmitate. Et
cogitans apud se, divinitus factam esse hujusmodi
visionem, includens se de cætero sedebat, et cogita-
bat de salute sua, pœnitens et plorans de his quæ
egerat sub negligentia prius. Tanta autem erat in-
tentio, ut cum multi eum rogarent indulgere sibi
paululum, ne forte læsionem aliquam pateretur de
fletu, quem supra modum effundebat, consolari no-
luit, dicens: Si improprium matris meæ sustinere
non potui, quomodo Christi et sanctorum angelo-
rum ejus adversum me confusionem potero in die
iudicii sustinere?

21. Dixit senex: Si possibile esset in adventu Dei
post resurrectionem præ timore interire animas ho-
minum, omnis mundus moreretur a terrore atque
formidine. Quale est enim videre cælos scissos, et
Deum revelatum cum ira et indignatione, et militias
innumerabiles angelorum, et totum simul hominum

genus intendere? Propter quod sic debemus vivere,
utpote qui de singulis motibus nostris rationem exi-
gendi simus a Deo.

22. Frater interrogavit senem (*Pasch., c. 21, num. 4,
Append. Mart., num. 22*), dicens: Unde est, abba,
cor meum durum, et non timeo Dominum? Dicit ei
senex: Puto, quia si homo teneat in corde suo in-
crepationem, possideat timorem. Dicit ei frater: Quid
est increpationis? Dixit autem senex: Ut in omni re
homo increpet animam suam, dicendo ei: Memor
esto quia te oportet Deo occurrere. Dic autem et
hoc: Quid volo ego cum homine? Existimo autem,
quia si quis in his permaneat, venit et timor Dei.

23. Vidit senex quemdam ridentem, et dicit ei:
Coram cæli et terræ Domino rationem totius vitæ
B nostræ reddituri sumus, et tu rides?

24. Dixit senex: Quemadmodum umbram corporum
nostrorum ubique nobiscum circumferimus, sic
debemus fletum et compunctionem habere nobis-
cum ubicunque sumus.

25. Frater interrogavit senem, dicens: Abba, dic
mihi aliquod verbum. Dicit ei senex: Quando per-
cussit Deus Ægyptum, non erat domus non habens
luctum.

26. Frater interrogavit alium senem, dicens: Quid
facio? Dicit ei senex: Flere debemus semper.

Contigit enim quemdam senem mori aliquando, et
post multam horam iterum in semetipsum reverti.
Interrogavimus eum, dicentes: Quid vidisti ibi,
abba? Et narravit nobis plorans: Audivi vocem illic
C lugubrem sine cessatione dicentem: Væ mihi, væ
mihi. Sic et nos semper dicere debemus.

27. Interrogavit frater quidam senem, dicens:
Quomodo desiderat anima mea lacrymas, sicut audio
senes lacrymantes, et non veniunt, et tribulant ani-
mam meam? Et dixit senex: Filii Israel post qua-
draginta annos intraverant in terram repromissio-
nis. Lacrymæ igitur sunt sicut terra repromissio-
nis, ad quas si perveneris, jam non timebis bellum.
Ita enim vult Deus affligi animam, ut semper desi-
deret ingredi in terram illam.

LIBELLUS QUARTUS.

De continentia.

1. Fratres aliqui volentes venire ad abbatem An-
tonium de loco Scythi, ingressi sunt navem, ut irent
ad eum; et invenerunt in ipsa navi senem, qui idem
ad Antonium ire volebat. Ignorabant autem fratres
eum. Et sedentes in navi loquebantur sermonem Pa-
trum, et de Scripturis, et rursus de opere manuum
suarum. Ille autem senex per omnia tacebat. Cum
autem venissent ad portum, agnoverunt et ipsum senem
venissenti ad abbatem Antonium. Cum autem
venissent ad eum, dicit eis abbas Antonius: Bonum
comitem itineris invenistis senem hunc. Dixit autem
et seni: Bonos fratres invenisti tecum, abba. Dixit ei
senex: Boni sunt quidem, sed habitatio eorum non
habet januam. Quicumque vult, intrat in stabulum,
et solvit asinum. Hoc autem dicebat quia quodcum-
que eis ascendebat in cor, in ore loquebantur.

2. Dicebat abbas Daniel de abbate Arsenio, quia A noctem vigilans pertransiret (*Ruff.*, *lib. III*, *n.* 211). Tota enim nocte vigilabat, et quando volebat circa mane propter ipsam naturam dormire, dicebat somno: Veni, serve male, 568 et subripiebat parum somni sedendo; et statim surgebat.

3. Dicebat abbas Arsenius: Sufficit monacho, si dormierit unam horam, si tamen puginator est.

4. Dicebat de eo abbas Daniel: Quia tantis annis mansit nobiscum, et mensuram parvam victus dabamus ei in anno: et quoties veniebamus, exinde comedebamus et nos.

5. Dixit iterum, quod nisi semel in anno non mutabat aquam palmarum, sed tantum adjiciebat (*Ruff.*, *lib. II*, *num.* 39). Faciebat quoque plectam de ipsis palmis (8), et cusabat (9) usque ad horam sextam. B Interrogaverunt ergo eum seniores, cur non mutaret aquam palmarum, quæ fetebat. Et dixit eis: Pro thymiamate et odoribus unguentorum, quibus in sæculo usus sum, opus est uti me nunc fetore isto.

6. Iterum dixit: Quia quando audivit quod maturasset omne genus pomorum, dixit: Afferte mihi. Et gustavit semel tantum parum ex omnibus, gratias agens Deo.

7. Dicebant de abbate Agathone: Quia per triennium lapidem in ore suo mittebat, donec taciturnitatem disceret.

8. Aliquando iter agebat abbas Agathon cum discipulis suis (*Append. mart.*, *n.* 6). Et invenit unus ex eis parvum fasciculum cicerculæ viridis in via, et dixit seni: Pater, si jubes, tollo illud. Intendit vero C senex, admirans, et dicit: Tu illud posuisti? Respondit ei ille frater: Non. Et dixit senex: Quomodo vis tollere, quod non posuisti?

9. Venit aliquando quidam senum ad abbatem Achillem (*Ruff.*, *lib. III*, *num.* 90), et vidit eum jactantem sanguinem de ore suo, et interrogavit eum, dicens: Quid est hoc, Pater? Et dixit senex: Sermo est cujusdam fratris, qui me contristavit, et omnino conatus sum conservare illud apud me. Et deprecatus sum Deum ut auferretur a me, et factus est sermo ille sanguis in ore meo. Ecce exspui illum, et requievi, et dolorem illum oblitus sum.

10. Venit aliquando abbas Achilles in cellam abbatibus Isaia, in loco Scythi, et invenit eum comedentem. Miserat enim in catinulo sal et aquam. Videns D autem quia abscondit illud post plectas de palmis, dicit illi: Dic mihi quid manducabas? Ille respondit: Ignosce mihi, abba, quia palmas incidebam, et ascendi in cauma (10): et propterea intinxi modo buccellam in sale, et misi in ore meo; quia exaruerunt fauces meæ; et quia non descendeat buccella quam in ore meo miseram, propterea compulsus sum superfundere modicum aquæ in sale, ut vel sic possem glutire: sed ignosce mihi. Et dicebat abbas Achilles: Venite et videte Isaiam comedentem juscellum in Scythi. Si jus manducare vis, vade in Ægyptum.

11. Dicebant de abbate Ammoy, quia ægrotaret, et

in lecto plurimis annis decumbens, nunquam relaxavit animum suum, ut intenderet in interiora cellæ suæ, et videret quid haberet. Multa enim deferebantur ei velut infirmo; sed introeunte discipulo suo Joanne et exeunte, claudebat oculos suos, ne videret quid faciebat. Sciebat enim quia fidelis monachus esset.

12. Dixit abbas Benjamin, qui erat presbyter in Cellis, quia cum applicuisset in Scythi ad quemdam senem, et voluisset ei dare modicum olei, ille ei dixerit: Ecce ubi jacet illud parvulum vasculum quod attulisti mihi ante tres annos; et quomodo posuisti illud, sic remansit. Audientes autem nos admirati sumus conversationem senis.

13. Narraverunt de abbate Dioscoro de Namisias, quia panis ei hordeaccus erat, et farina lenticulæ, per singulos annos ponebatsibi legem cujuscunque unius observantiæ: id est, aut non occurrere uno anno alicui, aut non loqui, aut non gustare aliquid coctum, aut non comedere aliquid pomorum, aut olera, et in omni opere suo ita faciebat. Et perficiens unumquodque sic aliud assumebat, et hoc per annos singulos faciebat.

14. Dixit abbas Evagrius, quia dixerit senex: Propterea amputo a me delectationes carnales, ut etiam iracundiæ occasiones abscondam. Scio enim eam semper adversum me pugnare pro delectationibus, et conturbare mentem meam, et intellectum meum expellere.

15. Misit aliquando Epiphanius episcopus Cyprius ad abbatem Hilarionem, rogans eum, et dicens: Veni, ut nos videamus, antequam de corpore exeamus. Qui cum venissent adinvicem, manducantibus eis allatum est de avibus quiddam; quod tenens episcopus, dedit abbati Hilarioni. Et dicit illi senex: Ignosce mihi, Pater, quia ex quo accepi habitum istum, non manducavi quidquid occisum. Et dixit ei Epiphanius: Ego autem ex quo accepi habitum istum non dimisi aliquem dormire qui habebat aliquid adversum me, neque ego dormivi aliquid habens adversum aliquem. Et dicit ei senex: Ignosce mihi, quia tua conversatio major est mea.

16. Dicebant de abbate Elladio (11) quia fecerit viginti annos in cella, et non levaverit oculos suos sursum, ut videret tectum ejus.

569 17. Abbas Zenon ambulans aliquando in Palestina (*Ruff.*, *lib. II*, *num.* 7), cum laborasset, resedit ut manducaret juxta cucumerarium. Suadebat autem ei animus suus dicendo: Tolle tibi unum cucumerem, et manduca. Quantum autem est? Qui respondens cogitationi suæ dixit: Fures ad tormenta vadunt. Proba ergo te ipsum in hoc, si potes ferre tormenta. Qui consurgens stetit in cauma quinque diebus, et defrigens seipsum in sole, dicebat quasi animus ejus ad seipsum: Non possum ferre tormenta. Dixit ergo ad animum suum: Si non potes portare tormenta, ergo non rapias ut manduces.

18. Dixit abbas Theodorus [*Al.*, Theodotus]: Inopia panis tabefacit monachi corpus. Alter autem

quidam senior dicebat : Quia vigiliis plus tabescit A cum hæc dicerentur, cogitans ego quia Deus revelavit seni de me, compunctus cœpi flere, ejeci paximatem de sinu meo, quem male consueram rapere, et prosternens me in pavimento, postulabam de præteritis veniam, et orationem pro cautela futurorum.

19. Dixit abbas Joannes brevis staturæ : Quia si voluerit rex aliquis civitatem inimicorum tenere, prius aquam tenet et escas eorum qui sunt in civitate, et fame periclitantes tunc subjiciuntur ei ; ita est et passio ventris. Si in jejunio et fame converseatur homo, inimici ejus, qui sollicitant animam ipsius, infirmantur (*Ruff., lib. III, n. 66, nomine Moysis*).

20. Dixit iterum : Quia ascendens aliquando per viam, quæ ducit ad Scythi, cum plectis de palmis, vidi camelarium loquentem, et commoventem me ad furorem. Et ego dimisi quod portabam, et fugi (*Append. Mart., num. 12*).

21. Dixit abbas Isaac presbyter Cellarum : Scio fratrem metentem in agro, qui voluit manducare B spicam tritici. Et dixit domino agri : Vis manduco unam spicam ? Ille audiens miratus est, et dixit ei : Tuus est ager, Pater, et me interrogas ? In tantum autem scrupulosus erat memoratus frater.

22. Interrogavit quidam fratrum abbatem Isidorum seniore Scythi (*Ruff., lib. III, n. 89, nomine Isaac*), dicens : Quare te sic fortiter dæmones timent ? Dixit ei senex : Ex quo factus sum monachus, studeo ne permittam iracundiam usque ad fauces meas ascendere.

23. Dixit iterum qui supra quadraginta annos esse ex quo sentiret quidem motum peccati in mente sua, nunquam tamen consentiret neque concupiscentiæ neque iracundiæ.

24. Narravit abbas Cassianus de quodam abbate C Joanne quia fuerit apud abbatem Esium (12) in summitate eremi habitantem, per annos quadraginta¹; et quia habebat circa ipsum multam charitatem, et per hanc charitatis fiduciam interrogavit eum, dicens : Tanto tempore sic remotus, et a nullo hominum molestiam patiens facile, dic mihi, quid proficisti ? Et ille dixit : Ex quo cœpi solitarius esse, nunquam me vidit sol manducantem. Dixit autem ei abbas Joannes : Nec me irascentem.

25. Dixit iterum : Quia narravit nobis abbas Moyses quod ei abbas Serapion dixit : Quia dum essem juvenis, et sederem cum abbate meo Theona et manducarem, surgens a refectione, secundum opera diaboli rapui unum panem paximatem (13), et manducavi eum occulte, nesciente abbate meo². Cum ergo perseverarem aliquanto tempore hoc faciens, D cœpit mihi ipsum vitium dominari, et non prævalere me ipsum retundere ; sed solummodo adjudicabar a propria conscientia, et seni dicere confunderbar. Contigit autem, secundum dispensationem misericordis Dei, ut quidam venirent ad senem utilitatis animæ suæ causa, et interrogabant eum de propriis cogitationibus. Respondens autem senex, dixit : Quia nihil sic noxium est monachis, et lætificat dæmones, quomodo si celent cogitationes suas spiritualibus Patribus. Locutus est autem eis et de continentia. Et

26. Dicebant de abbate Macario, quia si vacavit inter fratres, ponebat sibi terminum, ut quando inveniebatur vinum, et propter fratres bibebat, et pro uno calice vini, die integra aquam non bibebat (*Ruff., lib. III, num. 53*). Et fratres quidem volentes eum recreare, dabant ei vinum. Sed et senex cum gaudio sumebat, ut semetipsum postea cruciaret. Discipulus autem ejus sciens causam, dicebat fratribus : Propter Deum rogo, ne detis ei, quia in cella postea se cruciatu domat. 570 Quod cognoscentes fratres, ultra ei vinum non dederunt.

27. Abbas Macarius major in Scythi dicebat fratribus : Post missas ecclesiæ, fugite, fratres. Et dicit ei unus fratrum : Pater, ubi habemus fugere amplius a solitudine ista ? Et ponebat digitum suum in ore suo, dicens : Istud est quod fugiendum dico. Et sic intrabat in cellam suam, et claudens ostium sedebat solus.

28. Dixit item abbas Macarius : Si aliquem increpare volens ad iracundiam commoveris, propriam passionem imple ; non enim ut alium salves, te ipsum perdas.

29. Dixit abbas Pastor : Nisi Nabuzardan archimagirus venisset, non concrematum fuerat templum Domini igne (*IV Reg. xxv*) ; ita et nisi quies gulæ et ventris venerit in animam, nequaquam mens corruit, pugnans contra inimicum (*Ruff., lib. III, num. 52*).

30. Dicebant de abbate Pastore, quia dum vocatus fuisset ad manducandum, contra voluntatem suam ibat lacrymando, ne inobediens esset fratribus suis, et contristaret eos (*Ruff., lib. III, n. 149*).

31. Narraverunt quidam abbati Pastori de quodam monacho, qui non bibebat vinum. Et dixit eis : Quia vinum monachorum omnino non est.

32. Dixit iterum abbas Pastor : Quia sicut fumo expelluntur apes ut tollatur dulcedo operis earum,

¹ Apud Cassian., lib. v Instit., c. 27. Simile supra, l. iv, c. 5.

² Cassian., collat. II, cap. 11, Supra, l. iv, cap. 47.

ita et corporalis quies timorem Domini expellit ab anima, et aufert ab ea omne opus bonum.

33. Narravit quidam senum de abbate Pastore et fratribus ejus, qui habitarent in Ægypto (*Ruff., lib. III, num. 154*). Et cum desideraret mater eorum videre eos, et non posset, observavit una die; et euntibus illis ad ecclesiam, obtulit se eis. Illi autem videntes eam, converterunt se ad cellam, et intrantes clausurunt ostium in faciem ejus. Illa autem ad ostium stans, clamabat, plorans cum nimia miseratione. Audiens autem eam abbas Anub, intravit ad abbatem Pastorem, dicens: Quid faciemus vetulæ isti, ita ante ostium flenti? Surgens autem abbas Pastor, venit ad ostium, et intro stans, audivit eam plorantem miserabiliter nimis; et dixit: Quid sic clamas, vetula? Illa autem cum vocem ejus audisset, multo magis clamabat, plorans et dicens: Volo vos videre, filii mei. Quid est enim si videro vos? nunquid non sum mater vestra? aut non ego lactavi vos, et tota sum jam canis plena? Sed et audiens vocem tuam, turbata sum. Dicit ei senex: Hic nos vis videre, an in illo sæculo? Dicit ei: Et si non videro vos hic, videbo vos illic, filii! Dicit ei: Si potes æquanimiter ferre, ut hic nos non videas, videbis nos illic. Et ita discessit mulier, gaudens, et dicens: Si omnino visura vos ero illic, nolo vos videre hic.

34. Dicebant de abbate Pior, quia ambulando comederet (*Ruff., lib. III, num. 31*). Et interrogante eum quodam quare sic manducaret, respondit se non hoc velut opus aliquod agere, sed velut quiddam superfluum uti. Alii autem de hoc interroganti respondit: Ut non vel in comedendo corporalem delectationem habeat anima.

35. Dicebant de abbate Petro, cognomento Pronio, qui erat in Cellis, quia vinum non bibebat. Quando autem senuit, rogabant eum ut sumeret modicum vini. Qui cum non acquiesceret, tepefaciebant eum aquam, et ita ei offerebant, et dicebat: Credite mihi, filii, quia velut pro condito illud accipio. Et adjudicavit se tepida aqua esse contentum.

36. Facta est aliquando celebratio missarum in monte abbatis Antonii, et inventum est ibi modicum vini. Et tollens unus de senioribus parvum calicem, portavit ad abbatem Sisoï, et dedit ei; et bibit semel; et secundo accepit, et bibit: attulit etiam ei tertio; sed non accepit, dicens: Quiesce, frater, an necis quia Satanus est?

37. Frater quidam interrogavit abbatem Sisoï, dicens: Quid facio? quia cum occurro ad ecclesiam, frequenter fratres pro charitate ad cibum retinent me. Dixit ei senex: Onerosa res est. Dicit ergo Abraham discipulus ejus: Si occurritur in Sabbato et Dominica ad ecclesiam, et biberit frater tres calices, non multum est? Et dixit senex: Si non esset Satanus, non esset multum.

38. Frequenter dicebat abbati Sisoï discipulus: Surge, abba, manducemus. Ille autem dicebat: Quia adhuc non manducavimus, filii? Et ille respondebat:

Non, pater. Dicebat autem senex: Si necdum manducavimus, affer, manducemus.

39. Dixit aliquando cum fiducia abbas Sisoï: Crede, quia ecce triginta annos habeo quod non deprecor Deum propter peccatum, sed orans hoc dico: Domine Jesu Christe, protege me a lingua mea. Et usque nunc per singulos dies corruo per ipsam (14) et delinquo.

40. Venerunt aliquando abbas Silvanus et discipulus ejus Zacharias ad quoddam monasterium, et fecerunt eos gustare modicum antequam ambularent (*Ruff., lib. III, num. 46*). Et exeuntibus eis, invenit discipulus ejus aquam in via, et volebat bibere. Dixit abbas Silvanus: Zacharia, jejunium est hodie. Cui ille dixit: Non manducavimus hodie, Pater? Dixit ei senex: Illud manducare, charitas fuit, nos autem te neamus jejunium nostrum, filii.

41. Dixit sancta Syncletica: Quia oportet nos, qui hujusmodi propositum sumpsimus, castitatem, quæ summa est, retinere. Etenim apud sæculares videtur castitas observari: sed adest ei et stultitia, propter quam aliis omnibus sensibus peccant; nam et aspiciunt indecenter, et rident inordinate.

42. Dixit iterum quæ supra: Quia sicut venenosa animalia acriora medicamenta a se expellunt, ita cogitationem sordidam jejunium cum oratione depellit ab anima.

43. Dixit iterum: Non te seducant divitum hujus sæculi delicia, tanquam utile aliquid habentes in se. Etenim illi delectationis causa artem diverso modo condiendi cibos honorant: tu autem jejunio et abiectione ciborum abundantiam deliciarum illorum supergredere; sed nec satieris pane, nec desideres vinum.

44. Dixit abbas Sisoï: Qui peregrinatio nostra est, ut teneat homo os suum (*Pasch., c. 32, num. 4; Append. Mart., num. 72*).

45. Dixit abbas Hyperichius: Quia sicut leo terribilis est onagris, sic monachus probatus cogitationibus concupiscentiæ.

46. Dixit iterum: Jejunium frenum est monacho adversus peccatum. Qui autem abjicit jejunium, velut equus fervens desiderio feminae rapitur.

47. Dixit iterum: Siccatum jejunio corpus monachi animam de profundo elevat, et siccatur fistulas delectationum jejunium monachi.

48. Dixit iterum: Castus monachus in terra honorabitur, et in cælis corona ab Excelso coronabitur.

49. Idem ipse dixit: Monachus, qui non retinet linguam in tempore furoris (15), neque passionum corporalium retentor erit aliquando.

50. Dixit iterum: Verbum malum non proferat os tuum, quoniam vitis non affert spinas.

51. Dixit iterum: Bonum est manducare carnem et bibere vinum, quam manducare in obtreptione carnes fratrum (*Ruff., lib. III, n. 134*).

52. Dixit iterum: Susurrans serpens ad Evam de paradiso ejecit eam. Huic ergo similis est qui proximo

suo obloquitur; quoniam et audientis se animam A lucernam proficeret. Erravit autem frater, et pro melle de raphanelæomisit in pulmentum. 572 Senex vero cum gustasset, nihil locutus est, sed tacitus manducavit. Compellebat autem eum adhuc manducare. Et extorquens sibi manducavit, et dabat ei tertio. Ille autem nolebat manducare dicens: Vere non possum, fili. Discipulus autem hortabatur eum, et dicebat: Bonum est, abba, ecce ego manduco tecum. Qui cum gustasset, et cognovisset quid fecerat, cecidit pronus in faciem, dicens: Væ mihi, Pater, quia occidi te, et tu peccatum hoc posuisti super me, quia non es locutus. Et dixit ei senex: Non contristeris, fili; si voluisset Deus, ut mel manducarem, mel habuisti mittere in zippulas istas.

53. Facta est aliquando festivitas in Scythi, et dederunt seni in calice vinum; quod abjiciens, dixit: Tolle a me mortem istam. Quod videntes alii qui cum ipso edebant, nec ipsi biberunt.

54. Alia vice allatum est ibi vasculum vini de primitiis, ut daretur fratribus ad singulos calices. Et introeunte quodam fratre, et vidente quia vinum acciperent, fugit in crypta, quæ crypta cecidit. Et cum audissent sonum, currentes invenerunt fratrem semianimem jacentem, et cœperunt eum objurgare, dicentes: Bene tibi contigit, quia vanam gloriam habuisti. Abbas autem refovens eum, dixit: Dimitte filium meum, bonum opus fecit. Et vivit Dominus quia non reâdificabitur crypta hæc temporibus meis, ut cognoscat mundus, quia propter calicem vini cecidit crypta in Scythi.

55. Ascendit aliquando presbyter de Scythi ad episcopum Alexandrinum. Et quando reversus est in Scythi, interrogaverunt eum fratres: Quomodo est civitas? Ille autem dixit eis: Credite mihi, fratres, ego ibi faciem hominis nullius vidi, nisi tantum episcopi. Illi autem audientes, mirati sunt et dixerunt: Quid putas facta est omnis illa multitudo? Presbyter vero refovit illos hæsitantes, dicens: Extorsi animum meum, ne intuerer faciem hominis. Ex qua relatione profecerunt fratres, et custodierunt se ab extollentia oculorum suorum.

56. Venit aliquando quidam senex ad alium senem. Ille autem dixit discipulo suo: Fac nobis modicum lenticulæ. Et fecit. Et infunde nobis panes. Et infudit. Et manserunt sic usque ad aliam diem hora sexta, loquentes de spiritualibus rebus. Iterum dixit senex discipulo suo: Fac nobis modicum lenticulæ, fili. Ille respondit: Ab hesterno die feci. Et ita surgentes sumpserunt cibum.

57. Alter quidam senex venit ad quemdam Patrum. Ille autem coxit modicum lenticulæ, et dixit: Faciamus opus Dei, et gustemus. Et unus quidem eorum complevit totum psalterium; alter vero ex corde (16) duos prophetas majores lectoris ordine recitavit. Et facto mane discessit senex ille qui venerat, et oblitus sunt sumere cibum,

58. Esuriit quidam frater a mane, et pugnavit cum animo suo, ne manducaret, donec fieret hora D tertia (Ruff., lib. III, num. 4). Et facta est hora tertia, exegit a se ut fieret sexta. Infudit panem et sedit, ut manducaret. Postea vero surrexit, dicens: Manebo sic usque ad horam nonam. Hora autem nona fecit orationem, et vidit opus diaboli sicut fumum exeuntem a se, et ita cessavit esuries ejus.

59. Infirmatus est quidam senum (Ruff., lib. III, num. 51); et cum non posset sumere cibum multis diebus, rogabatur a discipulo suo ut fieret ei aliquid et reficeretur. Abiit autem et fecit de farinula lenticulam, et zippulas (17). Erat autem ibi vasculum pendens, in quo erat modicum mellis: et aliud in quo erat raphanelæum (18), et fetebat, quod tantum ad

60. Narraverunt de sene quodam, qui desideravit aliquando manducare cucumerem (Ruff., lib. III, num. 50). Quem cum accepisset, appendit eum prius ante oculos suos. Et cum non esset victus desiderio, domans se ipsum pœnitentiam agebat, vel quia omnino desiderasset.

61. Frater aliquando abiit visitare sororem suam in monasterio ægotantem (Ruff., lib. III, n. 33). Erat autem fidelissima. Et non acquiescens aliquando videre virum, neque occasionem dare fratri suo ut propter illam veniret in medio feminarum, et mandavit fratri suo: Vade, frater, ora pro me, quia cum gratia Christi videbo te in regno cœlorum.

62. Monachus occurrit ancillis Dei in itinere quodam. Quibus visis divertit extra viam. Cui dixit abbatissa: Tu si perfectus monachus esses, non respiceres nos sic, ut agnosceres quia feminæ eramus.

63. Intraverunt aliquando fratres in Alexandriam invitati a Theophilo archiepiscopo, ut præsentibus his facta oratione templa destrueret paganorum. Et manducantibus eis cum archiepiscopo, ministratæ sunt carnes vitulinæ, et manducabant nihil discernentes. Et accipiens archiepiscopus unum copadium (19), dedit juxta se recumbenti seni, dicens: Ecce istud bonum copadium est, manduca, abba. Illi autem respondentes dixerunt: Nos usque modo credebamus, quia olera manducaremus. Nam si carnes sunt, non manducamus. Et ultra nemo ex eis acquievit gustare.

64. Frater quidam attulit panes recentes in cellam et invitavit ad mensam seniores. Et cum manducassent singulos paximates, pausaverunt. Frater vero sciens laborem abstinentiæ eorum, cœpit cum humilitate supplicare, dicens: Propter Deum manducate hodie donec satiæmini. Et manducaverunt alios denos paximates. Ecce igitur quantum supra quam opus erat, manducaverunt propter Deum veri monachi et simpliciter abstinentes.

65. Ægotavit quidam senum aliquando in magna infirmitate, ita ut de visceribus multum sanguinis egeret. Et attulit quidam frater nixas siccas (20), et fecit pultes, et misit eas ibi, et obtulit seni, et rogabat eum, dicens: Comede, quia forte expedit tibi. Intuens autem in eum senex diutius, dixit: Vere dico, quia volebam ut me dimitteret Deus in hac in-

firmitate esse alios triginta annos. Et nullo modo acquievit senex in tali ægritudine vel modicum sumere cibum, ita ut tolleret frater quod apportaverat, et rediret ad cellam suam.

66. Alter senex sedebat longe in eremo, et contigit fratrem venire ad eum, et invenire eum infirmantem. Qui lavans ejus faciem, fecit ei refectionem ex his quæ attulerat. Quod cum vidisset senex, dixit: Vere, frater, oblitus fueram, quia habent homines de cibo solatium. Obtulit etiam ei calicem vini. Quod cum vidisset, ploravit, dicens: Non sperabam me usque ad mortem bibiturum vinum.

67. Statuit quidam senex ut quadraginta diebus non biberet. Et si quando fiebat cauma, lavabat surisculam (21), et implebat eam aqua, et appendebat eam ante oculos suos. Qui cum interrogaretur a fratribus quare hoc faceret, respondit, dicens: Ut cum videns quod desiderabam, non gustavero, majorem ardorem sustineam, et propter hoc majorem mercedem a Domino consequi merear.

68. Frater quidam iter agens, habebat secum matrem suam, jam senem. Qui cum venissent ad quemdam fluvium, non poterat vetula illa transire. Et tulit filius ejus pallium suum, et involvit exinde manus suas, ne aliquo modo contingeret corpus matris suæ, et ita portans eam transposuit fluvium. Dixit autem ei mater sua: Ut quid sic operuisti manus tuas, fili? Ille autem dixit: Quia corpus mulieris ignis est. Et ex eo ipso quo te contingebam, veniebat mihi commemoratio aliarum feminarum in animo.

69. Dicebat quidam Patrum: Quia sciret fratrem in cella jejunantem tota hebdomada Paschæ. Et cum Sabbato sero venisset ad missas, communicans mox fugiebat, ne cogeretur a fratribus in ecclesia manducare. Apud se autem tantum modicus betas elixas cum sale manducabat sine pane.

70. Fratres convocati sunt in Scythi, ut manducarent palmas, et erat aliquis infirmus de nimia abstinentia, qui tussiens exscreabat phlegma, quod nolente eo venit super alium fratrem. Qui cum a cogitatione sua compelleretur dicere ei: Quiesce jam, et non exscrees super me, ut superaret cogitationes suas, tulit quod exscreaverat, et mittens in ore suo, statim comedit illud. Et tunc cœpit ad seipsum dicere: Aut non dicas fratri tuo quod eum contristet, aut manduca quod horres.

LIBELLUS QUINTUS.

De fornicatione.

Dixit abbas Antonius: Æstimo quod habeat corpus motum naturalem conspersum in se, qui nolente animo non operatur, sed tantummodo significatur in corpore, quasi impassibilis motus. Est autem et alius motus ex eo, quod nutritur et fovetur corpus cibis et potibus, et ex quibus calor sanguinis excitat corpus ad operandum. Propter quod dicit Apostolus: Nolite inebriari vino, in quo est luxuria (*Ephes. v*). Et rursum Dominus in Evangelio discipulis mandans, dixit: Videte, ne quando graventur corda vestra in crapula et ebrietate (*Lucæ XXI*). Est autem et alius

quidam motus certantibus in conversatione ex insidiis et invidia dæmonum veniens. Itaque scire convenit quia tres sunt corporales motus. Unus quidem naturalis; alius autem ex plenitudine ciborum; tertius vero ex dæmonibus.

2. Dixit abbas Gerontius Petrensis: Quia multi tentati a corporalibus delectationibus cum non appropinquarent corporibus, mente fornicati sunt, et corporalem virginitatem servantes, secundum animum fornicantur. Bonum est ergo, dilectissimi, facere quod scriptum est: Omni custodia unumquemque cor suum servare (*Prov. v*).

3. Dixit abbas Cassianus (*Cassian., collat. II, cap. 10*), quia dixerit nobis abbas Moyses: Bonum est non abscondere cogitationes, sed senibus spiritualibus et discretionem habentibus manifestare eas, non his qui tantum tempore senes sunt, quoniam multi ad ætatem respicientes, et cogitationes suas dicentes eis qui experimentum non habebant, pro consolatione ad desperationem ultimam pervenerunt.

4. Erat quidam frater omnino in conversatione sollicitus (*Cassian., collat. II, cap. 13*). Et cum male a fornicationis dæmone turbaretur, venit ad quemdam senem, et retulit ei cogitationes suas. Ille autem audiens quia expers erat, indignatus est, et miserabilem dicebat esse fratrem illum, et indignum monachi habitu; quippe qui ejusmodi cogitationes reciperet. Hæc audiens frater, desperans seipsum, reliquit propriam cellam, et ad sæculum redibat. Secundum vero Dei dispensationem occurrit ei abbas

Apollo; et videns eum perturbatum, et nimium tristem, interrogavit eum, dicens: Fili, quæ est causa tantæ tristitiæ tuæ? Ille autem prius ex multa confusione animi sui non respondit ei quidquam; postea autem cum multum rogaretur a sene, quæ circa se agerentur, confessus est, dicens: Quia cogitationes fornicationum inquietant me; quod confessus sum illi seni, et, secundum verba ejus, jam non est mihi spes salutis; desperans ergo meipsum, ad sæculum redeo. Hæc autem Pater Apollo audiens, velut sapiens medicus multum rogabat, et monebat eum, dicens: Noli mirari, fili, neque desperes de teipso. Ego enim in hac ætate atque conversatione valde ab hujusmodi cogitationibus inquietor. Ne ergo deficias in hujusmodi occasione, quæ non tantum humana sollicitudine, quantum Dei miseratione curatur. Tantum hodie dona mihi quod peto, et revertere ad cellam tuam. Fecit autem frater sic. Abbas autem Apollo discedens ab eo perrexit ad cellam illius senis, qui ei desperationem fecerat; et stans foras deprecatus est Dominum cum lacrymis, dicens: Domine, qui tentationes utiliter infers, converte bellum quod patitur frater ille in hoc sene, ut per experimentum in senectute sua discat quod tempore longo non didicit, quatenus compatiatur his qui hujusmodi tentationibus perturbantur. Qui cum orationem complexisset, vidit Æthiopem stantem juxta cellam, et sagittas mittentem contra illum senem, quibus quasi perforatus, statim tanquam ebrius a

vino, huc atque illuc ferebatur. Et cum non posset tolerare, egressus est de cella, et eadem via, qua et ille juvenis ad sæculum redibat. Abbas autem Apollo intelligens quod factum erat, occurrit ei. Et accedens ad eum, dixit: Quo vadis? et quæ est causa turbationis quæ obtinuit te? Ille autem sentiens, quia intellexerit sanctus vir quæ ei evenerant, præ verecundia nihil dicebat. Dixit autem ei abbas Apollo: Revertere in cellam tuam, et de cætero agnosce infirmitatem tuam, et habe apud te ipsum; quia aut ignoratus sis a diabolo usque modo, aut contemptus, propter quod nec meruisti secundum viros virtutum habere contra diabolum luctamenta. Quid autem dico luctamenta? qui nec uno die aggressionem ipsius portare potuisti. Hoc autem tibi contigit, quia juvenem illum a communi adversario impugnatum suscipiens, cum debuisses eum contra diabolicum certamen consolatoriis verbis ungere, etiam in desperationem misisti, non cogitans illud sapientissimum præceptum, quo jubemur eripere eos qui ducuntur ad mortem, et non negligas redimere occidendos (*Prov. xiv*): sed neque parabolam Salvatoris nostri, dicentis (*Matth. xii*): Arundinem quassatam non debere confringi, et linum fumigans non extingui. Nemo enim ferre posset ipsidias adversarii, neque bullientis naturæ ignem extinguere vel retinere, nisi gratia Dei conservaret infirmitatem humanam, quem in nobis salutari dispensatione omnibus orationibus Dominum deprecemur, ut et adversum te dimissum flagellum avertat, quoniam ipse et dolere facit, et iterum salutem restituit: percutit, et manus ipsius sanat; humiliat et exaltat, mortificat et vivificat, deducit ad inferos et reducit (*I Reg. ii*). Hæc dicens, orationem implevit, et statim ab illato sibi bello senex ille liberatus est. Quem commonuit abbas Apollo ut peteret sibi a Deo dari linguam eruditam, ut sciret tempus quo oporteat loqui sermonem.

5. De cogitatione fornicationis interrogatus abbas Syrus [*Al.*, Cyrus] Alexandrinus, ita respondit: Si cogitationes non habes, spem non habes: quoniam si cogitationes non habes, opera habes. Hoc autem est, quia qui cogitatione adversus peccatum non pugnat, neque contradicit, corporaliter peccat. Qui autem corporaliter peccat, cogitationum molestias nullas habet.

6. Interrogavit autem quidam senex fratrem, dicens: Ne consuetudinem habes colloqui mulieri? Et dixit frater: Non. Et ille dixit: Veteres et novi pictores sunt cogitationes meæ, et memoraciones quædam, inquietantes me ex similitudine mulierum. Senex autem dixit ad eum: Mortuos non timeas, sed viventes fuge: hoc est, consensum et opera peccati, et extende magis orationem tuam.

7. Dicebat abbas Mathois quod quidam frater veniens dixerit deteriorem esse qui obloquitur quam qui fornicatur. Et respondit: Durus est hic sermo. Dixit ergo ei frater: Et quomodo vis esse hanc rem? Dixit senex: Oblocutio quidem mala est, celerem

tamen invenit curam, et plerumque pœnitentiam agit, qui oblocutus est, dicens: Male locutus sum, et transit. Fornicatio autem naturaliter mors est.

8. Dixit abbas Pastor: Sicut spatharius principis assistit ei semper paratus, ita oportet et animam semper esse paratam adversus dæmonem fornicationis (*Ruff., lib. iii, num. 59*).

9. Venit aliquando frater ad abbatem Pastorem, et dixit ei: Quid facio, Pater? quia affligor a fornicatione (*Ruff., lib. iii, num. 63; Pasch, c. 1, num. 9*). Et perrexi ad abbatem Hybistonem, et dixit mihi: Non debes eam longo tempore permittere habitare in te. Dixit ei abbas Pastor: Abbatis Hybistonis actus sursum in cælo sunt cum angelis, et latet eum; ego autem et tu in fornicatione sumus. Si ergo teneat monachus ventrem et linguam, et maneat in solitudine, confidat quia non moritur.

10. Narraverunt de abbatisa Sara, quia manserit tredecim annis fortiter a fornicationibus dæmonum impugnata. Et nunquam oravit ut recederet ab ea hujusmodi pugna: sed solum hoc dicebat: Domine, da mihi fortitudinem.

11. Dixerunt iterum de ea quia infestior ei fuerat aliquando imminens fortius idem fornicationis dæmon, mittens in cogitationem ejus sæculi vanitates. Illa autem non relaxans animum a timore Dei, et a proposito abstinentiæ suæ, ascendit semel super lectum suum orare, et apparuit ei corporaliter spiritus fornicationis, et dixit ei: Tu me vicisti, Sara. Illa autem respondit: Ego non te vici, sed Dominus meus Christus.

12. Frater quidam stimulabatur a fornicatione, et erat stimulus velut ignis ardens in corde ejus die ac nocte. Frater autem decertabat non condescendens vel consentiens cogitationi suæ. Post multum autem tempus discessit ab eo stimulus, nihil prævalens propter perseverantiam fratris. Et statim lux apparuit in corde ejus.

13. Alius frater stimulatus est a fornicatione. Et surgens nocte perrexit ad senem, et dixit ei cogitationem suam, et consolatus est eum senex. Ex qua consolatione proficiens, reversus est in cellam suam. Et ecce iterum spiritus fornicationis tentavit eum. Ille autem iterum abiit ad senem. Factum est autem hoc frequenter. Senex vero non contristavit eum, sed loquebatur ei quæ ad utilitatem ipsius pertinerent, dicens: Non concedas diabolo, nec relaxes animum tuum; sed magis, quoties molestus est dæmon, veni ad me, et increpatus abscedet. Nihil enim sic extædiat dæmonem fornicationis, quomodo si revelentur stimulationes ejus. Et nihil eum sic lætificat, quomodo si abscondantur cogitationes. Venit ergo frater ad senem undecies, accusans cogitationes suas. Postea autem dixit frater seni: Ostende charitatem, abba, et dic mihi verbum. Dicit ei senex: Crede, fili, quia si permetteret Deus cogitationes meas, quibus animus stimulatur, in te transferri non eas portares, sed omnino corrueres deorsum. Hæc au-

tem dicente sene, propter nimiam humilitatem ejus **A**psalmodiam, opus manuum, orationem et cætera, quæ sunt fundamenta. Qui autem recens est in conversione, donec ista discit, ille in primum ordinem veniet.

14. Idem alius stimulatus a fornicatione, cœpit decertare et extendere abstinentioniam suam, per quatuordecim annos cogitationem suam custodiens, ne consentiret concupiscentiæ suæ. Postea autem veniens **575** ad ecclesiam, manifestavit universæ multitudini quod patiebatur. Et datum est mandatum, et omnes affligerunt se pro eo hebdomada, jugiter orantes Dominum. et quievit stimulus ejus.

15. De cogitatione fornicationis dixit quidam senex: Eremita dormiens, vis salvari? Vade, labora, vade affligere, vade, quære et invenies; vigila, pulsa, et aperietur tibi. Sunt enim in sæculo pancratiarii (22), qui cum nimis cæsi steterint, et fortes apparuerint, coronas accipiunt. Aliquoties autem et unus **B** a duobus cæditur, et confortatus plagis cædentes se vincit. Vidisti quantam virtutem per carnis exercitium acquisivit? Et tu sta, et confortare: et Dominus expugnat pro te inimicum.

16. De eadem ipsa cogitatione fornicationis, dixit alter senex: Esto velut qui transit in platea, aut per tabernam, et capit cujuscunque coctura: odorem, aut alicujus assaturæ. Et qui vult, ingreditur et manducat; qui autem non vult, odoratus est tantum, atque præterit. Ita et tu excute a te fetorem, surge et ora, dicens: Domine Fili Dei, adjuva me. Hoc autem fac etiam adversus alias cogitationes. Neque enim eradicatores sumus cogitationum. sed luctatores adversus easdem cogitationes.

17. Alter senex dixit: Hæc de negligentia patimur. Nam si consideremus quia Deus habitat in nobis, non alienum vas inferemus intra nos. Dominus enim Christus habitans in nobis atque cohabitans nobis, respicit vitam nostram. Unde et nos portantes eum et contemplantes, negligere non debemus, sed sanctificare nosmetipsos, sicut et ille sanctus est. Stemus super petram, et rumpetur malignus. Non formides, et non committet adversum te. Psalle cum virtute, dicens: Qui confidunt in Domino, sicut mons Sion; non commovebitur in æternum, qui habitat in Jerusalem (*Psal. cxxiv*).

18. Frater interrogavit senem, dicens: Si incurrit monachus in peccatum, affligitur velut qui de profectu in deteriorem statum pervenerit, et laborat donec resurgat: qui autem a sæculo venit, velut qui initium fecerit, proficit. Et respondens senex dixit: Monachus in tentationem incurrens, sic est tanquam domus quæ cadit. Et si sobrius fuerit in cogitatione sua, reædificat eam quæ corruerat domum; inveniens materias ad ædificium profuturas, habens posita fundamenta, et lapides, et arenam, et cætera quæ sunt ædificio necessaria, atque ita velociter fabrica proficit. Ille autem qui nec effodit, nec fundamentum misit, nec habet aliquid eorum quæ sunt necessaria; sed in spe dimittens, si quomodo aliquando perficiatur. Ita est et monachus, si in tentationem ceciderit, et conversus fuerit ad Dominum, habet plurimum apparatus, meditationem divinæ legis.

19. Frater quidam, cum in fornicationis spiritu teneretur, perrexit ad quemdam senem magnum, et rogabat eum, dicens: Ostende charitatem et ora pro me, quia a fornicatione sollicitor (*Ruff., lib. III, n. 13*). Senex autem deprecatus est Dominum. Et iterum secundo veniens ad senem, eundem sermonem dixit: Similiter et senex non neglexit pro eo rogare Dominum dicens: Domine, revela mihi unde in hoc fratre operatio est ista diaboli? quoniam deprecatus sum te, et requiem necdum invenit. Et revelavit Dominus quæ agebantur circa fratrem illum.

B Et vidit eum senex sedentem, et spiritum fornicationis juxta illum, et quasi ludentem cum eo, et angelus stabat missus ad adjutorium ejus, et indignabatur adversus fratrem illum, quia non se prosternebat Deo: sed quasi delectabatur cogitationibus suis, totam mentem suam ad hoc inclinans. Et agnovit senex quia causa magis ab eodem fratre esset, et annuntiavit ei, dicens: Tu consentis cogitationi tuæ. Et docuiteum quomodo talibus cogitationibus deberet obsistere. Et respirans frater per doctrinam senis illius et orationem, invenit requiem a tentatione sua.

20. Tentatus est aliquando discipulus senis magni a fornicatione. Senex vero cum videret eum laborantem, dixit ei: Vis rogo Dominum, ut sublevet a te molestiam istam? Ille autem dixit: Video, abba, quia si laboro, tamen ex pondere laboris hujus considero fructificare me. Sed hoc rogo Deum in orationibus tuis, ut det mihi tolerantiam, per quam sustineam. Dicit ei abbas suus: Nunc agnovi quia in magno profectu es, fili, et supergrederis me.

21. Dicebant de quodam sene, quia descendit in Scythi, et habebat filium adhuc sugentem lac; qui quoniam in monasterio nutritus est, quæ essent mulieres nesciebat. Qui cum factus esset vir, ostendebant ei nocte dæmones habitus mulierum, et nuntiavit patri suo, et mirabatur. Aliquando ergo ascendit cum patre suo in Ægyptum, et videns mulieres, dixit patri suo: Abba, ecce istæ sunt quæ veniebant ad me nocte in Scythi. Et dixit ei: Isti sunt **D** monachi de sæculo, filii. Alio autem habitu utuntur isti, **576** et eremita alio. Et miratus est senex quomodo in Scythi ostenderent ei dæmones imagines mulierum, et statim reversi sunt in cellam suam.

22. Frater quidam erat probatus tentationibus in Scythi, et immittebat ei adversarius memoriam mulieris cujusdam pulchræ in animo, et affligebat eum valde (*Ruff., lib. III, n. 11*). Et contigit, secundum Dei dispositionem, ut alter frater descendens de Ægypto, applicaret in Scythi. Et cum loquerentur, nuntiavit ei dicens: Uxor illius mortua est. Erat autem ipsa mulier, de qua inquietabatur ille frater. Quod cum audisset, tulit vestimentum suum nocte, et ascendit ubi eam sepultam audierat.

Et fodit locum, et extersit cruorem putredinis ejus in vestimento suo, et reversus habebat illud in cella sua. Et cum nimis feteret, ponebat illos fetores ante se, et improperans cogitationi suæ, dicebat: Ecce desiderium quod quærebas. Habes illud, satiare ex eo. Et ita ex ejusmodi fetore castigabat semetipsum donec emorerentur concupiscentiæ ejus.

23. Venit quidam in Scythi aliquando, ut fieret monachus. Qui etiam attulit filium suum nuper ablatum. Qui cum factus esset juvenis, cœperunt impugnare dæmones et sollicitare eum. Et dixit patri suo: Vado ad sæculum, quia non possum carnales concupiscentias sustinere. Pater autem ejus consolabatur eum. Dixit ergo ille juvenis: Jam sustinere non valeo, pater; dimitte me redire ad sæculum. Dixit ei pater suus: Audi me, fili, adhuc semel, et tolle tibi quadringenta panes, et folia palmarum dierum quadraginta et vade in eremo interiore, et esto ibi quadraginta diebus, et voluntas Dei fiet. Qui obediens patri suo, surrexit et abiit in eremo: et mansit ibi, laborans et faciens plectas de palmis siccis, et panem siccum comedens. Et cum ibi diebus viginti quiesceret, ecce vidit opus quoddam diabolicum venire super se; et stetit coram ipso velut mulier Æthiopiassa, fetida et turpis aspectu, ita ut fetorem ejus sufferre non posset, et abjiciebat eam a se. Et illa dicebat ei: Ego sum quæ in cordibus hominum dulcis appareo; sed propter obedientiam tuam, et laborem quem sustines, non me permisit Deus seducere te, sed innotui tibi fetorem meum. Ille autem surrexit, et gratias agens Deo, venit ad patrem suum, et dixit ei: Jam nolo ire ad sæculum, pater. Vidi enim operationem diaboli et fetorem ejus. Cognoverat autem et pater ejus de hoc ipso, et dixit ei: Si mansisses quadraginta dies, et custodisses usque in finem mandatum meum, majora habuisti videre.

24. Senex quidam sedebat in longinqua eremo, qui habebat unam parentem, quæ desiderabat eum videre post multos annos, et quæsivit in quo loco habitaret; et surrexit et venit in viam eremi illius (*Ruff. lib. II, n. 14*). Et inveniens camelarios, adjunxit se cum illis, et ingressa est in eremo cum eis. Hæc enim trahebatur a diabolo. Quæ cum venisset ad januam senis, cœpit signis indicare seipsam, dicens: Ego illa parens tua, et mansit apud eum. Erat autem alius monachus sedens in inferiori parte, qui implebat sibi surisculam aquæ, hora qua manducare voluisset; et subito versabatur suriscula, et reversabatur aqua; qui inspirante Deo dixit in semetipsum: Ingredior in eremum, et dico hoc quod mihi evenit de aqua senioribus. Et surgens abiit; et cum sero factum esset, dormivit in templo quodam idolorum juxta viam, et audivit nocte dæmones, dicentes: Ista nocte præcipitavimus illum monachum in fornicationem. Quod cum audisset, contristatus est, et perveniens ad senem, invenit eum tristem, et dicit ei: Quid facio, abba? quia impleo mihi vasculum aquæ, et hora manducandi effunditur. Et dicit ei senex: Tu venisti interrogare me, quare suriscula tua ver-

atur; et ego quid facio, quia hac nocte cecidi in fornicationem? Cui respondit: Et ego cognovi. Et dicit ei: Tu unde scis? Qui dixit: Dormiebam in templo, et audivi dæmones loquentes de te. Et dixit senex: Ecce ego vado ad sæculum. Ille autem rogabat eum, dicens: Noli, pater, sed permane in loco tuo; mulierem vero dimitte hinc; hoc enim ex occurso inimici contigit. Quo audito senex sustinuit, extendens et aggravans conversationem suam cum lacrymis, donec rediret in priori ordine suo.

25. Dixit senex: Quia securitas, et taciturnitas, et occulta meditatio pariunt castitatem.

26. Frater quidam interrogavit senem, dicens: Si contingat hominem in tentationem cadere, quid fit propter eos qui scandalizantur in eo? Et narravit senex, dicens: Diaconus quidam erat nominatus in monasterio Ægypti. Dum autem quidam curialis (23) insecutionem judicis pateretur, venit cum omni domo sua ad monasterium. Et operante iniquo incurrit diaconus ille in mulierem ejus, et facta est omnibus fratribus confusio. Ille autem abiit ad quemdam senem, et indicavit ei rem. Senex vero habebat occultam cellam interiorem. Quam cum vidisset diaconus ille, dixit: Sepeli me hic vivum, et non indices cuiquam. Et intravit in obscuritatem cellæ illius, et egit illic pœnitentiam ex veritate. Contigit autem, ut post multum tempus non ascenderet aqua in flumine Nilo. Et cum omnes Litanias facerent, revelatum est cuidam sanctorum quia nisi venerit diaconus, qui absconsus est apud illum talem monachum, non ascendent fluminis aquæ. Quod cum audissent, admirati sunt, et venientes ejecerunt eum de loco in quo erat: et oravit, et ascendit aqua. Et qui aliquando scandalizati in eo fuerant, ædificati sunt postea in pœnitentia ejus, et glorificaverunt Deum.

27. Duo fratres perrexerunt ad civitatem, ut venderent quod fuerant operati; cum a se invicem in civitatem fuissent divisi, incurrit unus in fornicationem (*Ruff., l. III, n. 12*). Veniens autem postea frater ejus, dixit ei: Revertamur ad cellam nostram, frater. Ille autem respondit, dicens: Non venio. Et interrogabat eum ille, dicens: Quare, frater? Et ille respondit: Quia cum discessisses a me, incurri in tentationem, et fornicatus sum. Ille autem volens eum lucrari, cœpit dicere. Quia et mihi sic contigit: quando separatus sum a te, incurriet ego in fornicationem. Sed eamus, et simul pœnitentiam agamus cum omni labore, et Deus ignoscet nobis peccatoribus. Qui cum venissent ad cellam, retulerunt senibus quod eis contigerat, et dederunt eis illi mandata, qualiter pœnitentiam agerent. Ille tamen unus non pro se, sed pro illo alio fratre pœnitentiam agebat, tanquam si et ipse peccasset. Videns autem Deus laborem et charitatem ejus, intra paucos dies manifestavit uni de senibus, quod pro multa charitate illius fratris qui non peccaverat indulserat illi qui fornicatus est. Vere hoc est ponere animam suam pro fratre suo.

28. Venit aliquando frater ad quemdam senem,

dicens ei : Frater meus solvit me egrediens huc atque illuc ; et pro hoc ego affligor. Et rogabat eum senex, dicens : Æquanimiter porta, frater ; et Deus videns laborem sustentationis tuæ, revocabit eum ad te. Neque enim possibile est ut cum duritia et austeritate facile ab intentione sua aliquis revocetur, quia nec dæmon expellit dæmonem ; sed magis benignitate revocabis eum ad te. Quoniam et Deus noster consulendo, ad se homines trahit. Et narravit ei, dicens ei : Quia fuerunt in Thebaida duo fratres, et cum unus incurrisset ex his in fornicationem, dicebat ad alium : Revertor ad sæculum. Alter vero plorabat, dicens : Non te dimitto, frater, discedere, et perdere laborem tuum, et virginitatem tuam. Ille vero non acquiescebat, dicens : Non hic sedeo, sed vado. Aut veni mecum, et iterum redeo tecum, aut certe dimitte me, et permaneam in sæculo. Vadens autem frater, nuntiavit hoc cuidam seni magno. Dixit autem ei senex : Vade cum ipso, et Deus illum per laborem tuum non dimittet corruere. Qui consurgens abiit cum eo ad sæculum. Et cum pervenisset ad quemdam vicum, videns Deus laborem illius, qui ex charitate et necessitate fratrem suum sequebatur, abstulit concupiscentiam a fratre ejus. Et dicit fratri suo : Eamus iterum ad eremum, frater. Ecce puto, quia jam peccavi cum muliere ; quid lucratus sum ex hoc ? Et reversi sunt illæsi in cellam suam.

29. Frater tentatus a dæmone profectus est ad quemdam senem, dicens : Quia duo illi fratres simul sunt, et male vivunt. Cognovit autem senex quia a dæmone illuderetur, et mittens vocavit eos ad se. Et cum factum esset vespere, posuit mattam duobus illis fratribus, et cooperuit eos in uno stratu, dicens : Filii Dei magni et sancti sunt. Dixit autem discipulo suo : Hunc fratrem claude in cella seorsum ; ipse enim passionem quam illis objecit in se habet.

30. Frater quidam dixit seni : Quid facio, quia occidit me sordida cogitatio ? Dicit ei senex : Mulier quando vult ablaclare filium suum, amarum aliquid superungit uberibus suis ; et cum venerit infans ex consuetudine sugere lac, sentiens amaritudinem, refugit. Mitte ergo et tu in cogitatione tua amaritudinem. Dicit ei frater : Quæ est amaritudo, quam debeam mittere ? Dixit ei senex : Cogitationem mortis et tormentorum, quæ in sæculo futuro peccatoribus præparantur.

31. Frater quidam interrogavit senem de hujusmodi cogitatione (*Ruffin., lib. III, n. 62*). Et dicit ei senex : Ego nunquam stimulatus sum de hac re. Et scandalizatus est in eo ille frater, et abiit ad alium senem, dicens : Ecce hoc dixit mihi ille senex, et scandalizatus sum in eo : quia super naturam est quod dixit. Dicit ei senex : Non simpliciter tibi dixit hoc ille homo Dei ; sed surge, vade et pœnitentiam age apud eum, ut aperiat tibi virtutem sermonum suorum. Surrexit ergo ille frater, et venit ad senem, agens in conspectu ejus pœnitentiam. Et dixit : Ignosce mihi, pater, quia stulte feci, non dicto tibi

vale discedens : sed obsecro te, ut interpreteris mihi quomodo nunquam sollicitatus sis a fornicatione. Dicit ei senex : Quia ex quo factus sum monachus, non sum satiatus pane, neque aqua, neque somno, et appetitu horum quibus pascimur, crucians me, non permittebar sentire fornicationis stimulos. Et exiit frater ille, proficiens ex relatione senis.

32. Frater quidam interrogavit quemdam senem, dicens : Quid facio ? quia cogitatio mea semper in fornicatione est intenta, et non dimittit me quiescere una hora, et affligitur ex hoc anima mea (*Ruffin., l. III, n. 40*). Ille autem dixit ei : Quando dæmones cogitationes in corde tuo seminant, et sentis hoc, non colloquaris cum animo tuo, quoniam dæmonum est suggerere. Et licet non negligant hæc immittere, tamen non extorquent dæmones. In te est ergo suscipere et non suscipere. Respondens autem frater, dixit seni : Et quid faciam, quia fragilis sum, et superat me passio hæc ? Ille autem dixit ei : Intentus esto ad hujusmodi. Scis autem quid fecerint Madianitæ ? Ornaverunt filias suas, et statuerunt eas in conspectu Israelitarum ; non tamen extorserunt aliquibus ut miscerentur cum eis, sed qui voluerunt incurrere in eis (*Num. xxv*). Alii autem indignantes comminati sunt, et cum interitu eorum qui præsumpserant,ulti sunt fornicationem : ita agendum est et de fornicatione. Et quando initium faciunt loqui in corde tuo, non respondeas eis ; sed surgens, ora et age pœnitentiam, dicens : Fili Dei, miserere mei. Dixit autem ei frater : Ecce meditor, abba, et non est compunctio in corde meo, quia nescio virtutem verbi. Et ille dixit : Et tu tamen meditare. Audivi enim quia dixerit abbas Pastor, sed et alii Patres hoc verbum : Quoniam incantator virtutem verborum quæ dicit nescit ; sed serpens audit, et scit virtutem eorum quæ incantantur, et subjicitur incantanti, et humiliatur. Sic et nos, quamvis ignoremus virtutem eorum quæ loquimur, dæmones tamen audientes terrentur atque discedunt.

33. Dicebat senex : Quia cogitatio fornicationis fragilis est, velut papyrus. Si ergo jactetur in nobis, et non acquiescentes projiciamus illam a nobis, facile rumpitur. Necessarium igitur est ut sit discretio in cogitatione nostra, qua agnoscamus quia his qui consentiunt ei non sit spes salutis ; illis autem qui non consentiunt, reposita sit corona.

34. Duo fratres impugnati a fornicatione, abierunt et acceperunt uxores. Postea autem dixerunt ad invicem : Quid lucrati sumus quia deseruimus angelicum ordinem, et venimus in immunditiam hanc, et post hæc in ignem, et in tormentum venturi sumus ? Redeamus ergo ad eremum, et agamus de his quæ præsumpsimus pœnitentiam. Et venientes ad eremum, rogaverunt patres ut susciperent eos pœnitentes et confitentes ea quæ gesserant. Et clauserunt eos anno integro senes, et ambobus æqualiter ad pensum dabatur panis, et ad mensuram aqua. Erant autem visione consimiles. Et dum completum fuis-

set tempus pœnitentiæ, exierunt. Et viderunt Patres A unum pallidum et tristem nimis; alium vero robustum et clarum; et mirati sunt, quoniam cibum et potum æqualiter acceperant. Et interrogaverunt eum qui tristis et afflictus erat, dicentes: Quid exercitabas cum cogitationibus tuis in cella tua? Et ille dixit: Pro malis quæ feci, pœnas in quibus venturus eram in animo revolvebam, et a timore adhæserunt ossa mea carni meæ. Interrogaverunt autem et alium, dicentes: Tu quid cogitabas in cella tua? Et ille dicebat: Deo gratias referebam, quia eruit me de inquinamento mundi hujus, et de futuri sæculi pœnis, et revocavit me ad hanc conversationem angelicam; et reminiscens assidue Dei mei, lætabar. Et dixerunt senes: Æqualis est amborum pœnitentia apud Deum.

35. Senex quidam erat in Scythi: qui cum incurrisset in ægritudine magna, serviebant ei fratres. Et videns senex quia laborarent, dixit: Vado in Ægyptum, et non solvam fratres istos. Et dicit ei abbas Moyses: Non vadas, quoniam in fornicationem incursum es. Ille autem contristatus dicebat: Mortuum est corpus meum, et tu mihi ista dicis? Surgens ergo abiit in Ægyptum. Quod cum audiissent homines circumquaque habitantes, offerebant ei multa. Venit etiam ad eum quædam virgo fidelis, volens obsequium suum seni infirmanti deferre. Et post aliquantum temporis cum paululum de ægritudine, qua tenebatur, melius habuisset, incurrit in eam, et illa concepit. Interrogata autem a vicinis loci unde conceperit, illa respondit: De sene hoc. Illi autem non credebant ei. Senex vero dicebat: Ego hoc feci, sed custodite mihi infantem quem peperit. Quæ cum genuisset puerum, et ablactatus fuisset, tulit senex infantem in humeris suis, et die qua erat festivitas in Scythi, occurrit ibi, et intravit in ecclesiam coram multitudine fratrum. Illi autem videntes eum, fleverunt. Qui dixit fratribus: Videtis infantem hunc? filius est inobedientiæ meæ. Cavete ergo vos, fratres, quia in senectute hoc feci, et orate pro me. Et pergens ad cellam suam, ad initium primæ conversationis suæ reversus est.

36. Frater quidam tentatus est pessime a dæmonibus. In specie enim pulchrarum ♀♂♂ mulierum transformati, jugiter quadraginta diebus perseveraverunt pugnantes adversus eum, ut traherent eum ad turpem commisionem. Illo autem viriliter reluctantante, et minime superato, Deus aspiciens bonum ejus certamen, donavit ei ut ultra nullum calorem carnalis concupiscentiæ pateretur.

37. Solitarius quidam erat in inferioribus Ægypti, et hic erat nominatissimus, quia solus in ecclesia sedebat in deserto loco. Et ecce, juxta operationem Satanæ, mulier quædam inhonesta audiens de eo, dicebat juvenibus: Quid mihi vultis dare, et depono istum solitarii vestrum? Illi autem constituerunt ei certum quid quod darent ei. Quæ egressa vespere, venit velut errans ad cellam ejus; et cum pulsaret ad cellam, egressus est ille; et videns eam turbatus est,

dicens: Quomodo huc advenisti? Illa autem velut plorans, dicebat: Errando huc veni. Qui cum miseratione viscerum pulsaretur, introduxit eam in atrium cellulæ suæ, et ipse intravit interius in cellam suam, et clausit. Et ecce infelix illa clamavit, dicens: Abba, feræ me comedent hic. Ille autem iterum turbatus est, timens etiam iudicium Dei, dicebat: Unde mihi venit ira hæc? Et aperiens ostium, introduxit eam intro. Cœpit autem diabolus velut sagittis stimulare cor ejus in eam. Qui cum intellexisset diaboli esse stimulos, dicebat in semetipso: Viæ inimici tenebræ sunt; Filius autem Dei lux est (Psal. xxxiv). Surgens ergo accendit lucernam. Et cum inflammaretur desiderio, dicebat: Quoniam qui talia agunt, in tormentis vadunt (Gal. v). Proba ergo B teipsum ex hoc, si potes sustinere ignem æternum. Et mittebat digitum suum in lucernam. Quem cum incendisset, et arderet, non sentiebat propter nimiam flammam concupiscentiæ carnalis. Et ita usque mane faciens, incendit omnes digitos. Illa autem infelix videns quod faciebat, a timore velut lapis facta est. Et venientes juvenes mane ad monachum illum, dicebant: Venit hic mulier sero? Ille autem dixit: Etiam; ecce ubi dormit. Et intrantes invenerunt eam mortuam. Et dicunt: Abba, mortua est. Tunc ille recutiens palliolum suum, quo utebatur, ostendit eis manus suas, dicens: Ecce quod mihi fecit filia ista diaboli, perdidit omnes digitos meos. Et narrans eis quod factum fuerat, dicebat: Scriptum est, ne reddas malum pro malo (Prov. xvii, Thess. v; I Pet. iii). C Et faciens orationem, suscitavit eam. Quæ conversa, caste egit residuum tempus vitæ suæ.

38. Frater quidam impugnabatur a fornicatione. Contigit autem eum venire in vicum quemdam Ægypti, et videns filiam sacerdotis paganorum, adamavit eam, dixitque patri ejus: Da mihi eam uxorem. Ille autem respondens dixit ei: Non possum eam tibi dare, nisi rogavero deum meum. Et abiens ad dæmonem quem colebat, dixit ei: Ecce quidam monachus venit ad me, volens accipere filiam meam; do ei eam? Respondens dæmon, dixit: Si negat Deum suum, et baptismum, et propositum monachi, interroga eum. Et veniens sacerdos dixit ei: Nega Deum tuum, et baptismum, et propositum monachi, et dabo tibi filiam meam. Ille vero consentit. Et statim vidit D velut columbam exire de ore suo, et volare in cœlum. Pergens autem sacerdos ad dæmonem, dixit: Ecce promisit se tria illa facturum. Tum respondens diabolus dixit ei: Non des ei filiam tuam in uxorem, quia Deus ejus non recessit ab eo, sed adhuc adjuvabit eum. Et veniens sacerdos dixit illi fratri: Non tibi possum eam dare, quia Deus tuus adhuc adjuvat te, et non recessit a te. Hæc audiens frater, dixit in semetipsum: Si tantam bonitatem ostendit in me Deus, cum ego infelix negaverim et ipsum, et baptismum, et propositum monachi, bonus autem Deus etiam sic malum nunc usque adjuvat me, cur ego recedam ab eo? Et in semetipsum reversus, recepit sobrietatem mentis, et venit in eremum ad magnum

quemdam senem, et narravit ei quæ fuerant acta. Et respondens senex, dixit ei: Sede mecum in spelunca, et jejuna tres hebdomadas continuas, et ego deprecabor Deum pro te. Et laboravit senex pro fratre, et deprecatus est Deum, dicens: Obsecro, Domine, dona mihi animam hanc, et suscipe pœnitentiam ejus. Et ex auditu ratione meus Deus. Et cum completa fuisset prima hebdomada, venit senex ad illum fratrem, et interrogavit illum, dicens: Aliquid vidisti? Et respondens frater, dixit: Etiam; vidi columbam sursum in altitudine cœli contra caput meum stantem. Et respondens senex, dixit ei: Attende tibi metipsum, et deprecare Deum intente. Secundam vero hebdomada venit senex iterum ad fratrem, et interrogavit eum, dicens: Vidisti aliquid? Et respondit: Vidi columbam venientem juxta caput meum. Et præcepit ei senex, dicens: Sobrius esto mente, et ora. Et completa tertia hebdomada, venit iterum senex, et interrogavit eum, dicens: Ne aliquid plus vidisti? Et ille respondit, dicens: Vidi columbam, quia venit et stetit supra caput meum, et tetendi manum meam tenere eam, illa autem surgens intravit in os meum. Et 580 gratias agens Deo senex, dixit fratri: Ecce suscepit Deus pœnitentiam tuam; de cætero attende temetipsum, et esto sollicitus. Et respondens frater dixit: Ecce a modo tecum ero donec moriar.

39. Dicebat quidam de Thebæis senibus, quod filius esset sacerdotis idolorum; et cum parvulus sederet in templo, vidisset patrem suum frequenter ingredi, et sacrificia offerre idolo; et quia semel post ipsum occulte intraverit, et viderit Satanam sedentem, et omnem militiam ejus astantem ei: et ecce unus de principibus ejus veniens adoravit eum. Cui diabolus dixit: Unde venis tu? Et ille respondit: In illa provincia eram, et suscitavi illic bella et perturbationes plurimas, effusiones sanguinis faciens, et veni nuntiare tibi. Et diabolus interrogavit eum: In quanto tempore hoc fecisti? Et ille respondit: In triginta diebus. Et diabolus jussit eum flagellari, dicendo: Tanto tempore hoc fecisti? Et ecce alius veniens adoravit eum. Et ipsi dixit: Unde venis tu? Et respondit dæmon: In mari eram, et suscitavi commotiones, et demersi naves, et multos homines occidens, veni nuntiare tibi. Et dixit diabolus: Quanto tempore hoc fecisti? Et ille respondit: Sunt dies viginti. Et hunc similiter jussit flagellari, D dicens: Quare in tantis diebus hoc solum fecisti? Et tertius veniens adorabat eum. Dixit autem et huic: Et tu unde venis? Et respondit: In illa civitate fui; et dum ibi fierent nuptiæ, excitavi lites, et multas effusiones sanguinis feci; insuper et ipsum sponsum occidi, et veni nuntiare tibi. Et dixit ei: In quantis diebus hoc fecisti? Et respondit: Decem. Jussit autem, tanquam moras fecerit, et hunc flagellari. Venit autem alius adorare eum, et dixit ei: Unde venis? Et respondit ei: In eremo eram; ecce quadraginta anni sunt, quod impugno monachum quemdam; et vix nocte ista prævalui, ut facerem eum fornicari. Quod diabolus audiens surrexit, et

osculatus est eum: et tollens coronam quam ipse habebat, posuit in capite illius, et fecit eum sibi in una sede considerare, dicens: Magnam rem fortiter gessisti. Hoc ego cum audissem, et vidissem, dixi intra me ipsum: Valde magnus est ordo monachorum.

40. Dicebant de quodam Patre quia sæcularis fuisset, et post conversus est, et de concupiscentia uxoris suæ frequenter stimulabatur, et narrabat hoc Patribus. Qui cum vidissent quia operarius esset, et majora faciebat quam illi dicebant, imponebant ei quædam, ut debilitaretur corpus ejus, ita ut nec surgere posset. Deo autem dispensante, venit quidam pater ut applicaret in Scythi; et cum venisset ad cellam ejus, vidit eam apertam, et pertransivit adjurans quomodo nemo egressus esset in occursum ejus. Et reversus pulsabat, dicens: Ne forte frater qui in ea habitat infirmetur. Et cum pulsasset, intravit, et invenit eum numium infirmum. Et dicit ei: Quid habes, Pater? Et narravit ei, dicens: Ego de sæculari vita sum, et sollicitat me modo inimicus in uxore mea: et narraui Patribus, et imposuerunt mihi conversationis onera diversa. Et cum obedenter implere vellem, ecce defeci, et tamen stimulus crescit. Audiens hæc senex, contristatus est, et dixit ei: Equidem Patres, ut potentes viri bene tibi imposuerunt onera, quibus gravaris; sed si me parvulum audis, jacta a te hæc, et sume parum cibi in tempore suo, et recolligens vires tuas, fac aliquantum opus Dei, et jacta in Domino cogitatum tuum (*Psal. LVI*), quoniam tuo labore hanc rem non poteris superare. Corpus enim nostrum velut vestimentum est. Si illud diligenter tractaveris, stabit; si autem neglexeris illud, putrescet. Qui cum audisset eum, fecit ita, et intra paucos dies recessit ab eo stimulus ille.

41. Monachus quidam solitarius antiquus, et conversatione proficiens, sedebat in monte in partibus Antinoo, sicut audivimus a notis monachis, cujus verbis et actu multi proficiebant. Et cum talis esset, excitatus est diabolus ad invidiam contra eum, sicut et contra omnes virtutum viros, et immittit animo ejus cogitationem talem, ut ei qui in tali conversatione esset non deberet serviri ab alio, aut ministerium exhiberi, sed magis ipsum debere aliis ministrare. Quod si aliis non exhiberet ministerium, saltem sibi ipsi serviret, dicens: Vende ergo in civitate sportellas quas facis, et eme tibi quæ opus sunt, et revertere ad locum tuum, et nulli sis onerosus. Hoc autem suggerebat diabolus, invidens quieti ejus et opportuniæ vacationi ad Dominum, et utilitati multorum. Undique enim inimicus venari eum et capere festinabat. Ille vero tanquam bonæ cogitationi acquiescens, descendit de monasterio suo. Et quia erat omnibus admirandus, ignotus tamen habere hujusmodi insidias astutiæ, notus autem et famosus omnibus a quibus videbatur existens. Et cum post longum tempus mulierem vidisset, pro incautela sua supplantatus est, et incurrit in eam. Et veniens in desertum locum sequente diabolo vestigia ejus, cecidit juxta flumen. Et cogitans quia gavisus 581 est ini-

micus de ruina ejus, voluit semetipsum desperare, quia Spiritum Dei maxime contristaverit, et sanctos angelos, et venerabiles Patres, quorum multi etiam in civitatibus habitantes superaverunt diabolum. Et cum nulli horum se facere similem posset, contristabatur valde, et non recordabatur quia Deus est qui virtutem tribuit his qui ad eum devotissime convertuntur. Cæcatus ergo, et non videns peccati sui curam, voluit se in flumen illud jactare, ut perfectum gaudium faceret inimico. Ex multo itaque animi dolore infirmatus est corpore; et nisi postea misericors Deus auxilium præstitisset ei, ad perfectum gaudium inimici sine pœnitentia moreretur. Novissime autem in se reversus, cogitavit majorem laborem in afflictione pœnitentiæ demonstrare, et supplicare Deo in fletu et luctu, et ita rediit iterum ad monasterium suum. Et damnans ostium cellæ suæ, sicut solet super mortuum, ita flebat supplicans Deo. Jejunans autem et vigilans cum omni anxietate attenuavit corpus suum; et nec sic satisfactum putabat animo suo, quia congrue pœnituisset. Fratribus autem sæpe ad eum venientibus suæ utilitatis causa, et pulsantibus ostium, ipse dicebat non se posse aperire, dicendo: Sacramento me constrinxi unum annum devote me pœnitentiam agere; sed orate pro me. Nec enim inveniebat quomodo eis excusaret, quoniam illi scandalizabantur hæc audientes de eo, quia erat apud eos honorabilis et valde magnus monachus. Et fecit totum annum intente jejunans, et devote pœnitentiam agens. Die autem Paschæ nocte ipsa resurrectionis Dominicæ, tollens lucernam novam posuit in cacabo novo. Et cooperiens de cooperulo, a sero surrexit ad orationem, dicens: Misericors et miserator Dominus; qui et barbaros salvare vis, et ad veritatis agnitionem venire, ad te confugi fidelium Salvatorem, miserere mihi qui te plurimum exacerbavi, inimicum gaudere feci, et ecce mortuus sum obediens ei. Tu, Domine, qui et impiis et his qui sunt sine misericordia misereris, sed et proximis misericordiam impendere præcipis, miserere humilitati meæ. Apud te enim impossibile nihil est, quoniam secus infernum dissipata est sicut pulvis anima mea. Fac misericordiam, quia benignus es et misericors, figmento tuo; qui et corpora quæ non sunt in die resurrectionis resuscitaturus es. Exaudi me, Domine, quia defecit spiritus meus, et infelix anima mea. Tabefactum est etiam corpus meum, quod coinquinavi. Et jam vivere non valeo, pro eo quod non credidi. Ignosce peccatum per pœnitentiam, duplex habenti peccatum ex desperatione. Vivifica me contritum, et igne tuo præcipe hanc lucernam accendi. Ut et ego accipiens fiduciam misericordiæ et indulgentiæ tuæ, per residuum tempus vitæ meæ, quod mihi donaveris, mandata tua custodiam, et a timore tuo non recedam, sed devote serviam tibi amplius quam primo. Et hæc in nocte ipsa resurrectionis cum multis lacrymis dicens, surrexit ut videret si accensa esset lucerna. Et detecto cacabo, vidit quia non esset accensa. Et cecidit iterum in

faciem suam, rogans Dominum, et dicens: Scio, Domine, quia certamen factum est ut coronarer, non steti in pedibus, eligens magis propter carnis delectationem tormentis impiorum addici. Parce ergo mihi, Domine. Ecce enim iterum confiteor tuæ bonitati turpitudinem meam coram angelis tuis, et coram justis omnibus, et nisi quia scandalizari possent, etiam hominibus omnibus confiterer. Deus miserere mei, ut et alios erudiam; Domine, vivifica me. Et ita tribus vicibus orans, exauditus est. Et exurgens invenit lucernam ardentem clare. Et exultans spe, confortatus gaudio cordis est, admirans de gratia Dei, qui ita et peccatis ejus indulget, et satisfacit juxta petitionem ejus et animum ipsius, et dicebat: Gratias ago tibi, Domine, quia etiam vitæ sæculi hujus indigno miseratus es, magno et novo hoc signo fiduciam tribuens, parcis enim misericors animabus, quas tu creas. Ita autem perseverante eo in confessione illuxit dies. Et lætabatur in Domino, oblitus cibi corporalis. Ignem autem lucernæ illius toto tempore vitæ suæ servavit, oleum subinde superinfundens; et faciens desuper quo minus exstingeretur. Et ita rursus divinus Spiritus habitavit in eo, et factus est apud omnes insignis, humilitatem exhibens in confessione et actione gratiarum Domino cum lætitia. Cui etiam ante aliquot dies mortis suæ relatum est de transitu suo.

LIBELLUS SEXTUS.

De eo quod monachus nihil debeat possidere.

1. Frater quidam renuntians sæculo, et dans quæ habebat pauperibus, retinens autem pauca in sua ratione, venit ad abbatem Antonium (*Ruff., lib. III, n. 68*). Quod cum agnovisset senex, dixit ei: Si vis monachus fieri, vade in illum vicum, et eme carnes, et impone corpori tuo nudo, et sic veni huc. Et cum sic fecisset frater ille, canes et aves corpus ejus lacerabant. Cum pervenisset autem ad senem, interrogavit si fecisset quod ~~senex~~ ei dixerat. Illo autem ostendente corpus suum laceratum, dixit sanctus Antonius: Qui renuntiant sæculo, et volunt habere pecunias, eccite impugnati a dæmonibus discerpuntur.

2. Narravit abbas Daniel de abbate Arsenio, quia venit aliquando Magistrianus (24), deferens ei testamentum cujusdam senatoris parentis ejus, qui reliquerat ei hæreditatem magnam valde. Et accipiens testamentum, voluit illud scindere: Magistrianus autem cecidit ad pedes ejus, dicens: Deprecor te, ne scindas illud, quia incidetur mihi caput. Et dicit ei abbas Arsenius: Ego prius mortuus sum quam ille. Ipse autem modo mortuus est, quomodo me fecit hæredem? Et remisit testamentum, nihil accipiens.

3. Egrotavit aliquando memoratus abbas Arsenius in Scythi, et opus habuit in necessitate sua usque ad unam siliquam nummi. Et cum non inveniret, accipit a quodam veluteleemosynam, et dixit: Gratias tibi ago, Domine, quia me dignum fecisti pro nomine tuo ad hoc pervenire, ut egens eleemosynam postularem.

4. Narraverunt de abbate Agathone, quia longo tempore cellam sibi cum suis discipulis fabricaret. Quam cum perfecissent, et cœpisset illic habitare,

vidit in ipsa hebdomada quædam non utilia sibi; et Adixit discipulis suis illud quod Dominus apostolis dixerat: Surgite, eamus hinc (*Joan. xiv*). Discipuli autem contristati sunt valde, dicentes: Si omnino voluntatem habebas migrandi hinc, ut quid tantum laborem sustinimus, ædificantes longo tempore cellam? Incipient autem homines scandalizari in nobis, et dicere: Ecce iterum migrant, nusquam sedentes. Ille autem cum eos vidisset pusillanimes effectos, dicit eis: Etsi scandalizantur aliqui; sed iterum sunt alii qui ædificantur et dicunt: Beati sunt isti, quia propter Deum migraverunt, et sua omnia contempserunt. Verum tamen dico vobis, qui vult venire, veniat, quia ego interim vado. Illi vero prostraverunt se in terram, rogantes ut concederet secum abire.

5. Dixit abbas Evagrius (25) fuisse quemdam fratrem, qui nihil habuit in substantia sua, nisi tantum Evangelium, et ipsum vendidit in pauperum nutrimento (*Ruffin., l. III, n. 70, nomine Serapionis*). Dicens quodam verbo, quod memoriæ dignum est commendari: Ipsum etiam, inquit, verbum vendidi, quod jubet: Vende omnia, et da pauperibus (*Matth. xix*).

6. Abbas Theodorus, cognomento de Pherme, habebat tres Codices bonos. Et cum venisset ad abbatem Macarium, dixit ei: Habeo tres Codices, et proficuo ex lectione eorum. Sed et fratres petunt eos ad legendum, et ipsi proficiunt. Dic ergo mihi quid debeo facere! Et respondens senex, dixit: Boni sunt quidem actus, sed melius omnibus est nihil possidere. Quod cum audisset, abiit, et vendidit memoratos Codices, et dedit indigentibus pretium ipsorum.

7. Narravit quidam Patrum de abbate Joanne Persa, quia ex multis virtutibus suis ad profundam simplicitatem atque innocentiam pervenerit (*Ruff., lib. III, n. 148*). Hic autem manebat in Arabia vicina Ægypti. Et mutuavit aliquando a fratre suo solidum unum, et emit linum, ut operaretur. Et venit frater rogans eum, et dicens: Dona mihi, abba, aliquantum lini, et faciam mihi vestimentum quo utar. Et dedit ei cum gaudio. Similiter et alius veniens rogavit eum ut daret ei aliquantum lini, ut faceret sibi tegumentum. Et dedit ei. Et multis aliis petentibus dabat simpliciter cum gaudio. Postea venit dominus solidi quem mutuo acceperat, volens recipere quod mutuaverat. Et dixit ei senex: Ego affero tibi eum. Et Dominus non haberet unde redderet, abiit ad abbatem Jacob dispensatorem, ut rogaret eum, et daret ei solidum. Et cum iret, invenit in terra jacentem solidum, et non tetigit eum, sed fecit orationem, et reversus est in cellam suam. Et venit iterum frater ille, et cœpit ei molestus esse pro solido. Et dicit ei: Ego reddam tibi. Et abiit iterum senex, et invenit solidum in terra ubi erat prius, et rursus facta oratione reversus est. Et ecce iterum cœpit frater ille molestus esse, et dicit senex: Adhuc semel me expecta, et affero tibi solidum tuum. Et surgens venit ad illum locum, et invenit ipsum solidum ibi; et facta oratione tulit eum, et venit ad abbatem Jacobum,

et dicit: Abba, cum venirem ad te, inveni hunc solidum in via. Ostende ergo charitatem, et prædica jejunium, ne quis perdidit eum. Et prædicavit abbas, et nemo est inventus qui perdidisset eum. Tunc vero dicit abbati Jacobo: Si ergo nemo eum perdidit, do eum illi fratri, quia ipsi debeo solidum. Et cum venirem ad te ut tu mihi solidum præstares, et redderem debitum, inveni eum in via. Et miratus est abbas Jacobus, quomodo compulsus pro debito invenisset, et non statim tulisset eum, et reddidit solidum fratri illi. Et hoc erat mirabile de ipso: quia si veniebat quis mutuam aliquid petere ab eo, non per seipsum dabat, sed dicebat fratri mutuam postulanti: Vade, tolle tibi tu ipse quod opus habes. Et quando referebat quod mutuam accepisset, dicebat ei: Repone illud iterum unde tulisti. Si autem nihil referebat ille qui mutuam acceperat, senex nihil dicebat ei.

8. Narraverunt quidam Patrum quia venit aliquando frater aliquis in conventum Cellarum coram abbate Isaac, vestitus modicum cucullum; et spectabat eum senex, dicens: Hic monachorum est habitatio; tu sæcularis es, et non poteris hic esse.

9. Dicebat autem fratribus abbas Isaac: Patres nostri et abbas Pambo, vetustis et de multis partibus resarcitis vestibus utebantur, nunc autem pretiosis vestibus utimini. Discedite hinc, desertastis locum hunc. Quando autem profecturi erant ad messem, dicebat eis: Jam vobis nulla mandata dabo, quia non observatis.

10. Dixit abbas Cassianus (*Cassian., lib. VII Instit., c. 1*) quia Syncleticus aliquis nomine renuntiasset sæculo, et facultates suas pauperibus dividens, aliqua sibi retinuisset ad proprium usum, nolens perfecte ex omnibus renuntiantium humilitatem et communis monasteriorum vitæ suscipere regulam. Ad quem sanctæ memoriæ Basilii dicitur hoc: Et senator esse desiisti, et monachum non fecisti.

11. Dixit quidam frater abbati Pisteramoni: Quid faciam, quoniam durum est mihi vendere quod manibus meis laboro. Et respondens dixit: Quia abbas Sisois et cæteri vendebant opus manuum suarum; hoc enim non lædet. Sed quando vendis, semel dicit pretium speciei quam distrahis. Et si vis relaxare modicum pretii, in te est, sic enim et quietem invenies. Iterum dixit ei frater: Si habeo quod sufficiat necessitatibus meis aliunde, videtur tibi ut non cogitem de labore manuum? Respondens senex, dixit: Quantumvis habeas, non negligas operari, et quantum potes, fac, tantum non cum turbatione animi.

12. Frater interrogavit abbatem Serapionem, dicens: Dic mihi unum verbum. Dicit senex: Quid tibi habeo dicere, quia tulisti ea quæ erant viduarum et orphanorum, et posuisti in fenestra. Vide rat enim eam codicibus plenam.

13. Interrogata est beatæ memoriæ Syncletica: Si perfectum bonum est nihil habere? Et illa dixit: Valde bonum est his qui possunt. Etenim hi qui tolerare possunt, tribulationem quidem carnis habent,

sed animæ requiem possident. Quoniam sicut fortia vestimenta dum calcantur, et pedibus sæpius reversantur, lavantur atque incandidantur, ita fortis anima per voluntariam paupertatem amplius confirmatur.

14. Dixit abbas Hyperichius: Thesaurus monachi est voluntaria paupertas. Thesauriza ergo tibi, frater, in cælo, quia ibi ad requiescendum sine fine sunt sæcula.

15. Erat quidam sanctorum, Philagrius nomine. Hic habitabat in Jerosolymis, et laborabat operando, ut potuisset sibi ad panem sufficere. Et dum staret in platea, volens vendere quod manibus suis fuerat operatus, contigit ut caderet cuidam sacculus cum solidis mille, et inveniens eum senex, stetit in eodem loco, dicens: Necessè est modo eum qui perdidit huc venire. Et ecce veniebat, qui perdidit, plorans. Tulit ergo eum seorsum, et reddidit sacculum suum. Quem ille rogabat ut acciperet aliquam partem ex eo, sed senex nullatenus acquievit. Tunc ille cœpit clamare et dicere: Venite, et videte hominem Dei, quid fecit. Senex autem occulte fugiens, exivit de civitate, ne agnosceretur de eo quid fecerat, et honorarent eum.

16. Interrogatus est senex quidam a fratre, quid faceret ut salvus esset. Ille autem exspolians se vestimento suo, et cingens lumbos suos, atque extendens manus, dixit: Sic debet nudus esse monachus ab omni materia sæculari, et crucifigere se adversus tentationem atque certamina mundi.

17. Quidam rogavit senem quemdam, ut acciperet pecunias in suis necessitatibus profuturas. Ille autem nolebat, utpote qui operi manuum suarum esset sibi sufficiens (*Ruff., lib. III, n. 71*). Sed dum ille persisteret obsecrando, ut saltem pro indigentium necessitate susciperet, respondit senex, et dixit: Duplex mihi opprobrium esset: quia et cum non indigeam, accipio; et aliena tribuens, vanam gloriam colligo.

18. Venerunt aliquando quidam Græcorum, ut darent eleemosynam in civitate Ostracines (26), et assumpserunt sibi œconomos ecclesiæ, ut ostenderent eis qui necessitatem majorem haberent. Illi autem duxerunt eos ad quemdam leprosum, et dederunt ei. Ille autem nolebat accipere, dicens: Ecce modicas palmas habeo, quas operor, et facio plectas, et ex eis manduco panem. Iterum duxerunt eos ad cellam unius viduæ, quæ erat cum filiabus suis. Et cum pulsarent ostium, cucurrit filia ejus ad ostium nuda. Mater autem ejus abierat ad quoddam opus; erat enim candidatrix, et dabant filiæ ejus vestimentum et nummos. Illa autem nolebat accipere, dicens venisse matrem suam, et dixisse sibi: Confide, quia voluit Deus, et inveni opus quod faciam hodie, unde habeamus victum nostrum. Et cum venisset mater ejus, rogabant eam ut acciperet; et noluit, dicens: Ego habeo curatorem meum Deum, et eum tollere vos vultis a me hodie? Illi autem agnoscentes fidem ejus, glorificaverunt Deum.

19. Venit quidam vir magnus ignotus, portans se-

cum aurum in Scythi, et rogabat presbyterum eremi, ut erogaretur ad fratres. Dixit autem ei presbyter: Non opus habent fratres. Et cum nimis esset vehemens, et non acquiesceret, posuit sportam cum solidis in ingressu ecclesiæ, et dicit presbyter: Qui opus habet, tollat. Et nemo tetigit; quidam autem nec aspexerunt. Et dicit ei senex: Suscepit Deus oblator. em tuam; vade, et da illud pauperibus. Et valde ædificatus discessit.

20. Attulit quidam seni pecuniam, dicens: Habe ad expensas tuas, quia senuisti et infirmus es; erat enim leprosus. Hic autem respondens dixit: Tu post sexaginta annos venis auferre nutritorem meum? Ecce tantum temporis habens in infirmitate mea, nihil indigni, Deo tribuente et pascente me. Et non acquievit accipere.

21. Narraverunt senes de quodam hortulano quia laboraret, et omnem laborem suum expenderet in eleemosynam. Et tantum sibi retinebat, quantum ad victum ipsius sufficeret. Postea vero Satanas immisit in corde ejus, dicens: Collige tibi aliquantam pecuniam, ne cum senueris aut ægrotaveris, opus habeas ad expensas. Et collegit et implevit lagenam de nummis. Contigit autem eum infirmari, et putrefieri pedem ejus; et expendit quod collegerat in medicos, et nihil ei prodesse potuit. Postea vero venit quidam de expertis medicis, et dicit ei: Nisi incidaris pedem tuum, putrefiet. Et constituerunt diem ut inciderent ejus pedem. Illa autem nocte rediens in semetipsum, et pœnitentiam agens de his quæ gessit, ingemuit et flevit, dicens: Memor esto, Domine, operum meorum priorum quæ faciebam, cum laborarem in horto meo, ex quo pauperibus ministrabam. Et cum hoc dixisset, stetit angelus Domini, et dixit ei: Ubi sunt nummi quos collegisti? et ubi est spes de qua tractasti? Tunc intelligens, dixit: Peccavi, Domine; ignosce mihi, et amodo ulterius hoc non faciam. Tunc angelus tetigit pedem ejus, et sanatus est statim. Et exurgens mane, abiit in agrum operari. Venit ergo medicus secundum constitutum cum ferramentis, ut secaret pedem ejus; et dicunt ei: Exiit a mane operari in agro. Tunc admiratus medicus perrexit in agrum, ubi operabatur ille. Et videns eum fodientem terram, glorificavit Deum, qui reddiderat ei sanitem.

22. Frater interrogavit senem quemdam, dicens: Vis teneo mihi duos solidos propter infirmitatem corporis (*Ruff., lib. III, n. 69*)? Videns autem senex cogitationem ejus, quia vellet tenere, dixit ei: Etiam. Et vadens frater in cellam suam, conterebatur cogitationibus suis, dicens: Putas verum dixit mihi senex, an non? Et surgens iterum venit ad senem, agens pœnitentiam et rogans, ac dicens: Propter Dominum dic mihi veritatem, quia affligor a cogitationibus meis propter duos solidos. Dicit ei senex: Quia vidi te voluntatem habere retinendi eos, dixi tibi ut retineres, verum tamen non est bonum tenere plus quam opus est corpori. Si ergo duos solidos retinueris, in ipsis invenietur spes tua. Et si contigerit

ut pereant, Deus jam non cogitat de nobis. Cogitationem ergo nostram jactemus in Domino, quoniam ipsi cura est de nobis.

LIBELLUS SEPTIMUS.

De patientia seu fortitudine.

1. Sanctus Antonius abbas cum scederet aliquando in eremo (*Ruffin.*, l. III, n. 105), animus ejus tedium et confusionem cogitationum incurrit, et dicebat ad Deum: Domine, volo salvus fieri, et non me permittunt cogitationes meæ. Quid faciam in hac tribulatione, quomodo salvus ero? Et modice assurgens, cœpit foras exire. Et vidit quemdam, tanquam seipsum, sedentem atque operantem; deinde surgentem ab operibus et orantem; et iterum sedentem et plectam de palmis facientem, et inde rursus ad orationem surgentem. Erat autem angelus Domini missus ad correptionem et cautelam dandam Antonio. Et audivit vocem angeli, dicentis: Sic fac, et salvus eris. Ille autem, hoc audito, magnum gaudium sumpsit atque fiduciam. Et ita faciens, salutem quam quærebat invenit.

2. Frater quidam interrogavit abbatem Agathonem, dicens: Mandatum mihi venit, et est mihi pugna gravis in loco, quo est ipsum mandatum. Volo ergo propter mandatum pergere illud, et pavesco bellum. Dicit ei senex: Sic erat Agatho; implebat mandatum, et vincebat bellum.

3. Dixit abbas Ammonas, quia quatuordecim annos fecerit in Scythi, deprecans Deum die ac nocte ut daret ei virtutem superandi iram.

4. Dixit abbas Besarion, quia quadraginta noctes manserit inter spinas stans, et non dormierit.

5. Frater quidam sedens singularis turbabatur, et pergens ad abbatem Theodorum de Pherme, dixit ei, quia conturbaretur. Senex autem dixit ei: Vade, humilia **SSS** mentem tuam, et subde te, et habita cum aliis. Abiit autem in montem, et mansit cum aliis. Et reversus est postea ad senem, et dixit ei: Nec cum aliis hominibus habitans, quietem invenio. Et dixit ei senex: Si solitarius non quiescis, neque cum aliis, cur voluisti monachum facere? nonne ut sustineas tribulationes? Dic autem mihi quot annos habes in habitu isto? Et dicit ei: Octo. Et dicit ei senex: Crede mihi, habitu isto septuaginta annos, et nec una die potui requiem invenire; et tu in octo annis requiem vis habere?

6. Interrogavit eum iterum frater quidam, dicens: Si fiat subito sonus ruinæ alicujus, fit tibi timor, abba? Et dixit ei senex: Si cælum terræ adhæreat, Theodorus non formidat. Poposcerat enim precibus a Deo ut auferretur ab eo formido, et propterea interrogavit eum frater.

7. Dicebant de abbate Theodoro, et abbate Lucio de Nono Alexandriæ (27), quia fecerint quinquaginta annos, seducentes animos suos, et dicentes: Transacta hieme ista, migrabimus hinc. Et iterum quando fiebat æstas, dicebant: Quia transacto æstivo, discedemus hinc. Et sic fecerunt toto tempore conversationis suæ semper reminiscendi Patres.

8. Dixit abbas Pastor de abbate Joanne brevis staturæ quia rogaverit Dominum, et abstulerit ab eo omnes passiones, et effectus est securus, et veniens dixerit cuidam seni: Vide hominem quietum, et nullam habentem pugnam. Et dixit ei (senex: Vade, roga Dominum, ut jubeat in te moveri pugnam, quoniam proficit pugnando anima. Et cum redisset in eo pugna, ulterius non oravit, ut auferretur ab eo pugna, sed dicebat: Domine, da mihi tolerantiam sustinendi has pugnas.

9. Venit abbas Macarius major ad abbatem Antonium in montem; et cum pulsasset ostium, exivit ad eum, et dixit ei: Tu quis es? Et ille ait: Ego sum Macarius. Et claudens ostium intravit, et dimisit eum foris. Et cum vidisset postea patientiam ejus aperuisti ei. Et adgaudens ei, dicebat: Multum tempus est ex quo te videre desiderabam, audiens de te. Et exhibens ei hospitalitatem, refecit eum: erat enim fessus de multo labore. Vespere autem facto infudit sibi abbas Antonius modicas palmas, et dicit ei abbas Macarius: Da mihi, ut ego infundam quod operer. Ille autem dixit: Non habeo plus. Et faciens fasciculum majorem, infudit eum. Et sedentes a sero et colloquentes de utilitate animarum, faciebant plectam, et ipsa plecta per fenestram descendebat in spelunca. Et egrediens mane sanctus Antonius, vidit collectionem plectarum abbatis Macarii, et admiratus est, et osculatus manus ejus, dicebat: Multa virtus de istis egreditur.

20. Descendit aliquando ipse Macarius de Scythi ad locum qui dicitur Terenuthin, et intravit dormire in monumento, ubi erant antiquitus sepulta corpora paganorum. Et traxit unum corpus sub caput suum tanquam plumatum de scirpo (28). Dæmones autem videntes fiduciam ejus, invisi sunt, et volentes terrere eum, vocabant quasi quamdam mulierem, dicentes: Nonna (39) illa, veni nobiscum ad balneum. Et alter dæmon de sub ipso tanquam ex mortuis illis respondit, dicens: Peregrinum quemdam habeo super me, non possum venire. Senex autem non expavit, sed confidens tundeat corpus illud, dicens: Surge, vade, si potes. Quod cum audissent dæmones clamaverunt voce magna, dicentes: Vicisti nos. Et fugerunt confusi.

11. Dicebat abbas Mathois: Volo aliquod leve Dopus et continuum, quam grave quod cito finitur.

12. Narraverunt de abbate Milido (30), quia cum habitaret aliquando cum duobus discipulis in finibus Persarum, exierunt duo filii imperatoris secundum consuetudinem in venationem, et miserunt retia in longum per millia quadraginta, ut quodcunque intra retia inveniretur, occiderent. Inventus est autem senex cum duobus discipulis intra retia. Et cum viderent eum pilosum et terribilem aspectu, admirati sunt, et dixerunt ei: Homo es, an spiritus aliquis? dic nobis. Et dixit eis: Homo sum peccator, et exivi flere peccata mea; et adoro Filium Dei vivi. Illi autem dixerunt ei: Non est alius Deus, nisi Sol, et Ignis, et Aqua (31); ipsos adora, et sacrificia eis.

Et ille respondit : Ista creaturæ sunt, et erratis. Sed A per adhibitum tibi ignem amittes æruginem. Quod si obsecro vos, convertimini, et agnoscite verum Deum, qui et ista creavit, et cætera omnia. Illi autem deridentes, dixerunt : Condemnatum et crucifixum dicis esse verum Deum? Etiam, inquit, ipsum qui crucifixus et occidit mortem, hunc dico esse verum Deum. Illi autem tam ipsi quam fratribus qui cum eo erant inferentes tormenta, cogeabant eos sacrificare. Et duos quidem fratres post plurima tormenta decapitaverunt, senem autem diebus multis torquebant. Postea vero statuerunt eum in quodam loco, et sagittabant in ipso quasi ad signum : unus a dorso, et alter a pectore. Dicit eis senex : Quoniam facti estis in consensu in unum, ut effundatis 556 sanguinem innocentem, crastina in momento hac hora, quæ modo est, sine filiis remanebit mater vestra, et privabitur affectu vestro, et propriis sagittis invicem sanguinem vestrum effundetis. Illi autem subsannantes verba ejus, exierunt in crastino, ut venarentur. Et contigit ut evaderet unus cervus de rete eorum, et ascenderunt equos, et currebant ut comprehenderent cervum : qui cum jactassent sagittas post ipsum, invicem sibi in cor dederunt, et mortui sunt juxta verbum quod prædixerat senex.

13. Dixit abbas Pastor : Quia virtus monachi in tentationibus apparet.

14. Dixit iterum qui supra quia Isidorus presbyter de Scythi allocutus sit aliquando plebem fratrum dicens : Fratres, nunquid non ad laborandum venimus in hoc loco? Et nunc video, quia nullus hic labor est. Ego igitur collecta pelle mea vado ubi est labor, et ibi invenio requiem.

15. Dixit sancta Syncretica : Si in monasterio cum aliis versaris, non mater locum ; læderis enim, si facias hoc. Etenim sicut gallina si dereliquerit ova sua fota, sine pullis ea exire facit ; ita monachus vel virgo frigescit et mortificatur in fide, de loco ad locum transeundo.

19. Dixit iterum aliud: Diabolus cum per stimulos paupertatis non moverit, divitias adhibet ad seducendum (*Ruffin.*, l. III n. 157 ; *Pasch.*, c. 20 n. 1). Et dum per contumelias et opprobria non prævalet, laudes et gloriam adhibet. Sin autem satietatem corporis immittit, et cum delectationibus seducere non potest, per molestias, quæ contra votum eveniunt, animam conatur subvertere. Infirmittates autem quasdam graves expetendo adversus eum qui tentandus est adhibet, ut per eas pusillanimes faciens monachos, conturbet charitatem eorum quam habent ad Deum. Sed quamvis concidatur corpus, et febribus validis inflammetur, insuper etiam intolerabili siti affligatur, siquidem peccator es qui hæc sustines, recordare futuri sæculi pœnas, et æternum ignem, et judicialia tormenta; et ita non deficias ad ea quæ in præsentem contingunt ; insuper et gaude, quia visitavit te Deus. Et illud famosissimum dictum in lingua habeto, id est, Castigans castigavit me Dominus, et morti non tradidit me (*Psal.* cxvii). Si ferrum es,

¹ Deest hoc in editione Parisiensi.

justus es et hæc pateris, de magno ad majora promoveris. Aurum es, sed per ignem probator eris. Datus est enim tibi angelus Satanæ, stimulus carnis tuæ (*I Cor.* xii). Exsulta videns, cui similis factus es, Pauli enim simile donum meruisti accipere. Si febribus, si rigore frigoris castigaris, memore esto quid Scriptura dicit : Transivimus per ignem et aquam ; residuum est quod sequitur, ut inducamur in refrigerium (*Psal.* lxxv). Obtinuisti primum, expecta secundum, agens quæ virtutum sunt. Clama verba Prophetæ, dicentis : Pauper et inops et dolens ego sum (*Psal.* lxxviii). Perfectus enim eris per hujusmodi tribulationem. Ait enim : In tribulatione dilatasti me (*Psal.* iv). In his ergo maxime exercitiis animas nostras probemus, ante oculos enim habemus adversarium nostrum.

17. Dixit iterum¹: Si infirmitas molesta nobis fuerit, non contristemur, tanquam qui pro infirmitate et vulnere corporis non possimus stare ad orandum aut psallendum ad vocem. Hæc autem omnia nobis pro destruendo corporis desiderio necessaria sunt quoniam jejunia et labores propter turpes delectationes nobis constituta sunt. Si igitur ægritudo ista retundit, superflua de his observandis ratio est. Sicut enim magno et forti medicamine ægritudo, ita ægritudine corporis vitia reciduntur. Et hæc est magna virtus, quando in infirmitatibus tolerantia fuerit, et gratiarum actio mittitur ad Deum. Si amittimus oculos, non feramus graviter. Extollentiæ enim instrumentum amisimus, sed interioribus oculis gloriam Domini speculemur. Surdi facti sumus? non contristemur, quia auditum vanum amisimus. Manus vestræ ex aliqua passione debilitatæ sunt? sed interiores paratas habeamus adversus inimici tentationes. Infirmitas totum corpus nostrum tenet? sed nostro interiori homini sanitas crescit.

18. Dixit iterum quæ supra² : Qui in sæculo isto aliqua crimina commiserunt, etiam nolentes mittuntur in carcerem, et nos pro peccato nostro redigamus nosmetipsos in custodiam, ut voluntaria mentis nostræ vindicta futuras a nobis pœnas amoveat. Si jejunas, non tibi invenias occasionem dicendi quia exacerbatus in ægritudinem incurristi, quoniam et qui non jejunant similes ægritudines incurrunt. Inchoasti aliquid boni? non revoceris per impedimenta inimici, quoniam et ipse inimicus patientia tua destruetur. Etenim qui navigare cœperint, primo pandentes vela prosperum ventum inveniunt ; postea autem contrarius ventus eis occurrit. Sed nautæ non mox propter incursum contrarii venti, aut exonerant aut deserunt navim, sed paululum sustinentes aut pugnantes adversus procellam, iterum rectum cursum inveniunt. Ita ergo et nos in contrarium spiritum incurrentes, crucem pro velo erigamus, 557 etsine periculo sæculi istius navigium explicabimus.

19. Dicebant de abbatisa beatæ memoriæ virginæ Sara, quod supra alveum fluminis sexaginta annos

² Deest hoc in edit. Parisiensi.

habitaverit, et nunquam inclinata est, ut flumen A ipsum aspiceret. rogare eum ut permitteret abire. Videns autem abbas

20. Dixit abbas Hypericnius : Hymni spirituales sint in ore tuo, et meditatio assidua sublevet pondus tentationum supervenientium tibi. Hujus enim rei exemplum manifestum est viator sarcina alicujus oneris prægravatus, flando et respirando, oneris et viæ paulatim laborem imminuit.

21. Dixit iterum qui supra : Oportet nos adversus tentationes armari, quoniam modis omnibus veniunt; sic enim supervenientibus eis probati apparebimus.

22. Dixit quidam senex : Si venerit homini tentatio, undique ei multiplicantur tribulationes, ut pu- B sillanimis fiat et murmuret. Et narravit senex ita : Frater quidam erat in cella, et venit super eum tentatio ; et si quis eum videbat, nec salutare eum volebat, neque in cellam recipere; et si opus habebat panem, nemo mutuabat ei ; et si de messe veniebat, nemo eum, sicut erat consuetudo, ut reficeret, invitabat. Venit autem semel de messura per cauma, nec panes habuit in cella sua ; et in his omnibus gratias agebat Deo. Videns autem Deus patientiam ejus, abstulit bellum tentationis ab eo. Et ecce quidam statim ostium pulsabat, trahens camelum onustum pane ab Ægypto ; quod cum vidisset frater ille, cœpit flere, dicens : Domine, non sum dignus vel modice tribulari. Et cum transisset tribulatio ejus, tenebant eum fratres in cellis suis, et in ecclesia, et repausabant eum.

23. Dicebat senex : Propterea non promovemur, C quia nescimus mensuras nostras, neque patientiam habemus in opere quod cœpimus, sed sine labore aliquo virtutem volumus possidere.

24. Quidam frater interrogavit senem, dicens : Quid facio, quia cogitatio mea non dimittit me hora una sedere in cella mea? Et dicit ei senex : Fili, revertere, sede in cella tua, et labora manibus tuis, et ora Deum incessanter, et jacta cogitatum tuum in Domino, et ne te quis seducat exire inde. Et dicebat : Quia erat quidam adolescens sæcularis, habens patrem, et desiderabat fieri monachus : et dum multum supplicaret patri suo ut dimitteret eum conversari, non acquiescebat ; postmodum autem rogatus a fidelibus amicis vix acquievit. Et egressus frater ille adolescens, introivit in monasterium ; et D factus monachus cœpit omne opus monasterii perfecte perficere, et jejunare quotidie ; cœpit etiam et biduanas abstinere, similiter semel in hebdomada reficere. Videbat autem eum abbas suus, et mirabatur, et benedicebat Deum in abstinentia et labore ipsius. Contigit ergo post aliquod tempus, cœpit frater ille supplicare abbati suo, dicens : Rogo te, abba, ut dimittas me, et vadam in eremo. Dicit ei abbas : Fili, noli hoc cogitare, non potes sufferre talem laborem, et præterea tentationes diaboli et versutias ejus ; et cum contigerit tibi tentatio, non invenies ibi qui te consoletur a perturbationibus inimici, quæ tibi illatæ fuerint. Ille autem cœpit amplius

rogare eum ut permitteret abire. Videns autem abbas ejus quia tenere eum non poterat, facta oratione, dimisit eum. Postmodum dicit abbati suo : Rogo te, abba, ut concedas qui ostendant mihi iter, quo pergere debeam. Et ordinavit cum eo duos monachos monasterii, et abierunt cum eo. Ambulantibus autem eis per eremum una die et altera, defecerunt præ æstu, et projicientes se in terram jacebant, et soporati modico somno, ecce aquila venit, percutiensque eos de alis suis, præcessit procul, et sedit in terra. Evigilantes viderunt aquilam, et dixerunt ei : Ecce angelus tuus, surge et sequere eam. Et surgens, valedicensque fratribus, sequebatur eam ; et venit usque ubi stabat aquila illa : quæ mox surgens, volavit usque ad unum stadium, et iterum sedit ; similiter sequebatur eam frater ille : et iterum volavit, et sedit non longe, et factum est hoc per horas tres. Postmodum autem dum sequeretur eam, divertit ipsa aquila in dexteram partem sequentis se, et non comparuit. Frater ergo ille nihilominus sequebatur : et respiciens, vidit tres arbores palmarum, et fontem aquæ, et speluncam modicam, dixitque : Ecce est locus quem mihi præparavit Dominus. Et ingressus cœpit sedere in ea, sumens cibum dactylorum, et de fonte aquam bibens, et fecit ibidem annos sex solitarius, neminem videns. Et ecce una die venit ad eum diabolus in similitudinem cujusdam senioris abbatis, habens vultum terribilem. Videns autem illum frater ille timuit, et procidens in orationem, surrexit. Et dicit ei diabolus : Oremus iterum, frater. Et surgentes, dixit diabolus : Quantum temporis habes hic ? Et respondit : Habeo annos sex. Dicit ei dæmon : Ecce te vicinum habui, et non potui cognoscere, nisi ante dies quatuor quia hic habitares. Et ego non longe a te habeo monasterium : et ecce anni sunt undecim, quod de monasterio non exivisti hodie, quo cognovi quod hic mihi in 646 vicino habitares. Et cogitavi mecum dicens : Vadam ad hominem Dei istum et cum eo conferam quod potest esse saluti animæ nostræ ? Et hoc dico, frater, quia nihil proficimus sedentes in cellis nostris, quia corpus et sanguinem Christi non percipimus, et timeo ne efficiamur exteri ab eo, si nos ab hoc mysterio elongaverimus ; sed dico tibi, frater, ecce hinc ad tria millia est monasterium habens presbyterum ; eamus cata Dominicum diem, aut post duas hebdomadas, et accipiamus corpus et sanguinem Christi, et revertamur ad cellas nostras. Placuit autem hæc suasio diabolica fratri illi. Et veniente Dominico die, ecce diabolus venit et dicit ei : Veni, eamus, quia hora est. Et exeuntes perrexerunt ad prædictum monasterium, ubi ille presbyter erat ; et ingressi in ecclesiam, miserunt se in orationem. Et exsurgens ab oratione frater ille, respiciens non invenit hunc qui adduxerat eum illuc, et dixit : Ubi putas perrexit ? ne ad commune necessarium ambulavit ? Et cum diu sustineret, non venit. Postmodum autem exiens foras, requirebat eum. Et cum non reperisset, dixit ad fratres loci illius interrogans eos : Ubi est abbas ille, qui mecum in eccle-

siam ingressus est? Et dicunt ei: Nos neminem vidimus alium nisi te tantum. Tunc cognovit frater ille quia dæmon fuisset, et dixit: Vide cum qua argutia diabolus me ejecit de cella mea; sed tamen non ad me pertinet, quia ad bonum opus veni; percipio corpus et sanguinem Christi, et sic revertar ad cellam meam. Et post factas missas in ecclesia, volens reverti frater ille ad cellam suam, tenuit eum abbas monasterii ipsius, dicens: Nisi refeceris nobiscum, non dimitemus te reverti. Et cum percepisset cibum, reversus est in cellam suam. Et ecce iterum diabolus venit in similitudinem juvenis cujusdam sæcularis, et cœpit eum respicere a summo capite usque ad pedes, et dicere: Ipse est iste? Non est hic. Et cœpit eum considerare. Et dixit ei frater: Quare me sic respicis? At ille ait: Puto non me cognoscis: tamen post tantum tempus quomodo me habes cognoscere? ego sum vicinus patris tui, filius illius. Quomodo? Non est dictus pater tuus sic, et mater tua tale nomen non habuit, et soror tua sic non est dicta, et tu sic non vocaris? et mancipia illa et illa sic non sunt dicta? Mater vero tua et soror ante tres annos mortuæ sunt; pater vero tuus modo defunctus est, et te fecit hæredem, dicens: Cui habeo dimittere substantiam meam, nisi filio meo viro sancto, qui reliquit sæculum, et abiit post Deum? Ipsi dimitto omnia bona mea. Modo autem qui habet Dominum, et scit ubi est, dicat, ut veniens distrahat omnem substantiam, et erogat eam pauperibus pro anima mea et sua. Et perrexerunt multi requirentes te, et minime invenerunt; ego autem veniens ex occasione pro quodam opere huc, cognovi te: unde non facias moras, sed veni et vende omnia, et fac secundum voluntatem patris tui. Respondens frater ille dixit: Non necesse habeo reverti ad sæculum. Dicit diabolus: Si non veneris, et deperierit substantia illa, in conspectu Dei tu exinde reddes rationem. Quid enim mali dico tibi, ut venias et eroges ea pauperibus et egenis, quomodo bonus dispensator, ut non a meretricibus et male viventibus extricetur, quod pauperibus dimissum est? aut quid onerosum est ut venias et facias eleemosynas secundum voluntatem patris tui pro anima tua, et revertaris in cellam tuam? Quid multa? suadens fratrem deposuit in sæculum; et veniens cum eo usque ad civitatem, reliquit eum. Voluit autem frater ille ingredi in domum patris sui, D tanquam jam defuncto eo, ecce ipse pater ejus vivus egrediebatur; et videns eum non cognovit, et ait ad eum: Tu quis es? Ille vero turbatus nihil poterat respondere. Et cœpit eum iterato pater ejus interrogare unde esset. Tunc confusus, dixit ei: Ego sum filius tuus. Et ait ei: Ut quid reversus es? Erubescibat autem ei dicere, quod ventum erat, sed dixit: Charitas tua fecit me reverti, quia desiderabam te. Et remansit tibi. Et post aliquantum tempus incurrit in fornicationem, et multis suppliciis afflictus a patre suo, infelix ipse non egit poenitentiam, sed remansit in sæculo; ideoque dico, fratres, quia monachus

A nunquam debet quovis, suasus ab aliquo, egredi cellam suam.

25. Venerunt quidam in eremo ad senem quemdam magnum, et dixerunt ei: Quomodo contentus es hic, abba, et sustines laborem hunc? (*Ruff., lib. III, n. 3*) Et dixit eis senex: Totus labor temporis mei, quem hic sustineo, non est idoneus comparari ad unam diem tormentorum quæ peccatoribus in futuro sæculo præparantur.

26. Dicebat senex: Quia antiqui non cito migrabant de loco ad locum, nisi forte pro tribus rebus, id est, si quis erat, qui contristaretur adversus eum, et satisfaciens ei per omnia non potuisset eum placare; aut iterum si contigisset ut a pluribus laudaretur, aut si in tentatione fornicationis incurrisset.

27. Frater quidam dixit abbati Arsenio: Quid facio, abba, quia affligor a cogitatione mea, dicens: Quia non potes jejunare. **SSD** neque laborare, vel infirmos visitare, quia et hoc merces est. Videns autem senex diabolica semina esse, dixit ei: Vade, manduca, bibe, et dormi, tantummodo de cella non exeas, sciens quia perseverantia cellæ perducit monachum in ordinem suum. Qui cum fecisset tres dies extædiatus est, et inveniens paucas palmulas, scidit eas; et iterum in crastino cœpit plectam facere ex eis. Qui cum esurisset, dixit intra se: Ecce aliæ paucae sunt palmæ, explico eas, et manduco. Et cum perexpendisset eas, dixit iterum: Lego parum, et sic manduco. Et cum legisset, dixit: Dicam aliquantos psalmos, et jam securus manduco. Et ita paulatim proficiebat Deo cooperante, donec veniret ad ordinem suum. Et cum accepisset fiduciam adversus cogitationes malas, vincebat eas.

28. Interrogatus est senex, quare sedens frater in cella tædium pateretur. Et dixit ei senex: Quia adhuc non vidisti neque speratam resurrectionem, neque accensa tormenta: nam si hæc vidisses, et ita esset cella tua plena vermibus, ut usque ad collum tuum mergereris in ipsis, sustineres utique, et non extædiareris.

29. Quemdam senem rogabant fratres, ut quiesceret a gravi labore. Ille autem respondit eis: Credite mihi, o filii, quia Abraham poenitebatur, cum videret magna et præclara dona Dei, cur non amplius fuerit in laboribus decertatus.

30. Frater interrogavit senem, dicens: Cogitationes meæ nutant, et tribulor. Et ille dixit: Tu sede in cella tua, et cogitationes iterum veniunt; sicut enim si asina ligata sit, pullus ejus vagatur et currit huc atque illuc, semper autem ad matrem suam revertitur, ubicunque ierit; ita erunt et cogitationes ejus qui propter Deum tolerabiliter in cella sua resederit; quia etsi ad medicum nutant, sed iterum revertuntur ad eum.

31. Senex quidam sedebat in eremo, qui longe habebat aquam a cella sua, per duodecim millia; ubi dum semel iret haurire aquam, defecit, et dixit: Quid necesse est ut hunc laborem patiar? Venio et habito circa aquam hanc. Et cum hoc dixisset, con-

versus vidit quemdam sequentem se et numerantem A vestigia sua: interrogavit autem eum, dicens: Quis es tu? Et ille dixit: Angelus Domini sum, et missus sum numerare vestigia tua, et dare tibi mercedem. Quod cum audisset senex, forti animo factus promptior, et adhuc longius posuit cellam suam ab aqua illa.

32. Dicebant Patres: Si tibi contigerit tentatio in loco quo habitas, non deseras locum in tempore tentationis; quia si deserueris, quocumque perrexeris, ante te invenies quod fugiebas; sed patiens esto donec tentatio transeat, ne discessio tua aliis scandalum faciat, et ne forte aliis qui circa locum ipsum habitant tribulationem ingerat discessio tua.

33. Frater quidam erat in congregatione iniquus, et frequenter movebatur ad iram (*Ruffin.*, l. III, B n. 98). Dicit ergo in semetipso: Vado, et solus alicubi habitabo; et cum non habeo cum quo dicam, vel audiam, ero quietus, et quiescit a me passio ire. Egrediens ergo manebat in spelunca solus. Una autem die implens sibi surisculam aquæ, posuit illam in terra: contigit autem ut subito versaretur; ille vero implevit secundo, et iterum versata est; deinde tertio implens posuit eam, et rursus versata est. Qui commotus furore, tenuit vasculum illud, et fregit; in se autem conversus, cognovit quia ab eodem dæmone iracundiæ sit illusum, et dixit: Ecce ego et solus sum, et vicit me; revertar ergo in congregationem, quia ubique labor et patientia opus est, et maxime adjutorium Dei. Et surgens reversus est in locum suum.

34. Frater interrogavit senem (*Ruff.*, l. III. n. 106), dicens: Quid facio, Pater, quia nihil operer monachile, sed in negligentia quadam sum manducans, bibens, et dormiens, et super in cogitationibus turpibus et multa perturbatione sum, transiens ab opere ad opus, et a cogitationibus ad cogitationes? Dixit autem ei senex: Tu sede in cella tua, et fac quod potes sine perturbatione; ita est enim parum quod tu modo facis, sicut quando abbas Antonius magna et plurima faciebat in eremo. Credo enim in Deo, quia quicumque sedet in cella propter nomen ejus, et custodit conscientiam suam, inveniatur et ipse in Antonii loco.

35. Interrogatus est senex, quomodo oporteat vigilantem monachum non scandalizari, quando videt D aliquos ad sæculum revertentes. Et respondit: Intueri debet monachus canes, qui venantur lepores; et sicut unus ex eis videns leporem insequitur, cæteri autem tantummodo canem videntes currentem, aliquandiu cum ipso currunt, postea vero lassantes post se revertuntur; solus autem ille qui vidit leporem sequitur donec comprehendat, nec impeditur ab intentione cursus sui propter illos qui post se revertuntur, sed neque præcipitiis, neque de silvis, neque de vepribus cogitans, sed in spinis aliquoties incurrens raditur et pungitur, et non quiescit donec comprehendat. Ita et monachus, vel qui Dominum Christum querit, cruci indesinenter intendit, quæ

occurrunt scandala omnia præteriens, donec ad crucifixum perveniat.

36. Dixit senex: Sicut arbor fructificare non potest, si sæpius transferatur, sic nec monachus frequenter migrans potest fructificare.

37. Frater quidam dum sollicitaretur a cogitationibus propriis, ut exiret a monasterio, indicavit hoc ipsum abbati. Ille autem dixit: Vade, et sede, et da parieti cellæ tuæ corpus tuum in pignore, et non ex eas inde: cogitationem autem tuam dimitte; cogitet quantum vult, tantum ne ejicias de cella tua corpus tuum.

38. Dixit senex: Cella monachi est caminus ille Babylonius, ubi tres pueri Filium Dei invenerunt; sed et columna nubis est ex qua Deus locutus est Moysi.

39. Frater quidam novem annis mansit impugnatu a cogitationibus suis, ut exiret de congregatione fratrum, et quotidie tollebat pelliculam suam, in qua jacere solitus erat, ut exiret. Et quando fiebat vespere dicebat in seipso: Crastina hinc discedo. Et mane dicebat in cogitatione: Extorqueamus nobis hic stare et hodie propter Dominum. Qui cum impleisset novem annos, de die in diem ita faciens, abstulit Dominus ab eo tentationem ejus.

40. Frater quidam incidens in tentationem, tribulando perdidit regulam monachilem; et cum iterum vellet observantiæ regularis sibi principia dare, a tribulatione impediabatur, et dicebat in seipso: C Quando habeo me ita invenire, sicut aliquando eram? Et deficiens animo non prævalebat vel inchoare monachi opus. Veniens autem ad quemdam senem, narravit ei quæ agebantur circa ipsum: senex autem audiens ea de quibus affligebatur, adhibuit ei tale exemplum, dicens: Homo quidam habuit possessionem, et de negligentia ejus in sentibus redacta est, et repleta est tribulis et spinis. Visum est autem ei postea ut excoleret eam; et dixit filio suo: Vade, et purga agrum possessionis illius. Et venit filius ejus ut purgaret. Qui cum respexisset, vidit multitudinem tribulorum et spinarum increvisse ei; et deficiens animo, dixit ad seipsum: Quando ego habeo hæc omnia eradicare et purgare? Et projiciens se in terram cœpit dormire; hoc autem fecit multis diebus. Post hæc venit pater ejus videre quod fecerat, et invenit eum nihil operatum. Et dixit ei: Quare usque modo nihil fecisti? Et dixit juvenis ille patri suo: Mox ut veniebam operari, pater, cum vidissem multitudinem hanc tribulorum et spinarum, revocabar ab assumptione laboris, et præ tribulatione projiciebam me in terra, et dormiebam. Tunc dixit ei pater suus: Fili, ad mensuram latitudinis, quam jacens in terra occupas, per singulos dies operare, et ita paulatim proficiet opus tuum, et tu pusillanimis non efficeris. Quod cum audisset juvenis, fecit sic; et in parvo tempore purgata est et exulta possessio. Et tu ita, frater, paulatim operare et non deficere, et Deus per gratiam suam restituet te iterum priori ordini tuo. Hoc audito, frater ille abiit, et cum omni

patientia sedens faciebat sicut edoctus fuerat a senes; et sic inveniens requiem, promovebatur per Dominum Christum.

41. Senex quidam erat qui frequenter ægrotabat (*Ruffin.*, l. III, n. 158; *Pasch.*, c. 20, n. 2). Contigit autem eum uno anno non ægrotare; qui affligebatur graviter et plorabat, dicens: Dereliquit me Deus, et non visitavit me.

42. Dixit senex quia frater aliquando stimulabatur a cogitationibus suis per annos novem, ita ut meta ideo desperaret de salute sua (*Ruffin.*, l. III, n. 194); et adjudicavit semetipsum dicens: Perdi animam meam; et jam quia perii, vadam ad sæculum. Qui cum abiret, venit ei in via vox dicens: Tentationes quas in novem annis sustinuisti, coronæ tuæ erunt; revertere ergo in locum tuum, et sublevabo te a cogitationibus malis. Unde agnoscitur quia non est bonum desperare de se aliquem pro his quæ in cogitationibus veniunt. Hæ enim cogitationes magis coronam nobis provident, si bene eas exegerimus.

43. Senex quidam erat in Thebaida sedens in spelunca, et habuit quemdam discipulum probatum: consuetudo autem erat ut senex vespere doceret discipulum, et commoneret eum quæ erant animæ profutura; et post admonitionem, faciebat orationem, et dimittebat eum dormire. Contigit autem laicos quosdam religiosos scientes multam abstinentiam senis venire ad eum; et cum consolatus eos fuisset, discesserunt. Post quorum discessum sedit iterum senex vespere post missas secundum consuetudinem, admonens illum fratrem et instituens eum. Et cum loqueretur, gravatus est somno; frater autem sustinebat, donec excitaretur senex, et faceret ei juxta consuetudinem orationem. Cum ergo, non evigilante senes, diu sederet discipulus, compulsus est cogitationum suarum molestia recedere et dormire; qui extorquens sibi, restitit cogitationi, et resedit. Iterum autem compellebatur somno, et non abiit. Similiter factum est usque septies, et restitit animo suo. Post hæc jam media nocte transacta evigilavit senex, et invenit eum assidentem sibi, et dicit: Usque modo non discessisti? Et ille dixit: Non, quia me non dimiseras, **591** Pater. Et senex dixit: Quare me non excitasti? Et ille respondit: Non te præsumpsi pulsare, ne te contribularem. Surgentes autem cœperunt facere matutinos, et post matutinorum finem, dimisit senex discipulum; qui cum sederet solus, factus est in excessu mentis: et ecce quidam ostendebat ei locum gloriosum, et sedem in eo, et super sedem septem coronas. Interrogabat autem illum qui hæc ostendebat ei, dicens: Cujus sunt hæc? Et ille dixit: Discipuli tui, et locum quidem et sedem pro conversatione sua donavit ei Deus; has vero septem coronas nocte ista promeruit. Hæc audiens senex miratus est, et tremefactus vocavit discipulum et dicit ei: Dic mihi quid feceris nocte hac. Et ille respondens: Ignosce mihi, Pater, quia nihil feci. Senex autem æstimans quia humiliando se non confiteretur dixit ei: Crede, non quiesco, nisi dixeris mihi quid

A fecisti, vel quid cogitasti nocte hac. Frater autem nihil sibi conscius quid egisset, non inveniabat quid diceret; dicebat autem seni: Ignosce mihi, Pater. nihil feci, nisi tantum hoc quod compulsus sum motu cogitationum mearum, ut discederem et dormire septies, sed quia a te dimissus secundum consuetudinem non fueram, non recessi. Audiens autem hoc senex, statim intellexit quia quoties restitit cogitationi suæ, toties coronabatur a Deo. Et fratri quidem nihil horum dixit, causa utilitatis ejus, sed aliis nari avit hæc spiritualibus Patribus, ut discamus quia et pro parvis cogitationibus Deus nobis coronam tribuit. Bonum ergo est, ut extorqueat sibi ipse homo in omni re propter Deum; etenim, sicut scriptum est. Regnum cœlorum vim patitur, et violenti diripiunt illud (*Matth.* xi).

44. Ægrotavit aliquando senex quidam qui solitarius habitabat; et quia non habebat qui ei serviret, surgebat, et quodcunque invenisset in cella sua, manducabat; et cum aliquot diebus ita fieret, nemo veniebat ad visitationem ejus. Transactis autem triginta diebus, et nullo veniente ad eum, misit Dominus angelum suum, qui ministraret ei; et cum sic fieret per septem dies, recordati sunt patres et dixerunt ad invicem: Eamus et videamus ne forte infirmetur ille senex. Cum ergo venissent, et pulsassent discessit angelus ab eo. Senex autem de intro clamavit: Discedite hinc, fratres. Illi autem levantes a cardine ostium intraverunt, et interrogaverunt eum, quare clamaverit. Et ille dixit: Quia triginta dies habui laborans infirmitate, et nemo me visitavit et ecce jam dies septem sunt ex quo Dominus angelum misit ut ministraret mihi, qui cum venissetis, recessit a me. Et hæc dicens dormivit in pace. Fratres autem mirati sunt, et glorificaverunt Deum, dicentes: Quia non derelinquit Dominus sperantes in se.

45. Dixit quidam senex: Si te occupaverit infirmitas corporis, noli pusillanimitas fieri; quia si te Dominus Deus vult corpore debilem fieri, quis es qui moleste suscipias? Nonne ipse pro te cogitat de omnibus? nunquid sine ipso vivis? Patienter ergo fer, et roga eum ut donet tibi quæ expediunt, hoc est ut quod voluntas ipsius est facias, et sede cum patientia manducans quod habes in charitate.

46. Narravit quidam Patrum, dicens: Quia cum essem in Oxyrincho, venerunt ibi pauperes in vespere Sabbati ut acciperent agapem; et dormientibus eis, erat ibi quidam habens tantummodo mattam, cujus medietatem sibi subtermittebat, et medietate cooperiebatur, erat enim ibi validum frigus. Et cum exisset ad urinam, audivi eum murmurantem et gementem de frigore, et consolabatur semetipsum, dicens: Gratias ago tibi, Domine; quanti sunt modo divites in custodia, qui etiam in ferro sedent, aut pedes habent in ligno constrictos, qui neque urinam suam libere faciunt; ego autem velut imperator sum extendens pedes meos, et ubi volo ambulo. Hæc illo dicente, ego stabam audiens verba ejus; ingrediens

autem, narraui ea fratribus, et audientes ea multum ædificati sunt.

47. Frater interrogavit senem quemdam dicens: Si fuero in aliquo loco, et nata fuerit mihi tribulatio, et non habuero cui me committam, et indicem passionem animi mei; quid facio? Dixit ei senex: Crede in Deo quia ipse mittet angelum et gratiam suam, et ipse tibi est consolatio, si in charitate rogaveris eum. Et addidit dicens: Audivi enim quia in Scythi aliquid tale factum est. Erat enim ibi quidam qui sustinebat tentationes et non habens fiduciam in aliquo cui confiteretur, parabat a sero melotem suam ut discederet; et ecce nocte apparuit ei gratia Dei in specie virginis, et rogabat eum, dicens: Nusquam vadas, sed sede hic mecum, nihil enim male fiet ex his quæ audisti. Qui credens verbis ejus sedit, et statim sanatum est cor ejus.

LIBELLUS OCTAVUS.

De eo quod nihil per ostensionem fieri debeat.

1. Audivit aliquando abbas Antonius de quodam juvene monacho quia signum quoddam hujusmodi fecerit **593** in via, id est, cum vidisset quosdam senes iter agentes et laborantes in ambulando, onagris jussit ut venirent et portarent eos, donec pervenirent ad se; illi autem senes indicantes hoc abbati Antonio, dixit abbas Antonius: Videtur mihi monachus iste similis esse navi oneratae omnibus bonis, de qua incertum est utrum pervenire possit in portum. Et post aliquantum temporis, subito cœpit abbas Antonius flere, et trahere sibi capillos, et lugere. Quod cum vidissent discipuli ejus, dicunt ei: Quid ploras, abba? Et respondit senex: Magna columna ecclesiæ cecidit modo. Dicebat autem hoc de monacho illo juvene, et adjecit: Ambulate ad eum, et videte quod factum est. Perrexerunt igitur discipuli ejus, et invenerunt monachum illum super mattam sedentem, et flentem peccatum quod fecerat. Videns autem discipulos senis, ait eis: Dicite seni ut obsecret Deum decem tantum dierum dari mihi inducias, et spero me satisfacturum ei. Qui intra quinque dies mortuus est.

2. Laudatus est quidam frater a monachis apud abbatem Antonium: ille autem cum venisset ad eum tentavit si portaret injuriam; et cum cognovisset quia non posset ferre, dixit ei: Similis es domui quæ a facie quidem ornata est, de retro vero a latronibus despoliata.

3. Dicebant de abbate Arsenio et abbate Theodoro de Pherme, quia super omnia humanam gloriam odio haberent: abbas enim Arsenius non cito occurrebat alicui; abbas vero Theodorus occurrebat quidem, sed ut gladius erat ei.

4. Eulogius quidam nomine, discipulus fuit Joannis archiepiscopi: qui Eulogius presbyter erat, et abstinentis atque jejunans biduanas levando (32), aliquando etiam et usque hebdomadam trahebat jejunium, panem tantum et salem comedens; et per hoc laudabatur ab hominibus. Qui venit ad abbatem

PATROL. LXXIII.

Joseph in loco qui dicitur Panepho, credens se aliquam duriorem continentiam invenire apud eum. Et suscipiens eum senex cum gaudio, quod habebat fecit ei pro charitate parari. Dixerunt autem discipuli Eulogii: Non comedit presbyter nisi panem et salem, abbas autem Joseph tacitus manducabat. Qui cum fecissent tres dies, non audierunt eos aut psallentes aut orantes, occultum enim erat opus illorum et exierunt nihil ædificati. Deo autem dispensante facta est caligo, et errantes de via reversi sunt ad senem: et priusquam pulsarent ostium, audierunt psallentes; et cum expectassent diu ut audirent, postea pulsaverunt, et suscepit eos iterum senex gaudens. Hi autem qui cum Eulogio erant, propter cautulerunt surisculam, et dederunt ei ut biberet: erat autem aqua permista de mari et flumine, et non potuit bibere. Qui cum hæc in animo suo cogitaret, cœpit rogare senem, ut disceret ejus institutum, dicens: Quid est hoc, abba, quia primo non psallebatis, sed nunc cœpisti posteaquam nos sumus egressi, et quia cum aquam bibere volui, inveni eam salsam? Dicit ei senex: Frater aliquis motus est, et per errorem miscuit aquam marinam. Eulogius vero rogabat senem, volens agnoscer e veritatem. Et dixit ei senex: Parvus ille calix ad vinum est quod charitas providet, hic autem ad aquam quam assidue fratres bibunt. Et his verbis docuit eum habere discretionem cogitationum, et abscondit ab eo omnia humanis moventia mentem ejus; et factus est communis, manducans de cætero omnia quæ apposita sunt ei. Dicit etiam ipse in secreto operari, et dixit seni: Pro certo in charitate est opus vestrum.

5. Dixit abbas Zenon discipulus abbatis Silvani: Nunquam maneat in loco nominato, neque sedeas cum homine habente magnum nomen, neque mittas fundamentum, ut ædifices tibi cellam aliquando.

6. Venit aliquando frater quidam ad abbatem Theodorum de Pherme, et fecit tres dies rogans eum ut audiret ab eo sermonem. Ille autem non respondit ei, et egressus est tristis. Dicit ergo ei discipulus suus: Abba, quare ei non es locutus, et ecce egressus est tristis? Et dixit senex: Crede mihi, quia non dicebam ei sermonem, quoniam negotiator est, alienis verbis vult gloriari.

7. Alter frater interrogavit ipsum abbatem Theodorum, dicens: Vis aliquantis diebus non manduco panem? Et dixit senex: Bene facis, nam et ego feci sic. Et dixit ei frater: Volo portare modicum cicer ad pistrinum, et facere inde farinam! Et dixit ei abbas Theodorus: Jam si ad pistrinum vadis, fac tibi panem; et quid opus est ista adjectio!

8. Alius frater interrogavit eundem senem abbatem Theodorum, et cœpit loqui et exquirere de rebus quas necdum fuerat operatus. Et dixit ei senex: Adhuc nec tibi navem invenisti, nec vasa tua in eam posuisti, nec navigare cœpisti, et jam in illa civitate, ubi disponebas pervenisti? Cum ergo prius operatus fueris rem de qua loqueris, tunc ex ipsa re loquere.

9. Tunc dixit abbas Cassianus quia venit frater A quidam ad abbatem Serapionem, et **593** hortabatur eum senex, ut secundum morem faceret orationem; ille autem dicens se esse peccatorem, et ipsius monachi habitu indignum, non acquiescebat. Voluit etiam ejus pedes lavare, et eisdem iterum verbis usus, nullatenus acquievit. Fecit autem illum gustare, et cœpit senex in charitate monere eum, dicens: Fili, si vis proficere, permans in cella tua, et attende tibi ipsi et operibus manuum tuarum; non enim tibi tantum procedere expedit, quantum sedere. Ille autem hæc audiens, ita exacerbatus est, et vultum mutavit, ut nec latere posset senem. Dixit ergo ei abbas Serapion: Usque modo dicebas, Peccator sum, et accusabas teipsum tanquam indignum jam vivere; et quia te cum charitate monui, ita exacerbari debuisti? Si enim re vera humilis vis esse, quæ tibi ab alio imponuntur, disce portare viriliter, et non odiosa verba effundere tibi ipsi. Hoc autem audiens frater, pœnitentiam gessit coram sene, et multum proficiens discessit.

10. Audivit aliquando judex provinciæ de abbate Moyse (*Ruff.*, l. III, n. 119), et perrexit in Scythi ut videret eum; et nuntiaverunt quidam seni de adventu ejus, et surrexit ut fugeret in paludem; et occurrit ei ille judex cum suis, et interrogavit eum, dicens: Dic nobis, senex, ubi est cella abbatis Moysi? Et dicit eis: Quid vultis eum inquirere? homo fatuus est et hæreticus. Et veniens judex ad ecclesiam dixit clericis: Ego audiens de abbate Moyse, veni ut viderem eum; et ecce occurrit nobis senex pergens in Ægyptum, et interrogavimus eum ubi esset cella abbatis Moysi, et dixit nobis: Quid eum queritis? fatuus est, et hæreticus. Audientes autem clerici, contristati sunt, dicentes: Qualis est senex ille, qui hæc de sancto homine locutus est ad vos? Et illi dixerunt: Senex vetustissimo vestimento utens, longus et niger. Et illi dixerunt: Ipse est abbas Moyses; et quia noluit videri a vobis, ideo hæc vobis ipse de se dixit. Et multum ædificatus judex discessit.

11. Frater interrogavit abbatem Mathoen dicens: Si abiero manere in loco aliquo, quomodo vis ut agam ibi! Dicit ei senex: Si habitaveris in loco, ne velis tibi illic nomen facere de aliqua re, dicendo, Aut non venio in conventu fratrum, aut non manduco hoc vel illud; hæc enim vanum nomen tibi faciunt, D sed postea importunitatem patieris quoniam homines ubi hoc audierint, ibi current.

12. Abbas Nisteron major ambulabat in eremo cum aliquo fratre, et videntes draconem, fugerunt. Dicit ei frater: Et tu times, Pater? Respondit senex: Non timeo, fili; sed expedit quia draconem videns fugi, quoniam non habui effugere spiritum vanæ gloriæ.

13. Voluit aliquando judex provinciæ videre abbatem Pastorem, et non acquiescebat senex (*Ruff.*, l. III, n. 20). Judex autem tenuit filium sororis ejus velut malefactorem, et redegit eum in carcerem, dicens: Si venerit senex et rogaverit pro eo, dimit-

tam eum. Et venit mater pueri ad fratrem suum abbatem Pastorem, et cœpit flere ad ostium ejus; ille autem omnino non dedit ei responsum; illa vero compulsula dolore, increpabat eum, dicens: Et si viscera ferrea habes, et nulla te compassio movet, flectat te saltem miseratio sanguinis tui. Ille autem mandavit ei: Pastor filios non generavit. Et ita discessit. Audiens autem judex misit, dicens: Vel verbo jubeat, et ego eum dimittam. Senex autem remandavit ei, dicens: Examina causam secundum legem; et si dignus est morte, moriatur: si autem non est, fac quomodo vis.

14. Dixit iterum abbas Pastor: Doce cor tuum servare quæ docet alios lingua tua. Dixit iterum: Quia homines ad loquendum perfecti videri volunt, et in operando id quod loquuntur minores sunt.

15. Venit aliquando abbas Adelphius, qui fuit episcopus Nilopoleos, ad abbatem Sisoï in montem; et quia discessurus erat, fecit eos gustare a mane, erat vero jejunium; et cum ponerent mensam, ecce fratres pulsaverunt. Dixit autem senex discipulo suo: Da eis modicas zippulas, quia de labore sunt. Et dicit ei abbas Adelphius: Dimitte interim, ne dicant: Quia abbas Sisoï a mane comedit. Et intendit eum senex, et dixit fratri: Vade tu, da eis. Cum ergo viderent pultes, dixerunt: Ne peregrinos aliquos habetis? Putas et senex vobiscum comedit? Et frater: Etiam. Cœperunt ergo contristari et dicere: Ignoscat vobis Deus, quia senem permisistis ista hora manducare: an nescitis quia plurimos dies laboraturus est? Audiens hæc episcopus, cœpit coram sene penitentiam agere, dicens: Ignosce mihi, abba, quia ego quidem humanum aliquid cogitavi, tu autem quod Dei est fecisti. Et dicit ei abbas Sisoï: Nisi Deus glorificaverit hominem, gloria hominum nunquam stat.

16. Interrogavit abbas Ammonas de loco qui dicitur Raythum, abbatem Sisoï dicens: Quando lego Scripturas, vult cogitatio mea ornare sermonem, ut paratus sim ad interrogata respondere. Et dixit ei senex: Non est opus, sed magis de puritate mentis **594** provide tibi securitatem edicendi sermonem.

17. Venit aliquando judex provinciæ videre abbatem Simonem, et ille tulit lorum quo cingebatur, et ascendit in arborem palmæ, ut purgaret eam. Illi autem venientes dixerunt ei: Ubi est senex, qui hæc in solitudine habitat? Et ille respondit: Non est hic solitarius aliquis. Et cum hoc dixisset, discessit judex.

18. Alia iterum vice alter judex venit videre eum et præcedentes clerici dixerunt ei: Abba, paratus esto, quia judex audiens de te venit ut benedicatur a te. Et ille dixit: Etiam ego præparabo me. Et cooperiens se sacco suo, et tollens in manu sua panem et caseum, sedit in ingressu cellulæ suæ, et cœpit manducare. Venit ergo judex cum officio suo, et videntes eum spreverunt, dicentes: Hic est monachus solitarius de quo talia audiebamus? Et statim discesserunt et reversi sunt ad se.

19. Dixit sanota Syncretica : Sicut thesaurus manifestus cito expenditur, ita et virtus quaelibet, cum innotuerit vel publicata fuerit, exterminabitur (*Ruff.*, l. III, n. 114). Sicut enim cera solvitur a facie ignis, ita et anima laudibus inanitur; et amittit virtutum rigorem.

20. Dixit iterum : Sicut impossibile est, uno eodemque tempore et herbam esse et semen, ita impossibile est ut sæcularem gloriam habentes, cœlestem faciant fructum (*Ruff.*, l. III, num. 113; *Pasch.*, c. 13, n. 2).

21. Aliquando in Cellis festivitate celebrata, edebant fratres in ecclesia (*Ruff.*, l. III, n. 54, nomine *Theodori*). Erat autem ibi frater quidam, qui dixit ministranti : Ego non manduco coctum aliquid, sed sal. Et vocavit minister alium fratrem coram multitudine, dicens : Ille frater non comedit coctum, affer ei sal. Surrexit autem quidam senum, et dixit ei : Expediat tibi hodie in cella tua comedere carnes, quam audiri hanc vocem coram tantis fratribus.

22. Erat quidam abstinens a cibis, et non manducans panem; venit ad quemdam senem. Opportune autem illic etiam alii supervenerant peregrini, et fecit senex modicum pulmentum propter eos. Et cum sedissent manducare, frater ille abstinens posuit sibi soli cicer infusum, et manducabat. Et cum surrexissent a mensa, tulit eum senex secreto, et dixit ei : Frater, si venis ad aliquem, non ostendas illi conversationem tuam; si autem conversationem tuam tenere vis, sede in cella tua, et nusquam exeat. Ille autem acquiescens verbis senis, factus est communis vitæ in id quod cum fratribus invenisset.

23. Dixit senex : Humana providentia omnem pinguedinem hominis amputat, et relinquit eum siccum.

24. Dixit senex : Aut fugiens fuge homines, aut irridens mundum et homines qui in mundo sunt, stultum temetipsum in pluribus facito.

LIBELLUS NONUS.

De eo quod non oporteat judicare quemquam.

1. Contigit aliquando fratri in congregatione abbatis Eliæ tentatio, et expulsus inde, abiit in montem ad abbatem Antonium. Et cum mansisset aliquanto tempore apud eum, remisit eum ad congregationem unde exierat. Illi autem videntes eum, iterum expulerunt; qui similiter perrexit ad abbatem Antonium, dicens : Noluerunt me suscipere, Pater. Misit ergo senex ad eos, dicens : Navis naufragium tulit in pelago, et perdidit onus quod portabat, et cum labore vacua navis perducta est ad terram. Vos ergo liberatam navim in terram vultis submergere? Illi autem cognoscentes, quia eum abbas Antonius remisisset, statim susceperunt eum.

2. Quidam frater peccaverat, et jussit eum presbyter exire de ecclesia. Surrexit autem Besarion, et exivit cum eo, dicens : Et ego peccator sum.

3. Venit abbas Isaac de Thebaida in congrega-

tionem fratrum, et vidit quemdam de fratribus culpabilem, et adjudicavit eum (*Ruff.*, l. III, n. 137). Cum autem exisset ad eremum, venit angelus Domini, et stetit ante ostium cellæ ejus, dicens : Non te dimitto intrare. Ille autem rogabat, dicens : Quæ est causa? Et respondens angelus Domini, ei dixit : Deus me misit ut dicerem tibi : Ubi jubes ut mittam illum fratrem culpabilem, quem addixisti? Et statim abbas Isaac pœnitentiam egit, dicens : Peccavi, ignosce mihi. Et dixit angelus : Surge, ignoscit tibi Deus; sed custodi de cætero ne adjudices quemquam, priusquam Deus adjudicet eum.

4. Frater aliquando in Scythi inventus est culpabilis, et fecerunt seniores conventum, et miserunt ad abbatem Moysem, dicentes ut veniret; ille autem venire noluit. Misit autem ad eum presbyter, dicens : Veni, quia plebs fratrum te exspectat. Et ille surgens venit. Tollens autem secum sportam vetustissimam, implevit eam arena, et post se portavit. Illi vero exierunt ei obviam, dicentes : Quid hoc est, Pater? Dixit autem eis senex : Peccata mea sunt post me currentia, et non video ea, et veni ego hodie judicare aliena peccata? Illi autem audientes, nihil locuti sunt fratri, sed ignoverunt ei.

5. Interrogavit abbas Joseph abbatem Pastorem, dicens : Dic quomodo monachus flam. Et dixit ei senex : Si vis requiem invenire et in hoc et in futuro sæculo, in omni causa dic : Quis sum ego? et ne judices quemquam.

6. Frater quidam interrogavit eum iterum, dicens : Si videro culpam fratris mei, bonum est celare eam? Dixit ei senex : Quacunque hora tegimus peccatum fratris nostri, teget etiam Deus nostrum; et quacunque hora prodiderimus culpas fratrum, et Deus nostras similiter prodet.

7. Offendit aliquando frater in congregatione. Erat autem in ipsius locis quidam solitarius, qui jam longo tempore foris non exibat. Veniens autem abbas de congregatione illa ad eum, indicavit de fratre illo qui offenderat. Et ille dixit : Expellite eum. Expulsus autem frater de congregatione, misit se in fossatum (33), et flebat ibi : contigit autem ut alii fratres euntes ad abbatem Pastorem audirent eum in fossatu plorantem : qui descendentes ad eum invenerunt eum in magno dolore constitutum, et rogaverunt eum ut iret ad senem illum solitarium; et non acquievit, dicens : In hoc loco moriar ego. Venientes autem fratres ad abbatem Pastorem, narraverunt ei de eo. Et rogavit eos ut irent ad eum, dicentes : Abbas Pastor vocat te ad se. Quod cum ei dixissent, perrexit ad eum. Et videns eum senex afflictum, surrexit et osculatus est eum, et adgaudens ei rogabat ut sumeret cibum. Misit autem abbas Pastor unum de fratribus suis ad illum solitarium, dicens : Audiens de te, multi anni sunt quod te videre volui, et pro pigritia nostra amborum non potuimus nos invicem videre : modo autem, Deo volente et occasione facta, fatiga te usque huc, ut nos videre possimus; erat enim non egrediens de cella sua. Quod cum au-

disset, dicebat: Nisi Deus inspirasset seni illi de me, A egrederetur in sexta feria extra congregationem, et non misisset ad me. Et surgens venit ad eum. Et salutantes se invicem cum gaudio sederunt. Dixit autem ei abbas Pastor: Duo homines erant in loco uno, et ambo habebant mortuos suos. Reliquit autem unus mortuum suum, et abiit plorare illius alterius. Audiens autem hæc senex, compunctus est in sermone ejus. et recordatus est quod fecerat, et dixit: Pastor sursum in cælo, ego autem deorsum in terra.

8. Frater quidam interrogavit abbatem Pastorem, dicens: Quid facio, quia pusillanimis fio dum sedeo? Dixit ei senex: Nullum spernas neque condemes, et nulli obloquaris, et Deus præstabit tibi requiem, et erit sessio tua sine perturbatione (*Ruff.*, l. III, n. 100; *Pasch.*, c. 39, n. 2; *Append. Marl.*, n. 39).

9. Factus est aliquando conventus in Scythi, et loquebantur Patres de quodam fratre culpabili (*Ruff.*, l. III, n. 136). Abbas autem Pior tacebat: postea autem surgens egressus est, et tollens saccum, implevit eum arena, et portabat eum in humeris suis; et mittens in sportella modica de eadem arena, portabat etiam ipsam in ante. Interrogatus autem a Patribus quid hoc esset? Ille respondit: Saccus iste qui multum habet arenæ, mea peccata sunt; et quoniam multa sunt, posui ea supra dorsum, ne doleam pro ipsis et plorem; ista autem arena modica peccata sunt istius fratris, et sunt ante faciem meam, et in ipsis exerceor iudicans fratrem; quod non oportet ita fieri, sed mea magis peccata ante me esse, et de ipsis cogitare, et rogare Deum ut ignoscat mihi. Audiens C autem Patres, dixerunt: Vere hæc est via salutis.

10. Dixit senex: Non iudices fornicatorem, si castus es; quoniam similiter legem prævaricaris. Etenim qui dixit: Non forniceris, dixit: Ne iudices.

11. Ad quemdam solitarium venit presbyter cuiusdam basilicæ, ut consecraret ei oblationem ad communicandum. Veniens autem quidam ad illum solitarium, accusavit apud ipsum eundem presbyterum. Qui cum ex consuetudine iterum venisset ad eum, ut consecraret oblationem, scandalizatus ille solitarius non aperuit ei. Presbyter autem hoc viso discessit. Et ecce vox facta est ad solitarium, dicens: Tulerunt sibi homines iudicium meum. Et factus est velut in excessu mentis, et videbat quasi puteum D aureum, et situlam auream, et funem aureum, et aquam bonam valde. Videbat autem et quemdam leprosum haurientem et refundentem in vase, et cupiebat bibere, et non poterat propter quod leprosus esset ille qui hauriebat. Et ecce iterum vox ad eum, dicens: Cur non bibis ex aqua hac? quam causam habet qui implet? implet enim solummodo et effundit in vase. In se autem reversus solitarius, et considerans virtutem visionis, vocavit presbyterum, et fecit eum sicut et prius sanctificare sibi oblationem.

12. Fuerunt duo fratres magnæ vitæ in congregatione, et meruerunt videre singuli gratiam Dei in alterutrum. Factum est autem aliquando ut unus ex eis

egrederetur in sexta feria extra congregationem, et videret quemdam mane comedentem. Dixit autem ei: Hac hora manducas in sexta feria? Die autem sequenti facta est celebratio missarum secundum consuetudinem. Intuens vero frater ejus, vidit gratiam quæ 596 ei data fuerat discessisse ab eo, et contristatus est. Qui cum venisset in cellam, dicit ei: Quid fecisti, frater, quia non vidi, sicut pridem, gratiam Dei in te? Ille autem respondens dixit: Ego neque in actu, neque in cogitationibus conscius mihi sum alicujus mali. Dicit ei frater ejus: Nec sermonem odiosum aliquem locutus es? Et recordatus dixit: Etiam. Hesternam die vidi quemdam comedentem mane, et dixi ei: Hac hora manducas in sexta feria? Hoc est peccatum meum; sed labora mecum B duas hebdomadas, et rogemus Deum ut mihi indulgeat. Fecerunt ita; et post duas hebdomadas vidit frater gratiam Dei iterum venientem super fratrem suum, et consolati sunt, Deo, qui solus bonus est, gratias referentes.

LIBELLUS DECIMUS.

De discretione.

1. Dixit abbas Antonius: Quia sunt quidam contententes corpora sua in abstinentia; sed quia non habuerunt discretionem, longe facti sunt a Deo.

2. Fratres quidam venerunt ad abbatem Antonium, ut nuntiarent ei phantasias quas videbant, et cognoscerent ab eo utrum veræ essent, an a dæmonibus illuderentur. Habebant autem asinum secum, et mortuus est eis in via. Cum ergo venissent ad senem, prævenit eos, dicens: Quomodo mortuus est ille asinus in via? Dicunt ei: Unde scis, Pater? Et ille dixit: Dæmones mihi ostenderunt. Dicunt ei: Et nos propterea venimus interrogare te, quia vidimus phantasias, et plerumque fiunt in veritate, ne forte erremus. Et satisfacit eis senex sumpto exemplo de asino, ostendens quia a dæmonibus fiunt ista. Supervenit autem quidam venationem faciens in silvam agrestium animalium, et viderat abbatem Antonium gaudentem cum fratribus, et displicuerat ei. Volens autem senex ei ostendere quia oportet aliquando descendere fratribus, dicit ei: Pone sagittam in arcu tuo, et trahe; et fecit sic. Et dixit ei: Iterum trahe; et traxit. Et rursus dixit ei: Trahe adhuc; et traxit. Dixit ei venator: Si supra mensuram traxero, frangetur arcus. Dicit ei abbas Antonius: Ita est et in opere Dei: si plus a mensura tendimus, fratres cito deficiunt; expedit ergo una et una relaxare rigorem eorum. Hæc audiens venator compunctus est, et multum proficiens in sermone senis, discessit; et fratres confirmati, reversi sunt in locum suum.

3. Frater dixit abbati Antonio: Ora pro me. Et respondit ei senex: Nec ego tui misereor, nec Deus, nisi pro teipso sollicitus fueris et poposceris a Deo.

4. Dixit iterum abbas Antonius: Quia non permittit Deus bella excitari in generatione hac, quoniam scit quia infirmi sunt et portare non possunt.

5. Dixit aliquando abbas Evagrius abbati Arsenio:

Quomodo nos excitati eruditione et scientia nullas virtutes habemus, hi autem rustici in Ægypto habitantes tantas virtutes possident? Respondit abbas Arsenius: Nos quia mundanæ eruditionis disciplinis intenti sumus, nihil habemus; hi autem rustici Ægyptii ex propriis laboribus acquisierunt virtutes.

6. Dicebat beatæ memoriæ abbas Arsenius: Peregrinus monachus in alia provincia habitans, nullis rebus se medium faciat, et quietus erit.

7. Interrogavit abbas Marcus abbatem Arsenium, dicens: Bonum est non habere aliquam in cella consolationem. Vidi enim quemdam fratrem habentem parvum olus in cella, et eradicabat ea. Et dixit abbas Arsenius: Bonum quidem est, sed secundum exercitationem hominis uniuscujusque agendum est: etiam si non habuerit virtutem hujusmodi tolerare, iterum plantaturus est ea.

8. Narravit abbas Petrus (*Ruff.*, l. III, n. 128; *Pasch.*, c. 42, n. 1), qui fuit discipulus abbatis Lot, dicens: Eram aliquando in cella abbatis Agathonis, et venit frater quidam ad eum, dicens: Volo habitare cum fratribus, sed dic mihi quomodo habitem cum eis. Dicit ei senex: Sicut in prima die quando ingrederis ad eos, ita custodi peregrinationem tuam omnibus diebus vitæ tuæ, nec assumes fiduciam. Dicit ei abbas Macarius: Quid enim facit fiducia? Dicit ei senex: Sic est sicut æstus grandis, qui quando exarserit, omnes fugiunt a facie ejus, quia æstus etiam arborum fructus corrumpit. Dixit abbas Macarius: Sic mala fiducia est? Respondit abbas Agathon: Non est pejor altera passio quam fiducia; genitrix est enim omnium passionum. Convenit ergo operatio monacho, non sumere fiduciam, vel si solus sit in cella.

9. Dicebat abbas Daniel: Quia cum moriturus esset abbas Arsenius, delegavit nobis, dicens: Videte ne velitis pro me agapem facere; quoniam si feci ego pro meipso, id invenio (*Ruff.*, l. III, n. 163).

10. Dicebant de abbate Agathone (*Ruff.*, l. III, n. 21) quia abierunt quidam ad eum, audientes quia magnæ discretionis vir esset; et volentes eum probare si irasceret, dicunt ei: Tu es Agatho? Audivimus de te, quia fornicator es, et superbus. Et ille respondit: Etiam sic est. Et dixerunt ei: Tu es Agatho verbosus et detractor? Et respondit: Ego sum. Dicunt ei iterum: Tu es Agatho hæreticus? Et respondit: Non sum hæreticus. Et rogaverunt eum, dicentes: Dic nobis cur tanta dicentibus nobis in injuria tua patienter tuleris; hunc autem sermonem quia diximus, Hæreticus es, non sustinuiti? Et ille respondit, et dixit eis: Illa prima mihi ascribo, utilitas enim animæ meæ est: quod autem dixistis hæreticum me esse, ideo non acquievi, quia separatio est a Deo, et non opto separari a Deo. Illi audientes admirati sunt discretionem ejus, et edificati discesserunt.

11. Interrogatus est idem abbas Agatho: Quid est majus, labor corporis, aut custodia interioris hominis? Dicit abbas: Homo similis est arbori: corpo-

ralis igitur labor velut folia arboris, custodia autem interioris hominis fructus est. Quoniam ergo, secundum quod scriptum est, Omnis arbor non faciens fructum bonum excidetur, et in ignem mittetur (*Matth.* III), oportet propter fructum nostrum omnem in nobis sollicitudinem esse, hoc est mentis custodiam. Opus tamen habemus etiam tegumento et ornatu foliorum, quæ sunt labor corporis. Erat autem abbas Agatho sapiens ad intelligendum, et impiger ad laborandum, et sufficiens in omnibus, intentus etiam assidue ad laborem manuum, parcus in cibo atque vestimento.

12. Idem abbas Agatho cum fuisset conventus pro quadam causa in Scythi, et fuisset causa ipsa ordinata, postea venit, et dicit eis: Non bene ordinastis causam. Illi autem dixerunt ei: Tu quis es, qui vel loquaris? Et ille respondit: Filius hominis; scriptum est enim: Si vere utique justitiam loquimini, justa judicate, filii hominum (*Psal.* LVII).

13. Dixit abbas Agatho: Iracundus si mortuos suscitet, non placet Deo propter iracundiam suam.

14. Venerunt aliquando tres senes ad abbatem Achillem: et unus ex eis habebat opinionem malam. Dicit autem ei unus de senibus: Abba, fac mihi unam sagenam ad piscandum. Et ille dixit: Non facio. Et alius dixit ei: Fac nobis, ut habeamus memoriam tui in monasterio nostro. Et ille respondit: Non mihi vacat. Dixit ei tertius ille, qui habebat malam opinionem: Mihi fac sagenam, ut habeam de manibus tuis benedictionem, abba. Et ille statim respondit ei: Ego tibi faciam. Dixerunt autem ei secreto duo priores, quibus non acquieverat: Quomodo sic, quia nobis rogantibus noluit facere, et huic dixisti: Ego tibi faciam? Respondit eis senex: Vobis ideo dixi. Non facio, quia non mihi vacat, et non constrictabimini; huic autem si non fecero, dicturus est, quia de opinione mea, quæ mala est, audivit senex, et ideo noluit facere sagenam; et statim incidebamus funem ad sedandum animum ejus, ne tristitia absorberetur hujusmodi.

15. Dicebant de quodam sene, quia fecerit quinquaginta annos neque panem comedens, neque facile aquam bibens (*Ruff.*, l. III, n. 117); et dicebat: Quia exstinxit fornicationem, et avaritiam, et vanam gloriam. Et quia abbas Abraham audierat quod hæc dixisset, venit ad eum, et dixit ei: Tu dixisti hunc sermonem? Et ille respondit: Etiam. Et dixit ei abbas Abraham: Ecce intras in cellam tuam, et invenis supra mattam tuam mulierem, potes non cogitare quia mulier est? Et dixit: Non; sed impugno cogitationem meam, ut non tangam mulierem illam. Dixit abbas Abraham: Ecce igitur non fornicationem interfecisti, quia vivit passio ipsa, sed alligata est. Iterum si ambulans in via, et vides lapides et testas vasorum, et in ipsis jacens aurum, quod videris, potes velut lapides reputare? Et respondit: Non; sed resisto cogitationi meæ ne colligam illa. Et dicit ei abbas Abraham: Ecce ergo vivit passio; sed alligata est. Et dixit iterum abbas

Abraham : Si audieris de duobus fratribus, quia A unus diligit te et bona de te loquitur, alius autem odit et detrahit tibi, et venerint ad te, utrosque æqualiter suscipis? Et dixit : Non ; sed extorqueo animo (sic), ut similiter bene faciam ei qui me odit, sicut illi qui diligit me. Et dixit ei abbas Abraham : Vivunt ergo passiones, sed tantum a sanctis viris quodammodo religantur.

16. Narravit quidam Patrum quia senex aliquis erat in cella studiose laborans, et vestiebatur matta : qui cum perrexisset ad abbatem Ammonam, vidit eum abbas Ammonas utentem matta, et dixit ei : Hoc tibi nihil prodest. Et dixit ei ille senex : Tres cogitationes mihi molestæ sunt : una, quæ me compellit ut alicubi in eremo recedam ; alia, ut peregrina petam, ubi me nemo cognoscat ; tertia, ut B includam me in cella, ut nullum videam, et post biduum comedam. Dicit ei abbas Ammonas : Nihil tibi ex his tribus expedit facere, sed magis sede in cella tua, et comede parum quotidie, habens semper in corde tuo publicani illius qui in Evangelio legitur sermonem (Lucæ xviii), et ita poteris salvus esse.

17. Dicebat abbas Daniel : Quia quantum corpus viruerit, tantum anima exsiccat ; et quantum siccatum fuerit corpus, SSS anima tantum virescit. Dixit iterum abbas Daniel : Quia quantum corpus fovetur, tantum anima subtiliatur, et quantum fuerit corpus subtiliatum, tantum anima fovetur.

18. Narravit iterum abbas Daniel, quia quando erat in Scythi abbas Arsenius, erat ibi monachus C quidam rapiens ea quæ habebant senes : abbas autem Arsenius volens eum lucrari, et senibus quietem præstare, tulit eum in cellam suam, et dicit ei : Quidvis ego tibi dabo, tantum non rapias ; et dedit ei aurum, et nummos, et rescillas (34), et, omne quod in responso (35) suo habebat, dedit ei. Ille autem iterum rapiebat. Senes vero videntes quia non quievit, expulerunt eum, dicentes : Quia si invenitur frater habens de infirmitate corporis aliquid, oportet sustinere eum ; si autem furatus et admonitus non quiescit, expellite eum : quoniam animæ suæ detrimentum facit, et omnes in eo loco habitantes conturbat.

19. Venit in initio conversationis suæ abbas Evagrius ad quemdam senem, et dixit : Dic mihi, abba, D sermonem quo salvus fiam. Ille autem dixit ei : Si vis salvari, quando ad aliquem vadis, non prius loquaris antequam te ille inquirat. Evagrius autem compunctus in hoc sermone, pœnitentiam egit in conspectu senis, et satisfecit ei, dicens : Crede mihi, multos Codices legi, et talem cruditionem nunquam inveni. Et multum proficiens exiit.

20. Dixit abbas Evagrius : Mentem nutantem vel errantem solidat lectio, et vigiliæ, et oratio : concupiscentiam vero ferventem mædæfacit esuriet et labor et sollicitudo : iracundiam autem perturbatam reprimit psalmodia, et longanimitas, et misericordia, sed hæc opportunis temporibus, et mensura

adhibita ; si autem inopportune vel sine mensura fiunt, ad parvum tempus proficiunt ; quæ autem parvi temporis sunt, noxia magis quam utilia erunt.

21. Transeunte aliquando abbate Ephræm, una prostituta ex immissione cujusdam cœpit ei blandiri (Idem., l. I, in Vita Ephræm, cap. 7), cupiens eum, si posset, ad turpem commistionem illicere : vel si hoc non posset, saltem ad iracundiam provocaret, quoniam nunquam cum vidit quisquam irascentem vel litigantem. Ipse autem dixit ad eam : Sequere me. Cum venissent autem in loco populoso, dicit ei : Veni huc, et sicut voluisti, commisceor tecum. Illa autem videns multitudinem, dicit ei : Quomodo possumus hic hoc facere, tanta multitudo hic astante ? confundemur enim. Ipse autem ait : Si homines erubescis, quanto magis erubescere debemus Deum, qui revelat occulta tenebrarum (I Cor. iv) ? Illa autem confusa et confutata recessit absque opere voluptatis suæ.

22. Venerunt aliquando ad abbatem Zenonem quidam fratres, et interrogaverunt eum, dicentes : Quid est quod scriptum est in libro Job : Nec cœlum mundum esse in conspectu Dei (Job xv) ? Respondit autem senex dicens : Reliquerunt homines peccata sua, et cœlestia scrutantur. Hæc autem est interpretatio sermonis, quem requisistis, ut quoniam Deus solus est mundus, dictum sit nec cœlum mundum esse in conspectu ejus.

23. Dixit abbas Theodorus de Pherme : Si habes amicitias cum aliquo, et contigerit eum in tentationem fornicationis incurrere ; si potes, da ei manum, et retrahe illum sursum : si autem in errore aliquo fidei incurrerit, nec tibi acquiescit, revertere cito, incide amicitias ejus abs te, ne forte remorans traharis cum eo in profundum.

24. Venit aliquando memoratus abbas Theodorus ad abbatem Joannem, qui erat eunuchus ex natiuitate. Et cum loquerentur, dixit abbas Theodorus : Quando eram in Scythi, opus animæ erat opus nostrum, opus autem manuum tanquam in transitu habebamus ; nunc autem factum est opus animæ, velut cum in transitu factum est opus.

25. Venit aliquando quidam Patrum ad eundem abbatem Theodorum, et dixit ei : Ecce quidam frater reversus est ad sæculum. Et dixit ei abbas Theodorus : In hoc non admireris ; si quando audieris quia prævaluit quis effugere de ore inimici, hoc admirare.

26. Dixit memoratus abbas Theodorus : Multi eligunt in hoc sæculo temporalem quietem, antequam præstet eis Dominus requiem.

27. Dicebant de abbate Joanne statura brevi, quia dixerit aliquando fratri suo majori : Volebam esse securus sicut angeli sunt securi, nihil operantes, sed sine intermissione servientes Deo ; et spoliatus se quo vestitus erat. abiit in eremo (Ruff., l. III, n. 56). Et facta ibi hebdomada una, reversus est ad fratrem suum ; et dum pulsaret ostium, respondit ei antequam aperiret, dicens : Quis es tu ? Et ille dixit :

Ego sum Joannes. Et respondit frater ejus, et dixit ei : Joannes angelus factus est, et ultra inter homines non est. Ille autem pulsabat dicens : Ego sum. Et non aperuit ei, sed dimisit eum affligi. Postea vero aperiens dixit ei : Si homo es, opus habes iterum operari, ut vivas ; si autem angelus es, quid quæris intrare in cellam. Et ille pœnitentiam agens, dixit : Ignosce mihi, frater, quia peccavi.

28. Venerunt aliquando senes in Scythi, et erat cum eis abbas Joannes Nanus ; et dum comederent, surrexit quidam presbyter vir magnus, ut daret per singulos vasculum aquæ parvum ad bibendum ; et nemo acquievit accipere ab eo, nisi solus Joannes Brevis. Admirati sunt autem cæteri, et dixerunt ei : Quomodo tu cum sis omnium minor, præsumpsisti ministerio uti viri senis et magni ? Et dicit eis : Ego quando surgo dare aquam, gaudeo si omnes biberint, ut mercedem acquiram ; nunc igitur propterea ego suscepi, ut faciam ei qui surrexit invenire mercedem, ne forte etiam contristetur nullo sumente ab eo. Hæc cum dixisset, admirati sunt omnes de discretione ejus.

29. Interrogavit aliquando abbas Pastor abbatem Joseph, dicens : Quid faciam, quando approximant mihi aliquæ tentationes ; resisto illis, an permitto intrare ? Dicit ei senex : Dimitte intrare, et pugna cum eis. Revertens ergo in Scythi sedebat ; et contigit ut veniens quidam a Thebaida in Scythi narraret fratribus, se interrogasse abbatem Joseph : Quando approximant mihi tentatio, resisto ei, an dimitto intrare ? et dixerit ei : Omnino non dimittas tentationem in te, sed cito abscinde eam. Audiens autem abbas Pastor, quia sic dixerit huic, qui venerat a Thebaida, abbas Joseph surgens iterum abiit in Panepho ad abbatem Joseph, et dicit ei : Abba, ego tibi commisi cogitationes meas, et tu aliter dixisti mihi, aliter autem fratri de Thebaida. Et dicit ei senex : Scis quia diligo te ? Et respondit : Etiam. Nonne tu mihi dixisti, ut sicut mihi ipsi, ita tibi dicerem quod sentirem ? Etenim si intraverint tentationes, et dederis atque acceperis cum eis, probationem te faciunt ; ego autem velut mihi ipsi sic tibi locutus sum : sunt autem aliqui quibus nec approximare expedit passiones, sed statim debent abscindere eas.

30. Item dixit abbas Pastor : Veni aliquando in Heracleo inferiore ad abbatem Joseph, et habebat in monasterio suo arborem sycomorum pulchram nimis ; et dicebat mihi a mane : Vade, et collige tibi, et manduca. Erat autem sexta feria. Ego autem non comedi propter jejunium ; et rogavi eum dicens : Dic mihi propter Dominum rationem hujus rei, quia dicebas mihi : Vade, manduca. Ego quidem propter jejunium non abii, sed erubesceram, quia mandatum tuum non feceram, cogitans quia sine ratione mihi hæc non præceperas. Ille autem respondit : Patres seniores non loquuntur ab initio fratribus recta, sed magis distorta ; et si viderint quia ea quæ torta sunt faciunt, jam eis non loquuntur nisi quæ expediunt,

agnoscentes quoniam in omnibus obedientes sunt.

31. Frater interrogavit abbatem Joseph, dicens : Quid faciam, quia nec molestiam ferre possum, nec laborare, et dare eleemosynam ? Et dicit ei senex : Si non potes horum nihil facere, vel serva conscientiam tuam ab omni malo proximi tui, et ita salvus eris ; Deus autem animam sine peccato quærit.

32. Dixit abbas Isaac Thebæus fratribus suis : Pueros hic non adducatis, quia propter pueros in Scythi quatuor ecclesiæ eremus factæ sunt.

33. Interrogavit abbas Longinus abbatem Lucium, dicens : Habeo tres cogitationes : unam ut ad peregrinationem vadam. Et respondit ei senex : Si non tenueris linguam tuam ubicunque perrexeris, non eris peregrinus. Sed refrena hic linguam tuam, et eris etiam hic peregrinus. Et dicit ei abbas Longinus : Alia cogitatio mea est, ut jejunem biduanas levando. Et respondit ei abbas Lucius : Isaias propheta dixit : Si curvaveris velut circulum cervicem tuam, nec sic erit acceptum jejunium tuum (*Isaiæ LXIII*) ; sed magis contine mentem tuam a cogitationibus malis. Et dicit abbas Longinus : Tertium est dispositum meum, ut declinem hominum aspectus. Et respondit ei abbas Lucius : Nisi prius correxeris vitam tuam inter alios conversando, neque solus habitans corrigere te prevalebis.

34. Dixit abbas Macarius : Si recordamur mala quæ inferuntur nobis ab hominibus, amputamus menti nostræ virtutem recordandi Deum ; si autem recordamur malorum quæ dæmones excitant, erimus imperforabiles (*Pasch.*, c. 37, n. 4 ; *Append. Mart.*, n. 15).

35. Dixit abbas Mathois : Nescit Satanas qua passione seducatur anima, et ideo seminat quidem in ea ziziniam suam, sed metere nescit : spargit aliquando semina fornicationum, aliquando detractio-num, et cæterarum similiter passionum ; et in qua passione viderit animam declinantem, hanc ei ministrat : nam si sciret ad quid proclivis est anima, non ei diversa vel varia seminaret.

36. Narraverunt de abbate Nathyra, qui fuit discipulus abbatis Silvani, quia cum sederet in cella sua in monte Sina, mediocriter gubernavit vitam suam de his quæ erant necessaria corpori (*Append. Pallud.*, c. 20, n. 18). Quando autem factus est episcopus in Pharan, multum coartabat animam suam in duritia continentiae. Et dicit ei discipulus suus : Abba, quando eramus in eremo non te ita cruciabas. Et dicit ei senex : Fili, illic solitudo erat, et quies, et paupertas, propterea volebam gubernare corpus meum, ne infirmarer, et quærerem quod non habebam : nunc autem hic sæculum est, et occasiones sunt excedendi plurimæ ; et si in infirmitatem incurro, sunt hic qui succurrant, ne propositum monachi perdam.

37. Frater interrogavit abbatem Pastorem, dicens : Perturbatio mihi fit, et volo derelinquere locum istum. Et dicit ei senex : Pro qua causa ? Et ille dixit : Quia audio verba de quodam fratre, quæ me

non ædificant. Et dicit ei senex : Non sunt vera quæ audisti? Et dixit ei : Etiam, Pater, vera sunt : nam frater qui dixit mihi, fidelis est. Et respondens dixit : Non est fidelis qui tibi dixit ; nam si esset fidelis, nequaquam diceret tibi talia : Deus autem audiens vocem Sodomorum, non credidit, nisi descenderet et videret oculis suis (*Gen. xviii*). Et ille dixit : Et ego vidi oculis meis. Hæc audiens senex, respexit in terram, et tenuit parvam festucam, et dicit ei : Quid est hoc? Et ille respondit : Festuca est. Iterum intendit senex ad tectum cellæ, et dicit ei : Quid est hoc? Et ille respondit : Trabes est, quæ portat tectum. Et dixit ei senex : Pone in corde tuo quia peccata tua sic sunt sicut trabes hæc ; illius autem fratris de quo loqueris, velut hæc parva festuca. Audiens autem abbas Sisois hunc sermonem, admiratus est, et dixit : In quo te beatum faciam, abbas Pastor? Verumtamen velut pretiosus lapis, ita verba tua gratia et gloria plena sunt.

38. Venerunt aliquando presbyteri regionis illius ad monasteria vicina, in quibus etiam erat et abbas Pastor ; et intravit abbas Anub, et dixit ei : Rogemus presbyteros istos hodie accipere hic in charitate dona Dei. Ille autem stans diu non dedit ei responsum ; abbas vero Anub contristatus exiit. Dixerunt autem abbati Pastori, qui iuxta eum se debant : Quare non dedisti ei responsum? Et dicit eis abbas Pastor : Ego causam non habeo ; jam enim mortuus sum. Mortuus enim non loquitur ; non igitur reputetis me, quia hic vobiscum sum.

39. Abiit quidam frater aliquando de monasterio abbatis Pastoris in peregre (*Ruff., lib. iii, n. 114*), et applicuit ad quemdam solitariu ; erat enim ille habens cum omnibus charitatem, et multi veniebant ad eum. Nuntiavit autem ei frater ille quædam de abbate Pastore : qui audiens virtutem animi ejus, desideravit eum videre. Cum reversus autem fuisset frater ille in Ægypto, post aliquantum tempus surgens supradictus solitarius, venit ut peregrinus in Ægyptum ad eundem fratrem, qui prius applicuerat apud ipsum, dixerat enim ei ubi maneret. Videns autem ille, miratus est et valde gavisus. Dixit autem ei ille solitarius : Ostende charitatem quam habes in me, et duc me ad abbatem Pastorem. Et tollens eum, duxit ad senem, et nuntiavit ei de eo, dicens : Quidam magnus homo, et multam charitatem habens, et honorem plurimum in provincia sua, venit desiderans videre te. Suscepit ergo eum cum gratulatione senex, et salutantes se invicem resederunt. Cœpit autem loqui peregrinus ille frater de Scripturis sanctis, et de rebus spiritualibus atque cœlestibus ; abbas autem Pastor avertit faciem suam, et non dedit ei responsum. Videns autem ille quia non loqueretur ei, contristatus exiit, et dicit fratri illi qui eum adduxerat : In vanum iter istud assumpsi ; veni ad senem, et ecce nec loqui mecum dignatur. Intravit autem frater ad abbatem Pastorem, et dicit ei : Abba, propter te venit magnus hic vir, habens tantam gloriam in loco suo, quare non locutus es cum eo?

A Respondit ei senex : Iste de sursum est, et de cœlestibus loquitur ; ergo autem de deorsum sum, et de terrenis loquor ; si ergo mihi locutus fuisset de passionibus animæ, ego utique responderem ei ; si autem de spiritualibus, ego hæc ignoro. Exiens ergo frater dixit illi : Quia senex non cito de Scripturis loquitur, sed si quis ei loquitur de passionibus animæ, respondet ei. Ille autem compunctus intravit ad senem, et dixit ei : Quid faciam, abba, quia passiones animæ dominantur mei? Et intuens eum senex gaudens, dixit ei : Modo bene venisti ; nunc aperiā os meum de his, et implebo illud bonis. Ille autem valde ædificatus dicebat : Vere hæc est via charitatis. Et gratias agens Deo, quia tam sanctum virum videre meruit, reversus est in regionem suam.

40. Frater interrogavit abbatem Pastorem, dicens : Feci peccatum grande, et volo triennio pœnitere. Dixit autem ei abbas Pastor : Multum est. Et dixit ei frater : Jubes annum unum? Et dixit iterum senex : Multum est. Qui autem præsentēs erant dicebant : Usque ad quadraginta dies? Senex iterum dixit : Multum est. Et adjecit dicens : Ego puto, quia si ex toto corde homo pœnituerit, et non apposuerit facere iterum unde pœnitentiam agat, etiam triduanam pœnitentiam suscipiat Deus.

41. Interrogavit eum abbas Ammon de immundis cogitationibus, quas cor hominis generat ; et de vanis desideriis. Et dixit ei abbas Pastor : Nunquid gloriabitur securis sine eo qui incidit cum ipsa (*Isai. x*)? Et tu ergo non eis porrigas manus, et otiosæ erunt.

42. Interrogavit eundem sermonem abbas Isaias. Dicit abbas Pastor : Sicut capsula plena vestibus, si dimissa fuerit tempore longo, putrefiunt vestes in ea, ita sunt et cogitationes in corde nostro ; si non fecerimus ea corporaliter, tempore longo exterminabuntur et putrescent.

43. Interrogavit abbas Joseph de eadem re ; et dixit abbas Pastor : Sicut quis claudens serpentem vel scorpionem in vase, et obturat eum, procedente tempore omnino moritur ; ita malignæ cogitationes, quæ studio dæmonum pullulant, patientia ejus cui immittuntur paulatim deficient.

44. Interrogavit abbas Joseph abbatem Pastorem, dicens : Quomodo opus est jejunaire (*Ruff., lib. iii, n. 45*)? Et dixit abbas Pastor : Ego volo ut quotidie manducans subinde paululum subtrahat sibi, ne satiatur. Dicit ei abbas Joseph : Ergo quando eras juvenis, non jejunabas biduanas levando? Et dixit ei senex : Crede mihi, quia et triduanas, et hebdomadam ; sed et hæc omnia probaverunt senes magni ; et invenerunt quia bonum est quotidie manducare, per singulos dies parum minus ; et ostenderunt nobis viam hanc regalem, quia levior est et facilis.

45. Dixit abbas Pastor : Non habites in loco ubi vides aliquos habentes adversum te zelum, quia ibi non proficies.

46. Frater venit ad abbatem Pastorem, et dicit ei : Semino agrum meum, et facio ex ipso agapem. Di-

cit ei senex : Bonnum opus facis. Et discessit cum A proposito animi, et adjiciebat ad agapem quam faciebat. Hoc autem audiens abbas Anub, dixit abbati Pastori : Non times Deum, quia sic locutus es fratri illi ? Et tacuit senex. Post duos autem dies misit abbas Pastor ad fratrem illum, et vocavit eum ad se, et dixit ei, audiente abbate Anub : Quid me interrogasti illa die ? quia mens mea alibi erat. Et dixit ei frater : Hoc dixi, quia semino agrum meum, et de hoc quod colligo, ex ipso facio agapem. Et dixit ei abbas Pastor : Putavi quia de fratre tuo illo, qui laicus est, diceres ; si autem tu facis hæc, non est opus monachi. Ille autem contristatus est audiens, et dixit : Aliud opus non facio nec scio, nisi hoc ; et non possum seminare agrum meum ? Cum autem discessisset, cœpit abbas Anub pœnitentiam agere apud ab-

47. Frater quidam interrogavit abbatem Pastorem, dicens : Quid est illud quod scriptum est : Qui irascitur fratri suo sine causa (*Matth. v in Græco*) ? Et ille respondit : Ex omni re qua te gravare voluerit frater tuus, si irasceris adversus eum, donec oculum tuum dexterum ejicias, et a te projicias, sine causa irasceris ei ; si autem aliquis voluerit te separare a Deo, pro hoc irascere.

48. Dixit abbas Pastor : Si peccaverit homo et non C negaverit, dicens, Peccavi ; non increpes eum, quia frangis propositum animi ejus. Si autem dixeris : Non contristeris, frater, sed observa de cætero, excitas animum ejus ad pœnitentiam.

49. Dixit iterum qui supra : Bonum est experimentum. Experimento enim homines probatiores sunt.

50. Item dixit qui supra : Si quis docet aliquid et non facit quod docet, similis est puteo qui omnes ad se venientes satiat et delet sordes, seipsum autem purgare non potest ; sed omnis spurcicia et immunditia in eo est (*Ruff., l. III, n. 183*).

51. Dixit iterum ipse : Est homo qui seipsum agnoscit. Dixit iterum : Quia est homo qui videtur ore tacere, cor autem ejus condemnat alios ; hic ergo D sine cessatione loquitur. Est et alius a mane usque ad vesperam loquens, et taciturnitatem tenet ; hoc autem ideo dixit, quia nunquam sine audientium utilitate locutus est.

52. Iterum dixit : Quia si sunt tres in unum, ex quibus unus bene quiescat, alius infirmetur et gratias agat, tertius vero ministret eis ex sincera voluntate, hi tres similes sunt, velut etiam si unius sint operis.

53. Iterum dixit : Malitia nequaquam expellit malitiam ; sed si quis tibi male facit, tu bene fac ei, ut per bonum opus tuum destruas malitiam ipsius (*Ruff., l. III, n. 79. Pasch., c. 7, n. 3*).

54. Dixit iterum : Qui querulosus est, monachus non est ; qui malum pro malo reddit, monachus non est ; qui iracundus est, monachus non est.

55. Frater venit ad abbatem Pastorem, et dicit ei : Multæ cogitationes veniunt in anima mea, et periclitator in eis. Et ejecit eum senex sub aere nudo, et dicit ei : Expande sinum tuum et apprehende ventum. Et ille respondit : Non possum hoc facere. Et dicit ei senex : Si hoc non potes facere, nec cogitationes prohibere potes ne introeant, sed tuum est eis resistere.

56. Frater quidam interrogavit eum dicens : Dimissa est mihi omnis hæreditas, quid ~~602~~ facio ex ea ? Et dicit ei abbas Pastor : Vade, et post tres dies veni, et dico tibi. Venit autem sicut præfinivit, et dicit ei senex : Quid tibi habeo dicere, frater ? Si dixero, Da eam in ecclesiam, clerici sibi facient convivia ex ea ; si autem dixero, Da eam parentibus tuis, non est tibi merces ; si vero dicam, Da pauperibus, securus eris. Quidquid ergo vis, vade, fac, ego causas non habeo (*Pasch., c. 36, n. 4, nomine Sisois ; Append. Mart., n. 7*).

57. Dixit iterum abbas Pastor : Si venerit tibi cogitatio de rebus corpori necessariis, et delegaveris semel ; et iterum venerit, et delegaveris, quid fiat ? jam tertio si venerit, non intendas ei, otiosa est enim.

58. Frater quidam dixit abbati Pastori : Si video rem aliquam, vis ut dicam illam ? Dicit ei senex : Scriptum est : Qui responderit verbum antequam audiatur, stultitia ei et opprobrium est (*Eccli. xi*). Si ergo interrogatus fueris, dic ; sin alias, tace.

59. Dixit iterum abbas Pastor, quia dixerat abbas Ammon : Est homo qui portat toto tempore vite suæ securim, et non potest dejicere arborem ; est autem alter habens usum incidendi, et in paucis plagis dejicit arborem. Dicebat autem securim discretionem esse.

60. Iterum dixit : Voluntas hominis murus est æreus, et lapis percutiens inter ipsum et Deum. Si ergo reliquerit hæc, dic ei et ipse, quod in psalmo scriptum est : In Deo meo transgrediar murum ; et : Deus meus, impolluta via ejus (*Psal. xvii*). Si enim justitia subvenerit voluntati, laborat homo.

61. Frater interrogavit abbatem Pastorem, dicens : Damnum animæ meæ patior, quod sum cum abbate meo. Quid ergo jubes ? Maneo adhuc apud ipsum ? Et sciebat abbas Pastor, quia Lederetur anima ejus per abbatem suum, et admirabatur quare vel interrogabat eum, si manere deberet cum illo. Et dicit ei : Si vis, esto. Et discedens, mansit apud eum. Venit autem iterum dicens abbati Pastori : Gravo animam meam. Et non dixit ei abbas Pastor : Discede ab eo. Venit tertio, et dixit : Crede mihi, jam non ero cum eo. Et dicit ei senex : Ecce modo salvatus es, vade, et non sis ultra cum eo. Dixit enim abbas Pastor eidem : Homo qui vidit damnum pati animam suam, non opus habet interrogare. Etenim de occultis cogitationibus interrogat quis, ut seniores

probare possint; de manifestis autem peccatis non A est opus interrogare, sed statim abscindere.

62. Interrogavit abbas Abraham, qui erat abbatibus Agathonis discipulus, abbatem Pastorem, dicens: Quare me sic dæmones impugnant? Et dicit ei abbas Pastor: Te impugnant dæmones? Non pugnant nobiscum dæmones, quando voluntates nostras facimus; quia voluntates nostræ dæmones factæ sunt, et hæc sunt quæ tribulant nos ut faciamus eas. Si autem vis scire quales sunt cum quibus dæmones pugnant; cum Moyse et similibus ejus.

63. Dixit abbas Pastor, quia frater quidam interrogaverit abbatem Moysem, dicens: Qualis homo mortificat se? homo a proximo suo? Et respondit ei: Nisi posuerit homo in corde suo quia triennium habet in sepultura, non attingit ad hoc verbum (Ruff., B l. III, n. 102; Pasch., c. 43, n. 2, nomine Silvani; Append. Mart., n. 108).

64. Frater interrogavit abbatem Pastorem, dicens: Quomodo oportet monachum sedere in cella? Et dixit ei senex: Sedere in cella, quantum ad id quod in manifesto est, hoc est, ut faciat opus manuum, et semel comedat, et taceat, et meditetur; occulte enim proficere in cella, hoc est, ut portet unusquisque opprobrium suum in omni loco quocunque perrexerit, et ut ministerii horas custodiat, et de occultis non negligat. Si autem contigerit tempus ut vacet ab opere manuum, intret ad ministerium operis Dei, et id sine aliqua perturbatione consummet. Finis autem horum est ut comitatum simul conversantium bonorum teneas, et revoceris a malorum comitatu.

65. Venerunt aliquando duo fratres ad abbatem Pambo, et interrogavit unus ex eis, dicens: Abba, ego biduo jejuno, et duos paximates manduco; putas salvo animam meam, an seducor? Et alter dixit: Ego colligo de opere manuum mearum duas siliquas diurnas, et parum ex eis retineo ad victum, aliud autem expendo in eleemosynam: putas salvus ero, an seducor? Et cum plurimum rogarent eum, ille non respondebat eis. Post quatuor autem dies cum discessuri essent, rogabant eos clerici, dicentes: Nolite tristari, fratres, Deus vobis præstabit mercedem; sic est enim consuetudo hujus senis, non cito loquitur, nisi Deus ei dederit quod dicat. Intraverunt D ergo ad senem, et dixerunt ei: Abba, ora pro nobis. Et ille dixit eis: Ambulare vultis? Et dixerunt: Etiam. Et intuens eos, in semetipso accipiens opera eorum, scribebat in terram, et dicebat: Pambo biduo jejunat, et duos paximates manducat; putas in hoc est monachus? Non. Iterum dicebat: Et Pambo laborat in die duas siliquas, et dat eas in eleemosynam; putas in hoc est monachus? Necdum. Et paululum reticens, dixit ad eos: Bonum quidem operaris, sed si custodias conscientiam 613 tuam cum proximo tuo, ita salvaberis. In his ergo sic ædificati fratres, cum gaudio discesserunt.

66. Frater quidam interrogavit abbatem Pambo, dicens: Quare me prohibent spiritus quidam facere

bona proximis? Dixit ei senex: Non sic loquaris, alioquin Deum mendacem facies; sed dic magis: Omnino misericordiam facere nolo. Præveniens enim Deus dixit: Dedi vobis potestatem calcandi super scorpiones et serpentes, et super omnem virtutem inimici (Lucæ x), cur ergo tu immundos spiritus non conculcas?

67. Dixit abbas Palladius: Oportet animam secundum Christi voluntatem conversantem, aut discere fideliter quæ nescit, aut docere manifeste quæ novit; si autem utrumque, cum possit, non vult, insanis morbo laborat. Initium enim recedendi a Deo, fastidium doctrinæ est, et cum non appetit illud quod semper anima esurit quæ diligit Deum (Pallad., *epist. ad Lausum, titulo Heraclidis, in edit. B Herpeti*).

68. Frater dixit abbati Sisoi: Quare non recedunt a me passionibus? Et dicit ei senex: Quia vasa earundem passionum intra te sunt; sed da eis pignus suum, et discedent.

69. Venit quidam frater ad abbatem Silvanum in monte Sina, et vidit fratres laborantes, et dixit seni: Nolite operari cibum qui perit (Joan. vi); Maria autem optimam partem elegit (Lucæ x). Et dicit senex discipulo suo: Voca Zachariam, et mitte fratrem istum in cellam, ubi nihil est (Ruff., l. III, n. 55). Et cum facta fuisset hora nona, intendebat ad ostium, si mitterent et vocarent eum ad manducandum; et cum nemo loqueretur ei, surgens venit ad senem, et dicit ei: Abba, hodie fratres non comederunt? Et dixit ei senex: Etiam jam comederunt. Et dicit ei frater: Et quare me non vocasti? Et respondit senex: Tu homo spiritualis es, et non indiges hoc cibo; nos autem carnales sumus et volentes manducare, propterea operamur manibus nostris; tu vero bonam partem elegisti, legens tota die, et nolens sumere cibum carnalem. Qui cum hæc audisset, prostravit se ad pœnitentiam, dicens: Ignosce, mi abba. Et dixit senex: Puto opus habet omnino Maria Martham, per Martham enim Maria laudatur.

70. Dixit sancta Syncletica: Qui sensibiles divitias de labore et periculis maris colligunt, quando multa lucrantur, tunc plura desiderant, et quæ habent, velut nihilum reputant; ad ea vero quæ necdum habent omnem intentionem animi tendunt. Nos autem et eorum quæ quærenda sunt, nihil habemus, et nolumus possidere quæ necessaria sunt propter timorem Dei.

71. Dixit iterum: Est tristitia utilis, et est tristitia quæ corrumpit. Tristitia ergo utilis est, ut pro peccatis ingemiscamus, et pro ignorantia proximorum, et ut non cadamus a proposito, ut perfectionem bonitatis attingamus: hæc sunt species veræ tristitiæ. Est enim et adversarii nostri ad hæc quedam conjunctio. Immittit enim tristitiam sine aliqua ratione, quam tædium appellaverunt. Oportet ergo talem spiritum sæpius orando et psallendo magis deplere.

72. Dixit iterum: Est enim ex immissione diaboli

extensa dura abstinentia, nam et sequaces ejus faciunt hoc; quando ergo discernimus divinam et regalem abstinentiam a tyrannica atque diabolica? Manifestum est quia mediocri tempore conversationis tuæ una regula jejunii sit tibi. Non subito quatuor aut quinque dies continuos jejunas, et iterum multitudine ciborum solvis virtutem? hoc enim lætificat diabolum. Semper enim quod sine mensura est, corruptibile est. Noli ergo subito arma tua expendere, ne nudus inventus in bello facile capiaris; arma vero nostra corpus nostrum est, anima vero nostra miles est. Utrisque ergo diligentiam præsta, ut paratus sis ad id quod necesse est.

73. Venerunt aliquando duo senes de partibus Pelusii ad abbatisam Saram. Et cum ambularent, dicebant ad invicem: Humiliemus vetulam istam. Et dicunt ei: Vide ne extollatur animus tuus, et dicas: Quia ecce solitarii viri veniunt ad me, quæ mulier sum. Et dixit eis abbatisa Sara: Sexu quidem mulier sum, sed non animo.

74. Iterum dixit abbatisa Sara: Si poposcero a Deo ut omnes homines ædificentur in me, invenior ante januas singulorum penitentiam agens; sed magis oro ut cor meum cum omnibus purum sit.

75. Dixit abbas Hyperichius: Ille est vere sapiens, qui factio suo docet alios, non qui verbis.

76. Venit aliquando monachus quidam ab urbe Roma, qui in palatio magnum locum habuit, et habitabat in Scythi in vicinitate ecclesiæ; habebat autem secum unum servum qui ministrabat ei. Videns autem presbyter ecclesiæ infirmitatem ejus, et cognoscens quia de deliciis esset vir ille, id quod ei Dominus donabat, vel quod in ecclesiam intrabat, transmittabat ei. Qui cum fecisset (sic) viginti quinque annis in Scythi, factus est vir contemplator, prævidens et nominatus. Audiens autem quidam de magnis monachis Ægyptiis opinionem ejus, venit videre eum, sperans corporalem conversationem plus apud eum arduam invenire. Qui cum intrasset, salutavit eum; et 604 facientes orationem sederunt. Videns autem Ægyptius vestitum mollibus rebus, et budam de papyro, et pellem stratam sub ipso, et modicum capitale de cartica (36) sub caput ejus, sed et pedes mundos habentem cum caligulis, scandalizatus est intra se de eo, quia in loco illo non erat consuetudo taliter conversandi, sed magis duram abstinentiam habere consueverant. Senex autem ille Romanus habens contemplationem sive prævidentiæ gratiam, intellexit quia scandalizatus est intra se de eo Ægyptius monachus, et dicit ministro suo: Fac nobis hodie propter abbatem qui venit, bonam diem. Et coxit parva olera quæ habebat, et surgentes hora competentis comederunt: habuit etiam et modicum vini propter infirmitatem suam, et illud biberunt. Et cum factum esset vespere, dixerunt duodecim psalmos, et dormierunt; similiter autem et nocte. Surgens autem mane Ægyptius dixit ei: Ora pro me. Etegressus est, non ædificatus in eo. Et cum paululum discessisset, volens eum ille senex Romanus

A sanare, misit post ipsum et revocavit eum. Qui cum venisset, cum gaudio iterum suscepit eum, et interrogavit eum, dicens: Ex qua provincia es? Et ille dixit: Ægyptius sum. Et dixit ei: Cujus civitatis? Et respondit: Ego omnino non fui de civitate, nec habitavi aliquando in civitate. Et dixit ei: Antequam monachus esses, quid operaberis in possessione qua manebas? Et ille respondit: Custos eram agrorum. Et dicit ei: Ubi dormiebas? Respondit: In agro. Et dixit: Habebas aliquid stratus? Et respondit: Ego in agro habui habere stramenta in quibus dormirem? Et dixit: Et quomodo dormiebas? Respondit: In terra nuda. Et dixit: Quid manducabas in agro, aut quale vinum bibebas? Iterum respondit: Quæ sunt escæ aut qualis potus in agro? Et dixit: Quomodo Bergo vivebas? Respondit: Manducabam panem siccum, et si inveniebam quodcunque de salsamentis, et bibebam aquam. Et dixit senex: Grandis labor. Et dixit: Erat ibi vel balneum in possessione, ubi lavareris? Et ille dixit: Non, sed in flumine lavabar, quando volebam. Cum ergo hæc omnia ab eo senex responsione ejus exegisset, et cognovisset modum prioris vitæ ejus atque laboris, volens eum proficere, narravit ei suam vitam præteritam, quam habebat cum esset sæcularis, dicens: Me miserum quem vides, de magna illa civitate Roma sum, habens in palatio maximum locum apud imperatorem. Et cum audisset Ægyptius initia verborum ejus, compunctus est, et sollicitus quæ dicebantur audiebat. Et ille adjecit: Reliqui ergo Romam et veni in solitudinem istam. Et iterum dixit: Me quem vides, habui domos magnas et pecunias multas, et contemnens eas, veni in istam parvam cellam. Iterum dixit: Me quem vides, lectos vestitos ex auro habui, habentes pretiosissima stramenta; et pro his dedit mihi Deus stramentum hoc de papyro et hanc pellem. Sed et vestes meæ inæstimabili pretio dignæ erant, et pro his utor has viles rescellas. Iterum dixit: In prandio meo multum auri expendebatur; et pro illo mihi dedit modica olera hæc et parvulum calicem vini. Erant autem et qui serviebant mihi plurimi servi, et ecce pro illis uni isti Dominus compunxit, ut serviret mihi. Pro balneo autem profundo modico aquæ pedes meos, et caligulis utor propter infirmitatem meam. Et rursus pro calamis et cithara vel alio musico opere, quo delectabar in conviviis meis, dico mihi duodecim psalmos in die, et duodecim in nocte. Sed et pro peccatis meis, quæ ante faciebam, modo cum requie exhibeo parvum et inutile ministerium Deo. Vide ergo te, abba, ut non scandalizeris propter infirmitatem meam. Et hæc audiens Ægyptius atque in semetipsum reversus, dixit: Væ mihi, quia ego de multa tribulatione et plurimo labore sæculi magis ad repausandum in conversationem monachi veni, et quod non habebam tunc, modo habeo; tu autem multa ex delectatione sæculi voluntate propria in tribulationem venisti, et ex multa gloria atque divitiis venisti in humilitatem et paupertatem. Ex quo multum proficiens discessit, et factus est ei

amicus, et sæpe veniebat ad eum suæ utilitatis causa; erat enim vir discernens, et repletus bono odore Spiritus sancti.

77. Dicebat senex : Non necesse est verborum tantum ; sunt enim plurima verba in hominibus tempore hoc, sed opera necessaria sunt ; hoc enim Deus quærit, non verba, quæ non habent fructum.

78. Frater aliquis interrogavit quosdam Patrum : Si polluitur aliquis quando res sordidas cogitat. Et cum de hoc inquisitio fieret apud eos, alii dicebant : Etiam polluitur ; alii dicebant : Non ; quia si polluitur non possumus salvari nos, qui idiotæ sumus ; sed hoc pertinet ad salutem, si ea quæ cogitamus, corporaliter non fecerimus. Ille autem frater qui interrogaverat, non sibi sufficere iudicans variam responsionem Patrum, abiit ad senem probatiorem, et interrogavit eum de hoc. Et respondit ei senex : Secundum mensuram uniuscujusque requiritur ab eo. Rogavit ergo frater ille **605** senem, dicens : Peto propter Dominum, absolve mihi hoc verbum. Et dicit ei senex : Ecce forte jacet hic vas aliquod desiderabile. Et dicit senex : Intraverunt duo fratres, ex quibus unus habebat mensuras magnas exercitativæ vitæ, alter vero parvas. Si ergo cogitatio illius perfecti mota fuerit ad aspectum vasis illius, et dixerit intra se : Volebam habere vas istud, et non permanerit in hoc, sed cito abscederit hujusmodi appetitum, non est pollutus ; si vero qui necdum ad majores mensuras attigit, concupierit vas illud, et exercitatus fuerit cum cogitatione sua desiderio compellente, et tamen non tulerit illud, non est inquinatus.

79. Dixit senex : Si quis manserit in aliquo loco, et non fecerit fructum loci illius, locus ipse expellit eum, utpote quia non fecit fructum loci illius.

80. Dixit senex : Si quis fecerit rem aliquam sequens voluntatem suam, quærens quod non est secundum Deum, si id tamen per ignorantiam fecerit, postea oportet eum reverti ad viam Domini. Qui autem tenet voluntatem suam, non secundum Deum, et neque ab aliis vult audire, sed velut scitum se putat ; qui hujusmodi est, vix perveniet ad viam Domini.

81. Interrogatus est senex : Quid est, quod legitur, Via angusta et arcta (*Matth. vii*) ? Et respondit senex, dicens ei : Angusta et arcta via hæc est, ut cogitationibus suis homo violentiam faciat, et abscedat propter Deum voluntates suas. Hoc est etiam quod scriptum est de apostolis : Ecce nos reliquimus omnia, et secuti sumus te (*Matth. xix*).

82. Dixit senex : Sicut ordo monachorum honoratior est sæcularibus, ita peregrinus monachus speculum debet esse localibus monachis per omnem modum.

83. Dixit quidam Patrum : Si manserit operarius in loco ubi non sunt operarii, non potest proficere ; hæc est enim virtus operarii, certare ut ab opere non minuatur. Nam et piger si manserit cum operario, proficit ; et si non proficit, non tamen descendit inferius.

84. Dixit quidam senex : Quia homo si verbum quidem habeat, opera autem non habeat, assimilatur arbori habenti folia : fructum autem non. Sicut enim arbor fructibus plena etiam foliis viret, ita et sermo consequitur hominem qui habet opera bona.

85. Dixit senex, quia aliquando quidam lapsus in gravi peccato, et compunctus ad poenitentiam, abiit indicare hæc seni cuidam, et non dixit ei quod fecerat, sed quasi interrogavit, dicens : Si alicui ascendant cogitatio talis, habet salutem ? Ille vero, quia nesciebat discretionem, respondit ei : Perdidisti animam tuam. Hoc audiens frater, dixit : Ergo si perii, vado ad sæculum. Pergens autem ille, deliberavit ire et indicare cogitationes suas abbati Silvano, erat enim hic Silvanus magnus discretor. Veniens ergo

ad eum frater, non dixit ei quod fecerat, sed iterum eo modo quo et prius seni illi dixerat ; hoc est, Si ascenderint alicui tales cogitationes, habet salutem ? Aperiens autem abbas Silvanus os suum, cœpit de Scripturis dicere ei : Non omnino iudicium tantum est de cogitationibus quam de peccato. Audiens autem frater, et suscipiens virtutem dictorum in animo, sumpta spe, indicavit etiam ei actum suum. Audiens autem abbas Silvanus quod egerat, tanquam bonus medicus posuit cataplasma animæ ejus de divinis Scripturis assumptum, dicendo esse poenitentiam his qui pro charitate revera convertuntur ad Deum. Post aliquot autem annos contigit abbatem memoratum ad illum senem applicari, qui ei desperationem fecerat, et narravit ei ista, et dixit : Ecce frater ille, qui de responso tuo desperaverat, et ad sæculum redierat, velut stella splendida est in medio fratrum. Hæc autem ideo retuli, ut sciamus quale periculum est quando aliquis sive cogitationis, sive actuum aliquid peccati indicat his qui discretionem nesciunt.

86. Dixit quidam senex : Non quia intrant cogitationes malæ in nobis, condemnamur ex eo, sed si male utimur cogitationibus. Fit enim ut per cogitationes naufragium patiamur, et iterum de cogitationibus coronemur.

87. Dixit aliquis senex : Non des et accipias cum sæcularibus hominibus ; et non habeas notitiam cum muliere, nec habeas fiduciam diu cum puero.

88. Frater quidam interrogavit senem, dicens : Quid faciam, quia multæ cogitationes sollicitant me, et nescio quomodo repugnem eis ? Dixit senex : Non repugnes contra omnes, sed contra unam. Omnes enim cogitationes monachorum unum habent caput ; necessarium ergo est considerare quæ et qualis sit et adversus illam reniti ; ita enim et residuæ cogitationes humiliantur.

89. Adversus cogitationes malas dixit quidam senex : Obsecro, fratres, sicut compressimus actus malos. comprimamus etiam cogitationes.

90. Dixit quidam senex : Qui vult habitare eremum, debet esse doctor, non qui doceri egeat, ne detrimentum sustineat.

606 91. Interrogatus est senex a quodam fratre dicente : Quomodo invenio Deum ? utrum in jejuniis

an in laboribus, vel in vigiliis, aut in misericordia. **A** Et respondit: In his quæ numerasti, et in discretionem. Dico enim tibi quia multi afflixerunt carnem suam, et, quia sine discretionem hoc faciebant, abierunt vacui nihil habentes. Os nostrum de jejuniis fetet, scripturas omnes didicimus: ex corde David consummavimus, et quod Deus requirit non habemus, scilicet humilitatem.

92. Frater interrogavit senem, dicens: Abba, ecce ego rogo seniores et dicunt mihi de salute animæ meæ, et nihil retineo de verbis eorum; quid autem vel rogo eos nihil proficiens? Totus enim sum in immunditia (*Ruff. l. III, n. 178*). Erant autem duo vasa vacua. Et dixit ei senex: Vade, et aufer unum ex vasis istis, et mitte in eo oleum, et accende intus stupam, et refunde oleum, et pone vas in locum suum. Et fecit sic. Et dixit ei: Fac iterum sic. Et cum fecisset hoc sæpius, dixit ei senex: Affer modo utraque vasa, et vide quod eorum mundius sit. Et respondit: Illud ubi oleum misi. Cui senex dixit: Sic est et anima de his quæ interrogat. Quamvis enim nihil retineat eorum quæ audit, tamen plus ipsa mundabitur quam illa quæ omnino nec interrogat quidquam.

93. Frater sedebat in cella sua quiescens, et volebat dæmones seducere eum sub specie angelorum, et excitabant eum ut iret ad collectam, et lumen ostendebant ei: ille autem venit ad quemdam senem, et dixit ei: Abba, veniunt angeli cum lumine, et excitant me ad collectam. Et dicit ei senex: Non audias, eos, filii, quoniam dæmones sunt; et quando veniunt excitare te, dic: Ego quando volo surgo, vos autem non audio. Accipiens autem præceptum senis, reversus est ad cellam suam. Et sequenti nocte iterum dæmones secundum consuetudinem venientes excitabant eum. Ille vero, sicut præceptum sibi fuerat, respondebat eis, dicens: Ego quando volo surgo, vos autem non audio. Et illi dicunt ei: Malus senex ille falsator seduxit te, ad quem venit frater volens mutare pecuniam; et cum haberet, mentitus est ei, dicens se non habere, et non dedit ei; ex hoc ergo cognosce quia falsator est. Surgens ergo frater diluculo venit ad senem, et nuntiavit ei hæc ipsa. Senex vero dixit ei: Verum est quia habebam, et quia venit frater volens mutuare, et non dedi ei, sed sciebam quia si darem ei, damnum animæ ipsius faciebam. Cogitavi ergo unum mandatum præterire, quam prævaricari decem, ex quibus ad tribulationem potuissemus venire pro illo, si a me pecuniam accepisset. Tu autem dæmones, qui te seducere volunt, ne audias. Et multum confortatus de verbis senis, abiit ad cellam suam.

94. Venerunt aliquando tres fratres ad quemdam senem in Scythi, et unus ex his interrogavit eum, dicens: Abba, commendavi Vetus et Novum Testamentum memoriæ. Et respondit senex, et dixit: Replesti verbis aerem. Et secundus interrogavit eum, dicens: Vetus et Novum Testamentum ego scripsi per me ipsum. Dixit autem et huic: Et tu

replesti fenestras de chartis. Et tertius dixit: Mihi in focularem herbæ ascenderunt. Et respondit senex, et dixit: Et tu expulisti a te hospitalitatem.

95. Narraverunt quidam Patrum de quodam senem magno, quia si veniebat aliquis interrogare eum sermonem, ille cum magna fiducia dicebat: Ecce ego suscipio personam Dei, et sedeo in sede iudicii, quid ergo vis ut faciam tibi? Si ergo dixeris mihi, miserere mei; dicit tibi Deus: Si vis ut miserere tui, miserere et tu fratribus tuis, et ego misereor tui. Si autem vis ut ignoscam tibi, ignosce et tu proximo tuo. Nunquid a Deo est causa? Absit; sed in nobis est, si volumus salvari.

96. Dicebant de quodam senem in Cellis quia erat magnus laborator. Cum faceret opus suum, contigit alium quemquam sanctum virum venire ad cellam ejus, et audivit eum de foris litigantem cum cogitationibus, et dicentem: Usquequo propter unum verbum omnia illa amitto? Ille autem foris stans, putabat quia cum aliquo alio litigaret, et pulsavit ut intraret et pacificaret eos; et ingrediens et videns quia nemo alius erat intro, habens etiam fiduciam apud senem, dixit ei: Cum quo litigabas, abba? Ille respondit: Cum cogitationibus meis, quia quatuordecim libros memoriæ commendavi, et unum verbum modicum audivi foris, et cum venissem facere opus Dei, omnia illa perdidit, et hoc solum quod foris audieram venit in memoria mea in hora ministerii mei, et propterea litigabam cum cogitatione mea.

97. Fratres de congregatione venerunt in eremo, et applicuerunt ad quemdam eremitam, et suscepit eos cum gaudio. Et sicut est consuetudo eremitis, videns eos de labore fatigatos, posuit mensam extra horam; et quod habuit in cella apposuit eis, et repausavit eos. Et quando factum est sero, dixerunt duodecim psalmos, similiter et nocte; cum autem senex vigilaret, audivit eos inter se dicentes: Quia solitarii viri plus repausant in eremo quam nos in congregatione. Mane autem cum ambulaturi essent ad alium vicinum ejus, dixit eis: Salutate eum pro me, et dicite ei: Non adagues olera. Ille autem cum hoc audisset, intellexit verbum, et tenuit eos usque sero laborantes jejunos. Cum autem sero factum esset, fecit prolixum opus Dei, et posuit ea quæ habebat, et dixit: Cessemus modice propter vos, quia de labore estis fatigati. Et dixit iterum: Quotidie manducare non solemus, sed propter vos gustemus modicum. Et apposuit eis panem siccum et sal, et dixit: Ecce propter vos festivitatem habemus hodie; et misit parum aceti in salibus illis. Et surgentes cœperunt psallere usque mane. Et dixit: Propter vos non possumus adimplere regulam nostram, ut modice pausetis, quia peregrini estis. Mane autem facto, volebant fugere: ille autem rogabat, eos, dicens: Manete aliquantum temporis nobiscum; sin alias, vel propter mandatum, dies tres secundum consuetudinem eremi facite nobiscum. Illi autem videntes quia non relaxaret eos, fugerunt occulte.

98. Frater interrogavit quemdam Patrem, dicens: Si contigerit gravari in somno, et transierit hora ministerii mei, anima mea præ verecundia non vult implere opus suum. Et dixit senex: Si te contigerit usque mane dormire, quando evigilas, surge, claude ostium et fenestras tuas, et fac opus tuum; scriptum est enim: Tuus est dies, et tua est nox (*Psal. LXXIII*); in omni enim tempore glorificatur Deus.

99. Dicebat aliquis senex: Quia est homo comedens multa et adhuc esuriens; est etiam alter homo qui pauca comedit, et satiatur. Majorem autem habet mercedem ille qui plus comedit, et esuriens manet, ab illo qui parum comedit, et satiatur (*Ruff., l. III, n. 48, Pasch., c. 1, n. 3*).

100. Dixit quidam senex: Si contigerit inter te et alium sermo aliquis tristis, et negaverit ille, dicens: Non dixi sermonem hunc, ne certes cum eo, et dicas: Dixisti, qui exacerbatur, et dicit tibi: Etiam dixi.

101. Frater aliquis interrogavit senem, dicens: Soror mea pauper est, si do ei eleemosynam, non est sicut unus de pauperibus? Et dixit senex: Non. Dixit autem frater: Quare, abba? Et respondit senex: Quia sanguis ipse trahit te modicum.

102. Dixit senex: Quia oportet monachum neque auditorem esse obtrectantium, neque obtrectari, neque scandalizari.

103. Dixit quidam senex: Non omnia quæ dicuntur placeant tibi, neque omni sermone consentias. Tardius crede, et quod verum est, citius dic.

104. Dixit quidam senex: Si ascenderit in corde fratris sedentis in cella verbum, et revolvens frater verbum in animo, non potuerit ad mensuram verbi pertingere, neque tractus fuerit a Deo, assistunt ei daemones, et ostendunt ei de verbo illo quod ipsi volunt.

105. Dicebant quidam senum: Quando congregamur initio ad invicem, et loquebamur aliquid quod utile esset animabus nostris, effliciebamus seorsum et seorsum, et ascendebamus in cælum; nunc autem congregamur, et in obtrectationibus occupamur et unus alterum trahimus in profundum.

106. Dixit alter quidam Patrum: Si quidem interior homo noster sobrie agit, potest etiam exteriorem custodire; si vero non est ita, qua possumus virtute custodiamus linguam.

107. Item qui supra dixit: Opus spirituale necessarium est, quia in hoc venimus. Magnus enim labor est ore dicere quod non fit opere corporali.

108. Alter quidam Patrum dixit: Quia omnino oportet hominem habere intra cellam opus, quod laboret; si autem in opere Dei occupatur, venit ad eum diabolus die inter diem, sed non invenit locum in quo maneat. Si autem rursus dominando ei inimicus in captivitate redegerit eum, venit iterum spiritus Dei frequenter; sed si nos ei non facimus locum propter malitiam nostram, discedit.

109. Descenderunt aliquando monachi de Ægypto in Scythi, ut viderent seniores loci illius. Et cum

vidissent eos extenuatos fame, de nimia abstinencia impatienter comedere, scandalizati sunt in eis. Hoc autem presbyter agnoscens, voluit sanare eos, et ita dimittere, et prædicavit in ecclesia plebi, dicens: Jejunate et extendite abstinenciam vestram, fratres. Volebant autem Ægyptii, qui illic venerant, discedere, et retinuit eos. Cum autem jejunassent primo aporiatum sunt, fecerat enim eos biduo jejunare continuo. In Scythi autem habitantes jejunaverunt hebdomadam; et facta Sabbato, sederunt manducare Ægyptii cum senibus. Turbantibus autem se ad manducandum Ægyptiis, unus de senibus tenuit manus ejus, dicens: Cum disciplina manducate, quomodo monachi. Unus autem ex Ægyptiis repulit manus ejus, dicens: Dimitte me quia morior, tota hebdomada nihil coctum comedi. Et dixit ei senex: Si vos biduo intervallo manducantes ita defecistis, quare in fratribus scandalizati estis, qui semper hebdomadas eo ordine levando abstinenciam servant. Illi autem pœnitentiam coram eis egerunt, et ædificati in abstinencia eorum abierunt cum gaudio.

110. Frater quidam renuntians sæculo, et accipiens habitum monachi, statim reclusit se, dicens: Solitarius volo esse. Audientes autem vicini seniores, venerunt et ejecerunt eum, et fecerunt circuire cellas fratrum, et pœnitentiam coram singulis agere, et dicere: Ignoscite mihi, quia non sum solitarius, sed adhuc initium monachi nuper assumpsi.

111. Dixerunt quidam senes: Si videris juvenem voluntate sua ascendentem in cælum, tene pedem ejus, et projice eum in terram, quia non ita expedit ei.

112. Frater dixit cuidam seni magno: Abba, volebam invenire senem aliquem juxta voluntatem meam, et morari cum ipso. Et dixit ei senex: Bene quæris, domine meus. Ille autem affirmabat hujusmodi esse desiderium suum, non intelligens quod locutus est senex ille. Sed cum videret eum senem æstimantem quod bene sentiret, dixit ei: Ergo si invenis senem secundum voluntatem tuam vis manere cum eo? Et ille dixit: Etiam omnino hoc volo, si invenero secundum voluntatem meam. Dixit ergo ei senex: Non ut tu sequaris voluntatem senis illius, sed ut ille tuam voluntatem sequatur, et ita in eo repaues. Sensit autem frater ille quod dicebat, et surgens prostravit se ad pœnitentiam, dicens: Ignosce mihi, quia valde gloriabar, æstimans me bene dicere, cum nihil tenerem boni.

113. Duo fratres carnales renuntiaverunt sæculo, quorum unus, qui ætate minor erat, primus cœperat conversari; et cum venisset apud eos quidam Patrum et applicuisset apud eos, posuerunt pelvim. Et venit qui minor erat ætate ut lavaret pedes seni, senex autem tenens manum ejus removit eum, et eum qui major ætate fuerat, fecit implere opus, quod primi in monasterio facere consueverant. Dixerunt autem ei astantes fratres: Abba, ille minor in conversatione primus est. Respondit eis senex: Et tollo primum minoris, et trado ei qui ætate præcedit.

114. Dixit quidam senex : Prophetae conscripserunt libros ; patres autem nostri venerunt post eos, et operati sunt in eis plurima, et iterum successores illorum commendaverunt eos memoriae. Venit autem generatio haec quae nunc est, et scripsit ea in chartis atque membranis, et reposuit in fenestris otiosa.

115. Dicebat senex : Quia cucullum, quo utimur signum est innocentiae ; superhumerales quo humeros et cervicem alligamus, signum est crucis ; zona vero qua cingimur, signum est fortitudinis. Conversemur ergo juxta id quod habitus noster significat, quia omnia cum desiderio facientes, nunquam deficiemus.

LIBELLUS UNDECIMUS.

De eo quod oporteat sobrie vivere.

1. Frater interrogavit abbatem Arsenium, ut audiret ab eo sermonem. Dixit autem ei senex : Quaecumque tibi virtus est, conare ut interius opus tuum secundum Deum sit, et vincat exterioris hominis passiones. Dixit iterum : Si quaerimus Deum, apparebit nobis ; et si tenemus eum, manebit apud nos.

2. Dixit abbas Agathon : Non debet monachus permittere conscientiae suae ut accuset eum in quacunque re (*Ruff., l. III, num. 161*). Quando autem moriturus erat memoratus abbas Agatho, tres dies mansit immobilis, apertos oculos tenens. Pulsaverunt autem eum fratres, dicentes : Abba, ubi es ? Et ille respondit : In conspectu divini iudicii assisto. Dicunt ei : Et tu times ? Et ille dixit : Interim laboravi virtute qua potui, in custodiendis mandatis Dei ; sed homo sum, et nescio utrum placuerint opera mea coram Deo. Dicunt ei fratres : Et non confidis de operibus tuis, quia secundum Deum sint ? Et dixit senex : Non praesumo, nisi venero ante Deum ; aliter enim sunt iudicia Dei, aliter hominum. Cum autem vellent eum adhuc interrogare alium sermonem, dicit eis : Ostendite charitatem, et nolite mecum loqui, quia occupatus sum. Quo dicto, statim emisit spiritum cum gaudio. Videbant enim eum colligentem spiritum, quemadmodum si quis salutat amicos suos dilectos. Habuit autem custodiam magnam in omnibus, et dicebat : Quia sine custodia ad nullam virtutem ascendit homo.

3. Dicebant de abbate Ammoys, quia quando ibat ad ecclesiam, non permittebat discipulum suum juxta se ambulare, sed de longe sequi ; sed et si appropinquasset se ad eum, ut interrogaret eum de quacunque re, mox dicebat ei, et statim repellebat eum retro, dicens : Ne forte cum loquimur aliquid de utilitate animae, incurrat etiam sermo qui non pertinet ad rem, propterea non te permitto morari juxta me.

4. Dicebat abbas Ammoys abbati Arsenio in initio : Quomodo me vides modo ? Et ille dixit : Sicut angelum, Pater. Et iterum dixit ei postea : Nunc quomodo me vides ? Et ille dixit : Quomodo Satanam, etenim vel si bonum sermonem loquaris, velut gladius mihi est.

5. Dixit abbas Allois : Nisi dixerit homo in corde suo, Ego solus et Deus sumus in hoc mundo, requiem non habebit (*Append. Matth., n. 71*).

6. Dixit iterum : Quia si vult homo, in una die usque ad vesperam pervenit ad mensuram divinitatis.

7. Abbas Besarion moriens dicebat : Debet monachus totus oculus esse, sicut Cherubim et Seraphim.

8. Iter agebant aliquando simul abbas Daniel et abbas Ammoys ; dixit autem abbas Ammoys ; Putas aliquando et nos sedebimus in cella, Pater ? Dixit ei abbas Daniel : Quis enim aufert a nobis Deum ? nam et foris Deus est modo, et iterum in cella Deus est.

9. Dixit abbas Evagrius : Magnum est quidem, sine impedimento orare ; majus est, psallere sine impedimento.

10. Idem dixit : Memor esto semper exitus tui, et non obliviscaris aeterni iudicii, et non erit delictum in anima tua.

11. Dixit abbas Theodorus de Ennato (37) : Quia si nobis imputat Deus negligentias temporis quo oramus, et captivitates quas patimur dum psallimus, non possumus salvi fieri.

12. Dixit abbas Theonas : Quia impeditur mens nostra et revocatur a contemplatione Dei propterea captivi ducimur in carnalibus passionibus.

13. Venerunt aliquando quidam fratrum tentare Joannem Brevem, quia non dimittebat mentem suam diffundi in cogitationibus saeculi, neque loquebatur causam hujus mundi, et dicunt ei : Gratias agimus Deo, quia multum pluit isto anno, et rigatae competenter arbores palmarum bene incipiunt producere ramos, et invenient unde laborent fratres, qui solent in manuum operibus occupari. Dicit ergo eis abbas Joannes : Sic est quando Spiritus sanctus descendit in corda sanctorum : virescunt quodammodo et innovantur, et proferunt folia in timore Dei.

14. Dicebat iterum de abbate Joanne, quia fecerit aliquando plectas ad duas sportas, et expenderit eas in una sporta, et non intellexit donec jungeret parieti. Erat enim mens ejus occupata in contemplatione Dei.

15. Senex quidam erat in Scythi, habens quidem tolerantiam corporalem, sed non valde scrupulosus erat in retinendis quae audierat. Abiit ergo iste ad abbatem Joannem Brevem, ut interrogaret eum de oblivione ; et audiens ab eo sermonem, rediit in cellam suam, et oblitus est quod dixit abbas Joannes. Iterum abiit et interrogavit eum ; audiens autem ab eo, similiter reversus est : mox autem ut pervenit ad cellam suam, oblitus est quod audivit, atque ita multoties vadens atque revertens, dominabatur ei oblivio. Post haec vero rursus occurrens seni, dixit : Nosti, abba, quia oblitus sum rursus quod dixisti mihi ? sed ne tibi molestus essem, ideo non veni. Dixit ei abbas Jonnes : Vade, incende lucernam. Et incendit. Et dixit ei : Affer alias lucernas,

et incende ex ea. Et fecit sic. Et dixit abbas Joannes seni : Ne aliquid læsa est lucerna, quia ex ea alias incendisti ? Et dixit : Non. Ita nec Joannes læditur, si tota Scythia veniat ad me, nec impedit me a charitate Dei ; quando igitur vis, veni nihil hæsitans. Et ita per patientiam utrorumque, abstulit Deus oblivionem a senes ; hoc enim erat opus habitantium in Scythi, ut animarent eos qui impugnabantur a quacunque passione, et extorquebant sibi laborem, unde invicem lucrarentur bono.

16. Interrogavit frater abbatem Joannem, dicens : Quid facio, quia frequenter venit quidam frater, ut tollat me secum ad opus quod laborat, et ego miser sum infirmus, et deficio in tali re ; quid ergo de mandato Dei faciam ? Respondens senex dixit ei : Caleph filius Jephone dixit Jesu filio Nave (*Josue* iv) : B Quadraginta annorum eram quando misit me Moyses servus Domini tecum ad terram istam ; et nunc octoginta annorum sum ; et quemadmodum tunc eram fortis, ita et nunc valeo intrare et exire ad bellum. Itaque et tu, si potes, ut sicut ingrederis, ita egrediaris, vade ; si autem non potes id facere, sede in cella tua plorans peccata tua. Et si invenerint te lugentem, non te compellent exire.

17. Dixit abbas Isidorus, qui erat presbyter in Scythi : Ego quando eram juvenis et sedebam in cella mea, non habebam numerum psalmodiarum quos dicebam in ministerio Dei : nox enim mihi et dies in hoc expendebatur.

18. Narravit abbas Cassianus de quodam senes in C eremo sedente quia rogaverit Deum ut donaret ei ne dormitaret aliquando, cum spirituales res faceret ; si autem detractionis aut odii verba essent, statim in somno corrueret, ut non hujusmodi venenum aures ejus exciperent. Hic dicebat diabolus studiosum esse ut moveret homines in verba otiosa, impugnatorem etiam totius doctrinæ spiritualis. Ad quam rem hoc utebatur exemplo : Loquente me aliquando de utilitate animarum ad quosdam fratres, in tantum somno profundo occupati sunt, ut nec palpebras oculorum movere possent : ego autem volens ostendere opus dæmoniacum esse, otiosarum rerum verba introduxi ; ad quod illi gaudentes, statim somno relictati sunt. Ego autem ingemiscens dixi : Usque nunc 610 de celestibus rebus loquebamur, et omnium vestrum oculi somno gravissimo tenebantur ; quando autem sermo otiosus inventus est, omnes prompti audire cœpistis. Propter quod rogo, charissimi fratres, cognoscentes maligni dæmonis opus esse, attendite vobismetipsis, custodientes vos a somno quando aliquid spirituale vel facitis vel auditis.

19. Abiit aliquando abbas Pastor cum esset juvenis ad quemdam senem, ut interrogaret eum tres sermones. Cum autem pervenisset ad senem, oblitus est unum ex tribus sermonibus, et reversus est ad cellam suam. Et cum tetendisset manum, ut teneret clavem, recordatus est sermonis illius quem ante fuerat oblitus ; et sustulit manum a clavi, et

reversus est ad senem ; senex autem dixit ei : Accerasti venire, frater. Et ille narravit ei quia cum tetendisset manum tenere clavem, recordatus sum sermonis quem quærebam, et non aperui cellam, sed mox ad te sum reversus. Erat autem longitudo viæ multa nimis. Dicebat autem ei senex : Vere gregum Pastor ; nominabitur enim nomen tuum in tota terra Ægypti.

20. Venit abbas Ammon ad abbatem Pastorem, et dicit ei : Si vado ad cellam vicini, aut si ille ad me venerit pro aliqua re, veremur invicem, ne incurrat aliqua incompetens fabula, et aliena a proposito monachi. Et dixit ei senex : Bene facis ; necessariam enim habet juvenis custodiam. Dicit ei abbas Ammon : Senes ergo quid faciebant ? Et dixit ei : Jam senes proficientes, atque firmati, non habebant in se aliud quid aut peregrinum in ore suo, ut id loquerentur. Et ille dixit : Si ergo fit necessitas cum vicino loquendi, videtur tibi ut de Scripturis cum eo loquar, aut de verbis et sententiis seniorum ? Et dicit ei senex : Si non potes tacere, bonum est magis ut de verbis seniorum loquaris, quam de Scripturis. Periculum est enim non parvum.

21. Interrogatus est abbas Pastor de inquinamentis, et respondit : Quia si stabilimus activam vitam nostram timore Dei et sobrietate, non invenimus in nobis inquinamenta.

22. Dicebant de abbate Pastore, quia cum exiturus erat ad opus Dei faciendum, sedebat primus eorum discernens cogitationes suas jugiter una hora, et sic egrediebatur.

23. Dixit abbas Pastor, quia interrogavit quidam abbatem Pasionem, dicens : Quid facio animæ meæ, quia insensibilis facta est, et non timet Deum ? Et dixit ei : Vade, et jungere homini timenti Deum ; et cum illi inhæseris, doceberis et tu timere Deum.

24. Dixit iterum : Quia principium et finis timor Domini ; sic enim scriptum est : Initium sapientiæ timor Domini (*Psal.* cx). Et iterum, quando Abraham perfecit altare dixit ei Dominus : Nunc scio quoniam timeas Deum (*Gen.* ii).

25. Dixit iterum : Discede ab omni homine qui in colloquutione incessanter contentiosus est.

26. Dixit iterum (*Append. Mart., n. 25*) : Interrogavi aliquando abbatem Petrum, discipulum abbatis Lot, dicens : Quando sum in cella, in pace est anima mea ; cum autem venerit frater aliquis ad me, et retulerit mihi verba eorum quæ foris sunt, turbatur anima mea. Et dixit mihi abbas Petrus, quia dicebat abbas Lot : Clavis tua aperuit ostium meum. Et ego dixi ei : Quod est verbum hoc ? Et dixit : Si quis venit ad te, et interrogas eum. Quomodo habes, unde venis, qualiter agitur circa illos vel illos fratres, susceperunt te an non : tunc aperis januam oris fratri tuo, et audis quæ non vis. Et ego dixi ei : Ita est. Sed quid faciat homo, cum venerit frater ad eum ? Et dixit ei senex : In luctu omnino doctrina est ; ubi autem luctus non est, impossibile est custodire mentem. Et dixit ei : Quando in cella sum

mecum est luctus : cum autem aliquis ad me venerit, aut cum egredior de cella, non invenio luctum. Et dixit ei senex : Necdum tibi subjectus est, sed velut ad usum pro tempore adhibetur. Et dixit ei : Quis est hic sermo ? Et dixit mihi : Si laborat homo pro re aliqua secundum virtutem, quacunque hora quaesierit eam ad utilitatem suam, invenit eam.

27. Frater interrogavit abbatem Sisoï, dicens : Desidero custodire cor meum. Dicit ei senex : Et quomodo possumus custodire cor nostrum, si lingua nostra januam apertam habuerit ?

28. Sedente aliquando abbate Silvano in monte Sina, discipulus ejus volens abire ad quoddam ministerium suum, dixit seni : Dimitte aquam, et riga hortum. Ille autem exiens ad dimittendam aquam tegebat faciem suam de cucullo suo, tantum ad pedes suos intendens. Contigit autem ut ipsa hora quidam superveniret ad eum, et videns eum a longe, consideravit quid fecisset. Et cum pervenisset ad eum, dixit ei : Dic mihi, abba, ut quid tegebas de cucullo faciem tuam, et sic adaquabas hortum ? Et dixit ei senex : Ne viderent oculi mei arbores, et occuparetur mens mea ab opere suo in consideratione earum.

29. Interrogavit abbas Moyses abbatem Silvanum, dicens : Potest homo per omnem diem initium facere conversationis ? Respondit ei abbas Silvanus : Si est homo operarius, potest per idem et per horam inchoare initium conversationis suae (*Ruff.*, l. III, n. 175).

30. Interrogaverunt quidam aliquando abbatem Silvanum, dicentes : In quali conversatione operatus es, ut acciperes prudentiam istam ? Et ille respondens, dixit : Nunquam permisi in corde meo cogitationem morari, quæ exacerbabat.

31. Dixit abbas Serapion : Quia sicut milites imperatoris cum ante ipsum stant, non debent dextera aut sinistra respicere ; ita et monachus cum stat in conspectu Dei, et intentus est omni hora in timore ejus, nihil est quod eum de adversarii malis terrere possit.

32. Dixit sancta Syncletica : Sobrie vivamus, quia per sensus corporis nostri, vel si non velimus, fures ingrediuntur ; quomodo enim potest non fuscari domus, si fumus exterius ascendens fenestras apertas invenerit ?

33. Dixit iterum quæ supra : Oportet nos adversam dæmones undique armatos existere, quoniam et exterius ingrediuntur, et de intro moventur, siquidem et anima nostra id patitur. Sicut enim navis, quæ aliquando exterius fluctuum mole opprimitur, aliquando vero interius crescente sentina demergitur ; sic et nos aliquando operum exterius commissorum iniquitate damnamur, aliquando vero interius nequitia cogitationum addicimur ; et ideo oportet non solum exterius spirituum immundorum impetus observare, verum etiam interiorum cogitationum immunditiam exhaerere.

34. Dixit iterum : Non habemus in hoc sæculo

A securitatem ; etenim Apostolo dicente, Qui stat, videat ne cadat (*I Cor.* x) ; in incerto siquidem navigamus ; quia sicut Psalmista dicit : Velut mare est vita nostra (*Psal.* ciii). Sed tamen sunt loca in mari, quædam vero periculis plena, quædam autem et tranquilla ; nos enim in tranquilla parte maris navigare videmur, sæculares vero homines in locis periculosis (*Ruff.*, l. III, n. 123). Et iterum nos in die navigamus, sole justitiæ nobis præbente ducatum, illi autem in nocte ignorantiae deportantur. Sed tamen plerumque contingit ut sæculares illi in tempestate et in obscuro navigantes, pro metu periculi ad Deum clamando et vigilando salvent navim suam, nos autem in tranquillitate neglecti ipso demergimur, dum gubernacula justitiæ derelinquimus.

B 35. Dixit abbas Hyperichius : Cogitatio tua semper sit in regno cælorum, et cito in hæreditatem accipies illud.

36. Dixit iterum : Vita monachi juxta imitationem angelorum fiat, comburens atque consumens peccata.

37. Dixit abbas Orsisius : Puto, quia nisi homo custodierit cor suum, omnia quæ audit et videt obliviscetur et negliget. Denique sic inimicus inveniens in eo locum, supplantat eum ; sicut erim lucerna oleo et lychino (38) præparata lucet, si autem per negligentiam non acceperit oleum, paulatim extinguitur, atque ita invalescunt tenebræ adversus eam ; sed et mus veniens ad eam, volensque myxum (39) ejus comedere priusquam perfecte extinguitur, non potest propter calorem ignis ; si autem viderit quod nec lumen habet, nec calorem jam retinet ignis, tunc volens trahere myxum ejus, dejicit etiam ipsam lucernam in terram : quæ si testea fuerit, minutatur, si ærea, a domino suo reparatur. Ita etiam si neglexerit anima, paulatim recedit ab ea Spiritus sanctus, donec perfecte extinguatur calor ejus ; atque ita inimicus consumit et devorat propositum animæ illius, sed et corpus nequitiae exterminat. Si autem quis per affectum quem habet in Deo, bonus fuerit, simpliciter autem ad negligentiam raptus fuerit, Deus, qui misericors est, excitat in eo mentem suam, et memoriam pœnarum, quæ in futuro sæculo peccatoribus præparantur, et curat ut sobrius sit, et custodiat se de cætero cum magna cautela, usque ad tempus visitationis suæ.

38. Venit quidam senex ad alium senem ; et cum loquerentur, unus ex eis dicit : Ego mortuus sum huic sæculo (*Ruff.*, l. II, n. 116 ; *Pasch.*, c. 12, n. 5). Alter vero dixit ei : Ne confidas in temetipso, donec exeat de corpore isto ; nam si dicis de te quia mortuus es, Satanas autem mortuus non est.

39. Dixit quidam senex : Debet monachus quotidie mane, et sero cogitare in semetipso, quid fecit eorum quæ vult Deus, et quæ non fecit. Et ita tractantem omnem vitam suam pœnitentiam agendo monachum esse oportet ; sic enim abbas Arsenius vixit.

40. Dixit senex : Quia si quis aurum vel argentum A perdidit, potest reinvenire pro eo quod perdidit.

41. Dixit senex : Sicut miles et venator profici-
scentes ad propositum sibi laborein, non cogitant
utrum vulneretur aliquis, an illæsus maneat alter ;
sed unusquisque pro se solo certat : ita oportet et
monachum esse.

42. Dixit senex : Sicut nemo potest lædere
eum qui ad latum imperatoris est, ita neque Satanæ
potest aliquid nos nocere, si anima nostra inhæscit
Deo : scriptum est enim : Appropinquate mihi et ap-
propinquabo vobis (*Zach.*, 1) ; sed quia frequenter
extollimur, facile rapit inimicus miseram animam
nostram in ignominia passionis.

43. Frater dixit cuidam seni : Nihil pugnae video
in corde meo. Et dixit ei senex : Tu sic es velut
quadrigemina porta, ut quicumque voluerit intret
unde voluerit in te, et unde voluerit exeat, et tu non
intelligis quæ aguntur. Nam si haberes januam et
clauderes eam, nec permitteres intrare per eam
cogitationes malas, tunc videres stantes foris, et
pugnantes adversum te.

44. Dicebant de quodam sene quia quando ei co-
gitationes suæ dicebant : Dimitte hodie, jam cra-
stino pœnitebis ; contradicebat eis ille dicens : Non,
sed hodie pœnitentiam ago ; crastino autem fiat vo-
luntas Domini (*Ruff.*, t. III, n. 165).

45. Dixit senex : Nisi exterior noster homo se
sobrie gesserit, impossibile est custodire interiorem.

46. Dicebat senex : Quia tres virtutes Satanæ, quæ
præcedunt universa peccata : prima oblivionis, se-
cunda negligentia, tertia concupiscentia. Etenim si
oblivio venerit, generat negligentiam ; de negligentia
vero concupiscentia nascitur ; de concupiscentia
vero corrumpitur homo. Si enim ita est sobria mens, ut
oblivionem respuat, ad negligentiam non venit ; et
si non neglexerit concupiscentiam non recipit ; si vero
concupiscentiam non recipit, nunquam cadet opul-
tante Christi gratia.

47. Dixit quidam senex : Taciturnitati operam da,
et nihil vanum cogites, et intende meditationi tuæ
sive quiescens vel surgens cum timore Dei. Et hæc
faciens, malignorum impetus non timebis.

48. Dixit senex cuidam fratri : Diabolus est ini-
micus, et tu domus. Inimicus ergo non cessat jac-
tare super te quidquid sordidum invenerit, effun-
dens in te universas immunditias. Tuum est autem,
non negligere ut projicias foris quæ ille jactaverit :
nam si neglexeris, replebitur tibi domus sordibus, et
nequaquam valebis intrare in eam, sed ab initio,
quæ ille jactaverit, tu ejice paulatim, et manebit
domus tua munda per gratiam Christi.

49. Dixit quidam senem : Quando cooperiuntur
oculi animalis, tunc circuit ad molendinum : sin au-
tem discoopertos habuerit oculos, non ambulat in
circuitu molæ : sic enim et diabolus, si occurrerit
cooperire oculos hominis, in omne peccatum humiliat
eum ; quod si non fuerint clausi oculi ejus, facilius
potest effugere ab eo.

50. Dicebant senes : Quia in monte abbatis Anto-
nii sedebant septem monachi tempore dactylorum, et
unus ex eis abigebat ab eis volucres : erat autem ibi
senex, qui in die qua eum dactylos custodire con-
tingebat, clamabat, dicens : Discedite ab intro, malæ
cogitationes, et de foris aves.

51. Frater quidam in cellis infundebat palmulas
suas ; et cum sedisset facere plectas, dicit ei cogita-
tio sua, ut iret ad quemdam senem visitare eum. Et
iterum cogitans in semetipso, dicebat : Post paucos
dies vadam. Et rursus dicebat ei cogitatus suus :
Si inter hæc moriatur, quid facies ? Sed vadam modo
ut loquar ei, propter æstivum tempus. Et iterum
dixit intra se : Sed non est modo tempus. Iterum
autem cogitavit, dicens : Sed cum incideris scirpum
ad mattas fit tempus. Et rursus dixit : Extendo pal-
mulas istas et tunc vado. Rursus dixit in semetipso :
Sed hodie bonum aerem facit. Et surgens reliquit
palmas infusas, et tollens melotem suam, ibat. Erat
autem senex quidam vicinus ei, vir prævidens ; qui
cum vidisset cum impetu ambulantem clamavit, di-
cens : Captive, captive, ubi curris : veni huc ad me.
Qui cum venisset, dixit ei senex : Revertere in cel-
lam tuam. Ille autem frater narravit ei fluctus quos
pertulerat in cogitationibus suis, et ita reversus est
ad cellam suam. Et cum ingressus fuisset in eam,
prostravit se, et pœnitentiam egit. Hoc autem facto,
voce magna subito dæmones clamaverunt, dicentes :
Vicisti nos, monache, vicisti nos. Et facta est matta
ejus supra quam jacebat, velut ab igne ustulata ; dæ-
mones autem velut fumus exterminati sunt, sicque
frater ille didicit versutias eorum.

52. Dicebant de quodam sene quia moriebatur in
Scythi, et circumdederunt fratres lectum ejus, et
vestierunt eum, et cœperunt flere ; ille autem ape-
ruit oculos suos et risit, et adjecit iterum ridere
(*Ruff.*, t. III, n. 159). Hoc autem factum est tertio.
Quod cum viderent fratres, rogaverunt eum, dicen-
tes : Dic nobis, abba, quare nobis flentibus tu ridet ?
Et dixit eis : Primo risi, quia vos timetis mortem ;
secundo risi, quia non estis parati ; tertio autem risi,
quia ex labore ad requiem vado, et vos ploratis. Hoc
cum dixisset, statim utpote moriens clausit oculos.

53. Venit aliquando frater manens in cella ad unum
de Patribus, et dixit ei, quia a cogitatione sua affli-
geretur. Et dixit ei senex : 613 Tu projecisti in
terra ferramentum magnum, quod est timor Dei, et
accepisti in manu tenere arundineam virgam, hoc
est cogitationes malas. Accipe ergo magis tibi ignem,
qui est timor Dei. Et quando approximabit tibi cogi-
tatio mala, velut calamus igne timoris Dei combure-
tur ; neque enim prævalet malitia adversus eos qui
habent timorem Dei.

54. Dixit quidam Patrum : Nisi prius odio habue-
ris, non potes diligere. Nisi ergo oderis peccatum,
non facies justitiam, sicut scriptum est : Declina a
malo, et fac bonum (*Psal.* xxxvi). Verumtamen in
omnibus his propositum animi ubique requiritur.
Adam enim in paradiso consistens, prævaricatus est

mandatum Dei : Job autem in stercore sedens, custodi- A loquerentur sibi ad invicem, increpans eos dixit : Tacete, fratres; ego enim scio unum fratrem manducantem vobiscum, et oratio ejus ascendit in conspectu Dei velut ignis.

LIBELLUS DUODECIMUS.

De eo quod sine intermissione et sobrie debet orari.

1. Dicebant de abbate Arsenio, quia vespere Sabbati lucescente Dominica, relinquebat post se solem, et extendebat manus suas ad cælum orans, donec mane die Dominico illustraret ascendens sol faciem ejus, et sic residebat (*Ruff.*, l. III, num. 21).

2. Interrogaverunt fratres abbatem Agathonem, dicentes : Pater, quæ virtus in conversatione plus habet laboris? Et dixit eis : Ignoscite mihi, quia puto non esse alium laborem talem, qualem orare Deum ; dum enim voluerit homo orare Deum suum, B semper inimici dæmones festinant interrompere orationem ejus, scientes quia ex nulla re impediuntur, nisi per orationem fusam ad Deum. Siquidem omnem alium laborem, quem homo in religiosa conversatione positus assumpsit, quamvis instanter et tolerantanter agat, habet tamen et possidet aliquam requiem : oratio autem usque ad ultimam exhalationem opus est, ut habeat laborem magni certaminis.

3. Narravit abbas Dulas, qui fuit discipulus abbatis Besarionis, dicens : Veni aliquando in cellam abbatis mei, et inveni eum stantem ad orationem : et manus ejus erant extensæ in cælum. Permansit autem hoc faciens jugiter per quatuordecim dies. Et post hæc vocavit me, et dixit : Sequere me. Et exeuntes perreximus in eremo ; cum sitirem dixi ei : Abba, sitio. Ille autem melotem tollens discessit a me, quantum jactus est lapidis, et facta oratione attulit eam plenam aqua. Et abivimus in civitatem Lyco, et venimus ad abbatem Joannem ; et salutantes eum, fecimus orationem. Deinde sedentes cæperunt loqui de visione quam viderant. Dixit abbas Besarion : Quia exivit præceptum a Domino ut destruantur templa. Et factum est sic ; et destructa sunt.

4. Dixit abbas Evagrius : Si deficiis animo, ora. Ora autem cum timore, et tremore, et labore, sobrie et vigilantiter. Ita oportet orare, maxime propter malignos et ad nequitias vacantes invisibiles inimicos nostros, qui nos in hoc præcipue impedire nituntur.

5. Dixit iterum : Quando cogitatio contraria in corde venerit, noli alia pro aliis per orationem quærere, sed adversus eum qui te impugnat, gladium lacrymarum exacue.

6. Mandatum est sanctæ memoriæ Epiphaniæ episcopo Cyprio, ab abbate monasterii sui, quod habuit in Palæstina : Quia orationibus tuis non negleximus regulam, sed cum sollicitudine tertiam, sextam, nonam atque vesperam celebramus. Ille autem reprehendens eum, mandavit ei : Constat vos vacare ab oratione cæteris horis ; eum autem qui verus est monachus, oportet sine intermissione orare, aut certe psallere in corde suo.

7. Dixit abbas Isaias : Quia presbyter Pelusii cum faceret agapem, et fratres in ecclesia comederent et

loquerentur sibi ad invicem, increpans eos dixit : Tacete, fratres; ego enim scio unum fratrem manducantem vobiscum, et oratio ejus ascendit in conspectu Dei velut ignis.

8. Venit abbas Lot ad abbatem Joseph, et dixit ei : Abba, secundum virtutem meam, facio modicam regulam, et parvum jejunium, et orationem, et meditationem, et quietem, et secundum virtutem meam studeo purgare cogitationes meas; quid ergo debeo de cætero facere? Surgens ergo senex, expandit manus suas in cælum, et facti sunt digiti ejus velut decem lampades ignis, et dixit ei : Si vis, efficeretotus sicut ignis.

9. Venerunt aliquando ad abbatem Lucium in Ennato monachi quidam, qui dicebantur Euchitæ B (40), hoc est orantes ; et interrogavit eos senex, dicens : Quod est opus manuum vestrarum (*Ruff.*, l. II, n. 212)? Et illi dixerunt : Nos non contingimus aliquod opus manuum, sed sicut dicit Apostolus (*I Thess.* v), sine intermissione oramus. Dicit eis senex : Et non manducatis? Illi autem dixerunt : Etiam manducamus. Et dicit eis senex : Quando ergo comeditis, quis pro vobis orat? Et iterum interrogavit eos, dicens : Non dormitis? **¶ 4** Et illi dixerunt : Dormimus. Et dixit senex : Et cum dormitis, quis pro vobis orat? Et non invenerunt quid ad hæc responderent ei. Et dixit eis : Ignoscite mihi, fratres, quia ecce non facitis sicut dixistis : ego autem ostendam vobis, quia operans manibus meis, sine intermissione oro. Sedeo enim juvante Deo, infundens C mihi paucas palmulas, et facio ex eis plectam, et dico : Miserere mei, Deus, secundum magnam misericordiam tuam, et secundum multitudinem miserationum tuarum dele iniquitatem meam (*Psal.* l). Et dixit eis : Oratio est, an non? Et dixerunt ei : Etiam. Et ille dixit : Quando permansero tota die laborans et orans corde vel ore, facio plus minus sedecim nummos, et pono ex eis ad ostium duos, et residuos manduco. Qui acceperit illos duos denarios, orat pro me tempore quo ego manduco vel dormio ; atque ita per gratiam Dei impletur a me quod scriptum est : Sine intermissione orate (*I Thess.* v).

10. Interrogaverunt quidam abbatem Macarium, dicentes : Quomodo debemus orare (*Ruff.*, l. III, n. 207)? Et dixit eis senex : Non opus est multum loqui in oratione, sed extendere manus frequenter, et dicere : Domine, sicut vis et scis, miserere mei. Si autem instat bellum in animo, dicere : Adjuva me. Et quia ipse scit quæ expediant, facit misericordiam nobiscum.

11. Dicebant de abbate Sisoi, quia nisi cito deponeret manus suas quando stabat adorationem, replebatur mens ejus in superioribus. Si ergo contingebat cum eo aliquem fratrem orare, festinabat cito deponere, ne raperetur mens ejus et moraretur.

12. Dicebat aliquis senex : Quia assidua oratio cito corrigit mentem.

13. Dicebat quidam Patrum : Quia sicut impossibile est ut videat quis in aqua turbida faciem suam,

sic et anima, nis purigata fuerit a cogitationibus alienis, contemplative non potest orare Deum.

14. Venit quidam senex aliquando in monte Sina; et cum exiret inde, occurrit ei frater in via, et ingemiscens dicebat seni illi: Affligimur, abba, propter siccitatem, quia nobis non pluit. Et dixit ei senex: Quare non oratis et rogatis Deum? Et ille dixit: Et orationem facimus, et deprecamur assidue Deum, et non pluit. Et dixit senex: Credo quia non oratis attentius. Vis autem scire quia ita est? Veni, stemus pariter ad orationem: et extendens in cœlum manus oravit, et statim pluvia descendit. Quod cum vidisset frater ille timuit, et procidens adoravit eum: senex autem statim fugit illinc.

15. Narraverunt fratres, dicentes: Quia venimus aliquando ad quosdam senes, et cum ex more facta fuisset oratio, salutantes invicem sedimus. Et postquam locuti sumus, cum discederemus, poposcimus ut fieret rursus oratio. Dixit autem unus illorum seniorum ad nos: quid enim, non oratis? Et nos diximus: Etiam. Sed quando intravimus, Pater, tunc est facta oratio, et ex illa hora usque modo locuti sumus. Et ille dixit: Ignoscite mihi, fratres, quia vobiscum sedens quidam frater, et loquens, centum et tres orationes fecit. Hoc cum dixisset, facta oratione dimiserunt nos.

LIBELLUS DECIMUS TERTIUS.

De eo quod oporteat hospitem esse et misericordem in hilaritate.

1. Perrexerunt aliquando quidam Patrum ad abbatem Joseph in Panepho, ut interrogarent eum de susceptione fratrum, qui superveniunt ad eos, si deberent sibi relaxare abstinentiam suam cum ipsis, et congaudere eis (*Ruff.*, l. III, n. 47). Et priusquam interrogarent eum, dixit senex discipulo suo: Considera quod facio hodie, et exspecta; et posuit duo sedilia de scirpo in fasciculis ligata, unum a dextra et unum a sinistra; et dixit: Sedete. Et intravit in cellam suam, et vestivit se res vetustas. Et exiens transivit in medio eorum; et iterum intravit et vestivit serescellas suas, quas prius habuerat. Et egressus iterum sedit in medio eorum. Illi autem stupentes in id quod fecerat senex, interrogaverunt eum quid hoc esset. Et dixit eis: Vidistis quid feci? Dixerunt: Etiam. Et ille dixit: Ne mutatus sum ego pro contumeliosa veste? Et dixerunt: Non. Et ipse dixit iterum: Ne læsus sum de meliori veste? Et dixerunt: Non. Et ille dixit: Sic ego ipse sum in utrisque; et sicut priori veste mutatus non sum, nec sequenti læsus sum; ita debemus in susceptione fratrum facere, sicut in sancto Evangelio legitur: Date quæ sunt Cæsaris, Cæsari; et quæ sunt Dei, Deo (*Matth.* xxii; *Marc.* xii; *Lucæ* xx). Quando ergo est præsentia fratrum, cum gaudio debemus suscipere eos; quando vero soli sumus, opus habemus lugere. Illi autem audientes, admirati sunt: quia quæ in corde eorum erant ut interrogarent eum, prius agnovit, et glorificaverunt Deum.

2. Dixit abbas Cassianus: Quia venimus a Palæ-

stina in Ægypto ad quemdam Patrum (*Cassian.*, l. v *Instit.*, c. 24). Et cum hospitalitatem nobis inpendisset, interrogavimus eum: Quare tempore susceptionis fratrum regulam jejunii non custoditis, sicut et in Palæstina fit? Et respondens dixit: Jejunium semper mecum est, vos **615** hic semper tenere non possum: et jejunium quidem quamvis utilis et necessaria res sit, in nostra voluntate est; charitatis autem plenitudinem lex Dei exigit a nobis. Unde suscipiens in vobis Christum, debeo exhibere quæ charitatis sunt cum omni sollicitudine: cum autem dimisero vos, regulam jejunii possum recuperare, quoniam non possunt filii sponsi jejunare quandiu cum illis est sponsus, cum autem ablatus fuerit ab eis, tunc ex sua potestate jejunant (*Matth.* ix).

3. Dixit iterum qui supra: Quia venimus ad alium senem, fecit nos gustare: et hortabatur nos satiatos adhuc sumere cibum; et cum dixissem quia jam non possum, ille respondit: Ego jam supervenientibus diversis fratribus sexies mensam posui; et dum singulos hortor, etiam ego ipse manducavi, et adhuc esurio; tu vero hic semel manducans ita satiat es, ut jam manducare non possis?

4. Factum est aliquando in Scythi mandatum ut jejunarent illa hebdomada, et facerent Pascha; contigit autem ut in ipsa hebdomada venirent ad abbatem Moysen fratres quidam ab Ægypto; et fecit eis modicum pulmentum; et cum vidissent vicini famum, dixerunt clericis ecclesiæ quæ illic est: Ecce Moyses solvit mandatum, et coxit apud se pulmentum. Illi autem dixerunt: Quando venerit, loquemur ei nos. Facto autem Sabbato, videntes clerici magnam conversationem abbatis Moysis, dicunt ei coram omni plebe: O abbas Moyses, mandatum quidem hominum solvistis, sed Dei mandata fortiter alligasti.

5. Frater quidam venit ad abbatem Pastorem in secunda hebdomada Quadragesimæ, et dicens ei cogitationes suas, atque responsione ejus inveniens requiem, dicit ei frater ille: In modico impediri habui, ne venirem ad te hodie (*Append. Mart.* n. 43). Et dixit ei senex: Quare? Et ille dixit: Metuebam ne propter Quadragesimam mihi non aperiretur. Et respondit ei abbas Pastor: Nos non didicimus januam ligneam claudere, sed magis linguæ januam cupimus clausam habere.

6. Frater quidam dixit abbati Pastori: Si dedero fratri meo modicum panis aut aliquid aliud, dæmones polluunt illud, ut videatur ad placendum hominibus fieri. Et dixit ei senex: Et si ad placendum fiat tale opus, nos tamen fratribus debemus præbere quæ egent. Dixit autem ei parabolam talem: Duo homines erant agricolæ, habitantes in una civitate; et unus ex eis seminans, collegit pauca et sordida; alius autem negligens seminare, nihil omnino collegit. Si ergo fiat fames, quis duorum potest evadere? Et respondit frater ille: Qui fecit, quamvis parum atque immundum. Et dixit ei senex: Ita et nos semine-

mus pauca, etsi immunda, ne famistempore moriamur. A quodam vico, ut faceret agapem; et ecce mulier quædam venit ad eum, ut acciperet, et hæc erat vestita vetustissimas res: quam cum vidisset ita vestitis rebus indutam, implevit manum ut daret ei multum, clausa est manus ejus, et levavit parum. Alia vero venit ad eum, vestita bene; et videns ejus vestes, misit manum ut daret ei parum; et aperta est manus ejus, et levavit multum. Et requisivit de utrisque mulieribus illis, et cognovit quia illa quæ bonis vestibus utebatur de honestis mulieribus ad paupertatem pervenerit, et quia pro opinione natalium suorum bonis fuerit rebus induta; illa vero alia accipiendi causa vestierit se res vetustas.

7. Frater quidam venit ad quemdam solitarium: et cum egrederetur ab eo, dixit: Ignosce mihi, abba, quia impedi vi regulam tuam. Ille respondit, et dixit ei: Mea regula est ut recipiam te in hospitalitate, et cum pace dimittam.

8. Solitarius quidam habitabat non longe a congregatione fratrum, operationes faciens plurimas: contigit autem quosdam venire in monasterio illo ubi congregatio erat, et divertentes ad solitarium illum, fecerunt eum extra horam manducare. Postea vero dixerunt ei fratres illi: Non contristaris, abba? Et ille respondit eis: Mea tristitia est, si propriam fecero voluntatem (*Ruff., l. III, num. 150; Pasch., c. 18, n. 1*).

9. Dicebant de quodam sene in Syria qui juxta viam eremi habitabat, et hoc erat opus ejus, ut quancumque hora veniret monachus de eremo, cum fiducia faciebat eum reficere. Venit ergo aliquando unus solitarius, et ille petebat ab eo ut gustaret. Qui cum nollet gustare, dicens: Ego jejuno. Contristatus senex, dixit ei: Ne prætermittas puerum tuum, obsecro te, ne despicias me, sed veni oremus; ecce enim arbor hic est, cum quo curvante genu et orante inclinata fuerit, ipsum sequamur. Curvavit ergo ille solitarius genu in oratione, et nihil factum est. Flexit etiam ille, qui eum susceperat, genu, et statim curvata est etiam arbor illa cum ipso: quod cum vidissent, gavisus sunt, et gratias egerunt Deo semper mirabilia facienti.

10. Venerunt aliquando duo fratres ad quemdam senem: consuetudo autem erat seni, non manducare quotidie. Qui cum vidisset fratres, gaudens suscepit eos, et dixit: Jejuniun suam mercedem habet. Et iterum: Qui manducat propter charitatem, duo mandata implet; quoniam voluntatem propriam dereliquit, et mandatum implevit reficiens fratres.

11. Erat quidam senum in Ægypto, habitans in deserto loco: erat etiam alter longe ab eo Manichæus, et hic erat presbyter ex his quos ipsi vocabant presbyteros. Qui cum vellet pergere ad quemdam ejusdem erroris hominem, comprehendit eum nox in illo loco, quo erat vir ille sanctus et orthodoxus, et anxiabatur volens pulsare, ut maneret apud eum; sciebat enim quia cognosceret quod esset Manichæus, et revocabatur a cogitatione sua, ne forte non acquiesceret **616** suscipere eum, compulsus autem necessitate pulsavit. Et aperiens senex, et cognoscens eum, suscepit cum hilaritate, et coegit eum orare, et reficiens eum collocavit ubi dormiret: Manichæus autem cogitans in se nocte, mirabatur, dicens: Quomodo nullam suspicionem habuit in me? vere iste servus Dei est. Et surgens mane cecidit ad pedes ejus, dicens: Ab hodie orthodoxus sum, et non recedam a te. Et deinceps permansit cum eo.

12. Monachus quidam Thebæus accepit gratiam ministerii a Deo, ut singulis indigentibus ministraret quod necessarium esset. Contigit autem aliquando in

quodam vico, ut faceret agapem; et ecce mulier quædam venit ad eum, ut acciperet, et hæc erat vestita vetustissimas res: quam cum vidisset ita vestitis rebus indutam, implevit manum ut daret ei multum, clausa est manus ejus, et levavit parum. Alia vero venit ad eum, vestita bene; et videns ejus vestes, misit manum ut daret ei parum; et aperta est manus ejus, et levavit multum. Et requisivit de utrisque mulieribus illis, et cognovit quia illa quæ bonis vestibus utebatur de honestis mulieribus ad paupertatem pervenerit, et quia pro opinione natalium suorum bonis fuerit rebus induta; illa vero alia accipiendi causa vestierit se res vetustas.

13. Monachus quidam erat habens fratrem sæcularem pauperulum, et quidquid laborabat præbebat Bei; sed quantum ille præbebat, tantum ille pauperior flebat. Pergens autem monachus ille indicavit hæc seni cuidam. Senex autem dixit ei: Si me vis audire, ultra nihil præbeas ei, sed dic ei: Frater quando habui præbui tibi: tu ergo modo labora, et ex eo quod laboraveris, præbe mihi, et quidquid tibi attulerit, accipe ab eo, et ubi scis peregrinum aut senem pauperem, da illud, et roga eos ut orant pro eo. Ille autem frater hæc audiens, fecit ita; et veniente ad se illo sæculari fratre, locutus est ei quemadmodum dixerat senex, et discessit tristis. Et ecce quadam die tollens de horto minuta olera, attulit ei: accipiens autem frater ille, dedit senibus, et rogavit eos ut orarent pro eo. Qui cum accepissent benedictionem, reversus est in domum suam. Postea vero iterum attulit olera et tres panes; et accipiens frater ejus, fecit sicut prius. Et consecuta benedictione iterum discessit. Tertio veniens attulit multas expensas, et vinum, et pisces. Quod cum vidisset frater ejus, miratus est, et vocavit pauperes, et refecit eos. Dixit autem illi sæculari fratri suo: Ne opus habes aliquantos panes? Et ille dixit: Non, domine: quoniam quando aliquid accipiebam a te, velut ignis intrabat in domum meam, et consumebat illud; nunc autem quando a te nihil accipio, superabundo, et Deus benedicit mihi. Pergens autem frater, indicavit omnia quæ facta fuerant seni. Et dicit ei senex: Nescis quia opus monachorum ignis est, et ubicumque ingreditur, consumit? Hoc autem utile est fratri tuo, ut de labore suo misereatur, et orationem a sanctis viris accipiat; et ita benedictionem consequens, multiplicabitur labor ejus.

14. Dicebat quidam senum: Quia est quidam faciens multa bona frequenter, et diabolus mittit et scrupulositatem in animo pro parvis rebus, ut aliorum omnium, quæ facit, mercedem amittat. Sedente enim me aliquando in Oxyrincho cum quodam presbytero qui faciebat multas eleemosynas, venit quædam mulier vidua postulans ab eo modicum tritici. Et dixit ei: Vade, offer modium, et mensuro tibi. Et attulit ei. Ille autem mensurans modium ad manum, dixit ei: Major est; et fecit verecundiam viduæ illi. Cum vero discessisset vidua illa, dixi ego: Abba; mutuasti viduæ isti triticum, aut quid? Et ille dixit:

Non, sed donavi illi. Ego autem dixi: Ergo si totum gratis dedisti, quomodo in modico sic scrupulosus esse voluisti, et fecisti verecundiam mulieri?

15. Senex quidam cum alio uno fratre habebat communem vitam, erat enim senex ille misericors. Contigit autem ut fieret fames, et cœperunt quidam venire ad hospitium ejus, ut acciperent agapem; senex vero omnibus venientibus ministrabat panem. Videns autem frater quod fiebat, dicit seni: Da mihi partem meam de panibus, et quod vis fac de parte tua. Senex vero divisit panes, et faciebat more solito eleemosynam de parte sua. Multi autem concurrebant ad senem, audientes quia omnibus daret. Videns autem Deus propositum voluntatis ejus, benedixit panes. Frater autem ille, qui acceperat partem suam, et nulli dabat, consumpsit panes suos, et dixit seni: Quoniam modicum est, quod adhuc habeo de panibus meis, abba, suscipe me ad communem vitam. Et dixit ei senex: Quomodo vis, facio. Et cœperunt iterum simul esse et communiter vivere. Facta autem iterum egestate victualium, veniebant iterum indigentes, ut acciperent agapem. Contigit autem una die ut intraret frater ille, et videret quia defecerant panes. Venit autem et pauper postulans agapem. Senex ergo dixit fratri illi: Da ei panem. Et dixit: Jam non habeo, Pater. Et dixit senex: Intra, et quære. Ingressus autem frater, attendit et vidit repositionem, in qua panes haberi solebant, repletam panibus. Quod cum vidisset, timuit; et tollens dedit pauperi; atque ita cognoscens fidem et virtutem senis, glorificavit Deum.

LIBELLUS DECIMUS QUARTUS,

De obedientia.

1. Beatæ memoriæ abbas Arsenius dixit aliquando abbati Alexandro: Quando perexpenderis palmulas tuas, tunc veni et gustemus; si autem aliqui peregrini supervenerint, comede cum eis. Abbas autem Alexander lenius et modeste operabatur. Et cum facta fuisset hora manducandi, supererat adhuc de palmulis suis: volens autem custodire mandatum senis, sustinuit donec explicaret palmas; abbas autem Arsenius cum videret quia tardaret, gustavit, existimans quia forte ei peregrini supervenerint, et cum ipsis gustaverit. Abbas autem Alexander posteaquam explicavit vespere, perrexit ad abbatem Arsenium. Et dixit ei abbas Arsenius: Peregrinos aliquos habuisti? Et dixit: Non. Et ille dixit: Quare ergo non venisti? Et respondit: Quia dixisti mihi, Quando defecerint palmæ tunc veni. Ego autem habens sermonem tuum in animo, non veni, quia modo complevi opus. Et admiratus est senex scrupulositatem obedientiæ ejus, et dixit ei: Citius disjungere ab opere tuo, ut et ministerium psallendi facias, et aquam tibi implere occurras; alioquin citius debilitabitur corpus tuum.

2. Venit abbas Abraham ad abbatem Arem; et cum sederent simul, supervenit quidam frater, et dixit abbati Arem: Dic mihi, quid faciam ut salvari possim. Et dicit ei senex: Vade, toto anno isto ve-

spere manduca panem et sal; et veni iterum, et loquor tibi. Qui pergens fecit ita. Completo autem anno, venit iterum frater ad abbatem Arem. Contigit autem ut rursus inveniretur apud eum abbas Abraham. Et iterum senex fratri illi: Vade, jejuna anno isto, et post biduum manduca. Qui cum discessisset, dixit abbas Abraham abbati Arem: Quare omnibus fratribus leve jugum imponis, istum vero fratrem gravi sarcina onerasti? Et dixit ei senex: Alii fratres quomodo veniunt quærere ita et discedunt; hic vero quia propter Deum venit audire verbum, operarius autem est magnus, et quidquid ei dixerit, cum omni sollicitudine facit, propterea et ego loquor ei verbum Dei.

3. Narraverunt de abbate Joanne brevis stature quia perrexit ad quemdam senem Thebæum genere, commorantem in Scythi, qui sedebat in eremo (*Simile hic lib. iv, c. 12, ex Sulpicio*). Tollens autem aliquando abbas ejus lignum siccum, plantavit, et dixit ei: Per dies singulos mitte ei ad pedem ejus lagenam aquæ, donec fructum faciat. Erat vero longe ab eis aqua, ut a sero pergeret, et mane rediret; post tres autem annos viruit lignum illud, et fructum fecit. Sumens autem ex fructu ejus senex, attulit ad ecclesiam, et dixit fratribus: Accipite et manducate fructum obedientiæ.

4. Dicebant de Joanne, qui fuit discipulus abbatis Pauli, quia magnæ obedientiæ fuerit (*Ruff. l. iii, num. 67; Pasch., c. 2, n. 1*). Erat autem in quodam loco memoria, et habitabat in ea læna pessima, Videns autem senex circa ipsum locum stercora lænæ ipsius, dixit Joanni: Vade et affer stercora illa. Et ille dixit ei: Et quid facio, abba, propter lænam illam? Senex autem subridens dixit ei: Si venerit contra te, liga illam, et affer huc. Perrexit ergo frater illic vespere, et ecce venit læna super ipsum; ille autem secundum verbum senis impetum fecit super eam, ut teneret illam. Fugit autem læna, et sequebatur eam ille, dicens: Exspecta, quia abbas meus dixit, ut ligem te; et tenens eam alligavit. Senex autem exspectando eum diutius sedebat, et tribulatione affligebatur; et ecce tarde venit, et habebat lænam illam ligatam. Quod cum vidisset senex, admiratus est: volens autem humiliare illum, cecidit eum, et dixit: Bavose (41), canem fatuum adduxisti mihi? Solvit autem eam statim senex, et dimisit redire ad locum suum.

5. Dicebant de abbate Silvano, quod habuerit in Scythi discipulum, nomine Marcum, et hic fuerit magnæ obedientiæ, quique etiam scriptor antiquarius erat: diligebat autem eum senex propter obedientiam suam (*Ruff., l. iii, n. 143*). Habebat etiam alios undecim discipulos, qui contristabantur quod diligebat eum plus eis. Quod cum audissent vicini senes quia senex plus eum cæteris diligebat, moleste tulerunt. Una autem die venerunt ad eum: quos assumens secum abbas Silvanus, egressus est de cella sua, et cepit singulorum discipulorum suorum cellas pulsare, dicens: Frater ille, veni, quia opus te habeo.

Et unus ex his non est mox secutus eum. Venit autem ad cellam Marci, et pulsavit, dicens: Marce. Ille autem cum audisset vocem senis statim exivit foris, et misit **CS** eum ad quoddam ministerium. Abbas ergo Silvanus dixit senibus: Ubi sunt cæteri fratres? Et ingressus est in cellam Marci, et invenit quaternionem, quem eadem hora inchoaverat, in quo litteram O faciebat. Et audita voce senis, non fixit, nec gyravit calamum ultra, ut impleret et clauderet litteram quam in manus habebat. Et dixerunt senes: Vere, abba, quem tu dilligis, et nos diligimus quoniam et Deus diligit eum.

6. Venit aliquando mater supradicti Marci, ut videret eum, et habebat secum plurimum obsequium: ad quam cum exisset senex, dicit ei illa: Abba, dic filio meo ut exeat ad me, ut videam eum. Ingressus autem senex, dixit ei: Egrederere, ut videat te mater tua. Ille autem vestitus erat saccum scissum et recusutum pannis, et caput atque facies ejus tincta fumo et fuligine coquinæ: qui propter obedientiam abbatis egressus est quidem, sed clausit oculos suos, et ita salutavit matrem suam vel eos qui venerant cum ipsa, dicens: Sani estote. Et nemo ex eis, nec mater sua cognovit quia ipse esset; quæ iterum misit ad senem, dicens: Abba, mitte filium meum, ut videam eum. Et dixit Marco: Non dixi tibi, Egrederere, ut videat te mater tua? Et dixit ei Marcus: Egressus sum juxta verbum tuum, Pater; verumtamen rogo te, ne mihi illud dicas, ut exeam, ne inobediens tibi videar esse. Egressus senex, dixit matri ejus: Ipse est qui exivit ad vos, et salutavit vos, dicens: Salvi **C** estote. Et consolatus est eam, et ita discedere fecit.

7. Venerunt aliquando quatuor fratres de Scythi ad abbatem Pambo vestiti pelliceas tunicas, et indicavit unusquisque virtutem alterius, non præsentem eo de quo loquebatur. Unus namque ex eis jejunabat multum, alter vero nihil possidebat, tertius autem habebat charitatem plurimam; de quarto vero dixerunt quia viginti duos annos haberet in obedientia permanens seniorum. Respondit autem et abbas Pambo: Dico vobis quia istius virtus major est quam cæterorum: quoniam unusquisque vestrum virtutem quam possidet, voluntate propria eam retinuit; hic autem suam voluntatem abscindens, alienæ voluntatis se servum fecit. Tales enim viri confessores sunt, si usque ad finem ita permanserint.

8. Venit quidam ad abbatem Sisoï Thebæum, volens fieri monachus. Et interrogavit eum senex, si quid haberet in sæculo. Et ille dixit: Habeo unum filium. Et dicit ei senex: Vade, jacta cum in flumine, et tunc fies monachus. Qui cum abiisset projicere eum, misit senex unum de fratribus, qui prohiberet eum. Qui cum tenuisset jactare puerum, dicit ei frater: Quiesce, quid facis? Et ille respondit: Abbas mihi dixit ut projiciam eum. Et dixit ei frater: Sed iterum abbas dicit: Ne projicias eum. Ille autem relinquens filium suum venit ad senem, et factus est probatissimus monachus per obedientiam.

9. Dixit sancta Syncretica: Quia in congregatione

manentes cuilibet continentiae obedientiam magis præponimus; quoniam continentia arrogantiam habet, obedientia autem humilitatem congruam pollicetur.

10. Dixit iterum quæ supra: Oportet nos cum discretionem animam gubernare, et in congregatione manentes, non quæ nostra sunt quærere, neque servire propriæ voluntati; quoniam velut exilio relegantes nos tradidimus uni secundum fidem Patri a rebus sæcularibus alienati. Unde ergo egressi sumus, nihil ulterius requiramus; illic enim gloriam habuimus, illic abundantiam ciborum, hic autem etiam panis ipsius inopiam.

11. Dixit abbas Hyperichius: Quia ministerium monachi est obedientia, quam qui possidet, quod **B** possit exaudietur, et cum fiducia Crucifixo astabit; etenim Dominus sic venit ad crucem, factus scilicet obediens usque ad mortem.

12. Dicebant senes: Quia si habet quis in aliquo fidem, et tradit se ei ad subjectionem, non debet attendere in mandatis Dei, sed Patri suo spirituali omnem voluntatem suam committere; quia illi per omnia obediens, non incurrit peccatum apud Deum.

13. Dicebat senex: Quia ista quærit Deus a Christianis, ut obediat quis Scripturis divinis, quoniam inde accipiet loquendorum et agendorum formam, et ut consentiat præpositis et Patribus orthodoxis.

14. Frater quidam de Scythi vadens ad messem, applicuit ad quemdam senem magnum, et dicit ei: Dic mihi, abba, quid faciam pergens ad metendum? Dicit ei senex: Et si tibi dixero, acquiesces mihi? Respondit ei frater: Etiam, obedio tibi. Dixit ei senex: Si mihi acquiescis, surgens vade, et renuntia messioni huic; et veni, et dico tibi quid facias. Ille autem frater renuntiavit messuræ, et venit ad senem. Dixit autem ei senex: Intra in cellam tuam, et fac quinquaginta dies continuos; semel comedens in die panem cum sale, et iterum indicabo tibi aliam rem. Et fecit sic, et iterum venit ad senem. Senex autem sciens **CS** quia vir operarius esset, dixit ei quomodo oporteret esse in cella sua. Et descendens frater in cella sua, prostravit se pronus in terram tres dies et tres noctes, plorans in conspectu Dei. Post hæc vero cum dicerent ei cogitationes suæ: **D** Exaltatus es, magnus factus es, ipse temperans vitia cogitationum suarum, humiliter revocabat culpas suas in conspectu suo, dicens: Et ubi sunt omnia illa peccata mea quæ feci? Si autem in cogitatione ejus ascendebat, quia multum neglexerit de mandato Dei, dicebat et ipse intra se: Sed exhibebo parvum servitium Deo meo, et credo quia faciet mecum misericordiam. Hoc igitur modo evincens spiritus malarum cogitationum, post ea apparuerunt ei visibilibus, dicentes: Turbati sumus a te. Et dicit eis: Quare? Et dixerunt: Quia si te exaltamus, recurris ad humilitatem; si vero nos te humiliamus, tu te erigis in altum.

15. Dicebant senes: Quia nihil sic quærit Deus ab

his qui primitias habent conversationis, quomodo A
obedientiae laborem.

16. Senex quidam solitarius habuit quemdam ministrum manentem in possessione. Contigit autem semel ut, tardante ministro, deficerent necessaria seni (*Ruff.*, l. III, n. 144). Et cum tempus intercessisset, et non veniret minister ille, defecerunt quae necessaria habebat senex ad victum, et quod operaretur manibus suis. Qui cum affligeretur non habendo quod laboraret, neque unde viveret, dixit discipulo suo: Vis ut vadas ad possessionem illam, et voces nobis ministrum, qui solet afferre quae opus sunt nobis? Et ille respondit: Quomodo jubes facio. Differebat adhuc senex; non praesumens mittere fratrem. Et cum diu sustinerent et tribularentur non veniente ministro, dixit iterum senex ad discipulum B
suum: Vis ire usque ad possessionem, et adducere eum? Et ille respondit: Quid vis facio. Timebat etiam et discipulus ille descendere ad possessionem, ne scandalizaretur aliunde; sed ne inobediens esset Patri suo, acquievit abire. Dixit ei senex: Vade et crede in Deum patrum tuorum, quia proteget te ab omni tentatione; et facta oratione direxit eum. Veniens autem frater in possessionem, requisivit ubi maneret minister ille; et invenit hospitium ejus. Contigerat autem eum cum suis omnibus extra possessionem inveniri, excepta una filia ejus. Quae pulsantem fratrem ut audivit, venit ad ostium et aperuit ei. Et cum interrogaret eam de patre suo, illa hortata est eum ut intraret hospitium, simul etiam C
et trahebat eum. Ille vero non acquiescebat intrare. Sed cum diu eum cogeret, praevaleuit introducere eum ad se. Et complexa eum cepit eum illicere ad commistionem corporis sui; ille autem videns trahi se ad luxuriam, et cogitationibus confundi, ingemiscens clamabat ad Deum, dicens: Domine, propter orationes Patris mei libera me in hora ista. Et cum hoc dixisset, subito inventus est ad flumen pergens ad monasterium, et restitit illaesus ad abbatem suum.

17. Duo fratres carnales venerunt habitare in monasterio quodam: ex quibus unus erat praeclarae continentiae, alter obedientiae magnae (*Ruff.*, l. III, n. 145). Cui dicebat Pater: Fac hoc, et faciebat; et: Fac illud, et faciebat; Manduca mane, et manducabat. De qua re magnam opinionem in monasterio habebat, quia ita obediens existebat. Punctus autem invidiae mucrone frater ejus ille continens adversus eum, dixit in semetipso: Ego probo istum si habet obedientiam. Et accedens ad Patrem monasterii, dixit ei: Mitte mecum fratrem meum, ut eamus alicubi. Et dimisit eos abbas abire. Et assumens eum ille frater abstinens, voluit eum tentare. Et cum venissent ad flumen, ubi erat multitudo crocodilorum, dicit ei: Descende in flumen et transi. Et ille mox descendit: venerunt autem crocodili, et lingebant corpus ejus, in nullo laedentes eum. Quod cum vidisset frater ejus, dixit ei: Ascende de flumine. Et cum iter agerent, invenerunt corpus humanum jacens in

via. Et dixit abstinens ille ad fratrem suum: Si habuissemus aliquid vetustum, jactarem super corpus illud. Et respondens ille obediens frater, dixit: Magis oremus, et forsitan resurget. Et stantes ad orationem, atque orantes intente, surrexit mortuus ille. Quo facto gloriabatur ille abstinens frater, et dixit: Pro continentia mea suscitatus est mortuus hic. Omnia autem haec revelavit Deus abbati monasterii eorum, et qualiter tentaverit fratrem suum de crocodilis, et quomodo suscitatus est mortuus. Et cum venissent in monasterium, dixit abbas abstinenti illi: Quare ita fecisti fratri tuo? Et ecce tamen pro obedientia ejus mortuus ille surrexit.

18. Alter quidam saecularis vitae, habens tres filios, renuntiavit saeculo, et venit ad monasterium, relinquens filios suos in civitate. Et cum fecisset tres annos in monasterio, coeperunt ei cogitationes suae filios ad memoriam frequenter adducere, et constribatur pro eis valde, neque enim dixerat abbati filios se habere. Videns autem eum abbas tristem, dicit ei: Quid habes quod tristis es? Et narravit ei quia tres 620 filios haberet in civitate, et quia vellet eos ad monasterium ejus adducere: praecipit autem abbas ut adduceret eos. Qui cum perrexisset ad civitatem, invenit duos ex eis jam esse defunctos, unum vero solummodo remansisse. Quem assumens venit ad monasterium; et requirens abbatem, non eum invenit illic. Interrogavit autem fratres ubi esset abbas. Et illi dixerunt: Usque ad pistrinum perrexit. Ille vero tollens filium suum quem adduxerat, abiit in pistrinum. Et videns eum abbas venientem, salutavit. Et tenens infantem quem adduxerat, amplexatus est eum. Et dicit patri ejus: Amas eum? Et ille dixit: Etiam. Rursum dixit ei: Omnino diligis eum? Et respondit: Etiam. Haec audiens abbas, postea dixit ei: Tolle ergo, si amas eum, et mitte in furnum, sic modo cum ardet furnus. Et tenens pater filium suum, jactavit eum in furnum ardentem. Statim autem factus est furnus velut ros; ex qua re acquisivit gloriam in tempore illo, quemadmodum Abraham patriarcha.

19. Dixit quidam senex: Quia frater qui ad obedientiam Patris spiritualis animum dederit, majorem mercedem habet quam ille qui solus in eremo recesserit (*Ruff.*, l. III, n. 141). Dicebat autem: Quia narravit aliquis Patrum vidisse se quatuor ordines in caelo: quorum primus ordo erat hominum infirmorum et gratias agentium Deo; secundus ordo hospitalitatem sectantium et instanter ministrantium eis; tertius ordo in solitudine conversantium et non videntium homines; quartus ordo eorum qui ad obediendum spiritualibus Patribus se subjiciunt propter Deum. Utebatur autem ordo obedientium torque aurea et corona, et majorem quam alii gloriam habebat. Et ego dixi ei qui mihi ostendebat omnia haec: Quomodo iste ordo, qui parvus est, majorem quam alii gloriam habet? Et ille respondens dixit mihi: Quia qui hospitalitatem sectantur, secundum propriam voluntatem idipsum faciunt. Similiter et qui

in eremo se relegant, arbitrio suo de sæculo recesserunt. Hic autem ordo, qui se ad obediendum dedit, omnes voluntates suas adjiciens, pendet ad Deum et ad jussionem Patris spiritualis, propterea et majorem gloriam aliis habet. Quapropter, o filii, bona est obedientia, quæ propter Deum fit. Intendite ergo, filii, virtutis hujus aliquod ex parte vestigium. Obedientia salus est omnium fidelium. Obedientia genitrix est omnium virtutum. Obedientia regni cælorum inventrix est. Obedientia cælos aperiens, et homines de terra elevans est. Obedientia cohabitatrix angelorum est. Obedientia sanctorum omnium cibus est. Ex hac enim ablactati sunt, et per hanc ad perfectionem venerunt.

LIBELLUS DECIMUS QUINTUS.

De humilitate.

1. Abbas Antonius, deficiens in consideratione profunditatis judiciorum Dei, postulavit, dicens : Domine, quomodo aliqui in parvo tempore vitæ suæ moriantur, et aliqui ultra decrepitam veniunt senectutem ; et quare quidam egestuosi sunt, alii autem facultatibus ditantur ; et quomodo injusti opulenti sunt, justi vero paupertate premuntur ? Et venit ei vox, dicens : Antoni, ad te ipsum intende ; hæc enim judicia Dei sunt, et te scire ea non convenit.

2. Dixit abbas Antonius abbati Pastori : Hoc est magnum opus hominis, ut culpam suam super seipsum unusquisque ponat coram Domino, et expectet tentationem usque ad ultimum vitæ suæ tempus.

3. Dixit iterum abbas Antonius : Vidi omnes laqueos (42) inimici tensos in terra, et ingemiscens dixi : Quis putas transiet istos ? Et audivi vocem dicentem : Humilitas.

4. Venerunt aliquando senes ad abbatem Antonium, et erat cum eis etiam abbas Joseph. Volens autem abbas Antonius probare eos, movit sermonem de Scripturis sanctis. Et cepit interrogare a junioribus, quid esset hoc vel illud verbum. Et singuli dicebant prout poterant. Ille autem dicebat eis : Necdum invenistis. Post eos vero dixit abbati Joseph : Tu quomodo dicis esse verbum hoc ? Ille respondit : Nescio. Et dixit abbas Antonius : Vere abbas Joseph solus invenit viam, qui se nescire respondit.

5. Astiterunt aliquando abbati Arsenio dæmones in cella sedenti, et tribulabant eum : supervenerunt autem fratres, qui ministrare solebant ei ; et stantes extra cellam audiebant eum clamantem ad Dominum, et dicentem : Domine, non me derelinquas, quia nihil boni feci coram te. Sed præsta mihi, Domine, secundum benignitatem tuam, saltem modo habere bene vivendi principia.

6. Dicebant autem de eo qui supra, quia sicut dum in palatio esset, nemo melioribus vestibus eo utebatur ; ita et dum in conversatione moraretur, nemo eo vilius tegebatur (*Ruff.*, l. III, n. 37).

7. Cum interrogaret aliquando abbas Arsenius quemdam senem Ægyptium de cogitationibus suis, alius videns eum dixit : Abba Arseni, quomodo tu, qui tantæ eruditionis in Latina et Græca lingua

A edoctus es, rusticum istum de cogitationibus tuis interrogas ? Et ille respondit : Latinam quidem et Græcam eruditionem, quantum ad seculum, apprehendi ; sed alphabetum rustici istius necdum discere potui.

8. Dicebant senes quia dederint quidam aliquando in Scythi fratribus paucas caricas, et pro hoc quod paucae erant, non transmiserunt ex eis abbati Arsenio, ne velut injuriam pateretur. Ille autem cum hoc audisset, non est egressus juxta morem ad opus Dei cum fratribus celebrandum, dicens : Excommunicastis me, ut non mihi daretis eulogiam, quam transmisit Dominus fratribus, ex qua ego non fui dignus accipere. Quod cum audissent omnes, ædificati sunt in humilitate senis ; et vadens presbyter portavit ei de caricis illis, et adduxit eum in congregatione gaudentem.

9. Dicebant autem de eo quia nemo potuerit comprehendere modum conversationis ejus. Sedente eodem abbate Arsenio aliquando in inferioribus partibus Ægypti, cum illic importunitates pateretur, visum est ei derelinquere cellam suam ; et nihil ex ea tollens secum, dixit discipulis suis Alexandro et Zoilo : Tu, Alexander, ascende navim, et tu, Zoile, veni mecum usque ad flumen, et quære mihi naviculam in Alexandriam navigantem, et ita navigabis etiam tu ad fratrem tuum. Turbatus autem Zoilus in verbo isto, tacuit, atque ita divisi sunt ab invicem. Descendit autem senex circa partes Alexandriæ, et ægrotavit ægrotudine magna. Discipuli autem ejus dicebant ad invicem : Putasne aliquis nostrum contristavit eum, et propterea divisus est a nobis ? Et non inveniabant in se ingratitude causam, neque quia inobedientes ei aliquando fuissent. Cum vero sanus factus fuisset senex, dixit ad seipsum : Vadam ad Patres meos. Et ita venit in locum qui dicitur Petra, ubi erant supradicti ministri ejus. Cum vero juxta flumen esset puella quædam Æthiopiissa, veniens tetigit melotem ejus : senex autem increpavit eam. Illa vero dixit : Si monachus es, vade in montem. Compunctus autem in hoc verbo senex, dicebat ad seipsum : Arseni, si monachus es, vade in montem. Et inter hæc occurrerunt ei Alexander et Zoilus discipuli sui. Et cum cecidissent ad pedes ejus, projecit se senex in terra, et flebant simul. Dixit autem senex : Non audistis quia ægrotavi ? Et dixerunt ei : Etiam, audivimus. Et ille dixit : Quare non venistis videre me ? Et dixit Alexander : Quia divisio tua a nobis non fuit nobis tolerabilis, quoniam et multi ex ea contristati sunt, dicentes : Nisi inobedientes fuissent seni, nunquam se separasset ab eis. Et dixit eis senex : Et ego cognovi quia hoc diceretur ; sed tamen iterum dicturi sunt homines : Quia non inveniens columba requiem pedibus suis, reversa est ad Noe in arcam (*Gen.* VIII). In hoc igitur verbo curati sunt animi discipulorum ejus, et permanserunt cum eo usque ad ultimum vitæ ipsius tempus.

Qui cum moreretur, turbati sunt valde (*Ruff.*, l. III, n. 163). Et dixit eis : Nondum venit hora ; cum au-

tem venerit, dicam vobis. Judicari autem habeo vobiscum ante tribunal Christi, si permiseritis cuiquam de corpore meo aliquid facere. Et illi dixerunt : Quid ergo faciemus, quia nescimus mortuum vestire vel sepelire ? Et dixit senex : Nescitis mittere funem in pede meo, et trahere me in montem ? Cum autem traditurus esset spiritum, viderunt eum flentem, et dicunt ei : In veritate et tu times mortem, Pater ? Et dixit eis : In veritate. Timor enim qui in hac hora est mihi semper fuit in me, ex quo factus sum monachus, et timeo valde ; atque ita in pace dormivit. Ille autem sermo semper erat in ore Arsenii, Propter quid existi ? loqui me semper penituit, tacere nunquam. Audiens autem abbas Pastor, quia ex hac vita discesserit Arsenius, lacrymatus est, et dixit : Beatus es, abba Arseni, qui flevisisti temetipsum in sæculo isto ; qui enim se in hoc sæculo non fleverit, semper plorabit illic ; sive igitur hic voluntarie, sive illic tormentis cogentibus, impossibile est non flere.

10. Narravit abbas Daniel de abbate Arsenio, quia nunquam voluerit loqui de questione aliqua Scripturarum, cum posset magnifice si vellet, sed neque epistolam cito scripsit ad aliquem (*Ruff.*, l. III, n. 198). Quando autem ad conventum post aliquantum temporis veniebat, post columnam sedebat, ne quis videret faciem hujus, et ne ipse attenderet alium. Erat enim visio ejus angelica, sicut Jacob, canis ornatus, elegans corpore, siccus tamen. Habebat autem barbam prolixam, omnino attingentem usque ad ventrem ejus : pili autem oculorum ejus nimio fletu ceciderant ; longus autem erat, sed senio longævo curvatus. Cæmoritur autem annorum nonaginta quinque. Hic fecit in palatio divæ memoriæ Theodosii imperatoris majoris, qui fuit pater Arcadii et Honorii, annos quadraginta, et in Scythi fecit annos quadraginta, et 623 decem annos in loco qui dicitur Trohen, supra Babyloniam, contra civitatem Memphis, et tres annos in Conopo Alexandriæ ; alios duos annos revertens iterum in Trohen fecit, consummans in pace et timore Dei cursum suum, quia erat vir bonus et plenus Spiritu sancto et fide (*Act.* XI).

11. Narravit abbas Joannes : Quia abbas Anub et abbas Pastor et resi dui fratres eorum ex uno utero nati, monachi fuerunt in Scythi (*Ruff.*, l. III, n. 199 ; *Pasch.*, c. 42, n. 4) ; et quando illic venit gens Mazicarum, et desolaverunt locum ipsum, primo discesserunt illinc, et venerunt in locum qui vocatur Therenuthi, donec deliberarent ubi habitare deberent ; et manserunt illic in templo quodam antiquo paucis diebus. Dixit autem abbas Anub abbati Pastori : Ostende charitatem et tu et fratres tui, et singuli seorsim habitemus, et non veniamus ad nos invicem hebdomada hac. Et respondit abbas Pastor : Faciamus qualiter vis ; et fecerunt sic. Erat autem ibi in templo statua lapidea. Et surgebat quotidie mane abbas Anub, et faciem statuæ illius lapidabat ; vespere autem dicebat : Ignosce mihi. Et tota hebdomada ita fecit ; die autem Sabbati occurrerunt sibi invicem. Et dixit abbas Pastor abbati Anub : Vidi te,

Abba, hebdomada ista lapidantem faciem statuæ hujus, et iterum penitentiam agentem apud eam ; fidelis autem homo hæc non facit. Et respondit senex : Hanc rem ego propter vos feci. Quando me vidisti lapidantem faciem statuæ ipsius, num locuta est, num furuit ? Et dixit abbas Pastor : Non. Iterum quando apud eam penitentiam egi, num turbata est ? num dixit : Non ignosco ? Et respondit abbas Pastor : Non. Et ille dixit : Ergo et nos qui sumus septem fratres, si vultis ut maneamus simul, efficiamur sicut status hæc, quæ contumeliis affecta non turbatur : si autem non vultis ista fieri, ecce quatuor ingressus sunt ad aditum templi hujus, unusquisque quo vult exeat, et quo vult vadat. Illi autem hæc audientes, prostraverunt se in terram abbati Anub, et dixerunt ei : Quomodo jubes, Pater, ita fit ; faciemus quod dixeris nobis. Postea autem retulit abbas Pastor, dicens : Quia mansimus simul per omne tempus vitæ nostræ operantes et facientes omnia secundum verbum senis quod dixit nobis. Constituit autem unum ex nobis dispensatorem, qui quodcumque nobis apposuisset, comedebamus, et impossibile erat ut diceret aliquis ex nobis : Affer aliud aliquid, aut diceret : Nolo istud manducare. Et sic transivimus omne tempus vitæ nostræ cum quiete et pace.

12. Dicebant de abbate Ammone quia venerunt ad eum quidam petentes ut judicaret inter eos ; senex autem dissimulabat. Et ecce quædam mulier ad aliam mulierem juxta se stantem dicebat : Senex iste factus est. Audivit autem eam senex ; et vocans illam ad se dixit ei : Quantos labores putas sustinui insolitudinibus diversis, ut acquirerem fatuitatem istam, et propter te hodie eam perditurus sum ?

13. Narraverunt de episcopo civitatis, quæ vocatur Oxyrinchus, nomine Affy, quia cum esset monachus, nimis dure tractaverit vitam suam ; et cum factus fuisset episcopus, voluit ipsa duritia uti in civitate quam in eremo habuerat, et non prævaluit. Idcirco prostravit se in conspectu Domini, dicens : Putasne, Domine, propter episcopatum discessit a me gratia tua ? Et revelatum est ei : Quia non ; sed quia tunc solitudo erat, et cum non esset homo, Deus tuus susceptor erat tuus : nunc autem hic in sæculo es, ubi homines auxiliantur tibi.

14. Dixit abbas Daniel, quia erat in Babylonia filia cujusdam primarii, dæmonium habens ; pater autem ejus diligebat monachum quemdam. Dixit autem monachus ipse ei : Nemo potest curare filiam tuam, nisi quos scio solitarios ; et si perrexeris ad eos, non acquiescent hoc facere propter humilitatem. Sed hoc faciamus, et quando veniunt afferentes venalia quæ operantur, dicite vos emere velle quod vendunt. Et dum venerint in domo pretium accepturi, dicemus eis ut faciant orationem, et credo quia salvabitur filia tua. Exeuntes ergo in platea, invenerunt unum discipulum senum sedentem ut venderet sportellas suas ; et tulerunt eum secum in domo ut quasi pretium sportarum acciperet. Et cum intrasset monachus ille in domo, venit puella illa quæ a dæmonio vexabatur,

et dedit alapam monacho illi. Ille autem convertit ei et aliam maxillam, secundum divinum præceptum. Dæmon autem coactus clamare cœpit : O violentia! mandata Jesu Christi expellunt me hinc ; et statim mundata est puella illa. Cum autem venissent ad senes, indicaverunt eis quod fuerat factum, et glorificaverunt Deum, et dixerunt : Consuetudo est superbiam diabolicam, humilitate mandatorum Christi Jesu corrumpere.

15. Dixit abbas Evagrius : Principium salutis est, si teipsum redarguas.

16. Dixit abbas Serapion : Quia multos labores corporales plus quam filius meus Zacharias feci, et non perveni ad mensuram humilitatis et taciturnitatis ejus.

623 17. Abbas Moyses dixit fratri Zachariae : Dic mihi quid faciam? Ille autem hæc audiens, jactavit se pronus in terram ad pedes ejus, dicens : Tu me interrogas, Pater (*Ruff., l. III, num. 86 ; Append. Mart., n. 49*)? Dixit autem ei senex : Crede mihi, fili Zacharia, quia vidi Spiritum sanctum descendentem in te, et propterea compellor interrogare te. Tuhc tollens Zacharias cucullum suum de capite suo, misit illud sub pedibus suis, et conculcans eum, dixit : Nisi ita conculcatus fuerit homo, non potest monachus esse.

18. Dixit abbas Pastor : Quia interrogavit abbas Moyses fratrem Zachariam, tempore quo moriebatur, dicens : Quid vides? Et ille dixit ei : Nihil melius quam tacere, Pater. Et dixit ei : Verum est, fili, tace. Hora autem mortis ejus sedens abbas Isidorus, respexit in cœlum, et dixit : Lætare, fili mi Zacharia, quoniam apertæ sunt tibi januæ regni cœlorum.

19. Sanctæ memoriæ Theophilus episcopus Alexandrinus venit aliquando ad montem Nitriæ, et venit ad eum abbas montis illius, et dixit ad eum episcopus : Quid amplius invenisti in via ista, Pater? Et respondit ei senex : Culpare et reprehendere me ipsum sine cessatione. Et dixit ei episcopus : Non est alia via sequenda nisi hæc.

20. Quando abbas Theodorus cum fratribus manducabat, accipiebant calices cum reverentia et taciturnitate, nec dicebant, sicut mos est, Ignosce.

21. Dicebant de eo ipso abbate Theodoro, quia cum factus esset diaconus in Scythi, non acquiescebat ministrare, et huc atque illuc fugiebat. Et iterum senes adducebant eum, dicentes : Non derelinquas ministerium tuum. Dixit autem eis abbas Theodorus : Dimittite me, et deprecor Deum. Et si ostenderit mihi, quia debeo stare in locum ministerii hujus, facio. Et cum deprecaretur Deum, dicebat : Si voluntas tua est, Domine, ut stem in hoc ministerio, demonstra mihi. Et ostensa est columna ignis de terra usque ad cœlum, et vox sonuit, dicens : Si potes fieri sicut columna hæc, vade, ministra. Ille autem hæc audiens, statuit apud se nullatenus ministrare. Qui cum venisset ad ecclesiam, pœnitentiam egerunt apud eum, dicentes : Si nos vis ministrare, vel calicem tene. Et non acquievit, dicens :

A Si me non dimittitis, discedo de loco isto. Et ita discesserunt ab eo.

22. Dixit abbas Joannes Brevis : Quia janua Dei est humilitas ; et patres nostri per multas contumelias acti, gaudentes intraverunt in civitatem Dei. Dixit iterum ipse idem : Quia humilitas et timor Dei superant universas virtutes.

23. Dixit abbas Joannes Thebæus : Quia debet monachus ante omnia humilitatem habere : hoc enim est primum Salvatoris mandatum, dicentis : Beati pauperes spiritu, quoniam ipsorum est regnum cœlorum (*Matth. v*).

24. Collecti sunt aliquando fratres qui habitabant in Scythi, et cœperunt intra se querere de Melchisedech sacerdote : oblitus autem vocare abbatem Coprem. Postea autem vocantes eum, interrogabant eum de eadem quæstione. Ille autem tundens tertio os suum, dixit : Væ tibi, Copres, quia quæ mandavit tibi Deus ut faceres, dereliquisti ; et quæ a te non requirit, illa scrutari præsumis. Hæc autem audientes fratres, fugerunt singuli in cellis suis.

25. Narravit aliquando de seipso abbas Macarius, dicens : Quando eram juvenis, et sedebam in cella mea in Ægypto, tenuerunt et fecerunt me clericum in vico (*Ruff., l. III, n. 99*). Et cum nollem acquiescere ad ministrandum, fugi ad alium locum. Et venit ad me quidam sæcularis homo, sed vita religiosus, et tollebat a me opus quod faciebam manibus meis, et ministrabat mihi quæ necessaria erant. Contigit autem, tentante diabolo, ut quædam virgo in vico illo vitata lapsam faceret. Et cum in utero habere cœpisset, interrogatur quis esset de quo in utero haberet ; illa autem dixit : Quia hic solitarius est, qui mecum dormivit. Exeuntes autem de vico illo, comprehenderunt me, et adduxerunt ad vicum, et appenderunt in colum meum cacabatas ollas et ansas vasorum, et miserunt me circuituram in vico illo, per viam cædentes atque dicentes : Hic monachus corrumpit filiam nostram : tollite, tollite eum. Et ceciderunt me pene usque ad mortem. Superveniens autem quidam senum dixit : Quandiu cæditis monachum istum peregrinum ? Ille autem, qui mihi solebat ministrare necessaria, sequebatur retro cum verecundia : etenim etiam ipsum contumeliis multis affecerant, dicentes : Ecce solitarius monachus, cui tu testificaberis quid fecit? Et dixerunt parentes puellæ illius : Quia non dimittimus eum, donec fidejussorem præbeat, quia pascet eam. Et dixi illi qui mihi solebat ministrare, ut fidejussor mihi fieret, et fidedixit mihi. Et reversus sum ad cellam meam, et dedi ei quantas habui sportellas, dicens : Vende ea, et da illi meæ mulieri manducare. Dicebam autem in animo meo : Macari, ecce invenisti tibi mulierem, opus habes modo amplius **624** laborare, ut pascas eam. Et operabar non solum in die, sed etiam in nocte, et transmittēbam ei. Cum autem venisset tempus infelici illi, ut pareret, traxit plurimis diebus in dolore, et non pariebat. Dicunt ergo ei : Quid est hoc? Et illa dixit : Ego scio, quare torqueor diu. Et interrogata a parentibus

suis, Quare? respondit : Quia illi monacho crimen A imposui, et fallens implicavi eum, cum iste non habeat causam; sed juvenis ille talis hoc fecit. Audiens autem verba hæc ille minister meus, gaudens venit ad me, et dixit : Quia non potuit parere illa puella, donec confiteretur quia tu nullam causam in conspectu ejus habuisses, sed quia mentita sit adversum te. Et ecce omnes habitatores vici illius volunt venire hic ad cellam tuam glorificaturi Deum, et pœnitentiam apud te acturi. Ego autem audiens ista a ministro meo, ne affligerent me homines, surrexi, et fugi hic in Scythi; et hoc principium causæ propter quam hic habitare cœpi.

26. Præteriens aliquando abbas Macarius, a palude ad cellam suam revertens, portabat palmulas; et ecce occurrit ei diabolus in via cum falce messoria B (*Ruff.*, l. III, n. 124; *Pasch.*, c. 13, n. 6). Voluit autem eum percutere de falce illa, et non potuit, et dixit ei : Multam violentiam patior a te, o Macari, quia non prævalere adversus te possum. Ecce enim quidquid tu facis, et ego facio; jejunas tu, et ego penitus non comedo, vigilas tu, et ego omnino non dormio. Unum est autem solum in quo me superas. Et dicit ei abbas Macarius : Quod est illud? Respondit diabolus : Humilitas tua, per quam non prævaleo adversum te.

27. Perrexit aliquando abbas Mathois de Raythu in partibus Gebalon : erat autem cum eo frater ejus (*Ruff.*, l. III, n. 188; *Pasch.*, c. 33, n. 3). Et venit episcopus loci illius ad memoratum senem, et fecit eum presbyterum. Et dum gustarent simul, dixit C episcopus : Ignosce mihi, abba, quia scio quod nolueris rem hanc; sed ut benedictionem tuam acciperem, præsumpsi hoc facere. Dixit autem ei senex cum humilitate : Et animus meus modicum volebat hoc, verumtamen in hoc graviter fero quia compellor separari a fratre meo, qui mecum est; neque enim sufficio omnes orationes quas simul faciebamus, implere. Et dixit episcopus : Si scis quia dignus est, ego et ipsum ordino. Et dixit ei abbas Mathois : Equidem si dignus est nescio, unum autem scio, quia melior me est. Ordinavit autem et ipsum episcopus : et ita uterque recesserunt de hac vita, ut nunquam se ad sacrificandam oblationem altari appropinquarent. Dicebat autem senex : Credo in Deum, quia forsitan non sustineam grave iudicium propter D ordinationem, quam suscepi, dum oblationem non audeo consecrare; hoc enim officium illorum est, qui sine querela vivunt.

28. Dixit autem abbas Mathois : Quantum se appropinquat homo Deo, tantum se peccatorem videt (*Ruff.*, l. III, n. 123); Isaias enim propheta videns Dominum, miserum se et immundum dicebat (*Isaiæ*, vi).

29. Dicebant de abbate Moyse quia factus esset clericus, et posuerunt ei superhumerales. Et dixit ei archiepiscopus : Ecce factus es candidatus, abba Moyses. Et ille respondit : Putas a foris, domne papa, aut deintus? Volens autem episcopus probare

eum, dixit clericis : Quando intrat abbas Moyses ad altare, expellite eum, et sequimini, ut audiat quid dicat. Dum autem cœpissent eum mittere foras, dicebant ei : Exi foras, Æthiops. Ille vero egrediens, dicebat : Bene tibi fecerunt cinerente et caccabate (43). Qui cum homo non sis, quare te in medio hominum dare præsumpsisti?

30. Dum abbas Pastor in congregatione esset, audiens de abbate Nesterone, desideravit eum videre, et mandavit abbati ejus ut mitteret eum ad ipsum. Qui cum nollet eum solum dimittere, non direxit eum. Post paucos autem dies dispensator monasterii rogavit abbatem ut permitteret eum ire ad abbatem Pastorem, ut diceret ei cogitationes suas. Abbas autem ejus, cum eum dimitteret, dixit ei : Tolle tecum et fratrem istum, quia mandavit mihi de ipso senex; et non præsumens eum solum dimittere, distuli usque modo. Cum ergo venisset dispensator ad senem, locutus est ei de cogitationibus suis, et ille sanavit eum responsione sua. Post hæc autem interrogabat senex fratrem illum, dicens : Abba Nesterone, quomodo acquisisti virtutem hanc, ut quando emerserit tribulatio aliqua in monasterio, non loquaris, neque tædium facias? Et cum multum cogere retur frater a senex, dicit ei : Ignosce mihi, abba, quando intravi in initio in congregatione, dixi animo meo : Tu et asinus unum estote. Sicut enim asinus vapulat et non loquitur, injuriam patitur et non respondet, sic et tu; quemadmodum et in Psalmo legitur : Ut jumentum factus sum apud te, et ego semper tecum (*Psal.* lxxii).

31. Dicebant de abbate Olympio in Scythi (*Ruff.*, l. III, n. 17), quia servus esset, et descendebat per singulos annos in Alexandriam portans mercedes 625 suas dominis suis. Et occurrebant ei, et salutabant eum : senex autem mittebat aquam in pelvim, et afferebat, ut lavaret pedes dominis suis. Illi autem ad eum dicebant : Noli, Pater, non graves nos. Ille vero respondebat eis : Ego confiteor, quia servus sum vester; et gratias ago, quia dimisistis me liberum servire Deo. Sed tamen lavo vobis pedes, ecce et suscipite mercedes meas. Illi vero contemnebant. Et non acquiescentibus dicebat : Credite mihi, quia si non vultis suscipere mercedes meas, remaneo hic et servio vobis. Illi autem reverentiam ei habentes, dabant in potestate ejus, ut faceret quod vellet. Et revertentem deducebant eum cum honore, præbentes et quæ necessaria erant, ut faceret pro eis agapem, et ex hoc factus est nominatus in Scythi.

32. Dixit abbas Pastor : Quia semper homo humilitatem et timorem Dei ita incessabiliter respirare debet, sicut flatum quem naribus attrahit vel emittit (*Append. Mart.* n. 101).

33. Interrogatus est abbas Pastor a quodam fratre : Quomodo debeo esse in loco, in quo habito? Et respondit ei senex : Habeto prudentiam velut advena; et ubicumque fueris, ne quæras verbum tuum coram te habere potentiam, et requiesces.

34. Dixit iterum : Quia projicere se in conspectu

Dei, et non seipsum extollere, et mittere post tergum suum propriam voluntatem, ferramenta sunt quibus anima operatur.

35. Item dixit : Non metiaris temetipsum, sed adhære ei qui bene conversatur.

36. Dixit iterum : Quia interrogavit frater abbatem Alonium, Quid est contemptus ? Et dixit senex : Ut sis infra animalia irrationabilia, et scies quia illa non condemnantur.

37. Dixit iterum qui supra : Quia humilitas terra est, in qua Dominus sacrificium fieri demandavit.

38. Rursus dixit : Quia si homo ordinem suum custodiat, non turbabitur.

39. Iterum dixit : Quia sedentibus aliquando senibus ad manducandum, stabat Alonius abbas et ministrabat eis ; et videntes laudaverunt. Ille autem nihil omnino respondit. Dixit ergo quidam secreto : Quare non respondisti senibus laudantibus te ? Et dixit abbas Alonius : Quia si responderem eis, inveniebar delectatus laudibus meis.

40. Narravit abbas Joseph : Quia sedentibus nobis aliquando cum abbate Pastore, nominaverit abbatem Agathonem, et diximus ei : Juvenis est, quare eum appellas abbatem ? Et dixit abbas Pastor : Quia os suum fecit eum appellari abbatem.

41. Dicebant de abbate Pastore, quia nunquam voluisset sermonem dimittere supra alterius senis verbum, sed magis laudaverit semper quæ ille dixisset.

42. Venit aliquando sanctæ memoriæ Theophilus episcopus Alexandrinus in Scythi : congregati autem fratres dixerunt abbatem Pambo : Dic unum sermonem papæ, ut ædificetur animus ejus in hoc loco. Et respondit senex : Si in taciturnitate mea non ædificatur, neque in sermone meo ædificabitur.

43. Narravit frater Pystus, dicens : Quia ibamus septem fratres solitarii ad abbatem Sisoï habitantem in insula Clysmatus : et cum rogarem eum ut diceret nobis aliquid, ille respondit : Ignoscite mihi, quia idiota sum homo : sed veni aliquando ad abbatem Hor et abbatem Athre ; et erat in infirmitate abbas Hor decem et octo annis, et cœpi supplicare eis, ut dicerent mihi aliquid verbum ; et dixit abbas Hor : Quid tibi habeo dicere ? Quidquid vides, fac ; Deus enim illius est, qui sibi ultra quam potest extorquet, et violentiam facit ad omnia : hi autem ambo non erant de una provincia, hoc est abbas Hor et abbas Athre. Fuit autem inter eos magna gratia, donec exirent ambo de corpore. Abbas autem Athre summæ obedientiæ erat, abbas vero Hor multæ humilitatis. Feci ergo paucos dies apud eos, investigans virtutes eorum, et vidi mirabile quid quod fecit abbas Athre. Attulerat enim eis quidam unum piscem modicum, et voluit illum facere abbas Athre seniori abbati Hor ; posuerat ergo abbas Athre cultellum, et incidebat piscem illum, et vocavit eum abbas Hor, dicens : Athre, Athre. Ille vero statim dimisit cultellum in medio pisce inciso, et non percincidit eum, et cucurrit ad eum ; et miratus sum tantam obedientiam ejus, quia non dixit : Exspecta donec incidam piscem.

Dixi ergo abbati Athre : Ubi invenisti obedientiam hanc ? Et ille mihi respondit : Non est mea, sed istius senis est. Et tulit me, dicens : Veni, vide obedientiam ejus. Coxit ergo modicum piscem male, ita ut perderet eum voluntarie, et apposuit seni ; et ille manducavit, nihil loquens. Et dixit ei : Bonum est, senex ? Et ille respondit : Bonum valde. Posthæc attulit ei illud modicum, nimis bene coctum, et dixit : Ecce istud perdidisti, senex, male illud coxi. Et ille respondit : Etiam modice tibi male exivit. Et conversus ad me abbas Athre dixit : Vides quia hæc obedientia istius senis est ? Et exii ab eis ; et quidquid vidi, hoc feci secundum virtutem meam. Hæc dixit fratribus abbas Sisoï ; unus autem ex nobis rogavit eum dicens : Ostende nobis charitatem, et dic nobis tu unum sermonem. Et dixit : Qui habet quod innumerabile est in scientia, perficit omnem Scripturam. Iterum alter ex nobis dixit ei : Quid est peregrinatio, Pater ? Et ille respondit : Tace, et in omni loco quocunque veneris, dic : Non habeo causam, et hæc est peregrinatio.

44. Venit quidam frater ad abbatem Sisoï in montem abbatis Antonii ; et loquentibus eis, dicebat abbati Sisoï : Modo adhuc non pervenisti ad mensuras abbatis Antonii, Pater ? Et respondit ei senex : Ego si haberem unam cogitationem abbatis Antonii, efficerer totus velut ignis : verumtamen scio hominem qui cum labore potest ferre cogitationes suas.

45. Iterum autem interrogavit eum frater ille, dicens : Putas sic persequebatur Satanas antiquos ? Et dicit ei abbas Sisoï : Modo plus, quia tempus ejus appropinquavit, et turbatur (*Ruff.*, t. III, num. 174 ; *Pasch.*, c. 25, n. 2).

46. Venerunt alii quidam ad eum, ut audirent ab eo sermonem ; et nihil eis loquebatur, sed semper dicebat : Ignoscite mihi. Videntes autem sportellas ejus, dixerunt discipulo ejus Abraham : Quid facitis de sportellis istis ? Et respondit eis : Huc et illuc expendimus eas. Hoc autem audiens senex, dixit : Et Sisois hinc et inde manducat. Illi vero audientes ædificati sunt valde in humilitate ejus, atque cum gaudio recesserunt.

47. Frater interrogavit abbatem Sisoï, dicens : Video meipsum, quia memoria mea ad Deum intenta sit. Et dicit ei senex : Non est magnum hoc, ut mentua cum Deo sit ; magnum est autem, si te ipsum infra omnem videas creaturam ; hoc autem et labor corporalis corrigit, et ducit ad humilitatis viam.

48. Dixit beatæ memoriæ Syncletica : Sicut impossibile est navim fabricari sine acutis, ita impossibile est hominem sine humilitate salvari.

49. Dixit abbas Hyperichius : Arbor vitæ est in excelsum, et ascendit ad eam humilitas monachi.

50. Dixit iterum qui supra : Imitare Publicanum illum, ne cum Pharisæo damneris ; et sequere mansuetudinem Moysis, ut summitates cordis tui reseces, convertas in fontes aquarum.

51. Dixit abbas Orsisius : Si fragmen crudæ tegulæ in fundamento mittatur, ubi juxta sit fluvius, non

sustinet unum diem; coctæ autem, permanet velut lapis. Ita est homo qui carnalem sapientiam habet, et non est tentationum igne decoctus, sicut et Joseph; hujusmodi enim verbo Dei resolvitur: qui cum initium fecerit, multis tentationibus in medio hominum agitatur. Bonum est enim ut quis noverit mensuras suas, et declinet in initio pondus; fortes autem in fide immobiles sunt; nam de ipso sancto Joseph si velit aliquis loqui, dicet quia nec terrenus erat; quantum tentatus est, et in quali provincia, ubi nec vestigium erat divini cultus? Sed Deus patrum ejus erat cum eo, qui eripuit eum ex omni tribulatione, et nunc est cum patribus suis in regno cœlorum. Et nos ergo agnoscentes mensuras nostras certemus; vix enim nos possumus effugere iudicium Dei.

52. Senex quidem erat solitarius vacans in eremo, et dicebat in semetipso quia perfectus esset in virtutibus. Hic oravit Deum, dicens: Ostende mihi quid est perfectio animæ, et facio. Volens autem Deus humiliare cogitationes ejus, dixit ei: Vade ad illum archimandritam, et quidquid tibi dixerit, facito. Revelavit autem Deus archimandritæ illi, antequam ille ad ipsum veniret, dicens: Ecce ille solitarius venit ad te; dic ergo ei ut tollat flagellum, et vadat ut pascat porcos tibi. Veniens ergo senex pulsavit ostium, et ingressus est ad archimandritam illum; et cum se salutassent, sederunt. Et dixit ei solitarius ille qui venerat: Dic mihi quid faciam, ut sim salvus. Et ille dixit: Facies quodcumque dixerit tibi? Et respondit ei: Etiam. Et dixit ei: Ecce tolle flagellum, et vade, pasce porcos. Hi autem, qui eum noverant et audierant de eo, cum vidissent quia porcos pasceret, dicebant: Vidistis illum solitarium magnum, de quo audiebamus? ecce stupuit cor ejus, et dæmonio vexatur, et pascit porcos. Videns autem Deus humilitatem ejus, quia ita patienter sustinebat opprobria hominum, præcepit eum iterum redire ad locum suum.

53. Quemdam senem monachum solitarium homo, qui a dæmonio vexabatur et fortiter spumabat, percussit in maxillam; senex vero convertit ei aliam maxillam statim. Dæmon autem, non ferens incendium humilitatis ejus, mox exivit ab eo (*Ruff.*, l. III, num. 425).

54. Dixit senex cuidam (*Ruff.*, l. III, num. 115; *Pasch.*, c. 13, n. 3): Quando cogitatio superbiæ aut elationis intraverit in te, scrutare conscientiam tuam, si divina mandata omnia custodis, si inimicos tuos diligis, si gaudes in adversarii tui glorificatione, et si contristaris in minoratione ejus, et si agnoscis teipsum esse inutilem servum, et si omnium peccatorum esse deteriorem: sed nunc si ita de te sentias, quasi omnia correxeris, sciens quia hujusmodi cogitatio tua universa resolvit.

55. Dixit senex cuidam: Non apponas cor tuum adversus fratrem, dicens, quia tu magis illo sobrius et continentior, et intelligentior sis; sed subditus esto gratiæ Dei in spiritu paupertatis, et per charitatem non fictam; ne spiritu exaltationis elatus, perdas

laborem tuum; sed esto spiritali sale conditus in Christo.

56. Dixit senex: Quia qui plusquam dignus est honoratur aut laudatur, amplius patitur detrimentum; qui autem non fuerit omnino ab hominibus honoratus, hic desuper glorificabitur; (*Ruff.*, l. III, n. 112; *Pasch.*, c. 13, n. 1).

57. Frater aliquis interrogavit senem, dicens: Bonum est assidue pœnitere? Et respondit ei senex: Vidimus Jesum filium Nave, quia cum pronus jaceret in facie, apparuit illi Deus.

58. Interrogatus senex, quare ita inquietaremur a dæmonibus, respondit: Quia arma nostra abjicimus, quod est contumeliam, et humilitatem, et paupertatem, et patientiam (*Ruff.*, l. III, n. 173; *Pasch.*, c. 25, n. 11).

59. Frater quidam interrogavit senem dicens: Si qui fratrum attulerit ad me deforis cogitationes; vis, abba, dicam ei ut non eas afferat ad me? Et respondit ei senex: Noli. Et dixit frater: Quare? Respondit ei senex: Quia nec nos hoc possumus custodire; et ne forte cum dicimus proximo, Ne facias illud, inveniamus nos postea idipsum facientes. Et dixit frater: Quid ergo debet fieri? Et respondit ei senex: Si voluerimus taciturnitatem servare, sufficit proximo modus ipse.

60. Interrogatus est senex, quid esset humilitas? Et ille respondit: Si peccanti fratri in te ignoveris, antequam apud te pœnitentiam agat.

61. Dixit senex: In omni tentatione non culpes hominem, sed teipsum tantum, dicens: Quia pro peccatis meis hæc mihi evenerunt.

62. Dixit senex: Nunquam præterivi ordinem meum, ut altius ambularem; neque turbatus sum aliquando in humilitate positus; omnis enim cogitatio mea in hoc erat, ut deprecarer Dominum, quo spoliaret me veterem hominem.

63. Frater quidam interrogavit senem: Quid est humilitas? Et respondit ei senex: Ut benefacias his qui tibi malefaciunt. Et dixit frater: Si non perverniat homo in eadem mensura, quid faciet? Respondit senex: Fugiat, eligens taciturnitatem.

64. Frater aliquis interrogavit senem, dicens: Quod est opus peregrinationis? Et ille dixit ei: Scio fratrem peregrinantem, qui cum tentus esset in ecclesia, et contigisset ibi fieri agapem, sedit ad mensam ut manducaret cum fratribus. Dixerunt autem quidam: Istum hic quis tenuit. Et dixerunt ei: Surge et vade hinc foras: qui surrexit et abiit. Alii vero contristati de expulsionem ejus, egressi sunt, et revocaverunt eum. Post hæc interrogavit eum quidam, dicens: Quid, putas, est in corde tuo, quia expulsus es, et iterum revocatus? Et ille dixit ei: Quoniam posui in corde meo, quia æqualis essem cani, qui quando insectatur, foras egreditur; quando vero vocatur, ingreditur.

65. Venerunt quidam aliquando in Thebaidam ad quemdam senem, habentes secum unum qui a dæmonio vexabatur, ut curaretur ab illo sene (*Ruff.*,

l. III, n. 25). Senex ergo cum diu rogaretur, dixit A
dæmoni: Exi de factura Dei. Et respondit dæmon:
Exeo, sed interrogo te unum verbum, ut dicas mihi,
qui sunt hædi, et qui sunt agni. Et dixit senex:
Hædi quidem tales, qualis ego; agni vero qui sint,
Deus scit. Et audiens dæmon, clamavit voce magna,
dicens: Ecce propter istam humilitatem tuam exeo.
Et exiit eadem hora.

66. Manebat quidam monachus Ægyptius in subur-
bano Constantinopolitanæ civitatis (*Ruffin.*, l. III, n.
19, *narrante Pæmone*); et dum transiret Theodosius
Junior imperator per viam illam, reliquit omnes qui
in obsequio ejus erant, et venit solus ad cellam
ejus. Et pulsans ad ostium monachi, aperuit ei mo-
nachus. Videns autem eum, agnovit quidem quia
imperator esset; sic tamen suscepit eum, tanquam
unum ex officio militantium. Cum ergo introisset,
fecerunt orationem, et sederunt. Cæpit autem inter-
rogare imperator, dicens: Quomodo sunt patres in
Ægypto? Et ille respondit: Orant omnes pro salute
vestra. Imperator autem circumspiciebat in cella
ejus, si quid haberet, et nihil illic vidit nisi parvam
sportellam, habentem modicum panis, et lagenam
aquæ. Et dixit ei monachus: Gusta modice. Et infu-
dit ei panes, et misit ei oleum et sal, et manducavit,
et dedit ei aquam ut biberet. Dixit autem ei impe-
rator: Scis quis sum ego? Et ille dixit: Deuste scit
quis sis. Tunc dixit ei: Ego sum Theodosius impe-
rator. Ille autem statim adoravit salutans eum humi-
liter. Et dicit imperator: Beati estis vos, quia secu-
ram vitam habetis, et non cogitatis de hoc sæculo. C
Veritatem autem dicam, quia in imperio natus sum,
et nunquam  ita delectatus sum pane et aqua
sicut hodie; satis enim libenter comedi. Et cæpit ex
tunc honorare eum imperator; senex vero egrediens
fugit, et iterum venit in Ægyptum.

67. Dicebant senes: Quoniam quando tentamur,
tunc magis humiliamur; quoniam Deus sciens infir-
mitate nostram, protegit nos: si autem gloriamur,
aufert a nobis protectionem suam, et perimus.

68. Cuidam fratri apparuit diabolus transformatus
in angelum lucis, et dixit ad eum: Ego sum Gabriel
angelus, et missus sum ad te. Ille vero dixit ei: Vide
ne ad alium missus sis; ego autem non sum dignus
ut angelus mittatur ad me. Diabolus autem statim
non comparuit.

69. Dicebant senes: Quia vel si pro veritate ange-
lus tibi appareat, non suscipias facile, sed humilia
temetipsum, dicens: Non sum dignus angelum videre
vivens in peccatis.

70. Narraverunt de alio sene, quia sedens in cella
sua, et sustinens tentationes, videbat dæmones ma-
nifeste, et contemnebat eos. Cum autem diabolus videret
se vinci a sene, venit et ostendit se ei, dicens:
Ego sum Christus. Videns autem eum senex, clausit
oculos suos. Et dixit ei diabolus: Ego sum Christus,
et quare clausisti oculos tuos? Et respondit senex:
Ego hic Christum nolo videre, sed in illa vita. Au-
diens autem diabolus hæc, non comparuit.

71. Alterum senem volentes seducere dæmones,
dicebant ei: Vis videre Christum? Et ille dixit: Ana-
thema vobis et de quo dicitis. Ego autem meo Christo
credo dicenti: Si quis vobis dixerit, Ecce hic Christus,
aut ecce illic, nolite credere. Quo dicto statim non
comparuerunt (*Matth.* xxiv).

72. Narraverunt de alio sene, quia perseveravit
jejunans septuaginta hebdomadas, semel in hebdo-
mada reficiens. Hic postulavit a Deo de quodam ser-
mone Scripturarum sanctarum, et non revelabat ei
Deus. Dixit ergo in semetipso: Ecce tantum laborem
sumpsi: et nihil profeci: vadam ergo ad fratrem
meum, et requiro ab eo. Cui cum egressus clausisset
ostium suum ut abiret, missus est ad eum angelus
Domini, dicens: Septuaginta hebdomadæ quas jeju-
nasti, non te fecerunt proximum Deo: nunc vero
quando humiliatus es, ut ad fratrem tuum pergeres,
missus sum indicare tibi sermonem; aperiensque ei
de re quam quærebat, discessit ab eo.

73. Dicebat quidam senex (*Ruffin.*, l. III, n. 73):
Quia si quis cum humilitate et timore Dei injungat
fratri aliquid facere, sermo ipse qui propter Deum
egreditur, facit fratrem illum suum subjectum existe-
re et implere quod fuerit imperatum; si autem quis
volens jubere fratri, et non hoc secundum timorem
Dei fecerit, sed quasi per auctoritatem, volens sibi in
eo potestatem defendere, Deus qui videt occulta cor-
dis, non permittit eum audire vel facere quod jube-
tur. Manifestum enim est opus quod secundum Deum
fit; et iterum manifestum est quod pro voluntate aut
in potestate injungitur; quoniam quod a Deo est,
cum humilitate et obsecratione imperatur; quod au-
tem ex potestate, cum furore et perturbatione, utpo-
te quod a maligno est.

74. Dixit senex: Volo magis vinci cum humilitate,
quam vincere cum superbia.

75. Dixit senex: Non condemnes astantem tibi,
quoniam nescis utrum in te sit Spiritus Dei, an in
illo. Astantem autem tibi dico eum, qui minister
est tuus.

76. Frater aliquis interrogavit senem, dicens: Si
habito cum aliis fratribus, et video aliquam rem in-
convenientem, vis ut loquar? Et dixit ei senex: Si
sunt aliqui majores tibi aut coætanei, tacens magis
requiem habebis; in hoc enim, quo te minorem fa-
cies, etiam securum te reddes. Dicit ei frater: Quia
ergo facio, Pater? perturbat enim me spiritus. Dicit
ei senex: Si laboras, commonefacito semel humili-
ter; si autem non obediunt tibi, relinque laborem
tuum in conspectu Dei, et ipse te consolabitur: hoc
enim est ut projiciat se Dei cultor coram Deo, et re-
linquat ipse voluntates suas. Attende autem tibi ut
secundum Deum sit sollicitudo tua; et tamen quo-
modo video, bonum est tacere, humilitas enim tibi
est taciturnitas.

77. Frater quidam interrogavit senem, dicens:
Quid est profectus hominis? Et respondit ei senex:
Profectus hominis est humilitas. Quantum enim quis
ad humilitatem inclinatus fuerit, tantum elevabitur

ad profectum (*Ruff.*, lib. iii, n. 171; *Pasch.*, c. 15, A n. 5).

78. Dixit quidam senex : Quia si quis dixerit, Ignosce mihi, humilians se, comburit dæmones tentatores.

79. Dixit senex : Si acquisieris taciturnitatem, non habeas apud te ipsum quasi aliquam virtutem, etiamsi obtinueris, sed dic : Quia indignus sum loqui.

80. Dicebat quidam senex : Nisi velaret pistor oculos animalis ad molam circumeuntis, converteret se animal et comederet labores suos (*Ruff.*, l. iii, n. 128; *Pasch.*, c. 15, n. 1); ita et nos velamen accipimus secundum dispensationem Dei, ne videamus quæ operamur bona, et beatificantes forsitan nosmetipsos, perdamus mercedem **629** nostram. Propterea ergo relinquimur per intervalla temporum semel sic sordidas cogitationes assumere, ut cum easdem cogitationes aspicimus, nosmetipsos iudicio proprio condemnemus. Eæ enim cogitationes ipsæ, velamen sunt ipsius modici boni operis. Quando autem homo se ipsum accusat, non perdit mercedem suam.

81. Dixit quidam senex : Quia volo magis doceri quam docere. Item dixit : Non doceas ante tempus, alioquin omni tempore vitæ tuæ minoraberis intellectu.

82. Interrogatus est quidam senex : Quid est humilitas ? Et respondens dixit : Humilitas magnum opus est et divinum : via autem humilitatis hæc est, ut labores corporales assumi debeant, et ascribat se ipsum homo peccatorem, et ponat se subjectum omnibus. Et dixit frater : Quid est esse subjectum omnibus ? Respondit senex : Hoc est esse subjectum omnibus, ut non attendat quis aliena peccata, sed sua semper aspiciat, et deprecetur sine intermissione Deum.

83. Interrogabat quidam frater senem, dicens : Dic mihi unam rem, quam custodiam, et vivam per eam. Et dixit ei senex : Si potueris contumeliam pati et sustinere, magnum est hoc, et super omnes virtutes (*Ruff.*, l. iii, n. 85).

84. Dixit senex : Qui contemptum et injuriam et damnum patienter fert, potest salvus esse.

85. Dixit senex cuidam : Non habeas notitiam cum abbate, neque frequenter adjungas te ei ; quoniam ex hoc fiduciam sumes, et desiderare incipies ut teneas etiam ipse primatum.

86. Frater quidam erat in congregatione, et omnipotens quod fratribus imminerebat, ipse suscipiebat, ita ut se etiam in fornicatione accusaret (*Ruff.*, l. iii, n. 29. nomine *Eulalii*). Quidam autem fratrum ignorantes actus ejus, cœperunt murmurare adversus eum, dicens : Quanta mala facit hic et nec operatur ? Abbas sciens quæ agebat, dicebat fratribus : Volo unam mattulam istius cum humilitate, quam omnes vestras cum superbia. Et ut demonstraret ex Dei iudicio qualis esset frater ille, attulit omnia quæ operati fuerant illi fratres, et mattam ejus de qua querebantur, et accendit ignem, et jactavit in me-

dio. Consumpta sunt ergo omnia illorum opera, matta autem fratris illius illæsa permansit. Hæc autem videntes illi fratres timuerunt, et poenitentiam coram illo egerunt, habentes eum deinceps velut patrem.

87. Interrogatus est senex, quomodo quidam dicerent videre se aspectum angelorum ; et respondit dicens : Beatus est qui peccatum suum semper videt.

88. Frater aliquis contristabatur adversus alium fratrem ; quod audiens ille venit satisfacere ei. Ille autem non aperuit ei ostium cellæ suæ. Perrexit ergo ille ad quemdam senem, et dixit ei causam : Vide ne quasi justam habeas causam apud semetipsum in corde tuo, tanquam culpaturus fratrem tuum, ut quasi illum reprehendas, et te ipsum justifices, et propterea non tetigerit Deus cor ejus, ut aperiret tibi. Verumtamen hoc est quod dico tibi, ut vel si ille peccavit in te, pone in corde tuo, quia tu in illo peccaveris, et fratrem tuum justifica, et tunc Deus dat in corde illius concordare tecum ; et narravit illi exemplum tale, dicens : Duo quidam erant sæculares religiosi, et colloquentes secum egressi sunt, et facti sunt monachi : æmulationem autem habentes vocis evangelicæ, sed non secundum scientiam, castraverunt se quasi propter regna cælorum. Audiens autem archiepiscopus, excommunicavit eos ; illi autem putantes quia bene fecissent, indignati sunt contra eum, dicens : Nos propter regna cælorum castravimus nos, et hic excommunicavit nos ? Eamus et interpellemus adversus eum Jerosolymitanorum archiepiscopum. Abeuntes ergo indicaverunt ei omnia. Et dixit eis archiepiscopus Jerosolymitanus : Et ego vos excommunico. Ex quo iterum contristati abierunt in Antiochiam ad archiepiscopum, et dixerunt ei omnia quæ facta fuerant circa se. Et ille similiter excommunicavit eos. Et dixerunt ad seipsos : Eamus Romam ad patriarcham, et ipse nos vindicabit de omnibus istis. Abierunt ergo ad summum archiepiscopum Romanæ civitatis, et suggererunt ei quæ fecerant eis memorati archiepiscopi, dicens : Venimus ad te, quia tu es caput omnium. Dicit autem eis et ipse : Ego vos excommunico, et segregati estis. Tunc defecerunt excommunicati totius rationis, et dixerunt ad semetipsos : Isti episcopi sibi invicem deferunt et consentiunt, propter quod in Synodis congregantur ; sed eamus ad illum virum Dei sanctum Epiphanium episcopum de Cypro quia propheta est, et personam hominis non accipit. Cum autem appropinquarent civitati ejus revelatum est ei de ipsis ; et mittens in occursum eorum dixit : Ne intretis civitatem istam. Tunc illi in se reversi, dixerunt : Pro veritate nos culpabiles sumus ; ut quid ergo nos ipsos justificamus ? Fac etiam quia illi injuste nos excommunicaverunt, nunquid et iste propheta ? ecce enim Deus revelavit ei de nobis. Et reprehenderunt semetipsos valde de culpa quam fecerunt. Tunc videns **630** qui corda novit quia pro veritate se culpabiles fecerant, revelavit episcopo

Epiphano. Et ultro misit et adduxit eos, et conso-
latus eos, suscepit in communionem. Scripsit itaque
de his archiepiscopo Alexandriæ, dicens : Suscipe
filios tuos, quoniam in veritate pœnitentiam egerunt.
Et addidit senex qui hoc exemplum narraverat, di-
cens : Hæc est sanitas hominis, et hoc est quod vult
Deus, ut homo culpam suam projiciat ante Deum.
Hæc cum audisset frater, fecit secundum verbum
senis, et pergens pulsavit ostium fratris ; ille autem
mox ut sensit eum, prius apud illum deintus pœni-
tentiam gessit, aperuitque statim ostium, et osculati
sunt se invicem ex animo, et facta est inter utrosque
pax maxima.

89. Duo monachi, qui erant etiam carnales fratres,
habitabant simul, et volebat diabolus separare eos ab
invicem (*Ruff.*, l. III, n. 18). Semel ergo unus, qui B
erat minor ætate, incendit lucernam, et posuit eam
super candelabrum. Fecit autem opera sua dæmon,
et evertit candelabrum : quapropter cecidit eum ma-
jor frater cum ira. Ille vero pœnitentiam egit, dicens
ei : Habe patientiam in me, frater, et iterum accendo
eam. Et ecce virtus Domini venit, et torquebat illum
dæmonem usque mane. Dæmon autem nuntiavit suo
principi quod factum fuerat. Et audivit sacerdos pa-
gancrum id quod retulerat dæmon, et egressus fa-
ctus est monachus, et ab initio conversionis suæ te-
nuit humilitatem, dicens : Humilitas solvit omnem
virtutem inimici, sicut ego audivi eos loquentes, di-
cendo : Quia quando perturbamus monachos, con-
vertitur unus ex eis, et agit pœnitentiam, et destruit
omnem virtutem nostram.

LIBELLUS DECIMUS SEXTUS.

De patientia.

1. Dicebant fratres de abbate Gelasio, quia habue-
rit Codicem in membranis valentem solidos decem
et octo (*Ruff.*, l. III, n. 30, nomine *Anastasi*). Conti-
nebat vetus et novum Testamentum totum ; et posi-
tus erat Codex ipse in ecclesia, ut qui vellet de fra-
tribus legeret. Superveniens autem quidam frater
peregrinus applicuit ad senem, et videns Codicem
illum concupivit eum, et furatus eum exivit atque
discessit. Senex vero non est secutus post eum ut
comprehenderet eum, utpote qui intellexerat quod
fecerat. Ille autem pergens in civitatem, quærebat
cui venderet eum. Et cum invenisset qui volebat
emere, cœpit solidos sedecim pretium ejus postulare. D
Ille vero volens comparare eum, dixit : Da mihi pri-
mum et ostendam eum, ut sic tibi pretium dabo.
Dedit ergo ille Codicem ad ostendendum. Quem ac-
cipiens ille qui emere cupiebat, attulit eum ad ab-
batem Gelasium, ut probaret si bonus Codex esset,
aut si tantem valeret. Dixerat enim ei et quantitatem,
quam venditor postulabat. Et dixit senex : Eme illum,
quia bonus Codex est, et valet pretium quod dixit
tibi. Ille autem veniens dixit venditori aliter, et non
sicut audierat a sene, dicens : Ecce ostendi illum ab-
bati Gelasio, et dixit mihi quia charus est, et non
valet quantum dixisti. Ille hoc audiens dixit ei : Ni-
hil aliud tibi dixit senex ? Et respondit : Nihil. Tunc

PATROL. LXXIII.

A dixit ei : Jam nolo vendere Codicem istum. Compun-
ctus autem venit ad senem pœnitentiam agens, et
rogans eum ut reciperet Codicem, senex autem no-
lebat accipere eum. Tunc dixit ei frater : Quia si non
recipis eum, non possum securus esse. Et dixit ei
senex : Si non potes esse securus nisi recipiam, ecce
recipio eum. Et remansit frater ille apud eum usque
ad exitum suum, proficiens de patientia senis.

2. Factus est aliquando conventus in Cellis pro
causa quadam, et locutus est quidam abbas Evagrius,
et dixit ei presbyter monasteriorum : Scimus, abba
Evagri, quia si esses in patria tua, forte aut epis-
copus fueras, aut multorum caput ; nunc autem hic
velut peregrinus es. Ille vero compunctus, non qui-
dem turbulenter aliquid respondit, sed movens ca-
put, respiciensque in terram, digito scribebat, et
dixit eis : Revera ita est, Patres : verumtamen semel
locutus sum, in Scripturis vero secundo nihil adji-
ciam.

3. Sedente aliquando abbate Joanne Brevi ante
ecclesiam, circumdederunt eum fratres, exquirentes
ab eo singuli de cogitationibus suis (*Ruff.*, l. III, n.
21). Quidam autem senex hoc videns, accensus in-
vidia dixit ei : Suriscula tua, abba Joannes, veneno
est plena. Et respondit ei abbas Joannes : Ita est,
abba. Hoc autem dixisti, quia ea quæ sunt foris tan-
tummodo vides ; si autem videres quæ intro sunt,
quid esses dicturus ?

4. Dicebant de Joanne Minore de Thebaida, qui
fuit discipulus abbatis Ammonii, quia duodecim an-
nos fecerit in ministerio, serviens seni in infirmitate
ejus, et posthæc sedebat super mattam ; senex vero
contristabatur pro eo (*Ruff.*, l. III, n. 155 ; *Pasc.*, c.
19, n. 2). Et dum multum laborasset cum eo, nun-
quam dixit ei : Sanus esto. Quando autem jam mor-
iturus erat, residentibus senibus loci, tenuit ma-
num ejus, et dixit : Sanus sis, sanus sis, sanus sis.
Et tradidit eum senibus, dicens : Hic ange-
lus est, non homo.

5. Dicebant de abbate Isidoro, qui erat presbyter
in Scythi, quia si quis habuisset fratrem infirmum,
aut pusillanimum, aut injuriosum, et volebat eum
expellere foris, ille dicebat : Adducite eum ad me.
Et apprehendens eum, patientia sua curabat animam
fratris illius.

6. Abbas Macarius, in Ægypto positus (*Ruff.*, lib.
III, n. 73, *Pasch.*, v. 3, n. 1), invenit hominem qui
adduxerat animal, et rapiebat quæ habebat ; ipse
vero ut peregrinus astitit furi, et adjuvabat eum ad
animal carricandum, et cum omni quiete deduxit
eum, dicens in semetipso : Nihil intulimus in hunc
mundum, sed Dominus dedit ; sicut voluit ipse, ita
factum est ; benedictus in omnibus Dominus
(*I Tim.* VI).

7. Facta aliquando congregatione fratrum in Scy-
thi, cum voluissent senes probare abbatem Moysen,
contempserunt eum, dicentes : Ut quid iste Æthiops
venit in medio nostrum ? Ille autem audiens, tacuit.
Cum vero dimissus fuisset conventus, dixerunt ei hi

31

qui eum injuriose tractaverant : Nec modo non es turbatus? Et ille respondit : Turbatus sum, et non sum locutus (*Psal. LXVII*).

8. Paysius frater abbatis Pastoris habuit affectum cum quodam monacho ex cella sua ; abbas autem Pastor nolebat hoc : qui consurgens fugit ad abbatem Ammonam, et dicit ei : Frater meus Paysius habet cum quibusdam affectum, quod ego non libenter fero. Dixit autem ei abbas Ammonas : Abba Pastor, adhuc vivis? Vade in cellam tuam, et pone in corde tuo, quia annum jam habes in sepulcro.

9. Dixit abbas Pastor : Omnis labor quicumque evenerit tibi, ex taciturnitate superabitur.

10. Quidam frater læsus ab alio fratre, venit ad abbatem Sisoï Thebæum, et dixit ei : Læsus sum a quodam fratre, et volo me vindicare (*Ruff., l. III, n. 77; Pasch., c. 7, n. 1*). Senex autem rogabat eum, dicens : Noli, filii; sed dimitte magis Deo vindictam. Ille autem dicebat : Non quiesco donec meipsum vindicavero. Dixit autem senex : Oremus, frater. Et surgens dixit senex : Deus, jam te opus non habemus cogitare de nobis, quoniam nos ipsi vindictam nostram facimus. Hoc autem audiens frater, cecidit ad pedes illius senis, dicens : Jam non contendo cum fratre illo, sed, rogo, ignosce mihi.

11. Quidam videns quemdam religiosum portan-tem mortuum in lecto, dicit ei : Mortuos portas? Vade, viventes porta.

12. Dicebant de quodam monacho, quia quantum eum injuriis quis appetisset aut exacerbasset (*Ruff., l. III, n. 80; Pasch., c. 7, n. 4*), tanto magis ille ad eum concurrebat, dicens : Quia hujusmodi homines causa corrigendi fiunt his qui in conversatione studiosi sunt. Nam qui eos beatificant, magis confundunt animas eorum. Scriptum est enim : Quia qui beatificant vos, seducunt vos (*Isaia III*).

13. Venerunt aliquando latrones in monasterium senis (*Prat. spirit. c. 212*), et dixerunt ad eum Omnia quæ in cella tua sunt tollere venimus. Et ille dixit : Quantum vobis videtur, filii, tollite. Tulerunt ergo quodcumque invenerunt in cella, et abierunt. Obliti sunt autem ibi saccellum, quod erat absconditum in cella. Senex vero tollens eum, secutus est post eos, clamans et dicens : Filii, tollite quod obliti estis in cella. Illi vero admirantes patientiam senis, retulerunt omnia in cella ejus, et penitentiam egerunt omnes, ad invicem dicentes : Hic vere homo Dei est.

14. Fratres quidam venerunt ad senem quemdam sanctum in deserto loco sedentem, et invenerunt foris extra monasterium puerum pascentem pecora, et loquentem verba quæ non decebat (*Ruff., l. III, n. 91*). Postquam autem viderunt senem, et indicaverunt ei cogitationes suas, et de responsione ejus se profecisse senserunt, dicunt ei : Abba, quomodo acquiescis habere tecum pueros istos, et non præcipis eis ne strinientur (44)? Et dixit senex : Credite mihi, fratres, dies habeo, ex quo volo eis præcipere, et redarguo meipsum, dicens : Si hoc parum non

A portavero, quomodo majorem tentationem, si per- miserit mihi Deus inferri, portare possum? Et pro- pterea nihil cis dico, ut fiat consuetudo portandi quæ superveniunt.

15. Narraverunt de sene quodam, quia habuerit puerulum cohabitantem secum ; et videns eum, quia fecerit opus quod non expediebat ei, dixit ei semel : Non facias hanc rem. Et ille non obedivit ei. Hoc autem senex videns, abjecit de cogitatione sua curam illius, jactans proprium judicium super ipsum; puer vero clausit ostium cellæ, in qua erant panes, per tres dies, et dimisit senem jejunum, et non dixit ei senex : Ubi es, aut quid facis foris? Habebat autem vicinum senex : qui cum agnovisset, quia tardaret puerulus ille, fecit modicum pulmentum, et dabat ei per parietem, et rogabat ut gustaret, et dicebat seni : Quid tardat frater ille foris? Senex vero dicebat : Quando ei vacaverit, revertetur.

16. Narraverunt aliqui quia philosophi quidam aliquando voluerunt probare ~~639~~ monachos, et venit unus transiens stola indutus et bene vestitus (*Ruff., l. II, n. 74; Pasch., c. 3, n. 2*). Et dixerunt ei philosophi : Tu veni huc. Ille vero indignatus, injuriis aggressus est eos. Transiit et alter unus monachus magnus, rusticus genere; et ipsi dixerunt ei : Tu, monache male senex, veni huc. Ille vero cursim venit. Et cæperunt ei alapas dare ; ille autem convertit eis aliam maxillam. Statim vero illi surrexerunt philosophi, et adoraverunt eum, dicentes: Vere ecce monachus. Et fecerunt eum sedere in medio sui, et interrogaverunt eum, dicentes : Quid est quod plus facitis de nobis in solitudine ista? Jejunatis, et nos jejunamus ; et castigatis corpora vestra, et nos castigamus ; sed et quidquid facitis, etiam et nos facimus. Quid ergo plus facitis a nobis sedentes in eremo? Respondit eis senex : In gratia Dei speramus nos, et mentem nostram custodimus. Et illi dixerunt ei : Nos hoc custodire non possumus. Et ædificati dimiserunt eum.

17. Senex quidam erat habens probatum discipulum, quem aliquando contristatus expulit foras. Ille vero discipulus exspectabat sedens foris ; et apertus senex invenit eum, et penitentiam egit apud eum senex, dicens : Tu Pater meus es, quia humilitas et patientia tua vicit pusillanimitatem animi mei. Veni intus, amodo enim tu senex et Pater, ego autem juvenis et discipulus quoniam opere tuo superasti meam senectutem.

18. Dicebat quidam senum quod audierit aliquos viros sanctorum dicere esse juvenes qui ducatum præbeant senibus in vita hac, et narraverunt, dicentes : quia erat quidam ebriosus senex, et operabatur unam mattam in die, et vendebat eam in vicino vico, et bibebat quod accipiebat de pretio ejus. Postea vero venit ad eum quidam frater, et manebat cum ipso, qui similiter operabatur et ipse mattam unam : tollebat autem eam senex et vendebat, et ambarum mattarum pretium expendebat in vino, illi autem fratri efferebat tantummodo modicum panem ad seram.

Et cum hoc triennio jugiter faceret, nihil locutus est A frater ille. Posthæc vero dixit frater ille in semetipso: Ecce nudus sum, et panem cum egestate comedo, surgam ergo et discedam hinc. Iterum autem cogitavit in semetipso, dicens: Ubi habeo ire? Sedeo hic; ego enim propter Deum sedeo in hac vita communi. Et statim apparuit ei angelus Domini, dicens: Nusquam discedas, veniemus enim cras ad te. Et rogavit frater ille senem illum ipsa die, dicens: Non discedas hinc alicubi, quia venient hodie mei tollere me. Cum ergo facta fuisset hora qua solebat senex descendere ad vicum, dixit fratri: Non venient hodie, fili; jam enim tarde est. Et ille dixit ei modis omnibus, quia venient: et dum cum eo loqueretur, dormivit in pace; senex autem flebat, dicens: Heu me, fili, quia multis annis sub negligentia vivo, B tu autem in parvo tempore salvasti animam tuam per patientiam. Et ex illo die factus est senex sobrius et probatus.

19. Dicebant de quodam fratre, qui seni cuidam magno vicinus erat, quia ingrederetur, et raperet quidquid haberet senex in cella sua (*Ruff.*, l. III, n. 74; *Pasch.*, c. 3, n. 2). Videbat autem eum senex, et non objurgabat eum, sed extorquebat sibi plus solito manibus operari, dicens: Credo, opus habet frater iste. Et exigebat a se majorem solito laborem; et astringebat ventrem suum, ut cum indigentia comederet panem. Cum autem mori cœpisset senex ille, circumsteterunt eum fratres. Et respiciens in eum qui furabatur, dixit ei: Junge te huc ad me. C Et tenuit et osculatus est manus ejus, dicens: Gratias ago istis manibus, frater, quia propter istas vado in regno cœlorum. Ille autem compunctus et penitentiam agens, factus est etiam ipse probatus monachus, exemplum sumens de actibus magni illius senis¹.

LIBELLUS DECIMUS SEPTIMUS.

De charitate.

1. Dixit abbas Antonius: Ego jam non timeo Deum, sed amo, quia amor foras misit timorem (*I Joan.* iv).

2. Dixit iterum: Quia de proximo est vita et mors; si enim lucremur fratrem, lucrabimur Deum; si autem scandalizamus fratrem, in Christo peccamus.

3. Abbas Ammon de loco Nitriensis, venit ad abbatem Antonium, et dixit ei: Video quia majorem laborem quam tu sustineo, et quomodo nomen tuum magnificum est in hominibus super me? Et dixit ei abbas Antonius: Quoniam et ego diligo Deum plus quam tu.

4. Venit aliquando abbas Hilarion de Palæstina ad abbatem Antonium in montem, et dicit ei abbas Antonius: Bene venisti, Lucifer, qui mane oriris. Et dixit abbas Hilarion: Pax tibi, columna lucis, quæ sustines orbem terrarum.

5. Dixit abbas Marcus abbati Arsenio: Quare nos fugis? Et dicit ei senex: Scit Deus, quia diligo vos; sed non possum esse cum Deo et cum hominibus;

superiorum 633 enim virtutum millia et millium millia unam voluntatem habent, homines autem multas voluntates. Non possum ergo dimittere Deum, et venire, et esse cum hominibus.

6. Dixit abbas Agathon: Quia secundum voluntatem meam nunquam dormivi, retinens in corde adversus quemquam dolorem, neque dimisi dormire alium habentem adversum me aliquid (*Ruff.*, l. III, n. 95).

7. Ascendente aliquando de Scythi abbate Joanne cum aliis fratribus, erravit, qui eis ducatum præbebat, in via; erat enim nox. Et dixerunt fratres abbati Joanni: Quid facimus, abba, quia erravit frater iste de via, ne forte moriamur errantes? Et dixit eis senex: Si dixerimus ei aliquid, contristabitur. Sed ecce facio me ipsum quasi defectum, et dico me non posse ambulare, sed jaceo hic usque mane. Et fecerunt sic. Sed et residui dixerunt: Nec nos ibimus, sed sedebimus tecum: et sederunt usque mane, ne objurgarent fratrem illum.

8. Senex quidam erat in Ægypto, antequam veniret illic abbas Pastor: ille autem senex habebat notitiam hominum et multum honorem (*Ruff.*, lib. III, n. 95). Cum ergo ascendisset abbas Pastor de Scythi cum suis, dimiserunt illum senem, et venerunt ad abbatem Pastorem: invidiatus autem senex male loquebatur de eis. Hoc audiens Pastor, contristabatur, et dicit fratribus suis: Quid faciemus de senes isto magno, quia nos in tribulatione miserunt homines derelinquentes senem, et ad nos qui nihil sumus, attendentes? Quomodo ergo possumus sanare eum? Et dixit eis: Facite aliquid ad gustandum, et tollite vasculum vini, et eamus ad eum, et gustemus simul, forsitan per hæc possumus sanare animum ejus. Tulerunt ergo quos paraverant cibos, et perrexerunt ad eum; et dum pulsarent ostium, respondit discipulus ejus, dicens: Qui estis? Et illi dixerunt: Dic abbati, quia Pastor est, et desiderat benedici per vos. Hoc autem nuntiat ei discipulus ejus. Ille mandavit, dicens: Vade, quia non mihi vacat. Illi autem perseverantes in caumate dixerunt: Non discedimus, nisi meruerimus benedictionem senis. Senex autem videns perseverantiam et humilitatem eorum, compunctus aperuit eis, et intrantes gustaverunt cum eo; cum ergo manducarent, dixit senex: In veritate dico, minus quam quod est audivi de vobis: centuplum enim est quod video in opere vestro. Factus est ergo amicus eis ex illo die.

9. Dixit abbas Pastor: Conare secundum virtutem tuam nulli omnino facere malum, et castum serva cor tuum omni homini.

10. Iterum dixit: Non est aliquid majus dilectione, etiam ut animam suam ponat quis pro proximo suo. Etenim si quis audiens sermonem tristem, cum possit ipse id facere, certet atque sustineat, et non recontristet; vel etiam si læsus in re aliqua patienter tulerit, non retribuens contristanti atque lædenti se; eo modo hujusmodi homo animam suam ponit pro

¹ Hic in editis sequebatur n. 20, de Thaisi meretrice; sed eam habes lib. I inter Vitas.

proximo suo (*Ruff.*, l. II, n. 201; *Pasch.*, c. 37, n. 3, *Append. Mart.*, n. 14).

11. Contigit aliquando abbatem Parabo iter cum fratribus in partibus Ægypti facere; et videns quosdam sæculares sedentes dixit eis: Surgite, et salutate, et osculamini monachos ut benedicamini, frequenter enim cum Deo loquuntur, et sanctasunt oraeorum (*Ruff.*, l. III, n. 164).

12. Dicebant de abbate Paphnutio, quia non cito bibebat vinum (*Ruff.*, l. III, n. 151). Ambulans autem aliquando iter, supervenit in conventu latronum, et invenit eos bibentes: cognovit autem eum qui primus erat latronum, et sciebat quia non biberet vinum. Videns ergo eum de multo labore fatigatum, implevit calicem vini, et in alia manu tenuit gladium evaginatum, et dicit seni: Si non bibis, occidam te. Sciens autem senex quia mandatum Dei vult facere, et volens eum lucrari, accepit et bibit. Ille vero princeps latronum penitentiam apud eum egit, dicens: Ignosce mihi, abba, quia contristavi te. Et dicit ei senex: Credo in Deo meo, quia per hunc calicem faciet misericordiam tecum et in hoc sæculo, et in futuro. Et respondit primus latronum: Et ego credo in Deo, quia amodo non faciam alicui quidquam mali. Et lucratus est senex omne collegium illorum latronum, per id quod se propter Deum dimisit voluntati eorum.

13. Dixit abbas Hyperichius: Eripe proximum a peccatis, quanta tibi est virtus, sine improprio, quoniam Deus convertentes non repellit a se. Verbum autem malitiæ et nequitiae non habitet in corde tuo adversus fratrem tuum, ut possis dicere: Dimitte nobis debita nostra, sicut et nos dimittimus debitoribus nostris (*Matth.* vi).

14. Duo fratres erant in Cellis: unus autem ex eis senex erat, et rogabat illum qui erat juvenis, dicens: Maneamus simul, frater. Et ille dixit ei: Peccator sum, et non possum manere tecum, abba (*Ruff.*, l. III, n. 152). Ille autem rogabat eum, dicens: Etiam possumus. Erat autem senex ille mundus, et volebat audire, quia monachus haberet in cogitatu fornicationem. Et dicit ei frater: Dimitte mihi unam hebdomadam, et iterum loquemur. Venit ergo senex, et volens eum juvenis ille probare, dicebat: In magna tentatione incurri hebdomada ista, abba; pergens enim pro ministerio quodam in vicum, incidi in mulierem. Et dixit ei senex: Estne poenitentia? Et dixit frater: Etiam. Senex autem dixit: Ego tecum porto medietatem peccati hujus. Tunc dixit frater ille: Modo scio quia possumus simul manere. Et manserunt simul usque ad exitum suum.

15. Dixit quidam Patrum: Si quis te petierit rem aliquam, et violenter præstiteris ei, sit voluntas animi in id quod datur, sicut scriptum est: Quia si quis te angariaverit milliario, vade cum ipso duo (*Matth.* v): hoc autem est, ut si quis te petierit rem aliquam, des ei ex animo et spiritu.

16. Dicebant de quodam fratre quia cum fecisset sportas et posuisset eis ansas (*Ruff.*, lib. III, n. 147),

A audivit etiam vicinum suum alium monachum dicentem: Quid facio, quia proximum est mercatum, et non habeo ansas quas imponam sportellis meis? Ille vero resolvit ansas quas imposuerat sportellis, et fratri illi vicino attulit, dicens: Ecce istas superfluas habeo, tolle, impone in sportas tuas. Et fecit opus fratris sui perficere ad quod opus erat, proprium autem opus reliquit imperfectum.

17. Dicebant de quodam sene in Scythi, quia ægrotavit, et voluit manducare modicum panem recentem: hoc autem audiens quidam exercitatorum fratrum, tulit melotem suam, et misit in eam panem siccum, et vadens in Ægyptum, mutavit illum ad panem recentem, et attulit seni. Et cum vidissent fratres panes illos recentes, mirati sunt; senex autem noluit gustare, dicens: Quia sanguis fratris est. Et rogaverunt senes, dicentes: Propter Deum comede, ne vacuum sit sacrificium fratris istius. Atque ita rogatus comedit.

18. Frater interrogavit quemdam senem, dicens: Duo sunt fratres, ex quibus unus quiescit in cella sua, protrahens jejunium sex dierum, et multum sibi laborem imponens; alter vero ægrotantibus deservit. Cujus opus magis acceptum est Deo? Respondit ei senex: Si frater ille, qui sex diebus jejuniū levat, appendat se per nares, non potest esse equalis illi qui infirmantibus deservit.

19. Interrogavit quidam senem quemdam, dicens: Quomodo sunt modo quidam laborantes in conversatione, et non accipiunt gratiam sicut antiqui (*Ruff.*, lib. III, n. 181; *Pasch.*, cap. 28, n. 4)? Dicit ei senex: Quia tunc charitas erat, et unusquisque proximum suum trahebat sursum; nunc autem refrigerante charitate, unusquisque proximum suum deorsum trahit, et propterea gratiam non meremur accipere.

20. Perrexerunt aliquando tres fratres ad messem, et susceperunt certum spatium sexaginta modiorum quod meterent (*Append. Mart.*, n. 9). Unus autem ex eis ipsa prima die infirmari cœpit, et reversus est ad cellam suam. Duo autem qui remanserant, unus alteri dixit: Ecce frater vides, quia incurrit in ægritudinem frater noster; extorque ergo tu animo tuo, et ego similiter meo paululum, et credamus in Deo, quia per orationem ejus implebimus nos duo opera, et metemus partem ipsius. Cum ergo explicassent messem totius loci illius quem susceperant, venerunt accipere mercedes suas: et vocaverunt fratrem illum, dicentes: Veni, frater, accipe laborem tuum. Et ille dixit eis: Qualem laborem accipiam, qui non messui? Et illi dixerunt ei: Orationibus consummata est messis; veni ergo, accipe mercedes tuas. Facta ergo plurima contentione inter eos de hac re; illo scilicet dicente: Non accipiam, qui non laboravi; illis vero non acquiescentibus, nisi et ipse perciperet partem suam, abierunt ad iudicium cujusdam magni senis. Et dixit ei ille frater: Perreximus tres, ut meteremus in agro cujusdam ad mercedes. Cum autem venissemus ad locum quem messuri eramus

ipsa prima die in ægritudine cecidi, et reversus sum in cellam meam, nec una die metere prævalens cum eis. Et nunc cogunt me isti, dicentes : Frater, veni, accipe mercedes ubi non laborasti. Dixerunt autem et illi fratres : Revera perreximus metere, et suscepimus spatium sexaginta modiorum quod meteremus; et si fuissetis toti tres, cum grandi labore vix potuissemus explicare illud; orationibus autem fratris hujus nos duo velocius quam tres potuimus et demessuimus agrum, et dicimus ei : Veni, accipe mercedes tuas, et non vult. Hoc autem audiens senex, miratus est, et dixit uni de monachis suis : Percute signum (45) in cella fratrum, ut congregent se hic omnes. Qui cum venissent, dixit eis : Venite, fratres, et audite hodie justum iudicium. Et indicavit eis omnia senex, et adjudicavit fratrem illum, ut acciperet mercedes suas, et faceret ex his mercedibus quod ipse vellet. Et discessit frater ille contristatus et plorans, quasi præiudicium passus.

21. Dicebat quidam senex : Quia Patres nostri consuetudinem habuerunt venire ad cellas novorum fratrum, qui solitarii conversari volebant, et visitabant eos, ne quis eorum tentatus a dæmonibus læderetur a cogitatione sua. Et si quando aliquis eorum inveniebatur læsus, adducebant eum ad ecclesiam, et ponebatur pelvis cum aqua, et fiebat pro eo oratio qui tentationibus laborabat, et lavabant omnes fratres manus suas in pelvi, et perfundebatur aqua illa fratri qui tentabatur, atque ita statim purgabatur frater ille.

22. Duo senes multis annis simul conversati sunt, et nunquam inter se litem habuerunt (Rufl., l. III, n. 96). Dixit autem unus alteri : Faciamus et nos unam litem, sicut homines faciunt. Et ille respondit fratri, dicens : Nescio qualiter fiat lis. Et ille dixit : Ecce pono in medio laterculum, et ego dico : Meum est hoc. Tu autem dic : Non, sed meum est; inde sit litis initium. Posuerunt ergo testam in medio sui, et dicit unus eorum : Meum est hoc. Et alter dixit : Non, sed meum est. Et ille respondit ei : Etiam tuum est; tolle ergo et vade. Et discesserunt, nec contendere inter se potuerunt.

23. Frater aliquis interrogavit senem quemdam, dicens : Si videro fratrem, de quo audivi aliquam culpam, non possum suadere animo meo ut introducam eum in cellam meam; si autem videro bonum fratrem, ipsum libenter suscipio. Et dixit ei senex : Si facis bonum fratri bono, illi parum; alteri duplum impende, ipse est enim qui infirmatur.

24. Dixit quidam senex : Nunquam desideravi opus quod mihi utile esset, et fratri meo dispendium faceret, huiusmodi habens spem, quia lucrum fratris mei, opus fructificationis est mihi.

25. Quidam frater erat minister cujusdam Patris. Contigit autem ut vulnus fieret in corpore senis, et sanies multa ex eo cum fetore proflueret. Dicebat autem cogitatio sua fratri illi qui ei deserviebat : Discede hinc, quia non potes sustinere fetorem putredinis istius. Ille vero frater, ut reprimeret huiusmodi

cogitationem, tulit vas et lavit vulnus senis illius, et recolligit ipsam aquam in vase; et quoties sitiiebat, ex ea bibebat. Cœpit autem iterum cogitatio sua sollicitare eum, dicens : Si non vis fugere, vel non bibas fetorem hunc. Frater autem ille laborabat, et toleranter ferebat, bibens lavaturam vulneris illius. Et cum ita ministraret seni, vidit Deus charitatem laboris ejus, et illam lavaturam vulneris in aquam mundissimam vertit, et senem invisibili medicamento sanavit.

LIBELLUS DECIMUS OCTAVUS.

De prævidentia sive contemplatione.

1. Frater abiit ad cellam abbatis Arsenii in Scythi, et attendit per fenestram, et vidit senem totum quasi igneum : erat autem frater ille dignus qui talia intueretur. Et cum pulsasset, egressus est senex, et vidit fratrem illum stupentem, et dicit ei : Diu est quod hic pulsas? ne aliquid vidisti? Et ille respondit ei : Non. Et colloquens cum eo, dimisit eum.

2. Dixit abbas Daniel (Rufl., lib. III, n. 38), qui erat discipulus abbatis Arsenii, quia narravit ei abbas Arsenius, tanquam de alio aliquo dicens (puto tamen quod de eo dicebatur), quia cum sederet in cella sua quidam senum, venit vox dicens ei : Veni, ostendam tibi opera hominum. Et surgens exiit, et duxit eum in quemdam locum, et ostendit ei Æthiopem incidentem ligna, et facientem sarcinam grandem, et tentabat portare eam, et non poterat, et pro eo ut auferret ex sarcina illa, ibat item, et incidere ligna, et addebat ad sarcinam : hoc autem faciebat diutius. Et procedens paululum, ostendit ei hominem rursus stantem super lacum, et implevit vas aqua, et ex eo iufundentem in cisternam pertusam, quæ cisterna iterum aquam ipsam refundebat in lacum. Et dicit ei iterum : Veni, ostendam tibi aliud; et ecce vidi templum, et duos viros sedentes in equis, et portantes lignum transversum unum contra unum : volebant autem per januam intrare in templum, et non poterant propter lignum illud, quod in transverso portabant, et non inclinantes se unus post alium, ut fieret lignum illud directum, remanserunt foris extra januam templi. Et cum interrogasset quid hoc esset, ille respondit ei : Hi sunt qui portant velut justitiæ cum superbia jugum, et humiliati non sunt ut corrigant se et ambulent humiliter in via Christi; propter quod et remanent foris a regno Dei. Ille autem qui ligna incidit, homo est in peccatis multis, et pro illis non agit pœnitentiam, nec subtrahit de peccatis suis, sed et iniquitates adhibet supra iniquitates suas. Qui autem aqua implet cisternam, homo est qui opera quidem facit bona, sed quia habet etiam in eis permixta et mala, pro hoc perdit etiam et bona opera sua. Quapropter convenit omnem hominem sobrium esse in considerandis operibus suis, ne in vanum videatur sustinere labores.

3. Narravit iterum abbas Daniel, dicens : Dixit Pater noster abbas Arsenius de quodam senesene, qui erat magnus in hac vita, simplex autem in fide,

et errabat pro eo quod erat idiota, et dicebat, non esse naturaliter corpus Christi panem quem sumimus, sed figuram ejus esse. Hoc autem audientes duo senes quod diceret hunc sermonem, et scientes quia magna esset vita et conversatio ejus, cogitaverunt quia innocenter et simpliciter diceret hoc, et venerunt ad eum, et dicunt ei : Abba, audivimus sermonem cujusdam infidelis, qui dicit quia panem quem sumimus, non natura corpus Christi, sed figura est ejus. Senex autem ait eis : Ego sum qui hoc dixi. Illi autem rogabant eum, dicentes : Non sic teneas, abba, sed sicut Ecclesia catholica tradidit : nos autem credimus quia panis ipse corpus Christi est, et calix ipse est sanguis Christi secundum veritatem, et non secundum figuram : sed sicut in principio pulverem de terra accipiens plasmavit hominem ad imaginem suam, et nemo potest dicere quia non erat imago Dei, quamvis incomprehensibilis ; ita et panis, quem dixit : Quia corpus meum est, credimus quia secundum veritatem corpus Christi est. Senex autem ait eis : Nisi reipsa cognovero, non mihi satisfacit responsio vestra. Illi autem dixerunt ad eum : Deprecemur Deum hebdomada hac de mysterio hoc, et credimus quia Deus revelabit nobis. Senex vero cum gaudio suscepit sermonem istum, et deprecabatur Deum, dicens : Domine, si tu cognoscis quoniam non per malitiam incredulus sum rei hujus, sed per ignorantiam errem, revela ergo mihi, Domine Jesus Christe, quod verum est. Sed et illi senes abeuntes in cella sua, rogabant et ipsi, dicentes : Domine Jesu Christe, revela seni mysterium hoc, ut credat et non perdat laborem suum. Exaudivit autem Deus utrosque : et hebdomada completa venerunt Dominico die in ecclesia, et sederunt ipsi tres soli super sedile de scirpo, quod in modum fascis erat ligatum, medius autem sedebat senex ille. Aperti sunt autem oculi eorum intellectuales ; et quando positi sunt panes in altari, videbatur illis tantummodo tribus tanquam puerulus jacens super altare. Et cum extendisset presbyter manus, ut frangeret panem, descendit angelus Domini de caelo habens cultrum in manu, et secavit puerulum illum, sanguinem vero excipiebat in calice. Cum autem presbyter frangeret in partibus parvis panem, etiam et angelus incidebat pueri membra in modicis partibus. Cum autem accessisset senex, ut acciperet sanctam communionem, data est ipsi soli caro sanguine cruentata. Quod cum vidisset, pertimuit, et clamavit, dicens : Credo, Domine, quia panis qui in altari ponitur, corpus tuum est, et calix tuus est sanguis. Et statim facta est pars illa in manu ejus panis, secundum mysterium, et sumpsit illud in ore, gratias agens Deo. Dixerunt autem ei senes : Deus scit humanam naturam ; quia non potest vesci carnibus crudis, et propterea transformat corpus suum in panem, et sanguinem suum in vinum, his qui illud cum fide suscipiunt. Et egerunt gratias Deo de sene illo ; quia non permisit Deus

aperire labores ejus, et reversi sunt cum gaudio ad cellas suas.

4. Iterum ipse abbas Daniel narravit de alio sene magno, qui habitabat in inferiores partes Ægypti, quia diceret per simplicitatem quod Melchisedech ipse est filius Dei. Hoc autem indicatum est sanctæ memoriæ Cyrillo archiepiscopo Alexandrino, et misit ad eum. Sciens autem quia signifer esset ille senex, et quiddam peteret a Deo revelabatur ei, et quia simpliciter diceret hoc verbum, usus est hujusmodi ratione, dicens : Abba, rogo te quia in cogitatione mea est, quod Melchisedech ipse sit filius Dei ; et rursus alia cogitatio mea dicit quia non sit, sed homo sit, et sacerdos summus fuerit Dei. Quoniam ergo hæsito de hoc, idcirco misi ad te ut depreceris Deum, quatenus revelare tibi dignetur de hoc quid veritas habeat. Senex autem de conversatione sua præsumens, cum fiducia dixit : Da mihi per tres dies inducias, et ego deprecor Deum de hac re, et renuntio tibi quod mihi fuerit revelatum de hoc. Intrans ergo in cellam suam, deprecabatur Deum de verbo hoc ; et veniens post tres dies dixit sanctæ memoriæ Cyrillo : Homo est Melchisedech. Archiepiscopus autem respondit ei : Quomodo constat apud te, abba ? Et ille dixit ei : Deus ostendit mihi omnes patriarchas, ita ut singuli eorum coram me transirent ab Adam usque ad Melchisedech, et angelus assistens mihi dixit : Ecce iste est Melchisedech : et ideo, archiepiscope, certus esto quia sic est. Abiens autem senex, per semetipsum prædicabat quia homo esset Melchisedech. Et gavisus est magnifice sanctæ memoriæ Cyrillus.

5. Puer erat adhuc sanctæ memoriæ Ephræm, et vidit somnium sive revelationem, quia nata sit vitis in lingua ejus, et creverit, et impleverit totam terram fructifera nimis ; et quia venirent omnia volatilia cœli, et comedebant de fructu vitis illius ; quantum autem manducabant, eo amplius implebatur fructu (*Supra, in Vita Ephræm, cap. 1*).

6. Iterum vidit quidam sanctorum in **637** somnis ordinem angelicum descendentem de caelo (*Supra in Vita Ephræm, c. 3*), secundum præceptum Dei, habentem in manu librum, hoc est tomum scriptum intus et foris : dicebant autem ad invicem : Cui debet committi hoc ? Quidam autem dicebant de illo, alii de alio : responderunt autem et dixerunt : Vere quidem utrique sancti sunt et justii, quos dicitis ; verumtamen hoc eis committi non potest. Multa etiam alia nomina sanctorum dicentes, postea dixerunt : Quia nemini potest alteri hoc committi nisi Ephræm : et vidit senex ille, cui hoc in somnis apparuit, quia Ephræm dederunt tomum illum. Mane autem surgens audivit Ephræm docentem et velut fontem ebullientem de ore ipsius : et cognovit senex, qui somnium viderat, quia Spiritus sancti operatio est, quod egrediebatur de labiis Ephræm.

7. Dicebant de abbate Zenone, quia cum moraretur in Scythi, exiit nocte de cella sua velut ad palu-

dēm (*Ruff., lib. III, n. 210*); et cum errasset, fecit tres dies et tres noctes ambulans et laborans; et cum defecisset, cecidit semianimis: et ecce puerulus stetit ante eum habens panem et surisculam aquæ, et dicebat ei: Surge, manduca. Ille autem surgens oravit, existimans quia phantasma esset; puer autem respondens, dixit ei: Bene fecisti. Et iterum oravit secundo, et tertio. Et dixit ei: Bene fecisti. Surgens ergo accepit et manducavit. Et posthæc dixit ei: Quantum ambulasti, tantum longe es a cella tua: sed surgens sequere me. Et statim inventus est in cella sua. Dixit ergo ei senex: Veni intra, et da nobis orationem. Et cum intrasset senex, ille subito non comparuit.

8. Dixit abbas Joannes: Quia vidit quidam senum in excessu mentis, tres monachos stantes trans mare; et facta est vox ad eos ex alia parte littoris, dicens: Accipite alas igneas et venite ad me. Et duo quidem ex eis acceperunt alas, et volaverunt ad aliud littus, unde facta est vox. Tertius vero remansit et flebat et clamabat fortiter. Postea vero datae sunt sibi alæ, sed non igneæ, sed infirmæ et debiles, ita ut cum omni labore mergendo et resurgendo nimis afflictus veniret illuc. Sic est et generatio hæc, quæ si accipit pennas, non tamen igneas: sed vix infirmas et debiles potest accipere.

9. Abbas Macarius habitabat in loco nimis deserto: erat autem solus in eo solitarius (*Ruff., l. III, n. 61; Pasch., c. 1, n. 8*). In inferiore vero parte erat alia solitudo, in qua habitabant plurimi fratres. Observabat autem senex ad iter, et vidit Satanam venientem in habitu hominis, ut transiret per cellam ejus. Videbatur autem tunica uti linea omnino vetusta et tota cribrata, et per omnia foramina ejus pendebant ampullæ. Et dixit ei senex: Ohe, major: ubi vadis? Et ille respondit: Vado commemorare fratres. Senex autem dixit illi: Ut quid tibi ampullæ istæ? et dixit illi: Gustum fratribus porto. Et dixit ei senex: Et totas cum gustu porta? Et respondit: Etiam; si unum alicui non placet, offeram aliud; si autem nec illud, dabo tertium, et ita per ordinem, ut modis omnibus vel unum ex eis placeat ei. Et cum hoc dixisset, transiit; et observabat senex custodiens vias, donec ille iterum remearet: et cum vidisset eum senex, dicit ei: Sanus sis. Et respondit ei: Ubi est mihi salus? Et dicit ei senex: Quare? Et respondit: Quia modo omnes sanctificati sunt, et nemo mihi acquiescit. Et dixit ei senex: Neminem ergo amicum habes illic? Et respondit: Unum tantum modo habeo fratrem illic, vel ipse solus mihi acquiescit; et quando videt me, convertitur velut ventus. Senex vero dixit ei: Et quid vocatur frater ille? Respondit; Theoctistus [*Ruffinus* Theopemptus]. Et cum hoc dixisset transiit. Surgens autem abbas Macarius, perrexit ad inferiorem eremum: quod cum vidissent fratres, acceperunt ramos palmarum, et occurrerunt obviam ei, et singuli eorum parabant cellas suas, incerti apud quem declinaret. Senex autem requirebat quis inter eos Theoctistus vocaretur in loco illo: et inve-

niens eum, intravit in cellam ejus. Theoctistus autem suscepit eum gaudens. Cum ergo cœpissent loqui secrete, dicit ei senex: Quomodo circa te est frater? Et ille dixit: Orationibus tuis bene. Et dixit senex: Ne impugnant te cogitationes? Et ille dixit: Interim bene sum. Erubescerat enim dicere ei. Et dixit ei senex: Ecce quot annos habeo in conversationes loci istius, et omnes honorant me, et tamen in hac senectute mea infestus mihi est spiritus fornicationis. Et respondit Theoctistus, dicens: Crede, abba, quia et mihi. Senex autem simulabat alias cogitationes sibi esse molestas, donec faceret eum confiteri. Deinde dicit ei: Quo modo jejunas? Et ille dixit: Ad nonam. Dicit ei senex: Jejuna usque ad seram, et abstine te, et commenda Evangelia, ut memoriter retineas, sed et alias residuas ex animo meditare Scripturas; et si tibi ascenderit cogitatio mala, nunquam deorsum aspicias, sed semper de sursum; et statim te Dominus adjuvabit. Et corrigens senex fratrem illum, reversus est in solitudinem suam. Et cum observaret, vidit iterum dæmonem illum, et dicit ei: Ubi vadis iterum? Et ille respondit: Commemorare fratres. Et abiit. Cum autem reverteretur, dicit ei senex: Quomodo sunt ibi fratres? Et ille respondit: Male. Senex autem dixit: Quare? Et ille respondit: Quia toti sancti sunt; et majus malum, quia et unus, quem habui amicum et obedientem mihi, etiam ipse nescio unde subversus est, et nec ipse mihi acquiescit, sed omnibus sanctior est factus. Et propterea juravi jam non calcari ad illum nisi post longum tempus. Hæc dicens transivit relinquens senem; senex vero sanctus intravit in cellam suam, adorans et gratias agens Deo Salvatori.

10. Abbas Macarius volens consolari fratres, dicebat: Venit huc aliquando cum matre sua puer, qui a dæmonio vexabatur, et dicebat matri suæ: Surge, eamus hinc. Illa autem dicebat: Non possum pedibus ambulare. Et dicebat ei filius suus: Ego te porto. Et admiratus sum astutiam dæmonum, quomodo eos exinde fugare volebat.

11. Dicebat iterum de desolatione Scythi ad fratres: Quando videritis cellam ædificatam juxta paludem, scitote quia prope est desolatio Scythi; quando autem arbores videritis, jam ante januam est; quando autem videritis pueros, tollite melotes vestras, et discedite.

12. Abbas Moyses, qui habitabat in Petra, impugnatus est aliquando nimis a fornicatione; et cum non prævaleret se tenere in cella perrexit et indicavit hoc abbati Isidoro; et rogavit eum senex ut reverteretur in cellam suam (*Ruff., lib. III, n. 10*). Ille autem non acquievit, dicens: Non possum, abba. Et assumpsit eum, et levavit secum in domo. Et dicit ei: Attende ad Occasum. Et attendens vidit multitudinem dæmonum; et hi erant confusi, et turbantes se ad oppugnandum. Dicit ei iterum abbas Isidorus: Respice ad Orientem. Et attendit, et vidit innumerabilem multitudinem angelorum in gloria. Dixit ergo abbas Isidorus: Ecce isti sunt qui missi sunt ad

auxiliandum; qui vero ad Occasum ascendunt, hi A sunt qui impugnant nos; plures ergo qui nobiscum sunt, quam qui adversum nos sunt (*IV Reg. vi*). Et ita agens gratias Deo abbas Moyses sumpsit fiduciam, et reversus est in cellam suam.

13. Dicebat abbas Moyses in Scythi: Si custodimus mandata patrum nostrorum, ego præsumens de Deo spondeo vobis quia huc barbari non venient: si autem non custodierimus, desolandus est locus iste.

14. Sedentibus aliquando fratribus apud eundem abbatem Moysen, dicit eis: Ecce barbari hodie in Scythi venient, sed surgite et fugite. Dicunt ei illi: Et tu non fugies, abba? Ille autem dicit eis: Ego per tot annos exspecto diem istum, ut impleatur B sermo Domini mei Jesu Christi dicentis: Omnes qui accipiunt gladium, gladio peribunt (*Matth. xxv*). At illi dixerunt ei: Neque nos fugiemus, sed tecum moriemur. Et ille dixit eis: Ego causam non habeo: unusquisque vestrum videat quomodo sedeat. Erant autem septem fratres cum eo, et dicunt ei: Ecce barbari appropinquarunt januæ, et statim intrantes barbari occiderunt eos. Unus autem ex eis timore carnali perterritus fugit, et abscondit se post plectas de palmis; et vidit septem coronas descendentes et coronantes abbatem Moysen et sex fratres qui cum eo fuerant interfecti.

15. Dicebant de abbate Silvano, quia voluit aliquando pergere in Syriam; et dicit ei discipulus suus Marcus: Pater, nolo exire hinc, sed neque te C dimitto abire, abba. Exspecta ergo hic alios tres dies. Et cum expectaret abbas, tertia die dormivit in pace Marcus discipulus ejus.

16. Dicebat abbas Joannes, qui exiliatus est a Marciano: Quia venimus aliquando de Syria ad abbatem Pastorem, et volebamus interrogare eum de duritia cordis. Senex autem Græce nesciebat, neque interpretes inveniebatur. Videns ergo nos senex tribulantes, cœpit Græca lingua loqui, dicens: Natura aquæ mollis est, lapidis autem dura est; et si vas aquæ plenum pendeat supra lapidem, ex quo assidue stillans gutta cadat in lapidem, perforat eum; ita et sermo divinus lenis est, cor autem nostrum durum; audiens ergo homo frequenter divinum sermonem, aperitur cor ejus ad timendum Deum.

17. Dixit abbas Pastor: Scriptum est: Quemadmodum desiderat cervus ad fontes aquarum, ita desiderat anima mea ad te, Deus (*Psal. xl*). Quoniam igitur cervi in solitudine serpentes plurimos glutunt, et cum accensi eorum veneno fuerint, ad aquas pervenire desiderant, bibentes autem tentantur a fervore serpentini virus; ita et monachi in solitudinibus habitantes, accenduntur dæmonum malignorum veneno, et propterea desiderant Sabbato Dominico venire ad fontes aquarum, hoc est ad corpus et sanguinem Domini nostri Jesu Christi, ut purgentur ab omni amaritudine dæmonum malignorum.

18. Interrogavit aliquis abbatem Pastorem, dicens: Quid est quod scriptum est, Non reddas malum pro

malum (*Thess. v; I Pet. iii*)? Dicit ei abbas Pastor: Hæc passio quatuor modos habet: primum de corde, secundum de aspectu; tertium de lingua, quartus est facere malum pro malo. Si enim potueris purgare cor, non venit ad aspectum; custodi etiam ne loquaris; si autem locutus fueris, cito te corripere, ne facias malum pro malo.

19. Narravit sanctus Basilius episcopus, dicens: Fuit in quodam monasterio feminarum virgo quædam, quæ stultam esse ac dæmonem se habere simulabat (*Pallad., c. 41, 42*): Quæ usque adeo ab omnibus aliis pro errore habebatur, ita ut nec cibum quidem cum ea caperent. Talem siquidem elegerat vitam, ut a coquina nunquam recedens, totius illic ministerii impleret officium: et erat secundum vulgare proverbium, universæ domus spongia, impletum a se rebus probans, quod sanctis libris scriptum legimus: Si quis, inquit, ex vobis putat se esse sapientem in hoc mundo, sit stultus, ut sapiens fiat (*I Cor. iii*). Hæc igitur involutum pannis habens caput, ita quoque in omnibus serviebat; cæteræ autem virgines tonsæ cucullis cooperiuntur. Nulla aliquando potuit hanc de quadringentis virginibus videre manducantem, nunquam per omne ævum suum sedit ad mensam. A nulla vel modicum partem panis accepit, sed micæ tantum detergens ipsarum mensarum, et abluens ollas, his solis alimoniis contenta vivebat. Nulli unquam fecit injuriam, nulla ipsius murmur audivit, nulli aut parum aut satis locuta est unquam. Et certe cum ab omnibus cæderetur, cum omnium odio viveret, maledicta omnium sustineret, sancto Pyoterio, cui hoc vocabulum erat, probatissimo viro, semperque in deserto viventi astitit angelus Domini quadam die sedenti in loco Porphyrite, affatusque est his verbis: Cur, inquit, grande aliquid esse te credis, ut sanctus, et in hujusmodi degens loco? Vis videre mulierem te sanctiorem? Vade ad Tabennesiotarum monasterium feminarum, et unam ex ipsis illic invenies habentem in capite coronam, ipsamque cognosce te esse meliorem. Quæ dum contra tantum populum sola diebus ac noctibus pugnat, cor ipsius a Deo nunquam recessit, tu autem uno in loco residens, neque quoquam aliquando progrediens, per omnes urbes animo et cogitatione vagaris. Statimque ad supradictum monasterium venit, et magistros fratrum rogavit, ut introducerent eum ad habitaculum feminarum. Quem mox illi, ut virum non solum vita gloriosum, verum etiam et provecioris ætatis, cum fiducia grandi introduci fecerunt. Ingressus autem, omnessorores desideravit inspicere: inter quas solam illam, propter quam venerat, non videbat. Ait autem ad postremum: Omnes, inquit, mihi adducite, deesse mihi videtur aliqua. Dicunt ei: Unam, inquit, stultam (*Pallad., sâlem*) habemus intrinsecus in coquina. Sic enim eas quæ a dæmone vexantur appellant. At ille: Exhibete, inquit, ad me ipsam quoque, ut eam videam. Quo audito, supra memoratam vocare cœperunt. Quæ cum nollet audire, sentiens, ut credo, aliquid, aut fortassis hoc ipsum divina

revelatione cognoscens, dicunt ei: Sanctus Pyoterius te videre desiderat. Erat enim vir famæ ac nominis grandis. Cumque ad eum fuisset exhibita, vidissetque panno frontem ipsius involutam, projecit se ad pedes ipsius, dicens: Benedic me, inquit. Quod rursus ad illius pedes tunc et ipsa fecit, ac dixit: Tu me benedic, domine. Omnes sorores obstupuerunt simul, dicentes: Noli, abba, talem injuriam sustinere; fatua est enim ista quam cernis. Et sanctus Pyoterius hoc ipsis omnibus ait: Vos, inquit, estis fatuæ; nam hæc et vestra et mea est Amma (46). Hoc enim in ea vocant illi feminas spirituales. Et deprecor Deum, ait, ut dignum ipsa in die iudicii merear inveniri. Quo audito, omnes simul ad pedes ipsius prociderunt, singulæ varia peccata ei propria confitentes. Alia enim ablucens sordes catini supra eam se fudisse dicebat; alia vero colaphis eam a se verberatam sæpe memorabat; alia nares ipsius sinapi impletas a se esse deflebat; cæteræ quoque diversas referebant se ei injurias irrogasse. Pro quibus omnibus sanctus ille fuis Deo precibus egressus est. Post paucos autem dies non ferens illa tantam sui gloriam, tantoque se nolens sororum honore cumulari, gravarique se credens excusationibus singularum, egressa est de monasterio illo occulte, et quo ierit, in quem se miserit locum, vel quo fine defecerit, ad nullius potuit notitiam pervenire.

20. Beatæ memoriæ Paulus Simplex, discipulus abbatis Antonii, narravit patribus talem rem: Quia aliquando veniens in monasterio visitandi gratia, et pro fratrum instructione, post consuetam ad invicem consolationem, intraverunt in ecclesiam Dei, missas more solito celebrare¹. Beatus ergo Paulus intuens ad unumquemque introeuntium in ecclesiam, intendebat quali animo intus intraret; habebat enim hanc gratiam sibi datam a Deo, ut sic videret unumquemque cujus animi esset, sicut nos facies nostras videmus ad invicem: sed et cujusque angelum gaudentem in eis. Ingredientibus ergo omnibus clara facie et splendido vultu, unum vidit nigrum et obscurum corpore toto, et dæmones ex utraque parte ejus tenentes et trahentes eum ad semetipsos, et capistrum in naribus ejus mittentes: sanctum vero angelum ejus de longe lugubrem tristemque sequentem. Paulus vero lacrymans et manu frequenter pectus tunders sedebat ante ecclesiam, plorans valde eum qui ei talis apparuerat. Qui autem videbant quod faciebat, et tam celerem ejus mutationem, et lacrymas et luctum, interrogabant rogantes eum ut diceret quid esset quod videret, timentes ne quid in reprehensione omnium vidisset, pro quo hæc faceret. Postulabant etiam ut ad missas intraret cum eis. Paulus autem eos repellens, et negans se ingressurum, sedebat foras jacens et plorans nimis illum qui ei taliter apparuerat. Post paululum autem dimisso ecclesiæ conventu, iterum Paulus attendebat singulos exeuntes ut quorum introitum agnoverat, sciret quales exirent, et vidit illum virum nigrum et obscurum

A toto corpore prius, exeuntem ab ecclesia claro quidem vultu candidoque corpore, dæmones autem qui ante tenebant eum, postea de longe sequentes; sanctum vero angelum juxta ipsum ambulans lætum et promptum et gaudentem supra eum valde. Paulus vero exiliens cum gaudio clamabat, benedicens Deum et dicens: O ineffabilis misericordia Dei et bonitas! o divinæ miserationes ejus et innumerabilis bonitas! Currens autem et ascendens super altum gradum magna voce dicebat: Venite, videte opera Domini quam terribilia sunt, et omni stupore digna. Venite, videte eum qui vult omnes homines salvare, et ad agnitionem veritatis venire (1 Tim., II). Venite, adremus et procidamus ante eum, et dicamus: Quia tu solus potens es peccata dimittere. Ad hanc vocem ejus omnes cucurrerunt, cupientes audire quæ dicebat. Et convenientibus omnibus referebat Paulus quæ vidisset antequam in ecclesiam intraret, quæ postea iterum. Et interrogavit illum virum, ut diceret ei causam, pro qua ei subito tantam mutationem Deus donaverit. Homo ergo ille convictus a Paulo, coram omnibus qui circa ipsum erant aperte narravit, dicens: Ego peccator homo sum, et multo tempore in fornicatione vixi usque nunc: ingrediens autem modo in sanctam ecclesiam Dei, audivi vocem loquentis in eo, ubi dicit: Lavamini, mundi estote, auferte malum cogitationum vestrarum ab oculis meis, discite benefacere, et si fuerint peccata vestra tanquam phœnicium, velut nix dealbentur. Et si volueritis et audieritis me, bona terræ comedetis (Isaiæ., I). Ego, inquit, fornicator in hoc sermone compunctus sum nimis, et ingemiscens intra conscientiam meam dixi ad Deum: Tu Deus, qui venisti in mundum peccatores salvos facere, et qui hæc quæ modo lecta sunt promisisti per prophetam, comple effectum et opere etiam in me indigno et peccatore. Ecce enim amodo promitto tibi et spondeo sermone, et corde confiteor, quia jam non agam ultra illud malum, sed abrenuntio omni iniquitati, et servio tibi amodo in conscientia munda. Hodie ergo, Domine, et in hac hora suscipe me pœnitentem et interpellantem te, et renuntiantem omne peccatum. In his igitur promissionibus, ait, egressus sum de ecclesia, statuens anima mea, nihil ultra agere mali coram oculis Domini. Quod cum audissent, omnes clamaverunt ad Dominum voce magna, dicentes: Quam magnificata sunt, opera tua, Domine! omnia in sapientia fecisti (Psal. cIII). Quapropter agnoscentes hoc Christiani de sanctis Scripturis ac divinis revelationibus, quantam Deus habeat bonitatem circa eos qui ad eum devote confugiunt, et per pœnitentiam emundant priora delicta, non solum non coguntur pœnas solvere pro peccatis ante commissis, verum etiam consequuntur promissa bona. Non ergo desperemus de nostra salute: quia sicut per Isaiam prophetam promisit eos qui in peccatis sunt involuti denuo lavare, et sicut lanam et nivem dealbare, et honorum cœlestium, quæ in cœlestis Jerusalem civitate sunt,

Ruff. I. III, n. 167; Pasch; c. 23, n. 2. Simile in Ruff., lib. II, cap. 14, de Eulogio.

replere; ita et iterum nunc per Ezechielem propheta dicit Dominus, quia nolo mortem peccatoris, sed ut tam cum jurejurando promisit: Vivo, inquit, ego, magis convertatur et vivat (*Ezech. xviii*).

ROSWEYDI NOTATIO.

641 (1) *Evagrius*.] Fuit hic Evagrius Ponticus, Origenista, de quo vide dicta ad lib. II Ruffini, cap. 27. Notat hic Fr. Joannes Maria Brasichellensis, magister sacri palatii, in indice librorum expurgandorum: Hic Evagrius Ponticus Origenista Stoicam suam impassibilitatem, toties tanquam manifestum errorem a sancto Hieronymo explosam, inculcat.

(2) *Non inæqualis*.] Ita legendum; Editi omitunt, non. Aporhthema hoc Græce ex Evagrii Practico seu Monacho ita concipitur apud Socratem, lib. IV, cap. 23 in Græco textu, 18 in Latino. Ὅτι τὴν ἤρωτέραν, καὶ μὴ ἀνόμαλον διαίταν, ἀγάπη, συζευχθεῖσαν ὁἴττον διαίρειν τὸν μοναχὸν εἰς τὸν τῆς ἀπαθείας λιμένα. Ita etiam legit Nicephorus, lib. XI, cap. 43. In Suida, ubi de Macariis agit, et Evagrii quædam opuscula recenset, perperam legitur ἀνόμαλον, pro μὴ ἀνόμαλον, quæ negatio omissa interpretibus cruem fixit. Hieronymus Wlofius, loco ἀνόμαλον, divinabat ἀνάμακτον, quasi incurta diata intelligatur, si piscibus et carnibus abstinence, more Pythagorico. Zacharias Palthenius, qui sancti Macarii homilias e Græco vertit, et Suidæ verba præfixit, ἀνόμαλον διαίταν, *asperam vivendi rationem* extulit. Ego vero per *non inæqualem victum*, intelligo æquabilem vivendi rationem, ne quis nunc præparce, alias prælaute; nunc his, alias illis cibis utatur.

(3) *In portum impassibilitatis*.] Insinuat hic Evagrius Stoicam suam impassibilitatem, contra quam agit divus Hieronymus, epist. ad Ctesiphontem contra errores Pelagianorum. Græce apud Evagrium est, εἰς τὸν τῆς ἀπαθείας λιμένα: apud Suidam tantum, εἰς ἀπάθειαν.

(4) *Nuntiata*.] Hoc dictum apud Socratem, lib. IV, cap. 23 Græce, 18 Latine, ex Evagrii Practico seu Monacho ita exprimitur: Ἐμνήθη τίνε τῶν μοναχῶν ὁ θάνατος τοῦ πατρὸς. Ὁ δὲ, πρὸς τὸν ἀπαγγελῆσαντα, Πασαί, φησί, βλασφημεῖν ὁ γὰρ ἐμὸς πατήρ ἀθάνατός ἐστιν. Idem dictum ex eodem Evagrio citat Nicephorus, libro XI, cap. 43.

(5) *De Pherme*.] Et Editi et Mss. hic variant, aliis *Ferine*, aliis *Firme* legentibus. Non dubito quin recta lectio sit, *de Pherme*, qui Palladio, agenti de Paulo abbate, cap. 23, mons est in Ægypto, abducens in vastam Scetes solitudinem, ubi quingenti monachi exercebantur. De eo et Sozomenus libro VI, cap. 29, et Nicephorus, lib. XI, cap. 36. Abrahamus Ortelius, in Thesaurio Geographico, existimat hunc tractum describi a Philone, libro de Vita contemplativa, etsi non nominet. Theodorum igitur hic dictus est *de Pherme*, ad distinctionem alterius Theodori, qui dicitur *de Nono Alexandriæ*, libello VII Pelagii, n. 7; sive *de Ennato*, libello XI, num. 10. Alibi aliquoties absolute ponitur Theodorus. Quod de utro intelligendum sit, an de tertio aliquo, quis dicet?

(6) *Joseph*.] Ad hoc dictum notat idem Fr. Joannes Maria, magister sacri palatii: Cautè lege; nam Evagrii impassibilitatem innuere videtur. Et cujus hominis opera in hac vita ita munda exstiterent, ut nihil humani admistum habuerint, nisi Christi, et ejus Genitricis?

(7) *Hor*.] Notat hic Fr. Joannes Maria, magister sacri palatii, qui supra: Hic est ille Hor hæreticus Origenista, cujus sanctus Hieronymus meminit ad Ctesiphontem, quem pro sancto obtrudere conatus est miserabilis Evagrius (imo Ruffinus, ut docui prolegomeno generali 4). Quocirca umbræ virtutum ejus in ventum abierunt.

(8) *Plectam de palmis*.] Crebro occurrit plecta in his libris, quæ nunc plecta a Græco πλεκτόν, ut videtur, nunc flecta dicitur. Habentæ sunt e palma, junco, sparto, aut simili re contextæ, ex quibus sportæ, canistra, aliaque ejusmodi conficiuntur. Has Ægyptii

σειραξ vocant. Vide Cassianum, collat. XVIII, capite 15.

(9) *Et cusabat*.] Ms. quidam, *cusibat*. Deest hoc editioni Parisiensi. Postquam plectam e palmis torssissent et confecissent, ex plectis illis sportas texebant et consuebat. Hoc interpreti huic *cusare* seu *cusire*, Gallis *coudre*. Et alibi in his libris vox hæc occurrit.

(10) *Ascendi in cauma*.] Id est, *incalui*. Usurpat Latine Græcum καύμα, quod et alibi hic reperies. Sic mox. num. 17, « Stetit in cauma, et defrigens se ipsum in sole. »

(11) *Elladio*.] Veteres editiones, *Palladio*.

(12) *Esit*.] Apud Cassianum, lib. V Instit., capite 27, est *Pasius* vel *Phesius*.

(13) *Panem paraximatem*.] Alias, *paraximatem*. Panis erat certo pondere in refectorem monachorum in Ægypto. Vide Onomasticon.

(14) *Corruo per ipsam*.] Parisiensis editio: *curo opera ipsa*. Non recte.

(15) *Linguam tempore furoris*.] Parisiensis editio: *intemperiem roris*, nullo sensu.

(16) *Ex corde*.] Gallismus, *par cœur*, id est memoriter. Sic libello X, num. 91, apud eundem Pelagium, « ex corde David consummavimus. » Hildgardis 642 in explicatione regulæ sancti Benedicti: « Prædictas lectiones ex corde et memoriter, id est, sine libro, quoniam breves sunt, recitabunt. » Sic Græcis ἀπὸ στόματος λέγειν, et ἀποστρέφειν.

(17) *Zippulas*.] Ita plerique Manuscripti et Editi. In Vedastino Ms. est *pulmentum*. Supra, apud Ruffinum, lib. III, n. 51, in hac eadem re, *placentas*. An *zippulæ*, vel *sippulæ*, vel *sipulæ* a veteri verbo *sipando*? Vide Onomasticon.

(18) *Raphanelrum*.] Parisiensis editio: *oleum de semine lini expressum*. Vetus editio: *rafeneation*, id est *lini oleum*. Quidni e *raphano* cum Plinio, lib. XIX, cap. 5. Vide Onomasticon.

(19) *Copadium*.] Parisiensis editio, *compadium*. Veteres editiones Germanicæ in proximo sequenti verbo: *capadium*, id est *stuctein*. Rem exprimit Germanica interpretatio. Scribendum tamen existimo *copadium*, κοπάδιον, ἀκόπτω, unde Gallis *couper*. Jam olim tamen videtur etiam *compadium* lectum, Glossarium Camberonense Ms. *Compadium pulmentum dictum quasi companium, eo quod cum pane edatur et conversa in d*. Ita quisque sibi etyma ingebat.

(20) *Nixas siccas*.] Glossarium Camberonense: *Nixa, est genus arboris, a similitudine enixi dicta fructus*. Adumbratum hoc ex Isidori Originibus, lib. XVII, cap. 7. Vide Onomasticon.

(21) *Surisculam*.] Ita constanter omnes libri. Glossarium Camberonense Ms., *Suriscula, vas aquarium*. Non recte in Glossis Isidori, apud Bon. *Vulcanium. Sirascula, vas aquarium*. Lege, *suriscula*.

(22) *Pancretiarii*.] Ita dicti a *pancratio*, certaminis gynnici specie, quod ἀπὸ τῶν πάντων κρατῶν, quod omnibus viribus certarent, volunt dictum. Gellius, lib. III, cap. 15, *pancratiastem* vocat: « Diagoras filios tres habuit, unum pugilem, alterum *pancratiastem*, tertium luctatorem. » Glossæ Benedicti: *Pancretiarii, παγκρατιάριοι*.

(23) *Curialis*.] Erant curiales qui curiis ascripti erant. Cassiodorus, lib. VI Var., epist. 3: « Curiales etiam verberat, qui appellati sunt legibus, minor senatus. » Sed et aliter hæc vox usurpata.

(24) *Magistranus*.] Ado Viennensis, in Martyrologio; 2 Julii, in libello De festivitatibus apostolorum: « Natalis sanctorum Processi et Martiniani, qui cum essent magistriani melloprincipes. » Ita locum cum legendum docui ibi in notationibus, et qui officii gesserint in militia palatina ibidem expressi.

(25) *Evagrius.*] Habes hoc Græce apud Socratem, lib. IV, cap. 18, ex Evagii Practico : Ἐκάτηρό τις τῶν ἀδελφῶν Εὐαγγελίου μόνον, καὶ τοῦτο πωλήσας, ἔδωκεν εἰς τροφήν τοῖς πεινῶσιν, ἄξιον μνήμης ἐπιφθεγζάμενος ῥήμα, Ἄυτὸν γάρ, φησι, τὸν λόγον πεπώληκα τὸν λέγοντα. Πωλήσόν σου τὰ ὑπάργοντα, καὶ ὁὶς πτωχῶς : « Frater quidam librum Evangelii, quem solum habebat, vendidit, pecuniamque ad pauperes sustentandos contulit, dictum memoria dignissimum simul elocutus : Eum ipsum librum vendidi, qui dicit : *Vende quæ habes, et da pauperibus* (Matth. XIX). »

(26) *Ostracines.*] Parisiensis editio, *ostiatim*. Aliæ editiones, *ostracene*. Nota *Ostracine* civitas in Ægypto.

(27) *De Nono Alexandria.*] Parisiensis editio, *de Novo*. Aliæ, *de Nonno*; aliæ, *de loco*. Sic infra, libello XI, num. 2, *Theodorus de Ennato*, quod Latine est, *de Novo*. Intelligitur nomen clima seu regio Alexandria. Sic alibi in *Septimo* seu *Hebdomo*.

(28) *Plumatium de scirpo.*] Ita recte manuscripti et veteres editiones. Male in editione Parisiensi, *plumarum de stirpe*. Vide Onomasticon.

(29) *Nonna.*] Ita Manuscripti et veteres Editi. Non recte Parisienses, *Nonne*. Fingunt dæmonesse alloqui quamdam mulierem, quam *nonnam* seu *dominam* vocant. Quasi Gallice dicant : *Cette dame-là, venez ici*. Vide Onomasticon.

(30) *Milido.*] Dicitur hic *Milus* in Menologio, 40 Novembris : « Commemoratio sancti martyris Mili episcopi, et duorum discipulorum, qui ex Persarum regione ad Christi fidem conversus ac baptizatus, divinas litteras edoctus, una cum duobus discipulis pro mortali ac terrena vita immortalem ac cœlestem assecutus est. »

(31) *Nisi sol, et ignis, et aqua.*] Hæc tria pro diis culta a Persis, ut notum est Persarum historiis.

(32) *Biduanas levando.*] Sicante, libello VII, num. 24, *biduanas abstinere*. Infra, libello X, n. 44, *biduanas levando*. Nempè abstinere aliquando biduo, aliquando triduo, aliquando diutius, et cum jejuniū solverent, dicebantur *levare biduanas* vel *triduanas*, videlicet abstinentias.

(33) *Fossatum.*] Fossatum vel fossatus hic videtur capi pro fossa, forte pro palude, ex qua materiam pro cellis suis et sportis conficiendis deferebant. Aliud est fossatum in re castrensi.

(34) *Rescellas.*] Etiam hoc eodem libello, n. 76, occurrunt *rescellæ*. Diminutivum est a *res*. Indeforabant, *reculas*, *rescellas*.

(35) *Responso.*] Ita Manuscriptus Audomaren. et editio Parisiensis. Alii editores reposuere, *expensu*, quod ab *ibi factum* puto, ut quam minimum a vestigiis Ms. in quo *responsum* invenerunt recederent. Divinabam primo, *in reposito* quod infra, libello VIII, num. 15, usurpetur *reposito* in simili re : « et vidit repositionem, in qua panes haberi solebant. » Sed vix dubito interpretem invenisse in Græco προσφωνάριον, quod *responsum* quidem significat ea notione qua vulgo capitur, pro *responione*. Sed hic videtur capi pro fiscella seu sporta. Sane in Græcum hoc vocabulum usurpat Edessenus monachus in Elencho Agareni : Καὶ μετὰ μικροῦ ἀπέστειλεν αὐτὴν βόσκειν τοὺς καμήλους κατὰ τὴν τῶν Ἀράβων συνήθειαν ἐπιτρομένην τὸ ὄψώνιον αὐτοῖς ἐν προσφωνάριῳ ἐπὶ τοῦ ὄμου αὐτῆς : « Et paulo post misit ipsam pascere camelos juxta consuetudinem Arabum asserentem ipsis obsonium in prosphonario in humero suo. » Iterum postea : Καὶ λαβοῦσα ἐν τῷ προσφωνάριῳ κατὰ τὸ σύνθημα ἐσπέρας τὴν τῶν καμήλων κόπρον, καὶ ἀνωθεν τοῦ μουγαμέτ, ἦλθεν ἐν τῇ οἰκῇ τοῦ κυρίου αὐτῆς : « Et accipiens in prosphonario juxta morem consuetum vesperi camelorum fimum, et desuper muchamet, venit in domum heri sui.

(36) *Budam de papyro, etc., capitate de cartica.*] Ita constanter Manuscripti Quædam editiones loco *budam* habent *matam*, et omittunt *de cartica*. Difficile de utroque dicere, cum vix alibi reperiantur. Certum est, per *budam* intelligi stratum seu stramentum, ut

A hoc ipso numero mox vocatur. Glossarium Cambrenense Ms. : *Buda, stramentum lecti de biblo, id est, papyro*. Glossæ Isidori : *Buda, historia*. Lego, *storea*. Nam *historia* pro *storea* ad eum modum dictum, quo *Hispania* pro *Spania*.

Quid proprie cartica sit, non habeo dicere. Joannes Meursius in Glossario Græcobarbaro in Καρτζά citat *Cartica* ex Glossarum Arabicolatinarum excerptis 643 sine interpretatione. Et in Excerptis ex veteri Lexico Græcolatino, *Carticula*, δέττων; quæ significatio huc non facit. Apud Cassianum, collatione I, cap. 23, habes *embrinium* seu *embrymium*, pro cervicali monachorum in Ægypto, atque ita describit : « Psiathi admonens incubare, embrimiis pariter capiti nostro cervicalium vice suppositis, quæ crassioribus papyris in longos graciles quæ fasciculos coaptatis, sesquipedali intervallo molliter nexa, nunc quidem humillimum sedile ad scabelli vicem fratribus in synaxi considentibus præstant, nunc vero subjecta cervicibus dormientium præbent capiti non nimie durum, sed tractabile aptumque fulmentum. Ad quos monachorum usus hæc idcirco vel maxime opportuna habentur et congrua, quod non solum sint aliquatenus mollia, parvoque et opere præparentur et pretio, ut pote passim papyro per ripas Nili fluminis emergente, quam cuique volenti in usum assumere, nemo prohibeat desecare; sed et quod ad removendum, seu cum necesse fuerit, admovendum, habilis materiæ, levisque naturæ sint. »

(37) *Theodorus de Ennato.*] Sic supra, libello VII, num. 7, *de Nono Alexandria*. Per Ennatum seu Nonum Alexandria intelligitur nomen clima seu regio Alexandria.

(38) *Lychino.*] Ita Manuscripti, Editi, *lychno*. Puto intelligi *ellyphnium*. Nisi quis legat *licinio*. Nam Isidoro *licinium* quasi *lucinium*, quod idem et cum *ellyphnio*.

(39) *Myrum.*] Ita reposui. In manuscriptis tamen et editis omnibus *nizum*. Existimo intelligi *ellyphnium* quod Græcis etiam μύρα dicitur.

(40) *Euchitæ.*] Quædam editiones *euschiti*; quædam, supra, apud Ruffinum, lib. III, num. 212, *Cochiti*. Noti *Euchitæ* hæretici εὐχομαι, oro.

(41) *Bavose.*] Ita Manuscripti et Parisiensis editio. Aliæ editiones, *stulte*. Ruffinus, lib. III, numero 27, in hac eadem narratione habet *insensibilis*.

(42) *Laqueus.*] Sic Ecclesiastici IX, versu 20, monemur : Ἐπίγνωθι ὅτι ἐν μέσῳ παρῶν διαβάσεις : *Scito quod in medio laqueorum pertransis*. Divus Augustinus, in psalmum CXLII : « Quid est, *In medio laqueorum*? In via Christi, et hinc laquei, et hinc laquei. Laquei a dextris, laquei a sinistris. Laquei a dextris, prosperitas sæculi; laquei a sinistris, adversitas sæculi. Laquei a dextris, promissiones; laquei a sinistris, terrores. Tu in medio laqueorum ingredi, a via noli discedere: nec promissione te capiat, nec terrore elidat. »

(43) *Cinerente et caccabate.*] Ita manuscripti *Vedastinus* et *Audomarensis*. Variant Editi : quidam, *cinerose* et *caccabate*; quidam *cinerate* et *caccabate*. Existimo *cinerentum* dictum ea forma, qua *pulverulentus* et similia. Vide Onomasticon.

(44) *Ne strinientur.*] Ita Ms. *Audomarensis*. Prima editio, *ne hystrientur*. *Coloniensis*, *nehistrientur*. *Parisensis*, *ne struentur*. Quædam editiones, *ut constringantur*. Apud Ruffinum, libro III, num. 91, ubi idem refertur, est *vociferentur*. *Flandris strijen* est contendere, ut Gallis *estriver* litigare. Nescio an allusione ad hoc Latinum verbum. Vide Onomasticon.

(45) *Percute stignum.*] Sic apud Joannem, infra, libello III, num. 2, *percutiens*. Pulsabant olim ligna ad sonitum edendum, et excitationem fratrum. Vide Onomasticon.

(46) *Amma.*] Mira hic varietas qua ab Editis libris, qua a Mss. Parisiensis editio, et Palladius, cap. 42, *arina*. Aliæ, *nonna*, aliæ *domna*. Ms. *Audomarensis Amma*. Atque hæc verissima lectio est. *Firman*.

Græca Palladii. Ἀὕτη γὰρ καὶ ὁμῶν, καὶ ἐμοῦ ἀμείνων ἄ
οὔσα Ἀμμάς ἐστίν (οὕτως γὰρ καλοῦσι τὰς πνευματικὰς
μητέρας). « Hæc enim et me et vobis melior, existens
est Amma (sic enim vocant matres spiritales). Sic
apud eundem Palladium, cap. 37, *Amma Piamun*,
cap. 137, *Amma Taor*; cap. 138, *Amma Talida*. Vide
Onomasticon.

Adverte, lector, in editione prima et tertia hujus
libri, num. 13, interseri sequentem historiam.

• Quidam presbyter fuit religiosus valde, Plegus
[*Al.*, Plegils] nomine, frequenter Missarum solemnia
celebrans ad corpus sancti Nyni [*Al.*, Niniani] epi-
scopi et confessoris. Qui cum digno moderamine
sanctam Christo propitio duceret vitam, cœpit omni-
potentem Deum pulsare precibus, ut sibi monstraret
naturam corporis Christi etsanguinis. Itaque non ex
infidelitate, ut assolet, sed ex pietate mentis ista pe-
tivit. Fuerat enim a pueritia divinis legibus imbutus,
et propter amorem superni Regis olim patriæ fines et
dulcia liquerat arva, ut Christi mysteria exsul sedule
disceret. Idcirco ejus amore magis succensus, quotidie
pretiosa munera offereret et poscebatque sibi præmon-
strari quæ foret species latitans sub forma panis et
vini non quia de Christi corpore dubius esset, sed quia
sic Christum cernere vellet, quem nemo mortalium
jam suprastra levatum, in terris passim conspiciere
potest. Venerat ergo dies, et idem celebrans pie mis-
sarum solemnia more solito, procubuit genibus: Te
deprecor, inquit, omnipotens, pande mihi exguo in

hoc ministerio naturam corporis Christi, ut mihi liceat
eum conspiciere præsentem corporeo visu, et formam
pueri quem olim sinus matris tulit vagientem, nunc
manibus contrectare. Quem dum talia precaretur, an-
gelus de cœlo veniens sic affatur: Surge, inquit, pro-
pere si Christum videre placet. Adest præsens cor-
poreo vestitus amictu quem sacra puerpera gessit.
Tunc venerabilis presbyter pavidus, ab humo vultum
erigens, vidit super aram Patris Filium puerum, quem
Simeon infantem portare suis ulnis meruit. Cui ange-
lus inquit: Quia Christum videre placuit quem prius
sub specie panis verbis sacrare solebas mysticis, nunc
oculis inspicere, atfecta manibus. Tunc sacerdos cele-
sti munere fretus, quod mirum dictu est, ulnis
tremantibus puerum accepit, et pectus proprium Chri-
sti pectori junxit. Deinde profusus in amplexum dat
oscula Deo, et suis labiis pressit pia labia Christi.
Quibus itaque exactis, præclara Dei Filii membra re-
stituit in vertice altaris, et replevit cœlesti pabulo
Christi mensam. Tunc rursus homo prostratus, de-
precatus est Deum ut dignaretur ipse iterum verti in
pristinam formam. Qua expleta oratione, surgens e
terra invenit corpus Christi in formam remeasse prio-
rem, ut deprecatus fuerat. Sed deest hæc historia
reliquis editionibus et Mss. Certum est insertam esse
ex historiis Anglicanis. Certe in Anglia vixit sanctus
Ninianus Habetur in Paschasio, de corpore et san-
guine Domini, cap. 14, et citat divus Thomas, Opu-
sculo 58, cap. 11; et Guilielmus Malmesburiensis
lib. III de Gestis Anglorum. Similis visio in Vita sancti
Basili, supra, cap. 7. Vide ibi dicta ad num. 36.

DE VITIS PATRUM LIBER SEXTUS,

SIVE

VERBA SENIORUM,

AUCTORE GRÆCO INCERTO (a)

INTERPRETE JOANNE (b) S. R. E. SUBDIACONO.

PRÆLUDIUM.

• Nihil magnopere huic libro præmittendum, cum pars sit libri prioris, quem Sigebertus, cap. 117
de illustribus Ecclesiæ Scriptoribus a priore distinctum citat ob diversum interpretem. Quo nomine et
nos distinctum edidimus, ut facilius et distinctior ejus (cum sæpe alibi citandus sit) allegatio esset.

ROSWEYDI NOTATIO.

(a) *Græco incerto.*] Vide dicta prolegomeno generali C in scriptis ANΔPQN AΠIQN BIBAOE, *Sanctorum
virovum liber*. Vide eum in Bibliotheca, cod. 198.
(b) *Joanne.*] Vide Prolegom. generale 14, ubi ex
Sigeberto de illustribus Ecclesiæ Scriptoribus, c. 117
et Mss. hujus libri interpretem esse Joannem S. R. E.
subdiaconum ostendimus.

VERBA SENIORUM

LIBELLUS PRIMUS.

De prævidentia seu contemplatione.

Abiit aliquando Zacharias ad abbatem suum Silvanum, et invenit eum in excessu mentis, et erant manus ejus extensæ in cælum. Et cum vidisset ita, clausit ostium, et exiit; et intrans circa horam sextam atque nonam, invenit eum eodem modo; circa decimam vero horam pulsavit, et ingressus, invenit eum quiescentem, et dicit ei: Quid habuisti hodie, Pater? Qui dixit ei: Infirmatus sum hodie, fili. Ille vero tenens pedes ejus, dicebat: Non te dimittam, nisi mihi indicaveris quid vidisti. Respondit ei senex: Ego in cælum raptus sum, et vidi **645** gloriam Dei, et illic steti usque modo, et nunc dimissus sum.

2. Dixit sancta Syncretica: Efficiamur prudentes sicut serpentes, et simplices sicut columbæ, ut astute intelligamus laqueos diaboli; nam prudentes fieri sicut serpentes dictum est, ut non ignoremus impetus diaboli et artes ejus. Etenim simile aliquid ex alio simili superatur, nam et simplicitas columbæ demonstratur.

3. Dicebat quidam Patrum: Quia dum sederent aliquando seniores et loquerentur de ædificationibus, erat inter eos unus prævidens; et vidit angelos manus agitantes et lavantes eos (*Ruff.*, l. III, n. 36). Ut autem venisset locutio sæcularis, discedebant angeli, et volutabantur porci in medio pleni fetoribus, et polluebant eos; cum autem rursus loquerentur de ædificatione, veniebant iterum et lavabant eos angeli.

4. Dixit quidam senex: Hoc est quod scriptum est: Super duobus et tribus peccatis Tyri avertam me, super quatuor autem non avertam (*Amos*, I); cogitare malum, et consentire cogitatu, et loqui; quartum vero est perficere opus. In hoc ergo non avertitur ira Domini.

5. Dicebant de quodam sene magno in Scythi: Quotiescunque fratres ædificabant cellulam, egrediebatur cum gaudio, et ponens fundamentum non discedebat donec commoraretur; aliquando autem exiens ad fabricandam cellam contristabatur valde. Et dicunt fratres: Quare tristis ac mæstus es, abba? Qui dixit eis: Desolandus est locus iste, filii. Ego enim vidi quoniam accensus est ignis in Scythi, et accipientes fratres palmas cædentes exstinxerunt eum; et iterum accensus est; et accipientes fratres rursus palmas cædentes exstinxerunt eum; tertio accensus est et implevit totam Scythim, et jam non potuit exstingui. Ideo ego contristor ac mæstus sum.

6. Dixit quidam senex: Scriptum est. Justus ut palma florebit. Significat autem hic sermo bonorum actuum fructum altum et rectum ac dulcem: est vero in palma unum incarduum (1), et ipsum candidum omnem habens operationem in se; simile autem et

A super justo reperitur; unum enim ei et simplex est cor, ad Deum tantum respiciens. Est autem et album, habens illuminationem fidei, et omnis operatio justi in corde ipsius est; nam et acumen stimulorum ejus, adversus diabolum est propugnaculum.

7. Dixit aliquando alter senex: Sunamitis Elisæum suscepit, eo quod non haberet affectum cum aliquo homine (*Pasch.*, c. 37, n. 4, nomine *Macarii*; *Append. Mart.*, n. 16). Dicitur Sunamites personam habere animæ, Elisæus vero personam Spiritus sancti. Quacunque ergo hora recedit anima a sæculari confusione et perturbatione, adveniet ei Spiritus Dei, et tunc poterit parere cum sit sterilis.

8. Alius quidam Patrum dixit: Quia oculi porci naturale habent figmentum, ita ut necessitate semper intendat in terra, nec aliquando possint respicere ad cælum. Sic ergo et anima ejus qui in dulcedine delectatur voluptatum, semel delapsa in luxuriæ cœnum, difficile potest respicere ad Deum, aut sapere aliquid dignum Deo.

9. Fuit quidam magnus inter prævidentes; hic affirmabat dicens: Quia virtutem (2), quam vidi stare super baptisma, vidi etiam super vestimentum monachi, quando accipit habitum spiritualem.

10. Cuidam seni data est gratia videndi quæ flebant, et dicebat: Quia vidi in cœnobio aliquando meditantem in cella fratrem, et ecce dæmon veniens stabat foris cellam. Et dum frater ille meditaretur, non prævalebat ingredi; cum autem cessasset meditando, tunc ingrediebatur ille dæmon.

11. Dicebant de quodam sene, quia deprecatus est Deum, ut videret dæmones. Et revelatum est ei: Non opus habes videre eos. Senex autem rogabat dicens: Quia, Domine, potes me protegere gratia tua. At vero Deus revelavit oculos ejus, et vidit eos, quia tanquam apes sic circumdant hominem, stridentes dentibus suis super eum; Angeli vero Dei increpabant eos.

12. Dixit quidam senex: Quia duo fratres erant ei vicini, unus peregrinus, et unus inchoris (3): erat autem peregrinus ille modicum negligentior; ille vero inchoris studiosus valde. Contigit autem ut dormiret ille peregrinus in pace. At ille senex vicinus eorum cum esset prævicens, vidit multitudinem angelorum deducentem animam ejus; et cum perveniret ad cœlum ut intraret, facta est quæstio de illo. Et venit vox de super dicens: Manifestum est quia modicum negligentior fuit, sed propter peregrinationem ejus aperite ei. Et post hæc dormivit et ille inchoris, et venit omnis cognatio ejus ad eum. Cernens vero ille senex non venire angelos ad deducendam animam ejus, miratus est; et cadens in faciem suam in conspectu Dei, dixit: Quomodo peregrinus ille cum negligentior fuerit talem gloriam habuit, et hic cum studiosus esset nihil hujusmodi meruit? Et venit ei

vox dicens : Hic studiosus cum venit ut dormiret, aperuit oculos suos, et vidit parentes suos flentes, et consolata est anima ejus. Peregrinus vero **646** ille, licet negligentior fuerit, nullum suorum vidit; et flevit, et Deus consolatus est eum.

13. Narravit alter quidam Patrum, quia erat aliquis solitarius in eremo Nilipoleos, et ministrabatei quidam sæcularis, sed fidelis. Erat autem et in eadem civitate homo, qui erat dives, et impius. Contigit autem ut moreretur ille dives, et ducebat eum tota civitas simul et episcopus cum lampadibus. Egressus est autem et ille qui ministrabat illi solitario, secundum consuetudinem portans illi panes; et invenit, quia comederat eum bellua, et cecidit in faciem suam in conspectu Domini, dicens : Non surgam hinc, donec demonstretur mihi a Deo quæ sunt hæc; quia ille quidem impius talem apparatus habuit in deducendo; hic vero, qui servivit tibi die noctuque, ista pertulit. Et ecce angelus Domini veniens dixit ei : Ille impius (4) habuit parvum opus bonum in hoc sæculo, et recepit illud hic, ut illic nullam requiem inveniat : iste autem solitarius, quia homo erat ornatus ad omnem virtutem, habebat vero et ipse, ut homo, modicum aliquid culpæ, et recepit illud hic, ut ibi inveniat purus coram Deo. Et ita consolatus in his verbis, abiit glorificans Deum super iudicia ejus, quia vera sunt.

14. Sancti Patres de Scythi prophetaverunt de ultima generatione, dicentes : Quid operati sumus nos (*Ruff.*, l. III, n. 197)? Et respondens unus ex illis vir magnæ vitæ, nomine (5) Cyrion [*Al.*, Squirion, *vel* **C** Isquirion, *vel* Histirion] dixit : Non mandata Dei custodimus. At illi respondentes dixerunt : Hi vero qui fuerint post nos, quid erunt facturi? Qui dixit eis : Dimidium operis nostri operaturi sunt. Et dixerunt ei : Hi autem, qui post ipsos fuerint, quid facient? Qui respondit : Omnino non habebit operationem generatio illa ventura. Esse autem illis video tentationes, et qui reperti fuerint probati in tempore illo, meliores super nos et Patres nostros erunt.

15. Narravit quidam senex, dicens : Quia erat quædam virgo provecata ætate valde, quæ profecerat in timore Dei. Et interrogata a me, quæ res eam ad hanc adduxerit conversationem, illa ingemiscens cœpit dicere : Mihi quidem, o mirabilis vir, cum adhuc essem parvula, erat pater modestus ac mansuetus **D** moribus, debilis vero et infirmus corpore : qui ita vixit curam sui agens, ut vix aliquando videretur ab his qui in eodem habitabant vico : terram autem suam assidue operabatur, et ibidem semper occupabat vitam suam. Si quando fortasse sanus fuisset, fructus culturæ suæ domi portabat; plurimum autem temporis in lecto et languoribus detinebatur, tantaque ei erat taciturnitas, ut ignorantibus eum sine voce crederetur esse. Mater vero mihi erat e contrario curiosa absque modo, et quæ ultra omnes quæ erant in regione hac turpior esset; sermones vero ejus ita ad universos movebantur, ut putaretur omne corpus ipsius lingua esse; lites frequentius commovebantur ad

omnes ab ipsa; in ebrietate autem vini, cum viris luxuriosis demorabatur. Dispensabat autem et ea quæ intus domi erant tanquam meretrix pessima, ut etiam substantia multa valde non potuerit nobis sufficere; nam huic a Patre meo delegata erat dispensatio domus : corpore autem suo ita in turpitudine abutebatur, ut pauci de vico ipso potuerint effugere libidinem ejus. Nunquam corpori ejus morbus occurrit, nec dolorem aliquem sensit vel aliquantulum, sed a natiuitate sua usque ad ultimum diem integrum sanumque corpus suum possedit. Inter hæc contigit ut pater meus longa ægrotudine fatigatus moreretur, et continuo aer commotus est, et pluvia et coruscationes atque tonitrua aerem conturbabant, et neque nocte neque die imber cessando triduo super lectum sine sepultura fecit eum manere, ita ut homines vici illius moventes capita admirarentur quod tam malum universos lateret, dicentes : Sic enim Dei erat inimicus, ut nec terra eum recipiat ad sepulturam. Sed tamen ne intra domum dissoluta membra ejus ingressum prohiberent habitantibus, imminente adhuc aere turbido et pluvia descendente, vix aliquo modo eum sepulturæ tradidimus. At vero mater mea post hæc licentia plurima accepta, cum improbitate maxima corporis sui libidine abutebatur, et prostibulum deinceps faciens domum nostram in multa luxuria vixit atque deliciis. Et dum adhuc parvula essem, et deficeret nobis substantia nostra, vix aliquando cum timore, sicut mihi videtur, morte illius adveniente tantam meruit funeris prosperitatem, ut etiam putaretur aer simul in exsequiis deducere funus ejus. Ego vero post obitum ejus puellarem egressa ætatem, et desideria titillationesque jam corporis cum me permoverent, in quadam die ad vesperam, ut fieri solet, cogitare cœpi atque considerare cujus vitam eligerem imitandam; utrum patris, qui modeste, et mansuete, et sobrie vixit; sed rursus recogitabam illud, quia nihil in vita sua consecutus est boni, sed per omne tempus in infirmitate et tribulatione consumptus esset, ita finem vitæ accipiens, ut nec sepulturam ejus terra reciperet. Si igitur bona esset hujusmodi conversatio apud Deum, quare **647** ergo tantum malorum consecutus est pater meus, qui sic vivere elegit? Sed sicut mater, inquit cogitatus meus, bonum est vivere, tradere voluptati, luxuriæ ac libidini corpus; etenim illa nullum opus turpe prætermisit; in ebrietate autem omne tempus incolumis atque prospere degens, ita vitam suam explevit. Quid ergo? Sic oportet me vivere, sicut mater vixit; melius est enim propriis oculis credere his quæ manifeste cognita sunt, et nihil prætermittere. Et cum placuisset mihi miseræ eidem me constituere vitæ, supervenit nox, et sopor continuo mihi accessit. Post hos sermones astitit mihi quidam grandi quidem corpore, aspectu autem horribilis; deinde intuendo me perterrens, iracunda visione et aspera voce interrogabat me : Dic mihi, inquit ille, quæ sunt cogitationes cordis tui? Ego autem ab aspectu ejus et habitu tremefacta, neque aspicerem in eum

audebam. Majore vero voce usus, iterum jussit ut ea quæ mihi placuerant pronuntiarem. Ego autem præ timore dissoluta, et omnes oblita cogitatus, nihil esse dicebam. Ille vero negante me revocabat universa ad memoriam, quæ in corde meo meditata eram. Ego autem convicta et ad precem conversa, supplicabam veniam consequi, et causam ei narrabam hujusmodi cogitatus. Qui ait mihi : Veni et vide utrosque, patrem et matrem, et quam volueris vitam deinde elige tibi ; et apprehendens mihi manum, trahebat. Ducens autem me in quemdam campum magnum, habentem paradisos multos et diversos fructus, et varias arbores, et pulchritudinem inenarrabilem, introduxit me intus illic. Occurrens autem mihi pater meus, amplexatus est me, et osculabatur, filiam me vocans. Ego vero circumplexa eum, rogabam ut manerem cum ipso. At ille, Nunc, inquit, non potes hic esse ; si vero mea sequi vestigia volueris, venies huc non post multum tempus. Cum autem adhuc ego deprecarer manere cum ipso, trahens me rursus manu, qui me ibi duxerat : Veni, ait, ostendam tibi et matrem tuam, quæ igne exuritur, ut scias ad quem horum debeas declinare vitam tuam. Statuens autem me in domo tenebrosa atque obscura, omni stridore perturbationeque repleta, ostendit mihi fornacem ignis ardentem et picem ferventem, et quosdam illic terribiles aspectu stantes super fornacem. Ego autem inspiciens deorsum video matrem meam in fornace usque ad collum demersam, stridentem dentibus et igne ardentem, et vermium multum fetorem fieri. Videns autem me illa, cum ululatu clamabat, filiam me vocans : Heu me, filia, de propriis operibus hæc patior ; quia quasi deliramenta mihi videbantur universa quæ de sobrietate erant : opera autem fornicationis et adulterii non mihi credebam esse tormenta ; ebrietatem vero et luxuriam non arbitrabar esse pœnas ; et ecce propter parvam libidinem, quantam recipio gehennam et sustineo pœnas ; ecce propter exiguas delicias quanta exsolvo tormenta ; ecce pro contemptu Dei, quales recipio mercedes ; apprehenderunt enim me universa immobilia mala. Nunc est tempus auxilii, o filia, nunc recordare nutrimentorum quæ a me consecuta es ; nunc retribue beneficium si quid boni aliquando accepisti. Miserere, inquit, mei quæ ardeo igni et ab ipso consumo ; miserere mei quæ in hujusmodi cruciatibus exanimor ; miserere mei, filia, et porrigens manum tuam educ me de hoc loco. Me autem recusante hoc facere propter eos qui ibi astabant, rursus cum lacrymis clamabat : Filia mea, adjuva me, et noli despiciere fletum propriæ matris tuæ : memento doloris mei in die parturientis te, et ne me despicias quæ gehennæ igne depereo. Ego autem a voce ejus lacrymis commota, humanum aliquid patiebar, et cœpi cum clamore condolens ei ingemiscere. Exsurgentes vero hi qui erant in domo mea, et accendentes ignem, causam mugitus mei interrogabant me : ego autem narraui eis quæ videram. Et sic etiam unum hoc deliberavi, ut patris mei sequerer vitam, certa facta per ineffabilem misericor-

diam Dei, quæ pœnæ repositæ sunt his qui maligne vivere volunt. Siquidem illa beata virgo ex ipsa visione cognoscens, multam esse et bonorum retributionem operum, et malorum actuum turpis vitæ maximas esse pœnas renuntiabat ; ideoque efficiamur melioris consilii nobismetipsis, ut possimus beati fieri.

16. Narravit iterum senex et de quodam episcopo, ut maxime ex eo fiduciam accipientes diligentiam nostram in Deo habeamus ad salutem (*Ruff.*, l. III, n. 166 ; *Pasch.*, c. 23, n. 1). Nuntiabatur a quibusdam episcopo, qui apud nos consistebat, sicut hæc ipse episcopus referebat, quasdam sæcularium matronarum duas esse mulieres fideles, quæ quasi impudice viverent. Episcopus autem ex his qui ei hæc nuntiaverant commotus est, et suspicatus ne forte et aliæ hujusmodi essent, ad deprecandum Deum se convertit, inde certus effici rogans, quod et meruit. Post divinam enim illam atque terribilem consecrationem, dum accederent singuli ad participanda sancta mysteria, per vultus eorum cernebat animas quibus unaquæque subjaceret peccatis. Et peccatorum quidem hominum videbat facies nigras, quosdam vero ipsorum tanquam ab æstu exustas facies habentes, oculos autem rubeos ac sanguineos ; alios autem eorum claros quidem facie, candidos vero amictu. Et alii quidem, cum acciperent corpus Domini, exurebat eos et incendebat ; aliis autem sicut lumen efficiebatur in se, et per os ingressum, omne corpus eorum illuminabat. Erant autem inter ipsos etiam qui solitariam vitam elegerant, et hi qui in conjugiiis erant, qui et ipsi ita esse videbantur. Deinde convertit se, et cœpit etiam ipse mulieribus distribuere, ut cognosceret quales et ipsarum essent animæ ; et vidit simili modo fieri nigras atque rubeas facies earum, sanguineas quoque et albas. Inter ipsas autem advenerunt et illæ duæ mulieres, quæ accusatæ erant illi episcopo, propter quas maxime ad hanc precem et prævidentiam venerat : cernit etiam ipsas, dum accedunt ad sanctum mysterium, clarum habentes vultum et honorificum, candida vero stola circumamictas. Deinde cum et ipsæ participatæ fuissent mysterio Christi, factæ sunt sicut a lumine illustratæ. Rursus episcopus ad solitam precem convertebatur, supplicans Deo, et discere cupiens modum revelationum, quæ ei demonstratæ fuerant. Astitit autem angelus Domini, et de singulis interrogare præcipiebat. Sanctus vero episcopus continuo de illis duabus sciscitabatur mulieribus, si vera esset illa prima accusatio, an falsa ; at vero angelus affirmabat vera esse omnia quæ dicta de eis fuerant. Episcopus quoque ait ad angelum : Et quomodo in perceptione corporis Christi splendidæ erant facies earum, albam autem stolam habebant, lumine quoque fulgebant non parvo ? Ait autem angelus : Eo quod respicerunt de actibus suis, et discedentes ab his lacrymis et gemitibus atque eleemosynis pauperum, per confessionem divinum meruerunt numerum : de cætero in his malis nunquam ambulare pro-

mittentes se, si quidem de prioribus delictis veniam mereantur. Propter hoc ergo meruerunt divinam immutationem, et a criminibus absolutæ sunt et vivent deinceps sobre ac pie, et juste. Episcopus autem mirari se dicebat, non tantum de immutatione illarum mulierum (hoc enim contigit multis fieri), sed Dei donum, qui non solum eas tormentis minime subjecit, sed etiam tantam eis dignatus est donare gratiam. Ait autem angelus ad eum : Admiraris hoc iuste, quasi homo; Dominus autem ac Deus noster et vester cum naturaliter sit bonus ac misericors his qui discedunt a propriis delictis, et per confessionem accedunt ad eum, non tantum in tormenta eos ire non sinit, sed etiam furorem suum mitigat ab eis, et honore dignos facit; etenim sic dilexit Deus mundum, ut Filium suum unigenitum daret pro eo (*Joan. III*). Qui igitur cum inimici essent homines, mori pro ipsis elegit (*Rom. v*); non multo magis domesticos effectos eos, et pœnitentiam super his quæ gesserant agentes, absolvit a pœnis? His vero, quæ ab ipso præparata sunt, bona præstabit fruenda; hoc ergo scito, quia nulla delicta hominum vincunt clementiam Dei: tantum per pœnitentiam ea quæ pridem quis mala gesserat abluat actibus bonis. Cum enim sit misericors Deus, scit infirmitatem generis vestri, et passionum fortitudinem, et diaboli potentiam atque astutiam, et incidentibus quidem hominibus in peccatis, quasi filiis ignoscit, et exspectat correctionem eorum, patientiam habens in eis. Convertentibus vero atque ejus exorantibus bonitatem, tanquam infirmis compatitur; et absolvit confestim tormenta eorum, et donat eis bona quæ præparata sunt iustis. Ait autem episcopus ad angelum : Obsecro te, dic mihi etiam vultuum differentias, in quibus peccatis unusquisque eorum subiaceat; ut etiam et de his agnoscens, ab omni liberer ignorantia. Angelus autem dixit ad eum: Hi quidem, qui splendido atque hilari vultu sunt, in sobrietate, et castitate, et justitia vivunt, modesti quoque et condolentes ac misericordes sunt. Hi vero qui nigras habent facies, fornicationis et libidinis operarii sunt, cæterisque sceleribus et delictis dediti. Hi vero qui apparuerunt sanguinei ac rubei, in malignitate et injustitia viventes sunt, amantes detractiones, blasphemii, dolosi, et homicidæ sunt. Rursum dicit ei angelus : Adjuva eos, si quidem salutem ipsorum desideras; propterea etiam meruisti orationum tuarum effectum, ut videndo discas discipulorum tuorum peccata et per admonitiones atque obsecrationes, meliores per pœnitentiam eos facias ei qui pro ipsis mortuus est, et resurrexit a mortuis, Jesu Christo Domino nostro. Quantacunque igitur tibi virtus est et studium ac dilectio circa Dominum tuum Christum, omnem eorum gere providentiam, ut convertantur a propriis peccatis ad Deum, suadens eis manifeste quibus peccatis subiaceant, ne propriam desperent salutem ex hoc. Pœnitentibus quidem illis et convertentibus ad Deum animabus eorum salus erit et epulatio futurorum bonorum; tibi vero erit plurima merces, imitando **649** Dominum tuum,

A qui cœlos quidem reliquit, in terris autem demoratus propter salutem hominum est.

17. Referebat quidam Patrum : Quia tres res sunt honorabiles apud monachos, quibus oportet nos cum timore, et tremore, et gaudio spirituali accedere : communicatio sanctorum sacramentorum, et mensa fratrum, et pelvis in qua fratrum pedes lavantur. Proferebatque exemplum tale, dicens : Erat quidem magnus senex prævidens, et contigit ei ut gustaret cum pluribus fratribus. Et comedentibus illis videbat in spiritu idem senex sedens ad mensam quosdam edentes mel, alios autem panem, alios vero sterCUS. Et admirabatur intra semetipsum, et deprecabatur Deum, dicens : Domine, revela mihi mysterium hoc, quia idem cibus omnibus appositus est super mensam; in manducando autem ita immutatus videtur: et quidam edunt mel, quidam vero panem, alii autem sterCUS. Et venit ei vox desuper, dicens : Quia illi qui manducant mel, hi sunt qui cum timore, et tremore, et gratiarum actione edunt ad mensam, et incessanter orant; et oratio eorum sicut incensum ascendit ante Deum, ideoque et mel comedunt. Qui autem panem manducant, hi sunt qui gratias agentes percipiunt ea quæ a Deo donata sunt. Illi vero qui sterCUS manducant, hi sunt qui murmurant et dicunt : Hoc bonum est, illud malum est (*I Cor. v*). Hæc autem talia non oportet cogitare, sed magis glorificare Deum, atque laudes ei offerre, ut et in nobis impleatur illud quod dictum est : Sive manducatis, sive bibitis, sive quid aliud facitis, omnia in gloria Dei facite (*I Cor. 10*).

LIBELLUS SECUNDUS.

De sanctis senioribus qui signa faciebant.

Dixit abbas Dulas discipulus abbatis Besarionis : Quia ambulatibus nobis secus littus maris, sitivi; et dixi abbati Besarioni : Abba, sitio valde (*Ruff., lib. III, n. 215*). Et cum fecisset senex orationem, dixit mihi : Bibe de mari. Et dulcis facta est aqua, et bibi; ego autem hausi modicam in vase, ne forte iterum sitirem. Quod cum vidisset senex, dixit mihi : Ut quid vas implesti aqua? Dixi ei : Ignosce mihi, ne forte iterum sitiam. Et ait senex : Deus qui hic est, et ubique est.

2. Alio quoque tempore, cum necessarium ei esset, fecit orationem, et transivit Chrysoroan fluvium pedibus; ego autem admiratus satisfeci ei, dicens : Quomodo sentiebas pedes tuos, dum ambulares in aqua? Et ait senex : Usque ad talum sentiebam aquam, reliqua autem erat solida sub pedibus meis.

3. Rursus euntibus nobis ad alium senem, venit sol ad occasum. Et oravit senex, dicens : Obsecro, Domine, stet sol, donec perveniam ad servum tuum. Et factum est sic.

4. Venit aliquando quidam dæmonium habens in Scythi, et facta est pro eo oratio in ecclesia, et non egrediebatur dæmon ab eo, quia durus erat (*Ruff., lib. III, n. 121 : Pasch., c. 14, num. 2*). Dicunt autem ad invicem clerici loci illius : Quid faciemus huic dæmoni? Nemo potest eum ejicere, nisi abbas Besa-

tion; et si rogaverimus eum pro ipso, neque in ecclesiam veniet. Hoc ergo faciamus: ecce venturus est mane ante omnes in ecclesiam, faciamus eum qui vexatur sedere in loco ipsius, et cum ingredietur, stemus ad orationem, et dicamus ei: Excita fratrem istum, abba. Fecerunt autem sic. Veniente autem mane sene illo, steterunt ad orationem, et dicunt ei: Excita fratrem istum, abba. Et dixit senex illi patienti: Surge, egredere foras. Et confestim exivit ab eo dæmon, et sanus factus est ex illa hora.

5. Dicebant seniores aliquando abbati Eliæ in Ægypto de abbate Agathone: Quia bonus frater est. Et dicit eis senex: Secundum generationem suam bonus est. Qui dixerunt ei: Secundum autem antiquos quid? At ille respondens ait: Jam dixi vobis, quia bonus est secundum generationem suam; secundum antiquos vero, vidi hominem in Scythi, qui poterat facere ut sol staret in cælo, sicut fecit Jesus filius Nave. Et hæc audientes obstupuerunt, et glorificaverunt Deum.

6. Dicebant de abbate Macario illo majore, quia ascendens de Scythi, portabat sportas, et fatigatus resedit et oravit, dicens: Deus, tu scis, quia jam non prævaleo. Et mox elevatus, inventus est super flumen (*Ruff.*, lib. III, n. 213).

7. Habebat quidam filium paralyticum in Ægypto, et adduxit eum ad cellam beati Macarii, et relicto eo ad ostium flente, recessit longe (*Ruff.*, lib. III, n. 122). Respicens ergo senex, vidit puerum plorantem, et dixit ei: Quis te adduxit huc? Qui dixit: Pater meus projecit me hic, et abiit. Et dicit ei senex: Surge, et apprehende eum. Qui statim sanus factus est, et surgens apprehendit patrem suum, et sic abierunt in domum suam.

8. Dicebat abbas Sisois: Quando eram in Scythi cum abbate Macario, ascendimus metere cum eo septem nomina (6). Et ecce una vidua colligebat spicas de post nos, et non cessabat plorans. Vocavit ergo senex dominum agri illius, et dixit ei: Quid est aniculæ huic, quod semper plorat? Qui dixit ei: Quia vir ejus habuit depositum cujusdam, et mortuus est non loquens, et non dixit ubi posuit illud, et vult dominus depositi accipere eam et filios ejus in servitute. Et ait senex: Dic illi ut veniat ad nos ubi requiescimus in caumate. Et cum venisset, dicit ei senex: Ut quid semper ploras? Quæ ait: Vir meus defunctus est, accipiens commendatum alicujus, et non dixit moriens ubi posuit illud. Et dixit ei senex: Veni, et ostende nobis sepulcrum viri tui. Et assumptis secum fratribus abiit cum ea. Et cum venissent ad locum ubi positus erat, dixit ad illam senex: Recede hinc in domum tuam. Et orantibus illis vocavit senex illum qui mortuus fuerat, dicens illi: Ubi posuisti alienum depositum? Qui respondens dixit ei: In domo mea absconditum est sub pede lectuli. Et ait illi senex: Dormi iterum usque in diem resurrectionis. Videntes autem fratres ceciderunt ad pedes ejus; quibus dixit senex: Non propter me factum est hoc, nihil enim sum; sed propter

illam viduam et orphanos ipsius fecit Deus hanc rem: hoc enim est magnum, quia sine peccato vult Deus esse animam, et si quid petierit, accipit. Veniens autem nuntiavit viduæ illi ubi erat illud commendatum. At illa sumens illud, reddidit domino suo, et liberavit filios suos. Et qui audierunt hoc, glorificaverunt Deum.

9. Transiens aliquando abbas Emilis per quemdam locum, vidit quemdam monachum detentum a quibusdam tanquam homicidam. Accedens autem senex, atque interrogans fratrem illum, et comperto quia calumniabantur ei, dixit ad eos qui eum tenebant: Ubi est ille qui occisus est? et ostenderunt ei. Tunc approximans ipsi defuncto, dicit omnibus: Orate. Ipso vero expandente manus ad Deum, surrexit is qui defunctus erat. Et dixit ei coram omnibus: Dic nobis, quis est qui te interfecit? At ille dixit: Ingressus in ecclesiam commendavi pecunias presbytero, ipse surgens interfecit me, et portans projecit me in monasterium abbatis hujus; sed rogo vos ut tollantur ipsæ pecuniæ ab eo, et dentur filiis meis. Tunc ait ad eum senex: Vade, dormi, donec veniat Dominus et resuscitet te. Et confestim obdormivit.

10. Venerunt aliquando plures fratres ad abbatem Pastorem (*Ruff.*, l. III, n. 168); et ecce quidam de cognatis ipsius habebat filium, et erat facies ejus per operationem diaboli conversa retrorsum. Videns autem pater ejus multitudinem Patrum, accipiens puerum sedebat foris plorans. Contigit autem ut unus seniorum egrederetur foras. Quem cum vidisset, ait: Quid ploras, homo? Qui dixit ei: Cognatus sum abbatis Pastoris, et ecce contigit puero huic tentatio ista; et volens eum huic seni offerre, ut eum curaret, timui; non enim vult nos videre; et nunc si cognoverit quia hic sum, mittit persequens, et minat me hinc (7). Ego vero videns præsentiam vestram præsumpsi venire hic. Ergo quomodo vis, abba, miserere mei, et introducintus puerum hunc et ora pro ipso. Et accipiens eum senex, intravit, et usus est prudenter, et non eum statim obtulit abbati Pastori, sed incipiens a minoribus fratribus dicebat: Consignate puerum istum. Cum autem fecisset omnes per ordinem consignare eum, ad ultimum obtulit eum abbati Pastori, qui nolebat tangere eum. At illi rogabant eum, dicentes: Ut omnes, ita et tu, Pater, fac. Et ingemiscens surrexit et oravit, dicens: Deus, salva plasma tuum, ut non dominetur illi inimicus. Et consignans, curavit eum, et reddidit patri sanum.

11. Narravit quidam Patrum de aliquo abbate Paulo, qui erat in inferiores partes Ægypti, habitans juxta Thebaidam. Hic ergo Paulus tenebat manibus eos, qui dicuntur cornutæ, aspides et serpentes atque scorpiones, et scindebat eos per medium. Videntes autem hæc fratres, satisfaciens ei, interrogabant eum, dicentes: Dic nobis quid operatus es, ut acciperes gratiam istam? Qui ait eis: Ignoscite mihi, fratres, si quis possederit puritatem, omnia subjiciuntur ei, sicut Adæ quando erat in paradiso ante prævaricationem divini mandati.

12. Temporibus Juliani (8) apostatae, cum descenderet in Perside, missus est dæmon ab eodem Juliano, ut velocius vadens in Occidentem, afferret ei responsum aliquod inde. Cum autem pervenisset ille dæmon in quemdam locum, ubi quidam monachus habitabat, stetit ibidem per dies decem immobilis, eo quod non poterat ultra progredi, quia monachus ille non cessabat orando, neque nocte neque die. Et regressus est sine effectu ad eum qui miserat illum. Dixit autem ei Julianus: Quare tardasti? Respondit ei dæmon et dixit: Et moram feci, et sine actione reversus sum; sustinui enim decem dies Publium monachum, si forte cessasset ab oratione ut transirem, et non cessavit, et prohibitus sum transire, et redi nihil agens. Tunc impiissimus Julianus indignatus dixit: Cum regressus fuero, faciam in eum vindictam. Et intra paucos dies interemptus est a providentia Dei. Et continuo unus ex præfectis qui cum eo erant, vadens vendidit omnia quæ habebat, et dedit pauperibus, et veniens ad senem illum, **651** factus est monachus magnus, et sic quievit in Domino.

13. Venit aliquando quidam sæcularis ad abbatem Sisoï in montem abbatis Antonii, habens filium suum secum (*Ruff., lib. III, n. 120*); et in itinere mortuus est filius ejus, et non est conturbatus, sed cum fide tulit eum ad illum senem, et procidit cum filio suo tanquam pœnitentiam faciens, ut benediceretur ab eodem sene. Et surgens pater pueri reliquit filium suum ante pedes ipsius senis, et egressus est foras cellam. Porro senex putans, quia pœnitentiam ageret ante pedes ipsius pueri ille, dixit ei: Surge, vade foras. Non enim sciebat quia mortuus erat. Et statim surgens egressus est. Et videns eum pater ejus, expavit, et intrans, adoravit senem, et dixit ei causam. Audiens autem hoc senex, contristatus est, non enim volebat hoc fieri. Præcipit itaque ei discipulus senis ut nemini nuntiaret hæc usque ad obitum ipsius senis.

14. Tentatus est aliquando Abraham discipulus ejusdem abbatis Sisoï a dæmonio; et videns eum idem senex, quia cecidit, surrexit et expandit manus suas ad Deum, dicens: Deus, vis non vis, non dimitto nisi curaveris eum. Et curatus est frater ille.

15. Senex quidam erat solitarius juxta Jordanem fluvium, et ingressus propter cauma in speluncam, invenit ibi leonem, et cœpit leo fremere dentibus suis ac rugire. Dixit autem ei senex: Quid angustiaris? est locus qui capiat et me et te. Si vero non vis, surgens egredere hinc. Leo autem non ferens, egressus est inde foras.

16. Ascendit quidam senex aliquando in Terenthim de Scythi, et ibi divertit; videntes laborem abstinentiæ ejus, obtulerunt ei modicum vini. Alii autem audientes de ipso adduxerunt ad eum hominem quemdam, dæmnum habentem. Cœpit autem dæmon ille maledicere senem illum, dicens: Ad istum potatorem vini me adduxistis? Et senex quidem propter humilitatem nolebat eum ejicere; propter

vero improprium ejus dixit: Credo in Christo, quia prius quam finem faciam, bibens calicem istum, egredieris ab eo. Et cum cœpisset senex bibere, clamavit dæmon, dicens: Incendis me. Et antequam consummaret bibens, exivit ab eo dæmon per gratiam Christi.

17. Misit quidam Patrum discipulum suum haurire aquam: erat autem puteus procul valde a cella ipsorum, et oblitus est portare funem secum (*Ruff., lib. III, n. 28*). Dum vero venisset frater ille ad puteum, et cognovisset quia non portaverat funem, fecit orationem et clamans, dixit: O putee, putee, abbas meus dixit ut implem lagenam istam aqua. Et continuo ascendit aqua usque ad summum putei, et implevit frater ille lagenam suam, et restituta est iterum in locum suum.

LIBELLUS TERTIUS.

De conversatione optima diversorum sanctorum.

1. Retulit abbas Dulas, dicens: Ambulantes aliquando in eremo ego et abbas meus Besarion (*Ruff., lib. III, n. 194; Pasch., c. 34, num. 3*), venimus secus quamdam speluncam: in quam ingressi, invenimus ibi quemdam fratrem sedentem et operantem plectam de palmis; qui noluit respicere ad nos, neque salutare, nec omnino loqui voluit nobiscum. Dixit autem mihi senex: Eamus hinc, forsitan non est animus fratris istius loqui nobiscum. Egressi quoque inde, illico ambulavimus videre abbatem Joannem. Redeuntes vero venimus iterum per speluncam illam, ubi fratrem illum videramus. Et dixit mihi senex: Ingrediamur ad fratrem istum, si forte revelaverit ei Deus loqui nobiscum. Intrans autem invenimus eum, quia dormierat in pace. At vero senex ait mihi: Veni, frater, colligamus corpus ejus; in hoc ipsum enim misit nos Deus ad reconduendum eum. Cum autem colligeremus eum, invenimus quia natura mulier erat. Et admiratus est senex, dicens: Ecce quomodo et mulieres colluctantur adversus diabolum in eremo, et nos in civitatibus dehonestamur. Glorificantes ergo Deum qui protegit diligentes se, recessimus inde.

2. Dicebat abbas Vindemius, quia narravit abbas Macarius, dicens: Sedente me aliquando in Scythi, descenderunt duo adolescentes peregrini (*Ruff., lib. III, n. 195*). Unus quidem ipsorum incipiebat mittere barbam, alius vero non adhuc. Venerunt autem ad me, dicentes: Ubi est cella abbatis Macarii? Ego autem dixi eis: Quid eum vultis? Responderunt: Audientes de eo, in Scythi venimus videre eum. Dico eis: Ego sum. Qui pœnitentiam agentes, dixerunt: Hic volumus manere. Ego autem cum vidissem eos delicatos, et quasi a divitiis, dixi eis: Non potestis hic sedere. Dixit ille major: Et si non possumus hic sedere, pergemus alibi. Dixi ergo apud animum meum: Ut quid eos persequor, et scandalizantur? Labor ipse faciet eos ut a semet fugiant. Tunc dixi eis: Venite, facite vobis cellulam, si potestis. Dicunt et illi: Ostende nobis tantummodo, et faciemus. Dedi autem eis securim et sportam

plenam panibus, et salem; ostendi etiam illis duram A petram, dicens: Excidite hic, et adducite 652 vobis ligna de palude; et cum imposueritis tectum, sedete in eodem loco. Ego autem putabam quod fugerent propter laborem. At illi interrogaverunt me: Quid operabimur hic? Dico eis: Plectam de palmis; et sumens folia palmarum de palude, ostendi eis initium plectæ, et quomodo consuere deberent. Quibus etiam dixi: Facite sportas, et date custodibus ecclesiæ, et ipsi afferent vobis panes. Post hæc ergo recessi ab eis: ipsi autem patienter omnia quæcunque dixi eis fecerunt, et non venerunt ad me per tres annos. Sustinui autem et ego luctando cum animo meo, dicens: Putas, quæ est horum operatio, quia non venerunt interrogare me de cogitationibus suis? Qui enim de longinquo sunt, B veniunt ad me; isti autem de proximo mihi non venerunt ad me: nam nec ad alium abierunt, nisi solum ad ecclesiam cum silentio accipere oblationem. Igitur oravi ego Deum jejunans una septimana, ut demonstraret mihi operationem istorum. Surgens autem post illam septimanam abii ad eos videre quomodo sederent. Et cum pulsassem, aperuerunt mihi, et salutaverunt me tacentes; faciensque orationem, sedi. Innuens autem ille major minori, ut egrederetur, ipse sedit facere plectam, nihil loquens. Et circa horam nonam significavit percutiens, et venit ille minor, et fecit modicam cocturam pulmenti. Apposuit vero et mensam, innuente ei illo majore, et posuit super eam tres paximates, et stetit tacens. Ego autem dixi: Surgite, manducemus. C Et exsurgentes manducavimus; attulit vero lagunculam, et bibimus. Cum autem factum esset vespere, dicunt mihi: Vadis hinc? Respondi ego: Non, sed hic dormiam. Posuerunt autem mihi mattam in parte, et sibi in alium angulum a parte: tulerunt etiam cingulos suos, et semicinctia sua, et posuerunt se dormire simul super mattam ante me. Cumque se reclinassent, oravi ad Deum ut mihi relevaret operationem ipsorum. Et apertum est tectum cellæ, et facta est lux magna sicut per diem, ipsi vero non conspiciebant lumen illud. Cum vero putarent quia ego dormire, tetigit ille major minorem in latus. Et surrexerunt atque cinxerunt se, expandentes quoque manus in cælum steterunt cum silentio. Et ego quidem videbam eos, ipsi vero me non videbant. D Videbam ergo dæmones sicut muscas venientes super illum minorem fratrem, et alii quidem veniebant ut sederent super os ejus, alii vero super oculos. Et vidi angelum Dei habentem gladium ignis circumvallantem eum, atque insectantem ab eo dæmones. Illi autem majori non poterant appropinquare. Circa mane vero reclinaverunt se. Et ego feci me ipsum quasi evigilantem, et ipsi fecerunt similiter. Dixit autem ille major hunc sermonem tantum: Vis dicimus duodecim psalmos? Dixi: Etiam. Et psallebat ille minor quinque psalmos, senos versus et unum alleluia; et per unumquodque verbum exhibit lampas ignis de ore ipsius, et ascendebat in cælum,

Similiter autem et ille major cum aperiebat os suum psallens, tanquam fumus ignis egrediebatur de ore ejus et pertingebat in cælum. Et ego dixi modicum ex animo, sicut et illi, opus Dei. Exiens autem dixi: Orate pro me. Ipsi autem satisfecerunt mihi tacentes. Et cognovi quia ille major perfectus est, illum autem minorem impugnabat adhuc inimicus. Post paucos autem dies dormivit ille major frater, et tertio die ille minor. Et cum aliqui Patrum advenirent abbati Macario, ducebat eos in cellam ipsorum, dicens: Venite videre martyrium horum minorum peregrinorum.

2. Duo quidam Patrum rogabant Deum ut ostenderet eis in quam pervenerint mensuram. Et venit eis vox, dicens: Quia in villa illa quæ est in Ægypto est sæcularis quidam, Eucharistius nomine, et uxor ejus vocatur Maria: nondum adhuc pervenistis ad mensuram ipsorum. Exsurgentes autem illi duo senes, venerunt in vicum illum. Qui percontantes invenerunt cellulam ipsius, et uxorem ejus. Et dicunt ad illum: Ubi est vir tuus? At illa dicit eis: Pastor est ovium, et illas pascit. Et introduxit eos in domum suam. Cum autem sero factum esset, venit ipse Eucharistius cum ovibus; et videns illos senes, paravit illis mensam, misitque aquam in pelvim, ut lavaret pedes eorum. Qui dixerunt ei: Non gustabimus quidquam, nisi indicaveris nobis operationem tuam. Tunc ille Eucharistius cum humilitate dixit eis: Ego pastor sum ovium, et hæc uxor mea est. Cum vero perseverassent illi duo senes, rogantes eum ut omnia denuntiaret eis, ipse volebat dicere. Tunc dixerunt ei: Dominus nos misit ad te. Audiens autem hoc verbum, timuit, dixitque eis: Ecce istas oves habemus a parentibus nostris, et quidquid ex eis donaverit mihi Deus, facimus illud tres partes: partem unam pauperibus, et unam partem in susceptione peregrinorum, et tertiam partem ad usum nostrum. Ex quo autem accepi uxorem, neque ego pollutus sum, neque illa, sed virgo est, singuli autem remoti a nobis dormimus; et noctu quidem induimus saccos, in die vero vestimenta nostra. Et usque nunc nemo hominum hæc cognovit. Cumque hæc audissent illi 653 patres admirati sunt, et recesserunt glorificantes Deum.

3. Venit aliquando abbas Macarius ille Ægyptius de Scythi in Montem Nitriæ in die oblationis, ad monasterium abbatis Pambo, et dixerunt ei seniores loci illius: Dic fratribus verbum ædificationis, Pater. Qui dixit eis: Ego nondum factus sum monachus, sed vidi monachos. Et dixit: Sedente enim me aliquando in cella in Scythi, perurgebant me cogitationes meæ, dicentes: Surgens, vade usque in desertum, et considera quod illic vides. Et permansit reluctando hujusmodi animus meus per quinque annos, dicens: Ne forte a dæmonibus sit hæc suggestio. Cum ergo perseverasset cogitatio ista in me, abii in cremo, et reperi ibidem stagnum aquarum, et insulam in medio ejus. Veniebant quoque diversa animalia eremi, et bibebant ex eo: inter quæ vidi

duos homines nudos, et contremuit corpus meum; A putabam enim quia spiritus sunt. Cumque vidissent illi me trepidantem, locuti sunt ad me, dicentes: Noli timere, et nos enim homines sumus. Dixi itaque illis: Unde estis, et quomodo in hanc eremum venistis? Qui dixerunt: De cœnobio fuimus, et factus est nobis consensus, et egressi sumus huc; ecce quadraginta anni sunt. Erat autem unus ex ipsis Ægyptius, alius vero Libycus. Interrogaverunt autem me et ipsi dicentes: Quomodo est mundus, et si ascendit aqua secundum tempus suum, si etiam habet mundus abundantiam suam? Respondi eis: Etiam. Quos et ego interrogavi: Quomodo possum fieri monachus? Dicunt mihi: Nisi quis renuntiaverit omnibus quæ in mundo sunt, non potest fieri monachus. Quibus dixi: Ego infirmus sum, et non potest sicut vos. Responderunt mihi: Si non potes sicut nos, sede in cella tua, et plange peccata tua. Interrogavi ergo eos, dicens: In hieme non sentitis frigus, aut in æstate non incenditur corpus vestrum in caumate? At illi dixerunt: Deus fecit nobis hanc dispensationem, ut neque in hieme frigus, neque æstate ardorem sentiamus. Ideoque dixi vobis quia ego nondum factus sum monachus, ignoscite mihi, fratres.

4. Sedebat aliquando abbas Sisois solus in monte abbatis Antonii: moram autem faciente ministro ejus venire ad eum, per menses decem non vidit hominem. Ambulans autem per montem, invenit quemdam Pharanitem capientem animalia agrestia. Cui senex dixit: Unde venis, aut quantum tempus habes hic? C At ille dixit: Vere, abba, habeo undecim menses in monte isto, et non vidi hominem nisi te. Audiens autem hæc senex, intravit in cellam suam, et percutiebat seipsum, dicens: Ecce, Sisois, existimabas te aliquid fecisse, et neque, ut sæcularis hic, ita fecisti.

5. Item ipse abbas Sisois sedens in cella, semper clauderat ostium suum (*Ruff., lib. III, n. 162*). Dicebatur autem de ipso quoniam in die dormitionis suæ, cum sederent circa eum Patres, resplenduit tanquam sol facies ejus, et dixit ad eos: Ecce abbas Antonius venit. Et post pusillum rursum dicit eis: Ecce chorus prophetarum venit. Et iterum amplius facies ejus resplenduit, et dixit: Ecce chorus apostolorum venit. Et dupliciter refulsit adhuc facies ejus; et ecce ipse D quasi cum aliquibus loquebatur. Deprecatis autem senes illum, dicentes: Cum quo loqueris, Pater? Qui dixit eis: Ecce angeli venerunt accipere me, et rogo ut dimittat pœnitere modicum. Dicunt ei seniores: Non indiges pœnitentia, Pater. Dixit autem illis: Vere nescio me ipsum vel initium pœnitentiæ arripuisse. Et cognoverunt omnes quia perfectus esset. Et rursus subito facta est facies ejus sicut sol, et timuerunt omnes. Dixit autem eis: Videte, ecce Dominus venit, dicens: Afferte mihi vas electionis eremi. Et continuo reddidit spiritum. Et factus est sicut fulgur, et repletus est totus locus ille odore suavitatis.

7. Dicebant de abbate Hor (9): Quia neque mentitus est unquam, neque juravit, neque maledixit hominem, neque si necesse non fuit, locutus est alicui.

8. Idem abbas Hor dicebat discipulo suo: Vide ne aliquando alienum verbum adducas in cellam istam.

9. Duo quidam magni senes ambulabant in eremo quæ est juxta Scythim: et audientes murmur cujusdam vocis de terra, quæsierunt introitum spelunçæ, in quam ingressi reppererunt ibidem quamdam aniculam, virginem sanctam, jacentem infirmam, et dicunt ei: Quando huc advenisti, anus; aut quis est qui tibi ministrat? Nihil enim invenerunt in ipsa spelunca, nisi solam ipsam jacentem infirmam. At illa dixit: Trigesimum octavum annum habeo in spelunca hac eremi cum tanta sufficientia serviens Christo, et non vidi hominem nisi hodie; misit enim vos Deus, ut sepeliatis corpus meum. Cumque hoc dixisset, quievit in pace. Patres vero illi glorificaverunt Deum, et recondito corpusculo ejus, recesserunt in locum suum.

10. Narraverunt de quodam solitario quia exiit in eremum vestitus lineo sacco tantum. Cumque perambulasset tres dies, ascendit supra petram, et vidit sub ipsa viridem 654 herbam, et hominem pascentem tanquam bestiam. Descendens autem occulte, tenuit eum; senex vero ille cum esset nudus, nec ferre posset odorem hominum, angustatus vix potuit evadere de manibus ejus, et fugiebat. Ille quoque frater exiit, post ipsum currens et clamans: Exspecta me, quia propter Deum te sequor. At ille conversus, dixit ei: Et ego propter Deum fugio abs te. Frater autem ille post hæc projecit levitionem (10), qua erat indutus, et sequebatur eum. Quem cum vidisset senex, quia jactaverat indumentum suum, sustinuit eum. Et cum appropinquasset ei, dixit ad illum senex: Quando projecisti materiam mundi abs te, et ego te exspectavi. Rogabat autem frater ille, dicens: Pater, dic mihi verbum quo salvus efficiar. Qui dixit ei: Fuge homines, et tace, et salvus eris.

11. Narrabat quidam solitarius fratribus, qui erant in Raythum ubi sunt septuaginta arbores palmarum (11), in locum, ubi applicuit Moyses cum populo, quando egressus est de terra Ægypti (*Exod. xv*), sic dicens: Cogitavi aliquando debere me ingredi in interiorem eremum, si forte invenirem aliquem interiorius me habitantem in eremo, et servientem Domino nostro Jesu Christo. Ambulans autem quatuor dies ac noctes inveni speluncam: et cum appropinquassem, respexi intus, et vidi sedentem hominem, et pulsavi secundum consuetudinem monachorum, ut egredientem salutarem eum. At ille non movebatur; requieverat enim in pace. Ego autem nihil dubitans introvi: et cum tenuissem scapulam ipsius, confestim dissolutus est, et factus est pulvis. Deinde aspiciens, vidi colobium pendens; cum vero et hoc

tenuissem, dissolutum est, et in nihilum redactum est ¹.

Cum autem de hoc hæsitarer, egressus sum inde, et perambulabam in desertum, in quo rursus aliam reperi speluncam, et vestigia hominis ibidem ². Factus sum autem alacrior. Appropinquans autem ad ipsam speluncam, ut iterum pulsavi, et nemo mihi obaudivit, ingressus nullum inveni : stans autem foras speluncam, dicebam intra meipsum : Quia hic oportet venire hunc servum Dei, ubicunque fuerit. Cum vero jam præterisset dies, vidi bubalos venientes, et illum servum Dei venientem cum eis nudum, de capillis cooperientem quæ inhonesta erant corporis sui. Qui appropinquans mihi, existimabat me spiritum esse, et stetit ad orationem. Nam multum tentatus fuerat a spiritibus, sicut ipse postea dicebat. Ego autem hæc intelligens, dicebam ei : Serve Dei, et ego homo sum ; vide vestigia mea et contrecta me, quia caro et sanguis sum. Cum vero post orationem dicto Amen, respexisset me et consolatus fuisset, introduxit me in speluncam, et interrogabat me, dicens : Quomodo huc advenisti? Cui ego dixi : Requirendi gratia servos Dei veni in hanc solitudinem, et non me fraudavit Deus a desiderio meo.

Ego autem interrogavi eum rursus, dicens : Quomodo et tu huc venisti, et quantum tempus habes, aut quod est alimentum tuum, vel quomodo cum sis nudus, non indiges vestimento? Qui dixit mihi ³ : Ego in cœnobio eram Thebææ [Al., *Thebaidæ*], et opus meum erat lini textura : subintravit autem in animum meum cogitatus, ut inde exiens singulariter sederem : et poteris, inquit, quietus esse, et suscipere peregrinos, et pluriorem mercedem habere ex eo, quod acquisieris de opere tuo. Ut autem consensi cogitationi huic, et opere perfeci eam, exiens ædificavi mihi monasterium, ibique veniebant qui mihi injungebant opus. Cumque jam multum esset quod congregaveram, festinabam pauperibus ac peregrinis illud distribuere. Sed adversarius noster diabolus invidens mihi, sicut et semper et tunc, futuram in me fieri retributionem machinabatur auferre, eo quod festinabam labores meos Deo offerre. Videns enim unam virginem sacram injungentem mihi species, et eas me perficientem atque reddentem, immisit ei ut rursus mihi alias demandaret species. At vero ubi jam consuetudo facta est ac fiducia major, postremo etiam tactus manuum et risus, ac simul convalescere, ad ultimum concepimus dolorem, et peperimus iniquitatem. Cum autem mansissem in eadem ruina sex mensibus, postea cogitavi, dicens : Quia aut hodie, aut crastino, aut post multos annos morti addictus, æternum habeo supplicium. Si enim quis uxorem hominis violaverit, penis æternis legitime subjacebit; quantis tormentis dignus est, qui Christi stupraverit sponsam? Et sic occulte in hanc eremum cucurri,

¹ Simile quid vel idem in Vita sancti Onuphrii, cap. 2, per Metaphrastem, apud Surium, tom. III, de se narrat Paphnutius.

² In Vita sancti Onuphrii jam citata, c. 3.

A omnia relinquens illi mulieri, veniensque huc inveni hanc speluncam, atque fontem hunc, et istam palmam afferentem mihi botryones duodecim dactylorum : per singulos menses affert mihi unum botryonem, qui mihi sufficit triginta diebus, et post hunc maturatur alter. Post tempus autem multum creverunt capilli mei, et cum jam dirumperentur vestimenta mea, de ipsis, quam decet, partem operui corporis mei.

Dum autem rursus eum interrogarem, si in primordiis difficultatem habuisset ibidem, ait mihi : In initiis afflictussum valde ~~655~~ dolore jecoris, ita ut humi jacens non possem stans psalmum dicere, sed prostratus in terra, clamabam ad Altissimum. Cum autem in spelunca essem in dolore valido atque defectione, ut etiam nec egredi jam possem, vidi virum intrantem et juxta stantem ac dicentem mihi : Quid pateris? Ego autem confortatus ab eo modicum, dixi ei : Hepar doleo. Qui dixit mihi : Ubi doles? Cum vero ostendissem ei, digitos manus suæ in directum conjungens, divisit locum illum tanquam per gladium, et avellens jecur, ostendit mihi vulnera, et raso jecore manu sua in pannum ipsas scabies misit, atque rursus ipsum jecur imponens manibus suis, locum ipsum recludit. Et ait mihi : Ecce sanus factus es, servi Domino nostro Jesu Christo sicut oportet. Et ex tunc factus sum sanus, et sine labore jam sum hic. Ego autem multum illum rogavi ut manerem in interiorem eremum. Et ait mihi : Non potes sufferre dæmonum impetus. Et ego hoc ipsum considerans, rogabam ut orans pro me dimitteret me. Qui cum orasset, dimisit me. Hæc vobis narraui ædificationis gratia.

12. Dicebat rursus alius senex ⁴ : Qui etiam dignus effectus est episcopus civitatis Oxyrynchi, tanquam ab alio hæc audisset, sed ipse erat qui hoc fecerat. Visum est, inquit, mihi aliquando intrare in interiorem eremum, quæ est circa Oasa, ubi genus est Mazicorum, ut viderem, si forte invenirem aliquem Christo servientem. Sumens itaque paucos paximates, et quasi dierum quatuor aquam in vase, iter meum faciebam. Transactis vero quatuor diebus, consumptisque cibis, expectabam quid agerem. Et confidens dedi meipsum ad pergendum. Ambulavi quoque alios quatuor dies sine cibo perdurans. Cumque jejunium et laborem itineris ferre non posset corpus meum, in pusillanimitatem veni, ac sic jacebam in terra. Veniens autem quidam, digito suo tetigit labia mea, tanquam si medicus de sputo oculum percurrat; statim vero confortatus sum, ita ut putarem me neque ambulasse, neque famem pertulisse. Cum ergo vidissem venientem in me virtutem hanc, surgens perambulabam desertum. Præteritis itaque aliis quatuor diebus, rursus fatigatus defeci. Cumque extendissem manus meas in cælum, ecce

³ In Vita Onuphrii jam citata, c. 5, vocatur hic eremita Timotheus.

⁴ Vide et supra, l. 1, in Vita sancti Onuphrii, cap. 1 et 2.

vir ille, qui pridem me confortaverat, iterum digito suo quasi liniens labia mea, confortavit me. Peracti sunt autem dies decem et septem, et post hæc invenio tugurium, et arborem palmæ, et virum stantem, cujus capilli capitis erant pro indumento ipsius; qui capilli canitie ejus erant candidi per totum. Erat autem et terribilis aspectu. Cumque vidisset me, stetit ad orationem. Et expleto Amen, cognovit me esse hominem, tenensque mihi manum interrogabat me, dicens: Quomodo huc advenisti, et si adhuc constant omnia quæ sunt in mundo, si adhuc etiam sunt persecutiones? Ego autem dixi ei: Vestri gratia, qui in veritate Domino Jesu Christo servitis, hanc perambulo eremum; persecutio vero cessavit per potentiam Christi. Edissere mihi nunc, obsecro te, et tu quomodo huc advenisti? At ille cum lamentatione plorans, cœpit dicere mihi: Ego episcopus eram, et persecutione facta, multis mihi illatis suppliciis, cum jam ferre non possem tormenta, postea sacrificavi. In me ipsum autem deinde reversus, agnovi iniquitatem meam, et dedi meipsum ad moriendum in hanc eremum; et sum degens hic annis quadraginta novem in confessione et obsecratione ad Deum, si forte dimittatur mihi peccatum meum. Et victum quidem præstitit mihi Dominus ex hac palma, consolationis vero indulgentiam non accepi, usque ad quadraginta octo annos: in hoc autem anno consolatus sum. Hoc autem dicens, repente surrexit; et currens exiit foras, et stetit in oratione diu. Cum autem complisset orans, venit ad me. Intuens autem ego faciem ejus, exterritus trepidavi, factus enim erat ipse tanquam ignis. Dixit ergo mihi: Noli timere. Deus enim te misit, ut funeri tradas corpus meum, atque sepulturæ. Dum autem consummasset hæc dicens, statim extendens manus pedesque, finem vitæ fecit. Dissuta ergo tunica mea, ego dimidiam mihi tenui, et dimidia involutum sanctum corpusculum abscondi in terra. Recondit ergo illo, continuo palma illa aruit, et tugurium illud cecidit. Ego autem multum flevi, obsecrans Deum, si quomodo mihi præstaret palmam illam, ut perseverarem in loco illo residuum tempus meum. Ut autem non est hoc factum, dixi apud me: Non est voluntas Dei. Orans ergo tendebam iterum ad sæculum, et ecce homo qui linivit labia mea veniens apparuit mihi, atque confortavit me, et ita convalui pervenire ad fratres, et narraui eis hæc, rogans eos ne desperarent semetipsos, sed per pœnitentiam invenirent Deum.

13. Frater quidam interrogavit senem, dicens: Nomen est quod salvat, aut opus? Respondit ei senex: Opus. Et ait senex: Scio enim fratrem orantem aliquando, et statim audiebatur oratio ejus. Subintravit autem in animo ejus cogitatus, velle videre animam peccatoris et justi, quomodo abstrahitur a corpore. Et nolens Deus contristare eum in desideriis ejus, dum sederet in cella sua, ingressus est lupus ad eum, et tenens ore suo vestimenta ipsius fratris, trahebatur eum foras. Surgens autem frater sequebatur eum: lupus autem duxit eum usque ad aliquam civi-

tatem, et dimittens fratrem illum, recessit. Cum vero sederet foras civitatem in monasterio, in quo erat quidam habitans, qui habebat nomen quasi magni solitarii, ipse vero solitarius infirmus erat, expectans horam mortis suæ. Frater ille qui ibidem venerat, videbat multam præparationem fieri cereorum et lampadarum propter solitarium illum, tanquam per ipsum Deus panem et aquam inhabitantibus civitatem illam præstaret atque salvaret eos, et dicebant: Si hic finierit, simul omnes moriemur. Facta autem exitus ejus hora, vidit frater ille tartaricum inferni descendentem super solitarium illum, habentem tridentem igneum, et audivit vocem dicentem: Sicut anima ista non me fecit quiescere, neque una hora in se, sic neque tu miserearis ejus evellens eam. Deprensus igitur tartaricus ille quem tenebat tridentem igneum, in cor solitarii illius, per multas horas torquens eum, abstraxit animam ejus. Posthæc autem ingressus frater ille in civitatem, invenit hominem peregrinum jacentem in platea ægrotum, non habentem qui ei curam adhiberet; et mansit cum eo die una. Et cum venisset hora dormitionis ejus, conspicit frater ille Michaelem et Gabrielem descendentes propter animam ejus. Et sedens unus a dextris et alius a sinistris ejus, rogabant animam ejus, ut egrederetur foras; et non exibat, quasi nolens relinquere corpus suum. Dixit autem Gabriel ad Michaelem: Assume jam animam istam ut eamus. Cui Michael respondit: Jussi sumus a Domino, ut sine dolore ejiciatur, ideoque non possumus cum vi evellere eam. Exclamavit ergo Michael voce magna dicens: Domine, quid vis de anima hac, quia non acquiescet nobis, ut egrediatur? Venit autem ei vox: Ecce mitto David cum cithara, et omnes Deo psallentes in Jerusalem, ut audiens psalmum ad vocem ipsorum egrediatur. Cumque descendissent omnes in circuitu animæ illius cantantes hymnos, sic exiens anima illa sedit in manibus Michael, et assumpta est cum gaudio.

14. Dixit iterum qui supra, de quodam sene, quia venit aliquando in civitatem, ut venundaret vasa quæ operatus fuerat. Et cum explicuisset ea, contigit eum sedere ante januam cujusdam divitis, qui jam moriebatur. Sedens ergo senex ille, vidit equos nigros, et ascensores eorum nigros et terribiles, habentes singulos baculum igneum in manu sua. Cum ergo jam pervenissent ad januam illam, statuerunt equos suos foras, et intravit unusquisque cum festinatione. Infirmus autem ille videns eos, clamavit voce magna, dicens: Domine, adjuva me. At illi dixerunt ei: Nunc memor factus es Dei, quando tibi sol obscuratus est? quare usque in hodiernum diem non exquisisti eum, dum adhuc tibi splendor erat diei? Nunc autem in hac hora non est tibi portio spei neque consolationis.

15. Dixerunt Patres, fuisse quemdam Macarium, qui Scythi primus monasterium fecit (*Ruff. lib. 1, cap. 29*). Est enim locus ipse eremi longe a Nitria, habens intervallum itineris die noctuque. Est autem

et grande periculum euntibus ibidem : si enim modicum quis erraverit, vagatur periclitans per eremum. Sunt autem illic omnes perfecti viri, nec aliquis imperfectus potest in eodem loco tam feroci perdurare, quia omnino aridus est, absque ulla consolatione eorum quæ necessaria sunt. Hic igitur prædictus vir Macarius, cum esset homo de civitate, conjunctus est aliquando illi Macario majori. Et cum venissent ad transfretandum Nilum fluvium, contigit eos ingredi in navi majore, in qua tribuni duo quidam cum multa intraverant extollentia, habentes intus rhedam totam æream, et equos quibus freni aurei erant, et obsecundantes quosdam milites, et pueros torques utentes, atque aliquos aureos habentes cingulos. Videntes ergo tribuni illi hos duos monachos veteres pannos indutos, et in angulo sedentes, beatificabant exiguitatem ipsorum. Unus vero ex tribunis illis ait ad eos : Beati estis vos, qui mundo huic illulistis. Respondens autem ille urbanus Macarius, dixit ad eos : Nos quidem mundo isti illusimus, vobis autem mundus hic illusit. Scito tamen quia non volens hoc dixisti ; utriusque enim beati dicimur, id est Macarii. At ille tribunus compunctus in verbo ejus, regressus domum, exspoliavit se vestimenta sua, et cœpit esse monachus, faciens eleemosynas multas.

16. Dicebant de eodem abbate Macario (12) majore, quia dum ambularet aliquando in eremum, invenit caput hominis mortui in terra jacens (*Ruff. l. III, num. 172, paulo aliter narrat*) ; quod cum moveret de virga palmæ, quam in manu habebat, locutum est caput illud ad eum. Cui dixit senex : Quis es tu ? Respondit caput illud ad senem : Ego eram sacerdos gentilium qui commanebant in loco hoc, tu vero es abbas Macarius, qui habes Spiritum sanctum Dei. Quacunque ergo hora misertus fueris eorum qui sunt in tormentis, et oraveris pro eis, tunc consolantur pusillum. Dicit ei senex : Et quæ est ipsa consolatio ? Respondit illud caput : Quantum distat cælum a terra, tantum est ignis sub pedibus nostris, et super caput nostrum. Stantibus ergo nobis in medio ignis, non est ut quis facie ad faciem videat proximum suum. Ait ergo senex cum fletu : Væ illi diei, in qua natus est homo, si hæc est consolatio supplicii. Rursum dixit senex : Est pejus tormentum ab his ? Respondit caput illud : Major pœna subtus nos est. Dixit ei senex : Et qui sunt in ipsa ? Dicit ei caput illud : Nos qui ignoravimus Deum, vel ad modicum habemus aliquid misericordiæ ; hi vero qui cognoverunt Deum, et negaverunt eum, nec fecerunt voluntatem ejus, hi sunt subtus nos. Et post hæc sumens senex caput illud sepelivit.

17. Orante aliquando eodem abbate Macario in cella sua (*Ruff., lib. III, n. 97*), venit ei vox, dicens : Macari, nondum pervenisti ad mensuram illarum duarum mulierum illius civitatis. Surgens ergo mane senex, accepit virgam suam palmeam, et cœpit pergere in civitatem. Cum ergo pervenisset, reperto

loco pulsavit ad januam. Egressa autem una, suscepit eum in domum suam. Et cum sedisset, vocavit eas : quæ cum venissent, sederunt cum eo. Ait autem ad eas senex : Propter vos laborein tantum perituli : dicite mihi nunc operationem vestram, quæ vel quomodo est. At illæ dixerunt : Crede nobis, quia hac nocte non fuimus sine viris nostris. Quam ergo operationem possumus habere ? At vero senex cum satisfactione rogabat eas, ut manifestarent ei actum suum. Tunc dixerunt ei : Nos quidem secundum sæculum extraneæ nobis sumus ; placuit autem nobis nubere duobus fratribus secundum carnem. Quindecim annis nos hodie duæ habitamus in una domo, et nescimus si aliquando litigavimus ad invicem, aut vel sermonem turpem dixit una ex nobis ad alteram, sed in pace et concordia peregrinamus totum tempus hoc. Subintravit autem nobis in animum ingredi in monasterium virginum, et rogati viri nostri, non nobis consenserunt in hoc. Cum vero minime valuissemus obtinere hujusmodi consilium, disposuimus testamentum inter nos et Deum, ut usque ad mortem per os nostrum non egrediatur sermo sæcularis. Audiens autem hoc abbas Macarius, dixit : In veritate dico, quia neque virgo, neque sub marito agens, neque monachus, neque sæcularis, sed secundum uniuscujusque propositum, Deus omnibus præstat Spiritum sanctum.

18. Dicebant Patres de aliquo sene magno, quia dum ambularet in eremo, vidit duos angelos comitantes secum, unum a dextris, et alium a sinistris suis. Dum vero ambularent, invenerunt cadaver in via jacens. Et cooperuit ille senex nares suas propter fetorem : fecerunt autem et angeli similiter. Et profecti pusillum, dixit senex : Et vos hoc odorastis ? Qui dixerunt ei : Nequaquam, sed propter te cooperuimus et nos ; nam immunditiam mundi hujus non odoramus nos, neque appropriat nobis ; sed animas, quæ fetorem peccatorum habent, ipsarum odorem nos odoramus.

LIBELLUS QUARTUS.

Septem capitula verborum quæ misit abbas Moyses abbati Pammenio. Et qui custodierit ea, liberabitur a pœna.

1. Dixit senex Moyses : Quia debet homo quasi mortuus esse socio suo, hoc est mori amico suo, ut non dijudicet eum in aliqua causa (*Append. Mart., n. 169*).

2. Dixit iterum : Quia debet homo mortificare se ipsum ab omni re mala, priusquam egrediatur de corpore, ut non lædat ullum hominem.

3. Dixit iterum : Nisi habuerit homo in corde suo quia peccator est, Deus non exaudit eum. Dixit ei frater : Quid est in corde habere quia peccator est ? Et dixit senex : Si quis portat peccata sua, non videt peccata proximi sui.

4. Dixit iterum senex : Nisi convenerit actus orationi, in vanum laborat homo (*Ruff., lib. III, n. 202: Append. Mart., n. 35, nomine Moysis*). Et dixit frater : Quid est consensus actus cum oratione ? Re-

spondit senex : Ut pro quibus oramus, jam non illa A faciamus. Quando enim homo dimiserit voluntatem suam, tunc ei reconciliatur Deus, et suscipit orationes ejus. Interrogavit frater : In omni labore hominis quid est quod eum juvat? Dicit ei senex : Deus est qui adjuvat. Scriptum est enim : Deus noster refugium et virtus, adjutor in tribulationibus quæ invenerunt nos nimis (*Psal. XLV*).

5. Dixit frater: Jejunia et vigiliæ, quas facit homo, quid efficiunt? Dixit ei senex: Quoniam ipsa sunt quæ faciunt humiliari animam. Scriptum est enim: Vide humilitatem meam, et laborem meum; et mitte omnia peccata mea (*Psal. XXIV*). Si ergo fecerit anima labores istos, miserebitur super eam Deus propter eos.

6. Interrogavit frater senem, dicens : Quid faciet B homo in omni tentatione veniente super se, aut in omni cogitatione inimici? Ait illi senex : Flere debet in conspectu bonitatis Dei, ut adjuvet eum : et requiescet velociter, si rogat in scientia. Scriptum est enim : ~~658~~ Dominus mihi adjutor, et non timebo quid faciat mihi homo (*Psal. CXVII*).

7. Interrogavit eum iterum frater, dicens : Ecce homo cædit servum suum propter peccatum quod egit, quid dicet servus ille (*Append. Mart., n. 37*)? Dicit ei senex : Si bonus servus est, dicet : Peccavi, miserere mei. Dicit ei frater : Nihil aliud? Dicit ei senex : Non. Ex quo enim culpam super se posuerit, et dixerit : Peccavi, statim miseretur ei dominus suus; finis autem horum est non judicare proximum suum. Quando enim manus Domini occidit C primogenita in terra Ægypti, non erat domus, in qua non esset mortuus (*Exod. XII*). Dicit ei frater : Quid est hoc verbum? Respondit ei senex : Quia si conspexerimus peccata nostra, non videbimus peccata proximi. Stultitia est enim homini habenti mortuum suum, relicto eo ire et flere mortuum proximi sui. Mori autem proximo tuo, hoc est portare peccata tua, et sine cogitatu esse ab omni homine, quia iste bonus est, et ille malus est, et ne facias malum alii homini, neque cogites malum in aliquem, neque spreveris aliquem facientem malum, neque acquiescas facienti malum proximo tuo, et noli gaudere cum eo qui facit malum proximo suo; et hoc est mori proximo tuo. Et noli obloqui de aliquo, sed dicito : Quia Deus cognoscit unum- D quemque. Noli ergo obedire detrahenti, neque congaudeas ei in detractioe ipsius. Noli obedire obloquenti proximum suum, et hoc est : Nolite judicare, et non judicabimini (*Matth. VII*). Non habeas inimicitias cum quocunque homine, neque retineas inimicitias in corde tuo, neque odio habeas eum qui inimicatur proximo suo, et non consentias inimicitias ipsius. Noli despiciere eum qui inimicitias habet cum proximo suo, et hæc est pax, In his temetipsum consolare : modicum tempus est labor, et sempiterna requies, gratia Dei Verbi. Amen.

8. Dixit alius senex : Propter te homo Salvator est natus; propter hoc venit Filius Dei, ut tu salvareris.

Factus est homo, manens Deus; factus est puer: factus est lector, accipiens librum legit in synagoga, dicens : Spiritus Domini super me, propter quod unxit me; evangelizare pauperibus misit me (*Lucæ IV*). Factus est subdiaconus; faciens namque de fune flagellum omnes ejecit de templo oves et boves, et cætera (*Joan. II*). Factus est diaconus; præcingens namque se linteo, lavit pedes discipulorum suorum, præcipiens eis fratrum pedes lavare (*Joan. XIII*). Factus est presbyter, et resedit in medio magistrorum docens (*Lucæ XIII*). Factus est episcopus, et accipiens panem benedixit ac fregit, et dedit discipulis suis (*Matth. XXVI*), et cætera. Flagellatus est propter te, crucifixus et mortuus est; et tertia die resurrexit, et assumptus est. Omnia propter te suscepit in se, omnia juxta dispensationem, omnia ordine, omnia consequenter est operatus, ut nos salvaret; et tu propter eum non toleras? Simus sobrii, vigilemus, vacemus orationibus, ut quæ placita sunt ei facientes, salvari possimus. Joseph nonne in Ægypto est venditus, in terra aliena? Tres pueri in Cabylohe captivi, nunquid cujusquam habuerunt notitiam? Tamen Deus patrocinatus est eis, suscepit et glorificavit eos, quia timebant eum. Qui dat animam suam Deo, non habet propriam voluntatem, sed exspectans Dei arbitrium non laborat. Nam si tuam vis facere voluntatem, non cooperante Deo, nimium fatigaris.

9. Interrogavit frater abbatem Pastorem : Quid est quod scriptum est : Nolite cogitare de crastino (*Matth. VI*)? Dicit ei senex : Ad hominem respicit hoc, qui in tentatione est constitutus, et deficit, ut non cogitet quantum temporis in ea facturus sit, sed potius quod hodiernum est et quotidianum, futurum libenter suscipiat.

10. Interrogavit frater abbatem Joannem, dicens: Quomodo anima habens propria vulnera, non erubescit detrahere proximo suo? Cui respondit senex per parabolam : Erat quidam homo pauper habens uxorem : qui cum vidisset aliam mulierem pulchriorem, et ipsam quoque sortitus est in conjugium. Erant autem utraq; nudæ. Sed cum essent in quodam loco nudinæ, rogaverunt eum ambæ, dicentes : Tecum venire desideramus. Quas mittens nudas in dolium, cum navicula transfretavit, venitque ad locum. Facta autem meridie, cum una earum populo recedente vidisset silentium, exilivit in quemdam locum dolio vicinum velociter, et veteres atque conscissos pannos reperiens se præcinxit, et dehinc fiducialiter visa est ambulare. Altera vero nuda sedens intrinsecus, dicebat marito : Ecce meretrix ista nuda est, nec confunditur. Cui maritus cum dolore ait : O miraculum; hæc utcunque confusionem suam cooperuit, tu vero undique nuda non erubescis culpæ vel ex parte vestitæ? Ita est omnis detractor, qui propria mala non videns, aliena semper accusat.

11. Dixerunt quidam fratres abbati Antonio : Volumus a te audire verbum, quo salvari possimus. Tunc senex ait : Ecce Scripturas audistis, sufficiat vobis. Qui dixerunt : Et a te volumus audire, Pater.

Respondit eis senex : Audistis Dominum dicentem : *Aggladium (Lucæ xxii)*. Hoc intelligitur : Qui habet requiem, dimittat eam, et teneat pugnam ; pugnam vero dicebat adversus diabolum.

Si quis te percusserit in maxilla sinistra, præbe ei et alteram (*Matth. v*). Dicunt ei : Hoc implere non **659** possumus. Dicit eis : Si ergo præbere ei et alteram non potestis, saltem de una ferte patienter. Responderunt ei : Nec hoc possumus. Dicit eis : Si neque hoc potestis, ne velitis percutere magis quam percuti. Dicunt ei : Nec hoc possumus. Tunc senior ait discipulo suo : Succos præpara fratribus istis, quia nimis infirmati sunt. Deinde dixit eis : Si nec hoc nec illud potestis, quid faciam vobis ? ergo sola oratio necessaria est pro vobis.

12. Dicebat abbas Joannes quibusdam fratribus : Quia fuerunt tres philosophi amici, quorum unus moriens alteri reliquit filium suum commendatum (*Ruff., lib. iii, n. 84*) ; qui in ætate juvenili proventus, nutritoris sui adulteravit uxorem. Quo scelere cognito missus est foras. Deinde cum plurimum pœniteret, non ei concessit regressum, sed ait illi : Vade, et esto tribus annis inter damnatos qui metalla in flumine deponunt, et sic indulgeo tibi culpam tuam. Quo post triennium redeunte, rursus ait : Vade alios tres annos, da mercedes ut injurias patiaris. Ille vero fecit sic alios tres annos. Qui dixit ei : Veni ergo nunc ad civitatem Atheniensium (13), ut philosophiam discas. Erat autem ad portam civitatis quidam senex philosophus sedens, atque intrantes contumeliis affliciebat ; injuriavit ergo et juvenem illum. At ille injuriatus risit. Cui senior ait : Quid est hoc, quod tibi ego injurias facio, et tu rides ? Dicit ei juvenis : Non vis ut rideam, qui tribus annis, ut injurias paterer, dedi mercedes, et hodie gratis eas patior ? Prorsus ob hoc ego risi. Dixitque ei senex : Ascende et ingredi civitatem. Cumque hoc retulisset abbas Joannes, dixit : Hæc porta Domini, et Patres nostri per multas injurias in ea gratulantes ingressi sunt.

13. Dicebat abbas Joannes de anima, quæ desiderat pœnitere : Quædam pulcherrima meretrix fuit in quadam civitate, quæ habuit plurimos amatores. Quidam autem vir de ducibus veniens ad eam dixit : Promitte mihi castitatem tuam, et ego te accipiam in uxorem. Illa igitur promittente, accipiens eam introduxit in domum suam. Cumque a suis amatoribus quæreretur, agnito quod ille tam magnus vir sortitus eam fuisset uxorem, dixerunt : Si accesserimus ad januam hominis tam potentis, cognoveritque desideria requirentium, procul dubio puniemur ; sed venite post dorsum domus, utamur solito sibilo ; cumque illa sibilantium sonum audierit, descendet ad nos, et inveniemur innoxii. Quæ cum audisset, signavit aures suas, et exsiliens in interiora domus ingressa est, atque clausit. Hæc ita locutus senior, dicebat meretricem esse animam, amatores ei esse vitia, ducem vero vel principem dicebat esse Christum, domumque ejus celorum perpetuam mansionem, sibilatores autem demones sunt maligni. Hæc ergo si casta fuerit et fidelis, semper currit ad Deum.

14. Dixit abbas Pastor : Scriptum est in Evangelio : Qui habet tunicam, vendat eam, et emat sibi

15. Dicebat qui supra : Quia senior quidam in partibus Ægypti sedebat in cella, cui frater aliquis et virgo quædam ministrabant. Accidit autem una die, ut uterque sibi ad senem venientes occurrerent. Cum ergo factò jam sero ad sua remeare non possent, posuit mattam senior inter utrosque ut dormirent. Frater vero ille carnis suæ pugnam non sufferens, miserandam virginem stupravit et perdidit, consummatoque peccato mane discessit. Senex autem cum cognovisset, futura prospiciens, tacuit in præsentibus, ita ad invicem loquebantur : Putasne intellexit hic senex facinus nostrum, an non ? Reversique ad eum pœnitentia ducti dixerunt : Sancte Pater, intellexisti quemadmodum nos seduxit inimicus atque prostravit, an non ? Qui respondit : Intellexi, fili. Dicunt ei : Et ubi fuit in illa hora mortis nostræ cogitatio tua ? Dixitque eis : Mea cogitatio illicerat illa hora, ubi crucifixus est Christus ; stabam et flebam tam pro me, quam pro vobis. Sed quia pœnitentiam vestram Dominus repromisit, admoneo ut, curando vulnere quod per superbiam pertulistis, diligentius insistatis. Accepta igitur regula pœnitentiæ ab eo, recesserunt jam fortiter unusquisque certantes, donec vasa electa fieri potuissent.

16. Philosophus quidam interrogavit sanctum Antonium : Quomodo, inquit, contentus es, Pater, qui Codicum consolatione fraudaris ? Ille respondit : Meus Codex (14), philosophe, natura rerum est creaturarum, quæ mihi, quoties verba Dei legere cupio, adesse consuevit.

17. Cum quidam venisset ad abbatem Macarium, meridiano æstu nimia siti accensus, et aquam quæreret ad bibendum, Sufficit, inquit, tibi hæc umbra, qua multi viatores aut navigantes nunc indigent, nec fruuntur.

18. Apud eundem senem cum verba de continentia exercitio haberem, Age, inquit, **660** fiducialiter, o fili ; nam et ego per viginti annos continuos non pane, non aqua, non somno satiatus sum. Panem quidem pensatum accipiens, aquam vero ad mensuram, somnum autem parietibus me duntaxat inclinans subripere paululum festinabam.

19. Quidam frater interrogavit senem, utrum cum fratribus ad eos proficiscens manducare deberet. Cui senex respondit : Cum muliere, inquit, non manducabis.

20. Interrogavit quidam frater abbatem Isidorum Scythinsem de cogitatu fornicationis. Respondit ei senex : Quod quidem veniat cogitatio fornicationis, animum conturbans et occupans, sed actum implere non prævalens, neque proficiens, sed tantum impedit ad virtutem ; sobrius autem vir a se eam discutens, ad orationem statim convertitur.

21. Idem de eodem cogitatu respondit senex : Si

cogitationes non habemus, feris similes sumus. Sed A sicut inimicus, quod suum est, exigit; nos quoque, quod nostrum est, implere debemus. Insistamus orationi, et inimicus fugatur. Vaca meditationi Dei, et vinces. Perseverantia boni victoria est. Certa, et coronaberis.

22. Dixit senex: Homo habens mortem præ oculis, omni hora vincit pusillanimitatem.

23. Dixit abbatissa Syncletica: Adversarius noster facilius a nihil possidentibus superatur. Non enim habet quo lædat eos, quia plerique memores angustiae atque tentationum a Deo separantium, in ablatis pecuniis cæterisque facultatibus feriri consueverunt.

24. Rursus quæ supra: Qui visibiles, inquit, divitias ex multis laboribus atque marinis periculis colligunt, dum plura lucrantur, plurima concupiscunt, et B presentia quidem tanquam nihil existimant. Nos vero necessaria pro timore Dei renuimus possidere.

25. Dixit senex: Qui in anima sua memoriam malitiae ligat, similis est ignem inter paleas occultanti.

26. Dixit quidam senex: Si de vita æterna sermonem cuiquam facis, dic verbum audienti cum compunctione et lacrymis; alioquin non dicas, ne inveniariis inutilis, alienis verbis alios salvare festinans. Peccatori namque dixit Deus: Quare tu enarras justitias meas, et assumis testamentum meum per os tuum (Psal. XLIX)? Dic ergo: Canis sum, imo canis melior est me, propter quod et amat dominum suum, et ad iudicium non est venturus.

27. Interrogavit quidam frater seniore, dicens: Quomodo anima diligit immunditiam? Dicit ei senior: C Anima quidem corporales plerumque desiderat passiones, sed spiritus Dei est, qui eam retinet. Flere ergo debemus, et immunditias nostras attendere diligenter. Vidisti Mariam, quemadmodum, cum se ad sepulcrum Domini inclinasset, et fleret, vocavit eam Dominus; sic erit et anima.

28. Interrogavit frater seniore: Quid sunt peccata? Dicit ei senex: Peccata sunt cum homo sua delicta velut nihil despiciens, alios docere conatur. Propterea dicit Dominus: Hypocrita, ejice primum trabem de oculo tuo, et tunc videbis ejicere festucam de oculo fratris tui (Matth. VII).

29. Interrogavit frater seniore: Quid agam, quod animus meus in parvo labore me vulnerat? Dicit ei senex: Non miramur Joseph, cum esset puer D in Ægypto, in terra colentium idola: quemadmodum tentationes viriliter pertulit, et Deus glorificavit eum usque in finem. Videamus et Job quod se usque in finem non relaxaverit timens Deum, unde eum nullus a spe Dei movere prævaluit.

30. Interrogatus est senior a quodam militante: Si Deus recipit pœnitentem Qui cum eum pluribus ædificasset sermonibus, postremo ait ad eum: Dic mihi, dilectissime, si chlamys tua conscissa sit, projicis eam? Qui respondens ait: Non, sed resarciens utorea. Dicit ad eum senior: Si ergo tu parcis proprio vestimento. Deus sui imagini non indulget?

¹ Mirandum Macarii iudicium, non imitandum.

31. Erat quidam frater in cella, qui post expletas sacras missas, cum presbyter dimitteret ecclesiam, exspectabat donec omnes egrederentur, ut aliquis eum teneret ad manducandum. Una ergo dierum expleto conventu, ante omnes egressus est, et currebat ad cellam suam: quem intuens presbyter currentem miratus est. Cumque transacta septimana venisset frater ille in collectam ecclesiae, dicit ei presbyter: Dic mihi, frater, quod verum est, quæ causa fuit circa te, qui per omnes quidem conventus ecclesiae remanebas ultimus omnium, in collectione autem præterita ante omnes egressus es? Cui frater ille respondit: Quia abstinebam ne mihi coquerem, et ideo exspectabam ut aliquis me teneret ad manducandum. Illa vero collecta, priusquam venirem in ecclesiam, coxi mihi pusillum lenticulæ, ideoque consummato sacro mysterio ante omnes exivi. Audiens autem hæc presbyter, dedit mandatum in ecclesia, dicens: Fratres, antequam veniatis ad ecclesiae collectam, coquite vobis pusillum cocturæ, ut 661 propter illud cum alacritate festinetis recurrere in cellis vestris.

32. Venit aliquando iudex regionis alicujus in provincia abbatis Pastoris. Venientes autem habitatores loci illius rogaverunt abbatem, ut veniens rogaret eum. Qui dixit eis: Sinite me tres dies, et tunc venio. Oravit ergo senex ad Dominum, dicens: Domine, noli mihi dare hanc gratiam; alioquin non me permittent homines sedere in loco isto. Veniens ergo senex rogabat iudicem. At ille dixit: Pro latrone rogas, abba? Gavisus est autem senex, quia non obtinuit apud iudicem gratiam, quam postulavit, et sic rediit in cellam suam.

33. Dicebant seniores: Quia quando intrabat Moses in nube, cum Deo loquebatur; quando autem exibat de nube, cum populo: sic et monachus, quando in cella sua est, cum Deo loquitur; egrediens autem de cella, cum dæmonibus est.

34. Venit quidam adolescens ad abbatem Macarium, ut sanaretur a dæmonio. Et dum esset foris stans, ecce advenit quidam frater de alio monasterio, et concubuit in peccatum cum adolescente illo. Egressus autem senex cernit fratrem illum peccantem cum parvulo illo, et non eum increpavit, dicens: Si Deus, qui plasmavit eos, videns, patientiam in illis habuit, qui si vellet, incenderet eos, ego quis sum, qui arguam eos ¹?

35. Dicebant de aliquo sene, quia in inferiores partes Ægypti sedebat quietus, et unus sæcularis fidelis ministrabat ei. Contigit autem ut filius illius sæcularis infirmaretur: qui multum rogabat senem, ut veniens oraret pro puero. Surgens quoque senex abiit cum ipso. Præcurrens autem ille, securus introivit in domum suam, dicens: Venite in obviam solitario illi. Videns autem eos senex a longe excurrentes cum lampadibus, cognovit quia sibi venirent in occursum; et exuens vestimenta sua, misit illa in flumine, et cœpit lavare ea, stans nudus. Minister

autem ejus ille laicus erubuit, videns eum nudum; A et rogavit homines illos, dicens: Revertimini, quia senex iste mente excessit; veniensque ad senem, dixit ei: Quid hoc fecisti? Omnes enim dicebant: Quia dæmonium habet senex iste. Qui dixit: Et ego volebam hoc audire.

36. Interrogaverunt quidam seniores abbatem Pastorem, dicentes: Si viderimus aliquem fratrem peccantem, arguemus eum? Respondit eis abbas Pastor: Ego interim si necesse est transire per inde, et videro eum peccantem, prætereo, et non arguo eum: sed quia scriptum est: Quæ viderunt oculi tui, his testimonium perhibe (*Prov. xxv*); ideo ego dico vobis, quia si non palpaveritis manibus vestris, nolite testificari. Aliquando enim quidam frater seductus est in hujuscemodi re, et apparuit ei quasi quod frater quidam cum muliere peccaret. Qui cum multum impugnaretur a cogitationibus, existimans simul eos coire, abiit et pulsavit eos pede suo, dicens:

ROSWEYDI NOTATIO.

662 (1) *Incarduum.*] Ita Parisiensis editio et Ms. Aquicinctin.; sed Germ. editio, *incardium*. Lugdunen., *incordium*. An non idem quod Græcis ἐγκάρδιον? quod medium cujusque rei, seu interna pars et medulla cujusque ligni, quod alio nomine dicitur ἐντερῶν. Sit hic ἐγκάρδιον in palma. Vide Onomasticon.

(2) *Quia virtutem.*] Vide dicta supra, libro 1 ad Vitam sancti Antonii, cap. 37, num. 78, quomodo. quaedam inter baptismum et ingressum religionis sit similitudo.

(3) *Unus peregrinus, et unus inchoris.*] Ita Mss. et veteres editiones. Pro *inchoris*, Parisiensis editio, *incola*. Bona quidem est ea interpretatio, sed auctor usus est voce Græcæ, ἐγγωρίς. Sic in sacris Literis, Ecclesiastici xx, *Homo acharis, quasi fabula vana*. Male in edit. Coloniensi et Speculo Exemplo- rum postremo recognito, in *choris*. Vide Onomasticon.

(4) *Ille impius.*] Vide dicta ad Vitam sancti Pachomii cap. 39, num. 39, quomodo sepultura ad præmium vel pœnam conferat.

(5) *Cyrion.* Varia hic lectio erat, ut difficile sit verum nomen eruere. Parisiensis *Histirion*. Ms. Audomar. *Cyrion*, quam retinui. Id nomen militis occurrit in Martyrologio Rom. Bedæ, Usuardi, Adonis, 9 Martii, qui Sebastæ Licinio imp. affectus est martyrio. Item alius 14 Febr. officio presbyter, laurea martyr idque Alexandriae. Forte hic ipse noster, qui in Scythi apud Alexandriam vixit. Ruffin., libro II Hist., cap. 8, Scyriorem monachum habet in Ape- liote suo tempore monachum.

Ad hanc senum prædicationem respicit, ut opinor, Theodorus Alexandrinus abbas apud Sophronium in Prato Spirit., cap. 54: « Venimus, inquit Sophronius, postea Theremithem ad abbatem Theodorum Alexandrinum. Aitque nobis senex. Filioli, multam revera perdidit Scythiotæ monachi juxta senum prædicationem. Credite enim mihi, filii, quia magna erat charitas apud Scythiotas, magna abstinentia, magna discretio.

(6) *Meterere cum eo septem nomina.*] Quæ hæc nomina, non satis capio. Si Græcus adesset textus, forte lucem aliquam afferret. Apud Pelagium libello XVII, num. 20: « Susceperunt certum spatium sexaginta modiorum, quod meterent. » Apud Ruffinum, supra lib. II, cap. 18, in Serapione: « Atque ex ea mercede octogenos unusquisque modios frumenti plus minus conquiret. Nondum tamen ex his liquet, quid sint nomina. Suggerebat Petrus Larisse-

Cessate jam. Et ecce erant manipuli messis tritici. Ideoque dixi vobis, nisi et manibus vestris palpaveritis, nolite testificari.

37. Dicebant de quodam fratre, quia sedebat in eremo, et seducebatur a dæmonibus per annos plurimos, ipse vero existimabat, quia angeli essent. Egrediebatur autem pater ejus secundum carnem per tempus, et visitabat eum. Una autem dierum tulit bipennem secum, dicens: Quia revertens afferam mihi pauca ligna. Et præveniens unus dæmonum, dixit ad filium ejus: Ecce diabolus venit ad te in similitudinem patris tui, habens bipennem in sporta sua, ut impugnet te: tu ergo præveniens, tolle bipennem ab eo, et repugna illum. Igitur pater ejus venit secundum consuetudinem, et accipiens filium ipsius bipennem ab ipso, percussit eum, et occidit. Et continuo adhæsit ei spiritus malignus, et offocavit eum.

ROSWEYDI NOTATIO.

lius noster, *nomia*, a νέμω; unde νομοί et νομαί Ægyptiorum, ut intelligatur certa terræ portio.

(7) *Et minat me hinc.*] Verbum *minare* usurpatum non ecclesiasticis tantum scriptoribus, sed etiam profanis. Vide Onomast.

(8) *Temporibus Juliani.*] De auctore necis Juliani varia auctorum relatio. Vide Baronium tomo IV Anal, copiose hac de re agentem.

(9) *Hor.*] Frater Joannes Maria, magister sacri Palatii, in indice librorum expurgandorum hic notat: Hic est ille Or hæreticus Origenista, cujus Hieronymus meminit ad Ctesiphontem, quem pro sancto obtrudere conatus est miserabilis Evagrius; quocirca umbræ virtutum ejus in ventum abierunt. Hactenus ille. At non Evagrius, sed Ruffinum auctorem esse libri II de Vitis Patrum, in cujus capite 2 mentio fit *Hor* vel *Or*, docui fuse prolegomeno generali 4.

(10) *Levitonem.*] Ita Mss. et Parisiensis editio. Editi quidam *lebetonem*, alii *lebitonem*. Vario modo nomen hoc Græcis scriptum et elatum, unde et in Latino diversitas. Vide Onomasticon.

(11) *In Raythum, ubi sunt LXX arbores palmarum.*] Menologium 14 januarii, de Martyribus 43 in Raitho: « Ubi sunt XII fontes et LXX arbores palmarum, » quæ in Menæis ita Græce habentur. In sacris Literis palmarum harum mentio est Exodi xv, quo alludit divus Hieronymus, epist. 4, ad Rusticum: « Et inter palmarum arbores nyrrhæ amaritudo monstrata est. »

(12) *Macario.*] Frater Joannes Maria Brasichellensis, qui supra, hic notat: Circumspecte lege hanc de cranio a Macario reperto narrationem; nam quod cum placitis theologiæ haud recte cohæreat, ut apocrypha a multis rejicitur. Vide Bellarminum, libro II de Purgatorio, cap. 18. Sed eandem explicat sanctus Thomas in IV Sent., dist. 45, q. 2, art. 2, ad D. IV. Consule Sixtum Senens., annot. 45, lib. V Bibl. Hactenus ille.

Historiam hanc de cranio citat ex l. IV Vitarum Patrum Dionysius Carthusianus, libello de quatuor novissimis, art. 52. Breviate tamen, omitbens ea quæ hic dicuntur de relaxatione pœnarum damnatorum, credo, quod rem eam inter scholasticos videret maxime controversam, dum quisque rem hanc interpretari conatur.

Bellarminus, tomo II, controv. 3, l. II, de Purgatorio, cap. 18, existimavit eam rem reperiri apud solum Damascenum, oratione de Defunctis; et quia ille ex Palladii historia Lausiaca citat, in qua nunc non exstat, existimavit rem falsam et apocrypham.

Sed mentio ejus rei in Menæis Græcorum, 19 Januarii, et hoc loco apud Pelagium, et supra apud Ruffinum libro III, num. 172, et apud Joannem Damascenum, libro de iis qui in fide dormierunt, ubi ita hanc Macarii historiam Græce narrat: Πρὸς τὸ ξηρὸν γὰρ κρανίον πυθόμενος περὶ τῶν κεκοιμημένων, μεμάθηκεν ἅπαντα. Εἶτα πρὸς τοῦτω, οὐδέποτε τοίνυν τινὰ παραμυθίαν εὐρίσκειται· ἦν γὰρ ὁ ἅγιος συνήθως ποιῶν ὑπὲρ τῶν κεκοιμημένων εὐχάς, καὶ γινώσκειν ἐφίετο εἰ ἄρα πρὸς ὄνησιν γίνονται· τοῦτο δὲ βουλευθεὶς ὁ φιλόφυλος ἐπίδειξασθαι Κύριος, καὶ τὸν ἑαυτοῦ πληροφορεῖσθαι θεράποντα, τῷ ξυρανθέντι κρανίῳ λόγον ἀληθείας ἐνέπνευσεν. Ὅτε, φησὶν, ὑπὲρ τῶν νεκρῶν τὰς δεήσεις προσφέρεις, τότε παραμυθίας μικρὰς αἰσθάνομεθα: Macarius ex cranio arido sciscitando de defunctis pleraque edidit. Et quia faciebat pro consuetudine sua pro defunctis preces, scireque desiderabat, nunquid illis prodessent, et an consolatio eis inde proveniret; Deus animarum amator, volens hoc servo suo pluribus et certis argumentis patefacere, cranio, quod B exaruerat, verbum veritatis inspiravit. Proripenim cranium in hæc verba: « Quando pro mortuis offers preces, consolatiunculam sentimus. »

Quare interpretatio aliqua quaerenda. Quam vide apud divum Thomam in IV, d. 45, art. 2, q. 2, qui ait, damnatos recipere non veram aliquam poenarum mitigationem, sed solum inane et fallax aliquod gaudium; quod nimirum videant se habere socios in pœnis, quale est gaudium dæmonum, cum aliquem decipiunt. Ibidem divus Thomas refutat variorum scholasticorum interpretationes hujusce loci. Certe cum veteres scholastici in rei hujus explicatione laboraverint, non habuerunt eam pro apocrypha.

(13) *Ad civitatem Atheniensem* [Idem occurrit supra, ad librum cxi, n. 84. Gregorius Nazianzenus, oratione in laudem Basilii ritum describit quo tirones accedentes Athenas excipiebantur: 'Ἐπεὶ δ' ἂν οὖν τι ἐπιστῆ τῶν νέων, καὶ ἐν χειρὶ γένηται τῶν ἐγόντων, γίνεται δὲ ἢ βιασθεὶς ἢ ἑκὼν, νόμος οὗτός ἐστιν αὐτοῖς Ἀττικὸς, καὶ παιδιὰ σπουδῆ συμμικτός. Πρῶτον μὲν ξαναγείται παρὰ τινι τῶν προειρηθέντων, ἢ φίλων, ἢ συγγενῶν, ἢ τῶν ἐκ τῆς αὐτῆς πατρῴδος, ἢ τῶν ὅσοι περικτοὶ τὰ σοφιστικὰ καὶ προσαγωγῶν τῶν λημμάτων, κἀντεῦθεν μάλιστα διὰ τιμῆς ἐκείνοις· ἐπεὶ καὶ τοῦτο μισθός ἐστιν αὐτοῖς τῶν σπουδαστῶν τυγγάνειν. Ἐπειτα ἐρεσγέλλεται παρὰ τοῦ βουλομένου παντός· βούλεται δὲ αὐτοῖς οἶμαι τοῦτο, τῶν νεηλῶδων συτέλλειν τὸ φρόνημα καὶ ὑπὸ χεῖρα σοφῶν ἀπ' ἀρχῆς ἄγειν. Ἐρεσγέλλεται δὲ παρὰ μὲν τῶν θρασύτερον, παρὰ δὲ τῶν λογικώτερον, ὅπως ἂν ἀγροικίας ἢ ἀστείότητος ἔχη. Καὶ τὸ πρᾶγμα τοῖς μὲν ἀγροῦσι, λίαν φοβερόν καὶ ἀνήμερον, τοῖς δὲ προειδοῖσι, καὶ μάλα ἡδὺ καὶ φιλόανθρωπον· πλείων γὰρ ἐστὶν ἢ ἐνδείξει, ἢ τὸ ἔργον τῶν ἀπειλουμένων. Ἐπειτα πομπεῖται διὰ τῆς ἀγορᾶς ἐπὶ τὸ λουτρόν προαγόμενος· ἢ πομπῆ δὲ διατάξαντες ἑαυτοὺς στοιχηθὸν κατὰ συζυγίαν ἐκ διαστήματος, οἱ τελούντες τῷ νέῳ τὴν πρόσδον, ἐπὶ τὸ λουτρόν προπέμπουσιν· ἐπειδ' ἂν δὲ πλησιαζῶσι, βοῆ τε πολλῇ καὶ ἐξάλμασι χροόμενοι, καθάπερ ἐνθουσιῶντες (κελεύει δὲ ἡ βοή, μὴ προκαίνειν, ἀλλ' ἴστασθαι, ὡς τοῦ λουτροῦ σφᾶς οὐ παραδεχομένου) καὶ ἅμα τῶν θυρῶν ἀρασομένων, πατάγω τὸν νέον φοβήσαντες, εἶτα τὴν εἰσοδὸν ζυγγωρήσαντες, οὕτως ἤδη τὴν ἐλευθερίαν διδόντες, ὁμότιμον ἐκ τοῦ λουτροῦ καὶ ὡς αὐτῶν ἓνα δεχόμε-

νοι. Καὶ τοῦτο ἐστὶν αὐτοῖς τῆς τελευτῆς τὸ τερπινόπατον. ἢ ταχίστη τῶν λυπούντων ἀπαλλαγὴ καὶ κατάλυσις: « Cum autem juvenis quispiam accesserit, atque in eorum a quibus captus est manus et potestatem venerit (venit autem vel sponte, vel coactus), tum vero Attica hæc illis consuetudo est ludusque rei seriæ admistus. Primum apud eorum aliquem, qui priores ipsum arriperint, hospitio accipitur, vel amicorum, vel propinquorum, vel qui ejusdem sunt patriæ, vel qui sophisticæ artem apprime callent, ac lucra magistris conciliant, eoque nomine apud eos in summo honore ac pretio sunt, quandoquidem illis mercedis loco est habere qui ipsorum commodis studeant. Deinde a quolibet cavillis lacessitur: quod quidem, ni fallor, eo faciunt, ut novitiorum animos contrahant, atque a principio ipsos in potestatem redigant. Lacessitur autem ab aliis audacius, ab aliis eruditius, prout ille vel rusticis et ineptis est moribus, vel urbanitate præditus. Atque id ignaris quidem horrendum valde et inhumanum videtur, iis autem perquam jucundum et suave, qui hoc prius norunt. Amplior enim est hæc minarum ostentatio, quam res ipsa. Tum per forum ad balneum cum pompa deducitur. Pompa autem hoc modo se habet. Qui deducendi juvenis munere funguntur, ordine collocati, atque æquis spatiis distincti, bini eum ad balneum antecedunt. Cum autem propius accesserint, quasi fanatico furore correpti, clamorem ingentem cum saltitatione tollentes (hic autem clamor, ne ulterius progrediantur, vetat, sed ut insistant, tanquam eos balneum minime admittat) simulque pulsatis januis, cum per strepitum juveni metum incusserint, postea concessa ingressu, ita demum eum in libertatem asserunt, atque a balneo redeuntem deinceps ut æqualem ac sodalem accipiunt. Atque hoc ipsis est totius hujusce cæremoniaæ jucundissimum, nimirum ab his qui molestiam exhibent quamprimum liberari. » Atque hinc fluxisse videtur mos quarumdam Academiarum, quo tirones e trivialibus scholis ad publica Academiarum gymnasia accedentes probantur, exercentur, et dedolantur, uti fit Coloniae, Basileæ, et in aliis aliquot Germaniæ Academiis; quam *Beanorum depositionem* vocant. Alibi dicuntur *pupillatuzui*. Vide Antonium Possevinum nostrum, libro I Bibliothecæ selectæ, cap. 19; Jacobum Pontanum nostrum, volumine I Dialogorum Latinitatis, progymnasm. 84; Jacobum Middendorpium, libro I de Academiis, cap. 16.

(14) *Meus codex*] Socrates, libro IV, c. 18, juxta Latinum textum hoc Antonii apophthegma ita ex Evagrii Practico seu Monacho citat: Ἀντωνίῳ προσῆλθε τις τῶν τότε σοφῶν, καὶ Πῶς διακαρτερεῖς, εἶπεν, ὦ πάτερ, τῆς ἐκ τῶν βιβλίων παραμυθίας ἐστερημένος; Τὸ ἐμὸν βιβλίον, ἔφη ὁ Ἀντωνίος, ὦ φιλόσοφε, ἢ φύσις τῶν γεγονότων ἐστὶ, καὶ πάρεστιν ὅτε βούλομαι τοὺς λόγους ἀναγινώσκειν τοὺς τοῦ Θεοῦ: « Cuidam ex eorum numero qui id temporis sapientes sunt habiti, ad Antonium illum justum accedenti, quaerentique quo pacto vitam posset sustentare, solatio illo quod ex libris capi solet orbatus, respondit: Meus liber, o philosophe, est natura rerum a Deo conditarum, quæ, quotiescumque animo lubitum sit meo, libros ipsius Dei ad legendum suppeditat. » Ita solemne sanctis viris in creaturis Deum legere.

DE VITIS PATRUM LIBER SEPTIMUS,

SIVE

VERBA SENIORUM

AUCTORE GRÆCO INCERTO,

INTERPRETE PASCHASIO S. R. E. DIACONO.

PRÆLUDIUM.

¶ Nihil habeo quod huic libro præmittam, præter jam dicta in prolegomeno generali 9, ubi diximus auctorem esse græcum incertum, quem nondum vidi a quoquam proditum; et Prolegomeno 14, ubi de Paschasio interprete inquisivimus.

Prologus.

Domino venerabili patri Martino presbytero et abbati Paschasius.

Vitas Patrum Græcorum (ut cætera) facundia studiosè conscriptas, jussu a te, sanctissime pater, in Latinum transferre sermonem, in insolito, si licuisset, opere renuissem. Neque enim unquam quid scribi, vel legi, vel excudi potest, ingenio aut conscientia cordis prohibente. Scire enim me quod nihil sciam, non audeo dicere, ne verbum hoc sapientissimo Socrati surripiam. Sed quia tua pariter necesse est jussione utar, non gloriabor ingenio; sed fidem quam tibi debeo etiam in opere injuncto præstabo. Verum quia eloquentium virorum libri sunt plurimi sermone Latino conscripti, quorum lectionis expertum esse te etiam astruente testifcor, si quid de illis aut hic insertum forte repereris, ¶ ut minus eleganter expressum, ne mea culpæ deputetur, exoro; quia sicut in dato mihi Codice reperi ea scripta, sic transtuli, licet nec ea studiosè posse me proferre profiteor. Unde restat ut quod te jubente cæpi, te orante perficiam: quæ tamen si scribenda decreveris, ut tuo polire sermone digneris, exposco. Neque enim mihi liquebit quædam placuisse tibi, si non et aliqua displicuisse cognoverim.

VERBA SENIORUM.

CAPUT PRIMUM.

Contra gastrimargiam devincendam et desideria gula.

1. Quidam frater, quemadmodum in cella propria degere deberet, abbatem Sisoium requisivit (*Ruff.*, l. III, n. 44). Cui respondit abbas Sisoï: Comede, inquit, panem tuum, et salem, et non sit tibi necessitas aliquid excoquendi, aut longius evngandi.

Alteri quoque idem requirenti, respondit Daniel propheta, cum dixit: Panem desideriorum non comedi (*Dan.* x).

2. Dixit unus senex ad alterum senem habentem

A charitatem, et suscipientem tam monachos multos quam sæculares: Lucerna quidem multis lucet, rostrum tamen proprium incendit (*Append. Pallad.*, c. 20, n. 9).

3. Dixit unus ex Patribus: Quia invenitur homo multum comedens, et adhuc esuriens, continens se; alter autem comedit parum, et satiatur (*Ruff.*, l. III, n. 48; *Pelag.*, libell. x, n. 99). Qui autem multum comedit, et adhuc esuriens continet se, majorem mercedem habet, quam ille qui parum comedit, et satiatur.

4. Dixit quidam senex : Ne quod desideraveris, aliquando manduces : comede autem quod transmissum tibi fuerit a Domino, et gratias age (*Ruff.*, l. III, n. 49.)

5. Quidam frater impugnabatur a spiritu blasphemiae, et erubescerebat dicere ; et quoscunque audisset magnos senes, pergebat ad eos ut illis declararet ; et mox ut pervenit, erubescerebat dicere (*Ruff.*, l. III, n. 57). Cum tamen frequenter ad abbatem Pimenium veniret, vidit eum senex habentem cogitationes, et dixit ei : Ecce frequenter venis ad me habens cogitationes, et sic iterum remeas tristis, tecum illas portans : dic ergo, fili mi, quid est quod habes ? At ille dixit : In blasphemia impugnat me diabolus, et erubescere dicere. Et mox ut aperuit causam, levior ejus impugnationis apparuit. Et dixit ei senex : Ne contristeris, fili : quando enim hæc cogitatio advenit, dic : Ego hac causa opus non habeo : blasphemia tua super tesit, Satanas. Hanc enim causam anima non vult : quamcunque causam anima noluerit, non diu permanebit. Et ita frater ille discessit.

6. Dixit abbas Moyses : Per has quatuor res pollutionis passio gignitur : per abundantiam escæ et potus, et satietatem somni, per otium et jocum, et ornatis vestibus incedendo (*Ruff.*, l. III, n. 58).

7. Idem dixit : Corporeæ multæ sunt passiones. Et dicit ei frater : Et quæ sunt, abba ? At ille respondit : Quia Paulus apostolus dicit : Fornicatio et immunditia, vel omnis cupiditas nec nominetur in vobis, sicut decet sanctos (*Ephes.* v) ; visus quoque et fiducia frequenter ad prælium veniunt.

8. Abbas Macarius referebat quod cum maneret in illa solitudine ubi solus residebat (*Ruff.*, lib. III, n. 61 ; *Pelag.*, libell. xviii, num. 9), inferius autem fuit altera solitudo, quæ plena erat multis fratribus, sero per viam circumspectans, vidit dæmonem venientem in figura hominis vestitum lineâ tunica perforata ; et per singula foramina vasa parva pendebant, et dixit ei senex : Quo vadis, maligne ? Et respondit ei : Vado commonere fratres qui sunt inferius. Ait senex : Et propter quid tot vascula tecum fers ? At ille dixit : Gustum fero fratribus ; et ideo tanta fero, ut si unum non placuerit, porrigam aliud ; quod si et illud displicuerit, ostendam aliud ; et sic fieri non potest, nisi unum aliquid ex illis placeat eis. Et hæc dicens, discessit. Permansit autem senex in eodem loco, iterum per viam circumspectans, usquequo dæmon rediret et cognosceret quæ indicaret. Et cum rediret, dixit ei : Salvus sis. At ille respondit : Quid mihi istud verbum, quia omnes mihi contrarii facti sunt, et nullus consiliis meis acquiescit ? Dixit ei senex : Ergo neminem ibi habes amicum ? At ille respondit : Unum habeo amicum, ipse mihi consentit. Et quoties viderit me huc atque illuc, cito convertitur ad me velut ventus. Cumque nomen ejus ab eo requisivit, dixit : Quia Theopistus [*Ruffin.*, Theopemptus ; *Pelag.*, Theoctistus] dicitur. Et mox evanuit. Exurgens itaque confestim abbas Macarius, descendit ad inferiorem eremum.

Quem cum vidissent fratres a longe, egressi sunt obviam ei ; et unusquisque sperans quod apud se maneret, præparabat se. Et ille requirens cellam Theopisti, ad eum profectus est. Cumque cum gaudio illum suscepisset, et essent uterque soli, dicit ei abbas Macarius : Quemadmodum tecum est, frater ? At ille respondit : Interim orationibus tuis bene est. Et senex ait : Non te impugnant cogitationes ? At ille ait : Interea bene sum. Erubescerebat enim dicere. Et dicit ei senex : Ecce quot annis sum in solitudine, et ab omnibus honoror ; et in hac ætate, cum sim senex, molestæ sunt mihi cogitationes. Respondit Theopistus, et ait : Crede, abba, quoniam et mihi. Tunc senex singulas cogitationes quasi se impugnantes fingeat, usquequo confiteretur illi totum Theopistus. Post hæc dixit senex : Quemadmodum jejunas ? At ille dixit : Usque ad nonam. Dicit ei senex : Jejuna usque ad vesperam, et de Evangelio vel de aliis Scripturis, sine cessatione semper aliquid meditare : et quoties tibi aliqua cogitatio supervenerit, nunquam deorsum aspicias, sed sursum oculos cordis intende, et mox Dominus adjutor tibi erit. Et ita discessit ad propriam solitudinem. Et dum insisteret orationi, circumspectans viam, iterum vidit dæmonem eundem, et requirit eum : Quo vadis ? At illi simili modo, fratres commonere, respondit. Cum autem reverteretur, interrogavit eum senex : Quemadmodum nunc se habent fratres ? At ille dixit : Male, quoniam omnes agrestes effecti sunt, et quod de omnibus pejus est, unum quem habui amicum obedientem mihi, et ipse nescio unde conversus, omnibus asperior est ; et juravi me non calcaturum illum locum, nisi post multum tempus. Et hæc dicens, discessit.

9. Interrogavit quidam frater super cogitationes suas abbatem Pimenium. Et respondit senex : Monachus si ventrem, et luxuriam, et linguam renuerit, et vagationem non fuerit sectatus, confido quia non morietur, sed vivet in perpetuum (*Ruff.*, l. III, n. 62 ; *Pelag.*, libell. v, n. 9).

10. Duo fratres ad abbatem Eliam venerunt, impugnati a cogitationibus (*Ruff.* l. III, n. 64). Et videns eos senex, quod corpulenti essent, tanquam ad discipulum suum subridens, dixit : Vere, frater, ego erubescere pro te, quia sic in sagina nutristi corpus tuum : quia esca vermium sumus, cum profitearis te esse monachum ; pallor enim cum humilitate, et macies, decus est monachi. Item dixit : Quia monachus edens multum, et operans multum, non confidat ; qui autem parum edit, etiam si parum operetur, confidat et agat viriliter.

CAPUT II.

Contra philargyriam, et de perfecta abrenuntiatione.

1. Quidam juvenis volebat abrenuntiare mundo (*Ruff.* l. III, n. 67 ; *Pelag.*, libell. XIV, n. 4), et frequenter eum egressum de domo sua revocabat cogitationes involventes plurimis negotiis ; erat enim dives valde. Uno die egresso eo, hostes immundi circumdederunt eum, et multum pulverem excita-

verunt ante illum. Ille vero confestim exspoliatus et jactans vestimenta sua, currebat nudus ad monasterium. Declaravit autem Deus uni seni, dicens : Surge, et suscipe athletam meum. Surgens ergo senex, obviavit illi nudo; et cognoscens causam, admiratus est, et dedit illi habitum monachalem. Quando autem aliqui veniebant ad senem requirere de cogitationibus variis, instruebat eos de abrenuntiatione mundana, et dicebat : Illum fratrem requirite, qui nec indumenta sui corporis servavit, quia ego ad mensuram renuntiationis istius necdum perveni.

2. Dicebat autem Paulus abbas Galata : Si aliquas res voluerit monachus in cella sua habere præter eas sine quibus non potest vivere, frequenter cogitur e cella egredi, et ita a dæmonibus prævaricatur ac decipitur (*Ruff.*, l. III, n. 72). Hic autem ipse Paulus in una quadragesima cum sextario lentis et parvo vasculo aquæ perduravit, et unam mattulam faciens, eandem texebat et retexebat, ne tantummodo foras exiret.

3. Quidam frater requisivit senem, dicens : Fac, abba, charitatem, et dic mihi sermonem, quid debeam in juventute congregare, ut habeam illud in senectute. Respondit senex : Aut Christum adipiscere, et cogita de te; aut certe pecuniam, ne mendices; ergo tuum est eligere aut Dominum Deum, aut mammonam.

4. Frequenter abbas Agathon suum discipulum commonebat, dicens : Ne aliquando tale aliquid tibi acquiras, quod fratri te petenti dare pigeat, et per hoc inveniaris mandata Dei transgrediens. Qui petit, da ei; et volenti a te mutuari, ne avertaris (*Lucæ* vi).

CAPUT III.

Nihil dolendum monacho, si quid perdiderit aut amiserit.

1. Abbas Macarius dum esset in Ægypto, et egressus fuisset de cella sua, regressus invenit quemdam latronem furantem id quod in cella sua haberet (*Ruff.*, l. III, num. 73; *Pelag.*, libell. xvi, n. 6). Stetit ergo et ipse tanquam peregrinus, et caricavit animal cum illo; et cum magna patientia deduxit eum, dicens : Nil intulimus in hunc mundum (*1 Tim.* vi) : Dominus dedit, Dominus abstulit, sicut illi placuit, ita factum est, benedictus Dominus in omnibus.

2. Quidam frater vicinus cujusdam magni senis, occulte ingrediebatur cellam ejus; et quidquid habebat senex, furabatur (*Ruff.*, l. III, n. 74; *Pelag.*, libell. xvi, n. 19). Cum autem videret senex, non illum arguebat, sed amplius operabatur, dicens : Puto, ~~667~~ frater ille necessarius est. Habebat ergo senex grandem tribulationem ex penuria panis. Cum autem moriturus esset, et circumdedissent eum illi fratres, ille cum vidisset illum fratrem qui solebat illi furari, dicit ei : Accede huc ad me, frater. Et apprehendens manus ejus, osculatus est eas, dicens : Gratias ago manibus istius fratris, quia propter eum arbitror me iturum in regnum cælorum. Ille autem

compunctus, et agens pœnitentiam, factus est et ipse strenuus monachus, ex actibus suis quos vidit.

CAPUT IV.

Quod tolerantia paupertatis in requiem ducit.

1. Dicebat unus ex senibus : Nihil invenimus scriptum de Lazaro illo paupere quod aliquam virtutem fecisset; nisi hoc tantum, quia nunquam adversus divitem murmuravit, quamvis illi nullam misericordiam faceret; sed cum gratiarum actione portavit laborem paupertatis suæ, ideoque in sinum Abrahæ susceptus est.

2. Item dixit : Quia non oportet quemquam cogitare, nisi de timore Dei. Nam etsi coactus fuerit de corporali necessitate esse sollicitus, nunquam cogitet de ea ante tempus.

CAPUT V.

De reprimenda avaritia.

1. Abbas Silvanus dum modicum discessit a cella, discipulus suus Zacharias cum illis fratribus sepem horti amovit, et fecit hortum majorem. Quod postquam regressus senex agnovit, tulit melotem suam ut discederet. At illi projicientes se ad pedes ejus, propter quid hoc faceret, ut indicaret, postulabant. Tunc senex ait : Non ingredior, inquit, in cellam hanc, nisi sepes fuerit in locum suum revocata. Quo mox facto ita regressus est.

2. Quidam frater requisivit senem, dicens : Si mihi debet paucos nummos frater, jubes ut repetam eos (*Ruff.*, l. III, n. 170) ? Cui senex : Semel tantummodo illi dic cum humilitate. At ille dixit : Quod si semel dixerō, et nihil mihi dederit, quid faciam ? Tunc senex ait : Ulterius ei nihil dicas. At ille iterum ait : Et quid faciam, quia non possum vincere cogitationem meam, nisi fuero illi importunus ? Dicit ei senex : Dimitte cogitationes tuas, tantummodo fratrem tuum ne contristeris, qui monachus es.

3. Abbas Agathon volentibus emere opera manuum suarum, cum requie vendebat : pretium autem erat, cribri quidem nummi centum; sportellæ vero, ducenti quinquaginta; et volentibus comparare dicebat pretium, et quidquid illi dedissent, suscipiebat tacens, nec aliquando dinumerans. Dicebat enim : Quid mihi prodest concertare cum illis, ut illi peccent forsitan jurantes, et quando superfuertint nummi, erogem illos fratribus ? Sed quia Deus non vult hujusmodi eleemosynam a me, neque illi placet ut aliquem permittam in sacrificando peccare. Et dum illi frater diceret : Et panis in cellam unde venturus est ? dixit ei : Quid enim panis hominum in cella ?

CAPUT VI.

Contra iram, et de origine iræ.

1. Dixit quidam ex sanctis Patribus (*Ruff.*, l. III, n. 76) : Ira per hos quatuor actus exurgit, propter cupiditatem avaritiæ dandi et accipiendi, resque alienas rapiendi, et si quis propriam sententiam amans defendit; et si quis se vult honoribus esse dignum; et si quis doctorem se esse vult, plus omnibus sapientem se esse sperans. Ira etiam per hæc quatuor

humanos sensus obscurat, si odio habuerit homo A proximum suum, aut si pro nihilo habuerit, aut si inviderit illi, aut si detraxerit de eo. Ad hoc sanctum Joannem evangelistam ostendam auctorem : Qui odit, inquit, fratrem suum, in tenebris est, et nescit quo eat, et manet in morte (I Joan. 11). Passio autem hujus retributio quatuor modos habet : primum ex corde, secundum ex facie, tertium ex lingua, quartum ex facto. Si quis ergo potuerit ita portare malum, ut non ingrediatur in corde, non pervenit usque ad faciem. Si autem venerit in faciem, custodiat linguam suam, ne loquatur illud. Quod si locutus fuerit, vel hoc custodiat, ne reddat in facto, sed mox abscidat a corde. Tres enim gradus sunt hominum in passione iræ. Nam qui nulli voluntarie nocet, et resistentibus non injuriatur, et parcat proximo suo, hic secundum Christi naturam est. Qui autem nec alium lædit, neque se lædi vult, hic secundum Adam est. Qui vero aliis nocet, aut injuriatur, aut calumnias ingerit, aut usuras exigit, hic secundum diabolum est.

2. Quidam fratres venientes ad abbatem Antonium, postulabant ab eo audire sermonem per quam salvarentur (Joan., libel. IV, n. 14). Quibus ille ait : Scripturas audivistis, et scitis quæ vobis a Christo sufficiant. At illi, ut ipse quoque aliquid eis dicere dignaretur, instabant. Tunc dicit eis : Evangelium dicit : Si quis te percusserit in maxillam dexteram, præbe illi et alteram (Matth. v). At illi se facere hoc non posse dixerunt. Respondit senex : Præbere alteram non potestis? vel in illam iterum, si voluerit, ~~666~~ C ferire sustinete. Sed cum neque hoc se posse facere testarentur, dicit eis senex : Ergo si hoc non potestis, ne reddatis malum pro eo quod accepistis. Et cum idem verbum, quod superius dixerant, repeterent, dixit abbas Antonius discipulo suo : Vade, fac illis escas, ut comedant, vides enim quod valde infirmi sunt. Et ait ad illos : Si enim hoc non potestis, et alterum non vultis, quid a me requiritis? ut video, necessaria est vobis oratio, per quam infirmitas vestra sanetur.

CAPUT VII.

De retribuendo bonum pro malo.

1. Quidam ex fratribus ab alio passus injuriam venit ad abbatem Sisoim; et contumeliæ genus exponens, addebat : Cupio me vindicare (Ruff., I. III, n. 77; Pelag. libell. XVI, n. 10). Senex autem rogabat eum ut relinqueret Deo vindictam. At ille iterum : Non desistam, inquit, nisi fortiter me vindicare. Cui abbas Sisois ait : Quia semel hoc in animo posuisti, saltem oremus. Et exurgens senex his verbis cœpit orare : Deus, jam non es nobis necessarius, ut pro nobis sollicitus sis, quia nos ipsi, sicut iste frater dicit, et volumus et possumus vindicare. Quod cum ille frater audisset, ante pedes senis prostratus, veniam precabatur, promittens se cum illo cui irascebatur nunquam deinceps esse certaturum.

2. Quidam frater cum ab altero injuriaretur, venit et annuntiavit seni (Ruff., lib. III, n. 78). Cui senex

respondit : Satisfac cogitationi tuæ, quoniam frater non vult te injuriari, sed peccata tua submitunt illum. Nam in omni tentatione quæ tibi contigerit, per omnia ne arguas eum; nisi tantummodo dic : Quia propter peccata mea contingunt mihi hæc.

3. Dicebat frequenter abbas Pimenius : Malitia nunquam exsuperat malitiam : sed si quis malefecerit tibi, tu illi bonum redde, ut per bonitatem vincas malitiam (Ruff. lib. III, n. 79; Pelag., libell. x. n. 53).

4. Quidam frater erat (Ruff., lib. III, n. 80; Pelag., libell. XVI, num. 42), qui quanto plus eum aliquis injuriabatur aut incitabat, tanto magis ad eum recurrebat, dicens : Isti sunt qui nobis occasionem præbent ad perfectionem nostram; qui autem beatificant nos, decipiunt nos, et semitam pedum nostrorum subvertunt (Isa. III).

5. Alius erat senex, si quis detraxisset ei, ille festinabat, si vicinus ei erat, per seipsum bene remunerare illum; quod si longius manebat, transmittabat ei munera (Ruff., I. III, n. 11).

CAPUT VIII.

De non retribuendo inimicis.

1. Quidam frater interrogavit abbatem Sisoim (Ruff., I. III, n. 82), dicens : Si latrones aut barbari super me irruerint, occidere me volentes, et ego si prævaluero, jubes ut occidam? Cui ille respondit : Ne facias istud, ne nomineris homicida, sed totum Deo contrade; et quidquid tibi contigerit adversi, profiteri hoc tibi propter peccata tua venire; si quid vero boni fueris consecutus, divinæ dispensationi totum debes ascribere.

2. Erat eremita quidam magnus in monte qui dicitur Athabeos [Ruffin. Athlibeus], et venerat super eum latrones (Ruff., I. III, n. 83). Cum autem ille vocem dedisset, de vicinis locis fratres illi confluentes comprehenderunt eos. Quos transmissos in civitatem judex misit in carcerem. Fratres vero illi contristati sunt nimis, quia propter eos latrones traditi essent ad pœnam; et venientes ad abbatem Pimenionem, narraverunt ei factum. Qui scripsit ad eremitam, dicens : Reminiscere primam proditioem, unde facta est, et tunc videbis secundam proditioem. Nisi enim proditus fuisses ab interioribus tuis, secundam publicationem nunquam perpetrasses. Cumque ille talem audisset sermonem, compunctus est; et cum esset in illa regione nominatus, et per multum tempus de cella sua non exiens, exurgens tamen in civitatem, et expellens latrones de carcere, liberavit eos publice.

CAPUT IX.

De perfecta patientia.

1. Quidam videns laboriose portantem in lecto mortuum (Pelag., libell. XVI, n. 11), dicit ei : Mortuos portas? si vis melius facere, vivos porta, quia pacifici filii Dei vocabuntur (Matth. v).

2. Interrogantibus quibusdam fratribus abbatem Moysen sermonem, ille hortatus est discipulum suum Zachariam, ut eis aliquid diceret. Tunc ille pallium suum deposuit sub pedibus, et conculcavit illud, et

dixit: Nisi quis sic fuerit conculcatus, monachus esse non potest (Ruff., l. II, n. 86; Pelag., libel. xv, n. 17.)

3. Abbati Ammoni prophetavit beatus Antonius, dicens: Multum habes in timore Dei proficere. Et educens eum de cella, ostendit ei lapidem, et dicit ei: Vade et injuriare lapidem hunc, et indesinenter cæde illum. Quod cum fecisset, interrogavit eum sanctus Antonius, si ei aliquid lapis respondisset. At ille dixit: Non. Cui abbas Antonius ait: Ita et tu ad hanc mensuram perventurus es, ut nullam tibi fieri arbitreris injuriam.

CAPUT X.

Quod oportet pro pace, quamvis bona sunt opera, dimittere.

1. Abbas Motois ædificavit sibi monasterium in loco qui dicitur Heracleona (Ruff., l. III, n. 94). Et ibi a multis molestaretur. ~~669~~ in alterum locum transgressus est, et similiter ibi construxit monasterium. Sed per invidiam diaboli quidam frater ibi inventus est, qui semper iram cum eo habebat: propter hæc surrexit inde, et ad proprium reversus est vicum; et fecit illic monasterium, et reclusit semetipsum. Post tempus autem aliquantum congregati sunt senes de illo unde regressus est, deducentes secum illum fratrem, cum quo habuerat litem, quatenus rogarent eum, ut reducerent in monasterium suum. Postquam autem in vicina loca venerunt, tam melotes suas quam illum fratrem ibidem dereliquerunt, ipsique profecti sunt ad senem. Et pulsantibus illis, aperta fenestra respexit, et cognovit eos. Post orationem factam dicit eis abbas Motois: Ubi sunt melotes vestræ? At illi responderunt: Ecce in vicino sunt una cum fratre, qui tecum iram habebat. Postquam hoc senex audivit, et nomen illius et adventum cognovit, præ gaudio ostium per quod ingressus fuerat, cum securi confregit; et egressus, cucurrit ad locum ubi erat ille frater, et prior ipse cœpit agere penitentiam apud eum: et amplectens eum, introduxit in cellam suam, et per tres dies convivatus est cum eis, qui nunquam habebat consuetudinem ut jejuium solveret; et surrexit, profectusque est cum illis.

2. Quidam frater requisivit abbatem Eliam, dicens: Si contristavero aliquem, quemadmodum rogem? Respondit senex: Ex profundo cordis tui, cum dolore age penitentiam apud eum; et videns Deus oportum tuum, satisfacet ei.

CAPUT XI.

Contra spiritum tristitiæ, qui desperationem facit.

1. Abbas Arsenius dixit: Non coctus laterculus, si missus in fundamentum fuerit prope fluvium, neque uno die sufferre poterit; si autem bene fuerit coctus, permanet tanquam lapis (Pelag., libell. xv, n. 51, nomine Orsisi). Sic et homo non coctus neque inflammatus, secundum quod de Joseph dictum est, Eloquium Domini inflammavit eum (Psal. civ), mox in principio carnalis cogitationis dissolvitur.

2. Idem requisitus ab altero fratre dicente: Si peccavero, etiam in quocunque minuto peccato, et con-

sumit me cogitatio mea, et arguit me, dicens: Quare peccasti? quid faciam? Respondit senex: Quocunque hora ceciderit homo in culpam, et dixerit ex corde: Domine Deus, peccavi, indulge mihi; mox cessabit cogitationis vel tristitiæ illa consumptio.

3. Dicebat autem abbas Pimenius de abbate Isidoro, quia solus ille se cognovisset (Ruff., lib. III, n. 101). Nam quoties illi dicebat cogitatio sua: Quia magnus es, tunc et ipse respondebat sibi: Nunquid talis qualis Antonius, aut certe abbas Piamon, vel reliqui Patres qui Deo placuerunt? Quoties ergo hæc cogitabat, requiescebat. Quando vero inimicus, conturbans eum, suggerebat ei desperationem et pœnam, dicens: Quoniam post hæc omnia iturus es ad tormenta, dixit ipse: Quia quamvis ego in tormenta mittar, tamen vos subtus me invenio.

4. Abbati Moysi frequenter apparuerunt spiritus maligni (Ruff., l. III, n. 102), dicentes: Vicisti nos, et nihil tibi possumus facere; quoniam quoties per desperationem humiliare te volumus, exaltaris; quoties te exaltare, ita te humilias, ut nullus de nobis accedat ad te.

5. Cum quidam ad abbatem Sisoium frequenter talem sermonem requireret (Ruff., l. III, n. 103), Quid faciam, Pater, quoniam cecidi? Ille respondit: Surge. Et surrexit. Et iterum se cecidisse professus est. Ait senex: Et iterum surge. Cum autem frater frequenter se cecidisse narraret, eodem senex utebatur sermone, exclamans: Non cesses surgendo, fili. Cui frater: Usquequo possum surgere, Pater, explana. Ait senex: Quousque aut in bono opere, aut in malo deprehensus, occumbas. In quo enim opere deprehensus fuerit homo, iudicabitur.

6. Item dixit: Qui laborat, et arbitratus se fuerit aliquid facere, recipit hic mercedem suam.

CAPUT XII.

Contra spiritum vanæ gloriæ.

1. Quidam frater requisivit abbatem Pimenium: Si melius esset, remotius, an cum aliis manere (Ruff., l. III, n. 110)? Respondit senex: Homo si semetipsum reprehenderit, ubique potest persistere; si autem se magnificat, nusquam stat, sicut scriptum est: Qui se existimat aliquid esse, cum nihil sit, ipse se seducit (Galat. vi). Quidquid enim homini fecerit homo, ne exsultet in eo quia mox perdet illud.

2. Abbatem Macarium si quis cum timore velut sanctum virum voluisset audire, suspectus nullum penitus a se excipiebat responsum. Si quis vero, velut contemnens eum, talibus verbis compellaret: Abba Macari, quando eras camelarius et nitrum furabaris, nunquid non vapulabas a magistris, deprehensus in furto? libenter ei, quidquid requisisset, cum gaudio respondebat.

3. Abbas Nesteron, dum cum aliis ambularet fratribus in deserto, viderunt draconem, et fugerunt (Pelag., libell. VIII, n. 13). Dicit ei unus ex eis: Et tu times, abba? Cui senex: Non timeo, fili, sed oportuit me fugere: quia nisi fugissem, cogitationem vanæ gloriæ non vitassem.

4. Venit aliquando ad abbatem Zenonem in Syria A per gloriam accipit (*Ruff.*, l. xiii, n. 112; *Pelag.*, libell. xv, num. 56). aliquis frater Ægyptius, et cœpit cogitationes proprias accusare, præsente sene (*Ruff.*, l. iii, n. 111). Ille autem audiens hoc, admiratus dixit : Ægyptii quas habent virtutes celant, et vitia quæ non habent manifestant; Syri autem et Græci virtutes quas non habent prædicant, et vitia quæ habent abscondunt.

5. Quidam senex, cum venisset ad alium senem, dixit : Ego mortuus sum huic sæculo (*Ruff.*, l. ii, n. 116; *Pelag.*, libell. xi, n. 38). Cui ille alter : Ne confidas in te, donec egrediaris de corpore hoc. Nam etsi dicis tu, Quia mortuus sum; diabolus tamen necdum mortuus est, cujus innumerabiles sunt malæ artes.

6. Abbas Sisois, cum sedens, præsente fratre altero, factus esset in extasi, et altero audiente nesciens B suspirasset, cœpit pœnitere, ac dicere : Indulge mhi, frater, exposco; necdum enim me cognosco esse monachum, quia audiente altero suspiravi. Quoties autem in oratione senex idem stans manus suas erexit ad cœlum, cito deponebat manus, propterea, si alter præsens esset, ne hoc ipsum illi pro laude constaret.

7. Quidam senex habitabat in inferioribus partibus Ægypti, et sedebat quiescens (*Ruff.*, lib. iii, n. 118; *Joannes*, libell. iv, n. 35). Unus autem sæcularis religiosus ministrabat ei. Contigit autem ut filius sæcularis infirmaretur. Multis ergo precibus postulabat senem, ut veniret ad domum suam, et faceret orationem pro infante. Exsurgens vero senex, ambulabat cum eo. Ille autem præcessit, et ingressus in domum C suam, dixit : Venite in occursum anachoretæ. Quos cum senex vidisset a longe egressos cum lampadibus, sensit quod ad se venirent; et statim despolians se vestimenta sua misit in fluvium, et cœpit lavare stans nudus. Ille autem qui ministrabat ei, videns hæc erubuit. Et rogabat homines, dicens : Revertimini, senex enim noster sensum perdidit. Et veniens ad eum, ait illi : Abba, quid est hoc quod fecisti? Omnes enim qui te viderunt dixerunt : Quia dæmonium habet senex. Cui ille : Ego vero volebam hoc audire.

8. Item alia vice volebat eum aliquis videre ex iudicibus, et præcesserunt clerici, dicentes ei : Abba, præpara te, quoniam iudex audiens opera tua veniet ad te, benedici cupiens a te (*Pelag.*, libell. viii, n. D 18, nomine *Simonis*). Ille autem dixit : Ita faciam, ego præparabo me. Vestitus ergo lebetone (1) suo, et tollens panem et caseum in manibus, ascendit in portam, et divaricatis pedibus sedens, cœpit manducare. Veniens autem cum officio suo iudex, et videns eum, dixit : Iste est anachoreta de quo talia audiebamus? Et contemnens eum, ita discessit.

CAPUT XIII.

Contra spiritum superbiæ.

1. Quidam senex dixit : Qui ab hominibus amplius honoratur aut laudatur, non parvum damnum patitur; qui autem ab hominibus non honoratur, desu-

per gloriam accipit (*Ruff.*, l. xiii, n. 112; *Pelag.*, libell. xv, num. 56).

2. Item dixit : Fieri non potest ut simul herba nascatur et semen; ita impossibile est ut laudem et gloriam habentes sæcularium, simul et fructum faciamus cœlestem (*Ruff.*, l. iii, n. 113; *Pelag.*; libell. viii, n. 20, nomine *Syncreticæ*).

3. Item dixit (*Ruff.*, l. iii, n. 113; *Pelag.*, libell. xv, n. 54) : Quando cogitatio superbiæ, vel certe vanæ gloriæ te impugnat, perscrutare teipsum, si omnia mandata Dei servasti, si inimicos diligis, si gaudes de gloria inimici tui, et contristaris in dejectione ejus; si apud te habes, quoniam servus inutilis es, et quod plus omnibus hominibus sis peccator; et neque tunc tam grande aliquid sapias, tanquam aliquid boni feceris, sciens quod elata cogitatio illa omnia bona dissolvit.

4. Dixit senex cuidam (*Pelag.*, libell. xv, num. 55) : Non apponas cor tuum adversus fratrem tuum, dicens : Quomodo tu amplius sobrius es quam ille, et continentior? sed subditus esto gratiæ Dei in spiritu paupertatis, et per charitatem non fictam, ne spiritu exaltationis perdas laborem tuum.

5. Item dixit senex : Quantumcunque enim se deposuerit homo in humilitate, tantum quoque proficit in altum (*Ruff.*, lib. iii, n. 171; *Pelag.*, libell. xv, n. 77). Sicut enim superbia, si ascenderit in cœlum, usque ad infernum deducitur : ita et humilitas, si descenderit ad infernum, tunc exaltabitur usque ad cœlum.

6. Abbas Macarius, dum diluculo palmarum folia portans ad cellam suam reverteretur, occurrit ei diabolus cum falce præacuta, volens eum percutere, et non valebat (*Ruff.*, l. ii, n. 124; *Pelag.*, libell. xv, n. 26). Qui exclamans, ait : Magnam vim a te patior, Macari, qui cum te cupio nocere, non valeo; dum quæcunque tu facis, ego magis exsuperem. Tu ergo interdum jejunas, ego nunquam ullo cibo reficior. Tu sæpe vigilas, me vero nunquam sopor oppressit, sed una re me vincis ipse, fateor. Cumque ab eo rem ipsam Macarius requisisset, ait : Humilitas tua sola me vincit. Hæc dicente inimico, et extendente beato Macario manus suas ad orationem, spiritus immunus inter auras evanuit.

7. Quidam ex Patribus dicebat : Omnis labor sine humilitate vanus est (*Ruff.*, l. iii, n. 126). Humilitas enim præcursor est charitatis. Sicut Joannes præcursor erat Jesu, omnes trahens ¶ ad eum : ita et humilitas attrahit ad charitatem, id est, ad ipsum Deum, quia Deus charitas est.

8. Quidam frater requisivit a sene : Quid est humilitas? Cui senex : Arbor est vitæ, in altum exrescens (*Pelag.*, libell. xv, nomine *Hyperochii*).

9. Item dixit : Terra, in qua Deus dixit sibi sacrificium offerre, humilitas est (*Pelag.*, libell. xv, n. 37 nomine *Pastoris*).

10. Iterum requisitus senex quidam : Quomodo potest anima humilitatem adipisci? Respondit : Si sua tantummodo mala homo consideret. Dicebat autem,

Quia perfectio hominis est humilitas (*Ruff.*, l. III, A n. 80). Ita et nos per Dei dispensationem tagimen n. 171; *Append. Mart.*, n. 58).

11. Dixit abbas Motos : Humilitas nec ipsa irascitur, nec alios irasci permittit.

12. Item dixit : Humilitas est, si quando peccaverit in te frater tuus, antequam peniteat, indulseris ei (*Pelag.*, libell. xv, n. 60).

CAPUT XIV.

Quod perfecti viri, quamvis possint, nolunt miracula facere, ne extollantur.

1. Abbas Joseph, dum cum aliis fratribus ad abbatem Pimenium veniret (*Ruff.*, l. III, n. 168; *Joan.*, libell. II, n. 10), quidam ex parentibus prædicti senis Pimenii attulit infantem, cujus facies per arreptionem diaboli fuerat depravata; et sedens pater ejus cum eo foris monasterium, plorabat. Cum autem unus senex ad vocem flentis egressus esset, et interrogaret eum cur ploraret, ille respondit : Parens sum istius Pimenii, et ob hoc veni, ut videret infantem hunc. Vides, domine, quæ huic infanti per Satanam contigerit tentatio. Timuimus enim usque nunc illum huc offerre, quia non vult nos videre. Et nunc si cognoverit quod hic ego sum, cum confusione ejiciet me. Ego autem vos videns, Patres, qui modo ad eum venistis, præsumpsi venire huc. Quomodo ergo vis, vade et miserere mei, abba; et tolle infantem istum, et defer intus tecum, utoret pro me. Quem cum senex tulisset, et ingressus fuisset in cellam, sapienti consilio usus, non illum obtulit primo abbati Pimenio, sed minoribus Patribus, et dicebat : Signate infantem, fratres, facientes orationem, rogans per singulos senes. Et post omnes detulit illum Pimenio. At ille nolebat eum nec aspicere. Cum autem rogarent eum ut sicut omnes, sic et ipse oraret, ingemuit, et surgens oravit, dicens : Deus, sana facturam tuam, ne dominetur ei inimicus. Et signavit infantem, et mox sanus est patri redditus.

2. Cum quidam sæcularis in ecclesiam veniens ab immundo spiritu teneretur, et omnes orationem fecissent, nullatenus spiritus immundus egrediebatur ab eo (*Ruff.*, l. II, n. 121; *Joan.*, libell. II, n. 4). Dicunt ergo inter se fratres : Quid possumus huic spiritui facere? nemo illum potest excutere, nisi abbas Besarion; sed si hoc dixerimus, ille nec ad ecclesiam acquiescit venire. Sed faciamus taliter : quando ad ecclesiam ante omnes solet venire, hunc qui patitur faciamus sedere, et postea dicamus : Abba, abba, suscita hunc dormientem. Fecerunt ergo ita. Et veniente abbate Besarione, steterunt omnes in oratione, et dicunt ei : Abba, suscita istum qui dormit. Ille autem dixit : Surge, et egredere foras. Et mox egressus est ab eo spiritus immundus, et sanus factus est ex illa hora.

CAPUT XV.

Quod utiliter aliquoties in sordidis cogitationibus relinquimur, ne extollamur.

1. Sæpe dicebat beatus Antonius : Nisi pistior velaret oculos animalis, mercedem suam recipiens, ipse consumeret (*Ruffin.*, l. II, n. 128; *Pelag.*, libell. xv,

accipimus, ut ea quæ operamur bona, non valeamus intendere, ne nos ipsi beatificantes, possimus extollere, et mercedem propriam amittamus. Nam et ob hoc quando relinquimur in sordidis cogitationibus, necesse est ut hoc tantummodo prævideamus, ut nos ipsos et nostram sententiam condemnemus; et ea quæ sunt in nobis sordida, illud parvum bonum opus nostrum in nobis obscurant. Nunquam enim homo bonus est, etiam si bonus esse desideret, nisi Deus habitaverit in ipso, quia nemo bonus nisi solus Deus (*Luc.* xviii). Oportet autem ut nos ipsos semper veraciter incusemus. Quando enim se quisque non reprehendit, mercedem propriam amittit.

2. Idem beatus Antonius, dum in cella propria oraret, venit ad eum vox, dicens : Antoni, necdum pervenisti ad mensuram coriarii, qui est in Alexandria (*Ruff.*, l. III, n. 130). Quo audito, senex consurgens mane, arrepto baculo in civitatem festinus pervenit. Cumque ad designatum hominem pervenisset, et ingressus fuisset, ille viso tanto viro obstupuit. Cui dixit senex : Refer mihi opera tua, quia propter te, relicto deserto, huc veni. Qui respondens, ait : Nescio me aliquando aliquid boni perpetrasse, unde ex cubili proprio mane consurgens, antequam in opere meo resideam, dico quod omnis hæc civitas a minore usque ad majorem, ingreditur in regnum Dei propter justitias suas, ego autem solus propter peccata mea pœnam sempiternam ingrediar. Quod verbum mane, et antequam quiescam sero, ex cordis mei sentio veritate. Quod audiens beatus Antonius, respondit : In veritate, fili, sicut bonus artifex sedens in domo tua, cum requie regnum Dei adeptus es : ego autem velut sine discretionem omne tempus meum in solitudine conversatus, necdum verbi tui assumpsi mensuram.

3. Quidam frater requisivit abbatem Pimenium, dicens (*Ruff.*, lib. III, n. 131) : Quid est, Pater, quod Apostolus dicit : Omnia munda mundis? At ille dixit : Si quis ad hunc sermonem pervenire potuerit, ut eum intelligat, videbit se minorem esse totius creaturæ. Cui frater : Et quomodo me possum videre minorem ab eo qui homicida est? Respondit senex : Si potuerit homo ad sermonem hunc Apostoli pervenire, et viderit hominem qui forte alium occiderit, dicit in semetipso : Ille quidem hoc solum peccatum fecit, ego autem omni hora homicidium committo, meipsum interficiens. Et cum frater requireret quomodo hoc posset fieri, respondit senex : Hæc sola hominis justitia est, ut semper semetipsum reprehendat; et tunc justificabitur, cum sua peccata condemnat.

4. Quidam frater dixit ad senem : Cogitatio mea dicit mihi, Bonus sum. Respondit ei senex : Qui non videt peccata sua, semper ille in bonis esse se credit; qui autem videt illa, cogitationes illi suadere non possunt quod in bonis sit; scit enim quod videt. Opus ergo est laborare multum, ut se quisque consideret; nam negligentia, ignaviaque, et relaxatio excæcant oculos cordis nostri,

5. Quidam frater dixit abbati Pimenio : Cogitationes meae non permittunt me peccata mea respicere, sed Patres mei cogunt me cogitare peccata. Respondit abbas Pimenion, de abbate Isidoro referens, et dicens : Dum plangeret abbas Isidorus in cella sua, et discipulus ejus in alia cella sederet, contigit ut illa hora idem discipulus ad illum veniret, quia ille plangebatur, et requisivit eum, dicens : Quid plangis, Pater ? At ille respondit : Peccata mea plango, fili. Iterum dicit ei : Non habes peccata, abba. Dicit ei senex : O fili, si peccata mea Deus manifestaret hominibus nec tres, nec quatuor sufficerent, sed nec plures.

CAPUT XVI.

Quomodo vitetur detractio.

1. Quidam frater requisivit abbatem Pimenium, dicens : Quomodo potest homo vitare, ne loquatur male proximo suo (*Ruff.*, l. III, n. 133) ? Respondit senex : Ego et proximus meus duae imagines sumus. Cum ergo meam imaginem reprehendero, invenitur imago fratris mei apud me venerabilis ; quando autem meam laudavero, tunc fratris mei imaginem pravam respicio. Tunc ergo alii non detraho, si semper meipsum reprehendo : quia magnum virum despicit, qui seipsum non considerat.

2. Dicebat quidam Patrum : Quidquid habes odio, alii ne facias (*Ruff.*, l. III, n. 153 ; *Pelag.*, libell. I, num. 21). Si odis qui tibi male loquitur, neque tu male loquaris de alio. Si odio habes qui tibi facit calumniam, neque calumniam tu alicui facias. Si odio habes qui te in contemptu ducit, aut injuriis appetit, aut aufert quod tuum est, aut aliquid tale facit, nihil horum facias alicui. Qui autem hoc verbum custodire potest, sufficit ei ad salutem.

3. Unus ex sanctis Patribus videns alium negligentem, flevit amare, dicens : Vae mihi, quia quomodo hodie iste peccat, sic et ego crastino. Et monebat discipulum suum, dicens : Quamvis aliquis graviter praesente te peccaverit, ne condemnes eum ; sed sic apud te sit, tanquam tu plus eo pecces, quamvis ille saecularis sit, nisi forte Deum blasphemaverit, quod est haereticorum.

4. Quidam nomine Timotheus anachoreta, negligentem quemdam fratrem audiens, interroganti abbati quid illi fratri faceret, dedit consilium ut eum expelleret (*Ruff.*, l. II, n. 140). Cum ergo ille expulsus esset, tentatio venit super Timotheum. Et cum imploraret in conspectu Dei, et diceret : Peccavi, miserere mei ; venit ad eum vox, dicens : Timothee, ideo tibi hoc evenit, quia fratrem tuum in tempore tentationis suae despexisti.

CAPUT XVII.

De voluntate proximi facienda.

1. Frater quidam requisivit abbatem Pimenion, dicens : Quid est fides ? Cui senex : In charitate et humilitate semper vivere et facere bonum proximo suo.

2. Abbas Theodorus cum de opere manuum animaeque loqueretur, dicit ad eum frater : Explana

A nobis opus animae, abba, et opera manuum. Cui senex : Omnia quaecunque pro mandato Dei facimus, in operibus animae reputanda sunt ; quae vero pro nostra agimus utilitate vel commodo, haec omnia opera manuum esse noscuntur.

3. Abbas Apollo, si quis de fratribus eum in suo requisisset opere et labore, mox pergebat cum omni laetitia, dicens : Ego cum rege meo Christo vado hodie operari pro anima mea. Haec est enim merces, quae animae reputatur.

CAPUT XVIII.

De refutatione propriae voluntatis.

1. Quidam anachoreta sedebat juxta caenobium, multas virtutes faciens (*Ruff.*, l. III, n. 150 ; *Pelag.*, libell. XIII, n. 8). Et cum venissent ad illum aliqui monachi de caenobio, compulerunt eum non consueta hora manducare. Et post hoc dixerunt ei fratres : Contristatus es, abba, aliquid, quia hodie contra consuetudinem fecisti ? Quibus ille respondit : Tunc est mihi tribulatio, quando propriam fecero voluntatem.

2. Quidam frater veniens in Scythi, ut videret abbatem Arsenium postulabat. Cumque alii fratres ei, ut paululum requiesceret, suaderent, respondit : Non manduco panem, nisi illum videre meruero. Tunc unus ex fratribus ipsum duxit ad abbatem Arsenium, pulsatoque ostio cellulae, introduxit eum. Deinde suscepti, et oratione facta, consederunt. Cum autem beatus taceret Arsenius, ille, qui fratrem adduxerat, ait : Ego discedo. Sed et is qui ex magno desiderio venerat, videns quia nihil ei locutus fuisset abbas Arsenius, praereverecundia tacitus sedens, dixit : Et ego quoque tecum, frater, abscedo. Ac sic uterque discesserunt. Postulabat autem ut etiam ad abbatem Moysen, qui ex latronibus conversus fuerat, deduceretur. A quo susceptus, facta charitate dimissus est. Frater autem qui ad utrosque ipsum duxerat, dixit illi : Ecce utrosque quos postulabas vidisti : quis tibi plus ex ambobus placet ? At ille ait : Mihi interea hic melior videtur, qui nos utrosque et bene suscepit, et bene pavit. Quo sermone comperto, unus ex Patribus ad Dominum oravit, dicens : Domine, hanc mihi rem precor ostende, quia unus propter nomen tuum omnes homines videre aut appellare refugit, alter vero omnibus propter nomen tuum communis est. Et ecce, in exstasi duae illi naves per fluvium ostensae sunt : et in una quidem vidit Spiritum sanctum cum silentio et requie, una cum abbate Arsenio navigantem ; in altera vero navi vidit abbatem Moysen et angelos Dei, mel et favum in os et in dentes ejus insertos.

CAPUT XIX.

De obsequiis infirmantium, vel infirmitate ipsa.

1. Quidam frater requisivit senes, dicens (*Pelag.*, libell. XVII, num. 18) : Si duo fratres in una sunt cella, et ille quidem unus sex diebus integris jejunat, ille autem alter infirmitati facit obsequium ; cujus ergo opus majus est apud Deum ? Respondit senex :

Si ille qui jejumat sex dies, pernares se suspenderit, A ciens animo ejus, dicebat : Noli, mi domine, talia non erit similis illi alteri in conspectu Dei.

2. Joannes minor Thebæus, discipulus abbatis Ammonis, duodecim annis ipsi seni infirmanti fecit obsequium ; senex tamen cum vidisset eum laborantem, nunquam illi sermonem blandum aut placitum locutus est (*Ruff.*, lib. III, n. 155 ; *Pelag.*, libell. XVI, n. 4). Cum autem de hoc mundo transiret, sedentibus aliis senibus, tenuit manus ejus, et dixit ei tertio : Salveris, salveris, salveris. Et tradidit illum senibus, dicens : Ille non homo, sed angelus est, qui tot annis mihi infirmanti serviens, nec bonum sermonem audiens, fecit tamen obsequium cum magna patientia.

3. Plures igitur diversis laborantes necessitatibus convenerunt fratres ad sanctum Antonium (*Pallad.*, c. 26), inter quos et Eulogius (2) quidam monachus Alexandrinus, cum alioqui elephantiaci morbo cruciabatur, quos illuc propter hujuscemodi causam venisse memorabant. Hic Eulogius scholasticus (3) erat, sæcularibus litteris eruditus. Qui immortalitatis desiderio captus, huic mundo renuntiaverat ; divisisque rebus suis omnibus atque dispersis, parum aliquid pecuniarum reliquerat sibi, quibus quia per se operari non poterat, uteretur. Cum igitur eum quædam animi defectio fatigaret, et neque cum multis in monasterio degere, neque solitariam vitam posset ferre patienter, reperit quemdam publice in platea jacentem, ita invalidudine illa, quam superius dixi, impletum, ut sine pedibus et manibus videretur : cui lingua tantummodo immunis a tantis cruciatibus erat C qua magis posset ab intuentibus malorum suorum remedium promereri. Cumque eum assistens vidisset Eulogius, oratione facta ad Deum, et facta quadam cum Domino pactione, his allocutus est verbis : Domine, inquit, Deus, in tuo nomine suscipio istum tam immani valetudine præpeditum, ut propter istum possim et ipse salvari. Adsis ergo mihi, Jesu Christe, atque patientiam in tali ministerio largiaris. Moxque ad jacentem illum ait : Vis frater, suscipio te in domo mea, et quacunq̄ poterō ratione, sustento ? Cumque hæc ille libenter amplecti, si dignaretur, se diceret : Vadam ergo, inquit, et asinum quo veharis adducam. Cui vehementer exsultans consensus ægrotus. Idque mox fecit Eulogius, et memoratum ad hospitium suum sine dilatione transvexit. Per quindecim igitur annos jugi curatione et perpetua ei sollicitudine serviebat : per quem omne tempus et ille, cui tantum deferebatur obsequium, cum gratiarum actione cuncta tolerabat, et Eulogii manibus et medicamentis, cibisque et balneis, prout competebat valetudini, curabatur. Post quindecim vero annos instinctu dæmonis, supradictus ægrotus in memor tot laborum Eulogii tantorumque meritorum, cœpit ab eo velle discedere, multisque injuriis atque opprobriis increpare eum, dicens : Fugitive (4), qui propriam domum devorasti, furatusque es alienam 674 substantiam, in me occasionem salutis tuæ reperisse te credis ? Eulogius autem rogabat eum, et satisfac-

loqui, sed dic potius quid te contristaverim, et emendo. Elephantiosus autem cum furore dicebat : Vade, nolo istas adulationes tuas ; projice me in publicum, refrigeratione tua non egeo. Eulogius autem, Obsecro te, inquit, placare : aut quid te, inquit, contristaverim, venerande senex, edicito. Elephantiosus autem asperior in furore, dicebat ad eum : Jam fraudulentas irrisiones tuas non fero, adulationes et subsannationes tuas non tolero. Nec mihi hæc arida parcaque vita jucunda est, volo carnibus saturari. Cumque ei exhibitæ a viro patientissimo Eulogio carnes fuissent, cœpit iterum proclamare : Non potes, inquit, meæ satisfacere voluntati, neque tecum solitarius habitare prævaleo : populum videre, ad publicum ire desidero. Dicit ei Eulogius : Ego adduco tibi multitudinem fratrum. Rursus ferocior ac pene blasphemus ægrotus : Nec, inquit, faciem tuam videre volo, et adducis mihi similes tuos, solius panis devoratores ; concutiensque semetipsum, inquieta voce clamat, dicens : Hic esse nolo, ad publicum ire desidero. O violentia ! In eum locum me projice unde me sustulisti. Tanta ergo erat ejus insania, adeoque sensus ejus infirmi, quodammodo et mores [*forte*, humores] perveterat dæmon, ut et laqueo se forte suspendisset, si manus, per quas hoc facere posset, habuisset. Ad monachos itaque vicinos pergit Eulogius, ita dicens eis : Quid faciam, quia elephantiosus iste penitus desperare me fecit ? Dicunt ei : Quam ob causam ? Respondit eis : Quia dura sunt quæ mihi conatur imponere, et quid agam ignoro : projiciamne eum ? Sed aliter Deo dexteram dedi, de hoc satis vereor. Non projiciam eum ; sed tot ac tanta iterum dierum ac noctium mala ferre non possum ; quid de ipso igitur a me fiat, ignoro. Ad quem illi his verbis loquuntur : Dum adhuc vivit et superest Magnus ille, sic enim vocabatur, Antonius, ascende ad eum, ægrumque navi impositum, in monasterium ejus defer, exspectans ibi donec speluncam suam egressus adveniat. Quem cum videris, referes ista quæ pateris, atque ab eo consilium postulabis ; quidquid tibi super hoc dixerit, facies, et ejus monitionibus acquiesces, sciens a Deo juberi tibi quod ille præceperit. Mox igitur sermonibus fratrum libenter instructus, supradictum ægrum blandis precibus superans, D littorali naviculæ imposuit ; sustulitque de civitate per noctem, et ad discipulorum sancti Antonii habitaculum duxit. Evenit autem ut alio die vespertinis horis superveniret illuc beatus Antonius, referentem mihi Cronio quod chlamyde ex pellibus facta indutus adveniret. Solebat autem veniens ad monasterium fratrum vocare ex ipsis Macarium, eumque his verbis interrogare : Venerunt adhuc aliqui fratres ? Et ille venisse dicebat. De Ægypto, inquit, sunt, an de Jerosolyma ? Hoc autem signum ab his jusserat dari, ut quoties aliqui non satis digni colloquio ipsius venirent, advenisse Ægyptii dicerentur ; quoties autem sancti quidam et spirituales viderentur viri, venisse de Jerosolyma nuntiarentur. Tunc ergo veniens juxta

consuetudinem suam, cum interrogaret utrum Jerosolymitæ illic fratres essent, an Ægyptii, respondit Macarius, dicens: Ex utroque illic quosdam genere vidisse se. Cum autem dixisset illi sanctus Antonius: Fac illis lætitiā, et sumant cibum, et una cum eis, oratione completa, jubebantur discedere: ac vero cum Jerosolymitas venisse didicisset, per totam noctem cum eis sedens, ea illis quæ salutem eorum proficerent loquebatur. Memorata igitur nocte eum con-sedissee referebant, et unumquemque ad se de his qui convenerant, evocasse. Cumque a nullo quis illic Eulogius vocaretur, audisset, ipse in tenebris propria voce sua illum ter nomine vocavit. Cui cum supra-dictus scholasticus non responderet, putans quod alter aliquis Eulogius vocaretur, dicit ei rursus: Te voco, Eulogi, qui ab Alexandria civitate venisti. Dicit ei Eulogius: Quid, quæso, jubes? Et Antonius, Quid, inquit, huc venisti? Respondit Eulogius, dicens: Qui tibi nomen meum revelare dignatus est, ipse etiam et adventus mei causam procul dubio revelavit. Tunc ille: Quare, inquit, veneris scio, sed ante omnes hos fratres, ut omnes audiant, refer. Jussus igitur a magno Antonio servus Christi Eulogius, retulit ante omnes: Istum elephantiosum in platea publica reperi projectum, cujus curam nullus hominum gerebat; et promisi Deo ut deservirem ægritudini ejus quomodo possem, et ego per illum, et ille per me salvaretur. Ex quo autem pariter sumus, quintus decimus annus est, sicut et vestræ sanctitati credo omnia revelata. Quia igitur post plurimos annos cum a me nihil mali pertulerit, variis me procellis ac tempestatibus vexat, ob quod et ego ipsum a me projicere cogitavi, propterea ad sanctitatem tuam veni, ut quid ex hoc faciam digneris me tuis edocere consiliis, et orationibus adjuvare. Pessimis enim motibus totus fatigor et crucior. ¶ Cui hæc tunc Antonius severa atque iracunda voce respondit: Tu illum a te projecis, Eulogi? sed ille eum non projicit, qui eum a se factum esse cognoscit. Projicis eum? meliorem te inveniet, et eliget Deus qui colligat destitutum. Cumque perterritus ad hæc Eulogius verba tacuisset, relicto rursus sanctus Antonius Eulogio, cœpit ægrotum propriis sermonibus verberare, et hæc ad eum cum clamore maximo loqui: Elephantiose, cœno et luto horride, nec terra digne nec cœlo, non desinis injuriam Dei vociferari? Nescis quod qui ministrat tibi Christus est? Quemadmodum ausus est contra Christum talia loqui? Nam propter Christum se iste servitio tali et obsequiis subjugavit, quem et ipsum mordaci sermone laceratum reliquit. Conversisque verbis ad alios fratres, ad unumquemque ita, ut ratio singulorum exigebat, locutus, rursus ad Eulogium et ad ægrotum redit, dicitque eis: Ne quis vestrum, o filii, quomam se vertat, neuter ab altero separetur, sed ad cellam vestram, in qua per tantum tempus vixistis, redite in pace, omnem tristitiam deponentes. Jam nunc enim ad vos Dominus Deus mittet: nam tenta-

¹ Idem in Vita Antonii, c. 38.

atio ista idcirco accidit vobis, quia ad finem vitæ ambo venistis, etiam uterque vestrum merebitur coronari. Nihil ergo aliter feceritis, ne si forte angelus veniens, vos in eo quem dixi loco invenire non possit, utrique coronis fraudemini. Qui cum ad cellam suam velociter redeundo redintegrata pace venissent, intra quadraginta dies Eulogius prior obiit, et post aliquot dies supradictus defecit ægrotus, animo vehementer incolumis. Cronius autem cum plurimum temporis in Thebaidis fuisset locis, ad monasteria Alexandrina descendit; eventique ut ad illum occurreret diem, qui unius quidem quadragesimus, alterius autem tertius celebratus tunc a fratribus dicebatur. Cum igitur Cronius hoc audisset, obstupuit; sumptoque Evangelio sancto, atque in medio fratrum posito, cum sacramento ipsis per ordinem cuncta exposuit, dicens: Horum omnium quæ commemoravi, interpres ipse fui sermonum, eo quod Græce loqui sanctus Antonius nesciebat. Ego autem utramque linguam noveram, atque inter ipsos loquebar, illis quidem Græco, isti autem Ægyptio ore respondens.

4. Hoc quoque Cronius ipse nobis referebat¹, quod ei sanctus Antonius, in illa ipsa nocte qua beatum Eulogium dimisit, dixisset quia per totum annum deprecatus fuisset, ut ostenderentur ei per revelationem loca peccatorum atque justorum. Et se vidisse dicebat procerum quemdam usque ad nubes gigantem, tetri coloris, extensas habentem ad cœlum manus atque infra pedes ipsius lacum ad speciem marisfusum, ubi tanquam aves inquietas animas volantes vidit Antonius: et illæ quidem quæcunque supra ipsius manus caputque volabant conservabantur; quæcunque autem sub manibus ipsius repertæ fuissent, mergebantur in lacum. Vocem autem tunc talem sibi venisse referebat: Has omnes animas, quas volantes vides, scias animas esse justorum, quæ in paradisi habitatione requiescunt; illæ autem animæ aliæ ad inferna mittuntur, quod patiuntur quicunque carnali obedierint voluntati, et quicunque iracundiam retinentes, reddere malis paria tentaverint.

5. Referebant autem nobis tam Cronius quam sanctus Hierax, atque alii plures vicini fratrum, ista quæ dicam. Quidam senex dixit: Quia si scit monachus esse aliquem, apud quem proficere posset, sed necessaria corporis cum labore habet, et propterea non vadit ad eum, hujusmodi monachus non credit esse Deum.

6. Dixit quidam senex: Qui vult eremum habitare, debet esse doctor, non qui doctrina egeat, ne detrimentum sustinere videatur (*Pelag., libell. x, num. 90*).

CAPUT XX.

Quod infirmitas corporis prosit animæ.

1. Magnus quidam senex infirmanti discipulo suo dixit: Ne contristeris, fili, ex infirmitate vel plaga corporis tui (*Ruff., lib. III, n. 157; Pelag., libell. VII, n. 16, nomine Syncreticæ*). Summa enim religio est

ut in infirmitate quis gratias agat Deo. Si ferrum es, per ignem amittis æruginem; si vero aurum es, per ignem probatus, a magnis ad majora procedis. Ne anxieris ergo, frater; si enim te Deus vult in corpore torqueri, tu quis es qui ejus voluntati resistas aut moleste feras? Sustine ergo, et roga Deum, ut quæ ipse vult, illa concedat.

2. Quidam senex cum frequenter infirmaretur corpore et langueret, contigit ut uno anno nulla eum ægritudo contingeret; et propterea flebat et graviter ferebat, dicens: Reliquisti me, Domine, et noluisti me præsentem hoc anno visitare (*Ruff., lib. III, num. 158; Pelag., libell. VII, num. 41*).

CAPUT XXI.

De timore Dei.

1. Abbas Pium requisitus a fratre quemadmodum anima resisteret, et timere Deum non vult. Et respondit senex: Anima quidem vult timere Deum, sed necdum tempus est. Timor enim Domini, magna perfectio est.

2. Quidam frater a sene requisivit, dicens: Quomodo timor Dei venit in animam? Et ait senex: Si quis prius humilitatem possederit, ut neminem judicet vel condemnet, vel largitor sit eleemosynarum, et ut nihil habeat, tunc venit timor Dei in animam (*Pelag., libell. VII, num. 19*).

3. Dixit senex: Timor, et humilitas, et egestas victualium maneant in te (*Pelag., libell. I, num. 20*).

4. Frater quidam interrogavit senem, dicens: Unde est, abba, cor meum durum, et non timet Deum (*Pelag., libell. III, n. 22; Append. Mart., n. 22*)? Dixit ei senex: Puto quod si homo teneat increpationem in corde suo, possideat timorem Domini. Dixit ei frater: Quid est increpatio? Ait senex: Ut in omni re increpet homo animam suam, dicendo ei: Memor esto, quoniam oportet te Deo occurrere. Dicit autem et hic: Quid ego volui cum homine? Existimo autem quia si quis in his permanet, veniet ei timor Dei.

CAPUT XXII.

De Pœnitentia.

1. Requisivit quidam frater abbatem Pimenium, dicens: Quid est pœnitentia? Cui senex respondit: Pœnitentia peccatorum est, ulterius non peccare. Hæc enim vox ad hominem semper clamat usque ad ultimam respirationem: Hodie convertimini, ne vobis repentina mors tanquam fur superveniat.

2. Abbas Pimenius dixit cum gemitu: Omnes virtutes ingressæ sunt in cellam meam, præter unam virtutem, et ex ejus labore stat homo (*Append., Mart., n. 59*). Interrogaverunt eum fratres: Quæ est ista virtus, abba? Respondit senex: ut semper seipsum reprehendat homo.

CAPUT XXIII.

Quod per pœnitentiam uno die potest homo reconciliari Deo.

1. Quidam ex Patribus de aliquo referebat episcopo, eo quod audisset duos ex plebe sua viros esse nimis impuritatis, et adulteros (*Ruff., lib. III, n. 166*;

A Joan., libell. I, n. 16). Rogavit ergo Deum, ut si ita esset, agnosceret. Cum ergo post oblationem consecratam unusquisque ad communionem accederet, per singulorum facies intelligebat et animos. Peccatorum enim facies nigras inspiciebat ut carbones, et oculos sanguine repletos; alios vero vidit clara facie, et vestibus albis indutos. Cum autem corpus Domini suscepissent, in quorundam vultibus lumen, in quorundam vero flamma videbatur. Ut autem agnosceret de illis, quorum crimen audierat, communionem illis porrexit: et vidit unum ex illis clara facie et honorabili, albisque vestibus circumdatum; alterum vero nigrum, et horribili vultu. Et postquam divini mysterii gratiam susceperunt, unum lux quædam illuminavit, alterum autem quasi flamma succendit. Oravit

ergo episcopus Deum de singulis quæ ostensa fuerant se edoceri. Astans autem angelus Domini, dixit ad eum: Omnia quæ de istis audisti, vera sunt. Sed ille unus in sordibus suis adhuc permanet, et involuntate peccandi, ideo illum nigra facie et flamma succendi vidisti. Ille autem alter similis illi quidem erat, sicut audieras; sed ideo illum clara facie illustrari vidisti, quia recordatus eorum quæ prius fecerat, et abrenuntians illis malis operibus, cum lacrymis et gemitibus Dei misericordiam postulabat, promittens ut si præterita illi fuissent dimissa peccata, ulterius ad eadem non rediret; et ideo prioribus criminibus deletis, ad hanc gratiam, quam vidisti, pervenit. Cum autem episcopus de gratia Dei miraretur, eo quod non solum de tormentis tam turpis vitæ hominem liberum statuerit, sed et tanto honore decoraverit, respondit angelus: Bene miraris, homo enim es. Nam Dominus noster ac vester, naturaliter bonus et humanus est cessantibus a peccatis, et pœnitentibus in confessione: quia non solum tormenta dimittit, sed et honore efficit dignos. Sic enim Deus dilexit homines, ut Unigenitum suum daret pro peccatoribus, et pro ipsis ad mortem destinaret (*Joan. III*). Qui ergo, cum inimici ejus essent, mori pro ipsis elegit, quanto magis miseretur eorum cum illius proprii sint? Hoc ergo scias, quod nulla peccata hominum Dei bonitatem vincunt, si tantummodo per pœnitentiam unusquisque quæ prius fecerat abolverit mala. Misericors enim est Deus, et infirmitatem generis humani scit, et passionum fortitudinem, et diaboli virtutem vel malitiam, et cadentibus quidem hominibus in peccatum, tanquam filiis indulgens, exspectat emendationem; pœnitentibus vero tanquam languidis compatitur et miseretur: et mox solvens peccata eorum, justorum illis etiam præmia tribuit. Audiens autem episcopus, miratus est nimis, et glorificavit Deum, manifestans omnibus quæ facta sunt.

2. Abbas Paulus Simplex habebat hanc gratiam, ut ingredienti in ecclesiam sedens aspiciens, ex ipsa facie eorum uniuscujusque cogitationes, sive malæ, sive bonæ essent, sentiret (*Ruff., lib. III, n. 167; Pelag., libell. XVIII, num. 20*). Cum ergo aliquando venissent ad ecclesiam, vidit eos clara facie et

677 læto animo ingredi, et angelos eorum cum gaudio pariter cum ipsis. Unum autem vidit nigrum et nebulosum habentem corpus, et dæmones hinc atque inde trahentes eum ad se, misso freno in naribus ejus, et angelum sanctum ejus de longe sequentem, tristem. Beatus ergo Paulus cœpit flere amarissime et pectus suum tundere, sedens ante ecclesiam, propter eum quem talem aspexerat. Omnes autem alii senes videntes eum sic flentem, cœperunt rogare ut si quid in illis vidisset, manifestaret, aut cum illis ingrederetur in congregationem. Ille autem noluit ingredi, sed semper flebat propter eum quem sic viderat. Post paululum autem, cum absoluta congregatione discederent, iterum omnium vultum circumspiciebat, si tales egrederentur quales ingressi sunt. Et vidit illum quem ante viderat nigrum et nebulosum, egressum clara facie et candido corpore, dæmones de longe sequentes eum; sanctum autem angelum ejus prope eum, hilarem et gaudentem super eum nimis. Tunc sanctus Paulus exurgens, cum gaudio vociferabatur, benedicens Dominum, ac dicens: O quanta misericordia et benignitas Dei est, quanta ejus miseratio est! Et ascendens in altiore locum, voce magna dicebat: Venite, et videte opera Dei: venite, et videte quem admodum omnes homines salvos vult fieri, et ad agnitionem veritatis venire (1 Tim. II). Venite, adoremus eum; dicentes: Quia tu solus potes peccata dimittere. Cum autem omnes convenissent, exposuit eis Paulus quæ vidisset antequam ingrederetur in ecclesiam, et quæ postea; et petebat illum fratrem quem sic viderat, ut ei manifestaret cogitationes et actus suos, vel quemadmodum tantam commutationem illi Deus donasset. Ille vero ante omnes cœpit referre, dicens: Ego homo sum peccator, et multis temporibus semper fornicationi fui deditus; ingressus autem nunc in ecclesiam Dei, audivi verba quæ locutus est Dominus per prophetam Isaiam, dicens (Isai. I): Mundi estote, et tollite malitias de animabus vestris ante conspectum oculorum meorum. Discite benefacere, quærite iudicium, et si fuerint peccata vestra ut coccinum, ut nix dealbabuntur. Si volueritis et audieritis me, bona terræ comedetis. Ego vero fornicator compunctus in hoc sermone prophetæ, et ingemiscens intra pectus meum, dixi ad Dominum: Domine, tu es qui venisti salvare peccatores; hæc ergo quæ nunc per prophetam promisisti opera comple in me indigno et peccatore. Ecce enim amodo profiteor tibi, et promitto ex toto corde, quia ulterius hoc malum non faciam, sed renuntio omni injustitiæ, et amodo tibi servio in conscientia munda. Ab hodie ergo, Domine, et ab hac hora suscipe me pœnitentem, et adorantem te, et abrenuntiantem omnibus peccatis. Juravi et statui apud me, servare omnes justificationes tuas (Psal. cxviii) Sub hac sponsione egressus sum de ecclesia, statuens apud me nihil de prioribus peccatis ulterius facere. Quod cum audissent omnes, clamaverunt una voce ad Dominum, dicentes: Quam magna sunt

A opera tua, Domine! omnia in sapientia fecisti (Psal. ciii).

CAPUT XXIV.

Quod et in proposito pœnitentiæ si transeat homo, tamen suscipiatur.

1. Venit quidam frater ad abbatem Pimenium, dicens, quod grandem tribulationem passus esset. Dicit ei senex: Fuge de loco illo, quantum tribus diebus et tribus noctibus ambulare potes; et fac annum integrum, jejunans usque ad noctem. Cui ille: Si mortuus fuero antequam unus annus transeat, quid de me fiet? Dixit abbas Pimenius: Confido in Deum quia si tu cum tali proposito a me fueris egressus, ut hoc facias, etiam si mox mortuus fueris, cum desiderio bono suscipietur pœnitentia tua apud Deum.

B 2. Quidam frater sedebat in cella sua in Ægypto: in magna humilitate præcipuus, et habebat sororeum in civitate meretricem, quæ multis animabus perditio fuerat (Ruff., l. III, n. 217). Frequenter insultabant senes fratri illi, et vix potuerunt persuadere illi, ut veniret ad illam, quatenus per admonitionem ejus posset peccatum quod per eam fiebat evincere. Cum ergo venisset ad locum, quidam ex notis ejus videns eum, præcessit et nuntiavit illi, dicens: Ecce frater tuus venit ad te. Illa autem præ gaudio relictis amatoribus suis, quibus ministrabat, capite discooperto ad occurrendum fratri egressa est. Dum ergo tentaret eum amplecti, dixit ei: Soror mea charissima, parce animæ tuæ, quoniam propter te multi pereunt, et quemadmodum poteris sufferre amara illa et æterna tormenta? Illa autem contremiscens, dixit ad eum: Scis, frater, quia est mihi salus vel amodo? Cui ille: Si volueris, est salus. Illa autem jactans se ad pedes fratris, petebat ut eam secum duceret in desertum. Cui frater: Vade, cooperi caput tuum, et sequere me. Cui illa: Eamus. Oportet me enim deformari inter homines nudo capite deambulanti, quam in officinam peccati mei iterum ingredi. Dum vero pariter ambularent, monebat eam ad pœnitentiam. Videns autem quia quidam 678 obviarent sibi, dixit ei: Quoniam non omnes sciunt quod soror mea es, parum de via secede, donec transcant. Et post, transgressis illis, vocavit eam, et dixit: Eamus, soror, viam nostram. Illa autem non respondente, perquirens invenit eam mortuam, et vestigia pedum ejus sanguine plena, erat enim discalceata. Cum autem senibus renuntiasset factum, contendebant inter se de salute ejus. Manifestavit autem Deus uni seni de ipsa, eo quod nulla cura fuit illi in itinere de corporali usu, sed vulnus proprium neglexit, et suspiravit in tam grandi perditione, ideo pro devotione cordis ejus suscipit Deus pœnitentiam ejus.

CAPUT XXV.

De impugnatione dæmonum.

1. Quidam frater requisivit a senex, dicens: Cur abba, a dæmonibus impugnamur? Respondit senex: Quoniam arma nostra abjecimus, id est, pœniten-

tiam, humilitatem, obedientiam, et penuriam (*Ruff.*, *lib. III*, n. 173; *Pelag.*, *lib. xv*, num. 58).

2. Frater quidam abbatem Sisoium requisivit, dicens: Putas, abba, sic modo persequitur nos diabolus, sicut antiquos (*Ruff.*, *lib. III*, n. 174; *Pelag.*, *libell. xv*, num. 45)? Respondit: Magis modo homines nostræ ætatis persequitur, quia appropinquant genera pœnarum, ubi ille cum legionibus suis angustatur, dum scit stagnum, ubi in igne et sulphure arsurus erit: ideo hominibus infestatur. Nec tamen infirmos quosque dignatur appetere, quos, ubi voluerit, cito subvertit; sed fortes magis ac magnos supplantare per diversa præcipitia aggreditur.

3. Abbas Pimenius requisivit abbatem Abraham: Quemadmodum nos dæmones impugnant (*Pelag.*, *libell. x*, num. 62)? Ait senex: Dæmones nobiscum non pugnant, quia voluntates eorum facimus; sed nostræ nobis voluntates dæmones facti sunt, et tribulant nos. Unde Apostolus: Caro concupiscit adversus spiritum, spiritus autem adversus carnem, ut non quæcunque vultis, illa faciatis (*Galat. v*). Num vis scire cum quibus dæmones pugnaverunt? cum abbate Moyse, et similibus ejus; nos autem voluntates cordis nostri impugnant.

4. Quidam frater requisivit abbatem Achillem [*Al. Achilleum*]: Quemadmodum adversum nos possunt dæmones? Respondit senex: Per voluntates nostras. Et adjecit, dicens: Ligna Libani dixerunt: Quam grandia sumus et alta, et parvissimo ferramento incidimur. Nihil ergo ei demus ex nobis, et nos non poterit incidere. Venerunt ergo homines, et fecerunt in securi manubrium ex ipsis lignis, et ita inciderunt. Ligna ergo sunt animæ; securis, diabolus: manubrium, voluntas nostra est. Per malas ergo voluntates nostras incidimur.

CAPUT XXVI.

Qualiter homo in se mortificare vitia potest.

1. Quidam frater requisivit abbatem Moysen, dicens: Quomodo potest se homo mortificare? Dixit ei senex: Nisi quis arbitratus fuerit se habere jam triennium in sepulcro, ad hunc sermonem pervenire non potest (*Pelag.*, *libell. x*, n. 63).

2. Abbas Pimenius dixit: Ille monachus potest tanquam mortuus huic sæculo esse, qui duas res horruerit, id est, carnis suæ requiem et vanam gloriam.

3. Senex quidam dixit: Tunc erit monachus liber ab omnibus, cum in opere tantum intentus est bono (*Ruff.*, *lib. III*, n. 179). Quando enim bona opera exercet, veniens diabolus locum non invenit, et discedit: si autem malum opus exercet, veniens frequenter, et impugnat eum, et in deteriora subvertit.

4. Beatus Antonius monebat discipulum suum, dicens: Iorre ventrem tuum, et necessitates hujus sæculi, et concupiscentiam malam, et honorem tanquam absens de hoc sæculo; et requiem possidebis.

CAPUT XXVII.

De perseverantia.

1. Abbas Antonius dixit: Monachus si paucis die-

bus laborat, et iterum relaxatur; et rursus laborat, et inde negligit: hic nihil agit, nec patientiæ perseverantiam possidebit.

2. Dixit senex: Quid est opus incipere artificium, si non discat perficere illud? Nihil est ergo quod incipitur, et non perficitur (*Append. Mart.*, n. 102).

CAPUT XXVIII.

De labore sanctorum.

1. Quidam senex dixit: Usque tunc laboret homo, usquequo possideat Christum (*Ruff.*, *lib. III*, n. 180). Qui autem semel illum adeptus fuerit, jam non periclitatur. Permittitur tamen laborare, rememorans tribulationem laboris, undique semetipsum custodiat, timens ne tantos labores amittat. Nam et filios Israel ideo Deus per desertum quadraginta annis circumduxit, ut rememorantes viæ tribulationem, nolent redire retrorsum.

2. Quidam frater requisivit senem: Quemadmodum laborant postulantes de remissione peccatorum? Respondit senex: Antequam perveniat in eos gratia quæ operetur pro labore ipsorum, ipsi pallidi et in labore sunt; super quos vero ex priori patientia jam gratia Christi pervenit, isti florent, et exsultant animæ eorum, et facies eorum clara est sicut sol, cum nubes non habet, et lucet; quando vero sol nube cooperitur, pallescit; sic et anima, quando passionem eam et tentationes obscurant. Quæ autem per gratiam Dei mundata est, ita fulget sicut scriptum est: Magna est gloria ejus in salutari tuo (*Psal. xx*).

3. Item dixit: Quamvis laborent hic sancti viri, tamen et aliquam requiem possident, quoniam liberi sunt a cogitationibus hujus mundi.

4. Quidam frater requisivit a sene, dicens: Quemadmodum nunc laborantes in conversationibus viri, non accipiunt gratiam sicut antiqui (*Ruff.*, *lib. III*, n. 181; *Pelag.*, *libell. xvii*, num. 19)? Ait enim senex: Tunc erat charitas, et unusquisque proximum suum sursum trahebat; nunc vero postquam charitas refriguit, singuli proximos suos ad inferiora deducunt; et ideo gratiam Dei non merentur.

CAPUT XXIX.

De exhortatione doctrinæ.

1. Interroganti cuidam abbatem Pimentionem de duritia cordis, respondit senex, dicens: Natura aquæ mollis est, et lapidis dura; si autem frequenter aqua stillat super lapidem, stillando perforat illum. Sic et verbum Dei dulce et molle est, nostrum autem cor durum. Homo ergo audiens frequenter aut meditans verbum Dei, dat locum timori Dei ingredi in eum.

CAPUT XXX.

De curiositate vitanda.

1. Senex quidam dixit: Non oportet monachum requirere qualiter sit ille, aut quemadmodum ille: quia per interrogationem hujusmodi abstrahitur ab oratione, et defluit in detractiones et verboritates. Unde nihil est melius quam tacere.

2. Frater quidam requisivit a sene, dicens: Si venerit frater aliquis, sermones mihi deforis inferens

alienos, jubes ut dicam illi quatenus mihi illos non afferat? Ait senex: Nihil dicas, quia nec nos potuimus observare. Cavendum est ergo, ne forte dicentes proximo, Hoc ne facias, nos idem vel pejora postea faciamus. Cui frater: Quid ergo oportet facere? Et senex: Si voluerimus, inquit, tacere, exemplum solum sufficit proximo.

CAPUT XXXI.

De contentione vitanda.

1. Quidam senex dixit (*Ruff., lib. III, n. 185*): Si quis tecum aut de Scripturis, aut de quacunque causa locutus fuerit, ne contendas cum eo: sed si quidem bene dicit, consenti ei: si vero male, dic illi: Tu scis quomodo loquaris. Ait Apostolus: Noli contendere verbis (*II Tim. II*). Hæc observans, et humilitatem possidebis, et odium vitabis. Nam si persistas contendens, et vis defendere sermonem tuum, nascitur ipse scandalum. Frequenter ergo dum laudas alterum, fit etiam ex justificatione contentio. De quacunque autem re, si graviter contenderis, non parvam noxietatem senties, et nullo modo requiem possidebis. Magis stude custodire silentium, et de nullo esse sollicitus. Attende meditationi tuæ, cum timore Dei exurgens tam mane quam vespere, et impetum inimicorum non timebis.

CAPUT XXXII.

De silentio.

1. Beatus Antonius discipulo suo solebat dicere: Si affectaveris silentium, ne arbitreris te exercere virtutem, sed indignum te proloqui confitere.

2. Cum quidam frater abbati Sisoï dixisset: Volo animam meam salvare, respondit: Qua ratione possumus animam nostram salvare, cum lingua nostra aperto ostio sæpe prosiliat (*Pelag., libell. XI, n. 27*).

3. Quidam frater interrogavit senem, dicens: Usquequo servandum est silentium, Pater? Respondit senex: Usquequo interrogeris. In omni enim loco si taciturnus fueris, requiem possidebis (*Ruff., lib. III, n. 186*).

4. Dixit senex: Peregrinatio est tacere (*Pelag., libell. IV, num. 44, nomine Sisoï*).

5. Dixit quidam senex: Peregrinatio quæ propter Deum fit, bona est, si habuerit et silentium: nam fiducia non est peregrinatio (*Append. Mart., n. 72*).

6. Abbas Arsenius solebat dicere: Peregrinus monachus in aliena terra nullius causæ mediator accedat, et quietem poterit adipisci.

7. Abbas Ampo dicebat: Sicut apis quocunque vadit, mel operatur; ita et monachus quocunque pergit, si propter opus Dei perrexerit, dulcedinem bonorum actuum potest afferre (*Ruff., lib. III, n. 189*).

CAPUT XXXIII.

De fugiendo clericatus honorem.

1. Abbas Theodorus, cum esset in Scythi diaconus ordinatus, nullatenus permanere acquiescebat, sed multis locis fugiebat. Et iterum senes reducebant eum, dicentes: Ne derelinquas locum tuum. Quibus ille ait: Permittite me deprecari Deum, si me jubet

ministrare loco meo. Et oravit sic: Domine, si voluntas tua est, ut in ordinatione mea persistam, ostende mihi. Et ostensa est illi columna ignea, a terra usque ad cælum pertingens, et vox ad eum: Theodore, si potes fieri sicut columna ista, vade et ministra. Sufficit quod levitis et sacerdotibus per Moysen dictum est, ut mundo corde et corpore, innoxiiis manibus et vestimento mundissimo, pro filiis Israel offerrent sacrificia. Quod ille audiens ultra nullatenus acquievit. Sed cum venisset in ecclesiam, deprecabantur eum, ut si non ministraret, vel calicem teneret. Qui non acquievit, dicens: Si mihi de hac re amplius verbum feceritis, discedo hinc; et sic eum dimiserunt.

2. Abbas Isaac audiens, quia presbyterum eum Patres volebant facere in Scythi, fugit in Ægyptum; et ingressus in agrum, latuit inter herbas (*Ruff., lib. III, num. 22*). Contigit autem ut Patres, qui sequebantur eum, in eodem agro requiescerent quia jam nox erat, et dimiserunt asinum, ut pasceret. Ille autem pervenit pascendo ad locum ubi latebat abbas Isaac. Et mane facto, quærentes asinum, invenerunt et senem; et mirati sunt. Cum autem vellent eum ligare, dicit eis: Jam non fugio, quia scio ex jussione Dei esse; et quocunque fugero, ad hoc perventurus sum.

3. Abbas Motois venit aliquando de loco qui vocatur Ragita, in partibus Gebilonis (*Ruff., lib. III, n. 188; Pelag., libell. XV, num. 26*). Erat autem cum eo etiam discipulus ejus. Videns autem illum episcopus loci illius, tenens eum, invitum presbyterum fecit. Et dum pariter comederent, dicit ei episcopus: Indulge mihi, abba; scio enim quia hunc honorem nolebas, sed ego a te benedici desiderans, hoc facere præsumpsi. Cui senex pro humilitate ait: Et mea cogitatio parum volebat, sed in hoc laboro, quia dividi habeo a fratre qui mecum est, et solus non sufficio orationes meas implere. Dixitque ei episcopus: Si scis eum dignum, ordinabo et ego illum. Respondit abbas Motois: Si quidem dignus sit, nescio; unum tamen scio, quia melior est me. Ordinavit autem et illum. Uterque tamen ita permanserunt usque ad finem suum, ut ad altare, quantum ad oblationem sacrandam, nunquam accederent. Unde dicebat senex: Confido in Deum meum quia non habeo grande iudicium propter ordinationem hanc, quia oblationem offerre non præsumpsi; nam ordinatio illorum est qui sine culpa sunt, justi et immaculati: ego autem me bene cognosco.

CAPUT XXXIV.

De eremo; et quare fugerunt in solitudinem.

1. Abbas Arsenius ab abbate Marco requisitus est aliquando cur fugeret homines (*Pelag., I, XVII, n. 5*). At ille respondit: Scit Deus quia diligo homines, sed cum Deo pariter et hominibus esse non possum. Supernæ enim multitudines ac virtutes unius sunt voluntatis: homines vero et multas habent voluntates, et varias; et ob hoc Deum relinquere, et cum hominibus esse non possum,

2. Quidam fratres dum linum ex Thebaida pergerent comparare, dixerunt : Per occasionem beatum Arsenium videamus (*Ruff.*, lib. III, num. 192). Quod cum Daniel discipulus ejus ei nuntiasset, præcepit ut pro qua causa illic advenissent de Alexandria ab eis inquireret. Cum ergo nuntiasset quod propter linum pergerent comparandum, respondit Arsenius : Ergo faciem meam non videbunt, quia non propter me, sed propter suum opus advenerunt. Vade itaque, et susceptis eis fac obsequium, ac dimitte eos, dicens : Quia senex non potest vobis occurrere.

3. Abbas Besarion dum deambulet cum discipulo suo per eremum, venerunt ad quamdam speluncam (*Ruff.*, lib. III, n. 194 ; *Joann.*, lib. III, num. 1). Et ingressi ibi, invenerunt fratrem sedentem, et funiculum operantem, qui neque respexit in eos, neque salutavit eos, neque aliud locutus est eis. Dixit ergo abbas Besarion ad discipulum suum : Eamus hinc, quia non vult hic senex loqui nobiscum. Et profecti sunt ad Joannem abbatem. Cum autem reverterentur, venerunt ad eandem speluncam, et dixit abbas Besarion : Ingrediamur iterum ad hunc fratrem, si forte vel modo persuadeat illi Deus, ut loquatur nobiscum. Et cum ingressi fuissent, invenerunt eum mortuum. Et dixit discipulo suo : Veni, frater, componamus illum, quia propter eum Deus huc transmisit nos. Cum autem sepelirent eum, invenerunt quia mulier esset : et admirati sunt, et dixerunt : Quia magna misericordia Domini est, quia et mulieres colluctantur, et vincunt dæmonia. Et glorificantes Deum qui est protector omnium, ad propria redierunt, narrantes quæ viderant.

CAPUT XXXV.

Quæ sit observantia eremitæ.

1. Abbas Moyses ad solitarios solebat proferre sermonem, dicens : Quatuor sunt principalia observantia regularis, id est, tacendi, servandi mandata Dei, humiliandi semetipsum, et angustia paupertatis (*Ruff.*, lib. III, n. 196). Tres autem has virtutes homo difficile possidet, ut semper luceat, et semper suorum memor sit peccatorum, et omni hora ponat sibi præ oculis mortem.

2. Beatus Antonius solebat dicere : Patres antiqui egressi sunt in desertum, et ipsi **SS** sani effecti, facti sunt medici : et reversi, alios sanaverunt ; ex nobis autem si quem egredi contigerit in desertum, antequam ipsi sanemur, curam aliis adhibemus ; et revertitur ad nos infirmitas nostra, et fiunt ultima nostra pejora prioribus, propter quod dicitur nobis : O medice, prius tibi curam impende (*Lucæ* VI).

CAPUT XXXVI.

Qui sint similes unius meriti fratres.

1. Quidam frater interrogavit Pimenionem abbatem dicens : Qui sunt unius meriti fratres (*Pelag.*, libell. X, num. 52) ? Respondit senex : Si fuerint tres simul, unus quidem in omni verbo vel opere quiescens, alter autem infirmans et gratias agens, tertius vero cum munda conscientia illis obsequium faciens : hi tres unius meriti sunt.

2. Dixit senex : Injuriari, aut mentiri, aut perjurare, alienum a Christo est. Per has quatuor res anima maculatur, id est, si amicitiam quis cum potentibus habuerit, concupiscentiis carnalibus studens ; vel si de proximo suo detraxerit ; aut si per civitatem ambulans, oculos suos non custodierit ; et si quamcunque notitiam cum muliere habuerit.

3. Beatus Arsenius referebat quod cum in propria cella resideret, vocem sibi audiret dicentem ut egredere foras propter opera manuum contemplanda (*Ruff.*, lib. II, num. 38 ; *Pelag.*, libell. XVIII, num. 2). Et egressus, vidit hominem quemdam aquam de puteo haurientem, atque in vas perforatum mittentem, et aqua egrediens, refundebatur in puteum. Et iterum parum progressus, vidit Æthiopem ex lignis a se concisis sarcinam facientem. Quam cum tentasset, et importabilem sensisset, alia iterum ligna super ea congegit. Similiterque tertans, cum nec movere potuisset, tamen alia addere ligna non destitit. Et iterum progressus Arsenius, vidit ante portam civitatis duos juvenes sedentes in equis : qui lignum transversum portantes, ingredi non poterant civitatem. Lignum enim, quod ab eis portabatur, non eos permittebat intrare, et sequi vel humiliare alteri alter non volebat, et ita foris civitatem uterque remanserunt. Ille vero, qui hoc sancto Arsenio in spiritu ostendebat, dixit ei : Hic, quem prius vidisti aquam de puteo haurire, et de vase perforato rursus in puteum fundere, similitudo est hominis facientis eleemosynam, qui bonum opus imitatur efficere : sed quia in aliis operibus sæpe committit iniquitatem, propter hæc mala illud parum boni se coinquinans, perdit. Ille autem, quem vidisti ligna concidere, et gravem sarcinam addidisse, facereque graviore, homo est in peccatis plurimis constitutus, qui post penitentiam aliud super peccatis suis onus augmentat. Hi vero quos, transverso ligno renitente, civitatem non posse ingredi conspexisti, sunt qui jugum miserabile videntur ferre superbiam, et alteri se humiliare noluerunt, ut per hoc emendati, viam Christi humilem sequerentur ; atque ideo extra regnum Dei tam hi quam illi remanserunt.

4. Interrogavit frater abbatem Sisoium, dicens : Dimissa est mihi hæreditas a parentibus meis ; quid faciam de illa ? Respondit senex : Si dixeris, Da illam in ecclesiam clericis, illi epulantur ex ipsa. Si dixeris, Da illam consanguineis tuis, nullam habebis mercedem. Si ergo vis implere mandatum divinum, da hanc pauperibus et egenis, et perfectus eris (*Pelag.*, libell. X, n. 56, nomine Pastoris ; *Append. Mart.*, n. 7).

CAPUT XXXVII.

Temporalis profectus derelinquendus est propter amorem charitatis.

1. Abbas Sisoius dixit : Cum fuissem aliquando in mercato, et sportellas meas fratri venderem, videns quia iracundia approximabat mihi, dimisi vascula mea fugiens (*Append. Mart.*, n. 11).

2. Dixit abbas Joannes : Ascenderam aliquando per viam eremi in Scythi, texens plectam ; et audivi ca-

melarium loquentem sermones vanos, et ne forte irascerer, dimisi plectam meam, et fugi (*Append. Mart., n. 12*).

3. Interrogavit frater abbatem Pimenium, dicens : Quid est quod Dominus dixit : Majorem charitatem nemo habet, quam ut animam suam ponat quis pro amicis suis (*Joan., xv*) ? quomodo hoc facit ? Respondit senex : Si quis audit verbum malum a proximo suo, et dum possit similia respondere, pugnat tamen in corde suo portare laborem, et vim sibi facit, ne respondeat malum, ut contristet illum ; iste talis animam suam ponit pro amico suo (*Ruff., lib. III, n. 201. Pelag., libell. XVII, num. 10; Append. Mart., n. 14*).

4. Abbas Macarius dixit : Si reminiscimur malorum quæ ab hominibus patimur, perdimus memoriæ virtutem. Item dixit : Si autem recolimus malorum quæ nobis a dæmonibus mittuntur, sine perturbatione erimus, scientes quod ab initio bona Deus creavit, diabolus vero mala superseminavit. En sunt perditiones innumeræ (*Pelag., libell. x, num. 34; Append. Mart., n. 15*). Et addidit, dicens : Culpa est monachi, si læsus a fratribus, primus in charitate purgato corde non occurrit (*Joan., libell. I, n. 7; Append. Mart., n. 16*). Nam Sunamitis non meruisset recipere Elisæum prophetam in domum suam, nisi quia cum nullo alio habuit causam. Sunamitis enim in persona est animæ, Elisæus vero in persona Spiritus sancti ☩☩☩ figuratus ; quia nisi pura sit anima, non meretur suscipere Spiritum Dei. Ita ira inveterata excæcat oculos cordis, et animam excludit ab oratione.

CAPUT XXXVIII.

Quid lamentatio vel paupertas, quæ fit propter Deum, operetur.

1. Sanctum Antonium requisivit frater, dicens : Quid faciam pro peccatis meis ? Respondit : Qui vult liberari a peccatis, fletu et planctu liberabitur ab eis ; et qui vult ædificari in virtutibus, per fletum lacrymarum ædificatur. Ipsa laudatio psalmodum planctus est. Memento exemplum Ezechie regis Judæ, sicut scriptum est per Isaiam prophetam (*Isai. xxxviii*), qui flendo non solum sanitatem recepit, sed etiam per quindecim annos augmentum vitæ promeruit, et supervenientem hostis exercitum, videlicet centum et octoginta quinque millium, per lacrymarum ejus rigationem, virtus Domini in mortem prostravit. Sanctus Petrus apostolus flendo recepit quod in Christum negando commiserat. Maria, quia cum lacrymis rigavit pedes Domini, meruit audire se optimam partem elegisse. Ipse timor Domini sanctus permanens in sæculum sæculi.

2. Beatus Macarius dixit : In veritate, si facta est monacho despectio quasi laus, paupertas sicut divitiæ, inopia sicut epulæ, nunquam moritur (*Append. Mart., n. 23*). Impossibile est bene credentem, et pie colentem Deum, cadere in passionem immundam et in errorem dæmonum.

CAPUT XXXIX.

In hac vita homo requiem invenire non potest.

1. Abbatem Sisoium requisivit frater : Post quan-

tum tempus debet homo a se abscindere passiones (*Append. Mart., n. 23*) ? Respondit : Scriptum est in Evangelio : Quia peccatores Deus non audit ; sed qui cultor Dei est, et voluntatem ejus facit (*Joan. ix*). Ideo cum venerit impugnatio, abscide illam, quia fragilis est anima ; ante armetur quam a peccatis inquinetur.

2. Abbatem Pimenium interrogavit frater : Quid faciam, quia conturbant me cogitationes sedentem in cella ? Respondit : Neminem despicias, nullum dijudices, de nullo male loquaris ; et Deus dabit tibi requiem, et statuet sessionem tuam sine conturbatione (*Ruff., lib. III, n. 100; Pelag., libell. IX, n. 8; Append. Mart., n. 39*). Custodiam enim seniorum, et quietem ipsorum considera. Meditare in divinis officiis, et scias horas canonicas die ac nocte. Timor Domini non discedat a corde tuo : et non glories, neque te aestimes cum justis, et ex omni virtute tua custodi, ut non facias propriam voluntatem.

3. Idem dixit : Sicut ad succensam ollam muscæ non appropinquant ; si vero tepida fuerit, insidunt in eam, et faciunt vermes ; ita et monachum succensum igne divini Spiritus, dæmones fugiunt ; tepidum vero illudunt et insequuntur (*Ruff., lib. III, n. 204; Append. Mart., n. 42*).

CAPUT XL.

Unde vitia oriuntur.

1. Sanctum Antonium requisivit frater : Quomodo Deus repromittit bona animæ per assiduitatem Scripturarum, et non vult anima in bonis permanere, sed declinat ad transitoria, caduca, et immunda ? Respondit : Ad hoc jungitur quod Psalmista ait : Iniquitatem si conspexi in corde meo, non exaudiet Deus (*Psal. I xv*). Ignoras quod cum venter plenus fuerit esca, statim ebulliunt magna vitia, quæ Salvator noster per Evangelium prædixit : Non coinquinat, quod in os intrat, animam hominis ; sed de corde exeunt, quæ in interitum demergunt hominem (*Matth. xv*). Vide quid dixerit primum : Cogitationes malæ, homicidia, adulteria, fornicationes, furta, falsa testimonia, et blasphemie. Quia qui necdum gustavit dulcedinem cælestium, ut ex toto corde exquirat Deum, ideo ad immunda revertitur. Quis poterit recte dicere ? Ut jumentum factus sum apud te, et ego semper tecum (*Psal. lxxxii*).

CAPUT XLI.

Qualiter virtutes obtinere oportet.

1. Quemdam senem requisivit frater, dicens : Doce me, Pater (*Append. Mart., n. 46*). Et dixit ei : Vade, ama tibi ipse vim facere. Evagina gladium tuum, et exi in bellum. Dixit ei frater : Non me permittunt cogitationes. Respondit senex : Scriptum est : Invoca me in die tribulationis tuæ : eripiam te, et glorificabis me. Invoca ergo Deum, et eripiet te [*Psal. lxxx*].

2. Perrexerunt duo fratres ad unum senem sanctum in Scythi sedentem singularem ; dixitque unus ex illis : Abba, omne Vetus et Novum Testamentum memoriter didici [*Pelag., libell. x, n. 91*]. Dicit ei senex : Implesti aerem verbis. Et alter dixit : Ego et

Vetus et Novum Testamentum totum scripsi, et penes me habeo. Et huic respondit : Et tu implesti fenestras tuas chartis. An ignoratis qui dixit : Regnum Dei non est in sermone, sed in virtute (*I Cor. iv*) ? Et iterum : Non auditores legis justi sunt apud Deum, sed factores legis justificabuntur (*Rom. ii*). Inquirebant ergo ab eo viam salutis. Ille autem dixit eis : Initium sapientiæ timor Domini (*Psal. cx*), et humilitas cum patientia. Omnibus his insertis utentibus, pauca sufficiunt.

CAPUT XLII.

Quomodo in cœnobiis vivendum sit.

1. Cum quidam adolescens frater abbatem Agathonem requireret, dicens : Volo permanere cum fratribus ; dic mihi quomodo habitem cum ipsis ? Respondit ei senex : Observa præ omnibus hoc, ut qualis primo die ingrederis apud ipsos, talis reliquum peragas tempus, et cum quiete adimplebis peregrinationem tuam (*Ruff., lib. III, n. 198 ; Pelag., libell. x, num. 8*). Custodi enim, ne quando fiduciam loquendi assumes, dicente Apostolo : Nemo militans Christo, implicat se negotiis sæcularibus (*II Tim. ii*).

2. Item dixit Agathon : Si habitas cum proximo, esto sicut columna lapidea, quæ si injuriatur, non irascitur ; si glorificatur, non extollitur (*Append. Martin., num. 10*).

2. Abbas Pimenius abbatem Nesteronem sedentem in cœnobio requisivit, dicens : Unde adeptus es hanc virtutem, frater, ut quotiescunque tribulatio contigit in cœnobio, neque loquaris, neque mediator accedas (*Pelag., libell. xv, num. 30*) ? Et cum nollet dicere, postea compulsus a sene, dixit : Indulge mihi, abba, quia in principio quando ingressus sum, dixi cogitationi meæ : Ecce tu et hic asinus estis pares. Sicut enim hic asinus vapulat, et non loquitur ; injuriatur, et nihil respondet ; ita ergo esto et tu, nam sic dicit et psalmus : Ut jumentum factus sum apud te, et ego semper tecum (*Psal. LXXII*).

4. Cum aliquando gens Mazicorum in Scythi superveniens¹, multos ex Patribus occidisset, abbas Pimenius una cum alio Patre seniore, nomine Anub, et cum aliis quinque Patribus fugiens inde, venit ad locum qui dicitur Terenthuthi ; et invenerunt ibi templum antiquum desertum, et manserunt in eo hi septem pariter, donec cognoscerent ubi unusquisque in Ægypto mansurus esset. Decreverunt autem inter se, dicentes : Septimana hac unusquisque requiescat apud se, et alter ad alterum non loquatur. Cum autem id facerent, erat in templo illo statua cujusdam idoli. Abbas ergo Anub exurgens, mane lapidabat eam in facie ; et vespere veniens, dicebat ad eam : Peccavi, indulge mihi. Et sic fecit per totam hebdomadam. Die autem Sabbati, cum venissent pariter, dixit ei abbas Pimenius : Quid voluisti hac tota hebdomada facere, ut homo fidelis diceres idolo, Indulge mihi. Dixit ei senex Anub : Hoc ego propter vos feci ; dicite mihi, nunquid quando hoc idolum

¹ *Ruff., lib. III, n. 199, pene ad verbum ; Pelag., libell. xv, num. 11.*

lapidabam, locutum est aut iratum ? aut quando indulgentiam petebam, nunquid exaltavit se aut gloriatum est ? Cui abbas Pimenius respondit : Non utique. Tunc dixit senex : Fratres ecce septem sumus, si vultis ergo pariter manere, ut lucrum animæ faciamus, sit idolum nobis istud in exemplum, ne quando injuriatur aliquis, irascatur ; ne quando ab eo venia petitur, gloriatur, aut extollatur ; si autem ita non vultis, unusquisque vadat quo vult. At illi projicientes se in terram, sponponderunt se ita facturos : et sic permanserunt per multos annos, cum magna humilitate et abstinentia, unum ex ipsis facientes dispensatorem. Et erat eis perfectio, et unum desiderium ; et quidquid positum esset in mensa, reficiebantur, nullo dicente : Affer nobis illud : aut, Istud nolo comedere. Quatuor siquidem horas dormiebant in nocte, et quatuor psallebant, et quatuor operabantur. In die vero per intervalla horarum officiis divinis insistebant, operantes et legentes, et fundentes folia palmarum, usque ad horam nonam. Post hoc vero victum sibi præparabant, colligentes quasdam herbas terræ.

CAPUT XLIII.

Quæ sit observantia spiritualis disciplinæ.

1. Quidam frater (*Append. Mart., n. 106*) requisivit sanctum Serapionem abbatem, habentem sub regimine suo decem millia monachorum, dicens : Alii fratres de cœnobio elegerunt me, ut ego illis præcipiam ; ostende mihi quomodo jubes ? Respondit Serapion : Durum est meum fortasse imperium. Nam Dominus noster Jesus Christus per Evangelium suum instruit, dicens : Si diligitis me, mandata mea servate (*Joan. xiv*). Et cum discipuli de primatu inter se disceptarent, quis eorum esset senior, ait ad eos : Si quis voluerit inter vos major fieri, erit vester minister, et quicumque voluerit in vobis prior esse, erit omnium servus (*Marc. x*). Petrus apostolus, in epistola sua, monet pastores : Pascite qui in vobis est gregem Dei, providentes, non coacte, sed voluntarie secundum Deum ; nec turpis lucri gratia, sed forma estote gregis ; et cum apparuerit princeps pastorum, percipietis immarcescibilem gloriæ coronam (*I Pet. v*). Ita facito prius quod præcipis, ut non tantum illis præcepta, sed formulam præbeas, ut tua imitentur exempla. Ne sis mercenarius, sed pastor ovium, quia Salvator noster beatum dixit, quem constituit super familiam suam, ut det illis cibum in tempore (*Matth. xxiv*).

2. Interrogavit abbas Moyses abbatem Silvanum, dicens : Potest homo per singulos dies apprehendere conversationis initium ? Respondit : Oportet enim apprehendere unumquemque aliquid ex omnibus (*Append. Mart., n. 108*). Surgens mane, sumat initium sapientiæ : in omni virtute, et in omni mandato Dei, in magna patientia, et longanimitate, et charitate Dei, cum humilitate animæ et corporis, in multa sustentatione et commoratione cellæ, in ora-

tione et deprecatione, cum gemitu, cum puritate A cordis et oculorum, et custodia linguæ ac sermonum, in abrenuntiatione rerum materialium, desideriorum carnis, cruciationem habentes in certamine, in continentia spiritali et agone pugnae, in poenitentia et luctu, in simplicitate animæ et taciturnitate, in jejuniis et vigiliis nocturnis, in operatione manuum, secundum quod dicit apostolus Paulus, operantes manibus vestris, in fame et siti, in frigore et nuditate, in laboribus et angustiis et persecutionibus, in foveis et speluncis et cavernis (II Cor. xi). Esto factor verbi, et non auditor tantum (Jac. i), operans talentum in duplum, habens vestem nuptialem, firmatus supra firmam petram.

Eleemosyna et fides non te derelinquant ¹. Cogitans esto, omni die mortem vicinam esse : et quasi jam clausus in monumento, nihil de hoc sæculo curas, quia sollicitudo sæculi et cupiditas divitiarum, hæc sunt spinæ, quas Dominus cavere dixit in Evangelio, quæ bonum semen suffocant (Luc. viii). Inedia escarum, humilitas et luctus non recedant a te, quia Dominus dissipat ossa hominum sibi placentium. Timor omni hora permaneat in te, sicut scriptum est : Propter timorem tuum, Domine, in utero concepimus, et peperimus spiritum salutis (Isaiæ xxvi). Hæc ergo, et si qua alia virtus est, in his prospice ; et ne te mesures cum magnis, aut justum te aestimes ; sed te crede inferiorem esse totius creaturæ, id est, viliores quovis homine peccatore. Qui se existimat aliquid esse, cum nihil sit, ipse se seducit (Galat. vi). Non dijudices proximum, neque despicias aliena delinquentium, sed tua plange peccata, et de nullius hominis actu sollicitus sis. Esto mansuetus spiritu, et non iracundus. Nihil in corde tuo, neque odium, neque contra inimicum aliquid sine causa habeas : neque despicias eum in tribulatione ejus, neque reddas malum pro malo, sed esto pacificus cum omnibus : hoc est vinculum perfectionis. Non te credas malum facienti, neque congauideas ei qui fecit proximo suo malum. Non detrahas aliis quia Deus iudex et testis est in omnibus. Ne oderis aliquem propter peccatum ejus, quia scriptum est : Nolite judicare, ut non judicemini (Matth. vii). Dum alium arguis, vide ne pejora committas. Non despicias peccantem, sed ora pro illo, ut Deus illi det conversionem ad poenitentiam ; et si audieris D aliquo quod agat iniqua, responde dicens : Nunquid ego horum sum iudex ? homo sum peccator, mortuus sum peccatis meis. Mortuus enim causam non habet curare pro aliquo. Qui hæc omnia procurat et cogitat, operarius est omnis justitiæ, dum de Christo redemptore nostro propheta denuntiet, dicens : Ego autem sum vermis, et non homo (Psal. cxi). Et alius propheta Habacuc dicit : Lapis de pariete clamavit, et scarabeus de ligno loquitur (Habac. ii) ; nos vero dum in multis extollimur, in multis supplantamur. Qui vero hæc custodit, vivit sub gratia et virtute Domini nostri Jesu Christi.

¹ Ruff., lib. iii, n. 206 ; Pelag., libell. x, n. 63, nomine Moysis ; Append. Mart., num. 108.

CAPUT XLIV.

De meditationibus (5) duodecim anachoretarum.

Anachoretæ aliquando sapientes, sancti et spirituales, duodecim numero, congregati in idipsum, expetierunt a semetipsis, dicere unumquemque quæ emendaverit in cella sua, et quam meditationem meditatus sit spiritaliter.

1. Et dixit primus, qui et senior eorum : Ego, fratres, ex quo cœpi quiescere, totum crucifixi me ipsum his quæ extrinsecus sunt actionibus, reminiscens quod scriptum est : Dirumpamus vincula eorum, et projiciamus a nobis jugum ipsorum (Psal. ii). Et velut murum faciens inter animum et corporales actus, dixi in mente mea : Quemadmodum is qui intra murum est, stantem foris non videt ; sic nec tu velis exteriores actus aspicere, sed te ipsum intuere, sustinens quotidie spem Dei. Sic autem habeto malignas cogitationes aut malas concupiscentias, sicut serpentis et scorpionum prolem. Si quando autem eas in corde meo nasci sensero, attendens illas cum comminatione et ira arefacio eas ; nec unquam cesso, irascens corpori et menti meæ, ne quid pravum faciat.

2. Secundus ait : Ego dixi, ex quo renuntiavi terræ : Hodie renatus es, hodie cœpisti servire Deo, hodie hic inhabitare cœpisti : sic esto quotidie peregrinus, et crastino liberandus. Hoc mihi quotidie consulebam.

3. Tertius dixit : Ego diluculo ascendo ad Deum meum ; et adorans illum, jacto me in faciem meam, confitendo culpas meas ; et sic descendens, adoro angelos Dei, rogans illos supplicare Deo pro me, et omnem creaturam. Et cum ista adimplevero, vado ad abyssum ; et quid Judæi faciunt, Jerosolymis euntes, concidentem se, et lacrymantes ac lugentes casum patrum suorum, hoc ego circuiens et expectans, propria membra tormentis subdo, et cum plorantibus ploro.

4. Quartus ait : Ego sic sum, ac si in monte Olivarum sedens cum Domino et discipulis ~~685~~ ejus. Et dixi mihi : Nullum agnoscas secundum carnem, sed cum his esto semper cœlestis conversationis imitator, sicut bona Maria Magdalena ad pedes Jesu sedens, et verba ejus audiens. Efficiamini sancti et perfecti sicut et Pater vester qui in cœlis est (Matth. v). Et, Discite a me, quia mitis sum et humilis corde (Matth. xi).

5. Quintus ait : Ego angelos aspicio, ascendentes et descendentes ad vocationem animarum, et semper finem meum opperior, dicens : Paratum cor meum Deo, paratum cor meum (Psal. cvii).

6. Dixit sextus : Ego per dies singulos statui verba mea audiri a Domino, putans mihi dici : Laborate propter me, et ego quiescere faciam vos. Adhuc modicum decertate, et videbitis salutare meum et gloriam meam. Si diligitis me, si filii mei estis, ad Patrem rogantes revertimini. Si fratres mei estis, erubescite pro me, quemadmodum propter vos multa

perpessus sum. Si oves meæ estis, Dominicam pas-
sionem sequimini.

7. Septimus ait : Ego ista assidue meditor, et sine
intermissione colloquor mihi, fidem, spem et chari-
tatem ; ut spe quidem gaudeam, dilectione vero ne-
minem aliquando contristem, et fide corroborem.

8. Octavus ait : Ego volentem diabolum exspecto,
quærentem quem devoret. Et ubicunque ierit, ex-
specto illum interioribus oculis meis, et Dominum
Deum adversus illum interpello. ut sine effectu ma-
neat, et in nullo prævaleat, maxime in timentibus
Deum.

9. Nonus ait : Ego quotidie ecclesiam intellectua-
lium virtutum exspecto, Dominum gloriæ in medio
carum video super omnes splendentem. Quando
autem abscedam ab eo, ascendo in cælum, exspe-
ctans admirandas pulchritudines angelorum, et
quos emittunt hymnos incessabiliter Deo, et dulces
eorum cantilenas ; differorque sonis ac vocibus et
suavitate, ut libeat reminisci quod scriptum est :
Cæli enarrant gloriam Dei, et opera manuum ejus
annuntiant firmamentum (*Psal. xviii*). Et omnia quæ
super terram sunt, sicut cinerem et stercora opinor.

10. Decimus ait : Ego angelum meum assistentem
mihi juxta me exspecto : et custodio memetipsum,
quod scriptum est reminiscens : Providebam Domi-
num in conspectu meo semper, quoniam a dextris
est mihi, ne commovear (*Psal. xv*). Timeo igitur
eum, ut custodientem vias meas, et quotidie ascen-
dentem ad Deum, et insinuantem actus meos et
verba.

11. Undecimus ait : Ego personam imponens vir-
tutibus, veluti si abstinentiæ, castitati, benignitati,
dilectioni, in meipsum steti ; et circumdans mihi
illas, et ubicunque iero, dico mihi ipsi : ubi sunt
sequaces tuæ ? Ne pusillanimis sis, ne deficias, ha-
bens juxta te ea semper. Quæcunque libent, loquere
de virtute, ut post mortem testificentur de te coram
Deo, quia invenerunt requiem in te.

ROSWEYDI NOTATIO.

¶ Pauca hoc libro notanda sunt cum ex an-
teditis lux afulgeat.

(1) *Lebetone*.] Pelagius, libello VIII, num. 18, habet
sacco. Vide Onomasticon.

(2) *Eulogius*.] Eadem historia sensu eodem apud
Pallad., cap. 26, quem Hervetus Latinam reddidit.
Dissentit ab eo Paschasius in quorundam vocabulo-
rum translatione, uti et vetus Palladii interpres.
Ecce locum unum, sed insignem, num. 4.

(3) *Scholasticus*.] Varia hujus vocis significatio.
Fere pro advocato vel declamatore accipitur. Vide
Onomasticon.

(4) *Fugitive, qui propriam domum devorasti, fu-
ratusque es alienam substantiam*.] Vetus Palladii in-
terpres : « Multa mala commisisti, fugitive forsitan
domini tui, alienas pecunias furatus es. » Hervetus,
recentior Palladii interpres : « Abi hinc, scelerate
fugitive, suffuratus es alienas pecunias, et dominum
spoliasti. » Quæ Meursius in Glossario suo ex Græco
ms. sic repræsentat : Σγάτα, γλοῦττον, φαγοκύρι, ἀλ-
λότρια χρήματα ἐκλεψας. Qui tamen unica dictione et
per x legit σκατογλοῦττων : vultque Palladio σκατο-
γλοῦττων idem esse quod σκατοφάγος Aristophani, id
est, *stercorimanducus*. Eidem Meursio φαγοκύρις est

12. Duodecimus ait : Vos quidem, Patres, cœ-
lestem habentes conversationem, cœlestem et sa-
pientiam possidetis. Nihil mirum. Elevatos vos ope-
ribus video, et superiora sectantes. Quid dicam ?
Virtute enim etiam transpositi estis terram, vosmet-
ipsos ex toto alienantes ab ea. Quid dicam ? Vos
terrenos angelos et cœlestes homines dicens, non
peccaverim. Ego vero me his indignum judicans, vi-
deo quod peccata mea, ubicunque iero, præcedunt
me semper ad dexteram et ad sinistram : in infernum
vero adjudicavi meipsum, dicens : Esto cum his
quibus dignus es, istis post modicum annumeraberis.
Video igitur ibi pares gemitus et incessabiles lacry-
mas, quæ a nullo referri queunt. Aspicio quosdam
stridentes dentibus, et salientes toto corpore, et tre-
mentes a capite usque ad pedes. Et jactans me super
terram, et amplectens cinerem, deprecor Deum,
nunquam casuum me illorum experimenta accipere.
Video et mare ignis bullientis immensibile, et cir-
cumflentes et mugientes, ut putent aliqui usque ad
cœlos attingere fluctus ignis, et in tremendo illo mari
innumerabiles homines dejectos ab agrestibus : et
una voce omnes illos clamantes et ululantes simul,
quales nemo super terram ululatus et voces unquam
audierat, et sicut arentia omnis virgulti cremare,
misericordia autem Dei avertente se ab illis propter
injustitias eorum. Et tunc lamento genus hominum,
quod audeat loqui vel cuilibet attendere, tantis mun-
do repositis malis. Et in his teneo mentem meam,
luctum meditando, quod ait Dominus, indignum me
cœlo et terra judicans, reputansque quod scriptum
est : Factæ sunt mihi lacrymæ meæ panes die ac
nocte (*Psal. xli*).

Hæc sapientium et spiritualium responsa Patrum.
Et veniat et in nos digna memoria, ut narrationem
conversationis opere ostendere possimus, ut facti
invituperabiles, et perfecti, et irreprehensibiles,
placeamus Salvatori nostro. Cui est honor et gloria
in sæcula sæculorum. Amen.

dominus helluo. Non potius, *domini helluo*, si is sensus
placet; quod Herveto *dominum spoliasti* ? Paschasius
etiam videtur legisse φαγοκύρις, sed alio sensu; nam
vertit, *propriam domum devorasti*. Quare illi φαγοκύρις
est, quasi κυρτων φάγος; *propriarum rerum devorator*. Et
facilis a suarum rerum dilapidatione ad furtum gra-
dus est, quare et rite hæc conjunguntur, *sua devo-
rasse, et aliena furatum esse*. Vetus Palladii interpres
legisse videtur φαγοκύρις : vertit enim, *fugitive domini
tui*. Quod idem Meursius ex σγάτα, γλοῦττον, facit
σκατογλοῦττων, nondum probare possum : potius
dixerim esse ea duo verba probrosa, etsi nunc non
ita cognita.

(5) *De meditationibus*.] Quia in tempore ex Augu-
stana Bibliotheca, promptissime submittente Davide
Hæschelio, hoc ipsum caput Græce expressum ac-
cepi, juvat hic subnectere :

Διήγησις ἰς πατέρων, ἐπὶ τὸ αὐτὸ συνελθόντων περὶ τῶν
οἰκείων κατορθωμάτων.

Ἀναχωρηταὶ ποτε σοφοὶ καὶ πνευματικοὶ, δώδεκα τὸν
ἀοιθμόν, συναχθέντες ἐπὶ τὸ αὐτὸ, ἀπήτησαν ἑαυτοῦς,
εἰπεῖν ἕκαστον ὃ κατώρθωσεν ἐν τῷ κελίῳ αὐτοῦ, καὶ
πολὴν ἄσκησιν ἤσκησε καὶ πνευματικὴν ἀρετήν.

Καὶ εἶπεν ὁ πρῶτος, ὁ καὶ πρεσβύτερος ἐξ αὐτῶν· Ἄ « Ἐγὼ, ἀδελφοί, ἀφ' οὗ ἤρξαμην ἠσυχάζειν, ὅλον ἐσταύρωσα ἑμαυτὸν τοῖς πράγμασιν, ἐνοῶν τὸ γεγραμμένον (Psal. II, 3), Διαρρήξωμεν τοὺς δεσμούς αὐτῶν, καὶ ἀπορρίψωμεν ἀφ' ἡμῶν τὸν ζυγὸν αὐτῶν. Καὶ τεγὼς ὡσπερ ποιήσας ἀνά μέσον τῆς ψυχῆς μου καὶ τῶν σωματικῶν πραγμάτων, εἶπον ἐν τῇ διανοίᾳ μου, Ὅτι ὡσπερ ὁ ἔσω τοῦ τείλους οὐγ' ὄρα τὸν ἔξω ἐστῶτα, οὕτω μηδὲ συ θελήσης ὄραν τὰ τῶν ἐκτὸς πράγματα, ἀλλὰ ἄ σαυτῷ πρόσχε, ἐκδεχόμενος τῆν ἐλπίδα τοῦ Θεοῦ σου. Οὕτω δὲ ἔχων τὰς πονηρὰς ἐπιθυμίας, ὡς ὄφεις καὶ γεννήματα ἰχθύνων, ὅταν αἰσθῶμαι ἐν τῇ καρδίᾳ μου φουμένας ταύτας, προσέχων αὐταῖς μετὰ ἀπειλῆς καὶ ὀργῆς, καὶ ζηραίνω αὐτάς, καὶ οὐκ ἐπαυσαίμην ποτὲ ὀργιζόμενος τῷ σωματί μου καὶ τῇ ψυχῇ μου, ἵνα μηδὲν φαῦλον ποιήσωσιν. »

β'. Ὁ δεύτερος λέγει· « Ἐγὼ εἶπον ἑμαυτῷ ἀφ' οὗ ἀπεταξάμην τῇ γῆ, Ὅτι σήμερον ἀνεγεννήθης, σήμερον ἐνταῦθα παροικεῖν ἤρξω. Οὗτος ἔσο καθ' ἐκάστην, ὡς ἔξενος, καὶ αὐριον ἀπαλαττόμενος. Καὶ τοῦτο ἑμαυτῷ καθ' ἐκάστην συμβουλεύω. »

γ'. Ὁ τρίτος· « Ἐγὼ ἀπὸ πρῶτας ἀνέρχομαι πρὸς τὸν Κύριόν μου, καὶ προσκυνῶντας αὐτῷ, βίπτω ἑμαυτὸν ἐπὶ πρόσωπόν μου, ἐξομολογούμενος τὰ παραπτώματά μου. Καὶ οὕτω καταβαίνω προσκυνῶν τούς Ἀγγέλους τοῦ Θεοῦ εὐχθεῖν ὑπὲρ ἐμοῦ καὶ πάσης τῆς κτίσεως. Καὶ ὅτ' ἂν τοῦτο ἐπιτελέσω, κατέρχομαι ἐν τῇ ἀβύσσῳ. Καὶ ὡσπερ οἱ Ἰουδαῖοι ποτε, ἐπὶ Σοδόμοις καὶ Γομόρροις ἀπιόντες, καὶ περισχιζόμενοι, καὶ θαυρόντες ἐπὶ τῇ συμφορᾷ τῶν πατέρων αὐτῶν, οὕτω κἀγὼ περιέρχομαι τὰς κολάσεις, καὶ θεωρῶ τὰ ἴδια μέλη βασανιζόμενα, καὶ κλαίω μετὰ κλαυθύνων. »

δ'. Ὁ δὲ τέταρτος· ἔφη· « Ἐγὼ οὕτως εἰμι ὡς ἐν τῷ ὄρει τῶν ἑλαίων καθήμενος, μετὰ τοῦ Κυρίου καὶ τῶν Ἀποστόλων αὐτοῦ, καὶ εἶπον ἑμαυτῷ· Ἄπο τοῦ νῦν μηδένα γίνωσκε κατὰ σάρκα· ἀλλὰ μετ' αὐτῶν ἔσο διὰ παντός τὸν ζῆλον αὐτῶν καὶ τὴν πολιτείαν μιμούμενος, ὡς ἡ καλὴ Μαρία παρὰ τοὺς πόδας τοῦ Κυρίου καθήμενη, καὶ τῶν λόγων αὐτοῦ ἀκούουσα· Γίνεσθε ἅγιοι, ὅτι ἐγὼ ἅγιός εἰμι· (I Pet. I, 16)· γίνεσθε οἰκτιρόμενος, ὡς ὁ Πατὴρ ἡμῶν ὁ ἐν τοῖς οὐρανοῖς (Lucæ VI, 36)· γίνεσθε τέλειοι, ὡς ὁ Πατὴρ ἡμῶν ὁ ἐν τοῖς οὐρανοῖς (Matth. V, 48)· καὶ, Μάθετε ἀπ' ἐμοῦ, ὅτι πρῶτός εἰμι καὶ ταπεινός τῇ καρδίᾳ (Matth. XI, 29). »

στ'. Ὁ δὲ πέμπτος εἶπεν· « Ἐγὼ τοὺς Ἀγγέλους θεωρῶ πάσαις ὥραις ἀνερχομένους καὶ κατέρχομένους εἰς τὴν κλῆσιν τῶν ψυχῶν· καὶ διὰ παντός τὸ τέλος προσδοκῶν, λέγω· Ἐτοιμὴ ἡ καρδία μου, ὁ Θεός. »

στ'. Ὁ ἕκτος λέγει· « Ἐγὼ καθημέραν νομίζω τούτους τοὺς λόγους ἀκούειν παρὰ τοῦ Κυρίου· Κάμετε δι' ἐμέ, κἀγὼ ἀναπαύσω ὑμᾶς. Ἐτι μικρὸν αγωνίασθε, καὶ ὄψεσθε τὸ σωτήριόν μου καὶ τὴν δόξαν μου. Εἰ ἀγαπήτέ με, τὰς ἐντολάς μου τηρήσατε (Joan. XVI, 15). Εἰ τέκνα μου ἐστέ, ὡς πατέρα καλοῦντα αἰσγύνθητέ με, ὡς πολλὰ ὑπομειναντα δι' ὑμᾶς. Εἰ πρόβατά μου ἐστέ, τῆς φωνῆς τοῦ ποιμένος ἀκούσατε (Joan. X, 27). Εἰ δούλοι μου ἐστέ, τοὺς δεσποτικούς ἀκολουθήσατε παθήμασιν. »

ζ'. Ὁ ἑβδομὸς εἶπεν· « Ἐγὼ τὰ τρία ταῦτα συνεχῶς μελετῶ, καὶ ἀδιαλείπτως ἐπιλέγω ἑμαυτῷ, ἐλπίς, πίστις ἀγάπη, ἵνα τῇ μὲν ἐλπίδι χαίρω, τῇ δὲ πίστει στηριζώμαι, τῇ δὲ ἀγάπῃ μηδένα λυπήσω ποτέ. »

η'. Ὁ ὄγδοος· ἔφη· « Ἐγὼ πέ... [Ἰσ., πέσοντα] μὲν τὸν διάβολον θεωρῶ, καὶ ὅτου δ' ἂν ἀπέλθω, θεωρῶ αὐτὸν τοὺς ἔσωθεν ὀφθαλμοῖς, καὶ τῷ δεσπότη Θεῷ ἐντυγχάνω κατ' αὐτοῦ, ἵνα ἄπρακτος μείνῃ, καὶ ἐν μηδενὶ ἰσχύσῃ, καὶ μάλιστα κατὰ τῶν φοβουμένων τὸν Κύριον. »

θ'. Ὁ ἕνατος· ἔφη· « Ἐγὼ καθ' ἡμέραν τὴν ἐκκλησίαν τῶν ὁσίων θεωρῶ, καὶ τὸν Κύριον τῆς δόξης ἐν μέσῳ αὐτῶν ὑπὲρ πάντας λάμπαντα· ὅταν δὲ ἀκηδιάσω, ἀνέρχομαι εἰς τοὺς οὐρανοὺς, καὶ θεωρῶ τὰ κάλλιστα τάγματα τῶν Ἀγγέλων, καὶ τοὺς ἄγγελους, οὓς ἀναπέμπουσιν ἀπαύστως τῷ Θεῷ, καὶ τὰς μελωδίας καὶ μετεωρίζονται ὑπὲρ τῶν φθόγγων καὶ τῶν φωνῶν, ὡς ἐνοήσῃαι τὸ γεγραμμένον· Οἱ οὐρανοὶ διηγούνται δόξαν Θεοῦ (Psal. XVIII, 2), καὶ Πάντα τὰ ἐπὶ τῆς γῆς σποδὸν καὶ σκόβαλα ἠγοῦμαι. »

Δeut. xv, 9, in quam Moysis præceptionem exstat homilia Basil. Magni.

ι'. Ὁ δέκατος εἶπε· « Διόλου ἐγὼ τὸν Ἄγγελον τὸν παραμένοντά μοι θεωρῶ πλήσιον, καὶ τῆρῷ ἑμαυτὸν ἐνοῶν τὸ γεγραμμένον· Πρωουράω τὸν Κύριον ἐνωπίον μου διὰ παντός· ὅτι ἐκ δεξιῶν μου ἐστίν, ἵνα μὴ σαλευθῶ (Psal. XV, 8). Φοβοῦμαι οὖν αὐτὸν, ὡς τηροῦντά μου τὰς ὁδοὺς, καὶ καθ' ἐκάστην ἀνερχόμενον πρὸς τὸν Θεόν, καὶ ἐμφανιζοντά μοι τὰ ἔργα καὶ τοὺς λόγους. »

ια'. Ὁ ἐνδέκατος· ἔφη· « Ἐγὼ πρόσωπον ἐπιθείς ταῖς ἀρεταῖς, οἷον τὴν ἐγκρατείαν, τὴν σωφροσύνην, τὴν μακροθυμίαν, τὴν ἀγάπην, εἰς ἑμαυτὸν ἔστησα, κυκλώσας μου αὐτάς. Ὅπου δ' ἂν ἀπέλθω, λέγω· Ποῦ εἰσὶν οἱ παιδαγωγοί σου; μὴ ὀλιγωρίας, μὴ ἀκηδιάσης, ἔχων αὐτάς ἐγγὺς σου διὰ παντός· οἳα θέλεις ὀμίλει περὶ ἀρετῆς, ἵνα μετὰ θανάτῳ σου μαρτυρήσωσιν ὑπὲρ σου τῷ Θεῷ, ὡς εὐφρασαι ἀνάπαυσιν ἐν σοί. »

ιβ'. Ὁ δωδέκατος· ἔφη· « Ὑμεῖς μὲν, πατέρες, οὐράνιον ἔχοντες πολιτείαν, οὐράνια καὶ τὰ φρονήματα κέκτησθε· καὶ οὐδὲν θαυμαστόν· ἀπρητισμένους γὰρ ὑμᾶς ὄρω τοῖς ἔργοις, καὶ τὰ ἄνω διώκοντας. Καὶ, τί εἶπω; καὶ ταῖς διανοίαις ἐπαίρεσθε· τῇ γὰρ δυνάμει μετατίθεσθε ἀπὸ τῆς

γῆς, οἱ ἑαυτοὺς παντελῶς ἀπαλαττόσαντες ἐξ αὐτῆς. Τί εἶπω ὑμᾶς; ἐπιγέλοις ἀγγέλοις, καὶ οὐρανοῖς ἀνθρώποις, καὶ οὐκ ἂν ἀμάροτοι· ἐγὼ δὲ εἶ ἐμαυτὸν τοῦ τοιούτου κρίνω ἀνάξιον· ὅπου δ' ἂν ἀπέλθω ἢ περιστραφῶ, ἔμπροσθέν μου καθορῶ προλαμβανούσας τὰς ἀμαρτίας μου, καὶ ὄρω αἰεὶ δεξιὰ καὶ ἀριστερὰ ἐν τοῖς καταθρονοῖς ἑαυτὸν καταδικάσας λέγω· Ἐσο μετὰ τούτων, ἂν εἰ ἄξιος, ἐν τούτοις γὰρ μικρὸν ὕστερον καταλογοισθήσῃ· θεωρῶ οὖν ἐκεῖ, πατέρες, οἰμώγας, οἰμώγας ἀπαυστα, ἀ οὐδεὶς δύναται διηγῆσασθαι. Θεωρῶ τινὰς βρῦγοντας τοὺς ὀδόντας, καὶ παλλομένους ὄλω τῷ σώματι, καὶ τρέμοντας ἀπὸ κεφαλῆς ἕως ποδῶν. καὶ βίψας ἑμαυτὸν ἐπὶ τῆς γῆς, καὶ σποδὸν καταπασάμενος, ἱκετεύω τὸν Θεόν, τῶν συμφορῶν ἐκείνων πέτρων μὴ λαβεῖν. Βλέπω δὲ καὶ θάλασσαν πυρός, καχλάζουσαν ἀμετρήτως, καὶ διαφυσῶσαν, καὶ μυκωμένην· ὡς νομίσαι τινὰ ἕως τοῦ οὐρανοῦ φθάνειν τὰ μυκήματα τοῦ πυρός; καὶ ἐν τῇ φοβερᾷ ἐκείνῃ θαλάσῃ ἀναριθμήτους ἀνθρώπους ἐβριμμένους ὑπὸ φοβερῶν καὶ ἀγρίων ἀγγέλων, καὶ μὲ φωνῇ πάντας βοῶντας, καὶ ὀλοῦζοντας ὁμοῦ, οἳα οὐδεὶς ἔκκουσεν ἐπὶ γῆς ὀλογυγὰς καὶ φωνᾶς· καὶ ὡσπερ φρύγανον πάντας καιόμενους· καὶ τοὺς οἰκτιρμούς τοῦ Θεοῦ ἀποστρεφόμενους ἀπ' αὐτῶν, διὰ τὰς ἀνομίας αὐτῶν. Καὶ τότε θρηγῶ τὸ γένος τῶν ἀνθρώπων, πῶς τολμᾷ καὶ λαλῆσαι λόγον, ἢ προσχεῖν τινὶ τοσούτων κακῶν ἀποκειμένων τῷ κόσμῳ καὶ ἐν τούτοις μου κρατῶν τὴν διάνοιαν, τὸ πένθος ἀσπῶ, ὃ εἶπεν ὁ Κύριος, ἀνάξιον καὶ τοῦ οὐρανοῦ καὶ τῆς γῆς ἑμαυτὸν κρίνας, λογιζόμενος τὸ γεγραμμένον, Ἐγενήθη μοι τὰ δάκρυα μου ἄρτος ἡμέρας καὶ νυκτός (Psal. XLI, 4). »

Ταῦτα τῶν σοφῶν καὶ πνευματικῶν πατέρων, καὶ τῶν ὄντως ζητούντων τὸν Κύριον, τὰ ἀποφθέγματα· γένοιτο δὲ καὶ ἡμᾶς ἀξίαν μνήμης καὶ διηγῆσεως πολιτείαν δέξασθαι· ἵνα γενόμενοι ἀμειμπτοὶ, καὶ τέλειοι, καὶ ἀνεπίληπτοι, εὐαρεστήσωμεν τῷ Θεῷ, ᾧ ἡ δόξα εἰς τοὺς αἰῶνας, ἀμήν.

Quæ Latine non exhibeo, quia a Paschasio hic Latine expressa habes, et promptum cuique ea cum Latino conferre textu. Utinam plures viri docti, si quæ ad Vitas Patrum eremitarum facientia Græce habeant, vel publico donent, vel suppeditent, ut interpretum fides appareat, et sua historię constet auctoritas.

Adverte me hujus libri non nisi duo Mss. nactum exemplaria, quæ tamen non omnino conveniebant in capitibus et numeris, nec inter se, nec cum Editis. In altero eorum vetustissimo, hoc præterea caput ante caput 5 interserebatur :

De vilitate vestium.

« Abbas Agathon dispensabat semetipsum, et in omnibus cum discretionē pollebat, tam in opere manuum suarum quam vestimento. Talibus enim vestibus utebatur, ut nec satis bonæ, nec satis malæ cuiquam apparerent. Dicebat autem discipulis suis:

Vestis quoque sit monachi quæ nuditatem et frigorem repellat, non inditi coloris, qua in jactantia elationis, aut in vanitate anima fluctuetur. »
 Correxerat hic sciolus quidam *indici* pro *inditi*.
 Sed rectum, *inditi*, id est ascititii.
 Adverte etiam, pleraque quæ cum Ruffino Paschasius habet communia, iisdem fere verbis apud Ruffinum et Paschasium haberi.

DE VITIS PATRUM LIBER OCTAVUS,

SIVE

HISTORIA LAUSIACA, AUCTORE PALLADIO, HELENOPOLEOS EPISCOPO. INTERPRETE GENTIANO HERVETO.

IN PALLADII LIBRUM PRÆLUDIA,

ET DE EODEM LIBRO ELOGIA.

Lectori.

¶ Quod libro primo et secundo præstitimus, ut auctorum, quorum potiores in iis libris partes erant, peregrinationes sub unum aspectum ex Annalibus illustrissimi cardinalis Baronii exhiberemus, idem hic præstare conabimur. Accipe igitur Palladii peregrinationem, per annos et loca aliquo modo generatim digestam. Nam reliqua minuta et particulares conventus in ipsius textu leges. Subjuncti et Melaniæ junioris varias profectiones, ad lucem Palladii, qui obiter tantum quædam de ejus itinere insinuat. De Melania seniore, cujus etiam Palladius meminit, habes fuse supra in præludiis ad librum secundum, cum de Ruffini, qui ejus libri vel auctor, vel interpret est, peregrinatione egimus, quem Melaniæ lateri comitem hæsisse, et peregrinationis ejus fuisse socium, statuit Baronius.

PEREGRINATIO

PALLADII, HELENOPOLEOS EPISCOPI.

Profectio Ægyptiaca.

Anno Christi 388. Baron., t. IV, ad eum an. —

¶ Hoc eodem anno [Christi 388, Siricii papæ 4, Valentiniani 13, Theodosii 10 imp.], sub consulatu videlicet Theodosii secundo, Palladius Galata, ut ipse testatur (*Pallad., in Lausiaca., cap. 1*), Alexandriam petiit: qui tum ex iis quæ ibi eremum Ægypti peragratus vidit, tum ab aliis audivit, scripsit postea commentarium ad Lausum præfectum; quam ob causam eundem librum interdum Lausiaca (a) appellarunt, cui et titulus ille præfixus alicubi reperitur, ut Paradisus Heraclidis (b) nominetur. Mansit hic in eremo cum Evagrion Pontico aliquot annis (de triennio ibi confecto ipse meminit (*Pallad., cap. 12*). Porro Evagrii Pontici consuetudine, Origenis erroribus imbutus est.

PATROL. LXXIII.

B Mirati sumus (c) aliquem dubitare num hic Palladius idem sit cum illo quem fuisse natione Galatam et professione Origenistam sanctus Hieronymus tradit; cum idem ipse Palladius eo commentario id profiteatur his verbis (*Pallad., cap. 22*): « Respondi me esse peregrinum, et de Galatiæ partibus venire, et unum ex Evagrii fratribus esse confessus sum. » Hæc ipse. Porro ambos, Palladium scilicet et Evagrium, Origenis erroribus fuisse corruptos, non obscure tum Hieronymus tum etiam Epiphanius affirmarunt.

Palladius igitur Evagrion inherens, ejusdem quoque morbi contagione contabuit; de quo Hieronymus adversus Pelagianos agens, hæc habet: « Palladius, servilis nequitiae, eandem hæresim instaurare conatus est, et novam translationis Hebraicæ mihi calumniam struere: num et illius ingenio nobilitatque invidimus? nunc quoque mysterium iniquitatis operatur (*Hieron., proœm. advers. Pelag.*), » etc. Ob

quam etiam causam sanctus Epiphanius eundem A stari, et omnes qui ejusdem dogmatis erant, ut eos in Palestina ista docentem deplorans, ait : « Palladium vero Galatam, qui quondam nobis charus fuit, et nunc misericordia Dei indiget, cave ; quia Origenis hæresim prædicat et docet, ne forte aliquos de populo tibi credito ad perversitatem sui inducat erroris (Apud Hieron., *epist.* 60). » Hæc ipse scribens ad Joannem Jerosolymitanum episcopum, cum idem Palladius jam deseruisset eremum Nitriæ, et morbi causa, ut ipse testatur (*Pallad., in Lausiaca., cap.* 22), abiisset in Palæstinam ; ubi aliquandiu moratus hæreses docebat Origenis, quem cavendum Epiphanius Joannem ejus loci episcopum quam primum admonuit. Cum vero Origenistarum nullum alium nominet, nisi Palladium, certe, et si alii essent eadem labe conspersi, tamen non alium quam ipsum id muneris B subiisse ut Origenis deliramenta doceret, satis apparet. Quamobrem Origenistam illum, quem sanctam Paulam tentasse Hieronymus scribit, neminem certe præter Palladium tunc in Palæstina morantem fuisse conspicio, de quo ista in ejusdem Paulo epitaphio habet (*Hier., epistola* 27) : « Tangam ergo breviter, quo modo hæreticorum cænosos devitaverit lacus, et eos instar habuerit ethnicorum. Quidam veterator callidus, atque, ut sibi videbatur, doctus et sciolus, me nesciente cœpit ei proponere quæstiones, et dicere : Quid peccavit infans, ut a dæmone corripiatur? In qua ætate resurrecturi sumus? si in ipsa qua morimur, ergo nutricibus post resurrectionem opus erit ; si in altera, nequaquam erit resurrectio mortuorum, sed transformatio in alios. Diversitas quoque sexus maris et feminae erit, aut non erit? Si erit, sequentur 690 et nuptiæ, et concubitus, sed et generatio ; si non erit, sublata diversitate sexus, eadem corpora non resurgunt ; *aggravat enim terrena inhabitatio sensum multa cogitantem* (*Sap.* ix) ; sed tenuia erunt, et spiritualia, dicente Apostolo : *Seminatur corpus animale, surget corpus spirituale* (*I Cor.* xv). Ex quibus omnibus probare cupiebat rationales creaturas ob quædam vitia et antiqua peccata in corpora esse delapsas, et pro diversitate et meritis peccatorum, tali vel tali conditione generari, ut vel corporum sanitate gauderent, et parentum divitiis ac nobilitate, vel in morbidas carnes et domos inopum venientes, pœnas pristinorum luerent delictorum, et præsentī sæculo atque corporibus quasi carcere clauderentur.

« Quod cum audisset, et ad me retulisset, indicans hominem ; mihi que incubuisset necessitas nequissimæ viperæ ac mortiferæ bestię resistendi, de quibus Psalmista commemorat, dicens : *Ne tradas bestiis animas confitentium tibi* (*Psal.* Lxxv) ; et *Increpa, Domine, bestias calami, quæ scribentes iniquitatem, loquuntur contra Dominum mendacium, et elevat in excelsum os suum* (*Psal.* Lxv) ; conveni hominem, et orationibus ejus, quam decipere nitebatur, brevī interrogatione conclusi, dicens, » etc. Refert disputationem tunc cum eo habitam, atque ad postremum addit : « Ex quo die ita cœpit Paula hominem dete-

voce publica hostes Domini proclamaret. » Hæc Hieronymus. Sic igitur a sancto Hieronymo confutatus Palladius, in ipsum stylum convertit, atque primum hæc de Paula adversus eundem sanctum Hieronymum in suo commentario ad Lausum effutiit : « Multas feminas vidi, plurimasque tam viduas quam virgines novi, inter quas Paulam Romanam, matrem Toxotii, feminam ad genus vitæ, quod est secundum spiritum, dexterrimo ingenio : cui quidem, quo minus ei se daret, impedimento fuit Hieronymus quidam genere Dalmata, qui mulierem optima indole ad genus vitæ perfectum, cum in eo multos, ne dicam omnes, longissimo post se intervallo videretur posse relinquere, ipse invidia motus ad suum peculiare vivendi institutum pertraxit. Ejus filia nomine Eustochium in Bethlehem vitam adhuc monachalem exercet : quam quidem ego nunquam allocutus sum ; cæterum fertur insigni esse pudicitia, et regere societatem virginum quinquaginta (*Pallad., in Lausiaca. cap.* 29). » Hæc Palladius : mansisse autem ipsum in Palæstina saltem usque ad annum trecentessimum nonagesimum secundum, inferius dicemus ex epistola Epiphani ad Joannem.

Profectio in Bithyniam.

Anno Christi 392. Baron., t. IV. ad an. Christi 388. — At quid postea de Palladio? Accidit quidem ut recedens e Palæstina in Bithyniam, catholici hominis personam induerit, et inter Catholicos consuescens, postea in Joannis Chrysostomi episcopi Constantinopolitani seamicitiam insinuarit. Et unde hoc, inquires, de consuetudine cum Joanne accepisti? Ex eo potissimum, quod favit eidem Joanni Chrysostomo ; cui quidem non communionem catholica tantummodo conjunctus, sed et eidem fuit tolerantia malorum propinquus ; nam quæ ob ejusdem Joannis defensionem passus est, his verbis ipse declarat : « De Palæstina autem ad provinciam Bithyniam veni, in qua nescio quo modo, utrum studio hominum, an voluntate divina (hoc Deus novit) episcopus ultra meritum meum factus sum. In qua tempestatis illius, quæ sub sancto Joanne commota est, interfui malis, et per decem menses in obscurissima cellula occultatus cœpi illius sancti dicta reminisci (*Pallad., in Lausiaca., c.* 22), » etc.

Profectio in Asiam.

Anno Christi 400, Baron., t. V. ad eum annum. — Anno Christi 400, Anastasii papæ 3, Arcadii et Honorii imp. 6, synodus est habita Constantinopolitana episcoporum in causa Asianorum episcoporum, cum Antonini episcopi Ephesini causa examinata est, et 691 Palladius cum duobus aliis in Asiam destinatus (*Pallad. in Dial.*) De qua re ita Palladius, vel quisquis auctor, in dialogo de rebus Joannis Chrysostomi : « Consilioque synodi præsentis habito, quosdam ex præsentibus episcopis in Asiam mittit ad testes interrogandos. Tres enim ex omnibus electi sunt, Syncretius Metropolitanus, Hesychius Opariensis, et Palladius Helenopolitanus. His dederat syno-

Adus in mandatis ut qui intra duos menses non occurrisset Hypæpæ Asiæ civitatis ad sua tuenda jura, quod vicini essent et qui arguebantur, et episcopi reliqui a Syncretio sociisque judicandi, excommunicatus esset. Descenderunt igitur Smyrnam prænominati episcopi Syncretius et Palladius : Hesychius enim, quod faveret Antonino, finxit se valetudinarium. Significaveruntque continuo per litteras utrisque partibus adventum suum, ut concurrentes in memoratam civitatem, implerent quæ polliciti fuerant.

« Illi ante iudicium adventum amicitias inierant, partim persuas auro, partim jurejurando constricti. Congregati igitur in ipsa civitate, iudices ludere se posse putabant dilatione testium, quasi peregre profecti essent ob varias causas. Ad hæc iudices accusatorem rogant, intra quos dies adducturus esset testes, se expectaturos pollicentes. Ratus ille eos aeris inclementiam ferre graviter, ac per id velle discedere (eratenim fervor æstivi solis) intra quadraginta dies producturum promittit testes ; alias pœnæ canonum sua se sponte subijcit. Expectavere iudices quadraginta dies : cum ille ad inquirendum dimissus testes, omisit hoc interim, et Constantinopolim venit, illicque delituit. Ubi vero nusquam comparuit, scripsere iudices omnibus Asiæ episcopis, denuntiantes excommunicatum, sive ut desertorem, sive ut detractorem. Post hæc alios quadraginta dies persistentes, cum ille minime appareret, Constantinopolim redire. Illic invento Eusebio, ei quæ gesserat exprobrant. Rursus ille infirmitatem corporis allegans, pollicetur testes exhibiturum. »

Profectio Romana.

Anno Christi 404. *Baron. t. IV, ad annum 308, et t. V, ad an. 404.* — Quo etiam tempore, cum vigeret vehementior in eundem Chrysostomum persecutio, ex Oriente recedens, Romam se contulit ad Innocentium, a quo una cum aliis exceptus est. Et unde hæc? dices. Testatur id ipse, cum de Piniano atque ejus conjugæ Melania juniore, a quibus exceptus in urbe fuit, sermonem habens, hæc ait : « Ne nobis quidem certe, cum plurimi simul essemus, qui Romam propter beatum episcopum Joannem perrexeramus, exigua præstituerunt ; sed dum in illis partibus degeremus, officiosissimo nos susceperunt hospitio, largissimisque sumptibus, cum inde proficisceremur, honoraverunt (*Pallad., in Lausiæ., cap. 49*). » Hæc ipse.

Quando autem id acciderit (d), expressum habes in dialogo de rebus ejusdem sancti Joannis * his verbis : « Vix mensis effluxerat, cum Palladius quoque episcopus Helenopoleos (est enim Helenopolis civitas in Bithynia, de qua superius) absque litteris venit, qui et ipse fugisse dicebat vesaniam principum ; expressius autem atque signantius enarravit omnia, ipsumque exemplar edicti protulit, » etc. Licet hunc, de quo agimus, Palladium diversum ab illo esse oporteat qui in eo dialogo interloquitur ; etenim tunc primum Romam se venisse dicit, cum sub Zosimo papa

A pro pace Ecclesiarum ea functus est legatione. Sed quid tandem ? ipsum foris pro tempore mutasse personam potius, quam animum impietate refertum, non leve argumentum est, quod eo libro, quem post eas turbas conscriptum ab eo constat (nam in eo meminit de Melaniæ obitu, qui contigit post urbis Romæ excidium) Origenistas complures laudavit, ipsumque Evagrium Origenis erroribus infamatum ad cælum evexit.

Palladii secundus Romam cum Cælestio in causa Pelagii hæresiarchæ adventus.

Anno Christi 417. Baron., tom. V, ad eum annum.

— 692 Quadringentesimus decimus septimus Christi annus [Innocentii papæ 16, Honorii 23, Theodosii 10, imp.] Honorio Augusto undecimum et Constantio B secundum consulibus aperitur : quo Pelagius hæresiarcha, cum accepisset non esse receptam ab Innocentio Romano pontifice purgationem suam habitam in concilio Palæstino, sed priori apud eum astrictum teneri damnatione, ut eum falleret, omnem adhibuit fallendi artem ; etenim ipse ad Innocentium papam litteras dedit, quibus profiteretur se vere esse catholicum. Dedit et alias de hoc ipso Praylius Jerosolymitanus, quibus legitime factam Pelagii purgationem significaret. Adjectum ut una cum his mitteretur Romam, qui æque esset hæresis infamatus Cælestius ejus discipulus suam causam acturus suosque accusatores ad sedis apostolicæ iudicium, quasi calumniis exagitatus, provocaturus ; quo declararet se non aliter credere quam quod catholica teneret Ecclesia.

C Quantum autem (e) opinari licet, cum his omnibus et ad hæc omnia videtur etiam legatus fuisse Palladius Galata episcopus Helenopolitanus, quem Pelagius favisse, testificatione sancti Hieronymi superius dictum est. Ipse enim Palladius in dialogo quem scripsit de rebus sancti Joannis Chrysostomi, ipso ejus exordio de se testatur venisse Romam sub Zosimo papa.

Palladius Galata ab Hieronymo impudiciæ notatus.

Baron. t. V, ad annum Christi 413. — Porro quod in eam dementia superbus iste (Pelagius) elatus fuerit, ut assereret esse hominis, vi liberi arbitrii non tantum non peccare, sed etiam non tentari, hinc ipse Hieronymus ex persona Pelagii, ejusque verbis hæc ait : « Alii clausi cellulis, et feminas non videntes, quia miseri sunt, et verba mea non audiunt, torquentur desiderii ; ego etiam, si mulierum vallor agminibus, nullam habeo concupiscentiam, de me enim dictum est : *Lapides sancti volvuntur super terram (Zachar. ix)* ; et ideo non sentio, quia liberi arbitrii potestate Christi trophæum circumfero (*Hieron., contra Pelag. l. II*) » Hujusmodi plane hæreticus visus est idem sanctus Hieronymus alibi suggillasse, dum ait : « Si nota fecissent verba mea populo meo, non blandientes eis, et adulatione perdentes, ut dicerent : Non habetis peccata, perfectam justitiam possidetis, sanctitas et pudicitia atque justitia in vobis tantummodo reperiuntur ; et ego non tradidissem eos

* Exstat tom. I Joan. Chrys., edit. Paris., col. 10.

in immunditiam et ignominiam, ut facerent quæ non A conveniunt, et sequerentur cogitationes suas pessimæ. Contemplemur hæreticos, quomodo semel desperantes salutem, gulæ se tradant et deliciis; vescantur carnibus, frequentes adeant balneas, musco fragrent, unguentis variis delibuti, quærant corporis pulchritudinem (*Hieron., in Jeremiam, lib. iv, c. 23*), etc. » Perstringens in hunc modum sanctus Hieronymus Pelagium atque Pelagianos, et haud dubium inter alios suggillat Palladium Galatam episcopum Helenopolis in Bithynia, de quo sæpe superius, cujus disertis verbis meminit in præfatione in eosdem libros adversus Pelagium scriptos, quod cum versari soleret assidue cum feminis religiosis, magna tamen jactantia gloriaretur, quod omnis esset penitus concupiscentiæ expertus. Ita quidem ipse, cum præsertim in Ægypto, visitans monachos, junctus feminis peregrinaretur. Quo nomine redargutus est etiam per epistolam 693 ab Isidoro Pelusiota, dignam illam quidem quæ hic recitetur, utpote tanti viri profuturum omnibus monumentum. Sic enim se habet (*Isidor., epist., 284, lib. II*) :

« Palladio episcopo.

« Mulierum congressus, vir optime, quantum fieri potest, fuge. Nam eos qui sacerdotii munere funguntur, sanctiores ac puriores illis esse oportet qui ad montes se contulerunt. Siquidem illi et sui, et plebis; hi autem sui duntaxat curam gerunt. Atque illi in hujusmodi dignitatis fastigio collocati sunt, omnesque vitam eorum perscrutantur et explorant; hi autem in spelunca sedent, aut sua vulnera curant, C aut vitia obtegentes, aut etiam coronas sibi ipsis textentes. Quod si etiam, ut cum illis congregiaris, necessitas aliqua te obstringat, oculos humi dejectos habe, atque ipsas quoque, quonam pacto spectandum sit, doce; non enim duntaxat docendum est quonam modo cernere oporteat, sed etiam, ut oportet, cernere. Cumque pauca quæ ipsarum animo astringere atque illustrare queant, locutus fueris, statim evola, ne forte diuturna consuetudo vires tuas emolliat et infringat, atque velut horrendum quemdam et elatum leonem nacta, comam quidem quæ leonem verè leonem efficit, regiamque dignitatem ipsi conservat, amputet; dentes autem eripiat, atque ungues (quorum adminiculo robustissimas etiam feras vincit) evellat, ac deinde deformatum ac ridiculum reddidit, animal inquam illud horrendum ac intolerandum ac vel solo rugitu montem percellens, pueris etiam se illudendum præbeat.

« Quod si a mulieribus honore affici cupis (maxime quidem hoc spiritualem virum haudquaquam decet), ut ut autem res se habeat, nihil tibi cum feminis commercii sit, ac tum ab illis honorem consequeris. Tum enim hoc præsertim nobis aderit, cum a nobis minime quæretur. Solet enim quis eos quidem a quibus colitur ac delinitur aspernari; eos autem a quibus assentatione minime demulcetur, admiratione prosequi. Ac muliebris natura huic potissimum affectui obnoxia est. Intolerandam enim se

præbet, cum quis ipsi blanditur; ac contra eos omnium maxime suspicit et admiratur, qui majore libertate præditi sunt, amplioreque auctoritate apud eas utuntur.

« Quod si te frequenter cum ipsis versari, nec ullo inde detrimento affici dixeris, id quidem fortasse mihi persuaderi sinam. At illud item velim omnibus fidem adhiberi, aquis lapides extenuari, ac rupem aquæ guttis continenter cadentibus excavari dicunt. Quorum verborum hujusmodi sensus est : Quid rupe durius fingi queat? Quid item aqua mollius, et quidem aquæ guttula? Et tamen assiduitas naturam vincit. Quod si natura, quæ ægre dimoveri potest, dimovetur, idque quod minima habebat perpetitur, qua tandem ratione voluntas, quæ facile movetur, a consuetudine non vincatur et evertatur? »

Hucusque Isidorus optima ratione et exemplo destruens quod assererent illi, voluntatem nostram sui natura posse, si velit, evitare peccatum absque gratiæ adminiculo, imo nec etiam posse tentari si nolit, quandoquidem docuit Isidorus vinci assiduitate naturam.

PEREGRINATIO

MELANIE JUNIORIS ET PINIANI MARITI CUM ALBINA MATRE.

Profectio in Siciliam.

Anno Christi 408. *Baron. t. V, ad eum annum.* — 694 Hoc item anno [Christi 408, Innocentii papæ 7, Honorii 14, Theodosii 1, imp.] qui urbis obsidionem præcessit, Melania Romana vidua, de qua sæpe superius mentio facta est, antiqui vaticiniantes annos quadringentos (ut ait Palladius) editi memor, distractis prædiis, una cum Melania nepte, Pinianoque ejusdem Melaniæ viro, et Albina nuru, evasura cum illis imminentem urbis cladem, Roma recedens, [per Siciliam], Jerosolymam se iterum contulit, ubi post dies quadraginta ex hac vita migravit. Hæc ex Palladio (*Pallad., in Lausiæ. cap. 33*). *Profectio in Africam ac primo Carthaginem et Tagastam.*

Anno Christi 409. *Baron. t. V, ad eum annum.* — Hoc ipso anno [Christi 409, Innocentii papæ 8, Honorii 15, Theodosii 2, imp.] Pinianus v. c., una cum Melania seniore, et Melania juniore conjuge, atque socru Albina junioris matre Melaniæ, cum, anno superiori, distractis bonis quæ Romæ et in Italia habebat, adnavigasset Carthaginem, ibi ex congestis pecuniis locupletans ejus Ecclesiæ pauperes, inde ad sanctum Alympium Tagastam profectus est (*Palladius, in Lausiæ. c. 9*). Ad quos omnes sanctus Augustinus, cum primum eorum adventum audisset, litteras dedit, quibus se excusat quod propter ingruentem duram hiemem, et statum Hipponensis Ecclesiæ titubantem, ad eos invisendos minime accurrere valuisset. Exstat ipsa epistola, cujus est titulus ad Albinum, Pinianum, et Melaniam (*August., epist. 227*): sed pro Albino, Albinam (f), restituendum puto, quod ejus nominis femina, ejus-

dem Piniani socrus una cum ipsis profecta est in Africam, ut tum ex Palladio, tum ex ejusdem Augustini testificatione satis apparet.

Tagastæ autem cum esset Pinianus, effusa munificentia adeo ecclesiam illam locupletavit, ut nonnullorum in ejus episcopum Alypium invidiam moverit, prout sanctus Augustinus in epistola ad eum scripta testatur, et ipsa Acta sanctæ Melaniæ his verbis fidem faciunt: « Civitas autem in qua versabantur appellabatur Tagasta: in qua erat sacrum templum et sacerdos dicendi peritus, et qui oratione multos poterat inducere ad salutem, nomine Alypius; cum quo versantes, sacra meditabantur eloquia. Templum vero in quo agebat Alypius admodum munifice et aureis ornamentis et lucidis gemmis et plurimis ditarent agrorum proventibus. Ab eis quoque sunt ædificata duo monasteria, quibus satis dedit opum atque proventuum; quorum alterum quidem habebat chorum virorum numero octoginta, alterum autem habebat virgines quæ erant numero centum et triginta (*Epist. 22; Metaph. die 31 Januarii*). » Hæc de collatis ecclesiæ Tagastensi a Piniano muneribus.

Profectio Hipponensis.

Baronius, tom. V, ad an. Christi 499. — Placuit autem Piniano una cum Melania Hipponem proficisci ad invisendum sanctum Augustinum ibi agentem episcopum. Comitatus est eos Alypius; qui et timentem Pinianum, ne cogeret ab Augustino presbyter ordinari, nunquam id eventum fore, securum reddidit: nam de ea re fidem Augustini id promittentis acceperat. Accidere namque consuevit (quod et superius, de Paulino cum egimus, dixisse meminimus) ut cum aliquis religione insignis cæteris emerit Christianis, is licet conjugatus esset, soleret interdum in ecclesia a fidelibus rapi, et tradi episcopo ordinandus, conjuge quoque pari cum viro voto continentiam profitente, ut inter alia, quod de Paulino atque Tharasia præcessit, enarratum exemplum ostendit. Pinianus itaque id fortasse subodoratus, retardabat accessum; sed Alypii promissione securus, Hipponem ad eundem sanctum Augustinum se contulit. Ubi cum esset, atque id minus exspectaretur, factum est ut dum synaxis in ecclesia haberetur, antequam catechumeni ex more dimitterentur, fidelis populus, facto impetu, Pinianum ne effugeret obsiderent, postulantes eum ordinari debere presbyterum. Quæ res Alypio fidejussori admodum displicuit; ipseque Pinianus et Albina socrus id perindigno tulerunt animo, id totum ex sententia Augustini factum existimantes: quomobrem nonnihil in eum iidem commoti sunt, atque in primis Alypius. Quomodo autem res se habuerit, sanctus Augustinus datis ad eos litteris, cum statim recessissent Hippone, Tagastamque reversi essent, significavit, cum se excusavit, atque nihil se conscio factum pluribus declaravit.

Scribens enim ad Albinam Piniani socrum, quam tamen appellare consuevit ejus matrem, ad sui de-

fensionem, prolixam satis dedit epistolam, ejus querelis et suspicionibus male conceptis in omnibus satisfaciens, cum in hæc verba exorditur (*August., epist. 225*):

« Dolorem animi tui, quem te scribis explicare non posse, consolari æquum est, non augere; ut si fieri potest, sanemus suspiciones tuas, non ut eis pro nostra causa succensendo venerandum cor tuum et Deo dicatum amplius perturbemus. Sancto fratri nostro, filio tuo Piniano nullus ab Hipponensibus mortis metus ingestus est, etiam si forte ipse tale aliquid timuit. Nam et nos metuebamus, ne ab aliquibus perditis, qui sæpe multitudini occulta conspiratione miscentur, in violentam prorumperetur audaciam, occasione seditionis inventa, quam velut justa indignatione concitaret. Sed sicut postea audire potuimus nihil tale a quoquam dictum est vel molitum; sed vere in fratrem meum Alypium multa contumeliosa et indigna clamabant: a quo tam ingenti reatu utinam per illius orationes mereantur absolvi. Ego autem post primos eorum clamores, cum eis dixissem de illo invito non ordinando, qua jam promissione detinerer; atque adjecissem quod si mea fide violata illum haberent presbyterum, me episcopum non haberent, ad nostra subsellia, relicta turba, redieram. Tum illi aliquantulum inopinata mea responsione cunctati atque turbati, velut flamma vento paululum pressa, deinde cœperunt multo ardentius excitari, existimantes fieri posse ut vel mihi extorqueretur illud non servare promissum, vel me tenente promissi fidem, ab alio episcopo ordinaretur. Dicebam ego quibus poteram, qui ad nos in apsidem honoratioris et graviores ascenderant, nec a promissi fide me posse dimoveri, nec ab alio episcopo in ecclesia mihi tradita, nisi me interrogato ac permittente, posse ordinari. Quod si permitterem a fide nihilominus deviare. Addebam etiam nihil eos velle, si ordinaretur invitus, nisi ut ordinatus abscederet. Illi hoc posse fieri non credebant.

« Multitudo vero pro gradibus constituta, horrendo et perseverantissimo clamorum fremitu in eadem voluntate persistens, incertos animi consilii que faciebat. Tunc illa in fratrem meum (Alypium scilicet) indigna clamabantur; tunc a nobis graviora timebantur. Sed quamvis tanto motu populi et tanta perturbatione Ecclesiæ permoverer, nec aliud constipationi illi dixissem, nisi eum me invitum ordinari non posse; nec sic tamen adductus sum qui et hoc promiseram non me fuisse facturum, ut aliquid ei de suscipiendo presbyterio suaderem. Quod si persuadere potuissem, non jam ordinaretur invitus. Servavi utriusque promissionis fidem, non solum illius quam jam populo patefeceram, verum etiam illius in qua uno teste, quantum ad homines attinet, detinebar. Servavi, inquam, fidem promissionis, non jurationis in tanto periculo; quod licet falso, sicut postea comperimus, metuebatur; omnibus tamen, si quid esset, communiter impendebat, et erat metus ipse communis, ac per ecclesiam in qua eramus

maxime metuens abscedere cogitabam. Sed metuendum fuit ne magis, me absente, tale aliquid facerent et reverentia minor et dolor ardentior. Deinde si cum fratre Alypio discederem per populum constipatum, cavendum fuit ne quisquam in eum manum mittere auderet. Si autem sine illo, quæ frons esset existimationis, si quid ei fortassis accideret, et viderer eum propterea deseruisse, ut furenti populo traderetur?

« Inter hos æstus meos, gravenque mœrorem et nullius consilii respirationem, ecce repente atque inopinate sanctus filius noster Pinianus mittit ad me servum Dei, qui mihi diceret eum se velle populo jurare, quod si esset ordinatus invitus, ex Africa discederet: omnino credo existimans eos, quandoquidem pejerare non posset, non jam ulterius infructuosa perseverantia clamatos, ad expellendum hinc hominem, quem saltem habere deberemus vicinum. Mihi autem, quia videbatur vehementiorem eorum dolorem post hanc jurationem fuisse metuendum, apud me tacitus habui; et quia simul petierat ut ad eum venirem, non distuli. Cum mihi dixisset hoc ipsum, continuo et illud adjunxit eidem jurationi, quod mihi, dum ad eum pergo, per alium Dei servum mandaverat, de præsentia scilicet sua, si ei clericatus sarcinam nolenti nullus imponeret. » nimirum non discessurum Hippone, si sic liber absque nexu clericatus esse sineretur.

« Hic ego in tantis angustiis, quasi aura respirante, recreatus, nihil ei respondi; sed ad fratrem Alypium gradu concitatore perrexi; eique quid dixerit, dixi. At ille (ut existimo) devitans ne quid se auctore fieret, unde vos putabat offendi: Hinc me [inquit] nemo consulat. Quo audito, ad populum tumultuantem perrexi; factoque silentio, quid promissum esset, cum promissione etiam jurationis aperui. Illi vero, qui solum ejus presbyterium cogitabant atque cupiebant, non ita ut putabam quod oblatum fuerat acceperunt; sed inter se aliquantulum mussitantes, petiverunt ut adderetur eidem promissioni atque jurationi ut si quando illi ad suscipiendum clericatum consentire placuisset, non nisi ipsa Hipponensi ecclesia consentiret. Retuli ad eum, sine dubitatione annuit. Renuntiavi illis, lætati sunt, et mox jurationem pollicitam poposcerunt. Reverti ad filium nostrum Pinianum eumque inveni fluctuantem quibusnam verbis comprehendendi posset illa cum juratione promissio, propter necessitates irruentes, quæ possent eum ut abscederet cogere. Simul etiam quid timeret ostendit, ne quis irruisset hostilis incursus, qui esset discessione vitandus. Volebat addi sancta Melania et aeris morbidus causationem, sed illius responsione reprehensa est. Ego autem dixi gravem ab illa et non contemnendam causam necessitatis ingestam, quæ cives etiam emigrare compelleret; sed si hæc populo dicerentur, timendum esse ne male nos ominari videremur; si autem sub necessitatis nomine fieret excusatio, non nisi fraudulentam necessitatem putari.

« Placuit tamen ut de hac re populi animum experiremur, et nihil aliud quam quod putaveramus inve-

nimus. Nam cum ejus verba a diacono dicta recitentur, et omnia placuissent, ubi nomen interpositæ necessitatis insonuit, continuo reclamatum est, promissioque displicuit, tumultu recrudescente, et nihil aliud quam fraude secum agi, populo existimante. Quod cum sanctus filius noster Pinianus vidisset, jussit inde auferri nomen necessitatis; rursusque ad lætitiâ populis remeavit. Et cum lassitudinem excusarem, sine me ad plebem accedere noluit, simul accessimus. Dixit ei quæ a diacono audita erant se mandasse, se jurasse, eaque se esse facturum, continuoque omnia eo tenore quo dictaverat prosecutus est. Responsum est Deo gratias, et petitum ut totum scriptum subscriberetur. Dimisimus catechumenos, continuoque scriptum subscripsit. Deinde peti cepimus nos **697** episcopi, non vocibus populi, sed tamen a populo per honestos fideles, ut nos quoque subscriberemus. At ubi cepi subscribere, sancta Melania contradixit. Miratus sum quare tam sero, quasi promissionem illam et jurationem nos, non subscribendo, facere possemus infectam. Sed tamen obtemperavi; ac sic remansit mea non plena subscriptio, nec ultræ nobis quisquam ut subscriberemus putavit instandum. » Hæc sanctus Augustinus.

Reditus Tagastam.

Baron. l. V, ad annum Christi 409.— Pinianus autem, quod quæ per vim et metum pollicitus esset, se obligatum minime teneri probe sciret, sequenti die clam una cum suis Tagastam reversus est. Quid autem tum populus Hipponensis cum rescisset, Augustinus refert in eadem epistola ad Albinam alio scripto se significasse; nam ait: « Qui autem alio die, postquam ipsum discessisse didicerunt, fuerint motus, vel linguæ hominum, quantum satis arbitratus sum, sanctitati vestræ per commonitorium intimare curavi. Quisquis itaque vobis contraria his quæ narravi forte narravit, aut mentitur, aut fallitur (*Aug., epistola 215*). » Hæc ipse.

Quod autem Albina litteris conquesta esset primum adversus Augustinum, quod ad jurandum Pinianum induxisset; quodque etiam illa suggillaret populum Hipponensem amore illectum pecuniæ virum prædavit sibi vindicare satagisse: cum ex iis ex obliquo Augustini fama impeteretur, idem Augustinus cum pro se tum pro populo eadem epistola excusationem dattexit. Et inter alia illud inculcat, se olim civem Tagastensem eandem vim ab Hipponensi populo passum esse, non alia quidem ex causa illis ad id agendum impulsis, quam pietatis, ut quem virum frugi putarent, eundem presbyterum sibi præficerent.

Sed jam ipsum audiamus: « Quomodo ergo [inquit] dicis hoc eos fecisse turpissimo appetitu pecuniæ? Primo quia ad plebem, quæ clamabat, omnino non pertinet. Sicut enim plebs Tagastensis, de his quæ consulistis Ecclesiæ Tagastensi, non habet nisi gaudium boni operis vestri; sic et Hipponensis, et cuiuslibet alterius loci, ubi de mammona iniquitatis Domini præcepta fecistis, vel estis ubicunque facturi. Non ergo populus, ut de tanto viro Ecclesiæ consule-

ret suæ, ardentissime flagitans, suum pecuniarium quæsitivum commodum a vobis, sed vestrum pecuniæ contemptum dilexit in vobis. Nam si in me dilexerunt quod audierant, paucis agellis paternis contemptis, ad Dei liberam servitatem me fuisse conversum; neque in hoc inviderunt Ecclesiæ Tagastensi, quæ carnalis patria mea est; sed cum illa clericatum mihi non imposuisset, quando potuerunt, habendum invaserunt; quanto flagrantius in nostro Piniano amare potuerunt tantam mundi hujus cupiditatem, tantas opes, tantam spem, tanta conversione superatam atque calcatam?

Ego quippe secundum multorum sensum comparantium semeptis sibi metipsis, non divitias dimisisse, sed ad divitias videor venisse. Vix enim vigesima particula res mea paterna existimari potest in comparatione prædiorum Ecclesiæ, quæ nunc ut dominus existimor possidere. » Cum e contra qui in Ecclesia Africana ad presbyteratum asciti essent, fuerint prædivites; unde subdit: « In qualibet autem maxime Africanarum Ecclesiarum, hic noster, non dico presbyter, sed episcopus sit, comparatus pristinis operibus suis, etiam si animo dominantis egerit, pauperrimus erit. Multo ergo liquidius et securus in hoc amator Christiana paupertas, in quo nulla rerum ampliorum potest putari cupiditas. Hoc accendit animos populi, hoc in illam violentiam perseverantissimi clamoris erexit. Non eos turpis cupiditatis insuper accusemus; sed magis bonum, quod ipsi non habent, saltem in aliis diligere sine crimine permittamus. » Hæc et alia plura ad excusationem ingerit Augustinus.

Sed et quod Alypius, sicut Albina, idem sentiret de Hipponensibus, eosdem nimirum amore pecuniæ vim inferre conatos esse Piniano; quodque ambo ejusdem sententiæ essent, nullius esse vigoris præstitum juramentum vi atque metu extortum; idem sanctus Augustinus, sicut ad ipsam, ita etiam ad Alypium adversus hæc ipsa litteras dedit (*Aug., epistola 124*), quibus sane apparet hæc inter eos non sine mutua offensione fuisse transacta, sed cito charitas omnem abstersit obductam ex ejusmodi altercatione rubiginem.

Profectio Jerosolymitana.

Baron., t. V. ad annum Christi 419. — Sed et illud ex eadem sancti Hieronymi epistola velim observare, ipsum non Paulæ neptis tantum nomine eisdem Augustino atque Alypio episcopis salutem impertire, sed nomine etiam Albinae, Piniani, atque Melaniæ, quos ante septem annos diximus versatos in Africa, et postea una simul venisse Jerosolymam. Ait enim (*Hieron., epistola 79*): « Sancti filii communes Albinus [Albina], Apinianus [Pinianus], et Melania plurimum vos salutant. » Hæc ibi. Verum pro Albinus, Albina, et pro Apinianus, Pinianus restituendi sunt; nisi præter Albinam matrem fuerit illis Albinus filius. Sed quando, inquires, hi Jerosolymam pervenerunt? ante triennium. Et ne putes nos agere conjectura, vel di-

vinare; habes id ipsum expresse demonstratum in rebus gestis ejusdem Melaniæ junioris, ubi cum dicatur eadem annis septem in Africa commorata, si repetas tempus ejus Roma illuc profectionis, quam accidisse diximus anno qui præcessit urbis cladem, nempe quadringentesimo nono; et ab eo tempore numeres septem illos annos, invenies utique ante triennium (ut dictum est) ipsam ac ejus socios Jerosolymam pervenisse, et una cum ea Albinam matrem Melaniæ junioris, ut ejus Acta testantur; fuisse namque hanc Albinam nomine conjugem filii Melaniæ senioris, Palladius docet (*Pallad., in Lausiaca., cap. 33*).

Ab ipso autem Jerosolymam adventu post dies quadraginta defunctam esse Melaniam seniore, Palladius tradit (*Idem c. 47*), licet de aliis nullam habeat mentionem; quos dum ait inferius (*Idem, c. 49*) vitam duxisse in Campania et Sicilia, plane ignorasse visus est ex Augustino certum reddi eosdem in Africa degisse; nescisse pariter ex sancto Hieronymo palam fieri eosdem Jerosolymam profectos esse: quæ omnia pluribus testantur Acta sanctæ Melaniæ junioris. Quin etiam ex eodem sancto Augustino constat hos cum Jerosolymam pervenissent, et Pelagium ibi agentem invenissent, ipsum admonuisse ut ea omnino damnaret quæ ab Orthodoxis adversus eum objicerentur; ipsum autem, velut eis obtemperantem, scripsisse anathematismum adversus illos errores qui ab Occidentalibus in eum objecti essent; sed quam dolose quamque veteratorie sanctus Augustinus aperuit. Sed accipe modo quid ipse de his cum Pelagio agentibus scriptis tradat: « Scripsistis mihi cum Pelagio vos egisse, ut quæcumque adversus eum dicerentur, scripto damnaret; eumque dixisse, audientibus vobis: Anathemo (*August., de Christi gratia, l. 1, cap. 4*), etc. Miserunt autem dicta a Pelagio idem Albinus [Albina], Pinianus, atque Melania ad ipsum Augustinum, qui postea sub Zozimo papa contrariis scriptis ostendit impii hæresiarchæ fallacias. Sed de his alias.

De rebus autem gestis Melaniæ junioris, ac Piniani viri ejus, ac sociorum, ejusdem Melaniæ vitæ Acta declarant: nimirum peregrinatos esse in Ægyptum ad visendos sanctos monachos eremi accolas, relicta Albina matre ob ingravescentem senectutem Jerosolymis; inde vero redeuntes Jerosolymam, seorsum a conjugem Pinianum vitam excoluisse monasticam, Melaniam vero ad annos quatuordecim apud montem Oliveti clausam in cella perseverasse, duxisseque ibi in angusto loco vitam angelis similem. Mira quidem hæc videbuntur; sed si quis legat quæ de ejusdem Melaniæ vitæ instituto, antequam Jerosolymam proficisceretur, cum adhuc in Italia ac Romæ potissimum versaretur, idem qui supra Palladius scripsit (*Pallad., in Lausiaca., cap. 49*), atque ea quæ de ejusdem vivendi ratione cum esset in Africa, eadem acta habent; summum hujusmodi monasticæ vitæ genus tum ipsam, tum

* Exstant apud Metaphrast. die 31 Jan., et Sur. t. I.

virum ejus attigisse, haud valde mirabitur, cum se ab initio penitissime Deo ambo addixissent.

Profectio Constantinopolitana.

Anno Christi 434.—Hoc eodem anno [Christi 434, Sixti papæ 3, Theodosii 27, Valentiniani 10, imp.] quo Proclus sedis Constantinopolitanæ regimen suscepit, sancta Melania junior, quæ (ut diximus) Jerosolymis monasticam vitam agebat, litteris a suo patre Volusiano Constantinopolim accersitur: quo cum venisset, ipsum Volusianum reluctantem hactenus ad Christi fidem convertit, et ut Christianus moreretur, vitamque consequeretur æternam, tum precibus ad Deum, tum verbis apud ipsum infatigabili studio egit. Sed præclara memoria dignam historiam recolamus, quam quidem Photius in sua Bibliotheca cognovit esse germanam, dum agit de legatione Volusiani, de Melania ejus nepte, et Proclo episcopo, qui Volusianum Constantinopoli baptizavit, quorum meminimus superius, dum egimus de ejusdem Volusiani edicto adversus Cœlestium Pelagianum. Verum de eo illud breviter repetendum, hunc ipsum esse Volusianum, cujus conversionis causa a matre Christiana per Marcellinum tribunum interpellatum diximus sanctum Augustinum, ut ad Christi fidem eum converteret; sed datis ea de re ultro citroque litteris, ut id faceret, ab ipso sancto Augustino persuaderi tunc minime valuit. At præstitit tandem Deus ut id vel sero tandem perficeret: qua autem occasione, ipsa sanctæ Melaniæ Acta^a simplici pedestrique stylo quidem scripta, sed vera, his verbis reserant:

« Redduntur Melaniæ litteræ ab ejus patre Volusiano, qui illo quidem tempore creatus erat præfectus Romanæ civitatis, missus vero erat legatus Byzantium ad Eudociam imperatricem. Hoc autem significabat epistola, quod jam diu illam videre desideraret. Illa vero cupiebat et ipsa quoque videre patrum, et ei persuadere ut a gentiliū desisteret opinione. Dubia autem animi, ne quid imprudens faceret, præter id quod Deo videbatur, cum aliquibus aliis monachis rem communicasset, permitterent autem illi, ut posset proficisci; egreditur Jerosolymis ipsa beata Melania, Constantinopolim versus arripiens iter. Per quamcunque autem transibat civitatem et regionem, eam quo par erat omnes prosequerentur honore et officiis. Civitatum enim sacerdotes et pontifices eam non parvo honore afficiebant; et venerandæ virgines, et quotquot erant egregii monachi, eam adorabant et salutabant, et tanquam e cœlo venientem aspiciebant.

« Cum autem venisset Chalcedonem et ad ipsum sinum maris, verebatur ingredi, et videbatur perturbata. Ventura enim in maximam civitatem mulier quæ vixerat in exercitatione, quietisque et silentii maximam curam gesserat, et non gustaverat tumultus qui sunt in civitate, merito extimescebat et refugiebat. Atque divertit quidem ubi erat templum omni ex parte benedictæ martyris Euphemie. Circa

mediam autem noctem martyr non parum ex se effudit suavissimi odoris, et voluptate replet ineffabili. Quocirca bona accepta fiducia, diluculo fretum audacter trajecit, et ingressa est Byzantium. Hospitio vero excipitur a quodam viro illustri et alioqui bono, nomine quidem Lauso (g), qui ad præposituræ honorem ascenderat.

« Invenit autem suum quoque patrum Volusianum gravi morbo oppressum; qui ejus habitum admiratus, formæque et vestitus incredibili et inopinata stupefactus mutatione (extenuatus enim admodum erat vultus ejus exercitatione), magna voce exclamavit: O qualem ex quali te video, Melania charissima! Illa vero ex ejus sermone sumpta occasione: A me quoque (inquit) disce, o beate patre, et accipe judicium futurorum bonorum. Nam nec ego tantam despiciam gloriæ habuisse, nec pecuniam, nec abiectionem curam ipsius corporis, nisi persuasum haberem me his propediem longe majora accepturam. Non autem per se solam, sed per multos quoque alios in ejus mentem sensim irrepebat beata Melania, et ejus falsam religionem studebat labefactare, sicut etiam per sapientissimum Proculum, cujus fidei tunc erat creditus sacer clavus ecclesiæ Constantinopolitanæ. Qui cum ad eum venisset, et suam beatæ Melaniæ eum ad pietatem dirigeret, is dicitur illum adeo esse admiratus, ut etiam dixerit post agnitam veritatem, quod si Roma tres haberet tales, nec illic quidem nomen unquam audiretur gentiliū. Sed hæc quidem postea.

« Postquam autem Volusianus sensit Melaniam velle imperatorem quoque ad id incitare, veritus protinus ne violentum et non voluntarium reputaretur esse baptismum, et quam ex eo esset consecuturus, ipse mercede privaretur, eam a cæpto prohibuit. Et is quidem (ut dicemus paulo post) rem a se adimplevit, et abjurata gentiliū opinione, traductus est ad Christum. Illa autem nec aliorum curam abiecit; sed cum tunc esset exorta Nestorii blasphemiam, et malignus multos in errorem adduceret etiam ex iis qui erant in verbo veritatis, ipsa erat quæ magnum adversus eum inibat certamen, et vanum et inane reddebat ejus sophisma, a mane usque ad vesperam iis respondens qui eam interrogabant, multisque ex iis qui decepti fuerant persuadens et eos reducens. Quamobrem malignus se ab ea vinci non ferens, in virum ejus conversus (nempe Pinianum) et ei apparens miserabilis, cum lugubri et nigra veste accedit ad eam, terrens et gravia minitans; et primum quidem se ipsius imperatoris et ejus famulorum commutatum et in contrarium traductum, deinde etiam ut miserabili exitu finiret vitam, procuraturum, gravissimis confecta doloribus. Illa autem hanc esse artem maligni intelligens, Christi nomen, quod gravissimam illi plagam affert, invocans, effecit ut is statim evanesceret. Deinde cum accersisset eum qui cum ipsa erat sacerdotem, et incepisset narrare ea quæ viderat et audierat; sensit repente dolorem

^a Exstant apud Metaphrast. die ultima Januar., et Sur., tom. I, eadem die.

in coxendice, eumque adeo acrem, ut vocem amiserit, et nemo dubitaverit id esse manifestum inimici insultum. Cum sic ei productus esset dolor ad sex usque dies, et illa hora maxime malum intenderetur, quæ nigrum aspexerat, et minas audierat (aderat enim dies septimus), accedit aliquis renuntians patrum Volusianum venisse in periculum ne repentina morte vitam mox finiret.

« Hoc postquam illa audivit, etsi propter dolorem coxendicis vix se posset movere, manibus et lectica protinus ad eum vecta proficiscitur. Valde enim angebatur animo, non quod ille moreretur, sed quod mortem subiret animæ, ut qui baptismi incorruptionem nondum esset assecutus. Deinde venit quidam alius, ei signifiicans Volusianum esse baptizatum et cum eam sæpe quæsitam non invenisset, sed eam morbo detineri didicisset, alium ducem rursus nactus, per illum fit filius lucis, et baptismum consequitur. Cum hæc ei dicta essent, cum dolore animæ prorsus cessavit etiam morbus corporis, et lumbus quidem carebat etiam dolore, et pes movebatur, et communis inimicus afficiebatur dedecore; adeo ut viæ reliquum per se ipsa conficeret; et qui portabant, pro eo quod prius portabant, ad Deum laudandum statim manus extendebant. Deinde cum venisset ad patrum, et verbis eum confirmasset, et de ea quæ illic est vita disseruisset, lætum et bona spe præditum transmisit ad viam quæ ducit ad Deum, cum pulcherrimo viatico, nempe pretioso Christi corpore et sanguine eum instruxisset, et sic ut tuto recederet perfecisset. Et hæc quidem hoc modo gesta sunt. »

Reditus Jerosolymam.

« Illa autem cum multos quidem dies hic transigisset, in paucis vero multis plurimum profuisset, et ante alios imperatrici et ipsi imperatori (is autem erat Theodosius), nam in majori opus habent curatione, ut quorum animi majori mundi gloria essent tumidi; cum hæc et alia plura fecisset, egreditur de civitate. » etc.

Pervenisse autem ipsam ad diem Paschatis Jerosolymam, auctor subdit, ut ☩ plane appareat, sequenti ab ejus adventu anno Domini eam Jerosolymam rediisse: cujus monitu Eudociam nonnihil profecisse, ex eo potest intelligi, quod et ad peregrinationem Jerosolymam postea suscipiendam etiam inflammasset; quando autem id contigerit, suo loco dicemus. Porro non Eudociam Augustam tantum, sed et Theodosium congressu Melaniæ esse redditum meliorem, ex rebus postea consecutis possumus opinari. Quod enim Melania catholicæ fidei zelo æstuarer, par est credere eum adversus Nestorianos concitasse, permovissetque ut Nestorii libri imperatorio vetarentur edicto: quod sequenti anno, quo ipsa recessit Constantinopoli (ut dicemus), est promulgatum. Celeberrimi quidem nominis fuisse Melaniam tum antiqua parentum nobilitate, tum etiam admirabili sanctitate, totoque factam orbi Christiano notissimam, quæ dicta sunt tum de ipsa,

tum de ejus avia Melania seniore, demonstrant. *Melania Eudociæ Jerosolymam proficiscenti occurrit.*

Hoc insuper ipso anno, qui sequens est ab Eudociæ nuptiis, Eudocia mater peregrinata est Jerosolymam voti solvendi causa, ut Socrates tradit his verbis: « Theodosius imperator deinceps (post translationem Joannis Chrysostomi corporis scilicet) preces Christo offerre, quibus gratias pro acceptis beneficiis agat, Christique nomen hoc munere obeundo eximiis honoribus decorare cœpit. Quin etiam Eudociam conjugem Jerosolymam misit. Quippe pollicitus erat illam hoc votum persoluturam, si filiam in matrimonium collocatam cerneret. Quin illa ipsa et ecclesias Jerosolymorum, et omnes alias in urbibus versus Orientem sitas, tum eo proficiscendo, tum domum redeundo, variis ornamentis honorifice illustravit (*Socrat., l. vii, cap. 46*). » Hæc Socrates. Porro persuasione quoque sanctæ Melaniæ junioris, cum illa (ut vidimus) esset Constantinopoli, hujusmodi peregrinationem Jerosolymam Eudociam suscepisse, ejus Acta testantur, in quibus hæc de Eudocia: « Interim autem dum hæc fierent, imperatrix Eudocia [Eudoxia] iverat Antiochiam. Paruerat enim Melaniæ monitis, cum ea venisset Byzantium, suadentis ut hanc susciperet peregrinationem, et veniret Jerosolymam, ut videret loca sancta, ut quæ ex eis percipitur fieret particeps sanctificationis. Cum Melania itaque ei processisset obviam, magno honore fuit affecta ab imperatrice, ut quæ eam matris loco haberet, et duabus de causis providentiæ divinæ ageret gratias, nempe quod usque adeo celebratam Jerusalem et sancta loca quæ videret digna sit habita, et quod in ea talis matris facta sit filia secundum spiritum. Signum est autem magni amoris imperatricis in Melaniam, quod non dubitaverit tantum iter agredi, et eo accedere, et quæ illic erant virgines tanquam sorores salutare et amplexari.

« Porro autem cum celebraretur novi templi dedicatio, illa quoque aderat, et festum celebrabat. Hanc autem rem bonam consecutum est quiddam dignum maligni improbitate, et boni Dei virtute. Pedem imperatricis, qui injuria dæmonis e compage erat luxatus, illa absque dolore apte et recte in suum locum restituit. Cum hæc et non pauca alia a magna Melania percepisset commoda, et se simul etiam exsatiasset spectaculis, decrevit reverti Constantinopolim; et ei quidem Melania cum tanquam bonas comites dedisset preces, ipsam dimisit (*Apud Metaphrast., die 31 Decemb.; Sur., die 31 Jan.*). » Hæc ibi, sed de Eudociæ reditu Constantinopolim agemus anno sequenti, quo contigit.

Quod vero ad Melaniam spectat, quantum supervixerit, non constat; sed illud certum est, ipsam monastica vita magna observatione perfunctam, et miracula pluribus illustratam, die, quam prænovit, Decembris ultima ad Deum migrasse, et inter sanctas relatum anniversaria memoria in Ecclesia celebratam.

DE PALLADII (h) LIBRO ELOGIA.

☩ Vide dicta supra in prolegom. generali 10,

ubi ex Socrate illustre de Palladii libro elogium at-A Joannes Damascenus, de iis qui in fide dormierunt: tulimus. Cui accedunt sequentia.

Cassiodorus, lib. viii Hist. Trip., cap. 23, ex Socrate:

Si quis autem velit scire ea quæ ipsi egerint et fecerint, et quæ ad eorum qui audierunt locuti sunt utilitatem, et quemadmodum eis obedirent bestię; a Palladio monacho scriptus est liber unus, qui Evagrii quidem erat discipulus, de iis autem omnia accurate pertractavit. In quo etiam meminit mulierum quæ par vitæ institutum cum viris prius dictis susceperunt.

Λέγω δὴ τὴν Παλλαδίου πρὸς Λαῦσον ἱστορικὴν βίβλον, ἐν ἣ τὰ κατὰ τὸν μέγαν καὶ θαυματουργὸν Μακάριον, παναληθῶς ἀναγγέλλονται θαύματα: « Adde et historicum librum Palladii ad Lausum, in quo verissime conscripta sunt miracula, quæ magnis signisque clarus Macarius operatus est. »

Nicephorus, lib. xi, cap. 44.

Palladius Evagrii discipulus Vitas Sanctorum optime disposuit.

ROSWEYDI NOTATIO.

(a) *Lausiaca.*] Ita hæc historia vocatur in Triodio, εἴτα ἀνάγνωσις εἰς τὸ Λαυσαϊκόν: Inde legitur in *Lausiaca*, quod et post ibidem occurrit. Ita autem dicta est a Lauco præposito imperii, de quo vide ad num. 7.

(b) *Paradisus Heraclidis.*] Habes hic Paradisum hunc, ut olim prodiit post omnes libros de Vitis Patrum, in appendice. Vide dicta prolegomeno generali 14.

(c) *Miratisumus.*] Existimo hic intelligi Aloysium Lipomanum, qui tomo III de Vitis Sanctorum Palladium, qui titulo Heraclidis olim Parisiis anno 1504 prodierat, secundo impressit, Venetiis, anno 1554, præmissa præfatione in libri commendationem. Sed si recte mens Lipomani percipiatur, non tam ille dubitat, an Palladius Galata hujus libri auctor sit, quam ait Hieronymum epistola ad Ctesiphontem non agere de hoc libro Palladii, sed de Evagrii (vel potius Ruffini), quod verum est. Quanquam iidem sex monachi, qui in libro Ruffini habentur, et Origenistas fuisse taxantur a sancto Hieronymo, etiam in hoc libro reperiantur. At (ait Lipomanus) his sex dimissis alios legere ne graveris. Vide prolegomenon generale ubi egimus de auctoritate horum librorum.

(d) *Quando autem id acciderit.*] Non existimo eum locum ex Palladii dialogo de rebus sancti Chrysostomi desumptum, clare facere ad Palladium nostrum Galatam. Nam etsi ille Palladius dicitur ibi, pag. 5, episcopus *Helenopoleos*, quomodo tamen post in eodem dialogo episcopus *Blenmyorum* sive *Æthiopum* dicitur? Nam, pag. 30 editionis Chrysostomi, quam citat Baronius, ita interrogat Theodorus: « Quid, quæso, de episcopis illis actum est, qui cum nostris missi sunt, Eulysio scilicet, Palladio, Cyriaco, atque Democrito [Lege, Demetrio]? » Respondet Palladius, « Cyriacum Emissenum octoginta millibus passuum Palmyram Persarum oppidum adductum esse; Eulysium vero Bostræ Arabum in castellum quod Nusphas appellatur, Sarracenis adjacens, relegatum; Palladium Blemmyorum sive Æthiopum episcopum servari prope locum qui Syene vocatur; Demetrium intus in Oasim Mazicis proximam; sunt enim et aliæ Oases. »

Atqui hi quatuor pag. 5 ibidem memorantur Romanam venisse, ubi Eulysius Apamea Bithyniæ dicitur episcopus, et Demetrius Pisinuntis, diciturque tunc secundo Romam venisse. Et pag. 6 habes Cyriacum cum Demetrio, Eulysio et Palladio, et Romanis aliquot sociis missum in Orientem a Romana Ecclesia, et ibidem habes de Romanis, qui post quatuor menses redierant: « Neque nobis edicere ultra potuerunt de beato Joanne aliquid certius, neque ubi modo sint Demetrius, Cyriacus, Eulysius, et Palladius. » Quare alteruter locus corruptus est. Si recte priori loco 303 pag. 5. Palladius ille dicitur episcopus Helenopoleos, videndum num posteriore loco, pag. 30, verba transposita sint, legendumque: « Palladium episcopum servari prope locum Blemmyorum sive Æthiopum, qui Syene vocatur. » Certe Syene circa Blemmyos et Æthiops. Hæc conjectura

mea ita demum locum habeat, si Græco aliquo Codice firmetur.

(e) *Quantum autem.*] Opinatio hæc non video quam solido fundamento nitatur, cum Palladius ille auctor dialogi de rebus sancti Chrysostomi omnino distinctus videatur a Palladio Galata. Quod et ipse Baronius paulo ante, anno Christi 404, ubi de Romana protectione Palladii Galatæ agit, agnoscit. Quare legatio hæc Palladii ad Zosimum papam intelligenda de Palladio auctore dialogi, non de Galatæ Lausiacæ scriptore.

(f) *Sed pro Albino Albinam.*] Proba Baronii divinitio intelligi hic Albinam, sed non necesse Albinam pro Albino restituere. Constat enim illo sæculo feminarum nomina etiam masculinis terminationibus quandoque elata. Sic de femina nunc Melania, nunc Melaniam, nunc Melanium apud auctores veteres occurrit. Sic apud Hieron., epist. 79, (quæ hic in Melaniæ protectione Jerosolymitana citatur). « Albinus, Pinianus et Melania plurimum vos salutant. » Nec opus corrigere vel divinare de Albino filio. Sic in Palladio, cap. 117, ubi Latine est, de sancta Melania, Græce est, Περὶ τῆς μακαρίας Μελανίου. Ita quoque capiendus sanctus Paulinus, epistola 249 ad Augustinum, quæ habetur inter Augustini epistolas: « Et nihil possum de beata hujus filii matre, et sanctorum patre radice ramorum Melanio melius aut sanctius prædicare, quam sanctitas tua in eam profari et disputare dignata est. » Nam per Melanium intelligit ipsam Melaniam, ut constat vel ex eo quod sequitur, in eam. Si enim ibi ageretur de ipsa Melania et ipsius patre Melanio, ut existimavit marginalium et indicis concinnator apud Baronium, tom. v, anno Christi 409, non in eam, sed in eos dixisset Paulinus. Et unde, quæso, constat, Melaniæ patrem dictum fuisse Melanium? Constat Marcellum vel Marcellinum dictum. Intelligit igitur per Melanium, ut dixi, ipsam Melaniam, quam matrem filii vocat, et patrem radicem sanctorum ramorum, quod plures ex ea prodierint sanctitate illustres, ut Melania neptis, et aliæ personæ.

An feminae hæc Melania, Albina, dictæ Melaniam et Albinus a virili fortitudine qua affectus omnes mundumque superarunt? qua forma Phryges ob effeminationem Phrygiæ dictæ.

(g) *Lausi.*] Vita Melaniæ junioris per Metaphrasem, 31 Januarii, de ejus Byzantii hospite: « Hospitio vero excipitur a quodam viro illustri, et alioqui bono, nomine quidem Lauso, qui ad præposituræ honorem ascenderat. » Baronius, tomo V, anno Christi 434, Sixti papæ 3, Theodosii 27, Valentiniani 49, imp. Hic ille quidem videtur esse Lausus ad quem Palladius Galatæ sua scripsit Lausiaca. Eodem enim quoque nomine Palladius eum præpositum vocat, quem et custodem imperii nominat: quænam præpositura hæc esset, idem in fine operis declarat, ubi ait, eum sacro præfectum fuisse cubiculo.

(h) *Palladio.*] Frater Joannes Maria Brasichellensis, sacri Palatii apostolici magister, in indice librorum expurgandorum hæc de Palladio notat: ut probe noscas, lector, quisnam Palladius fuerit, accipe ju-

dica Patrum de ipso. Sanctus Hieronymus, cujus in hac re iudicium probat sanctus Gelasius I. præfatione in libro adversus Pelagianos, ait : « Palladius servilis nequitæ hæresim Pelagianam instaurare conatus est. » Sanctus Epiphanius, epist. ad Joannem Hierosolymitanum, sic inquit : « Palladium vero Galatam, qui quondam nobis charus fuit, et nunc misericordia Dei indiget, cave, quia Origenis hæresim prædicat et docet, ne forte aliquos de populo tibi credito ad perversitatem sui inducat erroris. » Hæc sanctus Epiphanius. At res Palladii gestas, vafriciem et odium in sanctum Hieronymum pluribus exponunt Annales Ecclesiastici, tomo V. Ex quibus omnibus disces quæ fides adhibenda sit hæretico homini Origenistæ et Pelagiano, in his præsertim quæ de quibusdam sui similibus monachis eadem fuligine tinctis in hoc opere prodit; ac maxime verendum ne aliquos pro sanctis venditet, qui fuerunt Origenistæ, vel Pela-

giani. Sagaci conjectura suis locis in opere quosdam istius furfuris indicabimus. Ut magis autem faciem et intima Palladii introspicias, scito ipsum fuisse discipulum Evagrii Pontici Origenistæ hæretici toties ab Ecclesia damnati, de quo plura annotavimus tomo V, (Bibliothecæ Patrum) initio libri Evagrii. Hoc de se testatur Palladius in hac Lausiaca, cum ait : « Respondi me esse peregrinum, et de Galatiæ partibus venire, et unum ex Evagrii fratribus esse confessus sum. » Idem affirmarunt Socrates, lib. iv, cap. 18, et Nicephorus, lib. xi, cap. 44, ut nihil mirum sit si eodem luto errorum quo Magister tinctus Palladius fuerit. Quocirca cum hoc opus laudat Socrates et Nicephorus, ut non imus inficias multa illi inesse utilia et recta, ita certum est illos qualis Palladius fuerit non penitus perspectum habuisse. Hactenus ille.

Proemium auctoris.

704 In hoc libro scripta est, qua in virtute utebantur, exercitatio et admirabilis vitæ agendæ ratio beatorum et sanctorum Patrum qui degebant in solitudine; ut eos æmulentur ac imitentur qui cœlestem volunt vitam agere, et quæ ad regnum cœlorum deducit, viam ingredi; anuumque mulierum memoria, et inclytarum matrum a Deo inspiratarum, quæ magno et forti animo virtutis exercitationis peregræ certamina, ut exemplar proponatur, et amor excitetur iis quæ continentia ac castitatis volunt coronam redimiri, ex sententia et voluntate viri, qui est varia ac multiplici doctrina præditus, moribus pacificus, et corde pius, menteque religiosus, et in iis quæ sunt opus egentibus communicandis liberalis, et propter morum bonitatem multis viris eximiis est in summis honoribus præpositus, et omnino custoditur virtute divini Spiritus. Qui quidem nobis jussit, vel, si verum potius dicere oporteat, ad eorum quæ sunt meliora contemplationem hebes nostrum et obtusum excitavit ingenium, ut ad proponendam ad imitandum virtutum exercitationis decertationem sanctorum et immortalium et spiritualium patrum nostrorum, qui, ut Deo placerent, in dura et aspera tractatione corporis vitam egerunt, præclarorum athletarum vitam a nobis descriptam ad eum mitteremus, uniuscujusque ex magnis strenuas prædicando virtutes. Divini autem hujus et spiritualis desiderii amator est Lausus, cui post divinum auxilium mandata est custodia divinitus afflata et religiosi imperii.

Ego igitur qui et lingua sum ineruditus, et spiritalem cognitionem summis quodammodo labris attigi, et indignus sum qui recenseam catalogum spiritalem vitam agentium sanctorum Patrum, et si reformidem præcepti magnitudinem quod meas vires superat, et jussum ægre feram, quod et magnam externam sapientiam, et spiritalem requirit intelligentiam; reveritus tamen primum et ejus qui ad hoc exsequendum nos excitavit virtutem, et reputans eorum qui hæc legent utilitatem, et extimescens periculum quod essem aditurus, etsi jure parere recusarem, cum egregium primum jussum divinæ ascripsissem Providentiæ, magna que usus essem diligentia, sanctorum Patrum intercessione erectus, ad ea sum aggressus, veluti quodam compendio præclarorum athletarum et magnorum virorum summa solum certamina et signa describens.

705 Nec solummodo clarorum virorum, qui optimam ac præstantissimam ex virtute vitam egere, sed etiam beatarum mulierum quæ in excellentissimæ vitæ genere se honeste exercuere. Et aliquorum quidem ex iis sacros vultus ut ipse coram videi em sum dignatus, qui jam ante sunt consummati in certamine pietatis; aliquorum autem cœlestem vitæ institutionem didici a divinis athleticis. Multas autem urbes, et multos vicos, et speluncas, et omnia tabernacula deserti monachorum pedestri itinere obiens, diligentissime consideravi eorum pietatem ac religionem. Atque cum quæ partim quidem ipse vidi scripsissem, partim autem quæ a sanctis Patribus audivi, magnorum virorum certamina, et mulierum, quæ propter spem in Christum erant fortiores quam earum ferebat natura, hujus libri scriptis mandassem, misi ad tuas aures amicas divinatorum eloquiorum, optimorum virorum et religiosorum decus, fidelissimique et religiosi imperii splendor, germane et Christi amice serve Dei Lause, pro ea quæ mihi inest exiguitate, uniuscujusque ex Christi athleticis tam masculis quam feminis insigne nomen, exprimens, et ex multis et magnis uniuscujusque certaminibus pauca breviter exponens. Plurimorum quoque genus etiam adjiciens, et urbem, et locum mansionis.

Meminimus autem virorum et mulierum, qui ex virtute quidem vitam perfecte instituerunt, propter arrogantiam autem matrem inanem quæ vocatur gloriam, in infimum inferorum barathrum, et fundum præcipitati fuerant, et quæ longo tempore et plurimo labore sibi pepererant, amplectenda, et acerrimo studio comparanda exercitationis benefacta, uno temporis momento arrogantia et vana de se persuasionem amisserant. Gratia autem nostri Servatoris, et sanctorum Patrum providentia, et viscerum miseratione, erepti sunt a spiritualibus diaboli laqueis, et sanctorum precibus recuperaverunt priorem vitam quam agebant ex virtute.

EXEMPLAR EPISTOLÆ SCRIPTÆ AD LAUSUM PRÆPOSITUM,

AB HERACLIDE EPISCOPO ^a CAPPADOCIÆ.

Laudo magnopere tuum institutum. Par est enim ut incipiat epistola a laudatione : quod cum omnes vanis rebus inhient, et lapides ædificent, ex quibus nullam capient utilitatem, libros ædifices, et velis doceri. Solus enim universorum Deus qui nequit doceri, quandoquidem et ipse per se est, et ante se non habet alium. Alia autem omnia doceri possunt, quoniam sunt et facta et creata. Atque primi quidem ordines magistram habent summam Trinitatem, secundi autem discunt a primis, tertii autem a secundis; et sic deinceps, et per ordinem, usque ad extremos. Qui enim sunt præstantiores honore et virtute, docent eos qui sunt inferiores cognitione. Qui ergo existimant se non egere magistris, aut non parent iis qui docent in charitate, laborant morbo ignorationis, quæ est mater arrogantiae. Inter quos primas partes tenent ad interitum, qui eodem vitio exciderunt a cœlesti habitatione in aere volantes dæmones, ut qui aufugerint ab iis qui erant in cœlo magistris. Non enim dictiones aut syllabæ sunt doctrinæ, quas nonnunquam habent etiam qui sunt pessimi; sed mores recte compositi, et molestiæ et terroris metus et iræ vacuitas, et in rebus omnibus fiducia ac dicendi libertas, et quæ sermones non secus gignit quam ignis flammam, mansuetudo. Nam si ita non esset, non diceret magnus magister suis discipulis : Discite a me, quoniam mitis sum et humilis corde (*Matth.* xi). Non verborum ornatu instituens et dirigens apostolos, sed morum bonitate neminem molestia afficiens, præter eos qui verbum habent odio, et oderunt magistros. Oportet enim animam, quæ Christo convenienter **☩** exercetur, vel fideliter discere ea quæ non novit, vel aperte docere ea quæ scit. Si enim alterutrum horum nolit, laborat insania. Defectionis enim principium est doctrinæ satietas, et verbi fastidium, quod semper esurit anima ejus qui Deum diligit. Vale ergo, et sis sanus et fortis, et (quod magnum est) tibi Deus concedat cognitionem Christi.

EXEMPLAR EPISTOLÆ SCRIPTÆ AD LAUSUM PRÆPOSITUM,

A PALLADIO EPISCOPO CAPPADOCIÆ.

Cum multi multa et varia diversis temporibus scripta huic sæculo reliquerint, quorum alia quidem, ex Dei supernæ gratiæ inspiratione, sunt ad ædificationem et securitatem eorum qui fideli proposito sequuntur dogmata Servatoris; alia autem, ex corrupto et quod hominibus placere cupit proposito, luxuriant ad eorum consolationem qui inanis gloriæ morbo laborant; alia autem, ex importuna quadam insania, et dæmonis, qui quæ sunt honesta habet odio, impulsione, ad levium hominum perniciem, et intemertatæ catholicæ Ecclesiæ labem, ira et arrogantia irruperunt in mentes stultorum, ut vitam honestam et puram obscurarent; visum est mihi quoque humili propter spem in Christum, et magnificentiæ tuæ jussum reverenti, vir studiosissime, primum omnium narrare ea omnia quæ ad me pertinent, et ætatem et mentis meæ ad virtutem in Deum profectum, incipiendo a juvenili ætate.

Cum trigesimum quidem et tertium annum agerem in conversatione cum fratribus et vita solitaria, vigesimum autem episcopatus, totius autem vitæ meæ quinquagesimum tertium, necessarium existimavi, spiritalis utilitatis gratia, tibi cupienti in scriptis narrare quæ a sanctis Patribus recte et ex virtute gesta sunt, tam masculis quam feminis, quos et ipse vidi, et de quibus audivi ab animis fidelissimis, cum quibus versatus sum in Ægypti solitudine, et in Libya, et Thebaide, et Syene, sub qua sunt etiam qui dicuntur Tabennesiotæ; deinde in Mesopotamia, Palæstina, et Syria, et in partibus Occidentis, et Romæ, et in Campania, et in iis quæ sunt circa eas partibus; ut tibi ab initio accurratissime in hoc libro exponam instar narrationis; ut cum habeas honestum et animæ utile monumentum, perpetuum et non intermittendum pietatis et religionis medicamentum, omnem quidem oblivionis dormitationem, quæ ex cupiditate rationis experte in anima ingeneratur, omnem autem in fide dubitationem, omnesque in rerum usu sordes et parvitatem, omnemque dubitationem pusillique et abjecti animi vitium, et nimiam ad iram propensionem, perturbationemque, et ægritudinem rationis expertem, et intempestivum timorem per id expellas; et ne a corrupti mundi vana spe pendeas, effugias: perpetuo autem desiderio in spe ad Deum proficias, et in proposito pietatis; sis et in via dux tuus, et eorum qui tecum sunt, et eorum qui tibi subjiciuntur, et maxime piorum imperatorum. Per quæ quidem bene facta omnes qui Christum diligunt, Deo uniri properant, expectantes scilicet quotidie resolutionem animæ a corpore, prout scriptum est: Coarctor, cupiens dissolvi et esse cum Christo; est enim multo melius (*Philip.* i). Et illud: Para in exitum opera tua, et præpara te in agrum (*Prov.* xxiv). Qui enim semper mortis meminit, quæ necessario omnino veniet, et non tardabit, in magnis non offendet, sicut scriptum est: In omnibus operibus tuis memento novissima, et in æternum non peccabis (*Eccles.* vii). Neque vero præter alia omnia hæc te fallat brevis admonitio narrationum; neque respuas rudem et inornatam **☩** dictionem. Non est enim divinæ doctrinæ, ornata et ad ostendendam sapientiam composita uti ratione, sed menti persuadere per intelligentiam veritatis, ut scriptum est: Aperi os tuum verbo Dei, et judica omnia sane (*Prov.* xxxi). Et rursus: Ne declines a narratione senum; ipsi enim didicerunt a patribus eorum (*Eccles.* viii).

^a Græce est, παρά Παλλαδίου ἐπισκόπου, a Palladio episcopo.

Ego itaque, vir cognitionis Dei studiosissime, aliqua ex parte sequens hoc dictum, multos conveni sanctos. Neque vero ea cogitatio mihi aliud agenti in mentem venit, sed cum triginta atque adeo bis totidem dierum viam confecissem, et Dei gratia pedestri itinere, omnem Romanorum regionem pervasissem, viæ molestiam nihili feci si convenire possem virum pium ac Dei amicum, ut lucrifacerem quod non habebam. Si enim qui me est longe præstantior, atque adeo forte etiam universo mundo, multosque superavit et vitæ agendæ ratione, et cognitione, et spiritali intelligentia, et fide in Christum, beatus apostolus Paulus, Tarso in Judæam profectus est, ut conveniret Petrum et Joannem et Jacobum; et ideo veluti glorians id narrat, referens suos labores, ad eos incitandos qui in socordia et otio vitam transigunt, dicendo: Ascendi Jerusalem ut viderem Cepham, non contentus sola fama illius virtutis, sed desiderans ejus quoque intueri faciem (*Gal. 11*); quanto magis ego qui sum innumerabilium talentorum debitor, debui hoc facere, non illos sanctos beneficio afficiens, sed mihi peccatori utilitatem afferens. Nam ii quoque qui Patrum Vitas conscripserunt, Abrahæ, et Isaac, et Jacob, et Moysis, et Joannis, et eorum qui deinceps consequuntur, non narrarunt ut eorum illustraretur gloria, sed ut prodessent iis qui eas legerent.

Hæc ergo cum scias, fidelissime et inprimis venerande Christi serve Lause, teipsum sæpe admonens, feras patienter nostras ineptias, ut piam tuam mentem custodias, cui natura est insitum ut diversis vitiis, quæ sub aspectum cadunt et quæ non cadunt, tanquam undis agitetur, potest autem sedari sola perpetua oratione et propria tui ipsius cura. Multi enim etiam ex fratribus paulo religiosioribus, qui et de exercitationis et eleemosynæ laboribus sibi placebant, et de cœlibatu perfecta et absoluta virginitate se jactabant, et in divinorum eloquiorum meditatione animum vehementer intendebant, et rerum bonarum disciplina freti erant, aberrarunt ab impatibilitate (*Caute lege*), temerariæ suæ sententiæ servientes; ut qui alicujus scilicet pietatis prætextu negotii gerendi cupiditate laborarent, ex qua oriuntur et gerendi negotii nimie sollicitudines, et ad mala negotia animi applicationes, quas consequuntur curæ alienorum negotiorum quæ honestorum negotiorum curam evellunt radicitus, quæ est mater propriæ sui ipsius curæ.

Esto ergo, rogo te, fortis in omni intelligentia, non pingues et nitidas efficiens divitias, quod quidem certe fecisti, eas satis minuens, impertiendo iis qui indigent: æque ad exercendam virtutem tibi fuere ministerio, cum nec impetu aliquo, nec ulla quæ ratione careret anticipatione, neque ullo prætextu quo placeres hominibus, jurejurando obligasses tuam liberam eligendi voluntatem, sicut multis evenit hominibus, qui cum non comedendi vel bibendi contentiosæ vanæ gloriæ servire fecissent liberum arbitrium, necessitate jurisjurandi, ei rursus miserabiliter succubuerunt, vel vitæ amore et ignavia, vel imbecillitate corporis, vel cupiditate alicujus voluptatis perjurium patientes. Si ergo et ratione participes, et ratione abstineas, nunquam peccabis. Divina est enim in nobis ratio, quæ ab iis quæ sunt in nobis monitionibus exterminat quidem ea quæ sunt noxia, assumit autem ea quæ sunt utilia. Justo enim, inquit, lex non est posita (*I Tim. 1.*). Melius est ergo vinum bibere cum ratione, quam aquam cum fastu et superbia. Atque mihi quidem aspice, eos qui cum ratione pietatis ac religionis vinum bibunt esse viros sanctos; eos autem qui inconsiderate et citra rationem cum arrogantia aquam biberunt, esse homines profanos et corruptos. Et nec amplius vituperes aut laudes materiam cibi aut potus, sed beatam vel miseram iudices mentem eorum qui recte vel male utuntur materia. Bibit aliquando Joseph vinum apud Ægyptios, sed non fuit mente læsus; erat enim animo munitus. Aquam autem biberunt Pythagoras et Diogenes et Plato, inter quos etiam Manichæi et reliquis cœtus theologorum philosophorum, et eo vanæ eos perduxit opinionis intemperantia, ut ipsum Deum universorum effectorem ignorarent, et inanima simulacra adorarent. Usam vini tetigerunt ii quoque, qui cum beato Petro apostolo erant discipuli, adeo ut ipsi Domino et eorum magistro, omnium autem Servatori id probro daretur (*Matth. 11*), ob participationem increpantibus Judæis, et dicentibus: Quare discipuli tui non jejunant, sicut Joannis discipuli (*Marc. 11*)? Et rursus insultabant discipulis, et exprobrantes dicebant increduli: Magister vester cum publicanis et peccatoribus comedit et bibit (*Lucæ 11*). De pane autem et aqua non reprehendissent, nisi de obsonio et vino scilicet, ii qui vini quidem potionem vituperant, aquæ vero laudant et admirantur. Respondet autem Servator pulchre, dicens: Venit Joannes in via justitiæ, neque comedens, nec bibens, carnem scilicet et vinum, nam absque aliis non potuisset vivere, et dicunt: Dæmonium habet. Venit Filius hominis comedens et bibens, et dicunt: Ecce homo vorax et vini potor, amicus publicanorum et peccatorum (*Matth. 11*), propterea quod comedat et bibat. Quid nos ergo faciemus? Nec eos qui vituperant sequamur, nec eos qui laudant. Sed vel cum Joanne ratione jejunemus, etiamsi nobis dicant Judæi: Dæmonium habetis; vel cum Jesu sapienter vinum bibamus, si corpus indigeat, etiam si nobis dixerint: Ecce homines voraces et vini potores. Neque enim vera esca est aliquid, nec potus, sed fides quæ per charitatem extenditur operibus. Cum enim omnem actionem fides fuerit consecuta, condemnari non potest qui comedit et bibit, propter fidem. Quidquid enim non est ex fide, peccatum est (*Rom. 14*). Sed quando aliquis ex voluptuariis, vel ex iis qui quodlibet aliud peccant, dicit: Fide participo, vel aliquid aliud ago, a ratione aliena cupiditate, vel corrupta conscientia innitens fidei, labitur. Servator enim distinxit, dicens: A fructibus ipsorum cognoscetis eos (*Matth. 7*). Quod autem fructus eorum qui divina ratione vitam instituunt et spiritali intelligentia, sit, ex divini Apostoli sententia, charitas, et gaudium, et pax, et longanimitas, benignitas,

bonitas, fides, mansuetudo, continentia, castitas (*Gal. v*), est extra controversiam. Ipse enim dixit beatus Paulus : Fructus autem Spiritus est hoc et hoc. Quod autem qui studet tales habere fructus, citra rationem aut inconsiderate, aut intempestive non comedet carnes, nec bibit vinum, neque cum ulla mala cohabitabit conscientia. Rursus dixit idem beatus Paulus : Omnis qui certat ab omnibus abstinet (*I Cor. ix*). Cum sana quidem est caro, abstinens ab iis quæ pinguefaciunt; quod si sit ægra vel mœrore confecta, vel aliquo casu afflicta, tunc utetur quidem vel cibo vel potione tanquam medicamento, ad ea curanda quæ molestiam afferunt. Abstinebit autem ab iis quæ sunt animæ noxia, ira et invidia, vana gloria, tristitia et detractio, superbia et elatione, Deo agens gratias.

Cum de his itaque satis disseruerim, tuæ rursus docilitati aliam affero adhortationem. Fuge pro viribus eorum virorum congressiones qui nullam habent utilitatem, et pellem exornant aliter quam conveniat etiamsi sint orthodoxi, non solum hæretici, et lædunt hypocrisi, etiamsi cano capite et corrugata fronte præ se ferant longitudinem temporis. Nam ut propter mores generosos ab eis nihil lædaris, id certe quod videtur esse minimum te sauciabit. Insolens enim redditus, animo effereris, eos irridens. Quod quidem tibi detrimentum afferet, ut qui in superbiam incideris. Super lucidam autem  fenestram persequere et virorum et mulierum sanctas congressiones, ut per eorum veluti subtiliter scriptum librum possis tuum cor aperte videre, et per collationem probare socordiam tuam vel diligentiam. Multa enim sunt quæ probitati ferunt testimonium : color vultus qui in ea vita quæ degitur efflorescit, et vestium ornatus, et mores compositi, et modestia orationis, et verba non exquisita et affectata, elegans sententia, cogitata sensaque sapientia. Dominus autem vires dabit tuæ mansuetudini, et omnibus qui sequuntur scopum pietatis, etiamsi vel desidia vel casu aliquid acciderit. Amictus enim, et gressus pedis, et risus dentium annuntiabit de ipso, ut ait Proverbium (*Eccles. x*).

Incipiens itaque tibi narrare vitam sanctorum Patrum, neque eos qui sunt in urbibus, vel vicis, vel speluncis, vel solitudinibus tibi ignoti, prætermittam oratione; adjiciens eos etiam qui sunt in cœnobiis. Neque enim locus quæritur in quo se recte et ex virtute gesserunt, sed modus rectæ eorum institutionis, per quam Christi auxilio vitam egerunt angelicam.

HISTORIA LAUSIACA.

CAPUT PRIMUM.

Vita Isidori (1) presbyteri et xenodochi.

Cum ergo primum venissem in Alexandrinam civitatem, secundo consulatu Theodosii magni imperatoris, qui propter suam rectam in Christum fidem nunc est cum angelis, in ipsa civitate incidi in quemdam virum admirandum, et omni ex parte ornatum, sermone, moribus, et scientia, nempe Isidorum, qui erat et presbyter et xenodochus Alexandrinæ ecclesiæ. Is dicebatur prima quidem juventute versans in solitudine, peregrisse certamina exercitationis. Cujus etiam cellam vidi ego in monte Nitriæ: offendi autem eum senem septuaginta annos natum; qui cum vixisset alios quindecim annos, in pace obiit. Hic sanctus usque ad horam obitus nihil lineum gessit extra ^Bvittam (2), non balneo est usus, non tetigit carnes, nunquam a mensa recessit repletus ad satietatem. Erat autem corpore a Dei gratia tam bene temperato, ut omnes qui ignorabant ejus victus rationem, persuasum haberent eum laute vivere et opipare. Hujus virtutes animæ si velim sigillatim narrare, narrantem me tempus deficiet. Qui erat adeo mitis, benignus, et pacificus, ut etiam infideles ejus inimici, propter rectam in Christum fidem, vel ejus umbram revererentur, ob insignem viri bonitatem. Tantam autem habuit spiritalem gratiam et cognitionem sanctarum scripturarum, et comprehensionem divinatorum dog-

matum, ut etiam in ipso convivio hora solita refectio- nis fratrum sancti hujus fieret mentis excessus, mutus- que evaderet ipse et obstupesceret: et cum rogaretur ut quæ in excessu evenerant narraret, diceret: **Mente** sum peregrinatus ab aliqua raptus contemplatione. Scio ego eum sæpe in mensa fuisse lacrymatum; et cum rogaretur causam cur esset lacrymatum, audivi eum dicentem: Pudet me vesci cibo a ratione alieno, cum sim ratione præditus; et versari deberem in paradiso deliciarum, replendus ambrosiæ nutrimento, propter eam quæ nobis a Domino data est potestatem. Is erat Romæ notus cuncto senatui et procerum uxoribus, quo tempore cum beato Athanasio episcopo prius recesserat, deinde cum sancto Demetrio episcopo. Is cum abundaret opibus, et iis quæ sunt ad usum necessaria, non scripsit testamentum decedens, non pecuniam reliquit, non rem ullam suis sororibus quæ erant virgines, sed eas Christo commendavit, dicens: Deus qui vos creavit, vobis quoque victum providebit sicut et mihi. Erat autem conventus virginum quæ erant cum sororibus ejus, septuaginta. Is, cum ad eum venissem adolescens, et rogarem ut ad vitam cooptarer monasticam, mea adhuc ætate lasciviente, et non opus habente sermonibus, sed laboribus qui carnem subigerent, duraque et aspera vivendi ratione quæ corpus compesceret; is, inquam, tanquam bonus domitor pullorum, duxit me extra civitatem ad eas quæ dicuntur

Cellæ eremiticæ, circiter quinto ab urbe lapide.

CAPUT II.

Dorotheus (3) Thebanus.

Et me tradit cuidam Dorotheo exercitatori Thebano sexagesimum annum agenti in spelunca, et jubet me implere apud ipsum tres annos ad domandas animi perturbationes (sciebat enim senem agere vitam admodum duram et asperam), et postquam annorum numerum impleverem, rursus ad eum reverterer, mandavit ob reliquam doctrinam spiritalem. Cum autem non potuissem apud eum implere numerum trium annorum, eo quod in morbum ☉ ☽ incidissem vehementem, ab eo recessi ante tempus præstitutum. Erat enim ejus vitæ ratio longe asperrima, squalida et plane arida. Toto enim die, atque adeo in ipso æstu meridiei, in solitudine quæ est propter mare, colligebat lapides, et ex eis semper ædificans, et cellas faciens, eas cedebat iis qui non poterant ædificare, singulis annis cellam faciens. Cum autem ego aliquando huic sancto dixissem : Quid agis, Pater, in tanta senectute corpusculum tuum occidens caloribus intolerabilibus ? Respondit mihi, dicens : Illud me occidit, ego quoque ipsum occidam. Comedebat autem singulis diebus sex uncias panis, et minorum olerum fasciculum (4) ; aquæ autem bibebat modicum quid. Deum autem testor me nunquam eum cognovisse pedes extendisse, non dedita opera dormisse in toro, aut super lectum ; sed per totam noctem sedens contexebat funem ex ramis (5) palmarum, ut ex eo sibi victum pararet. Cum autem suspicarer eum, cum adessem solummodo, tam extrema usum esse exercitatione, sciscitatus sum ut scirem a compluribus ejus discipulis, an perpetuo uteretur tam accurata exactaque exercitatione : qui quidem manebant ipsi quoque deinceps seorsum, se recte et ex virtute gerentes. Hi mihi dixerunt quod a juventute vitam suam ita instituit, nunquam dedita opera dormiens nisi quod inter operandum vel comedendum aliquando convivebat oculis dejectis ; adeo ut sæpe panis quoque (6) ex ejus ore excideret esus tempore propter nimiam dormitationem. Cum autem ego aliquando cogere hunc sanctum paululum jacere super stoream, ægre ferens mihi dixit : Si quando persuaseris angelis ut dormiant, tum virtutis studioso quoque persuaseris.

Quodam autem die ad puteum suum me misit circa horam nonam, ut implerem cadum, quo eo in refectione uteretur cum instaret hora cibi capiendi. Accidit autem ut cum accessissem, infra in puteo viderem aspidem, et præ metu aquam minime haurirem, sed currendo reversus ei nuntiarer, dicens : Perimus, abba, vidi enim aspidem inferius in puteo. Ille autem honeste subridens, quoniam mei magnam habebat rationem, et caput quatiens, dixit : Si visum fuerit diabolo in omnem puteum injicere serpentes, et aspides, vel testudines, aut alia venenata animalia, in omnes fontes aquarum,

¹ Hic Didymus initio sanctitate et doctrina clarus, ad extremum, Origenista.

A tu manebis nunquam bibens ? Ipse autem e cella egressus, cum per se hausisset, bibit jejunos, cum prius signaculo crucis muniisset, et dixisset : Ubi crux adest (7), illic viribus caret diaboli improbitas.

CAPUT III.

Acta et temperantia Potamiænæ (8).

Beatus ergo Isidorus xenodochus, qui beatum Antonium convenerat, narravit mihi, se ab eo audivisse rem dignam quæ mandetur litteris.

Potamiæna quædam puella formosissima, tempore Maximini persecutoris fuit ancilla cujusdam intemperantis et libidinosi. Quam cum multum rogasset, et eivaria promisisset ejus dominus, eam non potuit decipere. Quo factum est ut is tandem furore percitus, eam traderet præfecto Alexandrino (9), qui erat eo tempore, tanquam Christianam, et quæ tempora et imperatores insectaretur maledictis propter persecutiones ; pollicitus se ei magnam pecuniæ vim daturum ob ejus calamitatem, dicens : Si ei persuaseris ut meo desiderio assentiatur, eam custodi nullo affectam supplicio. Quod si mansisset in ea quam ab initio ostenderat austeritate, rogavit ut ea supplicio affecta moreretur, ne, dicens, viva meam irrideat intemperantiam. Producta autem ante tribunal virgo fortis, diversis ad pœnas sumendas comparatis instrumentis, corpore fuit excruciatâ, et adversus multas ac varias rationes mente tanquam turris firma ac stabilis resistebat. Inter instrumenta autem suppliciorum, crudelius quoddam cæteris tormentum ab eo qui tunc erat iudex inventum est. Jubet enim magnum lebetem pice repletum vehementissimo igne accendi. Cum bulliret ergo pice et valde arderet, conversus ad illam beatam sævus præses, dixit : Abi, pare voluntati domini tui ; alioqui, ut intelligas, jubeo te devolvi in lebetem. Illa vero respondit, dicens : Absit ut sit iudex adeo iniquus qui me jubeat parere libidini et intemperantiæ. Ille itaque furore percitus, jubet eam exui, et in lebetem injici. Illa vero vocem emittit, dicens : Per caput imperatoris (10) quem tu times, si statuisti sic me supplicio afficere, ne jusseris me exui ; sed jube me paulatim in picem ferventem demitti, ut videas quantam mihi largitus est patientiam Christus quem tu ignoras. Quæ sic paulatim demissa spatio trium horarum, emisit spiritum cum pice pervenisset ad ejus collum.

CAPUT IV.

Vita ¹ Didymi (11) orbi.

Plurimus ergo cœtus sanctorum virorum et mulierum tunc fuit consummatus in ecclesia Alexandrina, qui sunt inventi digni terra mitium. Inter quos consummatur ☩ ☩ ☩ etiam beatus scriptor Didymus qui fuit orbus (12). Cum quo fuit mihi quater congressio, cum decem annorum interjecto intervallo ad eum proficiscerer. Is autem consummatur natus annos octoginta quinque. Fuit autem is orbus, et qui cum esset quatuor annos natus, oculos amisit, ut ipse mihi narravit ; et neque litteras didicit, neque ventitavit ad præceptores. Habebat enim secundum naturam

magistram firmam ac validam, propriam conscientiam. Tanta autem spiritalis cognitionis fuit exornatus gratia, ut revera impleretur in eo quod scriptum est : Dominus illuminat (13) cæcos (*Psal. cxlv*). Vetus enim et novum Testamentum interpretabatur ad verbum : dogmata autem subtiliter et tam strenue exponebat, ut omnes veteres scientia superavit.

Is cum aliquando me cogeret in cella facere orationem, ego autem nollem, mihi dixit narrans : Ter in hanc cellam ingressus est beatus Antonius, ut me viseret ; qui a me rogatus ut faceret orationem, statim genu flexit in hac cella, neque commisit ut quod dixeram iterum repeterem, re ipsa quidem docens in obedientia. Quare si tu quoque ejus vitæ vestigia sequeris, ut qui sis monachus et hospes ob virtutem, omnem deponere contentionem.

Hic ipse hoc quoque mihi narravit : Cum quodam die, aiebat, de vita miseri Juliani imperatoris, utpote persecutoris, essem sollicitus, et animo angerer, accidit ut propter hanc sollicitudinem ad vesperam usque seram nihil comederem ; et cum in sedili sederem, me somnus opprimeret, et viderem in extasi equos albos cum insessoribus percurrentes, et annuntiantes : Dicite Didymo, hodie hora septima mortuus est Julianus ; surge ergo et comede : et quod tu scis, domum mitte ad episcopum Athanasium, ut ille quoque hoc sciat. Notavi autem, inquit, et horam, et diem, et hebdomadem, et mensem, et sic inveni.

CAPUT V.

Alexandræ Vita.

Narravit autem mihi quoque hic beatus de quadam ancilla, nomine Alexandra, quæ relicta civitate in monumento se inclusit, per foramen accipiens quæ erant necessaria, neque in virorum neque in mulierum conspectum veniens spatio decem annorum. Decimo autem anno aiunt beatam, cum dormisset, seipsam composuisse, adeo ut quæ solita erat ad eam venire, cum illi non respondisset, nobis renuntiaverit. Cum nos ergo accessissemus, et monumenti ostium amovissemus, ingressi sumus et invenimus eam obdormisse.

De ea autem dicebat etiam beatissima Melania Romana, cujus vitam narrabo tempore et loco convenienti (*Infra, hic, cap. 117*). Hujus, inquit, beatæ faciem non potui intueri : stans autem ego circa foramen, eam rogavi ut mihi diceret causam propter quam secessit quidem a civitate, seipsam autem inclusit monumento. Illa autem, inquit, per foramen me est allocuta, dicens : Quidam, inquit, insano mei amore tenebatur, et ne eum viderer molestia afficere, vel in invidiam vocare, malui me vivam in hoc monumentum inferre, quam offendere animam quæ facta est ad Dei imaginem. Cum autem ego ei dixissem : Quomodo ferre potes, serva Christi Dei, cum nullo omnino colloqui, sed sola pugnare cum desidia et cogitationibus ? mihi respondit, dicens : A mane usque ad horam nonam oro, per horam

mens linum ; reliquis autem horis mente revolvam vitam sanctorum Patrum, et patriarcharum, et certamina beatorum apostolorum, et prophetarum, et martyrum. Postquam autem adventarit vespera, cum Dominum meum glorificavero, cibum panis capio, plurimas horas noctis perseverans in oratione, et finem exspectans, quando hinc dissolvam cum spe bona, et apparebo ante faciem Christi Dei.

Non prætermittam autem in narratione eos quoque qui ita vixerunt, ut speciem quidem præ se ferrent pietatis ac religionis ; sed eam contemnerent, ad laudem quidem eorum qui recte et ex virtute se gerunt, et ut cauti sint et attentii qui legunt.

CAPUT VI.

De quadam Virgine quæ laborabat amore divitiarum.

Erat quædam Alexandriæ virgo solum nomine, habitu quidem humilis, animi autem instituto parca, superba et insolens, et laborans avaritia, auri potius quam Christi amans : ex rebus suis nulli unquam exhibens, non hospiti, non pauperi aut afflicto, non monacho, non virgini, non ecclesiæ vel obolum unum. Ea multis sanctorum Patrum admonitionibus incitata, non repellebat grave pondus divitiarum.

Erat autem ei quoque genus, ex quo sororis suæ filiam in filiam adoptaverat. Cui noctu et die sua pollicebatur, cum ipsa excidisset ab opibus cœlestibus. Nam hæc quoque est una species fraudis diaboli, qui prætextu amoris in cognatos, efficit ut nascatur avaritia. Nam quod ei nulla sit cura generis, hinc patet. Ipse enim docuit et fratrem, et matrem, et

patrem occidere. Idque est ex Scripturis extra controversiam. Sed tibi videatur nonnullis curam cognatorum inserere (*Deut. xii*), non hoc facit quod illis bene velit, sed ut eorum qui ei parent animam aperte exercent ad injustitiam, cum ipse sciat latam sententiam, quæ dicit : Injusti regnum Dei non possidebunt (*I Cor. vi*). Potest autem aliquis, et spiritali motus intelligentia, et divino desiderio, neque suam negligere animam, et cognatis opem ferre, si quid eis defuerit. Quando autem quis ita totam suam instituit animam, ut ea despiciatur et obruatur præ cura cognatorum (14), is incidit in legem, ut qui suam pro vano æstimet animam. Canit autem David quoque sacer psalmographus de iis qui animæ curam gerunt, in timore Dei dicens : Quis ascendet in montem Domini ? pro eo quod est, rarus. Aut quis stabit in loco sancto ejus ? Innocens manibus, et mundo corde, qui non accepit in vano animam suam (*Psal. xxxiii*). Illi enim animam suam in vano accipiunt, qui existimant eam dissolvi una cum hac caruncula, qui virtutes spirituales negligunt.

Huic virgini, quæ solo nomine sibi paraverat appellationem, moribus autem erat aliena ab exercitatione, cum venam, ut dicitur, vellet incidere ad levandam avaritiam, sanctissimus Macarius (15) presbyter et præfectus ptochotrophii eorum qui sunt corpore mutilati, talem actum excogitat. Erat enim is a juventute lapidarius (16). Ad eam autem accedens, dicit : In me inciderunt pulchræ gemmæ,

smaragdi et hyacinthi ; nec scio an sint furtivi, an alicujus mercatoris. Non constituitur enim eis pretium, cum æstimationem superent ; qui habet autem, vendit eas quingentis solidis. Si ergo tibi visum fuerit eas accipere, da quingentos solidos, potes ex una gemma accipere quingentos, reliquis autem uti ad variandum mundum filiae tuæ sororis. Cum autem quæ dicebatur virgo tota penderet a puella, inescatur ejus ornandæ cupiditate ; et procidit ad ejus pedes, et dixit: Rogo te ne quis alius eas accipiat. Eam ergo adhortatur sanctus, dicens : Veni usque ad domum meam, et eas aspice. Illa autem noluit ; sed ei præbet quingentos solidos, dicens : Rogo te, ipse eas ut vis cape ; nolo enim videre hominem qui eas vendit. Cum autem quingentos solidos ab ea accepisset sanctus Macarius, dat eos ad usum ptochotrophii. Cum autem multum tempus præterisset, quoniam magna erat existimatione apud Alexandrinos vir ille, utpote summe pius ac misericors (vixit autem ad centum usque annos, cujus tempore nos quoque fuimus), verebatur eum admonere. Tandem cum eum invenisset in ecclesia, dicit ei : Rogo te, quid jubes de lapidibus, pro quibus dedimus solidos quingentos ? Ille ei respondit, dicens : A quo die mihi dedisti aurum, eos impendi in pretium gemmarum, et si velis eas videre, veni in hospitium meum. Illic enim sitæ sunt gemmæ, et vide ; quod si tibi non placeant, tolle aurum tuum. Venit autem illa lubentissime. Habebat autem ptochotrophium in superiori quidem parte mulieres, in inferiori autem viros. Cum ea autem accessisset, introducit eam in vestibulum, et dicit ei sanctus Macarius : Quid vis primum videre, hyacinthos, an smaragdos ? Ea vero illi dicit : Quod tibi videtur. Ille vero eam ducit in partem superiorem et ostendit ei conscissis feminas membris, et vultibus totis varia morbositate laceratis, et dicit ei : Ecce hyacinthi. Deinde deducit eam in partem inferiorem, et ostendit ei viros, dicens : Ecce smaragdi, et existimo non inveniri his pretiosiores ; quod si tibi non placeant, accipe aurum tuum. His ergo sic gestis, pudore affecta virgo exiit, et domum reversa magnum accepit dolorem, quod hanc rem ex Deo non fecisset, sed adducta necessitate. Postea autem gratias egit presbytero, cum puella cujus curam gerebat, post nuptias mortua esset sine liberis, ipsaque deinceps facultates suas in rectos usus expendit.

CAPUT VII.

Vita abbatis Arsisii (17) et eorum qui cum eo erant in monte Nitriæ.

Cum ego cum multis sanctis essem congressus, et versatus tres annos in monasteriis quæ sunt circa Alexandriam, et mansissem cum magnis studiosissimisque et optimis viris circiter bis mille, omni virtute ornatis, illinc recedens veni in montem Nitriæ. Inter hunc montem autem et Alexandriam positus est lacus, qui dicitur Maria : is autem continet ad millia septuaginta. Quem cum transmissem, per

PATROL. LXXIII.

diem unum et dimidium veni in montem ad partem meridionalem. In quo monte sita est ingens solitudo, quæ pertinet usque ad Æthiopiam, et Mazicos, et Mauritaniam. In eo autem habitant ad quinque millia virorum (18), qui utuntur vario vitæ genere, unusquisque ut potest et vult, adeo ut liceat et solum manere, et cum duobus, et tribus, et cum quo velit numero. In hoc monte sunt septem pistrinæ, quæ et illis serviunt, et anachoretis qui sunt in vasta solitudine, viris perfectis, numero sexcentis. Cum ergo toto anno in monte habitassem apud beatos et sanctos Patres, magnum Arsisium (19) et Putuphastum, et Ilagionem (19), et Cronium, et Serapionem, et multis antiquiorum Patrum spiritalibus narrationibus, ab ipsis essem stimulatus, veni in intimam solitudinem. In hoc monte Nitriæ una est maxima ecclesia, et in ipsa ecclesia sunt tres palmæ, ex quibus unaquæque habet flagellum (20) suspensum. Et est unum quidem ad castigandos monachos qui delinquant ; alterum vero ad puniendos latrones, si quando inciderint ; tertium vero ad corrigendos eos qui forte veniunt, et in aliqua delicta incidunt ; adeo ut quicumque delinquant, et convincuntur meruisse ut dent pœnas, palmam amplectantur, et tergo plagas præfinitas accipiant, et sic dimittantur. Prope ecclesiam autem positum est xenodochium, in quo venientem hospitem toto tempore accipiunt, etiam si biennium aut triennium voluerit manere, donec velit sua sponte recedere, permittentes ei una hebdomada manere in otio. Aliis autem diebus deinceps occupant eum in operibus, aut in horto, aut in pistrino, aut in coquina. Quod si fuerit quispiam cujus sit habenda ratio, dant ei librum legendum, non permittentes ei ut cum ullo colloquatur usque ad horam sextam. In hoc monte degunt etiam medici et placentarii. Utuntur etiam vino, et vinum illic venditur. Hi autem omnes suis manibus faciunt vestem lineam, adeo ut sint omnes minime egentes. Circa horam autem nonam licet stare, et audire in unoquoque monasterio hymnos et psalmos Christo canentes, et preces ad hymnos emittentes, adeo ut existimet quispiam se sublime elatum transmigrasse in paradisum deliciarum ; veniunt autem ad ecclesiam Sabbato solum et Dominico. Sunt autem octo presbyteri qui præsent huic ecclesiæ, in qua quandiu vivit primus presbyter hujus ecclesiæ, nullus alius offert, nec judicat, nec habet sermonem, sed tacite solum cum eo sedent.

Hic magnus Arsisius, et alii multi cum eo senes, quos nos vidimus, fuerunt æquales tempore magno Antonio. Atque mihi quidem narravit hic magnus Arsisius se Amon quoque vidisse Nitriotem, cujus animam vidit assumi Antonius ab angelis, et in cælum deduci (*Vita Antonii*, c. 32 ; *Ruff.*, l. II, c. 30). Is dicebat se etiam Pachomium vidisse Tabennesiotem, virum prophetica gratia clarum, ter mille virorum archimandritam ; cujus narrabo postea virtutes. (*Infra*, c. 38).

CAPUT VIII.

De sancto Amon (21) et ejus conjuge.

Dicebat autem Amon hoc modo vixisse. Cum esset, inquit, parentibus orbatus adolescens circiter viginti duos annos natus, vi a suo patruo mulieri junctus est matrimonio; et cum non posset resistere necessitati quam ei afferebat patruus, visum est ei, et corona redimiri (22), et sedere in thalamo, et omnia sustinere quæ fiunt in matrimonio. Postquam autem omnes essent egressi, qui in thalamo et lecto dormituros collocaverant, surgit beatus Amon, et claudit fores; et sedens vocat beatam et germanam suam conjugem, et ei dicit: Ades dum, domina et soror (23), deinde rem tibi narrabo. Hoc quo conjuncti sumus matrimonium, nihil habet eximium. Recte ergo faciemus, si abhinc unusquisque nostrum seorsum dormierit, ut Christo placeamus, intactam nostram reddentes virginitatem. Et cum e sinu suo parvum libellum protulisset, tanquam ex persona Apostoli et Servatoris, legebat puellæ, quæ erat ignara litterarum, plurimam lectionis partem, adjiciens ex sua divinitus inspirata doctrina, et in vita, in virginitate et castitate degenda eam instituens. Quo factum est ut illa Christi gratia repleta, diceret: Ego quoque, domine mi, persuasum habeo fore ut castam vitam libenter agam; et si quid jubes, hoc deinceps faciam. Ille vero, Ego, inquit, jubeo et rogo ut unusquisque nostrum seorsum maneat. Ea vero hoc non tulit, dicens: Maneamus in eadem domo, sed in diversis lectis. Vivens ergo cum ea decem et octo annos in iisdem ædibus, toto die vacabat horto et balsameto. Operabatur enim balsamum; quæ balsamus instar vitis plantatur, ut in qua colenda et putanda multum laboris ponatur. Vespere ergo domum ingrediens, et faciens orationes, cum ea comedebat. Et rursus nocturnas preces fundens, et synaxim peragens, summo mane ibat in hortum. Cum hæc sic fierent, et pervenisset uterque ad impatibilitatem (*Caute lege*), vim et efficaciam habuere preces Amonis. Postremo autem ei dicit illa beata: Est aliquid quod tibi dicam, domine mi, ut si me audieris, mihi plane constabit quod vere ex Deo me diligas. Is vero ei dicit: Dic quod velis. Ea vero dicit illi: Æquum est ut tu qui es vir pius et religiosus, et exerces justitiam, et similiter ego qui eandem viam instituti sum secuta, seorsum maneamus, et multi ex eo capiant utilitatem. Non par est enim ut propter metanta et talis occultetur tua virtus philosophiæ, qui mecum propter Christum cohabitans in castitate. Is vero cum ei gratias egisset, et gloriam Deo dedisset, ei dicit: Recte tibi visum est, domina et soror; et si hoc tibi placet, tu habeto hanc domum; **¶ 14** ego vero abibo, et aliam mihi domum faciam. Qui cum ab ea esset egressus, ingressus est in interiora montis Nitriæ, nondum enim tunc illic erant frequentia monasteria, et sibi fecit duos cellarum tholos. Et cum vixisset alios viginti duos annos, et recte summam exercita-

tionis virtutem exercuisset, in vita obiit monastica, vel potius translatus est sanctus Amon, natus sexaginta duos annos, bis in anno videns beatam vitæ suæ consortem.

Cum is ergo solus esset in Nitriis, ferunt ad eum puerum rabie exagitatum, vinctum catenis. Canis enim rabiosus mordendo illi rabiem dederat. Se ipsum ergo totum laniabat, ut qui intolerabilem morbum ferre non posset. Postquam ergo vidit ejus parentea, ad supplicandum procedentes: Quid mihi, inquit, labores exhibetis, o homines, ea petentes quæ mea merita superant, cum in vestris manibus præsto sit auxilium. Reddite enim viduæ bovem quem clanculum occidistis, et sanus reddetur vobis puer. Illi vero cum convicti essent, læti fecerunt quæ jussa fuerant, et eo orante puer sanus evasit.

Accesserunt autem alii ejus visendi gratia. Ad quos dixit vir sanctus, tentandi eorum animi gratia: Aferte ad me dolium unum, ut habeam satis aquæ ad eos qui veniunt excipiendos. Ii autem promiserunt se ipsos allaturos. Cum autem alterum pœnituisset, ubi in vicum venisset, dicit alteri: Nolo occidere camelum, neque ei dolium imponere, ne moriatur. His auditis, alius suis junctis asinis magno labore dolium sursum portavit. Præveniens autem Amon ei dixit: Quid? quod socii tui camelus est mortuus interim dum huc venisti? Is autem reversus invenit eum a lupis devoratum. Multa quoque alia hic vir fecit.

Hoc autem miraculum narravit beatus Athanasius Alexandriae episcopus, scribens in Vita Antonii, quod cum aliquando monachi ad ipsum missi essent ab Antonio (erat enim in interiore solitudine Antonius), cum ad ipsum venissent, surrexit senex, et ambulabat cum eis. Et cum esset transiturus Lycum fluvium cum ejus discipulo Theodoro, verebatur exui, ne se ipsum videret aliquando nudum: et interea dum de ea re dissereret, inventus est trans fluvium, ut qui absque cymba in extasi trajecisset, translatus ab angelo: fratres autem natatu transmiserunt. Postquam autem accessit ad Antonium, primus ei dixit Antonius: Cum Deus mihi multa de te revelasset, et tuam translationem mihi significasset, te ad me accersivi necessario, ut cum nobis invicem frui licuisset, pro nobis invicem intercederemus. Cum autem eum collocasset in quodam loco longe separato, hortatus est ne recederet ante translationem. Cum autem ipse seorsum fuisset consummatus, vidit Antonius ejus animam in cœlum assumptam ab angelis. Hic est ergo Amon, qui sic vixit, et sic obiit. Hunc Lycum fluvium ego cum metu pontone aliquando transmisi; est enim fossa et derivatio magni Nili.

CAPUT IX.

Vita abbatis¹ Or (24).

In hoc monte Nitriæ fuit vir admirabilis abbas, Or nomine, habens monasteria mille fratrum, habitu angelico præditus (*Ruff.*, l. II, c. 2); ut qui cum esset nonaginta annos natus, nihil amisisset de corpore,

¹ Hic Or fuit Origenista.

erat enim vultu nitido et alacri, adeo ut cum vel so-
lum videretur, vir esset reverendus. Is cum longe
ante se in ulteriore exercuisset solitudine, postea in
propiori solitudine congregavit monasteria, palude
propriis plantata manibus, cum ligna non essent in
eo loco, adeo ut esset densa silva in solitudine. Dixe-
runt enim nobis qui cum eo erant Patres, quod ne
germen quidem illic erat, quando vir ille venit ex
solitudine. Ipsam autem plantavit, ne propter res nec-
cessarias, qui ad ipsum conveniebant fratres, cogere-
rentur circuire; sed eorum omnem gerebat curam,
Deum orans, et pro eorum salute decertans, ut nihil
eis deesset necessarium, nec esset eis ullus socordiae
prætextus. Is primum quidem degens in solitudine,
vescebatur herbis et dulcibus radicibus: aquam quo-
que bibebat quando inveniebat, in precibus et hymnis
toto tempore perseverans. Postquam autem pervenit
ad perfectam ætatem senectutis, angelus ei apparuit
in somnis, dicens in solitudine: Eris in gentem mag-
nam, et magnus tuæ fidei credetur populus. Qui per
te autem salvi fient, erunt decies mille: quos si hic
lucrifeceris, totidem tibi parebunt in futuro sæculo.
Neque quidquam dubitaveris, ait ei Angelus: nihil
enim tibi deficiet eorum quæ sunt ad usum necessa-
ria, usque ad mortem tuam, quoties Deum invocave-
ris. Hæc cum audisset, venit ad propinquam solitudi-
nem, seorsum primum degens, sibi quodam parvo
constructo tuguriolo, solum compositis contentus
oleribus; sæpe etiam semel solum vescens in hebdo-
mada. Atque erat quidem primum illiteratus; post-
quam autem venit ex solitudine in terram habitatam,
ei gratia fuit data divinitus, et Scripturas exprome-
bat memoriter. Ei enim libro dato a fratribus, ita
deinceps legebat tanquam peritus litterarum. Aliam
quoque **¶ 15** acceperat gratiam, nempe dæmonum
expellendorum, adeo ut multi ex iis qui laborabant,
etiam eo nolente, clamantes ejus vitam ostenderent.
Alias quoque curationes non cessabat peragere. Quo
factum est ut ad eum convenirent tria millia mona-
chorum. Cum eos autem vir ille vidisset, lætitia affe-
ctus eos salutavit, et complexus est. Cum pedes eo-
rum propriis lavasset manibus, conversus est ad
doctrinam; erat enim valde peritus litterarum, ut
qui hanc gratiam accepisset divinitus. Cum autem
Scripturarum multa solvisset capita, et fidem tradi-
disset orthodoxam, adhortatus est ad preces: Viris
enim magnis mos est, nihil carnis admittere, prius-
quam spiritale alimentum animæ tradiderint; hæc
autem est Christi communio. Cum ejus ergo fuissent
participes, et egissent gratias, hortatus est ad men-
sam, ipse semper inter sedendum eos admonens eo-
rum quæ sunt bona et honesta, et dicens eis ea quæ
pertinent ad salutem. Fuit ergo hic vir clarus inter
multos Patres, adeo ut cum multi ad eum venirent
monachi, omnes præsentibus fratres convocans, in uno
die eis cellas faceret: uno quidem subministrante
lutum, altero vero lateræ, alio autem hauriente
aquam. Perfectis autem cellis, ipse præbebat venien-
tibus quæ erant necessaria. Is falsum fratrem, qui ad

eum aliquando venerat, et vestes suas occultaverat,
cum coram omnibus arguisset, in medium produxit.
Quo factum est ut nemo auderet deinceps apud eum
mentiri, cum tantam haberet gratiam, quam per hon-
estam suam vitam sibi collegerat. Licebat autem
videre multitudinem eorum qui cum ipso erant mona-
chorum in ecclesia, tanquam angelorum choros
Deum laudantium.

Magnam huic sancto, suo testimonio tribuit virtu-
tem universa fraternitas: præcipue autem ancilla
Dei Melania, quæ hunc montem ante me est in-
gressa. Ego enim eum non offendi vivum. Hæc autem
præclara de hoc viro narrabat, quod nec un-
quam sit mentitus, neque juraverit, neque ulli male
sit precatus, neque locutus sit nisi opus esset.

CAPUT X.

Vita abbatis Pambo (25).

Hujus montis accola fuit etiam abbas Pambo, qui
fuit magister Dioscuri episcopi Ammonii et Eusebii
et Euthymii fratrum, et Origenis filii (26) fratris
Dracontii viri illustris et admirabilis. Hic Pambo
multa quidem habebat et varia privilegia: inter cæ-
tera autem quæ recte et ex virtute ab eo gereban-
tur, hoc habebat quo erat reliquis superior, quod
scilicet aurum et argentum despiciebat, quantum
postulat ratio dominica. Unde mihi narravit beata
Melania quod cum ab initio Roma venisset Alexan-
driam, et de ejus virtute audiisset a beato Isidoro
presbytero et xenodocho, qui de eo mihi narravit, et
ad ipsum deduxit in solitudinem. Ad eum, aiebat,
attuli vasa argentea trecentarum librarum argenti,
rogans eum ut rerum mearum esset particeps. Ille
autem, inquit, operans, et ramos texens mihi bene
dixit, voce magna dicens: Deus det tibi mercedem.
Et dixit suo œonomo Origeni [*Al.*, Theodoro]: Ac-
cipe, et ea dispensa universæ fraternitati quæ est in
Libya et in insalis. Hæc enim monasteria magis in-
digent; ei præcipiens ut ex eo nihil daret iis qui
erant in Ægypto, propterea quod sit regio ditior et
abundantior. Ego autem, inquit, stans expectabam
ut vel benedictionibus ab eo honorarer, vel verbo
saltem laudarer ob tantum donum. Cum vero nihil
omnino ab eo audissem, ei dixi: Domine, ut scias
quantum sit, sunt trecentæ libræ argenti. Is autem
rursus cum ad hoc ne omnino quidem annuisset, et
nec ad vasis quidem thecam attendisset, respondit:
Is cui hæc attulisti, o filia, non opus habet ut a te
discat quantitatem ponderis. Qui enim montes ap-
pendit et saltus statera (*Isa. xl, 12*), multo magis
scit quantitatem tui argenti. Si enim hæc mihi da-
res, recte mihi pondus dixisses; sed si Deo ea obtu-
listi, qui ne duos quidem obolos (27) despexit, sed
eos plus quam omnia aestimavit (*Marci xii, 42*),
tace. Sic ergo, inquit, dispensavit gratia Domini,
dum ingressa sum in hunc montem. Brevi autem
post tempore dormiit homo Dei, nec ægrotans, nec
in ulla parte corporis dolorem sentiens, sed sportam
contextens me accersit, et cum adesset jam extre-

mus stimulus, dicit mihi : Cape hanc sportam a meis manibus, ut mei memineris. Nihil enim habeo aliud quod tibi relinquam. Et cum hoc dixisset, excedit sine febre, cum esset annorum septuaginta, Domino commendans spiritum. Quem cum ego curassem (28), et linteis sancti corpus involvissem et deposuissem, recessi a solitudine, usque ad diem mortis mecum habens illam sportam. Hic Pambo cum esset moriturus, in ipsa hora excessus, omni circumstantibus Origeni presbytero acœconomio (29), et Ammonio viris inclytis, et reliquis fratribus, dicitur hoc dixisse : Ex quo veni in hunc locum solitudinis, et meam œdificavi cellam, et hic habitavi, nullus fuit dies quo non aliquid operis fecerim meis manibus : nec memini me ab aliquo panem gratis datum comedisse; nec me in hanc horam pœnitet

¶ alicujus sermonis, quem dixerim; et sic ad Deum recedo, ut qui nec pius quidem ac religiosus esse cœperim. Hoc quoque de eo ferebant testimonium Christi servi Origenes et Ammonius, quod nunquam de re aliqua interrogatus, quæ vel ad Scripturam, vel ad actionem negotiumve aliquod pertineret, statim responderit, sed dixerit : Nondum inveni quod respondeam : sæpe autem præterierant tres menses, et non dabat responsum, dicens : Nondum comprehendi. Tam considerate quidem ex Deo dabat responsa, ut a Deo cum omni metu omnes acciperent. Dicebatur enim hanc virtutem etiam supra magnum Antonium, et super omnes sanctos exercuisse, nempe ut esset in loquendo accuratus et perfectus.

CAPUT XI.

Vita abbatis Pior (30).

Fertur autem præter alia hæc quoque actio sancti Pambon, quod Pior, qui se in vita exercebat monastica, ad ejus cellam aliquando accedens, proprium panem detulit. Cum eum autem Pambon reprehendisset, dicens : Cur hoc fecisti? respondit Prior : Ne te gravarem. Itaque tacitus eum dimisit. Post aliquantum autem temporis accedens magnus Pambon ad cellam Pior, panem suum secum madefactum attulit. Ab eo autem rogatus, quanam de causa panem attulisset madefactum, respondit Pambon : Ideo madefeci, ne ego quoque te gravarem.

CAPUT XII.

Vita abbatis ¹ Ammonii (31) et fratrum simul cum sororibus.

Ammonius, qui fuit magni Pambo discipulus, simul cum tribus fratribus et duabus sororibus, cum pervenissent ad summum pietatis ac religionis, venerunt in solitudinem, et seorsum fecerunt utrumque monasterium, virorum scilicet et mulierum, ita ut satis magnum intercederet spatium. Quoniam autem insigniter doctus erat virorum optimus Ammonius, quædam civitas desideravit eum habere episcopum. Qui cum accessissent ad beatum Timotheum

¹ Hic Ammonius fuit Origenista.

A episcopum, rogarunt eum ut eis episcopum ordinaret Ammonium. Ille autem dicit : Adducite eum ad me, et ego eum vobis ordinabo. Cum ergo cum magno auxilio ivissent ad eum comprehendendum, is conversus est in fugam. Cum vidisset autem se jam esse comprehensum, stans eos rogabat. Cum ii autem non parerent, juravit senex se rem non suscipere, neque posse egredi e solitudine. Ubi autem non cedebant, ipsis videntibus, arrepto forfice sinistram aurem sibi abscidit ad imum usque, eis dicens : Nunc intelligite fieri non posse ut ego fiam quod me cogitis, cum lex prohibeat ne ad sacerdotium provehatur is cui sunt aures amputatæ. Cum sic ergo eum dimisissent, recesserunt, et ad episcopum venientes hæc ei renuntiaverunt. Is autem eis

B dicit : Hæc lex in usu sit apud Judæos. Mihi autem si vel truncatum naribus adduxeritis qui sit bonis moribus, ego eum ordinabo. Euntes ergo eum rursus rogabant. Cum ipse autem non pareret, aggressi sunt eum vel vi adducere. Is autem eis juravit, dicens : Si me coegeritis, etiam linguam meam excindam. Eo itaque post hæc dimisso, recesserunt. Hujus Ammonii fertur hoc miraculum. Nunquam, inquit, si quando turpis voluptatis carunculæ insurrectio ejus corpus invasit corpori suo pepercit; sed ferrum candens suis membris admovebat, adeo ut esset totus ulceratus. Ejus autem mensa talis fuit a juventute usque ad mortem, quod crudis scilicet vesceretur; nihil enim unquam comedebat quod igni fuisset admotum, præter panem. Vetus autem et

C Novum Testamentum dicebat memoriter (32); et in doctorum virorum Origenis et Didymi, et Pierii et Stephani scriptis ita erat versatus, ut sexagies centena millia versuum percurreret, ut de eo ferunt testimonium magni quoque Patres in solitudine. Hujus autem feruntur etiam prophetiæ. Tantum autem valebat in consolandis fratribus qui erant in solitudine, quantum ullus alius.

Hoc ei suo suffragio tribuebat Evagrius, qui erat vir discernendi vi præditus, se nullum hominem vidisse qui esset magis impatibilis (33), et alienus ab omnibus animi perturbationibus (*Caute lege*).

Hic in Græco textu quædam sequuntur, quæ versa habes apud Heraclidem, cap. 2.

CAPUT XIII.

Vita abbatis Benjamin (34).

In hoc monte Nitriæ fuit vir admirabilis, qui vocabatur Benjamin, qui recte et ex virtute vitam egit annis octoginta. Qui cum summe virtutem exercuisset, dignatus fuit gratia curationum, adeo ut cuicumque manus imposuisset, aut quod benedixerat oleum dedisset, qui laborabat liberaretur ab omni ægritudine. Hic qui tanta gratia dignus fuerat habitus, octo mensibus ante obitum fuit hydropticus, et ejus corpus usque adeo intumuit, ut propter dolores inveniretur alius Job nostri temporis. Cum nos autem assumpsisset Dioscorus episcopus, qui tunc erat pres-

byter montis Nitriæ, me inquam et beatum Evangelium ¶ ¶ dicit nobis : Adeste, videte novum Job qui in tanto corporis morbo et tanto tumore immensam habet patientiam cum gratiarum actione. Accedentes ergo vidimus tantam molem ejus corporis, ut parvum ejus digitum non possemus complecti digitis duarum manuum. Cum autem morbi gravitatem non possemus fixis oculis intueri, nostros oculos avertēbamus. Tunc dicit nobis beatus ille Benjamin : Orate, filii, ne meus internus homo sit hydropicus. Hoc enim corpus neque cum bene se haberet, mihi quidquam profuit, neque cum male, me læsit. Illis ergo octo mensibus facta est illi sella latissima (35), in qua sedebat assidue, ut qui non posset in lecto accumbere, propter ea quæ sunt corporis necessaria. Cum autem laboraret hoc morbo immedicabili, medebatur aliis qui tenebantur quibusvis ægritudinibus. Necessarium itaque duxi, morbum hujus sancti exponere, ne nobis alienum videatur, si viris justis aliquis casus accidat. Egregio ergo illo viro mortuo, sublatus est limen ostii et postes, ut posset corpus efferrī ex cella. Tanta erat moles corporis beati et inclyti patris Benjamin.

CAPUT XIV.

Vita Apollonii (36) qui cognominabatur ἀπὸ πραγματοτετῶν, id est a negotiatoribus.

Quidam Apollonius nomine ἀπὸ πραγματοτετῶν, id est, a negotiatoribus, cum mundo renuntiasset, et montem Nitriæ habitasset, et nec artem discere posset, nec litteras, quod ætate esset provectus, viginti annis quibus vivit in monte, hanc habuit exercitationem. Suis pecuniis et suis laboribus emens Alexandria vasa medica omne genus (37), universæ fraternitati ea suppeditabat ad mortuos : et licebat eum videre a prima luce usque ad horam nonam discurrētem obeundo monasteria, et ostium ingredientem, et visentem num quis decumberet. Portabat autem uvam passam, mala punica, ova, panem sili-gineum, et ea quibus opus habent ægroti. Hanc sibi conferentem invenit vitæ rationem usque ad senium Christi servus. Qui cum esset moriturus, alteri sibi simili sua reliquit frivola, rogans eum ut idem obiret ministerium. Nam cum quinque millia monachorum illum montem habitent, tali quoque opus est curatione, quod sit locus desertus.

CAPITA XV ET XVI.

Vita Pæsii et Isaiæ (38).

Alii Pæsius et Isaias nomine fuerunt fratres, patre mercatore Hispanico (39), qui quidem cum pater eorum esset mortuus, diviserunt facultates quas habebant in mobilibus : in nummis quidem quinque millia, in vestibus autem et servis quæ inventa fuerant. Ii inter se deliberarunt, et sibi consulentes, dicebant : Quodnam vitæ iter ingrediemur, o frater ? Si exerceamus mercaturam quam pater noster exercuit, nos relinquemus aliis nostros labores, et forte incidemus in pericula vel latronum vel maris. Age

ergo, frater, vitam aggrediamur monasticam, ut et patris nostri lucremur facultates, et nostras animas non perdamus. Placuit ergo utrisque scopus vitæ solitariae, sed inventi sunt alius in alio discrepantes. Cum itaque pecunias divisissent, et reliqua omnia, hunc quidem sibi scopum proposuerunt, ut Deo placerent, sed diverso vitæ instituto. Unus enim omnia dispergens, dedit monasteriis, et ecclesiis, et custodiis, et cum artem didicisset, ex qua sibi panem pararet, exercitationi operam dabat et orationi. Alter autem ejus nihil dispersit, sed facto sibi monasterio, et paucis assumptis fratribus quemlibet excipiebat hospitem, quemlibet curabat ægrotum, quemvis senem retinebat, cuius pauperi dabat ; Sabbato et Dominica, tres aut quator mensas statuens, eos qui erant egeni excipiebat. Hoc modo vitam suam consumpsit. Ambobus autem mortuis, diversæ beatitudines utrisque dabantur a fratribus, utpote quod essent inventi ambo virtute perfecti : et aliis quidem placebat vita ejus, qui renuntiaverat ; aliis vero ea quæ communicabat omnibus egentibus. Cum ergo inter fratres incidisset contentio, propter horum beatorum diversum vitæ institutum, et maxime propter laudes diversas, vadunt ad beatum Pambo, et ad eum referunt, ut de hac re respondeat, volentes scire utranam sit melior vitæ ratio. Is autem eis dicit : Utrique sunt perfecti apud Deum. Alter quidem functus est munere Abrahamæ, qui omnes excipiebat ; alter vero suscepit firmissimum et constantissimum zelum Eliæ prophetae, ut Deo placeret. Et cum alii quidem ei dicerent : Quomodo fieri potest, dic, quæsumus, nobis pedes tuos attingentibus (40), ut hi sint æquales. Cumque alii exercitorem præferrent et dicerent : Præceptum implevit evangelicum, ut qui omnia vendiderit et dederit pauperibus, noctu et diu perseverans in orationibus, crucem ferens, et sequens Servatorem ; contra autem alii de altero contenderent, dicentes : Hic, obsecramus te, tot et talia viscera ostendit in omnes egentes, ut exiret et sederet in viis regiis, et qui erant afflicti colligeret, et opem ferret ; ¶ ¶ neque solum suam recreavit animam, sed etiam aliorum, ægrotos curans, et eis dans auxilium. Et dicit beatus Pambo : Rursus vobis dicam : ambo sunt pares apud Dominum, unicuique autem vestrum de iis satisfaciam. D Hic si non usque adeo se exercisset, non fuisset dignus ut illum bonitati illius compararem. Ille rursus qui recreabat ac reficiebat hospites, et egenis ministrabat, ostensus est Domino pro viribus æqualis. Ipse enim dixit : Ego non veni ministrari, sed ministrare (Matth. xx). Hic ergo minister etsi videbatur habere onus ex labore, attamen ex ipso quoque habuit recreationem. Expectate autem paululum, ut a Deo quoque de his habeam revelationem, et postea scietis cum veneritis. Intermissis ergo aliquot diebus redierunt, de his Magnum illum rogantes. Senex autem respondit illis, dicens : Ante Deum (41) vobis loquor ; vidi utrosque simul stantes in paradiso.

CAPUT XVII.

Vita Macarii junioris (42).

Quidam ætate junior, nomine Macarius, decem et octo annos natus, cum luderet cum suis æqualibus ad lacum qui dicitur Maria, pascens pecora cædem fecit involuntariam. Is cum nemini hoc dixisset, venit in solitudinem, et eo processit metu et Dei et hominum, ut non senserit se tribus annis mansisse sine tecto in solitudine. Est autem illa terra arida, idque sciunt omnes, tam qui auditione acceperunt, quam qui ex ipsa norunt experientia. Hic ipse Macarius sibi postea ædificavit cellulam; et cum in ea vixisset alios viginti et quinque annos, tanta gratia dignus est habitus, ut solitudine (43) delectatus despiceret dæmones. Ego cum eo versatus longo tempore, ab eo didici quomodo affecta esset ejus ratio ob peccatum cædis. Dicebat autem, tantum abesse ut doleat, ut etiam gratias ageret de crimine cædis. Fuit enim cædes involuntaria mihi causa salutis. Dicebat autem, ex Scripturis afferens testimonium cædis, quæ a magno Dei servo Moyse facta fuit in Ægypto, quod nisi propter cædem, et metum Pharaonis, non dignus habitus fuisset Moyses visione Domini, et tanto dono, et conscriptione sanctorum eloquiorum Spiritus. Nam cum effugisset ex Ægypto, pervenit in montem Sina. Hæc autem dico non muniens viam ad cædem aliquam, sed potius ostendens esse etiam virtutes quæ oriuntur ex casu, quando non vult quis sua sponte ad bonum accedere. Ex virtutibus enim aliæ quidem sunt quæ ex voluntate et ex nostro animi instituto proficiuntur; aliæ vero quæ ex casu nascuntur.

CAPUT XVIII.

Vita abbatis Nathanael.

Ex veteribus sanctis fuit quidam alius, optimus Christi athleta, nomine Nathanael. Eum ego non offendi in carne; dormierat enim quindecim annis ante meum adventum in montem. Cum autem in eos incidissem qui cum hoc sancto se exercuerant, et fuerant ei tempore æquales, de viri virtute lubenter sum eos sciscitatus. Mihi autem ejus quoque cellam ostenderunt, in qua nullus adhuc habitat, quod sit terræ habitæ propinquior. Ille enim beatus tunc eam condidit, quando rari fuerant anachoretæ. Narravit autem mihi egregiam ejus exercitationem; nempe quod tantam habuerit in cella tolerantiam, ut nunquam dimotus sit a proposito. Cum ab initio fuisset illusus a dæmone, qui omnes illudit, qui eum labi fecerat in socordiam et animi mœrorem, et eum e cella exegerat (visus est enim esse tristis et animo angustatus in prima cella), illinc itaque recedens, ædificavit aliam propinquior pagum. Postquam ergo perfecit cellam, et in ea habitavit tres vel quatuor menses, accedit noctu dæmon tauream tenens sicut lictores, præ se ferens speciem militis pannis induti, et taurea (44) edens strepitus. Cui succensus, dixit beatus Nathanael: Quis tu es qui hæc facis in meo hospitio? Dæmon autem respondit: Ego sum qui te ex tua prima cella

A exegi, et nunc veni ut te ex hac quoque fugem. Cum ergo cognovisset beatus Nathanael se fuisse illusum, reversus est ad primam cellam; et spatio triginta septem annorum non est egressus extra fores, contendens cum dæmone, qui tot et tanta ei fecerat ut eum cogeret ex cella egredi, ut ne ea narrare quidem liceat. Atque inter cætera quidem hoc machinatus est bonorum inimicus, nempe ut eum probro ac dedecore afficeret, ad ejus abrumpendum institutum.

Cum septem sancti episcopi sanctum invisissent, aut ex Dei providentia, aut ex suggestione illius tentationis, eum propemodum deturbavit a proposito. Cum enim episcopi postquam eum invisissent, orassent, et post orationem exirent, ne gressum quidem unum pedis eos comitatus est vir egregius, ne daret locum inimico bonorum. Ei ergo dicunt diaconi episcoporum: Superbe te geris, o abbas, qui non deducis episcopos. Is vero dicit eis: Ego et dominos meos episcopos colo, et omnem clerum honoro: sumque ego peccator omnium hominum peripsema: his autem omnibus et toti vitæ, quod in me est, propositum sum ☩ ☩ ☩ mortuus. Ego enim habeo scopum occultum, quem scit Dominus qui novit occulta mei cordis, cur eos non sum comitatus.

Cum ergo hic quoque actus non successisset dæmoni, rursus talem suscipit figuram. Novem mensibus ante dormitionem athletæ transformatus est in puerum duodecim annos natum, tanquam agentem asinum panem in sporta ferentem. Qui puer cum sero vespere esset prope cellam, simulabat cecidisse asinum, et se clamare: Abba Nathanael, miserere mei, et porrige mihi manum. Ille autem audivit utique vocem pueri; et aperto ostio cellæ, stans intus ei dicebat: Quis es, et quid vis tibi faciam? Respondet dæmon: Ego sum hujus monachi minister, et fero panes, quoniam est agape tui noti fratris; et cras illucescente Sabbato opus est oblationibus. Rogo ergo te ne me despicias, ne devorer ab hyænis. Sunt enim hyænæ in his locis. Stans ergo mutus beatus Nathanael, præ ingenti ejus misericordia caligabat conturbatus visceribus, et reputabat apud se quid faceret, dicens: Aut futurum est ut transgrediar mandatum, aut a proposito excidam. Postea pia apud se reputans cognitione, dixit: Melius est ne labefactem tot annorum propositum ad ignominia afficiendum et vincendum diabolum. Cum itaque Dominum rogasset, dicit puero qui cum eo loquebatur: Audi, puer, aut quicumque sis. Credo in Deum quem colo, qui dominatur cuius spiritui, quod si auxilio revera egeas, Deus tibi mittet auxilium; et neque hyænæ, neque aliquid aliud tibi male faciet; sin autem es tentatio, hoc quoque Deus mihi ex hinc jam revelabit, et clauso cellæ ostio est ingressus. Pudore autem affectus dæmon quod sic quoque esset victus, resolutus est in turbinem, onagrisque exsultantibus ac fugientibus et strepitum edentibus assimilatus, sic evanuit.

Hoc fuit certamen beati Nathanael, et hæc sunt virtutes ejus exercitationis, et pugna invicta adversus adversarium; et hic ejus celebris vitæ finis.

CAPITA XIX ET XX.

Vita abbatis Macarii Ægyptii, et Macarii Alexandrini (45).

Sanctorum et immortalium Patrum, Macarii Ægyptii et Macarii Alexandrini (*Ruff.*, l. II, c. 28, 29) egregiorum et invictorum athletarum, honestæ vitæ certamina, quæ sunt multa et magna, et incredulis prope incredibilia, et narrare vereor et scriptis mandare, ne forte mei tanquam mendacis fiat mentio. Quod autem Deus perdat omnes qui loquuntur mendacium (*Psal.* v), licet aperte videre sancto Spiritu pronuntiante.

Cum ego ergo per Dei gratiam non mentiar, hominum fidelissime Lause, ne sis quoque ipse incredulus de Patrum certaminibus; sed gloriare potius in æmulatione exercitationis eorum qui vere sunt Macarii, hoc est beati.

Atque primus quidem Christi athleta, nomine Macarius, erat genere Ægyptius; secundus autem ætate, sed in iis quæ sunt monachorum præcipua, primas partes obtinens, qui ipse quoque vocabatur Macarius, erat Alexandrinus, qui vendebat bellaria.

Et primum quidem narrabo virtutes Macarii Ægyptii, qui vixit nonaginta annos integros. Ex his in solitudine annos sexaginta. Cum triginta annos natus ascendisset, essetque ætate junior, tam toleranter tulit labores exercitationis totum decennium, ut magna quadam et insigni dignus haberetur discretionem, adeo ut vocaretur παιδαριολόγῳ, id est, in puerili ætate senex, quoniam citius quam pro ætate profecerat virtutibus. Cum enim esset quadraginta annos natus, et potestatem accepit contra spiritus, et gratiam curationum, et spiritum futurorum prædictionis: dignus quoque est habitus honorando sacerdotio. Cum eo habitaverunt duo discipuli in intima solitudine, quæ vocatur Scete: ex quibus unus quidem erat ei minister, qui semper prope ipsum inveniebatur, propter eos qui veniebant ut curarentur; alter autem seorsum sedebat in cella.

Procedente autem tempore, cum sanctus perspicaci oculo prævidisset, dicit suo ministro, Joanni nomine, qui postea factus est presbyter in loco sancti Macarii (presbyteratu enim dignus fuerat habitus magnus Macarius): Audi me, frater Joannes, et fer æquo animo meam admonitionem, eaque tibi proderit. Tentaris enim, inquit, et te tentat spiritus avaritiæ. Sic enim vidi: et scio quod si meam æquo animo tuleris adhortationem, in Dei timore consummaberis et in ejus opere, et in isto loco, et laudaberis, et ad tuam tabernaculum non appropinquabit flagellum. Quod si non audieris, in te veniet finis Giezi (*IV Reg.* v), cujus vitio laboras. Contigit autem ut sancto quidem non obedierit post ejus mortem, sed obedierit ei qui Judæ alligavit laqueum propter avaritiam. Et post alios quindecim aut viginti annos, cum bona pauperum sibi usurpasset, ita laboravit elephantia, ut non inveniretur integer locus in ejus corpore, in quo quis

A posset figere digitum. Hæc est prophetia sancti Macarii.

Ac de cibo quidem et potione supervacaneum est dicere, cum nec apud eos socordiores monachos qui sunt extra inveniri possit ingluvies, aut ulla citra delectum et discrimen vivendi ratio alia ab iis qui sunt in illis locis, cum propter inopiam rerum necessariorum, tum etiam propter zelum qui est in Deum, unoquoque contendente vincere proximum diversis vitæ institutis.

De alia autem exercitatione cœlestis hujus viri, Macarii inquam, dicebatur hic sanctus esse assidue in exstasi, et majori tempore cum Deo versari quam hujus mundi rebus occupari (46); cujus etiam feruntur diversa miracula.

Ægyptius quidam libidinosus (*Ruff.*, l. II, c. 28), captus amore cujusdam mulieris ingenuæ, quæ viro nupserat, cum non posset eam inescare propter pudicitiam et castitatem erga conjugem virginitatis (47), convenit improbus præstigiatorum, dicens: Aut eam incita ut me amet, aut arte tua effice ut ejus maritus eam dimittat. Cum ergo præstigiator satis ab eo accepisset, usus est suis præstigiis et incantationibus; et cum non posset ejus animum movere ut ei assentiretur, efficit ut videretur equa iis qui eam intuebantur. Cum ergo foris venisset ejus maritus, aspexit uxorem suam in formâ equæ; cumque in suo lecto cubuisset, alienum ei videbatur quod in suo cubili equa jaceret. Flet ergo ejus maritus, et lamentatur quod rem non inveniat; et quod existimans se alloqui bestiam, responsum non assequatur, præterquam quod solummodo eam videbat irasci. Unde magisangebatur animo, cum intelligeret eam esse suam uxorem, curiosis autem hominum artibus esse mutatam in equam. His de causis accersit vici presbyteros, et domum adducit, et eis eam ostendit; sed nec ii cognoverunt calamitatem quæ ei acciderat. Tribus ergo diebus neque fenum comedit ut equa, neque panem ut homo, utroque alimento privata. Tandem ut Deus glorificaretur, et videretur virtus sancti Macarii, ascendit in cor mariti ejus ducere eam in solitudinem ad sanctum virum; et cum eam capistro ligasset ut equam, duxit in solitudinem. Dum autem appropinquassent, steterunt fratres prope cellam sancti Macarii cum ejus marito contententes, et dicentes: Cur huc adduxisti hanc equam? Is autem dicit: Ut misericordiam consequatur sancti oratione. Ille vero dicit ad eum: Quid mali habet? Ille eis dicit: Quam videtis equam, ea misera erat uxor mea; neque scio quemadmodum mutata sit in equam, et jam sunt tres dies ex quo nihil comedit. Ii autem cum hæc audiissent, referunt ad servum Dei Macarium eo jam intus pro illa orante; ei enim Deus revelaverat, ipsis ad eum venientibus; et ideo orabat ut sibi declararetur causa propter quam hoc evenerat. Respondit autem sanctus Macarius fratribus qui ei renuntiaverunt quemdam illuc equum adduxisse, dicens: Equi vos estis, qui habetis equorum oculos; illa enim est femina ita ut est creata, non transformata, sed sic so-

lum apparens oculis eorum qui sunt decepti. Quæ A cum esset adducta, aquamque benedixisset, et in ejus nudæ caput infudisset, super ejus caput est precatus; statimque effecit ut omnibus videntibus videretur femina. Cum autem jussisset ei cibum afferri, fecit ut comederet, et eam sic curatam dimisit cum suo marito, Deo agentes gratias. Eam autem admonuit vir Dei, sic dicens: Nunquam ecclesiam deseras, nunquam abstineas a communione Christi sacramentorum. Hæc enim tibi acciderunt, quod jam quinque hebdomadis non accessisti ad intemerata nostri Servatoris sacramenta.

Alia est actio magnæ ejus exercitationis. Magno vitæ suæ tempore a cella sua in dimidium usque stadium fodiens cuniculum, summam effecit speluncam; et si quando complures ei essent molesti, occulte e B sua cella egrediens, ibat in speluncam, neque ququam eum inveniebat. Narravit autem nobis quidam ex studiosis ejus discipulis, quod recedens usque ad speluncam per cuniculum, dicebat viginti quatuor orationes; et rediens, totidem.

De eo exiit fama, quod mortuum suscitavit (*Ruff.*, l. II, c. 28); ut persuaderet hæretico qui non confitebatur esse resurrectionem corporum. Et fuit constans hæc fama in solitudine.

Ad hunc sanctum adductus est aliquando a matre propria lamentante adolescens qui vexabatur a dæmone, a duobus adolescentibus ex utraque parte constrictus. Hunc autem ita vexabat dæmon. Trium modiorum panes postquam comedisset, et amphoræ unius Cilicensis (18) aquam bibisset, utraque eru- C ctans, cibos resolvebat in vaporem. Ab eo enim, non secus ac igne consumebantur quæ comederat et biberat. Est enim ordo quoque dæmonum qui dicitur igneus. Sunt enim dæmonum quoque sicut hominum differentia, non mutata essentia, verum voluntate distincta. Hic ergo adolescens cum ei mater non suppedicaret, sæpe sua comedebat excrementa, et lotium bibebat. Flente ergo ejus matre, et alienam sui filii mœrente calamitatem, et sanctum valde obtestante et rogante, illum accipiens invictus Christi athleta Macarius, supplex pro eo Deum oravit. Post unum autem alterum diem, remisit dæmon vexationem. Tunc ergo dicit matri adolescentis sanctus Macarius: ¶¶¶ Quantum vis ut filius tuus comedat? Illa autem respondit, dicens: Rogo te, jube eum solum comedere decem libras panis. Eam autem increpans, ut quæ nimium dixerat, dixit: O mulier, cur hoc dixisti? Cumque septem dies orasset cum jejunio, expulso ab eo pernicioso dæmone ingluviei, constituit ei vescendi rationem ad tresque libras panis, quas deberet ipse comedere si operaretur. Cum hoc modo Dei gratia puerum emundasset, eum matri reddidit.

Has res admirabiles et præter opinionem fecit Deus per sanctum Macarium, cujus immortalis anima nunc est cum angelis. Eum ego non conveni, obierat enim anno antequam ego ingrederer in solitudinem. Conveni autem eum qui erat ejus socius in fidei operibus, et idem venerabile nomen quod ipse habebat.

Dico autem sanctum Macarium Alexandrinum, qui erat presbyter earum quæ dicuntur Cellarum. In quibus Cellis ego novem annos habitans, ex quibus tres annos mecum vixit ille Macarius, in quiete sedens, ejus quidem optimæ vivendi rationis alia quidem vidi opera et signa, alia vero didici ab iis qui cum eo vixerunt.

Is cum apud magnum virum et Patrem Antonium electos palmæ ramos vidisset, quos ipse laboraverat, petiit ab eo unum manipulum ramorum palmæ. Dixit autem ei Antonius: Scriptum est: Non concupisces res proximi tui (*Deut.* VII). Et cum id solum dixisset, rami omnes statim tanquam ab igne torrefacti sunt. Quod quidem cum vidisset Antonius, dixit Macario: Ecce Spiritus sanctus requievit super te, erisque mihi deinceps hæres mearum virtutum.

Hinc rursus eum invenit diabolus in solitudine, corpore valde defatigato, et dicit ad eum: Ecce accepisti gratiam Antonii; cur non uteris auctoritate, et a Deo petis cibum et vires ad iter ingrediendum? Is autem dicit ad eum: Virtus mea et laus mea Dominus, tu autem ne tentaveris servum Dei. Facit ergo diabolus ut ei phantasma appareat, camelus onera bajulans et errans per solitudinem, habens omnia ad usum necessaria. Qui cum vidisset Macarium, prope eum assedit. Is autem suspicatus esse phantasma, sicut erat, constitit ad orandum; is vero protinus a terra fuit absorptus.

Aliquando rursus venit hic Macarius Alexandrinus ad magnum Macarium qui erat in Scete. Et cum ambo essent Nilum transmissuri, accidit ut ipsi maximum pontonem ingrederentur; in quem ingressi sunt duo tribuni cum magno fastu et apparatu, et qui intus habent rhedam totam æneam, et equos frenis aureis, et quosdam eos stipantes milites, satellites, et pueros torquibus et aureis zonis ornatos. Postquam ergo tribuni viderunt ipsos veteribus pannis indutos, et sedentes in angulo, humilem illam et tenuem vivendi rationem beatam judicabant; unus autem ex ipsis tribunis dixit ad ipsos: Beati estis vos qui mundum illuditis. Respondens autem Macarius, qui erat urbanus, dixit ei: Nos quidem mundum illusimus, vos autem illusit mundus. Scias autem te non tua sponte hoc dixisse, sed propheticæ: ambo enim vocamur Macarii, hoc est, beati. Is autem ejus sermone D compunctus, cum domum venisset, vestes exuens, delegit vitam agere solitariam, multas faciens elemosynas.

Rursus cum aliquando cupisset vesci uvis recentibus perbellisque ad se missis, ostendens continentiam, eas misit ad alium fratrem laborantem, qui ipse quoque uvas desiderabat. Qui cum eas accepisset, et magna affectus esset lætitia, suam celare volens continentiam, eas misit ad alium fratrem laborantem, qui ipse quoque eum cibum appeteret. Cum ille quoque accepisset, rursus hoc ipsum fecit, etsi ipse valde vesci cuperet. Postquam autem ad multos fratres deinde venerunt uvæ, cum nullus eis vesci voluisset, postremus qui eas acceperat, eas rursus

misit ad Macarium, tanquam magnum ei donum largiens. Qui cum rem curiose inquisisset, admiratus, et Deo actis gratis ob tantam eorum continentiam, ne ipse quidem ex iis tandem comedit.

Atque hæc quidem est magni Macarii exercitatio, quam ego et multi accurate apud ipsum didicimus. Si quod opus exercitationis aliquem unquam fecisse audiit, omnino id ardentem effecit.

Cum ab aliquibus audiisset, Tabennesiotas per totam quadragesimam nulla re vesci quæ igni esset admota, statuit hic sanctus septem annis nihil comedere quod per ignem transisset, et toto illo septennio nihil gustavit præter cruda olera vel si quæ forte invenisset legumina humectata. Cum hoc ergo recte vixisset, aspernatus est hanc vivendi rationem. Audiit autem ab aliquo alio hic monachorum optimus, quod quidam monachus comedebat libram panis. Quem æmulatus, fregit quod habebat buccellatum, et immisit in lagenam, statuens solummodo tantum comedere, quantum manus ejus sursum ferret. Magna est autem hæc in tractando corpore asperitas. Festive enim nobis narrabat : Plura quidem frustra apprehendebam ☩☩☩; sed non sinebat efferre ob angustiam foraminis. Publicanus enim meus mihi non permittebat omnino vesci. Totos ergo tres annos hanc exercuit continentiam, quatuor vel quinque uncias comedens, et aquam quæ eis responderet; olei autem sextarium toto anno consumebat in alimentum.

Alia athletæ exercitatio. Statuit indomitus hic vir somnum superare. Etenim utilitatis gratia hoc ipse narravit : Totis viginti diebus et noctibus non sum tectum ingressus, ut somnum vincerem, cum interdium quidem æstu arderem, noctu vero algore rigerem. Quod nisi, inquebat, tectum essem ingressus, et somno usus essem, ita mihi erat arefactum cerebrum, ut deinceps ageret in exstasim : et quod ad me quidem attinet, vici somnum ; quod autem ad naturam opus habentem, ei cessi ¹.

Ei aliquando molestiam exhibuit spiritus fornicationis (49) ; et tunc condemnavit seipsum sedere nudum sex menses in paludæ Scetes, quæ est in vasta solitudine, in qua possunt culices vel sauciare pelles aprorum, ut qui sint æque magni ut vespæ, adeo ut in toto ejus corpore infixerint aculeos ; ut nonnulli existimaverint eum esse leprosum. Reversus ergo in suam cellulam post sex menses, ex voce cognitum est eum esse dominum Macarium.

Is cupiit aliquando, ut ipse nobis narravit, quod in hortis erat, ingredi monumentum, quod dicitur κηποτάφιον Janne et Mambre, magorum qui erant tempore Pharaonis, ut id videret, vel etiam ut conveniret eos qui illic sunt dæmones. Dicebatur enim plurimos, eosque ferocissimos, in eo loco ab illis collocatos esse dæmones per infamiam artis eorum excellentiam. Hoc autem monumentum factum est a Janne et Mambre fratribus, qui propter magicæ artis excellentiam primas partes habebant illo tempore

apud Pharaonem. Ut qui ergo illo vitæ suæ tempore maximam in Ægypto haberent potestatem, construxerunt illud opus ex lapidibus quadratis (50), et suum illic fecerunt monumentum ; et cum multis illic auri deposuissent, et omne genus arbores plantassent, maximum quoque puteum aquæ foderunt ; est enim locus humidus (51). Hæc autem omnia fecerunt, sperantes post suum hinc discessum frui deliciis in illo paradiso. Tandem ergo quoniam nesciebat viam quæ ad eum ducit hortum, Dei servus Macarius, conjectura quadam sequebatur astra, et sicut nautæ qui transmittunt maria, totam pervasit sanctus solitudinem ; et cum aliquot etiam accepisset arundines, unam statuit in unoquoque milliari, ut per ea signa remearet. Cum ergo intra novem dies totam illam pervasisset solitudinem, et esset prope illum hortum, succedente nocte parum dormiit. Immanis vero dæmon qui semper adversatur Christi athleticis, cum collegisset omnes illas arundines, dormiente Macario, et circiter ad unum lapidem a monumento ad ejus caput posuisset, recessit ; postquam ergo surrexit, invenit colligatas arundines quas ipse fixerat signi causa. Fortasse autem hoc quoque fuit Dei permissio ad majorem ejus exercitationem, ut non speraret in arundinibus, sed in Dei gratia, quæ per columnam nubis deduxit Israel quadraginta annis in terribili illa solitudine. Dicebat autem Macarius : Cum propius accessi ad illud monumentum, ex eo egressi mihi occurrerunt ad septuaginta dæmones variis formis præditi ; alii quidem clamantes, alii vero exsidentes, alii vero cum magno fremitu in me stridentes dentibus, alii vero tanquam corvi volantes, audebant meo vultui insultare, dicentes : Quid vis, Macari, tentatio monachorum ? quid ad nos accessisti ? an non nos quoque aliquem ex monachis vexavimus ? Quæ nostra sunt, tu cum tuis similibus illic habes, nempe solitudinem, et illinc nostros cognatos fugavistis. Nihil est nobis tecum commune. Quid loca nostra invadis ? Tanquam anachoreta, contentus esto solitudine. Qui hunc locum ædificarunt, eum nobis assignarunt ; non potes hic manere. Quid queris ingredi in hanc possessionem, in quam nullus ex vivis hominibus est ingressus, ex quo fratribus qui hoc condiderunt sunt a nobis hic factæ exsequiæ. Et cum multa adhuc turbarent et insultarent dæmones, dixit eis sanctus Macarius : Ingrediar tantum, et videbo, et hinc recedam. Dixerunt autem dæmones : Hoc nobis promitte in tua conscientia. Dicit autem Christi servus, Hoc faciam. Dæmones autem evanuerunt. Ingrediente autem eo in paradisum, ei occurrit diabolus cum stricta rhomphæa, ei minitans. Ad quem hanc vocem respondit sanctus Macarius : Tu venis ad me in stricta rhomphæa ; et ego contra te ingrediar in nomine Domini sabaoth, in acie Dei Israel. Ingressus autem, contemplatus sum omnia, in quibus inveni etiam cadum æneum catena ferrea pendentem ex puteo, jam tempore consumptum, et fructum malorum puniceorum quæ nihil intus habe-

¹ Hic paragraphus variat in Græco. Est ut in Heraclide, cap. 6.

bant, fuerant enim arefacta a sole, et plurima aurea A donaria. Cum sanctus ergo ¶¶ illinc recessisset absque tumultu et citra illam perturbationem, reversus est per viginti dies in suam cellam.

Cum autem defecissent panes et aqua quam portabat, in magna erat afflictione. Viginti enim diebus ingrediens per solitudinem, ut existimo, nihil omnino gustavit, ut etiam res ostendit. Fortasse autem tentabatur quoque intolerantia. Et cum jam parum abesset quin collaberetur, visa est ei quædam puellæ speciem præ se ferens, ut ipse narrabat, munda linea veste induta et tenens urnam aqua stillantem : quem dicebat Macarius abfuisse ab eo circiter unum stadium. Qui tres dies ingressus est eam videns cum urna tanquam stantem, et eum provocantem, non valentem B eam assequi : spe autem bibendi, trium dierum laborem fortiter sustinuit. Postquam apparuit multitudo bubalarum, ex quibus una stetit ex adverso ejus habens vitulum ; sunt enim multæ in illis locis. Et ut dicebat nobis Macarius, uber ejus lacte fluebat, et desuper sonuit vox ei dicens : Macari, accede ad bubalam, et lactare. Cum ergo, inquit, ad eam accessissem et lactatus essem, mihi suffecit. Ut autem majorem gratiam ostenderet Dominus, docens meam parvitatem, jubet bubalam me sequi usque ad cellam. Illa vero parens jussui secuta est, me quidem lactans, suum autem non admittens vitulum.

Aliquando rursus cum puteum foderet hic vir virtute præditus, ad recreandos monachos (is autem erat prope folia et sarmenta illic posita) morsus est ab aspide (est autem venenatum et exitiosum animal), C ambas fauces aspidis apprehendens sanctus ambabus manibus, eam discerpsit, dicens : Cum te non misisset Dominus meus, quomodo ad me ausus es accedere ?

Cum ipse rursus magnus audiisset Macarius quod haberent præclarum vitæ institutum Tabennesiotæ, veste mutata, et assumpto mundano habitu operarii, spatio quindecim dierum pervenit Thebaidem, ingressus per solitudinem. Et cum venisset in monasterium Tabennesiotarum, quæsiit eorum archimandritam, nomine Pachomium, virum piobatissimum, qui et gratiam habebat propheticam (*De eo infra, cap. 38*), cui quidem sancto tunc revelatus non fuerat magnus Macarius. Cum ergo eum convenisset, dicit ei Macarius : Oro te, suscipe me, quæso, in tuum D monasterium, ut flam monachus. Dicit ei magnus Pachomius : Non potes deinceps fieri monachus quis tam proventus ætate, non potes te exercere : sunt fratres qui se exercent a juventute, et laborem tolerant. Tu autem in hac ætate non potes ferre tentationes exercitationis. Offenderis, et exibis, et nobis maledices. Neque eum accipit nec primo die, nec secundo usque ad septem dies. Ille vero fuit constans, manens jejunos. Postea autem dicit ei senex Macarius : Suscipe me, abba, et nisi jejuna vero et fecero ea quæ ipsi opera, jube me ejici ex monasterio. Persuadet fratribus magnus Pachomius ut eum admittant. Est autem unius monasterii conventus, mille

quadringenti viri usque in hodiernum diem. Ingressus est ergo. Cum autem præterisset aliquantum temporis, advenit quadragesima ; et vidit senex Macarius unumquemque suscepisse diversas vivendi rationes : alium quidem comedere vespere ; alium vero post duos dies, alium post quinque ; alium stare per totam noctem, interdium vero sedere ad opus. Ipse autem cum aliquot palmæ ramos sibi madefecisset, stetit in uno angulo, et donec quadraginta dies impleti essent, et advenisset Pascha, non sumpsit panem, non aquam, non genu flexit, non sedit, non accubuit, nihil aliud gustavit præter pauca cruda crambes folia, quæ sumebat die Dominico, ut videretur comedere, et non incideret in arrogantem de se persuasionem ; et si quando egrediebatur ad aliquid necessarium, cito rursus ingrediens, stabat ad opus, os non aperiens, sed stans silentio, nihil aliud faciens præterquam silentium in corde exercens, et faciens orationem, et ramos palmæ operans quos habebat in manibus. Cum autem hæc vidissent omnes exercitatores illius monasterii, seditionem excitarunt adversus suum præfectum : Undenam nobis adduxisti hunc hominem sine carne ad nostri condemnationem ? Aut eum hinc ejice, aut, ut scias, nos omnes hinc recedimus. Cum hæc autem a fratribus audiisset magnus Pachomius, de eo est sciscitatus. Et cum didicisset ejus vitæ agendæ rationem, Deum rogavit ut ei revelaretur quisnam sit. Revelatum est autem ei eum esse Macarium monachum. Tunc ejus manum apprehendit magnus Pachomius, et eum foras educit ; et cum deduxisset in domum oratorii ubi est ara, et esset amplexus, ei dicit : Ades dum, venerande senex. Tu es Macarius, et me id celasti. Multis abhinc annis cupii te videre cum de te audirem. Ago tibi gratias, quod filios meos subegeris, ne se jactent et magnifice circumspiciant propter suam exercitationem. Rogo ergo te, recede in locum tuum, nos enim satis ædificasti, et ora pro nobis. Tunc ab ipso rogatus, et eum omnibus fratribus orantibus, sic recessit.

¶¶ Aliquando rursus narravit nobis hic vir impatiibilis : Quando recte gessissem omnem vitæ monasticæ agendæ rationem, tunc veni ad aliud spiritale desiderium. Statui enim quinque dies solum mentem meam ita componere, ut a Deo avelli non posset, et nihil aliud omnino cogitaret. Et cum id apud me statuissem, clausi meam cellam et aulam extrinsecus, ut nulli darem responsum. Et steti incipiens a secunda et menti meæ præcipiens, et ei dicens : Vide ne descendas de cælis. Habes angelos, archangelos, omnes supernas potestates, cherubim et seraphim, Deum horum omnium effectorem. Illic versare, ne sub cælo descenderis, ne incideris in mundanas cogitationes. Cum duos autem, inquit, dies et duas noctes perseverassem, ita irritavi dæmonem, ut ipse fieret flamma ignis, et combureret omnia quæ habebam in cella, adeo ut etiam storea, supra quam stabam, igne arderet, et sic me quoque existimarem totum conflagrare. Tandem timore affectus tertio die destiti ab hoc proposito, cum non possem am-

plius mentem meam tenere indivulsam, sed descendi ad hujus mundi contemplationem; Deo fortasse permittente, ne hoc mihi reputaretur in superbiam.

Ego ad eum accessi aliquando, et inveni extra ejus cellam jacentem quemdam cujusdam vici presbyterum, cujus caput ita erat exesum a morbo qui dicitur cancer, ut etiam ipsum os totum appareret in vertice. Is accessit ad ipsum ut curaretur, nec eum admittibat ad colloquium. Rogavi autem eum, dicens: Miserere hujus miseri, et saltem da ei responsum. Is vero mihi respondit, dicens: Est indignus qui curetur, missa est enim ad eum hæc a Domino disciplina. Quod si velis eum curari, persuade ei ut deinceps absteineat a ministerio sanctorum sacramentorum. Ego autem ei dico: Quamobrem, quæso? Is vero dicit: Fornicans sacrum peregit ministerium, et ideo castigatur. Nunc ergo si metu desistat ab eo quod ausus est facere per contemptum, Deus ipsum curabit. Postquam ergo dixi ei qui affligebatur, jurjurando est pollicitus se non amplius sacerdotis partes obiturum. Tunc eum accepit, et dixit ei: Credisne esse Deum quem nihil latet? Respondet ille: Maxime, rogo te. Deinde ei dicit Macarius: Non potuisti Deo illudere? Dicit ille: Non potui, domine mi. Dicit ei Macarius: Si agnoscis tuum peccatum, et Dei disciplinam propter quam hæc subiisti, corrigitur in posterum. Qui confessus est peccatum, et spondit se non amplius peccaturum, neque altari ministraturum, sed sortem laicam amplexurum. Deinde sic sanctus ei manus imposuit, et paucis diebus fuit curatus, capillique ei creverunt et sanus domum rediit Deum glorificans; egit autem magno quoque Macario gratias.

Hic sanctus habebat diversas cellas; unam quidem in Scete, quæ est interior in solitudine, et unam in Libya, et unam in Celliis, et unam in monte Nitriæ. Et aliæ quidem carebant ostio, in quibus dicebatur sedere in quadragesima in tenebris, alia autem erat angustior, in qua non poterat pedem extendere; alia autem latior, in qua conveniebat eos qui ad ipsum ventitabant.

Hic curavit tantam multitudinem eorum qui vexabantur a dæmonibus, ut ea non cadat in numerum. Cum nos autem illic essemus, virgo nobilis et dives deducta est ad eum e Thessalonica in finibus Achaïæ, quæ multis annis laborarat paralyti. Hanc ante cellam suam projectam, misericordia commotus, viginti diebus ungens oleo sancto suis manibus, et orans, sanam remisit in suam civitatem. Quæcum pedibus suis recessisset, ad sanctos copiosam misit oblationem.

Me autem præsentem adductus est ad eum puer qui vexabatur a spiritu. Ei autem manum imponens in capite, et sinistram supra cor, tandiu oravit donec fecisset ipsum pendere in aere. Tanquam uter ergo puer inflatus, adeo intumuit, ut esset maximi ponderis. Et cum repente exclamasset, per omnes sensus aquam emisit; et cum rursus desiisset, rediit ad eam in qua prius erat mensuram. Et tradidit eum patri,

¹ Heraclides hæc de Marco.

A cum unxisset oleo sancto; et cum aquam infudisset præcepit ne quadraginta diebus carnes gustaret, nec vinum; et sic eum curavit.

Eum aliquando subierunt cogitationes vanæ gloriæ, quæ eum e cella ejiciebant, et suggerebant ut honesto concilio et justa de causa Romam pergeret, pro beneficio eorum qui ægrotabant; valde enim in eum operabatur gratia adversus spiritus. Postquam autem longo tempore non obediit, valde agitabatur. Cadens vero in limine cellæ, foras pedes emisit, et dicit: Trahite et vellite, o dæmones, si potestis. Ego enim non abeo meis pedibus, jurans fore ut jaceat usque ad vesperam, et nisi eum excutiant, non esse auditurum. Cum autem diu procubisset, surrexit; cum nox autem adventasset, ei rursus exhibere negotium. Et cum duorum modiorum sportam implesset arena, et imposuisset humeris, pervadebat totam solitudinem. Huic occurrit Theosebius Cosmetor, genere Antiochenus, et ei dicit: Quid portas, abba? Cede mihi onus, et ne vexeris. Ille autem dixit: Vexo eum qui me vexat; nam cum sim remissus et ignavus, suggerit mihi peregrinationes. Cum autem diu promovisset, ingressus est cellam conrito corpore.

¹ Narravit autem nobis (52) Dei quoque servus Paphnutius; præclari hujus sancti discipulus, quod cum quodam die sederet in aula sanctus Macarius, et Deum alloqueretur, hyæna acceptum suum catulum, qui erat cæcus, attulit ad sanctum Macarium; et cum capite pulsasset ostium aulæ, ingressa est, eo adhuc sedente, et projecit catulum ad ejus pedes. Cum autem accepisset catulum sanctus Macarius, et spuisset in ejus oculos, oravit, et statim vidit. Et cum mater eum lactasset et accepisset, ita exiit. Die autem sequenti pellem magnæ ovis attulit ad sanctum Macarium; et cum sanctus vidisset pellem, hæc dixit hyænæ: Undenam hanc habuisses, nisi ovem alicujus devorasses? Quod ergo proficiscitur ab injuria, ego a te non accipio. Hyæna autem humi inclinato capite, genu flectebat ad pedes sancti, et ponebat pellem. Ipse autem ei dicebat: Dixi me non accepturum, nisi juraveris te non amplius offensuram pauperes, comedendo eorum oves. Illa vero ad hoc quoque capite suo annuit, ut quæ sancto assentiretur Macario. Tunc accepit pellem ab hyæna. Beata autem Christi ancilla Melania dixit mihi, se illam pellem accepisse a Macario illo, quod appellabatur munus hyænæ. Quid vero mirum est apud viros mundo crucifixos, si hyæna beneficio affecta, ad Dei gloriam, et honorem servorum ejus, id sentiens ad eum munera attulerit? nam qui in Daniele propheta mansuefecit leones, huic quoque hyænæ largitus est intelligentiam.

De eo autem dictum est quod ex quo fuit baptizatus, humi non spuirit, cum essent sexaginta anni ex quo fuerat baptizatus. Annos enim natus quadraginta baptismum susceperat.

Forma autem ejus erat hujusmodi: oportet enim me quoque tibi hoc significare, Christi serve, ut qui

hoc sciam optime, cum mea parvitas ei fuerit tempore æqualis. Erat autem ejus forma satis minuta ac mutila et rara, pilos solum habens in labro. Quin etiam in suprema parte habebat paucos. Nam propter ingentes labores exercitationis, ne pili quidem menti barbæ ei enati sunt.

Ad hunc sanctum Macarium cum quodam die venissem, et essem animo valde anxius, dico illi : Abba Macari, quid faciam, quoniam me affligunt cogitationes, mihi dicentes : Nihil facis, recede hinc. Respondet mihi dicens sanctus Pater Macarius : Dic tu tuis cogitationibus : Propter Christum custodio parietes.

Hæc, o studicse et amantissime Christi serve, ex multis et magnis signis et certaminibus inclyti et virtute præditi Macarii significavi.

Hic Macarius nobis narravit (erat enim presbyter) se observasse tempore communionis Christi sacramentorum, se Marco exercitatoris nunquam dedisse oblationem, sed ei angelum dedisse ex ara; jus autem se vidisse digitum manus ejus qui dabat.

CAPUT XXI.

Vita abbatis Marci (53).

Cum esset autem hic Marcus junior, dicebat memoriter Vetus et Novum Testamentum, eratque insigniter mitis, et summe temperans. Quodam ergo die cum satis otii haberem in cella mea, in extrema jam ejus senectute ad eum venio, et ostio ejus cellæ assideo. Quem ego, utpote qui essem adhuc rudis, existimabam esse supra hominem, sicut erat; et auscultabam quidnam diceret vel faceret. Is autem intus solus, cum jam centum annos transegisset, et dentes amisisset, secum pugnabat et cum diabolo, et dicebat : Quid vis deinceps, κακόγηρε, id est, male senex? Ecce jam et vinum bibisti, et oleum tetigisti. Quid vis deinceps πολίφαγος, id est, vorax in canitie, et κοιλιδούλε, id est, ventri serviens, probro et contumelia te ipsum afficiens? Et diabolo dicens: Recede a me, diabole, consenuisti mecum in dissensionibus, iniecisti mihi imbecillitatem corporis, fecisti me bibere vinum, et sumere oleum, me reddens voluptarium. Adhucne tibi aliquid debeo? Apud me nihil invenis quod velis diripere. Recede a me deinceps, inimice hominum. Ac veluti se provocans et irritans secum loquebatur, dicendo : Absdum, o nugator, in canitie vorator, et helluo in senectute. Quandiu ero tecum?

CAPUT XXII.

Vita abbatis Moysis (54), qui fuit ex latronibus.

Fuit quidam Moyses nomine, Æthiops genere, niger, servus cujusdam qui gerebat rempublicam; quem propter morum improbitatem et latrocinii crimen projecit ejus dominus. Dicebatur enim etiam usque ad cædes progredi; cogor enim dicere facta ejus improbitatis, ut postea ostendam virtutem ejus penitentiae. Narrarunt ergo aliqui eum fuisse præfectum magnæ catervæ latronum. Cujus inter cetera latrocinandi opera hoc quoque fertur, quod infesto

et vindictæ cupido animo erat in pastorem, qui ad rem aliquam patranda eunti sibi fuerat cum canibus suis impedimento. Quem cum vellet occidere, obibat locum in quo ejus oves habebant stationem, ei autem significatum est ipsum esse trans Nilum. Et cum fluvius illo tempore inundaret, et ad mille passus pateret latitudine, ense tenens mordicus, et tunicam qua erat indutus imponens suo capiti, natando sic transmisit fluvium. Dum autem transnataret, potuit pastor se abscondere alicubi infodiens. Cum ergo Moysi cæptum non successisset, occisis quatuor egregiis arietibus, et fune colligatis, Nilum rursus tranavit; et cum in parvam quamdam villam venisset, excoriavit arietes; et cum quæ erant, carnis optima comedisset, et pelles pro vino vendidisset, cum saltem Italicorum circiter octodecim (55) ebibisset, illinc ad quinquaginta milliaria est profectus, ubi habebat collegium.

Hic princeps latronum sero tandem casu aliquo qui ei acciderat compunctus, tradidit se ipsum monasterio; et ad tantam processit penitentiam, quantum res ipsæ indicarunt. Inter cetera autem dicitur, quod cum quatuor latrones in eum in cella sedentem irruissent, ignorantes eum esse Moysen, beatus Moyses eos tanquam saccum paleæ ligatos, et humeris imposuit; et ad fratrum portavit ecclesiam, dicens: Quoniam non licet mihi alicui facere injuriam, inveni autem eos me aggressos, quid de iis jabetis fieri? Hoc modo autem comprehensi a sancto Moysse, Deo confessi sunt. Et cum cognovissent eum esse Moysen qui fuit aliquando insignis princeps latronum, Christum eo nomine glorificantes, illi quoque mundo renuntiaverunt propter ejus penitentiam, et evaserunt monachi probatissimi, sic cogitantes: Si hic qui tantum valebat viribus latrocinia parvi faciens, sic Deum timet; quid nos adhuc nostram salutem differimus?

Beatum autem Moysen (sic enim oportet eum vocare) deinceps adorti sunt dæmones, ad fornicatoriæ intemperantiæ impellentes eum consuetudinem; qui usque adeo ab ipsis fuit tentatus, sicut ipse narravit, ut parum abfuerit quin eum ab instituto dimoverent. Cum autem accessisset ad magnum Isidorum, qui sedebat in Scete, tertio ad eum retulit de bello fornicationis. Cui respondit sanctus: Ne conturberis, Do frater; sunt principia, et ideo te vehementius invaserunt, priorem requirentes consuetudinem. Sicut enim canis cum assueverit in macello pernas rodere, non recedit a consuetudine; sed si fuerit clausum macellum, et nemo ei dederit, fame enectus non amplius accedit; sic tu quoque, si permanseris in tuæ continentiae exercitatione, mortificans membra tua quæ sunt supra terram (Coloss. III), et excludens ab ingressu ingluviem quæ parit intemperantiam, ægre ferens dæmon, ut qui cibos non habeat qui accendant, a te recedet. Cum ergo secessisset Christi servus Moyses, et ab illa hora se ipsum inclusisset in cella, maxima in omnibus exercebatur tolerantia, maxime autem in abstinentia a cibis;

ut qui nihil aliud sumeret præter panis sicci uncias A duodecim, plurimum operans, et quinquaginta orationes quotidie peragens.

Porro autem quamvis suum macerasset corpusculum, permansit tamen inflammatus, et præcipue in somnis. Cum autem surrexisset, convenit quemdam alium monachum sanctum probatissimum, et ei dicit: Quid faciam, abba? Rationi meæ tenebras offundunt somnia animi, ut qui eis ex veteri consuetudine delecter. Dicit ei ille sanctus: Non cohibuisti mentem tuam a visis quæ in eis versantur, ea de causa hæc sustines. Fac ergo quod dico. Dede te paulatim vigiliæ, et ora sobrius; et ab his cito liberaberis. Cum hoc autem monitum audiisset vir præclarus, tanquam ab eo qui erat artifex experientia, in cellam reversus, dixitei, quod quidem sua sciat conscientia, tota B nocte non dormiisse; non orationis prætextu genuflexisse, ut somni fugeret tyrannidem.

Cum annis ergo sex mansisset in cella, totas noctes stans in medio cellæ, et Deum orans assidue, et non claudens oculos, non potuit intemperantem vincere cupiditatem. Revera enim non potest vere castigari cupiditas. Cum enim seipsum tabefecisset laboribus, turpem illam affectionem non potuit subigere.

Post hæc aliam sibi suggestit rationem asperæ vitæ agendæ. Egrediens hic pugil Satanæ (varie enim cum eo decertavit), noctibus abibat ad cellas monachorum, qui se exercendo consenuerant in laboribus, et per se aquam non poterant amplius importare: et accipiens hydrias eis nescientibus, illas aqua C implebat. Habent enim in illis locis aquam certa distantem longinquitate, alii quidem ad duos lapides, alii vero ad quinque, alii vero ad dimidium. Una ergo nocte qua hoc faciebat, dæmon qui eum observaverat, non amplius ferens athletæ fortitudinem, cum ipse se inclinasset in puteum, ut unius monachi impleret hydriam, clavam quamdam ei impexit in lumbos, et eum in eo loco reliquit jacentem mortuum, nihil omnino sentientem, neque quid, neque a quo id passus sit. Cum ergo alio die D venisset quidam monachus ad aquam hauriendam eum illic invenit jacentem linqui animo. Is autem id renuntiavit magno Isidoro presbytero Scetis. Qui abiens cum aliquot aliis, eum accepit, et tulit in ecclesiam. Ille vero anno toto ægrotavit, ut vix corpus ejus et anima convaluerit. Tunc dicit illi magnus Christi sacerdos Isidorus: Cessa deinceps, frater Moyses, contendere cum dæmonibus, et ne sic eis insultaveris, est enim modus quoque fortitudinis in exercitatione. Is autem illi dicit: Non cessabo cum eis pugnare, donec mihi cessaverit phantasia somniorum. Tunc ei dicit Christi servus Isidorus presbyter: In nomine Domini nostri Jesu Christi ab hoc temporis articulo cessabunt turpia tua somnia: bono deinceps et fidenti animo communica sacramentis (56). Ne enim gloriareris, ut qui tua exercitatione vicisses affectionem, ideo vehementer in te suam exercuit potestatem, ad tuam utilitatem,

ne incideres in animi elationem. His auditis reversus est in cellam, quiete deinceps attendens moderato instituto exercitationis. Post duos autem vel tres menses rogatus a beato Isidoro presbytero exercitator Moyses nunquid amplius ei molestiam exhibuisset spiritus, respondit: Ab illa hora qua mihi precatus est Christi servus, nihil mihi accidit ejusmodi. Dignatus est autem hic sanctus gratia adversus dæmones, adeo ut sicut nos muscas hieme contemnimus; ita, atque adeo amplius, hic magnus Moyses contemneret dæmones. Hæc est religiosa et sancta vita quam egit invictus athleta Moyses Æthiops, qui ipse quoque numerabatur inter magnos. Obiit ante [F. leg. autem] septuaginta quinque annos natus in Scete, cum factus esset presbyter, relictis septuaginta quinque discipulis.

CAPUT XXIII.

Vita abbatis Pauli (57).

Mons est in Ægypto, abducens in vastam Scetes solitudinem, qui appellatur Pherme. In hoc monte sedent circiter quingenti homines qui exercentur. Inter quos fuit etiam quidam, nomine Paulus, monachus optimus, qui toto suo tempore hanc egit vitam. Nunquam opus attigit, nec ullum suscepit negotium, nil unquam accepit ab aliquo, præterquam quod posset in ipso die comedere. Fuit autem ejus opus et exercitatio, orare perpetuo. Hic habebat trecentas preces expressas et præstitutas, totidem habens in sinu calculos, et in unaquaque oratione jaciens unum calculum (58). Is cum accessisset ad sanctum Macarium qui dicitur Politicus, ejus conveniendi gratia, et propter spiritalem utilitatem, ei dicit: Abba Macari, valde affligor. Coegit eum Christi servus dicere causam propter quam molestia afficiebatur. Is vero ei dicit:

CAPUT XXIV.

De Virgine quæ faciebat septingentas orationes.

In quodam vico habitat quædam virgo, quæ trigesimum annum jam exercetur. De qua multi mihi narrarunt, quod præter Sabbatum et Dominicam nullo alio die vescitur; sed toto tempore trahens hebdomadas, et post quinque dies comedens, facit septingentas orationes. Hoc cum didicissem, meipsum reprobavi, quod vir creatus his viribus corporis, non potuerim facere plus quam trecentas orationes. Ei respondet sanctus Macarius, dicens: Sexagesimus annus agitur, ex quo centum constitutas facio orationes, et laborans manibus ea quæ sunt ad alimentum necessaria, et fratribus debitum reddens congressionis, nec mea me judicat ratio quod fuerim negligens. Si tu autem cum trecentas facias orationes, judicaris a conscientia, aperte ostendis te non pure orare, vel posse plures orationes facere quam facias.

CAPUT XXV.

De Cronio (59) presbytero.

Cronius quidam mihi narravit presbyter Nitriæ (Ruffin., l. 11, cap. 25, de Cronio Antonii discipulo): Cum essem, inquit, junior ab initio, et propter animi

angorem et tristitiam fugerem ex monasterio mei archimandritæ, errans perveni ad montem sancti Antonii. Sedebat autem beatus Antonius inter Babylonem (60) et Heracleam in vasta solitudine, quæ fert ad mare Rubrum, circiter triginta milliaribus a fluvio. Cum ergo venissem ad ejus monasterium quod est prope fluvium, in quo sedebant ejus discipuli Macarius et Amatas in eo qui Pisper appellatur loco, qui eum etiam cum dormisset sepelierunt, expectavi quinque dies, ut convenirem sanctum Antonium. Dicebatur autem accedere ad hoc monasterium, aliquando quidem post decem dies, aliquando vero post viginti, aliquando vero post quinque, prout expediebat pro beneficio eorum qui veniebant ad monasterium. Conveneramus ergo diversi fratres diversis de causis: inter quos fuit etiam Eulogius Alexandrinus monachus, et cum eo alius membrus mancus, qui quidem propter talem causam accesserunt.

CAPUT XXVI.

De Eulogio (61) Alexandrino et eo qui erat membrus mancus.

¶ Hic Eulogius fuit disciplinarum liberalium scholasticus (*Pasch. c. 19, n. 3*), qui divino amore sauciatus, propter desiderium immortalitatis renuntiavit tumultibus; et cum omnes suas dispersisset facultates, sibi reliquit paucos nummos, cum non posset operari. Cum ergo per se angeretur animo et esset tristis, et neque vellet cum aliis congregari, neque ut solus esset satis sibi persuaderet, invenit quemdam mancum ac mutilatum in foro projectum, qui nec manus habebat nec pedes: ei solum lingua remanserat integra ad alloquendum eos qui incidebant. Eulogius autem stans, eum fixis intuetur oculis, et Deum rogat, et cum Deo hoc modo paciscitur, dicens: Domine, propter nomen tuum accipio hunc mutilatum, et eum me recreaturum ac refecturum spondeo usque ad horam mortis ejus, ut ego quoque per eum salvus fiam. Largire ergo mihi, Christe, patientiam, ut ei inserviam. Et ad eum accedens, dicit ei: Vis ego te domo accipiam, et te recreem ac reficiam? Ille ei dicit: Utinam dignareris, sed ego sum indignus. Vado ergo, inquit, et adducam asinum, et te hinc auferam. Cum magno autem gaudio est assensus is qui erat mutilatus. Eum ergo sustulit et portavit in suum hospitium, ejusque curam gessit in omnibus quibus opus habuit. Perpetuis ergo quindecim annis, is qui erat mutilatus benevole ab eo curabatur tanquam pater, ut qui lavaretur, ungeretur, foveretur, et portaretur manibus Eulogii, et supra suam dignitatem quidem custodiretur, morbo autem convenienter reficeretur. Post quindecim autem annos invasit dæmon eum qui erat mutilatus, volens privare Eulogium mandato et proposito, et mutilatum a refectioe, et Dei gratiarum actione, seditionemque excitat in Eulogium; multisque eum probrois cœpit insequi, adeo ut eum etiam appeteret maledictis, dicens deinceps: Abi hinc, scelerate fugitive (62). Suffuratus es alienas pecunias, et dominum spoliasti; et meo prætextu vis latere, ut qui

prætextu bene faciendi me acceperis in tuum hospitium, et propter me vis esse salvus. Eulogius autem cor ejus leniebat, dicens: Ne, domine, ne hæc dixeris; sed dicas quam in re tibi fuerim molestus, et eam corrigam. Mancus autem dicebat arroganter: Non fero has assentationes; aufer me hinc, et projice in foro, recuso tuam curationem. Dicebat autem Eulogius: Rogo te, patere tui curam geri, et dic si quid sit tibi grave, domine mi. Mutilatus autem magis incensus, ei dicebat: Non possum amplius ferre tuam subdolam et ironiam adulationem. Non placet mihi hæc vita parca et sordida, ego volo vesci carnibus. Patiens autem Eulogius carnes ad eum attulit. Cum eas autem vidisset impatiens: Non satis est mihi, inquit, tecum esse solum, turbas volocernere. Ei autem dicit Eulogius: Ego ad te jam adducam monachorum multitudinem. Ille autem rursus ægre ferens, dicit: Væ mihi misero: tuum aspectum ferre non possum; et tu ad me adducis tui similes, qui cum sint otiosi, comedunt. Et insolenti voce seipsum lanians, vociferabatur, dicens: Nolo, nolo; in forum deduci volo. O violentia! abjice me ubi invenisti. Dico quod si habuisset manus, in animum induxisset vel se suffocare, vel sibi ense manus inferre. Cum dæmon sic eum efferasset, postea se confert Eulogius ad propinquos monachos, et dicit eis: Quid faciam? ad desperationem me deduxit mutilatus. Dicunt ei: Quamobrem? Ille autem: Me, inquit, graviter afficit; nec scio quid faciam. Abjiciam ipsum? sed Deo dedi dexteram, et timeo. Non abjiciam? sed me dies noctesque male habet. Nescio quid faciam. Et dicunt illi absolute: Adhuc vivit magnus ille (sic enim vocabant sanctum Antonium), ascende ad ipsum, mutilatum imponens in navigium; et defer eum in monasterium, et exspecta donec magnus venerit e spelunca, et ad eum refer judicium, et quod tibi dixerit, sta illius sententiæ. Deus enim tibi dicet per ipsum. Verbis eorum morem gessit Eulogius, et mutilato blandiens, cum eum immisisset in cymbam pastorem, noctu egressus est ex urbe, et tulit eum in monasterium discipulorum magni Antonii. Accidit autem ut alio die veniret magnus sero vespere, ut narravit Cronius, amictus chlamyde pellicea. Ingressus est ergo in suum monasterium, erat autem hæc ejus consuetudo, ut alloqueretur Macarium, et eum interrogaret: Frater Macari, veneruntne huc aliqui? Respondebat Macarius: Venerunt. Dicebat autem magnus: Suntne Ægyptii, an Jerosolymitani? Dederat autem magnus ei signum, dicens: Cum videris venisse aliquos quibus est minus negotii, dic: Adsunt Ægyptii. Quando autem videris venisse aliquos religiosiores et paulo consideratiores, dic: Sunt Jerosolymitani. Rogabat ergo magnus pro more, dicens fratri Macario: Sunt Ægyptii fratres, an Jerosolymitani? Respondet Macarius, dicens: Est mixtura. Quando ergo dicebat Macarius: Sunt Ægyptii, dicebat ei magnus: Para eis lentem, et da eis quod comedant. Et faciebat eis unam orationem, et dimittebat eos. Quando autem dicebat: Sunt Jerosolymitani, sedebat per totam noctem, et eis dicebat ea

quæ pertinent ad salutem. Sedens ergo illo vespere omnes accersit magnus. Cumque nullus ei dixisset quod nomen haberet scholasticus, cum serus esset vesper, vocat eum dicens : Eulogi, Eulogi, Eulogi ; et cum ter proclamasset, et scholasticus Eulogius non respondisset, putans aliquem alium vocari hoc nomine, dicit ei magnus : Tibi dico, Eulogi, qui venisti ab Alexandria. Tunc ei dicit Eulogius : Quid jubes, quæso ? Dicit ei magnus : Quid huc venisti ? Respondit ei Eulogius, dicens : Qui tibi revelavit nomen meum, rem quoque propter quam veni revelavit. Dicit ei sanctus Antonius : Didici quare venisti ; sed dic coram fratribus, ut ipsi quoque audiant. Jusus autem a magno Eulogius, dixit coram omnibus.

Hunc mutilatum inveni ego in foro projectum et neglectui habitum. Ejus autem misertus, Deum sum precatus ut daret mihi gratiam in ipsum tolerantiam, et illum assumpsi. Dexteram quoque dedi Deo, quod in morbo ejus curam geram, ut et ego per ipsum salvus fiam, et ipse a me recreetur. Sunt autem quindecim anni ex quo simul versamur, sicut etiam tuæ sanctitati revelata sunt omnia. Sed nescio quidnam mali a me passus, post tot annos me summe vexat, et in animo habui ipsum ejicere, ipso me ad hoc cogente. Ea de causa veni ad tuam sanctitatem, ut mihi consulas quidnam debeam facere, et ores pro me ; me enim vexat graviter.

Dicit ei magnus Antonius gravi et austera voce : Abjicias tu eum, Eulogi ? at qui eum creavit non abjicit. Si tu eum abjicis, Deus ei excitabit te meliorem qui eum colligat. Conticuit Eulogius, et extimuit cum hæc audiisset. Relicto autem Eulogio, magnus Antonius incipit lingua flagellare mutilatum, et ad eum exclamare : Mutilate, maculate (63), terra et cælo indigne, non cessas cum Deo pugnare, et tuum fratrem irritare ? Nescis esse Christum qui tibi ministrat ? Quomodo audes hæc loqui adversus Christum ? Non propter Christum se tuo mancipavit servitio ? Cum ergo eum quoque verbis coercuisset increpantibus, eos dimittit ; et cum disseruisset cum fratribus de iis quæ erant unicuique necessaria, rursus accedit ad Eulogium et mutilatum, et dicit eis : Ne usquam immoremini, o fratres, sed abite in pace, et ne invicem seiremini, deposita omni molestia quam vobis inje-

cit dæmon ; et cum bona dilectione revertimini in cellam in qua longo tempore versati estis ; jam enim Deus mittet ad vos. Hæc enim tentatio in vos excitata est a Satana, quoniam scit vos jam ad finem pervenisse, et futurum esse ut coronas a Christo accipiatis, ipsum per te, et te per eum. Nihil ergo aliud cogitaveritis. Quod si veniens angelus non invenerit vos in eodem loco, futurum est ut coronis privemini. Cito ergo festinantes ingressi sunt, et venerunt in suam cellam charitate (64) perfecta. Et intra quadraginta dies ; obit beatus Eulogius migrans ad Dominum, et intra tres alios obit is qui erat corpore mutilatus, sed anima firmus ac robustus, qui ipse

quoque in manus Dei suum commendavit spiritum.

Cum ergo aliquanto tempore versatus esset Cronius circa loca Thebaidis, descendit in monasterium Alexandriæ, et accidit ut beati quidem Eulogii obitus a fraternitate celebraretur quadragesimus dies, manci autem tertius. Cum hoc ergo didicisset Cronius, obstupuit ; et acceptum Evangelium, ut fidem haberent audientes, posuit in medio fratrum ; et eis juravit, narrans magni Antonii de his præsentiam, et de omnibus quæ acciderunt, et dicens : Horum ergo verborum fui interpres, cum beatus Antonius Græce nesciret ; ego vero sciebam utramque linguam, et eis sum interpretatus, beatis quidem deinceps per Christi gratiam : Eulogio et corpore mutilato Græce, quæ a magno dicta sunt ; ipsi autem sancto et beato magnoque Antonio Ægyptiace, quæ dicta sunt ab utroque.

CAPUT XXVII.

De contemplatione quam vidit abbas Antonius.

Hoc quoque narravit Cronius illa nocte magnum eis narrasse Antonium : Ego, aiebat, anno integro oraveram ut revelaretur mihi locus justorum et peccatorum (*Supra l. 1, in Vita S. Antonii, c. 38 ; Pasch., c. 19, n. 4*). Vidi autem gigantem nigrum altissimum, qui ad nubes usque pertingebat, habebat autem manus ad cælum usque extensas ; infra autem erat lacus qui mare æquabat magnitudine. Vidi quoque animas tanquam aves sursum volantes ; et quæcunque quidem ejus manus et caput supervolabant, servabantur ab angelis ; quæ autem a manibus ejus verberabantur, incidebant in lacum. Ad me itaque vox pervenit, quæ dicebat : Quas vides animas supervolasse caput gigantis et ejus manus, eæ sunt animæ justorum, quæ quidem ab angelis servantur in paradiso : quæ autem a manibus nigri percutiuntur, eæ in inferno demerguntur. Quæ quidem attractæ fuerunt a voluntate carnis, et odium secutæ sunt, et referendæ injuriæ cupiditatem.

CAPUT XXVIII.

Vita abbatis Pauli Simplicis (65).

Narravit autem sanctus Christi servus Hierax, et Cronius, et plures alii ex fratribus ea quæ sum dicturus (*Ruff., l. II, c. 31*), quod quidam 730 Paulus agrestis agricola, insigniter innocens et moribus simplex, uxorem duxerat mulierem formosissimam, sed moribus improbam, quæ longissimo tempore peccans eum latuit. Aliquando autem de improvviso regressus ex agro, et ingressus domum suam, invenit eos turpia perpetrantes, deducente Paulum providentia ad id quod erat sibi conducibile. Eamque cum vidisset, cum eo cum qua habebat stupri consuetudinem, honeste ac decore risit, et eis exclamavit, dicens : Bene est, bene est, revera non est mihi curæ. Per Jesum, ego eam non accipiam amplius, abi, eam tibi habe et ejus filios ; ego enim recedo, et efficior monachus. Cum nulli autem dixisset aliquid, pertransit octo mansiones (66), et abit ad sanctum Antonium, et pulsat ostium. Egressus autem sanctus Antonius, eum interrogat : Quid vis ? Et dicit

Paulus : Volo fieri monachus. Respondet ei Antonius : A unum madefecit, erant enim sicci ; illi autem tres. Senex sexagenarius non potest hic fieri monachus ; sed potius abi in vicum, et operare, et vitam dege operariam, Deo agens gratias. Non potes enim sustinere afflictiones solitudinis. Respondet senex, et dicit : Si quid me docueris, illud faciam. Dicit ei Antonius : Dixi tibi te esse senem, et non posse esse monachum ; abi. Si enim vis esse monachus, ingredi cœnobium ubi sunt complures fratres qui possunt tuam ferre imbecillitatem. Ego enim solus hic sedeo, quinque dierum spatio interjecto comedens, idque esuriens. His ergo verbis Paulum abigebat. Postquam autem eum non admisit, clauso ostio Antonius tribus diebus foras non est egressus, propter ipsum, ne quidem ad necessitates suas. Senex autem permansit non recedens. Quarto vero die cum eum B premeret necessitas, aperto ostio egressus est. Et cum rursus vidisset Paulum, ei dicit : Abi hinc, senex. Quid mihi es molestus ? non potes hic manere. Dicit ei Paulus : Fieri non potest ut ego alibi quam hic moriar. Cum aspexisset autem Antonius, et vidisset eum non ferre ea quæ sunt ad victum necessaria, non panem, non aquam, non aliquid aliud, et jam quartum diem perseverasse jejunum, cogitavit apud se : Ne forte moriatur, ut qui non sit assuetus jejunare, et meam maculet animam. Eum ergo admittit. Tunc ei dicit Antonius : Potes esse salvus si habeas obedientiam, et quod a me audieris hoc feceris. Paulus autem respondens, dixit : Faciam quæcumque jusseris. Talemque vitæ asperæ agendæ rationem et illis diebus suscepit Antonius, qualem quando erat in principio juventutis. Ejus ergo mentem probans C Antonius, ei dixit : Sta, et ora in hoc loco, donec ingrediari, et afferam tibi quod opereris. Ingressus autem speluncam, per fenestram animadvertit eum in eo loco totam hebdomadam manere immobilem, cum ab æstu torreretur. Egressus autem post hebdomadam, cum ex palmis ramos madefecisset, ei dicit : Accipe, et contexe funem ut me vides. Textit senex ad horam usque nonam quindecim ulnas magno labore. Cum autem vidisset Antonius id quod contextuerat, id minime ei placuit, et ipsi dicit : Male contextuisti, retexe, et denuo contexe ; cum jam septimo die jejunus ageret, idque cum esset grandis ætate. Tantum autem eum hac de causa afflixit, ut ægre ferens senex fugeret Antonium, et vitam monachorum. Is autem eosdem ramos et retexit, et iterum contextuit cum magno labore, quod ex contextura prima fuissent corrugati. Cum ergo vidisset magnus Antonius eum nec murmurasse, neque animum abjecisse, neque vultum suum omnino avertisse, et neque vel tantillum succensusse, propter eum est compunctus. Et sole occidente ei dicit : Patercule, vis comedamus fragmentum panis ? Dicit ei Paulus : Ut tibi videtur, abba. Hoc quoque rursus inflexit Antonium, quod non ad cibi nuntium protinus accurrerit, sed ei potestatem permisit. Para ergo, inquit, mensam ; et obediit. Fert panes Antonius, et imponit mensæ quatuor paxamates, sex unciarum ; et sibi quidem

Psalmum psallit Antonius quem noverat ; et cum eum duodecies cecinisset, duodecies oravit ut in hoc quoque Paulum probaret. Senex autem simul precatus est ipso magno Antonio promptius et alacrius. Malebat enim, ut arbitror, pascere scorpiones, quam una vivere cum adultera. Post duodecim autem orationes, Paulo dicit magnus Antonius : Sede, inquit, et ne comedas usque ad vesperam ; sed solum attende esculentis. Cum autem fuisset vespera, et Paulus non comedisset, dixit ei Antonius : Surge, ora, et dormi. Ille autem mensa relicta sic fecit. Media autem nocte excitavit eum ad orationem, et usque ad horam nonam produxit orationes. Mensa autem rursus apposita cum et rursus cecinisset et orasset, B sero vespere sederunt ad comedendum. Cum ergo comedisset magnus Antonius unum paxamatem, aliud non tetigit. Senex autem comedens tardius, adhuc tenebat paxamidium quod ceperat. Expectabat ergo Antonius donec perfecisset, et dicit ei : Comede, patercule, etiam unum aliud paxamidium. Dicit ei Paulus : Si tu comedas, ego quoque comedam ; te autem non comedente, nec ego comedam. Dicit ei Antonius : ¶ Mihi sufficit, sum enim monachus. Et ille : Et mihi sufficit ; nam ego quoque volo fieri monachus. Surgit rursus, et facit duodecim orationes, et psallit duodecim psalmos. Et post orationes primi somni parum dormiunt ; et rursus expergiscuntur ad psallendum a media nocte ad diem usque.

Deinde misit eum ad obendam solitudinem, dicens ei : Veni huc post tres dies. Cum hoc autem factum esset, et quidam fratres ad eum venissent, observabat Paulus Antonium quidnam vellet eum facere. Is autem dixit ei : Tacens ministra fratribus ; neque aliquid gustaveris donec fratres fuerint iter ingressi. Postquam autem tertia jam impleta esset hebdomada ex quo non comederat Paulus, fratres eum rogabant : Qua de causa taces ? Cumque ille non responderet, dicit ei Antonius : Quid taces ? colloquere cum fratribus. Ille vero est collocutus. Cum aliquando ei fuisset allata urna mellis, dixit ei Antonius : Frange vas, et mel effundatur. Sic autem fecit. Et ei rursus dicit : Collige rursus mel concha, ne sordes aliquas inferas. Et rursus jussit eum aquam haurire toto die. Et rursus cum vestem ejus dissolvisset, jussit consuere. Tantam denique hic vir possedit obedientiam, ut ei etiam data sit gratia divinitus, nempe ut ejiceret dæmones. Postquam ergo vidit senem magnus Antonius, prompte eum esse ad omnia secutum in vitæ exercendæ ratione, ei dicit : Vide, frater, si sic in dies potes, mane mecum. Dicit ei Paulus : An quid mihi possis amplius ostendere, nescio. Nam ea quæ vidi a te fieri, ego quoque facio facile et citra laborem, Deo mihi opem ferente. Tunc ei dicit Antonius alio die : In nomine Jesu, ecce factus es monachus. Cum autem satis superque comperit haberet in omnibus magnus et beatus Antonius, esse admodum perfectam animam Christi servum, ut qui esset admodum simplex ; post certos menses,

Dei gratia opem ferente beato Antonio, facit ei deinceps cellam ad tres vel quatuor lapides a sua cella. Et dicit ei : Ecce Christi virtute opem ferente tu factus es monachus, mane deinceps seorsum, ut etiam facias periculum dæmonum. Cum ergo anno uno apud se habitasset Paulus Simplicissimus, et gratia dignatus est adversus dæmones et adversus omne genus morbos, se perfecte gerens in virtute exercitationis.

Quodam ergo die adolescentulus qui supra modum graviter vexabatur a dæmone, allatus est ad beatum Antonium, habens principalem sævissimum dæmonem (67), qui etiam ipsum cælum maledictis et probris insequabatur. Cum igitur adolescentem observasset magnus Antonius, dicit iis qui eum ducebant : Non est hoc meum opus ; nam contra hunc ordinem dæmonum, nempe principalem, nondum sum donatus gratia, sed hæc est Pauli gratia Simplicis. Abiens ergo magnus Antonius ad probatissimum Paulum, ipsos quoque deduxit, et dicit ei : Abba Paule, ejice hunc dæmonem ab hoc homine, ut sanus ad sua redeat, et Dominum glorificet. Dicit ei Paulus : Tu vero quid ? Dicit ei Antonius : Non est mihi otium, est aliud quod agam. Et relicto illic puero, reversus est magnus Antonius in suam cellam. Cum ergo surrexisset innocens senex, et efficacem fudisset orationem, dicit provocans dæmoniacum : Dixit abbas Antonius, Egredere ab homine. Dæmon autem cum probris ac maledictis exclamabat, dicens : Non egrediar, helluo, senex (68) nugator. Accepta itaque pelle sua ovilla, verberabat eum in tergo, dicens : Egredere, dixit abbas Antonius. Dæmon autem maledictis insequabatur Paulum et Antonium : Helluones isti in senectute (69), veternosi, insatiabiles, qui propriis nunquam sunt contenti, quid est vobis commune nobiscum ? quid in nos exercetis tyrannidem ? Tandem dicit ei Paulus : Aut exhibis, aut abeo ut id dicam Christo, isque faciet ut sit tibi væ. At Jesum quoque probris et maledictis iusectabatur immitis ille dæmon, clamans : Non exhibo. Ea de causa indignatus Paulus adversus dæmonem, cgressus est e suo hospitio in ipso puncto meridiei ; æstui autem Ægyptiorum intercedit cognatio cum fornace Babylonia. Stans ergo sanctus senex tanquam columna super petram, sic orat Christum, dicens : Tu vides, Jesu Christe, qui fuisti crucifixus sub Pontio Pilato, menon descensurum ex hac petra, neque esurum, nec bibiturum donec moriar, nisi me nunc audieris, et hunc dæmonem ab homine ejeceris, et a spiritu immundo ipsum liberaveris. Adhuc cum Jesu loquentes implicitum humili Paulo, priusquam ipse preces per fecisset, exclamavit dæmon, dicens : Recedo, recedo, vi egredior, et per tyrannidem expellor; discedo ab homine, non amplius ad eum accedo. Pauli simplicitas et humilitas me expellit, neque scio quo abeam. Protinusque exiit dæmon, et mutatus est in maximum draconem circiter septuaginta cubitorum, receditque reptans in mare Rubrum ut impleretur quod dictum est persanctum Spiritum : Fidem quæ demonstratur

justus annuntiabit (*Prov. xii*). Et rursus alibi : Super quem respiciam, inquit Dominus, nisi super mansuetum et humilem et trementem verba mea (*Isa lxxvi*) ? Solent enim humiliores dæmones ejici ab hominibus fide principalibus, principales rursus dæmones fugari ab humilibus. Hæc sunt miracula sancti Pauli Simplicis et humilis, aliaque plura et his majora. Hic vocatus est Simplex a tota fraternitate.

CAPUT XXIX.

Vita abbatis Pachon (70).

Quidam Pachon nomine, cum pervenisset ad annum septuagesimum, sedebat in Scete. Accidit autem ut ego vexatus ab affectione femineæ cupiditatis, cogitationibusque et visis nocturnis, ferrem difficiliter. Cumque parum abesset quin propter hanc tentationem exirem e solitudine, quod me hæc animi perturbatio ageret vehementissime, vicinis quidem meis rem non exposui : sed neque meo magistro Evagrius [*Al.*, Eulogio] : sed latenter veniens in solitudinem quindecim diebus versatus sum cum patribus senescentibus in solitudine, qui erant in Scete. Inter quos incidi etiam in sanctum virum Pachonem. Cum ergo invenissem eum sinceriolem et magis versatum in exercitatione, ausus sum ei meum animum aperire. Dixit autem mihi ille sanctus : Ne tibi videatur res mira et aliena ; hoc enim non tibi accidit ob delicias, otiumque et negligentiam. Nam et mores tibi ferunt testimonium, et penuria eorum quæ sunt necessaria, et quod nulla sit hic tibi consuetudo cum feminis ; sed potius hoc tibi accidit ab adversario ob studium virtutis. Est enim triplex hostis qui impellit ad fornicationem. Aliquando enim nos caro invadit luxurians, et quæ nimis laute et delicate est curata ; aliquando autem in nos insurgunt motus animi propter cogitationes ; aliquando autem ipse quoque dæmon in nos exercet tyrannidem propter invidiam ; nam ego quoque multa observans, hoc inveni. Ecce me, ut vides, hominem senem ; cum jam quadragesimum annum degam in hac cella, curam gerens meæ salutis, et ad hanc ætatem pervenerim, tentor usque in hodiernum diem. Et juravit dicens : Jam duodecim annis postquam transegi annum quinquagesimum, nullam diem nec noctem intermisit qua me non invaserit. Cum itaque suspicatus essem Deum a me recessisse, quandoquidem tanta in me dæmon uteretur potestate, potius delegi mori absque ratione, quam vitio affectioneque corporis, me turpiter gerere. Egressusque a cella mea, et obiens solitudinem, inveni speluncam hyænæ. In quam speluncam me nudum immisi toto die, ut feræ egressæ me devorarent. Postquam autem fuit vespera, prout scriptum est, Sol cognovit occasum. Posuisti tenebras, et facta est nox. In ipsa transibunt omnes bestię silvæ. Catuli leonum rugientes ut rapiant et quarant a Deo escam sibi (*Psal. ciii*). Egressæ ergo feræ in illa hora, et masculus et femina, me a pedibus ad caput usque odorati sunt, circumlingentes. Cumque expectarem

fore ut devorarer, a me recesserunt. Cum ergo illic tota nocte jacuissem, non fui devoratus. Existimans ergo Deum omnino mihi pepercisse, surrexi. Rursus vero in cellam redii. Cum autem se paucis diebus continuisset dæmon, me est adortus vehementius quam antea, ut parum abfuerit quin blasphemarem. Transformatus enim cum esset in puellam Æthiopsam, quam in mea juventute videram æstate spicas legentem, ea mihi visa est meis insidere genibus; meque usque adeo commovit ut putarem me cum ea coivisse. Furor ergo percitus impegei colaphum; eaque sic evanuit. Hoc autem mihi crede dicenti: biennio non poteram ferre manus meæ fetorem. Cum ergo hac de causa pusilli et abjecti animi evasissem, et de me omnem spem abjecissem, egressus sum pererrans vastam solitudinem, et inveni parvam aspidem. Quam cum accepissem, eam admoveo meis genitalibus, ut vel sic morsus morerer; et cum eis caput virilibus applicassem, ut quæ mihi fuissent causa tentationis, ne sic quidem morsus sum gratiæ providentia. Post hæc autem audivi vocem dicentem mihi in mea cogitatione: Abi, Pachon, decerta; ideo enim permisi in te tantam exerceri potestatem, ne tibi esset elatior et arrogantior spiritus, perinde ac ipse posses hanc superare affectionem: sed tuam agnosceres imbecillitatem, et in tuæ vitæ instituto nunquam haberes fiduciam, sed recurreres ad Dei auxilium. Sic autem admonitus et confirmatus, ad cellam sum reversus, et deinceps sedens cum fiducia, et nullam belli curam gerens, reliquos dies egi in pace. Dæmon autem cum cognovisset meam ejus despicientiam, pudore deinceps affectus, ad me non accessit amplius. His verbis cum ad luctam adversus Satanam me confirmasset, et ad bellum instruxisset, et adversum dæmonem fornicationis me parasset ac docuisset, dimisit, jubens ut forti animo me gererem in omnibus.

CAPUT XXX.

Vita Abbatis Stephani (71).

Stephanus quidam Libs genere, sedit sexaginta annos ex latere (72) Marmaricæ et Mareotæ. Is cum fuisset summe versatus in exercitatione, et esset discernendi potestate præditus, hanc gratiam est consecutus, ut quicumque eum conveniret, a quacunque cruciaretur molestia, is molestia vacuus ab eo recederet. Fuit autem is quoque notus beato Antonio. Pervenit autem etiam ad nostra usque tempora; atque ego quidem cum eo non sum versatus propter viæ longitudinem: sanctus autem Ammonius et Evagrius, qui eum convenerunt, narraverunt se eum invenisse in talem prolapsam ægritudinem in ipsis locis testicularum, et penis summum ulcerasse cancrum, qui *παγέδαινα* dicitur. Eum, aiebant, invenimus dum a quodam medico curaretur. Et manibus quidem operabatur; et palmæ ramos contexebat, et nobiscum etiam loquebatur: reliquo autem corpori manum adhibebat chirurgus. Erat autem Dei gratia, ea præditus patientia, ut perinde affectus videretur, ac si corpus alterius secaretur; et cum ejus membra

rescinderentur, non secus ac si essent pili insensiles, ita mansit immutabilis, tam insigniter et admirabiliter erat a Deo instructus. Cum nos autem, inquit, partim angeremur, partim vero terreremur, quod tanti viri talis vita in tantum morbum incidisset, et tales medicorum exsectiones, nostras autem cogitationes sensisset beatus Stephanus, dicebat nobis: Ne ex hac re offendamini, o filii; nihil enim quod Deus facit, ad malum unquam facit, sed ad bonum finem. Fortasse enim membra merebantur supplicium, et melius est ea hic dare pœnas, quam post excessum ex hoc stadio. Cum nos ergo sic est hortatus, et verbis confirmavit ad tolerantiam, ædificavit ad fortiter ferendas afflictiones. Hæc autem narraui, ne videatur nobis alienum, quando viderimus aliquos sanctos incidisse in tales calamitates.

CAPUT XXXI.

De Valente (73) qui excidit.

Fuit quidam Valens, genere quidem Palæstinus, mente autem Corinthius; Corinthiis enim vitium inflationis tribuit sanctus Paulus, dicens: Et vos inflati estis (I Cor. v.). Qui cum venisset in solitudinem ipse quoque plures annos habitavit nobiscum. Eo autem processit superbiæ, ut deceptus sit a dæmonibus. Ex eo enim quod ipse paulatim deciperetur, fecit ut ipse de se magnifice ac præclare sentiret, tanquam cum eo versarentur angeli, eique in singulis ministeriis inservirent. Quodam certe die, ut narrabant, cum operaretur in tenebris, acum dimisit qua consuebat sportam. Quam cum ipse non invenisset, dæmon ei fecit lampadem, et invenit acum. Hoc nomine rursus inflatus, magnificam de se induit opinionem, et usque adeo elatus est, ut etiam contemneret ipsam Sacramentorum communionem. Cum autem Christus Dominus ejus esset misertus, sic providit ut ejus detrimentum cito fieret manifestum universæ fraternitati. Accidit ut quidam venientes hospites afferrent ad fraternitatem bellaria in ecclesiam. Porro autem cum eas accepisset sanctus Macarius presbyter noster, misit ad unumquemque in cellam circiter pugillum, inter quos etiam ad Valentem. Cum autem accepisset Valens, eum qui attulerat contumelia affecit, et verberavit, et ei dicit: Abi, et dic Macario: Non sum te deterior, ut tu ad me mittas benedictiones. Cum cognovisset ergo sanctus Macarius eum esse seductum, accessit uno die postea ad eum exhortandum. Et ei dicit: Valens, illusus es, desine, Deumque deprecare. Postquam autem non audivit ejus admonitiones, recessit admodum afflictus et mœrens ob Valentis ruinam. Cum ergo certo sibi persuasisset dæmon, eum ejus deceptioni maxime fidem habuisse, abit, et figuram Servatoris induit, et noctu accedit in phantasmate, mille angelis lampadas tenentibus, et rotam igneam, in qua visus est figuram exprimere Servatoris. Unusque eum præcedit et dicit: Christus dilexit tuum institutum, tuamque vivendi libertatem et confidentiam, et venit ut te videat; egredere ergo e cella, et nihil aliud feceris, nisi cum procul eum videris, procumbens eum adora, et

ingredere in tuam cellam. Egressus ergo cum vidisset apparatus lampadum, circiter a stadio procul Antichristum adoravit. Alio itaque die adeo fuit emotæ mentis, ut ingrederetur ecclesiam, et fraternitate congregata diceret: Ego non habeo opus comunione; Christum enim vidi hodie. Tunc Patres eum anno uno vinxerunt, et in ferreos compedes conjecerunt, et curarunt; precibus, ejusque contemptione, vitæ austeriore detrahentes ejus persuasionem; nam, ut dicitur, contraria contrariis medicamentis curantur.

Necesse est autem eorum quoque qui sunt tales vitam in hoc libro inserere, ad securitatem eorum qui legunt: sicut etiam sanctis plantis accessit lignum paradisi, nempe cognitio boni et mali (*Gen.* 11); ut si quando contigerit eos in aliqua re se recte gerere, non se efferant et se jactent de virtute. Nam sæpe quoque virtus efficitur occasio prolapsionis, quando non recto scopo facta fuerit. Scriptum est enim: Vidi justum pereuntem in sua justitia (*Eccle.* vii). Id quoque est vanitas.

CAPUT XXXII.

De Erone (74).

Fuit quidam, Ero nomine, mihi vicinus, Alexandrinus genere, urbanus adolescens, bono ingenio, vita mundus. **734** Qui ipse quoque post magnos labores et præclaros sudores, ab arrogantia arreptus et clatione, præceps ruit, et adversus patres superbus evasit et insolens, et cum illis beatum etiam Evagrium [*Al. Macarium quoque presbyterum*] affecit contumelia, dicens: Qui tuæ doctrinæ parent, decipiuntur; non oportet enim alios magistros attendere præter Christum. Abusus est autem testimonio quoque ad perversum scopum suæ stultitiæ, dicens: Ne vocaveritis magistrum super terram (*Matth.* xxv). Qui ipse quoque mentem adeo habuit obtenebratam vana persuasionem suæ opinionis, ut fuerit etiam ferro vinculus cum nollet convenire ad sacramenta. Amica autem veritas. Fuit is vitæ instituto admodum subtili et accurato, adeo ut multi dicant, quibus cum eo interessit consuetudo, quod sæpe non nisi post tres menses comedeat; contentus comunione sacramentorum, et sicubi ei apparuisset olus agreste. Accepi autem ego quoque ejus experientiam cum beato Albino, cum irem in Scetem: aberat autem Secte a nobis quadraginta milliaribus. In his quadraginta milliaribus nos bis comedimus, et ter aquam bibimus; ille vero cum nihil gustasset pedes ingrediens, pronuntiavit memoriter quindecim psalmos, deinde magnum psalmum, deinde epistolam ad Hebræos, deinde Isaiam, et partem prophetorum Jeremiæ, deinde Lucam Evangelistam, deinde Proverbia. Eum autem ambulanti non poteramus consequi. Is postremo arreptus a mali dæmonis operatione, ut qui ageretur ab igne vehementissimo, in sua quidem cella sedere non poterat: profectus autem Alexandriam, divino quodam consilio clavum clavo extrusit. Sua sponte enim incidit in promiscuum et indifferentem rerum usum, inventa postea salute involuntaria.

A Accessit enim ad theatra et equestria certamina, et versabatur in cauponis; is autem cum gulæ esset deditus et ebrietati, incidit in cœnum femineæ cupiditatis: et cum peccare constituisset, cum quadam minima assidue collocutus, ulcus suum aperuit. Cum hæc sic fierent, divino quodam consilio enatus est ei anthrax in glande; et tempore semestri usque adeo ægrotavit, ut ejus virilia membra computruerint, et sua sponte ceciderint. Cum postea autem convaluisset, reversus est ad hoc ut ea sentiret quæ Dei sunt, et venit in solitudinem, hæc omnia confitens patribus; et cum non pervenisset ad operationem, paucis post diebus obdormiit.

CAPUT XXXIII.

De Ptolemæo qui excidit.

B Alius quidam rursus, nomine Ptolemæus, cum narratu difficilem, vel potius quæ narrari non potest vitam transegisset, habitavit initio ultra Scetem in ea quæ dicitur Κλίμαξ, id est scala. Est autem locus qui sic dicitur in quo nemo potest habitare, propterea quod puteus aquarum distat decem et octo milliaribus. Cum is ergo multa vasa fictilia portasset, et Decembri et Januario mense roram collegisset (est enim permultum roris in illis partibus) et spongia ex lapidibus expressisset, perstitit illic habitans annos quindecim. Qui ab alienatus a doctrina et congressione virorum sanctorum et utilitate et continua sacramentorum comunione, a recta via usque adeo recessit, ut quod nonnulli dicunt impii, casu omnia fieri, is quoque infelix id fateatur, dæmone erroris deinceps in eum obtinente imperium. Hic enim inimicus vano huic homini suggestit, ut diceret res nullam habere essentialiam; sed omnino esse omnia ex eo quod mundus ferretur sua sponte. In hujus ergo animam hæc immisit omnium vitæ hostis, dicendo: Cum res ita se habeant, quid frustra te ipsum foris domas? Quidnam te juvabit, Ptolemæe, si non sit remuneratio? Quenam autem tibi sufficeret merces tot et tantorum laborum, etiamsi esset qui redderet? Quodnam autem est iudicium quod minatur Scripturæ, si nulla sit providentia? His satanicis circumseptus cogitationibus miserrimus Ptolemæus, dicitur esse emotæ mentis, et hucusque errare in Ægypto, et se ipsum dedidisse gulæ et ebrietati, cum nemine conversans, sed mutus forum obiens, miserabile et lacrymabile spectaculum Christianorum oculis, ludibrium autem iis qui vitam nostram nesciunt. Hæc autem calamitas immedicabilis miserum invasit Ptolemæum, ex rationis experte quadam arrogantia, quod a seductore dæmone illusus, existimaret scientia pollere super omnes sanctos Patres: per quam inflatus, sui ipsius hostis, præceps datus est in profundum interitus, cum nullum unquam convenisset ex sanctis Patribus qui sapienter gubernaverant, nec eorum fuerit fundatus spiritali doctrina; sed inventus absque gubernatore, in extremum mortis profundum cecidit, et sicut arbor viridibus foliis comata, et fructibus ornata, quæ uno tempo-

ris momento omnibus simul est nudata, reddita est arida. Nam ut scriptum est : Quibus non est gubernatio, ii cadunt ut folia (*Prov. xi*).

CAPUT XXXIV.

De virgine lapsa.

Novi rursus quamdam virginem Jerosolymis, quæ saccum gestavit sexennio, **735** et fuit inclusa; nec aliquid accepit ex iis quæ tendunt ad voluptatem, sed sumnam continentiam exercuit inter feminas. Postea autem a divino deserta auxilio proper summam superbiam quæ malorum omnium est nutrix, lapsa est, et aperta fenestra admisit eum qui ei inserviebat, et cum eo fuit commixta; eo quod non divino proposito et ex charitate se exercuerat, sed ut humanæ scenæ serviret, quod quidem est vanæ gloriæ et parvi instituti. Nam cum ejus piæ cogitationes occupatæ essent in damnandis aliis, incitaretur autem furore a dæmone superbiæ, eoque valde delectaretur, ab ea recessit sanctus angelus custos temperantiæ.

Ideo autem scripsimus, o virorum fidelissime, et vitam eorum qui se recte et ex virtute gesserunt, et eorum qui post multos labores per otium et socordiam a summo et perfectissimo vitæ instituto exciderunt, capti a diabolo omne genus laqueis, ut unusquisque ex suæ vitæ instituto intelligens occulta relictia hostis bonorum, fugiat ejus laqueos. Cum sint ergo multi, iique magni viri et mulieres, qui ab initio se recte gesserunt in honesto instituto exercitationis, tandem autem fuerunt eversi radicitus ab omnium hominum adversario; ex multis facta mentione paucorum, plurimos præteribo silentio, ut qui neque ipsos erigam, neque mihi prosim, dum in iis multum immoror, et eximios Christi athletas negligo, non narrans virtutes divinæ eorum exercitationis.

CAPUT XXXV.

Vita abbatis Elæ.

Elias quidam optimus exercitator, fuit virginum amantissimus, curam gerens partis imbecillioris. Sunt enim tales animæ, quibus fert finis testimonium, quod id faciant ex virtute. Is cum misertus esset ordinis feminarum quæ se exercent, haberet autem facultates in Athribe [*Al.*, *Athlebe*] civitate, ædificavit magnum monasterium, et illic congregavit omnes quæ errabant virgines, consequenter earum in omnibus curam gerens, suppeditans eis omnia quæ ad usum pertinent necessarium : hortos, et ad eorum culturam instrumenta (75), atque ut semel dicam, omnia quæ postulat vita exercitationis. Eæ autem ex diversis vitæ institutis et privata deductæ consuetudine, inter se depugnabant assidue. Cum ergo opereretur hunc sanctum et eas audire, et efficere ut pacem inter se servarent, collegerat enim ad trecentas, et necesse ei fuerat esse earum intercessor biennio, licet ætate juveni : erat enim circiter triginta aut quadraginta annos natus, is tentatus fuit a voluptate. A monasterio autem recedens jejunos, errabat per solitudinem duos dies, hoc rogans, et dicens : Aut occide me, ne ipsas videam afflictus ; aut meam au-

fer affectionem, ut earum curam geram ut postulat ratio. Cum fuisset ergo vespera, eum somnus oppressit in solitudine. Venientes autem ad eum tres angeli, ut ipse mihi narravit, eum retinentes, ei dicunt : Cur existi ex monasterio feminarum ? Rem itaque eis narravit, dicens : Timui ne et illas læderem et meipsum. Dicunt ei angeli : Si te ergo liberaverimus ab hac affectione, redibis, et earum curam geres ? His assensus est. Ab eo autem jusjurandum exigunt : narrabat autem jusjurandum. Jura nobis tale jusjurandum : Per eum qui mei curam gerit, earum curam geram. Hoc eis juravit. Tunc angeli eum tenuerunt : unus manus, et alter pedes, tertius autem accepta novacula excidit ejus testiculos tanquam in exstasi, non vere, sed quadam visione. Visus est ergo in illa exstasi veluti excisus fuisse et curatus. Post hoc interrogant ipsum angeli, dicentes : Sensisti utilitatem aliquam ? Eis dicit ille : Valde magnam accepi utilitatem ; valde enim levatus sum, et persuasum habeo me esse liberatum a labore et affectione. Tunc angeli ei dicunt : Abi ergo ad tuum monasterium. Reversus est autem post quinque dies, eum lugente toto monasterio, et intus ingressus est ; atque ex eo tempore mansit in cella ad lactus (*sic*) monasterii, quandoquidem cum esset prope, eas corrigebat assidue, quantum in illo erat. Cum autem postea vixisset alios quadraginta annos, affirmabat Patribus, quod ab eo tempore non ascenderat in cor ejus affectio cupiditatis femininæ. Hæc est gratia sancti viri Elæ, et hæc exercitatio, et quemadmodum curam gessit monasterii virginum.

CAPUT XXXVI.

Vita abbatis Dorothei.

Cui successit Dorotheus vir probatissimus, qui in bona vita, et quæ in agendo versatur, consenuit. Qui cum non posset quidem sic curam gerere monasterii ut hic beatus, neque mansisset in illa cella, in ipso monasterio in superiori cœnaculo seipsum inclusit, et fecit fenestram quæ spectabat ad monasterium feminarum, quam claudebat et aperiebat. Perpetuo ergo assidebat fenestræ, procurans ut inter eas pugnæ cessarent. Sicque in superiori cœnaculo consenuit, cum nec ullus seorsum ascendere, neque ille posset descendere, non enim stabant scalæ. Hæc est beati Dorothei religiosa et virtutibus ornata vita. Hic ejusdem vitæ finis.

CAPUT XXXVII.

De Amma Piamun.

736 Fuit quædam virgo Piamun, quæ annos vitæ suæ vixit cum matre propria, sola cum sola vespere comedens, et linum nens. Hæc dignata est gratia prædictionis futurorum inter homines. Accidit aliquando in Ægypto, cum Nilus ascenderet, ut vicus vicum invaderet ; pugnant enim pro aquarum divisione, adeo ut sequantur cædes et sauciationes. Potentior ergo vicus ejus vicum invasit, et venit virorum multitudo cum lanceis et clavis, et ejus vicum excinderet. Astitit autem huic beatæ angelus revelans eorum invasionem ; et accersitis vici presbyteris, eis dicit :

Exite, et ex hoc vico occurrите eis qui veniunt contra vos, ne vos quoque una cum vico pereatis, et rogate eos ut desistant ab insidiis adversus vos paratis. Terriți autem presbyteri ei ad pedes procumbunt, eam rogantes et dicentes: Nos non audemus eis ire obviam; scimus enim eorum temulentiam et petulantiam; sed si facis misericordiam in nos et in totum vicum, et in domum tuam, ipsa eis egredere obviam, illosque pacatos averte. Illa autem cum non assensa esset, veniens in suam domunculam, stetit tota nocte orans et genu minime flectens, sed rogans, dicendo: Domine qui iudicas terram, cui nihil placet quod est injustum, cum hæc ad te venerit oratio, virtus tua eos sistat immobiles tanquam columnam, ubicunque eos deprehenderit. Cum hæc sancta virgo sic orasset, tale quid accidit. Hostes circa horam primam, a tribus milliaribus, in loco fixi tanquam columna, labefactari non poterant. Illis quoque revelatum est quod servæ Christi Piamun intercessionibus factum est eis impedimentum; iique ad vicum mittentes pacem petierunt, dicentes: Agite Deo gratias et precibus Piamun quæ nos impedierunt, ne magnum vobis malum inferremus.

CAPUT XXXVIII.

Vita abbatis Pachomii (76), et eorum qui cum ipso erant.

Tabennesis (77) est locus sic appellatus in Thebaide, in quo fuit Pachomius monachus, vir ex iis qui vixerunt in summo et perfecto vitæ instituto (*Vita ejus supra, l. 1*), adeo ut is fuerit dignatus et futurorum prædictionibus et angelicis visionibus. Is fuit valde amans pauperum, et magna charitate in homines. Eo ergo sedente in hac spelunca, visus est ei angelus Domini, qui ei dicit: Pachomi, ea quidem quæ ad te pertinent, recte et ex virtute gessisti; supervacaneæ ergo sedes in hoc loco; age ergo, egredere, et congrega omnes juniores monachos, et habita cum eis, et sequens formam quam dabo tibi, eis leges constitue. Eique dedit tabulam æneam, in qua hæc scripta fuerant: Concede unicuique ut comedat et bibat pro viribus comedentium; eis quoque manda opera quæ proportionem convenientiam ac respondeant, et neque jejulare prohibe nec comedere. Sic quidem fortibus fortia manda opera, imbecilla autem et levia iis qui se magis exercent, et sunt imbecilliores. Fac autem diversas cellas in eadem aula, et tres in cela dormiant autem non recumbentes, sed exstructis sibi sedibus paulo supinioribus, et illic suis impositis stragulis dormiant sedentes. Noctu autem gestent lebitones lineos, succincti. Habeat unusquisque ex his pellem ovillam albam laboratam, absque ea neque comedant, neque dormiant. Ingredientes autem ad Christi communionem Sabbato et Dominica, zonas solvant, et pellem ovillam deponant, et cum sola cuculla ingrediantur. Fecit autem eis cucullas sine villis (78) tanquam pueris, in quibus etiam jussit imponi figuram crucis purpureæ. Jussit autem esse viginti qua-

tuor ordines fratrum, ex numero viginti quatuor litterarum; præcepitque unicuique ordini imponere nomen elementum Græcum, ab α , β , et quæ deinceps sequuntur, usque ad ω , ut dum interrogat archimandrita de aliquo in tanta multitudine, sciscitetur eum qui est ab eo secundus, quomodo se habet ordo α , aut quomodo se habet ordo β . Rursus saluta ρ , sequendo quoddam proprium nomen litterarum: et simplicioribus quidem et sincerioribus impones nomen ι ; difficilioribus autem ξ : et sic convenienter institutis eorum et vitæ et moribus, unicuique ordini elementum litteræ accomodabis; solis spiritualibus intelligentibus ea quæ significantur. Scriptum autem erat in tabula: Si venerit hospes alterius monasterii, quod habet aliam formam, cum eis nec comedat nec bibat, et nec ingrediatur in monasterium, nisi fuerit inventus in via. Porro eum qui semel ingreditur, nec potest cum eis ad triennium sustinere certamen, non admittes; sed cum opera fecerit difficiliora, sic prodeat in stadium post triennium. Comedentes autem velent capita cucullis, ne fratrem videat mandentem. Comedenti non licet loqui, nec extra quadram et mensam usquam alio oculos convertere. Constituit autem ut per totum diem facerent duodecim orationes, et cum ad vespertinum lumen (79) venirent, et in nocturnis vigiliis duodecim, et hora nona tres. ¶¶¶ Quando autem videretur comedendum esse multitudini, constituit ut unusquisque ordo in unaquaque oratione psalmum prius caneret. Cum autem magnus Pachomius contra angelum diceret esse paucas orationes, ei dicit angelus: Has constitui, ut parvi quoque possint procedere ad perficiendam regulam, nec eis sit molestum; qui autem sunt perfecti, non opus habent ut leges eis ferantur; nam cum per se sunt in cellis, totam suam vitam attribuunt contemplationi. His autem legem tuli, qui mentem minime habent intelligentem, ut sicut servi contumaces, metu domini totum vitæ institutum implentes, secure et libere degant. Cum hæc ordinasset angelus, et implesset ministerium, recessit a magno Pachomio. Sunt autem hæc monasteria quæ formam hanc obtinuerunt, habentia virorum circiter septem millia. Est autem primum et magnum monasterium, in quo ipse habitat beatus Pachomius, quod alia peperit monasteria, continens numerum circiter mille quadringentorum virorum.

CAPUT XXXIX.

Vita abbatis Aphthonii (80).

Inter quos est etiam servus Dei qui vocatur Aphthonius, qui est mihi germanus ac sincerus amicus, qui nunc obtinet secundum locum in illo monasterio. Quem ut qui sit potens in Christo, firmusque ac stabilis, nec facile offendi possit, mittunt ad suos usus Alexandriam, ut vendat quidem eorum opera, emat autem quæ sunt eis necessaria. Sunt autem alia quoque monasteria quæ constant ex ducentis et trecentis animabus. Atque in Panis quidem ingressus sum civitatem (81), in qua monasterium constat ex viris

¹ Hic quædam in Græco, quæ habet Heraclides cap. 19.

trecentis. Exercent autem omnem artem, et ex iis A
quæ supersunt, ædificant (82) etiam mulierum monasteria, et custodias. Mane ergo surgentes ii quibus sua vice hoc munus obtingit, alii quidem sunt occupati in culina, alii vero versantur in mensis parandis, mensæ imponentes panes et olera agrestia, olivas, caseos, et extremas carniū partes, et comminuta olera. Atque ingrediuntur quidem, qui minus sunt robusti, hora septima, et comedunt, ut qui sint imbecilliores; alii nona, alii decima, alii sero vespere, alii post biduum, alii post triduum, alii post quadriduum, alii post quinque dies, adeo ut unumquodque elementum horam propriam significet. Sic autem erant eorum quoque opera: alius quidem laborat in agro colendo, alius in horto, alius in pistrino, alius in aris officina, alius in fabricando, alius in arte fullonia, B
alius in parandis coriis (83), alius in consuendis calceis, alius in pulchre scribendo, alius contexebat magnas sportas, alius canistros et sportulas. Memoriter autem omnes expromunt Scripturas.

Horum est mulierum quoque monasterium circiter quadringentarum, quod habet eandem vivendi formam et idem institutum, præter pellem ovillam. Et sunt quidem mulieres trans fluvium Nilum; viri autem ex adverso earum. Si virgo autem obierit, reliquæ virgines cum eam ad sepulturam concinnaverint, efferunt, et eam ponunt ad ripam fluvii. Trajicientes autem fratres eam palmis et ramis oliivæ et psalmodia, eam transmittunt, et in suis monumentis sepe liunt. Præter presbyterum autem et diaconum nullus transit ad monasterium feminarum, idque die Domini C
nico.

CAPUT XL.

De Virgine (84), de qua fuerat dictum falsum testimonium.

In hoc monasterio feminarum hæc res accidit. Sutor sæcularis cum trajecisset per ignorantiam, quærebat opus: egressa autem una junior quam ejus postularat ratio (est enim locus desertus) invita eum convenit, deditque ei responsum: Nos habemus nostros sutores. Alia autem quæ ejus viderat colloquium, cum processu temporis inter eas exorta esset contentio, ex diaboli suggestione, præ summa malitia et animi exandescencia eam calumniata est apud fraternitatem propter id colloquium. Cum qua concurrerunt paucae, quæ non adeo magna ferebantur malitia. Illa autem dolore confecta, ut quæ talem subiisset calumniam, quæ ne in ejus quidem mentem venerat, nec rem potuisset tolerare, se clam jecit in fluvium et sic obiit. Cum autem id sensisset ea quæ ipsam fuerat calumniata, et vidisset se malitiose eam fuisse calumniatam, et hoc scelus (85) a se commissum, et ipsa quoque se clam suffocavit, cum factum ægre ferret. Cum autem vidisset presbyter, reliquæ virgines ei rem renuntiaverunt: jussit itaque pro nulla harum fieri oblationem. Reliquas autem tanquam conscias, et quæ calumniantem non compescuerant, et quæ dicta sunt crediderant, septennium segregavit, eas excommunicans.

CAPUT XLI.

De Virgine (86) quæ simulabat stultitiam.

In hoc monasterio fuit alia virgo quæ propter Christum simulabat stultitiam (*Pelag., libell. xviii, n. 19*), 738 et se a dæmone occupari, persuadens sibi per hæc virtutem optime exercere, se in ea præclare gerens, seque reddens abjectam et humilem. Hanc usque adeo reliquæ sunt aspernatæ, ut nec cum ea quidem vescerentur, id illa excipiente cum lætitia. Discurrens itaque in culinam, exhibebat aliis omne genus ministerium, adeo ut nec horam quidem unam intermitteret, sed tanquam ancilla serviret: eratque hæc beata, ut dicitur, spongia monasterii, revera implens id quod scriptum est in Evangelio: Qui vult inter vos esse magnus, sit omnium servus, et omnium minister (*Matth. xx; Marc. x.*). Et rursus alibi: Si quis videtur esse inter vos sapiens in hoc sæculo, sit stultus ut fiat sapiens (*I Cor. iii*). Atque aliarum quidem virginum erat ejusmodi habitus, ut essent tonsæ, et haberent cucullos in capite; ipsa vero panno caput obvoluta obibat earum omnium ministerium. Eam nulla ex quadringentis vidit mandentem omnibus annis vitæ suæ. In mensa nunquam sedit, neque unquam fragmentum panis comedit, sed micæ mensarum spongia colligens, et ollas lavans, his erat contenta. Neque vero ea unquam induit calceos, neque aliquem affecit contumelia, non murmuravit, non parvum vel magnum quid est locuta, etsi contumelia afficeretur, et pugnis tunderetur, et maledictis appeteretur, et plurimi eam abominarentur.

CAPUT XLII.

De sancto Pitirum.

De hac sancta, sancto Pitirum anachoretæ, qui sedebat in Porphyrite, viro probatissimo in virtute exercitationis, astitit revelans angelus (*Pelag., libell. xviii, num. 19, ubi dicitur Pyoterius*), qui ei dixit: Cur tibi places, et te magnifice circumspicis ob ea quæ a te recte et ex virtute geruntur, ut qui sis pius et redigiosus, et sedeas in hoc loco? Vis videre mulierem te magis piam ac religiosam? Abi in monasterium feminarum Tabennesiotarum, et invenies illic unam quæ habet redimiculum (87) in capite; ea est te melior: quæ cum tanta turba decertans, et omnibus indiscriminatim serviens, cor nunquam abduxit a Deo, etsi ab omnibus superbe contemnatur. Tu autem etiamsi hic sedeas, per urbes tamen vagaris cogitatione, qui orbem habitabilem nunquam calcasti pedibus. Surgens autem magnus Pitirum, venit usque ad monasterium Tabennesiotarum, et rogat magistros ut liceat ei transire usque ad monasterium feminarum; ut qui esset ergo inter Patres magnæ existimationis, et concessisset in exercitatione, bono ac fidenti animo transmissio fluvio eum introduxerunt. Cum autem orassent, petiit magnus Pitirum ut virgines omnes coram ex facie videret. Cum omnes ergo in medium accessissent, illa non apparuit. Tandem dicit eis sanctus Pitirum: Cunctas ad me adducite. Cum autem dicerent: Adsumus omnes, dicit eis: Deest una quam ostendit mihi angelus. Eæ vero dicunt: Unam habemus Sa-

lem (88), quæ est in culina. Sic enim vocant illic eas quæ non sunt sanæ mentis. Dicit eis magnus: Illam quoque adducite, sinit ut eam videam. Iverunt itaque ad eam vocandam. Illa vero nequaquam obediit, ut quæ rem sentiret, nam forte ipsi quoque fuerat revelatum. Eam ergo vi trahunt, ipsi dicentes: Sanctus Pitirum vult te videre, erat enim is magni nominis. Ea ergo adducta, vidit magnus ejus faciem, et pannum in capite et fronte ejus, et cadens ad pedes ejus, dicit ei: Benedic Amma. Cadens autem ad pedes ejus ipsa quoque dicebat: Tu mihi benedic, domine mi. Cum hoc autem cunctæ vidissent, obstupuerunt, et ei dixerunt: Ne tibi fiat probrum ac vituperium, est enim Sale. Eis dicit sanctus Pitirum: Vos estis Sale, hæc enim et me et vobis est mellor; est Amma (sic enim vocant Matres spiritales), et quæso ut ea dignus inveniar in hora judicii. Eæ autem cum audiissent, ceciderunt ad pedes ejus flentes, et confluentes omnes quod beatam diversis modis afficerent contumelia. Alla quidem dicens: Ego hanc semper subsannabam; alia, Ego ejus humilem habitum irridebam; et alia, Ego eam tacentem affliciebam contumelia; et rursus alia, Ego quadræ eluviem sæpe in eam effudi; alia, Ego ei plagas infixi; alia rursus, Ego ea sum quæ ei pugnos incussi; alia rursus, Ego sinapio ejus nares aspersi. Et ut semel dicam, significabant omnes se eam varils affecisse contumeliis. Cum harum ergo confessionem accepisset sanctus Pitirum, et pro eis simul cum ipsa orasset, et diu esset consolatus venerandam Christi servam, sic exiit. Paucis autem post diebus cum ab omnibus valde honoraretur, et ab omnibus observaretur, non ferens beata gloriam et honorem quo affliciebatur ab omni fraternitate, et excusationes onus esse arbitrans, clam exiit ex monasterio; et quonam iverit, aut quem locum subierit, aut ubi obierit, nemo cognovit in hodiernum diem. Hæc sunt generosæ et humilis virginis hujus ac beatæ recte facta et opera.

CAPUT XLIII.

De abbate Joanne (80) urbis Lyco.

Fuit quidam Joannes in urbe Lyco, qui a puero quidem didicit artem fabrilem, cui fuit frater tinctor (*Ruff., lib. II, cap. 1*). Postea autem cum esset circiter viginti quinque annos natus, sæculo 739 renuntiavit; et cum quinque annos versatus esset in monasterio, recessit solus in montem Lyco, et in cacumine montis factis sibi tribus tholis, ingressus, seipsum inædificavit. Atque erat quidem unus tholus ad corporis necessitates, unus autem ubi operabatur, alius vero ubi orabat. Is cum complisset triginta annos, inclusus, et ab eo qui ei ministrabat per fenestram accipiens quæ erant ad usum necessaria, dignus est habitus gratia futurorum prædictionis, quem donum habere prophetiæ planum factum est ex operibus. Etenim cuncta quæ a Deo in mundum veniebant, in primis pio imperatori Theodosio prius significavit, et quæ rursus eventura erant, prius annuntiavit; nempe et tyrannorum (90) in eum insurrectionem,

et rursus velocem eorum interitum, et quæ in eum irruerant gentium deletionem: adeo ut cum quidam dux exercitus ad eum venisset sciscitatum an Æthiopes qui sunt in Syene esset superaturus, quæ quidem est principium Thebaidis; ii autem tunc irruerant, et eorum finitimam regionem vastaverant; ei autem dixit Joannes: Si ascenderis, eos comprehendes, vincies, et subjunges, et clarus eris apud imperatores. Id etiam factum est, et quæ acciderunt confirmarunt ejus prædictionem. Dicebat autem Christianissimum imperatorem Theodosium esse morte sua moriturum. Habuit autem hic vir admirabilem quoque, et quæ modum superabat, prophetiam, ut audivimus ex Patribus qui cum eo versabantur, quorum vita fuit probata apud omnes qui illic erant. Quod autem de eo nihil narrarint ad gratiam, sed minus quam mereretur, hic facile scribi potest. Nam cum ad eum venisset quidam tribunus, et supplex peteret ut permitteret uxorem suam ad eum venire, quæ multa passa fuerat, et volebat eum videre, ventura Syenem ut pro ipsa prius oraret, et eam data benedictione dimitteret; is autem qui jam quadraginta annis non viderat mulierem in spelunca, cum esset nonagenarius, et nec ipse unquam esset egressus, nec sibi permitteret videre mulierem, recusabat videre ejus uxorem. Sed nec vir ullus ad eum unquam est ingressus. Solum enim benedicebat per fenestram, et salutabat eos qui accedebant, cum unoquoque disserens de eo quod volebat¹. Cum ergo instaret tribunus, rogans an juberet suam venire conjugem (degebat enim in solitudine quinto ab urbe lapide) is autem non annuisset, dicens id non posse fieri, tristem dimisit hominem. Uxor autem non cessabat die et nocte marito exhibere molestiam, et jurejurando affirmare se nusquam abituram nisi videret prophetam. Postquam autem beato Joanni a marito renuntiatum est jusjurandum uxoris, ejus fide intellecta, dicit ad ipsum: Hac nocte ab ea videbor in somnis; nec amplius pergat in carne videre meam faciem. Uxori autem renuntiavit maritus et quæ Pater dixerat. Videbat autem muller in somnis prophetam ad ipsam venientem. Cui dicit: Quid tibi mecum rei est mulier? quid meam cupisti videre faciem? nunquid enim propheta ego sum, aut justum locum obtineo? homo sum peccator, et similiter atque vos patibilis: oravi tamen pro te et domo mariti tui, ut fiat vobis secundum fidem vestram. Ite ergo in pace. Et cum hæc dixisset, recessit. Cum autem excitata fuisset mulier, renuntiavit marito verba prophetæ, et narravit figuram et habitum, et per maritum ei misit agendas gratias. Cum eum autem vidisset beatus Joannes, occupans ei dixit: Ecce implevi quod postulaveras; eam enim videns, monui ne me videret amplius, sed, Ite in pace.

Alterius autem præpositi uxor, absente marito, ferebat uterum. Cum autem peperisset, eo ipso die quo ejus maritus convenit Patrem Joannem, animi deliquio venit in periculum. Ei autem sanctus annuntiavit, dicens: Si scires donum Dei (*Joann. IV*), et

¹ Hic quædam Græcus textus interserit, quæ habes apud Heraclidem, cap. 22.

quod tibi natus sit hodie filius, Deum glorificares; A sed mater ejus propemodum venit in periculum. Cum veneris igitur, invenies infantem septem dies natum: ei impone nomen Joannes. Cumque eum recte educaveris, et ad annum septimum venerit, mitte eum ad monachos qui sunt in solitudine. Et hæc quidem ostendebat miracula iis qui veniebant ab exteris; suis autem civibus propter suum usum assidue ad ipsum venientibus et præsciebat et prædicebat futura; et quæ ab unoquoque occulte facta fuerant, et de Nilo, et de futura anni fertilitate eis significabat. Similiter autem Dei quoque minas ad eos venientes prius annuntiabat, et ejus auctores arguebat. Atque ipse quidem beatus Joannes non peragebat aperte curationes; dans autem oleum, curavit multos ex iis qui laborabant.

Senatorii enim cujusdam viri uxor, quæ oculos amiserat, et habebat pupillas obductas albugine, rogavit maritum suum ut ad ipsum deduceretur. Cum is autem diceret, eum nunquam convenisse mulierem, ea autem rogaret ut ipsi solum significaretur, et pro ipsa id efficeret, ille sic fecit, et misit oleum. Cum tres autem diessolum inunxisset oculos, respexit, et Deo aperte egit gratias.

Et quid opus est dicere de aliis ejus operibus 740 quæ ipsis oculis accepimus? Eramus enim septem fratres peregrini omnes in solitudine Nitriæ, ego et beatus Evagrius, et Albinus, et Ammonius. Quærebamus autem scire accurate quænam esset hujus viri virtus. Dixit autem magnus Evagrius: Lubenter scirem ab aliquo qui norit examinare et mentem et orationem, cujusnam modi sit vir; si enim ego eum non potuero videre, ejus autem vitæ institutum accurate audire potuero alio narrante, discam ut eum conveniam; quod si non didicero, non ibo usque ad montem. Cum hoc autem audissem, et nemini quidquam dixissem, quievi unum diem, alio autem oclusi cellam; et cum me et ipsam Deo commendassem, profectus sum usque ad Thebaidem. Cum eo autem decem et octo dierum spatio pervenissem, partim quidem pedibus, partim vero navigando in flumine: erat autem tempus ascensus (94), in quo multi ægrotant, quod mihi quoque accidit. Cum venissem autem, inveni clausum ejus vestibulum; fratres enim posterius ædificaverunt maximum vestibulum, quod capiebat viros circiter centum: quod claudentes, aperiebant tantum Sabbato et Dominica. Cum ergo didicissem causam propter quam erat clausum, silentium egi usque ad Sabbatum. Et cum venissem hora secunda, in congressione eum inveni assidentem in fenestra, per quam videbatur consolari eos qui accedebant. Cum me autem salutasset, dixit per interpretem: Cujusnam es regionis, et cur venisti? conjicio enim te esse ex conventu Evagrii. Dixi autem me esse hospitem ex Galatia, et confessus sum me esse ex sodalitate Evagrii. Interim autem dum loqueremur, ingressus est præses regionis, Alypius nomine; quo accurrente, desiit mecum colloqui. Cum ergo parum secessissem, dedi eis locum

eminus. Cum essent autem collocuti diutius, tristitia sum affectus, et murmuravi adversus venerabilem senem (92), quod me quidem contempsisset, illum autem honorasset; et ob id animo conturbatus, in animo habebam eo contempto recedere. Vocato autem interprete, Theodoro nomine, dicit ei: Vade, dic illi fratri ut ne ægre ferat; jam dimitto præsidem, et eum alloquar. Visum est ergo mihi toleranter ferre, ut qui animadvertissem, eum esse spiritalem. Cum exiisset autem præses, me accersito, dicit mihi: Cur contra me fuisti indignatus? Quid invenisti quod te jure offenderet, quod illa animo reputasti quæ neque mihi adsunt, neque te decent? An nescis scriptum esse: Non opus habent sani medico, sed male habentes (*Matth. ix*; *Marc. x*; *Lucæ v*). Te, quando

B volo, invenio, et tu me; et si te non fuero consolatus, alii te consolantur fratres, et alii Patres. Hic autem qui per mundana negotia erat deditus diabolo, et cum brevi temporis spatio respirasset ut servus qui aufugit ab austero domino, accessit ut aliquam caperet utilitatem. Absurdum ergo fuisset ut eo relicto tecum versarer, cum tu assidue vaces saluti. Cum eum ergo rogassem ut pro me oraret, exploratum habui eum esse virum spiritalem. Tunc urbane mecum jocans, cum sinistram maxillam mihi sensim pulsasset, dicit: Multæ te manent afflictiones, et gravia bella passus es ut exires e solitudine, timoreque affectus es, et distulisti: pius autem prætextus et rationi consentaneos afferens dæmon, te exagitat. Tibi enim suggestit et patris tui desiderium, et fratris tui et sororis tuæ in vita monastica institutionem. Ecce ergo bonum tibi affero nuntium: ambo salvi sunt, mundo enim renuntiarunt, et pater tuus est adhuc victurus septem annos. Esto ergo forti et constanti animo in solitudine, nec eorum causa velis abire in patriam. Scriptum est enim: Nemo qui manum admovit aratro, et est conversus, est aptus regno Dei (*Lucæ ix*). Ex his ergo verbis adjutus et satis roboratus, Deo egi gratias, cum intellexi, eos qui me urgebant prætextus esse peractos. Deinde rursus mihi dicit, urbane mecum jocans: Vis fieri episcopus? Dixi autem: Nequaquam; sum enim. Is autem mihi dicit: Ubi? Dixi ego: In coquinis, in penu, in mensis, in doliis: ea diligenter inspicio, et si vinum acuerit, id segrego; bonum autem bibo; similiter D ollam quoque diligenter inspicio, et si sal defuerit vel condimenti aliquid, eam condio, et sic eam comedo. Hic est meus episcopatus, mea inquam inspectio, me enim ad eum delegit gula. Is vero dixit subridens: Mitte ridicula; futurum est ut eligaris episcopus, et multum labores, et affligaris; si ergo fugis afflictiones, ne ex eas e solitudine, in solitudine enim nemo te potest ordinare episcopum. Ego autem ejus verborum sum oblitus, tribus enim post annis et splene et stomacho laboravi. Illinc autem a fratribus missus sum Alexandriam, morbus enim (93) ad hydrophisin vergebat, ab Alexandria autem consulerunt medici ut aeris gratia irem in Palestinam; habet enim quod ad eum attinet temperaturam sub-

tiliorem aerem. A Palæstina autem veni in Bithyniam, et in ea nescio quomodo, an humano studio, an divina voluntate (94), Deus scit, dignus habitus sum ordinatione quæ meas vires superat, in eum casum incidens quem Joannes prædixerat. ¶ Et undecim mensibus latens in cella tenebrosa, recordatus sum illius beati qui mihi prædixit ea quæ passus sum.

Porro autem hoc quoque mihi narrabat, tanquam profuturus ad hoc, ut per narrationem me deduceret ad patienter ferendam solitudinem : Quadraginta annos versor in hac cella ; non vidi faciem feminae, non ullum nummum, non vidi aliquem mandentem, non comedentem nec bibentem me vidit aliquis.

Cum ergo ab eo recessissem, veni in solitudinem in loco consueto, hæc omnia narrans beatis Patribus qui post duos menses venerunt et sunt cum eo collocuti, ique hæc nobis narrarunt. Cum ad eum venissemus, læto vultu nos excepit et salutavit, se hilarem unicuique ostendens. Rogabamus autem eum ut statim pro nobis perageret orationem, est enim hic mos Patribus qui sunt in Ægypto. Is autem nos interrogavit num inter nos esset clericus aliquis. Postquam autem omnes non esse diximus, nos omnes circumspectans, agnovit eum qui erat occultus : erat autem unus ex nobis qui dignus fuerat habitus diaconatu, cum esset unus frater ejus rei conscius, cui etiam præcepit ut nemini diceret. Qui causa humilitatis, et in talium Patrum comparatione, vix se dignum censebat Christiani appellatione, tantum abest ut alicujus dignitatis. Manu ergo eum ostendens, dicebat omnibus : Hic est diaconus. Cum is autem assidue negaret, et latere conaretur, e fenestra ejus manum apprehensam osculatus est, et admonens eum hortatus est, dicens : Ne irritam facias gratiam Dei, filii, ne mentiaris donum Dei inficians. Mendacium enim alienum est a Christianis, et sive sit in magna, sive in parva, non est tamen laudabile, cum dicat Servator : Mendacium est a malo (Joann. viii). Is vero convictus tacuit, accipiens paternam ejus reprehensionem. Cum preces autem complevissemus, unus frater ex nobis, quem jam tertiana febris vehemens tenebat, rogabat ut curaretur. Cum autem dixisset frater ei conferre afflictionem propter exiguam quæ ei inest fidem, tradens tamen oleum jussit eum inungi. Cum is autem se unxisset, quidquid intus habebat per os emisit, et a febre omnino liberatus, propriis pedibus recessit ad hospitium. Licebat autem videre hominem nonagenarium toto corpore ita afflictum, ut præ exercitatione ne barba quidem nata esset in facie. Nihil enim aliud comedit quam arborum fructus, idque post solis occasum in summa senectute, cum se prius multum exercuisset, et neque panem sumpsisset, neque aliquid ex iis quæ igni admota veniunt in usum. Cum ipse autem nos jussisset sedere, Deo egimus gratias quod ejus frueremur congressione. Is autem cum tanquam dilectos suos filios longo tempore accepisset, ridenti vultu hæc nobis est locutus : Undenam, o filii, et ex

quanam regione ad hominem abjectum et humilem accessistis ? Postquam autem diximus patriam, et adjecimus : Pro utilitate animarum nostrarum ad te venimus ab Jerusalem, ut quod auditione acceperamus, id cerneremus oculis ; sunt enim aures minus fideles oculis ; et auditionem quidem sæpe consequitur oblivio, rei autem visæ non deletur memoria, sed menti quodammodo imprimitur historia. Ad nos ergo dixit beatus Joannes : Et quid mirandum visuri, o filii charissimi, tantum itineris et laboris tolerantibus huc venistis, homines abjectos et humiles videre cupientes, qui nihil habent spectatu dignum nec admiratu ? Ubique autem sunt admirandi et laude digni Dei prophetæ et apostoli, qui leguntur in ecclesiis, quos oportet imitari. Valde autem miror, inquit, vestrum studium, quemadmodum tot contemptis periculis, ad nos venistis propter utilitatem, cum nos præ socordia ne ex ipsa quidem spelunca velimus progredi. Sed age nunc, inquit, etiamsi res vestra sit laude digna, ne tanquam re aliqua præclare gesta, vobis sufficere putetis, sed imitemini virtutes quas patres vestri persequuntur. Quod si etiam omnes possederitis, quod quidem est rarum, ne sic quidem vobis ipsis credideritis. Quidam enim qui sic confiderunt, et ad ipsum virtutum fastigium pervenerunt, tandem ex alto ceciderunt. Sed videte num preces vestræ se recte habeant ; num conturbata sit cordis vestri puritas ; num mens vestra inter orandum sit occupata aliis negotiis ; num aliqua alia mentem subiens cogitatio avertat ad aliquid aliud ; num aliqua cogitatorum memoria animo exhibeat molestiam. Videte num mundo vere renuntiastis ; num ingressi estis tanquam nostram specularantes libertatem ; num ad vanam gloriam vestras virtutes venamini, ut ad ostentationem videamini hominibus nostra opera imitantes. Videte ne vobis facessat negotium animi perturbatio, ne honor et gloria et laus humana, ne rerum sacrarum curæ simulatio, aut amor proprius ; ne putetis vos esse justos ; neque de justitia gloriemini, ne propter virtutes efferamini ; ne orantibus cognitionis memoria animo insideat ; ne memoria commiserationis aut alicujus alterius rei, neque ipsius universi mundi vobis succurrat. Sin minus ; res efficitur vanitas, quando quis Dominum alloquens, deorsum impellitur ab iis quæ ex adverso trahunt cogitationibus. Hæc autem mentis prolapsio unicuique accidit qui hunc mundum non omnino abnegavit, sed veneratur ut ei placeat. Ob multa enim quæ aggreditur, ejus mentem dividunt curæ corporeæ et terrestres ; et dum deinceps disputat cum animi perturbationibus, non potest Deum videre. Sed neque ipsam cognitionem debet accurate et exacte contemplari, ne si forte fuerit indignus tali possessione, et ejus aliquam partem fuerit consecutus, existimet se totum comprehendisse, et omnino labatur in interitum. Sed oportet semper moderate et pie ad Deum accedere, quantum potest unusquisque mente progredi, et quantum possunt homines consequi. Oportet ergo mentem eorum qui Deum quærunt, otium

agere ab aliis omnibus. Vacate enim et cognoscite, **A** et tandem exercitorem redegit in servitute. Cum inquit, quod ego sum Deus (*Psal.* xlv). Qui ergo Dei cognitionem ex parte est consecutus, universam enim nemo potest accipere, consequitur quoque aliorum omnium cognitionem, et videt mysteria Dei illa ei ostendentis, et prævidet futura, et contemplatur revelationes quales sancti, et efficit virtutes, et obtinet a Deo omnem petitionem.

Alia quoque multa dixit de exercitatione; et quod oportet expectare mortem tanquam vitam bonæ translationis, et non imbecillitatem intueri corpoream: et nec vel quibuslibet obviis implere ventrem. Nam qui, inquit, fuerit satiatus, eadem capit consilia quæ il qui vivunt in deliciis: sed tentare oportet per exercitationem etiam appetitionum parare impati- **B** bilitatem. Nec quærat aliquis ea quæ sunt parata, et animi relaxationem; sed nunc sit imbecillus afflictusque et oppressus, ut regni Dei latitudinis possideat hæreditatem. Oportet enim nos per multas afflictiones intrare in regnum Dei (*Act.* xiv). Est enim, inquit, angusta porta, et arcta via quæ ducit ad vitam, et pauci sunt qui eam inveniunt. Et: Lata est via quæ ducit ad perditionem, et multi sunt qui ingrediuntur per eam (*Matth.* vii). Et oportet, inquit, nos hic contemnere, cum paulo post eamus ad vitam æternam. Nec oportet aliquem efforri ob ea quæ recta se gesta sunt, sed semper esse humilem, et longiores persequi solitudines, quando senserit se efforri. Habitatio enim propinqua vicis, eos etiam qui erant perfecti sæpe offendit. Quod etiam psallit David cui tale quid acciderat: Ecce elongavi fugiens, et habitavi in solitudine. Expectabam eum qui salvum me facit a pusillanimitate et tempestate (*Psal.* ltv). Hoc autem accidit multis quoque ex nostris fratribus, et propter arrogantiam exciderunt a scopo.

CAPUT XLIV.

Narratio abbatis Joannis de eo qui lapsus est.

Erat enim, inquit, quidam monachus qui in propinqua solitudine degebat in spelunca, et omnem ostenderat exercitationem, et propriis manibus panem sibi quærebat (*Ruff., lib.* ii, *cap.* 1). Postquam autem permansit in orationibus, et profecit virtutibus, in seipso deinceps habuit fiduciam, fretus pulchro suæ vitæ instituto. Qui autem tentat, cum quoque, sicut Job, expetiit ad tentandum, et ei vespere **D** præbet phantasiam formosæ mulieris errantis per solitudinem. Quæ cum ostium invenisset apertum, ingressa est speluncam; et procumbens ad viri genua, petiit ut sibi illic liceret quiescere, utpote quod nox eam apprehendisset. Ille autem cum ejus esset misertus, quod quidem non debuit, eam admisit in speluncam, et de errore illam ost percontatus. Illa vero et narravit, et blanda ac fallacia verba inspersit, et sermonem diu cum eo protraxit. Eum autem sensim nescio quomodo pelliciebat ad amorem; pluraque deinceps verba inter se conserunt, ridentque ac sub- rident, eumque ipsa multo sermone seduxit, et deinde contractatione manus et barbæ et cervicis;

et tandem exercitorem redegit in servitute. Cum autem ille internis versaretur cogitationibus, deinde ut qui jam rem haberet in manibus, reputans opportunitatem et voluptatis explendæ securitatem, cogitationi assentitur, et tentat cum ea habere consuetudinem, ut qui jam evasisset insipiens et equus in feminas insaniens. Illa vero cum repente magna voce exclamasset, evasit evanescens ex ejus manibus non secus ac umbra aliqua. Risus autem in aere auditur multorum dæmonum qui ipsum increpabant et in fraudem induxerant, et magna voce ad ipsum clamabant: Qui se exaltat, humiliabitur (*Lucæ* xli). Tu autem usque ad cælos quidem es exaltatus, humiliatus vero es usque ad abyssos. Exinde surgit mane nocturnum luctum attrahens; et cum totum **B** diem transegisset in lamentatione, sua desperata salute, quod non debuit, in mundum reversus est. Hoc est enim maligni studium, ut quando quempiam irriserit, cum redigat ad insipientiam, ut non possit deinceps surgere. Unde, o filii, non est nobis conducibilis propinqua vicis habitatio, neque mulierum collocutio, ut ex quibus oriatur memoria, quæ non potest deleri, quam ex visu attrahimus **743** et collocutione. Sed neque debemus nimium despondere, et nos ipsos detrudere ad desperationem. Jam enim ii quoque qui non spem abjecerunt, non fuerunt privati Dei misericordis clementia.

CAPUT XLV.

De fratre qui ductus fuit pœnitentia, ejusdem abbatis Joannis narratio.

Erat enim, inquit, alius adolescens in civitate, qui multa mala fecerat, et graviter peccaverat (*Ruff., lib.* ii, *cap.* 1). Qui Dei nutu, propter multa peccata compunctus, veniens ad sepulera, priorem suam vitam deslevit; pronus cadens in faciem, et non aude-
 tens vocem emittere, nec Deum nominare, neque supplicare, ipsa quoque vita seipsum indignum existmans. Et cum ante mortem se inclusisset in sepulcris mortuorum, et suam vitam diceret, gemebat ex profundo cordis. Cum jam autem ab eo tempore præterisset hebdomada, noctu ei assistunt dæmones. qui ejus vitæ prius damnum attulerant, clamantes et dicentes: Ubi est ille scelestus et profanus, qui libidinibus et lasciviis exsultat, nunc nobis intempestivus, temporans et honestus repente apparuit; et quando non potest amplius, tunc vult esse Christianus, et probis compositisque moribus? Ecquidnam tibi boni amplius futurum expectas, cum sis nostris malis impletus? Non hinc cito exsurges? Non venies ad ea quæ sunt nobiscum consueta? te manent scorta et caupones. Non venies, et frueris cupidinibus, cum sit cuncta alia tibi spes extincta? Velox ad te omnino veniet iudicium, qui sic te ipsum perimis. Et cur miser festinas ad supplicium? cur autem contendis tibi pœnas citius infligere? Multaque alia dicentes: Noster es, in nostrum ordinem es relatus, exercuisti omnem iniquitatem. Tu es nobis omnibus obnoxius, et audes fugere? non assentieris? non respondebis? non simul egredieris? Postquam autem ille constans

in fletibus, ne aures quidem eis præbebat, et nec verbum respondebat eum diu urgentibus dæmonibus; postquam, inquam, nihil effecerunt, eadem sæpe illi dicentes, acceperunt eum mali et turpes dæmones, et totum ejus corpus male multarunt, eum graviter flagris cædentes; et cum eum graviter torrissent, abierunt eo relicto semimortuo. Ille autem nihilo sæcius immobilis jacebat ubi eum reliquerunt, rursus gemens postquam animum collegerat. Cum autem ejus necessarii eum investigassent et invenissent, et causam ejus quod ipsius corpori acciderat didicissent, rogabant eum ut domum rediret: is autem cum vim ei sæpe attulissent, restitit. Rursus autem sequenti nocte eum iisdem de causis pejus quam prius affecerunt dæmones; et ne sic quidem ejus consanguinei ei persuadent ut emigret, dicens satius esse mori quam vivere in talibus vitæ maculis. Tertia nox propemodum fecit ut excederet ab hominibus, cum crudelibus tormentis in eum invasissent dæmones, et eum vexassent usque ad extremum spiritum. Postquam autem viderunt eum non concessisse, recesserunt, homine relicto exanimi. Recedentes itaque exclamarunt, dicentes: Vicisti, vicisti, vicisti. Neque ei amplius aliquid mali occurrit; sed in purissimo sepulcro pure habitavit dum vixit, puram exercens virtutem. Is Deo quoque fuit pretiosus, et virtutibus, miraculorum effectioibus; adeo ut et multos in admirationem induxerit, et ad zelum adduxerit et æmulationem honestorum institutorum. Hinc factum est ut multi quoque ex iis qui de se valde desperaverant, bonas actiones aggressi sint, et recte gesserint, eisque factum est id quod dicit Scriptura: Omnis qui seipsum humiliat exaltabitur (*Lucæ xiv*). Præcipue ergo, o filii, exerceamus humilitatem, quæ est fundamentum primum omnium virtutum. Nobis autem multum quoque confert solitudo longior et remotior.

CAPUT XLVI.

Alia narratio abbatis Joannis, de eo qui lapsus, ductus est pœnitentia.

Fuit enim alius quoque monachus qui ulteriorem occuparat solitudinem, et multis annis se recte et ex virtute gesserat (*Ruff., lib. II, cap. 1*). Qui cum esset deinceps senio confectus, tentabatur a dæmonum insidiis. Silentium enim valde amplectebatur exercitator, et in orationibus et hymnis et multis contemplationibus diem transigebat, et visiones quasdam divinas clare videbat, partim quidem vigilans, partim vero etiam in somnis; et somni propemodum expers tenebatur a vita incorporea, non terram plantans, neque victus ullam curam gerens, neque in plantis quærens quod egenti præberet corpori. Sed neque avium aucupium, neque ullum animal persequabatur; sed fiducia plenus, ex quo ex regione habitabili illuc migrarat, nullam habebat rationem ut ei permaneret corpus nutritum, sed omnium oblitus, se perfecto sustinebat in Deum desiderio, expectans vocationem, et ex hoc mundo migrationem; et ut plurimum quidem alebatur delectatione eorum

quæ non cernuntur et sperantur, et neque diuturnitate ei corpus macerabatur, neque mœrebat tristisque erat anima, sed in quodam honesto ac venerando statu bonum habebat habitum. Verum enimvero Deus eum honorans, post præfinitum temporis intervallum, dabat ei super mensam panem duorum vel trium dierum, ut et videretur, et esset, et eo uteretur. Et ingrediens in speluncam, quando sentiebat corpus indigere, inveniebat nutrimentum. Et cum adorasset et cibum sumpsisset, hymnis rursus fruebatur, perseverans in precibus et contemplatione, in dies germinans, et se tradens præsentī virtuti et futuræ spei, semper magis magisque progrediens; et fere jam de meliori sua sorte confidebat, tanquam jam eam haberet in manibus: quod etiam fuit ei causa lapsus, cum propemodum excideret per eam quæ ipsum postea invasit tentationem. Quid enim non dicimus ejus eum qui prope fuit casum? Postquam enim ad hanc processit cogitationem, paulatim imprudens eo devenit, ut existimaret se esse pluris quam alios, et jam majus quid possidere quam alii homines; et cum talis esset, jam deinceps in seipso habuit fiduciam. Ei ergo gignitur haud ita diu post primum parva quædam animi remissio, ut ne videretur quidem esse remissio. Deinde oritur major negligentia, quæ deinde eousque progressa est ut sentiretur; nam et ex somno tardius surgebat ad hymnos, et erant preces paulo otiosiores, nec hymnus adeo prolixus, et dicit ei anima se velle requiescere, et mens ei annuit; et fluctuabant et vagabantur ei cogitationes, et jam occulte aliquid absurdi meditabatur. Sed prior assuefactio adhuc exercitorem quodammodo abducebat, veluti quidam motus ex priori illa incitatione, et eum interim conservabat. Et aliquando post solitas preces ingressus vespere, invenit panem super mensam, qui ei suppeditabatur divinitus, et se refecit. Quo tempore nec illas execrabiles abjecit cogitationes, neque reputavit animam lædi a contemptione, neque conversus est ad quærendam mali curationem; sed parum duxit parum abesse quominus excideret ab iis quæ decet facere. Amor itaque cupiditatis eum raptum cogitatione in regionem abduxit habitabilem. Cum se tamen interim cohibuisset in diem sequentem, ad consuetam conversus exercitationem, cum orasset et hymnos dixisset, ingressus speluncam, invenit quidem panem sibi appositum, sed non tam diligenter confectum, nec tam purum, sed sordidum et inquinatum. Qui etsi esset id admiratus, et tristitia affectus, sumpsit tamen, et se refecit. Successit tertia nox, et triplex malum addidit. Etenim mens ejus cito irrupit in cogitationes. Ita autem erat ei affecta memoria, ut videretur una cum eo adesse femina et simul accumbere, et eam rem habebat in oculis, et eam veluti facere perseverabat. Egressus tamen est tertio quoque die ad opus, et preces, et hymnos, sed non habens amplius mundas cogitationes, sed frequenter conversus, in altum tollebat oculos, eos huc et illuc torquens; ejus enim pulchrum opus interrumpebant memoriæ cogitationum. Vespere ergo re-

versus pane indigens, illum quidem invenit in mensa, A veluti corrosum a muribus aut canibus, et foris siccas quasdam reliquias. Tunc ingemiscit quidem et lacrymatur, sed non quantum satis esset ad coercendam nequitiam. Nutritusque non quantum volebat, se parabat ad quietem. Eum autem acervatim invaserunt cogitationes, eum indique circumdantes, et ejus mentem oppugnant, et captivum statim in mundum abducunt. Surgens autem ivit versus regionem quæ habitatur, ingrediens noctu per solitudinem. Cum autem dies eum apprehendisset, et quæ habitatur regio adhuc procul abesset, et eum æstus affligeret, defatigatus est. Undequaque autem in orbem considerans circumspicit, an alicubi appareret monasterium, in quod ingressus requiesceret. Quod etiam accidit, eum excipientibus quibusdam piis et fidelibus fratribus, qui B cum eum tanquam patrem germanum aspexissent, vultum ejus et pedes laverunt; et cum orassent, mensam apposuerunt, et rogarunt ut quæ erant apposita sumeret cum charitate. Postquam autem se refecit, postularunt fratres ut verbum salutis ab eo acciperent, et quam ratione possent servari a laqueis diaboli, et quemadmodum superarent turpes cogitationes. Is autem ipsos tanquam pater filios admonens, hortabatur ut essent fortes et constantes in laboribus, ut qui essent paulo post in summa quiete collocandi. Multa quoque alia cum eis disserens de exercitatione, eos valde juvit. Cum autem cessasset ab admonitione, et se parum recollegisset, considerabat quemadmodum alios admonens, se non monebat nec corripibat; et se esse victum intelligens, cursu rursus rediit in solitudinem, se ipsum deflens, et dicens: Nisi quia Dominus mihi opem tulisset, propemodum in inferno habitasset anima mea (*Psal.* xcix). Propemodum in omne malum sum redactus, propemodum me in terra confecerunt. Et in eo factum est quod dictum 245 est: Frater qui a fratre adjuvatur, est tanquam urbs munita et excelsa, et tanquam murus qui non potest corruere (*Prov.* xviii). Quanquam abhinc toto vitæ tempore luxit perpetuo, privatus mensa quæ ei dabatur divinitus, et panem suum quærens cum labore. Nam cum se in spelunca inclusisset, et sibi saccum et cinerem substravisset, non prius e terra surrexit, nec cessavit flere, quam vocem angeli audiisset ei dicentem in somnis: Accepit Dominus tuam pœnitentiam, et tui est misertus; deinceps autem vide ne D decipiarius. Ad te enim venient fratres quos adinuisti, et afferent ad te eulogias, quas cum acceperis, vesceris cum ipsis, et perpetuo Deo ages gratias.

Hæc ergo vobis narravi, o filii, ut humilitatem exerceatis, seu in parvis, seu in magnis esse videamini. Hoc est enim primum præceptum Servatoris, qui dicit: Beati pauperes spiritu, quoniam ipsorum est regnum cælorum (*Matth.* vi). Et ne decipiâmini a dæmonibus, qui vobis visa et phantasias excitant; sed si quis ad vos venerit, aut frater, aut amicus, aut mulier, aut pater, aut magister, aut mater, aut soror, primum extendite manus ad orationem; et si sit phantasma, fugiet a vobis. Et si vos decipiant dæmo-

nes aut homines, vobis assentantes et laudantes, ne eis pareatis, nec mente efferamini: nam me quoque sæpe noctu sic deceperunt dæmones; et neque me sinebant orare, nec quiescere, quasdam mihi phantasias præbentes tota nocte, et mane illudentes humi procumbebant, dicentes: Condone nobis, abba, quod tibi labores præbuimus tota nocte. Ego autem dicebam illis: Discedite a me omnes qui operamini iniquitatem (*Psal.* vi); ne tentetis servum Domini.

Quare vos quoque, o filii, quietem persequamini, vos semper exercentes ad contemplationem, ut puram possideatis mentem, Deum rogantes. Nam ille quoque est bonus exercitator, qui assidue in mundo exercetur, et in honestis occupatur actionibus: qui humanitatem ostendit et clementiam, hospitalitatem- que et charitatem, et fecit eleemosynas, et bene facit advenientibus, et opem fert laborantibus, et permanet citra ullam offensionem. Est quidem hic quoque valde bonus; versatur enim in actione et præcepta exsequitur; sed in rebus terrenis occupatur. His quidem certe præstantior est et major qui versatur in contemplatione, qui a rebus agendis se transfert ad intelligentiam, eas res aliis relinquens providendas, ipse autem et seipso abnegato, et sui oblitus, scrutatur cælestia, Deo omnium solutus et expeditus assistens, a nulla autem alia cura retro avulsus. Qui est enim hujusmodi, una cum Deo degit, una cum Deo versatur, assiduis hymnis Deum semper celebrans.

Novi enim ego hominem in solitudine, qui decem annos cibi terreni nihil gustavit, sed ei angelus tertio C quoque die cælestem cibum ad eum afferebat, et ei in os injiciebat, isque erat ei instar cibi et potus. Scio quoque ad hunc hominem in phantasia venisse dæmones, ostendentes angelicos exercitus, et currus ignis, et multos satellites, tanquam alicujus regis venientis, et ei dicentes: In omnibus te recte et ex virtute gessisti, o homo; de cætero me adora, et tanquam Eliam te assumam. Dicebat autem apud se monachus: Adoro quotidie Regem meum et Servatorem; et si hic esset ille, non hoc a me peteret. Postquam autem ei dixit quod habebat in animo: Dominum meum et Regem habeo Deum, quem semper adoro, tu autem non es rex meus, ille protinus evanuit. Hæc autem tanquam de alio disserens, instituta vitæ suæ, et res gestas volebat celare. Qui autem D vitam una cum eo erant patres, eum dicebant hæc vidisse.

Hæc et alia multa nobis narrans beatus Joannes, et tres dies ad nonam usque disserens, nostras curavit animas. Cum autem dedisset nobis benedictiones, jussit ire in pace, nobis quoque dicta quadam prophetia: Hodie, aiebat, nuntiata est (95) Alexandria victoria maxime pii Theodosii, propter de medio sublatus tyrannum Eugenium, et oportet imperatorem mori morte propria, quod quidem revera ita fieri contigit. Licebat autem cernere multitudinem eorum qui cum ipso erant monachorum in ecclesia, veluti quosdam justorum choros, lucidis vestibus indutos, et hymnis assiduis Deum glorificantes.

Postquam autem multos quoque alios Patres vidimus, venerunt fratres nobis annuntiantes consummatum esse beatum Joannem modo quodam admirabili : nam cum jussisset ut tres dies neminem sine-
rent ad se venire, genibus flexis ad orationem, consummatus est, ad Deum veniens, cui gloria in sæcula.

CAPUT XLVII.

De Pœmenia.

Is quoque cum Christi ancilla Pœmenia, quæ ad eum videndum accesserat, non est quidem collocutus, significavit autem ei quoque quædam arcana. Ei autem præcepit, dicens : Descendens a Thebaide, ne deflectas Alexandriam, quandoquidem futurum est ut cadas in tentationes. Ea autem magni Joannis prædicationem vel nihili ducens, vel ¶46 ejus oblita, B deflexit Alexandriam, ut videret civitatem. In itinere autem prope urbem Niciæ, ad eam accesserunt naves ejus quiescendi gratia. Egressi autem famuli ex quadam insolentia cum illius loci habitatoribus, amen-
tibus et profligatis hominibus, manus conseruerunt : qui quidem unius quidem eunuchi digitum secue-
runt, alium autem occiderunt, Dionysium autem sanctissimum episcopum in fluvium ignorantes projecerunt, et illam ipsam conviciis et maledictis impetierunt, et reliquos omnes servos sauciarunt.

CAPUT XLVIII.

Vita abbatis Ammonæ (96), et eorum qui cum ipso erant.

Vidimus autem alium quoque virum Thebaide, nomine Ammonam (*Ruff., l. II, cap. 3*), Patrem ter C mille monachorum : quos etiam nominabat Tabennesiotas, qui habebant magnum vitæ agendæ institutum, et qui et ovillas pelles ferrent, et vultu tecto comederent, et se deorsum inclinantes, ne quis proximum comedentem aspiceret ; et tantum exercerent silentium, ut viderentur esse in solitudine, unoquoque occulte peragente suum vitæ institutum ; solum autem specie quadam in mensa sederent, conantes se invicem latere. Aliqui enim ex his semel vel bis manum ori admovebant, tangentes panem vel oleum, vel aliquid ex iis quæ erant apposita, et cum de unoquoque obsonio semel gustassent, contenti erant hoc alimento, alii autem panem sensim mandentes, alia autem accipientes citra simulationem, sic perseverabant ; alii autem jusculum ter tantum degustabant, a D reliquis autem abstinebant. Quæ cum, ut erat consentaneum, esse admiratus, non prætermisi eam quæ ex eis capitur utilitatem.

CAPUT XLIX.

De abbate Be (97).

Vidimus autem alium quoque senem, qui lenitate superabat omnes homines, nomine abbatem Be (*Ruffin., l. II, cap. 4*) : de quo affirmabant fratres qui apud ipsum versabantur, eum nunquam jurasse, nunquam de aliquo mentitum esse, neque aliquo verbo increpasse, neque iratum fuisse : erat enim ejus vita valde quieta, et mores mansueti, et qui statum haberet angelicum ; erat autem valde quoque humilis,

et seipsum vilipendens. Cum nos autem multum ro-garemus, ut adhortatorium nobis sermonem diceret, vix in animum induxit ut nobis pauca dissereret de mansuetudine. Is, cum hippopotamus aliquando vastaret vicinam regionem, stans prope fluvium, rogatus ab agricolis, visa bellua ingentis magnitudinis, ei præcepit, dicens : Denuntio tibi in nomine Jesu Christi, ne amplius vastes hanc regionem. Illa autem tanquam ab angelo loco pulsa, omnino evanuit. Sic etiam aliquando abegit crocodilum.

CAPUT L.

De abbate Theona (98).

Vidimus etiam alium non procul a civitate, in solitudine, nomine Theona, virum sanctum, in domuncula seorsum inclusum, qui tempore triginta annorum silentium exercuerat (*Ruff., lib. II, cap. 6*). Is cum plurimas virtutes perageret, habebatur ab eis pro propheta. Exhibat enim ad ipsum per dies singulos multitudo ægrotantium, quibus manus imponens per fenestram, dimittebat eos abire salvos. Licebat enim videre ipsum habentem vultum angeli, lætis oculis, et totum plenum maxima gratia. Is, cum non multo ante tempore latrones eum noctu invasissent, existimantes se multum auri apud eum inventuros, et vellent eum occidere, precatus est, et manserunt immobiles ad portas ejus usque ad matutinum. Cum turbæ autem mane ad eum accessissent, et eos igni mandare in animo haberent, unum tantum verbum ad eos est locutus : Sinite eos abire sanos ; sin minus, a me fugiet gratia curationum. Ii vero ipsum audierunt ; non audebant enim contra eum dicere, et protinus abiere latrones ad ea quæ erant circumcirca monasteria, mutati moribus, et de iis quæ fecerant ducti pœnitentia. Erat autem vir eruditus in triplici gratia sermonum, in scriptis Romanis, Græcis, et Ægyptiacis, sicut a multis et ab illo ipso audimus. Cum enim nos agnovisset esse hospites, scribens in tabella, Deo propter nos egit gratias. Comedebat autem semina non cocta. Noctu autem, ut aiunt, egrediebatur e cella, et congregabatur cum feris, et eas potabat ex ea quam habebat aqua. Erat enim videre vestigia bubalorum, et onagrorum, et quarumdam caprearum, circa ejus monasterium, quibus semper delectabatur.

CAPUT LI.

De abbate Elia (99).

Vidimus autem alium quoque senem in solitudine Antinoi, quæ est metropolis Thebaidis, Eliam nomine, qui natus erat centum et decem annos (*Ruff., lib. II, cap. 12*). Super eum dicebant spiritum Eliæ prophetæ requievisse : erat enim valde celebratus, ut qui in terribili illa solitudine egisset septuaginta annos. Non potest autem oratio pro dignitate narrare asperam illam ¶47 solitudinem, quæ est in monte in quo ille sedebat, nunquam descendens in eam quæ habitatur regionem. Est enim quædam semita eorum qui ad ipsum accedunt ejusmodi, ut vix possint insistere vestigiis ii qui accedunt, hinc et inde lapidibus asperis obvallata. Erat autem sedens sub quadam petra

in spelunca, adeo ut ipsum quoque videre esset formidabile. Tremebat autem jam totus, ut quem senectus opprimeret. Multa autem signa quotidie peragebat, nec cessabat mederi ægrotantibus. Dicebant autem qui apud ipsum erant Patres, neminem meminisse ejus ascensus in montem. Comedebat autem in senectute tres uncias panis, et tres oleas vespere. In juventute autem semper semel comedebat in hebdomada.

CAPUT LII.

Vita abbatis Apollo (100).

Vidimus autem alium quoque virum sanctum in Thebaide, in finibus Hermopolis (*Ruff., lib. II, cap. 7*): in quam Servator venit cum sancta Maria et Joseph, implens prophetiam Isaie, quæ dicit: Ecce Dominus sedet super nubem levem, et veniet in Ægyptum; et quotientur manufacta Ægypti a facie ejus, et cadent in terram (*Isaia XIX*). Vidimus enim illic quoque templum, in quo, ingresso urbem Servatore, ceciderunt omnia simulacra in faciem super terram. Vidimus autem illic in solitudine virum, Apollo nomine, qui monasteria habebat super montem. Erat enim pater monachorum circiter quingentorum, qui erat valde clarus et celebratus in Thebaide; erantque ejus magna opera, et magnas virtutes per eum faciebat Dominus, et plurima signa et admirabilia per eum efficiebantur. Hic enim cum a pueritia multam ostendisset exercitationem, in perfecta ætate talem est consecutus gratiam. Cum enim esset octogenarius, sibi magnum congregavit monasterium virorum perfectorum, qui poterant omnes fere signa efficere. Is cum quindecim annos natus a mundo recessisset, et quadraginta annos in solitudine transegisset, et in ea omnem virtutem exercuisset: visus est postea audire Dei vocem, dicentis ei: Apollo, Apollo, per te sapientium in Ægypto, et prudentiam gentium prudentium abolebo. Perdes autem mihi cum eis etiam sapientes Babylonis, et de medio tolles omnem cultum dæmoniacum; et nunc vade in eam quæ habitatur regionem: generabis enim mihi populum peculiarem, æmulatorem bonorum operum. Is autem respondens, dixit: Aufer a me, Domine, arrogantiam, ne forte elatus supra fraternitatem, priver omni bono opere (*Tit. II*). Ei autem rursus dixit vox divina: Mitte manum tuam super collum tuum, et deinde comprehendes, et infodies arena. Is autem cum statim manum misisset super collum, apprehendit parvum Æthiopem, et eum infodit in arena clamantem et dicentem: Ego sum dæmon superbiæ. Et rursus facta est vox ad eum, dicens: Vade, quoniam quod a Deo petieris, accipies. Is autem cum primum hoc audisset, profectus est in eam quæ habitatur regionem, tempore Juliani tyranni, et tunc venit in propinquam solitudinem.

Cum quamdam autem parvam occupasset speluncam, manebat subter montem. Ejus autem opus erat, toto diurno spatio preces edere; noctu quidem centies, interdium autem toties, flexis genibus. Ejus autem alimentum tunc quoque sicut prius, admirabili et

A præter opinionem ratione a Deo suppeditatur. Et enim in solitudine per angelum afferebatur nutrimentum. Ejus autem indumentum erat lebiton, quod nonnulli colobium appellant, et parvum linteum in ejus capite. Hæc enim ei manebant in solitudine, nec veterascebant. Erat autem in solitudine propinqua terræ quæ habitatur, faciens signa et virtutes admirabiles in virtute Spiritus: quas propter miraculi insignem magnitudinem nemo potest omnes dicere, sicut audivimus a senibus qui cum eo versabantur, qui ipsi quoque erant viri perfecti, et præerant multis fratribus. Fuit itaque protinus clarus ac celebratus, tanquam novus aliquis propheta vel apostolus, qui venisset nostro sæculo; et cum magna fama de eo sparsa esset, omnes qui circumcirca dispersi habitabant monachi, semper ad eum veniebant, et tanquam patri germano, dona suas offerebant animas. Is autem alios quidem hortabatur ad contemplationem; alios vero instituebat, ut persequerentur virtutem, quæ versatur in actione, primum ostendens opere ea quæ ipsos facere admonebat sermone. Sæpe enim eis ostendens exercitationem, Dominica solum cum eis versabatur: ipse quidem non amplius sumens, quam olera quæ sua sponte nascuntur in terra; non panem interin vel legumen, non ex fructibus arborum aliquid comedens, nec quæcunque igni admota veniunt in usus hominum.

Cum autem tempore Juliani aliquando audiisset fratrem in exercitu captum vinctum teneri in custodia, accessit ad eum cum fraternitate, rogans eum et admonens, ut esset fortis et constans in laboribus, et despiceret pericula sibi imminencia. Dicit enim esse sibi tempus certaminum, ut tunc quoque 748 mens ejus probetur insultu tentationum. Postquam autem his verbis ejus animum confirmavit, adveniens tribunus, qui quodam sceleris ferebatur impetu, cum quidam ei de ipsis significasset, clausis portis custodiæ, et ipsum et omnes qui cum eo erant monachos inclusit, tanquam futuros aptos ad militiam; et cum eis quot satis essent custodes constituisset, domum rediit, nec auditione quidem ab eis rogari sustinens. Media autem nocte, lampadem ferens angelus apparet custodibus, lumine illustrans omnes qui erant in carcere, adeo ut præ stupore hiantes starent custodes. Qui cum surrexissent, eos rogarunt ut omnes **D** abirent, eis apertis januis; fatebantur enim esse satius pro iis mori, quam quæ ad eos divinitus venisset libertatem qui citra rationem detinebantur despiciere. Tribunus itaque cum magistratibus manens in custodiam, contendeat ut viri egredirentur e civitate; dicebat enim domum suam cecidisse terræ motu, et e suis servis optimos oppressos fuisse. Ii autem hæc audientes, Deo gratias agentes, abierunt in solitudinem, erantque omnes simul, ut dicit Apostolus, habentes cor unum et unam animam (*Act. IV*).

Docebat autem quotidie ornari virtutibus, et machinas diaboli in cogitationibus in principio protinus

propulsare. Contrito enim capite serpentis, totum corpus est mortuum. Jubet enim Dominus ut observemus caput serpentis : id autem est, ne in principio admittamus malas et turpes cogitationes, non solum ut obscenas animi nostri phantasias deleamus : conari autem nos invicem superare virtutibus, et ne quis in his laudibus altero videatur inferior. Hoc autem, inquit, sit vobis argumentum profectus virtutum, quando fueritis vacui affectionibus et appetitionibus, hæc enim sunt Christi donorum principium. Quando autem a Deo habuerit aliquis ostensionem miraculorum, ne nimium intumescat, quasi sufficienter profecerit nec efferatur cogitatione, tanquam sit jam magis honoratus quam alii, neque ut ostentans quod talem gratiam acceperit ; sin minus, seipsum decipit mente captus et gratia multabitur. **B** Habuit ergo hanc magnam doctrinam in sermonibus, quam nos quoque sæpe postea ab ipso audivimus : in operibus autem efficiebat majora, omnis enim petitio ei statim dabatur a Deo.

Quin etiam videbat quasdam revelationes : vidit enim suum fratrem natu maximum, qui ipse quoque fuerat consummatus in solitudine, et ipso pulchro vitæ instituto eum superaverat, cum quo ipse quoque longo tempore vixit in solitudine. Videbatur ergo eum videre sedentem in eodem throno cum apostolis, cum ei reliquisset suarum virtutum hereditatem ; et sic pro se ipso intercedebat, Deum rogans, ut esset velox ejus translatio, et cum ipso sibi requiem præstaret in cælis. Visus est autem ei dixisse Servator, oportere eum adhuc parvo tempore esse in terra ad multorum perfectionem, donec multi fiant ejus virtutis æmulatores. Magnus enim monachorum populus credetur ejus fidei, et pius exercitus, ut gloriam dignam laboribus consequatur apud Deum. Hæc vidit, quæ etiam evenerunt. Nam cum multi undique ex auditione ad eum convenissent monachi, et per ejus doctrinam et conversationem plurimi omnino mundo renuntiassent, facta est fratrum cohabitatio, cum ad quingentos fratres simul apud ipsum communem vitam haberent, et unam mensam, tota veste candidati ; et in eis impleta est Scriptura, quæ dicit : Lætare desertum sitiens, erumpe et clama quæ non parturis ; quoniam multi sunt filii desertæ, magis quam virum habentis (*Isaiæ* LIV). Nam impletum quidem est hoc eloquium propheticum ex Ecclesia quæ congregata est ex gentibus : perfectum est autem in hac etiam Ægyptiaca solitudine, quæ plures filios Deo exhibet, quam terra quæ est habitata. Ubi enim sunt in urbibus tot greges eorum qui salvi fiunt, quot Deo exhibent quæ sunt in Ægypto solitudines ? Quot sunt enim hic populi, tot sunt illic in desertis monachi. Ac mihi videtur dictum Apostoli, etiam in ipsis esse impletum : Ubi enim abundavit peccatum, superabundavit et gratia (*Rom.* v). Abundavit enim quondam in Ægypto multus et impius idolorum cultus, adeo ut in nulla gente magis ; canes enim et simias quidam colebant ; alii allia et cæpe ; et ex vilibus oleribus multa deos existimabant, ut ipsum sanctum Patrem **A** hæc narrantem audivimus, et reddentem causam prioris ignorationis. Nam bovem quidem, aiebat, in deos referebant gentiles qui prius apud nos habitabant, quoniam per ipsum exercentes agriculturam, victum sibi parabant ; aquam autem Nili, quoniam irrigat omnes agros ; terram quoque colebant, ut quæ esset aliis omnibus regionibus fertilior. Reliquas autem abominationes, canes et simias, et reliquam omnem animantium et olerum colebant turpitudinem, quatenus eorum usus fuit eis occasio salutis, qui tempore Pharaonis homines occupatos tenuit, quando ille Israellem persequens, submersus est. Unusquisque enim id in quo fuit occupatus, cum Pharaonem non esset secutus, hoc **740** in deos retulit, dicens : Hoc fuit mihi deus hodie per quod effectum est ut non perirem una cum Pharaone. Hæc quidem in sermonibus habuit sanctus Apollo.

Ante sermones autem scribendum est quæ possedit in operibus. Fuerunt enim aliquando gentiles prope accolentes in locis omnibus, et decem pagi qui erant ei propinquiores magis colebant dæmones. Erat autem templum maximum in uno vico, et simulacrum maxime insigne, lignea autem erat hæc statua. Pompam autem ducebant, eam per vicos circumferentes nefarii sacerdotes, qui bacchabantur cum multitudine, veluti pro aqua fluviatili celebrantes mysteria. Accidit autem ut illo tempore illic adesset Apollo cum paucis quibusdam fratribus : postquam autem vidit multitudinem repente dæmoniace furentem per regionem, flexis Servatori genibus, fecit omnes gentiles repente immobiles. Cum autem non possent ex illo loco progredi, alius alium trudentes, et æstu toto die torrerentur, ignorantes unde hoc eis evenisset, sacerdotes eorum dixerunt esse quemdam Christianum habitantem in eorum finibus subsolitudine, qui hæc faceret, dicentes de Apollo ; et oportere ei supplicare, sin minus fore ut veniant in periculum. Postquam autem qui procul habitabant, auditis clamoribus et lamentationibus, accesserunt, et eos rogarunt : Quidnam est, dicentes, quod vobis repente accidit ? quo pacto hoc factum est ? Illi autem dixerunt se nescire, nisi quod virum habebant suspectum, dicentes oportere illum placare. Alii vero testabantur se eum vidisse prætereuntem ; et sic rogarunt eos ut eis cito daretur auxilium : adductis bobus conati sunt movere simulacrum ; id autem manebat tanquam immobile cum ipsis sacerdotibus. Cum nullam ergo evadendi rationem invenissent, miserunt per accolas legationem ad Apollo, ut illinc liberati ab errore recederent. His autem Apollo significatis, celerrime descendit homo Dei ; et cum orasset, omnes solvit a vinculo. Hi autem omnes uno animo ad ipsum processerunt, universorum Servatori credentes, et Deo qui facit admirabilia, idolo protinus igni mandato. Quod omnes catechesi institutos adjecit ecclesiis. Multi autem ex his in hodiernum usque diem degunt in monasteriis. Hujus autem rei fama pervasit in omnes partes, et multi crediderunt

in Dominum ; adeo ut nullus amplius gentilis nominetur in ejus finibus.

Non multo post autem tempore, duo pagi inter se bellum incipiunt committere, pro agris decertantes. Postquam autem est Apollo renuntiatum, statim ad eos descendit, inter eos pacem conciliaturus. Qui erant autem ex parte adversa non parebant, sed contradicebant, freti uno latronum principe, ut viro ad bellum præstantissimo. Cum eum ergo Apollo vidisset contradicentem, dixit ei : Si parueris, o amice, rogabo Dominum meum, ut tua peccata remittantur. Is autem ubi hoc audivit, non cunctatus, abjectis armis, ejus genibus advolutus supplicavit : et pace facta ejus intercessione, suos remisit ad propria. Cum ii autem pacem egissent, et abiissent, insignis eorum propugnator, Apollo de cætero sequebatur, beatissimum aperte exigens. Quem cum assumpsisset beatus Apollo in propinqua solitudine, admonuit et hortatus est ut patienti et constanti esset animo, posse enim Deum ei condonare. Ubi autem nox advenit, ambo viderunt in somnis se astare ante tribunal Christi : utrique autem contemplabantur angelos Deum una cum justis adorantes. Cumque ipsi una cum eis procubuissent, Patrem adoraverunt : et vox ad eos facta est Dei dicentis : Quæ est societas luci cum tenebris ? aut quæ pars est fidelis cum infideli (II Cor. II) ? Quid vero stat cum justo homicida, cum sit indignus tali contemplatione ? Tu autem abi, o homo, tibi enim est concessus hic tardo natus perfuga. Qui cum alia multa vidissent et audiissent admirabilia, quæ neque audet oratio dicere, neque auris audire, excitati annuntiarunt iis qui cum eis conversabantur. Omnes autem maxima invasit admiratio, utrisque unam narrantibus visionem. Permansit autem cum exercitatoribus, is qui non erat amplius homicida, usque ad mortem vitam suam corrigens, ex lupo in simplicem et innocentem agnum mutatus. In eo quoque impleta est Isaiæ prophetia dicentis : Lupi et agni simul pascentur, et leo et bos simul comedent paleas (Isaiæ Lxv). Licebat enim illic quoque videre Æthiopes cum monachis se exercentes, et multos virtutibus superantes, et Scripturam in eis impletam, quæ dicit : Æthiopia præveniet manum ejus Deo (Psal. Lxvii).

Aliquando autem decertabant gentiles adversus Christianos rusticos pro suis finibus : erat autem multitudo utrorumque armatorum, quibus astitit Apollo pacem inter eos concilians. Ei autem restitit gentilium in pugna antesignanus, qui erat vir gravis et sævus ; affirmabat autem et dicebat se non esse daturum pacem usque ad mortem. Is autem ei dicit : Atque adeo tibi fiat quod elegisti, nullus enim præter te occidetur. Tibi autem mortuo non erit terra sepulcrum, sed ventres ferarum et vulturum te implebuntur. Atque adeo oratio effectum protinus est sortita, cum ex utraque parte nullus sit interfectus præter antesignanum. Quem etiam cum in arenatum ulassent, mane invenerunt membra laniata ab hyænis et vulturibus. Illi autem cum vidissent

miraculum, et eventum ejus quod dixerat, omnes Servatori credentes eum prædicabant prophetam.

Erat autem adhuc antea in montis spelunca sanctus Apollo, cum quinque aliis fratribus, qui primi fuerunt ejus discipuli, cum recenter venisset e solitudine. Cum autem adventasset dies festus Paschæ, et Dei cultum implessent, erant esuri ea quæ inveniebantur : erant autem aliquot sicci panes, et quædam olera reposita. Eis autem dixit Apollo : Si sumus fideles, o filii, et germani Christi filii, petat unusquisque vestrum a Deo id quod ejus animo gratum est ad vescendum. Illi vero et universum permiserunt, existimantes se esse indignos tali gratia. Cum læto autem vultu orasset, et omnes dixissent Amen, protinus noctu venerunt in speluncam quidam viri penitus incogniti, qui dicebant se venire a longinqua regione ; et omnia ferebant, ea etiam de quibus ne auditione quidem acceperant et quæ non nascuntur in Ægypto, horti fructus omnis generis, uvæ et mala punica, et ficus et nuces, omnia intempèstive : quin etiam quosdam inventos mellis favos, et urnam recentis lactis, et nicolaos maximos, et panes mundos et calidos (101) e regione externa. Ii autem qui ea attulerant, cum solummodo tradidissent, tanquam missi a viro magno et divite, protinus propere recesserunt. Cum autem quæ erant esculentia perciperent, ea illis suffecerunt usque ad Pentecosten ; adeo ut ipsi quoque mirarentur, et dicerent fuisse ea vere a Deo missa.

Quidam autem ex monachis rogabat Patrem ut statim Deum pro ipso oraret, ut gratiam aliquam consequeretur. Cum ipse autem orasset, ei dabatur gratia humilitatis et mansuetudinis, adeo ut mirarentur omnes eum esse tam mansuetum. Has autem ejus virtutes narrarunt nobis qui cum ipso erant fratres, hæc multis quoque attestantibus fratribus.

Etenim cum non multo ante tempore fuisset aliquando famas in Thebaide, qui autem ea loca accolebant populi audissent quod qui erant apud eum monachi præter spem omnem et opinionem quotidie alerentur, uno animo apud ipsum acceperant cum uxoribus et liberis, simul benedictionem petentes et alimentum. Is autem nihil veritus, ne cibus ei aliquando deesset, dabat omnibus venientibus, unicuique quod in diem sufficeret. Relictis autem tribus solis magnis sportis cum panibus, et fame invalescente, jubet sportas afferri in medium, quas ipso die erant esuri monachi ; et audientibus omnibus fratribus et populi multitudine, dixit magna voce : Non potens est manus Domini hæc implere ? Hæc autem dicit Spiritus sanctus : Non deficiet panis ex his sportis, donec novo frumento fuerimus satiati. Et affirmarunt omnes qui tunc aderant eis panes suffecisse quatuor menses. Similiter autem et in oleo et frumento ; adeo ut veniret satanas, et ei diceret : Num tu es Elias, aut alius ex prophetis et apostolis, quod hæc facias ? Is autem dixit ipsi : Quid enim ? non homines sancti fuerunt apostoli et prophetæ, qui hæc nobis tradiderunt ? An tunc qui-

dem aderat Deus, nunc autem peregre est profectus? Potest autem Deus hæc semper facere, et nihil erit quod ipse non possit. Si ergo Deus est bonus, cur tu malus? Quid vero non oportet nos quoque dicere ea quæ vidimus, nempe quod fratres ingrediebantur cum sportis, ad mensas panes afferentes, et cum comederent quingenti fratres ad satietatem, eas rursus plenas accipiebant?

Aliud quoque miraculum, quod videntes obstupimus, par est dicere. Cum enim ad eos venissemus spatio trium dierum, cogniti sumus, procul visi a fratribus, qui ex eo audierant de nostro ad eum adventu; qui quidem propere accurrentes nobis venerunt obviam psallentes, est enim hic mos apud omnes monachos. Et cum proni in terram adorassent, nos deosculati sunt, nos sibi invicem ostendentes, et dicentes: Ecce venerunt fratres, de quibus pater noster dixit tribus ante diebus dicendo: Post tres dies venient ad nos tres fratres, venientes Jerosolymis. Et alii quidem nos deducebant, alii vero nos retro sequebantur, psallentes, donec prope ipsum venimus. Cum autem audisset pater Apollo vocem psallentium, venit nobis obviam, ut mos ei erat erga omnes fratres; et cum nos vidisset, adoravit primus se in terra extendens; et cum surrexisset, est osculatus; et postquam introduxisset, oravit, et pedes nostros manibus lavit propriis, et hortatus est ad refectonem. Hoc autem faciebat omnibus fratribus qui ad ipsum veniebant. Qui enim cum ipso erant fratres alimentum non prius accipiebant, quam Eucharistiæ Christi communicassent: hoc autem faciebant hora nona diei. Deinde cum sic comedissent, sedebant audientes eum docentem omnia præcepta, usque ad primum somnum. Illinc alii quidem ex ipsis secedebant in solitudinem. Scripturas tota nocte memoriter expromentes; alii vero illic perseverabant, assiduis hymnis Deum laudantes, ad diem usque: quos ego vidi his oculis, cum vespere hymnos cœpissent, usque ad matutinum non cessasse a cantu. Multi certe ex iis hora nona solum descendebant de monte, et Eucharistiam sumentes, rursus ascendebant, contenti spiritali nutrimento usque ad aliam nonam. Hoc autem multi ex iis faciebant multos dies. Licebat autem eos videre exsultantes in solitudine, adeo ut nullam ejusmodi aliam exultationem in terra videre liceat, nec lætitiæ corporalem. Neque enim erat inter eos aliquis mœstus aut tristis; sed si quis videbatur præ se ferre tristitiam, statim pater Apollo ex eo rogabat causam, et quæ erant in occulto uniuscujusque cordis, renuntiabat. Dicebat autem: Non oportet esse tristes propter salutem, cum futuri sumus hæredes regni cœlorum. Tristes autem, inquit, erunt gentiles, flebunt Judæi, lugebunt peccatores; justi autem lætabuntur: et qui terrena quidem animo agitant, lætantur in rebus terrenis; nos autem qui tanta spe digni sumus habiti, quomodo non lætamur perpetuo? Cum nobis Apostolus suadeat, ut semper lætemur, et in omnibus gratias agamus (*I Thess. v*). Quis autem dixerit ejus

PATROL. LXXIII.

A in sermone gratiam, et reliquas ejus virtutes, quas propter summum miraculum siluimus, auditas utique ex ipso et ex aliis?

Cum autem de exercitatione et vitæ instituto nobiscum sæpe seorsum disseruisset, sæpe etiam dixit de suscipiendis monachis, quod oportet adorare fratres advenientes: Non enim ipsos, aiebat, sed Deum adorasti. Vidisti enim, inquit fratrem tuum? vidisti Dominum Deum tuum; et hoc, inquit, ab Abraham accepimus (*Gen. xvii*); et quod oporteat, inquit, nonnunquam cogere fratres ad refectonem, a Lot accepimus, qui coegit angelos (*Gen. xix*); et quod oportet, si fieri potest, monachos quotidie communicare sacramentis. Qui enim se ab eis procul amovet, Deus quoque procul ab eo recedit. Qui autem hoc facit assidue, assidue suscipit Servatorem. Est enim, inquit, vox salutaris: Qui comedit carnem meam, et bibit meum sanguinem, manet in me, et ego in eo (*Joan. vi*). Hoc confert monachis salutaris passionis commemorationem continentibus, quotidie etiam se præparare, ut omni tempore digni sint qui suscipiant cœlestia sacramenta, quandoquidem sic quoque consequitur remissionem peccatorum. Catholica autem et generalia jejunia non licet solvere sine ingenti necessitate; in quarta enim feria traditur Servator, et in parasceve crucifigitur; qui ea ergo solvit, Servatorem una tradit, et una crucifigit. Sed si ad vos veniat frater qui opus habet ut reficiatur cum sit jejunium, ipsi soli mensam apponite; ipsi autem nolite cogatis, habemus enim communem traditionem. Multum autem reprehendebat eos qui ferrum gestabant, et comam nutriebant. Ii enim, inquit, se ostentant et quærunt placere hominibus, cum oporteat ipsos potius corpus solvere jejuniis, et quod bonum est facere in occulto; ii vero non sic, sed se proपालant omnibus. Et quid opus pluribus? Omnis enim ejus doctrina est ejus vitæ instituto similis quam nec quis scribere potuerit nec dicere. Plurima ergo nobiscum seorsum, tota sæpe hebdomada disserendo, tandem dimittens dixit: Habete pacam inter vos, neque separemini in via.

Cum autem dixisset iis qui cum ipso erant fratribus, quisnam ex ipsis vellet nos deducere ad visitandos alios patres, sanctus Apollo, tribus viris delectis qui valerent et sermone et vitæ instituto, erantque periti linguæ Græcæ et Romanæ et Ægyptiacæ, cum eis nos dimittens, jussit eis ne nos prius relinquerent quam satisfactum esset nostro videndorum Patrum desiderio: quos si quis vellet omnes videre ad eos aspiciendos tota vita non sufficeret. Cum nobis ergo benedixisset, amandavit, dicens: Benedicat vos Dominus ex Sion, et videatis bona Jerusalem omnibus diebus vitæ vestræ (*Psal. cxxvii*).

Nobis autem ambulanti bus meridie per solitudinem, vidimus tractum magni draconis, qui tanquam trabes erat protractus per arenam: quem cum vidissemus, nos magnus timor invasit. Qui autem nos ducebant fratres, hortati sunt ne timeremus,

sed assensus bono animo, et sequeremur draconis A vestigium: Videbitis enim fidem nostram, cum ipsi simus eum manu nostra superaturi. Multos enim, inquam, et dracones et cerastas manu interfecimus, sicut scriptum est. In eis enim implebatur illud: Dedi vobis potestatem ambulandi super serpentes et scorpiones, et super omnem potestatem inimici (Lucæ x). Nos autem qui ferebamur incredulitate, et qui majori eramus affecti formidine, rogabamus eos ne iremus per vestigia draconis, sed recta via. Unus autem frater ex ipsis, magna animi alacritate, cum nos eo in loco dimisisset, profectus est in solitudinem querens belluam. Quam cum invenisset, non procul ab antro, magna voce exclamabat draconem esse in spelunca; et vocabat ipsos, ut ad se venirent visuri quid esset eventurum; et hortantibus nos aliis fratribus ne timeremus, cum magno metu abimur visuri belluam. Nobis autem repente occurrens frater unus, manu nos traxit in suum monasterium, dicens nos non posse ferre impetum bellue, et maxime quod nondum vidissemus talem, se vero sæpe vidisse ipsam belluam tam vasta magnitudine, ut quæ sit plusquam quindecim cubitorum. Cum nos ergo jussisset manere in loco, abiit ad fratrem, dicens ei ut recederet a caverna; conabatur enim ille a loco non recedere, priusquam interfecisset draconem. Cui cum persuasisset, eum ducit ad nos increpantem modicam nostram fidem. Quiescentes autem apud illum fratrem, qui circiter unum miliare remotum habebat monasterium, satis refecti sumus.

CAPUT LIII.

Vita abbatis Amun.

Ille autem nobis narrabat, in illo loco in quo ipse sedebat, fuisse virum sanctum, cujus ipse fuit discipulus, nomine Amun (Ruff., l. II, cap. 8, vocat Ammonem), qui in illo loco plurimas fecit virtutes; ad quem sæpe latrones venientes, accipiebant ejus panem et alimenta. Hæc ergo ægre ferens, cum uno die egressus esset in solitudinem, adduxit secum duos magnos dracones, et jussit eis ut in eo loco manerent, et portam custodirent. Homicidæ autem cum pro more venissent, et vidissent miraculum, præ stupore hiantes ceciderunt in faciem. Egressus autem invenit eos mutos, et fere semimortuos; et eam eos excitasset, probris eos affecit, dicens: Videte quantum estis bestiis agrestiores; nam istæ quidam propter Deum nostræ parent voluntati, vos autem neque Deum timuistis, neque Christianorum estis reveriti religionem. Introductis autem eis in cellam, mensam apposuit, et monuit ut mores mutarent. Illi autem surgentes, protinus multis visi sunt meliores; non multo post autem ipsi quoque visi sunt eadem signa facere.

Aliquando autem, inquit, cum unus magnus draco propinquam vastaret regionem, et multa occideret animalia, quæcumque habitabant juxta solitudinem, omnes simul venerunt ad Patrem, rogantes ut deleteretur bellua ex eorum regione. Is autem eos ita

dimisit, ut qui eis tristitia affectis nihil prodesse posset. Mane autem surgens, venit in eum locum quo transitura erat bellua: postquam autem ter flexit genua ad orationem, in ipsum veniebat bellua, magno cum stridore gravem emittens anhelitum, et intumescens ac sibilans, tetrumque edens spiritum. Is autem nihil territus, ad draconem conversus, dixit: Vincet te Jesus Christus, Filius Dei vivi, qui est magnum cetum victurus. Idque cum dixisset, protinus disruptus est draco, per os omne virus evomens cum sanguine. Cum autem venissent rustici postridie, et illud magnum vidissent miraculum, et non ferrent spiritum, in arena multam arenam congesserunt, Patre illic eis astante, ad draconem enim licet mortuum non audebant accedere.

Puer autem, inquit, pascens cum repente vidisset adhuc vivum draconem, statim emota mente fuit exanimatus; jacuit itaque puer nihil spirans in loco tota die in solitudine. Cum eum autem sæpius respere invenissent parum spirantem, totum inflatum ex ecstasi, deducunt ad patrem, ignorantes causam ejus quod acciderat. Cum is autem orasset, et cum unxisset oleo, surrexit puer narrans id quod fuerat deprehensum. Quæ re vir maxime motus, ad interficiendum draconem est conversus.

CAPUT LIV.

Vita abbatis Copres (102) presbyteri.

Erat autem illic quidam presbyter, qui monasterium prope habebat in solitudine, Copres nomine (Ruff., lib. II, cap. 9): vir sanctus, prope nonagenarius, præpositus fratrum quinquaginta, qui ipse quoque plures faciebat virtutes, morbis medens, et multas faciens curationes, et demones expellens, et res multas efficiens, atque adeo quasdam in nostris oculis. Is ergo postquam nos vidit salutavit, et pro nobis oravit, et postquam pedes nostros lavisset, sciscitatus est a nobis, quanam in mundo fierent; nos autem rogavimus, ut ipse nobis potius exponeret sui vitæ instituti virtutes, et quo modo esset Deus ei dona largitus, et quanam ratione fuisset particeps ejus gratiæ. Is autem nulla eo nomine elatus superbia, nobis suam vitam narravit, et majorum suorum qui ipsum superarant, quorum ipse vitæ institutum est imitatus: Non est, inquit, o filii, quod a me sit admirabile, si conferatur cum iis quæ in vitæ gesta sunt a Patribus nostris. Et cum narret nobis Copres presbyter quæ recte et ex virtute gesta fuerant a Patribus, unus ex fratribus nostris dormitans, ut qui iis quæ dicebantur fidem nequaquam haberet, videt in ejus manibus libram admirabilem, scriptam litteris aureis, et canam viram astantem, et minaciter ei dicentem: Non audis attente lecturam, sed dormitas? Is autem conturbatus, nobis eum audientibus, statim quod audierat et viderat Romane exposuit. Eo autem hæc nobis adhuc dicente, venit quidam rusticus habens calathum arene, qui expectabat donec impleset narrationem: rogavimus autem nos presbyterum: Quid tibi vult rusticus cum arena? nobis respondit Pater dicens:

Filioli mei, non oportebat me gloriari apud vos, **A** condonaretur erratum, et ut fieret Christianus; quod etiam factum est. Erant autem hac ipsa hora hospites fratres qui ad nos venerant: propter quos tempestive admodum ad nos allata sunt olera. Quæ cum comedissemus, egimus Domino gratias, duplici accepta lætitia, et ex salute hominis, et ex refectione fratrum.

CAPUT LV.

Vita abbatis Suri.

Abbas autem Surus, inquit, et Isaias (*Ruff.*, l. II, cap. 10), et Paulus sibi invicem repente occurrerunt ad fluvium, viri pii et egregii exercitatores, in visuri magnum abbatem Anuph. Distabat autem eorum intervallum tribus mansionibus; et dicunt ad se invicem: Ostendat unusquisque nostrum suum vitam institutum, et quemadmodum fuit in hac vita a Deo honoratus. Abbas autem Surus dixit eis: Peto a Deo donum, ut nos virtute spiritus indefessi ad locum perveniamus; et cum ipse solum prasset, inventum est protinus paratum navigium, et ventus secundus, et momento temporis inventi sunt in loco, cum adverso flumine navigassent.

CAPUT LVI.

Vita abbatis Isaiæ.

Isaias autem dicit eis: Et quid mirum, o amici, si vir nobis occurrerit, qui vitam narret uniuscujusque (*Ruff.*, lib. II, cap. 10)?

CAPUT LVII.

Vita abbatis Pauli.

Paulus autem dicit eis: Si Deus nobis revelaverit quod post tres dies assumit hominem? Cum autem paulo ulterius processissent, vir eis obviam factus eos salutavit; Paulus autem ei dicit: Dic nobis quæ recte gessisti; nam post crastinum diem abibis ad Deum (*Ruff.*, l. II, cap. 10).

CAPUT LVIII.

Vita abbatis Anuph (103).

Dixit autem eis Anuph: Benedictus Deus, qui mihi hæc quoque signavit, et vestrum vitam institutum et adventum (*Ruffin.*, l. II, cap. 10). Cum autem dixisset quæ unusquisque eorum recte gesserat, exposuit deinceps, quæ ipse fecerat, dicens: Ex quo Servatoris nomen professus sum in terra, ex ore meo non est egressum mendacium: humani cibi nihil sumpsi, me cælesti alimento **254** alente quotidie angelo: nullius alterius rei cupiditas in cor meum ascendit, præterquam Dei; nihil ex rebus terrenis occultavit mihi Deus, quod non significaverit et ostenderit mihi. Non interdum somnum capi, non noctu requievi, Deum quærens: una mihi semper adluit angelus, mundi ostendens potestates; lumen cogitationis meæ nunquam fuit extinctum; omnem petitionem accepi a Deo protinus. Vidi sæpenumero Deo assistentes myriades angelorum, vidi chorus justorum, vidi martyrum congeriem, vidi monachorum vitam institutionem; vidi opus autem omnium Deum laudantium. Vidi Satanam igni traditum, vidi angelos ejus punitos, vidi justos lætantes in æternum. Hæc et multa alia narrans, tertio die tradidit animam; compuncta

Cum autem ego aliquando per quoddam templum transirem, quidam ex gentibus suis idolis sacrificabant. Dixi autem eis: Cur cum sitis participes rationis, sacrificatis iis quæ carent ratione: vosque estis de cætero iis magis expertes rationis? Illi autem, ut qui recte dixissem, me statim sunt secuti, credentes Servatori.

Cum autem esset mihi aliquando hortus in agro propinquo, propter eam quæ ad nos veniebat fraternitatem, et quidam pauper eum operaretur, ingressus est quidam gentilis, ut furaretur olera: ubi vero ea suffuratus accessisset, eaque tribus horis non potuisset coquere, sed mansissent in lebetæ qualia acceperat, utpote quod aqua minime calefieret, vir se colligens, accepta olera ad nos detulit, rogans ut sibi

tim suscipientes angeli et chori martyrum, in cœlos A galitatem admiratus, eum secutus est abeuntem ad sustulerunt, ipsis videntibus et hymnos audientibus.

CAPUT LIX.

Vita abbatis Hellenis (104).

Quidam autem alius pater, qui vocabatur abbas Hellen (*Ruffin., lib. II, cap. 11*), cum ab ineunte ætate se fortiter exercisset, sæpenumero ignem gestabat in sinu, incitans eos qui prope erant fratres ad ostendenda signa, dicens eis : Si vos vere exercetis, virtutis signa de cætero ostendite. Aliquando autem cum per se esset in solitudine, incessit eum mellis desiderium ; cum vero illico favos invenisset sub petra, dixit : Recede a me intemperans cupiditas ; scriptum est enim : Spiritu ambulate, et desiderium carnis non perficietis (*Gal. v*), eisque relictis abiit. Cum autem jam tres hebdomadas jejunasset in soli- B tudine, inventis qui disjecti erant fructibus, dixit : Non comedam, neque attingam aliquid ex iis, ne fratrem meum scandalizem, nempe meam animam ; scriptum est enim : Non in alimento solum vivit homo (*Matth. IV ; Lucæ IV*). Cum autem adhuc aliam jejunasset hebdomadam, postea dormitavit ; et veniens angelus in somnis, ei dixit : Surge et tolle ea quæ inveniuntur, et comede. Is autem surrexit, et circumquaque aspiciens, videt fontem in orbem herbas delicatas germinasse. Cum autem et potum sumpsisset, et comedisset olera, affirmabat nihil unquam sibi fuisse jucundius. Cum parvam autem speluncam in loco invenisset, mansit illic paucos dies jejunus. Ubi autem egēbat alimento, orabat flexis genibus : ei autem protinus apponebantur esculenta omnia, et C panis calidus, et olivæ, et varii fructus.

Aliquando autem invisit fratres suos : et cum eos multum monuisset, contendebat in desertum, afferens quædam ad usum necessaria. Cum autem vidisset quosdam onagros pascentes, ait ipsis : In nomine Jesu Christi, veniat unus ex vobis, et suscipiat onus meum. Is autem statim ad ipsum accessit. Cum autem supellectilem ei imposuisset, et ei insedisset, uno die pervenit ad speluncam. In sole vero ab eo positus panibus et fructibus, cum ad ea venissent feræ, ut solent ad fontem, et panes solum tetigissent, mortuæ sunt.

Accessit autem aliquando ad quosdam monachos, cum esset dies Dominicus, et dixit eis : Cur hodie non egistis synaxim ? Cum ii autem aperte dicerent : D Eo quod non venerit presbyter, dixit eis : Ego ibo et eum vocabo. Ii autem dixerunt, non posse aliquem transmittere alveum propter altitudinem. Quinetiam dicebant eo in loco esse belluam maximam, nempe crocodilum, qui multos homines consumpserat. Is autem non cunctatus, statim surgens profectus est ad vadum : quem cum bellua statim tergo excepisset, ad partem ripæ ulterioris transvexit. Cum autem in agro invenisset presbyterum, rogavit ne despiceret fraternitatem. Ille autem eum videns multis consutis pannis obsitum, rogavit unde- nam pannum habuisset, dicens : Habes vestem animæ pulcherrimam, o frater ; ejusque humilitatem et fru-

fluvium. Cum autem qua transveherentur cymbam non invenissent, vocem emisit abbas Hellen, advocans crocodilum. Is autem ei statim obediens aderat, tergum substernens : rogavit autem presbyterum ut cum eo ascenderet ; is vero timore affectus, cum vidisset belluam, retrocessit. Cum autem eum tene- ret admiratio, et eos qui trans fluvium habitabant fratres, videntes eum cum bellua transmittentem alveum, ille ascendens in terram, una secum attraxit belluam, dicens, melius esse ei ut moreretur, quam interemptarum animarum acquireret suppli- cium. Ea autem cadens, protinus est mortua.

Tres autem dies permanens apud fratres, sedebat, docens eos præcepta, et quæ erant occulta uniuscu- jusque consilia aperte enuntians : hunc quidem di- cens vexari a fornicatione, illum vero a vana gloria, alium a deliciis, alium ab ira, et alium quidem pronuntiabat esse mitem, alium vero pacificum : illo- rum quidem vitia, horum vero virtutes arguens. Hæc autem audientes, mirabantur dicendo revera ita esse. Eis autem dixit : Parate nobis olera, hodie enim ad nos venient plures fratres. Cum illi au- tem adhuc pararent, supervenientes fratres se invi- cem salutarunt.

Rogavit autem eum quidam ex fratribus, volens una cum eo degere in deserto. Eo autem 755 di- cente non posse illum sustinere tentationes dæmo- num, is contentiosus se omnia toleraturum asse- ravit. Cum eum autem excepisset, jussit habitare in alia spelunca. Ad eum autem noctu adventantes dæmones, eum suffocare aggrediebantur, cum eum primum turpibus perturbassent cogitationibus. Ille autem excurrrens renuntiavit abbati Helleni quæ evererant. Ipse autem cum loco figuram impressisset, jussit eum deinde manere secure. Cum autem aliquando panes ei defecissent in spelunca, adven- tans angelus in figura fratris ei attulit nutrimentum.

Rursus autem ipsum aliquando quærentes fratres decem numero, errabant per solitudinem, septimo jam die jejuni permanentes ; cum vero eos invenisset, jussit in spelunca quiescere, illi vero eum victus admonuerunt. Ille qui nihil habebat quod eis appo- neret, dixit eis : Potens est Deus mensam parare in deserto. Statim autem quidam adolescens de pon- tone ipsis orantibus pulsavit fores. Cum autem aperuisset, viderunt adolescentem habentem magnam sportam panis et olivarum. Iis autem susceptis, comederunt Deo agentes gratias, cum adolescens sta- tim evanisset. Hæc et alia multa miracula cum no- bis narrasset Pater Copres, nosque benigne et hu- maniter tractasset, induxit in suum hortum, osten- dens nobis palmas, et alias arbores frugiferas quas ipse plantavit in solitudine, admonitus a fide rusti- corum, quibus dixit : Potest desertum fructus pro- ducere iis qui fidem habent in Deum. Postquam enim vidi, aiebat, eos qui arenam seminaverant, et eorum agrum fructum tulisse, ipse quoque idem ag- gressus, idem sum consecutus.

CAPUT LX.

Vita abbatis Appelle (105).

Vidimus autem alium quoque presbyterum in partibus superioris regionis, Appellem nomine (*Ruff.*, l. II, cap. 15), virum justum, qui fabricæ ærariæ artem primum tractavit, et exinde conversus est ad exercitationem. Is cum ad eum venisset diabolus in figura muliebri, quo tempore ad usum monachorum quædam tractabat fabrilis; ferrea lamina ex igne rapta, idque manu propter festinationem, totum ejus vultum et corpus combussit, eamque audierunt fratres ululantem in cella. Ab eo tempore vir ille semper manu tenebat ferrum ignitum, nec lædebatur. Is cum nos benigne et humaniter accepisset, narravit nobis de viris præclaris et Deo dignis qui cum eo fuerant, et erant adhuc superstites.

CAPUT LXI.

Vita alterius Joannis (106).

Est, inquit, in hac solitudine frater noster, nomine Joannes (*Ruff.*, l. II, c. 15), alterius quidem jam ætatis, omnes autem monachos superans virtutibus: quem nemo potest cito invenire, quod semper in solitudinibus locum loco commutat. Is primum stans tres annos sub quadam rupe, orans perpetuo, non sedens omnino, non dormiens, nisi quantum somni stans suffurabatur, et Dominica solum sumens Eucharistiam, afferente ei presbytero, nihil aliud comedeat. Atque adeo cum quodam die se Satanas transfigurasset in presbyterum, ad eum abibat celeriter, præ se ferens se ei velle dare Eucharistiam. Cum eum autem agnovisset beatus Joannes, dixit ei: O C omnis fraudis et malitiæ pater, inimice omnis justitiæ, non cessabis decipere animas Christianorum, sed audes sanctis insultare Sacramentis? Is autem ipsi respondit: Parum abfuit quin te dejectum lucriferim; nam sic quoque seduxi quemdam ex tuis fratribus, et mente motum deduxi ad insaniam. Pro quo cum multi justii multum rogassent, vix potuerunt efficere ut esset sanæ mentis. Hæcque cum dixisset dæmon, ab eo recessit.

Cum autem essent disrupti ejus pedes ex eo quod tanto tempore stetisset immobilis, et exiret sanies, adveniens angelus, tetigit ejus corpus, dicens: Christus erit tibi verus cibus, et sanctus Spiritus verus potus, interim autem tibi sufficit spiritale nutrimentum, ne repletus evomas. Et cum eum curasset, dimovit a loco. Deinceps autem vitam egit in solitudine, circumiens, et herbis vescens: Dominica autem inveniebatur in eodem loco sumens Communionem. Cum paucos autem palmæ ramos petisset a presbytero, efficiebat cingula animalibus. Cum vero vellet quidam claudus ad eum venire ut curaretur, et asinum solummodo inscendisset, ubi primum ejus pedes tetigere cingulum quod fuerat a sancto viro factum, fuit illico curatus. Alias autem ægrotis mittebat eulogias (107), et a morbis liberabantur protinus. Porro autem revelabatur de ejus monasteriis, quod quidam ex iis qui sunt in ipsis, vitam non recte instituunt, et per presbyterum ad cunctos scribit epistolas, quod illi

A quidem sunt otio dediti, hi vero contendunt ad virtutem, et inventa est sic se habere veritas. Scribit autem ad eorum quoque Patres, quod quidam ex his sunt de fratrum salute minus solliciti, alii vero eos quantum satis est hortantur, annuntiavitque utrumque honores et supplicia. Et rursus alios quoque provocans ad statum perfectiorem, admonebat ut a sensilibus se transferrent ad ea quæ percipiuntur intelligentia. Tempus est enim, inquit, deinceps tale vitæ ostendere institutum. Non debemus enim, inquit, omni tempore permanere pueri et infantes, sed jam nos perfectioribus applicare cogitationibus, et magni et excelsi animi virtutem attingere, et cæteras maximas virtutes aggredi. Hæc et complura alia nobis Pater de Patre narrabat, quæ quidem, B propterea quod excedant miraculi modum, omnia non scripsimus; non quod non sint vera, sed propter incredulitatem aliquorum. Nos autem satis de his certiores facti sumus, cum multi et magni viri ea nobis narraverint, qui suis viderunt oculis.

CAPUT LXII.

De abbate Paphnutio (108).

Vidimus autem locum quoque Paphnutii anachoretæ, viri magni et virtute præditi, qui haud ita multo abhinc tempore consummatus est in regione quæ est circa Heracleotas Thebaidis; de quo multi multa narrarunt (*Ruff.*, lib. II, cap. 16).

CAPUT LXIII.

De Tibicine.

Is enim post multam exercitationem Deum rogavit ut ei significaretur cuiusnam ex iis sanctis qui se recte gesserunt esset similis (*Ruff.*, l. II, cap. 16). Angelus autem apparens ei dixit: Es similis tibicini qui degit in hac civitate. Is autem studiose ad eum profectus, ejus vitæ institutum ab eo est sciscitatus, et omnia ejus vitæ facta est perscrutatus. Is autem ei dixit id quod etiam erat verum, se esse peccatorem, et ebriosum, et scortatorem; haud ita longo autem abhinc tempore, se ex arte latrocinandi eo contulisse. Cum autem accurate examinaretur quidnam unquam recte ab eo gestum esset, dixit se nullius rei honestæ sibi esse conscius, nisi quod cum aliquando latronis vitam ageret, Christi virginem, cui erat a latronibus vitium afferendum, liberaverit, et noctu ad vicum usque reduxerit. Rursus autem, inquit, inveni aliquando formosam mulierem errantem in solitudine, fugatam ab apparitoribus et curialibus præsidis et senatorum, propter publicum mariti debitum, et errorem suum deflentem. Sciscitatus sum autem ex ea causam fletus. Illa autem dixit: Ne me roges, domine, nec miseram examines; sed tanquam ancillam tuam abducas quo velis. Nam cum maritus tempore biennii ob debitum publicum trecentorum aureorum sæpe fuerit flagellatus, et in carcere inclusus, et tres mihi charissimi filii venditi fuerint, ego recedo fugitiva, locum loco commutans: nunc autem etiam errans per solitudinem, sæpe inventa, et assidue flagellata, jam tres dies permansi jejuna in solitudine. Ego autem ejus sum misertus, inquit latro; et cum

eam deduxissem in speluncam, dedi ei trecentos aureos, et deduxi eam usque ad civitatem, et ejus maritum liberavi cum liberis, citra ullum probrum et contumeliam. Cui respondit Paphnutius: Ego quidem nullius rei talis mihi sum conscius, in exercitatione autem omnino audiisti me esse celebrem; non enim vitam traduxi in otio. Mihi ergo Deus de te revelavit, te rebus gestis nihilo me esse inferiorem; si ergo, o frater, non parva a Deitate tui habetur ratio, ne tuam animam temere neglexeris. Is autem statim projectis quos habuit in manibus tibiis, et lyrae musicae harmonia in spiritalem traducta melodiam, virum secutus est in desertum. Cum autem tribus annis se pro viribus exercuisset, et in hymnis et orationibus vitae suae tempus peregisset, in caelum iter direxit, et cum choris angelorum et justorum **B** ordinibus connumeratus, requievit.

CAPUT LXIV.

De Protocomite.

Ubi ergo illum qui se exercuerat virtutibus, prius ad Deum misit, majori et accuratiori vitae instituto, quam prius esset, sibi imposito, rogavit Deum ut sibi significaretur cuienam ex sanctis esset similis; et rursus vox divina ad eum facta est, dicens: Es similis vicini pagi protocomiti (*Ruff.*, l. II, cap. 16). Is autem ad eum abiit celerrime; et cum ipse pulsasset ostium, processit ille, ut ei mos erat, ad accipiendum hospitem. Et cum pedes ejus lavisset, et mensam apposuisset, hortatus est ut vesceretur. Cum autem facta ejus sciscitaretur, et ei diceret: Narra mihi, o homo, institutum vitae tuae; multis enim monachis, **C** ut nihil Deus ostendit, evasisti superior, ille dixit se esse peccatorem et indignum nomine monachorum. Cum autem instaret percontari, homo respondit, dicens: Non habeo quidem necesse narrare ea quae a me facta sunt; sed quoniam dicis te a Deo venisse, quae mihi adsunt referam. Jam agitur trigesimus annus, ex quo me a mea uxore separavi, cum tribus annis solum cum ea habuissem consuetudinem, et tres ex ea filios suscepissem, qui etiam mihi ad meos usus inserviunt; hospitalitatem autem nunquam intermisit usque in hodiernum diem: non gloriatur aliquis ex comitibus se hospitem ante me excepisse. Non egressus est pauper nec hospes ex mea aula vacuis manibus, qui non prius rationi conveniente esset vitatico sustentatus. Non adspexi praeteriens pauperem infortunio affectum, cui non suppeditarim quod satia fuit solatii. Non accepi personam filii mei in iudicio, non ingressi sunt in domum meam **787** fructus alieni, non fuit illi aliqua quam non composuerim et pacificaverim, non increpavit aliquis meos filios quod se inhoneste gererent, non tetigerunt fructus alienos vel greges, non settiliavi primus agros meos, sed cum eos omnibus proposuissem committentes, colligebam ea quae erant reliqua. Non concessi ut pauper opprimeretur a potentia divitis, non affect aliquem molestia in vita mea, nunquam malum iudicium protuli in aliquem. Haec a me esse **meta** Deo volente mihi sum coniectus. Cum autem

virum virtutes audiisset Paphnutius, ejus caput osculatus est, dicens: Benedicat te Dominus ex Sion; et videas bona Jerusalem omnibus diebus vitae tuae (*Psal.* cxxvii). In his enim te recte gessisti: unum autem tibi restat quod est caput virtutum, nempe Dei omni ex parte sapiens cognitio, quam non poteris sine labore consequi, nisi cum te ipsum a mundo abnegaris, crucem accipias, et sequaris Servatorem. Is autem ubi haec audiit, statim nec suis quidem valere jussis, virum secutus est in montem. Et cum venissent ad fluvium, scapha non inventa jussit Paphnutius eum flumen trajicere pedibus, quod propter altitudinem nemo illo tempore pedibus trajecerat. Cum autem transiissent, et eis pervenisset aqua usque ad cingulum, constituit eum in quodam loco. Cum se autem separasset, Deum rogavit ut ejusmodi hominibus videretur praestantior. Non multo autem interjecto tempore, vidit viri animam assumi ab angelis Deum laudantibus et dicentibus: Beatus quem elegisti et assumpsisti: habitabit in atriis tuis (*Psal.* lxxiv). Et rursus justis respondentibus et dicentibus: Pax multa diligentibus legem tuam, et non est eis scandalum (*Psal.* cxviii). Et tunc cognovit virum esse mortuum.

CAPUT LXV.

De Mercatore (109).

Cum autem perseveraret abbas Paphnutius Deum venerari precibus, et multiplicare jejunia, rursus oravit ut sibi ostenderetur cuienam esset similis (*Ruff.* l. II, cap. 6). Dicit ei rursus vox divina: Similis es mercatori quaerenti bonas margaritas; sed surge delnceps, et ne cunctare; tibi enim occurret vir cui es assimilatus. Cum ille autem descendisset, vidit virum quemdam mercatorem Alexandrinum, pium et Christi amatorem vicies mille aureis negotiantem, cum centum navibus descendentem ex superiore Thebaide, qui omnes suas facultates et merces distribuerat pauperibus. Is cum suis filiis decem saccos leguminum ad eum afferebat. Et quid haec, o amice? ei dixit Paphnutius. Is autem dixit ipsi: Sunt fructus meae mercaturae, qui Deo offeruntur ad justam refectionem. Quid autem haec, inquit ipsi Paphnutius, et tu nostro nomine non frueris? Is autem confessus est se ad id studiose contendere. Ei respondit Paphnutius: Quousque ergo tu terrenam exerces negotiationem, nec caelestia attingis mercimonia? Sed haec quidem es allis dimissurus; tu vero iis te adjungens quae sunt maxime opportuna, sequere Servatorem, ad eum venturus paulo post. Is vero nihil differens, jussit filios suos reliqua dividere pauperibus; ipse autem cum in montem ascendisset, et seipsum in eo loco inclusisset, ubi duo priores consummati fuerant, perseverabat in orationibus. Parvo autem elapso tempore, relicto corpore, factus est civis caelestis. Postquam autem eum quoque praemisit in caelos, ipse etiam respondit animum, ut qui se non posset amplius exercere. Assistens autem angelus ei dixit: Hunc deinceps accede, veni tu quoque, o beate, in aeterna Dei tabernacula, venerunt enim prophetae te in suis choros

accepturi. Hoc autem non tibi prius declaravi, ne si fuisses elatus, de tuis detraheretur meritis. Cum ergo uno solo die supervixisset, et per revelationem ad eum venissent quidam presbyteri, omnibus illis narratis, tradidit animam. Aperte autem videntes presbyteri eum assumi in choris justorum et angelorum, Deum laudabant.

CAPUT LXVI.

Vita abbatis Apollonii (110).

Fuit in Thebaide quidam monachus, nomine Apollonius (*Ruff.*, l. II, cap. 19). Is plurimas ostendit virtutes et facta egregia, dignus quoque fuit habitus dono doctrinae supra multos qui tunc fuere insignes virtutibus. Is in tempore persecutionis addens animum Christi confessoribus, multos effecit martyres. Porro autem ipse quoque comprehensus custodiebatur in carcere; ad quem veniebant qui ex gentibus erant nequiores, et cum eo disputabant, incessebantque maledictis, et irridebant.

CAPUT LXVII.

De Philemone (111) martyre et iis qui cum ipso fuere martyribus.

Erat autem quidam ex ipsis choraules, vir nequitiis famosus, qui accedens eum appetebat contumeliis, dicens etiam impium et impostorem, et planum, et qui ab omnibus habebatur odio, et qui debebat mori citius (*Ruff.*, l. II, cap. 19). Cui dicit Apollonius: Miserebitur tui Dominus, o homo, et eorum quædicta sunt nihil tibi reputetur ad peccatum. Hæc autem cum audisset ille choraules, Philemon nomine, mordebatur animo, a verbis ejus compunctus. Statim autem ad tribunal profectus, coram iudice se sistit, et ei dicit, populo presente: Injuste facis, o iudex, qui viros pios et nulli culpæ affines punis; nihil enim mali faciunt nec dicunt Christiani. Ille autem cum ipse hæc diceret, in principio quidem existimabat eum loqui ironice et ludificari; postquam autem eum vidit persistere: Insanis, inquit, o homo, et mens tibi repente est emota. Ille autem: Non insano, inquit, o iudex injustissime, sum enim Christianus. Is autem multis blanditiis una cum turba ei conabatur persuadere: postquam autem vidit immobilem, ei omne genus tormenta adhibuit. Cum autem rapuisset Apollonitum, et multis eum affectis contumeliis, ipsum torquebat tanquam planum. Apollonius autem ei dixit: Optarem, o iudex, ut tu et omnes presentes hunc meum errorem sequeremini. Is autem eo hæc dicente, jussit ambos igni tradi, toto inspiciente populo. Cum autem in flamma essent presente iudice, vocem ad Deum emittit beatus Apollonius, toto populo audiente et iudice: Ne tradas, Domine, bestiis animam constantem tibi, sed te ipsum nobis aperte ostende (*Psal.* LXXIII). Nubes autem rosca et lucida adveniens, viros textit, igne extincto. Admirata autem turba et ipse iudex, clamabant: Unus est Deus Christianorum; maleficus vero quispiam hæc renuntiat præfecto Alexandriae. Qui cum crudeles quosdam et immanes elegisset protectores et apparitores, eos misit ut victos adducerent iudi-

cem et Philemonem. Ducebatur ergo una cum Apollonius, et quidam alii confessoribus. Cum omnes autem iter ingrederentur, eum intravit gratia, et cepit docere milites. Ubi autem ipsi quoque compuncti crediderunt Servatori, erant omnes uno animo victi. Quos omnes cum vidisset præfectus a fide non posse dimoveri, jussit projici in profundam maris: hoc autem fuit eis signum baptismatis. Cum enim autem sui invenissent disiectos in littore, locerunt omnibus ædem unam, ubi nunc multæ virtutes peragentur. Tanta autem fuit viri gratia, ut de iis quæ esset precatas, statim exaudiretur, eum sic honorante Servatore. Quem etiam nos in martyrio (112) præcæsi, vidimus eum iis qui eum ipso fuerunt martyris affecti, et Deum adorantes, eorum tabernacula (113) salutæ vimus in Thebaide.

CAPUT LXVIII.

Vita abbatis Dioscouri (114) presbyteri.

Vidimus autem alium quoque presbyterum in Thebaide, nomine Dioscurum, Patrem centum monachorum (*Ruff.*, l. II, cap. 20). Qui cum ad Dei gratiam essent accessuri, dicebat eis: Videte ne qui noctu phantasiam habuit mulieris, audeat accedere ad sancta Sacramenta. Ne quis ex vobis visis et phantasias pulsus somniaverit. Nam qui absque phantasias sunt fluxus seminis, casti sunt; nec ex uniuscujusque libero animi arbitrio insunt, sed absque voluntate; procedunt enim ex natura, et ex redundant materia excernuntur, quocirca nec sunt peccato obnoxii: visa autem ac phantasias procedunt ex libera eligendi voluntate, et sunt argumentum mali animi. Oportet autem, inquit, monachum transilire etiam legem naturæ; corpus autem liquare, nec inveniri in ullo inquinamento carnis, sed carnem macerare, et non concedere ut in ipsa redundet materia. Conamini ergo illam exhaurire frequentibus et prolixis jejuniis; sin minus autem, nos ad appetitiones et desideria incitant. Non oportet autem monachum attingere appetitiones animi. In quibus enim differet a mundanis, quos sæpe videntur abstinere a voluptatibus propter sanitatem corporis, aut propter aliquas alias causas a ratione minime alienas? quanto autem magis, inquit, monacho curanda est animæ sanitas et spiritus!

CAPUT LXIX.

Nitrienses (115) Anachoretæ.

Devenimus quoque ad Nitrienses, ubi multos et magnos vidimus anachoretas; partim quidem indigenas, partim vero etiam hospites, qui se invicem superabant virtutibus, et magno studio se exercebant, et in vita se invicem contendeant superare (*Ruff.*, l. II, cap. 21). Et alii quidem ex ipsis versabantur in contemplatione, alii vero in actione. Cum vidissent autem aliqui ex ipsis nos procul venientes, aliqui quidem nobis cum aqua occurrerunt; et alii quidem pedes nostros lavabant, alii vero vestes mundabant, alii vero ad cibum invitabant, alii autem ad contemplationem et Dei cognitionem, et quod unusquisque ex iis poterat, in eo studebat nos juvare. Et quid dixerit quispiam omnes eorum virtutes, cum nihil pos-

sit dicere pro dignitate? Habitant itaque locum desertum, et habent cellas magno inter se intervallo disjunctas, ut nullus possit procul agnosci ab altero, neque cito videri, nec vox audiri; sed degunt in multa quiete, unusquisque per se inclusus. Solum autem Sabbato et Dominico congregantur in ecclesiis, et se invicem excipiunt. Multi autem ex iis sæpe etiam quatuor dies inveniuntur in cellis, eo quod se invicem non videant, præterquam in collecta. Et alii quidem ex his veniebant ad collectam a tertio et quarto lapide, tam longe sunt remoti a se invicem. Tantam autem habent inter se charitatem, etiam supra reliquam fraternitatem, ut multis qui cum ipsis salvi esse voluerint, unusquisque studeat suam cellam eis dare ad se reficiendum.

CAPUT LXX.

De Abbate Ammonio (116) et iis qui erant cum ipso.

Vidimus autem Patrem quoque eorum qui illic erant, nomine Ammonium, habentem eximias cellas, et atrium, et puteum, et reliqua necessaria. Cum autem ad eum venisset quidam frater qui volebat salvus fieri, et ei diceret ut ipsi inveniret cellam ad habitandum, illico egressus, præcepit ei ne egrederetur e cellis, donec ipsi invenisset aptum habitaculum; et cum ipsi reliquisset omnia quæ habebat, cum ipsis cellis, seipsum inclusit in parvam cellam. Quod si plures erant qui conveniebant volentes salvi fieri, congregabat universam fraternitatem, et illo quidem tradente lateres, hoc vero aquam, perficiebantur cellæ in uno die. Eos autem qui erant habitaturi in cellis, in ecclesiam vocabant ad convivia: dumque illi se recreant et exhilarant, unusquisque cum e sua cella ovillam suam pellem aut sportam pane vel cæteris impleisset necessariis, deferobant ad novas cellas, ut nulli nota esset uniuscujusque oblatio. Noctu autem venientes habitaturi suas cellas, repente inveniabant omnia necessaria. Multi autem ex ipsis neque panem comedebant nec fructus, sed solum intyba agrestia. Quidam autem ex ipsis tota nocte non dormiebant; sed sedentes vel stantes usque ad mane, perseverabant in oratione.

CAPUT LXXI.

Vita abbatis Isidori (117) et eorum qui erant cum ipso.

Vidimus autem in Thebaide monasterium cujusdam magni Isidori, quod intus habebat mille monachos (*Ruff., l. II, cap. 17*). Habebat autem intus puteos et hortos, et quæcunque sunt ad usum necessaria nemine egrediente extra monasterium: sed erat presbyter janitor, qui nullum permittebat egredi, neque alium ingredi, præterquam si quis vellet usque ad mortem illic permanere nusquam progrediens. Porro autem eos qui portam ingrediebantur in parvo habitaculo excipiebat hospitio; et cum mane dedisset eulogias, in pace deducebat. Duo autem ex ipsis presbyteri solum exhibant opera fratrum administrantes, et referebant ea quæ erant ipsis ad usum necessaria. Dixit autem mihi is qui portam custodiebat presbyter, eos qui intus sunt sanctos esse tales, ut possint omnes signa efficere; et neminem ante decessum in morbum incidere; sed

A quando uniuscujusque venisset translatio, id omnibus prius significantem et se reclinantem, dormire.

CAPUT LXXII.

Vita abbatis Ammona (118) presbyteri.

Est autem alia quoque solitudo in Ægypto, maritima quidem, sed difficillima, in qua multi et magni habitant anachoretæ, quæ est prope urbem Diolcon (*Ruff., l. II, cap. 32, cui dicitur Piammon*). Vidimus autem illic presbyterum virum sanctum et valde humilem, et assidue videntem visiones, nomine Ammonam. Is aliquando offerens Deo sacrificium (119), videt angelum stantem a dextris altaris, et notantem fratres accedentes ad gratiam, et scribentem in libro eorum nomina. Cum autem non adfuissent aliqui in synaxi, vidit deleri eorum nomina, qui post tres dies sunt mortui. Eum sæpe torquentes dæmones in tantam adduxerunt imbecillitatem, ut non posset ipse stare ad aram, nec offerre: angelus autem veniens, ejus manu apprehensa, protinus eum confirmavit, et sanum ad aram statuit. Cujus tormenta cum vidissent fratres, obstupuerunt.

CAPUT LXXIII.

De abbate Joanne (120).

Vidimus autem alium quoque in Diolco, Joannem nomine (*Ruff., l. II, cap. 33*), patrem monasteriorum, qui ipse quoque multam habebat gratiam, et Abraham habitum, et barbam Aaron. Efficiebat autem virtutes atque curationes, ut qui multos curavit paralyticos et podagra laborantes.

CAPUT LXXIV.

Vita abbatis Pityrionis et (121) eorum qui cum ipso erant.

Vidimus autem in Thebaide altum montem fluvio imminentem, valde terribilem et præcipitem, et monachos illic viventes in speluncis (*Ruff., l. II, cap. 31*). Eorum autem pater erat nomine Pityrion, qui fuit unus ex discipulis Antonii, et tertius qui illum locum excepit; qui quidem multas virtutes efficiebat, et efficaciter spiritus expellebat. Cum enim successisset Antonio et ejus discipulo Ammonæ, merito etiam successit hereditati donorum: qui multos quidem alios quoque apud nos habuit sermones, quin etiam de discretione spirituum accurate disseruit, dicens esse aliquos dæmones qui sequuntur animi motus, et nostras affectiones ad malum sæpe convertunt. Quisquis ergo, o filii, dicebat is nobis, vult exigere dæmones, prius in servitutem redigat affectiones animi; qualem enim quis superarit affectionem, ejus quoque expellit dæmonem. Oportet autem vos paulatim vincere affectiones, ut earum expellatis dæmones. Sequitur gulam dæmon. Si quis ergo gulam superaverit, expellit ejus dæmonem. Is autem comedebat bis in hebdomada, Dominica et quinta feria, parvam pultem ex farina (122); nec poterat aliquid aliud sumere, propterea quod suum habitum ita formasset.

CAPUT LXXV.

Vita Eulogii (123) presbyteri.

Vidimus autem alium quoque presbyterum, nomine Eulogium, qui in offerendis Deo donis tantam accepit

gratiam cognitionis, ut unusquisque ex iis qui acce-
debant monachis mentem cognosceret (*Ruff.*, l. II, cap.
14). Is cum sæpe vidisset aliquos monachos ad aram
accessuros, eos retinuit, dicens: Quomodo audetis
ad sancta accedere sacramenta, cum habeatis malas
cogitationes? Et tu quidem hac nocte animo versasti
turpem fornicationis cogitationem; alius autem in
animo suo reputavit, dicens nihil referre an peccator
an justus accedat ad Dei gratiam; alius autem de
dono dubitavit, dicens: Nunquid me accedentem
sanctificabit? Parum ergo secedite a sanctis sacra-
mentis, et ex animo agite penitentiam, ut sit vobis
remissio peccatorum, et sitis digni Christi commu-
nionis. Nisi enim primum mundaveritis cogitationes,
non poteritis ad Christi gratiam accedere.

CAPUT LXXVI.

Vita Serapionis (124) presbyteri.

Vidimus vero etiam in partibus Arsenoitæ presbyterum
quemdam, nomine Serapionem (*Ruff.*, l. II, cap. 18),
Patrem multorum monasteriorum, et qui præest multæ
fraternitati, ut qui sint decies mille numero, magnamque
per fratres exsequitur dispensationem, cum omnes simul,
tempore messis, omnes suos fructus ad ipsum afferant,
quos pro messis mercede acceperunt, unusquisque frumenti
annuus duodecim artabas (125), qui sunt veluti quadraginta
qui apud nos dicuntur modii: et ea ad ministerium pauperum
per se dispensat, adeo ut deinceps in ea quæ est circumcirca
regione nullus sit pauper, sed etiam mittat ad eos qui sunt
Alexandriæ pauperes. Sed neque prædicti Patres per totam
Ægyptum unquam neglexerunt hanc administrationem; sed ex
laboribus fraternitatis, navigia plena frumento et vestimentis
pauperibus miseram Alexandriam, propterea quod rari
essent apud ipsos qui egerent.

CAPUT LXXVII.

Vita abbatis Posidonii.

Posidonii Thebani multa quidem sunt, eaque narratu
difficilia, quemadmodum erat mitis, et in se exercendo
accerrimus, et quanta fuerit in eo innocentia. Nescio an
ullum talem convenerim. Vixi enim cum eo anno uno in
Bethleem, quando sedit ultra Pæmenium (126), et multas
vidi ejus virtutes; atque inter cætera ipse mihi quodam
die narravit: Cum habitarem, inquit, in loco Porphyrite
anno uno, toto anno nullum hominem conveni, non audivi
sermocinationem, non panem gustavi, nisi si quando paucis
uterer dactylis, et sicubi herbas invenirem agrestes.
Quo quidem tempore cum mei panes aliquando defecissent,
egressus sum e spelunca, ut venirem in orbem terræ
habitabilem, et cum toto die ambularem, vix aberam a
spelunca duo milliaria. Cum ergo circumspexissem, video
equitem militis habitum præse ferentem, habentem in
capite galeam tiariferam; et cum conjectassem eum
esse militem, profectus sum usque ad speluncam, et
inveni canistrum uvarum et ficuum nuper decerptarum:
quem cum accipissem lætus veni ad speluncam, habens
duobus mensibus cibos illos ad meam refectioem.

Hoc autem miraculum fecit beatus Posidonius in
Bethleem. Quædam mulier grava habebat spiritum
immundum, et in ipso tempore quo erat paritura,
laborabat in partu, ipsam conterente spiritu. Cum
ergo a dæmone vexaretur mulier, advenit ejus maritus,
et rogavit sanctum illum ut adesset: et nobis ingressis
ad orandum, cum stetisset et precatus esset, post
secundam genuflexionem, ejecit spiritum. Surgens autem
dixit nobis: Orate, modo enim expellitur immundus
spiritus. Oportet autem esse aliud quod signum ut de
eo fiamus certiores. Egrediens autem dæmon, diruit a
fundamento totum aulæ parietem. Mulier autem sexennio
non fuerat locuta; postquam autem egressus est dæmon,
et peperit, et locuta est.

CAPUT LXXVIII.

De Hieronymo (127).

Hujus sancti novi hanc quoque prophetiam; Hieronymus
enim quidam presbyter habitabat in illis locis, qui in
sermone Romano magna erat virtute ornatus, et præclaro
ingenio; sed tanta fuit ejus invidia, ut ab ea obrueretur
virtus doctrine. Cum ergo multis diebus cum eo versatus
esset sanctus Posidonius, dicit mihi in aurem:

CAPUT LXXIX.

De Paula (128).

Ingenua quidem Paula, quæ ejus curam gerit, præmorietur
liberata ab ejus invidia. Ut autem arbitrator, propter
hunc virum non habitabit vir sanctus in his locis, sed
ejus pervadet invidia velusque ad proprium fratrem.
Resque ita accidit.

CAPUT LXXX.

De Oxyperentio.

Etenim beatum Oxyperentium Italum is hinc expulit.

CAPUT LXXXI.

De Petro.

Et Petrum alium quemdam Ægyptium.

CAPUT LXXXII.

De Simeone.

Et Simeonem, viros admirabiles, quos ego adnotavi.
Narravit mihi hic Posidonius continentissimus et
virtutis observantissimus, quod quadraginta abhinc
annis panem non gustasset, neque acceptæ injuriæ
sit recordatus usque ad diei dimidium.

Hæc sunt certamina et signa præclari Christi
athletæ Posidonii, quæ fecit providentia ejus quæ
est omnium virtutum maxima; et in his est insignis
finis vitæ hujus beati.

CAPUT LXXXIII.

Vita Serapionis (129) Sindonitæ.

Fuit alius quidam Serapion Sindonites (nam præter
sindonem nihil unquam induebat), qui exercuit
magnam possessionum et facultatum vacuitatem: quam
ob causam et impassibilis vocabatur. Cum esset autem
imperitus litterarum, memoriter dicebat omnes
Scripturas. Et neque ob possessionum egestatem et
Scripturarum meditationem potuit in cella

quiescere, non quod traheretur a terrena materia, sed quod apostolicam vitam sectabatur, orbem terræ obiens exactissimam paupertatis virtutem præseferbat; sic ut perfectam impassibilitatem hic sit asseclutus. Natus enim erat hac natura; sunt enim naturarum, non substantiarum differentia (Cautè lege). Narrabant itaque Patres, quod cum quemdam accepisset exercitorem qui cum eo luderet, se in quadam urbe gentilibus vendidit histrionibus viginti solidis (130), et cum recondidisset solidos sub sigillo, eos apud se servabat. Tandem autem permansit et serviit mimis qui eum emerant, donec eos fecit Christianos, et eos avulsit a theatro: præter panem et aquam nihil sumens, neque præ meditatione Scripturarum ore silens: longo autem tempore primus compunctus est mimus, deinde mima, deinde universa eorum familia. Dictum est autem quod quo tempore eum ignorabant, lavabat pedes amborum. Ambo ergo baptizati, a theatro recesserunt: et cum ad vitam honestam et piam processissent, virum valde reverebantur. Et itaque dicunt: Ades dum, frater, nos te liberabimus, quando quidem ipse nos liberasti a turpi servitute. Dicit ergo eis: Quandoquidem Deus meus est operatus, et vos cooperati estis, et salva facta est vestra anima, vobis dicam mysterium actus.

Ego vestrae animæ misertus quæ in multo errore versabatur, cum essem liber exercitator, genere Ægyptius, ea de causa me ipsum vendidi, ut vos servarem. Quoniam autem hoc fecit Deus, et per meam humilitatem salva evasit anima vestra, accipite aurum vestrum, ut etiam aliis opem feram. Illi autem cum multum rogassent et affirmassent, dicendo: Te tanquam patrem et dominum habebimus, solum mane nobiscum; non potuerunt ei persuadere. Tunc dicunt ei: Da tu aurum pauperibus, nam id nobis fuit causa salutis. Ait illis: Date vos illud, quia vestrum est; ego enim alienas pecunias non do pauperibus. Tum illi cohortantur eum, dicentes: Sed saltem post annum nos invisas. Et sic ab iis abiit.

Is frequentibus peregrinationibus pervenit in Græciam; cum tribus diebus moratus esset Athenis, non fuit qui ei panem præberet; nam neque æs ferebat, neque peram, non pellem ovillam, non virgam, nihil horum, sed sola sindone amictus erat. Cum autem venisset quartus dies, valde esuriit; nihil enim illo tempore gustaverat. Res est enim gravis famis involuntaria, quæ adjutricem habet incredulitatem. Et stans super tumulum civitatis, in quo congregabantur qui erant in dignitate (131) constituti in civitate, cepit vehementer et cum planctu lamentari, et clamare: Viri Athenienses, ferite opem. Ad quem accurrentes omnes qui pallium gestabant et byrrum (132); dicunt ei: Quid habes, undenam es, et quid pateris? Is vero dicit ipsis: Genere quidem sum Ægyptius, monachus professione; ex quo autem absum a vera mea patria, incidi in tres feneratoribus; et duo quidem a me recesserunt ex soluto eis debito, cum non haberent de quo me accerterent: unum autem a me non discedit. Illi ergo studiose quærentes

A de feneratoribus ut eis satisfacerent, ipsum rogabant: Ubi sunt? quis est qui tibi exhibet molestiam? ostende nobis eum, ut tibi feramus auxilium. Tunc eis dicit: Molestiam mihi exhibuit avaritia; et gula, et fornicatio; et a duobus quidem sum liberatus, avaritia scilicet et fornicatione; neque enim aurum habeo, neque aliquid aliud possideo; non fruor deliciis quæ sunt nutrices huius morbi: quocirca nihil mihi exhibent amplius molestiæ. A gula autem non possum recedere; jam enim quatuor diebus nihil comedi, et mihi pergit venter molestiam exhibere, quærens consuetum debitum, sine quo non possum vivere. Tunc quidam philosophi suspicati eum composita quædam et ficta narrare, dant ei solidum: quem acceptum posuit in officina panaria, et accepto pane recessit; statim profectus a civitate, et in eam non reversus amplius. Tunc cognoverunt philosophi eum vere fuisse virtute præditum; et cum pistori dedissent pretium panis, acceperunt solidum.

Cum autem venisset in loca Lacedæmonis proxima, audivit quemdam ex primis civitatis esse Manichæum simul cum tota domo, alioqui virum bonum. Hic optimus monachus huic rursus se ipsum vendidit sicut in primo actu. Et cum intra duos annos abduxisset ab hæresi et ejus uxorem cum tota familia, ipsum adduxit in Ecclesiam. Tunc eum amantes, non amplius habebant tanquam servum, sed plusquam germanum fratrem et patrem et magno honore afficiebant, et cum eo Deum laudabant.

C Paulo post ubi eos pluribus cohortatus esset, illis relictis spiritualis hic adamas Serapion, cum heris istis pretium suum persolvisset, se ipsum coniecit in navem tanquam Romam navigaturum. Navem autem coniecentes eum vel intulisse stumptus, vel in auro habere quod expenderet, nihil aliud percontati eum exceperunt, alius alium existimans accepisse ejus utensilia. Cum autem ipsi enavigassent, et abessent quingentis stadiis ab Alexandria, ceperunt vectores vestri circa occasum solis, cum navem prius comedisent. Viderunt autem eum primo die non comedere; et putaverunt causam esse navigationem, similiter et secundo, et tertio, et quarto die; quinto autem die vident ipsum sedentem quietum, dum omnes comederent, et dicunt ei: Homo, cur non comedis? Is vero dicit eis: Quoniam non habeo quod edam. Cum ergo inter se quæsvissent quis ejus accepisset utensilia vel impensas, viderunt autem neminem accepisse (neque enim habebat aliquid) ceperunt cum eo contendere: Quomodo sic ingressus es absque impensis? quomodo dabis nobis navium? quoniam autem aleris? Is vero eis dicit: Ego nihil habeo; auferite me, et abjicite ubi invenistis. Illi vero: Cur irasceris? ne si centum quidem aureos nobis dares, libenter hoc faceremus, cum sit nobis ventus adeo secundus: scopulifragi ergo urgeamus, peragentes quæ sunt nobis propósita. Sic fuit in navem, et eum alerunt Romam usque. Cum autem Romam venisset, curiosè indagavit quis esset in civitate magister exercitator aut exercitatrix.

CAPUT LXXXIV.

Vita abbatis Domnionis.

Intér quos incidit in quemdam Domnionem fortissimum atque abstinentissimum, Origenis discipulum, quem rumor erat multa miracula edidisse, et cujus lectus curavit ægrotos post mortem.

CAPUT LXXXV.

De Virgine silente.

Cum ergo in eam incidisset, et ex eo utilitatem accepisset (erat enim vir et moribus ornatus, et eruditione et sermone et vita), et ab eo didicisset quoniam esset illic alius exercitator aut exercitatrix, cognovit esse quamdam virginem silentium agentem et quiescentem, quæ jam viginti quinque annis in cella erat inclusa, et cum nemine unquam colloquebatur. Cum autem ejus domum didicisset, venit, et dicit vetulæ quæ ei inserviebat: Dic virgini me necesse habere eam convenire. Anus vero responsum reddidit illam ex multis annis neminem convenisse. Tum ait illi: Dic ei ut conveniam illam, Deus enim me misit. At illa ne sic quidem acquievit. Cum autem duos vel tres dies intermisisset, eam convenit postea. Et ei dixit: Quid sedes? Ea vero dicit ipsi: Non sedeo, sed ambulo. Is vero dicit: Quo ambulas? Illa vero dicit: Ad Deum. Is autem dicit: Vivisne, an es mortua? Illa vero ei dicit: Credo in Deum me esse mortuam mundo: qui enim carne vivit, non potest ad Deum ambulare. Is autem dicit ei: Ut me ergo certiore reddas te esse mortuam mundo, fac quod facio. Ea illi dicit: Impera mihi quæ possunt fieri, et faciam. Is autem dicit ei: Nihil est quod non possit mortuus, absque eo quod non potest esse impius. Tunc dicit ei: Descende, et progredere. Ea vero respondit: Jam agitur vigesimus quintus annus ex quo non sum progressa, et cur progrediar? Ei autem dicit: Vah! nonne tu dixisti, mortua sum huic mundo? unde et manifestum est et mundum tibi mortuum esse. Si hoc quidem verum est, et mortuus nihil sentit, idem est tibi progredi et non progredi; ergo progredere. Illa vero progressa est. Et postquam progressa fuit usque ad quamdam ecclesiam, ei dicit in ecclesia: Si vis ergo me certiore reddere quod vere sis mortua, et non amplius vivis placens hominibus, fac quod facio, et sciam te esse mortuam. Ei itaque dicit: Exuens sicut ego omnia vestimenta, ea impone humeris, et transi mediam civitatem, me in hoc habitu præeunte¹. Illa vero ei dicit: Hac re minime honesta multos offendam, et poterunt dicere me esse emotæ mentis et dæmoniacam. Is autem dicit ei: Et quid tibi est curæ, si dixerint te esse emotæ mentis et dæmoniacam? tu enim es eis mortua; in mortuo vero non est cura, si quis ei vel detraxerit vel eum irriserit; nihil enim potest sentire. Tunc illa ei dicit: Dic si quid aliud velis, neque enim ad hunc usque modum me venisse glorior. Tunc ei dicit Serapion impassibilis: Ecce ergo, ne amplius te jactes et tibi placeas, tanquam omnibus magis pia et mundo mortua. Ego enim sum te magis mortuus; et re-

¹ Mirandum hoc, non imitandum.

A ipsa ostendo me esse mortuum mundo, nam citra ullam animi perturbationem et pudorem hoc facio. Tunc cum eam ad humilitatem instituisset, et ejus fregisset arrogantiam, recessit.

Sunt autem multa quoque alia magna et illustra facta istius Christi doctoris, virtute præditi, quæ pertinent ad impatibilitatem, quæ ex multis pauca selecta perscripsimus, ut ex iis puritas ejus vitæ patefieret. Is decessit agens annum ætatis sexagesimum, in locis desertis sepultus est.

CAPUT LXXXVI.

De² Evagrio (133) celebri diacono.

De Evagrio claro Christi diacono, qui vixit instar apostolorum, non est æquum tacere; sed ea litteris mandare ad ædificationem eorum qui sunt lecturi, et ad bonitatis Servatoris nostri gloriam æquum arbitratus, ab alto expono, et quemadmodum venerit ad institutum monasticum, et quomodo cum se digne exercuisset, moritur quinquaginta quatuor annos natus, in solitudine: qui, ut scriptum est, in brevi consummatus, implevit longa tempora (Sap. iv). Fuit enim revera ejus anima grata Domino. Is genere quidem fuit Ponticus civitatis Iberorum (134), filius presbyteri, lector promotus a sancto Basilio episcopo ecclesiæ Cæsareæ ad Argeum (135). Post decessum autem sancti Basillii episcopi, attendens ejus aptitudinem, sapientissimus, et a perturbationibus animi alienus, et omni doctrina clarus Gregorius episcopus Nyssenus (136), frater episcopi cui datur honor inter apostolos, eum ordinat diaconum. Illinc cum venisset sanctus Gregorius episcopus in magnam synodum Constantinopolitanam, relinquit eum beato Nectario episcopo, cum esset omnium disserendi artis peritissimus. Floruit ergo in magna civitate, in disputationibus juveniliter exsultans adversus omnem hæresim. Accidit autem ut is qui propter morum insignem bonitatem honorabatur a tota civitate, configeretur a simulacro muliebris concupiscentiæ, ut ipse nobis narravit postea, cum esset mens ejus libera. Eum autem vicissim amavit muliercula. Erat autem ea una ex primis. Evagrium autem et Deum timens, et suam veritatem conscientiam, et habens ante oculos dedecus turpitudinis, et quam hæreses de alienis malis concipiunt lætitiæ, Deum suppliciter rogavit ut ab ipso impediretur scopus quem sibi proposuerat mulier, quæ eum urgebat cupiditate, et ejus insano teriebatur desiderio. Cumque vellet ab ea recedere, non poterat, ut qui ejus obsequii blandis detineretur vinculis. Haud multo post autem eam quæ præcessit orationem, antequam rem esset expertus, astitit ei visio angelica, præ se ferens speciem militum præfecti, quæ eum rapit, et ducit tanquam in iudicium, et conjicit eum in eam quæ dicitur custodiam, collarum ferreo ejus collo injecto, et catena ferrea alligatis manibus, iis videlicet qui ad ipsum venerant, ei causam minime dicentibus. Ipse autem qui pungebatur conscientia, existimabat se ea subire ejus gratia, arbitrans maritum mulieris de hac re iudicem conve-

² Origenista hic fuit.

nisse. Animi itaque admodum anxius constitit Evagrius, dum de alia causa ageretur, et de aliis propter tale crimen haberetur quæstio. Post magnum ergo illum metum et summum animi angorem, angelus qui ab initio præbuerat visionem, ita transformatur, ut videretur adesse germanus et sincerus amicus Evagrii, valde obstupefactus, et tristitia affectus ob tantam vinculorum infamiam, et dicens ei vincto inter catenas quadraginta reorum : Cur cum tanta ignominia detineris cum reis, domine diacone ? Ille ei dicit : Revera quidem nescio ; suspicor autem N., qui est ex præfectis, me detulisse, motum zelotypia citra ullam rationem ; et vereor ne magistratus fuerit ab eo corruptus pecunia, et me maximo afficiat supplicio. Dicit ei is qui amici figuram susceperat : Si audias amicum, tibi consulo ; non tibi expedit degere in hac civitate. Dicit ei Evagrius : Si Deus me liberaverit ab hac calamitate, et me videris Constantinopoli, scias me jure subire hoc supplicium, et esse dignum alio majore. Dicit ei amicus : Si ita habet, fero ad te sanctum evangelium ; jura mihi in eo quod recedes ab hac civitate, et tuæ animæ curam geres ; et te liberabo ab hac necessitate. Evagrius autem : Rogo te, inquit, jurabo ut volueris ; me solummodo libera ab hac nube tenebrosa. Interim autem ei affert sanctum evangelium, et exigit jusjurandum. Evagrius autem ei jurat per evangelium verbis sic conceptis : Non manebo hic præter unum diem, idque ut meas vestes in navem immittam. Cum autem processisset jusjurandum, ad se rediit ab ecstasi quæ ei noctu evenerat. Cumque surrexisset, cogitavit : Etsi mihi fuit datum jusjurandum in ecstasi, juravi tamen. Omnibus ergo quæ habebat in nave coniectis, venit Jerosolyma, et illic excipitur a beata Melania Romana. Rursus cum diabolus ejus cor tanquam Pharaonis indurasset, utpote adolescentis et ætate luxuriantis, eum rursus incessit dubitatio, et animi fuit ancipitis, cum tamen nemini quidquam dixisset. Quo factum est ut et vestes rursus mutaret, et in differendo ei veternum afferret vana gloria : sed Deus qui impedit omnium nostrum interitum, ei rursus attulit calamitatem, rursus in febrem conjiciens, et deinde in longum morbum, tempore semestri ejus carnem macerans, quæ ei afferebat impedimentum ad virtutem, medicis dubitantibus, et non inventientibus modum curationis. Dicit ergo ei beata Melanium : Non placet mihi, fili, morbus tuus diuturnus ; dic ergo mihi quæ habes in animo, non est enim verus hic tuus morbus. Confessus est ergo ei rem quæ sibi evenerat Constantinopoli. **764** Dicit ei beata : Promitte mihi teste Domino, te vitæ monasticæ scopum esse secuturum, et ego licet peccatrix, orabo Deum, ut detur tibi tempus comæatus, et vitæ terminus. Is autem est assensus. Cum ea autem orasset, intra paucos dies convaluit ; cumque is surrexisset, ab illa ipsa est amictu monastico indutus, et peregre proficiscitur in montem Nitriæ, qui est in Ægypto : in quo cum habitasset biennio, tertio ingreditur solitudinem.

¹ Simile supra, in Pelag., libell. I, num. 5.

A Cum itaque vixisset quatuordecim annis in iis quæ dicuntur Celliis, comedebat quidem panis libram in die ; trimestri autem tempore olei sextarium, vir qui in molli delicata et lauta vita fuerat educatus. Faciebat autem centum orationes, scribens annuatim pretium solum eorum quæ comedebat ; eleganter enim scribebat celerem characterem. Cum ergo intra quindecim annorum spatium mentem expiasset, dignus est habitus dono cognitionis et sapientiæ, et discretionis spirituum. Is composuit tres sacros libros monachorum, qui dicitur Ἀντιδόχια, hoc est Contradictoria, suppeditans artes quibus sit utendum adversus dæmones. Ei aliquando gravem exhibuit molestiam dæmon fornicationis, ut ipse nobis narravit ; et tota nocte stetit in puteo cum esset hiems, adeo ut ejus carnes gelu constringerentur. Aliquando autem rursus ei molestiam exhibuit spiritus blasphemie ; et quadraginta diebus non est tectum ingressus, ut ipse nobis narravit, adeo ut corpus ejus, non secus ac corpus ferarum animantium, ricinis scateret (137). Ei tres apparuerunt dæmones in habitu clericorum, de fide cum eo inquirentes ; et unus quidem dicebat eum esse Arianum, alter vero Eunomianum, tertius autem Apollinarianum, et eos paucis superavit spiritu sapientiæ. Rursus cum quodam die periisset clavis ecclesiæ, sera cruce signata, manu trudens eam aperuit, Christo invocato. Is a dæmonibus adeo fuit flagellatus, et variorum dæmonum tantam fecit experientiam, ut ii non possint facile enumerari. Uni ex discipulis suis, quæ post decem et octo annos erant eventura ei, dixit, omnia ei prædicens in specie. Dicebat autem hic beatus : Ex quo veni in solitudinem, non tetigi lactucam, non minutum olus, non aliquid viride, non fructum, non uvam, non lavacrum, non carnem, non panem, non vinum, neque omnino aliquid ex iis quæ per ignem transeunt, præter quædam olera cruda, et modicum aquæ. Postea autem sexto decimo anno instituti vitæ suæ actæ absque decoctione ignis, cum caro, propter imbecillitatem corporis et stomachi, opus haberet ut aliquid sumeret quod per ignem transiisset, panem quidem tetigit, nequaquam autem sumpsit cocta olera : sed vel ptisanam, vel legumina duos annos. In his corpus consumebat hic beatus, vivificans animam sancto Spiritu, in Epiphaniis in ecclesia communicans. Nobis autem narrabat hic generosus Christi athleta circa tempus mortis : Jam sunt tres anni ex quo non sum amplius vexatus a cupiditate carnis. Si autem post vitam ita ex virtute actam, et immensum laborem exercitationis, eumque vel maxime inflexibilem, et sobriam perpetuo orationem, hunc immortalem adeo invasit bonis infestus et exitiosus dæmon ; quid ab execrabili dæmone pati putamus eos qui sunt socordiores, propter suam negligentiam ? Huic sancto significata est aliquando mors patris sui, et dicit ei qui renuntiavit : Desine blasphemare, meus enim pater est immortalis¹. Deum autem dicebat. Hucusque est exac-

tissimum et perfectissimum vitæ institutum insignis A illi vim facerent ut illic comederet, non potuit in Evagrii.

CAPUT LXXXVII.

Vita abbatis Pior (138).

Quidam Pior nomine (*Ruff.*, l. III, n. 31; *Pelag.*, libell. IV, n. 34), Ægyptius genere, ætate juvenis, cum mundo renuntiasset, exiit e domo paterna: et propter insignem amorem spiritalem, Deo est professus se nullum ex suis visurum amplius. Quinquaginta ergo post annis soror ejus quæ consenuerat, et ab aliquo resciverat fratrem suum vivere, veniebat in mentis emotæ periculum, nisi ipsum videret. Cum autem non posset venire in vastum desertum, rogavit illius loci episcopum ut scriberet ad sanctos Patres qui erant in solitudine, ut ipsum mitterent, et eum videret. Cum ergo ei vis magna afferretur, Pa- B tribus obediens, statuit uno alio assumpto, abire; et significavit domui sororis fratrem suum Pior advenire, et foris stare. Cum autem sensisset strepitum ostii, et quod ejus soror ei veniret obviam, Pior, clausis oculis, clamavit ad ipsam: O soror N., ego sum Pior frater tuus, ego sum: ecce, vide, aspice quantum velis. Illa ergo facta certior Deum glorificavit, et cum multa fecisset, non potuit ei persuadere ut domum ingrederetur: sed oratione facta in limine, reversus est in solitudinem, propriam patriam illic sibi virtute comparans. Hoc ejus fertur miraculum, quod cum fodisset in loco quem ædificavit, invenit aquam amarissimam, et donec decessit, illic permansit, contentus inventis amaritudinibus aquæ (139), ut generosi hujus tolerantia innotesceret. C Multi autem monachi post ejus mortem cum in cella manere contendissent, non potuerunt unum annum id efficere. Est enim locus terribilis, et alienus ab omni consolatione.

CAPUT LXXXVIII.

Vita abbatis Moysis (140) Libyci.

705 Moyses Libycus fuit vir mitissimus, et maxima charitate præditus: is dignus est habitus dono curationum. Is hoc narravit: In monasterio, inquit, eram valde juvenis, et fodiebam maximum puteum, latum viginti pedes: in eo cum tres dies fodissemus viri octoginta, et venam consuetam, et quæ aspicietur transissemus circa cubitum, aquam non invenimus. Magna ergo affecti molestia, deliberabamus de desistendo ab opere; dumque de eo deliberaremus, ad nos adveniens Pior ex vasta solitudine, in ipsa sexta hora æstus, cum esset senex indutus sua pelle ovilla, et cum nos salutasset, dicit nobis post salutationem: Quid animum abjecistis, homines modicæ fidei? vidi enim vos jam ab hesterno die abjecisse animum. Quod cum dixisset, in putei fossam statim demisit scalas, et cum eis facit orationem; et accepto ligone, et tertio ictu incusso, dixit: Deus sanctorum patriarcharum, ne irritum et inutilem feceris laborem servorum tuorum, sed mitte ad eos usum aquæ. Et statim aqua exiit, ut nos omnes ea aspergeremur. Et cum rursus orasset, abiit, dicens: Hac de causa missus sum. Et aperta est. Cum autem

animam inducere, dicens: Propter quod missus sum (141) hoc factum est. Hæ sunt res admirabiles Pior præclaræ columnæ tolerantia; et hic est finis illius virtutis, qui pro amaro fonte fruitur perpetuo dulcedinis fluente cum magno spirituali gaudio.

CAPUT LXXXIX.

Vita abbatis Chronii (142).

Quidam qui dicebatur Chronius, ex vico qui dicitur Phœnix, cum a suo vico qui est prope solitudinem, mensus esset quindecim millia passuum dextero pede numeratorum, illic precatu fudit puteum; et cum aquam invenisset optimam, quæ in profundo aberat septem ulnis, illic quoque sibi ædificavit parvum hospitium. Et ex quo die seipsum collocavit in monasterio, Deum rogavit ne reverteretur in locum qui habitatur. Cum pauci autem anni præterissent, dignus fuit habitus presbyteratu, circiter ducentorum virorum circa ipsum congregata fraternitate. Hæc ergo fertur ejus virtus exercitationis, quod cum sexaginta annis aræ assedisset fungens sacerdotio, non egressus est e deserto, non extra laborem manuum comedit panem.

CAPUT XC.

Vita abbatis Jacobi.

Cum eo habitavit quidam Jacob e vicinis, qui cognominatus est Claudus, vir summa cognitione præditus. Erant autem ambo noti beato Antonio.

CAPUT XCI.

Vita abbatis Paphnutii Cephala (143).

Cum ergo quodam die convenisset etiam Paphnutius vir mirabilis qui dicebatur Cephala, qui quidem habuit donum cognitionis divinarum Scripturarum Veteris et Novi Testamenti, omnes eas interpretans, cum non legisset Scripturas: erat autem adeo modestus, ut celaret virtutem propheticam. De quo dicitur, quod octoginta annis non habuit simul duas tunicas. Cum una hos convenissemus, ego et beati diaconi Evagrius et Albinus, quærebamus scire causas fratrum qui decidebant vel labebantur inhonesta vita.

CAPUT XCII.

De Cheremone.

Accidit enim illis diebus ut Cheremon exercitator sedens decederet, et inveniretur mortuus sedens in D cathedra, et tenens opus in manibus.

CAPUT XCIII.

De alio.

Accidit etiam ut alius frater fodiens puteum, obrueretur a puteo.

CAPUT XCIV.

De alio.

Accidit etiam ut alius veniens a Scete, siti aquæ moreretur.

CAPUT XCV.

De Stephano lapsa (144).

Inter quos commemoravimus etiam Stephanum, qui in turpem lapsus est intemperantiam, et Eucarpium, et Heronem Alexandrinum et Valentem Pa-

læstinum, et Ptolomæum Ægyptium qui erat in Scæ-
 te¹. Simul ergo rogavimus quenam esset causa,
 quod qui sic vivunt in solitudine, ex iis alii quidem
 mente decipiuntur, alii vero erumpunt in intemperantiam.
 Hoc ergo responsum nobis dederunt et cum
 illis sanctus Paphnutius, vir maxima cognitione præ-
 ditus: Quæcunque fiunt, in duo dividuntur, in Dei
 placitum, et Dei permissionem, Atque quæcunque
 quidem fiunt ex virtute ad Dei gloriam, ea fiunt Dei
 placito: quæ vero damnosa, periculosa, et quæ in-
 fortuna et casus important, ea fiunt Dei permissione.
 Permissio autem ex egestate rationis, vel infidelitate
 eorum qui deseruntur. Fieri enim non potest ut qui
 pie vivit et recte cogitat, incidat in ignominia lapsus
 vel imposturae dæmonum. Quicumque ergo pravo
 scopo ac instituto, nempe ut hominibus placeant, et
 arroganti cogitatione, virtutem videntur aggredi, in
 casus incidunt, Deo eos deserente ¶ ad eorum
 utilitatem; ut cum per derelictionem mutationem
 senserint, aut propositum, aut actionem corrigant.
 Nam aliquando quidem peccat propositum, quando
 fit malo scopo; ut sæpe accidit intemperantem pravo
 scopo facere eleemosynam in adolescentulas propter
 turpem finem: et actionem esse rationi consentaneam,
 ut orphanæ, et quæ exercetur monachæ, dare
 auxilium. Accidit autem recto quoque scopo facere
 eleemosynam, in ægrotos vel eos qui eversi sunt bonis,
 vel eos qui consenuerunt: sed parce et cum murmuratione;
 esse scopum quidem rectum, actionem autem scopo
 indignam. Oportet enim misericordem misereri in hilaritate
 et largitate. Hoc quoque dicebat: In multis animis sunt
 dotes quædam præcipuæ, in aliis quidem bonitas ingenii;
 in aliis vero aptitudo ad exercitationem; sed quando non
 fit propter ipsum bonum et ex divino scopo, neque actio,
 neque ingenii bonitas, neque ii qui dotes habent præcipuas,
 non bonorum datori Deo ascribentes, sed suo libero
 arbitrio, ingenio, et sufficientiæ; qui tales sunt, relictis
 a providentia, incidunt in facta turpia, turpes per-
 persiones, probraque et dedecora. Derelicti ergo, per
 advenientem humilitatem et pudorem, sensim nescio
 quomodo expellunt arrogantiam, quam susceperant ex
 ea quæ virtus reputabatur; non in seipsis confusi
 amplius, sed Deo, qui cuncta largitur, beneficium sua
 confessione tribuunt. Qui enim est inflatus, qui de
 bonitate inquam ingenii effertur, et Deo non ascribit
 bonitatem ingenii, neque eam quæ sibi supeditatur
 cognitionem, sed vel suæ exercitationi vel naturæ,
 abducit ab eo Deus angelum providentiæ, huic gratiæ
 præfectum. Quo averso, superatus a viribus adversarii
 is qui effertur ob bonitatem ingenii, incidit in
 intemperantiam propter insolentiam, ut ablata teste
 temperantia, non videantur credibilia quæ dicuntur
 ab ipsis, fugientibus piis doctrinam quæ ex tali ore
 procedit, tanquam fontem qui scatet hircinibus,
 ut impleatur quod scriptum est: Peccatori autem
 dixit Deus: Cur tu enarras justificationes meas,
 et assumis testamentum meum per os

Atque (Psal. 49)? Eorum enim animæ qui vitis laborant,
 sunt revera diversis fontibus assimilés. Nam qui sunt
 gulæ et vino dediti, lutulentis fontibus; qui vero
 tenentur avaritia et plura habendi cupiditate,
 fontibus ranas habentibus; invidi autem, qui habent
 aptitudinem cognitionis, fontibus serpentes alentibus
 in quibus semper fluctuat ratio; propterea quod nemo
 haurit ex ipsis, propter morum acerbiteriam, vel
 propter injustarum actionum odorem. Quocirca tria
 rogat David a Deo doceri, bonitatem, et disciplinam,
 et cognitionem (Psal. cxviii). Nam absque bonitate
 cognitio est inutilis; et si correctus quidem fuerit is
 qui est huiusmodi, deposita causa derelictionis, nempe
 arrogantia, et assumpserit humilitatem, et sui modum
 cognoverit, neque adversus aliquem se effrens,
 et Deo agens gratias, ad eum rursus revertitur,
 quæ testimonio fulcitur cognitio. Orationes enim
 spirituales, quæ non habent vitam honestam et temperantem
 simul equitantem, sunt spicæ quæ a vento intereunt,
 quæ habent quidem spicarum figuram, sed ab eis ereptum
 est alimentum. Omnis ergo lapsus, sive fiat per
 linguam, sive per sensum, sive per actiones, sive per
 totum corpus, convenienter proportioni arrogantia,
 fit per Dei derelictionem parcentis iis qui derelinquuntur.
 Si enim cum intemperantia, eorum quoque bonitati
 ingenii Dominus tulerit testimonium, suppeditando
 eloquentiam, dæmones ipsos facit superbia, se extollentes
 cum immunditia.

Hæc quoque dicebant nobis hi sancti viri et optimi
 Patres: Cum videritis aliquem vitam quidem perversum,
 oratione autem aptum ad persuadendum, recordemini
 dæmonis qui in sacra Scriptura cum Christo loquitur,
 et testimonii quod dicit: Serpens autem erat prudentissimus
 omnium bestiarum quæ erant super terram (Gen. 11).
 Cui prudentia potius detrimentum attulit, cum alia
 virtus non concurreret. Oportet enim eum qui est
 fidelis et bonus ea quidem animo sentire quæ dat
 Deus, loqui autem quæ sentit, facere autem quæ loquitur.
 Si enim cum veritate verborum non concurrat vitæ
 cognitio, panis est sine sale, ut dicit Job (Job. vi);
 qui est autem talis, minime comeditur; quod si etiam
 comedatur, conjicit eum qui comedit in malam
 habitudinem. Si comedetur enim, inquit, panis sine
 sale, et si est gustus in verbis inanibus, hoc est non
 ad utilitatem (145), impletis bonorum operum
 testimonio. Derelictionum ergo plures sunt causæ:
 una quidem est ut virtus occulta manifestetur, ut
 virtus Job, Deo respondente et dicente (Job. xl):
 Ne rejicias iudicium meum, neque putes me tibi aliter
 respondisse, sed ut justus appareas; es enim mihi
 notus qui novi occulta, et profunda cogitationum
 intueor humanarum. Sed quoniam ignoraris ab
 hominibus, suspicantur enim nonnunquam me a te
 coli propter divitias, ideo feci ut in huiusmodi
 casum incideres. Demessui divitias, ut ostendam
 eis tuam gratiarum actionem et philosophiam. Alia
 autem propter avertendam superbiam, ut in Paulo.
 Relictus est enim Paulus casibus, et colaphorum in-

¹ De Herone, supra, cap. 32, De Valente, supra, cap. 31. De Ptolomæo, supra, cap. 33.

cussionibus, et diversis ~~et~~ jactatus afflictionibus, et dixit: Datus est mihi stimulus carnis, ut me colaphizet, ne forte extollar (II Cor. xi); ne forte cum miraculis quies et rerum successus et honor ei accedens, eum in arrogantiam injiceret diabolicam superbia elatum. Relictus quoque est paralyticus propter peccatum. Cui dixit Dominus: Ecce sanus factus es, noli amplius peccare (Joan. v). Derelictus quoque est Judas, qui pluris fecerat pecuniam quam verbum vitæ; quocirca fuit etiam suffocatus (Act. i). Derelictus quoque est Esau, et incidit in intemperantiam, ut qui sterco intestinorum præposuerit benedictioni paternæ (Gen. xxvii); adeo ut cum hæc omnia sensisset beatus apostolus Paulus, dixerit de aliquibus: Quoniam enim non probaverunt Deum habere in cognitione, tradidit eos in reprobum sensum, ut faciant quæ non conveniunt (Rom. i). De aliis autem qui videbantur habere Dei cognitionem cum mente corrupta et inani tumore, dicit: Quoniam enim cum Deum cognovissent, non ut Deum glorificaverunt, aut gratias egerunt, tradidit eos Deus in passiones ignominiæ; adeo ut nos ex eo cognoscamus fieri non posse ut cadet aliquis in intemperantiam, qui non fuerit derelictus a Dei providentiâ, propter negligentiam et socordiam eorum qui derelinquantur et deseruntur ad hoc ut hæc eis eveniant.

CAPUT XCVI.

Vita abbatis Solomonis.

In Antinoi civitate regionis Thebaidis quadraginta annos versatus, eo tempore accepi etiam cognitionem omnium quæ sunt illic monasteriorum. Nam circa civitatem sedent viri circiter bis mille, manibus viventes, et se summe exercentes. In his sunt etiam anachoretæ qui seipso incluserunt in speluncis rupium: inter quos est Solomon vir mansuetissimus et temperantissimus, et qui donum habet tolerantiae. Is quinquaginta annos degit in spelunca, sibi victum suppeditans opere manuum, et didicit totam sacram Scripturam.

CAPUT XCVII.

Vita abbatis Dorothei.

Fuit etiam quidam Dorotheus presbyter in alia spelunca habitans, qui in summa bonitate ipse quoque vitam vixit inculpata, dignusque est habitus presbyteratu, et ministrat fratribus qui sunt in speluncis. Huic aliquando Melanium junior, magnæ Melaniæ neptis, de qua dicam postea, misit quingentos solidos, rogans eum ut ministraret fratribus. Is autem cum tres solos accepisset, misit reliquos ad Dioclem anachoretam, virum summa cognitione præditum, dicens: Est me sapientior frater Diocles, et potest eos integre et innocenter dispensare, ut qui me melius sciat eos quibus sit merito ferendum auxilium; nam hi mihi sufficiunt.

CAPUT XCVIII.

Vita abbatis Dioclis.

Hic Diocles in grammatica quidem primum edoctus,

⁴ Vita ejus exstat supra lib. i.

A cum se postea dedisset philosophiæ, tandem trahente eum gratia ad coelestem philosophiam, ætatis annum agens vigesimum octavum, renuntiavit quidem disciplinis liberalibus, se Christo vero conjunxit; et jam trigesimum quintum annum agit in spelunca. Is dicebat nobis quod mens quæ cogitatione recessit a Dei contemplatione, fit vel dæmon, vel bestia. Nobis autem rogantibus: Quoniam modo? sic dixit: Mens quæ recessit a Dei contemplatione, necessario (146) incidit vel in dæmonem cupiditatis, qui in lasciviam impellit, vel in spiritum iræ malignam, unde irracionales appetitus gignuntur. Et lasciviam quidem cupiditatem esse dicebat belluinam, iram vero dæmoniacam commotionem. Cum ego autem contradicerem: Quomodo fieri potest ut mens humana sit cum Deo sine intermissione? ipse dicebat: Quod in quacunque cogitatione vel re pia et divina fuerit anima, ea est cum Deo.

CAPUT XCIX.

Vita abbatis Capitonis.

Prope eum manebat quidam Capito qui fuerat latro, qui cum quinquaginta annos impleisset in speluncis, quatuor millibus longe ab urbe Antinoi, non abiit a spelunca usque ad fluvium Nilum, dicens se non posse turbas convenire, eo quod communis adversarius ei adhuc resisteret.

CAPUT C.

Vita anachoretæ qui illudebatur.

Cum his vidimus etiam alterum anachoretam, qui ipse quoque erat similiter in spelunca. Is in somnis illusus æstro vanæ gloriæ, vicissim illudebat eos qui decipiebantur, ventos pascens (147), et umbras persequens (Eccli. xxxiv). Et habebat quidem in corpore temperantiam, et propter senectutem, et propter tempus, et forte etiam propter vanam gloriam: vanæ autem gloriæ intemperantiâ corruptus erat ejus animus, et a religiosa conversatione fuerat alienatus.

CAPUT CI.

Vita sancti Ephræm (148) diaconi.

Andisti omnino de Ephræm diacono ecclesiæ Edessenorum ¹. Fuit enim unus ex iis qui digni sunt de quibus fiat mentio a sanctis Christi servis. Is cum spiritus viam digne peregrisset, et a recta non declinasset, dignus est habitus gratia naturalis cognitionis, quam consequitur theologia, et postremo ~~et~~ beatitudo. Cum ergo vitam exercuisset quietam, et multis jam annis edificaret eos qui ventitabant, postea e cella progressus est hac de causa. Cum magna famis invasisset civitatem Edessenorum, misertus omnium qui peribant agrestium, processit ad eos qui erant divites in civitate, et dicit eis: Cur non miserimini humanæ naturæ quæ interit, sed opes vestras sinitis putrescere ad condemnationem animarum vestrarum? Se autem honeste excusantes, dicunt: Non habemus cui credamus ad hoc ut panem subministret esurientibus: omnes enim res cauponantur (149). Is vero dicit eis: Quid ego vobis videor? erat autem apud omnes in magna existimatione, non falso, sed revera. Ei itaque dicunt: Novimus te homi-

nem Dei. Si eam de me opinionem concepistis, ait **A** in suum martyrium quod ipse ædificarat, in quo si-
Christi servus, mihi de cætero credite. Ecce, me
propter vos eligo hospitem exceptorem. Cumque pec-
uniam accepisset, et infixis vallis septum constru-
xisset, et lectos ad trecentos statuisset, curabat eos
qui infirmiores erant, suppeditabat iis qui fame con-
ficiabantur : eos quidem qui deficiebant sepeliens ;
eorum vero qui spem vitæ habebant curam gerens ;
et ut semel dicam, hospitium et ministerium propter
famem quotidie exhibens ex iis quæ suppeditabantur.
Impleto ergo anno, cum successisset fertilitas, et
omnia recte succederent, cum nihil haberet amplius
quod ageret, ingressus est in suam cellam ; et post
mensem est mortuus, cum Deus ei hanc occasionem
præbuisset adipiscendæ coronæ in extremis diebus.
Reliquit autem scripta quoque studio digna quæ mag-
nam viri virtutem testantur.

CAPUT CII.

Vita abbatis Juliani.

Audivi a quodam in illis partibus fuisse Julianum
virum maximæ exercitationis, qui cum carnem suam
supra modum afflixisset, ossa solum et pellem cir-
cumferebat. Is in extremis finis sui diebus dignus est
habitus gratia curationum.

CAPUT CIII.

Vita beati Innocentii.

De beato Innocentio presbytero Oliveti, a multis
quidem et magnis audiisti : nihilo secius autem a
nobis quoque audies, qui tres annos cum eo viximus.
Nam quæ sæpe illos latuerunt, nobis innotuerunt ;
neque vero unus vel alter, sed neque decem potue-
runt hujus viri narrare virtutes. Is fuit longe simpli-
cissimus. Cum autem is fuisset illustris in pælatio sub
imperatore Constantio (150) in principiis ejus imperii,
mundo renuntiavit, profectus a matrimonio : in quo
etiam habuit filium, Paulum nomine, qui inter do-
mesticos militabat (151). Is cum peccasset in filiam
presbyteri, imprecatus est proprio filio Innocentius,
Deum rogans, et dicens : Domine, da ei spiritum, ne
amplius inveniat ejus caro tempus peccandi, melius
arbitratus eum pugnare cum dæmone quam cum in-
temperantia. Quod etiam factum est : nam nunc
quoque adhuc est in monte Olivarum, ferrum ges-
tans, et castigatus a spiritu ; et quod mirabile est,
hujus pater qui alios sanat, hujus misertus non est,
qui tanto tempore a dæmone torquetur. Hic Innocen-
tius adeo fuit misericors (fortasse autem videbor
etiam nugari dum vera narro), ut sæpe suffuraretur a
fratribus, et daret egentibus. Fuit autem summe
simplex et innocens. Is dignus est habitus dono ad-
versus dæmones : et ad eum aliquando adductus est
nobis videntibus adolescens quem invaserat spiritus
et paralysis, ut ego cum vidissem, voluerim aperte
matrem expellere cum iis a quibus fuerat adductus,
desperans eum posse curari. Accidit autem ut inte-
rim veniens senex hanc videret astantem, deflen-
temque, et ejulantem propter inenarrabilem calamita-
tem filii. Lacrymatus ergo præclarus senex et com-
motus visceribus, accepto adolescente ingressus est

in suum martyrium quod ipse ædificarat, in quo si-
tæ sunt reliquiæ Joannis Baptistæ ; et cum pro eo
orasset usque ad horam nonam ab hora tertia, sanum
reddidit adolescentem matri, et eodem die et paraly-
sim expulit et dæmonem. **E**rat autem talis ejus pa-
ralysis, ut spuens puer tergum suum conspueret ; ita
erat inversus. Aliud rursus fuit ejus signum. Quæ-
dam anus quæ oves pascebat in locis Lazario vicinis,
et ovem amiserat, accessit ad eum flens ; quam se-
cutus dicit ei : Ostende mihi locum ubi amiseris. Ea
vero ducit eum ad loca quæ sunt circa Lazarium.
Stans ergo oravit. Qui suffurati autem erant adole-
scentes, ipsam prius occiderant. Dum ergo ipse ora-
ret, nemine confitente, carne occultata in vinea, ali-
cunde veniens corvus stetit supra furtum, et frustum
ex illo rapuit, ac rursus evolavit. Cum beatus autem
animadvertisset, vidit mactatam victimam. Et sic
juvenes ad pedes ejus accidentes confessi sunt se
occidisse, et justum pretium fuit ab eis exactum ; atque
ita castigati sunt, ut ne quid tale amplius auderent.

CAPUT CIV.

Vita abbatis Adolii.

Rursus novi Jerosolymis quemdam, nomine Ado-
lium, genere Tarsensem : qui cum venisset Jeroso-
lyma, ingressus est viam minime tritam (152), non
quam multi ingressi sunt, sed selecto sibi quodam
novo vitæ instituto. Se enim super hominem exer-
cuit ; **769** ut etiam ipsi pravi dæmones horrentes
ejus austeritatem, ne ad eum quidem auderent acce-
dere. Propter summam autem exercitationem et vi-
giliam, existimatus est esse spectrum. In quadrage-
sima enim comedebat post quinque dies, toto autem
alio tempore, uno die interjecto. Hoc autem fuit ejus
virtutis magnum facinus. A vespera usque ad illud
tempus quo congregabatur fraternitas in oratoriis,
in Oliveto, in colle Assumptionis unde ascendit Je-
sus, perpetuo stabat psallens, et orans, et jejunabat ;
et sive pluebat, sive grandinabat, manebat immobi-
lis. Impleto autem tempore consueto, excitatorio
malleo pulsabat cellas omnium, eos congregans ad
oratoria, et in unoquoque oratorio una cum eis
psallens unam aut duas antiphonas, et una cum eis
orans ; et sic die appropinquante ibat in cellulam, et
revera fratribus eum exuentibus, et vestes exprimen-
tibus perinde quasi lotæ fuissent ita distillantes, eum
aliis induebant. Et cum quievisset usque ad horam
tertiam, psalmodia excitatus, erat ei intentus usque
ad vesperam. Hæc est ergo virtus Adolii Tarsensis,
qui consummatus Jerosolymis, et ibi æternum som-
num dormiit, et sepultus est.

CAPUT CV.

De Abramo (153).

Fuit quidam Abramius, genere Ægyptius, qui vi-
tam asperrimam et maxime agrestem egit in solitu-
dine. Is animo sauciatus ab intempestiva persuasione,
veniens in ecclesiam, contendit cum presbyteris, di-
cens : Noctu a Christo ordinatus sum presbyter,
suscipite me ut sacerdotem. Patres cum abduxissent
eum a solitudine, et ad vitam deduxissent crassiorem

et magis indifferentem, curarunt eum a superbia, A deducentes eum ad cognitionem suæ imbecillitatis, illum a dæmone superbæ, et sanctis precibus suis in pristinam vitæ sanctitatem restituerunt.

CAPUT CVI.

Vita abbatis Elpidii.

In Amorrhæorum speluncis quæ sunt in Jericho quas olim construxerant fugientes Jesum Nave, qui tunc populabatur alienigenas, in monte Luca fuit quidam Elpidius, Cappadox genere, postea autem dignatus presbyteratu monasterii quod illic est, factus a Timotheo chorespiscopo Cappadociæ, viro sufficientissimo. Is habitavit in quadam spelunca, et tantam in exercitatione ostendit continentiam, ut omnes obscuraret. Vivit enim viginti quinque annos, vespens solum Sabbatis et Dominicis; stans autem B totas noctes cantabat. Quem sicut apes regem suum, ita innumera multitudo fratrum secuta, illum montem ædificavit: licebatque illic videre apud unumquemque diversos modos vitæ exercitationis. Hunc aliquando Elpidium, et vere Elpidium, qui revera spe gaudebat, et propter Christum sustinebat afflictionem, noctu psallentem nobis una cum eo psallentibus, pupugit scorpius: quem cum calcasset stans, non mutavit habitum corporis; tanta tolerantia nullam duxit rationem doloris quem inussit scorpius. Porro autem cum quodam die quidam frater teneret frustum sarmenti (154), id accepit sanctus dum sederet in margine montis, et infodit tanquam plantans, C etsi non esset tempus; usque adeo autem crevit, et tam ampla vitis evasit, ut tegetet totam ecclesiam.

CAPUT CVII.

Vita abbatis Ænesii.

Cum hoc sancto Dei athleta una etiam fuit consummatus inclytus Dei servus Ænesius, vir magnæ existimationis, et qui fuit insignis in exercitatione.

CAPUT CVIII.

Vita abbatis Eustathii (155).

Et ejus frater Eustathius ei honore æqualis, promptoque et alacri animo exercens vitæ certamina.

Eo autem processit beatus Elpidius impatibilitate corpus macerans, ut tota ejus (156) ossium structura perspicue pateret. Fertur autem hoc quoque in ejus virtutis narrationibus a studiosis ejus discipulis. quod totis viginti quinque annis non fuit conversus ad Occidentem; etsi speluncæ ostium esset positum in montis cacumine. Neque post horam sextam solem qui imminabat capiti, vidit unquam inclinantem ad Occidentem; neque stellas quæ in occasu oriuntur vidit viginti annis. Hic magnus athleta patientiæ, ex quo ingressus est speluncam, non descendit de monte donec fuit sepultus. Hæc sunt celestia facinora coronati et invicti athletæ Elpidii, qui nunc cum sui similibus degit in paradiso.

PATROL. LXXIII.

CAPUT CIX.

Vita abbatis Sisinnii.

Hujus discipulus Sisinnius nomine, qui prodiit quidem ex servili fortuna; fide autem liber, genere Cappadox. Oportet enim genera quoque significare ad gloriam Christi qui nos reddit claros genere, nosque deducit ad beatam et veram nobilitatem, nempe regnum cælorum. Hic cum fuisset longo tempore apud beatum Elpidium acris athleta virtutum exercitationis, ut qui sex vel septem annis didicisset viri virtutes, et fortitudinem laborum in exercitatione, is postea seipsum inclusit morimento. In eo autem constitutus tres annos, perseveravit 770 in orationibus, non noctu, non interdiu sedens, non accumbens, non foras egrediens. Is assecutus est gratiam adversus dæmones. Nunc autem reversus in patriam, dignus B est habitus presbyteratu; ab eo collecta fraternitate virorum et mulierum, dato testimonio impatibilitatis per honestam vitæ institutionem, et mascula expulsa sua cupiditate, et teminarum mollitie constricta continentia, adeo ut impleatur quod scriptum est: In Christo Jesu non est masculus et femina; non est servus, nec liber (Galat. III). Est autem etiam insigniter hospitalis, etsi careat possessionibus, in vituperium divitum qui minime impertiuntur.

CAPUT CX.

Vita abbatis Gaddana (157).

Novi ego senem quemdam Palestinum genere, Gaddanam nomine, qui toto vitæ suæ tempore vixit absque tecto, vixit autem circa Jordanem. Hunc beatum eremitam, cum Judæi moti æmulatione, in locis quæ sunt circa mare Mortuum adorti, stricto gladio invasissent, accidit ut tale fieret miraculum. Dum ensem extolleret, et vellet Gaddanæ afferre interitum, exsiccata est manus ejus qui ensem tenebat, isque illi ita cecidit ut non sentiret. Hoc auxilium a Deo latum est beato Gaddana, et hæc victus beati viri usque ad finem vitæ.

CAPUT CXI.

Vita abbatis Eliæ.

Rursus quidam Elias monachus probatissimus, in iisdem locis habitabat in spelunca; et cum esset vitæ honestissimæ et in primis religiosæ, vacabat continentiæ et orationi, omnes advenientes benigne excipiens. Quodam ergo die cum complures fratres ad eum accessissent, erat enim illac eis transeundum, ei panes defecerunt; juransque nobis affirmabat dicens: Propemodum sum exanimatus ob cibi penuriam. Ingressus ergo cellam mœrore animi confectus, quod nescirem quemadmodum in eos qui adventarant, implem pro viribus mensuram charitatis, inveni tres recentes panes illic positos, quos lætus accepi et apposui. Cum autem viginti viri comedissent ad satietatem, superfuit unus panis. Eum autem cum sustulisset, usus sum eo viginti quinque diebus. Hæc domini gratia facta est cum hospitali Elia, cujus laborum remunerationes paratæ sunt apud benignum Dominum.

CAPUT CXII.

De Sabbatio.

Quidam secularis Sabbatius nomine, Jerichuntinus genere, cum haberet uxorem, propter Dei timorem adeo amavit monachos, ut ipse obiret cellas et omnem solitudinem noctibus, et in unoquoque monasterio foris poneret unum modium dactylorum, et oleam quod satis esset, propterea quod pane non vescantur qui in Jordane sunt exercitatores. Huic Monachorum exceptori (158), et commodæ mensæ pro continentibus structori, cum is quadam die tulisset sanctis quæ exercitationi erant necessaria, maligni simulatione leo occurrit, inimico monachorum excitante immanem feram adversus ministrum monachorum, studente et illos privare refectioe, et hunc suo proposito. Et cum fera eum comprehendisset a lapide unius ex monachis, suis unguibus eum protrusit et evertit. Sed qui docuit in Daniele leones jejulare, prohibuit ne eum qui servabat præcepta devoraret leo, etsi valde esuriret. Quo factum est ut accepto senis asino recederet; qui enim huic vitam donaverat, feræ quoque famem sedavit.

CAPUT CXIII.

De Philoromo (159) presbytero.

Religiosissimum presbyterum Deique amantissimum Philoromum in Galatia convenimus, et cum eo longo tempore versati sumus, qui fuit vir exercitissimus. Is ortus quidem est ex matre serva, patre vero libero. Tantam autem virtutum nobilitatem ostendit in vitæ Christianæ institutione, ut etiam ipsi qui sunt in genere insuperabiles, ejus vitam angelis æqualem revererentur, et efficacem virtutem exercitationis. Is mundo renuntiavit in diebus Juliani execrandi imperatoris, et libere cum hoc impio est locutus generosus Christi athleta Philoromus, quem iussit radi, et a pueris validissime verberari (160). Is vero rem fortiter et toleranter tulit, et ei egit gratias, ut ipse nobis narravit. Hunc præclarum virum in principio adortum est bellum fornicationis et gula, ut dicebat, quem morbum tyrannidem (161) exercentem ita superavit, acsi immensam incendium multa aqua exstingueret: summa cura continentia ferrum gestando, et se concludendo, et abstinendo a cibus et pane triticeo, et ut semel dicam, ab omnibus coctis, et in his se fortiter gerendo ac tolerando annis octo-decim. Qui cum id vicerit, potuit hymnum victoriae canere, sic dicens: Exaltabo te, Domine, quoniam suscepisti me, et non letificasti inimicos meos supra me (Psal. xxx). Hic a spiritu fornicationis varie oppugnatus, perseveravit quadraginta annos in monasterio. Is autem narrabat, dicens: Triginta et duos annos nullum fructum tetigi. Cum autem, inquit, timiditas me summe oppugnasset, adeo ut vel interdum pestimescerem, me inclusi sex annos in monimento; et ex ratione evasi superior, ex impatibilitate ballum gerens eum spiritu, qui mihi hanc imponebat servitutem. Hujus viri insignis magnam curam gerebat beatus Basilius episcopus, qui delectabatur ejus austeritate, constantia, et in opere diligentia,

A qui adhuc in hodiernum diem a calama et charta non recessit, cum sit natus annum octogesimum. Dixit hic beatus: Ex quo sum initiatus et regeneratus ex Spiritu et aqua, usque in hodiernum diem, alienam panem gratis non comedi, sed eum qui ex propriis laboribus paratur: et coram Deo loquens (162) nobis persuadebat se ducentos quinquaginta solidos ex opere manuum suarum dedisse iis qui erant manci ac mutili, neque ulli unquam fecisse injuriam. Is pedestri itinere venit Romam usque ad orandum in martyrio sanctorum Petri et Pauli: pervenit autem etiam usque ad Alexandriam, cum vovisset, in martyrium venerandi athletæ Marci. Dignus autem, inquit, sum habitus, qui voti gratia his propriis pedibus venirem Jerosolyma ad honoranda loca sancta, et ipse mihi suppeditavi impensas. Dicebat autem nobis, ut utilitatem ex eo caperemus: Non memini me unquam animo a Deo meo recessisse. Hujus beati Philoromi talia sunt certamina, et in his est invicta victoria, et beatorum laborum ei redditur finis, corona gloriæ immarcescibilis.

CAPUT CXIV.

Vita beati Severiani (163) et ejus uxoris.

In Ancyra Galatiæ, in ipso loco contigit mihi alloqui quemdam Severianum ex comitibus una cum ejus conjugè Bosphoria, nec eorum magnam habui experientiam. Ii quidem multa spe bona repleti sunt, et suos frustrantur filios, revera in futura intuentes. Suorum enim prædiorum reditus consumunt in egenos, habentes quatuor filios, et duas filias, quibus nullam possessionem (164) dederunt, præterquam iis quæ nupserant. Dicebant autem reliquis suis filiis: Post nostrum decessum omnia sunt vestra; quandiu autem sumus superstites, nos possessionum nostrarum fructus colligemus, eos distribuentes ecclesiis, et monasteriis, et xenodochiis, et omnibus egentibus, quorum preces et vobis et nobis et filiis pro hac temporaria et laboriosa vitam æternam comparabunt (Eccli. xxi, 6). In quibus hoc quoque est eorum virtutis egregiæ. Cum esset magna famas, et quæ omnium hominum pervadebat viscera, illi tunc eas quæ tunc erant hæreses traduxerunt ad rectam opinionem. Nam cum in multis prædiis horrea sua aperuissent, ea præbebant in alimentum pauperum; adeo ut ex hac inexplicabili eorum benignitate in unam rectæ fidei consonantiam convenerint qui erant hæreticæ opinionis, Deo gratias agentes ob simplicem eorum fidem, et immensam beneficentiam. Alia autem exercitatio eorum erat admirabilis, vestis eorum habitus erat maxime venerandus et parcus; eratque in eis magna et quæ dici nequit virtus tenuitas; erant valde modici sumptus, alimentorum frugalitate contenti quantam vita requirebat; pietatem in Deum mirandum in modum exercentes; in agris dagentes plurimo tempore, semper fugientes civitates, et vitia que ex eis oriuntur, ne ex jucunda eum turba conversatione tumultus civiles attraherent, et exiderent a Dei proposito. Propter hæc omnia horum beatorum rectæ vitæ facinora, hinc jam

intelligentibus oculis aspiciunt æterna bona quæ parata sunt a Dei gloria.

CAPUT CXV.

Vita Eleemonis monachi.

Vidimus in hac civitate monachum, qui ordinem presbyteratus suscipere recusavit. Venerat autem ad tale propositum post militiam exigui temporis. Is vigesimum annum agens in exercitatione, hoc habuit vitæ institutum ut permaneret apud civitatis episcopum virum sanctissimum. Est autem adeo benignus et misericors, ut etiam urbes circumeat, et misereatur eorum qui indigent. Is non negligit custodiam, non nosocomium, non ptochium, non divitem, non pauperem; sed fert opem omnibus: apud divites quidem, ut immites et immisericordes, verba faciens de misericordia, unicuique autem ex indigentibus providens quæ sunt necessaria, eos qui pugnant pacificans, nudis suppeditans indumenta, ægrotis medicamenta afferens ad curationem. Quod autem solet fieri in omnibus magnis civitatibus, in ea quoque fiunt; in porticu enim ecclesiæ jacet multitudo mancorum ac mutilorum, quotidianum victum emendicantium; qui partim quidem uxores non duxerunt, partim vero etiam duxerunt. Quodam ergo die accidit ut unius horum uxor pareret in porticu, et in ipsa hieme; ea ergo clamante cum ab illo intolerabili dolore pungeretur, audivit hic beatus ululatum, orans in ecclesia; et relictis sibi consuetis precibus, egressus respexit; et cum neminem invenisset qui illi adesset in hac necessitate, ipse functus est vice obstetricis, non abhorrens fastidium quod consequitur mulieres parientes, multierum insensibilitatem ei largiente hac profundissima elemosyna. Atque vestium quidem quibus est indutus pretium non est unius oboli, cibis autem contendit cum vestibus: libello autem non sustinet incumbere, a lectionibus eum abducente clementia. Si quis ex fratribus ei librum donaverit, eum statim vendit, et distribuit pauperibus. His autem qui sciscitabantur: Cur hæc vendis? dicebat: Qui possum meo persuadere magistro me ejus artem accurate didicisse, nisi illo ipso usus fuero ad artem recte exercendam? Hic immortalis cum in hac actione hucusque permansisset, perpetuo germinans memoriæ nomen reliquit illi quæ est circumcirca regioni. Ipse fruens æterno gaudio in regno cælorum, recipiens digna præmia beatis laboribus: et qui esurientes hic nutrit, et nudis dedit vestimenta, nunc apud bonorum operum remuneratorem fruitur omne genus deliciis.

CAPUT CXVI.

Vita abbatis Bisarionis (165).

Fuit quidam senex, possessionibus carens, et misericors, nomine Bisarion. Is cum venisset in quemdam vicum, vidit mendicum nudum in foro mortuum, unam quidem ferens tunicam convenienter evangelicæ traditioni, et parvum superhumerali; nihil enim possidebat præter hoc necessarium tegu-

¹ Simile dictum cap. seq.; et sup., apud Pelag., *Serapionis*.

mentum. Habebat autem semper quoque parvum Evangelium sub axilla, aut ad sui faciendum periculum, num perpetuo voci Domini obediret, aut potius gestans sermonem quem erat opere executus. Tam admirabili enim vita usus est hic vir, et citra ullum dedecus, ut perinde ac terrestris angelus cæleste iter legitime peregerit. Hic ergo cum vidisset reliquias, se protinus exuens superhumerali, eo induit mortuum. Et rursus cum parum processisset, nudo agenti occurrit, et stetit apud se disceptans, et sic ratiocinans: Quomodo ego quidem, qui mundo renuntiavi, veste induor, frater autem meus algore concrevit? si ergo ego eum si vero exanimari, ero omnino causa mortis proximo. Quid ergo, exuens scindam, et partem distribuam, an totum dabo ei qui est factus ad Dei imaginem? Sed quid mihi et illi erit utilis pars quæ scinditur? Et cum apud se disceptasset, dixit: Damne aliquid patiemur, si plus quam sit præceptum faciamus? Generosus itaque hic athleta prompto et alacri animo vocat pauperem in vestibulum; et cum eum dimisisset indutum, stetit nudus, se operiens manibus, genua flectens et subsidens; solum habens sub axilla verbum quod facit divites. Ejus autem consilio et providentia transiens quidam irenarcha (166), agnovit senem; et dixit proximo suo socio: Respice illuc; non est hic senex abbas Bisarion? Cum is autem dixisset: Maxime, de equo descendens rogavit sanctum, dicens: Quis te exiit? Ille vero dextera protendens Evangelium, Hoc, inquit, me exiit. Statim autem se sua veste exuens irenarcha, perfectum militem induit, et protinus gestans veluti quamdam parvam vestem monachorum, a mundo latens recessit; declinans laudem ejus qui suum vidisset vitæ institutum, eum qui est ab occulto honorem celando exspectans. Hic ipse postquam omne præceptum evangelicum recte esset executus, cum nihil hujus mundi amplius haberet in animo, ad divinorum dictorum perfectiorem executionem, cum in transitu vidisset pauperem, cursu in forum contendit: ubi cum paulisper constitisset, vendidit Evangelium. Paucis igitur post diebus, qui cum eo erat abbatis discipulus, Dulas nomine, rogavit senem, dicens: Quid parvo libello factum est, o abba? Cui senex placide verbum pulchrum admodum et valde scitum est locutus, sic dicens: Ne tristitia afficiaris, o frater; nam ut illic habeamus fiduciam, propter obedientiam vendidi ipsum sermonem, qui mihi semper dicebat: Vende quæ habes, et da pauperibus (*Marc. x; Lucæ xviii*). Sunt autem aliæ quoque res plurimæ ex virtute gestæ hujus magni Patris, cum quo nos quoque digni habeamur habere partem gratia Christi. Amen.

CAPUT CXVII.

Vita beatæ Melaniæ (167).

Necessarium autem existimavi, virilium quoque et honestarum mulierum meminisse in hoc libro, quibus Deus æqualia donavit præmia viris qui ex vir-

libel. vi, num. 5; Ruff., l. iii, num. 70, nomine

tute vitam egere, et ipsis reddidit coronam eorum. **A** est in Jerusalem, habens conventum virginum quinquaginta. qui ipsi placuerunt, ne molles teneræque reddantur quæ sunt socordiores, et prætextum quærant et excusationem, tanquam quæ sint imbecilliores ad certamina virtutis, et ad honestam vitam agendam. Atque multas quidem vidi piæ ac religiosas, et plurimas virtutis ergo conveni et virgines et viduas; inter quas erat etiam beatissima Melania Romana (168), quæ fuit quidem filia Marcelli consularis (169), uxor cujusdam viri qui erat in magna auctoritate, cujus nominis non recte memini. Hæc cum esset vidua, agens annum vigesimum secundum (170), divino amore digna fuit habita; et nemini quidquam dicens (prohibebatur enim iis temporibus, Valente tenente imperium) cum curasset ut filii sui nominaretur tutor, ipsa acceptis suis mobilibus, et in navem **773** **B** injectis cum aliquot famulis et ancillis, cursu navigavit Alexandriam; et cum illic res suas vendidisset, et in aurum minutum convertisset, ingressa est in montem Nitriæ, sanctos Patres conveniens, Pambo, et Arsisium (171), et Serapionem magnum, et Paphnutium Scetiotem, et Isidorum confessorem episcopum Hermipolis, et Dioscurum; et versata est apud eos circiter annum dimidium, obiens solitudinem, et videns omnes sanctos. Post hæc autem cum Augustalis Alexandriæ relegasset Isidorum, et Pissimum, et Adelphium (172), et Paphnutium, et Pambo, et inter eos etiam Ammonium Parotium seu unam habentem auriculam, et duodecim episcopos, et presbyteros et clericos, et anachoretas, ut essent omnes numero centum viginti sex, in Palæstinam circa **C** Diocæsaream, ipsa eos est secuta, eis ex suis propriis pecuniis subministrans, in necessitatibus sumptum atque omnibus suppeditans. Cum autem prohiberentur ministri, ut narrabant (conveneram enim sanctum Pissimum, Isidorum, et Paphnutium, et Ammonium), hæc fortis mulier induta servili caracalla (173), vespere eis ferebat quæ erant ad usum necessaria. Cum autem id cognovisset consularis Palæstiniæ, et vellet sinum suum implere, speravit fore ut eam terreret (174); eamque retentam coniecit in carcerem, ignorans ejus libertatem. Hæc autem significat ei, dicens: Ego illius quidem fui filia, hujus vero uxor qui in terra fuit genere clarus, nunc autem sum Christi ancilla. Neque meum vilem habitum despexeris, possum enim me, si velim, extolere; nec potes me terrere, neque ex rebus meis aliquid accipere; ne ergo forte ignorans in aliquod crimen incidas, quænam sim tibi declaravi. Oportet enim adversus stolidos, tanquam cane et accipitre uti animi elatione, et in tempore eorum superbiæ uti ipsos immittere. Tunc certe judex cum hæc accepisset, se excusavit, et eam adoravit, et jussit eam absque ullo impedimento cum sanctis viris versari.

CAPUT CXVIII.

Vita Ruffini (175) presbyteri.

Hæc, postquam hi fuerunt revocati, monasterio ædificato Jerosolymis, viginti septem annos versata

est in Jerusalem, habens conventum virginum quinquaginta.

Cum qua vixit etiam nobilissimus et moribus simillimus et fortissimus Ruffinus ex Aquileia civitate Italiæ, qui postea dignus est habitus presbyteratu, quo non est inventus inter homines nec doctior nec mitior. Viginti autem et septem annis excipiebant eos qui veniebant Jerosolyma voti causa, et episcopos, et monachos, et virgines et matrimonio junctos, et illustres et privatæ conditionis, et omnes qui adventabant, suis fovebant expensis. Juverunt quoque schisma (176) quod Paulinum sectabatur, circiter quadringentorum virorum vitam monasticam agentium; et omnem hæreticum ex Pneumatomachis, hoc est ex iis qui bellum gerunt adversus sanctum Spiritum, persuasum introduxerunt in Ecclesiam; et clerum qui erat in eo loco, et donis et alimentis honorantes, sic vitam transegerunt, neminem offendentes, sed omnem propemodum orbem terræ juvantes.

Atque de admirabili quidem et sancta muliere Melania superius quidem narraui attingendo leviter; nihilo secius autem reliqua, vel potius ea quæ teneo memoria de ejus virtutibus, ad texam oratione, nempe inenarrabilem religiosissimæ mulieris beneficentiam, per quam cum beatum incorruptionis indumentum suis texuisset laboribus, et quæ non potest marcescere gloriæ coronam, suis pecuniis, proprio suo capiti fabricata esset et induisset, cum multa fiducia hinc excessit ad Dominum. Me ergo incipientem narrare præclara hujus beatæ facinora, si volo dicere quæ scio, tempus deficient. Quantam quidem opum materiam ea consumpsit in egentes, cælesti correpta desiderio, non arbitror flammam ignis, si in copiosam inciderit materiam, tantam posse exurere. Hoc autem non est meum solum narrare, sed etiam eorum qui Persidem et Britanniam, et omnes habitant insulas. Beneficiorum enim et largitionum hujus immortalis feminæ non Occidens, non Oriens, non Septentrio fuit expers, nec Meridies. Triginta enim et septem annos hospites excipiens, illis ea quæ erant usui suis præbuit sumptibus, ecclesiisque et monasteriis et hospitibus et carceribus; et ut semel dicam, nullus ex iis qui eam convenit non est aliquam partem ejus opum consecutus, suppeditantibus ei consanguineis, et ipso filio, et procuratoribus quotannis pecunias et tanquam luculentæ lucernæ oleum ministrantibus, ut fulgido lumine flammam accendens eleemosynæ largitione cunctos illuminaret. Ea autem cum in hospitalitate adæo perseveraverit, ne palmum quidem terræ possedit, non abstracta est a cupiditate filii ab amore solitudinis, non eam divisit a charitate in Christum unigeniti (177) filii desiderium. Sed ejus precibus adolescens et ad summam pervenit doctrinam, moribusque fuit ornatissimus, claroque et illustri fuit matrimonio conjunctus, et mundanos est honores consecutus; qui duos quoque habuit filios (178), qui testarentur justum matrimonium.

Multis itaque post annis cum de neptis **774** statu **A** audisset, eam et nupsisse, et velle sæculo renuntiare; verita ne forte in aliquam malam abriperentur doctrinam, vel hæresim, vel malam vitam, anus sexaginta annos nata navem ascendit, et Cæsarea navigans viginti dierum spatio Romam venit. Atque illic quidem cum esset, beatissimum virum maximæ existimationis clarissimum Apronianum (179), qui erat gentilis, catechesi instituit, et Christianum fecit, persuasitque ut contineret etiam cum sua uxore, ejus autem sororis filia. Avita nomine. Cum autem suam quoque neptem confirmasset Melanium una cum ejus marito Piniano (180), et catechesi instituisset Albinam nurum suam, uxorem autem sui filii (181), et persuasisset his omnibus vendere quæ habebant, Roma eos eduxit, et ad honestum ac tranquillum **B** vitæ portum deduxit. Et sic depugnavit adversus bestias, nempe eos qui erant ordinis senatorii, et eorum uxores; prohibentes eam renuntiare reliquis suis ædibus. Christi autem ancilla **eis** dicebat: Filii, plusquam quadringentis abhinc annis scriptum est: Ultima hora est (*I Joan. II*). Quid ergo lubentes ac volentes immoramini in vanitate vitæ? ne forte veniant dies Antichristi, et non possitis frui vestris opibus, et rebus majorum vestrorum? Cumque omnes his verbis liberasset (182), ad monasticam vitam traduxit, et filium juniorem Publicolam cum instruxisset, duxit in Siciliam; cumque reliqua omnia sua vendidisset, et pretium accepisset, duxit Jerosolyma: et cum facultates divisisset, intra quadraginta dies dormiit in bona senectute et summa mansuetudine, et veneranda memoria eleemosynis redundans, relicto etiam monasterio Jerosolymis et sumptibus monasterii.

Postquam autem hi omnes Roma abscessissent qui catechesi instituti fuerant a beata Melania, barbarica quædam procella, quæ etiam in prophetis jam olim posita fuerat, in Romam irruit, et nec æneas quidem statuas reliquit in foro, sed omnia barbarica diripiens insolentia, corrumpit; adeo ut Roma quæ mille et ducentis annis pulcherrima fuerat et frequentissima, dirueretur, fieretque deserta, et ut ait Sibylla, *ἐρύμη*, hoc est vicus, non Roma. Tunc qui catechesi fuerant instituti, et ei minime adversati, Deum laudaverunt qui rerum mutatione persuasisset incredulis, quod aliis omnibus reductis in servitutem, **D** eæ solæ salvæ fuerint familiæ, quæ Domino fuerunt holocausta, studio beatæ Melaniæ; cum cæteri qui eorum saluti adversabantur, eorum inutili pœnitentia detinerentur.

CAPUT CXIX.

Vita parvæ Melaniæ (183).

Quoniam autem relaturum me de filia Melaniæ spondi, necessarium est ut nunc debitum reddam. Non enim justum ut junioris quoque in carne Melaniæ vitam despiciamus, et neptis magnæ Melaniæ tantam virtutem tacitam prætereamus, quæ longe forte præstat prudentibus et studiosis vetulis. Hanc ergo ætate juvenem, pietatis autem sententia vetulam, parentes

invitam nuptum dedere, eam jungentes matrimonio viro urbis Romæ primario. Hæc semper stimulata aviæ suæ narrationibus, tantum fuit sauciata, ut matrimonio non posset inservire. Cum autem ei nati essent duo filii masculi, iique decessissent, tantum eam cœpit odium matrimonii, ut dixerit marito suo Piniano (181) filio Severi (185), qui erat ex præfectis: Si volueris quidem mecum cohabitare ut ratio dicat temperantiæ, et te dominum agnosco, et proficere meam vitam esse in tua potestate; sin autem hoc tibi grave videtur utpote juveni, res omnes meas tibi habe, et solum sine me corpore esse liberam, ut satisfaciam meo quod est ex Deo desiderio, facta hæres ejus quæ est ex Deo virtutis meæ aviæ, cujus etiam nomen gero. Si enim vellet nos Deus degere in hoc mundo, et frui rebus mundanis, non filios mihi natos accepisset immaturos. Cum autem longo tempore inter se contenderent, Deus postea misertus adolescentis, ei quoque zelum inmisit religionis, ut ipse quoque mundi universæ renuntiaret terrenæ materiæ adeo ut impletum fuerit quod scriptum est ab Apostolo: Quid enim scis, mulier, an virum servabis (*I Cor. VII*)? Cum ergo nupsisset viro tredecim annos nata, septem vero cum eo vixisset, vigesimo suæ ætatis anno mundo renuntiat; et primum quidem omnia sua serica superhumeralia (186) tegumenta dedit altaribus (quod et veneranda fecit Olympias), reliqua autem serica indumenta cum conscidisset, diversam suppellectilem fecit ecclesiasticam. Argentum autem et aurum cum credidisset cuidam Paulo presbytero (187) monacho Dalmatæ, id per mare misit ad Orientem; atque Ægypto quidem et Thebaidi decies mille solidos, Antiochiæ autem et ejus quæ circa ipsam sunt regionibus solidos decies mille; Paestina solidos quindecies mille distribuit. Ecclesiis autem quæ sunt in Occidente, et monasteriis, et xenodochiis, et omnibus egentibus per seipsam suppeditavit, et suppeditat his quadruplo plura, ut Deus novit ex ore leonis (188) Alarici eripiens fide sua (*II Timoth. IV, 17*). Liberavit autem servorum qui voluerunt octo millia; reliqui enim noluerunt, sed maluerunt manere cum fratre (189) ejus. Omnes autem possessiones quas habuit in Hispaniis, in Aquitania, in Tarraconensi et Galliis, et in aliis civitatibus, cum vendidisset, eas ad tres usque solidos **775** distribuit; quæ autem habebat in Sicilia, Campania, et Africa, sibi reliquit, ut suppeditare posset monasteriis et egenis. Hæc est sapientia in primis religiosæ, et quæ mentem senilem susceperat de pecuniæ materia, Melaniæ junioris.

Hæc autem erat ejus exercitatio: Post diem unum comedebat; in principio autem post quinque, varie ancillis suis serviens; quas etiam secum una reddidit exercitatrices. Jam vero ipsa quoque multos ex suis cognatis ducens ad zelum divinum, fecit ut similiter atque ipsa religiose Deum colerent. Hæc est vita juvenis Melaniæ per Dominum nostrum Jesum Christum.

CAPUT CXX.

De Albina (190).

Habebat autem secum quoque matrem Albinam, quæ similiter exercetur, et similiter rursus seorsim dispergit suas pecunias. Habitant itaque in agris, aliquando quidem Siciliae, aliquando vero Campaniæ cum eunuchis quindecim, et virginibus et ancillis.

CAPUT CXXI.

De Piniano (191).

Similiter autem Pinianus quoque ejus quondam maritus, nunc autem in opere virtutis adjutor unanimis, qui exercetur cum triginta monachis, et legit divinas Scripturas, hortoque colendo est intentus et congressionibus. Non parvo autem nos honore affecerunt cum Romam venissemus propter beatum Joannem episcopum nos reficientes, et abundantissimis B viaticis excipientes, accersentes æternam vitam Domini nostri Jesu Christi, et optimæ vitæ institutionis.

CAPUT CXXII.

De Pammachio (192).

Horum cognatus fuit vir ex proconsulibus, nomine Pammachius; qui cum mundo renuntiasset, vitam agit optimam; et suas opes partim virus dispersit, partim autem moriens reliquit pauperibus.

CAPUT CXXIII.

De Macario (193).

Similiter etiam quidam nomine Macarius ex vicaria (194).

CAPUT CXXIV.

De Constantio (195).

Constantius quoque assessor præfactorum Italiae, insignes viri et eruditissimi, qui pervenerunt ad summum pietatis et religionis; quos existimo adhuc nunc quoque esse in carne, optimam instituendæ vitæ rationem exercentes, beatamque vitam et nulli exitio obnoxiam expectantes.

CAPUT CXXV.

De Paula (196) Romana.

Inter quos fuit etiam Paula Romana mater Toxotii, uxor N., ad spiritalem vitæ institutionem accommodatissima. Cui impedimento fuit Hieronymus quidam Dalmata¹; nam cum posset superare multas, ne dicam cunctas, ut quæ ad vitam ex virtute gerendam esset optimo ingenio prædita, eam sua invidia impedit, ipsam trahens ad scopum proprium.

CAPUT CXXVI.

De Eustochio.

Cujus filia nunc quoque exercetur in Bethleem, nomine Eustochium, quam ego non conveni. Dicitur autem esse castissima, habens conventum quinquaginta virginum.

CAPUT CXXVII.

De Veneria.

Inveni autem Veneriam Ballomeci comitis filiam, quæ onus cameli recte dispersit, et liberata est a vulnibus quæ oriuntur ex materia.

¹ Palladius calumniatur sanctissimum Hieronymum.

A

CAPUT CXXVIII.

De Theodora (197).

Et beatam Theodoram tribuni filiam, quæ ad tantam processit egestatem possessionum, ut ipsa elemosynam accipiens sit mortua.

CAPUT CXXIX.

De Usia (198).

In monasterio Hesycha propter mare, novi mulierem nomine Usiam, longe in omnibus honestissimam.

CAPUT CXXX.

De Adolia.

Et ejus sororem Adoliam, quæ ipsa quoque vixit in virtute, et non pro ejus quidem dignitate, sed pro suarum virium facultate vixit in zelo Dei.

CAPUT CXXXI.

De Basianilla.

Novi autem etiam Basianillam Candiani magistri militum filiam, quæ ipsa pio et alacri animo virtutem exercuit, et in hodiernum usque diem certamina acriter exsequitur.

CAPUT CXXXII.

De Photina.

Et Photinam virginem summe honestam, filiam Theoctisti presbyteri in Laodicea.

CAPUT CXXXIII.

De Asella.

Vidi autem Romæ quoque Asellam honestam Dei virginem, quæ honeste consenuit in monasterio, mulier longe mitissima, et quæ retinebat conventus, in quibus vidi et viros et mulieres catechesi recenter C institutos.

CAPUT CXXXIV.

De Avita (193).

Vidi etiam beatam Avitam Deodignam cum ejus marito Aproniano, et 776 eorum filia Eunomia, in omnibus Deo bene placentes, ut aperte facile traducti fuerint a dissoluta et voluptaria vita ad honestam et continentem vitæ institutionem, in his quoque digni habitus ut in Christo dormirent, ab omni quidem peccato liberi, perfecte in honesto certamine decertantes, in bona memoria vitam suam relinquentes.

CAPUT CXXXV.

De Magna (200).

In civitate Ancyra sunt multæ quidem aliæ virgines, nempe ad decem millia, duo autem vel plura, quæ exercentur, et in omni virtutis institutione militant; omnesque temperantiæ legibus claræ et insignes feminae, et divinum certamen studio exsequentes. Inter quas principatum obtinet in pietate Magna honestissima femina et probissima; quam nescio quid sim nominaturus, virginemne an viduam. A matre enim vi viro conjuncta, eum tamen variis inescans dilationibus, et corporis morbos prætexens, a corruptionis vitio integra et intacta permansit, ut dicunt ejus necessarii. Cumque paulo post decessisset ejus maritus, omnium simul facta est hæres unica; et temporalibus, deinceps commutans æterna, totam seipsam Deo obtulit, summe curam gerens vitæ quæ

semper manet, suis famulis honeste imperans, agens vitam laboriosissimam et plenam temperantia: in congressu tam severa, ut ipsum ejus aspectum revererentur etiam excellentissimi episcopi propter insignem pietatem et religionem. Atque ipsa quidem supervacaneam et nimiam opum materiam paupertatis igne consumpsit: quæ autem supererant ea constituit ad subministrationem monasteriis, ptochotrophis, xenodochiis, ecclesiis, pauperibus, transeuntibus, episcopis, orphanis, viduis, et omnibus egentibus suppeditans auxilium, non cessabat hilariter operari pietatem latenter, et per se, et per servos fidelissimos, ab ecclesia non recedens noctu maxime: in omnibus in virtute se exercens propter spem ejus quæ vere est vita.

CAPUT CXXXVI.

De Virgine (201) quæ excepit Athanasium episcopum.

Novi ego Alexandria virginem, quam offendi natam circiter septuaginta annos. Ei clerus universus dabat testimonium, quod cum esset juvenis, nata annos circiter viginti, et longe formosissima, fugiebat ab iis qui erant studiosi virtutis propter pulchritudinem, ne iniret eis aliquam habem ex suspicionem. Quando ergo accidit ut Ariani struerent insidias beato Athanasio Alexandrino episcopo per Eusebium, qui erat eo tempore præpositus sub Constantio imperatore, nefariorum criminum eum accusantes et calumniantes, vitans judicari a corrupto judicio, apud neminem ausus est delitescere, non apud cognatum, non amicum, non clericum, non apud aliquem illum familiarem; sed repente episcopatum ingressis præfecti ministris, et eum quærentibus, accepto sub stichario seu tunica, et birro (202), media nocte confugit ad hanc virginem. Illa autem fuit rei novitate obstupefacta et timore correpta. Dicit ergo ei episcopus: Quandoquidem quæror ab Arianis, nefariorum criminum ab eis accusatus, ne ergo et ego veniam in malam existimationem, et in peccatum conjiciam eos qui me volunt afficere supplicio, ea de causa fugere constitui; mihi ergo Deus revelavit hac nocte me apud nullum alium posse esse salvum nisi apud te. Illa ergo præ magno gaudio omni ejecta dubitatione, cum tota esset Domini, prompto et alacri animo occultavit sanctissimum episcopum sex annos, quando vixit imperator Constantius: ipsa et ejus pedes lavans, et excrementa expurgans, et in aliis quæ erant ei usui inserviens, librosque ei commodans et præbens. Neque ullus sex annis novit Alexandria ubinam ageret beatus Athanasius episcopus. Postquam ergo fuit annuntiata mors imperatoris Constantii, et pervenit ad ejus aures, honesto et venerabili habitu indutus, rursus noctu fuit inventus in ecclesia. Quem videntes omnes magna sunt affectu admiratione; ut qui ipsum vivum acceperant ex mortuis, simul etiam postulantes ejus amicum latebris quæ ab eorum ignorantia inveniri non potuerant. Respondit itaque beatus Athanasius germanis suis amicis: Ea de causa ad vos non confugi, ut vere jurare possentis; et aliquid etiam propter investigationem, ad illam confugi de qua nemo suspicari poterat, utpote formosam et

junioem: duo bona profuerant, et illius salutem; illi enim profui, et meæ existimationi et securitati.

CAPUT CXXXVII.

Vita Ammæ Talida.

In civitate Antinoi sunt feminarum monasteria duodecim; in quibus conveniunt Ammam Talida, quæ octoginta annos fuerat in exercitatione, ut narrabat ipsa et ejus vicinæ. Una cum ea habitabant sexaginta adolescentulæ. Eam autem adeo diligebant, ut ne esset quidem clavis aulae monasterii, ut in alia, sed ipsæ ab ejus amore omnes detinerentur. Eo autem impatibilitatis processit anus, ut cum ego essem ingressus et consedissem, ipsa quoque ingressa sit, et una mecum sederit, et magna libertate ac fiducia in Christo meis humeris manum imposuerit.

CAPUT CXXXVIII.

Vita Ammæ Taor.

In hoc monasterio erat virgo hujus discipula, nomine Taor, quæ triginta annos versata erat in monasterio, ut narrabant qui noverant. Ea vestem novam aut mavortem aut calceum noluit accipere, dicens: Non est mihi opus, ne etiam cogar progredi. Aliæ enim omnes die Dominico progrediantur in ecclesiam gratia communionis; illa autem in monasterio manebat panis obsita, operi assidue assidens. Ea autem fuit tam elegantis aspectu, ut patrum abesset quin etiam valde constantes deciperentur ejus pulchritudine, nisi insignem presidium habuisset temperantiam, quæ ad metum et verecundiam deducebat honestate impudicos oculos.

CAPUT CXXXIX.

De virgine quæ renuntiaverat.

Erat quædam alia virgo religiosæ vitæ operibus viriliter insistens, mihi vicina, ejus vultum quidem non vidi: nunquam enim, ut aiunt, est progressa ex quo renuntiavit. Cum autem impleisset sexaginta annos in exercitatione cum matre sua propria, erat postea vita excelsa. Ei autem in visione adstitit Colluthus (203) vocabulo martyr, qui in illis colebatur locis; hoc ei dicens: Hodie es itura ad Dominam, et visura sanctos omnes; veni ergo et prande nobiscum in martyrio. Cum ergo mane surrexisset et se induisset, et in sporta panem accepisset et olivas, et minuta olera, post tot annos egressa; et cum venisset in martyrium, oravit: et cum toto die observasset tempus in quo nullus erat intus, et non jam advenisset hora, et sedisset, rogavit martyrem, dicens: Benedic cibos meos, Colluthe sancte, et me in via comitare tuis precibus. Cum ergo comedisset et rursus orasset, dormitum venit circa occasum solis. Et cum dedisset matri suæ opus Clementis Stromatei in prophetam Amos, dixit ei: Da id episcopo relegato. Et dixit ei: Ora pro me; vade enim ad Dominum meum. Decessit ipsa nocte. Cumque nec febris laborasset, nec ei caput deluisset, sed solpam ad sepulturam composuisset, in manus Dei spiritum suum commendavit.

CAPUT CXL.

De virginis quæ lapsa est, et egit pœnitentiam.

Quaedam virgo exercitatrix manens cum duabus aliis virginibus, se exercuit novem vel decem annis. A quodam autem cantore inescata cum eo habuit stupri consuetudinem; et cum utero concepisset, peperit. Cum autem in summum odium prorupit ejus qui ipsam deceperat, in profundo compuncta est animo, et ad eam pervenit mensuram pœnitentiæ, ut in ea perseverans se fame vellet occidere, hoc cum lacrymis orans, Deumque rogans, et dicens: Deus magne, qui omnium nostrum peccata portas et immensum totius mundi vitium; qui non vis mortem peccatorum, et eorum qui labuntur interitum, sed misereris universæ creaturæ; est enim voluntas tua ut omnes serventur (*Ezech. xxxiii*). Si ergo me quoque, quæ pereo, vis esse salvam, in hoc mihi tuam ostende bonitatem, et nunc tua ad me perveniant mirabilia: et jube hinc abduci et colligi (204) fructum meæ iniquitatis, qui conceptus est in lascivia, et genitus in peccato; nam nisi hoc fiat, ego hac de causa vel me laqueo suffocabo, vel meipsam in præceps dejiciam. Cum sic oraret, fuit exaudita; nam qui natus fuerat infans, non multo post decessit. Ab illo ergo die non amplius convenit eum qui ipsam redederat in servitutem; sed se totam insigniter dedens continentiæ, ægrotis mancisque ac mutilatis serviens triginta annos, ita Deum placavit, propitiumque reddidit, ut cuidam sancto presbytero revelaretur, illam Deo magis placuisse in pœnitentia quam in virginitate. Hæc autem scribo, ne eos qui multa peccant, et ex animo ac sincere agunt pœnitentiam, contemnamus: sicut hæc beata, quæ cor suum contrivit, et in humilitate vitam suam liquefecit, non despecta fuit a Domino eorum qui ducuntur pœnitentia.

CAPUT CXLI.

De Alia presbyteri quæ lectorem calumniata erat, et Eustathio lectore.

Conjunctam presbyteri filia virgo in Cæsarea Palæstinæ lapsa, ab eo qui ei vitium attulerat docta fuerat, ut quemdam civitatis lectorem calumniaretur, et quod corrupta esset, in eum culpam conferret. Cumque ferret ventrem, a patre suo examinata nominavit lectorem. Hoc cum audiisset presbyter conturbatus retulit ad episcopum. Hoc cum audiisset episcopus, convocavit concilium sacerdotum, fecitque vocari lectorem, deque eo habuit quæstionem, rem examinans. Rogatus autem ab episcopo, rem non fatebatur lector; nam quod factum ab ipso non fuerat, quomodo dici poterat? Ægre ergo ferens episcopus, gravissima voce ei dicebat: Non fateberis lapsum tuum, et ages pœnitentiam, o infelix et plene immuneditia? Respondit lector: Rogo te; dixi id quod res est, hanc rem ad me nihil pertinere. Plane enim culpa careo, ut qui de ea ne cogitaverim quidem; sin autem vultis audire id quod non est, dicam: Feci. Hoc cum ipse dixisset, deposuit eum episcopus ab officio lectoris. Post hoc accidens ad pedes epi-

scopi, rogavit dicens: Si hoc tibi visum est, domine episcope, ut quoniam dixi, Næ, lapsus sum, sim de gradu ecclesiastico dejectus, et non sim dignus esse clericus tuæ sanctitatis, jube ut mihi ab hoc tempore ea detur in uxorem; neque enim ego sum deinceps clericus, neque illa virgo. Cum hæc audiisset episcopus et presbyter, eam tradidit pater ejus lectori, sperans fore ut juvenis bene esset in eam affectus, et alioqui credens non posse eum abstrahi a consuetudine. Cum eam autem adolescens accepisset in manus ab episcopo, et ejus patre, eamque esset consolatus, abduxit et deposuit in monasterio mulierum, rogans eam quæ illic erat prima ministra fraternitatis ut eam illic tolerarent usque ad partum ejus. Illa vero relicta in monasterio, lector abiens seipsum inclusit in cella sordida, vitæ summam suscipiens asperitatem, ad Christum accedens in corde contrito cum multis lacrymis et gemitibus, dicens: Tu, Domine, meas actiones nosti, qui scis omnia, quem nihil latet, neque est ullus locus occultus in quo quis se abscondat a tua quæ omnia aspicit potestate, qui vides omnia priusquam fiant. Tu solus vides profunda cogitationum, et omnis mentis conceptio a te cernitur; perinde ac si aspicitur oculis. Tu cum cogitatorum sis acer examinador, perfecte judicas. Tu qui eis qui afficiuntur injuria fers auxilium, qui falli non potes, dum eos vindicas, qui appetuntur calumniis; cui nihil placet injustum, omne autem momentum stateræ justitiæ est a te semper; astat enim tibi perpetuo lux ad quam non patet aditus, et omne opus hominis est coram te. Est ergo tui justii et immutabilis judicii, jus quoque meum pronuntiare. Efficaciter autem orante adolescente, et in jejunio diligenter perseverante, intra breve tempus adfuerunt dolores ejus partus. Cumque advenisset hora, adfuit etiam justum Dei judicium, afferens vehementem et intolerabilem dolorem ei quæ fuerat calumniata: gemituum immensa multitudo, labores partus inenarrabiles, inferni suppliciorum visiones terribiles, hanc miseram fortiter obsidentes, et infans propter magnitudinem non prodibat ex utero. Præterit dies primus et secundus, et dolores erant intolerabiliores; adventavit tertius et quartus, et secutus est dolor multis partibus gravior; quintus et sextus et septimus tenebrosus, et infelix mulier ex multo dolore versabatur in inferis. In omnibus his diebus mansit neque omnino cibum sumens, nec tantillum somnum videns; sed luctibus et gravissimis dolorum tormentis succedentibus, post hæc omnia, vitiatæ et falsæ accusatrici cor inflexibile, victa a Dei potestate, quæ non cadit sub aspectum, intolerabilibus doloribus addidit etiam confessionem, lugubri voce exclamans: Hei mihi misera! venio in periculum ne peream, ut quæ in duo mala inciderim, nempe in calumniam et fornicationem, et amissa virginitate sum tradita detractioni; et cum mihi sit ab alio allatum vitium, accusavi lectorem. Cum hæc autem audiissent virgines monasterii, Patri ejus omnia re-

nuntiarunt. Pater autem veritus ne condemnaretur A ut calumniator, cum non adhiberet fidem dictis, silet duos dies. Rursus autem misera, se invicem excipientibus acerbis afflictabatur doloribus, cum non posset deinceps vel vivere vel mori. Cumque id e- fugit, oritur dies octavus, et rursus nonus, gravis- simis perpetuarum vertiginum tenebris eam offus- cantes. Cum ergo ejus magnos ejulatus non ferret conventus, hæc cursim festinantes, renuntiant epi- scopo, jam esse nonum diem ex quo illa confitetur se accusasse lectorem, nec posse parere, quod ipsum sit calumniata. Episcopus autem cum hæc audisset a virginibus, ad lectorem mittit duos diaconos, et omnia significans, et ut pro ipsa oraret, ut misera mu- lier liberaretur ab iis necessitatibus. Egregius autem adolescens neque eis dedit responsum, nec aperuit ostium; sed a quo die ingressus est in cellam, non B exiit, implens consuetam regulam jejunii, et Deo preces fundens. Flexus autem pater, et filia suæ mi- sertus, veniens ad episcopum, eum valde rogavit ut pro ea orationes fierent in ecclesia. Et cum pro ea preces fusæ essent ab hominibus ad Dominum, ne sic quidem misera liberata est a necessitate. Ejus enim qui per calumniam fuerat accusatus, orationes Do- minum monentes, arcebant, ne eorum preces admit- terentur. Illis sic gestis, surgens episcopus ivit ad cellam in qua erat lector: et cum pulsasset ostium, nolebat is aperire. Cum diu autem foris fuisset epi- scopus, ille autem intus, jubet episcopum tolli ostium. Et ingressi invenerunt adolescentem in oratione per- severantem, et humi procumbentem. Quem multum C rogans episcopus, ei dicit: Frater Eustathi lector, in apertum prolata calumnia Dei providentia, et exau- ditis tuis orationibus, miserere ejus quæ in te pecca- vit, quæ tormentorum flagellis fuit excruciata. Misere- re deinceps misera, et surgens solve quod ligasti, pre- cibus enim tuis hæc patitur, et dic Domino ut eam li- beret a partu ventris. Cum autem inclytus lector in- tense oraret simul cum episcopo, statim misera libera- ta est a necessitate, enixa infantem; rogans omnes ¶ ¶ ¶ ut ei remitteretur iniquitas ipsius justi inter- cessione: et illum egregium virum habuerunt omnes deinceps loco martyris. Nam cum se deinceps libe- rasset ab omni sollicitudine, pervenit ad summum vitæ quæ ex virtute agitur, adeo ut is sit dignus habi- tus spiritali gratia. Hæc autem scripsimus, ne quis D calumniatus illaqueetur his inimici retibus, et inci- dat in dolores carnis intolerabiles, sicut hæc prius scripta est falsa accusatrix; postquam autem a cor- pore fuerit liberatus, tradatur æternis intolerabili- bus tormentis, et quæ nunquam desinent. Deum enim ad iram provocat is qui calumniatur: qui au- tem per calumniam accusatur, idque fert pio et æ- quo animo, et ejus in apertum prolationem per- mittit precibus expectans justum Dei judicium, sicut hic a Christo coronatus; is et, quod ejus sile- ri potest, laudatur, et in honore habetur, et æter- nam coronam consequitur. Discamus ergo diligen- ter quam sint insuperabiles vires orationis, quæ et

fideles confirmat, et peccatorum miseretur, et fle- ctit ac movet omnium creatorem, et eos coronat qui se ex virtute recte gerunt, et eis qui in ea per- severant, largitur regnum cælorum.

CAPUT CXLII.

Vita sanctæ Silvanæ (205).

Illo tempore contigit ut nos simul navigaremus ab Ælia in Ægyptum, deducentes beatam Silvaniam virginem, sororem autem Ruffini, qui fuit ex præ- fectis.

CAPUT CLXIII.

De Jubino (206).

Inter quos erat etiam nobiscum Jubinus, tunc qui- dem diaconus, nunc autem episcopus ecclesiæ Asca- lonis, vir pius et eruditus. Cum autem vehementis- simus nos æstus invasisset, et pervenissemus Pelu- sium, accidit ut Jubinus, accepta pelvi, pedes et manus palmis lavaret aqua frigidissima, et postquam lavisset, super pelliculam humi stratam requiesceret. Cum autem illa id advertisset, ut mater sapiens germani filii, ejus increpavit mollitiem, dicens: Qui in animum inducis, illam agens ætatem, vivente ad- huc tuo sanguine, usque adeo tuam fovere caruncu- lam, non sentiens damna quæ ex eo oriuntur? Con- fide, confide: ecce ego annum ætatis sexagesimum, præter extrema manuum (207) mearum (et hoc pro- pter communionem) non pes meus aquam tetigit, non vultus, neque ullum ex membris meis, etiamsi me variæ invaserint ægritudines; et cum a medicis cogerer uti balneo, non induxi in animum carni red- dere debitum, non in lecto quiescens, non lectica usquam gestata ingrediens.

Hæc cum esset doctissima, doctrinam amore com- plexa, noctes uberi oleo a se illuminatas mutabat in dies, omnia antiquorum qui commentarios ediderunt scripta percurrans, Origenis tricies centena millia versuum, Gregorii et Stephani, et Pierii (208), et Basilii, et quorundam aliorum præstantis virtutis virorum millia ducenta et quinquaginta non leviter, nec temere hæc percurrans, sed elaborate septies vel octies unumquemque librum perlegens, ut horum verborum gratia in altum erigeretur, spe bona seip- sam avem efficiens spiritalem, et ad Christum evolans, immortales ab ipso acceptura remunerationes.

CAPUT CXLIV.

De Olympiade (209).

Ejus vestigia est secuta, et omnem virtutem divinæ vitæ spiritalis, in primis veneranda et honesta Olympias, et quæ viæ quæ fert in cælum summo zelo te- nebatur, divinarum Scripturarum sententiam secuta in omnibus. Fuit autem secundum carnem filia Se- leuci (210) ex comitibus, vera autem Dei filia secun- dum spiritum; neptis autem Ablavii qui erat ex præ- fectis, aliquot autem dies sponsa (211) Nebridii, qui fuit ex præfectis urbis Constantinopolis; ipsa autem revera fuit uxor nullius. Dicitur autem dor- misse virgo incorrupta, effecta divini verbi convi- ctri, conjux autem totius veræ humilitatis, commu- nicans et ministrans omnibus egentibus. Ipsa cum

Omnes illas infinitas et immensas dispersisset divitias, absolute et indiscriminatim opem ferebat omnibus. Non enim urbs, non rus, non solitudo, mansit expers largitionum hujus inclytæ virginis: sed et ecclesiis suppeditavit ad donaria deputata sacrificio, et monasteriis, et cœnobiis, et xenotrophiis, et custodiis, et relegatis; et ut semel dicam, in omnem orbem terræ dispersit eleemosynas. Hæc beata processit usque ad extremum terminum humilitatis, ultra quem nihil possit inveniri amplius. Vita sine ulla inani gloria, species nequaquam ficta, sinceri mores, facies non fucata: corpus florens, mens non gloriosa, animus ab arrogantia alienus, cor minime turbulentum, somni expers vigilia, spiritus non curiosus, charitas immensa, quæ comprehendi non potest communicatio, vilis et contempta vestis, infinita continentia, recta cogitatio, in Deum spes æterna, cum eleemosynâ quæ non potest narrari, ornamentum omnium humilium, cui multæ sunt accensæ tentationes ex operatione ejus qui est sua sponte malus et omnis boni expers, nempe dæmonis: quæ pro veritate non parva adiit certamina, quæ et diu assatum vixit in immensis lacrymis, omnium humanæ naturæ subjecta propter Dominum; cum omni pietates sanctis subdita episcopis, venerans presbyteratum, honorans clerum, reverens exercitationem, suscipiens virginitatem, opem ferens viduitati, curam gerens orbis, protegens senectutem, ægrotos invisens, peccatorum miserens, errantes in viam deducens, in omnes utens misericordia, profuse autem in pauperes, multisque infidelium in catechesi institutis uxoris, etiam ad victum eis ferens auxilium, semper memorabile nomen benignitatis reliquit per totam vitam. A servitute in libertatem innumerabilem servorum restituens examina, reddidit eos honore æquales suæ nobilitati, vel potius (si vera dicere oporteat) facti sunt hujus sanctæ habitu nobiliores. Neque enim ejus indumentis inveniri potuit quidquam vilis: nam iis etiam qui sunt pannis valde obsidi indigna erant hujus sanctæ tegumenta. Tanta autem ejus erat mansuetudo, ut etiam longe superaret simplicitatem ipsorum puerorum. Nulla vituperatione a vicino quidem unquam inventa est apud hanc quæ Christum gestabat; sed omnis ejus vita non vitalis, erat in compunctione et frequenti profluvio lacrymarum; et potius videre licebat fonti ætate sua deflere fluenti, quam hujus non sublimibus et Christum semper videntibus oculis lacrymas deflere. Et quid in his immoror? Quo enim magis meus versabitur animus in duræ instar saxi animæ narrandis certaminibus et virtutibus, eo magis invenientur verba a factis remotiora. Nec me existimet aliquis hæc splendide et magnifice colligere de hac vel maxime impatienti, et perquirere reliquias castissimæ Olympiadis, quæ tota fuit pretiosum vas sancti Spiritus; sed qui his oculis viderim hujus beatæ vitam et angelicam institutionem, ut qui fuerim spiritalis hujus germanus amicus, et ejus cognatis familiarissimus, adeo ut multæ ejus pecuniæ sint a me ex ejus

sententia distributæ. Hæc ergo non amplius de cætero quæ sunt carnis sapiens, subjecta principatibus, obediens potestatibus, venerans presbyteratum, honorans universum clerum, confessione quoque digna est habita pro veritate, importunarum recusationum multis acceptis procellis. Cujus vitam inter confessores referunt, quicumque pii habitant Constantinopolim, ut quæ proxime matrem periclitata sit in iis quæ sunt ex Deo certaminibus; et in his mortua beatam accepit gloriam, et in infinito sæculo coronatam pompam agit, nulli interitui obnoxias cum sanctis et sibi similibus in sempiternum mansiones habitans, et bonorum operum a Christo Domino cum fiducia accipiens remunerationes.

CAPUT CXLV.

De Candida.

Post hanc æquali quoque modo in Domino vivens, beata Candida, Trajani uxor magistri militum, cum et ad summam pervenisset honestatem, et rationi convenienter ornasset ecclesias, et venerata esset episcopus pro dignitate Christi sacramentorum, et omnem Christi clerum aperte honorasset, et suam filiam instituisset in sorte virginitatis, eam præmisit ad Christum, donum suorum viscerum: postea autem ipsa quoque, temperantia et castitate et pecunia dispersionibus filiam suam est consecuta. Hanc ego vidi egregiam mulierem tota nocte laborantem et molentem, et propriis manibus facientem panem oblationis, ad vires corporis deprimendas, et dicentem: Cum non sufficiat jejunium, hanc ei do sociam laboriosam vigiliam, ut Esau dissolvam enervemque lasciviam. Ea ab iis quæ sunt sanguine prædita et animata omnino abstinuit; nisi quod sumebat pisces et oleum et olera, idque solum in die festo: omni autem alio tempore contenta erat oxycrato (212) et pane arido. In hac vitæ asperitate, cum beata requie obdormisset hæc mulier inclyta, nunc fruitur bonis æternis, quæ sunt parata iis qui dilexerunt vitam quæ ex virtute agitur.

CAPUT CXLVI.

De Gelasia (213).

Consequenter zelo hujus bonæ feminæ, veritatis viam ingressa est, pie trahens jugum virginitatis, in primis veneranda Gelasia, cujusdam tribuni filia. Hujus optimæ hæc fertur virtus, quod sol nunquam occidit super ejus dolorem, non adversus servum, non adversus ancillam, non adversus aliquem alium. Hæc beata cum effugisset viam eorum qui sunt acceptæ injuriæ memores, quæ fert ad mortem æternam, evasit hunc malum diaboli stimulum, nempe odii et malevolentia; et cum desideraret æternam peccatorum remissionem, remisit parva delicta, ut ipsa quoque inveniret majorum remissionem.

CAPUT CXLVII.

De Juliana (214).

Quædam nomine Juliana, virgo in Cæsarea Cappadocia, dicta est esse et doctissima et fidelissima, quæ Origenem scriptorem fugientem gentilium insurrectionem excepit, eum duos annos occultans, suis

sumptibus et suo ministerio virum alens. Inveni autem hæc in antiquissimo libro scripto versibus, qui quidem scriptus erat manu Origenis. Hunc librum ¶¶¶ inveni ego apud Julianam virginem in Cæsarea qui et ipse (215) apud eam occultatus eram. Dicebat autem se accepisse a Symmacho interprete Judæorum.

Non fuit autem alienum ab instituto opere, posuisse virtutes harum feminarum; sed ut sciamus, quod ex diversis occasionibus licet lucrari, si velimus.

CAPUT CXLVIII.

De femina (216) nobilissima quæ fuit semper virgo.

In alio libro antiquissimo, scripto ab Hippolyto, qui fuit familiaris apostolorum, inveni talem narrationem:

Fuit quædam nobilissima virgo et formosissima, quæ in vita ex virtute agenda exercebatur Corinthi. Hanc illo tempore detulerunt ad judicem, qui erat gentilis in tempore persecutorum, ut quæ maledictis incesseret et tempora, et imperatores, et simulacra. Proponebant autem ejus pulchritudinem harum rerum cauponatores impio judici, feminas insano amore deperenti; is vero, equinis auribus et feminas insane amantibus cogitationibus, accepit calumniam: ea autem producta ad hominem sceleratum, multo magis insana captus est intemperantia. Postquam autem omnibus adversus eam adhibitis machinis, huic Dei homini (sic) persuadere non potuit, variis tormentis subjecit fortem feminam. Postquam autem ne his quidem id quod volebat est assecutus, ut qui non posset eam abducere a Christi confessione, in eam insaniens crudelis, non tradidit eam tormentorum cruciatibus, sed castam et temperantem feminam ponens in prostibulo, jussit ei qui eas possidebat, dicens: Hanc mihi cape et tres solidos ex ea ad me defer quotidie. Is autem aurum exigens ex turpi actione, eam tradidit volentibus in officina abominandi flagitii. Cum hæc ergo novissent qui tenebantur insano amore mulierum, assidebant sceleratæ exitii officinæ, mercedem dantes inhonestæ operationis. Illa autem virgo honestissima et in primis veneranda, et verba ad deceptionem deflectens, suppliciter eis dicebat, rogans: Habeo ulcus in loco occulto, quod mirandum in modum male olet, et timeo ne vos mei odium capiat propter ulcus aversandum; concedite ergo mihi paucos dies, et tunc licebit vobis vel me habere gratis. His verbis persuasos intemperantes amandabat beata: assiduis autem precibus Deum placans, et compunctis supplicationibus eum inflexit ad misericordiam. Attendens ergo Deus qui novit cogitationes, quomodo casta pudicitia curam gerebat ex animo, in illis diebus pro salute omnium tale quid struxit.

CAPUT CXLIX.

De Magistriano (217).

Quidam adolescens Magistrianus, specie formosus, mente pius, cui Deus zelum immisit spiritalem adeo ardentem, ut etiam mortem contemneret: is cum prætextu intemperantiæ eo accessisset, profundo

vespere ingreditur ad eum qui illas alebat, et dat ei quinque solidos; et dicit ei: Concede mihi manere hæc nocte cum hac puella. In locum ergo occultum cum ea ingressus, dicit ei: Surge, serva te ipsam. Et cum eam suis vestibus induisset, tunica, camisia (218), et chlamyde, et omnibus virilibus, dicit ei: Egredere, te summa chlamydis parte contegens. Quæ cum sic fecisset, et se totam signo crucis munisset, egressa ex illo loco omnino incorrupta et impolluta, servata est Christi gratia, et causa adolescentis qui eam suo sanguine liberavit a turpi vitio. Sequenti autem die res fuit cognita, et productus est Magistrianus ad sævissimum judicem. Cum autem strenuum Christi athletam examinasset impius, et omnia didicisset, jussit eum obici bestiis, ut etiam malis infestus dæmon in eo afficeretur ignominia. Nam cum existimasset virum fortem in nefarium injicere supplicium, eum effecit duplici [F. dupliciter] Christi martyrem, ut qui et pro sua anima præclare decertaverit, et pro illa beata in laboribus strenue perseveraverit. Quocirca duplici honore et duabus insignibus coronis dignus est habitus a Christo benignitate.

CAPUT CL.

De uxore (219) viri senatorii.

Memini autem alterius quoque historiae, et bonum est eam non præterire. Dicitur de Magnentino inspectore, quod habuerat stupri consuetudinem cum multis gentilibus, et animum adjecerat ut rem etiam haberet cum Christianis; eæ autem malebant mori quam prodere pudicitiam. Cum ergo venisset in unam urbem, amavit quamdam uxorem viri senatorii ex præfectis. Timore autem affectus ejus maritus, dixit ei: Mitte, tolle eam. Cum autem venissent ad eam milites, dixit eis mulier: Expectate parumper donec mundum meum componam, cui sum assueta. Ingressa autem suum cubile, accepto ense, eum suis infixit visceribus. Audiant virgines et erubescant, quæ profitentur se Christum habere sponsum, et prava eum produnt libidine. Nobis autem det unicuique Deus servare virginitatem, et exultantibus clamare cum psalmographo: Confige in timore tuo carnes meas: a judiciis enim tuis timui (Psal. cxviii). Et: Vivo ¶¶¶ autem jam non ego, vivit vero in me Christus (Galat. ii). Concedatur autem ut vos quoque dicatis sobriæ: Ego patrueli meo, et patruelis meus est mihi, aliquando quidem sponsus, aliquando vero frater, ut nihil cogitetur carnale (Cant. vi). Si enim audieris sponsum et sponsam, significat spiritalem unionem cum patre.

Vidimus autem alios quoque Patres et monachos per totam Ægyptum, multas virtutes et signa facientes, quorum non meminimus propter multitudinem, sed pauca pro multis narravimus (Ruff., l. ii, in epilo). Quid enim dixerit aliquis de superiori Thebaide quæ est per Syenem, in qua sunt viri valde admirabiles. et multitudo monachorum infinita, quorum non crediderit aliquis vitæ instituta, ut quæ vitam humanam superant: qui etiam mortuos in hodiernam usque diem suscitant, et super aquas at-

bulant, sicut Petrus; et quidquid Servator per san-
ctos effecit apostolos, ea nunc quoque efficit. Sed
quia magnum imminēbat periculum, si ultra Lyco-
transiremus, propter latronum irruptionem, non ausi
sumus videre illos sanctos. Neque enim prædictos
Patres vidimus sine periculo, neque sine labore
aspeximus sacras has feminas: sed multa prius passi,
et propemodum periclitati, vix assecuti sumus ut ea
videremus. Septies enim in mortem incidimus; in
octavo autem malum nos non attigit, cum Deus nos
omnino servasset. Semel enim quinque dies et noc-
tes ambulantes per solitudinem, fame et siti prope
fuimus exanimati. Aliquando autem in acutas et
asperas paludes incidentes, et pedes nostros perfo-
rantes, ut dolores essent intolerabiles, propemodum
frigori enecti sumus. Tertio autem cæno ad lumbum
usque inhæsimus, et non erat qui eriperet; et has
beati David voces exclamavimus: *Salvum me fac,
Domine Deus, quoniam ingressæ sunt aquæ usque ad
animam meam. Infixus sum in lutum profundi, et
non est substantia (Psal. LXVIII); et, Serva me a
luto, ut ne infigar. Quartum autem fuit aquæ mul-
titudine quæ affluxit ex Nili incremento, cum quatuor
dies per aquas ambularem: et in ostiis propemodum
obrutis. Tunc clamavimus, dicentes: Ne nos
demergat tempestas aquæ, nec me devoret profun-
dum (Psal. LXVIII). Quinto autem incidimus in latro-
nes in littore maris, venientes in Diolcon: qui nos
etiam eosque sunt persecuti, volentes comprehen-
dere, donec nobis parvus relinqueretur spiritus, ut
qui nos decies mille passus essent persecuti. Sexto
autem, Nilum navigantes, propemodum eversi ac
submersi sumus. Septimum fuit, quando in palude
Mareotide, ubi charta nascitur, abjecti sumus in
quamdam parvam insulam desertam; et tres noctes
et dies sub dio mansimus, magno frigore et imbribus
nobis imminētib, erat enim tempus Epiphanio-
rum. Octavum autem supervacaneum quidem est nar-
rare, sed tamen est utile; nam cum nos per quemdam
locum venissemus Nitreas, erat in ea regione quod-
dam magnum concavum, in quo multi remanserant
crocodili, cum aqua recessisset ex agris. Tribus ergo
crocodilis in margine fossæ extensis, accessimus vi-
suri belluas, putantes eas esse mortuas, illæ autem
statim in nos irruerunt. Nobis autem magna voce
Dominum nominantibus, Christe, adjuva nos, statim
belluæ tanquam ab angelo aversæ, seipsas in aquam
sunt jaculatæ. Nos autem Nitreas magno cursu con-
tendimus, illam vocem Job meditantibus, ubi dicit:
Septies ex necessitatibus liberabit te; in octavo au-
tem te non attinget malum (Job v). Deo ergo agimus
gratias qui nos ex tot liberavit periculis et nobis
magna ostendit spectacula.*

CAPUT CLI.

Vita fratris (220) qui cum eo versabatur.

Cum ergo pauca dixero de fratre, qui mecum ver-
satur a juventute usque in hodiernum diem, hic
deinceps finem imponam orationi. Eum ego cognovi
longo tempore, cum comederet, omni gulæ affectione

caruisse, et itidem cum jejunaret, affectum non
fuisse, ut qui, ut arbitror, vicisset affectionem, longe
remotum ab avaritia, contentum semper præsentibus,
non se ornantem vestibus, contemptum gratias
agentem, pro germanis amicis pericula adeuntem,
dæmones expertum plus quam millies, adeo ut quod-
dam die cum eo dæmon pactus sit, et dixerit: Pa-
ciscere mecum te vel semel peccaturum, et quam
mihi in hac vita dixeris, vel nobilem, vel divitem
eam ad te adducam. Et rursus cum aliquando qua-
tuordecim noctes cum eo depugnasset, ut mihi
narravit, et noctu pede traxisset, ipsum est allocu-
tus, dicens: Noli adorare Christum, et ad te non
accedam. Is respondens, dixit: Propterea eum ado-
ro, et innumerabilibus amplius partibus glorificabo,
et sæpius orabo, quoniam ejus cultus te male habet.
In centum et sex venit civitates, et in plurimis est
etiam aliquo tempore versatus. Mulieris nullam ha-
buit experientiam, ne in somnis quidem, nisi si se
somniaaret a dæmone fornicationis oppugnari. Ter
eum novi cibus indigentem esculenta accepisse ab
angelo. Quodam die cum in extrema solitudine ne-
micam quidem haberet, invenit in pelle ovina tres
panes calidos paxamidios; aliquando rursus vinum
et panem; aliquando rursus venit ad eum vox, ~~333~~
dicens: Novi tibi deesse cibos; vade et accipe ab N.
illo homine frumentum et oleum. Cum ergo venisset
ad illum ad quem missus fuerat, is ipsi dixit: Tu es
ille monachus? Tum ille: Ita, sum is quem dicis.
Subjecit alter: Paterfamilias jussit quidem te acci-
pere triginta modios frumenti, et duodecim sextar-
ios olei. De eo potero gloriari ac prædicare qualis
esset; quem novi sæpe esse lacrymatum propter eos
qui ex necessitate laborabant inopia; præbebat ergo
si quid habebat, suo corpore excepto. Novi etiam
eum esse lacrymatum propter eum qui ceciderat in
peccata, et eum qui ceciderat adduxisse lacrymis ad
penitentiam. Is mihi aliquando hoc narravit: Deum
rogavi, ut neminem compungeret, maxime ex divi-
tibus et improbis, ut mihi aliquid darent quod es-
set ad usum necessarium.

Mihi autem hoc sufficit, quod dignus sim habitus,
qui horum omnium meminissem quæ scriptis man-
davi. Non enim sine Dei numine hoc factum est, ut
mens tua moveretur ut juberis me hunc librum
scribere, scriptis, inquam, tradere vitam horum
sanctorum et beatorum Patrum.

Tu autem, fidelissime Christi serve ac venerande
Lause, et caput mihi amicissimum et maxime germa-
num, hunc librum libenter legens, magnam tuæ im-
mortali animæ præbebis utilitatem, in justorum re-
surrectione, inclytorum rectæ vitæ athletarum insti-
tuta, labores, et tantam tolerantiam, vitæque duriter
actæ patientiam mente complectens. Quamobrem ea
prompto et alacri animo sequere, bona et incorrupta
spe nutritus, semper retro videns dies qui ante sunt
breviores; et ora pro me, te ipsum conservans alie-
num a reprehensione et custodiens integrum: qua-
lem te novi et habui, a consulatu Tatiani usque in

hodiernum diem, et qualem te novi rursus meliorem A moribus, et electum præpositum maxime pii cubi- que æternum, et manentem gloriam, et bona arcana, culi. Nam cum sis in tanta dignitate, in tot et tantis quæ neque oculus vidit, nec auris audivit, nec in pecuniis, et tanta potestate, non fecisti pejus quam cor hominis ascenderunt (Isa. LXIV ; I Cor. II) : quom Dei postulare metus. Is est Christo dedicatus, qui aurum Dominus efficiat hæredes cum sanctis ejus pa- audiit a diabolo : Hæc omnia tibi dabo, si cadens triarchis et prophetis, et apostolis et martyribus, et adoraveris me (Matth. IV). Sed eum Dominus pudore et iis quorum mentionem fecimus in hoc libro, gratia affecit, dicens : Vaude post me.

Quem quidem tu quoque imitans, tuentibus ex- ipsius Servatoris nostri Jesu Christi, cum quo Patri pulsus divitiis, et umbratili gloria vitæ præsentis, gloria cum sancto Spiritu, in sæcula sæculorum. Amen.

ROSWEYDI NOTATIO.

Ad hunc librum recensendum, cum in prima editione pauca Palladii Excerpta, partim ex Augustana Bibliotheca prompte submittere Davide Hæschelio, partim Venetiis a Gabriele archiepiscopo Philadelphensi Græce impetrassem, aliquam subinde in tenebris lucem ex iis tunc hausimus. Nunc postquam Græcolatina Palladii editio Parisiis ex Ms. Regio B (quem etiam cum Palatino a Meursio Lugduni edito contulit), curante Frontone nostro Ducæo, prodiit, majore luce illustrati sumus. Juverit quoque in dubiis recurrere ad veterem Palladii interpretationem, et Heraclidis Paradisum, quæ Palladianæ historiæ magna est pars. Utrumque in appendice habes.

(1) *Isidor.*] De hoc Socrates, l. IV, c. 18: Sozomenus, lib. VI, cap. XXIX; Nicephorus, lib. XI, capite 34.

Baronius, tomo III, anno Christi 340. Quod autem, ait, pertinet ad Athanasii Romam adventum, reperimus duxisse secum inter alios Isidorum illum, de quo plura Palladius, qui eum mirifice commendat (*Pallad. in Lusiac.*, cap. 1).

(2) *Extra villam.*] Ita legendum liquet ex Heraclide, qui de capitis tegumento hic habet. Græce est in Ms. Veneto, ἐκτός φακίολου, in Ms. Regio et Palatino, φακιάλου. Vide Onomasticon.

(3) *Dorotheus.*] De hoc Sozomenus, lib. VI, cap. 29, et ex eo Cassiodorus, hist. Trip., lib. VIII, cap. 1, et Nicephorus, lib. XI, cap. 35.

(4) *Et minorum olerum fasciculum.*] Το λεπτολαγάνων δέμα. Hervetus legisse videtur λεπτολαγάνων δέμα; vertit enim, et minorum olerum decem, ad Heraclidis interpres lectionem receptam tuetur; unumque fasciculum oleris vilissimi, et alius vetus interpres in appendice Vitarum Patrum, et de minutis olerum condimentis fasciculum. Sic apud Pollucem legimus φρυγάνων δεσμός et δέσμα. Nicephorus de hoc ipso Dorotheo, lib. XI, c. 35: "Ἐξ δ' οὐγκίαι κρουτο ην αὐτῶ τροφή, καὶ ἀπόδεσμος; λαγάνων λεπτῶν. « Cibus ei erat panis sex uncia, et tenuium olerum fasciculus. » FRONTO.

(5) *Funem ex ramis.*] Hoc maluimus, quam quod interpres, catenam ex ramis. σειρά enim non catenam solum, sed et funem sonat. Eustathio, πλέγματά τινα ἀπό σχοινίων, ἢ σπάρτων, ἢ καννάβειως, Heraclidæ, funem quemdam ex arbore dactylorum. Synesius in Dione, de Vita Monachorum, pag. 46: "Ἡ τὶ αὐτοῖς οὐ κάλαθοι βούλονται, καὶ τὰ πλεγμάτια ἅπτα μεταχειρίζονται; « Quid sibi calathi volunt, textaque quæ tractare solent? » FRONTO.

(6) *Panis quoque.*] Ψωμός; hic panem, non frustum significat, ut verterat Hervetus. Vide Onomast.

(7) *Ubi crux adest.*] Quasi legisset σωτήρ, non σωτῆρ, vertit Hervetus, Quo venit Servator; at felicium Heraclides: *Ubi crux adest, ibi nihil Satanæ malignitas.* Et alter vetus interpres: *Ubi crux Christi superducitur, non prævalebit malitia diaboli.* Hieronymus, in Vita Hilarionis: *Christi crucem signavit in fronte.* Prudentius in Hymno ante somnum:

Crux pellit omne crimen,
Fugiunt crucem tenebræ,
Tali dicata signo
Meas fluctuare necit,

Ita Fronto.

coelestem desiderasti et immortalem vitam, regnumque æternum, et manentem gloriam, et bona arcana, quæ neque oculus vidit, nec auris audivit, nec in cor hominis ascenderunt (Isa. LXIV ; I Cor. II) : quorum Dominus efficiat hæredes cum sanctis ejus patriarchis et prophetis, et apostolis et martyribus, et iis quorum mentionem fecimus in hoc libro, gratia ipsius Servatoris nostri Jesu Christi, cum quo Patri gloria cum sancto Spiritu, in sæcula sæculorum. Amen.

NOTATIO.

(8) *Potamiana.*] Baronius, tomo III, anno Christi 310, Eusebii papæ 2, Constantini imp. 5. Hæc, si nomen, sique ultimi supplicii genus spectes, una eademque videri posset cum ea quæ ponitur ab Eusebio lib. VI, cap. 4. Porro diversam hanc esse ab illa, differentia plures constituunt, nimirum diversus personarum status (nam illa ingenua, hæc serva), diversumque supplicii tempus plane declarat. Passa hæc sub Maximiano, sed sub Severo illa. Quæ non Potamena, sed Potamiæna dicta haberetur; verum non in lebetem immissa, sed tantum pice perfusa. Cæterum et ejusdem quoque nominis fuisse diversis temporibus plures virgines, iisdemque pœnis affectas, in amplissima civitate quis neget facile potuisse contingere? Hactenus Baronius.

Quod autem ait Baronius hanc Palladio dictam *Potamianam*, alteram illam Eusebio dictam *Potamiænam*, potius tribuendum corrupto textui Palladii, quo Baronius usus est. Nam ita habet Paradisus Heraclidis, quem Palladii nomine edidit Lipomanus, sed prima Herveti editio *Potamianam*. In Græco textu est Ποταμιάνα. In Palladii vetere interprete nomen hoc deest. *Potamiana* facile in *Potomeniam* transire potuit.

Potamiæna sub Severo martyrio affectæ celebris memoria agitur in Martyrologio Rom., 28 Junii, de qua Eusebius lib. VI, cap. 4, quam Laurentius de la Barre in sua Palladii editione eandem cum hac nostra existimavit.

Palladii editio omnis ex interpretatione Herveti loco *Maximiani* habet *Maximini*; ita quoque Græca Parisiensis editio. Vereor ut erronee. Nam in aliis Græcis est Μαξιμιανῶς. Et ita quoque legit vetus Heraclidis et Palladii interpres.

(9) *Præfecto Alexandrino.*] Græce est, ἐπάρχῳ Ἀλεξανδρίνω. Non recte Hervetus verterat, *præsidi.* Bene vetus Palladii et Heraclidis interpres, *præfecto.* Vide Onomasticon.

(10) *Per caput imperatoris.*] Solemne fuit olim jurare per caput imperatoris. Vide Onomasticon.

(11) *Didymi.*] De hoc Hieronymus in catalogo illustr. Ecclesiæ Scriptorum, cap. 109; Sozomenus libro VI, cap. 2 et ex eo Cassiodorus, Tripart. hist. lib. VIII, cap. 8; Nicephorus, lib. IX, cap. 17, et lib. X, cap. 35.

Frater Joannes Maria Brasichellensis, magister sacri Palatii, in indice librorum expurgandorum, ita loco hoc ascribit: Hic Didymus tametsi et sanctitate et doctrina vir magnus ab initio fuerit, ut plura de eo Patrum elogia testantur: et tandem in Origenis errorem præcipitatus, et præcipuus Origenista habitus, tanquam hæreticus condemnatus est, una cum Origene et Evagrio Pontico, in synodo v generali, ut auctores sunt sanctus Tharadius episcopus Constantinopolitanus in confessione fidei quæ habetur in synodo VII, actione 3. Nicephorus, lib. XVII histor., capite 27; Cedrenus in Annalibus. Eumdem cum iisdem damnavit quoque sanctus Martinus papa et martyr. in concilio Lateranensi, secretario V, can. 18.

(12) *Orbus.*] Carens oculis. Græce est, ὁ ἀπό ὀμμάτων γινόμενος. Phrasis ea Græcis usitata. Vide Onomasticon.

(13) *Dominus illuminat cæcos.*] Editio Lugdunensis mendose σοφοῦται. Communis editio Psalms, psal. cXLV, 8, σοφοὶ τῶν σφαιρῶν. Augustinus et vetus Psalterium, *sapientifical*; et Heraclidis interpres hoc loco, *Dominus sapientes facit cæcos.* At Chrysostomus admonet alium Græcum interpretem edidisse, Κόριος φωτίζει: unde Romanum Psalterium, et vulgata Latina: *Dominus illuminat.* FRONTO.

(14) *Ut obruatur præ cura cognatorum.*] Vide egregiam Collationem super hac re sancti Antonii apud Cassianum, collat. XXIV, cap. 11.

(15) *Macarius.*] Heraclides hæc tribuit Isidoro. Et ne error sit in ambiguo vocabulo Μακάριος, quod nunc appellative *beatus*, nunc proprie *Macarius* vertitur, exprimit nomen Isidori.

(16) *Lapidarius.*] Meursius in Lexico Græco barbaro notat hic in Græco esse καβιδάριος. Certe Hervetus recens Palladii, et vetus Heraclidis interpres, uterque vertit *lapidarius*. In Græco textu, qui nunc prodiit est: Λιθοργός, ὃν λέγουσι καβιδάριον.

(17) *Arsisii.*] Ita caput hoc inscripsi, quia hic post in textu vocatur *Arsisius*. In editionibus Palladii per Hervetum caput hoc haerens inscriptum fuit, *Arsacii*.

Fuit quidem *Arsacius* aliquis genere Persa, ex milite, et regionum leonum custode, confessor tempore Licinii, post monachus in arce Nicomediae, ubi et obit. De quo Sozomenus, lib. IV, cap. XV; Nicephorus, lib. IX, cap. 38.

Sed alius hic videtur *Arsisius*, apud quem Palladius habitasse se dicit. De quo Sozomenus, libro VI, cap. 30, et Nicephorus, lib. XI, cap. 37.

Meursius hic, in præfatione regule Pachomii, *Arsesii* pro *Orsiesii* substituit, minus recte. Orsiesius vixit cum Pachomio, et ei post Petronium successit, ut habetur in ejus Vita, cap. 53. Arsisius obiter dicit se eum vidisse.

(18) *Quinque millia virorum.*] Sic hodie in Atho monte XXII insignia sunt monasteria Græcorum monachorum ordinis sancti Basilii, quæ 785 tributum nomine Turcarum tyranno quotannis ex vinetis et olivetis suis pendunt 6000 obolorum Turcicorum. Mons is a Christianis Αγίων ὄρος, hoc est, *sanctus mons* dicitur, a Ruthenis *Suvata hora*. Ita notavit Joan. Langus ad lib. XI; Niceph., c. 38.

(19) *Hagionem.*] Apud Sozomenum, libro VI, cap. 30, et Nicephorum, lib. XI, cap. 37. Arsisius seu Arsesio jungitur *Arsion*. Heraclides hic *Agionem* habet. Fors *Arsion* ex *Agione* depravatum, vel contra.

(20) *Flagellum.*] Ecce vestustam disciplinaram, ut vocant, memoriam, de quibus vide Gretzerum nostrum accurate disserentem, peculiari ea de re libro.

(21) *Amon.*] De hoc Socrates, lib. IV, cap. 18; Sozomenus, lib. I, cap. 14; et ex eo Cassiodorus, histor. Tripar. lib. I, cap. 14; Nicephorus, libro VIII, cap. 41. Vide dicta supra, ad libram II Ruffini, capite 30.

(22) *Et corona redimiri.*] Et sponsus et sponsa olim corona redimiri soliti. Vide Onomasticon.

(23) *Dominæ et soror.*] Qui continenter in matrimonio vivebant, uxores suas vocabant sorores. Vide Onomasticon.

(24) *Or.*] De eo Nicephorus, lib. XI, cap. 34. Vide dicta supra ad Ruffini lib. II, cap. 2.

Hic est ille Or hæreticus Origenista, quem Evagrius Ponticus (imo Ruffinus, ut prolegomeno I docui) inter sanctos alios, suo de Vitis Patrum libro (supra hic, lib. II, cap. 2) immerito inseruit, ut auctores sanctus Hieronymus, epist. ad Ctesiphontem. En quales sanctos nobis obtrudit. Palladius. Vide Scholium nostrum, tom. V (Bibliothecæ Patrum) ad initium Operis Evagrii, ubi quoque observavimus, ex decreto sancti Gelasii I, idem esse judicium Romanæ Ecclesiæ de ejusmodi hominibus, et sancti Hieronymi. Ita magister sacri palatii supra citatus.

(25) *Pambo.*] De hoc Socrates, lib. IV, cap. 18; Nicephorus, lib. IX, cap. 14.

(26) *Ammonii et Eusebii, et Euthymii fratrum, et*

Origenis filii.] Ita suppletum ex Græco Codice Parisiensis editionis, cum ante esset, *Ammonii et Joannis filii*. Bene Heraclides, ad quem vide.

(27) *Qui non duos quidem obolos.*] Qui hic oboli, Marci XII, 42, dicuntur λεπτά. Vide Onomasticon.

(28) *Curassem.*] Latinis *curare*, quod Græcis ἐνταφίζεω. Hervetus hic *sepelire* verterat, non recte. Vide Onomasticon.

(29) *Origene presbytero ac æconom.*] Ita est in Græco Parisiensi. In aliis: Μακάριω τῷ πρεσβυτέρω, quod hic proprium videtur esse nomen, non appellativum, ut cepit Hervetus, qui vertit, *beato presbytero*. Apud Heraclidem, c. 2, est, *Paulo presbytero*. Nisi forte per *beatum presbyterum* intelligatur Isidorus.

(30) *Pior.*] De hoc infra hic, cap. 87.

(31) *Ammonii.*] De hoc Sozomenus, libro VI, cap. 30; et ex eo Cassiodorus, lib. X hist. Trip., capite 7; Nicephorus, lib. XI, cap. 32. Vide dicta supra, ad B Ruffini librum II, cap. 23.

Baronius, tomo III, anno Christi 340, Julii papæ 4, Constantini, Constantii, et Constantis imperatorum 4. Quod pertinet, ait, ad Athanasii Romam adventum, reperimus duxisse secum inter alios Ammonium admirandæ sanctitatis virum (alius hic ab illo, quem tempore Constantini in Domino quievisse diximus; nam hic longe post Antonii obitum defunctus est), comitem habuit. De quo sic Socrates, lib. IV, cap. 18: « Alius quidam monachus erat vir plane admirabilis, qui Ammonius vocabatur. Iste ideo parum curiosus fuit, ut cum Romæ una cum Athanasio forte versaretur, nihil ex magnificis virum operibus, præter templum Petro et Paulo dicatum videre omnino desideraret » Pervenit iste usque ad Theophili Alexandrini episcopi tempora, a quo creandus episcopus cum Evagrio, auriculam sibi præcidit, ne (quod sibi videbatur) eligeretur indignus.

Magister sacri Palatii, supra citatus, hic notat: Hic Ammonius fratresque ejus fuere palam hæretici Origenistæ, qui ex Ægypto Constantinopolim fugientes, magnarum turbarum in ecclesia causa fuere. Quos nimium exsecrati sunt Hieronymus epistola ad Ctesiphontem, et Theophilus Alexandrinus epistola ad sanctum Epiphanium, quæ 67 apud sanctum Hieronymum. Horum res nefarie gestas et turbines ab ipsis excitatos, ex certissimis auctoribus et monumentis exactissime exponit tom. V Annalium Ecclesiæ. Ita ille.

(32) *Memoriter.*] Græce, ἀποστηθίζειν. Eo fere verbo in hac re utuntur Græci, quod et infra, capite 24, in Marco, et cap. 39, in Aphthonio occurrit.

(33) *Impatibilis.*] Miser Palladius præceptoris sui Evagrii dogma de impassibilitate Stoica hic obtrudere conatur. Vide Divum Hieronymum epist. ad Ctesiphontem. Ita magister sacri palatii hic annotat.

Heraclides hic immediate ante Benjamin quædam interserit de Evagrio et Ammonio, et ecclesia Ruffiniana. Videtur Evagrio tribuere quod Ruffinum e fonte susceperit, et sic citat et intelligit Baronius tomo IV, anno Christi 394.

(34) *Benjamin.*] De hoc Sozomenus, lib. VI, capite 29; et ex eo Cassiodorus, hist. Trip. lib. VII, capite 10; Nicephorus, lib. XI, cap. 35.

(35) *Sella latissima.*] Δίπρος πλατύτατος. Herveto fuit *currus latissimus*. Nos *sellam* maluimus vertere cum Heraclide; cui suffragatur et Nicephori Callisti interpres lib. XI, cap. 35: διπρος πλατυτέρω ἐκάθητο, *latiore sella consedit*. FRONTO.

(36) *Apollonii.*] Hujus etiam meminit Sozomenus, lib. VI, cap. 29; et ex eo Cassiodorus, lib. VIII, cap. 1; Nicephorus, lib. IX, cap. 14, et lib. XI, c. 35.

(37) *Vasa medica omne genus.*] Παντοία ἰατρικὰ, καὶ κελλαρικὰ. Heraclides: *omnem remediorum speciem atque cellaria comparans*. Meursius in Glossario τὰ κελλαρικὰ exponit res quæ in cellario et pœnuario recondi solent, et citat Harmenopolium, l. II, tit. 10.

Quæ in fine dicuntur *frivola*, Græce est γρυτάρια. A vel ἐπιεικτικός, vel εὐεικτος, παρὰ τὸ εἶπεν. Heraclides suffragatur nostræ correctioni : « Puteum quoque fecerunt, eo quod sine aliquo videretur humore idem locus esse. » Alter vetus interp. *Humectus est enim locus*. Ratio enim redditur, cur maximum puteum effoderint. FRONTO.

(38) *Pæsi et Isaiæ.*] De his Nicephorus, l. ix, c. 14.

(39) *Mercatore Hispanico.*] Græce, ἐμπόρου Σπανοδρόμου. Heraclidis vetus interpretes vertit : *usque ad Hispaniam semper negotiando pergebat*. V. Excerpta, in quibus erat Πανοδρόμου. An a civitate Panos in Ægypto? Hic, infra, cap. 39 : Εἰς Πανὸς τὴν πόλιν. In panos civitatem. Supra, in Vita sancti Joannis Eleemosynarii, c. 36, occurrit Gallodromus.

(40) *Nobis pedes tuos attingentibus.*] Ita restitutum ex Græco, cum ante nullo sensu esset in Herveto, *ex tuis pedibus*. Obsecrationis species est. *pedes attingere, pedibus advolvi*. Vide Onomasticon.

(41) *Deum.*] Græca sonant. ut vertit Heraclides. *Ante Deum vobis loquor, utrosque in paradiso simul stare comperi*. Ita Paulus, II Corinth. xii, 19 : Κατανώπιον τοῦ Θεοῦ ἐν Χριστῷ λαλοῦμεν. *Coram Deo in Christo loquimur*, et ad Gal. I, 20 : Ἰδοὺ ἐνώπιον τοῦ Θεοῦ, οὐ ψεύδομαι. *Ecce coram Deo, quia non mentior*; ut intelligatur esse quædam species jurisjurandi III Tim. II, 14 : Διαμαρτυρούμενος ἐνώπιον τοῦ Κυρίου. *Testificans coram Domino*. Simile illud infra, cap. 113 : Ὡς ἐπὶ Θεοῦ ἤμας ἐπαίεον, *Ut coram Deo loquens nobis persuadebat*. FRONTO.

(42) *Macarii junioris.*] Sozomenus, libro vi, cap. 29 : et ex eo Cassiodorus, hist. Tripart. lib. viii, cap. 1; Nicephorus, lib. xi, cap. 35.

(43) *Solitudine.*] Interpres ediderat, *ut despueret dæmones solitudinē insullantes*, quasi esset ἐντροφῶνας. At Heraclides tuetur receptam lectionem capite 4 : *Ut exsultans solitaria vita illuderet dæmones atque despiceret*. FRONTO.

(44) *Et tauræ.*] Non, *taurina pelle indutus*, ut Hervetus scripserat. Vide Onomasticon.

(45) *Macarii Ægyptii et Alexandrini.*] De his Sozomenus, libro vi, cap. 29; Socrates, lib. iv, cap. 18; et ex eo Cassiodorus, hist. Tripart., lib. viii, cap. 7; Nicephorus, lib. ix, cap. 14; et lib. xi, cap. 42, 43.

De mortuo a Macario excitato Cassianus, collatione xv, cap. 3.

De pœna culicum a se exacta Petrus Damianus, lib. v, epist. 8 : « Nunquid et beatus ille Macarius digne ridebitur, qui dum se inimicum quid admisisset pœnituit, acutissimis culicum rostris, quæ videlicet apros transfigerent, per sex menses membra sua nudus exposuit? »

(46) *Cum Deo versari quam hujus mundi rebus occupari.*] Interpres Hervetus aliter : *et majori tempore vel cum Deo, vel in rebus versari caelestibus*. Ἡ ὑπ' οὐρανῶν, orbis terrarum. Vide Onomast.

(47) *Erga conjugem suam virginitalis.*] Edidimus, cum antea legeretur *erga suam maritum Parthenicum* quasi nimirum Parthenicus proprium esset mariti nomen; imo παρθενικός ἀνὴρ in Scriptura dicitur, qui apud Plutarchum in Pompeio dicitur παρθένιος ἀνὴρ. Πάρθλια (sic) τὸν παρθένιον ἀνδρα κέλεται. *Publium qui me virginem adhuc duxit*. Joel. I, 8 : Θρήνησον ὑπὲρ νύμφην περιεζωημένην σάκκον ἐπὶ τὸν ἄνδρα τὸν παρθένιον. *Plange magis quam virgo cilicio præincta propter virum suum virgineum*. Vulg. lat., *Super virum pubertatis suæ*. Poetis est κοῦρῆδος πόσις, ὁ ἐκ παρθενίας γεγαμηκὸς γυναῖκα. Sic Ἰλιάδ. ε. Κοῦρῆδιον ποθέουσα πόσιν τὸν ἄριστον Λατιῶν. FRONTO.

(48) *Amphoræ unius Cilicensis.*] Græce Ἀμφορέα Κιλικίσιον ὄδατος. Vide Onomasticon.

(49) *Spiritus fornicationis.*] Videtur Hervetus alio Græco textu usus, ut et vetus Palladii interpres. Plenius et alio sensu in Græco Vide ad Heraclidem cap. vi.

(50) *Ex lapidibus quadratis.*] Ex τετραπέδων λίθων. Hervetus verterat, *quatuor pedum magnitudine*. Vide Onomasticon.

(51) *Locus humidus.*] Græce ὑπικμος, ex Ms., non ut est in excuso Lugdunensi ὑπικμος, *locus humidus*. Hervetus, *locus qui cedit facile*, quasi esset εὐκτικός

vel ἐπιεικτικός, vel εὐεικτος, παρὰ τὸ εἶπεν. Heraclides suffragatur nostræ correctioni : « Puteum quoque fecerunt, eo quod sine aliquo videretur humore idem locus esse. » Alter vetus interp. *Humectus est enim locus*. Ratio enim redditur, cur maximum puteum effoderint. FRONTO.

(52) *Narravit autem nobis.*] Hoc loco Heraclides interserit narrationem Macarii de Marco, que habetur et sequitur hic, cap. 21. Inde sequitur hic narratio Paphnutii etiam de Marco. Et dicitur Marcus dedisse Athanasio pellem, et Athanasius Melaniæ. Forte Marcus positus pro Macario, ex compendio litterarum. Tamen quod de ætate narratur, sexaginta videlicet annorum fuisse post baptismum, et quadraginta ante baptismum ut habet Heraclides, convenit Marco, quem dicit centum annos vixisse. Rufinus vero, libro II Histor., c. 4, Macario tribuit historiam de læna, uti et Græcus textus hic.

Similem historiam habes supra, lib. iv, cap. 8, ex Severi Sulpicii dialogo I, cap. 9, de anachoreta anonymo circa Memphim, et quinque cæcis lænæ catulis ab eo illuminatis.

(53) *Marci.*] Sozomenus, lib. v, cap. 29; et ex eo Cassiodorus, lib. viii, cap. 1; et Nicephorus, lib. xi, cap. 35.

(54) *Moysis.*] Sozomenus, lib. vi, cap. 29; et ex eo Cassiodorus, Hist. Tripart. lib. viii, capite 1; Nicephorus, lib. xi, cap. 36 et 46. De eo etiam Theodoretus, lib. iv Hist. cap. 21.

(55) *Cum salitem Italicorum circiter octodecim.*] Græce, σαττην ὡς Ἰταλικῶν δεκαοκτώ. Vide Onomasticon.

(56) *Communica sacramentis.*] Magna olim sacræ communionis reverentia fuit, ut quicumque somniis voluptuosus fuissent inquietati, ii communione eo die abstinerent. Vide in Onomastico *Pollutio nocturna*.

(57) *Pauli.*] De hoc Sozomenus, lib. vi, cap. 29; et ex eo Cassiodorus, lib. viii, cap. 1; Nicephorus, lib. xi, cap. 36; Cassianus, collat. I, cap. 26 de Paulo apud Panephsin.

(58) *Calculum.*] Vel hinc probatur vetus usus calculorum rosarii; ut frustra que sint hæretici, qui vel recentem inventionem vel superstitiosam calumniantur. Vide in Onomastico *Rosarium*.

(59) *Cronio.*] Nicephorus, lib. xi, cap. 37.

(60) *Inter Babylonem.*] Hervetus, *inter Babylonem et Herculeas*. Heraclides, *inter loca quæ Babylonis et Herculis habent nomen*. Alius vetus interp., *Inter medium Babylonis et Herculiæ*. Capite 72 fit mentio Ἡρακλῆως Θεῆατος; apud Rufinum, *in regionibus Herculeis*.

(61) *Eulogio.*] Nicephorus, lib. xi, cap. 23, de alio Eulogio agit.

(62) *Abi hinc, scelerate fugitive.*] Græce, σχῆτα, γλοῦττων, φυγοκῆρι. Meursius in Glossario pro σχῆτα, γλοῦττων, legendum hic censet σατογλοῦττων : quod idem est quod apud Aristophanem in Pluto σατοφῆρος, id est, *stercorivorus*. Idem pro φυγοκῆρι scriptum reperit φυγοκῆρι, quod exponit *dominus helleus*, quasi φάγων κυρίως, idque dictum fuisse vult in convicio. Apud Vitas Patrum, lib. vii, interprete Paschasio, legimus, « Fugitive, qui propriam domum devorasti »; et apud veterem interpretem Palladii : *Multa mala commisisti, fugitive, forsitan domini tui alienas pecunias furatus es.* Itaque Paschasius, cum vertit, *qui propriam domum devorasti*, legisse videtur φυγοκῆρι, quasi κυρίων φάγος : sed idem tamen habet vocem *fugitive*, quemadmodum et Hervetus, et interpres vetus Palladii; proinde verior lectio φυγοκῆρι; quasi φυγῆς κυρίου, *qui dominum fugis*, ut φυγοδέμνος, φυγοπόλεμος, et φυγαργός. Sic Plautus in Pseudolo :

Fur, fugitive, fraus populi, fraudulente.

FRONTO.

(63) *Mutilate, maculate.*] Græce est, λεωδημί, πεπηλωμένοι. Apud Paschasium, sup., lib. vii, cap. 19, n. 3 : *Elephantibus, cano et nigro horride*. Vetus Palladii :

Fur, fugitive, fraus populi, fraudulente.

FRONTO.

dii interpres : *Leprose, inveterate dierum malorum.* A quoque et instrumenta diversæ suppellectilis necessaria. FRONTO. Quia Paschasius vertit : *cæno et luto horride*, videtur legisse πεπρωμένε, a πηλός lutum, ☉☉☉ vel simile quid. Certe πηλούμενος est lutosus, lutum contrahens. Ms. Venetus λελωδημένος και πεπρωμένον, mutilatum et truncatum; quem initio hujus capituli vocat λελωδημένον, ὅς οὔτε χεῖρας εἶχεν, οὔτε πόδας, mutilatum, qui nec manus habebat, nec pedes. Talis apud Suidam Κωλλός dicitur. Suidas : κωλλός, ὁ πεπρωμένος, οὐ μόνον πόδα, ἀλλὰ και χεῖρα. *Cyllus, mutilatus non solum pede, sed etiam manu.* Πεπρωμένε, ait Fronto, ut in Epigrammate, ὁ μὲν γυλιός πηρός, captus et truncatus membris dicitur, apud Herodotum dicitur quis εαυτὸν λωδᾶσθαι λώβην ἀνάεστον, qui mutilat sibi faciem ut eam deformet; ut necesse non sit hic elephantiasin suspicari, tametsi Heraclides, c. 32. Λελωδημένους vertat, elephantiosi laborantibus morbo.

(64) *Charitate.*] Agapas Latini Patresconvivia quædam Christianorum appellant, quibus pauperes excipiebant, ut annotat hic interpres Hervetus, ideoque hic interpretatus erat, et venerunt in cellam suam in fine agapes. Sed charitatem hic potius indicari vidit Heraclides, cum vertit, cap. ix, *redintegrata pace*; nec aliter Paschasius, cap. 19. Ita dixit paulo ante Antonius : Καὶ μετὰ καθαρᾶς ἀγάπης ὑποστρέψατε, et cum bona dilectione revertimini; ut I Joan. iv, 18 : Ἡ τελεία ἀγάπη ἔξω βάλλει τὸν φόβον. *Perfecta charitas foras mittit timorem.* FRONTO.

(65) *Pauli Simplicis.*] De hoc Sozomenus, libro i, cap. 13; et ex eo Cassiodorus, lib. i Trip. Hist., c. 11; Nicephorus, lib. viii, cap. 40.

(66) *Pertransit octo mansiones.*] Ὀκτώ μονάς. Ita hoc loco vertendum erat, non ut Hervetus, octo monasteria. Vide Onomasticon.

(67) *Habens principalem sævissimam dæmonem.*] Vide Serrarium nostrum in Tobie capite iii, part. 1, q. 5, quomodo aliqui dicantur principales dæmones.

(68) *Helluo senex.*] In Græco Parisiensi est φαγόγηρε, helluo senex. At in meis Græcis κακόγηρε, improbe senex. Sic et supra, cap. 21. Vide Onomasticon.

(69) *Helluones isti in senectute.*] Græce : πολιοφάγοι οὔτοι. Vide Onomasticon.

(70) *Pachon.*] De hoc Sozomenus, lib. vi, cap. 29; et ex eo Cassiodorus, lib. viii Trip. Hist., c. 1 Nicephorus, lib. xi, cap. 36. Vincent., Spec. hist., lib. xvii, capite 79; Antonius, parte ii, tit. 15, cap. 11. Dicitur hic Cassiodoro, Heraclidi, Vincentio, Antonino Pachonius, sed legendum Pachonius a Pachon, quod imposuit P. Maturio nostro ad Antoninum ubi Cassiodori locum citat pro Pachomio Tabennensi, de quo hic, infra, cap. 38 agit Palladius.

(71) *Stephani.*] De eo Sozomenus lib. vi, c. 29; et ex eo Cassiodorus, lib. viii Trip., cap. 1; Nicephorus, lib. xi, cap. 36.

(72) *Ex latere.*] Hervetus : ex transverso. Scribendum potius, a latere Marmarico, vel, non longe a Marmarica. Sozomenus, lib. vi, cap. 22, περί τὸν Μαρρώτην οὐκ ἔποθεν τῆς Μαρμαρικῆς, circiter Mareolen, non longe a Marmarica. Nicephorus, libro xi, c. 36, περί τὸν Μαρρώτην οὐ πολλῶ τῆς Μαρμαρικῆς ἔποθεν, circa Mareolen non longe a Marmarica. Sic Deut. xxxi, 26 : Θῆσατε αὐτὸ ἐκ πλαγίων τῆς κιβωτοῦ. Vulgata : *Ponite eum in latere arcæ Domini.* Et I Reg. xx, 24 : Ἐκᾶθισεν Ἀβεννήρ ἐκ πλαγίων Σαούλ. *Sedit Abenner a latere Saul.* Ita postea, cap. 35, Ἐκ πλαγίων τοῦ μοναστηρίου, ad latum monasterii. FRONTO.

(73) *Valente.*] De hoc nihil nunc occurrit.

(74) *Erone.*] Cassianus, collat. v, cap. 2, meminit Heronis senis, qui se in puteum præcipitavit, diversus videtur ab hoc Erone.

(75) *Ad eorum culturam instrumenta.*] Κήπους, και τὰ τούτων χρηστήρια. Hervetus verterat, hortos et eorum oracula; atqui non solum oracula μαντεῖα dicuntur τὰ χρηστήρια vel loca in quibus ea redduntur, sed et τὰ χρηστήρια οὐσίη sunt utensilia, apud Pollucem τὰ ἱκίπλα; itaque Heraclides hic edidit, hortulos

A quoque et instrumenta diversæ suppellectilis necessaria. FRONTO.

(76) *Pachonii.*] Vide de hoc auctores citatos l. i, ad ejus Vitam.

(77) *Tabennensis.*] Græce Ταβεννήσιος, a Tabenna. Vide Onomasticon.

(78) *Sine villis.*] Græce, in Parisiensi editione, ἄμαλλα, et sic etiam legit Heraclidis interpres, qui vertit, sine villo. Hervetus verterat molles, quasi legisset ἀμαλά, quod est in Excerptis Græcis Codicis Augustani; et Hesychius ἀμαλὸν exponit ἀπαλὸν, molle. In Veneto erat, ἀμαλλαῖος; sed lege, ἄμαλλα ὤς.

(79) *Et cum ad vespertinum lumen.*] Græce est, ἐν τῷ λυγνικῷ, id est, vespertino lumine, ut habet Heraclidis interpres. Vide Onomasticon.

(80) *Aphthonii.*] Sic et Græce Ἀφθόνιος. In Heraclide Antonius ante erat in prima editione. Nunc ex variis Mss. Aphthonius restitui.

(81) *Panis civitatem.*] Græce, εἰς Πᾶνος τὴν πόλιν. B Atque ita interpres Heraclidis, cap. 19, legit. In Herveto erat, in Spaniam quidem. Vide supra, cap. 16.

(82) *Edificant.*] Videtur Hervetus legisse οἰκοδομοῦντες. Sed Mss. August. Ven. et Paris. habent. οἰκονομοῦντες, distribuentes, recte. Nempè per monasteria et carceres distribuunt ea quæ manibus lucrati sunt. Heraclides, cap. 19 : « Et ex his quæ quotidiano victui superesse poterant, etiam monasteriis feminarum, carceribusque vicinis necessaria quæque præbentes. »

(83) *In arte fullonia, alius in parandis cortis.*] Græce, ἄλλος γναφετον, ἄλλος βυρσεῖον. Hæc non exhibebat textus Latinus Herveti, tantum habebat, in consueudis calceis. Forte id in suo Græco textu habuit, vel ita βυρσετον extulit. Heraclides, capite 19, postquam de fullone egit, addit : « Alter pellium, alter coriorum confectione sudabat. » Quare ejus interpres auctus Græcum exemplar habuit. Excerpta Augustana post βυρσετον habent συντοτομετον. Legè συντοτομετον, et hoc forte Hervetus vertit, in consueudis calceis.

(84) *Virgine.*] Quod hic habes oblationem pro desperata non oblatam, vide simile exemplum apud Cassianum, collat. ii, cap. 5.

(85) *Et hoc scelus.*] Hervetus scripserat, et fratemitatitantum attulisset dolorem; videtur legisse ἄλγος, non ἄγος, ut habet excusus; et Heraclides vertit, non ferens tanti sceleris atrocitatem. Sed quod addit Palladius ἀδελφότητος, suadet ut ἄλγος potius amplectamur; nisi malis casum mutare, ut sit εἰργάσατο τὸ ἄλγος τῆ ἀδελφότητι. FRONTO.

(86) *Virgine.*] Non fuit hæc dicta Amma proprio nomine, ut quidem putarunt, sed appellativo, ex virtute, quod ita matres spirituales vocarentur, ut hic sequitur. Vide Onomasticon.

(87) *Redimiculum.*] Τὸ διάδημα. Hervetus Latine extulerat, diadema in capite; at Heraclides : « Hæc igitur involutum pannis habebat caput. » Pelagius, l. vi, libello xviii, coronam vertit; sed postea : « cum D vidisset frontem ipsius panno involutam; » quod hic Græce est, και τὸ βᾶκος ἐπὶ τῆς κεφαλῆς αὐτῆς και τοῦ μετώπου. Cæteræ nimirum religiosæ virgines cucullis coopertum habebant ☉☉☉ caput, hæc redimiculo vel tænia simplici, vel panno. FRONTO.

(88) *Salem.*] Quid Sale sit, sequitur : « Sic enim vocant illic eas, quæ non sunt sanæ mentis. » Vide Onomasticon.

(89) *Joanne.*] Vide de eo citatos auctores supra, ad lib. ii, cap. 1.

(90) *Tyrannorum.*] Græcus Codex exprimit nomina, Μαξιμου και Ευγενίου : Maximi et Eugenii. Ita et Heraclides.

(91) *Tempus ascensus.*] Græce, Καιρός ἀνάσσεως. Puto intelligi ascensum Nili. Sic supra, cap. 37, cum Nilus ascenderet. Vide Onomasticon.

(92) *Venerabilem senem.*] Græce, καλόγηρον.

(93) *Morbus enim.*] Hervetus, timens ne florem hydropticus. Heraclides, atque illic hydroptem meditans. Μελιτῶν hic idem valet, quod studere, cogitare, vergere,

ut qui meditatur defectionem, ad eam tendit. Sic A Jonas I, 4 : *Et navis putavit conteri, ut ex Hebræo Vatablus ; vulgata, periclitabatur conteri.* FRONTO.

(94) *An divina voluntate.*] Interpres ediderat *an potentiori voluntate.* Rectius Heraclides, *utrum studio hominum, an voluntate divina, ἐξ εὐδοκίας τοῦ Κρεῖττονος*, quæ vox Numen divinum etiam apud profanos significat. Plutarchus, in Pyrrho : *Ὡς τινα τῶν κρείττωνων θαυμάσαντες, tanquam aliquem ex diis admirantes.* Socrates, lib. I, cap. 4, *Histor. Ὁμολογῆσαι χάριν τῷ Κρεῖττονι, τοῦ Κρεῖττονος ἐπιειθέοντος.* Deo opitulante, Nicephorus, lib. XVI, cap. 29. Ita hujus Lausiacæ historiæ cap. 52, *τὴν εὐδοκίαν οὕτω σχολίη παρὰ τῷ κρείττονι*, quod perperam interpres, *digna laboribus consequatur a potentiori.* FRONTO.

(95) *Nuntiata est.*] Retinuerat vocem Græcam interpres : *« Hodie, aiebat, venerunt Alexandriam epinicia maxime pii Theodosii. »* Prosper in Chronico, ad annum Christi 495, meminit hujus Prophetiæ Joannis : *« Joannes anachoreta, clarus habetur ; qui ornatus prophetiæ gratia Theodosium consulentem, de eventu belli, quod adversus Eugenium movebat, victorem futurum prædixit.* FRONTO.

(96) *Ammonæ.*] De hoc vide dicta ad Ruffinum lib. II, cap. 3.

(97) *Be.*] *Benus* hic dicitur Ruffino, libro II, capite 4. Ibi vide.

(98) *Theona.*] *Theon* hic dicitur Ruffino, I, II, cap. 6, ubi consule.

(99) *Elia.*] Vide citatos de hoc auctores, supra, ad librum II Ruffini, cap. 12.

(100) *Apollo.*] De eo citatos auctores vide ad dictum librum Ruffini, cap. 7.

(101) *Et nicolaos maximos, et panes mundos et calidos.*] Græcus Ms. Venetus : *Καὶ νικολάους παμμεγέθεις, ἄρτους δὲ καθαρούς καὶ θερμούς.* Parisiensis editio Græca loco δὲ habet *δέκα, decem.* Deceptus Hervetus, qui verterat : *Et nicolaos panes maximos, et puros lupinos.* Nempe *θερμούς* legit, id est, *lupinos.* pro *θερμούς, calidos.* Vide dicta ad I. II Ruff., 7, n. 21.

(102) *Copre.*] Sozomenus, lib. VI, cap. 28 ; Cassiodorus, lib. VIII, cap. 50 ; Nicephorus, I, II, c. 34.

(103) *Anuph.*] Nicephorus, lib. XI, cap. 14.

(104) *Hellenis.*] Sozomenus, lib. VI, cap. 28 ; Cassiodorus, lib. VIII, cap. 50 ; Nicephorus, lib. XI, c. 34.

(105) *Apelle.*] Sozomenus, Cassiodorus, Nicephorus, ibidem.

(106) *Joannis.*] Nicephorus, lib. XI, cap. 30.

(107) *Mittebat eulogias.*] Hervetus interpres verterat, *mandabat benedictiones.* Vide Onomast.

(108) *Paphnutio.*] De variis Paphnutiis vide dicta ad lib. II Ruffini, supra, cap. 16.

(109) *Mercatore.*] Sozomenus, lib. VI, c. 31. Nicephorus lib. XI, cap. 38.

(110) *Apollonii.*] Dubito an de hoc Sozomenus, lib. VI, cap. 29 ; et ex eo Cassiodorus, lib. VIII Tripart., cap. 3 ; Nicephorus, lib. IX, cap. 14. Vide notata ad Ruffinum, supra, lib. II, cap. 19.

(111) *Philemons.*] Vide dicta ad Ruffinum eodem libro et capite.

(112) *Martyrio.*] Id est, templo martyrum. Vide Onomasticon.

(113) *Tabernacula.*] Græce *σκηνώματα.* P. Fronto noster hic substituit *corpora.* Pro utroque *σκήνωμα* capitur, uti et *tabernaculum.*

(114) *Dioscuri.*] Dicitur hic presbyter. Quare distinctus videtur a Dioscuro episcopo, cujus mentio supra, cap. 10. Nisi idem ante presbyter, post episcopus factus sit. Vide dicta supra, ad Ruffini lib. II, cap. 20, ubi alios auctores de hoc Dioscuro nostro citavimus.

(115) *Nitrienses.*] Vide notata supra, ad Ruffinum, lib. II, cap. 21.

(116) *Ammonio.*] De hoc non memini legere præter ea quæ habes supra, apud Ruffinum, lib. II, cap. 23,

(117) *Isidori.*] Vide Notationem ad librum II Ruffini cap. 17.

(118) *Ammonæ.*] Dicitur hic supra Ruffino, lib. II, cap. 32, *Pianumon*, ubi vide notationem.

(119) *Sacrificium.*] *Ἡροσφέρων λατρείας.* Quæ vox licet proprie cultum vel obsequium sonet, tamen et pro sacrificio usurpatur ; et suffragatur nobis Ruffinus, quem comperimus, cap. 32, scripsisse, *Piamonem* hæc vidisse, cum Domino sacrificium offerret (sic enim appellat quem hic Palladius Ammonam) et σημειούμενον Hervetus *signantem*, clarius *notantem*, in charta scilicet scribentem eorum nomina, ut exponit idem Ruffinus, accedentium ad altare scribentem nomina ; et Sozomenus uberius cap. 29 lib. VI *Histor. Τὸν Πιάμωνα ἱερωμένον θεάσασθαι περὶ τὴν ἱερὰν τράπεζαν θεῖον ἄγγελον ἐστῶτα, καὶ τῶν μοναχῶν τοὺς παρόντας ἐγγράφειν βίβλων, τοὺς δὲ ἀπόντας ἀπαλείφειν.* « *Piammonem* cum sacrum faciebat, vidisse circa sacram mensam stantem angelum Dei, et monachos presentes in libro quodam scripsisse, absentes vero delevisse. » Nicephorus, lib. XI, cap. 35. FRONTO.

(120) *Joanne.*] Consule notata supra, ad lib. II Ruffini, cap. 33.

(121) *Pityrionis.*] Meminit Nicephorus, I, IX, cap. 14, *Pithyionis*, qui apud Athenas asceterium habuit.

(122) *Parvam pullem ex farina.*] Græce *ζωμὸν ἀλέρου.* Hervetus verterat, *parvam farinæ fusculum.* Credo intelligi, quæ hic alibi dicuntur *sippulæ.* Vide Onomasticon.

(123) *Eulogii.*] De hoc vide citatos auctores ad lib. II Ruffini, cap. 4.

(124) *Serapionis.*] Vide de duobus Serapionibus notata ad Ruffinum, lib. II, cap. 18.

(125) *Arlabas.*] *Ægyptiaca* hæc mensura, faciens modios *tres cum triente.* Vide Onomasticon.

(126) *Permentium.*] Locus in Palestina, a pastoribus ita dictus *Ἡουμένιον.* Vide Onomasticon.

(127) *Hieronymi.*] Notat hic magister sacri Palatii libro supra citato, ad verba Posidonii de Hieronymo ; vel Posidonius iste vaticinans adversus sanctum Hieronymum fuit impostor, vel Palladius odio in sanctum Hieronymum (quod est propensius) aperte mentitur, et rabie in eumdem furit. Sed haud crede, lector, impudenti Origenistæ et Pelagiano Palladio, dum maledicentiæ frena effundit in sanctissimum virum angelis venerandum.

(128) *Paula.*] Notissima nobilissimaque femina, cujus Vitam habes apud sanctum Hieronymum.

(129) *Serapionis Sindonitæ.*] In Menæis, 21 Maii, vocatur *ὁ ἀπὸ Σειδόνης.* Si idem cum nostro, legendum *ὁ ἀπὸ Σινδόνος.* Nam Palladius clare *Sindonitam* ait dictum, quod sola sindone uteretur.

(130) *Viginti solidis.*] Interpres, *viginti nummis.* Vide Onomasticon.

(131) *Qui erant in dignitate.*] Hervetus legisse videtur *οἱ εὐτάτες*, non *οἱ ἐν τάσει*, vertit enim, *qui erant viles et abjecti.* Heraclidis autem interpres lectioni Regii Codicis et Excusi astipulatur : *« stetit supra quemdam colliculum civitatis, ubi primates ejusdem oppidi concilium habere consueverant.* FRONTO.

(132) *Pallium gestabant et byrrum.*] Græce, *τριβωνοφόροι τε καὶ βυρροφόροι.* Vide Onomasticon.

(133) *Evagrius.*] Dignum patella operculum. Palladius Origenista celebrat suum præceptorem Evagrium hæreticum pariter Origenistam, ab Ecclesia sæpius condemnatum. Sed qualis fuerit Evagrius, vide supra (lib. II, not 45, ad cap. 27), ut hinc cernas hæretico de hæretico et ejusdem hæresis mysta prodenti quænam sit deferenda fides. Ita magister sacri palatii sæpe jam citatus.

(134) *Civitas Iberorum.*] Heraclides : *Hiberorum* : Græc. Venet. *Ἰβέρων.* Paris *Ἰβήρων.* Hervetus impresserat *Liberorum.* Est quidem alibi *Liberorum*, *Ἐλευθερίων* civitas ; sed quia Ponticus dicitur *Evagrius*, investiganda civitas *Hiberorum* in Ponto Divus Hieronymus, epistola ad Ctesiphontem contra

Pelagium, vocat *Hyperboritam*, ubi Gravius restituit *A Iberitam*. Il concilio Constantinopolitano primo, quod fuit secundum generale, in descriptionibus episcoporum, habes duplicem Pontum, videlicet *Amasiæ*, ubi ponitur Pantophilus Iberorum episcopus : et *Polemoniæ*, ubi ponitur Atarbius episcopus. Quare *Panticum* et *Iberitam* Evagrius capio ex Ponto *Amasiæ*, qui fuit dictus *Helenopontum*, ut alter *Polemoniæ*. Est autem Ἰβωρα, *Ibora* civitas Helenoponti in Authenticis, collat. iv, tit. 7, novell. 28, apud Porphyrogenetam Cappadociæ. Unde apud Hieronymum lego *Iboritam*. Sozomenus, Socrates, Nicephorus, locis mox citandis, Evagrius ex *Iberibus* faciunt, qui Pontum Euxinum accollunt.

(135) *Episcopo ecclesiæ Cæsareæ ad Argeum.*] Hoc cum sequenti, *Post decessum autem sancti Basilii episcopi*, deest in Græco Veneto. Est in Paris.

(136) *Nysenus.*] Ita Græcus Paris. Heraclides, et Græcus textus Venetus. *Nazianzenus*, et iis deest *frater episcopi, cui datur honos inter apostolos*. Jure dubites, an *Nysenus*, an vero *Nazianzenus* hic intelligendus sit. Pro *Nyseno* facit, quod hic dicitur Gregorius veniens ad concilium reliquisse Evagrius Nectario. Nam constat *Nysenum* ad concilium Constantinopolitanum venisse, *Nazianzenum* vero jam tum Constantinopoli aliquot annis habitasse. Si fidus Nicephori catalogus, duodecim annis dicitur habitasse Constantinopoli. Et ipse *Nazianzenus* oratione valedictoria, quam ipse Συνακτικῶν λόγων inscribit, nomine cl. episcoporum sic dicit : Τοσοῦτος χρόνος, φασιν, εἴς οὗ τὴν ἐκκλησίαν ἄγειν μετὰ τῆς τοῦ καιροῦ βοήθειας : « Tanto jam tempore, inquit, ecclesiæ præes, temporis ope et auxilio fretus. »

Pro *Nazianzeno* adduci posset quod in testamento ejus fiat mentio Evagrii diaconi, cui quædam legat. Quo loco hunc nostrum Evagrius intelligit Baroniis, tomo IV, anno Christi 389, qui etiam anno Christi 379 et 381, Evagrius hunc nostrum a *Nazianzeno* diaconum ordinatum asserit. Certe et Socrates, lib. iv, cap. 23, Græcæ edit., seu cap. 18 Latinæ, Evagrius a *Nazianzeno* diaconum ordinatum scribit, quem exscribit Suidas in Μακάριος. Ita igitur de Evagrio Socrates : Τούτων Ἐυάγριος γενόμενος μαθητῆς, τὴν δι' ἔργων φιλοσοφίαν ἐπίστατο, πρότερον λόγῳ μόνῳ φιλόσοφος ὢν, ὅς ἐν τῇ Κωνσταντινου πόλει ὑπὸ Γρηγορίου τοῦ Ναζιανζηνοῦ, εἰς τὴν τοῦ διακόνου ποσχειρθεὶς τάξιν, εἶτα ἅμα αὐτῷ εἰς τὴν Αἴγυπτον πατελεύθειν, καὶ τοῖς προλεγεθῆσιν ἐντυχῶν ἀνδράσι τὸν ἐκείνων βίον ἐξήλωσε. Καὶ τοσαῦτα τεράστια ἐν ταῖς χερσὶν αὐτοῦ γέγονεν ὅσα καὶ ἐν ταῖς τῶν αὐτοῦ καθηγητῶν : « Istorum (duorum Macariorum) discipulus fuit Evagrius; qui studium sapientiæ in initio quidem verbis duntaxat, postea autem factis diligentissime excoluit. Hic primum Constantinopolis a Gregorio Nazianzeno est ordinem diaconi consecutus; deinde una cum illo in Ægyptum profectus, ibique cum illis piis viris, quos supra dixi, collocutus, illorum vivendi genus ardentis studio imitari cœpit, totque miracula ab eo edita quot a Macariis præceptoribus suis. » Similia habet Sozomenus, lib. vi, cap. 30; Nicephorus, lib. xi, cap. 42. Suggesti aliquas utrinque rationes dubitandi. Certius decidi poterit si plures manuscripti Græci in alterutrum conspirent.

(137) *Ricinis scateret.*] Græcæ est : Ὡς καὶ τὸ σῶμα πρόωνας ἐκδράσαι, quod Heraclides vertit, *ut per corpus ipsius totum quædam papulæ exirent*. Vide ad veterem Palladii Lausiacam, et Onomasticon.

(138) *Pior.*] Mentio ejus supra, cap. 11. De hoc quoque Sozomenus, lib. vi, cap. 29. Cassiodorus, lib. viii, cap. 1. Nicephorus, lib. xi, cap. 37.

(139) *Contentus inventis amaritudinibus aquæ.*] Ita verterat Heraclides. Hervetus : *se aquæ concludens amaritudine*; quasi nimirum legisset, τειγλας εἰσπῶν, pro στοιχίλας. Ruffinus, lib. iii, cap. 31, hunc ipsum *Pior* apud semetipsum ait cogitasse : « Quoniam qualemcunque aquam invenero, oportet me ipsa contentum esse. » FRONTO.

(140) *Mosis.*] Nicephorus, lib. xi, cap. 37.

(141) *Propter quod missus sum* δι' ὃ ἀπεστάλην.] Hæc contraxerat interpres Hervetus hoc modo, *dicens. Non ideo missus sum*. Sed ampliorem sententiam in Græcis tumentur Heraclides, cap. 27 : « Propter quod sum, inquit, missus, hoc factum est, nam ut cibum caperem, nemo me misit. » Sozomenus, lib. vi, cap. 29 : Οὐκ ἠνέσχετο, φήσας, μὴ ἐπὶ τούτῳ ἀπεσταλάθαι, ἠνύσθαι δὲ ἐπ' ᾧ ἦλθεν : « Noluit, dicens, se non ea de causa ad eos missum, atque rem, ob quam ipse venerat, jam esse confectam : » Nicephorus, lib. xi, cap. 32 : Οὐκ ἠνέσχετο, εἰπὼν, μὴ ἐπὶ τούτῳ ἔχειν, ἠνύσθαι δὲ αὐτῷ, δι' ὃ παραγέγονε. I Morem illis non gessit, non ea de causa se venisse dicens, effectum autem esse id, cujus causa venerat. » FRONTO.

(142) *Chronii.*] De alio *Cronio* supra, cap. 25.

(143) *Paphnutii Cephalæ.*] De variis *Paphnutiis* vide dicta ad librum ii, cap. 16, num. 32.

(144) *Stephano.*] Alius hic ab eo, de quo supra, cap. 30.

(145) *Hoc est non ad utilitatem.*] Restitutus est hic locus, quem mutilum sic exhibuerat interpres : « In verbis inanibus, non impletis verborum testimonio. Ex derelictionibus ergo una quidem est. » Locus autem *Jobi* est prior c. vi, 6, posterior autem c. xli, 3, nonnihil diversus. Ἡ ἀποποιῆ μου τὸ κρέμα; οἱ δὲ με ἄλλως σοὶ κεχρηματιαῖναι ἢ ἵνα ἀναφανῆς δίκαιος; nunquid ἔρεπelles iudicium metem? *Putas autem me aliter respondisse tibi, quam ut appareas justus?* In quibusdam tamen libris editis legitur, ut hic a Palladio citatur, μὴ ἀποποιῶ. *Ne repellas.* FRONTO.

(146) *Necessario.*] Hic mutilata interpretatio Herveti ex auctoris et veteris interpretis verbis restituta est. Sic apud Platonem ψυχῆς κίνησιν Cicero interpretatur *animi commotionem*, qui et *Tusculana* 4 iram definit : Πάθος ἐστὶν ἄλογος καὶ παρὰ φύσιν ψυχῆς κίνησις, *Perturbatio aversa a recta ratione contra naturam animi commotio*. Ὁργῆ ἐπιθυμία τιμωρίας τοῦ δοκοῦντος ἡδικοῦνται οὐ προσηκόντως. *Ira est libido puniendi ejus qui videatur læsisse injuria*. Aristoteles, in *Rhetoric*, cap. 2 : Ὁργῆ, ὁρεῖς μετὰ λύπης τιμωρίας φαινομένης διὰ φαινομένην ὀλιγωρίαν μὴ προσήκόντως. *Appetitus cum dolore conjuncta ejus quæ apparet ultionis propter eam quæ apparet despicientiam, non convenienter*. FRONTO.

(147) *Ventos pascens.*] Omiserat interpres et *umbras persequens*, non Heraclides : « et pastor quodammodo insipiens videbatur esse ventorum, atque persecutor umbrarum, » cap. 47. Locus est *Eccles. xxxiv, 2* : Ὡς δρασσαίματος σκίας, καὶ διώκων ἔνεμον, οὕτως ὁ ἐπέγων ἐν ὑπνοῖς. *Quasi qui apprehendit umbras, et persequitur ventum, sic qui attendit somniis*. Legimus quidem in *Vulgata Latina*, *Osee xii, 1* : *Ephraim pascit ventum*, sed Græcæ est, ὁ δὲ Ἐφραὶμ πονηρὸν πνεῦμα. *Ephraim autem pessimus spiritus*. Est et *Proverb. x. 4* in *Latina Vulgata*, cui *Græca* minime respondent. *Qui nititur mendaciis, hic pascit ventos, idem autem ipse sequitur aves volantes*. FRONTO.

(148) *Ephræm.*] Vide supra dicta, lib. i, ad *Vitam* ejus.

(149) *Omnes enim res cauponantur.*] Καπηλεύουσι τὰ πράγματα, ut dixit Poeta vetus apud Ciceronem de *Offic.* : « Non cauponantes bellum, sed belligerantes. » Ignatius, epist. ad *Trallianos*. Περιφέροντες τὸ ὄνομα Χριστοῦ, καὶ καπηλεύοντες τὸν λόγον τοῦ Εὐαγγελίου. « Circumferentes nomen Christi, et Evangelii sermonem nundinantes. » Basilius *Seleuciensis*, orat. 8 : Οἱ μὲν οὖν τὴν φύσιν καπηλεύοντες νενοθευμένον δουλεῖα τὸν πατέρα καταδικάζουσι. « Illi naturam cauponati abjectum pro notho puerum damnant servitute. » Apostolus ipse, *II Cor. ii, 17* : Καπηλεύοντες τὸν λόγον τοῦ Θεοῦ. *Adulterantes verbum Dei*. Apud *Herodotum*, καπηλεύειν πάντα τὰ πράγματα, est, *res omnes quasvis habere*, ut apud *Philostratum*, τὴν σοφίαν καπηλεύειν, est *Budæo, philosophiam iureo post-*

habere. Sozomenus de hoc ipso Ephraim, lib. III, cap. 15 : Σγεδὸν πάντων πρὸς κέρδος κεληνόντων, καὶ κατηλίαν τὸ πρᾶγμα ποιουμένων. « Cum omnes fere lucri cupiditate ardeant, et hanc rem velut mercaturam ad quæstum faciant, » Nicephorus, lib. IX, cap. 16 : Πάντες γὰρ πρὸς κέρδος κεληνότες εἰσι τὰ τοιαῦτα αἰσχροῦς κατηλεύοντες. « Omnes enim lucro inhare, et talia fœde in suum quæstum vertere. » FRONTO.

(150) *Sub imperatore Constantio.*] Heraclides interpres : « Sub imperatore Constantio in principiis ejus imperii in magnorum virorum ordine militasset. » Alter vetus interpres Palladii : « In initio imperii Constantini abrenuntiavit sæculo. » Hervetus verterat, *inter magistratos.* Τὰς ἀρχάς igitur hic non magistratos intelligas, sed initia imperii, ut in Prato spirituali, cap. 112 : Ἐν ταῖς ἀρχαῖς Τιβερτοῦ τοῦ βασιλέως. *Initio imperii Tiberii imperatoris;* et cap. 155 : Εἰς τὰς ἀρχάς τοῦ πιστοτάτου ἡμῶν βασιλέως Μαυρικίου : *Initio imperii fidelissimi imperatoris Mauricii.* 1 Esdræ, IV, 6 : Ἐν ἀρχῇ βασιλείας αὐτοῦ. *In principio regni ejus.* FRONTO.

(151) *Qui inter domesticos militabat.*] Δομestikὸν στασιόμενον. Hervetus verterat, *domesticum qui militabat.* Dicebantur *domestici* peculiari appellatione, qui in aula imperatoris militabant tam equites quam pedites (quos alii etiam *οἰκέτους* vocant) destinati custodiæ Imperatoris : de quibus pluribus agit Meursius in Glossario. FRONTO.

(152) *Viam minime tritam.*] Interpres, *valde immutabilem*, quasi legisset ἄρρηκτον, non, ἄτριπτον, quod Heraclides vertit, *a nullo pene detritam ingressus est viam.* Ita Lucretius, lib. IV :

Avia Pieridii peragro loca, nullius ante
Trita solo.

Ambros. sermone 74, de Natali martyris : « Via vitæ ubi Dominus resurrexit nota facta, solo attrita est plurimorum. » FRONTO.

(153) *Abramio.*] Cassianus, collat. XV, cap. 4 et C 5, de alio Abraham abbate.

(154) *Frustum sarmienti.*] Κόμμα κλίματος. Hervetus *frustum scalarum* sripsit, quasi legisset, κλίμακος. Heraclides, *cum exiguam partem sarmienti ex arida vite teneret.*

(155) *Eustathii.*] Sozomenus, lib. III, cap. 13, de alio Eustathio Sebastie episcopo.

(156) *Ut tota ejus.*] Vitiosa lectio peperit neptam interpretationem, *ut sol ejus ossium fabrica perspicue ostenderet.* Ita nimirum Lugdunobatava, p. 131 : Ὡς ἴλιον διαφαίνειν αὐτοῦ τῶν ὀστέων τὸ πῆγμα. Neque emendatiorem Coccidem nactus est Heraclides apud quem lego, cap. 37 : *Ut solis instar ossium ejus junctura luceret :* at regius Ms. ὧς ὄλον διαφαίνεσθαι αὐτοῦ. FRONTO.

(157) *Gaddanæ.*] Sozomenus, lib. VI, cap. 3.

(158) *Huic monachorum exceptori.*] Τοῦτω δὲ τῷ δεξιωτῇ πῶν μοναχῶν. Nempe Sabbatius duplex officium monachis præstitit; et eos transeuntes hospitio exceptit, et iisdem necessaria ad cellas tulit. Hervetus verterat *dextero mensæ structori*, cui rei sufficit una vos εὐτράπεζος, quæ sequitur.

(159) *Philoromo.*] Alius Philoromus martyr cum Phileæ tempore Diocletiani, de quo Eusebius libro VIII, cap. 10, et Nicephorus, lib. VII, cap. 9. Hic noster sub Juliano passus est. Non recte Meursius hunc cum altero confundit.

(160) *Validissimè verberari.*] Secuti sumus interpretem Heraclidis, cap. 32 Paradisi : « Calvitie ei prius facta jussit a pueris verberari, qui supplicium plagarum patientissime ferens » Ferri tamen potest Herveti interpretatio, *et a pueris ei stanti alapas impingi*, quod Græce est κοσσιθῆναι. Suidas : Κόσσο, τὸ βῆπισμα. *alapa* seu *plaga.* Ita supra, cap. 29 : Ἀπομανεῖς οὖν ἰγὼ ἔδωκα κόσσον. *Furore ergo percussus impogi ei colaphum.* Heraclides, cap. 40, *percussus cum dextera mea.* Tertull., de Spectaculis, cap. 30,

Colaphis diverberatur. Et solebant aliquando martyres ita colaphis et alapis cædi. FRONTO.

(161) *Quem morbum tyrannidem.*] Τυραννήσαν τὸ πάθος, ex ms. scripsimus; interpres πλῆθος legisse videtur, non πάθος, nam vertit : *quod tyrannidem exercens exagitat multitudinem.* Heraclides dixit : « quos ille animi et corporis morbos ita superavit, veluti si quis immensum incendium validissimis aquis exstinguat. » FRONTO.

(162) *Coram Deo loquens.*] Ὡς ἐπὶ Θεοῦ ἡμᾶς ἐπεισεν. Quæ Heraclidis interpres obscure vertit : *sicut persuadere ante Deum nobis solebat.* Obscurus Hervetus, *sed eum qui ex propriis ad nos venit divinitus.* Idem valet ὧς ἐπὶ Θεοῦ, quod, *coram Deo loquor*, ut supra, cap. 16, ὧς ἐπὶ Θεοῦ ἀμφοτέρους εἶδον, quod Heraclides, *ante Deum vobis loquor.* Et cap. 30 de Adolio : *vere enim sub Deo loquor.* Et cap. 2 hujus

Lausiacæ : ἐπὶ Θεοῦ μάρτυρος οὐκ ἔγνω τοῦτον. *Deum testor me nunquam eum cognovisse.* » FRONTO.

(163) *Severiani.*] Quod hic est, in *Ancyra Galatiæ* in Græc. Venet. est, τῇ Καισαρείᾳ τῆς Καππαδοκίας : *In Cæsarea Cappadocia.*

(164) *Nullam possessionem.*] Οὐδὲν κτήμα dixit, non οὐδὲ κλήμα, ut excusum fuit in editione Lugdunensi. Et interpres extudit minus aptam versionem ex manuscripto libro nihilo castigatione *quibus ne vitis quidem armentum dederunt*, at Regius, κτήμα. *possessionem*; quemadmodum et paulo post ait Palladius, τοὺς καρποὺς κτημάτων ἡμεῖς κομισόμεθα, *fructus possessionum nostrarum colligemus.* Heraclides vero, c. 54 Paradisi : *quibus ne unam quidem unciam traderunt.* FRONTO.

(165) *Bisarionis.*] Varia Bisarionis apophthegmata passim in Vitis Patrum occurrunt. Quod hic de vendito libro sequitur, refert Nicephorus lib. XI, c. 43, ex Evagrio, suppresso nomine.

(166) *Irenarcha.*] Id est, tranquillitatis publicæ et securitatis studiosus latrunculator. Vide Onomasticon.

(167) *Melaniæ.*] Vide præludia ad lib. II, ubi de ejus Vita et peregrinatione ratione Ruffini comitis, ut Baronius existimat.

(168) *Romana.*] Græce est, Σπάνη ἤν τὸ γένος ἔχουσι Ἰσπαναίη. Quod videtur Heraclidis interpres vertere voluisse, *Beata Melania de Hispano vel urbeico genere descendens.* Nam et apud Paulum legimus, Rom. XV, 21 : ἐν πορεύσωμαι εἰς τὴν Σπανίαν; *cum in Hispaniam proficisci capero*; et apud Gellium, I, IX c. 13, *pro Hispanico gladio*, reponunt, *spanico gladio*, et apud Hieronymum, in LXV Isaiæ, *Spaniarum et Lusitanæ.* Sic et antea, c. 16, Σπανόδρομος, Heraclidis mercator *Hispanicus.* FRONTO.

(169) *Marcelli consularis.*] Μαρελλίνου τοῦ ἀπὸ ὑπάτων. Heraclidis interpres vertit : *Alia Marcellini cujusdam exconsulis*, aptius quam Hervetus, *Marcelli consularis.* Vide Onomasticon.

(170) *Vigesimum secundum.*] Ita et Heraclides, et textus Græcus. Hervetus, *vigesimum tantum habebat.*

(171) *Arsisium.*] Græce, Ἀρσίσιον. Hervetus habebat *Orsisium.*

(172) *Pissimum et Adelpium.*] Græce Πισσίμιον et Ἀδελφιόν. Hervetus habebat, *Pitimum et Adelum.*

(173) *Servili caracalla.*] Græc. Aug. et Parisiensis, παιδαρίου καρρακάλιον, Græc. Venet. καρρακάλιον δούλου. Heraclides, *tunica puerili.* Vide Onomasticon.

(174) *Ut eam terreret.*] Προσεδόκησε ταύτην κεντρίσαι. Hoc Ms. ita exhibuit, ταύτην καταπονῆσαι, *labore conficere, fatigare.* Sed in altero loco idem Codex habuit κεντρίσαι, nec aliter legisse videtur interpres Heraclidis : *Credens quod sinus suos possit fumo quodam atque terrore ex pecunia ejus implere.* Ac deinde in altero loco : *Nec terrere igitur me in aliquo valet.* Hervetus, *speravit forcè, ut ei fumo oculis perstringeret; sed metaphorice κεντρίσειν hic idem valet quod fatigare, vel perterrefacere.* Similem habes conatum

alterius praesidis provinciae. Act. xxiv, 27, et sperans A quod pecunia ei daretur a Paulo. FRONTO.

(175) *Ruffini*.] Palladius Origenista, et Gennadius et Cassianus Pelagianis faventes, multis laudibus Ruffinum extulerunt. At sanctus Hieronymus Ruffinum tanquam haereticum perpetuo insectatus est, cujus iudicium cum ipsa Romana Ecclesia nos etiam probare par est. Sic enim inquit sanctus Gelasius I, in Romano concilio lxx episcoporum: « Sed quoniam beatus Hieronymus in aliquibus Ruffinum de arbitrii libertate notavit, illa sentimus, quae beatum Hieronymum sentire cognoscimus. Et non solum de Ruffino, sed etiam de universis, quos vir saepius memoratus zelo Dei et fidei religione reprehendit. » Haec sanctus Gelasius. Ruffini res sincerissime ex probatis auctoribus excerptas exhibent tibi tomus IV et V Annalium Ecclesiasticorum. Hactenus magister sacri palatii saepe jam citatus.

(176) *Schisma*.] Ita restituendus hic locus mire deformatus, quod legisse videretur interpres *σχιμα*. non *σχιμα*. Vertit enim: *Suverunt quoque habitum, qui est secundum Paulinum*. Vide et Sozomenum, lib. iv, cap. 26.

(177) *Unigeniti*.] Graece *μονογενοῦς*. Sed tamen dicendum et vertendum *unici*. Ita recte apud veterem Heraclidis interpretem, nam et duos alios habuit liberos.

(178) *Qui duos quoque habuit filios*.] Editio Meursii *ἴσχε δὲ τέκνων δύο δικαιομα*. Unde in notis annotatur scribendum, *τέκνων τριῶν δικαιομα*. Notum enim esse in re Romana jus trium liberorum, et ortum esse mendam e confusione *ε* καὶ *γ*. At Regius Codex veram lectionem exhibuit *τέκνων δὲ τρία*, cui astipulatur Heraclides, *matrimonium ex quo et filios suscepit duos*, accedit et liber, quo usus interpres Hervetus. FRONTO.

(179) *Apronianum*.] Graec. Aug. Venet. et Paris., *Ἀπρονιανόν*. Hervetus ediderat *Aprianum*.

(180) *Piniano*.] *Πινιανῶ*. Male in Herveto erat *Apriano*.

(181) *Filii*.] Graecus Venet. *ἀδελφοῦ*.

(182) *Liberasset*.] Supplevi hic quaedam ex Graeco in Veneto Codice erat: *Ἦγαγεν ἐπὶ τὸν μονήρη βίον καὶ τὸν Πουπλικου δὲ υἱὸν τὸν νεώτερον κατήχησε*: « Duxit ad vitam solitariam, et Publici junioem filium catechesi instituit. » Atque ita etiam Heraclides, ubi tamen deest nomen Publici. Gr. Codex Augustanus habet *Ποπλικόλα*. Parisiensis, *Ποπλικόλα*, loco *Πουπλικου*.

(183) *Purva Melanix*.] Hujus peregrinationem vide in praeludiis ad librum viii.

(184) *Piniano*.] Graec. Aug. *Πινιανῶ*. Graec. Paris., *Πινιανῶ*. Graec. Venetus, *Ἀπρινιανῶ*, vel *Ἀσπρινιανῶ*. Hervetus habebat *Pipiano*.

(185) *Filio Severi*.] In Vita sanctae Melaniae apud Metaphrastem, 31 Decemb., *fratri Severi*.

(186) *Superhumeralia*.] Graec., *ἐπιμαυρία*. Vide Onomasticon.

(187) *Presbytero*.] Graec. Venet. addit: *καὶ μοναχῶ* *Δερματισίω*. Paris., *Δαλματισίω*. Heraclidis interpres, *monacho Dalmata*. Et sic in textu addidi.

(188) *Ex ore leonis*.] Alludit (ait Fronto), de Alarico loquens, ad illud Apostoli. II Tim iv, 17: *Ἐρβόσθη ἐκ στόματος λέοντος*. Et liberatus sum de ore leonis. Eusebius, in Chronicis, anno Abrahami 2427, circa an. Christi 413: « Roma orbis quondam victrix a Gothis Alarico duce capta. »

(189) *Fratre*.] Id est, Piniano marito. Alibi *Nunc usu fratre*, nisi et verum fratrem habuerit, de quo hoc intelligi possit.

(190) *Albina*.] De ea divus Hieronymus in variis epistolis.

(191) *Piniano*.] Graecus Ms. Venetus, *Ἀπρινιανός*, *Aprinianus*. Aug., *Πινιανός*, *Pinnianus*. Paris., *Πινιανός*.

(192) *Pammachio*.] Graec., Ms. Venet., *Μαλχίος* vel *Μαλάχιος*, *Malchius* vel *Malachius*.

(193) *Macario*.] Graec. Ms. Ven., *Ἀγάθων*, *Agathon*.

(194) *Ex Vicaria*.] Graec. Ms. Venet. *ἀπὸ βικαρίων*. Paris., *ἀπὸ βικαρίας*. Heraclides, *ex vicariis*. Vide Onomast.

(195) *Constantio*.] Quod hic *assessor* dicitur Constantius, Graece est *συγγάθερος*. Heraclidis interpres habet, *consiliarius*. Vide Jacobum Sirmondum nostrum, ad Sidonium, lib. i, epist. 3.

(196) *Paula*.] Quid furens odio Origenista Palladius ~~992~~ in sanctum Hieronymum et sanctam Paulam ineptissime garrit? quorum sanctitas tanto clarior, quanto Palladii nequitia detestabilior. Ita Joannes Maria magister sacri palatii hic ascribendum monet.

(197) *Theodora*.] Nicephorus, l. xvii, c. 5, de alia Theodora sub virili habitu monasticen professa.

(198) *Usia*.] Vide hic Heraclidem, qui aliter vertit.

(199) *Avita*.] Quod hic est, maritum ejus dictum *B Apronianum*, ita restitutum ex Graeco textu. Hervetus impresserat, *Primiano*.

(200) *Magna*.] Quod hic haec dicitur vixisse in civitate *Ancyra*, in Graec. Ms. Venet. est *τῆ Κασσαρείας τῆς Καππαδοκίας*, in *Casarea Cappadociae*.

(201) *Virgine*.] Totam hanc narrationem de virgine Athanasium sex annos occultante, fide nutare, magnis ostenditur argumentis tomo III Annal. Ecclesiasticorum, anno Christi 356. Ita Joan. Maria magister sacri palatii hic annotat.

(202) *Stichario et birro*.] Heraclides, *tunica et byrrho*. Metaphrastes, in Vita sancti Athanasii. *Τὸ στιχάριον καὶ τὸ βύρρον*. Legerit Hervetus *κηρὸν*, pro *βύρρον*, vel *βύρρον*, qui hic *cereum* posuerat. Vide Onomast.

(203) *Colluthus*.] Sic olim sanctus Basilius martyr sancto Joanni Chrysostomo apparuit, et obitum praedixit.

(204) *Abduci et colligi*.] Graece hic *συνάγεσθαι*. Sic Num. xxxi, *colligeris ad populum tuum*.

(205) *Silvanix*.] De ea Georgius Alexandrinus in Vita sancti Chrysostomi. In Graeco *Σάλεια* dicitur.

(206) *Jubino*.] Heraclides, *Jovinus*.

(207) *Praeter extrema manuum*.] Additit causa ob quam manuum extrema lavaret, quod nimirum sanctissimum Christi corpus illis daretur manibus excipiendum, Vide Onomasticon.

(208) *Pierii*.] Graec. Ms. Venet., *Πέτρου*, *Petri*.

(209) *Olympiade*.] De ea Sozomenus, lib. viii, cap. 24; Nicephorus, lib. xiii, cap. 24; Georgius Alexandrinus, in Vita sancti Chrysostomi.

Olympiadis celebris memoria in Menol. Graecorum 28 Julii: Sanctae Olympiadis, quae fuit sub imperatore Theodosio, Arcadio, et Honorio filiis, Anysii Secundi comitis filia, neptis Ablavi praefecti, sponsa paulisper Nebriidii, qui fuit ex numero praefectorum. Cum autem adhuc esset virgo, ejus viro antecopulam sublato, et virgo simul et vidua remansit, omne tempus transigens in jejuniis et orationibus, et pauperum beneficentia. Itaque omnes opes suas in curam Christi sacerdotum exhaustit, praesertim in sanctum Joannem Chrysostomum, quem praecipue honorabat. » Martyrol. Romanum, 17 Decembris: « Constantinopoli sanctae Olympiadis viduae. »

Quod hic in Menologio dicitur mansisse virgo, idem testatur Nicephorus, l. xiii, c. 24: « Et collocata quidem illa viro in matrimonio, non tamen prosus virginitatis calibatu orbata. Viginti namque mensibus in conjugio cum illo exactis, postquam illum ei mors ademuit, quantum ea esset aetate, ut secundas non dehonestaret nuptias, pudicitiam tamen complecti atque in ea per vitam omnem acquiescere maluit. » Virginem quoque mansisse testatur hic Palladius, hoc cap. 144, et Heraclides, c. 43. Georgius Vita Chrysostomi c. 50: *Αὕτη ὄρρανή οὕσα ἀνδρὶ συνήθη μὲν, οὐ διεφάρη δὲ τὴν παρθενίαν, ὡς φήμη περὶ αὐτῆς εἶδατο· βιώσασα δὲ μετὰ τοῦ αὐτῆς ἀνδρός περὶ που εἶκοσι μῆνας, συντόμως τὸ τῆς φέσεως χρέος*

ἀκατηθείς τελεῖ τοῦ βίου ἔγρησατο : a Parentibus or-
bata hæc viro quidem copulata est, neque pudorem
alioqui virginalis sanctimoniam eam corrupisse cele-
bris fama edocuit. Hæc cum convixisset viro mensi-
bus circiter viginti, ille repetitus ut naturæ debitum
hoc temporis compendio finem accepit vitæ. » Quæ
desumpta sunt ex Palladii dialogo de rebus
Chrysostomi. Quare συνοῦστα ἀνδρός, in epistola 2
Chrysostomi ad Olympiadem, intelligendum de *fami-
liari cum viro conversatione*, non de virili concubitu.

(210) *Filia Seleuci.*] Menologium jam citatum,
Anisi secundii.

(211) *Sponsa.*] Heraclidis interpretes, *nurus*. In
Græco est νόμφη, quod utrumque significat. Baro-
nius, t. IV, anno Christi 388. Quod vero Græci habeant
in Menologio hanc Nebridio nuptui traditam, Palla-
dius vero (imo Heraclides, quem Palladii nomine
semper citat Baronius, ut dixi, prolegomeno generali
4, § 3; nam hic Palladius *sponsam* vocat) dicat *nurum*
fuisse Nebridii, conciliari eo modo inter se
possunt auctores ut filio illius Nebridii clarissimi
viri sub Constantio imp. præfectura prætorii insig-
niti, cujus meminit Ammianus l. xxvii; Nebridio
item dicto conjuncta fuerit matrimonio Olympias, de
qua agimus. Hactenus Baronius. Ego existimo varie-
tatem inter auctores natam ob diversam interpre-
tationem, dum νόμφη unus *nurum*, alter *sponsam*
vertit. Supra, c. 118, Albina dicitur *nurus* Melaniæ
senioris, ubi Græce νόμφη.

(212) *Oxyrato.*] Græce, ὄξυράρι. Heraclides,
c. 44, *posca*, uti ubi restitui. Vide Onomasticon.

(213) *Gelasia.*] Ad hanc exstat divi Hieronymi epi-
stola, notat marginator Parisiensis Palladii. Sed ve-
reor ne labatur, et memoriæ ejus observata fuerit
Algasia, ad quam Hieronymi epistola 151 habetur.

(214) *Juliana.*] Baronius, tomo I, an. Christi 205,
postquam ex Eusebii lib. vi, c. 3, recitavit quomodo
Origenes Alexandriae exagitatus, coactus fuerit sub-
inde mutare domicilium, quarum latebrarum hic
ipse Origenes apud Palladium meminit, subdit: Quæ
certe non ad alia tempora, quam ad Severi perse-
cutionis sunt referenda; nam longe ante Maximini
vel Decii persecutionem libri illi Symmachi reperti
erant. Sed de acceptis a Juliana Symmachi inter-
pretatione ejusdem Origenis quoque testificatione
idem tradit Eusebius, lib. vi, c. 12. Hactenus Baronius.

(215) *Qui et ipse.*] Nunc sensus clarus est ex Græ-
co Codice, quod Origenes occultus fuerit, non liber,
uti verterat Hervetus. Bene Heraclides: *cum apud
ipsam laterem.*

(216) *Femina.*] Nicephorus, l. vii, c. 12 et 13 de
Virginibus mira arte pudicitiam tuentibus.

(217) *Magistrano.*] De hoc nomine dixi quædam
supra, ad l. v Pelagii, libello vi, n. 2. Vide Ono-
masticon.

(218) *Camisia.*] Græce est: τοῖς τε καμιστοῖς, καὶ
τῇ γλαυδί. Hervetus, *tunica, camisia, et chlamyde.*

Videtur auctius exemplar habuisse; nisi quia in
Græco est καμιστοῖς plurali numero, id per *tunicam*
et *camisiam* expresserit. Vide Onomasticon.

(219) *Uxore.*] Quod hic *accepto ense* dicitur se oc-
cidisse, de ea re vide Augustinum, lib. I de Civit.
Dei, a cap. 17 ad 28, et aliorum Patrum sententias
apud Leonardum Lessium nostrum, lib. II de Justi-
tia et Jure, cap. 9, dubit. 6.

(220) *Fratris.*] Quis hic fuerit, nullibi exprimit.
An fuit Heraclides, qui eadem Paradisi nomine
edidit?

ORDO RERUM QUÆ IN HOC TOMO CONTINENTUR.

Rosweydi proœmium.	9	versum ab aliis habeat?	78
Nova allocutio	11	PROLEGOM. XXIII. -- De variis editionibus vulgate varia- que lingus.	77
PROLEGOMENA XXVI in <i>Vitas Patrum.</i>	13	PROLEGOM. XXIV. -- De manuscriptis libris, quibus ad quartam hæc editionem adornandam sum usus	79
PROLEGOMENON PRIMUM -- Quæ horum librorum inscrip- tio.	<i>Ibid.</i>	PROLEGOM. XXV. -- De appendice ad <i>Vitas Patrum.</i>	86
PROLEGOM. II. -- Qui horum librorum auctores?	20	PROLEGOM. XXVI. -- Varia monita ad lectorem hujus editionis.	86
PROLEGOM. III. -- Quis primi libri auctor?	21	VITARUM PATRUM LIBER PRIMUS.	89
PROLEGOM. IV. -- Quis secundi libri auctor?	22	<i>Divi Hieronymi peregrinatio.</i>	<i>Ibid.</i>
PROLEGOM. V. -- Quis tertii libri auctor?	38	<i>De S. Paulo eremita ejusque Vita testimonia.</i>	101
PROLEGOM. VI. -- Quis quarti libri auctor?	39	<i>Vita S. Pauli eremite (hic tantum memorata, edita Pa- trol. tom. XXIII, col. 47).</i>	105
PROLEGOM. VII. -- Quis quinti libri auctor?	40	In hæc <i>Vitam Rosweydi</i> notatio.	<i>Ibid.</i>
PROLEGOM. VIII. -- Quis sexti libri auctor?	42	<i>De beato Antonio elogium.</i>	416
PROLEGOM. IX. -- Quis septimi libri auctor?	43	<i>De S. Athanasio Vita B. Antonii scriptore.</i>	<i>Ibid.</i>
PROLEGOM. X. -- Quis octavi libri auctor?	<i>Ibid.</i>	<i>De Evagrio presbytero ejusdem Vita interprete.</i>	118
PROLEGOM. XI. -- Quis noni libri auctor?	44	<i>Vita B. Antonii.</i>	425
PROLEGOM. XII. -- Quis decimi libri auctor?	<i>Ibid.</i>	<i>Vita S. Hieronimi (hic tantum memorata, edita Patrol. tom. XXIII, col. 29).</i>	198
PROLEGOM. XIII. -- Quæ lingua libri hi scripti?	47	In hæc <i>Vitam Rosweydi</i> notatio.	<i>Ibid.</i>
PROLEGOM. XIV. -- Qui horum librorum interpretes?	48	<i>Vita S. Malchi (hic tantum memorata, edita tomo citato, col. 53).</i>	208
PROLEGOM. XV. -- Quæ horum librorum auctoritas?	53	In <i>Vitam Rosweydi</i> notatio.	<i>Ibid.</i>
PROLEGOM. XVI. -- Quæ horum librorum utilitas?	61	<i>Vita S. Onuphrii.</i>	211
PROLEGOM. XVII. -- De variis horum librorum editionibus Latinis.	63	<i>Illustrium virorum de S. Pachomio elogium.</i>	221
PROLEGOM. XVIII. -- De prima omnium, quod sciam, edi- tione Latina.	64	<i>Vita S. Pachomii.</i>	227
PROLEGOM. XIX. -- De secunda editione Latina quæ a pri- ma variat.	66	<i>Vita S. Abrahamæ.</i>	281
PROLEGOM. XX. -- De tertia editione Latina, quæ ab utra- que priorè variat.	69	<i>Vita S. Basilii Cæsarem Cappadociæ episcopi.</i>	293
PROLEGOM. XXI. -- De quarta hac editione Latina, quæ cum tribus præcedentibus editionibus partim consentit, partim dissentit.	71	<i>Vita S. Ephræm Syri, diaconi Edesse.</i>	321
PROLEGOM. XXII. -- Quid quæque editio peccare et di-		<i>Vita S. Simeonis Stylitæ.</i>	325
		<i>Vita S. Joannis Eleusiorum.</i>	327

Vita SS. Epitecti et Astionis.	393	CAP. XXXI.—Exhortatio optima ad novitium monachum.	834
Vita S. Mararii.	415	CAP. XXXII.— De monacho qui ante constitutam horam peregrinos reficere coegit.	836
Vita S. Posthumii.	427	CAP. XXXIII.— De monacho qui nunquam solus escam sumere solitus erat.	837
Vita S. Frontonii.	437	CAP. XXXIV.— De Machete sene monacho.	Ibid.
Vita SS. Barlaam eremita et Josaphat Indiae regis.	443	CAP. XXXV.— De Theodoro abbate.	Ibid.
Vita S. Eugeniae, virginis et martyris.	605	CAP. XXXVI.— De anachoretis in vastissima eremo habitantibus.	838
Vita S. Euphrasiae virginis.	623	CAP. XXXVII.— De Archebio monacho.	Ibid.
Vita S. Euphrosynae virginis.	643	CAP. XXXVIII.— De duobus adolescentibus qui ficus ad aegrotum ferentes in itinere defuncti sunt.	839
Vita S. Mariae meretricis.	651	CAP. XXXIX.— Quanta sit jugitas operum apud Aegypti monachos.	Ibid.
Vita S. Thaisis meretricis.	664	CAP. XL.— De abbate Paulo.	Ibid.
Vita S. Pelagiae meretricis.	663	CAP. XLI.— De fratre blasphemo, qui intolerabili aestu libidini urebatur.	840
Vita S. Mariae Aegyptiacae, meretricis.	674	CAP. XLII.— Ubi plurimi convenerunt seniores ad sanctum Antonium gratis consolationis.	Ibid.
Vita S. Marinae virginis.	672	CAP. XLIII.— De Herone sene.	841
Vita S. Fabeliae (hic tantum memorata, edita Patrol. tom. XXII. col. 690).	695	CAP. XLIV.— De duobus monachis, qui euntes per desertum, decreverunt non sumere cibum, nisi Deus illis transmitteret.	Ibid.
In hanc vitam Rosweydi notatio.	Ibid.	CAP. XLV.— De monacho qui, deceptus a diabolo, voluit filium suum immolare.	842
Vita S. Paulae, viduae Romanae (edita tom. cit., col. 878).	697.	CAP. XLVI.— De monacho cui ostendebat diabolus exercitum Christianorum et Judaeorum.	Ibid.
In hanc vitam Rosweydi notatio.	Ibid.	CAP. XLVII.— De abbate Serapione.	Ibid.
In hanc vitam Rosweydi notatio.	Ibid.	CAP. XLVIII.— De monachis a Seracenis interfectis.	843
VITARUM PATRUM LIBER II, sive, HISTORIA MONACHORUM.	707	CAP. XLIX.— De abbate Daniele.	844
Lectori monitum.	Ibid.	CAP. L.— De abbate Sereno.	Ibid.
Rufini et Melaniae peregrinatio.	Ibid.	CAP. LI.— De eo quod non eandem vim habeant nunc daemones contra monachos, quomodo anteriori tempore.	845
De Rufino ejusque libro elogium et testimonia.	735	CAP. LII.— De abbate Paulo.	846
INCIPIT VITARUM PATRUM LIBER SECUNDUS (hic tantum memoratus, editus autem ex Rosweydo in Patrol. tom. XXI. col. 387).	739	CAP. LIII.— De abbate Moysae.	Ibid.
VITARUM PATRUM LIBER III, seu, VERBA SENIORUM.	Ibid.	CAP. LIV.— De monacho, qui in solitudine noctu vidit multitudinem daemorum.	847.
VITARUM PATRUM LIBER IV.	813	CAP. LV.— De duobus philosophis, qui ad sanctum Antonium perrexerunt.	848
Prologus.	Ibid.	VITARUM PATRUM LIBER V.	851
CAPUT PRIMUM — De monacho solitario, qui in finibus Cyrenorum commanebat.	815	De libri hujus apud Graecos inscriptione, materia, divisione, utilitate.	Ibid.
CAP. II.— De dictis Origenis, quod haeretica sint.	816	LIBELLUS PRIMUS.— De Profectu Patrum.	855
CAP. III.— De conversatione Hieronymi Jerosolymitani.	817	LIBELLUS II.— De quiete.	858
CAP. IV.— Quod abbates fratribus suis eorum licentia in eremo constitutis victum administrant.	819	LIBELLUS III.— De compunctione.	860
CAP. V.— Quod frater in eremo pascitur pane caelico.	Ibid.	LIBELLUS IV.— De contentia.	864
CAP. VI.— Quod laena tanquam animal mansuetum a sene escam cepit.	819	LIBELLUS V.— De fornicatione.	873
CAP. VII.— Quod lupa a sene pascitur, furti rea veniam precatur.	820	LIBELLUS VI.— De eo quod monachus nihil debeat possidere.	868
CAP. VIII.— Quod quinque catuli leonum caeci per anachoretam illuminati sunt.	824	LIBELLUS VII.— De patientia seu fortitudine.	893
CAP. IX.— Frater quidam ibicis exemplo didicit quid de herbis edere, quidve respuere deberet.	822	LIBELLUS VIII.— De eo, quod nihil per ostensionem fieri debeat.	905
CAP. X.— Frater quidam quinquaginta annis in monte Sina constitutus, non patitur aliorum fratrum accessus.	Ibid.	LIBELLUS IX.— De eo quod oporteat judicare quemquam.	909
CAP. XI.— Obedientiae incredibilis magna miracula.	823	LIBELLUS X.— De discretionem.	912
CAP. XII.— Aliud miraculum obedientiae.	Ibid.	LIBELLUS XI.— De eo quod oporteat sobrie vivere.	933
CAP. XIII.— Daemonia ejiciens etiam a daemone possidentur, sine tamen salubri restituitur.	824	LIBELLUS XII.— De eo quod oporteat sine intermissione et sobrie orare.	941
CAP. XIV.— Eremita ad saeculum rediens quomodo punitus est.	Ibid.	LIBELLUS XIII.— De eo quod oporteat hospitalem esse et misericordem in hilaritate.	943
CAP. XV.— De habitu vel vestimento Aegyptiorum monachorum.	825	LIBELLUS XIV.— De obedientia.	947
CAP. XVI.— De canonico orationum modo, et perfecta abrenuntiatione saeculi.	826	LIBELLUS XV.— De humilitate.	953
CAP. XVII.— Ubi angelus in congregatione seniorum duodecim psalmos visus fuit cantasse.	Ibid.	LIBELLUS XVI.— De patientia.	960
CAP. XVIII.— Quanta discretio et observantia in oratione tenenda sit.	827	LIBELLUS XVII.— De charitate.	973
CAP. XIX.— Quod in responsione Alleluia non dicatur psalmus, nisi qui hoc titulo praenotatur.	Ibid.	LIBELLUS XVIII.— De praevidentia sive contemplatione.	978
CAP. XX.— De opere manuum, et cur tertia, sexta, et nona psallatur.	828	VITARUM PATRUM LIBER VI, sive, VERBA SENIORUM.	991
CAP. XXI.— Cum quanta discretionem et cautela suscipiantur in monasterio abrenuntiantes saeculo.	829	LIBELLUS PRIMUS.— De praevidentia seu contemplatione.	993
CAP. XXII.— Quod nullus in monasterio sine jussione seniorum agere aliquid praesumat.	830	LIBELL. II.— De sanctis senioribus qui signa faciebant.	1000
CAP. XXIII.— De tribus granis lenticulae negligentem dimissis.	Ibid.	LIBELL. III.— De conversatione optima diversorum sanctorum.	1004
CAP. XXIV.— De duobus monachis, in quorum septimana lignum defecit.	Ibid.	LIBELL. IV.— Septem capitula verborum quae misit abbas Moyses abbati Pomenio. Et qui custodierit ea, liberabitur a poena.	1014.
CAP. XXV.— De beato Joanne, qui habitabat juxta Lyco oppidum.	831	VITARUM PATRUM LIBER VII, sive, VERBA SENIORUM.	1025
CAP. XXVI.— De obedientia ejusdem Joannis.	Ibid.	CAPUT PRIMUM.— Contra gastrimargiam devincendam et desideria gulae.	Ibid.
CAP. XXVII.— De immani saxo, quod idem Joannes per obedientiam advexit.	832	CAP. II.— Contra philargyiam et de perfecta abrenuntiatione.	1028
CAP. XXVIII.— De mirabili patientia abbatis Mutii.	Ibid.	CAP. III.— Nihil dolendum monacho, si quid perdidit aut amisit.	1029
CAP. XXIX.— De monacho cujusdam comitis filio, qui sportas per plateas jussus fuerat portare.	833		
CAP. XXX.— De abbate Pinaphio, qui pro humilitate fugiens, de monasterio longius recessit.	835		

CAP. IV. -- Quod tolerantia paupertatis in requiem ducit.	4030
CAP. V. -- De reprimenda avaritia.	<i>Ibid.</i>
CAP. VI. -- Contra iram, et de origine iræ.	<i>Ibid.</i>
CAP. VII. -- De retribuendo malum pro malo.	1034
CAP. VIII. -- De non retribuendo inimicis.	1032
CAP. IX. -- De perfecta patientia.	<i>Ibid.</i>
CAP. X. -- Quod oportet pro pace, quamvis bona sint opera, dimittere.	4033
CAP. XI. -- Contra spiritum tristitiae, qui desperationem facit.	<i>Ibid.</i>
CAP. XII. -- Contra spiritum vanæ gloriæ.	4034
CAP. XIII. -- Contra spiritum superbiam.	1035
CAP. XIV. -- Quod perfecti viri, quamvis possint, non lunt miracula facere, ne extollantur.	4037
CAP. XV. -- Quod utiliter aliquoties in sordidis cogitationibus relinquitur, ne extollamur.	<i>Ibid.</i>
CAP. XVI. -- Quomodo vitetur detractio.	4039
CAP. XVII. -- De voluntate proximi facienda.	<i>Ibid.</i>
CAP. XVIII. -- De refutatione propriæ voluntatis.	1040
CAP. XIX. -- De obsequiis infirmantium, vel infirmitate ipsa.	<i>Ibid.</i>
CAP. XX. -- Quod infirmitas corporis prosit animæ.	4044
CAP. XXI. -- De timore Dei.	4045
CAP. XXII. -- De pœnitentia.	<i>Ibid.</i>
CAP. XXIII. -- Quod per pœnitentiam uno die potest homo reconciliari Deo.	<i>Ibid.</i>
CAP. XXIV. -- Quod et in proposito pœnitentiæ si transeat homo, tamen suscipitur.	1048
CAP. XXV. -- De impugnatione dæmonum.	<i>Ibid.</i>
CAP. XXVI. -- Qualiter homo in se mortificare vitia potest.	4049
CAP. XXVII. -- De perseverantia.	<i>Ibid.</i>
CAP. XXVIII. -- De labore sanctorum.	1050
CAP. XXIX. -- De exhortatione doctrinæ.	<i>Ibid.</i>
CAP. XXX. -- De curiositate vitanda.	<i>Ibid.</i>
CAP. XXXI. -- De contentione vitanda.	1054
CAP. XXXII. -- De silentio.	<i>Ibid.</i>
CAP. XXXIII. -- De fugiendo clericatus honorem.	<i>Ibid.</i>
CAP. XXXIV. -- De eremo, et quare fugerunt in solitudinem.	1052
CAP. XXXV. -- Quæ sit observantia eremitæ.	1053
CAP. XXXVI. -- Qui sint similes unius meriti fratres.	<i>Ibid.</i>
CAP. XXXVII. -- Temporalis profectus derelinquendus est propter amorem charitatis.	4054
CAP. XXXVIII. -- Quid lamentatio vel paupertas quæ fit propter Deum, operatur.	1055
CAP. XXXIX. -- In hac vita homo requiem invenire non potest.	<i>Ibid.</i>
CAP. XL. -- Unde vitia oriuntur.	1056
CAP. XLI. -- Qualiter virtutes obtinere oportet.	<i>Ibid.</i>
CAP. XLII. -- Quomodo in cœnobiiis vivendum sit.	1057
CAP. XLIII. -- Quæ sit observantia spiritualis disciplinæ.	1058
CAP. XLIV. -- De meditationibus duodecim anachoretarum.	1060
VITARUM PATRUM LIBER VIII, sive, HISTORIA LAUSIACA.	1065
Peregrinatio Palladii Helenopoleos episcopi.	<i>Ibid.</i>
Peregrinatio Melaniz junioris et Piniani mariti cum Albina matre.	1072
De Palladii libro elogii.	1082
Proœmium auctoris.	1085
INCIPIT HISTORIA LAUSIACA.	1094
CAPUT PRIMUM. -- Vita Isidori presbyteri et xenodochi.	<i>Ibid.</i>
CAP. II. -- Dorotheus Thebanus.	1093
CAP. III. -- Acta et temperantia Potamiensæ.	1094
CAP. IV. -- Vita Didymi orbi.	<i>Ibid.</i>
CAP. V. -- Alexandræ vita.	1095
CAP. VI. -- De quadam virgine quæ laborabat amore divitiarum.	4096
CAP. VII. -- Vita abbatis Arsisii et eorum qui cum eo erant in monte Nitria.	1097
CAP. VIII. -- De sancto Amon et ejus conjugæ.	1099
CAP. IX. -- Vita abbatis Or.	1100
CAP. X. -- Vita abbatis Pambo.	1102
CAP. XI. -- Vita abbatis Pior.	1103
CAP. XII. -- Vita abbatis Ammonii et fratrum simul cum sororibus.	<i>Ibid.</i>
CAP. XIII. -- Vita abbatis Benjamin.	1104
CAP. XIV. -- Vita Apollonii qui cognominabatur ἀπό πρᾶγματεῦτον, id est, a negotiatoribus.	1105
CAP. XV et XVI. -- Vita Pessii et Isaim.	<i>Ibid.</i>
CAP. XVII. -- Vita Macarii junioris.	1108
CAP. XVIII. -- Vita abbatis Nathanael.	1107
CAP. XIX et XX. -- Vita Macarii Ægypti et Macarii	

Alexandrini.	1408
CAP. XXI. -- Vita abbatis Marci.	4419
CAP. XXII. -- Vita abbatis Moysis, qui fuit ex latronibus.	<i>Ibid.</i>
CAP. XXIII. -- Vita abbatis Pauli.	1122
CAP. XXIV. -- De virgine quæ faciebat septingentas orationes.	<i>Ibid.</i>
CAP. XXV. -- De Cronio presbytero.	<i>Ibid.</i>
CAP. XXVI. -- De Eulogio Alexandrino et eo qui erat membrum mancus.	1123
CAP. XXVII. -- De contemplatione quam vidit abbas Antonius.	1126
CAP. XXVIII. -- Vita abbatis Pauli Simplifici.	<i>Ibid.</i>
CAP. XXIX. -- Vita abbatis Pachon.	1130
CAP. XXX. -- Vita abbatis Stephani.	4131
CAP. XXXI. -- De Valente qui excidit.	4132
CAP. XXXII. -- De Erone.	4133
CAP. XXXIII. -- De Ptolemæo qui excidit.	1134
CAP. XXXIV. -- De virgine lapsa.	4135
CAP. XXXV. -- Vita abbatis Elime.	<i>Ibid.</i>
CAP. XXXVI. -- Vita abbatis Dorothei.	4136
CAP. XXXVII. -- De Amma Piamun.	<i>Ibid.</i>
CAP. XXXVIII. -- Vita abbatis Pachonii et eorum qui cum ipso erant.	4137
CAP. XXXIX. -- Vita abbatis Aptonii.	4138
CAP. XL. -- De virgine de qua fuerat dictum falsum testimonium.	4139
CAP. XLI. -- De virgine quæ simulabat stultitiam.	1440
CAP. XLII. -- De sancto Pitarum.	<i>Ibid.</i>
CAP. XLIII. -- De abbate Joanne urbis Lyco.	1144
CAP. XLIV. -- Narratio abbatis Joannis de eo qui lapsus est.	1447
CAP. XLV. -- De fratre qui ductus fuit pœnitentia, ejusdem abbatis Joannis narratio.	1148
CAP. XLVI. -- Alia narratio abbatis Joannis, de eo qui lapsus, ductus est pœnitentia.	1149
CAP. XLVII. -- De Pœmenia.	1453
CAP. XLVIII. -- Vita abbatis Ammonæ, et eorum qui cum ipso erant.	<i>Ibid.</i>
CAP. XLIX. -- De abbate Be.	<i>Ibid.</i>
CAP. L. -- De abbate Theona.	4454
CAP. LI. -- De abbate Elia.	<i>Ibid.</i>
CAP. LII. -- Vita abbatis Apollo.	4155
CAP. LIII. -- Vita abbatis Amun.	1163
CAP. LIV. Vita abbatis Copre presbyteri.	1164
CAP. LV. -- Vita abbatis Suri.	1466
CAP. LVI. -- Vita abbatis Isaïæ.	<i>Ibid.</i>
CAP. LVII. -- Vita abbatis Pauli.	<i>Ibid.</i>
CAP. LVIII. -- Vita abbatis Anuph.	<i>Ibid.</i>
CAP. LIX. -- Vita abbatis Hellenis.	4167
CAP. LX. -- Vita abbatis Appelle.	1469
CAP. LXI. -- Vita abbatis Joannis.	<i>Ibid.</i>
CAP. LXII. -- De abbate Paphnutio.	1170
CAP. LXIII. -- De Tibicine.	<i>Ibid.</i>
CAP. LXIV. -- De protocomite.	4171
CAP. LXV. -- De mercatore.	1172
CAP. LXVI. -- Vita abbatis Apollonii.	4173
CAP. LXVII. -- De Philemone martyre et iis qui cum ipso fuere martyribus.	<i>Ibid.</i>
CAP. LXVIII. -- Vita abbatis Dioscuri presbyteri.	1174
CAP. LXIX. -- Nitriensæ anachoretæ.	<i>Ibid.</i>
CAP. LXX. -- De abbate Ammonio et iis qui erant cum ipso.	1475
CAP. LXXI. -- Vita abbatis Isidori et eorum qui erant cum ipso.	<i>Ibid.</i>
CAP. LXXII. -- Vita abbatis Ammonæ presbyteri.	4476
CAP. LXXIII. -- De abbate Joanne.	<i>Ibid.</i>
CAP. LXXIV. -- Vita abbatis Pityronis et eorum qui cum ipso erant.	<i>Ibid.</i>
CAP. LXXV. -- Vita Eulogii presbyteri.	<i>Ibid.</i>
CAP. LXXVI. -- Vita Serapionis presbyteri.	4477
CAP. LXXVII. -- Vita abbatis Posidonii.	<i>Ibid.</i>
CAP. LXXVIII. -- De Hieronymo.	4478
CAP. LXXIX. -- De Paula.	<i>Ibid.</i>
CAP. LXXX. -- De Oxyperentio.	<i>Ibid.</i>
CAP. LXXXI. -- De Petro.	<i>Ibid.</i>
CAP. LXXXII. -- De Simeone.	1178
CAP. LXXXIII. -- Vita Serapionis Sindonitæ.	<i>Ibid.</i>
CAP. LXXXIV. -- Vita abbatis Domnionis.	1181
CAP. LXXXV. -- De virgine silente.	<i>Ibid.</i>
CAP. LXXXVI. -- De Evagrio celebri diacono.	1182
CAP. LXXXVII. -- Vita abbatis Pior.	4485
CAP. LXXXVIII. -- Vita abbatis Moysis Libyci.	<i>Ibid.</i>
CAP. LXXXIX. -- Vita abbatis Chronii.	1861
CAP. XC. -- Vita abbatis Jacobi.	<i>Ibid.</i>
CAP. XCI. -- Vita abbatis Paphnutii Cephalæ.	<i>Ibid.</i>
CAP. XCII. -- De Cherezone.	<i>Ibid.</i>
CAP. XCIII. -- De alio.	<i>Ibid.</i>

CAP. XCIV. — De alio.	1186	CAP. CXXV. — De Paula Romano.	1208
CAP. XCV. — De Stephano lapso.	<i>Ibid.</i>	CAP. CXXVI. — De Eustochio.	<i>Ibid.</i>
CAP. XCVI. — Vita abbatis Solomonis.	1189	CAP. CXXVII. — De Venerea.	<i>Ibid.</i>
CAP. XCVII. — Vita abbatis Dorothei.	<i>Ibid.</i>	CAP. CXXVIII. — De Theodora.	1204
CAP. XCVIII. — Vita abbatis Diocletis.	<i>Ibid.</i>	CAP. CXXIX. — De Usia.	<i>Ibid.</i>
CAP. XCIX. — Vita abbatis Capitonis.	1190	CAP. CXXX. — De Adolia.	<i>Ibid.</i>
CAP. C. — Vita anachoretæ qui illudcatur.	<i>Ibid.</i>	CAP. CXXXI. — De Basianilla.	<i>Ibid.</i>
CAP. CI. — Vita sancti Ephræm diaconi.	<i>Ibid.</i>	CAP. CXXXII. — De Photina.	<i>Ibid.</i>
CAP. CII. — Vita abbatis Juliani.	1191	CAP. CXXXIII. — De Asella.	<i>Ibid.</i>
CAP. CIII. — Vita beati Innocentii.	<i>Ibid.</i>	CAP. CXXXIV. — De Avita.	<i>Ibid.</i>
CAP. CIV. — Vita abbatis Adolii.	1192	CAP. CXXXV. — De Magna.	<i>Ibid.</i>
CAP. CV. — De Abramio.	<i>Ibid.</i>	CAP. CXXXVI. — De virgine quæ excepit Athanasium	episcopum.
CAP. CVI. — Vita abbatis Elpidii.	1193	CAP. CXXXVII. — Vita Ammæ Talida.	1206
CAP. CVII. — Vita abbatis Eneasii.	<i>Ibid.</i>	CAP. CXXXVIII. — Vita Ammæ Taor.	<i>Ibid.</i>
CAP. CVIII. — Vita abbatis Eustathii.	<i>Ibid.</i>	CAP. CXXXIX. — De virgine quæ renuntiaverat.	<i>Ibid.</i>
CAP. CIX. — Vita abbatis Sisinii.	1194	CAP. CXL. — De virgine quæ lapsa est, et egit penitentiam.	1207
CAP. CX. — Vita abbatis Gaddana.	<i>Ibid.</i>	CAP. CXLI. De filia presbyteri quæ lectorem calumniata erat, et Eustathio lectore.	<i>Ibid.</i>
CAP. CXI. — Vita abbatis Eliæ.	<i>Ibid.</i>	CAP. CXLII. — Vita sanctæ Silvanæ.	1210
CAP. CXII. — De Sabbatio.	1196	CAP. CXLIII. — De Jubino.	<i>Ibid.</i>
CAP. CXIII. — De Philoromo presbytero.	<i>Ibid.</i>	CAP. CXLIV. — De Olympiade.	<i>Ibid.</i>
CAP. CXIV. — Vita beati Severiani et ejus uxoris.	<i>Ibid.</i>	CAP. CXLV. — De Candida.	1212
CAP. CXV. — Vita Eleemonis monachi.	1197	CAP. CXLVI. — De Gelasia.	<i>Ibid.</i>
CAP. CXVI. — Vita abbatis Bissirionis.	<i>Ibid.</i>	CAP. CXLVII. — De Juliana.	<i>Ibid.</i>
CAP. CXVII. — Vita beatæ Melaniæ.	1198	CAP. CXLVIII. — De femina nobilissima quæ fuit semper virgo.	1213
CAP. CXVIII. — Vita Ruffini presbyteri.	1199	CAP. CXLIX. — De Magistrano.	<i>Ibid.</i>
CAP. CXIX. — Vita parvæ Melaniæ.	1201	CAP. CL. — De uxore viri senatorii.	1214
CAP. CXX. — De Albina.	1203	CAP. CLI. — Vita fratris qui cum eo versabatur.	1215
CAP. CXXI. — De Piniano.	<i>Ibid.</i>		
CAP. CXXII. — De Pammachio.	<i>Ibid.</i>		
CAP. CXXIII. — De Macario.	<i>Ibid.</i>		
CAP. CXXIV. — De Constantio.	<i>Ibid.</i>		

FINIS TOMI SEPTUAGESIMI TERTII





THIS VOLUME
DOES NOT CIRCULATE
OUTSIDE THE LIBRARY



